

TRADITIO CATHOLICA.

SÆCULA IV-V. ANNI 387-430.

SANCTI AURELII

AUGUSTINI,

HIPPONENSIS EPISCOPI,

OPERA OMNIA,

POST LOVANIENSIMUM THEOLOGORUM RECENSIONEM

CASTIGATA DENUO AD MANUSCRIPTOS CODICES GALICOS, VATICANOS, BELGICOS, ETC.,

NECNON AD EDITIONES ANTIQUORES ET CASTIGATORES,

OPERA ET STUDIO

MONACHORUM ORDINIS SANCTI BENEDICTI

E CONGREGATIONE S. MAURI.

EDITIO NOVISSIMA, EMENDATA ET AUCTIOR,

ACCURANTE J.-P. MIGNE,

BIBLIOTHECA CLERI UNIVERSAE,

SIVE

CURSUUM COMPLETORUM IN SINGULOS SCIENTIAE ECCLESIASTICAE RAMOS EDITORE

TOMUS OCTAVUS.

VENIT 10 FR. GALLICIS.

EXCLUDEBATUR ET VENIT APUD J.-P. MIGNE EDITOREM,
IN VIA DICTA THIBAUT, OLIM D'AMBOISE, PROPE PORTAM LUTETIAE PARISIORUM VULCO
D'ENFER NOMINATAM, SEU PETIT-MONTROUGE, NUNC VERO INTRA MOenia PARISINA.

1865

TRADITIO CATHOLICA.

SÆCULA IV-V. ANNI 387-430.

ELENCHUS

AUCTORUM ET OPERUM QUI IN HOC TOMO XLII CONTINENTUR.

S. AUGUSTINUS, HIPPONENSIS EPISCOPUS.

De Hæresibus ad Quodvultdeum liber unus.	col. 21
Tractatus adversus Judæos.	51
De Utilitate credendi ad Honoratum liber unus.	63
De duabus Animabus contra Manichæos liber unus.	93
Acta seu Disputatio contra Fortunatum Manichæum liber unus	111
Contra Adimantum Manichæi discipulum liber unus.	129
Contra Epistolam Manichæi quam vocant Fundamenti liber unus.	173
Contra Faustum Manichæum libri XXXIII.	207
De Actis cum Felice Manichæo libri II.	519
De Natura boni contra Manichæos liber unus.	551
Contra Secundinum Manichæum liber unus.	577
Contra Adversarium Legis et Prophetarum libri II.	603
Ad Orosium contra Priscillianistas et Origenistas liber unus.	669
Sermo Arianorum.	677
Contra Sermonem Arianorum liber unus.	683
Collatio cum Maximino Arianorum episcopo.	709
Contra eundem Maximum Arianum libri II	743
De Trinitate libri XV.	819

APPENDIX.

Tractatus contra quinque Hæreses.	1101
Sermo contra Judæos, Paganos et Arianos.	1117
Dialogus de Altercatione Ecclesiæ et Synagogæ.	1131
De Fide contra Manichæos liber Evodio tributus.	1139
Commonitorium (vulgo Augustini) de recipiendis Manichæis qui convertuntur.	1153
Contra Felicianum Arianum de Fide Trinitatis liber Vigilio Tapsitano episcopo restitutus.	1157
Quæstiones de Trinitate et de Genesi ex Alcuino descriptæ.	1171
De Incarnatione Verbi ad Januarium libri duo collecti ex Origene.	1175
Liber de Trinitate et Unitate Dei.	1193
De Essentia divinitatis.	1199
De Unitate sanctæ Trinitatis.	1207
De ecclesiasticis Dogmatibus.	1213

IN OCTAVUM TOMUM

Præfatio.

OR~~100~~50

Cum doctoris catholici duo sint officia, alterum christianæ religionis veritates illustrare ac confirmare, alterum easdem ab insurgentium hæreticorum erroribus vindicare; nemo veterum aut recentiorum utrasque partes implevit felicius Augustino, qui omnium judicio id merito assecutus est, ut præcipiuus ac summus Ecclesiæ Doctor haberetur. Hactenus ejus opera quæ christiana dogmata explicant exhibuimus: nunc ea quæ ad infidelium hæreticorumque confutationem pertinent, quæque vulgari jam nomine Polemica vocare solemus, in tribus quæ restant voluminibus repræsentanda sunt. Nam etsi in prioribus illis scriptis aliquando ex occasione grassantes errores Vir sanctus perstringat; non his tamen ejusmodi generis operum scopus erat, qualem sibi ipse in reliquis operibus proposuit. Quod si Augustinum obiter in hæreticos disserentem tanta cum volupte lectores huc usque revolverunt: longe major ex sequentibus libris fructus sperandus est, in quibus recto ordine ac dedita opera universum errorum corpus in particulas discinditur ac dissipatur; hæreticorum antesignani tum publicis concertationibus, tum editis lucubrationibus vincuntur ac prosteruntur; achillea denique ac primaria eorum scripta in favillas rediguntur; adeo ut cum ex primi generis scriptis Doctoris catholici nomen, quod nonnullis etiam præcipuis Ecclesiæ Patribus commune est, retulerit Augustinus; ex his posterioribus unum sibi proprium, quo nullum aliud illustrius, elogium a Catholicis Hieronymo teste meruerit, ut veluti alter antiquæ fidei conditor etiam vivens et in terris degens agnosceretur. « Macte virtute, » inquit ille ad ipsum Augustinum scribens, « in orbe « celebraris. Catholici te conditorem antiquæ rursum fidei venerantur atque suspiciunt » (*Epist. 195 inter Augustinianas*).

Nihil ad hujus tituli et elogii commendationem videtur adjici posse: sed tamen eodem in loco Hieronymus subdit, « signum majoris gloriae esse, » quod Virum sanctissimum ob eamdem causam, « omnes hæretici detestarentur. » Eorum vero malevolentia et abalienatio eo usque progressa est, ut eum e medio tollere quovis proposito præmio tentaverint, nec sibi ad concepti capitalis odii cumulum sufficere putarint, nisi etiam Deum eidem consilio suffragari suis asseculis persuadere conarentur, quibus polliceri non dubitarunt, « omnia peccata a Deo indubitanter esse credendum posse dimitti eis qui hoc facere ac « perficere potuissent » (*Possid. in Vita Augustini, cap. 9*). Sed miranda est hoc in loco Augustini moderatio, quod cum non solum privatas criminacionibus ab adversariis impetraret, sed et ab eis quereretur ad necem, privatas inimicitias illas ita æquanimiter tulit ac dissimulavit, ut vix ullam de eis in suis disputationibus fecerit mentionem: nec quidquam certi de intentatæ illi necis machinatione resciremus, nisi Possidius in ejus Vita rem posteris consignasset. Quod si quandoque ad injurias sibi illatas aliquid reponere cogebatur; id non justæ indignationi suæ tribuebat, sed lectorum utilitati, qui inquis ejusmodi criminacionibus a veritate possent abduci. Sed nemo melius tam moderati animi in his occasionibus statum expresserit, quam Augustinus ipse, cujus hæc verba sunt in libro contra Petilianum tertio, cap. 1: « Ego quando cuique vel dicendo vel scribendo, respon- « deo, etiam contumeliosis criminacionibus laccusitus, quantum mihi Dominus donat, fræ- « natis atque contritis vanæ indignationis aculeis, auditori lectorive consulens, non ago ut « efficiar homini convinciendo superior, sed errorum convincingendo salubrior. » In his itaque disputationibus res tota rationum et argumentorum validis momentis agebatur. Non illum a proposito difficultatis scopo conviciorum propriæ læsonis sensus avocabat; sed satis sibi factum existimabat, si vel proprii honoris dispendio Ecclesiæ et veritatis jura (quod unum sibi ob oculos ponebat) asseruisset. In resellendis etiam hæreticorum argumentis ita se gerebat Doctor sanctus, ut non tantum eorum animos exasperare quam maxime cave-ret; sed etiam, quantum in ipso erat, eos ad veritatis agnitionem mollioribus et humanioribus verbis et appellationibus revocare conaretur. Hunc agendi modum statim ab initio concertationum suarum sibi proposuit, ut ipse testatur: « Deum rogavi et rogo, ut in « refellenda et revincenda hæresi vestra, cui et vos fortasse imprudentius quam malitio- « sius adhæsistis, det mihi mentem pacatam atque tranquillam, et magis de vestra cor- « rectione, quam de subversione cogitantem. Quanquam enim Dominus per servos suos « regna subvertat erroris; ipsos tamen homines, in quantum homines sunt, emendandos « esse potius quam perdendos jubet » (*Lib. contra Epistolam Manichæi, cap. 1*). Utinam qui fidei controversias tractant, eodem animo ducerentur!

Etsi porro in omnibus Augustini operibus summa ejus facultas elucet, nonnihil tamen majoris splendoris catholicæ ejus disceptationes præ se ferunt: ut in bello et prælio magis quam in pace militum virtus probatur. In ipsis enim scriptis vis et acumen ingenii, do-

etrina , eruditio , Scripturarum peritia, eloquentia, prudentia et dexteritas , ut in proprio argumento lumen suum explicant, dum urgentium adversariorum impetus omnes animi nervos ad eos debellandos excitant et proritant.

Jamvero quoniam plura sunt Augustini Polemica opuscula, quam ut in unum volumen cogi possint ; ea in plures tomos partiri necessarium fuit. Et primus quidem ea quæ adversus Manichæos, Priscillianistas, et Arianos condita sunt complectetur : de quibus hic multis præfari otiosum et supervacuum fuerit ; cum primo loco sese offerat Augustini liber de Hæresibus, in quo historiam harum omniumque hæreseon compendio descriptam lector inveniet.

Manichæorum hæresim , qua deceptus atque imbutus fuerat adolescens, statim a suo baptismo aggressus est strenuissimus pugil , quinque libris in eos editis, nempe de Libero Arbitrio, de Genesi contra Manichæos, de Moribus Ecclesiæ catholicæ, de Moribus Manichæorum, et de Vera Religione : quos quia neophytus et nondum presbyter compositus, in primo tomo, ut in antea vulgatis, reliquimus. Hos libros nomine Pentateuchi contra Manichæos designat Paulinus in epistola 25 inter Augustinianas, laudatque in hunc modum : « O lucerna digne supra candelabrum Ecclesiæ posita, quæ late catholicis urbibus de septi- « formi lychno pastum oleo lætitiae lumen effundens, densas licet hæreticorum caligines « discutis , et lucem veritatis a confusione tenebrarum splendore clarifici sermonis enubi- « las ! » Hactenus Paulinus de primis illis in Manichæos scriptis ; in quibus si tantum lu- minis ac splendoris deprehendit, quid de aliis subsequentibus, quæ progressu temporis majore diligentia et rerum usu ab Augustino condita sunt, exspectandum est ?

Ex his primum quod a suscepto sacerdotio compositus in gratiam amici sui Honorati , qui Manichæorum erroribus tenebatur, de Utilitate credendi inscrispit, ubi his præclaris usus est verbis, quæ in fronte Polemicorum ipsius operum adhiberi merentur. « Quæ ut tibi « prosint , aut certe nihil obsint , omnibusque omnino, quorum in manus forte devenerint, « et rogavi Deum , et rogo ; et spero ita fore , si bene mihi conscious sum, quod ad hunc « stilum pio et officioso animo, non vani nominis appetitione aut nugatoria ostentationis « accessi » (Cap. 1). Post hæc eosdem Manichæos denuo exagitavit edito libro de Duabus Naturis, quarum dicebant unam partem Dei esse , alteram de gente tenebrarum : quæ deli- ramenta perspicuis et a lumine naturali petitis rationibus sic eludit, ut magis animos com- movendo, quam disputando, adversarios ad veritatis agnitionem reducere videatur ; dolens interim quod olim easdem rationes non adhibuisse, ut ne in pravissimæ sectæ perniciem laberetur. His porro scriptis et gravibus suis ad populum concionibus ita omnium in se admiratione excitavit, ut illam causam salvam et sanam reputarent omnes, quam vir- tante moderationis et sinceritatis, tantæ doctrinæ et eloquentie propugnasset. Hinc est quod Hippone civitate per Fortunatum presbyterum manichæum magnam partem corrupta, non modo Catholici, sed et Donatistaræ sanctum Doctorem ad singularem cum eo disputationem adduxerint : ex qua ita debilitatus et fractus recessit Fortunatus, ut ejus pestilentissimo contagio Hipponenses omnes deinceps caruerint. Possidius describit prosperum fortunatumque successum hujusce collationis (*In Vita Aug., cap. 6*), cuius acta hic referuntur : ex quibus discimus hominem loquacissimum ad unum Augustini argumentum (idem scilicet quod olim a Nebridio audierat [a]) ita obmutuisse, ut captato per speciem suos consu- lendi asseclas ad respondendum spatio , turpi fuga ex urbe Hippone , nedum ex collatione ausigerit , nunquam eo redditurus. Patrata hac victoria, aliquanto post proculsum est opu- sculum contra Admantum : quo in opere Veteris ac Novi Testamenti loca simul concilian- tur, satisfisque cavillationibus quas ex locis illis veterator iste, Manichæi quandam disci- pulus , deduxerat.

Idem in Manichæos certamen prosecutus est Augustinus jam episcopus, resellendo pri- mum Manichæi Epistolam , Fundamenti appellatam , in qua totius perversæ doctrinæ summa continebatur, id est « doctrinæ initium, medium, et finis, » testante Felice mani- chæo (*Lib. 2 de Actis cum Felice , cap. 1*). Unde tanta ab ipsis Manichæis reverentia hæc epistola legebatur, ut non nisi ab inclinatiis disceretur. Sic enim habetur hic locus in duo- bus vetustis exemplaribus , « Inclinatis disciebatur a nobis : » tametsi aliam prætulimus lectionem ex optimæ notæ codice Corbeiensi, « Ipsa enim nobis illo tempore miseris quan- « do lecta est, illuminati dicebamus a vobis » (*Lib. contra Epist. Manich., cap. 5*).

Ab hac lucubratione forte non ita pridem manum removerat Augustinus, cum Catholici aliud eidem onus imponunt, ut scilicet responderet ad librum Fausti Manichæorum episcopi tantopere a suis prædicati ; « cuius nobis adventus, ait Augustinus , ad explicant- « da omnia quæ nos movebant, quasi de cœlo promittebatur » (*Lib. de Utilitate credendi, cap. 8*). Verum tam magnificis promissis non bene respondit eventus : imo vero con- traria sorte factum est , ut Doctor sanctus quasi de cœlo missus merito existimari possit ad revincenda commenta ineptissimi præstigiatoris, qui miserandis nugis multorum animos seduxerat ; maxime vero ad vindicanda veterum Patriarcharum acta , quibus infaustus ille hæreticus fucum facere tentaverat. Hoc in opere cum apostoli Jesu Christi nomen , quod Manichæus initio epistolarum suarum sibi tribuebat, ab indigno homine removeret, tempus exortæ hujus hæresis nobis indicat Vir sanctus, aitque constare, « non solum post Ter- « tullianum , verum etiam post Cyprianum hanc hæresim fuisse exortam » (*Lib. 13 , cap. 4*). Huic sententiæ concordat Epiphanius , qui ejusdem hæresis ortum revocat

(a) Vide confess. lib. 7, cap. 2.

ad nonum Gallieni annum (*Epiph., lib. de Pond. et Mens.*), qui cum anno Christi 263 coincidit. Eusebius vero ad tempus Felicis papæ et Diocletiani imperatoris (*Euseb., lib. 7, cap. 30-32*), qui tamen ad imperium non pervenit, nisi fere post decennium a morte Felicis papæ, quæ contigit anno 275. Leo Magnus longius eamdem originem submovet, ad annum scilicet a Christi resurrectione 260, Probo imperatore et Paulino consule (*Leo, serm. 2 de Pentec.*). Acta Collationis cum Felice manichæo, qui Catholicos seducturus cum venisset, per Augustinum feliciter ad Ecclesiæ communionem reductus est, nova catholicæ veritatis tropæa suppeditant, eodem Augustino duce reportata. Liber de Natura boni exsecranda quorundam illius sectæ hominum, « non tantum in Paphlagonja, sed etiam in Gallia » degentium (*Cap. 47*), facinora detegit; habetque pro argumento ut ostendat, naturam incommutabilem Deum esse ac summum bonum, atque ab illo esse cæteras naturas, easque in quantum naturæ sunt bonas; tum quid vel unde sit malum, et quanta mala Manichæi ponant in natura boni, quanta bona in natura mali, quas naturas finxit error ipsorum. Denique postremus liber contra Secundinum, dogmata perniciosissimæ hæresis penitus everit, adeoque suo auctori placuit, ut ejus sententia, omnibus quæ adversus illam pestem scripserat, facile præponeretur.

De horum omnium scriptorum dignitate si quis judicium ferre velit, ea conferat cum aliis aliorum auctorum de eodem arguento lucubrationibus, quales sunt inter Græcos Serapion Thmœos Ægypti urbis episcopus, « qui ob elegantiam ingenii cognomen Scholastici meruit, » ait Hieronymus (*Lib. de Scriptoribus ecclesiasticis*); et Didymus Alexandrinus, Titus episcopus Bostrenus, et Zacharias episcopus Mytilenensis; inter Latinos Victorinus Afer: ex quibus hic a Sirmondo editus inter opuscula dogmatica veterum quinque scriptorum, illi a Canisio tom. 5 antiq. lect.

Ad alia tomi hujus scripta quod attinet, unus codex qui sive casu, seu dedita opera, in platea maritima Carthaginensi venalis expositus erat, cuiusdam hæretici anonymi librum continens, materiam præbuit duobus libris contra adversarium Legis et Prophetarum; in quo Cassiodorus senator scribit multa de Legis divinæ quæstionibus enodari.

Librum contra Priscillianistas et Origenistas Orosio acceptum referre debemus. In hujus consultatione libro præfixa ambiguam quamdam de anno recondito lectionem, quæ negotium legentibus facessebat, unius codicis ope restituimus. Nam cum antea legeretur, « Terra illa..... si eamdem anno illo recondito apud te mandando; » ita scriptum habetur in veteri exemplari, « si eam de manna illo recondito tu apud me mandando et replendo visitaveris. » Quæ verba ab Orosio diriguntur ad Augustinum, de quo in consequentibus ait, se et plurimos secum, ut Augustini « eloquium velut ros super eos descendat » exspectare. Ad hæc autem elogia ingenitam sibi modestiam objectit Augustinus, cum de obscuris quibusdam quæstionibus interrogatus, qualis est illa de Angelorum distinctione, ab his solvendis se excusat, ignorantiam ingenuæ professus his verbis: « Sed, quo me contemnas, quem magnum pulas esse doctorem, quænam ista sint, et quid inter se differant, nescio » (*Lib. contra Priscill., cap. 11*).

Denique postrema hujuscemodi tomi opuscula adversus Arianos exarata sunt. Et quidem primo loco liber contra Sermonem Arianorum, qui plures quam triginta errorum articulos continebat, de verbo summatim refutatur. Tum subsequitur Collatio sub finem vitæ a sancto Doctore habita cum Maximino episcopo, quæ non minus Ecclesiæ Catholicæ gloria atque arianæ hæresi exitiosa fuit, quam alia non paucis ante annis cum Pascentio comite inita. Hanc denum cum Maximino Collationem subsecuti sunt libri contra eundem arianum episcopum duo, merito quidem jure ab Agathone papa in sexto Concilio generali cum *præstantissimi Doctoris commendatione laudati*.

His succedunt libri de Trinitate, quos, cum in tomo tertio antehac locum tenuerint, in hunc locum consulto rejecimus, ob magnam cum prædictis opusculis affinitatem: propterea quod in his de Trinitate libris Arianorum passim argumenta refelluntur. Cæterum Erasmi de hoc egregio opere censura satis arguit, eum nonnisi leviter in eorumdem librorum lectione suis versatum. Non immorainur confundande hominis præcipiti sententiæ, rati sufficere antidoti loco Cassiodori judicium, qui de his libris ita censuit in libro Institutionum, cap. 16: « S. Augustini quindecim libri, quos de sancta Trinitate mirabili profunditate conscripsit, curiosa vobis intentione meditandi sunt. » Augustinus quidem modeste, pro suo more, de hoc opere loquitur, atque id argumenti a se non fore tractandum, si græcorum Patrum opera hac de re conscripta in latinum eloquium translata fuissent, aut si quis alias difficultates sibi propositas solvere et illustrare voluisse. At nihil de hujuscemodi operis dignitate detrahere debet modesta id genus auctoris professio. Et certe qui res theologicas his temporibus accuratius investigarunt, fatentur neminem ante Augustinum satis explicasse invisibilitatem Filii Dei contra Arianos, nec objectas ab eis difficultatum umbras tanto cum lumine dispulisse. Unde Græcis ita admirabile visum est istud opus, ut illud suæ gentis hominibus proprium fecerint.

Superest agendum de Appendix, in qua continentur tractatus contra quinque Hæreses, contra Judæos, Paganos, et Arianos, de Fide contra Manichæos, de Unitate Trinitatis contra Felicianum arianum, qui omnes in editionibus Lovaniensis recognitionis Augustinio tributi fuerant: sed quam perperam evincent, ut credimus, Admonitiones, quas singulis tractatibus præfigemus suis locis. Consimiles aliis Appendix opusculis apponemus, quorum veros ac genuinos, quoad fieri poterit, auctores relegere conabimur.

His ergo leviter delibatis, Lectorem ad subjecta opera pervolvenda festinantem diutius hoc in limine remorari nefas ducimus. Longe profecto jucundius erit inspicere hæreseon eversionem Jesu Christi virtute ab Augustino factam; de qua nobis id dicere liceat, quod in sermone de Cataclysmo scriptum legitur: « In illo populo, fratres, in quo multa miracula faciebat Moyses per virgam, exsurrexerunt magi Pharaonis, facientes et ipsi prodigia contra famulum Dei Moysen. Sed ad hoc quædam mira facere permisisti sunt, ut mirabilius vincerentur. Magi Pharaonis quid aliud significabant, nisi omnes hæreticos ministros diaboli, qui sub nomine Christi devorare cupiunt populum Christi? Scatent nunc hæreses in hanc terram, tanquam serpentes magorum, quos devoravit et devorat ille serpens exaltatus in ligno.... Fuit hic, ut nostris, dilectissimi, viperea doctrina Donatistarum: contrita est, consumpta est. Mox Maximianistarum serpentina fraus pullulavit: contrita est, consumpta est. Manichæorum venenum aspidis subrepserat: contritum est, consumptum est. Pelagianorum novum dogma a ministris diaboli, tanquam a magis Pharaonis excitatum, illi nostro serpenti cerlamen indixit: conteritur, consumitur.... Ecce nobis unus anguis Arianus, olim mortuus, insultat:.... redi, Moyses noster; redi, virga redi, serpens Christe; contere caput draconum, dic quid sis cum Patre: te audianus docentem, non hæreticum blasphemantem» (Cap. 5, tom. 6, col. 696-697).

ADMONITIO IN LIBRUM DE HÆRESIBUS.

•••••

Ad scribendum hunc librum hortator atque auctor Augustino fuit Quodvultdens diaconus Carthaginensis. Eo spectant subsequentes epistolæ: prima Quodvultdei est Augustinum rogantis ut hæresum edat catalogum, proprios quibusque errores ac ritus paucis complectentem; secunda vero Augustini excusantis operis difficultatem, reisque ab aliis tentatam jam esse admonentis. Rescribit Quodvultdeus, vehementer ab eo contendens ut id munus petitioni ipsius, imo universalis desiderio non deneget. Tunc demum victus Augustinus labore et curam in se recipit scribendi de hæresibus, dum per alias occupationes licebit. Nunc enim impedita sibi necessitate refellendi Julianum, se etiam ab incœpta opusculorum suorum recognitione (quam rem plurimum necessariam judicat) avocari testatur; additique se hujus recognitionis duo volumina jam absolvisse retractatis omnibus libris suis. Hæc duo volumina circiter annum Christi 427 perfecta observamus in tomo primo: quibus quandoquidem posterior est ipse de Hæresibus liber, ad annum circiter 428 revocandus videtur. Possidius in Indiculo, cap. 5, notat, *De Hæresibus ad Quodvultdeum diaconum, imperfectum opus*. Et Isidorus de Viris illustribus, cap. 9, Primasius, inquit, *Africanus episcopus composuit sermone scholastico de Hæresibus tres libros, directos ad Fortunatum episcopum, explicans in eis quod olim B. Augustinus in libro Hærecon imperfectum morte interveniente reliquerat*. Nempe alteram operis partem, ad ostendendum quid hæreticum faciat, pollicetur Augustinus in præfationis fine, quam partem morte præventus non attigit.

De eodem libro epistolæ quatuor.

EPISTOLA CCXXI.

Domino merito venerabili, et vere beatissimo patri AUGUSTINO episcopo, QUODVULTDEUS diaconus.

1. Diu trepidus fui, et ausus hos meos aliquoties distuli: sed me principaliter, ut dici assolet, animavit beatitudinis tuae benevolentia omnibus comprobata; quam dum considero, magis timui, ne non petendo superbus, non querendo desidiosus, non pulsando piger a Domino judicarer. Sufficere autem mihi crederem hujusmodi tantummodo voluntatem, si fructum adipisci non possem: cum autem pro certo noverim, ostium divini sermonis, quod Venerationi tuae cœlestis gratia patefecit, paratam esse mentem tuam sanctam, quam possidet Christus, non solum cunctis volentibus pandere, verum etiam nolentibus, ut introire non pigeat, persuadere; occupationi Reverentiae tuae multiloquio superfluo moram non faciam, sed desiderium obsecrationis meæ breviter indicabo.

2. Nonnullos in clero hujusce etiam amplissimæ civitatis esse imperitos, ex me ipso conjicio; et quantum universo illi ordini profuturum sit quod expeto, considerationi Sanctitatis tuae discutiendum offero. Privilégio namque cunctorum qui hoc de spiritualibus tuis laboribus promerentur, etiam me indignum consecuturum esse præsumo, domine merito venerabilis, et vere beatissime pater. Precor igitur Beatitudinem tuam, ut ex quo christiana religio hæreditatis promisse nomen accepit, quæ hæreses fuerint, sint; quos errores intulerint, inserviant; quid adversus catholicam Ecclesiam senserint, sentiant, de fide, de Trinitate, de Baptismo,

de poenitentia , de homine Christo , de Deo Christo , de resurrectione , de Novo et Veteri Testamento , et omnia omnino , quibus a veritate dissentunt : quæ etiam Baptismum habeant , quæ non habeant ; et post quas baptizet , nec tamen rebaptizet Ecclesia , qualiter suscipiat venientes , et quid singulis lege , auctoritate , atque ratione respondeat , digneris exponere .

3. Nec me tanta Beatitude tua credat ineptiæ , ut non inspiciam quantis et quam ingentibus voluminibus opus sit , ut possint ista dissolvi . Verum hoc ego fieri non expeto ; id enim multipliciter factum esse non dubito : sed breviter , perstricte atque summatum , et opiniones rogo cujuslibet heresis exponi , et quid contra teneat Ecclesia catholica , quantum instructioni satis est , subdi : ut velut quodam ex omnibus conceptio comonitorio , si quis aliquam objectionem aut convictionem uberiorum , plenius ac planius nosse voluerit , ad opulenta et magnifica volumina transmittatur , quibus a diversis , et præcipue a Veneratione tua in hoc ipsum constat elaboratum . Sufficiet autem admonitio talis , ut puto , doctis et imperitis , otiosis et occupatis , et ad cuiuslibet gradus ministerium Ecclesiæ undecumque promotis ; dum et ille qui multa legit , eadem breviter recordatur , et compendio ignarus instruitur , ut noverit quid teneat , quid evitet ; quid aversetur ne faciat : quid ut faciat assequatur . Fortassis autem , si tamen quod arbitror verum est , etiam adversus calumniantium malignas mentes et delosa labia opus hoc parvum inter cætera mirifica testimonio coronæ tuæ non deerit : ut quibus patet campus calumniandi profusior , validis et ex omni parte conclusis fidei limitibus coarctati , omnibusque veritatis telorum generibus circumacti , etiam uno multiformi jaculo repente prostrati , morticinos spiritus non audeant anhelare .

4. Video quam onerosus existam meliora cogitanti , et disponenti majora sancto seni , et querelas corporis sustinenti . Sed per Christum Dominum rogo , qui te partipem sapientiae suæ sine invidia esse concessit , ut hanc gratiam dones indoctis Ecclesiæ , qui te agnoscis sapientibus atque insipientibus debitorem (*Rom. i. 14*) , merito ac jure dicturus : *Videte quoniam non mihi soli laboravi , sed omnibus exquirerentibus veritatem* (*Ecli. xxiv. 47 , et xxxiii. 18*) . Potui adhuc offerre supplices et multiplices preces , et tecum imperitorum classes adsciscere : sed malui jam audire dictantem , quam occupare legentem .

EPISTOLA CCXXII.

Dilectissimo filio et condiacono QUODVULTDEO , AUGUSTINUS episcopus .

1. Acceptis litteris Charitatis tuæ , ubi a me ardentissimo studio postulasti , ut de omnibus hæresibus , quæ post Domini Salvatoris adventum adversus ejus doctrinam pullulaverunt , aliquid breviter scriberem ; quam sit hoc difficile , continuo reperta occasione rescripsi per filium meum Hipponeñsum primarium Philocalum : mox autem etiam ista oblata est , qua nunc rescribo , et breviter difficultatem operis ejus ostendo .

2. Philastrius quidam Brixensis episcopus , quem cum sancto Ambrosio Mediolani etiam ipse vidi , scripsit hinc librum ; nec illas hæreses prætermittens , quæ in populo Judæo fuerunt ante adventum Domini , easque viginti octo commemoravit : et post Domini adventum centum viginti octo . Scripsit hinc etiam græco episcopus Cyprius Epiphanius , in doctrina catholica fidei laudabiliter diffamatus : sed ipse utriusque temporis hæreses colligens , octoginta complexus est . Cum ergo ambo id vellent facere quod a me petis , quantum tamen inter se differant de numero interim sectarum , vides : quod utique non evenisset , nisi aliud uni eorum vide-retur esse hæresis , et aliud alteri . Neque enim putandum est alias ignorasse Epiphanius , quas noverat Philastrius , cum Epiphanius longe Philastrio doctiorem invenerimus ; ita ut Philastrium potius dicere debe-remus latuisse plurimas , si tam plures esset ille complexus , et iste pauciores . Sed procul dubio in ea quæstione ubi disceptatur quid sit hæresis , non idem videbatur ambobus ; et revera hoc omnino definire diffi-cile est : et ideo cavendum , cum omnes in numerum redigere conamus , ne prætermittamus alias , quamvis hæreses sint ; aut annumeremus alias , cum hæreses non sint . Vide ergo ne forte librum sancti Epiphanius tibi mittere debeam : ipsum enim arbitror Philastrio doctius hinc locutum ; qui possit apud Carthaginem in latinam lingua verti facilius atque commodius , ut tu potius præstes nobis , quod queris a nobis .

3. Perlatorem multum commendo . Subdiaconus est de nostra dioecesi ; de fundo autem viri spectabilis , no-bisque charissimi Oronii . Pro illo autem , et pro ejus patre , a quo adoptatus est , etiam ad ipsum scripsi ; quas litteras cum legerit christiana Benignitas tua , peto ut eas apud memoratum virum tua intercessione adjuvare digneris . Misi autem cum illo etiam hominem Ecclesiæ , ne ad tuam Sanctitatem difficilis ei esset accessus : non enim parum de illo sollicitus sum , a qua me sollicitudine Dominus , ut spero , per tuæ charitatis instantiam liberabit . Peto etiam mihi rescribere non graveris , quemadmodum sit in fide catholica ille Theodosius , per quem Manichæi nonnulli sunt proditi ; et ipsi quos ab eo proditos , putamus esse correctos . Si quid etiam de profactione sanctorum episcoporum forte audivisti , sae ut noverim . Deo vivas .

EPISTOLA CCXXXIII.

Domino merito venerabili , ac beatissimo sacro patri AUGUSTINO episcopo , QUODVULTDEUS diaconus .

1. Unum quidem Reverentiae tuæ comonitorium , quod per ecclesiasticum dignatus es destinare , suscipi-

Nam quod prius directum esse Beatitudo tua significavit, per virum honorabilem Philocalum, neandum ad me pervenit. Verum quamvis conscius proprietorum semper fuerim peccatorum, nunc tamen evidenter agnovi, adipiscendo illi quod exoravi muneri, meam toti Ecclesiae impedimento esse personam. Sed omnino confido, quoniam qui per Unici sui gratiam humani generis dignatus est delere facinora, nec mea in perniciem cunctorum prævalere permittet, potiusque ubi abundavit peccatum, gratiam faciet redundare (*Rom. v, 20*), domine merito venerabilis, ac beatissime pater. Difficultatem operis, quod instruendis imperitissimis nobis per tuam beneficentiam præstari suppliciter exoravi, nec ipse ignorans ante prædicti; sed de divini fontis ubertate, quam tibi Dominus tribuit, veraci corde præsumpsi.

2. Nam etsi Philastrius et Epiphanius venerandi episcopi tale aliquid scripsisse memorantur, quod procul dubio me inter cætera, imo sicut omnia, latet; non tamen arbitror eos hanc curam diligentiātiamque adhibuisse, ut singulis quibusque opinionibus contrarias etiam opiniones adjungerent, ritusque subjicerent; tum denique opus illud utriusque qualemcumque sit non habet fortassis eam, quam desidero brevitatem. Frustra etiam homini, qui latina non didicit, græca facundia delegatur; quia non ego tantummodo consilium, sed et auxilium postulavi. Quid autem Venerationem tuam de interpretum non solum difficultate, sed etiam obscuritate admoneam, cum ipse hoc magis ac plene dijudices? Aceedit ad causam, quod nonnullæ etiam post illorum obitum hæreses emersisse doceantur, quarum nullam illi fecerint mentionem.

3. Quamobrem ad peculiare patrocinium pietatis tuæ confugio, et voce mea, sed universalī desiderio, patratum ad misericordiam sacrosanctum pietatis pectus appello; sequestratis saporibus peregrinis, considerate textu prioris epistolæ, panem Afrum, quem nostra provincia solet habere præcipuum, colesti etiam magna conditum, sero pulsant et famem patienti non deneges. Profecto enim nec ego pulsare cessabo, donec ipse concedas: ut quod non impetrat privilegium, ubi nullum est meritum, saltem indefessa importunitas inreatur.

EPISTOLA CCXXIV.

Domino sinceriter dilectissimo, fratri et condiacono QUODVULTDEO, AUGUSTINUS episcopus.

1. Cum mihi hæc scribendi offerretur occasio per Fussalensem presbyterum, quem commendo Charitati tuæ, recensui epistolam tuam, in qua petis, ut de hæresibus, quæ oriri potuerunt ex quo Domini in carne nuntiari cœpit adventus, aliquid scriberem. Hoc autem feci, ut viderem utrum jam deberem opus ipsum aggredi, et inde tibi aliquid mittere; ubi considerares tanto esse difficilis, quanto vis effici brevius. Sed ne hoc quidem potui, talibus curis supervenientibus impeditus, a quibus omnino dissimulare non possem: nam me et ab eo, quod habebam in manibus, averterunt.

2. Hoc autem est ubi respondeo libris Juliani, quos octo edidit post illos quatuor, quibus ante respondi. Hos enim cum Romæ accepisset frater Alypius, nondum omnes descripsérat, cum oblatam occasionem noluit præterire, per quam mihi quinque transmisit; promittens alios tres cito se esse missurum, et multum instans ne respondere differrem. Cujus instantia coactus sum remissius agere quod agebam; ut operi utrique non deesse, uni diebus, alteri noctibus, quando mihi ab aliis occupationibus hinc atque hinc venire non desistentibus parceretur. Agebam vero rena plurimum necessarium: nam retractabam opuscula mea, et si quid in eis me offenderet, vel alios offendere posset, partim reprehendendo, partim defendendo, quod legi deberet et posset, operabar. Et duo volumina jam absolveram, retractatis omnibus libris meis, quorum numerum nesciebam: eosque ducentos triginta duos esse cognovi. Restabant epistolæ, deinde tractatus populares, quos Græci homilias vocant. Et plurimas jam epistolarum legeram, sed adhuc nihil inde dictaveram, cum me etiam isti Juliani libri occupare cœperant, quorum nunc quarto respondere cœpi. Quando ergo id explicavero, quintoque respondero, si tres non supervenerint, dispono (si Deus voluerit) et quod poseis incipere, simul agens utrumque, et hoc scilicet, et illud de retractatione opusculorum meorum, nocturnis et diurnis temporibus in singula distributis.

3. Hoc ideo insinuavi Sanctitati tuæ, ut quantum tibi desiderium est sumendi quod possis, tanto flagrantius a Domino mihi poscas adjutorium, quo serviam laudabili studio tuo, atque utilitati eorum quibus id existimas profuturum, domine sinceriter dilectissime frater. Commendo iterum perlatores, et negotium propter quod eo perrexit; si cognoveris apud quem agendum sit, peto ne pigeat adjuvare. Non enim possumus necessitates hominum ejusmodi deserere, qui nostri non coloni, sed, quod majus est, fratres sunt, et in caritate Christi ad curam pertinent nostram. Deo vivas.



S. AURELII AUGUSTINI

HIPPONENSIS EPISCOPI

DE HÆRESIBUS AD QUODVULTDEUM

Liber ^{inus}^(a).

Quod petis s̄apissime atque instantissime, sancte fili Quodvultdeus, ut de hæresibus aliquid scribam dignum lectione cupientium dogmata devitare contraria fidei christianæ, et christiani nominis obumbratione fallentia; scias me olim longe antequam peteres, facere cogitasse, atque fuisse facturum, nisi diligenter considerans quale quantumque id esset, ultra vires meas esse sentirem. Sed quoniam fateor nullum mihi, ut te, institisse poscendo; in ipsa tam molesta instantia tua etiam tuum nomen attendi, et dixi: Aggrediar, et faciam quod vult Deus. Hoc enim Deum velle confido, si me ad hujus operis terminum misericordi favore perduxerit, ut per ministerium linguae meæ tanta hujus rei difficultas aut ostendatur tantummodo, aut ipso etiam plenius adjuvante tollatur. Quorum duorum, quod priore loco posui, jam diu est ut animo volvo ac revolo, et quadam meditatione contueor: quod autem postea dixi, non me accepisse confiteor; et utrum dum hoc ago, ut efficiam, dum peto, dum quero, dum pulso, sim fortasse accepturus ignoro: scio me tamen nec petitum, nec quæsitum ac pulsatum quantum sat est, nisi et hunc affectum munere divinæ inspirationis accepero. In hoc igitur opere, quod te vehementer urgente in Dei voluntate suscepisti, cernis me ut id peragam non tam crebrescentibus ad me tuis petitib⁹ esse cogendum, quam piis ad Deum non solum tuis, verum et aliorum fratrib⁹, quos tibi in hanc rem fideles socios potueris invenire, orationibus adjuvandum. Quod ut fiat, has ipsas primas hujus laboris mei partes, ubi est ista prælocutio, curavi tare Charitati in auxilio Domini accelerare mittendas: ut propter illa quæ restant, neveritis quantum pro me orare debeatis, quicumque nosse potueritis, a me jam fuisse susceptum hoc tam grande negotium, quod a me desideratis impleri.

Petis ergo (quod tuæ indicant litteræ, quas ad me dedisti, cum primum a me petere ista cœpisti) ut

ADMONITIO PP. BENEDICTINORUM.

Liber de Hæresibus ad Quodvultdeum recognitus est denuo ad codices manuscriptos Vaticanos quinque, et ad Gallicanos duodecim; scilicet Regios duos, quatuor Colbertinos, Dominicanorum majoris conuentus Parisiensis unum, ad Victorinum, Becheronensem, Beccensem, Floriacensem, Michaelinum; ad varias lectiones Belgicorum septem quibus Theologii Lovanienses usi sunt; postremo ad editiones Joannis Amerbachii, Desiderii Erasmi, ac Theologorum Lovaniensium.

Comparavimus præterea eas omnes editiones initio Retr. et Confess., t. 1, memoratas. M

(a) Scrij tus circa annum 428.

¹ Editi, expeto. At MSS., exspecto

neratione tua in hoc ipsum constat esse elaboratum.
Quæ cum dicis, unum quasi commonitorium de his
omnibus te desiderare significas : audi ergo unde
commonearis quid petas.

Opiniones omnium philosophorum, qui sectas va-
rias condiderunt, usque ad tempora sua (neque enim
plus poterat), sex non parvis voluminibus quidam
Celsus absolvit. Nec redarguit aliquem, sed tantum
quid sentirent aperuit¹, ea brevitate sermonis, ut
tantum adhiberet cloquii, quantum rei nec laudandæ,
nec vituperandæ, nec affirmandæ aut defendendæ,
sed aperiendæ indicandæque sufficeret; cum ferme
centum philosophos nominasset : quorum non omnes
instituerunt hæreses proprias ; quoniam nec illos ta-
cendos putavit, qui suos magistros sine ulla dissen-
sione secuti sunt. Noster vero Epiphanius Cyprus
episcopus (a), abhinc non longe humanis rebus
exemptus, de octoginta hæresibus loquens sex libros
etiam ipse conscripsit, historica narratione memorans
omnia, nulla disputatione adversus falsitatem pro
veritate decertans. Breves sane sunt hi libelli, et si
in unum librum redigantur, nec ipse erit nostris vel
aliorum quibusdam libris longitudine comparandus.
Hujus brevitatem si fuero in commemorandis hære-
sibus irritatus, quid a me brevius postulare vel ex-
spectare debeas, non habebis. Sed non ibi hujus mei
laboris summa consistit, quod et tibi, vel me de-
monstrante, vel etiam te præcurrente poterit appa-
re, cum hoc fecero. Videbis enim in eo quod supra-
dictus episcopus fecit, quantum desit operi quod ipse
vis fieri ; quanto magis quod ego ! Tu namque, quam-
vis breviter, perstrictè atque suūmatim, tamen vis
etiam responderi commemoratis hæresibus : quod
ille non fecit. Ego vero hoc magis volo facere, si et
Deus velit, unde possit oannis hæresis, et quæ nota
est, et quæ ignota, vitari ; et unde recte possit quæ
cumque innotuerit, judicari. Non enim oannis error
hæresis est ; quamvis oannis hæresis, quæ in vito
ponitur, nisi errore aliquo hæresis esse non possit.
Quid ergo faciat hæreticum, regulari quadam defini-
tione comprehendendi, sicut ego existimo, aut omnino
non potest, aut difficillime potest : quod in processu
hujus operis declarabitur, si Deus rexerit, atque ad
id quod intendo, perduxerit disputationem meam².
Quid autem prosit ipsa inquisitio, etiamsi non potue-
rimus comprehendere quomodo sit definitus hæ-
reticus, suo loco videndum atque dicendum est : nam
si hoc comprehendendi potuerit, quis non videat utilitas
quanta sit ? Erunt ergo primæ partes operis hujus de
hæresibus, quæ post Christi adventum et ascensum
adversus doctrinam ipsius extiterunt, et utcumque
nobis innotescere potuerunt. In posterioribus autem
partibus, quid faciat hæreticum, disputabitur. Cum

¹ Am. Er. et MSS., *quid sentiret aperuit.*

² Plerique MSS., *perduixerit dispositionem meam.*

(a) Epiphanius Constantiæ seu Salaminæ in Cypro insula
episcopus, humanis rebus exemptus est circiter annum
Christi 403. Insus adversus octoginta hæreses immensi ope-
ris, quod Panarium inscripsit, nonnisi ei itome et anacephala-
hæresis Augustino cognita.

ergo Dominus ascendisset in cœlum, hi hæretici
exorti sunt (a).

I.	<i>Simoniani.</i>
II.	<i>Menandriani.</i>
III.	<i>Saturniniani.</i>
IV.	<i>Basilidiani.</i>
V.	<i>Nicolaitæ.</i>
VI.	<i>Gnostici.</i>
VII.	<i>Carpocratiani.</i>
VIII.	<i>Cerinthiani, vel M. rinthiani.</i>
IX.	<i>Nazaræi.</i>
X.	<i>Ebionæi.</i>
XI.	<i>Valentiniani.</i>
XII.	<i>Secundiani.</i>
XIII.	<i>Ptolemai.</i>
XIV.	<i>Marcitæ.</i>
XV.	<i>Colorbasii.</i>
XVI.	<i>Heracleonita.</i>
XVII.	<i>Ophitæ.</i>
XVIII.	<i>Caiani.</i>
XIX.	<i>Sethiani.</i>
XX.	<i>Archontici.</i>
XXI.	<i>Cerdoniani.</i>
XXII.	<i>Marcionitæ.</i>
XXIII.	<i>Apellitæ.</i>
XXIV.	<i>Severiani.</i>
XXV.	<i>Tatiani, vel Encratitæ.</i>
XXVI.	<i>Cataphryges.</i>
XXVII.	<i>Pepuziani, alias Quintilianni.</i>
XXVIII.	<i>Artotyritæ.</i>
XXIX.	<i>Tessarescaedacitæ.</i>
XXX.	<i>Alogii.</i>
XXXI.	<i>Adamiani.</i>
XXXII.	<i>Elcesæi, et Sampsæi.</i>
XXXIII.	<i>Theodotiani.</i>
XXXIV.	<i>Melchisedeciani.</i>
XXXV.	<i>Bardesanistæ.</i>
XXXVI.	<i>Noetiani.</i>
XXXVII.	<i>Valesii.</i>
XXXVIII.	<i>Cathari, sive Novatiani.</i>
XXXIX.	<i>Angelici.</i>
XL.	<i>Apostolici.</i>
XLI.	<i>Sabelliani, sive Patripassiani.</i>
XLII.	<i>Origeniani.</i>
XLIII.	<i>Alii Origeniani.</i>
XLIV.	<i>Pauliani.</i>
XLV.	<i>Photiniani.</i>
XLVI.	<i>Manichæi.</i>
XLVII.	<i>Hieracite.</i>
XLVIII.	<i>Meletiani.</i>
XLIX.	<i>Ariani.</i>
L.	<i>Vadiani, sive Anthropomorphitæ.</i>
L I.	<i>Semiariani.</i>
L II.	<i>Macedonianiani.</i>
L III.	<i>Aeriani.</i>

(a) Hæresum indiculus ab aliquo hic adjectus est : repe-
ritur in plerisque MSS. non hoc loco, sed in fronte libri ante
præfationem collocatus, cum hujusmodi titulo : « In hoc lib-
ro istæ hæreses continentur. »

LIV.	<i>Aetiani, qui et Eunomiani.</i>
LV.	<i>Apollinaristæ.</i>
LVI.	<i>Antidicomariiæ.</i>
LVII.	<i>Massaliani, sive Euchitæ.</i>
LVIII.	<i>Metangismonitæ.</i>
LIX.	<i>Seleuciani, vel Hermiani.</i>
LX.	<i>Proclianitæ.</i>
LXI.	<i>Putriciani.</i>
LXII.	<i>Ascitæ.</i>
LXIII.	<i>Passalorynchitæ.</i>
LXIV.	<i>Aquarii.</i>
LXV.	<i>Coluthiani.</i>
LXVI.	<i>Floriniani.</i>
LXVII.	<i>De mundi statu dissentientes.</i>
LXVIII.	<i>Nudis pedibus ambulantes.</i>
LXIX.	<i>Donatistæ, sive Donatiani.</i>
LXX.	<i>Priscillianistæ.</i>
LXXI.	<i>Cum hominibus non manducantes.</i>
LXXII.	<i>Rhetoriani.</i>
LXXIII.	<i>Christi divinitatem passibilem dicentes.</i>
LXXIV.	<i>Triformem Deum putantes.</i>
LXXV.	<i>Aquam Deo coeternam dicentes.</i>
LXXVI.	<i>Imaginem Dei non esse animam dicentes.</i>
LXXVII.	<i>Innumerabiles mundos opinantes.</i>
LXXVIII.	<i>Animas converti in dæmones et in quæcumque animalia existimantes.</i>
LXXIX.	<i>Liberationem omnium apud inferos factam Christi descensione credentes.</i>
LXXX.	<i>Christi de Patre nativitatí initium temporis dantes.</i>
LXXXI.	<i>Luciferiani.</i>
LXXXII.	<i>Jovinianistæ.</i>
LXXXIII.	<i>Arabici.</i>
LXXXIV.	<i>Helvidiani.</i>
LXXXV.	<i>Paterniani, sive Venustiani.</i>
LXXXVI.	<i>Tertullianistæ.</i>
LXXXVII.	<i>Abeloiæ.</i>
LXXXVIII.	<i>Pelagiani, qui et Cœlestiani.</i>

I. SIMONIANI a Simone mago, qui baptizatus a Philippo diacono, sicut in Actibus Apostolorum legitur, pecunia voluit a sanctis Apostolis emere ut etiam per impositionem manus ejus daretur Spiritus sanctus. Hic magicis fallaciis deceperat multos (*Act. viii, 9-19*). Doebat autem detestandam turpitudinem indifferenter utendi feminis. Nec Deum fecisse mundum, dicebat. Negabat etiam carnis resurrectionem. Et assertabat se esse Christum. Idemque Jovem se credi volebat; Minervam vero meretricem quamdam Helenen¹, quam sibi sociam scelerum fecerat, imaginesque et suam et ejusdem meretricis discipulis suis præbebat adorandas, quas et Romæ tanquam deorum simulacra auctoritate publica constituerat. In qua urbe aposto-

¹ Editi, *Selenen*, At *Mss.*, *Helenam*, aut, *Helenen*: verius. Hanc enim Simon delirabat fuisse Helenam ipsam Trojanam, ex Tertulliano, lib. de Anima, cap. 34, ex Philastro, etc. *Elenen* etiam nominat Epiphanius, nec aliter Damascenus in opere de Hæresibus.

lus Petrus eum vera virtute Dei omnipotens extinxit².

II. MENANDRIANI a Menandro etiam ipso mago, discipulo ejus, qui mundum asserebat non a Deo, sed ab Angelis factum.

III. SATURNINIANI³ a quodam Saturnino, qui turpitudinem Simonianam in Syria confirmasse perhibetur: qui etiam mundum solos angelos septem præter conscientiam⁴ Dei Patris fecisse dicebat.

IV. BASILIDIANI a Basilide, qui hoc distabat a Simonianis, quod trecentos sexaginta quinque cœlos esse dicebat, quo numero dierum annus includitur. Unde etiam quasi sanctum nomen commendabat, quod est, *εξαρτας*⁵, cuius nominis litteræ secundum græcam supputationem eundem numerum complent. Sunt enim septem, *α*, et *β*, et *ρ*, et *σ*, et *ρ*, et *α*, et *γ*: id est unum, et duo, et centum, et unum, et ducenta, et unum, et sexaginta; quæ sunt in summa trecenta sexaginta quinque⁶.

V. NICOLAITE a Nicolao nominati sunt, uno, ut perhibetur, ex illis septem quos Apostoli diaconos ordinaverunt (*Act. vi, 5*). Iste cum de zelo pulcherriæ conjugis culparetur, velut purgandi se causa permisso fertur, ut ea qui vellet uteretur. Quod ejus factum in sectam turpissimam versum est, qua placet usus indifferens seminarum. Hi nec ab iis quæ idolis immolantur cibos suos separant: et alios ritus gentilium superstitionum non aversantur⁷. Narrant etiam quædam fabulosa de mundo, nescio quæ barbara principum nomina miscentes disputationibus suis, quibus terreat auditores; quæ prudentibus risum potius faciunt, quam timorem. Intelliguntur autem etiam isti non Deo tribuere creaturam, sed quibusdam protestatis, quas mirabili vel singunt vanitate, vel credunt.

VI. GNOSTICI propter excellentiam scientiæ sic se appellatos esse, vel appellari debuisse gloriantur: cum sint superioribus omnibus vaniores atque turpiores. Denique cum ab aliis atque aliis per diversas terrarum partes aliter atque aliter nuncupentur, non nulli eos etiam Borboritas vocant, quasi cœnosos, propter nimiam turpitudinem quam in suis mysteriis exercere dicuntur. Aliqui eos a Nicolaitis exortos putant: aliqui a Carpocrate, de quo post loquemur.

¹ Hic in editis additur: « Dixerat enim se in monte Sina legem Moysi in Patris persona dedisse Judæis: tempore Tiberii in filii persona putative apparuisse: postea si in linguis igneis spiritum sanctum super Apostolos venisse: « Christum autem nec venisse, nec a Judæis quidquam pertulisse. »

² Apud Epiphanium et Damascenum *Saturniani* appellantur, eorumque auctor, *Saturnius*. Sic etiam vocat Justinus in dialogo cum Tryphonie, ac Theodoreto.

³ Unus e Vaticanis codicibus, *præter scientiam*.

⁴ Sic manuscripti Epiphanio et Damasceno consentientes. At editi, *abrazas*.

⁵ Veterum manuscriptorum auctoritate expungimus verba haec, que de Basilidianis hæreticis editi addunt: « Mundum istum vel hominem non credunt a Deo factum, sed a trecentesimo sexagesimo quinto cœlo. Amatoria carmina studiose discunt. A Judæis non credunt Christum crucifixum, sed Simonem Cyrenensem, qui angariatus sustulit crucem ejus. »

⁶ Lov., non adversantur. Melius Er. cum viss., non avertantur.

Tradunt autem dogmata fabulosissimis plena significationis : etiam ipsi principum vel angelorum nominibus terribilibus infirmas animas capiunt ; et de Deo rerumque natura , fabulosa et a sanitate veritatis aliena multa contexunt. Animarum substantiam , Dei dicunt esse naturam , earunque adventum in haec corpora et rediutum ad Deum iisdem suis fabulis longissimis et stultissimis secundum suos errores inserunt : et illos qui eis credunt faciunt, non multa , ut putant , scientia præpollere , sed multa , ut ita dicam , fabulositate vanescere ¹. Dicuntur quoque bonum deum et malum deum in suis habere dogmatibus.

VII. CARPOCRATIANI sunt a Carpoerate , qui docebat omnem turpem operationem , omnemque adinventionem peccati : nec aliter evadi atque transiri principatus et potestates , quibus haec placent , ut possit ad cœlum superius perveniri. Illic etiam Jesum hominem tantummodo , et de utroqne sexu natum putasse prohibetur , sed accepisse talem animam , qua sciret ea quæ superna essent, atque nuntiaret. Resurrectionem corporis simul cum Lege abjiciebat. Negabat a Deo factum , sed a nescio quibus virtutibus mundum. Sectæ ipsius fuisse traditur quædam Marcellina , que colebat imagines Jesu et Pauli et Homeri et Pythagoræ , adorando incensumque ponendo.

VIII. CERINTHIANI a Cerintho , iudemque Merinthiani a Merintho , mundum ab angelis factum esse dicentes , et carne circumcidi oportere , atque alia hujusmodi Legis præcepta servari. Jesum hominem tantummodo fuisse , nec resurrexisse , sed resurrecturum asseverantes. Mille quoque annos post resurrectionem in terreno regno Christi , secundum carnales ventris et libidinis voluptates , futuros fabulantur : unde etiam Chiliastæ sunt appellati (*Vid. lib. 20 de Civitate Dei , cap. 7.*)

IX. NAZAREI , cum Dei Filium confiteantur esse Christum , omnia tamen veteris Legis observant , quæ Christiani per apostolicam traditionem non observare carnaliter , sed spiritualiter intelligere didicerunt (*Vid. lib. 1 contra Cresconium , cap. 31.*)

X. EBIONEI Christum etiam ipsi tantummodo hominem dicunt. Mandata carnalia Legis observant , circumcisionem scilicet carnis , et cetera , a quorum oneribus per Novum Testamentum liberati sumus. Huic heresi Epiphanius Sampsones et Elcesæos ² ita copulat , ut sub eodem numero , tanquam una sit heresis , ponat , aliquid tamen interesse significans : quamvis et in consequentibus loquatur de illis , poniens eos sub numero suo. Eusebius vero Elcesaitarum sectam commemorans , fidem in persecutione dicit negandam docuisse , et in corde servandam (*Euseb. lib. 6 , cap. 38.*)

XI. VALENTINIANI a Valentino , qui de natura rerum

¹ Editio Er., « earumque adventum in haec corpora cum aliis aereis animabus dicunt fieri , per quas peccata in corporibus committuntur : nam illas animas que ex Dei procedunt substantia , reverti ad Deum immaculatas. Dicuntur quoque bonum Deum , » etc. Locum ex MSS. exemplaribus redintegravit Lovanienses.

² In antiquis codicibus scriptum reperimus cum aspiratione , Helcesæos ; et infra , Helcesaitarum , seu , Helcesaitarum sectam .

multa fabulosa confinxit , trigesita æonas , id est , secula , asserens exstisse , quorum principium esse profundum et silentium , quod profundum etiam patrem appellat ³. Ex quibus duobus velut ex conjugio processisse perhibet intellectum et veritatem , et protulisse in honorem patris æonas octo. De intellectu autem et veritate processisse verbum et vitam , et protulisse æonas decem. Porro de verbo et vita processisse hominem et Ecclesiam , et protulisse æonas duodecim. Itaque octo et decem et duodecim fieri trigesita æonas , habentes , ut diximus , primum principium de profundo et silentio. Christum autem a patre missum , id est , a profundo , spirituale vel cœlestis corpus secum attulisse : nihilque assumpsisse de virginie Maria , sed per illam tanquam per rivum ⁴ aut per fistulam sine ultra de illa assumpta carne transisse. ⁵ Negat etiam resurrectionem carnis , solum per Christum spiritum et animam salutem accipere affirmans.

XII. SECUNDIANI ⁶ hoc a Valentinianis distare dicuntur , quod addunt opera turpitudinis.

XIII. PTOLEMEUS quoque discipulus Valentini , haeresim novam condere cupiens , quatuor æonas et alios quatuor asserere maluit.

XIV. MARCUS etiam nescio quis haeresim condidit , negans resurrectionem carnis , et Christum non vere , sed putative passum asseverans. Duo quoque opinatus est ex adverso sibi esse principia , quiddam tale de ænobus quale Valentinus affirmanus.

XV. COLORBASUS ⁷ secutus est istos , non multum alter sentiens , vitam omnium hominum et generationem in septem sideribus consistere affirmans.

XVI. HERACLEONITÆ ab Heracleone discipulo superiorum , duo asserunt principia , unum ex altero , et ex his duobus alia plurima. Feruntur autem suos mortientes novo modo quasi redimere , id est , per oleum , balsamum et aquam , et invocationes quas hebraicis verbis dicunt super capita corum.

XVII. OPHITÆ a colubro nominati sunt : coluber enim græce οφίς dicitur. Hunc autem Christum arbitrantur : sed habent etiam verum colubrum assuetum eorum panes lambere , atque ita eis velut eucharistiam sanctificare. Quidam dicunt istos Ophitas ex Nicolaitis sive Gnosticis exstisset , et per eorum fabulosa figura ad colubrum colendum fuisse perventum ⁸.

¹ Michaelinus , Colbertinus et vaticanus codices addunt , silentium matrem.

² Editio Er., tanquam per rivum.

³ Quod hic in editis fuerat additum , « De trigesimo sæculo dicit diabolum genitum , et a diabolo alias natos qui fecerint hunc mundum. Et ideo malitiam non arbitrio tribuit , sed naturæ mundi , id est generi diabolico , » attestat a MSS.

⁴ Lov. et aliquot MSS. , Sevandiani. Alii cum Er., Secundiani : quorum scilicet princeps , Secundus a Philastro , Epiphanius et ab aliis dicitur.

⁵ Colorbasum editi libri appellant , mutata altera vocali o in a , reluctantibus antiquis scripturis.

⁶ Ita in MSS. At in excusis describitur isthæc heresis hoc fere modo : « Hunc autem colubrum qui decepit Adam et Èvan , Christum arbitrantur : sed habent etiam verum colubrum , quem nutriri et venerantur. Qui et incarnatione sacerdote egreditur de spelunca , et ascendit super altare , innixum speluncæ , et oblationes corum lambit , et

XVIII. CAINI propterea sic appellati, quoniam Cain honorant, dicentes eum fortissime esse virtutis. Simul et Judam traditorem divinum aliquid putant, et scelus ejus beneficium deputant; asserentes eum præscisse quantum esset generi humano Christi passio profutura, et occidendum Iudeis propterea tradidisse. Illos etiam, qui schisma facientes in primo populo Dei, terra dehiscente perierunt¹ (*Num. xvi, 31-33*), et Sodomitas colere perhibentur. Blasphemant Legem, et Deum Legis auctorem, carnisque resurrectionem negant.

XIX. SETHIANI nomen acceperunt a filio Adæ, qui vocatus est Seth: eum quippe honorant, sed fabulosa et haeretica vanitate. Dicunt enim eum de superna matre natum, quam perhibent convenisse cum superno patre, unde divinum semen aliud nasceretur, tanquam filiorum Dei. Hi quoque multa de principatibus et potestatibus vanissima fabulantur. Quidam eos dicunt Sem filium Noe Christum putare.

XX. ARCHONTICI a principibus appellati, universitatem, quam Deus condidit, opera esse principum dicunt. Operantur etiam quamdam turpitudinem. Resurrectionem carnis negant.

XXI. CERDONIANI a Cerdone nominati, qui duo principia sibi adversantia dogmatizavit: Deumque Legis ac Prophetarum non esse patrem Christi, nec bonum Deum esse, sed justum; patrem vero Christi bonum: Christumque ipsum neque natum ex semina, neque habuisse carnem; nec vere mortuum vel quidquam passum, sed simulasse passionem. Quidam vero in duobus principiis suis duos deos ita eum dixisse perhibent, ut unus eorum esset bonus, alter autem malus. Resurrectionem mortuorum negat, spornens etiam Testamentum Vetus.

XXII. MARCIONI quoque, a quo Marcionitæ appellati sunt², Cerdonis secutus est dogmata de duobus principiis: quamvis Epiphanius eum tria dicat asseruisse principia, bonum, justum, pravum: sed Eusebius Sinerum quemdam, non Marcionem, trium principiorum atque naturarum scribit auctorem (*Euseb. lib. 5, cap. 13*).

XXIII. APELLITÆ sunt, quorua Apelles est princeps, qui duos quidem deos introducit, unum bonum, alterum malum: non tamen in duobus diversis atque inter se adversis esse principiis; sed unum esse principium, deum scilicet bonum; et ab illo factum alterum: qui cum malignus esset, inventus est in sua mundum malignitate fecisse. Hunc Apellem dicunt quidam etiam de Christo tam falsa sensisse, ut diceret eum non quidem carnem deposuisse de cœlo³, sed ex elementis mundi accepisse, quam mundo reddidit, cum sine carne resurgens ascendit in cœlum.

« involvens se circa eas, regreditur ad speluncam: et ita confringunt oblationes in Eucharistiam, quasi a serpente Christo, ut illi putant, sanctificatas. Tradunt hujus serpentis cultum a Nicolaitis sive Gnosticis ad istos deducunt. »

¹ Post, perierunt, editi addebat, chore, Dathum et aliorum; id non habent MSS.

² Editi, a quo Marcionitæ appellati sunt.

³ Sola editio Lovaniensem, duxisse de cœlo.

XXIV. SEVERIANI a Severo exorti, vinum non bibunt, eo quod fabulosa vanitate de satana et terra germinasse asserant viteni. Etiam ipsi non sanam doctrinam suam, quibus volunt, inflant nominibus principum, carnis resurrectionem cum Veteri Testamento respuentes⁴.

XXV. TATIANI a Tatiano⁵ quodam instituti, qui et Encratitæ appellati sunt, nuptias dominant, atque omnino pares eas fornicationibus aliisque corruptiōnibus faciunt: nec recipiunt in suorum numerum conjugio utentem, sive marem, sive feminam. Non vescuntur carnis, easque omnes abominantur. Prolationes quasdam fabulosas saeculorum etiam isti sapient. Saluti primi hominis contradicunt. Epiphanius Tatianos et Encratitas ita discernit, ut Encratitas Tatiani schismaticos dicat⁶.

XXVI. CATAPHYGES sunt, quorum auctores fuerunt Montanus tanquam paraclitus, et duæ prophetissæ ipsius, Prisca et Maximilla. His nomen provincia Phrygia dedit, quia ibi extiterunt, ibique vixerunt: et etiam nunc in eisdem partibus populos habent. Adventum Spiritus sancti a Domino promissum, in se potius quam in Apostolis fuisse asserunt redditum. Secundas nuptias pro fornicationibus habent: et ideo dicunt eas permisisse apostolum Paulum, quia ex parte sciebat, et ex parte prophetabat: nondum enim venerat quod perfectum est (*1 Cor. xiii, 9, 10*). Hoc autem perfectum in Montanum et in ejus prophetissas venisse delirant. Sacraenta perhibentur habere frena: nam de infantis annuli sanguine, quem de toto ejus corpore minutis punctionum vulneribus extorquent, quasi eucharistiam suam consicere perhibentur, miscentes eum farinæ, panemque inde facientes: qui puer si mortuus fuerit, habetur apud eos pro martyre; si autem vixerit, pro magno sacerdote⁷.

XXVII. PEPUZIANI⁸ sive Quintilliani, a loco quodam nominati sunt, quam civitatem desertam dicit Epi-

¹ Subiungunt editi: « Hic præterea Philumenen quamdam pueram dicebat inspiratam divinitus ad prænuntiandum futura: ad quain somnia atque astus sui animi referens, divinationibus seu præsagiis ejus secretum erat solitus præmoneri, eodem phantasmate eidem Philumene pueri habitu se demonstrante, qui puer apparet Christum se aliquando, aliquando esse assereret Paulum. A que phantasmate sciscitans, ea soleret respondere, que se audiendibus diceret. Nonnulla quoque illam miracula operari solitam, inter qua illud præcipuum, quod in angustissimi oris ampullam vitream panem grandem immitteret, eumque extremis digitalis levare soleret illasum, e coepto solo quasi divinitus sibi cibo dato fuisse contencta. » Abest id totum a MSS. quod forte cum esset a quopian in ora libr. non de Severo, sed de Appelle annotatum, librarii hallucinantes istuc transtulerunt. De Appelle ac ejusdem Philumene Tertullianus, lib. de Præscript., capp. 6 et 50.

² Editi ferunt, a Racio; sed MSS., a Tatiano: quo eum non minime veteres historici appellant.

³ Editi, dicunt. Melius aliquot MSS., dicat. Refert ad Epiphanium, qui Encratitas apopasma Tatianou dicit in Epitome.

⁴ Colbertini codices duo et unus e Vaticanis, pro magno martyre; si autem vixerit, pro simulo sacerdote. Alii Vaticani cum antiquissimo Floriacensi, cum Becherouensi, etc., pro martyre; si autem vixerit, pro maximo sacerdote. Michaelinus Ms., pro primo sacerdote.

⁵ In omnibus prope MSS., Pepudiani: et infra pro, -repuzi, constanter scriptum est, Pepudia.

phanis. Hanc autem isti divinum aliquid esse arbitrantur, Jerusalem vocant : tantum dantes mulieribus principatum, ut sacerdotio quoque apud eos honorentur. Dicunt enim Quintillæ et Priscillæ in eadem civitate Pepuza Christum specie feminæ revelatum : unde ab hac Quintilliani etiam nuncupantur. Faciunt et ipsi de sanguine infantis, quod Cataphryges facere¹ supra diximus : nam et ab eis perhibentur exorti. Denique alii hanc Pepuzam non esse civitatem, sed villam dicunt fuisse Montani et prophetissarum ejus Priscæ et Maximille; et quia ibi vixerunt, ideo locum meruisse appellari Jerusalem.

XXVIII. ARTOTYRITÆ sunt, quibus oblatio eorum hoc nomen dedit : offerunt enim panem et caseum, dicentes a primis hominibus oblationes de fructibus terræ et ovium fuisse celebratas. Ilos Pepuzianis jungit Epiphanius.

XXIX. TESSARESCÆDECATITÆ hinc appellati sunt quod non nisi quarta decima luna² Pascha celebrant, quilibet septem dierum occurrat dies ; et si dies dominicus occurrerit, ipso die jejunant et vigilant.

XXX. ALOGI³, propterea sic vocantur, tanquam sine verbo (λόγος enim græce verbum dicitur), quia Deum Verbum recipere noluerunt, Joannis Evangelium respuentes, cuius nee Apocalypsin accipiunt, has videlicet scripturas negantes esse ipsius.

XXXI. ADAMIANI ex Adam dicti, cujus imitantur in paradiſo nuditatem, quæ fuit ante peccatum. Unde et nuptias aversantur : quia nec priusquam peccasset Adam, nec priusquam dimissus esset de paradiſo, cognovit uxorem. Credunt ergo quod nuptiæ futuræ non fuissent, si nemo peccasset. Nudi itaque mares feminaeque conveniunt, nudi lectiones audiunt, nudi orant, nudi celebrant sacramenta, et ex hoc paradiſum suam arbitrantur Ecclesiam.

XXXII. ELCESÆOS et SAMPSEOS hic tanquam ordine suo commemorat Epiphanius, quos dicit a quodam pseudopropheta esse deceptos, qui vocabatur Elci (a), ex eujus genere duas mulieres tanquam deas ab eis perhibet adoratas : cætera Ebionæis tenere similia.

XXXIII. THEODOTIANI a Theodoto⁴ quodam instituti, hominem tantummodo Christum asseverant. Quod dicitur idem Theodosius propterea docuisse, quia in persecutione lapsus isto modo se casus sui devitare putabat opprobrium, si non Deum negasse, sed hominem videretur.

XXXIV. MELCHISEDECIANI, Melchisedec sacerdotem Dei excelsi, non hominem fuisse, sed virtutem Dei esse arbitrantur.

XXXV. BARDESANISTÆ a quodam Bardesane, qui in doctrina Christi prius extitisse perhibetur insignis : sed postea, quamvis non per omnia, in Valen-

tini hæresim lapsus est⁵.

XXXVI. NOETIANI a quodam Noeto, qui dicebat Christum eundem ipsum esse Patrem et Spiritum sanctum.

XXXVII. VALESH et se ipsos castrant, et hospites suos, hoc modo existimantes Deo se debere servire. Alia quoque hæretica docentur et turpia : sed quæ illa sint, nec ipse commemoravit Epiphanius, nec uspiam potui reperire.

XXXVIII. CATHARI⁶, qui se ipsos isto nomine, quasi propter munditiam, superbissime atque odiosissime nominant, secundas nuptias non admittunt, pœnitentiam denegant, Novatum sectantes hæreticum : unde etiam Novatiani appellantur.

XXXIX. ANGELICI, in angelorum cultum inclinati, quos Epiphanius jam omnino defecisse testatur.

XL. APOSTOLICI, qui se isto nomine arrogantissime vocaverunt, eo quod in suam communionem non recipieren t utentes conjugibus et res proprias possidentes : quales habet Catholica⁷ et monachos et clericos plurimos. Sed ideo isti hæretici sunt, quoniam se ab Ecclesia separantes, nullam spem putant eos habere, qui utuntur his rebus, quibus ipsi carent. Encratitis isti similes sunt : nam et Apotactiæ (a) appellantur. Sed et alia nescio quæ propria hæretica docere perhibentur.

XLI. SABELLIANI ab illo Nocto quem supra memoravimus, defluxisse dicuntur ; nam et discipulum ejus quidam perhibent fuisse Sabellium. Sed qua causa duas hæreses eas Epiphanius computet, nescio : cum fieri potuisse videamus, ut fuerit Sabellius iste famosior, et ideo ex illo celebrius hec hæresis nomen accepit. Noetiani enim difficile ab aliquo scientur : Sabelliani autem sunt in ore multorum. Nam et Praxeanos eos a Præixa quidam vocant ; et Hermogeniani vocari ab Hermogene potuerunt : qui Præxeas et Hermogenes eadem sentientes, in Africa fuisse dicuntur. Nec tamen istæ plures sectæ sunt ; sed unius sectæ plura nomina, ex his hominibus qui in ea maxime innotuerunt : sicut Donatistæ, iidem Parmenianistæ ; sicut Pelagiani, iidem Cœlestiani. Unde ergo sit factum ut Noetianos et Sabellianos, non unius hæresis duo nomina, sed tanquam duas hæreses supradictus Epiphanius poneret, liquido invenire non potui : quia si quid inter se differunt, tam obscure dixit, studio sp̄sitan brevitatibus, ut non intelligam : loco quippe isto, quo et nos, tam longe a Noetianis Sabellianos commemorans : Sabelliani, inquit, similia Noeto dogmatizantes, præter hoc quod dicunt Patrem non esse passum (Epiphanius, in Anacephalæosi). Quomodo de Sabellianis intelligi potest, cum sic innotuerint dicere Patrem passum, ut Patripassiani quam Sabelliani crebrius nuncupentur? Aut si forte in eo quod ait, præter

¹ MSS., quod Cataphrygas facere.

² Editi hic addunt, mense martio.

³ In editis, Alogiani. Restituendum ex MSS., Alogi : qui a græcis hæresiographis dicuntur : Alogoi.

⁴ Editi, a Theodotione : pauloq[ue] post, idem Theodotion. Castigantur ex Vaticano codice.

(a) Ab Epiphanio in Anacephalæosi Elkesaios nominatur, in Panario Elxai, in Panarii synoysi Elxa.

⁵ Post, lapsus est, adjecta erant in excusis libris verba haec, addens de suo, ut fato ascriberet conversationes hominum ; quæ in MSS. nostris non reperimus.

⁶ In MSS. : Catharæ sive Novatiani, qui se ipsos, etc. Græcis sunt, Katharoi.

⁷ In editis, catholica Ecclesia. Abest, Ecclesia, a MSS.

(a) Id est, Renuntiatores.

hoc quod dicunt Patrem non esse passum, Noetianos hoc dicere intelligi voluit, quis eos in hac ambiguitate discernat? Vel quomodo possunt intelligi quilibet eorum Patrem passum fuisse non dicere, cum dicant eundem ipsum esse et Patrem et Filium et Spiritum sanctum? Philaster autem Brixianus episcopus, in prolixissimo libro quem de haeresibus condidit, et centum¹ viginti octo haereses arbitratus est computandas, Sabellianos continuo post Noetianos ponens: *Sabellius*, inquit, *discipulus ejus*, qui similitudinem sui doctoris itidem secutus est, unde et Sabelliani postea sunt appellati, qui et Patripassiani, et Praxeani a Praxea, et Hermogeniani ab Hermogene, qui fuerunt in Africa, qui et ita sentientes abjecti sunt ab Ecclesia catholica. Corte iste eosdem postea Sabellianos dixit appellatos, qui ea quae Noetus sentiebant; et alia nomina ejusdem sectae commemoravit: et tamen Noetianos et Sabellianos sub duabus numeris tanquam duas haereses posuit; qua causa, ipse viderit.

XLII. ORIGENIANI a quodam Origene dicti sunt; non illo qui sere omnibus notus est, sed ab alio nescio quo, de quo vel sectatoribus ejus Epiphanius loquens: *Origeniani*, inquit, *cujusdam Origenis*²; *turpis autem sunt operationis, isti sunt nefanda facientes*³, *sua corpora corruptioni tradentes* (a). Alios autem Origenianos continuo subjiciens:

XLIII. ORIGENIANI, inquit, *alii*, qui et Adamantii tractatoris, qui et mortuorum resurrectionem repellunt; Christum autem creaturam et Spiritum sanctum introducentes: *paradisum autem et caelos et alia omnia allegorizantes*⁴. Hæc quidem de Origene Epiphanius: sed qui eum defendant, unius ejusdemque substantiae esse, dicunt, docuisse, Patrem et Filium et Spiritum sanctum; neque resurrectionem repulisse mortuorum: quamvis et in ipsis eum convincere studeant, qui ejus plura legerunt. Sed sunt huius Origenis alia dogmata⁵, quæ catholica Ecclesia omnino non recipit, in quibus nec ipsum falso arguit, nec potest ab ejus defensoribus falli⁶: maxime de purgatione et liberatione, ac rursus post longum tempus ad eadem mala revolutione rationalis universæ creature. Quis enim catholicus christianus vel doctus vel indoctus non vehementer exhorreat eam quam dicit purgationem malorum, id est, etiam eos qui hanc vitam in flagitiis et faciliis et sacrilegiis atque impietati-

¹ Forte pro, et centum, legendum est, centum et. M.

² Lov.: *Origens discipuli*. Vox, *discipuli*, abest ab Fr. et MSS., necnon a græco textu Epiphanius.

³ In MSS., *inveniuntur* facientes. Graece est, *arrētōpiōnēs*.

⁴ Ediu, « qui et Adamantii tractatoris illius sectatores, qui et mortuorum resurrectionem negant: Christum autem et Spiritum sanctum creaturam dicunt paradisum autem et caelos et alia non credunt esse secundum literam, sed in allegoria. » Veteres autem libri pressius iubarent græco.

⁵ soli editi, repulisse mortuorum: sed qui ejus plura legerunt, contradicunt. Sunt et alii huius Origenis dogmata.

⁶ Sic MSS. At editi, ab ejus defensoribus excusari.

(a) Epiphanius in Panario quidem haeres. 63 et 64, aperte profiteatur nescire se an Origenianii isti turpes ab Origene Adamantii dicti sint, an ab alio Origene: sed protectio in Anacephalos, quæ sola sine Panario venit in manus Augustini, de utrisque Origenianis sic dicit obscurè, ut

bus quanlibet maximis finierunt, ipsum etiam postremo diabolum atque angelos ejus, quamvis post longissima tempora, purgatos atque liberatos regno Dei lucique restitui, et rursus post longissima tempora omnes qui liberati sunt, ad hæc mala denuo relabi et reverti; et has vices alternantes beatitudinem et misericordiam rationalis creature semper fuisse, semper fore? De qua vanissima impietate adversus philosophos, a quibus ista didicit Origenes, in libris de Civitate Dei diligentissime disputavi¹ (*In libro 21*).

XLIV. PAULIANI a Paulo Samosateno, Christum non semper fuisse dicunt; sed ejus initium, ex quo de Maria natus est, asseverant: nec eum aliquid amplius quam hominem putant. Ista haeresis aliquando cuiusdam Artemonis² fuit: sed cum defecisset, instaurata est a Paulo, et postea sic a Photino confirmata, ut Photiniani quam Pauliani celebrius nuncupentur. Istos sane Paulianos baptizandos esse in Ecclesia catholica Niceno concilio constitutum est. Unde credendum est eos regulam Baptismatis non tenere, quam secum multi haeretici cum de Catholica discederent abstulerunt, eamque custodiunt.

XLV. PHOTINES ab Epiphanio non continuo post Paulum sive cum Paulo, sed aliis interpositis ponitur. Non tacetur sane similia credidisse: secundum aliquid tamen adversatus ei dicitur; sed quid sit ipsum aliquid, omnino non dicitur. Philaster autem continuatim ponit ambos sub singulis et propriis numeris, quasi haereses duas, cum dicat Photinum in omnibus Pauli secutum fuisse doctrinam.

XLVI. MANICHÆI a quodam Persa extiterunt, qui vocabantur Manes: quamvis et ipsum, cum ejus insana doctrina cœpisset in Græcia prædicari, Manichœum discipuli ejus appellare maluerunt, deviantes nomen insanæ. Unde quidam eorum quasi doctiores, et eo ipso mendaciores, geminata littera, Mannichœum vocant, quasi manna fundente³. Iste duo principia inter se diversa et adversa, eademque æterna et coæterna, hoc est semper fuisse, composuit: duasque naturas atque substantias, boni scilicet et mali, sequens alios antiquos haereticos, opinatus est. Quarum inter se pugnam et commixtionem, et boni a malo purgationem, et boni quod purgari non poterit, cum malo in æternum damnationem, secundum sua dogmata asseverantes, multa fabulantur, quæ cuncta intexere hunc

proiores non ab eodem Origene Adamantio, sed ab alio profectos crederes.

¹ Veterum codicum auctoritate removimus quod in excusis hic addebatur: « Dicit præterea ipse Origenes, quod Filius Dei sanctus hominibus comparatus, veritas sit; Patri collatus, mendacium: et quantum distant Apostoli a Christo, tantum Filius Patri. Unde nec orandus est Filius cum Patre, quia non est auctor indulgendarum petitio- num, sed supplicator. »

² In excusis, *Artemonii*. At in MSS., *Artemonis*.

³ sic omnino ferunt MSS. At editi, capiunt nomen prædicari: nam antehac Urbicus (imo, Cubricus, ex Epiphanio, haer. 66) vocabatur. Sed in Græcia discipuli ejus vilantes nomen insanæ, quasi doctiores, et eo ipso mendaciores, geminata littera, Mannichœum, quasi manna fundente, pro Manichœo, id est insano, appellaverunt. Iste duo principia, etc.

operi nimis longum est. Ex his autem suis fabulis vanis atque impiis coguntur dicere, animas bonas, quas censem ab animarum malarum naturae scilicet contrarie commixtione liberandas, ejus cuius Deus est esse naturae. Proinde mundum a natura boni, hoc est, a natura Dei factum, confidentur quidem, sed de commixtione boni et mali, quae facta est, quando inter se utraque natura pugnavit. Ipsam verò boni a malo purgationem ac liberationem, non solum per totum mundum et de omnibus ejus elementis virtutes Dei¹ facere dicunt, verum etiam Electos suos per alimenta que sumunt. Et eis quippe alimentis, sicut universo mundo, Dei substantiam perhibent esse commixtam: quam purgari putant in Electis suis eogenere vita, quo vivunt Electi Manichæorum, velut sanctius et excellentius Auditoribus suis. Nam his duabus professionibus, hoc est Electorum et Auditorum, Ecclesiam suam constare voluerunt. In cæteris autem hominibus, etiam in ipsis Auditoribus suis, hanc partem bona divinaque substantiæ que mixta et colligata in escis et potibus detinetur, maximeque in eis qui generant lilia, arctius et inquinatus colligari putant. Quidquid vero undique purgatur luminis, per quasdam naves, quas esse lunam et solem volunt, regno Dei, tanquam propriis sedibus reddi. Quas itidem naves de substantia Dei pura perhibent fabricatas. Lucemque istam corpoream animantium mortaliuum oculis adjacentem, non solum in his navibus, ubi eam purissimam credunt, verum etiam in aliis quibusque lucidis rebus, ubi secundum ipsos tenetur admixta, crediturque purganda, Dei dicunt esse naturam. Quinque enim elementa que genuerunt principes proprios, genti tribuunt tenebrarum: eaque elementa his nominibus nuncupant, fumum, tenebras, ignem, aquam, ventum. In fumo nata animalia bipedia, unde homines ducere originem censem; in tenebris, serpentina; in igne, quadrupedia; in aquis, natatilia; in vento, volatilia. His quinque elementis malis debellandis alia quinque elementa de regno et substantia Dei missa esse, et in illa pugna fuisse permixta; fumo aera, tenebris lucem, igni malo ignem bonum, aquæ male aquam bonam, vento malo ventum bonum. Naves autem illas, id est, duo cœli luminaria, ita distinguunt, ut lunam dicant factam ex bona aqua, solem vero ex igne bono. Esse autem in eis navibus sanctas virtutes, quae se in masculos transfigurant, ut illiant feminas gentis adversæ, et rursus in feminas, ut illiant masculos ejusdem gentis adversæ²; et per hanc iudecram commota eorum concupiscentia fugiat de illis lumen, quod membris suis permixtum tenebat, et purgandum suscipiat ab angelis lucis, purgatumque illis navibus imponatur ad regna propria repon-

¹ Editi, *virtutem Dei*, Melius MSS., *virtutes Dei*: quas nimirum infra Manichæi dicunt esse in sole et luna tanquam in duabus navibus *sanctas virtutes*. Concordat in Augiensi exemplari veteri ille de Heresibus liber, quem indito nomine Prædestinati publicavit Jacobus Sirmondus; qui tamen hoc loco *virtutem Dei* edidit.

² Hæc pars sententiae, et rursus..... gentis adversæ, restituuntur ex MSS. Vide librum de Natura Boni, cap. 44.

tandum. Qua occasione, vel potius execrabilis superstitionis quadam necessitate, coguntur Electi eorum velut eucharistiam conspersam cum semine humano sumere, ut etiam inde, sicut de aliis cibis quos accipiunt, substantia illa divina purgetur. Sed hoc se facere negant, et alios nescio quos sub nomine Manichæorum facere affirmant. Detecti sunt tamen in ecclesia, sicut scis, apud Carthaginem, jam te ibi diacono constituto, quando instantे Urso tribuno, qui tunc domui regiae præfuit, aliqui adducti sunt (a) ubi puella nomine Margarita istam nefariam turpitudinem prodidit, quæ cum esset annorum nondum duodecim, propter hoc scelestum mysterium se dicebat esse vitiatam³. Tunc Eusebiam quamdam manichæam quasi sanctimoniale, id ipsum propter hoc ipsum passam, vix compulit confiteri, cum primo illa se asseruisset integrum, atque ab obstetricie inspeci postulasset: quæ inspecta, et quid esset inventa, totum illud turpissimum scelus, ubi ad excipiendum et commiscendum concubentium semen farina substeruit (quod Margarita indicante absens non audierat), similiter indicavit. Et recenti tempore nonnulli eorum reperti, et ad ecclesiam ducti, sicut Gestæ episcopalia quæ nobis misistis ostendunt, hoc non sacramentum, sed exsecramentum, sub diligenti interrogatione confessi sunt: quorum unus nomine Viator, eos qui ista faciunt proprio Catharistas⁴ vocari dicens, cum alias ejusdem manichææ sectæ partes in Matarios⁵, et specialiter Manichæos, distribui perhiberet, omnes tamen has tres formas ab uno auctore propagatas, et omnes generaliter manichæos esse, negare non potuit. Et certe illi libri manichæi sunt omnibus sine dubitatione communes, in quibus libris illa portenta ad illuciendos et per concupiscentiam dissolvendos utriusque sexus principes tenebrarum, ut liberata fugiat ab eis, quæ captivata tenebatur in eis *divina substantia*, de masculorum in feminas et feminarum in masculos transfiguratione conscripta sunt, unde ista, quam quilibet eorum negant⁶ ad se pertinere, turpitudo defluxit. Divinas enim virtutes, quantum possunt, imitari se putant, ut purgent Dei sui partem: quam projecto, sicut in omnibus corporibus cœlestibus et terrestribus, atque in omnium rerum seminibus, ita et in hominis semine teneri existimant inquinatam. Ac per hoc sequitur eos, ut sic cam etiam de semine humano, quemadmodum de aliis seminibus quæ in alimentis sumunt, debeat manducando purgare. Unde etiam Catharistæ appellantur, quasi purgatores, tanta eis purgantes diligentia, ut se nec ab hac tam horrenda cibi turpitudine abstineant. Nec vescuntur tamen car-

¹ Sic MSS. Editi autem habent, *violatam*.

² Sic editi alii, *id est mandatores vel purgatores*.

³ Editi, *Macarios*: quod erratum secutus est Sirmondus in suo Prædestinato; quanquam Augiensis ejusdem Prædestinatio exemplar prefert, *Matarios*. Sic vero habent hic etiam Augustini MSS. omnes. Nempe quia in mattis dormiunt, Matarios appellatur, ex libro 3 contra Faustum, cap. 5.

⁴ Ita vaticani duo MSS. At editi, unde ista eorum, quamlibet negant, etc.

(a) Vid. Possid. in vita Augustini, cap. 16.

nibus , tanquam de mortuis vel occisis fugerit divina substantia , tantumque ac tale inde remanserit , quod jam dignum non sit in Electorum ventre purgari. Nec ova saltem sumunt , quasi et ipsa cum franguntur exspirent , nec oporteat ullis mortuis ¹ corporibus vesci , et hoc solum vivat ex carne , quod farina , ne moriatur , excipitur. Sed nec alimonia lactis utuntur , quamvis de corpore animantis vivente mulgeatur sive sugatur : non quia putant divinæ substantiæ nihil ibi esse permixtum , sed quia sibi error ipse non constat. Nam et vinum non bibunt , dicentes fel esse principium tenebrarum ; cum vescantur uvis : nec musti aliiquid , vel recentissimi , sorbent. Animas Auditorum snorum in Electos revolvi arbitrantur , aut feliciore compendio in escas Electorum suorum , ut jam inde purgatae in nulla corpora revertantur. Cæteras autem animas et in pecora redire putant , et in omnia ² que radicibus fixa sunt atque aluntur in terra. Herbas enim atque arbores sic putant vivere , ut vitam que illis inest , et sentire credant , et dolere , cum leduntur ³ : nec aliquid inde sine cruciati eorum quemquam posse vellere aut carpere. Propter quod , agrum etiam spinis purgare , nefas habent. Unde agricultoram , que omnium artium est innocentissima , tanquam plurium homicidiorum ream dementer accusant : suisque Auditoribus ideo hæc arbitrantur ignosci , quia præbent inde alimenta Electis suis ; ut divina illa substantia in eorum ventre purgata , impetrat eis veniam , quorum traditur oblatione purganda. Itaque ipsi Electi , nihil in agris operantes , nec poma carpentes , nec saltem folia ulla vellentes , exspectant huc afferri usibus suis ab Auditoribus suis , viventes de tot ac tantis secundum suam vanitatem homicidiis alienis. Monent etiam eosdem Auditores suos , ut si vescuntur carnibus , animalia non occidant , ne offendant principes tenebrarum in cœlestibus colligatos , a quibus omnem carnem dicunt originem ducere : et si utuntur conjugibus , conceptum tamen generationemque devitent , ne divina substantia que in eos per alimenta ingreditur , vinculis carneis ligetur in prole. Sic quippe in omnem carnem , id est , per escas et potus venire animas credunt. Unde nuptias sine dubitatione condemnant , et quantum in ipsis est , prohibent ; quando generare prohibent , propter quod conjugia copulanda sunt , Adam et Eam ex parentibus principibus sumi asserunt natos : cum pater eorum nomine Saclas sociorum suorum fetus omnium devorasset , et quidquid inde commixtum divine substantiæ ceperat , cum oxore coniunctus in carne proliis tanquam tenacissimo vinculo colligasset. Christum autem fuisse affirmant , quem dicit nostra Scriptura serpentem , a quo illuminatos asserunt , ut cognitio nis oculos aperirent , et bonum malumque dignoscerent : eumque Christum novissinis temporibus venisse ad animas , non ad corpora liberanda. Nec fuisse in carne vera , sed simulatam speciem carnis

judicandis humanis sensibus præbuisse , ubi non solum mortem , verum etiam resurrectionem similiter mentiretur. Deum qui Legem per Moysen dedit , et in Hebreis Prophetis locutus est , non esse verum Deum , sed unum ex principibus tenebrarum. Ipsiusque Testamenti Novi scripturas tanquam infalsatas ita legunt , ut quod volunt inde accipient , quod non hunc rejiciant , eisque tanquam totum verum habentes ⁴ nonnullas apocryphas anteponant. Promissionem Domini Jesu Christi de paracleto Spiritu sancto (*Joan. xvi.* , 7) in suo hæresiarcha Manichæo dicunt esse completam. Unde se in suis litteris Jesu Christi apostolum dicit , eo quod Jesus Christus se missurum esse promiserit atque in illo miserit Spiritum sanctum. Propter quod etiam ipse Manichæus duodecim discipulos habuit , ad instar apostolici numeri , quem numerum Manichæi hodieque custodiunt. Nam ex Electis suis habent duodecim , quos appellant magistros , et tertium decimum principem ipsorum : episcopos autem septuaginta duos , qui ordinantur a magistris ; et presbyteros , qui ordinantur ab episcopis. Habent etiam episcopi diaconos. Jam ceteri tantummodo Electi vocantur : sed mittuntur etiam ipsi qui videntur idonei , ad hunc errorem , vel ubi est , sustentandum et augendum ; vel , ubi non est , etiam seminandum. Baptismum in aqua nihil cuiquam perhibent salutis afferre : nec quemquam eorum quos decipiunt , baptizandum putant. Orationes faciunt ad solem per diem , quaqua versum circuit : ad lunam per noctem , si appareat ; si autem non appareat , ad aquiloniam partem , qua sol cum occiderit , ad orientem revertitur , stant orantes. Peccatorum originem non libero arbitrio voluntatis , sed substantiæ tribuunt gentis adversus : quam dogmatizantes esse hominibus mixtam , omnem carnem non Dei , sed malæ mentis perhibent esse opificium , que a contrario principio Deo coetera est. Carnalem concupiscentiam , qua caro concupiscit adversus spiritum , non ex vitiata in primo hominè natura nobis inesse infirmitatem ; sed substantiam volunt esse contrariam , sic nobis adhaerentem , ut quando liberamur atque purgamerur , separetur a nobis , et in sua natura etiam ipsa immortaliter vivat : easque duas animas , vel duas mentes , unam bonam , alteram malam , in uno homine inter se habere conflictum , quando caro concupiscit adversus spiritum . et spiritus adversus carnem (*Galat. v.* , 17). Nec in nobis salvatum hoc vitium , sicuti nos dicimus , nunquam futurum : sed a nobis sejunctam atque seclusam substantiam istam mali , et finito isto sæculo post conflagrationem mundi in globo quodam , tanquam in carcere sempiterno , esse victuram. Cui globo affirmant accessurum semper et adhæsurum quasi coopterium atque tectorium ex animabus , natura quidem bonis , sed tamen que non potuerint a nature male contagione mundari.

XLVII. HIERACITÆ ⁵ , quorum auctor Hieraca numerus

¹ Sic veteres MSS. At editi , eisque tanquam non totum verum habentibus nonnullas , etc.

² Editi , Hierachitæ. At MSS. ahsque aspiratione in quarta syllaba , Hieracitæ. Graci , terukitæ.

¹ Aliquot MSS. , illis mortiæ.

² Sola editio Lov. , et omnia ; omisso , m.

³ In MSS. , cum laeditur.

cupatur, resurrectionem carnis negant. Monachos tantum et monachas et conjugia non habentes in communionem recipiunt. Ad regnum cœlorum non pertinere parvulos dicunt, quia non sunt eis ulla merita certaminis, quo virtus superantur¹.

XLVIII. MELETIANI a Meletio nuncupati, nolentes orare cum conversis, id est, eis qui in persecutione ceciderunt, schisma fecerunt². Nunc autem dicuntur Arianis esse conjuncti.

XLIX. ARIANI ab Ario, in eo sunt notissimi errore, quo Patrem et Filium et Spiritum sanctum nolunt esse unius ejusdemque naturæ atque substantiæ, aut, ut expressius dicatur, essentia, quæ ὡντα græce appellatur, sed esse Filium creaturam; Spiritum vero sanctum creaturam creaturæ, hoc est, ab ipso Filio creatum volunt. In eo autem quod Christum sine anima solam carnem suscepisse arbitrantur, minus noti sunt: nec adversus eos ab aliquo inveni de hac re aliquando fuisse certatum. Sed hoc verum esse, et Epiphanius non tacuit, et ego ex eorum quibusdam scriptis et colloctionibus certissime comperi. Rebatizari quoque ab his Catholicos novimus; utrum et non catholicos, nescio.

L. VADIANOS³, quos appellat Epiphanius, et schismaticos, non hereticos vult videri; alii vocant Anthropomorphitas, quoniam Deum sibi singunt cogitatione carnali in similitudinem hominis corruptibilis: quod rusticati eorum tribuit Epiphanius, parcens eis ne dicantur heretici. Eos autem separasse se dicit a communione nostra, culpando episcopos divites, et pascha cum Judæis celebrando. Quamvis sint qui eos in Ægypto Ecclesiæ catholice communicare asseverent. De Photinianis autem, quos isto loco Epiphanius commemorat, jam superius satis locutus sum.

LI. SEMIARIANOS Epiphanius dicit, qui similis essentia (ἀμοιβάσιον) dicunt Filium⁴, tanquam non plenos Arianos: quasi Ariani nec similem velint; cum hoc Eunomiani dicere celebrentur.

LII. MACEDONIANI sunt a Macedonio⁵, quos et Πατεροπάχες Graci dicunt, eo quod de Spiritu sancto litigent. Nam de Patre et Filio recte sentiunt, quod unius sint ejusdemque substantiæ, vel essentiæ: sed de Spiritu sancto hoc nolunt credere, creaturam eum esse dicentes. Hos potius Semiarianos vocant, quod in hac questione ex parte cum illis sint, ex parte nobiscum. Quamvis a nonnullis perhibentur, non Deum, sed deitatem Patris, et Filii dicere Spiritum sanctum, et nullam propriam habere substantiam.

LIII. AERIANI ab Ario quodam sunt, qui cum esset

¹ Sic MSS. At Lov., *separentur*. Er., *superentur*.

² Apud Lov., vel *schema fecerunt*. Abest, vel, ab Er. et a MSS.

³ Floriacensis codex hoc tantum loco habebat, *Adianos*: nam supra in indiculo operi præfixo, cum ceteris MSS. præfert, *Vadianos*. Prædestinatus in Augiensi codice *Valdianos* constanter vocat, iis duobus locis quibus Sirmonodus *Aidianos* edidit. Gracis revera dicuntur *Audzanoi*.

⁴ Lov., dicunt Patrem et Filium.

⁵ Editio addunt, *constantinopolitanæ Ecclesiæ episcopo*, quod MSS. a abest.

presbyter, doluisse fertur quod episcopus non potuit ordinari; et in Arianorum haeresim lapsus, propria quoque dogmata addidisse nonnulla, dicens offerre pro dormientibus non oportere¹; nec statuta solemniter celebranda esse jejunia, sed cum quisque voluerit jejunandum, ne videatur esse sub lege. Dicebat etiam presbyterum ab episcopo nulla differentia debere discerni. Quidam perhibent istos, sicut Encratitas vel Apotactitas, non admittere ad communionem suam nisi continentes, et eos qui saeculo ita renuntiaverint, ut propria nulla possideant. Ab esca tamen carnium non eos abstinere dicit Epiphanius: Philaster vero et hanc eis tribuit abstinentiam.

LIV. AETIANI ab Aetio sunt vocati, iidemque Eunomiani ab Eunomio Aetii discipulo; quo nomine magis innotuerunt. Eunomius quippe in dialectica prævalens, acutius et celebrius defendit hanc haeresim, dissimilem per omnia Patri asserens Filium, et Filio Spiritum sanctum. Fertur etiam usque adeo fuisse bonis moribus inimicus, ut asseveraret quod nihil cuique obasset quorumlibet perpetratio ac perseverantia peccatorum, si hujus quæ ab illo docebatur fideli participes esset.

LV. APOLLINARISTAS Apollinaris instituit, qui de anima Christi a Catholica dissenserunt, dicentes, sicut Ariani, Deum Christum carnem sine anima suscepisse. In qua questione testimonii evangelicis victi, mentem, qua rationalis est anima hominis, defuisse animæ Christi, sed pro hac ipsum Verbum in eo fuisse dixerunt. De ipsa vero ejus carne sic a recta fide dissensisse perhibentur, ut dicent carnem illam et Verbum unius ejusdemque substantiæ, contentiosissime asseverantes, Verbum carne factum, hoc est, Verbi aliquid in carnem fuisse conversum atque mutatum, non autem carnem de Mariæ carne fuisse susceptam.

LVI. ANTIDICOMARITÆ² appellati sunt heretici, qui Mariæ virginitati usque adeo contradicunt, ut affirmant eam post Christum natum viro suo fuisse commixtam.

LVII. Postremam ponit Epiphanius MASSALIANORUM³ haeresim: quod nomen ex lingua syra est. Græci autem dicuntur Εὐχεῖ, ab orando sic appellati. Tantum enim orant, ut eis qui hoc de illis audiunt incredibile videatur. Nam cum Dominus dixerit, *Oportet semper orare, et non deficere* (Luc. xviii, 1); et Apostolus, *Sine intermissione orare* (1 Thess. v, 17): quod sanissime sic accipitur, ut nullo die intermittantur certa tempora orandi: isti ita nimis hoc faciunt, ut hinc judicarentur inter hereticos nominandi. Quamvis nonnulli eos dicant de purgatione animarum nescio quam phantasticam et ridiculam fabulam nar-

¹ Sic MSS. At editi, *dicens, orare vel offerre pro mortuis oblationem non oportere*.

² In MSS., *carnem solam sine anima*.

³ Editi, *Antidicomarianæ*: Secundum Græcos. Omnes vero hic latini MSS., *Antidiconaritæ*.

⁴ Editio, *Psallianorum*. At MSS. plerique, *Massalianorum*. Pauciores, *Massilianorum*: qui tamen *Massalianos* et ipsi habent in indiculo ante præfationem. Concordant græci scriptores.

pare¹, porcam scilicet cum porcellis videri exire de ore hominius quando purgatur, et in eum visibili similiter specie ignem, qui non comburatur, intrare. Illis adjungit Epiphanius Euphemitas, Martyrianos, et Santianos², et hos omnes cum illis tanquam unam harresim ponit. Dicuntur Euchite opinari, monachis non licere sustentandæ vitæ suæ causa aliquid operari, atque ita se ipsos monachos profleri, ut omnino ab operibus vacent.

U-que ad istos ergo de haeresibus opus sum perduxit supra dictus episcopus Cyprius, apud Graecos inter magnos habitus, et a multis in catholicæ fidei sanitatem landatus. Cujus ego in commemorandis hereticis non modum, sed ordinem sum secutus. Nam et aliqua ex aliis posui que ipse non posuit, et aliqua non posui, que ipse posuit: itaque alia latius quam ipse, alia etiam brevius explicavi, paremque in non nullis exhibui brevitatem, omnia moderans sicut intentionis meæ ratio postulabat. Proinde ille de octoginta haeresibus, separatis viginti, quas ante Domini adventum exstissem, sicut ei visum est, computavit; reliquas post Domini ascensum natas sexaginta, brevissimis libris quinque comprehendit, atque omnes sex libros totius ejusdem sui operis fecit³. Ego autem, quia secundum petitionem tuam eas haereses memorare institui, que post glorificationem Christi se adversus doctrinam Christi, etiam sub velamine christiani nominis extulerunt, quinquaginta septem ex Epiphaniis ipsis opere in meum transtuli, duas in unam referens, ubi nullam differentiam potui reperire: et rursus ubi ille ex duabus unap' facere voluit, sub numeris suis singulas posui. Sed adhuc commemorare debeo, sive quas apud alios reperi, sive quas ipse reminiscor. Nunc ergo addo quas Philaster posuit, nec posuit Epiphanius.

LVIII. METANGISMONITE dici possunt, qui Metangismon asserunt, dicentes sic esse in Patre Filium, quomodo vas in vase, quasi duo corpora carnaliter opinantes; ita ut Filius intret in Patrem, tanquam vas minus in vas majus. Unde et tale nomen hic error accepit, ut *μεταγιγνόμενος* gracie diceretur: *ἀπέργειον* quippe illa lingua vas dicitur: sed introitus unius vasis in alterum, latino uno nomine non potest dici, sicut græce potuit *μεταγγιγόμενος*.

LIX. SELEUCIANI sunt vel Hermiani ab auctoribus Seleuco vel Hermia, qui elementorum materiam de qua factus est mundus, non a Deo factam dicunt, sed Deo coeternam. Nec animam Deo tribuunt creatori, sed creatores esse animalium Angelos volunt de igne et spiritu. Malum autem asserunt esse aliquando a Deo, aliquando a materia. Negant Salvatorem in carne sedere ad dexteram Patris, sed ea se exuisse perhibent, eamque in sole posuisse, accipientes occasionem de

¹ In MSS., nescio qua phantastica et ridicule fabulosa narrare.

² In impressis, *Satumanos*: eorum vitio qui edukerunt; sara MSS., omnes ferunt, *Satumanos*.

³ Editi, in sex libros totius ejusdem sui operis fecit conclusi. MSS. vero nec habent particulam, ita, nec verbum, coram illis.

PATROL. XLII.

Psalmo, ubi legitur, *In sole posuit tabernaculum suum* (*Psal. xviii*, 6). Negant etiam visibilem paradisum. Baptismum in aqua non accipiunt. Resurrectionem non putant futuram, sed quotidie fieri in gen ratione filiorum.

LX. PROCLIANITÆ seculi sunt istos, et addiderunt Christum non in carne venisse.

LXI. PATRICIANI a Patricio nuncupati, substantiam carnis humanae non a Deo, sed a diabolo conditam dicunt: eamque sic fugiendam et detestandam putant, ut quidam eorum perhibeantur etiam morte sibi illata¹ carere carne voluisse.

LXII. ASCIRÆ ab utre appellati sunt: *ἀσκός* enim græce, latine uter dicitur: quem perhibentur inflatum et opertum circuire bacchantes, tanquam ipsi sint evangelici utres novi novo vino repleti.

LXIII. PASSALORYNCHITÆ in tantum silentio student, ut naribus et labiis suis digitum oponant, ne vel ipsam taciturnitatem voce præripiant, quando tacendum sibi esse arbitrantur; unde etiam illis est nomen inditum: *πάσσαλος*; enim græce dicitur palus; et *ρύγχος* nasus. Cur autem per palum digitum significare maluerint, a quibus hoc nomen compositum est, nescio: cum græce et dicatur digitus *ἄξτρος*, et possint utique Dactylorynchite multo evidenter nuncupari.

LXIV. AQUARI ex hoc appellati sunt, quod aquam offerunt in poculo Sacramenti, non illud quod omnis Ecclesia.

LXV. COLUTHIANI a quodam Colutho, qui dicebat Deum non facere mala; contra illud quod scriptum est, *Ego, Deus creas mala* (*Isai. xlvi*, 7).

LXVI. FLORINIANI a Florino, qui e contrario dicebat Deum creasse mala: contra id quod scriptum est, *Fecit Deus omnia, et ecce bona valde* (*Gen. i*, 31). Ac per hoc quamvis contraria inter se dicentes, tamen ambo divinis eloquiis resistebant. Creat enim Deus mala, pœnas justissimas irrogando; quod Coluthus non videbat: non autem malas creando naturas atque substantias, in quantum sunt naturæ atque substance; ubi Florinus errabat.

LXVII. Hæresim quamdam sine auctore et sine nomine Philaster commemorat, que dicit hunc mundum etiam post resurrectionem mortuorum in eodem statu in quo nunc est esse mansurum, neque ita esse mutandum, ut sit cœlum novum et terra nova, sicut sancta Scriptura promittit (*Isai. lxv*, 17; II Petr. iii, 13, et Apoc. xxi, 1).

LXVIII. Est alia hæresis nudis pedibus semper ambulantium, eo quod Dominus dixerit ad Moysen, vel ad Josue², *Solve calceamentum de pedibus tuis* (*Exod. iii*, 5; et *Josue v*, 16): et quod propheta Isaías nudis pedibus jussus fuerit ambulare (*Isai. xx*, 2). Ideo ergo hæresis est, quia non propter corporis afflictionem sic ambulant, sed quia testimonia divina taliter intelligunt³.

¹ In MSS., morte sibi vel illata.

² In MSS. deest, vel ad Josue.

³ Am. Et. et plerique MSS. omittunt: *Iace ergo hæresis*

(Deut. x.)

LXIX. DONATIANI vel Donatisticæ sunt, qui primum propter ordinatum contra suam voluntatem Cœciliatum Ecclesiæ Carthaginensis episcopum schisma fecerunt : objiciens ei crimina non probata, et maxime quod a traditoribus divinarum Scripturarum fuerit ordinatus. Sed post causam cum eo dictam atque ille nitam falsitatis rei deprehensi, pertinaci dissensione firmata, in hæresim schisma verterunt : tanquam Ecclesia Christi propter crimina Cœciliani, seu vera, seu quod magis judicibus apparuit, falsa, de toto terrarum orbe perierit, ubi futura promissa est, atque in Africana Donati parte remanserit, in aliis terrarum partibus quasi contagione communionis extincta. Audent etiam rebaptizare Catholicos : ubi se amplius hæreticos esse firmarunt, cum Ecclesiæ catholice universæ placherit, nec in ipsis hæreticis Baptisma commune re cindere. Hujus hæresis principem accipimus fuisse Donatum, qui de Numidia veniens, et contra Cœciliatum christianam dividens plebem, adiunxit sibi ejusdem factionis episcopis, Majorium apud Carthaginem ordinavit episcopum. Cui Majoriano Donatus alias in eadem divisione successit, qui eloquentia sua sic confirmavit hanc hæresim, ut multi existimant propter ipsum potius eos Donatistas vocari. Exstant scripta ejus, ubi apparet cum etiam non catholicam de Trinitate habuisse sententiam, sed quanvis ejusdem substantiae, minorem tamen Patre Filiū, et minorem Filio putasse Spiritum sanctum. Verum in hunc, quem de Trinitate habuit, ejus errorum Donatistarum multitudine intenta non fuit ; nec facile in eis quisquam, qui hoc illum sensisse novavit, invenitur. Isti hæretici in urbe Roma Montenses vocantur, quibus hinc ex Africa solent episcopum mittere : aut hinc illuc Afri episcopi eorum pergere, si forte ibi eum ordinare placuerit. Ad hanc hæresim in Africa et illi pertinent, qui appellantur Circumcelliones, genus hominum agreste et famosissimæ audacie, non solum in alios immania facinora perpetrando, sed nec sibi eadem insana feritate parcendo. Nam per mortes varias maximeque precipitorum et aquarum et ignium se ipsos necare consuerunt ; et in istum furorem alios quos potuerint sexus utrinque seducere, aliquando ut occidantur ab aliis, mortem, nisi fecerint, communiantes. Verumtamen plerisque Donatistarum displicant tales, nec coram communione contaminari se putant, qui christiano ubi terrarum deinceps objiciunt ignororum crimen Afrorum. Multa et inter ipsos facta sunt schismata, et ab iis se diversis cœtibus alii atque alii separarunt ; quorum separationem extera grandis multitudo non sénxit. Sed apud Carthaginem Maximianus contra Primitianum ab ejusdena erroris centum ferme episopis ordinatus, et a reliquis trecentis decem, cum eis duodecim qui ordinationi ejus etiam praesentia corporali interfuerunt, atrocissima criminazione damnatus, compulit eos nosse etiam extra Ecclesiam dari posse Baptismum Christi. Nam quosdam ex eis cum

est, quia non propter corporis afflictionem sic ambulant ; sed quia testimonia divina latenter intelligunt.

eis quos extra eorum Ecclesiam baptizaverant, in suis honoribus sine ulla in quoquam repetitione Baptismatis receperunt, nec eos ut corrigerent per publicas potestates agere desiterunt, nec eorum criminiibus per sui Concilii sententiam vehementer exageratis communionem suam contaminare timuerunt.

LXX. PRISCILLIANISTÆ, quos in Hispania Priscillianus instituit, maxime Gnosticorum et Manichæorum dogmata permixta sectantur. Quamvis et ex aliis hæresibus in eos ¹ sordes, tanquam in sentinam quamdam horribili confusione confluxerint. Propter occultandas antea contaminationes et turpidines suas habent in suis dogmatibus et hæc verba :

Jura, perjura, secretum prodere nō.

Hui animas dicunt ejusdem naturæ atque substantiae cuius est Deus, ad agonem quendam spontaneum in terris exercendum, per septem coelos et per quosdam gradatim descendere principatus, et in malignum principem incurrire, a quo istum mundum factum volunt, atque ab hoc principe per diversa carnis corpora seminari. Astruunt etiam fatalibus stellis homines colligatos, ipsumque corpus nostrum secundum duodecim signa cœli esse compositum, sicut hi qui mathematici vulgo appellantur ; constituentes in capite Arietem, Taurum in cervice, Geminos in humeris, Cancrum in pectore, et extera nominatio signa percurrentes, ad plantas usque pervenient, quas Pisibus tribuunt, quod ultimum signum ab astrologis nuncupatur. Hæc et alia fabulosa, vana, sacrilega, quæ persequi longum est, hæresis, ista contextit. Carnes tanquam immundas escas etiam ipsa devitat : conjuges, quibus hoc malum potuerit persuadere, disjungens, et viros a nolentibus feminis, et feminas a nolentibus viris. Opistium quippe omnis carnis non Deo bono et vero, sed malignis angelis tribuunt : hoc versutiores etiam Manichæis, quod nihil Scripturarum canonicarum repudiant, simul cum apocryphis legentes omnia et in auctoritatem sumentes, sed in suos sensus allegorizando vertentes quidquid in sanctis Libris est quod eorum evertat errorem. De Christo Sabellianam sectam tenent cumdem ipsum esse dicentes, non solum Filium, sed etiam Patrem, et Spiritum sanctum.

LXXI. Dicit Philaster, esse alios hæreticos qui cum hominibus non sumunt escas : sed utrum cum aliis qui ejusdem sectæ non sunt, an etiam inter se ipsos id faciant, non exprimit. Dicit etiam eos de Patre et Filio recte, de Spiritu autem sancto non catholicæ sapere, quod cum opinentur esse creaturam.

LXXII. A Rhetorio quodam exortam hæresim dicit nimium mirabilis vanitatis, quæ omnes hæreticos recte ambulare, et vera dicere affirmat : quod ita est absurdum, ut mihi incredibile videatur.

LXXIII. Alia est hæresis, quæ dicit in Christo divinitatem doluisse, cum figeretur caro ejus in cruce.

¹ scilicet editio Lov., in eas.

LXXIV. Est alia, quæ triformem sic asserit Deum, ut quadam pars ejus sit Pater, quedam Filius, quedam Spiritus sanctus; hoc est, quod Dei unius partes sint, quæ istam faciunt Trinitatem: velut ex his tribus partibus compleatur Deus, nec sit perfectus in se ipso, vel Pater, vel Filius vel Spiritus sanctus.

LXXV. Alia est, quæ dicit aquam non a Deo creatam, sed ei semper fuisse coeternam.

LXXVI. Alia dicit, corpus hominis, non animam, esse imaginem Dei.

LXXVII. Alia dicit, esse innumerabiles mundos, sicut opinati sunt quidam philosophi Gentium.

LXXVIII. Alia, scelerorum animas converti in diablos dicit, et in quæque animalia suis meritis congrua.

LXXIX. Alia, descendente ad inferos Christo credidisse incredulos, et omnes exinde existimat liberatos.

LXXX. Alia, sempiterne natum non intelligens Filium, putat illam nativitatem sumpsisse a tempore initium: et tamen volens coeternum Patri Filium consideri, apud illum fuisse antequam de illo nascetur existimat; hoc est, semper cum fuisse, verum tamen semper cum Filium non fuisse, sed ex quo de illo natus est Filium esse cœpisse. Haec hæreses¹ putavi in hoc opus meum de Philastri opere transferendas. Et alias quidem ipse commemorat, sed mihi appellande hæreses non videntur. Quaecunque autem sine nominibus posui, nec ipse earum nomina memoravit.

LXXXI. LUCIFERIANOS a Lucifero Caralitano episcopo exortos, et celebriter nominatos, nec Epiphanius, nec Philaster inter hæreticos posuit: credo tantummodo schisma, non hæresim eos condidisse, credentes. Apud quemdam tamen, cuius nomen in eodem ejus opusculo non inventi, in hæreticis Luciferianos positos legi per haec verba: *Luciferiani, inquit, cùm teneant in omnibus catholicam veritatem, in hunc errorem stultissimum probabuntur, ut animam dicant ex transfusione generari; eademque dicunt et de carne et de carnis esse substantia.* Utrum ergo iste propter hoc quod de anima ita sentiunt (si tamen vere ita sentiunt), eos inter hæreticos ponendos esse crediderit, recteque crediderit; an etiam si id non sentirent, sive non sentiant, ideo tamen sint hæretici, quia dissensionem suam pertinaci animositate firmarunt, alia quaestio est, neque hoc loco mihi videtur esse tractanda.

LXXXII. JOVINIANISTAS quoque apud istum reperi, quos jam neveram. A Joviniano quodam monacho ista hæresis orta est ætate nostra, cum adhuc juvenes essemus (a). Hic omnia peccata, sicut stoici philosophi, paria esse dicebat, nec posse peccare hominem lavacro regenerationis accepto, nec aliquid prouesse iugia, vel a cibis aliquibus abstinentiam. Virginita-

tem Mariæ destruebat, dicens eam pariendo fuisse corruptam. Virginitatem etiam sanctimoniahum, et continentiam sexus virilis in sanctis eligentibus calibem vitam, conjugiorum castorum atque fideliuum meritis adæquabat: ita ut quedam virgines sacre provectione jam scatatis in urbe Roma, ubi haec docebat, eo auditio nupsisse dicantur. Non sane ipse vel habebat, vel habere volebat uxorem: quod non propter aliquid apud Deum maius meritum in regno vite perpetue profuturum, sed propter presentem prodesse necessitatem, hoc est, ne homo conjugales patiatur molestias, disputabat. Cito tamen ista hæresis oppressa et extincta est, nec usque ad deceptionem aliquorum sacerdotum potuit pervenire.

LXXXIII. Cum Eusebii historiam scrutatus essem, cui Rufinus a se in latinam linguam translate subsequentiā etiam temporum duos libros addidit, non inveni aliquam hæresim, quam non legerim apud istos, nisi quam in sexto libro posuit Eusebius, narrans eam existisse in Arabia. Itaque hos hæreticos, quoniam nullum eorum ponit auctorem, Arabicos possumus nunc separare: qui dixerunt animas cum corporibus mori atque dissolvi, et in fine saeculi atrumque resurgere. Sed hos disputatione Origenis præsentis et eos alloquatis, celerrime dicit fuisse correctos (Euseb., lib. 6, cap. 37). Jam nuno illæ commemorande sunt hæreses, quæ a nobis non apud istos repertæ sunt, sed in recordationem nostram quomodocumque venerunt.

LXXXIV. HELVIDIANI exorti ab Helvidio, ita virginitati Mariæ contradicunt, ut eam post Christum alios etiam filios de viro suo Joseph peperisse contendant. Sed mirum si istos¹, prætermisso Helvidii nomine, Antidicomaritas Epiphanius appellavit (a).

LXXXV. PATERNANI inferiores partes humani corporis non a Deo, sed a diabolo factas opinantur, et omnium ex illis partibus flagitiorum licentiam tribuentes impurissime vivent. Hos etiam Venustianos quidam vocant.

LXXXVI. TERTULLIANISTÆ a Tertulliano, cuius multa leguntur opuscula eloquentissime scripta, usque ad nostrum tempus paulatim deficientes, in extremis reliquiis durare potuerunt in urbe Carthaginensi: ne autem ibi posita ante aliquot annos, quod etiam te meminisse arbitror, omni ex parte consumpti sunt. Pauissimi enim qui remanserant, in Catholicam transierunt, suamque basilicam, quæ nunc etiam notissima est, Catholicæ tradiderant. Tertullianus ergo, sicut scripta ejus indicant, animam dicit immortalem quidem, sed eam corpus esse contendit: neque hanc tantum, sed ipsum etiam Deum.² Nec tamen hinc hæreticus dicitur factus. Posset enim quoquo modo putari ipsam naturam substantiamque divinam corpus vocare; non tamen corpus

¹ In MSS. Sed r̄imare int̄.

² Editi, sed eam effigialum corpus esse contendit: neque hunc tantum, sed ipsum etiam Deum corporum esse dicit, licet non effigiatum. Nec tamen hinc, etc. Exponitur quæ absunt a MSS.

(a) Epiphanius Antidicomaritanus appellat.

¹ Hic editi perperam addunt, quæ absque auctorū nominibus sunt.

(a) Vide Admonit. in lib. de Bono Conjugali, tom. 6.

cujuſ partes alie maiores, alie minores valcant vel debeat cogitari, qualia ſunt omnia quæ proprie dicimus corpora; quamvis de anima tale aliquid ſentiat: ſed potuit, ut dixi, propter ea putari corpus Deum dicere, quia non est nihil, non est inanitas, non est corporis vel animæ qualitas, ſed ubique totus, et per locorum spatia nulla partitus, in ſua tamē natura atque substantia immutabiliter permanet. Non ergo ideo eſt Tertullianus factus hereticus; ſed quia transiens ad Cataphrygas, quos ante deſtruere, cœpit etiam ſecondas nuptias contra apostolicam doctrinam (*I Tim. iv, 3*) tanquam stupra damna, et poſtmodum etiam ab ipsis diuīſus, ſua conuenticula propagavit. Dicit ſane etiam ipſe animas hominum pessimas poſt mortem in dæmones verti¹.

LXXXVII. Eſt quidam heresia rusticana in campo noſtro, id eſt, Hippoñensi, vel potius fuit: paulatim enim diminuta, in una exigua villa remanserat, in qua quidem paucissimi, ſed omnes hec fuerunt, qui omnes modo correcti et catholicī facti ſunt, nec aliquis illius ſupersedit erroris. Abelonii² vocabantur, pnnica declinatione nominis. Hos nonnulli dicunt ex filio Adæ fuſſe nominatos, qui eſt vocatus Abel: unde Abelianos vel Abeloitas eos nos poſſumus dicere. Non miſcebantur uxoribus, et eis tamen ſine uxoribus vivere ſectæ ipsius dogmate non licebat. Maſ ergo et femina ſub continentiae profiſione ſimil habitantes, puerum et puellam ſibi adoptabant in ejusdem conjunctionis pacto ſuccelfores ſuoi futuros. Morte præventis quibusque ſingulis alii ſubrogabantur: dum tamen duo duobus diſparis ſexus in illius domus ſocietate ſuccederent. Utrolibet quippe parente defuncto, uno remanenti, uſque ad ejus quoque obitum filii ſerviebant. Post cujuſ mortem etiam ipſi puerum et puellam ſimiliter adoptabant. Nec unquam eis defuit unde adoptarent, generantibus circumquaque vicinis, et filios ſuos inopes ad ſpem hereditatis alieno libenter dantibus.

LXXXVIII. PELAGIANORUM eſt heresia, hoc tempore omnium recentiſſima a Pelagio monacho exorta. Quem magistrum Cœleſtiani ſic ſecutus eſt, ut ſectatores eorum Cœleſtiani etiam runcupentur. Ili Dei gratiæ, qua prædeſtinati ſumus in adoptionem filiorum per Jesum Christum in ipsum (*Ephes. i, 5*), et qua eruimur de potestate tenebrarum, ut in eum credamus atque in regnum ipſius tranſeramur (*Colloſ. i, 13*), propter quod ait, *Nemo venit ad me, niſi fuerit ei datum a Patre meo* (*Joan. vi, 66*), et qua diſſundiſt charitas in cordibus noſtriſ (*Rom. v, 5*), ut ſides per dilectionem operetur (*Galat. v, 6*); in tantum inimici ſunt, ut ſine hac poſſe hominem eredant facere omnia divina mandata: cum ſi hoc verum eſſet, fruſtra Dominus dixiſſe videretur, *Sine me niſi potestis facere*³ (*Joan. xv, 5*). Denique

Pelagius a fratribus increpatus, quod niſi tribueret adjutorio gratie Dei ad ejus mandata facienda, corruptioni eorum hactenus cefit, ut non eam libero arbitrio præponeret, ſed infideſi calliditate ſupponeret, dicens, ad hoc eam dari hominibus, ut quæ facere per liberum jubentur arbitrium, facilius poſſint implere per gratiam. Dicendo utique, Ut facilius poſſint, voluit credi, etiam ſi diſſicilius, tamen poſſe homines ſine gratia divina facere uitta divina. Illam vero gratiam Dei, ſine qua niſi boni poſſumus faceare, non eſſe dicunt niſi in libero arbitrio, quod nullis ſuis præcedentibus meritis ab illo accepit noſtra naſtura, ad hoc tantum ipſo adjuvante per ſuam legem atque doctrinam, ut diſcamus quæ facere, et quæ ſperare debeamus, non autem ad hoc ut per donum Spiritus ſui⁴, quæ didicerimus eſſe facienda⁵, faciamus. Ac per hoc divinitus nobis dari ſcientiam conſtentur, qua ignorantia pelliſt, charitatem autem dari negant, qua pie vivitur: ut ſciliſt cum sit Dei donum ſcientia quæ ſine charitate inflat, non ſit Dei donum ipſa charitas, quæ ut ſcientia non inflat, aedificat (*I Cor. viii, 1*). Deſtruunt etiam orationes, quas facit Ecclesia, ſive pro infideſib⁹ et doctrinæ Dei reſiſtentib⁹, ut convertantur ad Deum; ſive pro fideli bus, ut augeatur in eis ſides, et perſeverent in ea. Hęc quippe non ab ipſo accipere, ſed a ſe ipsis homines habere contendunt, gratiam Dei qua liberamur ab impietate, dicentes ſecondum merita noſtra dari. Quod quidem Pelagius in epifcopali judicio Palæſtino damnari metuens, damna re compulſus eſt; ſed in posterioribus ſuis scriptis hoc inveniuntur docere. In id etiam progrediuntur, ut dicant vitam iuſtorum in hoc ſeculo nullum omnino habere peccatum, et ex hiſ Eccleſiam Christi in hac mortalitate perſici, ut ſit omnino ſine macula et ruſa (*Ephes. v, 27*); quasi non ſit Christi Eccleſia, que tota terrarum orbe clamat ad Deum, *Dimitte nobis debita noſtra* (*Matth. vi, 12*). Parvulos etiam negant, ſecondum Adam carnaliter natos, contagium mortis antiquæ prima nativitate contrahere. Siс enim eos ſine ullo peccati originalis vinculo aſſerunt naſci, ut prorsus non ſit quod eis oporteat ſeconda nativitate dimitti: ſed eos propter ea baptizari, ut regeneratione adoptati admittantur ad regnum Dei, de bono in melius translati, non iſta renovatione ab aliquo malo obligationis veteris abſoluti. Nam etiamsi non baptizentur, promittunt eis extra regnum quidem Dei, ſed tamen aeternam et beatam quamdam vitam ſuam. Ipuſ quoque Adae dicunt, etiamsi non peccasset, fuſſe corpore mortuum, neque ita mortuum merito culpe⁶, ſed conditione naturæ. Objiciuntur eis et alia nonnulla, ſe ista ſunt maxime, ex quibus intelliguntur etiam illi vel cuncta, vel pene cuncta pendere.

Ecce quam multas commemoravimus hereses, nec tamen modum tuꝝ poſtulationis implevimus. Ex quo

¹ Hinc rurſum auctoritate Mss. removimus, quod excusi libri addebat, ſtatim autem animæ credit per traducem propagauit.

² In Mss. Abelotar.

³ In plerique Mss. deest, cum ſi hoc verum eſſet, fruſtra Dominus dixiſſe videretur, *Sine me niſi potestis facere*.

⁴ Sic Mss. Editi vero, *Spiritus sancta*.

⁵ Sic ex Mss. [non autem ad hoc per donum Spiritus ſuſt, ut quæ didicerimus eſſe facienda, etc.]

⁶ Lov., neque mortuum merito culpe, omisſo, ita.

enim *christiana religio*, ut verbis tuis utar, *haereditatis promissæ nomen accepit*, quæ haereses ortæ sint, quomodo commemorare omnes potui, qui omnes nosse non potui? Quod ideo existimo, quia nullus eorum quorum de hac re scripta legi, omnes posuit: quandoquidem inveni apud alium, quas apud alium non inveni; et rursus apud istum, quas ille non posuit. Ego autem propterea plures quam ipsi posui, quia collegi ex omnibus, quas omnes apud singulos non inveni, additis etiam quas ipse recolens apud ullum illorum, invenire non potui. Unde merito credo nec me posuisse omnes; quia nec omnes qui de hac re scripserunt, legere potui, neque hoc quemquam eorum video fecisse quos legi. Postremo etiamsi omnes forsitan posui, quod non puto, utrum omnes sint utique nescio. Et ideo quod vis me loquente finiri, non saltem potest me cognoscere comprehendere. Audivi scripsisse de haeresibus sanctum Hieronymum, sed ipsum ejus opusculum nec in nostra bibliotheca invenire potuimus, nec unde possit accipi, scimus¹. Quod si tu scieris, perveni ad illud, et forte habebis melius aliquid² quam hoc nostrum: quamvis nec ipsum, licet hominem doctissimum, omnes haereses arbitrer indagare potuisse. Et certe Abelitas nostræ regionis haereticos, quantum existimo, ille nescivit: sic forte et alibi alios in obscurissimis locis reconditos, ejus notitiam ipsa locorum suorum obscuritate fugientes.

Jamvero illud quod habent tuæ litteræ, ut omnia omnino dicamus, quibus haeretici a veritate dissentiant, etiamsi omnia scirem, facere non possem; quanto minus possum, qui omnia scire non possum? Sunt enim haeretici, quod fatendum est, qui singulis, vel non multo amplius, dogmatibus oppugnant regulam veritatis: sicut Macedoniani vel Photini, atque alii quicumque ita se habent. Illi autem, ut ita dixerim, fabulones, id est, qui fabulas vanas easdemque longas perplexasque contineant, tam multis falsis dogmatibus pleni sunt, ut ipsi quoque illa numerare non possint, aut difficillime possint. Nec ulli alieno ulla haeresis facile sic innotescit, ut suis: unde nec earum quas commemoravi, omnia dogmata me dixisse vel didicisse profiteor. Quis enim non videat quantam res ista operam, et quam multas litteras flagitet? Nec ideo tamen parum prodest errores istos, quos huic operi intexui, lectos cognitosque vitare. Quid

¹ Hoc loco plerique MSS. ista interponunt: «Certissimus homo studiosus librorum ejus cognitor, de hoc interrogatus, ait nescio quem qui hanc famam disseminavit, ne scisse quid dixerit. Nam de haeresibus, inquit, nullum opusculum sanctus Hieronymus condidit.» Et prosequuntur, «Quod si tu scieris,» etc. Exstat Haeresum indiculus Hieronymi nomine per Claudium Menardum post Augustini opus imperfectum vulgatus; sed eruditorum sententia ipsi adjudicatur.

² Sic Er. et prope omnes MSS. Ali Lov., perveni, et ego por te ad illud perveniam, et forsitan habebis melius aliquid.

enim contra ista sentiat catolica Ecclesia, quod a me dicendum putasti, superfluo queritur: cum propter hoc scire sufficiat eam contra ista sentire, nec aliquid horum in fidem¹ quemquam debere recipere. Quomodo autem quæ contra hæc veritas habet, asserenda ac defendenda sint, modulum operis hujus excedit. Sed multum adjuvat cor fidele, nosse quid credendum non sit, etiam disputandi facultate id refutare non possit. Omnis itaque christianus catholicus ista non debet credere: sed non omnis qui ista non credit, consequenter debet se christianum catholicum jam putare vel dicere. Possunt enim et haereses aliæ, quæ in hoc opere nostro commemoratae non sunt, vel esse vel fieri, quarum aliquam quisquis tenuerit, christianus catholicus non erit. Quid ergo faciat haereticum, deinceps requirendum est: ut, cum hoc Domino adjuvante vitamus, non solum ea quæ scimus, verum etiam quæ nescimus, sive quæ jam orta sunt, sive quæ adhuc oriri poterunt, haeretica venena vitemus. Hujus autem sit jam voluminis finis, quod propterea vobis, antequam totum hoc opus perficerem, credidi esse mittendum, ut illud quicunque legeritis, ad id quod restat implendum, quod tam magnum esse cernitis, me orationibus adjutatis².

¹ Plures MSS., in fide.

² Hic certe finitur Augustini liber: tamen in codicibus manuscriptis plerisque addantur Nestoriani et Eutychiani (haereses utique non ante Augustini obitum nominatae), et in quibusdam etiam Timotheani, hoc ordine:

«TIMOTHEANI dicunt Filium Dei verum quidem hominem ex virginine Maria natum, sed non ita unam reddidisse personam, ut non in unam sit redactus naturam; confutatorium quoddam volentes fuisse interiora virginis, per quod duæ nature, id est, Deus et homo, in unam resolutæ et compactæ massam, unam Dei et hominis exhibuerint formam: immutata videlicet naturarum proprietate efficientium conditionem. Et ad confirmandam hujusmodi impietatem, quæ Deum assertit a sua versum natura, cogunt evangelistæ testimonium dicentis, Et verbum caro factum est: quod ita interpretatur, Divina natura in humanam versa est: O abolitionem, illi invicibilis impingente substantia! Hujus impietatis initium Timotheus, apud Bizanum Bithynie mode exsultans civitatem, continentis et religiose vitæ imagine multis illudit.

«NESTORIANI a Nestorio episcopo qui contra catholicam fidem dogmatizare ausus est, Dominum nostrum Jesum Christum hominem tantum» (plerique MSS., «dogmatizare ausus est, Christum Dominum nostrum Deum hominem tantum»), «nec id quod mediator Dic et hominum effectus est, in utero virginis de Spiritu sancto fuisse conceptum, sed postea Deum homini fuisse permixtum: nec Deum hominem passum sepulchrumque dicebat; vacuare contendensonne nostrum remedium, quo Verbum Dei sic hominem suscipere dignatus est in utero virginis, ut una persona fieret Dei et hominis, propterea sic singulariter et mirabiliter natus, mortuus etiam pro nostris peccatis, cum ea que non rapuerat persolveret, Deus hono a mortuis resurgens ascendit tu cœlum.

«EUTYCHIANI ab Eutychi quodam Constantinopolitano Ecclesiae presbytero» (addit quidam codex, «monacho») «existunt sunt, qui cum videbatur refutare Nestorium, in Aphi liarem Manichæumque transivit, et humilitatis in Christo donegans veritatem, quidquid a Verbo nostre proprietatis receptum est, divine tantummodo ascribit esse sentiæ; ut sacramentum salutis humanæ, quod non nisi in utraque substantia est, nostrum in Christo naturam negando, dissolveret, stulta impietate nou sentiens unito verso corpori auferri, quod capiti defuisset.

S. AURELII AUGUSTINI

HIPPONENSIS EPISCOPI

TRACTATUS

ADVERSUS JUDAEOS.



CAPUT PRIMUM. — 1. *Severitatis Dei exemplum in excisione Iudeorum; bonitatis vero, in insitione Gentium. Iudeorum cæcitas ex scripturis Veteris Testamenti convincenda.* Beatus apostolus Paulus, doctor Gentium in fide et veritate, exhortans nos ut in eadem fide, cuius idoneus minister effectus est, stabiles firmique maneamus, præcepto admonet, terret exemplum. *Vides, inquit, bonitatem et severitatem Dei: in eos quidem qui ceciderunt, severitatem; in te autem bonitatem¹, si permaneras in bonitate.* Hoc dixit utique de Iudeis, qui tanquam rami ex illa olea, quæ in sanctis Patriarchis tanquam in radice fructifera, propter infidelitatem fracti sunt; ut Gentium propter fidem insereretur oleaster, et fieret particeps pinguedinis oleæ ramis naturalibus amputatis. Sed noli, inquit, gloriari adversum ramos: nam si gloriaris, non tu radicum portas, sed radix te. Et quoniam salvantur aliqui ex illis, continuo subjunxit: *Alioquin et tu excideris. Sed et illi si non permanerint in infidelitate, inserentur: potens est enim Deus iterum inserere eos* (Rom. xi, 18-23). Illi autem qui permanent in infidelitate, ad illam sententiam Domini pertinent, ubi ait: *Fili autem regni hujus ibunt in tenebras exteriores; ibi erit fletus et stridor dentium.* Gentes autem permanentes in bonitate, ad illud quod superius ait: *Multi ab oriente et occidente venient, et recumbent cum Abraham et Isaac et Jacob in regno caelorum* (Math. viii, 12, 11). Itaque illis Patriarchis in radice viventibus, et infidelis superbia naturalium ramorum justa Dei severitate confringitur, et fidelis humilitas oleastri gratia divinæ bonitatis inseritur.

2. Sed quando Iudeis ista dicuntur, Evangelium Apostolumque contemnunt, et quod dicimus non audiunt; quoniam quod legunt, non intelligunt. Nam tunc si intelligerent de quo predixerit propheta, quem legunt, *Dedi te in lucem gentium, ita ut sis salus mea usque in fines terræ* (Isai. xlIX, 6); non sic cœci

essent, non sic ægroti, ut in Domino Christo nec lucem agnoscerent, nec salutem. Item si intelligerent, quod infruitose atque inaniter cantant, de quibus sit prænuntiatum, *In omnem terram exiit sonus eorum, et in fines orbis terræ verba eorum* (Psal. xviii, 5); ad sonum Apostolorum vigilarent, et verba eorum divina esse sentirent. De sanctis ergo Scripturis, quarum et apud ipsos magna habetur auctoritas, sumenda sunt testimonia, quorum et si nolint oblata utilitate sanari, aperta possint veritate convinci.

CAPUT II. — 3. *Instrumenti Veteris libros ad nos pertinere, eorumque præcepta per nos melius impleri.* Sed primo eorum ille redargendus est error, quo putant ad nos ideo non pertinere Instrumenti Veteris libros, quia jam non vetera, sed nova sacramenta servamus. Dicunt enim nobis, Quid apud vos facit lectio Legis et Prophetarum, cuius præcepta servare non vultis? eo quod carnem præputii non circumcidimus masculinam¹, et vescimur carnis quas Lex dicit immundas, nec sabbata et neomenias et dies festos eorum carnaliter observamus, nec victimis pecorum sacrificamus Deo, nec Pascha in ove et azymis similiiter celebramus: et si qua alia vetera sacramenta generali vocabulo umbras futurorum appellat Apostolus (Coloss. ii, 17), quia ea significabant suo tempore revelanda, quæ nos revelata suscepimus, ut remota umbra nuda eorum luce frueremur². De quibus singillatim nimis longum est disputare quemadmodum exiendo veterem hominem circumcidimus, non in expoliatione corporis carnis; et quos cibos vitant in pecoribus, vitamus in moribus; et exhibemus corpora nostra hostiam vivam, sanctam, Deo placentem, cui et animas nostras in desideriis sanctis pro sanguine intelligenter effundimus, et Christi velut agnii immaculati sanguine ab omni iniquitate mundamur. Qui propter similitudinem carnis peccati etiam caprino pecore³ in veteribus sacrificiis figuratur: nec

ADMONITIO PP. BENEDICTINORUM.

Tractatus adversus Iudeos emendatus est ad MSS. exemplaria vaticana tria, Cisterciensia duo, Victorinum unum, et ad editiones Am. Fr. ac Lov.

Comparavimus præterea eas omnes editiones initio Rctr. et Confess., tom. 1, memoratas. M.

* In editis, *Oratio adversus Iudeos*. In Cisterciensi vs. inscribitur, *Sermo S. Augustini contra Iudeos*. In alio vs. Cisterciensi et in uno e. Vaticani, *Sermo S. iug. de incarnatione Domini, contra Iudeos*. In Vaticani aliis duobus, *Faber P. iug. de incarnatione Domini, contra Iudeos*. Librum adversus Iudeos appellat etiam Beda sive Florus in Paulum ad Rom. 9 et 11, ad Galat. 6, ad Ephes. 2, ad Coloss. 2, et ad Hebr. 7. In Possidii Indiculo, cap. I, notantur Tractatus duo adversus Iudeos.

¹ In editis, *bonitatem Dei. Abest, Dei, a MSS. et a graeco textu Apostoli.*

¹ Omnes sere MSS., *carnem præputii non circumcidimus masculinam*: cum quibus concordat Beda vulgaris.

² Ita omnes MSS. et Beda seu Florus ad Coloss. 2. Ali editi, *ut remota umbra Iudeorum, luce frueremur.*

³ Vaticani duo MSS., *hircum peco. c.*

eum negat in crucis cornibus taurum, qui in illo agnoscit maximam victimam. In illo requiem cum invenimus, vere sabbatizamus : et huius novæ observatio, vitæ novæ est sanctificatio. Et Pascha nostrum¹ Christus est; et azyma nostrum sinceritas veritatis, fermentum non habens vetustatis : et si qua alia sunt, in quibus nunc immorari opus non est, quæ illis veteribus adumbrata sunt signis, in illo habent finem, cuius regni non erit finis. In illo quippe omnia oportebat impleri, qui venit Legem et Prophetas non solvere, sed implere (*Math. v. 17*).

CAPUT III. — 4. *Christus Legem non evanesceret arguendo, sed implendo mutavit. Mutatio veterum sacramentorum prædicta in Psalmis.* Proinde illa vetera signa rerum non evanescerent arguendo, sed implendo mutavit : ut alia essent quæ nuntiarent venisse jam Christum, quoniam fuerant illa quæ prænuntiabant esse venturum. Quid sibi autem vult, quod sic prænotantur quidam psalmi, quos et ipsi legunt et habent in Litterarum auctoritate sanctorum, ut in eorum titulis scriptum sit, *Pro iis quæ immutabuntur?* textus vero eorumdem psalmorum prædicat Christum : nisi quia eorum mutatio per illum futura prædicta est, per quem apparebat impleta, ut populus Dei, qui nunc est populus christianus, jam non cogatur observare quæ propheticis temporibus observabantur : non quia damnata, sed quia mutata sunt ; non ut res ipse quæ significabantur perirent, sed ut rerum signa suis quæ temporibus convenienterent.

CAPUT IV. — 5. *Christus in Psalmo quadragesimo quarto prænuntiatus.* Denique in psalmo quadragesimo quarto (nam ipse primus est eorum qui hujusmodi titulum præserunt, *Pro iis quæ immutabuntur* : ubi etiam legitur, *Canticum pro dilecto*) apertissime Christus ostenditur : *Speciosus forma præ filii hominum. Qui cum in forma Dei esset, non rapinam arbitratus est, esse æqualis Deo.* Ibi ei dicitur, *Accingere gladium tuum juxta femur* : quod in carne esset hominibus locuturus. Per gladium quippe sermo, per femur caro significatur : quia *semet ipsum exinanivit, formam servi accipiens*; ut ille per divinitatem *speciosus forma præ filii hominum*, etiam illud fieret per infirmitatem, quod de illo aliis propheta, *Vidimus eum, et non habebat speciem, neque decorum; sed vultus ejus abjectus, et deformis positio ejus* (*Isai. lxx. 2*). Nam in eodem psalmo, quod non tantum homo, sed etiam Deus sit Christus, apertissime ostenditur, cum subditur : *Thronus tuus, Deus, in seculum seculi, virga æquitatis² virga regni tui. Dilexisti justitiam et odisti iniquitatem; propterea unxit te, Deus, Deus tuus oleo exultationis præ participibus tuis.* Ab unctione quippe, quæ grace christi dicitur, Christus est appellatus : ipse est Deus unctus a Deo, qui et ipsam cum ceteris sacramentis

carnalem in spiritualem mutavit unctionem. Ibi ei de Ecclesia dicitur : *Asitit regina a dextris tuis in vestitu deaurato, circumamicta varietate.* Ubi significatur linguarum varietas in omnibus gentibus : quatum tamen una et simplex fides est intus : *Omnis enim pulchritudo filia regis intrinsecus.* Quoniam *Psalmus alloquitur dicens, Audi, filia, et vide* : audi promissum, vide completum. *Et obliuiscere populum tuum et dominum patris tui.* Sie nova impletur, sie vetera commutantur. Quoniam concupit rex speciem tuam. Speciem quam fecit ipse per se, non invenit in te. Quomodo enim species esse ejus oculis, quando eras tuis sealata peccatis? Ne tamen spem tuam arbitraris ponendam in homine, sequitur et dicit, *Quoniam ipse est Dominus³, Deus tuus.* Ne formam servi spernas, ne potentis infirmitatem excelsique humilitatem derideas, *ipse est Deus tuus.* In eo quod parvus apparet, magnus latet ; in umbra mortis sol justitiae, in contumelia crucis Dominus glorie. Quoniam eum persecutores neceperint, infideles negent, *ipse est Dominus Deus tuus* : per cuius corpus immutantur, quæ antea per umbras figurabantur.

CAPUT V — 6. *Titulo Psalmi sexagesimi octavi qui de Christi passione scriptus est, etiam mutatio prædictatur.* Psalmus quoque sexagesimus octavus habet in titulo : *Pro iis quæ commutabuntur.* Et cantatur ibi passio Domini nostri Jesu Christi, transfigurantis in se quasdam etiam voces membrorum, hoc est fidelium suorum. Non enim ipso ulla delicta habuit, sed nostra portavit : unde dicit, *Et delicta mea a te non sunt abscondita.* Ibi scriptum est et prænuntiatum, quod in Evangelio legimus factum (*Math. xxvii. 34, 48*): *Dederunt in escam meam fel, et in sitiura potaverunt me aceto.* Per hunc ergo immutata sunt vetera, quæ titulus Psalmi prædixerat immutanda. Quod Judæi legentes et non intelligentes, aliqui se dicere existimant, cum requirunt a nobis quomodo accipiamus auctoritatem Legis et Prophetarum, cum sacramenta non observeamus quæ ibi præcepta sunt. Non observamus, quia mutata sunt : mutata sunt autem, quia mutanda prænuntiata sunt ; et in eum credimus, cuius revelatione mutata sunt. Non ergo observamus sacramenta quæ ibi præcepta sunt, quia intelligimus quæ ibi prædicta sunt, et tenemus quæ ibi promissa sunt. Isti autem qui haec nobis objiciunt, adhuc amari sunt ex parentibus suis, qui dederunt in escam Domino fel, et adhuc veteres, ex aceto quod ei potandum obtulerunt : et ideo non intelligent, quia in eis impletur quod sequitur, *Fiat mensa eorum coram ipsis in muscipulam, et retribuptionem et scandalum.* Ipsi enim fellei et acidi facti sunt, felleas et acidas escas pani vivo ministrando⁴. Quomodo enim haec videant, de quibus ibi prædictum est, *Excaecentur oculi eorum, ne rideant et quonodo*

¹ Hic editi addunt verbum, *immolatus*, quod a MSS. et Beda vulgo abest.

² Editi hic et infra, qui immutabuntur. At MSS. omnes et Beda constant habeant, quæ immutabuntur.

³ In duobus MSS. et ad oram editionis Lov., *virga directionis* : quam lectionem sequitur Augustinus, *Ecclesiastice lib. eundem psal. 44.*

⁴ Vox, *Dandius*, non in omnibus codicibus reperitur. Est apud LXX; sed ab his abest, *Deus*.

⁵ Sic MSS. Edit. vero, *fel et acetum facti sunt, felleas et acidas panis rivo capulas ministrando.*

⁶ Edit. *Observentur* : qui tamen infra, cap. 6, in concordiam redeuntes cum MSS. habent, *Excaecantur.*

sunt recti, ut sursum cor habeant, de quibus prædictum est, *Et dorsum eorum semper incurva?* Nec de omnibus haec dicta sunt: immo vero de omnibus ad quos pertinent quæ predicta sunt. Ad eos enī qui vel tunc ex illis crediderunt in Christum, vel nunc usque credunt, vel deinceps usque in finem saeculi credituri sunt, ista non pertinent, ad verum Israel scilicet, qui videbit Dominum facie ad faciem. *Neque enim omnes qui ex Israel sunt, hi Israel sunt: neque qui sunt semen Abraham, omnes filii sunt; sed in Isaac, inquit, rocambitur tibi semen: hoc est, non ii qui filii carnis, hi filii Dei, sed filii promissionis députantur in semen* (Rom. ix, 6-8). Sed hi pertinent ad spiritualem Sion et civitates¹ Iudeæ, id est, Ecclesiæ: de quibus Apostolus dicit, *Eram autem ignotus facie Ecclesiis Iudeæ, quæ sunt in Christo* (Galat. i, 22). Quoniam, sicut in eodem psalmo paulo post ponitur, *Deus salvam faciet Sion, et redificabuntur civitates Iudeæ. Et inhabitabunt eam, et hereditate acquirent eam.* *Et semen servorum ejus possidebunt eam, et qui diligunt nomen ejus, inhabebunt in ea.* Sed cum hæc audiunt Iudeæ, carnaliter accipiunt, et terrenam Jerusalem cogitant, quæ servit eum filii suis: non matrem nostram æternam in cœlis (Id. iv, 25, 26).

CAPUT VI — 7. *Titulus quoque Psalmi septuagesimi noni prænuntiat mutationem. Mutationis facienda testimonia contra Iudeos apertiora.* Item psalmus septuagesimus nonus simili titulo prænotatur: *Pro iis quæ immutabuntur.* In quo psalmo inter cetera scriptum est, *Raspice de cœlo, et vide, et visita vineam istam: et perfice eam quam plantavit dextera tua; et super Filium hominis, quem confirmasti tibi.* Ipsa est enim vinea de qua dicitur: *Vineam ex Ægypto translusti.* Non enim Christus aliam plantavit, sed ipsam, veniendo, in melius commutavit. Sic et in Evangelio legitur: *Malos male perdet, et vincam suam locabit aliis agricolis* (Matth. xxi, 41). Non enim ait, Eradicabit, aliamque plantabit; sed, eamdem ipsam locabit aliis agricolis. Eadē namque est sanctorum societate civitas Dei et congregatio filiorum promissionis, mortalium decessione ac successione complenda, atque in fine saeculi simul in omnibus immortalitatem debitam receptura: quæ alio modo in alio psalmo per olivam fructiferam significatur, et dicit, *Ego autem sicut oliva fructifera in domo Dei, speravi in misericordia Dei in æternum, Et in sæculum saeculi* (Psal. li, 10). Neque quia fracti sunt infideles et superbi, ac per hoc infructiosi rami, ut inseretur oleaster Gentium, ideo perire potuit radix Patriarcharum et Prophetarum. *Quia etsi fuerit,* inquit Isaías, *numerus filiorum Israël sicut arena maris, reliquæ salvæ fient* (Isai. x, 22): sed per eum de quo dicitur, et super Filium hominis, quem confirmasti tibi; et de quo repetitur, *Fiat manus tua super virum dexteræ tuæ, et super Filium hominis, quem confirmasti tibi.* *Et non discedimus a te.* Per hunc filium hominis, id est Christum Jesum, et de suis reli-

quis, hoc est Apostolis, et aliis multis, qui ex Israëlitis in Christum Deum² crediderunt, accedente plenitudine Gentium, vinea sancta perficitur: et in remotione veterum, atque institutione novorum sacramentorum titulus ejus psalmi, *Pro his quæ com-mutabuntur,* impletur.

8. Aprioribus itaque testimoniis cum eis agendum est, quæ sive consentiant, sive dissentiant, tamen sentiant. *Ecce dies veniunt, dicit Dominus, et confirmabo super dominum Jacob testamentum novum, non secundum testamentum quod constitui patribus eorum, in die qua apprehendi manum eorum, ut educerem eos de terra Ægypti* (Jerem. xxxi, 31, 32). Ista certe predicta mutatio, non per Psalmorum titulos intelligentibus paucis significatur, sed manifesto præconio propheticæ vocis exprimitur. Aperte promissum est testamentum novum, non secundum testamentum quod factum est ad populum, quando eductus est de Ægypto. Cum ergo in illo veteri testamento præcepta sint ista, quæ nos ad novum pertinentes observare non cogimur, cur non Iudei se potius in vetustate supervacanca remansisse cognoscunt, quam nobis nova prouissa tenentibus, quod vetera non observemus, objiciunt? Quoniam ergo, sicut scriptum est in Canticō cantorum, *Aspiravit dies, removeantur umbræ* (Cant. ii, 17); spiritualis significatio jam luescat, carnalis celebratio jam quiescat. *Deus deorum Dominus locutus est, et vocavit terram a solis ortu usque ad occasum:* utique omnem terram ad testamentum novum, cui dicitur in alio psalmo, *Cantate Domino canticum novum; cantate Domino omnis terra.* Non ergo sicut antea ex monte Sina locutus est uni populo, quem vocavit ex Ægypto Deus deorum; sed sic locutus est, ut vocaret terram a solis ortu usque ad occasum. Quam si Iudeus vellet intelligere locutionem, audiret hanc vocationem, et in eis esset quibus in eodem psalmo dicitur, *Audi, populus meus, et loquar tibi, Israel, et testificabor tibi: Deus, Deus tuus ego sum.* Non super sacrificia tua arguam te; holocausta autem tua in conspectu meo semper. Non accipiam de domo tua titulos, neque de gregibus tuis hircos: quoniam meæ sunt omnes bestiæ silvæ, pecora in montibus et boves; cognovi omnia volatilia cœli, et species agri necum est. Si esuriero, non dicam tibi: meus est enim orbis terræ et plenitudo ejus. Numquid manducabo carnes taurorum, aut sanguinem hircorum potabo? Immola Deo sacrificium laudis, et redde Altissimo preces tuas³. Et invoca me in die tribulationis, et eruam te, et glorificabis me. Certe et hic sacrificiorum veterum aperta mutatio est. Illa enim Deus accepturum se non fore prædictit, cultoribus suis sacrificium laudis indixit: et hoc non quod a nobis tanquam indigens expectat laudem, sed ut in ea nobis consulat ad salutem. Nam eundem psalmum ita conclusit: *Sacrificium*

¹ Editi, in Christum Dominum. Vetus codex Cisterciensis, in Christum Domini. Alii 1lerique MSS., in Christum Deum.

² Habant editi, vota tua. Sed veteres codices omnes habent, preces tuas: et sic Augustinus i se, Euarr. in eundem psalmum 49. Grace est apud LXX, tis euchas son.

³ Editi, et civitatem. Melius MSS., et civitales.

Ludis glorificabit me : et ibi via est, ubi ostendam illi salutare Dei (Psal. xlix). Quid vero est salutare Dei, nisi Filius Dei, Salvator mundi ; dies Filius ex die Patre, hoc est lumen ex lumine, cuius adventus revelavit testamentum novum ? Unde etiam ubi dicitur, *Cantate Domino canticum novum; cantate Domino, omnis terra. Cantate Domino, benedicite nomen ejus;* statim evangelizandus ipse monstratur, atque additur, *Bene nuntiate diem ex die salutare ejus (Psal. xc 1, 2).* Ipse igitur sacerdos et victimam sacrificium laudis implevit, malorum operum tribuens indulgentiam, et bene operandi largiens gratiam. Ad hoc enim Dominum sacrificium laudis ab ejus cultoribus immolatur, ut qui gloriatur, in Domino gloriatur (I Cor. i. 31).

CAPUT VII. — 9. Judæi prophetias quasdam pro se non recte interpretantes. Quæ magis in Judæos quadrant Prophetarum voces. Sed hoc Judæi cum audiunt, erecta cervice respondent : Nos sumus ; de nobis hoc dictum est, nobis hoc dictum est. Nos enim sumus Israel populus Dei : nos in verbis dicentis agnoscimus, *Audi, populus meus, et loquar tibi, Israel, et testificabor tibi.* Quid sumus ad ista dicturi ? Novimus quidem Israel spiritualem, de quo dicit Apostolus, *Et quicunque hanc regulam sequuntur, pax super illos et misericordia, et super Israel Dei (Galat. vi, 16)* : istum autem Israel scimus esse carnalem, de quo idem dicit, *Videte Israel secundum carnem (I Cor. x, 18).* Sed isti non capiunt, et eo se ipsos carnales esse convineunt. Quos paululum quasi præsentes alloqui libet : Itane vos ad eum populum pertinetis, quem rocauit Deus deorum a solis ortu usque ad occasum ? Nonne vos ex Ægypto in terram Chanaan translati estis ? non illuc vocati a solis ortu usque ad occasum, sed inde dispersi in solis ortum et in occasum. Nonne vos ad ejus inimicos potius pertinetis, qui dicit in psalmo, *Deus meus demonstravit mihi in iniiciis meis : ne occideris eos, ne quando oblivi- scantur legis tuæ : disperge illos in virtute tua (Psal. L viii, 12)* ? Unde non obliscentes legem Dei, sed eamdem circumferentes, Gentibus ad testimonium, vobis ad opprobrium, nescientes eam populo ministratis, qui vocatus est a solis ortu usque ad occasum. An vero negabis ? et ea quæ tanta auctoritate prædicta, tanta manifestatione completa sunt, aut maiore cœcitate non intuemini, aut mirabili impudentia non fatemini ? Quid ergo ad illud responsuri estis, quod Isaias propheta proclamat : *Erit in novissimis temporibus manifestus mons dominus Domini, paratus in cacumine montium, et exaltabitur super colles ; et venient ad eum universæ gentes, et dicent : Venite, ascendamus in montem Domini, et in domum Dei Jacob, et annuntiabit nobis viam salutis, et ingrediemur in eam ; ex Sion enim lex prodiit, et verbum Domini ex Jerusalem (Isai. ii, 2 et 3)* ? An et hic dicturi estis, Nos sumus ; quoniam audistis domum Jacob et Sion et Jerusalem ? Quasi nos negemus de semine Jacob

¹ Ita MSS., nec aliter legit Augustinus, Enarr. in hunc psalmum 58. At editi ferent, demonstrati inter ini-
cos meos. Et infra, disperge illos in veritate tua.

esse Christum Dominum secundum carnem, qui significatus est vocabulo montis parati super cacumen montium, quod omnes celsitudines ¹ ejus celsitudo transcendit : aut negemus Apostolos et illas Ecclesias Judææ, que post Christi resurrectionem in eum continuo credideront, ad dominum Jacob pertinere : aut vero aliis intelligendus sit spiritualiter Jacob, quain ipse populus christianus ; qui cum sit minor natu, quam populus Judæorum, tamen cum crescendo superat ², et subdit : ut impleatur quod de duabus illis fratribus in figura prædictum est, *Et major serviet minori (Gen. xxv, 23).* Sion autem et Jerusalem quamvis spiritualiter intelligatur Ecclesia, magis tamen adversus istos idoneum testimonium est, quia ex isto loco, ubi Christum crucifixerunt, et lex et verbum Domini processit ad Gentes. Lex enim quæ illis per Moysen data est, de qua superbius extolluntur, et de qua melius convincuntur, non intelligitur prodisse de Sion et Jerusalem, sed de monte Sina. Ad terram quippe promissionis, ubi est Sion ³, que appellatur etiam Jerusalem, post quadraginta annos cum ipsa Lege venerunt : non autem ibi eam vel inde acceperunt ⁴. Evangelium vero Christi, et Lex fidei, quod certum est, inde processit. Sicut etiam ipse Dominus, posteaquam resurrexit, loquens discipulis suis, et ostendens prædicta divinorum eloquiorum in se esse completa : *Quoniam sic scriptum est, inquit, et sic oportuit Christum pati, et resurgere a mortuis die tertio, et prædicari in nomine ejus paenitentiam et remissionem peccatorum per omnes gentes, incipientibus ab Jerusalem (Luc. xxiv, 46, 47).* Ecce quod prophetavit Isaias dicens : *Ex Sion enim lex prodiit, et verbum Domini ex Jerusalem.* Ibi enim veniens desuper secundum Domini pronissionem Spiritus sanctus, eos quos tunc una domus continebat, implevit, et loqui linguis omnium gentium fecit (Act. ii, 1-6) : et inde exierunt prædicare Evangelium in notitiam omnium gentium. Sicut enim Lex illa, quæ processit de monte Sina, quinquagesimo die post celebratum Pascha conscripta est digito Dei, quo significatur Spiritus sanctus : ita Lex ista, quæ processit de Sion et Jerusalem, non in tabulis lapideis, sed in tabulis cordis sanctorum Evangelistarum scripta est per Spiritum sanctum, quinquagesimo die post verum Pascha passionis et resurrectionis Domini Christi ; quo die Spiritus sanctus est missus, qui fuerat ⁵ ante processus.

10. Ite nunc, o Israelitæ secundum carnem, non secundum spiritum ; ite nunc, et adhuc contradicite apertissimæ veritati : et cum auditis, Venite, ascendamus in montem Domini, et in domum Dei Jacob ; dicite, Nos sumus ; ut cæci offendatis in montem, ubi

¹ Editi, celsitudines eorum ejus celsitudo transcendit vocem, eorum, expunimus auctoritate Cisterciensium MSS.

² Vaticani duo MSS., tamen eum transcendent, superat.

³ Nomen, Sion, hic in editis omissum, restituitur ex MSS.

⁴ Omnes codices MSS. omittunt, non autem ibi eam, vel inde acceperunt.

⁵ Editi, qui fideliter fuerat. Abest, fideliter, a MSS.

collisa facie pejus perdatis frontem. Si vere vultis dicere, Nos sumus; ibi hoc dicite, ubi auditis, *Ab ini-quitatibus populi mei ductus est ad mortem* (*Isai. lvi, 8*). De Christo enim dictum est, quem vos in parentibus vestris duxistis ad mortem; qui sicut ovis ad immolandum duxerit est, ut Pascha, quod nescientes celebratis, nescientes saeviendo impleretis¹. Si vero vultis dicere, Nos sumus; tunc dicite, quando auditis, *Incrassa cor populi hujus, et aures eorum oppila, et oculos eorum grava* (*Id. vi, 10*). Tunc dicite, Nos sumus; quando auditis, *Tota die expandi manus meas ad populum non credentem, et contradicentem* (*Id. lxv, 2*). Tunc dicite, Nos sumus; quando auditis, *Excen-tentur oculi eorum ne videant, et dorsa eorum semper incurva* (*Psalm. lxxiiii, 24*). In his atque hujusmodi propheticis vocibus dicite, Nos sumus; ubi sine ulla dubitatione vos estis: sed sic cœci estis, ut esse vos dicatis ubi non estis, et non vos agnoscatis ubi estis.

CAPUT VIII. — 11. *Judæorum a Deo dimissio per Isam prænuntiata*. Sed in hæc manifestiora que dicturus sum, paulisper attendite. Certe cum auditis in hono Israel, dicitis, Nos sumus; et eum auditis in hono Jacob, dicitis, Nos sumus. Et cum a vobis causa requiritur, respondetis, Quoniam Jacob ipse est et Israel, ex quo patriarcha propagati sumus, unde merito patris nostri appellatione censemur. Non ergo vos alto et gravi sonno dormientes, ad spirituallia que non capit is excitamus; neque nunc quomodo spiritualiter accipienda sint ista vocabula, vobis in auditu et visu spirituali surdis et cœcis persuadere conamus. Nempe sicut vos fatemini, et lectio libri Geneseos manifeste declarat, unus homo erat Jacob et Israel (*Gen. xxxii, 28*); et unde gloriamenti, ipsa est dominus Jacob, que dominus est Israel. Quid ergo est, quod idem ipse propheta, cum prænuntiasset montem futurum paratum in cacumine montium, ad quem venturæ essent universæ gentes; quia non de monte Sina uni genti, sed de Sion et Jerusalem lex et verbum Domini processorum esset omnibus gentibus; quod manifestissime in Christo et Christianis videmus impletum: paulo post dicit, *Et nunc tu, domus Jacob, venite, ambulemus in luce*² *Domini*? Ille profecto dicetis, ut soletis, Nos sumus; sed quod sequitur, paulisper attendite, ut cum dixeritis quod vultis, etiam quod non vultis auditatis. Nam Propheta conjugit et dicit, *Dimisit enim plebem suam, dominum Israel* (*Isai. n, 5, 6*). Ille dieite, Nos sumus; hic vos agnoscite, et nobis quia ista commemoravimus, agnoscete. Si enim libenter auditis, ad vestrum dicuntur alloquium; si vero indignanter auditis, ad vestrum dicuntur opprobrium. Dicantur tamen oportet, sive volentibus, sive nolebantibus vobis. Ecce, non ego, sed propheta quem legitis, per quem Deum locutum non potestis negare, quem de auctoritate divinarum Scri-

¹ Editi, *Ob iniqualatem*. At MSS., *Ab iniqualibus*: quod responderet graeco LXX.

² Ita MSS. At editi, *nescientes in pecude celebratis, nolis per Christum, qui est agnus Dei, consecraretur, nam pascha nostrum immolatus est Christus*.

³ Sic plures MSS. iuxta LXX. At editi, *in lucem*.

pturarum non potestis auferre, quemadmodum illi Dominus imperavit, exclamat vehementer, et sicut tuba exaltat vocem suam (*Isai. lxxx, 1*), vosque increpat, dicens: *Et nunc tu, domus Jacob, venite, ambulemus in luce Domini*. Occidistis Christum in parentibus vestris. Tamdiu non credidistis, et contradixistis: sed nondum peristis, quia nondum de corpore existis; et nunc habetis spatiū pœnitendi, et nunc venite. Olim quidem debuistis, sed et nunc venite: nondum finiti sunt dies, cui nondum venit ultimus dies. Aut si vos tanquam dominum Jacob Prophetam secutos, jam in luce Domini creditis ambulare, dominum Israel quam dimisit ostendite. Nos enim utrosque monstramus, et quos ex illa domo vocando discreverit, et quos illic remanentes dimiserit. Vocavit enim inde non solum Apostolos, sed etiam post Christi resurrectionem populum magnum; unde superius jam diximus: dimisit autem illos, quos etiam vos non credendo imitamini; et vos ipsos, qui eos imitando in eadem pernicie demoramini. Aut si vos estis quos inde vocavit, ubi sunt quos dimisit? Non enim potestis dieere, quod nescio quam aliam gentem dimiserit; cum Propheta clamet: *Dimisit enim plebem suam, dominum Israel*. Ecce quod estis, non quod vos esse jactatis. Dimisit enim et vineam, de qua expectavit ut faceret uvas, fecit autem spinas; et mandauit nubibus suis ne pluerent super eam imbre. Sed etiam inde eos vocavit, quibus dicit: *Judicate inter me et vineam meam* (*Id. v, 2-6*). De quibus et Dominus ait: *Si ego in Beelzebub ejicio dæmonia, filii vestri in quo ejiciunt?* Ideo ipsi judices erunt vestri (*Math. xii, 27*). Quibus hoc promittens: *Sedebitis, inquit, super duodecim sedes, judicantes duodecim tribus Israel* (*Id. xix, 28*). Sedebit itaque domus Jacob, que in luce Domini vocata ambulavit, judicare dominum Israel, hoc est, plebem ipsius quam dimisit. Quomodo enim juxta eundem prophetam, *Lapis quem reprobaverunt ædificantes, hic factus est in caput anguli* (*Isai xxviii, 16*, et *Psalm. cxvii, 22*); nisi quod ex circumcitione et præputio populi tanquam parietes de diverso venientes, in angulo sibimet tanquam in pacis osculo copulantur? Unde dicit Apostolus: *Ipse est enim pax nostra, qui fecit utraque unum* (*Ephes. ii, 14*). Qui ergo ex domo Jacob sive Israel vocantem seculi sunt, ipsi sunt lapidi angulari coherentes, et in Domini luce ambulantes: quos vero ibi dimisit, ipsi sunt ruinam ædificantes, et angularem lapidem reprobantes.

CAPUT IX. — 12. *Dimissio Judæorum clarius prædicta per Malachiam. Sacrificium Christianorum ubique in terra et in celo offertur*. Postremo si hæc verba prophætica secundum cor vestrum in aliud sensum detorquere conamini, o Judæi, contra salutem vestram resistentes Filio Dei; si hæc, inquam, verba sic vultis accipere, ut eadem sit plebs et dominus Jacob vel Israel, et vocata et dimissa; non in aliis vocata, in aliis dimissa, sed universa propterea vocata, ut ambularet in luce Domini; quoniam propterea erat dimissa, quod non ambulabat in luce Domini; aut certe sic in aliis vocata, in aliis

dumissa, ut nulla facta separatione mensæ Dominicæ, ad Christi sacrificium pertinente¹, sub eisdem veteribus sacramentis essent utrique, et si scilicet qui in luce Domini ambulantes ejus præcepta servarunt, et ii qui justitiam respentes ab eo deserit meruerunt: si haec ergo sic intelligere vultis, quid dicturi estis, et quomodo alium prophetam intellectori, qui vobis omnino hanc amputat vocem, tanta manifestatione clamantem, *Non est mihi voluntas in vobis, dicit Dominus omnipotens, et sacrificium non accipiam de manibus vestris.* Quia ab oriente sole usque in occidentem nomen meum clarum factum est in gentibus; et in omni loco sacrificium offeratur nomini meo, sacrificium mundum: quoniam magnum nomen meum in gentibus, dicit Dominus omnipotens (*Malach. 1, 10, 11*). Quia tandem vox tantæ rerum evidentiæ reclamatis? Quid vos amplius nimis impudenter extollitis, ut graviore ruina miserabilius pereatis? *Non est mihi voluntas in vobis, dicit,* non quicunque, sed Dominus omnipotens. Quid tantum de Abraham semine gloriamini, qui ubicumque auditis Jacob aut Israel, aut domum Jacob vel domum Israel, cum aliqua laude dici, contenditis hoc non potuisse dici, nisi de vobis? cum Dominus omnipotens dicat, *Non est mihi voluntas in vobis, et sacrificium non accipiam de manibus vestris.* Certe hic negare non potestis, non solum illum non accipere sacrificium de manibus vestris, sed nec vos illi offerre manibus vestris. Locus enim unus est lege Domini constitutus, ubi manibus vestris sacrificia jussit offerri, prater quem locum omnino prohibuit. Hunc ergo locum quoniam pro vestris meritis amisistis, etiam sacrificium quod ibi tantum licebat offerri, in locis offerre aliis non audetis. Ecce omnino impletum est quod ait Prophetæ, *Et sacrificium non accipiam de manibus vestris.* Nam si in terrena Jerusalem maneret vobis templum et altare, possetis dicere in eis hoc esse completum, quantum iniquorum inter vos constitutorum sacrificia Dominus non accepit; aliorum vero ex vobis atque in vobis acceptare sacrificia, qui Dei præcepta custodiunt. Hoc non est cur possit dici, ubi nullus omnino vestrum est, qui secundum Legem, quæ de monte Sina processit, manibus suis sacrificium possit offerre. Neque hoc ita prædictum ei impletum est, ut vos prophætica sententia respondere permittat, Quia manibus non offerimus carnem, sed corde et ore offerimus laudem, secundum illud in Psalmo: *Imola Deo sacrificium laudis* (*Psal. xlix, 14*). Etiam hinc contradicit vobis, qui dicit, *Non est mihi voluntas in vobis.*

15. Deinde ne existimetis, non offerentibus vobis, nec illo accipiente de manibus vestris, Deo sacrificium non offerri; quo quidem ille non eget, qui bonorum nostrorum nullius indiget: tamen quia sine sacrificio non est; quod non illi, sed nobis utile est, adjungit et dicit, *Quia ab oriente sole usque in occidente nomen meum clarum est factum in gentibus; et in omni loco sacrificium offeratur nomini meo, sacrificium*

¹ Sic MSS. Editi vero, pertinentis. Forte legendum, pertinentes sub eisdem veteribus, etc.

mundum: quoniam magnum nomen meum in gentibus, dicit Dominus omnipotens. Quid ad haec respondetis? Aperite oculos tandem aliquando, et videte, ab oriente sole usque in occidentem, non in uno, sicut vobis fuerat constitutum, sed in omni loco offerri sacrificium Christianorum; non cuiilibet deo, sed ei qui ista predixit, Deo Israel. Unde et alibi dicit Ecclesiæ suæ: *Et qui eruit te, ipse Deus Israel, universæ terræ vocabitur* (*Isai. liv, 5*). Scrutamini Scripturas, in quibus putatis vos habere vitam aeternam (*Joan. v, 59*). Et profecto haberetis, si Christum in eis intelligeretis, et teneretis. Sed perscrutamini eas: ipse testimonium perhibent de hoc sacrificio mundo, quod offeritur Deo Israel; non ab una gente vestra, de cuius manibus non se acceptorum prædictit; sed ab omnibus gentibus, quæ dicunt, *Venite, ascendamus in montem Domini* (*Isai. ii, 5*). Nec in uno loco, sicut vobis præceptum erat in terrena Jerusalem; sed in omni loco, usque in ipsam Jerusalem¹. Nec secundum ordinem Aaron, sed secundum ordinem Melchisedec. Christo enim dictum est, et de Christo tanto ante prædictum est, *Juravit Dominus, et non paenitebit eum, Tu es sacerdos in aeternum secundum ordinem Melchisedec* (*Psal. cix, 4*). Quid est, *Juravit Dominus;* nisi, inconcussa veritate firmavit? et quid est, *non paenitebit eum,* nisi, hoc sacerdotium nulla omnino ratione mutabit? Neque enim sicut hominem, paenitet Deum: sed Dei dicitur paenitentia, quamvis ab illo instituta, rei cujusque mutatio, que credebatur esse mansura. Proutcum cum dicit, *Non paenitebit eum, Tu es sacerdos in aeternum secundum ordinem Melchisedec;* satis ostendit eum paenitusse, hoc est, eum mutare voluisse sacerdotium quod constituerat secundum ordinem Aaron: sicut de utroque videmus impletum. Nam et Aaron sacerdotium jam nullum est in aliquo templo, et Christi sacerdotium in aeternum perseverat in celo.

14. Ad hanc ergo lucem Domini vocalis vos Prophæta, cum dicit, *Et nunc tu, domus Jacob, venire, ambulemus in luce Domini. Tu, domus Jacob, quam vocavit et elegit; non Tu, quam dimisit. Dimisit enim plebem suam, domum Israel.* (*Isai. ii, 5, 6*). Quicumque inde venire vultis, ad hanc pertinebitis, quam vocavit; illa carabis, quam dimisit. Lux quippe Domini, in qua ambulant gentes, illa est de qua idem propheta dicit, *Dedit te in lucem gentium, ut sis salus mea usque in fines terræ* (*Id. xlii, 6*). Cui hoc dictum est, nisi Christo? de quo impletum est, nisi de Christo? Non est ista lux in vobis, de quibus identidem dictum est: *Dedit illis Deus spiritum compunctionis; oculos, ut non videant; et aures, ut non audiant, usque in hodiernum diem* (*Rom. xi, 8*). Non est, inquam, in vobis haec lux. ideo nimis excitate lapidem reprobatis, qui factus est in caput anguli. Ergo, *Accedite ad eum, et illuminamini* (*Psal. xxxiii, 6*). Quid est, *Accedite;* nisi, credite? Quo enim eatis, ut ad eum accedatis; cum ille sit lapis de quo Daniel propheta dicit, quod crescendo tam

¹ Apud Bedam, ad Hebr. 7, usque in ipsa Jerusalem: id est, etiam in ipsa Jerusalem, in celo.

magnus mons factus sit, ut impleret universam faciem terrae (*Dan.* ii, 35)? Sic enim et gentes quæ dicunt, *Venite, ascendamus in montem Domini, nusquam terrarum pergere et pervenire contendunt. Ubi sunt, ibi ascendunt*: quia in omni loco sacrificium offertur secundum ordinem Melchisedec. Et sicut alius propheta dicit, *Exterminat Deus omnes deos gentium terræ, et adorant eum unusquisque de loco suo* (*Sophon.* ii, 11). Cum ergo vobis dicitur, *Accedite ad eum*: non vobis dicitur, Naves aut jumenta præparate, et vestris victimis onerate, et de tam longinquæ pergit ad locum ubi Deus sacrificia vestrae devotionis acceptet; sed, *Accedite ad eum qui in vestris auribus prædicatur, accedite ad eum qui ante oculos vestros glorificatur*. Ambulando non laborabitis: ibi enim acceditis, ubi creditis.

CAPUT X. — 15. *Qua charitate invitandi Judæi ad fidem. Hec, charissimi*¹, *sive gratanter, sive in-*

¹ Editi, *fratres charissimi*. Abest, *fratres*, a MSS. nec apud Augustinum facile occurruunt junctæ simul hæ duæ

dignanter audiant Judæi, nos tamen ubi possumus, cum corum dilectione prædicemus. Nec superbe gloriemur adversus ramos fractos: sed potius cogitemus cuius gratia, et quanta misericordia, et in qua radice inserti sumus; ut non alta sapientes, sed humilibus consentientes (*Beda seu Florus, ad Rom. xi*), non eis cum præsumptione insultando, sed cum tremore exultando dicamus (*Psal. ii, 11*), *Venite, ambulemus in luce Domini, quoniam magnum nomen ejus in gentibus*. Si enim audierint et obaudierint, erunt inter eos quibus dictum est: *Accedite ad eum, et illuminanni* (*Rom. xi*); *et vultus vestri non erubescet*. Si autem audiunt et non obaudient, vident et invident, inter eos sunt de quibus dictum est: *Peccator videbit, et irascetur; dentibus suis frendet, et tabescet* (*Psal. cxii, 10*). *Ego autem, dicit Ecclesia Christo, velut oliva fructifera in domo Domini, speravi in misericordia Dei in aeternum, et in saeculum saeculi* (*Psal. li, 10*).

voces, *fratres charissimi*, præter quam in suppositiis sermonibus.

SEQUUNTUR

OPERA ADVERSUS MANICHAEOS,


QUE AUGUSTINUS TEMPORÆ PRESBYTERII AC EPISCOPATUS SUI CONSCRIPSIT.

Mis etiam subjicitur index aliorum Opusculorum, quibus in eodem hæreticos ante suum presbyteratum ex professo egit, necnon cæterorum in quibus ipsos obiter quocunque tempore rei rehendit.



ADMONITIO

IN OPUSCULUM SUBSEQUENS.




Librum de Utilitate credendi recenset Augustinus primum eorum quos edidit tempore sui presbyteratus. Hanc vero dignitatem Hippone suscepit sub initium anni 391; quod jam alias demonstravimus in secundi tomi præfatione, ad Augustini epistolas 8, 9, etc.

Opus Honorati causa scripsit, ut a Manichaorum errore amicum revocaret, quem olim in eorum laqueos ipso conjecerat, sicuti sub libri exordium constitutur. Deceptus fuerat Honoratus speciosis illis Manichaorum pollicitationibus, quibus se nihil nisi quod ratione evidens et apertum fieret, docturos promittebant: irridebatque ille in catholicæ Ecclesiæ disciplina, quod fides hominibus imperaretur, nec verum eis ratione demonstraretur. Cum igitur falsa veritatis specie illusus, non temporalis commodi gratia inductus adhaereret errori, sicque magis deceptus ab hæreticis, quam hæreticus esset; speravit Augustinus fore ut illum ad veram religionem adduceret, si modo ostenderet, Manichæos sacrilege ac temere in eos invechi, qui catholicæ fidei auctoritatem sequentes, antequam illud verum, quod pura mente conspicitur, intueri queant, credendo premununtur, et illuminaturo præparantur Deo. Id autem sic prestat hoc in opere, ut Veteris quoque Testamenti, cuius illi maxime reprehensione conmovebant imperitos, patrocinium suscipiat.

Augustini labori studioque optatus erga Honoratum respondit eventus; si tamen is est, ut Rivius arbitratur, qui ab urbe Carthagine scribebat ad Augustinum circa annum 412, et varias illi quæstiones enodandas proponebat. Quamvis enim Honoratus iste needum Baptismum perceperisset, illæ tamen quæ ab eo proponuntur quæstiones minime redolent manichæum, nec de Manichæis nisi ex occasione loquitur ipsi Augustinus, et tanquam de iis quos ipse censet hæreticos. Iustum ipsum Honoratum, cui Augustinus epistolam 140 scribit, presbyterum Cassiodorus nuncupat: qui forte ad presbyteratum provectus postea fuerit. Loquitur Augustinus in epistola 83, de morte alterius ejusdem Honorati presbyteri. Sub fine quoque vita sua scripsit epistolam 229 ad Thabennensem episcopum ejusdem nominis.

De libro subseciente vide lib. 1, cap. 14, Retractionum, tom. 1, col. 605, n. 1, a verbis Jam vero, usque ad col. 608, n. 6, verbis, Idem videretur esse.

M.



S. AURELII AUGUSTINI


HIPPONENSIS EPISCOPI

DE UTILITATE CREDENDI AD HONORATUM

Liber unus ^(a).



Contra Manichæos disputat, probatque ipsos sacrilege ac temere in eos invehi, qui catholice fidei auctoritatem sequentes, ad mysteriorum intelligentiam sese illius subsidio comparant, dum ea credunt quæ nondum valent animo percipere. Sed imprimis ostendit Vetus Testamentum perperam ab iisdem hereticis reprehendi.



CAPUT PRIMUM. — 1. *Quo consilio hæc Honorato scribat. Hereticus et hereticis credens, non idem. Operis argumentum. Quomodo per Manichæos Augustinus deceptus erascat. Manichæorum dictum in suæ sectæ desertores.* Si mili, Honorate, unum atque idem videtur esse, hereticus, et credens hereticis homo, tam lingua quam stilo in hac causa conquiescentum mili esse arbitrarer. Nunc vero cum inter hæc duo plurimum intersit: quandoquidem hereticus est, ut mea fert opinio, qui alicujus temporalis commodi, et maxime gloriae principatusque sui gratia, falsas ac novas opiniones vel giguit vel sequitur; ille autem qui hujusmodi hominibus credit, homo est imaginatione quadam veritatis ac pietatis illusus: cum hæc ergo ita sint, non putavi apud te silentium esse, quid mihi de invenienda ac retinenda veritate videatur; cuius, ut scis, ab ineunte adolescentia magno amore flagravimus. Sed res est longe remota a vanorum hominum mentibus, qui nimis in hæc corporalia progressi atque lapsi, nihil aliud putant esse, quam quod istis quinque notissimis nuntiis corporis sentiunt; et quas ab his plagas atque imagines acceperunt, eas secum volvunt, etiam cum conantur recedere a sensibus; et ex earum mortifera et fallacissima regula ineffabilia penetralia veritatis rectissime se metiri putant. Nihil est facilius, mi charissime, quam non solum se dicere, sed etiam opinari verum invenisse: sed quam re ipsa difficultatum sit, agnosces, ut consto, his litteris meis. Quæ ut tibi prosint, aut certe nihil obsint, omnibusque omnino quorum in manus forte devenerint, et rogavi Deum, et rogo; et spero ita fore, si bene mili conscius sum, quod ad hunc stilum pio et officioso animo, non vani nominis appetitione ac nugatoria ostentationis accessi.

2. Est igitur in hi propositum, ut probem tibi, si possim, quod Manichæi sacrilege ac temere invehantur in eos qui catholicae fidei auctoritatem sequentes, antequam illud verum, quod pura mente conspicitur, intueri queant, credendo præmuniuntur, et illuminanturo præparantur Deo. Nostri enim, Honorate, non aliani ob causam nos in tales homines incidisse, nisi quod se dicebant, terribili auctoritate separata, mera et simplici ratione eos qui se audire vellent introduceruros ad Deum, et errore omni liberaturos. Quid enim me aliud cogebat, annos fere novem, spreta religione quæ mihi puerulo a parentibus insita erat, homines illos sequi ac diligenter audire (b); nisi quod nos superstitione terrori, et fidei nobis ante rationem imperari dicerent, se autem nullum premere ad fidem, nisi prius discussa et enodata veritate? Quis non bis pollicitationibus illiceretur, præsertim adolescentis animus cupidus veri, etiam nonnullorum in schola doctorum hominum disputationibus superbus et garulus: qualem me tunc illi invenerunt, spernentem scilicet quasi animalis fabulas, et ab eis promissum, apertum et sincerum verum tenere atque haurire cupientem? Sed quæ rursum ratio revocabat, ne apud eos penitus hererem, ut me in illo gradu quem vocant Auditorum tenerem, ut hujus mundi spem atque negotia non dimitterem; nisi quod ipsos quoque animadvertebam plus in resellendis aliis disertos et copiosos esse, quam in suis probandis firmos et certos manare? Sed de me quid dicam, qui jam catholicus christianus eram? quæ nunc ubera¹, post longissimam situm pene exhaustus atque aridus², tota aviditate repetivi, eaque altius flens et gemens concussi et expressi, ut id manaret quod mihi sic affecto ad recreationem satis esse posset, et ad spem reducendam

ADMONITIO PP. BENEDICTORUM.

Ad emendandum librum de Utilitate credendi usi sumus codicibus MSS. Vaticanis quinque, Gallicanis septem, Victorini, Germanensi, Corbeiensi, Michaelino, Cisterciensi, Laudunensi majoris Ecclesie, et exemplari domini de Maron Tolosatis, varis etiam lectionibus trium Belgicorum per Lovanienses vulgatis, ac tandem editionibus antiquis ac præcipuis.

Comparavimus præterea eas omnes editiones initio Retr. et Confess., t. 1, memoratas. M.

¹ Editi, mira Melius aliquot MSS., mera.

² In excusis, quæ nunc ubera Ecclesie. At in MSS., quæ nunc ubera; omissa voce, Ecclesie.

³ Editi, aridus. Emendantur a MSS.

(a) Scriptus circiter annum 391.

(b) vid. lib. 1 Confess. cap. 11, et lib. 5, cap. 14.

vitae ac salutis. Quid ergo de me ipso dicam? Tu nondum christianus, qui hortatu meo, cum eos vehementer execratur, vix adductus es ut audiendi tibi atque explorandi viderentur, quoniam, queso, aliae recordantur, recordare, obsecro te, nisi magna quadam presumptione ac pollicitatione rationem? Sed quia diu multumque de imperitorum erroribus latissime ac vehementissime disputabant, quod cuivis mediocriter eruditio esse facillimum, sero didici: si quid etiam suorum nobis inserebant, necessitate retinendum, cum alia non occurserent in quibus acquiesceremus, arbitrabanur. Itaque nobis faciebant quod insidiosi auepes solent qui viscatos surculos propter aquam desigunt¹, ut sitientes aves decipiant. Obruant enim, et quoquo modo cooperiunt alias que circa sunt aquas, vel inde etiam formidolosis molitionibus deterrent, ut in eorum dolos, non electione, sed inopia decidant.

3. Sed cur non ipse mihi respondeo, quod istae laute ac lepida similitudines atque hujusmodi reprehensiones, in omnes qui aliquid docent, a quovis adversario effundi urbanissime ac dicacissime possunt? Sed ob hoc putavi aliquid tale inserendum litteris meis, ut eos admoneam, desinant talibus agere: ut quemadmodum ille ait, separatis nugis locorum communium, res cum re, causa cum causa, ratio cum ratione confligit (Cicero). Quare desinat dicere illud, quod in ore habent quasi necessarium, cum eos quisque deseruerit qui diutius audisset, *Lumen per illum transitum fecit*. Vides enim tu, mea maxima cura (nam de illis non nimis aestuo), quam hoc inane et facillimum ad reprehendendum cuivis esse possit. Itaque hoc disentiendum dimitto prudentiae tuae. Non enim vereor ne me arbitris inhabitatum lumine, cum vita hujus mundi eram implicatus, tenebrosam spem gerens, de pulchritudine uxoris, de pompa divitiarum, de inanitate honorum ceterisque noxiis et perniciose voluptatibus. Nec enim omnia, quod te non latet, cum studiose illos audirem, cupere et sperare non desistebam. Neque hoc eorum doctrinæ tribuo: fateor enim et illos sedulo inonere, ut ista caveantur. Sed modo me dicere desertum lumine, cum ab his omnibus umbris rerum me averterim, soloque victu ad valetudinem corporis necessario contentus esse decreverim, illustratum autem atque fulgentem fuisse, cum ista diligerem et his involutus tenerer, hominis est, ut mitissime dicam, minus acute considerantis res, de quibus loqui multum amat. Sed veniam ad causam, si placet.

CAPUT II. — 4. *Manichai Vetus Testamentum reprehendunt apud imperitos*. Nam bene nosti quod reprehendentes Manichæi catholicam fidem, et maxime Vetus Testamentum discerpentes et dilaniantes, comminarent imperitos: qui profecto nesciunt quatenus sint accipienda illa, et quemadmodum hausta utiliter in venas quasi vagientium adhuc animalium medullasque descendant. Et quia sunt ibi quedam quæ

suboffendant animos ignarus et negligentes sui, quæ maxima turba est, populariter accusari possunt: defendi autem populariter, propter mysteria quæ his continentur, non a multis admodum possent. Qui vero pauci hoc facere moverunt, non amant propria et famigerula quedam in disputatione certamina; et ob hoc minime noti sunt, nisi his qui eos instanssime requirunt. De hac igitur Manicheorum temeritate, qua Vetus Testamentum et catholicam fidem reprehendunt, accipe, obsecro, quæ me moveant. Opto autem ac spero te hoc animo acceptum, quo a me dicuntur. Scit autem Deus, cui nota sunt arcana conscientiae meæ, nihil me in hoc sermone malitiose agere: sed ut existimno accipendum esse, veri probandi causa: cui uni rei vivere jam diu statuimus, et incredibili sollicitudine; ne mihi errare vobiscum facillimum fuerit, iter autem rectum tenere vobiscum sit, ne durius loqueri difficultum. Sed præsumo quod et in hac spe, qua spero vos viam sapientias mecum obtenturos, non me deseret ille cui sacra-tus sum: quem dies noctesque intueri conor; et quoniam propter peccata mea propterque consuetudinem plagiæ veterosarum opinionum sauciatum oculum animæ gerens, invalidum me esse cogisco, sepe rogo eam lacrymis. Et quemadmodum post loquam exortatem ac tenebras luminibus vix apertis, et adhuc lucem palpitando atque aversando, quam tamen desiderant, recusantibus, presentim si eis solem istum quispiam conetur ostendere: ita mihi nunc evenit, non neganti esse ineffabile quiddam et singulare animæ bonum quod mente videatur; et me ad contemplandum nondum esse idoneum cum fletu et gemitu consistenti. Non me ergo deseret, si nihil fingo, si officio ducor, si veritatem amo, si amicitiam diligo, si multum metuo ne fallaris.

CAPUT III. — 5. *Quadruplex scripturas Veteris Testamenti tractandi ratio. Historia et aetiologya in Scripturis. Analogia. Allegoria. Lex non necessaria nisi ut quibus utilis est servitus ac timor. Mysteria in veteri Lege velata. Omnis igitur Scriptura, quæ Testamentum Vetus vocatur, diligenter cum nosse cupientibus quadrifaria traditur; secundum historiam, secundum aetiologyam, secundum analogiam, secundum allegoriam. Ne me ineptum putas, gracis nominibus uterem. Primum quia sic accepi, nec tibi hoc aliter audeo intimare quam accepi. Deinde tu quoque animadvertis, non esse harum rerum apud nos usitata nomina: quæ si fabricasset interpretando, esse profecto ineptior; si autem circumloquerer, minus esse in dissendo expeditus. Id tantum ero credas, quoquo modo errui, nihil a me inflato ac tamido fieri. Secundum historiam ergo traditur, cum docetur quid scriptum, aut quid gestum sit; quid non gestum, sed tantummodo scriptum quasi gestum sit. Secundum aetiologyam, cum ostenditur quid quæ de causa vel factum vel dictum sit. Secundum analogiam, cum demonstratur non sibi adversari duo Testamenta, Vetus et Novum. Secundum allegoriam, cum docetur non ad litteram esse accipienda quedam quæ scripta*

¹ Editi, prope aquam. At nss., propter aquam: eodem sensu

sunt, sed figurate intelligenda.

6. His omnibus modis Dominus noster Jesus Christus et Apostoli usi sunt. Nam de historia illud sumptum est, cum objectum esset, quod die sabbati discipuli ejus spicas evulsissent : *Non legistis*, inquit, *quod fecit David*, *cum esuriret*, *et qui cum eo erant*; *quomodo intravit in dominum Dei*, *et panes propositionis manducarit*, *quos non licebat ei manducare*, *neque eis qui cum eo erant*, *nisi solis sacerdotibus* (*Math. xii, 5, 4*)? Ad aetiologicalam vero illud pertinet, quod cum Christus prohibuisset uxorem abjici, nisi fornicationis causa, relatumque esset ab interrogantibus, Moyse libello dato repudii permisisse licentiam : *Hoc*, inquit, *Moyzes fecit propter duritiam cordis vestri* (*Id. xix, 8*). Hic enim causa redditum est cur illud a Moyse pro tempore bene permisum sit; ut hoc quod Christus praecepit, alia jam tempora demonstrare videretur. Horum autem temporum vices, atque ordinem mira quadam divinae providentiae dispositione digestum atque compositum, longum est explanare.

7. Jam porro analogiam¹, qua utriusque Testamenti congruentia perspicitur, quid ego dicam usos fuisse omnes quorum auctoritati illi cedunt; cum secum ipsi considerare possint, quam multa soleant dicere immissa esse Scripturis divinis a nescio quibus corruptoribus veritatis? Quae vox mihi semper quidem, etiam cum eos audirem, invalidissima visa est : nec mihi soli, sed etiam tibi (nam bene memini) et nobis omnibus, qui paulo majorem diligentiam in judicando habere conabamur, quam turba credentium. Nunc vero posteaquam mihi sunt exposita atque enodata multa, quae me maxime movebant, ea scilicet in quibus illorum plerumque se jactat, et quo securius sine adversario, eo effusius exsultat oratio; nihil mihi videtur ab eis impudentius dici, vel ut mihi loquar, incuriosus et imbecillus, quam Scripturas divinas esse corruptas : cum id nullis in tam recenti memoria existantibus exemplaribus possint convincere. Si enim dicerent eas sibi penitus accipiendas non putasse, quod ab his essent conscriptae, quos verum scripsisse non arbitrarentur; esset utcumque tergiversatio eorum rectior, vel error humanior. Hoc enim de illo libro fecerunt, qui Actus Apostolorum inscribitur. Quod eorum consilium, cum mecum ipse pertracto, nequeo satis mirari. Non enim sapientiam hominum in hac re, sed cor mediocre desidero. Tanta enim liber iste habet, quae similia sunt his quae accipiunt, ut magnae stultitiae mihi videatur, non et hunc accipere, et si quid ibi eos offendit, falsum atque immissum dicere. Aut si talis oratio impudens est, sicut est, cur in Pauli Epistolis, cur in quatuor Evangelii libris ea valere aliquid putant, in quibus haud scio an multo plura sint proportione, quam in illo libro esse potuerunt, quae a corruptoribus interjecta credi volunt? Sed nimur illud est quod mihi videtur, quod peto placidissimo et serenissimo iudicio

¹ In excusis, *analogia*. In MSS. vero, *analogiam*. Refertur ad verbum, usos, quod cum accusandi casu non ineleganter jungitur. Sic in *ra*, cap. 8, *cujusmodi viam usus fuerunt*.

mecum consideres. Nostri enim quod auctoris sui Manichaei personam in Apostolorum numerum inducere molientes, dicunt Spiritum sanctum, quem Dominus discipulis se missurum esse promisit, per ipsum ad nos venisse. Itaque si, illos Actus Apostolorum acciperent, in quibus evidenter adventus sancti Spiritus predicitur (*Act. ii, 2-4*), non invenirent quomodo id immissum esse dicerent. Volunt enim nesciis quos corruptores divinorum Librorum ante ipsius Manichaei tempora fuisse; corrupisse autem illos qui Iudeorum legem Evangelio miscere cupiebant. Hoc autem de Spiritu sancto dicere nequeunt, nisi forte divinasse illos asserant, et posuisse in suis libris quod contra futurum aliquando Manichaeum, qui Spiritum sanctum per se missum esse diceret, proferretur. Verum de Spiritu sancto alias planius aliquid eloquemur. Nunc ad hoc quod intenderam redeamus.

8. Nam et historiam Veteris Testamenti, et aetiologicalam, et analogiam in Novo Testamento inveniri, satis, ut puto, est demonstratum : de allegoria restat ostendere. Ipse Liberator noster in Evangelio allegoria utitur ex Vetro Testamento : *Generatio*, inquit, *haec signum querit; et non dabitur ei nisi signum Jonas prophetae*. Sicut enim Jonas in ventre ceti tribus diebus et tribus noctibus fuit, sic et Filius hominis tribus diebus et tribus noctibus erit in corde terrae (*Math. xii, 39, 40*). Nam quid ego de apostolo Paulo dicam, qui etiam ipsam Exodi historiam futuræ christianæ plebis allegoriam fuisse significat ad Corinthios Epistola prima? *Nolo autem vos ignorare, fratres, quia patres nostri omnes sub nube fuerunt, et omnes per mare transierunt, et omnes in Moyse¹ baptizati sunt, in nube et in mari: et omnes eundem cibum spiritualem manducaverunt, et omnes eundem potum spiritualem biberrunt. Bibebant enim de spirituali consequente eos petra²; petra autem erat Christus. Sed non in pluribus eorum complacuit Deo³: prostrati enim sunt in deserto. Haec autem figure nostræ fuerunt, ut non simus cupidi malorum, sicut et illi concupierunt. Neque idola columus, sicut quidam ex illis, sicut scriptum est: *Sedit populus manducare et bibere, et surrexerunt ludere. Neque fornicemur, sicut quidam ex illis fornicati sunt, et ceciderunt una die viginti tria millia hominum. Neque tentemus Christum, sicut quidam eorum tentaverunt, et a serpentibus interierunt. Neque murturemus, sicut quidam ex illis murmuraverunt, et perierunt ab exterminatore. Omnia autem ista in figura contingebant illis. Scripta autem sunt ad correptionem nostram, in quos fines sæculorum devenerunt* (*I Cor. x, 1-11*). Est item apud Apostolum allegoria quædam, sane ad causum maxime pertinens, ideo quod ipsi eam in disputando proferre atque ostentare consuerunt. Idem enim Paulus dicit ad Galatas : *Scriptum est enim quod Abraham duos filios habuit; unum de ancilla, et unum de libera: sed is quidem qui de ancilla, secunduni carnem**

¹ Editi, in Moyse. Al. MST. juxta græcum, in Moyse. Sic infra coasentientes græci veteres libri habent, libebunt enim; ubi editi, i libebunt autem.

² In MSS., p. osequente eos petra.

³ Editi, beneplacuit Deo. Al. MSS., complacuit.

natus est; qui autem de libera, per promissionem: quae sunt per allegoriam dicta. Nam haec sunt duo Testamento; unum quidem de monte Sina in servitutem generans, quod est Agar. Sina enim mons est in Arabia, qui confinis ei quae nunc est Jerusalem, et servit cum filiis suis. Quae autem sursum est Jerusalem, libera est, quae est mater omnium nostrum (Galat. iv, 22-26).

9. Ille igitur illi homines nimium mali, dum frustare Legem conantur, eas Scripturas approbare nos cogunt. Attendunt enim quod dictum est, in servitute esse eos qui sub Lege sunt, et id ultimum praeterieris ventilant: *Evacuati estis a Christo, qui in lege justificamini; a gratia excidistis* (*Id. v, 4*). Nos haec omnia vera esse concedimus, nec illam legem necessariam esse dicimus, nisi eis quibus est adhuc utilis servitus: ideoque utiliter esse latam, quod homines qui revocari a peccatis ratione non poterant, tali lege coereendi erant, pœnarum scilicet istarum quae viseris ab stultis possunt, minis atque terroribus; a quibus gratia Christi cum liberat, non legem illam damnat, sed aliquando nos obtemperare suæ charitati, non servire timori Legis, invitat. Ipsa est gratia, id est, beneficium quod non intelligunt sibi venisse divinitus, qui adhuc esse cupiunt sub vinculis Legis. Quos merito Paulus objurgat tanquam insideles, quia a servitute, cui certo tempore justissima Dei dispositione subjecti erant, jam per Dominum nostrum Iesum se liberatos esse non credunt. Hinc est illud ejusdem apostoli: *Lex enim paedagogus noster erat in Christo* (*Id. iii, 24*). Ille igitur paedagogum dedit hominibus quem timerent, qui magistrum postea quem diligerent. In quibus tamen Legis præceptis atque mandatis, quibus nunc Christianos uti fas non est, quale vel sabbatum est, vel circumcisio, vel sacrificia, et si quid hujusmodi est, tanta mysteria continentur, ut omnis pius intelligat nihil esse perniciosius, quam quidquid ibi est accipi ad litteram, id est, ad verbum; nihil autem salubrius, quam spiritu revelari. Inde est: *Littera occidit, spiritus autem vivificat* (*a*). Inde est: *Id ipsum relamen in lectione Veteris Testamenti manet, quod non revolutur, quoniam in Christo evacuatur*. Evacuatur namque in Christo, non Vetus Testamentum, sed velamen eius; ut per Christum intelligatur, et quasi denudetur, quod sine Christo obscurum atque adopertum est. Statim quippe idem apostolus subjicit: *Cum autem transieris ad Christum, auferetur relamen* (*II Cor. iii, 6, 14, 16*). Non enim ait, Auferetur Lex; aut, Testamentum Vetus. Non igitur per Domini gratiam, tanquam iniuria ibi tegerentur, ablata sunt; sed tegmen potius, quo utilia tegebantur. Illoc modo agitur cum iis, qui studiose ac pie, non turbide atque improbe, Scripturarum illarum sensum requirunt, demonstraturque sedulo et ordo rerum, et causæ factorum atque dictorum, et Veteris Testamenti ad Novum tanta congruentia, ut apex nullus, qui non consonet, relinquatur; et figurarum tanta secreta, ut omnia quae interpretando eruuntur, miseros esse con-

gant fateri, qui haec volunt ante condemnare, quem discere.

CAPUT IV. — 10. *Triplex error legentium* Sed ut, omissa interim altitudine scientiae, sic agam tecum, quomodo agendum arbitror cum familiari meo; id est, sicut ego possum, non sicut doctissimos viros posse miratus sum: tria genera sunt erroris, quibus homines errant, cum aliquid legunt. De singulis dicam. Primum genus est, in quo id quod falsum est verum putatur, cum aliud qui scripsit putaverit. Alterum est, quamvis non tam late patens, non tamen minus noxiun, cum id quod falsum est verum putatur, id tamen putatur quod etiam ille qui scripsit putavit. Tertium est, cum ex alieno scripto intelligitur aliquid veri, cum hoc ille qui scripsit non intellexerit. In quo genere non parum est utilitatis, ino si diligenter consideres, totus legendi fructus est integer. Primi generis exemplum est, ut si quisquam, verbi gratia, dicat et credat Rhadamanthum apud inferos audire ac dijudicare causas mortuorum, eo quod Maronis in carmine id legerit (*Aeneid. lib. 6, vers. 566-569*). Ille enim errat duobus modis; quod et rem non credendam credit, neque id putandus est credidisse ille quem legit. Alterum genus animadverti sic potest: si quis, quia Lucretius animam ex atomis esse scribit, eamque post mortem in easdem atomos solvi atque interire, id verum ac sibi credendum arbitratur. Nam et hic non minus miser est, si de re tanta id quod falsum est pro certo sibi persuasit; quanquam id Lucretius, cuius libris deceptus est, opinatus sit. Quid enim huic prodest de auctoris sententia certum esse, quando sibi eum non per quem non erraret¹, sed cum quo erraret, elegerit? Tertio generi est illud accommodatum: si quis Epicurum, lecto ejus in libris aliquo loco ubi continentiam laudat, in virtute illum summum bonum posuisse asseveret, et ideo non esse culpandum. Illic etiam quid obest error Epicuri, si summum bonum hominis voluptatem ille corporis credit; cum iste non se dederit tam turpi noxia que sentientiae, neque ob aliam causam ei placeat Epicurus, nisi quod eum sensisse non putat, quod sentiri non oporteat? Illic error non modo humanus est, sed saepe etiam homine dignissimus. Quid enim, si mihi de aliquo quem diligenter nuntiaretur quod sibi, cum esset barbatus, pueritiam atque infantiam ita placere multis audientibus dixerit, ut etiam juraverit se similiter velle vivere, idque ita mihi probaretur, ut impudenter negarem? num reprehendendus viderer, si cum existimarem, cum hoc diceret, significare voluisse, sibi placere innocentiam, et ab eis quibus hominum genus involveretur cupiditatibus animum alienum, et ex eo illum magis magisque diligenter, quam antea diligebam; etiam si fortasse ille in puerorum etatibus libertatem quamdam in ludendo et cibando atque ignavum otium stultus adamasset? Fac enim eum esse defunctum postquam hoc mihi nuntiatum est, ne cinterrogari a me potuisse quidquam, ut aperiret senten-

(a) *I Retr.*, cap. 14, n. 1.

¹ Ille, in ante editis omissa erat particula negans.

tiam suam ; esetne quisquam tam improbus qui mihi succenseret , cum hominis laudarem propositum et voluntatem per illa ipsa verba quæ acceperam ? Quid, quod etiam justus rerum existimator non dubitaret fortasse laudare opinionem ac voluntatem meam, cum et innocentia mihi placaret, et homo de homine in re dubia bene potius existimarem , cum etiam male literet ?¹

CAPUT V. — 11. Tres scripturarum quarumque differentiae. Ecclesia catholica erroris secundum ullum modum ex predictis redargui non potest in Veteris Testamenti lectione. Quæ cum ita sint, audi etiam carumdem scripturarum totidem conditiones et differentias. Nam necesse est totidem occurraut. Aut enim utiliter scripsit quispiam, et non utiliter ab aliquo intelligitur : aut utrumque inutiliter sit : aut utiliter intelligit lector, cum ille contra, qui legitur, scripserit. Horum trium primum non improbo, ultimum non euro. Nam neque possum reprehendere hominem qui nulla sua culpa male intellectus est; nec moleste habere quemquam legi, qui verum non viderit, cum obesse legentibus nihil videam. Unum igitur genus est probatissimum, et quasi purgatissimum, cum et bona scripta sunt, et in bonam partem accipiuntur a legentibus. Id quoque tamen adhuc in duo dividitur; non enim penitus excludit errorem. Nam evenit plerunque, ut cum bene senserit scriptor, bene etiam lector sentiat ; sed aliud quam ille, et sœpe melius, sœpe inferius, utiliter tamen. Cum autem et hoc sentimus quod ille quem legimus, et id est vita bene agendæ accommodatissimum, cumulatissime sese habet veritas, nec aliunde aperitur falsitatis locus. Quod genus cum de rebus obscurissimis lectio est, rarissimum omnino est ; neque id, mea sententia, liquido sciri, sed tantummodo credi potest. Quibus enim argumentis absentis vel mortui hominis voluntatem ita colligam, ut de illa jurare possim ; cum etiam si presens interrogaretur, multa esse possent, quæ, si malus non esset, officiosissime absconderet ? Illud autem nihil ad rem cognoscendam valere arbitror, qualis fuerit ille qui scripsit : honestissime tamen bonus creditur, cuius litteris generi humano posteritatique consultum est.

12. Quamobrem velle mihi isti dicerent, in quo genere ponant Ecclesie catholice, quem putant, errorem. Si in primo, grave omnino crimen : sed defensionem longinquam non requirit; satis est enim negare ita nos intelligere, ut illi, cum invehuntur, existimant. Si in secundo, non minus grave est : sed eadem voce refellentur. Si in tertio, nullum crimen est. Age, ac deinde Scripturas ipsas considera. Quid enim libris objiciunt Veteris, quod dicitur, Testamenti ? Numquidnam quod boni sunt, sed male intelliguntur a nobis ? At eos ipsi non accipiunt. An quia nec boni sunt, nec bene accipiuntur ? At hoc superior defensio satis expugnat. An illud dicent : Quamvis bene a vobis accipiuntur, mali sunt tamen ? Quid est aliud vivos, cum quibus res agitur, adversarios absolvere,

¹ Lov., malediceret. Melius Er. et MSS., male liceret : supple, existimare.

atque olim mortuos, cum quibus nulla contentio est, accusare ? Ego quidem illos viros et omnia utiliter memoriae mandasse, et magnos ac divinos fuisse, et illam legem Dei jussu ac voluntate promulgatam esse et conditam credo : et id, quanquam perpaucus ejus generis librorum sciam, persuadere tamen facile possum, si mihi æquus et minime pertinax animus adhibeatur ; atque id faciam, cum copia nobis data fuerit benevolarum aurum ac mentis tuae : sed hoc cum potero ; nunc autem nonne mihi satis est, quoquo modo se ista res habeat, deceptum non fuisse ?

CAPUT VI. — 13. De Scripturis non credendum expositioribus easum inimicis. Testor, Honorate, conscientiam meam, et puris animis inhabitantem Deum, nihil me existimare prudentius, castius, religiosius, quam sunt illæ Scripturæ omnes, quas Testamenti Veteris nomine catholica Ecclesia retinet. Miraris, novi. Non enim dissimulare possum, longe aliter nobis fuisse persuasum. Sed nihil est profecto temeritatis plenius (quæ nobis tunc pueris inerat), quam quorumque librorum expositores deserere, qui eos se tenere ac discipulis tradere posse proflentur, et eorum sententiam requirere ab his qui conditoribus illorum atque auctoribus acerbissimum, nescio qua cogente causa, bellum indixerunt. Quis enim sibi unquam libros Aristotelis reconditos et obscuros ab ejus inimico exponendos putavit ; ut de his loquar disciplinis, in quibus lector fortasse sine sacrilegio labi potest ? Quis denique geometricas litteras Archimedis legere, magistro Epicuro, aut discere voluit ; contra quas ille multum pertinaciter, nihil earum, quantum arbitror, intelligens, disserebat ? An istæ Scripturae Legis planissimæ sunt, in quas isti quasi vulgo expositas impetum faciunt frustra et inaniter ? Qui mihi similes videntur illi mulierculæ, quam iidem ipsi solent deridere, quæ irata quod ei sol iste laudaretur, et a manichæa quadam femina colendus commendaretur, ut erat religiose simplex, concita exsilivit, et eum locum quem sol per fenestram illustraverat, crebro pede percutiens, Ecce solem deumque tuum calcio, clamare coepit : stulte omnino atque mulierbriter ; quis negat ? Sed nonne tibi tales videntur isti, qui ea quæ non intelligunt, aut cur, aut omnino qualia sunt, quamvis jacentibus similia, subtillitatem intelligentibus atque divina, magno impetu orationis maledictisque lacerantes, quia eis imperiti plaudunt, aliquid se proficere existimant ? Quidquid est, mihi crede, in Scripturis illis, altum et divinum est : inest omnino veritas, et resciendi instaurandisque animis accommodatissima disciplina ; et plane ita modificata, ut nemo inde haurire non possit quod sibi satis est, si modo ad hauriendum devote ac pie, ut vera religio poscit, accedat. Quod ut tibi probem, multis rationibus et longiore oratione opus est. Agendum enim tecum prius est, ut auctores ipsos non oderis, deinde ut ames : et hoc agendum quovis alio modo potius, quam exponendis eorum sententiis et litteris. Propterea quia si Virgilium odissemus, imo si non eum, priusquam

Intellectus esset, majorum nostrorum commendatio ne diligenteremus, nonquam nobis satis fieret de illis ejus questionibus innumerabilibus, quibus grammatici agitari et perturbari solent : nec audiremus libenter, qui cum ejus laude illas expediret ; sed ei favoremus, qui per eas illum errasse ac delirasse conatur ostendere. Nunc vero cum eas multi ac varie pro suo quisque captu aperire conentur, his potissimum plauditur, per quorum expositionem melior invenitur poeta, qui non solum nihil peccasse, sed nihil non laudabiliter cecinisse, ab eis etiam qui illum non intelligent, creditur. Itaque in quaestione magistro deficienti, et quid respondeat non habenti, successimus potius, quam illum mutum vitio Maronis putamus. Jam si ad defensionem suam peccatum tanti auctoris asserere voluerit, vix apud eum discipuli, vel datis mercedibus, remanebunt. Quantum erat ut similem benevolentiam praebemus eis, per quos locutum esse Spiritum sanctum tam diuturna vetustate firmatum est ? Sed scilicet intelligentissimi adolescentes, et miri rationum exploratores, non evolutis saltim illis Litteris, non quæsitis magistris, non aliquantum nostra tarditate accusata, non denique vel mediocri corde concessa eis qui ejusmodi Litteras per totum orbem tam longo tempore legi, custodiri, tractarique voluerunt ; nihil apud illos credendum putavimus, eorum qui istis inimici infestique sunt voce commoti, apud quos falsa pollicitatione rationis inaudita millia fabularum credere et colere cogeremur.

CAPUT VII. — 14. Quærenda vera religio. *In eis quærenda qui excellunt famæ celebritate et omnium occupatione populorum. Objectari frustra, apud paucos esse veritatem, nec querendam in multitudine Catholicon. Temere visum Honorato, absurdæ quædam tradi in catholica religione. A religione quærenda apud Catholicos nihil prohibebat. Cum inquiritur vera religio, sumendum exordium a catholica Ecclesia. Sed nunc quod institui peragam, si possum, et sic apud te agam, ut fidem catholicam non interim aperiatur, sed ad scrutanda ejus magna mysteria, eis quorum animæ sibi curæ sunt, spem divini fructus et inveniende veritatis ostendam. Nemo dubitat eum qui veram religionem requirit, aut jam credere immortalem esse animam cui proposita illa religio, aut etiam id ipsum in eadem religione velle invenire. Animæ igitur causa omnis religio : nam corporis natura quoquo modo se habeat, nullam curam ac sollicitudinem incutit ei, præsertim post mortem, cujus anima tenuerit quo beata sit. Animæ igitur causa vel solius vel maxime vera, si qua est, religio constituta est. Hæc autem anima, video quam ob causam, et obscurissimum esse consiteor, errat tamen ac stulta est, ut videmus, donec adipiscatur percipiatur sapientiam, et fortasse ipsa est vera religio. Num te ad fabulas mitto ? num aliquid cogo te temere credere ? Animam nostram dico errore ac stultitia irretitam et demersam, viam, si qua est, quærere veritatis. Si hoc in te non est, da veniam, et participare mecum, queso, sapien-*

tiam tuam : sin id quod dico agnoscis in te, simul, obsecro, quæramus verum.

15. Puta nos adhuc neminem audisse cuiuspiam religionis insinuatorem. Ecce res nova est a nobis negotiumque susceptum. Querendi sunt, credo, hujus rei, si ulla est¹, professores. Fac nos reperisse alios aliud opinantes, et diversitate opinionum ad se quemque trahere cupientes ; sed inter hos excellere famæ interim celebritate quosdam, atque omnium pene occupatione populorum. Utrum isti verum tenant, magna questio est : sed nonne prius sunt exceptandi, ut quamdiu erramus, si quidein homines sunius, cum ipso genere humano errare videamur ?

16. At enim apud paucos quosdam est veritas. Scis ergo jam quæ sit, si scis apud quos sit. Nonne direxram paulo ante, ut quasi rudes quæreremus ? Sed si ex ipsa vi veritatis paucos eam tenere conjectas, qui vero sint, nescis ; quid si ita pauci sunt qui verum sciunt, ut auctoritate sua multitudinem teneant, unde se in illa secreta expedire et quasi eliquare paucitas possit ? Nonne videmus quam pauci summa eloquentiam consequantur, cum per totum orbem rhetorum scholæ adolescentium gregibus perstrepan ? Numquidnam imperitorum porterriti multitudine, quicumque boni oratores evadere volunt, Cæcilii sibi potius, aut Erucii orationibus, quam Tullianis navandom operam existimant ? Hæc appetunt omnes, quæ majorum auctoritate firmata sunt. Eadem imperitorum turba discere moluntur, quæ a paucis doctis discenda recepta sunt : assequuntur autem perpauci, agunt pauciores, clarescent paucissimi. Quid, si tale quiddam est vera religio ? Quid, si multitudo imperitorum frequentat ecclesias, sed nullum argumentum est, ideo neminem illis mysteriis factum esse perfectum ? Et tamen si tam pauci studerent eloquentiae, quam pauci sunt eloquentes, nunquam nos parentes nostri magistris talibus commendandos putarent. Cum igitur ad hæc studia nos multitudo invitaverit, quæ imperitorum parte copiosa est, ut id quod pauci adipisci possunt adamaremus ; cur nobis esse similem in religione nolumus causam, quam cum magno animæ discriminè fortasse contemnimus ? Si enim verissimus et sincerissimus Dei cultus, quamvis sit apud paucos, apud eos tamen est quibus multitudo, quanquam cupiditatibus iuvoluta et a puritate intelligentiae remota, consentit ; quod fieri posse quis dubitet ? quero, si quis temeritatem recordiamque nostram arguat, quod non apud ejus magistros eam diligenter investigamus, cujus inveniendæ nobis magna cura inest, quid respondere possimus ? Deterruit me multitudo ? Cur ab studio artium liberalium, vix huic præsenti vite aliiquid commodi afferentium ; cur ab inquirenda pecunia ; cur ab honore adipiscendo ; cur denique a comparanda et retinenda bona valetudine, postremo cur ab ipsa beatæ vite appetitione ; cum his omnes occupentur, pauci excellant, nulla deterruit multitudo ?

¹ Sola editio Lovaniensis, si nulla est. Metabase.

17. At absurdia ibi dici videbantur. Quibus asserentibus? Nempe inimicis, qualibet causa, qualibet ratione, non enim hoc nunc queritur, tamen inimicis. Cum legerem, per me ipse cognovi. Itane est? Nulla imbutus poetica disciplina Terentianum Maurum sine magistro attingere non auderes; Asper, Cornutus, Donatus et alii innumerabiles requiruntur, ut quilibet poeta possit intelligi, cuius carmina et theatri plausus videntur captare: tu in eos Libros, qui quoquo modo se habeant, sancti tamen divinarumque rerum pleni, prope totius generis humani confessione diffamantur, sine duce irruis, et de his sine praeciptore aedes ferre sententiam; nec si tibi aliqua occurunt quae videantur absurdia, tarditatem tuam et putrefactum tabe iujus mundi animam, qualis omnium stultorum est, accusas potius, quam eos qui fortasse a talibus intelligi nequeunt! Quæreres aliquem pium simul et doctum, vel qui talis esse multis consentientibus diceretur, cuius et præceptis melior et doctrina peritior fieres. Non facile reperiebatur. Cum labore investigaretur. Deerat in ea terra quam incolebas? Quæ causa utilius cogere peregrinari? In continenti prorsus latebat, aut non erat? Navigaretur. Si in propinquo trans mare non inveniebatur, progredereris usque ad illas terras, in quibus ea quæ illis Libris continentur, gesta esse dicuntur. Quid tale fecimus, honorate? Et tamen religionem fortasse sanctissimam (adhuc enim quasi dubitandum sit loquor), cuius opinio totum jam terrarum orbem occupavit, miserrimi pueri pro nostro arbitrio judicioque damnavimus. Quid, si illa quæ nonnullos imperitos in eisdem Scripturis videntur offendere, eo sunt ita posita, ut cum res abhorrentes a sensu qualiumcumque hominum, nedum prudentium atque sanctorum, legerentur, secretam significationem multo studiosius quereremus? Nonne cernis, ut Catamitum Bucolicorum¹, cui pastor durus effluxit, conentur homines interpretari, et Alexim puerum, in quem Plato etiam carmen amatorum fecisse dicitur, nescio quid magnum significare, sed imperitorum judicium fugere affirment; cum sine ullo sacrilegio poeta uberrimus videri possit libidinosas cantuulas edidisse?

18. Sed revera revocabat nos atque prohibebat a querendo, aut alicujus legis sanctio, aut adversarium potentia, aut sacrorum² persona vilis, aut fama turpis, aut institutionis novitas, aut occulta professio? Nihil horum est. Omnia divina et humana jura persuittunt querere catholicam fidem; tenere autem et colere, per humanum certe jus licet, si de divino quamdiu erramus, incertum est: nemo imbecillitatem nostram terret inimicus (quamquam veritas atque animæ salus si diligenter quæsita, ubi tutissime licet, inventa non fuerit, cum quovis discrimine queri debat); omnium dignitatum et potestatum gradus, huic

divino cultui devotissime inserviunt; honestissimum est religionis nomen, et præclarissimum. Quid impedit tandem perscrutari atque discentere pia et sedula investigatione, utrum hic sit illud quod sincerissime nosse et custodire paucos necesse est, etiam omniū in id gentium voluntas favorque conspiret?

19. Quæ enī ita sint, fac nos, ut dixi, nunc primum querere cuinam religione animas nostras purgandas instaurandasque tradamus: procul dubio a catholica Ecclesia sumendum exordium. Plures enim jam Christiani sunt, quam si Judæi simulacrorum cultoribus adjungantur. Eorumdem autem Christianorum, cum sint haereses plures, atque omnes se catholicos velint videri, aliosque prater se haeticos nominent, una est Ecclesia, ut omnes concedant; si totum orbem consideres, refertior multitudo; ut autem qui neverunt affirmant, etiam veritate sincerior ceteris omnibus. Sed de veritate alia quæstio est: quod autem querentibus satis est, una est Catholicæ, cui haereses aliae diversa nomina imponunt, cum ipsæ singulae propriis vocabulis, quæ negare non audiant, appellantur. Ex quo intelligi datur, judicantibus arbitris quos nulla impedit gratia, cui sit³ catholicum nomen, ad quod omnes ambient, tribuendani. Sed ne id loquacissime aut superfluo quispiam disserendum putet, una est certe, in qua ipsæ quodam modo etiam humanæ leges christianæ sunt. Nullum ego hinc præjudicium fieri volo, sed exordium querendi opportunissimum judico. Non enim mentendum est ne verus Dei cultus nullo proprio robo ininxus, ab eis quos fulcire debeat, fulciendus esse videatur: sed certe perfectæ felicitatis est, si potuerit ibi verum inveniri, ubi et inquisitio ejus et retentio securrissima est: si non potuerit, tum demum alio, quocumque periculo, adeundum atque rimandum.

CAPUT VIII. — 20. Quia Augustinus via venerit ad catholicam religionem. His igitur constitutis, quæ, ut opinor, ita justa sunt, ut obtinere apud te istam causam quovis adversario debeam, edam tibi, ut possum, cuiusmodi viam usus fuerim, cum eo animo querere veram religionem, quo nunc exposui esse querendam. Ut enim et vobis trans mare abscessi, jam cunctabundus atque hæsitans, quid mihi tenendum, quid dimittendum esset: quæ mihi cunctatio in dies major oboriebatur, ex quo illum hominem (n), cuius nobis adventus, ut nosti, ad explicanda omnia quæ nos movebant, quasi de cœlo promittebatur, audivi; eumque, excepta quadam eloquentia, tales quales ceteros esse cognovi: rationem ipse mecum habui magnamque deliberationem jam in Italia constitutus, non utrum manerem in illa secta, in quam me incidisse pœnitiebat, sed quonam modo verum inveniendum esset, in cuius amorem suspicio mea nulli melius quam tibi nota sunt. Sæpe mihi videbatur non posse inveniri, magnique fluctus cogitationum mearum in Academicorum suffragium serebantur.

¹ Nonnulli MSS., quod ei sit.

(n) Faustum, ex lib. 5 Confess., cap. 6.

² Editi, *Catamitum Bucolicum*. At MSS., *Catamitum Bucolicorum*. Catamitus hic, quo nomine puer meritorius vocatur, intelligendus ipse Alexis puer, de quo Virgilius in Bucolicis, Eclog. 2.

³ Unus Michaelinus codex, *sæctorum*.

Sæpe rursus intuens, quantum poteram, mentem humanam tam vivacem, tam sagacem, tam perspicacem, non putabam latere veritatem, nisi quod in ea querendi modus lateret, eumdemque ipsum modum ab aliqua divina auctoritate esse sumendum. Restabat querere quænam illa esset auctoritas, cum in tantis dissensionibus se quisque illam traditum polliceretur. Occurrebat igitur inexplicabilis silva, cui demum inseri multum pigebat: atque inter hæc sine ulla requie, cupiditate reperiendi veri animus agitabatur. Dissuebam me tamen magis magisque ab istis, quos jam deserere proposueram. Restabat autem aliud nihil in tantis periculis, quam ut divinam prædictam lacrymosis et miserabilibus vocibus, ut opem mihi ferret, deprecarer. Atque id sedulo faciebam: et jam fere me commoverant nonnullæ disputationes Mediolanensis episcopi (a), ut non sine spe aliqua de ipso Vetro Testamento multa querere cuperem, quæ, ut scis, male nobis commendata execrabantur. Decreveramque tamdiu esse catechumenus in Ecclesia, cui traditus a parentibus erat, donec aut invenirem quod vellem, aut mihi persuaderem non esse querendum. Opportunissimum ergo me ac valde docilem tunc invenire posset, si fuisset qui posset docere. Huc ergo modo et simili animæ tuæ cura si¹ diu te quoque affectum vides, et si jam satis tibi jactatus videris, finemque hujusmodi laboribus vis imponere; sequere viam catholicæ disciplinæ, quæ ab ipso Christo per Apostolos ad nos usque manavit, et ab hinc ad posteros manatura est.

CAPUT IX. — 21. *Catholica Ecclesia venientibus præcipit fidem; heretici promittunt rationem. Nihil vitii esse in fide, atque inter credentem et credulum (quod nomen culpæ datur) plurimum interesse.* Ridiculum, inquis, istud est, cum omnes hanc se profiteantur tenere, ac docere. Proliterentur hoc omnes heretici, negare non possum; sed ita ut eis quos illectant, rationem se de obscurissimis rebus pollicentur reddituros: eoque Catholicam maxime criminantur, quod illis qui ad eam veniunt præcipitur ut credant; se autem non jugum credendi imponere, sed docendi fontem aperire gloriabantur. Quid, inquis, dici potuit, quod ad eorum laudem magis pertinet?² Non ita est. Hoc enim faciunt nullo robore prædicti, sed ut aliquam concilient multitudinem nomine rationis: qua promissa naturaliter anima gaudent humana, nec vires suas valetudinemque considerans, sanorum escas appetendo, quæ male committuntur nisi valentibus, irruit in venena fallentium. Nam vera religio, nisi credantur ea quæ quisque postea, si se bene gesserit dignusque fuerit, assequatur atque percipiat, et omnino sine³ quodam gravi auctoritatis imperio iniri recte nullo pacto potest.

22. Sed queris fortasse vel de hoc ipso aliquam

¹ Editio Lov. omittit, si; cuius loco Fr. et MSS. habent, sit.

² Omnes MSS., maxime pertinet.

³ Editio, percipiat, omnino sine; omisso, et, quo. restituitur ex MSS.

(a) Ambro. ii. Vid. lib. 5 Confess., capp. 13, 14.

accipere rationem, qua tibi persuadeatur, non prius ratione quam fide te esse docendum. Quod facile potest, si modo æquum te præbeas. Sed ut commode fiat, volo quasi respondeas interroganti: et primo dicas mihi, quare tibi videatur non esse credendum. Quod ipsa, inquis, credulitas, a qua creduli nominantur, vitium quoddam mihi videtur esse: alioquin hoc nomen non pro convicio objectare soleremus. Nam si suspiciosus in vitio est, eo quod non comperta suspicatur; quanto magis credulus, qui hoc a suspiciose differt, quod ille incongitus aliquam, iste nullam tribuit dubitationem. Interim accipio hanc opinionem ac distinctionem. Sed scis etiam curiosum non nos solere appellare sine convicio; studiosum vero etiam cum laude. Quonobrem attende, si placet, etiam inter hæc duo quid tibi distare videatur. Id certe respondes, quod quamvis ulerque agatur magna cupiditate noscendi, curiosus tamen ea requirit quæ nihil ad se attinent; studiosus autem contra, quæ ad sese attinent requirit. Sed quia non negamus ad hominem pertinere conjugem ac liberos et eorum salutem; si quispiam peregre positus, quemadmodum valeant ac sese agant sua conjux ac liberi, omnes advenientes sedulo percontetur, magna utique dicitur cupiditate noscendi: et tamen hunc studiosum non vocamus, qui et magnopere scire vult, et ea quæ ad se maxime pertinent. Quare jam intelligis eo vacillare istam definitionem studiosi, quod omnis quidem studiosus ea nosse vult quæ ad se pertinent, non tamen omnis qui id agit studiosus vocandus est; sed is qui ea quæ ad animum nutriendum liberaliter atque ornandum pertinent, impensissime requirit: tamen studentem recte appellamus⁴, præsertim adentes quid studeat audire. Nam etiam suorum studiosum possumus appellare, si suos tantum diligit: non tamen adjunctione nulla, communis nomine studiosorum dignum putamus. Audiendi autem cupidum quemadmodum se sui haberent, non appellarem studiosum audiendi, nisi gaudens fama bona idipsum sœpe vellet audire: studentem vero, etiamsi semel. Refer nunc animum ad curiosum, et dic mihi, utrum si quis fabellam libenter audiret, nihil sibi omnino profuturam, id est, rerum ad se non pertinentium; neque id odiose⁵ atque crebro, sed rarissime ac modestissime, vel in convivio, vel in aliquo circulo, ullo concessu; videretur tibi curiosus? Non opinor: sed certe habens illius rei curam, quoniam libenter audiret, profecto videretur. Quapropter etiam curiosus definitio ea regula, qua studiosi, emendanda est. Vide igitur utrum et illa superiora emendanda sint. Cur enim non et suspiciosi nomine indignus sit, qui aliquando aliquid suspicatur; et creduli, qui aliquando aliquid credit? Itaque ut inter studentem alienius rei et omnino studiosum, rursusque inter curam habentem atque curiosum: ita inter credentem et credulum plurimum interest.

⁴ Editio vitiose ferebant, impensissime requirat, eum studentem recte appellamus. Emendantur ex MSS.

⁵ Quidam MSS., otiose.

CAPUT X.—23. Turpe non esse credere in religione. *Rationi percipiendæ idonei perpauci : via ad religionem tuor et tenenda ab omnibus, fides.* Sed nunc vide, inquis, utrum in religione credere debeamus. Neque enim si concedimus aliud esse credere, aliud credulum esse, sequitur ut nulla culpa sit in religiobus credere. Quid enim, si et credere et credulum esse vitiosum est, quemadmodum et ebrium et ebriosum esse ? quod qui certum existimat, nullum mihi habere posse amicum videtur. Si enim turpe est aliquid credere, aut turpiter facit qui amico credit, aut nihil amico credens quomodo amicum vel ipsum vel se appellat non video. Hic fortasse dicas : Concedo aliquid aliquando esse credendum; nunc expedi quomodo in religione turpe non sit credere, antequam scire. Faciam, si potero. Quocirca ex te quero quid existimes in graviore culpa esse, religionem tradere indigno, an id quod ab eis qui illam tradunt dicitur, credere. Si quem dicam indignum, non intelligis : eum dico, qui sicto pectore accedit. Concedis, ut arbitror, magis culpandum esse, tali homini pandere si qua sunt sancta secreta, quam religiosis viris de ipsa religione aliquid affirmantibus credere. Neque enim te aliud respondere decuerit. Quare nunc fac putes eum adesse, qui tibi religionem sit traditurus : quonam modo illi fidem facturus es, vero animo te accedere, neque quidquam in te, quod ad hanc rem attinet, dolи atque simulationis esse ? Dices, bona tua conscientia nihil te singere, quantis poteris idipsum asserens verbis, sed tamen verbis. Non enim animi tui latebras, ita ut intimescias, homo homini aperire possis¹. At ille si dicterit, Ecce credo tibi; sed nonne est æquius ut etiam tu credas mihi, cum tu beneficium, si aliquid veri teuo, sis accepturus, datus ego ? quid respondebis, nisi esse credendum ?

24. Sed, inquis, nonne erat melius, rationem milii redderes², ut ea quocumque me duceret, sine ulla sequerer temeritate ? Erat fortasse : sed cum res tanta sit, ut Deus tibi ratione cognoscendus sit, omnesne putas idoneos esse percipiendis rationibus, quibus ad divinam intelligentiam mens ducitur humana, an plures, an paucos ? Paucos, ais, existimo. Horumne in numero esse te credis ? Non est meum, inquis, hoc respondere. Illius ergo putas, etiam hoc tibi credere : quod quidem facit. Tantum memento, jam eum bis credidisse tibi incerta dicentis ; te illi religiose admonentis ne semel quidem velle credere. Verum fac ita esse, et vero animo te ad accipiendo religionem accedere, et ita paucorum te esse hominum, ut rationes quibus ad certam cognitionem vis divina perducitur, capere possis : quid, ceteris hominibus, qui tam sereno ingenio prædicti non sunt, negandam religionem putas ? An eos pedentim quibusdam gradibus ad illa summa penetralia esse ducendos ? Vides plane quid sit religiosus. Neque enim tibi quivis homo in rei tante

cupiditate ullo modo deserendus aut respundus videri potest. Sed nonne censes, nisi primo credat se ad id quod instituit perventurum, mentemque supplicem³ præbeat, et quibusdam magnis necessariisque præceptis obtemperans quadam vita actione perpurget⁴, non eum esse aliter illa quæ pure vera sunt adepturum ? Censes profecto. Quid ergo istis, quorum de genere te esse jam credo, qui facillime divina secreta ratione certa capere possunt, si hac via veniant, qua illi qui primitus credunt, numquid tandem oberit ? Non arbitror. Sed tamen, ais, quid eos morari opus est ? Quia etsi facto sibi nihil nocebunt, nocebunt tamen exemplo cæteris. Vix enim est qui de se tantum sentiat, quantum potest : sed qui minus, excitandus est ; qui amplius, reprimendus ; ut neque ille desperatione frangatur, neque iste præcipitet audacia. Quod facile sit, si etiam ii qui valent volare, ne cui sint periculo invito, paulisper cogantur incedere qua etiam cæteris tutum est. Hæc est providentia veræ religionis ; hoc jussum divinitus, hoc a beatis majoribus traditum, hoc ad nos usque servatum ; hoc perturbare velle atque pervertere, nihil est aliud quam ad veram religionem sacrilegam viam querere. Quod qui faciunt, nec si cis concedatur quod volunt, possunt quo intendunt pervenire. Cujusmodi enim libet excellant ingenio, nisi Deus adsit, hæci repunt⁵. Tunc autem adest, si societatis humanae in Deum tendentibus cura sit. Quo gradu nihil firmius in coelum reperiri potest. Ego quidem huius rationi non possum resistere ; nam nihil sine cognitione esse credendum, qui possum dicere ? cum et amicitia, nisi aliquid credatur quod certa ratione demonstrari non potest, omnino nulla sit, et sæpe dispensatoribus servis sine ulla culpa dominorum credatur. In religione vero quid iniquius fieri potest, quam ut Dei antistites nobis non sicutum animum pollicentibus credant, nos eis præcipientibus nolimus credere ? Postremo quæ potest esse via salubrior, quam idoneum primo fieri percipiendæ veritatis, adhibendo iis fidem, que ad præcolendum et ad præcurandum animum sunt divinitus constituta ? aut si jam prorsus idoneus sis, circuire potius aliquantum qua tutissimum est ingredi, quam et tibi esse auctorem periculi, et cæteris temeritatis exemplum ?

CAPUT XI.—25. Credentes ab opinantium temeritate quomodo alieni. Intelligere, credere, opinari. Quare jam superest ut consideremus, quo pacto hissequendi non sint, qui se pollicentur ratione ductilis. Nam quomodo sine culpa possimus sequi eos qui credere jubent, jam dictum est : ad hos autem sponsores rationis, non modo sine vituperatione, sed etiam cum aliqua laude se venire nonnulli putant : sed non ita est. Duae enim personæ in religione sunt laudabiles : una eorum qui jam invenerunt, quos etiam beatissimos judicare necesse est; alia eorum

¹ In quatuor MSS., *simplicem*.

² Editi, *perpurgetur*. At MSS., *perpurget*.

³ Veteres libri constanter, *hunc repuit*.

⁴ In B, possit. Fr. Lugd. Ven. Lov. secti sumus. M.

⁵ Apud Er. Lugd. Ven. Lov., *reddere*. M.

qui studiosissime et rectissime inquirunt. Primi ergo sunt jam¹ in ipsa possessione, alteri in via, quia tamē certissime perveniunt (*a*). Tria sunt alia hominum genera, profecto improbanda ac detestanda. Unum est opinantium, id est, eorum qui se arbitrantur scire quod nesciunt. Alterum eorum qui sentiunt quidem se nescire, sed non ita querunt, ut invenire possint. Tertium eorum qui neque se scire existimant, nec querere volunt. Tria sunt item velut finitima sibimet in animis hominum distinctione dignissima; intelligere, credere, opinari. Quæ si per se ipsa considerentur, primum semper sine vitio est; secundum, aliquando cum vitio; tertium, nunquam sine vitio². Nam intelligere magna et honesta vel etiam divina, beatissimum est (*b*). Intelligere autem superflua, nihil nocet; sed fortasse discere nocuit, cum tempus necessariorum occuparent. Ipsa etiam noxia, non intelligere, sed facere aut pati, miserum est. Non enim si quis intelligat quomodo possit inimicus sine suo periculo occidi, intelligentia ipsa, ac non cupiditate reus est: quæ si absit, quid innocentius dici potest? Credere autem tunc est culpandum, cum vel de Deo indignum aliquid creditur, vel de homine facile creditur. In ceteris vero rebus si quis quid credit, si se id nescire intelligat, nulla culpa est. Credo enim sceleratissimos conjuratos virtute Ciceronis quondam interfectos: atqui id non solum nescio, sed etiam nullo pacto me scire posse, certo scio. Opinari autem, duas ob res turpissimum est: quod et discere non potest, qui sibi jam se scire persuasit, si modo illud disci potest; et per se ipsa temeritas non bene affecti animi signum est. Nam etiamsi hoc ipsum quod de Cicerone dixi, scire se quisquam arbitratur, quanquam nihil cum impedit a discendo, quia res ipsa nulla scientia teneri potest: tamen quod non intelligit multum interesse, utrum aliquid mentis certa ratione teneatur³, quod intelligere dicimus, an famæ vel litteris credendum posteris utiliter commendetur; profecto errat, neque quisquam error turpitudine caret. Quod intelligimus igitur, debemus rationi: quod credimus, auctoritati (*c*): quod opinior, errori. Sed intelligens omnis etiam credit, credit omnis et qui opinatur: non omnis qui credit intelligit; nullus qui opinatur intelligit. Hæc ergo tria si ad illa quinque hominum genera, quæ paulo ante commemoravimus, referantur; id est, duo probanda quæ priora posuimus, et tria reliqua vitiosa: invenimus primum beatorum genus ipsi veritati credere; secundum autem studiosorum amatorumque veritatis, auctoritati. In quibus duorum⁴ generibus laudabiliter creditur. In primo autem vitiosorum, id

est, eorum qui opinantur se scire quod nesciant, est profecto vitiosa credulitas. Cætera duo improbanda genera nihil credunt, et illi qui verum querunt cum desperatione inveniendi, et illi qui omnino non querunt. Et hoc duntaxat in rebus ad aliquam pertinentibus discipinam. Nam in alio vitæ actu, prorsus nescio quo pacto possit homo nihil credere. Quanquam in illis etiam qui se in agendo probabilia sequi dicunt, scire potius nihil posse, quam nihil credere, volunt videri. Quis enim quod probat non credit? aut quomodo est illud quod sequuntur, si non probatur, probabile? Quare duo genera possunt esse adversantium veritati: unum eorum qui scientiam tantum oppugnant, non fidem: alterum eorum qui utrumque condemnant; qui tamen utrum in rebus humanis inveniri possint, rursus ignoror. Hæc dicta sunt, ut intelligeremus nos retenta fide, illarum etiam rerum quas nondum comprehendimus, a temeritate opinantium vindicari. Nam qui dicunt nihil esse credendum nisi quod scimus, id unum cavent nomen opinionis, quod fatendum est turpe ac miserrimum: sed si diligenter considerent plurimum interesse, utrum se scire quis putet, an quod nescire se intelligit, credat aliqua auctoritate commotus; profecto erroris et inhumanitatis atque superbie crimen vitabit.

CAPUT XII. — 26. *Credere in multis quam necessarium ad humanam societatem. Tutissimum obtemperare sapientibus.* Quæro enim, si quod nescitur, credendum non est, quomodo serviant parentibus liberi, eosque mutua pietate diligent, quos parentes suos esse non credant. Non enim ratione ullo pacto sciri potest: sed interposita matris auctoritate de patre creditur; de ipsa vero matre plerumque nec matri, sed obstetricibus, nutricibus, famulis. Nam cui surari filius potest, aliusque supponi, nonne potest decepta decipere? Credimus tamen, et sine ulla dubitatione credimus, quod scire non posse confitemur. Quis enim non videat pietatem, nisi ita sit, sanctissimum generis humani vinculum, superbissimo scelere violari? Nam quis vel insanus eum culpandum putet, qui eis officia debita impenderit quos parentes esse crediderit, etiamsi non essent? Quis contra non exterminandum judicaverit, qui veros fortasse parentes minime dilexerit, dum ne falsos diligit metuit? Multa possunt afferri, quibus ostendatur nihil omnino humanæ societatis incolumi remianere, si nihil credere statuerimus, quod non possumus tenere perceptum.

27. Sed nunc accipe, quod jam facilius me tibi persuasurum esse cōfido. Cum de religione, id est, cum de colendo atque intelligendo Deo agitur, illi minus sequendi sunt, qui nos credere velant, rationem promptissime pollicentes. Nam nemini dubium est, omnes homines aut stultos, aut sapientes esse (*a*). Nunc autem sapientes voco, non cordatos et ingeniosos homines; sed eos quibus inest, quanta inesse homini potest, ipsius hominis Deique firmissime percepta cognitio, atque huic cognitioni vita moresque

¹ Sic MSS. At editi, sunt etiam.

² Editi, post, numquā sine ritio, addunt: et hoc ad eamdem beatitudinem referre debemus. In hac enim vita quantumcumque id sciatur, etc. Retractatio ipsa est subsequentis sententiae huc a librariis translata.

³ Plerique MSS., menti certa ratione rideantur.

⁴ Sic MSS. Editi vero, in quibus duobus.

(a) I Retract., cap. 14, n. 3

(b) Ibid.

(c) Ibid. n. 3.

¹ sola editio Lov., sed si quis consideret.
(a) I Retract., cap. 14, n. 4

congruentes : ceteros autem , cujusque modi artibus inertiusque affecti sint , quolibet victu probandi sive improbandi , stultorum in numero deputaverim . Quae cum ita sint , quis mediocriter intelligens non plane viderit , stultis utilius atque salubrius esse praeceptis obtemperare sapientium , quam suo judicio vitam degere ? Nam omne factum , si recte factum non est , peccatum est : nec recte factum esse ullo modo potest , quod non a recta ratione proficiscitur . Porro recta ratio est ipsa virtus . Cui autem hominum virtus , nisi sapientis animo praesto est ? Solus igitur sapiens non peccat . Stultus ergo omnis peccat , nisi in iis factis in quibus sapienti obtemperaverit : a recta enim ratione talia facta proficiscuntur , nec , ut ita dicam , dominus sui facti stultus existimandus est , cum est tanquam instrumentum ministeriumque sapientis . Quare , si omnibus hominibus non peccare quam peccare melius est ; melius proscrito stulti omnes viverent , si servi possent esse sapientium . Atque hoc si in rebus minoribus ut in mercando vel colendo agro , in uxore ducenda , in suscipiendo educandisque liberis , in ipsa denique re familiari administranda expedire nemo ambigit , multo magis in religione . Nam et res humanæ promptiores ad dignoscendum sunt , quam divinæ ; et in quibuscumque sanctioribus et præstantioribus , quo maius eis obsequium cultumque debemus , eo sceleratus periculosiusque peccatur . Nihil igitur nobis restare amodo vides ¹ , quandiu stulti sumus , si nobis vita optima et religiosa cordi est , nisi ut queramus sapientes , quibus obtemperando dominationem stultiæ neque ita multum sentire , dum inest nobis , et evadere aliquando possimus .

CAPUT XIII . — 28. Qui sapientia caret , non querit sapientem , nisi esse credat . Ita et religio non queritur , nisi esse creditur . Hic rursus oritur difficillima quæstio . Quoniam enim modo stulti sapientem inventire poterimus , cum hoc nomen , tametsi nemo fere audeat palam , plerique tamen ex obliquo sibi vindicant ; cum de rebus ipsis , quarum cognitione constat sapientia , ita inter se dissentiant , ut aut nullum eorum , aut certum unum ² necesse sit esse sapientem ? Sed quinam iste sit , cum ab stulto requiratur , quo pacto queat dignosci plane atque percipi , omnino non video . Neque enim signis quibuslibet cognoscere aliquid potest , nisi illud ipsum , cuius ea signa sunt , noverit . Atqui sapientiam stultus ignorat . Non enim *ut* aurum et argentum , ceteraque id genus , et cognoscere cum videas , et non habere concessum est , ita sapientiam mentis ejus oculo , qui ea *earat* , videras est . Sensu enim corporis quæcumque attingimus , forinsecus nobis offeruntur : et ideo licet quoque res alienas oculis cernere , cum earum vel ejus generis nos nihil habeamus . Quod autem intellectu capitur , intus apud animum est : nec id habere quidquam est aliud , quam videre . Carci autem stultus sapientia : non igitur novit sapientiam . Non enim oculis eam posset

¹ Omnes MSS. , *admodum vides* ; sive quod idem est , *ammodum rideas* .

² Et plures MSS. , aut certe unum .

videre : non autem potest videre et non habere , neque habere ac stultus esse . Nescit hanc igitur , et domini nescit , in alio loco cognoscere non potest . Non potest , quandiu stultus est , quisquam certissima cognitiora invenire sapientem , cui obtemperando tanto stultus malo liberetur .

29. Huic igitur tam immanni difficultati , quoniam de religione querimus , Deus solus mederi potest : quem nisi et esse et humanis mentibus opinari credimus , nec querere quidem ipsam veram religionem debemus . Quid enim tandem tanto molimine investigare cupimus ? Quid optamus attingere ? Quo pervenire desideramus ? Eone quod esse aut ad nos pertinere non credimus ? Nihil est tali mente perversius . Tunc cum beneficium a me petere non auderes , aut certe impudenter auderes , inventionem religionis postulatum venis , cum Deum neque esse , neque si sit , curare nos putas ? Quid , si tanta res est , quæ nisi sedulo atque omnibus viribus quæsita nequeat reperiri ? Quid , si ipsa difficillima inventio , ad capiendum quod inventum erit , mentem querentis exercet ? Quid enim oculis nostris hac luce jucundius et familiarius ? Quam tamen perpeti atque tolerare post diurnas tenebras nequeunt . Quid exhausto negotiatione corpori accommodatus quam cibus et potio ? Videamus tamen convalescentes refrenari atque cohiberi , ne saturatai valentiam committere sese audeant , cibisque ipsis agere , ut ad illum morbum , qui eos repudiabat , revertantur . De convalescentibus loquor : quid , ipsos negotiantes nonne urgemos ut aliquid suauant ? In quo profecto nobis cum tanta molestia non obtemperarent , si se illum morbum evasuros esse non crederent . Quando ergo tu te operosissime ac laboriosissime inquisitione dabis ? Quando tantam , quanta ipsa res digna est , euram negotiumque tibi audebis imponere , cum id quod queris , esse non credas ? Recte igitur catholicæ disciplinae majestate institutum est , ut accedentibus ad religionem fidem persuadeatur ante omnia .

CAPUT XIV . — 30. Si nihil credendum est , nec ipsa esse religio creditur . Christo credendum esse docent omnes etiam haeretici . Christus ipse maxime exegit fidem . Itaque ille haereticus (siquidem de his eobis sermo est , qui se christianos dici volunt) quam mihi rationem afferat , quæso te ? Quid est unde a credendo , veluti a temeritate revocet ? Si nihil me credere jubet ; hanc ipsam veram religionem ullam in rebus humanis esse non credo : quam cum esse non credo , non quero . At ille , ut opinor , querenti monstraturus est : ita enim scriptum est , *Quærens inveniet* (Matth. viii , 8) . Ad eum igitur , qui me vetat credere , non venirem , nisi aliquid crederem . Estne ulla major dementia , quam ut ei sola , quæ nulla scientia subinxerit . fide dispiceam , quæ ad eum ipsum me sola perduxit ?

31. Quid , quod omnes haeretici Christo nos credere hortantur ? Possuntne magis sibi adversari ? In quo dupliceiter urgendi sunt . Primum querendum ab his , ubi sit ratio quam policebantur , ubi objurgatio

temeritatis , ubi præsumptio scientiae . Si enim turpe est sine ratione cuiquam eredere , quid exspectas , quid satagis , ut alicui sine ratione credam , quo facilius tua ratione duci possim ? An firmum aliquid superædificabit ratio tua fundamento temeritatis ? Secundum illos loquor , quibus credendo disploemus . Nam ego credero ante rationem , cum percipiendæ rationi non sis idoneus , et ipsa fide animum excolere excipiens seminibus veritatis , non solum saluberrimum judico , sed tale omnino , sine quo ægris animis salus redire non possit . Quod illis cum deridendum et plenum temeritatis videtur , profecto ut Christo credamus , agunt impudenter . Deinde fateor me jam Christo credidisse , et in animum induxisse id esse verum quod ille dixerit , etiamsi nulla ratione fulciatur : hoc , heretice , principio me docturus es ¹ ? Sine paululum mecum ipse considerem (quoniam Christum ipsum , quomodo apparere hominibus voluit , qui istis etiam vulgaribus oculis visus esse prædicatur , ego non vidi) quibus de illo crediderim , ut ad te jam tali fide præstructus accedam . Nullis me video credidisse , nisi populorum atque gentium conformatæ opinioni ac faniæ admodum celeberrimæ : hos autem populos Ecclesiæ catholicæ mysteria usqueaque occupasse . Cur non igitur apud eos potissimum diligentissime requiram , quid Christus præceperit , quorum auctoritate commotus , Christum aliquid utile præcepisse jam credidi ? Tunc mihi melius expositurus es quid ille dixerit , quem fuisse aut esse non putarem , si abs te mihi hoc commendaretur esse credendum ² ? hoc ergo eredidi , ut dixi , famæ , celebritate , consensione , vetustate roborate³ . Vos autem et tam pauci , et tam turbulenti , et tam novi , nemini dubium est , quam ⁴ nihil dignum auctoritate præferatis . Quæ igitur ista tanta dementia est ? Illis crede , Christo esse credendum ; et a nobis disce quid dixerit . Cur , obsecro te ? Nam si illi descrederent , nec tu me quidquam docere possent , multo facilius milii persuaderem , Christo non esse credendum , quam de illo quidquam , nisi ab iis per quos ei credidisse , discendum . O ingentem confidentiam , vel potius ineptiam ! Ego te doceo quid Christus præceperit , cui credis . Quid , si non ei crederem ? num aliquid de illo me docere posses ? Sed oportet , inquit , ut credas . Num vobis eum commendantibus ? Non , inquit : nam nos illos qui ei credunt ratione ducimus . Cur igitur illi credam ? Quia fama fundata est . Utrum per vos , an per alios ? Per alios , inquit . Illis ergo credam , ut tu me doceas ? Deberem fortasse , nisi me hoc illi præcipue monerent , ut omnino ad te non accederem : dicunt enim perniciosas vos habere doctrinas . Respondebis : Mentiuntur . Quomodo igitur eis de Christo credam , quem non viderunt ; de te non credam , quem nolunt videre ? Scriptis , ait , crede . At scriptura omnis , si nova et inaudita proferatur , vel commen-

detur a paucis , nulla confirmante ratione , non ei , sed illis qui eam proferunt , creditur . Quamobrem scripturas istas si vos profertis , tam pauci et incogniti , non libet credere . Simul etiam contra promissum facitis , fidem potius imperando , quam reddendo rationem . Rursus me ad multitudinem famamque revocabis . Cohibe tandem pertinaciam , et nescio quam indomitam propagandi nominis libidinem : et mone potius ut hujus multitudinis primates queram , et queram diligentissime ac laboriosissime , ut ab his potius de his litteris aliquid discam , qui si non essent , discendum omnino esse nescirem . Tu vero in latebras tuas redi , nec quidquam insidiare , sub nomine veritatis , quam conaris eis adiungere , quibus auctoritatem ipse concedis .

32. Si autem Christo etiam credendum negant , nisi indubitata ratio redditâ fuerit , christiani non sunt . Nam id adversus nos pagani quidam dicunt , stulte quidem , sed non sibi adversi , nec repugnantes . Hos vero quis ferat ad Christum se pertinere profiteri , qui nisi apertissimam rationem stultis de Deo protulerint , nihil credendum esse contendunt ? At ipsum videmus quantum illa , cui et ipsi credunt¹ , docet historia , nihil prius , neque fortius , quam credi sibi voluisse : cum illi nondum essent idonei , cum quibus ei res esset , ad divina percipienda secreta . Quid enim aliud agnunt tanta et tam multa miracula , ipso etiam dicente illa fieri non ob aliud , nisi ut sibi crederetur ? Fide ille stultus ducebatur , vos ratione ducitis . Clamabat ille ut crederetur , vos reclamatis . Laudabat credentes ille , vos objurgatis . Nisi vero aut in vinum aquam converteret (Joan. II, 7-9) , ut alia omittam , si nihil tale facientem , sed docentem homines sequi possent : aut nihil pendenda vox illa est , Creditis Deo , et mihi credite (Id. XIV, 1) ; aut temeritatis ille culpandus est , qui eum in domum suam venire noluit , solo ejus imperio pueri sui morbum credens esse cessurum (Matth. VIII, 8) . Ergo ille afferens medicinam qua corruptissimos mores sanatura esset , miraculis conciliavit auctoritatem , auctoritate meruit fidem , fide contraxit multitudinem , multitudine obtinuit vetustatem , vetustate roboravit religionem : quam non solum haereticorum ineptissima novitas fraudibus agens , sed nec gentium quidem veterosus error violenter adversans , aliqua ex parte conveleret .

CAPUT XV. — 33. Sapientia Dei incarnata , via ad religionem commodissima . Quamobrem , tametsi aocere non valeo , monere tamen non desino , ut quoniam multi se sapientes videri volunt , neque utrum sint stulti , dignoscere facile est ; omni intentione , votisque omnibus , gemitibus denique , vel etiam , si fieri potest , fletibus Deum deprecere , ut te ab errore malo liberet , si tibi beata vita cordi est . Quod facilius fieri , si præceptis ejus , quæ tanta Ecclesiæ catholicæ auctoritate firmata esse voluit , libens obtineres . Cum enim sapiens sit Deo ita mente conjunctus , ut nihil interponatur quod separat ; Deus enim

¹ Plures MSS. , ducturus es .

² Vaticanî quartuor et nonnulli e Gallicantis MSS. , non esse credendum .

³ In MSS. , roborata .

⁴ Plures MSS. , quin .

¹ Veteres libri cedunt .

est veritas ; nec ullo pacto sapiens quisquam est , si non veritatem mente contingat : negare non possumus inter stultitiam hominis et sincerissimam Dei veritatem medium quiddam interpositam esse hominis sapientiam. Sapiens enim , quantum datum est , imitatur Deum ; homini autem stulto, ad imitandum salubriter, nihil est homine sapiente propinquius : quem quoniam, ut dictum est, intelligere ratione non facile est, oportebat quædam miracula ipsis oculis adinoveri, quibus utuntur stulti multo quam mente commodius , ut commotorum auctoritate hominum prius vita moresque purgarentur, et ita rationi accipiendæ habiles fierent. Cum igitur et homo esset imitandus, et non in homine spes ponenda ; quid potuit indulgentius et liberalius divinitus fieri, quam ut ipsa Dei sincera, æterna, incommutabilisque Sapientia, cui nos hærere oportet, suscipere hominem dignaretur ? Qui non modo illa faceret, quibus ad sequendum Deum invitaremur; sed etiam illa pateretur, quibus a sequendo Deo deterrebamur. Nam cum adipisci certissimum ac summum bonum nemo possit, nisi id plene perfecteque dilexerit ; quod nullo pacto siet, quamdiu mala corporis atque fortuita formidantur : ille nascendo mirabiliter et operando conciliavit charitatem ; moriendo autem et resurgendo exclusit timorem. Jam vero talem se in cæteris rebus omnibus præbuit, quas persequi longum est, ut et divina clemencia quo porrigi, et humana infirmitas quo possit evehì sentiremus.

CAPUT XVI. — 34. *Auctoritas divinitus constituta, quæ partim miraculis, partim sequentium multitudine moveret ad fidem.* Hæc est, crede, saluberrima auctoritas, hæc prius mentis nostræ a terrena inhabitatione suspensio, hæc in Deum verum ab hujus mundi amore conversio. Sola est auctoritas, quæ commovet stultos ut ad sapientiam festinent¹. Quamdiu intelligere sincera non possumus, auctoritate quidem decipi miserum est : sed certe miserius non moveri. Si enim Dei providentia non præsidet rebus humanis, nihil est de religione satagendum. Sin vero et species rerum omnium, quam profecto ex aliquo verissimæ pulchritudinis fonte manare credendum est, et interior nescio quæ conscientia² Deum querendum Deoque serviendum meliores quoque animos quasi publice privatimque bortatur; non est desperandum ab eodem ipso Deo auctoritatem aliquam constitutam, quo velut gradu certo innitentes, attollamur in Deum. Hæc autem, seposita ratione, quam sinceram intelligere, ut saepè diximus, difficillimum stultis est, dupliciter nos movet ; partim miraculis, partim sequentium multitudine. Nihil horum est necessarium sapienti ; quis negat ? Sed id nunc agitur, ut sapientes esse possimus, id est, inhærere veritati : quod profecto sordidus animus non potest. Sunt autem sordes animi, ut brevi explicem, amor quarumlibet rerum, prater animum et Deum : a quibus sordibus quanto est quis purgatior, tanto verum facilius intuetur.

¹ Plerique MSS., *festinetur. Quidam, festinentur.*

² Sic MSS. At editi, et interior nescio qua conscientia.

Verum igitur videre velle, ut animum purges, cum ideo purgetur ut videoas, perversum certe atque præpostorum est. Homini ergo non valenti verum intueri, ut ad id fiat idoneus, purgarique se sinat , auctoritas præsto est : quam, ut paulo ante dixi, partim miraculis , partim multitudine valere nemo ambigit. Miraculum voco , quidquid arduum aut insolitum supra spem vel facultatem mirantis appetit. In quo genere nihil est populis aptius et omnino stultis hominibus , quam id quod sensibus admovetur. Sed rursus hec in duo dividuntur : quædam enim sunt quæ solam faciunt admirationem ; quædam vero magnam etiam gratiam benevolentiamque conciliant. Nam si quis volantem hominem cernat, cum ea res nihil spectatori afferat commodi præter ipsum spectaculum, miratur tantummodo. Si quis autem gravi et desperato morbo affectus , mox ut jussum fuerit convalescat , admirationem sanitatis sive , sanantis etiam charitate superabit. Talia facta sunt illo tempore quo Deus in vero homine , quantum sat erat , hominibus apparebat. Sanati languidi , mundati leprosi ; incessus claudis , cæcis visus, surdis auditus est redditus. Homines illius temporis aquam in vinum conversam, saturata quinque millia quinque panibus, transita pedibus maria, mortuos resurgentes viderunt : ita quædam corpori manifestiore beneficio , quædam vero menti occultiore signo , et omnia hominibus majestatis testimonio consulebant : sic in se tunc animas errantes mortalium divina commovebat auctoritas. Cur, inquis , ista modo non sicut ? Quia non moverent, nisi mira essent : at si solita essent, mira non essent (a). Nam diei et noctis vices, et constantissimum ordinem rerum coelestium , annorum quadrifariam conversiōnem , decadentes redeuntesque frondes arboribus , infinitam vim seminum, pulchritudinem lucis, colorum, sonorum , odorum , saporumque varietates, da qui primum videat atque sentiat, cum quo tamen loqui possimus ; hebescit obruiturque miraculis : nos vero hæc omnia, non cognoscendi facilitate ; quid enim causis horum obscurius ? sed certe sentiendi assiduitate contemnimus. Facta sunt igitur illa opportunitas, ut his multitudine creditum congregata atque propagata , in ipsis mores utilis converteretur auctoritas.

CAPUT XVII. — 35. *Mores boni populis quam utiliter auctoritate persuasi. Ecclesiæ catholicæ auctoritas.* Mores autem quilibet tantum valent ad obtinendas hominum mentes, ut etiam quæ in his prava sunt, quod fere superantibus libidinibus evenit, improbare citius et detestari, quam deserere aut mutare possimus. Parumne consultum rebus humanis arbitraris, quod nihil terrenum, nihil igneum, nihil denique quod corporis sensus attingit, pro Deo colendum esse, ad quem solo intellectu ambiendum est, non pauci doctissimi disputant, sed imperitum etiam vulgaris marium feminarumque in tam multis diversisque gentibus et credit et prædicat ? quod continen-

(a) I Retract., cap. 14, n. 5.

tia usque ad tenuissimum victum panis et aquae, et non quotidiana solum, sed etiam per contextos plures dies perpetua jejunia; quod castitas usque ad conjugii prolixus contemptum, quod patientia usque ad crues flaminasque neglectas, quod liberalitas usque ad patrimonia distributa pauperibus, quod deinde totius hujus mundi aspernatio usque ad desiderium mortis intenditur? Pauci haec faciunt, pauciores bene prudenterque faciunt: sed populi probant, populi audiunt, populi favent, diligunt postremo populi: populi suam imbecillitatem, quod ista non possunt, nec sine proiectu mentis in Deum, nec sine quibusdam scintillis virtutis, accusant. Hoc factum est divina providentia per prophetarum vaticinia, per humanitatem doctrinamque Christi, per Apostolorum itinera, per martyrum contumacias, cruces, sanguinem, mortes, per sanctorum predicationem vitam, atque in his universis digna rebus tantis atque virtutibus pro temporum opportunitate miracula. Cum igitur tantum auxilium Dei, tantum profectum fructumque videamus, dubitabimus nos ejus Ecclesio condere gremio, que usque ad confessionem generis humani ab apostolica Sede per successiones episcoporum, frustra hereticis circumlatribus, et partim plebis ipsius iudicio, partim conciliorum gravitate, partim etiam miraculorum maiestate damnatis, culmen auctoritatis obtinuit¹? Qui nolle primas dare, vel summæ profecto impietatis est, vel præcipitis arrogantiæ. Nam si nulla certa ad sapientiam salutemque animis via est, nisi cum eos rationi præcolit fides; quid est aliud ingratum esse opis atque auxilio divino, quam tanto labore predictæ auctoritati velle resistere? Et si unaquaque disciplina, quamquam vilis et facilis, ut percipi possit, doctorem aut magistrum requirit; quid temerari superbiæ plenius, quam divinorum sacramentorum libros, et ab interpretibus suis nolle cognoscere, et incognitos velle damnae?

CAPUT XVIII. — 36. *Conclusio per exhortationem. Persica fabella.* Quamobrem, si quid te vel ratio, vel oratio nostra commovit, et si veram, ut credo, curam tui geris; velim me audias, et bonis præceptoribus catholicæ Christianitatis te pia fide, alaci spe, simplici charitate committas: Deumque ipsum, cuius unius et bonitate facti sumus, et justitia penas lumen, et clementia liberamur, orare non cesses. Ita tibi neque præcepta et disputationes doctissimorum hominum et vere christianorum, neque libri, neque seruae ipsæ cogitationes defuerint quibus facile quod queris invenias. Nam istos verbosos et miseros (quid enim aliud mitius dixerim?) penitus desere: qui dum nimis querunt unde sit malum, nihil reperiunt nisi malum. In qua questione sape auditores erigunt ad

¹ Edictio Er. cum aliquot MSS., damnantis columnam auctoritatis obtinuit.

² Fecit, robore.

querendum: sed ea docent excitatos, ut vel dormire semper satius sit, quam illo modo evigilare. De lethargicis enim phreneticos faciunt: inter quos morbos, cum sit eterne plerumque mortiferus, hoc tamen interest, quod lethargici sine aliena vexatione moriuntur; phreneticus autem multis sanis¹, et eis potissimum qui volunt subvenire, metueundus est. Nam neque Deus mali auctor est, nec unquam eum quidquam fecisse poenituit, nec ullius cunctationis aniini tempestate turbatur, nec terræ particula regnum ejus est, nulla flagitia vel scelera probat aut imperat, nunquam mentitur. Haec enim atque hujusmodi nos movebant, cum ea magnis² invectiveibus quaterent, et hanc esse Veteris Testimenti disciplinam insimularent: quod omnino falsissimum est. Itaque illos recte reprehendero ista concedo. Quid ergo didici? Quid putas, nisi cum ista reprehenduntur, disciplinam catholicam non reprehendi? Ita quod apud eos verum didiceram, teneo: quod falsum pataveram, respao. Sed et alia multa me docuit Ecclesia catholica, quondam homines exsangues corporibus, sed crassi mentibus, aspirare non possunt: Deum scilicet non esse corporeum, nullam ejus partem corporeis oculis posse sentiri, nihil de substantia ejus atque natura, ullo modo esse violabile aut commutabile, aut compositum³, aut fictum; quæ si mihi concedis (non enim aliter de Deo sentiendum est), omnia illorum machinamenta subversa sunt. Illud vero quomodo sit, ut nec Deus malum genuerit aut fecerit, nec illa sit fuerit unquam natura atque substantia, quam non Deus aut genuerit aut fecerit, et tamen a malo nos liberet; iam necessariis rationibus approbatur, ut dubitari omnino non possit: præsertim tibi, atque talibus; si tamen bono ingenio pietas et pax quædam mentis accedit, sine qua de tantis rebus nihil prorsus intelligi potest. Et hic non sima de humo est, et nescio qua fabella Persica, cui satis est aurem accommodare, et animam non subtilem, sed plane puerilem. Longe omnia, longe se aliter, non ut Manichæi desipiunt, veritas habet. Sed quoniam iste serino noster multo processit longius quam putabam, hic finem libro faciamus: in quo memineris volo, nondum me Manichæos coepisse refellere, et illas nugas nondum invasisse: neque de ipsa Catholica magnum aliiquid aperuisse; sed voluisse tantummodo eruere tibi, si possem, falsam opinionem de veris Christianis malitiis aut imperite nobis insinuatam, et erigere ad magna quædam et divina discenda. Quare hoc volumen ita sese habent: placatiore autem animo tuo facto, ero fortasse in cæteris promptior (a).

¹ Lov., multis et eis potissimum, omisso, sanis; pro que Er., satis. Corrupte.

² Editi, magis. At MSS., magnis.

³ In MSS., compositum.

(a) I Retract., cap. 14, n. 6.



IN LIBRUM DE DUABUS ANIMABUS CONTRA MANICHAEOS.

Vide lib. 1, cap. 15, Retractionum, t. 1, col. 608, n. 1, a verbis, Post hunc librum (a), usque ad col. 612, n. 8, verbis, Opitulante Dei misericordia. M.

(a) Post opus videlicet de Utilitate credendi, quod circiter annum Christi 391 conscriptum est. Recensio autem praesenti libro de Duabus Animabus, proxime subjicit Augustinus Retractionem libri seu disputationis contra Fortunatum, qua habita est die 28 Augusti, an. 392.

S. AURELII AUGUSTINI

HIPPONENSIS EPISCOPI

DE DUABUS ANIMABUS CONTRA MANICHAEOS

Liber unus (a).

Manichæis hereticis duas animas in unoquoque homine esse, unam de Dei substantia bonam, alteram malam de teneriorum genere nec a Deo conditam dicentibus, dolet se Augustinus sic adhæsse, ut ad rationes quibus deliramentum istud evertitur, tam obvias tamque manifestas non attenderit. Primum enim consideranti facile apparere, omnem animam, cum vita quedam sit, resque intelligibilis, ac proinde luce visibili, quam a Deo esse Manichæi fatentur, præstantior, auctori Deo tribuendam. Loca vero Scripturae quibus illi malos ex Deo non esse disputant, aliorum locorum comparatione melius explicari. Postea etiam ex peccati et voluntatis defluitione, ex venia peccatorum quæ peccantibus datur in Ecclesia, tandemque ex penitenti affectu iio atque utili, evidenter omnino demonstrari, peccantes animas non natura malas esse.



CAPUT PRIMUM. — 1. *Manichæorum error de duabus animabus, quarum altera non sit a Deo, qua ratione expugnatur. Anima omnis cum vita quedam sit, non nisi a Deo vita fonte esse potest.* Opitulante Dei misericordia, disruptis et derelictis Manichæorum laqueis, tandem Catholicæ gremio restitutum libet considerare nunc saltem ac deplorare illam meam miseriam. Multa enim erant, quæ facere debui, ne tam facile ac diebus paucis, religionis verissimæ semina mibi a pueritia salubriter insita, errore vel fraude falsorum fallaciorum hominum effossa ex animo pellerentur. Nam primo animarum illa duo genera, quibus ita singulas naturas propriasque tribuerunt¹, ut alterum de ipsa Dei esse substantia, alterius vero Deum nec conditorem quidem velint accipi, si mecum sobrie diligenterque considerassem, mente in Deum supplici et pia; fortasse mibi satagenti apparuisset, nullam esse qualilibet vitam, quæ non eo ipso quo vita est, et in quantum omnino vita est, ad summum vitæ fontem principiamque pertineat (b): quod nihil aliud quam sumnum et solum verumque Deum possumus considerari. Quapropter illas animas, quæ a Manichæis vocantur malæ, aut carere vita, et animas non esse, neque quidquam velle seu nolle, appetere vel fugere; aut si viverent, ut et animæ esse possent, et aliquid

tale agere, quale illi opinantur, nullo modo eas nisi vita vivere: ac si Christum dixisse constaret, ut constat, *Ego sum vita* (Joan. xiv, 6); nihil esse causæ eur non omnes animas, cum animæ nisi vivendo esse non possint, per Christum, id est, per vitam creatas et conditas fateremur.

CAPUT II. — 2. *Si lux quæ sensu percipitur Deum habet auctorem, ut fatentur Manichæi, multo magis anima quæ solo intellectu percipitur.* Quod si tempore illo quæstionem de ipsa vita et de participatione vitæ mea cogitatio ferre ac sustinere non posset; quæ profecto magna est, et multum serenæ disputationis inter doctissimos indigens; illud dispicere fortasse valuisse, quod omni homini sese sine studio partium bene consideranti manifestissime apparet, omne quod scire et nosse dicimus, aut sensu corporis, aut intelligentia nos habere comprehendimus. Sensus autem corporis etiam vulgo quinque numerari, visum, auditum, odoratum, gustum, atque tactum: quibus omnibus intelligentiam longe alteque præstare et excellere, quis mibi non vel ingratus impiusque concederet? Quo constituto atque firmato, illud consequi, ut cuncta que tactu et visu, vel quolibet alio modo corporaliter sentirentur, tanto essent inferiora his que intelligendo assequeremur, quanto ipsos sensus intelligentia.

ADMONITIO PP. BENEDICTINORUM.

Libri de Duabus Animabus editiones collatae sunt ad manuscrips. codices, Arnulphensem, Michaelinum, Victorinos dno. chos vaticanos, et ad trium Belgicorum varias lectiones aij ud Lov.

Comparavimus præterea eas omnes editiones initio Retr. et Confess., t. 1. memoratas, M.

¹ Lovanienses ex mendoso Cambronensi codice posuerunt, gremio constituto libet.

² Quidam MSS., distribuerunt.

(a) Scriptus circiter annum Christi 391.

(b) I Retract., cap. 13, n. 1.

gentiæ cedere videremus. Quamobrem cum omnis vita, et ob hoc omnis anima nullo corporis sensu, sed solo intellectu percipi queat; sol autem iste atque luna omnisque lux quæ mortalibus his oculis cernitur, ab ipsis quoque Manichæis vero et bono Deo tribuenda esse dicatur: summani esse dementiam id prædicare pertinere ad Deum, quod per corpus intuemur; quod vero non solum animo, sed ipsa sublimitate animi, mente scilicet atque intelligentia caperemus, id est, vitam, qualiscumque illa diceretur, tamen vitam, eodem Deo auctore privandam et viduandam putare. Num enim quid sit vivere, quamque secretum ab omni corporis sensu, quamque omnino incorporeum, si me ipsum invocato Deo interrogarem, respondere non possim? Aut non illi quoque fateantur, non solum vivere illas, quas detestantur animas, sed etiam immortaliter vivere? Quodque a Christo dictum est, *Dimitte mortuos sepelire mortuos suos* (*Matth. viii, 22*); non de omnino non viventibus, sed de peccantibus dictum, quæ immortalis animæ sola mors est; scribente Paulo, *Mortua est vidua quæ in deliciis vivit* (*I Tim. v, 6*): simul enim et mortuam esse dixit, et vivere. Quare non ego quanto decoloratus vivat peccatrix anima, sed illud ipsum tantum quod vivat attendem. Quod si percipere nisi intelligendo non possem, credo veniret in mentem, tanto esse quamlibet animam luci, quam per hos sentimus, oculos, præferendam, quanto intelligentiam ipsis oculis præferremus.

CAPUT III.—*Corpus etiam omne a Deo esse unde probatur. Animam illam quæ mala dicitur a Manichæis, luce esse meliorem.* Lucem autem illam illi quoque a Patre Christi esse confirmant: egone tandem, quod ab eo esset quæcumque anima, dubitarem? Ego vero non modo de anima, sed de quovis etiam corpore, quin ab ipso esset, nihil omnino, ne tum quidem, homo scilicet¹ illius imperitiæ atque illius ætatis ambigerem, si forma quid esset quidve formatum, quid species et quid indutum specie, deinde quid horum cui causa esset, pie cauteque cogitarem.

3. Sed de corpore interim taceo: de anima conqueror, de spontaneo et vivido motu, de actu, de vita, de immortalitate: denique conqueror, quod aliquam rem ista omnia sine Dei bonitate habere posse miserimus credidi; quod quanta essent, negligenter attendi; hoc mihi gemendum, hoc deflendum ruto. Volverem mecum hæc, loquerer mecum, deferrem ad alios²: quæ vis esset intelligendi, quam nihil esset in homine³, quod huic excellentiæ possemus conferre, proponerem⁴. Ubi mihi hoc homines, si modo essent homines, concessissent; quererem utrum his oculis videre, id est intelligere⁵. Ubi negavissent, colligerem primo longe esse sensui oculorum istorum intelligentiam mentis ante-

ponendam: deinde subjungerem, id quod re meliore perciperemus, necessario melius judicandum. Quis hoc non daret? Ergo pergerem querere, anima illa, quam malam dicentes, oculisne sentiretur istis, an mente intelligeretur? Mente faterentur. Quibus omnibus inter nos convenientibus atque firmatis, quid consiceretur ostenderem; animam scilicet illam quam exsecrarentur, luce ista quam venerarentur esse meliorem: quandoquidem illa intellectu mentis, haec sensu corporis innotescit. Hic vero haererent fortasse, ducemque rationem sequi recusarent: tanta est vis veternosarum opinionum et diu defensæ atque creditæ falsitatis. Sed ego instarem magis haerentibus, non asperæ, non pueriliter, non pervicaciter; repeterem quæ concessa sunt; et quam essent concedenda⁶, monstrarem. Hortarer ut in commune consulenter, viderent certe quid nobis negandum esset; utrum intellectum istis earneis luminibus præferendum, an excellentius esse quod animi excellentia, quam quod vili sensu corporis cognoscitur, falsum putarent: an illas animas, quas alienigenas crederent, tantum intelligendo, id est, ipsa animi excellentia scriri posse nollent fateri; an solem ac lunam non nisi istis oculis notos fieri vellent abnuere. Quod si nihil horum nisi absurdissime atque impudentissime negari posse animadverterent; suaderem non eos oportere dubitare, istam lucem quam colendam prædicarent, esso anima illa viiore quam fugiendam monerent.

CAPUT IV.—4. *Animæ etiam muscae præstantior ista luce.* Atque hic si forte turbati a me quererent, num etiam muscae animam huic luci præstare censerem: responderem, Etiam; nec me terreret musca quod parva est, sed quod viva firmaret. Quæritur enim, quid illa membra tam exigua vegetet, quid hinc atque illuc pro naturali appetitu tantillum corpusculum ducat, quid currentis pedes in numerum moveat, quid volantis pennulas moderetur ac vibret. Quod qualcumque est, bene considerantibus, in tam parvo tam magnum eminet, ut cuvis fulgori perstringenti oculos præferatur.

CAPUT V.—*Vitiosæ animæ quanquam damnableæ, quomodo huic luci quæ in genere suo laudanda est, antecellant.* Certe quod nemo dubitat, quidquid id est, intelligibile est: quod omni sensibili⁷, et ob hoc huic etiam luci divinis legibus antecellit. Quid enim cogitatione⁸ percipimus, quæso, si hoc non percipimus, aliud esse mente intelligere, aliud sentire per corpus, et prius illud ab hoc posteriore incomparabili sublimitate distare; ideoque non posse intelligibilia sensibilibus non præferri, cum ipse intellectus tantum sensibus præferatur?

5. Hinc illud etiam fortasse cognoscerem; quod

Sensus est, utrum idem est his oculis videre, quod intelligere.

¹ Editi, et quæ essent concedenda. Emendantur ex Vaticanis MSS.

² Sic Lovanienses duorum manuscriptorum auctoritate corixerunt. Alii tamen MSS. plures cum Er. habent, quæ quid intelligibile est, omni sensibili, et ob hoc huic etiam luci, etc.

³ Er. et MSS., cognitione.

¹ Editi, hoc scilicet. Corriguntur ex MSS.

² Vaticanæ MSS., ad illas: intelligere Manichæos.

³ Sic ex Vaticanis et Gallicanis MSS. [quoniam nihil esset in homine.]

⁴ Ita plures MSS. Editi vero, præponerem; cum hac volum aliquando interpunctione: quæ vis esset intelligendi (quoniam nihil esset in homine quod huic excellentiæ possumus conferre) præponerem.

⁵ Editio Er.: videlicet, id est, intelligerent. Sic et Vaticanæ MSS. Sed nichil alij tam: videlicet, videre, id est, intelligere.

consequens esse manifestum est, cum iniustitia et intemperantia ceteraque animi vitia non sentiantur, sed intelligentur; quomodo fiat ut etiam ista, que detestamur et damnanda censemus, tamen quoniam intelligibilia sunt, anteire hanc lucem queant, cum in suo genere ista laudanda sit. Suggeritur enim animo bene sese Deo subjicient, primo non omne quod laudamus, omni quod vituperamus, esse anteponendum. Neque enim quia laudo purgatissimum plumbeum, ob hoc illud vituperando auro pluris aestimo. In suo enim genere quidque considerandum est. Improbo jurisconsultum multas leges ignorantem: sed eum tamen probatissimo sutori sic præfero, ut ne comparandum quidem putem. At istum laudo¹, quod suæ artis peritissimus sit: illum autem, quod suam professionem minus impletat, jure reprehendo. Ex quo reperire deberem, lucem istam, quod in genere proprio perfecta esset, jure laudari: tamen quia sensibilium rerum numero includitur, quod genus intelligibilium generi cedat necesse est, infra injustas et intemperantes animas, quoniam sunt intelligibles, esse deputandam; quavis istas non injurya damnatione dignissimas judicemus. Quærimus namque in his quod concilietur Deo, non quod isti fulgori preferatur. Quapropter, quisquis hoc lumen ex Deo esse contenderet, non repugnarem; sed magis animas dicerem, vitiosas etiam, non in quantum vitiosæ, sed in quantum animæ sunt, Deum sibi esse creatorem fateri oportere.

CAPUT VI. — 6. An ipsa etiam vitia tanquam intelligibilia, luci sensibili præferenda sint et Deo ut auctori tribuenda. Vitium animi est defectus quidam, recte non inter intelligibilia numerandus. Ipsi defectus, etiam si inter intelligibilia numerarentur, nunquam anteponendi rebus sensibilibus. Si tamen visible a Deo est, multo magis ab ipso anima, quæ in quantum vivit intelligibilis res est, etiam vitiosa. Objectantur contra a Manichæis loca Scripturæ. Hoc loco si quisquam illorum cautus et vigilans, jam etiam studiosior quam pertinacior, me admoneret, non de vitiosis animis, sed de ipsis vitiis esse querendum: quæ quoniam sensu corporis non cognoscerentur, et tamen cognoscerentur, non nisi intelligibilia posse accipi, quæ si sensibilibus omnibus antecellunt, cur lucem Deo auctori esse tribuendam inter nos conveniret, vitiorum vero auctorem Deum nemo nisi sacrilegus diceret: responderem homini, si aut statim et repente, ut bonis Dei cultoribus solet, divinitus infusisset hujus solutio questionis, aut fuissest antea præparata: quorum si neutrum meruissem atque potuissem, cœpta differrem; quodque esset propositum, difficile esse ad dignoscendum atque arduum confiterer. Recurrerem in me, prosterneret Deo, alte ingemiscerem, querens ne me in medio spatio, quo certis rationibus promovissem, hærere pateretur; ne anticipi quæstione cogerer aut intelligibilia sensibilibus submittere ac subdere, aut ipsum vitiorum dicere auctorem; cum esset utrumvis horum falsitatis impieta-

¹ Vaticani MSS., ac istum laudo.

isque plenissimum. Nullo modo possem existimare, quod me sic affectum ille desereret. Admoneret potius suis illis ineffabilibus modis, ut considerarem etiam atque etiam, utrum animi vitia, de quibus aestuarem, inter intelligibilia numeranda essent. Quod ut reperire, propter imbecillitatem interioris oculi mei, que mihi peccatis meis jure accidisset, aliquem mihi ad invisibilia contuenda in ipsis visibilibus machinarer gradum: quorum esset nobis nullo modo certior cognitio, sed consuetudo sidentior. Itaque statim quererem quid ad sensum proprie pertineret oculorum: inventorem colores, quorum principatum lux ista obtineret. Hæc enim sunt quæ nullus alius sensus attingit: nam motus corporum, et magnitudines, et intervalla, et figuræ, quamvis et oculis, non tamen proprie, sed tactu etiam posse sentiri. Unde colligrem tanto ceteris corporeis et sensibilibus præstare lucem, quanto aliis sensibus aspectus esset illustrior. Electa igitur ex omnibus quæ corpore sentiuntur ista luce, qua niterer, et in qua gradum illum inquisitionis meæ necessario collocarem; pergerem attendere quid ageretur hoc modo, necumque ita sermocinarer: Si sol iste tanta claritate conspicuus et dici luce sufficiens, usque ad lunæ similitudinem in conspectu nostro paulatim desiceret, num aliud quidquam oculis sentiremus quam lucem utcumque fulgentem; lucem tamen querentes, quod fuerat non videndo, et huiusmodi videndo quod aderat? Non ergo illum defectum videremus, sed lucem quæ defectui remaneret. Cum autem non videremus, non sentiremus; quidquid enim sentimus aspectu, non potest non videri: quare, si defectus ille neque visu, neque alio sensu sentiretur, non posset inter sensibilia numerari. Nihil enim sensible est, quod sentiri non potest. Referamus nunc considerationem ad virtutem, cuius intelligibili luce splendere animum convenientissime dicimus. Porro ab hac luce virtutis defectus quidam non perirens animam, sed obscurans, vitium vocatur. Potest igitur recte vitium quoque animæ nequam inter intelligibilia numerari, ut lucis ille defectus recte de sensibili numero eximitur: illud tamen quod remanet animæ, id est, hoc ipsum quod vivit atque anima est, tam est intelligibile, quam sensibile illud quod in hoc visibili lumine post defectum quantumcumque fulgeret: et ideo animam in quantum anima esset, et vitæ participaret, sine qua nullo pacto anima esse potest, rectissime omnibus sensibilibus anteferri. Quamobrem maximi erroris esse, ullam animam dicere non esse ex Deo, ex quo esse solem lunamque glorieris.

7. Quod si jam placaret omnia sensibilia nominare, non modo ea quæ sentiremus, sed etiam ea quæ non sentiendo tamen per corpus judicaremus, sicut per oculos tenebras, et per aures silentium; et illas enim non videndo, et hoc non audiendo cognoscimus: rursusque intelligibilia, non ea tantum quæ illustrata mente conspicimus, sicuti est ipsa sapientia;

¹ Apud Lov. particula, de prætermissa, non bene reditum, quibus aestuarem.

sed etiam illa quæ ipsius illustrationis privatione aversamur, ut est insipientia, quam tenebras animi congrue dixerim: nullam de verbo facerem controversiam, sed totam questionem facili divisione dissolverem, statimque approbarem bene attendentibus, substantias intelligibiles sensibilibus substantiis divina et incorrupta veritatis lege præponi, non carum substantiarum defectus; quanvis hos intelligibiles, illos sensibiles appellare vellemus. Quapropter, qui et hæc lumina visibilia, et illas intelligibiles animas substantias esse faterentur, omni modo eos cogi sublimiores partes animis concedere, atque tribuere; defectus vero utrinque generis non posse alteros alteris anteponi, privant enim tantum, et non esse indicant, quod usquequa eamdem vim habent, sicut ipsæ negationes. Nam cum dicimus, Non est aurum, et, Non est virtus; quauis inter aurum et virtutem plurimum, nihil tamen inter negationes, quas eis adjunxit, distat. Verum cuiusvero pejus est non esse virtutem, quam non esse aurum: nemo sanus hinc ambigit; quod non propter ipsas negationes, sed propter res quibus adjunguntur, accidere quis non intelligent? Auro enim virtus quanto præstat, tanto est virtute quam auro carere miserius. Quamobrem, cum res intelligibiles sensibilibus rebus antecellunt, defectum in intelligibilibus quam in sensibilius merito ægrius toleramus; non eos defectus, sed ea quæ deficiunt, charius vel vilius aestimantes. Ex quo jam illud apparet, defectum vita, quæ intelligibilis est, multo miserabiliorem esse, quam hujus sensibilis lucis; quod scilicet multo est charior intellecta vita, quam lux ista conspecta.

8. Quæ cum ita sint, audebitne quisquam, cum solem ac lunam, et quidquid in sideribus, quidquid denique in hoc igne nostro atque terreno luce visibili effulget, Deo tribuat, animas quaslibet, quæ profecto nisi vivendo animæ non sunt, cum tantum hoc lumen vita præcedat, nolle concedere ex Deo esse? et cum ille verum dicat, qui dicit, In quantum nitet, ex Deo est; ergo tandem, Deus magne, mentiar, si dicam, In quantum vivit, ex Deo est? Non usque adeo, quæso, cæcitas mentis suppliciaque augeantur animorum, ut hæc homines non intelligent. Sed quoniam illorum error aut pertinacia sese haberet, his ego fretus armatusque rationibus, credo cum ad eos rem ita consideratam perspectamque detulisse, et cum his placide contulisse, vererer ne mihi quisquam eorum alicujus momenti esse videretur, si aut intellectum, aut ea quæ intellectu non per defectum¹ perciperentur, sensui conaretur præferre, aut saltem comparare corporeo, vel his rebus quæ ad eumdem sensum cognoscendæ similiter pertincent. Quo constituto, quando ille mihi vel quisquam negare audebet, animas quantum vellet malas, tamen quoniam animæ essent, intelligibilium rerum numero contineri, neque illas per defectum intelligi? Siquidem animæ non alio essent, nisi quo viverent. Licet enim

per defectum intelligerentur vitiosæ, quia virtutis egestate vitiosæ; non tamen per defectum animæ, quia vivendo animæ. Nec fieri potest ut vita præsentia sit causa deficiendi; cum tanto quidque deficiat, quanto deseritur a vita.

9. Omni modo igitur cum pateret non posse ullas animas ab eo auctore separari, a quo lux ista non separatur; jam quidquid afferrent, non acciperem. moneremque potius, ut eos mecum sequi malent, qui omne quidquid esset, quoniam esset, in quantumcumque esset, ex uno Deo esse predicerent.

CAPUT VII.—*Muli quomodo ex Deo, et non ex Deo.* Recitarent adversus me voces illas evangelicas: *Vos propterea non auditis, quia ex Deo non estis;* *Vos ex patre diabolo estis* (*Ioan. viii, 47 et 44*). Ego quoque contra recitarem, *Omnis per ipsum facta sunt, et sine ipso factum est nihil* (*Id. 1, 3*); et illud Apostoli, *Unus Deus ex quo omnia; et unus Dominus Jesus Christus per quem omnia* (*1 Cor. viii, 6*); et iterum ejusdem apostoli, *Ex quo omnia, per quem omnia, in quo omnia, ipsi gloria* (*Rom. xi, 36*): hortarerque homines (si tamen homines invenirem), nihil nos jam quasi comperisse præsumeremus; sed quereremus potius magistros, qui sententiarum istarum, quæ nobis inter se pugnare viderentur, pacem concordiamque monstrarent. Nam in una atque eadem auctoritate Scripturarum¹, cum alibi sonaret, *Omnis ex Deo* (*1 Cor. xi, 12*); et alibi, *Vos non estis ex Deo*: quoniam Libros temere condempnare nefas esset, quis non videret peritum doctorem, cui questionis hujus solutio nota esset, inveniendum fuisse? qui profecto si esset bonus intellector, et, ut divinitus dicitur, homo spiritualis (*Id. n, 15*), quoniam necessario faveret veris rationibus, quas de intelligibili sensibili que natura, quantum potui, tractavi atque disservi, imo eas² ipse multo melius, et ad docendum aptius aperiret; nihil ab eo aliud de hac questione audiremus, nisi quemadmodum fieri posset, ut et nullum animalium genus non esset ex Deo, et recte tamen peccatoribus et infidelibus diceretur, *Non estis ex Deo*. Nam et nos fortasse implorato in auxilium Deo facile videre possemus, aliud esse vivere, aliud peccare: et quanquam vita in peccatis in comparatione justæ vitæ mors appellata sit (*1 Tim. v, 6*); utrumque tamen in homine uno posse inveniri, ut simul sit vivus atque peccator: sed quod vivas, ex Deo; quod peccator, non ex Deo. In qua divisione utimur ea parte de duabus, quæ nostræ sententiaz competit: ut cum Dei conditoris omnipotentiam insinuare volumus, etiam peccatoribus dieamus quod ex Deo sint. Dicimus enim his qui aliqua specie continentur, dicimus animalibus, dicimus rationalibus, dicimus postremo, quod ad rem maxime attinet, viventibus: quæ omnia per se ipsa divina sunt munera. Cum autem malos arguere propositum est, recte dicimus, *Non estis ex Deo*. Dicimus enim se a veritate avertentibus, infidelibus, facinorosis, flagitiosis, et, quod nomine

¹ Editi, nondum perfecte. Nihilus vaticani MSS., non per defectum.



² vox, Scripturarum, non est in vss. vaticanicis.

³ in editis, imo si eas. Absit, si, a MSS.

uno totum continet, peccatoribus : quæ rursus omnia ex Deo non esse quis dubitet? Itaque Christus peccatoribus, id ipsum quod peccatores erant et sibi non credebant coargens, quid mirum si ait, *Non estis ex Deo*; ex alia parte illa salva manente sententia quod *Omnia per ipsum facta sunt*; et, *Omnia ex Deo?* Nam si Christo non credere, Christi adventum repudiare, Christum non recipere, certum indicium esset animarum¹ quæ non sunt Dei; et ideo dictum esset, *Vos propterea non auditis, quia non estis ex Deo*: quomodo vera esset vox illa Apostoli, in ipso Evangelii memorabili principio, qua dictum est, *In sua propria venit, et sui eum non receperunt* (Joan. i, 11)? Unde sui, si non receperunt: aut unde ideo non sui, quia non receperunt: nisi quia homines peccatores, eo quod sunt homines, ad Deum; eo vero quod peccatores, ad diabolum pertinent? Ille ergo partem naturæ tenuit qui ait, *Sui eum non receperunt*; ille vero voluntatis, qui ait, *Non estis ex Deo*. Evangelista enim Dei opera commendabat, Christus hominum peccata coercet.

CAPUT VIII. — 10. Quærunt unde malum, et hac quæstione vincere se putant Manichei. Cognoscant prius quod facillimum est, nihil vivere posse sine Deo. Summum malum non cognoscitur nisi cognito summo bono, quod est Deus. Ille fortasse quis dicat: Unde ipsa peccata, et omnino unde malum? Si ab homine, unde homo? si ab angelo, unde angelus? Quos ex Deo esse cum dicuntur, quamvis recte vereque dicatur, videntur tamen imperitis et minus valentibus acriter res abditas intueri, quasi per quandam catenam ad Deum mala et peccata connecti. Hac quæstione illi regnare se putant: quasi vero interrogare sit sciare. Utinam id esset; nemo me scientior reperiatur. Sed nescio quomodo saepè in altercando, magnæ quæstionis proposito personam magni doctoris ostentat, plerumque ipse ipso quem terret, in eo de quo terret indoctior. Itaque isti multitudini se præferendos arbitrantur, quia priores interrogant quod cum multitudo ignorant. Sed si eo tempore quo cum eis me, non sicut jam diu ago, egisse nunc pœnitit, mihi has rationes depromenti hoc objecissent, dicere: Quæso, interim cognoscite mecum quod facillimum est, si nihil sine Deo potest fulgere, multo minus posse aliiquid vivere sine Deo; ne in tantis monstris opinionum remaneamus, ut nescio quas animas vitam sine Deo habere prædicemus. Sic enim fortasse contingit ut id quod mecum ignoratis, id est, unde sit malum, vel simul, vel quolibet ordine aliquando discamus. Quid si enim cognitione summi mali sine cognitione summi boni contingere homini non potest? Non enim nossemus tenebras, si in tenebris semper essemus: sed lucis notitia contrarium suum non sinit in cognitum. Sumnum autem bonum id est, quo superius esse nihil potest: Deus autem bonum, et Deo superius esse nihil potest: Deus igitur summum bonum. Cognoscamus ergo Deum, atque ita nos illud quod præpropere querimus non latebit. Mediocrisne

negotii tandem vel meriti cognitionem Dei esse arbitramini? Quod enim nobis aliud præmissum, quain vita æterna promittitur, quæ Dei cognitione est? Ait enim magister Deus: *Hæc est autem vita æterna, ut cognoscant te solum et verum Deum, et quem misisti Iesum Christum* (Joan. xvii, 3). Etenim anima quamvis sit immortalis, tamen quia mors ejus recte dicitur a Dei cognitione aversio; cum se convertit ad Deum, meritum est æternæ vitæ consequendæ, ut sit æterna vita, sicut dictum est, ipsa cognitione. Converti autem ad Deum nemo, nisi ab hoc mundo se avertat, protest. Hoc ego mihi arduum et difficultimum sentio: vobis si facile est, ille ipse Deus viderit. Ego velle credere, nisi me moveret, quod cum iste mundus, a quo averti jubemur, visibilis sit, dixeritque Apostolus, *Ea quæ videntur, temporalia sunt; quæ autem non videntur, æterna sunt* (II Cor. iv, 18): vos plus istorum oculorum quam mentis judicio tribuitis, apud quos nullam esse fulgentem pennam quæ non ex Deo fulgeat, et esse viventem animam quæ non ex Deo vivat, prædicatur et creditur. Hæc et his similia vel illis etiam dicere, vel quod saluti sat erat cogitare².

CAPUT IX. — 11. Augustinus familiaritate cum Manicheis et successu victorie de Christianis imperitis a se reportata deceptus. Manichei ex cognitione item peccati et voluntatis facile refellendi. Sed me duo quædam maxime, quæ incautam illam ætatem facile capiunt, per admirabiles³ attrivere circuitus; quorum est unum familiaritas, nescio quomodo repens quædam imagine bonitatis, tanquam sinuosum aliquod vinculum multipliciter collo involutum. Alterum quod quædam noxia Victoria pene mihi semper in disputationibus proveniebat disserenti cum Christianis imperitis, sed tamen fidem suam certatim, ut quisque posset, defendere molientibus. Quo successu creberimo glisebat adolescentis animositas, et impetu suo in pervicacie magnum malum imprudenter vergebat⁴. Quod altercandi genus quia post eorum auditorem aggressus eram, quidquid meo vel qualicunque ingenio vel aliis lectionibus poteram, solis illis libentissime tribuebam. Ita ex illorum sermonibus ardor in certamina, ex certaminum proventu amor in illos quotidie movebatur⁵. Ex quo accedebat ut quidquid dicerent, miris quibusdam morbis⁶, non quia sciebam, sed quia optabam verum esse, pro vero approbarem. Ita factum est ut quamvis pedentem atque caute, tamen diu sequerer homines nitidam stipulam viventi animæ præferentes.

12. Verum esto⁶, non poteram illo tempore sen-

¹ Ita MSS. At editi, reputare possem. Namque.... ita vel dicere, vel quod salutis aderat cogitare.

² Editio Fr. et Michaelius MS., p. r. amicabiles.

³ In MSS., et impetus suos.....urgebat.

⁴ MSS. plerique, novabatur.

⁵ Er. Lugg. Ven. Lov.: Ex quo accidebat ut quidquid dicerent, miris quibusdam modis, etc. M.

⁶ Editio Fr.: Verum non poteram. Lov.: Verum ista non poteram. Pauloque post eadem editiones habebant ita san-

¹ Editi, *Judicium ect animarum*. Castigantur ex vss.

sibilia ab intelligibilibus, carnalia scilicet ab spiritu-
libus dijudicare atque discernere; non erat etatis,
non disciplinae, non cuiusdam etiam consuetudinis,
non ullorum denique meritorum; non enim parvi
gaudii et felicitatis res est: itane tandem ne illud
quidem arripere poteram, quod in omnium hominum
judicio summi Dei legibus natura ipsa constituit?

CAPUT X. — *Peccatum nonnisi a voluntate.* Vita et voluntas sua cuique notissima. Voluntas quid sit. Quivis enim homines, quos modo a communi sensu generis humani nulla disruptisset amentia, qua vellent ad judicandum studia detulissent, quamlibet imperitiam, quantaenamque etiam tarditatem; velim experiri quid mihi responderent roganti, utrum eis peccasse videretur, de cuius dormientis manu scripsisset alius aliquid flagitosum. Omnes quis dubitet ita fuisse negaturos illud esse peccatum, ita reclamatueros, ut etiam succenserent fortasse quod tali eos rogatione dignos putaverim? A quibus ego, quoquo modo poteram, reconciliatis et in consilium restitutis petere, ut me aliud tam manifestum, et in omnium cognitione positum, interrogantem non moleste ferrent: tunc quererem, si non dormientis, sed scientis manu, qui membris tamen ceteris vincitus atque constrictus esset, quisquam valentior aliquid similiter fecisset mali, utrum quia id nosset, quamvis omnino noluisset, ullo peccati nomine teneretur. Et hic mihi omnes mirantes quod talia sciscitarer, sine cunctatione responderent, nihil etiam istum omnino peccasse. Quid ita? Quia de quo nesciente, vel resistere non valente quisquam quidpiam mali fecerit, juste damnari nullo modo potest. Atque idipsum cur ita esset, si in illis hominibus¹ naturam ipsam percontarer humanam, facile pervenirem ad id quod cuperem, isto modo querens: Quid, si dormiens ille jam sciret quid alius de manu ejus facturus esset, et de industria, plus potus etiam ne expurgiceretur², se somno dederet, ut aliquem jurando³ falleret; nam ei quidquam somnus ad innocentiam suffragaretur? Quid aliud quam nocentem hominem pronuntiaret⁴? Quod si et ille volens vincitus est, ut aliquem similiiter praetenta defensione deciperet, quid ei tandem, ut peccato careat, illa vincula profucrunt? Quanquam his obstrictus, revera resistere non valeret; sicut ille dormiens, quid tunc fieret, omnino nesciret. Num quidnam igitur dubitandum est quin peccasse ambo judicarentur? Quibus concessis colligerem, nusquam scilicet nisi in voluntate esse peccatum (a): cum mihi auxiliaret etiam illud, quod justitia peccantes tenet sola mala voluntate, quamvis quod voluerint implere nequierint.

13. Quisquamne me ista tractantem, posset dicere, dem ne illud quidem. Castigantur manuscriptorum auctoritate.

¹ Sic MSS. At editi, omnibus.

² Plures MSS., se plus etiam, ne expurgiceretur; omissio, potus.

³ Verbum, jurando, abest a Michaelino ms.

⁴ Editi, Quid aliud illi.... pronuntiarent. At MSS. omissa voce, illi, habent, pronuntiaret: subintellige, natura humana.

(a) Retract., cap. 15, n. 2.

in rebus obscursis alditisque versari, ubi propter intelligentium paucitatem vel fraudis vel ostentationis suspicio nasci solet? Secedat paulisper illa intelligibilium sensibiliumque distinctio: nulla mihi fiat invidia, quod tardas animas subtilium disputationum stimulis persequor. Liceat mihi me scire vivere, licet mihi scire me velle vivere: in qua si consentit genus humanum, tam nobis cognita est voluntas nostra, quam vita. Neque cum istam scientiam profitemur, metuendum est ne nos quisquam falli posse convincat: hoc ipsum enim falli nemo potest, si aut non vivat, aut nihil velit. Non me arbitror quidquam obscurum attulisse, et vereor ne cuiquam magis, quod haec nimum manifesta sint, videar esse culpandus: sed quorsum haec tendant, consideremus.

14. Non igitur nisi voluntate peccatur. Nobis autem voluntas nostra notissima est: neque enim scire me velle, si quid sit voluntas ipsa nescirem. Definitur itaque isto modo: Voluntas est animi motus, cogente nullo, ad aliquid vel non amittendum, vel adipiscendum (a). Cur ergo ita tunc definire non posseni? An erat difficile videre invitum volenti esse contrarium, ita ut contrarium sinistrum dextro esse dicimus, non ut nigrum albo? Nam eadem res simul et nigra et alba esse non potest: duorum autem in medio quisque positus, ad alterum sinister est, ad alterum dexter; simul quidem utrumque unus homo, sed simul utrumque ad unum hominem nullo modo. Ita quidem invitum et volens unus unus animus simul esse potest; sed unum atque idem nolle simul et velle non potest. Cum enim quisque invitum aliquid facit, si eum roges utrum id facere velit, nolle se dicit: item si roges utrum id velit non facere, velle respondet. Ita invitum ad faciendum, ad non faciendum autem volentem reperies: id est enim unum animum uno tempore habentem utrumque, sed aliud atque aliud ad singula referentem. Cur haec dico? Quia si rursum queramus quau ob causam id invitum faciat, cogi se dicet. Nam et omnis invitum faciens cogitur; et omnis qui cogitur, si facit, nonnisi invitum facit. Restat ut volens a cogente sit liber, etiamsi se quisquam cogi putet. Et hoc enim modo omnis qui volens facit, non cogitur; et omnis qui non cogitur, aut volens facit, aut non facit. Haec cum in omnibus hominibus, quos interrogare non absurde possumus, a puero usque ad senem, a ludo litterario usque ad solium sapientis, natura ipsa proclamat; cur ego tunc non viderem in definitione voluntatis ponendum esse. Cogente nullo, quod nunc quasi experientia maiore cautissimus posui? At si hoc ubique manifestum est, et non doctrina, sed natura omnibus promptum; quid restat quod videatur obscurum, nisi forte ullum lateat, aliquid nos vello cum volumus, et ad hoc moveri animum nostrum, idque aut habere nos aut non habere, et si haberemus retinere velle, si non haberemus acquirere⁴? Quare aut non amitt-

¹ Michaelinus Ms., recipere.

(a) I Retract., cap. 15, n. 5.

tere, aut adipisci aliquid vult, omnis qui vult. Quamobrem, si omnia ista luce clariora sunt, sicuti sunt, neque meæ tantum, sed notitiae generis humani veritatis ipsius liberalitate donata, cur illo etiam tempore dicere non possem: Voluntas est motus animi, cogente nullo, ad aliquid vel non amittendum, vel adipiscendum?

CAPUT XI. — 15. Peccatum quid. Dicet aliquis: Et hoc te adversum Manichæos quid adjuvaret? Expecta; sine prius etiam peccatum definiamus, quod sine voluntate esse non posse omnis mens apud se divinitus conscriptum legit. Ergo peccatum est voluntas retinendi vel consequendi quod justitia vetat, et unde liberum est abstinere (a). Quanquam si liberum non sit, non est voluntas. Sed malui grossius quam scrupulosius definire. Etiamne hi libri obscuri mihi scrutandi erant, unde discerem neminem vituperatione supplicio dignum, qui aut id velit quod justitia velle non prohibet, aut id non faciat quod facere non potest? Nonne ista cantant et in montibus pastores, et in theatris poetæ, et indocti in circulis, et docti in bibliothecis, et magistri in scholis, et an-tistites in sacratis locis, et in orbe terrarum genus humanum? Quod si nemo vituperatione vel damnatione dignus est, aut non contra vetitum justitiae faciens, aut quod non potest non faciens, omne autem peccatum vel vituperandum est, vel damnandum; quis dubitet tunc esse peccatum, cum et velle injustum est, et liberum nolle; et ideo definitionem illam et veram et ad intelligendum esse facilimam, et non modo nunc, sed tunc quoque a me potuisse dici: Peccatum est voluntas retinendi vel consequendi quod justitia vetat, et unde liberum est abstinere?

CAPUT XII. — 16. Ex datis definitionibus peccati et voluntatis hæresim Manichæorum totam evertit. Ex malarum item animarum justa damnatione sequitur non natura, sed voluntate malas esse. *Animas esse natura bonas, quibus datur venia peccatorum.* Age nunc, videamus quid nos hæc adjuvarent. Plurimum omnino³, ut nihil amplius desiderarem: totam quippe causam finirent. Nam quisquis secreta conscientiae suæ legesque divinas penitus nature inditas, apud animum intus, ubi expressiores certioresque sunt, consulens, has duas definitiones voluntatis atque peccati veras esse concedit, totam Manichæorum hæresim paucissimis et brevissimis, sed plane invictissimis rationibus sine ulla cunctatione condemnat. Quod sic considerari potest. Duo animarum genera esse dicunt, unum bonum, quod ita ex Deo sit, ut non ex aliqua materia vel ex nihilo ab eo factum, sed de ipsa ejus omnino substantia pars quedam processisse dicatur; alterum autem malum, quod nulla prorsus ex parte ad Deum pertinere credunt credendumque commenidant: et ideo illud summum bonum, hoc vero summum malum esse prædicant: atque ista duo genera fuisse

¹ Sola editio Lov., *crassius*.

² Editio Er., *definire etiam rem. Nec hi libri, etc. Lov., definire eam rem. Nec, etc. Castigantur ex MSS.*

³ Ita MSS. At editi, *primum omnium*.

(a) I Retract., cap. 15, n. 4

PATROL. XLII.

aliquando discreta, nunc esse commixta. Genus quidem commixtionis hujus et causam nondum audieram: sed tamen jam querere poteram⁴, utrum illud malum genus animarum, antequam bono misceretur, habuisset aliquam voluntatem. Si enim non habebat, sine peccato atque innocens erat, et ideo nullo modo malum (a). Si autem ideo malum, quia licet esset sine voluntate, tanquam ignis, tamen si bonum attigisset, violaret, atque corrumperet: quantum est nefas, et naturam mali tantum valere ad commutandam ullam Dei partem⁵, et summum illud bonum corruptibile et violabile credere? Quod si voluntas inerat, profecto inerat, cogente nullo, motus animi ad aliquid vel non amittendum, vel adipiscendum. Hoc autem aliquid, aut bonum erat, aut bonum putabatur: non enim aliter appeti posset. Sed in summo malo, ante coimmixtionem quam prædicant, nullum unquam bonum fuit. Unde igitur ibi vel scientia vel opinio boni esse potuit? An nihil volcebant quod apud se esset, atque illud bonum verum, quod extra erat, appetebant? Ista vero præclara et magna laude prædicanda voluntas est, qua summum appetitur et verum bonum. Unde igitur in summo malo motus animi tanta laude dignissimus? An studio nocendi appetebant? Primo, eodem revolvitur ratio. Qui enim nocere vult, bono aliquo vult privare alium propter aliquid bonum suum. Erat igitur in eis vel scientia boni, vel opinio, quæ summo malo nullo modo esse debebat. Deinde bonum illud extra se possum, cui nocere studebant, utrum omnino esset, unde cognoverant? Si intellexerant, quid tali mente præclarior? An quidquam est aliud, quo magnis⁶ laboribus omnis bonorum porrigitur intentio, nisi ut summum illud et sincerum bonum intelligatur? Quod ergo nunc vix paucis bonis justisque conceditur, id tunc illud merum malum nullo bono adjuvante jam poterat? Si autem illæ animæ corpora gerebant, et id oculis viderant; quæ linguae, quæ pectora, quæ ingenia laudandis istis oculis prædicandisque sufficiunt, quibus vix possunt mentes justorum adæquari? Quanta bona invenimus in summo malo? Si enim videre Deum malum est, non est bonum Deus: bonum est autem Deus: bonum est igitur Deum videre; et nescio quid hinc bono⁷ comparari queat. Porro quod videre bonum est, unde fieri potest ut posse videre sit malum? Quapropter quidquid vel in illis oculis, vel in istis mentibus fecit, ut ab his possit videri divina substantia, magnum et ineffabilem laudem dignissimum bonum fecit. Si autem non factum, sed ipsum per se tale ac sempiternum erat, difficile hoc malo quidquam melius inventur.

17. Postremo, ut nihil horum laudandorum habeant illæ animæ, quæ illorum rationibus habere coguntur, quererem utrum aliquas an nullas animas Deus da-

⁴ Editi, *querere cœperam.* Melius Vaticanus MSS., *querere poteram.*

⁵ In MSS., *illam Dei partem.*

⁶ Sola editio Lov., *magis.*

⁷ Lov., *tanto bono. Abest, tanto, a cæteris libris.*

(a) I Retract., cap. 15, n. 5.

(Quatre.)

met. Si nullas, nullum meritorum judicium est, nulla providentia; et casu potius quam ratione mundus administratur, vel potius non administratur: non enim administratio casibus danda est. Hoc autem si omnibus qualibet religione devinctis credere nefas est, restat ut aut sit aliquarum animarum damnatio, aut nulla peccata sint. Sed si nulla peccata sunt, etiam nullum malum: quod isti si dixerint, heresim suam uno ictu intersciunt. Convenit igitur mihi cum illis, animas alias divina lege judicioque damnari. At haec, si bonæ sint, quæ illa justitia est? Si male; natura, an voluntate? Sed natura esse male animæ nullo modo queunt. Unde hoc docemus? De superioribus definitionibus voluntatis atque peccati. Quia dicere animas, et esse malas, et nihil peccare, plenum est dementiae: dicere autem peccare sine voluntate, magnum deliramentum est; et peccati reum tenere quemquam, quia non fecit quod facere non potuit, summae iniquitatis est et insaniae. Quamobrem illæ animæ quidquid faciunt, si natura, non voluntate faciunt, id est, si libero et ad faciendum et ad non faciendum motu animi carent; si denique his abstinenti ab opere suo potestas nulla conceditur, peccatum carum tenere non possumus (*a*). At omnes fatentur, et malas animas juste, et eas quæ non peccaverunt, injuste damnari: fatentur igitur eas malas esse quæ peccant. Illæ autem, sicut ratio docuit, non peccant. Animarum ergo malarum genus nescio quod extraneum ², quod a Manichæis inducitur, nullum est.

18. Nunc bonum illud genus videamus, quod rursus ita laudant, ut ipsam Dei substantiam dicant esse. Quanto autem melius est ut suum ordinem meritumque quisque cognoscat, nec ita sacrilega superbia ventiletur, ut cum se toties commutari sentiat, summi illius boni, quod incommutabile pia ratio profitetur et docet, credat esse substantiam? Ecce enim cum manifestum sit non peccare animas in eo quod non sunt tales, quales esse non possunt; unde constat jam nescio quas illas inductias nullo modo peccare, et propterea illas omnino non esse: relinquuntur, ut quoniam concedunt esse peccata, non inveniant quibus ea tribuant, nisi bono generi animarum et substantiae Dei. Maxime autem urgentur auctoritate christiana: nunquam enim negaverunt dari veniam peccatorum, cum fuerit ad Deum quisque conversus; nunquam dixerunt (ut alia multa) quod Scripturis divinis hoc quispiam corruptor inseruerit. Quibus ergo peccata donantur? Si alieni generis illis malis, possunt et bonæ fieri, possunt Dei regnum possidere cum Christo. Quod isti quia negant, nec habent alterum genus, nisi earum quas de substantia Dei esse perhibent; restat ut non solum etiam ipsas, sed ipsas solas peccare fateantur. Ego autem nihil pugno ne sole peccent: peccant tamen. At enim ³ mali commixtione

coguntur? Si ita coguntur, ut resistendi potestas nullæ sit, non peccant: si est in potestate sua resistere, et propria voluntate consentiunt, cur tanta bona in summo malo, cur hoc malum in summo bono, per doctrinam illorum cogimus invenire; nisi quia neque illud malum est quod suspicione inducunt, neque hoc sumnum bonum quod superstitione pervertunt?

CAPUT XIII. — 19. *Ex deliberatione in malam et in bonam partem non haberi duo animarum genera. Concesso genere animarum illicientium ad turpia, non sequi has esse natura malas, alias esse summum bonum.* At si de duobus istis generibus animarum delirare illos et errare docuissem, aut certe ipse didicisset, quid remanere poterat, cur mihi jam de ulla re audiendi vel consulendi viderentur? An ut discerem hinc ostendi animarum duo esse genera, quod in deliberando nunc in malam partem, nunc in bonam mutat assensio? Cur non magis hoc signum est unius animæ, quæ libera illa voluntate huc et huc ferri, hinc atque hinc referri potest? Nam mihi cum accidit, unum me esse sentio utrumque considerantem, alterutrum eligentem: sed plerumque illud libet, hoc decet, quorum nos in medio positi fluctuamus. Nec mirum: ita enim nunc constituti sumus, ut et per carnem voluptate affici, et per spiritum honestate possimus. Quare non duas animas hinc fateri cogor? Possumus enim melius et multo expeditius intelligere duo genera bonarum rerum, quorum tamen neutrum, ab auctore Deo sit alienum, unam animam ex diversis afficere partibus ⁴, inferiore ac superiore, vel quod recte ita dici potest, exteriore atque interiore. Ista sunt ⁵ duo genera, quæ sensibilium et intelligibilium nomine paulo ante tractavimus, quæ carnalia et spiritualia libentius et familiariter nos vocantur. Sed factum est nobis difficile a carnalibus abstinere, cum panis verissimus noster spiritualis sit. Cum labore namque nunc edimus panem. Neque enim nullo in supplicio sumus peccato transgressionis mortales ex immortalibus facti. Ideo contingit ut cum ad meliora conantibus nobis, consuetudo facta cum carne et peccata nostra quadam modo militare contra nos, et difficultatem nobis facere cœperint, nonnulli stulti aliud genus animarum quod non sit ex Deo superstitione obtusissima suscipiuntur.

20. Quanquam etiam si eis concedatur inferiore alio genere animarum nos illici ad turpia, non inde consciunt aut illas natura malas esse, aut istas summum bonum. Fieri enim potest ut propria illæ voluntate appetendo quod non licebat, hoc est, peccando, ex bonis factæ sint male; rursusque fieri bonæ possint, sed sic ut quoniam manent in peccato, ad sese alias occulta quadam suasione traducant ⁶: deinde, ut omnino male non sint, sed in suo genere, quamvis inferiore, opus proprium sine ullo peccato

¹ Sic MSS. At Er. et Lov., teneri. Et paulo post idem editi ferunt, peccato earum teneri non possumus.

² Editi, extra illud. Melius vaticani MSS., extraneum.

³ Editi, peccant tamen, etenim mali commixtione, etc. Emendatur ex MSS.

(*a*) *I Retract.*, cap. 13, n. 6.

⁴ Sic in MSS. At in editis vulgo male, ex diversis efficere partibus.

⁵ Editi, ita sunt. Meliores vero MSS., ista sunt.

⁶ Vaticani MSS., sed ut fit. Michaelinus Ms., sed ut fit, quoniam manent in peccato, ad alias sese occulta quadam suasione traducant.

exerceant : istae autem superiores quibus actionem longe præstantiore rerum moderatrix justitia summa tribuerit , si illas inferiores sequi et imitari volunt , peccando sunt male , non quia malas , sed quia male imitantur. Ab illis enim agitur proprium , ab istis appetitur alienum : unde illæ in suo gradu manent, istæ ad inferiora merguntur. Velut cum homines ferina sectantur. Pulchre namque incedit quadrupedans equus : at si hoc homo pedibus manibusque imitetur , quis eum vel palearum cibo dignum putet ? Recite igitur plerumque improbanus imitatem , cum eum quem imitatur probemus. Improbamus autem , non quia non sit assecutus , sed quia omnino assequi voluit. In equo enim probamus illud , cui quantum præponimus hominem , tantum offendimur quod inferiora sectatur. Quid inter ipsos homines , in emitenda voce nonne quod præco bene facit , etiam si clarius ac melius id faciat senator præcone , insanus est ? Cœlestia suscipe : lucens luna laudatur , suoque cursu atque vicibus bene considerantibus satis placet ; tamen si eam sol velit imitari (flingamus enim eum posse habere hujusmodi voluntates) , cui non summe ac jure displiceat ? Ex quibus illud est quod intelligi volo. Etiam si sunt animæ (quod interim incertum est) , corporeis officiis non peccato , sed natura detinæ , nosque , quanquam sint inferiores , aliqua tamen interiori vicinitate contingunt , non illas ideo malas haberi oportere , quia et nos cum eas sequimur , et corporea diligimus , mali sumus (a). Propterea enim corporea diligendo peccamus , quia spiritualia diligere et justitia jubemus et natura possumus , et tunc in nostro genere optimi et beatissimi sumus (b).

21. Quamobrem , quid habet argumenti testuans in utramque partem deliberatio , modo in peccatum prona , modo in recte factum subiecta , ut duo animalium generæ , quorum alterius natura ex Deo sit , alterius non sit , cogamur accipere , cum alias tot causas alternantis cogitationis conjicere liceat ? Sed haec obscura esse , et incassum ab animis lippientibus queri , quisquis bonus rerum existimator est , videt. Quare illæ potius quæ de voluntate atque peccato dicta sunt , illa , inquam , quæ summa justitia neminem ratione utentem ignorare permittit , illa quæ si auferantur nobis , nihil est unde disciplina virtutis inchoetur , nihil unde a vitiorum morte sargatur , etiam atque etiam considerata satis clare ac dilucide Manichæorum hæresim falsam esse convincunt.

CAPUT XIV. — 22. Rursum ex poenitendi utilitate monstratur animas non natura malas esse. Demonstrationi tam certæ nonnisi ex consuetudine errandi contradicitur. Horum simile est quod de poenitendo nunc dicam. Nam , ut inter omnes sanos constat , et quod ipsi Manichæi non solum fatentur , sed et præcipiunt,

utile est poenitere peccati. Quid ego nunc in hac rem divinarum Scripturarum testimonia , quæ usque- quaque diffusa sunt , colligam ? Vox est etiam ista naturæ : neminem stultum rei bujus notitia deseruit ; hoc nobis nisi penitus insitum esset , periremus. Po- test aliquis dicere , non se peccare : non autem sibi esse , si peccaverit , poenitendum , nulla barbaries di- cere audebit. Que cum ita sint , quæro ex duobus illis generibus animalium , cujus sit poenitere peccati ? Scio quidem neque illius esse posse , qui male facere , neque illius qui bene facere non potest : quare , ut eorum verbis utar , si animam tenebrarum peccati poenitet , non est de substantia summi mali ; si ani- mam lucis , non est de substantia summi boni. Poenitendi enim affectus ille qui prodest , et male fecisse poenitentem ¹ , et bene facere potuisse testatur. Quo- modo igitur ex me nihil mali , si ego perperam feci ? aut quomodo me recte poenitet , si ego non feci ? Audi partem alteram : Quomodo ex me nihil boni est , cui bona voluntas inest ? aut quomodo me recte poenitet , si non inest ? Quamobrem aut negent isti esse poenitendi magnam utilitatem , ut non solum a christiano nomine , sed ab omni etiam vel imaginaria ratione pellantur ; aut animalium illa duo genera , unum ex quo nihil mali , alterum ex quo nihil boni sit , dicere ² atque docere jam desinant : quod si faciant , Mani- chæi esse utique jam desinent ; nam tota illa secta ista bicipiti , vel potius præcipiti animalium varietate fulcitur.

23. Ac mihi quidem satis est sic scire quod Mani- chæi errent , ut scio poenitendum esse peccati : et ta- men si nunc amicorum meorum aliquem , qui usque adhuc illos audiendos putat , compellem jure amicitiae , et ei dicam , Scisne utile esse , cum quisque peccave- rit , poenitere ? sine dubitatione se scire jurabit. Si ergo te fecero ita scire falsam esse Manichæorum hæ- resim , desiderabisne amplius ? Quid amplius se posse in hac re desiderare ³ respondeat. Bene quidem huc usque. Sed cum ostendere cōperto certas necessariæ ratiōnes , quæ illam propositionem adamantiis , ut dicitur , catenis innexæ consequuntur , remque totam ad conclusionem qua illa revertitur secta perduxero ; negabit se forsitan scire utilitatem illam poenitendi , quam nemo doctus , nemo indoctus igno- rat ; et potius se scire contendet , cum dubitamus et deliberamos , duas in nobis animas patrocinia propria singulis quæstionis partibus adhibere. O consuetudo peccati ! o comes poena ⁴ peccati ! Vos me tunc a re- rum tam manifestarum consideratione avertistis ; sed non sentienti nocebatis : nunc vero in familiarissimis meis similiter non sentientibus me jam vulneratis torquetisque sentientem.

CAPUT XV. — 24. Orat pro amicis quos habuit er- roris socios. Attendite ista , quæso , charissimi : vestra

¹ Sic in MSS. At in excusis , inferiore .

² Editi , alternantes cogitationes . Castigantur ex MSS.

³ Ila in MSS. At in excusis vulgo , mole .

(a) I Retract. , cap. 43 , n. 7.

(b) Ibid. , n. 8.

⁴ Sic omnes MSS. Editi vero , affectio illa quæ prodit male fecisse poenitentem .

⁵ Apud Er. Lugd. Ven. Lov. , discere . M.

⁶ Editi , esse posset in hac re desiderandum . At MSS. , se posse in hac re desiderare .

⁷ Sola fere editio Lov. , pœnae .

ingenia bene novi. Si mihi nunc vos qualiscumque hominis mentem rationemque conceditis, multo certiora sunt, quam quæ ibi vel videbamur discere, vel magis credere cogebamur. Deus magnus, Deus omnipotens, Deus summæ bonitatis, quem inviolabilem atque incommutabilem credi atque intelligi fas est, Trina unitas, quam catholica Ecclesia colit, supplex ore, expertus in me misericordiam tuam, ne homines cum quibus mibi a pueritia in omni convictu fuit summa consensio, in tuo cultu a me dissentire per-

mittas (a). Video maxime exspectari hoc loco, quomodo etiam catholicas Scripturas a Manichæis accusatas vel tunc defendere, si, ut dico, cautus essem; vel nunc defendi posse demonstrem. Sed in aliis voluminibus Deus adjuvabit propositum meum; nam hujus jam, quantum arbitror, moderata¹ parci sibi postulat longitudo.

¹ Editio Fr., *immoderata*.
(a) i Retract., cap. 15, n. 8.

DE SUBSEQUENTE DISPUTATIONE,

POSSIDIUS IN AUGUSTINI VITA, CAP. VI.

Sane tunc in illa Hippomensi urbe, Manichæorum pestilentia quamplurimos cives et peregrinos infecerat et penetraverat, seducente et decipiente ejusdem heresis quodam presbytero nomine Fortunato, ibidem conversante atque manente. Interea Hippomenses cives et peregrini Christiani tam Catholicici quam etiam Donatistæ adeunt Augustinum presbyterum, atque depositunt ut illum hominem Manichæorum presbyterum, quem doctum credebant, videret, et cum eodem de Lege tractaret. Quod idem, ut scriptum est, paratus ad responsionem omni poscenti se rationem de fide et spe quæ in Deum est (1 Petr. iii, 15), potensque exhortari in doctrina sana, et contradicentes redargueret (Tit. 1, 9), minime renuit. Sed utrum etiam hoc Fortunatus fieri vellet, sciscitus est. At illi confessim ad ipsum Fortunatum id detulerunt, petentes et exhortantes ac flagitantes, quod id minime recusaret. Sane quoniam idem Fortunatus jam apud Carthaginem sanctum noverat Augustinum adhuc in eodem secum errore constitutum, cum eodem congregri pavitabat. Verumtamen suorum maxime instantia coactus ac verecundatus, promisit cominus se esse venturum, certamenque disputandi subitum. Unde condicto die et loco convenerunt in unum, concurrentibus quamplurimis viris studiosis turbisque curiosis, et apertis notariorum tabulis, disputatio est copta primo, et secundo finita est die. In qua ille manichæus præceptor, ut Gestorum continet fides, nec catholicam assertionem potuit evacuare, nec Manichæorum sectam subnixam veritate valuit comprobare: sed deficiens responsione, ultimo collaturum se cum suis majoribus ea quæ refellere non potuit, prosecutus est; et si sibi forte de his satis minime fecissent, suæ animæ consulturum: atque ita ab omnibus apud quos magnus et doctus videbatur, nihil valuisse in suæ sectæ assertione judicatus est. Qua ille confusione affectus, et sequenti tempore de Hippomeni civitate profectus, ad eamdem amplius non remeavit: ac sic per menoratum Dei hominem omnium cordibus, vel qui aderant, vel qui absentes illa quæ gesta sunt cognoverant, error ille ablatus, catholica est intimata ac retenta sincera religio.

De subseguente Disputatione vide lib. 1, cap. 16, Retractionum, tom. 1, col. 612, n. 1, a verbis, Eodem tempore, usque ad verba n. 2, Clarissimis consulibus.

M.

S. AURELII AUGUSTINI

HIPPONENSIS EPISCOPI

ACTA SEU DISPUTATIO

CONTRA FORTUNATUM MANICHÆUM.

Liber unus^(a).



DISPUTATIO PRIMÆ DIEI.

Quinto calendaris septembribus, Arcadio Augusto bis et Rusino viris clarissimis consulibus, habita dispu-

tatio adversus Fortunatum Manichæorum presbyterum, in urbe Hippensem regionum, in Balneis Sossii¹, sub praesentia populi.

ADMONITIO PP. BENEDICTINORUM.

Liber contra Fortunatum castigatus est juvante codice vaticano, Arnulphensi, et Victorini duobus, præter Belgicorum trium varias lectiones olim a Lovaniensibus datas, perfectis etiam antiquis editionibus.

Comparavimus præterea eas omnes editiones initio Retr. et Confess., t. 1, memoratas. M.

¹ Editio Lov., Sossi. Cæteri libri, Sossi.

(a) Scriptus anno 392.

1. AUGUSTINUS dixit : Ego jam errorem puto, quam antea veritatem putabam : utrum recte existinem, a te presente audire cupio¹. In primis sunum errorem puto, omnipotentem Deum, in quo una nobis spes est, ex aliqua parte violabilem, aut coinquinabilem, aut corruptibilem credere. Hoc vestram haeresim affirmare scio; non quidem verbis quibus nunc usus sum: nam et vos interrogati constemini Deum esse incorruptibilem et omnino inviolabilem et inequinabilem; sed cum coepritis cætera exponere, cogimini cum corruptibilem, penetrabilem, et coinquinabilem profiteri. Dicatis enim aliam nescio quam gentem tenebrarum adversus Dei regnum rebellasse : Deum autem omnipotentem, cum videret quanta labes et vastitas imminet regnis suis, nisi aliquid² adversæ genti opponeret, et ei resisteret, misisse hanc virtutem, de cuius commixtione cum malo et tenebrarum gente mundus sit fabricatus. Hinc esse quod hic animæ bonæ laborant, serviunt, errant, corrumpuntur: ut necessarium haberent liberatorem, qui eas ab errore purgaret, et a commixtione solveret, et a servitute liberaret. Hoc ego nefas puto credere, Deum omnipotentem aliquam adversam gentem timuisse, aut necessitatem esse passum, ut nos in ærumnas precipitaret.

FORTUNATUS dixit : Quia te medium suis nostrum scio, id est, inter Manichæos administrasse, ista sunt principalia fidei nostræ. De conversatione hic agitur, de quibus falsis criminibus pulsamus. Ex te ergo presentes audiant boni viri, utrum sint vera super quibus criminamur et appetimus, an sint falsa. Etenim ex tua doctrina, et ex tua expositione et ostensione poterunt verius scire nostram conversationem, si a te fuerit prodicta. Interfui orationi.

2. AUG. dixit : Interfui. Sed alia quæstio est de fide, alia de moribus: ego de fide proposui. Sed si illi qui adsunt, malunt audire de moribus, nec istam quæstionem defugio.

FORT. dixit : Purgare me prius volo penes conscientiam vestram, penes quam³ polluimus, ex idonei viri testimonio, qui mihi et nunc idoneus est, et in fatura justi judicis Christi examinatione, si ea quæ jactantur videntur in nobis, vel consecutus est.

3. AUG. dixit : Ad aliud vocas, eum ego de fide proposuerim. De moribus autem vestris plene scire possunt qui Electi vestri sunt. Nostis autem me non Electum vestrum, sed Auditorem fuisse. Itaque, quamvis et orationi vestrae interfuerim, ut interrogasti; utrum separatum vobiscum habeatis aliquam orationem, Deus solus potest nosse, et vos. Ego tamen in oratione in qua interfui, nihil turpe fieri vidi: sed solum contra fidem animadverti, quam postea didici et probavi, quod contra solem facitis

¹ Post, audire cupio, vaticanus codex addit: FORTUNATUS dixit: Cœpta errorem exponere. AUGUSTINUS dixit: In pri-mis, etc.

² vaticanus codex, regnis suis, ut aliquid, etc.

³ Idem codex, et necessarium habent.

⁴ In MSS., penes quos.

orationem. Præter hoc in illa oratione vestra nihil novi comperi. Quisquis autem vobis opponit quæstionem aliquam de moribus, Electis vestris oppo-nit⁵. Quid autem inter vos agatis, qui Electi estis, ego scire non possum. Nam et Eucharistiam audivi a vobis sæpe quod accipiat: tempus autem accipiendi cum me latet, quid accipiat, unde nosse potui? Itaque serva, si placet, quæstionem de moribus, ut inter Electos vestros discurtiatur, si discuti potest. Mihi fides data est a vobis, quam hotie improbo. De ipsa proposui: ad propositum meum mihi respondeatur.

FORT. dixit : Et nostra professio ipsa est, quod incorruptibilis sit Deus, quod lucidus, quod inadibili, intenibilis, impassibilis, quod æternam lucem et propriam inhabitet⁶: quod nihil ex sese corruptibile proferat, nec tenebras, nec dæmones, nec salanam, nec aliquid adversum in regno ejus reperiri possit. Sui autem similem Salvatorem direxisse: Verbum natum a constitutione mundi cum mundum fabricaret⁷, post mundi fabricam inter homines venisse: dignas sibi animas elegisse⁸ sanctæ suæ voluntati, mandatis suis cœlestibus sanctificatas, fide ac ratione imbutas cœlestium rerum; ipso ductore hinc iterum⁹ easdem animas ad regnum Dei reversuras esse, secundum sanctam ipsius pollicitationem, qui dixit: *Ego sum via, veritas, et janua; et, Nemo potest ad Patrem pervenire, nisi per me.* His rebus nos credimus, quia alias animæ¹⁰, id est, alio mediante non poterunt ad regnum Dei reverti, nisi ipsum repere-rint viam, veritatem, et januam. Ipse enim dixit: *Qui me vidit, vidit et Patrem meum (Joan. xiv, 6, 9); et, Qui in me crediderit, mortem non gustabit in æternum, sed transitum facit de morte ad vitam, et in iudicium non veniet (Id. v, 24).* His rebus credimus, et hæc est ratio fidei nostræ, et pro viribus animi nostri mandatis ejus obtemperare, unam fidem sectantes hujus Trinitatis, Patris et Filii et Spiritus sancti.

4. AUG. dixit : Ille animas, quas de morte ad vitam per Christum venire fatemini, quæ causa præcipitavit in mortem?

FORT. dixit : Hinc jam dignare prosequi et con-traire, si nihil preter Deum.

5. AUG. dixit : Imo tu dignare respondere id quod interrogaris, has animas quæ causa morti dederit.

FORT. dixit : Imo tu dignare dicere, utrum aliquid sit præter Deum, an omnia in Deo sint.

6. AUG. dixit : Illud ego respondere possum, quod

¹ Editi, opponat, Concinnius MSS., opponit.

² In B., quod inadibilis, quod intenibilis, impassibilis, æternam lucem inhabitet. Lugd. Ven. Lov. seculi su-mus. M.

³ In Vaticano codice, fabricarent.

⁴ In Vaticano codex, animas exegisset. Et infra, ipso du-catore.

⁵ In MSS., ac ratione imbutas cœlestium rerum ipse domi-nator, et hinc iterum, etc.

⁶ Editi, alio sunt animæ. Emendantur hic ex Vaticano codice. Postea Lovanienses pro, alio mediante, legi voluerunt, alio modo ante. Sed reluctantur nostri omnes MSS.

ne nosse Dominus voluit, Deum necessitatem nullam pati posse, neque ex aliqua parte violari atque corrupti. Quod cum tu quoque fatearis, quero qua necessitate huc miserit animas quas dicis per Christum redire.

FORT. dixit : Quod tu dixisti, quia hoc usque tibi Deus revelavit quod incorruptibilis sit, quemadmodum et mihi ; ratio querenda est, quemadmodum animæ et ob quam causam istum in mundum venerint, ut merito nunc eas per unigenitum Filium suum ac sui similem de hoc mundo liberaret, si nihil praeter ipsum.

7. **AUG.** dixit : Non debemus frustrare tantos qui presentes sunt, et de quaestione proposita ire ad aliud. Sic constemur ambo, sic nobis concedimus esse incorruptibilem et inviolabilem Deum, et nihil pati potuisse : ex quo est consequens ut falsa sit heresis vestra, quæ dicit, Deum cum videret immobilem vastitatem ac labem regnis suis, misisse virtutem quæ cum tenebrarum gente bellaret, et ex ea commixtione nostras animas laborare³. Brevis est ergo ratio mea, et, quantum existimo, cuivis planissima. Si Deus nihil pati potuit a gente tenebrarum, quia inviolabilis est ; sine causa hoc nos misit, ut nos hic ærumnas patiamur. Si autem aliquid pati potuit; non est inviolabilis, et decipitis eos quibus dicitis esse inviolabilem Deum. Hoc enim vestra heresis negat, cum cætera exponitis.

FORT. dixit : Hoc sentimus, quod nos instruit beatus apostolus Paulus, qui dixit : *Hoc senti te in vobis, quod et in Christo Iesu ; qui cum in forma Dei esset constitutus, non rapinam arbitratu*s est esse se aequali Deo ; sed semetipsum exinanivit, formam servi accipiens, in similitudine hominum factus, et habitu inventus ut homo : humiliavit semetipsum, et factus est subditus usque ad mortem (Philipp. II, 5-8). Hoc ergo sentimus de nobis, quod et de Christo ; qui cum in forma Dei esset constitutus, factus est subditus usque ad mortem, ut similitudinem animarum nostrarum ostenderet. Et quemadmodum in se mortis similitudinem ostendit, et se a Patre esse de medio mortuorum resuscitatum ; eo modo sentimus et de animis nostris futurum, quod per ipsum poterimus ab hac morte liberari : quæ aut aliena est a Deo, aut si propria est Dei, et misericordia ejus cessat, et liberatoris nomen, et opera liberantis.

8. **AUG.** dixit : Ego quero quemadmodum in mortem venerimus, et tu dicis quemadmodum de morte liberemur.

FORT. dixit : Ita Apostolus dixit quomodo sentire debeamus de animis nostris, quod Christus nobis ostendit. Si fuit Christus in passione et morte, et nos : si voluntate Patris descendit in passionem et mortem, et nos.

¹ Hic auctoritate manuscriptorum addimus, quemadmodum.

² Editio vulgo male, et ex ea commixtione hinc nostras animas liberaret. Vaticanus vero Ms. omittit, hinc ; ac loco, liberaret, habet, laborare. Sic supra, n. 1, col. 113, *Hinc esse quod hic animæ bona laborant.*

9. **AUC.** dixit : Notum est omnibus catholicam fidem ita se habere, quod Dominus noster, id est, Virtus et Sapientia Dei (I Cor. I, 24), et Verbum per quod facta sunt omnia, et sine quo factum est nihil (Joan. I, 3), ad liberationem nostram hominem suscepit. In ipso homine quem suscepit, demonstravit illa quæ dicis. Nos autem nunc de ipsius Dei et infabilis majestatis substantia querimus, utrum ei aliquid nocere possit, an non possit. Si enim potest ei aliquid nocere, non est inviolabilis. Si non potest ei aliquid nocere, quid ei factura erat gens tenebrarum, contra quam dicitis bellum gestum esse a Deo ante constitutionem mundi, in quo bello nos, id est animas, quas modo indigere liberatore manifestata est, commixtas esse omni malo, et morti implicitas asseritis ? Redeo enim ad illud brevissimum : Si poterat ei noceri, non est inviolabilis ; si non poterat, crudeliter hoc nos misit, ut ista patiamur.

FORT. dixit : Anima Dei est¹, an non ?

10. **AUG.** dixit : Si justum est ut non interrogatis meis respondeatur, et ego interroger, respondebo.

FORT. dixit : Si in proprio agit anima ? Hoc a te quero.

11. **AUC.** dixit : Ego quidem quod interrogasti dicam : tantum illud memineris ; te noluisse respondere interrogatis meis, me autem tuis respondere. Si queris utrum a Deo descenderit anima, magna quidem quæstio est : sed sive a Deo descendit, sive non ; illud de anima respondeo, non esse Deum ; aliud esse Deum, aliud animam. Deum esse inviolabilem, incorruptibilem, et impetrabilem, et inquinabilem, et qui ex nulla parte corrupti possit, et cui nulla ex parte noceri potest. Animam vero vivimus et peccatricem esse, et in ærumnâ versari, et veritatem querere, et liberatore iudicare. Ille mutatione animæ ostendit mihi quod anima non sit Deus. Nam si anima substantia Dei est, substantia Dei errat, substantia Dei corruptitur, substantia Dei violatur, substantia Dei decipitur : quod nefas est dicere.

FORT. dixit : Ergo negasti animam ex Deo esse, quamdiu peccatis ac vitiis et mundanis rebus deservit, et errore ducitur : quod fieri non potest, ut aut Deus hoc patiatur, aut substantia ejus. Est enim Deus incorruptibilis, et substantia ejus immaculata est et sancta. Ille vero queritur a vobis², utrum anima ex Deo sit, necne ? Quod nos fatemur, et ostendimus ex Salvatoris adventu, ex ipsis sancta prædicatione, ex ipsius electione³, dum animis miseretur, et secundum ejus arbitrium anima venisse dicitur, ut eamdem de morte liberaret, et perduceret eam ad æternam gloriam, et restitueret Patri. Quid vero de anima tu ipse dicis aut sporas, utrum sit a Deo, necne ? substantiam Dei, ex qua negas esse animam, nullis passionibus posse subjacere.

¹ Sic MSS. Editio vero, *Deus est.*

² Editio, a nobis. At MSS., a vobis.

³ Et. et MSS., *lectione.*

12. Aug. dixit : Animam sic negavi esse substantiam Dei, ut negem illam esse Deum : sed tamen ex Deo auctore esse, quia facta est a Deo. Aliud est qui fecit, aliud quod fecit. Qui fecit, corruptibilis esse omnino non potest : quod autem fecit, omnino non potest æquale esse illi qui fecit.

FORT. dixit : Nec ego dixi animam esse similem Deo. Sed quia dixisti factitiam¹ esse animam, et nihil præter Deum ; quæro undeum Deus animæ substantiam adinvenit.

13. Aug. dixit : Tantum memento me respondere ad ea quæ interrogas ; te autem ad ea quæ interrogo non respondere. Animam dico factam a Deo, ut cætera omnia quæ a Deo facta sunt ; et inter illa quæ Deus omnipotens fecit, principalem locum datum esse animæ (a). Si autem quæreris unde Deus animam fecit, memento consiteri me tecum², Deum esse omnipotentem. Omnipotens autem non est, qui quærerit adjuvari aliqua materia unde faciat quod velit. Ex quo est consequens, ut secundum fidem nostram omnia quæ Deus fecit per Verbum et Sapientiam suam, de nihilo fecerit. Sic enim legimus : *Ipse jussit, et facta sunt; ipse mandavit, et constituta sunt* (*Psalm. cxlviii. 5*).

FORT. dixit : Ex jussione constant universa ?

14. Aug. dixit : Ita credo, sed universa quæ facta sunt.

FORT. dixit : Facta consonant, sed quia inconvenientia sibi sunt, ac per hoc ergo constat non esse unam substantiam, licet ex unius jussione eadem ad compositionem³ mundi hujus et faciem venerint. Cæterum rebus ipsis patet quia nihil simile tenebræ et lux, nihil simile veritas et mendacium, nihil simile mors et vita, nihil simile anima et corpus, et cætera istis similia quæ et nominibus et speciebus distant ab invicem : et merito dixisse Dominum nostrum, *Arbor quam non plantavit Pater meus cælestis, eradicabitur, et in ignem mittetur, quia non afferit fructus bonos* (*Matth. xv. 13, et iii. 10*) : et esse arborem radicatum⁴. Hinc vere constat ex ratione rerum⁵, quod duæ sunt substantiæ in hoc mundo, quæ speciebus et nominibus constant ; quarum est una corporis, alia vero æterna Patris omnipotentis quam Dei esse credimus⁶.

15. Aug. dixit : Contraria ista quæ te movent, ut adversa sentiamus, propter peccatum nostrum, id est, propter peccatum hominis contigerunt. Nam omnia Deus et bona fecit, et bene ordinavit ; peccatum autem non fecit : et hoc est solum quod dicitur malum, voluntarium nostrum peccatum. Est et aliud genus mali, quod est poena peccati. Cum ergo duo

sint genera malorum, peccatum et poena peccati ; peccatum ad Deum non pertinet, poena peccati ad vindicem pertinet. Etenim ut bonus est Deus, qui omnia constituit ; sic justus est, ut vindicet in peccatum. Cum ergo omnia optime sint ordinata, quæ videntur nobis nunc adversa esse, merito contigit hominis lapsi, qui legem Dei servare noluit. Animæ enim rationai quæ est in homine, dedit Deus liberum arbitrium. Sic enim posset habere meritum, si voluntate, non necessitate boni essemus. Cum ergo oporteat non necessitate, sed voluntate bonum esse, oportebat ut Deus animæ daret liberum arbitrium. Huic autem animæ obtemperanti legibus suis, omnia subjecit sine adversitate : ut ei cætera quæ Deus condidit servirent, si et ipsa Deo servire voluisset. Si autem ipsa noluisse Deo servire, ea quæ illi serviebant, in poenam ejus converterentur. Quare si recte omnia a Deo ordinata sunt, et bona sunt, et Deus non patitur malum.

FORT. dixit : Non patitur, sed prævenit malum.

16. Aug. dixit : A quo enim passurus erat ?

FORT. dixit : Illoc meum est, quia prævenire voluit : non temere, sed virtute et præscientia. Cæterum nega malum præter Deum esse ; cum præcepta ostendi queant alia⁷ quæ præter voluntatem ipsius fiunt. Præceptum non intercedit, nisi ubi est et contrarietas. Libera facultas vivendi non datur, nisi ubi est lapsus, secundum Apostoli rationem, qui dicit : *Et vos cum essetis mortui delictis et peccatis vestris, in quibus aliquando ambulastis secundum magisterium hujus mundi, secundum principem potestatis aeris hujus, spiritus qui nunc operatur in filiis diffidentiæ, in quibus et nos et omnes aliquando conversati sumus in desideriis carnis nostræ, facientes voluntates consiliorum carnis, et eramus naturaliter filii iræ, sicut et cæteri. Deus autem qui dives est in omni misericordia, misertus est nobis. Et cum mortui essemus peccatis, convivificavit nos in Christo, cuius gratia estis salvi facti ; simul et susciliavit, et cum eo collocavit in cælestibus cum Christo Jesu, ut ostenderet in sæculis supervenientibus abundantes divitiæ gratiae suæ in bonitate super nos in Christo Jesu. Gratia enim estis salvati per fidem : et hoc non ex vobis, Dei enim donum est ; non ex operibus, ut ne quis glorietur. Ipsius enim sumus factura, creati in Christo Jesu in operibus bonis, quæ præparavit Deus ut in illis ambulemus. Propter quod memores estote, quod aliquando vos eratis gentes in carne, qui dicebant præputium, ab ea quæ dicitur circumcisio in carne manufacta, quia eratis illo tempore sine Christo, alienati a conversatione Israel, et hospites testamentorum, promissionis spem non habentes, et sine Deo in hoc mundo. Nunc autem in Christo Jesu, vos qui aliquando eratis longe, facti estis prope in sanguine Christi. Ipse est enim pax nostra, qui fecit utraque unum, et medium parietem maceræ solvens, inimicilias in carne sua ; legem mandatorum decretis evacuans, ut duos condat in semetipsum, in unum novum hominem, faciens pacem, ut reconciliat ambos in uno corpore Deo, per crucem,*

¹ Editio Vaticanus codex, *confiteri te mecum*.

² Sola editio Lov., *ad eamdem compositionem*.

³ Editio Er., *radicandam*. Lovanienses correxerunt ex duobus MSS., *eradicatam*. Nos ex nostris ponimus, *radicatam* ; quæ vox respicere videtur bonam arborē, ab ea quæ eradicabitur diversam.

⁴ Vaticanus codex : *Hinc vero constat, et ratio ipsa patet, et speciebus ipsius et discretione rerum.*

⁵ Sola editio Lov., *una temporalis, alia vero æterna quam Patris omnipotentis esse credimus.*

⁶ (a) I Retract., cap. 16, n. 2.

interficiens inimicitias in semetipso. Et veniens evangelizavit pacem vobis qui longe, et pacem iis qui prope. Quoniam per ipsum habemus utrique in uno spiritu accessum ad Patrem (Ephes. ii, 1-18).

17. Aug. dixit : Ista Apostoli lectio, quam recitare voluisti, si non fallor, pro mea plurimum, et contra tuam fidem facit. Primo, quia ipsum liberum arbitrium, quo ego dixi fieri ut anima peccet, satis hic expressum est, cum peccata nominavit, et cum reconciliationem nostram dixit fieri cum Deo per Jesum Christum. Peccando enim aversi eramus a Deo; tenuendo autem præcepta Christi, reconciliatur Deo : ut qui peccatis mortui eramus, servantes præcepta ejus viviscemur, et pacem habeamus cum illo in uno spiritu, a quo alienati eramus, non servantes mandata ejus; sicuti de homine qui primus est constitutus, in fide nostra prædicatur. Ergo nunc quæro abs te, secundum eam lectionem quæ lecta est, quomodo habeamus peccata, si natura contraria nos cogit facere quod facimus ? Qui enim cogitur necessitate aliquid facere, non peccat. Qui autem peccat, libero arbitrio peccat. Quare sit nobis poenitentia imperata, si nos nihil mali fecimus, sed gens tenebrarum ? Quæro item, indulgentia peccatorum cui detur; nobis, an genti tenebrarum. Sed si genti tenebrarum datur indulgentia peccatorum, regnabit et ipsa cum Deo, accipiens indulgentiam peccatorum. Si autem nobis datur indulgentia peccatorum, manifestum est quia voluntate peccavimus. Satis enim stultum est ignosci ei qui nihil mali fecit. Nihil autem mali fecit, qui nihil sua voluntate fecit. Hodie ergo anima pollicente sibi Deo indulgentiam peccatorum et reconciliationem, si peccare destiterit, et de peccatis poenitentiam gesserit, si respondeat secundum vestram fidem, et dicat : Quid enim peccavi? quid commerui? Quid me expulisti de regnis tuis, ut contra nescio quam gentem pugnarem? Depressa sum¹, permixta sum, corrupta sum, defecta sum², non est mihi servatum liberum arbitrium. Tu nosti necessitatem qua pressa sum : cur mihi vulnera impietas quæ suscepisti? Quare me cogis ad poenitentiam, cum tu sis causa vulnerum meorum; cum tu scias, quæ passa sum, gentem tenebrarum in me fecisse te auctore, qui violari non poteras, et tamen volens cavere regn' tuis, quibus nihil noceri possit, me in misericordia precipitasti? Si certe ego pars tua sum, quæ de visceribus tuis processi, si de regno tuo et de ore tuo; in hac gente tenebrarum aliquid pati non debui, ut me incorrupta, illa subjeceretur, si pars eram Domini. Nunc autem cum illa temperari non posset nisi mea corruptione, quomodo aut pars tua dicor, aut tu inviolabilis manes, aut non es crudelis, qui me pati voluisti pro his regnis, quibus nihil noceri poterat ab illa gente tenebrarum? Ad hoc responde, si placet : et dignare etiam illud mihi exponere, quomodo dictum est a Paulo apostolo, *Eramus naturaliter filii iræ, quos*

¹ *vaticanus Ms., oppressa sum; itemque infra loco, presa, habet, oppressa.*

² *Piures MSS., desatigata sum. Forte legendum, decepta sum, defatigata sum; quæ duò verba Terentii sunt in Andr. act. 4, scen. 1, vers. 45.*

reconciliatos dicit Deo. Si ergo naturaliter filii iræ erant¹, quomodo dicis naturaliter animam filiam esse et portionem Dei?

FORT. dixit : Si secundum animam dixisset Apostolus quod simus naturaliter filii iræ, alienata esset anima ore Apostoli a Deo. Et hoc modo tu ratione ostendis quod anima non sit Dei; quia *naturaliter*, inquit Apostolus, *sumus filii iræ*. Si vero secundum quod lege tenebatur idem apostolus, ex semine Abrahæ, ut ipse contestatur, descendens (*Rom. xi, 1*); constat eum corporaliter dixisse, nos fuisse filios iræ, sicut et ceteros. Animæ vero substantiam ostendit quod sit ex Deo, et animam aliter non posse reconciliari Deo, nisi per magistrum qui est Christus Jesus. Interfecta enim inimicitia, videbatur anima indigna existisse Deo. Sed quia missa est, hoc confitemur, a Deo tam omnipotente, et originem trahens, et missa ad ipsius voluntatem consignandam. Quemadmodum et Salvatorem Christum credimus de cœlo venisse, voluntatem Patris complere. Quæ voluntas Patris hæc erat, animas nostras de eadem inimicitia liberare, imperfecta eadem inimicitia. Quæ si adversa Deo non fuisse, nec inimicitia vocaretur ubi erat unitas, nec imperfectio diceretur aut fieret ubi vita erat.

18. Aug. dixit : Memento quod Apostolus dixerit, conversatione nos alienatos a Deo esse.

FORT. dixit : Trado ego duas substantias fuisse. In lucis substantia haberi Deum, ut superius diximus, incorrumpibilem : fuisse vero contrariam naturam tenebrarum, eam quam virtute Dei vinci hodie quoque confiteor, et ad mecum regressum salvatorem esse Christum emissum, ut ante idem apostolus ait.

19. Aug. dixit : Rationibus ut discuteremus duarum naturarum fidem, impositum est ab iis qui nos audiunt. Sed quoniam ad Scripturas iterum confugisti, ad eas ego descendo, ac nihil prætermittendum esse postulo, ne quibusdam capitibus utentes, nebulas asseramus eis quibus notæ Scripturæ non sunt. A capite igitur quod habet Apostolus in Epistola sua ad Romanos consideremus. In prima enim pagina est quod vehementer contra vos est. Dicit enim : *Paulus servus Christi Jesu, vocatus apostolus, separatus in Evangelium Dei*², quod ante promiserat per Prophetas suos in Scripturis sanctis, de Filio suo, qui factus est ei ex semine David secundum carnem, qui prædestinatus est Filius Dei in virtute, secundum spiritum sanctificationis ex resurrectione mortuorum Jesu Christi Domini nostri (Id. 1, 1-4). Videmus Apostolum de Domino nostro nos docere, ut et virtute Dei ante carnem prædestinatus fuerit, et secundum carnem factus sit ei ex semine David. Hoc vos cum semper negaveritis et negetis, quomodo Scripturas flagitatis, ut secundum eas potius disseramus?

FORT. dixit : Secundum carnem asseritis ex semine David, cum prædicetur ex virgine esse natus (*Isai. viii,*

¹ *Hic ex MSS. restitimus haec verba, quos reconciliatos dicit Deo. Si ergo naturaliter filii iræ erant; quæ tu editis dicas.*

² *In MSS., prædestinatus in Evangelium Dei.*

14), et Filius Dei magnificetur. Fieri enim non potest, nisi ut quod de spiritu est, spiritus habeatur; et quod de carne est, caro intelligatur (*Joan. iii, 6*). Contra quod est ipsa auctoritas Evangelii qua dicitur, quod *caro et sanguis regnum Dei non possidebunt, neque corruptio incorruptelam possidebit* (*1 Cor. xv, 50*).

Hic strepitus factus est a considentibus, qui rationibus potius agi volebant: quia videbant eum non omnia quae in Apostoli codice scripta sunt, velle aequipare. Deinde passim sermocinatio ab omnibus haberi coepit, quo usque diceret sermonem Dei ligatum esse in gente tenebrarum. Quod cum exhorruissent qui aderant, discessum est.

DISPUTATIO SECUNDÆ DIEI.

Postera die adhibito iterum notario, res acta sic est.

Fort. dixit: Dico quod nihil mali ex se proferat Deus omnipotens, et quod quae sua sunt incorrupta maneant, uno ex fonte inviolabili orta et genuita: cetera vero quae in hoc mundo versantur contraria, non ex Deo manare, nec principe Deo¹ paruisse in hoc saeculo, id est, quod non ex ipso originem trahant. Haec ergo in fide suscepimus, quod aliena sint mala a Deo.

20. **Aug. dixit:** Et nostra fides haec est, quod malorum genitor non sit Deus, neque ullam naturam fecerit malam. Sed cum uterque nostrum consentiat incorruptibilem Deum et incoquinabilem, prudentium est aestimare et fidelium, quae sit fides purior et majestate Dei dignior: illa ubi asseritur, vel virtus Dei, vel pars aliqua Dei, vel sermo Dei posse commutari, violari, corrumpi, ligari; an ea ubi dicitur et omnipotentem Deum et omnem ipsius naturam et substantiam nulla parte unquam posse corrumpi, sed mala esse voluntario peccato animæ, cui dedit Deus liberum arbitrium. Quod liberum arbitrium si non dedisset Deus, judicium puniendi nullum justum esse posset, nec meritum recte faciendi, nec praeceptum divinum ut ageretur poenitentia de peccatis; nec ipsa indulgentia peccatorum, quam nobis Deus per Dominum nostrum Jesum Christum donavit. Quia qui non voluntate peccat, non peccat. Hoc arbitror omnibus aperium esse atque perspicuum. Quapropter non nos movere debet, si aliqua in iis quae Deus fecit molesta patimur pro meritis nostris. Sicut enim ille bonus est, ut constitueret omnia; sic justus est, ut peccatis non parcat. Quae peccata, ut dixi, nisi libera voluntas esset in nobis, peccata non essent. Si quis enim, vacui causa, ligaretur ab aliquo ceteris membris, et de manu ejus falsum scriberetur sine ejus propria voluntate; quæro, si hoc judici palefieret, posset hunc hominem falsitatis crimine condemnare? Quare si manifestum est, peccatum non esse ubi non est liberum voluntatis arbitrium, volo audire, anima, quam dicitis aut partem, aut virtutem, aut sermonem, aut aliud quolibet Dei, quid mali fecerit, ut a Deo puniatur, aut poenitentiam agat peccati, aut veniam mereatur; cum nihil ipsa peccaverit.

¹ Editi, nec principi Dco. Melius MSS., nec principe Dco, id est, auctore.

Fort. dixit: De substantiis proposui, quod bonorum tantummodo Deus creator, ulti vero malorum habeatur, eo quod mala ex ipso non sint. Merito ergo hoc sentio, et ulcisci Deum mala, quia ex ipso non sunt. Cæterum si ex ipso essent, aut daret licentiam peccandi, quod dicis liberum arbitrium dedisse Deum, consensor jam inveniebatur delicti mei, eo quod delicti mei auctor esset: aut ignorans quid futurus essem, delinquere*re*¹, quem ipse non se dignoum institueret. Illoc ergo propositum est a me, et quod interrogō nunc, utrum Deus mala instituerit, necne; et utrum ipse finem malorum instituerit. Etenim quae ab ipso diximus facta esse, ut opifice Deo, uti ab ipso creata et genita incorruptibilia haberi, his rebus appareat, et fides evangelica docet. Haec ego et proposui quae sunt credulitatis nostræ, et quae a te possunt in ista professione nostra firmari, ita tamen ut non desit auctoritas fidei christiana. Et quia nullo genere recte me credere ostendere possum, nisi eandem fidem Scripturarum auctoritate firmaverim: id ergo est quod insinuavi, quod dixi. Aut si mala auctore Deo in mundo paruerunt, hoc ipse dicere dignare: aut si recte creditur mala ex Deo non esse, hoc etiam presentium contemplatio prosequi debet et suspicere. De substantiis dixi, non de peccato quod in nobis versatur. Si enim originem non haberet quod cogitamus delicta facere; non cogeremur ad peccatum venire, vel ad delictum. Nam quia inviti peccamus, et cogimur a contraria et inimica nobis substantia, idcirco sequimur scientiam rerum. Quia scientia admonita anima et memoria pristinæ redditæ, recognoscit ex quo originem trahat, in quo malo versetur, quibus bonis iterum emendans quod nolens peccavit, possit per emendationem delictorum suorum, bonorum operum gratia, meritum sibi reconciliationis apud Deum collocare, auctore Salvatore nostro, qui nos docet et bona exercere, et mala fugere. Propositum est enim nobis, quod non ab aliqua contraria natura, sed sua sponte homo aut justitiae serviat, aut peccatis se obnoxium faciat: cum nulla existente contraria gente, si sola versatur anima in corpore constinta, cui Deus, ut dicas, liberum arbitrium dedit, sine peccato esset, nec peccatis se obnoxium faceret.

21. **Aug. dixit:** Ego dico peccatum non esse, si non propria voluntate peccetur (*a*): hinc esse et præmium, quia propria voluntate recta facimus. Aut si pœnam meretur, qui peccat invitus, debet et præmium mereri, qui bene facit invitus. Quis autem dubitet non deferri præmium, nisi ei qui bona voluntate aliquid fecerit²? Ex quo intelligimus et pœnam inferri ei qui voluntate mala aliquid fecerit. Sed quoniam me ad priores naturas et substantias revocas, fides mea est, omnipotentem Deum, quod maxime animadvertisendum est, et animo sigendum, omnipotentem Deum, justum et bonum, fecisse bona. Sed

¹ MSS., quod futurus essem delinquere.

² Vaticanus codex et Arnulphensis, qui aliquid boni voluntate fecerit. Pauloque post, qui voluntate mali aliquid fecerit.

(a) *I Retract.*, cap. 16, n. 2.

en quæ ab illo facta sunt, non possunt esse talia, qualis est ipse qui fecit. Injustum est enim et stultum credere¹, quod opera paria sint artifici, et condita conditori. Quapropter, si pia fides est ut omnia bona Deus fecerit, quibus tamen ipse multo est excellentior longeque præstantior; origo et caput mali est peccatum, sicut Apostolus dixit: *Radix omnium malorum est cupiditas: quam quidam sequentes, naufragaverunt a fide, et inseruerunt se doloribus multis* (*I Tim. vi, 10*). Si enim radicem omnium malorum queris, habes Apostolum dicentem, radicem omnium malorum esse cupiditatem. Radicem radicis querere non possum. Aut si est aliud malum, cujus radix non est cupiditas, non erit omnium malorum radix cupiditas. Si autem verum est, omnium malorum radicem esse cupiditatem, frustra aliud aliquod mali genus querimus. Tua vero natura contraria quam inducis; quoniam jam respondi objectis tuis; queso ut tu mihi dicere digneris, si illa natura contraria est totum malum, neque peccatum potest esse nisi ex illa, pœnam ipsa sola debet mereri, non anima a qua non est peccatum. At si dicas ipsam solam mereri pœnam, et animam non mereri; quero cui data sit pœnitentia, quæ sit jussa pœnitere. Si anima jussa est pœnitere; ab illa peccatum, et ipsa voluntate peccavit. Nam si cogitur anima facere malum, neque illa est quæ malum facit²; nonne stultum est et plenum dementiæ, ut gens tenebrarum peccaverit, et me pœniteat de peccatis? Nonne plenum dementiæ est, ut gens tenebrarum peccaverit, et mihi detur indulgentia peccatorum: qui possum dicere secundum fidem vestram, Quid feci? quid commisi? Apud te fui, integer fui, nulla labe contaminatus fui: tu me huc misisti, tu necessitatem passus es, tu cavisti regnis tuis, cum magna eis labes et vastitas immineret. Cum ergo noveris necessitatem qua hic oppressus sum, qua respirare non potui, cui resistere non potui; quid me accusas quasi peccantem? aut quid promittis indulgentiam peccatorum? Ad hoc sine ambagibus responde, si placet, sicut tibi ego sine ambagibus respondi.

FORT. dixit: Hoc nos dicimus, quod a contraria natura anima cogatur delinquere: cui non vis esse radicem, nisi hoc tantum, quod in nobis malum versatur; cum constet exceptis nostris corporibus mala in omni mundo versari. Non ista quæ in corporibus solum habemus in toto mundo versantur, et nominibus valent, bona; mala radix hæret. Nam dixit Dignatio tua quod hæc sit radix malorum, cupiditas, quæ in nostris corporibus versatur: cum quando non est cupiditas mali ex nostris corporibus, ex principali illa contraria natura versatur in toto mundo. Apostolus etenim nominavit id radicem esse malorum cupiditatem, non unum malum, quam dixisti radicem omnium malorum. Cupiditas vero non uno modo intelligitur, quam dixisti radicem esse omnium malorum, quasi quæ in corporibus nostris³ solum versetur: cum

constet hoc quod in nobis versatur malum, ex auctore malo descendere, et portiunculam esse mali hanc radicem quam tu esse dicas; ut non sit ipsa radix, sed sit portiuncula mali, ejus mali quod ubique versatur. Quam radicem et arborem malam Dominus noster appellavit, nunquam fructus bonos afferentem, quam non plantavit Pater suus, ac merito eradicator et in ignem mitti (*Math. xv, 13, et iii, 10*). Nam quod dicas, contrariae naturæ peccatum debere imputari; illa natura mali est: et id esse peccatum animæ, si post communionem Salvatoris nostri et sanam doctrinam ejus a contraria et inimica sui stirpe se segregaverit anima, et purioribus se adorans anima; aliter non posse substantiæ sue reddi. Dictum est enim: *Si non venissem et locutus eis fuisset, peccatum non haberent. Nunc vero quia veni, et locutus sum, et notuerunt mihi credere, veniam de peccato non habebunt* (*Joan. xv, 22*). Unde patet recte esse pœnitentiam datam post adventum Salvatoris, et post hanc scientiam rerum, qua possit anima, ac si divino fonte lota, de sordibus et vitiis tam mundi totius, quam corporum⁴ in quibus eadem anima versatur, regno Dei, unde progressa est, repræsentari. Nam dictum est ab Apostolo, quod *prudentia carnis inimica sit Deo: legi enim Dei non est subjecta; nec enim potest* (*Rom. viii, 7*). Patet ergo his rebus, quod anima bona, factione illius quæ legi Dei non est subjecta, peccare videtur, non sua sponte. Namque idem sequitur, quod *caro concupiscit adversus spiritum, et spiritus adversus carnem; ut non quæcumque vultus, illa faciat* (*Galat. v, 17*). Dicit iterum: *Video aliam legem in membris meis, repugnantem legi mentis meæ, et captivum me ducentem in lege peccati et mortis. Ergo miser ego homo, quis me liberabit de corpore mortis hujus, nisi gratia Dei per Dominum nostrum Jesum Christum* (*Rom. vii, 23-25*), *per quem mihi mundus crucifixus est, et ego mundo* (*Galat. vi, 14*)?

22. AUG. dixit: Agnosco et amplector testimonia divinarum Scripturarum, et fidei meæ quemadmodum congruant, sicut Deus donare dignabitur, paucis exponam. Liberum voluntatis arbitrium in illo homine suisse dico, qui primus formatus est. Ille sic factus est, ut nihil omnino voluntati ejus resisteret, si vellet Dei præcepta servare. Postquam autem ipse libera voluntate peccavit, nos in necessitatem præcipitatus sumus, qui ab ejus stirpe descendimus. Potest autem unusquisque nostrum mediocri consideratione invenire verum esse quod dico. Hodie namque in nostris actionibus antequam consuetudine aliqua implicemur, liberum habemus arbitrium faciendi aliquid, vel non faciendi. Cum autem ista libertate fecerimus aliquid, et facti ipsius tenuerit animam perniciosa dulcedo et voluptas, eadem ipsa sua consuetudine sic implicatur, ut postea vincere non possit, quod sibi ipsa peccando fabricata est. Videmus multos jurare nolle: sed quia jam consuetudinem lingua tenuit, non posse refrenare, quin ea exeat de ore ipsorum, quæ non possumus

¹ Vaticanus codex, et stultum exigere, quod, etc.

² Aliquot MSS., neque in illa est quod malum facit.

³ Er. et MSS. hoc tantum loco, in cordibus nostris.

⁴ Sic MSS. Editio vero Lov., tam mundi quam corporis. omisso, totus; pro quo editio Er., potius.

dicere ad mali stirpem non pertinere. Ut enim vobis cum his verbis agam, quæ utinam sicut de ore vestro non recedunt, ita et corde intelligentur: Per Paracletum juratis¹. Si ergo vultis experiri verum esse quod dico, instituite non jurare. Videbitis illam consuetudinem ferri quo solet. Et hoc est quod adversus animam pugnat, consuetudo facta in carne. Ipsa est nimurum carnis prudentia, quæ quamdiu ita legi Dei subjici non potest, tamdiu prudentia carnis est: sed illuminata anima, desinit illa esse carnis prudentia. Sic enim dictum est, prudentiam carnis non posse legi Dei esse subjectam, quemadmodum si dicetur, glaciealem nivem calidam esse non posse. Nullo enim pacto, quamdiu nix est, calida esse potest. Sed quemadmodum illa nix calore resolvitur, et desinit nix esse, ut possit calescere: sic illa carnis prudentia, id est, consuetudo facta cum carne, cum fuerit mens nostra illuminata, et ad arbitrium divinæ legis totum hominem sibi Deus subjicerit, pro illa consuetudine animæ mala facit consuetudinem bonam. Ex quo illæ duæ arbores, bona arbor et mala arbor quas commemorasti, verissime dictum est a Domino quod suos fructus habeant; id est, neque bona possit dare malos fructus, neque mala bonos, sed quamdiu mala est. Accipiamus duos homines; bonum hominem, et malum hominem. Quamdiu bonus est, malos fructus dare non potest: quamdiu malus est, fructus bonos dare non potest. Sed ut intelligas istas duas arbores sic esse a Domino positæ, ut ibi significaretur liberum arbitrium, non naturas esse istas duas arbores, sed voluntates nostras, ipse ait in Evangelio: *Aut facite arborem bonam, aut facite arborem malam* (*Math. xii, 33*). Quis est qui possit facere naturam? Si ergo imperatum est nobis ut faciamus arborem aut bonam aut malam, nostrum est eligere quod velimus. De isto ergo peccato hominis, et de ista consuetudine animæ facta cum carne Apostolus dicit²: *Nemo vos seducat* (*Ephes. v, 6*): *omnis creatura quæ a Deo facta est, bona est* (*I Tim. iv, 4*). Dicit idem apostolus quem tu ipse commemorasti: *Sicut per unius inobedientiam, peccatores constituti sunt multi; sic et per unius obedientiam, justi constituentur multi* (*Rom. v, 19*). *Quoniam per hominem mors, et per hominem resurreccio mortuorum*. Quamdiu ergo portamus imaginem terreni hominis (*I Cor. xv, 21, 49*), id est, quamdiu secundum carnem vivimus, qui velut etiam homo nominatur, habemus necessitatem consuetudinis nostræ, ut non quod volumus faciamus. Cum autem gratia Dei amorem nobis divinum inspiraverit, et nos sine voluntati subditos fecerit, quibus dictum est, *Vos in libertatem vocati estis* (*Galat. x, 15*); et, *Gratia Dei liberavit me a lege peccati et mortis* (*Rom. viii, 2*). Lex autem peccati est, ut quicumque peccaverit, moriatur. Ab ista lege liberamur, cum justi esse cooperimus. Lex mortis est, qua dictum est

¹ Hic Vaticanus codex addit: *Non potestis dicere quod gens tenebrarum de nobis per Paracletum jurat.*

² In Vaticano codice, post apostolus dicit, additur, *Prudentia carnis inimica est Deo. De carnis autem natura dicit alio loco apostolus, Nemo vos seducat.*

homini: *Terra es, et in terram ibis* (*Gen. iii, 19*). Ex ipso enim omnes³ sic nascimur, quia terra sumus, et in terram ibimus propter meritum peccati primi hominis. Propter autem gratiam Dei, quæ nos liberat a lege peccati et mortis, ad justitiam conversi liberamur: ut postea eadem ipsa caro quæ nos pœnitis torsit in peccatis manentes, subjiciatur nobis in resurrectione, et nulla adversitate nos quatiat, quominus legem Dei et divina præcepta servemus (*a*). Unde quoniam ego respondi tuis, dignare tu respondere illud quod desidero, quemadmodum fieri possit ut si est Deo natura contraria, nobis imputetur peccatum, qui in illam naturam non voluntate, sed ab ipso Deo, cui noceri nihil poterat, missi sumus.

Fort. dixit: *Hoc genere quemadmodum et Dominus dixit discipulis suis, Ecce ego mitto vos sicut oves in medio luporum* (*Math. x, 16*). Hinc sciendum est⁴ quod non inimica mente Salvator noster agnos suos, id est, discipulos suos in medio luporum dirigere voluit, nisi esset aliqua contrarietas, quæ in similitudine luporum eam deponeret, ubi et discipulos suos miserat: ut quæ forte in medio luporum animæ possent decipi, ad propriam substantiam revocarentur. Hinc ergo appareat antiquitas temporum nostrorum quam repetimus, et annorum nostrorum⁵, ante mundi constitutionem hoc more missas esse animas contra contrariam naturam, ut eamdem sua passione subiectientes, victoria Deo redderetur. Nam dixit idem apostolus, quod non solum esset luctatio contra carnem et sanguinem, sed et contra principes et potestates, et spiritualia nequitæ, et dominationem tenebrarum (*Ephes. vi, 12*). Si ergo utrobique mala versantur⁶ et nequitæ habentur; jam non solum est malum in nostris corporibus, sed in toto mundo, ubi videntur versari animæ, quæ sub cœlo isto versantur et implicatae sunt.

23. Aug. dixit: *Agnos suos Dominus in medio luporum misit, id est, homines justos in medio hominum peccatorum, ad prædicationem Evangelii tempore hominis suscepti ab inæstimabili divina Sapientia, ut a peccato ad justitiam nos vocaret. Quod autem ait Apostolus, nobis collectationem non esse adversus carnem et sanguinem, sed adversus principes et potestates, et cætera quæ sunt commemorata; hoc significat diabolum et angelos ejus, sicut etiam nos, peccato cecidisse et lapsos esse, et obtinuisse terrena, id est homines peccatores, qui quamdiu peccatores sumus, sub jugo eorum sumus; quemadmodum, cum justi erimus, crimus sub jugo justitiae: et contra illos luctam habemus, ut migrantes ad justitiam, ab eorum dominatione liberemur. Ergo et tu dignare mihi breviter ad unum quod interrogo respondere. Noceri Deo non poterat, an poterat? Sed*

³ Sic MSS. At editi: *Ex ipsa enim homines.*

⁴ Vaticanus Ms.: *Hic sentendum est. Panoploque post idem codex, quam in similitudine luporum eandem poterat.*

⁵ Er. Lugd. et Ven., *annorum nostrorum. M.*

⁶ In MSS. et apud Er., *conversantur.*

(a) *I Retract., cap. 16, n. 2.*

queso mihi ut, Non poterat, respondeas.

FORT. dixit : Non poterat noceri.

24. Aug. dixit : Quare ergo huc nos misit secundum vestram fidem ?

FORT. dixit : Professio mea hæc est, quia noceri non poterat Deo, et quod Deus huc nos direxit. Sed quia id tibi contrarium est, tu dic qua ratione hic apparuit anima, quam nunc cupit Deus noster, et mandatis, et proprio Filio directo liberare ?

25. Aug. dixit : Quoniam video te interrogatis meis respondere non potuisse, et me aliquid interrogare voluisse, ecce satisfacio tibi, dummodo memineris te ad id quod interrogavi non respondisse. Anima quare hic sit in mundo involuta miseriis, non modo, sed paulo ante nescio quoties a me dictum est. Peccavit anima, et ideo misera est. Liberum arbitrium accepit, usa est libero arbitrio, quemadmodum voluit : lapsa est, ejecta de beatitudine, implicata est miseriis. Ad hoc tibi recitavi testimonium Apostoli dicentis : *Sicut per unum hominem mors, sic et per unum hominem resurrectio mortuorum.* Quid quæris amplius ? Unde tu responde ; cui noceri non poterat, quare huc nos misit ?

FORT. dixit : Causa hæc querenda est, cur huc venit anima, aut quare eamdem Deus hinc cupit liberare, quæ in medio malorum vivit.

26. Aug. dixit : Hanc causam abs te quæro ; id est, si Deo noceri non poterat, quare huc nos misit ?

FORT. dixit : Quæriuntur a nobis, si Deo malum nocere non possit, quare huc anima missa fuerit, aut qua ratione mundo permixta sit. Quod in eo manifestum est quod ait Apostolus : *Numquid dicit figuratum ei qui se finxit : Cur me ita formaveris* (*Rom. ix, 20*) ? Si ergo causanda est hæc res, interrogandus est cur animam direxit¹ nulla cogente se necessitate. Si autem necessitas fuit mittendi animam, merito est et voluntas liberandi eam.

27. Aug. dixit : Premitur ergo Deus necessitate ?

FORT. dixit : Jam hoc est : noli ad invidiam excitare id quod dictum est, quod non necessitatibus subditum esse Deum, sed voluntarie misisse animam.

28. Aug. dixit : Recita quod supra dictum est. Et recitatum est : *Si autem necessitas fuit mittendi animam, merito est et voluntas liberandi eam.* Aug. dixit : Audivimus : *Si autem necessitas fuit mittendi animam, merito est et voluntas liberandi eam.* Tu ergo dixisti fuisse necessitatem mittendi animam. Sed si modo voluntate vis dicere, et hoc addo² : Cui noceri nihil poterat, crudelis voluntas fuit mittendi animam ad tantas miserias. Quod refellendi causa quia loquor, veniam peto ab illius unius misericordia, in quo spem liberationis habemus ab omnibus erroribus hæreticorum.

FORT. dixit : Nos dicere asseveras crudelem esse

¹ victorini MSS., *interrogandus est qui animam directi.*

² In Victorinii MSS., et ad hoc addo. In Vaticano, et hoc audio.

Deum mittendo animam : fecisse vero Deum hominem, et insufflasse³ in eum animam, quam utique præscivit in futuram miseriam involvi, et beneficio malorum non posse hæreditati sue represeutari. Hoc aut ignorantis est, aut dantis animam ad hæc mala quæ supra memorata sunt. Id commemoraví, quia dixisti ante tempus non multum, quod adoptaverit sibi Deus animam, non quod ab ipso sit; aliud est enim adoptare.

29. Aug. dixit : De adoptione nostra memini me ante dies⁴ dixisse, secundum testimonium Apostoli, qui dicit nos vocatos in adoptionem filiorum (*Ephes. i, 5*). Non ergo meum fuit illud, sed apostolicum resonsum. De qua re, id est, de ista adoptione, suo tempore, si placet, inquiramus : et de illa sine dilatione respondebo⁵, cum tu meis objectionibus respondearis.

FORT. dixit : Progressum dico fuisse animæ contra contrariam naturam, quæ natura Deo nocere nihil poterat.

30. Aug. dixit : Quid opus erat isto progressu, ubi nihil habebat Deus quod caveret, cui nocere nihil poterat ?

FORT. dixit : Constat apud conscientiam vestram, a Deo venisse Christum ?

31. Aug. dixit : iterum me interrogas ? Ad interrogata responde.

FORT. dixit : Sic accepi in fide, quod voluntate Dei ipse hoc venerit.

32. Aug. dixit : Et ego dico : Deus omnipotens, inviolabilis, incommutabilis, cui noceri nihil possit, quare huc animam ad miserias, ad errorem, ad ista quæ patimur, misit ?

FORT. dixit : Dictum est enim : *Potestatem habeo ponendi animam meam, et potestatem accipiendi eam* (*Joan. x, 18*). Nunc dixit⁶ quod voluntate Dei progressa est anima.

33. Aug. dixit : Ego autem causam quæro, quare cum Deo noceri nihil possit⁷....?

FORT. dixit : Nihil noceri Deo jam diximus, et in contraria natura esse animam diximus, ideo ut contraria naturæ modum imponeret : modo imposito contraria naturæ, sumit eamdem Deus. Ipse enim dixit, *Potestatem habeo ponendi animam meam, et potestatem sumendi eam.* Hanc Pater mibi dedit potestatem ponendi animam meam, et sumendi eam. Deus ergo qui loquebatur in Filio, de qua anima diceret ?

¹ vaticanus codex, et insibilasse.

² vox, dies, quæ in editione Lov. exciderat, restituitur ex libris alios editis et manuscriptis.

³ MSS. Gallicani et Vaticani, *de illa insibilatione respondero.* Forte quia supra Fortunatus pro, insufflasse, dixerat, insibilasse, sicuti in codice legitur Vaticano.

⁴ Editi, non dixit. Melior videtur lectio Victorinorum manuscriptorum, nunc dixit. Sive Fortunatus sit illud, sive Augustini, cuius nomen in Victorinis iisdem MSS. collocatur ante : *Nunc dixit quod voluntate Dei progressa est anima : ego autem, etc.*

⁵ Vaticanus Ms. Aug. dixit : *Ego quæro, cum Deo nocere nihil posset, cur huc animam miserit.* FORT. dixit : *Videri quod voluntate Dei progressa sit anima, hoc dico.* Aug. dixit : *Ego autem causam quæro, cum Deo nocere nihil possit, cur huc animam misit.*

Constat esse animam nostram, quæ in his corporibus habetur, quod de ejus voluntate venerit, et de voluntate ipsius iterum assumatur.

34. Aug. dixit: Unde dixerit Dominus noster, *Protestatem habeo ponendi animam meam, et potestatem habeo sumendi eam*, omnibus notum est: quia passurus erat, et resurrecturus. Ego autem abs te iterum atque iterum quero, si Deo nihil noceri poterat, cur hoc animas misit?

Fort. dixit: Naturæ contrariae modum imponere.

35. Aug. dixit: Et omnipotens Deus, misericors et omnium summus, ut modum imponeret naturæ contrariae, ideo illam moderatam esse voluit, ut nos immoderatos efficeret?

Fort. dixit: Sed ideo ad se revocat.

36. Aug. dixit: Si ad se revocat ab immoderatione, si a peccato, ab errore, a miseria; quid opus erat tanta mala animam pati per tantum tempus, donec mundus finiatur: cum Deo, a quo eam dicitis missam, noceri nihil possit?

Fort. dixit: Quid ergo dicturus sum?

37. Aug. dixit: Et ego novi non te habere quid das, et me cum vos audirem in hac questione nunquam invenisse quod dicarem; et inde fuisse admonitum divinitus ut illum errorem relinquarem, et ad fidem catholicam me converterem, vel potius revocarem, ipsius indulgentia qui me huic fallaciæ semper inhaerere non sivit. Sed si consiteris te non habere quod respondeas; omnibus audientibus et recognoscientibus, quoniam fideles sunt, catholicam fidem, si permittunt et volunt, exponam.

Fort. dixit: Sine prajudicio professionis meæ dixerim: illa quæ a te opponuntur cum retractavero meis cum majoribus, si minus responderint interrogationi huic meæ, que similiter a te nunc mihi offertur; erit in mea contemplatione (quia et ego animam meam cupio certa fide liberari) venire ad hujus rei inquisitionem, quæ a te mihi offertur, et ostensurum te polliceris.

Aug. dixit: Deo gratias.

IN SUBSEQUENTEM LIBRUM,

Vide lib. 1, cap. 22, Retractationum, tom. 1, col. 618, n. 1, a verbis, Eodem tempore (a), usque ad col. 620, n. 4, verbis, Cœlum et terram. M.

(a) Presbyteratus nimirum sui tempore dictavit subsequentem librum, quem in Retractationibus aliquanto post concilium de Fide et Symbolo in Hippomensi concilio anni 393 habitam collocat, inter illa videlicet opuscula, quæ ad annum 394 aut 395 pertinent. Hujus etiam contra Adimantum operis meminit in fine libri 2 contra Adversarium Legis et Prophetarum, ubi nominato Adimanto Manichæi discipulo, subdit: *Qui prænomine Addas dictus est.*

S. AURELII AUGUSTINI

HIPPONENSIS EPISCOPI

CONTRA ADIMANTUM

MANICHÆI DISCIPULUM

Liber unus^(a).



Conciliantur inter se Scripturarum sententiae, quas de Testamento Vetere ac Novo, velut invicem contrarias Adimantus, utrumque Testamentum ab uno et eodem Deo esse non posse contendens, corraserat.

CAPUT PRIMUM. — De eo quod scriptum est, *In principio fecit Deus cœlum et terram*; usque ad id quod scriptum est, *Et factum est vespero, et factum est mane dies unus* (*Gen. 1, 1-5*). Hoc capitulum Legis adversum esse Evangelio stultissimi Manichæi arbitrantur, dicentes in Genesi scriptum esse quod Deus per se ipsum fecerit cœlum et terram et lucem; in Evangelio autem scriptum esse per Dominum nostrum Jesum Christum fabricatum esse mundum, ubi dictum est, *Et mundus per ipsum factus est, et mundus*

illum non cognovit (*Joan. i, 10*). Tribus enim modis refelluntur. Primo, quia cum dicitur, *In principio fecit Deus cœlum et terram*; Trinitatem ipsam christianus accipit, ubi non solum Pater, sed et Filius et Spiritus sanctus intelligitur. Non enim tres deos, sed unum Deum credimus, Patrem et Filium et Spiritum sanctum: quamvis Pater Pater, et Filius Filius sit, et Spiritus sanctus Spiritus sanctus. De qua unitate Trinitatis hoc loco longum est disputare. Deinde, quia ubi dicitur, *Dicit Deus, Fiat, et factum est*, ibi necesse est in-

ADMONITIO PP. BENEDICTINORUM.

Hoc opus recognovimus ad Sorbonicos MSS. duos, Victorinos duos, totidem Vaticanos, ad Corbeiensem, Germanensem, Michaelinum, Casalinum, ad variantes lectiones Belgicorum quatuor, necnon ad editiones Am. Er. et Lov.

Comparavimus præterea eas omnes editiones initio Retr. et Confess., t. 1, memoratas. M.

(a) Scriptus circiter annum 394.

telligatur per Verbum eum fecisse quod fecit. Verbum autem Patris est Filius. Non ergo repugnat hoc capitulum Geneseos, ubi scriptum est, *Et Dicit Deus, Fiat, et factum est;* illi loco Evangelii ubi dicitur, *Et mundus per eum factus est,* id est, per Dominum nostrum; quia ipse est Verbum Patris per quod facta sunt omnia. Postremo, si propterea in Genesi non intelligitur Filius, quia non est dictum quod per Filium Deus fecerit; nec in Evangelio per Filium Deus et aves pascit, et lilia vestit (*Math. vi, 26-30*), et cætera innumerabilia quæ ipse Dominus dicit Deum facere Patrem: quamvis non dicat quod ea per Filium faciat. Quod autem etiam testimonium Apostoli adjungunt, quod ait de Domino nostro Iesu Christo, *Ipse est primogenitus totius creaturæ; et omnia per ipsum facta sunt in cælo et in terra, visibilia et invisibilia* (*Coloss. i, 15-16*); et hoc capitulum adversum esse dicunt Genesi, ubi Deus ita dicitur fecisse mundum, ut specialiter Filius ibi non sit nominatus: vehementer errant; et non vident, si ita est, ipsum Apostolum sibi esse contrarium, cum alio loco unum dicit, *ex quo omnia, per quem omnia, in quo omnia*, in quo omnia (*Rom. xi, 36*); et Filium non nominat. Quomodo autem hic Filius nominatus non est, intelligitur tamen; ita et in Genesi: et quomodo sibi hæc duo capitula Pauli non adversantur; ita nec Genesis Evangelio.

CAPUT II. — 1. De eo quod scriptum est: *Et consummavit Deus die sexto omnia opera sua quæ fecit, et in septimo requievit ab eisdem omnibus operibus quæ fecerat* (*Gen. ii, 2*). Huic etiam loco Manichæi calumniam mouent, et dicunt Novo Testamento aduersari quod in Genesi scriptum est, Deum septimo die requievisse ab omnibus operibus suis quæ fecit: quoniam Dominus in Evangelio dicit, *Pater meus usque nunc operatur* (*Joan. v, 17*). Quod nullo modo contrarium est. Dominus enim Judæorū resellit errorem; qui putabant Deum sic requievisse die septimo, ut ex illo prorsus nihil operaretur. Requievit autem ab omnibus operibus suis quæ fecit, ut jam ultra non faceret mundum cum omnibus quæ in eo sunt: non tamen ut etiam a mundi administratione requiesceret. Non enim scriptum est: Requievit Deus ab omnibus operibus suis, ut deinceps non operaretur. Sed scriptum est, *Requievit Deus ab omnibus operibus suis quæ fecit:* ut deinde non in faciendo mundo, a quo opere post perfectionem cesseret; sed in administrando operaretur, in quo opere eum esse Dominus intimavit. Nec illa requies, quasi post laborem Deum pausam quæsisse, sed ab instituendis rerum naturis post earum rerum perfectionem cessasse significat, quamvis usque adhuc in administrandis operetur.

2. Sabbati autem observationes non intelligebant Judæi, qui putabant ab iis etiam operibus quæ ad salutem hominum valent, oportere cessari. Unde illos Dominus etiam aliis locis, de bove qui¹ in puteum cecidit, et jumento quod solvendum est ut ad aquam ducatur, mirifica comparatione redarguit (*Luc. xiv, 5, et xiii, 15*). Sabbatum autem, non repudiatum, sed

intellectum a Christianis destitutum quidem carnaliter observari, sed spiritualiter retinetur a sanctis, qui intelligunt vocem Domini vocantis ad requiem, et dicens: *Venite ad me, qui laboratis, et ego vos reficiam.* *Tollite jugum meum super vos, et discite a me quia misericordia sum et humilis corde, et invenietis requiem animabus vestris.* *Jugum enim meum lene est, et sarcina mea levis est* (*Math. xi, 28-30*). Illoc sabbatum, id est, hanc requiem Scriptura illa significat, quam Judæi non intelligebant, et pro temporum dispensatione carnaliter sequebantur umbram, cuius umbra quasi corpus, id est, veritas nobis danda erat. Sed quemadmodum illa requies Dei post fabricatum mundum insinuatur; sic requiem, quæ nobis promittitur, post opera quæ in hoc mundo habemus, si justa fuerint, consequemur, septima scilicet eademque ultima parte sæculi, de qua longum est disputare. Non ergo Dominus rescindit scripturam Veteris Testamenti, sed cogit intelligi: nec sabbatum solvit ut pereat quod figurabatur, sed aperit potius ut appareat quod tegebatur.

CAPUT III.—1. De eo quod scriptum est in Genesi: *Et dicit Deus, Non est bonum solum hominem esse; faciamus ei adjutorium.* *Et immisit Deus Adam somnum, et obdormivit; et sumpsit unam de costis ejus, ex qua formavit Eam, quam adduxit ad Adam; et ait, Ideo relinquit homo patrem et matrem, et adhaerabit uxori sua* (*Gen. ii, 18-24*). Huic rursus loco Manichæi calumniantur, dicentes contra Novum Testamentum esse istam sententiam, qua Deus scribitur et formasse mulierem, et viro conjunxit: propterea, quia in Evangelio dicit Dominus, *Omnis qui reliquerit domum, aut uxorem, aut parentes, aut fratres, aut filios propter regnum cœlorum, centies tantum accipiet*¹ *in hoc tempore, et in futuro sæculo possidebit vitam æternam* (*Math. xix, 29; Marc. x, 29-30, et Luc. xviii, 29-30*). In qua calumnia miror eos sic esse cæcatos, vel potius non miror: *Excavavit enim illorū, sicut scriptum est, malitia eorum* (*Sap. ii, 21*). Sed tamen quis non videt tanta in Novo Testamento præcepta de uxore diligenda? Cur enim potius Vetus Testamentum dicunt aduersari huic sententiae Domini, qua dicit relinquendam esse uxorem propter regnum cœlorum, et non ipsum Novum sibi aduersari? Quod nefas est dicere. Intelligenda enim sunt, non temere accusanda, que impenitus videntur esse contraria.

2. Nam et Dominus interrogatus a Judæis, utrum ei placeret dato libello repudii dimittere uxorem, respondit eis dies: *Non legistis quoniam qui fecit hominem ab initio, masculum et feminam fecit eos; et dixit, Propter hoc relinquet homo patrem et matrem, et adhaerabit uxori sua, et erunt duo in carne una?* Itaque jam non sunt duo, sed una caro. Quod ergo Deus conjunxit in unum², homo non separat. Dicunt illi: *Quid ergo Moyses mandavit dari libellum repudii, et dimittere?* Dicunt illis Jesus: *Quia ad duritiam cordis vestri permisisti*.

¹ In MSS., *septies tantum accipiet.* Sic Augustinus citare solet.

² Abest, in unum, ab aliquot manuscriptis.

¹ In MSS., *de ovo quæ.*

sit vobis Moyses dimittere uxores vestras; ab initio autem non fuit sic. Dico autem vobis, quicunque dimiserit uxorem suam, nisi ob causam fornicationis, facit eam mœchari: et ipse si alteram duxerit, adulterium committit (Matth. xix, 3-9). Ecce habent confirmationem sententiam Veteris Testamenti ab ipso Domino adversus imperitum Judæorum. Simil etiam Moysi perhibuit testimonium, quod propter duritiam cordis eorum repudium dari permisit. Numquid etiam Evangelium Evangelio dicunt esse contrarium? Quod si dicunt hoc capitulum falsum esse, et a corruptoribus Scripturarum esse additum (nam hoc solent, quando non inveniunt quid respondeant, dicere); quid, si alius dicat illud esse immissum et falsum, quod ipsi proferunt dicente Domino, *Omnis qui reliquerit dominum aut uxorem aut parentes aut filios propter regnum cœlorum, etc.*? Non intelligunt miseri quemadmodum omnem fidem christianam, cum ista dicunt, conentur evertere. Fides autem vera et Ecclesiæ catholicæ disciplina utrumque verum et a Domino dictum esse confirmat, et nullo modo esse contrarium: quia et conjunctio mariti et uxoris a Domino est, et relictio uxoris propter regnum cœlorum a Domino est. Non enim quia suscitavit Jesus Christus mortuos, et dedit eis vitam, propterea ipsa vita non est relinquenda propter regnum cœlorum. Sic ergo quamvis Dominus dederit uxorem viro, relinquenda est tamen, si opus est, propter regnum cœlorum. Non enim hoc semper necesse est, sicut Apostolus dicit: *Si quis fideliis habet uxorem infidelem, et huc consentit habitare cum illo, non dimittat eam (I Cor. viii, 12).* Significat utique quod si non consentit habitare cum illo, id est, si exsecratur in illo fidem Christi, et non eum patitur, quod christianus est, relinquenda est propter regnum cœlorum: sicut idem apostolus in sequentibus dicit, *Quod si infidelis discedit, discedat; non est enim subiectus servituti frater aut soror in hujusmodi.* Si quis ergo relinquit regnum cœlorum, dum non vult relinquere uxorem non ferentem christianum virum, improbatur a Domino: et item si quis vir relinquit uxorem dato libello repudii, cum causâ non existit aut fornicationis, aut obtinendi regni cœlorum, similiter improbatur a Domino. Ita nec ista duo capitula evangelica inveniuntur sibi esse contraria, nec Evangelium Veteri Testamento: quia ibi uxor conjungitur viro, ut simul mereantur possidere regnum cœlorum; et ita uxor relinquenda esse præcipitur, si virum impedit ad possidendum regnum cœlorum.

3. Et ideo quando Christianos utrosque Apostolus monet, id est, maritos et uxores; nonne ita dicitur, *Dilegitte uxores vestras, sicut et Christus dilexit Ecclesiam, et tradidit se ipsum pro ea?* et, *Mulieres viris suis subditas sint quasi Domino;* quia et Ecclesia subdita est Christo? Nonne illud quod isti miseri irrident in Veteri Testamento, quod scriptum est, *Propterea relinquet homo patrem et matrem, et adhærebit uxori sue, et erunt duos in carne una, in magno sacramento idem apostolus accipit, cum dicit. Sacramentum hoc magnum est, ego autem dico in Christo et in Ecclesia?*

Deinde subjungit, *Verumtamen unusquisque uxorem suam sicut se ipsum diligit; mulier autem ut timeat virum (Ephes. v, 25, 22, 31, 32, 33).* Nonne alio loco evidentissime ostendit utriusque sexus et naturam et conjunctionem a Domino Deo conditore atque ordinatore consistere, cum dicit: *Verumtamen neque mulier sine viro, neque vir sine muliere, in Domino. Sicut enim mulier ex viro, ita et vir per mulierem: omnia autem ex Deo (I Cor. xi, 11, 12)?* Quod isti si considerare vellent, non quibusdam capitulis separatis et adversus se invicem magna fraude collatis caliginem facerent imperitis; sed omnia tam in Veteri quam in Novo Testamento uno sancto Spiritu conscripta et commendata esse sentirent.

4. Nam et in Veteri Testamento habent apud Isaiam prophetam quanta promittantur spadonibus: ne in Novo solo arbitrentur esse laudatos a Domino, ubi dicit esse quosdam qui se ipsos castraverunt propter regnum cœlorum, et addidit, *Qui potest capere, capiat (Matth. xix, 12).* Nam et Isaïas ita dicit: *Hæc dicit Dominus spadonibus: Qui custodierint præcepta mea, et elegerint sibi quæ ego volo, et capaces fuerint testamenti mei; dabo illis in domo mea et in muro meo locum nominatissimum, meliorem multo filiorum atque filiarum: nomen æternum dabo illis, nec unquam deerit (Isai. lvi, 4, 5).* Certis enim quibusdam unibris et figuris rerum ante Domini adventum, secundum miraculabilem atque ordinatissimam distributionem temporum, populus ille tenebatur, qui Testamentum Vetus accepit: tamen in eo tanta prædicatio et prænuntiatio Novi Testamenti est, ut nulla in evangelica atque apostolica disciplina reperiantur, quamvis ardua et divina præcepta et promissa, quæ illis etiam Libris veteribus desint (a). Sed sanctæ Scripturæ non temerarios et superbos accusatores, sed diligentes et pios lectors desiderant.

CAPUT IV. — De eo quod scriptum est in Genes: *Et dixit Dominus ad Cain: Quid fecisti? Vox sanguinis fratris tui clamat ad me de terra. Nunc maledictus eris a facie terræ, quæ absorbuit et recepit sanguinem fratris tui ex cœde manus tuæ: te enim operari necesse est terram, quæ steriles tibi fructus dabit (Gen. iv, 10-12).* Huic capitulo Geneseos, quo maledictionem accepit Cain, ut terræ sterilitate puniretur, calumniantes Manichæi, et Evangelio contrarium demonstrare cupientes, non sane, mihi videntur cogitare cum hominibus se agere, sed prorsus quasi pecora forent, qui eos audirent vel eorum scripta legerent; sic abusi sunt imperitia eorum et tarditate ingenii, vel potius animi cœxitate. Quippe dixerunt huic capitulo illud in Evangelio esse contrarium, quod Dominus ait discipulis suis: *Nolite cogitare de crastino; nam crastinus dies ipse cogitabit sibi. Respicite volatilia cœli, quia non seminant, neque metunt, neque colligunt in horrea (Matth. vi, 34, 26).* Quasi vero Cain parricida¹ discipulis Christi comparandus sit, ut quoniam ille meruit peccatum sterilitatis terræ, consequens esset ut eamdem

¹ Unus tantum e vaticanis MSS., *fraticida*.
(a) I Retract., cap. 22, n. 2.

sterilitatem isti etiam paterentur, qui Dominum Iesum Christum secuti, prædicando Evangelio parabantur. Imo etiam in istis duobus capitulis, quorum unum de Genesi, alterum de Evangelio tanquam sibi inimica posuerunt, tanta invenitur amicitia atque concordia, ut nulla major desideranda sit. Quid enim congruentius, quam ut illum, cuius erat scelere frater occisus, etiam in terra laborantem sterilitas sequeretur : illis autem, per quorum ministerium in prædicando Dei verbo fratres liberabantur, etiam de crastino minime cogitantibus fructuosa terra serviret? Quod si in Veteri Testamento exhorrescunt maledicto Dei terram sterilem factam esse peccatori; cur non in Novo Testamento exhorrescunt maledicto Domini nostri Iesu Christi arborem sici aridam factam (*Math. xxi, 19*), nullo peccato domini sui? Item si Domini sententia delectantur, qua discipulis dicit ne de crastino cogitent, quod de victu eorum Deus curam gerat; cur non et prophética sententia delectantur, qua cecinit dicens, *Abjice in Dominum sollicitudinem tuam, et ipse te pascet* (*Psal. lxxv, 23*)? Ut hoc modo, si possint, miseri intelligent, et illa quæ detestantur in Veteri Testamento de Deo dicta, usque adeo recta esse, ut etiam in Novo inveniantur; et illa quæ in Novo laudant et prædicanter, etiam in Veteri reperiri: unde clarescat hene intelligentibus utriusque Testamenti manifesta cordia.

CAPUT V. — 1. De eo quod scriptum est in Genesi: *Faciamus hominem ad imaginem et similitudinem nostram* (*Gen. i, 26*). Ilunc locum Manichæi, quo scriptum est in Genesi, hominem factum esse ad imaginem et similitudinem Dei, propterea dicunt Novo Testamento esse contrarium, quia Dominus in Evangelio dicit Iudeis, *Vos ex patre diabolo estis, et desideria patris vestri facere vultis: ille homicida erat ab initio, et in veritate non stetit, quia veritas in eo non est* (*Joan. viii, 44*): et quod alio loco Iudei serpentum genimina et viperarum appellantur (*Math. iii, 7, et xxiii, 33*). Non intelligent illud esse dictum de hominibus antequam peccaret, quod factus est ad imaginem et similitudinem Dei: hoc autem quod in Evangelio est, *Vos ex patre diabolo estis, peccatoribus et infidelibus dici*. Tribus enim modis in Scripturis sanctis filiorum nomen accipitur (a): uno, secundum naturam, quomodo Isaac filius Abraham, vel etiam cæteri Iudei qui ex eadem origine veniunt: alio, secundum doctrinam, ut filius ejus in ea re quisque appelletur, a quo aliquid didicit; sicut filios suos Apostolus appellat, qui ab illo didicerunt Evangelium (*I Cor. iv, 14, 15*): tertio, secundum imitationem, sicut filios Abraham nos vocat Apostolus, qui ejus fidem imitamus (*Galat. iii, 7*). Duobus ergo modis peccatores infideles Iudei, filii diaboli vocantur a Domino; vel quod ab ipso impietatem didicerunt, sicut de ipso diabolo Apostolus dicit, *Qui nunc operatur in filiis diffidentie* (*Ephes. ii, 2*): vel quod cum imitantur, quod magis pertinet ad id quod de illo dictum est, *Et in veritate non stetit; quia et ipsi Iudei in veritate le-*

gis quæ sibi data est, non steterunt, Domino attente et dicente, Si crederetis Moysi, crederetis et mihi: ille enim de me scripsit (*Joan. v, 46*). Secundum eorumdem peccatorum venena etiam serpentum et viperarum genimina vocantur.

2. Ad imaginem autem Dei factum hominem, non tantum Genesis, sed etiam Apostolus clamat, cum dicit: *Vir quidem non debet velare caput, cum sit imago et gloria Dei, mulier autem gloria viri* (*I Cor. xi, 7*). Et ut manifeste intelligatur non secundum vesturem peccati quæ corruptitur, sed secundum spiritualem conformatiōnē factum esse hominem ad imaginem Dei, idem apostolus monet ut exuti consuetudine peccatorum, id est, veteri homine, induamur nova vita Christi, quem novum hominem appellat. Et ut doceat hoc nos aliquando amisisse, renovationem illam vocat. Nam ita loquitur: *Exsoliante vos veterem hominem cum actibus ejus, induite novum, qui renovatur in agnitionem Dei, secundum imaginem ejus qui creavit eum* (*Coloss. iii, 9, 10*). Filii ergo Dei sunt homines renovati ad ejus imaginem, et ei similes facti usque ad dilectionem inimici: sicut Dominus dicit, diligere nos debere inimicos nostros, ut similes simus Patri nostro qui in caelis est (*Math. v, 44, 45*). Quod in potestate nostra ab ipso Deo esse positum docet Scriptura, cum dicit: *Dedit eis potestatem filios Dei fieri* (*Joan. i, 12*). Filii autem diaboli dicuntur homines, cum imitantur ejus impiam superbiam, et a luce atque celitudine sapientiae decidunt, et non credunt veritati: quales Dominus arguit, cum dicit, *Vos ex patre diabolo estis, etc.* Cui loco evangelico propheta consonat, dicens: *Ego dixi, Dii estis, et filii Altissimi omnes: vos autem ut homines moriemini, et sicut unus ex principibus cadetis* (*Psal. lxxxi, 6, 7*).

CAPUT VI. — De eo quod scriptum est in Exodo: *Honora patrem tuum, et matrem tuam* (*Exod. xx, 12*). Huic etiam loco, ubi de honorandis parentibus Deus præcepit, illum Evangelii locum Manichæi dicunt esse contrarium, ubi Dominus cūdām dicenti, *Ibo primum ut sepeliam patrem meum; respondit, Sine mortuos¹, mortuos suos sepeliant; tu autem veni, et annuntia regnum Dei* (*Luc. ix, 59, 60*). Quod eodem modo solvit, quo illud superius, ubi de uxore relinquenda dictum est, *Propter regnum caelorum; quia et parentes honorare debemus, et eos tamen propter annuntiationem regni Dei nulla impietate contemnimus*. Nam si Veteri Testamento contrarium est Evangelium propter istam sententiam, incipit etiam Apostolo esse contrarium, qui et filios monet ut honorent parentes, et parentes ut diligant filios (*Ephes. vi, 2-4, et Coloss. iii, 20, 21*). Non solum autem, sed etiam Dominus videbitur sibi ipsi esse contrarius (quod credere nefas est), quia loco alio dicit homini quærenti vitam æternam, *Si vis venire ad vitam, serva mandata: in quibus etiam illud commemorat, Honora patrem et matrem*. Quibus mandatis perfectis etiam ad dilectionem Dei crescit, in qua est tota perfectio. Nam dilectio proximi certus gradus est ad

(a) *I Retract., cap. 22.*

¹ *Apud Er. Lugd. Ven., sive ut mortui. M.*

dilectionem Dei. Et ideo respondenti quod omnia mandata illa servavit, dicit unum ei deesse, si vult esse perfectus, ut vendat omnia que habet, et det pauperibus, et sequatur eum (*Matth. xix, 17-21*). Ex quo manifestum est, et honorem parentum in gradu suo esse servandum, et eos tamen in divini amoris comparatione, presertim si impedimento sunt, nulla dubitatione oportere contemni. Nam et in Scripturis veteribus habes positum: *Qui dicit patri aut matri: Non novi vos, et qui filios suos non agnoscit, ipse autem cognorit testamentum tuum* (*Deut. xxxiii, 9*). Ergo si et in Novo Testamento commendatur parentum dilectio, et in Veteri commendatur parentum contemptus, ex utroque capite duo sibi Testamenta consentiunt.

CAPUT VII. — 1. De eo quod in-Exodo scriptum est: *Ego sum Deus zelans, tribuens filiis tertiae et quartae generationis parentum peccata qui me oderunt* (*Exod. xx, 5*). Huic loco Manichæi illud de Evangelio dicunt esse contrarium, quod Dominus dicit, *Estote benigni sicut Pater vester cœlestis, qui solem suum oriri facit super bonos et malos* (*Matth. v, 45*): et illud aliquid idem Dominus ait, *Non solum septies peccanti fratri dimittendum, sed etiam septuagies septies*. (*Id. xvii, 22*). A quibus tamen si quæram utrum Deus non puniat inimicos suos, sine dubio turbabuntur. Ipsi enim dicunt, Deum genti tenebrarum æternum carcere preparare, quam dicunt esse inimicam Deo. Et parum est, sed cum etiam sua membra simul cum ipsa gente puniturum esse non dubitant dicere. Sed cum ad capita Veteris et Novi Testamenti veniunt, ut imperitos decipiant, et ea sibi adversa esse criminentur, fingunt se nimis bonos. Sed dicant nobis, quibus dicturus est Dominus, *Ite in ignem æternum, qui præparatus est diabolo et angelis ejus* (*Id. xxv, 41*); si omniibus parcit et neminem damnat? Quare intelligendum est et illud rectum esse, quod Deus retribuit parentum peccata filiis qui eum oderunt. Ex eo enim quod addidit, *qui me oderunt*, intelligitur eos puniri peccatis parentum, qui in eadem perversitate parentum perseverare voluerunt. Tales enim non sævitia, sed potius justitia Dei, et sua iniuriantur, sicut Propheta ait, *Sanctus enim Spiritus disciplinae effugiet factum, et auferet se a cogitationibus quæ sunt sine intellectu, et corripietur a superveniente iniquitate* (*Sap. i, 5*): id est, corripietur hono superveniente sibi iniquitate sua, cum ab eo recesserit Spiritus sanctus. Et alio loco: *Hæc cogitaverunt, et erraverunt; excœcavit enim illos malitia eorum* (*Id. ii, 21*): Et alio loco: *Funiculis peccatorum suorum unusquisque constringitur* (*Prov. v, 22*). Quibus testimoniis veteris Testamenti de Novo consentit Apostolus dicens: *Tradidit illos Deus in concupiscentias cordis eorum* (*Rom. i, 24*). Qua concordia utriusque Testamenti satis ostenditur non esse sævum Deum, sed unumquemque in se sævire peccando.

2. Quod autem in tertiam et quartam scriptum est generationem vindictam procedere, non aliud significari arbitror, nisi quod ab ipso Abraham, qui

PATROL. XLII.

pater esse incipit populi Judæorum, quatuor ætates sunt cum ista quæ nunc agitur, quas Matthæus evangelista distinguit (*Matth. i, 17*). Una est ab Abraham usque ad David: alia, a David usque ad transmigrationem in Babyloniam: tertia, a transmigratione in Babyloniam usque ad Domini adventum: inde usque ad finem quarta deputatur, tanquam senectus saeculi exteris ætatibus longior. Quas ætates pro generationibus positas credimus, quamvis singula pluribus generationibus constent. Et quoniam tertia incipit a transmigratione Babylonie, quando Judæorum est facta captivitas; in quarta vero, id est, post adventum Domini nostri, gens Judæorum a solo proprio penitus eradicata est: hoc datur intelligi quod dictum est, tertiæ et quartæ generationis peccata parentum redditum Deum, his utique legitimate atque debite, qui parentum peccata perseverantes tenere, quam Dei justitiam sequi maluerunt. Nam non pertinere patris peccata ad filium juste viventem, propheta Ezechiel apertissime ostendit (*Ezech. xviii, 14-17*).

3. Quod autem in Evangelio dicitur, *Estote benigni quemadmodum Pater vester cœlestis, qui solem suum oriri facit super bonos et malos*; non est Veteri Testamento contrarium. Hoc enim facit Deus ut invitiat ad pœnitentiam, sicut dicit Apostolus, *Ignoras quia patientia Dei ad pœnitentiam te invitat?* Nec tamen ideo credendum est nouo puniturum Deum eos, qui, ut dicit idem apostolus, *thesaurizant sibi iram in die iræ, et revelationis justi judicij Dei, qui reddet unicuique secundum opera sua* (*Rom. ii, 4, 5*). Namque istam Dei patientiam et bonitatem etiam Propheta prædicat, sicens, *Parcis autem omnibus, quoniam tua sunt omnia, qui animas amas* (*Sap. xi, 27*): et cætera innumerabilia quibus intelligitur et in bonitate et in se veritate misericordiam et justitiam Dei Testamentum utrumque prædicare.

4. Si autem moventur quod dictum est, *Ego sum zelans*; moveantur etiam illo quod dicit apostolus Paulus, *Zelo Dei vos zelo; despiciant enim vos uni viro virginem castam exhibere Christo* (*Il Cor. xi, 2*). Sancta enim Scriptura verbis nostris loquens, etiam per hæc verba demonstrat, nihil digne de Deo posse dici. Cur enim non etiam verba ista dicantur de illa maiestate, de qua quidquid dictum fuerit, indigne dicitur; quia omnes opes linguarum omnium ineffabili sublimitate præcedit? Nam quoniam zelando solent mariti uxorum pudicitiam custodiare, potestatem et disciplinam Dei, qua fornicari animam impune non sinit, zelum Dei Scripturæ vocaverunt. Est autem animæ fornicatio, aversio a fecunditate sapientiæ, et ad conceptum temporalium illécebrarum corruptio- numque conversio.

5. Illud vero quod dimittendum esse dicit fratri, non solum septies, sed et septuagies septies, pœnitenti utique dicit. Deus autem illis se dicit retribuere peccata, qui eum oderunt, non qui ei per pœnitentiam reconciliantur. Nam et apud prophetam Dominus dicit: *Nolo mortem peccatoris quantum ut revertatur et rival* (*Ezech. xviii, 23, et xxxiii, 11*). Ex quo

(Cinq.)

facie apparet, et in ea patientia que invitat ad pœnitentiam, et in ea indulgentia quæ ignoscit pœnitentibus, et in ea justitia que punit eos qui corrigi nolunt, utrumque Testamentum convenire atque congruere, tanquam ab uno Deo utrumque conscripturn.

CAPUT VIII. — De eo quod scriptum est in Exodo, *Oculum pro oculo, dentem pro dente* (*Exod. xi, 24*); et cetera talia. Huius loco Manichæi, quod in veteri Lege par vindicta permittitur, et dicitur oculum pro oculo, dentem pro dente esse perdendum, sic calumniatur, quasi et ipse Dominus hæc duo sibi veluti adversantia atque contraria in Evangelio demonstraverit. Ipse enim ait: *Audistis quia dictum est antiquis, Oculum pro oculo, et dentem pro dente: ego autem dico vobis, non resistere malo; sed si quis te percosserit in dexteram maxillam, præbe illi et alteram; et quicumque voluerit tecum iudicio contendere, et tunicam tuam auferre, dimitte illi et pallium* (*Matth. v, 38-40*). In quibus duabus sententiis revera duorum Testamentorum differentia demonstratur, sed amborum tanen ab uno Deo constitutorum. Nam quoniam primo carnales homines erdebant multo amplius se vindicare, quam erat illa injuria, de qua querebantur, constitutus est eis primus lenitatis gradus, ut injuriæ acceptæ mensuram nullo modo dolor vindicantis excederet. Sic enim et donare aliquando posset injuriam, qui cam primo non superare didicisset. Unde Dominus jam per Evangelii gratiam ad summam pacem populum deducens, hunc gradum superædificavit alterum; ut qui jam audierat non ampliorem vindictam, quam quiske læsus esset, reddere, placata mente totum se donare gauderet. Quod etiam in illis veteribus Libris Prophetarum predictarum, dicens: *Domine Deus meus, si feci istud, si est iniqüitas in manibus meis, si reddidi retribuentibus mihi mala* (*Psal. vii, 4, 5*). Et alias propheta dicit de hujusmodi viro patiente injurias, et lenissime tolerante: *Dabit percutientem se maxillam, saturabitur opprobriis* (*Thren. iii, 30*). Ex quo intelligitur et mensuram vindicandi recte carnalibus constitutam, et omnimodam injuriæ remissionem, non tantum in Novo Testamento esse præceptam, sed longe ante in Veteri prænuntiatam.

CAPUT IX. — 1. De eo quod scriptum est, quod locutus est Deus cum Adam et Eva, et cum serpente, et cum Cain, et ceteris antiquis (*Gen. iii, iv, xiii, etc.*): inter quos etiam et nonnullis apparuisse scribitur, et ab eis visus esse, non uno, sed multis Scripturarum locis, in quibus et locutus esse Deus cum hominibus invenitur, et nonnullis apparuisse: insidiantur Manichæi, et dicunt omnia contraria esse Novo Testamento, quoniam Dominus dicit, *Deum nemo vidit unquam, nisi unicus Filius, qui est in sinu Patris; ille annuntiavit nobis de eo* (*Joan. i, 18*); et iterum quod dicit Iudeus, *Nec vocem illius aliquando audistis, nec faciem ejus vidistis, nec verbum ejus habetis in robis manens: quia ei quem ille misit, non creditis* (*Id. v, 37, 38*). Quibus respondemus eo ipso, quod in Evangelio scriptum est, *Deum nemo vidit un-*

*quam, nisi unicus Filius qui est in sinu Patris; ipse annuntiavit nobis de eo, totam ipsam solvi posse questionem: quia ipse Filius, quod est Verbum Dei, non solum novissimis temporibus, cum in carne appareat dignatus est, sed etiam prius a constitutione mundi, cui voluit de Patre annuntiavit, sive loquendo, sive apparente, vel per angelicam aliquam potestatem, vel per quamlibet creaturam: quia ipse est in omnibus veritas, et omnia illi constant, et omnia illi ad nutum serviant, atque subjecta sunt; ut etiam oculis per visibilem creaturam cui vult, quando dignatur, appareat: cum ipse ramen secundum divinitatem suam, et secundum id quod Verbum est Patris, coæternum Patri, et incommutabile, per quod facta sunt omnia, non nisi purgatissimo et simplissimo corde videatur. Et ideo quibusdam locis etiam Scriptura ipsa testatur angelum visum, ubi dicit Deum visum (*Gen. xviii, 1 et 2*). Sicut in illa luctatione Jacob, et angelus dictus est ille qui apparuit (*Id. xxxii, 24-30*). Et cum apparuit in rubo Moysi (*Exod. iii, 2*): et item in cremo, cum jam eduxisset populum de terra Ægypti, quando legem accepit, Deus ei locutus est (*Id. xix, 3*). Sed sive in rubo, cum eum misit; sive postea, cum ei legem dedit; angelum dicit Stephanus in Actibus Apostolorum ei apparuisse (*Act. vii, 30, 35*). Quod ideo dicimus, ne quis arbitretur Verbum Dei, per quod facta sunt omnia, quasi per locos posse definiri, et alicui visibiliter apparere, nisi per aliquam visibilem creaturam. Sicut enim Verbum Dei est in propheta, et recte dicitur, *Dixit Dominus; quia Verbum Dei, quod est Christus, in propheta loquitur veritatem: sic et in angelo ipse loquitur, quando veritatem angelus annuntiat; et recte dicitur, Deus dixit; et, Deus apparuit: et item dicitur recte, Angelus dixit, et, Angelus apparuit; cum illud dicatur ex persona inhabitantis Dei, illud ex persona servientis creature. Ex hac regula etiam Apostolus ait: *An vultis experimentum ejus accipere, qui in me loquitur Christi* (*II Cor. xiii, 3*)?**

2. Si autem hoo movet, quod in Veteri Testamento etiam peccatoribus Deus loquitur, vel Adæ vel Eva, vel serpenti; attendant etiam in Novo cuiusmodi exemplum Dominus posuit de homine stulto et cupidio, quomodo ei locutus est Dominus, cum ait: *Stulte, hac nocte auferetur a te anima tua; haec que preparasti cujus erunt* (*Luc. xii, 20*). Cum enim veritas etiam peccatoribus dicitur, per quamlibet creaturam dicatur, non nisi ab illo dicitur, qui unus est verax. Quod autem Iudeus dicit, *Nec vocem ejus aliquando audistis; ideo dicit, quia non obtemperaverunt isti duntaxat cum quibus loquebatur. Quibus dicit etiam, Nec faciem ejus vidistis; quia non potest. Quod autem dicit, Neque verbum ejus habetis in vobis manens: quia in quo manet verbum Dei, Christus in illo manet, quem isti respuerunt. Nam cum ipse Dominus dixisset, *Pater, clarifica me ea claritate qua fui apud te, priusquam mundus fieret; sonuit vox de celo, Et clarificavi, et clarificabo* (*Joan. xii, 28, et xvi, 5*). Quam vocem multi Judæorum præsentes audierunt, nec ideo*

tamen audisse dicendi sunt, quia non obtemperaverunt ut crederent. Quapropter si non est mirandum quod Verbum Dei, id est, unicus Filius Dei, qui de Patre annuntiat, cui vult per se ipsum, cui vult per aliquam creaturam manifestatur vel sonando, vel apparendo, cum tamen ipse per se ipsum mundo corde videatur, et per illum Pater; *Beati enim mundicordes, quia ipsi Deum videbunt (Matth. v, 8)*: non est mirandum, ex utroque Testamento ista omnia testimonia consonare.

CAPUT X. — De eo quod scriptum est, quod locutus est Deus Moysi et dixit illi: *Loquere ad filios Israel: Sunite primitias ab omni homine, quod mihi destinatis, hoc est, aurum, argentum, aternum, purpuram, byssum, coccum, pilos capinos, pelles rubras agnorum, ligna integra, oleum ad illuminationem, thymiamata, lapides pretiosos, hoc est, beryllos; et constituite tabernaculum, in quo commorari vobiscum possim (Exod. xxv, 2-8)*. Commovent etiam hinc Manichaei questionem, et huic Scripturarum loco illud in Evangelio dicunt esse contrarium, quod ait Dominus, *Non jurabis, neque per cælum, quia sedes Dei est; neque per terram, quia scabellum pedum ejus est (Matth. v, 34 et 35)*. Disputant enim, et magnum aliquid sibi videntur dicere, cum dicunt: Quomodo ille Deus, cuius cælum sedes, et terra scabellum pedum ejus est, in tabernaculo habitat, quod ex auro, et argento, et aere, et purpura, et pilis pecorum, pellibusque constructum est? Adhibentes etiam testem apostolum Paulum, quia dicit Deum lucem habitare inaccessibilem (*I Tim. vi, 16*). Quibus nos parem questionem reserimus, et quod de Novo Testamento protulerunt, de Veteri Testamento proferimus. Ibi enim invenitur prius scriptum: *Cælum mihi sedes est, terra autem scabellum pedum meorum: quam donum aedificabitis mihi, aut quis locus requie meæ? Nonne manus mea fecit hæc omnia (Isai. LXVI, 1 et 2)*? Ecce habent ubi libri Veteris Testamenti prædicant Deum in templis manufactis non habitare: et tamen Filius Dei nostri, flagello de restibus facto, expulit de templo eos qui boves et columbas vendebant, et nummulariorum everit mensas; et ait, *Domus Patri mei domus orationis vocabitur, vos autem fecistis illam speluncam latronum (Joan. II, 15, 16, et Matth. XXI, 12, 13)*. Si ergo aliquis istis duobus ex adverso capitulis constitutis, velit imperitos decipere, et dicere in Veteri Testamento magnificari Deum, cuius dicitur sedes cælum, et terra scabellum pedum, et negatur habitare in domo manufacta; in Novo autem Testamento domus ejus dicitur templum constructum ab hominibus: nonne Manichæi vel sero fatebuntur, et habitaculum Dei per manus hominum factum, ad aliquam significationem in utroque Testamento accipi; et Denique non habitare in locis ab hominibus fabricatis, in utroque Testamento prædicari?

CAPUT XI. — De eo quod in Exodo scriptum est, *Ne adoraveritis deos alienos: et iterum, Deus vester zelans appellatur; zelans enim zelavit (Exod. XX, 5, et XXXIV, 13)*. Huic capitulo quod scriptum est, *Ne adoraveri-*

*tis deos alienos, cum calumniatur Manichæi, satis ostendunt placere sibi adorari multos deos. Nec mirum, quandoquidem in secta sua numerosissimam deorum familiam commemorant atque commendant: quippe qui etiam ad ista visibilia venerunt, que pro istius veritatis luce venerantur et adorant; et ideo displicet eis quod scriptum est in Exodo, *Ne adoraveritis deos alienos*. Addunt etiam illud propter hoc dictum esse, *Deus vester zelans appellatur; zelans enim zelavit*: ut tanquam Deum zelantem non amemus, cuius zelo deos alienos adorare non sinimur. Et ideo dicunt ista Evangelio esse contraria, quoniam Dominus dicit, *Pater justus, et mundus te non cognovit (Joan. XVII, 23)*: quasi non sit dicendus Deus justus, nisi nos deos alienos adorare permittat. Justum enim Deum et zelantem Deum tanquam contraria sibi esse dissentant, et decipiunt miseros, non intelligentes totam spem salutis nostræ esse zelum Dei. Hoc enim nomine illa ejus significatur providentia, qua nullam a se animam fornicari impune permittit, sicut Propheta dicit: *Perdes omnes qui fornicantur abs te (Psal. LXXII, 27)*. Sicut enim ea que dicitur ira Dei, non perturbatio mentis est, sed potentia vindicandi: sic zelum Dei non cruciatum animi, quo maritus adversus uxorem, vel uxor adversus maritum torqueri solent, sed tranquillissimam sincerissimamque justitiam (a), qua nulla anima beata esse sinitur, falsis opinionibus pravisque cupiditatibus corrupta, et quadam modo gravidata. Illi enim hæc verba horrescant, qui nondum viderunt ineffabili majestati nulla verba congruere. Sic enim ab ipsis verbis temperandum putant, quasi aliquid dignum Deo dicant¹, cum ista non dicunt. Sanctus enim Spiritus hoc ipsum hominibus intelligentibus insinuans, quam sint ineffabilia summa divina, his etiam verbis uti voluit, quæ apud homines in vitio ponit solent; ut inde admonerentur, etiam illa que cum aliqua dignitate Dei se putant homines dicere, indigna esse illius majestate, cui honorificum potius silentium, quam ulla vox humana competere. Quero zelum hominis, et invenio perturbationem crucianum cor. Tamen cum quæro causam, nihil aliud invenio, nisi quod non patitur conjugis adulterium. Maxime enim et proprie inter conjugia zelotypia dici solet. Itaque si maritus esset per se ipsum beatus et omnipotens et justus, sine ullo cruciatu, et tota facilitate, et nulla iniuritate peccatum conjugis vindicaret. Quam tamen ejus actionem humano loquendi modo etiam non proprie, translate tamen et recte zelum vocarem. Quis enim Tullio calumnias est, qui certe noverat latine loqui, cum ait Cæsari: *Nulla de virtutibus tuis, nec admirabilior, nec gravior misericordia est (Pro Q. Ligario, in fine)*? Et tamen ex eo appellatam misericordiam dicunt, quod miserum cor faciat dolentis aliena miseria. Numquid ergo virtus*

¹ Hic addimus particulam, et, quam in MSS. reperimus, juxta grecum.

² Sic MSS. At editi, *dignum Deo patens*.

(a) *Supi le, intelligentius*.

miserum cor facit? Quid ergo columniosis Tullius responderet, nisi misericordiae nomine clementiam se appellare voluisse? Quoniam recte solemus loqui, non solum verba propria, sed etiam vicina usurpantes. Cujus auctoris mentionem facere volui, quoniam non de re quæstio hic, sed de verbo est. Sicut enim nostri auctores, divinarum scilicet Litterarum, de rebus maxime cogitaverunt; sic mundanorum auctorum prope omnis cura de verbis est. Sed habeo Evangelium, et omnes Novi Testamenti libros, in quibus misericordia Dei frequentissime commendatur. Si audient ergo isti miseri, etiam inde faciant quæstionem, et negent esse misericordem Deum, ne miserum eorū habere intelligatur. Sicut ergo potest esse in Deo misericordia sine cordis miseria: sic etiam sine tābe atque cruciatu animi zelum Dei non dedignemur accipere; et humani conditionem sermonis seramus, ut ad divinum perveniamus silentium. Sed si contraria dicunt esse zelantem Deum, et justum Deum; quid dicturi sunt, cum et in Novo Testamento inveniō, *Zelo Dei vos zelo* (Il Cor. xi, 2); vel adhibuit etiam de veteribus in Evangelio testimonium, *Zelus domus tuae comedit me* (Joan. ii, 17; Psal. lxviii, 10)? Rursus in Vetero cum legunt, *Justus Dominus, et justitas dilexit, aequitatem vidi vultus ejus* (Psal. x, 8): nonne fatebuntur etiam hoc modo imperitis duo Testamenta videli posse contraria, ut in Novo inveniamus zelum Dei, in Vetero justitiam Dei? bene autem intelligentibus utrumque in utroque magna sancti Spiritus unitate et pace concinere?

CAPUT XII. — 1. De eo quod scriptum est, non esse manducandum sanguinem, quod anima sit carnis sanguis (Deut. xii, 25). Huius sententiae veteris Legis Manichei ex Evangelio illud opponunt quod Dominus dicit, non esse timendos eos qui occidunt corpus, animæ autem nocere non possunt (Matth. x, 28); et disputant dicentes: Si sanguis anima est, quomodo homines potestatem in eam non habent, cum de sanguine multa faciant, sive excipientes et canibus volueribusque in escam proponentes, sive effundentes, aut cœno lutoque miscentes? Hæc etiam et alia innumerabilia sine difficultate homines de sanguine possunt facere. Ideo isti querunt insultantes, quomodo, si sanguis est anima, non possit hominis intersector nocere animæ, cum tantam in ejus sanguinem habeat potestatem. Addunt etiam quod ait apostolus Paulus, *Quia caro et sanguis regnum Dei non possidebunt* (I Cor. xv, 50): et dicunt, Si sanguis est anima, sicut Moyses dicit, nulla inventetur anima posse regnum Dei adipisci. Cui caluniae primo ita respondendum est, ut ipsi cogantur estendere ubi scriptum sit in libris veteris Legis, quod anima humana sanguis sit. Nusquam enim hoc invenient in illa Scriptura, quam lacerare miseri quædam conantur, nullo modo permittuntur intelligere. Quod si de anima humana nihil tale ibi dictum est, quid ad nos pertinet, si anima pecoris aut ledi ab intersectore potest, aut possidere Dei regnum non potest? Sed quia de animalibus pecorum nimis sunt isti

soli citi (cum enim sint hominum animæ rationales, revolvi tamen eas in pecora existimant), clausa sibi esse arbitrantur regna cœlorum, si pecorum animis clausa esse consentiant.

2. Quid, quod etiam insultare ausus est populo Israel Adimantus unus ex discipulis Manichei, quem magnum doctorem illius sectæ fuisse commemorant? Insultare ergo ausus est populo Judæorum, quod secundum eorum intellectum, quo existimant sanguinem esse animam, parentum ipsorum animæ, partim a serpentibus devoratae, partim igne consumpte, partim in desertis atque aspermis montium locis artefactæ sunt. Quod si verum esse quisquam concederet, sine scelere tamen eorum quibus iste insultare voluit, factum esse convinceret. Non enim parentum suorum animas, quibus illa omnia secundum horum intellectum accidisse dixit, ipsi aliqua ex parte læserunt: quapropter luctum inde possunt habere, non reatum. Quid autem ipse Adimantus faciet secundum opinionem suam, qua credit etiam rationales, id est, hominum animas in belluina corpora posse costrudi? Quid ergo faciet de tanto scelere, si quando tardum iumentum plagis, aut concitatum freno fatigavit, in quo forte patris ejus anima fuerit? ut non dicam quod etiam occidere parentes suos inter pediculos et pulices potuerit, a quorum isti intersectione non temprant. Quid enim eis prodest, quod aliquando negant usque ad ista minutissima animantia revolvi animas humanas posse? Hoc enim negant, ne tam multarum intersectionum rei teneantur, aut cogantur parcere pediculis et pulicibus et cimicibus, et tantas ab eis molestias sine ulla cædis eorum licentia sustinere. Nam vehementer urgentur, cur in vulpeculam revolvi anima humana possit, et non possit in mustelam; cum catulus vulpecula fortasse etiam minor sit, quam magna mustela. Deinde si in mustelam potest, cur in murem non potest? Et si in istum potest, cur in stellionem non potest? Et si in eum potest, cur in leonem non potest? Deinde in apem, deinde in muscam, deinde in cimicem, atque inde usque in pulicem, et si quid est aliud multo minutius, pervenire? Ubi enim terminum constituant, non inveniunt: atque ita per istam nugatoriam credulitatem¹, conscientie illorum innumerabilibus homicidiorum sceleribus obruantur.

3. Nam ex eo quod scriptum est, sanguinem pecoris animam ejus esse; prius id quod supra dixi, non ad me pertinere quid agatur de pecoris anima; possum etiam interpretari præceptum illud in signo esse positum. Non enim Dominus dubitavit dicere, *Hoc est corpus meum* (Matth. xxvi, 26); cum signum daret corporis sui.

4. Qnod autem ait Apostolus, *Caro et sanguis regnum Dei non possidebunt*: etiam in Legi dictum est, *Non permanebit in istis spiritus meus, quoniam caro sunt* (Gen. vi, 3). Et toties in veteribus Libris justorum animis præ-nigrum futurum promittitur. Sed tamen

¹ Nonnulli MSS., crudelitatem.

Apostolus volens insinuare quale corpus justorum per immutationem in resurrectione futurum sit, quia non nubent, neque uxores ducent, sed erunt sicut Angeli in celis (*Matth. xxii, 30*) · hanc ergo immutationem futuram corporum sanctorum volens insinuare, dixit Apostolus, *Dico enim vobis, fratres, quia caro et sanguis regnum Dei non possidebunt. Quod non una separata et ad fraudem commemorata sententia, sed toto ipso Epistole loco pertractato, vel potius lecto (non enim res obscura est) inveniri potest. Sic enim dicit: Oportet corruptibile hoc induere incorruptionem, et mortale hoc induere immortalitatem.* Quod eum de corpore dicere, de superioribus manifeste invenitur, cum ait: *Non omnis caro eadem caro: alia quidem hominum, alia autem pecorum; alia caro volucrum, alia piscium. Et corpora cœlestia, et corpora terrestria: sed alia est cœlestium gloria, alia terrestrium; alia gloria solis, alia gloria lunæ, et alia gloria stellarum. Stella enim ab stella differt in gloria; sic et resurrectio mortuorum. Seminatur in corruptione, surget in incorruptionem: seminatur in contumelia, surget in gloria: seminatur in infirmitate, surget in virtute: seminatur corpus animale, surget corpus spirituale, sicut scriptum est: Factus est primus homo Adam in animam viventem, novissimus Adam in spiritum vivificantem. Sed non primum quod spirituale est, sed quod animale; postea, quod spirituale. Primus homo de terra, terrenus; secundus homo de cœlo, cœlestis. Qualis terrenus, tales et terreni; et qualis cœlestis, tales et cœlestes. Et quomodo induimus imaginem terreni, induamus et imaginem ejus qui de cœlo est. Hoc autem dico, fratres, quia caro et sanguis regnum Dei hereditate possidere non possunt; neque corruptio incorruptionem hereditate possidebit.* Certe jam clarum est quare hoc Apostolus dixerit. Quid ergo iste tam turpi fraude non commemorat, nisi hoc ultimum, et tacet illa superiora, quibus hoc quod male interpretatur, bene possit intelligi? Nam quoniam Domini nostri corpus post resurrectionem sic levatum est in cœlum, ut pro ipsa cœlesti habitatione cœlestem acceperit mutationem, et hoc sperare in die ultimo jussi sumus: ideo dixit Apostolus, *Qualis terrenus, tales et terreni, id est, mortales; et qualis cœlestis, tales et cœlestes, id est, immortales, non solum animis, sed etiam corporibus. Unde et supra dixerat, aliam esse cœlestium corporum gloriam, et aliam terrestrium. Quod autem spirituale dixit corpus in resurrectione futurum, non propterea putandum est, quod non corpus, sed spiritus erit: sed spirituale corpus omni modo spiritui subditum dicit, sine aliqua corruptione vel morte. Non enim quia quod modo habemus corpus animale appellat, ideo putandum est non illud esse corpus, sed animam. Ergo quemadmodum corpus animale nunc dicitur, quia subditum est animæ; spirituale autem nondum dici potest, quia nondum spiritui plene subjectum est, quamdiu corrumpi potest: sic et tunc spirituale vocabitur, cum spiritui atque determinati nulla corruptione resistere poterit.*

5. Aut si adhuc parum videtur esse monstratum,

quod sententiam istam propter immutationem quæ futura est Apostolus dixerit, cum ait, *Caro et sanguis regnum Dei hereditate possidere non possunt, neque corruptio incorruptionem hereditate possidebit;* attenuante quid continuo subjiciat, et adjungat: *Ecce mysterium vobis dico: omnes quidem resurgent, non tamen omnes immutabimur, in atomo, in ictu oculi, in novissima tuba. Canet enim tuba, et mortui resurgent incorrupti, et nos immutabimur.* Deinde contextit, et dicit etiam illud quod paulo ante commemoravi, ut ostendat qualis futura sit ipsa immutatio. Statim quippe dicit: *Oportet enim corruptibile hoc induere incorruptionem, et mortale hoc induere immortalitatem* (*I Cor. xv, 39-53*). Illic ergo apparet quia caro et sanguis regnum Dei non possidebunt, quia cum inducerit incorruptionem et immortalitatem, jam non caro et sanguis erit (*a*), sed in corpus cœleste mutabitur. Quod quidem ex occasione tractavimus, quia huic quoque sententiae multum insidiari solent, negantes corporum resurrectionem. Nam ista quæstio non de corpore, sed de anima proposita est, quam putant sic accipi in Lege, ut sanguis esse existimetur: quod nos nullo modo sic intelligimus. Sed quanvis de pecorum animis non curemus, cum quibus nou habemus rationis aliquam societatem: tamen illud quod Lex dixit, fundendum esse sanguinem, nec in escam assumendum, quia sanguis est anima, esse positum dicimus sicut alia multa; et pene omnia Scripturarum illarum sacramenta signis et figuris plena sunt futuræ predicationis, quæ jam per Dominum nostrum Jesum Christum declarata est. Sic est enim sanguis anima, quomodo petra erat Christus, sicut dicit Apostolus: *Bibebant enim de spirituali sequente¹ petra, petra autem erat Christus* (*Id. x, 4*). Notum est autem filios Israel petra percussa bibisse aquam in eremo (*Num. xx, 11*), de quibus loquebatur Apostolus, cum hec diceret; nec tamen ait, *Petra significabat Christum;* sed ait, *Petra erat Christus.* Quæ rursus ne carnaliter acciperetur, spiritualém illam vocat; id est, eam spiritualiter intelligi docet. Longum est, et nunc non necessarium, sacramenta ejusdem Legis exponere, nisi cum breviter possint. Sufficit autem ut noverint illi qui de his calumniantur, non ea nōs ita intelligere, ut illa solent irridere; sed quemadmodum Apostoli omnia intelligentes pauca exposuerint, ut ad easdem regulas cetera posteris intelligenda relinquenter.

CAPUT XIII.— 1. De eo quod scriptum est in Deuteronomio, *Videte ne obliscamini testamentum Dei vestri quod conscripsit, et facialis vobis effigies et imagines:* addit etiam dicens, *Deus vester ignis est edax, et Deus zelans* (*Deut. iv, 23, 24*). Ille verba de Scripturis hoc modo ille Adimantus proposuit. Eius enim calumnias refutandasque suscepimus. Sed et jam superius de zelo Dei cum calumniaretur, puto satis esse responsum. Meminetinus tamen non solum ibi, sed etiam hic, sic eum de zelo Dei cri-

¹ Editi, sequente eos. Abest, eos, a MSS. et a græco textu Apostoli.

(a) *I Retract., cap. 22, n. 5.*

minatum Scripturas, ut adjungeret etiam quod de simulariis non colendis in illis libris præcipitur a Domino Deo nostro; quasi non ob aliud reprehendat zelum Dei, nisi quod illo ipso zelo a cultu simulariorum prohibetur: vult ergo videri favere se simulariis. Quod propterea faciunt, ut miserrimæ et vesane sue sectæ etiam Paganorum concilient benevolentiam. Huic autem Legis capitulo illud evangelicum oppenit, ubi quidam accessit ad Dominum, et ait illi: *Magister bone, quid faciens vitam aeternam possidabo?* Cui respondit Jesus: *Quid me interrogas de bono? Nemo bonus, nisi unus Deus* (*Marc. x. 17 et 18*). Ut ex hoc videlicet contraria ista esse arbitremur, quia in Lege dicitur, *Deus ignis edax*, et, *Deus zelans*; in Evangelio autem, *Nemo bonus, nisi unus Deus*.

2. Et de zelo quidem jam responsum est, non sic esse ista verba in Scripturis posita, ut aliquam Dei perturbationem cruciatumve significent: sed quia nihil dignum de Deo dici potest, propterea usque ad ista perventum est, quæ cum homines indigna esse putaverint, cogantur discere, etiam illa quæ convenienter de ineffabili d'vina excellentia se dicere existimant, indigna esse majestate Dei; cuius sapientia cum descensura esset usque ad corpus humanum, prius usque ad humana verba descendit. Ece dixi, descendit: quod verbum si discutere cōp̄ero, proprie me dixisse non video; non enim potest descendere, nisi quod etiam de loco in locum moveri potest. Nam qui descendit, locum superiorem deserere, et inferiorem petere videtur. Dei autem Sapientia, cum tota ubique p̄st̄ sit, nullo pacto migrare de loco in locum potest. De qua Joannes in Evangelio dicit, tanquam dominici pectoris particeps. Ait enim, *In hoc mundo erat, et mundus per ipsum factus est, et mundus eum non cognovit: et tamen ipse adjungit et dicit, In sua propria venit, et sui eum non receperunt* (*Joan. i. 10, 11*). Quomodo hic erat, et quomodo venit, nisi quia illa sublimitas ineffabilis, ut hominibus congruat, humanis sonis significanda est; ut autem deos homines faciat, divino est intelligenda silentio? Potest ergo reddi ratio, quare ita dictum sit: non tamen potest aliquid de Deo digne dici, quod ideo jam indignum est, quia potuit dici. Tolle de zelo errorem et dolorem, quid remanebit aliud, nisi voluntas custodiens castitatem, et corruptionem vindicans conjegalem? Quo igitur verbo, nisi zelo Dei melius posset insinuari, quod vocamur¹ ad conjugium Dei, et non vult nos turpi amore corrumpi, et ponit impudicitiam nostram, et diligit castitatem? Non enim frustra vulgo dici solet: Qui non zelat, non amat.

3. Ad hoc etiam pertinet quod dictum est, *edax ignis*: de quo disputare non debeo, sed potius ipsos interrogare, quem ignem dixerit Dominus se venisse mittere in hunc mundum. Hoc enim dictum est in Evangelio, quod illi accusare non possunt, non ut Christum honorent, sed ut decipient Christianos.

¹ Apud Fr. Lugd. Ven et Lov., in: innari? Quo vocamur, etc. M.

Quod cum eis cominemoratum fuerit, quemadmodum Dominus dixerit, *Ignem veni mittere in terram* (*Luc. xii. 49*); miseri dicunt: Sed illud aliud est. Quibus respondemus: Et hoc aliud est, noli metuere. Nam ipse Christus loquitur etiam in Veteri Testamento, cum dicit, *Ego sum ignis edax* (*Deut. iv. 24, et ix. 5*); qui loquitur in Evangelio, quod ignem venerit in hunc mundum mittere, id est, Verbum Dei, quod est ipse. Nam veteres utique Scripturas exposuit post resurrectionem discipulis, incipiens a Moyse et Prophetis omnibus, quando ipsi discipuli ignem se accepisse confessi sunt, dicentes: *Nonne cor nostrum ardens erat in nobis in via, cum aperiret nobis Scripturas* (*Luc. xxiv. 52*)? Ipse est ignis edax: consumit enim veterem vitam divinus amor, et innovat hominem: ut ex eo quod Deus ignis est edax, faciat ut cum nos amemus; ex eo autem quod Deus zelans est, ipse nos amet. Nolite ergo timere ignem, quod est Deus¹: sed timete ignem, quem paravit haereticis Deus.

4. Quod enim Adimantus elegit de Evangelio locum, quem huic Legis capitulo tanquam contrarium apud imperitos objiceret, ubi ait Dominus, *Nemo bonus, nisi unus Deus*, quoties invenitur bonitas Dei in Veteri Testamento, quis numerare sufficiat? Unum tamen ponam, quod quotidie in Ecclesia cantatur: *Confitemini Domino, quoniam bonus, quoniam in saeculum misericordia ejus* (*Psal. cxvi. 1, 29*). Certe et hoc zelanti Deo, sicut Manichæi existimant, videtur esse contrarium, et tamen in libris Veteris Testamenti cantatur. Item rex ille, qui cum filio suo nuptias faceret, invenit inter discubentes hominem non habentem vestem nuptialem; et eum primo amici nomine appellans, manibus et pedibus colligatis mitti jussit in tenebras exterioreas (*Matth. xxii. 2-13*): moleste intelligentibus non videtur bonus. Et si ipsum quisquam capitulum Evangelii proponeret, et sicut facit Adimantus de Veteri Testamento, ita Evangelium calumniouse accusaret, laudans potius Veteris Testamenti libros, ubi scriptum est, *Confitemini Domino, quoniam bonus, quoniam in saeculum misericordia ejus*; et reprehendens in Novo, quod vocatus conviva in tantum supplicium propter vestem mittitur; et hoc fraudulenta perversitate assidue facheret, ut omnia loca lenitatis de Veteri Testamento colligeret, et loca severitatis de Novo, et hec sibi adversa esse contenderet, laudans Vetus, et reprehendens Novum: similiiter inveniret imperitos et divinarum Scripturarum miserabiliter ignaros, quibus persuaderet Vetus potius Testamentum, quam Novum esse retinendum. Quod cum isti ex alia parte faciunt, id est, Vetus reprehendentes, quasi contrarium Novo, miror quod non cogitant posse aliquem aliquando utrumque legere, et divina ope intellectum utrumque laudare; fraudemque istorum atque malitiam vel dolere tanquam hominum, vel cavere tanquam haereticorum, vel irridere tanquam imperitorum et superborum.

CAPUT XIV. — 1. De eo quod scriptum est in Deuteronomio: Secundum desiderium animæ tuae ac-

¹ Apud Fr. Lugd. Ven. et Lov., qui est Deus. M.

cide, et manduca omnem carnem, juxta voluptatem quam dedit tibi Dominus. Care autem ne sanguinem manduces; sed effunde tanquam aquam super terram (Deut. xii, 15, 16). His verbis Legis Adimantius contrarium esse arbitratur quod in Evangelio Dominus ait, *Ne graventur corda vestra cruditate, et violentia, et curis saecularibus* (Luc. xxi, 34): et quod ait Apostolus, *Bonum est non manducare carnem, neque bibere vinum* (Rom. xiv, 21); et iterum, *Non potest mensa Domini communicare, ei mensa demoniorum* (I Cor. x, 21). Nos autem omnia haec, sive quae in Veteri, sive quae in Novo Testamento scripta sunt, et suis causis exigentibus posita dicimus, et sibi aduersa non esse monstramus. Quanquam et ipse in his verbis quae posuit de Veteri Testamento, animadverte potuit, non ad immoderatam voracitatem pertinere quod dictum est, *Secundum desiderium animæ tuae occide, et manduca omnem carnem*; quando sequitur, *juxta voluptatem quam dedit tibi Dominus*. Immoderatam enim voluptatem non dedit tibi Dominus, sed quanta sustentationi naturæ salutique sufficiat. Quisquis autem sequitur immoderatam voracitatem, suum vitium sequitur, non eam voluptatem quam dedit Dominus: et ideo non est contrarium quod in Evangelio positum est, *Non graventur corda vestra cruditate, et violentia, et curis saecularibus*. Cum eniun quisque non replet nisi eam voluptatem quam Dominus dedit, id est, modestam atque naturalem, non gravatur cor eius cruditate, et violentia, et curis saecularibus.

2. De carne autem non manducanda et non bibendo vino quod ait Apostolus, non quia illa immunda arbitratus est, hoc præcepit, sicut isti existimant, et errantes in errorem præcipitant, quibus talia persuaserunt: sed cum ipse posuerit causam cur hoc dixerit, non est nobis haec interpretanda vel exponenda sententia. Sufficit enim ipsum de Apostoli Epistola totum locum huic sermoni contexere, ut et causa manifeste appareat cur hoc Apostolus dixerit; et istorum fraudis, qui particulas quasdam de Scripturis eligunt, quibus decipient imperitos, non connectentes quae supra et infra scripta sunt, ex quibus voluntas et intentio scriptoris possit intelligi. Sic ergo Apostolus ait: *Infirmum autem in fide recipite, non in diijudicationibus cogitationum*. Alius quidem credit manducare omnia¹: qui autem infirmus est, olera manducet². Qui manducat, non manducantem non spernat; et qui non manducat, manducantem non judicet: Deus enim illum recipit. Tu quis es, qui judices alienum servum? Suo domino stat, aut cadit. Stabit autem: potens est enim Dominus statuere illum. Alius quidem judicat alternos dies, aliis autem judicat omnem diem. Unusquisque in suo sensu abundet. Qui sapit diem, Domino sapit: et qui manducat, Domino manducat; gratias enim agit Deo: et qui non manducat, Domino non manducat, et gratias agit Deo. Nemo enim nostrum sibi vivit, et nemo sibi moritur. Sive

enim vivimus, Domino vivimus; sive morimur, Domino morimur. Sive ergo vivimus, sive morimur, Domini sumus. Ad hoc enim Christus mortuus est, ut mortuorum et vivorum dominetur. Tu autem, quare judicas fratrem tuum? aut tu quare spernis fratrem tuum? Omnes enim stabimus ante tribunal Domini. Scriptum est enim: Vivo ego, dicit Dominus, quia mihi curvabit³ omne genu, et confitebitur omnis lingua Deo. Igitur unusquisque nostrum pro se rationem reddet. Non ergo amplius invicem judicemus: sed hec magis judicate, ne ponatis offendiculum aut scandalum fratribus. Scio et certus sum in Domino Jesu, quia nihil commune per illum, nisi ei qui putat aliquid esse commune, illi commune est. Nam si propter escam frater tuus contristatur, jam non secundum charitatem ambulas. Noli in esca tua illum perdere, pro quo Christus mortuus est. Non ergo blasphemetur bonum nostrum. Non est enim regnum Dei esca et potus; sed justitia, et pax, et gaudium in Spiritu sancto. Qui enim in hoc servit Christo, placet Deo, et probatus est hominibus. Itaque quae pacis sunt sectemur, et quae ad ædificationem sunt in invicem. Noli propter escam destruere opus Dei. Omnia quidem munda, sed malum est homini qui per offensionem manducat. Bonum est non manducare carnem, neque bibere vinum, neque in quo frater tuus offenditur. Tu fidem quam habes penes temelipsum, habe coram Deo. Beatus qui non judicat semelipsum in quo probat. Qui autem discernit⁴, si manducaverit, damnatus est, quia non ex fide. Omne autem quod non est ex fide, peccatum est (Rom. xiv). Numquid eget cuiusquam interpretatione, ut intelligatur cur hoc Apostolus dixerit; et quanta illi malitia de Scripturis certa queque discerpunt, quibus circumveniant imperitos? Nam et munda esse omnia dixit Apostolus secundum fidem; et ei esse immunda, qui putat immunda: et tunc esse ab eis temperandum, cum per offensionem accipiuntur, id est, cum aliquis infirmus putat sibi ab omnibus carnibus temperandum, ne incidat in carnem immolatiam; et ideo eum qui manducat, potest arbitrari in honorem idolorum id facere, et ex eo graviter offendit: cum ipsa immolatia caro, si ex fide a nesciente accipiatur, neminem maculet. Unde alio loco idem apostolus interrogari vetat, cum quid de maccello emitur, vel ab aliquo infideli quisquam vocatus, in mensa ejus exhiberi sibi carnes videt, quas isti immundas arbitrantur, non propter immolationem, sed quia carnes sunt, cum Apostolus clamet omnia munda esse, et omnem creaturam Dei bonam esse, et omnia sanctificari per verbum et orationem: et tamen temperandum ab eis, si quis forte infirmus offenditur. Et quodam loco aperiissime istos significavit, cum dicit, in novissimis temporibus futuros quosdam prohibentes nubere, abstinentes a cibis quos Deus creavit (I Tim. iv, 4-5). Hos enim proprie designat, qui non propterea tempulant a cibis talibus, ut aut concupiscentiam suam refrenent, aut infirmitati alterius parcant, sed quia ipsas

¹ Editi, in dijussionibus. MSS. vero, in dijjudicationibus. Graece est, εἰς διάκρισις.

² In editis, manducare se omnia. Absit, se, a MSS. et a Graeco.

³ MSS., manducat.

⁴ Editi, curvabitur. At MSS., curvabit. Graece est, καμψει.

⁵ Aliquot MSS., dijjudicat.

carnes immundas putant, et earum creatorem Deum esse negant. Nos autem teneamus apostolicam disciplinam dicentem, quod omnia munda sint mundis (*Tit. i, 15*), servata moderatione evangelica, ut non graventur corda nostra cruditate, et violencia, et curia sacerularibus.

3. Nam idem illud quod Apostolus ait, *Non potestis mensæ Domini communicare, et mensæ dæmoniorum*; non video cur opponendum huic loco Legis, et quasi contrarium Manichæi esse crediderint. Non enim de immolationibus Lex loquitur, cum in Deuteronomio dicitur, *Secundum desiderium animæ tuæ occide, et manduca omnem carnem, juxta voluptatem quam dedit tibi Dominus*; sed de cibis qui pertinent ad hominis alimentum. Sed quoniam Manichæi etiam cum ad hominis cœnam quæque animalia preparantur, immolationem esse dicunt; secundum suum intellectum ista contraria esse putaverunt. Propterea et illum commemoraverunt locum, ubi Apostolus ait, *Quæ immolant Gentes, dæmonii immolant, et non Deo: eum* Apostolus apertissime de victimis loqueretur, quæ in templo offeruntur dæmonibus; non de his escis quas sibi homines preparant. Sic enim dicit: *Quid ergo? dico quia idolis immolatum est aliquid, aut idolum est aliquid?* Sed quia quæ immolant, dæmonis, et non Deo immolant. *Nolo vos socios dæmoniorum fieri.* Non potestis calicem Domini bibere, et calicem dæmoniorum. Non potestis mensæ Domini participare, et mensæ dæmoniorum. An emulamur Dominum? Numquid fortiores illo sumus? Omnia licita sunt, sed non omnia expediunt: omnia licita sunt, sed non omnia edificant. Nemo quod suum est querat, sed id quod alterius. Omne quod in macello venit, manducate, nihil interrogantes propter conscientiam. Domini enim est terra et plenitudo ejus. Si quis vos vocaverit ex infidelibus, et volueritis ire; omnia quæ apponuntur vobis, manducate, nihil dijudicantes propter conscientiam. Si quis autem vobis dixerit quia hoc immolatum¹ est; nolite manducare, propter illum qui indicavit, et propter conscientiam: conscientiam autem dico, non tuam, sed alterius. Quare enim libertas mea judicatur ab alia² conscientia? Si ego cum gratia particeps, utquid blasphemor, pro quo gratias ago? Sive igitur manducatis, sive bibitis, sive quocumque facitis, omnia in gloriam Dei facite (*I Cor. x, 19-31*). Haec attendant Manichæi, et videant quomodo dictum sit in Deuteronomio, *Secundum desiderium animæ tuæ occide, et manduca omnem carnem, juxta voluptatem quam Dominus dedit tibi.* Quod enim de quibusdam carnibus non manducandis *Judæus* præceptum est, et immundæ sunt dictæ, ad significationem valet hominum immundorum, qui per figuram in veteribus Scripturis sunt designati. Sicut enim bos ille, cui trituranti vetat os alligari, evangelistam significat, sicut Apostolus apertissime exponit (*Deut. xxv, 4; I Cor. ix, 7-9; et I Tim. v, 17, 18*); sic et illa quæ prohibita sunt, quasdam homi-

num immunditas significant, quæ in societatem corporis Christi, id est, in Ecclesiam stabilem et sempiternam non recipiuntur. Nam quod ad cibos attinet, omnino nihil immundum esse, sed malum esse homini qui per offensionem manducat, manifestissime appetat.

CAPUT XV. — 1. De eo quod in Levitico scriptum est: *Separate a mundo immundum, et nemo manducet carnem camelii, asini, et leporis, et porci, et aquilæ, et milvi, et corvi, et vulturis, et reliquorum* (*Levit. xi*). Nusquam manifestius plenissima dolis et fraudibus anima hujus hominis deprehendi potest, qui tanquam sibi adversa atque contraria de utroque Testamento capitula objecit, quam in hoc loco ubi commemoravit in Levitico scriptum esse, ut a nonnullis animalium carnibus temperetur. Namque huic sententiae illud ex Evangelio credidit opponendum, ubi Dominus dicit: *Nihil est ingrediens in hominem, coquinans eum; sed ea quæ procedunt de eo, coquinant* (*Math. xv, 11*). Hoc si imprudens fecit, nihil caecius: si autem sciens, nihil sceleratus. Nonne ipse paulo ante posuerat Apostoli testimonium diceutis, *Bonum est, fratres, non manducare carnem, neque bibere vinum* (*Rom. xiv, 21*); dum cupit de Novo Testamento Veteri adversari, ubi dictum est, *Secundum desiderium animæ tuæ occide, et manduca omnem carnem* (*Deut. xii, 15*)? Quomodo ergo nunc placet ei sententia Domini, qua dicit, nihil esse ingrediens in hominem quod coquinet eum, sed ea coquinare quæ de homine procedunt? Ubi se iste abscondat ab hac sententia? Quo fugiet, dicat mihi, quando imunditiam carnium fugiendam et a cibis sanctorum separandam, perversa et superstitionis imaginatione continentia precipit? Certe enim, si verum est, nou coquinare illa quæ ingrediuntur in hominem, cum magno errore immundas esse dicunt escas Manichæi, cum homines carne vescuntur. Si autem immundæ sunt tales escæ, quid de isto testimonio facient, quod evangelica et divina auctoritate prolatum est, ubi Dominus dicit, non coquinari hominem iis quæ ingrediuntur in eum, sed iis quæ procedunt de illo? An forte dicturi sunt, sicut solent dicere, cum Scripturarum eos urget auctoritas, hoc capitulum a corruptoribus Scripturarum insertum esse Evangelio? Cur ergo Admantus hoc capitulo teste utitur, et inde conatur Vetus Testamentum oppugnare, unde iste prosternitur? Cum enim quispiam catholicus christianus utriusque Scripturae venerator³ et intellector ei responderit, haec non esse contraria; quod illa de quorundam carnibus animalium, quibus non esse vescendum populo adhuc carnali præceptum est, ad significationem posita sunt humanorum morum, quos Ecclesia quæ corpus est Domini, in sua unitatis vinculum stabile et sempiternum recipere non potest, tanquam immundas escas respuens, et in sua viscera non convertens; ut omnia illa præcepta carnali populo imposita futuram disciplinam spirituæ populi prophetarent: et ideo nou ea repugnare sen-

¹ Lov., *immolation*. At Er. et Vrs., *immolatum*.

² Edili, *ab aliena*. Vrs. vero, *ab aliis*. In genere est. *mpd.*

³ *Alles.*

¹ Apud Fr. Lugd. Ven., rector. M.

tentis Domini, qua verissime dicit, non coquinari hominem iis quæ per escam ingrediuntur in eum. Illa enim sententia servis onera imponit; ista jam liberis jugum excutit servitutis. Et illa tamen sic dicta est, ut servorum onera fidem prænuntient liberorum. *Omnia enim, sicut dicit Apostolus, in figura contingebant illis; scripta sunt autem propter nos¹, in quos finis sacerdorum obvenit (I Cor. x, 11).* Si ergo in figuram coatingebant quæ patiebantur, in figuram accipiebant quæ monebantur.

2. Cum ergo ista respondero, et hoc modo non esse contraria duo ista capitula de singulis Testamentis collata monstravero, quid iste facturus est, contra quem dicit gravissimum testimonium testis quem contra adversarium ipse produxit? Ipse enim commemoravit de Evangelio testimonium, Domino dicente non coquinari hominem iis escis quæ ingrediuntur in eum: et ipse a carnibus abstinentem tanquam ab immundis escis monere et docere non cessat. Et tamen sensit quantam plagam sibi infligeret, et quanto ictu repercussus se ipse squalueret. Ne quis enim eum interrogaret et diceret, Quomodo ergo prohibetis carnibus vesci, si Dominus dicit, sicut tu ipse commemoras, *Nihil est ingrediens in hominem, coquianans eum;* sed ea quæ procedunt de eo, coquianant? voluit quasi adhibere medicinam sine causa in mortifero vulnere. Sic enim posuit ipsum evangelicum testimonium. In Evangelio, inquit, dicit ad turbam Dominus: *Audite, et intelligite: Nihil est ingrediens in hominem, coquianans eum,* et cetera. Quod ergo commemoravit Dominum hoc ad turbam dixisse, nihil aliud ostendit, nisi non se ignorantia, sed malitia fecisse quod fecit: ut postea diceret Auditoribus suis ad turbam Dominum ista locutum esse, non ad paucos sanctos, quales se ipsi videri volunt; ut quoniam suos Auditores tanquam adhuc immundos permittunt carnibus vesci, sibi autem quasi jam mundis cum sceleratum atque nefarium esse arbitrantur, hoc etiam Dominum sensisse videatur, quod non paucos sanctos, sed turbas ista docterit. O hominem pessimum, securum de negligentia generis humani ad occultandas deceptions suas! Non enim credebat aliquem existere, qui arriperet Evangelium, et cum scientia legeret, et inveniret hominem in ipsis pratibus, quibus greges suos Dominus pascit, laqueos incantis et minus providis abscondentem. Nam de his verbis commoti discipuli, et non ercentes proprie, sed potius figurate Dominum locutum fuisse, cum diceret non coquinari hominem iis quæ per cibos ingrediuntur in eum, quoniam Iudei erant etiam ipsi discipuli, qui fugiendo quarundam carnium cibos a pueritia institutum acceperant, accedentes ad eum dixerunt ei: *Scis quia Pharisæi audito verbo² scandalizati sunt?* At ille respondens ait: *Omnis plantatio quam non plantavit Pater meus cœlestis, eradicabitur.*

¹ MSS., *contingebant illis propter nos, etc.; omisit verbus, scripta sunt autem.*

² In editis, hoc recte Abest, hoc, a MSS. et a græco textu Evangelii.

Sinite illos; cœci sunt, et duces cœcorum. Cœcus autem si cœco ducatum præstet, ambo in foveam cadunt. Cum ergo infidelitatem Judiorum plantationem appellaret quam non plantavit Pater cœlestis, tamen adhuc Petrus putans esse illam parabolam, et propterea reprehensos Judeos et cœcos dictos, quod eam intelligere non potuerint, respondens dixit ei: *Edissere nobis parabolam istam.* Et ille manifestissime ostendens non esse parabolam, sed propriam locutionem, dixit ad eos: *Adhuc et vos sine intellectu estis? Non intelligitis quia omne quod in os intrat, in ventrem vadit, et in secessum emittitur? Quæ autem procedunt de ore, de corde exirent, et ea coquianter hominem. De corde enim exirent cogitationes malæ, homicidia, adulteria, fornicationes, furtæ, falsa testimonia, blasphemie; hac sunt quæ coquianter hominem. Non lotis autem manibus manducare, non coquianat hominem (Matth. xv, 10-20).* De non lotis autem manibus Judæi moverant questionem, cuius occasione Dominus generaliter de iis quæ in os intrant, et in ventrem vadunt, et in secessum emittuntur, hoc est, de alimentis nostris dixit sententiam. Quanquam ergo convocatis ad se turbis eum dixisse scriptum sit, *Non quod intrat in os coquianat hominem, sed quod procedit ex ore:* tamen iste quo timore hoc addiderit verbis suis, quibus hujusmodi testimonium commemoravit, satis apparet, sicut paulo ante dictum est, ut haberet quod responderet eis qui sibi questionem movissent, cur primates Manichæorum nefas sibi esse existimant carnibus vesci: videlicet ut illud quod Dominus ait, turbis tantum, non Electis concessisse videretur. Sed cum ex consequentibus declaratum sit etiam Petro seorsum interroganti, audiensibusque discipulis, quos utique ad culmen Ecclesie producebat, ita respondisse Dominum, ut neque per parabolam se illa dixisse testatus sit, et ad omnes pertinere monstraverit; non habent tibi unde auerant cibos de fauibus hominum, et eas³ laqueo superstitionis astringant.

5. Fortassis aliquis eorum dicat: Edissere ergo quid significet caro porci, et camelii, et leporis, et milvi, et corvi, et cœterorum, a quibus abstinentur in Lege precipitur. Nolo, quia longum est. Sed fac me non posse; numquid propterea nullus potest? Et sunt jam volumina innumerabilia in quibus ista exposta sunt. Nobis tamen ad hos refellendos satis est; quod eas observationes umbram esse futurorum, non ego, sed Apostolus dicit, cum etiam vetat serviliter observari, sed tamen aliquid significare declarat, dicens: *Nemo ergo vos judicet in cibo, aut in potu, aut in parte diei festi, aut nomeniæ, aut sabbatorum, quod est umbra futurorum (Coloss. ii, 16, 17).* Illa itaque futura quæ illis observationibus significabantur, posteaquam per Dominum Jesum Christum venerunt, ablata sunt serviles observationes: sed earum interpretationes tenentur a liberis. Quidquid enim futurum Ecclesiam significavit, prophetia est. Habes autem eundem apostolum dicentem: *Spiritum uite sper-*

³ Editi, eos. Ali MSS., eos: scilicet, fauces.

nere, prophetiam nolite extingnere; omnia legite, quae bona sunt tenete (*1 Thess. v, 19-21*). Legenda est ergo Scriptura divina, et Spiritus sancti dispensatio cognoscenda, et intuenda propheta; et rejicienda carnalis servitus, et liberalis intelligentia retinenda.

CAPUT XVI. — 1. De eo quod scriptum est in Denteronomio: *Observa et sanctifica diem quem præcepit tibi Dominus. Sex diebus laborabis, et facies omne opus tuum; septima vero die sabbati epulare Domino Deo tuo, nullum faciens opus ipse tu, aut filius tuus, aut filia tua, aut puer tuus, aut puerilla tua, bos tuus, et asinus tuus, omnia jumenta tua, et colonus tuus. Sic artem quiescer servus tuus et ancilla tua, quemadmodum et tu. Memento quoniam servus fuisti in Aegypto, et eruit te Dominus Deus tuus in manu potenti et brachio excelso. Idcirco præcepit tibi Dominus custodire diem septimum* (*Deut. v, 12-15*). Et iterum in Genesi scriptum est quemadmodum Abraham de circumcisione loquitur: *Testamentum meum custodi, inquit, tu et semen tuum, quod erit post te. Hoc est testamentum meum quod servabis inter me, et te et semen tuum: omne masculinum circumcidet in carne præputii ipsorum; et sit hoc signum testamenti inter me et vos. Octava autem die circumcidet omnes masculos in gente vestra, ut etiam dominatum et comparatum circumcidatis præter alienigenam: et hoc erit testamentum in gente vestra. Et omnis masculus qui non circumcidet præputium suum, perdet animam suam de media plebe, quia testamentum meum dissolvit* (*Gen. xvii, 9-14*). Hæc omnia verba Veteris Testamenti, ut eis de Novo Testamento aduersetur, proponit Adimantus, et contraria esse affirmat ea quæ Dominus dicit in Evangelio de proleto: *Væ robis, Scribe et Pharisæi hypocritæ, qui circumciditis mare et terram ut faciatis unum proselytum; et cum feceritis, erit filius gehennæ, multo plus quam estis vos* (*Matth. xxiii, 15*). Quasi vero propteræa Dominus proselytum dicat filium gehennæ, quia circumciditur, et sabbatum observat; et non potius quia Judæorum pravam conversationem cogitum imitari, non qua observant præcepta Legis, sed qua faciunt contra Legem. Quod alio loco de his apertissime dicit, ubi ait quod rejiciunt mandatum Dei, ut suam constitutionem confirment (*Id. xv, 3-6*): quia cum Lex præceperit honorari patrem et matrem, instituerunt ipsi quomodo exhonorentur parentes. Et item cum eis dicit: *Væ vobis, Scribe et Pharisæi, qui habetis clavem regni cœlorum, nec ipsi intratis, nec alios permittitis intrare* (*Luc. xi, 52*). Vel cum alio loco præcepit audiencibus¹, ut dictis Pharisæorum et Scribarum obtinerent, facta vero eorum non imitarentur. Ait enim: *Super cathedram Moysi sedent: quæ dicunt, facite; sed quæ faciunt, facere nolite: dicunt enim, et non faciunt* (*Matth. xxiii, 2 et 3*). Quo loco et auctoritatem Legis quæ per Moysen data est, confirmat Dominus, et tamen cavendos et fugiendos esse mores eorum qui Legi quam acceperant non obtemperabant,

¹ Nonnulli MSS., *Judæorum perditos mores, et eorum pravam conversationem.*

² Editi, præceperit. Melius MSS., præcepit.

apertissime ostendit. Iстis autem perversitatibus suis faciebant, ut cum aliquis gentilis ad Legem eorum transisset, id est, factus esset proselytus, haberet mores eorum, et fieret filius gehennæ, multo plus quam ipsi essent. Dabant enim magnam operam ut Judæus fieret aliquis ex Gentibus, et Judæum factum cogelant suos mores possimos imitari.

2. Neque illud quod de Apostolo tanquam contrarium commemorat, potuit advertere Adimantus manichæus, omnino non esse contrarium; quia totus ejus oculus non ad inquisitionem, sed ad reprehensionem Scripturæ intentus erat. Commemorat enim dicente Apostolum: *Circumcisus aliquis vocatus est? non adducat præputium. In præputio quis vocatus est? non circumcidatur: quia præputium nihil est, et circumcisio nihil est, sed observatio præceptorum Dei* (*1 Cor. vii, 18 et 19*). Quid enim manifestius quam hoc Apostolum præcipere, ut unusquisque sicut vocatus erat, sic maneret? Advenientibus enim rebus, quarum erant umbræ illæ observationes, id actum est, ut ostenderetur in ipsis umbris non esse spem ponendam, sed in ipsis rebus quas illæ umbræ significabant esse venturas, id est, Christum et Ecclesiam. Et propterea illa jam omnia inania erant: nec tamen ea tanquam noxia removenda, sed tanquam superflua contemnenda Apostolus præcipit; ut si quis Judæus Christo credidisset, propter offenditionem suorum non prohiberetur in ipsis superfluis remanere, nec tamen in eis salutem suam constitutam putaret: non enim signa illa, sed ea quæ his significantur in salutem introducunt. Ideoque præputium nihil est, et circumcisio nihil est, sed observatio mandatorum Dei. Et quod alio loco ait: *Utinam et abscedantur qui vos conturbant* (*Galat. v, 12*); non quia circumcisio contraria est Evangelio, dicit Apostolus, sicut Manichæi putant: sed illud est Evangelio contrarium, ut quisque rem deserens, quæ per illam umbram figuratur, ipsius umbræ sequatur inanitatem. Qued volebant qui Gentibus in Christum credentibus jugum circumcisionis imponebant quasi ad salutem necessarium, cum jam non esset umbra in corpore figuranda, sed res ipsa in corde gestanda.

3. Et quod dicit, *Dies observatis, et sabbata, et solennitates; timeo vos, ne frustra laboraverim in vobis* (*Id. iv, 10 et 11*); non sic scriptum est ut Adimantus ponit. Non enim nominat ibi sabbatum Apostolus. Dicit enim: *Dies observatis et annos, et tempora; timeo vos, ne frustra laboraverim in vobis*. Sed putat esse de sabbato dictum? Numquid et nos non dicimus ista non esse observanda, sed illa potius quæ his significantur? Illi enim ea serviliter observabant, non intelligentes ad quarum rerum significationem et prænuntiationem pertinenter. Hoc in eis culpat Apostolus, et in omnibus qui serviunt creature potius quam Creatori (*Rom. i, 25*). Nam nos quoque et dominicum diem et Pascha solemniter celebramus, et quælibet alias christianas dierum festivitates. Sei quia intelligimus quo pertineant, non tempora observamus, sed quæ illici significantur temporibus. Manichæi autem sic ea reprehendunt, quasi malos dies et tempora

obseruent. Sed cum de his interrogantur secundum opinionem sectae suee, omnia conantur exponere, ut non ipsa tempora, sed res, quarum illa signa sunt, observare videantur. Quas quidem res fabiosas esse atque falsissimas, aliis locis ostendit. Nunc ad hce dictum est, ut ore suo cogantur fateri, posse talia rationabiliter celebrari: et ideo circumcisioem carnis et recte impositam servis, et recte a liberis intellectam¹ e se manifestum est. Repudiamus ergo eam carnalem cum Apostolo, et approbamus eam spiritualem cum Apostolo: et sabbati quietem non obseruimus in tempore; sed signum temporale intelligentius, et ad eternam quietem quae illo signo significatur, aciem mentis² intendimus. Repudiamus itaque temporum obseruationem cum Apostolo, et tempora- lium signorum intelligentiam tenemus cum Apostolo: duorumque Testamentorum differentiam sic probamus, ut in illo sint onera servorum, in isto gloria libero- rum³; in illo cognoscatur præfiguratio possessionis nostræ, in isto teneatur ipsa possessio. Interpretatur Apostolus sabbatum ad Hebræos, cum dicit: *Remanet igitur sabbatismus⁴ populo Dei* (*Hebr. iv, 9*). Interpretatur etiam circumcisioem, cum dicit de Abraham: *Et signum accepit circumcisionis signaculum justitiae fidei* (*Rom. iv, 11*). Apostolicam itaque interpretationem spiritualiter teneo: carnalem servitutis obseruationem libertate contemno, utriusque Testamen- ti auctorem Deum venerans, qui et veteri homini fugienti tanquam dominus apposuit quod timeret, et novo redeunti tanquam pater aperuit quod amaret.

CAPUT XVII. — 1. De eo quod in Exodo scriptum est: *Si aure audieris vocem meam, et facies quæcumque præcipio tibi; odero odientes te; et contristabo contristantes te: præcedet te angelus meus, et adducet te ad Amorræum, et Pherezæum, et Chananaeum, et Jebusæum, et Gergesæum; et occidetis illos. Deos eorum ne adoraveritis, neque feceritis opera ipsorum; sed eversione evertite illos, et delete eorum memoriam* (*Exod. xxii, 22-24*). His verbis de veteribus Libris ita com- memoratis, tanquam contrarium opponit Adimantus quod in Evangelio scriptum est, dicente Domino: *Ego autem dico vobis: Diligite inimicos vestros, benedicite his qui vobis maledicunt, et benefacie iis qui vos oderunt, et orate pro iis qui vos persequuntur* (*Matth. v, 44*). Quo loco primo illud videndum est, quod satis esse debuerit homini volenti quasi contraria monstrare, quod de occidentis inimicis in veteri Lege scriptum esse commonuit. Dominus enim de inimicis diligendis, utique de hominibus præcepit; quos per nostram patientiam et charitatem ad salutem posse converti, et quivis intelligit, et exemplis sæpiissime demonstratum est. Quid ergo sibi vult, quod adjungenda conse- quentia putavit, ubi scriptum est, *Deos eorum ne adoraveritis, neque feceritis opera ipsorum; sed eversione evertite illos, et delete eorum memoriam*; nisi quia et deos Gentium Manichei cogunt diligere? Et

¹ Sola editio Lov., pro, intellectam, habet, repudiatam.
² Igitur ss., recte cordis.

³ Vetus Corbeiensis codex, in isto gaudentibus liberorum.
⁴ Tu Abs., sabbati manu.

quod in Evangelio Dominus ait, *Diligite inimicos vestros, non solum ad homines, sed ad daemonia quoque, vel etiam ad simulacra pertinere arbitrantur. Quod si ita est, quis non istam detestetur amentiam?* Si autem non hoc arbitrantur, iste plurimum erravit, qui superstitiones Gentium evertendas esse præcep- tas in Veteri Testamento commemorare voluit, cum in Novo quod scriptum est de inimicis diligendis, tanquam contrarium vellet opponere.

2. Nos autem neque illud quod de hostibus homi- nibus occidendis in veteribus Libris illi populo dictum est contrarium esse dicimus huic præcepto evangelico, quo nobis ut inimicos nostros diligamus Dominus ju- bet: quandoquidem illa inimicorum interfœcio car- nali adhuc populo congruebat, cui Lex tanquam paedagogus data erat, sicut Apostolus dicit (*Galat. iii, 24*). Illi vero qui tunc in illo populo sancti et spiritua- les homines erant paucissimi, sicut Moyses, sicut Prophetæ, quo animo facerent illam inimicorum inter- fectionem, et utrum eos quos interficiebant, dili- gerent, multum latet indoctos et impios, qui diligunt exactitatem suam; qui quoniam non sunt idonei videre ista, mole potius auctoritatis urgendi sunt. Quid enim est quod dicit Apostolus: *Ego quidem absens corpore, præsens autem spiritu, jam judicavi quasi præsens eum qui sic operatus est, in nomine Domini nostri Jesu Christi congregatis vobis et meo spiritu, cum potentia Domini Jesu, tradere ejusmodi satanæ-in-teritum carnis, ut spiritus salvus sit in die Domini Jesu* (*1 Cor. v, 3-5*)? Quid enim habet illa interfœcio, quam multum isti exaggerant et invidiose ventilant, nisi interitum car- nis? Sed quia exposuit Apostolus quo animo faceret, satis declaravit in aliquem inimicum vindictam cum charitate posse procedere. Et tamen hic etiam alio modo fortasse interitus carnis, qui fit per poenitentiam, potest intelligi. Ipsi autem legunt scripturas apocryphas, quas etiam incorruptissimas esse dicunt, ubi scriptum est apostolum Thessaloniam maledixisse ho- mini, a quo per imprudentiam palma pereussus est, ignorante quis esset, maledictumque illud continuo venisse ad effectum. Nam cum ille homo, quoniam minister convivii erat, ut apportaret aquam exisset ad fontem, a leone occisus et dilaniatus est. Quod ut mani- festaretur ad aliorum terrorem, canis manum ejus intu- lit mensis, ubi convivabatur Apostolus: atque ita cum causa quereretur a nescientibus, eisque panderetur, in magnum timorem et magnum honorem Apostoli eos esse conversos; atque hinc Evangelii exordium com- mandandi exstisset. Si vellet aliquis dentes Manichaorum in ipsos convertere, quam mordaciter ista reprehenderet! Sed quia et ibi tacitum non est quo animo factum sit, videtur dilectio vindicantis. Sic etenim in illa scriptura legitur, quod deprecatus fuerit Apostolus pro illo in quem temporaliter vindicatum est, ut ei parceretur in futuro judicio. Si ergo tempore Novi Testamenti, quo maxime charitas commendatur, de penitentibus divinitus injectus est carnalibus timor¹; quanto magis tempore Veteris Testimenti hoc

¹ Sola editio Lov., carnalis timor. Minus recte.

congruusse illi populo intelligendum est, quem timor Legis tanquam paradigmati coerebat? Nam haec est brevissima et apertissima differentia duorum Testamentorum, timor et amor: illud ad veterem, hoc ad novum hominem pertinet; utrumque tamen unius Dei misericordissima dispensatione prolatum atque conjunctum. Et in veteri Scriptura¹ facetur animus vindicantium, quia paucissimi spirituales divinis revelationibus quid facerent, neverant, ut populus cui terror utilis erat, severissimo imperio domaretur: ut quemadmodum videbant dari in manus suas interficiendos inimicos impios cultoresque simulacrorum, sic ipsi formidarent in manus inimicorum suorum dari, si Dei veri jussa contemnerent, et ad cultum idolorum atque impietas Gentium laberentur. Nam et in ipsos similiter peccantes non dissimiliter vindicatum est. Sed omnis haec temporalis vindicta infirmos animos terret, ut enutritos sub disciplina crudiat, et a semperternis atque ineffabilibus suppliciis possit avertere: quia plus timent carnales homines quod in praesenti Deus vindicat, quam illud quod futurum minatur.

3. Potest ergo esse dilectio in vindicante. Quod unusquisque in filio suo probat, cum eum in mores pessimos defluenter, severissima coercitione constringit, et tanto magis, quanto magis eum diligit, atque hoc modo corrigi posse arbitratur. Non autem occidunt filios quos diligunt homines, quando eos corrigeret volunt: quia multi hanc vitam pro magno bono habent, et totum quare volunt educare filios suos, in hac vita sperant. Fideles autem atque sapientes homines, qui credunt esse aliam vitam meliorem, et quanta possunt ex parte neverunt; nec ipsi vindicant occidendo, cum filios suos volunt corrigeret, quia in hac vita eos posse corrigi credunt: Deus autem qui novit quid cuique tribuat, vindicat occidendo in quos voluerit, sive per homines, sive occulto rerum ordine; non quia eos odit in quantum homines sunt, sed in quantum peccatores sunt. Nam in ipsis veteribus Libris legimus dictum Deo, *Et nihil odisti eorum quae fecisti* (*Sap. xi, 25*): sed omnia, sive per penas sive per premia justitia moderante disponit. Nonne apostolus Paulus Christianis fidelibus loquebatur, cum diceret: *Probet autem se homo, et sic de pane edat, et de calice bibat. Qui enim manducat et bibit indigne, iudicium sibi manducat et bibit, non dijudicans corpus Domini. Propterā in vobis multi infirmi et argui, et dormiunt sufficienes. Si autem nos ipsis dijudicaremus, non utique dijudicarēmur. Dum judicamur autem, a Domino corripimur, ne cum mundo² dannemur* (*1 Cor. xi, 28-32*)? Ecce manifestum est Deum cum dilectione corrigeret, non solum infirmitatibus et regreditibus, sed etiam mortibus temporalibus, eos quos non vult damnare cum mundo.

4. Attendant haec isti, et videant quomodo potue-

¹ *Vetus ecclesiensis codex, Et ideo in veteri Scriptura.*

² *Editi, cum hoc mundo. Particula, hoc, non est in vss. nec in greco l-xtu q̄ esteli.*

rint et impiae gentes dari in manus populi, quamvis adhuc carnalis, tamen unum Deum colentis, ut ab eo interficerentur: cum in eo tamen populo si qui essent spirituales, sine alienus odio intelligerent dispensationem Dei: et quomodo non sit contrarium quod Dominus nobis in Evangelio praecepit, ut diligamus inimicos nostros: de quibus tamen promittit ipse vindictam, cum de illo judice similitudinem inducit, qui quotidianas interpellationes viduae mulieris pertinentis ut se vindicaret, quamvis esset injustus, nec Deum timens, nec homines reverens, tamen sustinere non potuit, et audivit eam, ne ulterius tedium patetur: ex cuius comparatione multo magis Deum, qui est benignissimus atque justissimus, dixit vindicare electos suos de inimicis eorum (*Luc. xvii, 2-8*). Huic isti audeant obiecere questionem, et dicant, si possunt: Quid est, quod jussisti ut inimicos nostros diligamus, et de illis nos vindicare disponis? An forte contra voluntatem suorum sanctorum facturus est, eos quos illi diligunt, puniendo atque damnando? Imo ipsi potius ab ista calumniosa cecitate convertantur ad Deum, et in utroque Testamento intelligent ejus voluntatem, ne in sinistra parte inveniantur inter eos quibus dicturus est Dominus: *Ite in ignem aeternum, qui preparatus est diabolo et angelis ejus. Esuriri enim et non dedistis mihi manducare* (*Matth. xxv, 41, 42*); et cetera talia. Displietet enim istis miseris, quod Deus populo suo interficiendos tradidit inimicos; et ipsi panem mendicanti dari prohibent, non inimico, sed supplici. Intelligent potius sine odio esse posse vindictam, quam pauci intelligent: et tamen quandiu non intelligitur, tamdiu necesse est, ut lector in libris utriusque Testamenti magno labore aut errore jactetur, et putet contrarias sibi esse Scripturas.

5. Quam vindictam sine odio nondum Apostoli animo ceperant, quando irati eis a quibus non recipiebant hospitio, quæsiverunt de Domino utrum vellet eos petere ignem de cœlo, sicut Elias fecerat, quo igne homines inhospitales consumerentur. Tunc respondit eis Dominus, dicens eos nescire cuius spiritus filii³ essent, et quod ipse liberare venisset, non perdere (*Luc. ix, 53-56*): quoniam illi animo inimico perdere cupiebant eos, quos volebant igne consumi. Postea vero cum impleti essent Spiritu sancto, et perfecti facti essent, qui jam possent etiam inimicos diligere, acceperunt potestatem vindicandi, quia jam sine odio poterant vindicare. Quia potestate Petrus apostolus usus est in eo libro quem isti non accipiunt, quoniam manifeste continet Paracleti adventum, id est, consolatoris sancti Spiritus, quem lugentibus misit, cum ab eorum oculis ipse ascendisset in cœlum. Consolator enim tristibus mittitur, secundum illam ejusdem Domini sententiam: *Beati lugentes, quoniam ipsi consolabuntur* (*Matth. v, 5*). Ipse etiam dicit: *Tunc lugebunt filii sponsi, cum ablatus fuerit ab eis sponsus* (*Id. ix, 45*). In illo ergo

³ vox, filii, rejecta est per Iovanicas auctoritate unius Ms. habetur in editione Er. et in nostris omnibus vss.

libro, ubi apertissime Spiritus sanctus, quem Dominus consolatorem promiserat, venisse declaratur (Act. ii, 4), legimus ad sententiam Petri cecidisse homines, et mortuos esse virum et uxorem, qui mentiri ausi erant Spiritui sancto (*Id. v, 1-10*). Quod isti magna exercitate vituperant, cum in apocryphis pro magno legit, et illud quod de apostolo Thoma commemoravi, et ipsius Petri filiam paralyticam factam¹ precibus patris, et hortulanii filiam ad precem ipsius Petri esse mortuam; et respondent, quod hoc eis expedit bat, ut et illa solveretur paralysi, et illa moreretur: tamen ad preces Apostoli factum esse non negant. Quis autem illis dixit, Non expedebat gentibus impiis interfici, quas traditas esse divinitus in manus populi Iudeorum irridentes mirari se sanguinunt? Cum autem illa non odio, sed bono animo Apostoli fecerint; unde isti convincunt animos viorum spiritualium qui in illo populo fuerunt, quod eos oderant, qui per ipsos divina justitia de hac vita jubebantur anferri? Compescant potius temeritatem suam, et non decipiāt imperitos, quibus aut non vacat legere, aut nolunt legere, aut perverso animo legunt; et non attendunt et misericordiam et severitatem Dei, utriusque Testamenti litteris commendari. Nam de inimici dilectione, ut non reddatur malum pro malo, in veteribus Libris legitur: *Domine Deus meus, si feci istud, si est iniquitas in manibus meis. Si reddidi retribuentibus mihi mala, decidam merito ab inimicis meis inanis* (*Psalm. vii, 4 et 5*). Quis hoc diceret, nisi qui sciret hoc Deo placere, ut malum pro malo nemo reddat? Sed hoc perfectorum est, ut non oderint in peccatoribus nisi peccata, ipsos autem homines diligant; et cum vindicant, non vindicent acerbitate saevitiae, sed moderatione justitiae; ne ipsa relaxatio peccati plus noceat peccatori, quam poena vindictae. Nec tamen hoc fecerunt justi homines; nisi auctoritate divina: ne quis arbitretur passim sibi esse permissionem necare quem vellet, aut judicio persequi, aut penis quibuslibet affligere. Aliquando autem aperte ponitur in Scripturis ipsa divina auctoritas, aliquando autem occultatur, ut et manifestis lector instruatur, et exercetur obscuris.

6. Certe inimicum et persecutorem suum nimis ingratum et nimis infestum Saūl regem accepit David in potestatem, ut ei faceret quod vellet; et elegit parere potius, quam occidere. Non enim erat iussus occidere, sed neque prohibitus: immo etiam divinitus audierat se impune facere quidquid vellet inimico; et tamen tantam potestatem ad mansuetudinem contrahit (*I Reg. xxiv, 3-8, et xxvi, 8-12*). Dicatur mihi quem timuit, cum interficere noluit. Nec hominem possumus dicere timuisse, quem acceperat in potestatem; nec Deum, qui dederat. Ubi ergo nec difficultas fuit occidendi, nec timor, dilectio proficit inimico. Ecce David ille bellator implevit præceptum Christi, quod acceperimus, ut diligamus inimicos. Atque

¹ Editio Lov., *paralyticam sanam factam*; addita voce, *saman*, que a ceteris libris abest, et abesse debet, uti patet ex contextu.

* Aliquot MSS., *pepercit inimico*.

utinam hoc imitarentur isti, qui humanum affectum misericordie ad nescio quae crudelia deliramenta torserunt! Dum enim credunt panem plorare, quod fieri non potest, non eum porrigunt homini, quem plorantem vident. Fortassis dicant, sicut solent cœci jactant insana convicia, meliorem fuisse David qui pepercit inimico, quam Deum qui dederit ei occidendi potestatem: quasi vero Deus nescierit cui dederit hanc potestatem. Noverat utique voluntatem servi sui, sed ut ceteris etiam hominibus ad imitandum innotesceret ea quæ in corde David jam Deo erat inimici dilectio, dedit illi in potestatem inimicum, quoniam nondum volebat occidi, propter certam rerum dispensationem², quam per illum impleri oportebat. Ita et David bonitas commendata est, ut haberent homines quod amarent; et Saūlis regis malitia ad exitum digniorem dilata est; ut haberent homines quod timebent.

CAPUT XVIII. — 1. De eo quod in Deuteronomio scriptum est: *Si aure audieris vocem Domini Dei tuī, benedictus es in agro tuō, benedictus es in praio tuo, benedictus fructus ventris tui, et fructus terræ tuæ, et generationes jumentorum tuorum, et armentum boum tuorum, et grex orium tuarum; benedictus es in introitu tuo et egressu* (*Deut. xxviii, 1-6*). Illic capitulo illud dicunt in Evangelio esse contrarium: *Si quis vult me sequi, abneget semetipsum sibi, et tollat crucem suam, et sequatur me. Quid enim prodest homini, si totum mundum luceretur, animæ autem sue detrimentum patiatur? Aut quam dabit homo commutationem pro anima sua* (*Matth. xvi, 24 et 26*)? Sed ex illa regula ostenditur non esse contrarium, qua notum esse jam debet, carnali adhuc populo congruenter carnalia et temporalia præmia fuisse promissa, sed tamen ab uno Deo, enjus est creatura omnis et superior et inferior. Certe enim ipse Adinatus posuit testimonium de Evangelio, ubi Dominus ait: *Nolite jurare, neque per calum, quia thronus ejus est; neque per terram, quia scabellum est pedum ejus* (*Id. v, 35*). Quod quidem et in veteribus Libris scriptum est: *Cælum mihi thronus est, terra scabellum pedum meorum* (*Isai. lxvi, 1*). Quid ergo mirum si bona throni sui dat spiritualiter sibi servientibus, et bona scabelli pedum suorum dat carnaliter sibi servientibus; cum spiritus superior sit, et caro inferior, sicut superiora sunt cœlestia, et inferiora terrestria? Quanquam illa omnia, id est, ager, et pratum, et fructus ventris, et fructus terre, et jumentorum, et armentum boum, et grex ovium possint etiam spiritualiter intelligi. Sed nunc ad rem non pertinet ista tractatio. Si autem in ipso Novo Testamento, cuius præmium et hereditas ad novum hominem pertinet, tamen et Dominus iisdem ipsis quos vult esse rerum temporalium contemptores, ut in Evangelio sibi servant, promittit multiplicationem earundem rerum in hoc sæculo, dicens quod accipient in hoc sæculo centies tantum, in sæculo autem venturo vitam æternam (*Matth. xix, 29*): sicut etiam in veteri Scriptura dicitur, *Fidelis homini totus mundus*

² In MSS., *dispositionem*.

divitiarum est (*Prov. xvii, sec. LXX*). Unde exsultat Apostolus dicens, *Quasi nihil habentes, et omnia possidentes* (*II Cor. vi, 10*) : si ergo in Novo Testamento præter aeternam possessionem quæ promittitur sanctis, hujus quoque possessionis quæ transitura est, multiplicatio non subtrahitur, et tanto sit uberior, quanto contemptus possidetur ; quanto magis in Veteri Testamento carnalis populi præmia talia esse debuerunt, ipso tamen uno et vero Deo gubernatore omnium temporum omnia pro tempore moderante et administrante ?

2. Sed ne in solis Novi Testamenti libris isti arbitrentur hec esse contempta, audiant prophetam abjicientem talem felicitatem, et ad unum Dominum Deum econfigendum esse cantantem. Ita enim dicit : *De gladio maligno erue me, et exime me de manu filiorum alienorum, quorum os locutum est vanitatem, et dexteræ eorum dextera iniquitatis. Quorum filii ipsorum velut novellæ constabilitæ in juventute sua. Filiae eorum compositæ et ornatae velut similitudo templi. Cellaria eorum plena, eructantia ex hoc in hoc. Oves eorum secundæ, multiplicantes in exitibus suis; boves eorum crassæ. Non est ruina sepis, nec exitus, neque clamor in plateis eorum. Beatum dixerunt populum cui haec sunt; beatus populus cuius Dominus Deus ipsius* (*Psalm. cxliii, 11-15*). Attendant ergo quomodo irridetur ista felicitas in hominibus impiis, et tota beatitudo in Deo solo inconcessa figuratur. Illi enim dicunt beatum populum cui haec sunt ; sed beatus populus cuius est Dominus Deus ipsius. Quod autem etiam illud contrarium esse putaverunt huic loco Veteris Testamenti, quod Dominus ait, *Omnis qui confusus fuerit me aut verba mea in gente ista adultera et peccatrice, et Filius hominis confundetur illum, cum venerit in gloria Patris sui et loude sanctorum* (*Marc. viii, 38*) ; quod pertineat ad contemptum rerum temporalium non video. Quod si propterea pertinet, ne aliquis territus de talium rerum dannis, Christum confiteri aut erubescat, aut timeat, quid habent quod dicant ? Dicimus ita esse ista munera Dei, ut tamen sint insima, et in comparatione salutaris confesio ionis, non solum amittenda, sed ultra etiam projicienda : carnalibus tamen hæc amantibus, et nondum capientibus promissa cœlestia, ne ab idolis et dæmonibus ista peterent, utiliter a Domino Deo esse pollicita.

CAPUT XIX. — 1. De eo quod scriptum est in Lege : *Ego sum qui divitias do amicis meis, et paupertatem inimicis meis*. Huius sententiae illud opponunt quod Dominus dicit, *Beati pauperes spiritu, quoniam ipsorum est regnum celorum* (*Matth. v, 3*) : et, *Væ vobis divitibus, quia percepistis consolationem vestram* (*Luc. vi, 24*). Sed cur nolunt et alia in Evangelio contueri ? Ubi enim scriptum est, *Beati pauperes spiritu, quoniam ipsorum est regnum celorum*; ibi sequitur, *Beati mites, quoniam ipsi hæreditate possidebunt terram*. Ecce habent amicos Dei hæreditate terræ divites fieri. Cum autem ad tantam egestatem dives ille redigitur, ut ab eo paupere quem neglexerat, dígito brevi in aqua tincto arenti lingue sua humorem stillari debeatetur

(*Luc. xvi, 24*), intelligent quomodo stant pauperes inimici Dei, et id esse cognoscant quid in Lege scriptum est : *Ego sum qui divitias do amicis meis, et paupertatem inimicis meis*.

2. Nam istas divitias temporales et in veteri Scriptura esse contemptas et superius docui, et innumerabilibus locis qui legere voluerit, inveniet. Unde est etiam illud : *Melius est modicum justo, super divitias peccatorum multas* (*Psalm. xxxvi, 16*). Et illud : *Bonum mihi lex oris tui, super millia auri et argenti* (*Psalm. cxviii, 72*). Et illud : *Judicia Dei vera justificata in id ipsum*¹, desiderabilia super aurum et lapidem pretiosum multum (*Psalm. xviii, 10*). Et illud : *Beatus vir qui invenit sapientiam, et immortalis qui videt prudentiam. Melius est enim illam mercari, quam auri et argenti thesauros. Pretiosior est autem lapidibus optimis, non resistit illi ullum malum; bene nota est omnibus appropinquantibus ei, et eis qui considerant eam diligenter. Omne autem pretiosum non est illi dignum* (*Prov. iii, 15-15*). Et illud : *Propter hoc optavi, et datus est mihi sensus, et invocavi, et venit in me spiritus sapientiae. Et præposui illam regnis² et sedibus, et honestatem nihil esse duxi ad comparationem ipsius. Nec comparavi illi lapidem pretiosum : quoniam omne aurum in comparatione illius arena est exigua, et tanquam lutum aestimabitur argentum ad illam* (*Sap. vii, 7-9*). Haec isti si aut legerent aut non impie legerent, viderent omnia in utriusque Testamenti scripturis, et ad expetendum et ad fugiendum, et ad sumendum et ad rejiciendum sibi concordantia et suis gradibus ordinata.

CAPUT XX. — 1. De eo quod scriptum est in Lege : *Si ambulaveritis in lege, et præcepta mea custoderitis; dabo pluvias tempore suo, et producet terra fructus suos, et arbores poma, et vindemiæ tuæ messibus succedent, et satio vindemiis : et saturabimini, et sedebitis in pace in terra vestra, et dormietis, et non erit qui vos terreat : et perdam omnem belluam ex terra vestra; et persequemini inimicos vestros, et cadent ante vos in gladio : et insequentur quinque ex vobis centum, et centum ex vobis persequentur decem millia, et concident inimici vestri ante vos in gladio : et veniam, et benedicam vos, et multiplicabo vos, et disponam vos. Manducabilis vetus quod inveteravit, et projiciens vetus ante novum* (*Levit. xxvi, 3-10*). Jam neminem oportet postulare a nobis, ut haec ostendamus quam congruerit illi populo Deus promiserit. Multa enim de hac re diximus, et cui parva sunt, nimis tardus est. Sed tamen quod etiam huic loco de Novo Testamento dicunt esse contrarium : illud videlicet quod Dominus ait, *Nolite portare aurum, neque argentum, neque numeros in zonis vestris; non peram in via, neque duas tunicas, neque calcamenta, neque virgam; dignus est enim operarius mercede sua* (*Matth. x, 9 et 10*) : quid mirum si haec Evangelistis donaverit ? Numquid in hoc ministerium populus Judaicus vocabatur ? Quæ tamen omnia spiritualiter perscrutanda sunt, ne ipse Do-

¹ Editi, in semetipsa. Quidam vero MSS., in id ipsum; quam lectionem sequi solet Augustinus.

² Unnes MSS., regimontis. Graece est, sképtrōn.

minus hominibus impiis contra sua præcepta fecisse videatur, qui etiam loculos habebat, quibus ad necessarium victum pecunia portabatur (*Joan. xn, 6*). Nisi forte dicturi sunt in zonis habere pecuniam, peccatum esse; in loculis autem, non esse peccatum. Non autem ista iussa, sed permissa esse Apostolis, ex hoc intelligitur, quod apostolus Paulus manibus suis operatus victum quærebatur, non abusus ea potestate, sicut ipse loquitur, quam Dominus Evangelistis dedit (*Act. xviii, 3*; *I Cor. iv, 12*; *I Thess. ii, 9*, et *II Thess. 1, 8 et 9*). Quod enim permititur a Domino, etiam non facere licet: quod autem jubetur, nisi fiat peccatum est.

• 2. Addunt etiam de illo divite, cui Deus dixerat, *Stulte, hac nocte a te animam tuam expetam; quæ autem præparasti, cujus erunt* (*Luc. xii, 20*)? et dicunt non minus huic capitulo Legis esse contrarium: cum in isto inanitas irriga sit vanæ lœtiæ, qui incertæ illa pro certis habuit; populo autem Israel certam faciebat illam pollicitationem omnipotentia pollicentis. Unde apostolus Paulus scribens ad Timotheum, de divitibus sæculi hujus, quos noverat in Ecclesiæ membris habere suum locum, ita loquitur: *Divitibus hujus sæculi præcipe, non superbe sapere, neque sperare in incerto divitiarum, sed in Deo vivo, qui præstas nobis omnia abundantiter ad fruendum: benefaciant, dirites sint in operibus bonis, facile tribuant, communicent, thesaurizent sibi fundamentum bonum in futurum, ut apprehendant veram vitam* (*I Tim. vi, 17-19*). Quis hic non intelligat non esse culpabile habere ista, sed amare et spei in eis ponere, et ea præferre aut etiam conferre veritati, justitiæ, sapientiæ, fidei, bonæ conscientiæ, charitati Dei et proximi, quibus omnibus anima¹ pia dives est in secretis suis coram oculis Dei? Sed ut diligatur Deus, qui diligentibus se ista cuncta et invisibilia et æterna largitur, id est, se ipsum his omnibus plenum donat dilectoribus suis: ut ergo ipse diligatur, illo etiam tempore quo carnalis anima, carnis videlicet affectibus implicata, nisi temporalia desiderare non novit, persuadendum illi est, quod etiam ista Deus dat homini; quia et verum est, et utilissime creditur. Hoc populo Israel factum est per illas pollicitationes, quas imperitissime miseri derident, ut etiam in ipsis insimis rebus, quomodo possent, Deum diligere assuescerent, quamvis plus² ibi operetur timor. Quæ tamen omnia dona temporalia figuræ sunt donorum æternorum, et illa de inimicis victoria praesignat victoram de diabolo et angelis ejus.

3. Et quod isti adjecerunt quasi contrarium Veteri Testamento, quod Apostolus loquitur, Deum non pugna et dissensi ne, sed pace delectari (*I Cor. viii, 33*): sciant talen Deum prædicari in Scripturis illis, cui pacem suam nemo possit auferre; nou qualem ipsi prædicant, qui timens ne irrueret bellum regionibus suis, membra sua longe misit, ut peregrina bella tollarent, et postea liberari atque purgari victa et in-

quinata non possent. In natura vero humana, quæ peccato in inferiora defluxit, ita Deus pace delectatur, ut non relinquat libramenta justitiae, nec pacem quam diligit velit calcaria a peccantibus, sed amari a certantibus, apprehendi a vitoribus, et ea carnalibus figurata promittere, spiritualibus aperta monstrare.

CAPUT XXI. — De eo quod scriptum est in Deuteronomio: *Maledictus omnis qui in ligno pependerit* (*Deut. xxi, 23*). Licet saepè a Manichæis ista quæstio ventilata sit, non video tamen quid habeat huic sententiæ contrarium quod ex Evangelio Adimantus opponendum putavit, ubi Dominus ait: *Si vis perfectus esse, vende omnia quæcumque possides, et divide pauperibus, et tolle crucem tuam, et sequere me* (*Matth. xix, 21, et xvi, 24*). Ille præterquam quod crucem nominat, nihil attendit esse contrarium ei quod dictum est, *Maledictus omnis qui in ligno pependerit*: quasi vero talem cruce possit quisque tollere et sequi Dominum. Sed illa tollitur, cum sequimur Dominum, de qua dicit Apostolus: *Qui autem Jesu Christi sunt, carnem suam crucifixerunt cum passionibus et concupiscentiis* (*Galat. v, 24*). Tali enim cruce vetus homo, id est, vetus vita perimitur, quam de Adam traximus, ut quod in illo fuit voluntarium, in nobis fieret naturale. Quod ostendit Apostolus dicens: *Fùimus et nos aliquando natura filii iræ, sicut et ceteri* (*Ephes. ii, 3*). Si ergo vetus vita de Adam, unde et nomine veteris hominis vetus vita significatur; quid absurdum habet, quod in veterem hominem maledictum prolatum est, quem Dominus suspendit in ligno? Quia ex ipsa successione mortalitatem gestavit, de virgine Maria mortaliter natus, habens carnem non peccatrixem, sed tamen similitudinem gerentem peccati³ (*Rom. viii, 3*); quia mori poterat, et mors de peccato est. Unde etiam est illud: *Scientes quia vetus homo noster simul confixus est cruci cum illo, ut evacuetur corpus peccati* (*Id. vi, 6*). Non ergo Dominus per linguam Moysi famuli Dei, sed mors ipsa meruit maledictum, quam Dominus noster suscipiendo evacuavit. Mors itaque illa pependit in ligno, quæ per mulierem ad hominem serpentem persuasione pervenit. Unde etiam serpentem, ad significationem ipsius mortis, Moyses in eremo exaltavit in ligno. Et quoniam a mortiferis cupiditatibus per fidem sanamur crucis Domini, qua cruce mors ligno suspensa est; propterea qui serpentum morsibus venenabantur, conspecto serpente qui fixus erat atque exaltatus in ligno, continuo sanabantur (*Num. xxi, 9*). Illic sacramento ipse Dominus attestatus est dicens: *Sicut enim Moyses exaltavit serpente in eremo, ita exaltari oportet Filium hominis* (*Joan. iii, 14*). Suscipiendo autem ignominiosissimum apud homines mortis genus Dominus noster Jesus Christus, hoc est, mortem crucis, commendavit nobis dilectionem suam, ut merito Apostolus diceret, accendens nos in ejus charitatem: *Christus nos redemit de maledicto Legis, factus pro nobis maledictum*.

¹ Aliquot MSS., *quibus omnis anima*.

² Ha Corbeiensis codex. At editu, prius.

³ Corbeiensis codex, *sivilitu: nem grecem carnis peccati*.

Scriptum est enim : Maledictus omnis qui pendet in ligno (Galat. iii, 13). Ut non solum nullam mortem, sed etiam nullum mortis genū Christiana libertas, sicut Judaica servitus, formidaret.

CAPUT XXII. — De homine quem lapidari Deus jussit, qui sabbato inventus est ligna colligere (Num. xv, 55). Dominus in Evangelio ubi hominis manum aridam sanavit die sabbati (Math. xii, 10-13), divinum opus fecit, non humanum; nec ab otio recessit qui jussit et factum est. Et ideo non est simile hoc factum ligna colligenti, quod facere cum inventus esset homo die sabbati, jussu Dei lapidatus est. De serviis autem observatione sabbati, et de vindicta temporalis mortis, jam multa dicta sunt. Sicut enim tempore charitatis bonitas, sic tempore timoris severitas Dei maxime commendatur. Et cum adhuc non operteret ante adventum Domini nudare populo legitimarum sacramenta figurarum, non invitabantur significata intelligere, sed jussa cogebantur implere: nondum enim Deo inhherabant per spiritum, sed per carnem legi serviebant. Miror autem quod isti plangunt lapidatum hominem Dei praecepto, quia contra iustum Legis ligna collegit, et non plangunt arborem aresfactam verbo Christi (Id. xxi, 19), quae contra nullum praeceptum fecerat; eum talem animam arboris esse credant, qualem hominis.

CAPUT XXIII. — De eo quod scriptum est: *Mullier tua sicut vinea frondescens, et filii tui ut novellæ olivarum in circuitu mensæ tuæ, et videbis filios filiorum tuorum; et scies quia hoc modo benedicitur homo qui timet Dominum* (Psal. cxxvii, 2-4). Hoc per prophetam figurate dictum, et ad significationem Ecclesiæ pertinere Manichei non intelligunt, et putant contrarium esse quod in Evangelio Dominus de spadonibus ait, qui se ipsos castrant propter regnum cœlorum (Math. xix, 12). Sed nos jam et de viro, et de uxore, et de spadonibus, quantum satis fuit, in tertio capitulo disseruimus.

CAPUT XXIV. — De eo quod scriptum est apud Salomonem: *Imitare formicam, et intuere diligentiam ejus, quia ab aesta/is tempore usque ad hiemem colligit sibi alimonias* (Prov. vi, 6, 8). Neque hoc intelligent Manichei spiritualiter esse accipendum, et putant præceptum esse ut thesaurizemus in terra, aut etiam euremus hanc horrea, que sine ullo præcepto multum homines implere festinant. Et ideo illud Adimantus ex Evangelio dicit aduersum esse huic sententiae, ubi Dominus ait: *Nolite cogitare de crastino* (Math. vi, 34). Sed neque hoc intelligunt ad id pertinere, ut temporalia non amemus, neque timeamus ne nobis desint necessaria, et propter ipsa conquirenda vel Deo vel hominibus serviamus. Nam si hoc ideo dictum est, ut non servetur panis in crastinum, magis hoc implent vagi Romanorum, quos Passivos (a) ap-

(a) Vaticanus codex, *Passiones*. Melius alli MSS. cum editis, *Passivos*. Vox est Afris presertim scriptoribus familiaris, significans hic loci vagum, inconstans et vile hominum genus. Sic Tertullianus, lib. contra Valentim., *passivos discipulos* vocat, passim vagos nec nisi magistro adictos. Et lib. I contra Marcion *passivum concubanum* dicit indifferenteum et promiscuum. Et lib. I ad Cypriolum, *licentiam passivam*, id

pellant, qui annona quotidiana satiat ventre, aut dominat statim quod restat, aut projiciunt, quam vel Domini discipuli, qui etiam cum ipso Domino cœli et terræ in terra ambulantes loculos habebant; vel Paulus apostolus, qui omnium terrenorum contemptor, sic tamen gubernavit ea quæ praesenti vite erant necessaria, ut etiam de viduis præceperit dicens, *Si quis fidelis habet viduas, sufficienter tribuat illis, ut non gravetur Ecclesia, quo veris viduas sufficere possit* (I Tim. v, 16). Sed tamen illud de formica ita positum est, ut quemadmodum illa æstate colligit unde in hieme pascatur, sic unusquisque Christianus in rerum tranquillitate, quam significat aetas, colligat verbum Dei, ut in adversitate et tribulationibus, que hiemis nomine significantur, habeat unde spiritualiter vivat. Non enim in pane solo vivit homo, sed in omni verbo Dei (Deut. viii, 3, et Math. iv, 4). Si autem hoc eos movet, quod in terra condit formica quod colligit, irsucantur etiam illi thesauro quem Dominus in agro dicit inventum (Math. xiii, 44).

CAPUT XXV. — De eo quod scriptum est in Osee: *Da illis ventrem vacuum et ubera arida: mortifica semem ventris ipsorum, ne pariant* (Osee ix, 14). Et hec prophethica locutio est utique figurata. Nam et ventrem non carneum intelligunt in Evangelio, cum legendunt: *Flumina aquæ viæ fluent de ventre ejus* (Joan. vii, 38). Et ubera quædam habebat Apostolus, cum dicaret, *Lac vobis potum dedi, non escam* (I Cor. iii, 2): et iterum, *Factus sum parvulus in medio vestrum, tanquam si nutrix fovens filios suos* (I Thess. ii, 7). Et Galatas ad carnalia declinantes iterum partur, donec Christus in eis formetur (Galat. iv, 19). Et ideo huic propheticæ sententiae non repugnat quod Adimantus posuit ex Evangelio, quod in resurrectione a mortuis, neque nubent, neque uxores ducent, neque morientur, sed sunt ut Angeli Dei (Math. xxii, 30). Nam hoc est utique quod accipiunt etiam spadones, de quibus Isaías loquitur: *Locum nominatum multo meliorem filiorum et filiarum, nomen æternum dabo eis*, inquit (Isai. lvi, 5). Non ergo isti arbitrentur in solo Evangelio tale præmium promitti sanctis: ventremque vacuum et ubera arida et mortificatum semen, ne pariant, intelligent de his esse dictum de quibus dicit Apostolus, *Sicut enim Jamnes et Iambres¹ restiterunt Moysi, sic et isti resistunt veritati, homines mente corrupti, reprobri circa fidem: sed ultra non proficient; dementia enim corum manifesta erit omnibus, sicut et illorum fuit* (II Tim. iii, 8 et 9). Cum ergo ultra non proficiant, tunc habebunt ventrem vacuum, et ubera arida, et mortificatum semen. In qua sententia se isti tanquam in speculo dignuntur inspicere.

CAPUT XXVI. — De eo quod scriptum est in Amos propheta: *Si fieri potest ut ambulantes duo in via minime se agnoscant, et leo sine præda ad catulum suum*

est, vagam et indifferente: quo etiam sensu apud Hieronymum in Ezech. xvi legitur *passiva libido*. In concilio carthaginensi primo, cap. 8, dicitur *communio passiva*, id est indifferens; et ibidem, cap. 11, *passiva corpora*, id est, quælibet.

¹ Sie MSS. Juxta graecum. Edid. vero, *Iambres*.

revertatur; si decidet avis sine aucupe in terram, si tenuunt muscipulam sine causa, ut nihil capiant; si dubit sonum tuba in civitate, ut plebs non terreatur: ita etiam malum aliquod in civitate non perpetratur, quod Dominus non faciet (*Amos* iii, 3-6). Malum hoc loco non peccatum, sed pena intelligenda est. Dupliciter enim appellatur malum; unum quod homo facit, alterum quod patitur: quod facit, peccatum est; quod patitur, pena. De penis ergo loquebatur Propheta, cum hoc dicaret. Divina enim providentia cuncta moderante et gubernante, ita homo male facit quod vult, ut male patiatur quod non vult. Sic autem isti accusant Prohetam ista dicentem, quasi in Evangelio non legerint: *Nonne duo passeress asse veneunt, et unus ex his non cadit in terram sine Patris restri voluntate* (*Matth.* x, 29)? Ita ergo Deus malum facit, quod non ipsi Deo malum est, sed eis in quos vindicat. Itaque ipse, quantum ad se pertinet, bonum facit; quia omne justum bonum est, et justa est illa vindicta. Et ideo non est contrarium, quod Adimantus objicit dixisse Dominum: *Arbor bona fructus bonos facit; mala autem arbor malos fructus facit* (*Id.* vii, 17). Quamvis enim malum sit gehenna damnato; justitia tamen Dei bona est, et ipse fructus est ex arbore bona. Ille autem malis peccatorum suorum thesaurizat sibi iram in die irae et revelationis justi judicii Dei, qui reddet unicuique secundum opera sua (*Rom.* ii, 5, 6). Quanquam ista duæ arbores manifestissime in similitudine duorum hominum positæ sint, id est, justi et injusti: quia nisi quisque voluntatem mutaverit, bonum operari non potest. Quod in nostra potestate esse possum, alio loco docet, ubi ait: *Aut facite arborum bonam, et fructum ejus bonum; aut facite arborum malam, et fructum ejus malum* (a). Illis enim hoc dicit, qui putabant se bona loqui posse, cum essent mali, hoc est, bonos fructus facere, cum essent arbores malæ: Sic enim et subjungit: *Hypocritæ, quomodo potestis bona loqui, cum mali sitis* (*Matth.* xi, 33, 34)? Mala ergo arbor fructus bonos facere non potest: sed ex mala fieri bona potest, ut bonos fructus ferat. Fuitis enim aliquando tenebræ, inquit Apostolus; *nunc autem lux in Domino*. Tanquam si dicaret, Fuitis aliquando arbores malæ, et ideo non poteratis tunc nisi malos fructus facere: *nunc autem lux in Domino*, id est, et jam facti arbores bonæ, date fructus bonos; quod sequitur dicens, *Sicut filii lucis ambulate: fructus enim luminis est in omni justitia et veritate; probantes quid sit beneplacitum Domino* (*Ephes.* v, 8-10). Nam et in ipso Evangelii capitulo, si non studio malevolentie sugeret Adimantus, posset advertere quomodo dicatur Deus malum facere. Ibi enim ait Dominus, quod etiam iste commemoravit: *Omnis arbor quæ non facit fructus bonos, excidetur, et in ignem mittetur* (*Matth.* vii, 19). Hæc sunt mala quæ Deus facit, id est, peccatoribus penas, quod in ignem mittet arbores, quæ in malitia perseverantes fieri bone moluerint, cum hoc ipsis arboribus malum sit. Deus autem, ut sape dixi, non dat fructus malos,

quia justitiae fructus est vindicta peccati.

CAPUT XXVII. — De eo quod in Isaia propheta scriptum est: *Ego sum Deus qui facio pacem, et constituo mala* (*Isai.* xlv, 7). Etiam hoc eadem regula solvit. Non enim reprehendit Adimantus quod dixit Deus, *facio pacem*; sed quod dixit, *constituo mala*. Cum Paulus apostolus hæc duo similiter uno in loco etiam latius tractaverit dicens, *Vides ergo bonitatem et severitatem Dei: in eos quidem qui ceciderunt, severitatem; in te autem bonitatem, si permanenseris in bonitate: alioquin et tu excideris, et illi si non permanenseris in incredulitate, inserentur. Potens est enim Deus iterum inserere illos* (*Rom.* xi, 22 et 23). In hoc sermone apostolico satis appetit bonitas Dei, secundum quam dixit Isaias, *Ego sum Deus qui facio pacem; et severitas, secundum quam dixit, constituo mala*. Similiter etiam ostendit in nostra potestate esse, ut vel inseri bonitate ipsius, vel excidi severitate mereamur (a). Non ergo est Isaiae contrarium Evangelium, sicut putat, vel potius putari cupit Adimantus, ubi Dominus ait: *Beati pacifici, quia filii Dei vocabuntur* (*Matth.* v, 9). Vel ex ipsa enim parte debuit agnoscere, etiam Isaiam sciens filios Dei esse pacificos, quia per eum dixit Deus, *Ego sum qui facio pacem*. Sed cum in alia parte ad male intelligendum oculum fixit, in altera se ipse excœavit. Quod si vellet alias similiter cœcus dicere bonum esse Vetus Testamentum, ubi dicit Deus, *Nolo mortem peccatoris, quantum ut revertatur et vivat* (*Ezech.* xxxiii, 11); malum autem esse Novum Testamentum, ubi dicit Christus, *Ite in ignem eternum, qui preparatus est diabolo et angelis ejus* (*Matth.* xxv, 41): nonne in soveam eadens omnes qui se sequerentur, indoctos et Scripturarum ignaros in imperitia cœcitatem germinante¹ malitia secum pariter precipitaret? Qui autem oculo pio legit, et in Novo Testamento invenit quod isti accusant in Veteri, et in Veteri quod laudant in Novo.

CAPUT XXVIII. — 1. De eo quod scriptum est in Isaia: *Et factum est eo anno quo mortuus est Ozius rex, vidi Dominum sedentem in sede altissima; et plena erat domus gloriae ipsius, et in circumitu Seraphim stabant; senas alas habentes, et binis quidem operabant faciem ipsius, binis vero pedes* (*Isai.* vi, 1 et 2). Huic loco illud opponit Adimantus, quod ait Apostolus: *Regi autem sæculorum invisibili honor et laus in sæcula* (*1 Tim.* i, 17). In qua quæstione querendum est quid ei visum fuerit; vel in illa visione Isaia binas alas prætermittere, quibus volabant Seraphim, dicentes. *Sanctus, sanctus, sanctus Dominus Deus sabaoth*: vel in Apostoli verbis non totum dicere. Nam ita dicit Apostolus: *Regi autem sæculorum invisibili, incorruptibili, soli Deo honor et gloria in sæcula sæculorum*. At forte timuit ne Trinitatis commemoratione commendaret Prophetam lectori, et aliquid magnum ibi latere suspicaretur? Ter enim dicitur, *Sanctus, sanctus, sanctus Dominus Deus sabaoth*. In Apostolo autem forte

¹ Victorinus Ms. et unus e vaticani, *geminante*. Alter *Vaticanus codex, gemmante. Corbeiensis, geminantem*.

(a) *I Retract.*, cap. 22, n. 4.

vidit, quod si dixisset, *incorruptibili Deo*; responderetur illi quod nunc istis dicimus: Quid ergo incorruptibili Deo factura erat gens tenebrarum, si cum ea pugnare noluisset? Aut si forte madosos codiees legerat, aut iste madosus est ubi nos ipsum Adimantum legimus, non est diutius de re dubia disserendum: sed jam querendum est quomodo et Propheta dixerit vidisse se Deum in sede altissima, et apostolus Paulus verum dixerit, invisibilem Deum. Interrogo itaque istos utrum invisibilia possint conspici. Si dicunt posse; quid ergo calumniantur, si Deum invisibilem Propheta conspexit? Si autem dicunt non posse; ipsi Apostolo potius calumnientur, si audent, qui ait: *Invisibilia enim Dei, a constitutione mundi, per ea quae facta sunt, intellecta conspiciuntur* (*Rom. i, 20*). Ipse enim dixit esse *invisibilia*; et ipse rursus dicit, *conspiciuntur*. Nonne hic coguntur fateri oculis corporis esse invisibilia, menti vero esse visibilia? Sic igitur et Propheta Deum, qui corporaliter invisibilis est, non corporaliter, sed spiritualiter vidit.

2. Nam multa genera visionis in Scripturis sanctis inveniuntur. Unum, secundum oculos corporis: sicut vidit Abraham tres viros sub ilice Mambre (*Genes. xviii, 1*), et Moyses ignem in rubo (*Exod. iii, 2*), et discipuli transfiguratum Dominum in monte inter Moysen et Eliam (*Matt. xvii, 2, 3*): et cetera hujusmodi. Alterum, secundum quod imaginatur ea quae per corpus sentimus: nam et pars ipsa nostra cum divinitus assumitur, multa revelantur, non per oculos corporis, aut aures, aliumve sensum carnalem; sed tamen his similia, sicut vidit Petrus discum illum submitti e celo cum variis animalibus (*Act. xi, 5, 6*). Ex hoc genere est etiam istud Isaiae, quod imperitissime impii reprehendunt. Non enim Deum formia corporea circumterminat: sed quemadmodum figuratae, non proprie, multa dicuntur; ita etiam figuratae multa monstrantur. Tertium autem genus visionis est secundum mentis intuitum, quo intellecta conspiciuntur veritas atque sapientia: sine quo genere illa duo quae prius posui, vel instructuosa sunt, vel etiam in errorem mittunt. Cum enim ea, quae sive corporeis sensibus, sive illi parti animae quae corporalium rerum imagines capit, divinitus demonstrantur, non solum sentiuntur his modis, sed etiam mente intelliguntur, tunc est perfecta revelatio. Ex hoc tertio genere est visio illa quam commemoravi, dicente Apostolo, *Invisibilia enim Dei, a constitutione mundi, per ea quae fa-*

cta sunt, intellecta conspiciuntur. Hac visione videtur Deus, cum per pietatem fidem et per agnitionem Dei morum optimorum corda mundantur. Quid enim profuit Balthasari regi, quod manum scribentem ante oculos suos in pariete conspexit? Cui visioni quia non potuit adjungere mentis aspectum, quererbat adhuc videre quod viderat. Tali autem acie luminis, qua ista intelliguntur, Daniel prædictus, mente vidit, quod ille viderat corpore (*Dan. v*). Rursus illa parte animi, que imagines corporum capit, vidi somnum Nabuchodonosor rex: et quoniam non habebat idoneum oculum mentis ad melius videndum quod viderat, id est, ad intelligendum quod viderat, ideo ad interpretandum visum suum, aspectum quæsivit alienum, ejusdem scilicet Danielis: cui tamen aperienti ut certam accommodaret fidem, etiam ipsum somnum ut sibi diceretur exegit. Daniel autem revelante sancto Dei Spiritu, et quid ille vidisset in sonni ea parte vidit qua corporum capiuntur imagines, et quid significaret mente conspexit (*Id. ii*). Non est autem propheta veri Dei et summi, qui oblata divinitus visa, vel solo corpore, vel etiam illa parte spiritus videt qua corporum capiuntur imagines, et mente non videt. Sed plerumque in Scripturis sic posita inveniuntur, quemadmodum visa sunt, non etiam quemadmodum intellecta sunt; ut mentis visio, in qua totus fructus est, exercendis lectoribus servaretur. Sed ex multis quæ aperte sunt scripta, manifestatur nobis quomodo illa intellexerint, quæ sic in libris posuerunt, quomodo figurate illis demonstrata sunt. Ad duo enim genera illa visionis pertinent figuratae demonstrationes: ad mentis autem, id est, ad intelligentiae visionem simplex et propria pertinet revelatio rerum intellectarum atque certarum. Omnia tamen hæc genera mirisces et ineffabilibus distributionibus exhibet atque moderatur Spiritus sanctus summae incommutabilisque sapientiae. Sed isti miseri sunt qui calumniantur Prophetæ dicenti quod Deum viderit, objicientes apostolicam sententiam, ubi invisibilem dixit. Si enim alter objiciat huic apostolico verbo evangelicum verbum, quo Dominus ait, *Beati mundi corde, quoniam ipsi Deum videbunt* (*Matt. v, 8*); quomodo respondebunt posse invisibilem videri? Verbo enim premunt imperitos, et quatenus invisibilis Deus dictus sit, etsi cognoscunt, cognosci timent. Tanta est perniciose animorum, qui cum vincere hominem volunt, ab errore vincuntur.

IN SUBSEQUENS OPUS,

Vide lib. 2, cap. 2, Retractionum, tom. 1, col. 631, a verbis, Liber contra Epistolam Manichæi (a), usque ad verba, Unum verum Deum. M.

(a) Librum hunc anno 396 aut 397 scriptum intelligimus ex Retractionum serie, in qua post libros ad Simplicianum, quos Augustinus in exordio sui episcopatus edidit, proxime collocatur. Porro ex eadem Manichæi Epistola, cuius isthac principia reprehendit, fragmentum reperies infra, in libro de Natura Boni, cap. 48, et alia quædam in libro de Fide contra Manichæos, capp. 5, 7 et 11.



S. AURELII AUGUSTINI

HIPPONENSIS EPISCOPI

CONTRA EPISTOLAM MANICHÆI

Quam vocant Fundamenti

LIBER. UNUS ^(a):



Refellit priores partes Epistolæ Manichæi, ostendens ipsum pro manifesta quam pollicebatur, et pro certa cognitione, non nisi incerta et absurdâ deliramenta suis seclatoribus proponere.



CAPUT PRIMUM. — 1. *Hæretici sanandi magis quam perdendi.* Unum verum Deum omnipotentem, ex quo omnia, per quem omnia, in quo omnia, et rogavi et rogo, ut in refellenda et revineenda hæresi vestra, Manichæi, cui et vos fortasse imprudentius quam malitiosius adhæsistis, det mihi mentem pacatam atque tranquillam, et magis de vestra correctione, quam de subversione cogitantem. Quanquam enim Dominus per suos servos regna subvertat erroris; ipsos tamen homines, in quantum homines sunt, emendandos esse potius, quam perdendos jubet. Et quidquid divinitus ante illud ultimum judicium vindicatur, sive per improbos sive per justos, sive per nescientes sive per scientes, sive occulite sive palam; non ad interitum hominum, sed ad medicinam valere credendum est: quam qui respuerint, extremo suppicio præparantur. Quapropter cum in hac universitate rerum, alia sint quæ valent ad corporalem vindictam, sicut ignis, et venenum, et morbus, et cætera hujusmodi; alia quibus apud seipsum non molestiis corporis sui, sed cupiditatum suarum laqueis animus puniatur, sicuti est damnum, exsilium, orbitas contumelia, et his similia; quædam vero non sint cruciamenta, sed quasi fomenta et lenimenta longuentium, ut sunt consolationes, cohortationes, disputaciones; et quæcumque sunt talia: horum omnium quædam etiam per malos nescientes operatur summa Dei justitia, quædam autem per scientes bonos. Nostrum igitur fuit eligere et optare meliora, ut ad vestram correctionem aditum haberemus, non in contentione et remulatione et persecutionibus; sed mansuece consolando, benevole cohortando, leniter disputando: sicut scriptum est, *Servum autem Domini non oportet litigare; sed mitem esse ad omnes, docibilem, patientem, in modestia corripientem diversa sentientes* (II Tim. II, 24, 25). Nostrum ergo fuit velle has partes expetere:

Dei est volentibus et potentibus donare quod bonum est.

CAPUT II. — 2. *Causæ cur mitius agendum cum Manichæis.* Illi in vos sœviant, qui nesciunt cum quo labore verum inveniatur, et quam difficile caveantur errores. Illi in vos sœviant, qui nesciunt quantiarum et arduum sit carnalia phantasmatæ piaæ mentis serenitate superare. Illi in vos sœviant, qui nesciunt cum quanta difficultate sanetur oculus interioris hominis, ut possit intueri solem suum: non istum quem vos colitis cœlesti corpore, oculis carnis et hominum et pecorum fulgentem atque radiantem, sed illum de quo scriptum est per prophetam, *Ortus est mihi justitie sol* (*Malach. iv, 2*); et de quo dictum est in *Evangilio*, *Erat lumen verum, quod illuminat omnem hominem venientem in hunc mundum* (*Joan. I, 9*). Illi in vos sœviant, qui nesciunt quibus suspirlis et gemitibus fiat, ut ex quantulacumque parte possit intelligi Deus. Postremo, illi in vos sœviant, qui nunquam tali errore decepti sunt, quali vos deceptos vident.

CAPUT III. — 3. *Augustinus quondam manichæus.* Ego autem qui diu multumque jactatus tandem respicerem ¹ potui quid sit illa sinceritas, quæ sine inanis fabule narratione percipitur; qui vanas imaginations animi mei variis opinionibus erroribusque collectas vix miser merui Domino opitulante convincere; qui me ad detergendam caliginem mentis, tam tarde clementissimo medico vocanti blandientique subjeci; qui diu flevi, ut incommutabilis et immaculabilis substantia concinentibus divinis Libris sese mihi persuaderet intrinsecus dignaretur; qui denique omnia illa signenta, quæ vos diurna consuetudine implicatos et constrictos tenent, et quæsivi curiosc, et attente audiui, et temere credidi, et instanter quibus potui persuasi, et adversus alios pertinaciter animoseque de-

ADMONITIO PP. BENEDICTINORUM.

Ad emendandum librum contra Epistolam Manichæi contulimus editiones Am. Fr. et Lov. cum antiquissimo Corbeiensi codice, cum Gemmisticensi, Casalino, Colbertino, Sorbonico, Victorini duobus, et duobus Vaticanis, cumque variis lectiōibus quinque Belgicorum.

Comparavimus præterea eas omnes editiones initio Retr. et Confess., t. 1, memoratas. M.

(a) Scriptus circiter annum 307.

¹ Sola editio Lov., perspicere.

fendi; s̄avire in vō omnino non possum, quos sicut meipsum illo tempore, ita nūne debo sustinere, et tanta patientia vobis agere, quanta mecum egerunt proximi mei, cum in vestro dogmate rabiosus et cœcūs errarem.

4. Ut antem facilius mitescatis, et non inimico animo vobisque perniciose mihi adversemīti, illud quo-vis judice impetrare me a vobis oportet, ut ex utraque parte omnis arrogantia depōnatur Neno nostrum dicat jam se invenisse veritatem: sic eam querāmus, quasi ab utrisque nesciat. Ita enim diligenter et concorditer queri poterit, si nulla temeraria præsumptione inventa et cognita esse credatur. Aut si hoc a vobis impetrare non possum, saltem illud concedite, ut vos tanquam incognitos nunc primum audiām, nunc primum discutiam. Justum puto esse quod postulo: hac sane lege servata, ut vobiscum non orem, non conventicula celebrem, non Manichæi nomen accipiam, si non mihi de omnibus rebus ad salutem animæ pertinentibus sine ulla caligine rationem perspicuam dederitis.

CAPUT IV. — 5. *Argumenta fidei catholicæ.* In catholicæ enim Ecclesia, ut omittam sincerissimam sapientiam, ad cuius cognitionem pauci spirituales in hac vita pervenient, ut eam ex minima quidem parte, quia homines sunt, sed tamen sine dubitatione cognoscant: exteram quippe turbam non intelligendi vivacitas, sed credendi simplicitas tutissimam facit: ut ergo hanc omittam sapientiam, quam in Ecclesia esse catholicæ non creditis; multa sunt alia quæ in ejus gremio me justissime teneant. Tenet consensio populum atque gentium: tenet auctoritas miraculæ inchoata, spe nutrita, charitate aucta, vetustate firmata¹: tenet ab ipsa sede Petri apostoli, cui pascendas oves suas post resurrectionem Dominus commendavit; usque ad præsentem episcopatum successio sacerdotum: tenet postremo ipsum Catholicæ nomen, quod non sine causa inter tam multas hæreses sic ista Ecclesia sola obtinuit, ut cum omnes hæretici se catholicos dici velint, quærenti tamen perigrino alicui, ubi ad Catholicam conveniatur, nullus hæretieorum vel basilicam suam vel domum audeat ostendere. Ista ergo tot et tanta nominis christiani charissima² vincula recte hominem tenent credentem in catholicæ Ecclesia, etiamsi propter nostræ intelligentiæ tarditatem vel vite meritum veritas nondum se apertissime ostendat. Apud vos autem, ubi nihil horum est quod me invitet ac teneat, sola personat veritatis pollicitatio: quæ quidem si tam manifesta monstratur, ut in dubium venire non possit, præponenda est omnibus illis rebus, quibus in Catholicæ tencor; si autem tantummodo promittitur, et non exhibetur, nemo me movebit ab ea fide quæ animum meum tot et tantis nexibus christianæ religioni³ astringit.

CAPUT V. — 6. *Contra titulum Epistole Manichæi.*

¹ In Corbeiensi codice, deest, *aucta, vetustate.*

² Duo MSS., *clarissima.*

³ Alii. et omnes MSS., *religionis.*

Videamus igitur quid me doceat Manichæus, et potissimum illum consideremus librum, quem Fundamenti Epistolam dicitis, ubi totum pene quod creditis continetur. Ipsa enim nobis illo tempore misericors quando lecta est, illuminati dicebamur a vobis⁴. Certe sic incipit: *Manichæus apostolus Jesu Christi providentia Dei Patris. Hæc sunt salubria verba, de perenni ac vivo fonte.* Jam cum bona patientia, si placet, attendite quid queram. Non credo istum esse apostolum Christi. Queso ne succenseatis, et male dicere incipiatis. Nostis enim me statuisse, nihil a vobis prolatum temere credere. Quæro ergo quis sit iste Manichæus? Respondebitis: Apostolus Christi. Non credo: quid jam dicas aut facias, non habebis; promittebas enim scientiam veritatis, et nunc quod nescio cogis ut credam. Evangelium mili fortasse lecturn es, et inde Manichæi personam tentabis asserere. Si ergo invenires aliquem, qui Evangelio nondum credit, quid faceres dicenti tibi, Non credo? Ego vero Evangelio non crederem, nisi me catholice Ecclesiæ commoveret auctoritas. Quibus ergo obtemperavi dicentibus, Crede Evangelio; cur eis non obtemperem dicentibus mili; Noli credere Manichæis? Elige quid velis. Si dixeris, Crede Catholicis; ipsi me monent ut nullam fidem accommodem vobis: quapropter non possum illis credens, nisi tibi non credere. Si dixeris, Noli Catholicis credere; non recte facies per Evangelium me cogere ad Manichæi fidem, quia ipsi Evangelio Catholicis prædicantibus credidi. Si autem dixeris, Recte credidisti Catholicis laudantibus Evangelium; sed non recte illis credidisti vituperantibus Manichæum: usque adeo me stultum putas, ut nulla redditia ratione quod vis credam, quod non vis non credam? Multo enim justius atque cautius facio, si Catholicis quoniam semel credidi, ad te non transeo, nisi me non credere iussiris, sed manifestissime ac apertissime scire aliquid feceris. Quocirca si mihi rationem redditurus es, dimitte Evangelium. Si ad Evangelium te tenes, ego me ad eos teneam, quibus præcipientibus Evangelio credidi; et his jubentibus tibi omnino non credam. Quod si forte in Evangelio aliquid apertissimum de Manichæi apostolatu invenire potueris, infirmabis mihi Catholicorum auctoritatem, quibz jubent ut tibi non credam: qua infirmata, jam nec Evangelio credere potero, quia per eos illi credideram; ita nihil apud me valebit, quidquid inde protuleris. Quapropter si nihil manifestum de Manichæi apostolatu in Evangelio reperitur, Catholicis potius credam quam tibi. Si autem aliquid inde manifestum pro Manichæo legeris, nec illis, nec tibi: illis, quia de te mihi mentiti sunt; tibi autem, quia eam scripturam mihi profers, cui per illos credideram, qui mihi mentiti

⁴ Editi Am. et Er., *inclinati dicebamus, Amen. Lov., inclinati ducebamus a vobis.* Duo MSS., *inclinatis dicebatur a vobis.* Tandem vetustissimus Corbeiensis codex: *illuminati dicebamur a vobis.* Favet huic lectioni quod infra, in capite 25 legitur de eadem Epistola: *quæ fere omnibus qui apud vos illuminati dicuntur, solet esse notissima.*

sunt. Sed absit ut ego Evangelio non credam. Illi enim credens, non invenio quomodo possim etiam ibi credere. Apostolorum enim nomina, que ibi leguntur (*Math. x, 2-4; Marc. iii, 13-19, et Luc. vi, 13-16*), non inter se continent nomen Manichæi. In locum autem traditoris Christi quis successerit, in Apostolorum Actibus legimus (*Act. i, 26*): cui libro necesse est me credere, si credo Evangelio, quoniam utramque Scripturam similiter mili catholica commendat auctoritas. In eodem etiam libro de vocatione atque apostolatu Pauli vulgarissimam tenemus historiam (*Id. ix*). Lege mihi jam, si potes, in Evangelio, ubi Manichæus apostolus dictus est; vel in aliquo alio libro, cui me jam credidisse confiteor. An illud lectorus es, ubi Spiritum sanctum paracletum Dominus promisit Apostolis? De quo loco vide quot et quanta sint, que me revocent et deterreant ne Manichæo credam.

CAPUT VI. — 7. *Cur apostolum Christi se scripsérít?* Quæro enim, cur epistolæ hujus principium sit, *Manichæus apostolus Jesu Christi*; et non sit, Paracletus apostolus Jesu Christi. Si autem missus a Christo Paracletus Manichæum misit, cur lego, *Manichæus apostolus Jesu Christi*; et non potius, *Manichæus apostolus Paracleti*? Si dicens ipsum esse Christum, qui est etiam *Spiritus sanctus*, contradicis ipsi Scripturæ, ubi Dominus ait, *Et aliū Paracletum mittam vobis* (*Joan. xiv, 16*). Si autem Christi nomen ideo recte positum putas, non quia ipse est Christus, qui et Paracletus, sed quia ejusdem sunt ambo substantiae; id est, non quia unus est, sed quia unum sunt: poterat et Paulus dicere, *Paulus apostolus Dei Patris*; quia dixit Dominus, *Ego et Pater unum sumus* (*Id. x, 50*). Nusquam hoc dicit: sed nec quisquam Apostolorum Patris se apostolum scribit. Quid sibi ergo vult ista novitas? Nonne vobis videtur nescio quam redolere fallaciam? Certe si nihil interesse arbitratus est, cur non varie in aliis epistolis apostolum Christi se nominat; in aliis, Paracleti? Sed Christi semper audivi, quotiescumque audiui: Paracleti autem nec semel. Quid hoc esse causæ arbitramur, nisi quia illa superbia, mater omnium hæreticorum, impulit hominem, ut non missum se a Paracleto vellet videri; sed ita susceptum, ut ipse Paracletus diceretur? Sicut Jesus Christus homo, non a Dei Filio, id est Virtute et Sapientia Dei, per quam facta sunt omnia, missus est; sed ita susceptus secundum catholicam fidem, ut ipse esset Dei Filius, id est, in illo ipso Dei Sapientia sanandis peccatoribus¹ appareret: sic se ille voluit a Spiritu sancto, quem Christus promisit, videri esse susceptum, ut jam cum audimus Manichæum Spiritum sanctum, intelligamus apostolum Jesu Christi, id est, missum a Jesu Christo, qui eum se missurum esse promisit. Singularis audacia ista, et ineffabile sacrilegium!

CAPUT VII. — 8. *Manichæus Spiritus sanctus quomodo creditus a suis.* Sed tamen quæro, cum Pater et

¹ *Er. et Iov., pectoribus. Castigantur ex Am. et vss.*

Filius et *Spiritus sanctus*, vobis etiam conscientibus, non dispari natura copulentur, cur hominem susceptum a Spiritu sancto Manichæum, non putatis turpe, natum ex utroque sexu prædicare; hominem autem susceptum ab unigenita Sapientia Dei, natum de virginie credere formidatis? Si caro humana, si concubitus viri, si uterus mulieris non potuit inquinare Spiritum sanctum; quomodo potuit uterus virginis inquinare Dei Sapientiam? Manichæus ergo iste qui do sancto Spiritu et evangelica lectione gloriatur, necesse est vobis concedat¹, aut missum se esse a Spiritu sancto, aut susceptum. Si missus est, Paracleti se apostolum dicat; si susceptus, concedat ei hominem² matrem quem suscepit unigenitus. Filius, si ei quem suscepit Spiritus sanctus concedit et patrem. Credat virginitate Marie Verbum Dei non esse pollutum, si concubitu parentum suorum Spiritum sanctum non potuisse pollui ut credamus hortatur. Quod si dixeritis, non in utero vel ante uterum, sed jam natum Manichæum a Spiritu sancto esse susceptum, sufficit ut fateamini habuisse carnem de viro et semina procreatam. Cum enim vos non timeatis viscera et sanguinem Manichæi de humano concubitu venientem, et intestina simo plena, quo illa caro gestabat, et his omnibus non creditis contaminatum esse Spiritum sanctum, a quo illum hominem susceptum esse creditis: cur ego uterum virginale et intacta genitalia reformidem, et non potius credam Sapientiam Dei in ipsis maternis visceribus homine suscepto immaculatam sinceramque mansisse? Quapropter quoniam sive missum, sive susceptum a Paracleto se Manichæus vester affirmet, nihil horum poterit obtinere: ego jam cautior neque missum eum credo, neque susceptum.

CAPUT VIII. — 9. *Festum natalis Manichæi.* Nam quod addidit dicens, *providentia Dei Patris*; quid aliud ambivit Jesu Christo nominato, cuius se dicit apostolum, et Deo Patre, cuius providentia missum se dicit a Filio, nisi ut Spiritum sanctum ipsum tertium esse crederemus? Sic enim scribit: *Manichæus apostolus Jesu Christi providentia Dei Patris.* Spiritus sanctus nominatus non est, qui maxime debuit ab eo nominari, qui nobis apostolatum sum Paracleti promissione commendat, ut evangelica auctoritate imperitos premit. Quod cum a vobis queritur, respondetis utique Manichæo apostolo nominato, Spiritum sanctum paracletum non nominari, quia in ipso venire dignatus est. Quæro ergo, sicut superius dicebam, quare exhorreatis cum dicit catholicæ Ecclesia, eum in quo venit divina Sapientia, natum esse de virginie: cum vos eum in quo Spiritum sanctum venisse prædicatis, natum de semina viro mixta nihil horreatis. Quid ergo aliud suspicer nescio, nisi quia iste Manichæus, qui per Christi nomen ad imperitorum animos aditum querit, pro Christo ipso se coli voluit. Hoe unde conjiciam, breviter dicam. Cum sepe a vobis quererem illo tem-

¹ *Editi, necesse est ut nobis concedat. Vss. vero, nequæst robis concedat.*

² *Sic meliores MSS. Editu vero, homini.*

pore quo vos audiebam, quæ causa esset quod Pascha Domini plerumque nulla, interdum a paucis tepidisima celebitate frequentaretur, nullis vigiliis, nullo prolixiore jejuniio indieto Auditoribus, nullo denique festiviore apparatu; cum vestrum hema (a), id est, diem quo Manichæus occisus est, quinque gradibus instructo tribunal et pretiosis linteis ornato, ac in promptu posito et objecto adorantibus, magnis honoribus prosequamini: hoc ergo cum quererem, respondebat ejus diem passionis celebrandum esse qui vere passus esset; Christum autem qui natus non esset, neque veram, sed simulatam carnem humanis oculis ostendisset, non pertulisse, sed finxit passionem. Quis non ingemiscat, homines qui se christianos dici volunt, timere ne polluantur veritas de virginis utero, et de mendacio non timere? Sed ut ad rem redeam, quis non suspectetur, cum diligenter attenderit, ideo negari a Manichæo Christum natum esse de femina, et humanum corpus habuisse, ne passio ejus, quod totius jam orbis festissimum tempus est, ab eis qui sibi credidissent celebraretur, et non tanta devotione diem mortis suæ desiderata solemnitas honoraret? Hoc enim nobis erat in illa hemeris celebitate gratissimum, quod per Pascha frequentabatur¹: quoniam vehementius desiderabamus illum diem festum, subtracto alio qui solebat esse duleissimus.

CAPUT IX. — 10. *Spiritus sanctus quando missus.* Fortasse dicas mihi: Quando ergo venit a Domino missus Paracletus? Hic ego si non haberem aliud quod erederem, facilius eum adhuc venturum expectarem, quam per Manichæum venisse concederem. Nunc vero cum in Actibus Apostolorum manifestissime sancti Spiritus prædictetur adventus, quæ me necessitas cogit hereticis tam periculose et tam facile credere? In libro enim memorato sic scriptum est: *Primum quidem sermonem fecimus² de omnibus, o Theophile, quæ cœpit Jesus facere et docere in die qua Apostolos elegit per Spiritum-sanctum, et præcepit prædicare Evangelium. Quibus præbuit se vivum post passionem in multis argumentis dierum, visus est eis per dies quadraginta, et docens de regno Dei, et quomodo conversatus sit cum illis, et præceperit eis³ ne discenderent ab Jerosolymis, sed sustinerent pollicitationem Patris, quam audistis, inquit, ex ore meo.* Quoniam Joannes quidem baptizavit aqua, vos autem Spiritu sancto incipiatis baptizari: quem et accepturi estis non post multos dies istos usque ad Pentecosten. Illi quidem cum venissent, interrogabant eum, dicentes: *Domine, si hoc in tempore repræsentaberis, et quando regnum Israel⁴.* Ille autem dixit: *Nemo potest cognoscere tempus, quod Pater posuit in sua potestate; sed accipietis virtutem Spiritus sancti supervenientem in vos, et eritis mihi testes apud Jerusalem, et in tota Iudea et Samaria, et usque in totam terram* (Act. 1, 1-8).

¹ In MSS., quod pro Pascha frequentabatur.

M.

² Apud Fr. Lugd. Ven. Lov., feci. M.

³ Apud Fr. Lugd. Ven. Lov., conversatus est cum illis, et præcepit eis. M.

⁴ Apud Fr. Lugd., repræsentabis regnum Israel? Ven.,

(a) Léma, id est. gradus.

Ecce habes ubi commemoravit discipulos pollicitationis paternæ, quam ex ore ejus audierant de Spirita sancto venturo. Nunc videamus quando sit missus, Paulo post enim sequitur, et dicit: *In illo tempore, quo suppletus est dies Pentecostes, fuerunt omnes eadem animatione simul in unum: et factus est subito de celo, sonus, quasi ferretur flatus vehemens, et imploavit totum illum locum in quo erant sedentes; et visæ sunt illis linguae divisæ quasi ignis, qui et insedit super unumquemque illorum. Et impleti sunt omnes Spiritu sancto, et cœperunt loqui linguis, quomodo Spiritus dabat eis pronuntiare. Jerosolymis autem fuerunt habitantes Judæi homines ex omni natione quæ est sub celo. Et cum facta esset vox, collecta est turba, et confusa est; quoniam audiebat unusquisque suo sermone et suis linguis loquentes eos. Stupebant autem et mirabantur, ad invicem dicentes: Nonne omnes qui loquuntur, natione sunt Galilæi? Et quomodo agnoscimus in illis sermonem in quo nati sumus? Parthi, Medii, Elamitæ, et qui inhabitant Mesopotamiam, Armeniam et Cappadociam, Pontum, Asiam, Phrygiam et Pamphyliam, Ægyptum et regiones Africæ¹, quæ est ad Cyrenen; et qui advenerant Romani, et Judæi, et incole², et Cretes, et Arabes, audiebant loquentes illos suis linguis magnalia Dei. Stupebant autem, et hæsitabant ob id quod factum est, dicentes: Quidnâm hoc vult esse? Alii autem irridebant, dicentes: Hi musto onnes onerati sunt (Act. ii, 1-13). Ecce ubi venit Spiritus sanctus: quid vultis amplius? Si Scripturis credendum est, cur non his potius credam, quæ robustissima auctoritate firmatæ sunt; quæ cum ipso Evangelio, ubi promissum Spiritum sanctum pariter credimus, innotescere populis et commendari posteris prædicari que meruerunt? Illos ergo Actus Apostolorum Evangelio pari auctoritate conjunctos cum lego, invenio non solum esse promissum illis veris Apostolis sanctum Spiritum, sed etiam tam manifeste missum, ut nullus de hac re locus relinqueretur erroribus.*

CAPUT X. — 11. *Spiritus sanctus bis datus.* Clarificatio enim Domini nostri apud homines, resurrectio est a mortuis, et in cœlum ascensio. Scriptum est autem in Evangelio καὶ λόγῳ: *Spiritus autem nondum erat datus, quia Jesus nondum erat clarificatus (Joan. vii, 39).* Si ergo propterea nondum erat datus, quia Jesus nondum erat clarificatus, clarificatio Jesu necessario statim datus est. Et propter ipsam geminam clarificationem, secundum hominem et secundum Deum, bis etiam datus est Spiritus sanctus: semel, postquam resurrexit a mortuis, cum insufflavit in faciem discipulorum, dicens, *Accipite Spiritum Sanctum* (Id. ix, 22). Et iterum, postquam ascendit in cœlum, decem diebus transactis: qui numerus perfectionem significat; cum septenario numero, quo condita universa consistunt, additur Trinitas conditoris. De quibus rebus inter spirituales viros pie cauteque multa tractantur. Sed ego a proposito ron-

præsentabis regnum Israel?

M.

¹ Sic MSS. Editi autem, et regionem Africæ.

² MSS., et Judæi incole; omisso et.

recedam : suscepimus enim prius vobiscum sic agere, ut non ego vos doceam, quod superbū fortasse arbitramini; sed tanquam ipse a vobis discere studeam, quod novem annis non potui. Quapropter habeo quibus litteris credam de adventu Spiritus sancti, quibus me credere si prohibet, ne temere credam quod nescio; sic enim soletis monere; multo minus vestris litteris credam. Quare, aut omnes libros¹ ante de medio, et disputando pандite veritatem, de qua dubitare non possim: aut tales proferte libros, quibus non mihi cum arrogantia imponatur quod credam, sed exhibeat sine fraude quod dicam. Fortasse, inquis, et haec epistola talis est. Nolo ergo in ejus limine ulterius immorari: interiora videamus.

CAPUT XI. — 12. Veritatem pollicetur Manichaeus, non exhibet. — Haec sunt, inquit, salubria verba, ex perenni ac vivo fonte; quæ qui audierit, et eisdem primum crediderit, deinde quæ insinuant custodierit, nunquam erit morti obnoxius, verum æterna et gloria vita fruetur. Nam profecto beatus est judicandus, qui hac divina instructus cognitione fuerit, per quam liberatus in sempiterna vita permanebit. Et haec, ut videtis, pollicitatio est, nondum exhibitio veritatis: et vos quoque animadvertere facillime potestis, isto velamine quoslibet errores fucari posse, ut imperitorum animis per ornatam januam latenter irrepant. Si enim diceret: Haec sunt pestifera verba, ex veneno fonte; quæ qui audierit, et eisdem primum crediderit, deinde quæ insinuant custodierit, nunquam erit vita restituendus, verum poenali et aerumnosa morte afficietur (nam profecto miser est judicandus, qui hac inferna implicatus imperitia fuerit, per quam demersus in sempiternis cruciatibus permanebit); si ergo hoc diceret, verum diceret: sed libro huic non solum nullum conciliaret lectorem; sed omnes in quorum manus incidisset, in maxima odia concitaret. Quam rem ad consequentia transeamus, nec nos ista decipient quæ possunt esse bonis et malis, doctis et indoctis verba communia. Quid ergo sequitur?

13. Pax, inquit, Dei invisibilis, et veritatis notitia sit cum fratribus sanctis et charissimis, qui mandatis cœlestibus credunt pariter atque deserviunt. Ita si, ut dicit. Nam et ista benigna et acceptissima optatio est. Tantum meminerimus haec et a bonis doctoribus et a deceptoribus dici posse. Itaque si nulla nisi talia diceret, omnibus legendum et amplectendum esse concederem. Nec illa quæ adhuc sequuntur, improboverim: adjungit enim, Sed et dextera luminis tueatur et eripiatur vos ab omni incursione maligna², et a laqueis mundi. Et omnino quidquid in hujus epistole principio scriptum est, donec veniatur ad causam, nolo reprehendere, ne in rebus minoribus multum opere consumatur. Jam ergo evidentissimam pollicitationem hominis videamus.

CAPUT XII. — 14. Deliramenta Manichæi. Præ-

¹ Editi, aut vestros libros omnes. Abest, vestros, a MSS.

² Corbeiensis codex, ab omni incursione maligna.

lium ante mundi constitutionem commissum. — De eo igitur, inquit, frater dilectissime Paltici¹, de quo mihi significasti, dicens, Nosse te cupere cuiusmodi sic nativitas Adæ et Evæ, utrum verbo sint iudicii prolati, an primogeniti ex corpore: respondebitur tibi ut congruit. Numque de his a plerisque in variis scripturis relationibusque² dissimili modo insertum atque commemorationum est. Quapropter reitas istius rei ut sese habet ab universis sere gentibus ignoratur, et ab omnibus qui etiam de hoc diu multumque disputarunt. Si enim illis super Adæ et Evæ generatione provenisset manifesto cognoscere, nunquam corruptioni et morti subjacerent. Manifestam ergo cognitionem hujus rei nobis pollicetur, ne corruptioni ac morti subjiciamur. Et si adhuc parum est, vide quid sequatur: Necessario ergo, inquit, plura sunt ante commemoranda, ut ad istud mysterium sine ulla possit ambiguitate perveniri. Illoc est quod dicebam, sic mihi demonstrari debere veritatem, ut ad eamdem sine ulla ambiguitate perveniam. Quod si ipse non polliceretur, me tamen hoc exigere et flagitare oportebat, ut tanta mercede cognitionis evidentissimæ atque certissimæ ex catholicō christiano quibuslibet contradictoribus manichæum me fieri non puderet. Jam igitur audiamus quid afferat.

15. Unde si tibi videtur, inquit, auscultata prius quæ fuerint ante constitutionem mundi, et quo pacto prælium sit agitatum, ut possis luminis sejungere naturam ac tenebrarum. Jam incredibilia et falsa omnino propositum. Quis enim credit ante constitutionem mundi ullum prælium fuisse commissum? Et tamen si est credibile, modo nos non credere, sed cognoscere venimus. Nam qui dicit Persas et Scythas ante multos annos secum bellasse, rem dicit credibilem; eam tamen quam vel auditam vel lectam possumus credere, non expertam comprehensamque cognoscere. Cum ergo istum repudiarem, si tale aliquid diceret; non enim ea promisit, quæ cogeret credere, sed quæ possem sine ulla ambiguitate cognoscere: quomodo eum non repudiabo, quando non modo incerta dicit, sed etiam incredibilia? Sed quid? si aliquibus rationibus ea perspicua et cognita faciet? Audiamus ergo, si possumus, cum tota patientia et lenitate quod sequitur.

CAPUT XIII. — 16. Due substantiae contraria. Regnum luminis. Incerta pro certis tradi a Manichæo. — Haec quippe, inquit, in exordio fuerunt, due substantiae a sece divisæ. Et luminis quidem imperium tenebat Deus Pater, in sua sancta stirpe perpetuus, in virtute magnificus, natura ipsa verus, æternitate propria semper exultans, continens³ apud se sapientiam et sensus vitales: per quos⁴ etiam duodecim membra luminis sui comprehendit, regni videlicet proprii divitias affluentibus. In unoquoque autem membrorum ejus sunt

¹ Editi, dilectissime, audisti. Vetus codex Corbeiensis antem illius cui Epistolam dedit Manichæus.

² Am. et plures MSS., revelationibusque.

³ Sic MSS. Editi vero, æternitate propria exultans, s. imper continuens, etc.

⁴ Nonnulli MSS., per quam.

recondita milia innumerabilium et immensorum thesaurorum. Ipse vero Pater in sua laude præcipitus, magnitudine incomprehensibilis, copulata habet sibi beatam et gloriosa saecula, neque numero, neque prolixitate astimanda, cum quibus idem sanctus atque illustris Pater et genitor degit, nullo in regnis ejus insignibus aut indigente aut infirmo constituto. Ita autem fundata sunt ejusdem splendidissima regna supra lucidam et beatam terram, ut a nullo unquam aut moveri aut contuti possint.

17. Ille mihi unde probatus est, aut haec ipse unde cognovit? Noli me terrere Paracleti nomine. Primo, quia non credere incognita, sed certa cognoscere accessi, a volvis ipsis factus timidor. Vos enim nostis, temere credentibus quam vehementer insultare soleatis: præsertim cum ipse, qui jam cœpit incerta narrare, plenam ac firmam scientiam paulo ante promiserit.

CAPUT XIV. — *Policebatur rerum certarum cognitionem, et imperat incertarum fidem.* Deinde, quoniam si mihi fides imperanda est, magis me teneret illa Scriptura, ubi lego, venisse Spiritum sanctum, et Apostolos inspirasse (*Act. ii, 1-4*), quibus eum Dominus se missurum esse promiserat (*Joan. xiv, 16, 26*). Quapropter, aut ea quæ dicit, proba mihi vera esse, ut ostendas quæ non possum credere; aut eum qui dicit, proba mihi Spiritum sanctum esse, ut credam quæ non potes ostendere. Ego namque catholicam fidem prospiceo, et per illam me ad certam scientiam perventurum esse præsumo: tu vero, qd̄ fidem meam labefactare conaris, certam scientiam trade, si potes; ut id quod credidi, tenere me credidisse convicas. Duo sunt quæ mihi profers: unum cum dicens Spiritum sanctum esse qui loquitur; et alterum, cum dicens manifesta esse quæ loquitur. Utrumque abs te sine ulla dubitatione cognoscere debui: sed non sum avarus; unum horum doce. Ostende hunc esse Spiritum sanctum, et credam vera esse quæ dicit, etiam ne sciam: aut ostende vera esse quæ dicit, et credam Spiritum sanctum esse, etiam ne sciam. Numquid æquius aut benevolentius tecum agi potest? Sed tu nec hoc nec illud vales ostendere. Nihil aliud elegisti, nisi laudare quod credis, et irridere quod credo. Cum igitur etiam ego vicissim laudero quod credo, et quod credis irrisero; quid putas nobis esse judicandum, quidve faciendum, nisi ut eos relinquamus, qui nos invitant certa cognoscere, et postea imperant ut incerta credamus: et eos sequamur, qui nos invitant prius credere, quod nondum valimus intueri, ut ipsa sive valentiores facti, quod credimus intelligere mereamur, non jam hominibus, sed ipso Deo intrinsecus mentem nostram illuminante atque firmante?

18. Et quoniam quiesvi unde mihi probet, nunc quero unde ipse cognoverit. Si dicit sibi esse revealatum a Spiritu sancto, suamque mentem divinitus illustratam, ut ea quæ dicit, certa et manifesta cognosceret; ipse significat quid intersit inter cognoscere et credere. Ipse enim cognoscit, cui apertissime ista monstrantur: eis autem quibus haec narrat, non

cognitionem insinuat, sed credulitatem suadet. Cui quisquis temere consenserit, Manichæus efficitur: non certa cognoscendo, sed incerta credendo; quales nos imperitos adolescentulos aliquando decepit. Debuit ergo non nobis polliceri scientiam, neque manifestam cognitionem, neque ad id quod queritur, sine ulla ambiguitate preventionem; sed dicere potius sibi ista esse monstrata, illos autem quibus narrantur credere sibi debere quæ nesciunt. Sed si hoc diceret, quis non ei responderet. Si ergo incognita crediturus sum, cur non ea potius credam, quæ iam consensione doctorum indoctorumque celebrantur, et per omnes populos gravissima auctoritate firmata sunt? Hoc ille metuens ne sibi diceretur, offundit nebulas imperitis: primum pollicens rerum certarum cognitionem, et postea incertarum imperans fidem. Cui tamen si hoc dicatur, ut saltem vel sibi haec doceat esse monstrata, similiter deficit, et hoc quoque ut credamus jubet. Quis ferat tantam fallaciam tantamque superbiam?

CAPUT XV. — 19. *Non solum incerta, sed etiam falsa esse quæ tradit.* Deliramentum de terra et gente tenebrarum juxta latus terræ sanctæ ac substantiæ Dei. Confutatur primo, quia naturæ Dei partes et latera tribuit tanquam sua mole per locorum spatha distendatur. Quid, si non solum incerta, sed etiam falsa esse quæ dicit, Deo et Domino nostro mihi opitulante monstravero? Quid infelicius ista superstitione inventari potest, quæ non modo non exhibet scientiam quam promittit atque veritatem, sed ea dicit quæ vehementer sunt scientiae veritatisque contraria? Quod in sequentibus manifestius apparebit. Ita enim dicit: *Juxta unam vero partem ac latus illustris illius ac sanctæ terræ erat tenebrarum terra profunda et immensa magnitudine, in qua habitabant¹ ignea corpora, genera scilicet pestifera. Hic infinitæ tenebrae, ex eadem manantes natura inestimabiles, cum propriis felibus: ultra quas erant aquæ caenosæ ac turbidæ cum suis inhabitatoribus; quarum interius venti horribiles ac vehementes cum suo principe et genitoribus. Rursum regio ignea et corruptibilis cum suis ducibus et nationibus. Pari more introrsum gens caliginis ac sumi plena, in qua morabatur immanis princeps omnium et dux, habens circa se innumerabiles principes, quorum omnium ipse erat mens atque origo: haque fuerunt naturæ quinque terræ pestiferae.*

20. Si aerium vel etiam ætherium corpus diceret esse naturam Dei, profecto irriteretur ab omnibus, qui sapientia veritatisque naturam per nulla locorum spatha distentam atque diffusam, sine ulla mole magna et magnificam, nec in parte minorem, et in parte majorem, sed per omnia æqualem summo Patri, nec aliud habentem hic et aliud alibi, sed ubique integrum, ubique presentem qualicumque acie jam serenioris mentis intueri valent.

CAPUT XVI. — *Animam ipsam, etsi mutabilis sit, per spatha locorum non distendi. Nam tota sentit in singulis partibus corporis.* Sed quid dicam de veritate atque sapientia, quæ omnes animæ potentias superat;

¹ Edi, habitant. At visq., habitabant.

cum ipsius animæ natura quæ mutabilis invenitur, nullo modo locorum spatha quadam mole sua occupet? Quidquid enim qualibet crassitudine est¹, non potest nisi minui per partes, habendo aliud hic et aliud alibi. Minor est enim digitus quam tota manus; et minor est digitus unus quam duo; et alibi est iste digitus, alibi ille, alibi cætera manus. Quod non solum in molibus corporum articulatis² videmus: sed etiam terræ pars ista non est ibi ubi illa, quia suum locum quæque obtinet: et pars humoris minor minore, et major majore loco est; et alia pars est circa fundum, alia circa oras poculi. Similiter aeris partes suos quæque implent locos; nec fieri potest ut aer quo impletur hæc domus, simul secum in eadem domo babere possit etiam illum aerem quem vicini habent: lucisque ipsius alia pars infunditur per hanc fenestram, alia per illam; et major per majorem, per minorem autem minor. Nec omnino potest esse aliquod corpus, sive cœlestis sive terrestre, sive aerium sive humidum, quod non minus sit in parte quam in toto: neque ullo modo possit in loco hujus partis simul habere aliam partem; sed aliud hic et aliud alibi habens per qualibet spatia locorum distantia et dividua, vel potius, ut ita dicam, sectili mole distendit. Animæ vero natura, etiamsi non illa ejus potentia consideretur qua intelligit veritatem, sed illa inferior qua continet corpus et sentit in corpore; nullo modo invenitur locorum spatiis aliqua mole distendi. Nam singulis sui corporis particulis tota præsto est, cum tota sentit in singulis: nec minor pars ejus in digito est, et major in brachio, sicut ipse digitus brachio minor est; sed ubique tanta est, quia ubique tota est. Cum enī tangitur digitus, non per totum corpus sentit, et tamen tota sentit. Totam enim tactus ille non latet; quod non fieret, nisi tota præsto esset. Nec sic tota præsto est, cum tangitur digitus et sentit in digito, ut creretur deserat corpus, et sese ad unum illum locum in quo sentit agglomaret. Sed cum tota sentit in digito manus, si alius locus tangatur in pede, nec ibi desinit tota sentire: atque ita in singulis distantibus locis tota simul adest, non prouidetur ut in altero tota sit, neque ita utrumque tenens ut aliam partem hic habeat, et alibi aliam; sed sufficiens exhibere se singulis locis simul totam, quoniam tota sentit in singulis, satis ostendit se locorum spatiis non teneri.

CAPUT XVII.—*Memoria capit maximorum locorum imagines.* Quid, si ejus memoriam cogitemus, non rerum intelligibilium, sed harum corporearum quam et bestiarum habere sentiuntur (nam et per loca nota sine errore jumenta pergunt, et cubilia sua³ bestiarum repetunt, et canes dominorum suorum corpora recognoscunt, et dormientes plerunque immurmurant, et in latratum aliquando erumpunt, quod nullo modo possent nisi in eorum memoria visarum rerum vel per corpus utcumque sensarum versarentur imagines);

¹ Ita MSS. At editi, *crassitudine distenditur*.

² Editi, in *mobilibus corporum articulis*. Castigantur auxilio veteris manuscripti Corbejensis.

³ Editi, et *cubicula sua*. Castigantur ex manuscriptis.

quis digne cogitet, ubi capiantur istæ imagines, ubi gestentur, vel ubi formentur? Si enim non possent esse maiores quam nostri corporis quantitas tenet, diceret aliquis, intra ipsa sui corporis spatha quibus et illa concluditur, has imagines animam figurare atque servare. Nunc vero cum peregrinans terræ partem occupet corpus, immensarum regionum et cœli ac terræ imagines animus volvit, quibus catervatim discedentibus ac succedentibus non sit angustus: atque hinc se ostendit non diffusum esse per locos, quia maxiunorū locorum imaginibus non quasi capit, sed potius eas capit; non sinu aliquo, sed vi potentiaque ineffabili, qua licet eis et addere quodlibet et detrahere, et in angustum eas contrahere, et per immensa expandere, et ordinare ut velit, et perturbare, et multiplicare, et ad paucitatem singularitatem redigere.

CAPUT XVIII. — *Intelligendi potentia de rerum veritate deque ipsa cogitatione judicat.* Quid iam de illa loquar potentia, qua intelligitur veritas, qua istis ipsis quæ de corporis sensu haustæ figurantur, imaginibus sese pro veritate opponentibus magna vivacitate resistitur? Quia videtur aliam, verbi gratia, veram esse Carthaginem, aliam quam cogitans singit, et pro suo arbitrio tota facilitate commutat: ex eadem venire facilitate innumerabiles mundos, in quibus Epicurus cogitatio innumerabiliter peregrinata est: et, ne multa consector, ex eadem venire facilitate istam terram lucis per spatia infinita diffusam, et quinque antra gentis tenebrarum cum habitatoribus suis, in quibus Manichæi phantasma veritatis sibi nomen ausa sunt usurpare. Quid est ergo hæc potentia quæ ista discernit? Profecto quantacumque sit, et his omnibus major est, et sine illa tali rerum imaginatione cogitatur. Huic inveni spatia, si potes; hanc diffunde per locos, hanc infinitæ molis tumore distende. Profecto si bene cogitas, non potes. Quidquid enim tibi tale occurrit, judicas ipsa cogitatione secari posse per partes, facisque ibi aliam partem minorem, aliam majorem, quantum placet; illud autem ipsum quo ista judicas, cernis esse supra ista, non loci altitudine, sed potentie dignitate.

CAPUT XIX. — 21. *Si anima per locos non extenditur, multo minus Deus.* Quare, si animam toties mutabilem, sive variarum voluntatum turba, sive affectibus pro rerum copia vel inopia sese flectentibus, sive ipsis innumerabilibus ludis phantasmatum, sive oblivious et memoria, sive doctrina et imperitia; si ergo animam, ut dixi, his atque hujusmodi motionibus toties mutabilem, sentis non diffundi extendique per locos, sed omnia talia spatia potentiae vivacitate superare: quid de ipso Deo cogitandum aut existimandum est, qui supra omnes rationales mentes inconcussus atque incommutabilis manens, tribuit quod cuique tribuendum est? Quem facilius eloqui audet anima, quam videre: et quem tanto minus eloquitur, quanto sine ipsis videre potuerit. Qui tamen si, ut Manichæorum phantasma perstrepsus, locorum ex una parte determinato, ex aliis immenso spatio tenu-

deretur : quantælibet in eo particula, et innumerabilia frusta alia majora, alia minora pro cogitantis arbitrio metentur; ut bipedalis in eo, verbi gratia, pars octo partibus minor esset quam decempedalis. Id enim necesse est contingat omnibus naturis, quæ per talia spatio diffusæ ubique tote esse non possunt : quod in ipsa anima non inventur, et ab eis qui considerare haec non valent, deformiter de illa et turpiter creditur.

CAPUT XX. — 22. *Deliramentum de duplice terra refellitur.* Verumtamen cum carnalibus animis fortasse non sic agendum est, sed descendendum est potius ad eorum cogitationes, qui naturam incorpoream et spiritualem cogitando potius sequi¹, vel non audent, vel nondum valent ; ita ut nec ipsam cogitationem suam eadem cogitatione considerent, et inveniant eam nullo locorum spatio de ipsis locorum spatiis judicantem². Descendamus ergo ad eorum sensus, et quarumvis ab eis, *juxta quam partem et juxta quod latus*, sicut Manichæus dicit, *illistris illius ac sanctæ terræ erat tenebrarum terra*. Dicit enim, *juxta unam partem ac latus*; nec dicit quam partem, vel quod latus, dextrum an sinistrum. Sed quodlibet eligant, illud certe manifestum est, non dici unum latus, nisi ubi est et alterum latus. Ubi autem vel tria vel plura sunt latera, aut figure ambitus intelligitur undique terminatus, aut si ex aliqua parte in immensum patet, ex iis tamen quæ latera dicuntur, necesse est finiatur. Dicant ergo, ex alio latere, vel ex aliis lateribus, quid adjungatur terra lucis, si ex uno latere erat gens tenebrarum? Non dicunt : sed cum premuntur ut dicant, infinita dicunt esse alia latera terræ illius quam lucis vocant, id est, per infinita spatio distendi, et nullo sine cohiberi. Nec intelligentiam non esse latera, quod quibusvis tardis ingenii apertissimum est. Tunc enim essent latera, si simibus suis terminarentur. Quid ad me, inquit, si non sint latera? Sed cum dices, *juxta unam partem ac latus*, alias quoque partem sive partes, et aliud latus sive latera cogebas intelligi. Nam si unum tantum latus erat, tantum juxta latus dici debuit, non *juxta unum latus*. Sicut in corpore nostro recte diciimus esse aliquid *juxta unum oculum*, quia est alter oculus ; aut *juxta unam mammillam*, quia est altera. Si autem dicamus *juxta unum nasum*, aut *juxta unum umbilicum*, cum aīus non sit, a doctis et ab indoctis ridebimus. Sed non te verbis premo : fortasse enim unum quasi unicum appellare voluisti.

CAPUT XXI. — *Eamdem terram lucis, si terræ tenebrarum jungitur, esse corpoream. Figura terræ tenebrarum juncta cum terra lucis.* Quid ergo erat juxta illud latus terræ, quam illustrem ac sanctam vocas? Terra, inquis, tenebrarum. Quid, de ista terra saltem concedis quod corporea erat? Necesse est te hoc dicere; quandoquidem omnia corpora inde asseris originem ducere. Quid ergo, queso, quamvis tardi,

¹ Corbeiensis vetus codex, cogitando persequi.

² Editi, inveniant eam locorum spatio de ipsis locorum spatiis judicantem. Emendatur ex Corbeiensi codice.

quamvis carnales homines, ne hoc quidem aliquando animadverteritis, quod lateribus sibi jungi utraque ista terra non possit, nisi esset utraque corporea? Cur ergo nobis dicebatur nescio qua³ cœcitate perversis, tenebrarum tantum terram fuisse vel esse corpoream; illam vero quæ terra luminis diceretur incorpoream et spiritualem credi oportere? Expergiscamur aliquando homines boni, et saltem admoniti quod factillum est attendamus, duas terras sibi lateribus non posse conjungi, nisi utraque⁴ sit corpus.

25. Aut si ad ista etiam crassi et tardi sumus, querimus utrum et ipsa terra tenebrarum unum latus habuerit, et cetera infinita, sicut terra lucis. Non ita credunt; timent enim ne Deo videatur æqualis. Dicunt ergo illam per profundum immensam et per longum : sorsum versus autem supra illam⁵ spatia infinite inanitatis affirman. Et ne ipsa vel simplicem, terra autem luminis duplu tenere videatur, angustant eam a duobus etiam lateribus. Tanquam si unus panis (sic enim quod dicitur facilius videri potest) in quadras quatuor decussatim formetur, in quibus tres sint candidæ, una nigra : modo de tribus candidis tolle distinctionem, et fac illas et sursum versus et deorsum versus, et undique retro infinitas : sic ab eis esse creditur terra lucis. Illam vero nigram quadram fac deorsum versus et retro infinitam, supra se autem immensam inanitatem habere : sic opinantur terram tenebrarum⁶. Sed hæc nimis attentis et studiose inquirentibus quasi secreta demonstrant.

CAPUT XXII. — *Figura terræ lucis fædior.* Verumtamen si ita est, apparel terram tenebrarum a terra lucis duobus lateribus tangi. Et utique si duobus tangitur, duobus etiam tangit. Certe *juxta unum latus erat terra tenebrarum*.

24. Deinde quam foeda figura terræ⁷ lucis appareat, tanquam fissa ungula nigro quodam cuneo subtus arcato, illæ tantum finita quæ sinitur, hians etiam et patens desuper interposito inani quidquid a superficie terræ tenebrarum sursum versus immensum est. Quam deinde melior ipsius terræ tenebrarum figura ostenditur : siquidem illa sinit, hæc sinitur ; illa inseritur, hæc interpatet ; illa in se nulli inanitati dat locum, hæc ab inferiore tantum parte laxa non est, quæ hostili cuneo subimpletur. Indocti ergo homines et avari cum majorem honorem tribunt multitudini partium quam unitati, ut sex partes darent terre lucis, tres deorsum versus, tres sursum versus, maluerunt penetrari terram lucis quam penetrare. Tali

¹ Er. et Lov., *dicebatur a nescio qua*, etc. Præpositio, a, non est aīud Am. neque in MSS.

² MSS., *utrumque*.

³ Editi vulgo sic, *per profundum immensam* : et *per longum sursum versus aut supra illam*, etc. Castigandi ex MSS. qui pro, aut, habent, autem ; et hoc pacto verba distinguiunt, *per profundum immensam* et *per longum*: *sorsum versus autem supra illam*, etc. Nam infra comparatur terra ista quadras nigras deorsum versus, quod est per profundum, et retro, quod est per longum, *infinite*.

⁴ Hic editi addunt, *sic ab eis esse creditur* ; quod a MSS. absit.

⁵ In editis omissa erat vox, *terra* ; quæ in MSS. reperiatur.

enim figura eti commixtam negant, penetratam tam negare non possunt.

CAPUT XXIII.—25. *Levius peccanti Manicheis Anthropomorphitae.* Confer nunc, non spirituales catholicæ fidei viros, in quibus quantum in hac vita animus potest, erexit substantiam naturamque divinam nullis locorum spatiis tendi, nullis lineamentorum dimensionibus figurari; sed confer carnales et parvulos nostros, qui solent auditis in allegoria membris quibusdam corporis nostri, velut cum dicuntur oculi Dei et aures Dei, solent Deum sibi libertate phantasmatis corporis humani specie figurare: hos confer jam illis Manichæis, qui solent istas rugas intentis et curiosis hominibus quasi magna secreta describere: et considera qui tolerabilius et honestius de Deo sentiant; utrum ii qui eum forma humana, summa dignitate in suo genere predita, cogitant, an ii qui cum infinita mole diffusum, non tamen undique, sed tribus quadratis infinitum atque condensum, ex una vero fissum, patentem, hiantem, laxum superius inanitatem, cuneatum inferius terra tenebrarum; vel, si ita melius est dicere, apertum superius natura propria, intratum inferius aliena. Ecce ego tecum derideo carnales homines, qui nondum possunt spiritualia cogitare, humana forma Deum existimantes: deride et tu mecum, si potes, eos qui tam deformem turpemque fissuram vel scissuram Dei, tam inaniter supra hiuleam, tam dishoneste infra obturata, multum miserabilis cogitatione imaginantur. Cum hoc etiam intersit, quod isti carnales qui humana Deum forma cogitant, si Ecclesiæ catholice gremio contenti, cum lacte nutriendi sunt, non se in temerarias opiniones præcipitent, sed ibi studium pium querendi nutrient, ibi petant ut accipiant, ibi pulsent ut eis aperiatur; incipiunt spiritualiter allegorias parabolæque Scripturarum intelligere, et paulatim sapere divinas potentias, congruenter alibi aurum, alibi oculorum, alibi manuum vel pedum, vel etiam alarum atque pennarum, scuti quoque et gladii et galeæ, cæterarumque talium innumerabilium rerum nomine enuntiari. Quia intelligentia quanto magis proficiunt, tanto magis catholici esse firmantur. Manichæi vero quando figuræ illius imaginationem reliquerint, Manichæi esse non poterunt. Hoc enim quasi proprium atque præcipuum¹ auctoris sui laudibus tribuant, quod dicunt illa que ab antiquis figuratae in libris divina mysteria posita sunt², huic qui ultimus venturus erat, solvenda et demonstranda esse servata: et propterea post istum jam neminem doctorem divinitus esse venturum, qui nihil iste per allegorias et figuræ dixerit, cum et antiquorum quæ talia fuerant aperiret, et sua enodate manifesteque monstraret. Non habent ergo isti ad quas interpretationes revertantur, cum illis de auctore suo legitur, *Juxta unam vero partem ac latus illu-*

¹ Editi, *inactatum*. Unus e Vaticanicis MSS., *obturatum*. Alter Vaticanicus cum Victorino et antiquissimo Corbeiensi, *intratum*. Participium usu rarum, ab auctoribus classicis tamen, Livio, Ovidio, adhibitum.

² MSS., *præcelsum*.

³ Sic MSS. At editi, in libris de divinis mysteriis posita sunt.

stris illius ac sanctæ terræ erat tenebrarum terra. Quocumque se verterint, necesse est ut phantasmatum suorum miseria coactati, in scissuras aut abruptas præcisiones et juncturas, aut fissuras¹ turpissimas incidant; quas non dicam de incommutabili natura Dei, sed de omni natura incorporea, quamvis mirabilis, sicuti est anima, miserrimum est credere. Et tamen si non possem me intendere ad superiora, neque cogitationes meas a falsis imaginationibus quas per sensus corporeos memoria fixas gero, in libertatem ac sinceritatem naturæ spiritualis evolvere; quanto melius humani corporis forma Deum cogitarem, quam illum nigrum cunem scissure inferiori ejus affigarem, superioreque vastissimam laxitatem, non inventans unde oppilarem, sic immensa inanitate patentem et hiantem relinquorem? Quid ista opinione fædus? quid tenebrosius hoc errore dici aut flungi potest?

CAPUT XXIV.—26. *De numero naturarum in phantasmate Manichæi.* Deinde volo mihi dicatur, quando lego, Deum Patrem, et supra lucidam beatamque terram fundata regna ejus, utrum unius et ejusdem substantiae atque naturæ sint, et Pater, et regna ejus, et terra. Quod si ita est, jam non quasi aliam naturam, quæ quasi corpus sit Dei², eneus ille gentis tenebrarum diffundit et penetrat; quod quidem ipsum esset ineffabili deformitate turpissimum: sed ipsam omnino naturam Dei eneus ille terræ tenebrarum diffundit et penetrat. Rogo, cogitate ista: homines estis; rogo, cogitate ista et fugite, taliumque phantasmatum sacrilegia, dilaniatis, si fieri potest, pectoribus, de fide vestra eradicare atque prodellite. An dicturi estis, non unius ejusdemque naturæ illa tria esse, sed alterius Patrem, alterius regna, alterius terram, ut suas naturas atque substantias habeant singula diversas, et excellentiæ gradibus ordinatas? Quod si verum est, non duas, sed quatuor naturas Manichæi prædicare debuerat. Si autem unam naturam habet Pater et regna, terra vero sola diversam, tres naturæ fuerant prædicandæ. Aut si propterea duas dicere maluit, quia terra tenebrarum non pertinet ad Deum, quaro quomodo ad Deum lucis terra pertineat. Si enim et naturæ habet diversam, et non eam genuit, neque fecit; non ad eum pertinet, et in alieno regna ejus locata sunt. Aut si propterea pertinet quia vicina est, pertinet et terra tenebrarum, quæ terram lucis non modo vicinitate contingit, sed etiam penetratione dissulcat. Si autem genuit eam, non eam credi oportet diversam habere naturam. Quod enim genuit Deus, hoc oportet credi esse quod Deus est, sicut de unigenito Filio in Catholicæ creditur. Itaque ad illam fugiendam et detestandam turpititudinem vos³ necessitas revocat, ut non terram quasi aliam atque diversam, sed ipsam Dei naturam niger ille eneus diffundat. Quod si non genuit, sed fecit eam Deus, quaro unde fecerit. Si de se ipso, quid aliud est quam genuisse? Si de aliena aliqua natura, quaro utrum

¹ In omnibus MSS., *fulturas*.

² MSS., *quod quasi corpus sit Dei*.

³ Editi vulgo, nos. At MSS., vos

Bona an mala. Si bona, erat ergo aliqua natura bona, quae non pertinebat ad Deum : quod nullo modo dicere audebitis. Si autem mala, non ergo illa gens tenebrarum sola natura mala erat. An forte jam inde assumps̄rat partem aliquam Deus, quam in terram lucis converteret, et super illam sua regna stabiliret? De tota ergo id fecisset, ut jam olim mala natura nulla esset. Quod si non de aliena substantia fecit terram lucis, restat ut eam de nihilo fecerit.

CAPUT XXV. — 27. *Ex nihilo creari per Omnipotentem bona alia aliis inferiora.* In figura conjunctionis duarum terrarum, qualiscumque fingatur, semper inesse deformitatem aut absurditatem. Quare, si vobis jam persuadetur posse aliquid boni omnipotentem Deum de nihilo facere, venite in Catholicam; et discite, omnes naturas quas fecit Deus et condidit, excellentiae gradibus ordinatas, a summis usque ad infimas, omnes bonas, sed alias alii esse potiores: easque factas esse de nihilo, cum Deus artifex per sapientiam suam potentialiter, ut ita dicam, operaretur, ut posset esse quod non erat: et in quantum esset, bonum esset; in quantum autem deficeret, se non de Deo genitum, sed ab ipso de nihilo factum ostenderet. Quid enim vos temeat, si consideretis, non inventis: cum terram luminis quam describitis, neque hoc esse quod Deus est possitis dicere, ne ipsa Dei natura soeditate quadra illius inarctetur; neque de illo genitam, ne nihilominus hoc quod Deus est cogatur intelligi, et ad eamdem deformitatem redate¹; nec alienam ab illo, ne in alieno regna eum posuisse, et non duas, sed tres naturas dicere urgeantini; neque ab eodem de aliena factam substantia, ne aut bonum aliud fuerit praeter Deum, aut malum prater gentem tenebrarum. Remanet igitur vobis, ut de nihilo terram luminis Deum fecisse fateamini: et non vultis credere quod si magnum aliquid bonum, quod tamen illo ipso esset inferius, Deus ex nihilo facere potuit: potuit etiam, quia bonus est, et nulli bono invidet, facere alterum bonum, quod illo priore esset inferius; potuit et tertium, cui secundum præponeretur, et deinde usque ad intimum bonum naturalium factorum ordinem ducere, donec universitas earum, non numero indefinito incerta diffueret, sed certo terminata consisteret. Aut si nec de nihilo istam luminis terram Deum fecisse vultis fateri, non erit exitus quo tantas turpidines et tam sacrilegas opiniones evadatis.

28. Aut videte certe, quoniam liberum est carnali cogitationi phantasmata qualia libuerit oriri, ne forte possitis aliam formam quamcumque huic conjunctioni duarum terrarum invenire, ne tam detestabilis et aversanda rerum facies animo occurrat: terram scilicet Dei, sive sit ejusdem naturæ cuius est Deus, sive diversæ, in qua tamen Dei regna fundata sint, ita ingenti mole per immensum jaceret, ut per infinitum porrectis et apertis membris jaceat, quibus foedissime atque turpissime ab inferiori parte recipiat etiam ipsum immensæ magnitudinis inarctatum illum

cuneum terræ tenebrarum. Sed quidquid aliud invenieritis figuræ, quo duæ istæ terræ sibi conjungantur, decere profecto Manichæi litteras non potestis: non dico alias quibus expressius ista descriptis; fortassis enim quia paucioribus note sunt, minus periculi habere videantur: sed istas ipsas de quibus nunc agitur, Epistole Fundamenti, que sere omnibus qui apud vos illuminati vocantur solet esse notissima. Hic quippe ita scribitur: *Juxta unam vero partem ac latus illius illustris ac sanctæ terræ, erat tenebrarum terra profunda et immensa magnitudine.*

CAPUT XXVI. — Coarctantur Manichæi, sive tortuoso latere conjunctionem illam fieri dicant, sive curvo, sive recto. In hoc tertio genere junctoræ esset concordia et pulchritudo utrique terræ conveniens. Quid exspectamus amplius? Tenemus enim quod iuxta I-tus erat. Quomodo libet jam singite figuræ, et qualia libet lineamenta describitez; moles certe illa immensa terræ tenebrarum, aut recto latere adjungebatur terræ lucis, aut curvo, aut tortuoso. Sed si tortuoso; et illa sancta terra tortuosum habet latus: nam si ipsa rectum habet latus, et tortuoso hujus latere tangitur, interpatent cavernæ quædam profundæ per infinitum inanes, nec jam supra terram tantum¹ tenebrarum inanitas erat, sicut audire solebamus. Quod si ita est, quanto melius erat ut se aliquanto longius terra luminis removeret, atque illa inanitas tanta interesset, ne omnino posset a tenebrarum terra ex ulla parte contingi? imo etiam tantum spatium pateret inanis profunditatis, ut si quia gentis illius oriretur improbitas, etiamsi temere transilire in illam vellent principes tenebrarum (quoniam nec volare possunt corpora, nisi aere corporeo supportentur), per illud inane præcipitati, et quia infinitum deorsum versus esset, ad nullum aliquando fundum pervenientes, etiamsi semper possent vivere, nunquam tamen dum deorsum semper feruntur, possent nocere? Si autem curvo latere adjungebatur, terra quoque lucis curvo eam sinu deformiter recipiebat. Aut si introrsus ista quasi specie theatri curva erat, curvam terre luminis partem tali sinu receptam non minus deformi copulatione² amplectebatur. Aut si ista curvum habebat latus, et illa rectum, non ex toto eam latere attingebat. Et utique melius erat, sicut supra dixi, ut nulla ex parte contingret, tantumque inane interesset, ut et justo intervallo utramque terram sejungeret, et temerarios improbos per infinitum præcipites nihil nocere permetteret. Quod si recto latere latus rectum attingebat, non video quidem aliqua vel receptacula vel hiatus: sed plane video tantam pacem tantamque secum terræ utriusque concordiam, ut major conjunctio esse non possit. Quid enim speciosius, quid convenientius, quam rectum recto ita copulari, ut nulla ex parte sinus aliquis vel flexus disrumpat aut dirimat naturalem ac stabilem per infinitum spatium loci et ab infinita aeternitate junctoram? Quæ recta latera utriusque terræ, etiamsi interposito inani separarentur,

¹ Corbeiensis Ms., redactis.

² Corbeiensis Ms., curvatione.

non solum per se ipsa pulchra essent, quia tam recta essent : sed interjecto quoque intervallo ita sibi congruerent, ut hinc atque illinc pariles rectitudines etiam sine ulla conjunctione, ipsa tamen similitudine in unam pulchritudinem¹ convenirent. Cum autem accedit ista conjunctio, quid concordius ac pacatius hac utraque terra ; quid vero etiam ipsa copulatione duorum rectorum laterum pulchrius dici aut cogitari possit, non invenio.

CAPUT XXVII. — 29. *Pulchritudo recti lateris possit terræ tenebrarum detrahi sine ulla detractio-*ne substantiae. Sic malum animæ accidit nulla addita detractave substantia. *Latus terræ tenebrarum in quantum rectum esset, boni aliquid haberet a Deo conditore.* Quid faciam cum errore² perversis et consuetudine implicatis miserrimis animis ? Non enim sciunt isti homines quid loquantur, cum haec loquuntur : non enim attendunt. Rogo, nemo vos urget, nemio in certamen premit, nemo præteritis insultat erroribus, nisi qui divinam misericordiam expertus non est, ut careret erroribus : tantum id agamus, ut aliquando finiantur. Intuemini paululum sine animositate et amaritudine. Omnes homines sumus; non nos, sed errores et falsitates oderimus³. Queso, intuemini paululum. Deus misericordiarum, adjuva intuentes, et verum querentibus interius lumen accende. Quid enim intelligimus, si non intelligimus rectum melius esse quam pravum ? Quaro ergo a vobis, si placide modesteque accipitis, rectum latus terra tenebrarum, quod rectio lateri terræ lucis adjungitur, si quispiam depravaret, nullamne illi pulchritudinem adimeret ? Necesse est fateamini si latrare nolitis, non solum ei, si depravet, pulchritudinem auferri, sed eam etiam pulchritudinem quam cum recto latere terra luminis potuit habere communem. Ilanc ergo auferens, et de recto pravum faciens, ut discordaret quod concordabat, et abhorret quod congruebat, numquid aliquam inde auferret substantiam ? Sic ergo discite, non substantiam malum esse, sed sicut in corpore commutatione formæ in deterius, amitti speciem, vel potius minù, et fœdum dici quod pulchrum antea dicebatur, et displicere corpus quod antea placuerat : sic in animo recte voluntatis decus, quo pie justeque vivitur, commutata in deterius voluntate depravari ; quo peccato effici animam miseram, quæ honestate rectæ voluntatis beatitudinem obtinebat, nulla addita detractave substantia.

30. Deinde etiam illud cogitate, quia etsi concedamus aliis causis latus terræ tenebrarum malum esse, quod obscurum, quod tenebrosum, vel si quid aliud dici potest, non tamen in eo quod rectum est malum est. Sicut ergo concedo in ejus colore esse aliquid mali, sic necesse est et vos concedatis esse in ejus rectitudine aliquid boni. Nefas est itaque hoc quantumcumque boni est⁴, alienare ab artifice Deo,

¹ Has voces, in unam pulchritudinem, addidimus ex veteri codice Corbelensi.

² Editi, cum errore tanto. Abest, tanto, a MSS.

³ Sic MSS. At editi, non vos, sed errores et falsitates odimus.

⁴ In editis, quantumcumque bonum est.

a quo esse omne bonum quod in quacumque natura est, nisi credimus, perniciosissime erramus. Quomodo ergo ille et summum malum esse dicit hanc terram, in cuius lateris rectitudine invenio, quantum ad corpus attinet, non parve pulchritudinis bonum ; et ab omnipotente atque optimo Deo eam vult esse penitus alienam, cum id ipsum bonum quod in illa invenimus, cui alii tribuendum sit, nisi auctori bonorum omnium, non inveniamus ? Sed malum erat, inquit, etiam illud latus. Puta malum esse : deterius esset certe si non rectum, sed distortum esset. Quomodo igitur est summum malum, quo potest aliquid cogitari deterius ? Deinde necesse est aliquid boni sit, quo carendo fit res quacumque deterior. Carendo autem rectitudine fieret latus illud deterius. Inest ergo illi boni aliquid rectitudo. Et nunquam mihi dices unde inest, nisi ad eum te contuleris, a quo sive magna sive parva, omnia tamen bona esse fateamur. Sed jam a lateris hujus consideratione transeamus ad alia.

CAPUT XXVIII. — 31. *In terra tenebrarum naturas quinque ponit Manichæus.* — *Habitabant, inquit, in illa terra ignea corpora, genera scilicet pestifera.* Cum dicit, habitabant ; animata utique atque viventia vult intelligi. Sed ne de verbo calumniari velle videamur, attendamus istos omnes habitatores terra illius, quemadmodum in quinque genera viva distribuat. *Dic infinitæ, inquit, tenebræ, ex eadem manentes natura inestimabiles, cum propriis setibus : ultra quas erant aquæ cœnosæ ac turbidæ cum suis inhabitatoribus ; quarum interius venti horribiles et vehementes cum suo principe et genitoribus. Rursum regio ignea et corruptibilis cum suis ducibus et nationibus. Pari more introrsum gens caliginis ac sumi plena, in qua morabatur immanis princeps et omnium dux, habens circa se innumerabiles principes, quorum omnium ipse erat mens et origo : haec fuerunt naturæ quinque terræ pestiferæ.* Animadvertisimus quinque naturas quasi partes unius naturæ, quam vocat terram pestiferam. Haec sunt autem : tenebræ, aquæ, venti, ignis, fumus, quas quinque naturas sic ordinal, ut exteriores exteris sint tenebræ, a quibus numerare incipit. Intra tenebras, aquas constituit ; intra aquas, ventos ; intra ventos, ignem ; intra ignem, fumum. Et habebant istæ quinque naturæ sua quaque genera inhabitatorum suorum, quæ nihilominus quinque sunt. Quero namque utrum genus unum habitantium fuerit in omnibus quinque naturis, an diversa genera, sicut nature ipsæ diverse sunt. Diversa suisse respondent, et de aliis libris ita docent, quod tenebræ habuerunt serpentes ; aquæ, natantes, sicut sunt pisces ; venti, volantes, sicut sunt aves ; ignis, quadrupedes¹, sicut sunt equi, leones, et cetera hujusmodi ; fumus, bipedes, sicut sunt homines.

CAPUT XXIX. — 32. *Refellitur hoc deliramentum.* Quis igitur ista ordinavit ? quis distribuit atque distin-

¹ Sic MSS. At editi, tenebras habilaverunt serpentes ; aquas natantes, sicut sunt pisces ; ventos volantes, sicut sunt aves ; ignes quadrupedes, etc.

xii? quis numerum, qualitates, formas, vitam dedidit? Hęc enim omnia per se ipsa bona sunt, nec inventur unde cuique naturę nisi ab omnium bonorum Deo auctore tribuantur. Non enim sicut chaos describere, vel quoquo modo insinuare etiam poetae solent, informem quendam materiem sine specie, sine qualitate, sine mensura, sine numero et pondere, sine ordine ac distinctione, confusum nescio quid, atque omnino expers omni qualitate; unde illud quidam doctores gręci & ἀλτεροι vocant: non ergo sic isti hanc quam vocant terram tenebrarum insinuare conantur: sed omnino aliter longeque diverse atque contrarie latus lateri adjungunt atque colliniant¹: naturas quinque numerant, distinguunt, ordinant, qualitatibus propriis enuntiant; nec eas desertas ac infecundas esse permitunt, sed suis inhabitatoribus complent: eisque ipsis formas congruas et suis habitationibus accommodatas attribuunt, et, quod antecellit omnibus, vitam. Hęc tanta bona enumerare, et ab auctore omnium bonorum Deo aliena esse dicere, hoc est nec in rebus agnoscere tantum ordinis bonum. nec in se tantum erroris malum.

CAPUT XXX. — 53. *Quam multa bona in iis naturis, quas ponit Manichaeus in terra tenebrarum. — Sed ista, inquit, genera quinque illas naturas inhabitantia, sc̄eva erant atque pestifera.* Quasi ego in eis saevitiam pestem que laudaverim. Ecce ego tecum vitupero quę in illis mala esse criminaris: lauda tu mecum quę in illis bona ipse commemoras: ita videbis bona malis permixta te velle constituere pro summo et extremo malo. Vitupero ibi tecum pestem: lauda ibi mecum salutem. Non enim genera illa vel gigni, vel nutriti, vel inhabitare terram illam sine salute aliqua potuerint. Vitupero ibi tecum tenebras: lauda ibi mecum secunditatem. Tenebras enim dicas *inestimabiles*; et addis tamen, *cum propriis fetibus*. Quanquam tenebrae non sunt corporee; totumque hoc nomen lucis absentia est: sicut nuditas, carere vestitu; et inanitas, vacare corporis plenitudine: ac propriea tenebrae nihil gignere potuerunt, quamvis terra potuerit tenebrosa, id est, carens luce, aliquid gignere. Sed interim hoc omittamus: fetus tamen ubi exoriantur, et temperamentum est aptum saluti², et quedam concordia numerosa ordinat atque in unitatem coedificat membra nascentium, sibimet invicem moderationis pace congruentia. Quę omnia quis non intelligat majori laude, quam tenebras vituperatione dignanda? Vitupero ibi tecum cęnum turbidum aquarum: lauda ibi mecum et ipsam speciem qualitate inquaque aquarum, et inhabitatorum natantium membra congruentia, vitam corpus continentem et regentem, et omne temperamentum sui generis valetudini accommodatum. Quantumvis enim aquas cęnosas turbidasque reprehendas, eo tamen quod tales aquas dicas, ut animan-

¹ Am., *colliniant*. Er. et Lov., *collinunt*. At MSS. habent, *collimant*; seu quod idem est, *colliniant*. Forte pro, *collinant*.

² In ante excusis, *fædus aptum saluti et quedam*, etc. Redintegratur locus auxilio Ms. Sorbonici et antiquissimi Corbeccensis.

tia sua possent et gignere et continere, speciem illius qualiscumque corporis et partium similitudinem, qua in unam formantur præcanturque qualitatem, auferre non potes; quia si abstuleris, nullum erit corpus: quę omnia, si es homo, sentis esse laudanda. Et quantumvis illorum inhabitatorum sc̄eritiam, et inter impetus dilacerationes et vastationes exaggeres, non eis tamen admissis numerosos formarum terminos, quibus sibi singula eorum corpora membrorum parilitate pacata sunt, et temperamentum salutis, et moderanen animę³ partes sui corporis in unitatem amicitie concordieque redigentis: quę si humano sensu intueris, vides plus esse laudanda quam illa vituperanda quę displicant. Vitupero ibi tecum horrorem ventorum: lauda ibi mecum corumdem ventorum spirabilem nutricemque naturam, et speciem corporis convenientia partium continuati atque diffusi: quibus rebus omnibus illos inhabitatores suos poterant et gignere, et alere, et salubriter continere; eorumque inhabitatorum, cum cetera que in omnibus animalibus superiori ratione laudata sunt, tum proprie impigros et faciles onde velint et quo velint transitus, et alarum in volatu concordem nisum et non imparem motum. Vitupero ibi tecum corruptionem ignis: lauda ibi mecum genitabilem ignem⁴, et vigentem opportunamque ejus temperacionem nascentibus, et ut coalescerent, et ut suis numeris lineamentisque perficerentur, et ut vivere atque habitare ibi possent: quę omnia non solum in ignis habitatione, sed in ipsis quoque habitabilibus miranda et laudanda esse cognoscis. Vitupero ibi tecum obscuritatem fumi, et immanitatem principis qui in eo, sicut dicas, morabatur: lauda ibi mecum quod vel in ipso fumo nullam partem invenis dissimilem carteris; ex quo in genere suo partium inter se suarum congruentiam modumque custodit, ut quadam unitate sit quod est: quę nemo sobrie considerat, et non mirabiliter laudat. Quid, quod etiam fumo addis vim potentiamque generandi, quando eidem quoque inhabitatores principes tribuis: ut quod hic nunquam vidi mus, ibi fumus secundus sit, et salubrem suis habitatoribus prebeat mansionem?

CAPUT XXXI. — 54. *De eodem argumento.* Quod etiam in ipso fumi principio immanitatem solam advertisti quam vituperares, nonne debuisti attendere cetera que te in ejus naturę laudem cogerent? Habebat enim animam et corpus; illam vivificantem, hec vita inspiratum: cum illa regeret, hoc obtemperaret; illa præiret, hoc subsequeretur; illa contineret, hoc non deflueret; illa moveret in numeros, hoc numerosa membrorum compagine constabiliretur. Nonne te ad laudem movet in hoc uno principe, vel pax ordinata, vel ordo pacatus? Quod autem de uno dictum est, hoc de ceteris intelligi licet. Sed enim erat in alios ferus et immanis? Non hoc laudo, sed tanta illa quę non vis attendere. Quę si vel admonitus intuetur at-

¹ Ita codex Corbeiensis. Editi vero, *moderamen formæ*.

² Editi, *genitalem ignem*.

que considerat, quisquis Manicheo temere creditit, sine dubitatione cognoscit, cum de ipsis naturis loquitur, de bonis quibusdam se loqui, sed non summis et infabricatis, sicut est Deus una Trinitas, neque de his fabricatis que sublimiter ordinata sunt, sicuti sunt Angeli sancti et beatissime potestates: sed de insimis et pro sui generis modulo in imo rerum ordinatis bonis; que dum comparantur superioribus, vituperande ab imperitis existimantur; et dum consideratur quantum his desit boni, quod illis adest, ejusdem boni absentia mali nomen tenet. Et ego quidem propterea sic de ipsis naturis dispuo, quoniam ea nominantur que in hoc mundo nota sunt nobis. Novimus enim tenebras, aquas, ventos, ignem, fumum; novimus etiam animalia serpentia, natantia, volantia, quadrupedia, bipedia: in quibus omnibus, exceptis tenebris, que, ut dixi, nihil sunt aliud quam lucis absentia, que oculus non videndo discernuntur, sicut silentium auribus non audiendo; non quia tenebrae sunt aliquid, sed quia lux non est; sicut non quia silentium est aliquid, sed quia sonus non est: exceptis ergo tenebris in hac enumeratione, ceterae nature sunt, et omnibus note; quarum speciem, quia in quantumcumque est, laudabilis et bona est, nemo prudens alienat ab auctore omnium bonorum Deo.

CAPUT XXXII. — 35. *Manichaeus ex iis quæ hic vidit, ordinavit sua phantasmata.* Nam ille Manicheus, sicut voluit naturas quas hic didicit⁴ ordinare in phantasmatis suis, velut in gente tenebrarum, omnino falsus esse convincitur. Primo, quia tenebre nihil possunt gignere, ut dictum est. Sed non tales, inquit, erant illæ tenebrae, quales hic nosti. Unde ergo me de illis doces? An forte tam verbosus doctrinae pollicitator cogis ut credam? Sed fac me credere. Illud tamen scio, quod si non habebant aliquam speciem⁵, sicut istæ non habent, nihil generare potuerunt: si autem habebant, meliores erant. Tu autem cum dicis non fuisse tales, quasi pejores alias credi cupis. Posse dicere etiam silentium, quod sic est auribus ut tenebrae oculis, aliqua ibi surda vel muta animalia genuisse: ut cum tibi diceretur non esse aliquam naturam silentium, responderes, Sed non tale silentium, quale hic nosti; ut omnino quod velles dices eis quos semel, ut tibi crederent, decepisses. Quanquam id quod eum induxit, ut in tenebris serpentia natu esse consenseret, in ipsis quidem primordiis nascientium potuit bene animadvertisse. Sed sunt serpentes qui tam acute vident, et sic presentia lucis exsultant, ut gravissimum testimonium contra eum dicere videantur. Deinde in aquis natantia facile fuit hic discere, et ad illa transferre phantasmata; sic et in ventis volantia, quoniam hujus crassioris aeris impulsus in quo aves volant, ventus dicitur: in igne vero quadrupedia unde illi singere in mentem venerit nescio. Et tamen non frustra hoc dixit, sed parum attendit, et erravit nimis. Hanc enim ratione solent reddere,

⁴ Editio vulgo, *quas hic dicit*. Et post viginti quatuor versus, *facile fuit hic dicere, et ad illa transire phantasmata.* Castigantur ex MSS.

⁵ Ita MSS. Editio vero, *faciem*.

quod quadrupedes edaces sint, et in concubitum matrum serveant. Sed multi homines edacitate sua superant quemlibet quadrupedem, qui certe bipedes sunt, quos non ignis, sed fumi esse filios dicit. Anseribus vero non facile quidquam edacius invenitur: quos sive in fumo ponat, quia bipedes sunt; sive in aquis, quia natare amant; sive in ventis, quia pennati sunt, et interdum volant: ad ignem certe secundum ejus distinctionem non pertinent. Quod autem attinet ad fervorem concubitus, credo eum animadvertisse hinnentes equos, et scilicet mortis frenis rapidos in fentinas: quod animadversum dum vult cito scribere, non attendit passerem parietinum, in cuius comparatione quivis admissarius frigidissimus invenitur. Bipedes vero in fumo cum ab eis queritur quare ordinaverit, respondent elatum et superbum esse bipedum genus: hinc enim homines originem trahere dicunt: et quoniam fumus globosus et quasi tumidus in auras erigitur, superbis esse similem non absurde attenderunt. Quare animadversio sufficere debuit ad aliquam similitudinem dandam de superbis hominibus, sive allegoriam vel formandam vel intelligendam: non tam ut ideo bipedes animantes in fumo et de fumo nati esse credantur. Nam et in pulvere nasci debuerunt, quia saepe non minore ambitu et elatione surgit in caelum; et in nebulis, quia plerisque de terra ita exhalantur, ut longe intuentibus incertum etiam faciant, fumusne an nebulae sint. Postremo, cur in aquis et ventis de habitandi patientia ad habitatores ductum est argumentum, quia videmus et natantia in aquis, et volantia in ventis vivere: ignis vero et fumus non deterruit hominem mentientem, ut puderet eum tales ibi habitatores constituere, quibus nihil constitueretur absurdius? Nam quadrupedem ignis incendit atque corrumpit, et bipedes fumus offocat atque necat. Vel hic certe cogitur fateri, se meliores dicere in gente tenebrarum istas fuisse naturas, ubi vult omnia pejora credi. Siquidem ibi gignebat ignis quadrupedem et nutritiebat, et continebat innoxie vel etiam commodissime. Similiter et fumus bipedes suos clementissimo sinu editos, non solum sine molestia, sed vitaliter atque indulgenter usque in illum principatum educaverat⁶ et continebat. Ita ostenduntur ista mendacia, animadversione rerum que videntur in mundo, sed minus diligenti minusque solerti carnali sensu concepta, et phantasmatis parturita, et temeritate edita atque conscripta hereticorum numerum auxisse.

CAPUT XXXIII. — 36. *Natura omnis, ut natura est, bona est.* Sed illo genere magis urgendi sunt, ut intelligent, si possunt, quam vere in Catholica dicuntur, omnium naturarum esse auctorem Deum: quod de genere⁷ superius agebam, cum dicerem, Vituper tecum pestem, cecidat, cœnositatem turbidam, horribilem vehementiam, corruptibilitatem, immanitatem principum, et his similia: landa tu mecum species, distinctionem, ordinacionem, pacem, unitatem⁸

⁶ Sic MSS. At editio Lov., usque ad illum principatum educabat.

⁷ Editio Am. et MSS.. quo genere;

⁸ Verbum, unitatem, hic non habent MSS.

formarum, membrorum congruentias et numerosas parilitates, vitalia spiramenta et nutrimenta, temperamentum salutis, regimen et moderamen animae, familiatusque corporum, similitudinem concordiamque partium in singulis naturis vel quae habitabant, vel quae habitabantur, et cetera hujusmodi. Sic enim intelligunt, si tamen sine pertinacia velint attendere, jam et bona et mala se miscere, cum loquuntur de illa terra, ubi solum et sumimum malum suis crediderunt: itaque si tollant illa quae mala enumerata sunt, bona illa que laudata sunt sine illa vituperatione remanere; si autem bona ipsa tollantur, nullam remanere naturam. Ex quo jam videt qui potest videre, omnem naturam, in quantum natura est, bonum esse: quia ex una eademque re, in qua et ego quod laudarem, et ille quod vituperaret invenit, si tollantur ea quae bona sunt, natura nulla erit; si autem tollantur ea quae displicant, incorrupta natura remanebit. Tolle de aquis ut non sint coenosae et turbidæ, remanent aquæ pure atque tranquillæ: tolle de aquis partium concordiam, non erunt aquæ. Si ergo malo illo adempto manet natura purgatior, bono autem detracto non manet illa natura: hoc ibi facit naturam quod bonum habet; quod autem malum, non natura, sed contra naturam est. Tolle de ventis horrorem et nimium impetum qui tibi displicet, potes cogitare venos lenes atque moderatos: tolle de ventis partium similitudinem, qua eorum corpus in unitatem continuatur et sibi pacatur ut corpus sit, nulla suberit natura quam cogites. Longum est persequi cetera: sed manifestum est eis qui nullo studio partium iudicant, cum istæ naturæ commemorantur, adjungi eis quedam quibus displicant; quæ cum detrahimus, nature meliores manent. Unde intelligitur eas, in quantum naturæ sunt, bonas esse: quia cum eis viçissim omne quod bonum habent detraxeris, naturæ nulæ erunt. Animadvertisse etiam, qui recte vultis judicare, illum quoque principem immanem; cui si auferatur immanitas, attendite quanta laudabilia remanebunt: compago corporis, membrorum hinc atque inde congruentia, formæ unitas, et pax contextarum inter se partium, animalia regentis et vegetantis, familiantisque et vegetati corporis ordo et dispositio. Quæ omnia bona si auferantur, et si qua forte minus enumeravi, nulla prorsus natura subsistet.

CAPUT XXXIV. — 37. *Natura nunquam sine aliquo bono. Sola mala considerant Manichæi.* Sed fortasse dicatis, illa mala de talibus naturis non posse auferri, et ideo naturalia debere accipi. Non nunc queritur quid possit vel non possit auferri: sed certe non parvum lumen est ad intelligendum, omnes naturas, in quantum naturæ sunt, bonas esse, quod sine illis malis cogitari bona illa possunt, sine bonis autem illis nulla natura cogitari potest. Nam sine turbatione coeni possum aquas cogitare: sine pace autem continuatur partium, nulla species corporis animo occurrit, aut ullo modo sentiri potest; ac per hoc nec ille aque

¹ In editis, sic ergo. At in MSS., si ergo.

coenosæ sine isto bono esse potuerunt, quo bono debat ut aliqua natura corporeæ posset esse. Nam quod dicitis, quod illa mala de naturis talibus non possunt auferri; respondetur, quod et illa bona de naturis talibus non possunt auferri. Cur ergo istas res propter mala quæ auferri non posse arbitramini, mala naturalia vocare vultis; propter ea bona vero quæ auferri non possé convincimini, bona naturalia vocare non vultis?

38. Restat ut queratis (nam ipsa solet esse vox ultima) unde sint illa mala, que mihi quoque displicere dicebam. Respondebo fortasse, si vos prius dixeritis unde sint illa bona, quæ vos quoque laudare cogimini, si absurdissimi cordis esse non vultis. Sed quid ego istud queram, cum utrique fateamur, omnia quecumque et quantacumque bona sunt, ab uno Deo esse, qui summe bonus est? Resistite ergo vos ipsi Manichæo, qui tot et tanta bona quæ commemoravimus justique laudavimus, pacem concordiamque partium in unaquaque natura, salutem valentiamque animalium, et cetera quæ repetere jam piget, ita in terra commentitia tenebrarum esse arbitratus est, ut ab illo Deo quem bonorum omnium fatetur auctorem, alienate conaretur. Non enim ea bona videntur, dum hoc solum attendit quod displiceret: tanquam si quispiam leonis fremitu exterritus, et cum intuens trahentem ac dilaniante pecorum aut hominum corpora quecumque apprehendisset, puerili quadam insirmitate animi tanto timore percelleretur, ut solam feritatem leonis intuens atque saevitiam, cetera ejus negligens omnino atque præteriens, naturam illius animalis, non tantum malum, sed magnum malum esse clamaret, tanto scilicet exaggeratus, quanto timidus. At si edomita feritate duci leonem mansuetum videret¹, præsertim si nunquam antea fuisse de illa bestia territus, tunc vacaret seculo atque intrepido leonis pulchritudinem considerare atque laudare. De quo ego nihil dicam, nisi quod ad rem maxime pertinet, fieri posse ut aliqua natura offendat ex aliquo, et in totam² nascatur odium: cum manifestum sit multo meliorem esse speciem veræ ac vivæ bestiar, etiam cum ferret in silvis, quam imitatae atque simulatae cum in pariete picta laudatur. Hoc ergo errore ille nos non decipiatur, nec circos faciat ad considerandas naturarum species, cum quedam in eis ita reprehendit, ut omni ex parte cogat displicere, quod omni ex parte reprehendere non potest: atque hoc modo animalia ad æquum iudicium componentes, queramus jam unde sint cum illis bonis mala, quæ me quoque improbare³ dicebam. Quod facilius videbimus, si in unum nomen potuerimus cuncta conferre.

CAPUT XXXV. — 39. *Malum nihil aliud quam corruptio: ipsa autem corruptio non natura est, sed contra naturam. Ubicumque corruptio, ibi bonum fuit. Quis*

¹ Ita veteres libri. Editi vero: At si edomita frustula dulcem leonem mansuetumque videret.

² Editi vulgo, in totum. Emendatur ex MSS.

³ Editi, improbabatur. At MSS., improbare.

enim dubitet totum illud quod dicitur malum, nihil esse aliud quam corruptionem? Possunt quidem aliis atque aliis rogaibus alia atque alia mala non iungi: sed quod omnium rerum malum sit, in quibus mali aliquid animadverteri potest, corruptio est. Sed corruptio peritae anime, imperitia vocatur; corruptio prudenter, imprudentia; corruptio justae, injustitia; corruptio fortis, ignavia; corruptio quiete atque tranquillae, cupiditas, vel metus, vel tristitia, vel jactantia. Deinde in corpore animato corruptio sanitis, dolor et morbus; corruptio virium, lassitudine; corruptio quietis, labor. Deinde in ipso solo corpore corruptio pulchritudinis, sapientias; corruptio rectitudinis, pravitas; corruptio ordinis, perversitas; corruptio integralis, discissio, aut fractura, aut diminutio. Longum est et difficile est harum rerum quas commemoravi, et aliarum innumerabilium opes corruptiores nominatim enquirere; cum etiam multe quae dicuntur in corpore, possint et in anima dici, et innumerabilia sint in quibus propria vocabula corruptio teneat. Verum tamen videre iam facile est nihil nocere corruptionem, nisi quod labefacit naturalem statum; et ideo eam non esse naturam, sed contra naturam. Quod si non inventitur in rebus malum nisi corruptio, et corruptio non est natura; nulla igitque natura malum est.

40. Sed si hoc forte intelligere non valetis, illud attendite, quod quinque quod corrumpitur, bono aliquo minuitur: quia si non corrumperetur, incorruptum esset; si vero etiam non posset omnino corrumpi, incorruptibile esset. Necessum est autem ut sive incorruptio sive incorruptibilitas bonum sit, si malum est corruptio. Sed nunc de natura incorruptibili nulla quæstio est: de his agitur quae possunt corrumpi, quae dum non corrumpuntur, incorrupta dici possunt, incorruptibilia non possunt. Illud enim solum incorruptibile proprie dicitur, quod non tantum non corrumpitur, sed etiam nulla ex parte corrumpi potest. In corrupta ergo quæcumque sunt et tamen corrupti possunt, cum corrupti cooperint, eo ipso bono minuantur quo incorrupta erant; et magno quidem hono, quia magnum malum est corruptio: et quandiu in eis augeri corruptio potest, tamdiu habent bonum quo minuantur. Quapropter naturæ illæ quas in tenebrarum terra suis consingit, aut poterant corrumpi, aut non poterant. Si non poterant, incorruptibiles erant, quo bono superiori nihil est. Si poterant, aut corrumpabantur, aut non corrumpabantur: si non corrumpabantur, incorruptæ erant, quod vidimus sine magna laude dici non posse: si autem corrumpabantur, minuerantur illo tam magno bono; si minuerantur bono, habebant bonum quo minuerantur; quod si habebant bonum, non erant naturæ illæ sumnum malum, et omnis Manichei fabula falsa est.

CAPUT XXXVI. — 41. Unde malum, sire corruptio boni. Sed quoniam quæcavimus quid esset malum, neque hoc naturam, sed contra naturam esse cognovimus; consequenter querendum est unde sit: quod sic fecisset, minus fortasse in has tanti erroris an-

gustias haberetur. Præpropere quippe ac præpostere quæsivit unde esset, quod primo non quæsierat quid esset: et ideo nullo modo potuerunt querenti occurrere nisi vanæ phantasmatæ, quibus difficile animus carnalibus sensibus molitus pastus exiuit. Dicet ergo aliquis, non jam certare, sed non errare desiderans: Unde est ista corruptio, quod quasi generale malum rerum bonarum, sed tamen corruptibilium esse compiperimus? Qui talis querit, cito invenit magno ardore verum petens, et constanti perseverantia pie pulsans. Per homines enim commemoratio aliqua signis verborum fieri potest: docet autem unus verus Magister ipsa incorruptibilis Veritas, solus Magister interior: qui etiam exterior factus est, ut nos ab exterioribus ad interiora revocaret; et formam servi accipiens, ut ejus sublimitas¹ surgentibus innotesceret, jacentibus humili appareat dignatus est. In ejus nomine supplices simus, et per eum misericordiam Patris implorantes ista queramus. Primo enim brevissime responderi potest querentibus unde corruptio est, cum dicitur, Ex eo quod haec naturæ quae corrupti possunt, non de Deo genitæ, sed ab eo de nihilo factæ sunt: quas quoniam bonas ratio superior demonstravit, nemo potest recte dicere, Non fecisset Deus bona. Si autem dixerit, Summe bona fecisset², oportet intelligat summum bonum ipsum esse, qui fecit haec bona.

CAPUT XXXVII. — 42. Solus Deus summe bonus. Quid mali, inquis, sicut, si et ista sierent summe bona? Et tamen si quis ex nobis quereret, accepto et credito Deo Patre summo bono, si esset aliud summe bonum, unde esse nobis pie videretur, nullo modo recte responderemus, nisi de Deo Patre qui summe bonus est. Quod ergo de illo est, meminerimus natum de Illo esse, non ab eo factum de nihilo, et ideo et hoc summe, id est, incorruptibiliter bonum esse: videmusque injuste flagitari ut tam summe bona sint quae fecit de nihilo, quam summe bonus est quem de se genuit: quem nisi unum genuisset, non id quod ipse est genuisset, quia ipse unus est. Quapropter unico quidem Filio, per quem facta sunt a Patre omnia bona de nihilo, imperite atque impie fratres queruntur³, nisi ex eo quod in hominē apparere dignatus est. Nam ideo et unigenitus in Scripturis et primogenitus dicuntur: unigenitus a Patre, primogenitus ex mortuis. Et vidimus, inquit, gloriam ejus tanquam unigeniti a Patre, plenam gratia et veritate (Joan. 1, 14, 18): et Paulus dicit. Ut sit ipse primogenitus in multis fratribus (Rom. viii, 29).

43. Quod si dixerimus, Non jam essent ista bona quae de nihilo facta sunt, sed tantummodo Dei natura esset⁴; invidemus tantis bonis; et vox impia est,

¹ Sola editio Lov., subtilitas. Minus bene.

² Editi, nemo potest recte dicere non Deum bona fecisse. Si autem dixerit summe bona fecisse, etc. Castigantur auctoritate veterum manuscriptorum.

³ Lov.: Quapropter de unico quidem Filio, pie fratres queruntur. Male.

⁴ Sic MSS. At editi, plenum.

⁵ Sic MSS. Editi autem minus recte serebant: Non jam esse ista bona, quae de nihilo facta sunt sed tantummodo Dei naturam bonam esse.

injuriam putare non hoc esse quod Deus est, et ideo nolle esse aliquod bonum, quoniam ei præponitur Deus. Quæso, patere, natura animæ rationalis, aliquanto minus te esse quam Deus est, et tanto minus, ut post ipsum te melius aliquid non sit. Patere, inquam, et mitesce illi; ne te adhuc repellat in infima, ubi per angustias pœnales etiam atque etiam bonum quod es vilescat tibi. Superba es in Deum, si indignaris quod te antecedit; et nimis contumeliose de illo sentis, si non ineffabiliter gratularis tam magnum bonum esse te, ut solus sit ille præstantior. Quo constituto atque firmato, illud ne dixis¹: Me solam naturam Deus facere debuit; noslem ut post me aliquid boni fieret. Non enim quod bonum est post Deum, jam debuit esse novissimum. Et hinc maxime apparet quantum tibi tribuerit dignitatem, quod Deus qui sohls tibi naturaliter dominator, fecit alia bona quibus tu quoqne dominareris. Nec mireris quod nunc tibi non omni modo serviant, et te aliquando etiam crucient: quia Dominus tuus majorē potestatem habet in ea quæ tibi serviant, quam tu in ipsa², tanquam in servos servorum suorum. Quid ergo mirum si tibi peccanti, id est non obtemperanti Domino tuo, pœnalia quibus dominabaris effecta sunt? Quid enim tam justum, et quid justius Deo? Hoc namque humana natura in Adam meruit, de quo nunc non est disputandi locus: sed tamen dominator justus et justis præmiis et justis suppliciis approbat, beatitate recte viventium pœnaque peccantium. Nec tamen sine misericordia derelicta es, quæ certis rerum temporinque mensuris vocaris ut redeas. Ita recto moderamine altissimi Conditoris usque³ ad bona terrena perventum est, que corrumpuntur et resurgentur, ut haberetis suppicio mixta solatio; ut et laudes Deum delectata ordine bonorum, et refuges in eum exercitata experimentis malorum. Ita in quantum tibi terrena serviant, docent te esse dominam suam; in quantum autem molesta sunt, docent ut servias Domino tuo.

CAPUT XXXVIII. — 44. *Natura a Deo, corruptio ex nihilo.* Quapropter quamvis sit malum corruptio, et quamvis non sit a conditore naturarum, sed ex eo sit, quod de nihilo factæ sunt: tamen etiam ipsa illo regente et gubernante omnia quæ fecit, sic ordinata est, ut non noceat, nisi naturis insimilis ad supplicium damnatorum, et exercitationem admonitionemque redeuentum, ut inhæreant Deo incorruptibili, maneantque incorrupti, quod unum est bonum nostrum; sicut per prophetam dicitur, *Mihi autem inhaerere Deo bonum est* (*Psal. LXXII, 28*). Neque illud dixeris: Non saceret Deus naturas corruptibilis. In quantum enim naturæ sunt, Deus fecit: in quantum autem corruptibilis, non Deus fecit; non enim est ab illo corruptio, qui solus est incorruptibilis. Si haec capis, gratias age Deo: si non capis, quiesce, et

¹ Editi hic addunt, o anima humana; quod a MSS. abest.
² In MSS. deest, in; ut vox, ipsa, rationalem animam recipiat.
³ sic MSS. At editi, quoque.

noli temere nondum intellecta damnare; supplexque illi qui lumen est mentis⁴, attende ut intelligas. Cum enim dicitur, natura corruptibilis; non unum, sed duo nomina dicuntur. Item cum dicitur, Deus fecit de nihilo; non unum, sed duo nomina audimus. Redde ergo istis singulis illa singula, ut cum audis naturam, ad Deum pertineat; cum audis corruptibilem, ad nihil: ita tamen ut ipsæ corruptiones, quamvis non sint ex Dei arte, in ejus tamen potestate sint disponendæ, pro rerum ordine et meritis animarum. Ideo recte dicimus ab illo esse præmium atque supplicium. Ita enim non⁵ fecit corruptionem, ut possit corruptioni eum dare qui corrumpi mœruerit, id est, qui se ipse coepit peccando corrumpere, ut cruciantem sentiat corruptionem invitus, qui blandientem commisit volens⁶.

CAPUT XXXIX. — 45. *Mala quomodo sint a Deo.* Non enim in Vttere Testamento tantum scriptum est, *Ego facio bona, et condo mala* (*Isai. XLV, 7*): sed evidentius in Novo, ubi Dominus dicit, *Nolite timere eos qui corpus occidunt, et amplius non habent quid facient; sed eum timete, qui cum corpus occiderit, habet potestatem animam mittere in gehennam* (*Matth. X, 28, et Luc. XII, 4*). Voluntarie autem corruptioni addi judicio divino pœnalem corruptionem, manifestissime apostolus Paulus attestatur, cum dicit: *Temptum enim Dei sanctum est, quod estis vos: quisquis temptum Dei corrupserit, corrumpet illum Deus* (*I Cor. III, 17*). Quod si in vetere Lege dictum esset, quibus invectionibus isti impetum facerent accusantes quasi corruptorem Deum! Quod verbum metuentes multi latini interpres, noluerunt dicere, *corrumpet*; sed dixerunt, *disperdet illum Deus*: et non deviantes a re ipsa, offenditionem vocabuli devitarunt. Quanquam isti non minus inverherentur in perditorem Deum, si hoc in Lege vetera aut Prophetis invenirent. Sed græcis exemplaribus convincuntur, in quibus apertissime scriptum est, *Quisquis templum Dei corrupserit, corrumpet illum Deus*. Quod si quis ab eis querat, quomodo dictum sit: ne corruptor putetur Deus, expounit statim, *corrumpet* dictum esse, corruptioni tradet; vel si quo alio modo possunt. Quo animo si essent in veterem Legem, et multa ibi miranda intellegent, et nondum intellecta non cum odio lacarent, sed cum honore different⁷.

CAPUT XL. — 46. *Corruptio tendit ad non esse.* Si quis autem non credit ex nihilo esse corruptionem, proponat sibi haec duo, esse et non esse, quasi ex diversis partibus; intelligendi gratia, ut cum tardis tardius ambulemus: deinde velut in medio constitut aliiquid, ut puta corpus animantis, et querat hoc secum, dum formatur illud corpus et nascitur, dum augetur ejus species, nutritur, convalescit, roboro-

⁴ In MSS. Editii autem, quid lumen mentis accendit.

⁵ In editis male hic omissa erat particula negans.

⁶ Editi, blandientem illicita oblatione concupiscentiam commisit volens. Explanimus haec verba, illicita oblatione concupiscentiam, quæ absunt a manuscriptis.

⁷ Editi, deferrent. Verius MSS., different.

ur, decoratur, firmatur, in quantum manet, et in quantum stabilitur, in quam partem tendat, utrum ad esse, an non esse: non dubitabit esse quidem aliquid in ipsis etiam primordiis; sed quanto magis forma et specie et valentia constabilitur atque firmatur, tanto magis fieri ut sit, et in eam partem tendat qua possum est esse. Nunè ergo incipiat corrumpi; debilitetur omnis illo status, languescant vires, marcescat robur, forma foedetur, dissiliat compago membrorum, contabescat et defluat concordia partium: querat etiam nunc per istam corruptionem quo tendat, utrum ad esse, an non esse: non puto usque adeo cæcum et tardum, ut dubitet quid sibi ipse respondeat, et non sentiat quanto magis quodque corruptitur, tanto magis ad interitum tendere. Omne autem quod ad interitum tendit, ad non esse tendit. Cum ergo Deum incommutabiliter et incorruptibiliter esse credendum sit, id autem quod dicitur nihil, peccatum non esse manifestum sit: et cum ista tibi proponeris esse et non esse, aliquid cognoveris quanto magis augetur species, tanto quidque tendere ut sit; quanto magis augetur corruptio, tanto magis tendere ut non sit: quid dubitas dicere in unaquaque natura corruptibili quid in ea sit ex Deo, quid sit ex nihilo; cum species secundum naturam sit, corruptio contra naturam? Quia species aucta cogit esse, et Deum fateniur summe esse: corruptio vero aucta cogit non esse, et constat quod non est, nihil esse. Quid, inquam, dubitas dicere, in natura corruptibili, quam et naturam dicis, et corruptibilem dicis, quid sit ex Deo, quid ex nihilo? Et quid quaris Deo naturam contrariam, quem si confiteris summe esse, vides ei non esse contrarium?

CAPUT XLI. — 47. *Corruptionem permisum Dei a nobis est.* Cur ergo, inquis, quod naturae Deus dedit, tollit corruptionem? Non tollit, nisi ubi permittit Deus: ibi autem permittit, ubi ordinatissimum et justissimum iudicat, pro rerum gradibus et pro meritis animalium. Nam et species vocis emissae praeterit, et silentio permittitur; et tamen sermo noster ex praetereuntium verborum decessione ac successione peragitur, et moderatis silentiorum intervallis decenter suaviterque distinguitur: ita sese habet etiam temporalium naturarum insuna pulchritudo, ut rerum transitu peragatur, et distinguitur morte nascentium. Cujus pulchritudinis ordinem et modos si posset capere sensus noster atque memoria, ita nobis placeret, ut de-

fectus quibus distinguitur, nec corruptiones vocare auderemus. Quod autem in ejus pulchritudinis parte laboramus, cum nos stentia deserunt temporalia quae diligimus, et peccatorum poenas suimus, et semper terna diligere commonemur.

CAPUT XLII. — 48. *Hortatus ad summum bonum.*
Non ergo in hac pulchritudine queramus quod non
acepit; quæ ideo insinua est, quia quod querimus,
non accepit: et in eo quod accepit, laudemus Deum,
quia tantum speciei bonum etiam huic quamvis in-
timæ dedit. Nec ei tamen ut amatores ejus inhære-
mus: sed ut Bei laudatores eam transgrediamur, ut
supra eam collocati de illa judicemus, non ei connexi
in illa judicemur. Festinamusque ad illud bonum,
quod nec locis grassatur¹, nec tempore volvitur, et
unde speciem formamque accipiunt omnes locales
temporalesque naturæ. Ad quod videndum mundemus
cor per fidem Domini nostri Jesu Christi, qui ait:
Beati mundicordes, quoniam ipsi Deum videbunt (*Matth.*
v. 8). Non enim eos oculos ad illud bonum cernendum
præparari oportet; quibus cernitur lux ista diffusa
per locos, et non ubique integra, sed aliam partem
hic habens, et alibi aliam. Verum illum aspectum
aciemque purgemos, qua cernitur, quantum in hac
vita licet, quid sit justum, quid pius, quæ sit sapien-
tiae pulchritudo: quæ quisquis cernat, præponit longe
omnium localium spatiorum plenitudini; et sentit, ut
ista cernat, non per locorum spatia diffundi aciem
mentis suæ, sed incorporea potentia stabiliri.

CAPUT XLIII. — 49. *Conclusio.* Cui aspectui quoniam nullum inimica sunt phantasmata, quæ de carnali sensu tracta imaginarie cogitatio nostra versat et continet, detestemur istam heresim, quæ suorum phantasmatum fidem secuta, et divinam substantiam per locorum spatiæ, quamvis infinita, velut informem molem disjectit atque diffudit, et eam ex una parte truncavit, ut inventiret locum malo; quod videre non potuit non esse naturam, sed contra naturam: et ipsum malum tanta specie et formis et pace partium in singulis naturis vigente decoravit, quia sine his bonis nullam poterat cogitare naturam, ut ea mala quæ ibi reprehendit, innumerabilium bonorum copia sepellantur. Sed hujus voluminis iste sit terminus: in cæteris cætera ejus deliramenta Deo permittente atque adjuvante arguentur.

¹ Nonnulli MSS., *crassatur.*

IN SUBSEQUENS OPUS,

Vide lib. 2, cap. 7, Retractationum, t. 1, col. 632, a verbis n. 1, Contra Faustum Manichæum..... scripsi grande opus (a), usque ad col. 633, n. 3, verbis, Faustus quidam fuit. M.

(a) istud opus suum Augustinus ana cum epistola 82 misit ad Hieronymum : qua in epistola, cap. 2, n. 17, testatur se illius dictasse diu ante acceptam ab Hieronymo epistolam ordine 73, que illi reddi ante annum 403 non potuit. Locum vero in Retractionum serie medium inter Confessionum libros in primo tomo editos, et libros de Actis cum Felice manu huc postea secuturos, assignat eidem operi ; quod proinde ad annum circiter 400 referri debet. Frequenter illud citat in libris de Civitate Dei 15 et 16; in questionibus suis in Genesim, quest. 26, et in Exodum, quest. 2; in libro secundo contra Adversarium Legis et Prophetarum, cap. 12; in libro primo de Consensu Evangelistarum, cap. 5, et in libro de Boco Vitudini, cap. 13. De eo Cassiodorus in Institut. divinar. litter. cap. 1: Scriptis etiam magnis (inquit) contra Faustum manicheum triginta tres libros, ubi ei ejus nequissimam pruritatem manifesta ratione conticili, et de libro Cen's iterum in ratabiliter disputavit.

S. AURELII AUGUSTINI
HIPPONENSIS EPISCOPI
CONTRA FAUSTUM MANICHÆUM
Libri triginta tres ^(a)

LIBER PRIMUS.

CAPUT PRIMUM. — Faustus quidam fuit, gente Afer, civitate Milevitanus, eloquio suavis, ingenio callidus, secta manichæus, ac per hoc nefando errore perversus. Neveram ipse hominem, quemadmodum eum commemoravi in libris Confessionum mearum (*Lib. 5, capp. 3, 8*). Hic quoddam volumen edidit adversus rectam christianam fidem, et catholicam veritatem. Quod cum venisset in manus nostras, lectumque esset a fratribus; desideraverunt, et jure charitatis per quam eis servimus flagitaverunt, ut ei respondemus. Hoc aggrediar nunc in nomine atque adjutorio Domini et Salvatoris nostri Iesu Christi, ut omnes qui hæc legent, intelligent quam nihil sit acutum ingenium et lingua expolia, nisi a Domino gressus hominis dirigantur (*Psalm. xxvi, 23*). Quod multis etiam tardioribus et invalidioribus occulta aequitate divinae misericordiae præstatum est, cum multi acer- rimi et facundissimi, deserti adjutorio Dei, ad hoc velociter et pertinaciter currenter, ut a veritatis via longius aberrarent. Commodum autem arbitror, sub ejus nomine verba ejus ponere, et sub meo responsionem meam.

CAPUT II. — FAUSTUS dixit: Satis superque in lucem jam traductis erroribus, ac Judaicæ superstitionis simul et semichristianorum abunde detecta fallacia, a doctissimo seculite et solo nobis post beatum patrem nostrum Manichæum studendo¹ Adimante; non ab re visum est, fratres charissimi, hæc quoque brevia vobis et concinna responsa, propter callidas et astutas conseruentia nobiscum propositiones, scribere, quo cum fidem vos ex more parentis sui serpentis captiosis circumvenire quæstiunculis voluerint, et ipsi ad respondendum vigilanter eis sitis instructi. Ita enim siet ut ad ea ipsa quæ proposuerint religati, ulterius hoc atque illuc vagari non possint. Ac ne profusa confusa ve oratione legentium inun-

darentur ingenia, tam breviter quam distincte ex adverso sibi, ipsorum atque nostrorum verba constimi.

CAPUT III. — AUGUSTINUS respondit: Tu semi-christianos cavendos putas, quod nos esse dicis: nos autem pseudochristianos cavemus, quod vos esse ostendimus. Nam quod sensis est², ex quadam parte imperfectum, ex nulla tamen falso est. Quid ergo, si aliquid deest fidei eorum quos circumvenire conanimi, numquid ideo id quod eis adest destruendum, ac non potius id quod deest astruendum est? Sicut ad quosdam imperfectos loquens Apostolus ait: *Gaudens et videns vestram conversationem, et id quod deest fidei vestrae in Christo* (*Coloss. ii, 5*). Cernebat utique quamdam fabricam spiritualem, sicut alibi dicit, *Dei ædificatio estis* (*I Cor. iii, 9*): et in ea cernebat utrumque; et unde gauderet, et unde satageret. Gaudebat ex eo quod iam ædificatum videbat; satagebat ex eo quod usque ad culmen perfectionis aq[ue]huc ædificandum esse sentiebat. Itaque nos revera catholicos nondum perfectos, sed quodam modo, ut dixisti, semi-christianos quos fallatis et seducatis vestra perversitate, insectamini. Sed si qui adhuc etiam tales sunt, si vos pseudochristianos esse intellexerint, quamvis captiosis quæstiunculis vestrarum propositionibus, propter id quod eorum fidei deest, respondere non possint; non tamen sequendos, sed devitandos vos esse cognoscunt. Sicut ergo vestra intentio est semi-christianos quos decipiatis inquirere, sic nostra intentio est pseudochristianos vos ostendere: u non solum christiani peritiores vos convincendo prodant, sed et imperitiores vos cavendo proficiant. Cur autem serpentem patrem nostrum dixisti? An excidit tibi quemadmodum soleatis vituperare Deum qui homini preceptum in paradiso dedit (*Gen. ii, 16, 17*), et laudare serpentem quod ei per suum consilium oculos

ADMONITIO PP. BENEDICTINORUM.

Contra Faustum libri triginta tres recogniti sunt denuo ad manuscripta exemplaria sex Vaticana, et octodecim Gallicana, Remigianum, Corbeilense, Audiensem, Michaelinum, Pratellense, Lyrense, Saginense, Vindocinense, Floriacense, Benigianum, Casaliuum, Cisterciense, Bigotianum, Victorinum, Dominicanorum Parisiensium via Jacobæa duo; collegii Bernardinorum Paris. unum, abbatiæ S. Petri Carnotensis unum; ad editiones Am. Er. et Lov. non ad lectiones varias Beigicorum sex manuscriptorum apud Lov.

Comparavimus præterea eas omnes editiones initio Rethr. et Confess., t. 1, memoratas. M.

¹ Editio Lov., christianamque. Abest, que, ab editiōnibus aliis et MSS.

² Sic. Am. Er. et MSS. At Lov., stupenda.

(a) Scripti circiter annum 400

¹ Am. et fere omnes MSS. semum est.

aperuit (*Gen. iii, 7*)? Puto justum esse ut serpente illum diabolum a vobis laudatum, tu potius agnoscas

parentem tuum. Nam ille te filium etiam modo virtu-
peratus agnoscit:

LIBER SECUNDUS.

CAPUT PRIMUM. — Faustus dixit: Accipis Evangelium? Et maxime. Proinde ergo et nam accipis Christum? Non ita est. Neque enim sequitur ut si Evangelium accipio, idcirco et natum accipiam Christum. Cur? Quia Evangelium quidem a prædicatione Christi et esse coepit et nominari; in quo tamen ipse nusquam se natum ex hominibus dicit. At vero genealogia adeo non est Evangelium, ut nec ipse ejus scriptor auctor fuerit eam Evangelium nominare. Quid enim scripsit? *Liber generationis Iesu Christi filii David* (*Matth. i, 1*). Non ergo, liber Evangelii Jesu Christi; sed, *liber generationis*: quippe ubi⁴ et stella iudicatur quæ confirmat genesis (*Id. ii, 2*); ut recte Genesidum hoc magis nuncupari possit quam Evangelium. At denique Marcus, qui generationem scribere non curavit, sed prædicationem tantum Filii Dei quod est Evangelium, vide quam sit competenter exorsus: *Evangelium*, inquit, *Iesu Christi Filii Dei* (*Mare. i, 4*). Ut hinc satit abundeque appareat genealogiam non esse Evangelium. Nam et in ipso Mattheo post inclusum Joannem in carcerem, tunc legitur Iesum coepisse prædicare Evangelium regni (*Matth. iv, 12, 17*). Ergo quidquid ante hoc narratum est, genealogiam esse constat, non Evangelium. Alioquin quid impedit et Mattheum ponere, *Evangelium Iesu Christi filii Dei*; nisi quia improbus putavit genealogiam vocare Evangelium? Quapropter, si jam tibi distinctum satis est, quod usque nunc ignorasti, longe aliud esse Evangelium quam genealogiam; scias me, ut dixi, accipere Evangelium, id est, prædicationem Christi. De quo quidquid jam perrogare volueris, omissis generationibus quære. Aut si et de ipsis conferre est animus, non equidem recuso, cum sit mihi magna et de his ad respondendum copia: sed tu disce interrogare quod primum est. Videris enim mihi nunc scire velle, non utrum Evangelium accipiam, sed utrum generationes.

CAPUT II. — Augustinus respondit: Certe interrogasti te ipsum velut ex persona nostra, utrum acciperes Evangelium; et respondisti, *Maxime*. Rursusque interrogasti, utrum acciperes Christum natum; et respondisti, *Non ita est*: hanc scilicet causam subiectias, quia generatio Christi non pertinet ad Evangelium. Quid ergo respondebis Apostolo-dicenti, *Memor esto Christum Iesum resurrexisse a mortuis ex semine David, secundum Evangelium meum* (*1. Tim. ii, 8*)? Vides certe quam nescias, vel te nescire flingas, quid sit Evangelium; nec ex doctrina apostolica, sed ex vestro errore nomines Evangelium. Aut si hoc appellas Evangelium, quod Apostoli appellaverunt; aberras ab Evangelio, qui non credis Christum ex

semine David: quod Apostolas secundum suum Evangelium prædicari testatus est. Quod autem erat apostoli Pauli Evangelium, hoc etiam ceterorum Apostolorum, et omnium fidelium dispensatorum tanti sacramenti. Hoc enim alibi dicit: *Sive ergo ego, sive illi; sic prædicamus, et sic credidistis* (*1 Cor. xv, 11*). Non enim omnes illi Evangelium conscripserunt, sed tamen omnes Evangelium prædicaverunt. Narratores quippe originis, factorum, dictorum, passionum Domini nostri Iesu Christi, proprie dicti sunt Evangelistæ. Nam et ipsum nomen si querendas quid latine interpretetur, *Bonum nuntium* dicitur Evangelium, vel, *Bona annuntiatio*. Quod quidem cum aliquid bonum annuntiatur, semper dici potest: proprie tamen hoc vocabulum obtinuit illa quam dixi annuntiatio Salvatoris. Si autem vos aliud annuntiatatis, extra Evangelium vos esse manifestum est. Utique sunt adversus vos parvuli quos appellatis semichristianos, si in tristis charitatis vocem sibi ex ore apostolice personantem audiant: *Si quis vobis annuntiaverit praterquam quod annuntiatimus vobis, anathema sit* (*Galat. i, 8, 9*). Cum ergo ipse Paulus secundum Evangelium suum annuntiaverit Christum ex semine David, vos qui hoc negatis, et aliud annuntiatatis, anathema sitis. Quis autem non videat quanta exactitate dicatur, quod nusquam se Christus natum ex hominibus dicat, cum penes nunquam se filium hominis taceat?

CAPUT III. — Sed videlicet doctissimi homines, profertis nobis ex armario vestro, nescio quem primum hominem, qui ad gentem tenebrarum debelandam de lucis gente descendit, armatum aquis suis, contra inimicorum aquas; et igne suo, contra inimicorum ignem; et ventis suis, contra inimicorum ventes. Cur non ergo et fumo suo, contra inimicorum fumum; et tenebris suis, contra inimicorum tenebras: sed contra fumum aere, ut dicitis, armabatur; et contra tenebras luce? An quia mala sunt fumus et tenebrae, non ea potuit habere bonitas ejus? Bona ergo sunt illa tria, aqua, ventus, ignis. Cur ergo ea potuit habere malitia gentis adversæ? Hic respondetis: Sed aqua illa gentis tenebrarum mala erat; quam vero primus homo attulit, bona erat: et ventus illius malus, hujus autem bonus; ita et hujus ignis bonus contra malum ignem illius dimicavit. Cur ergo et contra malum fumum non potuit afferre fumum bonum? An in fumo vestra mendacia, tanquam fumus ipse, evanescunt atque deficiunt? Certo primum homo vester contra naturam contrariam bellum gessit. Cur quinque illis elementis quæ in contraria gente confingitis, unum allatum est de divinis regnis contrarium, lux contra tenebras? Cetera enim quatuor non sunt contraria. Nam nec aer fumo

⁴ Apud Er. Lugd. Ven. Lov., ibi. M.

est contrarius, multo minus aquæ aqua, et ventus
vento, et ignis igni.

CAPUT IV. — Jamvero illa sacrilega deliramenta quis audiat, quod primum hominem vestrum dicitis, secundum hostium voluntatem, quo eos caperet, clementia qua portabat mutasse atque vertisse, ut regnum quod dicitis falsitatis, in sua natura manens, non fallaciter diuinaret, et substantia veritatis mutabilis appareret, ut falleret? Hujus primi hominis filium credi vultis Dominum Jesum Christum. Ilujus commentitiae fabulae filiam dicitis veritatem. Hunc primum hominem, quem laudatis, quia mutabilibus et mendacibus formis cum adversa gente pugnavit; si verum dicitis, non imitamini: si autem imitamini, et vos mentimini. Quapropter Dominus et Salvator noster Jesus Christus, verus et verax Dei Filius, verus et verax hominis filius, quod utrumque de se ipse testatur, et de vero Deo divinitatis æternitate, et de vero homine carnis originem duxit. Non novit apostolica doctrina primum hominem vestrum. Auditte Apostolum Paulum: *Primus homo, inquit, de terra, terrenus; secundus homo de caelo, cœlestis. Qualis terrenus, tales et terreni; qualis cœlestis, tales et cœlestes. Sicut portavimus imaginem terreni, partemus et imaginem ejus qui de caelo est* (*I Cor. xv. 47-49*). Primus itaque homo de terra terrenus, ille Adam de limo formatus; secundus autem homo de caelo cœlestis, Dominus Jesus Christus: quia Filius Dei venit ad carnem, qua suscepit et homo exterior fieret, et deus interius permaneret; ut et Filius Dei verus esset per quem facti sumus, et hominis filius verus fieret per quem refecti sumus. Cur ergo primum hominem vestrum commentitium nescio unde producitis, et primum hominem quem doctrina apostolica docet non vultis agnoscerre? An ut compleatur in vobis quod ipse Apostolus ait: *A veritate quidem auditum suum avertentes, ad fabulas autem convertentur* (*II Tim. iv. 4*)! Paulus annuntiat primum hominem de terra terrenum: Manichæus annuntiat primum hominem non terrenum, nescio quibus fallacibus clementis quinque vestitum. Et Paulus dicit, *Si quis vobis annuntiarerit præterquam quod annuntiarimus vobis, anathema sit.* Ergo ne Paulus mendax sit, Manichæus anathema sit.

CAPUT V. — Quod autem etiam stellæ calumniamini, qua Magi ad Christum infanteum adorandum perducunt sunt, non erubescitis, cum vos commentitium Christum vestrum, filium commentitii primi hominis vestri, non sub stellæ testificatione ponatis, sed in stellis omnibus colligatum esse dicatis: quia videlicet principibus tenebrarum commixtum esse creditis in illo bello, quo ipse primus homo vester cum tenebrarum gente pugnavit, ut de ipsis principibus tenebrarum tali commixtione captis mundus fabricaretur. Unde et ista sacrilega deliramenta vos cogunt, non solum in caelo atque in omnibus stellis, sed etiam in terra atque in omnibus que nascuntur in ea, confixum et colligatum atque concretum Christum dicere, non iam Salvatorem vestrum, sed a-

vobis salvandum cum ea manducatis atque evanescatis.

Nam et ista impia vanitate seducti, seducitis Auditores vestros, ut vobis cibos afferant, quo possit ligato in eis Christo subveniri per vestros dentes et ventres. Talibus enim auxiliis eum solvi et liberari predicatis; nec saltem totum, sed adhuc licet exiguae sordidasque reliquias ejus in stercoribus remanere contenditis, ut in aliis atque aliis rerum corporalium formis iterum atque iterum implexæ implicantæque teneantur. et si mundo stante solvi et purgari non potuerint, jam illo igne ultimo quo ipse mundus ardebit (*II Petr. iii. 10-12*), solvantur atque purgentur. Nec tamen etiam tunc totum Christum dicitis posse liberari, sed ejus honeste divinæque naturæ novissimas residuasque particulas, quæ ita sordidatæ sunt, ut nullo modo dilui valeant, damnari in æternum confixas globo horrido tenebrarum. Ecce qui se singunt indignari quod Filio Dei flat injuria, quia eum natum stella demonstrasse dicatur, tanquam genesis ejus sub fatali constellatione sit constituta; cum cum ipsis non tantum sub stellarum connexione, sed in vinculis omnium terrenorum, et in succis omnium herbarum, et in putredine omnium carnium, et in corruptione omnium ciborum, ita ligatum pollutumque consti- tuant, ut ex magna, non tamen ex tota parte, solvi purgarique non possit, nisi et ab hominibus, Electis videlicet Manichæorum, etiam in porris radiculisque ructetur.

Et nos quidem sub fato stellarum nullius hominis genesim ponimus, ut liberum arbitrium voluntatis, quo vel bene vel male vivitur, propter justum iudicium Dei ab omni necessitatibus vinculo vindicemus: quanto minus illius temporalem generationem sub astrorum conditione credimus factam, qui est æternus universorum Creator et Dominus? Itaque illa stella quam viderunt Magi, Christo secundum carneum nato, non ad decretum dominabatur, sed ad testimonium famulabatur; nec eum subjiciebat imperio, sed indicabat obsequio. Proinde non ex illis erat hæc stellis, que ab initio creaturæ itinerum suorum ordinem sub Creatoris lege custodiunt; sed novo Virginis partu, novum sidus apparuit, quod ministerium offici sui etiam ipsis Magis querentibus Christum, cum ante faciem paret, exhibuit, donec eos usque ad ipsum locum ubi Dei Verbum insans erat, præeundo perduceret. Qui tandem astrologi ita constiuerunt hominum nascentium fatu sub stellis, ut aliquam stellarum, homine aliquo nato, circuitus sui ordinem reliquerit, et ad eum qui natus est perrexisse, asseverent? Sortem quippe nascentis astrorum ordini colligari arbitrantur, non astrorum ordinem ob hominis nati dienu posse mutari. Quapropter, si stella illa ex iis erat que in caelo peragunt ordines suos, quomodo poterat decernere quod natus Christus acturus erat, que nato Christo jussa est relinquere quod agebat? Si autem, ut probabilius credi-

¹ Editi. eum. Conciannus quidam fiss., eq.

² In Iuribus MSS., ad.

tur, ad demonstrandum Christum, que non erat exorta est; non ideo Christus natus est quia illa exstitit, sed ideo illa exstitit quia Christus natus est. Unde, si dici oportet, non stellam Christo, sed Christum stelle fatum fuisse diceremus. Ipse quippe illi, non illa huic, nascendi attulit causam. Si ergo sunt fata que a fando, id est, a diendo appellata sunt; quoniam Christus Verbum Dei est, in quo antequam essent, dicta sunt omnia; non consortium siderum fatum Christi est, sed fatum etiam siderum Christus est: qui et ipsam carnem sub cœlo creatam ea voluntate assumpsit, qua etiam cœlum creavit; ea potestate depositit et recepit, qua etiam sideribus imperavit.

CAPUT VI. — Cur ergo non sit Evangelium quod de ista generatione narratur, cum tam bona nobis annuntietur, ut per ipsam¹ nostra sanctur infirmias? An quia Matthæus non est ita exorsus, ut dicere, *Initium Evangelii Iesu Christi*, sicut ait Marcus; sed, *Liber generationis Iesu Christi?* Hoc modo nec Joannes Evangelium scripsisse dicatur, quia nec ipse ait, *Initium Evangelii*, aut *Liber Evangelii*; sed, *In principio erat Verbum (Joan. 1, 1)*. Nisi forte tam

¹ Tres MSS., quo ista de generatione narrantur, cum tam bona nobis annuntientur, ut per ipsa. Am. et Er., cum tam bona nobis annuntientur, ut per ipsum.

elegans vocabulorum fabricator Faustus fuit, ut ei hoc Joannis exordium, Verbidum nominaverit, propter Verbum; sicut illud, propter genesim, Genesidum ausus est appellare. Sed cur non potius cogitatis, quanta impudentia prolixas illas et impias fabulas vestras Evangelium nominetis? Quid enim illic boni annuntiat, ubi dicitur Deus adversus rebellum nescio quam contrariam alienamque naturam non aliter regno suo potuisse prospicere atque consolare, nisi partem sue naturæ in illius avidas fauces devorandam mitteret, atque ita polluendam, ut post tantos labores atque cruciatus non posset saltem tota purgari? Itane tam malus nuntius Evangelium est? Certo omnes qui græce vel tenuiter moverunt, Evangelium, Bonum nuntium, aut Bonam annuntiationem interpretantur. Quomodo est autem iste bonus nuntius, quandoquidem ipse Deus vobis, velo sibi opposito, lugere nuntiatus est, donec sua membra ab illa vastatione et contaminatione reparentur atque purgentur? Qui si aliquando luctum finierit, crudelis erit. Quid enim de illo male meruit pars illa ejus quæ in globo ligabitur? quæ utique in æternum lugenda est, quia in æternum damnabitur. Sed evasimus, quod istum nuntium quisquis diligenter adverterit, non cogitare lugere, quia malus est; sed ridere, quia falsus est.

LIBER TERTIUS.

CAPUT PRIMUM. — FAUSTUS dixit: Accipis ergo generationem? Evidem conatus diu sum hoc ipsum qualemque est persuadere mihi, quia sit natus Deus: sed offensus duorum maxime evangelistarum dissensione, qui genealogiam ejus scribunt, Lucae et Matthæi (*Matth. 1, 1-17, et Luc. iii, 23-58*), hæsi incertus quemnam potissimum sequerer. Fieri enim posse putabam, ut quia præscius non sum, quem mentiri existimarem, ipse diceret verum; et quem vera loqui, ipse forsitan mentiretur. Infinita ergo eorum prætermissa lite, et interminabili mihi, ad Joannem Marcinque me contuli: nec impariter a duobus ad duos, et ab Evangelistis ad ejusdem nominis professore. Quorum mihi principia interim non inmerito placuerunt, quia nec David, nec Mariam inducunt, nec Joseph; sed Joannes quidem in principio fuisse Verbum dicit, et Verbum fuisse apud Deum, et Deum fuisse Verbum (*Joan. 1, 1*), Christum significans: Marcus vero, *Evangelium*, inquit, *Iesu Christi filius Dei (Marc. 1, 4)*: tanquam Matthæum exprobrans, qui posuerit filium David. Nisi forte alterum hic, et alterum ille annuntiat Jesum. Hæc ergo ratio est, quæ ego non accipio Christum natum. Tu vero, si tantus es ut hanc mihi adimas offensionem, effice ut inter se ipsi convenient; et utcumque succumbain: quoniamvis nec sic quidem dignum erit ex utero natum credere Deum, et Deum Christianorum.

CAPUT II. — AUGUSTINUS respondit: O si pio studio legisses Evangelium, et ea quæ te in Evange-

listis tanquam repugnantia movissent, diligenter quærere, quam temere damnare maluisses; ut saltem propter ipsam, quæ quasi prima fronte occurrit, aperiissimam repugnantiam, cogitares, nisi aliquid illic magnum lateret, difficile steri potuisse ut tanta eis auctoritas in terrarum orbe præberetur, qua sibi tot hominum doctissimorum ingenia subjungarent. Quid enim magnum est videre quod vidistis, alios Christi secundum carnem progeneratores commemorari a Luca, alios a Matthæo, cum ambo Joseph constituant, Matthæus ad quem terminet, Lucas a quo incipiat: qui propter quoddam cum ejus matre sanctum et virginale conjugium, etiam ipse parens Christi meruit appellari; ut propter virilem dignitatem, ab ipso, vel usque ad ipsum, generationes contexerentur? Quid ergo magnum est quod vidistis, quod alium patrem habeat Joseph secundum Matthæum, alium secundum Lucam; et alium avum secundum istum, alium secundum illum, et deinceps sursum versus usque ad David, per tam multas generationes alios parentes ejus ab isto, alios ab illo enumerari? Itane tam apertam manifestamque diversitatem, tot acuti et docti viri, divinarum Scripturarum pertractatores diligentissimi, non viderent? qui quidem in latini lingua perpauci sunt; eos autem in græca quis numeret? Viderunt eam plane. Quid enim facilius, aut quis paululum intuens, ista non videat? Sed pie cogitantes tantæ auctoritatis eminentiam, latere ibi aliquid crediderunt, quod potentibus daretur, oblatran-

ribus negaretur; a quærentibus inveniretur, reprehendentibus subtraheretur; pulsantibus aperiretur (*Matth. vii, 7*), oppugnatibus clauderetur; petierunt, quæserunt, pulsaverunt, acceperunt, inveniérunt, intraverunt.

CAPUT III. — Nempe tota in hoc quaestio est, quomodo potuerit dous patres habere Joseph. Hoc enim si potuisse fieri demonstratur, nulla omnino causa est, cur quisquam istorum evangelistarum, in diversis generationibus enumerandis, falsum divisso creditatur. A duobus enim patribus, jam non erit mirum neque contrarium, quod et avi duo et atavi et proavi esse poluerint, et quidquid supra est usque ad David cujus erant ambo filii, et Salomon qui pertinet ad ordinem quem Matthæus secutus est, et Nathan qui est in serie quam Lucas exposuit. Attendant enim ista nouulli, et videant non posse a duobus viris per coniunctionem carnis hominem gigni; et ideo putant istam questionem non posse dissolvi (*a*): nec intuentur, quod usitatissimum atque facilissimum est¹, patrem cuiusquam, non eum tantum dici a quo genitus, sed etiam eum a quo fuerit adoptatus (*b*).

Neque enim adoptionis vinculum apud antiquos alienum ab eorum moribus fuit, cum etiam feminas inveniamus adoptasse sibi filios, non ex utero suo natos: sicut Sara ex Agar (*Gen. xvi, 2*), et Lia ex ancilla sua (*Id. xxx, 9, 15*), et filia Pharaonis Moysen adoptavit (*Exod. ii, 9, 10*). Ipse autem Jacob, nepotes suos, filios Joseph adoptavit (*Gen. xlvi, 5*). Ipsum vero adoptionis nonnen plurimum valere in nostro fidei sacramento, apostolica doctrina testatur. Unde apostolus Paulus cum de Judæorum meritis loqueretur: *Quorum est, inquit, adoptio, et gloria, et Testamenta, et Legislatio; quoqum patres, et ex quibus Christus secundum carnem, qui est super omnia Deus benedictus in sæcula (Rom. ix, 4, 5)*. Item dicit: *Et ipsi in nobis metipsis ingemiscimus, adaptionem exspectantes filiorum Dei*²; *redemptionem corporis nostri* (*Id. viii, 23*). Item alio loco: *Cum autem venit plenitudo temporis, misit Deus Filium suum factum ex muliere, factum sub Lege, ut eos qui sub Lege erant redimaret, ut adoptionem filiorum reciperenus* (*Galat. iv, 4, 5*). Hæc igitur adoptio quanti sacramenti sit, his atque hujusmodi testimoniis satis appareat. Unicum enim Filium Deus habet, quem genuit de substantia sua, de quo dicitur: *Cum in forma Dei esset, non rapinam arbitratus est esse aequalis Deo* (*Philipp. ii, 6*). Nos autem non de substantia sua genuit; creatura enim sumus, quam non genuit, sed fecit: et ideo, ut fratres Christi secundum modum suum³ ficeret, adoptavit. Iste itaque modus quo nos Deus, cum jam essemus ab ipso non nati, sed conditi et instituti, verbo suo et gratia sua genuit ut filii ejus essemus,

adoptio vocatur. Unde Joannes dicit: *Dedit eis potestatem filios Dei fieri* (*Joan. i, 12*). Cum igitur jus adoptionis filiorum apud patres nostros et in Scripturis sanctis usitatum sit; que impietas dementia precipitat, prius Evangelistas falsitatis arguere, quod diversas generationes commemoraverunt, tanquam utraque veræ esse non possint; quam cogitare et attendere et videre quod facillimum est, quam crebra consuetudine generis humani, unus homo duos patres habere potuerit; ubi cuius carne homo sit genitus, alterum eius voluntate, cum iam homo esset, filius sit adoptatus? Qui si non recte dicitur pater, nec nos recte dicimus, *Pater noster, qui es in caelis* (*Matth. vi, 9*), ei de cuius substantia nati non sumus, sed cuius gratia et misericordissima voluntate adoptati secundum doctrinam apostolicam et fidelissimam veritatem sumus. Ihsus quippe habemus et Deum; et Dominum, et Patrem: Deum, quod ab ipso, etiam ex hominibus parentibus, conditi sumus; Dominum, quod ei subtili sumus; Patrem, quod ejus adoptione renati sumus.

Facile fuit ergo religiosis perscrutatoribus divinitum Litterarum, aliquantulum considerare, et videre in diversis Christi generationibus a duobus evangelisticis commemoratis, quomodo duos patres potuit habere Joseph, quorum progenitores diversi enumerentur. Hoc et vos, si studium contentionis non excæceret, facile videre possetis. Sed ab illis viris alia etiam quæsita et inventa sunt, cum omnes harum narrationum partes pertractarent: hæc autem a vestro intellectu longissime remota sunt. Itaque etiam in Manichei errore constitutū, id quod in rebus humanis fieri solet, ut alias carne generet filium, alias eum voluntate adoptet, ac sic unus duos patres habeat, si non adverso animo legeretis, cogitando videre possetis.

CAPUT IV. — Cur autem Matthæus ab Abraham cœperit, descendens usque ad Joseph; Lucas autem a Joseph cœperit, ascendens, non usque ad Abraham, sed usque ad Deum qui fecit hominem, et dato precepto potestatem dedit ut credens filius Dei fieret: et cur ille in capite libri generationes ipsas enumeravit; ille autem, cum Dominus Salvator a Joanne baptizatus fuisset: et quid sibi velit numerus generationum secundum Matthæum, ut ter quatuordecim digerantur, quibus in summam computatis, tanquam una minus appareat; numerus autem generationum secundum Lucam, qui in baptismō Domini commemoratur, ad septuaginta et septem perveniat: quem numerum ipse Dominus in peccatorum remissionem commendat dicens, *Non tantum septies, sed usque septuagies septies* (*Id. xviii, 22*): nullo pacto indulgere possetis, nisi qui ab aliquo catholicō id audiretis, non quolibet, sed divinarum Scripturarum studioso, et quantum posset, perito; aut ipsi ab errore correcti, pietate catholicā peteretis ut acciperetis, quereretis ut inveniretis, pulsaretis ut intraretis.

¹ Editi, tamen. ² In MSS., tanquam.

¹ Aliquot MSS., usitatissimum atque frequentatissimum est.
² Absit, filiorum Dei, a MSS. et ab antiquioribus editiōibus Am. et Er.

³ Ita in MSS. At in editis, nostrum.

(a) Euseb. Eccles. hist. lib. 1, cap. 7.

(b) Il Retract., cap. 7, n. 2.

CAPUT V. — Quapropter, quoniam id quod Faustum de generationum diversitate permovit, quia in duobus patribus intelligendis hic nodus erat, intellecta natura et adoptione solatum est, frustra se voluit ad duos evangelistas conferre, et ab aliis duobus auferre: magis offensurus ad quos se contulisset, quam eos a quibus abstulisset. Non enim amant sancti suos electores, si suorum sociorum eos invenerint desertores Unitate enim gaudent, et in Christo unum sunt: et si alius aliud, et alias aliud; aut alius aliter, et aliis aliter; vera tamen omnes dicunt, nec sibi modo contraria, si pius lector accedit, si mitis legat, si non heretico animo unde rixetur, sed fideli corde unde aedificetur, inquirat. Jam ergo, quoniam singulorum¹ patrum generationes, quos ut unus homo duos haberet, non est ab humano genere alienum, singulos Evangelistas narrandas suscepisse predidimus, non est à veritate nostra fides aliena. Quocirca, inter se jam Evangelistis convenientibus, sic Faustus promisit, uteumque succumbite.

CAPUT VI. — An illud quod adjunxit, vos inovet adhuc? *Quoniam nec sic quidem, inquit, dignum erit, ex utero natum credere Deum, et Dvum Christianorum.* Quasi nos ipsam divinam naturam ex semine utero extulisse credamus. Nonne modo commemoravi Apostoli testimonium, ubi ait de Iudeis: *Quorum patres, et ex quibus Christus secundum carnem, qui est super omnia Deus benedictus in saecula?* Christus ergo Domi-

¹ Apud Er. Lugd. et Ven., *Jam ergo in singulorum.* M.

nus et Salvator noster Filius Dei verus secundum divinitatem, et filius hominis verus secundum carnem, non ex eo quod est super omnia Deus benedictus in saecula ex semina natus est; sed ex illa infinitate quam suscepit ex nobis, ut in ea moretur pro nobis, et eam suaret in nobis: non ex forma Dei, in qua cu[m] esset, *non rapinam arbitratu[m] est esse aequalis Deo,* hatus ex semina est; sed ex formae servi, quam accipiendo, *semel ipsum exinanivit* (Philipp. ii, 6) Nique enim ob aliud exhanisse se dictus est, nisi accipiendo formam servi, non amittendo formant Dei. Hinc enim natura, qua in forma Dei aequalis est Patri, incommutabiliter permanente, suscepit mutabilem nostram, per quam de virgine nascetur. Vos autem, cum carnem Christi virginali utero committere horretis, ipsam divinitatem Dei, non tantum hominum, sed et canum porcorumque uteris commisstis! semel conceptam in utero virginis Christi carnem non vultis credere, in quo¹ non solum non ligatus, sed nec mutatus est Deus; et ipsam Dei partem, divinamque naturam, in omnium hominum, ac bestiarum masculinis seminibus et femininis uteris, in omnibus conceptibus, per omnes terras, et per omnes aquas, et per omnes horas² ligari, opprimi, coinquiari, et nec totam postea liberari posse praedicatis!

¹ Ait. Et plerique MSS. in qua.

² Forte legendum, *auras*, ut suadere videtur orationis series. Haec est etiam sententia Morel, qui, Element. Critic., pag. 509, prope similia commemhorat verba libri 6, cap. 8: *in terra, in aqua, in aere.* M.

LIBER QUARTUS.

CAPUT PRIMUM. — Faustus dixit: Accipis Testamentum Vetus? Si est mihi in eo haereditas, accipio; si non est, non accipio. Improbitas enim haec quidem mihi est, usurpare tabulas quae testentur exhaeredatum. An ignoras Testamentum Vetus Chanaeorum terram reppromittere (Gen. xv, 18, et xvii, 8); sed eam tamen Iudeis, id est, circumcisio, et sacrificiis, et abstinentibus a porcina, ac reliquis carnibus, quas immundas Moyses appellat, sabbata observantibus, et azyndorum solemnitatem, ac reliqua Injusmodi, quae ejus ipse testator eis observanda mandavit (Levit. xi, 7, et Exod. xii, et xx, 8)? Quae quia Christianorum placuerent nemini; neque enim quisquam nostrorum ea custodit; dignum est ut cum refusa haereditate reddamus et tabulas. Hoc ergo prima causa est cur ego Testamentum Vetus abiciendum puto: nisi tu me prudentius aliquid doceas. Secunda vero causa est, quod tam etiam misera ejus, et corporalis, ac longe ab anime commodis haereditas est, ut post beatam illam Novi Testamenti pollicitationem, quae celorum mihi regnum, et vitam perpetuam reppromittit, etiam si gratis eam mihi testator suus ingereret, fastidirem.

CAPUT II. — AUGUSTINUS respondit: Temporium quidem rerum promissiones Testamento Veteri contineri, et ideo Vetus Testamentum appellari,

nemo nostrum ambigit; et quod aeternae vitae promissio regnumque celorum ad Novum pertinet Testamentum: sed in illis temporalibus figuris fuisse futurorum, quae implerentur in nobis, in quos finis saeculorum obvenit, non suspicio mea, sed apostolicus intellectus est, dicente Paulo, cum de talibus loqueretur, *Hæc omnia figuræ nostræ¹ fuerunt;* et iterum, *Hæc omnia in figura contingebant illis; scripta sunt autem propter nos, in quos finis saeculorum obvenit* (I Cor. x, 6, 11). Non ergo Vetus Testamentum ad consequendas illas promissiones, sed ad intelligendas in eis Novi Testamenti prænuntiationes accipimus: Veteris quippe testificatio, fidem Novo conciliat. Unde Dominus posteaquam resurrexit a mortuis, seque non solum intuendum discipulorum oculis, sed etiam contrectandum manibus obtulit, ne quid tamen cum suis mortalibus et carnalibus sensibus fallaciter agi arbitrarentur, magis eos de veterum Librorum testificatione firmavit dicens: *Oportebat impleri omnia quæ scripta sunt in Lege Moysi, et Prophetis, et Psalmis de me* (Luc. xxiv, 44). Non itaque spes nostra in temporalium rerum promissione desixa est; quandoquidem nec ipsos illius temporis sanctos et spirituales viros, Patriarchas et Prophetas, his terrenis rebus

¹ Er. et Lov., *figuræ nostri.* Omnes fere MSS. cum Am., *figuræ nostræ;* et sic infra passim.

suisse deditos credimus : intelligebant enim, reve-lante sibi Spiritu Dei, quod tempore illi congrueret, et quibus modis Deus per illas omnes res gestas et di-ctas, futura figuranda et prænuntianda decerneret ; magisque desiderium eorum de Novo Testamento erat : sed præsens¹ functio corporalis, ad significanda nova ventura, pollicitationibus veteribus præhebatur. Ita illorum hominum non tantum lingua, sed et vita prophética fuit. Carnalis autem populus, promissis vitæ præsentis inhærebat. De quo tamen etiam populo nihilominus significabantur futura.

Sed vos ista non intelligitis ; quia, sicut propheta dixit, *Nisi credideritis, non intelligetis* (*Isai. vii, 9.*). Non enim estis eruditæ in regno cœlorum, id est, in Ecclesia Christi vera catholica. Quod si essetis, de divitiis sanctorum Scripturarum, non solum nova, sed etiam vetera proserretis. Ipse quippe Dominus dicit : *Propterea omnis scriba eruditus in regno cœlorum, similis est homini patrifamilias, profreni de thesauro suo nova et vetera* (*Matth. xiii, 52*). Et ideo, dum sola promissa Dei nova tenere vos arbitramini, reman-sistis in vetustate carnis, et novitatem induxistis er-

¹ Editio Lov., sed sicut præsens. Particula, sicut, abest ab editionibus aliis et plerisque MSS.

roris. De qua novitate Apostolus dicit : *Profanas autem verborum novitates evita; multum enim proficiunt ad impietatem, et sermo eorum sicut cancer serpit. Ex quibus est Hymenæus, et Philetus, qui circa veritatem aberraverunt, dicentes resurrectionem jam factam esse, et fidem quorundam subverterunt* (*II Tim. ii, 16-18*). Ex qua vena falsitatis vos manare cognoscite, qui dicitis, nunc esse resurrectionem tantummodo animarum per prædicationem veritatis; corporum autem, quam predicatorum Apostoli, futuram negatis. Quid autem spiritualiter, secundum hominem interiorum, qui renovatur in agnitione Dei (*Coloss. iii, 10*), potestis cogitare; cum per vetustatem carnis, et per carnalium rerum imagines, quibus totus error vester involvitur, res corporeas, non possessione teneatis, sed phantasmati sapiatis? Terra enim Chanaonæorum, quæ manifesta erat, et manifeste illi populo data est, contemnere vos, et fastidire gloriamenti; quasi non ita terram luminis describatis ex una parte, a terra gentis tenebrarum, tanquam cuneo coarctato discissam, ut neque in rerum veritate inveniatur, et in cogitationum vestrarum falsitate credatur : et ideo nec vitam vestram data sustineat, et mentem vestram desiderata corrumpat.

LIBER QUINTUS.

CAPUT PRIMUM.—FAUSTUS dixit : Accipis Evangelium? tu me interrogas utrum accipiam, in quo id ipsum accipere apparet, quia quæ jubet observo. An ego de te querere debeo, utrum accipias, in quo nulla accipientis Evangelium videntur indicia? Ego patrem dimisi, et matrem, uxorem, filios, et cetera quæ Evangelium jubet (*Math. xix, 29*) ; et interrogas utrum accipiam Evangelium? Nisi adhuc nescis quid sit quod Evangelium nuncupatur. Est enim nihil aliud quam prædicatio, et mandatum Christi. Ego argentum et aurum rejeci, et res in zonis habere de-stiti, quotidiano contentus cibo, nec de crastino cu-rans, nec unde venter impletatur, aut corpus operia-tur, sollicitudinem gerens (*Id. x, 9, 10, et vi, 23-34*) ; et queris a me utrum accipiam Evangelium? Vides in me Christi beatitudines illas quæ Evangelium faciunt (*Id. v, 3-11*) ; et interrogas utrum illud accipiam? Vides pauperem, vides mitem, vides pa-cifieum, puro corde, lugentem, esurientem, sitiensem, persecutiones et odia sustinentem propter iu-stitiam ; et dubitas utrum accipiam Evangelium? Non ergo jam mirum est Joannem Baptistam viso Jesu, et ejus item auditis operibus, querere adhuc utrum ipse esset Christus : cui digne et merito Jesus nec dignatus quidem est renuntiare quod ipse esset ; sed opera rursus eadem illi, quæ jamdudum audierat, reman-davit, *Cæci vident, surdi audiunt, mortui resurgunt* (*Id. xi, 2-6*), etc. Quod ego quoque circa te non im-merito fecerim, si perroganti utrum accipiam Evangelium dixerim, *Omnia mea dimisi, patrem, matrem, uxorem, filios, aurum, argentum, manducare, bi-*

bere, delicias, voluptates : hoc tibi ad interrogata sa-tis responsuni putas, et beatum te futurum, si in me non fueris scandalizatus.

CAPUT II.—Sed non, inquis, accipere Evangelium hoc solum est, si quod præcepit, facias; sed ut etiam credas omnibus quæ in eodem scripta sunt, quorum primum est illud, quia sit natus Deus¹. Sed nec item est solum illud, Evangelium accipere, ut credas quia natus est Jesus; sed ut facias etiam quod præcepit. At si me idecirco Evangelium non accipere putas, quia generationem prætermitto, nec tu ergo accipis; et multo magis non accipis, quia præcepta contemnis. Ac per hoc interim parés sumus, donec discutiamus et partes : aut si tibi non præjudicat præceptorum ista contemptio ad profitendum quia² accipias Evangelium, mihi quare ad hoc præjudicet genealogia damnata? Quod si Evangelium accipere, in duobus his constat, ut dicas, genealogias credere, et servare mandata, quid ergo imperfectus imperfectum judicas? Uterque nostrum eget alterutro. Sin, quod certius est, accipere Evangelium in sola observatione constat celestium mandatorum, duplice modo improbus es, qui, ut dici solet, desertor arguas militem. Et tamen age, ponamus, quia illa vis, duo hæc par tes esse fidei perfectæ, quarum una quidem constet in verbo, id est fateri Christum natum; altera vero in opere, quod est observatio præceptorum : vide ergo quam arduam ego et difficiliorem nihi partem ele-gerim; tu vide quam levissimam et faciliorem. Nec

¹ Am. Et. et MSS., *quia natus sit Jesus*. — Lov., *Deus*, sed ad marginem, *Jesus*. — M.

² Lov., *quod. M.*

numerito plebs ad te confluit, a me refugit, nesciens utique quia regnum Dei non sit in verbo, sed in virtute. Quid ergo est quod me lassis, si difficultorem fidei aggressus partem, tibi ut infirmo reliqui faciliorem? Sed ego ad tribuendam, inquis, salutem animis, hanc partem fidei efficaciem puto, ac magis idoneam, quam tu reliquisti, id est, Christum sater natum.

CAPUT III. — Age ergo, ipsum eundem interrogemus Christum, et unde potissimum nobis salutis oriatur occasio, ex eius ore discamus. Quis hominum intrabit in regnum tuum, Christe? Qui fecerit, inquit, voluntatem Patris mei qui in cælis est (*Math. vii., 21*). Non dixit: Qui me professus fuerit natum. Et alibi ad discipulos: *Ite, docete omnes gentes, baptizantes eos in nomine Patris et Filii et Spiritus sancti, et docentes eos servare omnia que mandavi vobis* (*Id. xxviii., 19, 20*). Non dixit: Docentes eos quia sim natus, sed ut mandata conservent. Item alibi: *Anuci mei eritis, si feceritis que præcipio vobis*. Non dixit, Si natum me eredideritis. Rursum: *Si feceritis mandata mea, manebitis in mea charitate* (*Joan. xv., 14, 10*). Et alia multa. Necnon et in monte cum doceret, *Beati pauperes spiritu*¹, dicens, *beati mites, beati pacifici, beati puro corde, beati qui lugent, beati qui esuriunt, beati qui persecutionem patiuntur propter iustitiam* (*Math. v., 5-10*); nusquam dixit, Beati qui me confessi fuerint natum. Et in discretione agnorum ab hædis in judicio, dicturum se dicit iis qui ad dextram erunt: *Esurivi, et cibastis me; siti, et potastis me, et carera: propterea percipite regnum* (*Id. xxv., 33, 34*). Non dixit: Quia natum me credidistis, regnum percipite. Nec non et diviti querenti vitam æternam: *Vade, inquit, vende omnia que habes, et sequere me* (*Id. xix., 21*). Non dixit: Crede me natum, ut in æternum vivas. Ecce igitur portioni meæ, quam mihi de gemina, ut rultis, fidei delegi, ubique regnum, vita, beatitudo promittitur; vestra vero nusquam. Aut docete sicubus scriptum est, beatum esse, regnumve percepturum, aut æternam habiturum vitam, qui eum confessus fuerit natum ex semina. Interim tametsi et hæc pars est fidei, beatitudinem non habet. Cum vero carnem nec partem fidei probaverimus², quid fieri? Nempe critis vos inanes, quod et ipsum utique monstrabitur. Sed interim hoc satis nobis est ad propositum, quia portio hæc nostra beatitudinibus coronata sit. Cui tamen accedit et illa alia beatitudo, ex confessione quoque sermonis, quia Jesum constitemus esse Christum Filium Dei vivi: quod æque ipso ore suo testatur Jesus dicens ad Petrum, *Beatus es, Simon Bar-Jona, quia non tibi hoc caro et sanguis revelavit, sed Pater meus qui in cælis est* (*Id. xvi., 17*). Quapropter non jam, ut putabatis, unam, sed duas easdemque ratas fidei partes tenemus, et in utraque pariter beati appellamur a Christo, quia alteram earum operibus exercentes, alteram sine blasphemia prædicamus.

CAPUT IV. — AUGUSTINUS respondit: Jam supra

¹ vox, spiritu, abest ab omnibus sere MSS.

² Vox, habere probaverimus. Editi alii et MSS. carent et hoc, habere.

commemoravi, quam saepe se Dominus Jesus Christus filium hominis dicat, et quanta vanitate Manichæi fabulam nefandi sui erroris inducant, de nescio quo commentatio primo homine, quem non terrenum, sed fallacibus elementis indutum, contra Apostolum predicant dicentes, *Primus homo de terra terrenus* (*1 Cor. xv., 47*): et quanta cura nos idem monuerit apostolus dicens, *Si quis vobis annuntiarerit præterquam quod annuntiavimus vobis, anathema sit* (*Galat. i., 8, 9*). Quapropter restat ut filium hominis Christum ita credamus, sicut apostolica veritate predicatur, non sicut Manichæorum falsitate consingitur. Cum igitur eum Evangelistæ annuntiant natum ex semina de domo David, hoc est, de familia David; Paulusque ad Timotheum scribat dicens, *Memor esto Christum Jesum resurrexisse a mortuis ex semine David, secundum Evangelium meum* (*Il Tim. ii., 8*): satis appareat quemadmodum Christum filium hominis credere debeamus, qui Filius Dei per quem facti sumus, etiam filius hominis per assumptionem carnis factus est, ut moretur propter delicta nostra, et resurgeret propter justificationem nostram (*Rom. iv., 25*). Ideoque utrumque se dicit, et Filius Dei, et filium hominis. Unde ne pergam per plurima, uno loco in Evangelio secundum Joannem ita scriptum est: *Amen, amen dico vobis, quia venit hora, et nunc est, quando mortui audient vocem Filii Dei; et qui audierint, vivent. Sicut enim Pater habet vitam in semetipso, sic dedit et Filio vitam habere in semetipso; et potestatem dedit ei judicium facere, quia filius hominis est* (*Joan. v., 25-27*). Dixit, *Vocem Filii Dei audient*: et dixit, *Quia filius hominis est*. Secundum hoc enim quod filius hominis est, accepit potestatem judicium faciendi, quia in ipsa forma venturus est ad judicium, ut et a bonis et a malis videatur. In qua forma etiam ascendit in cœlum, et vox illa discipulis sonuit: *Sic veniet, quemadmodum eum vidistis euntem in cœlum* (*Act. i., 11*). Nam secundum id quod Filius Dei, Deus æqualis est Patri, et cum Pâtre unum, non videbitur a malis: *Beati enim mundo corde, quia ipsi Deum videbunt* (*Math. v., 8*). Cum ergo credentibus in se promittat vitam æternam, nec aliud sit credere in eum, quam credere in verum Christum, qualem se ipse prædicat, et ab Apostolis prædicatur, hoc est, et verum Dei Filium et verum hominis filium; vos, Manichæi, qui creditis in falsum et fallacem, falsi et fallacis hominis filium, cum³ et ipsum Deum, gentis adverse tumultu perterritum, membra sua misisse crucienda, nec postea tota purganda docetis, videtis quam sitis alieni a vita æterna, quam promiuit Christus illis qui credunt in eum. At enim dixit Petro constenti eum Filium Dei: *Beatus es, Simon Bar-Jona* (*Id. xvi., 17*). Numquid ideo nihil promittit eis qui in eum filium hominis crederent, cum idem ipse sit et Filius Dei et filius hominis? Habebes etiam aperte vitam æternam pronissam credentibus in filium hominis. *Sicut exaltavit, Inquit, Moyses serpentem in eremo, sic oportet exaltari Filium homini,*

³ Phrases MSS. omittunt et particulam, cum, et quod infra est verbum, docetus.

ut omnis qui crediderit in eum non pereat, sed habeat vitam aeternam (Joan. iii, 14, 15). Quid vultis amplius? Credite ergo in filium hominis, ut habeatis vitam aeternam; quia ipse est et Filius Dei qui potest dare vitam aeternam; quia ipse est verus Deus et vita aeterna, sicut idem Joannes ait in Epistola sua. Ubi etiam dicit antichristum esse, qui negat Christum in carne venisse (I Joan. v, 20, et iv, 3).

CAPUT V.—Quid ergo vos tanquam de mandatorum ejus perfectione jactatis, quod ea quae in Evangelio praecepta sunt operamini? Quid enim illa prodessent, ubi non est fides vera, etiamsi vere impletur a vobis? Nonne audistis Apostolum dicentem: *Si distribuam omnia mea pauperibus, et tradam corpus meum ut ardorem, charitatem autem non habeam, nihil mihi prodest (I Cor. xiii, 3)?* Quid ergo vos tanquam de christiana paupertate jactatis, cum christiana charitate careatis? Habent enim inter se, quam charitatem vocant, etiam latrones, sibi debentes facinorosam flagitosamque conscientiam, sed non charitatem quam commendat Apostolus. Et ut eam a ceteris improbandis repudiandisque secerneret, ait alio loco: *Fides autem praecepti est charitas de corde puro, et conscientia bona, et fide non ficta (I Tim. i, 5).* Unde ergo habere potestis veram charitatem ex fide ficta surgentem?¹ Aut quando vos pigebit fidem vestram fucare spendetis², quando et primum hominem vestrum, cum suis hostibus in se naturae veritate manentibus, mutabili fallacia dimicasse predicatis; et ipsum Christum qui dicit, *Ego sum veritas (Joan. xiv, 6), speciem carnis, mortem crucis, vulnera passionis, cicatrices resurrectionis, monitum esse suadetis?* Proinde vos Christo vestro anteponi vultis, si illo mentiente, vos affirmitatis veritatem. Si autem Christum vestrum sectari vultis, quis non in vobis caveat falsitatem, ut in his quoque mandatis quae vos implere dicitis, non sit nisi sola fallacia? Quippe cum ausus sit Faustus dicere quod as in zonis non portetis: nisi forte ideo verum dixit, quia non as in zonis, sed et aurum in arcillis et in sacculis habeatis: nec reprehenderentur ista in vobis, nisi quia profitemini aliud, et aliter vivitis. Adhuc in rebus humanis est ille Constantius, modo iam frater noster catholicus christianus, qui multos vestrum Romanum in dominum suum congregaverat, propter implenda praecepta Manichei, satis quidem vana et inepta, sed tamen quae magna existimatis: quibus eam vestra infirmitas celeret, dispersi estis quisque in viam suam. Unde illi qui in eis perdurare voluerunt, a vestra societate schisma fecerunt; et quia in mattis dormiunt, Mattarri appellantur: a quorum stratis longe dissimiles fuerunt plumae Fausti, et caprine lodos, qua deliciis affluentia non solum Mattarios fastidiebat, sed etiam dominum patris sui hominis pauperis Milevitani.

¹ In manuscriptis, *ex fide non ficta surgentem.*

² Aliquot MSS., *fidem vestram fucare mendacis.* Ali qui-dani cun editis Am. et Er., *fidem vestram pugnare cum mendacis.* Cistercienses duo codices, ob fidem vestram pugnare mendacis.

Auferte ergo perditam simulationem, si de moribus non vultis, saltem de litteris vestris: ne lingua vestra cum vita vestra, tanquam ille primus homo cum gente tenebrarum, mendacibus, non elementis, sed verbis pugnare videatur.

CAPUT VI.—Sed ne in homines potius non impletas ea que sibi praecipiuntur, quam in ipsam sectam vanissimi erroris me ista dicere quisquam reprehendat, hoc dico: Talia sunt ipsa praecepta Manichei, ut si ea non faciatis, deceptores; si autem faciatis, decepti sitis. Neque enim Christus vobis praecepit ut herbam non evellatis, ne homicidium perpetratis, qui discipulos suos per segetem transuentes et esurientes, vellere spicas sabbato non prohibuit (Matth. xii, 1), onde convinceret ei presentes Iudeos, et futuros Manicheos: illos, quia sabbato flebat; istos vero, quia flebat. Sed plane Manicheus praecepit ut otiosis manibas vestris, de homicidiis vivatis alienis: et illa quidem falsa sunt homicidia, sed vestra sunt vera, cum tali demoniorum doctrina miserias animas trucidatis.

CAPUT VII.—Inest tamen ille haereticus typhus, intolerabilisque superbia. Vides, inquit, in me Christi beatitudines illas que Evangelium faciunt; et interrogas utrum illud accipiam? Vides pauperem, vides mitem, vides pacificum, puro corde, lugendum, curientem, sitionem, persecutiones et odia sustinentem propter justitiam; et dubitas utrum accipiam Evangelium? Si hoc esset justum esse, justificate seipsum, verbis suis volasset in colum homo iste, cum haec loqueretur. Sed ego in delicias Fausti non invehor, notas omnibus Auditoribus Manicheorum, et eis maxime qui sunt Romae: talem preponit manicheum, quem Constantius requirebat, cum illa praecepta exigeret impleri, non quem videbit nolebat. Et illum tamen quomodo video pauperem spiritu, qui tam superbus est, ut animam suam Deum credat, nec captivum erubescat?¹ Quomodo mitem, qui tantae auctoritati evangelice mavult insultare, quam credere? Quomodo pacificum, qui naturam ipsam divinam, qua Deus est quidquid est, qui solus vere est, perpetuam pacem habere non potuisse putat? Quomodo puro corde, in quo tumultuantur tam sacrilegia et tam multa figura? Quomodo lugentem, nisi Deum suum captum et ligatum; donec solvatur et evadat, ex quadam tamen parte decurtatus, quae in globo tenebrarum a Pater ligabitur, et non lugebitur? Quomodo esurientem et sitiensem justitiam, quam Faustus in scriptis suis non addidit, et du ne sibi deceas videretur, si eam se adhuc esurire ac sitiare fateretur? Sed quam justitiam isti esuriunt et sitiunt, quibus perfecta justitia erit, damnatis in globo fratribus qui nihil suo vitio peccaverunt, sed hostili tate, contra quam eos Pater misit², inexpliabiliter infecti sunt, insuper triumphare?

CAPUT VIII.—Quomodo persecutiones et odia sustinetis propter justitiam, quibus haec sacrilegia praedicare et persuadere justitia est? Pro qua impia per-

¹ Am. Er. et plerique MSS., nec captivus erubescit.

² Am. Er. et MSS., quo eos Pater misit

versitate , propter christianorum temporum mansuetudinem , quam parva et prope nulla patiamini , cur non cogitatis ? Sed , tanquam ex eis fatuisque loquacini¹ , justitiae vestrae velut magnum esse vultus indicium , quod opprobria sustinetis , persecutionemque patimini . Porro si tanto est quisque justior , quanto graviora perpetuitur , omitto dicere , quod videre facillimum est , quam multo graviora vobis patiantur aliis atque aliis quibusque facinoribus flagitiisque polluti . Illud dico , si pro nomine Christi quoquo modo usurpatu atque suscepso , quisquis patitur persecutionem , jam etiam veram fidem justitiamque tenere dicendus est ; concedite ut ille sit fidei verioris , majorisque justitiae , quem multo vobis graviora perpeccum potuerimus ostendere : et millia jam vobis nostrorum martyrum occurrant , atque ipse praeceppe Cyprianus , cuius etiam litteris edocetur quod in Christum crediderit natum ex virgine Maria . Pro hac ille fide , quam vos detestamini , usque ad gladium mortemque pervenit , cum gregibus christianorum tunc ita credentibus , atque ita graviusque morientibus . Faustus autem convictus vel confessus quod manichaeus esset , cum aliis nonnullis secum ad judicium proconsulare perductis , eis ipsis christianis a quibus perducti sunt intercedentibus , levissima poena , si tamen illa poena dicenda est , in insulam relegatus est : quod sua sponte quotidie servi Dei faciunt , se a turbulento strepitu populorum removere cupientes ; et inde publica terrenorum principum vota per indulgentiam solent relaxare daunatns . Denique non multo post inde omnes eadem solemnni sorte dimissi sunt . Fatemini ergo illos fidem tenuisse veriorem , justioramque vitam , qui pro ea multo quam vos atrociora sustinere meruerunt ; aut desinites vos inde jactare , quod multis detestabiles sitis : sed disceruite quid sit persecutionem pati pro blasphemia , et persecutionem pati pro justitia ; et pro qua istarum patiamini , in vestris libris etiam aliquo etiam diligenter adverte.

CAPUT IX. — Quam multi autem in nostra communione veraciter faciunt ista sublimiora praecepta evangelica , de quorum specie fallitis imperitos ? Quanta multi homines utriusque sexus ab omni concubitu puri atque integri , quam multi experti , et postea continentes , quam multi rerum sanctorum distributores et relectores , quam multi jejuniis vel crebris , vel quotidianis , vel etiam incredibiliter continutis , corpus servitutis subjicientes ! Quam multas fraternali congregations nibil habentes proprium , sed omnia communia , et haec nonnisi ad victimum et tegumentum necessaria ; unam animam et cor unum in Deum , charitatis igne conflantes ! Atque in his omnibus professionibus quam multi fallaces et perditu deprehenduntur , quam multi etiam latent , quam multi primo recte ambulantes , perversa voluntate cito deliciuntur ; quam multi in temptationibus inveniuntur , quod alio animo faleo vitam adumbrata specie suscepserunt , et quam multi humiliiter et fideliter sanctum custo-

dientes propositum usque ad finem perseverant , et salvi fiunt ! In quorum societate quasi dispare aparent ; sed tamen eadem charitate copulatur , qui propter aliquam necessitudinem , secundum Apostoli exhortationem habent uxores tanquam non habentes , et emunt tanquam non tenentes , et utuntur hoc mundo tanquam non uidentes . His subiunguntur secundum abundantes divitias misericordiae Dei , etiam illi quibus dicitur : *Nolite fraudare invicem , nisi ex consensu ad tempus , ut racetis orationi ; et iterum ad id ipsum estote , ne vos tentet Satanas propter intemperantiam vestram : hoc autem dico secundum veniam , non secundum imperium* (1 Cor. vii, 29, 30, 31, 5, 6) . Quilibus etiam idem apostolus dicit : *Jam quidem omnino delictum est in vobis , quia iudicia habetis vobiscum* . Et eorum portans infirmitatem , paulo post dicit : *Sæcularia igitur iudicia si habueritis , eos qui contumeliales sunt in Ecclesia , hos colligate* (Id. vi, 7, 4) . Neque enim illi soli , qui ut sint perfecti , vendunt vel dimitunt omnia sua , et sequuntur Dominum , pertinent ad regnum cœlorum ; sed huic militiae christiana propter quoddam quasi commercium obritatis subiungitur etiam quoddam stipendiarij multijudo , cui dicitur in fine : *Esuriri , et dedistis mihi manducare* (Matth. xxv, 35) , et cetera . Alioquin dampnandi erunt illi , quorum dumque tam diligenti et sollicita cura componit Apostolus , mopeis mulieres subditos esse viris suis , viros diligere uxores suas ; filios obtemperare parentibus , parientes filios nutrire in disciplina et correptione Domini ; servos obedire eum metu dominis carnalibus , dominos quod justum est et aquum servis prestare (Coloss. iii, 18; iv, 1) . Sed absit ut istos a mandatis evangelicis alienos , et a vita eterna separandos iudicet Apostolus : quia ubi sit Dominus , *Si quis non tulerit crucem suam , et secutus me non fuerit , non potest esse discipulus meus* , exhortans firmiores ad perfectiorem ; ibi statim et istos consolatus est dicens , *Qui receperit justum in nomine Iusti , mercedem Iusti accipiet : et qui receperit prophetam in nomine prophetæ , mercedem prophetæ accipiet* . Unde non tantum qui modicu*m* vini Timotheo dederit propter stomachum et frequentes infirmitates ejus (1 Tim. v, 23) , sed etiam qui saniori atque fortiori caticem aquæ frigidæ porrexit tinctum in nomine discipuli , sicut ibi sequitur , non perdet mercedem suam (Matth. x, 58-62) .

CAPUT X. — Quid autem fallitis Auditores vestros , qui cum suis uxoribus , et filiis , et lapilijs , et domibus , et agris vobis seruunt , si quisquis ista opnia non dimiserit , non accipit Evangelium ? Sed quia eis non resurrectionem , sed revolutionem ad istam mortalitatem promittitis , ut rursus nascantur , et vita Electorum vestrorum vivant , tam vana , et incipia , et sacra lega , quam vos vivitis , quando valde laudamini¹ ; aut si melioris meriti sunt , in melones et cucumeres , vel in alios aliquos cibos veniant , quos vos manducaturi estis , ut vestris ructatibus cito purgantur : merito eos a mandatis evangelicis alienatis ; sed et vos ipsos talia sentientes atque suadentes , maxime inde sepa-

¹ *Aproposito Er. Engl. et ven., loquimini. M.*

¹ *Plures xss. , qua vos rictis , qua valde landauunt.*

rare debetis. Si enim haec vanitas ad fidem evangelicam pertineret, non debuit dicere Dominus, *Esurivit, et dedistis mihi manducare*: sed, Esuristi, et manducasti me; aut, Esurivi, et manducavi vos. Neque enim ex illo jam ministratio merito, secundum vestra deliramenta, quisquam recipietur in regnum Dei, quia manducare sanctis dedit; sed quia vel manducavit quos anhelaret, vel manducatus est a quibus anhelaretur in cœlum. Nec illi dicent, Domine, quando te vidimus esurientem, et dedimus tibi manducare? Sed dicent, Quando te vidimus esurientem, et manducasti nos? quibus ille non responderet. Cum unius ex minimis meis dedistis, mihi dedistis (Matth. xxv, 35, 40): sed, Cum unus ex minimis meis vos manducavit, ego vos manducavi.

CAPUT XI. — Hæc portenta sentientes et docentes, et secundum hæc viventes, auditis vos dicere evan-

gelica præcepta servare, et catholicæ Ecclesie derogare, in qua sunt tam multi pusilli cum magnis, quos utrosque Dominus benedicit, pro suis gradibus evangelica mandata servant, et evangelica promissa sperantes. Sed vestrum oculum malevolus error in solam palcam nostræ segetis dicit: nam et triticum ibi cito videretis, si et esse velletis. In vobis autem, et qui manichæi facti sunt, mali sunt; et qui facti non sunt, vani sunt. Ubi enim fides ipsa facta est, et qui ea simulata utitur, fallit; et qui eam veram existimat, fallitur: nec ex ea potest existere bona vita; quia ex amore suo quisque vivit, vel bene vel malo. Vos autem si spiritualis atque intelligibilis boni charitate, ac non corporalium phantasmatum cupiditate arderetis, ut cito dicam quod de vobis notissimum est, solem istum corporeum, non pro divina substantia, et pro sapientiae luce coleretis.

LIBER SEXTUS.

CAPUT PRIMUM. — Faustus dixit: Accipis Vetus Testamentum? Quomodo, cuius præcepta non servo? Puto quidem quia nec tu: nam peritomen ego ut pudendum despui; ac, si non fallor, et tu. Cessationem sabbatorum, ut supervacuum; credo quod et tu. Sacrificia, ut idolatriam; non dubito quod et tu. Porcina certe non ego sola abstineo; tu item non solam comedis. Ego quidem, quia omnem carnem immundam existimem; tu vero, quia nihil immundum: quo utroque, ab utroque nostrum, Vetus destruitur Testamentum. Azymophagie hebdomadas¹, scenopiegiam, uterque nostrum tanquam inutilia et vana contempsit. Lineis vestibus non inserere purpuras. In adulteriis ponere vestem linostinam². Bonum et asinum jungere, si necesse sit, in sacrilegiis numerare. Calvum ac reburrum, et similis nocte hominem non constituere sacerdotem, quia sunt hujusmodi apud Deum immundi, uterque contempsimus, risimus, nec in secundis habuimus, nec in primis: quæ omnia præcepta sunt et justificationes Veteris Testamenti. Quod ergo objicis, tibi mecum commune est, sive crimen putandum, sive recte factum: uterque enim nostrum Vetus respuit Testamentum. Ergo si quid intersit inter meam fidem quæris et tuam; hoc, quia tibi mentiri libet, et illiberaliter agere, ut quod mente oderis, verbo collaudes: ego fallere non didici, quod sentio loquor, tam turpium odisse me fateor præceptores, quam ipsa præcepta.

CAPUT II. — AUGUSTINUS respondit: Quemadmodum et quare accipiatur Testamentum Vetus ab heredibus Testamenti Novi, jam supra diximus (Lib. 4, cap. 2). Sed quia paulo ante de promissis ejus Faustus egit, nunc autem de præceptis agere voluit; respon-

deo istos omnino nescire quid intersit inter præcepta vitae agendæ, et præcepta significandæ. Exempli gratia: Non concupisces (Exod. x, 17), præceptum est agendæ vitae; Circumcidet omnem masculum octavo die (Gen. xvii, 10-12), præceptum est significandæ vitae. Ex hac quippe imperitia Manichæi, et omnes quibus displicant litteræ Veteris Testamenti, quidquid Deus mandavit priori populo ad celebrandum, umbram futurorum non intelligentes, et ea modo non observari animadverteentes, ex more præsentis temporis illa reprehendunt, quæ utique illi tempori congruebant, quo ista quæ nunc manifesta sunt, ventura significarentur. Sed quid dicturi sunt adversus Apostolum, qui ait: Hæc omnia in figura contingebant illis; scripta sunt autem propter nos, in quos finis sæculorum obvenit (I Cor. x, 6, 11)? Ecce ipse aperuit cur illæ litteræ accipientur a nobis, et cur illa rerum signa jam necesse non sit ut observentur a nobis. Cum enim dicit, Scripta sunt propter nos, procul dubio demonstrat quanta nobis cura legenda et intelligenda, et in quanta auctoritate habenda sint, quia propter nos utique scripta sunt: cum vero dicit, Figuræ nostræ fuerunt; et, In figura contingebant illis³, ostendit jam non opus esse ut cum res ipsas manifestatas agimus, figurarum prænuntiantium celebrationi serviamus. Unde dicit alio loco: Nemo ergo vos judicet in cibo, aut in potu, aut in parte diei festi, aut neomenie, aut sabbatorum; quæ sunt umbra futurorum (Coloss. ii, 16, 17). Hinc etiam cum dicit, Nemo vos in eis judicet, declarat quam non sit necesse ut jam hæc observentur: cum autem dicit, Quæ sunt umbra futurorum, ostendit quam oportuerit ut illo tempore observarentur, quo ista quæ nobis jam manifestata eluxerunt, per tales umbras figurorum futura prædicebantur.

CAPUT III. — Proinde si Manichæi resurrectione

¹ Editio Lov., Azymorum festa, hebdomadas. Am. Er. et aliquot MSS., Azyma facta, hebdomadas. Alii MSS. plures, Azymophagie, aut Azymophagie hebdomadas. Hæc verior lectio.

² Am. et Er., Linostinam. Lov., Linostinam. Multi MSS., Linostinam.

³ Plures manuscripti possunt, contingebant in illis.

Domini justificarentur, cujus resurrectionis dies, ex die quidem passionis tertius, post diem tamen sabbati, hoc est post septimum, octavus fuit: profecto spoliarentur carnali velamento mortalium desideriorum: et cordis circumcisione gaudentes, non eam in carne adumbrata figuratamque deriderent tempore Veteris Testamenti, quamvis jam tempore Novi Testamenti fieri observarique non cogerent. In quo enim membro congruentius expoliatio carnalis et mortalnis concupiscentiae figuratur, quam unde carnalis et mortalnis fetus exoritur? Sed, sicut dicit Apostolus, *Omnia munda mundis; immundis autem et infidelibus nihil est mundum, sed polluta sunt eorum et mens et conscientia* (Tit. 1, 15). Itaque isti, qui nimis mundi sibi videntur, quia illa membra tanquam immunda aversantur, aut aversari se fingunt, in eas infidelitatis et erroris immunditias inciderunt, ut cum detestentur circumcisionem carnis, quam dixit Apostolus *signaculum justitiae fidei* (Rom. 4, 11), in ipsis tamen carnalibus membris divinae Dei sui membra credant colligata et inquinata detineri: ut cum carnem immundam dicunt, et Deum illic ex parte, qua ibi tenetur, immundum factum dicere compellantur; quippe quem mundari oportere asserunt: quod donec fiat, quantum fieri potuerit, interim nunc eum perpetui omnia que carnes patiuntur, non tantum in labore et dolore afflictionum, sed etiam in voluptate corruptelarum. Ei namque se dicunt parcere, quod non concubunt, ne nodis carnis arctius implicantur, et sordidius inquinetur. Cum ergo Apostolus dicat, *Omnia munda mundis*, utique hominibus qui possunt in deterius voluntatis perversitate mutari; quanto magis omnia munda sunt Deo, qui semper incommutabilis et incontaminabilis permanet? De cuius sapientia divina dictum est in eis Libris, quos reprehendendo vehementius inquinamini, quod *nihil inquinatum in eam incurrit, et attingit ubique propter suam munditiam* (Sap. vii, 23, 24). Quapropter, o immundissima vanitas, itane displiceret tibi in membro humano, unde humana generatio propagatur, signum regenerationis humanae, illum cui munda sunt omnia Deum jussisse constitui; et placet tibi etiam in flagitiis, que illo membro ab impudicis hominibus perpetrantur, ipsum Deum vestrum, cui nihil est mundum, ex parte sue naturae commaculari atque corrumpi? Quid enim patitur in variis turpibus corruptelis, quem conjugali quoque concubitu creditis inquinari? Ad id etiam quod dicere soletis¹, Ergone decerat, ubi Deus præfigaret signaculum justitiae fidei, nisi in illo membro? respondetur, Cur enim non et ibi? Primo, quia omnia munda mundis, quanto magis Deo? Deinde quia hoc Apostolus dixit, signaculum datum Abræ justitiae fidei, in tali circumcisione. Vos autem nolite erubescere, si potestis, cum vobis dicitur: Ergone decerat Deo vestro quid ageret, ne sue naturæ partem istis membris, que sic despiciuntur, implicaret? Pudenda quidem ista dicuntur homi-

¹ Codices MSS. non pauci, inde jnn dicere quod soletis.

nibus propter nostræ mortalitatis corruptibilem paenitentem propaginem, quæ inde subsistit: quibus casti adhibent verecundiam, impudici petulantiam, Deus iustitiam.

CAPUT IV. — Cessationem vero sabbatorum jam quidem supervacuam ducimus ad observandum, ex quo spes revelata est nostræ quietis æternæ; non tamen ad legendum et intelligendum: quia propheticis temporibus cum essent ista quæ nobis hoc tempore patesfacta sunt, non tantum sermonibus, sed et actionibus præfiguranda et prænuntianda; illo signo quod legimus, res ista prænotata est quam teneamus. Vos autem volo mihi dicatis, cur vestram cessationem nolitis implere? Judæi quippe sabbato suo, quod adhuc carnaliter sapiunt, non solum in agro fructum nullum decerpunt, sed nec in domo concidunt aut coquunt. Vos autem cessantes quidem exspectatis quis Auditorum vestrorum propter vos pascendos cutello vel falcicula armatus in hortum positiat, homicida cucurbitarum, quarum vobis afferat, mirum dictu, viva cadavera. Nam si non eas occidit, quid vos in tali facto metuitis? Si autem occiduntur cum decerpuntur, quomodo eis inest vita, cui purgandæ atque recreandæ manducando atque ructando vos asseritis subvenire? Accipitis ergo viventes cucurbitas, quas, si possetis, deglutire deberetis: ut post illud unum vulnus, in quo eas cum decerpit vester Auditor, reus factus est, vestra indulgentia liberandus; saltem deinceps ad officinam aqualiculi vestri, ubi Deum vestrum illo prælio confractum, reformare possetis, illesæ atque integræ pervenirent. Nunc autem antequam eis conterendis dentes incumbant, minnitam, si hoc palato placuerit, conciduntur a vobis: quibus tancrebris vulneribus earum, quomodo vos non estis rei? Videte quemadmodum vobis expediret ut quod uno in septem diebus faciunt Judæi, vos quotidie faceretis, et a tali etiam domestico opere cessaretis. Jam quid in igne cucurbitæ patientur, ubi cerie non reformatur vita, que in eis est? Non enim servens olla sancto ventri comparari potest: et tamen irridetis, tanquam superfluam sabbati cessationem. Quanto utique sanius, non solum eam non reprehenderetis in Patribus, quando superflua non sunt; sed etiam nunc, quando jam superflua sunt, ipsam potius teneretis, quam istam vestram non significative acceptabilem, sed errore damnabilem; quam etiam non implendo rei estis secundum opinionem vestræ vanitatis, et implendo vani¹ secundum judicium veritatis? dicitis enim dolorem sentire fructum, cum de arbore carpitur, sentire cum coneiditur, cum teritur, cum coquitur, cum manditur. Non ergo debuistis vesci, nisi eis que cruda et illarsa possunt transvorari, ut unum saltem dolorem cum decerpuntur, nou a vobis, sed a vestris Auditoribus patrentur.

Sed dicitis: Quomodo subvenimus tanta vita, si

¹ Am. Er. et plerique MSS., et rami; omisso verbo, inspiendo.

ea tantum absumimus, quæ inculta ei mollia possunt absorberi? Si ergo ista compensatione tam multos cibis vestris dolores infligit; cur ab illo solo abstinetis, ad quem maxime ista necessitas cogit? Nam fructus potest et crudus comedи, sicut se nonnulli vestri exeruerunt, ut hoc non tantum de pomis, verum etiam de omnibus alioribus facerent. Si autem non yellatur, aut decidatur, aut quoquo modo dematur ex terra vel arbore, venire ad escam nullo pacto potest. Hoc ergo facile debuit esse veniale, sine quo ei subvenire non valeretis, non illi tam multi cruciatus, quos in preparandis escis, membris Dei vestri non dubitatis inferre. At enim plorat arbor, cum fructus carpitur: hoc quippe dicere non erubescitis. Certe novit omnia vita quæ ibi est, et præsentit quis ad eam veniat. Venientibus ergo Electis, et pomis carpentibus, gaudere deluit, non plorare: illum transitorium dolorem tanta felicitate compensauit, et tantam evadens misericordiam, si in alios incidisset. Cur itaque pomum non decerpitis, cum decerpto tam multas plagas doloresque ingeratis? Respondete, si potestis. Nec ipsa jejunia vobis competunt: non enim oportet vacare fornacem, in qua spirituale aurum de stercoris commixtione purgatur, et a miserandis nexibus divina membra solvuntur. Quapropter ille est misericordior inter nos, qui se potuerit ita exercere, ut nihil ejus valitudini obsit, saepè crudos cibos sumere, et multa consumere. Vos autem et tantas poenas escæ vestræ interrogando crudeliter manducatis, et a membrorum divinorum purgatione cessando crudeliter jejunatis.

CAPUT V.—Et audetis tamen etiam sacrificia Testamenti Veteris exsecrari, et idolatriam nominare, et in hujusmodi sacrilegium nos quoque sociare. Unde pro nobis prius respondemus, sic illa jam non esse in operibus nostris, ut ea tamen in mysteriis divinarum Scripturarum, ad intelligenda quæ his prænuntiata sunt, amplectamur: quia et ipsa figuræ nostræ fuerunt, et omnia talia multis et variis modis unum sacrificium, cuius nunc memoriam celebramus, significaverunt. Unde isto revelato, et suo tempore oblato, ita de agendi celebritate sublata sunt, sed in significandi auctoritate manserunt. *Scripta sunt enim propter nos, in quos finis sæculorum obvenit* (*I Cor. x., 11*). Sed in eis videlicet interfectio vos mouet animalium, cum ista omnis creatura usibus hominum quodam modo conditionaliter serviat. Sed vos, qui homini mendico esurienti panem non porrigitis, misericordes estis in pecora, quibus animas humanas inesse creditis. Dominus autem Jesus in ea crudelis fuit, cum dæmones in gregem porcorum, cum id ab eo pterent, ire permisit (*Matth. viii., 32*). Qui etiam nondum demonstrato per passionem sacrificio corporis sui, cuidam leproso, quem mundaverat, ait: *Vade, ostende te sacerdoti, et offer munus tuum, quod præcepit Moyses*¹, in testimonium illis (*Luc. v., 14*). Magis enim, quia et per Prophetas Deus sc̄pe testatur, nullius se talis muneris indigere, et facile est

ratione perspicere quod nec ejus rei egeat, qui nullius eget; compellitur animus humanus inquire quid nos per hæc docere voluerit, qui utique non frustra ea, quibus non indiget, sibi juberet offerri nisi aliquid in eis ostenderet, quod nobis et nosse prodesset, et talibus signis præfigurari oportet. Vos autem quanto melius et honestius istis, quamvis iam nostro tempori non necessariis, tamen significantibus aliquid et decentibus, sacrificiis subderemini, quam vobis ab Auditoribus vestris vivas escarum victimas offerri jubaretis et crederetis? Nam cum apostolus Paulus de quibusdam, propter epulas Evangelium prædicantibus, congruentissime dixerit, *Quorum Deus venter est* (*Philipp. iii., 19*); quanto vos arrogantiore impietate jacatis; qui ventrem vestrum non Deum, sed quod scelerotis audaciae est, Dei mundatorem dicere non timeatis? Cujus porro dementiae est, pios se videri velle, quod ab animalium interfectione se temperent, cum omnes suas escas easdem animas habere dicant; quibus, ut putant, viventibus, tanta vulnera et manibus et dentibus ingerunt?

CAPUT VI.—Car autem, si carnibus vesci non vultis, non ipsa animalia Deo vestro oblata mactatis, ut animæ ille, quas non solum putatis humanas, sed ita divinas, ut ipsa Dei membra esse credatis, a carnis carcere dimittantur, et ne iterum redeant, vestris orationibus commendentur? An amplius eas adjuvatis ventre quam mente, et illa potius Dei natura salvatur, quæ vestris visceribus exhalari meruerit, quam quæ vestris precibus commendari? Propterea ergo ventri vestro pecora non sacrificatis, quia ea viva absunere non potestis, ut eorum animas intercessione vestri stomachi liberetis. O beata olera, quibus et manu evulsis, et ferro concisis, et igne cruciatis, et dente contritis, concessum est tamen ut ad vestrorum intestinorum aras, viva perveniant! et o misera pecora, quæ cum citius de corpore suo exirent, in vestra corpora intrare non possunt! Ita delirantes adhuc putatis quod ideo sumus inimici Veteris Testamento, quia nullam carnem immundam ducimus, tenentes Apostoli sententiam, dicentes, *Omnia munda mundis* (*Tit. i., 15*); et illud ubi Dominus ait, *Non quod intrat in os vestrum, vos coquinat, sed quod exit* (*Matth. xv., 11*). Quod non ad solaſ turbas Dominus dixit, sicut vester Adimantus, quem post Manichæum Faustus præcipue laudat, cum Veteri Testamento calumniaretur, voluit intelligi; sed etiam remotus a turbis, hoc idem discipulis suis evidenter et expressius elocutus est (*a*). Cum enim haec Domini sententiam Testamento Veteri opposuisset Adimantus, quia in illo scripta sunt quedam immunda carnium, a quibus ille populus jussus est abstinere, timuit ne sibi diceretur: Cur ergo vos non quasdam, sed omnes carnes immundas existimatis, atque ab edendis omnibus temperatis; cum tu ipse proferas evangelicum testimonium, non coquinari hominem ex iis quæ in os ingrediuntur, et in ventrem vadunt, atque in latrinationem emittuntur? Itaque has arctissimas, et fallaciæ

¹ Er. omnesque prope MSS., et offer pro te quod præcepit Moyses.

(a) *Contra Adimantum*. capp. 14. 15.

suam manifestissima veritate praefocantes angustias conatus evadere, ait hoc Dominum ad turbas dixisse, quasi paucis ille in secreto vera diceret, in turbas autem falsa jactaret: cum et hoc de Domino credere sacrilegum sit; et omnes qui legunt, noverint, hoc et remotis turbis ¹ eum planius dixisse discipulis. Quapropter quia in exordio harum litterarum suarum Faustus sic miratur Adimantum, ut ei solum preferat Manicheum, compendio requiro utrum ista Domini sententia, qua dixit non inquinari hominem iis quae in os ejus intrant, vera an falsa sit. Si falsam dicunt, cur eam tantus eorum doctor Adimantus a Christo prolatam dicens, ad expugnandum Testamentum Vetus objicit? Si autem vera est, cur adversus eam credunt se coquinari, si quacumque carne vescantur? nisi forte verum respondere velint, et dicere, Apostolum non dixisse, Omnia munda hereticis; sed, omnia munda mundis. Cur enim non sint ² istis haec munda, idem apostolus sequitur, et dicit: Immundis autem et infidelibus nihil est mundum; sed polluta sunt eorum et mens et conscientia (Tit. 1, 15). Unde revera Manicheis omnino nihil est mundum, quandoquidem etiam ipsam Dei substantiam vel naturam, non solum coquinari potuisse, sed etiam ex parte coquinata esse contendunt; nec solum coquinatam esse, verum etiam ex omni parte recuperari mundarie non posse. Unde mirum est quod ita se dicunt immundas omnes carnes existimare, et ob hoc ab eis abstinere, quasi aliquid existimat esse mundum, non solum escarum, sed omnium creaturarum. Nam et ipsa olera, et poma, et omnes fruges, et totam terram, et cœlum, commixtione gentis tenebrarum perhibent inquinata Utinam ergo et in ceteris cibis errori suo congruerent, atque ab iis, quæ immunda dicunt, omnibus abstinentendo, fame potius morerentur, quam tales blasphemias pertinaciter loquerentur! nam se corrigeret atque emendare nolentibus, hoc esse utilius quis non intelligat?

CAPUT VII. — Testamento autem Veteri, ubi quidam cibi carnium prohibentur, cur non sit contraria ista sententia, qua dicit Apostolus, *Omnia munda mundis*; et, *Omnis creatura Dei bona est* (I Tim. iv, 4); si possunt, intelligent hoc Apostolum de ipsis dixisse naturis; illas autem Litteras propter quasdam præfigurationes temporis congruentes, animalia quedam, non natura, sed significatione immunda dixisse. Itaque, verbi gratia, si de porco et agno requiratur, utrumque natura mundum est, quia omnis creatura Dei bona est; quadam vero significatione agnus mundus, porcus immundus est: tanquam si stultum et sapientem dices, utrumque hoc verbum natura vocis et litterarum et syllabarum quibus constat, utique mundum est; significatione autem unum horum verbum, quod ³ dicitur stultus, immundum dici potest, non natura sui, sed quoniam quiddam immundum

¹ Lov., ad turbas hoc, et remotis turbis. Editi vero alii et MSS. non habent, ad turbas.

² In B. Abest, sint. Er. Lugd. Ven. Lov. secuti sumus. M.

* Er. Lugd. Ven. Lov., quo. M.

PATROL. XLII.

significant. Et fortasse quod est in rerum figuris personis, hoc est in rerum genere stultus; et tam illud animal, quam istæ duæ syllabæ, quod dicitur stultus, quiddam unum idemque significat. Immundum quippe illud animal in Lege positum est, eo quod non ruminet: non autem hoc ejus vitium, sed natura est. Sunt autem homines qui per hoc animal significantur, immundi proprio vitio, non natura: qui cum libenter audiunt verba sapientiae, postea de his omnino non cogitant. Quod enim utile audieris, velut ab intestino memoria, tanquam ad os cogitationis, recordandi dulcedine revocare, quid est aliud, quam spiritualiter quodam modo ruminare? Quod qui non faciunt, illorum animalium genere figurantur. Unde et ipsa talibus carnivibus abstinentia, tunc vitium nos cavere præmonuit. Cum enim thesaurus desiderabilis sit ipsa sapientia, de hac munditia ruminandi et immunditia non ruminandi alio loco scriptum est: *Thesaurus desiderabilis requiescit in ore sapientis; vir autem stultus glutit illum* (Prov. xxi, 20). Hæ autem similitudines rerum in locutionibus vel observationibus figuratis, propter querendi et comparandi exercitationem, rationales mentes utiliter et suaviter movent. Sed priori populo multa talia non tantum audienda, verum etiam observanda præcepta sunt. Tempus enim erat quo non tantum dictis, sed etiam factis prophetari oporteret ea quæ posteriori tempore fuerant revelanda. Quibus per Christum atque in Christo revelatis, fidei gentium onera observationum non sunt imposita, propheticæ tamen auctoritas commendata. Ecce nos diximus qua causa, cum secundum Domini Apostolique sententiam nullas animalium carnes immundas habeamus, Veteri tamen Testamento, ubi quedam immundæ ⁴ dictæ sunt, non adseremur: vos jam dicite, quare immundas carnes existimatis.

CAPUT VIII. — Si secundum errorem vestrum, propter commixtionem gentis tenebrarum; non carnes, sed ipse Deus vester immundus est in ea parte, quam velut debellandis et captivandis hostibus absorbendam et inquinandam misit et miscuit: deinde propter ipsam commixtionem, etiam quidquid aliud manducatis, immundum est. Sed dicitis: Multo amplius immundæ sunt carnes. Et quare amplius immundæ sint carnes, longum est eorum de hac re deliramenta comminorare; sed breviter attingam quod sat est, ut inspiciantur reprehensores Veteris Testamenti, tanta stultiæ vetustate confecti, ut carnis accusatores sine ulla spirituali veritate solam carnem sapere convincantur. Fortasse enim paulo prolixior ista responsio sic adversus eos lectorem instruet, ut in ceteris responsionibus non a nobis tam multa verba requirantur. Dicunt enim isti vaniloqui et mentis seductores, in illa pugna, quando primus eorum homo, tenebrarum gentem elementis fallacibus irrevit, utriusque sexus principibus invidem captis ⁵, cum ex eis mundus construeretur, plerosque eorum

⁴ Sola fere editio Lov. addit, vel mundæ.

⁵ Sic plerique MSS. At editi, ibidem captis.

(Hart.)

In cœlestibus fabricis colligatos, in quibus erant etiam feminæ aliquæ prægnantes: quæ cum cœlum rotari coepisset, eamdem vertiginem ferre non valentes, conceptus suos abortu excussisse; eosdemque abortivos fetus et masculos et feminas de cœlo in terram occidisse, vixisse, crevisse, concubuisse, genuisse. Hinc esse dicunt originem carnium omnium, quæ moventur in terra, in aqua, in aere. Ergo si de cœlo est origo carnium, absurdissimum est propter hoc eas immundiores putare: præsertim quia in ipsa structura mundi, eosdem principes tenebrarum, ita per omnes contextiones a summis usque ad ima colligatos dicunt, ut quanto quique amplius haberent commixtiboni, tanto sublimius collocari mererentur; ac per hoc mundiores carnes esse deberent, quarum origo de cœlo est, quam fruges quæ oriuntur ex terra. Deinde, quid tam insanum dici potest, quam conceptos fetus¹ ante vitæ commixtionem tanto vivaciores fuisse, ut et abortivi et de cœlo in terram ruentes viverent; commixta autem vita nisi tempore maturo editi, vivere non possint, et si de paulo altiore loco cadant, continuo moriantur? Utique si regnum vitæ contra regnum mortis belligeravit, commixta vita vivaciores facere debuit, non corruptilibiores. Quod si in sua natura quæque res magis suam retinet incorruptionem, non duas naturas bonam et malam, sed duas bonas, quarum sit una melior, prædicare debuerunt. Unde igitur asserunt immundiores carnes, quas de cœlo genus ducere affirmant, istas dunt: xat omnibus notas? Nam ipsa prima corpora principium tenebrarum, ex arboribus ibidem natis tanquam vermiculos opinantur exorta; ipsas autem arbores ex quinque illis elementis. Proinde si animalium corpora primam originem habent ex arboribus, secundam de cœlo; quid causæ est ut immundiora quain fructus arborum existimentur? Si propterea quia cum moriuntur, amittunt animam, ut jam immundum sit quidquid vita deserente remanserit; cur eodem pacto non sunt immunda olera vel poma, quæ utique, sicut supra dictum est, cum decerpuntur vel avelluntur, moriuntur? Horum quippe homicidiorum rei esse nolunt, dum nihil vel ex terra vel ex arbore decerpunt. Deinde, cum duas animas esse in uno animantis corpore affirment, unam bonam de gente lucis, alteram malam de gente tenebrarum; numquid, cum occiditur animal, bona anima fugit, et mala remanet? Si enim hoc esset, sic viveret animal occisum, quomodo vivebat in gente tenebrarum, quando solam sue gentis habebat animam, qua etiam rebellaverat adversum regna divina. Cum ergo in morte cuiuslibet animalis, utraque anima et bona et mala deserat carnem; cur immunda caro dicitur, quasi a sola bona anima deseratur? Quia etsi aliquæ vite reliquiæ remanent, ex utraque remanent: nec ipsum quippe firmum dicunt remanere sine aliquibus exiguis reliquiis membrorum Dei. Nullam igitur causam reperiunt, cur asseverent carnes frugibus immundio-

¹ Lovanienses Belgicorum codicem auctoritate posuerunt, conceptus fetus. Melius aut. Er. et nonnulli Gallicani MSS., conceptus fetus.

res. Sed videlicet fallacem castitatem suam ostentare conantes, eo putant immundiorem carnem, quod de concubitu existat: quasi non tanto vehementius cogantur membro illi divino manducando succurrere, quanto illie arctius colligatum putant. Postremo, si ista causa est majoris imniunditiae carnium, ea comedant animalium corpora, quæ non de concubitu oriuntur, sicut sunt innumerabilia genera vernium, quorum nonnullos vulgo edunt quedam Venetiæ regiones ex arboribus natos. Ranas etiam quas repente ex una pluvia terra general, in escam isti assumere debuerunt, ut Dei sui membra talibus formis commixta liberarent, si eam carnem detestantur, quæ concubitu propagatur; et genus humanum erroris arguerent, quod gallinæ columbisque vescantur, ex masculorum seminarumque coitu procreatis, et immundiores cœli et terræ filias ranas abhiciant. Nam secundum istorum fabulam mundiores sunt primi principes tenebrarum, quorum parentes arbores fuerunt, quain ipse Manichæus, quem pater et mater concubendo generuerunt: mundiores etiam pediculi eorum, qui sine concubitu, sudore carnis vel corporis exhalatione nascuntur, quam isti ipsi miseri, qui de parentibus concubentibus nati sunt. Aut si jam quidquid ex carne etiam sine concubitu nascitur, propterea putant immundum, quia ipsa caro ex concubitu est; immunda erunt olera et fruges, quæ de stercoribus fertilius uberiori que surrexerint. Ubi videant quid faciant, vel quid respondeant, qui fruges dicunt immundiores esse quam carnes. Nam stercore quid immundius ex carne projicitur, et quid frugibus feracius adhibetur? Certe ipsi dicunt per attritiones et digestiones ciborum, fugere inde vitam, et exiguum quiddam in stercore remanere. Cur ergo ubi exigua vita remanet, inde cibi vestri, hoc est fructus terræ, de stercore et meliores et maiores et plures existunt? Caro non purgamentis terræ, sed fetibus pascitur: terra vero purgamentis carnis, non fetibus secundatur. Eligant quid sit mundius: aut jam correcti desinant esse immundi et infideles quibus nihil sit mundum, et nobiscum amplectantur Apostolum dicentem, *Omnia munda mundis* (*Tit. 1, 15*). Domini est terra et plenitudo ejus (*Psal. xxiii, 1*). Omnis creatura Dei bona est (*I Tim. iv, 4*). Omnia quippe quæ naturaliter sunt, in ordine suo bona sunt: et nemo in eis peccat; nisi qui ordinem suum in Dei obedientia non custodiens, eorum quoque ordinem male utendo perturbat.

CAPUT IX. — Patres autem nostri qui Deo placuerunt, tenuerunt ordinem suum in ipsa obedientia, ut quidquid Deus temporibus congruis jubendo distribuit, sic observarent, quemadmodum ille distribuit. Itaque non solum carnes ad cibum datas, cum omnes natura mundæ essent, quasdam tamen nonnulla significatione immundas illo tempore non ederunt, quo eas¹ non edi præceptum erat, ut talibus significationibus futura rerum manifestatio præfiguraretur: sed et azymum panem, et cætera hujusmodi, in quibus fuisse umbram futurorum dicit Apostolus (*Hebr.*

¹ Er. Lugd. Ven., *quod eas.* M.

x, 1), tam rei essent illius temporis et illius populi homines, si observare contemnerent, quando sic illi fieri, et ista quæ nunc revelata sunt, tunc sic prænuntiari oportebat ; quam nos desipientes essemus, si nunc jam manifestato Novo Testamento, illas prænuntiativas observations, aliquid nobis prodesse putaremus. Sicut sacrilegi et impii, si eosdem Libros qui propter nos scripti sunt, ut ea quæ jam nobis revelata et in manifestatione annuntiata sunt, tanto ante illis figuris prænuntiata cognoscentes, fideliter et firmiter teneremus, idèo putaremus abijcendos, quia ea quæ ibi scripta sunt, non jam observare corporaliter, sed intelligere et facere spiritualiter nos Dominus jubet. *Scripta sunt enim propter nos, in quos finis sæculorum obvenit,* sicut item dicit idem apostolus (*I Cor. x, 11*). Omnia enim quæ ante scripta sunt, ut nos doceremur scripta sunt (*Rom. xv, 4*). Quapropter, non manducare azymum per statutos septem dies (*Exod. xii, 15*), tempore Veteris Testamenti peccatum fuit; tempore autem Novi Testamenti non est peccatum : sed in spe futuri sæculi quam habemus in Christo, qui et animam nostram induens justitia, et corpus nostrum induens immortalitatem, totos nos innovat, credere aliquid ex veteris corruptionis necessitate atque indigentia nos passuros vel acturos, semper peccatum est, quamdiu volvuntur isti septem dies quibus peragitur tempus : sed hoc Veteris Testimenti temporibus in figura occultatum, a quibusdam sanctis intelligebatur ; tempore autem Novi Testamenti in manifestatione revelatum, populis prædicator. Unde Scriptura illa tunc erat præceptum, nunc testimonium. Scenopégiam non celebrare aliquando peccatum fuit (*Lev. xxiii, 34*) ; nunc non est peccatum : tabernaculo autem Dei quod est Ecclesia non compaginari, semper peccatum est ; sed tunc agebatur sub præcepto figurato, nunc legitur in testimonio revelato. Nam et illud quod tunc factum est, non diceretur tabernaculum testimoni, nisi alicui veritati quæ suo tempore declaranda erat, quadam congruentia significationis attestaretur. Lineis vestibus miscere purpuram, et linostima veste indui aliquando peccatum fuit (*Deut. xxii, 11*) ; nunc non est peccatum : sed inordinate vivere, et diversi generis professiones velle miscere, ut vel sanctimonialis habeat ornamenta nuptarum, vel ea quæ se non continens nupsit, speciem virginis gerat, omni modo peccatum est ; et si quid inconvenienter ex diverso ge-

nere in vita cujusque contextur. Verum illud tunc figurabatur in vestibus, quod nunc declaratur in moribus. Illud enim erat tempus significandi, hoc manifestandi. Ergo ipsa Scriptura, quæ tunc fuit exactrix operum significantium, nunc testis est rerum significatarum ; et quæ tunc observabatur ad prænuntiationem, nunc recitat ad confirmationem. Bovem et asinum ad operandum jungere tunc non licet (*Deut. xxii, 10*) ; nunc licet. Declaratum est enim per Apostolum, cum de bove triturante non infrenando Scripturam recoleret, dicentem : *Numquid debobus cura est Deo?* Quare ergo nunc legitur, quando id quod prohibuit jam licet ? Quia idem ipse ibi secutus Apostolus ait : *Propter nos Scriptura dicit* (*I Cor. ix, 9, 10*). Et utique impium est ut non legamus nos quod scriptum est propter nos : magis enim propter nos, quibus manifestatur, quam propter illos in quibus figurabatur. Bovem quippe et asinum, si necesse sit, unusquisque sine detimento operis jungit : sapientem vero et stultum, non ut unus præcipiat, et alter obtemperet, sed pariter ex æquali potestate, ut annuntient verbum Dei, non sine scandalo quisquam comites facit. Itaque eamdem Scripturam tenemus, et tunc potestate præcipientem umbris tegendum, quod nunc aperiret ; et nunc auctoritate attestantem luce apertum, quod tunc tegebatur.

De calvo autem et reburro (*Levit. xiii, 40*), quod eos immundos Lex dixerit, parum Faustus attenderat, aut in mendosum codicem inciderat. Sed utinam ipso calvam frontem habere voluisse¹, atque in ea crux Christi figere non erubuisse : profecto Christum clamantem, *Ego sum veritas* (*Joan. xiv, 6*), nec cum falsis vulneribus occubuisse, nec cum falsis cicatricibus resurrexisse credidisset. Quin etiam dicit : *Ego fallere non didici; quod sentio loquor.* Non est ergo discipulus Christi sui, quem falsas cicatrices dubitantibus discipulis demonstrasse insanus opinatur, et non solum de cæteris vanitatibus suis, sed etiam de ipsa Christi fallacia sibi tanquam non fallenti vult credi : utrum Christo melior², quo fallente ipse non fallit ; an eo ipso non veracis Christi, sed fallacis Manichæi discipulus, cum et in hoc fallit, in quo se non dидicisse fallere gloriatur ?

¹ Editi vulgo sic ferunt. Plures tamen veteres MSS., sed utinam ipse calvam frontem habere notuisse.

² Sic Am. Er. et plerique MSS. At Lov. vult credi. Riderit quis utrum Christo sit melior.

LIBER SEPTIMUS.

CAPUT PRIMUM. — FAUSTUS dixit : Quare non credis in genealogiam Jesu ? Multæ quidam sunt causæ, sed palmaris illa, quia nec ipse ore suo usquam se fatetur patrem habere, aut genus in terra : sed e contra, quia non sit de hoc mundo, quia a Patre Deo processerit, quia descendenter de celo, quia non sibi sint mater et fratres, nisi qui fecerint voluntatem Patris sui, qui in celis est. Ad hæc, illi ipsi qui has ei genealogias ascribunt, non eum ante nativitatem co-

gnovisse videntur : sed neque statim ut natus est, quo crederentur ea scripsisse, quæ erga eum oculis suis viderint gesta ; sed juveni jam et maturo conjuncti sunt ei, id est, annorum ferme triginta : siquidem et actas ascribi divinis potest¹ sine blasphemia. Quare cum in omni testimonio veritatis hoc semper queri solet, utrumque quis audierit, an viderit; istu ver-

¹ Sola ex omnibus Amerbachiana editio, non postea,

nec audiisse se fateantur ab ipso generationis hunc ordinem, aut quia omnino sit natus; nec vidisse oculis, quia longo post tempore, id est, post Baptismum cognoverint eum: mihi et omni recte judicanti, tam stultum videtur hoc credere, quam si quis cæcum et surdum testem in judicium vocet.

CAPUT II. — AUGUSTINUS respondit: Quam dicit palmarum causam, cur non accipiat genealogiam Jesu Christi, ibi apertissime virtus ostenditur, legentibus que supra diximus de Filio hominis, quod tam crebro se Christus esse testatur (*Math. viii, 20*), et de Filio Dei, quomodo idem ipse sit et filius hominis (*Id. ix, 6*); quomodo secundum divinitatem non habent genus in terra, secundum carnem autem sit ex semine David, sicut apostolica doctrina testatur (*Rom. i, 3, et Æl Tim. ii, 8*). Unde oportet eum credi et intelligi, et a Patre exisse (*Joan. xvi, 28*), et de cœlo venisse (*Id. vi, 41*), et hic tamen Verbum carnem factum inter homines habitasse (*Id. i, 14*). Quod si propterea putant eum non habuisse in terra matrem vel genus, quia dixit, *Quæ mihi mater, vel qui fratres* (*Math. xi, 48*)? superest ut etiam discipulos ejus, quibus hoc exemplum in se ipso præbuit, ut terreni generis necessitudinem propter regnum cœlorum conteinnerent, assirment non habuisse patres, quia dixit eis, *Ne robis dicatis patrem in terra; unus enim est Pater vester Deus* (*Id. xxii, 9*). Quod ergo istos de patribus docuit, hoc ipse de matre et fratribus prior fecit: sicut et alia multa, in quibus se nobis, ut eum imitaremur, præbere, et, ut sequerimur, præire dignatus est. Quapropter iste qui in eo quod putat, palmare sic vincitur, quam jaceat et involvatur in ceteris animadvertendum est. Quippe qui propterea dicit non credendum esse Apostolis, qui ejus non solum divinam, sed etiam humanam

nativitatem annuntiaverunt, quia postea juveni adhacerunt, et nec viderunt eum natum, nec se hoc ab illo audisse dixerunt. Cur ergo credunt Joanni dicenti, *In principio erat Verbum, et Verbum erat apud Deum, et Deus erat Verbum; hoc erat in principio apud Deum; omnia per ipsum facta sunt, et sine ipso factum est nihil* (*Joan. i, 1-5*), et cetera que illis quamvis non intelligentibus tamen placent? Dicant ubi hoc Joannes viderit, aut ubi se hoc ab ipso Domino audisse dixerit. Quidquid enim dixerint, unde hoc Joannes scire potuerit, inde credimus etiam omnes annuntiatores nativitatis Christi, id quod annuntiaverunt scire potuisse. Deinde quæro, unde credant dixisse Dominum, *Quæ mihi mater, aut qui fratres?* Si quia hoc Evangelista narravit, cur ei non credunt et illud, *Quia mater ejus et fratres quæabant eum* (*Math. xi, 48, 46*)? Si autem hoc mentitus est quod nolunt credere, quomodo ei credunt Christum dixisse quod nolunt intelligere? Deinde si Christum natum, quia iam juveni adhacerat, non potuit nosse Matthæus, unde potuit Christum non natum, post tot annos natum nosse Manichæus? Dicturi sunt: *Spiritus sanctus hoc sciebat qui erat in Manichæo.* Ille sane si *Spiritus sanctus esset, vera dixisset.* Sed cur non potius de Christo discipulis ejus, qui etiam corporaliter ei adhacerunt, credimus; qui non solum per Spiritum sanctum ab ipso impertitum scire potuerunt, si quid lateret in rebus humanais, sed tam recenti et praesenti memoria, etiam solo humano sensu, genus Christi secundum carnem et totam originem colligerunt? Et tamen cæci et surdi testes dicuntur Apostoli. Utinam tu non tantum cæci et surdi fuisses, ne tam vana et sacrilega diceres; sed etiam mutus, ne talia diceres!

LIBER OCTAVUS.

CAPUT PRIMUM. — FAUSTUS dixit: Quare non accipis Testamentum Vetus? Quia jam præventus sum Novo: veteri autem et novo non convenit, ut Scriptura testatur. Nam, *Pannum, inquit, novum nemo assuit vestimento veteri, alioquin major scissura fieret* (*Math. ix, 16, et Luc. v, 36*). Quia ergo majorem, sicuti vos, scissuram facere caveo, Christianam novitatem Hebraicæ vetustati non misceo¹. Quis enim non etiam sordidum judicet, novis vestibus indutis, non donare inferioribus vetera²? Quapropter, ego etiam natus essem Judæus, ut fuerunt Apostoli, dignum tamen erat me, Novo accepto Testamento, Vetus repudiare, ut fecerunt ipsi. Nunc vero et naturæ beneficio consecutus ut sub servitutis jugo non nascerer, et Christo mihi protinus occurrente cum pleno munere libertatis; quam miser et stultus et insuper ingratus ero, si me ultra addixero servituti?

¹ Sola fere editio Lov., sicuti ros scitis, scissuram facret, caveo Christianam novitatem Hebraicæ vetustati commiscere.

² Apud Er. Lugd., veteres. M.

Quippe Paulus inde Galatas arguit, quod in circumcisione relabentes, ad infirma repedarent et egenda elementa, quibus denuo servire vellent (*Galat. iv, 9*). Quomodo ergo id ego admittam, in quo alium videam reprehendi? Turpe est redire in servitutem, sed turpis ire.

CAPUT II. — AUGUSTINUS respondit: Jam quidem satis superius ostendimus, quare et quomodo teneamus auctoritatem Veteris Testamenti, non ad Iudaicæ servitutis imitationem, sed ad Christianæ libertatis testificationem. Neque enim mea, sed Apostoli vox est, *Quia omnia haec in figura contingebant illis; scripta autem sunt propter nos, in quos finis saeculorum obvenit* (*I Cor. x, 41*). Quapropter non in servitute facimus quæ jussa sunt ad nos prænuntiantdos, sed in libertate legimus quæ scripta sunt ad nos confirmandos. Quis itaque jam non intelligat, unde Galatas revocat Apostolus, non religiose Scripturam circumcisionis legentes, sed jam superstitione circumcidi volentes (*Galat. iv et v*)? Unde non pannum

novum vestimento veteri assuimus ; sed erudimur in regno cœlorum, ad similiitudinem illius patris familiæ, quem commemorat Dominus proferentem de thesauro suo nova et vetera (*Math. xiii, 52*). Ille autem assuit pannum novum vestimento veteri, qui continentiam vult habere spiritualem, et nondum depositus spem carnalem. Nam legite diligenter, et videte de jejunio Dominum interrogatum, respondisse, *Nemo assuit pannum novum vestimento veteri* (*Id. ix, 16*). Adhuc enim discipuli Dominum carnaliter diligebant, quandoquidem etiam ne occisum amitterent, formidabant. Unde Petrum revocantem se a passione, satanam appellat, quod non saperet quæ Dei sunt, sed quæ hominum (*Id. xvi, 23*). Proinde attendite in illa phantasia vestra de regno Dei, unde istam lucem solis carni conspicuam tanquam ad exemplum vobis propositam diligitis et adoratis, quam carnalem spem

geratis : et invenietis jejunia vestra quomodo prudentiae carnis, tanquam vestimento veteri assuantur. Verumtamen cum pannus novus vestimento veteri non conveniat, unde potuerunt principibus tenebrarum membra Dei vestri, non adjuncta atque consuta, sed, quod est vehementius, commixta et concreta cohærere ? An utrumque velut est, quia utrumque falsum, et utrumque de prudentia carnis est ? Nisi forte inde vultis probare unum fuisse novum, alterum velut, quia major scissura facta est ; ut miserabilis pannus de regno lucis abscederetur, et globo tenebrarum æterna poena consigeretur. Et tamen argute sibi videtur velut acu linguæ divinarum Scripturarum firmamenta compungere¹, talium fabularum sordibus sartor, aut mendicus induit.

¹ Sic Am. et MSS. At Er. et Lov., *compungere*.

LIBER NONUS.

CAPUT PRIMUM. — FAUSTUS dixit : Quare non accipis Vetus Testamentum ? Si Apostolis lieuit sub eodem natis ab eo discedere, mihi quare non licet id in quo natus non sum, non usurpare ? omnes quippe Gentiles nascimur, non Judæi, non denique Christiani : sed alios ad se ex eadem Gentilitate Testamentum Vetus adducit, facitque Judæos; alios Novum, et initiat Christianos : tanquam si due arbores, dulcis et amara, radicibus suis unius terræ in se vim transferint, immutandam qualitatibus suis. Apostolis ergo in dulcem transeuntibus ex amaro, quam demens ero ego, si in amaram convertar ex dulci ?

CAPUT II. — AUGUSTINUS respondit : Cur ergo Apostolus, quem dicas relieto Judaismo ex amaritudine transisse in dulcedinem, magis inde fractos ramos dicit, qui ex ipso populo in Christum credere noluerunt ; et in ipsa oleæ radice, id est origine sanctorum Hebreorum, tanquam oleastrum gentes insertas, ut fierent participes pinguedinis oleæ ? Nam cum de Judæorum lapsu admoneret Gentes ne superbirent, ita locutus est : *Vobis enim, inquit, dico Gentibus, quamdiu quidem ego sum Gentium Apostolus, ministerium meum glorifico, si quo modo ad œmulationem provocare potero carnem meam, ut salvos faciam aliquos ex illis. Si rejectio illorum reconciliatio est mundi, quæ erit assumptio, nisi vita ex mortuis ? Si autem delibatio sancta est, et conspersio ; et si radix sancta est, et rami : quod si aliqui ex rami fracti sunt, tu autem cum essem oleaster, insertus es in illis, et socius radicis factus es et pinguedinis oleæ, noli gloriari adversus ramos. Quod si gloriaris, non tu radicem portas, sed radix te. Dicis ergo : Fracti sunt rami ut ego inserar. Bene. Incredulitate fracti sunt. Tu autem fide stas, noli altum sapere, sed time : nam si Deus naturalibus ramis non pepercit, neque tibi parcat. Vide ergo bonitatem et severitatem Dei : in eos quidem qui ceciderunt, severitatem ; in te autem bonitatem, si permancrys in bonitate : olioquin*

*et tu excideris. Et illi si non permanserint in incredulitate, inserentur : potens est enim Deus iterum inserere illos. Nam si tu ex naturali excisis oleastro et contra naturam insertus es in bonam olivam ; quanto magis illi qui secundum naturam sunt, inserentur suæ olivæ ? Nolo enim vos ignorare, fratres, sacramentum hoc, ut non sitis vobis sapientes, quia cœcitas ex parte Israel facta est, donec plenitudo Gentium intraret, et sic omnis Israel salvis fieret (*Rom. xi, 13-26*). Videatis ergo vos, qui in ista inseri radice non vultis, non quidem fractis ramis esse similes, sicut est carnalis et impius populus Judeorum, sed in oleastri amaritudine remansisse. Nam quid, nisi oleastrum Gentium sapit, adorare solem et lunam ? Nisi forte propter ea vos jam non putatis esse in oleastro Gentium, quia spinas novi generis addidistis, et falsum Christum, quem cum sole et luna coleretis, non manu fabrili, sed perverso corde finxitis ? Inscrímini ergo in radicem oleæ, quo se redditum gaudet Apostolus, qui inter fractos ramos per incredulitatem fuit. Inde se quippe liberatum dicit, cum se a Judaismo ad Christum transisse lætatur, quia Christus semper in illa radice, atque in illa arbore, prædicatus est : in quem venientem qui non crediderunt, fracti sunt inde ; et qui crediderunt, inserti sunt ibi : quibus ne superbiant, dicitur, *Noli altum sapere, sed time : nam si Deus naturalibus ramis non pepercit, neque tibi parcat. Sed ne de ipsis fractis desperetur, paulo post dicit : Et ipsi si non permanserint in incredulitate, inserentur : potens est enim Deus iterum inserere illos. Nam si tu ex naturali excisis oleastro, et contra naturam insertus es in bonam olivam ; quanto magis illi qui secundum naturam sunt, inserentur suæ olivæ ? Ecce unde etiam ipse gloriatur, a fractura liberatus, et radicis pinguedini redditus. Qui ergo in vobis sunt, quos inde frègit impietas, redeant, et rursus inserantur. Qui autem nunquam ibi fuerunt, veniant a naturali sterilitate præcisi, participes fecunditatis futuri.**

LIBER DECIMUS.

CAPUT PRIMUM. — FAUSTUS dixit : Cur non accipis Testamentum Vetus ? Quia et ab ipso hoc, et ex Novo didicimus, aliena non concupiscere. Quid autem, inquis, alienum habet Testamentum Vetus ? Imo quid habet non alienum ? Divitias promittit, et ventris saturatatem, et filios et nepotes, vitamque longam, et cum his Chananitidis regnum : sed omnia haec circumcisio et observantibus sabbata, et immolantibus sibi, et abstinentibus a porcina, et hujusmodi ceteris : quae quia ego negligo, et Christianus omnis, ut inepta scilicet, et ad salutem animi minime pertinentia, idcirco nec quae prouidit, ad me jam spectare cognosco : memorque quia sit mandatum, *Non concupiscas aliena* (*Exod. xx, 17; Rom. vii, 7*) , Iudeis bona sua habere, libens volensque pertinisi, solo scilicet Evangelio et regni cœlorum splendida hæreditate contentus. Nam ut Iudeo, si sibi Evangelium usurparet, jure increpitans dicarem, Improbe, quid tibi cum eo est, cuius præcepta non servas ? sic vereor ne mihi eadem Iudeus increpitet, tenentis Testamentum Vetus, cuius mandata contemnam.

CAPUT II. — AUGUSTINUS respondit : Eadem saepè vana repete istum non pudet, sed eadem saepè, quamvis vera, respondere me piget. Quisquis itaque etiam adversus ista responsionem querit, quae superius a nobis dicta sunt, legat (*Lib. 6, cap. 2*). Iudeo autem dicenti mihi, Cur tenes Vetus Testamentum, cuius præcepta non servas ? respondeo, servari a Christianis etiam ex ipsis Libris præcepta vitae agendæ ; præcepta vero vitae significandæ tunc recte observata, cum prænuntiantur ista, quæ nunc revelata sunt. Quapropter etiam ipsa sic non obseruo ad religionem, ut teneam tamen ad testificationem : sicut et promissa carnalia, quæ ibi continentur, unde proprie Vetus dicitur Testamentum. Quamvis enim mihi æterna speranda revelata sint ; et illa tamen attestantia lego, quæ in figura contingebant illis ; scripta sunt autem propter nos, in quos finis sæculorum obvenit (*I Cor. x, 41*). Itaque si audistis quid responderamus Iudeis, audite et quid objiciamus Manichæis.

CAPUT III. — Certe Faustus dixit, turbarinos posse, si nobis Iudei dixerint : Quare tenetis Vetus Testamentum, cuius præcepta non observatis ? Quibus nos,

ejusdem Scripturæ venerata atque servata auctoritate respondemus. Vos quid respondetis, cum vobis dicitur : Quare tenetis evangelicos Libros, quorum vos ad decipiendos imperitos consingitis sectatores ; et quæ ibi scripta sunt, non solum non creditis, sed etiam quantis potestis viribus oppugnatibus ? Certe videtis vos potius de Novo Testamento, quam nos de Veteri objectis respondere non posse. Omnia enim quæ in Veteri scripta sunt, nos et vera esse dicimus, et divinitus mandata, et congruis temporibus distributa. Vos autem cum vobis objecta fuerint, quæ in libris Novi Testamenti scripta sunt, nec accipiuntur a vobis, deficients in respondendo, et manifesta veritate faucibus pressis, anhelitu saucio dicitis esse falsata. Quid aliud possent exspirare præfocata ora fallacium ? vel potius quid aliud possent putare confossa cadavera mortuorum ? Et tamen confessus est Faustus, non concupiscere aliena, non solum se ex Novo Testamento, sed etiam ex Veteri didicisse : quod certe a suo Deo non posset discere. Ille quippe, si non concupivit alienum, quare super terram tenebrarum, ubi nunquam fuerunt, nova sæcula construxit ? An dicturus est : Prior ipsa gens tenebrarum regnum meum concupivit, quod ab illa erat alienum ? Ergo imitatus est gentem tenebrarum, ut et ipse concupiseret aliena ? An angustum antea fuerat regnum lucis ? Optandum igitur erat bellum, ut acquireretur de victoria latitudo regnandi. Quod si bonum est, et ante potuit concupisci : sed exspectabatur ut gens hostilis in bellum prior erumperet, quo quasi justius expugnaretur. Si autem non est bonum, quare inimico victo, super alienam terram crescere voluit regnum suum, cum prius contentus suis finibus, plena felicitate vixisset ? Sed utinam vere isti haec ipsa præcepta vitae agendæ, quorum est unum, ne concupiscamus alienum, vejent ex illis Litteris discere : profecto mansuescerent, et mites intelligerent etiam illa præcepta vitae significande, quibus eorum oblatrat offensio, et illi tunc tempori observanda congruisse. Nos autem quomodo Vetus Testamentum tanquam alienum concupisimus, cum ea legamus quæ in figura contingebant illis ; scripta sunt autem propter nos, in quos finis sæculorum obvenit ? Puto quod non concupiscit alienum, qui hoc legit quod scripsit est propter ipsum.

LIBER UNDECIMUS.

CAPUT PRIMUM. — FAUSTUS dixit : Apostolum accipis ? Et maxime. Cur ergo non credis Filium Dei ex semine David natum secundum carnem (*Rom. i, 3*) ? Non equidem crediderim Apostolum Dei contraria biki scribere potuisse, et modo hanc, modo illam de

Domino nostro habuisse sententiam. Sed quia vobis ita placet, qui nunquam sine stomacho auditis aliquid esse in Apostolo canponatum, ne hoc quidem nobis sciatis esse contrarium. Si quidem haec vetus videatur esse et antiqua opinio Pauli de Jesu, cum cum et

ipse Daviu filium putaret, ut cæteri : quod tamen ubi falsum didicit, interpolat et infirmat, scribensque ad Corinthios : *Nos, inquit, neminem novimus secundum carnem : et si cognovimus secundum carnem Christum, sed nunc jam non novimus.* Quare consideres oportet, quantum intersit inter hæc duo capitula, e quibus unum perhibet Jesum filium David secundum carnem, alterum vero jam se neminem nosse secundum carnem. Quæ si utraque sunt Pauli, aut hac ratione erunt, qua dixi ; aut unum ipsorum non erit Pauli. Prosequitur denique : *Itaque, inquit, si qua est in Christo nova creatura, vetera transierunt : ecce facta sunt omnia nova* (I Cor. v, 16, 17). Vides ergo eum veterem appellare et transitoriam fidem illam priorem, id est, Jesum credidisse ex semine David secundum carnem : novam vero hanc secundam et permanentem, qua neminem jam moverit secundum carnem. Quapropter et alibi : *Cum essem, inquit, parvulus, ut parvulus loqueretur, ut parvulus sapiebam, ut parvulus cogitabam : cum autem factus sum vir, quæ pareuti erant deposui*¹ (I Cor. xiii, 11). Quod si ita est, quid ergo et nos indigni facimus, si novam et meliorem Pauli tenentes confessionem, veterem illam ac deteriorem projicimus ? Aut si vobis secundum quod ad Romanos scribit, credere cordi est ; nobis quare licitum non sit, secundum quod ad Corinthios dogmatizare ? Quamvis et hoc ad duritiam vestram ita responderim. Alioquin absit Apostolum Dei, quod ædificavit, unquam destruere, ne se ipse prævaricatorem constituant, ut contestatus est (Galat. ii, 18). Verumtamen si ejus est et prior illa sententia, nunc emendata est : sin fas non est Paulum inenarratum dixisse aliquid unquam, ipsius non est.

CAPUT II. — AUGUSTINUS respondit : Hoc est quod paulo ante dixi, quia ubi sic manifesta veritate isti præfocantur, ut obseci dilucidis verbis sanctorum Scripturarum, exitum in eis fallaciæ suæ reperire non possint, id testimonium quod prolatum est, falsum esse respondent. O vocem a veritate fugacem, in amentia pertinacem ! Usque adeo invicta sunt, quæ adversus vos de divinis codicibus proferuntur, ut non sit aliud quod dicatis, nisi eos esse falsatos. Quæ jam auctoritas litterarum aperiri, quis sacer liber evolvi, quod documentum cuiuslibet scripturæ ad convincendos errores vestros exseri potest, si hæc vox admittitur, si aliquius ponderis æstimatur ? Aliud est ipsos libros non accipere, et nullo eorum vinculo detineri, quod Pagani de omnibus Libris nostris, quod Judæi de Novo Testamento faciunt, quod denique nos ipsi de vestris et aliorum hereticorum, si quos suos et proprios habent, vel de iis qui appellantur apocryphi : non quod habendi sint in aliqua auctoritate secreta, sed quia nulla testificationis luce declarati, de nescio quo secreto, nescio quorum præsumptione prolati sunt : aliud est ergo auctoritate aliquorum vel librorum vel hominum non tenevi, et aliud est dicere, Iste quidem vir sanctus omnia vera scripsit, et ista

¹ Apud Pr. et Lov., evançari. Ingld., quæ parvuli erant [deposui et] evançari. M.

epistola ipsius est, sed in ea ipsa hoc ejus est, hoc non est ejus. Ubi cum ex adverso audieris, Proba ; non configias ad exemplaria veriora, vel plurimum codicum, vel antiquorum, vel linguæ præcedentis unde hoc in alieni linguam interpretatum est : sed dicas, Inde probo hoc illius esse, illud non esse, quia hoc pro me sonat, illud contra me. Tu es ergo regula veritatis ? quidquid contra te fuerit, non est verum ? Quid, si alias simili insanias, sed tamen qua tua durtia constringatur, existat et dicat, Imo illud quod pro te sonat, falsum est ; hoc autem quod contra te est, verum est ? quid acturus es, nisi forte alium librum prolaturus, ubi quidquid legeris, secundum tuam sententiam possit intelligi ? Hoc si feceris, non de aliqua ejus particula, sed de toto audies contradicentem et clamantem, Falsus est. Quid ages ? quo te convertes ? quam libri a te prolati originem, quam vetustatem, quam scriem successionis testem citabis ? Nam si hoc facere conaberis, et nihil valebis : et vides in hac re quid Ecclesiæ catholice valeat auctoritas, quæ ab ipsis fundatissimis sedibus Apostolorum usque ad hodiernum diem succendentium sibimet episcoporum serie, et tot populorum consensione firmatur. Itaque si de fide exemplarium quæstio verteretur, sicut in nonnullis, quæ et paucæ sunt, et sacrarum Litterarum studiosis notissimæ sententiæ variætates ; vel ex aliarum regionum codicibus, unde ipsa doctrina commeavit, nostra dubitatio dijudicaretur, vel si ibi quoque codices variarent, plures paucioribus, aut vetustiores recentieribus præferrentur : et si adhuc esset incerta varietas, præcedens lingua, unde illud interpretatum est, consuleretur. Hoc modo querunt, qui quod eos movet in Scripturis sanctis, tanta auctoritate firmatis, invenire volunt, ut habeant unde instruantur, non unde rixentur.

CAPUT III. — Hoc autem quod adversus impietatem vestram ex apostoli Pauli Epistola profertur, Filium Dei ex semine David esse secundum carnem (Rom. 1, 3), omnes codices et novi et veteres habent, omnes Ecclesiæ legunt, omnes linguæ consentiunt. Exuimini ergo pallio fallaciæ, quo Faustus induitus, cum sibi proposuisset tanquam interrogantem et dicentem, Accipis apostolum Paulum ? respondit, Et maxime. Cur enim non potius respondit, Et minime ; nisi quia fallax, aliud quam id quod falsum erat, respondere non potuit ? Quid enim accipit apostoli Pauli ? Non primum hominem, quem ille dicit de terra terrenum : de quo item dicit, Factus est primus homo Adam in animam viventem. Ille autem annuntiat nescio quem primum hominem, nec de terra terrenum, nec factum in animam viventem, sed de substantia Dei, id ipsum existentem quod Deus est, membra sua, vel vestimenta sua, vel arma sua, id est quinque clementa, cum et ipsa nihil aliud essent quam substantia Dei, in tenebrarum gente mersisse, ut inquinata caperentur. Non secundum hominem, quem Paulus dicit de cœlo¹, quem dicit etiam novis-

¹ Lov., de cœlo cœlestem. Abest, cœlestem, ab editis aliis et a MSS.

Kimum Adam in spiritum vivificantem (1 Cor. xv, 47, 45), quem dicit factum ex semine David secundum carnem, factum ex muliere, factum sub Lege, ut eos qui sub Lege erant, redimeret (Galat. iv, 4, 5); de quo ad Timotheum dicit, *Memor esto Christum Iesum resurrexisse a mortuis ex semine David, secundum Evangelium meum* (II Tim. ii, 8); in cuius exemplo etiam resurrectionem nostram prædicat dicens, *Tradidi enim robis in primis quod et accepi: quia Christus mortuus est pro peccatis nostris; secundum Scripturas; et quia sepultus est, et quia resurrexit tertia die secundum Scripturas.* Et paulo post insert quare hoc dixerit: *Si autem Christus prædicatur quia resurrexit a mortuis, quomodo dicunt quidam in vobis quia resurrectio mortuorum non est* (1 Cor. xv, 3, 4, 12)? Iste autem, qui interrogatus utrum accipiat apostolum Paulum, respondet, *Et maxime, hæc omnia negat: nec Jesum ex semine David vult accipere, nec factum ex muliere, quam, non quod fuerit vel concubendo vel pariendo corrupta, mulierem Paulus appellat; sed more Scripturarum loquitur, quæ ipsum sexum sic appellare consueverunt: sicut in Genesi de Eva scriptum est, Formavit eam in mulierem* (Gen. ii, 22); *cum commixta viro non fuisset. Nec ipsam mortem Christi, et sepulturam, et resurrectionem accipit; quandoquidem Christum dicit, nec mortale corpus habuisse, ubi illa vera mors esset; nec illas cicatrices veras fuisse, quas post resurrectionem discipulis ostendit, cum eis, quod et Paulus commemorat, vivus apparuit* (Luc. xxiv, 39, 40, et 1 Cor. xv, 5): *nec ipsam carnem nostram resurrecturam, in corpus spirituale mutationem*¹, *sicut apertissime idem apostolus dicit, Seminatur corpus animale, surgit corpus spirituale.* Unde discernens inter corpus animale et spirituale, contexuit quod jam commemoravi de primo Adam et de novissimo Adam. Deinde intulit: *Hoc autem dico, fratres, quoniam caro et sanguis regnum Dei possidere non possunt. Et ne quisquam ipsam speciem carnis, et ipsam substantiam non posse resurgere credidisset, exprimere volens quid nunc appellaverit carnem et sanguinem, quia ipsam corruptionem intelligi voluit, quæ tunc in resurrectione justorum non erit, continuo contexuit: Neque corruptio incorruptam possidebit.* Et ne adhuc quisquam putaret, non illud quod sepultum fuerit resurrectum, sed tanquam alia tunica ponatur, et alia melior accipiatur, volens apertissime declarare quia hoc ipsum in melius commutabitur: *sicut vestimenta Christi in monte non sunt posita, et alia sumpta, sed ipsa quæ fuerant, in melius clarificata sunt* (Matth. xvii, 2): sequitur et contexit dicens, *Ecce mysterium vobis dico: omnes qui dem resurgent, non tamen omnes immutabimur. Et ne adhuc esset incertum, qui sint qui immutabuntur, In atomo, inquit, in ictu oculi, in novissima tuba: canet enim tuba, et mortui resurgent incorrupti, et nos immutabimur.* Adhuc forte dicant, non secundum hoc mortale et corruptibile corpus nos in resurrectione immutari, sed secundum animam: cum Apostolus

hoc non proposuerit unde diceret, sed de corpore ab ipsis questionis initio locatus fuerit, sicut ipsa ejus indicat propositio, *Sed dicet aliquis, inquit, Quomodo resurgent mortui? quo autem corpore veniunt?* Hic jam consequenter tanquam digito ostendit unde loqueretur, et subiect dicens, *Oportet enim corruptibile hoc induere incorruptelam, et mortale hoc induere immortalitatem* (1 Cor. xv, 35-33). Haec ergo cum iste neget, cumque ipsum Deum, de quo Paulus dicit, *Immortali, incorruptibili, soli Deo honor et gloria* (1 Tim. i, 17), iste corruptibilem prædicet; quandoquidem substantiam ejus atque naturam et totam timuisse ne a tenebrarum gente corrumperetur, et ut cæteræ consuleretur, ex parte corruptam, detestanda et abominanda eorum fabula somniat; quid est quod etiam in hoc conatur fallere imperitos, et in divinis Scripturis minus eruditos, ut interrogatus utrum accipiat apostolum Paulum, respondeat, *Maxime;* et inveniatur, minime?

CAPUT IV. — Sed certa, inquit, ratio est, qua ostendam Paulum apostolum aut proficiendo mutasse sententiam, et scribentem ad Corinthios, emendassem quod scriperat ad Romanos; aut omnino non scripsisse, quod tanquam ejus profertur, *Filium Dei ex semine David secundum carnem*. Quia tandem ratione id estendit? Quia non potest, inquit, utrumque verum esse, et quod in Epistola est ad Romanos, *De Filio suo, qui factus est ex semine David secundum carnem* (Rom. i, 3); et quod ait ad Corinthios, *Itaque nos amodo neminem novimus secundum carnem: et si noveramus secundum carnem Christum, sed nunc jam non novimus* (II Cor. v, 16). Restat ergo ut nos demonstremus quam possit utrumque verum esse, et quam sibi hæc duo non sint contraria. Unum quippe eorum non esse Pauli, nullo modo possumus dicere; quia nulla in eo variat codicum auctoritas. Etsi enim in quibusdam latinis exemplaribus non legitur, *factus*, sed, *natus ex semine David*, cum græca *factus* habeant, unde non ad verbum, sed ad sententiam transferre voluit dicendo, *natum*, latini interpres: tamen Christum ex semine David esse secundum carnem, omnium librorum atque linguarum concordat auctoritas. In hoc autem Paulum aliquando errasse, et proficiendo mutasse sententiam, absit ut dicamus. Quod etiam ipse Faustus sensit quam improbe atque impie diceretur; maluitque dicere, Pauli Epistolam aliorum falsitate corruptam, quam ipsius errore vitiosam.

CAPUT V. — De his enim libris dici potest, aliquid eos habere non consonum fortasse occultiori, et ad dignoscendum difficultiori veritati, quod aut sic remanserit, aut in posterioribus correctum sit, qui non præcipiendi auctoritate, sed proficiendi exercitatione scribuntur a nobis. Inter hos enim sumus, quibus idem apostolus dicit: *Et si quid aliter sapitis, id quoque vobis Deus revelabit* (Philipp. iii, 15). Quod genus litterarum non cum credendi necessitate, sed cum iudicandi libertate legendum est. Cui tamen ne intercluderetur locus, et admiraretur posteris ad quæstiones difficiles tractandas atque versandas linguae ac stili saluberrimus labor, distincta est a posteriorum libris

* sela fere editio levaniensis, mutandam.

excellentia canonice auctoritatis Veteris et Novi Testamenti, quæ Apostolorum confirmata temporibus per successiones episcoporum et propagationes Ecclesiarum, tanquam in sede quadam sublimiter constituta est, cui serviat omnis fidelis et pius intellectus. Ibi si quid velut absurdum moverit, non licet dicere, Auctor hujus libri non tenuit veritatem: sed, aut codex mendoza est, aut interpres erravit, aut tu non intelligis. In opusculis autem posteriorum, quæ libris innumerabilibus continentur, sed nullo modo ille sincerissimæ canonistarum Scripturarum excellentiae coæquantur, etiam in quibuscumque eorum invenitur eadem veritas, longe tamen est impar auctoritas. Itaque in eis, si qua forte propterea dissonare putinatur a vero, quia non ut dicta sunt intelliguntur, tamen liberum ibi habet lector auditorve judicium, quo vel approbet quod placuerit, vel improbet quod offendit: et ideo cuncta ejusmodi nisi vel certa ratione, vel ex illa canonica auctoritate defendantur, ut demonstretur sive omnino ita esse, sive fieri potuisse quod vel disputatum ibi est, vel narratum; si cui displicuerit, aut credere noluerit, non reprehenditur. In illa vero canonica eminentia sacrarum Litterarum, etiamsi unus propheta, seu apostolus, aut evangelista aliquid in suis Litteris posuisse ipsa canonis confirmatione declaratur, non licet dubitare quod verum sit: alioquin nulla erit pagina, qua humanæ imperitiae regatur infirmitas, si Librorum canonistarum saluberrima auctoritas, aut contempta penitus aboletur, aut interminata confunditur.

CAPUT VI. — Quapropter quisquis es, quem velut repugnantia ista moverunt, quod alibi scriptum est, *Filiū Dei ex semine David*, alibi autem, *Et si noveramus Christum secundum carnem, sed jam nunc non novimus*: et si non utrumque ex unius Apostoli Litteris proferretur, sed unum eorum Paulus dixisset, alterum Petrus, aut Isaías, aut alijs quisquam Apostolorum, sive Prophetarum; quia ita sibi omnia in canonica auctoritate concordant, ut tanquam uno ore dicta, justissima et prudentissima pietate credantur, et serenissimo intellectu inveniantur, et solertissima diligentia demonstrantur; non licet de alterutro dubitare. Proinde, quia ex apostoli Pauli canonice, id est, vere Pauli Epistolis, utrumque profertur, et non possumus dicere, aut mendoza esse codicem, omnes enim latini emendati sic habent; aut intertem errasse, omnes enim græci emendati sic habent: restat ut tu non intelligas, a me autem ratio flagitur, quomodo neutrum ab altero dissonet, sed in eadem sane fidei regula utrumque concordet. Si enim tu quoque pie quereres, posses invenire quomodo ista perscrutata dilucescant.

CAPUT VII. — Nam quod Filius Dei ex semine David homo factus est, nec idem apostolus uno loco dicit, et alii sanctæ Scripturæ apertissime predicate. Quod vero dicit, *Et si noveramus Christum secundum carnem, sed jam nunc non novimus*; ea ipsa circumstantia Scripturae loci ejus satis ostendit quid loquatur Apostolus. Sæpiusque more vitam nostram futuram, quæ jam in

ipso homine mediatore Christo-Jesu capite nostro resurgentem completa est, ita spe certa meditatur, tanquam jam adsit, præsensque teneatur: quæ utique vita non erit secundum carnem, sicut jam Christi vita non est secundum carnem. Carnem namque hoc loco non ipsam corporis nostri substantiam, quam Dominus etiam post resurrectionem suam carnem appellat, dicens, *Palpate et videte, quia spiritus ossa et carnem non habet, sicut me videtis habere* (*Luc. xxiv. 39*); sed corruptionem mortalitatemque carnis vult intelligi, quæ tunc non erit in nobis, sicut jam in Christo non est. Hanc enim proprie carnem nominabat, etiam cum de ipsa resurrectione satis evidenter loqueretur, et diceret, quod jam supra commemoravi, *Caro et sanguis regnum Dei possidere non possunt, neque corruptio incorruptionem possidebit*. Cum ergo factum fuerit, quod ibi consequenter dicit, *Ecce mysterium vobis dico: omnes quidem resurgentur, non tamen omnes immutabimur. In atomo, id est, in momento, in ictu oculi, in novissima tuba, canet enim tuba, et mortui resurgent incorrupti, et nos immutabimur: oportet enim corruptibile hoc induere incorruptionem, et mortale hoc induere immortalitatem* (*I Cor. xv. 50-55*): jam secundum id quod carnem, non ipsam corporis substantiam, sed ipsam corruptionem mortalitatis appellat, non erit utique caro, quia corruptionem mortalitatis mutata non habebit; secundum autem ipsius substantiae corporisque originem eadem caro erit, quia ipsa resurget et ipsa mutabitur, quia et illud verum est quod ait Dominus, posteaquam resurrexit, *Palpate et videte, quia spiritus carnem et ossa non habet, sicut me videtis habere*; et hoc verum est quod ait Apostolus, *Caro et sanguis regnum Dei possidere non possunt*. Illud enim dictum est secundum ipsam substantiam, quæ etiam tunc erit, quia ipsa mutabitur: hoc autem dicendum est secundum carnalem corruptionis qualitatem, que tunc jam non erit, quia mutata caro non corrumpetur. *Noferamus ergo Christum secundum carnem*, id est, secundum carnis mortalitatem antequam resurget: *sed nunc jam non novimus*; quia, sicut idem dicit apostolus, *Christus resurgens a mortuis jam non moritur, et mors ictu non dominabitur* (*Rom. vi. 9*).

Nam si te ad verborum proprietatem teneas, mentitus est cum ait, *Noferamus Christum secundum carnem*, si Christus nunquam fuit secundum carnem: nemo enim noverat quod non erat. Non autem dixit, *Putabamus Christum secundum carnem*; sed, *Noferamus*. Veruntamen ut verbo non premiam, ne quis affirmet per abusionem locutum Apostolum, ut pro eo quod est, putabamus, diceret, *Noferamus*: illud miror non attendere homines cœcos, vel potius non miror non videre cœcos, quia si Christus ideo non habuit carnem, quia dixit Apostolus, nunca jam non se nosse Christum secundum carnem; nec illi habuerunt carnem, de quibus in eodem loco dicit, *Itaque nos amodo neminem novimus secundum carnem*. Neque enim de solo Christo id volens intelligi, posset dicere, *Neminem novimus secundum carnem*: et quia

¹ Aliquot vss., *cavulis*.

illorum secum vitam futuram tanquam praesentem meditabatur, qui resurgentes commutabuntur, Amodo, inquit, neminem novimus secundum carnem; id est, tam certam spem tenemus futuræ nostræ incorruptionis et immortalitatis, ut amodo jam in ipsa notitia gaudemus. Unde alio loco dicit: Si autem resurrexis sis cum Christo, quæ sursum sunt querite, ubi Christus est ad dexteram Dei sedens: quæ sursum sunt sapientia, non quæ super terram (Coloss. iii, 1, 2). Nondum ultiue resurreximus sicut Christus; sed tamen secundum spem, quæ nobis in illo est, jam nos cum illo resurrexisse testatus est. Unde etiam dicit: Secundum suam misericordiam salvos nos fecit per lavacrum regenerationis (Tit. iii, 5). Quis autem non intelligat in lavacro regenerationis spem nobis datam salutis futuræ, non jam salutem ipsam, quæ promittitur? et tamen quia certa spes est, tanquam jam data esset eadem salus, salvos nos, inquit, fecit. Alio quippe loco dilucidissime dicit: Nos in nobis ipsis ingemiscimus, adoptionem expectantes, redemptionem corporis nostri. Spe enim salvi facti sumus. Spes autem quæ videtur, non est spes: quod enim videt quis, quid sperat? Si autem quod non videmus, speramus, per patientiam expectamus (Rom. viii, 23-25). Sicut ergo hic non dixit, Salvi futuri sumus; sed, Amodo jam salvi facti sumus, nondum tamen in re, sed in spe, Spe enim, inquit, salvi facti sumus: sic et quod ibi dictum est, Amodo neminem novimus secundum carnem; nondum in re, sed in spe intelligitur: quia spes¹ nobis in Christo est, quia in illo jam completum est quod nobis promissum speramus. Ille quippe jam surrexit, et mors ei ultra non dominabitur. Quem et si neveramus secundum carnem, cum adhuc moriturus esset; inerat quippe in ejus corpore illa mortalitas, quam proprie carnem appellat Apostolus: sed jam nunc non novimus; illud enim ejus mortale jam induit immortalitatem, unde secundum pristinam mortalitatem jam caro appellari non possit.

CAPUT VIII.—Itaque ipsius loci contentionem, ubi hæc sententia est, de qua isti calumniantur, consideremus, ut hoc quod dico, magis eluceat. *Charitas*, inquit, Christi compellit nos; judicantes hoc quoniam si unus pro omnibus mortuus est, ergo omnes mortui sunt: et pro omnibus mortuus est, ut qui vivunt, jam non sibi vivant, sed ei qui pro ipsis mortuus est et resurrexit. Itaque nos amodo neminem novimus secundum carnem: et si neveramus secundum carnem Christum, sed jam nunc non novimus. Certe jam nunc cuivis appetit propter resurrectionem Christi hoc dixisse Apostolum; quandoquidem ista verba illud processit, Ut qui vivunt, jam non sibi vivant, sed ei qui pro ipsis mortuus est et resurrexit. Quid est enim aliud, non sibi, sed ei vivant, nisi ut secundum carnem non vivant in spe terrenorum et corruptibilium bonorum, sed secundum spiritum in spe resurrectionis, quæ jam ex ipsis in Christo facta est? Itaque eorum pro quibus Christus mortuus est et resurrexit, et qui jam non sibi, sed illi vivunt, neminem secundum carnem Apostolus no-

verat, propter spem futuræ immortalitatis, in cujus expectatione vivebant, quæ in Christo jam non spes, sed res erat: quem et si neverat secundum carnem, cum adhuc moriturus esset, jam tamen non neverat; quia eum resurrexisse neverat, et ultra ei mortem non dominaturam. Et quia omnes in illo, et si nondum in re, jam tamen spe hoc sumus, sequitur et dicit: Si qua igitur in Christo nova creatura, vetera transierunt: ecce facta sunt omnia nova. Omnia autem ex Deo, qui reconciliavit nos sibi per Christum (II Cor. v, 14-18). Omnis ergo nova creatura, id est, populus innovatus per fidem, ut habeat interim in spe, quod in re postea perficiatur, in Christo habet jam quod in se sperat. Itaque nunc vetera transierunt secundum spem, quia modo jam non est tempus Veteris Testamenti, quo temporale atque carnale regnum expectatur a Deo: et facta sunt omnia nova secundum eamdem spem, ut regnum cœlorum, ubi nulla erit mors atque corruptio, promissum tenemus. In resurrectione autem mortuorum jam non secundum spem, sed secundum rem, et vetera transibunt, cum iniuncta novissima destruetur mors: et sicut omnia nova, cum corruptibile hoc induerit incorruptionem, et mortale hoc induerit immortalitatem (I Cor. xv, 26, 53): quod jam factum est in Christo, quæ in secundum rem, jam non neverat Paulus secundum carnem: eorum vero pro quibus mortuus est et resurrexit, nondum secundum rem, sed secundum spem, neminem neverat secundum carnem; quia illius gratia, sicut idem ad Ephesios dicit, sumus salvi facti. Nam et ipse locus huic sententiæ sic attestatur: Deus autem, inquit, qui dives est in misericordia, propter multam dilectionem qua dilexit nos, etcum essemus mortui peccatis, convivificavit nos Christo; cuius gratia sumus salvi facti. Quod enim hic dixit, Convivificavit nos Christo, hoc dixit ad Corinthios, Ut qui vivunt, jam non sibi vivant, sed ei qui pro ipsis mortuus est et resurrexit. Et quod hic dicit, Cuius gratia salvi sumus facti; jam velut perfectum sit loquitur, quod in spe tenet. Nam quod paulo ante commemoravi, apertissime alibi dicit: Spe enim salvi facti sumus. Ideoque et hic sequitur, et tanquam perfectum enumerat quod futurum est: Et simul, inquit, excitavit, et simul sedere fecit in cœlestibus in Christo Jesu. Certe enim in cœlestibus Christus jam sedet, nondum autem nos: sed quia spe certa, quod futurum est, jam tenemus, simul sedere nos dixit in cœlestibus, nondum in nobis, sed jam in illo. Namque ne putares jam nunc esse perfectum, quod in spe ita dicitur, tanquam perfectum sit, atque ut intelligas adhuc futurum, sequitur et dicit: Ut ostenderet in supervenientibus sæculis superabundantes divitias gratiae suæ in benignitate super nos in Christo Jesu (Ephes. ii, 4-7). Hinc est et illud: Cum enim essemus in carne, passiones peccatorum, quæ per legem sunt, operabantur in membris nostris, ut fructum ferrent morti (Rom. vii, 5). Ita enim dixit, Cum essemus in carne, quasi jam non essent in carne: quod ita intelligitur, Cum essemus in spe rerum carnalium: quando lex, quæ impleri non potest nisi per charita-

¹ In duabus MSS., quæ spes.

tem spiritualem, ad hoc super eos erat, ut per prævaricationem abundaret delictum; ut postea revealato Novo Testamento, per indulgentiam, superabundaret gratia (*Rom. v, 20*). Hinc similiter alibi dicit: *Qui autem in carne sunt, Deo placere non possunt*. Et ne putaret quisquam eos dictos, qui nondum mortui sunt, statim subjicit: *Vos autem non estis in carne, sed in spiritu* (*Id. viii, 8, 9*). Id est, qui in spe carnarium honorum sunt, Deo placere non possunt; vos autem non estis in spe carnarium, sed in spe spiritualium, id est, regni cœlorum, ubi et ipsum corpus per illam mutationem in suo quodam genere spirituale erit, quod modo animale est. *Seminatur enim corpus animale*, sicut ad Corinthios idem dicit, *resurget corpus spirituale* (*I Cor. xv, 44*). Si ergo neminem eorum jam moverat secundum carnem Apostolus, qui propterea dicebantur non esse in carne, quia non erant in spe

rerum carnalium, quamvis adhuc corruptibilem carnem mortalemque portarent; quanto expressius de Christo diceret quod eum jam non moverat secundum carnem, in cuius corpore etiam re ipsa jam perfectum erat, quod illi in spe promissum tenebant? Quanto ergo melius, quanto religiosius divinæ Scripturæ ita tractantur, ut discussis omnibus concordare inveniantur, quam deficiente homine in quæstione quam solvere non potest, tanquam veræ in parte acceptentur, et tanquam falsæ in parte damnentur? Quia et cum esset parvulus Apostolus, et ea quæ parvuli erant, sacerd^t (*I Cor. XIII, 11*), quanquam hoc ad similitudinem dixerit, nondum erat tamen spiritualis, qualis jam erat cum scriberet que ad Ecclesiæ adificationem, non proficiendi exercitatione in studiosorum manibus versarentur, sed præcipiendo auctoritate in ecclesiastico canone legerentur.

LIBER DUODECIMUS.

CAPUT PRIMUM. — FAUSTUS dixit: Cur non accipitis Prophetas? Imo tu dic potius, si quid habes, cur debeamus Prophetas accipere. Propter testimonia, inquit, quæ de Christo præfati sunt. Ego quidem nulla inveni, quamvis attentius eos et curiosissime legerim. Sed tamen et hoc enervis fidei confessio est, in Christum sine teste et arguento non credere. Nempe ipsi vos docere soletis, idcirco nihil esse curiosius exquirendum, quia simplex sit et absoluta christiana credulitas. Quomodo ergo nunc fidei simplicitatem destruitis, indicis eam ac testibus fulciendo, et hoc Iudeis? Aut si prima vobis sententia displicet, idcirco transitis in alteram; quis fidelior vobis esse testis debet, quam Deus ipse de Filio suo, qui non per vatem, nec per interpretem, sed ultra coelitus erupta voce, cum eum mitteret ad terram dixit: *Hic est Filius meus dilectissimus, credite illi* (*Matth. iii, 17, et Luc. ix, 35*). Necnon et ipso de se, *A Patre meo processi, et veni in hunc mundum* (*Joan. xvi, 28*): atque multa alia hujusmodi. Ad quæ ringentes ² Iudei, *Tu de te testificaris*, dicebant; *testimonium tuum non est verum*. Quibus ipse, *Etsi ego testificor de me, testimonium meum verum est, quia non sum solus*. Nam et in *Lege vestra scriptum est*, *Duorum hominum testimonium verum est*. Ego sum qui testificor de me, et testificatur de me qui me misit Pater (*Id. viii, 13-18*): non dixit, Prophetæ. Ad hæc et opera ipsa sua sibi in testimonium vocat, *Si mihi non creditis, dicens, operibus credite* (*Id. x, 38*). Non dixit, *Si mihi nona creditis*, Prophetæ credite. Quapropter nos testimonii de Salvatore nostro nullis egemus: exempla tantum vitae honestæ, et prudentiam ac virtutem in Prophetis queremus, quorum nihil in Iudeorum fuisse valibus, quia te non latuerit sensio: siquidem consulente me, cur eos accipiendos temores, non improvoie, nec inurbaniter silentio eorum

mandatis operibus, in sola transluxisti præsagia; oblitus utique scriptum esse, nunquam vindemiari uvam de spinis, nec de tribulis fucus (*Matth. vii, 16*). Quapropter hæc strictim interim et castigate ad interrogationem tuam responderim, qua queris cur non accipiamus Prophetas. Alioquin nihil eos de Christo prophetasse, abunde jam parentum nostrorum libris ostensum est. Ego vero illud adjiciam, quia si Hebraici vates Christum scientes et prædicantes, tam flagitiose vixerunt, jure et in ipsis dici poterit, id quod Paulus de Gentium sapientibus contestatur: *Quia cum cognovissent Deum, non ut Deum clarificaverunt, aut gratias egerunt; sed evanuerunt in cogitationibus suis, et intenebratum est insipiens cor eorum* (*Rom. i, 21*). Vides ergo non esse magnum magna cognovisse, nisi ex eorum vixeris dignitate.

CAPUT II. — AUGUSTINUS respondit: Nempe his omnibus verbis id agit Faustus, ut Prophetas Hebreos neque quidquam de Christo prænuntiavisse, neque si prænuntiaverunt, eorum testimonia nobis prodesse, neque illos ipsos ex eorumdem testimoniorum dignitate vixisse credamus. Nos itaque demonstrabimus et corum de Christo præsagia, et quantum per ea nobis ad fidei veritatem firmitatemque consultum sit, et eos suæ propheticæ congruentem apteque vixisse. In hac tripartita disputatione, illud quod primo posui, longum est sic probare, ut de illis omnibus Libris testimonia proferam, quibus ostendam Christum esse prædictum: sed hujus hominis levitatem gravissimo auctoritatis pondere conteram. Ita quippe non accipit prophetas Hebreos, ut accipere se tamen profiteatur Apostolos. Apostolus autem Paulus, de quo cum se ipse tanquam ex adversa voce interrogasset, utrum eum acciperet, respondit. *Ei maxime* (*Supra, lib. 11*), quid de illorum propheta dicat, audiamus. *Paulus*, inquit, *servus Jesu Christi, vocatus apostolus, segregatus in Evangelium Dei, quod ante promiserat per Prophetas suos in Scripturis sanctis*

¹ Er., *inertia fidei*.

² Er., *respondentes*.

de Filio suo, qui factus est ei ex semine David secundum carnem (Rom. 1, 1-5). Quid vult amplius? Nisi forte hoc de aliis aliquibus Prophetis, non de nostris Hebreis dictum velit intelligi? Sed quanquam per quoslibet dicendum sit, de illo tamen Filio Dei promissum est Evangelium, qui factus est ei ex semine David secundum carnem; in quod Evangelium segregatum se dicit Apostolus: istorum autem perfidiae hoc sit contrarium, quod secundum hoc Evangelium credimus Filium Dei factum ex semine David secundum carnem; tamen apertiora cognoscant, quibus evidenter inum Prophetis Hebreis testimonium perhibetur per eum Apostolum, eujus auctoritate superborum istorum colla frangantur.

CAPUT III. — Veritatem, inquit, dico in Christo, non mentior, contestante mihi conscientia mea in Spiritu sancto, quia tristitia est mihi magna, et continuus dolor cordi meo. Optabam enim ego ipse anathema esse a Christo pro fratribus meis, cognatis secundum carnem, qui sunt Israelitæ, quorum est adoptio, et gloria, et Testamenta, et Legis constitutio, et obsequium, et promissiones; quorum patres et ex quibus Christus secundum carnem, qui est super omnia Deus benedictus in saecula (Id. ix, 1-5). Quid potest abundantius dici, quid expressius declarari, quid sanctius commendari? Quae est enim adoptio Israelitarum, nisi per Filium Dei? unde ad Galatas dicit: *Cum autem venit plenitudo temporis, misit Deus Filium suum factum ex muliere, factum sub Lege, ut eos qui sub Lege erant, redimeret, ut adoptionem filiorum reciperemus* (Galat. iv, 4, 5). Et quae gloria eorum nisi præcipue illa, de qua idem Paulus ad eosdem Romanos dicit: *Quid ergo amplius est Iudeo? aut quæ utilitas circumcisionis? Multum per omnem modum. Primum quidem, quia credita sunt illis eloquia Dei* (Rom. iii, 1, 2). Querant isti quæ sint eloquia Dei credita Judæis, et ostendant nobis alia præter Hebreorum Prophetarum. Jam vero Testamenta cur dixit ad Israelitas præcipue pertinere, nisi quia et Vetus Testamentum illis datum est, et Novum in Vetere figuratum? Legis autem constitutionem, quæ Israëlitæ data est, non intelligentes ejus dispensationem, quia jam non vult nos Deus esse sub Lege, sed sub gratia, reprehendere isti solent impunitia furiosa. Cedant ergo auctoritati apostolicae, quæ laudans atque commendans Israelitarum excellētiam, etiam hoc enumeravit, quod eorum sit Legis constitutio. Quæ si mala esset, non utique in eorum laude poneretur. Si autem Christum non prædicaret, non ipse Dominus diceret, *Si crederetis Moysi, crederetis et mihi; de me enim ille scripsit* (Joan. v, 46): nec post resurrectionem sic ei attestaretur, dicens, *Oportebat impleri omnia quæ scripta sunt in Lege Moysi, et Prophetis, et Psalmis de me* (Luc. xxiv, 44).

CAPUT IV. — Sed quia Manichæi alium Christum prædicant, non eum quem prædicaverunt Apostoli, sed suum proprium fallacem fallaciter, cuius falsitatis sectatores congruenter et ipsi mentiuntur; nisi quod impudenter sibi credi volunt, cum se mentientis discipulos esse profiteantur; contigit eis quod de ipsis

infidelibus Judæis dicit Apostolus, *Cum legitur Moyses, velamen est super cor eorum: neque enim auferitur hoc velamen, per quod non intelligunt Moysen, nisi transierint ad Christum: non qualem ipsi fixerunt, sed quam Patres Hebrei prophetaverunt. Sic enim idem apostolus ait: Cum autem transieris ad Dominum, auferetur velamen* (II Cor. iii, 15, 16). Neque enim mirum est quod resurgent Christo, et dicenti, *Oportebat impleri omnia quæ scripta sunt in Lege Moysi, et Prophetis, et Psalmis de me*, nolunt isti credere: quandoquidem Christus ipse narravit, quid Abraham dixerit immisericordi eisdam diviti, cum apud inferos torqueretur, et peteret inde mitti aliquem ad fratres suos, a quo docerentur, ne et ipsi venirent in illum locum tormentorum. Hoc enim ei dictum est: *Ihabent ibi Moysen et Prophetas, audiant illos.* Et cum ille dixisset non eos credituros, nisi aliquis resurrexisset a mortuis, verissime responsum est: *Si Moysen et Prophetas non audiunt, neque si quis a mortuis resurrexerit, credent* (Luc. xvi, 27-31). Quapropter isti non audientes Moysen et Prophetas, non solum a mortuis resurgent Christo, sed omnino Christum a mortuis resurrexisse non credunt. Quomodo enim resurrexisse credunt, quem mortuum fuisse non credunt? Nam quomodo mortuum fuisse credunt, quem mortale corpus habuisse non credunt?

CAPUT V. — Nos autem illis non tanquam ejus Christi qui fallax fuit, sed ejus qui omnino non fuit, fallacibus prædicatoribus non credimus. Habemus enim Christum verum atque veracem, prædictum a Prophetis, prædicatum ab Apostolis, prædicationis sue testimonia ex Lege et Prophetis adhucibus, sicut innumerabilibus locis ostendunt. Quod Paulus brevissime verissimeque complexus est, dicens: *Nunc autem sine Lege justitia Dei manifestata est, testificata per Legem et Prophetas* (Rom. iii, 21). Quos Prophetas, nisi Israëlitæ, quorum esse apertissime dixit, et Testamenta, et Legis constitutionem, et promissiones (Id. ix, 4)? De quo promissiones, nisi de Christo? Quod breviter alio loco determinat, cum de Christo loquitur dicens: *Quotquot enim sunt promissiones Dei, in illo etiam* (II Cor. i, 20). Dicit mihi Paulus, Israëlitarum esse Legis constitutionem. Dicit etiam: *Finis enim Legis Christus, ad justitiam omni credenti* (Rom. x, 4). Dicit etiam de Christo loquens, *Quotquot enim sunt promissiones Dei, in illo etiam: et tu mihi dicas, Israëlitæ de Christo nihil prædictisse Prophetas!* Quid igitur restat, nisi ut eligam utrum Manichæo credam, fabulam vanam et longam contra Paulum narranti; an Paulo præmonenti, *Si quis vobis evangelizaverit præterquam quod evangelizavimus vobis, anathema sit* (Galat. i, 8, 9)?

CAPUT VI. — Illic forte dicant, Ostende nobis ubi sit Christus ab Israëlitis Prophetis prænuntiatus. Quasi parva sit ista auctoritas, qua dicunt Apostoli ea quæ in Hebreorum Prophetarum litteris legimus, in Christo esse completa: vel quod dicit ipse Dominus, de se illa esse conscripta. Proinde quisquis hoc ostendere non potuerit, ipse non intelligit: non Apostoli aut

Christus aut sancti codices mentiuntur. Verumtamen ut multa non colligam, et hoc unum commemorem, quod eodem loco Apostolus consequenter dicit: *Non protest autem excidere verbum Dei. Non enim omnes qui ex Israel, hi sunt Israëlitæ; neque qui sunt semen Abrahæ, omnes filii: sed in Isaac vocabitur tibi semen: hoc es; non hi qui filii carnis, hi filii Dei; sed filii promissionis deputantur in semen* (Rom. ix, 6-8). Quid ad hæc responsuri sunt, cum aperte alio loco de hoc semine ad Abraham dicatur: *In semine tuo benedicentur omnes gentes terræ* (Gen. xxvi, 4)? Nam si eo tempore hinc disputaremus, quo tempore hoc exponebat Apostolus dicens, *Abrahæ dictæ sunt promissiones et semiñ ejus: non dicit, Et seminibus, tanquam in multis; sed tanquam in uno, Et semini tuo, quod est Christus* (Galat. iii, 16); fortasse aliquis non tam impudenter nollet hoc credere, antequam videret omnes gentes credere in Christum, qui prædicatur ex semine Abraham. Nunc vero cum hoc impleri videamus, quod tanto ante prænuntiatum legimus, cum omnes gentes jam benedicantur in semine Abrahæ, cui dictum est ante annorum milia, *In semine tuo benedicentur omnes gentes*: quis tam pertinaciter insaniat, ut vel alium Christum, qui non sit ex semine Abrahæ, conetur inducere; vel de isto vero Christo Prophetias Hebræas ejus gentis pater est Abraham, nihil existimet prænuntiasse?

CAPUT VII. — Quis autem potest, non dico una brevi responsione, quales¹ in hoc opere habere coarctamur, sed quolibet ingenti volumine omnia commemorare præconia Prophetarum Hebreorum, de Domino et Salvatore nostro Iesu Christo? quandoquidem omnia quæ illis continentur Libris, vel de ipso dicta sunt, vel propter exercitationem querentis, et delectationem invenientis, multo plura ibi per allegorias et ænigmata, partim verbis solis insinuantur, partim etiam facta narrantur. Verumtamen nisi aliqua ibi manifesta essent, non comprehendetur sensus, quo etiam obscura clarescerent. Quanquam et ex illis quæ figuris involuta sunt, si quædam velut sub uno aspectu quasi contexta ponantur, ita conjungunt in contestatione Christi voces suas, ut cuiusvis obtusi surditas erubescat.

CAPUT VIII. — Sex diebus in Genesi consummavit Deus omnia opera sua, et septimo requievit (Gen. ii, 1, 2). Sex aetatibus humanum genus hoc saeculo per successiones temporum, Dei opera insigniunt: quarta prima est ab Adam usque ad Noe; secunda, a Noe usque ad Abraham; tertia, ab Abraham usque ad David; quarta, a David usque ad transmigrationem in Babyloniam; quinta, inde usque ad humilem adventum Domini nostri Iesu Christi; sexta, quæ nunc agitur, donec Excelsus veniat ad judicium; septima vero intelligitur in requie sanctorum, non in hac vita, sed in alia, ubi vidit requiescentem pauperem dives ille, cum apud inferos torqueretur (Luc. xvi, 23); ubi non sit vespera, quia nullus ibi rerum defectus est. Sexto die in Genesi formatur homo ad imaginem Dei (Gen. i, 27): sexta aetate saeculi manifestatur reformatio no-

stra in novitate mentis, secundum imaginem ejus qui creavit nos, sicut dicit Apostolus (Coloss. iii, 10). Fit viro dormienti conjux de latere (Gen. ii, 22): fit Christo morienti Ecclesia de sacramento sanguinis, qui de latere mortui profluxit (Joan. xix, 34). Vocatur Hæva vita et mater vivorum, quæ de viri sub latere facta est: et dicit Dominus in Evangelio, *Si quis non manducaverit carnem meam, et biberit sanguinem meum, non habebit in se vitam* (Id. vi, 53). Et omnia quæ illuc leguntur¹ enucleate minutatimque tractata, Christum et Ecclesiam præloquuntur, sive in bonis Christianis, sive in malis. Neque enim frustra dixit Apostolus, *Adam qui est forma futuri* (Rom. v, 15); et illud, *Relinquit homo patrem et matrem, et adhæredit uxori suæ; et erunt duo in carne una*. *Sacramentum*, inquit, *hoc magnum est, ego autem dico in Christo et in Ecclesia* (Ephes. v, 31, 52). Quis enim non agnoscet Christum eo modo reliquisse Patrem, qui *cum in forma Dei esset, non rapinam arbitratus est esse æqualis Deo, sed semetipsum exinanivit, formam servi accipiens* (Philipp. ii, 6, 7): reliquisse etiam matrem synagogam Judæorum, Veteri Testamento carnaliter inherenterem, et adhæsisse uxori suæ sanctæ Ecclesiae, ut in pace Novi Testamenti² essent duo in carne una? Quia cum sit Deus apud Patrem, per quem facti sumus, factus est per carnem particeps nostri, ut illius capitilis corpus esse possemus.

CAPUT IX. — Sicut Cain sacrificium ex terræ fructibus reprobatur, Abel autem sacrificium ex ovinis et carum adipe suscipitur; ita Novi Testamenti fides ex innocentia gratiæ Deum laudans, Veteris Testamenti terrenis operibus anteponitur: quia etsi ante Judæi recte illa fecerunt; in eo tamen infidelitatis rei sunt, quia Christo veniente iam tempus Novi Testamenti a tempore Veteris Testamenti non distinxerunt. Dixit enim Deus ad Cain: *Si recte offeras, recte autem non dividas, peccasti*. Qui si obtemperasset Deo dicenti, *Quiesce; ad te enim conversio ejus, et tu dominaberis illius*; ad se convertisset peccatum suum, sibi hoc tribuens, et consitens Deo: ac sic adjutus indulgentiæ gratia, ipse peccato suo dominaretur; non illo sibi dominante servus peccati, fratrem occideret innocentem (Gen. iv, 3-8.). Sic et Judæi, in quorum hæc figura gerebantur, si quiescerent a sua perturbatione, et tempus salutis per gratiam in peccatorum remissionem agnoscentes, audirent Christum dicentem, *Non est opus sanis medicus, sed male habentibus: non veni vocare justos, sed peccatores in penitentiam* (Math. ix, 12, 13); et, *Omnis qui facit peccatum, servus est peccati; et, Si vos filius liberaverit, tunc vere liberi eritis* (Joan. viii, 34, 36): ad se convertissent peccatum suum in confessione, sicut in Psalmo scriptum est, medico dicentes, *Ego dici, Domine, miserere mei; sana animam meam, quia peccavi tibi* (Psal. xl, 5); et eidem peccato, quamdiu esset adhuc in eorum mortali corpore, per spem gratiæ liberi dominarentur. Nunc autem ignorantæ Dei ju-

¹ Am. Fr. et MSS., intelliguntur.

² MSS., ut pace Novi Testamenti; omisso, in. Forte melius.

stitiam, et suam volentes constituere (*Rom. x, 5*), elati de operibus Legis, non humiliati de peccatis suis, non quieverunt: et regnante peccato in eorum mortali corpore ad obediendum desiderii ejus (*Id. vi, 12*), offendierunt in lapideum offensionis (*Id. ix, 32*), et exarserunt odio adversus eum, cuius opera videntes Deo accepta esse, doluerunt, illo qui carcere natus jam videbat, sibi dicente, *Scimus quia peccatores Deus non exaudit; sed qui eum coluerit, et voluntatem ejus fecerit, hunc exaudit* (*Joan. ix, 31*): tanquam hoc eis diceret, Super sacrificium Cain non respicit, sed super sacrificium Abel respicit. Itaque occiditur Abel minor natu a fratre majore natu: occiditur Christus caput populi minoris natu a populo Judæorum majore natu: ille in campo, iste in Calvariae loco.

CAPUT X. — Interrogat Deus Cain, non tanquam ignarus eum a quo discat, sed tanquam judex reum quem puniat, ubi sit frater ejus. Respondet ille non scire se, nec ejus se esse cunodem. Usque adhuc quid nobis respondent Judæi, cum eos Dei voce, hoc est, sanctarum Scripturarum voce interrogamus de Christo, nisi nescire se Christum quem dicimus? Falsa enim Cain ignoratio, Judæorum est falsa negatio. Essent autem quedam modo Christi custodes, si christianam fidem accipere et custodire voluissent. Nam qui custodit in corde suo Christum, non dicit quod Cain, *Nunquid ego custos sum fratris mei? Dicit Deus ad Cain: Quid fecisti? Vox sanguinis fratris tui clamat ad me de terra.* Sic arguit in Scripturis sanctis vox divina Judæos. Habet enim magnam vocem Christi sanguis in terra, cum eo accepto ab omnibus gentibus respondetur, Amen. Haec est clara vox sanguinis, quam sanguis ipse exprimit ex ore fidelium eodem sanguine redemptorum.

CAPUT XI. — *Dicit Deus ad Cain: Et nunc maledictus tu a terra, quæ aperuit os suum excipere sanguinem fratris tui de manu tua; quoniam operaberis terram, et non adjicieris virtutem suam dare tibi: gemens et tremens eris in terra* (*Gen. iv, 9-12*). Non dixit, Maledicta terra; sed, *Maledictus tu a terra, quæ aperuit os suum accipere sanguinem fratris tui de manu tua.* Maledictus est enim populus Judaicus infidelis a terra, id est, ab Ecclesia, quæ aperuit os suum in confessione peccatorum accipere sanguinem Christi, qui fusus est in remissionem peccatorum, de manu persecutoris nolentis esse sub gratia, sed sub Lege; ut esset ab Ecclesia maledictus, id est, ut eum intelligeret et ostenderet Ecclesia maledictum, dicente Apostolo, *Quicumque enim ex operibus Legis sunt, sub maledicto sunt Legis* (*Galat. iii, 10*). Deinde cum dixisset, *Maledictus tu a terra, quæ aperuit os suum excipere sanguinem fratris tui de manu tua;* non dixit, Quoniam operaberis eam; sed ait, *Quoniam operaberis terram, et non adjicieris virtutem suam dare tibi.* Unde non est necesse eamdem terram intelligere operari Cain, quæ aperuit os accipere sanguinem fratris de manu ejus: sed ideo maledictus intelligitur ab hac terra, quoniam operatur terram, quæ non adjicet virtutem suam dare illi; id est, ideo populum Judæorum maledictum agnoscit et

ostendit Ecclesia, quoniam occiso Christo adhuc operatur terrenam circumcisionem, terrenum sabbatum, terrenum azymum, terrenum pascha: quæ omnis terrena operatio habet occultam virtutem intelligendæ gratiae Christi, quæ non datur Judæis in impietate et infidelitate perseverantibus, quia Novo¹ Testamento revelata est; et non transeuntibus ad Dominum, non eis auferunt velamen, quod in lectione Veteris Testamenti manet, quia in solo Christo evanescatur, non ipsa lectio Veteris Testimenti, quæ habet absconditam virtutem, sed velamen quo absconditur (*II Cor. iii, 14-16*). Unde Christo in cruce passo² velum templi concessum est (*Math. xxvii, 51*), ut per Christi passionem revealentur secreta sacramentorum fidelibus, ad bibendum ejus sanguinem ore aperto in confessione transeuntibus. Propterea populus ille, sicut Cain, adhuc operatur terram, adhuc exercet operationem Legis carnaliter, quæ non ei dat virtutem suam, quia in ea non intelligit gratiam Christi. Propterea et in ipsa terra quam Christus portavit, id est, in ejus carne, ipsi operati sunt salutem nostram crucisgendo Christum, qui mortuus est propter delicta nostra. Nec eis dedit eadem terra virtutem suam, quia non justificati sunt virtute resurrectionis ejus, qui resurrexit propter justificationem nostram (*Rom. iv, 25*): quia etsi crucifixus est ex infirmitate, sed virit ex virtute Dei, sicut dicit Apostolus (*II Cor. xiii, 4*). Haec ergo est virtus terræ illius, quam non ostendit impiis et ineruditis. Unde nec resurgens, eis a quibus erat crucifixus apparuit; tanquam Cain operanti terram, ut granum illud seminaretur, non ostendens³ eadem terra fructum virtutis sue: *Quoniam operaberis, inquit, terram, et non adjicieris virtutem suam dare tibi.*

CAPUT XII. — *Gemens et tremens eris in terra.* Nunc ecce quis non videat, quis non agnoscat in tota terra, quacumque dispersus est ille populus, quomodo gemat moerore amissi regni, et tremat timore sub innumerabilibus populis Christianis? Ideoque respondit Cain et dixit: *Major est causa mea, si ejicis me hodie a facie terræ, et a facie tua abscondar, et ero gemens et tremens super terram; et erit, omnis qui invenerit me, occidet me.* Vere inde gemit et tremit, ne regno etiam terreno perditio, ista visibili morte occidatur. Hanc dicit majorem causam, quam illam quod ei terra non dat virtutem suam, ne spiritualiter moriatur. Carnaliter enim sapit, et abscondi a facie Dei, id est, iratum habere Deum, grave non putat, nisi ne inveniatur et occidatur. Carnaliter sapit tanquam operans terram, cuius virtutem non accipit. Sapere autem secundum carnem, mors est (*Rom. viii, 6*). Quam ille non intelligens, amissio regno gemit, et corporalem mortem tremit. Sed quid ei respondet Deus? *Non sic, inquit; sed omnis qui occiderit Cain, septem vindictas exsolvet:* id est, non sic quomodo dicis; non corporali morte interbit genus impium

¹ Tres MSS., quæ a Novo.

² Duo MSS., in cruce posito.

³ Vaticanus codex, non ostendens.

carnalium Judæorum. Quicumque enim eos ita perdidet, septem vindictas exsolvet; id est, aufret ab eis septem vindictas, quibus alligati sunt propter reatum occisi Christi: ut hoc toto tempore quod septenario dierum numero volvitur, quia non interit gens Judæa, satis appareat fidibus Christianis, quam subjectionem meruerint, qui superbo regno² Dominum interfecerunt.

CAPUT XIII.—*Et posuit Dominus Deus Cain signum, ne eum occidat omnis qui invenerit* (Gen. iv, 13-15). Hoc revera multum mirabile est, quemadmodum omnes gentes quæ a Romanis subjugatae sunt, in ritum Romanorum sacrorum transierint, eaque sacrilegia observanda et celebranda suscepserint; gens autem Judæa, sive sub Paganis regibus, sive sub Christianis, non amiserit signum Legis sue, quo a ceteris gentibus populisque distinguitur: et omnis imperator vel rex qui eos in regno suo invenit, cum ipso signo eos invenit, nec occidit; id est, non efficit ut non sint Judæi, certo quodam et proprio suo observationis signo a ceterarum gentium communione discreti: nisi quicunque eorum ad Christum transierit, ut jam non inveniatur Cain, nec exeat a facie Dei, nec habitat in terra Nain³, quod dicitur interpretari Commotio. Contra quod malum, Deus rogatur in Psalmo, *Ne dederis in motum pedes meos* (Psal. lxv, 9); et, *Manus peccatorum non moveant me* (Psal. xxxv, 12); et, *Qui tribulant me, exsultabunt, si motus fuero* (Psal. xii, 5); et, *Dominus a dextris est mihi, ne commovear* (Psal. xv, 8); et innumerabilia talia: quod patuntur omnes qui exeunt a facie Dei, id est, a misericordia dilectionis ejus. Unde dicitur in quodam psalmo: *Ego dixi in abundantia mea, Non movebor in æternum*. Sed vide quid sequitur: *Domine, in voluntate tua præstisti decori meo virtutem; avertisti autem faciem tuam, et factus sum conturbatus* (Psal. xxix, 7, 8). Unde intelligitur omnem animam participatione lucis Dei, non per se ipsam, esse pulchram, et decoram, et virtute pollentem. Quod et isti Manichæi si considerarent et inteligerent, non in tantam blasphemiam eaderent, putando se esse naturam et substantiam Dei. Sed ideo non possunt, quia non quiescunt; sabbatum enim cordis non intelligunt: nam si quiescerent, sicut dictum est ad Cain, peccatum suum ad se converterent, id est, sibi tribuerent, non genti nescio cui tenebrarum; atque ita per gratiam Dei eidem peccato dominarentur. Nunc vero et ipsi et omnes qui diversis erroribus contumaces, resistendo veritati exeunt a facie Dei, sicut Cain, sicut Judæi perdi, habitant in terra commotionis, id est, in perturbatione carnali, contra jucunditatem Dei, hoc est contra Eden (Gen. iv, 16), quod interpretatur Epulatio, ubi est plantatus paradies. Jam cætera pauca de multis breviterque perstringam, ne propositum operis hujus et responsionis meæ nimia longitudine sermonis impediām.

¹ Editi, *magis quia*. Abest, *magis*, a MSS.

² Aliquot MSS., *superbi regno*.

³ Manuscripti, *in terra Nain*.

CAPUT XIV.—Quem enim non moveant ad querendum et intelligendum Christum in illis Libris, ut ea omittam quæ quamvis tanto suavius contemplentur, quanto ex abditiōribus locis enucleantur, tamen exigunt prolixitatem dissertationis, quia pluribus attestationibus indigent: ut omittam ergo talia; quem non moveant ad salubrem fidem, quod Enoch septimus ab Adam, Deo placuit, et translatus est (Gen. v, 24); et septima requies predicator, ad quam transfertur omnis qui tanquam sexto die sexta ætate saeculi, Christi adventu formatur? Quod Noe cum suis per aquam et lignum liberatur (Id. vii, 23); sicut familia Christi per Baptismum crucis passione signatur¹. Quod de lignis quadratis eadem area fabricatur; sicut Ecclesia de sanctis construitur, ad omne opus bonum semper paratis (II Tim. ii, 21). Quadratum enim, quacumque verteris, firmiter stat. Quod sexies longa ad latitudinem suam, et decies ad altitudinem suam, humani corporis instar, ostendit quia in corpore humano Christus apparuit. Quod cubitis quinquaginta latitudo ejus expanditur; sicut dicit Apostolus, *Cor nostrum dilatatum est* (II Cor. vi, 11). Unde, nisi charitate spirituali? Propter quod ipse item dicit: *Charites Dei diffusa est in cordibus nostris per Spiritum sanctum qui datus est nobis* (Rom. v, 5). Quinquagesimo enim die post resurrectionem suam Christus sanctum Spiritum misit, quo corda credentium dilatavit (Act. ii, 1-4). Quod trecentis cubitis longa est, ut sexies quinquaginta compleantur: sicut sex ætatis omne hujus saeculi tempus extenditur, in quibus omnibus Christus nunquam destitit prædicari; in quinque² per Prophetiam prænuntiatus, in sexta per Evangelium diffundatus. Quod ejus altitudo triginta cubitis surgit, quem numerum decies habet in trecentis cubitis longitudi: quia Christus est altitudo nostra, qui triginta annorum ætatem gerens, doctrinam evangelicam consecravit, contestans Legem non se venisse solvere, sed implere (Matt. v, 17). Legis autem cor in decem præceptis agnosceatur: unde decies tricenis aræ longitudo persistit; unde et ipse Nee ab Adam decimus computatur (Gen. v, et Luc. iii, 36-38). Quod bitumen glutinantur aræ ligna intrinsecus et extrinsecus (Gen. vi, 14, 15): ut in compage unitatis significetur tolerantia charitatis, ne scandalis Ecclesiam tentantibus, sive ab eis qui intus, sive ab eis qui foris sunt, cedat fraterna junctura, et solvatur vinculum pacis. Est enim bitumen ferventissimum et violentissimum glutten, significans dilectionis ardorem, vi magna fortitudinis ad tenendum societatem³ spirituale omnia tolerantem.

CAPUT XV.—Quod cuncta animalium genera in arca clauduntur: sicut omnes gentes, quas etiam Petro demonstratus discus ille significat, Ecclesia continet. Quod et munda et immunda ibi sunt animalia (Act. x, 11, 12): sicut in Ecclesiæ Sacramentis

¹ In B., *signatum*. Er. Lugd. Ven. secoti sumus. M.

² Editi, in quinta. Melius MSS., in quinque: subaudi, æta lib'us.

³ Am. et Er., ardorem, in magna fortitudine ad tenendum societatem.

et boni et mali versantur. Quod septena sunt munda, et bina immunda (*Gen. vii, 2*) : non quia pauciores sunt mali quam boni; sed quia boni servant unitatem spiritus in vinculo pacis. Sanctum autem Spiritum divina Scriptura in septiformi operatione commendat, sapientiae et intellectus, consilii et fortitudinis, scientiae et pietatis, et timoris Dei (*Isai. xi, 2, 3*). Unde et ille numerus quinquaginta dierum ad adventum sancti Spiritus pertinens, in septies septenis, qui sunt quadraginta novem, uno addito consummatur; propter quod dictum est: *Studentes serrare unitatem spiritus in vinculo pacis* (*Ephes. iv, 5*). Mali autem in binario numero ad schismata faciles, et quodammodo divisibiles ostenduntur. Quod ipse Noe cum suis octavus numeratur: quia in Christo spes resurrectionis nostrae apparuit, qui octavo die, id est, post sabbati septimum primo, a mortuis resurrexit; qui dies a passione tertius, in numero autem dierum qui per omnem tempus volvuntur, et octavus et primus est.

CAPUT XVI. — Quod arca collecta ad unum cubitum desuper consummatur: sicut Ecclesia corpus Christi in unitatem collecta sublimatur et perficitur¹. Unde dicit in Evangelio: *Qui mecum non colligit, spargit* (*Matth. xii, 50*). Quod aditus ei sit a latere: nemo quippe intrat in Ecclesiam, nisi per Sacramentum remissionis peccatorum; hoc autem de Christi latere aperto manavit. Quod inferiora arcæ bicamerata et tricamerata construuntur (*Gen. vi, 16*): sicut ex omnibus gentibus vel bipartitam multitudinem congregat Ecclesia, propter circumcisioem et præputium; vel tripartitam, propter tres filios Noe, quorum progenie repletus est orbis. Et ideo arcæ inferiora ista dicta sunt, quia in hac terrena vita est diversitas gentium, in summo autem omnes in unum consummatur. Et non est ista varietas: quia omnia et in omnibus Christus est, tanquam nos in uno cubito desuper cœlesti unitate consummans.

CAPUT XVII. — Quod post septem dies ex quo ingressus est Noe in arcum, factum est diluvium: quia in spe futuræ quietis, quæ septimo die significata est, baptizamur. Quod præter arcum omnis caro, quam terra sustentabat, diluvio consumpta est: quia præter Ecclesiæ societatem, aqua Baptismi quamvis eadem sit, non solum non valet ad salutem, sed valet potius ad perniciem. Quod quadraginta diebus et quadraginta noctibus pluit (*Id. vii, 17*); quia omnis reatus peccatorum, qui in decem præceptis Legis admittitur, per universum orbem terrarum, qui quatuor partibus continetur; decem quippe quater ducta, quadraginta sunt; sive ille reatus, quod ad dies pertinet, ex rerum prosperitate, sive, quod ad noctes, ex rerum adversitate contractus sit, sacramento Baptismi cœlestis abliuitur.

CAPUT XVIII. — Quod Noe quingentorum erat annorum cum ei locutus est Dominus ut arcam sibi ficeret, et sexcentos agebat annos cum in eam esset

ingressus (*Gen. v, 31, vii, 6*), unde intelligitur per centum annos area fabricata; quid aliud hic videntur centum anni significare, nisi ætates singulas sæculi? Unde ista sexta ætas, quæ compleatis quingentis usque ad sexcentos significatur, in manifestatione evangelica Ecclesiam construit; et ideo qui sibi ad vitam consulit, sit velut quadratum lignum, paratus ad omne opus bonum, et intret in fabricam sanctam: quia et secundus mensis anni sexcentesimi, quo intrat Noe in arcum, eamdem senariam ætatem significat. Duo enim menses sexagenario numero concluduntur; a senario autem numero et sexaginta cognominantur, et sexcenti, et sex millia, et sexaginta millia, et sexcenta millia, et sexcenties, et quicquid deinceps in majoribus summis per eundem articulum numerus in infinita incrementa consurgit.

CAPUT XIX. — Et quod vigesimus et septimus dies mensis commemoratur; ad ejusdem quadraturæ significacionem pertinet, quæ jam in quadratis lignis exposita est. Sed hic evidentius, quia nos ad omne opus bonum paratos, id est, quodammodo quadrato trinitas perficit: in memoria, qua Deum recordamus; in intelligentia, qua cognoscimus; in voluntate, qua diligimus. Tria enim ter, et hoc ter, sunt viginti septem, qui est numeri ternarii quadratus. Quod septimo mense arca sedit, hoc est, requievit (*Id. viii, 4*); ad illam septimam requiem significatio recurrit. Et quia perfecti requiescant, ibi quoque illius quadraturæ numerus iteratur: nam vigesima septima die secundi mensis commendatum est hoc sacramentum; et rursus vigesima et septima die septimi mensis eadem commendatio confirmata est, cum arca requievit: quod enim promittitur in spe, hoc exhibetur in re. Porro quia ipsa septima requies cum octava resurrectione conjungitur: neque enim redditio corpore finitur requies quæ post hanc vitam excipit sanctos, sed potius totum hominem non adhuc spe, sed jam ipsa re, omni ex parte, et spiritus et corporis perfecta immortalitatis salute renovatum, in æternæ vite munus adsumit: quia ergo septima requies cum octava resurrectione conjungitur; et hoc in Sacramento regenerationis nostræ, id est, in Baptismo, altum profundumque mysterium est. Quindecim cubitis supercrevit aqua excedens altitudinem montium (*Id. vii, 20*): id est, hoc Sacramentum transcendent omnem sapientiam superborum. Septem quippe et octo conjuncti, quindecim sunt. Et quia septuaginta a septem, et octoginta ab octo denominantur, conjuncto utroque numero, centum quinquaginta diebus exaltata est aqua, eamdem commendans nobis atque confirmans altitudinem Baptismi in consecrando novo homine ad tenendam quietis et resurrectionis fidem.

CAPUT XX. — Quod post dies quadraginta emissus corvus non est reversus, aut aquis utique interceptus, aut aliquo supernatante cadavere illectus; significat homines immunditia cupiditatis tetrorimos, et ob hoc ad ea quæ foris sunt in hoc mundo nimis intentos, aut rebaptizari, aut ab his quos præter arcum, id est, præter Ecclesiam Baptismus occidit, se-

¹ Vaticanini duo et Gallicani prope omnes MSS., *Sicut Ecclesiam corpus Christi in unitatem collectam sublimat et perficit.*

duci et teneri. Quod columba emissa, non inventa requie reversa est; ostendit per Novum Testamentum requiem sanctis in hoc mundo non esse promissam. Post quadraginta enim dies emissa est; qui numerus vitam, quae in hoc mundo agitur, significat. Denique post septem dies dimissa, propter illam septenariam, operationem spiritualem, olivæ fructuosum surculum retulit: quo significaret nonnullos etiam extra Ecclesiam baptizatos, si eis pinguedo non defuerit charitatis, posteriore tempore quasi vespere, in ore columbae tanquam in osculo pacis, ad unitatis societatem posse perduci. Quod post alios septem dies dimissa, reversa non est (*Gen. viii, 6 12*); significat finem saeculi, quando erit sanctorum requies non adhuc in sacramento spei, quo in hoc tempore consociatur Ecclesia, quamdiu bibitur quod de Christi latere manavit; sed jam in ipsa perfectione salutis æternæ, cum tradetur regnum Deo et Patri (*I Cor. xv, 24*), ut in illa perspicua contemplatione incommutabilis veritatis nullis mysteriis corporalibus egeamus.

CAPUT XXI. — Numis longum est, ut vel tam breviter quam hæc cœurri, cuncta contingam: cur sexcentesimo et uno anno vite Noe, id est, peractis sexcentis annis aperitur arcæ tectum, et tanquam revelatur quod erat absconditum sacramentum. Cur vigesima septima die secundi mensis dicitur siccasse terra¹ (*Gen. viii, 13, 14*), tanquam finita esset jam baptizandi necessitas in numero dierum quinquagesimo et septimo. Ipse est enim dies secundi mensis vigesimus septimus, qui numerus ex illa conjugione spiritus et corporis, septies octonos habet, uno addito propter unitatis vinculum. Cur de arca conjuncti exeant, qui disjuncti intraverant. Sic enim dictum erat, quod intraverit in arcam Noe et filii ejus, et uxor ejus et uxores filiorum ejus (*Id. vii, 7*): seorsum viri, seorsum feminæ commemoratae sunt. In hoc enim tempore hujus sacramenti, caro concupiscit adversus spiritum, et spiritus adversus carnem (*Galat. v, 17*). Exeunt autem Noe et uxor ejus, et filii ejus et uxores filiorum ejus (*Gen. viii, 18*), nunc conjuncte commemorati masculi et feminæ: quia in fine saeculi atque in resurrectione justorum, omnimoda et perfecta pace spiritui corpus adhærebit, nulla mortalitatis indigentia vel concupiscentia resistente. Cur animalia, quamvis et munda et immundia in arca fuerint, tamen post egressum de arca non offeruntur Deo in sacrificio nisi munda (*Ibid., 20*).

CAPUT XXII. — Quid deinde sibi velit, Deo loquente ad Noe et tanquam rursus ab exordio, quia multis modis eadem significari oportebat, figuram Ecclesie commendante, quod progenies ejus benedicitur ad implendam terram, quod dantur eis in escam cuncta animalia: sicut in illo disco Petro dicitur, *Macta et manduca* (*Act. x 15*). Quod ejecto sanguine jubentur manducare: ne vita pristina quasi suffocata in conscientia teneatur, sed habeat tanquam effusione per confessionem. Quod testamentum posuit Deus inter se et homines atque omnem animam vivam, ne

perdat eam diluvio, arcum qui appetat in nubibus (*Gen. ix, 1-17*), qui nunquam nisi de sole resplendet: illi enim non percurent diluvio separati ab Ecclesia, qui in Prophetis et omnibus divinis Scripturis tanquam in Dei nubibus agnoscent Christi gloriam, non querunt suam. Verum ne adoratores hujus solis amplius tumescant, sciant ita significari Christum aliquando per solem, sicut per leonem, per agnum, per lapidem, cujusdam similitudinis causa, non proprietatis substantia.

CAPUT XXIII. — Jam vero illud, quod de vinea quam plantavit, inebriatus Noe, nudatus est in domo sua (*Ibid., 20-23*); cui non appareat Christus passus in gente sua? Tunc enim nudata est mortalitas carnis ejus, Judæis scandalum, Götibus stultitia, ipsis autem vocatis Judæis et Gentibus tanquam Sem et Japheth, Dei virtus et Dei Sapientia: quia quod stultum est Dei, sapientius est, quam homines; et quod infirmum est Dei, fortius est quam homines (*I Cor. i, 23-25*). Proinde in duobus filiis, maximo et minimo, duo populi figurati, unam vestem a tergo portantes, sacramentum scilicet jam præteritæ atque transactæ dominicæ passionis, nuditatem patris¹ negque intuentur, quia in Christi necem non consentiunt; et tamen honorant velamento, tanquam scientes unde sint nati. Medius autem filius, id est, populus Judæorum, ideo medius, quia nec primatum Apostolorum tenuit, nec ultimus in Gentibus credidit, vidi nuditatem patris, quia consensit in necem Christi; et nuntiavit foras fratribus: per eum quippe manifestatum est, et quodam modo publicatum, quod erat in Prophætia secretum; ideoque fit servus fratrum suorum. Quid est enim aliud hodieque gens ipsa, nisi quedam scriinaria Christianorum, bajulans Legem et Prophetas ad testimonium assertionis Ecclesiæ, ut nos honoremus per sacramentum, quod nuntiat illa per litteram?

CAPUT XXIV. — Quem autem non excitet, quem non vel informet, vel confirmet in fide, quod ita benedicuntur duo illi, qui nuditatem patris honoraverunt, quamvis aversi; velut quibus factum sceleratæ vineæ displicerit? *Benedictus*, inquit, *Dominus Deus Sem*. Quanquam enim sit Deus omnium gentium, quodam modo tamen proprio vocabulo et in ipsis jam Gentibus dicitur Deus Israel. Et unde hoc factum est, nisi ex benedictione Japheth? In populo enim Gentium totum orbem terrarum occupavit Ecclesia. Hoc prorsus, hoc prænuntiabatur, cum diceretur: *Latificet Deus Japheth, et habitat in domibus Sem* (*Gen. ix, 26, 27*). Videte, Manichæi, videte; ecce in conspectu vestro est orbis terrarum: hoc stupitis, hoc doletis in populis nostris, quia latificat Deus Japheth. Videte si non habitat in domibus Sem, id est, in Ecclesiis, quas filii Prophetarum Apostoli construxerunt. Audite quid dicat Paulus jam fidelibus Gentibus: *Qui eratis, inquit, illo in tempore sine Christo, alienati a societate Israel, et peregrini Testamentorum, et promissionis spem non habentes, et sine Deo in hoc mundo*. Per haec verba ostenditur quod nondum habitabat Japheth in do-

¹ Ita MSS. At in editis, *siccasse terram*.

¹ Editi, *nuditatem patris velant*. Abest, *velant*, a MSS.

ribus Sem. Sed paulo post quemadmodum concludat adverte. *Igitur jam, inquit, non estis peregrini et inquili; sed estis cives sanctorum, et domestici Dei, superaedificati super fundamentum Apostolorum et Prophetarum, ipso summo angulari lapide existente Christo, Iesu (Ephes. n, 12, 19, 20).* Ecce quomodo dilatatur Japheth, et habitat in dominibus Sem. Et tamen Epistolas Apostolorum, quibus haec omnia contestantur, tenetis, legitis, praedicatis. Ubi et vos ipsos deputaverim, nisi in illa maledicta medietate cui non est lapis angularis Christus? Quia nec in illo pariete vos agnoscimus, qui ex circumcitione credit in Christum, unde erant et Apostoli; nec in isto qui est ex praeputio, unde sunt omnes ex ceteris Gentibus, in eamdem unitatem fidei, tanquam in pacem anguli¹ concurrentes. Sed et omnes qui quoslibet nostri canonis Libros accipiunt et legunt, ubi Christus mortaliter natus et passus ostenditur, nec tamen eamdem mortalitatem in passione nudatam consociato unitatis sacramento honorifice velant, sed sine scientia pietatis et charitatis nuntiant illud, unde omnes nati sumus; quamvis inter se dissentiant, et Judæi ab hereticis, et ipsi heretici alii ab aliis, una tamen conditione servitutis, vel ad aliquam attestationem, vel ad aliquam probationem utiles sunt Ecclesiæ. Nam et de hereticis dictum est: *Oportet et hereses esse, ut probati manifesti fiant inter vos* (I Cor. xi, 19). Ite nunc, et objectate calumnias veteribus Litteris sacris; hoc agite, servi Cham; ite, quibus vilioit nudata caro ex qua nati estis: neque enim esset unde vos quoquo modo christianos appellare possetis, nisi Christus sicut a Prophetis prænuntiatus est, venisset in mundum, bibisset de vinea sua calicem illum qui transire non potuit, dormisset in passione sua, tanquam in ebrietate stultitiae, quæ sapientior est hominibus; atque ita nudaretur mortalis carnis infirmitas per occultum Dei consilium, fortior hominibus, quam nisi Dei Verbum suscepisset, nomen omnino christianum, quo et vos gloriamini, non esset in terris. Verum hoc agite, ut dixi; irridenter prodite quod nos reverenter honoremus: utatur vobis Ecclesia tanquam subditis sibi, ut probati manifesti fiant in ea. Usque adeo nihil, quod vel habitura vel passura erat, Prophetæ illi tacuerunt, ut et vos ibi locis vestris inveniamus, in vanitate pernicioса ad reprobos capiendos, utili² autem ad probatos manifestandos.

CAPUT XXV. — Christum dicitis ab Israelitis Prophetis non esse prædictum: cui prædicendo omnes illæ paginæ vigilant, si eas perscrutari pietate, quam exagitare levitate malleatis. Quis alius in Abraham exit de terra sua et de cognatione sua, ut apud exterorū dicitur et locupletetur (Gen. xii, 1-3), nisi qui relicta terra et cognatione Judæorum, unde secundum carnem natus est, apud Gentes ita præpollet et prævalet, ut videmus? Quis alius in Isaac lignum sibi portabat ad victimam (Id. xxii, 6), nisi qui crucem sibi ad pas-

sionem ipse portabat? Quis alius aries immolandus in vepre cornibus adhærebatur, nisi qui crucis patibulo pro nobis offerendus affigebatur³?

CAPUT XXVI. — Quis alius in angelo cum Jacob luctatus, eum sibi prævalentem, quasi fortiorē insirmior victusque victorem partim benedicit, partim latitudinem femoris ejus claudam reddit (Gen. xxxii, 24-51); nisi qui prævalere adversus se passus populum Israel, quosdam qui crediderunt, benedit in eis? Latitudo autem femoris Jacob, in multitudine carnalis populi claudicavit. Quis alius lapis preciosus ad caput Jacob, ut nominativum quodam modo exprimeretur, etiam unctus est, nisi caput vivi Christus? quis enim Christum nescit ab unctione appellari? Qui etiam hoc ipsum in Evangelio commemorans, et de se figuratum apertissime testificans, cum quendam Nathanaelem dixisset vere Israelitam, in quo dolus non esset; et cum ille tanquam lapidem illum habens ad caput, confessus eum esset Filium Dei et Regem Israel, ista confessione quodammodo ungens lapidem, id est, ipsum esse confitens Christum; ibi opportune Dominus etiam illud commemoravit, quod tunc vidit Jacob, qui per benedictionem appellatus est Israel: *Amen dico vobis, inquit, videbitis cœlum apertum, et Angelos Dei ascendentēs et descendētēs super Filium hominis (Joan. i, 47-51).* Hoc enim Israel viderat, cum illum lapidem ad caput habebat, a terra in cœlum scalas, per quas ascendebant et descendebant Angeli Dei (Gen. xxviii, 11-18). In quibus significati sunt Evangelistæ prædicatores Christi: ascendentēs utique, cum ad intelligendam ejus supereminentissimam divinitatem excedunt universam creaturam, ut eam inveniant in principio Deum apud Deum, per quem facta sunt omnia (Joan. i, 1-3); descendētēs autem, ut eum inveniant factum ex muliere, factum sub Lege, ut eos qui sub Lege erant redimeret (Galat. iv, 4, 5). In illo enim scalæ a terra usque ad cœlum, a carne usque ad spiritum; quia in illo carnales proficiendo, velut ascendendo spirituales fiunt: ad quos lacte nutriendos, etiam ipsi spirituales descendunt quodammodo, cum eis non possunt loqui quasi spiritualibus, sed quasi carnalibus (I Cor. iii, 1-3). Sic et ascenditur et descenditur super Filium hominis. Filius enim hominis sursum in capite nostro, quod est ipse Salvator; et Filius hominis deorsum in corpore suo, quod est Ecclesia. Ipsum et scalas intelligimus, quia ipse dixit, *Ego sum via (Joan. xiv, 6).* Ad ipsum ergo ascenditur, ut in excelsis intelligatur; et ad ipsum descenditur, ut in membris suis parvuli nutritur⁴. Et per illum ascenditur et descenditur: exemplum quippe ejus sequentes prædicatores ejus, non solum se erigunt, ut eum sublimiter spectent; sed etiam humiliant, ut eum temperanter annuntient. Videte Apostolum ascendentem: *Sive, inquit, mente excessimus, Deo.* Videte et descendētēm: *Sive, inquit, temperantes sumus, vobis.*

¹ Hic editio Iov. addit, spinis primitus coronatus; quæ verba absunt ab editis aliis et nostris MSS.

² Sic Am. Fr. et prope omnes MSS. At Lov., id est membris suis partulis nutritur.

¹ sic perique MSS. Alii autem cum Am. et Er., in pace anguli. At Lov., in pacis angulo.

² Editio, utilis. At MSS., utili: supple, vanitate.

Dicat et per quem ascenderit et descenderit : *Charitas enim, inquit, Christi compellit nos; judicantes hoc, quoniam si unus pro omnibus mortuus est, ergo omnes mortui sunt: et pro omnibus mortuus est, ut qui vivunt, jam non sibi vivant, sed ei qui pro ipsis mortuus est et surrexit* (II Cor. v, 13-15).

CAPUT XXVII. — Hæc in Scripturis sanctis sancta spectacula que in non delectant, sanam doctrinam non sustinens ad fabulas convertitur (II Tim. iv, 3, 4). Et illæ quidem fabulae animas in qualibet corporis astate pueriles varia quadam delectatione sollicitant : sed nos jam corpus Christi, agnoscamus in Psalmo vocem nostram, et dicamus ei : *Narraverunt mihi injusti delectationes; sed non sicut lex tua, Domine* (Psal. cxviii, 85). Christus mihi ubique illorum Librorum, ubique illarum Scripturarum peraganti et ambelanti, in sudore illo damnationis humanæ, sive ex aperto, sive ex occulto, occurrit et resicit : ipse mihi et ex nonnulla difficultate inventionis suæ desiderium inflamat, quo id quod invenero avide sorbeam, medullis reconditum salubriter teneam.

CAPUT XXVIII. — Ipse mihi in Joseph innuitur, qui persequentibus et vendentibus fratribus, in Ægypto post labores honoratur (Gen. xxxvii - xlvi). Dicimus enim labores Christi in orbe gentium, quem significat Ægyptus, per varias passiones martyrum ; et nunc videmus honorem Christi in eodem orbe terrarum, ergatione frumenti sui sibi omnia subjugantis. Ipse mihi innuitur in virga Moysi, que in terra serpens effecta, ejus mortem figuravit a serpente venientem : sed quod apprehensa cauda ejus rursus virga redditur (Exod. iv, 2-4), significat quod posterius¹, peractis jam omnibus in fine actionis, ad id quod fuerat, resurgendo revertitur, ubi per vitæ reparationem morte consumpta, nihil serpentis appetit. Nos quoque corpus ejus in eadem mortalitate per lubrica temporum volvimus : sed sine novissimo velut cauda sæculi, per manum, id est, per potestatem judicii, ne ultra prolabatur apprehensa, reparabimus, et novissima inimica morte destructa resurgentem (I Cor. xv, 26), in dextera Dei virga regni erimus.

CAPUT XXIX. — Jam de exitu Israel ex Ægypto, non ego, sed Apostolus loquatur : *Nolo autem vos ignorare, fratres, quia patres nostri omnes sub nube fuerunt, et omnes per mare transferuntur, et omnes in Moysen baptizati sunt in nube et in mari, et omnes eumdem potius spiritualem manducaverunt, et omnes eundem potius spiritualem biberunt. Bibebant enim de spirituali sequente petra : petra autem erat Christus* (Id. x, 1-4). Exponendo unum, in cetera introduxit intellectum. Si enim petra Christus propter firmitatem, cur non et manna Christus, tanquam panis vivus qui de celo descendit (Joan. vi, 42) ? quo vere qui vescuntur, spiritualiter vivunt. Nam illi veterem figuram carnaliter accipientes, mortui sunt. Sed cum dicit

¹ Sic nonnulli MSS. Alii vero cum editis Am. et Er., sed quod apprehensa cauda significat post-rius ; omissis verbis, ejus rursus virga redditur. Hæc eadem præterit editio Lov. quæ sic habet, sed apprehensa cauda significat quod post-tus peractis jam omnibus in fine actionibus.

Apostolus, *Eumdem cibum spiritualem manducaverunt, ostendit et illud spiritualiter intelligi in Christo ; sicut et potum cur spiritualem dixisset, aperuit cum subjunxit, Petra autem erat Christus : quo aperto cuncta fulserunt. Cur ergo non et nubes Christus, et columna, quia rectus et firmus et fulcens infirmitatem nostram : per noctem lucens, per diem non lucens ; ut qui non vident, videant ; et qui vident, cœci siant* (Joan. ix, 39) ? Nubes et mare Rubrum¹ ; Baptismus utique Christi sanguine consecratus : hostes sequentes a tergo ; moriuntur peccata præterita.

CAPUT XXX. — Dicitur populus per desertum (Exod. xvii, 1) ; baptizati omnes nondum perfruentes promissa patria, sed quod non vident, sperando et per patientiam expectando (Rom. viii, 25), tanquam in deserto sunt. Et illic laboriosæ et periculosæ tentationes, ne revertantur corde in Ægyptum. Nec ibi tamen Christus deserit : nam et illa columnæ non recedit (Num. xiv, 14). Et amaræ aquæ ligno dulcescunt : quia inimici populi signo crucis Christi honorificato mansuescent. Et duodecim fontes, septuaginta palmæ arbores irrigantes (Exod. xv, 23-27), apostolicam gratiam præfigurant, populos in septenario numero decuplato rigantem, ut per septiforme Spiritus donum Legis decalogus implicatur. Et hostis intercludere molitus viam, extensis Moysi manibus signo crucis dominice superatur (Id. xvii). Et morsus mortiferi serpentum exaltato et respecto æneo serpente sanantur : quod verbis ipsius Domini declaratur, *Sicut exaltavit, inquit, Moyses serpentem in eremo, sic oportet exaltari Filium hominis ; ut omnis qui crediderit in eum, non pereat, sed habeat vitam aeternam* (Num. xxi, 9; Joan. iii, 14). Itane etiam ista non clamant ? Tantane est surditas in cordibus duris ? Fit Pascha in occasione ovis : occiditur Christus, de quo in Evangelio dicitur, *Ecce Agnus Dei, ecce qui tollit peccatum mundi* (Joan. i, 29). Prohibentur qui Pascha faciunt, ossa frangere : non franguntur in cruce ossa Domini. Attestatur Evangelista hinc esse dictum, *Os ejus non comminuetis* (Exod. xii, 46; Joan. xix, 39). Sanguine illiniuntur postes, ut pernicies depellantur (Exod. xii, 22, 23) : signantur signo dominice passionis in frontibus populi ad tutelam salutis. Datur ibi Lex quinquagesimo die post actum Pascha (Id. xx) : venit Spiritus sanctus quinquagesimo die post Domini passionem (Act. ii, 1-4). Dicitur illuc scripta Lex digito Dei (Exod. xxxi, 18) : dicit Dominus de Spiritu sancto, *In digito Dei ejicio daemonia* (Luc. xi, 20). Et clamat Faustus oculis clausis, nihil se in Litteris illis invenisse, quod ad prænuntiationem Christi pertineat ! Quid autem mirum si oculos habet ad legendum, et cor ad intelligendum non habet, qui positus ante ostium clausum divini secreti, non fide pietatis pulsat, sed elatione impietatis insultat ? Plane ita sit, ita fiat : justum enim est. Claudatur superbis janua sauitis : veniat mansuetus, quem docet Dominus vias suas (Psal. xxiv, 9), videat et hæc in illis Libris, et cæ-

¹ Sic Am. et Er. At Lov. et plerique MSS.: *Rubet et mare Rubrum.*

tera vel omnia, vel quædam, qualia credit in omnibus.

CAPUT XXXI. — Videat Jesum introducentem populum in terram promissionis (*Josue* iii) : neque enim hoc temere ab initio vocabatur, sed ex ipsa dispensatione nomine mutato Jesus appellatus est. Videat botrum de terra promissionis in ligno pendentem (*Num. xiii, 24*). Videat in Jericho tanquam in hoc mortali sæculo meretricem, de qualibus ait Dominus quod præcedant superbos in regnum cœlorum (*Matth. xi, 31*), per fenestram domus suæ tanquam per os corporis sui coecum mittentem (*Josue* ii), quod eet utique sanguinis signum, propter remissionem peccatorum consideri ad salutem. Videat muros ipsius civitatis, tanquam munitiones mortales sæculi, septies circumacta Testamenti arca cecidisse (*Id. vi*) : sicut nunc per tempora, quæ septem dierum vicissitudine dilabuntur, Testamentum Dei circuit totum orbem terrarum¹; ut in fine temporum mors novissima inimica destruatur, et ex impiorum perditione unica domus tanquam unica Ecclesia liberetur, mundata a turpitudine fornicationis, per fenestram confessionis, in sanguine remissionis.

CAPUT XXXII. — Videat tempora, primo Judicum, postea Regum; sicut erit primo judicium, deinde regnum: inque ipsis temporibus Judicum et Regum iterum atque iterum multis et variis modis Christum et Ecclesiam figurari. Quis erat in Samson obvium leonem necans, cum petendæ uxoris causa ad alienigenas tenderet (*Judic. xv*), nisi qui Ecclesiam vocatus ex Gentibus dixit, *Gaudete, quia ego vici sæculum* (*Joan. xvi, 33*)? Quid sibi vult in ore ipsius leonis occisi favus exstructus (*Judic. xv, 8*), nisi quia ecce conspicuum leges ipsas regni terreni, quæ adversus Christum ante tremuerant, nunc jam perempta feritate dulcedini evangelicæ prædicandæ etiam munimenta præbere? Quid est illa mulier plena fiduciae, hostis tempore ligno transfigens (*Id. iv, 21*), nisi fides Ecclesiæ, cruce Christi regna diaboli perinens? Quid vellus complutum area sicca, et postea compluta area sicco vellere (*Id. vi, 37-40*), nisi primo una gens Hebreorum, habens occulte in sanctis mysteriis Dei, quod est Christus, quo mysterio totus orbis vacuus erat; nunc autem in manifestatione totus orbis id habet, illa vacuata est?

CAPUT XXXIII. — Quid jam Regum temporibus, ut et inde pauca commemorem, nonne ab ipso exordio commutatum sacerdotium in Samuelem, reprobatu Ielii (*I Reg. ii, 27-36*), et commutatum regnum in David, reprobatu Saüle (*Id. xvi, 1-14*), clamat prænuntiari novum sacerdotium novumque regnum, reprobatu veteri, quod umbra erat futuri, in Domino nostro Jesu Christo venturum? Nonne ipse David, cum panes propositionis manducavit, quos non licet manducare nisi solis sacerdotibus (*Id. xxi, 6*), in una persona utrumque futurum, id est, in uno Jesu Christo regnum et sacerdotium figuravit? Nonne cum decem tribus a templo separata sunt, et duæ derelictæ (*III Reg. xii,*

¹ Nonnulli MSS. omittunt, *totum*. Editi habent, *toto orbe terrarum*.

16, 20), satis indicat quod de tota ipsa gente Apostolus ait, *Reliquæ per electionem gratiæ salvæ factæ sunt (Rom. xi, 5)*.

CAPUT XXXIV. — Pascitur Elias tempore famis, corvis mane afferentibus panet, et ad vesperam carnes (*III Reg. xvii, 6*): et Manichæi non intelligunt in illis Libris Christum, cui quodam modo salutem nostram esurienti confitentur peccatores, fidem primicias spiritus nunc habentes¹, in fine autem, velut ad vesperam sæculi, etiam carnis resurrectionem. Mittitur Elias pascendus ad alienigenam viduam, quæ volebat duo ligna colligere, priusquam moreretur: non hic soñ ligni nomine, sed etiam numero lignorum signum crucis exprimitur. Benedicitur farina ejus et oleum (*Ibid. 9-16*): fructus et hilaritas charitatis, quæ cum impeditur, non deficit; hilarem enim datorem diligit Deus (*II Cor. ix, 7*).

CAPUT XXXV. — Eliseo pueros insultantes et clamantes, *Calve, calve*, bestiæ comedunt (*IV Reg. ii, 23, 24*): puerili stultitia deridentes Christum in loco Calvariae crucifixum, invasi a dæmonibus pereunt. Mittiit Eliseus per servum baculum super mortuum, et non reviviscit; venit ipse, conjungit et coaptat se morti ejus, et reviviscit (*Id. iv, 29-57*): misit sermo Dei Legem per servum suum, nec profuit in peccatis mortuo generi humano; quæ tamen non sine causa missa est; ille enim misit, qui sciret eam prius esse mittendam: venit ipse, conformavit se nobis, factus particeps mortis nostræ, et vivificati sumus. Cum securibus ligna cæderentur, de ligno ferrum exsiliens, in profundum fluminis mersum est, atque in lignum desuper ab Eliseo projectum, reversum est (*Id. vi, 4-7*); ita cum impios Judæos per corpus operata præsentia Christi tanquam infructuosas arbores cæderet, quia de illo Joannes dixerat, *Ecce securis ad radices arboris posita est (Matth. iii, 10)*, ab eis interveniente passione, corpus ipsum deseruit², in inferni profunda descendens, quo in sepultura desuper posito, tanquam ad manubrium suum spiritu redeunte surrexit. Quam multa præterea brevitas necessitate constrictus, norunt qui legunt.

CAPUT XXXVI. — Jam ipsa in Babyloniam transmigratio, quo etiam Spiritus Dei per Jeremiam prophetam jubet ut pergant, et orent pro eis ipsis in quorum regno peregrinantur, quod in illorum pace etiam pax esset istorum, et ædificarent domos, et novellarent vineas, et plantarent hortos (*Jerem. xxix, 1-7*), quis non agnoscit quid præfiguraverit, qui attenderit veros Israelitas, in quibus dolus non est (*Joan. i, 47*), per apostolicam dispensationem cum evangelico sacramento ad regnum Gentium transmigrasse? Unde nobis Apostolus, tanquam Jeremiam replicans, dicit: *Volo ergo primo omnium fieri deprecationes, adorationes, interpellationes, gratiarum actiones pro omnibus hominibus, pro regibus, et*

¹ Am. Er. et plerique MSS., *habentem*.

² Editio Lov., *spiritus corpus ipsum deseruit. Abest, spiritus, ab aliis libris, ejus loco subintelligitur, præsentia Christi.*

his qui in sublimitate sunt, ut quietum et tranquillam vitam agamus, in omni pietate et charitate: hoc enim bonum et acceptum est coram Salvatore nostro Deo, qui omnes homines vult saluos fieri, et in agnitionem veritatis venire (1 Tim. ii, 1-4). Ex hoc quippe illis creditibus constructa sunt domicilia pacis, basilice christianarum congregationum, et novellatæ vineæ populi fidelium, et plantati horti; ubi etiam inter omnia olera granum illud sinapis regnat, sub cuius umbraculis longe lateque porrectis, etiam altipetax superbia Gentium tanquam in cœli volatilibus confugiendo requiescit (*Matth. xiii, 31, 32*). Nam quid etiam post septuaginta annos, secundum ejusdem Jeremie prophetiam, redditur ex captivitate, et templum renovatur (*Jerem. xxix, 10, et I Esdr. 1, 1*); quis fidelis Christi non intelligat, post evoluta tempora, quæ septenarii dierum numeri repetitione transcurrunt, etiam nobis, id est Ecclesia Dei, ad illam cœlestem Jerusalem ex huic saeculi peregrinatione redeundum? Per quem, nisi per Jesum Christum, vere sacerdotem magnum, cuius figuram gerbat ille Jesus sacerdos magnus illius temporis, quo templum ædificatum est post captivitatem? Quem propheta Zacharias vidit in sordido habitu, devictoque diabolo, qui ad ejus accusationem stabat, ablata illi sordidam vestem, et datum indumentum honoris et gloriae (*Zach. iii*): sicut corpus Jesu Christi quod est Ecclesia, adversario in fine temporum per judicium superato, a luctu peregrinationis in gloriam sempiternæ salutis assumitur. Quod etiam in Psalmo dedicationis domus apertissime canitur: *Convertisti luctum meum in gaudium mihi, concidisti sacrum meum, et accinxisti me lætitia; ut cantet tibi gloria mea, et non compungar* (*Psal. xxix, 12, 13*).

CAPUT XXXVII. — Quis potest ex occasione alterius operis, omnia quæ in illis veteribus Legis et Prophetarum libris figurate Christum annuntiant, quantilibet brevitate perstringere? Nisi forte quis putat ingenio fieri, ut ea quæ rerum ordine per sua tempora cucurrerunt, ad Christi significaciones interpretando vertantur. Hoc forte Judæi possunt dicere, sive Pagani: eis autem qui se Christianos putari volunt, premit cervicem apostolica auctoritas, dicens, *Omnia haec in figura contingebant illis; et, Haec omnia figuræ nostræ fuerunt* (*1 Cor. x, 11, 6*). Nam si Ismael et Isaac homines nati, duo Testamenta significant (*Galat. iv, 22, 24*); quid credendum est de tot factis, quæ nullo naturali usu, nulla negotii necessitate facta sunt? Nihilne significant? Si quis nostrum, qui Hebreas litteras ignoramus, id est ipsos vocum characteres, videret eas in pariete conscriptas, honorato aliquo loco; quis esset tam excors, ut eo modo pictum parietem putaret? annon¹ potius intelligeret scriptum, ut si legere non valeret, non tamen illos apices aliquid significare dubitaret? Ita prius illæ omnia, quæ sunt in veteri instrumento Scripturarum sanctorum, quisquis non perverso ani-

mo legerit, sic oportet moveatur, ut aliquid ea significare non ambigat.

CAPUT XXXVIII. — Verbi enim gratia; numquid, si oportebat adjutorium viro feminam fieri, etiam hoc necessitas ulla cogebat, vel ulla suadebat utilitas, ut de dormientis latere fieret (*Gen. ii, 18, 21, 22*)? si causa evadendi diluvii opus erat fabricari arcam; quid opus erat mensuras ejus, aut ipsas potissimum fieri, aut etiam scriptis ad religionem posteritati propagandis commemorari? Si propter genus reparandum animalia includi oportebat; quid opus erat illo potissimum numero septena de mundis, bina de immundis? Aditum ad arcam fieri necessitas utique cogebat; in latere autem fieri, vel etiam memorie commendari per litteras (*Id. vi, 14-vii, 3*), quid cogebat? Immolare filium jubetur Abraham: jussus hoc fuerit, ut ejus obedientia tali etiam examine probata, posteris innotesceret; convenientius ligna portaverit filius, ne pater senexque portaret; non sit postea filium ferire permisus, ne orbitate gravissima se seriret: numquid etiam si nullo effuso sanguine rediretur, minus esset probatus Abraham? Aut si jam opus erat perfici sacrificium, etiamne, ut ille aries in vepre adhærens cornibus appareret (*Id. xxii*), ad illum augmentum victimæ pertinebat? Sic omnia cum considerantur, et quasi superflua necessariis contexta inveniuntur, admonent humanum animum, id est animum rationalem, prius aliquid significare, deinde quid significant querere.

CAPUT XXXIX. — Itaque etiam ipsi Judæi, qui Christum, cuius passionem nos agnovimus, illi derident, nolunt talibus rerum, non tantum dictarum, sed etiam gestarum figuris prænuntiatum videri, coguntur a nobis discere² quid illa significant: que nisi aliquid significare concedant, tam divinæ auctoritatis Libros ab ineptarum fabularum ignominia non defendunt. Vedit hoc Philo quidam, vir liberaliter eruditissimus, unus illorum, cuius eloquium Græci Platonis æquare non dubitant: et conatus est aliqua interpretari, non ad Christum intelligendum, in quem non crediderat; sed ut inde magis appareret quantum intersit, utrum ad Christum referas omnia, propter quem vere sic dicta sunt, an præter illum quaslibet conjecturas quolibet mentis acumine persequaris; quantumque valeat quod Apostolus ait, *Cum transieris ad Dominum, auferetur velamen* (*Il Cor. iii, 16*). Ut enim quiddam ejusdem Philonis commemorem, arcum diluvii secundum rationem humani corporis fabricatam volens intelligi, tanquam membratim omnia pertractabat. Cui subtilissime numerorum etiam regulas consulenti, congruerent occurrerant omnia, quæ ad intelligendum Christum nihil impedirent, quoniam in corpore humano etiam ille humani generis Salvator apparuit; nec tamen cogerent, quia corpus humanum est utique et hominum cæterorum. At ubi ventum est ad ostium, quod in arca latere factum est, omnis humani ingenii conjectura defecit. Ut

¹ Apud Er. Lugd. Ven. Lov., ac non. M.

² Am. Er. ac plures MSS., dicere.

tamen aliquid diceret, inferiores corporis partes, per quas urina et simus egeruntur, illo ostio significari ausus est credere, ausus et dicere, ausus et scribere. Non mirum, si ostio non invento sic erravit. Quod si ad Christum transisset, ablato velamine, Sacrae mentes Ecclesie manantia ex latere hominis illius invenisset (*Joan. xix.*, 54). Nam quia predictum est, *Erunt duo in carne una* (*Gen. ii*, 24); propterea et in arca quædam ibi ad Christum, quedam vero ad Ecclesiam referuntur, quod totum Christus est. Sic et in ceteris interpretationibus figurarum per universum textum divinæ Scripturæ licet considerare, et comparare sensus eorum qui Christum ibi intelligunt, et corum qui præter Christum ad alia quælibet ea detorquere conantur.

CAPUT XL. — Nec Pagani nobis in hoc obstrepunt; nequo enim audent contradicere, ne illa non solum dicta, sed etiam facta, figurata accepta interpreteatur ad Christum intelligendum: præsertim quia ea quæ prænuntiata intelligimus, etiam demonstramus impleta; cum fabulas suas ut aliquo modo commendent, ad nescio quas physiologias vel theologias, id est, rationes naturales, vel divinas, interpretando referre conentur: ex parte plane satis indicantes¹, qualia sint; ex parte autem dissimulantes, dum ea rident in theatris quæ venerantur in templis, in turpitudine nimium liberi, in superstitione nimium servi.

CAPUT XLI. — Nobis autem quisquis dixerit, non ideo illa vel gesta vel scripta, ut Christus in eis intelligatur; excepta ipsa tanta consonantia rerum præfigurarum et nunc impletarum, aliis præsagiis propheticis apertis manifestisque feretur: sicuti est illud, *In semine tuo benedicentur omnes gentes*. Illoc dictum est ad Abraham, hoc ad Isaac, hoc ad Jacob (*Id. xxxi*, 18, et *xxvi*, 4, et *xxviii*, 14). Unde non immerito dicit, *Ego sum Deus Abraham, et Deus Isaac, et Deus Jacob* (*Exod. iii*, 6): completurus utique in benedictione omnium gentium, quod ex eorum semine promisit. Nec immerito ipse Abraham, cum ejus servus ei jurasset, sub femore suo jussit eum ponere manum, (*Gen. xxiv*, 2, 9), sciens inde venturam carnem Christi, in quo benedici omnes gentes non tunc prænuntiamus, sed quod tunc prænuntiatum est, nunc videmus.

CAPUT XLII. — Vellem scire, imo melius nescierim, qua exortate animi legerit Faustus, ubi vocavit Jacob filios suos, et dixit: *Congregamini ut annuntiem vobis quæ occursura sunt vobis in novissimis diebus: congregamini et audite, filii Jacob; audite, Israel, patrem vestrum*. Illic certe nemo dubitat prophetantis personam esse dilucidatam. Audiamus ergo quid dicat filio suo Judæ, de cuius tribu Christus venit *ex semine David secundum carnem*, sicut apostolica doctrina testatur (*Rom. i*, 3). *Juda*, inquit, *te laudent fratres tui; manus tuæ super dorsa inimicorum tuorum, adorabunt te filii patris tui*. *Catulus leonis Juda*,

de germinatione filius meus, ascendisti recumbens, dormisti ut leo, et ut catulus leonis, quis suscitabit eum? Non deerit princeps ex Juda, et dux de semoribus ejus, donec veniant quæ reposita sunt ei; et *ipse exspectatio gentium, alligans ad vineam pullum suum, et cilicio pullum asinæ: lavabit in vino stolam suam, et in sanguine uvae amictum suum: fulgentes oculi ejus a vino, et dentes candidiores lacte* (*Gen. xl ix*, 1, 2, 8-12). Falsa sint ista, obscura sint ista, si non in Christo evidentissima luce claruerunt; si non eum laudant fratres ejus Apostoli, et omnes cohaeredes ejus, non suam gloriam querentes, sed ipsius: si non sunt manus ejus super dorsa inimicorum ejus; si non deprimuntur atque curvantur ad terram, crescentibus populis christianis, quicunque illi adhuc adversantur: si non eum adoraverunt filii Jacob in reliquiis, quæ per electionem gratiæ salvæ factæ sunt (*Rom. xi*, 5): si non ipse catulus est leonis, quoniam nascendo parvulus factus est; propter hoc additum, *De germinatione filius meus*. Causa quippe redditæ est quare catulus, in cuius laude alibi scriptum est, *Catulus leonis fortior jumentis* (*Prov. xxx*, 30); hoc est, etiam parvulus fortior majoribus: si non ascendit in cruce recumbens, cum inclinato capite reddidit spiritum: si non dormivit ut leo, quia et in ipsa morte non est victus, sed vicit; et ut catulus leonis, inde enim mortuus unde et natus: si non ille eum suscitavit a mortuis, quem nemo hominum vidit, nec videre potest (*I Tim. vi*, 16). Eo enim quod dictum est, *Quis suscitabit eum?* satis expressa est tanquam ignoti significatio. Si desuit princeps ex Juda, et dux de semoribus ejus, donec venirent opportuno tempore, quæ promissa tanquam reposita fuerant. Sunt enim litteræ certissimæ historiæ ipsorum quoque Judæorum, quibus ostenditur primum alienigenam Herodem regem fuisse in gente Judæorum, quo tempore natus Christus est (*Math. ii*, 3, 7). Ita non desuit rex de semine Juda, donec venirent quæ reposita erant illi. Sed quia non solis Judæis fidelibus profuit quod promissum est, vide quid sequatur: *Et ipse exspectatio gentium*. Ipse alligavit ad vineam pullum suum, id est, populum suum, in cilicio prædicans et clamans, *Agite pœnitentiam; appropinquavit enim regnum cœlorum* (*Id. iii*, 2). Populum autem Gentium illi subditum cognoscimus pullo asinæ comparatum, in quo etiam sedit dicens eum in Jerusalem (*Id. xi*, 2-10), id est, in visionem pacis, docens mansuetos vias suas. Si non lavit in vino stolam suam: ipsa est enim gloria Ecclesia, quam sibi exhibet, non habentem maculam aut rugam (*Ephes. v*, 27): cui dicitur etiam per Isaiam, *Si fuerint peccata vestra sicut phœnicium, tanquam nivem dealabo* (*Isai. i*, 18). Unde, nisi de dismissis peccatis? In quo ergo vino, nisi illo de quo dicitur, quod *pro multis effundetur in remissionem peccatorum* (*Math. xxvi*, 28)? Ipse est enim botrus ille qui peperit in ligno (*Num. xiii*, 24). Propterea et hic vide quid adjungat, *Et in sanguine uvae amictum suum*. Jam vero fulgere oculos ejus a vino, illa in cognoscunt, quibus donatum est

¹ Am. cum multis MSS., plene satis judicantes.

² Ita MSS. juxta LXX. A¹ editi, te laudabunt.

sancta quadam ebrietate alienatæ mentis ab infra iacentibus temporalibus æternam lucem sapientie contueri. Unde quiddam paulo ante commemoravimus. dicente Paulo, *Sive enim mente excessimus, Deo. Ill sunt fulgentes oculi a vino. Sed tamen quia sequitur, Sive temperantes sumus, vobis* (Il Cor. v, 13); nec parvuli relinquunt adhuc lacte nutriendi (*Hebr. v, 12*), quia et hic sequitur, *Et dentes ejus candidiores lacte.*

CAPUT XLIII. — Quid ad hæc respondeatis, insan? Nempe ista manifesta sunt; nempe omnes, non dico columnias contradictionis, sed etiam nebulas dubitationis expellunt. Talia querite primo in illis Libris, talibus primo credite, quæ nunc a me nec omnia commemorari possunt, quia nimium est; nec multa, quia longum est; nec pauca vellem, ne sola existimentur ab eis qui illa non legunt, et ne fidelis ac diligens lector me reprehendat, cum plura evidentera repperit, quod ista potissimum posuerim quæ mihi occurere in præsentia potuerunt: invenietis enim multa quæ omnino nec tali saltem indigeant admonitione, quali modo usus sum in verbis Jacob. Quis enim jam querat expositorem dum legit, *Velut ovis ad victimam ductus est; et omnia quæ illi multipliciter et evidenter dicuntur, Quia livore ejus sanatus, Quia peccata nostra ipse portavit* (Isai. LIII, 7, 5)? Quis non quasi Evangelium cantari arbitretur, *Foderunt manus meas et pedes, dinumeraverunt omnia ossa mea; ipsi vero consideraverunt et conspexerunt me: divisorunt sibi vestimenta mea, et super vestem meam miserunt sortem?* Quis nisi nimium cæcus jam impleri non cernat, *Commemorabunt et convertentur ad Dominum universi fines terræ, et adorabunt in conspectu ejus universa patriæ gentium* (Psal. XXI, 17, 18, 19, 28)? Quid illud in Evangelio, *Tristis est anima mea usque ad mortem* (Math. XXVI, 38); et, *Nunc anima mea turbata est* (Joan. XII, 27)? Nonne prius in Psalmo sonuit, *Dormivi conturbatus?* Et unde factum est ut dormiret? quorum vocibus¹ acclamatum est, *Crucifige, crucifige* (Luc. XXIII, 21, 22); nonne et in Psalmo seculus prænuntiat, *Filiū hominum, dentes eorum armā, et sagittā, et lingua eorum gladius acutus?* Quid autem fecerunt, quid nocuerunt resurrecturo, et super celos ascensuro, et totum orbem terrarum gloria sui nominis possessuro? Vide utrum hoc Psalmus ante tacuerit: sequitur enim, *Exaltare super cælos, Deus, et super omnem terram gloria tua* (Psal. LVI, 5, 6). Quis unquam de Christo dictum dubitavit, *Dominus dixit ad me, Filius meus es tu, ego hodie genui te; postula a me, et dabo tibi Gentes hereditatem tuam, et possessionem tuam terminos terræ* (Psal. II, 7, 8)? Quis alium intelligere permisus est, ubi Jeremias dicit, *Nimirum de Sapientia, Tradidit illam Jacob pueru suo, et Israel electo suo: post hæc in terris visus est, et cum hominibus conversatus est* (Baruch III, 37, 38)?

CAPUT XLIV. — Quis non eumdem Salvatorem agnoscat apud Daniel², cum antiquo dierum offertur filius hominis, et accipit regnum sine fine, ut serviant

¹ Lov., nisi quorum vocibus. Abest, nisi, ab editis aliis et MSS.

ei omnes gentes (*Dan. vii, 13, 14*)? Jam vero si locum illum quem commemo-ravit Dominus ex ejusdem Danielis prophetia, *Cum videritis abominationem vastationis quæ dicta est a Daniele¹, stantem in loco sancto; qui legit, intelligat* (Id. ix, 27; Matth. XXIV, 15), si supputatis etiam temporibus hebdomadum. ille numerus pertractetur; non solum Christus, sed etiam tempus reperitur, quo eum oportuit venire passurum. Quanquam, et sine computatione temporum, manifestis rerum effectibus Judeos urgere soleamus, cum quibus nobis, non utrum in Christo sit salus nostra, sed utrum jam venerit, passusque fuerit disceptatio est. Convincuntur autem rebus ipsis apertissimis, non solum de fide omnium gentium, quas ei servituras eadem, cui cedere coguntur, Scriptura prædicta, que ita clarescit toto orbe terrarum, ut omnium tergiversantium oculos feriat; verum etiam de iis quæ in ipsa Iudeorum gente jam facta sunt, quod sacrarium eversum est, quod cessavit hostia, et sacerdos, et unctio pristina: quæ omnia Daniel tunc prænuntiavit futura, quando ungi Sanctum sanctorum liquide prophetavit (*Dan. ix, 24-27*). Cum igitur illa omnia jam facta sint, exigitur ab eis etiam unctus Sanctus sanctorum, et quid respondeant non inveniunt. Quomodo autem nobiscum non de Christo, sed tantum de adventu ejus disceptarent, nisi bene nosset eum in suis Libris prophetatum? Cur a Joanne querunt, utrum ipse sit Christus (*Joan. i, 19*)? Cur ipsi Domino dicunt, *Quamdiu animam nostram tollis? Si tu-es Christus, dic nobis palam* (Id. x, 24)? Cur Petrus et Andreas et Philippus dicunt Nathanaeli, *Invenimus Messiam, quod interpretatur Christus* (Id. i, 41), nisi quia hoc nomen in illa gente per illas litteras et sciebatur, et exspectabatur? Nam nulla alia gens reges et sacerdotes suos christos habuit et vocavit, quorum significativam unctionem cessare fas non fuit, nisi cum ille venisset qui in eis prænuntiabatur (*I Reg. x, 1, 2, et Exod. xxix*). Sie enim Judæi noverant illos christos suos, ut tamen unum sperarent, per quem demum liberarentur: sed excæcata occulta justitia Dei, dum solam ejus virtutem cogitant, infirmitatem, in qua pro nobis mortuus est, non intellexerunt. Hinc illa verba in libro Sapientiae de illis predicta cognoscimus: *Morte turpissima condemnemus illum; erit enim respectus in sermonibus illius: si vere Filius Dei est, suscipiet illum, et liberabit illum de manibus contrariorum. Hæc cogitaverunt et erraverunt; excæcavit enim illos malitia eorum* (*Sap. ii, 18-21*). Quod etiam de istis verissime dici potest, qui in tanta multitudine testimoniorum, in tanta dispositione prænuntiarum rerum, in tanta manifestatione completarum, adhuc dicunt Scripturis illis Christum non esse prophetatum. Quod si iterum atque iterum dicant, eos iterum atque iterum possumus documenta proferre, adjuvante illo qui tantam copiam præbuit adversus columnias erroris humani, ut ea quæ iam commemoravimus, non repetamus.

CAPUT XLV. — Jam porro aliam Fausti tergiversationem, quam credo cum et ipse præclarissima pro-

² In MSS. deest, a Daniele.

phetæ luce repercuteretur, callidissimam se invenisse arbitratus est, etiam refellere piget, ne propterea putetur aliquid dixisse, quia ei responderi dignum habitum est. Quis enim dementissimus diceret, enervis esse fiduci, de Christo sine teste non credere? Velle mihi isti responderent, cuinam de Christo ipsi credidissent: an illam vocem de cœlo audierunt, *Hic est Filius meus* (*Matth. iii, 17, xvii, 5*)? Ei quippe voci potius Faustus nos jubet credere, qui de Christo non vult testibus hominibus credi, quasi ad nos etiam ejusdem vocis notitia sine homine teste pervenerit, cum et manifestum sit sic eam pervenisse, ut Apostolus dicat, *Quomodo autem invocabunt, in quem non crediderunt? aut quomodo credent quem non audierunt? Quomodo autem audient sine prædicante? aut quomodo prædicabunt, si non mittantur? sicut scriptum est, Quam speciosi eorum pedes qui annuntiant pacem, qui annuntiant bona* (*Rom. x, 14, 15*)! Videtis certe quemadmodum prædicationem doctrinæ apostolicæ, propheticum testimonium comitetur. Ut enim non contemnerentur, neque fabulosa ducerentur quæ Apostoli annuntiabant, demonstrabant hec a Prophetis ante suis prædicta: quia etsi attestabantur miracula, non desuisserint (sicut etiam nunc adhuc quidam mussitant) qui magicæ potentiae cuncta illa tribuerent, nisi talis eorum cogitatio contestatione prophetica vinceretur. Magicis enim artibus longe antequam nascerentur¹, Prophetas sibi constituere a quibus prænuntiarentur, nemo utique diceret. Sed videlicet vetat nos Faustus de vero Christo Iudeis Prophetis testibus crede-re, qui de falso Christo Persarum erroribus credidit.

CAPUT XLVI. — Verum disciplina catholica propterea simplici fide prius nutriri oportere docet mentem christianam, ut eam capacem faciat ad intelligenda superna et æterna. Sic etenim et propheta dicit: *Nisi credideritis, non intelligetis* (*Isai. vii, 9*). At ea ipsa est simplex fides, qua credimus, antequam cognoscamus supereminenter scientiam charitatis Christi, ut impleamur in omnem plenitudinem Dei (*Ephes. iii, 19*), non sine causa dispensationem humilitatis ejus, qua humanitus natus et passus est, a Prophetis, per prophetican gentem, per propheticum populum, per propheticum regnum tanto ante prædictam; nisi quia in illa stultitia quæ sapientior est hominibus, et in illa infirmitate quæ fortior est hominibus (*1 Cor. i, 25*) magnum aliquid latet ad justificationem et glorificationem nostram. Et ibi sunt omnes thesauri sapientie et scientiae absconditi (*Coloss. ii, 3*), qui nulli aperiuntur, si sibi per maternam carnem trajectum cibum, id est, per apostolicæ et prophetica ubera lactis alimenta contempserit; et tanquam infantilem victum quasi prægrandi ætate fastidiens, prius in venena hæreticorum quam in sapientie cibum, cui se idoneum temere arbitratur, irruerit. Non ergo quod dicimus necessariam simplicem fidem, contra-

rium est ei quod dicimus ut Prophetis credatur: magis enim ad hoc pertinet, ut Prophetis credatur, priusquam purgata et roborata mente possit intelligi qui per Prophetas sic loquebatur.

CAPUT XLVII. — At enim si Christum prophetaverunt, non digne neque congruenter sua propheta-tione vixerunt. Unde hoc scitis? An quid sit vel bene vel male vivere, judicare vos potestis, quorum justitia est potius succurrendum esse meliori non sentienti, ut cum vos manducetis, quam mendico esu-rienti, ut manducandum aliquid detis? Catholicis autem parvulis, antequam sciant quæ sit animæ humanae perfecta justitia, et quantum intersit inter ipsam cui suspiratur, et istam qua hic vivitur, sufficit de illis viris hoc existimare, quod commendat apostolice doctrinæ sanitas, quia *justus ex fide vivit* (*Rom. i, 17*). *Creditit autem Abraham Deo, et deputatum est illi ad justitiam.* *Providens enim Scriptura, quia ex fide justificat gentes Deus, prænuntiavit Abraham, dicens, Quia in semine tuo benedicentur omnes gentes* (*Galat. iii, 6, 8*). Apostoli verba sunt. Ad cujus tam claram tamque omnibus notissimam vocem, si a vestris fallaciis somniis evigilaretis, sequeremini vestigia patris nostri Abraham, et in ejus semine benedicere-mini cum omnibus gentibus. *Ipse enim accepit, sicut dicit Apostolus, signum circumcisionis, signaculum justitiae fidei, quæ est in præceptio, ut sit pater omnium credentium per præceptum; ut deputetur et illis ad justitiam: ut sit pater circumcisionis, non his solum qui ex circumcisione sunt, sed et iis qui sequuntur vestigia, quæ est in præceptio fidei patris nostri Abraham* (*Rom. iv, 11, 12*). Cujus ergo justitia fidei nobis ad exemplum imitanda proposita est, ut et nos justificati ex fide, pacem habeamus ad Deum, intelligere debe-mus quemadmodum vixerit, non reprehendere: ne ante per abortum labamur ex utero matris Ecclesiæ, quam per stabilem conceptum formati perfectique nascamur.

CAPUT XLVIII. — Hoc Fausto pro moribus Patriarcharum et Prophetarum ex voce parvolorum nostrorum breviter responderim: inter quos et me ipsum deputaverim, dum tamen non reprehendam vitam sanctorum antiquorum, etiam si non intelligam quam mystice vixerint, quorum vitam nobis laudabiliter Apostoli Evangelio suo prædicarunt, sicut illi sua prophetia futuros Apostolos prædixerunt, ut clament ad se invicem duo Testamenta, sicut duo Seraphim, *Sanctus, sanctus, sanctus Dominus Deus sabaoth* (*Isai. vi, 3*). Cum vero cooperit Faustus Patriarchas et Prophetas, non generali atque indefinita reprehensione, sicut hic fecit, sed proprie facta eorum commemorando crimi-nari, adjuvabit me Dominus Deus eorum, qui est etiam noster, ut ad singula congruenter apteque respondeam. Nunc vero illos homines Faustus Manichæus vituperat, Paulus autem apostolus laudat: eliat quisque cui credat.

¹ Er. Jugd. Ven. Lov. addunt, et. M.

² Ann. et Er. nasceretur; c' infra, prænuntiaretur.

LIBER TERTIUS DECIMUS.

CAPUT PRIMUM.—Faustus dixit: Quomodo Christianum colitis, Prophetas repudiates, quorum ex praesagia accipitur fuisse venturus? Christum quidem nostrum, id est, filium Dei, Hebreorum aliquos annuntiasse Prophetas, nescio an probare quis possit, cum res coepit examinari. Verum tamen etiam si hoc ita se habeat, quid ad nos? Illos manet haec reprehensio, qui ex Judaismo forte ad Christianismum conversi sub testimoniis, ut perhibes, Prophetarum, postea neglexerint eos, ut beneficiorum ingrati. Porro autem nos natura Gentiles sumus, id est, quod Paulus præputium vocat (*Ephes. ii, 11*), sub alia nati lege¹, et prefatoribus aliis quos Gentilitas vates appellat, atque ex his postea sunnus ad Christianismum conversi: non ante effecti Iudei, ut merito Hebraicorum Prophetarum sequeremur fidem, euntes ad Christianismum, sed sola exciti fama, et virtutum opinione, atque sapientia Liberatoris nostri Christi Jesu. Unde si mihi adhuc in paterna religione moranti, prædicator adveniens, Christum vellet ex Prophetis insinuare, hunc ego protinus dementem putarem, qui Gentili mihi, et longe alterius religionis homini, de magis dubiis dubia conaretur astruere. Quid ergo opus erat, nisi ut ante Prophetis mihi credendum esse persuaderet, et tunc per Prophetas Christo? Quod ipsum ut fieret, opus item erat aliis Prophetis, qui pro istis facerent fidem. Quapropter si tu Christum per Prophetas accipiendum putas, Prophetas per quem accipies? An dicturus eris, Per Christum, ut vicissim, id est, ut alter alterum commendet, Christus prophetas, et Prophetæ Christum? Sed Paganus utriusque eorum conditione liber, nec Prophetis de Christo dicentibus crederet, nec Christo de Prophetis. Ita totum nulli alii, quam suæ fidei debet, quicumque sit ex Gentibus Christianus. Atque ut exemplo fiat id quod dicimus apertius, ponamus aliquem nunc a nobis catechizari Gentilem, cui assidentes dicamus, Crede Christo, quia Deus est. Ille vero, Unde hoc mihi probatis, dicat? Et nos respondentes dicamus, Ex prophetis. Rursum illo querente, Quibus Prophetis? nos respondeamus, Hebreis. Atque ille sobridens dicat, Sed his ego minime credo. Nos autem respondeamus, Quid, quod eos Christus confirmat? Idem vero multo magis ridens, dicat, Quid, quod ego nec ipsi credo? Quid siet, his ita transactis²? nonne habebimus, et ille risus nobis tanquam imprudentibus, remeabit ad sua? Ita nihil, ut dixi, Ecclesie Christianae Hebreorum testimonia conferunt, quæ magis constet ex Gentibus quam ex Judæis. Sane si sunt aliqua, ut fama est, Sibylæ de Christo præsagia, aut Hermetis, quem dicunt Trismegistum, aut Orphei, aliorumque in Gentilitate vatum, haec nos aliquanto ad fidem juvare poterunt, qui ex Gentibus efficiuntur Christiani: Hebrei

læorum vero testimonia nobis, etiamsi sint vera, ante fidem inutilia sunt, post fidem supervacua; qui ante quidem eis credere non poteramus, nunc vero ex superfluo credimus.

CAPUT II.—Augustinus respondit: Prost hoc nobis loco ad brevitatem respondendi superior tam prolixa responsio. Puto enim jam qui illam legerit, ridet istum talia delirantem, et adhuc dicentem, Christum Filium Dei Hebreos non prænuntiassisse Prophetas: in qua sola gente nomen ipsum quod dicitur Christus, et in rege, et in sacerdote sacratissimum fuit (*Exod. xxix*; *I. Reg. x, 4*, et *Exod. xix*); nec inde sublatum, antequam ipse venisset, qui in illis figurabatur (*Dan. ix, 24*). Respondeant autem ipsi, Christi nomen unde dicerint. Si a Manichæo, quæro ipsi Manichæo quomodo crediderint, ut alios taceam, homines Afri homini Persæ: cum Faustus reprehendat Romanos, et Grecos, vel alias Gentes, si Hebreis Prophetis tanquam alienigenis de Christo crediderint; dicatque illis accommodatoria esse vaticinia Sybille et Órphei, vel si qua forte alia sunt vatum Gentilium, ut credatur in Christum: nec attendat in nullis Ecclesiis illa recitari, cum Hebrei Prophetæ in omnibus gentibus clareant, atque ad Christianam salutem tanta fidelium examina adducant. Dicere autem non esse aptam Gentibus Hebream prophetiam, ut credant in Christum, cum videat omnes gentes per Hebream prophetiam credere in Christum, ridicula insanias est.

CAPUT III. Dispicet vobis talis Christus, qualis per Hebreos prænuntiatus est: et tamen omnes populi Gentium, apud quos Hebream prophetiam nullum pondus auctoritatis habere arbitramini, in talem Christum credunt, qualis per Hebreos prænuntiatus est; accipiendo scilicet Evangelium, quod Deus ante promiserat, sicut Apostolus commemorat, per Prophetas suos in Scripturis sanctis de Filio suo, qui factus est ei ex semine David secundum carnem (*Rom. i, 2, 3*). Unde propheta Isaías dixit, Erit radix Jesse, qui exsurget regnare in gentibus: in eum gentes sperabunt (*Isai. xi, 10*); et, Ecce Virgo concipiet, et pariet filium, et vocabunt nomen ejus Emmanuel (*Id. viii, 14*), quod interpretatur, Nobiscum Deus (*Matth. i, 23*): nec³ putent isti, hominem tantummodo Christum ab Hebreis Prophetis prænuntiatum; hoc enim videtur testigisse Faustus, cum ait Christum quidem nostrum Filium Dei; quasi Hebrei Christum suum non Filium Dei dicent. Ecce nos ostendimus Deum Christum virginis Filium ex Hebreæ prophetia. Nam utique et Iudæi carnales, ne hoc solum putarent esse Christum, quod propter nos factus est homo ex semine David, admonet eos ipse Dominus ex prophetia ejusdem David, quærens ab eis quid eis videretur de Christo, cuius eum dicent esse Filium. Qui cùm respondissent, David; ne hoc solum, ut dixi, putaretur, et non re-

¹ Plures viss., subalienati a lege.

² Nonnulli MSS., tractatis.

³ Apud Er. Lugd. Ven. Lov. ne. M.

spicerent ad Emmanuel, quod est interpretatum, Nobiscum Deus, *Et quomodo*, inquit, ipse David in spiritu dicit *omnem Dominum*, dicens: *Dixit Dominus Dominu meo Sede ad dexteram meam, donec ponam inimicos tuos scabellum pedum tuorum* (*Matth. xxii, 42-44*)? Ecce, inquam, nos ostendimus ex Hebreæ prophetia Christum Deum: vos ostendite aliquam prophetiam vestram, unde nomen Christi didicetis.

CAPUT IV. — Manichæus enim vester non fuit propheta venturi Christi: apostolum quippe ejus se dicit, impudentissima quidem fallacia; nam constat non solum post Tertullianum, verum etiam post Cyprianum hanc hæresim exortam. Omnes tamen ejus epistole ita exordiuntur *Manichæus apostolus Jesu Christi*. Illic vos de Christo quare credidistis? Quemnam testem vobis sui apostolatus adduxit? nomenque ipsum Christi, quod non scimus nisi in regno Judæorum in sacerdotibus et regibus institutum, ut non solum ille aut ille homo, sed universa ipsa gens totumque regnum propheta fieret Christi christianique regni, cur iste invasit, cur usurpavit, qui Prophetis Hebreis vos vetat credere, ut vos falsi Christi fallaces discipulos falsus et fallax apostolus faciat? Postremo, ne diceretur ei, Mentiris, protulerit vobis aliquos et prophetas, secundum assertionem suam Christum prænuntiantes: quid facietis ei, qualem Faustus catechizandum sub exemplo proposuit, qui neque ipsis neque illi credere voluerit? An Apostolos nostros pro se testes vocabit? Non, opinor, homines producet, sed Libros apriret: quos non pro se, sed contra se apertos reperiet. Ibi enim Christum natum ex Maria virgine, ibi Filium Dei factum ex semine David secundum carnem legimus et docemus (*Id. i, 22-25; Luc. ii, 7, et Rom. 1, 3*). Quod si eos infalsatos dixerit, ipse testium suorum fidem oppugnabit: si autem alios, quos dicat Apostolorum nostrorum, colices protulerit, quomodo eis ipse auctoritatem dabit, quam per Ecclesias Christi ab ipsis Apostolis constitutas non accepit, ut inde ad posteros firmata commendatione transcurreret? Quomodo ille, cui non credo, profert mihi Scripturas quibus de illo credam; et eis ipse conatur dare auctoritatem, cum ego ipsi non credam?

CAPUT V. — Si autem famæ de Christo credidistis; hoc enim et Faustus magnis angustiis coarctatus, transeunter attigit, ne scilicet aut eos libros proferre cogeretur, quorum auctoritas nulla est, aut ad eos ligaretur, quorum auctoritas ei contraria est: ergo si de Christo famæ credidistis, videte utrum fama idonea testis sit, diligenter considerate quo vos præcipitetis. Mala enim multa de vobis fama disseminat, cui credi non vultis. Que igitur ratio est, hanc de Christo velle veracem, quam de vobis vultis esse mendacem? Quid quod etiam famæ Christi contradicitis? Ea quippe clarior, ea præpollentior, aures et mentes et linguis omnium gentium tenet, que Christo ex semine David secundum Scripturas Hebreas disseminato, implet, quod ibi scriptum est, promis-

sum Abrahæ, et Isaac, et Jacob, *In semine tuo benedicentur omnes gentes* (*Gen. 22, 18, xxvi, 4, et xxviii, 14*). Quid ergo respondetis, cuinam de Christo credideritis, quibus testes alienigenæ non placent? Nostrorum porro Librorum auctoritas, tot gentium consensione, per successiones Apostolorum, episcoporum, conciliorumque robora, vobis adversa est: vestrorum autem nulla est, quia et a tam paucis profertur, et ab iis qui Deum et Christum mendacem colunt. Unde contra eorum mendacem doctrinam sit, nisi et ipsi tanquam imitatores Dei et Christi sui mendaces habeantur. Fama vero etiam ipsa consulta, et vos possimos jactat, et Christum ex semine David contra vos prædicare non cessat. Vocem Patris de cœlo non audistis (*Matth. iii, 17, et xvii, 5*), opera Christi quibus de seipso testificabatur, non vidistis: codices in quibus hæc scripta sunt, ut specie christiana fallatis, velut accipitis; ne tamen contra voslegantur, infalsatos dicitis. Profertis inde Christum dicentem, *Si mihi non creditis, operibus credite* (*Joan. x, 38*); et, *Ego sum qui testimonium perhibeo de me, et testimonium perhibet de me, qui misit me, Pater* (*Id. viii, 18*): et non vultis contra vos inde proferri, *Scrutamini Scripturas, in quibus putatis vos vitam æternam habere; ipsæ testimonium perhibent de me*; et, *Si crederetis Moysi, crederetis et mihi; de me enim ille scripsit et, Habent ibi Moysen et Prophetas, audiant eos* (*Id. v, 39, 46*); et, *Si Moysen et Prophetas non audiunt, nec si quis a mortuis resurrexit, credent ei* (*Luc. xvi, 29, 31*). Unde huc existis? unde confiditis? Scripturas tanta auctoritate firmatas commendatasque respuitis, miracula non facitis: quæ si facheretis, etiam ipsa in vobis caveremus, præstruente nos Domino et dicente, *Exsurgent multi pseudochristi et pseudoprophetæ, et facient signa et prodiga multa, ut fallant, se fieri potest, etiam electos: ecce prædixi vobis* (*Matth. xxiv, 24, 25*). Usque adeo nihil credi voluit adversus confirmatam Scripturarum auctoritatem, quæ fidem suam rebus ipsis probat, quæ per temporum successiones hæc impleri et effici ostendit, quæ tanto antequam fierent, prænuntiavit.

CAPUT VI. — Restat ut rationem vos exhibere dicatis, tam certam et invictam, ut per seipsam declarata veritate, nullam testis auctoritatem, nullam miraculi veritatem requirat. Quid dicitis? quid profertis? quam rationem, quam veritatem? Fabula illa est longa et vana, puerile ludibrium, et muliebre jocamentum¹, et aniculare deliramentum, continens initium truncum, et medium putridum, et finem ruinosum. Cum enim vobis ex ejus initio dictum fuerit, immortali, invisibili, incorruptibili Deo, quid faciura erat gens tenebrarum, si cum ea pugnare noluisset²? et de medio ejus, Quomodo est incorruptibilis et incontaminabilis³ Deus, cuius membra in pomis et oleribus manducando et digerendo conteritis ut purgetis? et de fine ejus, Quid fecit anima misera, ut

¹ Plerique MSS., *avocationem*.

² Lov., *noluisset*. Verius Ann. Er. et Jlures MSS., *noluisset*.

³ Multi codices, *et incommutabilis*.

in globo tenebrarum perpetuo vinculo puniatur, que non suo vitio, sed alieno maculata, Deo suo deficiente mundari non potuit, quo mente polluta est? hæsitantibus vobis, et quid respondeatis non inventibus, conspuuntur¹ tam multi et tam grandes² et tam pretiosi codices vestri; et multum dolentur³ labores antiquariorum, et sacelli miserorum, et panis deceptorum. Si ergo nec Scripturarum auctoritatis antiquitas, nec miraculorum potestas, nec morum sanitas, nec rationis veritas, vos asserit; abite confusi, et redite confessi, ipsum esse Christum omnium in se credentium Salvatorem: cuius nomen et cuius Ecclesiam ita exhibent præsentia tempora, sicut præterita nuntiarunt; non per quemlibet de cavernosis latibris procedentem, sed quadam gente, et quadam regno ad hoc propagato et instituto, ut ibi de illo cuncta figuris prænotarentur, quæ nunc expressa rebus agnoscerentur, et ibi per Prophetas prædicta scriberentur, quæ nunc per Apostolos prædicata præsentarentur⁴.

CAPUT VII. — Proinde constituite vobis aliquem catechizandum gentilem, in quo Faustus defecisse nos risit: ubi non ridendus, sed plangendus ipse defecit. Si enim dixerimus homini gentili, crede Christo, quia Deus est; et responderit, Unde credo? prolataque auctoritate Prophetarum, eis se non credere dixerit, quod illi Hebrei sint, ipse paganus; ostendimus fidem Prophetarum ex iis quæ ventura recinerunt et venisse cernuntur. Credo enim quod eum non lateret, quantas a regibus hujus sæculi persecutions prius pertulerit christiana religio: aut si lateret, per ipsam historiam gentium et imperiales leges litteris memoriamque mandatas, ei facile probaretur: quod cum tanto ante prædictum ex propheta cognosceret dicente, Utquid tremuerunt gentes, et populi meditati sunt inania? Astiterunt reges terræ, et principes convenerunt in unum, adversus Dominum et adversum Christum ejus: quod non de ipso David fuisse dictum, in eodem ipso psalmo facile apparet. Ibi enim dicitur etiam illud, quod homines quamlibet pertinacissimos ipsa rerum manifestatione confundit, Dominus dixit ad me: Filius meus es tu, ego hodie genui te; postula a me, et dabo tibi gentes hæreditatem tuam, et possessionem tuam terminos terræ (Psalm. II, 1, 2, 7, 8): quod genti Iudeorum in qua regnavit David, non esse concessum; Christi autem nomine longe lateque omnes gentes occupante, nemo dubitat esse completum. Credo moveretur, cum hinc et alia multa ex prophetis audiret, quæ nunc persequi longum est. Videret etiam ipsos reges terræ Christi imperio jam salubriter subjugatos, omnesque gentes eidem servientes: et legeretur ei de Psalmo tanto ante prædictum, Adorabunt eum omnes reges terræ, omnes gentes servient ei (Psal. LXXI, 11): totumque psalmum ipsum, qui signi-

rate tanquam in Salomonem dicitur, si legere vellet, inveniret Christum vere regem pacificum; hoc enim Salomonis nomen interpretatur: in quo cognosceret completa omnia quæ ibi dicuntur, longe remotissima at illo homine Salomone rege Israel. Illum itidem psalmum, ubi Deus unctus a Deo dicitur, et utique Christus ipsa unctione declaratur; idemque Christus Deus apertissime ostenditur, cum Deus unctus insinuatur (Psal. XLIV, 8): si considerare vellet quæ ibi de Christo, quæ de ipsa Ecclesia dicta sunt, quæ ibi quidem prædicta legeret, in orbe autem terrarum impleta conspiceret; videret quoque ipsa simulacula gentium per Christi nomen sic perire de orbe terrarum, idque ipsum a Prophetis prædictum esse disceperet: audiret Jeremiam dicentem, Sic dicetis illis: Dii qui cælum et terram non fecerunt, pereant a terra, et de sub cælo (Jerem. x, 11). Item alio loco cum eundem prophetam dicentem audiret, Domine, fortitudo mea, et adjutorium meum, et refugium meum in die malorum: ad te gentes ventient ab extremo terræ, et dicent, Quam falsa possederunt patres nostri simulacula, et non est in eis utilitas! si faciet homo deus et ipsi non sunt dii. Propterea ecce ego ostendam illis in tempore illo; manum meam ostendam illis, et virtutem meam, et scient quoniam ego Dominus (Id. XVI, 19-21). Hæc audiens de Scriptura prophætica, et cernens in universa terra, quid dicam quemadmodum moveretur ad fidem, quando et hoc rebus ipsis probamus, cum per prophetiam ante tempora conscriptam, et bis temporibus impletam, corda fidelium sic firmari cognoscimus?

CAPUT VIII. — Jam vero ne hominem, sicut magni quidam homines fuerunt, Christum putaret, idem propheta hoc illi de cogitatione excuteret. Ibi enim sequitur et dicit: Maledictus homo qui spem habet in homine, et firmat carnem brachii sui, et a Domino discedit cor ejus: et erit sicut tamara¹ quæ in deserto est; non videbit cum venient bona, et habitabit inter iniquos in terra deserta, in terra salsa quæ non inhabitatibus: et, Benedictus homo qui confidit in Domino, et erit Dominus spes ejus: eritque tanquam lignum fructiferum secus aquam, et in humore mittet radices suas; non timebit cum venerit aestus, et erunt in eo propagines nemorosæ; in anno siccitatis non timebit, et non deficit faciendo fructum. Hic certe cum maledictum diceret eum qui spem ponit in homine, eamque maledictionem propheticis similitudinibus explicaret; et benedictum qui in Domino consideret, eamque benedictionem congruis itidem similitudinibus texeret; turbatur fortasse ille, quomodo ei, ne spem suam in hominem poneret, Deum Christum annuntiaremus, et rursum eum non ex propria natura, sed ex nostra mortalitate suscepta hominem diceremus. Sic enim quidam Deum credendo Christum, et hominem negando erraverunt: et rursus quidam hominem putando, et Deum negando, aut contempserunt, aut in homine

¹ Plurique MSS., conspicuntur.

² In MSS., et tam grandi.

³ Lov., dolentur. Melius Aun. et non pauci MSS., dolentur; vel, ut alii, dolendi. Editio Er. habet, dolent.

⁴ Am. Er. et aliquot MSS., præstarentur.

¹ Am. Er. cum pluribus MSS., tramaria.

spem suam posentes, in illud maledictum inciderunt. Hic ergo iste gentilis si turbaretur, diceret contra fidem nostram istum prophetam locutum fuisse : quia nos secundum apostolicam doctrinam non tantummodo Deum Christum diceremus, ut in eo spes securissime ponatur, sed etiam Mediatorem Dei et hominum hominem Jesum (I Tim. ii, 5); istum autem Deum tantum dixisse, de natura vero humana nullam fecisse mentionem : ibidem ejusdem prophetae vocem auferre se admonentis et corrigentis, *Grave cor per omnia, et homo est, et quis agnoscat eum* (Jerem. xvii, 5-9)? Ideo quippe homo, ut graves corde per formam servi ex fide sanarentur, et eum agnoscerent Deum, qui propter eos factus est homo, ne in homine spes eorum esset, sed in homine Deo. Et tamen, *grave cor per omnia, et homo est : formam servi accipiens. Et quis agnoscat eum ? qui cum in forma Dei esset, non rafinam arbitratus est esse aequalis Deo* (Philipp. ii, 7, 6). *Et homo est : quia Verbum caro factum est, et habitavit in nobis. Et quis agnoscat eum ? quia in principio erat Verbum, et Verbum erat apud Deum, et Deus erat Verbum* (Joan. i, 14, 1). Et vere grave cor per omnia : nam et in discipulis ejus ipsum grave cor fuit, cum eis dicebat, *Tanto tempore vobiscum sum, et non cognovistis me ? Quid est enim, Tanto tempore vobiscum sum, nisi quod hic dicitur, Et homo est ? Quid est autem illud, Et non cognovistis me ? nisi quod hic dicitur, Et quis agnoscat eum ? Quem, nisi eum qui dicit, Qui me vidit, vidit et Patrem* (Id. xiv, 9)? Ut spes nostra non sit in homine, propter illud per prophetam editum maledictum¹: sed sit in homine Deo, id est, in Filio Dei Salvatore Iesu Christo, Mediatore Dei et hominum; et quo Pater major est propter formam servi, et qui Patri aequalis est propter formam Dei.

CAPUT IX.—Dicit et Isaías: *Humiliabitur et cadet contumelia hominum², et exaltabitur Dominus solus in illa die : et manibus fabricata omnia abscondent in speluncis et in scissuris petrarum et in cavernis terrae, a facie timoris Domini et a majestate virtutis ejus, cum surrexerit confringere terram. Illa enim die projiciet homo abominationes aureas et argenteas, quas fecerunt ut adorarent supervacanea et noxia* (Isai. ii, 17-20). Et forte iste gentilis, quem catechizamus, quem dixit Faustus cum risu dicturum, Non credo Prophetis Hebreis, aliqua manu fabricata idola abscondit in speluncis, aut in scissura petrae, aut in caverna terre, aut aliquem amicum suum scit hoc fecisse, aut in civitate, vel in fundo suo scit factum esse a facie timoris Domini, qui per reges terre, secundum eamdem prophetiam, jam sibi servientes seque adorantes, severissimis legibus terram confringit, id est, terreni cordis frangit audaciam. Quomodo ergo dicat, Non credo Prophetis Hebreis, cum et in se ipso compleatum forte cognoscat, quod olim praedictum est a Prophetis Hebreis.

CAPUT X. Magis verendum erat, ne tanta rerum evidenter circumfusus, fortasse diceret, posteaquam

¹ Am. Fr. et quidam MSS., *edictum maledictum*.

² Aliquot MSS., *contumacia*.

ista per mundum fieri cōperunt, Christianos has Litteras composuisse, ut ante divinitus prædicta putarentur, ne quasi temere humanitus facta contemnerentur. Hoc verendum erat, nisi esset late sparsus lateque notus populus Judæorum : Cain ille signo accepto, nē ab aliquo interficiatur (Gen. iv, 15), et ille Cham servus fratrum suorum (Id. ix, 25) portando Libros, quibus illi erudiantur, ipse oneretur (*a*). Per eorum quippe codices probamus, non a nobis tanquam de rerum eventu commonitis ista esse conscripta, sed olim in illo regno prædicta atque servata, nunc autem manifestata et impleta : in quibus et ea quæ ibi minus perspicia sunt, quia in figura contingebant illis, scripta sunt autem propter nos, in quos finis sæculorum obvenit (I Cor. x, 11), iam nunc illustrata solvuntur ; et quæ umbris futurarum adhuc rerum opacabantur, jam factarum luce manifestantur.

CAPUT XI.—Forte etiam hinc se diceret permovere, quod ipsi, in quorum Libris hæc inveniuntur esse prænuntiata, quæ nunc cernuntur impleta, non nobiscum tenent ejusdem Evangelii societatem. Cum vero doceretur etiam hoc ab ei-dem Prophetis esse prædictum, quantum moveretur ad fidem ; quis tam deimes est, ut non videat ? quis tam impudens¹ ut se videre dissimulet ? Quis enim dubitet hoc de Judæis fuisse prophetatum, cum Isaías dicat, *Agnovit bos possessorem suum, et usus præsepe domini sui ; Israel autem me non cognovit, et populus meus me non intellexit* (Isai. i, 3) ; aut illud quod Apostolus commemorat, *Tota die expandi manus meas ad populum non credentem et contradicentem* (Rom. x, 21; Isai. LXV, 2) ; et maxime illud, *Dedit illis Deus spiritum compunctionis, oculos ut non vidant, et aures ut non audiant et non intelligant* (Rom. xi, 8; Isai. vi, 10) ; et multa hujusmodi ? Quod si diceret, Quid ergo peccaverunt Judæi, si Deus illos execucavit ne agnoscerent Christum ? quantum possimus, imbuedendo rudi homini ostenderemus ex aliis occultis peccatis Deo cognitis, venire justam pœnam hujus exercitatus : quod non solum dixisse Apostolum de quibusdam, *Propter hoc tradidit illos Deus in concupiscentiam cordis eorum, vel in reprobum sensum, ut faciant quæ non convenient* (Rom. i, 21, 28), volentem ostendere quedam peccata manifesta, ex pœna venire quorundam occulorum ; sed nec ipsos hoc tacuisse Prophetas demonstraremus. Nam ne pergam longius, idem Jeremias eo ipso loco, ubi ait, *Et homo est, et quis agnoscat eum ? ne quasi hoc ipso excusat essent Judæi, quia non cognoverunt, Si enim cognovissent, sicut Apostolus dicit, nunquam Dominum gloriae crucifixissent* (I Cor. ii, 8) ; sequitur, et ostendit occulti eorum meriti fuisse ut non cognoscerent. Ait enim : *Ego Dominus, interrogans corda, et probans renes, ut dem unicuique secundum vias ejus, et secundum fructum studiorum ejus.*

CAPUT XII.—Porro si hoc gentilis ille moveretur, cur etiam ipsi qui appellantur Christiani, in multis hæreses variasque discedunt : neque hoc a Prophetis

¹ Am. et plures MSS., *imprudens*.

(a) II Retract., cap. 7, n. 3.

Hebræis præternissum esse doceremus. Tinquam enim esset consequens, ut Judæis in sua cæcitate demonstratis, hoc illi veniret in mentem, quod etiam multi sub nomine Christiano ab ipsa Christiana societate deviarent, ipse Jeremias, velut catechizandi ordinem nobis insinuans, continuo subjecit: *Clamavit perdix, congregavit que non peperit, faciens divitias suas non cum judicio.* Perdix enim nimis contentiosum animal, notum est quanta aviditate ipsius contentio-nis currat in laqueum. Non enim disputare amant hæretici, sed quoquo modo superare impudentissima pervicacia, ut congregent, sicut hic dixit, que non pepererunt. Christianos enim, quos maxime Christi nomine seducunt, iam per ipsius Christi Evangelium natos inveniunt, et faciunt illos divitias suas: non sane cum judicio, sed cum temeritate inconsiderata. Non enim intelligunt ibi esse veram salubrem, et quodam modo germanam atque radicalem christianam societatem, unde istos separaverunt, quos ad suas divitias congregarunt. Et quia de talibus dicit Apostolus, *Sicut enim Jamnes et Mambres restiterunt Moysi, sic et isti resistunt veritati; homines mente corrupti, reprobi circa fidem: sed ultra non proficiunt, dementia enim eorum manifesta erit omnibus, sicut et illorum fuit* (II Tim. iii, 8, 9): sequitur et hic Propheta, et dicit de perdice, qui¹ congregavit que non peperit, *In dimidio dierum ejus derelinquent eum, et in novissimis suis erit insipiens: id est, qui primo tanquam per pollicitationem et ostentationem excellen-tis sapientia seducebat, erit insipiens, id est, apparebit insipiens. Eis quippe quibus primo sapiens erat, tunc erit insipiens, cum apparebit, quia dementia ejus nota erit omnibus.*

CAPUT XIII. — Et tanquam ille quem catechizamus, quereret et diceret, Quo ergo signo manifesto adhuc parvulus, et nondum valens liquidam discernere a tot erroribus veritatem; quo manifesto indicio tenebo Ecclesiam Christi, in quem jam credere tanta rerum antea prædictarum manifestatione compellor? sequitur idem propheta, et tanquam motus animi ejus ordinatissime excipiens, docet eum Ecclesiam Christi ipsam esse prædictam, que omnibus eminet et appetit. Ipsa enim est sedes gloriæ, de qua dicit Apostolus: *Templum enim Dei sanctum est, quod estis vos* (I Cor. iii, 17). Unde iste dicit. *Sedes autem gloriæ exaltata est, sanctificatio nostra* (Jerem. xvii, 10-12). Propter hos enim motus parvolorum, qui possunt seduci ab hominibus, manifestationem claritatis Ecclesie Dominus quoque prævidens, ait, *Non potest civitas abscondi supra montem constituta* (Matth. v, 14): quia utique sedes gloriæ exaltata est, sanctifica-tio nostra, ut non audiantur illi qui ad religionem scissuras traducant, dicentes, *Ecce hic est Christus, ecce illic.* Partes enim ostendunt, dicentes, *Ecce hic, ecce illic.* Cum illa civitas super montem sit: quem montem, nisi cum qui secundum prophetiam Danielis ex parvo lapide crevit, et factus est mons magnus, ita ut impleret universam terram (Dan. ii, 34, 35)? Nec

illi audiantur, qui sub nomine quasi secretæ et apo-cryphae veritatis et hominum paucitatis dicunt, *Ecce in cubiculis, ecce in deserto* (Matth. xxiv, 23, 26): quia non potest abscondi civitas super montem consti-tuta, quia sedes gloriæ exaltata est, sanctificatio nostra.

CAPUT XIV. — Cum ergo gentilis iste his atque hujusmodi aliis testimoniis Prophetarum de perse-cutione regum et populum, de fide regum et populo-rum, de abolitione idolorum, de cæcitate Judæorum, de probatione codicum ab ipsis custoditorum, de amentia hæreticorum, de excellentia sancte Ecclesiæ verorum et germanorum Christianorum, ante predicta et nunc impleta consiperet; quid inveniret fide dignus, quam illas Prophetas, quibus de divinitate Christi eligeret credere? Etenim si antequam ista fierent, ingererem gentili Prophetas Hebreos, quibus ea futura crederet, que facta nondum videret, merito fortasse diceret: Quid mihi est cum istis Prophetis, quos unde veraces probem, non mihi ostenditur? Cum vero tam magna et tam multa que prædixerunt, jam ad effectum manifestationemque perducta sint: plane ille, si perversus esse nollet, nec ista ullo modo contemneret, que tanto ante, et tanto apparatu, præ-videnda et prænuntianda commendari meruerunt, nec illos a quibus prævideri et prænuntiari potue-runt. Nullis enim prudentius credimus, vel de præteritis que olim facta sunt, vel de futuris que nondum facta sunt, quam eis qui nobis fidem verborum suorum tam multis tamque magnis, que ab eis predicta jam facta sunt, probaverunt.

CAPUT XV. — Sibylla porro, vel Sibylæ, et Orpheus, et nescio quis Hermes, et si qui alii vates vel theologi, vel sapientes, vel philosophi Gentium de Filio Dei, aut de Patre Deo vera prædictisse seu dixisse perhibentur, valet quidem aliquid ad Pagano-rum vanitatem revincendam, non tamen ad istorum auctoritatem amplectendam; cum illum Deum nos colere ostendimus, de quo nec illi lacere potuerunt, qui suos congenitiles populos idola et diemonia co-lenda partim docere ausi sunt, partim prohibere ausi non sunt. At illi sancti auctores nostri cum populum, eam rem publicam, tale regnum, imperante et adju-vante Deo, propagaverunt atque rexerunt, ubi sa-crilegium esset, quod istis religio fuit. Itaque si qui illuc in cultum simulacrorum et dæmonum laberentur, aut poena plectebantur, ipsis suæ reipublicæ le-gibus, aut liberrimo tonitu¹ coercebantur propheti-cis vocibus. Unus enim ab eisdem colebatur Deus, qui fecit cœlum et terram, propheticō sane ritu, hoc est, significativo futurorum; qui ritus aboleretur, cum illa venissent que per eum significabantur esse ven-tura: quandoquidem ipsum regnum magnus quidam propheta fuit, ubi rex, et sacerdos mystica significa-tione ungebantur (Deut. xviii, 15; Psal. ii, 6; Psal. cix, 4; I Reg. x, 1, et Exod. xxix); quod non ante, ipsis quoque Judæis ignorantibus, ac per hoc invitis ablatum est, nisi cum venisset ille gratia spirituali

¹ In Ludi. et ven., quia. M.

¹ sic Am. et MSS. At Er. et Lov., aut liberrane; omisca voce, tonitu.

unctus Deus præ participibus suis, ille sanctus sanctorum (*Psal. xliv, 8, et Dan. ix, 24*), idem verus rex consulendo nobis, et idem verus sacerdos se ipsum offerendo pro nobis. Quamobrem quantum dicit de Christi adventu inter prædicationem Angelorum et confessionem dæmoniorum, tantum inter autoritatem Prophetarum et curiositatem sacrilegorum.

CAPUT XVI. — His et talibus, quæ nunc breviter tangimus, tunc forte pro necessitate depellendi vernali erroris aliquanto latius disputatis, et robore uberioris probationis assertis, ille gentilis quem nobis catechizandum Faustus proposuit, si salutem suam peccatis suis præponeret, profecto moveretur ad fidem: qua imbutus et in Ecclesiæ catholicae gremio sovendus collocatus, consequenter etiam moneretur quos mores tenere deberet. Neque perturbaretur eorum multitudine, in quibus ea non inveniret quæ observare juberetur: quamvis cum eo corporaliter congregarentur in Ecclesiæ, et eadem Sacra menta perciperent. Sciret cum paucis hereditatem Dei, cum multis autem signacula ejus participanda: cum paucis communicare sanctitatem vitæ, et donum charitatis diffusæ in cordibus nostris per Spiritum sanctum qui datus est nobis (*Rom. v, 5*), ad quem fontem interiorum nullus alienus accedit; cum multis autem sanctitatem Sacramenti, quod qui manducat et babit indigne, judicium sibi manducat et babit (*I Cor. xi, 29*), qui autem manducare contemnit, non habebit in se vitam (*Joan. vi, 54*), et ideo non perveniet ad vitam æternam. Eosdemque paucos, in comparatione multitudinis malorum, paucos dici; esse autem per se ipsos consideratos in magno numero, diffusos toto orbe terrarum, crescentes inter zizania, et cum palea usque ad diem messis et ventilationis (*Matth. xiii, 25, 26, et ii, 12*). Illoc in Evangelio dictum est, hoc a Prophetis ante prædictum. Ante enim prædictum est, *Sicut lîlum in medio spinarum, ita proxima mea in medio filiarum* (*Cant. ii, 2*). Ante prædictum est, *Inhabitavi in tabernaculis Cedar; cum his qui oderant pacem, eram pacificus* (*Psal. cxix, 5, 7*). Ante prædictum est, *Signa in fronte eos¹ qui gerunt et marent ob iniurias populi mei, quæ fiunt in medio eorum* (*Ezech. ix, 1*). Itaque iste gentilis, quem tali alloquio firmaremus, jam factus civis sanctorum et domesticus Dei, nec jam alienus ab Israel (*Ephes. ii, 19, 12*), sed verus Israelita, in quo dolus non esset (*Joan. i, 47*), disceret etiam ita verba ex corde simplici dicere, quæ subsequenter contextit idem ipse Jeremias: *Patientia Israel, Domine; universi qui te derelinquent, terreantur*. Cum enim de perdice dixisset, qui² clamat et congregat quæ non peperit, commendavit excellentiam civi atis super montem positæ quæ abscondi non potest, ut ab Ecclesia catholica hominem hereticum non separaret³, dicens, *Sedes autem*

gloriæ exaltata est, sanctificatio nostra. Deinde quasi veniret in mentem, Quid ergo facimus de tam multis malis, qui tanto amplius ubique permixti sunt, quanto excellentior est Christi gloria in unitate omnium gentium? subjecit statim, Patientia Israel, Domine. Patienter enim ferendum est quod ait, Sinile utraque crescere usque ad messem (*Matth. xiii, 30*): ne impatientia tolerandi malos, relinquuntur boni, qui proprie sunt corpus Christi; et ideo cum ipsi relinquantur, ille relinquitur. Unde subjecit atque addidit, *Universi qui te derelinquent, terreantur: confundantur qui recesserunt in terram*. Terra est enim homo de se presumens, atque alios ut de ipso presumatur inducens: et ideo sequitur, *Evertentur, quoniam dereliquerunt fontem vitæ Dominum*. Quid enim aliud clamat perdit, nisi apud se esse et a se dari fontem vitæ, ad quem congregati recedant a Christo, Christi promissione decepti, cuius nomine jam tenebantur imbuti? Non enim quos peperit, congregat: sed ut congreget quos non peperit, dicit, *Salus quam Christus promisit, apud me est; ego dabo*. Sed vide quid iste dicat, *Sana me, Domine, et sanabor; salvum me fac, et salvus ero*. Unde Apostolus dicit, *Nemo glorietur in homine* (*I Cor. iii, 21*): et iste subjungit, *Quoniam gloriatio mea tu es* (*Jerem. xvii, 13, 14*). His modis nos instruimus hominem ex apostolica propheticaque doctrina, ut ædificetur super fundamenta Apostolorum et Prophetarum (*Ephes. ii, 20*).

CAPUT XVII. — Faustus autem quomodo persuaderet divinitatem Christi, homini gentili, quem constituit dicentem, Nec Prophetis credo de Christo; nec Christo de Prophetis? An Christo crederet de se ipso dicenti, cui non crederet de aliis testificant? Vere ridiculum est hoc putare. Quem semel enim dignum fide non duceret, aut omnino nihil ei crederet, aut potius pro aliis quam pro se ipso testificanti crederet. Hic forte Faustus irrisus, Sibyllas homini legeret, et Orpheum, et ceteros bujusmodi, si quos alios Gentilium reperiret de Christo aliquid prænuntiasse? Sed non faceret: eos quippe sibi incognitos fassus est, dicens, *Sane si sunt aliqua, ut fama est, Sibyllæ de Christo præsgria, aut Hermetis, quem dicunt Trismegistum, aut Orphei aliorumque in Gentilitate vatum*. Horum ergo iste litteras nesciens, quandoquidem per famam putat esse aliquos tales, non eas utique legeret illi dicenti, Nec Prophetis credo, nec Christo. Quid igitur faceret? An proferret Manichæum, et ex illo commendaret Christam? Nunquam hoc fecerunt: sed potius de Christo, eiusnam Jain nomen ubique dulciter clarum est, Manichæum semper commendare conati sunt, ut hoc melle scilicet venenati sui poculi labra perungerent. Cum enim Christus promiserit suis, missurum se Paracletum, id est, consolatorem vel advocatum, Spiritum veritatis (*Joan. xiv, 16*); per hanc promissionis occasionem, hunc Paracletum dicentes esse Manichæum, vel in Manichæo, subrepunt in hominum mentes ignorantes ille a Christo missus quando sit missus. Qui autem legerunt canonicum librum, qui Actus Apostolorum inscribitur,

¹ Lov.: *Signa Thau in fronte eos*. Abest, *Thau*, ab editis aliis et a MSS. necnon a græco LXX.

² Er., quæ. M.

³ Am. Er., *hominem hereticum non separaret*. Plures MSS., *hominem hereticum separaret*.

vident illam Christi promissionem illic rursus commemoratam , et illic manifestissime impletam (*Act. i, 8, et ii, 1-4*). Sed modo quærimus , unde illi gentili fidem faceret de Christo? Puto enim neminem esse tam cæcum , qui velit dicere , Manichæo credo : cum dicat , Christo non credo. Deinde si non ridens , saltem stomachans diceret , Itane Persicis libris me jubeas credere , qui Hebræis me dixisti ¹ non credere ? Quomodo ergo capturus es , hæretice , istum hominem , nisi jam nomini Christi aliquo modo subditum invenieris ; ut quia ille jam Christo credendum esse non dubitat , tanquam melius prædicanti Christum Manichæo deceptus acquiescat ? Ecce est ille perduxit congregans quæ non peperit. Itane eum nondum dederunt , vos quos congregat , et nondum vobis apparet insipiens , qui dicit Ilebræorum testimonia nobis ² , etiam si vera sint , ante fidem inutilia esse , post fidem supervacua.

CAPUT XVIII. — Abjiciant ergo qui crediderunt , omnes libros per quos factum est ut crederent. Nam si hoc verum est , cur vel ipsum Evangelium Christi a fidelibus legatur , non video. Ante fidem quippe inutile est , quia ille gentilis , quem ridentem ridendus , vel potius flendus Faustus inducit , non credit Christo. Post fidem autem supervacuum , si etiam veris de Christo præconiis jam superfluo creditur , cum in eum creditum fuerit. Hic forte dicetis : Sed Evangelium debet legere jam fidelis , ne obliscatur quod credidit. Sic ergo , insani , etiam Prophetarum vera testimonia , ne obliscatur quare crediderit : quod si oblitus fuerit , firmum apud eum non poterit esse quod credidit. Aut projicite jam libros Manichæi , quibus testibus credidistis lucem pugnasse cum tenebris , quæ lux ipso Deus erat ; et ut posset ligare lux tenebras , prius esse lucem a tenebris devoratam , et ligatam , et inquinatam , et dilaniatam : quam vos mandando recreatis , et solvitis , et purgatis , et sanatis , ut vobis merces retribuatur , ne cum illa quæ liberari non potuerit , in globo æterno damnemini. Hanc fabellam quotidie et moribus et vocibus cantatis : cur adhuc in

¹ Sic Am. et plerique MSS. At Er. et Lov., dixi.

² Am. et Er., vobis.

ea quæratis testimonia librorum , ut in rebus superfluis et conficiendis codicibus vestris aliena substantia consumatur , et Dei vestri ligata teneatur ¹? Incendite omnes illas membranas , elegantesque tectorias decoris pellibus exquisitas ² , ut nec res superflua vos oneret , et Deus vester inde solvatur , qui tanquam pena servili etiam in codice ligatus tenetur. Nam si possitis libros vestros vel elixatos comedere , quantum membris Dei vestri beneficium præstaretis ? An et si fieri posset , carnis immunditia prohiberet paginas ab epulis vestris ? Impulet ergo sibi encausti munditia , quæ corio inhaesit agnino. Sed et hoc vos fecistis , qui tanquam primo bello vestro , id quod mundum erat ³ in calamo , immunditiae membranarum scribendo affixistis : nisi quod colores contrario testimonio vos arguunt. Vos enim potius ad lucem candidarum paginarum , cum tenebris atramenti venistis. Nobis debetis irasci talia dicentibus , an vobis talia creditibus , ut , velitis , nolitis , ista consequantur ? Nos autem et ad commemorationem fidei nostræ , et ad consolationem spei nostræ , et ad exhortationem charitatis nostræ , Libros propheticos et apostolicos legimus alterutris vocibus sibimet concinantes ; et ea concincentia , tanquam cœlesti tuba , et a torpore mortalis vitæ nos excitantes , et ad palmam supernæ vocationis extendentes. De Libris enim propheticis quiddam cum commemorasset Apostolus , sicut scriptum est , *Opprobria exprobrantium tibi ceciderunt super me (Psal. lxviii, 10)* ; continuo subiungit utilitatem divinæ lectionis : *Quæcumque enim ante scripta sunt , inquit , ut nos doceremur , scripta sunt ; ut per patientiam et consolationem Scripturarum spem habeamus ad Deum (Rom. xv, 4)*. Sed contradicit Faustus. Fiat ergo illi quod dicit Paulus : *Si quis vobis evangelizaverit præterquam quod accepistis , anathema sit (Galat. i, 9)*.

¹ Lov., membra ligata teneantur. Superfluo addita vox , membra , qua carent editi alii et MSS. cuiusque loco subintelliguntur , substantia.

² Sic Am. Er. et MSS. At Lov., exæquatas.

³ Editio Lov., tanquam primo libello vestro id quod im mundum erat. Castigatur ex editionibus aliis et MSS.

LIBER QUARTUS DECIMUS.

CAPUT PRIMUM. — FAUSTUS dixit : Quare Moysen non accipitis? Amoris pietatisque causa , qua collimus Christum. Quis enim irreligiosus adeo est , ut cum libenter aspiciat ¹ , qui suo maledixerit patri ? Quapropter et nos Moysen , quanquam humanorum nulli unquam divinorumque pepercit blasphemando , plus tamen hinc execraramur , quod Christum Filium Dei , qui nostræ salutis causa peperit in ligno , diro devotionis ² coniacio facessivit : utrum volens , an

casu , tu videris. Neutro enim horum excusatus erit aut commendatus , ut debeat accipi. Ait enim maledictum esse omnem qui pendet in ligno (*Deut. xxii, 23*). Hunc ergo tu vis ut accipiam , huic ut credam : cum si divinus fuit , constet cum scientem volentemque maledixisse Christo ; si vero nolens nesciensque maledixerit , constet eum non fuisse divinum. Tu ergo elige utrumvis , aut Moysen prophetam non fuisse , et imprudentia peccasse , ut dum aliis ex more suo maledicit , nesciens blasphemaverit et Deum ; aut fuisse quidem divinum , nec futura hæc ignoravisse , sed invidenter tamen nostræ saluti , quæ futura erat ex ligno , in ejus auctorem maledici oris sui venena

¹ Aliquot MSS., accipiat.

² Am. Er. et quidam MSS. constanter habent , devotionis. Itemque paulo post , col. 293 , non tam crudæ devotionis contumelia.— Editio PP. Benedictinorum Antuerpiana babet , devotionis. M.

prompsisse. Et quis ergo credit hunc vidisse aut cognovisse Pairem, qui sic laceraverit Filium : hunc adventum Filii potuisse prædicere, qui ascensionis ejus ignoraverit exitum? Huc accedit, quod illud etiam considero, quam late hoc sit sparsum convicium, quanque multa comprehendat et violet : ut omnes etiam tangat justos et martyres, quotquot similis passionis exitu defuncti sunt vita, ut Petrus, et Andreas, ac reliqui ejusdem sortis. Quos nisi Moyses aut ut non propheta, nescisset, aut ut malignus odisset, si fuit propheta, non tam crudelis devotionis contumelia lacerasset. Neque enim vulgo saltem eos maledictos dicit, id est, apud homines tantum, sed maledictos Deo. Quod si ita est, unde jam benedictionis relinquitur spes vel Christo, vel Apostolis, vel ipsis nobis, si nominis ejus causa¹ crucifigi contingat? Quam denique imprudens erat et vacans inspiratione divina, ut cogitare nequiverit diversis ex causis homines in ligno suspendi; alios quidem ob iniquum facinus, quosdam vero justitiae causa, et propter Deum: idcirco confuse omnes et sine discretione ulla sub idem conjectit maledictum: cum esset dicendum, si ei prudentia inesset ulla, non dicam divinatio, et si adeo crux offendereat eum, ut sola excepta abdicata que esset ex omni genere punitionum, maledictum esse sceleratum et impium omnem qui peperdisset in ligno; ut esset discretio aliqua inter justos et injustos: quanquam ne sic quidem vera dixisset, cum latronem Christus de ligno secum introduxerit in paradisum Patris sui (*Luc.*, xxiii, 43). Ubi est ergo, *Maledictus omnis qui pendet in ligno?* An Barabbas latro ille insignis, qui non solum in ligno suspensus minime est, sed etiam Iudeorum rogatu emissus e carcere (*Math.* xxvi, 26), magis fuit benedictus, quam ille qui cum Christo de cruce ascendit in cœlum? Quid denique, quod etiam eum maledictum vocat, qui solem adoraverit, aut lunam (*Deut.* xvii, 3)? Si ergo sub gentili positus rege, solem adorare cogar, et cum restero, maledictum hoc metuens jubar crucifigi, in aliud ejus incurram maledictum, quod adversus eum depropnsit qui pendet in ligno? An ipsi quidem bonis omnibus maledicere consuetum est? Nos vero tanti devotiones ejus aestimare debemus, quanti sunt stomachantium vetularum. Sic enim et Dei omnes pueros ac virgines pari devotione prosequitur dicens, maledictum esse omnem qui non suscitaverit semen in Israel (*Id.* xxv, 5-10). Quod sequitur convicium principaliter quidem Jesum tangit, qui ortus est ipse, ut dicitis, ex Judæis, nullam tamen inter eos servandæ posteritatis causa sobolem suscitavit. Deinde et discipulos ejus, quorum nonnullos quidem ab uxoribus sejunxit, quos copulatos inventerat: quosdam vero et conjungi vetuit, quos reprehendit intactos. Qua de re Moyseos impunitam hanc linguam, maledictorum jaculis Christum lumen, sanctimoniam, divina omnia petentem, jure nos cognoveris execratos. Ac ne forte multum interesse putas inter suspensum et crucifixum; nam et hoc in præ-

dium vobis defensionis soletis assumere; commentis hisce vestris Paulum audias præscribente, *Christus nos redemit de maledicto Legis, factus pro nobis maledictum: quia scriptum est, Maledictus omnis qui pendet in ligno* (*Galat.* iii, 13).

CAPUT II. — AUGUSTINUS respondit: *Pius homo* Faustus dolet Christum esse maledictum a Moyse, et ob hoc odit Moysem, quia diligit Christum. Interim, antequam aperiam in quam magno sacramento, et quam pie dictum sit, *Maledictus omni. qui in ligno peperdenter* (*Deut.* xxi, 23), istos pios homines interrogabo, cur irascantur Moysi, quandoquidem maledictum ejus ad Christum istorum non pervenerit. Si enim Christus peperdit in ligno, clavis utique affixus est. Unde etiam ipsis cicatrices post resurrectionem discipulo minus credulo demonstravit (*Joan.* xx, 27). Quod si ita est, utique vulnerabile atque mortale corpus habuit, quod isti nolunt fateri. Si ergo et illa vulnera, et ille cicatrices falsæ erant, falsum est et quod peperdit in ligno. Non itaque potuit ad eum illa maledictio pervenire, non est quod succenseant ei a cuius ore processit. Itaque si ipsi irasci se singunt ei qui maledixerit false morti Christi, quod secundum ippos dixerim; quomodo fugiendi sunt, qui non maledicunt Christum, sed quod est execrabilius, criminantur? Si enim non est accipiens qui maledictum ingerit mortalitati; quomodo est detestandus qui fallaciam objicit veritati? Sed jam videamus ex occasione calumniantium haeticorum, quomodo illud sacramentum fidelibus exponatur.

CAPUT III. — Mors hominis ex poena peccati est, unde et ipsa peccatum dicitur: non quia peccat homo dum moritur, sed quia ex peccato factum est ut moriatur. Sicut alio modo dicitur lingua proprie caro quæ intra dentes sub palato movetur; et alio modo dicitur lingua, quod per linguam fit; secundum quem modum dicitur alia lingua græca, alia latina: et manus alio modo dicitur ipsum proprie corporis membrum quod movembris ad operandum, et alio modo manus dicitur scriptura quæ fit per manum. Dicimus enim, *Prolata est manus ejus: Lecta est adversus eum manus ejus: Habeo manum tuam: Recipe manum tuam. Manus utique proprie membrum est hominis: non autem opinor illam scripturam membrum esse hominis, et tamen dicitur manus, eo quod manu facta sit.* Sic et peccatum, non tantum ipsum opus malum, quod poena dignum est; sed etiam ipsa mors, quæ peccato facta est, peccatum appellata est¹. Illud itaque peccatum, quo reus esset mortis, non commisit Christus: illud autem alterum, id est, mortem, quæ peccato inflicta est humanæ naturæ, suscepit pro nobis. Hoc suspendit in ligno, hoc maledictum est per Moysem: ibi mors damnata est ne regnaret, et maledicta est ut poriret. Quapropter per Christi tale peccatum, damnatum est et nostrum peccatum ut nos liberaremur, ne regnante peccato nos damnati remaneremus.

¹ Er. et plerique MSS., *appellatum sit.*

¹ sola fere editio Lov., si omnes nos ejus causa.

CAPUT IV. — Quid ergo miratur Faustus maledictum esse peccatum , maledictam esse mortem , maledictam esse mortalitatem carnis sine peccato Christi , ex peccato tamen hominis etiam in Christo factam ? Ex Adam quippe corpus assumpsit , quia ex Adam virgo Maria , quæ peperit Christum . Dixerat autem Deus in paradyso , *Qua die tetigeritis , morte viciemini* (Gen. ii , 17) : hoc est maledictum , quod pendit in ligno . Ille neget Christum maledictum , qui negat et mortuum . Qui autem confitetur et mortuum , et negare non potest mortem de peccato esse , et ob hoc etiam ipsum peccatum vocari , audiat Apostolum dicentem , *Quoniam vetus homo noster simul cum illo crucifixus est* (Rom. vi , 6) ; et intelligat quem maledictum Moyses dixerit . Ideoque securus ¹ Apostolus ait de Christo , *Factus pro nobis maledictum* (Galat. iii , 13) : sicut non timuit dicere , *Pro omnibus mortuus est* (II Cor. v , 15) . Hoc est enim , *mortuus est* , quod *maledictus* : quoniam mors ipsa ex maledicto est , et maledictum est omne peccatum , sive ipsum quod sit , ut sequatur supplicium , sive ipsum supplicium , quod alio modo vocatur peccatum , quia sit ex peccato . Suscepit autem Christus sine reatu supplicium nostrum , ut inde solveret reatum nostrum , et finiret etiam supplicium nostrum .

CAPUT V.— Ex ingenio meo ista dixerim , si non Apostolus toties hoc inculcat , ut et dormientes excitet , et calumniantes offocet . *Misit* , inquit , *Deus Filium suum in similitudinem carnis peccati , ut de peccato damnaret peccatum in carne* (Rom. viii , 3) . Non erat ergo illa caro peccati , quia non de traduce mortalitatis in Mariam per masculum venerat : sed tamen quia de peccato est mors , illa autem caro quamvis ex virgine , tamen mortalis fuit ; eo ipso quo mortalis erat , similitudinem habebat carnis peccati . Hoc appellat etiam peccatum , consequenter dicens , *Ut de peccato damnaret peccatum in carne* . Item alio loco , *Eum* , inquit , *qui non noverat peccatum , peccatum pro nobis fecit , ut nos simus justitia Dei in ipso* (II Cor. v , 21) . Cur ergo timeret Moyses dicere *maledictum* , quod Paulus non timuit dicere *peccatum* ? Plane hoc Propheta et prævidere debuit , et prædicere , paratus ab haereticis cum Apostolo reprehendi . Quisquis enim reprehenderit Prophetam dixisse , *maledictum* ; cogitur reprehendere Apostolum dixisse , *peccatum* : nam utique maledictum comes peccati est .

CAPUT VI.— Nec ideo major invidia est , quod adiderit , *Deo* , ut diceret , *Maledictus Deo omnis qui penderit in ligno* . Nisi enim Deus odisset peccatum , et inmortem nostram , non ad eam suscipiendam atque delendam Filium suum mitteret . Quid ergo mirum , si maledictum est Deo , quod odit Deus ? Tanto enim libentius nobis donat immortalitatem , quæ futura est Christo veniente , quanto misericordius odit mortem nostram , quæ in ligno pendit Christo moriente . Quod autem additum est , *omnis* , ut diceretur , *Maledictus omnis qui in ligno penderit* , non sane Moyses minus prævidit elian justos in cruce futuros , sed bene

prævidit haereticos verani morteri Domini negaturos , et ideo volentes ab hoc maledicto Christum sejungere , ut a mortis etiam veritate sejungerentur . Si enim vera illa mors non erat , nullum maledictum Christo crucifixo pependit in ligno , quia nec vere crucifixus est . Sed contra longe futuros haereticos , quam de longe clamat Moyses , Sine causa tergiversamini , quibus displiceret ¹ veritas mortis Christi , *Maledictus omnis qui penderit in ligno* : non ille aut ille , sed omnis omnino ! Etiamne et Filius Dei ? Etiam prorsus . Nam hoc est quod non vulpis : inde satagitis , inde seductis . Displiceret enim vobis maledictus pro nobis , quia displiceret mortuus pro nobis . Tunc enim extra maledictum illius Adam , si extra illius mortem . Cum vero ex homine et pro homine mortem suscepit , ex illo et pro illo etiam maledictum quod mortu comitur , suscipere non deditus est etiam ille , prorsus etiam ille Filius Dei semper vivus in sua justitia , mortuus autem propter delicta nostra (Rom. iv , 25) , in carne suscepta ex poena nostra . Sic et semper benedictus in sua justitia , maledictus autem propter delicta nostra , in morte suscepta ex poena nostra : ac per hoc additum est , *omnis* , ne Christus ad veram mortem non pertinere diceretur , si a maledicto , quod morti conjunctum est , insipienti honorificentia separaretur .

CAPUT VII.— Qui autem ex veritate evangelica fidelis est , intelligit tam non esse contumeliam Christi ex ore Moysi , cum eum dixit maledictum , non ex divinitate majestatis suæ , sed ex conditione poenæ nostræ , ex qua in ligno suspensus est ; quam non est laus Christi ex ore Manichæorum , cum eum negant carnem habuisse mortalem , in qua veram mortem pateretur : quia ex illo propheticō maledicto laus intelligitur humilitatis , ex isto haereticō quasi honore crimen objicitur falsitatis . Si ergo negas maledictum , nega mortuum : si negas mortuum , non jam contra Moysen , sed contra Apostolos dinicas . Si autem confiteris mortuum , confitere suscepisse poenam peccati nostri sine peccato nostro . Jam vero ubi audis poenam peccati , aut ex benedictione crede venientem , aut ex maledictione : si ex benedictione venit poena peccati , opta esse semper in poena peccati ; si autem optas inde liberari , crede per divinæ sententiae justitiam ex maledictione venisse . Confiterere ergo maledictum suscepisse pro nobis , quem confiteris mortuum esse pro vobis ; nec aliud significare voluisse Moysen , cum diceret , *Maledictus omnis qui in ligno penderit* ; nisi , Mortalis omnis et moriens omnis qui in ligno penderit . Poterat enim dicere , *Maledictus omnis mortalis* ; aut , *Maledictus omnis mortuus* . sed hoc est quod asserit Prophetæ ² , quia sciebat Christi mortem in cruce pensuram , et futuros haereticos qui dicerent , Pependerit quidem in ligno , sed specie quadam , non ut vere moreretur . Clamando ergo , *Maledictus* , nihil aliud clamavit , nisi quia vere mortuus , sciens mortem hominis peccatoris , quam sine peccato ipse suscepit , de illo maledicto venien-

¹ Plures MSS. , *secutus*.

¹ MSS. , o quibus displiceret.
² In MSS. , prophetæ.

tem quo dictum est, *Si tetigeritis, morte moriemini* (*Gen. 11, 17*). Ad hoc pertinet et serpens ille in ligno suspensus, quo significaretur non falsam mortem Christum finxisse, sed illam veram in ligno passionis suæ suspendisse, in quam serpens ille hominem male suadendo dejecit. Quam veram mortem nolunt isti conspicere: et ideo non sanantur a veneno serpentis, sicut in eremo quicunque illum attendenter sanabantur (*Num. xxi, 9*). *

CAPUT VIII.—Itaque fatemur ab imperitis dici, aliud esse affigi ligno, aliud in ligno pendere. Sic enim quidam putant solvendam esse istam quæstionem, ut Judam dicant a Moyse maledictum qui laqueo se suspendit; quasi primo noverint utrum ex ligno an ex lapide se ille suspenderit. Sed verum est, quod et Faustus commemoravit, Apostolum non sinere aliud intelligere, quam de Christo esse prædictum. Sed talis imperitia nonnullorum Catholicorum, venatio Manichæorum est. Tales enim solent insectari, tales suis fallacis irretire: tales in eos cecideramus, tales haeseramus; tales, non viribus nostris, sed Dei misericordia eruti sumus.

CAPUT IX.—Quæ autem divina Moyses laceravit, sicut Faustus criminatur dicens, quod *humanoru*
nulli unquam divinorumque pepercerit? Dicit enim, et abiit: nihil sategit probare, nihil curavit ostendere. Nos autem scimus Moysen omnia vere divina pie laudasse, et pro sui temporis congruentia suæque dispensationis gratia, juste humana rexisse. Exigant isti ut hoc doceam, cum et ipsi docere conati fuerint quod Faustus objicit, caute quidem, ut erat acutus, sed ob hoc incautus, quia suo acumine se perimebat. Felix enim cor acutum ad veritatem, infelix contra veritatem. Non dixit, hominum nulli unquam deorumque pepercerit, sed, *humanorum*, inquit, *et divinorum*. Si onim diceret cum Deo non pepercisse, facile convinceretur falsæ criminationis; cum Moyses inveniretur ubique honorare ac prædicare Deum verum, qui fecit cœlum et terram. Si autem diceret, nulli deorum pepercisse, proderet se Christianis illos deos colere, a quibus adorandis Moyses prohibet: atque ita sub alas Catholicæ matris nullis fugientibus non congregaret quæ non peperit. Ut ergo insidias tenderet parvulis, dixit divinorum nulli pepercisse Moysen, quo possent neque Christiani, aperto deorum cultu, fugere impietatem istorum nimis abhorrentem a religione Christiana, et Pagani eis favere adversum nos, qui Moysen scienc contra idola et contra deos Gentium, quæ sunt dæmonia, multa vera et digna dixisse.

CAPUT X.—Quod si istis displicet, aperte se fiantur idolorum vel dæmoniorum esse cultores: quod quidem ignoranter essent, eo ipso solo quod essent heretici. De talibus enim dixit Apostolus: *Quia in novissimis temporibus recedent quidam a fide, intendentia spiritibus seductoribus, doctrinis dæmoniorum in hypocrisi mendaciloquorum* (*1 Tim. iv, 1, 2*). Qui enim nisi dæmones, quibus est amica fallacia, istis persuaderent quod Christus fallaciter passus, fallaci-

ter mortuus sit, fallaciter cicatrices ostenderit; id est, non vere passus, nec vere mortuus sit, nec illæ veræ fuerint ex veris vulneribus cicatrices? Quæ sunt evidenteriores doctrinæ mendaciloquorum dæmoniorum, quam istæ quibus persuadetur Filium Dei, id est ipsam veritatem, esse mendacem? Sed isti in doctrina sua habent et apertam, non quidem dæmoniorum, sed tamen creaturæ culturæ, quam damnat Apostolus, dicens: *Et coluerunt, et servierunt creaturæ potius quam Creatori* (*Rom. 1, 25*).

CAPUT XI.—Proinde isti in phantasmatibus fabularum suarum idola et dæmonia nescientes colunt: in sole autem et luna neverunt se servire creaturæ; et quod putant se etiam Creatori servire, multum falluntur: phantasmati enim suo serviunt, Creatori autem nullo modo serviunt, quando ea negant Deum creasse, quæ aperte Apostolus ad Dei creaturam pertinere demonstrat, dicens, cum de cibis et carnibus ageret, *Omnis enim creatura Dei bona est, et nihil abiciendum quod cum gratiarum actione percipitur* (*1 Tim. iv, 4*). Videjte quid sit sana doctrina, quam non ferentes vos ad fabulas convertistis. Quomodo Apostolus et creaturam Dei laudat, et ei tamen cultum religionis exhiberi vetat: sic et Moyses (qui vobis videtur nulli divinorum pepercisse, non ob aliud suspicor, nisi quia solem et lunam vetuit adorari [*Deut. xvi, 3*], ad quorum circuitum vos per omnes angulos veritis, ut eos adoretis) solem et lunam vera laude laudavit, cum eos factos a Deo, et in cœlesti ordine ad peragenda sua opera collocatos, sicut est, ita narravit: *Solem in potestatem diei, lunam in potestatem noctis* (*Gen. 1, 16, et Psal. cxxxv, 8, 9*). Falsis autem vestris laudibus sol et luna non gaudent. Diabolus novit falsa laude gaudere, prævaricatrix creatura. Potestates vero cœlorum, quæ peccato non lapsæ sunt, artificem suum in se laudari volunt: quarum illa vera laus est, qua Creatori illarum non fit injuria. Fit autem cum dicitur quod partes ejus sunt, aut membra ejus, ant aliquid substantiæ ipsius. Ille enim perfectus, et nullius indigenus, et nusquam defluens, neque discessus, neque per loca distentus, apud se totus incommutabilis, sibi sufficiens, se ipso beatus, propter abundantiam bonitatis per Verbum suum dixit, et facta sunt; mandavit, et creata sunt (*Psal. cxlviii, 5*). Proinde si terrestria corpora, de quibus loquebatur Apostolus cum cibum nullum immundum diceret, bona sunt, quia *omnis creatura Dei bona est*; quanto magis cœlestia, in quibus excellunt sol et luna! cum ipse Apostolus dicat, *Corpora cœlestia et corpora terrestria; sed alia est cœlestium gloria, alia terrestrium* (*1 Cor. xv, 40*).

CAPUT XII.—Non ergo conviciatur Moyses soli et lunæ, cum eos vetat adorari; sed eos laudat tanquam creaturam cœlestem: Deum autem laudat tanquam creatorem cœlestium et terrestrium; nec vult offendere Deum, cum illi pro illo adorantur, qui propter illum et ex illo laudantur.

At quam sibi Faustus argute reprehendere visus est, quod etiam maledictum vocat Moyses, qui solem

adoraverit ac lunam. Si ergo, inquit, sub gentili positus rege, solem cogar adorare, et cum restiero, maledictum hoc metuens, jubear crucifigi, in aliud ejus incurram maledictum, quod adversus eum deprompsit, qui pendet in ligno. Vos quidem nullus rex gentilis cogit adorare solem, quod nec ipse sol cogeret, si in terra regnaret, quia nec nunc a vobis hoc vult fieri: sed sicut Creator ipse impios blasphematores suos usque ad judicium sustinet, sic et ipsa coelestia tolerant vanos adoratores suos usque ad judicium Creatoris sui (a). Tamen mementore Christianum regem non posse cogere ut sol adoretur. De gentili enim rege exemplum Faustus proposit, sciens profecto ad Gentiles pertinere quod facitis, cum solem adoratis. Non est ergo hoc christianum: sed ubique jam perdidit nomen Christi ponit, ut congreget quae non peperit (*Jerem. xvii, 11*). Vide tenet quanquam facile respondeat veritas, et sana doctrina quam facile disrumpat hunc vestrum questionis tanquam inevitabilem et bicipitem laqueum. Ecce faciamus aliquem armatum regia potestate comminari homini christiano, ut si solem adorare noluerit, suspendatur in ligno. Si declinavero, inquis, maledictum, quod Lex prompsit in solis adoratorem, incidam in illud quod eadem Lex prompsit in eum qui pependerit in ligno. Ita vero turbaberis: sed tu, imo nec tu, qui et nullo cogente adoras solem. At vero Christianus aedificatus super fundamentum Apostolorum et Prophetarum (*Ephes. ii, 20*), attendit singulas causas, et singula maledicta: videt unum pertinere ad corpus mortale, quod ligno suspenditur; alterum ad animum, quo sol adoratur. Etsi enim corpus inclinatur in adorando, animus tamen aut colit quod adorat, aut singit; utrumque autem perniciosum est. Quapropter quoniam maledictum in utroque mors meruit, sicut mors est corporis in ligno pondere, ita mors animi est solem adorare. Ellendum est igitur maledictum in corporis morte, quo maledicto et ipsum corpus in resurrectione liberabitur: devitandum autem maledictum in anima morte, ne cum suo corpore in aeterno igne damnetur. Hanc enim questionem nobis Dominus solvit, dicens: *Nolite timere eos qui corpus occidunt, animam autem non possunt occidere: sed eum timete qui habet potestatem et animam et corpus occidere in gehennam ignis* (*Matth. x, 28*). Tanquam diceret, Nolite timere maledictum corporalis mortis, quod

(a) *Il Retract., cap. 7, n. 3.*

temporaliter solvitur: sed timete maledictum spiritualis mortis, per quod anima in aeternum cum suo corpore cruciatur. Ecce non est anicularis maledictio, sed prophetica praedictio, *Maledictus omnis qui pendet in ligno*. Sic enim auferit Christus de maledicto maledictum, quomodo de morte mortem, de peccato peccatum. Sic ergo non blasphemavit Moyses dicendo, *Maledictus omnis qui pendet in ligno*: quomodo non blasphemaverunt Apostoli dicendo, *Mortuus est* (*II Cor. v, 14, 15*); et, *Vetus homo noster confixus est cruci cum illo* (*Rom. vi, 6*); et, *De peccato damnavit peccatum* (*Id. viii, 5*); et, *Eum qui non noverat peccatum, peccatum pro nobis fecit* (*II Cor. v, 21*); et multa hujusmodi. Vos autem cum horretis maledictum Christum, fatemini vos horrere mortem Christi. Ubi appetet vestra, non anicularis maledictio, sed diabolica simulatio, qui mortem Christi corporis, animae vestre morte non creditis. Quam tamen mortem Christi non veram, sed simulatam suadetis: quasi non audeatis per nomen christianum homines fallere, nisi ipsum Christum magistrum fallacie faciatis.

CAPUT XIII. — Quod autem invidus continentiae vel virginitati Fausto Moyses visus est, quia dixit, *Maledictus omnis qui non suscitarerit semen in Israel* (*Deut. xxv, 7*); legant Isaiam clamantem, *Hæc dicit Dominus spadonibus omnibus: Qui observaverint præcepta mea, et elegerint quæ ego volo, et custodierint testamentum meum; dabo illis in domo mea et in muro meo locum nominatum, meliorem filiorum et filiarum: nomen aeternum dabo illis, et non deerit illis* (*Isai. LVI, 4, 5*). Aut si contrarium putant Isaiam Moysi, hic eis placeat, si ille displiceret; non est parum adversus istos. Nobis enim sufficit scire unum Deum locutum et per Moysen et per Isaiam: et maledictum esse omnem qui non suscitarerit semen in Israel, sive tunc, cum populo secundum carnem propagando etiam carnalis prolis operatio in conjugali castitate ad officium civicum¹ pertinebat; sive nunc, ne quisquam spiritualiter natus, putet sibi debere sufficere, nec instet dominicis lucris, quibus quisque pro modulo suo praedicando Christum, debet generare christianos. Ita illa divina sententia tempora utriusque Testamenti mira brevitate complectitur, *Maledictus omnis qui non suscitarerit semen in Israel*.

¹ Edito Lov., *ad officium conjugum*. At MSS. cum Am. et Er., *ad officium civicum*, habent, aut, *ad officium ci- trium*.

LIBER QUINTUS DECIMUS.

CAPUT PRIMUM — FAUSTUS. dixit: Quare non accipitis Testamentum *Vetus*? Quia et omne vas plenum superfusa non recipit, sed effundit: et stomachus satur rejicit ingesta. Proinde et Judæi ex præoccupatione Moyseos Testamento Veteri satiati, respuerunt Novum: et nos ex Christi præventione Novo referti, respuimus *Vetus*. Vos ideo utrumque accipitis, quia in neutro estis pleni, sed semi: alterumque ex altero

in vobis non tam repletur, quam corruptitur; quia et sema vas nunquam de dissimili impletur materia, sed de eadem ac sibi simili, ut vini vino, mellis uelle, et aceti aceto: quibus si dissimilia et non sui generis superfundas, ut melli fel, et aquam vino, et aceto garos; non repletio vocabitur haec, sed adulterium. Haec ergo causa est, unde nos parum accipimus Testamentum *Vetus*: et quia Ecclesia nostra, sponsa

Christi, pauperior quidem ei nupta, sed diviti, contenta sit bonis mariti sui, humilium amatorum dignatur opes, sordent ei Testamenti Veteris et ejus auctoris munera, famaque suæ custos diligentissima, nisi sponsi sui non accipit litteras. Vestra sane Ecclesia usurpet Testamentum Vetus, quæ ut lasciva virgo immemor pudoris, alieni viri et muneribus gaudet et litteris. Amator denique ille vester, et pudoris corruptor Hebreorum Deus, diptychio lapideo suo, aurum vobis promittit et argentum, ventris saturitatem (*Deut. viii, 7-9*), et terram Chananæorum (*Exod. xxiii, 23*). Hi vos delectaverunt tam sordidi quæstus, ut libeat peccare post Christum, ut sitis ingrat tam immensis dotibus ejus. Hæc vos illiciunt, ut in Hebreorum depercatis Deo post nuptias Christi. Discite ergo jam nunc etiam falli vos, et decipi falsis promissionibus ejus. Pauper est, egens est, nec ea quidem præstare potest quæ promittit: nam si suæ propriæ conjugi, dico autem Synagogæ, nihil horum præstat quæ pollicetur, et quidem morem gerenti sibi per omnia, et servienti submissius quam ancilla; vobis præstare quid poterit alienis ab se, et mandatorum suorum detrectantibus jugum superba cervice? Sed vos quidem pergit agere ut coepistis, rudem pannum veteri vestimento committite, novum vinum veterosis utribus credite (*Matth. ix, 16, 17*), duobus maritis nulli placituri servite, christianam denique fidem Hippocentaurum facite, nec equum perfectum, nec hominem: nobis soli Christo servire permittite, ejus tantum immortalí dote contentis, et imitantibus Apostolum qui dicit, *Sufficientia nostra ex Deo est, qui nos idoneos probavit ministros Novi Testamenti* (*II Cor. iii, 5, 6*). Ilebræorum Dei et nostra admodum diversa conditio est; quia nec ipse quæ promittit implere potest, et nos ea fastidimus accipere. Superbos nos adversus blanditias ejus, Christi liberalitas fecit. Ac ne incongrue me hæc comparasse existimes, Paulus in nos banc conjugalis disciplinæ similitudinem prior contulit, dicens: *Quæ sub viro est mulier vivente viro affligata est lege viri: si autem mortuus fuerit vir ejus, soluta est a lege viri. Ergo vivente viro vocabitur, inquit, adultera, si juncta fuerit alteri viro: quod si mortuus fuerit vir ejus, non erit adultera alii conjuncta* (*Rom. vii, 2, 3*). Per hoc ostendens, spiritu incechari eos qui non ante repudiantes, et in mortuis quodam modo ponentes Legis auctorem, tum demum se copulaverint Christo. Quod dictum ad eos præcipue spectat, qui erediderint ex Judeis, videlicet ut ipsi sint primæ superstitionis obliti. Nobis vero in hoc quid opus est vel præceptio, quibus ex Gentilitate conversis ad Christum, Hebreorum Deus non mortuus debet vide ri, sed nec natus? Sane Judeo, si credit, Adoneus debet videri defunctus, gentili vero idolum: et unicuique quod est veneratus ante cognitum Christum. Nam si post idolatriæ divortia Hebreorum quis Deum et Christum pariter colat, nihil ille quidem a detriti pudoris semina discrepavit, quæ post unius mariti obitum duobus nupserit.

CAPUT II.—Augustinus respondit: Audite hæc,

quorum corda possidet Christus; et videte, si toleratis, nisi quia ipse est vestra patientia. Faustus novo melle plenus, respuit acetum vetus, et Paulus aceto vetere plenus, effudit dimidium, quo caperet infusum mel novum; non servandum, sed corrumpendum. Vides enim, quod ait apostolus Paulus, *Servus Christi Jesu, segregatus in Evangelium Dei, ex melle novo est*. Illud autem quod sequitur, *Quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem* (*Rom. i, 1-5*); ex aceto vetere. Quis hoc sustineret audire, nisi nos consolaretur idem dicens: *Oportet et hereses esse, ut probati manifesti fiant in vobis* (*I Cor. xi, 19*)? Sed quid opus est eadem jam superius satis dicta repetere (*Lib. 8*)? Nam pannum novum et vestimentum vetus, et vinum novum et utres veteres, non duo Testamenta significare, sed duas vitas, et spes duas: ad duo vero Testamenta intelligenda illam datam esse a Domino similitudinem, *Propterea omnis scriba eruditus in regno Dei similis est patrificalias proferenti de thesauro suo nova et vetera* (*Matth. xiii, 52*), ex his quæ ante diximus, recordetur qui potuerit, vel certe recenscat qui voluerit. Duas enim spes si quis habendas putaverit ut et propter felicitatem terrenam, et propter regnum cœlorum Deo serviat; hæc illam non capit, et cum hæc aliqua tribulatione fuerit perturbata, deficiens homo amittet etiam illam. Inde est et illud: *Nemo potest duobus dominis servire*. Quod exposuit dicens, *Non potestis Deo servire et mammonæ* (*Id. vi, 24*). Vetus autem Testamentum recte intelligentibus prophetia est Novi Testamenti. Itaque et in illo primo populo sancti Patriarchæ et Prophetæ, qui intelligebant quod agebant, vel quod per eos agebatur, in Novo Testamento habebant istam spem salutis æternæ: ad illud enim pertinebant, quod intelligebant et diligebant; quia etsi nondum revelabatur, jam tamen figurabatur. Ad Vetus autem illi pertinebant, qui non illic amplius quam promissa temporalia cogitata concupiscebant, in quibus æterna figurata et prophetata non intelligebant. Sed hæc jam satis superque prioribus responsionibus nostris dicta sunt.

CAPUT III.—Illa vero est mirabilis impudentia, cum Manichæorum sacrilega et immunda societas etiam castam sponsam Christi se jactare non dubitat: in quo adversus sanctæ Ecclesiæ vere casta membra¹ quid proficit, nisi ut veniat in mentem adversus tales apostolica illa admonitio: *Aptari vos uni viro, virginem castam exhibere Christo. Timeo autem, ne sicut serpens Eym feſſellit astutia sua, sic et vestræ mentes corrumpantur a castitate, quæ est in Christo* (*II Cor. xi, 2, 3*)? Quid enim agunt isti evangelizantes nobis præter quod accepimus, nisi ut nos a castitate corrumpant, quam Christo servamus, quando legem Dei culpant nomine vetustatis, et errorem suum laudant nomine novitatis, quasi omnis vetustas fugienda sit, aut omnis vetustas appetenda; cum et mandatum vetus in laude

¹ sola editio Lov., vere catholicæ casta membra.

ponat apostolus Joannes (*I Joan.* ii, 7), et profanas verborum novitatem evitari jubeat apostolus Paulus (*I Tim.* vi, 20)? Te ergo, vera sponsa veri Christi Ecclesia catholica, alloquar et ego te pro modulo meo, qualiscumque filius et servus tuus positus in te dispensare cibaria conservis meis. Cave semper, ut carves, Manichaeorum impiam vanitatem, jam tuorum periculo expertam, et liberatione convictam. Ille me quondam de gremio tuo error excusserat: expertus fui quod experiri non debui. Sed tibi profecerint etiam pericula mea, cui nunc servit liberatio mea. Quia nisi mihi verus et ~~verax~~^{verax} sponsus tuus, de cuius latere facta es, in vero sanguine suo remissionem peccatorum posuisset, absorbusset me vorago fallacie, et terram factum serpens irreparabiliter devorasset. Noli decipi nomine veritatis: hanc sola tu habes, et in lacte tuo, et in pane tuo; in hac autem tantum nomen ejus est, ipsa non est. Et in tuis quidem grandibus secura es: sed appello in te parvulos tuos, fratres, filios, dominos meos, quos vel tanquam ova sollicitis alis foves, vel tanquam infantes lacte nutris, sine corruptione secunda, virgo mater. Hos in te appello teneros fetus tuos, ne garrula curiositate seducantur abs te; sed potius anathemate, si quis eis evangelizaverit praeter id quod acceperunt in te (*Gallat.* i, 9): nec relinquant verum veracemque Christum, in quo sunt omnes thesauri sapientiae et scientiae absconditi (*Coloss.* ii, 3), et magnam multitudinem dulcedinis ejus, quam abscondit metuentibus se, perfecit autem sperantibus in se (*Psal.* xxx, 20). Ibi vero quomodo possunt esse verba veracis, in prædicatore Christi fallacis? Contemne insultationes eorum: quia bene tibi es conscientia, promissionem vitæ æternæ te adamasse in munericibus sponsi tui, id est, ipsum sponsum tuum, quia ipse est vita æterna.

CAPUT IV. — Non autem, sicut illi desipiunt, ad alienum deum seducta es, promittentem saturitatem ventris et terram Chananeorum. Intelligis quippe in ipsis etiam promissionibus te jam tunc figuratam et prophetatam, præscientiam parturisse sanctorum. Nec lapideo diptychio miserabili dicacitate reprehenco monearis: quia non habes lapideum cor, quod illæ tabulae in populo priore significabant. Es enim *epistola Apostolorum*, *scripta non atramento, sed spiritu Dei vivi; non in tabulis lapideis, sed in tabulis cordis carnalibus* (*II Cor.* iii, 2, 3). Ad quæ verba illi vani gaudent, putantes Apostolum reprehendisse dispensationem illi temporis congruam Veteris Testamenti, non intelligentes hoc cum ex Prophetâ dixisse. Ille enim verba, quæ imperite amplectuntur, longe antequam per Apostolos dicerentur et implerentur, a Prophetis, quos respuerunt, prænuntiata sunt. Prophetâ enim dixerat: *Auseram eis cor lapideum, et dabo eis cor carneum* (*Ezech.* xi, 19). Videant si non hoc est, *Non in tabulis lapideis, sed in tabulis cordis carnalibus*. Nam neque ibi quod dictum est cor carneum, neque hic tabulae carnales, hoc volunt, ut carnaliter sapiamus¹: sed quia in

comparatione lapidis, qui sine sensu est, caro sentit; per lapidis insensualitatem significatum est cor non intelligens, et per carnis sensualitatem significatum est cor intelligens. Tu potius istos irride, qui dicunt, et terram et ligna et lapides habere sensum, et intelligentiore vita vivere, carnes autem stolidiore et obtusiore. Unde non a veritate, sed a sua vanitate coguntur fateri mundius esse legem conscriptam in tabulis lapideis, quam suum thesaurum in pellibus morticinis. An forte quia in fabella sua etiam lapides dicunt esse ossa principum, non eis dubitant coria preponere agnorum? Nempe ergo illa Testimenti area mundius tegebatur lapideas tabulas, quam caprina pellicis codicem istorum. Ille tu misericorditer irride, ut eis irridenda et fugienda commendes: nam in illo diptychio lapideo, jam tu non corde lapideo intelligis, quid duro illi populo congruebat; et in eo tamen agnoscis petram, ipsum sponsum tuum, illum quem Petrus loquitur, *lapidem vivum ab hominibus reprobatum, a Deo autem electum et honorificatum*. Illis ergo erat *lapis offensionis, et petra scandali*: tibi autem *lapis quem reprobaverunt edificantes, factus est in caput anguli*¹ (*I Petr.* ii, 4-8). Quod totum idem Petrus apostolus explicat, et totum a Prophetis, a quibus isti damnati alienantur, prædictum esse commemorat. Lege sane etiam illud diptychium: ne timeas, plane sponsi tui est. Aliis lapis ille significavit duram stoliditatem: tibi autem firmam stabilitatem. Digitus Dei scripta sunt tabulae illæ (*Exod.* xxxi, 18): dígito Dei sponsus tuus ejecit dæmonia (*Luc.* xi, 20): dígito Dei expelle tu doctrinas dæmoniorum mendacioquorum cauterantium² conscientiam (*I Tim.* iv, 2). Ex hoc diptychio repellis adulterum, qui se Paracletum dicit, ut sancto nomine te seducat. Quinquagesimo enim die post Pascha datae sunt illæ tabulae (*Exod.* xx); et quinquagesimo die post passionem sponsi tui quam Pascha illud præfigurabat, datus est digitus Dei, Spiritus sanctus promissus Paracletus (*Act.* ii, 1-4). Noli ergo formidare diptychium, quo tibi scripta olim, quæ nunc agnosceres, mittebantur: tantum noli esse sub lege, ne illam timore non impleas; sed sub gratia, ut sit in te plenitudo legis charitas. Non enim aliud diptychium recensebat sponsi tui amicus, cum diceret: *Nam, Non adulterabis, Non homicidium facies, Non concupisces, et si quod est aliud mandatum, in hoc sermone recapitulatur, Diliges proximum tuum tanquam te ipsum. Dilectio proximi malum non operatur. Plenitudo autem legis est charitas* (*Rom.* xiii, 9 et 10). Ibi enim sunt duo illa præcepta, dilectionis Dei, et dilectionis proximi, singulis tabulis explicata. Hoc ergo diptychium ille premisit, qui tibi haec duo præcepta veniens commendavit, in quibus tota Lex pendet et Prophetæ (*Math.* xxi, 37-40). In primo præcepto est castitas nuptiarum tuarum, in secundo unitas membrorum tuorum: illo amplecteris divinitatem, isto congregas societatem. Quæ duo præcepta, ipsa sunt decem: tria pertinent ad Deum, et septem.

¹ MSS., *in capite anguli*.

² Lov., *cauteriantam habentium*. At editi alii et MSS. hoc loco habent. *cauterianum*.

¹ Editio Lov., *sapiamus ista. Abest, ista, a ceteris libris.*

ad proximum. O pudicum diptychium, in quo, vetere figura, ille dilector et dilectus tuus prenuntiabat tibi canticum novum, in decachordo psalterio (*Psal. xci, 4*) : tanquam pro te etiam nervos suos extensurus in ligno, ut de peccato peccatum damnaret in carne, et justitia legis impleretur in te (*Rom. viii, 5, 4*). O diptychium conjugale, quod non sine causa odit adultera !

CAPUT V. — Jam enim mihi ad te est sermo, manichaea congregatio fallax, et fallaciis involuta. Itane multinuba tot elementis, vel potius meretrix prostituta daemoniis, et sacrilegis vanitatibus imprægnata, andes matrimonium catholicum Domini tui, crimine impudicitæ lacerare ? Ostende nobis moechos tuos, splenditentem¹ ponderatorem, et Atlantem laturam. Illum enim dicis capita elementorum tenere, mundumque suspendere ; istum autem genu fixo, scapulis validis subbajulare tantam molem, utique non ille deficiat. Ubi sunt isti ? Qui si vere essent, quando alii te venirent occupati tanto negotio ? quando ad te intrarent, ut blanda manu tua, et otiosa, plane deliciata², post tantum laborem, alteri digitos, alteri humeros confricales ? Sed fallunt te mala daemonia, que tecum scortantur, ut concipias mendacia, et passionis phantasmata. Cur ergo non respucas diptychium veri Dei, tuis membranis inlamicum, quibus tot falsos deos adamasti mente vagabunda per segmenta cogitationum tuarum, quibus omnia poetica mendacia graviora et honestiora reperirentur, vel hoc certe, quod apud poetas neminem decipit ipsa professio falsitatis, in libris autem tuis tanta fallaciarum turba, pueriles et in senibus animas³, nomine veritatis illectas, miserabilibus corrumptis erroribus, cum pruriens auribus, sicut Apostolus dicit, et a veritate auditum suum avertentes, ad fabulas convertuntur (*H Tim. iv, 4*) ? Quomodo ergo sanam doctrinam ferres illarum tabularum, ubi primum præceptum est, Audi, Israel ; Dominus Deus tuus, Deus unus est (*Deut. vi, 4*), cum tot deorum nominibus⁴ delectata turpissimi cordis fornicatione voluteris ? Annon recordaris amatorium canticum tuum, ubi describis maximum regnante regem, sceptrigerum perennem, floreis coronis cinctum et facie rutilantem ? Quem si solum talem amares, erubescendum tibi esset : nam etiam vir unus floreis coronis cinctus pudicæ conjugi displiceret. Neque enim potes dicere hoc aliqua mystica significatione ita dictum, vel ita demonstratum, cum tibi præcipue laudari Manicheus non ob aliud soleat, nisi quod remotis figurarum integrumentis, ipse tibi veritatem nudam et propriam loqueretur. Proprie igitur cantas Deum regem sceptrigerum, floribus coronatum. Ponat saltem sceptrum, quando coronis floreis cingitor : non decet regiae virginæ severitatem illa luxuriae mollitudo. Huc accedit, quia non a te solus adamatus est : sequeris enim cantando, et adjungis duodecim saecula

¹ Am. Er. et aliquot MSS., *splendide tenebantem*.

² Sic probœ note MSS. Alii cum editis, et otioso pane delectu.

³ Lov., *pueriles et seniles animas*. Melius editi alii et MSS., *pueriles et in senibus animas*.

⁴ Aliquot MSS., *deorum numeribus*.

floribus convestita, et canoribus plena, et in faciem patris flores suos jactantia. Ubi et ipsos duodecim magnos quosdam deos prosteris, ternos per quatuor tractus, quibus ille unus circumcingitur. Quem quomodo immensum faciat, quem sic circumdatum dicitis, numquam invenire potuistis. Adjungis etiam innumerabiles regnolas, et deorum agmina, et angelorum cohortes : que omnia non condidisse dicas Deum, sed de sua substantia genuisse.

CAPUT VI. — Ita convinceris innumerabiles deos colere, non ferendo sanam doctrinam, qua docetur unus de uno Deo natus Filius, et utriusque Spiritus sanctus. Quos tamen non solem innumerabiles, sed nec tres deos fas est dicere : quorum est non solum una eademque substantia, sed etiam una eademque operatio, per ipsam propriam unam eandemque substantiam ; per creaturam vero corporalem etiam demonstratio singulorum. Hæc tu non intelligis, non capis : novi, plena es, inebrata es, ingurgitata es fabuloso sacrilegio. Digeras aliquando quod exhalas, et te jam obruere talibus desinas : interim canta quod cantas, et inspice, si potes, dedecus fornicationis tuae. Invitavit enim te doctrina daemонiorum mendacilorum ad fictas domos angelorum, ubi flat aura salubris, et ad campum¹ ubi scatent aromata, cuius arbores et montes, maria et flumina, dulce nectar fluunt per cuncta saecula. Et credidisti et finxisti hæc in corde tuo, ubi vanis recordationibus luxuriata et dissoluta jacteris. Cum enim quedam talia dicuntur de ineffabili affluentia spiritualium deliciarum, utique in ænigmate dicuntur ; ita ut noverit animus qui talibus exercetur, esse aliud quod ibi querendum et intelligendum sit, sive corporeis sensibus in veritate corporali tale quid demonstretur, sicut ignis in rubo (*Exod. iii, 2*), et de virga serpens, et de serpente virga (*Id. iv, 2-4*), et tunica Domini a persecutoribus non divisa (*Joan. xix, 24*), et obsequio mulieris uncio pedum aut capitis ejus (*Matth. xxvi, 7*, et *Joan. xii, 3*), et frondes multitudinis præcedentis et consequentis asellum ejus (*Matth. xxi, 7-9*) : sive in spiritu per imagines corporum, vel in somnio, vel in ecclasi figurate ostendantur, sicut Jacob scalæ (*Gen. xxviii, 12*), et Danieli lapis præcisus sine manibus et auctus in montem (*Dan. ii, 34, 35*), et Petro ille discus (*Act. x, 41*), et Joanni tam multa (*Apoc. i, etc.*) : sive sola locutione ad eundem modum figurantur, sicut Cantica cantorum (*Cantic. i, etc.*), et quod in Evangelio fecit pater familias nuptias filio suo (*Matth. xxii, 2-14*), et homo quidam duos filios habuit, frugi et luxuriosum (*Luc. xv, 11-32*), et homo quidam novellavit vineam, et locavit agricolis (*Matth. xxi, 33*). Tu vero præcipue Manicheum ob hoc prædicas, quod non ad talia dicenda, sed potius ad solvenda ultimus venerit : ut et figuris antiquorum aperiatis, et suis narrationibus ac disputationibus evidenti luce prolatis, nullo se occultaret ænigmatis. Addis eam² presumptionis hujus causam, quod videlicet

¹ Forte, *ad campum*.

² Sola fere editio Lov., loco, eam, habet, etiam.

antiqui, ut figuræ hujusmodi vel viderent, vel agerent, vel dicerent, sciebant istum postea venturum, per quenq[ue] cuncta manifestarentur: iste autem, qui sciret posse se neminem adsuturum, sententias suas nullis allegoricis ambagibus texeret. Quid ergo facit affectus tuus desideriis carnalibus sordidus, in campis et montibus nemorosis, et coronis floreis, et scatentibus aromatibus? Si non sunt ænigmata rationis, phantasmata sunt cogitationis, aut recordia furoris. Si vero ænigmata esse dicuntur, cur non fugis adulterum, apertam veritatem, ut illiciat, promittentem, et fabulosa fallacia quos illexerit illudentem? Nonne ministri ejus, et ipsi miseri talibus vapitatibus venenati, in hanc suo solent hanc escam de Paulo apostolo ponere, ubi ait: *Ex parte enim scimus, et ex parte prophetamus; cum autem venerit quod perfectum est, quod ex parte est, auferetur; et, Videmus nunc per speculum in ænigmate, tunc autem facie ad faciem* (I Cor. XIII, 9, 10, 12)? Ut scilicet apostolus Paulus ex parte scierit, et ex parte prophetaverit, per speculum et in ænigmate videns, quod totum auferendum est veniente Manicheo, et afferente quod perfectum est, ubi facie ad faciem veritas¹ videatur. O lasciva, immunda, sine fronte adhuc ista garris, adhuc pascis ventos, adhuc amplecteris idola cordis tui! Itane tu facie ad faciem vidisti regnante regnum sceptrigerum, floreis coronis cinctum, et deorum agmina, et splenditentem magnum², sex vultus et ora serentem, micantemque lumine; et alterum regem honoris, Angelorum exercitibus circumdatum; et alterum adamantem heroam belligerum; dextra hastam tenentem, et sinistra clypeum; et alterum gloriosum regem tres rotas impellentem³, ignis, aquæ, et venti; et maximum Atlantem mundum serentem humeris, et eum genu fixo brachiis utrinque⁴ secus fulcientem? Haec et alia mille portenta tu facie ad faciem vidisti, an hoc tibi doctrina demoniorum mendacioquorum per ora deceptorum cantat, et nescis? Væ tibi, infelix! ecce quibus phantasmibus constuprari, ecce quas vanitates pro veritate lambis: et serpentinis poculis ebria, de diptychio lapideo aedes insultare matronali verecundia conjugis unici Filii Dei; quia illa jam non sub predagogio Legis⁵, sed sub magisterio gratiae, nec superba operibus, nec fracta terroribus, vivit ex fide et spe et charitate, facta Israel, in quo dolus non est (Joan. I, 45), et audiens quod ibi scriptum est, *Dominus Deus tuus, Deus unus est* (Deut. VI, 4): quod tu non audiens, in tam multos fictos deos fornicationem tuam diffidisti.

CAPUT VII. — Quomodo non sint tibi inimicæ illæ Tabula, in quibus secundum præceptum est, *Non accipies in vanum nomen Domini Dei tui* (Exod. XX, 7); quandoquidem tu etiam ipsum Christum, qui propter carnales a carnali vanitate mundandos, etiam

¹ Verbum, *veritas*, abest a pluribus manuscriptis.

² Er. et Lov., *splendentem agnum*. Am. cum aliquot MSS., *splendide tenentem magnum*. Alii quidam probæ note MSS., *splenditentem magnum*.

³ Am. Er. et nonnulli MSS., *implentem*.

⁴ Quidam codic. s. *utri que*.

⁵ Sic MSS. Editio autem, sub *predagogo legis*.

carneis oculis verus in veritate carnis exortus est, in fallacie vanitate posuisti? Quomodo tibi non sit adversum tertium præceptum de sabbati requie, quæ tot segmentorum illusionibus inquieta anima ventilaris? Hæc tria præcepta quomodo pertineant ad dilectionem Dei, quando capies, quando sapies, quando amabis? Immoderata es, et foeda, et contentiosa: tumulti, evanusti, viluisti, excessisti modum tuum, turpasti decorum tuum, turbasti ordinem tuum. Talis apud te fui, novi te. Quo pacto ergo te nunc doceam hæc tria præcepta ad dilectionem Dei pertinere, ex quo, et per quem, et in quo sunt omnia (Rom. XI, 30)? Unde hoc intelligis, quando nec illa septem, quæ ad dilectionem proximi pertinent qua humanae vitæ societas continetur, erroris tui detestanda perversitate nosse atque observare permitteris? In quibus mandatum primum est, *Honora patrem tuum et matrem tuam*: quod et Paulus commemorat mandatum primum in reprobatione, eadem atque itidem etiam ipse præcipiens (Exod. XX, 12, et Ephes. VI, 2). Tu autem doctrina daemonica¹ didicisti inimicos depudare parentes tuos, quod te per concubitum in carne ligaverint, et hoc modo utique deo tuo immundas compedes imposuerint. Hinc etiam consequens præceptum, quod est, *Non mæchaberis*, ita violatis, ut hoc maxime in conjugio, detestemini, quod filii procreantur; ac sic Auditores vestros, dum cavent nefeminæ quibus miscentur concipiunt, etiam uxorum adulteros faciatis. Ducunt enim eas ex lege matrimonii, tabulis proclamantibus, liberorum procreandorum causa: et vestra lege, metuentes ne particulam dei sui sordibus carnis afficiant, ad explendam tantum libidinem feminis impudica conjunctione miscentur; filios autem inviti suscipiunt, propter quod solum conjugia copulanda sunt. Quomodo ergo non prohibes nubere, quod de te tanto ante prædictis Apostolus (I Tim. IV, 3), quando id conaris auferre de nuptiis, unde sunt nuptiæ? Quo ablato, marij erunt turpiter amatores; meretrices, uxores; thalamj, fornices; saceri, lenones. Ac per hoc etiam illud præceptum, quod est, *Non occides*, ex ejusdem erroris perversitate non servas. Dum enim times ne dei tui membrum ligetur in carne, non das esurienti panem: hic formidans homicidium falsum, illic perpetras verum². Itaque si incurras in eum famelicum qui mori possit, nisi cibum porrigitendo subvenias; jam tu homicida teneberis aut lege Dei, si non dederis; aut lege Manichæi, si dederis. Quid cætera Decalogi præcepta, quomodo servabis? An a furto abstineas, ut nescio quis panem, seu quamlibet escam in suis visceribus trucidandam, devoret potius, quam tu, si possis, ci subripias, atque ad officinam ventris Electorum tuorum curras, ut furto tuo deus tuus nec in gravius incidat vinculum, et quo inciderat eruatur? Porro si in eodem furto comprehendaris, nonne per ipsum deum tuum, non te abstulisse jurabis? Quid enim

¹ In MSS., *dæmonica*.

² In B., *perpetrans verum*. Er. Lugd. Ven. *secuti sumus*. M.

tibi facturus est talis deus , cui dicas , Falsum juravi per te , sed pro te ; nisi velles ut exitium tibi inferrem , dum honorem deferrem ? Ita et illud mandatum Legis , *Ne falsum testimonium dicas*, propter membra dei tui sic contemnes¹ , ut ea non solum testimonio , sed et juramento falso de compedibus liberes . Jam vero quod sequitur , *Non concupiscas uxorem proximi tui* (*Exod. xx, 13, 16, 17*) , debet apud te impleri : et hoc unum video , quod nulla tui erroris necessitate violare cogaris . Sed si nefas est conjugem concupiscere alienam , considera quid sit concupiscentium se proponere alienis : et recordare deos tuos formosos et deas formosas , præbentes se ut ardenter concupiscantur , illi a feminis principibus tenebrarum , et illæ a masculis : quibus excitatis in fruendi libidinem , et in suos amplexus inhianter æstuantibus , eruant ab eis illum deum tuum ubique compeditum , et tanta suorum turpitudine , ut solvi valeat , indigentem . Nam rem proximi non concupiscere , quod est ultimum Decalogi mandatum , unde potes , misera ? Nonne tibi deus ipse tuus in terra aliena se fabricare mentitur secula nova , ubi post falsam victoriam falso triumpho tumescas ? Quod cum modo insana vanitate desideras , et eamdem terram gentis tenebrarum summa vicinitate substantiae tue conjungi credis , utique rem proximi concupiscis . Merito tibi est inimicum diptychium , continens tam bona mandata multum errori tuo contraria . Nam illa tria quæ ad dilectionem Dei pertinent , omnino ignoras , omnino non servas : hæc autem septem quibus societas humana non lreditur , si quando custodis , aut pudore reprimis , ne inter homines confundaris ; aut timore frangeris , ne publicis legibus puniaris ; aut malum factum bona aliqua consuetudine horrescis ; aut ipsa naturali lege , quam injuste alteri facias quod tibi ab altero fieri nouis , advertis : error tamen tuus quam te in contrarium ire compellat , et dum sequeris , et dum non sequeris , sentis : cum vel hoc facis quod pati non vis , vel ideo non facis quia pati non vis .

CAPUT VIII. — At ista vera sponsa Christi , cui de diptychie lapideo fronte impudentissima insultas , intelligit quid distet inter litteram et spiritum (*II Cor. iii, 6*) , quæ duo dicuntur alio modo , Lex et gratia : et non jam in vetustate litteræ , sed in novitate spiritus Deo serviens (*Rom. vii, 6*) , non est jam sub lege , sed sibi gratia . Neque enim litigiosa cœcatur ; sed mitis intendit verbis Apostoli , ut intelligat quid appellat legem , sub qua nos jam non vult esse , quia *transgressionis gratia posita est* , donec veniret scmen cui promissum est (*Galat. iii, 19*) : et quia ideo subintravit , ut abundaret delictum ; ubi autem abundavit delictum , superabundavit gratia (*Rom. v, 20*) . Nec ideo tamen eamdem legem peccatum vocat , quia sine gratia non vivificat ; auget enim potius reatum prævaricatione addita : *Ubi enim lex non est , nec prævaricatio* (*Id. iv, 15*) ; et ideo per se ipsam , cum sola littera est sine spiritu , id est , lex sine gratia , tantummodo reos facit : sed proponit sibi quod putare

¹ Er. Lugd. Ven., *contemnit*.

minus intelligentes possent , et aperit quid dicat , cum ait : *Quid ergo dicemus ? Lex peccatum est ? Absit* : sed peccatum non cognovi nisi per legem . Nam concupiscentiam nesciebam , nisi lex diceret , Non concupisces . Occasione itaque accepta , peccatum per mandatum fessilit me , et per illud occidit . Itaque lex quidem sancta , et mandatum sanctum et justum et bonum . Quod ergo bonum est , factum est mihi mors ? Absit : sed peccatum ut appareat peccatum , per bonum mihi operatum est mortem (*Rom. vii, 7-15*) . Hæc ista , cui tu insultas , intelligit ; quia gemens petit , quia humiliatur , quærerit , quia mitis pulsat : et sic videt non reprehendi legem , cum dicitur , *Littera occidit , spiritus autem vivificat* (*II Cor. iii, 6*) ; sicut non reprehenditur scientia , cum dicitur , *Scientia inflat , charitas vero ædificat* . Nam utique ipse dixerat , *Scimus quia omnes scientiam habemus* : et tunc adjungit , *Scientia inflat , charitas vero ædificat* (*I Cor. viii, 4*) . Utquid ergo habebat ipse quo inflaretur , nisi quia cum charitate non solum non inflat scientia , sed etiam firmat ? Ita littera cum spiritu , et lex cum gratia , jam non eo modo littera et lex appellatur , sicut per se ipsam cum occidit abundante delicto . Ita enim lex et virtus peccati dicta est (*Id. xv, 56*) , cum auget ejus noxiā delectationem , per severam prohibitionem . Nec tamen etiam sic mala est : *sed peccatum ut appareat peccatum , per bonum operatum est mortem* . Ita multa quibusdam sunt noxia , quanvis non sint mala . Nam et vos cum oculos doletis , etiam contra deum vestrum solem fenestras clauditis . Hæc igitur sponsa Christi , jam mortua legi , id est , peccato , quod legis prohibitione fit abundantius , cum lex sine gratia jubet , non juvat : tali ergo legi mortua , ut sit alterius qui ex mortuis resurrexit , discernit ista sine legis injurya , ne sacrilegium committat in ejus auctorem : quod tu facis in eum , quem non intelligis auctorem boni ; cum audias Apostolum diecentem , *Itaque lex quidem sancta , et mandatum sanctum et justum et bonum* . Ecce auctor boni est , qui tibi videtur unus ex principibus tenebrarum . Attende veritatem , ferit tibi oculos . Ecce Paulus apostolus dicit , *Lex quidem sancta , et mandatum sanctum et justum et bonum* . Ecce cuius auctor est , qui diptychium illud , quod stulta irrides , in magni sacramenti dispensationem præmisit . Eadem quippe lex , quæ per Moysen data est , gratia et veritas per Jesum Christum facta est (*Joan. i, 17*) , cum accessit litteræ spiritus , ut inciperet impleri justitia legis , quæ non impleta reos etiam prævaricatione faciebat . Neque enim alia lex est sancta et justa et bona , et alia per quam peccatum mortem operatur , cui mori nos oportet , ut simus alterius qui ex mortuis resurrexit : sed eadem ipsa est . Ecce sequere , lego . *Sed peccatum , inquit , ut appareat peccatum , per bonum mihi est operatum mortem* , ut fiat supra modum peccator , aut peccatum per mandatum . Surda , cœca , audi , vide . *Per bonum , inquit , mihi operatum est mortem* . Ergo lex semper est bona ; sive obsit inanibus gratia , sive prospicit plenis gratia , semper est bona :

¹ Am. Er. et aliquot MSS., *dispensatione*.

sicut sol semper est bonus, quia omnis creatura Dei bona est (*1 Tim. iv, 4*), sive dolentibus oculis noceat, sive sanos mulcet. Proinde quod est oculis sanitas ad videndum solem, hoc est gratia mentibus ad impletandam legem. Et sicut oculi sani non solis delectationi moriuntur, sed illis ictibus asperis radiorum, quibus reverberati in densiores tenebras pellebantur: sic anima per charitatem spiritus salva facta, non justitiae legis mortua dicitur, sed illi reatu et prævaricationi, quam lex per litteram, cum gratia deficit, faciebat. Itaque de illa utrumque dicitur, et, *Bona est lex, si quis ea legitime utatur; et quod sequitur, Sciens hoc, quia justo lex non est posita (Id. i, 8, 9)*; quia non opus habet terrente litera, quem delectat ipsa justitia.

CAPUT IX. — Hæc sponsa Christi gaudens in splende salutis sue, et tibi optat bonam conversionem a fabulis ad veritatem, ne Adoncum quasi adulterum reformidans, cum versutissimo adultero serpente remaneat. Adonai enim verbum hebræum est, et interpretatur Dominus, eo modo quo solus Deus dicitur Dominus: sicut Latria, quod verbum grecum est, et interpretatur Servitus, non quæcumque, sed illa quantummodo Deo servitur: sicut Amen, interpretatur Verum, non ubicumque et quomodocumque, sed mystica religione. Quod si a te queratur unde tu quæ habeas; præter hebræas litteras, vel quæ ex hebreo sunt, non invenis. Non ergo timet Ecclesia Christi istorum nominum objectionem: intelligit, et amat; nec curat imperitum insultatorem: et quæ nondum intelligit, credit esse talia, qualia nonnulla experta est, quæ nondum intellecta sic erant. Objiciat ei quisque quod Emmanuel adamaverit; irridet inscitiam illius hominis, amplectitur veritatem hujus nominis. Objiciat quod amaverit Messiam; repellit extinctum adversarium, tenet unctum magistrum. Ita te quoque cupit sanari a vanis erroribus, et ædificari super fundatum Apostolorum et Prophetarum (*Ephes. ii, 20*). Quem dicas Hippocentaurum, nesciens quid loquaris, nec attendis quid tibi tua fabula confecerit, cum ex parte dei tui et ex parte terræ tenebrarum falsum mundum fabricasti in corde tuo. Itane ille non est Hippocentaurus, semiferus et semideus? Vere, quia nec Hippocentaurus dicendus est. Quid autem sit, tu attende, et erubescere et mitescere, ut corruptionem tuam a serpente adultero perhorrescas: cuius astutiam si apud Moysen credendam non putasti, apud Paulum cavere debuisti, qui veram Ecclesiam volens virginem castam exhibere Christo, *Timeo*, inquit, *ne sicut serpens Eram sefellit in versutia sua, ita corrumpantur mentes vestrae a simplicitate et custitate, quæ est in Christo (II Cor. xi, 2, 3)*. Hoc tu cum audires, usque adeo tamen despiciisti, et venenatis incantationibus ejus amens facta es, ut alius multis hæresibus aliud atque aliud idem serpens, tibi autem etiam se Christum esse persuaserit. Porro si errant multæ fallaciis ejus variis et multiformalibus irretitæ, quæ tamen hauc admonitionem Apostoli veram salentur: tu quantum adulterata es, quam in longinquæ prostituta, quæ

ipsum pro Christo habes, a quo Apostolus Christi seductam Evam atque corruptam clamat, ut ab eo virginem sponsam Christi tali admonitione custodiat? Tenebravit cor tuum, qui tecum in phantasmatibus lucidorum nemorum volutatur. Que sunt, ubi sunt, unde sunt fidelia promissa ejus? O ebria, non a vino (*Isai. li, 21*)!

CAPUT X. — Nempe conviciata es impudentia sacrilega Deo Prophetarum, quod ipsis Judeis sibi servientibus non exhibuerit quod promisit. Nec sane dixisti quid promiserit et non exhibuerit, ne ibi convinceris aut jam exhibuit quod non intelligis, aut adhuc futurum quod non credis. Tibi quid promissum est et presentatum, unde tibi fides fieret te acceptum triumphos novorum sæculorum super terram tenebrarum? Si aliquos prophetas protuleris, in quibus legamus cum laude prædictos futuros Manichæos, unde jam tibi aliiquid exhibutum putas, hoc ipso quia esse vos videmus; prius probatura es quod non ipse Manichæus tibi prophetas sinxerit, qui sibi ut credentes voluit. Neque enim putat turpe mendacium: aut vero potest dubitare falsos prophetas ostendere in pellicibus ovinis, qui Christum laudans asseverat falsas cicatrices ostendisse in membris suis. At ego vos plane prædictos logo, non solum a prophetis aliquando obscurius, verum et ab Apostolo expressius. Sed vide quemadmodum: *Spiritus, inquit, manifeste dicit, quia in novissimis temporibus recedent quidam a fide, intendentes spirilibus seductoribus, et doctrinis dæmoniorum in hypocrisi mendacio quorum, cauteriant habentes conscientiam suam, prohibentes nubere, abstinentes a cibis quos Deus creavit ad percipiendum cum gratiarum actione fidibus, et iis qui cognoverunt veritatem: quia omnis creatura Dei bona est, et nihil abiciendum quod cum gratiarum actione percipitur (1 Tim. iv, 4-5)*. Hæc quemadmodum in vobis impleta sint, et luce clarius omnium qui vos noverunt oculos tangit¹, et supra pro tempore ostendimus.

CAPUT XI. — Ista autem, quam doctrina apostolica virginem castam uni viro exhibens Christo, a falacia serpentis qua tu corrupta es, monet ut caveat, agnoscit Deum Prophetarum, Deum verum, Deum summum: hujus ultimæ pollicitationi secura credit, cuius tanta promissa completa jam tenet; nec quisquam dicit, ad præsens tempus ei consiclos esse Prophetas, quos in Judæorum codicibus asserit. Quid enim incredibilis promittebatur, quam id quod Abraham dictum est: *In semine tuo benedicentur omnes gentes (Gen. xxii, 18)*. Et quid certius jam tenemus exhibutum? Illa certe est ultima ejus promissio, quam propheta breviter ita commemorat: *Beati qui habitant in domo tua; in sæcula sæculorum laudabunt te (Psal. lxxxiii, 5)*. Finita quippe omni indigentia, et novissima inimica morte destructa (*1 Cor. xv, 26*), perpetua Dei laus erit otiosorum negotiū: quo jam nemo accedit, unde jam nemo discedet. Quod alibi propheta ita commemorat: *Collauda, Jerusalem, Dominum*;

¹ Lovanienses legi volebant, oculos tangant: minus recte.

lauda Deum tuum, Sion : quoniam confirmavit vectes pertarum tuarum, benedixit filios tuos in te (Psal. cxlvii, 1, 2). Clausis portis nullus intrabit, nullus exhibet. Quod et ipse sponsus in Evangelio dicit, fatuis virginibus, etiam pulsantibus, se non aperturum (*Matth. xxv, 12*). Ille Jerusalem, sancta Ecclesia, sponsa Christi, in Apocalypsi Joannis copiosius uberiorisque describitur. Non credit huic propheticæ promissioni virgo casta, si non jam tenet quod ei per eamdem prophetiam hoc tempore futurum promissum est: *Audi, filia, et vide, et inclina aurem tuam, et oblisce re populum tuum, et domum patris tui; quoniam concupi vit rex speciem tuam, quia ipse est Deus tuus, et adorabunt eum filiae Tyri in muneribus: rultum tuum depre cabuntur divites plebis.* Omnis gloria ejus filiæ regis intrinsecus, in fimbriis aureis circumanieta varietatibus: afferentur regi virgines post eam, proximæ ejus afferentur tibi, in latititia et exultatione adducentur in templum regis. Pro patribus tuis nati sunt tibi filii, constituë eos principes super omnem terram: memores erunt nominis

tui in omni progenie et generatione, propterea populi confitebuntur tibi in æternum et in sæculum sæculi (*Psal. xliv, 11-18*). Sed tu infelix a serpente corrupta, quando vel cogitare conaris quæ sit pulchritudo filiæ regis intrinsecus? Ipsa est enim castitas mentis, ubi tu vitiata es, ut aperirent tibi oculi ad amandum et adorandum solem et lunam; ac sic per justum judicium Dei alienareris a ligno vitæ, quod est aeterna et interna sapientia; nihilque aliud vocares putaresque veritatem atque sapientiam, nisi lucem istam, quam per male apertos oculos tractam, et in immensum auctam, multipliciterque variatam per imagines fabulosas impudica mente convolveres. Ille sunt fornicationes tuæ nimis abominandæ. Et tamen patienter cogita eas, et revertere ad me, dicit Veritas. Revertere ad me, et mundaberis, reparaberis¹, si consumdaris tibi, et refundaris mihi. Hoc audi, hoc dicit vera Veritas, que nec fallacibus formis cum tenebrarum gente pugnavit, nec fallaci sanguine te redemit.

¹ Lov. et Belgici tantum MSS. omittunt, reparaberis.

LIBER SEXTUS DECIMUS.

CAPUT PRIMUM. — FAUSTUS dixit: Quare Moysen non accipitis, cum Christus dicat: *Moyses de me scripsit; et si crederetis Moysi, crederetis et mihi (Joan. v, 46)*? Ego vero non solum Moysen de Christo scripsisse velim, sed omnes etiam Prophetas Judæorum et Gentium. Quid enim hoc nostræ fidei noceret, aut quid non potius prodisset, si congrua et convenientia undique in Deum nostrum testimonia carperemus? Siquidem esset etiam tum liberum nobis, odio manente atque execratione superstitionis eorum, solas ab eisdem de Christo excerpere prophetias: adeo mihi contrarium non potest esse, si et Moyses, quamvis sit alienus a Christo, non nihil tamen videatur scripsisse de Christo. An quisquam hominum non optaverit de spinis omnibus florem legere, de omni herba frugem, de museis omnibus mel: quamvis nec muscas, nec gramen in cibum, nec spinas in coronæ usurpemus ornatum? An quisquam nollet in omni profundo margaritam nasci, in omnibus terris gemmas, in silvis omnibus poma? Aut si piscem de mari edere non nocet, aquam bibere nocet, sciunque homines utilibus sumptis inimica respuere; nobis liberum non esset, religionis cujusque ritu damnato, si esset inutilis nobis, solas inde de Christo prophetias accipere? Neque hoc prodisset erroribus ad capiendos nosnet ac redigendos in propriam servitutem: quia nec spiritibus immundis, cum iidem Jesum esse Filium Dei exserte indissimulanterque confiterentur (*Matth. viii, 29*), profuit, ut minime sint nobis exosi. Quare si et Moyses secundum hoc testimonium de Christo aliquid scripsit, accipiam: ita tamen ut ipsi hoc minime prosit ad captivandum me in propriam legem, quam nihil videam a Paganismo distare. Quapropter nihil omnino est quod arbitreris, si probatum hoc fuerit, me minime gavisurum, spiritum omnem prophetasse de Christo.

CAPUT II. — Tibi sane sufficientes¹ referam gratias, si quemadmodum ostendis quia Christus Moysen de se scripsisse testatus sit, ita etiam illud docreas, quoniam sint ea quæ scripsit. Nam ego quidem Scripturas ejus perscrutatus, ut jussum est², nullas ibidem de Christo prophetias inveni; sive quia nullæ sunt, sive quia intelligere ipse non potui. Unde in ingenti positus testu, ratione cogebar in alterum e duobus; ut aut falsum pronuntiarem capitulum hoc, aut mendacem Jesum. Sed id quidem alienum pietatis erat, Deum existimare mentum. Rectius ergo visum est, scriptoribus ascribere falsitatem, quam veritatis auctori mendacium. Quippe cum et ipsum dicentem audirem, fures fuisse et latrones omnes qui venerunt ante se (*Joan. x, 8*): qua sententia primum omnium video feriri Moysen. Ad hæc, et cum majestatem suam loquenti eidem, ubi se mundi lumen appellat, Judæi indignantes reclamarent, *Quia tu de te testificaris, testimonium tuum non est verum*: non cum video prosecutum, ubi maxime locus exigebat, ut diceret de se prophetasse Moysen; sed tanquam revera alienus et nullum habens ex eorum patribus testimonium, respondit, *Nempe in lege vestra scriptum est, quia duorum hominum testimonium verum est. Ego sum qui testificor de me; et testificatur de me, qui me misit, Pater (Id. viii, 15, 17, 18)*. Illud eis commeniorans, quod de cœlo dictum omnes audierant, *Hic est Filius meus dilectissimus, credite illi (Matth. iii, 17, et Luc. ix, 35)*. Necon et illud mihi verisimile non videtur, Judæos potuisse tacere, cum Christus diceret de se scripsisse Moysen, quin statim, utpote maligni et astuti, quererent quidnam illud esset, quod de se a

¹ Am. Er. et MSS., insufficienes.

² Lov., ut visum est. Ann. et Er., ut justum est. Verius MSS., ut jussum est: isto videlicet Evangelii capitulo Joan. 5, 30, scrutinum Scripturas, etc.

Moyse scriptum putaret. Sed et haec eorum omnifaria taciturnitas non minus Jesum nihil tale dixisse significat.

CAPUT III. — Quamvis ergo et haec non parva videantur ad confirmandam suspicionem falsi de capitulo isto, plus tamen illo teneor, quia omnem, ut dixi, Moyseos scripturam scrutatus, nullas ibi de Christo prophetias inveni. Nunc tamen te compertus melioris intelligentiae lectorem, consecuturum me aliquid credo, acturumque fateor gratias, si spei profectus ac doctrinæ, quain mihi objurgationis tute fiducia prouinit, nulla frusteris invidia; sed doceas, si quid est quod me forte legentem prætererit de Deo ac de Domino nostro memoratum in scriptura Moysi. Nec dixeris, quæso, ut imperiti solent, hoc ipsum satis esse debere ad fidem, quia Christus dixerit de se scripsisse Moysen. Nolo enim nunc ad me respicias, quem ad credendum professio mea fecit obnoxium, ut non possim non credere ei quem sequor; sed putanos cum Judæo tractare, puta cum Gentili: cum eis dixerimus, Moyses de Christo scripsit, quæsitiones erunt¹ probationes, quid offeremus? Numquidnam dicere poterimus, Christus hoc dixit, cui adhuc illi minime credunt? Nempe opus erit nos ipsis ostendere quid scripserit.

CAPUT IV. — Quid ergo ostendemus²? An illud quod vos soletis, ubi Deus suus loquitur ad Moysen dicens: *Suscitabo illis Prophetam de fratribus ipsorum similem tibi* (*Deut. xviii, 15, 18*)? Sed hoc quidem ad Christum minime spectare, nec Judæum latet, nec nobis sic credere conducibile est: quia non propheta Christus, nec Moysi similis propheta: siquidem ille fuerit homo, hic Deus; ille peccator, hic sanctus; ille ex coitu natus, hic secundum te ex virgine, secundum me vero nec ex virgine; ille offenso Deo suo occiditur in monte (*Deut. xxxiv, 5*), hic Patri per placens patitur propria voluntate (*Joan. x, 18*). Quomodo ergo ipse erit propheta similis Moysi? Nempe statim nos Judæus aut ut imperitos irridebit, aut coarguet ut mendaces.

CAPUT V. — An illud offeremus ei, quod perinde soletis inducere, *Videbunt vitam suam pendente*, et non credent vitæ suæ (*Deut. xxviii, 66*)? Cui vos quidem adjicitis, in ligno; nam non habetur. Sed hoc quoque probare quod ad Christum minime pertineat, nihil tam in promptu est. Inter maledictorum enim sæva, quæ prompsit in populum suum, si a lege sua desciscerent, etiam hoc adjecit, futuros eosdem dicens in captivitate hostium suorum, finemque sui meditatueros diebus ac noctibus, ut nec vitæ ipsius suæ fiduciam gererent, quæ sibi esset a victoribus condonata: quia eadem ex incerto penderet pavens ac sollicita semper sub imminentia gladiorum. Ne hoc quidem ergo ad Christum pertinet: querenda sunt alia. Nam illud quidem vix crediderim de Christo vos dictum putare, maledictum esse omnem qui pendet in ligno (*Id. xxi, 25*): aut illud aliud, interficien-

dum esse prophetam sive principem populi, qui eos a Deo suo vellet avertere, aliquodvde infringere mandatorum (*Deut. xii, 5*). Quod ego quidem Christum fecisse plane negare non possum. Sed tu contra de ipso haec esse scripta plane fateri non poteris, ne si hoc sit, querere rursus incipiamus, etiam in quonam spiritu Moyses prophetaverit, ut aut malediceret Christo, aut eum jubaret occidi. Si enim spiritum Dei habuit, haec de Christo non dixit: si haec de Christo dixit, spiritum Dei non habuit. Neque enim divinus spiritus aut malediceret Christo, aut cum jubaret interfici. Ut ergo Moyses ab hoc criminе vindicetis, fateamini necesse est, ne haec quidem eum scripsisse de Christo. Quod si haec de Christo minime scripsit, aut alia dabitis, aut nulla erunt. Si nulla fuerint, nec Christus potuit asseverare quod inquam est. Ita si Christus hoc minime asseveraverit, capitulum illud falsum esse constiterit.

CAPUT VI. — Sed nec illud quidem verisimile est, quod prosequitur, *Si crederetis Moysi, crederetis et mihi* (*Joan. v, 46*). Quia dissimilis admodum traditio est et longe altera Moyses et Christi, ut si eorum alteri Judæi crederent, alteri necessario repugnarent. Nam Moyses quidem præ ceteris ab omni opere abstinentem docet in sabbato, causamque inducit religionis hujus hanc esse, quia Deus cum mundum et quæ in eo sunt omnia fabricaret, sex diebus indulserit operi, septima vero cessaverit, quod est sabbatum: idcircoque benedixerit, id est, sanctificaverit, tanquam suæ tranquillitatis portum, legemque dederit insuper, ut qui idem solveret, occideretur (*Exod. xx, 8-11. et xxxi, 13-17*). Hoc igitur Judæi vehementer credebant, docente Moyse: idcircoque Christo ne aures quidem accommodandas putabant, asseveranti Deum semper operari, nec ullum sibi cessationis statuisse diem, quia sit jugis et infatigabilis virtus; seque adeo idcirco nunquam debere cessare, ne sabbatis quidem: *Pater enim, inquit, meus semper operatur, et me oportet operari* (*Joan. v, 17. et ix, 4*). Item Moyses carnis peritomen in sacris et Deo amabilibus numerat, jubetque circumcidere masculinum omne, carne præputii ipsorum: esequi hoc docet necessarium signum testamenti illius, quod Deus suus disposuerit ad Abraham, affirmatque quod virorum quisquis³ hoc non gestaverit, exterrinabitur ille de tribu sua, et hereditatis quæ Abraham repromissa sit ac semini ejus, non veniet in consortium (*Gen. xvii, 9-14*). Et hoc ergo Judæi valde crediderant, asseverante Moyse: idcircoque fidem Christo habere non poterant infirmanti eo, et insuper asseveranti quod dupliciter gebennæ filius fieret, qui esset circumcisus (*Math. xxiii, 15*). Item Moyses carnalium ciborum sollicitam facit discretionem, et inter pisces ac volucres et quadrupedia helluonis in modum disceptator sedet; jubetque alia quidem abliguriri pro mundis, alia vero pro immundis ne

¹ Amerbachius et nonnulli MSS., *quod utrorum virorum quisquis*; Erasmus vero, *quod virorum viri unum quisquis*; idque esse Hebraismum notat ad oram libri: « Hebreæ, » ait, « pro, quorumcumque virorum. »

² Fr. Lugd. et Ven., erant. M.

³ In B., ostendimus. Er. Lugd. Lov., secuti sunius. M.

contingi quidem : quorum in parte porcum taxat et leporem , et si quid in piscibus caret squama , aut in quadrupedibus ungulam fissam non habet , nec ruminat (*Deut. xiv, 3-20*). Et hæc ergo Judei fortiter crediderunt , scribebente Moyse : idcircoque Christo jam credere non poterant , indifferentiam docenti ciborum , et a suis quidem discipulis omnia penitus removenti , sœcularibus vero vulgo concedenti omnia quæ possent edi , atque asseveranti quod eos nihil in os intrans pollueret ; quia quæ de ore impudenter¹ procedant , ea sola sint quæ polluant hominem (*Matth. xv, 11-20*). Hæc atque alia multa Moysi contraria , Jesum dogmatizare , nemo qui nesciat.

CAPUT VII. — Quæ quia singula percurrere longum est , unum pro multis ostendam , id est , quia Christianarum hæresium pars maxima , et , quod est in promptu , Catholici nihil eorum servare curant , quæ Moyses scribit. Quod ipsum si non de errore descendit aliquo , sed ex vera illa Christi et discipulorum ejus traditione , vos omnino fateamini necesse est , contraria invicem sibi Jesum docuisse atque Moysen : idcircoque nec creditum Christum a Judæis , quia fidem vellent exhibere Moysi. Quorsum ergo falsum non erit , illud Jesum dixisse ad eos , *Si crederetis Moysi, crederetis et mihi* : cum sit longe manifestum , idcirco magis eos non credidisse Jesu , quia Moysi crederent ; potuisse autem fidem Christo habere , si Moysi credere destitissent ? Tu tamen , ut dixi , ubi nam Moyses de Christo aliiquid scripserit , quæso nos doccas.

CAPUT VIII. — Alias inquit : Si Christianus es , crede dicenti Christo quia de se scripsit Moyses. Quod si non credis , christianus non es. Inepta hæc semper et imbecilla responsio est nihil habentium quod ostendant. Quanto igitur melius fecisses , si idem considereris simpliciter ? et tamen hoc mihi quidem dicere potuisti , quem scias necesse habere ut credam causa religionis qua famulorū Christo : licet hoc ipsum adhuc queratur , utrum sit et hoc Christi testimonium , ut credi debeat absolute ; an scriptoris , ut examinari sollicite. Nec si nos non credimus falsis , Christum hinc offendimus , sed falsatores. Tamen utecumque hoc ferri² poterit Christianis oppositum : quid autem de illis agemus , quos retuli , Judæo sci-licet atque Gentili , quibus dicere non possumus , Si christianus es , crede ; si non credis , christianus non es ? Quanquam ne Christiano quidem hoc rectissime dixeris , cum Christus Thomam apostolum dubitantem de se aspernatus non sit ; sed quo animi ejus vulneribus mederetur , corporis sui cicatrices ostendit : nec dixit , Si discipulus es , crede , si non credis , discipulus non es. Tu mibi hoc dicas , non de Christo dubitanti , sed de sententia , utrum sit ejus , an subinducta. At , inquis , beatiores appellant , qui non viderunt et crediderunt (*Joan. xx, 27, 29*). Hoc si ideo dictum putas , ut sine ratione et iudicio quidque credamus ; esto tu beator sine sensu , ego mihi contentus ero cum ratione beatus audisse.

¹ In MSS., imprudenter.

² Er. Lugd. et Ven., fieri. M.

CAPUT IX. — AUCUSTINUS respondit : Astute quidem paratum te dicis , si quas in libris Moysi de Christo prophetias inveneris , ita percipere , ac si piscem de mari , cum aquam ipsam unde piscis capitur , respucas. Sed quia Moyses omne quod scripsit , de Christo est , id est , ad Christum omnino pertinet , sive quod eum figuris rerum vel gesta. *tr.* vel dictarum prænuntiet , sive quod ejus gratiam gloriamque commendet ; tu qui commentitum fallacemque Christum de Manichæi litteris credidisti , ita Moysi non vis credere , sicut nec piscem vis edere. Verum hoc interest , quod Moysen hostiliter insectaris , piscem autem fallaciter laudas. Si enim piscem de mari edere non nocet , sicut ipse dixisti ; cur ita eum vos noxiū prædicatis , ut si alia esca non occurrat , prius fame consumamini , quam pisca vescamini ? Quid , quod si omnis caro immunda est , ut dicitis , et in omni aqua omniq[ue] herba vita illa misera dei vestri retinetur , quæ per vestra alimenta purganda est ; detestabilis superstitionis tua et piscem te cogit projicere quem laudasti , et aquam marinam bibere ac spinas ederet quas vituperasti ? Quod vero etiam dæmonibus Dei famulum comparasti , ut quales illi fuerunt cum Christum confiserentur , (*Matth. viii, 29*), talis et iste accipiatur si aliquid in ejus libris reperi potuerit quod prædicet Christum ; ille quidem non redignatur opprobrium Domini sui. Si enim paterfamilias Beelzebub appellatus est , quanto magis domestici ejus (*Id. x, 25*) ? Sed vos videte a quibus ista didiceritis , profecto sceleratores quam illi qui Domino ita conviciati sunt. Illi enim non eum Christum esse credebant , et ideo fallacem putabant : vos autem doctrinam non putatis esse veracem , nisi quæ Christum audet prædicare fallacem.

CAPUT X. — Unde autem tibi videtur legem Moysi nihil a Paganismo distare ? An quia templum , saeculum , altare , sacerdotemque commendat ? At hæc omnia nomina et in Novo Testamento reperiuntur. Solvite , inquit , *templum hoc* , et in triduo resuscitabo illud (*Joan. ii, 19*) ; et , *Cum offer munus tuum ad altare* (*Matth. v, 24*) ; et , *Vade ostende te sacerdoti , et offer pro te sacrificium* , quod præcepit Moyses , in testimonium illis (*Id. viii, 4*). Quorun autem figuræ fuerint istæ , partim Dominus ipse demonstrat , cum templum corporis sui templo illi comparat ; partim apostolica doctrina cognoscimus : *Templum enim Dei sanctum est* , ait Apostolus , *quod estis vos* (*1 Cor. iii, 17*) ; et , *Obeocro itaque vos per misericordiam Dei* , ut exhibeatis corpora vestra hostiam viram , sanctam , *Deo placentem* (*Rom. xii, 1*) ; et cætera hujusmodi. Proinde illa omnia figuræ nostræ fuerunt (*1 Cor. x, 6*), sicut idem dicit , et s. re pe commemorandum est : quia non dæmonis exhibebantur , sed uni vero Deo , qui facit cœlum et terram ; non tanquam indigentib[us] , sed tempora distinguenti , et jubenti præsentia , per quæ significaret futura. Vos autem , qui ut seducatis et decipiatis idiotas imperfectosque Christians , Paganismum vos singitis detestari , edite nobis auctoritatem christianorum librorum , in quibus vobis solem ac

lunam colere atque adorare praeceptum sit. Vester ergo potius error Paganismo similis est; quandoquidem nec Christum colitis; sed Christi nomine nescio quid, quod vobis mentiendo finxitis, et deos vel in isto conspicuo celo visibiles, vel alios innumerabiles commentitios adoratis. Quibus phantasmatibus quasi vanis atque inanibus simulacris, non aedificastis, sed corda vestra tempa fecistis.

CAPUT XI. — Exigis a me ut ostendam quænam scripsit de Christo Moyses. Jam quidem superius multa demonstrata sunt; sed quis possit omnia demonstrare? Præsertim, quia si quædam commemorem, paratus videtur iste perversus, vel in aliud sensum ea conari pervertere; vel si fuerit evidenter clarius veritatis oppressus, dicere se illa tanquam de mari salso suavem piscem capere: nec ideo se ad totam Scripturam Moyseos, velut ad aquam marinam bibendam cogi oportere. Quapropter sufficere arbitror huic operi, ut ea ipsa quæ reprehendenda decerpit¹ de Scriptura legis Ilebrorum, ad Christum prædicandum pertinere, si recte intelligentur, ostendam: ex quo satis appareat multo magis cetera, vel statim pronuntiata, vel diligenter ac veraciter perscrutata, christianæ fidei convenire; si ea quæ deridenda atque damnanda objicit inimicus, eis ipsis convincatur christiana veritate damnandus. Quapropter, o plene omni fallacia, cum Dominus in Evangelio dixerit, *Si crederetis Moysi, crederetis et mihi; de me enim ille scripsit (Joan. v, 46)*; nihil est quod te in ingenti iustu positum singas, et cogi videaris in alterum e duobus, ut aut falsum pronunties capitulum hoc, aut mendacem Jesum. Sicut enim hoc capitulum verum est, ita et verax est Jesus. *Rectius visum est, inquit, scriptoribus ascribere falsitatem, quam veritatis auctori mendacium.* Hanc tu Christum credis veritatis auctorem, quem prædictas carnis, et mortis, et vulnerum, et cicatricum simulatorem? Volo mihi ostendas, unde auctorem veritatis didiceris Christum, si eis, qui de illo scripserunt, quorum auctoritas recenti memoria commendata atque firmata in posteros emanavit, audes ascribere falsitatem. Non enim vidisti Christum, aut quemadmodum cum Apostolis, locutus est tecum, aut de celo te, sicut Saulum, vocavit (*Act. ix, 5-7*). Quid de illo sentire, quid credere possumus, nisi quod Scriptura testatur? Porro si mendax est Evangelium disseminatum et notum omnibus gentibus, et ab initio prædicationis nominis Christi in Ecclesiis omnibus in tanto sanctitatis culmine collocatum; quæ scripture proferri potest, cui de Christo fides habenda sit? Quid poteris proferre scriptum, quod non ille qui hoc non vult credere, dicat esse certum, si tanta Evangeli notitia venit in dubium?

CAPUT XII. — Deinde subjungis, ipsum te audisse dicentem, fures fuisse et latrones omnes qui venerunt ante se (*Joan. x, 8*). Unde illum audisti hoc dicentem, nisi ex Evangelio? At si hoc, quod ita credis ex Evangelio, ut tanquam ex ore Domini audisse te dicas, alias falsum esse contendat, atque hoc dixisse

¹ Am. et Ms., secerpi.

Christum neget; quo ibis? quid facies? Nonne evangelicam auctoritatem quantis potueris viribus praedicabis? Miser, illic scriptum est quod non vis credere, ubi didicisti quod ita credis, ut hoc te ab ipso Christo dicas audisse. Ecce nos utrumque credimus, quia Evangelio sancto credimus, ubi utrumque scriptum est; et de Christo scripsisse Moyse, et omnes qui ante Christum venerunt, fures fuisse et latrones. Venisse quippe ita vult intelligi, quia missi non sunt: nam qui missi sunt, sicut Moyses et sancti Prophetæ,¹ non ante ipsum, sed cum ipso venerunt; quia non eum per superbiam precedere voluerunt, sed eum per ipsos loquentem humiliter portaverunt. Vos autem, qui haec Domini verba sic intelligitis, secundum vestrum intellectum satis constemini nullos vos habere prophetas, qui venturum Christum prophetaverint: et ideo vobis eum sicut voluistis, finxitis. Nam si aliqui vestri, quibus quidem propterea fides habenda non est, quia non nisi a vobis proferuntur; tamen si aliqui sunt, quos dicere audeatis prophetasse Christum falsa carne venturum, falsa morte passum, falsas cicatrices dubitantibus discipulis oblatum; non dico ex hoc ipso quam sint detestandi atque fugiendi, quamque non possint esse veraces, quibus de mendacio Christus placet: ut hoc non dicam, certe ut dicere coeparam, secundum istum intellectum vestrum fures fuerunt et latrones, quoniam ante Christum venerunt, qui eum venturum quoquo modo prædicaverunt. Porro si ille intellectus est verus, ut ipsi ante Christum venisse dicantur, qui cum Christo, id est, cum Verbo Dei venire noluerunt, sed cum eos non miserit Deus, mendacia sua hominibus attulerunt: vos quoque ipsi, quamvis post Christi passionem et resurrectionem in hoc mundo nati fueritis, fures et latrones estis; quia priusquam vos ipse illuminaret, ut veritatem ipsius prædicaretis, ante eum venire voluistis, ut vestram fallaciam jactaretis.

CAPUT XIII. — Illic autem, ubi ei dictum est a Judæis, *Tu de te testificaris; testimonium tuum non est verum;* non mirum est, non te videre prosecutum eum, ut dicteret de se prophetasse Moyse: non enim habes pium oculum, quo id possis videre. Nam ecce id ipsum quod eis respondit: nempe, *In lege vestra scriptum est, quia duorum hominum testimonium verum est. Ego cum qui testificor de me, et testificatur de me, qui me misit, Pater (Joan. viii, 13, 17, 18)*: quid aliud sonat recte intelligentibus, nisi illum testimoniū numerum in lege propheticō spiritu consecratum et commendatum, ut etiam sic preannuntiaretur futura revelatione Patris et Filii, quorum Spiritus est in illa inseparabilis Trinitate Spiritus sanctus? Ideo scriptum est, *In ore duorum vel trium testimoniū stabit omne verbum (Deut. xix, 15)*. Alioquin et unus testis plerunque verum dicit, et plures plerumque mentiantur: potiusque creditum est in exordio fiduci gentium uni

¹ Veins codex Bernardinorum Parisiensium habet hic inserta quædam non mala, scilicet: *Non præter illum venerunt, quia cum illo venerunt. Venturos præcones militabat, etc.* Verum hæc sumpta sunt ex Augustini tractatu 43 in Joaninem.

apostolo evangelizanti, quam populis errantibus a quibus ipse persecutionem patiebatur. Non igitur frustra quodammodo consecratus est iste numerus testium: et cum hoc Dominus respondit, eo quoque ipso intelligi voluit de se prophetasse Moysen. An forte inde calumniamini, quia non ait, in lege Dei, sed, *In lege vestra scriptum est?* Ubi usitatam locutionem Scripturarum quis non agnoscet? *In lege enim vestra dixit, vobis data* (II Tim. ii, 8, et Galat. i, 11, 12): sicut dicit Apostolus Evangelium suum, quod se tamen accepisse testatur, non ab homine, sed per revelationem Jesu Christi. An et Christum dicitis negasse se habere Patrem Deum, ubicumque non ait, Pater noster; sed, *Pater vester* (Math. vi, 26, 32, etc.)? Jam vero vocem illam, quam commemorasti celo delatam, *Hic est Filius meus dilectissimus, credite illi* (Id. iii, 17, et xvii, 5); quia vos non auditis, nolite illi credere. Si autem ideo creditis, quia eam in Scripturis sanctis invenistis, ibi est et ista cui credere non vultis, de Christo scripsisse Moysen; ibi aliae multæ, quibus pariter fidem derogatis: nec timetis, miseri, ne ita profanus aliquis dicat, istam vocem omnino non sonuisse de celo; et sicut vos contra salutem generis humani, que omnibus gentibus evangelica auctoritate consertur, etiam in vestram perniciem argumentamini, cum dicitis propriea non esse credendum, quod dixerit Christus de se scripsisse Moysen, quia si *hoc ille dixisset, nec Iudei tacerent potuerint, quin statim, utpote maligni et astuti, quererent quidnam illud esset, quod de se a Moyse scriptum putaret*: sic et ille vanus et perditus dicat, Si de celo vox illa sonisset, omnes Iudei qui audierant, credidissent? Cur ergo non consideratis, insani, sicut fieri potuit ut et post illam coelestem vocem dura Judeorum infidelitas permaneret; ita fieri potuisse ut cum Christus diceret de se scripsisse Moysen, hoc magis maligna astuta timentes unde convincerentur audire, omnino non quererent quid de illo scriperit Moyses?

CAPUT XIV. — Sed hanc non solum sacrilegam adversus evangelicam sanctitatem, verum etiam enervem ac debilem esse argumentationem sentit et Faustus; atque intentionem suam in illud potius confert, eoquo se plus teneri dicit, quia omnem Moyses scripturam scrutatus nullas ibi de Christo prophetias invenit. Cui cito respondeo, quia non intelligit: et si cur non intelligat quisquam quæsierit; respondebo, quia inimico, quia adverso¹ animo legit; quia non ideo scrutatur ut sciat, sed quod nescit, scire se putat. Haec presumptio tumida arrogantiæ oculum cordis vel claudit, ut omnino non videat; vel distorquet, ut perverse videat, et aliud pro alio probet aut improbet. *Tu me, inquit, doce, quid est quod me forte legentem præterierit de Deo ac Domino nostro memoratum in Scriptura Moysei.* Et hic cito respondeam, Totum te præterierit, quia totum ille² de Christo scripsit. Sed quia totum discutere et pertractare

non possumus, hoc tibi in isto opere, si potero Domino adjuvante, servabo, quod superius dixi, ut ea ipsa que ad reprehendendum eligis, ostendam de Christo esse conscripta. Quin etiam petis ne dixerim, *ut imperiti solent, hoc ipsum satis esse debere ad fidem, quia Christus dixerit de se scripsisse Moysen.* Quid quidem si dico, non ut imperitus, sed ut fidelis dico: non valere autem hoc ad convincendum Gentilem vel Iudeum, et ego fateor; sed adversus vos, qui quoquo modo nomine Christiano gloriarnini, satis esse idoneum ac prævalidum, tu quoque etsi diu tergiversatus, tamen coactus es confiteri dicens, *Nolo enim nunc ad me respicias, quem ad credendum professio mea facit obnoxium, ut non possim non credere ei quem sequor: sed puta nos cum Iudeo tractare, puta cum Gentili.* Quibus verbis ostendisti, te interim, cum quo mihi nunc res est, quia te ad credendum professio tua fecit obnoxium, satis esse convictum de Christo scripsisse Moysen; quia ipsum Christum hoc dixisse, in Evangelio scriptum est, cujus tam præclaram sanctamque auctoritatem labefactare non audes: quia et cum id ex obliquo audes, difficultatis tuae pressus angustiis, et cernens quanta ruina te obruat cum tibi dicitur, nullam esse scripturam cui de factis et dictis Christi flagites esse credendum, si Evangelio tam sancte latente notissimo credendum esse non putas; et timens ne amissio Christiani nominis pallio nuda vanitas vestra omnibus conspuenda et detestanda ramaneat, rursus te saucium colligere conaris, et dicas quod istig Evangelii verbis jam te ad credendum professio tua fecit obnoxium. Sic ergo te interim, cum quo nunc ago, teneo, serio, perimo, id est, errorem tuum atque fallaciam; et cogo fateri de Christo scripsisse Moysen: quia hoc Christum dixisse in Evangelio legitur, cui te ad credendum professio tua fecit obnoxium. Cum Iudeo vero vel Gentili si mihi necesse fuerit disputare, jam supra ostendi quibus modis pro meis parvulis viribus me agere oportere existimem.

CAPUT XV. — Nec illud nego de Christo esse predictum, quod tu tanquam facile resellendum elegisti, ubi Deus loquitur ad Moysen, dicens: *Suscitabo illis Prophetam de fratribus ipsorum similem tibi* (Deut. xviii, 15, 18). Nec me tua lauta et lepida antitheta, quibus luteum sermonem quasi colorare ac pingere voluisti, ullo modo ab hac fidei veritate deterrent. Comparans enim Christum atque Moysen, et cupiens demonstrare dissimiles, ut ob hoc non de Christo videatur intelligendum esse quod scriptum est, *Suscitabo illis Prophetam similem tibi;* opposuisti tibimet ex adverso multa contraria, quod ille homo, hic Deus; ille peccator, hic sanctus; ille ex coitu natus, hic secundum nos ex virgine, secundum vos vero nec ex virgine; ille offenso Deo occiditur in monte, hic Patri pe placens patitur propria voluntate. Quasi vero cum simile aliquid dicitur, ex omni parte atque ex omni modo simile intelligatur: quia non ea tantum, que unius ejusdemque naturæ sunt, dicuntur inter se esse similia, sicut gemini homines, vel filii parenti-

¹ Editio Fr., averso.

² Editio, illud. At MS., ille.

bus, vel omnes homines omnibus hominibus, in quantum homines sunt, similes utique sunt, quod et in cæteris animalibus intueri facillimum est, vel arboribus, ut olea oleæ, laurus lauro similis dicitur, verum etiam naturæ disparis sunt et dicuntur multa similia, ut olivæ oleaster, et far tritico. De rebus adhuc proximis et attingentibus loquor: nam quid tam longe distans a Filio Dei, per quem facta sunt omnia (*Joan.* i, 3), quam pecus et lapis? et tamen in Evangelio legitur, *Ecce Agnus Dei* (*Ibid.*, 29); et in Apostolo, *Petra autem erat Christus* (*I Cor.* x, 4): quæ nullo modo quisquam recte diceret, si eorum aliquam similitudinem nullo modo ille susciperet. Quid ergo mirum si non est dignatus Christus fieri similis ipsi Moysi, qui similis factus est ovi, quam in ejus prænuntiationem per ipsum Moysen præcepit Deus manducari a populo suo, ejusque sanguinem ad tutelam salutis exhiberi, et Pascha appellari (*Exod.* xii), quod nunc in Christo esse completum nemo dissimulare permittitur? Quapropter de Scripturis agnosco dissimilem, de Scripturis mecum agnosce et tu similem: non inde dissimilem unde similem; sed alia causa illud, alia illud; dum tamen utrumque demonstrem. Dissimilis homini Christus, quia Deus; scriptum est enim de illo, *Qui est super omnia Deus benedictus in sæcula* (*Rom.* ix, 5): et similis homini Christus, quia homo; quia de illo itidem scriptum est, *Mediator Dei et hominum, homo Christus Jesus* (*I Tim.* ii, 5). Dissimilis peccatori Christus, quia semper sanctus: et similis peccatori Christus, quia Deus Filius suum insit in similitudinem carnis peccati, ut de peccato damnaret peccatum in carne (*Rom.* viii, 3). Homini ex coitu nato dissimilis Christus, in quantum ex virginie natus est: sed homini nato similis Christus, in quantum et ipse ex semina natus est, cui dictum est, *Quod nascetur ex te sanctum, vocabitur Filius Dei* (*Luc.* i, 33). Homini propter peccatum suum mortuo dissimilis Christus, in quantum sine peccato et propria potestate mortuus est: sed rursus homini mortuo similis Christus, in quantum et ipse vera morte corporis mortuus est.

CAPUT XVI. — Nec ideo Moysi famulo Dei derogaveris, quia eum peccatorem fuisse, et offenso Deo suo in monte occisum esse dixisti (*Deut.* xxxiv, 5). Noverat enim et ipse in Domino gloriari, ut ab eo salvus fieret: a quo et ille qui dicit, *Christus Jesus venit in hunc mundum peccatores salvos facere, quorum primus ego sum* (*I Tim.* i, 15). Arguitur enim Moyses voce divina, quod ejus fides ad aquam de petra eliciendam¹ aliquantum titubaverit (*Num.* xx, 10-12): quod ei cum peccato Petri potest esse commune, qui in mediis fluctibus simili fidei defectu dubitavit (*Matth.* xiv, 30, 31). Verum absit ut credamus hinc eum esse alienatum ab æterna societate sanctorum, qui cum sancto Elia, sicut Evangelium loquitur, meruit clarificatio in monte Domino assistere (*Matth.* xvii, 1-5). Nam, ut in veteribus legimus Libris, etiam post ipsum peccatum, quantum sit apud Deum meritum ejus ap-

paret. Sed quid cause fuerit, ut de peccato ejus tali morte vindicando Deus loqueretur? Quoniam pollicitus sum ea ipsa demonstrare ad prænuntiadum Christum pertinere, quæ tu reprehendenda delegeris; sic iam sicut possum, Dominino adjuvante, ut hoc etiam quod in Moysi morte reprehendisti, prophetiam fuisse de Christo recte intelligentibus doceam.

CAPUT XVII. — Sicut enim mos est divinorum in Scripturis sanctis mysteriorum, ut idem homo alias aliam atque aliam pro re aliqua significanda personam gerat; tunc Moyses populi Iudaeorum sub Lege positi personam gerebat, eumque in propheticâ prænuntiatione figurabat. Sicut ergo Moyses petram virga percutiens de Dei virtute dubitavit; ita ille populus, qui sub Lege per Moysen data tenebatur, Christum ligno crucis affligens, eum Virtutem Dei esse non credidit. Sed sicut percussa petra manavit aqua sipientibus; sic plaga dominice passionis effecta est vita credentibus. Habemus enim de hac re præclarissimam et fidelissimam vocem Apostoli, cum inde loqueretur, dicentis, *Petra autem erat Christus* (*I Cor.* x, 4). Hanc ergo carnalem de Christi divinitate desperationem in ipsis Christi altitudine Deus mori jubet, cum mortem carnis Moysi in monte imperat fieri. Sicut enim petra Christus, ita et mons Christus: petra humilis fortitudo, mons eminens magnitudo. Quia sicut Apostolus ait, *Petra erat Christus*; ita ipse Dominus, *Non potest civitas abeundi super montem constituta* (*Matth.* v, 14): se scilicet montem, fideles autem suos in sui nominis gloria fundatos asserens civitatem. Prudentia carnis vivit, cum tanquam petra percussa Christi humilitas in cruce contemnitur: Christus enim crucifixus Judæs scandalum est, Gentibus autem stultitia. Et prudentia carnis moritur, cum tanquam montis eminentia Christus excelsus agnoscatur: ipsis enim vocatis Iudeis et Græcis, Christus Dei Virtus et Dei Sapientia est (*I Cor.* i, 23, 24). Ascendit itaque Moyses in montem, ut carne mortua vivo spiritu reciperetur: quo Faustus non ascenderat, ut carnales calumnias mente mortua loqueretur. Nonne ipsam petram Petrus per prudentiam carnis percudi exhorruit, cum Domino passionem suam prænuntianti ait: *Absit, Domine, non fiet istud; propitius esto tibi?* Neque enim pepercit huic peccato Dominus, cum ei retulerit: *Redi retro, satanas, scandalum mihi es: non enim sapis quæ Dei sunt, sed quæ sunt hominum* (*Matth.* xvi, 22, 23). Aut ubi mortua est ista carnalis dissidentia, nisi in Christi glorificatione, tanquam in montis altitudine? Nam utique vivebat, cum eum tiniide negaret: et utique mortua erat, cum eum libere prædicaret. Hac vivebat in Saulo, cum scandalum crucis detestans vastabat christianam fidem (*Act.* viii, 3): et ubi nisi in illo monte mortua erat, cum jam Paulus diceret, *Viro autem jam non ego, vivit vero in me Christus* (*Galat.* ii, 20).

CAPUT XVIII. — Quid babes igitur, heretica vanitas, unde te putes posse convincere, non de Christo esse prædictum, *Suscitabo illis Prophetam de fratribus ipsorum similem tibi*; quando ne hinc quidem potes,

¹ Am. et miss., ej. i. l. endam.

quod dissimilem ostendis? Aliis enim causis et nos similem ostendimus. An quia propheta dicitur est, qui et homo esse dignatus est, et tam multa futura predixit? Nisi forte aliud est propheta, quam homo ultra humanas conjecturas futura prænuntians? Unde et ipse de se ipso ait: *Non est propheta sine honore, nisi in patria sua* (*Matth. xiii, 57*). Sed de te video, qui te convictum paulo ante confessus es, cum dixisti, quod te ad credendum Evangelio professio tua fecit obnoxium: *Iudeus ipse procedat in medium, qui cervicem a jugo Christi male liberam tollit*, et ideo sibi adhuc fas ppetat dicere. Mentitus est Christus verter; nihil de illo scripsit Moyses.

CAPUT XIX. — Dicat mihi quem prophetam promiserit Deus, cum ait Moysi, *Suscitabo illis Prophetam de fratribus eorum, sicut te, vel, similem tibi?* Multi enim prophetæ postea fuerunt, sed utique unum quemdam intelligi voluit. Illic ei, credo, facilime occurret successor ille Moysi, qui populum ex Aegypto liberatum, in terram promissionis induxit. Quem cogitans, me adhuc fortasse ridebit querentem de quo dictum sit, *Suscitabo illis Prophetam similem tibi*; cum legam quis in eodem munere populi illius regendi atque ducendi Moysi defuncto successerit. Qui cum me velut imperitum riserit (talis enim et a Fausto describitur), non desinam hominem adhuc etiam compellare¹, et a seculo risu ad curam respondendi revocare, querendo atque flagitando, cur eidem ipsi futuro suo successori, in cuius comparatione improbatus est, ut non ipse introduceret populum in terram promissionis; ne videlicet Lex per Moysen non ad salvandum, sed ad convincendum peccatorem data, in regnum celorum introducere putaretur (*Joan. i, 17*), sed gratia et veritas per Iesum Christum facta: queram ergo a Iudeo, cur eidem ipsi futuro suo successori Moyses nomen mutaverit. Vocabatur enim Ause², et appellavit eum Iesum (*Num. xiii, 9, et xiv, 6*). Cur denique tunc appellaverit, quando ex convalle Pharan præmisit ad eamdem terram, quo erat populus ipso duce venturus? Dixit enim verus ipse Jesus: *Et si iero, et præparavero vobis locum; iterum veniam, et assumam vos ad me* (*Joan. xiv, 3*). Quarum etiam, utrum non huic figuræ attestetur propheta dicens, *Deus ab Africo veniet, et sanctus de Pharan* (*Habac. iii, 5*): tanquam diceret, Ejus nominis veniet Deus sanctus, cuius nominis erat ille qui venit ab Africo de Pharan, id est, Jesus. Huc accedit quod idem ipsum Dei Verbum intelligitur loqui, ubi præmittit eumdem ipsius Moyseos successorem, per quem populus in terram promissionis mitteretur, nomine angeli eum appellans; sicut etiam homines aliquid nuntiantes in Scriptura divina solent appellari: et ita dicit, *Ecce ego mitto angelum meum ante faciem tuam, ut servet te in via, et inducat te in terram quam juravi tibi*³. Attende tibi, et obaudi eum, ne

non credas illi: *nihil enim subtrahet tibi, nomen enim meum est in eo* (*Exod. xxii, 20, 21*). Quid est hoc? Perscrutetur Scripturas illas non jam Manichæus, sed ipse etiam Iudeus, et videat utrum de aliquo Angelo Deus dixerit, *Nomen meum est in illo*, nisi de hoc, quem introductorem in promissionis terram pollicetur. Deinde querat in hominibus quis Moysi successor introduxerit populum; et inveniet Jesum: non hoc ab initio vitæ sue, sed nomine mutato appellatum. Qui ergo dixit, *Nomen meum est in illo* Jesu, ipse est verus Jesus, rector et duxor populi in hereditatem vitæ aeternæ, secundum Testamentum Novum, cuius figura erat Testamentum Vetus. Ita quantum attinet ad propheticum apparatum, nec geri, nec dici aliquid posset insignius, quandoquidem res perducta est usque ad nominis expressionem.

CAPUT XX. — Superest ut Iudeus ille, si vult et in abscondito Iudeus esse non littera, sed spiritu (*Rom. ii, 29*); si vult reputari verus Israëlitæ, in quo dolus non est (*Joan. i, 47*), recordetur in figura illum mortuum Jesum, qui introduxit in terram mortientium, et agnoscat in veritate vivum Jesum, quo duce intret in terram viventium. Talis enim jam non acerbus resistet tam perspicue prophetæ, sed ex commémoratione Jesu qui introduxit in illam promissionis terram, mitis effectus, audiet jam ipsum cuius nomen ille habebat, verius introducentem et dicentem, *Beati mites, quoniam ipsi hæreditate possidebunt terram* (*Matth. v, 4*). Illic jam etiam ille Gentilis, si non nimis lapideum cor haberet, aut si ex illis esset lapidibus de quibus suscitat Deus filios Abrahæ (*Id. iii, 9*), nonne miraretur in Libris antiquis ejusdem gentis, ex qua natus perhiberetur Jesus, tam evidenter de illo conscriptam esse prophetiam, ut etiam nomen ejus exprimeretur: simulque ibi adverteret, non quemlibet hominem prædictum fuisse Jesum, sed utique Deum, cum in homine illo qui regendo et introducendo in regnum populo constitutus, mutato nomine Jesus appellatus est, suum nomen inesse Deus diceret, cumque angelum nominaret; eo ipso quod mutato nomine mittebatur, magnum aliquid divinumque nuntiantem? Nuntium quippe græce Angelum dici, quis illa lingua vel tenuiter tinctus ignoret? Quamobrem quilibet Gentilis, si perversus et pervicax esse nollet, non ideo Libros illos contemneret, quia essent Hebræi, cuius gentis lege non teneretur: sed cuiuslibet gentis libros ideo magni penderet, quia in eis tanto ante conscripta inveniret, quæ suis jam temporibus impleta cognosceret: ipsumque Christum Jesum non propterea sperneret, quia Hebraicis litteris prænuntiatum videret; sed potius eum, qui litteris quibuslibet, antequam inter homines nasceretur, per tot volumina sœculorum, partim apertioribus testimoniis, partim rerum gestarum et sermonum figuris et sacramentis ita prænuntiari commendarique meruiisset, cum ingenti admiratione et devota religione sectandum venerandumque censeret. Ita illi ex rerum Christianarum jam præsentatis effectibus, Librorum

¹ Am. Er. et aliquot MSS., *compellere*.

² Sic MSS. juxta LXX. At Am. et Er. juxta Vulgatam, *Vocabatur enim Osee Lov., vocabatur enim Josue.*

³ Lov.. quam præparavi tibi. Editi vero alii et MSS. quam juravi tibi.

⁴ Omnes MSS., et debita religione.

prophetia vera probaretur : ex Librorum vero prophetia Christus colendus agnosceretur. Vana loqui deputer, si non ita factum est, si non ita sit, si non in eam fidem per universum orbem terrarum eorumdem Librorum recitatione concurretur.

CAPUT XXI. — Unde mirabiliter istorum est renda recordia, qui tanquam impossibile a nobis querunt, quomodo per Judeorum Libros fidem Christianam velit discere homo Gentilis, cum tanta devotione eis tanta celebritate omnes gentes isterum Librorum fieri discipulas cernat¹ : eo ipso nimis fortis atque firmius, quod ex manibus inimicorum tanta de Christo testimonia preferuntur; in quibus ideo Gentes quae credunt, nihil de illo ad tempus possunt putare confictum, quia in eis Libris inveniunt Christum, quibus a tot saeculis serviunt, qui crucifixerunt Christum, et quos in tanto apice auctoritatis habent qui quotidie blasphemant Christum. Si enim ab eis proferrentur prophetiae de Christo qui praedican Christum, ab eis ipsis confictae putarentur : nunc vero id exponit qui praedicat, quod recitat qui blasphemat. Ad aliquem namque usum sanctorum ordinatur omnis cæcitas impiorum a summo Deo, qui pro sui regiminis æquitate bene utitur etiam malis, ut qui suo arbitrio injuste vivunt, illius judicio juste disponantur. Ergo ne testimonia prophetiae Christi nascituri, mira facturi, indigna passuri, morituri, resurrecturi, ascensuri, per omnes gentes Evangelium vite æternæ disseminaturi, illi finisse crederentur, qui eum populis annuntiarent; magnum aliquid actum est in usum nostrum de infidelitate Judeorum, ut iisdem ipsis qui hæc propter se non haberent in cordibus, propter nos haberent in codicibus. Nec inde auctoritas illis Libris minuitur, quod a Judeis non intelliguntur; imo et augetur: nam et ipsa eorum cæcitas ibi praedicta est. Unde magis non intelligendo veritatem perhibent testimonium veritati : quia cum eos Libros non intelligunt, a quibus non intellecturi praedicti sunt, etiam hinc eos veraces ostendunt.

CAPUT XXII. — Hinc est et illud, cuius ambiguitate Faustus fallitur: *Videbis vitam tuam pendentem, et non credes vitæ tuæ* (*Deut. xxviii, 66*). Qua verba et aliter posse intelligi, potest aliquis dicere: de Christo autem non posse intelligi, nec Faustus ausus est dicere, nec quisquam prorsus audebit, nisi qui negaverit aut Christum esse vitam, aut a Judeis visum esse pendentem, aut eos illi non credidisse. Cum vero et ipse dicat, *Ego sum vita* (*Joan. xiv, 6*); et cum pependisse constet ante oculos non ei creditum Judeorum; non video cur dubitare debeamus, id etiam de Christo scripsisse illum, de quo Christus ait, *Ille enim de me scripsit* (*Id. v, 47*). Proinde si quod scriptum est, *Suscitabo eis Prophetam de fratribus illorum similem tibi*, ostendere conatus est Faustus non posse de Christo intelligi, quia Christus Moysi similis non est, et tamen ex omni parte convictus est; quid opus est in hoc testimonio laborare? Aut certe, sicut dixit

Christum similem non esse Moysi, ut illam refelleret prophetiam; sic etiam ut hanc refellat, dicat Christum non esse vitam, vel in conspectu Judæorum non ei creditum non pependisse. Cum autem hoc ille non dixerit, nec hodie quisquam eorum audeat dicere. nihil est cur moremur hanc quoque de Domino et Salvatore nostro Jesu Christo famuli ejus amplecti prophetiam. At enim inter cætera maledicta et hoc positum est. Num ideo non est prophetia, cum et cætera, inter quæ positum est, nihil sint aliud quam prophetiae? Aut ideo non est de Christo prophetia, quia illa quæ in ea lectione vel præcedentia vel consequentia contexuntur, nihil pertinere videntur ad Christum? Quasi vero quidquam sit pejus inter maledicta, quæ Judæis pro merito superbæ¹ impietatis acciderunt, quam videre vitam suam, id est, Filium Dei pendente, et non credere vitæ suæ. Maledicta enim, cum ex prophetia dicuntur, non sunt de malo voto imprecantis, sed de præscio spiritu denuntiantis. Nam illa quæ de malo voto sunt, prohibentur, cum dicitur, *Benedicite, et nolite maledicere* (*Rom. xii, 14*). Hece autem sape inveniuntur in sermone sanctorum, sicut apostolus Paulus, *Alexander*, inquit, *ærarius multa mala mihi ostendit; reddet illi Dominus secundum opera sua* (*Il Tim. iv, 14*). Nam illud tanquam stomachatus et indignatus etiam male optasse videtur Apostolus, *Utinam et abscondantur qui vos conturbant* (*Galat. v, 12*)! Quod utique si consideres personam scribentis, magis eum elegantissimo ambiguo bene optasse intinges. Sunt enim spadones, qui se ipsos absiderunt propter regnum celorum (*Matth. xix, 12*). Quod in his quoque verbis Faustus sapuissest, si pium palatum ad escas dominicas attulisset. Sic enim sonuit fortasse Judæis, quod dictum est, *Videbis vitam tuam pendentem, et non credes vitæ tuæ*; ut inter minas vel dolos hostium suorum vitam suam videntes ex incerto pendere, victuros se esse non crederent. Sed filius Evangelii cum audit, *Ille enim de me scripsit*, in hac ipsa ambiguitate sententiae videt quid Prophetæ porcis projiciant, quid hominibus innuant: statimque illi occurrit vita hominum Christus pendens, eique non credentes Judæi, ob hoc ipsum quia pendente vident. Et alias quidem aliquis cito diceret, inter cætera maledicta quæ in illa lectione ad aliquid de Christo intelligendum non pertinent, hoc solum ibi esse de Christo, quod scriptum est, *Videbis vitam tuam pendentem, et non credes vitæ tuæ*. Neque enim fieri non posset ut inter diversa maledicta quæ impio populo prophetice præsumtiantur, hoc quoque ponatur. Sed ego, et qui mecum aliquanto attentius cogitant evangelicam illam dominicamque sententiam, quæ non ait, Ille enim et de me scripsit; ut et alia quæ ad Christum non pertinent, scripsisse crederetur: sed ait, *De me enim ille scripsit*; ut omnem scripture illius intentionem non nisi ad intelligendam Christi gratiam perscrutando consuleremus; etiam cætera in illa lectione maledicta propter Christum praedicta cognoscatur.

¹ Sic Am. et plures MSS. At Er et Lov., cernant.

¹ Editi, superbæ. At MSS., superbæ.

scimus : quod nunc ostendere si velim , nimis longum erit.

CAPUT XXIII.— Unde tantum abest ut hoc quod Faustus commemoravit, propterea non pertineat ad Christum, quia inter cetera maledicta positum est ; ut nec ipsa cetera rectum habeant intellectum , nisi ad Christi gloriam , qua generi humano consultetur , prophetata referantur : quanto magis hoc ? Quod et si talis fuisset Moyses , ut aliud corde intuens , id ore funderet ; facilius cum dicerem prophetasse nescientem , quam cum audirem populo Judorum dictum , Videbis vitam tuam pendentem , et non credes vitæ tuæ , de Christo prophetatum negarem . Neque enim hoc in-tuebatur animo Caiphas , quod ex verbis ejus intellegitum est , cum Christum ut inimicum persequens , ait expedire ut unus homo moreretur , ne periret tota gens . Ubi Evangelista subjicit , hoc eum non a se dixisse , sed cum esset pontifex prophetasse (Joan. xi. 49 51). Sed Moyses non erat Caiphas : quare illud quod populo Hebreo dixit , Videbis vitam tuam pendentem , et non credes vitæ tuæ ; non solum de Christo dixit , quod eti⁹ nesciens dixisset , de nullo alio dixisse debaret intelligi ; verum etiam sciens dixit . Erat enim fidelissimus dispensator prophetici sacramenti , id est , illius sacerdotialis chrisinatis , unde Christi nomen agnoscimus : in quo sacramento , quamvis homo pes-timus , Caiphas eti⁹ nesciens potuit prophetare . Hoc quippe in eo egit propheticum chrisma , ut prophetaret : hoc autem vita impia , ut nesciens prophetaret . Quo itaque ore dicitur nihil de Christo prophetasse Moyses , a quo illud chrisma coepit , unde Christi no-men innotuit , et unde Christum etiam persecutor Christi vel nesciens prophetavit ?

CAPUT XXIV. — Nam de maledicto pendentis in signo , jam quantum satis visum est , supra diximus . Interciendum autem esse prophetam sive principem populi , qui filios Israel a Deo suo vellet avertire , aliquodve infringere mandatorum , non adversus Christum præcepisse Moysen , et ex his quæ jam multa egimus , satis clarum est , et magis magisque consideranti dicta et facta Domini nostri Jesu Christi , magis magisque clarebit : quia nec a suo Deo voluit quemquam eorum Christus avertire . Deus quippe , quem illis Moyses diligendum colendumque præceperat , ipse est certe Deus Abraham , et Deus Isaac , et Deus Jacob , quem Dominus Jesus Christus eadem commendatione commemorat , ejusque auctoritate Sadducœorum refellit errorem resurrectionem negationem , ubi ait , De resurrectione autem mortuorum non legistis quid Deus locutus sit de rubo ad Moysen , Ego sum Deus Abraham , et Deus Isaac , et Deus Jacob ? Non est Deus mortuorum , sed vivorum (Matth. xxii. 31, 32 , et Luc. xx. 37, 58) : omnes enim illi vivunt . Opportune itaque eadem voce nunc convincuntur Manichæi , qua tunc convicti sunt Sadducæi : nam et ipsam resurrectionem alio quidem modo , sed tamen etiam isti negant . Item cum fidem Centurionis laudans diceret , Amen dico vobis , non inveni tantam fidem in Israel ; adjectis et ait , Dico autem vobis , quoniam

multi ab oriente et occidente renient , et recumbent cum Abraham , et Isaac , et Jacob in regno cœlorum ; filii autem regni ibunt in tenebras exteriores (Matth. viii. 10-12) . Si ergo , quod negare Faustus non potest , non commendavit Moyses populo Israel Deum , nisi Deum Abraham , et Isaac , et Jacob , eumque ipsum Christus ex his et aliis testimoniis sine dubitatione commendat ; non est conatus illum populum avertere a Deo suo : sed ideo minatus est eos ituros in tenebras exteriores , quod aversos videret a Deo suo , in cuius regno Gentes vocatas ex toto orbe terrarum , recubituras dicit cum Abraham , et Isaac , et Jacob : non obliud , quam quod fidem , tenuissent Dei Abraham , et Isaac , et Jacob . Unde et Apostolus dicit , Providens autem Scriptura , quia ex fide justificat Gentes Deus , prænuntiarit Abraham dicens , In semine tuo benedicentur omnes gentes (Galat. iii. 8) ; ut illi scilicet in semine Abraham benedicerentur , qui Abraham fidem imitarentur . Non igitur Christus Israelitas a Deo suo volebat avertire , sed eos potius quod ab illo averterentur arguebat . Mandatorum autem aliquod eorum quæ per Moysen data sunt , infregisse Dominum qui arbitratur , non mirum si hoc putat quod Iudei : sed ideo errat , quia in hoc erraverunt et Iudei . Ubi autem Faustus commemorat ipsum mandatum , quod Dominum infregisse vult credi , ibi opus est ut ostendamus quomodo fallatur , sicut iam supra , ubi oportebat , ostendimus . Nunc illud dico , quia si aliquod illorum mandatorum Dominus infregisset , non etiam de hoc ipso Iudeos arguisset : quibus calumniantibus quod discipuli ejus illotis inanibus manducarent , et ob hoc excederent , non mandatum Dei , sed tradiciones seniorum , ait illis , Utquid et vos transgredimini mandatum Dei , ut tradiciones vestras statuatis ? Ipsumque Dei mandatum commemorat , quod per Moysen mandatum esse novimus . Secutus quippe ait , Deus enim dixit , Honora patrem et matrem ; et , Qui maledixerit patri aut matri , morte morietur¹ . Vos autem dicitis , Quicumque dixerit patri vel matri , Munus quod est ex me , proderit² , non honorabit patrem suum : et irritum fecistis verbum Dei propter vestram traditionem (Matth. xv. 3-6) . Quia in re videte quam multa nos doceat , et Iudeos a Deo suo se non avertire ; et ejus mandata non tantum se non infringere , verum etiam illos a quibus infingerentur , arguere ; et non nisi Deum per Moysen ista mandasse .

CAPUT XXV. — Quamobrem quoniam nos credimus omnia quæ scripsit Moyses , ad Christi commendationem pertinere , quod isto opere quia demonstrare non possumus , polliciti sumus in iis hoc ostendere , quæ Faustus de illa scriptura refellenda vel vituperanda delegerit , recte a nobis debitum exigitur , ut hoc etiam , quod præcepit Moyses interciendum esse prophetam sive principem , qui eos a Deo suo vellet avertire , aliquodve infringere mandatorum , ostendamus ad custodiendam fidem , que in Ecclesia Christi discitur , pertinere . Videbat quippe ille spiritu

¹ Am. Fr. et Cisterciensis Ms. , morte moriatur .

² Fr. Lugd. et Ven.: Munus quod est ex me tibi prosu. Vulgata , munus quodcumque est ex me tibi vrodeit . M.

prophetico et Deo sibi loquente, multos exsurrecturos hereticos diversorum errorum magistros adversum doctrinam Christi, qui non eum Christum predicarent qui verus est Christus. Ille enim verus est, qui per prophetias, per eundem Moysen ceterosque sanctos ejus gentis editas, prænuntiatus est. Quisquis itaque alium docere vellet, ipsum interficiendum Moyses præcipiebat. Quid antem nunc aliud agit lingua catholica, nisi ut spirituali gladio utriusque Testamenti acie bis acuto interficiantur omnes qui nos a Deo nostro volunt avertere, aliquodve infringere mandatorum? Inter quos præcipue cadit ipse Manichæus, cum ejus error asserta Legis et Prophetarum veritate perimitur, volentis nos avertere a Deo nostro, Deo Abraham, et Isaiae, et Jacob, quem Christus commendat; et volentis infringere mandata Legis, in quorum etiam figuris Christum prophetatum esse cognoscimus.

CAPUT XXVI. — Jam vero illam compléctionem utrum obtusissimam¹ an fraudulentissimam dicam, nescio; erat enim Fausto ingenium: unde magis arbitror eum nebulam injicere voluisse minus attento lectori, quam non vidisse quod dicam²: ait enim, *Quod si hæc de Christo minime scripsit, aut alia dabitis, aut nulla erunt.* Hæc propositio vera est, sed consequens erat ut ostenderet et hæc de Christo minime scripta esse, et alia dari non posse. Nihil autem horum fecit: quia et hæc nos ostendimus, quomodo de Christo accipi possint; et superius alia multa dedimus, quæ nisi de Christo intellectum habere non possint. Non est ergo cur concludas, Fauste, nulla esse a Moyse scripta de Christo. Attende enim quid dicas: *Quod si hæc, inquis, minime de Christo scripsit, aut alia dabitis, aut nulla erunt.* Verum dicis. Proinde, quia et hæc de Christo, vel propter Christum scripta docuimus, et alia multa dedimus, argumentatio tua potius nulla erit. Et hæc quidem quæ commemorasti, quamvis non obtinueris, saltem conatus es ostendere non esse scripta de Christo. Quod autem subdidisti, *Aut alia dabitis, aut nulla erunt;* prius demonstrare debuisti, alia nos dare non posse, ut securus inferres nulla esse. Nunc vero tanquam libellus tuus surdos auditores vel cœcos lectores esset habiturus, ut nullus adverteret quid prætermiseris, cucurristi dicere: *Si nulla fuerint, nec Christus potuit asseverare quod nusquam est; ita, si Christus hoc minime asseveraverit, capitulum hoc falsum esse constiterit.* O hominem se cogitantem dictorem, et alium non cogitantem contradictem! Ubi est acumen tuum? An in mala causa non posses aliter? Sed mala causa te vana loqui coegit: malam vero habere causam nemo te cogit. Quid si enim alia dabimus? Certe utique non erunt nulla, quia erunt aliqua. Et si erunt aliqua, potuit Christus hoc asseverare quod est. Ita, si Christus hoc asseverare potuit, capitulum illud evangelicum falsum esse non constat. Redi ergo ad propositionem tuam, qua dixisti, *Aut alia dabitis, aut nulla*

erunt; et vide non te ostendisse nulla nos alia daturos. Vide etiam quam multa alia jam supra dederimus, et quid hinc conficiatur adverte; scilicet non esse falsum, quod in Evangelium Christum dixisse legimus, *Si crederetis Moysi, crederetis et mihi, ae me enim ille scripsit.* Et Evangelii quidem tam eminens est auctoritas et tam fundata veritas, ut etiamsi nos propter tarditatem intelligentiae nostræ nulla inveniremus a Moyse scripta de Christo, non solum esse aliqua, sed ad Christum omnia pertinere quæ scripsit, quia non ait, *Et de me scripsit;* sed, *De me ille scripsit;* credere deberemus. Nunc autem etsi de isto Evangelii capitulo, quod absit, dubitandum esset, compertis tam multis in scriptura Moysi de Christo testimoniis, omnis illa dubitatio tolleretur: et quia de capitulo Evangelii dubitandum non est, etiamsi illa comperta non essent, esse tamen credi oportet.

CAPUT XXVII. — Nam illud quod adjungis, *dissimilem fuisse traditionem Christi atque Moyseos;* et ideo non fuisse verisimile, ut si crederent Moysi, crederent et Christo; imo illud potius esse consequens, ut si alteri Judæi crederent, alteri necessario repugnarent; non utique diceres, si considerationis oculum paululum attolleret, orbemque terrarum sine contentionis cœcitate conspiceres in hominibus doctis atque indoctis, Grecis et Barbaris, sapientibus et insipientibus, quibus se debitorem dicebat Apostolus (*Rom. 1, 14*), et Moysi et Christo simul credentem. Si ergo non erat verisimile ut Judæi Moysi et Christo pariter crederent, multo minus verisimile est ut orbis terrarum Moysi et Christo pariter credat. Cum vero videamus omnes gentes utrique credere, et illius prophetiam cum Evangelio hujus convenientem fidem robustissima et celeberrima retinere, non ad aliquid impossibile gens una vocabatur, cum ei diceretur, *Si crederetis Moysi, crederetis et mihi:* potiusque est miranda et vehementius arguenda duritia Judæorum, qui hoc non fecerunt, quod totum mundum fecisse conspicimus.

CAPUT XXVIII. — Nam quidquid dicas de sabbato, et de circumcisione carnis, et de differentia ciborum, aliam fuisse traditionem Moysi, aliud per Christum didicisse Christianos; jam supra ostendimus quia, sicut dicit Apostolus, *Hæc omnia figuræ nostræ fuerunt* (*1 Cor. x, 8*). Non ergo diversa doctrina est, sed diversum tempus. Aliud enim erat, quo hæc oportebat per figuratas prophetias prænuntiari; et aliud est, quo hæc jam oportet per manifestam veritatem redditamque adimpleri. Sed quid mirum si Judæi carnaliter intelligentes sabbatum, Christo, qui jam hoc spiritualiter insinuabat, repugnaverunt? Tu Apostolo responde, si potes, qui vacacionem ipsius diei umbram futuri esse testatur (*Coloss. 11, 16, 17*). Sed si illi restiterunt Christo, non intelligentes verum sabbatum, vos ei nolite resistere, et intelligite veram innocentiam. Nam eo ipso loco, ubi præcipue destrucctor sabbati putatur Jesus, cum discipuli ejus per segetem transentes et esurientes vellerent spicas et

¹ In Mos., obtusissimam. Et passim obtusus, pro obtusus.

² Alii et codex unus Vaticanus, dicit.

cederent, innocentes eos dixit, respondens Iudeis, *Si sciretis quid sit, Misericordiam volo quam sacrificium, nunquam condemnassetis innocentes* (*Matth. xii, 7*). Magis enim esurientium misereri debuerunt, quia hoc illi coacti fame fecerunt. A vobis autem quisquis vulnerit spicas, non ex traditione Christi, qui hanc innocentiam vocat, sed ex traditione Manichei homicida deputatur. An forte misericordiam eisdem spicis exhibuerunt Apostoli, ut inde membra Dei mandando purgarent, sicut vestra fabula est? Vos ergo crudeles, qui hoc non facitis. Sed videlicet novit Faustus destruere sabbatum, quia scit virtutem Dei semper atque infatigabiliter operari. Illi hoc dicant, qui intelligunt Deum sine temporali voluntate universa tempora facientem. Hoc ad vos multum est, qui Dei vestri requiem rebellione gentis tenebrarum prohibetis excussam, et hostium repentina impenit perturbatam. An ex aeterno praevidens hoc futurum, nunquam habuit requiem, quia nunquam securus fuit, qui se cogitabat tam grave bellum cum tanta membrorum suorum labe damnoque gesturum?

CAPUT XXIX. — Ceterum illud sabbatum, quod imperite atque impie deridetis, nisi et ipsum inter prophetias que de Christo scriptae sunt, haberet intellectum, non ei Christus sic attestaretur: qui cum propria voluntate, sicut ipse in ejus laude posuisti, pateretur, ideoque tempora passionis et resurrectionis suæ haberet in potestate, id egit, ut eare ejus in sepultura sabbato requiesceret ab omnibus operibus suis, ut tertio die resurgens, quem dominicum dicimus, qui post sabbatum numeratur octavus, etiam circumcisionem octavi diei ad se prophetandum pertinere declararet. Quid enim significat circumcisione carnis? Quid, nisi expoliationem mortalitatis, quam de carnali generatione portamus? Propter hoc dixit Apostolus: *Exuens se carnem, principatus et potestates exemplavit, fiducialiter triumphans eos in senetipso* (*Coloss. ii, 15*). Quod enim dicit exuisse se carnem, eo loco carnem mortalitatem carnis intelligentius, secundum quam proprius corpus hoc caro nominatur. Quæ mortalitas propriæ caro appellata est, quia in illa resurrectionis immortalitate non erit: propterea scriptum est, *Caro et sanguis regnum Dei non possidebunt*. De quibus verbis soletis calumniari fidei nostræ, qua credimus hujus corporis futuram resurrectionem, qua in ipso Domino jam præcessit, dissimulantes ea qua sequuntur, in quibus aperte Apostolus quid dicat exponit. Volens enim ostendere quid eo loco dixerit carnem, continuo subjecit: *Neque corruptio incorruptionem possidebit*. Hoc enim corpus, quod propter mortalitatem propriæ caro nominatur, mutari dicit in resurrectione, ut jam non sit corruptibile atque mortale. Quod ne putetur nostra suspicione dici, ipsa ejus qua sequuntur verba consulite. *Ecce, inquit, mysterium dico: omnes quidem resurgentem, non tamen omnes immutabimur. In ictu oculi, in novissima tuba; canet enim*

tuba, et mortui resurgent incorrupti, et nos immutabimur. Oportet enim corruptibile hoc induere incorruptionem, et mortale hoc induere immortalitatem (*1 Cor. xv, 50-53*). Ut ergo induatur immortalitate, exsurgit mortalitate: hoc est circumcisionis mysterium, quæ octavo die fieri jussa est (*Gen. xvii, 12*), et octavo die, id est, dominico post sabbatum jam in veritate a Domino impleta. Unde dicitur, *Exuens se carnem, principatus et potestates exemplavit*. Per hanc enim mortalitatem nobis invide diabolæ potestates dominabantur: quas exemplasse dictus est, quia in se ipso capite nostro præbuit exemplum, quod in toto ejus corpore, id est, Ecclesia ex diaboli potestate liberanda, in ultima resurrectione complebitur. Hæc est fides nostra. Et quoniam, sicut testimonium propheticum Paulus conmemorat, *Justus ex fide vivit* (*Rom. i, 17; Habac. ii, 4*); hæc est justificatio nostra. Mortuum quippe Christum et Pagani credunt: resurrexisse autem Christum, propria fides est Christianorum. Si enim confitearis, ut Apostolus, *in ore tuo quia Dominus est Jesus, et credideris in corde tuo quia Deus illum suscitavit a mortuis, salvis eris* (*Rom. x, 9*). Quia ergo ex ista resurrectionis fide justificamur, ideo et illud de Christo apostolicum est, *Quia mortuus est propter delicta nostra, et resurrexit propter justificationem nostram* (*Id. iv, 25*). Et quia ista resurrectio, quæ credita nos justificat, illa octava diei circumcisione figurata est; propterea de ipso Abraham, cui primum tradita est, dicit Apostolus: *Et signum accepit circumcisionis, signaculum justitiae fidei* (*Ibid., 11*). Ergo et istam circumcisionem inter alias figuræ propheticas de Christo scripsit Moyses: de quo ipse dicit, *De me enim ille scripsit*. Quod autem dicit Dominus, *Væ vobis, Scribæ et Pharisæi hypocritæ, qui circumitis mare et aridam, facere unum proselytum; et cum feceritis eum, facitis eum filium gehennæ duplo quam vos estis: non quia circumciditur, dixit, sed quod eorum mores imitatur, a quibus imitandis cohibet suos, dicens, Super Cathedram Moysi sedent Scribæ et Pharisæi: quæ dicunt, facile: quæ autem faciunt, facere nolite: dicunt enim, et non faciunt* (*Math. xxiii, 15, 2, 3*). In quibus dominicis verbis utrumque debetis advertere, et quantum honor delatus sit doctrinae Moysi, in cuius cathedra etiam mali sedentes, bona docere cogebantur; et unde si eret proselytus filius gehennæ, non scilicet a Pharisæis verba legis audiendo, sed eorum facta sectando. Illoc ergo dici posset tunc proselyto circumcisione, quod Paulus dicit: *Circumcisio quidem prodest, si legem custodias* (*Rom. ii, 25*). Quia vero ille in non custodienda lege Pharisæos imitabatur, siebat filius gehennæ: propterea, quantum arbitror, duplo quam illi, quia hoc negligebat implere quod propria voluntate suscepserat, non ex Iudeis natus, sed sponte Iudeus factus.

CAPUT XXX. — Quid autem dicere voluisti, sine respectu injurioso, quod Moyses hellenis in modum disceptator sedet, jubetque alia quidem abligiriri pro mundis, alia vero pro immundis ne contingi quidem?

* Lov., misericordiam malo. Editi vero alii et MSS., misericordiam volo quam sacrificium: juxta græcum, Osee, cap. 6.

cum ad helluonem hoc magis pertineat, ut nulla discernat; aut si discernit, suaviora eligat. An hoc ideo dicas ut imperitis continentia tua velut ab incunte *estate miranda* videatur, quasi nescientis, vel jam oblii, quanto jucundius sapiat porcina, quam vervecina? Sed quia et ista Moyses figuris propheticis de Christo scripsit, in animalium carnibus significans homines, vel incorporandos Christi corpori, quod est Ecclesia; vel respuendos; vos quoque inter immunda figuravit, qui propterea fidei catholicae non convenitis, quia nec ruminatis verbum sapientiae, et duo Testamenta, *Vetus et Novum*, non concorditer distinguentes tanquam geminam ungulam non habetis. Quis autem ferat te quoque Adimanti vestri fallaciam non puduisse sectari?

CAPUT XXXI. — Dicis enim et tu, *Christum sic docuisse ciborum indifferentiam, ut a suis quidem discipulis omnes carnes penitus removeret, sacerularibus vero vulgo concederet omnia quae possent edi; atque asseveraret quod eos nihil in os intrans pollueret, quia quae de ore impudenter procedunt, ea sola sunt quae polluant hominem.* Hæc verba tua sunt, tanto impudentiore, quanto apertiore mendacio deprompta et expressa. Primo quia secundum Christi sententiam, si ea sola polluant hominem, quae mala ex ore procedunt; cur et discipulos Christi non ea sola polluerunt, ut non eos¹ tanquam ab immundis carnibus esset necesse prohiberi? An sacerulares homines non polluntur his quae in os intrant, sed his quae ex ore exirent? Ergo munitiores sunt adversus immunditiam quam sancti, si sanctos et ea quae intrant, et ea quae exirent possunt inquinare. Vellem autem isti mihi dicere, quid manducabat et bibebat Christus, qui in comparatione Joannis non manducantis neque bibentis, se dixit manducantem et bibentem? Cum enim argueret perveritatem nominum, utroque calumnias inquirentium, *Venit enim, inquit, Joannes non manducans neque bibens, et dicunt, Daemonium habet: venit Filius hominis manducans et bibens, et dicunt, Ecce homo vorax et vinarius², amicus publicanorum et peccatorum (Matth. xi, 18, 19).* Et Joannis quidem escam et potum novimus: non enim dictum est quod omnino non biberet; sed quod vinum et siceram non biberet (*Luc. i, 15*): bibebat ergo aquam. Cibus autem ejus non omnino nullus erat, sed locustæ et mel silvestre (*Matth. iii, 4*). Unde ergo dictus est *non manducans neque bibens*, nisi quia illo victu quo Iudei utebantur, ille non utebatur? Hoc ergo Dominus nisi uteretur, non in ejus comparatione *manducans bibensque* dicetur. An forte ideo quia pane et oleribus Dominus vescebatur, quibus Joannes non vescebatur? Mirum si *non manducans* dicitur, qui locustas et mel comedit; et *manducans* dicitur, qui pane atque oleo contentus est. Sed de cibis suspicamini quidquid vultis; certe *bibens et vinarius³* non diceretur, nisi vinum haberet: cur ergo et hoc vos immundum putatis? Ne-

¹ Editi, ut eos; omissa negante particula, quam ex probæ mole MSS. addidimus.

² Ex. Lugd. et Ven., *vinaria*. M.

³ Ex. Lugd. et Ven., *vinaria*. M.

que enim haec propter continentiam disciplinamque domandi corporis tangere prohibetis, sed quod immunda sint: nam ea sordes et fel gentis tenebrarum esse perhibetis, contra Apostolum dicentem, *Omnia munda mundis* (*Tit. i, 15*). Ecce qui audent dicere Christum indifferentæ ciborum magistrum, discipulos tamen suos ab iis prohibuisse, quæ immunda ipsi putant. Ostendite ubi ista a discipulis suis removerit, fallaces, improbi; verumtamen Dei vindicis providentia ita cœcati, ut etiam coimmoneatis nos unde convincamini. Nam vim patior ab animo meo, nisi totum ipsum Evangelii capitulum, quod iste adversus Moysen opponere voluit, inspiciendum inseruero: ut ibi videamus quam falsum sit, quod prior Adimantus, et modo Faustus dixit, Dominum Jesum a discipulis suis carnes vescendas renovisse, easque vulgo sacerularibus concessisse (*a*). Nempe cum respondisset calumniantibus quod non lotis manibus manducarent, ita sequitur Evangelium: *Et convocatis turbis, ait illis, Audite et intelligite. Non quod intrat in os, communicat hominem; sed quod procedit de ore, communicat hominem. Tunc accedentes discipuli, dixerunt ad eum: Scis quod Pharisæi audito hoc verbo scandalizati sunt?* Illic certe a discipulis compellatus, debuit eos, sicut isti volunt, proprie docere ab omnibus carnibus abstinentiam, ut illud quod supra dixit, *Non quod intrat in os, communicat hominem; sed quod procedit de ore, turbis dixisse* videretur. Sequatur ergo Evangelista, et dicat quid jam non turbis, sed discipulis responderit Dominus. *At ille respondens ait: Omnis plantatio quam non plantavit Pater meus cœlestis, eradicabitur. Sinite illos, cœci sunt duces cœcorum. Cœcus autem si cœcum ducat, ambo in foveam cadunt.* Hoc utique ideo, quia traditiones suas volentes statuere, mandata Dei non intelligebant. Sed nondum quæsierant discipuli a Magistro, quomodo ipsi quod turbis dixerat, accipere deberent. Ecce et hoc sit: nam contextit Evangelista, et dicit, *Respondens autem Petrus, ait illi: Narrabitis parabolam istam.* Hinc intelligimus Petrum putasse, non proprie, nec aperte Dominum locutum fuisse cum diceret, *Non quod intrat in os, communicat hominem; sed quod procedit de ore: sed, ut solet, obscuritate parabolæ aliquid significare voluisse.* Videamus ergo utrum jam secretius discipulis interrogantibus hoc dicat, quod Manichæi volunt, immundas esse omnes carnes, nec eos aliquid earum debere contingere. Quid, quod exprobrat quod apertam suam locutionem nondum intellexerint, et proprie dictum parabolam putent? Sic enim sequitur: *At ille dixit: Adhuc et vos insipientes estis, et non intelligitis quia omne quod in os intrat, in ventrem radit, et in latrinam emittitur: quæ autem procedunt ex ore, de corde exirent, et illa communicant hominem?* Nam de corde exirent cogitationes malæ, homicidia, adulteria, fornicationes, furtæ, falsa testimonia, blasphemiae; hæc sunt quæ communicant hominem: non lotis autem manibus manducare, non communicat hominem (*Matth. xv, 10-20*).

CAPUT XXXII. — Certe jam manifestata fallacia

(a) Supra, lib. contra Adimantum, cap. 45.

convicta discedit : certe iam claram est, non aliud hac de re turbas , aliud secreto discipulos Dominum docuisse : certe sine dubitatione perspicitur Manichæus potius esse mendaces atque fallaces, non Moysen, non Christum , non Testamenti utriusque doctrinam ibi figurataam, hic revelatam, hic præsentatam. Quomodo ergo nihil eorum Catholicos servare putant, quæ Moyses scripsit , cum omnia prorsus observent; non jam in figuris, sed in eis rebus quas illæ figure significando prænuntiariunt? Neque enim, si aliud tempus esset scribendi, aliud legendi , recte diceremus Scripturam illam non observare lectorum, quia et ipse characteres illos non faceret : cum illi fuissent figure sonorum, ille autem jam sonos ipsos expromeret, illarum tamen figurarum non formatione occupatus, sed inspectione commonitus. Ideo autem Judæi Christo non eredebant, quia nec illa quæ Moyses non figurare, sed aperie præcepérat, obserabant. Unde illis dicit: *Decimatis mentham et cymimum, et relinquitis graviora Legis, misericordiam et judicium; liquantes culicem, camelum autem glutientes: hæc oportebat facere, illa autem non omittere* (*Matth. xxiii, 23, 24*). Unde est et illud, quod traditionibus suis docebant quomodo infirmaretur præceptum Dei, quo deferri honoreni parentibus jussérat; propter quam superbiam et iniuriam exercitari meruerunt, ut cætera non intelligerent: quia ea quæ intelligebant, impie contemnebant.

CAPUT XXXIII.—Videsne quam tibi non dicam¹, Si Christianus es, crede dicenti Christo quia de se scripsit Moyses; quod si non credis, Christianus non

¹ Sic MSS. Editi vero Fr. et Lov.: *Vides, ne quaquam tibi nunc dicam.* Minus recte.

es? Ipse quippe videris quid de te sentias, qui te ut Gentilem vel Judæum doceri de Christo expetis: ego tamen neque hoc defugi, et omnes tibi aditus erroris quantum potui clausi. Nec illud sivi patere præcipitum, qua vos ecce mittitis, dicentes falsa esse in Evangelio, sicuti ves'ra hæresis exitum non invenerit: ut vobis nihil remaneat, quo redire possitis, ut te Christo credatis, ubi vobis hæc vox pestilentiae non possit opponi. Quin etiam sic te doceri cupis, ut christianum Thomam, quem Christus *de se dubitatem non est aspernatus, sed quo animi ejus vulneribus mederetur, corporis sui cicatrices ostendit*. Hæc verba tua sunt. Bene quod sic te doceri exigis. Quam enim verebar ne hoc quoque in Evangelio falsum esse contenderes! Crede ergo cicatricibus Christi: quia si cicatrices illæ verae erant, vera etiam illa vulnera fuerant; nec vera vulnera, nisi vera caro habere potuisset: hoc verum totum vestrum evertit errorem. Porro, si Christus falsas cicatrices dubitanti discipulo demonstravit, et ipsum fallacem dicis ita docentem, et te falli cupis ita discentem. Sed quia falli nemo est qui velit, fallere autem multi volunt, magis te velle intelligo quasi exemplo Christi fallaciter docere, quam exemplo Thomæ fallaciter discere. Proinde, si credis quod falsis cicatricibus Christus se fellerit dubitatem, te quis velit credere docentem, ac non potius cavere fallentem? At si ille discipulus veras cicatrices tetigit Christi, veram confiteri cogeris et carnem Christi. Ita Manichæus non permanebis, si sic credas ut Thomas: infidelis autem renanebis, si nec sic credis ut Thomas (*Ioan. xx, 27, 28*).

LIBER DECIMUS SEPTIMUS.

CAPUT PRIMUM. — Faustus dixit: Cur Legem non accipitis et Prophetas, cum Christus eos non se venisse solvere dixerit, sed adimplere (*Matth. v, 17*)? Quis hoc testatur dixisse Jesum? Matthæus. Ubi dixisse? In monte. Quibus præsentibus? Petro, Andrea, Jacobo et Joanne, quatuor his tantum: cæteros enim nequid elegerat, nec ipsum Matthæum. Ex his ergo quatuor unus, id est Joannes, Evangelium scripsit? Ita. Alicubi hoc ipse commemorat? Nusquam. Quomodo ergo quod Joannes non testatur qui fuit in monte, Matthæus hoc scripsit qui longo intervallo, postquam Jesus de monte descendit, secutus est eum? Ac per hoc de hoc ipso primo ambiguitur, utrum Jesus tale aliquid dixerit, quia testis idoneus tacet, loquitur autem minus idoneus: ut interim permiserimus nobis injuriam fecisse Matthæum, donec et ipsum probemus hæc non scripsisse, sed alium nescio quem sub nomine ejus: quod docet et ipsa lectionis ejusdem Matthæi obliqua narratio. Quid enim dicit? *Et cum transiret Jesus, vidit hominem sedentem ad telonium, nomine Matthæum, et vocavit eum: at ille confessim surgens, secutus est cum* (*Id. ix, 9*). Et quis ergo de so-

ipso scribens, dicat, *Vidit hominem, et vocavit eum, et secutus est eum*; ac non potius dicat, *Vidit me, et vocavit me, et secutus sum eum*: nisi quia constat hæc Matthæum non scripsisse, sed alium nescio quem sub nomine ejus? Cum ergo ne quidem si et Matthæus hoc scriberet, verum foret; quia præsens non erat cum Jesus hæc loquebatur in monte: quanto magis credendum non erit, quia nec Matthæus eadem scripsit, sed alius sub nominibus et Jesu et Matthæi?

CAPUT II. — Quid, quod etiam ex ipso sermone , quo præcipit non putare quia venerit Legem solvere, magis intelligi detur quia solverit? Neque enim nihil eo tale faciente Judæi suspicari hoc possent. Sed, *Nolite*, inquit, *putare quia veni solvere Legem*. Agendum ergo, si ei et Judæi dixissent, Quid porro autem tu tale agis, unde hoc suspicari possimus? An quia circumcisio derides, sabbatum violas, sacrificia respuis, confundis cibos? Hoc est ergo, *Nolite pulare*. Et quid hoc amplius, quidve manifestius fieri potuit in destructionem Legis ac Prophetarum? Ant si hoc adimplere est Legem, quid erit solvere? Quid, quod

etiam Lex et Prophetæ ne adimpleione¹ quidem gaudent, adeo sibi pleni videntur et consummati, quorum auctor ac pater non minus eis adjici indignatur, quam detrahi, ut scribens in Deuteronomio dicat, *Hæc præcepta quæ mando tibi hodie, Israel, observabis; et care ne declines ab iisdem, neque in sinistram, neque in dexteram; nec addas quidquam eis, nec minuas: sed in iisdem perseverabis, ut benedicat te Deus tuus* (*Deut. v, 32, et xii, 32*)? Quapropter, sive adimplendi causa Jesus Legi aliquid et Prophetis adjectit, in dexteram videtur lapsus; sive dempsit ut destrueret, in sinistram; utrumque certe offendit Legis auctorem: idcircoque aut aliud aliquid significat istud, aut falsum est.

CAPUT III. — AUGUSTINUS respondit: O mirabilem insaniam², de Christo aliquid narranti nolle credi Matthæo, et velle credi Manichæo! Si Matthæus non interfuit, cum Christus dixisset, *Non veni solvere Legem aut Prophetas, sed adimplere* (*Matth. v, 17*); et propterea non est ei credendum: numquid Manichæus interfuit, aut jam vel natus fuit, cum Christus inter homines appareret? Secundum ergo hanc fideli vestræ legem, nihil ei de Christo testificanti credere debuistis. Nos autem non propterea dicimus non credendum esse Manichæo, quia dictis factisque Christi non interfuit, et longe post natus est; sed quia de Christo contra Christi discipulos loquitur, et contra Evangelium quod illorum auctoritate firmatum est. Habetius enim Apostoli vocem, qui in Spiritu sancto tales venturos esse cernebat. Unde fidelibus dicebat: *Si quis robis evangelizaverit præterquam quod accepistis, anathema sit* (*Galat. i, 9*). Nam si nemo de Christo vera dicit, nisi qui eum præsens vidit et audivit, hodie de illo nemo vera dicit. Porro si hodie propterea de illo fidelibus ejus vera dicuntur, quia illi qui viderunt et audierunt, vel prædicando vel scribendo ea disseminaverunt; cur ex ore Joannis condiscipuli sui non posset vera Matthæus audire de Christo, ubi ille adfuit, et ipse non adfuit, si ex libro Joannis possumus vera loqui de Christo, non solum nos tanto post nati, sed etiam post nos alii nascituri? Hinc enim non solum Matthæi, verum etiam Lucæ ac Marci Evangelium, qui eosdem discipulos secuti sunt, in non imparem auctoritatem receptum est. Huc accedit, quia et ipse Dominus potuit narrare Matthæo, quod antequam cum vocasset, cum iis egerat quos prius vocaverat. At enim hoc ipse Joannes in Evangelio suo ponere debuit, si hoc dictum a Domino audierat, qui, cum dicereatur, præsens erat? Quasi fieri non potuerit utcum omnia quæ a Domino audierat, scribere non posset, inter alia quæ prætermisit, et hoc prætermisserit, cum in alia scribenda esset intentus. Nonne Evangelium suum ita ipse conclusit, dicens, *Et alia quidem multa fecit Jesus, quæ si scriberentur singula, nec ipsum existimo capere mundum qui scriberentur libros* (*Joan. xxi, 25*)? Hic utique ostendit se scientem multa prætermissee. Sed si de Lege et Prophetis vos

¹ Lov. ex Belgicis aliquot vss., ne adimpleione tua.

² Quidam MSS.: *O miserabilis in sanitam!*

delectat Joannis auctoritas, Joanni credite attestantur Legi et Prophetis. Ipse scripsit quod Isaïas viderit Christi gloriam (*Joan. xii, 41*). In ejus habetis Evangelio, unde jam paulo ante tractavimus: *Si crederetis Moysi, crederetis et mihi; de me enim ille scripsit* (*Id. v, 46*). Undique tergiversatio vestra contunditur. Aperto dicte non vos credere Christi Evangelio: nam qui in Evangelio quod vultis creditis, quod vultis non creditis, vobis potius quam Evangelio creditis.

CAPUT IV. — At quam elegantem rem sibi Jesus est Faustus dicere, ubi propterea voluit non credi hæc scripsisse Matthæum, quia cum de sua electione diceret, non ait, *Vidit me, et dixit mihi, Sequere me; sed, Vidi Matthæum, et dixit ei, Sequere me* (*Matth. ix, 9*): quod nescio utrum de errore imperitiæ dixerit, an de more fallacie. Sed non usque adeo imperitum putaverim, ut nec legerit, nec audierit, solere scriptores rerum gestarum, cum in suam personam venerint, ita se contexere, tanquam de alio narrent, quod de se narrant. Magis ergo hunc arbitror non ut imperitum, sed ut imperitis nebulam obtendere voluisse, sperantem se plures esse capti- rum, qui ista non noissent. Et in historia quidem rerum sacerularium talis narrationis reperiuntur exempla: sed non opus est ut ex alio genere litterarum vel nostros admoneam, vel istum refellam. Ipse certe paulo ante de libris Moysi quædam testimonia ita proferebat, ut non ea negaret scripsisse Moysen, immo et affirmaret, sed ad Christum non pertinere contendet. Legat ergo in eisdem libris, quæ de se scripsit Moyses, utrum ita scripserit, Dixi, aut, Feci hoc vel illud; et non potius, *Dixit Moyses* (*Exod. iii, 3*), et, *Fecit Moyses* (*Id. vii, 6*): aut, *Vocavit me Dominus*. vel, *Dixit ad me Dominus*; et non potius, *Vocavit Dominus Moysen* (*Levit. i, 1*), et, *Dixit Dominus ad Moysen* (*Exod. iv, 19*): et omnia cætera in eundem modum. Ita ergo et Matthæus de se tanquam de alio scripsit: quod et Joannes fecit; nam circa finem libri sui etiam ipse sic loquitur: *Conversus Petrus vidi discipulum quem diligebat Jesus, qui et recumbebat in cæna super pectus ejus, et dixerat Domino, Quis est qui te tradet?* Numquid et hic dixit, *Conversus Petrus vidi me?* An forte propterea nec istum putant hoc Evangelium scripsisse? Sed paulo post dicit: *Hic est discipulus qui testificatur de Jesu, et qui hæc scripsit; et scimus quia verum est testimonium ejus* (*Joan. xxi, 20, 24*). Numquid ait, *Ego sum discipulus qui testificor de Jesu, et qui hæc scripsi; et scimus quia verum est testimonium meum?* Certe manifestum est hunc morem suis scriptorum, cum gesta narrarent. Quam multa et ipse Dominus eadem locutione de so dicit, quis enumerare sufficiat? *Cum venerit, inquit, Filius hominis, putas, inveniet fidem in terra* (*Luc. xviii, 8*)? non dixit, *Cum venero, putas, inveniam?* Et, *Venit Filius hominis manducans et bibens* (*Matth. xi, 19*): non dixit, *Veni*. Et, *Veniet hora, et nunc est, cum mortui audient vocem Filii Dei; et qui audierint, vivent* (*Joan. v, 25*): non dixit, *Vocem meam: et multa hujusmodi.* Unde jam puto sufficere quæ dicta

sunt, et ad studiosos commonendos, et ad calumniosos convincendos.

CAPUT V. — Jam illud quam sit infirmum, quis non videt, quod ait, non eum dicere potuisse, *Nolite putare quia veni solvere Legem aut Prophetas; non veni solvere, sed adimplere*: nisi aliquid tale jam fecisset, ut in hanc suspicionem posset venire? Quasi nos negemus Iudeis non intelligentibus videri potuisse Christum destructorem Legis et Prophetarum: sed hoc ipsum est cur ille verax et veritas non potuerit de alia Lege et de aliis Prophetis dicere, quod eos non solveret, nisi de iis quos illi eum solvere suspicabantur. Quod hinc etiam satis confirmatur, quia ibi sequitur, et dicit: *Amen, amen dico vobis, donec transeat cælum et terra, iota unum, aut unus apex non transiet de Lege, donec omnia fiant.* Quicumque ergo solverit unum ex mandatis istis minimis, et docuerit sic homines, minimus vocabitur in regno cœlorum: quicumque autem fecerit, et sic docuerit, hic magnus vocabitur in regno cœlorum. Phariseos enim cogitabat, cum ista diceret, qui solvebant Legem factis, et docebat verbis. De quibus alio loco dicit: *Quæ dicunt, facite; quæ autem faciunt, facere nolite: dicunt enim, et non faciunt* (*Matth. xxiii, 3*). Propterea et hic ita sequitur: *Dico enim vobis, nisi abundaverit justitia vestra plus quam Scribarum et Phariseorum, non intrabitis in regnum cœlorum* (*Id. v, 17-20*): id est, nisi vos feceritis et ita doceritis, quod illi non faciunt et sic docent, non intrabitis in regnum cœlorum. Quam ergo Legem docebant Pharisei et non faciebant, ipsam dicit Christus non se venisse solvere, sed adimplere: quia ipsa pertinet ad cathedram Moysi, in qua

sedentes Pharisæi, et dicentes nec facientes, audiebant, non imitandi.

CAPUT VI. — Nec intelligit Faustus, aut forte se singit non intelligere, quid sit implere Legem; cum hoc de verborum adjectione putat accipendum, quia scriptum est, ne quid addatur Scripture Dei, vel detrahatur (*Deut. xii, 32*): unde dicit non debuisse adimpleri, quod ita perfectum commendatur, ut nihil addendum minuendumque sit. Nesciunt ergo isti quomodo adimpleat Legem, qui sic vivit ut Lex præcepit. *Plenitudo enim Legis charitas*, sicut dicit Apostolus (*Rom. xiii, 10*). Istim charitatem Dominus et exhibere et donare dignatus est, mittendo fideliibus suis Spiritum sanctum. Unde item dicit idem apostolus: *Charitas Dei diffusa est in cordibus nostris per Spiritum sanctum qui datus est nobis* (*Id. v, 5*). Et ipse Dominus: *In hoc scient omnes quia discipuli mei estis, si vos invicem diligatis* (*Joan. xiii, 55*). Impletur ergo Lex, vel cum fiunt quæ ibi præcepta sunt, vel cum exhibentur quæ ibi prophetata sunt. Lex enim per Moysen data est, gratia et veritas per Jesum Christum facta est (*Id. i, 17*). Ipsa Lex cum impleta est, gratia et veritas facta est. Gratia pertinet ad charitatem plenitudinem, veritas ad prophetarum impletionem. Et quia utrumque per Christum, ideo non venit solvere Legem aut Prophetas, sed adimplere: non ut Legi adderentur quæ deerant, sed ut fierent quæ scripta erant: quod ipsa ejus verba testantur. Non enim ait, *Iota unum, aut unus apex non transiet a Lege*, donec addantur quæ desunt; sed, *donec omnia fiant*.

LIBER DECIMUS OCTAVUS.

CAPUT PRIMUM. — Faustus dixit: *Non veni Legem solvere, sed adimplere* (*Matth. v, 17*). Sed enim hoc, nisi aliud forte significat, a Christo dictum credere, non minus tibi contrarium scias esse, quam mihi. Uterque enim nostrum sub hac opinione christianus est, quia Christum in destructionem Legis ac Prophetarum venisse putavimus. Quod si tu verbo interim fateri non vis, attamen id operibus indicas. Inde enim est quod Legis ac Prophetarum præcepta et ipse contempnis: inde quod Novum Testamentum Jesum condidisse utrique fatemur: quo quid aliud, quam destructionem fatemur Veteris Testamenti? Quæ cum ita sint, quomodo Christum illud dixisse credemus, nisi ante nosmetipsos damnemus stultæ in præteritum opinionis, et ad pœnititudinem recurramus, obsequamurque Legi de integro ac Prophetis, atque eorum curemus, qualiacumque sint, observare mandata? Quod cum fecerimus, tunc denique vere crediderimus dixisse Jesum quia non venerit Legem solvere, sed adimplere. Nunc autem falsum est, quia nec tu id credis, de quo me solum incusas.

CAPUT II.—Sed esto, licuerit in præteritum errasse. Quid nunc tandem? Placetne ire sub Legem, si eam

Christus non tam¹ solvit, sed adimplevit? Placet circumcidere, id est, pudendis insignire pudenda, et Deum credere sacramentis talibus delectari? placet suscipere sabbatorum otium, et Saturniacis manus insertare catenis? Placet ad ingluviem Judæorum demonis (neque enim Dei²) nunc tauros, nunc arietes, nunc etiam hircos, ut non et homines dicam, cultris sternere: ac propter quod idola sumus exosi, id nunc exercere crudelius sub Prophetis ac Lege? Placet denique feralium ciborum quaedam existimare munda, quaedam in immundis et contaminatis habere, ex quibus inquinatiorem porcinam Lex asserunt et Prophetæ? Negabis profecto horum quidquam faciendum nobis volentibus perseverare esse quod sumus: quoniam quidem Christum dicentem audias, dupliciter filium gehennæ fieri eum qui fuerit circumcisus (*Matth. xxiii, 15*). Sabbatum vero nec ipsum servasse video, nec usquam mandasse servandum. De cibis item ipsum asseverantem audias, nullo eorum inquinari hominem, quæ in os ingrediuntur, sed ea potius quæ de

¹ Forte, iam.

² sic meliores MSS. At Lov., in ingluviem Judæorum demonis, neque enim Deo.

ore procedunt polluere (*Math. xv, 11*). De sacrificiis item frequentem ipsius esse sermonem, Deum misericordiam velle, non sacrificium (*Id. ix, 15, et xii, 7*). Hæc igitur si ita sunt, ubi illud erit, non eum venisse solvere Legem et Prophetas, sed adimplere? Quod si dixit, aut aliud significans dixit, aut, quod absit, mentiens dixit, aut omnino nec dixit. Sed Jesum quidem mentitum esse nullus dicat, duntaxat Christianus: ac per hoc aut aliter dictum est, aut omnino nec dictum.

CAPUT III. — Et tamen me quidem jam adversus capituli hujus necessitudinem manichæa fides reddidit tum, quæ principio mihi non cunctis quæ ex Salvatoris nomine scripta leguntur passim credere persuasit, sed probare si sint eadem vera, si sana, si incorrupta: esse enim permulta zizania, quæ in contagium boni seminis Scripturis pene omnibus noctivagus quidam seminarior insperserit (*Id. xiii, 25*). Idcircoque me ne hic quidem terruerit sermo, quamvis reverendi nominis præ se ferat inscriptionem; quia probare mihi adhuc ex proposito licet, utrumne et hic interdiani satoris et boni sit, an nocturni illius et pessimi. Tu vero qui temere omnia credis, qui naturæ beneficium rationem ex hominibus damnas, cui inter verum falsumque judicare religio est, cuique bonum a contrario separare, non minus formidini est, quam infantibus maniæ¹; quid facturus eris, cum te in capituli hujus angustiam necessitas coget? Dico autem, cum te Judeus, seu quis alter sermonis istius non inscius interpellabit, quid ita Legis et Prophetarum præcepta non serves, cum Christus eadem non se venisse solvere dicat, sed adimplere? Nempe cogeris aut vanæ superstitioni succumbere, aut capitulum profiteri falsum, aut te Christi negare discipulum.

CAPUT IV. — AUGUSTINUS respondit: Jam toties explosa atque convicta quia repetis, nos quoque, quibus ea convicimus, repetere non pigebit. Ea Christiani ex Lege et Prophetis non faciunt, quibus significata sunt ista quæ faciunt. Illæ quippe erant figuræ futurorum, quas rebus ipsis per Christum revelatis et presentatis auferri oportebat, ut eo quoque ipso quod hæc ablata sunt, Lex et Prophetæ implentur. Ibi quippe et hoc scriptum est, daturum Deum Testamentum novum, *Non quale dedi, inquit, patribus eorum* (*Jerem. xxxi, 32*). Populus enim ille pro suo corde lapideo, multa præcepta magis sibi congrua quam bona acceperat, quibus tamen figurarentur et prophetarentur futura: sed tunc a non intelligentibus celebrabantur. Cum autem venerunt et patescunt sunt quæ illis significabantur, non jam illa jubentur facienda, sed leguntur intelligenda. Unde ibi de hac etiam re futura dicitur, *Auferam eis cor lapideum, et dabo eis cor carneum* (*Ezech. xi, 19*): id est, non cor sine sensu, sed cor cum sensu. Unde traxit Aposto-

¹ Er. et Lov. hic et postea, cap. 7, *lamia*. At Am. et omnes prope MSS. constanter, *maniæ*, sic dici solent terribilamenta infantium, atque uia in Isidor. Gloss. legitur, formidinum imagines. Lamiæ idem significare hoc loco manifestum est.

lus quod ait, *Non in tabulis lapideis, sed in tabulis cordis carnalibus* (*II Cor. iii, 3*). Quid enim aliud dixit, quam *cor carneum*? Quia ergo et hoc prædictum erat, magis si ista de nostra celebratione non auferrentur, non implentur Lex et Prophetæ; quia non fieret quod prædixerant: cum vero et hoc sit, inde potius intelliguntur adimpleri, unde vobis videntur non adimpleri.

CAPUT V. — Nec nos terret insultatio tua, quod sabbatorum otium, catenas Saturniacas appellas. Vana est enim et inepta; nec tibi hoc dicere venisset in mentem, nisi quia vos in die, quem dicunt Solis, solem colitis. Sicut autem nos eudem diem dominicum dicimus, in eoque non istum solem, sed resurrectionem Domini venerantur; sic otium sabbatorum sine Saturni veneratione a patribus observatum est, cum sic illud observari oportebat: erat enim umbra futurorum, sicut Apostolus testis est (*Coloss. ii, 17*). Diebus quippe istis, quorum septenarius numerus in orbem reddit, deorum suorum nomina Gentes impo-suerunt. De quibus ait Apostolus, *quod coluerunt et servierunt creature potius quam Creatori* (*Rom. i, 25*). Quos in hac parte etiam vos imitamini, nisi quod cum eis lucidiora duo lumina, cætera vero sidera non cum eis adoratis. Sed et mensibus imposuerunt nomina deorum suorum. Propter honorem quippe Romuli, quia eum Martis filium crediderunt, primum mensem Marti dicantes, Martium vocaverunt. Et inde Aprilē a nullo dei sui nomine, sed a re ipsa, quasi Aperilem, quod tunc plurimum germinis¹ aperiatur in florem. Inde tertium mensem Maium, quod Maiam Mercurii natrem deam colant. Inde quartum Junium a Junone. Inde cæteros usque ad Decembrem a numeris nominarunt. Séd ex eis Quintilis atque Sextilis nominibus hominum, quibus divinos honores decreverant, appellati sunt, Julius et Augustus: nam septimus September, et cæteri, ut dixi, usque ad Decembrem, numerorum ex ordine nominibus enuntiantur. Porro Januarius a Jano appellatus est, Februarius a Februis sacris Lupercorum, Vultis ergo ut et vos dicamini in mense Martio Martem colere? Illo enim mense Bema vestrum cum magna festivitate celebratis (*a*). Si autem vobis in mense Martio licere arbitramini aliud considerare, non Martem; cur ex die septimo, quod sabbatum a requie nominatum est, divinis Scripturis Saturnum importare conamini, quia eum diem Saturni Gentes appellaverunt? Nempe jam videtis cum quanta impietate deliretis.

CAPUT VI. — De sacrificiis autem animalium quis nostrum nesciat, magis ea perverso populo congruenter imposita, quam Deo desideranti oblatæ? Sed tamen etiam in his figuræ nostræ fuerunt; quia nostra mundatio, et Dei propitiatio nobis sine sanguine nulla est. Sed illarum figurarum veritas Christus est, cuius sanguine redempti et mundati sumus. Nam in figuris eloquiorum divinorum, et taurus dictus est propter virtutem crucis, cuius cornibus impios ventilavit; et aries, propter in-

¹ Nonnulli MSS., *quod tunc primum germen*.

(a) Confer librum contra Epistolam Fundamenti, cap. 8.

nocentie principatum; et hincus, propter similitudinem carnis peccati, ut de peccato damnaret peccatum (*Rom. viii, 5*); et si quod aliud sacrificii genus expressius commemoraveris, in eo quoque tibi Christum prophetatum esse monstrabo. Quocirca sive circumcisio, sive sabbatum, sive differentia ciborum, sive immolatio sacrificiorum, omnia haec figuræ nostræ fuerunt et prophetiae: quas Christus non solvere, sed adimplere venit, cum ea quæ his prænuntiabantur, implevit. Attende cui contradicas: cum Apostolo, ex Apostolo dico, *Omnia haec figuræ nostræ fuerunt* (*I Cor. x, 6*).

CAPUT VII. — Nam sicut te Manichæus impiam docuit perversitatem, ut ex Evangelio, quod hæresim tuam non impedit, hoc accipias; quod autem impedit, non accipias: sic nos Apostolus docuit piam provisionem, ut quisquis nobis annuntiaverit præter id quod accepimus, anathema sit (*Galat. i, 8, 9*). Unde Christiani catholici et vos inter zizania numerant, quia Dominus exposuit quid sint zizania, non aliqua falsa veris scripturis immissa, sicut tu interpretaris; sed homines filios maligni, id est, imitatores diabolicae falsitatis (*Math. xii, 39*). Nec omnia temere credunt: et ideo Manichæo cæterisque hæreticis non utique credunt. Nec rationem ex hominibus damnant: sed quam vos dicitis esse rationem, errorem esse convincunt. Nec verum falsumque

judicare impium putant: ideo vestram sectam falsissimam, fidem autem catholicam verissimam judicant. Nec bonum a contrario separare formidant; sed malum non esse naturam, quia contra naturam est, intelligunt: non gentem nescio quam tenebrarum, adversum divina regna a suo principio nascentem et rebellantem, quæ vere ampliorem formidinem intulit deo vestro, quam infantibus manix; quippe quem dicitis, ne sua membra illius impetu capta et vastata conspiciat, velum contra se posuisse. Proinde nullas ex hoc capitulo patiuntur angustias, quod quasi Legis et Prophetarum præcepta non servent: quia et ex gratia Christi habent legitimam charitatem Dei et proximi, in quibus duobus præceptis tota Lex pendet et Prophetæ (*Math. xxi, 40*); et quæcumque ibi vel rebus gestis, vel sacramentorum celebrationibus, vel locutionum modis figurate prophetata sunt, in Christo et Ecclesia impleri cognoscunt. Unde nec vanæ superstitioni succumbimus, nec illud evangelicum capitulum falsum esse dicimus, nec Christi discipulos nos negamus: quia ea ratione veritatis, quam pro meis viribus toties exposui, non aliam Legem, nec alias Prophetas, quam eos quos catholica tenet auctoritas, non venit solvere, sed adimplere.

LIBER DECIMUS NONUS.

CAPUT PRIMUM. — Faustus dixit: *Non veni solvere Legem et Prophetas, sed adimplere* (*Math. v, 17*). Ecce jam consentio dictum. Quarendum tamen est, cur hoc dixerit Jesus, utrumne compalpandi Judæorum furoris causa, quia iidem sacrosancta sua ab eodem conculcari videntes indignarentur, eumque ac si impium ac malesanum, ne audiendum quidem existimarent, nedum sequendum: an ut nos qui ei credebamus ex Gentibus, institueret atque informaret, patienter ac morigerè mandatorum subire jugum, quod cervicibus nostris Judæorum Lex imponeret ac Prophetæ. Sed hoc quidem nec te ipsum putare credo, quod Jesus hoc verbum protulerit, ut nos Hebreorum Legi addiceret ac Prophetis. Ac per hoc, si haec non fuit causa dicendi, illa alia debet esse quam dixi. Judæos enim verbis semper atque operibus Christi vehementer insidiatos esse, nemo qui nesciat. Ex quibus cum iidem colligerent Legem ac Prophetas suos ab eodem solvi, indignarentur necesse est, ac per hoc reprimendi furoris eorum gratia non ab resuerit dixisse, uti ne putarent¹, quia venisset Legem solvere, sed adimplere. Nec hoc ipsum mentitus est, nec sefellit: indifferenter enim et absolute nominavit Legem.

CAPUT II. — Sunt autem legum genera tria: unum quidem Hebreorum, quod peccati et mortis Paulus appellat (*Rom. viii, 2*). Aliud vero Gentium, quod naturale vocat: *Gentes enim, inquit, naturaliter quæ legis sunt faciunt; et ejusmodi legem non ha-*

¹ Er. Iugd. Ven., ut reputarent. M.

bentes, ipsi sibi sunt lex, qui ostendunt opus legis scriptum in cordibus suis (*Id. ii, 14, 15*). Tertium vero genus legis est veritas, quod perinde significans Apostolus dicit: *Lex enim spiritus vitæ in Christo Jesu liberavit me a lege peccati et mortis* (*Id. viii, 2*). Tribus ergo existentibus legibus, et Jesu asseverante nobis quia non venit solvere Legem, sed adimplere, non parva cura ac diligentia opus est, de qua earum dixerit intelligere. Item Prophetæ, alii sunt Judæorum, alii Gentium, alii veritatis. Sed de Judæorum quidem nullus quæsiverit; notum est enim. De Gentium vero si quis ambigit, audiat Paulum, qui scribens ad Titum de Cretensibus, dicit: *Dixit quidam proprius eorum propheta: Cretenses semper mendaces, malæ bestiæ, ventres pigri* (*Tit. i, 12*). Ac per hoc dubitandum non est, et Gentes suos habere prophetas. Necnon et veritatem habere prophetas suos, tam idem Paulus significat, quam etiam Jesus. Et Jesus quidem, ubi dicit: *Ecce misso ad vos sapientes et Prophetas, et ex ipsis interficietis in singulis locis* (*Math. xxiii, 34*). Paulus vero cum dicit: *Ipse Dominus constituit primum apostolos, deinde prophetas* (*I Cor. xii, 28, et Ephes. iv, 11*).

CAPUT III. — Lege ergo tripartita, et tripartitis Prophetis; de quoniam eorum Jesus dixerit, non satis liquet: est tamen conjicere ex consequentibus. Etenim si circumcisionem statim nominaret, et sabbata ac sacrificia et observationes Hebraicas, inque eas aliquid adimpletionis gratia protulisset; dubium non erat quin de Judæorum Lege dixisset et Pro-

phetis, quia eos non solvere venerit, sed adimplere. Ubi vero horum quidem nihil memorat, sola vero recenset antiquiora præcepta, id est, *Non occides*, *Non mæchaberis*, *Non pejerabis*; hæc autem erant antiquitus in nationibus, ut est in promptu probare, olim promulgata per Enoch et Seth et caeleros eorum similes justos, quibus eadem illustres tradiderint Angeli temperande in hominibus gratia feritatis: cui non videatur hoc eum de veritatis dixisse lege et ejus prophetis? Denique etiam adimpleto probatur ejus circa hæc eadem quæ promisit. Quid enim dicit? *Audistis dictum esse antiquis*, *Non occides*; *ego autem dico vobis*, *ne irascamini quidem*: adimpleto est. *Audistis dictum esse*, *Non mæchaberis*; *ego autem dico vobis*, *ne concupiscatis quidem*: adimpleto est. *Dictum est*, *Non pejerabis*; *ego autem dico vobis*, *ne juretis quidem*: æque adimpleto est. In his enim et priora rororat, et quod definit, adjicit. Ubi vero Judæorum quedam visus est nominasse, illa quidem nec adimplavit, sed etiam penitus eradicavit præceptione contrariorum. Quid enim sequitur? *Audistis dictum esse*, *Oculum pro oculo, dentem pro dente*; *ego autem dico vobis*, *qui te percusserit in maxillam*, *præbe illi et alteram*: hoc jam destructio est. *Dictum est*, inquit, *Amabis amicum tuum*, et *oderis inimicum tuum*; *ego autem dico vobis*, *amat inimicos vestros*, et *pro persecutoribus vestris orate*: æque destructio est. *Dictum est*, *Qui voluerit uxorem dimittere*, *det ei repudium*; *ego autem dico*, *quicumque uxorem suam dimiserit*, *excepta causa fornicationis*, et *ipsam mæchari faciet*, et *is erit mæchus*, *si postea alteram duxerit*. (*Matth. v. 21-44*). Hæc igitur sunt de manifesto Moyseos præcepta, idcirco destructa: illa veterum justorum, et ob hoc adimplita. Quod si et tibi ita intelligere placet, non ab re erit et illud dixisse Jesum, quia non venit solvere Legem, sed adimplere. Sin hæc nostra tibi displicet expositio, aliam quære: tantum ne Jesum mentitum dicere cogaris; aut te necesse sit Judæum fieri: ne etiam nunc Legem solvere perseveres, quam ipse non solvit.

CAPUT IV. — Et tamen hoc si mihi Nazareorum objiceret quisquam, quos alii Symmachianos appellant, quod Jesus dixerit, non se venisse solvere Legem; aliquantis per hæsissem incertus quid ei responderem. Nec immerito: veniebat enim corpore atque animo simul Lege obsitus ac Prophetis. Nam hujusmodi, quos aio, et circumcisionem portant, et observant sabbatum, et porcina ac reliquis abstinent hujusmodi quæ præcepit Lex, sub christiani quamvis nominis professione, decepti etiam ipsi, ut intelligi datur, hoc ipso capitulo quo et tu, quia Christus non ad solvendam Legem se venisse dixerit, sed ad implendam. Quare cum talibus esset mihi non pusillum, ut dixi, certamen, donec capitulo hujus a me molestiam demolirer: tibi vero nequaquam congregidi metuam, nullis confiso viribus, et impudentia potius lacescenti, ut facilius tentari me putem abs te, quam cogi, ut credam dixisse Christum, quod nec te videam credisse. Nec enim quidquam corum

præferens¹, quibus Lex et Prophetæ non solvi videantur, sed adimpleri, me tanquam desidem objurgas ac prævaricatorem, ex hujus objectione capituli. An et tu jam de truncatorum inguinum obsecro illo signaculo gloriaris, tanquam Judæus aut Nazareus? An supercilium de observatione erigis sabbatorum? An de porcina abstinentia tibi conscius gaudes? An denique de victimarum sanguine et holocaustorum nidoribus Judæorum te exsaturasse Deum exultas? Quod si horum fecisti nihil, quid ita Christum non venisse Legem solvere, sed adimplere contendis?

CAPUT V. — Quare indeficientes ego præceptoris meo resero gratias, qui me similiter labentem retinuit, ut essem hodie Christianus. Nam ego quoque, cum capitulum hoc imprudens legerem, quemadmodum tu, pene ieram in consilium Judæus fieri. Nec immerito: etenim si Christus Legem non venit solvere, sed adimplere, adimpleto autem nunquam in vase inani dicitur, sed in semo, solus mihi videbatur Israelita posse Christianus fieri, qui resertus maxima ex parte Lege ac Prophetis, ad Christum veniret, replendus eo cujus adhuc videretur esse capacior; si tamen et ipse priora non solveret: alioquin nec circa eum adimpleto hæc esset, sed exhaustio. At ego ex Gentibus veniens, incassum me accessisse putabam ad Christum, quia nihil tale afferrem, quod in me de suis posset adjectionibus adimplere. Quærens ergo quænam esset prior illa mensura, invenio sabbata, peritomen, sacrificia, neomenias, baptismata, azymophagias, ciborum discretiones, potuum, vestimentorum, et alia, quæ percurrere longum est. Arbitratus ergo sum hoc esse; nec aliud quidquam, quod se Christus non venisse solvere dixerit, sed adimplere. Nec immerito: quid enim Lex sine mandatis? Quid Prophetæ sine præfatis²? Ad hæc invenio etiam aniarum illic indicatum maledictum adversus eos, qui non permanerint in omnibus quæ scripta sunt in libro Legis illius, ut faciant ea (*Deut. xxvii, 26*). Et illinc ergo maledictum metuens tanquam Dei, et hinc Christum tanquam ejus filium dicentem audiens quod non venerit eadem solvere, sed adimplere; vide si quid impedire jam poterat quin factus essem judæus. Sed huic periculo me Manichæi veneranda fides eripuit.

CAPUT VI. — Tu tamen quid fiduciae gerens, hæc objicias quæro, aut quare contra me id esse putes solum, quod tibi non minus videatur esse contrarium. Si Christi non est Legem solvere et Prophetas, utique nec Christianorum. Cur ergo eadem vos solvitis? An sensim fatemini vos non esse Christians? Quid Legi et Prophetis omnibus sacrosanctum illum sabbatorum diem, in quo et mundi ipsum opificem Deum requievisse testantur (*Gen. ii, 2*), vos omni opere profanatis, nec poenam mortis quam adversum violatores ejus statuit, nec maledicti pertimescentes infamiam? Quid et a circumcisionis dedecoroso illo signaculo Legi ac Prophetis omnibus honorato, et

¹ Aliquot MSS., *preferens*.

² Unus Parisiensis MS., *sine prophetibus*.

maxime Abrahæ post opinatam suam fidem, sinus defenditis vestros : præsertim cum et periturum omnem de plebe sua perhibeat Iudeorum Deus, qui cumque non hac fuerit ignominia præsignatus (*Gen. xvii, 9-14*) ? Cur et sacrificiorum legitima, quæ nec Moyses ac Prophetæ sub Lege, nec sub fide sua in secundis habuit Abraham, vos spernitis ? Cur vero et ciborum indifferentia animas polluitis vestras, si hæc, ut creditis, omnia Christus non venit solvere, sed adimplere ? Cur et azymorum anniversale jus, et mactationis agninae sacrum, quod in æternum servare Lex et Prophetæ præcipiunt, vos impiatis ? Cur denique neomenias, et baptismata, et scenopiegiam, ac reliqua hujusmodi Legis atque Prophetarum sacramenta carnalia, parum devitatis irrumpere, si eadem Christus minime destruxit ? Quare non inqmerito dixerim, quia si vultis ut ratio vobis contemptus istius constet, oportet aut vos negare Christi esse discipulos, aut tandem fateri ipsum omnia hæc destruxisse priorem. Quod cum fueritis confessi, tunc et illud consequitur, ut aut falso fatcamini scriptum esse, tanquam idem dixerit, non se venisse solvere Legem, sed adimplere ; aut nescio quid hoc longe aliud quam vos putatis, significasse.

CAPUT VII. — AUGUSTINUS respondit : Quia jam consentis dixisse Christum, *Non veni solvere Legem vel Prophetas, sed adimplere* (*Math. v, 17*) ; durum enim tibi videtur adversus evangelicam auctoritatem venire ; durum etiam tibi videatur venire adversus Apostolum, dicentem, *Omnia hæc figuræ nostræ fuerunt* (*I Cor. x, 6*) ; item dicentem de Christo, *Quia non ¹ fuit Etiam et Non, sed Etiam in illo erat : quotquot enim promissiones Dei, in illo Etiam* (*II Cor. i, 19, 20*) ; id est, in illo exhibitæ, in illo adimplæ sunt : et sine caligine videbis, et quam Legem adimplere venerit, et eam quo pacto adimpleverit. Nec perges extendi per tria genera legis et tria genera Prophetarum, quærrens qua ex eas, et non inveniens. Manifestum est enim, et luce clarius hoc etiam Novi Testamenti scriptura sæpe testatur, quam Legem et quos Prophetas Christus non venerit solvere, sed adimplere. Ipsa est enim Lex, quæ per Moysem data, gratia et veritas per Jesum Christum facta est (*Joan. i, 17*). Ipsa est, inquam, Lex per Moysem data, de quo Christus ait, *De me enim ille scripsit* (*Id. v, 46*). Certe enim ipsa est Lex, quæ subintravit ut abundaret delictum (*Rom. v, 20*) : quod ad ejus reprehensionem, nihil intelligentes, in ore habere consuestis. Ibi ergo lege et vide, quia ipsa est de qua dicitur, *Itaque Lex quidem sancta, et mandatum sanctum et justum et bonum. Quod ergo bonum est, mihi factum est mors ? Absit. Sed peccatum ut appareat peccatum, per bonum mihi operatum est mortem* (*Id. vii, 12, 13*). Neque enim Lex jubebat delictum, ut illa subintrante abundaret delictum ; sed superbos multum sibi tribuentes, mandati sancti et justi et boni adjectio reos etiam prævaricationis efficerat : ut eo modo humiliati, discerent ad gratiam pertinere per fidem, ut jam non essent Legi

¹ Ediu, *Quia non fuit in illo. Abest, in illo, a MSS.*

subditi per reatum, sed Legi sociati per justitiam. Idem quippe apostolus dicit : *Quia priusquam venires fides, sub Lege custodiebamur conclusi, in eam fidem quæ postea revelata est. Itaque Lex, inquit, paedagogus noster erat in Christo Iesu : sed posteaquam venit fides, jam non sumus sub paedagogo* (*Galat. iii, 23-25*). Quia nos reatus Legis non obligat, jam per gratiam liberatos. Namque antequam spiritualem gratiam humiliati reciperemus, nihil nisi mortificabat nos littera, jubens quod non possemus implere. Unde idem dicit : *Littera occidit, spiritus autem vivificat* (*II Cor. iii, 6*). Rursus ejusdem apostoli verba sunt : *Si enim data esset Lex, quæ posset vivificare, omnino ex Lege esset justitia ; sed conclusit Scriptura omnia sub peccato, ut promissio ex fide Iesu Christi daretur creditibus* (*Galat. iii, 21, 22*). Item ipsius verba sunt : *Quod enim impossibile erat Legis¹, in quo infirmabatur per carnem, Deus Filium suum misit in similitudinem carnis peccati, ut de peccato damnaret peccatum in carne, ut justitia Legis impleretur in nobis, qui non secundum carnem ambulamus, sed secundum spiritum* (*Rom. viii, 3, 4*). Ecce quod est, *Non veni Legem solvere, sed adimplere*. Quia² lex enim superbos etiam prævaricationis reatu devinxit, augendo peccatum, cum jubet quod implere non possunt ; ipsius Legis impletur justitia per gratiam spiritus, in eis qui discunt a Christo mites esse atque humiles corde ; qui venit non Legem solvere, sed adimplere. Deinde, quia etiam sub gratia positis, in hac mortali vita difficile est omni modo implere quod in Lege scriptum est, *Non concupisces* (*Exod. xx, 17*) ; ille per carnis suæ sacrificium sacerdos effectus, impetrat nobis indulgentiam, etiam hinc adimplens Legem ; ut quod per nostram infirmitatem minus possumus, per illius perfectionem recuperetur³, cuius capitilis membra effecti sumus. Unde Joannes dicit : *Filioli, hæc scribo vobis, ut non peccatis : et si quis peccaverit, advocatum habemus apud Patrem Iesum Christum justum ; ipse est exoratio pro peccatis nostris* (*I Joan. ii, 1, 2*).

CAPUT VIII. — Prophetias autem sic adimplavit, cum in eo veritas facta est promissionum Dei⁴. Hoc paulo ante ex Apostolo commemoravi, dicente, *Quotquot enim promissiones Dei, in illo Etiam*. Idem rursus dicit, *Dico enim Christum ministrum fuisse circumcisio-nis propter veritatem Dei, ad confirmandas promissio-nes Patrum* (*Rom. xv, 8*). Quod ergo in Prophetis, sive aperte, sive per figuræ, vel locutionum vel actionum promittebatur, in illo adimpletum est, qui non venit solvere Legem et Prophetas, sed adimplere. Hoc autem vos non intelligitis, quia si quædam facta et celebrationes, quæ figuræ erant ventura prænuntiantes, adhuc a Christianis fierent, nihil si-gnificaretur, nisi nondum venisse, quæ tum illis fi-guris prænuntiabantur. Quod enim adhuc venturum prænuntiatur, aut nondum venit, aut si jam venit,

¹ Lov., *Legi*. Editio vero alii et MSS., *Legis* : *juxta graecum*.

² Editio, *qua*. Plures MSS., *quia*.

³ Aliquot MSS., *recurretur*.

⁴ Sic in quibusdam MSS. At in editis, *promissio Dei*.

superfluo vel fallaciter prænuntiatur. Quapropter, unde vobis videtur Christus non implesse Prophetas, quia non sunt a Christianis quædam quæ per Prophetas, ab Hebreis ut sicut, instituta sunt, inde potius probatur implesse. Usque adeo enim quidquid per hujusmodi figuræ prophetabatur impletum est, ut jam per illas non prophetetur. Ad hoc pertinet etiam quod ipse Dominus ait, *Lex et Prophetæ usque ad Joannem* (*Luc. xvi, 16*). Lex enim, quæ prævaricatores abundantia reatu concludebat in eam fidem quæ postea revelata est, gratia facta est per Jesum Christum, per quem superabundavit gratia: ac per hoc impleta est per gratiam liberantem, quæ non impletatur per litteram jubentem. Item in ipsa Lege universa prophetia, quæ non tantum verbis, sed etiam quarundam actionum figuris, Salvatoris promittebat adventum, veritas facta est per Jesum Christum. *Lex enim per Moysen data est; gratia autem et veritas per Jesum Christum facta est* (*Joan. i, 17*). Ex cuius adventu jam regnum Dei cœpit annuntiari: quia *Lex et Prophetæ usque ad Joannem*; Lex ut reos faceret, qui desiderarent salutem; Prophetæ, ut premitterent Salvatorem. Ceterum prophetas alios exstisset jam in Ecclesia post ascensionem Christi, quis nesciat? De quibus Paulus dicit: *Et quosdam constituit in Ecclesia, primum apostolos, deinde prophetas, tertio doctores* (*I Cor. xii, 28*), et cætera. Non itaque de illis dictum est, *Lex et Prophetæ usque ad Joannem*: sed de iis qui primum Christi adventum prophetaverunt; qui adventus impletus non utique adhuc posset prophetari.

CAPUT IX. — Proinde, cum quæris, cur jam non circumcidatur carne Christianus, si Christus non venit Legem solvere, sed adimplere: respondeo, Imo ideo jam non circumciditur Christianus, quia id quod eadem circumcisione prophetabatur, jam Christus implevit. Exsoliatio enim carnalis generationis, quæ in illo facto figurabatur, jam Christi resurrectione adimpleta est: quod et in nostra resurrectione futurum sacramento Baptismi commendatur. Nam neque penitus auferri debuit novæ vitæ sacramentum, quia restat adhuc in nobis futura resurrectio mortuorum: et in melius tamen idem¹ succedente Baptismo debuit commutari, quia jam factum est, quod nunquam factum erat, ut futuræ vite æternæ in resurrectione Christi nobis præberetur exemplum. Cum quæris, sabbati otium cur non observet Christianus, si Christus non venit Legem solvere, sed adimplere: respondeo, Imo id propterea non observat Christianus, quia quod ea figura prophetabatur, jam Christus implevit. In illo quippe habemus sabbatum, qui dixit: *Venite ad me, omnes qui laboratis et oneratis estis, et ego vos reficiam; tollite jugum meum super vos, et discite a me quoniam mitis sum et humili corde, et invenietis requiem animabus vestris* (*Matth. xi, 28, 29*).

CAPUT X. — Cum quæris, quare Christianus non observet differentiam ciborum, quæ in Lege præci-

¹ Am. Fr. et plures MSS., *id est succedente Baptismo*.

pitur, si Christus non venit Legem solvere, sed adimplere: respondeo, Imo propterea id non observat Christianus, quia quod illis figuris prophetabatur, jam Christus implevit, non admittens ad corpus suum quod¹ in sanctis suis ad vitam æternam prædestinavit, quidquid per illa animalia in moribus hominum significatum est. Cum quæris, quare Christianus non animalibus immolatis carnis et sanguinis sacrificia offerat Deo, si Christus non venit Legem solvere, sed adimplere: respondeo, Imo propterea magis haec Christianus jam offerre non debet, quia ea quæ talibus rerum figuris illi prophetabant, immolatione carnis et sanguinis sui Christus implevit. Cum quæris, cur azyma sicut Iudei non observet Christianus, si Christus non venit Legem solvere, sed adimplere: respondeo, Imo propterea Christianus jam offerre non debet, quia ea quæ talibus rerum figuris illi prophetabant, expurgato veteris vitæ fermento, novam vitam demonstrans Christus implevit (*I Cor. v, 7*). Cum quæris, cur de carne agni Christianus Pascha non celebret, si Christus non venit Legem solvere, sed adimplere: respondeo, Imo propterea Christianus jam sic Pascha non celebret, quia id quod illa figura prænuntiatur, agnus immaculatus sua passione Christus implevit. Cum quæris, quam ob causam neomenias in Lege mandatas non celebret Christianus, si Christus non venit Legem solvere, sed adimplere: respondeo, Imo propterea jam Christianus istas non celebret, quia propter quod prænuntiandum celebrabantur, jam Christus implevit. Celebratio enim novæ lunæ prænuntiabat novam creaturam, de qua dicit Apostolus: *Si qua igitur in Christo nova creatura, vetera transierunt; ecce facta sunt nova* (*II Cor. v, 17*). Cum quæris, cur illa singularum quarumque immunditiarum baptismata, quæ in Lege præcipiuntur, non observet Christianus, si Christus non venit Legem solvere, sed adimplere: respondeo, inde potius haec non observare Christianum, quia figuræ futurorum erant, quas Christus implevit. Venit enim conseptile nos sibi per Baptismum in mortem; ut quemadmodum Christus resurrexit a mortuis, sic et nos in novitate vitæ ambulemus (*Rom. vi, 4*). Cum quæris, quid cause est ut scenopégia non sit solemnitas Christianorum, si Lex a Christo adimplata est, non soluta: respondeo, tabernaculum Dei fideles ejus esse, in quibus charitate sociatis et quadammodo compactis habitare dignatur; et ideo magis illud non observari a Christianis, quia jam Christus in Ecclesia sua, quod illa figura prophetice promittebat, implevit.

CAPUT XI. — Et nunc quidem ista pro suscepto negotio, ne silentio præterirentur, quanta potuimus brevitate perstrinximus. Ceterum membratim articulatimque discussa, libros magnos multosque fecerunt², nihil aliud in eis quam Christum prophetatum ostendentes: ita sit ut omnia quæ ex illa Scriptura propterea putatis non observari a Christianis, quod ea Christus solverit, propterea potius reperiantur non obser-

¹ Editi, quod *corpus*. vox, *corpus*, non repetitur in MSS.

² Aliquot MSS., *facerent*.

vari a Christianis, quod ea Christus impleverit. Ipsa quippe talium figurarum observatio, prænuntiatio Christi fuit. Unde quid mirum est, quid absurdum, immo quid non congruum et consentaneum, si post ejus cessavit adventum, quidquid ideo siebat, ut ejus prænuntiaret adventum? Figuræ igitur rerum, quæ ad hoc observabantur, ut ipsa earum observatione venturus Christus prophetaretur, *usque adeo non debent propterea putari per Christi adventum non impletæ, quia illo veniente non observantur, ut nisi jam per adventum Christi implerentur, adhuc observarentur.* In nullum autem nomen religionis, seu verum, seu falsum, coagulari homines possunt, nisi aliquo signaculorum vel sacramentorum visibilium consortio colligentur: quorum sacramentorum vis inenarrabiliter valet plurimum, et ideo contempla sacrilegos facit. Impie quippe contemnitur, sine qua non potest perfici pietas.

CAPUT XII. — Verumtamen, quia visibilia sacramenta pietatis inesse possunt etiam impiis, sicut habuisse sanctum Baptismum etiam magum Simonem legimus (*Act. viii, 13*); siunt tales, quales Apostolus ait, *Habentes formam pietatis, virtutem autem ejus abnegantes* (*II Tim. iii, 5*). Virtus autem pietatis est finis præcepti, id est, charitas de corde puro et conscientia bona et fide non ficta (*I Tim. i, 5*). Unde apostolus Petrus, cum de sacramento arce, in qua Noe domus a diluvio liberata est, loqueretur, *Sic et nos, inquit, simili forma Baptisma salvos facit.* Et ne sibi sufficere pularent visible sacramentum, per quod habebant formam pietatis, et per malos mores perdite vivendo virtutem ejus abnegarent, continuo subjicit, *Nou carnis depositio sordium, sed conscientiae bona interrogatio* (*I Petr. iii, 21*).

CAPUT XIII. — Proinde prima sacramenta, quæ observabantur et celebrabantur ex Lege, prænuntiativa erant Christi venturi: quæ cum suo adventu Christus implevisset, ablata sunt; et ideo ablata, quia impleta; non enim venit solvere Legem, sed adimplere: et alia sunt instituta virtute majora, utilitate meliora, actu faciliora, numero pauciora, tanquam justitia fidei revelata, et in libertatem vocatis filiis Dei jugo servitutis ablato (*Galat. v, 1, 13*), quod duro et carni dedito populo congruebat.

CAPUT XIV. — Verumtamen si antiqui justi, qui sacramentis illis intelligebant venturam prænuntiari revelationem fidei¹, ex qua licet adhuc operta et abscondita, munere tamen pietatis intellecta, etiam tunc ipsi vivebant; quia in hac vita nemo esse potest justus, nisi qui ex fide vivit (*Rom. i, 17*): si ergo antiqui justi pro illis prænuntiativis sacramentis et rerum nondum impletarum figuris, onnia dura et horrenda perpeti parati fuerunt, et plerique perpessi sunt; si tres pueros Danieleisque prædicamus, quia de mensa regis contaminari voluerunt (*Dan. i, 8*), quod erat contra illius temporis sacramentum; si Machabeos cum ingenti admiratione præferimus, quia

escas, quibus nunc Christiani licite utuntur, attingere noluerunt (*II Machab. vii*), quia tunc pro tempore propheticō non licebat: quanto magis nunc pro Baptismo Christi, pro Eucharistia Christi, pro signo Christi ad omnia perferenda parator debet esse Christianus, cum illa fuerint promissiones rerum complendarum, hec sint indicia completarum? Quod enim adhuc promittitur Ecclesia, id est, corpori Christi, et in manifestatione prædicatur, et in ipso capite corporis Salvatores, id est, in ipso Mediatori Dei et hominum homine Christo Iesu (*I Tim. ii, 5*), jam utique completum est. Quid enim promittitur, nisi vita æterna ex resurrectione a mortuis? Hoc jam completum est in illa carne, quod Verbum caro factum est, et habitavit in nobis (*Joan. i, 14*). Tunc ergo et occulta erat fides; nam eadem credebant, eademque sperabant omnes justi et sancti etiam temporum illorum; et promissiva erant illa omnia sacramenta omnisque ritus ille sacrorum: nunc autem revelata est fides, in quam conclusus erat populus, quando sub Lege custodiebatur (*Galat. iii, 23*); et quod fidelibus promittitur in judicio, jam completum est in exemplo, per eum qui Legem et Prophetas non venit solvere, sed adimplere.

CAPUT XV. — Quapropter queritur quidem inter scrutatores sanctorum Scripturarum, utrum tantum profuerit antiquis justis fides passuri et resurrecti Christi, quam vel revelationibus discebant, vel in Prophetis intelligebant; quantum nunc prodest fides passi et resuscitati: an ipsa effusio sanguinis Agni Dei, que facta est, sicut ipse dicit, *pro multis in remissionem peccatorum* (*Matth. xxvi, 28*), aliquid utilitatis et purgationis vel dederit vel addiderit, etiam iis qui hoc futurum credentes, antequam fieret ex hac vita emigraverant; et utrum mors ejus ad liberationem etiam mortuos visitaverit. Sed nunc istam questionem vel pertractando discutere, vel aliquid in ea repertum etiam confirmando definire, et longum est, et huic operi non necessarium.

CAPUT XVI. — Interim adversus calumniosam imperitiam Fausti demonstrare suffecerit, quanto errore delirent qui putant signis sacramentisque mutatis, etiam res ipsas esse diversas, quas ritus propheticus prænuntiavit promissas, et quas ritus evangelicus annuntiavit impletas: aut qui censent, cum res eadem sint, non eas aliis sacramentis annuntiari debuisse completas, quam iis quibus adhuc complende prænuntiabantur. Si enim soni verborum quibus loquimur, pro tempore commutantur, eademque res aliter enuntiatur facienda, aliter facta, sicut ista ipsa duo verba quæ dixi, facienda et facta, nec paribus morarum intervallis, nec iisdem vel totidem litteris syllabisve sonuerunt: quid mirum si aliis mysteriorum signaculis passio et resurrectio Christi futura promissa est, aliis jam facta annuntiatur; quandoquidem ipsa verba, futurum et factum, passurus et passus, resurrecturus et resurrexit, nec tendi aequaliter, nec similiter sonare potuerunt? Quid enim sunt aliud quæque corporalia sacramenta, nisi quedam

¹ Duo MSS., venturum prænuntiari revelatione fidei.

quasi verba visibilia, sacrosancta quidem, verumtamen mutabilia et temporalia? Deus enim aeternus est, nec tamen aqua et omnis illa actio corporalis, que agitur cum baptizamus, et sit, et transit¹, aeterna est: ubi rursus etiam ille syllabæ celeriter sonantes et transeuntes, cum dicitur, Deus, nisi dicantur, non consecratur. Ille onus flunt et transeunt, sonant et transeunt: virtus tamen quæ per ista operatur, jugiter manet, et donum spirituale quod per ista insinuat, aeternum est. Qui ergo dicit, Si Christus Legem et Prophetas non solvisset, illa sacramenta Legis et Prophetarum in Christianorum congregationibus et celebrationibus permanerent; potest dicere, Si Christus Legem et Prophetas non solvisset, adhuc promitteretur nasciturus, passurus et resurrecturus: cum ideo magis haec non solverit, sed adimpleverit, quia jam non promittitur nasciturus, passurus, resurrecturus, quod illa sacramenta quandam personabant; sed annuntiatur quod natus sit, passus sit, resurrexit, quod haec sacramenta quæ a Christianis aguntur, jam personant. Qui ergo venit Legem et Prophetas non solvere, sed adimplere, ipsa adimpletione abstulit ea per quæ adhuc promittebatur implendum, quod jam constat impletum: tanquam si verba ista tolleret, nasciturus, passurus, resurrecturus, que cum haec futura essent, recte dicebantur; et institueret dici, Natus est, passus est, resurrexit, que illis complexis, et ob hoc ablatis, recte dicuntur.

CAPUT XVII. — Sicut ergo ista verba, ita illa prioris populi sacramenta, quia per eum qui non venit Legem et Prophetas solvere, sed adimplere, jam impleta sunt, ideo tolli inutrique debuerunt: quod primis Christianis, qui ex Judæis crediderant, donec contra tam diurnam consuetudinem paulatim persuaderetur atque ad intellectum perfectum perducretur, et quia ita nati erant atque instituti, siverunt eos Apostoli patrium ritum traditionemque servare; et eos quibus hoc opus erat, ut congruerent illorum tarditati moribusque monuerunt. Inde est quod Timotheum Judæa matre et Græco patre natum, propter illos, ad quos tales cum eo venerat, etiam circumcidit Apostolus (*Act. xvi*, 1-3): atque ipse inter eos morem hujusmodi custodivit, non simulatione fallaci, sed consilio prudenti. Neque enim ita natis, et ita institutis noxia erant ista, quamvis jam non essent significandis futuris necessaria. Magis quippe noxiun erat, ea tanquam noxia prohibere in his hominibus usque ad quos durare debuerunt. Quoniam Christus, qui omnes illas prophetias, implice venerat, sic eos initiatos invenerat: ut jam de cetero, qui nulla tali necessitudine tenerentur, sed ex diverso veluti pariete, id est, ex præputio, ad illum angularem lapidem qui est Christus, convenienter (*Ephes. ii*, 14, 20), ad nulla talia cogerentur. Si autem iis qui ex circumcisione venerant, talibusque sacramentis adhuc dediti erant, ultro vellent, sicut Timotheus, conferre congruentiam, non prohiberentur: verum si in hujusmodi Legis operibus putarent suam spem salutem-

que contineri, tanquam a certa pernicie vetarentur. Unde est illud Apostoli: *Ecce ego Paulus dico vobis, quia si circumcidamini, Christus vobis nihil proderit* (*Galat. v*, 2). *Circumcidamini* scilicet, sicut ipsi volebant, sicut eis a quibusdam depravatis persuasum erat quod sine his Legis operibus salvi esse non posset (*Act. xv*, 1). Nam cum Gentes ad Christi fidem ita venirent, maxime per Pauli apostoli prædicacionem, sicut venire debuerunt, ut nullis ejusmodi observationibus onerarentur; quia et insolita ista, maxime circumcisionem, grandes aetate reformatantes deterrerent a fide; et non ita nati, ut talibus sacramentis imbucentur, si more pristino proselyti fierent, tanquam Christus per illa mysteria venturus adhuc promitteretur: cum ergo sic venirent ad fidem, ut jam ex Gentibus venire oportebat, non intelligentes qui ex circumcisione venerant, cur sibi illa permitta essent, et cur Gentibus imponenda non essent; quibusdam carnalibus seditionibus cœperant Ecclesiam perturbare, quod Gentiles ad Dei populum accedentes, non solemiter proselyti fierent in carnis circumcisione, et ceteris hujuscemodi observationibus Legis: atque in his erant, qui hoc ideo fieri magnopere insistebant, quia timebant Judæos inter quos versabantur. Contra hos apostolus Paulus multa scripsit: nam in horum simulationem etiam Petrum ad ductum fraterna objurazione correxit (*Galat. ii*, 14). Sed posteaquam in unum Apostoli congregati, etiam consilio¹ suo censuerunt Gentes ad hujusmodi opera Legis non esse cogendas (*Act. xv*, 6-11); displicuit quibusdam ex circumcisione Christianis, non valentibus mente discernere, illos solos ab hujusmodi observationibus non fuisse prohibendos, quos fides, quæ revelata est, his jam imbutos invenerat; ut in eis jam consummaretur ipsa actio prophetica, quos ante adimpletionem prophetiae jam tenuerat: ne si et ab ipsis removeretur, improbata potius quam ternatina videretur; si autem et Gentibus imponeretur, aut non Christi promittendi causa instituta esse, aut adhuc Christum promittere putaretur. Primus itaque populus Dei, antequam Christus veniret Legem Prophetasque adimplere, illa omnia quæ hunc promittebant, observare jubebatur: liber in eis, qui haec quo pertinerent intelligebant; servus autem in eis, qui hoc non intelligebant. Posterior vero populus accedens ad fidem qua jam Christus venisse, passus esse, ac resurrexisse prædicabatur, in iis quidem hominibus quos jam talibus sacramentis institutos eadem fides invenerat, nec cogebatur ista observare, nec prohibebatur: in iis autem qui talibus vacui, nulla generis, nulla consuetudinis vel congruentiae necessitudine retenti crediderant, etiam prohibebatur; ut per eos jam inciperet apparere, illa omnia propter promittendum Christum fuisse instituta; quo veniente atque haec promissa adimpleente, jam oportere ceasare. Hoc igitur temperamentum moderamenque Spiritus sancti per Apostolos operantis cum displicuisset quibusdam ex circumcisione creditibus, qui haec non intellige-

¹ Quidam codices, cum Baptismus sit et transi-

¹ Er. Lugd. et Ven., concilio. M.

bant, in ea perversitate manserunt, ut et Gentes convergent judaizare. Ii sunt quos Faustus Symmachianorum vel Nazaraeorum nomine commemoravit, qui usque ad nostra tempora jam quidem in exigua, sed adhuc tamen vel in ipsa paucitate perdurant.

CAPUT XVIII. — Quid habent ergo isti, unde Legi et Prophetis calumniantur, quod eos Christus solvere venerit potius quam adimplere, quia Christiani non observant quæ ibi præcepta sunt; cum ea sola non observent per quæ Christus promittebatur; et ideo non observent magis, quia eadem promissa jam Christus implevit, nec adhuc promittuntur quæ jam impleta sunt; eorumque promissiva signa in eis terminari debuerunt, quos fides Christi hæc adimplentis jam talibus imbutos invenerat? Numquid enim non observant Christiani quod in illa Scriptura est, *Audi, Israel; Dominus Deus tuus, Deus unus est (Deut. vi, 4)*: *Non facies tibi idolum; et cetera hujusmodi?* Numquid non observant Christiani quod ibi dicitur, *Non accipies nomen Domini Dei tui in vanum?* Numquid ipsum sabbatum, quod ad intelligendam veram requiem pertinet, non observant Christiani? Numquid honorem parentibus Christiani non deferunt, quod ibi præceptum est? Numquid a fornicationibus, aut homicidiis, aut furtis, aut falsis testimoniosis, aut a concupiscenda uxore proximi, aut a concupiscenda re proximi non se temperant Christiani; quæ omnia in illa Lege conscripta sunt (*Exod. xx, 4-17*)? Hæc præcepta sunt morum, illa sacramenta sunt promissorum: hæc impletur per adjuvantem gratiam, illa per redditam veritatem: utraque per Christum et illum semper gratiam donantem, nunc etiam revelantem; et hanc veritatem tunc promittentem, nunc exhibentem: quia *Lex per Moysen data est; gratia autem et veritas per Jesum Christum facta est (Joan. i, 17)*. Denique ista, quæ in recte vivente conscientia conservantur, sive per dilectionem operante complentur (*Galat. v, 6*): illa vero quæ in promittente significazione versata sunt, rebus redditis transierunt. Ita et ipsa non soluta, sed adimpta sunt; quia ea non irrita, nec fallacia Christus ostendit, cum id quod eorum significatio promittebatur exhibuit.

CAPUT XIX. — Non itaque, sicut Faustus opinatur, quædam Dominus Jesus adimplevit, quæ ab antiquis justis iam dicta erant ante Légem Moyseos, sicuti est, *Non occides; quod non contrario redarguit, sed magis firmavit, cum et ab ira et a convicio revocavit (Exod. xx, 13, et Matth. v, 21, 22)*: quædam vero solvit, quæ propria videbantur legis Hebreorum, sicuti est, *Oculum pro oculo, dentem pro dente;* quod videtur potius abstulisse quam confirmasse, cum ait, *Ego autem dico vobis, non resistere malo, sed ei si quis te percussit in maxillam tuam dexteram, præbe illi et alteram (Exod. xx, 24, et Matth. v, 38, 59), et cetera.* Nos enim dicimus etiam hæc, quæ isti putant solvisse Christum, velut contraria referendo, et tunc pro tempore bene fuisse instituta, et nunc a Christo non soluta, sed adimpta.

CAPUT XX. — Proinde primum ab his quero, utrum illi antiqui justi, Enoch et Seth (hos enim potissimum Faustus commemorat), et si qui alii, non solum ante Moysen, sed et si qui ante Abram fuerunt, irati sint fratri sine causa, aut dixerint fratri, *Fatue.* Si enim non dixerunt, cur non et talia docuerunt? Quod si et talia docuerunt, quero quemadmodum vel eorum justitiam doctrinamque Christus adimpleverit, addendo, *Ego autem dico vobis, si quis irascitur fratri suo; aut si quis dicit, Racha; aut si quis dicit, Fatue; reus erit vel judicii, vel consilii, vel gehennæ ignis (Matth. v, 22)*: quandoquidem et illi eodem modo vivebant, eodem modo vivendum monebant? An ignorabant illi justi frenandam esse iracundiam, nec petulantem convictionem fratrem lacessendum; aut noverant quidem, sed ab his se abstinere non poterant? Ergo rei erant gehennæ: quomodo igitur justi? Profecto enim nec imperitam rerum ad suum officium pertinentium, nec intemperantem audes dicere eorum fuisse justitiam, in tantum ut eos ficeret reos gehennæ. Cur ergo illam legem, secundum quam vivebant antiqui justi, hæc addendo Christus impleret, cum eorum quoque justitia sine istis esse non posset? An dicturus es quod præceps iracundia, et lingua improba, ex quo venit Christus, coepit ad iniuriam pertinere; antea vero non erat iniustum vel corde vel ore ista committere? Sicut in quibusdam rebus pro temporum proprietatibus institutis, invenimus nunc aliquid non licere, quod ante licuerit; vel quod ante non licuerit, nunc licere. Non usque adeo desipis, ut hoc dicas: sed etiam si dicas, respondebitur tibi, quod secundum istum intellectum Christus non adimplere venerit quod legi antiquæ defuit, sed legem instituere quæ non fuit; si dicere fratri, *Fatue*, cum apud antiquos justos non fuisse injustum, nunc ita injustum esse Christus voluit, ut quisquis hoc dixerit, reus sit gehennæ. Proinde nondum invenisti cuinam legi hæc aliquando defuerunt quibus nunc additis, eam Christus impletet.

CAPUT XXI. — An forte lex non moechandi apud illos justos antiquos semiplena erat, donec a Domino adimpleretur, addente, ne quis ad concupiscentium videat mulierem? Sic enim commemorasti ipsam sententiam: « *Audistis dictum esse, Non mæchaberis; ego autem dico vobis, ne concupiscatis quidem.* » *Adimpleto est*, inquis. Explica plane ipsa verba evangelica, noli tuis extenuare quod dictum est, et vide quid de illis antiquissimis justis senseris. *Audistis*, inquit, *quia dictum est, Non mæchaberis; ego autem dico vobis, si quis viderit mulierem ad concupiscentium eam, jam mæchatus est eam in corde suo (Exod. xx, 14 et Matth. v, 27, 28)*. Itane vero illi justi, Seth vel Enoch, vel si qui eis similes fuerunt, moechabantur in cordibus suis; et, aut non erat cor eorum templum Dei, aut moechabantur in templo Dei? Quod si non audes dicere, quomodo etiam de hac re legem illorum, quæ apud illos jam tunc plena erat, modo veniens Christus implevit?

CAPUT XXII. — De noui jurando autem (*Exod. xx, 7*,

*et Mala. v, 33-37), quia et hic illorum legem a Christo adimpletam esse dixisti, non possum affirmare antiquos justos non jurasse: nam et Paulum apostolum jurasse invenimus (Rom. i, 9; Philipp. i, 8 et II Cor. i, 25). De vestro autem ore non tollitur crebra juratio, cum juretis per lumen, quod amatis cum muscis; neque enim lumen illud mentium ab istis oculis penitus alienum, quod illuminat omnem hominem venientem in hunc mundum (Joan. i, 9), nostis aliqua ex parte cogitare: et per dominum¹ vestrum Manichaeum, qui Manes lingua patria vocabatur; sed vos ut apud Graecos nomen insaniae vitaretis, velut declinato et prolongato nomine, quasi fusionem addidistis, ubi amplius laboremini. Sic enim mihi quidam vestrum exposuit, cur appellatus sit Manicheus, ut scilicet in greca lingua tanquam manna fundere videretur; quia Graece fundi γένεται dicitur: ubi quid egeritis nescio, nisi ut expressius vobis somniaretis² insaniam. Neque enim addidistis in parte priore nominis unam litteram, ut agnosceretur manna; sed addidistis in posteriore duas syllabas, non appellantes Manichaeum, sed Manicheum; ut nihil aliud vobis tam prolixis et vanis sermonibus suis nisi insaniam fundere senaret. Sæpissime juratis et per Paracletum, non sane illum quem Christus discipulis promisit et misit (Joan. xiv, 16, 26; xvi, 7, et Act. ii, 2-4): sed per eum ipsum, ut latine nomen ejus interpretere, insanisfusorem³. Cum ergo jurare nunquam desinatis, vellem scire quomodo intelligatis hanc quoque Legis partem, quam vultis antiquissimam intelligi, quod vobis Dominus adimpleverit, et magis propter jurations Apostoli. Nam vestra quæ auctoritas est, vel vobis ipsis, nedum mihi, aut cuiquam homini? Unde puto jam clarere, quam sit aliter accipiendum quod ait Christus, *Non veni Legem solvere, sed adimplere*. Non his videlicet additamentis, quæ vel ad expositionem pertinent propositarum antiquarum sententiarum, vel ad conversationem, non ad impletionem.*

CAPUT XXIII. — Quia enim non intelligebant homicidium, nisi peremptionem corporis humani, per quam vita privaretur; aperuit Dominus omnem iniquum motum ad nocendum fratri in homicidii genere deputari. Unde et Joannes dicit: *Qui odit fratrem suum, homicida est* (I Joan. iii, 15). Et quoniam putabant tantummodo corporalem cum semina illicitam commixtionem vocari moechiam, demonstravit Magister etiam talem concupiscentiam nihil esse aliud. Item quia pejerare grave peccatum est; non jurare antem, sicut verum jurare, nullum peccatum est; sed longius remotus est a falso jurando, qui nec jurare consuevit, quam qui verum jurare proclivis est: maluit nos Dominus et non jurantes non recedere a vero, quam verum jurantes propinquare perjurio. Itaque et Apostolus in sermonibus, quos habuisse narratur, nunquam juravit, ne jurandi consuetudine aliquando

¹ In MSS., *et per dominum*.

² Sic plerique MSS. At Am. et aliū quidam MSS., *vobis somniaremī*. Er. et Lov., *nobis somniare videremī*. — Morel, Elem. Crit., p. 318, censem legendum, *omnaremī*. M.

³ Aliquot MSS., *insaniam fusorem*.

PATROL. XLII.

vel nescius in perjurium laberetur. In scriptis autem, ubi est consideratio major atque propensior, pluribus locis jurasse invenitur, ne quisquam putaret etiam verum jurando peccari, sed potius intelligeret, humanae fragilitatis corda non jurando tutius a perjurio conservari. Quibus perspectis, invenimus nec illa esse delecta, sicut Faustus putat, quæ velut proprium vult ad Moysen pertinere.

CAPUT XXIV. — Nam et hic quero ab istis, cur proprium velint esse Legis Moysi, quod dictum est antiquis, *Diliges proximum tuum, et oderis inimicum tuum* (Levit. xix, 18). An et apostolus Paulus non dixit homines quosdam *Deo odibiles* (Rom. i, 30)? Et utique in hac admonitione ipse Dominus ad hoc noshortatur, ut imitemur Deum. *Ut sitis, inquit, filii Patris vestri quia in caelis est, qui facit solem suum oriri super bonos et malos, et pluit super justos et injustos*. Quarendum itaque est quomodo intelligatur, exemplo Dei, cui dixit quosdam odibiles Paulus, odio habendos inimicos; et rursus exemplo Dei, qui facit solem suum oriri super bonos et malos, et pluit super justos et injustos, diligendos inimicos. Sic apparebit Dominum male intelligentibus id quod dictum est, *Oderis inimicum tuum, inferre voluisse, quod omnino non norant, ut diligerent inimicos suos*. Utrumque autem quomodo servandum sit, longum est disputare. Sed ad istos interim, quibus generaliter displicet, si quis oderit inimicum suum, est nobis sermo qui eorum frontem premat, cum eos interrogamus, utrum diligat deus eorum gentem tenebrarum: aut si propterea nunc inimici diligendi sunt, quod habeant partem boni; cur non ob hoc eos et odisse debemus, quod habeant partem mali. Ea quippe regula et hoc solvit, doceturque non esse contrarium, quod in antiqua Scriptura dictum est, *Oderis inimicum tuum*; et in Evangelio, *Diligite inimicos vestros* (Math. v, 43-45): quod unusquisque iniquus homo, in quantum iniquus est, odio habendus est; in quantum autem homo est, diligendus est; ut illud quod in eo recte odimus, arguamus, id est, vitium, quo possit illud quod in eo recte diligimus, id est, humana natura ipsa emendato vitio liberari. Hæc, inquam, regula est, qua et oderimus inimicum propter id quod in eo malum est, id est, iniquitatem; et diligamus inimicum propter id quod in eo bonum est, id est, socialem rationalemque creaturam: nisi quod nos non eum per naturam vel suam vel alienam, sed per propriam voluntatem malum esse convincimus. Illi autem per naturam gentis tenebrarum putant esse hominem malum, quam secundum ipsos Deus totus timuit, antequam in parte vinceretur; et in parte ab ea sic vicius est, ut nec totus liberaretur. Auditio igitur, et non intellecto, quod antiquis dictum erat, *Oderis inimicum tuum*, serebantur homines in hominis odium, cum deberent non odiisse nisi vitium: hos corrigit Dominus, dicendo, *Diligite inimicos vestros*; ut, qui jam dixerat, *Non veni Legem solvere, sed adimplere*, ideoque de odio inimici quod scriptum est in Lege non solveret.

(Douze.)

principiendo utique ut diligamus inimicos, cogeret nos intelligere quoniam modo possemus unum eundemque hominem et odisse propter culpam, et diligere propter naturam. Sed hoc ad perversas eorum mentes intelligere multum est. Urgendi sunt tantum, ut secundum calumnia sua perditam rationem, vel potius amentiam, defendant deum suum, quem non possunt dicere dilectorem gentis tenebrarum; ideoque ad ejus exemplum non habent que: nadmodum hortentur ut suum quisque diligat inimicum. Potius enim genti ipsi tenebrarum dilectionem inimici tribueru: potuerunt, quam deo suo. Illa quippe, sicut delirant, vicinam sibi lucem atque contiguam concupivit, eaque frui voluit, atque ut frueretur invadere cogitavit. Neque ista culpa est, cum verum et beatissimum bonum appetitur. Unde et Dominus dicit: *Regnum cælorum vim patitur, et qui vim fecerint, diripient illud* (*Math. xi, 12*). Ecce gens tenebrarum secundum eorum vanitatem, vim facere ac diripere voluit bonum quod amaverat, ejus claritate et specie delectata: nec eam vicissim Deus dilexit, sed odio detestans frui se volentem, funditus eradicare molitus est. Si ergo malii amant bonum quo fruantur, boni autem oderunt malum ne polluantur; respondete, Manichæi, quinam eorum impleant quod Dominus ait, *Diligite inimicos vestros*. Ecce si has singulas repugnantesque sententias esse vultis, deus vester fecit quod scriptum est in lege Moysi, *Oderis inimicum tuum*; et gens tenebrarum, quod scriptum est in Evangelio, *Diligite inimicos vestros*. Quanquam nec singendo invenire potuistis, quo pacto dirimatis quæstionem inter muscas lucipetas, et blattas lucifugas: utramque enim prolem gentis tenebrarum esse contenditis. Unde ergo ille amant a se alienam lucem, ille autem hanc aver-sando sua potius origine delectantur? An mundius nascuntur muscae in fetidis cloacis, quam blattæ in obscuris cubiculis?

CAPUT XXV. — Jam vero illud quod antiquis dictum est, *Oculum pro oculo, dentem pro dente*, quomodo contrarium habet quod ait Dominus, *Ego autem dico vobis, non resistere malo, sed si quis percussere te in maxillam tuam dextram, præbe illi et alteram* (*Exod. xxi, 24*, et *Math. v, 39*), et cetera? Quandoquidem et illud antiquum ad reprimendas flammias odiorum, saevientiunque immoderatos animos refreshendos, ita præceptum est¹. Quis enim tantumdein facile contentus est reponere vindictæ², quantum accepit injuria? Nonne videmus homines leviter læsos melius: cædem, sitire sanguinem, vixque invenire in malis inimici unde satientur? Quis pugno percussus, non aut judicia concitat in damnationem ejus qui percusserit; aut, si ipse repercutere velit, totum hominem, si non etiam telo aliquo arrepto, pugnis calcibusque contundit? Huic igitur immoderatur, ac per hoc injustæ ultiōni, lex justum modum figens, pœnam talionis instituit, hoc est, ut qualem quisque intulit injuriam, tale supplicium pendat. Proinde,

¹ Er. Lugil, a præcepto est M.

² Am. Fr. et MSS.: *Quis enim laicen facile contentus est tantum reponere vindicta?*

*Oculum pro oculo, dentem pro dente, non formes, sed limes furoris est, non ut id quod sopitum erat, hinc accenderetur, sed ne id quod ardebat, ultra extenderetur, impositus*¹. Est enim quedam justa vindicta, justeque debetur ei qui fuerit passus injuriam: unde utique cum ignoscimus, de nostro quodam modo jure largimur. Unde etiam debita dicuntur, quæ in oratione dominica humanitus dimittere monemus, ut nobis et nostra divinitus dimittantur (*Math. vi, 12*). Quod autem debetur, etsi benignè dimittitur, non tamen inique repetitur: sed sicut in jurando, etiam qui verum jurat, propinquat perjurio, unde longe abest qui omnino non jurat; et quamvis non peccet qui verum jurat, remotior tamen a peccato est qui non jurat; unde admonitio non jurandi, conservatio est a peccato perjurii: ita cum peccet qui per immoderationem injuste vult vindicari, non peccet autem qui modum adhibens juste vult vindicari; remotior est a peccato injustæ vindictæ qui non vult omnino vindicari. Peccat enim qui exigit ultra debitum; non peccat autem qui exigit debitum: sed tutior longe est a peccato injusti exactoris, qui omnino non exigit debitum, præsertim ne cogatur et ipse reddere debitum ab eo qui nullum habet debitum. Possem ergo et ego sic ista ponere, Dicatum est antiquis, Non injuste vindicabis; ego autem dico, ne vindicetis quidem; adimpletio est: sicut de jurando Faustus ait, *Dictum est, et Non pejerabis; ego autem dico, ne juretis quidem; et æque adimpletio est*. Poteram ergo et ego ita dicere, si mihi per hæc adjecta verba, quod Legi definit, a Christo additum videretur; ac non potius id quod Lex volebat efficere, ne injuste se quisquam vindicando peccaret, conservari tutius si omnino se non vindicaret; sicut id quod volebat efficere, ne quisquam pejerando peccaret, conservari tutius si non juraret. Nam si contrarium est, *Oculum pro oculo*; et, *Qui te percusserit in maxillam, præbe illi et alteram*: cur non sit contrarium, *Reddes Domino jusjurandum tuum*; et, *Noli jurare omnino* (*Exod. xx, 7*, et *Math. v, 33-37*)? Et tamen illam non destructionem, sed adimpletionem Faustus arbitratur: quod ethic debuit arbitrari. Nam si, Verum jura, adimpletur dicendo, Ne jures: cur non et, Juste vindica, adimpletur dicendo, Ne vindices? Sic et ego² in utroque conservationem esse arbitror a peccato, quo vel falsum juratur, vel injuste vindicatur: quanquam hoc de donanda omnino vindicta valeat etiam ad illud, ut dimittendo hujusmodi debita, etiam nobis dimitti mereamur. Sed duro populo modus prius adhibendus fuit, quo disceret non egredi debitum: ut edomita ira, quæ ad immoderatam vindictam rapit, jam qui vellet, tranquillus attenderet quid ipse deberet, quod sibi relaxari a Domino cuperet, ut hac consideratione conservo debitum relaxaret.

CAPUT XXVI. — Nam et illud de uxore non dimittenda quod Dominus præcepit; cum antiquis di-

¹ Sic Am. Fr. et MSS. At Lov., ultra extenderetur. *Imposita est enim quedam*.

² Am. Fr. ac plures MSS., *sicut ego*

etiam sit, *Quicumque dimiserit uxorem suam, det illi libellum repudii* (*Deut. xxiv, 1, et Matth. v, 31, 32*) ; si diligenter intueamur, videbimus non esse contrarium. Expositus enim Dominus quid Lex voluerit : cum passim dimittenti uxorem jusserit libellum repudii dare. Neque enim ait, Qui voluerit, dimittat uxorem suam ; cui esset contrarium non dimittere : sed utique nolebat dimitti uxorem a viro, qui hanc interposuit moram, ut in discidium animus præceps, libelli conscriptione refractus absisteret, et quid malum esset uxorem dimittere cogitaret : præsertim quia, ut perhibent, apud Hebræos scribere litteras Hebræos nulli fas erat, nisi Scribis solis, cum et excellentiorem profliterentur sapientiam, et si qui eorum essent æquitate ac pietate prædicti, non tantum profiterentur sapientiam, verum etiam sectarentur. Ad hos igitur, quos oporteret esse prudentes Legis interpretates et justos discidii dissuasores, Lex mittere voluit eum, quem jussit libellum repudii dare, si dimisisset uxorem. Non enim ei poterat scribi libellus, nisi ab ipsis, qui per hanc occasionem ex necessitate venientem quodam modo in manus suas bono consilio regerent, atque inter ipsum et uxorem pacifice agendo dilectionem concordiamque suadherent. Quod si tantum intercederet odium, ut extingui emendarique non posset, tunc utique scriberetur libellus : quia frustra non dimitteret, quam sic odisset, ut ad debitam conjugio charitatem nulla prudentiam persuasione revocaretur. Si enim non diligitur uxor, dimittenda est. Quia ergo dimittenda non est, diligenda est. Dilectio autem monendo atque suadendo componi, non invitum cogendo imponi potest. Hoc facere Scriba debebat justus et sapiens, qualem in illa professione esse oportebat : ad quem ut veniretur, discordi marito libellus conscribendus præceptus est : quem vir bonus prudensque non scriberet, nisi in animo nimis averso atque perverso consilium concordie non valeret. Verumtamen a vobis ex vestri erroris sacrilega vanitate querero, cur displiceat dimittere uxorem, quam non ad matrimonii fidem, sed ad concupiscentiae crimen habendam esse censem? Matrimonium quippe ex hoc appellatum est, quod non ob aliud debeat semina nubere, quam ut mater fiat : quod vobis odiosum est. Eo modo enim putatis partem dei vestri, gentis tenebrarum prælio devictam et subactam, etiam carnis compedibus colligari.

CAPUT XXVII. — Sed ut potius quod nunc agitur explicem : si Christus, ubi quibusdam antiquis sententiis propositis adjunxit, *Ego autem dico vobis*, neque primorum hominum legem hoc verborum additamento adimplevit, neque illam quæ per Moysen data est quasi contrariorum oppositione destruxit ; sed potius omnia ex Hebreorum lege commemorata ita commendavit, ut quidquid ex persona sua insuper loqueretur, vel ad expositionem requirendam valeret, si quid illa obscure posuisse, vel ad tutius conservandum quod illa voluisse : vides quam sit aliter intelligendum, quod ait, non se venisse Legem solvere, sed adimplere ; scilicet ut non quasi se-

mplena istis verbis integraretur, sed ut quod littera jubente propter superborum præsumptionem non poterat, suadente gratia propter humilium confessio-neum impleretur, opere factorum, non adjectione verborum. *Fides enim, sicut Apostolus ait, per dilectionem operatur* (*Galat. v, 6*). Unde item dicit : *Qui enim diligit alterum, Legem implevit* (*Rom. xiii, 8*). Istam charitatem quia veniens Christus, per Spiritum sanctum quem promissum misit, in manifestatione donavit, qua sola charitate justitia Legis possit impleri, propterea dixit : *Non veni solvere Legem, sed adimplere*. Hoc est Novum Testamentum, quo huic dilectioni hereditas regni cœlorum promittitur, quod in liguris Veteris Testamenti pro temporum distributione tegebatur. Unde idem dicit : *Mandatum novum do vobis, ut vos invicem diligatis* (*Joan. xiii, 34*).

CAPUT XXVIII. — Itaque vel omnia, vel pendo omnia, quæ mouuit seu præcepit, ubi adjungebat, *Ego autem dico vobis*, inveniuntur et in illis veteribus Libris. Ibi contra iram dictum est, *Turbatus est præ ira oculus meus* (*Psal. vi, 8*); et, *Melior est qui vincit iram, quam qui capit civitatem* (*Prov. xvi, 32*). Ibi contra verbum durum, *Plaga flagelli livorem faciet; plaga autem linguæ constringet ossa* (*Eccli. xxviii, 21*). Ibi contra moechiam cordis, *Ne concupiscas uxorem proximi tui* (*Exod. xx, 17*). Non enim ait, *Ne adulteres; sed; Ne concupiscas*. Unde Apostolus hoc ex Legi commemorat, dicens, *Nam concupiscentiam nesciebat, nisi Lex diceret, Non concupiscas* (*Rom. vii, 7*). Ibi de patientia non resistendi laudatur vir præbens persecutum maxillam et saturatus opprobriis (*Thren. iii, 30*). Ibi de inimico diligendo dicitur, *Si esurierit inimicus tuus, cibarium : si sitit, potum da illi* (*Prov. xxv, 21*). Hinc enim hoc commemoravit Apostolus (*Rom. xi, 20*). Et illud in Psalmo, *Cum iis qui oderant pacem, eram pacificus* (*Psal. cxix, 7*) : et alia multa. Quod autem temperando a vindicta, et diligendo etiam malos, Deum imitemur, habes ibi de ipso Deo id agente copiosum locum : ibi namque scriptum est, *Multum enim valere tibi soli superat¹ semper, et virtuti brachii tui quis contra stabit? Quoniam tanquam momentum stateræ, sic ante te est orbis terrarum; et tanquam gulta roris antelucani, quæ descendit in terram : sed misereris omnium, quoniam omnia potes et dissimulas peccata hominum propter pœnitentiam. Diligis enim omnia que sunt, et nihil odisti horum quæ fecisti : nec enim odio habens aliquid constituisses. Quomodo ergo posset aliquid permanere, nisi tu voluisses; aut quod a te vocatum non esset, conservaretur?* Parcis autem omnibus, quoniam tua sunt, Domine, qui animas amas. Bonus enim spiritus tuus est in omnibus ; propter quod eos qui exerrant partibus corripis, et de quibus peccant admonens, alloqueris, ut relicta malitia credant in te, Domine (*Sap. xi, 22 ; xii, 2*). Ad hanc benignam patientiam Dei, qui facit solem suum oriri super bonos et malos, et pluit super justos et injustos, nos imi-

¹ Nonnulli codices, *supererat* : ut Vulgata in impressis. In manuscriptis tamen Bibliis nostris legitur, *superat*, in græco, *paresin*.

tandam Christus hortatur : ut vindicare nostras injurias negligamus, et beneficiamus his qui nos oderunt, ut simus perfecti, sicut Pater noster cœlestis perfectus est (*Matt. v.*, 44-48). Valere autem nobis et ad remittenda debita peccatorum nostrorum, quod aliis ista ultionum debita relaxamus, et cavendum esse, ne si hoc non fecerimus, nec nobis deprecantibus peccati obligatio remittatur, sic in illis Libris veteribus scriptum est : *Qui vindicari vult, inveniet vindictam a Deo, et peccata illius confirmans confirmabit. Relinque proximo tuo nocenti te, et nunc deprecati tibi peccata solventur. Homo homini reservat iram, et a Domino querit medelam carnis? In hominem similem sibi non habet misericordiam, et pro peccatis suis deprecatur Dominum? et ipse dum caro sit, reservat iram, et repropagationem petit a Domino? et quis exorabit pro peccatis illius* (*Ecli. xxviii*, 1-5)?

CAPUT XXIX.—Jam vero de uxore non dimittenda, quid aliud, vel quid opportunius ex illis Libris commemorem, quam id unde Iudeis de hac re interrogantibus Dominus ipse respondit? Cum enim quererent utrum liceret quacumque ex causa dimittere uxorem, ait illis : *Non legistis quia qui fecit ab initio¹, masculum et feminam fecit eos, et dixit, Propter hoc dimittet homo patrem et matrem, et adhæredit uxori suæ; et erunt duo in carne una. Itaque jam non sunt duo, sed una caro. Quod ergo Deus conjunxit, homo non separat.* Ecce Judæi ex libris Moysi convineuntur non esse uxorem dimittendam, qui secundum voluntatem legis Moysi arbitrabantur se facere, cum dimitterent. Simil et illud hic, ipso Christo attestante, cognoscimus, Deum fecisse et conjunxisse masculum et feminam : quod Manichæi negando damnant², non jam Moyses libro, sed Christi Evangelio resistentes. Porro autem si quod ipsi opinantur et prædicant, verum est, diabolum fecisse atque junxisse masculum et feminam : qua calliditate diabolica Faustus reprehendit Moysen tanquam conjugia dirimentem per libellum repudii, et laudat Christum tanquam illud ejusmodi vinculum confirmantem ex præcepto Evangelii ; cum utique secundum suam stoltam sacrilegiamque sententiam Moysen laudare debuerit separantem quod fecerat et conjunxerat diabolus, et Christum vituperare diaboli figmentum et ligamentum solidantem ? Jam illud quomodo aperit Magister bonus, cur ipse Moyses, ex cuius libro prolata est de prima coniunctione masculi et feminæ tam sancta et nulla separatione violanda castitas conjugalis, postea permisit dimittere uxorem ? Nam cum illi respondissent, *Quid ergo Moyses mandavit dari libellum repudii, et dimittere?* ait illis, *Quoniam Moyses ad duritiam cordis vestri permisit vobis dimittere uxores vestras* (*Matt. xix*, 4-8). Hoc est quod paulo ante exposuimus (*Supra, cap. 26*). Quanta enim duritia erat, quæ nec per libelli interpositionem, ubi dissuadendi locus justis et pru-

dentibus tribuebatur, solvi et flecti posset ad recipiendam vel revocandam conjugii charitatem ? Ita Dominus, quid Lex et bonis præciparet, et duris permitteret, ejusdem Legis testimonio declaravit ; enī et non dimittendam uxorem ex eadem Scriptura commemorata conjunctione masculi et feminæ monuit, divinamque auctoritatem ejusdem conjunctionis exposuit, et dandum libellum repudii propter duritiam vel domandi vel indomiti cordis ostendit.

CAPUT XXX.—Quapropter, cum omnia illa excellētia præcepta Domini, quæ veteribus Hebraeorum Libris contraria Faustus volebat ostendere, in eisdem quoque Libris inveniantur ; unde venit Dominus Legem non solvere, sed adimplere, nisi ut exceptis³ promissorum figuris, quæ redditæ veritate adimpletae atque sublatæ sunt, ipsa quoque præcepta, per quæ Lex illa sancta et justa et bona est (*Rom. vii*, 12), non per vetustatem litteræ jubentis, et delicta superborum reatu etiam prævaricationis augentis, sed per novitatem spiritus adjuvantis, et humilium confessionem salutis gratia liberantis, implerentur in nobis ? Quia revera, sicut omnia ista præcepta sublimia nec in illis Libris veteribus desunt ; ita illic finis quo referantur occultus est : quamvis secundum eum viverent sancti, qui futuram ejus revelationem videbant, et pro temporum proprietate vel propheticæ tegebant, vel propheticæ tectum sapienter intelligebant.

CAPUT XXXI.—Denique, quod non temere dixerim, nescio utrum quisquam in illis Libris invenit nomen regni cœlorum, quod tam eterno nominat Dominus. Dicitur quidem ibi : *Diligite sapientiam, ut in æternum regnetis* (*Sap. vi*, 22). Et ipsa vita æterna si non illic in manifesto predicaretur, non diceret Dominus etiam malis Judæis : *Scrutamini Scripturas, in quibus putatis vos vitam æternam habere; ipsæ testimonium perhibent de me* (*Joan. v*, 39). Quo enim nisi ad hoc pertinet, quod ibi scriptum est, *Non moriar, sed vivam, et enarrabo opera Domini* (*Psal. cxvii*, 17) ; et, *Illumina oculos meos, ne unquam obdormiam in morte* (*Psal. xi*, 4) ; et, *Justorum animæ in manu Dei sunt, et non tanget illos tormentum* : et paulo post, *Illi autem sunt in pace; et si coram hominibus tormenta passi sunt, spes illorum immortalitate plena est; et in paucis vexati, in multis bene disponentur* (*Sap. iii*, 1-5) : et in alio loco, *Justi autem in perpetuum vivent, et apud Dominum est merces eorum, et cogitatio eorum apud Altissimum; ideo accipient regnum decoris et diadema speciei de manu Domini* (*Id. v*, 16, 17) ? Hæc et alia multa, sive apertissima sive subobscura, inveniuntur illic testimonia vitaæ æternae. Et de ipsa corporum resurrectione non tacuerunt Prophetæ. Unde Pharisei adversum Sadducæos eam non credentes, acerrime confligebant : quod non solum in Actibus Apostolorum canonice, quos isti non accipiunt, ne de adventu veri Paracleti, quem promisit Dominus, convincantur, evidenter appareat (*Act. xxiii*, 6-9); verum etiam in Evangelio, ubi ei propounderunt Sadducæi quæstiōnem de muliere, que septem fratribus singillatim nupserat, cum in ejus connubium

¹ Lov., qui fecit hominem ab initio. Editi vero alii et MSS. consentientes græco non habent hominem; quæ vox ab antiquis etiam Corbeiensibus Bibliis Vulgatae sive latinæ editionis abest.

² In MSS. et apud Am., danuantur.

³ Am., nisi ut ex præceptis. Er, nisi ut perceptis.

alter alteri morienti succederet, cuiusnam eorum in resurrectione uxor esset futura (*Matt. xxii, 23-28*). Proinde testimoniis vitæ æternæ et resurrectionis mortuorum abundat illa Scriptura : sed hoc nomen, id est regnum cœlorum, de nullo inde loco mihi occurrit ; hoc enim proprie pertinet ad revelationem Novi Testamenti, quia ea corpora quæ terrena fuerant, mutatione illa quam Paulus apertius commemorat, in resurrectione sicut spiritualia (*I Cor. xv, 42-44*), ac per hoc cœlestia, in quibus possideamus regnum cœlorum. Quod ori ejus etiam nominandum servaba-

tur, quem regem ad regendos, et sacerdotem ad sanctificandos fidèles suos universus ille apparatus veteris Instrumenti in generationibus, factis, dictis, sacrificiis, observationibus, festivitatibus, omnibusque eloquiorum præconiis, et rebus gestis, et rerum figuris parturiebat esse venturum : qui plenus gratia et veritate (*Joan. i, 14*), et ad præcepta facienda adjuvando per gratiam, et ad promissa implenda curando per veritatem, venit Legem non solvere, sed admovere.

LIBER VICESIMUS.

CAPUT PRIMUM. — FAUSTUS dixit : Cur solem colitis, nisi quia estis Pagani et Gentium schisma, non secta ? Igitur non ab re fuerit et hoc ipsum quædere, quo manifestius videre possumus, uter nostrum hoc nomine debeat appellari. Et quidem si tibi fidem meam nunc simpliciter, ut in amicis referam, videar fortasse excusationis causa id singere, aut divinorum, quod absit, lumen erubescere culturam. Sed tu quidem utcumque volueris accipe : me tamen dixisse non premitbit, vel propter aliquos, qui hactenus scire habebunt, religionem nostram nihil cum Gentibus habere commune.

CAPUT II. — Igitur nos Patris quidem Dei omnipotentis, et Christi Filii ejus, et Spiritus sancti unum idemque sub triplici appellatione colimus numen : sed Patrem quidem ipsum lucem incolere credimus summam ac principalem, quam Paulus alias inaccessibilem vocat (*I Tim. vi, 16*) : Filium vero in hac secunda ac visibili luce consistere; qui quoniam sit et ipse geminus, ut eum Apostolus novit, Christum dicens esse Dei virtutem et Dei sapientiam (*I Cor. i, 24*) : virtutem quidem ejus in sole habitare credimus, sapientiam vero in luna : necnon et Spiritus sancti, qui est majestas tertia, aeris hunc omnem ambitum sedem fatemur ac diversorum ; cuius ex viribus ac spirituali profusione, terram quoque concipientem, gignere patibilem Jesum, qui est vita ac salus hominum, omni suspensus ex ligno. Quapropter et nobis circa universa, et vobis similiter erga panem et calicem par religio est, quamvis eorum acerrime oderitis auctores. Haec nostra fides est : de qua si querendum alias putaveris, audies ; quamvis nec illud ad præsens minus firmum sit argumentum, quod vel tu, vel quilibet alius rogatus, ubinam Deum suum credit habuisse, respondere non dubitabit, In lumine : ex quo cultus hic meus omnium pene testimonio confirmatur.

CAPUT III. — Sed nunc ad illud, quia nos non sectam, sed schisma Gentium nuncupasti. Schisma, nisi fallor, est eadem opinantem atque eodem ritu colementem quo cœteri, solo congregationis delectari discidio. Secta vero est longe alia opinantem quam cœteri, alio etiam sibi ac longe dissimili ritu divinitatis instituisse culturam. Quæ si ita sunt, mea interim et opinio et cultus longe alia sunt quam Paga-

norum. De tuis postea videbimus. Pagani bona et mala, tetra et splendida, perpetua et caduca, mutabilia et certa, corporalia et divina unum habere principium dogmatizant. His ego valde contraria sentio, qui bonis omnibus principium fateor Deum, contrariis vero Hylen : sic enim mali principium ac naturam theologus noster appellat. Item Pagani, aris, delubris, simulacris, victimis, atque incenso Deum colendum putant. Ego ab his in hoc quoque multum diversus incedo, qui ipsum me, si modo sim dignus, rationabile Dei templum puto : vivum vivæ majestatis simulacrum Christum Filium ejus accipio : aram, menstem bonis artibus et disciplinis imbutam, honores quoque divinos ac sacrificia in solis orationibus et ipsis puris ac simplicibus pono : quomodo ergo schisma sum Paganorum ?

CAPUT IV. — Hactenus enim et Judæorum poteras dicere schisma, quia et omnipotentem Deum colam, quod sibi et Judæus omnis audacter assumit, cum non considerares rituum diversitatem, qua a me coleretur Omnipotens, et a Judæis ; si tamen Omnipotentem Judæi colunt. Sed interim de opinione tractamus, quæ sic et Paganos de solis cultura fecellit, ut de Omnipotentis Judeos. Sed nec vestrum quidem schisma si me dixeris, verum est, quamvis Christum venerer et colam : quia alio eum ritu colo et alia fide quam vos. Schisma vero aut nihil immutare debet ab eo unde factum est, aut non multum : ut puta vos, qui descendentes a Gentibus, monarchiae opinionem prime vobiscum divulgistis, id est, ut omnia credatis ex Deo : sacrificia vero eorum vertistis in agapes, idola in martyres, quos votis similibus colitis : defunctorum umbras vino placatis et dapibus ; solemnies Gentium dies cum ipsis celebratis, ut calendas, et solstitia : de vita certe mutatis nihil ; estis sane schisma, a matrice sua diversum nihil habens nisi conventum. Necnon et priores vestri Judæi, segregati etiam ipsi a Gentibus sculpturas solum dimiseront : templo vero, et immolations, et aras, et sacerdotia, atque omne sacrorum ministerium eodem ritu exercuerunt, ac multo superstitionis quam Gentes. De opinione vero monarchiae in nullo etiam ipsi dissentiant a Paganiis : quare constat vos atque Judæos schismata esse Gentilitatis ; cuius fidem tenentes et

ritus, modice quamvis immutatos, de sola conventione divisione putatis vos esse sectas. Porro autem sectas si queras, non plus erunt quam ducē, id est, Gentium, et nostra, qui eis longe diversa sentimus. Ita quidem oppositi invicem nobis, ut est veritas et mendacium, ut dies et nox, ut egestas et copia, ut morbus et sanitas. Vos vero nec erroris secta estis, nec veritatis: sed schismata tantum; nec ipsum veritatis saltem, sed erroris.

CAPUT V. — **AUGUSTINUS** respondit: O imperita pestis, et vanitas versipellis! utquid tibi objicis, quod si quis tibi objicit, nescit cum quo agat? Neque enim vos Paganos dicimus, aut schismata Paganorum; sed habere cum eis quamdam similitudinem, eo quod multos colatis deos. Verum vos eis esse longe deterriores, quod illi ea colunt quae sunt, sed pro diis collenda non sunt: sunt enim et idola, sed ad salutem nihil sunt. Et qui colit arborem, non quidem arando, sed adorando, non id colit quod nusquam est, sed quod ita colendum non est. Ipsa etiam dæmonia, unde dicit Apostolus, Quæ immolant Gentes, dæmonis immolant, et non Deo (I Cor. x, 20); utique sunt quibus illos immolare dicit, et quorum nos socios esse non vult. Jam vero cœlum et terra, mare et aer, sol et luna, et cætera sidera, omnia hæc manifesta oculis apparent, atque ipsis sensibus præsto sunt. Quæ cum Pagani tanquam deos colunt, vel tanquam partes unius magni dei; nam universum mundum quidam eorum putant maximum deum: ea colunt quæ sunt. Cum quibus quando agimus, ut ea non colant, non eis dicimus quod nulla sint, sed quod colenda non sunt: eisque colendum horum omnium conditorem Deum invisibilem suademos, cuius solius participatione beatus homo fieri potest; quod omnes velle nemo ambigit. Sed quia nonnulli eorum invisibilem et incorpoream creaturam colunt, quod est et anima mensque humana; tamen quia nec ejusmodi creaturæ participatione fit homo beatus; ille non solum invisibilis, verum etiam incommutabilis Deus, id est, Deus verus colendus est: quia solus ille colendus est, quo solo fruens, omnis mens misera est, qualibet re alia perfruatur. Vos autem cum ea colatis quæ omnino non sunt, sed vestrarum fallacium fabularum vanitate singuntur, propinquiores essetis veræ pietati ac religioni, si saltem Pagani essetis, vel in eorum genere qui corpora colunt, etsi non colenda, sed tamen vera. Unde vos verius dixerim nec solem istum colere, ad eujus gyrum vestra oratio circumvolvitur.

CAPUT VI. — Nam et de ipso tam falsa, et tam detestanda jactatis, ut si suas vindicaret injurias, jam flammis ejus vivi arderotis. Nam primo eum navim quamdam esse dicitis: ita non tantum, ut dicitur, toto cœlo erratis, sed et natatis. Deinde cum omnium oculis rotundus effulgeat, eaque illi figura pro sui ordinis positione perfecta sit; vos eum triangulum perhibetis, id est, per quamdam triangulam cœli fenestrarum lucem istam mundo terrisque radiare. Ita si ut ad istum quidem solem dorsum cervicemque cur-

vetis; non autem ipsum tam clara rotunditate conspicuum, sed nescio quam navim per foramen triangulum micantem atque lucentem, quam conscientiam cogitatis, adoretis. Quam profecto faber ille non faceret, si quemadmodum emuntur ligna, quibus navigiorum tabulæ compinguntur, sic emerentur et verba, quibus haereticorum fabulæ consinguntur. Verum hæc tolerabilius vel ridentur vel flentur in vobis: illud est intolerabiliter sceleratum, quod de ipsa navi puellas pulchras et pueros proponi dicitis, quorum formosissimis corporibus inardescant principes tenebrarum, ad feminas masculi, et ad masculos feminæ; ut in ipsa flagranti libidine et inhianti concupiscentia de membris eorum tanquam de tetris sordidisque compedibus dei vestri membra solvantur. Et his obscenissimis pannis vestris conamini assuere ineffabilem Trinitatem, dicentes Patrem in secreto quodam lumine habitare; Filii autem in sole virtutem, in luna sapientiam; Spiritum vero sanctum in aere!

CAPUT VII. — In qua tripartita vestra, vel potius jam quadripartita fabula, de Patris quidem secreto lumine, quid vobis dicam, nisi quia lumen cogitare non potestis, nisi quale videre consuestis? Hoc enim conspicuum et omni carni, non tantum hominum, verum etiam bestiarum et vermiculorum notissimum lumen intuentes, ex illo conceptam corde phantasiam in immensum soletis augere, et eam lucem dicere ubi Deus Pater habitat cum regnolis suis. Quando enim discrevistis lucem qua cernimus, ab ea luce qua intelligimus, cum aliud nihil unquam putaveritis esse intelligere veritatem, nisi formas corporeas cogitare, sive finitas, sive ex aliquibus partibus infinitas; quæ inania phantasmatæ esse nescitis? Proinde cum tantum intersit inter cogitationem qua cogito terram lumenis vestram quæ omnino nusquam est, et cogitationem qua cogito Alexandriam quam nunquam vidi, sed tamen est; rursusque tantum intersit inter istam qua cogito Alexandriam incognitam, et eam qua cogito Carthaginem cognitam: ab hac quoque cogitatione qua certa et nota corpora cogito, longe incomparabiliter distat cogitatio qua intelligo justitiam, castitatem, fidem, veritatem, charitatem, bonitatem, et quidquid ejusmodi est: quæ cogitatio dicite, si potestis, quale lumen sit, quo illa omnia quæ hoc non sunt, et inter se discernuntur, et quantum ab hoc distent, fida manifestatione cognoscitur: et tamen etiam hoc lumen, non est lumen illud quod Deus est; hoc enim creatura est, Creator est ille; hoc factum, ille qui fecit; hoc denique mutabile, dum vult quod nolebat, et scit quod nesciebat, et reminiscitur quod oblitum erat, illud autem incommutabili voluntate, veritate, æternitate persistit; et inde nobis est initium existendi, ratio cognoscendi, lex amandi; inde omnibus et irrationalibus animalibus natura qua vivunt, vigor quo sentiunt, motus quo appetunt; inde etiam omnibus corporibus mensa ut subsistant, numerus ut ornentur, pondus ut ordinentur. Itaque lumen illud Trinitas inseparabilis, unus Deus est, cuius vos nullo corpore adjuncto, per se ipsam incorpo-

ream, spiritualem, immutabilemque substantiam etiam locis dividitis. Nec saltem Trinitati loca tria datis, sed quatuor: Patri unum, id est, lumen inaccessibile, quod proorsus non intelligitis, Filio duo, sollem scilicet atque lunam; Spiritui sancto rursus unum, id est, aeris hunc omnem ambitum. De Patris ergo inaccessibili lumine, quia veram fidem tenentibus non inde separatur Filius et Spiritus sanctus, hanc tenus, in praesentia dixerim.

CAPUT VIII.—Vestræ autem vanitati quid placuit in sole ponere virtutem Filii, et in luna sapientiam? Cum enim in ipso Patre Filius inseparabilis maneat, quomodo potest sapientia ejus ab ejus virtute separari, ut illa sit in sole, haec in luna; cum per ejusmodi locos nisi corpora dividi separarique non possint? Quod si sciretis, nunquam studio insanoque phantasmate tantas fabulas texeretis. At in ea ipsa falsitate atque fallacia, quam incongrue, quam perverse sedem sapientiae minus lucere dicitis, quam sedem virtutis; cum ad virtutem pertinere videatur operari et efficere, ad sapientiam vero docere et ostendere: ac per hoc si calor in sole, lux autem præpolleret in luna, utcumque invenissent ista figmenta verisimilitudinis nebulam, hominibus carnalibus et animalibus decipiendis, qui nihil putant esse, nisi quod corporale cogitaverint; caloris enim violentia operatio est ad movendum¹, unde virtuti tribueretur; lucis autem clarus fulgor, ad demonstrandum, unde hanc sapientiae darent: cum vero lux longe in sole præcellat, quomodo ibi virtus, hic autem quod tanto minus lucet, sapientia est? O sacrilega ineptia! et cuin sit unus Christus, Dei Virtus et Dei Sapientia (*I Cor. 1, 24*), Spiritus autem sanctus non ipse sit Christus; quomodo separatur a se ipse Christus, cum ab eo non separetur Spiritus sanctus? Aerem quippe, quem sedem Spiritui sancto vestra fabula tribuit, totam mundi fabricam implere perhibetis. Unde sol et luna circuitus suos per gentes, semper cum illo sunt. A sole autem luna recedit, et ad solem rursus accedit: ita vobis auctoribus, vel potius deceptoribus, per dimidiam partem circuli reddit a virtute sapientia, et ad eam, per aliam dimidiam rursus accedit: et cum plena est, tum longe est a virtute sapientia; tunc enim tam longo intervallo a se disjuncta sunt haec duo lumina, ut cum sol vergit ad occidentem, tunc luna surgat ab oriente: ex quo fit, ut quoniam infirmantur omnia que virtute deseruntur, eo sapientia sit infirmior, quo est luna plenior. Si autem, quod veritas habet, et sapientia Dei semper tantumdem valet, et virtus Dei semper tantumdem sapit; cur haec sic duo dicitis, ut ea locorum sedibus intervallisque separatis, cum et ipsas sedes ejusdem substantiae dicatis, homines cæca et insana mente non recedentes a phantasmate corporum, et virtute ac sapientia ita carentes, ut nec sapere possitis aliquid fortiter, nec valere sapienter? Itane vero, detestanda et anathemanda stultitia, Christus per so-

¹ Sic MSS. At editi vulgo minus bene, caloris enim violentia, operatio est ad movendum.

lem lunamque distentus; hic virtute habitans, hic sapientia; nec hic perfectus et plenus, nec in sole sapiens, nec in luna præpotens, utrobius pulchros pueros subornat concupiscendos feminis principibus tenebrarum, et masculis puellas? Haec legitis, haec creditis, haec docetis: ex hac fide doctrinaque vivitis; et miramini quia sic abominamini!

CAPUT IX.—Verum si in istis tam eminentibus notissimumque luminibus sic erratis, ut in eis non quod sunt, sed quod vobis dementissime singulis adoretis, quid de ceteris vestris fabulis dicam? Quis enim splenditens suspendit mundum, et quis Atlas cum illo supportat? Haec et innumerabilia, quæ similiter deliratis, omnino non sunt, et colitis ea. Hic vos Paganis dicimus deteriores, eo tantum similes, quod multos deos colitis: eo vero in pejorem partem dissimiles, quod illi pro diis ea colunt quæ sunt, sed dii non sunt; vos autem colitis ea quæ nec dii, nec aliquid sunt, quoniam prorsus nulla sunt. Habent quidem et illi quædam fabulosa figura, sed esse illas fabulas norunt; et vel a poetis delectandi causa fictas esse asserunt, vel eas ad naturam rerum vel mores hominum interpretari conantur: sicut Vulcannum claudum, quia ignis terreni motus ejusmodi est; et Fortunam cæcam, quod ex incerto accident, quæ fortuita dicuntur; et tria Fata in colo et fuso digitisque filum ex lana torquentibus, propter tria tempora, præteritum quod in fuso jam netum atque involutum est, præsens quod inter digitos nentis trahitur, futurum in lana, quæ colo implicata est, quod adhuc per digitos nentis ad fusum, tanquam per præsens ad præteritum trahiendum est; et Venerem Vulcani uxorem, quia ex calore voluptas naturaliter nascitur¹, et Martis adulteram, quia belligerantibus incongrua est; et Cupidinem puerum volitantem a sagittantem, quod irrationalis et instabilis amor corda vulneret miserorum: et alia permulta in hunc modum. Quocirca hoc in eis irridemus, quod interpretata sic adorant, quæ non intellecta, quamvis damnabiliter, tamen excusabilius adorarent. Ipsi quippe interpretationibus convincuntur, non se illum Deum colere, cuius solius participatione mens beatificata, sed ab illo conditam creaturam: nec solas virtutes ipsius creaturæ, sicut Minervam, cuius fabulam quod de Jovis capite nata sit, ad prudentiam consiliorum interpretantur, quæ rationis est propria, cui sedem capitum etiam Plato dedit; sed etiam vitia, sicut de Cupidine diximus. Unde quidam eorum tragicus ait:

Deum esse amorem, turpis et vitiis fœvens
Finxit libido.
(*Seneca in Hippolyto, act. 1, scen. 2, vers. 194, 195.*)

Nam et corporalium vitorum simulacra Romani consecraverunt, sicut Palloris et Febris. Ut ergo omittam quod simulacrorum adoratores circa ipsas corporum figuram habent affectum, ut eas ipsas formas in locis honorabilibus sublimatas, quibus tantum

Am. Fr. et fere omnes MSS., naturaliter asciscitur.

obsequium exhiberi vident, tanquam deos timeant; illæ ipsæ interpretationes, quibus hæc muta, et surda, et cæca, et ex anima defenduntur, dignius accusantur: verumtamen et ista quoquo modo sunt, quamvis, ut jam dixi, ad salutem vel aliquam utilitatem nihil sint, et quæ ex his interpretantur, in rebus inveniuntur. Vos autem primum hominem cum quinque clementis belligerantem; et spiritum potentem de captivis corporibus gentis tenebrarum, aut potius de membris dei vestri victis atque subjectis, mundum fabricantem; et splenditentem, reliquias eorumdem membrorum dei vestri habentem in manu, et cætera omnia capta, oppressa, inquinata plangentem; et Atlantem maximum subter humeris suis cum eo ferente, ne totum ille fatigatus abjectat, atque ita fabula vestra³ velut in tapete theatraico ad illius ultimi globi catastolium pervenire non possit: et alia innumerabilia pariter inepta et insana, nec pingendo aut sculpendo, nec interpretando demonstratis: et ea, cum omnino nulla sint, creditis et colitis; et insuper Christianis fide non facta pias mentes mandantibus tanquam temere credulis insultatis. Ut enim multa non queram, quibus haec ostendantur omnino non esse, quia subtilius sublimiusque tractare de mundi fabrica, etsi mihi difficile non esset, certe nimis longum est; hoc dico: si ista vera sunt, Dei substantia commutabilis est, corruptibilis, coquinabili. Hoc autem credere, plenum est sacrilegæ insaniae. Illa igitur omnia vana sunt, falsa sunt, nulla sunt. Proinde vos Paganis istis, qui vulgo noti sunt, et antiquitus fuerunt, et in reliquis suis jam nunc erubescunt, prorsus deteriores estis, quod illi colunt ea quæ dii non sunt, vos autem omnino quæ non sunt.

CAPUT X. — Itaque, si propterea vos putatis tenere veritatem, quia et errori Paganorum longe dissimiles estis, nos autem propterea esse in errore, quia longius a vobis, quam a Paganis forte distamus: dicatur et mortuus ideo sanus, quia jam nec ægrotus est; et ideo reprehendatur qui sanus est, quia vicinior est ægroto quam mortuo. Aut si plerique Pagani; non velut æ gri, sed velut mortui deputandi sunt; laudetur in sepulcro cinis informis, quia jam nec formam cadaveris tenet; et membra viva culpentur, quia cadaveri sunt similia, quam cineri. Sic et nos ideo⁴ isti culpados putant, quia nos similiores esse dicunt funeri Paganorum, quam cineri⁵ Manichæorum. Quanquam per multas differentias aliter atque aliter quæque res ad discerneendum dividi soleant, ut quod in hac erat parte, per alias differentias in alia

³ In B., am potius. Lugd. et Lov. seculi sumus. M.

⁴ Edit. tabula vestra. At MSS., fabula vestra. Paulo post duo MSS. loco *catastolium*, habent *castatolium*. Alius codex, *catastolium*. A verbo *catastolli* sit *catastolé*, *amictus*; et *catastolium*, quod idem est ac *cooptorium*, ut vocatur in libro de Hæresibus, cap. 46, in fine, atque ultimi globi (juxta Manichæos) *lectorium* ex animabus natura bonis quæ non potuerint a naturæ malæ contagione mundari; quo *lectorio* possunt illi flumen tanquam carcere sempiterno inclusa erit substituta mali.

⁵ In MSS., sicut nos ideo.

⁶ Am. Er. et aliquot MSS., quam *favillæ*. Alii MSS. quidam, quam *fatellæ*.

parte inveniatur ubi ante non erat. Ve iut, verbi gratia, si quis oinnem carnem dividat in volatilia, et ea que volare non possunt; per hanc differentiam quæ drupedia hominibus sunt similia, quam avibus; pariter enim volare non possunt. Rursus si quis per aliam differentiam dividat, ut dicat alia esse rationalia, alia irrationalia; jam quadrupedes avibus sunt similiores, quam hominibus; pariter enim sunt rationis expertes. Hoc Faustus non cogitans, ait: Porro autem sectas si queras, non plus erunt quam duæ; id est, Gentium, et nostra, qui eis longe diversa sentimus. Videlicet quoniam dixerat eo maxime distare Gentes a Manichæis, quod ab uno principio dicunt esse omnia, quod Manichæi negant, addentes principium gentis tenebrarum. In hac differentia, quod fatendum est, plerique Pagani nobiscum sentiunt: sed non vidit quia item si quis ita dividat, ut dicat eorum qui aliqua religione delinentur, aliis placere unum Deum colendum, aliis multos; per hanc differentiam et Pagani a nobis remoti sunt, et isti cum Paganis deputantur, nos autem cum Judæis. Potest ergo aliquis secundum hanc differentiam hoc etiam modo duas solas sectas putare. Illic forte dicatis quod vos multis deos vestros ex una substantia perhibetis: quasi Pagani multis suis non ex una asserant; quamvis diversa illis officia et opera et potestates attribuant: sicut etiam apud vos alius expugnat gentem tenebrarum, alius ex ea capta fabricat mundum; alius desuper suspendit, alius subter portat; alius rotas ignium, ventorum, et aquarum in imo versat, alius in cœlo circumiens radiis suis, etiam de cloacis membra dei vestri colligit. Et quis numeret omnia deorum vestrorum officia fabulosa, nulla veritate manifesta, nullis ænigmatibus figurata? Porro, si alius ita dividat omnes homines, ut alios esse dicat qui credunt Deum humana curare, alios qui id omnino non credunt: in hac parte et Pagani nobiscum sentiunt et Judæi, et vos et omnes hæretici, qui quoquo modo Christiani appellantur; in illa vero Epicurei reperiuntur, et si qui alii sunt qui ita senserunt. Parvane ista differentia est? Cur ergo non et secundum istam duæ soleæ sectæ esse dicantur, ut in una earum nobiscum sitis? An audebitis in hac differentia discedere a nobis, qui Deum prædicamus humana curare; et esse cum Epicureis, qui hoc negant? Hic profecto illos repudiantes ad nos curritis. Sic per alias et alias differentias, nunc hic, nunc illuc reperiuntur, aliunde juncti, aliunde disjuncti, vicissim omnes nobiscum, et nos cum omnibus, et rursus nulli eorum nobiscum, nec nos cum aliquibus eoruim. Quod si Faustus cogitaret, non tam diserte deliraret.

CAPUT XI. — Quid autem hinc dicam, quod ait, ex viribus sancti Spiritus ac spirituali profusione terram quoque concipientem, gignere patibilem Jesum, qui est vita ac salus hominum, omni suspensus ex ligno? O demens, ut interim non discutiám de hac re vestra vaniloquia, potestne terra de Spiritu sancto concipere patibilem Jesum, et Maria virgo non potuit? Compara, si audes, virginalia viscera tanta castitate san-

cificata , cum omnibus terræ locis , ubi arbores herbae gignuntur. Itane in illa feminæ exhorrescis , aut horrescere te singis uterum pudicitie dedicatum , et in hortis omnibus circum quasque urbes ex cloacinis aquis Jesum gigni non exhorrescis ? Quis enim quanlibet coenulentus humor non innumerabilia germina edit et nutrit ? Sic predicatis nasci patibilem Jesum , quem credere natum esse de virgine clamatis indignum. Si carnem putatis immundam , cur vobis non videtur immundius , quod a suæ salutis temperamento ipsa natura carnis expurgat ? An caro immunda est , et simus qui carne egeritur mundus est ? Non ergo attenditis , non videtis stercoribus lætari agros , quo fertilius secundentur ? Nempe ad id redit vestra dementia , ut de Spiritu sancto , quem carnem Mariæ dicitis dignatum , tanto uberior et lætius terra concipiat , quanto studiosius fuerit carnis sordibus et squaloribus pinguefacta. An ut hoc defendatis , dicitis Spiritum sanctum incontaminabili ubique pollere præsentia ? Respondetur vobis : Cur non ergo et in utero virginali ? Sed ut de conceptu jam taceam , partum ipsum deinde respicite. Concipientem de Spiritu sancto dicitis terram gignere patibilem Jesum , quem tamen ita contaminatum omni ex ligno pendere perhibetis in frugibus et pomis , ut innumerabilibus animalibus ¹ animalium vescientium carnibus amplius contaminetur , ex ea sola parte purgandus cui fames vestra subvenierit. Itaque nos Christum Filium Dei , Verbum Dei , incontaminabiliter carne indutum , corde credimus , ore confitemur ; quia illa substantia contaminari nec carne potest , quæ nulla re potest : vos autem secundum vestram fabulam , adhuc in arbore pendente Jesum jam contaminatum dicitis , antequam carnem ingrediatur cujusque vescientis : aut si non est contaminatus , quomodo vos eum manducando purgatis ? Deinde cum omnes arbores crucem ipsius esse dicatis , unde a Fausto predicatorum suspensus ex ligno ; cur non sicut illum verum Jesum , bonum opus faciens Joseph ille ab Arimathia de cruce depositus , ut sepeliret (Joan. xix , 38), ita et vos poma decerpitis , ut Jesum de ligni suspensione depositum vestro ventre sepeliatis ? Aut unde piu[m] est , Christum sepulcro condere , impium autem de ligno deponere ? An , ut de vobis etiam concinal , quod de propheta ponit Apostolus , Sepulcrum patens est guttur eorum (Psal. v , 41 ; Rom. iii , 13) ; ore aperto expectatis quis inferat Christum , tanquam optimæ sepulturæ , fancibus vestris ? Postremo , dicate nobis quot christos esse dicatis. Aliusne est quem de Spiritu sancto concipiens terra patibilem gignit , omni non solum suspensus ex ligno , sed etiam jacens in herba ; et alius ille quem Judæi cruciferunt sub Pontio Pilato ; et tertius ille per solem lunamque distentus ? An unus atque idem , ex quadam sui parte ligatus in arboribus , ex quadam vero liber , eidem ligatae captæque subveniens ? Quod si

¹ Vox , animalibus , derat in excisis : sed omnibus in MSS. reperitur. Tres ex his codices sic habent : ut innumerabilibus animalibus animalium carnem vescientibus , carnibus amplius contaminetur.

ita est , ille quem sub Pontio Pilato passum esse conceditis , cum eum sine carne fuisse narretis , nondum dico quemadmodum talem mortem sine carne perpeti potuerit ; sed quero cui naves illas reliquerit , ut inde descendens talia pateretur , qualia sine quocunque corpore fieri non possent. Secundum præsentiam quippe spirituali nullo modo illa pati posset : secundum præsentiam vero corporalem simul et in sole , et in luna , et in cruce esse non posset. Proinde si corpus non habuit , non est crucifixus : si autem habuit , quero unde haberet , cum omnia corpora ex tenebrarum gente esse dicatis , quanvis substantiam divinam cogitare nisi corpoream nunquam valueritis. Unde cogimini aut sine corpore dicere crucifixum , quo absurdius et dementius dici nihil potest : aut in phantasmate potius quam in veritate visum fuisse crucifigi ; qua rursus impietate quid pejus est ? aut non omnia corpora de gente esse tenebrarum , sed esse etiam corpus divinæ substantiæ , quod tamen immortale non sit , sed possit ligno affigi et occidi ; quod nihilominus plenum est dementie : aut ex gente tenebrarum mortale corpus habuisse Christum , atque ita qui ejus corporis matrem Mariam virginem credere timetis , gentem demonum non timetis. Postremo , cum secundum sententiam Fausti , quam quidem ex illa longissima fabula vestra decerptam , quanta potuit brevitate perstrinxit , de Spiritu sancto terra concipiens gignat patibilem Jesum , qui est vita et salus hominum , omni suspensus ex ligno ; cur ille Salvator pendenti congruit , et nascenti nascendo non congruit ? Si autem propterea Jesum dicitis esse in arboribus , et Jesum crucifixum sub Pontio Pilato , et Jesum per solem lunamque distentum , quia totum hoc ex una eademque substantia est ; cur non et cætera millia numinum vestrorum hac appellatione concluditis ? Cur enim non sit Jesus et ille splenditens , et ille Atlas , et ille rex honoris , et ille spiritus potens , et ille primus homo , et quidquid aliud innumerabiliter per diversa nomina et diversa officia prædicatis ?

CAPUT XII. — Ipse denique Spiritus sanctus cur in tertia persona ponitur , cum sit inter innumerabiles ? aut cur non sit etiam ipse Jesus ? Et quid sibi jam vult ¹ in scriptis Fausti fallax textura verborum , ubi conatus velut congruere veris Christianis , a quibus longe nimiumque secluditur , ait : *Igitur nos Patris quidem Dei omnipotens , et Christi Filii ejus , et Spiritus sancti , unum idemque sub triplici appellatione colimus numen ?* Cur enim sub triplici , ac non potius sub multipli , non appellatione tantum , sed etiam re , si quot nomina , tot personæ sunt ? Neque enim sicut in armis una res est sub triplici appellatione , ensis , mureo , gladius , sicut unam rem dicitis , et lunam , et naven minorem et luminarem nocturnum , et si quid aliud vocabuli eidem rei tribuitis ; ita potestis dicere eumdem primum hominem , quem spiritum potentem , et quem splenditentem , et quem Atlantem maximum : sed alius est ille , alius atque alius ille et ille ,

¹ Aliquot MSS.: Et quidnam sibi vult.

et neminem istorum Christum dicere soletis. Aut quomodo unum numen, si diversa opera? Aut cur non totum simul¹ unus Christus, si propter unam substantiam et in arboribus Christus, et in persecutione Iudeorum Christus, et in sole ac luna Christus? Nempe vias omnes vestra phantasmata perdidunt: nempe nihil aliud sunt, quam visa furentium.

CAPUT XIII. — Cur autem arbitretur Faustus param nobis esse religionem circa panem et calicem nescio, cum Manichaeis vinum gustare non religio, sed sacrilegium sit. In uva enim agnoscunt deum suum, in cupa nolunt, quasi aliquid eos calcatus et inclusus offenderit. Noster autem panis et calix, non quilibet (quasi propter Christum in spicis et in sacramentis ligatum, sicut illi desipiunt), sed certa consecratione² mysticus sit nobis³, non nascitur. Proinde quod non ita sit, quamvis sit panis et calix, alimentum est refectionis, non sacramentum religionis: nisi quod benedicimus, gratiasque agimus Domino in omni ejus munere, non solum spirituali, verum etiam corporali. Vobis autem per fabulam vestram in escis omnibus Christus ligatus apponitur, adhuc ligandus vestris visceribus, solvendusque ructatibus. Nam et cum manducatis, dei vestri defectione vos reficitis; et cum digeritis, illius refectione deficitis. Cum enim vos plenos reddit, resumptio vestra ipsum premit. Quod quidem misericordie deputaretur, quando aliquid pro volis patitur in vobis, nisi vos rursus inanes relinquere, ut a vobis liberatus effugeret. Quomodo ergo comparas panem et calicem nostrum, et parem religionem dicas errorem longe a veritate discretum; pejus despiens quam nonnulli, qui nos propter panem et calicem Cererem ac Liberum colere existimant? Quod ideo conummemorandum putavi, ut advertatis ex qua vanitate veniat etiam illud vestrum, quod propter sabbatum Saturno dicatos fuisse patres nostros putatis. Sicut enim a Cerere et Libero Paganorum diis longe absimus, quamvis panis et calicis sacramentum, quod ita laudastis, ut in eo nobis pares esse volueritis, nostro ritu amplectamur; ita patres nostri longe fuerunt a Saturniacis catenis, quamvis pro tempore propheticæ sabbati vacationem observaverint.

CAPUT XIV. — Sed cur non etiam propter Hylen, quæ in nonnullis libris Paganorum frequentatur, param vos cum Paganis religionem habere dixistis? Quinimo propter hoc imparem longeque dissimilem voluntatis intelligi, quia hoc nomine mali principium ac naturam theologus vester appellat. In quo quidem imperitia vestra magna deprehenditur: quia nec quid sit Hylen scitis, et hoc rei vocabulo, quam penitus ignoratis, etiam inflari velut docti affectatis. Hylen namque Græci, cum de natura disserunt, materiem quamdam rerum definiunt, nullo prorsus modo formam, sed omnium corporalium formarum capacem:

¹ Plerique MSS., loco, *simul*, habent, *semel*.

² Quinque MSS., *cetera consideratione*. Male.

³ In editione Lov. additur hoc loco, *corpus Christi*; quod a MSS. abest.

quæ quidem in corporum mutabilitate utcumque cognoscitur; nam per se ipsam nec sentiri nec intelligi potest. Verum in hoc errant quidam Gentilium, quod eam tanquam coeternam Deo conjungunt; ut hæc ab illo non sit, quamvis ab illo formetur: quod alienum esse a veritate, ipsa veritas docet. Ecce tamen quibus Paganis de hac ipsa Hyle invenimini esse consimiles, quod eam vos quoque suum habere principium, nec ex Deo esse perhibetis: et in hoc vos dispares esse dicebatis, nescientes quid dicatis. In illo vero, quod nulla est huic Hylæ forma propria, nec nisi a Deo formari potest, nostræ illi veritati consentiunt: a vestra autem falsitate dissentiant; qui nescientes quid sit Hyle, id est quid sit rerum materies, gentem tenebrarum eam dicitis, ubi non solum distinctas quinque generibus innumerabiles corporum formas, veruni etiam mentem constitutis horum corporum formaticem; et, quod est imperitius, vel potius dementius, ipsam magis mentem dicitis Hylen, quam non formari, sed formare perhibetis. Nam si esset ibi mens quædam formans, et elementa corporea quæ formarentur, illa elementa dicenda essent Hyle, id est, materies quam formaret eadem mens, quam mentem principium mali esse vultis. Hoc si diceretis, non quidem multum erraretis in eo quod est Hyle, nisi quod ipsa quoque elementa, quamvis in alias formas formanda, tamen quia jam elementa essent, et speciebus propriis distinguenterentur, Hyle non essent, quia illa est prorsus informis; verumtamen tolerabilis esset imperitia vestra, quia eam quæ formaretur, non eam quæ formaret, Hylen diceretis: sed tamen etiam sic eo teneremini vani atque sacrilegi, quia nescientes omnem modum naturarum numerumque formarum et ordinem ponderum non esse posse, nisi a Patre et Filio et Spiritu sancto, principio mali tantum bonum tribueretis. Nunc vero cum et quid sit Hyle, et quid sit malum ignoretis, o si possem vobis persuadere, ut a seducendis imperitoribus vos compesceretis!

CAPUT XV. — Jam vero quod etiam inde vos Paganis vultis esse meliores, quod illi aris, delubris, simulariis, victimis atque incenso Deum colendum putant, vos autem nihil horum facitis, quis non irrideat? Quasi vero non satius sit vel lapidi, qui quoquomodo est, aram constituere, et victimam offerre, quam id quod omnino non est, in deliramento phantasmatis adorare? Verum tu, qui rationabile Dei templum te esse dixisti, quomodo hoc explicabis? Placeatne tibi ut templum Deus habeat, cuius aliquam partem diabolus fabricaverit? An vos non estis, qui dicitis omnia membra vestra, totumque corpus a maligna mente, quam Hylen dicitis, fabricatum, ejusque ipsius fabricatrixis partem illic habitare simul cum parte dei vestri? Quæ cum ibi teneatur, ut perhibetis, concatenata et inclusa, utrum Dei templum, an Dei carcere te dicere debuisti? Nisi forte animam tuam templum Dei dicas, quam ex terra luminis habes. At illam partem Dei, vel membrum Dei soletis dicere, non templum Dei. Restat ergo ut templum

Dei non te dixeris, nisi ex corpore, quod secundum te diabolus fabricavit. Eceo quomodo templum Dei blasphematis, ut non solum sanctum non esse dicatis, verum etiam machinamentum diaboli, et ergastulum Dei. At vero Apostolus, *Templum enim Dei sanctum est*, inquit, *quod estis vos* : et ne putes tantummodo ad animam pertinere, quod dictum est ; audi expressius, *Nescitis*, inquit, *quia corpora vestra templum est in vobis Spiritus sancti, quem habetis a Deo* (*I Cor. iii, 17, et vi, 19*) ? Vos autem fabricam dæmonum Dei templum dicitis, et ibi vivum, sicut Faustus ait, *vivæ majestatis simulacrum Christum Filium Dei* collocatis. Plane Christus vester phantasmaticus habitat in tali templo sacrilege vanitatis. Ille quippe non a similitudine, sed a simulatione simulacrum vocari potest.

CAPUT XVI. — Ita et mentem tuam aram fecisti, sed vide cuius. Ex ipsis enim artibus et disciplinis tuis appareat, quibus eam imbutam esse dixisti. Illæ artes et disciplinæ vetant panem porrigere mendicanti homini, ut in ara vestra cum sacrificio crudelitatis ardeatis : talem aram Domino destruente, qui ex Lege commemorat quali odore delectatur Deus, dicens, *Misericordium volo quam sacrificium* (*Osee. vi, 6*). Ubi autem hoc Dominus commemoraverit, attende : cum scilicet transiret per segetem, et esurientes discipuli ejus vellerent spicas, quod homicidium esse vos dicitis ex disciplina vestra, qua imbuistis mentem vestram ; aram sane, non Dei, sed dæmoniorum mendacioquorum, ex quorum doctrinis inusta cauteriatur maligna conscientia (*I Tim. iv, 2*), homicidium appellans, quam Veritas innocentiam dicit. Ita enim Iudaïs ait, ubi vos quoque futuros percussit atque destruxit : *Si sciœris quid sit, Misericordiam volo quam sacrificium, nunquam condemnassetis innocentes* (*Matth. xii, 7*).

CAPUT XVII. — Quas autem habere simplices et puras orationes, tanquam divinos honores ac sacrificia poteritis, cum de ipsa natura atque substantia divina tanta indigna et turpia sentiatis, ut non solum vestris sacrificiis Deus verus non propitietur, sed in sacrificiis Paganorum deus vester immoletur ? Neque enim in lignis solum, et in herbis, aut in membris humanis, sed etiam in pecorum carnibus eum contaminantibus et polluentibus vinculis colligatum esse censemus. Ipsa vero anima vestra, cui Deo laudem dicat, cuius particularum se ipsam in tenebrarum gente captam teneri clamans, quid aliud quam vituperat Deum, quem sibi alio pacto adversus hostes suos consulere non potuisse testatur, nisi partium suarum tanta corrutione, et tam turpi captivitate ? Unde vestræ etiam preces ad deum vestrum non possent esse religiosæ, sed invidiosæ. Quid enim mali apud illum commiseratis, ut in poena ista nunc ad eum gematis, quem non propria voluntate peccando deseruistis, sed ab illo dati estis hostibus ipsius, ut pax regno ejus compararetur ? Nec saltem sicut obsides dari solent, cum honore custodiendi : nec sicut pastor ad capiendam

bestiam tendit insidias : pecus enim suum solet pone in illa captoria tendicula, non membrum suum; et plerumque ita, ut ante bestia capiatur, quam pecus laedatur. Vos autem membra dei dati hostibus, non valentes coruni a deo vestro compescere feritatem, nisi eorum contaminati foeditate, non habentes peccatum proprium, sed hostili veneno tabescunt. Unde non potestis dicere in precibus vestris, *Propter gloriam nominis tui, Domine, libera nos ; et propitiatus esto peccatis nostris propter nomen tuum* (*Psal. Lxxviii, 9*) : sed dicitis, Libera nos arte tua, quia ut modo in regno tuo securus lugeas, nos hic premimur, dilaniamur, inquinamur. Hæc vox accusatoria est, non deprecatoria. Nec illud potestis dicere, quod Magister veritatis docuit : *Dimitte nobis debita nostra, sicut et nos dimittimus debitoribus nostris* (*Matth. vi, 12*). Qui sunt enim debitores vestri, qui in vos peccaverunt ? Si gens tenebrarum, numquid ei dimittitis debita, quam usque in finem eradicatam aeterno carcere includitis ? Quæ autem debita vobis potest ille dimittere, quando ille potius in vos peccavit, cum ad ista vos misit, quam vos in illum, qui mittenti obtinerastis ? Aut si propterea ille non peccavit, quia hoc necessitate fecit ; major est vestra necessitas, cum jam in pugna prostrati jaceatis, quam fuit illius antequam pugnaretis. Jam enim vos patinimi commixtum malum, nihil tale ille patiebatur, cum tamen necessitatem, ut vos mittere, pateretur. Itaque aut ipse potius vobis debet, quod ei dimittatis ; aut si nec ipse vobis, multo magis nec vos illi. Ubi sunt ergo sacrificia vestra, simplices ac puræ orationes vestræ, cum sint fallaces et impuræ blasphemiae ?

CAPUT XVIII. — Et tamen volo mihi dicatis, unde ista omnia quæ laudatis in vobis, his nominibus appelleatis, ut dicatis templum, aram, sacrificium. Si enim vero Deo ista vera non debentur, cur laudabiliter in vera religione prædicantur ? Si autem Deo vero verum sacrificium rite debetur, unde etiam divini honores recte appellantur, cætera quæ dicuntur sacrificia ad similitudinem sunt ejusdem veri sacrificii. Hæc autem partim sunt imitamenta falsorum et fallacium deorum, hoc est dæmoniorum, superbe sibi ab eis quos deceperint, divinos honores exigentium, sicut sunt vel erant omnia in templis idolisque Gentilium ; partim prædicamenta venturi unius verissimi sacrificii quod pro peccatis omnium credentium offerri oporteret, qualia erant præcepta divinitus antiquis patribus nostris, ubi erat et illa mystica unctio qua Christus præfigurabatur, unde et ipsum nomen a christmate ducitur. Proinde verum sacrificium, quod uni vero debetur Deo, quo ejus altare solus Christus implevit, in victimis pecorum imitata dæmonia sibi arroganter exposcent. Unde dicit Apostolus, *Quæ immolant Gentes, dæmoni immolant, et non Deo* (*I Cor. x, 20*) : non quod offerebatur culpans, sed quia illis offerebatur. Hebrei autem in victimis pecorum, quas offerebant Deo, multis et variis modis, sicut re tanta dignum erat, prophetiam celebrabant futuræ victimæ, quam Christus obtulit. Unde jam Christiani, peracti

ejusdem sacrificii memoriam celebrant, sacrosancta oblatione et participatione corporis et sanguinis Christi. Manichai vero nescientes quid damnandum sit in sacrificiis gentium, et quid intelligendum in sacrificiis Hebraeorum, et quid tenendum vel observandum in sacrificio Christianorum; vanitatem suam sacrum offerunt diabolo, qui eos decepit, recedentes a fide, intendentes spiritibus seductoribus, et doctrinis dæmoniorum in hypocrisi mendaciloquorum.

CAPUT XIX. — Discat ergo Faustus, vel potius illi qui ejus litteris delectantur, monarchiae opinionem non ex Gentibus nos habere; sed Gentes non usque adeo ad falsos deos esse delapsas, ut opinionem amitterent unius veri Dei, ex quo est omnis qualisunque natura. Sapientes enim eorum (quia, sicut dicit Apostolus, *Invisibilia Dei, a constitutione mundi, per ea quæ facta sunt, intellecta conspiciuntur; sempiterna quoque virtus ejus ac divinitas, ut sint inexcusabiles*) cognoscentes Deum, non sicut Deum honorificaverunt, aut gratias egerunt; sed evanuerunt in cogitationibus suis, et obscuratum est insipiens cor eorum: dicentes enim se esse sapientes, stulti facti sunt, et immutaverunt gloriam incorruptibilis Dei in similitudinem imaginis corruptibilis hominis, et volucrum, et quadrupedium, et serpentium. Hæc sunt enim simulacula Gentium, in quibus interpretandis non habent exitum, nisi ad creaturam quam condidit Deus; ut in ipsa quoque interpretatione simulacrorum, de qua se periatores eorum jactare atque inflare consueverunt, hoc in eis fiat quod paulo post idem apostolus dicit: *Coluerunt et servierunt creaturæ potius quam Creatori, qui est benedictus in secula* (*Rom. i, 20-25*). Vos autem et in eo quod eis dissimiles estis, vani estis; et in eo quod eis similes estis, pejores estis¹. Ad hoc enim non cum ipsis creditis monarchiam, quod illi verum credunt, ut ipsius unius Dei substantiam expugnabilem corruptibilemque credatis; quod est impia vanitatis: in pluribus autem diis colendis doctrina dæmoniorum mendaciloquorum illis persuasit multa idola, vobis multa phantasmata.

CAPUT XX. — Nec sacrificia eorum vertimus in agapes: sed sacrificium illud quod paulo ante commemoravi intelleximus, dicente Domino, *Misericordiam volo quam sacrificium*. Agapes enim nostræ pauperes pascunt, sive frugibus, sive carnibus. Pascitur enim creatura Dei de creatura Dei, que humanis dapibus congrua est. Vobis autem quia dæmonia mendacioqua persuaserunt, non ad regendam carnem, sed ad excendam blasphemiam, *abstinere a cibis, quos Deus creavit ad percipiendum cum gratiarum actione fidelibus, et his qui cognoverunt veritatem; quoniam omnis creatura Dei bona est, et nihil abiciendum, quod cum gratiarum actione percipitur* (*I Tim. iv, 2-4*): ingrati Creatori, et pro largis ejus beneficiis sacrilegas retribuentes injurias, quoniam plerumque in agapibus etiam carnes pauperibus erogantur, misericordiam

¹ Sic Am. Fr. et aliquot MSS. At Lov., et in eo quod eis similes estis, vani estis; et in eo quod eis similes non estis, pejores estis.

Christianorum similem dicitis sacrificiis Paganorum, quorum nonnullis in hoc quoque similes estis. Propterea enim nefas habetis pecora occidi, quia humanae animas in ea revolvit arbitramini, quod in quorundam gentilium philosophorum libris invenitur: quanquam a posterioribus aliter intellectum esse datur. Verum in hoc etiam multo deterius erratis: illi enim in pecore timuerunt trucidare proximum suum; vos autem deum vestrum, cuius membra esse etiam pecorum animas arbitramini.

CAPUT XXI. — Nam quod etiam hinc nobis calaminiatur Faustus, quod martyrum memorias honoramus, in hoc dicens nos idola convertisse, non tam me movet, ut huic calumniæ respondeam, quam ut ipsum Faustum ostendam studio calumniandi etiam ab ipsis Manichæi vanitatibus exorbitare voluisse, et in vulgare atque poetica Paganorum opinionem, a quibus se alienissimum cupit videri, nescio quomodo incantum incidisse. Cum enim dixisset nos vertisse idola in martyres, *quos votis, inquit, similibus colitis, defunctorum umbras vino placatis et dapibus*: sunt ergo umbræ defunctorum? Nunquam hoc in vestris sermonibus audivimus, nunquam in litteris legimus: imo contradicere soletis talibus opinionibus, asserentes animas mortuorum malas minusve purgatas², aut in revolutiones ire, aut in graviore aliquas penas; bonas autem in naves imponi, et in celo navigantes transire hinc in illud phantasma terræ lumen, pro qua pugnando perierant: ita nullas animas circa suorum corporum sepultra detineri: unde igitur umbræ defunctorum? quæ substantia earum? qui locus? Sed maledicendi cupiditate Faustus quid profliteretur, oblitus est: aut forte dormitans umbras somniando dictavit; nec, cum verba sua legeret, evigilavit. Populus autem christianus memorias martyrum religiosa solemnitate concelebrat, et ad excitandam imitationem, et ut meritis eorum consocietur, atque orationibus adjuvetur: ita tamen ut nulli martyr, sed ipsi Deo martyrum³, quamvis in memoria martyrum, constituamus altaria. Quis enim antistitium in locis sanctorum corporum assistens altari, aliquando dixit, *Offririmus tibi, Petre; aut, Paule; aut, Cypriane*: sed quod offertur, offertur Deo qui martyres coronavit, apud memorias eorum quos coronavit; ut ex ipsorum locorum admonitione major affectus exsurgat, ad acuendam charitatem et in illos quos imitari possumus⁴, et in illum quo adjuvante possumus. Colimus ergo martyres eo cultu dilectionis et societatis, quo et in hac vita coluntur sancti homines Dei, quorum cor ad tales pro evangelica veritate passionem paratum esse sentimus. Sed illos tanto devotius, quanto securius post certamina superata⁵: quanto etiam fidentiore laude prædicamus, jam in vita feliciore victores, quam in ista adhuc usque

¹ Erasmiana editio, *animas mortuorum magis nanas purgatas*.

² Lovanienses hoc loco addiderunt, *sacrificen*. Abest ab editis Am. Fr. et a MSS.

³ MSS. plerique hoc et proximo loco, *possimus*.

⁴ Am. Fr. et plures MSS., *post tuncera omnia superata*.

pognantes. At illo cultu, quæ Græce λατρεῖα dicitur, latine uno verbo dici non potest, cum sit quedam proprie divinitati debita servitus, nec colimus, nec calendum docemus, nisi unum Deum. Cum autem ad hunc cultum pertineat oblatio sacrificii, unde idolatria dicitur eorum qui hoc etiam idolis exhibent; nullo modo tale aliquid offerimus, aut offerendum præcipimus, vel cuiquam martyri, vel cuiquam sanctæ animæ, vel cuiquam angelo: et quisquis in hunc errorem delabitur, corripitur per sanam doctrinam, sive ut corrigatur¹, sive ut caveatur. Etiam ipsi enim sancti, vel homines, vel Angeli, exhiberi sibi nolunt, quod uni Deo deberi norunt. Apparuit hoc in Panlo et Barnaba, cum commoti miraculis quæ per eos facta sunt Lycaonii, tanquam diis immolare voluerunt: consciissis enim vestimentis suis, consitentes et persuadentes se deos non esse, ista sibi fieri vetuerunt (*Act. xiv.*, 7-17). Apparuit et in Angelis, sicut in Apocalysi legimus, angelum se adorari prohibentem, ac dicentem adoratori suo, *Conservus tuus sum et fratum tuorum* (*Apoc. xix.*, 10, et *xxii.*, 8, 9). Ista sibi plane superbi spiritus exigunt, diabolus et angeli ejus, sicut per omnia tempa et sacra Gentilium. Quorum similitudo in quibusdam etiam superbis hominibus expressa est: sicut de Babylonæ quibusdam regibus memoriae commendatum tenemus. Unde sanctus Daniel accusatores ac persecutores pertulit, quod regis edicto proposito, ut nihil a quoquam deo peteretur, nisi a rege solo, Deum suum, hoc est, unum et verum Deum adorare deprecarique deprehensus est (*Dan. vi.*). Qui autem se in memoris martyrum inebriant, quomodo a nobis approbari possunt, cum eos, etiam si in domibus suis id faciant, sana doctrina condemnet? Sed aliud est quod docemus, aliud quod sustinemus, aliud quod præcipere jubemus, aliud quod emendare præcipimur, et donec emendemus, tolerare compellimur. Alia est disciplina Christianorum, alia luxuria vinolentorum, vel error infirmorum. Verumtamen et in hoc ipso distant plurimum culpæ vinolentorum et sacrilegorum. Longe quippe minoris peccati est, ebrium redire a martyribus, quam vel jejunum sacrificare martyribus. Sacrificare martyribus dixi: non dixi, Sacrificare Deo in memoris martyrum; quod frequentissime facimus, illo duntaxat ritu quo sibi sacrificari Novi Testamenti manifestatione præcepit: quod pertinet ad illum cultum, quæ latria dicitur, et uni Deo debetur. Sed quid agam, et tante cœxitati istorum hæreticorum quando demonstrabo, quam vim habeat quod in Psalmis canitur: *Sacrificium laudis glorificabit me, et illuc via est, ubi ostendam illi salutare meum* (*Psal. xlix.*, 23)? Hujus sacrificii caro et sanguis ante adventum Christi per victimas similitudinum² promittebatur; in passione Christi per ipsam veritatem reddebat; post ascensum Christi per Sacramentum memoriae celebratur: ac per hoc tantum interest inter sacrificia Paganorum et Hebraeorum, quantum

inter imitationem errantem, et præfigurationem prænuntiantem. Sicut autem non ideo contempnenda vel ultiestanda est virginitas sanctimonialium, quia et Vestales virgines fuerunt; sic non ideo reprehendenda sacrificia Patrum, quia sunt et sacrificia Gentium: quia sicut inter illas virginitates multum distat. quamvis nihil aliud distet, nisi que cui voveatur aliquid reddatur; sic inter sacrificia Paganorum et Hebraeorum multum distat, eo ipso, quod hoc solum distat, que cui sint immolata et oblata: illa scilicet superba impietati dæmoniorum id ipsum sibi ob hoc arrogantium, quo haberentur dii, quia divinus honor est sacrificium; illa vero uni Deo, ut ei offerretur similitudo promittens veritatem sacrificii, cui erat offrenda ipsa redditiva veritas in passione corporis et sanguinis Christi.

CAPUT XXII. — Neque enim, sicut Faustus dixit, priores nostri Judæi segregati a Gentibus, cum templum haberent, et immolations, et aras, et sacerdotia, sculpturas solum dimiserunt, id est, idola: poterant enim sicut nonnulli, etiam sine idolorum sculpturis, arboribus, et montibus, postremo etiam soli ac lumen cæterisque sideribus immolare. Quod si facerent per illum cultum, quæ latria dicitur, creaturæ potius quam Creatori servientibus, et ob hoc non parvo malo impia superstitionis errantibus, nihilominus dæmonia se præberent ad eos illudendos, et ab eis sumenda, quæ sic obtulissent. Illi quippe superbi et impii spiritus, non nidore ac fumo, sicut nonnulli vani opinantur, sed hominum pascuntur erroribus: non sui corporis refectione, sed malevola delectatione³ cum quoquo modo decipiunt, vel arroganti fastu simulacra majestatis cum divinos sibi honores exhibent gloriabantur. Non ergo illi patres nostri sola Gentium simulacra dimiserunt; sed neque terræ, neque cuiquam terrena rei, neque mari, neque cœlo, neque militiae cœli aliquid immolantes, uni Deo creatori omnium victimas obtulerunt: quas sibi offerri voluit, per earum similitudinem promittens victimam veram, per quam nos sibi peccatorum remissione reconciliavit in Christo Jesu Domino nostro, cuius capititis corpus effectos fideles Paulus alloquitur dicens, *Obsecro autem vos, fratres, per misericordiam Dei, ut exhibeatis corpora vestra hostiam vivam, sanctam, Deo placentem* (*Rom. xii.*, 1). Sed Manichei corpora humana opificium dicunt esse gentis tenebrarum, et carceres quibus victimus inclusus est Deus: unde longe aliud annuntiat Faustus, aliud Paulus. Sed quoniam quisquis vobis evangelizaverit præterquam quod accepistis, anathema sit (*Galat. i.*, 9); verum dicit Christus in Paulo, anathema sit Manichæus in Fausto.

CAPUT XXIII. — Qui etiam dicit, nihil nos mutasse de moribus Gentium, nesciens quid loquatur. Cum enim justus ex fide vivat (*Rom. i.*, 17); finisque præcepti sit charitas de corde puro, et conscientia bona, et fide non ficta (*I Tim. i.*, 5); maneantque ad formandam⁴ vitam fidelium tria hæc, fides, spes,

¹ Ric apud Lov. additum fuerat, sive ut condemnetur. Ab est ab Am. Er. et a MSS.

² Duo MSS. per victimarum similitudinem.

³ Am. Er. et quidam MSS. dilectione.

⁴ Ita MSS. At Am. et Er., ad confirmandam. Lov., ad informantam.

charitas (I Cor. XIII, 13) : unde fieri potest ut pares cum aliquo mores habeat, qui haec tria cum illo paria non habet? Qui enim aliud credit, aliud sperat, aliud amat, necesse est ut aliter vivat. Et si usus quarumdam rerum similis videtur nobis esse cum Gentibus, sicut cibi et potus, tectorum, vestimentorum, lavacrorum; et qui ex nostris conjugalem vitam gerunt, uxorum ducendarum et habendarum, filiorum gignendorum, nutriendorum, hereditandorum: longe tamen aliter his rebus utitur, qui ad alium finem usum earum resert; et aliter qui ex his Deo gratias agit, de quo prava et falsa non credit. Sicut enim in ipso errore vestro, cum eo pane vescamini quo cæteri homines, et fructibus vivatis et fontibus, lana et lino similiter texto amiciamini, nec in his tamen parem ducitis vitam, non aliud edendo, aut bibendo, aut induendo, sed aliud sentiendo et credendo, et ad alium finem ista omnia referendo, finem scilicet vestri erroris atque vanitatis: ita nos et in his et in aliis, quæ similiiter sumimus, non similiiter cum Gentibus vivimus, easdem res non ad eundem finem referendo, sed ad finem legitimi divinique precepti, charitatem de corde puro, et conscientia bona, et fide non facta, a quibus quidam aberrantes, conversi sunt in vaniloquium. In quo sane principatum tenetis, non intuentes, non considerantes in eisdem habendis agendisque rebus tantum ad diversam vitam valere, si diversa sit fides, ut cum auditores vestri et uxores habeant, et filios quamvis inviti suscipiant, eisque patrimonia congerant vel custodiant, carne vescantur, vinum bibant, lavent, metant, vindemient, negotientur, honores publicos administrent, vobiscum eos tamen, non cum Gentibus computatis, cum facta eorum Gentibus videantur similiora quam vobis. Nam et

quorundam facta Gentilium cum magis vobis propinquent, quam quibusdam Auditoribus vestris; nonnulli quippe in sacrilegis sacris suis et a vino et a carnibus et a concubitu temperant; potius Auditores vestros his omnibus utentes, et in eo vobis dissimiles, in Manichæi grege numeratis, quam istos eadem que facitis facientes: potiusque feminam quæ in Manichæum crediderit, vestram dicitis, etiam parientem, quam Sibyllam nec saltem nubentem. At enim multi Christiani catholici vocantur, et sunt adulteri, raptiores, avari, ebriosi, et quidquid aliud sanæ doctrinæ adversatur? Quid autem inter vos, in tam exiguo ac pene nullo numero vestro, nonne plerique sunt tales, et quidam in Paganis¹ non sunt tales? Num ideo Paganos, qui tales non sunt, dicitis meliores vobis? Cum tamen propter sacrilegam vanitatem sectæ vestræ etiam qui in vobis tales non sunt, Paganis etiam talibus deteriores sint. Unde manifestum est, non ideo derogari sanæ doctrinæ, quæ sola catholica est, quia multi ejus nomine censeri volunt, et per illam sanari nolunt. Agnoscenda est enim paucitas illa, quam Dominus præcipue commendat in ingenti atque innumerabilim multitudine toto orbe diffusa (Matth. XX, 16): quæ tamen paucitas sanctorum atque fideliuum, quod sepe commendandum est, tanquam granorum in comparatione multitudinis palearum, paucitas dicitur; per se autem ipsam tantam massam frumenti facit, ut omnes probos et reprobos vestros, quos pariter veritas reprobat, incomparabili multitudine superet. Ecce non sumus Gentium schisma, a quibus plurimum distamus in melius: sed nec vos hoc estis, quia plurimum ab eis distatis in pejus.

¹ In multis MSS., et plerique in Paganis.

LIBER VIGESIMUS PRIMUS.

CAPUT PRIMUM. — FAUSTUS dixit: Unus Deus est, an duo? Plane unus. Quomodo ergo vos duos asseritis? Nunquam in nostris quidem assertionibus duorum deorum auditum est nonen. Sed tu unde hoc suspicaris, cupio scire. Quia bonorum et malorum duo principia traditis. Est quidem quod duo principia confitemur, sed unum ex his Deum vocamus, alterum Hylen: aut, ut communiter et usitate dixerim, diomonem. Quod si tu hoc putas duos significare deos, poteris et medico disputante de infirmitate atque sanitate, duas easdem putare sanitates; et cum quis bonum nominat et malum, tu poteris eadem duo putare bona; et copiam audiens atque egestatem, duas easdem putabis copias. Quod si et de albo et nigro disputante me, et frigido et calido, et dulci et amaro, dicas quia duo alba, et duo calida, et duo dulcia ostenderim, nonne videberis mentis impos¹, et cerebri minime sani? Sic et cum duo principia doceo, Deum et Hylen, non idcirco videri jam debeo

tibi duos ostendere deos. An quia vim omnem maleficam Hyle assignamus, et beneficam Deo, ut congruit, idcireo nihil interesse putas, an utrumque eorum vocemus Deum? Quod si ita est, poteris et venenum audiens et antidotum, nihil interesse putare, an utrumque vocetur antidotum, quia utrumque eorum vim suam habeat, utrumque agat aliquid et operetur: necnon et medicum audiens ac venenarium, utrosque vocabis medicos: et justum audiens atque injustum, poteris utrosque vocare justos, quia uterque eorum aliquid agat. Quod si hoc facere absurdum est, quanto absurdius Deum et Hylen idcirco duos putare deos, quia eorum quisque aliquid operetur? Quapropter inepta hæc et viribus satis effeta argumentatio est, ut quia de re mihi respondere non possis, de solis nominibus confles invidiam. Nam nec disliteor, etiam interdum nos adversam naturam nuncupare deum, sed non hoc secundum nostram fidem, verum juxta presumptum jam in eam nomen a cultoribus suis, qui eam imprudenter existimant deum: quemadmodum et Apostolus, *Deus, inquit, secuui hu-*

¹ Am. Er. et aliquot MSS., incompos.

jus excœcavit mentes infideliū (*II Cor. iv, 4*). Deum quidem nominans, quia sic jam vocaretur a suis: sed adjiciens, quod mentes excœcat, ut ex hoc intelligatur non esse verus Deus.

CAPUT II.— AUGUSTINUS respondit: *Duos quidem deos in vestris disputationibus solemus audire, quod etsi primo negasti, tamen paulo post etiam ipse confessus es, quasi rationem reddens cur hoc dicatis: quia et Apostolus ait, Deus sæculi hujus excœcavit mentes infideliū. Quam quidem sententiam plerique nostrum ita distinguunt, ut verum Deum dicant excœcasse infideliū mentes. Cum enim legerint, In quibus Deus, suspendunt pronuntiationem; ac tunc inferunt, sæculi hujus excœcavit mentes infideliū. Quia etsi ita non distinguas, sed exponendi gratia ita verborum ordinem mutes, In quibus Deus excœcavit mentes infideliū sæculi hujus, idem qui in illa distinctione sensus eluet. Potest enim etiam talis operatio, qua excœcantur mentes infideliū, secundum quendam modum pertinere ad verum Deum; quod non facit malitia, sed justitia: sicut idem Paulus alibi dicit, Numquid iniquus Deus, qui insert iram (*Rom. iii, 5*)? Item alibi: Quid ergo dicimus, inquit? numquid iniqitas est apud Deum? Absit. Moysi enim dicit: Miserebor cui misertus ero, et misericordiam præstabo cui misericors fuero. Cum ergo præmisisset, quod inconcusse est retinendum, non esse iniqitatem apud Deum, paulo post attende quid dicat: Si autem volens Deus ostendere iram, et demonstrare potentiam suam, attulit in multa patientia vasa iræ, quæ perfecta sunt in perditionem, et ut notas saceret divitias gloriæ suæ in rasa misericordiæ, quæ præparavit in gloriam, etc. (*Id. ix, 14, 15, 22, 23*). Certe hic nullo modo dici potest, alium Deum esse qui ostendit iram et demonstrat potentiam suam in vasis quæ perfecta sunt ad perditionem, et aliud qui ostendit divitias in vasis misericordiæ. Nam unum eundemque Deum facere utrumque, apostolica doctrina testatur. Hinc est et illud, Propter hoc tradidit illos Deus in concupiscentias cordis eorum, in immunditiam, ut contumelias affiant corpora sua in semelipsis: et paulo post, Propterea tradidit illos Deus in passiones ignominiae: item paulo post, Et quoniam non probaverunt Deum habere in notitia, tradidit illos Deus in reprobum sensum (*Id. i, 24, 26, 28*). Ecce quomodo verus Deus et justus excœcat mentes infideliū. Neque enim unquam in his Apostoli verbis quæ commemoravi, alias Deus intellectus est, quam ille qui Filium suum misit dicentem, In judicium veni in hunc mundum, ut qui non vident, videant; et qui vident, cœci fiant (*Joan. ix, 39*). Nam et hic satis appareat mentibus fidelium, quomodo Deus excœcat mentes infideliū. Praeedit enim aliquid occultum in oecultis, ubi Deus agat justissimum examen judicii sui, ut quorundam mentes excœcentur, quorundam illuminentur: cui verissime dictum est, Judicia tua abyssus multa (*Psal. xxxv, 7*). Cujus profunditatis impenetrabilem altitudinem Apostolus admiratus, exclamat: O altitudo divitiarum sapientiæ et scientiæ Dei! quam*

inscrutabilia sunt judicia ejus, etc. (*Rom. xi, 35*)!

CAPUT III.— Vos autem non valentes discernere quid faciat Deus beneficio, quid judicio, quia et a corde et ab ore vestro longe est Psalterium nostrum, ubi dicitur, *Misericordiam et judicium cantabo tibi, Domine* (*Psal. c, 1*); quidquid vos pro infirmitate humanae mortalitatis offenderit, alienatis omnino ab arbitrio et judicio Dei veri: videlicet habentes paratum alterum deum malum, quem vobis non veritas ostendit, sed vanitas fingit, cui tribuatis non solum quidquid facitis injuste, verum etiam quidquid patimini juste; ita Deo tribuentes beneficia donorum, et ei auferentes judicia pœnaru, quasi de alio dixerit Christus quod præparaverit ¹ ignem æternum malis (*Math. xxv, 41*), quam de illo qui facit solem suum oriri super bonos et malos, et pluit super justos et injustos (*Id. v, 45*). Unde hic tantam bonitatem, et ibi tantam severitatem ad unum pertinere Deum non intelligitis, nisi quia misericordiam et judicium cantare non nostis? Nonne idem ipse qui facit solem suum oriri super bonos et malos, et pluit super justos et injustos, frangit tamen ramos naturales et contra naturam inserit olenstrum? Nonne de uno ipso illic dicit Apostolus: *Vides ergo bonitatem et severitatem Dei: in eos quidem qui fracti sunt, severitatem; in te autem bonitatem, si permaniseris in bonitate* (*Rom. xi, 17-24*)? Nempe auditis, nempe advertitis, quemadmodum nec Deo auferat judiciariam severitatem, nec homini liberam voluntatem. Occultum est, altum est, inaccessible secreto ab humana cogitatione seclusum est, quemadmodum Deus et damnet impium, et justificet impium: utrumque enim de illo Scripturarum sanctorum veritas loquitur. Num igitur ideo adversus divina judicia garrire delectat, quia sunt inscrutabilia? Quanto convenientius, quanto accommodatius est modulo nostro, expavescere illic ubi Paulus expavit, et exclamare, *O altitudo divitiarum sapientiæ et scientiæ Dei! quam inscrutabilia sunt judicia ejus, et investigabiles viæ ejus!* Quanto melius est ita mirari quod investigare non sufficiat, quam propterea velle alterum deum malum fingere, quia unum bonum non potuisti comprehendere? Non enim de nomine agitur, sed de opere.

CAPUT IV.— Nam cito videtur Faustus se defendisse, cum ait: *Non dicinus duos deos, sed Deum et Hylen*. Porro autem cum quæquieris quam dicat Hylen, audies plane describi alterum deum. Si enim materies informis corporalium formarum capax ab eis Hyle appellaretur, quæ appellata est ab antiquis, nemo eam nostrum coargueret dici deum. Nunc vero quantus error est, quanta dementia, vel materiem corporum dicere opificem corporum, vel opificem corporum negare Deum ²? Quia ergo quod Deus verus facit, id est, corporum, elementorum, animalium qualitates et formas, ut corpora, ut elementa, ut animalia sint, hoc vos dicitis nescio quem alterum fa-

¹ Apud Er. Lugd. et Vea., præparavit. M.

² Plures MSS., vel materiem corporum negare Deum.

cere; quolibet eum nomine vocitetis, recte dicimini errore vestro deum alterum inducere. In hac enim una re bis erratis errore sacrilego: semel quidem, quod ea quæ Deus facit, eum facere dicitis, quem Deum fateri erubescitis; sed nullo modo efficietis ut non sit Deus, nisi eum talia facere negaveritis, qualia non facit nisi Deus: iterum autem, quia ea quæ bonus Deus bona facit, vos et a malo fieri, et mala esse opinamini, puerili sensu horrentes quæ pœnalis mortalitatis imbecillitatē non congruant, et amantes quæ congruant. Proinde malum dicitis, qui fecit colubrum: istum autem solem tam magnum bonum putatis, ut nec factum a Deo, sed prolatum vel missum esse credatis. Deus autem verus, in quem nondum a vobis credi nimirum doleo, et colubrum fecit inter alia inferiora, et solem inter alia superiora; et adhuc in sublimioribus non corporalibus cœlestibus, sed jam in spiritualibus multa ista luce longe meliora, quæ carnalis homo quilibet non percipit: quanto magis vos, qui cum carnem detestamini, nihil aliud quam vestram regulam detestamini, qua bona et mala mettimini? Neque enim potest in vobis esse cogitatio vel malorum, nisi qualibus carnalis sensus offenditur; vel bonorum, nisi qualibus carnalis acies oblectatur.

CAPUT V.— Ut ergo ista in imo rerum opera Dei, terrena, infirma, mortalia, sed tamen opera Dei, qualia possumus videre, considerem, ineffabiliter moveor laude Creatoris illorum, qui prorsus ita magnus est in operibus magnis, ut minor non sit in minimis. Ars enim divina, qua cœlestia et terrena opera sunt, cum ea sint inter se dissimilia, ipsa in omnibus sui similis est, quia in suo quoque genere perficiendo ubique perfecta est. Neque enim universum condit in singulis, sed ad universi complexum condens singula, universam se condendis præbet et singulis, omnia congruenter locis suis et ordinibus faciens atque disponens, et omnibus particulariter atque universaliter congrua tribuens. Ecce hic in isto quasi fundo insimo¹ universæ creaturæ aspicite animalia, quæ volant, et natant, et gradiuntur, et repunt. Nempe mortalia sunt: nempe vita eorum, sicut scriptum est, *vapor est ad modicum apprens* (Jacobi iv, 15). Hunc enim modulum ab optimo Conditore perceptum, tanquam in commune conferunt universo pro sui generis portione complendo, ut cum istis imis sint omnia bona, in quibus sunt eis superna meliora. Verumtamen attendite, et date mihi unum quamlibet abjectissimum animal, cuius anima oderit carnem suam, ac non potius nutrit et loveat eam, motuque vitali vegetet et regat, et quodam modo administret pro sui generis exiguitate quoddam universum suum, ad incolumentatem tuendam sibi conciliatum. Quod enim rationalis anima castigat corpus suum, et servituti subjicit, ne immoderato appetitu terrenorum impediatur a perceptione sapientia², etiam sic uti-

que diligit carnem suam, quam sibi ad obediendum legitime subdit atque ordinat. Postremo vos ipsi, quamvis carnali errore carnem detestemini, non potestis nisi diligere carnem vestram, ejusque saluti et incolumentati consulere, omnes ictus, et casus, et intemperiem qua lœditur devitare, munimenta vero et salubritatem qua conservatur appetere: ita ostendit prävalere naturæ legem contra erroris vestri opinionem.

CAPUT VI.— Quid in ipsa carne vitalia viscera, totius formæ convenientia, membra operandi, vasa sentiendi, locis atque officiis suis cuncta distincta, et concordi unitate contexta, moderatione mensurarum, parilitate numerorum, ordine ponderum, nonne indicant artificem suum Deum verum, cui vere dictum est, *Omnia in mensura, et numero, et pondere dispositi* (*Sap. xi, 21*)? Si ergo cor non perversum atque corruptum vanis fabulis haberetis, invisibilis ejus etiam per ista quæ in hac infirma et carnaliter creature facta sunt, intellecta conspiceretis (*Rom. i, 20*). Unde enim istis haec quæ commemoravi, nisi ab illo cuius unitate omnis modus sistitur, cuius sapientia omnis pulchritudo formatur, cuius lege omnis ordo disponitur? Quod si ad ista intuenda oculum non habetis, apostolica vos ducat auctoritas.

CAPUT VII.— Apostolus enim, cum de sancta dilectione præcipiceret, qualis esse debeat virorum in uxores, ex anima amantis³ sumpsit exemplum. Qui diligit, inquit, uxorem suam, se ipsum diligit: nemo enim unquam carnem suam odio habet, sed nutrit et sovet eam, tanquam Christus Ecclesiam (*Ephes. v, 28, 29*). Ecce in conspectu vestro est carnalis universa substantia; videte quemadmodum in omne animal sibi ad salutem conciliatum pertendat naturæ ista communio, ut diligit carnem suam. Neque enim hoc in hominibus tantum est, qui cum recte vivunt, non solum consulunt saluti carnis suæ, verum etiam carnales motus ad usum rationis⁴ edomant et refrenant: sed etiam bestiæ fugiunt dolorem, formidant interitum; et quidquid illam membrorum compagem copulamque carnis et spiritus a concordi junctura dissicere⁵ ac dirimere potest, quanta valent agilitate devitant, nutrientes etiam ipsæ ac soventes carnem suam. Nemo enim unquam carnem suam odio habet, sed nutrit, inquit, ac sovet eam, sicut et Christus Ecclesiam. Videte unde, quo ascenderit: intuemini, si potestis, quam vim ducat a Creatore creatura, ab ipsis cœlestibus apparatus usque ad carnem et sanguinem universitatis plenitudine terminata, formarum varietate decorata, rerum gradibus ordinata.

CAPUT VIII.— Rursus idem apostolus, cum de spiritualibus diversis muneribus, et tamen ad unitatem consoumis, rem plane magnam et divinam et abundantiam nos doceret, de ista ipsa carne nostra similitudinem dedit, cuius artificem Deum, cum hæc loqueretur, omnino non tacuit. Quod etsi longum

¹ Nonnulli MSS., *mundo infimo*.

² Plerique MSS., *appetitu terreno impediatur perceptio sapientie*.

³ Editi Am. et Er., *ex anima amantis*.

⁴ vaticanus codex, *carnales motus adversos rationem*.

⁵ Editi, *dissidere*. At MSS., *dissicere*.

est, tamen quia valde necessarium, totum ipsum locum ex ejus ad Corinthios Epistola huic operi me inserere non pigebit. *De spiritualibus autem nolo vos ignorare, fratres: scitis quando Gentes eratis, ad simulacra sine voce quomodo ascenderatis inducti.* Propter quod notum facio vobis, quia nemo in Spiritu Dei loquens, dicit anathema Iesu: et nemo potest dicere, Dominus Jesus, nisi in Spiritu sancto. Divisiones autem donationum sunt, idem autem Spiritus: et divisiones ministracionum sunt¹, et idem ipse Dominus: et divisiones operationum sunt, idem vero Deus, qui omnia operatur in omnibus. Unicuique autem datur manifestatio Spiritus ad utilitatem: alii quidem datur per Spiritum sermo sapientiae; alii, sermo scientiae secundum eundem Spiritum; alteri autem, fides in eodem Spiritu; alii, donatio curationum in uno Spiritu; alii, operationes virtutum; alii, prophetia; alii, iudicatio Spirituum; alii, genera linguarum; alii, interpretatio sermonum: omnia autem haec operatur unus atque idem Spiritus, dividens propria unicuique prout vult. Sicut enim corpus unum est et membra habet multa, omnia autem membra corporis cum sint multa, unum est corpus; ita et Christus. Etenim in uno Spiritu nos omnes in unum corpus baptiza i sumus, sive Judaei, sive Graeci, sive servi, sive liberi; et omnes unum Spiritum potavimus. Etenim corpus non est unum membrum, sed multa. Si dixerit pes, Quia non sum manus, non sum de corpore; num ideo non est de corpore? Vel si dixerit auricula, Quia non sum oculus, non sam de corpore; num ideo non est de corpore? Si totum corpus oculus, ubi auditus? Si totum auditus, ubi odoratus? Nunc autem posuit Deus membra, singulum quodque eorum in corpore prout voluit. Si autem fuissent omnia unum membrum, ubi corpus? Nunc autem multa membra, unum autem corpus. Non potest autem dicere oculus manui, Opus te non habeo; aut iterum caput pedibus, Opus vobis non habeo: sed multo magis quae videntur membra corporis infirmiora esse, necessaria sunt; et quae videntur viliora esse corporis, his abundantiorem honorem circumponimus; et quae inhonesta sunt nostra, abundantiorum honestatem habent: quae autem honesta sunt nostra, non opus habent: sed Deus temperavit corpus, ei cui deerat majorem honorem dans, ut non esset scissura in corpore, sed idem ipsum, ut pro invicem sollicita sint membra: et sive patitur unum membrum, compatiuntur emnia membra; sive glorificatur² unum membrum, congruent omnia membra (I Cor. xii, 1-26). Si ulla non dico fides christiana, ut credatis Apostolo, sed ullus sensus humanus in vobis est, ut manifesta certnatis; unusquisque in semetipso ista videat atque consideret, quam vera, quam certa sint, quam in parvo magna, et in extremo quam bona: quandoquidem ista in laude ponit Apostolus, ut per haec infirma corporalia quae videntur, possint facilius illa sublimia spiritualia quae non videntur, intelligi.

CAPUT IX. — Horum ergo membrorum et corporis nostri, quae sic commendat, sic landat Aposto-

lus, quisquis artificem Deum negat, videtis ei contradicat, annuntians vobis¹ praeter id quod accepimus (Galat. i, 9). Quid igitur opus est ut a me redarguantur potius, quam ab omnibus Christianis anathemetur? Dicit Apostolus, *Deus temperavit corpus:* et dicit iste, Hyle, non Deus. Quid apertius his iniuriciis ante anathemantibus, quam refellendis? Numquid et hic Apostolus, cum dicaret, *Deus*, addidit, *hujus saeculi* (II Cor. iv, 4)? Ubi etiam si quis diabolum intellexerit excercare mentes infidelium, non negamus, malis suasionibus: quibus qui consentiunt, justitie lumen amittunt, Deo retribuente quod justum est. Haec omnia legimus in Scripturis sanctis: nam et illud dictum est de seductione extrinsecus veniente, *Timeo ne sicut serpens Eram seduxit in versutia sua, ita corrumpan tur mentes vestrae a simplicitate et castitate, quae est in Christo (Id. xi, 5).* Cui simile est, *Corrumpan tur mores bonos colloquia mala (I Cor. xv, 33):* et illud quod et sibi quisque seductor sit, *Qui autem putat se esse aliquid, cum nihil sit, se ipsum seducit (Galat. vi, 5):* et illud de Dei vindicta, quod supra commemoravi, *Tradidit illos Deus in reprobum sensum, ut faciant quae non convenient (Rom. i, 28).* Ia et in veteribus Libris, cum prædixisset, *Deus mortem non fecit, nec letatur in perditione vivorum (Sap. i, 13);* paulo post, *Invidia, inquit, diaboli mors introivit in orbem terrarum (Id. ii, 24).* Et rursus de ipsa morte, ne se homines extra culpam ponerent, *Impii autem manibus et verbis, inquit, accersierunt illam: et existimantes illam amicam defligerunt (Id. i, 16).* Alibi autem, *Bona et mala, vita et mors, divitiae et paupertas a Domino Deo sunt (Eccli. xi, 14).* Hic perturbari homines non intelligunt in uno eodemque opere mali, non postea consequente alia que manifesta erit, sed quædam continuo comitate vindieta, aliud venire de astutia suadentis, aliud de nequitia ventis, aliud de justitia punientis: cum diabolus suggestus, homo consentit, Deus deserit. Quocirca in opere mali, id est, excocatione infidelium, si intelligatur et diabolus propter suadendi malignitatem, ut sic distinguatur, *Deus hujus saeculi*, non mihi videtur absurdum. Neque enim sine additamento dicitur, *Deus;* cum adjungitur, *hujus saeculi*, id est hominum impiorum, non nisi in hoc saeculo florere volentium: secundum quod dicitur, et malum saeculum, sicut scriptum est, *Ut eximeret nos de præsenti saeculo maligno (Galat. i, 4).* Tale est enim et illud, *Quorum Deus venter (Philipp. iii, 19):* nisi esset ibi, *Quorum, nullo modo diceret, deus venter.* Nec in Psalmo daemonia possent diti appellari, nisi adderetur, Gentium. Sic enim scriptum est: *Quoniam dñi Gentium daemonia (Psal. xcvi, 5).* Hic autem, nec, *Deus hujus saeculi;* nec, *quorum deus venter;* nec, *dñi Gentium daemonia:* sed simpliciter positum est, *Deus temperavit corpus;* qui non potest intelligi, nisi Deus verus omnium creator. Illa enim cum vituperatione dicuntur, hoc autem cum laude dictum est. Nisi forte Deum temperasse corpus, non dispositione membrorum, hoc est, fabricando et con-

¹ In MSS., ministeriorum sunt.

² Sic Ahd. Er. et plerique MSS. At Lev., sive glorificatur.

struendo, sed admixtione lucis suæ, Faustus intelligit: ut scilicet hæc membra ita distincta et locata suis sedibus alter posuerit, qui hoc fabricavit¹; Deus autem miscendo bonitatem suam, hujus fabricæ malitiam temperaverit. Talibus enim fabulis pueriles animas habent. Sed neque hoc eos posse dicere permisit subveniens Deus parvulis per ora sanctorum. Habet enim et paulo superius, *Deus posuit membra, singulum quodque eorum in corpore prout voluit.* Quis jam non intelligat secundum hoc Deum dictum temperatorem corporis, quod ex multis membris corpus fabricavit, officia diversorum cœverum in unitatis compage servantibus?

CAPUT X. — Dicant ergo Manichæi utrum animalia, quæ secundum deliramenta eorum Hyle fabricaverat in gente tenebrarum, antequam illis Deus lucem suam miscuisset, non habebant istam membrorum concordiam, quam sic laudat Apostolus: utrum ibi diceret caput pedibus, aut oculus manui, *Opus te non habeo.* Nunquam hoc dixerunt, nec dicere potuerunt: tales enim eis actus et opera tribuunt; repebant, ambulabant, natabant, volabant, quæque pro suo genere; videbant quoque, et audiebant, cæterisque sensibus sentiebant, alimentis et temperamentis congruis nutriebant et fovebant corpora sua. Hinc etiam prolis secunditas suppettebat: nam et conjugia tribuunt eis. Hæc certe omnia quæ tanquam Hyles opera vituperat Manichæus, fieri non possunt sine membrorum concordia, quam laudat et Deo assignat Apostolus. Doubtatis adhuc quisnam sectandus, et quisnam anatlemandus sit? Quid, quod erant ibi quedam, quæ etiam loquebantur, ut eis concionantibus omnia serpientia, quadrupedia, volatilia, natatilia, audirent, intelligerent, consentirent? Miranda hæc et omnino divina eloquentia; et neminem grammaticum aut rhetorem audierant, nec inter lacrymas serularum atque virgarum ista didicerant. Nempe iste Faustus ut has vanitates diserte garrire, ad disciplinam faciendi sermonis etiam serus accessit; et quamvis esset acer ingenio, tamen legendi stomachum rupit, ut eiloquenti tam pauci assentirentur. O miserum, qui in ista luce, ac non in illis tenebris natus est! illic enim eum contra lucem concionantem, omnis bipes, omnis multipes, omnis etiam serpens a dracone usque ad coebleam libenter audiret, alacriter obediret: hic autem contra tenebras disputantem, plures eloquentem, quam doctum, multi autem seductorem perverissimum nominabant: inter paucos vero Manichæos tanquam magno magistro plaudentes, nullum ei pecus annuebat, nec ex illa doctrina saltem caballus ejus aliquid sciebat, tanquam omnibus animalibus ad hoc pars divina concreta sit, ut stolida fierent. Quid est hoc, rogo? Evigilate aliquando, miseri, et comparete in fabula vestra omnium animalium prius tempus et præsens, tunc in terra sua, nunc in hoc mundo; tunc firma erant corpora, nunc infirma sunt, tunc acris acies oculorum ad videndum cum delectatione inva-

¹ Lov., *hæc fabricavit.* At Am. Er. et MSS., *hoc fabricavit.* Subaudi, *corpus.*

² Er. Lugd. Ven., *serius.* M.

dendi regionem dei, nunc ita obtusa, ut a solis radiis avertatur; tunc auctæ mentes animalium ad intelligendum concionantis sermonem, nunc hebetes et ab hujusmodi capacitatem penitus alienæ; tunc naturalis tam magna et tam potens eloquentia, nunc tanto studio ac labore vix parva et exigua. O quam magna bona commixtione boni perdidit gens tenebrarum!

CAPUT XI. — Iste ipse Faustus in hoc ipso sermone, cui nunc respondeo, multa sibi met contraria eleganter opponere visus est, sanitatem et infirmitatem, copiam et egestatem, album et nigrum, calidum et frigidum, dulce et amarum: in quibus omitto de albo et nigro aliquid dicere: aut si ullum momentum boni et mali est in coloribus, ut album dicant ad Deum pertinere, nigrum autem ad Hylen; cum omnia genera volatilium Hylen creasse perhibeant, si album colorem plumis eorum Deus aspersit, ubi latebant corvi, quando cycni candore perfusi sunt? Item de calido et frigido disputare non opus est: utrumque enim temperanter exhibit, salubre, intemperanter autem, perniciosum est. Cætera videamus. Bonum et malum, quod in primis forte ponere debuit in iisdem contrariis ita videtur posuisse, ut tanquam generalia vellet intelligi, scilicet ut ad bonum pertineat sanitas, copia, album, calidum, dulce; ad malum autem, infirmitas, egestas, nigrum, frigidum, amarum: quam imperite et inconsiderate, videat qui potuerit. Ego autem ne homini calumniari puter, nihil objicio de albo et nigro, calido et frigido, de dulci et amaro, sanitate atque infirmitate¹. Si enim album et dulce duo bona sunt, nigrum autem et amarum duo mala, quomodo plurima uva, omnisque oliva nigrescendo dulcescit, id est, mali amplius habendo sit melior? Item si duo bona sunt calor et sanitas, duo vero mala frigus et infirmitas, cur calescendo corpora ægregescunt? An forte sana febriunt? Non ergo hæc objicio, quæ forte non cautus, aut pro quibuslibet contrariis potius, quam pro bonis et malis commemoravit: præsertim quia ignem gentis tenebrarum nunquam frigidum fuisse dixerunt, sed calorem ejus utique malum.

CAPUT XII. — Verum ut ista omittamus, illa videamus, quæ ita commemoravit bona in his contrariis, ut nolit inde dubitari, sanitatem, copiam, dulcedinem. Itane in illa gente non erat sanitas corporum, in qua et nasci, et crescere, et gignere, et ita perdurare potuerunt illa animalia, ut quibusdam eorum gravidis, sicut desipiunt, captis, et in cœlo colligatis, nec saltē pleni temporis, sed abortivi fetus de tanti excelsa in terram cadentes, et vivere potuerint et crescere, et ista carnium, quæ nunc sunt innumerabilia, genera propagare? aut copia ibi non erat, ubi arbores non tantum in aquis et ventis, sed etiam in igne et fumo et nasci potuerunt et tanta secunditate dilati, ut ex earum fructibus sui cujusque generis animalia gignerentur, et earum arborum feracitate

¹ Sic Am. Er. et plures MSS. At Lov., ne dulci et amaro, sanitati atque infirmitati prescribam.

nam ita atque pasta conservarentur, quorum sagine letitiam prolis quoque secunditas testaretur: maxime ubi nullus labor agriculturæ, nec intemperies esset testatis et hiemis; neque enim sol ibi circumbat, ut alternantibus temporibus anni transcurrerent? Proinde perpetua fertilitas erat arborum, quibus elementum et alimento sui generis, sicut gignendis adfuerat, ita fetandis perpetuo suppeditabat, et fructus nunquam decesserat faciebat: sicut videmus arbores citrorum toto anno flores et fructus parere, si jugiter irrigentur. Magna ergo illic copia, et ejus habendæ magna securitas: nique enim vel grando timebatur, ubi non erant luminis exactores, quos tonitrua commovere fabulamini.

CAPUT XIII. — Dulces autem ac suaves si non haberent cibos suos, nunquam eos appeterent, numquam eis corpora vegetarent. Ita enim se res habet, ut pro cuiusque corporis congruentia vel delectet esca vel offendat. Si delectat, dulcis aut suavis dicitur; si autem offendit, amara, sive aspera, sive aliqua insuavitate responda. Nonne ipsi nos homines ita sumus, ut plerumque alter appetat alimento, quod alter exhorreat; sive pro temperatione naturæ, sive pro usu consuetudinis, sive pro affectione valetudinis? Quanto magis longe diversi generis corpora bestiarum possunt illud habere jucundum, quod nobis amarum est? An aliter capre ad rodendum suspenderentur oleastrum? Nam sicut nonnulli morbo hominum mel amarum est, ita illi naturalis pecoris suavis oleaster. Sic insinuatur prudentibus rerum examinatoribus ordo quid valeat, cum scilicet sua cuique adhibentur atque redundent; quantumque hoc bonum sit ab initio usque ad summum, a corporalibus usque ad spiritualia. Itaque in gente tenebrarum, cum animal alicuius elementi eo vescatur cibo, qui nascebatur in ejus elemento, procul dubio suavitatem ipsa congruentia faciebat: si autem incidisset in alterius elementi cibum, ipsa incongruentia ficeret offenditionem sensui gustantis: quae offendit vel amaritudo vel asperitas vel insuavitatis vel quolibet aliud, aut si ita nimium est, ut aliena vi compagem corporis concordiamque disrupcat, ac sic interimat, aut vires auferat, etiam venenum vocatur, non nisi per incongruentiam, quod alteri generi per congruentiam cibus est: sicut panem, qui quotidiana esca nostra est, si accipiter sumat, extinguitur; et nos, si helicorū, quo pecora pleraque vescuntur, cujus tamen herbæ adhibendæ quidam modus etiam medicamentum est. Quod si sciret aut consideraret Faustus, non utique venenum et antidotum pro exemplo duarum naturarum mali et boni poneret, tanquam Deus sit antidotum, et Hyle venenum: cum eadem res eademque natura nunc congruent, nunc incongruent sumpta sive adhibita, vel proposit, vel noceat. Itaque secundum eorum fabulam potest dici deus eorum fuisse venenum genti tenebrarum, cujus corpora tam firma ita corrupit, ut infirmissima redderet: sed quia et lux ipsa capta, oppressa, corrupta est, invicem sibi venenum fuerunt.

CAPUT XIV. — Cur non ergo hæc, aut duo bona

dicitis aut duo mala, vel magis et duo bona et duorum mala; duo bona apud se, duo mala in alterutrum? Postea si opus fuerit, quareminus quid horum sit melius aut pejus: interim quia duo bona erant apud se, ita consideratur: Regnabat Deus in terra sua, regnabat et Hyle in sua. Sanitas regnantum et ibi et hic: copia fructuum et ibi et hic: secunditas prolis utробique: suavitas propriarum voluptatum apud utrosque. Sed illa gens, inquit, excepto eo quod vicina luci mala erat, et apud se ipsam mala erat. Interim bona ejus multa jam dixi, si et vos mala ejus potueritis ostendere, erunt duo regna bona, sed illud melius, ubi nullum erat malum: quemam ergo hujus mala dicitis fuisse? Vastabant se, inquit, invicem ledabant, occidebant, absumentebant. Si ad hoc solum ibi vacaretur, quomodo ibi tanta agmina gignerentur, nutritur, perliccentur? Erat ibi ergo et quies et pax. Verumtamen fateamur illud fuisse melius regnum, ubi nulla discordia: duo tamen bona ista multo accommodatius dixerim, quam unum bonum et alterum malum; ut illud sit melius, ubi nec singuli sibi metipsis nocebant, nec invicem; hoc autem inferius bonum, ubi quamvis invicem adversarentur, unumquodque tamen animal suam salutem, incoluntatem, naturamque tuebatur. Verumtamen deo vestro ille saltem princeps tenebrarum non ita longo intervallo comparari potest, cui nemo resistebat, cui regnanti cuncta servierunt, quem concionantem cuncta secuta sunt; quod sine magna pace atque concordia fieri non posset. Ibi enim sunt regna felicia, ubi omnium pleno consensu regibus obeditur. Huc accedit, quia illi principi non tantum sui generis, id est, bipedes, quos parentes hominum dicunt, sed etiam cuncta animalium ceterorum genera subdita erant, et ad nutum ejus convertebantur, faciendo quod jussisset, credendo quod suassisset. Hæc dicentes, usque adeo putatis surda hominum corda, ut experti a vobis denun alterum nominari, quem vident plane apteque describi. Si enim principis hujus vires hoc poterant, magna potentia; si honor, magna claritas; si amor, magna concordia; si timor, magna disciplina. In his omnibus bonis si erant aliqua mala, num ideo jam mali natura dicenda est, nisi ab eis qui nesciunt quid loquantur? Porro, si propterea mali naturam putatis, quia non solum in alteram naturam mala erat, sed etiam in se ipsa habebat malum; nullumne malum esse arbitramini duram necessitatem, quam patiebatur deus vester ante commixtionem naturæ contrarie, ut cum ea bellare, et in ejus fauces sic opprimenda membra sua mittere cogeretur, ut non posset¹ tota purgari? Ecce erat et in ipsa magnum malum, antequam ei misceretur quod solum dicitis malum. Aut enim lodi et corrumpi non poterat a gente tenebrarum, et propria stultitia patiebatur illam necessitatem; aut si poterat corrumpi ejus substantia, non colitis Deum incorruptibilem, qualem Apostolus pre-

¹ Lov.. ut non possent. At MSS., ut non possit. Editiones quoque Am. et Er. in singulari, ut non possit; supple, natura Dei: ad quam etiam illud quod mox sequitur referendum: Ecce erat et in ipsa magnum malum.

dicat (*I Tim. 1, 17*). Quid ergo? et ipsa corruptibilitas, qua quidem nondum corrumpebatur illa natura, sed tamen a qua¹ corrumpi poterat, non vobis in deo vestro videtur malum?

CAPUT XV.— Illud etiam quis non videat, quod aut præscientia ibi non erat; ubi vestrum est junctare, utrum nullum vitium Dei sit carere præscientia, et quid immineat omnino nescire: aut si erat ibi præscientia, securitas ibi esse non poterat, sed æternus timor; et hoc quantum malum sit, certe agnoscitis. An non timebat, ne jamjamque adveniret tempus, quo membra ejus ita vastarentur et inquinarentur in illo prælio, ut vix cum tanto labore, nec tamen tota liberentur atque mundentur? Sed si ad ipsum hoc non pertinebat, quod quidem cernitis quam dure dicatur; certe ipsa membra ejus, quæ hic tanta mala passura erant, nempe metuebant. An hoc futurum ipsa nesciebant? Ergo qualicumque parti substantiæ dei vestri desuit utique præscientia. Numerate mala in summo vestro bono. An ideo non timebant, quia suam consecuturam liberationem ac triumphum pariter prævisebant? Certe vel pro sociis timebant, quos æternis in illo globo vinculis a suo regno neverant alienandos.

CAPUT XVI.— An ibi charitas non erat, ut nulla esset fraterna compassio, pro his utique quorum peccato nullo præcedente impendebant æterna supplicia? Quid, ille ipsæ animæ in globo ligandæ, nonne et ipsæ membra dei vestri erant? Nonne unum genus et una substantia est? ipsæ saltem præsentes futurum sempiternum vinculum suum, nempe timebant, nempe morebant. Aut si ipsæ hoc futurum nesciebant, pars dei vestri provida erat, pars improvida: quomodo ergo una eademque substantia? Cum ergo tanta mala et ibi fuerint, antequam esset alieni mali commixtio, quid de illo tanquam puro et simplici et summo bono gloriari mihi? Ergo etiam apud semetipsas duas naturas, aut duo bona, aut duo mala fateri cogimini. Concedimus vobis, si duo mala dixeritis, ut quod volueritis horum pejus dicatis: si autem duo bona, quodlibet horum melius dicite, erit postea diligentior consideratio; dum tamen vester error ille tollatur, quo dicitis duo principia duarum naturarum, bonæ et male; et plane duos deos, unum bonum, et alterum malum. Jam vero si propterea malum est aliquid, quod alteri nocet, invicem sibi ista nocuerunt: fuerit una pars improbior, quia prior appetivit alienum. Una ergo malum inferre voluit, altera malum pro malo retribuit: et non lege talionis, tanquam oculum pro oculo (*Exod. xxi, 24*), quod imprudenter reprehendere soletis, sed multo gravius. Eligite ergo quam pejorem dicatis, quæ prior nocere voluit, an quæ amplius nocere et voluit et potuit. Ista enim pro modulo suo luce perfrui concupivit; illa cam funditus eradicavit. Ista si quod appetivit implesset, sibi certe nihil obsuisset: illa vero ut hostilem adversitatem penitus everteret, etiam suæ parti graviter nocuit.

¹ Editi, sed tamen ab alia. Melius MSS., sed tamen a qua corrumpi poterat; id est, talis erat ut corrumpi posset.

Sicut est illa notissima, et quarundam litterarum memoria commendata furiosa sententia: *Pereant amici, dum inimici una intercidant* (*Apud Ciceronem, pro Deiotaro*). Missa est enim ad inexpiablem contaminationem pars dei, ut esset unde tegeretur globus, quo in æternum hostis vivus sepeliendus est: tantum enim timebitur et victus, tantum terribit inclusus, ut sempiterna miseria partis dei cætero deo tribuat qualemcumque securitatem. O magna innocentia bonitatis! Ecce faciet et deus vester, unde tenebrarum gentem horribiliter accusatis, quod et suis noceat et alienis. Idipsum omnino in deo vestro arguit ille globus extremus, quo et hostis includitur, et civis affigitur: imo vero superat in amplius nocendo, et alienis et suis, pars illa, quam dicitis deum. Hyle quippe non eradicare alienum regnum voluit, sed tenere; suos autem quosdam, etsi ab aliis suis quibusdam consumendo interimebat, in alias taenias formas denou commutabat, ut moriendo et renascendo saltem per intervalla temporum sue vita lætitia fruerentur: Deus autem, qualem omnipotentem optimumque describitis, in æternum et alienos eradicat, et suos damnat: et quod mirabiliore dementia creditur, Hyle animalia sua laedit in pugna sua, Deus membra sua punit in victoria sua. Quid est, vani homines? Nempe recordamini verba Fausti de Deo tanquam de antidoto, et Hyle tanquam veneno: ecce plus nocet vestrum antidotum quam venenum. Numquid Hyle tam horrendo globo in æternum, vel Deum includeret, vel sua viscera affigeret¹: et quod sceleratus est, calumniatur eisdem reliquis, ne defecisse videatur, quod eas purgare non potuit. Dicit enim Manichæus in Epistola Fundamenti, ideo dignas illas animas fieri tali suppicio, quod errare se a priore lucida sua natura passæ sunt, et inimicæ lumini sancto extiterunt cum eas in illum errorem, quo ita tenebrarentur, ut inimica luci lux fieret, ipse miserit; si invitatis, injustus, ut cogeret; si volentes, ingratus, ut damnet². Quæ se futuras inimicas origini suæ, si præscire potuerunt, et ante bellum timore cruciatæ, et in bello inexpiableiter maculatae, et post bellum in æternum damnatae, nunquam beatæ. Si autem præscire non potuerunt, et ante bellum improvidæ, et in bello invalidæ, et post bellum miserae, nunquam divinæ. Et utique quod ipsæ, hoc Deus, secundum unitatem substantiæ. Putamusne respicitis quam immaniter blasphematis? Et tamen aliquando volentes quasi defendere bonitatem Dei, etiam ipsi Hyle præstare dicitis aliquid boni, ut inclusa in semetipsa non serviat³. Habebit ergo aliquid boni, cum ei nullum mixtum erit bonum? An forte sicut Deus ante bellum sine commixtione mali habebat necessitatis malum, ita Hyle post bellum sine commixtione boni habebit cessationis bonum? Dicite ergo duo mala, sed unum altero pejus: aut duo non summa bona, sed unum

¹ Sic Am. et MSS. At Er. et Lov. affigeret.

² Er. et Lov., ut damnaret. Am. autem et MSS., ut damnet.

³ Am. et Er., in semetipsam non serviat. Forte minus.

altero melius ; ita sane, ut quod est melius, hoc dicitis miseriis : nam si illius tanti belli hic erit exitus, ut superata ¹ Hyle a propria vastatione et Dei membris affixis in globo, aliquid boni præstetur hominibus, et tantum mali infligatur civibus; cogitate quis

¹ Am. et octo MSS., separata.

vicerit. Sed videlicet venenum est Hyle, quæ fornare, firmare, nutritre, vegetare valuit animalia sua : et antidotum Deus, qui damnare potuit, qui sanare non potuit membra sua. Insani, nec illa est Hyle, nec ille Deus. Sic delirant, qui sanam doctrinam non sustinentes, ad fabulas convertuntur (II Tim. iv, 3).

LIBER VIGESIMUS SECUNDUS.

CAPUT PRIMUM.—FAUSTUS dixit : Cur Legem blasphematis et Prophetas? Minime quidem nos hostes sumus, aut inimici Legis ac Prophetarum, sed nec ullius omnino : adeo ut si modo per ipsos vos liceat, simus parati fateri, falsa illa omnia esse quæ de eis scripta sunt, et quorum causa videntur nobis exosi. Sed enim vos repugnatis, et scriptoribus assentiendo vestris, in crimen forsitan Prophetas innocentes adducitis, infamatis Patriarchas, dedecoratis et Legem, atque quod sit stultius, vultis et scriptores vestros non esse mendaces, et eos tamen religiosos ac sanctos, quorum hi flagitia et turpes consisperint vitas. Quod quia utrumque pariter constare non potest : oportet enim aut hos fuisse malos, aut illos mendaces et falsos :

CAPUT II. — Age, si libet, assensu communi scriptoribus damnatis, defensionem suscipiamus Legis et Prophetarum. Legem autem nunc dico ego, non circumcisionem, nec sabbata, et sacrificia, ceteraque hujusmodi Judæorum; sed eam quæ vere sit Lex, id est, *Non occides, Non mæchaberis, Non pejerabis* (Exod. xx, 13, 14, 16), et cetera. Cui quia olim diffamatio in gentibus, id est, ex quo mundi hujus creatura consistit, Hebreorum scriptores irruentes, tanquam lepram ac scabiem, abominanda hæc sua et turpissima præcepta commiscerunt, quæ ad peritomen spectant, et sacrificia, age si es certo ¹ et tu amicus Legis, damna eos tecum, qui hanc violare ausi sunt hac commixtione inconvenientium eidem præceptorum : quæ præcepta, nisi et vos Legem non esse sciretis, nec Legis partem, utique aut eadem servare nitremini professi justitiam, aut vos coram fatemini esse non justos. Nunc vero et de illis quæ scelerata prohibent mandatis, sollicita vobis est cura recte volentibus vivere; et de iis quæ pertinent ad Judæos, nulla sit mentio : quod quatenus excusatum vobis erit, nisi eamdem Legem non esse constiterit? Denique si ut incenderis, intolerabile convicium judicans, si quis te negligenter præcepti hujus appellat, quo dictum est, *Non occides, vel, Non mæchaberis*; ita etiam exardesceres, si quis te et incircumcisum vocaret, et negligentem sabbati; erat intelligi procul dubio quod esset utrumque lex et Dei mandatum ². Nunc vero et de illis superioribus laudem quereris et

gloriam, si ea conserves; et de his nullam ejusdem boni jacturam metuis, quia contemnas. Quare constat haec, ut dixi, non esse Legem, sed Legis potius manicas et scabiem : quæ si damnantur a nobis, damnantur ut falsa, non ut legitima. Nec tangit convictionem hoc Legem, nec Legis auctorem Deum, sed eos qui hunc et illam nefariis suis religionibus inscripserunt. Ut autem interdum Legis nos reverendum nomen, cum Judaica præcepta persequimur, lassamus, vestro fit vitio, qui inter Hebraicas institutiones et Legem, nullum vultis esse discriminem : alioquin reddite Legi propriam dignitatem, Israeliticæ ab eadem turpitudines tanquam verrueas incidite, deformationis ejus crimen scriptoribus ¹ imputate, et statim videbitis nos Judaismi inimicos fuisse, non Legis. Legis nomen est quod vos decipit : quia cui jure debeat adscribi, non nostis.

CAPUT III. — Ad hæc et Prophetas ac Patriarchas vestros cur nos blasphemare existimetis, ego non video. Nam si a nobis scripta hæc dictatae fuissent ¹, quæ iidem commisso leguntur, esset vestra hæc in nos non irrationalis accusatio : ubi vero aut ab ipsis eadem scripta sunt contra honestatis morem, de vitiis captantibus gloriam, aut ab eoru*m* sociis ac paribus, nostra quæ istic culpa est? Damnamus enim detestati actus iniquos, quos ultro de se, nec interrogati confessi sunt rei : aut si hæc per invidiam scriptorum adversus eos malignitas finxit, puniantur scriptores, damnentur eorum libri, purgetur propheticum nomen, indigna fama, gravitati atque censuræ suæ Patriarcharum reddatur auctoritas.

CAPUT IV. — Et sane fieri potuit ut quemadmodum de Deo impudenter iidem tanta finxerunt, nunc eum in tenebris ex æterne versatum dicentes, et postea miratum cum vidisset lucem; nunc ignarum futuri, ut præceptum illud quod non esset servaturus Adam, ei mandaret; nunc et improvidum, ut eum latentem in angulo paradisi post nuditatem cognitam videre non posset; nunc et invidum ac timentem, ne si gustaret homo suus de ligno vite, in æternum viveat; nunc alias et appetentem sanguinis atque adipis ex omni genere sacrificiorum, zelantemque si et aliis eadem offerrentur ut sibi; et nunc irascitum in alienos, nunc et in suos; nunc perimentem millia hominum ob levia quidem aut nulla commissa; nunc etiam comminantem venturum se fore cum gladio, et pareiturum nemini, non justo,

¹ Er. Lugd. et Ven., *pro certo*. M.

² Er. Lugd. et Ven. sic legunt hunc locum : *Denique si scilicet incenderis..... ita etiam exardesceres, si quis te et incircumcisum vocaret et negligentem quod sabbati erat; intelligi procul dubio quod esset utrumque lex et Dei mandatum.* M.

¹ Sola editio Lov., *scriptoribus vestris*.

² Sic MSS. Editii, autem, *dictave fuissent*.

non peccatori : fieri, inquam, potuit ut et de Dei hominibus mentirentur, qui de Deo ipso tanta protervitate mentiti sunt. Sed vos consentite nobiscum, ut portent scriptores crimen, si vultis eodem liberari Prophetas.

CAPUT V. — Alioquin neque illa nos de Abraham scripsimus, quod habendæ prolis insana flagrans cupidine, et Deo, qui id jam sibi de Sara conjugæ promiserat, minime credens, cum pellice volutatus sit sub conscientia (quo sit dishonestus) uxoris (*Gen. xvi, 2-4*). Nec quod matrimonii sui infamissimus nundinator, Idem avaritiae ac ventris causa duobus regibus, Abimelech et Pharaoni, diversis temporibus, memoriam Saram conjugem suam sororem mentitus (*Id. xx, 2, et xii, 13*), quia erat pulcherrima, in concubitu venditavit. Nec quod Loth ipsius frater de Sodoma liberatus, cum duabus filiabus suis in monte concubuit (*Id. xix, 33-35*) ; qui honestius arsisset in Sodoma iictu fulminis, quam in monte flagravit in concessæ flamma libidinis. Sed nec quod Isaac eadem patri suo gessit ac paria, erga Rebeccam conjugem suam, singens et ipse eam sororem (*Id. xxvi, 7*), quo per ipsam viveret turpiter. Nec quod Jacob filius ejus inter Rachel et Liam duas germanas sorores, earumque singulas famulas, quatuor uxorum maritus, tanquam hircus erraverit ; ut esset quotidie inter quatuor scorta certamen, quænam eum venientem de agro prior ad concubitum raperet, interdumque etiam mercedibus in noetem ab invicem conducerent eum (*Id. xxix et xxx*). Item quod Judas filius ejus cum Thamar nuru sua dormierit, post unius et alterius nuptias filii, deceptus, ut aiunt, habitu prostitutionis (*Id. xxxviii*), in quem se transformaverat eadem, quæ soerorum suum bene nosset cum hoc genere feminarum¹ semper habuisse commercium. Nec quod David post tot numero uxores, mulierculam quoque Uriæ militis sui mœchatus sit, ipsumque perdiderit in bello (*II Reg. xi, 4, 15*). Nec quod Salomon filius ejus trecentas uxores et septingentas concubinas habuerit, et regum filias sine numero (*III Reg. xi, 1-3*). Nec quod Osee prophetarum primus de fornicaria muliere filios fecerit : cui turpitudini, quo sit deterius, ascribitur et consilium Dei (*Osee 1, 2, 3*). Sed nec illud, quod Moyses homicidium fecerit (*Exod. ii, 12*), quod spoliaverit Ægyptum (*Id. xii, 35, 36*), quod bella gesserit, quod crudelia multa et mandarit et fecerit (*Id. xvii, 9, etc.*), quod ne ipse quideam uno contentus matrimonio fuerit. Hæc, inquam, et horum similia, quæ in diversis corum habentur libris, nihil a nobis scriptum, nihil dictatum est : sed aut scriptorum vestrorum ista commenta sunt falsa, aut patrum crimina vera. Vos utrum vultis eligere : nam nos, aut hos, aut illos pariter detestari necesse est, quia tam malos et turpes odimus, quam mendaces.

CAPUT VI. — AUGUSTINUS respondit : Nec sacramenta legis intelligitis, nec facta Prophetarum ; quia neque sanctitatem, neque justitiam cogitare nostis. Sed de præceptis et sacramentis Veteris Testamenti

¹ Am. et Er., cum omni genere fentinarum.

sæpe ac multa jam diximus, ut intelligeretur aliud ibi fuisse quod per gratiam Novi Testamenti faciendo donaretur impletum, aliud quod per veritatem patet factam removendo demonstraretur impletum : cum Dei et proximi dilectione susciperetur Legis perficienda præceptio, circumcisionis autem atque aliorum illius temporis sacramentorum cessatione ostenderetur Legis persoluta promissio. Præceptum quippe reos faciebat ad desiderandam salutem, promissum autem figuræ celebrabat ad exspectandum Salvatorem : ut per adventum Novi Testamenti illos liberaret gratia donata, illas auferret veritas redditæ. Ipsa enim Lex quæ per Moysen data est, gratia et veritas per Jesum Christum facta est (*Joan. i, 17*) : gratia scilicet, ut data indulgentia peccatorum, quod præceptum erat ex Dei dono custodiretur; veritas autem, ut ablata observatione umbrarum, quod promissum erat ex Dei fide præsentaretur.

CAPUT VII. — Proinde isti, qui ea quæ non intelligunt reprehendentes, lepram vel scabiem seu verrucas Legis esse dicunt promissivas figuræ sacramentorum, similes sunt hominibus, quibus displacent ea quorum non capiunt utilitatem : veluti si surdus videns noveri labia loquentium, tanquam superfluos oris motus deformesque reprehenderet; vel si quisquam cæcus laudata sibi aliqua domo, vellet palpando probare quod dicitur, et parietum levitatem manu pertractans, in fenestras irrueret, easque velut inconvenientes illi æqualitatib[us] redargueret, cavernasque ruinosas putaret.

CAPUT VIII. — Jam vero facta Prophetarum etiam ipsa prophætica et mystica fuisse, quid agam ut intelligant, quorum mentes vanitas occupavit, ita ut patent credi a nobis etiam ipsum Deum aliquando in tenebris esse versatum, quia scriptum est, *Tenebrae erant super abyssum* (*Gen. i, 2*) : tanquam nos abyssum dicamus Deum, ubi tenebrae erant, quia lux ibi non erat, antequam Deus verbo faceret lucem ? Sed quia non distinguunt inter lucem quod est ipse Deus, et lucem quam fecit Deus, ideo putant esse consequens, ut in tenebris ipse fuerit, antequam faceret lucem, cum tenebrae essent super abyssum, antequam diceret, *Fiat lux ; et facta est lux* (*Ibid., 3*). Sicut enim in Novo Testamento utrumque de illo dicitur ; nam et, *Deus lux est, et tenebrae in eo non sunt ullæ* (*I Joan. i, 5*), ibi legimus ; et, *Deus qui dixit de tenebris lumen clarescere, claruit in cordibus nostris* (*II Cor. iv, 6*), itidem ibi legimus : sic et in illis veteribus Libris, et, *Candor est lucis æternæ* (*Sap. vii, 26*), dictum est de Sapientia Dei, quæ utique facta non est, quia per illam facta sunt omnia (*Joan. i, 3*) ; et de luce quadam, quæ non nisi per illam fieri potest, hoc modo ibi dicitur, *Tu illuminabis lucernam meam, Domine ; Deus meus, illuminabis tenebras meas* (*Psal. xvii, 29*). Sicut et ab initio, cum tenebrae essent super abyssum, dixit Deus, *Fiat lux ; et facta est lux* : quam non fecisset, nisi lucifera lux, quod est Deus.

CAPUT IX. — Sicut enim Deus sibi sufficit ad

¹ Am. et Iures MSS., heritatem.

aternam beatitudinem, et ex hac abundat ad facientes beatos; ita sibi sufficit ad aeternam lucem, et ex hac abundat ad facientes illuminatos: nullius bonum cupiens, cum ipso fruatur omnis voluntas bona; nullius malum timens, cum ipso deseratur omnis voluntas mala: quia nec auget eum, qui ejus dono *beatus* est; nec terret eum, qui ejus iudicio miser est. Talem Deum, Manichaei, non colitis; longe ab illo facti estis, dum phantasmata vestra sectamini, quae cor vestrum vanum et vagum, lucem istam celestium corporum per carnis oculos hauriens, vobis multiplici fictione dilatavit atque variavit. Lux ista, quamvis et ipsam Deus fecerit, longe incomparabilis est etiam illi luci, quam fecit Deus in mentibus piorum, quas a tenebris lucifacit, sicut ab impietate justificat: quanto magis illi inaccessibili, quae ista omnia facit? Nec omnibus inaccessibilis est: *Beati enim mundicordes, quoniam ipsi Deum videbunt* (*Matth. v. 8*). *Deus autem lux est, et tenebrae in eo non sunt ulla*: impii vero non videbunt humen, sicut dicit Isaia (*Isai. LIX, 9, 10*). Talibus ergo est inaccessibilis illa lucifera lux, quae non solum illam spiritualem lucem in sanctorum mentibus, sed etiam istam corporalem fecit: non ad quam prohibeat accedere malos, sed quam facit oriri super bonos et malos (*Matth. v. 45*).

CAPUT X. — Cum ergo essent tenebrae super abyssum, ille qui erat *lux*, dixit, *Fiat lux*. Quae lux lucem fecerit, manifestum est; manifeste enim positum est, *Dixit Deus*: quam tamen lucem fecerit, non ita manifestum est. Utrum enim illam quae in mentibus Angelorum est, id est, ipsos tunc spiritus rationales Deus fecerit, an corporalem quamdam lucem, remotam etiam ab aspectibus nostris in sublimibus hujus mundi locis, inter studiosos divinarum Scripturarum concorditer disputatur. Quarto enim die fecit ista conspicua cœli luminaria. Quæ rursus utrum simul cum sua luce facta sint, an ex illa quae jam facta erat, quodam modo accensa sint, similiter quæritur. Quælibet sane lux facta sit, quando, cum essent tenebrae super abyssum, *dixit Deus, Fiat Lux*; creatam tamen lucem a creatrice luce factam esse non dubitat, quisquis sanctas Litteras pie legendo fit dignus qui intelligat.

CAPUT XI. — Nec ideo putandus est Deus, antequam ficeret lucem, in tenebris habitasse, quia *Spiritus Dei superferebatur super aquas* (*Gen. 1, 2*), cum predictum fuisset, *Tenebrae erant super abyssum*. Abyssus namque est aquarum inestimabilis profunditas. Unde potest occurrere carnali prudentiae, velut in iis tenebris, quae erant super abyssum, habitaverit Spiritus Dei, de quo dictum est, *Ferebatur super aquas*; non intelligenti quemadmodum lux luceat in tenebris, et tenebrae eam non comprehendant (*Joan. 3, 5*), nisi per Dei verbum fiant lux, et dicatur eis, *Fuistis aliquando tenebrae; nunc autem lux in Domino* (*Ephes. v, 8*). Quod si rationales mentes per voluntatem impiam tenebrosæ lucem sapientiae Dei nusquam absentem comprehendere non possunt, quod

ab ea longe sint affectu, non loco; quid mirum si Spiritus Dei, qui superferebatur super aquas, superferebatur etiam super aquarum tenebras, incomparabili quidem longinquitate, sed substantiæ, non locorum?

CAPUT XII. — Scio quidem istis quam surdis haec cantem: nec tamen despero quod cantici mei veritas inventura sit aurem suam, quam Dominus aperuerit, a quo sunt vera quæ dicimus. Itos autem, quales divinarum Scripturarum judices patinur, quibus etiam displicet quod Deo placuerint opera sua, quem tanquam insolitam lucem miratum esse reprehendunt, quia scriptum est, *Et vidit Deus lucem quia bona est* (*Gen. 1, 4*)? Approbat enim opera sua, quia placent ei quae fecit, et hoc est videre quia bona sunt. Neque enim aliquid invitus facere cogitur, ut quod ei non placet faciat; aut in aliiquid faciendum imprudens labitur, ut factum esse displaceat. Cur autem istis non displaceat, quod Deus noster opus suum vidit, quia bonum est; quandoquidem deus eorum cum membra sua mersit in tenebras, velum contra se posuit? Non enim quod fecit vidit, quia bonum est: sed noluit videre, quia malum est.

CAPUT XIII. — Miratum sane Faustus Deum nostrum dixit, quod scriptum non est: nec omnino est consequens ut cum aliquis vidit quia bonum est, etiam miratus dicatur. Multa enim bona videntes non miramur, tanquam præter opinionem ita sint; sed tantummodo approbamus, quod ita esse debuerint. Verumtamen ostendimus eis, non in Veteri Testamento cui militiose calumpiantur, sed in Novo quod ut imperitos fallant accipiunt, Deum esse miratum. Christum enim fatentur Deum, et hanc in laqueo suo velut escam dulcissimam ponunt, qua Christo deditos capiant. Deus ergo miratus est, cum Christus miratus est: sic enim scriptum est in Evangelio, quod audita fide cuiusdam Centurionis miratus est, et ait discipulis suis, *Amen dico vobis, non inveni tantam fidem in Israel* (*Matth. VIII, 10*). Ecce nos ut potuimus, exposuimus, *Vidit Deus quia bonum est*; et melius fortassis exponunt ista meliores: exponant et isti quare sit miratus Jesus, quod antequam fuerit, præsciebat; et antequam audiret, utique novarat. Quanquam enim plurimum intersit, utrum videat aliquis quia bonum est, an etiam miretur: in hoc tamen est nonnulla similitudo, quia etiam Jesus lucem fidei miratus est, quam in corde illius Centurionis ipse fecerat, qui verum est lumen, quod illuminat omnem hominem venientem in hunc mundum (*Joan. 3, 9*)?

CAPUT XIV. — Quem posset certe aliquis impius paganus ita calumniari et reprehendere in Evangelio, sicut Deum Faustus in veteri Testamento. Diceret enim et ille improvidum Christum, non solum ex hoc quod miratus est Centurionis fidem; verum etiam quod Judam inter discipulos elegit, qui mandata ejus non erat servatus (*Id. vi, 71*): sicut reprehendit iste, cur præceptum in paradiſo datum fuerit homini non facturo (*Gen. ii, 16, 17, et iii, 6*). Culparet etiam illud, quod scire non potuerit quis eum tetigerit, quando tetigit simbriam vestimenti ejus, quæ fluxu-

sanguinis patiebatur : sicut iste culpavit Deum ne-
scisse nbi lateret Adam. Credo quia dixerit, *Adam , ubi es* (*Gen. iii, 9*) ? sicut dixit Christus, *Quis me tetigit* (*Luc. viii, 44, 45*) ? Diceret et invidum ac timentem , ne si intrarent quinque aliae virgines in regnum ejus, viverent in aeternum ; contra quas ita clausit, ut nec miserabiliter pulsantibus aperiret (*Math. xxv, 11, 12*), volut obliviscens quod ipse promiserat, dicens, *Pul- sate et aperietur vobis* (*Id. vii, 7*) : sicut iste invidiae timorisque arguit Deum, quod ad vitam aeternam non admisit peccatorem. Diceret et appetente, non pecudum, sed hominum sanguinis, quia dixit, *Qui perdidit animam suam propter me, in vitam aeternam inveniet eam* (*Id. x, 39*) : sicut iste de sacrificiis animalium, quibus figuris promittetur sacrificium sanguinis, quo redempti sumus, voluit calumniari. Reprehenderet et zelantem, quia cum euentes et vendentes de templo flagellando ejecisset, commemoravit Evangelista de illo esse scriptum, *Zelus dominus tuus comedit me* (*Joan. ii, 15-17*) : sicut iste accusavit zelantem Deum, quod aliis sacrificari vetuisset. Diceret irascentem in suos et in alienos : in suos quidem, quia dixit, *Servus qui scit voluntatem domini sui, et non facit digna, plagis rapulabit multis*¹ (*Luc. xii, 47*) ; in alienos autem, quia dixit, *Si quis vos non receperit, excutie illis pulvorem de calcamentis vestris : amen dico vobis, quia tolerabilius erit Sodomae in die iudicii, quam illi civitati* (*Math. x, 14, 15*) : sicut iste crimina-
tur irascentem Deum, nunc in alienos, nunc in suos, quos utrosque Apostolus commemorat, dicens, *Quicumque enim sine Lege peccaverunt, sine Lege peribunt ; et quicumque in Lege peccaverunt, per Legem judicabuntur* (*Rom. ii, 12*). Diceret et trucidantem et effundentem multorum sanguinem ob levia quidem vel nulla commissa. Leve quippe aut nullum commis-
sum pagano videretur, vel non habere in convivio nuptiarum vestem nuptialem, propter quod Rex no-
stor in Evangelio jussit hominem ligatis manibus et pedibus projici in tenebras exteriores (*Math. xxii, 11-13*) ; vel nolle super se Christum regnare, propter quod peccatum ait, *Illos autem qui noluerunt me re-
gnare sibi, adducite, et interficide coram me* (*Luc. xix, 27*) : sicut iste accusavit Deum in Veteri Testamento, qui ei visus est propter levia vel nulla commissa , hominum millia trucidare. Jam vero illud quod reprehendit Faustus, minantem Deum venturum se esse cum gladio , quo non pareceret, nec justo, nec peccatori , quomodo paganus ille reprehenderet, audiens apostolum Paulum dicere de Deo nostro, *Quia Filio proprio non pepercit, sed pro nobis omnibus tradidit eum* (*Rom. viii, 52*) : audiens et Petrum, cum de magnis tribulatio-
nibus sanctorum et intersectionibus loqueretur, ad tolerandum exhortantem et dicentem, *Tempus est ut iudi-
cium incipiat a domo Domini : et si initium a nobis, qua-
lis finis erit eis qui non credunt Domini Evangelio ? Et si justus quidem vita salvus erit, peccator et impius ubi parabunt* (*1 Petr. iv, 17, 18*) ? Quid enim justus Unicus, cui tamen Pater non pepercit ? Et quid evidenter ,

¹ Plures MSS., et sicut digna plagiis, rapulabit multa.

quod nec justis pareat, emendans eos varietate tribu-
lationum, cum de hac re aperte sit dictum, *Et si justus
vita salvus erit ? Non solum enim in Vetero Testa-
mento scriptum est, Quem enim diligit Deus, corripit ;
flagellat autem omnem filium quem recipit* (*Prov. iii, 12*) ; et, *Si bona perceperimus de manu Domini, mala
quare non sustincamus* (*Job ii, 10*) ? sed etiam in
Novo, *Ego quem amo, arguo et castigo* (*Apoc. iii, 19*) ; et illud, *Si enim nos ipsos dijudicaremus, a Domino
non judicaremur : cum judicamus autem, a Domino cor-
ripimur, ne cum mundo damnemur* (*1 Cor. xi, 31, 32*). Sed tamen si paganus in Novo Testamento talia re-
prehenderet, qualia isti reprehendunt in Veteri, nonne et ipsi ea defendenda susciperent ? Quod si facere possent, qua tandem recordia hic talia reprehendunt, qualia ibi defendant ? Si autem non possent, cur in uno tantum, ac non potius in utroque Testamento , quod non intelligentibus impiis pravum videretur, idem non intelligentibus ¹ piis rectum, sed tectum credi oportere concedunt ?

CAPUT XV. — An forte, que de Novo Testamento similia protulimus, ipsa quoque audent dicere falsa esse atque perversa, privilegio illo suo diabolico, ut quidquid est in Evangelio vel Epistolis canonicis, quo adjuvari haeresim suam putent, id esse a Christo et Apostolis dictum teneant atque suadeant ; quidquid autem ex iisdem codicibus adversus eos sonuerit , immisum ab infalsatoribus, ore impudenti ac sacrilegio non dubitent dicere ? Cui furori eorum, auctoritatem omnium librorum extinguiere atque abolere conanti, jam supra, quantum suscepti operis ratio-
sinere videbatur, non pauca respondi.

CAPUT XVI. — Nunc illud admoneo, ut cum insa-
nas et sacrilegas fabulas suas christiani nominis pallio velare contendant, videant tamen, quando ista contra Scripturas christianas disputant, non a nobis contra Paganos tantum, sed etiam contra Manicheos, veri-
tatem codicum divinorum Testamenti utriusque de-
fendi. Et ista quidem, que modo Faustus velut indi-
gna Deo de nostris veteribus Litteris in sermone suo posuit, contra Paganum et in evangelico vel aposto-
lico sermone talia reprehendentem ita fortasse defen-
derem, ut paria de auctoribus eorum, sicut Paulus no-
ster apud Athenienses fecit (*Act. xvii, 28*), com-
memorarem. Invenirem enim fortasse et in litteris eorum, Deum mundi creatorem ac fabricatorem, et
lucis hujus institutorem ; qui tamen antequam eam conderet, non jacbat in tenebris : et ex opere suo
perfecto elatum esse gaudio ; quod certe amplius est, quam, *Vidit quia bonum est* : et legis latorem ,
quam si homo sequeretur ², suo bono faceret ; si autem sperneret, suo malo. Quem non ideo dicerent
ignarum futuri, quia et futuris contemptoribus legem
dedit. Jam vero ideo improvidum, quod aliquid interroget, nec hominem dicent, in quorum libris
multa non ob aliud interrogantur, nisi ut suis quisque

¹ Editi, idem intelligentibus ; omissa negante particula.

² Er., quem si homo sequeretur. Melius caeteri libri, quam ; scilicet, legem.

responsionibus convincatur ; cum ille qui interrogat, non solum sciat quod sibi vult ab altero responderi, sed etiam illum hoc responsurum. Invidenter autem cuiquam Deum, quod malos beatos fieri non sineret, si vellet dicere ; plenos inveniret suorum libros de hac re ad divinam providentiam pertinente¹.

CAPUT XVII. — De sacrificiis vero nihil aliud mihi paganus objiceret, nisi cur apud eos illa reprehendamus, cum in nostris veteribus Libris talia sibi Deus noster jussisse legeretur offerri. Hic ego de vero sacrificio latius fortasse disserens, demonstrare iudicium non deberi nisi uni vero Deo, quod ei unus verus Sacerdos obtulit, Mediator Dei et hominum (*I Tim.* ii, 5) : cuius sacrificii promissivas figurae in victimis animalium celebrari oportebat, propter commendationem futuræ carnis et sanguinis, per quam unam victimam fieret remissio peccatorum de carne et sanguine contractorum ; que regnum Dei non possidebunt, quia eadem substantia corporis in coelestem commutabitur qualitate : quod ignis in sacrificio significabat, velut absorbens mortem in victoriam (*I Cor. xv, 50-54*). In eo autem populo haec rite celebrata sunt, cuius et regnum et sacerdotium prophetia erat venturi Regis et Sacerdotis ad regendos et conserrandos fideles in omnibus gentibus, et introducendos in regnum cœlorum et sacrarium Angelorum ac vitam æternam. Hujus itaque veri sacrificii sicut religiosa prædicamenta Hebræi celebraverunt, ita sacrilega imitamenta Pagani : quoniam quæ immolant *Gentes*, ait Apostolus, *dæmoniis immolant, et non Deo* (*I Cor. x, 20*). Antiqua enim res est prænuntiativa immolatio sanguinis, futuram passionem Medicatoris ab initio generis humani testificans : hanc enim primus Abel obtulisse in sacris Litteris invenitur (*Gen. iv, 4*). Non igitur mirum est, si prævaricatores angeli, quorum duo maxima virtutia sunt superbìa atque fallacia, per hunc aerem volitantes, quod uni vero Deo deberi noverant, hoc sibi a suis cultoribus exegerunt, a quibus dii putari voluerunt ; dante sibi locum vanitate cordis humani : maxime cum ex desiderio mortuorum constituerentur imagines, unde simulacrorum usus exortus est (*Sap. xiv, 15*) ; et maiore adulacione divini honores deferrentur tanquam in cœlum receptis, pro quibus se in terris demona colenda supponerent, et sibi sacrificari a deceptis et perditis flagitarent. Sacrificium ergo non solum cum juste imperat verus Deus, sed etiam cum superbe exigit falsus deus, satis ostendit cui debeatur. Huc illi pagano si essent difficultiora ad credendum, etiam ipsa prophetia persuaderem, in qua tam longe ante conscripta sunt, quæ nunc impleta monstrarem. Quod si et hanc contemneret, hoc quoque agnoscerem potius, quam mirarer : quandoquidem non omnes fuisse credituros, in ejusdem prophetæ veritate recollerem.

CAPUT XVIII. — Si autem zelantem Christum vel Deum ex utroque Testamento mihi objiceret, atque ipsum verbum exagitaret, nihil aliud quam se omnium litter-

¹ AIA. ER. ET MSS., *pertinentes*.

rarum vel expertem vel negligenter ostenderet. Cum enim docti eorum discernant inter voluntatem et cupiditatem, gaudium et letitiam, cautionem et metum, clementiam et misericordiam, prudentiam et astutiam, fiduciam et audaciam ; et multa in hunc modum, ita ut in his binis verbis, ea quæ priora posui, virtutibus ; que autem posteriora, vitiis apponant : pleni sunt tamen libri eorum abuseione istorum nominum, que proprie vitia significant, cum etiam virtutes sic appellantur ; cum vel cupiditas pro voluntate, vel letitia pro gaudio, vel metus pro cautione, vel misericordia pro clementia, vel astutia pro prudentia, vel audacia pro fiducia ponitur. Et quis omnia commemorare valeat, que ad similem licentiam mos locutionis usurpat ? Huc accedit etiam singularum quarumque linguarum sua quedam proprietas. Nam in ecclesiasticis Litteris nusquam misericordiam in vita operatione positam recolo. Cui rei sermonis etiam quotidiani consuetudo concordat. Græci duas res vicinas quidem, sed tamen distinctas, uno nomine appellant, laborem et dolorem (*a*) ; nos eas singulis nominibus enuntiamus : sicut a nobis uno nomine appellatur vita, sive secundum quam dicimus, Vivit, quod examine non est ; sive secundum quam dicimus, Bonæ vita homo est : Græci autem ista duo duobus quoque vocabulis significant (*b*). Unde fieri potest ut excepta verborum abuseione, que in omnibus linguis late patet, aliqua etiam hebrææ linguae proprietate zelus in utroque ponatur ; sive cum conjugis adulterio turbatus animus contabescit, quod in Deum cadere non potest ; sive cum servandæ pudicitiae conjugali custodia diligens adhibetur, quod Deum facere, cum plebem suam tanquam conjugem alloquitur, quam per multos falsos deos fornicari non vult, non solum sine dubitatione, verum etiam cum gratiarum actione nobis utile est confiteri. Hoc et de ira Dei dixerim : neque enim perturbatur Deus, cum infert iram ; sed ira pro vindicta ponitur, sive abuseione, sive aliqua præcedentis lingue proprietate.

CAPUT XIX. — De imperfectis autem hominum milibus non miraretur, si Dei judicium non negaret : quod neque Pagani negant, qui Dei providentia istam universitatem regi et administrari a summis usque ad ima concedunt. Quod si et hoc negaret, vel suorum auctoritate facilius, vel aliquanto diutius certarum rationum disputatione convinceretur ; vel tanquam nimium durus et stolidus, ipsi, quod esse non crederet, divino judicio relinquetur. Levia porro vel nulla commissa, propter quæ Deus interficerit homines, si expresse commemoraret, ostenderemus nec nulla esse, nec levia : velut quod exempli gratia posuimus de ueste nuptiali (*Matth. xxii, 11-13*), demonstraremus quantum esset nefas, sacras nuptias adire querentem ibi gloriam, non sponsi, sed suam ; vel si quid forte aliud illa uestis meliore intellectu significare inveniretur : aut quod ante oculos regis interficiuntur, qui eum sibi regnare noluerunt (*Luc. xix, 27*) ;

(a) *Ponos.*

(b) *Zōē, ἡ ζωή.*

non longo forte sermone nostro appareret, non quemadmodum nulla culpa est hominis, si nolle sibi regnare quenquam hominem, ita nullam vel parvam esse culpam cum sibi nolle regnare, in cuius solius regno recte, beate, semperque vivitur.

CAPUT XX. — Jam illud ultimum, quod Faustus posuit, insidians veteribus Libris tanquam vituperantibus Deum, quod minetur gladium, quo nemini parcat, nec justo, nec peccatori, cum pagano exponetur quomodo accipendum sit, fortassis nec Novo nec Veteri Testamento resisteret, eique placeret similitudo evangelica, quæ istis, qui se christianos haberi volunt, aut non appetat ut cœcis, aut displicet ut perversis. Summus quippe ille viuis agricola (*Joan. xv, 1*) aliter parat faleem sarmentis fructuosis, aliter infructuosis: tamen non parcit, nec probis, nec reprobis; illis purgandis, illis amputandis. Nullus enim hominum est tanta justitia prædictus, cui non sit necessaria tentatio tribulationis, vel ad perficiendam, vel ad confirmandam, vel ad probandam virtutem: nisi forte nec Paulum isti apostolum inter justos numerant, qui quamvis humiliter et veraciter sua præterita peccata fateatur, tamen se ex fide Jesu Christi justificatum gratias agit (*I Tim. i, 13*). An vero illi parcerat ille, quem vani non intelligunt dicentes, Non parcam, nec justo, nec peccatori? Audiant ergo ipsum: *Et ne magnitudine, inquit, revelationum extollerat, datus est mihi stimulus carnis, angelus satanæ, qui me colaphizet: propter quod ter Dominum rogavi, ut auferret eum a me, et dixit mihi: sufficit tibi gratia mea; nam virtus in infirmitate perficitur* (*II Cor. xii, 7-9*). Ecce nec justo parcerat, ut ejus virtutem in infirmitate perficeret, qui ei dederat colaphizantem angelum satanæ: nisi dicitis quod eum diabolus dederit. Diabolus ergo agebat, ne magnitudine revelationum Paulus extolleretur, et ut virtus ejus perficeretur. Quis hoc dixerit? Ab illo igitur traditus erat justus colaphizandus angelo satanæ, qui per eum tradebat et injustos ipsi satanæ: de quibus idem dicit, *Quos tradidi satanæ, ut discant non blasphemare* (*I Tim. i, 20*). Jainne intelligitis quomodo ille desuper non parcat, nec justo, nec peccatori? An quia illic gladius nominatus est, amplius exhorrescitis? Aliud est enim colaphizari, aliud occidi. Quasi vero non diversis mortuum generibus prostrata sint martyrum millia, aut hoc revera persecutores in potestate haberent, nisi eis desuper data esset ab illo qui dixit, Non parcam, nec justo, nec peccatori; cum ipse Dominus martyrum, cui *Filio¹ proprio noscepit* (*Rom. viii, 32*), apertissime Pilato dicat, *Non haberes in me potestatem, nisi data tibi esset desuper* (*Joan. xix, 11*). Has pressuras persecutionesque justorum dicit idem Paulus exemplum esse judicij Dei (*II Thess. i, 5*). Quæ sententia latius ab apostolo Petro manifestatur, sicut supra commemoravi, ubi ait, *tempus esse ut judicium incipiat a domo Domini. Et si initium, inquit, a nobis, qualis finis erit eis qui non credunt Dei Evangelio? Et*

si justus vix salvis erit, peccator et impius ubi parabunt (*I Petr. iv, 17, 18*)? Hinc enim intelligitur quomodo non parcatur impiis, tanquam sarmentis præcisis ad combustionem; quando justis non parcitur propter perficiendam purgationem. Nam et ipse Petrus testatur hæc illius voluntate fieri, qui in Libris veteribus ait, Non parcam, nec justo, nec peccatori. Dicit enim et ipse: *Melius est bene facientes, si velit Spiritus Dei, patt, quam male facientes* (*Id. iii, 17*). Cum ergo ex voluntate Spiritus Dei patiuntur bene facientes, non parcitur justis; cum autem male facientes, non parcitur peccatoribus: secundum illius tamē voluntatem fit utrumque, qui ait, Non parcam, nec justo, nec peccatori; illum flagellando ut filium, illum puniendo ut impium.

CAPUT XXI. — Ecce ostendi, quantum potui, nos non colere versatum ex æterno in tenebris Deum; sed eum qui lux est, et tenebrae in eo non sunt ullæ (*I Joan. i, 5*), atque in se ipso habitat lucem inaccessibilem (*I Tim. vi, 16*), cuius lucis æternæ candor est coæterna Sapientia (*Sap. vii, 23*). Nec lucis inopinata admiratorem: sed lucis factæ creatorem, ut subsisteret; approbatorem, ut maneret. Nec ignorarum futuri: sed mandatorem præcepti, et damnatorem delicti; ut adversus inobedientiam juste prolatæ vindicta præsentes coerceret, futurosque terret. Nec improvidum nesciendo quærentem: sed interrogando-judicantem. Nec invidum ac timenterem: sed ab aeterna vita, que juste obediens datur, prævaricatorem juste prohibentem. Nec sanguinis et adipis appetentem: sed carnali populo congruis sacrificiis impositis, per quasdam figuræ verum sacrificium promittentem. Nec livida perturbatione, sed tranquilla bonitate zelantem, ne uni Deo debens anima castitatem, per multos falsos corrupta et prostituta turpetur. Nec ira velut humana, turbide sævientem; sed alia divina¹, severe justa retribuentem, quæ non propter ulciscendi libidinem, sed propter judicandi vigorem certo usu locutionis ira nominatur. Nec ob levia vel nulla commissa hominum millia perimentem: sed æquisimmo examine per temporales mortalium mortes utilitatem timoris sui populis imponentem. Nec sine ullo delectu circa confusione justos peccatoresque punientem: sed justis salubrem correptionem propter perfectionem, peccantibus autem debitam severitatem propter æquitatem distribuentem. Unde vos appareat, Manichæi, suspicionibus vestris esse deceptos, cum male intelligendo Scripturas nostras, vel malos intellectores experiendo, falsa de Catholicis creditis; ac sic relictæ sana doctrina, conversi ad sacrilegas fabulas, nimiumque perversi et alienati a societate sanctorum, nec ex Novo Testamento corrigi vultis, unde talia proserimus, qualia in Vetere argutis. Unde fit ut adversus vos, sicut adversus Paganos, utrumque Testamentum defendere compellamus.

CAPUT XXII. — Sed facile aliquem prorsus caraliter ita desipientem, ut Deum colat, non qualem

¹ Am., quia *Filio*. Er et Lov., qui *Filio*. Castigantur ex MSS.

¹ Nonnulli MSS. omittunt, *alia diuina*.

colimus, qui unus et verus est; sed qualem nos colere dicitis, qui vestris vel calumniis vel suspicionibus fatus est: nonne etiam iste meliorem colit quam vos? Queso enim, advertite et qualescumque oculos aperite: neque enim opus est magno acumine ingenii, ut hoc quod dicam, perspici possit; omnes prudentes imprudentesque appello: audite, advertite, iudicate. Quanto enim melius deus vester ex aeternitate versatus esset in tenebris, quam coeternam sibi et cognatam lucem mersisset in tenebras? Quanto melius exortam sibi novam lucem ad fugandas tenebras miratus laudaret, quam irruentes sibi veteres tenebras nisi sua luce contenebrata, evitare non posset? Infelix, si perturbatus; crudelis, si securus hoc fecit. Melius enim certe a se factam lucem videbat, et miraretur bonam¹, quam a se genitam saceret malam: que sic ab eo repulit tenebras inimicas, ut ei fieret inimica. Illoc enim culpae imputabatur damnandis in globo illis reliquiis, quod errare se a priore lucida sua natura possae sunt, et inimicæ lumini sancto exstiterunt: quod antequam eis accideret, ex aeternitate, si nesciebant hoc sibi futurum, aeternas ignorantiae tenebras; si autem sciebant, aeternas timoris tenebras patiebantur. Ecce vere pars et substantia dei vestri in suis tenebris ex aeternitate versata est: nec postea lucem novam mirata est, sed alias tenebras alienas², quas semper timebat, incurrit. Porro ipse Deus, cuius illa pars erat, si eidem parti sue futurum tantum malum timebat, etiam ipsum occupaverant timoris tenebrae: si autem hoc futurum nesciebat, ignorantiae tenebris cœcabantur: si autem hoc parti sue futurum sciebat, et non timebat, pejores sunt tenebrae tantæ crudelitatis, quam vel ignorantiae vel timoris: neque enim habebat deus vester quod in ipsa carne, quam non a Deo, sed ab Hyle factam dementissime creditis, sic laudat Apostolus, *Si patitur unum membrum, compatiuntur omnia membra* (1 Cor. xii, 26). Sed non accusamus³: praesciebat, timiebat, dolebat, sed quid faceret non habebat. In his ergo sue misericordiae tenebris ex aeternitate versatus est: nec postea novam lucem, quæ ab illo tenebras, fugaret, miratus est; sed alias tenebras, quas semper timuit, magno malo sua lucis expertus est. Quanto melius, non dicam præceptum daret sicut Deus, sed præceptum acciperet sicut homo; quod bono suo custodiret, malo suo contemneret, in utroque tamen motu animi libera voluntate uteretur, potius quam contra voluntatem ad conteneri randam lucem suam inevitabili necessitate premetur? Nam illud multo utique melius esset, ut præceptum daret humanæ naturæ quam peccatarum esse nesciret, quam naturam suam divinam⁴ necessitate pressus peccare compelleret. Evigilate, et dicate nobis quomodo vincit⁵ tenebras, quem vincit necessitas. Haec jam erat apud illum hostis major, a qua

¹ Aliquot MSS., *lucem videns miraretur bonam*. Nonnulli, *lucem rident bonam*; omissio, et *miraretur*.

² Sola fere editio Lov., atenrasque.

³ Plures MSS., *sed non accusemus*.

⁴ Editio Lov., *divina*. Castigatur ex editionibus aliis et MSS.

⁵ Aliquot MSS. hoc et proximo loco, *vicit*.

victus et iussus cum minore pugnavit. Quanto melius nesciret quo ab ejus facie fugisset Adam, quam ipse primo a facie duræ ac diræ necessitatibus, et postea a facie diversæ atque adversæ gentis quo fugeret non haberet? Quanto melius naturæ humanae invideret vitam beatam, quam naturam divinam daret in misericordiam: desideraret sanguinem et adipem sacrificiorum potius, quam ipse toties etiam idolis mactaretur, mixtus adipi et sanguini omnium victimarum: perturbaretur zelo, si illa sacrificia et diis aliis offerrentur, potius quam ipse ligatus, non solum in omnibus fructibus⁶, verum etiam in omnibus carnibus, per omnes aras, omnibus dæmonibus offerretur? Quanto melius vel humanae indignatione commotus ac turbidus peccantibus et suis et alienis irasceretur, quam ipse non solum in omnibus irascentibus, sed etiam in omnibus timentibus turbaretur, in peccantibus omnibus coquinaretur, in damnatis omnibus puniretur; ubique ligatus ex illa sua parte, quam ad tale dedecus innocentem ipse damnavit, ut per illam vinceret quod timebat; etiam ipse sub tam exitiosa necessitate damnatus, ut ei damnata pars ejus posset ignoscere, si cum iam miser sit, vel humilius esset? Nunc autem quis ferat reprehendi a vobis Deum irascentem suis alienisque peccantibus, cum deus quem fingitis, membra sua, que coactus cogitare in fauces peccati, postea damnet in globo? Quod quidem cum faciet, ut dicitis, iram non habebit. Sed miror si frontem habebit inferendo in eos quasi vindictam, a quibus petere deberet veniam, et dicere: Obsecro, ignoscite, membra mea estis; quando ego in vos istud, nisi victus necessitate, facere possem? Scitis et vos, quod tunc quando vos huc misi, horrendus hostis eruferat: quod autem nunc vos hic illigo, timeo ne rursus erumpat. Jam certe etiam illud fatemini, multo melius esse hominum nullia ob nullam vel levem culpam temporali morte interficere, quam membra sua, id est, membra Dei, substantiam Dei, et plane Deum, et in peccati voraginem tradere, et poenæ sempiternæ colligatione damnare. Si enim esset illis membris peccandi vel non peccandi liberum arbitrium: quanquam de substantia Dei, que vere substantia Dei est, ac per hoc omnino incommutabilis, quemadmodum hoc dicatur, non inventur. Deus enim omnino peccare non potest, sicut negare se ipsum non potest (II Tim. ii, 13): homo autem potest peccare, et Deum negare; sed si nolit, non facit: si ergo istis membris dei vestri, velut animæ humanae ac rationali, esset, ut dixi, peccandi vel non peccandi liberum voluntatis arbitrium, recte fortasse pro gravibus criminibus illo globo supplicio plecterentur: nunc autem libertatem voluntatis illas particulas habuisse, dicere non potestis, quam totus deus ipse non habuit: quia si eas non mitteret in peccatum, totus a tenebrarum gente pervasus peccare cogeretur: quod si cogi non possent, peccavit, cum eas eo misit ubi cogi possent; et ideo magis ipse illo velut parvicali culeo dignus, qui hoc fecit libero imperio, quam

⁶ Am. et Er. et plures MSS., *frugibus*.

Elæ quæ obtemperando illuc iterunt, ubi recte vivendi arbitrium liberum perdiderunt. Si autem ad peccandum et ipse invasus atque possessus cogi posset, nisi per sue partis primo flagitium, deinde supplicium, sibi providisset, nullaque fuit in deo vestro, nec in ejus partibus libera voluntas: non se singat judicem, sed agnoscet reum; non quia passus est quod nobilat, sed quia se simulat justa retribuere, damnando eos quos novit malum passos esse potius, quam fecisse: quod ad hoc tantum simulat, ne virtus inventiatur; quasi aliquid prosit alicui misero, si felix aut fortunatus vocetur. Nempe jam et hoc melius erat, ut deus vester sine ullo æquitatis examine hominibus nec justis nec peccatoribus parceret (quod in reprehensione Dei nostri Faustus nihil intelligens ultimum posuit), quam in membra sua sic sœvret: ut parum sit quod ea inexpiabiliter venenanda¹ hostibus obtulit, nisi etiam falso crimine iniquitatis accuset. Quæ ideo merito dicit pendere tam inmane ac sine fine supplicium, quod errare se a priore sua lucida natura passa sunt, et inimica lumini sancto extiterunt. Unde, nisi quia, ut ipse dicit, ita erant inviserata primæ aviditati principum tenebrarum, ut originem suam recolere, seque ab hostili natura discernere non valerent? Ergo animæ hujusmodi nihil mali ipsæ fecerunt, sed innocentes tantum malum perpessæ sunt. Quo faciente, nisi illo primitus, qui ut a se in tantum malum procederent, imperavit? Pejorem ergo expertæ sunt patrem, quam hostem. Pater enim eas ad tantum malum misit; hostis autem tanquam bonum appetivit, cupiens perfri, non nocere: ille sciens nocuit, ille nesciens. Sed deus insirmus atque inops aliter sibi consulere non valebat, prius adversus hostem improbum, et post adversus inclusum. Saltem ergo non accuset eas, quarum obedientia tutus est, quarum morte securus est. Si enim coactus est præliari, numquid et calumniari? Nam quando se errare a priore sua lucida natura passæ sunt et inimicæ lumini sancto extiterunt, ad hoc utique ab hoste coactæ sunt, cui si resistere non valuerunt, innocentes damnantur: si autem valuerunt, nec valuerunt, quid adhuc tam fabulose inducitis naturam mali, cum a propria voluntate sit origo peccati? Hoc enim certe sua culpa, non vi aliena fecerunt, quod cum possent malo resistere, noluerunt. Quod enim² si facerent, bene facerent; si autem non facerent, graviter immaniterque peccarent: si potuerunt, et non fecerunt, utique noluerunt. Si ergo noluerunt, voluntatis crimen est, non necessitatis. A voluntate igitur initium peccati: unde autem initium peccati, inde initium mali, vel faciendi contra justum præceptum, vel patiendi secundum justum judicium. Proinde nulla causa est cur querentes unde sit malum, irrueritis in hujus erroris tam magnum malum, ut naturam tot bonis abundantem, naturam mali dicereis; et in natura summi boni ante commixtione in-

naturæ mali, horrendum necessitatis malum ponentes. Et hujus enim erroris vestri causa superbia est, quam non habebitis, si nolitis: sed vos dum vultis illud quo irruistis, quoquo modo defendere, austoris originem peccati a voluntatis arbitrio, et ponitis in vana et falsa fabula naturam mali. Ac per hoc restat ut dicatis etiam illas animas in horribili globo æternâ colligatione damnandas, non voluntate, sed necessitate inimicas lumini sancto extitisse; talemque deum vestrum judicem constitutis, apud quem nihil prodesset possitis eis, quarum causam demonstrata necessitate defenditis; et talem regem, a quo fratribus vestris, filiis et membris illius, quorum inimicitias adversus vos et ipsum, non voluntate, sed necessitate extitisse perhibetis, nec indulgentiam impetrare valeatis. O immanissimam crudelitatem! nisi quod convertitis vos ad ipsius defensionem, ut eum quoque ista quod necessitate faciat excusetis. Si ergo possitis invenire alterum judicem, qui liber vinculo necessitatis moderator existeret æquitatis; istum certe in illo globo non forinsecus sigeret, sed cum ipso terribili hoste intus includeret. Cur enim non juste prior sit ad pœnam damnationis, qui prior est ad crimen necessitatis? Quanto ergo melius eligeretis deum in comparatione pejoris, non qualem colimus, sed qualē nos colere vel singritis vel putatis, qui sine ullo æquitatis examine, sine ulla distinctione damnationis et disciplinæ, non parceret servis suis³, nec justo nec peccatori, potius quam non parceret membris suis, vel innocentibus, si necessitas crimen non est; vel illi obtemperando factis nocentibus, si et necessitas crimen est: ut ab illo in æternum damnarentur, cum quo vel simul absvoli, si post victoriam resplaret libertas, vel simul damnari debuerunt, si et post victoriam tantum saltem valeret necessitas, ut aliquid valeret et æquitas. Sicut autem deum, non illum verum et summum quem colimus, sed alium nescio quem falsum configitis, quem nos colere vel arbitramini vel calumniamini, qui tamen etiam ipse multo est melior deo vestro; ambo enim non sunt, et a vobis ambo singuntur: sed meliorem singritis cum quem tanquam nostrum accusatis, quam eum quem vestrum adoratis.

CAPUT XXIII. — Sic et Patriarchas et Prophetas non tales vituperatis, quales honorantur a nobis; sed quales Libris nostris non intellectis malevola vanitate finxitis: quos tamen etiam ipsos quales fuisse suspiciam*i*, parum est si dicam vestris Electis omnia Manichæi mandata servantibus, nisi etiam ostendam ipso deo vestro esse meliores: quod non aggrediar demonstrare, nisi prius sanctos patres nostros Patriarchas et Prophetas a criminacionibus vestris, adjuvante me Lomino, adversum corda carnalia, perspicua ratione⁴ defenserero. Et vobis quidem, Manichæi, sic respondere sufficeret, ut etiam vitia que putatis nostrorum, laudibus vestrorum preponenda doceremus; addentes ad cumulum confusionis vestrae, ut etiam deus vester

¹ vaticanus codex, quod ea in expiatione sui venenanda.

² In editione Lov. omissum, enim, et rara iuncta est vocum interpunctio.

³ Am. Er. et MSS., non parceret in servis suis.

⁴ Si plures MSS. At editi, oratione.

longe pejor inveniretur hominibus, quales nostros patres fuisse jactatis. Sic ergo, ut dixi, vobis respondere sufficeret: sed quoniam nonnulli etiam praeter vestra vaniloquia sua sponte conmoventur, vitam Prophetarum in Vetere Testamento comparantes vitae Apostolorum in Novo Testamento, nec valentes discernere consuetudinem temporis illius quo promissio velabatur, a consuetudine temporis istius quo promissio revelatur; eis magis respondere compellor, qui vel temperantiam suam audent præferre Prophetis, vel nequitiae suæ querunt patrocinia de Prophetis.

CAPUT XXIV. — Quia in re hoc primum dico, illorum hominum non tantum linguam, verum etiam vitam fuisse propheticam; totumque illud regnum gentis Hebraeorum, magnum quemdam, quia et magni eiusdem, fuisse prophetam. Quocirea quod ad eos quidem attinet, qui illic erant eruditi corde in sapientia Dei, non solum in iis quæ dicebant, sed etiam in iis quæ faciebant; quod autem ad cæteros ac simul omnes illius gentis homines, in iis quæ in illis vel de illis divinitus siebant, prophetia venturi Christi et Ecclesiæ perscrutanda est. Omnia enim illa, sicut dicit Apostolus, *figuræ nostræ fuerunt* (*I Cor. x, 6*).

CAPUT XXV. — Sic autem isti in quibusdam factis, a quorum altitudine longe sunt, reprehendunt tanquam libidinem Prophetarum, sicut nonnulli etiam sacrilegi Paganorum reprehendunt tanquam stultitiam vel potius tanquam dementiam Christi, quia tempore anni non congruo poma quæsivit in arbore (*Matth. xxi*); aut puerilis eiusdem fatuitatis affectum quod inclinato capite digito scribebat in terra, et cum hominibus interrogantibus respondisset, rursus hoc facere coepit (*Joan. viii*). Nihil enim sapiunt, nec intelligunt in magnis animis quasdam virtutes vitiis parvorum esse simillimas, nonnulla specie, sed nulla æquitatis comparatione¹. Similes autem sunt qui in magnis ista reprehendunt, pueris imperitis in schola, qui cum pro magno didicerint, nomini numeri singularis verbum numeri singularis esse reddendum, reprehendunt latinæ linguae doctissimum auctorem, quia dixit, *Pars in frusta secant* (*Virgil. Aeneid. lib. 1, vers. 212*). Debuit enim, inquit, dicere, Secat. Et quia norunt Religionem dici, culpant eum quia geminata littera dicit, *Relligione patrum* (*Id., lib. 2, vers. 715*). Unde non absurde fortasse dicatur, in genere suo, quantum distant schemata et metaplasmi doctorum a solœcismis et barbarismis imperitorum, tantum distare figurata facta Prophetarum a libidinosis peccatis iniquorum: ac per hoc, sicut puer in barbarismo reprehensus, si de Virgili metaplasmo se velle defendere, ferulis cederetur; ita quisquis cum ancilla suæ conjugis volutatus, Abrahæ factum, quod de Agar problem genuerit, in exemplum defensionis assumpserit, utinam non plane ferulis, sed vel fustibus coercitus emundetur, ne cum cæteris adulteris aeterno supplicio puniatur. Minimæ quidem illæ res, istæ autem magnæ sunt; nec ad hoc inde ducta similitudo est, ut schema

sacramento, et solœcismus adulterio coæquetur: verumtamen proportione sui cuiusque generis, quod in illis locutionum quibusdam virtutibus seu vitiis peritia vel imperitia, hoc in his morum quamvis longe in diverso genere virtutibus seu vitiis sapientia vel insipientia valet.

CAPUT XXVI. — Quapropter, ne in quæque louanda vel vituperanda, accusanda vel defendenda, coercenda vel relaxanda, damnanda vel absolvenda, appetenda vel vitanda, temere irruamus, in quibus omnibus peccata seu recte facta versantur, prius quid sit peccatum considerare debemus; tunc deinde inspicere facta Sanctorum, Libris conscripta divinis, ut si qua et ipsorum peccata invenerimus, ob quam utilitatem sint etiam ipsa condita litteris, memorieque mandata, diligenter quantum possumus ratione videamus. Quæ autem repercrimus stultis seu malevolis videri peccata esse quæ non sunt, nec tamen in eis eminent aliqua exempla virtutum, hæc quoque intueamur quam ob causam illis inserta sint Litteris, quas ad utilitatem vite presentis regendæ et futuræ adipiscende conditas salubriter credimus. Porro autem quæcumque in factis Sanctorum eluent documenta justitiae, nullus vel imperitorum dubitat debuisse conscribi. De illis ergo potest esse quæstio, quæ vel inaniter scripta videri possunt, si nec recte facta apparent, nec peccata sunt; vel etiam perniciose, si peccata esse convincuntur, ne valeant ad imitationem, sive in ipsis libris reprehensa non sint, et ideo putari etiam possint non esse peccata; sive illæ quoque reprehensa sint, sed sub facilis spe veniæ committantur, quia et in sanctis inventa sunt.

CAPUT XXVII. — Ergo peccatum est, factum vel dictum vel concupitum aliquid contra æternam legem. Lex vero æterna est, ratio divina vel voluntas Dei, ordinem naturalem conservari jubens, perturbari vetans. Quisnam igitur sit in homine naturalis ordo, quarendum est. Constat enim homo ex anima et corpore: sed hoc et pecus. Nulli autem dubium est, animam corpori, naturali ordine præponendam. Verum animæ hominis inest ratio, que pecori non inest. Proinde, sicut anima corpori, ita ipsis animæ ratio cæteris ejus partibus, quas habent et bestiæ, naturæ legè præponitur: inque ipsa ratione, que partim contemplativa est, partim activa, procul dubio contemplatio præcellit. In hac enim et imago Dei est, qua per fidem ad speciem reformamur. Actio itaque rationalis contemplationi rationali debet obedire, sive per fidem imperanti¹, sicut est quædum peregrinatur a Domino (*II Cor. v, 6*); sive per speciem, quod erit cum similes ei erimus, quoniam videbimus eum sicuti est (*I Joan. iii, 2*), effecti etiam in spirituali corpore ex gratia ejus aquales Angelis ejus (*Matth. xxii, 50*), recepta stola prima immortalitatis et incorruptionis, qua induetur hoc mortale et corruptibile nostrum, ut absorbeat mors in victoriæ (*I Cor. xv, 53, 54*) justitia perfecta per gratiam. Quia et sancti ac sublimes Angeli habent contemplationem et actionem suam; id enim sibi agen-

¹ Aliquot MSS., nulla æqualitatis comparatione. Quidam, nulla æquitate comparationis.

¹ Am. Fr. et plerique MSS., operanti.

dum imperant, quod ille quem contemplantur, jubet, cuius æterno imperio liberaliter, quia suaviter, serviant: nos vero, quorum corpus mortuum est propter peccatum, antequam vivissemus Deus et mortalia corpora nostra per inhabitantem Spiritum ejus in nobis (*Rom. viii, 10, 11*), pro modulo infirmitatis nostræ secundum æternam legem qua naturalis ordo servatur, juste vivimus, si vivamus ex fide non feta, que per dilectionem operatur (*Galat. v, 6*): habentes in conscientia bona spem repositam in cœlis immortalitatis et incorruptionis, et ipsis perficienda justitiae usque ad quamdam ineffabiliter suavissimam saturitatem, quam in ista peregrinatione oportet esuriri ac sitiri, quamdiu per fidem ambulamus, non per speciem (*II Cor. v, 7*).

CAPUT XXVIII. — Quapropter hominis actio serviens fidei servienti Deo, refrenat omnes mortales delectationes, et eas coercet ad naturalem modum, meliora inferioribus ordinata dilectione præponens. Si enim nihil delectaret illicitum, nein peccaret. Peccat ergo, qui delectationem illiciti relaxat potius quam refrenat. Est autem illicitum, quod lex illa prohibet, qua naturalis ordo servatur. Utrum autem sit aliqua rationalis creatura, quam nihil possit illicitum delectare, magna quæstio est. Quod si est, non in eo genere factus est homo, nec illa natura angelica, que in veritate non stetit: sed in eo genere ista rationalia facta sunt, ut inesset eis possibilitas frenandi delectationem ab illico, quam non frenando peccaverunt. Magna est itaque et humana creatura, quandoquidem per eam possibiliter instauratur, per quam si voluisset, nec cecidisset. Magnus ergo Dominus, et laudabilis valde (*Psal. XLVII, 2*), qui condidit eam. Condidit enim et inferiores, que non possunt peccare; condidit et meliores, que nolunt peccare. Bestialis enim natura non peccat, quia nihil facit contra æternam legem, cui sic subdita est, ut ejus particeps esse non possit. Rursus angelica sublimis natura non peccat, quia ita particeps est legis æternæ, ut solus eam delectet Deus, cuius voluntati sine ullo experimento temptationis obtemperat. Homo autem, cuius propriæ peccatum tentatio est vita super terram (*Job vii, 1*), subdat sibi quod habet commune cum bestiis; subdat Deo quod habet commune cum Angelis: donec justitia et immortalitate perfecta atque percepta, ab istis exaltetur, illis aqueretur.

CAPUT XXIX. — Mortales autem delectationes usque ad reparandam seu custodiendam istam mortalem salutem, sive uniuscujusque hominis, sive ipsius humani generis, vel excitandæ vel relaxandæ sunt: ultra si prolapsæ fuerint, et contra temperaniam rationem hominem non se regentem abripuerint, libidines erunt profectio illicite ac turpes, et dignæ doloribus emendarci. Quod si etiam perturbatum rectorum in tantam voraginem perdite consuetudinis mergant, ut vel inultas fore credens, confessionis et penitentiae negligat medicinam, qua correctus emergat; vel pejore morte cordis contra illam æternam providentiæ legem blasphemum eis patrocinium de-

fensionis adhibeat, atque ita diem fungatur extremum: non jam emendatione, sed damnatione dignum lex illa irreprehensibilis censem.

CAPUT XXX. — Æterna ergo lege consulta, que ordinem naturalem conservari jubet, perturbari vetat, videamus quid peccaverit, id est, quid contra istam legem fecerit pater Abraham in his que velut magna crimina Faustus objecit. *Habendæ*, inquit, *prolis insanæ flagrans cupidine, et Deo, qui id jam sibi de Sara conjugæ promiserat, minime cred. ns, cum pellice volutatus sit.* Insana vero iste Faustus criminandi cupiditate exercitus, et heresis suæ nefas prodidit, et Abraham concubitu nesciens erransque laudavit. Sic ut enim lex æterna, id est, voluntas Dei creaturarum omnium conditoris conservando naturali ordini consulens, non ut satiandæ libidini serviatur, sed ut saluti generis prospiciatur, ad prolem tantummodo propagandam, mortalis carnis delectationem dominatu rationis in concubitum relaxari sinit: sic e contrario perversa lex Manichæorum, ne deus eorum, quem ligatum in omnibus seminibus plangunt, in conceptu semine arcu colligetur, prolem ante omnia devitari a concubentibus jubet, ut deus eorum turpi lapsu potius effundatur, quam crudeli nexu vincatur. Non igitur Abraham prolis habendæ insanæ cupiditate flagrabat, sed Manichæus prolis devitanda insanæ vanitate delirabat. Proinde ille naturæ ordinem servans, nihil humano concubitu agebat, nisi ut homo nasceretur: iste perversitatem fabule observans, nihil in quolibet concubitu timebat, nisi ne dens captivaretur.

CAPUT XXXI. — Ubi autem Faustus in facto Abraham velut conscientiam culpat uxoris, ibi male quidem animo et intentione vituperandi, sed tamen nesciens et nolens utrumque collaudat. Neque enim conscientiam suam flagitio conjugis miserit, quo ille suam libidinem turpi et illicita voluptate satiat: sed etiam illa naturali ordine filios volens, seque sterilem sciens, ancillaris uteri fecunditatem in usum juris sui potestate licita vindicavit; non cedens viro concupiscentis, sed iubens obedienti (*Gen. XVI, 2-4*). Neque hoc inordinata superbia: quis enim nescit uxorem marito tanquam domino debere servire? Sed quod ad membra corporis attinet, quibus sexus ipse distinguitur, Apostolus dicit, *Similiter et vir sui corporis potestatem non habet, sed mulier* (*I Cor. vii, 4*): ut cum in ceteris actibus ad humanam pacem pertinentibus, mulier viro debeat servitatem, hujus unius rei, qua sexus utriusque carnali sorte discernitur, et carnali commixtione concernit, similem in se habent potestatem, vir in uxorem, et uxor in virum. Prolem igitur, quam de se habere Sara non poterat, de ancilla habere voluit: ex eo tamen scimus, ex quo et de se, si posset, habere debebat¹. Nunquam hoc faceret mulier, si in corpore viri carnali concupiscentia teneretur; zelaret enim potius pellicem, non faceret matrem: nunc vero propterea sic prope-

¹ In vs., de siderabat.

gandi voluntas pia fuit, quia concubendi voluntas libidinosa¹ non fuit.

CAPUT XXXII. — Illud sane defendi non potest, si Abraham, sicut Faustus objicit, minime credens Deo, qui sibi jam prolem de Sara promiserat, de Agar suscipere voluit. Sed apertissime falsum est: nondum hoc promiserat Deus. Recenseant Scripturæ illius superiora, qui volunt; invenient semini Abraham jam fuisse promissam terram et innumerabilis multitudinis abundantiam (*Gen. xi, 3*), nondum tamen fuisse patefactum quonodo illius seminis esset futura propagatio, utrum ex carne Abrahæ, si de se ipse generaret; an ex voluntate, si aliquem forte adoptaret: deinde si de carne ipsius, utrum ex Sara, an ex alia prorsus, nondum manifestatum fuit. Legant, inquam, qui volunt, et invenient Faustum aut falli imprudenter, aut fallere impudenter. Itaque Abraham, cum sibi videret non nasci filios, et tamen semini suo factam promissionem teneret, primo de adoptione cogitabat. Hoc indicat, quod cum Deo loquens, ait de vernaculo suo, *Ilic hæres meus erit*: tanquam diceret, Quia de me ipso mihi semen non dedisti, in isto comple quod meo semini promisisti. Si enim semen cuiusque non appellaretur, nisi quod de ejus carne nasceretur, nec nos appellaret Apostolus semen Abrahæ (*Galat. iii, 29*), qui certe originem carnis ab illo non ducimus, sed imitatione fidei semen ejus facti sumus, credentes in Christum, cuius earo ex illius carne propagata est. Tunc ergo Abraham audivit a Domino, *Non hic erit hæres tuus; sed qui exiit de utero tuo, ipse erit hæres tuus* (*Gen. xv, 3, 4*). Jam tunc² adoptionis cogitatione sublata, cum de se ipso semen speraret Abraham, restabat incertum, utrum ex Sara, au ex alia: quod illi Deus occultare voluit, donec prius ex ancilla Vetus Testamentum figuraretur. Quid ergo mirum, si videns Abraham sterilem uxorem, cupientem sibi prolem, quam parere ipsa non potuit, ex famula sua et ex marito provenire, non sue carnali cupiditati cessit, sed conjugali potestati obtemperavit; credens hoc Saram ex Dei nutu voluisse, qui jam ex se ipso illi hæredem promiserat, sed ex qua femina non predixerat? Frustra igitur Faustus ad objiciendum hoc crimen insanus insiluit, tanquam infidem Abraham infideliter arguens. Cætera enim cœciate non credendi nec valui intelligere, hoc autem libidine calumniandi neglexit et legere.

CAPUT XXXIII. — Quod autem justum et fidem virum matrimonii sui infamissimum mundinatorem appellans, avaritiae ac ventris causa duobus regibus Abimelech et Pharaoni diversis temporibus Saram conjugem suam sororem mentitum, quia erat pulcherrima, in concubitum asserit venditasse, non ore veridico a turpitudine separat honestatem, sed ore maledico totum vertit in crimen. Hoc enim Abrahæ factum lenocinio simile videtur, sed non valentibus ex illius æternæ legis lumine a peccatis recte facta dis-

¹ Sic Am. Er. et plures MSS. At Iov., *voluptas libidi-*
nosa

² Am. Fr. et MSS., *jam nunc.*

cernere: quibus et constantia pertinacia videri potest, et virtus fiducie vitium putari audacie, et quemque similiter objiciuntur quasi non recte agentibus, a non recte cernentibus. Neque enim Abraham flagitio consensit uxoris, ejusque vendidit adulterium: sed sicut illa famulam suam non libidini mariti permisit¹, sed officio generandi ultro intulit, nequaquam turbato ordine naturali, ubi ejus potestas erat, jubens potius obedienti, quam cedens concupiscenti; sic et ipse conjugem castam et casto corde sibi cohærentem, de cuius animo, ubi pudicitie virtus habitabat, nullo modo dubitabat, tacuit uxorem, dixit sororem; ne se occiso, ab alienigenis atque impiis captiva possideretur; certus de Deo suo quod nihil eam turpe ac flagitiosum perpeti sineret. Nec eum fides ac spes fecellit: namque Pharaon territus monstris, multisque proper eam malis afflictus, ubi ejus esse uxorem divinitus didicit, illasam cum honore restitut; Abimelech autem somnio communitus atque eductus, similiter fecit (*Gen. xii et xx*).

CAPUT XXXIV. — Nonnulli quidem, non caluniosi et maledici, sicut Faustus, sed eisdem Libris honorem debitum deferentes, quos iste vel non intelligendo reprehendit, vel reprehendendo non intelligit, cum hoc Abrahæ factum considerarent, visum est eis quod a firmitate fidei subdefecit atque titubaverit, et timore mortis, sicut Dominum Petrus (*Matth. xxvi, 70-74*), ita iste negaverit uxorem. Quod si ista necesse esset intelligi, peccatum hominis agnoscerem; nec ideo cuncta ejus merita deleta atque obliterata censerem, sicut nec illius apostoli: quoniam culpa non sit æqualis, negare uxorem, et negare Salvatorem. Nunc vero cum habeam quod intelligam, ne hoc intelligam, nulla causa cogor temeritate labi ad reprehendendum, quem nemo convincit timore lapsum fuisse ad mentendum. Neque enim utrum ejus uxor esset interrogatus, non esse respondit: sed cum ab eo quereretur quid ei esset illa mulier, indicavit sororem, non negavit uxorem: tacuit aliquid veri, non dixit aliquid falsi.

CAPUT XXXV. — An usque adeo desipimus, ut hic Faustum sequamur, qui ait sororem mentitum, quasi genus Saræ aliunde didicerit, cum id sancta Scriptura non aperuerit? Puto justum esse ut in ea re, quam uoverat Abraham, nos autem non novimus, Patriarchæ potius credamus loquenti quod scit, quam Manichæo criminanti quod nescit. Cum igitur Abraham eo tempore viveret in rebus humanis, quo quidem jam fratres ex utroque aut ex altero vel altera parente natos necti coniugio non liebat, filios autem fratribus aliasque longinquiore gradu generis consanguineos, nulla lege, nulla potestate prohibita consuetudo jungebat; quid mirum si sororem suam, id est, ex patris sui sanguine procreatam habebat uxorem? Nam hoc ipse reddenti sibi eam regi dixit de patre esse sororem, non de matre: ubi certe ut sororem mentiretur, nullo jam timore cogebatur, quando ille ux-

¹ Am. et Er., *non libidine marito permisit.*

rem ejus esse didicerat, et eam divinitus territus cum honore reddebat. Fratres autem sive sorores generali nomine consanguineos vel consanguineas solere apud veteres appellari, Scriptura testatur. Nam et Tobias dicit Deo, cum oraret antequam misceretur uxori, *Et nunc, Domine, tu scis quoniam non luxuriæ causa accipio sororem meam* (*Tob. viii, 9*) : cum esset illa non ex concubitu ejusdem patris, nec ex eodem matris utero, sed ex eadem stirpe cognationis exorta (*Id. vi, 11 et vii, 2*). Et Loth frater Abraham dicitur (*Gen. xiii, 8*), cum pater eius esset Abraham (*Id. xi, 31*) : ex qua vocabuli consuetudine etiam fratres Domini vocantur in Evangelio, non utique quos Maria virgo pepererat, sed ex ejus consanguinitate omnes propinquos (*Math. xii, 46*).

CAPUT XXXVI. — Dicit aliquis: Cur non potius ita de Deo suo presumpsit Abraham, ut fateri non timeret uxorem? Neque enim Deus ab illo mortem non poterat repellere quam timebat, eumque cum conjugé sua ab omni pernicie in illa peregrinatione tutari, ut nec uxor ejus, quamvis esset pulcherrima, appeteretur ab aliquo, nec propter illam ipse necessetur. Poterat sane hoc efficere Deus: quis ita sit demens ut hoc neget? Sed si interrogatus Abraham, illam seminam indicaret uxorem, duas res tuendas committeret Deo, et suam vitam, et conjugis padietiam. Pertinet autem ad sanam doctrinam, quando habet quod faciat homo, non tentare Dominum Deum suum (*Deut. vi, 16*). Neque enim et ipse Salvator non poterat tueri discipulos suos, quibus tamea ait: *Si vos persecuti fuerint in una civitate, fugite in aliam* (*Math. x, 23*). Cujus rei prior exemplum præbuit. Nam cum potestatem haberet ponendi animam suam, nec eam poneret, nisi cum velle (*Joan. x, 18*), in Ægyptum tamen infans portantibus parentibus fugit (*Math. ii, 14*): et ad diem festum non evidenter, sed latenter ascendit, cum alias palam loqueretur Judeis irascientibus et inimicissimo animo audientibus, nec tamen valentibus in eum mittere manus, quia nondum venerat hora ejus (*Joan. vii, 10, 30*): non cujus horæ necessitate cogeretur mori, sed cujus horæ opportunitate dignaretur occidi. Qui ergo palam docendo, et arguendo et tamen inimicorum rabiem valere in se aliquid non sinendo, Dei demonstrabat potestatem; idem tamen fugiendo et latendo hominis instruebat infirmitatem, ne Deum tentare audeat, quando habet quod faciat, ut quod cavere oportet evadat. Neque enim et apostolus Paulus desperaverat adjutorium protectio-nemque divinam, fidemque perdiderat, quando per inurum in sporta submissus est, ut inimicorum manus effugeret (*Act. ix, 25*). Non ergo in Deum non credendo sic fugit: Sed Deum tentando sic fugere noluisse¹, cum sic fugere potuisset. Proinde cum inter ignotos propter excellentissimam pulchritudinem Saræ, et ejus pudicitia et mariti vita esset in dubio, nec ulti-mumque tunc posset, Abraham, verumtamen in eum homini posset, id est, vitam; ne Deum suum tentaret, fecit

quod potuit: quod autem non potuit: illi commisit. Qui ergo se hominem occultare non valuit, maritum se occultavit, ne occideretur; uxorem Deo creditit, ne pollueretur.

CAPUT XXXVII. — Quanquam serupulosius dis-putari possit, utrum illius mulieris pudicitia violare-tur, etiam si quisquam carni ejus commixtus foret, cum id in se fieri pro mariti vita, nec illo nesciente, sed jubente permittaret, nequaquam fidem deserens conjugalem, et potestatem non abnuens maritalem; sicut ille adulter non fuit, quando uxor obtempe-rans potestati, de ancilla prolem generare con-sensit (*a*): sed propter vim principiorum, quia¹ non ita duabus viris vivis ad concubendum semina subditur, sicut duae feminæ uni viro; multo verius et honestius illud accipimus, quod pater Abraham nec tentavit Deum, quando vite sue quantum potuit hominem con-soluit, et speravit in Deum cui pudicitiam conjugis commendavit.

CAPUT XXXVIII. — Jam vero in hac re gesta atque in divinis Libris posita fideliterque narrata, quem non delectet etiam factum propheticum perser-tari, et sacramenti ostium pia fide studioque pulsare, ut periat Dominus et ostendat quis tunc in illo figura-batur viro, et cuius sit uxor que in hac peregrina-tione atque inter alienigenas pollui macularique no-si-sunt, ut sit viro suo sine macula et ruga? In glo-riam² quippe Christi recte vivit Ecclesia, ut pulchri-tudo ejus honori sit viro ejus, sicut Abraham propter Sarę pulchritudinem inter alienigenas honorabatur: et que ipsi, eni dicitur in Canticis cantorum, *O pul-chra inter mulieres* (*Cant. i, 7*)! ipsius pulchritudinis merito reges offerunt munera; sicut Sarę obtulit rex Abimelech, plus in ea mirans forme decus, quod amare potuit, et violare non potuit. Est enim et sancta Ecclesia Domino Iesu Christo in ecclœ uxor. Occulte quippe atque intus in abscondito secreto spi-rituali anima humana inhaeret Verbo Dei, ut sint duo in carne una: quod magnum conjugii sacramentum in Christo et in Ecclesia commendat Apostolus (*Ephes. v, 31, 32*). Proinde regnum terrenum saeculi hujus, cuius figuram gerebant reges qui Sarę pul-kuere permissi non sunt, non expertum est ne invenit Ecclesiam conjugem Christi, id est, quam fideliter illi tanquam principio viro suo³ subdita cohereret, nisi cum violare tentavit, et divino testimonio per fidem martyrum cessit, correptumque in posterioribus regi-bus honoravit munere, quam correptioni sue subdere in prioribus non evaluit. Nam quod tunc in eodem rege prius et posterius figuratum est, hoc in isto regno prioribus et posterioribus regibus adiungetur.

¹ Am. et Er., qua.

² Sic potiores vss. Editi vero, in gloria.

³ Editi vulgo male, *tangam præcipio viro suo*. Nomuli MSS., *tangam principi ac viro suo*: quia paulo ante dixit, *propter vim principiorum fieri ut non ita diobus viis tunc feminæ sub-datur*, sicut d' *ad feminæ uiri viro*.

(a) Vnde liberum I de sermone domini in monte, cap. 16. nro. 30, 30.

¹ Er. Lugd. Ven., sed Deum tentaret, si fugere noluisse. Lev., sed etiam tentando fugere noluisse. M.

CAPUT XXXIX. — Cum autem dicitur de patre esse sororem Christi Ecclesiam, non de matre, non terrena generationis quæ evacuabitur, sed gratia cœlestis quæ in æternum manebit, cognatio commen- datur. Secundum quam gratiam genus mortale non erimus, accepta potestate ut filii Dei vocemur et si- mus (I Joan. iii, 1). Neque enim hanc gratiam de Synagoga matre Christi secundum carneum, sed de Deo patre perceperimus. Illanc vero cognitionem terrenam, quæ ad mortem temporaliter generat, vocans in aliam vitam ubi nullus moritur, negare nos Christus do- euit, non fateri, cum discipulis ait : *Ne vobis dicatis patrem in terra; unus est enim Pater vester qui in cœlis est* (Math. xxiii, 9). Cujus rei præbuit exemplum, quando et ipse dixit : *Quæ mihi mater, aut qui fratreſ? Et extendens manum super discipulos, ait: Hi sunt fratres mei.* Et ne quisquam in hoc vocabulo ter- renam cognitionem cogitaret, adjunxit, *Et quicumque fecerit voluntatem Patris mei, ipse mihi frater, et mater, et soror est* (Id. xii, 48-50) : tanquam diceret, De Deo patre hanc cognitionem appello, non de Sy- nagoga matre. Ad æternam quippe vitam nunc voco, ubi immortaliter ratus sum ; non ad temporalem, unde ut vocarem mortalibus effectus sum.

CAPUT XL. — Quod ergo Ecclesia, cuius uxor sit occultator alienigenis, cuius autem soror non facetur, haec interim causa facile occurrit, quia occultum et difficile ad intelligendum est, quomodo anima hu- mana Verbo Dei copuletur, sive misceatur, sive quid melius et aptius dici potest, cum sit illud Deus, ista creatura. Secundum hoc enim sponsus et sponsa, vel vir et uxor, Christus et Ecclesia dicuntur. Qua vero cognitione sint fratres Christus et omnes sancti, gracia divina, non consanguinitate terrena, hoc est, de patre, non de matre, et effabilius dicitur, et ca- pacius auditur. Nam et inter se omnes sancti per eamdem gratiam fratres sunt : sponsus autem cœterorum societati¹ nullus illorum est. Proinde Chri- stum, quanvis excellentissimæ justitiae atque sapientiae, tamen hominem multo facilius et proclivius alienigenæ crediderunt, non quidem falso, quod homo es-set : sed quomodo etiam Deus esset ignorave- runt. Hinc et Jeremias : *Et homo, inquit, est, et quis agnosceret eum* (Jerem. xvii, 9)? *Et homo est;* quia proditur quod frater est. *Et quis agnosceret eum?* quia occultatur quod sponsus est. Haec de patre Abraham adversum impudentissimam et imperi- tissimam et calumniosissimam Fausti vocem satis dicta sint.

CAPUT XLI. — Loth autem frater ejus justus et hospitalis in Sodomis, et ab omni Sodomitarum con- taminatione purus atque integer, ex illo incendio quod erat similitudo futuri judicii, meruit salvus evadere; typum gestans corporis Christi, quod in omnibus sanctis et nunc inter iniquos atque impios gemit, quorum factis non consentit, et a quorum commixtione in sæculi fine liberabitur, illis damnatis

¹ Edit, cœterorum societate. Erratum emendamus ex Mss.

suppicio ignis æterni. Sicut autem aliud genus ho- minum in ejus uxore figuratum est, eorum scilicet qui per gratiam Dei vocati, retro respiciunt; non sicut Paulus, qui ea quæ retro sunt oblivateur, et in ea quæ ante sunt extenditur (Philipp. iii, 13). Unde et ipse Dominus, *Nemo, inquit, imponens manum super aratrum, et respiciens retro, aptius est regno cœlorum* (Luc. ix, 62). Nec illud exemplum tacuit, quo nos tanquam sale condiret, ut non fatui negligeremus, sed prudentes eaveremus hoc malum. Unde et illa, ut hoc admoncret, in statuam salis conversa est. Nam cum præcipere ut se quisque perseverantissima anteriorum intentione ab iis quæ retro sunt eriperet, *Mementote, inquit, uxoris Loth* (Id. xvii, 32). Sic etiam in ipso Loth, quando cum eo filie concubue- runt, non illud quod cum a Sodomis liberatus est, sed aliud aliquid figuratum est. Nam tunc ille ipso Loth futuræ Legis videtur gestasse personam, quam quidam ex illa procreati et sub Iege positi, male in- telligendo quodam modo inebriant¹, eaque non le- gitime utendo infidelitatis opera pariunt. *Bona est enim Lex,* ait Apostolus, *si quis ea legitime utatur* (I Tim. i, 8).

CAPUT XLII. — Nec ideo tamen hoc factum vel ipsius Loth vel ejus filiarum justificamus, quia si- gnificavit aliquid quod futuram quorumdam perversitatem prænuntiaret. Aliud enim illæ ut hoc sacerdent intenderunt, aliud Deus qui hoc fieri permisit, ut etiam inde aliquid demonstraret, manente recto judi- cio suo super peccatum hominum tunc præsentium, et vigilante providentia sua pro significatione futuro- rum. Proinde illud factum cum in sancta Scriptura narratur, prophetia est : cum vero in illorum vita qui hoc commiserunt consideratur, flagitium est.

CAPUT XLIII. — Nec rursus tanta reprehensione atque accusatione res digna est, quantum in eam Faustus inimicus et cœcus evomuit. Consulitur enim æterna lex illa ordinem naturalem conservari jubens, perturbari vetans, et non ita de hoc facto judicat, ac si ille in filias nefaria libidine exarsceret, ut earum in- cestato corpore frueretur, aut eas haberet uxores : sed nec de illis feminis, ac si in sui patris carnem exes- crabili amore flagrassent. Ratio quippe justitiae non tantum quid factum sit, verum etiam quare factum sit intuetur, ut ex causis suis facta pendentia libramento æquitatis examinet. Cum igitur illæ ad conservationem generis prolem quererent, qui utique² in eis humanus erat et naturalis affectus, nec se crederent invenire posse alios viros, velut exusto illa conflagratione orbe terrarum, neque enim discernere poterant quounque ignis ille saevirerit, miscere se patri voluerunt. Potius quidem nunquam esse matres, quam sic uti patre debuerunt : verumtamen multum interest, quod ea causa usæ sunt, quam si concupiscentia tam funesta voluptatis uterentur.

CAPUT XLIV. — Ab illo autem opere ita patrem abhorrente sentiebant, ut id se impleturas esse non

¹ Apud Er. Lugd. Ven., inebriantes. ² Lov., quia utique.

crederent, nisi ejus ignorantiam procurarent. Namque, ut scriptum est, inebraverunt eum, et se nescienti miscerunt (*Gen. xix.*). Quapropter culpandus est quidem, non tamen quantum ille incestus, sed quantum illa meretur ebrietas. Nam et hanc lex aeterna condemnat; quia cibum et potum ad ordinem naturalem non nisi gratia conservande salutis admittit. Quamvis ergo inter ebriosum et ebrium plurimum intersit: nam nec ebriosus semper est ebrius, nec quisquis aliquando ebrius, consequenter ebriosus est: tamen in homine justo hujus ipsius, et si non ebriositas, at certe ebrietatis causa querenda est. Quid enim tandem cogebat ut filiabus suis crebra vina miscerentibus, aut fortasse nec mixta crebro porrigentibus, consentiret aut credere? An ad hoc filias nimiam tristitiam singentes ita voluit consolari, ut illius destitutionis et materni luctus dolor de agitatione mentis ebrie fugaretur, etiam ipsas tantumdem bibere existimans, et aliqua fraude agentes ne biberent? Sed etiam talem tristib[us] suis adhibere consolationem quomodo virum justum decuerit, non videamus. An aliqua Sodomitarum arte pessima etiam paucis poculis patrem sic inebrare potuerunt, ut illud peccatum cum ignorantie, vel potius de ignorantie committerent? Sed mirum si hoc Scriptura divina tacuisse, vel servum suum Deus sine aliquo voluntatis ejus vitio perpetui sineret.

CAPUT XLV. — Nos tamen Scripturas sanctas, non hominum peccata defendimus. Non sic autem de hujus facti purgatione satagimus, quasi hoc Deus noster aut fieri jussit, aut factum approbaverit; aut ita justi homines in illis Libris appellantur, ut si voluerint peccare, non possint. Cum ergo in Litteris quas isti reprehendunt, Deus huic facto nullum justitiae testimonium perhibuerit, qua dementia temeritatis hinc illas Litteras accusare contendunt, cum aliis earum locis apertissime inveniantur divinis præceptis ista prohiberi? Unde in illa re gesta de opere filiarum Loth narrata ista sunt, non laudata. Quædam vero enuntiatio judicio Dei, quædam tacito narrari oportuit: ut quando promittitur quid inde judicaverit Deus, instruatur nostra imperitia; quando autem tactetur, vel exerceatur peritia, ut quod alibi didicimus recolamus; vel exentiatur pigritia, ut quod nondum uovimus inquiramus. Deus ergo, qui novit et de hominum opere malo facere opera bona, gentes quas voluit, ex illo semine propagavit, non Scripturas suas propter hominum peccata damnavit. Prodidit quippe ista, non fecit; et cavenda admonuit, non imitanda proposuit.

CAPUT XLVI. — Mirabili sane impudentia¹ Faustus Isaac quoque filium Abræ criminatus est, quod Rebeccam, quæ uxor erat, sororem fixerit (*Id. xxvi.*, 7). Genus enim Rebeccæ non tacitum est, et eam per notissimam propinquitatem sororem ejus fuisse manifestum est (*Id. xxiv.*). Ut autem taceret uxori, quid mirum, aut quid parvum, si imitatus

est patrem; cum eadem justitia defendatur, qua pater ejus de simili objecto inculpatus inventus est? Quæ igitur pro Abraham, quod ad hanc rem attinet, adversus criminantem Faustum diximus (*Supra, capp. 53 36*), eadem etiam pro Isaac filio ejus valent; quæ recensere non est difficile: nisi forte studiorum aliquis querat, in cuius figuræ sacramento accipiendum sit, quod rex alienigena Rebeccam viri sui conjugem tunc esse cognovit, quando cum cum illa ludentem vidit; quod non cognovisset, nisi cum conjugo ille sic luderet, quomodo cum ea quæ conjux non esset ludere non decrebet. Quod cum sancti conjugati faciunt, non inaniter faciunt, sed prudenter: descendunt enim quodam modo ad feminæ sexus infirmitatem, ut aliquid blanda hilaritate vel dicant vel faciant; non enervantes, sed temperantes virilem rigorem²: quod tamen ei quæ uxor non est qui dixerit aut fecerit, turpis est. Verum hoc, quod ad mores humanitatis pertinet, dixerim, ne quisquam durus et sine affectu id ipsum pro crimine objiciat sancto viro, quod cum conjugæ sua luserit. Tales enim homines inhumani si aliquem gravem virum ludicum aliquid garrientem pueris etiam parvulis viderint, quo eorum lacteum sensu assabili et nutritoria facilitate permulceat, tanquam delirantem reprehendunt: oblii unde creverint, aut ingrati quod creverint. Quid autem sibi velit in sacramento Christi et Ecclesie, quod tantus Patriarcha cum conjugæ luserit, conjugiumque illud inde sit cognitum, videt profecto quisquis, ne aliquid errando in Ecclesiam peccet, secretum viri ejus in Scripturis sanctis diligenter intuetur: et invenit eum majestatem suam, qua in forma Dei æqualis est Patri, paulisper abscindisse in forma servi (*Philipp. ii.*, 6, 7), ut ejus capax osse humana infirmitas posset, eoque modo se conjugi congruenter aptaret. Quid enim absurdum, imo quid non convenienter futurorum prænuntiationi accommodatum, si Propheta Dei carnale aliquid lusit, ut eum caperet affectus uxor; cum ipsum Verbum Dei caro factum sit, ut habitaret in nobis (*Joan. i.*, 14)?

CAPUT XLVII. — Jam vero filio ejus Jacob quod pro ingenti crimen quatuor objiciuntur uxores (*Gen. xxix et xxx*), generali prælocutione purgatur. Quando enim mos erat, crimen non erat: et nunc propterea crimen est, quia mos non est. Alia enim sunt peccata contra naturam, alia contra mores, alia contra præcepta. Quæ cum ita sint, quid tandem criminis est, quod de pluribus simul habitis uxoribus objicitur sancto viro Jacob? Si naturam consulas, non lasciviendi, sed gignendi causa illis mulieribus utebatur: si morem, illo tempore atque in illis terris hoc factitabatur: si præceptum, nulla lege prohibebatur. Nunc vero cur crimen est, si quis hoc faciat, nisi quia et moribus et legibus hoc non licet? Quæ duo quisquis contempserit, etiamsi tantummodo causa generandi uī possit feminis pluribus, peccat tamen, et ipsam violat humanam societatem, cui necessaria est propagatio filiorum. Sed quia homines, aliter se ba-

¹ Quidam MSS., cederet.

² Aliquot MSS., imprudentia.

¹ Plerique MSS., rigorem.

bentibus jam moribus et legibus, non possunt delectari uxorum multitudine nisi libidinis magnitudine, ideo errant et putant haberi omnino non potuisse uxores multas, nisi flagrantia concupiscentiae carnalis et sordide voluptatis. Comparantes enim, non alios quorum animi virtutem prorsus nosse non possunt, sed, sicut ait Apostolus, semetipsos sibi metipsis (II Cor. x, 12), non intelligunt. Et quia ipsi etiam si unquam haberint, ad eamdem non solo generandi officio duci viriliter accedunt, sed sc̄epe coeundi stimulo vieti enerviter pertrahuntur; quasi veraciter sibi videntur conjicere, quam majore hujusmodi morbo per multas alii captiventur, quando se vident in una temperantiam non posse servare.

CAPUT XLVIII. — Verum nos eis qui hanc virtutem non habent, ita de sanctorum virorum moribus judicium committere non debemus, sicut de ciborum suavitate ac salubritate judicare febientes non similius: potiusque illis ex sanorum sensu et precepto medicantium¹, quam ex eorum cogitacionis affectione alimenta preparamus. Proinde isti si volunt non falsae atque adumbrate, sed verae ac solidae pudicitiae capere sanitatem, divinae Scripturae tanquam libris medicinalibus credant, non frustra tam magnum honorem sanctitatis tributum quibusdam viris etiam plures uxores habentibus; nisi quia fieri potest ut imperator carnis animus tanta temperantiae potestate propagolleat, ut genitalis delectationis motum insitum naturae mortaliū ex providentia generandi leges impositas non permittat excedere. Alioquin possunt isti, maledici potius calumniatores, quam veridi ci judices, etiam sanctos Apostolos accusare, quod non charitate generandi filios vite æternæ, sed cupiditate laudis humanæ, populis tam multis Evangelium predicaverint. Neque enim deerat illis evangelicis patribus per omnes Christi Ecclesias fama præclaræ tot linguis laudantibus comparata: ino vero tanta adorat, ut major hominibus ab hominibus honor et gloria deserri non debeat. Hanc in Ecclesia gloriam perversa voluntate Simon perditus concupivit, quando ab eis pecunia voluit cæcus emere, quod illi divina gratia eademque gratuata meruerunt (Act. viii, 18-20). Hujus avidus gloriæ suis intelligitur, quem se volentem sequi Dominus in Evangelio revocat dicens: *Vulpi siveas habent, et volucres cœli diversoria; Filius autem hominis non habet ubi caput reclinet* (Matth. viii, 20). Videbat enim eum dolosa simulatione tenebrosum et ventosum elatione jactatum, non babere fidei locum ubi se inclinantem doctorem humilitatis exciperet; quia in discipulatu Christi non illius gratiam, sed suam gloriam requirebat. Illoc amore gloriæ corrupti erant, quos Paulus apostolus notat, quod per invidiam et contumaciam non caste Christum amouerant: quibus tamen prædicantibus gaudet Apostolus (Philipp. i, 15-18), sciens fieri posse ut dum illi sectantur humana gloriæ cupiditatem, tamen his auditis fideles nasce-

reantur; non ex eorum invida cupiditate, qua se volent vel sequari, vel anteponi apostolice gloriæ², sed per Evangelium, quod etiam si non caste, tamen amueriabant; ut de malo illorum Deus operaretur bonum: sicut fieri potest ut homo ad concubitum non ingrediatur voluntate generandi, sed luxurianti libidine rapiat; et tamen nascatur homo, bonum Dei opus de secunditate semen, non de turpitudine vitiorum. Sicut ergo sancti Apostoli auditoribus admigrantibus doctrinam suam condelectabantur, non aviditate consequenda laudis, sed charitate seminanda veritatis; ita sancti Patriarchæ conjungibus excipientibus semen suum miscebantur, non concupiscentia percipiendæ voluptatis, sed providentia propagande successionis: ac per hoc nec illos ambitiosos multitudo populorum, nec illos libidinosos multitudo faciebat uxorum. Sed quid de viris loquar, quibus excellentissimum testimonium divina voce perhibetur, cum ipsas feminas satis eluceat nihil aliud in concubitu appetisse quam filios? Quippe ubi se minime parere viderunt, famulas suas dederunt viro suo³, ut illas matres facerent carne, ipsæ fierent voluntate.

CAPUT XLIX. — Nam et illud, quod mendacissima criminatione Faustus objecit, habuisse inter se velut quatuor scorta certamen, quenam eum ad concubitum raperet, ubi hoc legerit nescio, nisi forte in corde suo tanquam in libro nefariorum fallaciarum, ubi vere ipse scortabatur, sed cum serpente illo de quo Apostolus timebat Ecclesiæ, quam virginem castam cupiebat uni viro exhibere Christo, ne sicut Evam deceperat astutia sua, sic et illorum mentes a Christi castitate avortendo corrumperet (II Cor. xi, 2, 3). Ita enim huic serpenti amici sunt isti, ut eum præstisset potius⁴ quam nocuisse contendant. Ipse plane Fausto persuasit, pectori adulterato falsitatis semina infundens; ut has male conceptas calumnias ore immunissimo parceret, et stilo audacissimo etiam memoriam commendaret. Nulla enim ancillarum virum Jacob ab altera rapuit, nulla de illius concubitu cum altera litigavit. Ideo magis ordo erat, quia libido non erat; et tanto firmius servabantur conjugalis potestatis jura, quanto castius vitabatur carnalis cupiditatis injuria. Quod enim et ab uxore conductitur, ibi vera nostra manifestatur assertio, ibi pro se adversus maledicta Manichæorum ipsa veritas clamat. Quid enim opus erat ut eum altera conduceret, nisi quia ordo alterius erat ut ad eam maritus intraret? Neque enim ad Liam nunquam accessisset⁵, nisi eum conduxisset: sed utique justis ad eam vicibus accedebat, de qua tot filios procreaverat, et cui obedierat ut etiam de ancilla procrearet, et de qua postea non conduce procrea-

¹ *Vaticanus codex, apostolicæ gratiæ.* Alli quidam MSS. *apostolicæ doctrine.*

² Lov., dederunt viris suis. Editi autem alii et MSS., dederunt viro suo. Itaque quod sequitur, ficerent, respici ipsas uxores quae dederunt.

³ Iuc apud Lov. additur, *homini.*

⁴ Am., Neque enim ad alium nunquam accessisset. Er. et Lov., Neque enim ad aliam unquam accessisset. Castigantur ex MSS.

¹ Sic meliores MSS. At editi, non colim.

² Editi Am. Er. et plerique MSS. et precepto medicamine, Nouilli, et precepto medicamine

vit. Sed tunc Rachel noctem habebat in ordine ut maneret cum viro : tunc penes eam potestas illa erat, de qua per Apostolum vox certe Novi Testamenti non tacuit, dicens, *Similiter et vir non habet potestatem sui corporis, sed mulier.* Ideo jam cum sorore pacta erat, cui facta debitrix eam translegaret ad debitorem suum. Nam hoc nomine id appellat Apostolus: *Uxor, inquit, vir debitum reddat* (*I Cor. vii, 4, 5*). Cui ergo vir debitor erat, jam acceperat a sorore quod elegerat voluntate, ut ei daret quod habebat in potestate.

CAPUT L. — Hic vero ille, quem Faustus tanquam impudicum clausis vel potius extinctis oculis criminaatur, si concupiscentiae non justitiae servus esset, nonne per totum diem in voluptatem illius noctis restuaret, qua erat cum pulchriore cubiturus: quam certe amplius diligebat, et pro qua bis septenarium¹ annorum laborem gratuitum penderat? Cum ergo jam die peracto in ejus iret amplexus, quando inde averteretur, si talis esset, qualem Manichaei nihil intelligentes opinantur? Nonne placito contemptu mulierum, intraret potius ad speciosam suam, quae illi noctem ipsam, non solum conjugis more, verum etiam ordinis jure debebat? Uteretur potius ipse potestate maritali, quia et *uxor non habet potestatem corporis sui, sed vir;* et pro eo tunc servitutis illarum vicissitudo faciebat: conjugali ergo potestate multo vincibilius uteretur, si forme desiderio vinceretur. Sed eo meliores feminæ invenirentur, si illæ pro filiis concipiendis, ipse autem pro concubitus sui voluptate certaret. Itaque vir temperantissimus, et plane vir, quia tam viriliter feminis utebatur, ut delectationi carnali non subjiceretur, sed dominaretur, magis quid deberet, quam quid ei deberetur attendit; nec ad propriam voluptatem sua potestate abuti voluit, sed illius debiti redditor quam exactor esse maluit. Unde consequens erat ut ei redderet, quam pro se id accipere illa cui debebatur elegit: quo earum placito pactoque comperto, cum repente atque impinata a pulcherrima conjugi revocaretur, et ad minus decoram vocaretur, non ira excanduit, non tristitia nubilatus est, non enerviter blandus, ut sibi potius Rachel noctem redderet, inter ambas sategit: sed maritus justus et providus pater, cuin illas prolis curam gerere videret, et ipse nihil aliud de concubitu quereret, earum voluntati obtemperandum judicavit, que sibi singillatim filios optabant; suæ² nihil minui, cui ambæ pariebant. Tanquam diceret: Vobis inter vos, ut vultis, cedite atque concedite quænam vestrum fiat mater: ego quid contendam, quando sive hinc sive inde nascenti non erit alius pater? Hanc profecto modestiam, hanc concupiscentiae coercionem, et in commixtione corporum conjugalium solum appetitum posteritatis humanæ, ut erat acutus Faustus, in illis litteris et intelligeret et laudaret, nisi ejus ingenium detestabili secta depravatum, et quid reprehenderet quereret, et unam nuptialis conventionis honesta-

tem, qua mares et feminæ liberorum procreandorum causa copularentur, hoc crimen maximum deputaret.

CAPUT LI. — Nunc jam defensis Patriarchæ moribus, refutatoque criminis quod nefarius error objicit, de libero³ ut possumus, mysteriorum secreta rimemur, pulsemusque fidei pietate, ut nobis aperiatur a Domino, quid rerum figuraverint quatuor istæ uxores Jacob, quarum duas liberas, duas ancillæ fuerunt. Videmus enim Apostolum, in libera et ancilla quas habuit Abraham, duo Testamenta intelligere (*Galat. iv, 22-24*): sed ibi in una et una facilis apparet quod dicitur; hic autem duas sunt et duas. Deinde ibi ancillæ filius exhibetur, hic vero ancillarum filii simul cum filiis liberarum terram promissionis accipiunt: unde hic procul dubio aliud significatur.

CAPUT LII. — Quanquam enim duas liberas uxores Jacob ad Novum Testamentum, quo in libertatem vocati sumus, existimem pertinere, non tamen frustra duas sunt: nisi forte quia (id quod in Scripturis adverti et inveniri potest) duas vite nobis in Christi corpore prædicantur; una temporalis in qua laboramus, alia æterna in qua delectationem Dei contemplabimur. Istam Dominus passione, illam resurrectione declaravit. Admonent nos ad hoc intelligendum illarum etiam nomina seminarum. Dicunt enim quod Lia interpretatur Laborans, Rachel autem Visum principium, sive Verbum ex quo videtur principium. Actio ergo humanæ mortalisque vitæ, in qua vivimus ex fide, multa laboriosa opera facientes, incerti quo exitu proveniant ad utilitatem eorum quibus consulere volumus, ipsa est Lia prior uxor Jacob: ac per hoc et infirmis oculis fuisse commemoratur. Cogitationes enim mortalium timidæ, et incertæ providentiae nostræ (*Sap. ix, 14*). Spes vero æternæ contemplationis Dei, habens certam et delectabilem intelligentiam veritatis, ipsa est Rachel: unde etiam dicitur bona facie, et pulchra specie. Hanc enim amat omnis pie studiosus, et propter hanc servit gratiae Dei, qua peccata nostra, etsi fuerint sicut phoenicum, tanquam nix dealbantur⁴ (*Isai. i, 18*): Laban quippe interpretatur Dealbatio, cui servivit Jacob propter Rachel (*Gen. xxix, 17, 30*). Neque enim se quisquam convertit sub gratia remissionis peccatorum servire justitiae, nisi ut quiete vivat in verbo ex quo videtur principium, quod est Deus: ergo propter Rachel, non propter Liam⁵. Nam quis tandem amaverit in operibus justitiae laborem actionum atque passionum? Quis eam vitam propter seipsam expetiverit? sicut nec Jacob Liam: sed tamen sibi nocte suppositam in usum generandi amplexus et secunditatem ejus expertus est. Dominus enim eam, quia per seipsam diligi non poterat, primo ut ad Rachel perveniretur, tolerari fecit, deinde propter filios commendavit. Ita

¹ Lov., de libro. Verius editi allii et MSS., de libero, id est propria sponte.

² Lov., dealbabuntur.

³ Ilic in excusis additum, servitur; quod verbum abest a MSS.

⁴ Sic Am. Er. et plures MSS. At Lov. *bis septenorum.*

⁵ Er. Lugd. et Ven. habent, sibi. M.

vero unusquisque utilis Dei servus , sub dealbationis peccatorum suorum gratia constitutus , quid aliud in sua conversione ¹ meditatus est , quid aliud corde gestavit , quid aliud adamavit , nisi doctrinam sapientiae? Quam plerique se adepturos et percepturos putant statim ut se in septem praeceptis legis exercuerint , quæ sunt de dilectione proximi , ne cuiquam homini noceatur ; id est , *Honora patrem et matrem , Non mæchaberis , Non occides , Non furaberis , Non falsum testimonium dices , Non concupisces uxorem proximi , Non concupisces rem proximi* (*Exod. xx. 12-17*) : quibus quantum potuerit observatis , postea quam homini pro concupita et sperata pulcherrima delectatione doctrinæ , per tentationes varias , quasi per hujus sæculi noctem , tolerantia laboris adhæserit , velut pro Rachel Lia inopinata conjuncta sit ; et hanc sustinet ut ad illam perveniat , si perseveranter amat , acceptis aliis septem præceptis : ac si dicatur ei , *Servi alios septem annos pro Rachel* ; ut sit ² pauper spiritu , misis , lugens , esuriens sitiensque justitiam , misericors , munidicors , pacificus (*Matth. v. 3-9*). Vellet enim homo , si fieri posset , sine ulla tolerantia laboris , quæ in agendo patienteque amplectenda est , statim ad pulchræ atque perfectæ sapientiae delicias pervenire : sed hoc non potest in terra morientium . Hoc enim videtur significare , quod dictum est ad Jacob , *Non est moris in loco nostro , ut minor nubat prius quam major* (*Gen. xxix. 27, 26*) . Quia non absurde major appellatur , quæ tempore prior est . Prior est autem in recta hominis eruditione labor operandi quæ justa sunt , quam voluptas intelligendi quæ vera sunt .

CAPUT LIII. — Ad hoc valet quod scriptum est , *Concupisti sapientiam , serva mandata , et Dominus præbet illam tibi* (*Eccli. i. 33*) . Mandata utique ad justitiam pertinentia : justitiam autem quæ ex fide est , quæ inter temptationum incerta versatur , ut pie credendo quod mundum intelligit , etiam intelligentiae meritum consequatur . Quantum enim valet , quod modo commemoravi esse scriptum , *Concupisti sapientiam , serva mandata ; et Dominus præbet illam tibi* ; tantum et illud valere arbitror , *Nisi credideritis , non intelligentis* (*Isai. vii. 9*) : ut justitia ad fidem , ad sapientiam vero intelligentia pertinere monstretur . Proinde in his qui flagrant ingenti amore perspicue veritatis , non est improbandum studium , sed ad ordinem revocandum , ut a fide incipiat , et bonis moribus nitatur pervenire quo tendit . In eo quippe quod versatur ³ , virtus est laboriosa : in eo vero quod appetit , lumenosa sapientia . Quid opus est , inquit , credere , quod non mihi ostenditur manifestum ? Aliquod verbum prome , quo videam rerum omnium principium . Id enim est in quod maxime ac primitus inardescit , si veri studiosus est animus rationalis : cui respondeatur . Pulchrum est quidem quod desideras et amari dignissimum ; sed prius nubit Lia , et postea Rachel .

¹ Am. Er. et plerique MSS. , *conversatione*. Corrupte .

² Apud Er. Lugd. Ven. Lov. , sis. M.

³ Lov. , quo versatur . Vaticanus unus codex , quod adversatur . Alii MSS. cum An. et Er. , quod versatur .

Ardor ergo iste ad id valeat , ut ordo non recusat , sed potius toleretur ; sine quo non potest ad id perveniri , quod tanto ardore diligitur . Cum autem per ventum fuerit , simul habebitur in hoc sæculo , non solum speciosa intelligentia , sed etiam laboriosa justitia . Quamlibet enim acute sinceriterque cernatur a mortalibus incommutable bonum , adhuc corpus quod corruptitur aggravat animam , et deprimit terrena inhabitatio sensum multa cogitantem (*Sap. ix. 15*) . Ad unum ergo tendendum , sed propter hoc muka serenda sunt .

CAPUT LIV. — Itaque dñe sunt uxores Jacob liberae : ambæ quippe sunt filiæ remissionis peccatorum , hoc est dealbationis , quod est Laban . Verumtamen una amatur , et altera toleratur . Sed quæ toleratur , ipsa prius et uberior secundatur , ut si non propter se ipsam , certe propter filios diligatur . Labor enim justorum maximum fructum habet in eis quos regno Dei generant , inter multas tentationes et tribulationes prædicando Evangelium ; et eos propter quos sunt in laboribus abundantius , in plagiis supra modum , in mortibus saepius (*II Cor. xi. 23*) , propter quos habent foris pugnas , intus timores (*Id. vii. 5*) , gaudium et coronam suam vocant (*Philipp. iv. 1*) . Nascentur autem eis facilius atque copiosius ex illo sermone fidei , quo prædictant Christum crucifixum (*I Cor. 1. 23*) , et quidquid humanitatis ejus citius humana cogitatione percipitur , et infirmos etiam Like oculos non perturbat . Rachel autem clara aspectu , mente excedit Deo (*II Cor. v. 13*) , et videt in principio Verbum Deum apud Deum (*Joan. i. 1*) , et vult parere , et non potest ; quia generationem ejus quis enarrabit (*Isai. liii. 8*) ? Proinde vita quæ studio contemplationis competit , ut ea quæ carni sunt invisibilia , non infirmis oculis mentis , per ea quæ facta sunt , intellecta conspiciat , et sempiternam Dei virtutem ac divinitatem ineffabiliter cernat (*Rom. i. 20*) , vacare vult ab omni negotio , et ideo sterilis . Affectando quippe otium , quo studia contemplationis ignescunt , non contemporatur infirmitati hominum , qui in variis pressuris sibi desiderant subveniri . Sed quia et ipsa procreandi charitate inardescit (vult enim docere quod novit , neque cum invidia tabescente iter habere [*Sap. vi. 25*]) , videt sororem labore agendi atque patienti filiis abundantem ; et dolet potius currere homines ad eam virtutem , qua eorum infirmitatibus necessitatibusque consultitur , quam ad illam unde divinum et incommutable aliquid discitur . Hic dolor figuratus videtur in eo quod scriptum est , *Et zelavit Rachel sororem suam* (*Gen. xxx. 4*) . Proinde , quia liquidus purusque intellectus de illa substantia quæ corpus non est , ac per hoc ad carnis sensum non pertinet , verbis carne editis exprimi non potest ; eligit doctrinam sapientiae per quamlibet corporeas imagines et similitudines utcumque cogitanda insinuare divina , quam ab officio talia docendi cessare : sicut elegit Rachel ex viro suo et ancilla suscipere liberos , quam sine filiis omnino remanere . Bala quippe interpretari dicitur Inveterata :

hanc habuit ancillam Rachel. De vetere quippe vita carnalibus sensibus dedita corporeæ concitantur¹ imagoes , etiam cum aliquid de spirituali et incommunabili substantia divinitatis auditur.

CAPUT LV. — Suscipit et Lia de ancilla sua filios , amore habendæ numerosioris prolis accensa. Invenimus autem Zelpham ejus ancillam interpretari Os huius. Quapropter in prædicationem fidei evangelicæ quorum os hiat et cor non hiat, cum in Scripturis adverterimus, hæc intelligitur ancilla Liae. Scriptum est enim de quibusdam : *Populus hic labii me honorat; cor autem eorum longe est a me* (*Isai. xxix, 13*). Et talibus Apostolus dicit : *Qui prædicas non surrandum, suraris; qui dicis non adulterandum, adulteras* (*Rom. 11, 21, 22*). Verumtamen ut etiam per hanc conditionalem² libera illa uxor Jacob laborans filios hæredes regni suscipiat, ideo Dominus dicit : *Quæ dicunt facite; quæ autem faciunt, facere nolite* (*Math. xxiii, 3*). Unde in labore vinculorum vita apostolica, *Sic, inquit, occasione, sive veritate Christus annuntietur, et in hoc gaudet, sed et gaudet* (*Philipp. 1, 18*) : tanquam et ancilla pariente de prole numerosiore letata.

CAPUT LVI. — Est vero quidam Liae fetus ex beneficio Rachel editus , cum virum suum secum debita nocte cubitum, acceptis a filio Liae mandragorica malis , cum sorore cubare permittit³. De hoc autem pomi genere opinari quosdam scio, quod acceptum in escam sterilibus feminis secunditatatem parit; ac per hoc potant omni modo instituisse Rachel, ut hoc a filio sororis acciperet cupiditate paricandi : *quod ego non arbitrarer, nec si tunc conceperisset*⁴. Nunc vero cum post Liae duos alias ab illa nocte partus, Dominus eam prole donaverit, nihil est cur de mandragora tale aliquid suspicemur, quale in nulla feminæ experti sumus. Dicam ergo quid sentiam : dicent hinc forte meliora doctiores. Cum enim hac mala ipse vidisset, et propter istum ipsum sacræ lectionis locum id mihi obligisse gratularer (rara enim res est), naturam eorum diligenter, quantum potui, perscrutatus sum : non aliqua a communis sensu remotoire scientia, quæ docet virtutes radicum et potestates herbarum; sed quantum mihi et cuiilibet homini renuntiabat visus, et olfactus, et gustus. Proinde rem compri pulchram et suaveolentem, sapore autem insipido : et ideo cur eam mulier tantopere concupiverit, ignorare me fateor, nisi forte propter pomi raritatem, et odoris jucunditatem. Cur vero ipsam rem gestam sancta Scriptura tacere noluerit, quæ non utique talia desideria muliecularum nobis pro magno insinuare curaret, nisi aliquid in eis magnum querere commoneret, nihil amplius conjicere valeo, quam quod ex illo communi sensu mihi suggeritur, ut illo mandragorico pomo figurari

¹ Omnes prope MSS. habent, *cogitantur*.

² Lov., *conditionem*. At Am. Er. et nostri MSS. *conditionem*: intellige, ancillam Os hiautem.

³ Am. Er. et nostri MSS., *cubitare permittit*.

⁴ sola Erasmiana editio, *quod ego quoque arbitrarer, si tunc conceperisset*.

intelligam famam bonam : non tam quæ conferuntur, cum laudant hominem pauci iusti atque sapientes; sed illam popularem , qua etiam major et clarior notitia comparatur : non ipsa per se expetenda , sed intentioni honorum , qua generi humano consulunt, per necessaria. Unde dicit Apostolus, *Oportet etiam testimonium habere bonum ab eis qui foris sunt* (*1 Tim. vii, 7*): quid licet parum sapient, redunt tamen plerunque labore corum, per quos sibi consuluntur, et splendorē laudis, et odorem honeste opinionis. Nec ad istam gloriam popularem primi pervenient eorum qui sunt in Ecclesia, nisi quicunque in actionum periculis et labore versantur. Propterea Liae filius mala mandragorica inventus , exiens in agriūm, id est, honeste ambulans ad eos qui foris sunt : doctrina vero illa sapientiae, quæ a vulgi strepitu remotissima, in contemplatione veritatis dulci delectatione diligetur, hanc popularem gloriam quantumcumque non assequeretur, nisi per eos qui in mediis turbis agendo ac suadendo populis præsunt, non ut præsint, sed ut proint : quia dum isti actuosi et negotiosi homines, per quos multitudinis administratur utilitas, et quorum auctoritas populis chara est, testimonium prohibent etiam vitæ propter studium conquirendæ et contemplandæ veritatis otiosæ, quodammodo mala mandragorica per Liam pervenient ad Rachel. Ad ipsam vero Liam per filium primogenitum, id est, per honorem fecunditatis ejus, in qua est omnis fructus laboriosæ atque inter incerta tentationum perlicitantis actionis : quam plerique bono ingenio prædicti studioque flagrantibus, quamvis idonei regendis populis esse possint, tamen vitant propter turbulentas occupationes, et in doctrina utrum totu[m] pectora, tanquam speciosæ⁵ Rachel seruntur amplexum.

CAPUT LVII. — Sed quia bonum est ut etiam hæc vita latius innotescens popularem gloriam mereatur, injustum est autem ut eam consequatur, si zanthoræum suum administrandis ecclesiasticis curis aptum et idoneum in otio delittet, nec gubernationi communis utilitatis imperit ; propterea Lia sorori sue dicit, *Parum est tibi quod virum meum accepisti, insuper et mandragorica filii mei vis accipere?* Per tamen virum significans eos omnes qui cum sint ægredi virtute habiles, et digni quibus regimen Ecclesiæ committatur ad dispensandum illi fidei sacramentum, accensi⁶ studio doctrinæ atque indagandæ et contemplandæ sapientiae, se ab omnibus actionum molestiis removere, atque in otio discendi ac docendi condere volunt. Ita ergo dictum est, *Parum est tibi quod accepisti virum meum, insuper et mandragorica filii mei vis accipere?* ac si diceretur, Parum est quod homines ad laborem rerum gerendarum necessarios in otio detinet vita studiorum⁷, insuper et popularem gloriam requirit?

CAPUT LVIII. Proinde ut eam iuste comparet,

⁵ Apud Lugd. Ven., *tanquam in speciore*. M.

⁶ Apud Er. Lugd. Ven. Lov., *ad dispensandum fidei sacramentum*: illi accensi, etc. M.

⁷ Aliquot viss., rita studiosorum.

impedit Rachel virum sorori sue illa nocte : ut scilicet qui virtute laboriosa regimini populorum accommodati sunt, etiam scientiae vacare delegerant, suscipiant experientiam temptationum curarumque sarcinam pro utilitate communi : ne ipsa doctrina sapientiae, cui vacare statuerunt, blasphemetur, neque adipiscatur ab imperitioribus populis existimationem bonam, quod illa poma significant, et quod necessarium est ad exhortationem discentium. Sed plane ut hanc curam suscipiant, vi coguntur. Satis et hoc significatum est, quod cum veniret de agro Jacob, occurrit ei Lia, eumque detinens ait : *Ad me intrabis; conduxi enim te pro mandragoris filii mei* (*Gen. xxx, 14-16*). Tanquam diceret : Doctrinæ quam diligis vis conferri bonam opinionem ? noli defugere officium laborem. Ille in Ecclesia geri, quisquis adverterit, cernit. Experimus in exemplis, quod intelligamus in libris. Quis non videat hoc geri toto orbe terrarum, venire homines¹ ex operibus sæculi et ire in otium cognoscendæ et contemplandæ veritatis, tanquam in amplexum Rachel; et excipi de transverso ecclesiastica necessitate, atque ordinari in labore, tanquam Lia dicente, *Ad me intrabis?* Quibus caste mysterium Dei dispensantibus, ut in nocte hujus sæculi filios generent fidei, laudatur a populis etiam illa vita, cuius amore conversi spem sæculi reliquerunt, et ex cuius professione ad misericordiam regendæ plebis assumpsi sunt. Id enim agunt in omnibus laboribus suis, ut illa professio quo se converterant, quia tales rectores populis dedit, latius et clarius glorificetur, tanquam Jacob non recusante noctem Lia, ut Rachel pomis suaveolentibus et clare nitentibus potiatur : quæ aliquando et ipsa, præstante misericordia Dei, per se ipsam parit, vix tandem quidem; quia perrarum est ut, *In principio erat Verbum, et Verbum erat apud Deum, et Deus erat Verbum* (*Joan. i, 1*), et quidquid de hac re pie sapienterque dicitur, sine phantasmati carnis cogitationis et salubriter vel ex parte capiatur.

CAPUT LIX.— Ille de tribus patribus, Abraham, Isaac, et Jacob, quorum se Deum appellari voluit Deus, quem catholica Ecclesia colit, adversus Fausti calumnias dicta suffecerint. De quorum trium hominum meritis atque pietate, et longe remota a iudicio carnalium altitudine prophetæ, non est nunc disserendi locus : tantum ab his criminibus, quibus eos maledicta et veritatis inimica lingua pulsavit, defendendi fuerunt² in hoc presenti opere nostro ; ne contra Scripturas sanctas et salubres aliquid sibi dicere viderentur, qui eas perversa et adversa mente legerunt, dum petulantibus conviciis insectantur eos, qui illic cum tanto honore prædicantur.

CAPUT LX.— Ceterum Loth frater, id est consanguineus Abrahæ, nequaquam istis comparandus est, de quibus Deus dicit, *Ego sum Deus Abraham, et Deus Isaac, et Deus Jacob* (*Exod. iii, 6*) ; nec in eorum numero deputandus, quibus illa Scriptura usque in si-

nem perhibet justitiam te tñnonium : quamvis inter Sodomitas pie casteque versatus, hospitalitatis etiam meritis commendatus, ab illius terra incendio liberatus sit, et ejus posteris terra possessionis³ propter Abraham, qui patruus ejus fuerat, dono Dei data sit (*Gen. xix*). Hæc nobis merita in illis Libris laudanda preponuntur, non ebrietas, non incestus (*Deut. ii, 9*) : sed cum hominis ejusdem et recte factum et peccatum scriptum invenimus, aliud ipsisq; imitandum, aliud præcavendum. Porro si peccatum Loth, cui perhibitur est, antequam peccaret, justitiae testimonium (*Sap. x, 6*), non modo non decolorat divinitatem Dei vel scripturæ illius veritatem, verum etiam laudandam diligendamque commendat, quod tanquam speculi fiducis nitor, adpotarum sibi personarum non solum quæ pulchra atque integra, verum etiam quæ deformia vitiosaque sint, indicat ; quanto magis factum Judæ, quod cum sua turu concubuit (*Gen. xxxviii, 13-18*), nihil omnino affert, unde auctoritas sancta culpetur : quæ in illis Libris fundata persistens, non tantum paucissimorum Manichæorum calumniosas argutias, verum etiam gentilium tot tantorumque populorum horrendas inimicitias divino jure contemnit, quos pene jam totos a nefaria superstitione simulacrorum, ad unius Dei veri cultum christiano imperio subjugavit, edomito orbe terrarum, non violentia bellici certaminis, sed invictæ potentia veritatis ? Ubi enim Litterarum illarum laudatus est Judas ? Quid de illo boni Scriptura illa testata est, nisi quod in prophetia Christi, qui ex ejus tribu prænuntiabatur in carne venturus, benedictione patris sui præ ceteris commendatus eminuit (*Id. xl ix, 8-12*) ?

CAPUT LXI.— Ceterum ad id, quod eum Fanstus fornicatum commemoravit, addimus nos aliud, quod fratrem suum Joseph in Ægyptum vendidit (*Id. xxxvii, 26-28*). Numquid cujusquam membra distorta depravant lucem, quæ cuncta demonstrat ? Sic nec cujuspiam malefacta malitia Scripturam faciunt, qua prodente legentibus innotescunt. Consulta quippe æterna lex illa, quæ ordinem naturalem conservari jubet, perturbari vetat, non nisi propagationis causa statuit hominis concepbitum fieri, et hoc non nisi socialiter ordinate connubio, quod non pervertat vinculum pacis : et ideo prostitutio seminarum, non ad substituendam prolem, sed ad satiandam libidinem propositarum, divina atque æterna lego damnatur. Omnem quippe de honestat empore turpitudem venalis : ae per hoc Judas etsi gravius peccasset, si nurus sciens cum ea conenubere voluisse (si enim vir et uxor, sicut Dominus dicit, non jam duo, sed una caro est (*Math. xix, 6*), non aliter nurus est deputanda quam filia) ; tamen eum, quantum in ipso erat, deformiter cum meretrice cubasse non dubium est. At illa quæ sacerum fecellit, non carnis ejus concupiscentia, nec meretricie mercedis cupiditate peccavit : sed

¹ Lov., terra promissionis. Verius editi alii et fere omnes MSS., terra possessionis. Forte addendum, sic. de terra quæ posteris Loth, Moabit scilicet atque Ammonitis in possessionem data est, dicitur in Deuteronomii cap. 2.

² Sic MSS. Editi vero, venire omnes.

³ Apud Er. Lugd. Ven. Lov., fuerant. M.

ex ipso sanguine prolem requirens, ex quo duobus jam tratribus nupta, tertio quoque denegato habere non potuit¹, patri eorum socero suo fetandum corpus fraude subjecit, pignore mercedis accepto, quod non ad ornamentum, sed ad testimonium reservavit. Melius quidem sine filii remaneret, quam sine jure matrimonii mater fieret: longe tamen alia intentione peccavit, quod filii suis patrem providit sacerum suum, quam si eum sibi concupisset adulterum. Denique cum iussu ejus produceretur ad mortem, et virgam, monile, atque annulum protulisset, dicens ab eo se gravidatam, cuius pignora illa essent; ubi ea quæ dederat ille cognovit, istam magis quam se justificatam esse respondit, quod ei filium suum maritum conjungere noluisset; qua destitutione compulsa, illo modo potius quam nullo modo posteritatem, non aliunde quam ab eadem stirpe conquereret. In qua sententia, non eam justificatam, sed eam magis quam se justificatam dicens, nec ipsam laudavit, sed in sui comparatione præposuit; desiderium scilicet habendæ prolis, quo ducta illa se sacero supposuerat, minus culpans, quam libidinosi concubitus ardorem, quo ipse velut ad meretricem virtus intraverat: sicut quibusdam dicitur, *Justicasti Sodomam* (*Ezech. xvi, 52*), id est, tantum peccatis, ut vobis Sodoma comparata justa videatur. Quanquam etiamsi hæc mulier non in pejoris facti comparatione minus culpata, sed omnino a sacerdo laudata intelligatur: quæ tamen consulta illa æterna lege justitiae, quæ naturalem ordinem perturbari vetat, non utique tantummodo corporum, sed maxime ac primitus animorum, quia in procreandis filiis ordinatam societatem non custodivit, merito culpabilis invenitur: quid mirum, si peccatrix a peccatore laudatur?

CAPUT LXII. — Quod ita nobis Faustus, vel ipsa Manichæa perversitas arbitratur adversum, quasi nobis in illius Scripturæ veneratione dignoque præconio vitia hominum, quæ illa commemorat, necesse sit approbare: quin potius necesse est ut quanto illam religiosius accipimus, tanto sidentius illa culpemus, quæ per ejus veritatem certius culpanda didicimus. Ibi enim fornicatio et omnis illicitus concubitus divino jure damnatur (*Exod. xx, 14, 17*): ac per hoc, cum talia quorundam facta commemorat, de quibus eo loco suam taceat sententiam, judicanda nobis permittit, non laudanda prescribit. Quis enim nostrum in ipso Evangelio non detestatur Herodis crudelitatem, cum de Christi nativitate sollicitus tot infantes jussit occidi (*Matth. ii, 16*)? At hoc factum ibi non vituperatur, sed tantum narratur. Sed ne hoc Manichæi vesana impudentia falsum esse contendant, quia et ipsam Christi nativitatem, qua Herodes perturbatus est, negant; ipsorum Judæorum immanitatem et excitatem legant, quemadmodum illuc tantummodo narretur, non vituperetur, et tamen ab omnibus detestetur.

CAPUT LXIII. — Sed, inquiunt, iste Judas, qui

¹ Sic Am. Fr. et MSS. Al Lov., *tertio potuit, denegato habere non potuit.*

cum sua nuru concubuit, inter duodecim Patriarchas computatur (*Gen. xxxv, 22-26*). Quid enim, et ille Judas, qui Dominum tradidit, nonne inter duodecim Apostolorum numeratus est, et cum eis unus ex eis ad prædicandum Evangelium diabolus missus est (*Matth. x, 2-5, et Joan. vi, 71, 72*)? Sed adhuc respondent et dicunt: Ille post tale facinus laqueo suo peremptus et Apostolorum numero exemptus est (*Matth. xxvii, 5*); iste autem post hanc turpitudinem, inter fratres suos ab illo patre, cui tam magnum testimonium Deus prohibet, præcipue benedictus et super omnes laudatus est (*Gen. xl ix, 8-12*). Quinimo hinc expressius apparet, non ad ipsum, sed ad Christum, qui ex ejus tribu prænuntiabatur in carne venturus, illam pertinere prophetiam: et ideo magis flagitium ejus divina Scriptura tacere non debuit, sicut non tacuit, ut in verbis patris ejus, quibus post illud dedecus ita laudatur, quia ipse non agnosceretur, alias requiratur.

CAPUT LXIV. — Quanquam Faustus dente male-dico hoc ipsum intelligatur mordere voluisse, quod Christus a nobis ex ejus tribu venisse prædicatur: maxime quia in generationibus patrum ejus, quas Matthæus evangelista commemorat, etiam Zara, quem Thamar illa ex illo conceptu peperit, invenitur (*Matth. i, 3; Gen. xxxviii, 30*). Nam si stirpem Jacob, non Christi generationem vellet reprehendere, habebat magis primitivum Ruben, qui paternum thorum nefaria libidine violavit (*Gen. xxxv, 22*): qualem fornicationem Apostolus nec in Gentibus dicit auditam (*I Cor. v, 1*). Quod factum etiam ipse pater Jacob, cum eos benedicret, super caput ejus accusando et detestando non tacuit (*Gen. xl ix, 3, 4*). Illoc ergo crimen potius Faustus oblyceret, ubi non error ex habitu meretricio, sed omnino voluntaria contaminatio paterni lectuli appetet; nisi et ipsam Thamar plus odisset, quod illo concubitu nihil aliud quam parere cuperet, quam si sola libidine carnalis voluptatis arsisset; et Christi progenitores culpando Incarnationi ejus fidem derogari voluisse: ignorans miser verissimum et veracissimum Salvatorem, non solum loquendo, sed etiam nascendo magistrum extitisse. Fideles enim ejus venturi ex omnibus gentibus etiam exemplo carnis ipsius discere debuerunt, parentum suorum iniquitates sibi obesse non posse. Proinde sponsus ille suis congruens invitatis, qui vocaturus erat ad nuptias bonos et malos (*Matth. xxii, 10*), etiam nasci voluit de bonis et malis: ut prophetiam Paschæ quæ præceptus est manducari agnus acceptus ex ovibus et capris (*Exod. xii, 3-5*), tanquam justis et injustis, ad se præfigurandum præcessisse firmaret. Documenta quippe Dei et hominis ubique conservans parentes et bonos et malos propter convenientiam humanitatis non sprevit, partum autem virginis propter miraculum divinitatis elegit.

CAPUT LXV. — Inaniter ergo Faustus, in se ipsum potius dente sacrilego sæviens, sanctam Scripturam, quam totus jam mundus merito veneratur, accusat: quæ, ut supra dixi, tanquam speculi fidelis nitor, nullius accipit adulandam personam, sed et

laudanda et vituperanda hominum facta vel ipsa iudicat, vel legentibus judicanda proponit; nec solum homines ipso vel vituperabiles vel laudabiles intima-
mans, verum etiam quædam in vituperabilibus laudanda, et in laudabilibus vituperanda non tacens. Neque enim quia vituperabilis homo erat Saül, ideo non est laudabile factum ejus, quod gustatum de anathemate tam diligenter scrutatus, tam severe vindicare conatus est, obediens Deo, qui hoc fieri prohibuerat (*I Reg. xiv.*, 24-45); vel quod pythones et ventri-
loquos de regno suo delevit (*Id. xxviii.*, 3): aut quia laudabilis erat David, ideo peccata ejus, que Deus quoque arguit per prophetam (*II Reg. xii.*, 4-14), vel approbanda vel imitanda sunt. Sicut nec in Pontio Pilato vituperandum est, quod adversus accusationes Judæorum innocentem Dominum iudicavit (*Joan. xix.*, 4, 6): nec in Petro laudandum est, quod eumdem Dominum ter negavit (*Math. xxvi.*, 70-74); vel unde ab ipso satanas appellatus est, quod non sa-
piendo que Dei sunt, eum voluit a passione, hoc est, a nostra salute revocare: paulo ante ergo dictus beatus, paulo post dictus est satanas (*Id. xvi.*, 22,
23, 17). Sed quid in illo obtinuerit, apostolatus ejus et martyrii corona testatur.

CAPUT LXVI. — Sic itaque et regis David legimus peccata, sed legimus etiam recte facta. In quo autem prævaluerit, et unde quid vicerit, satis in promptu est, non malevolæ cæcitatæ, qua in sanctos Libros et viros Faustus irruerat, sed religiosæ pru-
dentiae, qua et auctoritas divina, et merita humana possunt cerni atque discerni. Nam legant isti et vi-
deant, in David plura Deum redarguisse quam Fau-
stum (*II Reg. xii.*, et *xxiv.*): sed ibi est et pœnitentiae sacrificium, ibi est illa incomparabilis mansuetudo usque ad immanissimum et atrocissimum inimicum, qui quoties illi est in manus fortissimas datus, toties ab illo est de manibus piissimis dimissus illasus (*I Reg. xxiv.*, et *xxvi.*). Ibi memorabilis humilitas sub flagello Dei, et cervix regia dominico jugo ita sub-
dita, ut armatus et comitatus armatis, amara ex ini-
mici ore convicia patientissime sustineret; suunque comitem accensum iracyndia, quod talia rex ejus audiret, et jam jamque in convicatoris caput dextera ultrice pergentem, modestissime refrenaret, regali sue jussioni divini timoris pondus adjiciens, et di-
cens meritis suis hoc redditum superno judicio, quo ille injuriosus missus esset, ut in eum talia jaculare-
tur opprobria (*II Reg. xvi.*). Ibi in gregem sibi commissum tanta dilectio pastoralis, ut pro eis ipse vellet mori, quando populo numerato peccatum elationis ejus sic punire placuit Deo, ut eumdem numerum minueret morte multorum, cuius multitudine cor regis fuerat superbia pertentatum: in quo occulto judicio Deus, apud quem non est iniquitas (*Rom. ix.*, 44), et quos noverat indignos hac vita, subtraxit huic vita; et in illo qui de hominum copia se extulerat, tumorem animi humani ejusdem copiæ diminutione sanavit. Ibi tam religiosus Dei timor, sacramentum Christi in sancta unctione servabat, ut cor ejus pia-

solllicitudine trepidaverit, quando exigua particula-
lam de veste ipsius Saülis latenter abscidit, ut ha-
beret unde illi fidem faceret quam nollet eum, cum posset, occidere. Ibi tam prudens in filios et tanta clementia, ut cum innocentem puerum, pro quo ægrotante multis lacrymis et humilitatis sordibus sese abjiciens Dominum fuerat deprecatus, mortuum non luxerit; idem juvenem filium parricidalis furore præcipitem, qui et paternum cubile stupris nefariis maculaverat, et contra patrem scelustum bellum ge-
rebat, et vellet conservatum, et fleret occisum: ani-
mæ scilicet tantis criminibus involutæ sempiternas prævidens pœnas, quibus evadendis eum per pœni-
tentiam corrigendum vivere cupiebat humiliatum (*II Reg. xviii.*). Hæc et alia multa laudanda et imi-
tanda in illo sancto reperiuntur viro, si non perver-
sus animus eam Scripturam, quæ de illo loquitur, perscrutetur, maxime si mente subdita et pia et plane fideli sequanur sententiam Dei, qui ejus noverat oc-
ulta cordis, ubi in conspectu ejus qui falli non potest, ita placuit, ut etiam filii suis imitandus ab illo proponeretur.

CAPUT LXVII. — Quid enim aliud quam cordis ejus profunda cernebat Spiritus Dei, quando correptus per Prophetam dixit, *Peccavi*; continuoqe ad hoc unum verbum audire meruit quod acceperit ve-
niam? Ad quam rem, nisi ad sempiternam salutem? Neque enim prætermissa est in illo, secundum Dei communionem, flagelli paternæ disciplina, ut et confessus in æternum liberaretur, et afflictus tempora-
liter probaretur. Haud vero mediocre fidei robur fuit, aut parvum mitis et obedientis animi indicium, cum audisset a Propheta quod sibi Deus ignovisset, et tamen que fuerat comminatus consequenter evenissent, non se dicere Prophetæ deceptum esse mendacio, nec murmurare adversus Deum, quasi falsam peccatorum ejus indulgentiam pronuntiaverit. Intelligebat enim vir alte sanctus, et non contra Deum, sed ad Deum levans animam suam, nisi Do-
minus esset consitenti pœnitentique propitius, quantum pœnarum æternarum ejus essent digna pœ-
cata: pro quibus cum temporalibus emendationibus ureretur¹, videbat erga se et manere veniam, et non negligi medicinam. Cur autem Saül per Samuelem correptus, cum diceret etiam ipse, *Peccavi* (*I Reg. xv.*, 24), non meruit audire quod David, quod ei Do-
minus ignovisset? Num personarum acceptio est apud Deum? Absit (*Galat. ii.*, 6). Sed in simili voce quam sensus humanus audiebat, dissimile pectus erat quod divinus oculus discernebat. Quid talibus doce-
mur exemplis, nisi regnum cœlorum intra nos esse (*Luc. xvii.*, 28), et de intimis nostris Deum colere nos debere, ut ex abundantia cordis os loquatur (*Math. xii.*, 34); non autem ut populus eum labiis honoret, cor autem eorum longe sit ab eo (*Id. xv.*, 8): neque judicare aliter audeamus de hominibus, quorum in-
teriora videre non possumus, quam Deus qui hoc

¹ Nonnulli codices, uteretur. Am., vereretur. Er., verbe-
raretur.

potest. et falli aut corrumphi non potest; cuius evidentissimam sententiam de David cum divinæ Scripturæ contineat tam sublimis auctoritas, multum reddenda, vel potius dolenda est aliter sentiens humana temeritas? Eis quippe divinis libris de antiquis viris credendum est, qui tam longe futura dixerunt, quæ præsentia nunc videntur.

CAPUT LXVIII. — Quid aliud in Evangelio dicimus, cum eadem vox Petri auditur consilientis Christum Filium Dei (*Matth. xvi, 16*), quæ etiam dæmoniorum, pœna verba, sed longe impari corde emittebant (*Luc. viii, 28*)? Proinde in simili voce fides Petri laudatur, dæmoniorum immunditia cohabetur: a quo, nisi ab illo qui non aure humana, sed divina mente radicos internas vocum illarum nosset inspirare, et sine ulla falsitate discernere? Quam multi enim et alii homines dicunt Christum Filium Dei vivi, nec tamen Petri meritis comparantur: non solum illi, qui dicturi sunt in illo die, *Domine, Domine, et audituri, Discedite a me* (*Matth. vii, 22, 23*); sed etiam illi, qui segregabuntur ad dexteram (*Id. xxv, 33*), in quibus plurimi nec unquam Christum vel se-mel negaverunt, nec ejus pro nostra salute passionem improbabaverunt, nec Gentes judaizare coegerunt (*Galat. ii, 14*); et tamen Petro qui hæc fecit, sedenti in duodecim sedibus, et non solum duodocim tribus, verum et angelos judicanti impares apparebunt? Ita etiam multi nullius appetentes uxorem, nullum maritum appetitæ usque ad mortem persequentes, tamen Davidicum meritum, cum iste illa fecisset, apud Deum habere non possunt. Tantum interest quid cuique in se ipso, quantumque displiceat, ut penitus extirpetur; et quid pro eo fructiferum et opulentum ingenti feracitate consurgat: quia et agricultæ plus placent agri, qui spinis etiam magis eradicatis centenum proferunt, quam qui bellis unquam spinas habuerunt et vix ad tricenum pervenient.

CAPUT LXIX. — Sic et Moysen famulum Dei fidelissimum in tota domo ejus, ministrum legis sanctæ, et mandati sancti, justi, et boni, cui Apostolus attestatur (*Hebr. iii, 5, et Rom. viii, 12*); nam ejus hæc verba sunt quæ commemoravi: ministrum etiam sacramentorum, non jami præstantium salutem, sed adhuc promittentium Salvatorem: quod et Salvator ipse confirmat, dicens, *Si credereis Moysi, credereis et mihi; de me enim ille scripsit* (*Joan. v, 46*): unde suo loco, quantum satis visum est, contra impudentes Manichæorum calumnias disseruimus; hunc ergo Moysen famulum Dei vivi, Dei veri, Dei summi, fabricatoris cœli et terræ, non de alieno, sed de nihilo, non premente necessitate, sed affluente bonitate, non per sui membra poenam, sed per sui verbi potentiam: hunc, inquam, Moysen, humilem in recusando tam magnum ministerium (*Exod. iv, 10*), subditum in suscipiendo, fidelem in servando, strenuum in exsequendo; in regendo populo vigilante, in corrigoendo vehementem, in amando ardentem, in sustinendo patientem; qui pro eis quibus præfuit, Deo se interposuit consulenti, opposuit ira-

scenti: hunc itaque tales ac tantum virum, absit a nobis ut ex maledico Fausti ore pensemus; sed ex ore plane veridici Dei, qui veraciter hominem, quem fecerat, noverat: quandoquidem etiam peccata hominum, quæ ipse non facit, et in dissidentibus ut index agnoscit, et in consilientibus ut pater ignoscit. Ex ore omnino ejus Moysen servum ejus et amamus, et admiramur, et quantum possumus imitamur, cum simus longe illius meritis inferiores, etiam nullo Ægyptio vel occiso, vel expoliato, nullo bello gesto, quorum ille aliud futuri indeole defensoris, alia imposito imperio Dei fecit.

CAPUT LXX. — Ut interim omittam, quod cum percussisset Ægyptium (*Exod. ii, 12*), quanquam illi Deus non præcepit¹, in persona tamen prophætica ad hoc divinitus fieri permisum est, ut futurum aliquid præsignaret: unde nunc non ago, sed omnino tanquam nihil significaverint facta illa discutio; consultaque illa æterna lege reperio non debuisse hominem ab illo, qui nullam ordinatam potestatem gerebat, quamvis injuriosum et improbum, occidi. Verumtamen animæ virtutis espaces ac fertiles præmittunt sæpe vitia, quibus hoc ipsum indicent, cui virtuti sint potissimum accommodatae, si fuerint præceptis excultæ. Sicut enim et agricultæ quam terram viderint, quamvis inutilis, tamen ingentes herbas pro gignere, frumentis aptam esse pronuntiant; et ubi silicem² aspexerint, licet eradicandam sciant, validis vitibus habilem intelligunt; et quem montem oleastris silvescere aspexerint, oleis esse utiliem cultura arcedente non dubitant: sic ille animi motus, quo Moyses peregrinum fratrem a civi improbo injuriam perpetientem, non observato ordine potestatis, insultum esse non pertulit, non virtutum fructibus inutilis erat, sed adhuc incuktus, vitiosa quidem, sed magnæ fertilitatis signa fundebat. Ipse denique per angelum suum divinis vocibus evocavit in monte Sina, per quem liberaretur ex Ægypto populus Israel; cumque miraculo visionis in rubo flammante et non ardente, verbisque dominicis ad frugem obedientiæ præparavit (*Id. iii, 4*): qui etiam Saulum Ecclesiam persequenter, de cœlo vocavit, prostravit, erexit, implevit; tanquam percussit, amputavit, inseruit, secundavit (*Act. ix, 4*). Illa namque Pauli sævitia, cum secundum simulationem paternarum traditionum persequebatur Ecclesiam (*Galat. i, 14*), putans officium Deo se facere, tanquam silvestre erat vitium, sed magnæ feracitatis indicium. Hinc erat etiam illud Petri, cum evaginato gladio volens defendere Dominum, aurem persecutoris abscidit: quod factum Dominus satis minaciter cohibuit, dicens, *Reconde gladium; qui enim gladio unus fuerit, gladio cadet* (*Matth. xxvi, 51, 52*). Ille autem utitur gladio, qui nulla superiore ac legitima potestate vel jubente vel concedente, in sanguinem alicujus armatur. Nam utique Dominus

¹ Juxta Er. Lugd. Ven. Lov., præcipere. M.

² Editio Lov., silicem Castigatur ex editis aliis et MSS.

jusserat ut ferrum discipuli ejus ferrent, sed non jusseral ut ferirent. Quid ergo incongruum, si Petrus post hoc peccatum factus est pastor Ecclesie, sicut Moyses post percussum Aegyptium factus est rector illius Synagogae? Uterque enim non detestabili immunitate, sed emendabili animositate justitiae regulam excessit: uterque odio imprebitatis alienae, sed ille fraterno, iste dominico, licet adhuc carnali, tamen amore peccavit. Reseandum hoc vitium vel eradicandum; sed tamen tam magnum cor, tanquam terra fringibus, ita ferendis virtutibus excoledendum.

CAPUT LXXI. — Quid ergo jam de expoliatis Aegyptiis Faustus objicit, nesciens quid loquatur? Quod faciendo Moyses usque adeo non peccavit, ut non faciendo peccaret. Deus enim jusseral (*Exod. iii, 21, 22; xi, 2, et xii, 35, 36*), qui utique novit non solum secundum facta, verum etiam secundum cor hominis, quid uniusquisque, vel per quem perpeti debeat. Carnalis itaque adhuc ille populus erat, et rerum terrenarum cupiditate occupatus: Aegyptii vero sacrilegi et iniqui; nam et auro illo, hoc est, Dei creatura male utentes ad Creatoris injuriam, suis idolis serviebant, et homines peregrinos labore gratuito injuste ac vehementer affligerant. Digni ergo erant et Ipsi quibus talia jubarentur, et illi qui talia paternentur: et forte secundum suas voluntates et cogitationes Hebrei magis permissi sunt facere ista, quam jussi; sed eis Deus permissionem suam per famulum suum Moysen innotescere voluit, quando mandavit ut dicceret. Fieri autem potest ut sint aliae causae occultissimae, cur hoc illi populo divinitus dictum sit: sed divinis imperiis cedendo in obtemperando, non resistendum est disputando. Apostolus dixit: *Quis enim cognovit sensum Domini? aut quis consiliarius ejus fuit* (*Rom. xi, 34*)? Sive ergo ista sit causa, quam dixi, sive alia quælibet in secreta et abdita dispositione Dei lateat, cur hoc per Moysen illi populo dixerit, ut ab Aegyptiis sibi commoda paterent quæ auferrent; hoc tamen confirmo, nec frustra nec inique dictum esse, nec licuisse Moysen aliter quam Deus dixerat facere, ut penes Dominum esset consilium jubendi, penes famulum autem obsequium peragendi.

CAPUT LXXII. — Sed Deus, inquit, verus et bonus nullo modo talia jussisse credendas est. Imo vero talia recte non jubet, nisi Deus verus et bonus, qui et solus novit quid cuique jubendum sit, et solus neminem quidquam incongruum perpeti sinit. Cæterum ista imperita et falsa bonitas cordis humani contradicat¹ et Christo, ne Deo bono jubente impii mali aliquid patientur, cum dicturus est Angelis: *Colligite primum zizania, et alligate fasciculos ad comburendum*. Qui tamen hoc ipsum inopportune² facere volentes servos prohibuit, dicens: *Né forte, cum vultis colligere zizania, eradiceatis simul et triticum* (*Matth. xiii, 30, 29*). Ita solus Deus verus et bonus novit quid, quando, quibus, per quos fieri aliquid vel jubeat vel permittat. Poterat etiam ista humana, non bonitas,

¹ Sola editio Lov., contradicit.

² Editio, importunc. Euvidetur ex manuscriptis.

sed plane vanitas³ eidem Domino contradicere, cum desiderio noxio demones in porcos ire volentes pententesque permisit (*Id. viii, 31, 32*): presertim quia Manichæi non solum porcos, verum etiam minuta et abjecta animata, hominum animas habere crediderunt. Quia vanitate improbata et abjecta, illud tamen constat, Dominum nostrum Jesum Christum Dei unicam Filium, ac per hoc Deum verum et bonum, mortem pecorum alienorum⁴, perniciem qualumentumque animalium, et grave damnum hominum, desiderio demorum concessisse. Quis autem dementissimus dixerit quod eos ab hominibus non potuisset excludere, etiamsi eorum noxiæ voluntati nec porcorum exitium prestare voluisse? Porro si spirituum damnatorum et igni æterno jam destinatorum, quamvis stœva et iniqua cupiditas, a Creatore atque ordinatore omnium naturarum, occulto quidem, sed ubique⁵ justo moderamine, in id quo se inclinaverat, relaxata est; quid absurdum est, si Aegyptii ab Hebreis, homines inique dominantes ab hominibus liberis, quorū etiam mercedis pro eorum tam duris et injustis laboribus fuerant debitores, rebus terrenis, quibus etiam ritu sacrilego in injuriam Creatoris utebantur, privari meruerunt? Quod tamen si Moyses sua sponte jussisset, aut hoc Hebrei sua sponte fecissent, profecto peccassent: quoniam illi, non quidem hoc faciendo, quod vel jusseral vel permisserat Deus, sed tamen talia fortasse cupiendo peccaverunt. Quod autem hoc facere divina dispensatione permissi sunt, illius iudicio justo bonoque permissi sunt, qui novit et peccato vel coerevere improbos, vel erudire subjectos; et præcepta validiora dare sanctoribus, et quosdam medicinales gradus infirmioribus ordinare. Moyses vero nec cupiditatis arguendus est in illis rebus desideratis, nec contumacie in divinis imperiis quibuscamque contemptis.

CAPUT LXXIII. — Quædam enim facta, lex illa æterna quæ ordinem naturalem conservari jubet, perturbari vetat, ita medio quodam loco posnit hominibus, ut in eis usurpandis merito reprehendatur audacia, in exsequendis autem obedientia jure landetur. Tantum interest in ordine naturali, quid a quo agatur, et sub quo quisque agat. Abraham si filium sponte immolaret, quid, nisi horrabilis et insanus? Deo autem jubente, quid, nisi fidelis et devotus apparuit (*Gen. xxii, 10*)? Quod usque adeo ipsa veritas clamat, ut ejus voce deterritus Faustus, cum in ipsum Abraham quid diceret, ungibus et dentibus quærens, usque ad calumniosum mendacium perveniret, hoc tamen reprehendere non auderet: nisi forte non ei veniret in mentem⁶ factum ita nobile, ut non lectum, nec quæsitus animo occurreret, ut denique tot linguis cantatum, tot locis pictum, et artes et oculos dissimilantis feriret. Quapropter, si in occidendo filio spontaneus motus execrabilis, Deo autem jubente

³ Septem MSS., improbias.

⁴ Am. Fr. et aliquot MSS., morte pecorum alienorum.

⁵ Plures MSS., sed utique.

⁶ Aliquod MSS., non ei venerit in mentem.

obsecundans famulatas, non solum inculpabilis, verum etiam laudabilis invenitur; quid Moysen, Faustus, reprehendis, quod exspoliarit Ægyptios? Si te irritat velut humana facientis improbitas, divina terrat jubentis auctoritas. An talia fieri volentem etiam ipsum Deum vituperare paratus es? Redi ergo retro, satanas; neque enim sapis quæ Dei sunt, sed quæ sunt hominum (*M. zuth.* xvi, 23). Atque utinam hoc sicut Petrus audire dignus fuisses, atque id quod in Deo sensu infirmo reprehendis, postea prædicasses; quemadmodum ille gloriose præconio postea gentibus annuntiabat, quod ei primo, cum Dominus vellet fieri, displicebat.

CAPUT LXXIV.—Quamobrem, si jam tandem intelligit humana duritia atque in rebus rectis voluntas prava atque perversa, plurimum interesse, utrum aliquid humana cupiditate vel temeritate admittatur, an Dei pareatur imperio, qui novit quid, quando, quibus permittat aut jubeat, quid cuique facere patique conveniat; nec bella per Moysen gesta miretur aut horreat, quia et in illis divina secutus imperia, non seviens, sed obediens fuit: nec Deus, cum iubebat ista, sevievbat: sed digna dignis retribuebat, digneque terrebat¹. Quid enim culpatur in bello? An quia moriuntur quandoque morituri, ut domentur² in pace victuri? Hoc reprehendere timidorum est, non religiosorum. Nocendi cupiditas, ulciscendi crudelitas, impacatus atque implacabilis animus, feritas rebellandi, libido dominandi, et si qua similia, hæc sunt quæ in bellis jure culpantur; quæ plerumque ut etiam jure puniantur, adversus violentiam resistentium, sive Deo, sive aliquo legitimo imperio jubente, gerenda ipsa bella suscipiuntur a bonis, cum in eo rerum humanarum ordine inveniuntur, ubi eos vel jubere tale aliquid, vel in talibus obediere juste ordo ipse constringit. Alioquin Joannes, cum ad eum baptizandi milites venirent, dicentes, *Et nos quid faciemus?* responderet eis, *Arma abjicite, militiam istam deserite; neminem percutite, vulnerate, prosternite*³. Sed quia sciebat eos, cum hæc militando facerent, non esse homicidas, sed ministros legis; et non ultores injuriarum suarum, sed salutis publicæ defensores: respondit eis, *Neminem concusseritis, nulli columnam feceritis, sufficiat vobis stipendum vestrum* (*Luc.* iii, 14). Sed quia Manichæi Joannem aperte blasphemare consueverunt, ipsum Dominum Jesum Christum audiunt hoc stipendum jubentem reddi Cæsari, quod Joannes dicit debere sufficere militi. *Reddite*, inquit, *Cæsari quæ Cæsar is sunt, et Deo quæ Dei sunt* (*Math.* xxii, 21). Et ad hoc enim tributa præstantur, ut propter bella necessario militi stipendum præbeat. Merito et illius Centurionis dicentis, *Et ego homo sum sub potestate constitutus, habens sub me militis; et dico huic, Vade, et vadit; et alii, Veni, et venit; et servo meo, Fac hoc, et facit*; fidem laudavit (*Id.* viii, 9, 10), non illius militæ desertionem

¹ Quidam MSS., *indigneque terrebat*.

² Am. Er. et aliquot MSS., *ut dominentur*.

³ Lugg. et Ven. verbum, *neminem*, ter repetunt, hoc modo, *neminem percutite, neminem vulnerate, neminem prosternite.* M.

imperavit. Sed de justis quidem injustisque bellis nunc disputare longum est, et non necessarium.

CAPUT LXXV.—Interest enim quibus causis quibusque auctoribus homines gerenda bella suscipiant: ordo tamen ille naturalis mortalium paci accommodatus hoc poscit, ut suscipiendi belli auctoritas atque consilium penes Principem sit; exsequendi autem jussa bellica ministerium milites debeant paci salvique communi. Bellum autem quod gerendum Deo auctore suscipitur, recte suscipi, dubitare fas non est, vel ad terrendam, vel ad obterendam, vel ad subjungandam mortalium superbiam: quando ne illud quidem quod humana cupiditate geritur, non solum incorruptibili Deo, sed nec sanctis ejus obesse aliquid potest; quibus potius ad exercendam patientiam, et ad humiliandam animam, ferendamque paternam disciplinam etiam prodesse invenitur. Neque enim habet in eos quisquam ullam potestatem, nisi cui data fuerit desuper. Non est enim potestas nisi a Deo (*Rom.* xiii, 1), sive jubente, sive sinente. Cum ergo vir justus, si forte sub rege homine etiam sacrilego militet, recte poscit illo jubente bellare civicæ pacis ordinem servans; cui quod jubetur⁴, vel non esse contra Dei præceptum certum est, vel utrum sit, certum non est, ita ut fortasse reum regem faciat iniqüitas imperandi, innocentem autem militem ostendat ordo serviendi: quanto magis in administratione bellorum innocentissime diversatur, qui Deo jubente belligerat, quem male aliquid jubere non posse, nemo qui ei servit ignorat.

CAPUT LXXVI.—Si autem propterea putant non potuisse Deum bellum gerendum jubere, quia Dominus postea Jesus Christus, *Ego, inquit, dico robis, non resistere adversus malum; sed si quis te percusserit in maxillam tuam dextram, præbe illi et sinistram* (*Math.* v, 39); intelligent hanc præparationem non esse in corpore, sed in corde: ibi est enim sanctum cubile virtutis, quæ in illis quoque antiquis justis nostris patribus habitavit: sed eam rerum dispensationem ac distributionem temporum ordo poscebat, ut prius appareret etiam ipsa bona terrena, in quibus et humana regna et ex hostibus victoriæ depulantur, propter quæ maxime civitas impiorum diffusa per mundum supplicare idolis et dæmonibus solet, non nisi ad unius Dei veri potestatem atque arbitrium pertinere. Unde et Vetus Testamentum secretum regni cœlorum tempore opportuno aperiendum promissionibus terrenis operuit, et quodam modo umbrosius opacavit. Ubi autem venit plenitudo temporis, ut Novum Testamentum revelaretur, quod figuris Veteris velabatur, evidenti testificatione jam demonstrandum erat, esse aliam vitam pro qua debet hæc vita contemni, et aliud regnum pro quo oportet omnium terrenorum regnorum adversitates patientissime sustineri. Proinde per quorum confessiones, passiones, et mortes hoc Deo placuit attestari, martyres appellantur, qui latine testes interpretantur: quorum numerus tantus efforuit, ut si eos Christus, qui de

⁴ In MSS., *cum id quod jubetur*.

cœlo Saulum vocavit, et ex lupo factum ovem, in medium luporum misit (*Act. ix*), congregatos vellet armare atque adjuvare pugnantes, sicut Hebreos patres adjuvit, quæ gentes résisterent? que regna non cederent? Sed ut præclarissimum testimonium veritati perhibetur, qua jam¹ docendum erat, non propter temporalem in hac vita, sed propter æternam post hanc vitam felicitatem Deo esse serviendum, ea quæ vulgo infelicitas dicitur; pro illa felicitate subeonda fuerat et ferenda. Itaque in plenitudine temporum Filius Dei factus ex muliere, factus sub Lege, ut eos qui sub Lege erant redimeret (*Gulat. iv, 4, 5*), factus ex semine David secundum carnem (*Rom. i, 3*), mittit discipulos velut oves in medium luporum, et monet ne timeant eos qui corpus occidunt, animam autem non possunt occidere; promittit etiam ipsius corporis renovandam integritatem usque ad capilli reparationem (*Math. x, 16, 28, 30*): Petri gladium revocat in vaginam; aurem inimici præcisam reparat ad pristinam formam: dicit se legionibus Angelorum imperare potuisse ad delendos inimicos, nisi calix bibendus esset, quen paterna voluntas dedisset (*Id. xxvi, 52, 53; Luc. xxii, 51, 42, et Joan. xviii, 11*); bilit præcedens, propinat sequentibus: virtutem patientiæ suo revelat² præcepto, suo confirmat exemplo. Propter quod Deus illum suscitavit a mortuis, et donarit ei nomen quod est super omne nomen: ut in nomine Jesu omne genu flectatur, cœlestium, terrestrium, et infernorum; et omnis lingua confiteatur quia Dominus Jesus in gloria est Dei Patris (*Philipp. ii, 9-11*). Regnaverunt hic ergo Patriarchæ et Prophetæ, ut et ista regna Deum dare et auferre ostenderetur: non hic reguaverunt Apostoli et martyres, ut regnum cœlorum desiderandum potius panderetur. Illi reges bella³ gesserunt, ut tales quoque victorias appareret Dei voluntate præstari: isti non resistendo interfici sunt, ut potiorem esse docerent victoriam pro fide veritatis occidi. Quanquam et illi Prophetæ neverant mori pro veritate, sicut ipse Dominus dicit, *A sanguine Abel usque ad sanguinem Zachariae* (*Math. xxiii, 35*): et hic posteaquam cœpit⁴ impleri, quod sub figura Salomonis (qui latine interpretatur Pacificus) de Domino Christo (ipse est enim pax nostra (*Ephes. ii, 14*) in Psalmo prophetatum est, *Et adorabunt eum omnes reges terræ, omnes gentes servient illi* (*Psal. lxxi, 11*); christiani quoque imperatores plenam gentes fiduciam pietatis in Christo, de inimicis sacrilegis, qui spem suam in sacramentis idolorum dæmonumque posuerant, gloriosissimam victoriam perceperunt; cum apertissimis notissimisque documentis, de quibus nonnulli jam scriptum memoriae commendarunt, illos fallerent vaticinia dæmoniorum, hos firmarent prædicta sanctorum.

CAPUT LXXVII.—Si autem hoc mirum istis v. mis

¹ Nonnulli codices, quia jam.

² Am. Er. et Cisterciensis codex, relevat.

³ Am. et Er., illi regi bella. Nonnulli MSS., illi regum bella.

⁴ Edito Iov., Quanquam et illi... Et ideo postea quam cœpit. Castigatur ex MSS.

videtur, quod aliud tunc Deus præcepit dispensatoribus Veteris Testamenti ubi Novi gratia velabatur, aliud prædictoribus Novi Testamenti ubi Veteris obscuritas revelatur, attendant ipsum Dominum Christum mutantem quæ dixerat, et aliud dicentem: *Quando misi vos*, inquit, *sine sacculo et pera et calceamentis, numquid aliiquid defuit vobis?* At illi dixerunt, *Nihil*. Dicit ergo eis: *Sed nunc qui habet saccum, tollat, similiter et peram; et qui non habet, vendat tunicam suam, et emat gladium.* Isti certe si ista diversa in Testimentis singulis invenirent, Vetere et Novo, etiam ex hoc clamarent, duo sibi Testamenta esse contraria. Quid ergo nunc respondebunt, cum idem ipse dicit, *Antea misi vos sine sacculo et pera et calceamentis*, et nihil vobis defuit: *nunc autem qui habet saccum, tollat, similiter et peram; et qui habet tunicam, vendat et emat gladium?* Jamne intelligunt quemadmodum nulla inconstantia præcipientis, sed ratione dispensantis, pro temporum diversitate, præcepta, vel consilia, vel permissa mutentur? Nam si dicunt certi mysterii gratia hoc de tollendo saccum et pera et emendo gladio locutum fuisse, cur non admittunt certi mysterii gratia eundem unum Deum tunc Prophetas gerere bella jussisse, nunc Apostolos prohibuisse? Neque enim in eo quod ex Evangelio commemoravimus, verba tantum Domini fuerunt: sed et obtemperantium quoque discipulorum facta secta sunt. Nam et tunc sine saccum et pera icunt, et nihil eis defuit; sicut ejus interrogatio et eorum responsio declaravit. Et nunc dixerunt ei, cum de gladio emendo jussisset, *Ecce sunt hic duo gladii.* Et ille respondit, *Sufficit.* Illic et Petrus armatus inventus est, cum aurem persecutoris abscondit: ubi spontanea ejus coegeretur audacia (*Luc. xxii, 35, 36, 38, 50, 51*); quia non ut jesus fuerat ferrum tollere, ita jesus fuerat et serire. Latebat certe Domini voluntas, cur arma portari præcepisset, quibus eos uti noluisset. Verumtamen ad illum cum ratione præcipere, ad istos autem sine retractatione præcepta facere pertinebat.

CAPUT LXXVIII.—Calumniosa ergo imperitia Moyses reprehenditur quod bella gesserit, qui minus reprehendi debuit, si sua sponte gereret, quain si Deo jubente non gereret: ipsum vero Deum, quod talia jussit, audere reprehendere, vel Deum justum et bonum talia jubere potuisse non credere, hominis est, ut mitius loquar, cogitare non valentis divinæ providentiæ per cuncta summa atque ima tendenti nec novum esse quod oritur, nec perire quod moritur; sed in suo singula quæque ordine sive naturarum sive meritorum vel cedere, vel succedere, vel manere: hominum autem rectam voluntatem divinæ legi conjungi, inordinatam vero cupiditatem divinæ legis ordine coereri; ut nec bonus aliud quam præcipitur velit, nec malus amplius quam permittitur possit; ita sane, ut non impune possit quod injuste voluerit. Ac per hoc in omnibus quæ humana infirmitas horret aut timet, sola iniqüitas jure damnatur: cetera sunt vel tributa naturarum, vel merita culparum. Fit au-

tem homo iniquus, cum propter se ipsas diligit res propter aliud assumendas, et propter aliud appetit res propter se ipsas diligendas. Sic enim, quantum in ipso est, perturbat ia se ordinem naturalem, quem lex aeterna conservari jubet. Fit autem homo justus, cum ob aliud non appetit rebus uti, nisi propter quod **divinitus institutæ sunt**; ipso autem Deo frui propter ipsum, seque et amico in ipso Deo propter eumdem ipsum Deum. Propter Deum enim amat **amicam**, qui Dei amorem amat in amico. Sive autem iniquitas, sive justitia, nisi esset in voluntate, non esset in potestate. Porro si in potestate non esset, nullum præmium, nulla pena justa esset: quod nemo sapit, nisi qui desipit. Ignorantia vero et infirmitas, ut vel nesciat homo quid velle debeat, vel non omne quod voluerit possit, ex occulto poenarum ordine venit, et illis inscrutabilibus judiciis Dei, apud quem non est iniquitas (*Rom. ix, 14*). Proditum est enim nobis peccatum Adam fideli eloquio Dei; et quia in illo omnes moriuntur, et quia per illum peccatum intravit in hunc mundum, et per peccatum mors, veraciter scriptum est (*Id. v, 12-19*). Et quia ex hac pena corpus corruptitur et aggravat animam, et deprivit terrena habitatio sensum multa cogitantem (*Sap. ix, 15*), verissimum nobisque notissimum est: et quia de hac justa pena non liberat nisi misericors gratia, certum est. Et hinc Apostolus gemebundus exclamat: *Inselix ego homo! quis me liberabit de corpore mortis hujus? Gratia Dei per Jesum Christum Dominum nostrum* (*Romi. vii, 24, 25*). Sed quæ sit distributio judicantis et misericordis Dei, cur alius sic, alius autem sic; occultis sit causis, justis tamen. Non tamen ideo nescimus omnia ista judicio aut misericordia Dei fieri, licet in abdito positis mensuris et numeris et ponderibus, quibus omnia disponuntur a Deo creatore omnium quæ naturaliter sunt (*Sap. xi, 21*); nec auctore, sed tamen ordinatore etiam peccatorum; ut ea quæ peccata non essent, nisi contra naturam essent, sic judicentur et ordinentur, ne universitatis naturam turbare vel turpare permittantur, meritorum suorum locis et conditionibus deputata. Quæ cum ita sint, et cum per hoc secretum judiciorum Dei motusque humanarum voluntatum eisdem prosperitatibus alii corrumpantur, alii temperanter utantur; et eisdem adversitatibus alii deficiant, alii proficiant; cumque ipsa humana mortalisque vita tentatio sit super terram (*Job vii, 1*): quis hominum novit cui prospicit aut obicit in pace regnare vel servire, vel vacare, vel mori; in bello autem vel imperare, vel pugnare, vel vincere, vel occidi? cum hoc tamen constet, et cui prodest, non nisi per divinum prodesse beneficium; et cui obest, non nisi per divinum obesse judicium.

CAPUT LXXIX. — Quid ergo insilimus in temerarias reprehensiones, atque utinam hominum, et non Dei? Servient dispensatores Veteris Testamenti, fidemque prænuntiatores Novi Testamenti, peccatores occidendo; servient dispensatores Novi Testamenti, fidemque expositores Veteris Testamenti, a

peccatoribus moriendo: Deo tamen uni utrigue servierunt, per diversa et congrua tempora docenti bona temporalia et a se petenda et propter se contempnenda, molestias temporales et a se posse imperari¹ et propter se debere tolerari. Quid ergo crudele Moyses aut mandavit aut fecit, cum commissum sibi populum sancte zelans et uni vero Deo² subditum cupiens, postequam cognovit ad fabricandum et colendum idolum defluxisse mentemque impudicam prostituisse dæmonibus, in paucos eorum vindicans gladio, quos Deus ipse quem offendebat, alto et secreto judicie feriendos voluissest **mox** feriri³, et in praesenti salubriter terruit, et disciplinem in posterum sanxit? Nam cum nulla crudelitate, sed magna dilectione fecisse quod fecit, quis non in verbis ejus agnoscet orantis pro peccato eorum, et dicentis: *Si dimittis illis peccatum, dimittit; sin autem, dele me de libro tuo* (*Exod. xxxii*)? Comparans ergo unusquisque prudens illam cædem et hanc precem, videt profecto apertissime, videt quantum malum sit animæ per simulacula dæmonum fornicari, quando sic sœvit qui sic amat. Sic plane et Apostolus, non crudeliter, sed amabiliter tradidit boninem satanæ in interitum carnis, ut spiritus salvis sit in die Domini Jesu (*I Cor. v, 5*). Tradidit et alios, ut discenter non blasphemare (*I Tim. i, 20*). Legunt scripturas apocryphas Manichæi, a nescio quibus sutoribus fabularum sub Apostolorum nomine scriptas: quæ suorum scriptorum temporibus in auctoritatem sanctæ Ecclesie recipi mererentur, si sancti et docti homines, qui tunc in hac vita erant et examinare talia poterant, eos vera locutus esse cognoicerent. Ibi tamen legunt apostolum Thomam, cum esset in quadam nuptiarum convivio peregrinus et prorsus incognitus, a quadam ministra palua peroussum, imprecatum fuisse homini continuam sœvamque vindictam. Nam cum egressus fuissest ad fontem, unde aquam convivantibus ministraret, eum leo irruens interemit, manumque ejus, qua caput Apostoli levè ictu percusserat, a corpore avulsam, secundum verbum ejusdem apostoli id optantis atque imprecantis, canis intulit niensis, in quibus ipse discunbebat Apostolus. Quid hoc videri crudelius potest? Verum quia ibi, nisi tamen fallor, hoc etiam scriptum est, quod ei veniam in sæculo futuro petiverit, facta est compensatio beneficii majoris; ut et Apostolus quam charus Deo esset, per hunc timorem commendaretur ignotis, et illi post hanc vitam quandoque finiendam in æternum consuleretur. Utrum illa vera sit aut conficta narratio, nihil mea nunc interest. Certe enim Manichæi, a quibus illæ scripture, quas Canon ecclesiasticus respuit, tanquam vere aliqua sincerae acceptantur, saltem hinc coguntur fati, virtutem illam patientiæ, quam docet Dominus, dicere, *Si quis te percussit in maxillam tuam dexteram, prope*

¹ Editi, impetrari. At MSS., imperari: excepto uno Corbeiensi, qui habet, *temporari*.

² Corbeiensis codex, et unius viro Deo.

³ In MSS. plerisque, voluissest inferri; omissa particula, **mox**. In Corbeiensi autem libro, voluissest auferri.

illi et sinistram (*Matth. v. 39*), posse esse in præparatione cordis, etiamsi non exhibeat gestu corporis, et expressione verborum : quandoqñidem Apostolus palma pereussus, potius Deum rogavit ut injurioso homini in futuro sèculo parceretur, in præsenti autem illa injuria non inulta relinqueretur, quam vel præbuit ferienti alteram partem, aut ut iterum feriret admonuit. Tenebat certe interius dilectionis affectum, et exterius requirebat correctionis exemplum. Sive hoc verum sit, sive consuetum, cur nolunt credere tali animo famulum Dei Moysen idoli fabricatores et adoratores gladio prostravisse ; cum et in ejus verbis satis appareat, ita hujusmodi peccato eum veniam deprecatum, ut nisi impefraret, deleri se vellet de libro Dei ? Et quid simile, ignotus homo palma percussus ; et Deus ex Aegypti servitute liberans, per divisum mare trajectiens, fluctibus persequentes inimicos operiens, idolo sibi prælato derelictus atque contemptus ? Si autem poenas ipsas comparemus, quid simile ferro interimi ; et a feris trucidari atque laniari ? quandoquidem judices publicis legibus servientes, majoris criminis reos bestiis subrigi, quam gladio percuti jubent.

CAPUT LXXX. — Restat in maledicis et sacrilegis reprehensionibus Fausti, quibus nunc respondeo, quod locutus Dominus ad Osee prophetam dixit : *Accipe ibi uxorem fornicariam, et fac filios de fornicaria* (*Osee 1, 2*). In qua Scriptura sic execratur est immundum cor eorum, ut nec apertissima verba evangelica intelligent Domini dicentis ad Iudeos : *Meretrices et publicani præcedent vos in regno celorum* (*Matth. xxi, 31*). Quid enim adversum clementia veritatis, quid inimicum fidei christiane, si mereptrix relicita fornicatione, in castum conjugium committitur ? Et quid tam incongruum et alienum a fide Prophetæ, quam si non crederet omnia peccata impudicæ dimissa esse in melius commutata ? Itaque cum meretricem Propheta fecit uxorem, et ad vitam corrigendam mulieri consultum est, et figuræ sacramentum, de quo mox loquemur, expressum. Sed quis non videat in hoc facto quid potius Manicheorum offendat errorem ? Scilicet, quia solent dare operam mereptrices ne gravidæ fiant. Proinde istis fornicaria magis permanens placebat ut deum ipsorum non ligaret, quam unius viri facta uxor ut pareret.

CAPUT LXXXI. — De Salomone autem quid dicam, nisi quia gravius Ipsius fidelis et sancte Scripture testimonio redarguitur, quam petulantibus et magacibus Fausti conviciis ? Illa enim de illo et quid boni prius habuisset, et quid mali faciendo, bonum in quo primum fuerat, reliquisset, veraciter fideliterque iocnta est (*III Reg. iii, 11, et Eccli. xlviij*) : iste autem oculis clausis, vel potius extinctis, non quo lumine manifestante dueebatur, ibat ; sed quo malevolentia præcipitante cerebatur, irruerat. Hoc ipso enim magis insinuaverunt sancti Libri religiosis electoribus et electoribus suis, quam caste habuerint sancti viri plures uxores ; quod Salomon, qui eas non

illo modo, sed magis ad libidinem quam ad propaginem habuit, improbatus est et reprehensus his verbis, ut appellaretur amator mulierum ; et inde ad profundum idololatriæ lapsus atque demersus, eadem veritate personam nullius acceptante procederet.

CAPUT LXXXII. — Nunc ergo jam pertractatis personis omnibus, per quas Faustus putavit scripturas Veteris Testamenti esse culpandas, redditioque suo cuique sermone congruo, quo vel defensi sunt homines Dei aduersus haereticorum carnaliumque calumnias, vel reprehensis hominibus, tamen Scriptura laudabilis venerabilisque monstrata est : videamus deinceps ex ordine, quo eos homines Faustus accusando commemoravit, quid etiam significant ipsa facta hominum, quid propheticæ gerant, que futura prenuntient : quod jam fecimus de Abraham et Isaac et Jacob, quorum se Deus ita dici voluit (*Exod. iii, 15*), tanquam solorum esset Deus, qui Deus est universæ creaturæ : non frustra utique tantum eis tribuens honorem, nisi quia noverat in eis, quod solus etiam perfecte summeque nosse poterat, sinceram præcipuanque charitatem : et quia in eis tribus Patribus quodam modo consummavit magnum ac mirabile sacramentum futuri populi sui, quod per liberas genuerunt, non solum in libertatem, sicut per Sararam (*Gen. xxi, 1, 2*) et Rebeccam (*Id. xxv, 21*) et Liam et Rachel (*Id. xxix et xxx*) ; verum etiam in servitatem, sicut per eamdem Rebeccam natus est Esau, cui dictum est, *Eris servus fratris tui* (*Id. xxvii, 40*) : et per ancillas non solum in servitatem, sicut per Agar (*Id. xvi, 15*) ; verum etiam in libertatem, sicut per Balam et Zelpham (*Id. xxx*). Ita enim et in populo Dei et per spirituales liberos¹ nascuntur non solum in laudabilem libertatem, quemadmodum illi quibus dicitur, *Imitatores mei estote, sicut et ego Christi* (*1 Cor. iv, 16*) ; verum etiam in damnabilem servitatem, sicut per Philippum Simon (*Act. viii, 13*) : et per carnales servos, nascuntur non solum in damnabilem servitatem, qui eos imitantur ; verum etiam in laudabilem libertatem, quibus dicitur, *Quæ dicunt, facite ; quæ autem faciunt, facere nolite* (*Matth. xxiii, 3*). Hoc magnum sacramentum quisquis in Dei populo prudenter agnoverit, unitatem Spiritus in vinculo pacis usque in finem quibusdam cohaerendo, quosdam tolerando custodit. Fecimus hoc et de Loth ; quid ejus laudandum, quid culpandum Scriptura narraverit, quid intelligendum de tota illa re gesta significaverit (*Gen. xix*), demonstrantes.

CAPUT LXXXIII. — Sequitur ut Judæ factum consideremus, quod cum sua nra concubuit (*Id. xxxviii*), quid significaverit futurorum. Sed prius prælendum est, ne quemquam parvæ considerationis offendat², quod de quibusdam malis operibus hominum in Scripturis sanctis, quedam non mala, sed bona

¹ Lov., et per spirituales eros. Melius editi alii et MSS., et per spirituales liberos ; ut sit antithesis ad illud quod postea dicitur, et per carnales servos.

² sic Am. Er. et plerique MSS. At Lov., præter considerationem,

* Quoddam MSS., et dilectoribus.

futura significantur. Servat enim ubique divina prævidentia virtutem bonitatis sue, ut quemadmodum ex adulterorum concubitu formatur et nascitur homo, de hominum opere malo bonum opus Dei, sicut in præcedenti sermone jam diximus (*Supra, cap. 48*), de secunditate seminum, non de surpitudine vitiorum; ita in Scripturis propheticis, non tantum bona hominum, verum etiam et mala facta narrantibus, quoniam prophética est ipsa narratio, significetur aliquid de malis operibus hominum etiam futurorum bonorum, non peccantis opere, sed scribentis. Neque enim Judas, cum ad Thamar concupiscentia victus intraret, hanc sue libidinis intentionem gerebat, ut inde aliquid significaretur, quod ad salutem hominum pertineret: sicut nec Judas ille qui Dominum tradidit, hoc intendit, ut aliquid inde gereretur, quod ad eamdem salutem hominum pertineret. Porro, si de tam malo opere Judæ illius tam bonum opus Dominus fecit, ut ejusdem sue passionis sanguine nos redimeret; quid mirum si Propheta ejus, de quo ipse ait, *De me enim ille scripsit (Joan. v, 46)*, ex malo facto Judæ istius, boni aliquid significavit, ut suo ministerio nos doceret? Ea quippe hominum facta, sancto Spiritu disponente atque inspirante, collegit Propheta narrator, quorum interpositio non vacaret a præsignatione rerum quas intenderat prophetare: ad significanda autem aliqua bona, nihil interest, facta illa quibus ea significantur, seu bona, seu mala sint. Quid enim mea interest, cum volo aliquid legendo cognoscere, ulrum ex minio reperiam scriptos nigros Æthiopes, et ex atramento candidos Gallos? Verumtamen si, non scripturam, sed picturam talem viderem, sine dubitatione reprehenderem. Ita in factis hominum, quæ ad imitandum vitandum proponuntur, magni interest bonane an mala sint: quæ autem ad significandum scribuntur, sive dicuntur, nihil refert in moribus facientium, quam laudem reprehensionem increantur, si modo habent aliquam rei, de qua agitur, necessariam præfigurandi congruentiam. Sicut enim Caiphæ in Evangelio, quantum ad ejus noxiū perniciosumque animum pertinebat, quantum denique ad ipsa verba, si in eis voluntatem dicentis attendas, quibus agebat ut justus injuste necaretur, utique mala erant: tamen magnum bonum illo nesciente significabant, quando ait, *Expedit ut unus moriatur homo, et non tota gens pereat: dictumque de illo est, Hoc autem a se non dixit, sed cum esset pontifex, prophætavit quia oportebat Iesum mori pro gente (Id. xi, 50, 51)*. Ita factum Judæ secundum illius libidinem malum fuit, sed illo nesciente magnum bonum significavit: a se ipso quippe malum fecit, sed non a se ipso bonum significavit. Hoc autem, quod necessario præloquentum putavi, non ad hoc tantummodo Judæ factum, sed etiam ad cætera valeat, si qua occurrerint mala opera hominum, quibus bonum aliquid a narrato prophetatum est.

CAPUT LXXXIV. — In Thamar ergo nuru Judæ intelligitur plebs regni Judeorum, cui de tribu Juda reges tanquam mariti adhibebantur: merito nomen

ejus Amaritudo interpretatur; ipsa enim Domino felis poculum dedit (*Matth. xxvi, 34*). Duo autem genera principum qui non recte operabantur in plebe, unum eorum qui obeyerant, alterum eorum qui nihil proderant, significantur in duobus filiis Judæ: quorum unus erat malignus vel sævus ante Dominum, alter in terram fundebat, ne semen daret ad secundandam Thamar. Nec sunt amplius quam duo genera hominum inutilia generi humano: unum nocentium, alterum præstare nolentium et si quid boni habent in hac terrena vita perdentium, tanquam in terram fundentium. Et quoniam in malo prior est qui nocet, quam ille qui non prodest, ideo major dicitur malignus; ille autem sequens, qui fundebat in terram. Nomen quoque majoris, qui vocabatur Iler, interpretatur Pellicius, qualibus tunicis induiti sunt primi homines in poenam damnationis sue dimissi ex paradiſo (*Gen. iii, 21*); sequentis nomen qui vocabatur Aynan, interpretatur Mœror eorum: quorum, nisi quibus nihil prodest, cum habeat unde prodesse possit, atque id perdat in terra? Majus porro malum est ablatæ vitae, quod significat pellicius, quam non adjutæ, quod significat mœror eorum: Deus tamen ambos occidisse dictus est, ubi figuratur regnum talibus hominibus abstulisse. Tertius vero filius Judæ, quod illi mulieri non jungitur, significat tempus ex quo reges plebi Judeorum cœperunt de tribu Juda non fieri: et ideo erat quidem filius Judæ, sed eum maritum Thamar non accipiebat; quia erat eadem tribus Juda, sed jam populo inde nemo regnabat. Unde et nomen ejus, id est, Selom, interpretatur Dimissio ejus. Non pertinent sane ad hanc significationem viri sancti et justi, qui licet illo tempore fuerint, ad Novum tamen pertinent Testamentum, cui prophétando scienter utiles fuerunt, qualis David fuit. Eo sane tempore, quo jam Judæa cœperat reges ex tribu Juda non habere, non est computandus Herodes major in regibus ejus, tanquam maritus Thamar: erat enim alienigena, nec ei sacramento illo mysticæ unctionis tanquam conjugali fœdere cohærebat; sed tanquam extraneus dominabatur, quam potestatem a Romanis et a Cæsare accepérat. Sic et ejus filii tetrarchæ, quorum erat unus Herodes patris nomine appellatus, qui cum Pilato in passione Domini concordavit (*Luc. xxiii, 12*): isti ergo alienigenæ usque adeo non deputabantur in regno illo mystico Judeorum, ut ipsi Judæi publice clamarent, frendentes adversum Christum, *Nos non habemus regem, nisi Cæsarrem (Joan. xix, 15)*. Neque hoc verum, nisi illa universalis dominatione Romanorum: quippe etiam Cæsar rex erat non propriæ Judeorum; sed ut Christum negarent, et huic adularent, ideo se tali voce dannarunt.

CAPUT LXXXV. — Illo ergo tempore, quo jam de tribu Judæ regnum defecerat, veniendum erat Christo vero Salvatori Domino nostro, qui non obesusset, multumque prodesset. Sic enim fuerat prophetatum: *Non deficiet princeps ex Juda, neque dux de fœribus ejus, donec veniat cui repositum est: et ipse*

exspectatio gentium (*Gen. xl ix, 10*). Jam isto tempore omne quoque magisterium Judæorum, et mystica, unde christi vocabantur, unctionis ipsa defeccerat secundum prophetiam Danielis. Tunc venit cui repositum erat, *exspectatio gentium*, et unctionis est *Sanctus sanctorum* (*Dan. ix, 24-27*) oleo exultationis præ participibus suis (*Psal. xliv, 8*). Natus est enim Iherodis majoris tempore (*Matth. ii, 1*), passus est autem minoris Iherodis tetrarchæ¹ (*Luc. xiii, 7, 46*). Hujus itaque venientis ad oves quæ perierant domus Israel (*Matth. xv, 21*), figuram gessit ipse Judas cum iret ad tondendas oves suas in Thamna, quod interpretatur Desiciens. Jam enim defeccerat princeps ex Juda, et omne magisterium atque unctionis Judæorum, ut veniret cui repositum erat. Venit autem cum suo pastore Odollamite, cui nomen erat Iras; et interpretatur Odollamites, Testimonium in aqua. Cum hoc plane testimonio Dominus venit, habens quidem testimonium maius Joanne (*Joan. v, 36*); sed tamen propter oves infirmas hoc testimonio est usus in aqua. Nam et ipse Iras, quod nomen illius pastoris fuit, interpretatur Fratris mei visio. Vedit omnino fratrem suum Joannes, fratrem secundum semen Abrahæ, secundum cognationem Mariæ matris ejus et Elisabeth matris suæ; cumdemque Dominum et Deum suum, quia, sicut ipse ait, ex plenitudine ejus accepit (*Id. i, 16*). Vedit omnino, et ideo in natis mulierum major illo non exsurrexit (*Matth. xi, 11*): quia ex omnibus prænuntiantibus Christum, ipse vidit quod multi justi et Prophetæ cupierunt videre, et non viderunt (*Id. xiii, 17*). Salutavit ex utero (*Luc. i, 44*); agnovit perfectius ex columba, et ideo tanquam Odollamites vere testimonium perhibuit in aqua (*Id. iii, 21, 22*). Venit autem Dominus ad oves tondendas, hoc est, exonerandas sarcinis laboriosis, ex quibus Ecclesiæ laudatæ in Canticis canticorum dentes essent velut grex detonsarum (*Cant. iv, 2*).

CAPUT LXXXVI. — Jam Thamar habitum mutet; nam et Commutans interpretatur Thamar: sed in ea prorsus nomen amaritudinis maneat; non illius amaritudinis in qua Domino fel ministravit, sed illius in qua Petrus amare slevit (*Matth. xxvi, 75*). Nam et Judas latine Confessio est. Confessioni ergo amaritudo misceatur, ut vera pœnitentia præsignetur. Hac pœnitentia fecundatur Ecclesia in omnibus gentibus constituta. Oportebat enim Christum pati, et resurgere tertia die, et prædicari in nomine ejus pœnitentiam et remissionem peccatorum per omnes gentes, incipientibus ab Jerusalem (*Luc. xxiv, 46, 47*). Nam et ipse habitus meretricius, confessio peccatorum est. Typum quippe jam Ecclesiæ gerit Thamar, ex Gentibus evocata, sedens cum hoc habitu ad portam Aenani, vel Aenaim, quod interpretatur Fontes. Cucurrit enim velut cervus ad fontes aquarum, pervenire ad semen Abrahæ: illuc a non agnoscente fetatur, quia de illa prædictum est, *Populus quem non cognovi, servivit mihi* (*Psal. xvii, 45*). Accepit in occulto annulum,

¹ Act. Er. et plures MSS., tetrarchia.

monile, et virgam: vocatione signatur, justificatione decoratur, glorificatione exaltatur. Quos enim præstinavit, illos et vocavit: quos autem vocavit, illos et justificavit: et quos justificavit, illos et glorificavit (*Rom. viii, 30*). Sed hæc, ut dixi, adhuc in occulto, ubi sit et conceptio sanctæ libertatis. Mittitur autem promissus hædus tanquam meretrici, hædus exprobatio peccati; per eundem Odollamitem, tanquam increpantem et dicentem, *Generatio viperarum* (*Matth. iii, 7*). Sed non eam inventit peccati exprobatio, quam mutavit confessionis amaritudo. Post vero jam publicatis signis¹, annuli, monilis, et virgæ, vicit temere judicantes Judæos, quorum jam personam Judas ipse gestabat, qui hodieque dicunt non hunc esse populum Christi, nec habere nos semen Abrahæ: sed prolatis certissimis documentis nostræ vocationis, justificationis, glorificationis, sine dubio confundentur, et nos magis quam se justificatos esse fatebuntur. Enucleatus hæc et membratim quodam modo articulatimque scrutarer atque dissererem, quantum intentionem meam Dominus adjuvaret, nisi me ab hac laboriosiore diligentia, finiendo hujus operis, quod plus quam vellem jam prolixum est, cura prohiberet.

CAPUT LXXXVII. — Nunc peccatum David (*II Reg. xi*), quid in prophetia significaverit, quanta possum brevitate perstringam. Nomina quippe ipsa interpretata satis ostendunt quid etiam hoc factum præfiguraverit. David interpretatur Manu fortis, sive Desiderabilis: et quid fortius Leone illo de tribu Juda, qui vicit mundum (*Apoc. v, 5*)? et quid desiderabilius illo, de quo propheta dicit, *Veniet desideratus omnibus gentibus* (*Aggæi ii, 8*)? Bersabee interpretatur Puteus satietatis, sive Puteus septimus: quamlibet autem harum nominis hujus interpretationum in id quod dicere intendimus, assumamus, satis congruit. Nam et in Canticis canticorum sponsa illa Ecclesia est, quæ vocatur *puteus aquæ vive* (*Cant. iv, 15*): et huic puteo septenarii numeri nomen in Spiritu sancti significatione conjungitur; propter rationem Pentecostes, quo dle de cœlo missus Spiritus sanctus venit (*Act. ii, 1-4*). De septimanis enim constare eudem festum diem, Tobiae quoque Scriptura testatur (*Tob. ii, sec. LXX*). Ad quadraginta novem autem, quod est septies septem, unum additur, quo unitas commendatur. In hac ratione vivit apostolica illa sententia: *Sufferentes invicem in dilectione, studentes servare unitatem spiritus in vinculo pacis* (*Ephes. iv, 2, 3*). Dono itaque spirituali, hoc est septenario, facta est Ecclesia puteus satietatis: quia factus est in ea *fores aquæ salientis in vitam æternam*, quam qui habuerit, non sitiet in æternum (*Joan. iv, 14, 15*). Urias vero qui fuerat maritus ejus, quid aliud quam diabolum nominis sui interpretatione significat? Cujus erant pes simo conjugio deligati omnes quos gratia Dei liberat,

¹ Sic nonnulli MSS. cum Am. et Er. At Lov., publicis signis.

² Er. et MSS., quoniam qui habuerit. Refertur ad finem.

nt Ecclesia sine macula et ruga Salvatori proprio copuletur (*Ephes.* v, 27). Urias namque interpretatur Lux mea Dei : Chettæus autem, Abscisus, sive quod in veritate non stetit (*Joan.* viii, 44), sed a luce sua superna, quam de Deo habebat, superbie merito abscisus est; sive quod cadendo veris viribus perditis, transfigurat se tamen in angelum lucis (*Il Cor.* xi, 14), audens adhuc dicere, Lux mea Dei est. Ergo iste quidem David graviter scelerateque peccavit; quod scelus ejus etiam per prophetam Deus arguit increpantio, et ipse abluit pœnitendo: verumtamen ille desiderabilis omnibus gentibus, adamavit Ecclesiam super tectum se lavantem, id est, mundantem se a sordibus saeculi, et dominum lucam spirituali contemplatione transcendentem atque calcantem; et inchoata cum illa prime conventionis notitia, post ab ea penitus separatum diabolum occidit, eamque sibi perpetuo connubio copulavit. Oderimus ergo peccatum, sed prophetiam non extinguamus: amemus illum David quantum amandus est, qui nos a diabolo per misericordiam liberavit; amemus et istum David, qui tam grave in se vulnus iniquitatis pœnitentiae humilitate sanavit.

CAPUT LXXXVIII. — Jam de Salomone quid dicam, quem vehementer arguit sancta Scriptura atque condemnat (*III Reg.* xi), nihilque de pœnitentia ejus vel in cum indulgentia Dei omnino commemorat? Nec nulli prorsus occurrit, quid saltem in allegoria boni significet hæc ejus flenda subversio; nisi forte quis dicat mulieres alienigenas, quarum amore exarserat, significare Ecclesiæ electas de Gentibus. Posset hoc fortasse non absurde intelligi, si illæ propter Salomonem desererent deos suos, et colerent Deum ejus: cum vero ipse propter illas offendit Deum suum, et coluit deos earum, non est quid inde boni conjectare possimus. Nec tamen nihil arbitror significare; sed malum, sicut de uxore filiabusque Loti diximus. Apparet enim in persona hujus Salomonis et mira excellentia, et mira subversio. Quod igitur in illo diversis temporibus exstitit, prius bonum, et posterius malum, hoc in Ecclesia in isto adhuc saeculo simul uno tempore ostenditur. Nam bono illius, bonos Ecclesiæ; malo autem illius, malos Ecclesiæ significatos puto: tanquam in unitate unius areæ, sicut in illo uno homine, bonos in granis, malos in palea; ut in unitate unius segetis, bonos in tritico, malos in zizaniis (*Matth.* iii, 12, et *xiii*, 50). Si quid hinc sane his que de illo scripta sunt diligentius pertractatis, sivi mihi, sive doctioribus atque melioribus, aliud probabilius elucere potuerit, nunc tamen non eam rem ita dimisimus, ut intentionem nostram in alia properantem, tanquam interrupta series contentionis impedit.

CAPUT LXXXIX. — De Osee autem propheta, non a me opus est dici quid illa jussio factumve significet, quod dixit Dominus ad Osee, *Vade, et accipe tibi uxorem fornicationis, et fac filios de fornicatione; cum*

¹ Lov., *Hethæus*. At MSS., *Chettæus*, ut scribitum est apud LXX, aut *Cethæus*, ut apud Am. et Fr.

satis hoc ipsa Scriptura demonstret unde et quare sit dictum. Sequitur enim: *Quoniam fornicans fornicabitur terra a Domino. Et abiit, et accepit Gomer filiam Debelaïm; et concepit, et peperit ei filium. Et dixit Dominus ad eum: Voca nomen ejus Jezrahel; quoniam adhuc modicum, et visitabo sanguinem Jezrahel super domum Juda, et quiescere faciam et avertam regnum domus Israel. Et erit, in illa die conteram arcum Israel in valle Jezrahel. Et concepit adhuc, et peperit filiam. Et dixit ei Dominus: Voca nomen ejus, Absque misericordia: quia non addam ultra misereri domui Israel, sed oblivione obliviscar eorum; et domui Juda miserebor, et salvabo eos in Domino Deo suo, et non salvabo eos in arcu, et in gladio, et in bello, et in equis, et in equitibus. Et ablactavit eam quæ erat absque misericordia, et concepit, et peperit filium. Et dixit ei Dominus: Voca nomen ejus, Non populus meus; quia vos non populus meus, et ego non ero vester Deus. Et erit numerus filiorum Israel quasi arena maris, quæ sine mensura est, et non numerabitur; et erit in loco, ubi dictum est eis, Non populus meus vos, dicetur eis, Filiæ Dei vivi. Et congregabuntur filii Juda et filii Israel, et ponent sibimet caput unum, et ascendent de terra, quia magnus dies Jezrahel. Dicite fratribus vestris, Populus meus: et sorori vestrae, Misericordiam consecuta (*Osee* i, 2, ii, 1).* Cum ergo jussi et facti hujus figuram ipse Dominus per eamdem Scripturam evidenter aperiat, cumque apostolice litteræ hanc prophetiam completam in Novi Testamenti predicatione testentur: quis est qui audeat dicere, non propterea jussum et factum, propter quod se jussisse et Prophetam fecisse, ipse in sanctis litteris qui jussit exponit? Ait enim Apostolus Paulus: *Ut notas ficeret divitias glorie suæ in vasa misericordiæ, quæ præparavit in gloriam; quos et vocavit nos, non solum ex Iudeis, verum etiam ex Gentibus: sicut et Osee dicit, Vocabo Non plebem meam, plebem meam; et Non dilectam, dilectam: et erit in loco, ubi dictum est eis, Non Populus meus vos, ibi vocabuntur filii Dei vivi (*Rom.* ix, 23-26).* Hoc ergo de Gentibus prophetatum Paulus ostendit. Unde et Petrus scribens ad Gentes, Prophetæ quidem ipso non nominato, prophetiam tamen ejus verbis suis inserit, dicens: *Vos autem genus electum, regale sacerdotium, gens sancta, populus acquisitionis, quo virtutes ejus annuntiatis, qui de tenebris vos vocavit in illud admirabile lumen suum: qui aliquando non populus, nunc autem populus Dei; quorum aliquando non misertus est, nunc autem miseretur (*I Petr.* ii, 9, 10).* Hinc evidenter apparet, quod per Prophetam dictum est, *Et erit numerus filiorum Israel quasi arena maris, quæ sine mensura est, et non numerabitur; et quod consequenter adjunctum est, Et erit in loco, ubi dictum est eis, Non populus meus vos, dicetur eis, Filiæ Dei vivi: non omnino de illo Israel esse dictum, qui est secundum carnem; sed de illo de quo Apostolus Gentibus dicit, Vos ergo Abraham semen estis, secundum promissionem haeredes (*Galat.* iii, 29).* Sed quoniam et de illo Judæorum¹ multi crediderunt et credituri sunt

¹ Fr. et Lov., de illa Judæa. At MSS., de illo Judæorum:

item inde erant et Apostoli, inde tot millia que in Jerusalem Apostolis sociata sunt [Act. ii, 41, et iv, 4], inde Ecclesie de quibus ad Galatas dicit, *Eram autem ignotus facie Ecclesiis Iudeæ quæ sunt in Christo* [Galat. i, 22]: unde et lapidem angularem in Psalmis appellatum Dominum [Psal. cxvii, 22] sic interpretatur, quod duos parietes in se ipso conjunxerit, circumcisionis videlicet et preputii, *ut duos conderet in se unum nrum hominem, faciens pacem, et communaret utrosque in uno corpore Deo, per crucem interficiens inimicities in semetipso, et reniens evangelizaret pacem iis qui longe et iis qui prope, id est, Gentibus longe et Iudeis prope; ipse est enim pax nostra, qui fecit utraque unum* [Ephes. ii, 14-22]); merito et iste propheta, filios Juda ponens pro Iudeis, et filios Israel pro Gentibus, *Et congregabuntur, inquit, filii Juda et filii Israel pariter, et ponent sibimet caput unum, et ascendent de terra.* Huic itaque prophetice tam manifeste ipso rerum effectu declaratae, quisquis contradicit, non solum propheticis, verum etiam apostolicis Litteris; nec solum quibuslibet litteris, verum etiam rebus impletis et clarissima luce perfusis, impudenter contradicit. Aliquid ergo fortassis diligentioris requirebat intentionis Iudeæ factum, ut haec fornicaria, quæ significat Ecclesiam de gentilium superstitionum prostitutione collectam, in habitu mulieris illius quæ Thamar appellata est, posset agnosciri: hic autem cum ipsa Scriptura se aperiat, cumque Apostolorum consonantibus Litteris illustretur, quid hic ulterius immoramus, ac non jam videamus quod restat de famulo Dei Moyse, quid etiam ipsa significant quæ Faustus objicit?

CAPUT XC.—Quod enim fratrem defendens, occidit *Ægyptium*, cuivis facillime occurrit, injuriosum nobis in hac peregrinatione diabolum a Domino Christo nobis defensis occidi. Quod vero in arena obruit interemptum (Exod. ii, 12), manifestum est ejus jam morticinam præsentiam in eis latere, qui non habent stabile fundamentum. Unde Ecclesiam Dominus super petram ædificat; et eos qui audiunt verbum ejus et faciunt, comparat prudenti viro qui ædificat domum suam super petram, ne tentationibus cedat et corruat: illos autem qui audiunt, et non faciunt, comparat stulto ædificanti super arenam, cujus tentata domus, ruina sit magna (Matth. vii, 24-27).

CAPUT XCI.—Quod vero expoliavit *Ægyptios* iussu Domini Dei sui (Exod. iii, 22, xi, 2, et xii, 35, 36), nihil nisi justissime jubentis, quid præfiguraverit, jam in quibusdam libris, quos de Doctrina Christiana prænotavi, quantum mihi tunc occurrit, me recolo posuisse (Lib. 2, cap. 40): quod auro et argento et veste *Ægyptiorum* significare sint quodam doctrinæ, quæ in ipsa consuetudine Gentium non inutili studio discantur. Sed sive hoc significet, sive illud quod ex ipsis Gentibus animæ pretiosæ tanquam vasa aurea et argentea, cum suis utique corporibus,

id est, de illo Israel secundum carnem, qui est Iudeo-Romanum.

quod vestes significant, adjungunt se populo Dei, ut simul de hoc saeculo tanquam de *Ægypto* liberentur; sive hoc ergo, sive illud, sive aliud hinc fuerit figuratum, certum est tamen eis qui has Litteras pie legunt, non frustra neque sine prænuntiatione futurorum esse illa jussa, facta, conscripta.

CAPUT XCII.—Jam porro de bellis que per Moysem gesta sunt, nimis longum est omnia pertractare. Satis ergo sit quod de illo bello gesto cum Amalech (Exod. xvii, 8-16), jam superioris in hoc ipso opere, quo Fausto respondeo, quantum satis pro suscepto negotio videbatur, quid prophetæ premitteret, quid mysterii contineret, exposui. Nunc illud videamus, in quo crudelitatis vitium solent objicere Moysi, vel inimici harum Litterarum, vel expertes omnium literarum: quod quidem Faustus non expresse posuit, cum diceret quod crudelia multa et mandarit et fecerit. Sed quia novi quid maxime et invidiose jactare consueverint¹, ideo ipse hoc commemoravi, superiorisque defendi, ne quidquam in eo facto esse criminis, vel ipsi Manichæi qui corrigi velleant, vel quisquam alius imperitorum aut impiorum putaret. Nunc autem quid etiam propheticæ significationis habuerit requirendum est, quod ex eis multis, qui sibi absente ipso idolum fabricaverunt, sive ulla eijusquam necessitudinis distinctione jussit interimi (Id. xxxii). Facile est ut intelligatur hominum illorum intrempationem, significare vitiorum talium insecuritatem: em², qualibus illi ad eamdem idolatriam desinxerunt. In talia quippe vitia sævire nos jubet Psalmus, cum dicit: *Irascimini, et nolite peccare* (Psal. iv, 5). In talia vitia sævire nos jubet Apostolus, cum dicit: *Mortificate membra vestra quæ sunt superstitionem; fornicationem, immunditiam, luxuriam, concupiscentiam malam, et avaritiam, quæ est idolorum servitus* (Coloss. iii, 5).

CAPUT XCIII.—Sed quid sibi velit, quod prius fecit, ut ipsum vitulum igne combureret, minutatimque concideret, et in aquam spargeret, et potum populo daret; majorem intentionem perscrutandæ significationis inquirit. Si enim tabulas, quas digito Dei, hoc est operatione Spiritus sancti, scriptas acceperat, ideo fregit, quia indignos eos quibus eas legeret, judicavit: si denique ut ab eis ille vitulus penitus aboleretur, incendit eum, contrivit, in aqua sparsit atque submersit, utquid et potum hoc populo dedit? Quem non excitet factum hoc ad inquirendam et intelligendam propheticam significationem? Occurrat erit ojam intentis mentibus, tanquam diaboli corpus in vitulo, id est, homines in omnibus gentibus, quibus ad haec sacrilegia caput, hoc est, auctor est diabolus. Aureum propriea, quia videntur idolatriæ ritus velut a sapientibus instituti: de quibus dicit Apostolus, *Quoniam cognoscentes Deum, non sicut Deum glorificarerunt, aut gratias egerunt; sed evanuerunt in cogitationibus suis, et obscuratum est insipiens cor eorum; dicentes se esse sapientes, stulti facti sunt, et immutati*.

¹ Sic MSS. Editi vero, consueverit.

² MSS. omittunt verbum, insecutioem.

re, aut gloriam incorruptibilis Dei in similitudinem imaginis corruptibilis hominis, et volucrum, et quadrupedum, et serpentium (Rom. 1, 21-23). Ex hac quasi sapientia iste vitulus aureus, qualia solebant Aegyptiorum etiam ipsi primates et tanquam docti homines adorare figmenta. Illoc ergo vitulo significatum est omne corpus, id est, omnis societas Gentilium idolatriæ deditorum. Hanc sacrilegam societatem Dominus Christus illo igne comburit, de quo in Evangelio dicit, *Ignem reni mittere in terram (Luc. xii, 49)*: ut quoniam non est qui se abscondat a calore ejus (*Psalm. xviii, 7*), dum in eum credunt Gentes, igne virtutis ejus diabolica in eis forma solvatur. Totum deinde corpus illud communitur, id est, ab illa maleficis conspirationis conflatione discissum, verbo veritatis humiliatur: et communatum in aquam mittitur, ut eos Israelitæ, id est, Evangelii prædicatores, ex Baptismo in sua membra, hoc est, in corpus dominicum transferant. Quorum Israelitarum Petrus de ipsis Gentibus dictum est, *Macta et manduca (Act. x, 13)*. Si, *Macta et manduca*; quare non etiam, Concede et bibe? Ita ille vitulus per ignem zeli et aciem verbi et aquam Baptismi, ab eis potius quos absorbere conabatur, absorptus est.

CAPUT XCIV. — Si ergo hæc quoque loca Scripturarum, de quibus eisdem Scripturis calumniantur heretici, perscrutata, et quodam modo interrogata, quanto videntur obscuriora, tanto mirabiliores in se mysteriorum thesauros latere respondent; quanto magis impiorum blasphema ora obmutescere omnino debent; cum opplicantur apertissima veritate, contra quam præfocato spiritu quid mussent, non inventiunt; et malunt miseri manifestatione ejus suas fauces obturari, quain suavitate pectus impleri? Christum igitur sonant hæc omnia; caput illud quod jam ascendit in cœlum, et hoc corpus ejus quod usque in finem laborat in terra, scribentium Litteras vere sacras omnis parturivit intentio: nec esse quidquam credendum est Librorum propheticorum contestatione narratum, quod non significet aliquid futurorum; nisi quæ ideo posita sunt, ut ex eis quodam modo religentur ea, quæ illum regem populumque ejus, sive propriis, sive figuratis locutionibus rebus prenuntient. Sicut enim in citharis ei hujuscemodi organis musicis, non quidem omnia quæ languntur, canorum aliquid resonant, sed tantum chordæ; cetera tamen in toto cithara corpore ideo fabricata sunt, ut esset ubi vincirentur, unde et quo tenderentur illa, quas ad cantilenæ suavitatem modulaturus et percussurus est artifex: ita in his propheticis narrationibus, quæ de rebus gestis hominum propheticō spiritu deliguntur, aut aliquid jam sonant significatione futurorum; aut si nihil tale significant, ad hoc interponuntur, ut sit unde illa significantia tanquam sonantia connectantur.

CAPUT XCV. — Ilas autem rerum gestarum allegoricas narrationes, si nolunt heretici, sicut a nobis exponuntur, accipere, vel etiam nihil eas, nisi quod proprie sonant, significare contendunt; non est licetandum cum hominibus, qui dicunt, Non sapit palato

meo, quod sapere dicas tu: dum tamen ea quæ divinitus præcipiuntur, aut mores pietatemque formare, aut aliquid figurare significare vel credantur vel intelligantur, aut utrumque potius quam neutrum: dum tamen et ipsa, quæ figurare dicta vel facta intelliguntur, ad eosdem mores bonos pietatemque referantur. Ac per hoc etiam si Manicheis, vel quibusque aliis, de his figuris rerum gestarum noster displicet intellectus, vel ratio, vel opinio; illud sufficiat, quod patres nostri, quibus Deus perlibet bonæ vitae atque in suis præceptis obedientiæ testimonium, ea veritatis regula defendantur, quæ nisi pravis et distortis cordibus displicere non possit; et quod ea Scriptura, cui perversitas erroris illius inimica est, in quibuslibet hominum factis, quæ vel laudavit vel redarguit vel tantum narrata nobis judicanda proposuit, ipsa inculpabilis venerabilisque persistit.

CAPUT XCVI. — Quid vero utilius atque salubrius pie legentibus vel audientibus illas sacras Litteras consuli ac prospici potuit, quam ut non solum in eis laudabiles homines ad imitandum, et reprehensibiles ad cavendum proponerentur; verum etiam quædam bonorum declinationes et lapsus in malum, sive itidem denuo correcti in viam redeant, sive irrevocabiles maneant; et rursus quædam malorum mutationes et provocatus in bonum, sive perseveraturi, sive in pristina iterum relapsuri; ut neque justi in superbia securitate extollantur, nec iniqui contra medicinam desperatione obdurentur? At illa quæ neque ad imitandum neque ad cavendum facta hominum pertinent, et tamen in sancta Scriptura reperiuntur; aut ad illam connexionem posita sunt, quibus occasionibus ad res necessarias veniatur, aut eo ipso quo videntur superflua, satis admonent, in eis quæ oportere mysticæ alicuius significationis oraculum. Neque enim de his libris loquimur, in quibus nulla, vel pauca ac non multa apertissima propheticō spiritu prænuntiata, jam quoque ipsis rebus impletis, auctoritatem divinam fidelissima et præclarissima veritatis luce testantur: ut omnino desipiat, quisquis eos superflue vel quasi fatue locutos aliquid putat, quibus non solum omnia hominum ingeniorumque genera subdita videt, verum etiam hoc ab eis prædictum legit, perfectius cognoscit.

CAPUT XCVII. — Numquidnam ergo, si quisquam legens factum David, cuius eum Domino argente ac minante pœnituit, inde eibi ad peccandum somitem præbeat, illa Scriptura culpanda est; ac non tanto severius ille damnandus, quanto potius ad se vulnerandum aut occidendum abuti voluit ea re, quæ ad sanandum liberandumque conscripta est? Quia enim homines in peccatum lapsi, vel superbia negligunt pœnitentiæ medicinam, vel recipiendæ salutis veniamque promerende dissidentia penitus pereunt, de tanto viro exemplum propositum est, quo sanentur ægroti, non quo hi qui sani sunt sacientur. Neque enim medicinæ vitium est, si vel insani se ipsos, vel maligni alios ferramentis medicinalibus perirent.

CAPUT XCVIII. — Sed tamen hi patres nostri

Patriarchæ atque Prophetæ quibus tam illustre testimoniū sanctitatis atque pietatis ea Scriptura prohibet, quam saluti generis humani divinitus dispensatam non negat, nisi quisquis aut eam ne cit, aut omnem sensum rationalis considerationis amisit, etiam si libidinosi et crudeles fuissent, sicut eos Manichæorum error, vel potius furor accusat; nonne etiam sic, non dico Electis eorum, sed ipso etiam deo illorum demonstrarentur esse meliores? Nonne melius est cum pellice voluntari virum cum femina, quam esse sincerissimam lucem et miscendo se tenebris inquinari? Ecce homo avaritiae ac ventris causa uxori suam sororem mentitus, in aliorum concubitum vendidit: quanto ille pejor et execrabilior est, qui naturam suam ad libidinem desiderantium simulando coaptatam, gratis eis polluendam corrumpendamque subiect? Jam cum filiabus qui etiam sciens concubuerit, nonne minus mali perpetrat, quam qui membra sua omnium talium pejorunque turpitudinum libidinibus miscet? Quid enim tale ab immundis flagitiosisque committitur, ubi non deus vester, Manichæi, turpitudinibus omnibus polluatur? Denique, si vere Jacob, ut ait Faustus, inter quatuor uxores fœda concupiscentia tanquam hircus erraret, nullam propaginis curam gerens, sed lascivæ solus voluptatis; quanto minus miser esset deo vestro, qui non solum in ipso et in ejus quatuor uxoribus omne illud dedecus luxuriae patcretur, omnibus eorum corporibus motibusque concretus; sed in ipso hirco, quem viro illi sordidus comparavit, omnem illum genitalem motum caloremque perpetitur, et ubique turpi conditione permixtus, in capro inflammat, in capra seminatur, in hædo generatur? Ac per hoc etsi Judas non tantum fornicator, sed etiam sciens nurus suæ nefarius incestator existeret, in illius quoque incesti libidine deus vester hæreret, sorderet, arderet. David autem iniurialis pœnituit, quod uxorem adamaverit alienam, virumque ejus mandarit occidi: at vero deum vestrum quando pœnitibet, quod a tartaro genere masculino ac feminino principum tenebrarum adamatus, eorum libidini sua membra concessit; nec maritum, ejus conjugem adamaverat, sed suos filios in membris daemonum, a quibus dæmonibus ipse fuerat adamatus, occidit? Sed etsi non pœnituissest David, nec justitiae sanitatem tali medicina recepisset, etiam sic isto deo Manichæorum melior extitisset. Iste quippe uno ipso facto p. temus, et aliis talibus quotquotlibet, quam multa unus homo posset admittere; ille autem in omnibus omnium talibus factis commixtione illa membrorum suorum turpari polluque convincitur. Et Ossee propheta accusatur a Fausto: qui si meretricem turpi concupiscentia captivatus adamasset atque duxisset, animas certe amborum, et lascivi amatoris, et obscenæ meretricis, partes et membra naturamque dei vestri esse prædicatis: illa ergo meretricix; quid enim ambiam verbis, et non plane dicam? illa meretricix esset deus vester. Neque enim potestis dicere quod servata atque incorrupta suæ sanctitate naturæ, illi meretricio corpori non ligatus, sed præsentatus incideret: sed et iuquiatissima esse

ista membra dei vestri, et ob hoc magna purgatione indigere fatemini. Illa ergo meretricix, de qua hominem Dei audetis arguere, deus vester esset, etiam si non esset in melius casto conjugio consummata: aut si non vultis, particulam certe dei vestri, licet minimam, non negatis illam animam meretricis. Ille ergo jam melior deo vestro, quoniam ipsa una meretricix esset, ille autem conditione sue illius communionis universo generi tenebrarum, in omnibus meretricibus prostitutus, in omnibus denique maribus ac feminis late varieque fornicantibus et sese corruptientibus, volutatur, solvit, illigatur, rursus in eorum fetibus volutandus, solvendus, ligandus, donec ad ultimum globum pars immundissima dei vestri, tanquam inexpiabilis meretricix perducatur. Ille scilicet mala, has turpitudines, hæc dedecora a membris suis deus vester amovere non potuit, et hostis inmanis necessitate compulsus ad ista pervenit: neque enim potuit interimare injuriosum atque violentum, suis vel civibus vel partibus salvis. Quanto ergo ille melior, qui occiso Ægyptio fratrem defendit, ille sum, quem mirabili vanitate Faustus arguit, et deum suum mirabilior cœcitate non respicit? Quanto melius ipse vasa aurea et argentea abstulisset de gente Ægyptiorum, quam ejus membra depradaretur gens tenebrarum? Et tamen cum bellum tam miserum ipse gessisset, cultores ejus famulo Dei nostri objicunt quod bella gesserit, in quibus semper cum suis omnibus victor de hostibus triumphavit; qui captivi vel captivæ Moysè belligerante, de populo Israel duci potuerunt: quod et deus vester si potuisset, utique fecisset. Ille ergo non est malos arguere, sed felicioribus invidere. Quæ autem crudelitas Moysi, quod in poplum, qui graviter in Deum peccaverat, gladio vindicavit? Cujus tamen peccati veniam, se pro illis etiam divinæ vindictæ offerens, deprecatus est. Verum tamen si et hoc non misericorditer, sed crudeliter fecisset, etiam sic melior deo vestro esset. Neque enim quemquam suorum innocentium et obedientium, si ad hostis cuneum disrumpendum missus fuisset et captivatus, ullo modo eum postea, si viceret, ipse damnaret: quod facturus est deus iste de sua parte, quam configet in globo, quia obediuit jubenti, quia in hostiles cuneos pro salute regni ejus proposita sua morte processit. Sed in hac, inquit, serie sæculorum jam malis permixta atque concreta non obtemperavit præceptis. Quæramus, quare. Si propria voluntate, vera culpa et justa poena: sed jam si voluntas est rea, nulla est ad peccandum natura contraria, et ideo Manichæorum omnis convicta est et eversa fallacia. Si autem ab hoste oppressa quo missa est, si alieno malo superata cui resistere non valuerat, iniqua poena et magna crudelitas. Sed ad excusandum profertur Dei necessitas. Talem colant deum, qui nolunt colero Deum. Sane quod fatendum est, etiam ipsi cultores ejus, quamvis talem deum colendo sint pessimi, meliores tamen illo sunt, quia saltem sunt: ille autem nihil est, nisi fictio falsitatis et cogitatio vanitatis. Sed iam cetera Fausti arguta delirantia videamus.

LIBER VIGESIMUS TERTIUS.

CAPUT PRIMUM. — FAUSTUS dixit : Disputanti mihi aliquando, quidam ex numerosa plebe respondens ait : Accipis Jesum de Maria natum ? Cui ego : Quemnam, inquam, dicas Jesum ? Nam plures in Hebraismo fuerant Jesus : unus quidem Nave filius, discipulus Moysi (*Exod. xxxii, 11, et Eccli. xlvi, 1*) ; alter vero filius Josedech sacerdos magni (*Iggyai i, 1*) ; item alius qui dictus est filius David (*Rom. i, 4-5*) ; alias vero Filius Dei (*Marc. i, 1*) : quemnam ergo istorum de Maria natum queris ex me utrum accipiam ? Utique, inquit, Filium Dei. Cui ego : Et quo auctore quoque magistro docente istud accipiam ? At ille : Matthæo, inquit. Cui rursum ego : Quid enim Matthæus scripsit ? Et ille : *Liber generationis Jesu Christi filii David, filii Abraham, etc.* (*Math. i, 4*). Tum ego : Putaveram, inquam, quia esses dicturus, Liber generationis Jesu Christi Filii Dei ; et me paraveram ad præscribendum : sed quia nunc fideliciter capitulum memorasti, admonendus tantum es, ut id quod recitasti, consideres. Neque enim Matthæus hic se Dei Filii generationem scribere satetur instituisse, sed filii David.

CAPUT II. — Ut ergo huic interim dicenti credam, filius David erit mihi de Maria natus : adhuc de Dei Filio in hoc omni generationis textu nulla fit mentio, usque ad baptismum scilicet, frustraque calumniam vos ingeritis scriptori, tanquam Dei ille Filius in utero mulieris incluserit. At vero hic clamitat, ut videtur, et inscriptione ipsa sua se prorsus ab hoc sacrilegio vindicat, David filium perhibens ex illa stirpe oriundum se scripsi-se, non Filium Dei. Nam Jesum quidem eum, qui sit Filius Dei, si scriptoris hujus monte propositumque consideres, non tam ille de Maria virgine vult nos accipere proceratum, quam factum aliquando per baptismum apud fluenta Jordanis. Hic enim dicit baptizatum a Joanne eum, quem David in exordio filium designavit, factum aliquando esse Filium Dei (*Id. iii, 16, 17*), post annos ducentaxat, secundum Lucæ fidem, ferme triginta, ubi et vox tunc auditæ est, dicens ad eum : *Filius meus es tu ; ego hodie genui te* (*Luc. iii, 25, 22*). Vides ergo id quod ante annos triginta, ut huic videtur, de Maria natum est, non esse ipsum Filium Dei, sed id quod de baptismo postea factum est ad Jordanem, id est hominem novum, tanquam in nobis cum eredimus ad Deum ex Gentilitatis errore conversi : quod ipsum tamen nescio utrum satis cum ea fide faciat, quem vos catholicam nominatis; sed interim sic Matthæo videtur, si sunt ipsius hoc. Neque enim usquam in parturitionibus Marie dictum legitur illud, *Filius meus es tu ; ego hodie genui te* ; aut, *Hic est Filius meus dilectissimus, in quo bene complacui* : sed in expiatione ejus apud Jordanem. Quod si et tu credas ita ut scriptum est, eris iam quidem Matthæanus ; sic enim mihi dicendum est : catholicus vero nequam.

Nam catholicam fidem novimus; que tanto longe absent ab hac professione Matthæi, quanto procul est et a vero. Siquidem symbolum vestrum ita se habeat, ut credatis in Jesum Christum Filium Dei, qui sit natus ex virginne Maria : vestrum est ergo, de Maria accipere Filium Dei ; Matthæi, ab Jordane ; nostrum, ex Deo : ac per hoc tam vobis Matthæus, si haec ejus pro certo sunt, contrarius est in professione ista sua, quam nobis ; nisi quod paulo prudentius vobis inventus est, ut ortum ex semineo sexu, David filio ascriberet magis, quam Filio Dei. Quapropter de duobus vos unum fateri oportet, aut hunc non esse Matthæum, qui haec videtur assercere ; aut vos non tenere apostolicam fidem.

CAPUT III. — Nos vero quamvis de hac sententia nemo prorsus dejiciat, ex Deo accipiendi Filium Dei, tamen ut multum imprudentiae concedamus, ut adiugamur et falsis credere, ex Jordane nobis erit factus Jesus Dei Filius, quam natus ex utero mulieris. Quanquam nec ipse quidem ille quem Maria peperit, si ullus erat, recte David filius appelletur, nisi eum constet ex patre Joseph seminatum. Quod quia negatis, illud etiam fateainini necesse est, ne ipsum quidem esse David filium. Quoniam quidem generatio ab Abraham usque ad David, et a David Joseph adusque deducitur, per omnes scilicet Hebreorum patres : ex quo quia Jesus conceptus non est, ut legitur, nec filius erit David : longeque demens est, qui quem sine coitu Joseph de Maria natum dicturus erat, hunc in principio posuerit esse filium David. Cum ergo ne ipse quidem, qui sit ex Maria genitus, David recte filius appelletur, quia non sit natus ex Joseph ; quanto magis Filius Dei ?

CAPUT IV. — Proinde nec virginis ipsius origo ex hac tribu fuisse monstratur, unde constat esse David ; dico autem Judam, de quo Judæi reges : sed ex tribu Levi, unde sacerdotes : quod ipsum palam est, quia eadem patrem habuerit sacerdotem quendam nomine Joachim, cuius tamen in hac generatione nulla usquam habita mentio est. Quomodo ergo ad hanc Davidice cogitationis prosapiam Maria pertinere dicetur, in qua eam nec patrem habere videoas, nec maritum ? Ac per hoc nec ille David filius erit, quisquis ex eadem nascitur : nisi ejus hanc genitricem sic admovetas Joseph, ut ejus aut filia probetur aut conjux.

CAPUT V. — AUGUSTINUS respondit : Fides catholica eademque apostolica est, Dominum nostrum et Salvatorem Jesum Christum, et Filium Dei esse secundum divinitatem, et filium David secundum carnem : quod ita probamus ex evangelicis et apostolicis Litteris, ut nemo possit contradicere probationibus nostris, nisi qui ipsis Litteris contradicit : non sicut sibi Faustus iste proposuit, nescio quem pauca verba dixisse, et contra ejusdem Fausti versipellis astutias

nulla postea testimonia protulisse. Quod ego cum fecero, nihil ei quod respondeat remanebit, nisi illud quo viam manifestissimam veritatis in Scripturis sanctis expresse illudere atque evitare conatur, ut falsa illa et divinis codicibus immissa respondeat. Quam dementiam, furiosamque presumptionem et audaciam, jam superioris in hoc opere, quantum sufficere visum est, refutavi: nec eadem repetere oportet, ut modum sermonis etiam cogitemus. Quid igitur opus est dispersa per Scripturas omnes querere atque colligere testimonia, quibus contra istum probemus, in Libris maximam divinaque auctoritatis, eundem dici Filium Dei unigenitum semper Deum apud Deum, qui dicitur etiam filius David propter acceptam formam servi ex virginie Maria conjugi Joseph? Nunc interim, quia de Matthaeo voluit disputare, nec a me totus Matthaei liber huic sermoni inseri potest, legat qui voluerit, et videat quemadmodum Matthaeus eum, quem parentes ejus enumeraturus dicit Iulianus David, narrando usque ad passionem resurrectionemque perducat; nec alium quam ipsum dicat a virginie Maria de Spiritu sancto conceptum et natum. Cui rei adhibet et testimonium de propheta: *Ecce virgo accipiet in utero, et pariet filium, et vocabunt nomen ejus Emmanuel, quod est interpretatum, Nobiscum Deus (Isai. vii, 14; Matth. i, 25).* Eundemque baptizatum a Joanne, audisse de cœlo, *Hic est Filius meus dilectus, in quo mihi complacui (Matth. iii, 17)*: de quo dictum erat jam ex partu virginis, *Nobiscum Deus*. Nisi forte visum sit Fausto minus esse quod dictus est Deus, quam quod dictus est Filius Dei. Ex hoc enim conjicere conatus est, Matthaeo non esse visum quod Filius Dei factus sit nisi ex baptismino, quia ibi facta est vox de cœlo, *Hic est Filius meus*: cum idem evangelista jam superioris adhibuerit divinum ex propheta testimonium, ubi ipse partus virginis appellatus est, *Nobiscum Deus*.

CAPUT VI. — Hunc sane miserum delire garrulam debemus intueri atque observare, non prætermittentem, ubi potuerit, lectori vaniloquiorum suorum etiam de Scripturarum testimoniis nebulas offundere falsitatis: sicut de Abraham dixit, quod Deo non crederat de Sara sibi filium promittenti, quando cum ancilla concubuit; cum Scriptura testetur, nondum illi partum Saræ fuisse promissum (*Gen. xvi, 4, et xvii, 17*): vel quod uxorem suam sororem mentitus sit; cum genus Saræ nusquam in illis litteris legerit, quibus de hac re fides habenda est (*Id. xii, 13, et xx, 2, 12*): et de filio ejus Isaac, quod etiam ipse Rebeccam falso dixerit sororem suam; cum genus ejus ibi aperte scriptum sit (*Id. xxvi, 7, et xxv*): et de Jacob, quod quotidie certamen esset inter quatuor ejus uxores, quemam illum de agro venientem prior ad concubitum raperet; quod illuc omnino nusquam legisse convincitur. Ecce qualis homo mendaces divinorum Librorum scriptores se odisse gloriatur, qui etiam de evangelico tante auctoritatis culmine omnibus nota¹, mentiri sic audet, ut non Matthaeum, ne

apostolici nominis pondere comprimator, sed nescio quem alium sub Matthæi nomine velit putari scripsisse de Christo, quod non vult credere, et quod calumniosa versutia refutare conatur.

CAPUT VII. — Sic ergo de cœlo dictum est super aquam Jordanis, *Hic est Filius meus dilectus, in quo mihi complacui*; quemadmodum dictum est et in monte (*Matth. xvii, 5*). Neque enim quia et ibi de cœlo vox ipsa sonuit, Filius Dei ante non fuit: quan- doquidem ex utero virginis ille accepit formam serui, qui cum in forma Dei esset, non rapinam arbitratus est esse æqualis Deo (*Philipp. ii, 7, 6*). Denique idem ipso apostolus Paulus alio loco apertissime dicit, *Cum autem venit plenitudo temporis, misit Deus Filium suum, factum ex muliere, factum sub Lege (Galat. iv, 4)*: mulierem scilicet more locutionis hebraicæ feminam appellans. Ipse ergo est Filius Dei, qui et Dominus David secundum divinitatem; et idem ipso filius David, ex semine David secundum carnem. Quod si nobis credere non prodebet, non hoc tam attente ideo apostolus Timotheo commendaret, dicens, *Memor esto Christum Iesum resurrexisse a mortuis, ex semine David, secundum Evangelium meum (II Tim. ii, 8)*. Contra quod Evangelium quisquis aliud annuntiaverit, ut anathema sit, magna cura fideles admonuit (*Galat. i, 8, 9*).

CAPUT VIII. — Quid ergo jam moveat sancti Evangelii sectatorem, quod sine concubitu Joseph Christus natus ex virginie, filius tamen David appellatur, cum generationum seriem non usque ad Mariam, sed usque ad Joseph Matthæus evangelista perducat? Primo, quia mariti ejus fuerat, propter virginem sexum, prius honoranda persona: neque enim quia concubitu non permixtus, ideo non maritus, cum ipse Matthæus narrat ab angelo Mariam conjugem ipsius appellatam, qui narrat quod non ipsius concubitu, sed de Spiritu sancto conceperat. Quod si non Matthæus apostolus ista vera, sed aliquis alius sub ejus nomine, sicut Manichæi putant, ea falsa conscriberet; itane sibi etiam ipse in rebus apertissimis et tam de proximo contextis contraria loqueretur, ut queni diceret David Filium de Maria virginem sine cuiusquam viri concubitu natum, ejusdem parentes gradatim enumerans, usque ad eum sine aliqua ratione perducere, quem non connixtum Mariæ ipso dixisset? Si enim alius eminenteret progenitores Christi a David usque ad Joseph, dicens eum filium David, et alius eum sine ullius viri concubitu ex Maria virginem natum diceret, nec eum filium David appellaret; nec sic continuo putare deberemus, eos sibi hæc contraria locutos fuisse, ut vel ambo vel unus eorum falsitatis convinceretur. Cogitare enim deberemus fieri potuisse ut ambo vera dicarent, ut et Joseph maritus Mariæ diceretur, habens eam conjugem continenter, non concubitu, sed affectu; non commixtione corporum, sed copulatione, quod est charius, animorum: et ideo non debuisse virum virginis

mss. nonnulli, de Evangelio, tanto auctoritatis culmine evulsi. n. 29.

¹ Ann. Er. et plures vss., de Evangelio nota. Et ex hi-dein

matris Christi separari a serie parentum Christi; et ipsam Mariam aliquam de stirpe David venam sanguinis ducere, ut caro Christi etiam ex virgine procreata sine David semine esse non posset. Cum vero unus idemque narrator utrumque dicat, utrumque commendet, et virtum Mariæ Joseph et Christi virginem matrem, et Christum ex semine David et Joseph in serie progeneratorum Christi ex David: quid restat ut credat, qui vult¹ divino Evangelio, quam haereticorum fabulis credere, nisi et Mariam non fuisse extraneam a cognatione David, et eam Joseph conjugem non frustra appellatam, propter ordinem sexus et animorum confederationem, quamvis ei non fuerit carne commixtus; et Joseph potius propter dignitatem virilem ab ordine generationum illarum non fuisse separandum, ne hoc ipso videretur ab illa femina separatus, cui eum conjungebat mentis affectus; et ne homines fidicent Christi, id quod sibi conjuges carne insentur, tam magnum in conjugio deputarent, ut sine hoc conjuges esse non crederent: sed potius discent fidelia conjugia, multo familiarius se adhaerere membris Christi, quanto potuissent imitari parentes Christi?

CAPUT IX.—Nos ergo credimus etiam Mariam fuisse in cognatione David, quia Scripturis eis credimus, quæ utrumque dicunt, et Christum ex semine David secundum carnem (*Rom.* 1, 3, et *II Tim.* 11, 8), et ejus matrem Mariam, non cum viro concubendo, sed virginem (*Matth.* 1, 18, et *Luc.* 1, 27). Quisquis itaque dicit Mariam ad consanguinitatem David non pertinuisse, manifestum est quod istarum Scripturarum tam excellenti auctoritati oblectetur: ipse ergo convincat non eam pertinuisse ad semen David, et hoc ostendat, non ex quibuscumque litteris, sed ecclesiasticis, canoniciis, catholicis. Aliæ quippe apud nos non habent ad has res ullum pondus auctoritatis: ipsæ sunt enim quas recipit et tenet Ecclesia totū orbe diffusa, que per illas est etiam prophetata; et quemadmodum promissa, sic redditā. Ac per hoc illud quod de generatione Mariæ Faustus posuit, quod patrem habuerit ex tribu Levi sacerdotem quemdam nomine Joachim, quia canonicum non est, non me constringit: sed etiamsi hoc crederem, ipsum potius Joachim dicerem aliquo modo ad David sanguinem pertinuisse, et aliquo modo ex tribu Juda in tribum Levi fuisse adoptatum, vel ipsum vel ejus aliquem progeneratorem, vel certe in tribu Levi ita natum, ut de stirpe David consanguinitatem aliquam duceret: sicut fieri potuisse idem Faustus fatetur, ut Maria de tribu Levi esset, quam tamen constat traditam viro qui fuerit de stirpe David, id est de tribu Juda; et ita dicit potuisse accipi, Christum filium David, si Maria filia Joseph fuisse². Proinde si filia Joseph

nupsisset in tribu Levi, non absurde diceretur etiam filius David, quisquis de illa et in tribu Levi natus fuisset: ita si mater illius Joachim, quem patrem Mariæ Faustus commemorat, de tribu Juda et genere David nupsit in tribu Levi, non in merito et Joachim, et Maria, et filius Mariæ etiam sic ex David semine veraciter prohibentur. Hoc ergo potius, vel tale aliquid crederem, si illius apocryphe scripturæ, ubi Joachim pater Mariæ legitur, auctoriāte detinerer, quam intentiri Evangelium in quo scriptum est, et Iesum Christum Filium Dei Salvatorem nostrum ex semine David secundum carnem, et per virginem Mariam procreatum. Sufficit ergo nobis quod Scripturæ quæ hoc dicunt, et quibus credimus, ab inimicis suis de nulla possunt facilitate convinci.

CAPUT X.—Non mihi ergo vicissim dicat: Etsi ego non ostendo Mariam non fuisse de cognatione David, tu quod inde fuerit ostende. Hoc enim ostendo clarissimo plane atque fortissimo documento, quod Scriptura confirmatissimæ auctoritatis et Christum dicit ex semine David, et ejus matrem sine ullius concubitu virginem Mariam. Quam vero sibi Faustus cujusdam quasi turpitudinis visus est verecundissimus detestator, cum diceret: *Frustra vos calumniam ingeritis scriptori, tanquam Dei ille Filium in utero mulieris incluserit!* Non plane catholica fides, quæ Christum Dei Filium natum secundum carnem credit ex virginie, ullo modo eundem Dei Filium sic in utero mulieris includit, quasi extra nos sit, quasi cœli et terræ administrationem deseruerit, quasi a Patre recesserit: sed vos, Manichæi, corde illo, quo nihil potestis nisi corporalia phantasmatu cogitare, ista omnino non capitis, quomodo Dei Verbum, Dei Virtus atque Sapientia, in se manens et apud Patrem, et universam creaturam regens, pertendat a fine usque ad finem fortiter, et disponat omnia suaviter (*Sap.* viii, 1). In cuius dispositionis admirabili et ineffabili facilitate sibi etiam matrem in terra dispositus, et propter servos suos de corruptionis servitute liberandos in ea formam servi, hoc est, mortale corpus accepit, acceptum monstravit, monstratumque et morte prostratum, resurrectione sursum erexit¹, et tanquam templum solutum iterum aedificavit. Vos tamen qui haec credere quasi sacrilega formidatis, non membra dei restri in utero virginis, sed in uteris omnium seminarum carnalium ab elephanticis usque ad muscas includitis. An ideo vobis videtur vilior verus Christus, quia sic Verbum dicimus carnem factum in utero virginali, ut nulla sui commutatione in natura propria inviolabiliter permanens, templum sibi hominem coaptarit; et ideo vobis charus est deus vester, quia tot vinculis carnium colligatus et inquinatus in illa parte qua etiam in globo ligendus est, sine causa suspectias deprecatur, aut etiam penitus opp̄essus decipit non sinuit?

¹ Lov., qui maruit. Editi autem alii et MSS., qui vult divino Evangelio, quam. etc. sic vero passim Augustini.

² Istud, si Maria filia Joseph fuisse, al est ab editis un. Vr. et nonnullis MSS.

¹ Plures MSS., rursum erexit.



LIBER VICESIMUS QUARTUS.

CAPUT PRIMUM. — FAUSTUS dixit : Quid ita hominem negatis fieri a Deo ? Non quidem nos omnifaciatum hominem a Deo fieri pernegamus : sed quis, et quando, et quemadmodum fiat, hoc querimus. Quoniam quidem sunt secundum Apostolum homines duo, quorum alterum quidem interdum exteriorem vocat, plerumque vero terrenum, nonnunquam etiam veterem ; alterum vero interiorem et cœlestem dicit ac novum (*Rom. vi, vii, ; I Cor. xv ; II Cor. iv ; Ephes. iii, iv, et Coloss. iii*). Horum ergo uter fiat a Deo, querimus. Quoniam quidem et nativitatis nostræ tempora duo sunt; unum illud, quo nos irretitos carnalibus vinculis, in lucem hanc natura produxit ; alterum vero, cum veritas nos ex errore conversos, ad se regeneravit initios ad fidem. Quod tempus secundæ nativitatis in Evangelio Jesu significans, dicit : *Nisi quis natus fuerit denuo, non potest videre regnum Dei.* Quod cum Nicodemus parum intelligens habesitaret, et qualiter id fieri posset percontaretur : neque enim posse hominem senem in uterum matris introire, et iterum nasci : Jesus ei respondens, *Nisi quis natus fuerit, inquit, ex aqua et Spiritu sancto, non potest videre regnum Dei.* Et sequitur, *Quod nascitur de carne, caro est ; et quod nascitur de spiritu, spiritus est* (*Joan. iii, 3-6*). Quapropter si et nativitas non ea sola est qua in corpore gignimur, sed et illa alia qua renascimur spiritu, non minor æque cura est et hoc ipsum quærere, in quanam earum nos faciat Deus. Modus quoque nascendi duplex est, unus ille furoris et intemperantiae proprius, quo sumus a generatoribus turpiter et per libidinem sati ; alter vero honestatis et sanctimoniae, quo in Christo Jesu per Spiritum sanctum sub bonorum doctrinis disciplinatus sumus¹ ad fidem : unde etiam omnis religio, et maxime christiana, ad sacramentum rudes infantes appellat. Quod et ipsum significans Apostolus ait : *Filioli mei, quos iterum parturio, donec formetur Christus in vobis* (*Galat. iv, 19*). Quare jam non quæritur, utrum Deus hominem faciat; sed quando, et quem, et quemadmodum faciat : nam si cum in utero singimur, ut fere Gentibus placet et Judæis et ipsis vobis, tunc nos Deus format ad imaginem suam ; et veteres nos facit, et per furorem ac libidinem creat, quod haud scio utrum divinitati ejus conveniat. Si vero cum credimus et ad meliorem vitæ convertimur statum tunc formamur a Deo, ut fere Christo placet et ejus Apostolis et nobis; profecto et novos nos facit Deus, et honeste facit ac pure : quo quid consentaneum quidve conveniens magis sanctæ ejus est ac venerabili majestati ? Quod si et vos auctoritatem Pauli non spernitis, ex ipso vobis quemnam, et quando, et quemadmodum Deus hominem faciat, ostendemus. Dicit ad Ephesios : *Ut deponatis secundum priorem conversationem veterem hominem, qui corrumpitur per*

¹ Am. et nostri omnes vs., discipulati sumus.

desideria¹ erroris : *renovamini autem spiritu mentis vestrae, et induite novum hominem, qui secundum Deum creatus est in justitia et sanctitate veritatis* (*Ephes. iv, 22-24*). Vides ergo quando creator homo ad imaginem Dei, vides hic et hominem ostendi alterum, et nativitatem aliam, et alium nascendi modum. Nam cum, Exuite vos et induite, dicit, tempus utique credulitatis significat : cum vero hominem novum a Deo creari testatur, tum indicat veterem nec ab ipso esse, nec secundum eum formatum. Et cum prosequitur dicens illum quidem fieri in sanctitate et justitia et veritate, tunc designat atque demonstrat alterum illum nativitatis morem, quem dixi longe dissimilem huic, qui corpora nostra furiosis genitorum complexibus seminavit ; quemque etiam ostendit ex Deo non esse, cum illum solum monstravit esse ex Deo. Necnon et ad Colossenses idipsum denuo dicit : *Expropiate veterem hominem cum actibus suis, et induite novum, qui renovatur in agnitione Dei*², secundum imaginem ejus qui creavit eum in vobis. Et hinc ergo non solum hominem novum ostendit eum esse quem Deus faciat, sed quando etiam et quibus modis formetur, edocuit, id est, in agnitione Dei, quo significatur credulitatis tempus. Et adhuc, secundum imaginem, inquit, ejus qui creavit eum : ut ex hoc liqueat veterem hominem nec imaginem esse Dei, nec ab ipso formatum. Nam et illum quidem quod sequitur, dicens, *Ubi non est masculus et femina, Judæus et Græcus, Barbarus et Scythæ* (*Coloss. iii, 9-11*) : magis ac magis ostendit nativitatem hanc, qua nos mares fecit ac feminas, Græcos et Judæos, Scythas et Barbaros, non eam esse in qua Deus operatur, cum hominem format ; sed illam qua nos omni exutos nationum varietate sexusque et conditionis unum reddit, ad instar ejus qui unus est, id est, Christus : sicut idem rursus apostolus dicit, *Quotquot in Christo baptizati sunt, Christum induerunt : non est Judæus neque Græcus, non est masculus neque femina, non est servus et liber ; sed omnes in Christo unum sunt* (*Galat. iii, 27, 28*). Ergo tunc sit homo a Deo, cum sit unus ex multis, non cum ex uno divisus est in multa. Divisit autem nos primus ortus, id est, corporalis ; secundus adunat, intelligibilis ac divinus : eoque rectissime nos hunc quidem corporis naturæ ascribendum putavimus, illum vero supernæ majestati. Quapropter idem rursus apostolus ad Corinthios dicit, *In Christo Jesu per Evangelium ego vos genui* (*I Cor. iv, 15*) : et ad Galatas de semelipso, *Cum placuit ei, qui me segregavit de utero matris meæ, ut revelaret Filium suum in me, ut eum annuntiarem in Gentes, continuo non acquiri carni et sanguini* (*Galat. 1, 15, 16*). Vides ergo ubique eum in hac altera nativitate nostra, spirituali

¹ Sic Am. Fr. et MSS. At Lov., secundum desideria.

² Nonnulli MSS. hic et i. fra, in agnitione Dei.

duntaxat¹, asseverantem nos a Deo formari; non in priore illa obscene ac propudiosa, que nos, nihilo præstantius neque mundius animalibus ceteris in utero materno et concepit et formavit et genuit. Quia de re animadvertere si volueritis, invenietis hac in parte nos non tam professione a vobis distare, quam intellectu. Siquidem vobis placuerit hoc veteri et exteriori homini ac terreno tribuere, ut sit a Deo formatus; nos vero contra cœlesti hoc dederimus, et interiori ac novo homini deferamus: neque id temere aut presumptive, sed a Christo discentes, et ejus Apostolis, qui primi eadem in mundo docuisse monstrantur.

CAPUT II. — AUGUSTINUS respondit: Paulus quidem apostolus interiorum hominem in spiritu mentis², exteriorem vero in corpore atque ista mortali vita vult intelligi: non tamen utrumque horum simul duos homines eum dixisse aliquando in ejus Litteris legitur; sed unum, quem totum Deus fecerit, id est, et id quod interius est, et id quod exterius est: sed eum ad imaginem suam non fecit, nisi secundum id quod interius est, non solum incorporeum, verum etiam rationale, quod pecoribus non inest. Non itaque unum hominem fecit ad imaginem suam, et alterum fecit non ad imaginem suam: sed quia hoc utrumque interius et exterius simul unus homo est, hunc unum hominem ad imaginem suam fecit, non secundum id quod habet corpus corporalemque vitam; sed secundum id quod habet rationalem mentem, qua cognoscat Deum, et omnibus irrationalibus eadem rationis excellentia preponatur. Sed illud interius concedit Faustus a Deo fieri, Cum renovatur, inquit, in cognitione Dei, secundum imaginem ejus qui creavit eum. Hanc Apostolicam plane agnoscit sententiam (*Coloss.* iii, 10): quare ipse alteram non agnoscit, Deus posuit membra, singulum quodque eorum in corpore prout voluit (*I Cor.* xii, 18)? Ecce Deus eum exterioris hominis effector ab eodem apostolo prædicatur: quare inde eligit quod pro se patiat, et tacet aut respuit quod Manichæi fabulas amputat? Item eum de terreno et cœlesti homine dissereret idem Paulus, inter mortalem immortalemque discernens, inter id quod in Adam sumus, et illud quod in Christo erimus, ex ipsa Lege, ex ipso libro et ex ipso loco adhibuit terreni, id est, animalis corporis testimonium, ubi scriptum est quod Deus etiam terrenum hominem fecit. Nam cum ageret quomodo resurgent mortui, et quo corpore venient, cum dedisset similitudinem de seminibus frumentorum, quod nulla grana seminenter, et Deus illis det corpus quomodo voluerit, unicunque seminum proprium corpus: ubi nihilominus Manichæi evertit errorem, qui ei grana et herbas et omnes radices ac fructices gentem tenebrarum dicet creare, non Deum; et in eis omnis atque generibus rerum Deum potius credit aligari, quam horum aliquid operari: cum ergo contra Manichæi sacrilegi vanitatem etiam ista dixisset,

venit ad carnium differentias: *Non omnis, inquit, caro eadem caro: inde ad corporum cœlestium atque terrestrium, inde ad mutationem corporis nostri quae fieri possit: spirituale atque cœleste: Seminatur, inquit, in contumelia, surget in gloria: seminatur in infirmitate, surget in virtute: seminatur corpus animale, surget corpus spirituale.* Atque inde volens ostendere originem corporis animalis: *Si est, inquit, corpus animale, est et spirituale; sicut scriptum est, Factus est primus homo Adam in animam circutem* (*I Cor. xv, 35-45*). Hoc autem in Genesi scriptum est (*Gen. ii, 7*), ubi narratur, quonodo Deus hominem fecerit, et corpus quod de terra formaverat animaverit. Veterem autem hominem nihil aliud Apostolus quam vitam veterem dicit, que in peccato est, in quo secundum Adam vivitur: de quo dicit, *Per unum hominem peccatum intravit in mundum, et per peccatum mors; et ita in omnes homines pertransivit, in quo omnes peccaverunt* (*Rom. v, 12*). Ergo totus ille homo, id est, et interior et exteriori sui parte, inveteravit propter peccatum, et pœne mortalitatis addictus est: renovatur autem nunc secundum interiorum hominem, ubi secundum sui Cœreatoris imaginem reformatur, exuenis se injustitiam, hoc est, veterem hominem; et induens justitiam, hoc est, novum hominem. Tunc autem cum resurget corpus spirituale, quod seminatur animale, etiam exterior percipiet cœlestis habitudinis dignitatem: ut totum quod creatum est recreetur, et totum quod factum est resuscitatur, illo recreante qui creavit, et resusciente qui fecit. Quid breviter explicat, ubi ait: *Corpus quidem mortuum est propter peccatum, spiritus autem vita est propter justitiam. Si autem Spiritus ejus qui suscitavit Jesum a mortuis, habitat in vobis; qui suscitavit Christum a mortuis, vivificabit et mortalia corpora vestra per inhabitantem Spiritum ejus in vobis* (*Rom. viii, 10, 11*). Nam quis catholica veritate instructus ignorat, secundum corpus esse alios homines masculos, alias feminas, non secundum spiritum mentis, in quo renovamur secundum imaginem Dei? Verumtamen quia utrumque Deus fecit, rursus idem apostolus testis est, ubi dicit: *Neque mulier sine viro, neque vir sine muliere in Domino: sicut enim mulier ex viro, ita et vir per mulierem; omnia autem ex Deo* (*I Cor. xi, 11, 12*). Quid ad haec dicit inepta fallacia hominum alienorum a vita Dei per ignorantiam, que est in illis proper excitatem cordis eorum (*Ephes. iv, 18*), nisi, in apostolicis Litteris quod volumus verum est, quod nullus falsus est? Sic delirant Manichæi: sed resipiscant³, et non sint Manichæi. A quibus si queritur quoniam⁴ interiorum hominem renovari ad imaginem Dei fatentur, et hoc testimonium ultra etiam proferunt: tunc autem dicit Faustus quod Deus faciat hominem, quando interior in Dei cognitione renovatur, utrum eum ipse fecerit qui resuscitat, ipse considerat qui renovat; respondebunt, ipse. Cui responsioni eorum, si adjiciamus, quare: te

¹ Plurique vss., spiritualiter duntaxat.

² Am. tr. et vss., per ipsi mentis.

³ In vss., sic delirant Manichæi, et resipiscant.

⁴ Relat. i. 1 Cor. v, quoniam. Minus beata.

quando cum formaverit quem nunc reformat: quærent ubi se abscondant, ne fabulæ suo dedecus appearere cogantur. Neque enim dicunt a Deo formatum vel conditum vel institutum, sed de substantia ejus partem prorsus ejus adversus hostes missam: nec peccato inveteratum, sed necessitate captivatum et deformatum ab inimicis, et cetera quæ jam tædet

dicere. Ibi enim et primum hominem commemorant, non quem dicit Apostolus de terra terrenu[m] (I Cor. xv, 47), sed nescio quem suum proprium ex area mendaciorum prosilientem; de quo Faustus tacet omnino, cum de homine sibi proponerit questionem; timens ne aliquo modo eis contra quos disputat, innotescat.

LIBER VICESIMUS QUINTUS.

CAPUT PRIMUM. — FAUSTUS dixit: Deus finem habet, aut infinitus est? Si oratio vestra non fallit, quæ dicit, Deus Abraham, et Deus Isaac, et Deus Jacob (Exod. vi, 15), habet finem Deus: nisi forte alter est hic de quo perrogas, et alter quem oratis: alioquin circumcisionis terminus, qui Abraham et Isaac et Jacob a gentium cæterarum societate dissinguat (Gen. xvii, 9-14), etiam Dei ipsius circa eos terminat potestatem. Cujus autem finita potestas est, et ipse non caret fine. Denique ne antiquorum quidem hac oratione mentionem facitis, qui ante Abraham fuerunt; Enoch dico, et Noe, et Sem (Gen. v), ac reliquos eorum similes, quos fuisse quidem justos in præputio non negatis, sed quia iidem circumcisionis insigni carebant, ne iporum quidem vultis esse Deum, sed solius Abraham et semini ejus. Igitur si est unus et iusnitus Deus, quid sibi vult hæc invocationis vestræ tam diligens et sollicita cautio, ut non contenti nominasse Deum, adjiciatis et eojus, Abraham scilicet, et Isaac et Jacob: tanquam in turba aliqua deorum erratura aut naufragium passura vestra oratione, nisi ad signum naviget Abraham? Et hunc quidem certa de causa Judeos orare haud absurdum est, utpote circumcisos; sic enim circumcisionis se invocare designant Deum, propter deos præputii: vos vero cur hoc ipsum faciatis, parum intelligo; cum minime geratis signum quod habuerit Abraham, eujus vos invocatis Deum. Vere enim, quod intelligi datur, cognitionis mutua causa, ne a se scilicet invicem oberrarent, notas sibimet huiusmodi alternis¹ imposuisse videntur Judæi, ac Judæorum Deus: atque ipse quidem eos circumcisionis obscene charactere signavit, quo ubicumque terrarum fuerint, ubicumque gentium, per circumcisionem tamen, ipsius esse noscantur; iidem vero suum vicissim Deum parentum suorum cognomine signaverunt, quo ubicumque et ipse fuerit, in magna quamvis deorum frequentia, cum Deus Abraham audierit, et Deus Isaac, et Deus Jacob, protinus se invocari cognoscat. Quod fere in multis fieri solet unum habentibus nomen, ut eorum nemo appellatus respondeat, nisi auditu cognomine. Sic namque et pastor atque armentarius pecoribus notas incurrunt, ne eorum quisque pro suo usurpet alienum. Quibus quia et vos similiter facitis, Deum Abraham dicentes, et Deum Isaac et Deum Jacob, non solum finem ostenditis habere

Deum, sed quod sitis etiam vos ab eodem alieni, sicut eijs ac sacramenti expertes, quod est virilium mutilatio, per quam idem suos agnoscit. Quapropter hic si est Deus quem colitis, liquet ex hoc admodum quod habeat finem. Si vero infinitum Deum esse vultis, huic vos ante renuntiare necesse est, et oratione mutata erroris præteriti vestri pœnitudinem gerere. Et hoc quidem dictum ita est, ut de vestro vos visisse videamur: alioquin summus et verus Deus, utrum sit idem infinitus necne, si queritur, do hoc vero nos boni et mali contrarietas breviter poterit edocere. Quoniam quidem si non est malum, profecto infinitus est Deus; habet autem finem, si malum est: constat autem esse malum: non igitur infinitus est Deus: illuc enim esse mala accipiunt, ubi bonorum est finis.

CAPUT II. — AUGUSTINUS respondit: Absit ut hoc vos quisquam interroget, qui vos novit, aut de hac omnino re cum talibus disputeret. Prius enim estis a figura carnalium corporaliumque cogitationum pia fide et quantulacunque veritatis ratione mundandi, ut spiritualia quoquo modo et ex quantacunque parte cogitare possitis. Quod quamdiu non potestis (heresis quippe vestra nihil aliud novit, quam et corpus et animam et Deum per locorum spatia vel finita vel infinita distendere, cum solum corpus talia occupet spatia, vel spatiis talibus occupetur), consultius feceritis, si vos huic quæstiōni non conmiseritis², ubi nec docere potestis aliquid veri, sicut nec in ceteris; nec discere estis idonei, quod fortasse potestis in ceteris, si superbi litigiosique non sitis. Cum enim queri coepirit, quomodo sit Deus finitus, quem nullus locus caput; quomodo infinitus, quem totum Filius novit: quomodo finitus, immensus; quomodo infinitus, perfectus: quomodo finitus, nullum habens modum; quomodo infinitas, modus omnium: omnis cogitatio carnalis evanescit; et si vult se fieri quod nondum est, prius ex eo quod est erubescit. Quapropter hoc quod nobis³ proponitis de Deo finito et infinito, melius faciendo finitis, donec a fine Legis, quod est Christus, tam longe aberrare desinatis. De Deo autem Abraham et Isaac et Jacob, eum ipse sit omnis creatura verus Deus, cur illo nomine se populo suo insinuare voluerit, iam quantum sat erat diximus. De circumcisione etiam in superioribus hujus operis p. v.

¹ Lev. et quidam vss. Editi vero, *Et hæc quidem.*

² Cisterciensis codex, alteras.

tibus contra calumnias imperitas sepe respondimus. Isti autem signum in parte corporis congrua divinitus datum, quo carnis exsoliatio figurata est, si quemadmodum dictum sit, *Omnia munda mundis*, christiani, non hæretica mente cogitarent, nullo modo irridèrent. Sed quia verum est et quod sequitur, *Immundis autem et infidelibus nihil est mundum; sed polluta*

sunt eorum et mens et conscientia (*Tit. i, 15*): rideant eos, et die ac iter insultantes, leniter admonemus, si secundum ipsos circumcisio turpis est, non eos habere quod ibi rideant, sed quod lugeant; quia deus eorum et illi particulae quae praeciditur, et illi sanguini qui distillat, illigatus et inquinatus admixtus est.

LIBER VIGESIMUS SEXTUS.

CAPUT PRIMUM. — Faustus dixit: Jesus si natus non est, quomodo mortuus est? Hoc jam sane conjectura est: conjecturis autem nemo, nisi quej probations defecerint, uitetur. Respondebimus tamen etiam ad hoc, nec aliunde quam de his quæ credere soletis, afferentes exempla: quæ, si vera sunt, confirmabunt et nos; si falsa, destruent et vos. Dicis ergo: Quomodo mortuus est Jesus, si homo non fuit? Et ego abs te requiro: Elias quomodo mortuus non est, cum fuerit homo? An huic mortali preter conditionem suam licuit jus immortalitatis invadere, Christo non licuit immortali de morte, si necesse fuit, aliquid usurpare? Et si Elias in æternum vivit contra naturam, Jesum ad triduum tantum cur non magis contra naturam mori potuisse concedas: præsertim cum etiam hoc non solum de Elia creditis, sed et de Moyse atque Enoch, quod sint immortales, et ipsi rapti cum corporibus suis in cœlum? Quapropter si hoc argumento recte colligitur Jesum fuisse hominem, quia mortuus est; poterit eodem nihilominus argumento colligi et Eliam non fuisse hominem, quia mortuus non est. Falsum est autem non fuisse Eliam hominem, quamvis immortalis creditur: falsum æque erit Jesum fuisse hominem, quamvis estimetur mortuus. Et si mihi vera dicenti vis credere, uterque eorum apud Ilebræos falsam traxit opinionem, Jesus de morte, et de immortalitate Elias: nam nec hic mortuus est, nec ille non mortuus: sed vos quod vultis, creditis; quod non, redigitis ad naturam. Quapropter si quid naturæ preprimum sit queritur, illa quidem nec immortalem mori vult, nec non mori mortalem. Si vero potestatem in Deo atque homine ad efficienda quæ velint querimus, magis puto Jesum mori potuisse, quam non mori Eliam: major enim potestas in Jesu quam in Elia. Et si tu impotentiorum contra naturæ licentiam levas in cœlum, consecrasque perpetuitati, naturæ et conditionis ejus oblitus; ego Jesum, potuisse mori, si voluit, cur non concedam, etiamsi vere mortem illam fuisse, et non mortis figuram consentiam? Ut enim ab initio sumpta hominis similitudine omnes humanæ conditionis simulavit affectus, sic ab re non erat, si in fine quoque consignandæ œconomiae gratia fuisse visus et mori.

CAPUT II. — Præterea illud quoque commemorandum, quia si quid cuique per naturam licet queritur, circa omnia id quæri debaret quæ Jesus gessit, non circa mortem tantummodo ipsius. Nam et cæcum a nativitate lumen videre natura non sinit; quod tamen

Jesus potenter operatus videtur erga hujus generis cæcos¹, adeo ut Judæi et ipsi exclamarent, ab initio sæculi nunquam fuisse visum, ut aliquis aperuisset oculos cæci nati (*Joan. ix*): manum aridam sanasse, vocem ac verbum privatis his per naturam, redonasse, mortuis et in tabernaculo jam resolutis corporibus compage reddita vitali redintegrasse spiritum, quem non ad stuporem adducat, et cogat quodam modo minime credere cogitantem quid licet, quidve non licet per naturam? Quæ tamen omnia nos communiter facta ab eodem credimus Christiani, non consideratione jam naturæ, sed potestatis tantum et virtutis Dei. Legitur id quoque, quod de superciliosi montis jactatu aliquando a Judæis, ille Jesus abierit. Qui ergo de sublimi monte præcipitatus, mortuus non est, quia utique noluit; cur non potuerit etiam mori cum voluit? Et hoc quidem nunc a nobis ita responsum sit, quia vobis placet argumentari, et arma tentatis aliena, dialectice disputare volentes: alioquin nobis nec Jesus mortuus est, nec est immortalis Elias.

CAPUT III. — Augustinus respondit: Quidquid de Enoch et de Elia et de Moyse Scriptura sancta, certis et magnis sue fidei documentis in summo culmine auctoritatis locata testatur, hoc credimus, non quod Faustus nos credere suspicatur. Quid sit autem secundum naturam, quid contra naturam, homines qui sicut vos errant, nosse non possunt. Dici autem humano more contra naturam esse, quod est contra naturæ usum mortalibus notum, nec nos negamus: sicut illud est quod Apostolus ait, *Si tu ex naturali incisus oleastro, et contra naturam insertus es in bonam olivam* (*Rom. xi, 24*); id esse contra naturam dixit, quod est contra consuetudinem naturæ, quam notitia humana comprehendit, ut oleaster insertus in olea, non oleastri bacca, sed olivæ pinguedinem ferat. Deus autem creator et conditor omnium naturarum, nihil contra naturam facit: id enim erit cuique rei naturali, quod ille fecerit, a quo est omnis modus, numerus, ordo naturæ. Sed nec ipse homo contra naturam quidquam facit, nisi cum peccat, qui tamen supplicio redigitur ad naturam. Ad naturalem, quippe justitiæ ordinem pertinet, ut aut peccata non flant, aut impunita esse non valeant: quodlibet horum sit, naturalis ordo servatur, si non ab anima, certe a Deo. Vexant enim peccata conscientiam, ipsique animo nocent, cum luce justitiæ peccando privatur, etiamsi

¹ Editio Fr. et unus codex vaticanus, *operatus videtur*. Ergo hujus genetis cæcos illuminasse, etc.

non consequantur dolores , qui vel corrigendis inge-
runtur , vel non correctis ultiui reservantur . Sed contra
naturam non incongrue dicimus aliquid Deum fac-
cere , quod facit contra id quod novimus in natura.
Hanc enim etiam appellamus naturam , cognitum no-
bis cursum solitumque naturae , contra quem Deus
cum aliquid facit , magnalia vel mirabilia nominantur.
Contra illam vero summam naturae legem , a notitia
remotam , sive impiorum , sive adhuc infirmorum ,
tam Deus nullo modo facit , quam contra se ipsum
non facit . Spiritualis autem eademque rationalis crea-
tura , in quo genere et anima humana est , quanto am-
plius illius incommutabilis legis lucisque fit particeps ,
 tanto magis videt quid fieri possit , quidve non possit :
quanto autem remotior inde fuerit , eo magis miratur
insolita , quo minus cernit futura .

CAPUT IV. — Ac per hoc quid de Elia factum sit ,
nescimus : hoc de illo tamen credimus , quod verax
Scriptura testatur . Illud sane scimus , hoc de illo
factum quod Dei voluntas habet ; quod autem Dei
voluntas non habet , fieri de quoquam omnino non
posse . Proinde , si mihi dicatur posse fieri ut caro ,
verbi gratia , hujus vel illius hominis in corpus cœleste
mutetur : concedo fieri posse , sed utrum futurum
sit nescio ; et ideo nescio , quia quid babeat de hac
re Dei voluntas , me latet : illud me tamen non latet ,
sine dubio futurum , sic hoc Dei voluntas habet .
Porro si audiam quod aliquid futurum erat , sed Deus
fecit ne fieret ; fidissime respondebo , illud potius
futurum erat quod Deus fecit , non illud , quod si
futurum esset , hoc fecisset ¹ . Nam Deus quod factu-
rus erat , utique sciebat , et ideo simul sciebat illud
futurum non fuisse , quod ne fieret facturus erat : et
procul dubio potius verum est quod scit Deus , quam
quod opinatur homo . Unde tam non possunt futura
non fieri , quam non fuisse facta præterita : quoniain
non est in Dei voluntate , ut eo sit aliquid falsum ,
quo verum est . Quapropter omnia quæ vere futura
sunt , sine dubio sicut ; si autem facta non fuerint ,
futura non erant : ita omnia quæ vere præterita sunt ,
sine dubio præterierunt .

CAPUT V. — Quisquis itaque dicit , Si omnipotens
est Deus , faciat ut quæ facta sunt , facta non fuerint ;
non videt hoc se dicere . Si omnipotens est , faciat ut
ea quæ vera sunt , eo ipso quo vera sunt falsa sint .
Potest enim facere ut aliquid non sit quod erat ; tunc
enim facit ut non sit , quando id esse invenerit de
quo fiat : velut cum aliquem , qui cœpit esse nascen-
do , facit non esse moriendo ; hoc enim factum in-
venit , de quo fieret . Quis autem dicat , ut id quod
jam non est , faciat non esse ? Quidquid enim præ-
teritum est , jam non est : quod si et de ipso fieri
aliquid potest , adhuc est de quo fiat ; et si est , quo-
modo præteritum est ? Non ergo est , quod vere
dicimus fuisse : sed ideo verum est illud fuisse , quia
in nostra sententia verum est , non in ea re quæ jam
non est . Sententia quippe qua dicimus aliquid fuisse ,
ideo vera est , quia illud de quo dicimus , jam non

est . Hanc sententiam Deus falsam facere non potest ,
quia non est contrarius veritati . Quod si quereras ubi
sit haec vera sententia : prius invenitur in animo
nostro , cum id verum scimus et dicimus . Sed si et
de animo nostro ablata fuerit , cum id quod scimus
obliti fuerimus , manabit in ipsa veritate ² . Semper
enim verum erit fuisse illud quod erat , et non est ;
et ibi verum erit jam fuisse quod erat , ubi verum
erat antequam fieret futurum esse quod non erat .
Huic veritati Deus non potest adversari , in quo est
ipsa summa et incommutabilis veritas , quo illustratur
ut sit , quidquid in quorumque animis et mentibus
veri est . Omnipotentem autem Deum non ita dicimus ,
ac si eum etiam mori posse credamus ; et quia hoc
non potest , ideo non sit dicendum omnipotens . Ille
plane omnipotens vere solus dicitur qui vere est , et
a quo solo est quidquid aliquo modo est vel spirituale
vel corporale . Quia universa creatura sua utitur ut
ei placet : placet autem illi secundum veram incom-
mutabilemque justitiam , quod ipse sibi est , omnia
mutabilia , cum ipse sit incommutabilis , mutans ³ pro
meritis sive naturarum sive factorum . Numquid ergo
dicturi sumus quod Elias cum esset creatura , mutari
non posset vel in deterius vel in melius ; aut eo modo
non posset , qui esset humano generi insolitus ,
secundum Dei omnipotentis voluntatem ? quis hoc
vel stultissimus dixerit ? Cur ergo quod de illo in
Scriptura veracissima positum est , non credamus ?
nisi putemus hoc solum posse facere Deum , quod
videre consuevimus .

CAPUT VI. — Sed si homo fuit , inquit , Elias , et
potuit non mori , cur Christus cum homo non fuerit ,
non potuerit mori ? Tale est ac si quisquam diceret :
Si potuit natura hominis in aliquid melius commu-
tari , cur Dei natura in deterius non potuerit ? Stule ,
quia hominis est natura mutabilis , Dei autem incom-
mutabilis . Posset enim et aliquis pariter insanissimus
dicere : Si homini potest donare ut regnet in æter-
num , cur non et sibi facere ut damnetur in æter-
num ? Non hoc , inquit , ego dico , sed triduanam
saltem mortem Dei , æternæ vitæ hominis comparo .
Plane si sic acciperes triduanam mortem Dei , ut
caro in illo morcretur , quam de mortalium genere
assumpsit , verum saperes : nam istam triduanam
Christi mortem pro æterna vita hominum factam
veritas evangelica prædicat . Cum autem velis tridua-
nam mortem , nulla mortali assumpta creatura , in
ipsa divina natura ideo non absurde credi , quia po-
test humana natura immortalitate donari ; profecto
sic desipis , quomodo qui nec Deum nosti , nec dona
Dei . Deinde quomodo illud , quod supra posui , non
dicas ac sentis , Deum sibi fecisse ⁴ unde damnetur
in æternum , quando pars illa dei vestri in globo in
perpetuum configetur ? An et hoc dicturus es , quia
pars lucis lux est , et pars Dei Deus non est ? Postre-
mo ut sine ulla ratiocinatione et plena fidei veritate

¹ Plerique viss. cum Am. et Er. , manabit ipsa veritate .

² Sola editio Er. , mutare .

³ Am. Er. et plerique viss. , sibi non fuisse .

a nobis audiatis, eur Eliam hominem natum, raptum esse divinitus de terra credamus, Christum autem et ex virginie vere natum, et in cruce vere mortuum : hec id o credimus, quia et illud de Elia, et hoc de Christo sancta Scriptura testator (IV Reg. n. 11; Matth. 1, 23, et xvii, 50), cui nemo plus nisi qui credit, nisi impius nemo non credit¹. Illud autem de Elia vos negatis, quia omnia simulatis : de Christo autem quod nasci non potuerit et mori potuerit, nec vos dicitis ; sed ejus ex virginie nativitatem nullam, mortem autem in cruce falsam fuisse contenditis, hec est etiam ipsam nullam, sed ad iudicandos humanos oculos simulatam ; ad nihil aliud, nisi ut ab eis qui ista crediderint, etiam vobis omnia mentientibus ignoscatur.

CAPUT VII. — Quis autem vobis proponat, quod sibi quasi ex persona catholici Faustus proponit, *Jesus si natus non est, quomodo mortuus est?* nisi qui parum considerat ipsum Adam et natum non esse, et tamen mortuum esse? Si voluisset ergo Filius Dei inde sibi humanam carnem veramque formare, unde formavit et illi primo homini, quoniam omnia per ipsum facta sunt (Joan. 1, 3), quis eum non potuisse audeat affirmare? Si denique de cœlesti vel aerea vel humida creatura corpus assumptum vellet commutare in humanæ carnis verissimam qualitatem, in qua et vivere ut mortalis homo posset, et mori, loc eum potuisse facere, quis negaret, omnipotentem omnipotentis Filium? Postremo si voluisset de nullis elementis corporeis, quæ per eum creata sunt, corpus assumere, sed prorsus ex nihilo sibi creare veram carnem, sicut per eum creata sunt cuncta quæ non erant; quis nostrum contradicere, quis noscent fieri non potuisse contenderet? Non ergo ideo credimus natum ex virginie Maria, quod aliter in vera carne existere atque hominibus apparere non posset : sed quia sic scriptum est in ea Scriptura, cui nisi credidimus, nec christiani nec salvi esse poterimus. Credimus ergo ex Maria virgine natum Christum, quia sic scriptum est in Evangelio : credimus crucifixum et mortuum, quia sic scriptum est in Evangelio : et vere natum et vere mortuum, quia veritas est Evangelium. Cur autem illa omnia in carne ex utero seminæ assumpta pati voluerit, summa consilii penes illum est : sive quod utrumque sexum, quem creaverat, etiam modo commendandum honorandumque judicavit, assumendo formam viri, et nascendo de femina; sive aliqua alia causa, quenam illa sit, non temere dixerim. Illud

¹ Lov., *impious nemo, nisi qui non credit.* Falsum et ex MSS. corrigendum hoc modo, *nisi impious nemo non credit.*

tamen fidenter dicam, nec aliter factum esse, quam evangelica veritas docuit; nec aliter fieri oportuere, quam Dei sapientia judicavit. Evangelii fidem omnibus hereticorum disputationibus anteponimus : consilium autem sapientiae Dei supra omne consilium creature cuiuscumque laudamus.

CAPUT VIII. — Tamen Faustus, ut sibi credamus hortatur dicens, *Et si mihi vera dicenti vis credere, uterque eorum apud Hebreos falsam traxit opinionem. Jesus de morte, et de immortalitate Elias :* cum paulo post dicat, *Ut enim ab initio sumpta hominis similitudine omnes humanæ conditionis simulavit affectus; sic ab re non erat, si in fine quoque consignandæ economicæ gratia fuisset visus et mori.* Homo pessime ac fallacissime, quomodo tibi ego credam, quasi vera dicenti, cum Christum dicas mortem potuisse mentiri? Ergo ille mentiebatur, quando dicebat, *Oportet Filium hominis occidi, et tertia die resurgere* (Luc. xxiv, 7); et tu non mentiris, et dicas ut tibi vera dicenti credamus? Veracior ergo Petrus, quando ei dixit, *Absit, Domine, non siet istud;* et unde meruit audire, *Redi retro, satanas* (Matth. xvi, 22, 23). Et ille quidem non hoc infructuose audivit, qui cam postea veritatem mortis Christi usque ad suam mortem correctus perfectusque prædicavit. Verum si ille, quia tantum putavit Christum non moriturum, audire meruit, *Satanas;* tu quid mereris audire, qui non negas mortuum, sed etiam dicas mortem fuisse mentitum? Sed ideo, inquis, mortem quoque simulasse credendus est, quia omnes humanæ conditionis simulavit affectus. Quis enim tibi hoc contra Evangelium concessurus est, quod omnes humanæ conditionis simulavit affectus? Prorsus si² dixit evangelista, *Dormivit Jesus* (Id. viii, 24); si dixit, *Esurivit* (Id. iv, 2), sitiuit (Joan. xix), contristatus est (Matth. xxvi, 37), exhilaratus est, et si qua talia; omnia vera sunt, quæ ita narrata sunt, ut non eum simulasse, sed plane fecisse vel exhibuisse conscripta sint, sane non necessitate conditionis, sed magisteri voluntate, et divina etiam potestate. Nam homo plerumque etsi nolit, irascitur; etsi nolit, contristatur; etsi nolit, dormit; etsi nolit, esurit, ac sitiit: ille autem omnia ista³, quia voluit. Sic etiam nascuntur homines atque patiuntur, non quia volunt, nec quod volunt⁴; ille autem etiam ista, quia voluit. Tamen vera haec et de illo fideliter veraciterque conscripta sunt, ut quisquis Evangelio ejus crediderit, veritate instruatur, non mendaciis illudatur.

² Am. Er. et plures MSS. hoc et proximo loco præteriunt particularum, si. Paulus post apud Lov. et vss. legitur, et si quid aliud. Apud Am. et Er., et si qua talia.

³ In editis, *sicut, quia voluit.* Abegit, *fecit,* a MSS.

⁴ Plures MSS., *nec quando volunt.*

LIBER VIGESIMUS SEPTIMUS.

CAPUT PRIMUM. — FAUSTUS dixit : Si natus non est Jesus, nec passus est : si autem passus est, ergo et natus est. Non vobis expedit, mihi credite, in

bis rebus consequentiam querere naturæ; alioquin infirmabitur omnis vestra fides. Nam et vos Jesum ex virginie natum sine viri coitu creditis, et si ex conse-

quentibus priora probanda sunt, erit hoc falsum. Poterit enim et vobis responderi in hunc modum, quia si natus est ex feminina Jesus, ergo et seminatus ex viro est: si vero seminatus ex viro non est, ergo nec natus ex feminina est. Potuit autem, ut vos creditis, nasci non satus: quare ergo non potuerit et pati non partus?

CAPUT II. — AUGUSTINUS respondit: Nemo tibi proponit quod tibi proponis, nisi imperitus quem decipis, non instructus a quo convinceris¹. Nam Jesus

¹ In MSS., *continetur*.

et nasci potuit non satus, et pati non partus: sed unum horum voluit, alterum noluit. Nasci enim non satus voluit, pati autem non partus noluit: quia partus est passus. Dicis mihi: Unde scis? Quia hoc in Evangelio veritatis lego. Si autem tibi dicam, Unde scis ista quae dicis? Manichaei mihi opponis auctoritatem, et dicas esse in Evangelio falsitatem. Ego autem Manichaeo ista dicenti non crederem, nec si non mihi, Christum mentitum esse laudaret. Quod quidem in Christo non invenit, sed quid ipse diligit prodit.

LIBER VIGESIMUS OCTAVUS.

CAPUT PRIMUM. — FAUSTUS dixit: Sed non poterat mori, nisi natus esset. Et ego respondeo, Nec nasci poterat, nisi Deus non esset: aut si potuit et Deus esse et nasci, quare non et non nasci potuerit et mori? Vides ergo utile satis non esse, in his consequentiam querere, aut argumentis anniti, cum de rebus agitur quae pertineant ad Jesum. Sed querendum potius est, quid ipse de se, quidve Apostoli sui de eodem prædicarint. Ipsaque adeo pertractanda genealogia est, et videndum si sibi conveniat; non ex conjectura passionis, nativitatis ejus exquirere veritatem: quia et pati non natus potuit, et natus minime pati; præsentim ipsis vobis fatentibus Deo esse impossibile nihil: quod erit et ipsum falsum, si hoc constiterit, Non potuisse mori non natum.

CAPUT II. — ACCURSIUS respondit: Iterum ac saepe tibi proponis, quod non audis ab eis a quibus consularis. Nemo tibi dicit, Non poterat mori, nisi natus esset: quia mortuus est Adam, quamvis natus non fuisset. Sed dicitur tibi: Natus est, quia hoc sanctum Evangelium, non nescio quis hereticus loquitur: mortuus est, quia hoc in sancto Evangelio, non in libro aliquis heretici legitur. Sed tu qui prohibes argumentari, cum de rebus agitur quae pertinent ad Jesum, et querendum censes quid ipse de se, quidve Apostoli sui de eodem prædicarint, cum cœpero Matthei Evangelium recitare apostoli ejus, ubi narratio nativitatis ejus tota contexitur, continuo dices illam narrationem non esse Matthœi, quam Matthœi esse dicit universa Ecclesia, ab apostolicis sedibus usque ad præsentes episcopos certa successione perducta. Tu mihi quid contra lecturus es? Aliquem forte librum Manichæi, ubi Jesus negatur esse natus ex virgine. Sicut ergo ego credo illum librum esse Manichæi, quoniam ex ipso tempore quo Manichæus vivebat in carne, per discipulos ejus certa successione præpositorum vestrorum ad vestra usque tempora custoditus atque perductus est; sic et istum librum credite esse Matthœi, quem ex illo tempore quo Matthœus ipse in carne vixit, non interrupta serie temporum Ecclesia certa connexionis successione usque ad tempora ista perduxit. Et die mihi, cuius libro potius credere debeamus; ejusne apostoli, qui Christo, cum adhuc in terra esset, adheserat, an

nescio cuius Persie, qui tanto post natus est? Sed alium forte proferes librum, qui nomen habeat aliquius apostoli, quem a Christo constat electum, et ibi Christum natum ex Maria non esse lecturus es. Cum ergo necesse sit a' terum horum librorum esse mendacem, cui nos potius censes fidem accommodare debere? Eine quem illa Ecclesia ab ipso Christo inchoata et per Apostolos proiecta certa successionum serie usque ad hæc tempora, toto terrarum orbe dilatata, ab initio traditum et conservatum agnoscit atque approbat; an ei quem eadem Ecclesia incognitum reprobatur, cum etiam proferatur ab hominibus ita veracidus, ut Christum laudent esse mentitum?

CAPUT III. — Hic dicturus es, Genealogia ipsa consideretur duorum Evangelii librorum, utrum sibi conveniat. Jam hinc alibi in hoc opere diximus, quod dicendum fuit (*Supra, lib. 3, cap. 3*). Neque enim vos movet, nisi quemadmodum duos patres potuerit habere Joseph. Quod si cogitantibus non occurrit unus qui genuit, alius qui adoptavit, nec sic facile debuitis adversus tantam auctoritatem præporaram proferre sententiam: nunc vero si vel admittit cogitatis quam hoc fieri potuerit, Evangelio simpliciter credite, et vos potius tam male ac perverse argumentari desistite.

CAPUT IV. — Quod autem putat querendum esse Faustus, quid de se Jesus ipse prædicaverit; cui non justum videatur? Sed numquid hoc sciri potest, nisi discipulis ejus narrantibus? Quibus si non creditur annuntiantibus quod de virginе natus sit, quomodo eis fides habebitur annuntiantibus quid de se ipso prædicaverit? Si enim prolatæ fuerint aliquæ litteræ, quæ nullo alio narrante ipsius proprie Christi esse dicantur; unde fieri poterat ut si vere ipsius essent, non legerentur, non acciperentur, non præcipuo culmine auctoritatis eminerent in ejus Ecclesia, quæ ab ipso per Apostolos succedentibus sibimet episcopis, usque ad hæc tempora propagata dilatatur; multis in ea jam completis, quæ ante prædicta sunt, et usque in finem quæ restant, sine dubio futuris atque venturis? Quia et illæ litteræ si proferrentur, utique considerandum erat a quibus proferrentur. Si ab ipso, illis primitus sine dubio proferri potuerunt, qui tunc eidem cohaerabant, et per illos etiam ad alios perven-

nire. Quod si factum esset, per illas quas commemo-
ravi præpositorum et populorum¹ successiones con-
firmatissima auctoritate clarescerent. Quis est ergo
tam demens, qui hodie credit esse epistolam Christi
quam protulerit Manichæus, et non credit facta vel
dicta esse Christi quam scripsit Matthæus? aut si etiam
de Matthæo utrum ipse ista scripserit dubitat, de
ipso quoque Matthæo non potius id credit, quod inven-
nit in Ecclesia, quæ ab ipsis Matthæi temporibus
usque ad hoc tempus certa successionum serie decla-
ratur; et credit nescio cui ex transverso de Perside
post ducentos vel amplius annos venienti, et suadenti
ut illi potius quid Christus dixerit feceritque creda-
tur: cum ipse apostolus Paulus post ascensionem
Domini de cœlo vocatus (*Act. ix.*), si non inveniret
in carne Apostolos, quibus communicando et cum
quibus conferendo Evangelium, ejusdem societatis
esse appareret, Ecclesia illi omnino non crederet?
Sed cum cognovisset cum hoc annuntiantem, quod
etiam illi annuntiabant, et in eorum communione at-
que unitate viventem, accedentibus etiam per eum
talibus signis, qualia et illi operabantur; ita, eum
Domino commendante, meruit auctoritatem, ut verba
illius hodie sic audiantur in Ecclesia, tanquam in illo
Christus, sicut ipse verissime dixit, locutus audiatur
(*II Cor. xiii. 5.*). Et putat Manichæus credi sibi de-
bere ab Ecclesia Christi, loquenti contra Scripturas,
tanta et tam ordinata auctoritate firmatas: per quas
ei præcipue commendatum est, ut quisquis illi annun-
tiaverit præterquam quod accepit, anathema sit (*Gal. i. 8., 9.*)

¹ Nonnulli MSS., *præpositorum et Apostolorum.*

CAPUT V. — Sed rationem, inquit, profero, qua
demonstrem Scripturis illis non esse credendum.
Certe non argumentaris? Et tamen in ipsa quoque
argumentatione superaris. Ad hoc enim redigitur
omnis argumentatio tua, ut ad extremum credit anima, ideo se in hoc mundo esse miseram, quia miseria
sua Deo suo subvenit, ne ille regno privaretur:
ejusque naturam atque substantiam usque adeo esse
mutabilem, corruptibilem, violabilem, coinquinabilem,
ut pars ejus quedam nec mundari valeat, et ab
ipso, qui eam sciens innocentem de suis visceribus,
nihilque apud se peccantem, tantæ contaminationi permiscuit,
æternæ globi supplicio puniatur. Iste finis est
omnium argumentationum fabularumque vestrarum:
quarum utinam sit finis, sed in corde et in ore vestro,
ut aliquando tam execrandas blasphemias credere ac
dicere desinatis. Sed ex ipsis, inquit, litteris probo,
quani eis non ubique credendum sit, quoniam contraria
sibi loquuntur. Cur non ergo dicas potius nus-
quam eis esse credendum, tanquam inconstantibus
seseque impugnantibus testibus? Sed hoc, inquit,
eligo, quod consentaneum video veritati. Cui veritati?
Fabulæ scilicet tue, habentu in capite bellum Dei, in
medio contaminationem Dei, in fine damnationem
Dei. Et nusquam, inquit, creditur litteris sibimet ad-
versis atque contrariis. Sed ideo tibi hoc videtur,
quia non intelligis: nam et quidquid protulisti quod
tale videretur, demonstratum est quam non intelli-
gas; et quidquid protuleris, demonstrabitur. Nulla
ergo causa est quare illis litteris tanta auctoritate
præditis non credamus: et plane ista maxima causa
est cur eos qui aliud annuntiant anathememus.

LIBER VIGESIMUS NONUS.

CAPUT PRIMUM. — Faustus dixit: Ergo magia
erat, quod visus ac passus est, si natus non est. Ea-
dem in te vicissim argumentatio retrorquetur, ut
magia et illud fuerit, quod utero portatus, aut quod
editus sit, si seminatus non fuit. Extra legem naturæ
esse constat virginem peperisse, multoque magis in-
ventam etiam post partum virginem. Quare ergo et
hoc præter naturam non vis ut contigerit, pati eum
potuisse volentem, sine sorte nativitatis? Mihi crede;
quantum ad rem attinet, utrique in hoc naturæ con-
traria profitemur: sed hoc interest, quod nos honeste
vos turpiter: nos passionis ejus rationem aliquam
reddimus et probabilem; vos nativitatis aut nullam
præstatis, aut falsam: denique nos specie tenus pas-
sum confitemur, nec vere mortuum; vos pro certo
puerperium fuisse creditis, et utero inulicribi porta-
tum. Aut si ita non est, fateamini et vos quia hoc
etiam imaginarie sit factum, ut videretur natus, et
omnis nobis erit profligata contentio. Nam illud qui-
dem, quod saepè affirmare soletis, necessario eum esse
natum, quia alias hominibus videri aut loqui non pos-
set, ridiculum est; cum multoties, ut jam probatum

a nostris¹ est, Angeli et visi hominibus et locuti esse
monstrantur.

CAPUT II. — AUGUSTINUS respondit: Non vobis di-
citur magia esse, ut qui natus non fuerit, moriatur;
nam hoc in Adam factum esse jam supra commemo-
ravimus: sed et si nunquam factum fuisset, et Domini-
nus Christus ita venire voluisse, ut non ex virgine
assumpta, sed tamen in vera carne apparsens, nos
vera morte redimeret, quis eum non potuisse dicere
auderet? Sed illud melius erat quod fecit, ut etiam de
virgine nasceretur, et utrumque sexum, pro quo li-
berando moriturus erat, dignaretur etiam commen-
dere nascendo, masculino suo corpore ex semina
procreato: contra vos ipsos maxime facto ipso lo-
quens, vosque subvertens, qui masculum et feminam,
non Dei, sed diaboli opus esse prædicatis. Sed illud
est quod magiæ simile dicimini asserere, quod pas-
sionem mortemque ejus specie tenus factam, et fal-
laciter dicitis adumbratam, ut mori videretur qui non
moriebatur. Ex quo fit ut ejus quoque resurrectionem

¹ Editio Er.. a vestris.

umbraticam, imaginariam, sillacemque dicatis: neque enim ejus quinon vere mortuus est, vera esse resurrectio potest. Ita sit ut et cicatrices discipulis dubitantibus falsas ostenderit; nec Thomas veritate confirmatus, sed fallacia deceptus clamaret, *Dominus meus et Deus meus* (*Joan. xx, 28*): et tamen persuadere conamini, lingua vos loqui verum, cum Christum dicatis toto corpore fuisse mentitum. Haec sunt quae vobis objiciuntur, qui talem Christum vobis finxistis, cuius discipuli veri non sitis, nisi mendaces vos quoque fueritis. Non autem ideo magia videri potest nata ex virgine hominis caro, quia caro Christi sola ita nata est: sicut nec illa magia est, quia sola Christi caro die tertio resurrexit, nunquam ulterius moritura. Alioquin omnia miracula Dei magica erunt, quia singulariter facta sunt: sed vere facta sunt, verumque ostenderunt, non oculos hominum præstigiis fallacibus illuserunt: quae quidem contra naturam plerumque appellantur, non quod naturæ adversentur, sed quod naturæ modum, qui nobis est usitatus, excedant. Repellat ergo Dominus a parvorum suorum mentibus, quod quasi admonendo Faustus persuadere conatus est, ut etiam nos imaginariam, non veram nativitatem Christi prosteamur: atque ita inter nos omnis contentio finiatur; imo vero maneat nobis adversus illos potius pro veritate certamen, quam cum illis in falsitate concordia.

CAPUT III. — Verumtamen quero ab eis, si nostra contentio terminatur cum hoc dixerimus, cur hoc ipsi non dicunt? Cur ipsi mortem non veram, sed imaginariam Christi affirmant; nativitatem autem non saltem talem, sed prorsus nullam dicere delegerunt? Si auctoritas evangelicae pondere erubuerunt¹, et ideo non ausi sunt Christum non saltem imaginarie passum dicere: nativitatem quoque ejus eadem evangelica testatur auctoritas. Etsi enim duo evangelista ipsum partum Mariæ narraverunt (*Math. i, 23, et Luc. ii, 7*); nullus tamen Evangelistarum tacuit, quod habuerit matrem Jesus (*Math. ii, 11; Marc. iii, 32; Luc. ii, 33, et Joan. ii, 1*). An ideo pignus etiam hoc prædicare simulatum, quia generaciones alias Mattheus, alias Lucas exsequitur, unde violentur non sibi convenire? Sed da hominem qui non intelligat, putabit etiam in multis quae ad Christi passionem pertinent, Evangelistas sibi non convenire: da vero qui intelligat, et ubique conveniunt. An quia mortem simulare honestum est, nativitatem autem etiam simulare turpe est? Cur ergo

¹ Sic Am. Er. et plures probas note MSS. Ab his propriis recedunt quatuor Vaticanani, qui habent: *i. auctoritatis evangelicae pondere erubuerunt*. In alio Vaticano et in Isteriensis legitur: *sed auctoritatis evangelicae pondere premere. n. b. erunt*. In editione Lovaniensi: *si auctoritati evangelicae respondere erubuerunt*.

nos hortatur hoc coaucteri, quo possit nostra contentio profligari? Unde ergo mihi videatur nativitatem Christi, nec saltem sicut mortem simulatam, sed prorsus nullam prædicare voluisse, in consequenti sermone apparebit, ubi alteri respondebimus quæstiōni.

CAPUT IV. — Absit autem ut sit in membris sanctorum etiam genitalibus aliqua turpitudo. Dicuntur quidem inhonesta, quia non habent eam speciem decoris, quam membra quæ in promptu locata sunt (*a*). Sed videte quid dicat Apostolus, cum ex ipsa membrorum corporis nostri unitate atque compage charitatem persnadt Ecclesiae. *Multo magis*, inquit, *quæ videntur membra corporis infirmiora esse, necessaria sunt; et quæ videntur viliora esse corporis, iis abundantiorem honorem circumponimus: et quæ inhonesta sunt nostra, abundantiorem honestatem habent; quæ autem honesta sunt nostra, non opus habent: sed Deus temperavit corpus, ei, cui deerat, majorem honorem dās, ut non essent scissuræ in corpore* (*I Cor. xi, 22-25*). Illicitus itaque, et temperantiae legibus non subjectus membrorum illorum usus est turpis; non ipsa membra, quæ non solum in excellenti integritate cælibes et virgines servant, sed ipsi conjugati sancti patres ac matres, sic eis generationi tantummodo consulentes utebantur, ut ille naturalis motus nullo modo turpis esset, qui non libidini, sed rationi serviret. Quanto magis ergo in sancta virgine Maria, quæ Christi carnem fide concepit, nihil habuerunt turpitudinis membra, quæ nec huinano lictoque conceptui, sed divino tantum partui servierunt? Merito plane sic honestata, ut nobis Christum, quem cordibus integris credendo conciperemus, et confidendo quodammodo pareremus, etiam corporaliter servata integritate transfunderet. Nullo modo enim Christus matrem nascendit faceret deteriorem; ut cui munus secunditatis attulerat, deus virginitatis auferret. Haec veraciter, non fallaciter facta sunt: sed nova sunt, sed insolita sunt, sed contra naturæ cursum notissimum sunt, quia magna, quia mira, quia divina; et eo magis vera, certa, firmata².

Et Angeli, inquit, visi et locuti sunt, quamvis nati non fuerint. Quasi nos dicamus Christum, nisi nascetur ex femina, nec videri, nec loqui potuisse. Potuit, sed noluit: et hoc melius est quod voluit. Hoc autem eum voluisse ideo certum est, quia hoc fecit, qui nihil necessitate, sicut deus vester, faceret, sed omnia voluntate. Hoc vero cum fecisse, ideo non dubitamus, quia non cuiquam haeretico, sed ejus Evangelio credimus.

¹ Er. Lugg. et Ven., *firma. M.*
² Il Retract., cap. 7, n. 3.

LIBER TRIGESIMUS.

CAPUT PRIMUM. — FAUSTUS dixit: De vobis jam dudum Paulus scripsit, quia discedent quidam a fide, intendentes spiritibus seductoriis doctrinis dæmonorum.

PATROL. XLII.

in hypocrisi loquentes mendacium, cauteriant habenentes conscientiam suam, prohibentes nubere, abstinentes a cibis quos Deus creavit, ad percipiendum cum gratia-
(Seize.)

rum actions fidelibus (*1 Tim. iv, 1-3*). Nunquam plane tibi ego haec ab Apostolo dicta esse consenserim, nisi ante confitearis ipse, Moysen et Prophetas doctrinas attulisse daemoniorum, et seductorii spiritus ac maligni fuisse interpres, qui a porcina et ceteris carnisbus, quas immundas vocant, sollicite doceant abstinentiam. De his ergo primo deliberandum vobis est, et dum multumque cogitandum, haec qui debeant accipi¹, in Deo et ipsi haec, an in diabolo locuti videantur. Haec enim tenus, aut Moyses et Prophetæ nobiscum damnati erunt, aut et nos cum illis absoluti. Neque enim justa haec nunc vestra sententia est, ut nos quidem, qui solum in plebe sacerdotiale hominum genus censcamus a carnisbus abstinere debere, daemoniorum doctrina videamur vobis assectatores: vestros vero Prophetas, atque ipsum adeo Moysen, qui primus non antistibus solum, sed omni confuse hominum generi nulla interdixerit, et leporina, et hericina² carne, et sepiis ac lolligibus, ceterisque generibus piscium parentibus squama (*Levit. xi*), non in spiritu seductorio hoc, nec in doctrina daemoniorum, sed in Deo potius et in sancto Spiritu locutos esse arbitremini. Igitur ut hoc tibi interim Paulum dixisse concedam, victus tamen abs te non ante fuero, quam tu Moysen damnaveris et Prophetas: ut quod ratione convictus et veritate nunquam fortasse fecisses, id nunc ventris causa facere videaris, blasphemare Moysen.

CAPUT II.—Est vero et aliud de tribus pueris apud vos in Daniele, quo vehementer perinde confundemini, si istud constiterit, a cibis abstineat, daemoniorum esse religio. Illi enim non tantum ab interdictis Lege, sed etiam a concessis abstinuisse leguntur (*Dan. i, 12*): quos vehementer mirari soletis, et in martyribus numerare; cum sint et ipsi doctrinam asserti demoniorum, si hoc esse Apostoli testimonium constat. Ad haec et Daniel tribus hebdomadis dierum jejunasse se perhibet, et carnem non edisse, nec bibisse vinum, dum exoraret pro populo suo (*Id. x, 2, 3*). Quid ergo et haec in doctrina se demoniorum malignat, et de seductorii spiritus commento gloriam captat?

CAPUT III.—De vobis vero quid dicam? id est. de christianioribus apud vos, quorum nonnulli quidem porcina, præque vero quadrupede omni, alii etiam cuncto animali penitus abstinent, fertque ob haec in oculis eos omnis Ecclesia, et summa cum veneracione suscipiens, solum non deos existimat. Nec videtis, indociles, quia si hoc verum, et ab Apostolo dictum testimonium est, demoniorum et ipsi sunt iudicati doctrinis. Quid vero et de illo dicemus, quod sane frustrari quis audeat aut abnegare, cum constet hoc inter omnes, et reque per orbem terrarum quotannis omnium studio celebretur in conventu catholico? Dico autem Quadragesimam, quam qui inter vos rite observandam putaverit, abstineat necesse est omnibus his

¹ Ep. Lugd. Ven., *ecquid debet accipi*. Lov., *haec quid debeant accipi*. M.

² Lov., *hericina*. Verius editi alii et Mas., *hericina*, aut, *ericina*.

que capitulo hoc a Deo ad percipiendum nobis creatum dicit, et demoniorum iusuper doctrinam vocat abstinentiam predictorum. Quid ergo et vos, charissimi! ritume tunc demoniorum vivitis, cum haec a vobis passionis Christi celebrantur mysteria, et seductorii spiritus fraude capimini, et in hypocrisi loquimini mendacium, et cauteriatam habetis conscientiam vestram? Quod si horum nihil vos; nec nos igitur. Quid ergo sibi vult capitulo hoc, aut a quo scriptum putabimus, et contra quos, quod nec Veteris Testamenti traditiones, nec Novi confirmet scita? Siquidem hoc ab omnibus, ut ex vobis ipsis appareat; illud vero a quibusdam quamvis, abstineri tamen docet: sententia vero haec vestra cunctam penitus carnalium ciborum abstinentiam, daemoniorum vult esse doctrinas. Cui si et vos creditis, eadem sepius dixeris, damnate Moysen, renuntiate Propheis, ferte parentem et de vobis ipsis sententiam: quia ut illi semper a quibusdam ciborum, sic vos interdum abstinetis ab omnibus.

CAPUT IV.—Aut si Moyses vobis et Prophetæ, cum escas dijudicant, Dei legem sancire videntur, et non demoniorum; si Daniel in Spiritu sancto observavit tres hebdomadas; si Ananias, Azarias, et Misaël pueri, divinæ mentis instinctu, oleribus uti maluerunt et leguminibus; si denique in vobis quotquot abstinent, non a demoniis impulsi id faciunt; si Quadragesima sine vino et carnisbus non superstitione a vobis, sed divina lege servatur: videte, queso, videte, ne summae dementiae hoc sit a Paulo dictum putare, quod demoniorum doctrina sit abstinentia omnis ciborum, et prohibere nubere: quemadmodum nec illud quod dicit etiam virgines dicare Christo, demoniorum esse doctrinas; quod vos perinde sine consideratione legentes, ut cetera, ad nos subinde respiciatis: nec videtis hinc et virgines vestras demoniorum doctrina capitata notari, et vos esse antistiti demiorum, qui certam semper ad hanc eas in iustitia professionem suasionibus vestris, ut pene iam major in Ecclesiis omnibus virginum apud vos, quare mulierum numerositas habeatur? Quid ergo non et vos iam desistitis a talibus inceptis? Quid in fraudem miseras inducitis filias hominum, si non in eis Christi voluntas impetrator, sed demoniorum? Et tamen honestis primo respondeatis velim, utrum omnino virgines facere, doctrina sit demoniorum, an solus per prohibitionem facere nubendi? Si per prohibitionem, nihil ad nos: nam et ipsi tam stulti et juveniles inhibere volentem, quam nefas et impium satis nolentem cogere. Si vero favere huic quoque proposito et non reluctari volenti, id quoque doctrinam putatis esse demoniorum, taceo nunc vestrum periculum, ipsi jam timeo Apostolo, ne demoniorum doctrinam intulisse tunc iconium videatur, cum Theclam oppugneratam jam thalamo, in amorem sermone suo perpetua virginitatis incendit. Quid vero et de magistro ipso dicemus, ac sanctimonii totius auctore Jesu, et hujus ipsius professionis puellarum exlibe sposo³, qui in Evangelio tria genera taxans spadonum, unum

³ In Mas., *cocile sposo*.

natrum, alterum factitium, tertium voluntarium, eis tamen palmarum attribuit, qui se ipsos, inquit, spadones ferunt propter regnum cælorum (*Math. xix. 12*); significans virgines et pueros qui nubendi ipsa a cordibus suis exsecta cupiditate, spadonum vice in ejus Ecclesia semper, tanquam in domo regia converserunt? Quid ergo, et hoc vobis doctrina videtur esse dæmoniorum, et in seductorio spiritu dictum? Et quis erit alius in Deo loquens, si Paulus et Christus dæmoniorum probantur fuisse sacerdotes? Mittu enim ceteros ejusdem Domini nostri Apostolos, Petrum et Andream, Thomam et illum inexpertem Veneris inter ceteros beatum Joannem, qui per diversa professionem boni istius inter virgines ac pueros divino preconio cecinerunt, formam nobis atque adeo vobis ipsis faciendorum virginum relinquentes. Sed hos quidem, ut dixi, prætereo; quia eos vos exclusistis ex canone, facileque mente sacrilega vestra dæmoniorum his potestis importare doctrinas. Num igitur et de Christo eadem dicere poteritis, aut de apostolo Paulo, quem similiter ubique constat, et verbo semper prætulisse nuptias innuptas, et id opere quoque ostendisse erga sanctis-imam Theclam? Quod si hæc dæmoniorum doctrina non fuit, quam et Theclæ Paulus, et ceteri exteris annuntiaverunt Apostoli, cui credi jam poterit hoc ab ipso esse memoratum, tanquam sit dæmoniorum voluntas et doctrina, etiam persuasio sanctimonii? Non ergo est interim quod vos existimetis solis hortamentis virgines facere, et non prohibitione nubendi. Nobis enim quoque hoc ipsum insitum est: et demens profeeto ille, non tantum stultus putandus est, qui id existimet lege privata prohiberi posse, quod sit publica concessum: dico autem hoc ipsum nubere. Quapropter et nos hortamur quidem volentes ut perniciant, non tamen cogimus invitatis ut accedant. Novimus enim quantum voluntas, quantum et naturæ ipsius vis etiam contra legem publicam valeat, ne dum adversus privatam, cui respondere sit liberum, Nolo. Si igitur hoc modo virgines facere sine crimen est, extra culpam sumus et nos: sin quoquo genere virgines facere crimen est, rei estis et vos. Jam qua mente aut consilio hoc adversum nos capitulum proferatis, ego non video.

CAPUT V.—**AUGUSTINUS** respondit: Audi ergo, quod consideris te non videre, qua mente aut consilio hoc adversum vos capitulum proferamus: non quod a carnibus abstineatis, nam hoc a quibusdam et primi patres nostri fecerunt, sicut commemoras; non tamen ea damnandi, sed significandi gratia, quod non intelligitis, et unde jam quantum sufficere videbatur, in superioribus partibus operis hujus locutus sum: et Christiani, non haeretici, sed Catholici, edomandi corporis causa, propter animam in orationibus amplius humiliandam, non quod illa esse immunda credant, non solum a carnibus, verum a quibusdam etiam terræ fructibus abstinent: vel semper, sicut pauci, vel certis diebus atque temporibus sicut per Quadragesimam fere omnes, quanto magis quisque

² In Mas., possessionem.

vel minus seu voluerit, seu potuerit. Vos autem ipsam creaturam negatis bonam, et immundam dicitis, quod carnes diabolus operetur faculcentiore materia mali; ac per hoc eas, tanquam immundiora et truculentiora dei vestri vincula, exhorrentes abjicitis. Auditoribus autem vestris, quos tanquam distinctos a genere sacerdotum dixisti, secundum veniam hæc edenda conceditis: sicut quibusdam concedit Apostolus secundum veniam, non omnem concubitum conjugalem, etiam qui sit sola causa generandi; sed cum qui sit per incontinentiam, sed tamen cum conjugi (*I Cor. vii. 5, 6*). Neque enim conceditur secundum veniam, nisi peccatum. Hoc vos de omni carnium cibo sentitis, hoc et ipsi ab haeresi vestra didicistis, et vestros auditores docetis: sed illis quod sit ignoscendum, propter quod vobis necessaria ministrant, ut dixi, conceditis, non dicentes non esse peccatum, sed peccantibus veniam largientes; vos autem ab omni tali tanquam mala et immunda contagione abstinetis: ac per hoc illud quod sequitur ea verba Apostoli, quibus commemorationem hujus capituli terminasti, ipsum est omnino quod nos facit hoc testimonium vobis objicere: quod et tu, puto, sciebas, ut ea verba primo non poneres, et nobis in extremo diceres, *Qua mente aut consilio hoc adversum nos capitulum proferatis, ego non video*; cum hoc ipsum nostrum consilium tacere quam comminorare malueris. Cum enim Apostolus dixisset, *Abstinentes a cibis quos Deus creavit ad percipiendum cum gratiarum actione fidelibus*; secutus ait, *Et iis qui cognoverunt veritatem: quoniam omnis creatura Dei bona est, et nihil abijiciendum, quod cum gratiarum actione percipitur; sanctificatur enim per verbum Dei et orationem* (*I Tim. iv. 3-5*). Hæc sunt que negatis; hoc animo, hac voluntate, hac opinione ab escis hujusmodi temperatis, quod non significatione, sed natura malæ et immundæ sint. Quia in re creatorem carum sine dubio blasphematis: hoc est quod pertinet ad doctrinam dæmoniorum. Nolite ergo mirari hoc de nobis tanto ante a sancto Spiritu prophetatum.

CAPUT VI.—Iterum si ad virginitatem sic adhortarentini, quemadmodum hortatur apostolica doctrina, *Qui dat nuptum, bene facit; et qui non dat nuptum, melius facit* (*I Cor. vii. 38*): ut bonum esse nuptias diceretis, sed meliorem virginitatem, sicut facit Ecclesia, quæ vere Christi est Ecclesia: non vos Spiritus sanctius ita prænuntiaret, dicens, *prohibentes nubere* (*I Tim. iv. 5*). Ille enim prohibet, qui hoc malum esse dicit, non qui huic bono aliud melius anteponit. Denique vos eum præcipue concubitum detestamini, qui solus honestus et conjugalis est, et quem matrimoniales quoque tabulae pro se gerunt, liberorum procreandorum causa: unde vere non tam concubere, quam nubere prohibetis. Concubitus enim etiam causa libidinum, pubitur autem non nisi filiorum. Nec ideo vos dicatis non prohibere, quia multos vestros Auditores in hoc obedire nolentes vel non valentes salva amicitia toleratis. Illud enim habetis in doctrina vestri erroris, hoc in necessitate societatis.

Hinc est quod paulo ante distuleram dicere, cur vobis mors Christi visa sit vel fallax et simulata prædicanda, et non etiam nativitas. Mortem quippe tanquam separationem animæ, id est, naturæ dei vestri a corpore inimicorum ejus, hoc est a figmento diaboli, prædicatis atque laudatis: ac per hoc rem dignam fuisse credidistis, quam Christus etsi non moriens, tamen mortem simulans commendaret. In nativitate autem quia non solvi, sed ligari potius deum vestrunt creditis, hanc nec saltem fallaciter imaginatum Christum credere voluistis: ita ut non sic vobis Maria displiceret, si concebuisset, et non conceperisset,

quomodo displiceret, quia non concubuit, et tamen peperit. Videtis ergo multum interesse inter hortantes ad virginitatem, bono minori bonum amplius præponendo; et prohibentes nubere, concubitum propagationis, qui solus proprie nuptialis est, vehementius accusando: multum interesse inter abstinentes a cibis, propter sacramenti significationem¹, vel propter corporis castigationem; et abstinentes a cibis, quos Deus creavit, dicendo quod eos Deus non creavit. Proinde illa doctrina est Prophetarum et Apostolorum, haec dæmoniorum mendaciorum.

¹ Ita MSS. At editi, propter sacramentum significationem.

LIBER TRIGESIMUS PRIMUS.

CAPUT PRIMUM.— FAUSTUS dixit: *Omnia munda mundis, immundis autem et coquinatis nihil mundum; sed inquinata sunt eorum et mens et conscientia.* Hoc quoque ipsum, utrum vobis expedit a Paulo dictum credere, considerandum est: hactenus enim non tantum dæmoniis exagitatos constituit Moysen et Prophetæ, cum tantas de ciborum differentiis tulerint leges; sed etiam quod immundi ipsi fuerint et coquinatamente atque conscientia sua, ut congrue in ipsis et illud cadere possit quod sequitur, *Deum se acire profertur, operibus autem negant* (*Tit. i. 15, 16*). Cui autem hoc magis competit, quam Prophetis atque Moysi, qui longe alter vixisse probantur, quam Dei cognitoribus congruebat. Ego tamen nunc usque, præter adulteria, et fraudes et homicidia, nihil aliud esse putaveram, unde conscientias pollutas habuisse viderentur Moyses et Prophetæ: nunc autem hoc demonstrante capitulo, scire jam datur etiam hinc eos inquinatae mentis fuisse, quia aliquid putaverint inquinatum. Quorsum ergo talibus etiam nunc vos visionem divinæ majestatis contingere potuisse arbitramini, cum sit scriptum, nisi eos qui corde puri fuerint, Deum videre non posse (*Matth. v. 8*)? At vero hi etiam si casti ab illicitis facinoribus exstitissent; sola tamen haec abstinenti a quibusdam escis supersticio, si mentem contaminat, divinitatis eis potuit negasse conspectum. Evanuit ergo jam, atque extincta simul est Danielis quoque illa ac trium puerorum glorio: qui et ipsi usque ad hanc prædicationem quæ censet nihil immundum, castissimi plane ac bonæ mentis juvenes habiti sunt in Judaismo, quia scilicet paternarum memores traditionum, a Gentium dapibus, et maxime immolatis, omni cum studio se conservaverint illibatos (*Dan. i. 12*). Nunc enim demum apparuit et ipsis contaminatos fuisse mentibus et conscientia, tum maximè, cum es¹ a sanguine et cibis feralibus abstinebant.

CAPUT II. — Sed illos fortasse excusat ignorantia; neendum enim apparente christiana hac fide quæ docret omnia esse munda mundis, quedam et ipsi putaverint esse non munda: vos vero, qua nunc ex-

¹ Am. Er. et plures MSS. omittunt, os. Alii MSS. ejus loco habent, *omnes*.

cusatione utimini, si Paulo clamante nihil esse non mundum, et doctrinas dæmoniorum appellante ciborum abstinentiam (*I Tim. iv. 1, 3*), et mente pollutos vocante qui aliquid putaverint inquinatum, non solum abstinetis, ut diximus, sed etiam gloriam capitatis exinde, et eo acceptiores vos creditis Christo, quo eritis abstinentiores a cibis; id est, secundum hanc sententiam, quo mentibus inquinati magis et magis conscientia vestra polluti? Quid, quod etiam cum tres in mundo religiones sint, quæ mentis purgationem pariter in castimoniis et abstinentia, ritu quamvis diversissimo reponunt, dico autem Judæos, et Christians, et Gentes, ex quanam istarum religionum sermo hic veniat, non potest inveniri, qui docet nihil esse non sanctum? certe ex Judaismo minime; itidem ex Paganismo, quia ipsum quoque diseriminat cibos; nec quidquam interest, nisi quod Hebræus in quibusdam animalibus a Paganis dissentit. Restat christiana fides, cuius si proprium hoc esse putas, nihil existimare pollutum, prius est ut fatearis in vobis esse neminem christianum. Omnes enim apud vos, ut cetera reticem, morticina tamen et immolata inquinamentum existimant esse non parvum (*Act. xv. 29*): aut si et a vobis jure Christianitatis hoc agitur, ne hujus quidem ergo religionis sententia est, quæ omnem penitus immundorum abstinentiam tollit. Quorsum ergo a Paulo id dici potuit, quod nulli sit religioni conveniens? Etenim Apostolus non tam religionem exiit, quam ritum mutavit, cum ex Judæo factus est Christianus. At vero qui hoc caput scripsit, videtur ille mihi nulla prorsus religione fuisse subnixus.

CAPUT III. — Quapropter, si quid de cetero in lesionem nostræ fidei de Scripturis quære.les invenieritis, tunc demum id nobis opponere mementote, cum vobis pervideritis non esse contrarium: quemadmodum et illud, quod de Petro soletis afferre, tanquam idem viderit aliquando de cœlo demissum vas, in quo essent omnia genera animalium et serpentes; atque eo altonito et admirante, vox audita sit dicens ad eum, *Petre, quidquid in vase vides, macta, et mandua.* Cui idem respondens: *Domine, commune, inquit, et immundum non contingat.* Et iterum vox ad

cum : *Quod ego sanctificari, immundum ne rocaveris* (Act. x, 11-15). Quod quidem ipsum licet et per allegoriam aliud quiddam, et non indifferentiam videatur significare ciborum; tamen quia vobis et hoc ita intelligere placet, vescamini igitur necesse est passim bellus omnibus, et echidnis¹ et colubris, ac reliquo omni genere serpentino juxta horama Petri. Hactenus enim vere dicto audientes vos esse probabitis vocis quam fertur audisse: et tamen hujus quoque memineritis semper, quia Moyses hinc et Prophetæ damnati sunt, qui de iis quæ sanctificaverit Deus juxta vocis hujus sententiam, multa putaverint esse polluta.

CAPUT IV. — AUGUSTINUS respondit: Cum ait Apostolus, *Omnia munda mundis* (Tit. i, 15), naturas ipsas intelligi voluit, quas Deus creavit, secundum illud quod Moyses in Genesi scripsit, *Et fecit Deus omnia: et ecce bona valde* (Gen. i, 31); non significations, secundum quas Deus per eumdem Moysen ab immundis munda discrevit (Levit. xi): unde quia multa et multis locis jam diximus, nunc breviter admonuisse suffecerit. Proinde illos qui jam tempore revelationis Novi Testamenti, adhuc illas umbras futuron ita custodiendas putarent, ut sine iis Gentes salutem, quæ in Christo est, percipere non posse contenderent, immundos dicit Apostolus, quod carnaliter saperent; et infideles, quod tempus gratiae a Legis tempore non discernerent. Quibus ideo dicit nihil esse mundum, quia et iis quæ respuebant, et

¹ Aliquot MSS., et echinis.

iis quæ sumebant, non sancte nec juste utebantur: sicut omnes quidem infideles, sed vos præcipue, Manichæi, quibus omnino nihil est mundum. Neque enim cibus ipse quem sumitis, quamvis eum magna diligentia quasi a carnis contagione separatis, mundus est vobis, quem creatum nisi a diabolo non dicitis. In illo etiam deum vestrum ligatum atque pollutum vos edendo purgare perhibetis. Vos saltem vobis mundi videremini, quorum ventribus meretur ille purgari. Sed et vestra corpora naturam et opificium gentis tenebrarum esse contenditis, animas autem vestras ipsis adhuc corporibus inquinatas. Quid ergo vobis est mundum? Non quæ sumitis, non quæ mittitis ea quæ sumitis, non vos ipsi qui sumptu purgatis. Videatis ergo propter quos tunc istam sententiam dixit Apostolus: talem tamen dixit, quæ omnes infideles et immundos teneret, sed vos præcipue maximeque convinceret. *Omnia ergo munda mundis*, secundum naturam in qua creata sunt: non tamen omnia secundum significationem mundula primo populo Judæorum: nec nobis omnia, vel propter salutem corporis, vel propter consuetudinem humanae societatis, apta sunt; sed cum sua cuique reduntur et naturalem ordinem servant, *omnia munda sunt mundis*; *immundis autem et infidelibus*, quales præcipue vos estis, *nihil est mundum*. Cetera jam verba Apostoli quæ sequuntur, vos ipsi vobis saubriter dicerebis, si cauteriatam vestram conscientiam sanari velletis. Sequitur enim: *Sed polluta sunt corrum et mens et conscientia*.

LIBER TRIGESIMUS SECUNDUS.

CAPUT PRIMUM. — FAUSTUS dixit: Si accipis Evangelium, credere omnia debes, quæ in eodem scripta sunt. Quid eniū tu, quia Vetus accipis Testamentum, idcirco credis omnia passim quæ in eodem scripta sunt? Nempe solas indidem excerpentes prophetias quæ regem Judæis venturum significabant, quia ipsum putatis esse Jesum; et pauca quædam disciplinæ civilis præcepta communia, ut est, *Non occides*, *Non mæchaberis* (Exod. xx, 13, 14); cetera prætermittitis, et arbitramini esse non minus atque eadem quæ Paulus putavit stercora (*Philipp.* iii, 8). Quid ergo peregrinum hoc, aut quid mirum est, si et ego de Testamento Novo purissima quæque legens et meæ saluti convenientia, ea prætermitto quæ a vestris majoribus inducta fallaciter, et majestatem ipsius et gratiam decolorant?

CAPUT II. — An si Patris Testamentum habet aliqua in quibus parum debeat audiri (Patris enim esse vultis Judaicam legem, cuius novissimus quam multa vobis horrorem, quam multa pudorem faciunt, ut quantum ad animum jamdudum ipsi judicaveritis eam non esse sinceram, quamvis partim Pater ipse, ut creditis, digito suo eam vobis, partim Moyses scripserit, fidelis et integer), solius Filii putatis Testamentum non potuisse corrumpi, solum

non habere aliquid quod in se debeat improbari? præsertim quod nec ab ipso scriptum constat, nec ab ejus Apostolis, sed longo post tempore, a quibusdam incerti nominis viris, qui ne sibi non haberetur fides, scribentibus quæ nescirent, partim Apostolorum nomina, partim eorum qui Apostolos secuti vidarentur, scriptorum suorum frontibus indiderunt, asseverantes secundum eos se scripsisse quæ seripserint. Quo magis mihi videntur injuria gravi affectisse discipulos Christi: quia quæ dissona idem et repugnantia sibi scriberent, ea referrent ad ipsos, et secundum eos hæc scribere se proflerentur Evangelia, quæ tantis sint referta erroribus, tantis contrarietatibus narrationum simul ac sententiarum, ut nec sibi prorsus, nec inter se ipsa convenientant. Quid ergo aliud est, quam calumniari bonos, et Christi discipulorum concordem cœtum in crimen devocare discordie? Que quia nos legentes, animadvertisimus cordis obtutu s̄nissimo, æquissimum judicavimus utilibus acceptis ex iisdem, id est, iis quæ et fidem nostram adficiunt, et Christi Domini atque ejus Patris omnipotentis Dei propagant gloriam, cetera repudiare, quæ nec ipsorum majestati, nec fidei nostre convenientant.

CAPUT III. — Proinde nec vos, ut dicere cœperam;

de Testamento Vetere circumcisionem creditis accipiendam carnaliter, quamvis ita sit scriptum (*Gen. xvn, 9-14*); neque sub otio ac vacatione colendum sabbatum, quamvis ita legatur (*Exod. xxxi, 13*); sed nec sacrificiis, ut Moysi videtur, et immolationibus placandum Deum (*Levit. 1*): sed hæc quidem ut aliena prorsus et procul a rito christiano posita, ac nulla ex parte probabilia contempsistis. Quædam vero eorum etiam divisisti in duo, et partim quidem amplectimini, partim vero respuitis: ut Pascha, quod est et ipsum Testamenti Veteris anniversale sacram, cuius in celebratione cum sit scriptum vobis, non solum agnum mactare edendum sub nocte, sed etiam diebus septem abstinere fermento, et esse contentos azymo cum pteridiis (*Exod. xii*); vos Pascha quidem assumitis, prætermittitis vero ritum illum ac morem, quo cautum est idem debere servari. Item septem dierum hebdomadas, id est, Pentecosten, quam perinde Moyses certo quodam sacrificiorum et genere et numero imbuendam censem (*Levit. xxii*), vos æque colitis; sed dannata parte ejus, id est, litationibus ipsis et sacrificiis, quia hæc cum christiana fide non congruunt. De mandato vero abstinendi a cibis communibus visum vobis est et vehementer creditum, morticina quidem et immolata esse sane immunda (*Act. xv, 29*): de porcina vero idem credere nolustis, nec de lepore aut herinacio, neque de nullis et lolliginiibus, caterisque que vobis sapnere generibus piscium; quamvis eadem Moyses omnia immunda esse testetur (*Levit. xi*).

CAPUT IV. — Illa vero jam ne audire quidem vos velle credo ex Testamento Veteri, nedum admittere, id est, soceros dormire cum nuribus, tanquam Judas; patres cum filiabus, tanquam Loth; Prophetas cum fornicatricibus, tanquam Osee: maritos uxorum suorum noctes amatoribus vendere, tanquam Abraham; duabus germanis sororibus unum misceri maritum, tanquam Jacob; rectores populi, et quos maxime entheos credas, milleus et centenis voluntari cum scortis, tanquam David et Solomon; aut illud item quod lege uxoria cantum in Deuteronomio est, debere uxorem defuneti fratris, si idem sine filiis obierit, superstiti fratri nubere, et eundem sobolem ex eadem in locum suscitare fratris: quod facere si noluerit vir, debere mulierculam apud maiores natu deponere de hac impietate cognati sui querelam, ut idem accusatum eum censoria gravitate coerceant; qui si pernegeravit, apud eos non ferat impune, sed excalceatus dextri pedis calcamento, a predicta muliere cardatur in faciem, et consputus ac maledictus recedat, habiturus hoc opprobrium semipernum in progenie sua (*Deut. xxv, 5-10*). Ille igitur atque alia hujusmodi sunt Testimenti Veteris et exempla et jura: quæ si bona sunt, cur non imitamini? si mala, cur non damnatis auctorem, id est, Testamentum ipsum Vetus? Aut si falsa habe ei, tanquam nos de Novo credimus, etiam vos putatis inserta, pares ergo sumus. Desinite jam proinde id a nobis exigere in Testamento Novo, quod vos non servatis in Veteri.

CAPUT V. — Equidem ego quantum arbitror, quatenus id jam persuasum esse voluistis, ut sit ex Deo etiam Testamentum Vetus, commodius satis atque excusatus vobis est, non servantibus ejus mandata, si fateamini incongruis esse adjectionibus vitiatum, quam si inviolatum idem spernatis et incorruptum. Proinde hanc æe vobis ego sententiam habui semper, et habeo, quoties queritur eorū prævaricemini Testimenti Veteris jussa, quod ejus aut ut sapientes contemnit falsa, aut ut contumaces et indevoeti negligitis vera. Interim quia me ad credenda omnia que N. vii Testamenti monumentis inserta sunt, cogis, si ipsum accipiam; scias et te, quantum ad animum, multa non credere, quæ in Veteri sint Testamento, quamvis ipsum te profitearis accipere. Neque enim et illud in confessis ex eodem habes et credibilibus, eise maledictum omnem qui peperderit in ligno (*Deut. xxi, 23*); quia id utique pertineat et ad Jesum: aut eum quoque in maledictis haberi, qui non suscitaverit semen in Israel; quia id virgines quoque omnes comprehendat, et pueros Dei: aut funditus interitum eum de genere suo, qui non fuerit carnem præputii circumcisus (*Gen. xvn, 14*); quia hoc quoque ad omnem pertinet christianum: aut lapidibus extinguendum eum qui solverit sabbatum (*Num. xv, 35*): aut non parendum ei qui unum quolibet Testimenti Veteris mandatum ruperit. Quæ omnia si tu credas, firmoquinque habeas quia sint eadem a Deo mandata, mihi crede, manus prior injecisses in Christum; nec nunc irasceris Judais, qui hume animis ac viribus persecuti, Dei sui mandata complerint.

CAPUT VI. — Equidem haud ignoro quin vos hæc non audeatis dicere falsa, sed quia sint eadem tempore tunc mandata Judais usque ad adventum scilicet Jesu: qui quoniā venerit ab eodem prænuntiatus, ut vultis, Veteri Testamento, ipse jam doceat, quid accipiendum nobis ex eodem sit, et quid relinquentum. Sed an propheta Jesum præsagiverint¹, postea videbimus: interim ad hæc me nunc respondere oportet, quia si Jesus per Testamentum Vetus annuntiatus, nunc dijudicat et carminat², docetque pauca ejus accipienda esse, repudianda vero quæcumplirima; et nobis Paracletus ex Novo Testamento promissus perinde docet, quid accipere ex eodem debeamus, et quid repudiare; de quo ultra Jesus, cum cum promitteret, dicit in Evangelio, *Ipsos inducit in omnem veritatem, et ipse vobis annuntiabit omnia, et commemorabit vos* (*John. xvii, 15*). Quapropter licet tantumdem et nobis in Testamento Novo per Paracletum, quantum vobis in Veteri licere ostenditis per Jesum: nisi forte pluris vobis Testamentum videtur Filii ille quam Patris, si modo Patris est, ut cum ex illo reprobentur tam multa, hujus solidius nihil non debeat approbari; presertim quod nec a Christo scriptum constat, ut diximus, nec ab eis Apostolis.

CAPUT VII. — Quapropter, ut vos ex Veteri Te-

¹ Am. Er. et MSS., præsagiverunt.

² Am., terminat. Quidam MSS., determinat.

stamento solas admittitis prophetias, et illa quae superius diximus, civilia atque ad disciplinam vite communis pertinentia precepta; superseditis vero peritonem, et sacrificia, et sabbatum et observationem ejus, et azyma: quid ab re est, si et nos de Testamento Novo sola accipientes ea quae in honorem et laudem Filii majestatis vel ab ipso dicta comperimus, vel ab eis Apostolis, sed jam perfectis ac fidelibus, dissimilavimus cetera, quae aut simpliciter tunc et ignoranter a rudibus dicta, aut oblique et maligne ab inimicis objecta, aut imprudenter a scriptoribus affirmata sunt. et posteris tradita? dieo autem hoc ipsum non tam ex femina turpiter, circumcisum Judaeos, sacrificasse Gentiliter, baptizatum humiliter, circumducendum a diabolo per deserta, et ab eo tentatum quam miserrime. His igitur exceptis, et si quid ei ab scriptoribus ex Testamento Veteri falsa sub testificatione injectum est, credimus cetera, principie crucis ejus mysticam fixionem, qua nostra anima passionis monstrantur vulnera; tum precepta salutaria ejus, tum parabolae, cunctumque sermonem deificum, qui maxime durarum preferens naturam discretionem, ipsis esse non venit in dubium. Nihil ergo est jam cur me omnia credere existimes debere, quae euent Evangelia; cum tu, ut supra ostensum est, Testamenti Veteris supremum liquorem vix summis, ut aiunt, labris attingas.

CAUT VIII. — **AUGUSTINUS** respondit: Nos Veteris Testamenti Scripturas omnes, ut dignum est, veras divinasque laudamus: vos Scripturas Novi Testamenti tanquam falsatas corruptaque pulsatis¹. Nos ea quae nunc de Libris Testimenti Veteris non observamus, congruerter tamen illo tempore atque illi populo finisse precepta, nobisque in eis ipsis que non observamus, signileata que intellegamus et spiritualiter teneamus, non solum dicimus, sed in apostolicis quoque litteris ostendimus et docemus: vos autem omnia quae in libris Novi Testamenti non accipitis, omnino reprehenditis; nec a Christo, nec ab Apostolis ejus dicta vel conscripta a severatis. Videlicet ergo quantum inter nos et vos, quod ad hanc rem attinet, distet. Cum itaque a vobis queritur, quare non omnia in libris Novi Testamenti accipitis, sed in eis libris, in quibus aprobatis aliqua, multa respitis, reprehenditis, accusatis, a corruptoribus inserti esse contenditis; nolite in exemplum asumere distinctionem fidei vel observationis nostrae, sed rationem redditis presumptionis vestre.

CAUT IX. — A nobis enim si queratur, cur non eo ritu colamus Deum, quo coluerunt Hebrei patres tempore Veteris Testimenti: respondemus, aliud vobis Deum precepisse per patres Novi Testamenti; neque hoc contra Vetus Testamentum, cum et in illo id ante sit predictum. Sic enim hoc ipsum prænuntiatum est per prophetam: *Ecce dies venient, dicit Dominus, et consummabo super dominum Israel et super dominum Iuda Testamentum Novum; non secundum Testamentum quod feci patribus eorum, in die qua appre-*

hendi manum eorum, ut ejicerem eos de terra Aegypti (*Jerem. xxxi, 51, 32*). Ecce quia et hoc prophetatum est, non perseveraturum illud Testamentum, sed futurum Novum. Hic si objectum fuerit, non nos pertinere ad dominum Israel et dominum Juda; ex doctrina apostolica nos defendimus, quia semen Abrahae Christum esse docet Apostolus, nobisque ad corpus ejus pertinentibus dicit, *Ergo Abrahe semen estis* (*Galat. iii, 29*). Porro si quiescunt a nobis fuerit, cur illius Testamenti auctoritatem teneamus, eni ritum non observamus; et ad hoc ex litteris apostolicis respondemus: ait enim Apostolus, *Nemo ergo vos judicet in cibo et potu, aut in parte dici festi, aut neomeniae, aut sabbatorum, quod est umbra futurorum* (*Coloss. ii, 16, 17*). Ita quippe et cur ea legi atque accipi oporteat, ostendit, id est, ne prophetiam extinguamus, quia in umbra facta sunt futurorum; et curare nos non debere eos qui nos hinc judicare voluerint, quod corporaliter jam non observemus: sicut alibi tale quiddam dixit, *Hoc in figura contingebat illis; scripta sunt autem propter correptionem nostram, in quos finis saeculorum obvenit* (*1 Cor. x, 11*). Cum ergo tale aliquid legitur in instrumento Veteris Testimenti, quale a nobis observari vel jussum non est in Novo Testamento, vel etiam prohibitum, quid significet querendum est, non reprehendendum; quia eo ipso quojam non obscuratur, non damnatum, sed impletum probatur: unde multa, et saepe jam diximus.

CAPUT X. — Velut hoc ipsum quod modo non intelligens Fanus mandatis Veteris Testimenti pro crimine objectit, quod uxorem fratris ad hoc frater iussus est ducere, ut non sibi, sed illi sobolem suscitaret, ejusque vocaret nomine, quod inde nasceretur² (*Deut. xxv, 5-10*); quid aliud in figura praemonstrat, nisi quia unusquisque Evangelii predictor ita debet in Ecclesia laborare, ut defuncto fratri, hoc est Christo, suscitetur semen, qui pro nobis mortuus est; et quod suscitatum fuerit, ejus nomine accipiat? Denique hoc implens Apostolus, non jam carnaliter in premissa significacione, sed spiritualiter in eo completa veritate, quos in Christo Jesu per Evangelium se genuisse commemorat (*1 Cor. iv, 15*), succenset eis, et eos increpans corrigit, volentes esse Pauli: *Nunquid Paulus, inquit, pro vobis crucifixus est? aut in nomine Pauli baptizati estis?* (*Ibid., ii, 13*) Tanquam diceret, Defuncto fratri vos genui, Christiani vocamini, non Pauliani. At vero qui electus ab Ecclesia ministerium evangelizandi renuerit, ab ipsa Ecclesia merito diligenter contemnitur. Hoc est enim quod in ejus faciem jubetur expuere, non sane sine signo hujus opprobrii, ut calcementum pedis unius exuatur, ne sit in eorum sorte, quibus ipse Apostolus ait, *Et calceati pedes in preparationem Evangelii pacis* (*Ephes. vi, 15*): et de quibus commemorat propheta, *Quam speciosi pedes eorum qui annuntiant pacem, qui annuntiant bona* (*Isai. lxi, 7*)! Qui enim sic evangelicam fidem tenet, ut et sibi prosit, et Ecclesie prodesse non renuat, bene intelligitur utroque pede calcatus.

¹ Nonnulli MSS., *culpatus*.

² Am. Fr. et MSS., *quod indidem nasceretur*.

Qui autem sibi putat, quia credidit, satis esse consultum, curam vero lucrandorum refugit aliorum, discalecati illius non figuratum significabit, sed in se impletum portabit opprobrium.

CAPUT XI. — Quid, quod et Pascha a nobis objicit celebrari, nec quod ita ut Iudei celebramus insultat, cum ovem magis nos habeamus in re presentis Evangelii, non in umbra futuri, ejusque occisionem cum quotidie, tum maxime anniversaria solemnitate, non venturam praesignemus, sed factam commemoremus? Ideo sane dies Paschæ solemnitatis nostræ ad diem celebrationis umbraticæ Iudeorum non occurrit, ut et dominicum diem, quo Christus resurrexit, completeremur. Azyma vero, qui rectæ fidei Christiani sunt, non in fermento veteris vitæ, hoc est malitiæ, sed in ipsius fidei veritate et sinceritate custodiunt (*I Cor. v, 8*): non septem diebus, sed omni die; quod significatum est numero dierum septenario, quo quotidie omnis volvitur dies. Quod et si aliquantum laboriosum est in hoc sæculo, quoniam angusta et arcta via est quæ dicit ad vitam (*Math. vii, 13*); merces tamen certa servatur: nam ipse labor significatus est illis picridiis, quod aliquantum subamara sint.

CAPUT XII. — Pentecosten etiam, id est, a passione et resurrectione Domini quinquagesimum diem celebramus, quo nobis sanctum Spiritum paracletum, quem promiserat, misit (*Act. ii, 1-4*): quod futurum etiam per Iudeorum Pascha significatum est, cum quinquagesimo die post celebrationem ovis occisiæ, Moyses digito Dei scriptam legem accepit in monte (*Exod. xix, xxii*). Legite Evangelium, et advertite ibi Spiritum sanctum appellatum digitum Dei (*Luc. xi, 20*). Ea quippe anniversarie in Ecclesia celebantur, quæ insigniter excellentiæ certis diebus facta sunt; ut eorum necessariam salubremque memoriam festivitas concelebrata custodiatur. Si vultis ergo nosse quare celebramus Pascha: quia tunc pro nobis immolatus est Christus. Si vultis nosse quare non illud ritu Iudeico celebremus: quia illa erat venturi veri præfiguratio, hæc completi commemoratio; futurum autem et preteritum nec ipsis verbis nostris eodem modo enuntiatur; unde jam satis in hoc opere locuti sumus.

CAPUT XIII. — Si autem et hoc queritis, cur ex omnibus cibis, a quibus in umbra futurorum populus est ille prohibitus, nos mortifico et immolatio non recessimur: et hoc audite, et calumniis vanitatis verum aliquando præponite. Cur enim non expedit immolatio vesci Christiano, Apostolus dicit: *Nolo vos, inquit, socios fieri dæmoniorum*. Neque enim ipsam immolationem reprehendit, quam faciebant patres, præfigurantes sanguinem sacrificii, quo nos Christus redemit: *Sed quæ immolant Gentes, dæmoniis, inquit, immolant, et non Deo*. Deinde adjectit quod dixi: *Nolo vos socios fieri dæmoniorum* (*I Cor x, 20*). Nam si natura ipsa immolatio carnis esset immunda, utique et nescientem contaminaret. Neque enim eo minus ipsa esset, quo minus ab scientie acciperetur.

sed propter conscientiam, ne demonibus communi-
casse videatur. Morticinum autem puto quod ad escam usus hominum non admisit, eo quod non occisorum, sed mortuorum animalium morbida caro est, nec apta ad salutem corporis, cuius causa sumimus alimentum. Nam quod de effundendo sanguine antiquis in figura præceptum est, id est, ipsi Noe post diluvium (*Gen. ix, 6*), quod jam quid significaret ostendimus, plerique intelligunt. Et in Actibus Apostolorum hoc lege¹ præceptum ab Apostolis, ut abstinerent gentes tantum a fornicatione et ab immolatis, et a sanguine (*Act. xv, 29*), id est, ne quidquam ederent carnis, cuius sanguis non esset effusus. Quod alii non sic intelligunt, sed a sanguine præceptum esse abstinendum, ne quis homicidio se contaminet. Hoc nunc discutere longum est, et non necessarium: quia et si hoc tunc Apostoli præcepérunt, ut ab animalium sanguine abstinerent Christiani, ne proficiat carnis vescerentur, elegisse nulli videntur pro tempore rem facilem, et nequam observantibus onerosam, in qua cum Israëlitis etiam Gentes, propter angularem illum lapidem duos in se condentem (*Ephes. ii, 11-22*), aliquid communiter observarent; simul et admonerentur², in ipsa arca Noe, quando Deus hoc jussit, Ecclesiam omnium gentium suisse figuratam, cuius facti prophetia jam Gentibus ad fidem accendentibus incipiebat impleri. Transacto vero illo tempore, quo illi duo parietes, unus ex circumcisione, alter ex præputio venientes, quamvis in angulari lapide concordarent, tamen suis quibusdam proprietatibus distinctius eminebant, ac ubi Ecclesia Gentium talis effecta est, ut in ea nullus Israëlitæ carnis appareat; quis jam hoc Christianus observat, ut turdos vel minutiore aviculas non attingat, nisi quarum sanguis effusus est, aut leporem non edat, si manu a cervice percussus, nullo cruento vulnere occisus est? Et qui forte pauci adhuc tangere ista formidant, a ceteris irridentur: ita omnium animos in hac re tenuit illa sententia veritatis, *Non quod intrat in os vestrum, vos coinquat, sed quod exit* (*Math. xv, 11*); nullam cibi natram, quam societas admittit humana, sed que iniquitas commitit peccata, condemnans.

CAPUT XIV. — Jam vero de antiquorum factis, et que stultis atque ineruditis videntur peccata, dum non sunt, et quæ vere peccata sunt, quam ob causam conscripta sint, servata magisque commendata Scripturæ ipsius veneratione, sufficienti jam sermone monstravimus: necnon de maledicto ejus qui pendet in ligno, et ejus qui non suscitaverit semen in Israel, jam primum suo loco respondimus, cum hæc ante dilueremus objecta (*Supra, lib. 22*): et prorsus omnia, sive de quibus singillatim jam anterioribus hujus operis partibus disseruimus, sive quæ in isto, cui respondemus, sermone suo Faustus similia posuit, una firmissima veritatis ratione defendimus, quam de sanctarum Scripturarum auctoritate percepimus.

¹ In MSS., *legi*.

² Am. Fr. et plerique MSS., *admonerent*.

Quæcunque scripta sunt in illis libris Veteris Testamenti, omnia verissime atque utilissime pro vetera vita scripta esse laudamus, accipimus, approbamus: sed quæ in his mandata¹ corporali operatione non observamus, et rectissime tunc mandata intelligimus, et umbras futurorum esse didicimus, et nunc jam impleri cognoscimus. Ac per hoc quisquis illa tunc etiam opera, quæ² ad significandum agi jubeantur, non observabat, pœnas divinitus constitutas rectissimo judicio persolvebat, sicut nunc si quis sacramenta Novi Testamenti pro temporis ratione distincta fuerit ausus sacrilega temeritate violare. Quemadmodum enim tunc justi viri, qui pro illis sacramentis nec mortem recusaverunt, jure laudantur; ita nunc pro istis martyres sancti. Et sicut æger non debet reprehendere medicinalem doctrinam, si aliud illi hodie præceperit, aliud eras, prohibens etiam quod ante præceperat; sic enim se habet sanandi ejus corporis ratio: ita genus humanum ab Adam usque in finem sæculi, quamdiu corpus quod corruptitur, aggravat animam (*Sap. ix, 15*), ægrum atque saucium, non debet divinam reprehendere medicinam, si in quibusdam hoc idem, in quibusdam vero aliud prius, aliud posterius, observandum esse præcipit; præser-tim quia se aliud præcepturam esse promisit.

CAPUT XV. — Nulla ergo comparatio est, quam Faustus obtendit, ita vobis Paracletum ex Novo Testamento quod credatis elegisse, et quod resupatis demonstravisse, cum ipse Novo Testamento fuerit prophetatus; sicut nobis Christus fecit ex Vetere, quo similiter prophetatus est. Hoc enim aliqua verisimilitudine diceretur, si esset aliquid in Veteris Testamenti libris, quod nos diceremus non recte dictum, non divinitus jussum, non veraciter scriptum. Nihil horum dicimus: sed accipimus omnia, sive quæ observamus, ut recte vivamus; sive quæ non observamus, ut tamen et ipsa tunc in prophetia jussa et observata nunc jam compleri videamus. Deinde Paracletum sicut promissum legimus in iis libris, quorum non omnia vultis accipere; ita et missum legimus in eo libro, quem nominare etiam formidatis. In Actibus quippe Apostolorum, sicut et saepe et paulo ante commemoravi, apertissime legitur missus die Pentecostes Spiritus sanctus, qui etiam opere manifestavit quis esset. Linguis enim omnibus locuti sunt, qui etum primitus accepérunt (*Act. ii*): ut hoc etiam signo promitteret in linguis omnibus, hoc est, in omnibus gentibus futuram Ecclesiam, quæ illum sicut Patrem et Filium verissime prædicaret.

CAPUT XVI. — Vos ergo jam dicite quare non accipiatis omnia ex libris Novi Testamenti; utrum quia non sunt Apostolorum Christi, an quia pravi aliquid docuerunt Apostoli Christi. Respondetis, Quia non sunt Apostolorum Christi. Nam illa vox altera Pagorum est, qui dicunt Apostolos Christi non recta docuisse. Vos ergo quid dicitis, unde ostenditis Scripturas illas non ab Apostolis ministratas? Respondetis,

Quia multa sunt in eis et inter se et sibi contraria. Omnino falsissimum est; vos non intelligitis. Nam quidquid tale protulit Faustus, quod vobis ita vide-retur, ita non esse monstratum est: et quidquid tale a vobis prolatum fuerit, hoc docebimus. Quis autem ferat, lectorem vel auditorem, Scripturam tante auctoritatis facilius quam vitium sue tarditatis, audere culpare? An hoc dicitis vos Paracletum docuisse, Scripturas istas Apostolorum non esse, sed sub eorum nominibus ab aliis esse conscriptas? Hoc saltem docete, istum ipsum Paracletum esse, a quo didicistis hæc Apostolorum non esse. An dicetis, Ipsum Christus promisit, et misit? Respondetur vobis, Omnino istum Christus nec promisit, nec misit; et simul ostenditur, quando miserit quem promisit. Quod ergo eum Christus miserit, hoc probate. Unde asseritis personam vestri auctoris, vel potius deceptoris? Respondetis, ex Evangelio vos probare. Ex quo Evangelio? Quod non totum accipitis, quod falsatum esse vos dicitis. Quis ergo testem suum prius ipse dicat falsitate esse corruptum, et tunc producat ad testimonium? Si enim quod vultis ei credimus, et quod non vultis ei non credimus, jam non illi, sed vobis credimus. Si autem vobis credere vellemus, testem a vobis non exigeremus. Deinde paracletus Spiritus sanctus sic est promissus, ut diceretur, *Ipsæ vos inducet in omnem veritatem (Joan. xvi, 13)*: quomodo vos autem ille inducet in veritatem, qui vos docet Christum esse fallacem? Ille accedit, qui si omnia quæ de promissione Paracleti in Evangelio leguntur, talia esse demonstraretis, ut non omnino nisi de Manichæo vestro possent intelligi, sicut ostenduntur in Prophetis ea esse dicta de Christo, quæ in alium cadere omnino non possunt³; tamen cum ea de iis codicibus proferretis, quos dicitis infalsatos, hoc ipsum illuc falsum et a corruptoribus majoribus vestris immissum esse diceremus, quod illic de Manichæo sic scriptum legeretis, ut de alio intel-ligere non possemus: quid faceretis, dicite mihi, nisi clamaretis, nullo modo vos potuisse falsare codices, qui jam in manibus essent omnium Christianorum? Quia mox ut facere cœpissetis, vetustiorum exemplarum veritate convinceremini. Quia igitur causa a vobis corrupti non possent, hac causa a nemine potuerunt. Quisquis enim hoc primitus ausus esset, multorum codicum vetustiorum collatione confutaretur: maxime, quia non una lingua, sed multis eadem Scriptura contineretur. Nam etiam nunc nonnullæ codicum mendositates, vel de antiquioribus, vel de lingua præde-dente emendantur. Ita ergo aut cogimini veraces illos codices confiteri, et continuo evertunt heresim vestram; aut si fallaces eos dixeritis, eorum auctoritate Paracletum non poteritis asserere, et vos evertitis heresim vestram.

CAPUT XVII. — Ille accedit, quia ea dicta sunt in promissione Paracleti, ut Manicheum post tam multos annos venientem, ab ista suspicione prorsus excludant. Quia enī post resurrectionem et ascensionem Domini continuo venturus erat Spiritus sanctus,

¹ Editio Lov., *mandata sunt. Minus recte*

² Plures MSS., *etiam opere, quo.*

³ Apud Er. Iugd. Ven. Lov., *pœnitent.* M.

apertissime dictum est a Joanne : *Spiritus enim non dum erat datus, quia Jesus nondum fuerat clarificatus* (Joan. vii., 59). Si hoc itaque causa erat ut non datur, quia nondum erat clarificatus Jesus, procul dubio clarificatio Jesu, jam causa erat ut statim daretur. Nam et Cataphryge se promissum Paracletum suscepisse dixerunt, et hinc a fide catholica devirunt, co[n]tentes prohibere quod Paulus concescit, et dannare secundas i[n]spicias quas ille permisit; sub his verbis insidiantes, quia scriptum est de Paracleto, *Ipse vos inducet in omnem veritatem*: quasi videlicet non omnem veritatem Paulus et ceteri Apostoli docuerint, ac locum Cataphrygarum Paracletum reservassent. Ad hoc et illud traxerunt, quod Paulus ait, *Ex parte enim scimus, et ex parte prophetamus; cum autem venerit quod perfectum est, quod ex parte est evanescatur* (1 Cor. xiii., 9, 10): ut scilicet ex parte sciens et prophetans Apostolus dixerit. *Quod vult faciat; non peccat si nubat* (Id. viii., 56); et ideo perfectum Paracleti Phrygiae hoc evanescerit. Ad hanc cum eis dictum fuerit, quod sunt Ecclesiae tanto ante promissa et toto orbe diffusae auctoritate dannati; respondent, hinc etiam in se illum esse completum, quod de Paracleto dictum est, quod mundus eum accipere non potest. Nonne ista sunt, que etiam vos dicere soletis, *Ipse vos inducet in omnem veritatem*; et, *Cum venerit quod perfectum est, quod ex parte est evanescatur*; et, *Mundus eum accipere non potest* (Joan. xiv., 17), de vestro Manicheo esse predictum? Et quae tandem poterit haeresis exoriri sub Paracleti nomine, que non haec omnia verisimiliter sibi audeat coaptare? Numquid enim est haeresis, que non veritatem se nominet, et quanto est superior, tanto magis se etiam perfectam nominet veritatem; ut et in omnem veritatem se pollicetur inducere, et doctrinam Apostolorum suo errori contrariam, quasi per illam venerit quod perfectum est, evanescere conetur? Et quoniam tenet Ecclesia, quod vehementius Apostolus commendavit, *Si quis robis evangelizaverit praterquam quod accepistis, anathema sit* (Galat. i., 9); cum coperit aliquid annuntians ab universo orbe anathemari, continuo dicat, *Hoc est quod scriptum est, Mundus eum accipere non potest.*

CAPUT XVIII. — Unde ergo probare poteritis quod a vobis exigitur, Paracletum esse illum a quo didicistis quod evangelicas scripta non sunt Apostolorum? Quandopudem etiam nos probamus non esse Paracletum Spiritum sanctum, nisi qui Jesu clarificato mox veniat. Ideo enim *nondum erat datus, quia nondum Jesus fuerat clarificatus*. Probamus etiam ipsum indicare in omnem veritatem: quia non invenitur in veritatem nisi per charitatem; *charitas autem Dei, diffusa est*, ait Apostolus, *in cordibus nostris per Spiritum sanctum q[uod] datus est nobis* (Rom. v., 5). Docemus etiam non dixisse Paulum, *Cum venerit quod perfectum est*, nisi de perfectione illa que in perceptione vite aeternae futura est. Hoc enim cum loqueretur, *Videamus enim, inquit, nunc per speculum in æwigilate, tunc autem facie ad faciem* (1 Cor. xiii., 10, 12). Hic certe, nisi aperte incanare volueritis, fatebimini non vos vi-

dere Deum facie ad faciem. Non ergo ad vos venit illud quod perfectum est. Hoc enim modo plane quid de hac re senserit, satis Apostolus explicavit: nec futurum est hoc sanctis, nisi cum factum fuerit quod etiam Joannes dicit, *Filiu Dei unus, et nondum apparet quid erimus; scimus autem quia cum apparuerit, similes ei erimus, quoniam similes eum si uti est* (1 Joan. iii., 2); tunc introduce in omnem veritatem Spiritu sancto, eni[m] nunc pignus accepimus. Quod autem dictum est, *Mundus eum accipere non potest*, de illis utique dictum est, qui solent in Scripturis mundi nomine appellari, amatores mundi, vel impii, vel carnales: de qualibus dicit Apostolus, *Animalis autem homo non percipit quæ sunt Spiritus Dei* (1 Cor. ii., 14). De hoc enim mundo esse dicuntur, quoniam non possunt sapere amplius quam sunt ista corporea, que in hoc mundo senserunt: sicut nec vos aliud sapitis, qui cum lucem istam solis et lumen miraremini, talia vobis omnia divina linxi-tis, auctore illo vaniloquo, quem decepti et deceptores Paracletum dicitis. Proinde nullo modo valentes ostendere quomodo sit ille Paracletus, non est mode doceatis firmissima: liqua auctoritate vos corporis quemadmodum hanc scripta evangelica, ex quibus non omnia vulnis accipere, non sint Apostolorum Christi. Restat ergo ut dicatis, hoc vos ex ratione comprescas, quia talia ibi sunt, que Christi gloriam decolorant: scilicet quia natus ex virgine ibi narrator, quia circumcisus, quia pro illo oblatum sacrificium quod tunc offerebatur, quia baptizatus, quia tentatus a diabolo est.

CAPUT XIX. — His autem exceptis, et testimoniis ex Veteri Testamento que illis inserta sunt Litteris, cetera vos secundum id quod Faustus loquitur, fatemini accipere, et præcipue crucis ejus mysticam fixionem, qua passionis anima vestrae vulnera demonstrantur. Deinde, inquit, præcepta salutaria ejus, et parabolus, cunctumque sermonem dei dicimus, qui maximus duarum præferens naturarum discretionem, ipsius esse non venit in dubium. Videatis ergo id vos agere, ut omnis de medio Scripturarum auferatur auctoritas, et sive cuique animus auctor sit, quid in quaue Scriptura probet, quid improbet; id est, ut non auctoritatibus Scripturarum subjiciatur ad fidem, sed sibi Scripturas ipse subjiciat: non ut ideo illi placeat aliquid, quia hoc in sublimi auctoritate scriptum legitur; sed ideo recte scriptum videatur, quia hoc illi placeat. Quo te committis, anima misera, infirma, carnalibus nebulis involuta? quo te committis? Remove ergo auctoritatem, videamus: remove auctoritatem, redde rationem. Eone ratio tua perducitor, ut nisi Dei natura violabilis corruptibilisque credatur, exitum theatricum longa illa fabula verità reperiere non possit? Postremo unde scis octo esse terras et decem cœlos, quod Atlas mundum ferat, splenditentesque suspendat, et innumerabilia talia? unde scis hæc? Plane, inquis, Manicheus me docuit. Sed, infelix, credidisti; neque enim vidisti. Si ergo ad nullia fabulosorum phantasmatum, quibus turpiter gravidata

es. te auctoritati ignotissimae et furiosissimae subdidisti, ut ideo haec omnia crederes, quia in illis conscripta sunt libris, quibus miserabili errore credendum esse censuisti, cum tibi nulla demonstrentur; eum non potius evangelice auctoritati, tam fundate, iam stabilitate, tanta gloria diffamatæ, atque ab Apostolorum temporibus usque ad nostra tempora per successiones certissimas commendatae, non te subdis, ut credas, ut video¹, ut discas etiam omnia illa quæ te offendunt, ex vana et perversa opinione te offendere: potiusque esse verum, naturam incommutabilem Dei aliquid mortalis assumpsisse creature, in qua incommutabili er permanens, non fallaciter, sed veraciter faceret atque pateretur, quidquid eandem creaturam facere ac pati, pro generis humani, unde sumpta erat, scilicet congruet, quam violabilem et corruptibilem credere Dei naturam, nec inquinatam atque oppresam totam posse liberari atque purgari, sed aeterna globo poena summa Dei necessitate damnari?

CAPUT XX. — S d, inquis, propterea credidi quæ non mihi ostendit, quia duas naturas, boni scilicet et mali, mihi in hoc ipso mundo evidenter ostendit. At hoc ipsum est, infelix, unde decepti es: quia sicut in illa Scriptura evangælica, ita in hoc mundo nihil mali putare potuisti, nisi quo tuus carnalis sensus offensus est, sicut serpeatem, ignem, venenum, et similia; nec aliquid boni, nisi quod cumdem tuum carnalem sensum aliqua jucunditate permulxit, sicut saporum jucunditas, et odorum suavitatis, et lucis hujus aspectus, et si quid aliud vel auribus, vel oculis tuis, vel naribus, vel palato, vel palpatui² similiter forte blanditum est. At si universam creaturam ita prius aspiceres, ut auctori Deo tribueres, quasi genus magnum quendam librum naturæ rerum; atque ita si quid ibi te offenderet, causam te tanquam hominem latere posse potius crederes, quam in operibus Dei quidquam reprehendere auderes; nonquam incidisses in sacriegas rugas et blasphemæ signa, quibus, non intelligens unde sit malum, Deum implere conaris: mox his malis.

CAPUT XXI. — Ille jam si queratis a nobis, nos uide sciamus Apostolorum esse istas Litteras; breviter vobis respondeamus, inde nos scire, unde et vos scitis illos litteras esse Manichæi, quas miserabiliter huius auctoritati preponitis. Si enim et hinc vobis ali-

¹ Am. et vss., ut rirus.

² Ex ss. alcidianus, et palpatui.

quis moveat questionem, et scrupulum contradictionis impingat, dicens libros quos profertis Manichæi, non esse Manichæi; quid facturi estis? Nonne potius ejus deliramenta ridebitis, qui contra rem tanta connexionis et successionalis serie firmatam, impudentiam hujus vocis emi. t. t. Sicut ergo certum est illos libros esse Manichæi, et omnino ridiculos est qui ex transverso veniens tanto post natus, item vobis hujus contradictionis intenderit; ita certum est Manichæum vel Manichæos esse ridebiles, aut etiam dolebiles, qui tam fundate auctoritati, a temporibus Apostolorum usque ad hæc tempora certis successionibus custodite atque perductæ, audeant tale aliquid dicere.

CAPUT XXII. — Jam ergo auctoritas Manichæi conferenda est auctoritati Apostolorum. Nam litteras istorum istas esse tam certum est, quam illas illius. Quis autem Manichæum Apostolis comparat, nisi quisquis se a Christo, qui misit Apostolos, separat? Aut duas naturas sibimet et ex propriis principiis adversas, quis unquam sapit in verbis Christi, nisi qui non sapit verba Christi? Apostoli ergo tamquam discipuli veritatis, nativitatem Christi predicant passionemque veracem: Manichæus autem jactat se inducere in omnem veritatem, et vult inducere in talis in Christum, in quo ipsius passionis praeficat falsitatem. Isti Christum in carne quam de Abraham suscepit semine, circumcisum: ille Deum in ipsius sua natura a tenebrarum gente conceivit. Isti pro carne Christi infante³ sacrificium, quod tunc pie fiebat, oblatum: ille non carnis, sed ipsius divine substantie membrum, o omnibus demonibus immolandum, naturæ adverse gentis illatum. Isti Christum exempli præbendi causa baptizatum in Jordane: ille Deum ipsum per seipsum in tenebrarum contaminatione submersum, nec totum emersum, sed quod ejus mundari non potuerit aeterna damnatione puniendum. Isti carne Christi a demonum duce tentatum; ille partem Dei a demonum gente possessam: et isti quidem illam tentatam, ut doceret resistere tentatori; ille illam possessam, ut patri non possit restituiri, nec vitori. Denique Manichæus ex doctrina demoniorum aliud annuntiat, ut quasi eminenti sit: Apostoli vero ex doctrina Christi commendant, ut quisquis aliud annuntiaverit, anathema sit (*Galat. 1, 8, 9*).

³ Flores vss. omittunt, *infante*; cuius loco editio Er. habet, *litante*.

LIBER TRIGESIMUS TERTIUS.

CAPUT PRIMUM. — Faustus dixit: Scriptum est in Evangelio, *Quia multi renient ab oriente et occidente, et cibent cum Abraham, et Isaac, et Jacob in regno celorum* (*Matth. viii, 11*). Vos ergo quare uanum accipitis Patriarchas? Absit nos quidem cuicunque invadere mortali uanu, quem Deus forte miseratione respiciens sua, de perditione uanu redixerit ad salutem: sed hoc sane nos ejus esse jam clementie ponimus qui misertus sit, non illius meriti enijs fuisse negare

non possis improbabilem vitam: ac per hoc et Iudeorum patres, Abraham scilicet, et Isaæ, et Jacob, si est hoc pro certo de iisdem Christi testimonium quod assertus, quanquam fuerint ipsi quidem flagitiosissimi, ut fere Moyses indicat eorum pronepos, sive quis alias historiae hujus conditor est, que dicuntur Genesios, qui eorum vitas nobis odio omni fastidioque dignissimas scripsit; sint tamen et ipsi iuri in regno celorum, sint in loco quem nec crediderat

unquam, nec speraverant, ut sere ex eorum liquido libris apparet: dummodo tamen constet, vobis etiam consitentibus, longo intervallo de tetra ac penali inferorum custodia, ubi se vitae merita coerebant, a Christo Domino nostro liberatos, per ejus scilicet mysticam passionem pervenire ad hoc ipsum potuisse, si pervenerunt, quod scriptum¹ de eis est. Neque enim quia et latronem quendam de cruce liberavit idem noster Dominus, et ipso eodem die secum futurum dixit cum in paradiſo Patris sui (*Luc.* xxiii, 43), quisquam invidenter, aut inhumanus adeo esse potest, ut hoc ei displiceat tantæ benignitatis officium. Sed tamen non idcirco dicemus et latronum vitæ ac mores nobis probabiles esse debere, quia Jesus latroni indulgentiam dederit; aut quia publicanis et meretricibus ignoverit errata, dixeritque quod etiam præcederent ipsi ad regnum cœlorum eos qui se superbe gesserunt (*Matth.* xxi, 31). In iniustiâ namque et in adulterio deprehensam mulierem quamdam Judæos accusantibus absolvit ipse, præcipiens ei ut jam peccare desineret (*Joan.* viii, 3-11). Quapropter si horum tale quid et circa Abraham egit, et Isaac, et Jacob, ipsi gratias: decet eum talia operari circa animas, qui solem suum oriri facit super bonos et malos, et pluit super justos et injustos (*Matth.* v, 45). Sed hoc tamen mihi unum in opinione hac vestra molestum est, cur id de Judeorum tantum patribus sentiatis, ac non de ceteris quoque patriarchis Gentium, quod et ipsi senserint aliquando nostri Liberatoris hanc gratiam: præsentim cum de ipsorum filiis magis christiana constet Ecclesia, quam de semine Abraham, Isaac et Jacob. Sed ais utique, illos quidem idola coluisse, hos vero omnipotentem Deum, idcirco solam ipsorum curam habuisse Jesum. Ita Dei omnipotentis cultura in tartara detrudit, et Filii eget auxilio qui coluit Patrem? Sed videris²: consentiamus, inquam, hactenus in cœlum reductos eos, non quia mererentur, sed quia vineat divina clementia vim peccatorum.

CAPUT II. — Verunitamen utrum et hoc a Christo dictum sit, dubios etiam nos et incertos sribentium ipsa varietas facit. Namque cum duo evangelistæ Matthæus et Lucas de centurione quodam pariter narrent, cuius puer tunc infirmaretur, et propter quem visus fuerit hoc ipsum dixisse Jesus, quia scilicet tantam fidem non invenisset in Israel, quantam in illo homine, gentili quamvis et pagano, eo quod dixerit idem non se fuisse tam dignum, ut sub lectum suum intraret Jesus, sed id rogare tantum, ut juberet verbo, et sanaretur puer suus; solus tamen Matthæus hoc adjicit Jesum prosecutum esse, ut diceret, *Amen dico vobis*, quia multi venient ab oriente et occidente, et recumbent cum Abraham, et Isaac, et Jacob in regno cœlorum; filios autem regni mittent in tenebras exteriores. Multos quidem qui venturi forent paganos significans, propter³

Centurionem, quia esset et ipse gentilis, in quo tamen tanta fides inventa; filios autem regni appellans Judæos, in quibus nulla esset inventa fides. At vero Lucas, quanquam et ipse ut necessarium hoc et memorabile inter Christi mirabilia gesta inserendum putaverit Evangelio suo, de Abraham tamen illuc, et Isaac, et Jacob nullam facit mentionem. Quod si quis dieat idcirco prætermissee eum, quia dictum id jam satis fuisse a Matthæo; cur ergo gestum ipsum commemorat erga Centurionem et puerum ejus, quod æque longe satis insinuatum jam fuisse nobis Matthæi solertia? Sed falsum est. Namque et de obsecratione ipsa adveniendi Jesum, Matthæus quidem dicit, quod idem per semetipsum Centurio venerit ad eum rogarurus medelam: Lucas autem non, sed quia majores natu ad eum miserit Judæorum, qui ne forte spernetur ab eodem tanquam gentilis (quoniam quidem⁴ Jesum volunt esse plane Judæum), persuadere ingressi sunt ei dicentes, dignum esse cui id præstaret, quoniam quidem diligenter gentem suam, et synagogam ipse ædificasset sibi (*Id.* viii, 5-13, et *Luc.* vii, 2-10): tanquam et hoc ad Dei Filium pertineret, si ædificationem synagogæ suæ Judæi de Centurione pagano meruerint. Nec tamen omnifariam et Lucas hoc verbum reticuit, puto recogitans ne forte fuisse verum: sed locum tamen mutat applicatque id alteri cūdam causæ longe dissimili, id est, ubi dicit Jesus ad discipulos suos, *Contendite intrare per angustum ostium: multi enim venient quærentes intrare, et non poterunt. Cum autem intraverit, inquit, paterfamilias, et clauserit januam, incipietis foris stare et pulsare, dicentes: Domine, aperi nobis. Et respondens dicet: Nescio vos. Tunc incipietis dicere: Manducavimus et bibimus coram te, et in plateis nostris et synagogis docuisti. Et dicet vobis: Nescio unde estis; discede a me omnes, operarii iniquitatis. Ibi erit fletus et stridor dentium, cum videritis Abraham, et Isaac, et Jacob, et omnes Prophetas introeuntes in regnum Dei, vos autem expelli foras: et venient ab oriente et occidente et australi et aquiloni, et recumbent in regno Dei* (*Luc.* xiii, 24-29). Hoc vero ipsum quidem, quia multi excludentur a regno Dei, qui scilicet nomen tantummodo Christi portaverint, sed non fecerint opera ejus, nec Matthæus scribere prætermisit (*Matth.* vii, 21); sed de Abraham illuc, et Isaac, et Jacob nullam facit omnino mentionem. Item de Centurione et puro ejus etiam Lucas quidem scripsit; sed æque ipse de Abraham illuc, et Isaac, et Jacob nihil omnino testatur: ut quia ubinam dictum sit certo constare non possit, nihil prohibeat etiam non credere quia sit dictum.

CAPUT III. — Nec immerito nos ad hujusmodi Scripturas tam inconsontantes et varias, nunquam sane sine judicio ac ratione aures afferimus: sed contemplantes omnia, et cum aliis alia conferentes, perpendicularis utrum eorum quidque a Christo dici potuerit neque. Multa enim a majoribus vestris eloquis Domini

¹ Forte, si pervenerunt, quo scriptum, etc.

² Sic Am. et MSS. At Er. et Lov., pro, videris, habent, Judæis, omissa interpretatione.

³ Forte, præter.

⁴ Lov., quoniam hinc quidam. Am. et Er., quoniam hi quidem. At MSS., quoniam quid. m; omisso, hic.

nostri inserta verba sunt, quæ nomine signata ipsius cum ejus fide non congruant: præsertim quia, ut jam saepe probatum a nobis est, nec ab ipso hæc sunt, nec ab ejus Apostolis scripta; sed multo post eorum assumptionem a nescio quibus et ipsis inter se non concordantibus semi-Judeis per famas opinionesque comperta sunt: qui tamen omnia eadem in Apostolorum Domini conferentes nomina, vel eorum qui secuti Apostolos viderentur, errores ac mendacia sua secundum eos se scripsisse mentiti sunt. Sed videris: de hoc interim, ut inquam, capitulo tecum non nimium ego contendenterim; cum mihi illud satis ad præsidium sit quod ante posui, et quod nec ipsis vobis negare licet, ante Domini nostri adventum Patriarchas omnes Israel et Prophetas tartarcis in tenebris jacuisse pro meritis suis: unde si unquam liberati a Christo ad lumen reducti sunt, quid hoc ad odium attinet vita ipsorum? Odimus enim nos et respuiimus non quod fuerunt, id est, homines, sed quales fuerunt, id est, malos; nec quod nunc sunt, id est, purgatos, sed quod fuerunt, id est, impuros aliquando. Ac per hoc nobis interim, utcumque vos id esse vultis, nihil obstat capitulum hoc: cum sive est verum, Christi hic miseratione commendetur et bonitas; sive falsum, scriptoribus ejus crimen inhæreat: nos utrovis modo in tuto sumus, ut semper.

CAPUT IV. — AUGUSTINUS respondit: Quomodo in tuto, miser? Quomodo in tuto, qui te Patriarchas odisse dicis impuros, et Deum adhuc plangis impurum? Certe illis Patriarchis post adventum Salvatoris præstitam purgationem et datam beatam requieuen concessisti; deus autem vester et post adventum Salvatoris adhuc jacet in tenebris, adhuc flagitiis omnibus mergitur, adhuc in impuris omnibus volutatur: ita non solum vita illorum hominum melior erat deo vestro, verum etiam mors ipsa felicior. In quibus autem sedibus erant justi, qui exierant ex hac vita priusquam Christus in carne venisset, et utrum etiam ipsos ad aliquid melius passio Christi transtulerit, qui in eum venturum, passurum, resurrecturum, non tantum crediderant, verum etiam hoc ipsum, sicut oportebat, propheticō spiritu prænuntiaverant, in Scripturis sanctis indagandum est, si quo modo ad liquidum indagari potest; non hinc temeritates opinantium consecrandæ quorumlibet hominum, nedum tam execrabilis heresis perversitates¹ nimis longe a veritate aberrantum. Frustra sibi sane per hanc obliquitatem pollicetur Faustus, aliquid post hanc vitam cuiquam posse præstari, quod sibi præstandum in hac vita non comparauerit. Bonum est vobis ut, dum hic vivitis, istum relinquatis errorem, et veritatem catholicæ fidei cognoscatis atque teneatis. Alioquin longe aberit quod sibi pollicetur injustus, cum fieri cœperit quod injusto minatus est Deus.

CAPUT V. — De vita autem Patriarcharum jam, quantum satis arbitratus sum, homini maledico non pauca respondi: quibus non utique in morte correetis,

vel post passionem suam justificatis, testimonium Dominus perhibebat, cum Judæos admoneret, ut si Abrahe filii essent, facta Abrahac facerent; et quod idem Abraham ejusdem diem videre concupiverit, gavisusque fuerit, cum vidisset (*Joan. viii, 39, 56*); et quod in ejus sinum, id est, nescio cujus quiete felicitatis magnum abditumque secretum, abstulerint Angeli pauperem illum serumnosum a divite superbiente contemptum (*Luc. xvi, 23*). Quid dicam de apostolo Paulo? An forte et ipse post mortem justificatum laudat Abraham, quod priusquam circumcidetur credidit Deo, et deputatum est illi ad justitiam (*Rom. iv, 5*): quod tanti pendit, ut nos non ob aliud dicat filios ejus esse effectos qui ejus carne propagati non sumus, nisi quod ejus fidei vestigia sequamur?

CAPUT VI. — Sed quid vobis faciam, quos contra testimonia Scripturarum ita obsurdefecit iniquitas, ut quidquid adversum vos inde prolatum fuerit, non esse dictum ab Apostolo, sed a nescio quo falsario sub ejus nomine scriptum esse dicere audeatis? Usque adeo a christiana doctrina aperte aliena est quam predicatis doctrina dæmoniorum, ut eam sub christianæ doctrinæ nomine defendere nulla ex parte possitis, nisi dicatis falsas esse Scripturas Apostolorum. Infelices inimici animæ vestre, quæ unquam litteræ ullum habebunt pondus auctoritatis, si evangelicæ, si apostolicæ non habebunt? De quo libro certum erit cuius sit, si Litteræ quas Apostolorum dicit et tenet Ecclesia ab ipsis Apostolis propagata et per omnes gentes tanta eminentia declarata, utrum Apostolorum sint incertum est; et hoc erit certum scripsisse Apostolos, quod huic Ecclesiæ contrarii haeretici proferunt auctorum suorum nominibus appellati, longe post Apostolos existentium? Quasi vero et in litteris sæcularibus non fuerunt certissimi auctores, sub quorum nominibus postea multa prolati sunt, et idem repudiata, quia vel his quæ ipsorum esse constaret minime congruerunt, vel eo tempore quo illi scripserint, nequaquam innotescere, et per ipsos vel familiarissimos eorum in posteros proli commendarique meruerunt. Nonne, ut alios omittam, sub Hippocratis medici nobilissimi nomine quidam libri prolati, in auctoritatem a medicis non recepti sunt? Nec eos adjuvit nonnulla similitudo rerum atque verborum; quando comparati eis quos vere Hippocratis esse constaret, impares judicati sunt; et quod ab eo tempore, quo et cetera scripta ejus, non innotuerunt quod vere ejus essent. Illos autem libros, quibus illi qui de transverso proferuntur comparati respuuntur, unde constat esse Hippocratis, unde si quis hoc neget, nec saltem refellitur, sed ridetur, nisi quia sic eos ab ipso Hippocratis tempore usque ad hoc tempus et deinceps successionis series commendavit, ut hinc dubitare dementis sit? Platonis, Aristotelis, Ciceronis, Varronis, aliorumque ejusmodi auctorum libros, unde noverunt homines quod ipsorum sint, nisi eadem temporum sibimet succendentium contestatione continua? Multi multa de litteris ecclesiasticis conscripserunt, non quidem auctoritate canonica, sed

¹ Ita nonnulli MSS. At editi, *pervertitatem*.

aliquo adjuvandi studio sive discendi. Unde constat quod cuius sit, nisi quia his temporibus quibus ea quisque scripsit, quibus potuit insinuavit atque edidit, et inde in alios atque alios continuata notitia latiusque firmata ad posteros, etiam usque ad nostra tempora pervenerunt; ita ut interrogati cuius quisque liber sit, non habemus quid respondere debeamus? Sed quid pergam in longe præterita? Ecce istas litteras quas habemus in manibus, si post aliquantum tempus vitæ huius nostræ, vel illas quisquam Fausti esse, vel has negare esse meas; unde convincitur, nisi quia illi qui nunc ista noverunt, notitiam suam ad longe etiam post futuros continuatis posteriorum successionibus traxerint? Quæ cum ita sint, quis tandem tanto furore execatur, nisi demoniorum mendaciloquorum malitiae atque fallacie conseatiendo subversus sit, qui dicat hoc mereri non potuisse Apostolorum Ecclesiam, tam fidam, tam numerosam fratrum concordiam, ut eorum scripta fideliter ad posteros trairerent, cum eorum cathedras usque ad presentes episcopos certissima successione servaverint, cum hoc qualiumcumque hominum scriptis, sive extra Ecclesiam, sive in ipsa Ecclesia, tanta facilitate provinat?

CAPUT VII.—Sed contraria, inquit, inter se scripta eorum reperiuntur. Malum malo studio legitim, stulti non intelligitis, ecce non videtis. Quid enim magnum erat ista diligenter inspicere, et coramdem scriptorum magnam et salubrem inveire congruentiam, si vos contentio non perverteret, et si pietas adjuvareret? Quis enim unquam duos historicos legens de una re scribentes, utrumque vel utrumlibet eorum aut filiere aut filii arbitratus est, si unus eorum dixit quod aliis pretermisit; aut si alter aliquid brevius complexus est, eamdem tamen sententiam salvam integrumque custodiens, alter autem tanquam membrarium cuncta digessit, ut non solum quid factum sit, verum etiam quemadmodum factum sit, intinaret? Sicut Faustus hinc Evangeliorum veritati voluit calumniari, quia Mattheus aliquid dixit, quod Lucas, cum idem narraret, dicere pretermisit: quasi negaverit Lucas dixisse Christum, quod eum scripsit dixisse Mattheus. Hinc omnino nulla unquam questio fuit, neque hoc objici, nisi ab omnino imprudentibus et nihil harum rerum considerare volentibus seu valentibus, potest. Illud sane et requiri inter fidates, et objici ab infidelibus solet, sed etiam ipsis vel patrum eruditis, vel nimis contentiosis nisi admoniti resipuerint, quod Mattheus dixit, *Accessit ad eum Centurio, rogans eum, et dicens;* Lucas autem quod miserit ad eum seniores Iudaeorum, hoc ipsum rogantes de puer eo qui agrotabat, ut eum sanaret; et cum appropinquaret domui, miserit alios per quos dicebat, non esse se dignum in cuius domum intraret Jesus, nec se ipsum dignum ut veniret ad Jesum. Quomodo ergo secundum Mattheum, *accessit ad eum rogans, et dicens,* *Puer meus jacet in domo paralyticus, et male torquetur* (*Matth. 8, 5-13, et Luc. vii, 2-10*)? Hoc ergo intelligitur, Mattheum breviter sententiam

ipsam veram¹ integrumque complexum, dicentem quod centurio accesserit ad Jesum, et non dicentem utrum per se ipsum accesserit, an per alios: et quod ei de puer suo illud dixerit, non exprimentem utrum per se ipsum dixerit, an per alios. Quod e im? nomine talibus locutioni us humana plena est consuetudo, cum dicimus aliquem ad aliquid nullum accessisse, etiam quem nondum dicimus pervicisse? Nonne et ipsam perventionem, cui qua i videtur non esse quod addi jam posse, etiam per alios fieri usitissime loquimur, saepè dicendo, Egredi ille causam suam, pervenit ad judicem; aut, Ueretur ad illum vel illum potentem: cum plerunque id faciat per amicos, non viso eo prorsus ad quem quisque dicitur pervenisse? Unde etiam tales homines, quicunque ad potentium quodammodo inaccessibilis animos, sive per se ipsos, sive per alios ambitionis arte pertingunt, jam etiam vulgo Perventores, vocantur. Quid ergo? cum legimus, obliuiscimur quemadmodum loqui soleamus? An Scriptura Dei aliter nobiscum fuerat quam nostro more locutura? Et hoc quidem de communis loquendi consuetudine pervicacibus turbulentisque responderim.

CAPUT VIII.—Ceterum qui huc non litigiose, sed placide ac fideliter querunt, accedant ad Jesum, non carne, sed corde; non corporis presentia, sed fidei potentia, sicut ille centurio: tunc melius quid Mattheus dixerit sentent. Talibus enim dicitur in Psalmo: *Accedite ad eum, et illuminamini; et vultus vestri non erubescet* (*Psal. xxxiii, 6*). Unde centurio ille ad Christum magis accesserat, enjus fidem ita laudavit, quam illi ipsi per quos verba sua misit. Huic rei simile est etiam illud quod Dominus ait, *Tetigit me aliquis;* quando mulier que fluxum sanguinis percibebatur, tangens simbriam vestimenti ejus, salva facta est. Hoc enim mirabiliter discipulis suis dicere videbatur, *Quis me tetigit?* et, *Tetigit me aliquis;* cum eum turba comprimeret. Denique hoc ei responderunt: *Turbæ te comprimunt, et dicas, Quis me tetigit?* (*Luc. viii, 45-46*)? Quemadmodum ergo illi premebant, sed illa tetigit; sic illi missi erant ad Christum, sed Centurio magis accessit. Ita Mattheus et morem non usque adeo inutile locutionis servavit, et mystice aliquid intimavit: Lucas autem ei hoc ipsum quemadmodum gestum esset ostendit, ut hinc adverte cogeremur, illud Mattheus quemadmodum dixerit. Vellem sane ut aliquis istorum vanorum, qui hujusmodi questiones quasi magnas calumnose objiciunt Evangelio, narraret aliquid idem ipse bis numero, non falsum nec fallaciter, sed omnino id volens intimare et exponere, et stilo exciperentur verba ejus eaque recitarentur; utrum non aliquid plus minusve diceret, aut præpostero ordine, non verborum tantum, sed etiam rerum; aut utrum non aliquid ex sua sententia diceret, tanquam aliud dixerit, quod cum dixisse non audierit, sed voluisse atque sensisse plane cognoverit; aut utrum non aliqui-

¹ Sola editio Lov., plenam.

jus breviter complectetur sententiae veritatem, cuius rei antea quasi expressius articulos explicasset: et si quid est aliud quod fortas e possit certis regulis comprehendendi, quomodo fiat ut vel in duorum singulis ejusdem rei narrationibus, vel in duabus unius ex una eademque re, multa diversa inveniantur, nulla tamen adversa; et multa varia, nulla contraria. Sic solvuntur omnia de quibus sibi isti miseri collum ligant, ut spiritum sui erroris intus teneant, et nullum extrinsecus salutis admittant.

CAPUT IX. — Quapropter, post omnes Fausti columnas refutatas, duxerat horum ejus capitulorum quibus hoc opere, quantum Dominus adjuvare dignatus est, sufficienter, ut arbitror, prolixaque respondi; breviter vos admoneo, qui illo tam nefando et execrabilis errore tenemini, ut si auctoritatem Scripturarum omnibus preferendam sequi vultis, eam sequamini quae ab ipsis praesentie Christi temporibus per dispensationes Apostolorum, et cer-

tas ab eorum sedibus successiones episcoporum, usque ad haec tempora toto orbis terrarum custodit, commendata, clarificate pervenit. Ibi enim videbitis etiam Veteris Testamenti et obscurae revelari, et predicta compleri. Si autem quasi ratione movemini; primum cogitatis quinam sitis, quam minus idonei ad comprehendendam naturam, non dicam Dei, sed animae vestrae: comprehendendam sane, quemadmodum velle aut volunt e vos dicitis, certissima ratione, non vanissima credulitate: quod cum minime potueritis (sine dubio enim quondam tales esitis, nullo modo potueritis), illud saltem quod omni humano meati est naturaliter insitum, si modo id perverse opinonis pravitate non turbetur, Dei naturam atque substantiam incommutabilem omnino, omnino incorruptibilem cogitate, vel credite, et manichei continuo non eritis, ut aliquando et catholici esse possitis.

⁹ Am. Er. et plerique MSS., et ceteras.

IN SUBSEQUENTES DISPUTATIONES CONTRA FELICEM,

Vide lib. 2, cap. 8, Retractionum, tom. 1, col. 633, arterbis, Contra Manichæum, usque ad col. 634, terbis, Septimo idus decembris. M.

ADMONITIO.

Capitula

De iisdem contra Felicem disputationibus Possidius in Augustini Vita, cap. 16, scribit: « Cum quodam etiam Felice, de numero eorum quos Electos dieant iisdem Manichei, qu'que illi, pœnæ venerat enidem seminaturus errorem, publice in Hipponeensi ecclesia notariis excipientibus disputavit beatus Augustinus, populo astante; et post secundam vel tertiam collationem ille manichæus frustrata vacuitate et errore illius secte ad nostram conversus est fidem atque Ecclesiam, sicut eadem relecta docere poterit scriptura. » Ubi tres Possidius indicat habitas collationes, ea scilicet computata, quam sine notariis pridie Gestorum publicorum habuit cum Felice Augustinus: unde initio libri primi ait, « Hesterno die seis te dixisse quod possis defendere scripturas Manichei. » In priorem istam collationem respicit et illud quod dicit Felix, lib. 1, cap. 14: « Si mihi attuleris scripturas Manichei, quinque auctores quos tibi dixi. » Intelligi, « hesterno die dixi: » nam ipso die Gestorum nihil notatur de quinque illis auctoribus dictum ante a Felice.

Confer epistolam Augustini 79, presbytero enidam manicheo, quem nos in tomis secundi prefatione Felicem esse conjectabamus, scriptam. Ad hunc ipsum spectare videtur professio a Felice quidam, converso ex Manicheorum heresi, palam saepe de sibi notis Manicheis, quam in Appendix tomis quinti Annalium editis Baronius, descriptam ex Gervasiani Parisiensis collegii codice, in quo post librum de Heresibus ad Q'odvult-denni haec leguntur: « Ego Cresconius unus ex Manicheis scripsi, quia si discessero antequam Gesta subserbiantur, sic sim habendus ac si Manicheum non anathemaverim. Felix conversus ex Manicheis divi sub testificatione Dei, me omnia vera confiteari, de quo scio esse Manicheos vel Manicheas in partes Cesarienses, Mariam et Lampadiam uxorem Mercurii argentarii, cum quibus etiam Electum Eucharistum pariter oravimus, Cesariam et Lucillam filiam suam, Candidam que commemoratur Thipasse, Victorinam Hispanam, Simplicianum Antonini patrem, Paulum et sororem suam qui sunt Hippone, quas etiam per Mariam et Lampadiam scivi esse Manicheas. Hoc tantum scio: quod si aliud inventum fuerit me scire supra quam dixi, me reum ego ipse confiteor. »



S. AURELII AUGUSTINI

HIPPONENSIS EPISCOPI

DE ACTIS CUM FELICE MANICHÆO

Libri Duo ^(a).



LIBER PRIMUS.

ACTA PRIMÆ DIEI.

CAPUT PRIMUM. — Honorio Augusto sextum consule¹, septimo idus decembris, AUGUSTINUS episcopus Ecclesiae catholice Hipponensis regionum² dixit: Hesterno die scis te dixisse quod possis defendere scripturas Manichæi, et asserere quod veritatem habeant; si hoc placet tibi hodie facere, aut præsumis te posse, dic.

FELIX manichæus dixit: Ego me non nego dixisse defendere legem meam, si proferantur auctores legis meæ in medio.

Et cum Augustinus episcopus epistolam Manichæi, quam Fundamenti appellant, protulisset, dixit: Si legero ex hoc codice, quem me vides ferre, epistolam Manichæi quam Fundamenti appellatis, potes agnoscere an ipsa sit?

FEL. dixit: Agnoscō.

AUG. dixit: Accipe tu ipse, et lege.

Et cum accepisset codicem Felix, legit: *Manichæus apostolus Iesu Christi providentia Dei Patris. Hæc sunt salubria verba ex perenni ac vivo fonte, que quæ audierit et iisdem primitus crediderit, deinde quæ insinuata sunt custodierit, nunquam erit morti obnoxius, rerum aeterna et gloria vita fruetur. Nam profecto bonus est judicandus, qui hac divina instructus cognitione fuerit, per quam liberatus in sempiterna vita permanebit.*

AUG. episcopus dixit: Agnovisti certe epistolam Manichæi vestri?

FEL. dixit: Agnovi.

AUG. dixit: Proba nobis ergo quomodo Manichæus iste sit apostolus Iesu Christi. Non enim eum in Evangelio inter Apostolos legimus aliquando: et quis fuerit ordinatus in locum Judæ traditoris, novimus, id est sanctus Matthias (*Act. 1, 26*); et quis postea Domini voce de cœlo vocatus sit, hoc est Paulus apostolus (*Id. ix*), omnes recognoscunt. Istum ergo Manichæum proba nobis apostolum esse Christi, quod in capite epistole sue ausus est ponere.

CAPUT II. — FEL. dixit: Et Sanctitas tua mihi

ADMONITIO PP. BENEDICTINORVM.

Acta cum Felice emendavimus ad MSS. Victorinum, Floriacensem, Casalensem, ad varias lectiones trium Belgiorum, et ad editiones Am. et Fr., septies consule; reluctantibus omnibus MSS. et isthuc loco et in Retractationibus.

² Forte, Hipponensis regiorum.

³ Er. Lugd. et Ven. hic est Paulus apostolus. M.

probet quod in Evangelio scriptum est, Christo dicens: *Vado ad Patrem; et mittam vobis Spiritum sanctum paracletum, qui vos inducat in omnem veritatem* (*Joan. xvi, 13*). Hoc tu mihi extra scripturam istam proba esse scripturam Spiritus sancti, quod Christus promisit ubi omnis veritas reperiatur: et si invenero veritatem in aliis codicibus qui ad Manichæum non pertinent, et Christus illos tradidit: sic enim dictum est a Christo, quia Spiritus sanctus paracletus ipse in omnem veritatem inducit: secundum Christi sermonem ego scripturas Manichæi recuso.

AUG. dixit: Quoniam ergo tu probare non potuisti, quomodo sit Manichæus apostolus Christi, et exigis ut ego probem quomodo miserit Spiritum sanctum paracletum quem promisit, ut tunc respuas scripturas Manichæi, si inveneris impletam promissionem Christi præter scripturas Manichæi: quamvis prior ad interrogata mea respondere debueris, tamen ecce prior ipse respondeo, et ostendo tibi quando missus sit Spiritus sanctus quem Christus promisit. Et accedit ad Evangelium et ad Actus Apostolorum.

CAPUT III. — Et cum accepisset codicem Evangelii, recitavit: *Dum autem hæc loquuntur, Jesus stetit in medio eorum, et dixit eis: Pax vobis; ego sum, nolite timere. Et cum legeret, dixit: Hoc post resurrectionem. Et cum dixisset, legit: Conturbati vero et conterriti existimabant se spiritum videre. Et dixit eis: Quid turbati estis, et cogitationes ascendunt in corda vestra? Videete manus meas et pedes meos, quia ego ipse sum: palpate, et videete, quia spiritus carnem et ossa non habet, sicut me videtis habere. Et cum hæc dixisset, ostendit eis manus et pedes. Adhuc autem illis non creditibus, et mirantibus præ gaudio, dixit: Habetis hic aliquid quod manducetur? At illi obtulerunt ei partem pisces assi et favum mellis. Et cum manducasset coram eis, sumens reliquias dedit eis, et dixit ad eos: Hæc sunt verba quæ locutus sum ad vos, cum adhuc essem vobiscum, quoniam necesse est impleri omnia quæ scripta sunt in lege Moysi, et Prophetis, et Psalmis de me.*

^(a) Scriptum anno Christi 404, die 7 et 12 decembris.

Tunc aperuit illis sensum, ut intelligerent Scripturas : et dicit eis, Quoniam sic scriptum est, et sic oportebat Christum pati et resurgere a mortuis die tertio, et praedicari in nomine ejus penitentiam et remissionem peccatorum in omnes gentes, incipientibus ab Jerusalem. Vos autem estis testes horum. Et ego mittam promissum Patris mei in vos : vos autem sedete in civitate quoadusque induamini virtutem ex alto (Luc. xxiv, 36-49). Et cum reddidisset codicem Evangelii, accepit Actus Apostolorum, et dixit : Audivimus in Evangelio commemorasse Evangelistam sanctum promissionem Christi, quae est in Evangelio secundum Joannem, quem præsens Felix commemoravit. Ubi enim dixit Dominus, *Mitto vobis Spiritum sanctum paracletum* (Joan. xvi, 7), Joannes evangelista scripsit. Hoc autem quod modo legi, Lucas evangelista attestatus est, et consonuit veritati apostoli Iohannis. Videamus etiam quomodo perfectum est quod promisit Dominus, et quomodo impletum : ut cum fuerit ex canoniceis Libris sanctæ Ecclesiæ expressa impletio promissionis Domini, paracletum Spiritum sanctum alterum non queramus, ne in seductorum laqueos incurramus.

CAPUT IV.—Et recitavit ex Actibus Apostolorum : Primum quidem sermonem feci de omnibus, o Theophile, quæ cœpit Jesus facere et docere, in die quo Apostolos elegit per Spiritum sanctum, et præcepit prædicare Evangelium : quibus præbuit se vivum post passionem in multis argumentis dierum, visus eis dies quadraginta, et docens de regno Dei, et quomodo conversus est cum illis. Et præcepit eis ne discederent ab Jerosolymis, sed sustinerent pollicitationem Patris, quam audistis, inquit, ex ore meo; quoniam Joannes quidem baptizavit aqua, vos autem Spiritu sancto incipiens baptizari, quem et accepturi estis non post multos istos dies, usque ad Pentecosten. Illi ergo convenientes, interrogabant eum dicentes : Domine, si in hoc tempore præsentabis regnum Israel? Ille autem dixit : Nemo potest cognoscere tempus, quod Pater posuit in sua potestate ; sed accipietis virtutem Spiritus sancti supercendentem in vos, et eritis mihi testes apud Jerosolymam, et in tota Judæa et Samaria, et usque in totam terram. Cum hæc diceret, nubes suscepit eum, et sublatus est ab eis. Et quomodo contemplantes erant cum iret in cælum, ecce duo viri adstabani illis in ueste alba, qui dixerunt ad eos : Viri Galilæi, quid statis respicientes in cælum? Iste Jesus qui assumptus est in cælum a vobis, sic veniet quemadmodum vidistis eum euntem in cælum. Tunc reversi sunt Jerosolymam a monte qui vocatur Elæon, qui est juxta Jerosolymam, sabbati habens iter. Et cum introissent, ascenderunt in superiora, ubi habitabant Petrus et Joannes, Jacobus et Andreas, Philippus et Thomas, Bartholomæus et Matthæus, Jacobus Alphæi, et Simon Zelotes, et Judas Jacobi. Et erant perseverantes omnes unanimes in orationibus, cum mulieribus, et Maria quæ fuerat mater Jesu, et fratribus ejus. Et in diebus illis exsurrexit Petrus in medio discentium¹, et dixit (fuit autem turba in uno, hominum quasi centum

¹ Editi, in medio fratrum. At MSS., discentium. Graece est, *mathēton*.

PATROL. XLII.

tiginti) : Viri fratres, oportet adimpleri scripturam istam, quam prædictis Spiritus sanctus ore sancti David de Iuda, qui fuit deductor illorum qui comprehenderunt Jesum, quoniam annumeratus erat inter nos, qui habuit sortem hujus ministerii. Hic ergo possedit agrum de mercede iustitiae suæ, et collum sibi alligavit, et dejecitus in faciem, disruptus est medius, et effusa sunt omnia viscera ejus. Quod et cognitum factum est omnibus qui inhabitabant Jerosolymam, ita ut vocaretur ager ille ipsorum lingua Aceldemach, id est, ager sanguinis. Scriptum est enim in libro Psalmorum : Fiat villa ejus deserta, et non sit qui inhabitet in ea, et episcopatum ejus accipiat alter. Oportet itaque ex his viris qui convernunt nobiscum in omni tempore quo introivit super nos¹ et excessit Dominus Jesus Christus, incipiens a baptismo Joannis usque in illum diem quo assumptus est a nobis, testem resurrectionis ejus nobiscum esse. Et statuit duos, Joseph qui vocabatur Barsabas, qui et Iustus, et Matthiam. Et precatus dixit : Tu, Domine, cordium omnium intellector, ostende ex his duobus quem elegisti ad suscipiendum locum hujus ministerii et annuntiationis, a qua excessit Judas ambulare in locum suum. Et dederunt sortes suas², et cecidit sors super Matthiam, et simul deputatus est cum undecim Apostolis duodecimus. Et cum legisset, dixit : Audivimus quis ordinatus est in locum Judæ traditoris, quod paulo ante commemoravi, ne quisquam per fraudem irrepat in Apostolorum numerum, et nomine apostolatus fallat ignaros.

CAPUT V.—Nunc videamus quod promisimus, quomodo impleta sit Christi promissio de Spiritu sancto. Et cum dixisset, legit in loco : Tempore quo suppletus est dies Pentecostes, fuerunt omnes simul in uno. Et factus est subito sonus de cœlo, quasi ferretur flatus vehemens, et implevit totam illam domum, in qua erant sedentes. Et visus sunt illis linguae divisæ quasi ignis, qui et insedit super unumquemque eorum. Et impleti sunt omnes Spiritu sancto, et cœperunt loqui variis linguis, quomodo Spiritus dabat eis pronuntiare. Jerosolymis autem fuerunt habitatores Judæi, homines ex omni natione quæ est sub cœlo. Et cum facta esset vox, collecta est turba et confusa, quoniam audiebat unusquisque suo sermone et suis linguis loquentes eos. Stupabant autem et admirabantur, ad invicem dicentes : Nonne omnes qui loquuntur, natione sunt Galilæi? Et quomodo agnoscimus in illis sermonem in quo nati sumus? Parthi, et Medi, et Elamitiæ, et qui habitant Mesopotamiam, Judæam et Cappadociam³, Pontum et Asiam, Phrygiæ et Pamphyliam, Ægyptum et partes Libyæ quæ est circa Cyrenen, et qui ad venerant Romani, Judæique et Proselyti, Cretenses et Arabes, audiebant loquentes illos suis linguis magnalia Dei (Act. 1-II, 11). Et cum recitaret, dixit : Audisti nunc jam Spiritum sanctum, quomodo sit missus? Quod a me

¹ Editi, inter nos. At MSS., super nos. Juxta Græcum, *eph'ā mēs*.

² Addidimus, *suis*, ex MSS. In græco est, *autōn*.

³ Editi ferebant, *armeniam et Cappadociam*. Emendantur ex MSS., qui istiūc græco et latino textū vulgatae consonant.

(Dix-sept.)

exegisti probavi; superest ut et tu facias quod promisi: quoniam invenimus quando misit Spiritum sanctum, quem promisit; respucas illam scripturam, quæ sub nomine Spiritus sancti fraudare voluit vel lectorem vel auditorem.

CAPUT VI. — FEL. dixit: Ego non nego id quod dixi, quia cum probatum mihi fuerit quod Spiritus sanctus docuerit veritatem quam quæro, illam respuo. Hoc enim Sanctitas tua mihi legit, ubi Spiritum sanctum Apostoli acceperunt, et in ipsis Apostolis unum quæro qui me doceat de initio, de medio, et de fine.

AUG. dixit: Si legeris hoc dixisse Dominum, Mitto vobis Spiritum sanctum, qui doceat vos initium, medium et finem; bene me astringis ut ostendam quos docuerit Spiritus sanctus.

FEL. dixit: Quia sanctitas tua hoc dicit, quod Apostoli ipsi acceperunt Spiritum sanctum paracletum; iterum dico, de Apostolis ipsis quem volueris, doceat me quod me Manichæus docuit, aut ipsius doctrinam evacuet de duodecim quem volueris.

AUG. dixit: Absit longe a fide Apostolorum¹, ut doctrinam doceant sacrilegi Manichæi. Sed quoniam dicis unum ipsorum debere evacuare doctrinam Manichæi, modo autem sancti Apostoli non sunt in corpore; ego minimus, non solum omnium Apostolorum, sed omnium episcoporum, (nam ad merita Apostolorum quando aspiro?) quantum mihi Dominus de ipso Spiritu suo largiri dignatus est, evacuo doctrinam Manichæi, cum cœperint legi sequentia illius epistolæ, quam tu ipse Manichæi esse non negas.

FEL. dixit: Dixisti quia Apostoli de corpore recesserunt, scripturæ eorum valent usque nunc: et quia dixit Sanctitas tua, et quia dedisti potestatem dicendi quæ voluerimus sine ulla formidine, dixisti, Evacuo legem Manichæi: et ego dico, *Omnis homo mendax, solus Deus verax* (*Psal. cxv, 2; Rom. iii, 4*); Scripturæ Dei loquuntur.

CAPUT VII. — AUG. dixit: Tu quidem et homo es, et sicut res ipsa modo indicatura est, mendax. Et quoniam locutus es quæ voluisti, non de Scriptura Dei; oportet et me loqui quod volo. Si enim veritas est Manichæi tui, nec a me destrui poterit: si falsitas est, quid interest a quo destruatur? Tamen quia de Apostolorum scriptura dixisti, quod etsi illi non sint in corpore, sunt hic scripturæ eorum: ante assumpti suat Apostoli, quam error Manichæi natus in mundo fuerat; propterea non inveniuntur scripturæ Apostolorum evidenter contra Manichæum disserentes. Verumtamen quod apostolus Paulus in Spiritu isto sancto paracleto quem acceperat, futuri præviderit de talibus, qualis Manichæus fuit, quales estis et vos, recito ut agnoscas. Et accepta Epistola apostoli Pauli ad Timotheum legit: *Spiritus autem manifeste dicit quia in novissimis temporibus re-*

cedent quidam a fide, attendentes spiritibus seductoribus, doctrinis dæmoniorum in hypocrisi mendacio quorum, cauteriatam habentes conscientiam suam; prohibentes nubere, abstinere a cibis quos Deus creavit ad percipiendum cum gratiarum actione fidelibus, et tis qui cognoverunt veritatem: quia omnis creatura Dei bona est, et nihil abiciendum quod cum gratiarum actione percipitur; sanctificatur enim per verbum Dei et orationem. Hæc præcipiens fratribus, bonus eris minister Jesu Christi (I Tim. iv, 1-6). Et cum legeret, dixit: Ego hoc de vobis, et de talibus qui dicunt aliquam creaturam Dei immundam esse, et qui dicunt omnem concubitum et qui sit cum uxore, fornicationem esse; hoc est enim quod ait, Prohibentes nuptias; per Spiritum prophetæ designatum et expressum esse dico. Tu autem si negas omnem concubitum fornicationem esse, aut si dicis omnem cibum humanum licitum et ad edendum concessum hominibus, mundum esse, non es de illis quos prophetavit Apostolus. Si autem inveniris in iis quæ dixi, ecce habes apostolum Paulum destruenter et evanquenter doctrinam Manichæi futuri. Itaque responde ad id quod interrogo: Omnis concubitus fornicatio est, an concubitus cum uxore non est peccatum?

CAPUT VIII. — FEL. dixit: Iterum mihi recitatetur quod dixit Apostolus. Et recitatum est: *Spiritus autem manifeste dicit*, et cætera quæ supra sunt. FEL. dixit: Manichæus non a fide recessit, sicut dicit Paulus, sicut cæteri recesserunt a fide quasi in sectam suam: Manichæus autem a nulla secta recessit, ut dicatur quia a fide recessit.

AUG. dixit: Quoniam te video nolle respondere ad quod interrogaris, ne inveniaris vel non tenere Spiritum sanctum, quem jam probavimus missum esse Apostolis, vel non esse in eorum numero quos futuros Paulus designavit, ubi et vos ipsos prophetavit; breviter respondeo: Ut secundum tuum intellectum accipiam quod dixisti, Recedent a fide: quia non recedunt a fide, nisi illi qui furunt in aliqua fide; Manichæus autem in nulla fide fuit a qua recésserit, sed in qua fuit in ea permanxit: hoc te interrogo, utrum Manichæus, vel potius doctrina dæmoniorum mendacio quæ fuit in Manichæo, nullos Christianos catholicos seduxerit, ut recederent a fide. Si enim multi a vobis, et per vos, et per illam doctrinam seducuntur, ut recedant a fide, et intendant spiritibus seductoribus, qualis in Manichæo fuit; et incipiant dicere omnem concubitum esse fornicationem, unde Apostolus dicit, Prohibentes nuptias; et incipiant dicere, carnes quas comedunt homines, non esse Dei creaturam, sed dæmonium facturam, et esse immunditiam, manifestum est de his prædixisse Spiritum sanctum paracletum qui erat in apostolo Paulo, quod recessi erant a fide, intendentes spiritibus seductoribus, qualis fuit in Manichæo. Jam ergo quia ego respondi, justum est ut tu respondeas ad quod interrogavi, utrum non dicas omnem concubitum esse fornicationem: aut si ad hoc non vis respondere, ad id quod primo interrogavi responde, ut probes Mani-

¹ vox, apostolorum, abest a manuscriptis.

chæum esse apostolum Christi : ant si et hoc non vis , permitte me evanescere doctrinam ipsius , quod promisi cum legeretur epistola ejus, quam dicitis Fundamenti.

CAPUT IX. — FEL. dixit : Ego respondeo ad id quod dicit Sanctitas tua, quia in Paulo venit Spiritus sanctus paracletus.

AUG. dixit : Non in solo.

FEL. dixit : Ego de ipso ago : quia si in ipso¹, et in omnes. Et si in ipso : Paulus enim in altera Epistola dicit : *Ex parte scimus, et ex parte prophetamus : cum venerit autem quod perfectum est, abolebuntur ea quæ ex parte dicta sunt* (I Cor. xiii, 9, 10). Nos audientes Paulum hoc dicere , venit Manichæus cum prædicatione sua , et suscepimus eum secundum quod Christus dixit, *Mitto vobis Spiritum sanctum* (Joan. xvi, 7). Et Paulus venit et dixit quia et ipse venturus est, et postea nemo venit ; ideo suscepimus Manichæum. Et quia venit Manichæus, et per suam prædicationem docuit nos initium , medium et finem : docuit nos de fabrica mundi , quare facta est, et unde facta est , et qui fecerunt ; docuit nos quare dies et quare nox ; docuit nos de cursu solis et lunæ : quia hoc in Paulo non audivimus , nec in cæterorum Apostolorum scripturis : hoc credimus, quia ipse est Paracletus. Itaque illud iterum dico, quod superius dixi : si audiero in altera scriptura , ubi Paracletus loquitur, id est , Spiritus sanctus , de quo voluero interrogare, et docueris me; credo et renunio.

CAPUT X. — AUG. dixit : Dicis te ideo non credere Spiritum sanctum paracletum in Paulo apostolo fuisse, quia Paulus dicit, *Ex parte enim scimus, et ex parte prophetamus* : cf inde putas Apostolum per hæc verba prædixisse velut alium venturum post se, qui prædicaret omnia quæ ipse non potuit, quia ex parte dicebat ; et hunc tu credis esse Manichæum. Primo ergo, ex ipsa lectione Apostoli ostendo unde dicebat hoc Apostolus. Deinde, quia dixisti quod Manichæus vos docuerit initium , medium et finem, et quomodo vel quare factus sit mundus, de cursu solis et lunæ , et de aliis quæ commemorasti ; non legitur in Evangelio Dominum dixisse, *Mitto vobis Paracletum qui vos doceat de cursu solis et lunæ*. Christianos enim facere volebat , non mathematicos. Sufficit autem ut homines de his rebus, quantum in schola didicerunt , noverint propter humanos usus. Christus autem venturum Paracletum dixit, qui inducat in omnem veritatem : sed non ibi ait, *Initium , medium et finem*; non ait, *Solis et lunæ cursus*. Aut si putas hanc doctrinam ad illam veritatem pertinere, quam per Spiritum sanctum Christus promisit , interrogo te quot sint stellæ. Si accepisti Spiritum illum, de quo dicens, ad quem pertinet docere ista , quæ ego dico ad disciplinam et doctrinam christianam non pertinere ; oportet ut renunties et respondeas mihi. Debitorem enim te fecisti, ut si quid de talibus interrogavero, si non responderis, non in te appareat Spiritus ille, de quo dictum est, *Inducet in omnem veritatem* (Joan. xvi, 15);

¹ MSS., *quia et in ipso*.

si illa est veritas quo ista pertinent. Itaque elige tibi utrum velis et paratus sis mihi de his rebus respondere, tanquam homo qui accepisti Spiritum qui introducit in omnem veritatem, et dicas quia ad ipsam veritatem pertinet scire ista mundana. Itaque ego tibi possum ea dicere quæ pertinent ad doctrinam christianam : tu autem qui putas ad eam pertinere quomodo sit factus mundus, et quæ agantur in mundo, ad omnia mihi necesse est respondeas. Sed plane cum responderis , probaturus es. Sed antequam incipias dicere , si forte habes quod ille confinxerit, quem secutus es , doceam ego prius quod promisi , unde dicebat Apostolus , *Ex parte scimus, et ex parte prophetamus*.

CAPUT XI. — Dicebat enim, sicut lectio ipsa mox indicatura est, quia in ista vita homo cum est, non potest assequi omnia; sed ex parte assequitur in hac vita : ipse autem Spiritus sanctus , qui ex parte docet in hac vita, post hanc vitam introducit in omnem veritatem. Quod ut apertissime doceatur, audi Apostolus. Et cum diceret, ex Apostolo legit : *Sive autem prophetæ evacuabuntur, sive linguae cessabunt, sive scientia evacuabitur : ex parte enim scimus, et ex parte prophetamus ; cum autem venerit quod perfectum est, quod ex parte est evacuabitur. Cum essem parvulus , loquebar ut parvulus, sapiebam quasi parvulus, cogitabam quasi parvulus : cum autem factus sum vir, evacuavi ea quæ parvuli erant*. Videmus enim nunc per speculum in ænigmate, tunc autem facie ad faciem (I Cor. xiii, 8-12). Et cum legeret, dixit : Jam dic mihi tu , si tempora futura Manichæi prædicebat Apostolus, utrum tu videas modo Deum facie ad faciem.

CAPUT XII. — FEL. dixit : Non tantum ego possum contra tuam virtutem, quia mira virtus est gradus episcopalis ; deinde contra leges imperatorum : et superius petivi compendive² ut doceas me quid est veritas ; et si docueris me quid est veritas, patet quod teneo mendacium esse.

AUG. dixit : Apparuit te probare non potuisse apostolum Christi esse Manichæum : quare autem non potueris, breviter expono. Dixisti inde te probare Manichæum esse apostolum Christi , quia paracletum venturum promisit Christus Spiritum sanctum : et quia non invenires quando venerit quem Christus promisit, hinc te credere ipsum esse Manichæum. At vero ubi probavi per Scripturas sanctas, ecclesiasticas , canonicas , quando venerit apertissime Spiritus sanctus , quem venturum promisit Dominus Christus, convertisti te, ut dices, debere tibi ostendi quid docuerit , et utrum Manichæi doctrinam evanesceret. Cum ergo respondissem Manichæum post Apostolos fuisse in carne ; illorum autem doctrinam , antequam Manichæus natus esset, ab ipsis fuisse prædictam : dixi tamen unum ipsorum Apostolorum Paulum per Spiritum sanctum, qui in omnes Apostolos venerat , prophetasse etiam de ista vestra doctrina, quia futura erat, et eam appellasse doctrinam dæmoniorum mendaciorum ; ubi ostendi ea , quæ dixit Paulus fu-

² Lugd. et Ven., contendit. M.

ura in ipsa doctrina, ad vestram professionem pertinere, id est, probationem nuptiarum; quia omnem concubitum, et cum uxore, fornicationem esse dicitis: et abstinentiam a cibis quos Deus creavit; quia novi vos quosdam cibos dicere immundos, cum ipse sequatur et dicat, *Omnis creatura Dei bona est* (*I Tim. iv, 4-4*). Cum hic a te exigerem ut responderes, dixisti Manichæum vos docere initium, medium et finem, et cursum solis et lunæ, et cætera talia, quæ cum ego ostenderem ad christianam doctrinam non pertinere; respondisti apostolum ipsum Paulum dixisse, quia ex parte scit et ex parte prophetat. Dixi nos non posse scire divina, cum sumus in hac vita; et hic videre per speculum et in ænigmate, tunc autem facie ad faciem: et quæsivi a te, si hoc putas dixisse apostolum Paulum, quod venturus esset Manichæus, qui doceret quod non poterat Paulus, pertinere ad te, qui te dicas accepisse ipsum Spiritum, videre modo Deum facie ad faciem. Quod quia non potes, manifestum est apostolum Paulum de illa vita dixisse, de qua dicit et Joannes: *Dilectissimi, filii Dei sumus, et nondum apparuit quid erimus: scimus autem quia cum apparuerit, similes ei erimus; quoniam videbimus eum sicuti est* (*I Joan. iii, 3*). Hoc tu cum audisses, dixisti te non valere contra meam virtutem: quæ virtus mea non est, sed si aliqua est, ab illo mali data est ad redarguendos errores, qui virtus est omnium fidelium suorum, et pleno corde de se præsumendum. Dixisti etiam quod te episcopalis terreat auctoritas: cum videas quanta pace inter nos agamus, quanta tranquillitate disputemus; quemadmodum populus præsens nullam tibi vim faciat, nullum terrorum incutiat, sed tranquilliissimus audiat, sicut decet Christianos. Dixisti etiam timere te leges imperatorum: hoc pro vera fide non timeret, quem Spiritus sanctus impleret: nam et Petrus apostolus in passione Domini timuit, et ter negavit; ubi autem eum paracletus, quem Christus promiserat, Spiritus sanctus implevit, pro fide Domini crucifixus est; et iste qui primo habuit negationem timoris, postea implevit glorioissimam passionem confessionis. Tu itaque ex hoc ipso quod timere te dixisti leges Imperatorum, quanvis et de cæteris rebus, satis appetet, quod non inveneris Spiritum paracletum veritatis: quia et si non timeres, aliis rebus convinceris.

FEL. dixit: Et Apostoli timerunt.

ACC. dixit: Timuerunt ut caverent, non ut fidem suam comprehensi edicere dubitarent. Tu autem jam hinc timere debuisti, ut non hic te inveniremus: jam in medio es; quare times, nisi quia quod dicas non habes? Nam et si Imperatores timerisses, ante tecum. Nunc vero cum hesterno die libellum Curatori dederis, et publice clamitaveris, cum codicibus tuis te paratum esse incendi, si aliquid mali in ipsis fuerit inventum; unde heri leges flagitabas quasi fortis, hodie veritatem fugis ut timidis.

CAPUT XIII. — FEL. dixit: Non veritatem fugio.

ACC. dixit: Dic ergo, si vides Deum facie ad faciem, secundum pollicitationem tuam; quia dixisti

apostolum Paulum de vobis dixisse quia tam plenam veritatem accepturi essetis: ut intelligamus, vel credamus, Apostolum habuisse ex parte, et te totum.

FEL. dixit: Non veritatem fugio, sed veritatem quero. Quod tu dicas, quia non teneo, probetur mihi per Scripturas deicas: hoc quero jam.

AUG. dixit: Prius proflitere te non potuisse probare Manichæum apostolum Jesu Christi: et quantum potuero, cum omnia extirpata fuerint contraria de corde tuo per ministerium meum, donante Domino, insero tibi quæ scit¹ scientia veritatis, quæ perducat ad Deum, initians a fide.

FEL. dixit: Quia hoc dicas tu, ut legem meam negem, et accipiam alteram, meliorem duntaxat, quod quero ego; non hoc respondeo, ut legem meam negem antequam alteram accipiam.

AUG. dixit: Sed prius de vase funditur quod adversum habet, et sic impletur quod bonum est: aut si adhuc dubitas fundere, defende quo plenus es. Ostendam enim tibi, quantum me Dominus adjuvat, quanta immunditia et blasphemias plena sit doctrina Manichæi, si permittas ut legatur illa epistola, de cuius initio jam tractavimus, et non potuisti probare apostolum Christi esse Manichæum: sed ideo moras innectis, ne cætera legantur, ubi aperte vestra sacrilegia deprehenduntur; aut si permittis, legantur.

FEL. dixit: Permitto; quia dixisti omnia immunda fundi, et sic bona immitti: hoc enim dictum est Sanctitatis tuæ. Ad quod et ego dico: Nullus aquam fundit, nisi alter impleverit.

AUG. dixit: Hoc vides quam inconsiderate dixeris, ut mitius loquar, et non dicam insane. Utique de vase tibi similitudinem posui: in vas plenum nemo potest aliquid mittere, nisi fundatur illud quo plenum erat.

FEL. dixit: Unum dixisti, et ego dixi duo.

AUG. dixit: Si duo vasa dixisti, vis illum parem fundimus et implemus illum (a), ut possis tu fundere quod habes?

FEL. dixit: Ambo unam aquam habemus.

AUG. dixit: Cum ergo ambo pleni sitis aqua vestra, quid implebimus, ut doceamus vos, nisi aliquis vestrum fuderit quod habet? Aut si bonum est, et ideo debet teneri ut defendatur et legatur illa epistola, videamus si vel cætera possunt defendi, si in ipso initio defecisti: aut si dicas te in illo non defecisse, proba nobis quomodo Manichæus sit apostolus Christi.

CAPUT XIV. — FEL. dixit: Christus dixit, Spiritum sanctum missurum se, qui in omnem veritatem inducat.

AUG. dixit: Si habes illum, attende ad id quod te jamdudum interrogavi. Dixisti enim ad ipsius doctrinam pertinere, etiam ista mundana cognoscere: dic mihi quod sunt stellæ, si introductus es in istam omnem veritatem.

¹ Er. Lugd. et Ven., *infuso tibi quæ sit. Lov.*, *infuso tibi quæ scit. M.*

(a) illum forte Felicis parem vocat Cresconium, cuius verba retulimus supra, in Admonitione hisce Actis præfixa.

FEL. dixit : Et ego dico, quia si Paracletus per Apostolos locutus est, et per Paulum : et ego puto Sanctitatem tuam, ut illa mihi ostendas quæ jam dixi.

AUC. dixit : Confistere te non potuisse ostendere quod ego interrogavi, et ostendam secundum Scripturas quod pertineat ad fidem christianam.

FEL. dixit : Et ego, si mihi attuleris scripturas Manichæi, quinque auctores quos tibi dixi, quidquid me interrogaveris, probo tibi.

AUG. dixit : De ipsis quinque auctoribus est ista epistola, cuius aperimus principium, et invenimus ibi scriptum, *Manichæus apostolus Jesu Christi* : et video quia ipsum principium non mihi exponis, quia non probas quomodo Manichæus sit apostolus Jesu Christi.

FEL. dixit : Si in ista non probo, in secundo probo.

AUG. dixit : In quo secundo ?

FEL. dixit : In Thesauro.

AUG. dixit : Thesaurum istum, quem ideo tali nomine appellatis, ut miseros seducatis, quis scripsit ? Manichæus ? Nolo mihi ab illo probes : quia ille Manichæus mentitur, dicendo se esse quod non est ¹.

FEL. dixit : Tu proba mihi per alterum.

AUG. dixit : Quid vis tibi probem ?

FEL. dixit : Quia mentitur Manichæus.

AUG. dixit : Quia tu non potes probare verum dicere Manichæum, oportet ut ego probem mentitum esse Manichæum ?

FEL. dixit : Quare non potui probare ? Numquid prolatæ sunt scripturæ quas ego petivi, et non probavi ?

AUG. dixit : Sed scripturas Manichæi petis, quibus fidem non habemus : aliunde proba. Ego autem de ipsa scriptura Manichæi tibi probo mentitum esse Manichæum, et blasphemasse Manichæum.

FEL. dixit : Afferantur libri.

AUG. dixit : Præsens est epistola Manichæi, quam dicitis Fundamenti. Initium in aedificio nullum est, nisi fundamentum : si eum ostendero in ipso fundamento ruinam fecisse, ceteram ejus constructionem utquid querimus ?

CAPUT XV. — **FEL.** dixit : Hoc dicas, in ipsa ostendens ruinam esse ² : et ego dico, da arbitros quantos et tu habes, et tibi probo quia non mentitur.

AUG. dixit : Absit a nobis et a genere humano ut quantos hic vides, tantos videas Manichæos.

FEL. dixit : Da, dixi, quæ a te petivi.

AUG. dixit : Quos vis ergo ut dem tibi ?

FEL. dixit : Quos tu volueris.

AUG. dixit : Ego istos do ; si habes meliores, pete.

¹ Lov., si in isto. Cæteri libri, si in ista : subaudi, epistola Fundamenti.

² Fr. Lugd. et Ven. sic exhibent hunc locum : **AUG.** dixit : Thesaurum istum quem ideo tali nomine appellatis, ut miseris seducatis, quis scripsit ? **FEL.** dixit : Manichæus. **AUG.** dixit : Nolo nulli ab illo probes, quia Manichæus mentitur dicendo se esse quod non est. M.

³ Sic MSS. At editi, ostende in ipsa ruinam esse.

FEL. dixit : Quomodo istos das ?

AUG. dixit : Præsentes qui nos audiunt.

FEL. dixit : Isti mihi non favent.

AUG. dixit : Ergo ju tales quæreris qui tibi saveant, non qui veritati ?

FEL. dixit : Qui me audiant, et non tantum me, sed et ipsam scripturam, ut probetur an verum dicit, au-mentitur.

AUG. dixit : Vides ergo quia adjunt. Legamus. cætera : quia tu istam epistolam Manichæi esse confessus es.

FEL. dixit : Non nego.

AUG. dixit : Ergo legatur.

CAPUT XVI. — **FEL.** dixit : Arbitros non habeo. Et adjecit : Legatur caput illius. Et cum legeretur, et ventum esset ad locum ubi scriptum habet eadem epistola, *Pax Dei invisibilis et veritatis notitia sit cum fratribus suis et charissimis, qui mandatis cœlestibus credunt pariter atque deserviunt : sed et dextera luminis tueatur et eripiat vos ab omni incursione maligna, et a laqueo mundi ; pietas vero Spiritus sancti intima vestri pectoris adaperiat, ut ipsis oculis videatis vestras animas*; Felix dixit : Da scripturam quæ ista redarguat.

AUG. dixit : Adhuc nihil mali audivimus, nisi quod ausus est Manichæus apostolum Christi se nominare. Nam ea quæ dixit, adhuc ad tectorium fallacie pertinent, et ad ovinam pellem, quibus eis prius dicitur verba bona, ut possit introducere mala. Sed quid velit per hæc verba introducere, videamus. Si enim aliquid mali introduxerit, et ista verba mala eruat et seductoria : si autem aliquid boni in posteriobus et veri dixerit, necessitate comprehendemus ⁴. Permitte ergo legantur sequentia.

FEL. dixit : Si ergo asseris quia in primo bona ponuntur, et postea mala immittuntur, quomodo ego tibi possum credere, cum mihi primo bona dixeris ?

AUG. dixit : Ego adhuc ista nec bona dixi, nec mala. Nihil mali adhuc audivimus, dixi : non dixi, Jam aliquid boni audivimus. Malum enim illud solum dixi, quod ausus est dicere se apostolum Christi. Verba vero quæ dixit in consequentibus, tunc erunt mala, si mali aliquid introduixerint ; tunc erunt bona, si boni aliquid introduixerint. Permitte ergo ut sequentia legantur : quare times ?

FEL. dixit : Non timeo.

AUG. dixit : Permitte ergo ut legantur.

FEL. dixit : Legantur.

CAPUT XVII. — Et cum legeretur, et ventum esset ad locum ubi scriptum habet, *Ita autem fundata sunt ejusdem splendidissima regna supra lucidam et beatam terram, ut a nullo unquam aut moveri aut concuti possint* ; Augustinus dixit : Terram istam quam dicit, unde habebat ? Fecit eam, an genuit eam, an æqualis et coæterna illi erat ? Istam dico terram lucidam et beatam quam dicit.

⁴ In MSS., reprehendimur.

FEL. dixit : Quomodo scriptum est, *In principio fecit Deus cœlum et terram, et terra erat invisibilis et coquinabilis et incomposita?* Ego ita intelligo : In principio fecit Deus cœlum et terram, et terra erat : quasi duæ terræ mihi videntur esse, secundum quod Manichæus dicit duo regna.

AUG. dixit : Quia Scripturam commemorasti nostram, quam soletis blasphemare, ad me pertinet expondere illam, et ostendere tibi, sine blasphemia esse illud scriptum, et cum veritate et non secundum Manichæum ; ut deinde tu vel in secundis mihi respondeas quod interrogavi.

FEL. dixit : Respondeo.

AUG. dixit : Quod scriptum est, *In principio fecit Deus cœlum et terram*; breviter complexa est Scriptura quid fecerit Deus. Deinde quia nondum apparet hæc terra quam fecerat, antequam eam distingueret et ornaret, qualem terram fecerat Deus, secuta Scriptura exposuit, qualis terra erat de qua dixerat, *In principio fecit Deus cœlum et terram* : tanquam cum audissemus, *In principio fecit Deus cœlum et terram*, quereremus, qualem terram, subiecti et ait, *Terra autem, id est, illa quam fecerat Deus, invisibilis erat et incomposita* (*Gen. i, 4, 2*). Non ergo duas terras dixit, sed qualis illa fuerit exposuit. Tu itaque responde nunc mihi quod breviter interrogavi : Terra ista lucida et beata quam dicit Manichæus, supra quam fundata erant regna Dei, ab ipso Deo facta erat, an generata de illo erat, an coæterna illi erat ? Unum de tribus, nisi molestum est, sine tergiversatione responde.

FEL. dixit : Ipsa se scriptura interpretatur.

AUG. dixit : Si ergo nosti esse hic aliquem locum, ubi hoc dicat scriptura, quia illam terram vel genuit Deus, vel fecit, vel coæterna illi erat, aperi ad locum quem nosti, et lege mihi.

FEL. dixit : Non est in ista scriptura, sed in altera.

AUG. dixit : Credo ergo, quia si qua est illa scriptura, meministi quid ibi dixerit. Itaque tu mihi responde, qui nosti illam scripturam : et si dixeris quia non sic habet, convinces me. Si autem sic cognovero, secundum hoc disputo quod tu ipse responderis. Dic ergo an fecerit terram istam Deus, an generavit, an coæterna illi fuerit : qui legisti in nescio quo libro, ubi esse hoc scriptum dicis.

FEL. dixit : Quia modo Sanctitas tua interpretata est Scripturam tuam, quomodo voluisti et acceperavi, et tu sic mihi accepta quidquid dixeris.

AUG. dixit : Interim quod interrogavi, si nihil me contra moverit accepto : si autem aliquid moverit, motum meum indico tibi, ut ad ipsum respondeas.

FEL. dixit : Ego non respondi ad tua dicta.

AUG. dixit : Quia prius est ut mihi ad id quod interrogavi respondeas, tamen feci etiam ut tibi prior respondeas : forte non te movit, ideo non respondisti, forte et me non movebit, cum responderis. Responde ergo ad quod interrogavi.

CAPUT XVIII. — **FEL.** dixit : Respondeo. Et adjectit : Dixisti ergo de terra illa in qua Deus habitat, an facta est ab illo, an generavit illam, an coæterna illi est. Et ego dico, quia quomodo Deus æternus est, et factura apud illum nulla est, totum æternum est.

AUG. dixit : Non illam ergo genuit, neque fecit ?

FEL. dixit : Non, sed est illi coæterna.

AUG. dixit : Si autem genuisset illam, non illi esset coæterna.

FEL. dixit : Quod nascitur, finem habet : quod inatum, non habet finem.

AUG. dixit : Quibus ergo erat ille pater, aut cuius erat pater, quem modo patrem nominavit ? Si enim nihil genuerat, pater esse non poterat.

FEL. dixit : Sed sunt alia quæ generavit.

AUG. dixit : Illa ergo quæ generavit, non sunt illi coæterna, an et ipsa coæterna sunt ?

FEL. dixit : Coæterna sunt illi quidquid Deus generavit.

AUG. dixit : Ergo errasti, quod superius dixisti, *Omne quod nascitur, finem habet*.

FEL. dixit : Interim quia secundum generationem carnis locutus sum, erravi.

AUG. dixit : Modestissime confessus errorem, merearis intelligere veritatem.

FEL. dixit : Faciat Deus.

AUG. dixit : Attende ergo jam, ut incipias cognoscere errorem scripture hujus. Si quæ genuit Deus, coæterna non sunt illi, melior est terra illa quam non generavit Deus, ubi habitant omnia quæ generavit Deus, quam terram dicis ab eo non generatam.

FEL. dixit : Coæquantur sibi omnia, et quæ generavit, et quæ non generavit, id est, terra illa ubi commorabatur.

AUG. dixit : Quid, ipse qui generavit, æqualis est illis omnibus, aut major est illis ?

FEL. dixit : Et qui generavit, et quos generavit, et ubi positi sunt¹, omnia æqualia sunt.

AUG. dixit : Unius ergo substantiæ sunt ?

FEL. dixit : Unius.

AUG. dixit : Hoc quod est Deus pater, hoc sunt filii ipsius, hoc et terra illa ?

FEL. dixit : Hoc unum sunt omnes.

AUG. dixit : Hujus ergo terræ non est pater, sed inhabitator ?

FEL. dixit : Etiam.

AUG. dixit : Sic nec genuit illam, nec fecit illam, quomodo ad eum pertineat nisi sola vicinitate non video, quomodo si habeat aliquis vicinum lōnum : et duæ jam erunt res ambæ ingenitæ, terra et pater.

FEL. dixit : Imo tres sunt, pater ingenitus, terra ingenita, et aer ingenitus.

AUG. dixit : Hoc totum una substantia cst ?

FEL. dixit : Una.

AUG. dixit : Et ita fundata, ut a nullo unquam moveri aut concuti possit ?

¹ Apud Er. Luggd. Ven. Lov., postea sunt. M.

FEL. dixit : Motio et concussio habet distantiam.

AUG. dixit : Habeat : sed tamen talia fuerunt , ut a nullo unquam moveri aut concurti possent ?

FEL. dixit : Est distantia inter moveri et concurti.

AUG. dixit : Non inde te interrogo.

FEL. dixit : Sed inde me vis tenere.

AUG. dixit : Quomodo vis, accipe Moveri : non poterat moveri ?

FEL. dixit : Non dico quia non poterat moveri, sed motio distantia est.

AUG. dixit : Sed ita dixi, Nec moveri, nec concurti. Non dixi, Moveri quidem potest, sed concurti non potest ; aut, Concurti quidem potest, moveri non potest : sed ambas res dixi, non posse nec moveri, nec concurti.

FEL. dixit : De ambabus rebus distantia est inter moveri et concurti.

CAPUT XIX.—AUG. dixit : Legamus ergo sequentia, videamus si Deus iste qui fundata habebat regna super lucidam et beatam terram, quae a nullo unquam moveri et concurti possunt, neminem timuit, sicut oportebat ut neminem timeret, cuius regna sic fundata erant, ut a nullo aut moveri aut concurti posserit. Et legit sequentia : *Juxta unam vero partem ac latus illustris illius ac sanctae terrae.* Et cum legeret interrogavit : *Quod latus? dextrum, an sinistrum?*

FEL. dixit : Hanc tibi ego non possum interpretari scripturam, et exponere quod ibi non est : ipsa sibi interpres est ; ego non possum dicere, ne forte incurram in peccatum.

AUG. dixit : Legatur hoc ergo quod sequitur. Et cum legeret, et ventum esset ad locum ubi habet, *Lucis vero beatissimae Pater, sciens labem magnam ac vastitatem qua ex tenebris surgeret, adversus sua sancta imprendere saecula, nisi quod eximium ac praelarum et virtute potens numen opponat, quo supereret simul ac destruerit stirpem tenebrarum, qua existincta perpetua quies lucis incolis pararetur;* Augustinus dixit : Nunc jam quia coeperunt apertae blasphemiae, si defendendas putas, dic quid ista gens tenebrarum, quam videtur Deus timuisse, ne magna labes et vastitas ex tenebris in regna ejus irruerent, nocere poterat Deo ; maxime cuius regna superius dixit ita fundata, ut a nullo unquam moveri aut concurti possent. Quid ergo illi factura erat gens ista ? Poterat ei nocere, an non poterat ? Responde unum e duobus.

FEL. dixit : Ego respondeo : Si nihil contra Deum est, secundum quod dixit scriptura Manichaei, quia est alterum regnum ; pro qua causa Christus missus est, ut nos liberaret de laqueo mortis hujus ? cuius est iste laqueus et mors ? Si adversarius nullus contra Deum est, utquid baptizati sumus ? Utquid Eucharistia, utquid Christianitas, si contra Deum nihil est ?

AUG. dixit : Quia video te nolle respondere ad id quod te interrogo, et te interrogare ut tibi responderem ; et hoc non recuso : dum tamen memineris quia tibi interroganti ego respondeo, tu autem mihi

interroganti respondere noluisti. Sed quia me interrogasti, audi quod interrogasti. Nos quidem dicimus liberatorem Christum venisse, et a peccatis nostris dicimus nos liberari, quia nos non sumus de substantia Dei geniti, sed per ejus Verbum facti a Deo. Multum autem interest inter natum de substantia Dei, et factum a Deo quod non est de substantia Dei. Quidquid ergo fecit Deus, potest esse mutabile ; ipse autem Deus non est mutabilis : quia non possunt aequari opera artifici et conditori. Tu autem qui paulo ante ad interrogationem meam dixisti, quia et *Pater qui generavit ibi lucis filios, et aer, et ipsa terra, et ipsi filii una substantia sunt, et aequalia sunt omnia* ; oportet ut dicas mihi, huic substantiae utique incorruptibili quod modo poterat nocere gens tenebrarum. Si enim poterat nocere ei, non erat natura incorruptibilis : si autem non poterat, nulla causa erat quare praetulum agitare, et illud numen quod dicit, *huc mitteret.*

FEL. dixit : Dilationem peto, ut possim respondere.

AUG. dixit : Quando ? Cras intermissus sufficit ?

CAPUT XX. — FEL. dixit : Intermitte mibi tres dies, id est, hodie, et cras, et perendie, aut usque ad diem qui est post dominicum, id est, pridie idus decembries.

AUG. dixit : Video te dilationem ad respondendum petuisse ; humanum est ut concedatur tibi : sed si respondere non potueris ad præstitutum diem, quid fieri ?

FEL. dixit : Ero victus.

AUG. dixit : Quid, si fugeris ?

FEL. dixit : Reus ero civitatis hujus, et ubique, et legis meæ.

AUG. dixit : Imo hoc dic : Si fugero, sic habeo tanquam si anathemavero Manichæum.

FEL. dixit : Hoc dicere non possum.

AUG. dixit : Ergo aperte nobis dic quia fugere cogitas, et nemo te tenet.

FEL. dixit : Non fugio.

AUG. dixit : Ut video, non vis quasi victus abscedere : sed saltem hoc dic, Si fugero, *victus sum.*

FEL. dixit : Dixi.

AUG. dixit : Et unde apparebit te fugisse propter Gestæ ?

FEL. dixit : Jubet ut quem elegero, cum ipso sim.

AUG. dixit : Elige tibi aliquem de præsentibus istis fratribus, qui ad cancellum stant.

FEL. dixit : Sim cum illo qui est in medio.

AUG. dixit : Sicut tibi elegisti, usque ad diem sum illo eris.

FEL. dixit : Etiam, et ego hoc consentio.

BONIFACIUS dixit¹ : Præstabit Christus, ut si cum illo veniam, christianus est.

¹ Er Lugd. Ven. Lov. hec et superiora sic legunt : AUG. dixit : *Elige tibi aliquem de ipsis præsentibus fratribus qui ad cancellum stant.* FEL. dixit : *Eliam et ego consentio : sed cum illo qui est in medio.* AUG. dixit : *Sicut tibi elegisti, usque ad diem cum illo eris.* BONIFACIUS dixit, etc. M

Augustinus episcopus Ecclesiæ catholice Hippo-nereiensis, his in ecclesia coram populo Gestis sub-scripsi.

Felix christianus, cultor legis Manichæi, his in ecclesia coram populo Gestis subscrpsi.

LIBER SECUNDUS.

ACTA SECUNDÆ DIEI.

¶¶¶¶¶

CAPUT PRIMUM. — Cum ventum esset ad diem præstitutum, id est, ad pridie iduum decembrium, res sic agi coepit in ecclesia Pacis. **AUGUSTINUS** episcopus Ecclesiæ catholice Hipponeregiensium regionum dixit: Pridem cum sermonem haberemus, dilationem te petiisse meministi, cum ad ea quæ interrogaveram in præsenti respondere non posses. Si ergo tam lato temporis spatio, post diem scilicet quintum aliquid excogitasti, responde. Hoc enim tunc interrogaveram: Si Deo nocere nihil poterat, quare bellum gessit cum gente quam dicitis tenebrarum, in quo bello naturæ dæmonum misceret substantiam suam, quæ hoc est quod ipse, sicut jam interrogatus dixisti? Si autem nocere ei poterat, non incorruptibilem Deum colitis, qualem veritas et apostolica doctrina testatur.

FELIX dixit: Ex quo a Sanctitate tua recessi, ut ad diem constitutum reversus essem, ut responderem tuæ interrogationi, quæcumque velles interrogare, ventum est ad diem: et quia nullam scripturam inter manus habui, quia non mihi sunt redditæ unde me instruere possem; nullus enim ad certamen exit, nisi prius munitus¹ fuerit, et nullus litigator potest sine suis chartis litigare; similiter et ego sine mea scriptura respondere non possum.

AUG. dixit: Istam tergiversationem tanto dierum spatio excogitasti, quæ te in causa perdita et errore sacrilego quid respondeas non habentem adjuvare nihil poterit. Notum est enim omnibus qui aderant, quos etiam nunc adesse video, te dierum tantum dilationem petiisse: debuisse autem petere etiam codices, quando dilationem petiisti, si his te putabas instrui posse ad respondentium; quod non fecisti. Novi te petiisse codices, non quidem ad instructionem inspiciendos, verum hoc longe antequam peteres dilationem: cum vero dilationem petiisti, codicum tibi reddendorum et inspiciendorum, ut esse posses instructior, nullam fecisti mentionem.

FEL. dixit: Modo peto codices, reddantur mibi, et venio ad certamen post biduum; et si victus fuero, quod deliberaveris, subeo.

AUG. dixit: Rudem te in ista scelerata secta non esse puto, quod et fateris. Non te autem habere quod respondeas, et si tu non fatearis, omnis homo jam videt. Sed quia codices tuos repetis, qui sub sigillo publico custodiuntur, quibus inspectis dicis te instructum venire posse post biduum; illud quod jam constat, obiectis quæstionibus te respondere non potuisse recole.

Tolle autem codices tuos, et dic quid inde velis tibi proferri, quod modo inspicias et respondeas.

FEL. dixit: Omnes scripturas quæ mihi sublatæ sunt. Ista enim epistola Fundamenti est, quod et Sanctitas tua bene scit, quod et ego dixi, quia ipsa continet initium, medium et finem. Ipsa legatur, et quidquid malum objicitur legi meæ, probetur: et nego illam, si probata fuerint illa crimina quæ objiciuntur legi meæ.

AUG. dixit: Quoniam fateris hanc esse epistolam, ubi doctrinæ vestræ initium, medium et finis continentur, hoc initium quam sit sacrilegum, ubi Deum dicitis pugnasse contra gentem tenebrarum, et miscuisse naturæ dæmonum polluendam et ligandam partem suam, quæ hoc est quod ipse; tam sacrilegum est, ut ferri vix ab audientibus possit: hoc objicitur primo sectæ vestræ, sive initium hoc voces, sive medium, sive finem, non valde id euro; hoc tamen de hac epistola, quam fateris esse Manichæi, lectum esse non negas; hoc vobis objicitur, hoc defende, si potes, ut ad alia veniamus. Unde iterum interrogo: si Deum incorruptibilem colitis, quid ei nocere poterat, nescio quæ gens adversa quam singulis? Si nihil ei nocere poterat, nulla causa fuit quare partem suam naturæ dæmonum commisceret. Si autem nocere ei poterat, non Deum incorruptibilem colitis.

CAPUT II. — **FEL.** dixit: Manichæus dicit duas esse naturas, et modo inde culpatur, quia dixit duas esse, bonam et malam. Christus in Evangelio duas dicit esse arbores: *Arbor bona nunquam facit fructum malum, et arbor mala nunquam facit fructum bonum* (*Mauth. vii, 17*). Ecce duas naturas. Deinde in Evangelio scriptum est: *Numquid bonum semen seminasti in agro? Unde apparuerunt zizania?* *Hoc inimicus fecit* (*Id. xiii, 27, 28*). Istè inimicus si non est extraneus a Deo, probetur mihi: si ad Deum pertinet inimicus iste, quale semen seminavit? Item in Evangelio scriptum est, Christo dicente, quia in novissimis temporibus thronum in medio sæculo ponet, et mittet Angelos suos in orientem et occidentem, septentrionem et meridiem, et congregabit omnes gentes ante se, et separabit illos, sicut pastor separat agnos ab hædis. Et ut compendive dicam, agnis dicet: *Ite in regnum quod vobis paratum est ab origine mundi.* Hædis dicet, qui in sinistra parte sunt: *Recedite a me, qui operati estis iniquitatem:* nomen enim meum habuistis, sed opera non fecistis; *ite in ignem æternum, qui paratus est diabolo et angelis ejus* (*Id. xxv, 31-41*).

¹ Am. et MSS., militatus.

Qui sunt qui nomen Christi habent, et mittuntur in ignem æternum cum diabolo et angelis ejus; et ad quam partem pertinent isti, quibus Christus non permiscetur, et nomen ejus portant? Hoc enim Manichæus dicit, quia quos Christus damnat, ipsius non sunt. Nam Paulus apostolus dicit: *Prudentia carnis inimica est Deo; legi enim Dei non est subjecta, nec enim potest* (Rom. viii, 7). Hoc Manichæus dicit, quia quæ inimica est Deo, ad Deum non pertinet: si autem ad Deum pertinet, ipse sibi inimicum fecit: hoc Manichæus non dicit. Iterum Paulus dicit: *Deus seculi hujus excœcavit mentes infidelium, ad non contemplandam claritatem Evangelii Christi, qui est imago Dei* (II Cor. iv, 4). Ipse Paulus iterum dicit: *Datus est mihi stimulus carnis¹, angelus satanæ, qui me colaphizet die ac nocte: propter quod ter Dominum rogavi ut discederet a me; et dixit mihi: Sufficit tibi gratia mea; nam virtus in infirmitate probatur* (Id. XII, 7-9). Ecce quid Apostolus dixit, ecce quid Evangelista: cum Manichæus hoc asserat, quia est extraneus a Deo, qui contra Deum bellavit: sive quia Christus crucifixus est, sive quia Apostoli omnes propter Dei mandatum; iste qui eos crucifixit, cui mandatum Dei non placet, hoc inihi dicat Sanctitas tua, si ad Deum pertinet.

CAPUT III. — Aug. dixit: Scripturas sanctas, quas non intelligendo longe a veritate aberratis, commemorare voluisti, velut ex eis patrocinium adhibens vaniloquii vestris. Inter omnia tamen, quæ partim sicut vere scripta sunt, partim aliter quam scripta sunt commemorasti, nusquam ostendere potuisti quia Deus regnis suis hostilem naturam imminentem repellere volens, ut habeat quietem, partem suam, quæ hoc est quod ipse, naturæ contrariae dæmonum miscens, colligari ab eis et contaminari fecerit. Hoc autem est quod vobis objicitur, unde quid respondeas non inveniendo, commemorasti divinarum Scripturarum capitula, ubi de peccatoribus dictum, est quia non pertinent ad beatam vitam, quam bonis et fidelibus donat Deus: et has velut duas naturas accipi voluisti, secundum deliramenta Manichæi. Veritas autem dicit, omnia ista quæ videmus et quæ non videmus, quæ naturaliter subsistunt, a Deo facta esse: in quibus rationalem creaturam, etiam ipsam factam, sive in Angelis sive in hominibus accepisse liberum arbitrium; quo libero arbitrio si Deo servire vellet, secundum voluntatem ac legem Dei, haberet apud eum æternam felicitatem: si autem legi ejus subdi noluisset, sed potestate sua usa contra ejus fecisset imperium, secundum ejus justitiam pœnæ debite subjaceret. Haec omnipotentia Dei in creandis omnibus², haec justitia in remunerandis peccatoribus. Esse autem liberum arbitrium, atque inde peccare quemque si velit, non peccare si nolit, non solum in divinis Scripturis, quas non intelligitis, sed etiam in verbis ipsius Manichæi vestri probo. Circumclusus enim videt potentiam veritatis, contra quam conatus

fuerat aliam naturam quam non fecit Deus, inducere contra Deum, non solida veritate, sed inaniphantasmate: tamen ad confitendum verum de libero arbitrio, plus in eo valuit natura humana in qua eum Deus effecit, quam fabula sacrilega quam sibi ipse consinxit.

CAPUT IV. Audi ergo de libero arbitrio, primo ipsum Dominum, ubi duas arbores commemorat, quarum mentionem ipse fecisti: audi dicentem, *Aut facite arborem bonam et fructum ejus bonum, aut facite arborem malam et fructum ejus malum* (Math. xii, 33). Cum ergo dicit, *Aut hoc facite, aut illud facite*; potestatem indicat, non naturam. Nemo enim nisi Deus facere arborem potest: sed habet unusquisque in voluntate, aut eligere quæ bona sunt, et esse arbor bona; aut eligere quæ mala sunt, et esse arbor mala: non quia mala ipsa quæ eliguntur, aliquam habeant in se ipsis substantiam; sed quia Deus, omnia quæ condidit, gradibus suis condidit, generibusque distinxit, cœlestia atque terrena, immortalia atque mortalia, et omnia bona in suo genere condidit: animam habentem liberum arbitrium, sub se ipso et supra cetera collocavit; ut si serviret superiori, dominaretur inferiori; si autem offenderet superiore, pœnam ex inferiore sentiret. Hoc ergo Dominus dicens, *Aut facite illud, aut facite illud*; ostendit esse in potestate quid facerent, ipse securus et certus in se tanquam Deus; et quia si bonum eligerent, pœnum ejus acciperent, si malum eligerent, pœnam ejus sentirent: semper autem illejustus est aut remunerator, aut damnator.

CAPUT V. — Audi ergo jam quemadmodum Manichæus ipse tam perversus, tam superbus, ut aliam introducens naturam, se æqualem Deo facheret, Deum ad se ipsum deponeret, confessus sit tamen esse liberum arbitrium: in Thesauro vestro, cui tale nomen ad decipios homines indidisti, certe sic loquitur, quod et tu ipse cognoscis. *Hil vero qui negligenter sua a labe prædictorum spirituum purgari se minime permiserint, mandatisque divinis ex integro parum obtemperaverint, legemque sibi a suo liberatore¹ datum plenius servare noluerint, neque ut decebat sese gubernaverint*, etc. Vides in his verbis confirmatum esse, etiam a nesciente quid loqueretur, liberum arbitrium. Qui enim servare legem non vult, in potestate ejus est, si velit. Non enim dixit, Non potuerint; sed, *noluerint*. Hoc certe quod nolunt servare legem, non a gente tenebrarum coguntur: si enim coguntur, non nolunt, sed non possunt; si autem nolunt, non utique coguntur ut non faciant, sed voluntate sua nolunt. Hoc ergo quod in eorum voluntate est ut nolint, peccatum est certe sine aliqua necessitate gentis tenebrarum. Hoc agnosce esse peccatum sine necessitate gentis tenebrarum: et inde vides unde veniant omnes culpæ, unde merita culparum, unde distributiones pœnarum.

CAPUT VI. — Habetis etiam hoc in scripturis

¹ Editi, carnis meæ. Ahest, meæ, a manuscriptis.

² Editi, hominibus. Melius MSS., omnibus.

Sic MSS. At editi, a Deo liberatore.

apocryphis, quas canon quidem catholicus non admittit, vobis autem tanto graviores sunt, quanto a catholicico canone secluduntur. Aliiquid etiam inde communemorem, cuius ego auctoritate non teneor, sed tu convinceris. In Actibus scriptis a Leutio¹, quos tanquam Actus Apostolorum scribit, habes ita positum : *Etenim speciosa figura, et ostentatio simulata, et coactio visibilium, nec quidem ex propria natura procedunt, sed ex eo homine qui per se ipsum deterior factus est per seductionem.* Vide quemadmodum hic, et per se ipsum dicit, et per seductionem. Fuit enim seductor hominis diabolus, non natura peccator, sed prior voluntate peccator. Sed quia erat in hominis potestate seductori non consentire, ideo positum est, et per se ipsum, et per seductionem : ut in eo quod positum est, per se ipsum, liberum arbitrium ; in eo vero quod positum est, per seductionem, intelligas diabolum, non oppressorem inviti, sed tentatorem volentis.

CAPUT VII. — Proinde quia. ego respondi, et quantum potui ea quæ scripta sunt in Libris sanctis de peccatoribus et de justis, non ad diversitatem naturarum, sed ad distinctionem meritorum pertinere, in quibus meritis non necessitatem natura facit ; sed voluntas culpam ; responde tu ad illud quod jam interrogavi : Si Deo nocere nihil poterat, quare partem suam, substantiam suam, hoc quod ipse est, polluendam et ligandam dæmonibus miscuerit, quod in nulla divina Scriptura canonica potueris venire : si autem nocere ei poterat, non Deum incorruptibilem colitis, de quo Apostolus dicit, *Regi autem sæculorum immortali, invisibili, incorruptibili, soli Deo honor et gloria in sæcula sæculorum* (*1 Tim. i, 17*). Denique idem dicit : *Deus habitat lucem inaccessiblem* (*Ibid. vi, 16*). Numquid ad illam lucem non accidunt sancti, de quibus scriptum est, *Accedite ad eum, et illuminamini* (*Psal. xxxiii, 6*) ? Numquid ad illam lucem non accedunt de quibus dicitur, *Beati mundo corde, quoniam ipsi Deum videbunt* (*Math. v, 8*) ? Sed quia non ad eam potest accedere, nisi cui Deus ipse donaverit ut accedat, ideo per se ipsam inaccessiblest. Nemo enim potest ad eam accedere, quem Deus noluerit ut accedat : cui autem donaverit, ipse accedit. Quomodo ergo poterat illa gens tenebrarum accedere ad habitationem Dei, ubi est inaccessiblest lux, quo non accedit nisi cui Deus donaverit ? Aut si donum acceperat a Deo ut accederet, ad expugnandum regnum Dei non daret, et non timeret. Si autem donum tale non dederat ut posset accedere ; securus in suo regno erat, habitans inaccessiblem lucem : quid poterat de tenebrarum gente metuere, ut ei misceret partem suam, substantiam suam, hoc quod ipse est, ligandam, premendam, contaminandam, ubi non solum miserabiliter teneretur, sed etiam turpiter purgaretur ? Ut enim purgetur inde, dicitis quod audire nefas est, sed ad vos confun-

¹ In Victorini codicibus scribitur, *Levito*. Apud Am. et Er. *Lenticio*. vide infra, librum de Rude contra Manichæos, cap. 5.

² Fr. Lugd. Ven. l. o. v., nonnullis hic omissis, hanc lectio- nem habeant, *illuminamini*; et illud, *beati*, etc. M.

dendos et forte salvandos, tacere non possumus : ut purgetur inde pars Dei, dicitis in nave lucis, quam solem appellatis, facientes injuriam Creatori solis, et ipsi soli quem sic dicitis factum, ubi tanta turpitudine celebretur : dicitis enim illic positum Deum, virtutes suas convertere in masculos, ad irritandum concupiscentias dæmonum seminarum ; et eosdem rursus convertere in feminas, ad irritandum concupiscentias dæmonum masculorum ; ut cum dæmonis injiciunt libidinem, accensis in formas confictas a Deo, relaxentur membra eorum, et sic evadat pars Dei quæ ibi fuerit colligata. Hoc tantum opprobrium, hoc tantum sacrilegium credere ausi estis, et prædicare non dubitatis. Hæc sunt media doctrinæ vestræ. Finis vero quis est ? Quis, nisi quia non potuit Deus totum purgare ? Et quia non potuit, facturum inde dicitis velut tectorum gentitenebrarum, ut ibi in æternum damnetur quod purgari non potuit, et nihil sua sponte commisit. Ita sit ut deus vester, non verus, sed fictus, non alicubi constitutus, sed in corde vestro imaginatus, partem suam misceat infeliciter, purget turpiter, damnet crudeliter. Ad hæc ergo responde, et incipe ab illo quod dixi, quare Deus miscuit istam partem suam, cui nihil nocere poterat ; aut si potuit, quomodo sit incorruptibilis.

CAPUT VIII. — FEL. dixit : Crudelem asseritis Manichæum hæc dicentem : de Christo quid dicimus, qui dixit; *Ite in ignem æternum* (*Math. xxv, 41*) ?

AUG. dixit : Peccatoribus hoc dixit.

FEL. dixit : Iste peccatores quare non purgati sunt ?

AUG. dixit : Quia noluerunt.

FEL. dixit : Quia noluerunt, hoc dixisti ?

AUG. dixit : Hoc dixi, quia noluerunt.

FEL. dixit : Quare noluerunt ? Est qui non vult curari ? est qui non vult purgari ? est qui non vult illuminari ? Quis infirmus est qui non vult ad sanitatem venire ? Si crudele est quod Manichæus dixit, quia aliqua pars Dei quæ se purgare non potuit, in globo ligata est : hoc crudele non est, ut Christus qui dixit, Ego propter peccatores veni ; modo ad ignem æternum illos mittat, cuius nomen portaverunt ? Sed mandata, credo, non poterunt complere. Si hoc crudele est, crudelius est et illud. Si illud crudelius est, quia Deus illos non potuit purgare, et globo ligavit ; et id crudelius videtur esse, quos Christus non potuit purgare, ad ignem æternum mittere : hoc mihi Sanctitas tua exponat de ipsa crudelitate.

AUG. dixit : Si ea quæ jam dixi, vel intellexisse, vel te intelligere fateris (fortassis enim non habendo quid dicas, finxisti te non intelligere quod apertum est), ista non dices. Jam enim diximus et probavimus per divinas Scripturas, esse liberum arbitrium : Deum autem esse liberi arbitrii justum judicem, remuneratorem fidelium cique se subjacentium et voluntium se sanari, damnatorem autem superborum et impiorum. Quia ergo ad peccatores sanandos venit, sanat utique peccata confessos, sanat poenitentes : neminem autem poenitet cum aliis peccavit : sed si est poenitentia justa et verax, unde et ipse Dominus

dicit, *Non veni vocare justos, sed peccatores in pœnitentiam* (*Math. ix, 13*) ; ipsa pœnitentia indicat non alienæ esse naturæ, sed voluntatis nostræ, si quid forte peccamus. Nam si alio peccante, alium pœnitet, non est ista prudens, sed insana pœnitentia. Secundum vos autem nulla peccata sunt. Gens enim tenebrarum non peccat, quia suam naturam facit : natura lucis non peccat, quia quod facit, facere cogitur. Nullum ergo invenis peccatum quod damnet Deus, nullum invenis peccatum quod pœnitentia possit sanari. Si autem pœnitentia est, et culpa est : si culpa est, et voluntas est : si voluntas est in peccando, natura non est quæ cogat. Sed si quid infirmitatis patiuntur, qui non possunt implere quod volunt; unde Apostolus Paulus dicit, *Vide aliam legem in membris meis, repugnantem legi mentis meæ, et captivitatem meæ in lege peccati, quæ est in membris meis* (*Rom. vii, 23*) : manifestum est hoc venisse de traduce primi peccati Adam, et de consuetudine mala. Nam hodie que¹ libera voluntate faciunt homines consuetudinem, quam cum fecerint, facile superare non possunt : ipsi ergo sibi de se ipsis fecerunt, quod contraria lex habitet² in membris eorum. Sed qui concipiunt timorem Dei, et per liberum arbitrium subdunt se sanandos optimo medico, et sicut bono curatori, ita et misericordi creatori, per humilitatem confessionis et pœnitentiae sanantur. Superbi vero dicentes se justos, aut dicendo quia non peccant ipsis, sed aliud in illis peccat, et alia natura de illis peccat, per ipsam superbiam suam et insanabiles sunt, et experientur iustum judicium Dei, qui superbis resistit, humilibus autem dat gratiam (*Jacobi iv, 6*). Non est ergo indignum ut Deus dicat, *Ite in ignem æternum, eis qui ejus misericordiam per liberum arbitrium respuerunt : et dicat, Venite, benedicti Patris mei, percipite regnum* (*Math. xxv, 41, 43*), eis qui per liberum arbitrium fidem ejus suscepserunt, peccata sua confessi sunt, pœnitentiam egerunt, displicerunt sibi quales fuerunt, et quales per eum facti sunt illi plauerunt. Tu ergo jam ad hoc quod interrogavi responde : sed impetrem a te, ne moras superfluas faciamus : Si Deo nocere nihil poterat, quare huc nos misit ? Si nocere poterat, non est incorruptibilis Deus.

CAPUT IX. — **FEL.** dixit : Si Deo nocere nihil poterat, quare huc Filium suum misit ?

AUG. dixit : Vide quemadmodum semper interrogas, et ad interrogata respondere non vis. Audi quod interrogasti, memento tamen te ad ea quæ dicò non respondere, ma autem respondere. Deo nocere nihil potest : sed Filium suum misit, ut carne indueretur, et hominibus appareret, peccatores sanaret, in ipsa carne pateretur pro nobis, quam sumpsit ex nobis. In sua quippe natura pati nihil poterat ; quia in principio erat Verbum, et Verbum erat apud Deum, et Deus erat Verbum. In hac natura, quia Deus erat Verbum, pati nihil ille poterat. Ut autem pati pro nobis posset,

Verbum caro factum est, et habitavit in nobis (*Joan. i, 1, 14*). *Verbum caro factum est, assumendo carnem, non mutatum in carnem : assumpsit enim humanitatem, non amisit divinitatem.* Itaque idem Deus et idem homo, in natura Dei æqualis Patri, in natura hominis factus mortalis, in nobis, pro nobis, de nobis, manens quod erat, suscipiens quod non erat, ut liberaret quod fecerat, non quod erat. Non est ergo passio Christi ex indigentia, sed ex misericordia. Prorbuit enim exemplum patientiae nobis de nobis, id est homini de homine, carni de carne : non tamen in illa carne ipse deterior factus ; sed caro in illo melior facta est. Pars vero dei vestri, nulla carne assumpta (non enim erat in gente tenebrarum pro qua pateretur), descendit ut teneretur, ligaretur, pollueretur, et turpius quam ligabatur purgaretur. Jam enim de purgatione ejus dixi. Hæc omnia quanto indigniora sunt, tanto utique faciliora ad intelligendum quoniam in naturam Dei ista non cadunt. Et absit a pio animo atque fidelis talia de Deo credere, Deo bono, Deo vero, qualia vos creditis ; non quem invenistis, sed quem finxistis. Responde jam nunc : Si Deo nocere nihil poterat, pura illa substantia ipsius, nulla carne assumpta in se passura, si quid passura erat, non in carne quam suscepserat, quare huc missa est secundum vestra vaniloquia ?

CAPUT X. — **FEL.** dixit : Si nihil poterat noceri Deo a parte adversa, et Christo nihil poterat noceri ab adversa natura ; ad quam venit Christus, ut eam liberaret ? Quia, ut dicas, propter libertatem nostram venit : ergo in captivitate suimus. Si in captivitate tenebamur, et propterea Christus venit, ut nos liberaret de captivitate, qui nos tenebat extraneus a Deo erat, aut virtus Dei. Si Dei virtus erat qui nos tenebat, utquid Christum mittebat ille qui nos tenebat ? Si in ipsius arbitrio erat quando vellet dimittere, utquid Christus crucifigitur ? Neminem autem latet Christum crucifixum. Quid illum crucifixerunt ? Si Dei virtus est, nihil nobis nocebat. Si Dei virtus erat, non suimus capti apud illum : sed quasi nos cum nostro principe, quasi filius cum parentibus, non autem Romani cum Barbaris. Non oportebat ergo, quia cum virtute Dei constituti eramus, Deum Filium suum mittere, ut dicatur quia liberator noster venit. Si paret ergo cum virtute Dei nos constitutos esse : Apostolus dixit¹, *Christus nos liberavit de maledicto Legis ; quia scriptum est, Maledictus omnis qui pendet in ligno* (*Galat. iii, 13*; *Deut. xxii, 23*). Hoc enim Apostolus dicit. Si iste qui maledicit omnes qui pendunt in ligno, Dei virtus est : Christus enim pependit in ligno, et Apostoli ipsius omnes qui addicti sunt pro ipsius præcepto : quis ergo iste est qui maledicit omnem qui pendet in ligno ?

CAPUT XI. — **AUG.** dixit : Quos Christus redemit a diabolo, per consensionem suam tenebantur a diabolo, et in ejus conditione constituti erant per justum

¹ Er. Lugd. Ven. Lov., hodie. M.

² In MSS., quod contra eos habet.

³ ven., ut apostolus dixit, addita vocula, ut. M.

Dei judicium, cui seducenti consenserant per liberum arbitrium. Sicut autem in hominis potestate fuit diabolus consentire, ut captivaretur; sic in ipsis diaboli potestate fuit, cum angelus esset, peccare, ut in deteriorius mutaretur. Peccator ergo angelus per liberum arbitrium, suasit peccatum homini babenti liberum arbitrium; ut diabolus si noluisset non peccasset, et homo si noluisset non consensisset. Cum autem jam ab illo cui consenserat teneretur, non quia diabolus aliquid potuit, sed quia justum Dei judicium fuit, et ejus legi obtemperare noluit: quia ergo sic invenit Christus peccatores sub peccato, redemit consitentes a superbiente. Quod autem in Lege positum est, *Maledictus omnis qui pendet in ligno*; unde Apostolus dicit, *Christus nos redemit de maledicto Legis, factus pro nobis maledictum; scriptum est enim, Maledictus omnis qui pendet in ligno*: non Legem reprehendit, sed misericordiam commendavit. Quia enim Adam peccaverat, et omnis illa massa et propago peccati maledicta erat; Dominus autem carnem de ipsa massa suscipere voluit, ut suscipiendo mortalitatem quæ de poena venerat, solveret mortem, quod de gratia veniebat: ideo dicit Lex, *Maledictus omnis qui pendet in ligno*. Mors enim ipsa pendebat in ligno, quæ mors de maledicto veniebat. Quomodo ergo suscipiendo mortem, interfecit mortem; sic suscipiendo maledictum, solvit maledictum. Unde et Apostolus dicit, *Scientes quia vetus homo noster simul confixus est cruci cum illo* (*Rom. vi, 6*): quia de vetere homine nostro, id est, de sorte mortis, quæ veniebat ex merito peccati, suscipere dignatus est carnem mortalem de virginе Maria, in qua nobis et passionis et resurrectionis præberet exemplum; passionis, ad firmandam poenitentiam; resurrectionis, ad excitandam spem: ut duas vitas nobis ostenderet in carne, quam suscepit de vita nostra mortali, unam laboriosam, alteram beatam; laboriosam, quam tolerare debemus; beatam, quam sperare debemus. Toleramus autem laboriosam merito peccati nostri: ille autem ostendit eam in carne sua, non merito iniquitatis suæ, sed officio misericordie suæ. Nam ut neveris bonam esse Legem, quam tu reprehendere voluisti, ipse apostolus Paulus quodam loco dixit: *Lex subintravit, ut abundaret delictum*. Adhuc videtur illam reprehendere; sed audi quod sequitur: *Ubi autem, inquit, abundavit delictum, superabundavit et gratia* (*Id. v, 20*). Data est enim lex superbis hominibus, et viribus suis totum tribuentibus, ut cum implere non possent legem datum, prævaricatores invenirentur, et facti rei sub lege, peterent misericordiam a legis Conditore. Proinde paulo post dicit idem apostolus: *Itaque lex quidem sancta, et mandatum sanctum, et justum, et bonum*. Sed ne dicas quia de alio mandato dicit, ut ostendat quia de illo dicit, de quo paulo ante dixerat, *Lex subintravit ut abundaret delictum*; statim sibi opposuit questionem: *Quod ergo bonum, mihi factum est mors?* Absit: sed peccatum, ut appareat peccatum, per bonum mihi operatum est mortem (*Id. viii, 12, 13*). Erat enim peccatum, sed non apparet peccatum:

data est lex superbo, fecit contra legem, et apparuit peccatum, quod erat, sed non apparet. Apparens autem peccatum humiliavit superbum, humiliatus superbus factus est poenitens, de poenitentia impetrata est misericordia. Audisti ergo quod interrogasti, responde quod interrogo: Nihil nocere poterat gens tenebrarum Deo; quaré huc misit partem suam miscendam et polluendam a natura dæmonum?

CAPUT XII. — FEL. dixit: Si in arbitrio nostro sumus, nemo neminem cogat: quando voluero, ero christianus. Voluntas nobis subjacet, aut esse christianum, aut non esse.

AUG. dixit: Quia voluntas nobis adjacet, manifestum est, et hoc de divinis Scripturis docui; quod coactus est etiam invitus dicere, etiam ille qui vos in istum induxit errorem. Quod autem dicas, *Nemo cogatur, quando voluero, ero christianus*: nemo plane te cogit; quando volueris, esto: quia ex voluntate tua hue venisti, et ex voluntate tua ista disputasti. Et vae voluntati malæ, si mala est; pax bonæ voluntati, si bona est. Sive autem mala sit, sive bona sit, voluntas est. Bonam voluntatem sequitur corona, malam sequitur poena. Deus judex voluntatum est, creator autem naturarum. Si ergo putas cogi te ut sis christianus, audi a nobis omnino te non cogi. Cogita potius quæ audis, perpende, in tua voluntate es: examina ut prudens, si tamen in te est illa prudentia vel humana, utrum ea quæ dicta sunt, veritate fulta sint; utrum tu ipse in Manichæi vestri defensione defeceris, sicut appetet: et quando volueris, esto quod nondum es, et desine esse quod es.

CAPUT XIII. — FEL. dixit: Ecce jam compendive, ut dixit Sanctitas tua: nec chartas cumulemus¹, sibi placet, quod petivi pridem: huc veni; ostende mihi veritatem, ut illud quod teneo, pareat quia veritas non est, et habes me paratum ad credendum.

AUG. dixit: Jam quidem quod tenes, satis appetet quia veritas non est. Absit enim a cordibus veritatem querentium vel tenentium, ut credant Deum substantiam suam necessitate coactum mersisse dæmonum naturæ ligandam atque polluendam. Absit a fidelibus credere Deum ad liberandam substantiam suam convertere se in masculos contra feminas, et in feminas contra masculos ad eorum concupiscentiam irritandam. Absit a fidelibus credere Deum substantiam suam, quam ipse dæmonibus mersit, postea in æternum damnare. Hoc ergo quia veritas non est, manifestum est. Sed quia vis tibi pro ista falsitate expulsa atque convicta, patetieri veritatem, si quid de cognoscenda fide catholica adhuc movet, ab initio fidei poteris erudiri. Etenim aptum perceptioni veritatis incommutabilis facit pia fides: a qua fide quisquis incipere noluerit, superbus foris remanebit, et ad id quod tendit, vel quo vult pervenire, perduci non poterit. Sed quia jam illa falsitas manifesta est, anathema fal-

¹ Er. Lugd. Ven. et Lov., omissa interpunctione, sic legunt, *tua ne chartas cumulemus. M.*

sitatem, ut possis incipere aptus esse ad cognoscendam veritatem.

CAPUT XIV. — FEL. dixit : Cum apparuerit mihi, quia mihi non apparet, quia altera mihi non ostensa est, non possum anathemandare.

AUG. dixit : Anathemandus est error qui dicit corruptibilem Deum, an non est anathemandus?

FEL. dixit : Iterum dic.

AUG. dixit : Anathemandus est error qui dicit corruptibilem Deum, an non est anathemandus?

FEL. dixit : Quæratur si dicit.

AUG. dixit : Ego hoc interrogavi, Qui dicit corruptibilem Deum, anathemandus est, an non?

FEL. dixit : Qui dicit corruptibilem Deum, anathemandus est; hoc mihi objicis?

AUG. dixit : Hoc interrogo.

FEL. dixit : Corruptibilem Deum dicas, non autem quod primo dixisti, quia partem suam dedit adversariis?

AUG. dixit : Interim quod interrogo responde : Qui dicit corruptibilem Deum esse, anathemandus est, an non?

FEL. dixit : Valde.

AUG. dixit : Qui dicit corruptibilem esse naturam et substantiam Dei, anathemandus est, an non?

FEL. dixit : Non intellexi quod dixisti.

AUG. dixit : Hoc dico quod omnis homo intelligit, qui non se fingit non intelligere : Naturam et substantiam Dei, id est, illud ipsum quidquid est Deus, qui dicit esse corruptibilem, anathemandus est, an non?

FEL. dixit : Etiam anathemandus est, si probatum fuerit esse verum.

AUG. dixit : Nondum tibi dixi, quia Manichæus dicit corruptibilem naturam Dei; sed hoc tibi dixi, quia quicumque hoc dicit, anathemandus est.

FEL. dixit : Et ego respondi, Etiam.

CAPUT XV. — AUG. dixit : Pars illa quæ tenebrarum genti mixta est, de Dei natura est, an de aliqua alia natura?

FEL. dixit : De Dei.

AUG. dixit : Quod de Dei natura est, hoc est quod Deus, an aliud quid quod non est Deus?

FEL. dixit : Ita est : quod de Deo est, Deus est, secundum quod scriptum est : *Lux lucet in tenebris, et tenebræ eam non comprehendenterunt* (Joan. 1, 5). *Deus enim lumen est, et tenebræ in eo non sunt* (I Joan. 1, 5).

AUG. dixit : Bene respondisti, quia et quidquid de Dei natura est, Deus est, et Deus lux est, et tenebræ in eo non sunt, et talis lux luxit in tenebris, et tenebræ eam non comprehendenterunt. Videamus ergo utrum Manichæus partem Dei non dicat esse comprehensam a tenebris, non etiam teneri ligatam, non etiam maculatam et pollutam, sic ut indigeat misericordia liberatoris et purgatoris. Si autem haec dicit, secundum te etiam, et secundum veras confessiones tuas, anathemandus est; quia partem Dei et naturam Dei, quod est ipse Deus, dicit comprehensam a tenebris et liga-

tam et pollutam : quod tu ipse secundum Evangelium loquens non potuisti dicere; sed verum dixisti, quia *lux lucet in tenebris, et tenebræ eam non comprehendenterunt*. Manichæus ergo anathemandus, qui dixit, quia lux tenebrata est in tenebris, et tenebræ eam comprehendenterunt.

FEL. dixit : Sed et qui polluitur, et qui tenetur, liberatur; et nos si polluti sumus, mundamur.

AUG. dixit : Sed hoc de Dei natura non recte dicitur, sed de illa quæ pollui potest, recte dicitur : quia polluitur et mundatur : de illa vero quæ pollui non potest, vides cum quanto sacrilegio dicatur, Polluitur et mundatur; maxime quia sic dicitis quædam Dei partem esse pollutam, ut propterea ligetur in exterum globo tenebrarum, quia non potuit mundari. Hoc qui non anathemat, falsum paulo ante respondit, quia omnis qui dicit corruptibilem Deum, anathemandus est.

CAPUT XVI. — FEL. dixit : Hoc quod dixit Sanctitas tua, quia pars quæ se non mundavit ab coquinatione gentis tenebrarum : et sic dicit Manichæus, quia non sunt missi in regnum Dei. Hoc enim asseris tu, quia damnati sunt : sed Manichæus non hoc dicit, quia damnati sunt¹, sed ad custodiām possiti sunt illius gentis tenebrarum.

AUG. dixit : De ista parte tecum ago, quam dicas pollutam purgari : postea si opus fuerit, de illa quæ figitur in globo ejus. Interim quæ purgatur, pollutera.

FEL. dixit : Quæ polluitur, et mundatur.

AUG. dixit : Qui ergo dicit naturam Dei et substantiam Dei, et id quod Deus est, posse pollui, ligari, inquinari a gente tenebrarum, non est anathemandus?

FEL. dixit : Christus unde nos mundavit? unde nos liberavit?

AUG. dixit : Christus non partem Dei, non naturam Dei liberavit; sed facturam quam fecit, in peccatum cadentem per liberum arbitrium, sua misericordia liberavit. Eam rem mundavit quæ pollui poterat, eam rem liberavit quæ captivari poterat, eam rem sanavit quæ infirmari poterat. Modo autem de Deo, de natura Dei, de substantia Dei, de eo quod Deus est loquimur : poterat pollui, an non poterat?

CAPUT XVII. — FEL. dixit : Anima nostra ex Deo est, quæ polluta est? Si non est ex Deo, utquid pro illa Christus crucifixus est? Si ergo paret quia Christus propter animam nostram crucifixus est, paret quia ex Deo est, et polluta erat, et ipse eam mundavit.

AUG. dixit : Ego non solum animam, sed et corpus nostrum et omnem creaturam et spiritualem et corporalem ex Deo esse dico : quia hoc habet catholica fides. Sed aliud est quod de se Deus genuit, quod hoc est quod ipse; aliud autem quod fecit Deus. Quod Deus genuit, æquale est Patri : quod Deus fecit, non est æquale conditum conditori. Aliud autem dicimus ex Deo esse, quod melius dicitur de Deo esse, quia

¹ In Nss., sed Manichæus hoc dicit, quia non damnati sunt.

hoc est quod ipse, sicut unigenitus Filius, sicut Verbum ejus per quod facta sunt omnia (*Joan.* 1, 3) : alia vero sic dicimus ex Deo, quia dixit, et facta sunt; mandavit, et constituta sunt (*Psal. cxlviii*, 5). Hinc est anima, ex his quæ fecit Deus, non illud quod de se genuit Deus. Ideo Verbum quod de se genuit, pollui non potuit, nec potest, nec poterit. Anima vero quam fecit rectricem corporis, ut serviret superiori, dominaretur inferiori, id est, serviret Deo, dominaretur corpori, contempta Dei lege per peccatum polluta est; Deus autem misericordiam præstans his quæ fecit, misit Filium per quem fecit, et per illum referat. Quando condendum erat quod non erat, per Verbum conditum est : quando resicendum erat quod depravatum fuerat, suscepta est inde creatura de virginie Maria, ut per id quod erat homo, demonstraretur homini et quid sustinendum et quid sperandum esset. Itaque natura Verbi, substantia unigeniti Filii Dei nihil passa est vel a persecutoribus Iudeis, vel a diabolo angelo malo persequente. Sed quia induit se carne, induit se re mortali, re passibili, re mutabili, in eo quod se induit, passus est quidquid voluit ad exemplum patientiae, et reformavit hoc ad exemplum justitiae. Tu modo dic mihi de Dei parte, quod Deus est, utrum pollui possit, an non. Si potest, non est incommutabilis Deus; et qui hoc dicit, anathemandus est : si autem non potest, vides anathemandum esse Manichæum, qui dicit partem Dei, naturam Dei, id quod est Deus, venisse huc puram ad gentem tenebrarum ligatam atque pollutam, ut indigeat solvi ac mundari.

CAPUT XVIII. — FEL. dixit : Hoc tu dixisti de anima, quia ex Deo non est.

AUG. dixit : non dixi; sed dixi quia ex Deo est, tanquam a Deo facta, non tanquam a Deo nata.

FEL. dixit : Dixisti de anima quia non est ex Deo, sed factura Dei, quia sine Deo nihil est : hoc enim dicas tu, et non vis asseverare quia ex Deo est anima.

AUG. dixit : a Deo est, sed facta est a Deo.

FEL. dixit : Aut facta, aut missa, aut data, ex Deo est. Ergo si ex Deo est, et polluta est, et venit Christus eam liberare de pollutione; quid culpas Manichæum?

AUG. dixit : Quia ego dico animam non naturam Dei, sed factam a Deo, per liberum arbitrium peccasse, et peccato esse pollutam, et per Dei misericordiam in pœnitentia liberatam : tu autem ipsam naturam Dei, quod Deus est, Deum de Deo dicas in gente tenebrarum captum atque pollutum : et multum interest inter id quod de se Deus genuit, et quod fecit non de se, sed ex nihilo, id est, cum omnino non esset, a Deo accepit ut esset, id est, ut institueretur.

FEL. dixit : Ergo pars Dei est.

AUG. dixit : Jam tibi dictum est, non est pars Dei : et accipe quomodo intelligas Deum omnipotentem factorem. Omnia quæ sunt, et quod quisque facit, aut de se est, aut ex aliquo, aut ex nihilo. Homo quia non est omnipotens, de se solum facit : ex aliquo, sicut artifex

ex ligno arcum, ex argento vasculum. Potuit enim facere vasculum, sed non potuit facere argentum : potuit facere arcum, sed non potuit facere lignum. Ex nihilo autem, ex eo quod prorsus non est facere ut sit, nullus hominum potest. Deus autem quia omnipotens est, et de se Filium genuit, et ex nihilo mundum fecit, et ex limo hominem formavit : ut per istas tres potentias ostenderet effectuam suam in omnibus valentem. Qui ¹ de se quod fecit; nec fecisse dicendus est, sed genuisse. Quod auten ex aliquo, sicut de terra hominem, non sic fecit hominem de terra, ut aliis ei fecerit ipsam terram unde faceret hominem, quomodo fecit Deus argentum argentario unde faceret vasculum : sed ipse fecit, et quod non erat ut esset, et quod inde rursus esset, quod jam ipse ex nihilo creaverat ut esset. Sic ergo corpus, sic anima, sic intelligitur universa creatura facta a Deo; non genita de Deo, ut hoc sit quod Deus. Proinde modo forte eliges quid teneas, et quid respucas. Elige quid sit melius. Quoniam videmus multa mutabilia, et ipsa tamen bona, quamvis mutabilia; multa mortalia, et ipsa tamen bona, quamvis mortalia : bonum autem omnino immutabile ipse Deus est : quid melius sit tibi tenere, elige; Deum mutabilem esse, an quod fecit Deus mutabile esse? Quia necesse est ut unum de duobus diccas. Si nolueris admittere id quod fecit Deus esse mutabile, restat ut dicas ipsum Deum esse inmutabilem. Ut autem ab hoc sacrilegio te purges, et ab hac blasphemia, ne dicas substantiam Dei esse mutabilem ; quare non concedis Deum qui vere est, et incommutabilis est, quia ipse etiam dixit, *Ego sum qui sum* (*Exod.* iii, 14), fecisse omnia bona, sed non sibi paria? Proinde quia ipse incommutabilis est, non est mirum si quod fecit, quia ei æquale non est, non est incommutabile, sed mutabile. Ideo et per liberum arbitrium peccare et pollui potuit, et per ejus misericordiam liberari.

CAPUT XIX. — FEL. dixit : Dixisti hominem fecisse sibi filium : nihil interest inter patrem et filium. Quia hoc ergo protulit Sanctitas tua, et ego respondeo quia Deus et quæ facit, æqualia sunt sibi.

AUG. dixit : Quod intelligere nolusti, quia homo cum filium facit, non facere proprio dicitur, sed proprio generare dicitur : sic et Deus Filium unicum genuit, dixi tibi, non fecit. Fecit autem illud quod æquale ei non est : quod autem genuit, æquale illi est. Itaque elige tibi, utrum velis dicere mutabilem Dei facturam, an mutabilem Dei naturam.

FEL. dixit : Quomodo Deus immutabilis est, similiter quem genuit, immutabilis est ; et quod fecit, si de ipsis natura est, non mutatur (sed de nihilo fecit, quia opus non mutatur ²).

AUG. dixit : Sed jam tibi dictum est quia quod fecit, non de ipsis natura est; sed ex nihilo fecit, quia omnipotens est. Non erat, et fecit, non de se,

¹ Er. Langd. Ven. Lov., quia. M.

² Id parenthesis inclusum abest a nostris MSS.

non de aliqua re quam ipse non fecerat, sed ex nihilo.

FEL. dixit : Ego non hoc dixi : sed dixi, quia Deus immutabilis est, et quod genuit immutabile est, et quod fecit immutabile est. Non dixi, unde illud fecit : non hoc quæsivi, unde fecerit.

AUG. dixit : Sed a me audisti quod non quæsisti, ut jam desineres stulta loqui. Omnipotens Deus et de se potuit generare, et de nihilo facere, et ex eo quod jam fecerat, aliquid formare : de se, Filium æqualem sibi ; de nihilo, mundum et universam creaturam ; ex aliquo, de terra hominem : quia omnipotens est. Quod ergo de se ipso est, pollui nunquam potest, quomodo nec ipse : quod autem ab illo factum est, non de illo, et pollui potest per liberum arbitrium, et mundari per ipsius misericordiam, condemnando quod peccavit, et agnoscendo qui eum creavit. Tu vero qui pauclo ante dixisti quia qui Dei partem corruptibilem et contaminabilem dicit, anathemandus est, negare autem non potes Manichæum dixisse quod pars Dei in gente tenebrarum comprehensa atque polluta est, et his eum verbis blasphemasse appetet, ita ut pejus blasphemare forte non posset ; aut anathema illum talia dicentem, aut tu cum illo anathemandus es et abiciendus.

CAPUT XX. — FEL. dixit : Manichæus dicit quia polluta est pars Dei ; et Christus dicit quia polluta est anima, et venit liberare illam de pollutione.

AUG. dixit : Sed anima non est pars Dei. Nam jam tu confessus es quia Manichæus dixit pollutam partem Dei : nos autem pollutam dicimus animam ex voluntate peccati ; non esse autem animam partem Dei, non de Deo genitam, sed a Deo factam. Sic ergo dicitur anima ex Deo, quomodo dicitur aliquid opus fabri ex artificio ejus, vel ex ipso factum, non tamen de ipso genitum, sicut filius ejus. Tu ergo quia jam confessus es Manichæum dixisse pollui partem Dei, et jamdudum dixisti anathemandum qui dicit corruptibilem vel contaminabilem Deum, vel naturam ejus ; jam anathemasti, quod non vis fateri. Hoc enim quod dixisti, quia polluitur et quia mundatur, hoc ipsum quod dicas, Mundatur, expressisti quia polluitur ; et non habes unde evadas : et Manichæus¹, et tu dixisti quia polluitur pars Dei. Anathema ergo Manichæum, aut anathemandus es cum Manichæo.

FEL. dixit : Ego non a Manichæo didici quia polluta est pars Dei; sed a Christo didici quia propter animam venit quæ polluta erat.

AUG. dixit : A Christo non didicisti quia anima pars Dei est.

FEL. dixit : A Christo didici quia anima ex Deo est.

AUG. dixit : Et nos didicimus quia anima ex Deo est, sed non est pars Dei. Sic est enim anima ex Deo, quomodo factura ex artifice ; non de Deo, sicut filius de patre.

¹ Ex. Lugd. et ven., unde evadat Manichæus. Lov., evadas ; aber, et Manichæus.

FEL. dixit : De pollutione agimus : si polluta est anima quæ ex Deo est, et potest purgari a Christo, qui pro illa venit; et illa pars Dei quam Manichæus dicit, pollui potest et mundari per mandatum ipsius Dei.

AUG. dixit : Ecce iterum dicis partem Dei pollutam purgari, et paulo ante dixeras anathemandum esse qui illam dicit corruptibilem : modo dicis quia pollui potuit ; et dicis quia mundari potest, ut confirmes quia pollui potuit. Hoc nos de parte Dei non dicimus : sed de anima dicimus ; quia tanquam opus ejus ex ipso est, non tanquam proles de ipso. Redi ergo ad id quod dicas, et discerne quod dicimus. Anima nec Deus est, nec pars Dei. Tu autem Manichæum dicis dixisse pollui partem Dei, quam dicit purgari, ut confirmet quia polluitur. Restat ergo ut eum anathemes, aut ista sentiens anathemeris.

CAPUT XXI. — FEL. dixit : Pertinet ad Deum anima quæ per peccatum coquinata est, an non ?

AUG. dixit : Pertinet, sed non est pars ejus.

FEL. dixit : Non hoc interrogavi.

AUG. dixit : Et quid interrogasti ?

FEL. dixit : Pertinet ad Deum, an non pertinet ?

AUG. dixit : Jam dixi, et quia pertinet, et quomodo pertinet.

FEL. dixit : Ego quærō utrum vere est ex Deo.

AUG. dixit : Ex Deo, non de Deo.

FEL. dixit : Si nihil peccatum est, et anima ex Deo est, et polluta est, et venit Christus liberare eam, et eam liberavit a peccato, quid culpamus Manichæum, qui dicit partem Dei pollutam esse, et iterum mundari ?

AUG. dixit : Quia jam confessus es Manichæum dixisse partem Dei esse pollutam, et dicis non esse peccatum talēm blasphemiam in Deum effundere : nos autem dicimus quidem peccasse animam per liberum arbitrium, et poenitendo purgari per misericordiam Creatoris sui ; quia non est ex Deo tanquam pars ejus, vel tanquam proles ejus ; sed ex Deo vel a Deo facta est, tanquam opus ejus : quid intersit inter nostram fidem et vestram perfidiam, omnibus manifestum est. Itaque secundum verba tua superiora, quia concessisti anathemandum eum qui dicit corruptibilem naturam Dei, quod et Manichæum dicere manifestum est, quia nolisti ut esset a te anathematus, eris cum illo anathematus.

CAPUT XXII. — Post hæc cum multis verbis inter se agerent :

FEL. dixit : Dic jam tu, quid vis faciam ?

AUG. dixit : Ut anathemes Manichæum, cujus sunt tantæ istæ blasphemie. Sed si ex animo facis, tunc fac ; nemo enim te cogit invitum.

FEL. dixit : Deus videt si ex animo facio ; non enim homo potest videre : sed hoc peto, ut confirmes me.

AUG. dixit : In quo vis ut te confirmem ?

FEL. dixit : Prior tu anathema, ut et ego postea anathemem.

AUG. dixit : Ecce etiam manu mea scribo ; volo enim ut et tu manu tua scribas.

FEL. dixit : Sed sic anathema, ut spiritum ipsum qui in Manichæo fuit, et per eum ista locutus est, anathemas.

Augustinus accepta charta scripsit hæc verba : Augustinus episcopus Ecclesiæ catholicæ jam anathemavi Manichæum et doctrinam ejus, et spiritum qui per eum tam execrabilis blasphemias locutus est, quia spiritus seductor erat, non veritatis, sed nefandi erroris; et nunc anathemo supra dictum Manichæum et spiritum erroris ipsius.

Et cum eamdem chartam Felici dedisset, etiam ille manu sua hæc verba scripsit : Ego Felix qui Mani-

chæo credideram, nunc anathemo eum, et doctrinam ipsius, et spiritum seductorem qui in illo fuit, qui dixit Deum partem suam genti tenebrarum miscuisse, et eam tam turpiter liberare, ut virtutes suas transfiguraret in feminas contra masculina, et ipsas iterum in masculos contra feminina dæmonia, ita ut postea reliquias ipsius suæ partis configat in aeternum globo tenebrarum. Has omnes et cæteras blasphemias Manichæi anathemo.

Augustinus episcopus, his in ecclesia coram populo Gestis subscripsi.

Felix his Gestis subscripsi.

IN OPUSCULUM SUBSEQUENS,

Vide lib. 2, cap. 9, Retractionum, tom. 1, col. 634, a verbis, Liber de Natura Boni, usque ad verba, Deus est. M.

S. AURELII AUGUSTINI

HIPPONENSIS EPISCOPI

DE NATURA BONI CONTRA MANICHÆOS

Liber unus^(a).

CAPUT PRIMUM. — *Deus unum bonum et incom-
mutabile, a quo cætera omnia bona spiritualia et corpora-
lia. Summum bonum quo superius non est, Deus est : ac per hoc incommutabile bonum est ; ideo vere aeterno-
num, et vere immortale. Cætera omnia bona non
nisi ab illo sunt, sed non de illo. De illo enim quod
est, hoc quod ipse est : ab illo autem quæ facta sunt,
non sunt quod ipse. Ac per hoc si solus ipse incom-
mutabilis, omnia quæ fecit, quia ex nihilo fecit,
mutabilia sunt. Tam enim omnipotens est, ut possit
etiam de nihilo, id est, ex eo quod omnino non est,
bona facere, et magna et parva, et cœlestia et ter-
rena, et spiritualia et corporalia. Quia vero et justus
est, ei quod de se genuit, ea quæ de nihilo fecit,
non æquavit. Quia ergo bona omnia, sive magna sive
parva, per quoslibet rerum gradus, non possunt esse
nisi a Deo ; omnis autem natura in quantum natura
est, bonum est ; omnis natura non potest esse nisi a
summo et vero Deo : quia omnia etiam non summa-*

bona, sed propinqua summo bono, et rursus omnia
etiam novissima bona, quæ longe sunt a summo
bono, non possunt esse nisi ab ipso summo bono.
Omnis ergo spiritus etiam mutabilis, et omne corpus
a Deo : et hæc est omnis facta natura¹. Omnis quippe
natura aut spiritus, aut corpus est. Spiritus incom-
mutabilis Deus est : spiritus mutabilis facta natura
est, sed corpore melior : corpus autem spiritus non
est, nisi cum ventus, quia nobis invisibilis est, et
tamen vis ejus non parva sentitur, alio quodam modo
spiritus dicitur.

CAPUT II. — *Quomodo id possit ad corrigendos
Manichæos sufficere. Propter eos autem, qui cum in-
telligere non possunt omnem naturalim, id est, omni-
nem spiritum et omne corpus naturaliter bonum esse,
moventur spiritus iniquitate et corporis mortalitate,
et ob hoc aliam naturam maligni spiritus et mortalis
corporis, quam Deus non fecerit, conantur inducere :
sic arbitramur ad eorum intellectum, quod dicimus*

BENEDICTINORUM.

Liber de Natura Boni recognitus est ad veteres codices quatuor Vaticanos, Gallicanos novem, Victorinum, Sorbonicum, Corbeiensem, Fossatensem, Cisterciensem, Casalensem, Bigotianum, Laudunensem majoris Ecclesie, ad unum Augustiniensem majoris conventus Parisiensis, ad variantes lectiones ex Belgicis codicibus descriptas per Lovanienses, et ad editiones Ann. Er. et Lov.

Comparavimus præterea eas omnes editiones initio Retr. et Confess., t. 1, memoratas. M.

¹ Er. Lugd. et Ten, ei hoc est omnis. Lov., et hæc omnia. M.

(a) Scriptus post annum 404. Collocatur in Retractionibus proxime post libros de Actis cum Felice, qui sub finem anni 404 conscripti sunt.

posse perduci. Fatentur enim omne bonum non esse posse, nisi a summo et vero Deo: quod et verum est, et ad eos corrigendos, si velint advertere, sufficit.

CAPUT III. — *Modus, species et ordo generalia bona in rebus a Deo factis.* Nos enim catholici Christiani Deum colimus, a quo omnia bona sunt, seu magna seu parva; a quo est omnis modus, seu magnus seu parvus; a quo omnis species, seu magna seu parva; a quo omnis ordo, seu magnus seu parvus. Omnia enim quanto magis moderata, speciosa, ordinata sunt, tanto magis utique bona sunt: quanto autem minus moderata, minus speciosa, minus ordinata sunt, minus bona sunt. Hæc itaque tria, modus, species et ordo, ut de innumerabilibus taceam, quæ ad ista tria pertinere monstrantur; hæc ergo tria, modus, species, ordo, tanquam generalia bona sunt in rebus a Deo factis, sive in spiritu, sive in corpore. Deus itaque supra omnem creaturæ modum est, supra omnem speciem, supra omnem ordinem: nec spatiis locorum supra est, sed ineffabili et singulari potentia, a quo omnis modus, omnis species, omnis ordo. Hæc tria ubi magna sunt, magna bona sunt: ubi parva sunt, parva bona sunt: ubi nulla sunt, nullum bonum est. Et rursus ubi hæc tria magna sunt, magnæ naturæ sunt: ubi parva sunt, parvæ naturæ sunt: ubi nulla sunt, nulla natura est. Omnis ergo natura bona est.

CAPUT IV. — *Malum est corruptio modi, speciei aut ordinis.* Proinde cum queritur unde sit malum, prius querendum est quid sit malum: quod nihil aliud est quam corruptio, vel modi, vel speciei, vel ordinis naturalis. Mala itaque natura dicitur, quæ corrupta est: nam incorrupta utique bona est. Sed etiam ipsa corrupta, in quantum natura est, bona est; in quantum corrupta est, mala est.

CAPUT V. — *Natura excellentioris ordinis etiam corrupta melior interdum inferiore etiam incorrupta.* Fieri autem potest, ut quedam natura quæ modo et specie naturali excellentius ordinata est, etiam corrupta melior sit adhuc quam est incorrupta altera, quæ minore modo et specie naturali inferius ordinata est: sicut in hominum aestimatione, secundum qualitatem quæ aspectibus adjacet, melius est utique corruptum aurum, quam incorruptum argentum; et melius est corruptum argentum, quam plumbum incorruptum. Sic et in naturis potentioribus atque spiritualibus melior est etiam corruptus per malam voluntatem spiritus rationalis, quam irrationalis corruptus: et melior est quilibet spiritus etiam corruptus, quam corpus quolibet incorruptum. Melior est enim natura, quæ cum praesto est corpori, praebet ei vitam, quam illa cui vita praebetur. Quantumlibet autem corruptus sit spiritus vitae qui factus est, vitam praebere corpori potest: ac per hoc melior illo est, quamvis incorrupto, corruptus.

CAPUT VI. — *Naturam quæ corrupti non potest, summum bonum; quæ potest, aliquod bonum esse.* Corruptio autem si omnem modum, omnem speciem,

omnem ordinem rebus corruptilibus auferat, nulla natura remanebit. Ac per hoc omnis natura quæ corrupti non potest, summum bonum est, sicut Deus est. Omnis autem natura quæ corrupti potest, etiam ipsa aliquod bonum est: non enim posset ei nocere corruptio, nisi adimendo et minuendo quod bonum est.

CAPUT VII. — *Rationalium spirituum corruptio alia voluntaria, alia pænalis.* Creaturis autem præstantissimis, hoc est, rationalibus spiritibus, hoc præstabilit Deus, ut si nolint, corrupti non possint; id est, si obedientiam conservaverint sub Domino Deo suo, ac sic incorruptibili pulchritudini ejus adhaerent: si autem obedientiam conservare noluerint, quoniā volentes corrumpuntur in peccatis, nolentes corrumpantur in pœnis. Tale quippe bonum est Deus, ut nemini eum deserenti bene sit: et in rebus a Deo factis tam magnum bonum est naturæ rationalis, ut nullum sit bonum quo beata sit nisi Deus. Peccantes igitur in suppliciis ordinantur: quæ ordinatio quia eorum naturæ non competit, ideo pœna est; sed quia culpæ competit, ideo justitia est.

CAPUT VIII. — *Ex rerum inferiorum corruptione ac interitu pulchritudo universi.* Cetera vero quæ sunt facta de nihilo, quæ utique inferiora sunt quam spiritus rationalis, nec beata possunt esse, nec misera. Sed quia pro modo et specie sua etiam ipsa bona sunt, nec esse quanvis minor et minima bona, nisi a summo bono Deo potuerunt, sic ordinata sunt, ut cedant infirmiora firmioribus, et invalidiora fortioribus, et impotentiora potentioribus, atque ita cœlestibus terrena concordent tanquam præcellentibus subdita. Fit autem decadentibus et succendentibus rebus temporalis quedam in suo genere pulchritudo, ut nec ipsa quæ moriuntur, vel quod erant esse desinunt, turpent aut turbent modum et speciem et ordinem universæ creaturæ: sicut sermo bene compitus utique pulcher est, quamvis in eo syllabæ atque omnes soni tanquam nascendo et moriendo transcurrant.

CAPUT IX. — *Pœna peccanti naturæ, ut recte ordinetur, constituta.* Qualis autem et quanta pœna cuique culpæ debeatur, divini judicij est, non humani: quæ utique et cum conversis remittitur, magna est bonitas apud Deum; et cum debita redditur, nulla est iniqüitas apud Deum: quia melius ordinatur natura, ut juste doleat in supplicio, quam ut impune gaudeat in peccato. Quæ tamen etiam sic habens nonnullum modum et speciem et ordinem, in quacumque extremitate adhuc aliquod bonum est: quæ si omnino detrahantur, ei penitus consumantur, ideo nullum bonum erit, quia nulla natura remanebit.

CAPUT X. — *Naturæ corruptibiles, quia ex nihilo factæ.* Omnes igitur naturæ corruptibiles, nec omnino naturæ essent, nisi a Deo essent; nec corruptibiles essent, si de illo essent, quia hoc quod ipse est essent. Ideo ergo quocumque modo, quacumque specie, quocumque ordine sunt, quia Deus est a quo factæ sunt: ideo autem non incommutabiles sunt, quia nihil est

(*Dix-huit.*)

unde factæ sunt. Sacrilega enim audacia coæquuntur nihil et Deus, si quale est illud quod de Deo natum est, tale velimus esse illud quod ab eo de nihilo factum est.

CAPUT XI. — *Noceri nec Deo potest, nec alii naturæ nisi ipso permittente.* Quapropter nec naturæ Dei noceri omnino potest, nec alicui naturæ sub Deo noceri injuste potest: quia et cum peccando injuste aliqui noceperint, voluntas injusta eis imputatur; potestas autem qua nocere permittuntur, non est nisi a Deo, qui et ipsis nescientibus novit quid illi pati debant, quibus eos nocere permittit.

CAPUT XII. — *Omnia bona non nisi a Deo.* Hæc omnia tam perspicua, tam certa, si vellent advertere, qui alienam naturam inducunt, quam non fecit Deus; non tantis blasphemis implerentur, ut et in summo malo tanta bona ponerent, et in Deo tanta mala. Sufficit enim, ut supra dixi, ad eorum correctionem, si velint attendere, quod eos etiam invitatos cogit veritas consiliteri, omnia prorsus bona non esse nisi a Deo. Non ergo ab alio sunt magna bona, et ab alio parva bona: sed et magna et parva bona non sunt nisi a summo bono, quod Deus est.

CAPUT XIII. — *Bona singula seu parva, seu magna, esse a Deo.* Commemoremus ergo bona quanta potuerimus, quæ dignum est ut Deo auctori tribuamus, et his sublatis videamus utrum aliqua natura remanebit. Omnis vita et magna et parva, omnis potentia et magna et parva, omnis salus et magna et parva, omnis memoria et magna et parva, omnis virtus et magna et parva, omnis intellectus et magnus et parvus, omnis tranquillitas et magna et parva, omnis copia et magna et parva, omnis sensus et magnus et parvus, omne lumen et magnum et parvum, omnis suavitatis¹ et magna et parva, omnis mensura et magna et parva, omnis pulchritudo et magna et parva, omnis pax et magna et parva, et si qua similia occurrere poterunt, maximeque illa quæ per omnia reperiuntur, sive spiritualia sive corporalia, omnis modus, omnis species, omnis ordo, et magnus et parvus, a Domino Deo sunt. Quibus bonis omnibus qui male uti voluerit, divino iudicio penas luet: ubi autem nullum horum omnino snerit, nulla natura remanebit.

CAPUT XIV. — *Parva bona in majorum comparatione contrariis nominibus appellantur.* Sed in his omnibus quæcumque parva sunt, in majorum comparatione contrariis nominibus appellantur: sicut in hominis forma quia major est pulchritudo, in ejus comparatione simiae pulchritudo deformitas dicitur: et fallit imprudentes, tanquam illud sit bonum, et hoc malum; nec intendunt in corpore simiae modum proprium, parilitatem ex utroque latere membroruin, concordiam partium, incolumitatis custodiām, et cetera, quæ persequi longum est.

CAPUT XV. — *In simiæ corpore pulchritudinis tamen inesse, licet minus.* Sed ut quod dicimus intelligatur, et nimium tardis satis fiat, vel etiam pertinaces et apertissimæ veritati repugnantes cogantur

¹ Ha MSS. At in editis, *santitas*.

quod verum est confiteri, interrogentur utrum corpori simiæ possit nocere corruptio. Quod si potest, ut sœdius fiat; quid minuit, nisi pulchritudinis bonum? Unde tamdiu aliquid remanebit, quamdiu corporis natura subsistit. Proinde si consumpto bono natura consumitur, bona ergo est natura. Sic et tardum dicimus veloci contrarium: sed tamen qui se omnino non movet, nec tardus dici potest. Sic acutæ voci contrariam vocem dicimus gravem, vel canore asperam: sed si omnem speciem vocis penitus adimas, silentium est ubi vox nulla est: quod tamen silentium, eo ipso quod vox nulla est, tanquam contrarium voci solet opponi. Sic et lucida et obscura tanquam duo contraria dicuntur: habent tamen et obscura aliquid lucis, quo si penitus careant, ita sunt tenebræ lucis absentia, sicut silentium vocis absentia.

CAPUT XVI. — *Privationes in rebus decenter a Deo ordinatae.* Quæ tamen etiam privationes rerum sic ordinantur in universitate naturæ, ut sapienter considerantibus non indecenter vices suas habeant. Nam et Deus certa loca et tempora non illuminando, tenebras facit tam decenter quam dies. Si enim nos continendo vocem, decenter interponimus in loquendo silentium; quanto magis ille quarundam rerum privationes decenter facit, sicut rerum omnium perfectus artifex? Unde et in hymno trium puerorum, etiam lux et tenebrae laudent Deum (*Dan.* iii, 72); id est, ejus laudem in bene considerantium cordibus pariant.

CAPUT XVII. — *Natura in quantum natura est, nulla mala.* Non ergo mala est, in quantum natura est, ulla natura; sed cuique naturæ non est malum nisi minui bono. Quod si minuendo absumeretur, sicut nullum bonum, ita nulla natura relinquetur: non solum qualem inducunt Manichæi, ubi tanta bona inveniuntur, ut nimia eorum cæcitas mira sit; sed qualem potest quilibet inducere.

CAPUT XVIII. — *Hylen, quæ rerum informis materies antiquis dicebatur, non esse malum.* Neque enim vel illa materies, quam antiqui hylen dixerunt, malum dicenda est. Non eam dico, quam Manichæus hylen appellat dementissima vanitate, nesciens quid loquatur, formaticem corporum: unde recte illi dicatum est, quod alterum deum inducat: nemo enim formare et creare corpora nisi Deus potest; neque enim creantur, nisi cum eis modus et species et ordo subsistit, quæ bona esse, nec esse posse nisi a Deo, puto quod iam etiam ipsi confidentur. Sed hylen dico quædam penitus informem et sine qualitate materiem, unde iste quas sentimus qualitates formantur, ut antiqui dixerunt. Hinc enim et silva græcæ dicitur, quod operantibus apta sit, non ut aliquid ipsa faciat, sed unde aliquid fiat. Nec ista ergo hylen malum dicenda est, quæ non per aliquam speciem sentiri, sed per omnitudinem speciei privationem cogitari vix potest. Habet enim et ipsa capacitate formarum: nam si capere impositam ab artifice formam non posset, nec materies utique diceretur. Porro

si bonum aliquod est forma, unde qui ea præalent, formosi appellantur, sicut a specie speciosi, procul dubio bonum aliquod est etiam capacitas formæ. Sic ut quia bonum est sapientia, nemo dubitat quod bonum sit capacem esse sapientiae. Et quia omne bonum a Deo; neminem oportet dubitare, etiam istam, si qua est, materiem non esse nisi a Deo.

CAPUT XIX. — *Esse vere, proprium Dei.* Magnifice igitur et divine Deus noster famulo suo dixit, *Ego sum qui sum; et, Dices filii Israel, Qui est misit me ad vos (Exod. iii, 14).* Vere enim ipse est, quia incommutabilis est. Omnis enim mutatio facit non esse quod erat: vere ergo ille est, qui incommutabilis est; ex terra quæ ab illo facta sunt, ab illo pro suo modo esse acceperunt. Ei ergo qui summe est, non potest esse contrarium nisi quod non est: ac per hoc sicut ab illo est omne quod bonum est, sic ab illo est omne quod naturaliter est¹; quoniam omne quod naturaliter est, bonum est. Omnis itaque natura bona est, et omne bonum a Deo est: omnis ergo natura a Deo est.

CAPUT XX. — *Dolor nonnisi in naturis bonis.* Dolor autem, quod præcipue malum nonnulli arbitrantur, sive in animo sive in corpore sit, nec ipse potest esse nisi in naturis bonis. Hoc enim ipsum quod resistit² ut doleat, quadam modo recusat non esse quod erat, quia bonum aliquod erat: sed cum ad melius cogitur, utilis dolor est; cum ad deteriorius, inutilis. In animo ergo dolorem facit voluntas resistens potestati majori: in corpore dolorem facit sensus resistens corpori potentiori. Sunt autem mala sine dolore pejora: pejus est enim gaudere de iniuitate, quam dolere de corruptione: verumtamen etiam tale gaudium non potest esse nisi ex adeptione bonorum inferiorum; sed iniuitas est desertio meliorum. Item in corpore melius est vulnus cum dolore, quam putredo sine dolore, quæ specialiter corruptio dicitur: quam non vidit, id est, non passa est mortua caro Domini, sicut in prophetia prædictum erat, *Nec dabitis sanctum tuum videre corruptionem (Psal. xv, 10).* Nam vulneratum esse confixione clavorum, et percussum de lancea quis negat (*Joan. xix, 18, 34*)? Sed etiam ipsa quæ proprie ab hominibus corruptio corporis dicitur, id est, ipsa putredo, si adhuc habet a iiquid quod alte consumat, bonum minuendo crescit corruptio. Quod si penitus absumpserit, sicut nullum bonum, ita nulla natura remanebit, quia jam corruptio quod corrumpat non erit; et ideo nec ipsa putredo erit, quia ubi sit omnino non erit.

CAPUT XXI. — *Modica a modo dicta.* Ideo quippe et parva atque exigua jam communi loquendi usu modica dicuntur, quia modus in eis aliquis restitit³, sine quo non jam modica, sed omnino nulla sunt. Illa autem quæ propter nimium progressum dicuntur immodata, ipsa nimietate culpantur: sed tamen ipsa etiam sub Deo, qui omnia in mensura, et in numero, et pondere disposuit (*Sap. xi, 21*), necesse est

¹ *Mas. hoc tantum loco, quod naturale est.*

² *In Mas., restitit.*

³ *Sic Mas. Editio autem, restitit. Minus bene.*

ut aliquo modo cobibeantur.

CAPUT XXII. — *Modus an aliqua ratione Deo ipsis conveniat.* Deus autem nec modum habere dicendus est, ne finis ejus dici putetur. Nec ideo tamen immoderatus est, a quo modus omnibus tribuitur rebus, ut aliquo modo esse possint. Nec rursus moderatum oportet dici Deum, tanquam ab aliquo modum accepit. Si autem dicamus eum summum modum, forte aliquid dicimus; si tamen in eo quod dicimus summum modum, intelligamus summum bonum. Omnis enim modus in quantum modus est, bonus est: unde omnia moderata, modesta, modifcata, dici sine laude non possunt; quanquam sub alio intellectu modum pro fine ponamus, et nullum modum dicamus, ubi nullus est finis: quod aliquando cum laude dicitur, sicut dictum est, *Et regni ejus non erit finis (Luc. i, 33).* Posset enim dici etiam, Non erit modus, ut modus pro fine dictus intelligeretur: nam qui nullo modo regnat, non utique regnat.

CAPUT XXIII. — *Unde interdum dicatur malus modus, mala species, malus ordo.* Malus ergo modus, vel mala species, vel malus ordo, aut ideo dicuntur, quia minora sunt quam esse debuerunt, aut quia non his rebus accommodantur quibus accommodanda sunt; ut ideo dicuntur mala, quia sunt aliena et incongrua: tanquam si dicatur aliquis non bono modo egisse, quia minus egit quam debuit, aut quia it egit sicut in re tali non debuit, vel amplius quam oportebat, vel non convenienter: ut hoc ipsum quod reprehenditur, malo modo actum, non ob aliud juste reprehendatur, nisi quia non est ibi servatus modus. Item species mala vel in comparatione dicitur formosioris atque pulchrioris, quod ista sit minor species, illa major, non mole, sed decore; aut quia non congruit huic rei cui exhibita est, ut aliena et inconveniens videatur: tanquam si nudus homo in foro deambulet, quod non offendit si in balneo videatur. Similiter et ordo tunc malus dicitur, cum minus ipse ordo servatur: unde non ibi ordo, sed potius inordinatio mala est, cum aut minus ordinatum est quam debuit, aut non sicut debuit. Tamen ubi aliquis modulus, aliqua species, aliquis ordo est, aliquod bonum et aliqua natura est: ubi autem nullus modulus, nulla species, nullus ordo est, nullum bonum, nulla natura est.

CAPUT XXIV. — *Testimonii Scripturarum probatur Deum esse incommutabilem. Filium Dei esse genitum, non factum.* Haec quæ nostra fides habet, et utcumque ratio vestigavit, divinarum Scripturarum testimonii munienda sunt: ut qui ea minore intellectu assequi non possunt, divinæ auctoritati credant, et ob hoc intelligere mereantur. Qui autem intelligent, sed ecclesiasticis Litteris minus instructi sunt, magis ea nos ex nostro intellectu proferre, quam in illis Libris esse, non arbitrentur. Itaque Deum esse incommutabilem, sic scriptum est in Psalmis: *Mutabis ea, et mutabuntur; tu autem idem ipse es (Psal. ci, 27).* Et in libro Sapientiae de ipsa Sapientia: *In se ipsa manens innovat omnia (Sap. vii, 27).* Unde et apostolus Pau-

lus : *Invisibili, incorruptibili soli Deo* (*I Tim. i, 17*). Et apostolus Jacobus : *Omne datum optimum, et omne donum perfectum desursum est. descendens a Patre lumen, apud quem non est commutatio, nec momenti obumbratio* (*Jacobi i, 17*). Item quia id quod de se genuit, hoc est quod ipse est, ita ab ipso Filio breviter dicitur : *Ego et Pater unus sumus* (*Joan. x, 30*). Quia autem non est factus Filius, quippe cum per illum facta sint omnia; sic scriptum est : *In principio erat Verbum, et Verbum erat apud Deum, et Deus erat Verbum; hoc erat in principio apud Deum. Omnia per ipsum facta sunt, et sine ipso factum est nihil* (*Id. i, 4-5*) : id est, non est factum sine ipso aliiquid.

CAPUT XXV.— *Illiud Evangelii*, Sine ipso factum est nihil, male intellectum a nonnullis. Neque enim audienda sunt deliramenta hominum, qui nihil hoc loco aliiquid intelligendum putant, et ad hujusmodi vanitatem propterea putant cogi posse aliquem, quia ipsum nihil in fine sententiae positum est. Ergo, inquit, factum est; et ideo quia factum est, ipsum nihil aliiquid est. Sensum enim perdiderunt studio contradicendi, nec intelligunt nihil interesse utrum dicatur, *Sine illo factum est nihil*; an, *Sine illo nihil factum est*: quia et si illo ordine diceretur, *Sine illo nihil factum est*; possent nihilominus dicere, ipsum nihil aliiquid esse, quia factum est. Quod enim revera est aliiquid, quid interest utrum ita dicatur, *Sine illo facta est domus*; an, *Sine illo domus est facta*: dum intelligatur aliiquid sine illo factum, quod aliiquid dominus est? Ita quia dictum est, *Sine illo factum est nihil*; quoniam nihil utique non est aliiquid, quando vere et proprie dicitur: sive dicatur, *Sine illo factum est nihil*; sive, *Sine illo nihil factum est*, vel, *nihil est factum*; nihil interest. Quis autem velit loqui cum hominibus, qui hoc ipsum quod dixi, Nihil interest, possunt dicere. Ergo interest aliiquid, quia ipsum nihil aliiquid est? Illi autem qui sanum habent cerebrum, rem manifestissimam vident, hoc idem intelligi cum dixi, Nihil interest, quod intelligeretur si dicere, Interest nihil. At isti si alicui dicant, Quid fecisti? et ille respondeat, nihil se fecisse: consequens est ut ei calumniantur dicentes, Fecisti ergo aliiquid, quia nihil fecisti; ipsum enim nihil aliiquid est. Habent autem et ipsum Dominum in fine sententiae ponentem hoc verbum, ubi ait : *Et in occulto locutus sum nihil* (*Id. xviii, 20*). Ergo legant, et taceant.

CAPUT XXVI.— *Creaturas ex nihilo factas esse*. Quia ergo Deus omnia quæ non de se genuit, sed per Verbum suum fecit, non de his rebus quæ jam erant, sed de his quæ omnino non erant, hoc est, de nihilo fecit, ita dicit Apostolus : *Qui vocat ea quæ non sunt, tanquam sint*¹ (*Rom. iv, 17*). Apertius autem in libro Machabæorum scriptum est : *Oro te, fili, respice ad cælum, et terram, et omnia quæ in eis sunt*: vide, et scito quia non erant, ex quibus nos fecit Dominus Deus (*II Machab. vii, 28*). Et illud quod in Psalmo scriptum est, *Ipse dixit, et factu sunt* (*Psalm. cxlviii,*

5) : manifestum est, quod non de se ista generat, sed in verbo atque imperio fecerit. Quod autem non de se, utique de nihilo. Non enim erat aliud unde ficeret, de quo apertissime Apostolus dicit : *Quoniam ex ipso, et per ipsum, et in ipso sunt omnia* (*Rom. xi, 36*).

CAPUT XXVII.— *Ex ipso et De ipso non idem significare*. Ex ipso autem non hoc significat, quod *De ipso*. Quod enim de ipso est, potest dici ex ipso : non autem omne quod ex ipso est, recte dicitur de ipso. Ex ipso enim cœlum et terra, quia ipse fecit ea : non autem de ipso, quia non de substantia sua. Sicut aliquis homo si gignat filium, et faciat dominum, ex ipso filius, ex ipso dominus : sed filius de ipso, dominus de terra et ligno. Sed hoc quia homo est, qui non potest aliquid etiam de nihilo facere : Deus autem ex quo omnia, per quem omnia, in quo omnia, non opus habebat aliqua materia, quam ipse non fecerat, adjuvari omnipotentiam suam.

CAPUT XXVIII.— *Peccata non ex Deo, sed ex voluntate esse peccantium*. Cum autem audimus, *Omnia ex ipso, et per ipsum, et in ipso*; omnes utique naturas intelligere debemus quæ naturaliter sunt. Neque enim ex ipso sunt peccata, quæ naturam non servant, sed vitiant, quæ peccata ex voluntate esse peccantium multis modis sancta Scriptura testatur, præcipue illo loco quo dicit Apostolus : *Existimas autem hoc, o homo, qui judicas eos qui talia agunt, et facis ea, quoniam tu effugies judicium Dei? An divitias benignitatis et patientiae ejus et longanimitatis contemnis, ignorans quoniam patientia Dei ad paenitentiam te adducit? Secundum duritiam autem cordis tui et cor impenitens, thesaurizas tibi iram in die iræ et revelationis justi iudicii, Dei, qui reddet unicuique secundum opera sua* (*Id. ii, 5-6*).

CAPUT XXIX.— *Peccatis nostris Deum non inquirari*. Nec tamen, cum in Deo sint universa quæ condidit, inquinant eum qui peccant, de cuius sapientia dicitur : *Attingit autem omnia propter suam munditiam*¹, et *nihil inquinatum in eam incurrit* (*Sup. vii, 24, 25*). Oportet enim, ut sicut Deum incorruptibilem et incommutabilem, ita consequenter etiam incoquinabilem credamus.

CAPUT XXX.— *Bona etiam minima et terrena esse a Deo*. Quia vero et minima bona, hoc est, terrena atque mortalia ipse fecit, illo Apostoli loco sine dubitatione intelligitur, ubi loquens de membris carnis nostræ, *Quia si glorificatur unum membrum, congaudent omnia membra; et si patitur unum membrum, compatiuntur omnia membra*; etiam hoc ibi ait, *Deus posuit membra, singulum quodque eorum in corpore prout voluit: et, Deus temperavit corpus, ei cui deerat majorem honorem dans, ut non essent scissuræ in corpore, sed idem ipsum ut pro invicem sollicitu sint membra* (*I Cor. xii, 26, 18, 24, 25*). Illoc autem quod sic in modo et specie et ordine membrorum carnis laudat Apostolus, in omnium animalium carne invenis, et maximorum et

¹ Sic MSS. Editi vero, *tanquam ea quæ sunt*.

¹ Editi, per suam munditiam. At MSS. juxta vulgatem, propter, etc.

minimorum; cum omnis caro in bonis terrenis, ac per hoc minimis deputetur.

CAPUT XXXI. — *Punire ac donare peccata peræque ad Deum pertinere.* Item quia enique culpe qualis et quanta debeatur poena, divini judicij est, non humani, sic scriptum est: *O altitudo divitiarum sapientie et scientie Dei! quam inscrutabilia sunt iudicia ejus, et investigabiles viæ ejus (Rom. xi, 35).* Item quia bonitate Dei donantur peccata conversis, hoc ipsum quod Christus missus est, satis ostendit; qui non in sua natura qua Deus est, sed in nostra quam de feminâ assumpsit, pro nobis mortuus est: quam Dei bonitatem circa nos et dilectionem sic prædicat Apostolus: *Commendat, inquit, suam charitatem Deus in nobis, quantum cum adhuc peccatores essemus, Christus pro nobis mortuus est: multo magis autem justificati in sanguine ipsius, salvi erimus ab ira per ipsum. Si enim, cum inimici essemus, reconciliati sumus Deo per mortem Filii ejus; multo magis reconciliati, salvi erimus in vita ipsius (Id. v, 8-10).* Quia vero etiam cum peccatoribus poena debita redditur, non est iniqüitas apud Deum, sic dicit: *Quid dicemus? Numquid iniqüus Deus, qui infert iram (Id. iii, 5)?* Uno autem loco et bonitatem et severitatem ab illo esse breviter admonuit, dicens: *Vides ergo bonitatem et severitatem Dei: in eos quidem qui ceciderunt, severitatem; in te autem bonitatem, si permanesis in bonitate (Id. xi, 22).*

CAPUT XXXII. — *A Deo esse et ipsam nocendi potestatem.* Item quia etiam nocentium potestas non est nisi a Deo, sic scriptum est loquente Sapientia: *Per me reges regnant, et tyraanni per me tenent terram (Prov. viii, 15).* Dicit et Apostolus: *Non est enim potestas nisi a Deo (Rom. xiii, 4).* Digne autem fieri, in libro Job scriptum est: *Qui regnare facit, inquit, hominem hypocroram, propter perversitatem populi (Job xxxiv, 30).* Et de populo Israel dicit Deus: *Dedi eis regem in ira mea (Osee xiii, 11).* Injustum enim non est ut improbis accipientibus nocendi potestatem, et bonorum patientia probetur, et malorum iniqüitas puniatur. Nam per potestatem diabolo dataam, et Job probatus est ut justus appareret (*Job 1 et 11*), et Petrus tentatus ne de se præsumeret (*Math. xxvi, 31-35, 69-75*), et Paulus colaphizatus ne se extolleret (*Il Cor. xii, 7*), et Judas damnatus ut se suspenderet (*Math. xxvii, 5*). Cum ergo per potestatem quam diabolo dedit, omnia justi ipse Deus fecerit; non tamen pro his justi factis, sed pro iniqua nocendi voluntate, quæ ipsius diaboli fuit, ei reddetur in fine supplicium, cum dicetur impiis qui ejus nequitie consentire perseveraverint: *Ite in ignem æternum, quem paravit Pater meus diabolo et angelis ejus (Id. xxv, 41).*

CAPUT XXXIII. — *Angelos malos non a Deo, sed peccando factos esse malos.* Quia vero et ipsi mali angeli non a Deo mali sunt conditi, sed peccando facti sunt mali, sic Petrus in Epistola sua dicit: *Si enim Deus angelis peccantibus non pepercit, sed carceribus caliginis inferi detrudens tradidit in iudicio puniendos servari (Il Petr. ii, 4).* Hinc Petrus ostendit adhuc eis

¹ In MSS., *trudens.*

ultimi iudicij poenam deberi, de qua Dominus dicit: *Ite in ignem æternum, qui paratus est diabolo et angelis ejus.* Quanvis iam penaliter¹ hunc inferum, hoc est, inferiorem caliginosum aerem tanquam carcerem aperient: qui tamen quoniam et cœlum dicitur, non illud cœlum in quo sunt sidera, sed hoc inferius cuius caligine nubila congregantur, et ubi aves volitant; nam et cœlum nubilum dicitur, et volatilia cœli appellantur: secundum hoc Apostolus Paulus eosdem iniquos angelos, contra quos nobis invidios pie vivendo pugnamus, *spiritualia nequitie in cœlestibus nominat (Ephes. vi, 12).* Quod ne de illis superioribus cœlis intelligatur, aperte alibi dicit: *Secundum principem potestatis acris hujus, qui nunc operatur in filiis² diffidentiae (Id. ii, 2).*

CAPUT XXXIV. — *Peccatum non est malæ naturæ appetitio, sed melioris desertio.* Item quia peccatum vel iniqüitas non est appetitio naturarum malarum, sed desertio meliorum; sic in Scripturis invenitur scriptum, *Omnis creatura Dei bona est (I Tim. iv, 4)*: ac per hoc et omne lignum quod in paradyso Deus plantavit, utique bonum est. Non ergo malam naturam homo appetivit, cum arborem vetitam tetigit: sed id quod melius erat deserendo, factum malum ipse commisit. Melior quippe Creator, quam ulla creatura quam condidit: cuius imperium non erat deserendum, ut tangerebatur prohibitus, quamvis bonum; quoniam deserto meliore, bonum creaturæ appetebatur, quod contra Creatoris imperium tangebatur. Non itaque Deus arborem malam in paradyso plantaverat; sed ipse erat melior, qui eam tangi prohibebat.

CAPUT XXXV. — *Arbor Adæm vetita, non quia mala, sed quia homini bonum ut subditus sit Deo.* Ad hoc enim et prohibuerat, ut ostenderet animæ rationalis naturam, non in sua potestate; sed Deo subditam esse debere, et ordinem sue salutis per obedientiam custodiare, per inobedientiam corrumpere. Hinc et arborem quam tangi vetuit, sic appellavit, *dignoscitiae boni et mali (Gen. n, 9)*: quia cum contra vetitum tetigisset, experiretur poenam peccati, et eo modo dignosceret quid interesset inter obedientiam bonum et inobedientiam malum.

CAPUT XXXVI. — *Nulla creatura Dei mala, sed ea male uti est malum.* Nam quis ita desipiat, ut Dei creaturam, maxime in paradyso plantatam, vituperandam putet; quandoquidem nec ipsæ spine ac tribuli, quos peccatori in labore conterendo³ secundum Dei iudicariam voluntatem terra peperit, recte vituperentur. Habant enim et tales herbæ modum, et speciem, et ordinem suum, quæ quisquis sobrie consideraverit, laudanda reperiet: sed ei naturæ ista mala sunt, quam peccati merito sic coerceri oportebat. Non est ergo, ut dixi, peccatum malæ naturæ appetitio, sed melioris desertio; et ideo factum ipsum malum est, non illa natura qua male utitur peccans. Malum est enim male uti bono. Unde Apostolus damnatos quos-

¹ Loco, *pænuliter*, in MSS. legitur, *pæna*.

² Editi, *m filios.* Al MSS., *in filiis.* Graece est, *en uois.*

³ Editi, *conterendos.* Verius MSS., *conterendo.*

dum divino judicio reprehendit, qui *coierunt et servierunt creaturæ potius quam Creatori* (*Rom. i, 25*). Neque enim creaturam reprehendit; quod qui fecerit, Creatori facit injuriam: sed eos qui male usi sunt bono, meliore deserto.

CAPUT XXXVII. — *Malis peccantium Deus bene ntitur.* Proinde si custodiant omnes naturæ modum, et speciem, et ordinem proprium, nullum erit malum: si autem his bonis quisque male uti voluerit, nec sic vincit voluntatem Dei, qui etiam injustos juste ordinare novit; ut si ipsi per iniquitatem voluntatis suæ male usi fuerint bonis illius, ille per justitiam potestatis suæ bene utatur malis ipsorum, recte ordinans in pœnis, qui se perverse ordinaverint in peccatis.

CAPUT XXXVIII. — *Ignis æternus malos crucians non malus.* Nam nec ipse ignis æternus, qui cruciatrus est impios, mala natura est, habens modum et speciem et ordinem suum, nulla iniquitate depravatum: sed cruciatus est damnatis malus, quorum peccatis est debitus. Neque enim et lux ista, quia lippos cruciat, mala natura est.

CAPUT XXXIX. — *Æternus ignis dicitur, non sicut Deus, sed quia sine fine.* Æternus autem ignis, non sicut Deus æternus, quod etsi sine fine sit, non est tamen sine initio¹; Deus autem etiam sine initio est. Deinde quia licet perpetuus² peccatorum suppliciis adhibetur, metastabilis tamen natura est. Illa est autem vera æternitas, quæ vera immortalitas; hoc est, illa summa incommutabilitas, quam solus Deus habet, qui mutari omnino non potest. Aliud est enim non mutari, cum possit mutari; aliud autem prorsus non posse mutari. Sicut ergo dicitur homo bonus, non tamen sicut Deus, de quo dictum est, *Nemo bonus nisi unus Deus* (*Marc. x, 18*); et sicut dicitur anima immortalis, non tamen sicut Deus, de quo dictum est, *Qui solus habet immortalitatem* (*I Tim. vi, 16*); et sicut dicitur homo sapiens, non tamen sicut Deus, de quo dictum est, *Soli sapienti Deo* (*Rom. xvi, 27*): sic dicitur ignis æternus, non tamen sicut Deus, cuius solus immortalitas ipsa est vera æternitas.

CAPUT XL. — *Nec Deo noceri potest nec alii, nisi Dei justa ordinatione.* Quæ cum ita sint secundum catholicam fidem et sanam doctrinam, et intelligentibus perspicuum veritatem, nec naturæ Dei nocere potest quisquam, nec natura Dei nocere inuste cuiquam, vel nocere impune patitur quemquam. Qui enim nocet, ait Apostolus, recipiet id quod nocuit; et non est personarum acceptio apud Deum (*Coloss. iii, 25*).

CAPUT XLI. — *Quanta bona Manichæi ponant in natura mali, et quanta mala in natura boni.* Quod Manichæi si vellent sine perniciose studio defendendi erroris sui, et cum Dei timore cogitare; non scelerissime blasphemarent inducendo duas naturas, unam

¹ Fr. Lugd. Ven. Lov. sic habent hunc locum: *Æternus autem ignis, non sicut Deus æternus dicitur proprie, quia proprie ignis æternus est quod sine fine sit, non est tamen sine initio.* M.

² Sie vss. Editi autem, perpetuus.

bonam quam dicunt Deum, alteram malam quam non fecerit Deus: ita errantes, ita delirantes, imo vero ita insanientes, ut non videant, et in eo quod dicunt

naturam summi mali, ponere se tanta bona, ubi ponunt vitam, potentiam, salutem, memoriam, intellectum, temperiem, virtutem, copiam, sensum, lumen, suavitatem, mensuras, numeros, pacem, modum, speciem, ordinem; in eo autem quod dicunt summum bonum, tanta mala, mortem, ægritudinem, oblivionem, insipientiam, perturbationem, impotentiam, egestatem, stoliditatem, cæcitatem, dolorem, iniquitatem, dedecus, bellum, immoderationem, deformitatem, perversitatem. Principes enim tenebrarum et vixisse in sua natura dicunt, et in suo regno salvos fuisse, et meminisse, et intellexisse. Sic enim concionatum illi dicunt principem tenebrarum, ut neque ipse talia dicere, neque ab eis quibus dicebat audiri sine memoria et intellectu potuisset: et habuisse temperiem animo et corpori suo congruam, et virtute potentie regnasse, et copias elementorum suorum ac secunditates³ habuisse, et sensisse se invicem ac sibi vicinum lumen, et oculos habuisse, quibus illud longe consiperent; qui utique oculi sine aliquo lumine lumen⁴ videre non poterant, unde recte etiam lumen nominantur: et suavitatem sua voluptatis esse perfructos, et dimensis membris atque habitationibus determinatos fuisse. Nisi autem etiam qualiscumque pulchritudo ibi fuisse, nec amarent conjugia sua, nec partium congruentia corpora eorum constarent: quod ubi non fuerit, non possunt ea fieri quæ ibi facta esse delirant. Et nisi pax aliqua ibi esset, principi suo non obedirent. Nisi modus ibi esset, nihil aliud agerent, quam comedenter, aut biberent, aut sœvirent⁵, aut quolibet aliud sine aliqua societate⁶: quanquam nec ipsi qui hoc agebant, formis suis determinati essent, nisi modus ibi esset: nunc vero talia dicunt eos egisse, ut in omnibus actionibus suis modos sibi congruos habuisse negare non possint. Si autem species ibi non fuisse, nulla ibi qualitas naturalis subsisteret. Si nullus ordo ibi fuisse, non alii dominantur, alii subderentur, non in suis elementis congruenter vivebent, non denique suis locis haberent membra disposita, ut illa omnia quæ vana isti fabulantur, agere possent. Dei autem naturam si non mortuam dicunt, quid secundum eorum vanitatem suscitat Christus? Si non dicunt ægram, quid curat? Si non dicunt oblitam, quid commemorat? Si non dicunt insipientem, quid docet? Si non dicunt perturbatam, quid redintegrat? Si non victa et capta est, quid liberat? Si non eget, cui subvenit? Si non amisit sensum, quid vegetat? Si non est excæcata, quid illuminat? Si non est in dolore, quid recreat? Si non est iniqua, quid per præcepta corrigit? Si non est dedecorata, quid muniat? Si non est in bello, cui promittit pacem? Si non

³ Plures MSS., secunditatis.

⁴ Sola editio Lov. hic omittit, lumen.

⁵ Cisterciensis Ms., aut sœvrent. Quatuor vaticani, aut scrivent.

⁶ In MSS., sine aliqua satietate.

est immoderata, cui modum legis imponit? Si non est deformis, quid reformat? Si non est perversa, quid emendat? Omnia enim haec a Christo, non illi rei praestari dicunt, quae facta est a Deo, et arbitrio proprio peccando depravata; sed ipsi naturae; ipsi substantiae Dei, quae hoc est quod Deus.

CAPUT XLII.—*Manicheorum de Dei natura blasphemiae.* Quid istis blasphemias comparari potest? Nihil omnino, sed si aliarum perversarum sectarum considerentur errores: si antem iste sibi error ex parte altera, de qua nondum diximus, comparetur, adhuc etiam multo pejus et exsecrabilius in Dei naturam blasphemare convincitur. Dicunt enim etiam nonnullas animas, quas volunt esse de substantia Dei et ejusdem omnino naturae, quae non sponte peccaverint, sed a gente tenebrarum, quam mali naturam dicunt, ad quam debellandam non ulti, sed patris imperio descenderunt, superata et oppressae sint, affligi in aeternum globo horribili tenebrarum. Ita secundum eorum sacrilega vaniloquia, Deus se ipsum in quadam parte a magno malo liberavit, et rursus se ipsum in quadam parte damnavit, quam liberare ab hoste non potuit, et tanquam de ipso hoste devicto insuper triumphavit. Oscelestam et incredibilem audaciam, talia de Deo credendi, talia loquendi, talia predicandi! Quod cum defendere conantur, ut in pejora irruant clausis oculis, dicunt male naturae commixtionem facere ista, ut bona Dei natura tanta mala patiatur: nam ipsam apud se ipsam nihil borum pati potuisse vel posse. Quasi inde laudanda sit natura incorruptibilis, quia ipsa sibi non nocet, et non quia nihil ei noceri ab aliquo potest. Deinde si natura tenebrarum nocuit naturae Dei, et natura Dei nocuit naturae tenebrarum; duo ergo mala sunt quae sibi invicem nocuerunt, et meliore animo fuit gens tenebrarum, quia et si nocuit, nolens nocuit: neque enim nocere, sed frui voluit bono Dei. Deus autem illam extingue voluit, sicut Manichaeus apertissime in epistola ruinosa sui Fundamenti delirat. Oblitus enim quod paulo ante dixerat, *Ita autem fundata sunt ejusdem splendidissima regna supra lucidam et beatam terram, ut a nullo unquam aut moveri, aut concuti possint;* postea dixit: *Lucis vero beatissimae Pater, sciens labem magnam ac vastitatem quae ex tenebris surgeret, adversus sua sancta impendere sacula, nisi aliquod extium ac praelarum et virtute potens numen opponat,* quo superet simul ac destruet stirpem tenebrarum, *qua extincta perpetua quies lucis incolis pararetur.* Ecce timuit labem ac vastitatem impendentem sacculis suis. Certe sic erant fundata super lucidam et beatam terram, ut a nullo unquam moveri aut concuti possent? Ecce a timore nocere voluit vicinæ genti, quam destruere et extingue conatus est, ut perpetua quies lucis incolis pararetur. Quare non addidit, Et perpetuum vinculum? An ille animae quas in globo tenebrarum in aeternum configit, non erant incole

lucis, de quibus aperte dicit, quod errare se a priore lucida sua natura passæ sint? ubi et nolens coactus est dicere, libera eas voluntate peccasse, qui non vult peccatum ponere nisi in necessitate naturæ contrariae: ubique nesciens quid loquatur, et tanquam ipso jam inclusus sit in tenebrarum globo quem fixit, querens quia exeat, et non inveniens. Sed dicat quod vult seductis et misericordiis, a quibus multo amplius quam Christus honoratur, ut hoc pretio tam longas et tam sacrilegas eis fabulas vendat. Dicat quod vult, includat in globo tanquam in carcere gentem tenebrarum, et forinsecus affligat naturam lucis, cui de hoste extincto quietem perpetuam promittebat: ecce peior est poena lucis quam tenebrarum, peior est poena divinae naturae quam gentis adverse. Illa quippe etsi in tenebris intus est, ad naturam ejus pertinet in te nebris habitare: animæ autem quae hoc sunt quod Deus, non poterunt recipi, sicut dicit, in regna illa pacifica, et a vita ac libertate sanctæ lucis alienabuntur, et consigentur in predicto horribili globo: unde et adhaerent, inquit, *iis rebus animæ eadem quas dilexerunt, relicta in eodem tenebrarum globo, suis meritis id sibi conquirentes.* Certe non est liberum voluntatis arbitrium? Videte quomodo insanians quid dicat ignorat, et contraria sibi loquendo pejus bellum contra se gerit, quam contra deum ipsius gentis tenebrarum. Deinde si propterea damnantur animæ lucis, quia dilexerunt tenebras; inuste damnatur gens tenebrarum, quae lucem dilexit. Et gens quidem tenebrarum lucem ab initio dilexit, quam etsi violenter, tamen possidere voluit, non extinguere: lucis autem natura in bello tenebras extinguere voluit; ea ergo victa dilexit. Quod vultis eligit: utrum necessitate compulsa ut diligeret tenebras, an voluntate seducta. Si necessitate, quare dominatur? si voluntate, quare Dei natura in tanta iniquitate deprehenditur? Si necessitate Dei natura coacta est diligere tenebras, victa est ergo, non vicit: si voluntate, quid jam miseri dubitant peccandi voluntatem tribuere naturae quam Deus ex nihilo fecit, ne tribuant eam luci quam genuit?

CAPUT XLIII.—*Mala ante mali commixtionem multa tribui naturae Dei a Manicheis.* Quid, si etiam ostendimus, ante commixtionem mali, quam fabulose conscientiam dementissime crediderunt, in ipsa lucis natura, quam dicunt, magna mala fuisse? quid ad istas blasphemias addi posse videbitur? Illic enim fuit antequam pugnaretur, dura et inevitabilis pugnandi necessitas: ecce jam magnum malum antequam bono misceretur malum: dicant hoc unde, cum adhuc nulla esset facta commixtio. Si autem necessitas non erat, voluntas ergo erat: unde et hoc tam magnum malum, ut Deus ipse naturae suæ nocere velle, cui noceri ab hoste non poterat, mittendo eam crudeliter miscendam, turpiter purgandam, inique damnandam? Ecce quantum malum perniciosa et noxia et immanissima voluntatis, antequam ullum malum de gente contraria misceretur. An forte nesciebat hoc eventurum membris suis, ut diligerent tenebras et

¹ vox, sed, abest ab Er. Lugd. Ven. Lov. M.

² Editio, ne in pejora irruant, clausis oculis dicunt. Emendatur ex MSS.

³ Clerique MSS., hanen opposit.

inimicæ existerent sanctæ luci , sicut ipse dicit , hoc est , non tantum Deo suo , sed etiam Patri de quo erant ? Unde ergo hoc in Deo tam magnum ignorantiae malum , antequam ullum de gente contraria misceretur malum ? Si autem hoc futurum sciebat , aut sempiterna in illo erat crudelitas , si de sue naturæ futura contaminatione et damnatione nihil dolebat ; aut sempiterna miseria , si dolebat : unde et hoc tantum malum summi boni vestri ante ullam commixtionem summi mali vestri ? Ipsa certe particula naturæ ipsius , quæ in illius globi æternō vinculo configitur , si hoc sibi imminere nesciebat , etiam sic erat in natura Dei sempiterna ignorantia ; si autem sciebat , sempiterna miseria : unde hoc tantum malum , antequam ullum de gente contraria misceretur malum ? An forte magna charitate gaudebat , quia per ejus pœnam perpetua quies cæteris lucis incolis parabatur ? Hoc quam nefas sit dicere qui videt , anathemet ¹. Sed si hoc saltem ita ficeret , ut ipsa luci inimica non fieret , posset fortasse non tanquam Dei natura , sed tanquam aliquis homo laudari , qui pro patria sua vellet mali aliquid pati , quod quidem malum ad tempus posset esse , non in æternum : nunc vero et illam in globo tenebrarum confixionem dicunt æternam , et non cujusque rei , sed naturæ Dei ; et utique iniquissimum et execrabile et ineffabiliter sacrilegum gaudium erat , si Dei natura gaudebat se tenebras dilecturam , et luci sanctæ inimicam futuram . Unde hoc tam immane et scelestum malum , antequam ullum ex gente contraria misceretur malum ? Quis tam perversam et tam implam ferat insaniam , summo malo tribuere tanta bona , et summo bono , quod Deus est , tanta mala ?

CAPUT XLIV.—*Turpitudines incredibilis a Manichæo excitatæ in Deo.* Jam vero quod ipsam partem naturæ Dei dicunt ubique permixtam in cœlis , in terris , sub terris , in omnibus corporibus , siccis et humidis , in omnibus carnibus , in omnibus seminibus arborum , herbarum , hominum , animalium : non potentia divinitatis sine ullo nexus incoquinabiliter , inviolabiliter , incorruptibiliter omnibus rebus administrandis regendisque præsentem , quod nos de Deo dicimus ; sed ligatam , oppressam , pollutam , quam solvi , liberari , purgarique dicunt , non solum per discursum solis et lunæ , et virtutes lucis , verum etiam per Electos suos : hoc genus nefandissimi erroris quam sacrilegas et incredibilis turpitudines eis suadeat , etiamsi non persuadeat , horribile est dicere . Dicunt enim virtutes lucis transfigurari in masculos pulchros , et opponi feminis gentis tenebrarum ; et easdem rursus virtutes lucis transfigurari in feminas pulchras , et opponi masculis gentis tenebrarum ; ut per pulchritudinem suam inflammat spurcissimam libidinem principum

¹ Am. et Er. : *Hoc quam nefas sit dicere , naturæ Dei sic subveniri , quicumque audit , anathematizaret , etc. Lov. , Hoc quam nefas sit dicere , naturæ Dei a natura Dei sic subveniri , quicumque audit , anathematizaret , etc. At melioris nota MSS. , omisso , naturæ Dei a natura Dei sic subveniri , habent : Hoc quam nefas sit dicere qui ridet , anathemet. Sed si hoc saltem ita ficeret : supple , illa particula naturæ Dei.*

tenebrarum , et eo modo vitalis substantia , hoc est , Dei natura , quam dicunt in eorum corporibus ligatam teneri , ex eorum membris per ipsam concupiscentiam relaxatis , soluta fugiat , et suscepta vel purgata liberetur . Hoc infelices legunt , hoc dicunt , hoc audiunt , hoc credunt , hoc in libro septimo Thesauri eorum (sic enim appellant scripturam quamdam Manichæi , ubi istæ blasphemie conscriptæ sunt) ita positum est : *Tunc beatus ille Pater , qui lucidas naves habet diversoria et habitacula seu magnitudines , pro insita sibi clementia fert opem , qua exsurgit et liberatur ab impiis retinaculis et angustiis atque angoribus suæ vitalis substantiæ¹.* Itaque invisibili suo nutu illas suas virtutes , quæ in clarissima hac navi habentur , transfigurat , easque parere facit adversis potestatibus , quæ in singulis cœlorum tractibus ordinatæ sunt . Quæ quoniam ex utroque sexu masculorum ac seminarum consistunt , ideo prædictas virtutes partim specie puerorum investitum parere jubet generi adverso seminarum , partim virginum lucidorum forma generi contrario masculorum : sciens eas omnes hostiles potestates , propter ingenitam sibi letalem et spurcissimam concupiscentiam facillime capi , atque iisdem speciebus pulcherrimis quæ apparent mancipari , hocque modo dissolvi . Sciatis autem hunc eundem nostrum beatum Patrem hoc idem esse , quod etiam suæ virtutes , quas ob necessariam causam transformat in puerorum et virginum intemeratam ² similitudinem . Utitur autem his tanquam propriis armis , atque per eas suam compleat voluntatem . Harum vero virtutum divinarum , quæ ad instar conjugii contra inferna genera statuuntur , quæque alacritate ac facilitate id quod cogitaverint , momento eodem efficiunt , plenæ sunt lucidae naves . Itaque cum ratio poposcerit ut masculis appareant eadem sanctæ virtutes , illico etiam suam effigiem virginum pulcherrimarum habitu demonstrant . Rursus cum ad feminas ventum fuerit , postponentes species virginum , puerorum investitum speciem ostendunt . Hoc autem visu decoro illarum ardor et concupiscentia crescit , atque hoc modo vinculum pessimarum cogitationum ³ earum solvitur , vivaque anima quæ eorumdem membris tenebatur , hac occasione laxata evadit , et suo purissimo aeri miscetur ; ubi penitus abluteæ animæ ascendunt ad lucidas naves , quæ sibi ad vectationem ⁴ atque ad suæ patriæ transfretationem sunt præparatae . Id vero quod adhuc adversi generis maculas portat , per aestus atque calores particulatim descendit , atque arboribus cæterisque plantationibus ac satis omnibus miscetur , et caloribus diversis inficitur ⁵ . Et quo pacto ex ista magna et clarissima navi figuræ puerorum ac virginum apparent contrariis potestatibus , quæ in cœlis degunt , quæque igneam habent naturam ; atque ex isto aspectu decoro , vitæ pars quæ in earundem membris habetur , laxata deducitur per calores in terram : eodem modo etiam illa altissima virtus , quæ in navi vitalium aquarum habitat , in similitudine puerorum ac virginum sanctorum per

¹ Aliquot MSS. , sua vitalis substantia.

² Tres Vaticanæ MSS. , intemperatam.

³ Duo MSS. , passivarum cogitationum.

⁴ In B. , evectionem . Er. Lugd. Ven. Lov. secuti sumus . V

⁵ Pleiisque MSS. , et coloribus diversis infigitur .

suos angelos apparel his potestatibus, quarum natura frigida est atque humida, quæque in cœli ordinatae sunt. Et quidem his quæ feminæ sunt, in ipsis forma puerorum apparel: masculis vero, virginum. Hac vero mutatione et diversitate divinarum personarum ac pulcherrimarum, humidæ frigidæque stirpis principes masculi sive feminæ solvuntur, atque id quod in ipsis est vitale fugit: quod vero recederit, laxatum deducitur in terram per frigora¹, et cunctis terræ generibus admiscetur. Quis hoc ferat? quis hoc credat, non dico ita esse, sed vel dici potuisse? Ecce qui docentem timent anathemare Manichæum, et non timent credere hæc facientem et hæc patientem Deum!

CAPUT XLV.—*Turpitudines quædam nefariae de ipsis Manichæis non immerito creditæ. Per Electos autem suos purgari dicunt eamdem ipsam commixtam partem ac naturam Dei, manducando scilicet et bibendo, quia eam in alimentis omnibus dicunt ligatam teneri; quæ cum ab Electis velut sanctis in refectionem corporis manducando et bibendo assumuntur, per eorum sanctitatem solvi, signari et liberari. Nec attendunt miseri, quam non incongrue de illis creditum sit, quod frustra negant, nisi eosdem libros anathemaverint, et Manichæi esse destiterint. Si enim, sicut dicunt, in omnibus seminibus est ligata pars Dei, et ab Electis manducando purgatur; quis non digne credit eos facere, quod inter virtutes cœlorum et principes tenebrarum fieri in Thesauro suo legunt; quandoquidem et carnes suas de gente tenebrarum esse dicunt, et in eis ligatam teneri vitalem illam substantiam, partem Dei, credere atque affirmare non dubitant? Quæ utique si solvenda est, et manducando purganda, sicut eos fateri cogit funestus error ipsorum; quis non videat, quis non exhorreat, quanta turpitudine et quam nefaria consequatur?*

CAPUT XLVI.—*Epistolæ Fundamenti nefaria doctrina. Nam et a quibusdam principibus gentis tenebrarum sic dicunt Adam primum hominem creatum, ut lumen ab eis ne fugeret teneretur. In epistola enim quam Fundamenti appellant, quomodo princeps tenebrarum, quem patrem primi hominis inducunt, ad cœteros socios suos tenebrarum principes locutus fuerit et egerit, ita scripsit Manichæus: Inquis igitur commentis ad eos qui aderant ait: Quid vobis videtur maximum hoc lumen quod oritur? Intuenni quemadmodum polum movet, concutit plurimas potestates. Quapropter mihi vos potius æquum est², id quod in vestris viribus habetis luminis prærogare: sic quippe illius magni qui gloriose apparuit, imaginem fingam, per quam regnare poterimus, tenebrarum aliquando conversatione liberati. Hæc audientes, ac diu secum deliberantes, justissimum putaverunt id quod postulabantur præbere. Nec enim fidebant se idem lumen jugiter tenturos: unde melius rati sunt principi suo id offerre, nequaque desperantes eodem se pacto³ regnaturos.*

¹ Aliquot probe notæ MSS., præ frigore.

² Er. Iugl. Ven.: Quapropter mihi vobis opus est. Equant id quod, etc. M.

³ Vaticanus codex, factio.

Quo igitur modo lumen illud⁴ quod habebant præbuerint, considerandum est. Nam hoc etiam omnibus divinis scripturis arcanisque caelibus aspersum est: sapientibus vero quomodo sit datum scire minime est difficile: nam coram aperteque cognoscitur ab eo qui vere ac fideliter intueri voluerit. Quoniam eorum qui convenerant frequenter promiscua erat, seminarum scilicet ac masculorum, impletus eos ut inter se coirent: in quo coitu alii seminarunt, aliae gravidae effectæ sunt. Erant autem partus iis qui genuerant similes, vires plurimas parentum uti primi obtinentes. Hæc sumens eorum princeps uti præcipuum donum gavisus est. Et sicut etiam nunc fieri videmus, corporum formaticem naturam mali inde vires sumentem figurare: ita etiam ante dictus princeps sodalium prolem accipiens, habentem parentum sensus, prudentiam, lucem simul secum in generatione procretam, comedit; ac plerisque viribus sumptis ex istiusmodi esca, in qua non modo inerat fortitudo, sed multo magis astutia et pravi sensus ex sera genitorum gente⁵, propriam ad se conjugem evocavit, ex ea qua ipse erat stirpe manantem; et facto cum ea coitu, seminavit, ut cœteri, abundantiam malorum quæ devoraverat: non-nihil etiam ipse adjiciens ex sua cogitatione ac virtute, ut esset sensus ejus omnium eorum quæ profuderat formator atque descriptor; cuius compar excipiebat hæc, ut semen consuevit culta optime terra percipere. In eadem enim construebantur et contexebantur omnium imagines, caelestium ac terrenarum virtutum, ut pleni videlicet orbis, id quod formabatur, similitudinem obtineret.

CAPUT XLVII.—Turpitudines horribiles cogit petrare. O monstrum celestum! o execranda perditio et labes deceptarum animarum! Omitto quid sit, de natura Dei quod sic ligetur⁶, hæc dicere. Hoc saltem attendant miseri decepti et errore mortisero venenati, quia si per coitum masculorum et seminarum ligatur pars Dei, quam se manducando solvere et purgare profitentur, cogit eos hujus tam nefandi erroris necessitas, ut non solum de pane et oleribus et pomis, quæ sola videntur in manifesto accipere, sed inde etiam solvant et purgent partem Dei, unde per concubitum potest, si feminæ utero concepta fuerit, colligari. Hoc se facere quidam confessi esse in publico iudicio perhibentur, non tantum in Paphlagonia, sed etiam in Gallia, sicut a quodam Romæ christiano catholico audivi: et cum interrogarentur, cuius auctoritate scripturæ ista ficerent, hoc de Thesauro suo prodidisse, quod paulo ante commemoravi. Isti autem cum hoc eis objicitur, solent respondere, nescio quem inimicum suum de numero suo, hoc est, Electorum suorum descivisse, et schisma fecisse, atque hujusmodi spurcissimam hæresim condidisse. Unde manifestum est, quia hoc etiam si isti non faciunt, de ipsorum libris hoc faciunt quicunque faciunt. Abjiciunt ergo libros, si crimen exhorrent, quod committere coguntur, si libros tenent; aut si

⁴ In MSS., lumen idem.

⁵ Plures MSS., mente.

⁶ Am. et Er., legitur. Lov., legetur. Castigantur ex MSS.

non committunt, mundius vivere contra suos libros conantur. Sed quid agunt, cum eis dicitur, Aut purgate lumen, de quibus potueritis seminibus, ut nec illud recusetis, quod vos non facere asseritis; aut Manichæum anathemate, qui cum dicit in omnibus seminibus esse partem Dei, et concubendo ligari; quidquid autem luminis, hoc est, ejusdem partis Dei ad escas Electorum pervenerit, manducando purgari: quid vobis suadeat videtis, et eum adhuc anathemare dubitatis? Quid agunt, inquam, cum hoc eis dicitur? Ad quas tergiversationes se convertunt, cum aut tam nefaria doctrina sit anathemanda, aut tam nefaria turpitudo facienda, in cuius comparatione jam illa omnia mala quæ intolerabilia paulo ante commenrabam, eos de natura Dei dicere, quod necessitate oppressa sit ut bellum gereret, quod aut sempiterna ignorantia secura erat, aut sempiterno dolore et timore sollicita, quando sibi veniret corruptio commixtionis et vinculum æternæ damnationis, quod denique gesto bello sic fuerit captivata, oppressa, polluta, quod post falsam victoriam sic futura sit in horribili globo in æternum confixa et ab originis suæ felicitate separata, tolerabilia videantur, cum per se ipsa, si considerentur, sustineri non possint?

CAPUT XLVIII.—*Orat Augustinus pro Manichæorum resipiscientia.* O magna patientia tua, Domine misericors et miserator, longanimis et multum misericors, et verax (*Psal. cxii, 8*); qui facis oriri solem tuum super bonos et malos, pluis super justos et injustos (*Malch. v, 45*); qui non vis mortem peccatoris, quantum ut revertatur et vivat (*Ezech. xxxiii, 11*);

qui partibus corripiens, das locum¹ poenitentiae, ut relieta malitia credant in te, Domine (*Sap. xii, 2*); qui patientia tua ad poenitentiam adducis, quamvis multi secundum duritiam cordis sui et cor impoenitens thesaurizent sibi iram in die iræ et revelationis justi judicij tui, qui redditis unicuique secundum opera sua (*Rom. ii, 4-6*); qui in qua die conversus fuerit homo a nequitia sua ad miseritordiam et veritatem tuam, omnes iniquitates ejus obliveris (Ezech. xviii, 21): praesta nobis, dona nobis, ut per nostrum ministerium, quo exsecrabilem et nimis horribilem hunc errorem redargui voluisti, sicut jam multi liberati sunt, et alii liberentur, et sive per sacramentum sancti Baptismi tui, sive per sacrificium contributati spiritus et cordis contriti et humiliati (*Psal. L, 19*), in dolore poenitentiae, remissionem peccatorum et blasphemiarum suarum, quibus per ignorantiam te offenderunt, accipere mercantur. Tantum enim valet præpollens misericordia et potestas tua et veritas Baptismi tui, clavesque regni cœlorum in sancta Ecclesia tua, ut nec de illis desperandum sit, quamdiu in hac terra per tuam patientiam vivunt, qui etiam scientes quantum malum sit talia de te sentire vel dicere, propter aliquam temporalis et terrenæ commoditatis consuetudinem vel adiectionem in illa maligna professione detinentur, si ad tuam ineffabilem bonitatem saltem increpati tuis correptionibus fugiant, et omnibus carnalis vita illecebris cœlestem vitam æternamque præponant².

¹ Editi, partis corripiens, dans locum. At MSS., partibus corripiens, das locum: ut in sacris Bibliis, Sap. cap. 12.
² In MSS. additur, Amen.

IN SUBSEQUENTES Scriptiones,

Vide lib. 2, cap. 10, Retractationum, tom. 1, col. 634, a verbis, Secundinus quidam, usque ad verba, Tua in me benevolentia. M.

SECUNDINI MANICHÆI

EPISTOLA AD AUGUSTINUM.

Manichæi doctrinam commendat tuerisque cum catholice fidei reprehensione, indigne ferens quod eam scriptis oppugnet Augustinus, quem a Manichæo timore quodam et honoris cupiditate defecisse insimulat, atque ut ad illius sectam tandem redeat, exhortatur.

1. Habeo¹ et ago gratias ineffabili ac sacratissimæ Majestati, ejusque primogenito omnium luminum regi Jesu Christo, habeo gratias et supplex sancto refero Spiritui, quod dederint præbuerintque occasionem, qua ego securus salutarem tuam egregiam Sanctitatem, domine merito laudabilis et unice percolende.

ADMONITIO PP. BENEDICTINORUM.

Liber contra Secundinum in Belgicis codicibus olim frustra quæsitus Lovaniensem cura, nunc a nobis repertus in Gallicano Ms. optimè note, qui in abbatia s. Petri in valle Carnotensi asservatur, ejusque ope multis mendis purgatus est.

Comparavimus præterea eas omnes editiones initio Retr. et Confess., t. 1, memoratas. M.

¹ Apud Er. Lugd. Ven. et Lov. hoc est præambulum Epistole Secundini ad Augustinum: *Dominu merito honorabili atque laudabili et unice percolendo augustinu, Secundin is. Habeo, etc.* M.

buerit occasionem. Nam dignus es, qui ab iisdem talia munera consequaris, iisdemque veritatis tuæ nutritores efficiantur, vere lucerna, quam in cordis tui candelabro dextera posuit veritatis, ne furis adventu thesauri tui dilapidetur patrimonium: jubeantque sine lapsu illam manere domum¹, quam tu non super erroris arenam, sed super scientiæ lapidem collocasti: illumque a nobis repellant atrocem spiritum, qui hominibus timorem immittit et perfidiam; ut animas avertat ab angusto trame Salvatoris: cuius omnis impetus per illos principes funditur, contra quos se Apostolus in Ephesiorum Epistola certamen subiisse satetur. Dicit enim se non contra carnem et sanguinem habere certamen, sed adversus principes et potestatēs, adversus spiritualia nequitiae, quæ sunt in cœlestibus (Ephes. vi, 12). Et revera; quis enim contra arma habeat, nisi contra armatum, adversus illum qui moveatur? Ut enim hominum corpora arma peccati sunt, ita salutaria præcepta arma justitiae (Rom. vi, 13). Hoc Paulus, hoc ipse testatur Manichæus.

2. Non ergo armorum pugna est, sed spirituum, qui iisdem utuntur². Pugnant autem animarum gratia. Horum in medio posita est anima, cui a principio natura sua dedit victoriam. Hæc si una cum spiritu virtutum fecerit³, habebit cum eo vitam perpetuam, illudque possidebit regnum, ad quod Dominus noster invitat: si vero ab spiritu vitiorum incipiat trahi, et consentiat, ac post consensum poenitendum gerat, habebit harum sordium indulgentiæ fontem. Carnis enim commixtione ducitur, non propria voluntate. At si cum se ipsum cognoverit, consentiat malo, et non se armet contra inimicum, voluntate sua peccavit. Quam si iterum pudeat errasse, paratum inveniet misericordiarum auctorem. Non enim punitur quia peccavit, sed quia de peccato non doluit. At si cum eodem peccato sine venia recedat, tunc excludetur, tunc virginis stultæ comparabitur, tunc haeres erit sinistra manus, tunc a Domino pelletur ex convivio nuppiarum, nigrarum causa vestium, ubi fletus erit et stridor dentium, ibique cum diabolo ad ignem originis ipsius; quem tua mira prudentia aut ex archangelo factum memorat, aut nihil esse fatetur. Cur ergo regnabunt justi? Cur Apostoli et martyres coronaabuntur? Totum propriea, quia vicerunt nihil? O quantum frustratur vincentis potentia, cum adversarius nullius virtutis esse prædicatur! Muta, quæso, sententiam, depone Punice gentis perfidiam, et recessionem tuam ad veritatem, quæ per timorem facta est, converte: noli his mendaciis te excusare⁴.

3. Legit enim aliquanta exile meum et qualecumque Romani hominis ingenium⁵, reverendæ tuæ Di-

¹ Ita vetus codex Carnotensis optimæ nota. Editi autem, quibus utuntur.

² Editi hic et in subsequence libro, cap. 8, cum spiritu virtutem fecerit. Melius Carnotensis Ms., cum spiritu virtutum fecerit. Nam spiritum virtutum Secundinus opponit spiritui vitiorum.

³ Vetus codex Carnotensis, noli his mendaciis excusare: supple, recessionem tuam.

⁴ Er. Lugd. Ven. Lov., et qualecumque est Romani hominis ingenium. M.

gnationis scripta, in quibus sic irasceris veritati, ut philosophiae Hortensius. Hæc itaque cum suspenso animo agilique oculo iterum iterumque repetissem, sumnum inveni ubique oratorem et deum pene totius eloquentiæ: nusquam vero compéri christianum: et armatum quidem contra omnia, affirmantem vero nihil: cum te magis scientia peritum debueris ostendere, non sermone. Illud vero tacere non possum tuæ patientissimæ Sanctitati: visus enim mihi es, et pro certo sic est, et nunquam fuisse Manichæum, nec ejus te potuisse arcana incognita secreti cognoscere, atque sub Manichæi nomine persecuti te Hannibalem⁶ atque Mithridatem. Ego namque fateor non tali diligentia nec tanta industria Anicianæ domus micare marmorâ, quanta tua scripta perlucunt eloquentia. Hanc si voluisses veritati concordare, magnum utique nobis extitisset ornamentum. Noli, rogo, contra tuam venire naturam, noli esse erroris lancea, qua latus percutitur Salvatoris. Vide, enim illum et in omni mundo et in omni anima esse crucifixum, quæ anima nunquam habuit succensendi naturam⁷. Et tunc igitur qui ex ipsa es, dimitte, quæso, jam vanas incusationes, superfluas relinque controversias. Tanto tempore cum parente tuo in medio tenebrarum constitutus, nunquam subsannasti: in medium solidis ac lumen inventus es accusator. Quis igitur tibi patronus erit ante justum tribunal Judicis, cum et de sermone et de opere cœperis te teste convinci? Persa quem incusasti, non aderit. Hoc excepto, quis te flentem consolabitur? Quis Punicum salvabit? An emendatum in Evangelio est, quod spatiosa via non deducat in interitum (Matth. vii, 13)? An falsum in Paulo est, quod operum singuli suorum non erunt redditus rationem (Rom. xiv, 12)? O utinam a Manichæo recedens, Academiam petisses, aut Romanorum bella, qui omnia superarunt, interpretatus fuisses: quain magna ibi, quam egregia comperrisses, et non, castus homo utique totius pudicitia et paupertatis, isses ad Judæorum gentes barbaras moribus: cum præceptis inseris fabulas⁸, et adducis uxorem fornicariam; et, facies filios fornicariæ; et, fornicando fornicabitur terra a Domino (Osee 1, 2); et, Non lavabis manus post coitum conjugis; et, Mitte manus super femur meum (Gen. xxiv, 2, et xlvi, 29); et, Macta et manduca (Act. x, 43); et, Crescite et multiplicamini (Gen. 1, 28). An tibi leones in lacu placuerunt (Dan. vi, 16), quia caveæ non erant? An tibi sterilitas Saræ doluit, cuius pudoris distractor maritus sororem singens existimat (Gen. xii, 13, et xx, 2)? Sed forte post Daretis et Entelli certamen (Virgil. Aeneid. lib. 5, vers. 362-484), Jacob et ipsius pammachiam exspectare volueras (Gen. xxxii, 24, 25)? An numerum Amorræorum (Josue x, 5), an pancarpum in arca Noe conspicere dispositus?

⁵ Editi vulgo, humilem, habent, loco, Hannibalem. Castigantur ex Carnotensi Ms.

⁶ Ita Carnotensis codex. At Lov., nunquam habidi causam succensendi naturam. Editio Am., finem succensendi naturam.

⁷ In Ms. Carnotensi, isses ad Judæorum gentis barbarie cum moribus tunc præceptis fabulas: et adducis uxorem, etc.

ras (*Gen. viii*)? Novi ego te hæc semper odio habuisse, novi ego te semper magna amavisse, quæ terras deserent, quæ cœlos peterent, quæ corpora mortificarent, quæ animas viviscent. Quis igitur ille est qui te repente mutavit?

4. Quanquam hæc tuæ Sanctitati dicere nimis absurdum sit. Ipse enim non ignoras quam pessimus sit, quamque malignus, quiq[ue] etiam tanta calliditate adversus fidèles et summos viros militat, ut et Petrum coegerit sub una nocte tertio Dominum negare, et eidem resurgentem Thomam non permiserit credere: quæ tamen vulnera curata sunt indulgentiæ medicina. Illud vero quam audacter molitus sit, ut Domino optimum semen seminanti, ille zizania miscuerit, et tanto pastori Iscariotem rapuerit; et ut ad ultimum crucis supplicium veniretur, in perniciem ipsius Scribas Pharisæosque accenderit, ut Barrabam dimitti clamarent, et JESUM crucifigi. Evasimus igitur, quia spiritualem secuti sumus Salvatorem. Nam illius tantum erupit audacia, ut si noster Dominus carnalis foret, omnis nostra fuisse spes amputata. Et tamen ne ipso quidem crucis opprobrio potuit satiari: quinimo insaniens, hinc coegit spinis coronari, illinc acetō potari; hinc militum lancea percuti, illinc sinistri latronis ore blasphemari (*Math. xxvi., xxvii.; Luc. xxii., xxiii., et Joan. xviii.-xx.*). At postea tantum ejus crevit iniquitas, ut et ipso et Apostolis ejus illuc ascendentibus diversas componeret quæstiones, sub eorum, quod pejus est, nomine superstitionis omnibus, id est, catholici vocabuli dividens dignitatem. Omitto namque quatenus unumquemque discipulorum adversus magistros armaverit, quatenus Hymenæum¹, quatenus Alexandrum deceperit (*I Tim. i., 20*), quæ apud Antiochiam, quæ apud Smyrnam, quæ apud Iconium commiserit: illa nunc addo quæ præsens actitat multitudine, a qua tantum virtus procul est, quantum populo clausa est. Nec enim virtus est ad quam turba pervenit, et turba quam maxime seminarum. Sed vereor clandestina eorum publicare, ne ab aliis ordita crimina geminentur. Quanquam sapientum est utrumque ferre, utrumque ridere; et ad illud tantum niti, quod beatitudinem conciliat, quod parturit vitam.

5. Et tamen iterum atque iterum supplex deprecor, oro etiam atque etiam obsecro, primum quidem veniam largiri digneris, si quo sermone fuerit tuum titillatum aureum pectus: ardore enim hoc nimio feci, quia nolo te a nostro grege divelli, a quo etiam ego ipse aberrans pene perieram, nisi cito me de iniqua communionis tulisse natura. Deinde, ut concilies te illi, quæ in te nihil deliquerit: redeas ad illam, quæ tibi et in dierum culpam², non erit succensura. Nec enim septies tantum novit ignoscere: quinimo habet et ligandi et solvendi potestatem. Noli te fingere palpare, qui dudum vidisti: noli velle discere, qui potes docere. Dimittit hominum gloriam, si vis Chri-

sto placere. Temporibus nostris renova Paulum, qui cum legis Judaicæ doctor esset, consecutus a Domino apostolatus gratiam, quæ putabat commoda, contempnit ut stercora, ut Christum lucifaceret (*Philipp. iii., 8*). Subveni animæ tuæ tam lucide: quia ignoras quali sit sur hora venturus. Noli ornare mortuos: quia vivorum es ornamentum. Noli comes esse lati itineris, quia Amorrhæum exspectat: sed ad arctani festina viam, ut consequaris vitam æternam. Desine, queso, utero claudere Christum, ne ipse rursum utero concludaris. Desine duas naturas facere unam: quia appropinquat Domini judicium. Væ qui accipient, qui quod dulce est, in amaritudinem transferunt.

6. Sed si dubitas de principio, si ambigis de pugnæ exordio, poterit diurno tractatu pacificeoque colloquio reddi ratio. Illud tamen notum facio tuæ sagacissimæ bonitati, quia sunt quædam res quæ exponi sic non possunt ut intelligantur: excedit enim divisa ratio mortalium pectora: utputa hoc ipsum, quomodo sint duæ naturæ, aut quare pugnaverit qui nihil poterat pati; necnon etiam de sæculo novo, quod idem memorat, quia præcisus³ maximæ illius terræ motibus hoc adficietur. Quis autem admittat inter divina præcidi, scilicet nisi figuram facias interpretantis ad auditorem⁴, quia ab hoc verba præciduntur, et in illo componuntur? Et quamvis tractator multa dixerit, quæ teneat apud se auditor, tamen a tractatore non recesserunt: nisi taliter et de illo sentias sæculo, et id (a) quod dicitur stultum satis et ineptum. Ita quoque et de pugna, quod nisi primo conjicias, quia Deus totus justitia est, ultimum autem facinus est invadere aliena: ad hoc vero cum venerit contraria natura, ille quidem nihil poterat pati, quia præciosus erat, visus fuisse facinori consensisse nisi pugnasset: et ideo magnam opposuit venienti virtutem, ut justitia ipsius nulla pollueretur sacrilegii concessione. Ita enim ab eo justus⁵ finitus est, ut nec ipse peccet aliquando, nec aliquando consentiat peccatori. Illud etiam quia Deus in suo regno potens erat in natura, ut omnipotens et judex. Hæc siquidem ita dicta sunt, non ut ille factus est, sed ut assequi ego non valui (b): adhuc non satis faciunt perfidiae, nec cæcissol exortus est, nec surdis vox audita est, nec dapes mortuis præparatæ. Quod autem loca naturis assignari non possunt, hoc est quod conditio humana inenarrabile vocat atque ineffabile. Salvator autem cui totum facile est, duo hæc dextrum vocat ac levum, intus ac foris, *Venite ac Recedite* (*Math. xxv.*). Tu autem conversum facis (c) et pedem ponis, ut est, Orbis, vita, salus, lumen, lex, ordo, potestas: si vocalem dicis et mutant, longam vocas brevem, quæ naturæ hæc non

¹ Ita Carnotensis Ms. At editi, *præteritis*.

² Carnotensis codex, sed nisi figura facias temperantes ad audiörem.

³ Sic Ms. Carnotensis. At editi: *Ita enim homo justus* (a) Forte, *est id*, juxta Morel, Element. Critic., pag. 300. M.

(b) Forte, *ego valui*, deleto, *non*.

(c) Morel, Elem., Critic., pag. 167, conjectat sic legendum: *Tu autem cum versum facis*. M.

¹ Carnotensis codex, loco, *Hymenæum*, habet, *Hermogenem*.
² Klein codex Carnotensis, quæ tibi si redieris, culpam non civit succensura. Forte legendum, ob culpam.

sonant, duo pro certo significant, et ab invicem separata.

7. Sed tuae admirandæ sublimique prudentiae cum talia a me exponuntur, tale est quale si Jordanis Oceano aquam commodet, aut soli lucerna lucem, aut populus episcopo sanctitatem. Quam ob rem ferre oportet quidquid hæc epistola continet. Nam et ego nisi tuam divinam nossem patientiam, quæ facile

cuique condonat, nunquam taliter scripsisse • quamvis cernas eximios me sensus summatis tenuisse, plurimumque cavisse, ne tibi multus viderer. Quocirca hæc fidem penes tuam repererint Sanctitatem, qualiterque salvemur; alioquin millia voluminum exinde poteris generare, domine merito laudabilis et unice percolende. Vale.

S. AURELII AUGUSTINI HIPPONENSIS EPISCOPI CONTRA SECUNDINUM MANICHÆUM

Liber unus^(a).



Docet Augustinus quare Manichæi sectam reliquerit, eamque ex Secundini ipsius epistola prolatis argumentis refellit.

CAPUT PRIMUM.— Tua in me benevolentia¹ quæ appareat litteris tuis, grata mihi est : sed quam te redamari a me oportet amantem me, tam tristis sum quod tenaciter inhæsistī suspicionibus falsis, partim adversus me, partim adversus ipsam quæ mutari non potest veritatem. Sed quod de animo meo non verum sentis, facile contemno : hoc enim sentis, quod etsi in me non agnosco, fieri tamen potest ut sit in homine. Ergo etiamsi erras in me, non tamen ita erras, ut me de hominum numero eximat tua opinio : quia id de me credis quod fieri potest in animo humano, etiamsi non sit factum in animo meo. Non igitur opus est ut tibi hanc suspicionem magnopere conteras. Non enim spes tua pendet ex me, aut bonis esse non poteris nisi ego fuero. Senti de Augustino quidquid libet : sola me in oculis Dei conscientia non accuset. Quod enim ait Apostolus, *Mihi minimum est, ut a vobis judicer, aut ab humano die* (1 Cor. iv, 3). Ego autem vicem tibi non rependam, ut de tua mente aliquid existimare in malam partem audeam, quod intueri non valeo. Nec dico quod me subdole lacerare voleris : sed tantum de te opinor, quantum de te indicas verbis. Quamobrem etsi non bona de me suspicatus sis, quod carnali timore alicujus incommoditatis, quæ de vestra societate mihi accidere poterat, hæresim Manichæorum reliquerim, vel cupiditate honoris quem in Catholica adeptus sum : tamen non de te vicissim male sentiens, credo esse benevolam suspicionem tuam ; et hoc non criminandi causa, sed corrigendi studio scripsisse te existimo. Si autem mihi accommodares credendi benevolentiam, quoniā latebras animi

mei arguis, quas utique promere ad oculos tuos et demonstrare non possum, facile de ipso mutares sententiam, et nolles amplius temere affirmare quod nescis.

CAPUT II. — Ego enim fateor, timore Manichæos deserui, sed timore illorum verborum quæ per apostolum Paulum prolata sunt : *Spiritus, inquit, manifeste dicit, quia in novissimis temporibus recedent quidam a fide, attendantes spiritibus seductoribus et doctrinis demoniorum in hypocrisi mendacioquorum, cauteriatam habentes conscientiam suam, prohibentes nubere, abstinentes a cibis quos Deus creavit ad percipiendum cum gratiarum actione fidelibus, et iis qui cognoverunt veritatem. Omnis enim creatura Dei bona est, et nihil abiciendum quod cum gratiarum actione percipitur* (1 Tim. iv, 1-4). Quibus verbis etsi alios fortasse hæreticos, tamen maxime Manichæos breviter aperteque descripsit. Hoc ergo timore, cum in puerili ingenio saperem², me ab illa societate divulsi : amore quoque honoris arsisse me fateor, ut inde discederem ; sed illius honoris de quo idem ait apostolus, *Gloria autem, et honor, et pax omni operanti bonum* (Rom. ii, 10). Quis autem operari bonum conabitur, qui non in voluntate mutabili, sed in natura incommutabili malum esse putaverit ? Unde et ipse Dominus, eis qui bona se loqui arbitrabantur cum essent mali : *Aut facite, inquit, arborem bonam et fructum ejus bonum, aut facite arborem malam et fructum ejus malum* (Matth. xii, 33). Malis vero jam mutatis in bonum Apostolus ait : *Fuistis enim aliquando tenebre, nunc autem lux in Domino* (Ephes. v, 8). Sed si non vis mihi de animo meo credere, existima ut libet ; tantum de ipsa veritate

¹ In B., *Benevolentia in me*, etc.; at Er. Lugd. Ven. Lov., *tua in me benevolentia*; cui lectioni astipulatur editio Benedictina, Retractionum libro 2, cap. 10. M.

² In Retractionibus proxime sequitur opus de Natura Boni, quod libris contra Felicem in fine anni 404 conscriptis subnectitur : pertinet itaque hic liber ad annum circiter 403.

¹ In Carnotensi codice, *servis saperem*. — Morel, Element. Critic., pagg. 188, 189, censet sic legeendum : *Cum in puerili ingenio afer rix saperem*. M.

cave quid sentias. Tentatio te non apprehendat nisi humana (I Cor. x, 13). Humanus enim error est, ut id factum esse in animo meo credas, quod fieri potuit, etiam si non est factum: cum vero sacrilegam, et non solum falsissimam, sed etiam fallacissimam fabulam Persicam, non de quolibet homine, sed de summo Deo, mendacis contaminatissimis contextam aique confictam putas esse veritatem; non est hoc modo prætereundum, neque tanta mors animæ contemnenda. Est enim quod tecum agi possit: quia non sicut de animo meo¹ nihil amplius possum dicere, nisi ut credas mihi, quod si nolueris, non invenio quid faciam: ita etiam cum de ipsa luce animorum, quam rationales mentes quanto puriores, tanto tranquillius intuentur, falsum aliquid existimas, noui tibi potest, si patienter audias, demonstrari quam sit remotissimum a veritate quod sentis. Sicut enim sensum oculi tui sentire non possum, nec tu mei, sed tantummodo nobis de hac re credere vel non credere possumus; illam vero speciem que utriusque nostrum oculis visibilis subjacet, invicem nobis valemus ostendere: sic de affectionibus animorum nostrorum quas proprias habemus, credamus nobis, si placet; si autem non placet, non credamus: rationem autem veritatis, quæ nec mea nec tua est, sed utrique nostrum ad contemplandum proposita, sine pervicacia caligine, serenatis mentibus pariter attendamus.

CAPUT III. — Nec alia documenta tibi profaram, quibus Manichæi error apparet, quam ex epistola tua. Scribis habere te et agere gratias ineffabiliter ac sacrasimæ Majestati, ejusque primogenito omnium luminum regi, Jesus Christo. Dic mihi quorum luminum sit rex Jesus Christus? Eorumne quæ fecit, an eorum quæ genuit? Nos enim dicimus Deum Patrem genuisse Filium æqualem sibi, creasse autem per eum, hoc est, condidisse ac fecisse creaturam inferiorem, quæ utique non est quod est ille qui fecit et per quem fecit. Ita quoniam per eum fecit saecula, recte ab Apostolo dictus est Rex seculorum (I Tim. i, 17), tanquam superior inferiorum, et regendi potens, regens ea quæ regimine indigeant. Tu autem cum Jesum Christum regem luminum appellas; si genuit ea, cur non sunt æqualia generanti? Si autem dicis æqualia, quomodo rex eorum est, cum regem necessere sit regere, nec ullo pacto fieri possit ut sint ea quæ reguntur ei a quo reguntur æqualia²? quod si non genuit, sed fecit hæc lumina, quero unde fecerit? Si de se ipso propagavit, cur ergo inferiora sunt? cur degeneraverunt³? Si autem non de se ipso, dic unde? An forte nec fecit nec genuit lumina quibus regnat? Habent ergo originem propriam atque naturam, sed profecto invalidiorem, ut a potentiore vicino vel patientur se regi vel cupiant. Nonne cognoscis, si ita est, excepta gente tenebrarum jam duas esse naturas, alteram alterius egere auxilio, sed neutram ex alterius pendere principio? Hanc profecto

¹ Editi, quia sicut de animo meo; detracta negante partula, quam ex Carnotensi codice restituimus.

² Ita Carnotensis vs Editi, similia.

³ Ex Ms. eodem addimus, cur degeneraverunt?

opinionem tu repudiabis, quoniam Manichæo maxime adversa est, qui non duas naturas, regem luminum et lumina quæ reguntur, sed duas naturas, regnum luminum et regnum tenebrarum persuadere conatur. Refugies igitur ad id, ut genita dicas hæc lumina: ubi cum quæsiero cur infirmiora sint, contendere fortasse tentabis aequalia. Sed cum retulero, Quæ causa est ut regantur? negabis regi. Hinc respondebo, Cur habent regem? Ubi non video quid restet ingenuitatem, nisi ut te pœnitiat tale ostium posuisse in epistola tua, per quod tu ipse exire non possis. Sed etiam cum te pœnituerit, et dixeris non ideo Manichæum victimum putari oportere, quod tu aliquid in litteris tuis incautius posuisti; innumerabilibus locis de libris Manichæi recitabo, Regnum lucis ab eo vocari quod regno tenebrarum naturaliter constituit esse contrarium; nec regnum, sed regna: quandoquidem in ipsa epistola ruinosi Fundamenti cum de Deo Patre loqueretur, *Nullo*, inquit, *in regnis ejus aut indigente, aut infimo constituto*. Ubi autem regna sunt, quis tam cæcus est qui non intelligat, æquales reges iis quibus regnant omnino esse non posse? Quid igitur tam vicinum, si velis advertere, et tam conveniens honestati pectoris tui, quam ut te non pœnitiat illud in epistola posuisse? Est enim verissime Jesus Christus rex luminum, nullo modo sibi æqualium, sed subjectorum, et eorum rector beatorum. Pœnitiat autem te potius fuisse Manichæum, cuius omnes deceptorias machinationes veridica frons epistolæ tuæ uno ictu arietante subverterit. Quia enim Christus luminum rex est, nec de se ipso genuit inferiora quibus rex esset; nec ea vicina sibi quibus regnaret assumpsit, quæ nec genuerit ipse nec fecerit, ne sint duo genera boni, quorum neutrum sit ex altero; sed nec unum indigens altero, quod a tramite veritatis alienum est: restat ut ea lumina quibus regnat, quæ utique bona sunt, quia inferiora sunt, non genuerit; quia propria sunt, non usurpaverit; sed fecerit et condiderit Deus.

CAPUT IV. — Si volueris querere unde fecerit, et imaginari cœperis adjutorium materiæ quam ipse non fecit, ut ibi non videatur omnipotens facere quod vellet, nisi eum aliqua res, quam non fecerat, adjuvareret, rursus inexplicabiles caligines erroris patieris. Sed dicta prophetica sobrio captu intelligentia sublimi atque ineffabili majestati aptissime adjungente, *Ipsæ dixit*⁴, et facta sunt; *ipse mandavit*, et *creata sunt* (Psal. cxlviii, 5): ita videbis quomodo dicatur in catholicâ fide, quod Deus de nihilo fecerit omnia bona valde (Gen. i, 31). Si enim de aliquo fecit, utique aut de se ipso, aut non de se ipso: sed si de se ipso; non ergo fecit, sed genuit: cur igitur inferiora genuit? Nam eorum nisi inferiora essent, rex esse non posset. Si non de se ipso; non utique de aliquo quod ipse non fecit: alioquin de alieno fecit, et erat jam bonum quod ipse non fecerat, unde sibi regnum statueret. Quod si ita est, incipit non esse bonorum

⁴ Editi, apertissime adjunguntur: *ipse dixit, inquit, et facta sunt.*

operum creator; quia erat bonum quod ipse non creaverat: non enim de malo alieno lumina quibus regnaret efficeret. Relinquitur itaque, ut si de re aliqua fecit, de illa fecerit quam ipse jam fecerat.

CAPUT V. — Ita sit ut primas origines condendarum rerum de nihilo Deum fecisse fateamur: nisi quia forte ineffabilis ac sacratissime majestatis primogenitum Jesum Christum esse dixisti, non secundum susceptionem hominis, in qua per adoptionem vocatos, sicut Apostolus dicit, et sicut catholica credit fides, fratres¹ habere dignatus est quibus esset primogenitus (*Rom. viii, 29*); sed potius secundum ipsam divinitatis excellentiam vis eum primogenitum intelligi, ut illa lumina in quibus regnat fratres ejus sint; non facti a Patre per ipsum, sed geniti a Patre post ipsum; ut sint ipsi postgeniti, ille primogenitus, omnes tamen de propria Patris eademque substantia. Quod si ita credis, primi contradicis Evangelio, ubi etiam unigenitus dictus est: *Et vidimus, inquit, gloriam ejus tanquam unigeniti a Patre*: quando² nullo modo verum dicereatur, si sempiterna quoque virtus ejus ac divinitas, qua consubstantialis est Patri et est ante omnem creaturam, ex eadem substantia fratres haberet. Itaque cum et unigenitum et primogenitum eum divina testentur eloquia; unigenitum, quia sine fratribus; primogenitum, quia cum fratribus: non invenies quomodo utrumque de illo secundum eamdem naturam divinitatis intelligas. Fides vero catholica quae inter Creatorem creaturamque distinguit, nullam patitur in his duobus nominibus intelligendi difficultatem, unigenitum eum accipiens secundum id quod scriptum est, *In principio erat Verbum, et Verbum erat apud Deum, et Deus erat Verbum* (*Joan. i, 14, 1*): primogenitum autem universæ creaturæ, secundum id quod Apostolus ait, *Ut sit ipse primogenitus in multis fratribus* (*Coloss. i, 18*); quos ei Pater ad fraternam societatem, non a qualitate substantiae, sed adoptione gratie generavit. Lege itaque Scripturas, nusquam invenies de Christo dictum, quod adoptione sit Filius Dei. De nobis autem sapientissime legitur: *Accipistis spiritum adoptionis filiorum; adoptionem exspectantes, redemptionem corporis nostri* (*Rom. viii, 15, 23*); *Ut adoptionem filiorum recipiamus* (*Galat. iv, 4*); *Prædestinavit nos in adoptionem filiorum* (*Ephes. i, 5*); *Gens sancta, populus in adoptionem*³ (*1 Petr. ii, 9*); *Vocavit vos per Evangelium nostrum in adoptionem gloriae Domini nostri Iesu Christi* (*II Thess. ii, 12, 13*); et si qua talia recordanti vel legenti occurrerint. Aliud est enim per Patris excellentiam esse unicum Filium Dei, aliud per misericordem gratiam accipere potestatem filios Dei fieri credentes in eum. *Dedit eis, inquit, potestatem filios Dei*

¹ In editis deerat, *fratres*. Et paulo post loco, *fratres ejus sint*. Itenque in rā in editione Lov. ita ferelatur: *quoniam nullo modo verum dicereatur, semper eterna quoque virtus ejus ac divinitas, qua consubstantialis est Patri et est ante omnem creaturam, nisi ex eadem substantia semper haberet*. His aliasque passim locos emendamus ex Carnotensi Ms.

² Forte, quod.

³ Sic etiam legit Ambrosius, sermone 6, in Psal. 118. Cræce est, *laos eis peripatæsin*.

fieri. Non ergo erant natura, cum potestatem ut fierent accepérunt credendo in ipsum, cui unico non percit, sed pro nobis omnibus tradidit eum (*Rom. viii, 32*); ut apud se unigenitum, ad nos primogenitum faceret. Ex illo igitur quod unigenitus est, non ex carne, non ex sanguine, non ex voluntate viri, neque ex voluntate carnis, sed ex Deo natus est: ex illo autem quod primogenitus in Ecclesia fratribus factus est, *Verbum caro factum est, et habitavit in nobis* (*Joan. i, 12, 14*). Nos quoque in quantum naturaliter filii iræ sumus (*Ephes. ii, 3*), hoc est vindictæ filii, vinculo mortalitatis obstricti, quamvis illo creante atque institente, qui procul dubio a summis usque ad ima, omnia in mensura et numero et pondere disponit et format (*Sap. xi, 21*), tamen ex carne et sanguine et ex voluntate carnis natu sumus: in quantum autem accepimus potestatem filii Dei fieri, nec nos ex carne et sanguine, aut ex voluntate viri, aut ex voluntate carnis, sed ex Deo, non quidem coequante natura, sed adoptante gratia nascimur.

CAPUT VI. — Deinde si jam concederem non esse unicum Patri Iesum Christum, secundum ejusdem substantiae divinitatem, sed habere fratres post se natos quibus esset primogenitus, quomodo rex eorum esse posset? Queso te, an auderes dicere conscienciam tuam, quid igitur sentis? Leni animuū tuū, et placabilem te reude considerandæ sine pertinacia veritati. Hoc enim etiam abs te requiram, quomodo intelligas primogenitum Jesum Christum in illa divina atque optimâ aeternaque substantia: utrum tempore primus est genitus, ut posteriores natos⁴ in illo regno intelligamus quibus est primogenitus; neque possimus dicere quot horis vel diebus, mensibusque aut annis major sit, qui ortus est prior; sed tamē aliquo intervallo atque spatio temporali has generationes discretas esse cogitemus: an vero non tempore, sed ipsa excellētia sublimioris utique majestatis, qua etiam rex esse fratribus luminibus meruit, primogenitum accipiamus, tanquam in aliquo genitum principatu. Si responderis eum tempore fratribus priorem esse atque majorem, ut iam ex hoc ei regnum in fratres delatum⁵ esse contendas, quod eos nascendo præcesserit, et aliquando ipse fuerit cum illi nouum essent; quid dicis, frater? Itane præcipitabis cor tuum in hoc impietatis abruptum, ut existimes in illam divinam suminamque naturam mutabilitatem temporis cadere, et credas ibi aliquid existere, quod ante non fuerit? An quia oportebat inde adversus tenebrarum gentem lumina progredi, progressiones ipsas generationes vocas, quas temporaliter factas putas, ut temporaliter pugnaretur? Non ergo poterat unum lumen sufficere, quod totum illud bellicum negotium divina virtute perageret. Aut si multis opus erat,

⁴ In Carnotensi Ms., ut posteriorē tempore natos.

⁵ Editi, regnum insuper delatum. Castigantur ex Carnotensi Ms.

hocne in spiritualibus sentiendum est¹, ut angustum arbitremur aditum fuisse, qua simul exire non possent, ut ex eo quod unus e fratribus prior exisset, et primogenitus dici et rex fieri cæteris mereretur? Nolo minutatim singula persequi, ne ingenio tuo valenti ex paucis cuncta conspicere, nimis onerosus sis. Erige igitur aciem mentis, nebulas contentionis absterge. Video profecto neque secundum loca, neque secundum tempora, motus, progressus, exortus, occasus, ullasve conversiones² fieri posse, nisi in creatura mutabili: quæ tamen nisi esset ex artifice et conditore Deo, non dixisset Apostolus, *Et coluerunt, et servierunt creaturæ potius quam Creatori, qui est benedictus in sacula* (*Rom. 1, 25*).

CAPUT VII. — In hac enim sententia maxime duo sunt necessaria, quæ mecum intuearis peto: unum, quia si creatura aliena esset a Deo, non ejus creator Deus ab Apostolo diceretur: alterum, quia si unius ejusdemque substantiæ Creator et creatura esset, non reprehenderentur quia servierunt creaturæ potius quam Creatori; quoniam cuicunque servissent, ab eadem natura atque substantia non recessissent. Quomodo enim nemo potest servire Filio qui non serviat et Patri, quia utriusque est una substantia: sic nemo potest servire creaturæ nisi serviens Creatori, si esset utriusque una substantia. Unde si jam discernis et sapis, plurimum attenderes esse inter Creatorem et creaturam: atque oportet intelligas prolem Creatoris non esse creaturam: nam si esset, non esset inferior, sed æqualis ejusdemque substantiæ³; ac per hoc quisquis coleret eique serviret, simul etiam Creatori ejus et Patri cultum servitutemque præberet. Cum vero reprehenduntur ab Apostolo, et detestabiles habentur qui coluerunt et servierunt creaturæ potius quam Creatori, satis ostenditur illius et hujus diversas esse substantias. Sicut enim non potest videri, hoc est, intelligi Filius, nisi in ipso intelligatur et Pater; ipse enim dicit, *Qui me vidit, vidit et Patrem* (*Joan. xiv, 9*): sic non potest coli Filius, nisi in eo colatur et Pater. Et ideo si creatura Filius esset, non colebatur sine Creatore, neque damnarentur qui creaturam potius quam Creatorem coluerunt. Perspicis itaque jam, ut arbitror, non tibi congruere ut dicas primogenitum secretissimæ atque ineffabilis maiestatis, et omnium luminum regem Iesum Christum, nisi manichæus esse destiteris, ut creaturam a Creatore discernas; ut Jesus Christus et unigenitus sit secundum id quod Verbum Dei est, Deus apud Deum (*Id. 1, 1*) pariter incommutabilis et pariter æternus, non rapinam arbitrans esse æqualis Deo (*Philipp. ii, 6*); et primogenitus omnis creaturæ, secundum id quod in ipso condita sunt omnia, in celis et in terra, visibilia et invisibilia. Agnoscis enim, ut

opinor, verba Apostoli ad Colossenses (*Coloss. 1, 15, 16*).

CAPUT VIII. — Quapropter cum abs te quaro, unde sit facta universa creatura, quamvis in suo genere bona, Creatore tamen inferior, atque illo incommutabili permanente ipsa mutabilis; non invenies quid respondeas, nisi de nihilo factam esse fatearis. Et ideo potest vergere ad nihilum, quando peccat illa creatura, et portio quæ potest peccare, non ut nihil sit, sed ut minus vigeat, minusque firma sit. Nam minus vigere et minus valere, si omnino perducas ad ultimum, remanet nihil. Diligit ergo sponte vanitatem, cum deserta soliditate veritatis opinabilia sequitur, id est, mutabilia. Cum autem inde meritas poenas luit, subjicitur non sponte vanitati, sicut subjecta est in homine peccante. Hinc enim ait Apostolus, *Omnis creatura vanitati subjecta est, non sponte* (*Rom. viii, 20*): quia et in homine omnis est. Inest quippe homini et invisible quid secundum animum, et visible secundum corpus: omnis autem creatura partim est visibilis, partim invisibilis: nec tamen omnis in pecore, cui mens intellectualis non inest. In spem sane subjectam esse dicit, propter misericordiam liberantis per remissionem peccatorum et adoptionem gratiae. Tu vero si fateri nolueris a Patre per Filium in bonitate Spiritus sancti, quæ Trinitas consubstantialis et æterna et incommutabilis semper manet, de nihilo factam esse creaturam, bonam quidem, sed tamen imparem Creatori atque mutabilem; cogitis utique saorilegia dicere, ut aliquid Deus de se ipso genuerit quod non sit æquale dignenti, et possit subjici vanitati. Aut si æquale dixeris, erit utrumque mutabile. Quæ major impietas, quam ista credere ac dicere et malle perversa opinione Deum in deterius, quam correcta ratione se ipsum in melius commutare? Si autem timueris dicere mutabilem Deum, quia revera magna est et apertissima impietas; dixeris etiam creaturam esse incommutabilem, ut eam parem facias Creatori, et unius ejusdemque substantiæ: rursus tibi tua epistola respondebit. Unde enim est anima illa, quam ponis in medio spirituum, cui a principio dicis naturam suam dedisse victoram; eique legem conditionemque proponis, quia si una cum spiritu virtutum fecerit, habebit cum eo vitam perpetuam, illudque possidebit regnum ad quod Dominus noster invitat; si vero ab spiritu vitiorum incipiat trahi, ac post consensum pœnititudinem gerat, habebit harum sordium indulgentiae fontem. His certe verbis ex epistola tua recognitis, simul etiam recognoscis, mutabilem te animæ constituisse naturam. Aliquando enim consentire spiritui vitiorum, ac rursus pœnititudinem gerere, quid est aliud quam nunc in melius, nunc in deterius commutari? Et hoc te manifestissima veritas compulit dicere. Ipsa enim anima tua, si dissimilare velles⁴, urgeret te attendere mutabilitatem suam, et toties ex quo natus es, per varias voluntates, doctrinas obliviones, consensionesque

¹ Ita Carnotensis Ms. At editi, *hoc nunc spiritualius sentiendum est*.

² Vetus codex Carnotensis, *ullasve conversiones*.

³ Editi, *nec sibi esse inferiorem, sed æqualem ejusdemque substantiæ*. Verior veteris codicis Carnotensis lectio hic per nos restituta.

⁴ Sic in veteri codice. At in excusis, *ni i dissimilare velles*. Minus recte.

nuntata, testis sibi fieret, ac nulla extrinsecus documenta queritaret.

CAPUT IX. — Nisi forte hoc te adjuvari putas, ut dicas incommutabilem esse animam, quia subjunxisti dicens: *Non enim propria voluntate peccavit, sed alterius ductu; carnis enim commixtione ducitur, non propria voluntate.* In qua sententia forte hoc vis intelligi, ut scilicet anima in natura propria sit incommutabilis, in alterius vero naturae commixtione mutabilis: quasi vero queratur cur ita sit, et non quia ita est. Jam hoc modo etiam Hectoris et Ajacis, imo vero cunctorum hominum atque animalium corpora invulnerabilia dicentur, si abesset ictus et casus, quibus eis vulnus possit infligi. Sed nimurum propterea solius Achillis corpus, sive poetico signamento, sive aliqua occultiore vi rerum invulnerabile dictum est¹, quod etiam tela cum ingruerent, non penetrabatur: et ex qua parte penetrari potuit, ex hac utique invulnerabile non fuit. Sic anima si esset incommutabilis, ita nullius rei permixtione comunataretur, sicut corpus quod est invulnerabile, nullius rei contactu aut impetu vulneratur. Itaque nos quia Dei Verbum incontaminabile dicimus, etiam carne mortali et vulnerabi assumpta, ut nos et mortem et qualibet incommoda corporis contemnere doceret, natum de virginie credere non timemus: vos autem quia impia perversitate contaminabilem Filium Dei creditis, carni eum permittere formidatis; cuius tamen substantiam animae naturam² esse perhibentes, ita commixtum carni asseveratis, ut etiam in deterius commutatum non dubitetis opinari. Elige igitur quid velis: utrum Deum commutabilem dicere vel credere, ut de commutabilis Patris substantia commutabilem prolem genitam esse pariter credas; quæ quantæ sit impietas, profecto sentis: an incommutabilem Deum dicere, sed tamen de substantia sua prolem genuisse mutabilem; quod nihilominus vides quam impie absurdus dicatur: an vero ita Deum incommutabilem consideris, ut etiam quod de substantia sua genuit, æqualiter non mutetur, pariterque sit summum ac præstantissimum bonum, ipsumque summe esse ad euudem modum permansione inviolabili obtineat; cætera vero inferiora bona, quam creaturam vocamus, non de ipso, nam essent æqualia; sed tamen quia bona, ipse; quia non æqualia, de nihilo fecerit: quod si credis, impius non eris, et oblivisceris Persas, et noster eris.

CAPUT X. — At enim ait Apostolus, *Non est nobis collectatio adversus carnem et sanguinem, sed adversus principatus et potestates* (*Ephes. vi, 12*), qui³ ad amorem proprii fastus et honoris voluntate impia declinando, animis piis redditum invideant. Sed hoc interest inter vestram opinionem et nostram fidem, quia vos eosdem principes ex sua propria quadam natura exortos, quam Deus nec genuerit nec

¹ Ita codex Carnotensis. At editi, *occultiori ut in rerum natura invulnerabile dictum est.*

² Am. et Carnotensis Ms., cuius tamen substantia in animæ naturam esse, etc.

³ Sic editi. At MSS., quæ.

PATROL. XLII.

fecerit, sed habuerit æterna vicinitate contiguam, adversus Deum belligerasse arbitramini, eique intulisse ante⁴ commixtionem boni et mali. Magnum primo necessitatis malum, quod illis substantiam suam affligendam perturbandamque, in errore commutandam atque oblivione sui penitus demergendam commiscere cogeretur, ut liberatore, correctore, emendatore, præceptore indigeret. Quod cernis quam stulte fabuloseque dicatur, quanto scelere impietatis obstringat. Nobis autem per christianam fidem persuasum est, non esse contrarium Deo qui summe est, nisi quod omnino non est: quidquid autem aliquo modo est, ab illo qui summe est habere ut quoquo modo sit, atque in suo genere bonum esse; sed alia magis esse, alia minus: atque ita omnia bona que a conditore Deo facta sunt, certis ac distributis gradibus ordinata partim locorum intervallis ac sedibus, sicut omnia corporalia; partim meritis naturalibus, sicut anima præponitur corpori; partim meritis præmiorum atque pœnarum, sicut anima vel attollita ad quietem, vel doloribus subditur. Ac per hoc illi principes, contra quos habere nos collectationem dicit Apostolus, pœnam peccatorum suorum priores patientur ut noceant. Nullus enim invidus ut alterum laedat, non sibi prior ipse tormento est. Nocent autem infirmioribus fortiores: nam nullus alterum superat, nisi quo est potentior: sed tamen ipsi infirmiores sunt principes iniqui in præsenti⁵, quam si in statu pristino atque justitia permanerent. Interest autem undosit quisque alio fortior; utrum corpore, ut equi hominibus; an animæ natura, ut rationale irrationali; an affectione animi, ut virtuosus injusto⁶; an ordine potestatis, ut imperator milite aut provinciali. Potestas autem a summa Dei potestate omnino dari creditur; saepè etiam deterioribus in meliores, id est, iniquis in eos qui vel jam tenent justitiam, vel ad eam tenendam pervenire nituntur: ad hoc enim datur, ut probati per patientiam manifesti siant (*I Cor. xi, 19*), vel sibi ad spem, vel aliis ad imitationem. *Scientes*, inquit Apostolus, *quoniam tribulatio patientiam operatur, patientia probationem, probatio spem* (*Rom. v, 3, 4*). Ex quo genere certaminis est, cum homo fidelis adversus principes et potestates prævaricatorum angelorum, et adversus spiritualia nequitiae collectatur; cum illi accipiunt tentandi potestatem, ille præcepta tolerandi: ex quo sit ut in re inferiore superent, in potentiore superentur: superant plerunque corpus infirmius, et mento firmiore superantur⁷. Contra vim quippe eorum patientia pugnatur, contra insidias prudentia; ut ad perniciosa concessionem nec cogendo nos flectant, nec fallendo decipient. Quoniam vere virtus⁸ et sapientia Dei est, per quam facta sunt omnia; pro-

⁴ Editi, *intulisse arte*. Carnotensis codex, *intulisse ante*: supple, *bellum*.

⁵ Vetus codex Carnotensis emittit, *in præsenti*.

⁶ Idem codex Carnotensis, *ut justus injusto*.

⁷ Editi Er. et Lov., *superatur plerunque corpus infirmius, et tenebre firmiore superatur*. Castigantur ope codicis Carnotensis.

⁸ Editi: *Quoniam jure virtus, etc.*, panloque post, *propter ea nihil sunt quæ facta sunt, cum superiora, etc.* Emen dantur ex eodem Carnotensi codice.

(Lix-neuf.)

pterea in his quæ facta sunt, cum superiora ad inferiora declinant, ubi est omne peccatum et omne quod dicitur malum, vis imitatur virtutem, et fallacia sapientiam: cum vero ea quæ declinaverant revertunt, et regent, magnanimitas virtutem, doctrina sapientiam imitatur. Ipsam etiam Deum Patrem peccantes imitantur impia superbìa, justi pia liberalitate. Spiritum denique sanctum iniquorum cupiditas, rectorum charitas imitatur: utrique tamen ab imitatione Dei, a quo et per quem et in quo naturæ ipse factæ sunt, recedere, sed illi vitiōs, illi laudabili. Nec mirum si quando proficientes deficientesque confligunt, imitatione deficientium a proficientium imitatione superatur: illi enim elatione præcipitantur, isti humilitate consurgunt.

Si autem movet cur mente fortiores infirmiores sint corpore; non est mirum, ut peccatorum remissione liberati, mortalitate corporis exerceantur, cuius immortalitate coronabuntur. Non enim facile supplicium devitatur, nisi ille qui eo solvit¹, meritis vicerit. Unde Apostolus: *Si autem Christus in vobis, corpus quidem mortuum est propter peccatum, spiritus autem vita est propter justitiam. Si autem Spiritus ejus, qui suscitavit Iesum Christum ex mortuis, habitat in vobis; qui suscitavit Iesum Christum ex mortuis, vivificabit et mortalia corpora vestra per inhabitantem Spiritum ejus in vobis* (*Rom. viii, 10, 11*). Animus igitur mortalem propter supplicium peccati carnem gerens, si commutatus in melius, non secundum mortalem carnem vixerit; et ipsam in melius commutat, et immortale corpus habere merchitur: sed hoc in fine, quo novissima inimica destruetur mors, cum corruptibile hoc induerit incorruptionem: non fabuloso illo globo vestro; sed ea mutatione de qua dicit, *Omnis resurgemus, sed non omnes immutabimur*. Cum enim expressisset dicens, *Et mortui resurgent incorrupti, et nos immutabimur*; tunc contexendo subjunxit, ostendens qualem diceret immutationem, et ait: *Oportet enim corruptibile hoc induere incorruptionem, et mortale hoc induere immortalitatem*. Quæstionem quippe tractabat de corpore resurgentium, quam sic posuerat: *Sed dicit aliquis, Quomodo resurgent mortui? quo autem corpore venient* (*I Cor. xv, 26, 51, 52, 53, 55*)? Lege itaque totum ipsum locum pia cura intentus, non pertinaci contentione turbatus, et ingenium tuum Deo adjuvante, nullo explanatore desiderato, nihil aliud quam id quod dico repertus: et tunc ad illud quod tractare institueramus animum revoca, et vide jam, si potes, non hoc me dicere, quod justi contra nihil pugnant, sed contra eas substantias quæ defecerunt non stando in veritate.

CAPUT XI. — Desiccre autem non jam nihil est, sed ad nihilum tendere. Cum enim ea quæ magis sunt, declinant ad ea quæ minus sunt, non illa in quæ declinant, sed illa quæ declinant deficiunt, et minus esse incipiunt quam erant: non quidem ut ea sint ad quæ declinaverunt, sed pro suo genere minus.

¹ In excusis, qui eos solvit; melius in Carnotensi Ms., qui ea salvit. Postea autem legendum videtur, melius vixerit.

Non enim cum animus ad corpus declinat, corpus efficitur; sed tamen defectivo appetitu quadam modo corporascit: ita et angelica quædam sublimitas, cum magis delectata est suo dominatu in se ipsa, ad id quod minus est inclinavit affectum, et minus esse cœpit quererat, et pro suo gradu tetendit ad nihilum. Quanto enim quæque res minus est, tanto vicinior nihil est. Cum autem isti defectus voluntarie sint, recte reprehenduntur, et peccata nominantur. Cum autem sequuntur istas voluntarias defectiones incommoda, molestiae, dolores, adversitates, quæ omnia contra voluntatem patimur: recte utique peccata vel suppliciis puniuntur, vel exercitationibus diluuntur. Quæ si animo sereno intueri velis, profecto desines accusare naturas, atque ipsas in crimen vocare substanzias. Siquid autem de hac re copiosius explicatisque desideras, lege tres libros nostros qui inscribuntur, De Libero Arbitrio, quos in Campania Nolæ poteris invenire apud Paulinum nobilem Dei famulum.

CAPUT XII. — Nunc vero meminisse debeo, epistole me tuæ, quamvis multo longiore, tamen epistola respondere. Ideo quippe in aliis non tacui, ne ubiqua cogar eadem dicere. Sed promiseram ex litteris tuis tibi persuadere, quam falsa credideris, et quam vera sit fidei catholicae assertio. Certe enim omnis inter nos discretio est, quod vos substantiam quamdam malum esse dicitis: nos vero non substantiam, sed inclinationem ab eo quod magis est, ad id quod minus est, malum esse dicimus. Audi, igitur id ipsum¹. Ponis enim in epistola, et dicas de anima, quod carnis permissione ducatur ad peccatum, non propria voluntate: atque ibi statim, credo cum videres, si ita est, subveniendum esse ab omnipotente Deo prorsus omni animæ, nullamque omnino debere damnari, quoniam non voluntate peccaret, quo constituto everteretur sententia quam Manichæus de suppliciis animarum etiam de lucis parte venientium terribiliter personal; vigilansimne subjecisti dicens, *At si, cum se ipsam cognoverit, consentiat malo, et non se armet contra inimicum, voluntate sua peccavit*. Bene quidem quod aliquando consideris fieri posse ut sua voluntate anima peccet: sed cui tandem malo si consentiat, voluntate sua peccat? Ei certe quod substantiam dicas esse.

CAPUT XIII. — At ego jam tria quædam video: tu quoque, ut opinor, tecum vides. Anima enim consentiens malo, et ipsum malum cui consentitur dno sunt, tertia est autem ipsa consensio: non enim et hanc esse animam dicas, sed animæ. Horum igitur trium, ecce anima substantia est; malum etiam illud, cui anima consentiendo voluntarie peccat, ex vestra opinione substantia est: quero igitur quid sit ipsa consensio, utrum ipsam substantiam, an in substantia esse dicatis. Si enim substantiam esse dixeris, non jam duas substantias, sed tres opinaberis. An propterea duas, quol animæ consensio, qua consentit malo, ejusdem substantiae est cuius ipsa anima? Jam ergo quero, malam an bona sit ista consensio. Si bona est, non utique peccat anima, cum consentit

¹ Carnotensis Ms.: *Audi igitur et ipsum*.

malo. Non solum autem veritas clamat, sed tu quoque scribis, tunc eam voluntate peccare. Mala est igitur ista consensio, ac per hoc etiam animæ substantia; si et animæ substantia est, et utrumque una substantia. Videsne quo coactus es; ut animam et illud malum, non jam unam substantiam bonam, alteram malam, sed duas mala esse perhibeas? Hic fortasse conaberis consensionem culpabilem non animæ tribuere quæ consentit malo, sed ipsi malo cui consentit; ut hoc modo possint esse duæ substantiæ, una bona, altera mala: cum anima de parte boni esse dicitur; consensio vero ejus qua consentit malo, et malum ipsum cui consentit, simul ex alia parte constituitur, et anima malæ substantiæ utrumque deputatur. Quis absurdius deliraverit? Non enim anima consentit, si non est ejus consensio: ipsa autem consentit; ejus est igitur. Porro si ejus est consensio, et mala est ista consensio; ejus est hoc malum. Nam si et hoc malum illius mali est cui anima consentit, non habebat necesse hoc malum priusquam ei consentiret anima. Quale igitur bonum est anima, cujus adventu vel duplicatur illud malum, vel ut initius dicamus, augetur?

CAPUT XIV. — Deinde si substantia est ista consensio, quam malam esse constat, invenimus esse in animæ potestate ut aliqua substantia mala vel sit vel non sit: quandoquidem ista consensio in animæ potestate est. Nam si non est, non ergo sua voluntate consentit. Tu autem pro hac consensione, voluntate sua peccare dixisti. Habet ergo anima, ut dixi, in potestate, ut quædam mala substantia vel sit vel non sit. Quid est autem aliud substantia quam natura? Erit ergo aliqua natura quæ nec animæ naturalis sit, quoniam si nolit, non erit; nec illi mala cui anima voluntate consentit: non enim potestis dicere naturale malum esse gentis tenebrarum, quod ibi aliena voluntate instituitur, hoc est, animæ voluntate. Cui ergo naturæ deputabitur ista natura, id est, ista consensio, si natura est quæ neque animæ, neque tenebrarum genti naturalis est, nisi ut contra Manichæum disputes, non duas, sed tres esse naturas? Quia et si aliquando fuerunt duæ, nunc tamen jam posteaquam exorta est ista consensio, tres utique factæ sunt. Quam sane tertiam, quæ nata est ex anima consentiente, et ex malo cui consentit, quasi utriusque filiam cogeris dicere: sed cum ex duabus naturis nata sit, quarum altera bona est, altera mala, quæro cur non aliquid neutrum natum sit. Sicut enim ex equo et asino quod nascitur, nec equus nec asinus est; ita quod de bona natura et mala natum est, si et ipsa natura est, nec bona nec mala esse debebat. Tu autem consensionem malam esse confiteris: dicis enim tunc animam voluntate sua peccare, dum consentit malo. An forte naturam bonam et naturam malam quasi duos sexus, masculinum et femininum esse arbitraris; ut quemadmodum ex masculo et femina non aliquid neutrum, sed aut masculus aut femina gignitur, sic ex bono et malo non aliquid tertium, quod nec bonum esset nec malum, sed alterum malum esse contendas natum?

Quod si ita est, ubi est illa victrix animæ natura? Itane separata¹ est, ut non alterum bonum potius nasceretur? Deinde non vides te sexus diversos jam dicere, non naturas? Nam si inter bonum et malum naturarum esset diversitas, non oriretur ex utroquo nisi aliquid tertium, quod nec bonum posset esse nec malum: aut certe sterilis esset ipsa commixtio, nec inde tertia substantia pareretur. Si enim ex illis animalibus quæ supra commemoravi, cum sibi miscentur, nihil aliud quam mulus vel mula gignitur, quod neque hoc, neque illud sit; quanto magis ita fieri oportuit in tam magna et summa diversitate boni et mali? Aut si nulla ex eorum commixtione nova natura existaret, mala non esset, etiamsi bona esse non posset. Restat igitur ut tam incredibilia deliramenta vitare nequacaus, nisi illam consensionem, quam constat malam esse atque culpabilem, fateamur non esse substantiam, sed in aliqua substantia esse dicamus.

CAPUT XV. — Deinde in qua substantia sit, diligenterem requiramus. Quanquam cui non manifestum sit, ut sicut suasio non sit nisi in suadente, ita consensionem non esse nisi in consentiente natura? Anima ergo cum consentit malo, ipsa substantia est², consensio vero ejus non est substantia. Jam cernis, ut arbitror, in qua substantia sit; id est, in anima esse istam consensionem profecto vides, quam consensionem peccatum esse, ac per hoc malum esse non dubitas. Ex quo jam intelligis fieri posse ut in bona substantia, sicuti est anima, sit aliquid malum quod non est substantia, sicuti est ista consensio, ex quo malo appelleatur etiam anima mala. Peccatrix enim utique mala est: peccat autem, cum consentit malo. Una igitur eademque res, id est, anima, in quantum substantia est, bona est; in quantum autem habet aliquid mali quod non est substantia, id est, consensionem istam, in tantum mala est. Non enim ex profectu, sed ex defectu habet hanc consensionem. Deficit quippe cum consentit malo, minusque jam esse, ac propterea minus valere incipit, quam valebat dum nulli consentiens in virtute consistere; tanto utique deterior, quanto ab eo quod summe est ad id quod minus est vergit, ut ipsa etiam minus sit. Quanto autem minus est, tanto utique fit propinquior nihil. Quod enim minus quoque sit, eo tendit ut non sit omnino: quo quamvis non perveniat ut penitus per eundo nihil sit, manifestum est tamen quilibet defectum exordium esse pereundi. Aperi ergo jam cordis oculos, et intuere, si potes, bonum aliquid esse quamlibet substantiam; et ideo malum esse defectum substantiæ, quia bonum est esse substantiam. Nec tamen omnem defectum esse culpabilem, sed solum voluntarium, quo anima rationalis ad ea quæ infra illam sunt condita conditore suo deserto declinat, affectum: hoc est enim quod peccatum vocatur. Cæteri autem defectus qui non sunt voluntarii, vel poenales sunt, ut peccata puniantur moderatrice summa aliqua

¹ Forte, superata.

² Sic Carnotensis Ms. At editi, cum consentit, mala ipsa substantia est.

ordinatrice justitia; vel mensuris rerum insimularum interveniunt, ut præcedentia succedentibus cedant, atque ita omnis temporalis pulchritudo vicibus suis atque suo genere peragatur. Sicut enim sermo peragitur quasi morientibus atque orientibus syllabis, que per morarum certa intervalla tenduntur, et spatiis suis impletis ordinata consequentium successione decidunt, donec ad finem suum tota perducatur oratio; nec in ipsis decurrentibus sonis, sed in loquentis moderatione positum est, quantum producatur corripiaturve syllaba, vel qua specie litterarum singulae suorum locorum momenta custodiant; cum ars ipsa quæ serinonem facit, nec sonis perstrepit, nec pervolvatur¹ varieturque temporibus: sic ortu et occasu, decessu atque successu rerum temporalium, certis ac definitis tractibus, donec recurrat ad terminum præstitutum, temporalis pulchritudo contexitur. Quæ non ideo mala est, quia in spiritualibus creaturis possumus intelligere miraque meliora: sed habet proprium in suo genere decus, atque insinuat bene viventibus summam Dei sapientiam, in alto secretam, supra omnes temporum metas, fabricatricem ac moderatricem suam.

CAPUT XVI. — Age, nunc attende illud quod dicas malum, cui anima consentiendo voluntarie peccat, utrum substantia sit aliqua, an vero nec ibi possis accusare substantiam. Quero enim, quid allicit animæ consensionem, an irruat illa cassatim, et propterea consentire dicatur, quia ejus aliqua deletione movetur ad fruendum. Quod si ita est, non est consequens ut propterea malum dicatur, quia non recte diligitur. Si enim ostendero amari aliquid male, ubi non amati, sed amantis culpa teneatur; profecto fateberis cujusque rei speciem non esse continuo vitiōsam, quia vitiōse in eam consensio cupientis illabitur. Quod quantum me adjuvet, post apparebit. Sed ut ostendam quod pollicitus sum, quid potius eligam, cum me rerum copia circumfluat? quid, inquam, potius eligam, quam id quod nos ut creaturam laudamus cœlestem, vos autem ut portionem ipsius Creatoris adoratis? Quid enim inter cuncta visibilia isto sole præclarius? At si quisquam ejus lucem immoderatius concupiscat, infert suis oculis² bella jurgiorum, si aliquam potestatem nactus qua possit implere quod appetit, domos eorum oppositas suis fenestrī apertis intuetur, quo minus³ sol penetralia ejus cœlo aperiōtiore perfundat. Numquid ergo solis est vitium, quia illa lucem istam sic dilexit, ut eam luci justitiae præponere auderet, et volens lumen oculorum carnalium abundantius excipere in habitaculum corporis, januam cordis et aciem mentis contra lumen claudere aquitatis? Vides ergo amari posse rem bonam, amore non bono. Quapropter, cum tu malum dicas cui consentiendo anima peccat; ego bonum dico in genere suo, sed tale bonum cui animam quo est melior consentire non deceat. Cum enim sit ipsa corpore super-

¹ In Carnotensi Ms., nec provolvatur.

² Forte, *infert ritus*.

³ In Ms. Carnotensi, *suis fenestrī anima quoniamus*, etc. Locus perplexus et mendosus.

rior, Deumque habeat se superiorē, quamvis in ordine suo natura corporis bona sit, peccat tamen anima, et peccando sit mala, si consensionem dilectionis quam superiori Deo debet, inferiori corpori adjungat.

CAPUT XVII. — Quod si dicas, non eam vocare te consensionem culpabilem, cum res illa diligitur, quæ non agit ut sibi consentiatur; sed tunc consentire animam, cum illum cui consentit aliquid suadet aut aliquid cogit; et propterea malum esse, quia ut aliquid mali committatur, suadet aut urget: secunda questio est, et ordine suo jam jämque etiam ipsa tractanda. Sed meminerimus hic primum peccati, de quo satis, ut arbitror, disputatum est: claruitque fieri posse ut res aliqua in suo genere bona male diligatur, et dilectore culpato⁴ ipsa non reprehendatur. Quid enim, si tali jam dilectione peccatrix anima atque vitiōsa idem peccatum alteri persuadeat, nomine et illa (*a*) quæ persuadenti consentit, tali vitio depravata, quali vitio depravata illa quam sequitur? Primum ergo peccatum est, quamvis bonam creaturam Creatori in dilectione præponere: secundum autem, alterum quoque ut id facial vel suadendo vel cogendo tentare. Nemo enim ad pravitatem vult alium perducere, qui non prior ipse depravatus est. Voluntate autem peccant⁵, qui alios ad peccatum perducere cupiunt, vel stulta benevolentia, vel maliōsia inadvertia. Quis enim filios suos nisi perverse amando monet, ut nullum lucrum turpe existiment, sed undecumque acquirant amplam pecuniam? Utique non odit eos, et tamen perniciose persuadet. Talium quippe dilectione jam ipse corruptus est, cum aurum et argentum malum non sit; quemadmodum et ille sol, de quo superius egimus; sed tamen rei bone director inordinatus in culpa sit. Inadvertia vero, cum alium vult quisque peccare, honorem diligit immoderata superbia, et in eo cupit excellere, atque cœteris anteire; quem quidem videt⁶ amplius et verius deserri virtutibus, ne in eo supereretur, cupit alios ad iniquitatis voraginem ex aquitatis arce deponi. Hoc modo diabolus suadere aut cogere ad peccata conatur. Sed numquid ipse honor in culpa est, quia cum diabolus perverse atque impie diligendo impius factus est? Aut ipsa ejusdem diaboli angelica substantia, quam Deus creavit, ideo mala est, quia substantia est? Sed cum ejus deserens dilectionem, et ad suam nimis conversus⁷, ei videri cupit aquilis, superbie tumore dejectus est. Non ergo in quantum substantia est, sed quoniam substantia facta est, in quantum se ipsum amplius dilexit quam eum a quo factus est, malus est; et ideo malus, quia minus est quam esset, si id quod summe est dilexisset: defectus ergo malus est. Omnis ergo defectus ab eo quod est, tendit ut non sit: sicut

¹ Sic vetus codex Carnotensis. At editi, *dilectione culpata*.
² Forte, *quem quia ridet*.

³ Idem codex Carnotensis, *volunt autem qui peccant*.

⁴ Idem codex, *et ad sua nimis conversus*.

⁵ (a) Forte, *nonne est illa, juxta Morel, Elem. Critic., pag.*

omnis proiectus ab eo quod minus est, tendit ut magis sit. Honor quippe summus, quam pietas reliquiorum exhibet, utique Deo debetur. Qui ergo amat honorem, Deum imitatur. Sed humiles anime in illo se honorari volunt; superbi, præ illo. Ad Deum autem humiles, excelsiores sunt injusti; contra Deum vero excelsi, humiliores sunt justi: ea scilicet dispensatione præmiorum atque poenarum, quia illi Deum amaverunt supra se, illi pro Deo amaverunt se.

CAPUT XVIII. — Jain, ut arbitror, facile est tibi intelligere ex ipsius verbis epistola tua, quibus dixisti, *animam, cum consentiat malo, voluntate peccare*, nullum malum esse naturam malam, vel dilectionem naturæ malæ: sed cum omnes naturæ in suo genere bonæ sint, malum esse peccatum quod fit voluntate anime, cum diligit pro ipso Creatore creaturam; sive suo nutu, cum sit mala; sive alterius persuasu, cum consentit malo. Et nihilominus sic quoque fit mala, consequentibus suppliciis, ut pro meritis omnia disponantur a Creatore summe bono in creatura bona; sed non summe bona, quia non eam genuit de se ipso, sed fecit ex nihilo. Tu autem constituisti duas naturas, quarum unam vis bonam esse, alteram malam; vel potius unam boni, alteram mali: nam mala natura ex bona etiam peccando fit. Fateris tamen eam naturam quam bonam esse dicis, malo consentiendo male facere, hoc est, voluntate peccare. At ego ambas bonas esse assero, sed unam earum male facere suadendo, aliam male facere consentiendo. Sicut autem alterius consensio non est natura, sic nec hujus suasio: sicut et ista si non consentiat, bona permanebit, integratatem naturæ suæ custodiens; sic illa si non suadeat, emendatior erit. Si vero etiam peccatum quod non suadet, nec ipsa committat; pariter erunt integræ, atque in suo genere laudabiles. Et si enim bis illa peccat quæ et committit et suadet, illa autem semel si tantummodo ad male faciendum consentiat; tamen peccatis sunt malæ, non natura sunt malæ. Aut si propter suasionem natura ista mala est, sic et illa propter consensionem. Sed si pejus tibi videtur esse suadere quam consentire, sit ista mala, ista pejor: non tamen tanta sit acceptio personarum, et non tam iniqua in judicando gratificatio, ut cum ambo peccent, quamvis una gravius, altera levius, una dicatur natura mali, altera boni: ac non potius aut ambo bonæ, sed illa melior quæ peccat minus; aut ambo male, sed illa pejor quæ peccat amplius.

CAPUT XIX. — At enim unde est malum factum quod peccatum vocatur, si nulla est mali natura? Dic mihi unde sit illa consensio mala in ea natura, quam bonam esse concedis et predicas. Quidquid enim patitur, ut consentiat malo, non utique pateretur, nisi pati posset. Quero itaque unde habeat ipsum pati posse. Melior enim esset, si non haberet. Non ergo natura summi boni, qua posset esse aliiquid melius. Deinde si habet in potestate vel consentire vel non consentire, non ergo victa consentit. Quero igitur unde habeat istam consensionem malam, nulla contraria cogente natura. Si autem cogiter con-tinere,

ita ut non sit in ejus potestate aliter facere; non ergo, ut dicebas, voluntate peccat, quando non voluntate consentit. Sed ego adhuc quero, unde in illa sit posse decipi, si decipitur. Antequam enim deciperetur, nisi esset in ea ut hoc pati posset, nunquam utique patetur. Quanquam nullo modo nisi voluntate consentit: si autem cogitur, cedere potius quam consentire dicenda est. Sed quoquilibet nomine istud appelles, quero abs te acuto et solerti viro, et a tuo Romano ut gloriaris ingenio, unde habeat ista boni natura pati posse quod patitur, ut consentiat malo. Sicut enim in ligno, antequam frangatur, inest fragilitas, quæ nisi inesset, frangi omnino non posset; nec ideo non est fragile lignum, si nullus fractior accedit: sic quero in ista natura, unde sit quedam vel fragilitas vel flexibilitas, antequam ad malam consensionem vel vi frangatur, vel suassione flectatur. Aut si mali vicinitate jam fragilitas erat, sicut solent corpora vicinæ paludis exhalatione corrumpi; jam ergo corruptibilis erat, si potuit eam vicinitatis illius contagio pestilentiosa corrumpere. Quero igitur unde illa corruptibilitas.

Queso, attende quid loquar, et cede perspicue veritati: non enim quero unde corruptio; respondebis enim, A corruptore; cumdemque corruptorem nescio quem principem gentis tenebrarum esse contendis, ut etiam fabulosis tegminibus involutum evolare ac tenere vix possit: sed quero unde corruptibilitas, etiam antequam corruptor accederet; quæ nisi esset, aut nullus existeret, aut nihil noceret cuiuslibet corruptoris accessio. Cum ergo tu inveneris unde in bona natura ista corruptibilitas, antequam a natura contraria corrumpatur; aut si non vis eam dicere corrumpi, unde certe ista mutabilitas, antequam ex hostili adversitate mutaretur: non enim non mutatur natura in deterius, quæ fit ex sapiente stulta, et quæ obliviscitur sui; tu enim ista verba apposuisti, dicens, *Si cum se ipsam cognoverit, consentiat malo*: mutatur ergo in deterius cum obliviscitur, sic ut se ipsam rursus commemoratam cognoscet; nullo autem pacto mutari potuisse, nisi antequam mutaretur esset mutabilis: cum ergo tu inveneris unde ista mutabilitas in substantia summi boni, antequam esset ulla boni et mali facta commixtio; profecto desines a me querere unde sit malum. Quanquam in natura summi boni, si eam recte cogites, nullam prorsus mutabilitatem temporis inveniri, nec a se ipsa, nec alterius cuiuslibet accessu possit, sicut in ea natura quam Manichæus singit, et summe bonam esse arbitratur, vel etiam sibi credentibus persuadet. Quæ atque responde, si potes, unde ista mutabilitas, quæ non inventa, sed prodita est, cum mora accederet (a)? Mutari enim nec ab hoste posset, si mutari omnino non posset. Cum autem potuit, non se fuisse incommutabilem demonstravit. Ille ergo mu-

¹ Editio Am. et Ms. Carnotensis. si ut se ipsam. Forte legendum, cum oblivi citur sui, ut se ipsam.

(a) Forte, quæ non invenia, sed prodita est, cum hostis (id est, corruptor) accederet.

tabilitas cum esse in substantia summi boni, hoc est, in substantia Dei creditur, si contentiosus non es, vides quanta insipientia blasphematur. Cum vero de creatura tale aliquid dicitur, quam Deus nec genuit nec protulit de substantia sua, sed fecit ex nihilo; non de summo bono agitur, sed tamen de tali bono, quod nisi a summo, qui Deus est, non posset institui. Deus quippe summe bonus atque incommutabiliter, omnia non summe nec incommutabiliter bona, sed tamen bona fecit, ab Angelis cœlorum usque ad extremas bestias herbasque terrarum, pro sua cuiusque dignitate naturæ omnia locis congruis ordinata. Verum in his rationalis creatura, cum creatori, hoc est, factori et institutori suo Deo dilectionis obedientia cohæret, naturam suam in illius æternitate, veritate, charitate custodit: cum vero cum contumaci inobedientia deserit, per suum liberum arbitrium peccatis se involvit, per illius autem justum judicium supplicio misera afficitur; et hoc est totum malum, partim quod injuste facit, partim quod juste patitur. Hoc tu a me non quæras unde sit, cum tibi jam ipse responderis, qui dixisti, quod *cum se ipsam cognoverit anima, si malo consenserit, voluntate sua peccat.* Ecce unde est malum, a propria scilicet voluntate. Non autem ista natura, sed culpa est; ac per hoc etiam contraria naturæ, cui utique nocet privando eam bono, quo beata esse posset, si peccare noluisse. Hanc tu peccati voluntatem moveri non putas in anima, nisi ex alio malo quod credis esse naturam, quam non fecerit Deus, eamque animam naturam Dei esse contendis: ac per hoc ista mali nescio quæ natura, si hanc in anima peccati (a) suadendo facit, in peccatum victimus dejicitur Deus.

CAPUT XX. — Ecce quanta impietate, quam nefariis horrendisque blasphemias te non vis exuere, ponendo in natura quam non fecit Deus, vitam, sensum, sermonem, modum, speciem, ordinem, et alia innumerabilia bona; et ponendo in ipsa Dei natura ante ullam commixtionem mali, ipsam mutabilitatem qua capi poterat, et cui timere cogebatur, *videns magnam labem ac vastitatem adversus sua sancta impendere sacula, nisi aliquid eximiun ac præclarum et virtute potens numen opponeret* (*Ex Manichæi Epistola, quam vocabant Fundamenti*). Et utquid hoc totum, nisi ut illa Dei natura atque substantia sic implicatum teneat hostem subjectum, ut peccans perferat et ligatum, nec totum evadat purgata jam victimi, et ut damnata servet inclusum? Præclaram vero excusationem¹ bellicæ necessitatis in Deo vestro invenistis, contra illud quod vobis proponitur, ut respondeatis quid factura erat Deo gens tenebrarum, si cum ea pugnare noluisse: quam si dixeritis aliquid fuisse nocitum, fatebitur corruptibilem et violabilem Deum; si autem dixeritis quod ei nocere non posset, queretur a vobis, *Cur ergo pugnavit?* Cur substantiam suam corrumpendam atque violandam et ad peccata omnia cogendam hostibus tradidit? Contra istam

¹ Ita Carnotensis Ms. Editi vero, *exclusionem.*
(a) Forte, *peccati voluntatem.*

ergo complexionem nunquam exire potuisti.

Magnum aliiquid vobis et tutum invenisse videmini, ut respondeatis dicentes: Magna est iniquitas appetere aliena, cui Deus iniquitatibus præbuisset assensum, si eam gentem quæ hoc ausa fuerat, expugnare noluisse. Haberet ista responsio qualemcumque justitiae colorem, si saltem in ipso bello natura Dei vestri se integrum impollutamque servasset, et permixta hostilibus membris nihil iniquitatis vel coacta vel seducta fecisset: cum vero tantis facinoribus et flagitiis cam captivam consentire dicatis; cum denique ab illa impietate tam immanni, qua etiam lumini sancto, cuius portio est, exstitit inimica, nec totam perhibeat possesse purgari, unde illi merito retribuere creditis horrendi illius globi æterna supplicia; quanto satius erat inimicum hostem in sua iniquitate relinquere inania molientem, quam tradere ei partem Dei, cuius vires hauriret, cuius d'corem corruptum suæ iniquitati sociaret, quis non videat? Quis tanta obstinatione exercetur, ut non sentiat, non attendat, quanto minore iniquitate gens tenebrarum frustra naturam invadere conaretur alienam, quam Deus invadendam et ad iniquitatem cogendam, et ad pœnam ex aliqua etiam parte damnandam traderet suam? Hoccine tandem est iniquitati consentire noluisse, et tam ingentem iniquitatem sine ulla necessitate fecisse? An erat necessitas, quod ipsum Manichæum dicere non puduit, et vos pudet? Ille quippe alt, *vidisse Deum magnam labem ac vastitatem adversus sua sancta impendere sacula, nisi aliquid eximiun ac virtute potens numen opponeret.* Vos autem acutius videlicet ratiocinamini, quam si² Deum dixeritis ea necessitate pugnasse, ne noceret ei gens tenebrarum, violabilem et corruptibilem dicentes Deum, cui nocere aliquid posset, si pugnare noluisse. Abigit ergo et expellite a cordibus vestris et a fide vestra, etiam ipsam pugnam; totamque illam fabulam, impiarum et immundissimarum blasphemiarum horrore contextam, tandem aliquando anathematice atque damnate. Nam quale est, obsecrate, quod, ut ante dictum est, violabilem illam naturam et corruptibilem Deum dicere non timetis; ut natura Dei vestri, si fortitudinem qua non capcretur non potuit exercere, non potuerit saltem justitiam captiva servare: quod Daniel potuit, qui leones ausus est irridere, qui eorum a quibus captivus ductus fuerat³, iniquitati etiam piotate sua nullo compulsus terrore consensit, nec in conditione corporalis servitutis æquitatem ac libertatem animi patientis et sapientis amisit (*Dan. vi et xiv*). Natura vero Dei captiva ducta est, iniqua facta est; non potest tota purgari, cogitur in fine damnari. Quod malum sibi futurum si sciebat ex æternitate, illi nulla divinitas de se debebatur: si autem vel terris vel regionibus sibimet vicinitate contiguis regni lucis⁴ et gentis tenebrarum,

¹ Am. codex et Carnotensis, *quasi.*

² Sic vetus codex Carnotensis. At editi, *qui leges omnes ausus est irridere eorum, a quibus ductus fuerat: iniquitati etiam, etc.*

³ Editi, *sibin et in civitate contiguis regni locis, etc.* Fratrua hic multa, qua que Carnotensis codicis castigare omnia non sicut.

quæ ab hominibus prudenter intelligentibus ridenda Manichæus narrat, inenarrabilia esse dixisti, et hæc a Christo appellari dexteram et sinistram; novimus sic appellare Christum dexteram et sinistram, ut non corporalia loca, sed beatitudinem miseriamque sui cuiusque meriti velit intelligi. Sed carnalis vestra cogitatio, adeo a locis corporalibus non recedit, ut solem istum visibilem, ac per hoc corporeum, qui contineri nisi corporali loco non potest, et Deum et partem Dei esse dicatis. Verum de his vobiscum agere stultum est: quid enim incorporum intelligere poteritis, qui Deum incorruptibilem nondum creditis?

CAPUT XXI. — Sed videlicet bonus amicus benignus a me objurgas, Manichæos quod reliquerim, et me ad Judicorum Libros contulerim. Ipsi sunt qui vestrum errorem fallaciamque suffocant: in eis quippe prophetatus est Christus, qualem Dei veritas reddidit, non qualem Manichæi vanitas fluxit. Sed homo urbanissimus exagitas antiquam Scripturam, eo quod scriptum sit in propheta, *Et fac filios de fornicatione, quoniam fornicabitur terra a Domino (Osee 1, 2)*; cum audias in Evangelio, *Meretrices et publicani precedunt vos in regnum cœlorum (Matth. xxi, 31)*. Novi unde veniat indignatio tua: non enim tibi tam fornicaria displicet in fornicatione, quam quod in matrimonium commutata est, et conversa ad pudicitiam conjugalem; ubi Deum creditis vestrum in procreando filios arctioribus carnis vinculis colligari: cui putatis parcere meretrices, quia dant operam ne concipient, ut ab officio pariendi liberæ, libidini serviant. Feminæ quippe conceptus apud vos carcer est et vinculum Dei. Hinc tibi etiam illud displicet, *Erunt duo in carne una*; cum hoc in Christo atque Ecclesia sancta magnum mysterium commendet Apostolus¹ (*Gen. ii, 24, et Ephes. v, 31, 32*). Hinc displicet, *Crescite, et multiplicamini (Gen. i, 28)*; ne Dei vestri multiplicentur ergastula. Me autem fateor in Ecclesia catholica didicisse, sicut animam, ita et corpus, quorum alterum prædictum, alterum subditum est; ita bonum animæ ac bona corporis, non esse nisi a summo bono, a quo sunt omnia bona, sive magna, sive parva; sive cœlestia, sive terrestria; sive spiritualia, sive corporalia; sive temporalia, sive sempiterna: nec ideo ista reprehendenda, quia illa præferenda.

CAPUT XXII. — Illud vero quod inter culpanda ponis, *Macta, et manduca (Act. x, 13)*; etiam in Actibus Apostolorum spiritualiter positum est. Verumtamen et corporaliter, non est cibus in vituperatione, sed luxus: præcipue volbis, etiam carnaliter accepta hæc sententia placere debuit, ut mactaretis carnes, ac sic carceribus fractis de misera custodia deus vester aufugeret, et si quæ ejus ibi reliquiae remansissent, manducando eas in officina aquariculi purgareatis. Insultas, quod mihi doluerit sterilitas Saræ. Non plane hoc ego dolui, quia et ipsa prophætica fuit. Vestris autem sacrilegiis fabulosis congruit, non sterilitatem Saræ, sed fecunditatem dolere; quia omnis

¹ In Carnotensi Ms., cum hoc in Christo atque Ecclesia sacramentum, magnum mysterium commendet Apostolus.

feminæ fecunditas, dura est Dei calamitas: unde non mirum est, quia in vobis maxime impletur quod de talibus prædictum est, *Prohibentes nuptias (1 Tim. iv 5)*. Neque enim tam concubitus, quam nuptias detestamini: quoniam in eis concubitus causa propagandi, non vitium, sed officium est: a quo immunis est continetia virorum seminarumque sanctorum; non quia sicut malum illud devitaverunt, sed quia melius elegerunt. Quanquam patrum et matrum, quales Abraham et Sara exstiterunt, ipsum officium conjugale non ex humana societate, sed ex divina dispensatione pensandum est. Nam quia Christum in carne venire oportebat, ei carni propagandæ famulatum est coniugium Saræ, cui virginitas Mariæ².

CAPUT XXIII. — Unde et illud quod imperitia laudabili deridendo commemorasti, *Pone manum sub seniore meo*, Abraham servo suo dixit, postulans jurisjurandi fidem. *Pone, inquit, manum sub seniore meo, et jura per Deum cœli (Gen. xxiv, 2, 3)*. Servus quidem ille obediendo jurabat: sed Abraham jubendo prophetabat, Deum scilicet cœli in eam carnem esse venturum, quæ fuisset ex illo seniore propagata. Vos hoc aspernaminī, detestamini, abominamini, casti et mundi homines: qui Filio Dei, quem nullus contactus carnis mutare potuissest, unum virginis uterum formidatis; et Dei vivi³ naturam mutatam atque pollutam omnium seminarum, non hominum tantum, sed bestiarum quoque uteris implicatis: ac per hoc qui unum Patriarchæ semur horretis, quæ tandem femora, non dico Prophetarum, sed quarumlibet prostitutarum invenitis, ubi non per deum vestrum illic tam turpiter compeditum jurare debeatis⁴? nisi forte non quidem caste tangere humani corporis membrum, sed pudet jurare per Deum tam turpiter vinctum. Tanta illic deformitate captivo nomine pancarpi^(a), qui in ludicris muneribus edi solet, propter omnium generum que inerant bestias, exagitatis arcum Noe (*Id. vii*), quæ per omne genus animalium futuram ex omnibus gentibus figurabat Ecclesiam. Ubi te vel non advertentem vel ignorantem gratulor congruum posuisse vocabulum: πάγκαρπος; enim omnis est fructus, quod in Ecclesia spiritualiter verum est: et non attendis, Noe cum suis inter illas feras, quo illæsus ingressus est, unde illæsus egressus est, quam felicior fuerit deo vestro, qui ferina rabie gentis tenebrarum dilaniatus et devoratus est. Itaque ille non pancarpus, sed plane compartus⁵ factus est, qui omni feritate disceperthus est. Luctam Jacob cum angelo irrides (*Id. xxii, 24, 25*), ubi futura cum carne Christi lucta populi Israel prophetice figurata est. Sed quonodolibet intelligas, quanto melius deus vester cum homine luctaretur, quam victus atque captivus a dæmoniū

¹ Editi, cui virginitas Mariæ præfertur. Superfluo additum, præfertur, quod a Carnotensi Ms. abest, quia subauditur ejus loco, famulata est.

² Forte, testiri.

³ Er. et Lov., ubi non Deum vestrum illic tam turpiter compeditum vitare debeatis. Castigantur ex Carnotensi Ms.

⁴ In veteri codice Carnotensi, comparcus.

^(a) Morel, Elem. critic., pp. 330, 331, sic restituendum censem hunc locum: *Sed pudet jurare per deum tam turpiter vinctum, tanta illic deformitate captivum. Nomine pancarpi.*

gente diriperetur. Falso Abraham, quod pudicitiam conjugis vendiderit criminari: ubi non est mentitus sororem, sed cautela humana tacuit uxorem (*Gen. xii et xx*), Deo suo committens ejus pudicitiam conservandam; qui nisi ficeret quod facere posset, non in Deum fidere, sed Deum tentare judicaretur. Nec tamen respi-
cis deum vestrum, qui non uxorem, sed membra sua hostibus polluenda, corrumpenda, turpanda, non vendidit, sed gratis dedit. Ad quem, si posset, certe optare-
tis, ut tam illibata rediret ab inimicis suis dei vestri
præclaræ natura, quam illibata viro redditæ est Sara.

CAPUT XXIV. — Laudas mores et studia quondam mea, et quæris quis me repente mutaverit. Deinde circumloquendo commemoras antiquum hostem omniū fidelium atque sanctorum, et ipsius Domini Jesu Christi, quem vis utique diabolum intelligi. Quid ego tibi de mea mutatione respondeam, quam nisi eo modo in melius fieri crederem, non utique me, ve-
stro errore detestato atque damnato, ad catholicam Ecclesiam fidemque conserrem? Quod utrum recte fecerim, id est, a malo in bonum mutatus sim, tu mihi ipse solvis quæstionem in eodem verbo quod posuisti mutationis meæ. Anima enim mea, si (quemadmodum dicitis) Dei natura esset; sive in melius, sicut confido; sive in deterius, sicut arguis, mutari omnino non posset: nec a se ipsa, nec a cuiusquam vel alterius impulsu. Unde cum errorem istum reliqui, et c'egi eam fidem, ubi Dei natura prorsus incommutabilis pie creditur, ut sapienter intelligatur; non displicet mutatio mea, nisi quibus displicet incommutabilis Deus. Est autem diabolus sanctorum adversarius, non quod adversus eos ex alterius natu-
ræ contrario principio consurgat inimicus, sed quia eis invidebat honorem coelestem, unde est ipse dejectus. Mutatus enim ipse, alios mutare molitur. Nam sicut a vobis Persice illius fabulæ prolixitate describitur, si non mutatus alios mutat, profecto major et vitor est: si autem, sicut affirmatis, sanctæ lucis; non inimicus Dei est, sed amicus, et illis mellor quos deci-
pit, qui eos lumiini sancto inimicos, cui est ipse amicus, efficit?¹ Ideo quippe dicit Manichæus, aeterno supplicio animas in illo horribili globo damnandas, quod errare se a priori lucida sua natura passæ sunt, et inimicæ luminis tunc extiterunt; cum ipsam mentem gentis tenebrarum, tenendæ apud se lucis amore fla-
grantem animalium corpora creare contendat. Ab his ergo vanissimis sacrilegisque figmentis te cura ut eri-
plas, mutandus in melius illius adjutorio, qui nec in melius nec in deterius commutatur.

CAPUT XXV. — Evasimus, inquis, quia spiritua-
lem secuti sumus Salvatorem. Nam illius tantum erupit audacia, ut si nosier Dominus carnalis foret, omnis no-
stra suisset spes amputata. Si hoc propterea dicas, quia Christum carnem habuisse non creditis; in Manichæo spem ponere non debetis, quem de masculo et semina procreatum, sicut ceteros homines carnem habuisse conceditis. Cur ergo in illo tantam spem ponitis?
Nam in hac ipsa epistola tua, cum me terreres, ipse

¹ Ajud Er. Iugd. ven. Lev., efficit.

dixisti: *Quis igitur tibi patronus erit ante justum tribu-
nal Judicis, cum et de sermone et ac opere cœperis te
teste convinci? Persa quem incusasti, non aderit. Hoc
excepto, quis te flentem consolabitur? quis Punicum
salvabit?* Consolatorem igitur et salvatorem, Mani-
chæo excepto, nullum esse posse dixisti. Quomodo
ergo, cum de Christi passionibus ageres, evasisse vos
dixisti, quod spiritualem secuti estis Salvatorem, ne
scilicet eum posset in carne constitutum inimicus occidere? Ergo Manichæum vestrum si occidit inimicus,
in quo carnem invenit, ut jam vester esse salvator
posset; et quomodo dicas, *Hoc excepto, quis te flen-
tem consolabitur? quis Punicum salvabit?* Vides quid
sit² in hæresi et doctrinis dæmoniorum, in hypocrisi
mendacioloquorum (*1 Tim. iv, 1, 2*). Veracem Mani-
chæum de Christo vis esse fallaci; ut si Christus in
ostendenda carne, morte, resurrectione, locis denique
vulnerum atque clavorum, quæ dubitantibus discipu-
lis demonstravit (*Joan. xx, 20*), totum fallaciter ac
mendaciter gessit, tunc Manichæus de Christo verum
dixerit: si autem Christus veram carnem, et ideo
veram mortem, veram resurrectionem, veras cicatri-
ces ostendit, tunc Manichæus de Christo mentitus sit.
Ae per hoc id interest in hac causa inter me atque te,
quod tu elegisti veracem credere Manichæum, Chri-
stum credendo fallacem; ego autem Manichæum potius,
sicut de aliis rebus, ita de Christo, quam Christum de aliqua re (quanto magis de illa, ubi spem creden-
tium maxime posuit, hoc est de sua passione et
resurrectione?) mentitum. Nam qui dicit, Quando
Christus post illam, quæ mors ejus putata est,appa-
ruit discipulis hæsitantibus, et spiritum se videre pu-
tantibus; quando dixit: *Tangite manus meas et pedes;*
*et videte, quia spiritus carnem et ossa non habet, sicut
me videtis habere* (*Luc. xxiv, 39*); quando uni eorum
minime credenti, *Mitte, inquit, digitos in latus meum,*
et noli esse incredulus, sed fidelis (*Joan. xx, 27*): to-
tum hoc non veraciter ostendebat, sed mendaciter:
qui hoc, inquam, dicit, non predictor, sed accusa-
tor est Christi. Sed, inquis, Christum prædicat Mani-
chæus, ejusque se dicit apostolum. Hinc potius dete-
standus atque fugiendus est. Nam haec accusando
diceret³, se saltem jactaret amatorem veritatis ar-
guendo alterius falsitatem: nunc vero nesciens incau-
tusque se prodit, satisque demonstrat diligenter in-
tuientibus, quid agat ipse, quid diligit, laudando ac
prædicando mentientem. Fuge itaque, amice, tantam
pestem, ne te, quod fieri non potest, fallendo velit
fidelem facere Manichæus: qualem vult videri a Chri-
sto esse factum illum discipulum cui dixit, *Mitte di-
gitos in latus meum, et noli esse incredulus, sed fidelis.*
Sicut enim sapit dulcissima veritas, quid aliud disci-
pulo Christus dixit, nisi, *Tange quod gesto, tange
quod gessi, tange veram carnem, tange verorum ve-
stigia vulnerum, tange vera loca clavorum, et cre-
dendo veris noli esse incredulus, sed fideiis?* Sic ut

¹ Forte, quod sis.

² Edit: *Nam eum haec accusando dicret. Expungenda*
particula, cum, quæ a Ms. Carnicensi absit.

autem despiciat Manichaei sacrilega vanitas, quid aliud dixit discipulo Christus, nisi, Tange quod simulo, tange quod fallo; nisi, Tange falsam carnem, tange falsorum fallacia vulnerum loca, et noli esse incredulus meis mendacibus membris, ut credendo falsis possis esse fidelis. Tales fideles habet Manichaeus, omnis doctrinæ dæmoniorum mendacioquorum.

CAPUT XXVI. — Fuge ista, obsecro, non te decipiatur species paucitatis, quoniam ipse Dominus dixit angustum viam esse paucorum (*Matth. vii, 14*). Inter paucos vis esse, sed pessimos. Nam verum est quod pauci sunt omni modo innocentes, sed in ipsis nocentibus pauciores sunt homicidae quam fures, pauciores sunt incestatores quam adulteri: denique etiam ipse antiquorum vel fabule vel historie pauciores habent Medeas et Phœdras, quam facinorum aliorum flagitorumque mulieres; pauciores Ochos et Busirides, quam impietatum aliarum et scelerum viros. Vide ergo, ne forte apud vos nimius horror impietatis faciat meritum paucitatis. Talia quippe ibi legitur, dicuntur, creduntur, ut in illum errorem magis aliquos quam paucos irruere, vel illic remanere, mirandum sit. Sanctorum autem paucitas, quorum angusta via est, in comparatione ponitur multititudinis peccatorum: quæ quidem paucitas in multo majore numero peccatorum latet; sed in ipsa area catholice Ecclesiæ est nunc congreganda et trituranda, in fine autem ventilanda atque purganda (*Id. iii, 12*): ad quam te oportet conferas, si fideliter fidelis esse desideras, ne fidelio falsis, sicut scriptum est, ventos pascas (*Osee xii, 1*), id est, immunis spiritibus esca sis. Si enim Paulus apostolus, quem commemoras, non sapientum Veteris Testamenti scripturas totamque illam propheticam dispensationem dictorum atque factorum, sed carnalem Iudaicæ propaginis excellentiam, et pro Synagogis paternæ gentis errantibus et Christum non agnoscensibus, zelum persecundi Christianos, quo tanquam laudabili accendebatur, et justitiam quæ ex Legi est, qua Iudei, non ibi intellecta Dei gratia, superbe gloriantur, damnam et stercora deputavit, ut Christum luciferasceret (*Philipp. iii, 8, 9*): quanto magis tu scripturas illas nefandarum blasphemiarum plenissimas, ubi natura veritatis, natura summi boni, natura Dei

toties mutabilis, toties victa, toties corrupta, et ex parte inexplicabiliter inquinata atque ab ipsa veritate in fine damnanda describitur, non sicut stercora, sed sicut venena debes abjecere, et ad Ecclesiam catholicae, quæ sicut tanto ante prophetata, ita suo tempore revelata est, finita contentione transire?

Quod ideo tibi loquor, quia mens tua nec natura mali est, quæ omnino nulla est; nec natura Dei, aliquin incommutabili frustra loquerer: sed quoniam mutata est deserendo Deum, et ipsa mutatio ejus malum est; mutetur conversa ad incommutabilem bonum, in adjutorio ipsius incommutabilis boni; et talis ejus mutatio erit a malo liberatio. Hanc admonitionem si spernis, duas adhuc credebas esse naturas, unam mutabilem boni, quæ malo præmixta potuit in justitiae consentire, alteram incommutabilem mali, quæ nec bono mixta potuit consentire justitiae, proximam illam pudendum fabulam garris execrabilis turpesque blasphemias in fornicatione prurientium aurium seminantem, ut sis in eorum grege, de quibus prædictum est, quod *erit tempus, quando sanam doctrinam non sustinebunt, sed ad sua desideria coarctabunt sibi magistros pruientes auribus, et a veritate quidem auditum suum avertentes, ad fabulas autem convertentur* (*Il Tim. iv, 3, 4*). Si autem hanc admonitionem prudenter accipis, conversus ad incommutabilem Deum, mutatione laudabili fies in eis de quibus dicit Apostolus: *Fuistis aliquando tenebræ, nunc autem lux in Domino* (*Ephes. v, 8*). Quod nec Dei naturæ dici posset, quia nunquam fuit mala et digna isto nomine tenebrarum; nec naturæ mali, quæ si esset, nunquam posset mutari, nec lux fieri: sed recte ac veraciter hoc dictum est ei naturæ, quæ incommutabilis non est, sed deserto incommutabili lumine, a quo facta est, obtenebratur in se; ad illud autem conversa fit lux, non in se, sed in Domino. Non enim a se ipsa, quoniam non est lumen verum, sed illuminata lucet, ab illo de quo dictum est: *Erat lumen verum, quod illuminat omniem hominem venientem in hunc mundum* (*Joan. i, 9*). Hoc credere, hoc intellige, hoc tene, si vis esse bonus participatione incommutabilis boni, quod non potes esse per te: quod nec amittere, si incommutabiliter hoc esses; nec recipere posses, si incommutabiliter hoc non esses.

INDEX OPUSCULORUM ALIORUM AUGUSTINI,

QUIBUS VEL EX PROFESSO VEL OBITER AGIT CONTRA MANICHEOS.

IN I TOMO.

- De Libero Arbitrio libri iii.
- De Genesi contra Manicheos libri ii.
- De Moribus Ecclesie Catholice, et de Moribus Manicheorum libri ii.
- De Vera Religione liber i.
- Multa contra eosdem in libris Confessionum.

IN II TOMO.

- Epistola LXXXIX et CXXXVI.

Præterea vide in hujus viii tomis appendice librum de Fide contra Manicheos, et Commonitorium de reij iendis Manicheos qui convertuntur.

IN IV TOMO.

- Enarratio in Psal. cxl.

IN V TOMO.

- Sermo i, ii, xii, l, cliii, clxxxii et cxxxvi.

IN VI TOMO

- Liber de Agone Christiano et liber de Continentia.

IN OPUS SUBSEQUENS,

Vide lib. 2, cap. 58, Retractionum, tom. 1, col. 654, averbis, Interea (a) liber, usque ad verba, Fratres dilectissimi. M.

(a) Proxime ante recensitis libris de Anima et ejus origine, deque Adulterinis Conjugiis, qui libri ad annum 419 pertinet, significat jam Augustinus a se conscriptos per idem tere tempus fuisse subsequentes contra Adversarium Legis et Prophetarum libros. Hujus operis cum laude meminit Cassiodorus in lib. de Institutione divinarum Litterarum, cap. 1. Capita libri Adversarii singula, quae re ellenda hic fuerunt, recensentur ante finem libri 2, in cap. 10.

S. AURELII AUGUSTINI

HIPPONENSIS EPISCOPI

CONTRA ADVERSARIUM

LEGIS ET PROPHETARUM

Liber duo ^(a).

LIBER PRIMUS.

In quo Veteris Testamenti loca calumniose reprehensa vindicantur.

CAPUT PRIMUM. — 1. Libro, quem misistis, fratres dilectissimi, nescio cuius haeretici, invento, sicut scripsistis, in platea maritima, cum venalis codex ipse ferretur, et concurrentibus turbis periculosa curiositate et delectatione legeretur, ut quanto possem compendio responderem, prius quesivi cujusnam esset erroris. Non enim soli Manichei Legem Prophetasque condemnant; sed et Marcionistæ, et alii nonnulli quorum sectæ non ita innotuerunt populis christianis. Iste autem, cuius nomen in eodem libro non comperi, detestatur Deum mundi fabricatorem: cum Manichæi, quamvis librum Geneseos non accipiant, atque blasphemant, Deum tamen bonum fabricasse mundum, et si ex aliena natura alique materia, consteantur. Sed quanquam non mibi apparuerit, cuius sectæ sit iste blasphemus, defendenda est adversus ejus linguam Scriptura divina, quam maledicis disputationibus insectatur. Et quoniam quo modo christianum se videri cupit, unde et ex Evangelio et ex Apostolo ponit aliqua testimonia; etiam Scripturis ad Novum Testamentum pertinentibus resellendus est: ut ostendarit in reprehensione veterum inconsiderantius quam versutius insanire.

CAPUT II. — 2. Ac primum, quod pius poterat religioso, querit iste impius ore sacrilego, quomodo accipendum sit quod scriptum est, *In principio fecit Deus cœlum et terram* (*Gen. 1, 1*): quanquam non ad dederit, *terram*, de qua post loquitur. Querit ergo:

ADMONITIO PP.

BENEDICTINORVM.

Opus istud contra Adversarium Legis et Prophetarum recognovimus ad Gallicanos MSS. undecim, Germanensem, Corbeiensem, Remigium, Michaelinum, Fiscannensem, Pratellensem, Cisterciensem, Casalensem, Sorbonicum, Colbertinum, Regium, et ad unum Vaticanum; ad editiones etiam Am. Er. et Lov. et ad variantes lectiones codicium Belgicorum apud Lov.

Comparavimus præterea eas omnes editiones initio Retr. et Confess., t. 1, memoratas. M.

(a) Scripti circiter iulium anni 420.

¹ Sola fere editio Lov.: *Omnes angeli sancti, et homines.*

tia permanebunt, sicut ipsa sanctorum hominum, quam percepturi sunt, vita æterna. Quod iste non vidit, qui putavit esse dicendum ac definiendum, nullum esse sine fine principium: nec ipsum potuit attendere numerum, cuius initium est ab uno, et finis in nullo. Nullus quippe numerus quamlibet magnus, vel dicitur, vel si dici jam non potest, cogitatur, cui non addi possit ut major sit. Et propter quod iste, quamlibet hæresim sub nomine Christi teneat contra Christum, vitam sibi promittit in Christo, utique beatam, cuius tunc poterit esse principium, cum vita hujus miserae finis fuerit. Respondeat itaque, beata illa vita, quam non negat habituram vel habere principium, utrum habitura, an non habitura sit finem? Si dixerit habituram, quomodo se audebit dicere christianum? Si dixerit non habituram, ubi est quod ausus est dicere, nullum esse sine fine principium?

CAPUT III. — 4. Quærerit etiam: *Si mundus iste bonum aliquid est, cur non olim ex initio ab eo factum est, quod melius fuit?* Quasi se ipso aliquid melius Deus fecerit mundum: aut ideo non debuerit hoc bonum fieri, quia non est æquale facienti. Quod autem quærerit, cur non istud olim ex initio factum sit; responsum habeat, Imo vero olim ex initio factum est: ex initio utique suo, non Dei, cui nullum est initium. Si autem hoc initium significari potuit, eo quod dictum est, *In principio fecit Deus*: quid est quod calumniantur velut interrogans, in quo principio fecerit; cum ipse rursus quærat, cur non olim ex initio factum sit? Proinde sua verba illi replicanda sunt. Nam sicut ipse propter id quod scriptum est, *In principio fecit Deus cælum et terram*, argumentatur et dicit, *In principio igitur quo? ejusne quo idem Deus esse cœpit, an ex eo quo illum esse vacuum tœduit?* ita et nos ad id quod ait, *Cur non istud olim ex initio factum est ab eo?* respondemus, et dicamus ei, Ex initio igitur quo? ejusne quo idem Deus esse cœpit, an ex eo quo illum esse vacuum tœduit? Hoc quippe illi displicet, quod non olim ex initio Deus fecerit cælum, cum dicit, *Cur non olim ex initio?* Tanquam ex illo initio facere debuerit, ex quo est ipse qui fecit. Cur non hic timuit, ne dicens, ex initio ex quo est ipse Deus, cum debuisse facere cælum, dicereetur ei: Habet ergo Deus initium, ac per hoc secundum sententiam tuam habebit et finem; tu enim dixisti, nullum esse initium sine fine? Porro si Deus caret initio, quomodo facheret aliquid ex initio ex quo ipse est?¹ Ac per hoc ex initio fecit illo ex quo fecit, id est, ex quo cœpit esse quod fecit. Aut ergo deus ipsorum nihil boni unquam fecit: aut secundum istum, quodcumque boni fecit, ex illo initio fecit ex quo ipse est; et habenti initium, metuendus est finis: aut sanctæ Scripturæ verbis debet acquiescere, et intelligere Deum, qui ex nullo cœpit esse principio, fecisse cælum in principio, vel ex quo cælum esse cœpit, vel in Filio; qui Iudicis interrogantibus, quis esset, principium se esse respondit (*Joan. viii. 25*).

¹ Editi, ex quo ipse non est. At MSS. parent hic negante particula.

5. Nisi forte dicturus est, aliud initium, aliud vero esse principium. Si ergo ita esset scriptum, In initio fecit Deus cælum et terram; nihil contra hoc iste moveretur, qui dixit, *Cur non olim ex initio factum est?* quandoquidem legeret, In initio fecit Deus; non existimans impium, si credatur Deus habere initium, sed non habere principium. Quod si ita est, emendetur hoc auctore Evangelium, ubi scriptum est: *In principio erat Verbum.* Cur enim non etiam hic iste dicat, In principio igitur quo? ejusne quo idem Verbum esse cœpit? Et quia Deus erat Verbum, potest etiam sic dicere, quemadmodum in hoc libro dixit: Eiusne quo idem Deus esse cœpit? Dicat hic, si placet, etiam illam definitivam suam, ubi audit, *In principio erat Verbum:* dicat etiam hic, si audet, *Nullum est principium sine fine;* ut ab ipsis etiam Manichæis, qui eum fortasse, quia inimicum Legi Prophetisque reperiunt, libentissime legunt, judicetur insanus. Quia vero dis plicet ei Deus qui fecit mundum, cur non displiceat per quem factus est mundus? De Christo enim scriptum est: *In hoc mundo erat, et mundus per eum factus est* (*Joan. i. 1, 10*).

CAPUT IV. — 6. Intelligat utique² Deum facere bona posse, bonis autem a se factis egere non posse: unde nec faciendis eguit, qui factis non eget. Sed summe bonus fecit omnia, sibi quidem imparia, sed tamen bona. Bonum quippe etiam non summum, imo vero etiam infimum, nisi a summo bono esse non posset. Nimis autem de Deo male sentit, qui propterea bonum esse aliquid negat, quia æquale Deo non esse cognoscit. Ita enim non erit ille sumnum, sed infimum bonum, si quidquid eo minus est, jam non est bonum. Porro si in rebus quas condidit, ea quae sunt prima bona valde sunt imparia Conditori, quia ille fecit, hæc facta sunt; prolecto qui talibus non eguit ad augendam beatitudinem suam, multo minus inferioribus atque omnino infiniis eguisse credendum est. Quæ tamen fecit tanquam bonorum omnium constitutor. Nam Dominus Jesus³, per quem factus est mundus, non sola oœlestia, sed etiam terrestria, eorumque terrestrium quæ videntur exigua, Deum creasse et creare sic indicat, cum dicit: *Si ergo senum agri quod hodie est, et cras in clibanum mutatur, Deus sic vestit; quanto magis vos modicæ fidei* (*Matth. vi. 30*)? Unus ergo atque idem Deus est institutor cœli et terræ, stellarum et herbarum, quidquid mensura, forma, ordine suo constat in cœlo et in terra, quidquid vivit in cœlo et in terra, quidquid sentit in cœlo et in terra, quidquid intelligit in cœlo et in terra. Quæ non solum illi a quo sunt condita, sed nec inter se esse oportebat æqualia: et ideo sunt omnia⁴. Nam si essent æqualia, unum genus bonorum esset, non omnia. Nunc vero ideo sunt omnia bona, quia sunt aliis alia meliora, et bonitas inferiorum addit⁵ laudibus meliorum: et in rerum bonarum inæqualitate ipsa

¹ Sic MSS. Editi vero, *intelligat itaque*.

² In MSS.: *Nam Dominus Deus, per quem*.

³ Editio Lov. hic addit, *Lona. Superfluo.*

⁴ Sic potiores MSS. At Lov., additur.

est jucunda gradatio, ubi minorum comparatio ampleriorum est commendatio.

CAPUT V. — 7. Ea vero quæ dicuntur mala, aut vitia sunt rerum honorarum, quæ omnino extra res bonas¹ per se ipsa alicubi esse non possunt; aut supplicia peccatorum, quæ de justitiæ pulchritudine veniunt. Sed ipsa quoque vita testimonium perhibent bonitati naturarum. Quod enim malum est per vitium, profecto bonum est per naturam. Vitium quippe contra naturam est, quia nature nocet: nec noceret, nisi bonum ejus minueret. Non est ergo malum nisi privatio boni. Ac per hoc nusquam est nisi in re aliqua bona: et si noui summe bona, quoniam summe bona incorruptibilis et immutabilis perseverat, ut Deus est; non tamen nisi in bona, quoniam non nocet nisi minuendo quod bonum est. Ac per hoc bona sine malis esse possunt, sicut ipse Deus, et quæque superiora cœlestia: mala vero sine bonis esse non possunt. Si enim nihil nocent, mala non sunt: si autem nocent, bonum minuant: et si amplius nocent, habent adhuc bonum quod minuant: et si totum consumunt, nihil naturæ remanebit cui noceatur; ac per hoc nec malum erit a quo noceatur, quando natura desuerit, cuius bonum nocendo minuatur.

CAPUT VI. — 8. Utrum autem aliqua natura, hoc est, substantia prorsus ad nihilum redigatur, disputatio subtilissima est. Sed fides veracissima² Deo cantat: *Mutabis ea, et mutabuntur; tu autem idem ipse es* (*Psalm. ci, 27, 28*). Nec fecit igitur, nee regit mutabilia bona, nisi immutabile bonum, quod est Deus. Porro bona mutabilia propterea bona sunt, quoniam a summo bono facta sunt; propterea mutabilia, quia non de ipso, sed de nihilo facta sunt. Quamobrem et ipsa mortalitia, quamvis ex aliqua parte penitentia sint eis quibus sola immortalitas potest perfectæ beatitudinis implere mensuram; habent tamen proprium decoris locum in pulchritudine temporum: sed major³ quam humanus est sensus, quo talis pulchritudo sentitur. Fides tamen illa quæ Deo suo dicit, *Omnia in mensura, et numero, et pondere constituisti* (*Sap. xi, 21*), quamvis amore vivendi conditionem mortis exhortreat, Creatorem tamen omnium honorum etiam de bonis mortalibus laudat. Nam iste ipse qui reprehendit, nec Deum esse credit, cuius terrena opera videt esse mortalia, eumdem sermonem suum, qui usque adeo illi placuit, ut cum litteris memoriae mandaret, nisi vocibus ad sua quæque verba pertinentibus, et iacentientibus tamen et deficientibus, implere non posset: ita pulchritudinem disputationis, qua vult persuadere, quidquid oritur et moritur bonum esse non posse, nisi orientibus et morientibus syllabis non potuit explicare. Quid ergo mirum si in tam magna universitate naturæ est aliquod insitum bonum in ordinibus temporum, quod non permanisce rerum, sicut nonnulla sublimia spiritualia, sed pro decoro sui

generis, ino atque terreno exortu occasuque sit pulchrum?

9. Quæcum ita sint, non calumnietur dicenti Scripturæ, *Vidit Deus lucem quia bona est* (*Gen. i, 4*). Non solum enim lucem quam vocavit diem, et firmamentum quod vocavit cœlum, et solem et lunam et cetera sidera; verum etiam ligna et herbas, et in aquis ac terris quæcumque mortalia, et creavit Deus summe bonus, et vidit quia bona sunt in genere atque ordine suo. Nec timuit qui Spiritu Dei revelante scripsit hunc librum, futuros impios reprehensores, vaniloquos, et mentis seductores, primitus sive, deinde aliorum, quos delectat blasphemæ loquacitas: quia et ipsos in quantum homines sunt, in quantum corpore atque anima rationali constant, in quantum membra corporis eorum suis distinguuntur officiis, et concordissima differentia in unitatem sive pacis mirabilis ordinatione consentiunt, in quantum anima eis naturali excellētia præstat atque imperat, in quantum sensus carnis quinque partitos implet ac vegetat, dissimili potentia sociali convenientia, in quantum etiam mente atque ratione, quod bestialis anima non valet, potest sapere atque intelligere⁴, vidit Deus quia boni sunt; et ideo creavit. Non enim tantum creatos postea vidit; sed et creandos ante prævidit: et quod perversa voluntate et ex eo errore maligni sunt, non ideo vidit quod non essent creandi; prævidit enim ubi sint ordinandi: et sic eos ex eadem massa primæ prævaricationis merito damnata fecit vasa iræ, si usque in finem in hac malignitate perdurant, ut prosint vasis misericordiae (*Rom. ix, 22, 23*), quo per eorum acumina vanitatis diligentius arcana veritatis inquirant. *Magna quippe opera Domini, exquisita in omnes voluntates ejus* (*Psalm. cx, 2*). Quid autem mirum est quia displicet humanae stultitiae, quod opera sua placent divinae sapientiae? Quid est enim aliud, *Vidit lucem quia bona est*, nisi quia placuit ei⁵?

CAPUT VII. — 10. Sed iste vaniloquus blasphemator, qui scripsit librum sacrilegis conviciis plenur (in quo utinam opus ejus displiceret ei, et non putaret quia bonum est, sed videret quia malum est), videte quid dixerit: *Adeo antea nescivit, inquit, lux quid esset, ut modo eam primum videns optimam judicaret.* Ergo et Dominus Jesus quando auditis verbis Centurionis miratus est, et dixit discipulis suis, *Amen dico vobis, non inventi tantam fidem in Israel* (*Matthew. viii, 10*), nescivit antea fides illa quid esset, ut tunc eam primum videns optimam judicaret. An vero⁶ alius eam in corde Centurionis operabatur, quam ipse qui mirabatur? Et profecto amplius est unde possint blasphemare insipientes et infideles, quod miratus est Jesus quantamcumque hominis fidem, quam quod vidit Deus lucem quia bona est. Potest enim quisque etiam solita videre quia bona sunt, hoc est, sibi ea placita comprobare: quisquis autem miratur, profecto secundum consuetudinem qua homines loquuntur, in-

¹ Apud Lov., *extra res omnes bonas*. Absit, omnes, ab editis aliis et MSS.

² Editi, *veracissime*. At MSS., *veraci-sima*.

³ Editi, *sed major*. Omnes vero MSS., *sed major*.

⁴ Sic MSS. At editi, *non potest*, sapere atque intelligere possunt, *ridit Deus*, etc.

⁵ Hoc est MSS., nisi placuit ei; omisso, quia.

⁶ In MSS., *aut vero*.

opinatum atque improvisum sibi esse significat quod miratur. Sed Jesus qui omnia praesciebat, quod mirandum aliis commendabat, mirando laudabat. Quid autem Deus vidiit a se factum, quod non in luce, quod ipse est, prius vidiit esse faciendum? Et quid tam necessario sancta Scriptura toties repeteret, quam quod vidiit Deus bona esse quae fecit; ut hinc informaretur pietas fidelium, non pro humano sensu, qui saepe etiam bonis rebus offenditur, quarum causas atque ordinem nescit, de creatura visibili atque invisibili judicare, sed laudanti Deo credere et discere¹? Tanto enim quisque facilius aliquid proficiendo cognoscit, quanto religiosius, antequam cognosceret, Deo credidit. Vidiit ergo Deus lucem quam fecit, quia bona est, quoniam quod faciendum placebat ut fieret, factum placuit ut maneret, quantum cuique rei existendi sive manendi a tanto fabricatore fuerat constituenda mensura. Sed aliud est lux quod est Deus, aliud lux quam fecit Deus. Incomparabiliter autem melior lux ipse qui fecit, nullo modo indigens ea luce quam fecit. Et unde iste calumniatur, cur non ista bona tam olim, quam olim est ipse, fecerit Deus²; hinc potius intelligendum est, quod non ea fecerit eorum indigens, sine quibus esse in sua perfecta beatitudine potuit sine initio sempiternus. Ideo quippe istorum faciendorum causa sola Dei bonitas fuit, quia necessitas ejus ulla non fuit. Quidquid itaque iste conviciatur Deo, quod velut tunc primum lucem viderit qui fuisset lucis ignarus, quam sit insulsum et vanum videret, si lucis ipse intus aliquid haberet.

CAPUT VIII. — 11. Quin etiam stultitiae scribentis assignat, quod tenebras dixerit sine initio semper fuisse, lucem vero initium sumpsisse de tenebris: quasi legerit in eo libro, cui calumniatur, tenebras sempiternas; cum scriptum sit, *In principio fecit Deus cælum et terram: terra autem erat invisibilis et incomposita, et tenebre erant super abyssum.* Ex illo ergo tenebre esse coepérunt, ex quo confusa moles cœli esse coepit ac terræ, antequam facta esset lux, qua illuminaretur quod sine luce fuerat tenebrosum. Quid autem inconveniens, si mundane materie fuerant tenebrosa primordia, ut accidente luce melius quod factum est redderetur; et tanquam proficiens hominis, quod postea futurum erat, hoc modo significaretur affectio? Quanquam qui munere Dei potuerit perspicacius ista rimari, inveniet fortasse in creatura, quæ ita facta narratur sine intervallis temporalium morarum, distinctum mirabiliter ordinem rerum. Neque enim materies omnino nihil est, de qua in libro Sapientiae legitur, *Qui fecisti mundum de materia informi* (*Sap. xi, 18*). Non ergo quia informis dicta est, omnino nihil est: nec Deo fuit vel ipsa coæterna, tanquam a nullo facta: nec alias eam fecit, ut habaret Deus de qua ficeret mundum. Absit enim ut dicatur omnipotens non potuisse facere, nisi unde ficeret,

inveniret. Ergo et ipsam Deus fecit. Nec mala est putanda, quia informis: sed bona est intelligenda, quia³ formabilis, id est, formationis capax. Quoniam si boni aliquid est forma, non nihil est boni esse capacem boni. Sicut vox confusa est clamor sine verbis, vox vero articulata: sit cum formatur in verba: est ergo illa formabilis, ista formata; illa quæ formam capit, ista quæ habet: nam quid horum unde sit, in promptu est. Neque enim quisquam dixerit de verbis fieri sonum vocis: sed⁴ potius de voce fieri verba sonantia quis non intelligat?

CAPUT IX. — 12. Nec putandus est Deus informem prius fecisse materiam, et intervallo aliquo interposito temporis formasse quod informe prius fecerat: sed sicut a loquente sunt verba sonantia, ubi non prius vox informis post accipit formam, sed formata profertur; ita intelligendus est Deus de materie quidem informi fecisse mundum, sed simul eam concreasse cum mundo. Non tamen inutiliter prius narratur unde aliquid sit, et postea quod inde sit; quia etsi potest utrumque simul fieri, non simul potest utrumque narrari.

CAPUT X. — 13. Sive ergo prius nomine cœli et terræ, vel terræ invisibilis et incompositæ atque abyssi tenebrosæ, materies ipsa informis significata est rerum notarum appellationibus; quia ipsa prorsus ignota est humanis sensibus, et vix utcumque intelligitur, cum res in deteriorius commutantur; tanquam ei propinquet quidque deformius, nec perveniat tamen ad illam informitatem quantulacumque vel visibilis remanens vel intelligibilis species: sive per cœlum et terram generaliter prius insinuata sit spiritualis corporalisque natura; sive aliquid aliud, quod hic salva fidei regula intelligi potest: Deum tamen verum et summum et bonum fecisse cuncta quæ cernimus, et quæ meliora non cernimus, quamvis modus quo ea fecerit comprehendendi humana mente non possit, dubitare fas non est. Sed cum istis indoctis blasphematoribus Litterarum sacrarum non ea rationum subtilitate agendum est, qua ista querenda sunt et inter pacificos Dei filios disputanda.

CAPUT XI. — 14. Sed si putat iste adversus libros Legis et Prophetarum se nosse, quod dicit se scire, *summum Deum incomparabilem splendorem incomprehensibilis esse lucis*: primo audire ab eo vellenti, cuius lucis existimet esse splendorem summum Deum; utrum et ipsa lux Deus sit, et utrum Patrem intelligat lucem, ejusque splendorem unigenitum Filium, quem tamen confessus est summum Deum. Quod si ita sentit, approbo et laudo. Sed quod eum quem credit esse lumen de lumine, vel incomparabilem splendorem incomprehensibilis lucis, non credit esse opificem mundi, improbo etculo: cum ibi legit, *Mundus per eum factus est*; ubi legit, *Erat lumen verum quod illuminat omnem hominem venientem in hunc mundum*

¹ Sic meliores MSS. Editi vero, *credere et cedere*.

² In B., *indigeret*. Restituimus, *indigens*, ex auctoritate editionum Er. Lugd. Ven. Lov. M.

³ Lov., *ipse qui fecerit Deus*. Abest, *qui*, a nostris MSS. et ab Am. Er.

⁴ Am. Er. et MSS. omittunt, *quia*.

⁵ Hinc removimus glossema, quod a MSS. abest; at vero in excusis ita insertum erat, sed potius de voce fieri sonum verbi: vel potius de voce fieri verba sonantia, etc.

(*Joan.* 1, 10, 9). Improbo etiam, si nescit; magisque improbo atque detestor, si scit, et insidiatur ut decipiat nescientes in veteribus prius divinis Litteris scriptum, *Accedite ad eum, et illuminamini* (*Psalm.* xxxiii, 6); et, *Præceptum Domini lucidum, illuminans oculos* (*Psalm.* xviii, 9); et, *Illumina oculos meos, ne unquam obdormiam in mortem* (*Psalm.* xii, 4). Neque enim hoc orabat homo utique mortal is, ne unquam corpore moreretur, aut corporalibus oculis somnus ne veniret optabat: sed eos utique oculos sibi illuminari petebat, de quibus Apostolus dicit, *Illuminatos oculos cordis vestri* (*Ephes.* 1, 18).

45. Porro, si huic displicet lucem initium sumpsisse de tenebris, etiam hoc enim verbis garrulæ vanitatis exagit; eidem apostolo hoc dicat, qui scribens ad fideles ait: *Fuistis aliquando tenebrae, nunc autem lux in Domino* (*Id. v.*, 8). Quis enim hoc fecit, nisi ille, qui, cum tenebrae essent super abyssum, dixit: *Fiat lux; et facta est lux* (*Gen. i.*, 5)? Quod apertius alio loco idem apostolus expressit, dicens: *Deus qui dixit de tenebris lumen clarescere, clarius in cordibus nostris* (*II Cor. iv.*, 6). Si autem hoc putat Scripturis deesse propheticis, quod Filius sit lumen de lumine, vel splendor lucis¹, legat quod in eisdem Litteris legitur de Sapientia, *Candor est enim lucis æternæ* (*Sap.* vii., 26): aut illud in propheticō Psalmo, *Cantate Domino canticum novum; cantate Domino, omnis terra: cantate Domino et benedicite nomen ejus, bene nuntiate diem ex die salutare ejus* (*Psal. xcvi.*, 1, 2). Quis est enim dies ex die, nisi Filius lumen de lumine? Salutare autem Dei esse Christum legat in Evangelio, dicente Simeone sene, quando illum cognovit in manibus matris, carne minimum, spiritu maximum, acceptoque in manus suas ait: *Nunc dimittis servum tuum, Domine, secundum verbum tuum in pace; quoniam viderunt oculi mei salutare tuum* (*Luc. ii.*, 29 et 30).

CAPUT XII. — 46. Hic si responderit, aliam esse lucem de qua dictum est, *Fuistis aliquando tenebrae, nunc autem lux in Domino*; quia spiritualis lux mentis est ista, non carnis: aliam vero illam de qua scriptum est, *Dixit Deus, Fiat lux; et facta est lux*; quæ ad oculos pertinet corporales: primo confitebitur a luce summa, quod est ipse Deus, fieri potuisse qualemcumque insinuam lucem, bonam tamen. Deinde, unde scit etiam qualis et quanta sit? postremo, utrum spiritualis, an corporalis? Nisi forte fideles homines, qui quamdiu sunt in corpore, peregrinantur a Domino (*II Cor. v.*, 6), possunt iam merito ipsius fidei lux vocari, et Angeli non possunt, qui semper vident faciem Patris (*Math. xviii.*, 10)? Unde ergo scit utrum talis lux primitus facta sit? Unde scit quomodo in illa luce vespere et mane possit intelligi? Quomodo denique scenario numero presentata fuerit operibus Dei, et in ea septima requieverit Deus, unde ad istos dies nobis notissimos, qui solis circuitu revolvuntur, septenarii ipsius numeri quedam forma translata est? Sed et si lux facta est corporalis, unde novit quomodo esse pos-

¹ Post, vel splendor lucis, additum apud Lov., æterne: sed superduo.

merit ante solem et ante firmamentum, quod cœlum postea nuncupatum est, remota ab aspectibus terrenorum in superioribus partibus mundi, ut solus Deus inter illam tenebrasque divideret? Nam inter istas tenebras quæ nobis faciunt notissimam noctem, et lucem quæ nobis facit notissimum diem, luminaria nobis visibilia, ut dividerent, imperavit. Quis autem ferat, quamvis non sit indignandum potius quam ridiculum, indicare istum nobis quod diem horæ designant, horas autem sol discernat atque disternet, et velle ut credamus quod Moyses ista nescierit, et ideo diem antequam sol fieret nominaverit? Sed convenient homines ad librum istius audiendum, et proponatur eis quid sit credibilius, utrum istum nescire quamdam lucem et quemdam diem, quem sciebat Moyses; an Moysen nescisse istam lucem ac diem, quem non solum iste, verum etiam qui verba ejus non intelligunt, sciunt.

CAPUT XIII. — 47. Quid, quod etiam de aquarum congregatiōne ingerit nescio quis imperitissimus quæstionem? imo vero non quæstionem, sed reprehensionem, tanquam non recte dictum sit, *Congregentur aquæ in congregationem unam, et appareat arida* (*Gen. i.*, 9); eo quod aquis omnia tenebantur: ignorans quemadmodum aqua in arios vapores tenuata rarescat, et nebulosa caligine multum occupet spatii, exiguum vero si congregata densetur¹, nec jam levis volitet, sed gravis fluit. Quid ergo mirum, si rara terram texerat, spissata nudavit? Quid, si etiam divino nutu in magnos sinus terræ² subsedit, atque ita quidquid naturæ humidæ per totum ejus jacebat, in partes concavas confluiens, recessit a ceteris, et quod operiebat aperuit³, congregata in humiliora succumbentia qua mare interflueret et circumflueret, atque altiora deserens qua orbis emineret? Omitto quod potest hic intelligi significatum esse, quod informis illa materies aquæ vel abyssi vocabulo insinuata sit, et species accepit duorum istorum gravium clementorum, humoris et humi⁴: et ideo dictum esse, *Congregetur aqua*, quoniam labilis et mobilis ei species data est; *Apparet autem arida*, quia immobilis fixa est⁵. Nam illud quod magis Propheta libri hujus auctor intendit, ut ejus narratio rerum factarum esset etiam præfiguratio futurarum, non est contentiosis et infidelibus sensibus ingerendum. Cum ergo tot exitus pie quærentibus pateant, ne temere tanta reprehendatur auctoritas; unde iste, nisi diabolico instinctu, in eis rebus eligit calumniari, quas non est idoneus perscrutari?

CAPUT XIV. — 48. Quod vero in hominis conditorem Deum cœcens et ingratus invehitur, et audet dicere ei qui se finxit, *Quare sic me fecisti?* cum omnino quomodo sit factus ignoret, multum præcipitis mentis audacia est. Sed vasa iræ permittuntur ista garrire, ut tanquam de negligentiae somno excitentur

¹ In MSS., *denseatur*.

² Sic potiores MSS. At editi, *terra*.

³ Plures MSS., *apparuit*.

⁴ In probe note MSS., *humoris et humidæ*.

⁵ Editi, *immobilis et fixa est*. Particulari, et, auctoritate manuscriptorum expuximus.

vasa misericordiae (*Rom. ix, 20-23*), et studio respondendi pestilentibus maledictis, adhibeant curam salubribus dictis. Ecce enim in eo quod reprehendit iste hominis Conditorem, quia prohibuerit eum sumere cibum dignoscentiae boni et mali (*Gen. ii, 17*), tanquam eum pecoribus parem esse voluissest nescientibus ista discernere, et hoc ei negasset cui potestatem dedisset in bestias, quo solo homo superat bestias; quam necessarium est vitae bene agendae, quod discimus⁴ quedam infeliciter disci, et felicius nonnulla nesciri? Morbos enim et dolores quanto felicius nesciremus? Si ergo medicus nos ab aliquo cibo prohiberet, quo accepto agrotatueros esse præsciret, et ob hoc appellaret eumdem cibum dignoscentiae sanitatis et imbecillitatis, eo quod per ipsum homo cum agrotare coepisset, experiendo dignosceret quid interesset inter contractam malam valetudinem et perditam sanitatem⁵; quod utique melius ignorasset, et in illa quam perdidit sanitatem mansisset, credens medico per obedientiam, non morbo per experientiam: numquid tamē medicum invidisse nobis ejusmodi scientiam dicemus? Quis dubitet malum esse peccatum? Et tamen cum laude dictum est de Domino Iesu Christo, quia non noverat peccatum (*Il Cor. v, 21*). Non ergo noverat hoc malum, atque ideo illam unde Adam prohibitus est, boni et mali dignoscentiam non habebat. Hic si queratur, Quomodo quod non noverat, arguebat? neque enim peccata non arguebat: *Omnia autem quæ arguuntur*, sicut dicit Apostolus, a lumine manifestantur (*Ephes. v, 13*): quomodo igitur a quo arguabantur, ignorabantur? Nonne rectissime respondebitur, et noverat, et non noverat? Rectissime omnino: noverat enim per sapientiam, non noverat per experientiam. Huic itaque divinæ sapientiae credere debuit Adam, ut ab illa mali scientia quæ sit per experientiam, præceptio Dei obediens temperaret. Sic enim malum nescisset, nisi fecisset. Fecit autem sibi, non Deo. Nihil enim facere potuit voluntate inobedientiae, nisi quod ipse pateretur lege justitiae. Haec est namque poena inobedienti homini redditia in semetipso, ut ei vicissim non obediatur nec a semetipso. De qua re uberioris in aliis, et maxime in quarto decimo libro de Civitate Dei disputavimus.

19. Nunc autem breviter responderim ad id quod ait iste, hominis institutorem a magno bono prohibuisse quem fecerat, dum eum pecori similem sine dignoscentia boni et mali esse voluissest. Haec enim dignoscentia non est beati hominis sapientia, sed miseri experientia: unde lignum nomen accepit, a cuius cibo est homo prohibitus, ut obedientia commendaretur quæ maxima est virtus, et, ut sic dixerim, omnium origo materque virtutum, in ea natura cui sic datum est arbitrium liberæ voluntatis, ut eam tamen necesse sit vivere sub potestate melioris. Quanquam non defuerint quibus visum est illam dignoscentiam boni et mali magnum aliquid bonum

⁴ Sola editio Lov., quod dicimus.

⁵ In excusis, et bonam perditam sanitatem. Abest, bonam, a illis.

fuisse: cujus capaces nondum fuerunt qui hanc usurpantes contra vetitum, per inobedientiam peccaverunt.

20. Quibus autem videtur sic hominem fieri debuisse, ut peccare nolle; non eis displiceat sic esse factum, ut non posset peccare si nolle. Numquid enim, si melior esset qui non posset peccare, ideo non bene factus est qui posset et non peccare? Aut vero usque adeo desipiendum est, ut homo videat melius aliquid fieri debuisse, et hoc Deum vidisse non putet; aut putet vidisse, et credit facere noluisset; aut voluisse quidem, sed minime potuisse? Avertat hoc Deus a cordibus piorum. Si ergo ratio recta demonstrat, rationalem creaturam illam esse meliorem, quæ nulla inobedientia deserit Deum, quam istam que ita deseruit: sciat quisquis hoc sapit, nec illam deinceps coelestibus rebus quæ nunquam deserit Deum, nec istam ita esse factam ut aliqua necessitate deserere cogeretur Deum; et quia voluntate deseruit, nihil ex hoc diminutum sapientissimis dispositionibus Dei, qui et malis bene et perversis recte utitur, et de humano genere juste meritoque damnato familiam sanctam atque numerosam, non ejus merito, sed gratia sua factam, in aeternum regnum se translaturum esse testatur.

21. Quæ cum ita sint, nec Deus occultare debuit lignum, quod propter consecuturam hominis miseriam, si ex illo contra prohibitionem usurpato dignosceret a quo bono decidisset, et in quod malum incidisset, appellavit lignum dignoscentiae boni et mali. Cur enim occultaret de quo mandatum dabat, et per quod obedientiam commendabat? Nec ignarus fuit hominem peccaturum: sed simul etiam, quid justi et boni fuerat et de peccante facturus, summa utique divinitate præscivit. Nec instituit quod obesset, si homo sibi obesse noluisset: sed potius instituit quod prodesset; quia homo non sine bona mercede obedientiam custodisset, et non sine utili exemplo, ut eam sancti ejus posteri custodirent, penas inobedientiae persolvisset. Nec voluit quod non potuit: hoc enim voluit, ut aut obediens homo esset, aut inobediens impune non esset. Nec infructuose voluit, quod homo non fuerat servaturus, jubere: quia poena contemptoris docuit alios obedire. Nec in homine pars Dei restitut Deo: quia si hominis anima pars Dei esset, nec a se ipsa, nec ab aliquo decipi, nec ad aliquid male faciendum, sive patiendum, ulla necessitate compelli, nec in melius vel deterius mutari omnino potuisset.

22. Flatus autem ille Dei qui hominem animavit (*Gen. ii, 7*), factus est ab ipso, non de ipso⁶. Quia nec hominis flatus, hominis pars est; nec homo eum facit de se ipso, sed ex aero halitu sumpto et effuso: Deus vero potuit et de nihilo, et vivum rationalemeque⁷, quod non potest homo. Quamvis nonnulli existimant non tunc animatum primum hominem, quando Deus in ejus faciem sufflavit, et factus est in

⁶ Editio Lov., non de se ipso. Minus bene.

⁷ Hic Am. Er. et aliquot vss. addunt, potuit. Quidam codices, reddere. Lov. cum nonnullis aliis codicibus, facere. Omitunt præcipu manuscriptū.

animam vivam; sed tunc accepisse Spiritum sanctum. Quodlibet autem horum credibilius ostendatur, unde nunc longum est disputare; animam tamen non esse partem Dei, nec de substantia et natura ejus creatam sive prolatam, sed ex nihilo factam, dubitare fas non est.

CAPUT XV. — 23. Non itaque, sicut ait iste blasphemus, invenitur serpens in loco meliore quam Deus, quia prævaluuit decipere hominem quem fecerat Deus (*Gen. iii, 1-6*). Nullo enim modo homo deciperetur, si non in se exaltato corde recessisset a Deo. Vera quippe, quoniam divina est, illa sententia: *Ante ruinam exaltatur cor* (*Prov. xvi, 18*). Et ubi contra Deum exaltatur, ibi ab illo deseritur, et in se tenebratur. Quid autem mirum, si dum tenebratur, nescit quid sequatur: quoniam non a se ipso lumen est, sed ab illo qui est lumen, illuminatur? Quod ergo Deus semper invictus sit, etiam homo victus ostendit: quia victus non fuisset, si ab invicto non recessisset. Quomodo est autem victor hominis deceptor, cum a semetipso sit etiam ipse deceptus? Unde et ille qui decepit, et ille quem decepit, ambo decepti sunt, recedendo ab eo qui non potest decipi; et ambo sunt victi, recedendo ab eo qui non potest vinci. A quo utique qui plus recedit, plus vincitur; quia tanto est inferior, quanto deterior. Et ideo necesse est, ut qui malum alteri prius inferendo vincere videtur, amplius ipse bonum amittendo vincatur: nec fieri potest ut ei sit locus melior, cum causa sit pejor. Et quod ad tempus prævaluuisse visus est diabolus homine superato, etiam sic in æternum victus est homine reparato. Nec Dei consitentis verba sunt, sed potius exprobrantis: *Ecce Adam factus est tanquam unus ex nobis* (*Gen. iii, 22*). Sicut et Apostolus ubi dicit, *Donate mihi hanc injuriam* (*II Cor. xi, 13*), utique a contrario vult intelligi, si adit pronuntiator doctus, non calumniator indoctus.

24. Porro autem, cui displicet peccator prohibitus a ligno vitæ, quid nisi impune vult male vivere? Nec magnum erat Deo, et alio quolibet modo vitam subtrahere homini quem vivere noluisset: sed quoniam rationales animæ de sapientia vivunt, quarum mors est insipientia, hujus rei significandæ gratia lignum vitæ in paradiso fructu suo mori hominem nec corpore sineret. Quod ergo inde separatus traditus est morti, consumendus ætate, quod nequaquam illi accidisset, si semper eodem cibo frueretur, significatum est quod prius ab spirituali vitæ ligno propter peccatum anima ejus exclusa est, et ita¹ quadam sua interioriore morte jam mortua. Nam de sapientia scriptum est: *Lignum vitæ est amplectentibus eam* (*Prov. iii, 18*). Quod iste non intelligens ait: *Quatenus ergo ante maledictum immortalis homo perpetuo vivere poterat, qui nondum ex ista arbore cibum sumpserat?* Quasi ei aliquis dixerit, ant in illo libro alieni legerit, quod nondum Adam sumpserat ex cibo arboris vitæ. Quin potius intelligendus est, quoniam inde illi vita in corpore perpetua suppetebat, ne vetustate consumeretur.

¹ Am. et plures vss., ista.

ætatis, ad hoc inde prohibitus, ut ex peccati poena jam illi esset necessitas mortis.

25. *Quomodo*, inquit, *ex Dei maledicto mori cœperit, cum vita ipsa nunquam ex ipso initium sumpserit?* Quasi optaverit ei Deus mortem, sicut homo homini: ac non Dei verba ad sententiam pertineant punientis, non ad iram maledicentis. Punire autem morte corporali, sicut a vitæ arbore separare, cum jam fuisse spiritualiter mortuus, animo utique separatus ab alimento sapientiæ. Deus itaque quid ei contigisset in animo, significare voluit, separando eum a ligno vitæ, quo significabatur sapientia.

26. *Sed ista*, inquit, *arbor quæ in paradiſo ritæ fructus ferebat, cui proderat?* Cui, nisi illis primis hominibus, masculo et feminæ, qui in paradiſo fuerant constituti? Deinde istis de paradiſo pro merito suæ iniquitatis ejectis mansit ad memoriam significandæ spiritualis arboris vitæ: quod est, ut diximus, ipsa sapientia, beatarum cibus immutabilis animarum. Utrum autem illo cibo vescatur nunc aliquis, nisi forte Enoch et Elias, non temere asseverandum puto: ligno tamen illo vite, quod est in spirituali paradiſo, nisi alerentur animæ beatorum, non pro munere pietatis et fidelissimæ confessionis, latronis animæ creditis in Christum legeremus paradiſum eodem die fuisse concessum: *Amen*, inquit, *dico tibi, hodie mecum eris in paradiſo* (*Luc. xxiii, 43*). Esse autem ibi cum Christo, hoc est esse cum vite ligno. Ipse est quippe Sapientia, de qua, ut superius commemoravi, scriptum est, *Lignum vitæ est amplectentibus eam*.

CAPUT XVI. — 27. Numquidnam et hoc refellendum est, quod velut acute², ut sibi videtur, irridet? Primo, Deum non præscisse quod contigit: deinde, implere non valuisse quod magnopere cogitavit: tertio, ad maledictum se convertisse superatum. Unde scit Deum non præscisse quod contigit? An quia contigit? Quinimo si non contigisset, nullo modo id præscisset futurum, quia non erat futurum. Aut si propterea putat non præscisse, quia si præscisset, ne contingere providisset³: potest hoc et de Christo dicere, qui talentum dedit homini nihil acquisitum; quod propterea utique dederat, ut ejus augeretur pecunia, quidquid est quod illa significat. Ergo quia contigit ut ille sua pigritia nihil acquireret, hoc non præscivit ille qui dedit? dicere etiam potest⁴, non implesse de hoc lucro Christum quod magnopere cogitavit. Potest et illud tertium, ad maledictum se convertisse superatum, quoniam dixit, *Ligate illi manus et pedes, et projicite eum in tenebras exteriores* (*Matth. xxv, 45-50*): sicut de Adam dictum est, ut a ligno vitæ separatus morte etiam corporis plecteretur (*Gen. iii, 24, 19*). Illic enim homini discito, deficiens⁵ maledictum, videtur potentis imperium.

² In MSS., quo velut acute.

³ Er. et Lov., prævidisset. Corrupte.

⁴ Ex auctoritate Er. Lugd. Ven. Lov. restitutimus vocem, potest, quæ omittitur in B., addita tamen hac adnotacione marginali: « subaudi, potest. » M.

⁵ Er. et Lov., deficiens. Postea etiam loco, potest,

Dicat ergo impotentem Christum, quoniam de acquirendo spirituali pecunia non potuit quod cupiebat efficere: dicat aemulum ac malitiosum, quod servo suo invidenter luceat ac salutem, quem projecit jussit in tenebras, ubi esset fletus et stridor dentium. Si autem de Christo ista non dicit, ne hoc modo se indicet non esse christianum; cur audet dicere de hominis conditore et peccati merito damnatore, quod non audet dicere de hominis redemptore, et si ejus praecepta contempserit, poena æternæ mortis¹ ultore, eodem ipso scilicet? Nam in quem alium nisi in Christum haec maledicta nesciens iste jaculatur? quandoquidem ille ait, *Si crederetis Moysi, crederetis et mihi; de me enim ille scriptus (Joan. v, 46)*. Quid enim Pater sine Filio vel tunc fecit, vel unquam facit? Si ergo salubriter, non solum bonitatem, verum etiam severitatem Dei sancta Scriptura commendat, quoniam et amatur Deus utiliter et timetur; unde Apostolus eodem loco utrumque commemorat dicens, *Vides ergo bonitatem et severitatem Dei (Rom. xi, 22)*: quid est quod iste insanus et præceps, cum christianum esse se jactet, hoc reprehendit in Deo Prophorum, quod in Deo invenit Apostolorum; quoniam idem Deus est et illorum, et istorum?

28. Quod autem de illo commemoravi, quem pigrum servum misit in tenebras extiores severitas² Dei, ubi nec futurorum improvidus dicitur³ quia tali pecunia suam credidit, nec impotens quia ut bene ageret non ipse rexit⁴, ipse correxit, nec aemulus ac malitiosus quod a luce separatum in tenebras misit: hoc de omnibus peccatis hominum, quæ leguntur in propheticis Libris inflictæ suis peccantibus, debet fidelis lector advertere. Hoc ergo etiam de diluvio. Neque enim Dominus Jesus non tali aliquid futurum in suo prænuntiavit adventu, quando ait: *Sicut in diebus Noe manducabant, bibeant, novellabant, ædificabant, nubebant, uxores ducebant; venit diluvium et perdidit omnes: sic erit et adventus Filiū hominis (Luc. xvii, 26, 27)*. Hoc et de obdurate cordis Pharaonis. Neque enim Novi Testamenti litteræ non dicunt de quibusdam: *Tradidit illos Deus in reprobationem, ut faciant quæ non convenient (Rom. i, 28)*. Hoc de spiritu mendaci, quem Deus, qui bene utitur etiam malis, justissimo judicio ad impium regem decipiendum misit, sicut Micheas propheta sibi in visione prophetica demonstratum esse testatur (*II Reg. xxii, 19-23*). Neque enim dubitavit tale aliquid dicere apostolus Paulus, cum se sciret verisime dicere, ubi ait: *Mittet illis Deus operacionem erroris, ut credant mendacio, et judicentur omnes qui non crediderunt veritatem, sed consenserunt iniquitatem quod in posterioribus MSS. invenimus, habent cum Am. et nonnullis manuscriptis, impotentis imperium.*

¹ Lovanienses nonnullorum manuscriptorum auctoritate hic addiderunt, plectetur; quod merito abest ab editis aliis et MSS.

² Hic rursus addito verbo, est, apud Lov. et Fr. corrumpitur sensus hoc modo: quem pigrum servum mihi in tenebras extiores, severitas est Dei. Item infra in sola editione Lov., quia quem ut bene ageret.

³ Alias, nec futurorum Deus nescius dici ur.

⁴ Apud Am. et Fr. omissum erat, ipse rexit; sed tamen exstat in MSS.

PATROL. XLII.

(*1 Thess. ii, 10, 11*). Hoc de facto per Moysen, cui Deus dixit, *Accipe omnes duces populi, et victimam illos Domino contrà solem (Num. xxv, 4)*: hoc est, in manifesto per diem. Vel quod factum idolum Moyses ita vindicavit, ut nec proximo suo quisque parceret, ferro perimens impios (*Exod. xxxii*). Neque enim et Dominus Jesus non dixit: *Eos autem qui noluerunt me regnare sibi, adducte, et interficide coram me (Luc. xix, 27)*. Ubi profecto, quia mortem significat animarum, magis est utique illa fidelibus horrenda et metuenda quam corporum. Unde idem Dominus dicit: *Nolite timere eos qui occidunt corpus, animam autem non possunt occidere; sed potius eum timete, qui potest animam et corpus perdere in gehennam (Matth. x, 28)*.

29. Hujus generis mortes, per quas animæ mittuntur in gehennam, si quis fidei mente, ut dignum est, cogitaverit, valde viliter¹ aestimabit quamlibet ingentissimam stragem et sanguinis fluvios mortalium corporum, quomodo cumque quandocumque moritrorum. Quas cædes iste exaggerans, et scholastica vanitate describens, ad blasphemandum Deum, qui talibus mortibus eos quibus hujusmodi terror utilis fuerat, flagellabat, horrorem incutit mortalibus sensibus, et aliquid se agere putat, calces adversus stimulum jaciendo: ut cum de morte carnis accusat Dei providentiam, morte cordis mittatur in gehennam. Quis autem utriuslibet sexus homo non mallet gladio trucidari, etiam illo modo quo trucidavit sacerdos Phineas fornicarios, in ipso complexu nefariorum volutatis (*Num. xxv, 8*), terrible constituens adversus execrandas libidines ultionis exemplum, propter quod Deo maxime placuit: quis, inquam, non mallet tali genere mortis interfici, quis non postrent igne consumi, vel ferini morsibus per ipsa pudenda lanari, quam mitti in gehennam ignis æterni? Cur igitur Deus Christianorum peccantes talibus mortibus puniat, ut post corporis interitum transitorium², sequatur in gehenna sine fine supplicium, nisi quia Testamenti utriusque unus est Deus? Nam possent Judei dicere adversus hujus impietatem, quantumlibet exaggeret bella, cædes, vulnera, funera, sanguinem, longe incomparabiliter Deo nostro Deum se habere mitiorem, longe scilicet mitius penitentem transitoris mortibus corporum, quam flammis perpetuis gehennarum.

30. At enim propterea videtur huic Deus Legis et Prophetarum, qui unus et verus est Deus, criminis crudelitatis arguendus, quia propter levissimas causas vel etiam erubescendas, poenam mortis vel corporalis inflxit; quod David populum numerasset (*II Reg. xxiv*); quod infantes, sicut iste dicit, filii Iheri sacerdotis, de ollis vel cacabis Deo preparatis aliquid degustassent. Quia in re non disputo quantum et quam perniciosum elationis vitium tam sancto viro, ut vellet Dei populum numerare, subrepserit, eorumque mortibus non æternis, sed jam iamque humana conditione venturis, et celeriter transitoris,

¹ Editi, rati. Ali MSS., viliter.

² MSS., post corporis mortem transitoriam.

(Vingt.)

fuerit flagellatus, quorum fuerat multitudine inflatus. Nec dico filios Heli non fuisse infantes¹, ut iste loquitur, nesciens quid loquatur; sed ejus ratatis, quia possent et deberent, pro sacrilegio ausu quo se Dominum Deo in sacrificiis praeferebant, digna coercitione cohiberi: quod neglectum Deus, non sibi consulens, sed populo cui religio pietasque presuisset², bello etiam vindicavit: ubi Dei timorem potuerunt augere victuri, per eorum mortes, qui fuerant, etsi senescerent, post non longa temporum spatia morituri. Mortibus quippe corporum legimus alios etiam mortuos, propter non sua, sed a'ena peccata (*I Steg. ii-v*): ubi magis est in dolore cordis plaga viventium, quam in resolutione carnis poena morientium; ubi animae de corporibus exeuntes, habent causas suas vel bonas vel malas, non propterea gravatae, quia exultae: animarum vero morte alias pro alio plectitur nemo. Sed hoc dico, quantum existimet iste fuisse peccatum, quod in convivio nuptiali inventus est homo vestem non habens nuptialem: puto si humana consideratione ista metiamur, huic aliquantulum sufficere debuit erubescere; et ut plurimum invitantis indignatio protenderetur, vestem vinctare compelli: et tamen dictum est, *Ligate illi manus et pedes, et projicite eum in tenebras exteriores; ibi erit fletus et stridor dentum* (*Matth. xxii, 11-13*). Sed dicet, Non levem culpam significat, vestem non habuisse nuptialem, quoniam ista parva magnarum signa sunt rerum. Sic ergo et sacrificia visibilia, cum sint in terrenis rebus exigua, magnarum et divinarum signa sunt rerum: in quibus filii sacerdotis se ipsi Deo, cuius honor in sacrificiis attenditur, praeferebant. Non autem ille conviva se prætulit sponso; sed tantum non congruit, quia nuptialem tunicam non habebat. Verumtamen inter ipsas poenas, quibus utrumque vindicatum est, ille quid distet adverbit, quamque incomparabiliter ista illam vincat intelligit, qui corporalibus et temporalibus spiritualia et sempiterna præponit.

31. Verum quid opus est de mysticis significatiobus sacrificiorum vestisque nuptialis inconveniēt carnalibus sensibus velle inculcare sermonem? Ecce quod est manifestius proferamus: Evangelium Legi veteri comparans Dominus, et non illud malum quod homines ante didicerant, sed quod ipse docebat, perfectius esse contestans: *Audiatis, inquit, quia dictum est antiquis: Non occides; qui autem occiderit, reus erit iudicio. Ego autem dico vobis: Qui eumque irzitus fuerit fratri suo, reus erit iudicio; qui autem dixerit, Raca, reus erit concilio; qui autem dixerit, Fatue, reus erit gehenna ignis* (*Id. v, 21, 22*). Quid tam parvum in peccatis, quam fratri dicere, Fatue? Quid tam magnum in suppliciis, quam gehenna ignis? Si in Lege vel Prophetis iste invenisset aliquem, quoniam dixisset fratri suo, Fatue, lapidari iugum fuisse divinitus, quanto Deum crudelitatis argueret? Quis non autem, non dico lapidari, sed per

¹ Editi, filios Heli fuisse infantes; detracto, non, quod hoc revocamus ex MSS.

² Præcipui nos., cui religionis pietas presuisset.

singulos artus, imo per singula corporis frusta, paucitatem atque minutatam, vivens et sentiens dilaniari consumique maluisset¹, quam gehenna ignibus manipari? Absit tamen ut crudeliorum quisquam dicat Evangelii Deum quam Legis Deum, intelligens utriusque esse unum et eundem Deum, in Lege terrentem carnalibus, in Evangelio spiritualibus poenis; et ibi et hic fidem, nusquam crudelem.

32. Quid illud? nonne si a Christo linguam reperiret alienam in eumque blasphemam, et qualis est hujus, impia garritate damnabilem, acerbius et amarius exagitaretur, quam quod iste de obsonio sacrificii pregustato, corporalem temporelam poenam pro sacrilegio sic indignatur ingestam; ubi venturum se Dominus, et ad sinistram positis gentibus^(a) minatur esse dicturum, *Ite in ignem æternum, qui paratus est diabolo et angelis ejus?* Hujus tanti supplicii queris causam? Esurivi, inquit, et non addidisti mihi manducare (*Id. xxv, 41, 42*). Ecce pro esca temporali, non ablata, sed non data, æternum et horrendum supplicium comminatur. Et recte, si consulas veritatem. Perparvum est enim quod in eleemosynis datur; sed cum pie datur, æternum inde meritum comparatur. Et ideo potius quia parvum est quod datur, magna impietate non datur. Unde non mirum est quod tantae sterilitati velut infructuosarum arborum, ignis æterni supplicium preparatur. Si autem consulas hominem, ut de suo respondeat tibi, omnis homo mendax (*Psal. cxv, 11*), contemnit culpam, exaggerat poenam: illam quippe non videt mente carnali, hanc exhorret carne mortali. Talis est iste in omnium hominum, qui puniuntur vel corripiuntur in Veteri Testamento, longe mitioribus quam leguntur in Evangelio, corporalibus poenis. Quod enim diluvium comparari æternis ignibus potest? quæ cædes, quæ vulnera, quæ corporum mortes cruciatibus sempiternis? Viginti quatuor millia cadentium, tanto buccarum strepitu inflat insanus, quasi non innumera milia quotidie moriantur toto orbe terrarum? Sed transitoria ista corporis mors est: quis vero aestimare possit, quot millia stabunt ad sinistram ex omnibus gentibus, quæ semipiternis damnanda sunt ignibus?

33. Eat iste et clamet ore aperto et oculis clausis, quasi confessus sit Deus suam crudelitatem, quia dicit per prophetam: *Exacuam sicut fulgor gladium meum, ineibriabo sagittas meas sanguine, et gladiis meis manducabit carnes de sanguine vulneratorum* (*Deut. xxxii, 41, 42*). De quibus verbis sic iste aequaliter Deum, velut semper humanum sanguinem esurientem, quasi dixerit, Inebriabo me sanguine; aut, Manducabo carnes de sanguine vulneratorum. Sed quantumlibet hanc utillem Dei comminationem tanquam facinoris avidam, et, ut dicit, in sola crudelitate malis tantummodo gloriantem, vanus et vanus exhorreat; quid aut quantum valet, verbis comparata dicentis, *Discedite a me, maledicti, u. quem æter-*

¹ Er. Lugd. et Ven., *Quis autem... non maluisset.* M.

^(a) Vox, gentibus, redundare videtur

num, qui paratus est diabolo et angelis ejus? Ibi non sanguine inebriabitur sagittor; sed non satiabitur membris omnibus flammæ: nec carnes gladius mandueabit, sensum doloris citius auferens mortuis, quam inferens vulneratis; sed nemo cruciibus sa' tem moriendo subtrahitur, ne in moriente simul etiam ipsa persona moriatur. Cur non hic dicit: *Confundimur istum an potius execrandum fugiendumque esse dicemus?* An timet de Christo ista dicere, ne ipsius ignis aeterni supplicium non evadat, quo ille impios preparat mittere; et ignorat miser haec dicens de Deo Prophetarum, de ipso se dicere, cuius tam tremendam severitatem in Evangelio formidat offendere?

CAPUT XVII. — 34. Reprehendit etiam, quod poenæ impiorum significatas per uvam sellis et botrum amaritudinis, et furorem draconum atque aspidum, collectas dicit esse Deus apud se, et signatas in thesauris suis, reddendas in tempore, cum lapsus fuerit pes eorum (*Deut. xxxii, 32-35*): ignorans thesauros hic appellatas occultas dispositiones Dei, qui disponit reddere unicuique secundum opera ejus. Unde Apostolus dicit: *Tu autem secundum duritiam cordis tui et cor impoenitens, thesaurizas tibi iram in die iræ et revelationis justi judicij Dei, qui reddit unicuique secundum opera ejus* (*Rom. ii, 5, 6*). Apud quem enim sibi thesaurizat iram cor impoenitens, nisi apud eum qui vivos est judicaturus et mortuos? Neque enim ne sciunt etiam illi veteres Libri thesaurum desiderabilem, de quo ibi scriptum est quod requiescat in ore sapientis (*Prov. xxi, 20, sec. LXX*). Et in Proverbii legitur, quia *Deus thesaurizat diligentibus se salutem* (*Id. viii, 21*); et Isaías propheta dicit, *In thesauris¹ salutis nostra: ibi sapientia et disciplina et pietas ad Dominum. Hi sunt thesauri justitiae* (*Isai. xxxiii, 6*). Sed vaniloqui et mentis seductores adversantes Litteris sacris, quas intelligere nolunt, eligunt ex eis aspera quæ ibi leguntur ad commendandam severitatem Dei; et de Litteris evangelicis atque apostolicis lenia quæ ibi leguntur ad commendandam bonitatem Dei: et apud homines imperitos hinc ingerunt horrorem, inde querunt favorem: quasi difficile sit ut quisquam similiter blasphemus atque impius eo modo aduersetur Novo Testamento, quo iste Veteri, carpens de Veteri quibus ibi commendatur Dei bonitas, et e contrario de Novo quibus ibi commendatur Dei severitas; et clamet invidiosus atque venenosus: Ecce qui Deus colendus est, *misericors et miserror, longanimus et multæ misericordiæ*; qui non in finem iraceatur, neque in aeternum indignabitur; qui non secundum peccata nostra fecit nobis, neque secundum iniurias nostras retribuit nobis; sed quantum distat oris ab occidente, longe fecit a nobis peccata nostra; qui sicut miseratur pater filios, sic miseratur timentes se (*Psal. cii, 8-13*); qui dicit, *Nolo mortem peccatoris, quantum ut revertatur et vivat* (*Ezech. xviii, 23, et xxxiii, 11*). Non ille

qui propter lucorum avaritiam, etiam cum servum qui non perdidit talentum quod accepérat, tantum quia non amplius acquisivit, ligatis manibus et pedibus projici jussit in tenebras exteriōres, ubi esset et fletus et stridor dentium (*Matth. xxv, 14-30*): et qui hominem non habentem vestimentum nuptialem de convivio suo tollit, et similiter alligatum simili suppicio punit (*Id. xxii, 11-13*): et qui venientibus ad se, et pulsantibus, et dicentibus, *Domine, aperi nobis*; respondet, *Non vos novi; tantum quia oleum secum, quod infunderent suis lampadibus, non tulerunt* (*Id. xxv, 4-2*): et qui propter unum contumeliosum verbum mittit in gehennam (*Id. v, 22*): et qui pro temporali cibo non accepto, igne damnat aeterno (*xxv, 41, 42*). Haec atque hujusmodi si quis vesana mente sacrilegus, inde lenia, hinc aspera colligat; ac sic homines utrarumque Litterarum imperitos a Christo tanquam savo et crudeli conetur avertire, et ad Deum Prophetarum misericordem mitemque convertere; nonne et huic ipsi qui hoc facit Veteri Testamento, quod ab homine similiter sacrilego posset fieri Novo, impurus atque impius apparebit? Qui autem recte colit Deum, et profecto utriusque Testamenti invenit unum Deum, et ejusdem unius Dei in utroque diligit bonitatem, in utroque inquit severitatem: in illo intelligens promissum Christum, in isto accipiens redditum Christum.

35. Nonne prius in illis veteribus Libris lectum est, non reddendum malum pro malo, ubi præcipitur ut si jumentum inimici sui errare quisque invenerit, revocet domino ejus; et si cecidisse in via, non per transeat, sed levet cum illo (*Exod. xxii, 4, 5*)? Nonne ibi prius scriptum est, quod Apostolus ponit: *Si esurit inimicus tuus, ciba illum; si siti, potum da illi* (*Prov. xxv, 21; Rom. xii, 20*)? Nonne ibi prius homo Deo suo, quod ei utique scit placere, dicit: *Domine Deus meus, si feci istud, si est iniquitas in manibus meis, si reddidi retribuentibus mihi mala* (*Psal. vi, 4, 5*)? Nonne ibi prius Jeremias propheta describit sancti patientiam, præbentis percutienti se maxillam (*Thren. iii, 30*)? Nonne ibi prius per alium prophetam præcipitur, ut malitiam unusquisque fratris sui non reminiscatur (*Levit. xix, 18*)? Quid est ergo quod iste blasphemus haec tanquam contraria Veteri Testamento de Novo colligit, aut utrasque Litteras nesciens, aut ut decipiatur imperitos, se scire dissimilans? A quo tamen si queratur, utrum non reddat malum pro malo, qui pro cibo non accepto in ignem mittit aeternum; profecto turbabitur, et admonebitur incomparabiliter esse ultius oculum pro oculo, dentem pro dente homini auferre (*Exod. xxii, 24*), ut mensura vindictæ modum non transit injuria, quam propter non exhibitam humanitatem, tantam rependere severitatem, ubi transitoria est culpa, et suum non habet poena: atque ita disceat, si pervicax non est, in utroque Dei unius Testamento et aeternam bonitatem et timendam severitatem. Quamvis enim in Veteri Testamento propter temporalium bonorum promissionem malorumque comminationem, servos

¹ Editi, *In thesauris est*. MSS. vero carent verbo, est: quod nec apud LXX reperitur. In iisdem MSS. omittitur, et pietas: cui tamen in greco, respondeat, καὶ εὐελεῖται.

pariat temporis Jerusalem; in Novo autem, ubi fides unpetrat charitatem, qua lex possit impleri non magis timore paenae quam dilectione justitiae¹, liberos pariat eterna Jerusalem (*Galat. iv, 22-31*): tamen et illis temporibus fuerunt justi spirituales, quos non occidebat littera jubens, sed vivificabat spiritus iuvans (*II Cor. iii, 6*). Unde et fides venturi Christi habitabat utique in Prophetis, venturum praenuntiantibus Christum; et nunc sunt plurimi carnales, qui vel haereses faciunt non intelligendo Scripturas, vel in ipsa Catholica aut adhuc parvuli lacte nutriuntur, aut tanquam palea perseverans futuris ignibus preparantur. Sicut autem Deus unus et verus creator bonorum est et temporalium et eternorum, ita idem ipse auctor est amborum Testamentorum; quia et Novum in Veteri est figuratum, et Vetus in Novo est revelatum.

36. Ignoscendi autem misericors mansuetudo, propter quam dictum est, non solum septies, verum etiam septuagies septies fratri remittenda esse peccata, non ad hoc valet ut sit iniuntas impunita, aut torpens et dormiens disciplina, quod potius obsit quam diligens vigilansque vindicta. Claves quippe regni cœlorum sic dedit Christus Ecclesia, ut non solum diceret, *Quæ solveritis super terram, erunt soluta et in cœlis*; ubi apertissime bonum, non malum pro malo reddit Ecclesia: verum et adjungeret, *Quæ ligaveritis in terra, erunt ligata et in cœlo*; quia bona est et vindicandi justitia. Illud enim quod ait, *Si nec Ecclesiam audierit, sit tibi tanquam ethnicus et publicanus*; gravius est quam si gladio feriretur, si flammis abumeretur, si feris subrigeretur². Nam ibi quoque subjunxit, *Amen dico vobis, quæ ligaveritis super terram, erunt ligata et in cœlis* (*Math. xviii, 17-22*): ut intelligeretur, quam gravius sit punitus, qui velut relictus est impunitus. Hic dicat iste, si placet, Siccine mandata Salvatoris aeeipimis jubentis, *Nemini reddideritis malum pro malo; sed si quis vos percasseroit in unam maxillam, præbete et alteram*; et, *Dimitte injurias fratribus vestris* (*Id. v, 39-44*, et *xviii, 35*)? Ecce ab hominibus non redentibus ma'um pro malo, alligatur homo amarius et infelicius Ecclesia clavibus, quam quibuslibet gravissimis et durissimis ferreis vel adamantinis nexibus. Absit, inquit, ut hoc dicam, quoniam christianus sum. Hoc si vere esset, nee illa dixisset. Quoniam Deus Prophetarum quorum scripta blasphemat, ipse est Deus Apostolorum quorum scripta blasphemare formidat.

CAPUT XVIII. — 37. Sed David, inquit, *Deum rogarit, et non est exauditus, nisi oblato sacrificio, ut hominibus qui non peccaverant, parceretur* (*II Reg. xxiv*): et ideo non est credendus Deus verus, qui sacrificii delectatur. Jam de pœna occisorum hominum, quibus quandoque morituris mors illa non obfuit, et eorum tamen mortibus cor regis sese extollentis merito vapulavit, superius respondimus. De sacrificio autem valde iste nihil sapit: et ideo fallitur, quia jam sacrificia talia non offert Dei populus Deo, posteaquam

venit unicum sacrificium, cuius umbræ fuerunt illa omnia, non hoc improbantia, sed hoc significantia. Sicut enim res una multis locutionibus et multis linguis significari potest; sic unum verum et singulare sacrificium multis est antea saefciorum significatum figuris. De quibus singulis hie disputare quam sit longum, videtis. Unum tamen sciant insipientes, tardi ad intelligendum, et præcipites ad reprehendendum, quod damon sibi sacrificium non exigeret, nisi Deo vero deberi sciret. Falsus enim Deus sic se vult honorari ab eis quos decipiunt, quomodo verus Deus ab eis quibus consultit: et maxime sacrificium est quod præcipue debetur Deo. Nam obsequia cetera que divinitati exhibentur, ausi sunt sibi etiam superbite fasu homines arrogare. Rarissimi autem commemorantur, qui sibi ut sacrificaretur, cum regia potestate possent, ausi fuerint imperare. Quicunque tamen ausi sunt, per hoc se deos haberi voluerunt. Sacrificiis autem Deum non egere, quis nescit? Sed nec laudibus nostris eget. Verum sicut nobis, non illi, utile est laudare Deum; sic nobis, non illi, utile est offerre sacrificium Deo. Quoniam singulari et solo vero³ sacrificio probnobis Christi sanguis effusus est: ideo primis temporibus ad hoc sacrificium talibus significationibus prophetandum, immaculatorum animalium sacrificia Deus sibi jussit offerri; ut quemadmodum illa immaculata erant a corporum vitiis, ita speraretur immolandus esse pro nobis, qui solus immaculatus fuerat a peccatis. Quæ tempora per prophetam sic praenuntiantur: *Deus deorum Dominus locutus est, et vocavit terram, a solis ortu usque ad occasum; ex Sion species decoris ejus*. Et paulo post in eodem psalmo: *Audi, populus meus, et loquar tibi; Israel, et testificabor tibi: quoniam Deus Deus tuus ego sum. Non super sacrificia tua arguam te; holocausta autem tua in conspectu meo sunt semper. Non accipiam de domo tua vitulos, neque de gregibus tuis hircos. Quoniam meæ sunt omnes bestiae silvae, pecora in montibus et boves. Cognovi omnia volatilia cœli, et species agri mecum est. Si esuriero, non dicam tibi: meus est enim orbis terræ et plenitudo ejus. Numquid manducabo carnes taurorum, aut sanguinem hircorum potabo? Inmolâ Deo sacrificium laudis, et reddere Altissimo vota tua*. Et iterum in fine psalmi ejusdem: *Sacrificium, inquit, laudis honorificabit me, et ibi via qua ostendam illi salutare Dei* (*Psal. xlvi*). Jam de hoc salutari Dei, quod ipse sit Christus, supra commemoravi atque monstravi (*Supra, n. 15*). Quod est autem sacratus laudis sacrificium, quam in actione gratiarum? Et unde majores agendas sunt Deo gratiae, quam pro ipsis gratia per Jesum Christum Dominum nostrum? Quod totum fidiles in Ecclesia sacrificio sciunt, cuius umbræ fuerunt omnia priorum genera sacrificiorum. Isti autem vaniloqui reprehensori Veteris Testamenti, etiam si cetera quæ commemoravi de hoc psalmo minus intelligent, sufficiat eis quantum ad præsentem questionem attinet, quia Deus Prophetarum, qui Deus est etiam Apostolorum, non manducat taurorum carnes, nec sanguinem potat hir-

¹ p. r.ique MSS., *delectatione justitiae*.

² In quibusdam MSS., *subjiceretur*.

³ MSS., *vere*.

corum. Talem quippe enim noverant sancti, qui pleni ejus Spiritu ista dicebant. Unde illud quod David obtulit, ut populo parceretur, umbra erat futuri, qua significatum est, quod per unum sacrificium¹, cuius illa figura erat², saluti populi spiritualiter parcitur. Ipse est enim Christus Jesus, qui traditus est, sicut Apostolus dicit, propter delicta nostra, et resurrexit propter justificationem nostram (Rom. iv, 25) : propter quod etiam dicit, Pascha nostrum immolatus est Christus (1 Cor. v, 7).

CAPUT XIX. — 58. Unde autem iste probare co-natus est, evidenter servisse daemoniis, qui sacrificiis ea promeruit, volens hoc intelligi de sancto David, ibi evidentius quanta fraude imperitorum animis insidetur ostendit. Adhibuit enim Apostolum testem, eo quod dixerit, Videte Israel carnaliter : nonne qui edunt hostias, participes sunt altaris? Quid ergo? dico quod idolum sit aliquid? Sed qui sacrificant, daemonibus sacrificant. Quod non ita scriptum est : sed ita, Videte Israel secundum carnem : nonne qui de sacrificiis manducant, socii sunt altaris? Quid ergo? dico quia idolis immolatum est aliquid, aut idolum est aliquid? Sed quia quae immolant³, daemoniis, et non Deo, immolant. Nolo vos socios daemoniorum fieri. Potuit autem accidere, ut secundum interpretationum varietatem non in rebus, sed in verbis, quod ego dixi, secundum carnem; alii codices habeant, carnaliter : et quod ego dixi, qui de sacrificiis manducant; aliqui habeant, edunt hostias; quod ipse posuit : et quod ego, socii sunt altaris; habeant aliqui, participes sunt altaris: et quod ego posui, Quid ergo? dico quia idolis immolatum est aliquid? minus ille posuerit, aut minus codex ejus habuerit; et ideo tantummodo posuit, quia idolum est aliquid. Quod vero sequitur multum ad rem pertinet, quia id aliter posuit. Ait enim Apostolus : Sed quia quae immolant, daemoniis, et non Deo, immolant. Iste autem dixit, Sed qui sacrificant, daemonibus sacrificant: quasi omnes qui sacrificant, non sacrificant nisi daemonibus. Non enim ait Apostolus, Qui sacrificant; sed, quae sacrificant; vel, sicut a me positum est, immolant: illi scilicet qui idola colunt; quae sacrificant, daemoniis, et non Deo, sacrificant, sive, immolant. Et ideo subjunxit, Nolo vos socios daemoniorum fieri: eos quippe ab idolatria prohibebat. Propter quod eis ostendere voluit, ita illos fieri socios daemoniorum, si idolothyta sacrificia manducaverint, quomodo Israel carnis socius erat altaris in templo, qui de sacrificiis manducabat. Ideo quippe addidit, carnaliter, vel, secundum carnem; quia est Israel spiritualiter, vel secundum spiritum, qui veteres umbras jam non sequitur, sed eam consequentem quae illis umbris precedentibus significata est veritate. Hinc enim cœpit, ut hoc dicere: Propter quod, dilectissimi mihi, fugite ab idolorum cultura. Deinde secutus ostendit, ad quod sacrificium jam debent pertinere, dicens: Quasi prudentibus dico, judicate vos quod dico. Calix benedictionis quem

¹ Nostri omnes MSS., per verum sacrificium.

² Ita in MSS. At in editis, illa figura erant.

³ Editio hoc tantum loco addunt, genites; quod verbum hic et infra semper omittunt MSS.

benedicimus, nonne communicatio est sanguinis Christi? Panis quem frangimus, nonne communicatio est corporis Domini? Quia unus panis et unum corpus multi sumus; omnes enim de uno pane participamus (1 Cor. x, 14-20). Et propter hoc subjunxit, Videte Israel secundum carnem: nonne qui de sacrificiis manducant, socii sunt altaris? Ut inteligerent ita se jam socios esse corporis Christi, quemadmodum illi socii sunt altaris. Et quia ut hoc diceret, ab idolatria prohibebat; unde locus iste sermonis ejus, sicut commemoravi, sumpsit exordium: ne putarent ideo non esse curandum, si du sacrificiis ederent idolorum, quia idolum nihil est, existimantes sibi hæc velut superflua non nocere, confirmavit quidem et ipse nihil esse idolum: nec ideo se ista prohibere, quia idolis immolantur quæ non habent sensum; sed quia quæ immolant, inquit, id est, idolorum cultores, daemoniis, et non Deo, immolant. Nolo vos socios daemoniorum fieri. Istum sensum veritas ipsa declarat: quia in templo cui serviebat carnaliter Israel, non utique idolum colebatur. Nam si sacrificia quæ in illo templo secundum veterem Legem offerabantur Deo, tanquam idolorum sacrificia damnarentur, vel tanquam daemoniis immolata, nullo modo ipse Dominus Christus leproso quem mundaverat, diceret: Vade, ostende te sacerdoti, et offer munus quod præcepit Moyses in testimonium illis (Matth. viii, 4). Nondum enim dederat pro sacrificiis illis omnibus sui corporis sacrificium, nondum suscitaverat sui corporis templum. Nec de illo templo ejiciens eos qui boves et columbas vendebant, diceret⁴: Dominus mea donus orationis vocabitur; vos autem fecistis illam speluncam latronum (Id. xxi, 13).

CAPUT XX. — 59. Sano de apocryphis iste posuit testimonia, quæ sub nominibus apostolorum Andreæ Joannisque conscripta sunt. Quæ si illorum essent, recepta essent ab Ecclesia, quæ ab illorum temporibus per episcoporum successiones certissimas, usque ad nostra et deinceps tempora perseverat, et immolat Deo in corpore Christi sacrificium laudis, ex quo Deus deorum locutus vocavit terram, a solis ortu usque ad occasum. Hæc quippe Ecclesia est Israel secundum spiritum; a quo distinguitur ille Israel secundum carnem, qui serviebat in umbris sacrificiorum, quibus significabatur singulare sacrificium quod nunc offert Israel secundum spiritum, cui dictum atque prædictum est, Audi, populus meus, et loquar tibi; Israel, et testificabor tibi (Psal. xlix, 2, 7): et cetera, quæ jam supra commemoravi. De hujus enim domo non accipit vitulos, neque de gregibus ejus hæcos. Iste immolat Deo sacrificium laudis, non secundum ordinem Aaron, sed secundum ordinem Melchisedec. Quod in eo psalmo positum est, quem Dominus Jesus in Evangelio de se conscriptum esse testatur, querens a Judæis respondentibus Christum filium esse David, quod solum de illo carnaliter noverant, quomodo cum David in Spiritu dixerit Dominum. Tunc enim hujus psalmi commemoravit exordium: Dicit Dominus Domino meo, Sede a dextro meis,

⁴ Plurique MSS., dixerat.

ut nec ponam inimicos tuos scabellum pedum tuorum. hoc quippe et hoc dictum est : *Juravit Dominus, et non paenitebit eum.* Tu es sacerdos in aeternum secundum ordinem Melchisedec (*Matth. xxii, 42-45; Psal. cix, 1, 4*). Noverunt qui legunt, quid protulerit Melchisedec, quando benedixit Abraham (*Gen. xiv, 18, 19*) : et si jam sunt participes ejus, videtur tale sacrificium nunc offerri Deo toto orbe terrarum. Dei autem iuratio incredulorum est increpatio. Et quod Deum non paenitebit, significatio est quia hoc sacerdotium non mutabit. Mutavit qui pro sacerdotium secundum ordinem Aaron. Unde alius propheta dicit ad eum qui carnaliter est Israel : *Non est mihi voluntas in robis, dicit Dominus omnipotens, et hostiam non accipiam de manibus vestris.* Ecce quod est secundum ordinem Aaron. Cur autem hoc non accipiat, addit, et dicit : *Quia ab ortu solis usque ad occasum glorificatum est nomen meum in gentibus, et in omni loco incensum effertur nomini meo, et hostia pura; quia magnum est nomen meum in gentibus,* dicit Dominus omnipotens (*Malach. i, 10, 11*). Ecce quod est secundum ordinem Melchisedec. Incensum enim quod est grecie θυμιάρεια, sicut exponit Joannes in Apocalypsi, orationes sunt sanctorum (*Apoc. v, 8*). Deus quippe ille, sicut canitur in Psalmo, qui vocavit terram, a solis ortu usque ad occasum ; cui terrae, id est, cui populo diffuso a solis ortu usque ad occasum, diceret, *Non accipiam e domo tua vitulos; immola Deo sacrificium laudis* (*Psal. xlix, 2, 9, 14*) : ipse per hunc prophetam quod certissime futurum erat jam velut factum predicans ¹, *Ab ortu solis usque ad occasum glorificatum est nomen meum in gentibus, et in omni loco incensum effertur nomini meo, et hostia pura; quia magnum est nomen meum in gentibus.*

40. Non enim sicut hominem paenitet Deum ; sed sicut Deum : quemadmodum non sicut homo irascitur, nec sicut homo miseretur, nec sicut homo zelat ; sed omnia sicut Deus. Paenitentia Dei non est post errorem : ira Dei non habet perturbati animi ardorem : misericordia Dei non habet compatiens miserans cor, unde in latina lingua nomen accepit : zelus Dei non habet mentis livorem. Sed paenitentia Dei dicitur, rerum in ejus potestate constitutarum hominibus inopinata mutatio : ira Dei est vindicta peccati : misericordia Dei est bonitas opitulandi¹ : zelus Dei est providentia, qua non sinit eos quos subditos habet, impune amare quod prohibet. Unde iste qui tam loquaciter exagitavit Dei paenitentiam, discat primo, vix ingeniri aliquid quod digne de Deo dici possit ; sed plurima et pene omnia nos de illo dicere loquendi necessitate, quae magis homines ex hominibus metiuntur, sicut autem intelligenda de illo sunt vix a paucis et spiritualibus intelliguntur. Propter quod providentissime Scriptura divina de illo incessabiliter loquens ad quendam etiam verba descendit, quae non in hominibus et ipsis carnalibus, cum de Deo sermo est, videantur absurdia et indigna : ut cum timentur propter sic accipi, quonodo in hominibus solet, et dis-

¹ Sic in MSS. At in editis, *Facit opitulam*.

cutiuntur quemadmodum de Deo bene accipi possint, ibi diseatur etiam illa quae humanis sensibus in eiusdem Scripturis Deo digna videbantur, non secundum hominum mores intelligi vel credi oportere. Cito enim videtur paenitentia, sicut ab hominibus agitur, non cadere in Deum : sed non cito videtur etiam misericordia, sicut homines miserentur, non cadere in Deum. Ex illo ergo quod requirendum fatetur, discit homo et hoc requirere, quod jam sufficere arbitrabatur. Sic ergo quando cum paenitet, non mutatur, et mutat ; sicut quando irascitur, non moveatur, et vindicatur ; et quando miseretur, non doiet, et liberat ; et quando zelat, non cruciatur, et cruciat.

41. Numquid autem in libris Testamenti novi de sunt haec verba, que si accipientur sicut in hominibus intelligi solent, nullo modo congruent divinitati, et gravem parvum offendit? Cum enim de Christo verissime dicat evangelista, quod non opus habebat ut ei quisquam testimonium perhiberet de homine ; ipse enim scribat quid esset in homine (*Joan. ii, 23*) ; cur ipse quibusdam dicit, *Nescio vos* (*Matth. xxv, 12*) ? Ipsos denique sanctos suos cum praeconcerit et elegerit ante mundi constitutionem : quid est quod dicit Apostolus, *Nunc autem cognoscentes Deum, immo cogniti a Deo* (*Galat. iv, 9*) ; quasi nunc eos cognoverit, quos antea nesciebat ? Quod vero sit, *Spiritum nolite extinguere* (*I Thess. v, 19*), tanquam exinguiri Spiritus possit, quis ferat¹, nisi qui ea prudenter intelligit ? Nonne in Evangelio scriptum est : *Qui credit in Filium, habet vitam aeternam; qui autem incredulus est Filiu, non videbit vitam, sed ira Dei manet super eum* (*Joan. iii, 56*) ? Calumniatur ergo et huic verbo iste blasphemus, et dicit : Qualis est qui irascitur, cum scriptum sit, *Iracundia viri, justitiam Dei non operatur* (*Jacobi 1, 20*) ? Calumniatur isto modo et Apostolo dicenti, *Numquid iniquus Deus qui infert iram* (*Rom. iii, 5*) ? Jam porro si quisquam diceret, Confundetur Christus, et hoc eo tempore quo iudicaturus est vivos et mortuos ; quis cum christianus patienter audiret ? Tamen in Evangelio, *Qui me, inquit, confusus fuerit, et verba mea, in generatione ista adultera et peccatrice, et Filius hominis confundetur cum cum venerit in gloria¹ Patris sui cum Angelis sanctis* (*Marc. viii, 58*). Cur autem orantes dicimus, *Sanctificetur nomen tuum* (*Matth. vi, 9*), si semper est sanctum ; nisi quia verum est et quod scriptum est de quibusdam, quia polluerunt nomen Domini Dei sui (*Ezech. xliii, 8*) ? Et cur dictum est Domino, *Memento mei cum veneris in regnum tuum* (*Luc. xxiii, 42*), si nihil obliviscitur ; nisi quia non inspicter, sed intelligenter ei dicitur, *Oblivisceris inopium nostram et tribulationem nostram* (*Psal. xlvi, 24*) ? Ergo et scienter nescit ; et quod semper scivit, aliquando cognoscit ; et cum extinguitur a negantibus, inextinguibilis permanet ; et tranquille irascitur ; et confundi

¹ Veteres codices, quis eruat. Forte pro, quis servat.

¹ In B., in gloria. Melius enim Er. et vulgata, in gloria ; cui lectio grecum aristipulatur, en tē doxē.

non potest, etiam quando confunditur; et nomen ejus pollui non potest, etiam quando polluitur; et oblivisci non potest, etiam quando obliviscitur; et meminire, etiam quando admonetur. Sic est ineffabilis. Hæc enim de illo dicuntur, de quo nihil ab homine vel hominis satis digne et satis competenter dicitur. Que cum ita sint, quis religiosus non istum exsufflet ut pulverem, quem projicit ventus a facie terre (*Psal. 1, 4*): qui turbens et elatus atque irruens in oculos infirmorum, eosque perturbans, videtur sibi aliquid dicere, arguendo verba in Veteri Testamento quæ non intelligit, nec intuendo quæ in Novo intelligit?

42. Hoc autem de pœnitentia Dei, unde factum est ut loqueremur, cum commemoraremus prophetiam de Christo, ubi dictum est, *Juravit Dominus et non pœnitabit eum, Tu es sacerdos in æternum*, secundum ordinem Melchisedec, ad commendandum sacrificium salutare, in quo pro nobis sacer sanguis effusus est, cuius umbrae fuerant sacrificia, quæ de peccatis immaculatis jussa sunt immolari: hoc ergo de pœnitentia Dei, ne sic eam putaret accipiendam, ut ex eo quod non intelligit, in blasphemiarum latratus rabidus insaniret, habebat unde commonebatur in proximo. Ipse quippe commemoravit Deum dixisse: *Pœnitit me unxisse Saül in regem*¹. Hoc autem scriptum est Samueli sancto dictum fuisse, per quem Deus arguit Saülem, quod homini quem Deus occidi jussaret, pepercisset, exhibens velut misericordiam contempta obedientia: quasi vero melius nosset quid de homine fieri debuerit, quam ille qui hominem fecit. Ubi quod saluberrimum est discimus, ut semper divinum praeceptum, humanum in nobis vincat affectum. Idem tamen Samuel cui dixerat Deus, *Pœnitit me unxisse Saül in regem*; dicit evidenter, Deum non pœnitire. Nam ita scriptum est: *Et factum est verbum Domini ad Samuel, dicens, Pœnitit me quod constituerim Saül in regem, quoniam aversus est a me, et verba mea non custodivit*: Et paulo post Saüli dixit ipse Samuel: *Disruptus Dominus regnum Israel de manu tua hodie, et dabit illud proximo tuo bono super te, et dividetur Israel in duo: et non convertetur, neque pœnitabit eum; quoniam non est sicut homo, ut pœnitiat eum* (*I Reg. xv, 11, 28, 29*). Ecce qui noverat² intelligere Deum sine miseria³ miserantem, sine ira irascentem, si e zelo zelanteum, sine obliviousione obliviousentem, sine ignorantia nescientem, sine pœnitentia pœnitentem: non iste qui secundum verbum Dei non loquendo, et litteras ejus non considerando, et voces earum non adverteendo, factus est mutus latrator, vacuus lector, surdus auditor.

43. *Obliviosus*, inquit, *Deus et mortua memoria areum posuit in nubibus*, qui iris dicitur, unde commoneatur non amplius humanum genus delere diluvio (*Gen. ix, 12-17*), quid agat omnino nesciens, qui merito opus sit assiduo monitor. Iste vero non memoria, sed anima mortua quid loquatur nesciens, si in rebus

apertioribus calumniantur, quanto magis ealigat⁴ in nubibus, et delirare compellitur? Cui tamen ut citè respondeam, ita dico Deum admoneri se voluisse, quamvis non sit oblitus, sicut Christus doceri se vult ubi Lazarus positus fuerit, quamvis non esset ignorans Nolo enim dicere, quos arcus ille significet⁵, resplendens e nubibus fulgore, et radiis luminis quo roscida illustratur obscuritas, grata quadam modo confessione respondens; et quomodo Deus non perdat orbem diluvio spirituali, dum est eorum memor, quorum illuminatae nubes figuram gerunt: horum enim nomina scripta sunt in cœlis; ut memor sit eorum Pater qui est in cœlis; quoniam non de suo lucere se sciunt, sed de sole justitiae, sicut illæ nubes de sole visibili. Sed ex illo quod commemoravi, urgendus est, quomodo accipiat Dominum dicentem de Lazaro, *Ubi posuistis eum* (*Joan. xi, 34*); et locus ei, tanquam ignoret, ostenditur. Nisi enim aliquid eum ista, qua nesciens videbatur, inquisitione significasse fateamur, quomodo predicamus Christum non solum scisse presentia, verum etiam futura praescisse? Maxime quia iste in eam se precipitavit mirabiliter cecitate sententiam, ut diceret, *Nemo nisi ignarus interrogat*? Ubi cogitare non potuit, quoties Christus interrogaverit. Annon interrogat qui dicit: *Quid robis ridetur de Christo? cuius est filius* (*Matth. xxii, 42*)? Quid hoc testimonio manifestius? Quod si nimium durus est, numquid etiam ibi negabit interrogasse Christum, ubi se ipse interrogare testatur, dicens: *Interrogabo vos et ego unum sermonem; quem si dixeritis mihi, et ego robis dicam in qua potestate hæc facio: Baptisma Joannis unde erat? e cælo, an ex hominibus* (*Id. xxi, 23, 25*)? Ubi nunc se abscondet loquacissimus contra Deum, et desperatissimus disputator? Ubi est quod ait, *Nemo nisi ignarus interrogat*? Ecce Christus ignarus non est, et tamen interrogat. His neupe cœulis reprehendit Prophetarum Deum, quibus non videt Christum. Sed in talibus interrogationibus aperti simus doctor est Christus. In his autem quando ait, *Ubi posuistis eum?* et, *Quis me tetigit* (*Luc. viii, 45*)? et si quid dixisse hujusmodi legitur, videtur doceri velle quod nescit, et tamen scit. Sic ergo et in illis Libris Deus tanquam oblitus admonetur, sed tamen absit ut quidquam unquam obliviscatur.

44. Quid illud ipsum quod dixit Dominus discipulis suis, *Gaudete, quia nomina vestra scripta sunt in cœlis* (*Id. x, 20*), nonne videtur tanquam ex illo arcu qui resulget ex nubibus, velut quibusdam in cœlo Deus litteris admoneri? Nisi hæc pie accipientur, donec fides impetraret ut intelligentur, nonne ut fabulosa ridentur? Quibus ridentibus, nisi insipientibus, et eo ipso quo sapientes sibi videntur, magis magisque dentibus? Quis enim cogitat quomodo ad memoriam Dei scribantur in cœlis sequentes Dominum, derelinquentes autem Dominum scribantur in terra, de quibus propheta Jeremias dicit: *Universi qui derelinquent te, confundantur; recedentes*⁶, *super terram scriban-*

¹ MSS., *caliginatur*. Am., *caligatur*.

² In MSS., *noverant*.

³ Ita MSS. Edili vero, *sine misericordia*.

⁴ MSS., *caliginatur*. Am., *caligatur*.

⁵ Sic MSS. Edili autem, *quid arcus ille significet*.

⁶ Edili addunt, *a te*; quod a MSS. absit et a LXX.

ut nec ponam inimicos tuos scabellum pedum tuorum. Ibi quippe et hoc dictum est : *Juravit Dominus, et non paenitebit eum, Tu es sacerdos in aeternum secundum ordinem Melchizedec* (*Matth. xxii, 42-45; Psal. cix, 1, 4*). Noverunt qui legunt, quid protulerit Melchizedec, quando benedixit Abraham (*Gen. xiv, 18, 19*) : et si jam sunt participes ejus, videnti tale sacrificium nunc offerri Deo toto orbe terrarum. Dei autem iuratio incredulorum est increpatio. Et quod Deum non paenitebit, significatio est quia hoc sacerdotium non mutabit. Mutavit qui pro sacerdotium secundum ordinem Aaron. Unde alius propheta dicit ad eum qui carnaliter est Israel : *Non est mihi voluntas in robis, dicit Dominus omnipotens, et hostiam non accipiam de manibus vestris.* Ecce quod est secundum ordinem Aaron. Cur autem hoc non accipiat, addit, et dicit : *Quia ab ortu solis usque ad occasum glorificatum est nomen meum in gentibus, et in omni loco incensum effertur nomini meo, et hostia pura; quia magnum est nomen meum in gentibus, dicit Dominus omnipotens* (*Malach. i, 10, 11*). Ecce quod est secundum ordinem Melchizedec. Incensum enim quod est grecæ θυμιαρεῖ, sicut exponit Joannes in Apocalypsi, orationes sunt sanctorum (*Apoc. v, 8*). Deus quippe ille, sicut canitur in Psalmo, qui vocavit terram, *a solis ortu usque ad occasum*; cui terra, id est, cui populo diffuso a solis ortu usque ad occasum, diceret, *Non accipiam e domo tua vitulos; immola Deo sacrificium laudis* (*Psal. xlix, 2, 9, 14*): ipse per hunc prophetam quod certissime futurum erat jam velut factum prædicans ^{et} : *Ab ortu solis usque ad occasum glorificatum est nomen meum in gentibus, et in omni loco incensum effertur nomini meo, et hostia pura; quia magnum est nomen meum in gentibus.*

40. Non enim sicut hominem paenitet Deum; sed sicut Deum: quemadmodum non sicut homo irascitur, nec sicut homo miseretur, nec sicut homo zelat; sed omnia sicut Deus. Paenitentia Dei non est post errorem: ira Dei non habet perturbati animi ardorem: misericordia Dei non habet compatiens miserari cor, unde in latina lingua nomen accepit: zelus Dei non habet mentis livorem. Sed paenitentia Dei dicitur, rerum in ejus potestate constitutarum hominibus inopinata mutatio: ira Dei est vindicta peccati: misericordia Dei est bonitas opitulandi¹: zelus Dei est providentia, qua non sinit eos quos subditos habet, impune amare quod prohibet. Unde iste qui iam loquaciter exagitavit Dei paenitentiam, discat primo, vix inveniri aliquid quod digne de Deo dici possit; sed plurima et pene omnia nos de illo dicere loquendi necessitate, que magis homines ex hominibus metiuntur, sicut autem intelligenda de illo sunt vix a paucis et spiritualibus intelliguntur. Propter quod providentissime Scriptura divina de illo incessanter loquens ad quardam etiam yrrba descendit, quæ jam hominibus et ipsis carnalibus, cum de Deo sermo est, videatur absurdia et indigna: ut cum timentur pœna sic accipi, quoniam in hominibus solit, et dis-

¹ Sic in MSS. At in editis, *bonitas opitulandi*.

cutiuntur quemadmodum de Deo bene accipi possint, ibi discatur etiam illa quæ humanis sensibus in eiusdem Scripturis Deo digna videbantur, non secundum hominum mores intelligi vel credi oportere. Cito enim videtur pœnitentia, sicut ab hominibus agitur, non cadere in Deum: sed non cito videtur etiam misericordia, sicut homines miserentur, non cadere in Deum. Ex illo ergo quod requirendum fatetur, discit homo et hoc requirere, quod jam sufficere arbitrabatur. Sic ergo quando cum paenitet, non mutatur, et mutat; sicut quando irascitur, non moveatur, et vindicat; et quando miseretur, non dolet, et liberat; et quando zelat, non cruciatur, et cruciat.

41. Numquid autem in libris Testamenti novi desunt hæc verba, quæ si accipientur sicut in hominibus intelligi solent, nullo modo congruunt divinitati, et gravem pariant offensionem? Cum enim de Christo verissime dicat evangelista, quod non opus habebat ut ei quisquam testimonium perhiberet de homine; ipse enim sciebat quid esset in homine (*Joan. ii, 25*); cur ipse quibusdam dicit, *Nescio vos* (*Matth. xxv, 12*)? Ipsos denique sanctos suos cum præscierit et elegerit ante mundi constitutionem: quid est quod dicit Apostolus, *Nunc autem cognoscentes Deum, immo cogniti a Deo* (*Galat. iv, 9*); quasi nunc eos cognoverit, quos antea nesciebat? Quod vero ait, *Spiritum nolite extinguere* (*I Thess. v, 19*), tanquam exsingui Spiritus possit, quis ferat¹, nisi qui ea prudenter intelligit? Nonne in Evangelio scriptum est: *Qui credit in Filium, habet vitam aeternam; qui autem incredulus est Filiō, non videbit vitam, sed ira Dei manet super eum* (*Joan. iii, 56*)? Calumniatur ergo et huic verbo iste blasphemus, et dicit: Qualis est qui irascitur, cum scriptum sit, *Iracundia viri, justitiam Dei non operatur* (*Jacobi 1, 20*)? Calumniatur isto modo et Apostolo dicenti, *Numquid iniquus Deus qui infert iram* (*Rom. iii, 5*)? Jam porro si quisquam diceret, Confundetur Christus, et hoc eo tempore quo iudicaturus est vivos et mortuos; quis eum christianus patienter audiret? Tamen in Evangelio, *Qui me, inquit, confusus fuerit, et verba mea, in generatione ista adultera et peccatrice, et Filius hominis confundetur cum venerit in gloria² Patris sui cum Angelis sanctis* (*Marc. viii, 58*). Cur autem orantes dicimus, *Sanctificetur nomen tuum* (*Matth. vi, 9*), si semper est sanctum; nisi quia verum est et quod scriptum est de quibusdam, quia polluerunt nomen Domini Dei sui (*Ezech. XLIII, 8*)? Et cur dictum est Domino, *Memento mei cum veneris in regnum tuum* (*Luc. xxiii, 42*), si nihil obliscitur; nisi quia non inspicter, sed intelligenter ei dicitur, *Oblivisceris inopium nostram et tribulationem nostram* (*Psal. XLIII, 24*)? Ergo et scienter nescit; et quod semper scivit, aliquando cognoscit; et cum extinguitur a negantibus, inextinguibilis permanet; et tranquille irascitur; et confundi-

¹ Veteres codices, *quis erat*. Forte pro, *quis servat*.

² In B., *in gloriam*. Mellus enim Er. et vulgata, *in gloria*; cui lectio grecum adstipulatur, en *τέ doxέ*.

non potest, etiam quando confunditur; et nomen ejus pollui non potest, etiam quando polluitur; et oblivisci non potest, etiam quando obliviaicitur; et menun-
nit, etiam quando admonetur. Sic est ineffabilis.
Hoc enim de illo dicuntur, de quo nihil ab homine vel hominis satis digne et satis competenter dicitur.
Quae cum ita sint, quis religiosus non istum exsufflet ut pulverem, quem projicit ventus a facie terre (*Psal. 1, 4*): qui turbens et elatus atque irruens in oculos infirmorum, eosque perturbans, videtur sibi aliquid dicere, arguendo verba in Vetero Testamento quae non intelligit, nec intuendo quae in Novo intelligit?

42. Hoc autem de pœnitentia Dei, unde factum est ut loqueremur, cum commemoraremus prophetiam de Christo, ubi dictum est, *Juravit Dominus et non pœnitabit eum, Tu es sacerdos in æternum*, secundum ordinem Melchisedec, ad commendandum sacrificium salutare, in quo pro nobis sacer sanguis effusus est, cuius umbræ fuerant sacrificia, quæ de peccatis immaculatis jussa sunt immolari: hoc ergo de pœnitentia Dei, ne sic eam putaret accipiendam, ut ex eo quod non intelligit, in blasphemiarum latratus rabidus insaniret, habebat unde commonebatur in proximo. Ipse quippe commemoravit Deum dixisse: *Pœnitit me unxisse Saül in regem*¹. Hoc autem scriptum est Samueli sancto dictum fuisse, per quem Deus arguit Saülem, quod homini quem Deus occidi jussaret, pepercisset, exhibens velut misericordiam contempta obedientia: quasi vero melius nosset quid de homine fieri debuerit, quam ille qui hominem fecit. Ubi quod saluberrimum est discimus, ut semper divinum præceptum, humanum in nobis vincat affectum. Idem tamen Samuel cui dixerat Deus, *Pœnitit me unxisse Saül in regem*; dicit evidenter, Deum non pœnitere. Nam ita scriptum est: *Et factum est verbum Domini ad Samuel, dicens, Pœnitit me quod consti- tuerim Saül in regem, quoniam aversus est a me, et verba mea non custodivit*: Et paulo post Saüli dixit ipse Samuel: *Disruptit Dominus regnum Israel de manu tua hodie, et dabit illud proximo tuo bono super te, et dividetur Israel in duo: et non convertetur, neque pœnitabit eum*; quoniam non est sicut homo, ut pœnitiat eum (*I Reg. xv, 11, 28, 29*). Ecce qui noverat² intelligere Deum sine miseria³ miserantem, sine ira irascentem, si e zelo zelantem, sine obliviousione obliviousentem, sine ignorantia nescientem, sine pœnitentia pœnitentem: non iste qui secundum verbum Dei non loquendo, et litteras ejus non considerando, et voces earum non advertendo, factus est mutus latrator, tenebus lector, surdus auditor.

43. *Obliviosus*, inquit, *Deus et mortua memoria areunt posuit in nubibus*, qui iris dicitur, unde commonebatur non amplius humanum genus delere diluvio (*Gen. ix, 12-17*), quid agat omnino nesciens, qui merito opus sit assiduo monitore. Iste vero non memoria, sed anima mortua quid loquatur nesciens, si in rebus

apertioribus calumniatur, quanto magis ealigat⁴ in nubibus, et delirare compellitur? Cui tamen ut cito respondeam, ita dico Deum admoneri se voluisse, quamvis non sit oblitus, sicut Christus doceri se volebat ubi Lazarus positus fuerit, quamvis non esset ignorans. Nolo enim dicere, quos arcus ille significet⁵, resplendens e nubibus fulgore, et radiis luminis quo roscida illustratur obscuritas, grata quadam modo confessione respondens; et quomodo Deus non perdat orbem diluvio spirituali, dum est eorum memor, quorum illuminatae nubes figuram gerunt: horum enim nomina scripta sunt in cœlis; ut memor sit eorum Pater qui est in cœlis; quoniam non de suo lucere se sciunt, sed de sole justitiae, sicut ille nubes de sole visibili. Sed ex illo quod commemoravi, urgendas est, quomodo accipiat Dominum dicentem de Lazaro, *Ubi posuistis eum* (*Joan. xi, 34*); et locus ei, tanquam ignoret, ostenditur. Nisi enim aliquid eum ista, qua nesciens videbatur, inquisitione significasse fateamur, quomodo predicamus Christum non solum scisse presentia, verum etiam futura præscisse? Maxime quia iste in eam se præcipitavit mirabili cæcitate sententiam, ut diceret, *Nemo nisi ignarus interrogat*? Ubi cogitare non potuit, quoties Christus interrogaverit. Annon interrogat qui dicit: *Quid robis ridentur de Christo? cuius est filius* (*Math. xxii, 42*)? Quid hoc testimonio manifestius? Quod si nimium durus est, numquid etiam ibi negabit interrogasse Christum, ubi se ipse interrogare testatur, dicens: *Interrogabo vos et ego unum sermonem; quem si dixeritis mihi, et ego robis dicam in qua potestate haec facio: Baptisma Joannis unde erat? e cælo, an ex hominibus* (*Id. xxi, 21, 25*)? Ubi nunc se abscondet loquacissimus contra Deum, et desperallissimus disputator? Ubi est quod ait, *Nemo nisi ignarus interrogat*? Ecce Christus ignarus non est, et tamen interrogat. His neupe cœulis reprehendit Prophetarum Deum, quibus non videt Christum. Sed in talibus interrogationibus aperti simus doctor est Christus. In his autem quando ait, *Ubi posuistis eum?* et, *Quis me tetigit* (*Luc. viii, 45*)? et si quid dixisse hujusmodi legitur, videtur doceri velle quod nescit, et tamen scit. Sic ergo et in illis Libris Deus tanquam oblitus admonetur, sed tamen absit ut quidquam unquam obliviousetur.

44. Quid illud ipsum quod dixit Dominus discipulis suis, *Gaudete, quia nomina vestra scripta sunt in cœlis* (*Id. x, 20*), nonne videtur tanquam ex illo arcu qui resulget ex nubibus, velut quibusdam in cœlo Deus litteris admoneri? Nisi haec pie accipientur, donec fides impetrat ut intelligentur, nonne ut fabulosa ridentur? Quibus ridentibus, nisi insipientibus, et co ipso quo sapientes sibi videntur, magis magisque dementibus? Quis enim cogitat quomodo ad memoriam Dei scribantur in cœlis sequentes Dominum, derelinquentes autem Dominum scribantur in terra, de quibus propheta Jeremiæ dicit: *Universi qui derelinquent te, confundantur; recedentes*⁶, *super terram scriban-*

¹ MSS., *in regnum*.

² In MSS., *noverant*.

³ Ita MSS. Editi vero, *sine misericordia*.

⁴ MSS., *caliginatur*. Am., *caligatur*.

⁵ Sic MSS. Editi autem, *quid arcus ille significet*.

⁶ Editi addunt, *a te*; quod a MSS. abest et a LXX.

tur (*Jerem. xvii, 13*)? Quos bene intelligitur signifi-
casse Jesus, quando Iudei victi atque confusi, cum
audissent, *Qui sine peccato est, prior in illam lapidem
faciat, unus post alterum recesserunt*. Tunc autem ille
ostendens de quo numero essent, dito scribebat in
terra (*Joan. viii, 7-9*).

CAPUT XXI. — 45. *Si putamus, inquit, merito con-
versationis sue homines diluvii exceperit sententiam, et
Noe justum ad reparationem creaturæ melioris esse scr-
patum; cur exinde pejores oriuntur, et in eosdem actus
vitæ sordentis, humani generis etiam nunc nativitas re-
volvitur?* Ita hoc dicit, tanquam vixerit cum eis qui
diluvio perierunt, et inde neverit quod nunc pejores
oriuntur. Sed sive in pejore, sive in eodem, sive in
meliore actu post diluvium genus versetur humanum,
puto Deo dimittendum esse judicium¹, qui novit re-
tribuere unicuique secundum merita ejus: non huic
cani rabido adversus Dominum sunum latranti, vel
asino stulto adversus stimulum calcitranti. Apostolus
clamat, *O altitudo divitiarum sapientiae et scientiae Dei!*
*quam inscrutabilia sunt judicia ejus, et investigabiles
viae ejus!* *Quis enim cognovit sensum Domini, aut quis
consiliarius ejus fuit (Rom. xi, 33, 34)?* et iste illi cui
nullus est consiliarius, audet esse adversarius. Quid
autem interest, morituris cunctis, quantum ad mior-
tem attinet corporis, utrum singillatio, an simul om-
nes pariterque moriantur; nisi quod cum singuli mor-
riuntur, et omnes mortem et omnes de mortuis
patiuntur dolorem; cum autem simul universos rapit
mors interitus, saltus nemini relinquitur luctus? Ve-
rum etiam altius in illo diluvio consilium Dei fuit,
quam cor infidelium vel novit vel capit. Sed nolo me,
apostolum Petrum potius audiat iste dicentem: *In
diebus Noe cum subricaretur arca, octo animas salvas
factas per aquam: quod et vos, inquit, simili forma
Baptisma salvos facit, non carnis depositio sordium; sed
conscientia bonæ interrogatio in Deum per resurrectionem
Jesu Christi (I Petr. iii, 20, 21).* Ecce habet
expositum diluvii sacramentum. Ubi propterea est
additum, *per resurrectionem Jesu Christi*, ut diem in-
telligeremus octavum, quod significavit in arca nu-
merus hominum: octavo enim die, hoc est, post
septimum sabbati Dominus resurrexit. Sic ergo illa
quaestiones gesta commemorantur, si quis intelligit, etiam
prophetiae fuerunt. Sed iste præter arcum, id est,
præter Ecclesiam constitutus, submersus est diluvio,
non ablutus.

CAPUT XXII. — 46. De testimonio quoque Isaiae
prophetæ calumniatur atque blasphemat, eo quod
dixerit, *Filios genui et exaltavi, ipsi autem me spre-
verunt; et cosdem paulo post appellaverit semen
pessimum (Isai. i, 2-4)*, tanquam se ostendens genito-
rem malorum, cuius filii sunt semen pessimum: ne-
sciens ob hoc eos dici semen pessimum, quoniam gra-
tiae Dei qua ejus filii facti fuerant, peccando dege-
neres extiterunt, eorum filii facti quorum imitatores
esse voluerunt. Unde illis alio loco dicitur, *Pater tuus
Amorrhæus, et mater tua Cethæa (Ezech. xvi, 5):* qua-

¹ Editi, *rei dimittendum esse judicium*. Conciens vss.,
Deo judicium.

rum geniti sunt impietatem malitiamque sectati, ex quibus tamen carnis originem non dicebant. Sed solvat iste questionem evangelicam, ubi Dominus dicit: *Si vos cum sitis mali, nostis bona data dare filiis
restris: quanto magis Pater vester qui in cælis est, da-
bit bona petentibus se (Luc. xi, 13)*? Dicat quemad-
modum sit bonus Deus majorum pater: utrumque enim
Veritas dixit. Annon erant mali quibus ait, *Si
ergo vos cum sitis mali?* Annon habebant heum ho-
num patrem quibus ait, *Quanto magis Pater vester
qui in cælis est, dabit bona petentibus se?* Porro si mali
appellati sunt propter peccata, sine quibus non est
in hac infirmitate mortalium quorumlibet etiam vita
justorum; quanto convenientius semen pessimum
diccretur, quod nasceretur impia voluntate, et mo-
ribus execrabilibus nullaret?

47. Sed hunc, inquit, *Deum Dominus Christus ap-
pellavit arborem malam facientem fructus malos*. Imo
vero hujus talia sentientis tanquam maleæ arboris,
iste ipse sermo blasphemus, fructus est malus. Nam
hominem malum dixisse Dominum arborem malam,
cujus fructus mali essent opera mala; et hominem
bonum arborem bonam, cuius fructus boni essent
opera bona (*Matth. vii, 15-20*); id est, ipsas homi-
num voluntates, vel malam mali hominis, vel bonam
boni hominis diversas esse arbores diversos fructus
ferentes, satis evidenter ipse testatur, dicens: *Bo-
nus homo de bono thesauro cordis sui profert bona, et
malus homo de malo thesauro cordis sui profert mala.*
Quomodo autem diceret, *Aut facite arborem bonam,
et fructum ejus bonum; aut facite arborem malam,
et fructum ejus malum (Id. xii, 35, 33)*; nisi homo pos-
set nunc in hoc, nunc in illud mutata voluntate
converti?

CAPUT XXIII. — 48. Sed ipse Deus, inquit, per
eundem prophetam fatetur, et dicit, *Ego sum Deus
factens bona et creans mala (Isai. xlv, 7).* Ita plane:
ipse est enim Deus, de quo dicit Apostolus, *Vides
ergo bonitatem et severitatem Dei (Rom. xi, 22)*. Hoc
autem severitas ejus damnabilibus mala est, quia
malum illis damnationis importat. Nam quia justa est,
alio modo reperitur bona: omne enim justum bonum.
Quam vero eleganter sibi videtur iste verba discu-
tere atque discernere, nesciens quid loquatur? Quan-
doquidem hoc ipsum quod ita posuit hoc testimoniun-
ium, ut non diceretur, *Faciens bona et mala; aut,
creans bona et mala; aut, creans bona et faciens
mala; sed, faciens bona et creans mala:* vult vertere
in crimen; et conatur ostendere, quod sit, forinsec-
sus fieri; quod autem creatur, apud ipsum esse crea-
torem, atque inde procedere: ut videlicet Deus Pro-
phetarum tanquam extranei a se boni factor aliquan-
do fuisse videatur, creator autem mali tanquam na-
tura malus de se ipso proferens quod creavit. Quæ
verba si ex consuetudine consideremus intentionis
humanæ, et fieri et creari, non solum filii quos de
semetipso quisque generat, verum etiam magistra-
tus dicuntur atque urbes, et quaecumque alia quæ
non exent de gigante, sed forinsecus sint. Si au-

tem quomodo Scripturæ sanctæ, quibus iste insidiatur, loqui soleant, perserutemur, aut hoc est facere quod creare, a quo tamen distinguitur gignere; et variandi verbi causa, non ad aliquam rerum differentiam dici potuit, *faciens bona et creans mala*; cum dici etiam posset, *creans bona et faciens mala*: ant si ullam voluisse propheticus Spiritus hic esse distantiam, multo accommodatius sic acciperentur haec verba, ut intelligeremus id fieri, quod si non fieret, omnino non esset; creari autem, ex eo quod erat conditum aliquid vel constitui, sicut diximus creari magistratus atque urbes: nam et illi ex iis qui jam homines erant constituuntur in honoribus, cum magistratus creantur; et ligna et lapides quibus construuntur urbes, utique jam erant, sed nondum in illam rerum faciem, quam videmus in urbibus, quodam ordine et compositione venerant; quod cum sit, creari urbes dicuntur. Quod enim Græci appellant *κτισσειν*, hoc nostri aliquando creare, aliquando constitui, aliquando condere interpretantur, quod sorpissime idem significat in illis Litteris quod est facere. Nam et *facit Deus hominem ad imaginem Dei*, et *Deus creavit hominem inextirminabilem* (*Sap.* n., 23), legimus: et si aliquando cum aliqua differentia dicitur, hoc rectius potest interesse quod dixi, ut facere sit quod omnino non erat; creare autem, ex eo quod iam erat ordinando aliquid constituere. Ideoque hoc loco dictus est *Deus creans mala*, quoniam peccantibus ea convertit in malum dispositione severitatis suæ, quæ bonitatis ejus largitate bona facta sunt. Unde dicit apostolus Paulus: *Christi bonus odor sumus in omni loco*¹, et in iis qui salvi sunt, et in iis qui pereunt: *quibusdam quidem odor vitae in vitam, quibusdam vero odor mortis in mortem*. Sed cum continuo sequatur, et dicat, *Et ad hæc quis idoneus* (*Il Cor.* n., 15, 16)? nonne importuni quodam modo sumus ingenerare ista carnalibus non studiosis, sed contentiosis, nullo modo idoneis ea capere, quæ utinam saltem desinerent carpere?

49. Quantus quippe conflictus adversus Arianos fuerat excitatus, ne unigenitum Filium dicerent esse creaturam, idem putantes creatum esse quod genitum, iste fortassis ignorat. Sed ut ejus regula fallax atque distorta, ex eodem prophetico et evangelico testimonio, quod ipse posuit, percussa frangatur; sic Deus loquitur per prophetam: *Ego creans lucem et faciens tenebras, faciens pacem et creans mala* (*Isai. XLV, 7*). Quod ipse nec totum, nec sicut illic legitur, posuit. Atque illud quidem facile dissimulandum est, quod pro pace posuit bona; quoniam pax bona est. Sed illud prætereundum non est, quia hujus sententia partem superiorum dolo potuit præterire, ne diceret, *creans lucem*: quia cum sit lux etiam consciente ipso utique bona, ab eo creatam noluit confiteri, quem non vult creare nisi mala. Magis ergo indifferenter id positum debemus accipere, creare et facere: distinctionis tamen, quam sibi iste fecit,

¹ *Loy.*, *sumus Deo in omni loco*. Abest, *Deo*, ab editis aliis et MSS.

regula fracta est; quoniam Deus Prophetarum, quem de verbo quod non intelligit culpatur, ibi legitur creator bonorum, quod negat. Itemque ex Evangelio. Nempe nobis tanquam plurimum suis partibus favaret, opposuit quod Dominus ait, *Arbor bona bonos fructus facit, et arbor mala malos fructus facit* (*Matth. VII, 17*). Cur ergo non secundum istum, *Creat*, dixit; non, *facit*; si vera est ejus differentia, qua facientem a creante distinguit dicens, quod sit, alienum esse a faciente, quoniam de foris accedit¹; quod autem nascitur, proprium ejus esse qui generat? Hinc enim existimat Deum generatorem malorum, quia dictum est, *creans mala*; putans quod et Ariani putaverunt, in Scripturis illis nihil interesse, utrum generari dicatur aliquid, an creari: sed certe in eo quod Dominus arborem bonam fructus bonos, malam malos non dixit creare, sed facere, videat iste suam regulam fractam, et comprimat linguam. Quid enim stultus, quam dicere, Deum Prophetarum esse arborem malam, et id velle intelligi in eo quod Dominus ait, *Arbor mala fructus malos facit*: et rursus dicere, *Non facit mala, sed creat; quia si faceret, aliena ab illo essent, eique forinsecus accederent*; cum vero creat, ipse illa de seipso tanquam radicibus generat? Non ergo de isto Deo Dominus ait, *Arbor mala malos fructus facit*: quoniam creat mala iste, non facit. Ecce qui audet accusare Prophetas, qui ex Evangelio a se productis testibus refragatur.

CAPUT XXIV.— 50. Item verba quædam ex libro Deuteronomio, velut impura exhorrescens, impurus exagit: quasi Deus verecundari debuerit, pudenda impiis irrogare vel prænuntiare tormenta, nec eo comminari modo, ut diceret, *Quæ mollis in vobis et tenera nimis fuerit, cuius experimentum non accepit pes ejus ambulare super terram præ teneritudine et molitie, et zelabit oculo suo virum suum, et filium suum, et filiam suam, et secundas suas, et quod exercit per femora ejus comedet* (*Deut. xxviii, 56, 57*). Imo vero quanto est horribilis, tanto est terribilis. Neque enim a Propheta monendo dictum est, sed minando: non ut hæc homines facerent; sed ne illa facerent quæ sensus perversus exerceat, et ad hæc pervenirent que sensus humanus exhortetur. Quis autem digne eloqui possit, quam sit mentis execrabilior fœditas, poenas exhorremerit meritorum, et merita non caveret poenarum? Dicat plane Spiritus sanctus intaminatus et intaminabilis, quod audire anima recusat immunda, et esse non recusat immunda. Iumunditiam quippeaversatur carnis offensis sensibus carnis, et immunditiam diligit suam extinctis sensibus cordis. Dicat hæc Spiritus Dei, et per horrorem talia mala patiendi, inveniat timorem maleficiendi.

51. Idem namque Spiritus etiam per Apostolum loquens, sensus impios non est verecundatus offendere, dum pius vellet instruere: ubi commemorata impiaitate quorumdam, qua coluerunt et servierunt creaturæ potius quam Creatori, subjunxit, atque ait, *Propter*

¹ In MSS. de *jona occidit*: et infra, *forinsecus acciderent*.

hoc tradidit illos Deus in passiones ignominiae. Nam se-nivie eorum inimicaverunt naturalem usum in eum usum qui est contra naturam : similiter autem et masculi , re-tinquentes naturalem usum feminæ, exarserunt in appre-hensione suam in invicem, masculi in masculos deformitatem operantes, et mercedem mutuam quam oportuit erroris sui, in semetipsis recipientes. Si quisquam inimicus Apostoli vellet ex his verbis talia dicere, qualia dicit ex librorum veterum quibusdam locis iste blasphemus, nonne haberet amplam materiam in qua loqui-citer insinaret; et quanto sibi vidarentur disertiora dicta¹, tanto detestabiliora maledicta jactaret; maxi-mine quia dictum est, *Mercedem mutuam quam oportuit erroris sui, in semetipsis recipientes?* Oportuisse quippe non est veritus dicere Apostolus, ut qui *creatûræ potius quam Creatori servierunt, erroris sui mercedem*, non inviti hæc turpia patiendo, sed libenter faciendo, re-ciperent: judicio scilicet, non alicuius hominis im-mundissimi, quem talia delectarent, sed justissimi Dei, qui *tradidit eos in passiones ignominiae*; ut crima criminibus vindicentur, et supplicia peccantium non sint tormenta, sed incrementa vitiorum. Sapiens ante-tem cum hæc audit, ipsam magis in hac vita iram Dei timet, qua homo non patitur quod acriter dolet, sed facit quod turpiter libet; et ejus cui talia judicia disipli-ent, verba insana conteinet, quia in ipso² pœnam Pharaonis, hoc est, indurati cordis agnoscit. Si enim quosdam qui *non probaverunt Deum habere in notitia, tradidit Deus in reprobam mentem, ut faciant quæ non convenient* (Rom. i, 25-28); quid mirum, si et istum qui divina blasphemat eloquia, tradidit Deus in reprobam mentem, ut dicat quæ non convenient? Sic enim oportet *hæreses esse, ut probati*, inquit Apostolus, *manifesti fiant in vobis* (I Cor. xi, 19). Sic vasa iræ locis congruis et temporibus ordinantur, ut etiam de ipsis notas faciat Deus divitias gloriose suæ in vasa mi-sericordie, quæ de massa ejusdem damnationis fiant in honorem, gratia illius, non meritis suis (Rom. ix, 22, 23). Ille quippe donat prodesse nobis, non solum quod doret veritas, verum etiam quod obstrepit vanitas; ut cum respondeatur inquietissimæ vanitati, au-scultetur sincerissimæ veritati.

52 De turpi maledicto arguit vanitas³: sed turpe non esse, quibusdam rebus turpibus nominatis caven-dam ostendere turpitudinem, misericors indicat veritas, et vecors vincitur vanitas. Nam de turpi maledicto potest a verbosis impiis reprehendi et apostolus Paulus, ubi ait, *Utinam et abscondantur qui vos conturbant* (Galat. v, 12)! quod etsi bene intelligentibus benedictio magis appareat, ut fiant spadones propter regnum cœlorum; potest tamen garrula cæcitas etiam in Apostolo hoc reprehendere, contendens quod non debuerit rem honestam turpi verbo enuntiare. Possunt et ipsum Dominum, qui ejusdem continentiae donum commendans ait, *Sunt qui scipios castraverunt propter regnum cœlorum* (Math. xix, 12). Legunt quippe isti litteriores: sic enim potius quam litterali appellandi

¹ Sic MSS. Editio vero, *videretur disertiora dicere.*

² Editio, *quia ex ipso.*

³ Nonnulli MSS., *hunc arguit vanitas.*

sunt qui legendo litterates, nibil sapere didicereunt: legunt ergo apud Ciceronem tale aliquid, unde sibi videantur docte Christi verba culpare, perditi potius quam periti. Ille namque cum doceret, in translatione verborum ob-coenitatem esse vitandam, *Nolo, inquit, dici, morte Africani castratam esse rem publicam* (*Cic., de Oratore*, lib. 5). Sed si hoc verbum ipse quod vitari volebat, ut vitandum ostenderet, non vitavit, et quod dici noluit, exactus est dicere; quanto magis res que verbo eodem recte significatur, ut ab audiente possit intelligi, suo verbo enuntiatur? Atque ut ad illud red-eamus, quod iste in Deuteronomio reprehendit: si Cicero vir eloquentissimus et verborum vigilantissi-mus appensor et mensor, quod dici noluit, dixit, ne diceretur; quanto melius Deus magis morum quam verborum pulchritudinem querens atque munditiam, turpe aliquid non turpiter, sed minaciter dixit, ut hoc horreretur, ne illud committeretur⁴, pròpter quod ad illa quæ audire horroris est, veniretur? Et tamen cum legitur, aures infidelitas claudit, avertit faciem, exasperat vultum, linguam vibrat, blasphemias jacula-tur. Videte si non sunt isti ex isto genere hominum, qui loquente Christo de Sacramento corporis et san-guinis sui dixerunt: *Durus est hic sermo; quis potest eum audire?* Nisi quod excusabiores sunt, qui verba divina quæ non intelligebant, non in maledictione, sed in benedictione horribilia non ferebant. Mirum enim non est, si maledictum quando auditur, horretur; nec exigendum est ut verbis non horrendi dicatur, quod ad hoc dicitur, ut ab exhorrente timeatur: Dominus autem talia dicebat, quæ amari præciparet, non timeri; et tamen quæ infidelitas susserat, *Curo mea vere cibus est, et sanguis meus vere potus est*; et, *Nisi man-ducaveritis carnem meam, et biberitis sanguinem meum, non habebitis vitam in vobis* (Joan. vi, 61, 56, 54)? Si ergo Dei Sapientia, verbis sacramento congruis pa-scens animam credentem, non curavit insipientiam naucentem; quanto magis eadem ipsa Sapientia, ubi locus et tempus timoris fuerat, non anioris, salubrem volens importare terrorem, non curavit in-ipientis errorem, quamvis ejus prævideret horrorem? Quis autem istorum spiritualem novit horrere animæ seditatem, cum velut sua quadam fame atque egestate compellitur comedere, quæ de suis carnalibus cogitationibus, tanquam de femoribus exeunt? Nam illius maledicti, quod iste velut turpe reprehendit, rarus effectus est⁵; vix enim aliquando tam magnum est flagellum famis, ut ad uesanda illa compellat: ista vero fame, quæ misericordum animæ inopes veritatis ea pro veritate comedunt, quæ carnalibus sensibus pa-riunt, usquequa plena sunt omnia, tanto infelicius, quanto nocet amplius, et horretur minus.

53. Sed puto me uni libro illius quem misistis, no-stro non uno, ne nimium prolixus sit, respondere de-bere: proinde hic faciamus hujus finem, ut ex his quæ discutienda restant, aliud inchoetur. Nescio quo enim modo ita libri termino relicitur lectoris intentio, sicut labor viatoris hospitio.

⁴ Am. et MSS., *ne alia committeretur.*

⁵ Ez. Lugd. et Von., *par effectus est.* M.

LIBER SECUNDUS.

In quo Novi Testamenti loca, quæ Legis et Prophetarum Adversarius velut eis contraria collegit, discutiuntur.

CAPUT PRIMUM. — 1. Jam nunc ea discutienda sunt, quæ iste de Novi Testamenti libris susfragari sibi arbitratur adversus propheticas Litteras, tanquam eas Apostoli Christi sua sententia condemnaverint. Quid ergo profanas et aniles fabulas et genealogias infinitas appellasse Apostolum existimat divina eloqua Legis et Prophetarum, quia dixit, *Profanas et aniles fabulas devita* (*1 Tim. iv, 7*); et alio loco, *Ne intendas fabulis Judaicis et genealogiis infinitis, quæ quæstiones præstant magis, quam ædificationem* (*Id. i, 4*): quis ita nisi haereticus multum cœcus erraret? Cur enim hoc Apostolus ipse non fecit, si has esse aniles fabulas judicavit? Cur dicit ad Galatas, *Dicite mihi, sub Lege volentes esse, Legem non legistis? Scriptum est enim quod Abraham duos filios habuit, unum de ancilla, et unum de libera: quæ sunt in allegoria; hæc enim sunt duo Testamenta* (*Galat. iv, 21-24*): et ad Corinthios, *Nolo enim vos ignorare, fratres, quia patres nostri omnes sub nube fuerunt, et omnes per mare transierunt, et omnes per Moysem baptizati sunt in nube et in mari, et omnes eundem cibum spiritualem manducaverunt, et omnes eundem potum spiritualem biberunt: bibebant enim de spirituali sequente petra¹; petra autem erat Christus* (*1 Cor. x, 1-4*)?

2. Nescit autem habere præter Scripturas legitimas et propheticas Judæos quasdam traditiones suas, quas non scriptas habent, sed memoriter tenent, et alter in alterum loquendo transfundit, quas deuterostin vocant: ubi etiam dicere audent et credere, Deum primo homini duas creasse mulieres; ex quibus texunt genealogias, vere, sicut ait Apostolus, institutas, parientes infructuosissimas quæstiones. Sed si huic talia nunquam evenit audire, numquid et contra Evangelium sic obsurdescere debuit, ut non adverteat verba Domini Christi, quibus arguit Judæos, quod de parentibus non honorandis impietatem docereat filios suos? Ibi quippe et Dei præceptum quod in Lege conscriptum est, attestando commemoravit. Nec ob aliud eos arguit, nisi quod rejicerent mandatum Dei, ut statuerent traditiones suas. Cum enim interrogassent Pharisei et Sibæ, *Quare discipuli tui non ambulant juxta tradi ionem seniorum, sed communibus manibus manducant panem*, ille respondens dixit eis: *Bene prophetavit Isaías de vobis hypocritis, sicut scriptum est, Populus hic labiis me honorat, cor autem eorum longe est a me. In vanum autem me colunt docentes doctrinas et præcepta hominum. Relinquentes enim mandatum Dei, tenetis traditionem hominum, baptismata urceorum et calicis; et alia similia his facitis multa.* Et dicebat illis: *Bene irritum facitis præceptum Dei, ut traditionem restraint servatis. Moyzes*

¹ *Iov. bibebat autem de spirituali sequente eos petra. et viss. omisso, eos, habent, bibeant enim: juxta grecum.*

enim dixit, Honora patrem tuum et matrem tuam; et, Qui maledixerit patri aut matri, morte moriatur. Vos autem dicitis, Si dixerit homo patri aut matri, Corban (quod est donum) quodcumque ex me, tibi profuerit: et ultra non dimittis eum quidquam facere patri suo aut matri, rescindentes verbum Dei per traditionem restraint, quam tradidistis; et similia hujusmodi multa facitis (*Marc. vii, 1-13*). Ubi evidenter Christus ostendit et illam Dei esse Legem quam profanus iste blasphemat, et Judæos habere suas traditiones a Libris propheticas et legitimis alienas, quas appellasse Apostolum profanas fabulas, et aniles, et genealogias interminatas, non haereticus, sed catholicus lector intelligit. Porro si velim testimonia cuncta colligere, quibus ostendam quemadmodum et ipse Dominus et Apostoli ejus Lege usi fuerint et Prophetis, quas iste aniles fabulas putat, quando sufficio? aut cui non sufficient ista quæ diximus?

CAPUT II. — 3. Nec iste adversus lucem vocemque dominicam vel apostolicam tam circus et surdus est, ut ignoret quemadmodum a Christo et Apostolis, in libris ad Novum Testamentum pertinentibus, confirmetur Legis ac Prophetarum et commendetur autoritas. Proinde excogitasse se existimat, quo pacto subtersugiat moles testimoniorum in evangelicis et apostolicis Litteris de Libris veteribus positiorum, quibus ejus, velit nolit, cervicata lingua conteritur. At quippe Apostolum pro qualitatibus ingeniorum in quinque personis locutum: *Insinnans enim rudi adhuc populo, inquit, quæ Dei sunt, non debuit a perfectioribus incipere, et consuetudinem ab eis vestitatis exclusens a difficultibus inchoare, ne novos adhuc ad fidem perfecta doctrina turbaret.* Deinde volens quasi probare quod dixit, eundem apostolum dicentem commemorat: *Cum liber sim ex omnibus, omnis me subjici², ut plures lucifuerem: et factus sum Iudicis tanquam Judæus, ut Judæos lucifaciām; et iis qui sub Lege sunt, tanquam qui sub Lege essem, cum ipse non sim sub Lege, ut eos qui sub Lege sunt, lucifaciām; et iis qui sine Lege sunt, tanquam sine Lege essem, cum sine Lege Dei non sim, sed sim in Lege Christi, ut lucifaciām eos qui sine Lege sunt: factus sum infirmis infirmus, ut infirmos lucifaciām; omnibus omnia factus sum, ut omnes lucifaciām* (*1 Cor. ix, 19-22*). Has quatuor personas vult intelligi, in quibus Apostolum locutum putas; nam Judæorum, alteram eorum qui sub Lege sunt, tertiam eorum qui sine lege sunt, quartam infirmorum. Quinta debetur, quoniam quinque promiserat: hanc ut adderet, *Alio loco, inquit, superioris jam dixit, i Sapientiam loquimur inter perfectos* (*Id. ii, 6*); ut p. ifecto-

² *Editi, propter. At MSS., per.*

³ *In editis, nec seruum subjici. Abest, serrum, a MSS.*

rum videatur quinta persona. Hoc totum propterea molitus est, ut si quando aliquid de apostolica proferretur Epistola, ubi attestantur Evangelio Lex et Prophetæ, hoc dicat Apostolum, non sapientibus et perfectis, sed Judæis locutum fuisse quasi Judæum, vel eis qui sub Lege essent, tanquam esset et ipse sub Lega: ac per hoc subdole atque mendaciter simulanter se apud imperfectos edificare, quod apud perfectos, non mentiendo, sed vera dicendo destrueret. Hanc videlicet ei erroris machinationem, nescio quis Fabricius fabricavit, quem velut magistrum veritatis Romæ se invenisse gloriatur. Quis non hoc monstrum, non dico sensus christianus, sed qualiscumque humananus exborreat?

4. Primo enim considerandum est quam se fraudulentissimum et mendacissimum profiteatur, qui mentientem putat et laudat Apostolum: et quod ille dixit, non fallentis astu, sed compatiens affectu, quia diversis animarum morbis tam misericordi corde subvenit, quam sibi subveniri voluisse, si errore vel infirmitate simili laboraret, hic in fallaciā detestabili vertit. Deinde quero, ad Romanos, Corinthios, Galatas, Ephesios, Colossenses, Philipenses, Thessalonicenses, quomodo loquebatur Apostolus? In qua illarum quinque personarum eos esse deputabat? Procul dubio quoniam in preceptio Gentes erant, non in circumcisione Israelitæ. Ad hos quippe sibi distributum ministerium fuisse testatur, ubi dicit quod ei et Barnabæ dexteræ societatis derident Petrus et Jacobus et Joannes, ut ipse quidem cum Barnaba ad Gentes, illi autem ad circumcisio nem irent (*Galat. ii, 9*). Et alio loco apertissime dicit, *Quamdiu ego sum Gentium apostolus*: et multis aliis locis proprio quoddam munere doctorem Gentium se esse testatur. Cum ergo essent sine Lega tot gentes quibus Evangelium prædicabat, quid opus erat ut eis Legem et Prophetas de Christo introduceret testes, eisque importaret ignorantis vinculum, sicut ista pestis arbitratur, erroris, a quo eos fuisse liberos magis debuit gratulari? Quid opus erat ut ad Romanos sic fuisset exorsus: *Paulus servus Christi Jesu, vocatus apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem* (*Rom. i, 1-3*)? Quare non sibi potius personam imponit illorum? Quare se facit tanquam sub Lega, eis qui fuerant sine Lega? Utquid eis dicit: *Vobis enim dico Gentibus, quamdiu quidem ego sum Gentium apostolus, ministerium meum glorificabo*¹, si quo modo ad accumulationem provocem carnem meam, ut salvos faciam aliquos ex illis. Si enim refectione illorum reconciliatio est mundi, quæ erit assumptio, nisi vita ex mortuis? Si autem delibatio sancta est, et conspersio; et si radix sancta est, et rami. De Israelitis quippe ista dicit, de quibus ante jam dixerat: *Quid ergo amplius est Judæo, aut quæ utilitas circumcisio nis? Multum per omnem modum. Primum quidem, quia credita sunt illis eloquia Dei. Quid enim si quidam*

¹ In MSS., glorifico. In greco, doxaζω.

illorum non crediderunt? numquid incredulitas illorum, fidem Dei evacuabit² (*Rom. ii, 1-3*)? Deinde hic quod commemorare cœperam, sequitur, et dicit: *Quod si aliqui ex ramis fracti sunt, tu autem cum esse oleaster, insertus es in illis, et sociis radicis factus es et pinguedinis oleæ, noli gloriari adversus ramos. Quod si gloriaris, non tu radicem portas, sed radix te. Dicis ergo, Fracti sunt rami ut ego inserar. Bene, incredulitate³ fracti sunt: tu autem fide stas; noli atum sapere, sed time. Nam si Deus naturalibus rami non pepercit, neque tibi parcer⁴. Vides ergo bonitatem et severitatem Dei: in eos quidem qui ceciderunt, severitatem; in te autem bonitatem, si permanseris in bonitate: alioquin et tu excideris, et illi si non permanes- rent in incredulitate, inæreverunt. Potens est enim Deus iterum inserere illos. Nam, si tu ex naturali incisus es oleastro, et contra naturam insertus es in bonam oliveam; quanto magis illi qui secundum naturam sunt, insererentur sue olive? Nolo enim vos ignorare, fratres, sacramentum hoc, ut non sitis vobis sapientes, quia cœcitas ex parte in Israel facta est, donec plenitudo Gentium intraret, et sic omnis Israel salvis fieret⁵, sicut scriptum est: *Veniet ex Sion qui eripiat et avertat impietatem ab Jacob; et hoc illis a me testamentum, cum abstulero peccata eorum* (*Id. xi, 13-27*). Nimis longum est cuncta percurrere, vel sicut per Scripturas apostolicas ubique sparsa sunt, ea in unam faciem congregare. Quid opus erat huc dicere Gentibus? Cur non potius sine Lega factus est eis, quemadmodum erant illi sine Lega? Cur non potius deos eorum laudavit, eorumque sacrificia prædicavit, si et ista Scriptura quam populus Israel accepit, et illa sacra Gentium, sicut iste dicit, ad dæmonia pertinebant? Quid, quod Deum Israel audet infelix dicere, non solum dæmonem, verum etiam ceteris dæmonibus pejorem⁶? Cur ergo Apostolus, qui omnibus omnia, non misericordia compatiens, sicut veritas ostendit, sed astutia fallente, sicut iste despit, factus erat, non potius illorum dæmonum quos colebant Romani, quos dæmones putat iste mitiores, servum esse confinxit, ut fieret tanquam illi, ac sic eos luciferasceret?*

5. Nonne item dicit ad Ephesios: *Propter quod memores estis, quia vos quando Gentes eratis in carne, qui dicimini præputium, ab ea quæ dicitur circumcisio in carne manu facta; qui eratis illo in tempore sine Christo, alienati a societate Israel, et peregrini testamentorum et promissionis, spem non habentes, et sine Deo in hoc mundo: nunc autem in Christo Jesu vos, qui aliquando eratis longe, facti estis prope in sanguine Christi. Ipse est enim pax nostra, qui fecit utramque unum, et medium parietem maceræ solvens, inimicitium in carne sua, Legem mandatorum in decretis evacuans*⁷, ut duos conderet in se in unum novum hominem.

¹ Ita MSS. At editi, evançavil.

² Editi, in incredulitate. Parvula, in, abest a MSS. et a greco textu Apostoli.

³ Sic MSS. At editi, ne forte nec tibi parcerat.

⁴ Plures MSS., fiet. Quidam alii, fuit.

⁵ Antiquiores codices, crudeliorem.

⁶ Editi, Legem mandatorum in decretis evançavans: omissa

nem, faciens pacem, ut commutaret utrosque in uno corpore Deo, per crucem interficiens inimicitiā in se-metipso : et veniens evangelizavit pacem vobis qui eratis longe, et pacem his qui prope; quia per ipsum habemus accessum ambo in uno spiritu ad Patrem. Igitur jam non estis peregrini et inquilini : sed estis cives sanctorum et domestici Dei, superadīscali supra fundamen-tum Apostolorum et Prophetarum, ipso summo angulari lapide existente Christo Jesu (*Ephes.* ii, 11-20)? Dicat iste blasphemus, quomodo prope dicit inventos Israe-litas, qui pejori, quemadmodum blasphemat, dæmoni serviebant, et longe erant Gentes, quæ mitioribus dæmoniis subditæ fuerant? Quomodo dicit alienatos suis a societate Israel et peregrinos testa-mentorum et promissionis, quando erant spem non habentes, et sine Deo in hoc mundo, si Israel non Dei ¹ populus erat? Contra istam tubam clarissimam et excellentissimam veritatis perstrepit ² atque insultat insanus, dicens in personis quinque locutum Apostolum, ut alias ³ ex aliis falleret, singendo se esse quod non erat : cum videat eum Gentibus quæ longe fuerant a Deo Israelitarum, eumdem Deum, eamdem Legem, eosdem Prophetas, Testamenta eadem prædicare. Quis de angulari lapide prior locutus est? Nonne propheta Spiritu Dei plenus, quem pestis ista ⁴ blasphemat? Ait enim : *Ecce pono in Sion lapi-dem angularē, electū, pretiosū; et qui crediderit in eum, non erubescet* (*Isai.* xxviii, 16). Quod testi-monium commenoravit et apostolus Petrus (*Act.* iv, 11, et *I Petr.* ii, 6-8). Nonne prius in Psalmo per-tinente ad Litteras sacras populi prioris dictum est : *Lapidem quem reprobaverunt aedificantes, hic factus est in caput anguli* (*Psal.* cxvii, 22)? His enim Litteris eruditus Paulus apostolus posuit, quod paulo ante com-memoravi, *ipso summo angulari lapide existente Chri-sto Jesu*. Unde ipse Dominus Iudeos, in quibus cæcitas ex parte facta est, convicit, confusisque reddidit, dicens : *Nunquid legistis in Scripturis, Lapidem quem reprobaverunt aedificantes, hic factus est in caput anguli; a Domino factum est istud, et est mirabile in oculis nostris* (*Matth.* xxi, 42)? Ita ergo omnia mendaciter Christus ex Lege ac Prophetis, mendaci-ter Apostoli proferebant, sicut iste blasphemat, quia videlicet infirmi nondum poterant solidam capere ve-ritatem? Itane cæcus ignorat quod aliud sit nutrire parvulos, aliud decipere credulos; aliud alere ut cre-scant, aliud agere ne vivant? Talia quippe iste dicit ac sentit de Deo Legis et Prophetarum, ac de ipsis omnino Litteris, ut secundum ejus sententiam quam de illis habet, quando Apostoli prædicabant credenti-bus Legis et Prophetarum Deum, et confirmabant au-toritatem talium Scripturarum, non lac potandum

particula, in, quam hic MSS. omnes græco textui con-sen-tientes repre-sentant.

¹ Hic editi addunt, et Christi; quod a præcipuis MSS. abest.

² Sic plerique MSS. At Am., et excellissimam veri-tatem perstrepit. Er. et Lov., et excellentissimam veritatem perstrepit.

³ Editi, ut alios. At MSS., ut alias, supple, personas.

⁴ In MSS., peccatis iste.

videantur dedisse parvulis, sed venenum. Quod de illis quisquis credit, despit, vanescit, insanit.

6. Ergone, ait aliquis, frustra dixit Apostolus, *Non potui vobis loqui quasi spiritualibus; sed quasi carnalibus*: quasi parvulis in Christo, lac vobis potum dedi, non escam; nondum enim poteratis (*I Cor.* iii, 1-2); et, *Sapientiam loquimur inter perfectos*; et, *Ani-malis homo non percipit quæ sunt Spiritus Dei* (*Id.* ii, 16, 14)? Absit ut putemus cum inaniter nec vera-citer ista dixisse. Numquid tamen ideo credendus est quemquam sibi credentium fallere voluisse? Dedit igitur parvulis parva, non falsa; lactea, non noxia; nutritoria, non peremptoria. Porro autem, si non est verum quod ait, Filium Dei secundum carnem fa-clum esse ex semine David; si non est verum quod naturales rami propter incredulitatem fracti sunt, ut in radice sancta Israelitarum ex Gentibus veniens filiis insereretur oleaster, et fieret particeps pingue-dinis oleæ; si non sunt eloquia Dei, sed nescio cujus, ut iste blasphemat, pessimi dæmonis, de quibus di-cit, *Primum quidem quia credita sunt illis eloquia Dei* (*Rom.* iii, 2): profecto qui haec parvulis dabat, qui haec tanquam vera prædicabat, qui credi volebat, de-lebat miseros, non alebat. Quod a fide atque doctrina veracium Christi Apostolorum quoniam esse scimus alienum, restat ut ipsum tanquam pestem atque ho-stem fidei christianæ vehementissime detestemur, qui tanta excæcatur et præcipitator amentia, ut non vi-deat ipsum saltem Timotheum, cui putat auctoritate apostolica suis præceptum, ut tanquam fabulas ani-mes veterem Legem Prophetasque devitet, ab eodem apostolo non suisse fallendum, et in illa quinta per-fectorum persona suisse deputandum, ut ei non men-daciter loqueretur, dicens : *Memor esto Iesum Chri-stum resurrexisse a mortuis ex semine David secundum Evangelium meum* (*II Tim.* ii, 8). Si enim Christus ex semine David fabulis anilibus prædicatur, quomodo eas jubetur iste devitare, quibus jubetur membriter credere? Si autem Christus ex semine David veraci-ter prædicatur; ibi est radix in qua oleaster inseri-tur ¹, nec aniles sunt fabulae, nisi præter eas Scriptu-ras deliramenta Judavorum, ad eam quam vocant deuterōsin pertinentia: non illa eloquia Dei quæ eredita sunt circumcisōni, ubi etiam carnales Judæi Christum ex semine David venturum esse didicerant, sicut interroganti Domino respondebant (*Matth.* xxii, 42), quamvis eum Dominum ipsius David, non secundum carnem, sed secundum divinitatem intelli-gere non valerent; utrumque tamen est in illis elo-quias, et quod credebant, et quod non intelligebant, et, *De fructu ventris tui ponam super sedem tuam*, (*Psal.* cxxxii, 11), propter Christum ex semine Da-vid; et, *Dixit Dominus Domino meo, Sede ad dexte-ram meam* (*Psal.* cix, 1), propter Christum, Dominum etiam ipsius David.

7. Itane vero fallaciter dicebat Apostolus: *Veri-tatem dico in Christo, non mentior, contestante inibi con-*

¹ Ita MSS. At editi, ubi est radix in qua oleaster inseritur? Nec aniles sunt, etc.

scientia mea in Spiritu sancto, quia tristitia est mihi magna, et continuus dolor cordi meo : optubam enim ego ipse anathema esse a Christo pro fratribus meis cognatis secundum carnem, qui sunt Israëlitæ; quorum est adoptio, et gloria, et testamenta, et Legis constitutio, et obsequium, et promissiones ; quorum patres, et ex quibus Christus secundum carnem, qui est super omnia Deus benedictus in saecula. Amen (Rom. ix, 1-5)? Veritatem se dicere clamat Apostolus in capite hujusc sententiae, et hoc in Christo qui est ipsa veritas, contestante sibi conscientia sua in Spiritu sancto, eamque sententiam per Amen concludit in fine : et dicit iste, Non sunt vera quæ hic Apostolus loquitur, fallit infirmos, quia non possunt capere veritatem ; parvulos vanitatibus lactat, et esurientibus filiis diabolicorum mendaciorum virus infundit ut nutritiat. O portentum non solum a Christianorum auribus, verum etiam a finibus christiani orbis arcendum ! Hæcne adoptio, hæc gloria, hæc testamenta, hæc Legis constitutio, hoc obsequium, hæc promissiones, hi patres ex quibus Christus secundum carnem, qui est super omnia Deus benedictus in saecula, fabule sunt aniles ? Quod jubetur præcipue tenere, qui jubetur devitare fabulas aniles, fabulæ sunt aniles ?

8. Sed quid mirum si tanta impietate delirat, qui Legis vult esse destructor ; si quosdam idem apostolus dicit volentes esse Legis, non destructores, sed doctores, non intelligere neque quæ loquuntur, neque de quibus affirmant ? Verum nos illud quod seculis adjunxit, adversus utrosque teneamus. Continuo quippe ne quis existimaret ideo illos non intelligere quæ loquuntur, neque de quibus affirmant, quenam legis malevoli volunt esse doctores : *Scimus autem, inquit, quia bona Lex est, si quis ea legitimate utatur (I Tim. i, 7, 8)*. Hæc sententia et illos refutat qui Lege utuntur male, et eos qui illam opinantur malam. Porro si bona est, qua dementia negatur Deus bonus, qui dedit Legem bonam ? Quæ potest videri sufficere damnatio his hominibus, qui Legem quam sic Apostolus laudat, anilium fabularum nomine accusant ? et hoc se existimant facere ejusdem Epistole testimonio, ubi eam sic Apostolus laudat : volentes esse Legis, non doctores, sed blasphematores, non intelligendo quæ loquuntur, neque de quibus affirmant ?

CAPUT III. — 9. *Sed fieri non potuit, inquit, ut a Iudeorum Prophetis Salvatoris nostri annuntiaretur adventus. Cur fieri non potuit, cum dicat Apostolus, Quia credita sunt illis eloquia Dei (Rom. iii, 2) ? Sed ante Salvatoris adventum, inquit, Spiritus sanctus aeternus non erat super terram. Hoc vanitas, non veritas loquitur. Nam quo nisi Spiritu sancto Prophetas suos Dominus implevit, de quibus in Epistole exordio dictum est ad Romanos, quod et supra commemoravi : Paulus servus Christi Jesu, vocatus aperstolus, segregatus in Evangelio Dei, quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem (Id.*

i, 1-5). Et hoc quidem testimonium etiam iste posuit, prohibens eum ad quem scribit alius Prophetis credere de Christo, prater illos quos Prophetas ejus ad Romanos dicit Apostolus : quos credo non arbitratur Prophetas fuisse Iudeorum. Sed cujuslibet eos fuisse gentis opinetur, cur ibi non advertit, *Quod ante promiserat per Prophetas suos ?* Per quoslibet enim Prophetas suos si ante promisit Evangelium de Filio suo, quid est quod iste dicit sanctum ac divinum Spiritum super terram non fuisse ante Salvatoris adventum ? Et tamen isti unde potuerunt esse prophetarum annuntiantes Christum ex semine David secundum carnem, nisi cujus gentis erat ipse David, de cuius semine Christus a Prophetis Dei promissus est esse venturus ?

10. *Sed Lex, inquit, per Moysen data est ; veritas autem a Christo Jesu est. Non ita scriptum est : sed ita, Lex per Moysen data est ; gratia et veritas per Iesum Christum facta est (Joan. i, 17).* Lex igitur data est per Moysen : facta est autem gratia per Jesum Christum, cum per ejus Spiritum charitate diffusa in cordibus nostris (Rom. v, 5), sit ut quod Lex precepit, impletatur. Quod enim per litteram jubetur, non littera, sed Spiritu impletur. Unde illud quod scriptum est, *Non concupisces (Exod. xx, 17)*; per Moysen Lex est, quia jubetur : sed per Christum sit gratia, quando quod jubetur, impletur : veritas autem facta est per Christum, propter illa quæ in prophetia Legis sunt promissa, quia in Christo eminent redditia.

11. Apostolus vero quod ait ad Romanos, *Quomodo invocabunt in quem non crediderunt ? aut quomodo credent quem non audierunt ? de Gentibus dixit, non de Iudeis, sicut hic somnial. Eos enim volebat resellere Doctor Gentium, qui putabant genti tantummodo Iudeorum, non etiam incircumcisio Gentibus Evangelium praedicandum. Quod volens ostendere, non ad Iudeos tantum, sed ad omnes gentes pertinere, prius posuit testimonium de propheta, Erit, omnis qui invocaverit nomen Domini, salvis erit : ac deinde cum dixisset, Quomodo autem invocabunt in quem non crediderunt ? aut quomodo credent quem non audierunt ? continuo subiunxit, Quomodo autem audiunt sine predicante ? aut quomodo predicabunt, nisi mittantur (Rom. x, 12-15) ? Ita refutans eos qui negabant ad incircumcisias gentes predicatores Christi esse mittendos.*

12. Illud quoque sicut imperitissimus non intelligit, quod scriptum est : *Primum Apostolos, deinde Prophetas (I Cor. xi, 28)*. Putat enim ante Apostolos non fuisse Prophetas, ne sciens eos Prophetas illic commemoratos esse ab Apostolo, qui post Christum adventum fuerunt¹. Quos qui vult nosse, Actus Apostoli: um legat, et illud quod ait ad Corinthios, *Prophetas autem duo aut tres loquuntur (Id. xiv, 29)*. Si autem non fuerunt Prophetæ ante Apostolos, qui erant illi per quos Deus ante promisit Evangelium de

¹ *Mss., qui post Christum adventum reuerunt.*

*Filio suo , qui factus est ei ex semine David secundum carnem (Rom. i , 2 , 3) ? Quis erat qui dixit : Lapidem quem reprobaverunt adficiantem , hic factus est in caput anguli (Psal. cxvii , 22) ? Quis erat qui dixit : Thronus tuus , Deus , in s eculum saeculi , virga directio- nis , virga regni tui : dilexisti justitiam , et odisti ini- cuitatem , propterea unxit te , Deus , Deus tuus oleo exultationis pra e participibus tuis (Psal. xliv , 7 , 8) ? Quomodo Deus , cuius thronus est in s eculum saeculi , ungitur a Deo , nisi Christus Jesus , qui ex ipsa un- cione Christi omen accepit ? Christus quippe unctio est , Christus unctus est . Quis erat qui dixit , quod ipse Christus de se testatur esse prae dictum : *Dixit Dominus Dominu m meo , Sede a dextris meis , donec ponam inimicos tuos sub pedibus tuis* ? Et hoc David in Spiritu dixisse confirmat (Psal. cix , 1 ; Marc. xii , 36), quem Spiritum negat iste fuisse super terram ante Domini adventum . Quid est quod ait Apostolus : *Dicit autem Isaia , Erit radix Jesse , et qui exsurget regnare in gentibus , in eum gentes sperabunt* (Rom. xv , 12) ? Quis erat Spiritus qui per euodem Isaiam tanto ante prae dictum : *Iste peccata nostra portat , et pro nobis dolet ; et nos putavimus eum esse in dolore , et in plaga , et in afflictione . Ipse vulneratus est propter peccata nostra , et infirmatus est propter iniurias nostras : disciplina pacis nostrae super eum ; et livore ejus sanati sumus : omnes quasi oves erravimus , homo in via sua erravit ; et Dominus tradidit eum propter iniurias nostras . Et ipse propter afflictionem non aperuit os : sicut ovis ad victimam ductus est , et sicut agnus coram tondente mutus , sic non aperuit os suum . In humilitate judicium ejus sublatum est : generationem illius quis enarrabit ? quia tolletur de terra vita ejus . Ab iniurias populi mei ductus est ad mortem (Isa. lxi , 4-8) : et extera quae contexere longum est . Usi etiam de Ecclesia tanto ante prae dictum est , quod ab Apostolo legimus commenoratum , et nunc jam videmus impletum : *Lactare , sterilis qua non paris ; erumpe et exclama , qua non parturis , quia multi filii desertae magis quam ejus qua habet virum . Dicit enim Dominus , Dilata locum tabernaculi tui , et aulae- rum tuorum : fuge , ne parcas , prolende funiculos , et clavos tuos conforta ; adhuc in dextris et sinistris dilata : et semen tuum possidebit gentes , et civitates desertas habitari facies*¹. *Noli timere , quia confusa es ; neque reverearis , quia exprobratum tibi est . Confusionem enim eternam oblivisceris , et opprobrii viduitatis tuae memor non eris . Quia Dominus qui fecit te , Dominus sabaoth nomen ei ; et qui eruit te Deus Israel , Deus omnis terrae vocabitur* (Id. liv , 4-5 ; Galat. iv , 27). Quis est qui dixit : *Videbam in visu noctis , et ecce cum nubibus caeli ut filius hominis erat veniens . et usque ad vetustum dierum pervenit , et in conspectu ejus prae latus est : et ipsis datus est principatus , et honor , et regnum ; et omnes populi , tribus , et linguas ipsi servient : potestas ejus potes as perpetua , qua non transibit , et regnum ejus non corrumperetur* (Dan. vii , 13 , 14) ? Ille et alia multa atque manifesta de Christo et Ecclesia unde prae dicta**

¹ Veteres quidam codices , facias .

sunt , quae sie videmus impleta , et consonantibus evangelicis atque apostolicis litteris etiam speramus implenda , si Spiritus Dei ante adventum Christi non fuit super terram ; vel si a Prophetis Israel non est Christi prae nuntiatus adventus , sicut hic desipit , qui Christum negando ante promissum , non habet unde asserat missum ? Et merito , quia ipse quem prae dicat , nec missus est , nec promissus : verus quippe non est , sed fictus .

CAPUT IV . — 13. Jam illud non miror , quod homo ineruditus de Prophetis Iudaorum existimat dictum , quod ait Apostolus , *Dixit quidam ex ipsis propriis eorum propheta , Cretenses semper mendaces , malae bestiae , ventres pigris ; testimonium hoc verum est* (Tit. i , 12 , 13) : ignorans dictum esse de quodam Epimenide , qui Cretensis fuit , in cuius libris hoc invenitur ; qui homo inter Prophetas Dei non inveneritur , nec ad illa eloquia Dei pertinet , quae Judeis dicit credita , qui non mentitur . Ideo non commemo ravit Apostolus nomen ejus , sicut solet commemo rare Prophetas Dei aliquando dicens , *Sicut et David dicit* (Rom. iv , 6) ; *Isaias autem audet et dicit* (Id. x , 20) , *Sicut et Osee dicit* (Id. ix , 25) : vel tacitis eorum nominibus , cum dicit , *Sicut scriptum est* (Id. i , 17) ; et ea Scriptura intelligitur , in qua est auctoritas Dei : aut evidenter Deum dicere asserit , cum aliquod adhibet testimonium de Lege vel Prophetis Dei , quale est illud , *Bovi tritauranti os non insrenabis . Numquid de bobus , inquit , cura est Deo ? An propter nos Scriptura dicit* (1 Cor. ix , 9 , 10) ostendens utique in eadem Scriptura Deum loqui . Vel illud : *Providens autem Scriptura , quia ex fide ju stificat gentes Deus , prae nuntiavit Abraham dicens , In semine tuo benedicentur omnes gentes* (Galat. iii , 8) . Ipsam Scripturam pro Deo posuit , quia Dei est . Vel illud de Abraham , *In promissione , inquit , Dei non habuit incredulitate , sed confortatus est fide , dans gloriam Deo , et plenissime credens quia quae promisit , potens est et facere* (Rom. iv , 20 , 21) . Contra quam divinam et apostolicam vocem , canis iste rabiosus oblatans , ausus est dicere , Abraham Deo suo prouidenti prole non credidisse , ignorans illud quod ait , *Si mihi centum annos habenti nascitur filius* (Gen. xvii , 17) , admirantis esse gaudium , non diffiden tiam dubitantis . Vel illud : *Non potest excidere verbum Dei . Non enim omnes qui ex Israel , ii sunt Israel ; ne que quia sunt ¹ semen Abraham , omnes filii ; sed in Isaac vocabitur tibi semen : hoc est , non ii qui filii carnis , hi filii Dei ; sed filii promissionis deputantur in semen* (Rom. ix , 6-8) . Vel illud de Elia : *Sed quid dicit illi responsum divinum ? Reliqui mihi septem millia viro rum , qui non curvaverunt genua ante Baal* (Id. xi , 4) . His atque hujusmodi attestationibus Dei boni et veri esse Scripturas illas , quas iste blasphemat , apostolica commendat auctoritas . Ubi autem etiam aliquid de auctoribus Gentium dicit Apostolus , non eos appellat Prophetas Dei , nec illarum scripturarum Deum dicit auctorem quamvis ibi aliqua vera rep-

¹ Ita MSS. secundum graecum . Et editi , neque quid sunt .

riat, sicut de isto Creten i ait, *Dixit quidam ex ipsis propriis eorum propheta, Cretenses semper mendacces* (*Tit. 1, 12*): non ergo Iudeorum proprius, sed Cretensium; quod utique ad hoc dictum est, ne Dei propheta putaretur. Et in Actibus Apostolorum cum loqueretur Atheniensibus, ait de Deo: *In illo enim vivimus, et movemur, et sumus: sicut et quidam secundum vos dixerunt* (*Act. xvii, 28*).

14. Sed Apostolis, inquit, *Dominus noster interrogantibus de Iudeorum Prophetis quid sentiri debere*, qui de adventu ejus aliquid cecinisse in praeteritum putabantur, commotus talia eos etiam nunc sentire, respondebat: *Luminis vivum qui ante vos est, et de mortuis fabulamini*. Quid mirum (quandoquidem hoc testimonium de scripturis nescio quibus apocryphis protulit), si de Prophetis Dei talia confinxerunt haeretici, qui easdem litteras non accipiunt? Nam in Evangelio Dominus, quod non est apocryphum, sed in luce veritatis omnibus notum, etiam post resurrectionem discipulis in itinere comitatus, incipiens a Moyse, per omnes Prophetas, haec de se, quae facta fuerant, praedicta monstravit (*Luc. xxiv, 27*).

15. De ipso, inquit, iterum arguit, ubi dicit: «*Multe mihi dicent in illa die: Domine, in nomine tuo dæmonia ejecimus, et in nomine tuo prophetavimus, et in nomine tuo virtutes multas fecimus. Et tunc dicam illis: Recedite a me, quoniam nunquam vos scivi, quia operati estis iniquitatem*» (*Matth. vii, 22, 23*). Absit ut ista de Prophetis sanctis, in quibus erat Moyses et cæteri, Dominus dixerit: sed dictum est de iis qui post ejus Evangelium prædicatum, in ejus nomine sibi loqui videntur, nescientes quid loquantur; in quibus et iste sibi locum peritus invenit.

16. Illud quoque ait dixisse Dominum: *Ego sum janua ovium: omnes alii quotquot ante me venerunt, fures sunt et latrones*. Non autem ita scriptum est: sed ita, *Omnis quotquot venerunt, fures sunt et latrones* (*Joan. x, 8*). Venisse quippe hoc loco intelligi voluit eos qui missi non fuissent: quos arguit etiam Jeremias, dicens, *Hæc dicit Dominus de Prophetis qui prophetant in nomine meo, et ego non misi eos* (*Jerem. xiv, 15*). Illi autem quos insanus iste blasphemat, a Domino missi sunt, non sponte venerunt. Quos et Dominus per parabolam quidem, sed aperiissima significatione declarat, ubi dicit: *Aliam parabolam audite. Homo erat paterfamilias, qui planterat vineam, et sepem circundedit ei, et sodit in ea torcular, et ædificavit turrim, et locavit eam agricolis, et peregre profectus est. Cum autem tempus fructuum appropinquasset, misit servos suos ad agricolas, ut acciperent fructus ejus*. Et agricolæ apprehensis servis ejus, alium occiderunt, alium occiderunt, alium vero lapidaverunt. Iterum misit alios servos plures prioribus, et fecerunt illis simuliter. Norissime autem misit ad eos filium suum, dicens: *Verebuntur filium meum. Agricolæ autem videntes filium, dixerunt intra se: Hic est hæres, venite, occidanus cum, et habebimus hereditatem ejus. Et apprehensum ejecrunt eum foras extra vineam, et*

occiderunt. Cum ergo venerit Dominus vineæ, quid faciet agricolis illis? Alii male perdet, et vineam suam locabit alii agricoli, qui reddant ei fructus temporibus suis. Dicit illis Jesus: Nunquam legistis in Scripturis. Lapidem quem reprobaverunt ædificantes, hic factus est in caput anguli: a Domino factum est istud, et est mirabile in oculis nostris? Ideo dico vobis, quia auferetur a vobis regnum Dei, et dabatur genti facienti fructus ejus (*Matth. xxi, 35-43*). Quid hoc apertius? quid clarius? quid evidenter? Sed iste de illorum numero est, qui servos patris: milias hujus lapidaverunt. Hoc enim facit, non ierbibus saxcis, sed maledictionibus duris. Nam et primitus in gente Iudeorum vineam Dei esse plantatam, missosque Prophetas ante ipsum esse Salvatoris adventum, parabola ista testatur. Et cum dicit, *Auferetur a vobis regnum Dei, et dabatur genti facienti fructus ejus; quod regnum dicit, nisi quod sperabant, non quod acceperant, id est, vitæ æternæ?* Unde alibi dicit, *Scrutamini Scripturas, in quibus putatis vos vitam æternam habere; ipsæ testimonium perhibent de me*: (*Joan. v, 39*): et alibi, *Væ vobis legisperitis, qui tristis clavem scientiae: ipsi non introistis, et eos qui introibant prohibuistis* (*Luc. xi, 52*). Istisne molibus testimoniorum non alteritur impudens vanitas? Quis hunc audit, nisi qui Scripturas sanctas non audit, aut tam male audit quam in eas iste cæcus incurrit?

CAPUT V. — 17. Sed ait de eis Dominus, inquit, «*Parentes vestrum anna manducaverunt, et mortui sunt*» (*Joan. vi, 49*): docens neminem ipsorum ad Dominum pertinuisse, quibus mors dominata est. Neminem plane, sed parentum illorum quibus talia loquebatur: parentes quippe infideli, quos nisi infideles volebat intelligi? Unde alio loco dicit, *Væ vobis, Scribæ et Pharisei hypocritæ, qui ædificatis sepultra Prophetarum, et ornatis monumenta justorum, et dicitis: Si fuissemus in diebus patrum nostrorum, non essemus socii eorum in sanguine Prophetarum. Itaque estis testimonio vobismelipsis, quia filii estis eorum qui Prophetus occiderunt. Filios utique dixit imitatione sceleris, non propagine generis. Non enim quod ex illis secundum carnem nati erant, hoc eis esse poterat crimini; sed quod eis se similes infideli crudelitate monstrabant. Ideoque connectit, ac dicit: Et vos implete mensuram patrum vestrorum. Serpentes, genimina viperarum, quomodo fugietis a judicio gehennæ?* Ideo ecce ego mitto ad vos Prophetas, et sapientes, et scribas, et ex illis occidetis et crucifigetis, et ex illis flagellabitis in Synagogis vestris, et persequemini de civitate in civitatem: ut veniat super vos omnis sanguis justus, qui effusus est super terram, a sanguine Abel justi usque ad sanguinem Zacharie filii Barachie, quem occidistis inter templum et altare. Amen dico vobis, venient hæc omnia super generationem istam (*Matth. xxiii, 29-36*). Nempe constat, nempe manifestum est, initando esse istos filios malorum, a quibus Prophete sancti et justi, ab ipso Abel quem frater occidit, usque ad

* Phares Nas, sed duce veritatis.

* In Nas., fugientis judicium gehennæ.

Zachariam quem isti occiderunt, persecutiones impiissimas et sceleratissimas pertulerunt. Nam quomodo super istos veniet¹ illorum sanguis, qui longe ante vixerunt quam isti vel nascerentur, nisi quia unum genus, una conspersio, una massa est impiorum, imitatione sibimet connexorum? Simul etiam declaratur, in eodem populo fuisse justos atque Prophetas Dei, quorum isti, quibus haec loquitur Dominus, adfiscabant sepultra, ornabantque monumenta. Pejor ergo iste et immanior qui eos defunctos lingua maledicatā, quibus honorem etiam impii deferebant; et in animam suam crudeliter saeviens eos blasphemat, cum velit videri christianus, quos Prophetas et justos asserit Christus.

18. Jam vero quod adjungere voluit sanctos Patriarchas, Abraham, Isaac, et Jacob, his de quibus Dominus ait, *Patres vestri manducaverunt manna in deserto, et mortui sunt*, quia et isti patres mortui sunt; utrum fraudulentus, an cœcus sit potius judicandus, incertum est. Sed quodlibet corum eligat, detestandus est. Hinc enim hoc ostendere voluit, quia Dominus commemoratis eisdem patribus, ait, *Non est Deus mortuorum, sed vivorum*: cum potius eos viveredixerit. Adhibito quippe testimonio de Lege, ubi scriptum est, *Ego sum Deus Abraham, et Deus Isaac, et Deus Jacob*; adjunxit, *Non est Deus mortuorum, sed vivorum*. Et adjectit, *Omnis enim illi vivunt* (*Matth. xxii, 32; et Luc. xx, 37, 38*): vita utique vera, qua justi vivunt, etiam quando corpore moriuntur. Sed quando haec diceret iste, si viveret?

19. In hanc sententiam vult accipi et quod ait Dominus ad Iudeos: *Neque me nostis, neque Patrem meum; sed nec verbum Dei habetis in vobis manens* (*Joan. viii, 49*). Quod utique contrarium non est ei quod dixit: *Tulistis clavem scientiarum; ipsi non introiistis, et eos qui introiabant prohibuistis* (*Luc. xi, 52*). In semetipsis enim verbum Dei non habebant, sed habebant in litteris quas legebant. Nam si haberent in semetipsis, et ipsi intrarent, et alios intrare permetterent. Non intrare autem est non intelligere. Ecce quare nec ipsum noverant, nec ejus Patrem; quia non intelligebant quod legebant: non quia Deum et Christum non prædicaverant, quos legebant. Hoc est ergo intrare, non esse contentum superficie litterarum, sed ad interiora intelligentiae pervenire.

20. Argumentatur etiam de Joanne Baptista, quia Dominus ait, *In natu mulierum non exsurrexit major Joanne Baptista: qui autem minor est in regno cœlorum, maior est illo* (*Matth. xi, 11*): ita velut ratiocinando, tanquam Joannes non pertineat ad regnum cœlorum, et ob hoc multo minus ceteri Prophetæ illius populi, quibus major est Joannes. Hec autem verba Domini duobus modis possunt rectissime intelligi. Aut enim regnum cœlorum appellavit eo loco Dominus quod nondum accepimus, et in quo nondum sumus; unde et in fine dicturus est, *Venite, benedicti Patris mei, percipite regnum* (*Id. xxv, 34*): et quia ibi sunt sancti Angeli², quilibet in eis minor,

¹ Er. Lugd. Ven. Lov., *veni*: M.
² Aliquot MSS.: *et qui ibi sunt Angeli*.

major est utique quilibet sancto et justo, portante corpus quod corruptitur et aggrauat animam (*Sap. ix, 15*). Aut si regnum cœlorum in ea sententia illie intelligi voluit, qua et in hoc tempore significatur Ecclesia, cuius filii sunt omnes ab institutione generis humani usque nunc, quotquot justi et sancti esse potuerant; profecto se ipsum Dominus significavit, quia nascendi tempore minor erat Joanne, major autem divinitatis æternitate et dominica potestate. Proinde secundum priorem expositionem ita distinguitur: *In natu mulierum nemo exsurrexit major Joanne Baptista: qui autem minor est in regno cœlorum, ac deinde subinfertur, major illo est*. Secundum hanc autem posteriorē ita: *In natu mulierum nemo exsurrexit major Joanne Baptista: qui autem minor est, ac deinde subinfertur, in regno cœlorum major illo est*. Sed uterque intellectus quam congruit veritati, tam refellendæ huic sufficit vanitati. Sive enim quilibet Angelus ceteris minor, Joanne sit major, sive hic Dominus intelligatur, Joanne præcursoro suo aetate minor, maiestate major, nihil inde Prophetis ceteris derogatur. Potuerunt enim esse Joannialiqui æquales, aliqui eo minores; nullus autem major, propter sententiam Domini: omnes tamen sancti, et justi, et boni.

CAPUT VI. — 21. Sed Moyses, inquit, omnem spem futuræ resurrectionis in hominibus existinxit, qui mortalem esse animam pronuntiavit, qui eam esse sanguinem dixit. Deinde ratiocinando magnis viribus conatur ostendere, non esse animam sanguinem, et laborat in re manifesta, non intelligens Legem³. Sic enim dictum est, *Anima omnis carnis sanguis est* (*Levit. xvii, 14*); quomodo dictum est, *Petra erat Christus* (*I Cor. x, 4*): non quia hoc erat, sed quia hinc significabatur⁴. Non autem frustra Lex animam voluit significare per sanguinem, rem scilicet invisibilem per rem visibilem; nisi quia sanguis per venas omnes ab ipso corde diffusus, in nostro corpore plus exteris humoribus principiatur; ita ut ubicumque fuerit vulnus inflictum, non humor aliis, sed ipse procedat: itaque anima, quia omnibus quibus constamus invisibiliter prævalet, illo melius significatur, quod omnibus quibus constamus visibilibus prævalet.

22. Illud autem quod Apostolus ait (nam et hoc testimoniū iste posuit), *Caro et sanguis regnum Dei non possidebit*⁵; non facit de anima, sed de resurrectione corporis questionem. Verum et ista duobus modis solvitur. Aut enim carnis et sanguinis nomine corruptionem carnis et sanguinis nuncupavit, quæ in resurrectione non erit: aut carnem et sanguinem, homines ad omnes illecebras sæcularium voluptatum carni et sanguini deditos, qui regnum Dei non possidebunt. Totus autem iste locus apostolici sermonis, ubi scriptum est, *Caro et sanguis regnum Dei non possidebit*, si consideretur diligentius, magis persuadebit corruptionem carnis sicut nunc est, his enim vocabulis appellare voluisse, atque ad exponendum quid di-

¹ Antiquiores codices, ne intelligamus legem.

² MSS., sed quia hunc significabatur.

³ Sola editio Lov., non possidebunt.

ceret adjunxisse, Neque corruptio incorruptionem pos-sidebit. Quia cum facta fuerit quæ in resurrectione speratur illa mutatio, non utique remanebit ulla corruptio. Quamvis ergo et post resurrectionem Dominus dixerit discipulis suis, Palpate, et videte, quia spiritus carnem et ossa non habet, sicut me videtis habere (Luc. xxiv, 39) : tamen secundum substantiam caro erit, non secundum corruptionem, quæ nunc carni hoc no-men imponit. Unde ait propheta, Omnis caro fenum. Numquid enim et Domini quam levavit in eccliam? Quo ergo modo appellavit Prophetæ carnem, ubi ait, Omnis caro fenum; dicturus utique, Fenum aruit (Isai. xl, 6, 7) : eo modo et Apostolus ait, Caro et sanguis regnum Dei non possidebit; quia non ibi erit corruptio, quæ nunc sicut fenum natura carnis arescit. Non enim alia sententia est, Neque corruptio incorruptionem pos-sidebit: sed hæc repetitio, sententiae superioris est expositio: ut quod ibi dictum est, caro et sanguis; hic intelligamus corruptionem, non substantiam carnis: et quod ibi dictum est, regnum Dei; hic intelligamus incorruptionem. Atque ita nihil aliud dictum putemus, Caro et sanguis regnum Dei non possidebit; quam si diceretur, Corruptio incorruptionem non possidebit: id est, corruptio carnis et sanguinis in illius regni incorruptione non erit, propter immutationem scilicet, de qua mox locutus adjunxit, Oportet corruptibile hoc induere incorruptionem (I Cor. xv, 50, 53). Ita corruptio quæ carnis et sanguinis nomine signifi-cata est, in regni illius incorruptione non erit: quia caro quæ nunc corruptibilis est, tunc mutata incorru-pibilis erit.

23. Moyses autem homo Dei si animam credidisset esse mortalem, quod utique credidisset si eam san-guinem, non significationis, sed proprietatis causa esse dixisset, non alio loco diceret: Omnis qui tetige-rit mortuum ab omni anima hominis, et mortuus fuerit, et non fuerit purificatus, tabernaculum Domini polluit: exteretur¹ anima illa ex Israel; quoniam aqua asper-sionis non est circumspersa super eum, immundus est, adhuc immunditia ejus in ipso est (Num. xix, 13). Adhuc utique dixit, etiam post mortem, quia non est purificatus: ubi præfiguratum lavacrum regenerationis intelligit, quod nunc accipiunt qui baptizantur in Christo, quisquis audit fideliter, Si crederetis Moysi, crederetis et mihi; de me enim ille scripsit (Joan. v, 46).

CAPUT VII. — 24 Quid autem mirum, si iste in-felix a luce veritatis aversus, et ob hoc luci veritatis adversus, ea quæ non intelligit in Novo Testamento, objicit Veteri Testamento? Sicut etiam illud de apo-stolo Paulo, ubi ait ad Corinthios: Quod si ministratio mortis, in litteris formata lapideis, facta est in glo-ria², ita ut non possent filii Israel intendere in faciem Moysi, propter gloriam vultus ejus, quæ destruitur; quare non magis ministratio spiritus erit in gloria? Nam si ministratio damnationis gloria est, multo magis mini-stratio justitiae abundabit in gloria. Etenim non glorifica-

¹ Editi, exsecretur. At MSS., exteretur: exceptio uno co-dice sorbonico qui habet, exterminabitur. Apud LXX græce est, οὐκέτεσται.

² Ia Ms. Editi vero, in gloriam.

tum est in hac parte id quod declaratum est propter ex-cellentem claritatem. Nam si id quod destruitur, in gloria est; multo magis illud quod manet, in gloria est. Hoc modo iste posuit verba apostolica, nec a meliore interpretatione plurimum distat. Quia ergo dicta est ministratio mortis in litteris formata lapideis, hinc ex-stitut quod morti ministraverit Moyses, id est, mortis auctori, maligno scilicet spiritui, quem mundi hu-jus iste opinatur auctorem: ignorans ministrationem mortis dictam Legem, secundum illud quod alibi dicit, Littera occidit, spiritus autem vivificat (II Cor. iii, 6-11). Lex enim quamvis justa et sancta et bona, prævaricatoribus intulit mortem, quos Dei gratia non adjuvit ad justitiam Legis implendam. Oportebat enim ut Testamento Veteri Lex imponeretur superbis, et de sue voluntatis virtute sidentibus, quæ non daret justitiam, sed juberet; ac sic morte prævaricationis impliciti, ad gratiam confugerent, non jubentem tan-tummodo, sed juvantem, quæ Novo Testamento est revelata. Hinc putant isti divinorum eloquiorum bla-sphematores, malam fuisse Legem quæ data est per Moysen, quia dicta est ministratio mortis in litteris figura-ta lapideis: non intuentes propter eos esse dictum, qui suo libero arbitrio Legem sufficere arbitrabantur, et spiritu gratiæ non adjuti, rei prævaricationis sub ejusdem Legis littera tenebantur. Unde alibi dicit, Lex iram operatur: ubi enim lex non est, nec prævaricatio (Rom. iv, 15): hinc ostendens unde dixerit, Lex iram operatur. Neque enim ejus prævaricatio mala es-set, nisi Lex ipsa bona esset.

25. Multum est et nimis longum colligere, quæ in hanc sententiam beatus dicit Apostolus, Legem distin-guens a gratia; eo quod sub illa eliduntur elati, sub ista erigantur elisi; et quod illa in tantum bona sit ut bona jubeat, hæc tantum³ ut bona conferat. Illa ju-sitiae facit auditorem, ista factorem. Et ideo sub illa peccator, insuper etiam prævaricator amissa excusa-tione ignorantiae convictus jacet: sub ista vero et par-cente et opitulante, nec qui⁴ mala est operatus ex-stinguitur, et ut bona operetur acceditur. Quid ergo est mirum, si illa dicta est ministratio mortis, ubi littera occidit, malum prohibendo quod sit, et bonum imperando quod non sit; ista vero dicta est ministratio spiritus, utique vivificantis, ut a prævaricationis morte surgamus, et justitiam non rei legamus in ta-bulis, sed liberi in cordibus et in moribus habeamus? Hoc est Testamentum Novum distans a Veteri; quia ibi vetus homo formidinis coarctatur angustiis, hic novus homo spatiatur latitudine charitatis.

26. Quod autem dictum est de ministro Veteris Te-stamenti Moyse, quod non poterant intendere filii Israel in faciem ejus, propter gloriam vultus ejus, signum erat quia in Lege Christum intellecturi non erant. Et ideo velamen inter faciem Moysi et ipsis positum erat, ut non intenderent, sicut scriptum est, filii Israel usque

³ Editi, hæc in tantum. At plerique ac meliores MSS., hæc tantum: absque particula, in.

⁴ Editi, nec quia. Potiores MSS., nec qui.

In finem (a) (II Cor. iii, 15). Finis autem Legis quis est? Ad hoc non ego, sed Apostolus ipse respondeat: *Finis enim Legis, inquit, Christus, ad justitiam omni credenti (Rom. x, 4).* Finis perficiens, non interficiens. Finis quippe dicitur propter quem sunt omnia quicunque aliquo sunt officio. Nam inter officium et finem hoc distat, quod officium est in eis quae facere debemus, finis propter quem facimus. Quia itaque illa omnia propter Christum sicutibant, quem filii Israel in eis quae sicutibant non intelligebant; hoc significabat velamen, quod eos usque in finem non sinebat intendere, id est, usque ad faciem Moysi, quae significabat Christum. Sed ideo dictum est quod evacuetur haec gloria, quia omnes umbras significantes evacuantur, cum res quae significatur advenerit. Quemadmodum enim scientia quae nunc est, *evacuabitur*, sicut idem dicit apostolus, cum venerit illa quam dicit, *facie ad faciem*¹ (I Cor. xiii, 10, 12): sic et ista quae in umbris² tradita erant Iudeis in Veteri Testamento, necesse fuit evacuari revelatione Testamenti Novi.

27. Nec sane omnes in illo populo non intelligebant Christum per illas umbras Testamenti Veteris figuratum: neque enim haec ipse Moyses et ceteri Prophetæ non intelligebant, qui eum posteris prænuntiabant. Nam in ipsa Epistola ad Corinthios, ubi haec dicuntur, quae iste non intelligens posuit tanquam adversa et inimica Veteri Testamento, cur dicit, *Habentes autem eumdem spiritum fidei, secundum quod scriptum est, Credidi, propter quod et locutus sum: et nos credimus, propter quod et loquimur (II Cor. iv, 13)?* Ubi enim scriptum est, *Credidi, propter quod et locutus sum (Psal. cxv, 10)?* Utique in Psalmis, ad illa Dei eloquia pertinentibus, quae credita sunt Iudeis. *Eumdem*, inquit, *spiritum fidei habentes: quid est, eumdem, nisi quem habebant etiam illi per quos haec ministrata sunt?* Cur etiam in eadem Epistola de Lege testimonium posuit, cum premississet, *Ut vestra abundantia sit ad illorum inopiam, et illorum abundantia fiat in vestram inopiam, ut fiat aequalitas; subjungens et dicens, sicut scriptum est, Qui nullum, non abundavit; et qui modicum, non defuit illi (II Cor. viii, 14, 15)?* Cur eis importat Legis auctoritatem, quam dicit suis ministratio mortis, si eo modo intellexit, quomodo ista pestis intelligit?

28. Atque ut omnes auferantur ambages, quonam modo et Lex ministratio mortis recte dicta sit, et tamen sancta et justa et bona sit, illud recolamus quod in Epistola positum est ad Romanos. Cum enim dixisset, *Ita ut serviamus in novitate spiritus, et non in vetustate litteræ; quæ sententia simillima est illi quam iste non intelligens posuit: continuo prospexit istos futuros verbosos atque blasphemos, qui patetur esse ex hoc Legem suis reprobans; moxque subiunxit: Quid ergo dicemus? Lex peccatum est?* *Absit: sea peccatum non cognovi nisi per Legem. Nam*

¹ Aliquot MSS., *faciem ad faciem*: *juxta græcum, propon-*

² Plures MSS., *in verbis.*

³ In MSS., *dicimus.*

⁴ *Grace, etis to telos.*

concupiscentiam nesciebam, nisi Lex diceret. Non concupisces. Occasione autem accepta peccatum per mandatum operatum est in me omnem concupiscentiam. Sine Lege enim peccatum mortuum est. Ego autem virebam aliquando sine Lege: adveniente autem mandato, peccatum revixit. Ego autem mortuus sum, et inventum est mihi mandatum quod erat in ritam, hoc esse in mortem. Peccatum enim occasione accepta per mandatum fecellit me, et per illud occidit. Itaque Lex quidem sancta, et mandatum sanctum et justum et bonum. Quod ergo bonum est, mihi factum est mors? *Absit: sed peccatum ut appareat peccatum, per bonum mihi operatum est mortem (Rom. vii, 6-15).* Ecce quid est ministratio mortis; ecce quid est, *Littera occidit* (II Cor. iii, 6): *ecce quemadmodum Lex non est peccatum; et, mandatum erat in ritam; et, lex sancta, et mandatum sanctum et justum et bonum: et tamen quia de ipso bono interficitur inobediens anima, ubi Dei non adjuvat gratia, ministratio mortis facta est Lex in Veteri Testamento propter occidentem litteram; et ministratio vitae facta est gratia in novo Testamento propter vivificantem spiritum. Quod est autem, ministratio mortis et ministratio damnationis; hoc est, *Occasione accepta peccatum per mandatum operatum est in me omnem concupiscentiam;* hoc est, *Adveniente mandato peccatum revixit;* hoc est, *Inventum est mihi mandatum quod erat in vitam, hoc esse in mortem;* hoc est, *Occasione accepta peccatum per mandatum fecellit me, et per illud occidit;* hoc est, *Lex subintravit, ut abundaret delictum (Rom. v, 20);* hoc est, *Lex iram operatur (Id. iv, 15);* hoc est, *Virtus peccati Lex (I Cor. xv, 56).* Prohibitio enim peccati quod est Lex, auget profecto desiderium peccandi: quod non extinguitur, nisi contrario desiderio recte faciendi, ubi fides per dilectionem operatur (Galat. v, 6). Illoc autem non præstat littera jubens, sed spiritus juvans: non Lex ergo, sed gratia; non Vetus Testamentum in servilitem generans, quod est Agar, sed Novum in quo non sunt ancillæ filii, sed liberæ, qua libertate Christus nos liberavit (Id. iv, 24, 31). Et tamen Lex sancta est, et mandatum sanctum et justum et bonum. Per hoc mandatum sanctum et justum et bonum, in his qui non habent spiritum Christi operatur peccatum omnem concupiscentiam. Qualem se fuisse in Veteri Testamento etiam ipse Apostolus ostendens, *Occasione, inquit, accepta peccatum per mandatum operatum est in me omnem concupiscentiam.* Per quod mandatum, nisi quod ait, *Concupiscentiam nesciabam, nisi Lex diceret. Non concupisces?* Numquid malum est non concupiscere? Imo maxime bonum¹. Bona est ergo Lex quæ hoc dicit: sed ubi non adest vivificantis spiritus, haec ipsa Lex quæ bonum dicit², occidit: quia peccati virtus est, cum per illam operatur omnem concupiscentiam, inflammando prohibitionem³; quod non extinguitur per jubenter litteram timore pœnae, sed*

¹ Meliores MSS., *maximum bonum.*

² Sic vni. et MSS. At Fr. et Lov., *quæ bonam dicit.*

³ *Edui, inflammando prohibitionem. castigantur ex MSS.*

per juvantem spiritum dilectione justitiae. Ideo ait, *Peccatum ut appareat peccatum, per bonum mihi operatum est mortem.* Non enim ait, Per malum; sed, per bonum. Illic evigilent, si possunt, qui Legem Dei atque ejus ministrum Moysen cæco et furioso corde reprehendunt. Ideo quippe est ministratio mortis, quia peccatum per bonum operatum est mortem: ideo est ministratio damnationis, quia peccatum per bonum operatum est damnationem.

29. Non autem omnes qui Christiani appellantur, ad Christum transeunt: sed quibus austeratur velamen, quod in lectione Veteris Testamento, impediente velamine nec Vetus intelligunt, nec Novum: qui autem transeunt ad Christum, remoto velamine per Novum, intelligunt et Vetus et Novum (*Il Cor. iii, 14-16*). Utinam et isti cæci oppugnatores Legis et Prophetarum, sic transcant ad Christum, ut non sint in eis in quibus obvelatum est et ipsum Evangelium. In his enim qui pertinent, esse obvelatum ait Apostolus, *In quibus Deus sæculi hujus excœcavit mentes infidelium, ut non fulgeat illuminatio Evangelii gloriae Christi, qui est imago Dei* (*Id. iv, 4*). Ubi miser iste Deum sæculi hujus vult intelligi malum: tanquam illi servicerit Moyses in Veteri Testamento, quasi hoc Apostolus dixerit. Ubi si necesse esset intelligi Deum sæculi hujus, deum impiorum, hoc est, diabolum; *quoniam omnes dei gentium dæmonia, et utique multo maxime princeps dæmoniorum: non mirum esset, quandoquidem quorundam deus etiam venter est dictus: ait enim Apostolus, quorum deus venter est* (*Philipp. iii, 19*); nec ideo deus venter est. Ita si potest dici deus hujus sæculi diabolus, non ideo diabolus deus est; quia nec dæmonia sunt dei, quamvis dei gentium sint dæmonia (*Psalm. xcvi, 5*). Potest quippe sæculum in malo intellegi: unde dicit apostolus Petrus, *Eripite vos de presenti sæculo maligno* (*Il Petr. i, 4*). Sed cum alter pateat intellectus, quid necesse est hic diabolum putare significatum, ac non potius Deum verum, justum et bonum, qui excœcaverit mentes infidelium sæculi hujus: ut non hic distinguatur, *in quibus Deus sæculi hujus, ac deinde subinseratur, excœcavit mentes infidelium; sed ita potius, in quibus Deus, ac deinde subinseratur, sæculi hujus excœcavit mentes infidelium*, hoc est infidelium sæculi hujus mentes excœcavit.

CAPUT VIII. — 30. Sed istis non placet ut Deus bonus mentes excœct aliorum. Non enim attendunt Salvatoris, verba dicentis: *In judicium ego in hunc mundum veni, ut qui non vident, videant; et qui vident, cœci fiant* (*Joan. ix, 59*). Ille igitur qui secundum apostolicam sententiam, *cujus vult miseretur, et quem vult obdurat*, procul dubio quem vult illuminat, et quem vult excœct. Sed non est iniqutus apud Deum (*Rom. ix, 18, 14*), cui dicit Ecclesia: *Misericordiam et judicium cantabo tibi, Domine* (*Psalm. c, 1*). Illuminat ergo misericordia, excœct judicio, utique aquissimo, etsi occultissimo. *Inscrutabilia enim sunt judicia ejus* (*Rom. xi, 33*). Cui tamen dieitur: *Sedisti super thronum,*

num, qui judicas æquitatem (*Psalm. ix, 5*).

31. Huic Deo servivit Moyses, cæterique Prophetæ, quos justos sine dubio Dominus ipse testatur. Horum quippe Judæi sepulera construebant, et monumenta ornabant, quibus dicit: *Ædificatis sepultra Prophetarum, et ornatis monumenta justorum* (*Math. xxiii, 29*). Sed illi omnes, etsi pro temporis dispensatione Veteris Testamenti ministabant figuris¹, ad Novum tamen Testamentum, quamvis nondum revelatum, per gratiam Dei pertinebant, ad quod pertinebat Abraham. Hinc quippe isti, si remoto velamine legerent, intelligerent ita non esse inimicum Evangelium Legi quæ data est per Moysen, sicut inter se non sunt inimici Abraham et ipse Moyses: quos utique et isti eundem coluisse constentur Deum, quamvis eum sic blasphemant, ut eum Deum negent. Et tamen Apostolus promissiones, quæ factæ sunt Abrahæ, quia Novum Testamentum significabant, sic opponit Legi per Moysen datæ, ut hæc duo inter se inimica videantur. Quid enim aliud ad Romanos dicit? *Non enim per Legem promissio Abrahæ aut semini ejus, ut hæres esset mundi, sed per justitiam fidei.* Si enim qui per Legem, hæredes sunt; exinanita est fides, et evacuata est promissio. *Lex enim iram operatur.* Ubi enim Lex non est, nec prævaricatio (*Rom. iv, 13-15*). Attendant quemadmodum sic disputat, veluti contra Legem, ut ex² priore illa quæ facta est ad Abraham promissione convincat, quod non sint hæredes ex Lege quicunque sint hæredes Dei, sed ex promissione. Itemque ad Galatas: *Fratres, inquit, secundum hominem dico; tamen hominis confirmatum testamentum nemo irritum facit, aut superordinat.* Abrahæ dictæ sunt promissiones et semini ejus. Non dicit, *Et seminibus, tanquam in multis; sed tanquam in uno, Et semini tuo, quod est Christus.* Hoc autem dico, *testamentum confirmatum a Deo, quæ post quadringentos et triginta annos facta est Lex, non infirmat ad evacuandam promissionem.* Si enim ex Lege hæreditas, jam non ex promissione. Abrahæ autem per reprobationem donavit Deus. Quid ergo Lex? *Transgressionis gratia proposita est*³, donec veniret semen cui promissum est (*Galat. iii, 15-19*). Nescio utrum isti qui Legem non intelligentes criminantur, inveniant aliquid ex Evangelio vel ex apostolicis Litteris, quod ita videatur eidem Legi adversum esse atque contrarium, quemadmodum hæc videtur, quod ex promissionibus quæ Abrahæ factæ sunt opponit Apostolus. Si ergo legem oderunt, Abraham diligent.

CAPUT IX. — 32. Sed nec hoc volunt. Nam et ipsi par gentium, ad quem promissiones factæ sunt: in omnibus gentibus videmus impleri, crimen fornicationis objiciunt. Iste quippe procul dubio cui respondemus, ex illis se esse manifestat, de quibus predictum est Apostolo dicente: *Spiritus autem manifeste dicit quia in novissimis temporibus recedent quidam a*

¹ Am. Er. et plures MSS., ministabant figuræ.

² Sic præcipit MSS. At editi, ut eam.

³ Plures MSS., posita est. Nonnulli autem infra ubi eodem repetito loco legitur etiam apud Lov., posita est, habent, preposita est.

fide, attendentes spiritibus seductoribus et doctrinis dæmoniorum in hypocrisi mendacio quorum, cauteriatam habentes conscientiam suam, prohibentes nubere (1 Tim. iv, 1-3). Non enim reperitur Abraham aliquo se contaminasse adulterio : quoniam non lubrico libidinis amavit ancillam ; sed ab uxore accepit, quando uxor eius fecit de jure suo quod voluit, volens habere filios de marito suo, quamvis ex utero alieno (*Gen. xvi, 2-4*) : ubi nulla omnino lasciviendi, sed sola cogitata est causa generandi. Iste autem Abraham, etiam usque ad decrepitam senectutem, fornicationis oblicit crimen, profecto quia et post mortem Saræ alteram duxit (*Id. xxv, 1*). Ubi etsi nullum intelligeretur rei abilitate sacramentum, propter hoc solum id facere debuit Abraham, ne putarent haeretici adversus Apostolum, quibus etiam Terullianus astipulator assistit, post uxorius mortem, crimen esse ducere uxorem. Sed sicut sibi iste videtur invenire in apostolicis Litteris, quæ dicat contra Legem per Moysen datam, vel contra Testamentum Vetus ; inveniat et aliquid adversum Abraham, quod ex evangelicis¹ Litteris sonare videatur : omnino non inveniet. Ubicumque ille nominatur in libris Testamenti Novi, cum honore debito nominatur : ita ut Iudaïs diceret ipse Dominus, *Si filii Abraham estis, facta Abraham facite (Joan. viii, 39)*. Ac per hoc iste qui blasphemat Abraham, Christum profecto blasphemat, qui tale testimonium perhibet Abraham.

33. Sed dicat, si potest, quam personam illarum quinque gerebat Apostolus (*a*), cum sic prædicaret Abraham ? Si enim eis qui sine Lege fuerant, factus erat quasi esset et ipse sine Lege, illi Abraham non noverant. Ergo aliquem principem, sive Romanorum, sive Græcorum, sive aliquem philosophorum debuit invenire quem talibus prædicaret ; ut eis, sicut huic placet, tales se quales ipsi erant singendo, congrueret : non Abraham nescio quem alienigenam patrem gentis Hebreæ, longe ab eorum moribus, longe ab eorum ritibus, longe ab eorum cognationibus alienum. Si autem Iudaïs tanquam Judæus factus erat, aut eis qui sub Lege erant tanquam esset et ipse sub Lege, utquid dicebat non esse haeredes ex Lege ? utquid dicebat, *Lex iram operatur ? utquid dicebat, Lex prævaricationis gratia posita est ?* quod æquo animo ferre non possent qui gloriantur in Lege. Quod si ut infirmus loquebatur infirmis, et sic eos, ut fallacibus placet, fallendo lactabat, cur eos ab umbris veteribus, in quibus infirmi quiescebant, sic proturbabat², ut diceret : *Ecce ego Paulus dico vobis, quia si circumciduntini, Christus vobis nihil proderit (Galat. v, 2)*? Si autem in illa persona quinta perfectis sapientiam loquebatur, quales solos iste dignos putat quos non fallat Apostolus ; quare a contrario vult esse ipse perfectus, ut blasphemet Abraham, quem sic perfectis laudat Apostolus³, maxime in illis duabus filiis ejus,

¹ Editi hic addunt, et apostolicis ; quod a Ierisque MSS. abest.

² Editi, perturbabat. At MSS., proturbabat ; si vaticanium codicem excipias, in quo legitur, avocabat.

³ Ita vetus codex Germanensis. Nemigianus vero, cor-(a) supra, c. p. 2.

uno de ancilla, alio de libera ? Si displicet illi etiam Isnaele Testamentum Vetus, cum Isaac placeat Testamentum Novum.

34. An et contra Apostolum propositurus est cathedram pestilentiae, et disputatus de qualitate figurarum, atque dicturus non cum debuisse figuras rerum honestarum de rebus turpibus ducere ? Res enim turpis huic videtur, etiam cum ipsa Sara concubitus conjugalis, quam liberam matrem nostram eternam Jerusalem significare testatur Doctor Gentium (*Galat. iv, 22-26*), quamvis narium rugas et frontis obducat, et crispato vultu hanc parabolam exhorreat doctor pestilentium : et multo amplius et aspernabilius, quando audit cumdem Gentium doctorem, quod scriptum est de masculo et femina, *Eruunt duo in carne una ; addere et dicere, Sacramentum hoc magnum est, ego autem dico in Christo et in Ecclesia (Ephes. v, 31, 32)*. Itane vero ubi essent cognoscenda tante rei sacramenta, id est, sacra signa, et in re pudenda, atque in eis verbis quibus verecundia debetur, cognosci non debuisse nec dici, homo iste sciebat, et beatus Apostolus nesciebat ? Eat plane iste retro cum suis similibus sociis, qui dixerunt, *Durus est hic sermo ; quis eum potest audire (Joan. vi, 61)*? Nos autem audiamus, et intelligamus duo Testamenta in duabus filiis Abraham, duabusque mulieribus ejus commixtione setatis : sicut duos in carne una, Christum et Ecclesiam, istis nolentibus, sine ulla obscuritate cognoscimus : sicut mediatorem Dei et hominum hominem Christum Jesum (*I Tim. ii, 5*), carnem suam nobis manducandam bibendumque sanguinem dantem, fideli corde atque ore suscipimus ; quamvis horribilis videatur humanam carnem manducare quam perimere, et humanum sanguinem potare quam fundere : atque in omnibus sanctis Scripturis, secundum sanæ fidei regulam figurata dictum vel factum si quid exponitur, de quibuslibet rebus et verbis quæ sacræ paginis continentur, expositiō illa ducatur, non aspernanter, sed sapienter audianus ; et relinquimus istum inaniam garrientem, et nesciendo quid loquatur, quadam, si dici potest, imperita peritia de figurarum qualitate tractantem. Qui cum dicit rebus congruis non contrariis aliquid esse significandum, potest vanus dicere, semper Deum lucido auro, nunquam nigro atramento scribi oportere : quoniam Deus lux est, et tenebrae in eo non sunt ultæ (*I Joan. i, 5*). Homo est enim, qui putat Apostolum⁴, ut congrueret infirmis et imperfectis, multa falsa et improbanda dixit e, quia testimoniis quæ de Lege ac Prophetis ponit, quam venerabiliter Scripturas illas accipiat per Epistolas ejus appetat. Nec cogitat tam perverso sensu posse defendi etiam illa quæ in veteribus Dei Libris immundus atque impius quasi pius et mundus horre-

beiensis, et Colbertinus, quare contrarius vult esse ipse perfectis, ut blasphemet abraham, quem sic perfectus laudat apostolus ? Editi, quare e contrario vult esse ipse perfectus, ut blasphemet abraham, quem sic perfectionem laudat apostolus ?

⁴ Sic Am. et MSS. At Fr. et Lov.: Non est enim quod putet apostolus.

scit. Nam si ei quisplam dicat similis ejus, Ea quæ te offendunt in Lega ac Prophetis falsa sunt, sed propter infirmos et imperfectos sic ea Spiritus sanctus ponit voluit: quid pari suo vano contra hoc respondeat non habebit. Convincitur enim regula falsa, sed sua; nec sapientis ac docti, sed stulti, sicut ipse est, atque inferudit manu, suo tamen gladio jugulatur.

CAPUT X.—35. Post hæc sane sacrilegi et vani hominis sacrilega vaniloquia, quibus me respondisse sufficienter existimo: hoc est, de initio Genesios; de lucis fabrica; de die vel sole; de causa constituendi hominem; de peccato Adæ; de fabrica hominis; de persuasus serpentis; de maledicto in homine, et de vite arbore; de penitentia Dei; de diluvio; de arcu in nubibus; de iuduratione cordis Pharaonis; de spiritu mendacil secundum Michæam prophetam; de testimonio Isaiae prophetæ, propter quod ait: *Filios genui et exaltavi: quibus rursum dicit, Filii sceleris, semen pessimum: et quod item apud eum scriptum esse dixit, Ego sum Deus faciens bona et creans mala: de perditione populi, mandato Moysi*¹; de maledicto quod turpe existimat; de Dei, quam putat, confessa crudelitate; de studio quod putat malitiæ, juxta David regem; de eo quod scriptum est, *Panitet me quod constituerim Saul in regem: de spiritu Moysi, cuius Scripturas putat dixisse Apostolum fabulas aniles; de qualitate figurarum; de Abraham; de filiis Ieli sacerdotis; de sacrificiis, quæ putat non nisi daemones exhiberi; de Prophetis Dei, quos putat ante adventum Domini non fuisse; de eo quod in Lega positum est, sanguinem esse animam; de Deo cui Moyses servivit, quem putat Deum verum non fuisse; de varietate personarum, in quibus putat Apostolum locutum esse fallaciter. Quæ omnia non hoc ordine persecutus sum, qui est in libro ejus; sed sicut nostræ disputationis sibimet connexa series postulavit.*

CAPUT XI.—36. Post hæc ergo omnia titulum posuit, ita se habentem: *Discretio spirituum malignitatis et bonitatis*². Et cœpit contrariis inter se brevibus erubrisque sententiis laudare Christum, et accusare Legis Deum, hoc modo, velut eum ad quem scribebat exhortans: *Quare igitur, frater, inquit, recedentes ab iniuitate præteriti erroris, intendamus Christum verum ac summum Deum, non hujus sæculi principem et mundi factorem, in quo nos peregrinari sèpissime declaratum est. Intendamus, inquam, illum pium ac mitent, qui nos suæ cognitionis ostendens, mundi lumen vocavit: non illum quæ secundum scripturas Judaicas terrenum nobis initium assignans, in terra nobis finem indexit. Intendamus illum qui nos fratres appellans, vigilare ac divina sapere persuasit: non illum qui nec dignoscere quidem sensum habere permisit. Atque hoc modo cetera multa contextuit.*

37. Cui loco libri ejus ita respondentum putavi, ut etiam ego vos exhortarer: Intendamus Christum verum et summum Deum, veri et summi Dei unicum:

¹ Am. et MSS., *mandata Moyi*. Non minus bene, ut patet ex libro 1, cap. 18, n. 28.

² Aliquot MSS., *maligni et domitati*. Forte pro, *maligni et boni*.

Filium, non hujus sæculi malignum principem, sed tamen mundi, hoc est, cœli terræque factorem, qui nos tanquam peregrinos vitam temporalem in hac agere mortalitate præcepit. Intendamus, inquam, illum misericordem ac mitem, qui nos fratres suos fecit gratia, non natura. Ipse est enim, non aliis, sicut hic putat, qui secundum Scripturas terrenum nobis corpus, animam vero flatu dedit, utrumque faciens, non corum aliquid gignens. Qui nos vigilare ac divina sapere jussit et fecit. Ipse est enim, non aliis, sicut hic putat, qui dignoscetiam boni ac mali ne peccando experiremur, admonuit. Qui nos ad immortalitatem vocans, cœlestia nobis regna promisit. Ipse est enim, non aliis, sicut hic putat, qui nos post peccatum reos, ab æternæ vitae felicitate secrevit, et terreno labore punivit. Qui nos, non sicut iste dicit, nihil ignorare, sed utilia scire præcepit: nec sicut iste sentit atque a veritate dissentit, scientiam damnavit in nobis, quæ fit sapiendo justitiam, sed quæ fit experiendo peccatum. Qui nos quod errore moriebamur miseratus est. Ipse est enim, non aliis, sicut hic putat, qui nos morti, non ex quo sapere cœpimus, quod iste ait, sed ex quo delinquimus, destinavit. Qui nos proprias facultates hortatur spernere, imo vero loco tutiore recondere (*Matth. vi, 19, 20*): cum ipse sit, non aliis, ut hic putat, qui se non tantum cœlestium, verum etiam terrenorum Dominum ostendens, ea quæ impii possidebant, expoliatione plectendi³, suos, quibus hoc pro tempore congruebat, auferre atque habere, sive jussit, sive perauisit. Qui donat delicta conversis: cum ipse sit, non aliis, ut hic putat, qui in tertiam et quartam progeniem retribuit digna perversis. Qui non omnium, sicut iste ait, sed eorum quos ante præscivit et prædestinavit, delicta dimittit. Ipse est autem, non aliis, sicut hic putat, qui delicta quorundam, ad poenalem animi dolorem terrorisque majorem, etiam illorum qui ea non admiserant, non spiritualibus, sed corporalibus mortibus vindicavit, ut conditio mortalium qua fuerant post paululum moriuntur, etiam isto modo serviret Dei providentia, et in usum cederet disciplinæ. Qui nos non in totum irasci prohibuit, quandoquidem et ipse iratus est ubi oportuit: sed irasci et non peccare præcepit. Ipse est autem, non aliis, non qui vindicandi causas, sicut iste affirmat, inquirit; sed vindicandas causas⁴, quando ipse novit, advertit. Qui nos, ne quando juraremus, monuit: ut quoniā falli possumus, longe simus a perjurio non jurando. Ipse est autem, non aliis, ut hic putat, qui suæ sententiæ veritatem ad incredulos increpandos, ubi opus esse judicavit, etiam jurando firmavit. Sicut autem homo jurans adhibet testem Deum, ita se ipsum Deus. Qui nos in fide verbi veri stare jussit. Ipse est enim, non aliis, sicut hic putat, non qui voluntatem suam, sicut iste blasphemat, sed qui res quas voluit, non mutata voluntate mutavit. Qui nos viam veritatis docuit. Ipse est enim et Deus Pro-

³ vaticanus codex, *plectendo*.

⁴ plures MSS., *fringendis causas*.

phetarum, qui nunquam, sicut iste calumniatur, falsis promissionibus suos decipit. Qui nos irreprensibiles esse mandavit. Ipse est enim et Deus Prophetarum, qui nunquam, sicut iste criminatur, se ipse reprehendit, nec eum sicut hominem quidquam pœnituit: sed rerum futurarum mutationem, quas se mutaturum sine ulla sui mutatione ab æternitate prescivit, velut humana hominibus locutione prædictum. Qui nobis iram Dei metuendam et in Evangelio commendavit. Ipse est enim et Prophetarum Deus, qui non sui animi perturbationem, sed justam severamque vindictam, iræ vel indignationis nomine nuncupavit. Qui alterum ab altero non utcumque laedi, sed injuria laedi noluit. Ipse est enim et Prophetarum Deus, qui sive per homines, sive per Angelos sanctos, etiam temporalibus corporum mortibus, quos voluit, utiliter aut multavit, aut terruit. Qui docuit ad concupiscendum non videndam esse mulierem (*Math. v.*, 28). Ipse est enim qui et in Lega dixit, *Non concupiscet* (*Exod. xx.*, 17): nec, sicut iste criminatur, indixi septenas singulis nuptias, sed propagandi causa connubia casta permisit. Patres autem filiarum maritos non solum ipse non fecit; verum etiam ne fieret, sicut alia incesta, prohibuit. Qui nos secundum interiorum renovationem in spiritu mentis, nec masculos in se, nec feminas esse docuit; et sicut Angelos in æternum secum futuros esse promisit. Ipse est enim et Prophetarum Deus, qui masculum et feminam propagandi generis causa nuptiali castitate conjunxit; et secundas nuptias, quæ in Novo quoque Testamento permittuntur, licitas esse monstravit. Uxores autem fratrum, sed sine filiis defunctorum, ad excitandam defuncti posteritatem, non libidinis, sed pietatis affectu, in matrimonium sibi copulare præcepit: patres vero filiarum conjugiis misceri omnino prohibuit. Qui nos super omne genus serpentum calcare spiritualiter jussit. Ipse est enim et Prophetarum Deus, qui populo infidiли ad significanda peccata, quorum veneno invisibiliter moriebantur, visibles serpentes quibus admonerentur, immisit; et plaga emendatoria mortes animalium, mortibus corporum figuravit. Qui dixit, *Date eleemosynam; et ecce omnia munda sunt vobis* (*Luc. xi.*, 41). Ipse est enim et Prophetarum Deus, qui talia etiam Prophetarum voce mandavit. Nec sibi voluit primogenitos hominum filios immolari, sed consecrari: significans primogenitum a mortuis, in quo oportebat omnes a morte perpetua liberari. Qui corruptibilibus cibis incorruptibilis anteposuit. Ipse est enim et Prophetarum Deus, qui sacrificia quibus non indiguit, ad significandum verum sacrificium, in umbris futurorum præcedere voluit; et disciplinae se veritate mortibus corporum, longe mitioribus quam sunt aeterna supplicia gehennarum, perpetrata sacrilegia vindicavit. Qui terrenas divitias, non sicut iste dicit, damnari jussit, sed spirituales cœlestesque præposuit. Ipse est enim et Prophetarum Deus, qui facilit et divites benignissime largiendo, et pauperes justissime vel non dando, vel auferendo. Qui nos pro ini-

¹ Forte, *destitutus*.

micis orare jussit. Ipse est enim et Prophetarum Deus, qui filios parentum manibus immolari sibi, ut iste criminatur, non solum nunquam voluit, verum etiam ne id fieret, in Lege constituit. Qui sine acceptione personarum benefaciendum omnibus intinnavit. Ipse est enim et Prophetarum Deus, qui quando sine discretione aetatis aut sexus occidi homines jussit, unde scit iste vel quisquam quid eis post mortem bonæ compensationis attribuit, quorum mortibus viventes aut emendavit aut terruit? Qui nos æquo animo injurias sustinere et donare præcepit. Ipse est enim et Prophetarum Deus, qui oculum pro oculo, dentem pro dente, modum posuit pœnæ, ne quisquam sibi amplius putaret deberi vindictæ, quam pertulisset injuriæ. Et hoc ideo, quia de sapientia Dei dictum est, quod Legem et misericordiam in lingua portet. Nec per misericordiam debita debitoribus nostris scienter dimitteremus, nisi per Legem ipsa debita discernemus¹. Qui in tanta potestate se humilians ad convertendos² nos factus homo, cum hominibus est locutus. Ipse est enim et Deus Prophetarum, qui cum primis patribus est locutus: ideo præter se dicens non esse alium Deum, quia etiam summa Trinitas, manente personarum discretione³ unus est Deus. Qui Apostolis suis ut gratis darent quæ gratis acceperant, jussit: ad sustentationem tamen suam nec aliam tunicam secum ferre ideo constituit, quia secutus adjunxit, *Dignus est enim operarius mercede sua* (*Math. x.*, 8 10); ut qui Evangelium annuntiabant, ex Evangelio viveant (*I Cor. ix.*, 14): Deo tamen munera offerenda esse monstravit, qui nullius indiget, et munera sumendo plus consert. Ipse est enim et Prophetarum Deus, qui et munera suos accipere vetat, quibus excancantur oculi judicantium; et munera ipse, quamvis non egat, accipit, ut pietate faciat opulentias animas offerentium. Qui sabbatis hominem curavit, ostendens jam esse tempus, ut secundum prophetiam Cantici cantorum aspiraret dies, et removerentur umbræ (*Cant. ii.*, 17). Ipse est enim et Prophetarum Deus, qui hominem ligna sabbatis colligentem, quia nondum duorum⁴ Testamentorum tempora distinguebat, sed Legem Dei contumaci et impia mente contempserat, lapidandum esse mandavit; ejusque corporali morte (quam post paululum omni homini quis dubitet adfuturam?) sanxit timore obedientiam exteris profuturam. Qui propter salvandos homines se venisse dixit. Ipse est enim et Prophetarum Deus, qui justo iudicio quos vult obdurat: sicut in Evangelio⁵, *Venit in iudicium*, non solum ut qui non vident, videant; sed etiam ut qui vident, cacci fiant (*Joan. ix.*, 39). Qui mandata vitae perpetuae nobis dedit. Ipse est enim et Prophetarum Deus, qui mandata sancta et justa et bona, superbis tamen, non de ipsis gratia, sed de sua virtute fidentibus, non quibus viverent, sed quibus morerentur,

¹ Plures MSS., *disceremus*.

² In præstantioribus MSS., *confortandas*.

³ In hisdem MSS., *personarum proprietate*.

⁴ Aliquot probe note MSS., *non quia duorum*.

⁵ Sic MSS. At editi, qui scilicet in Evangelio ait, *venit in mundum, non solum, etc.*

ut convincerentur dedit. Sicut Apostoli, dicente uno ipsorum, bonus odor Christi erant, et in his qui salvi fiebant, et in his qui peribant; aliis quidem odor vitae in vitam, aliis odor mortis in mortem (II Cor. ii, 15, 16). Qui viiatorum salus apparuit, dans incessum claudis, linguam mutis, auditum surdis, lumen cæcis. Ipse est enim et Prophetarum Deus, qui eadem vitia non solum misericordissime sanat, verum etiam justissime importat. Neque enim debet eum quisquam non minus impia vanitate Christo putare contrarium, et istum bonum dicere, Christum autem malum; eo quod iste in virga Aaron aridum lignum, et nulla radice subnoxium, florem ferre fecit et fructum; Christus autem arborem maledicto arefecit, quia nihil in ea pomorum, quorum nondum erat tempus, invenit.

CAPUT XII. — 38. Dicens autem alium esse pacis et charitatis patrem, alium belli et furoris auctorem; illum volens intelligi Christum, hunc autem Legis et Prophetarum Deum: potest vanus dicere ipsum Christum sibi esse contrarium, aut duos fuisse, non unum, inter se scilicet repugnantes; alium qui dixit, *Pacem do vobis* (Joan. xiv, 27); et alium qui dixit, *Non veni pacem mittere in terram, sed gladium* (Matth. x, 34): maxime quia displaceat ei res aliquas bonas malarum nominibus figurari. Quod vero alium dicit esse incestus et adulteriorum concium, alium vero pudicæ castitatis et sanctimonie dominum: illum diabolum intelligat; Prophetarum autem Deum neverit non minus castitatis et sanctimonie dominum esse quam Christum: quia Deus Apostolorum idem ipse et Prophetarum, priorum illis tempore, sed fide sociorum; ipse est Deus in utroque Testamento justi actus et piarum orationum, ipse est in utroque auctor religiosorum sacrificiorum.

39. Videte sane unde probare voluerit humanorum corporum vitia, non ad Deum auctorem, sed potius ad diabolum pertinere: quia Dominus ait in Evangelio, de muliere quam sanam fecit, quod eam satanas alligaverat decem et octo annos; propter quod erat incurva, nec se erigere poterat (Luc. xiii, 11-16): quasi satanas, cum habeat semper cupiditatem nocendi, nocere cuiquam possit, nisi ab Omnipotente acceperit potestatem. Nam quid aliud, non solum in libro Job, quem profecto iste non accipit, sed magis in ipso Evangelio declaratum est, ubi spiritus immundi nec in porcos irent, nisi hoc illis benignus ipse Salvator potentibus, quos certe in abyssum posset relegare, concederet (Matth. viii, 31, 32): rem necessariam docere nos volens, ut scilicet neverimus multo minus eos posse sua potestate nocere hominibus, qui nec pecoribus qualibuscumque potuerunt? Hanc autem potestatem Deus bonus occulta nobis iustitia dare potest, inuste non potest.

40. Deinde quod de Antichristi adventu et elatione impia dixit Apostolus, vult iste ad hoc trahere, ut ipsum intelligamus Prophetarum Deum: unde potius convincitur illud Dei esse templum, ubi hominem peccati, filium interitus, extollentem se super omnem Deum, et super omne quod celatur, Apostolus sessu-

rum esse dixit (II Thess. ii, 3, 4). Deus enim verus est, in cuius templo falsus ille sessurus est: ad quem pertinet etiam iste, qui sub nomine Christi, quod est nomen Dei, hoc est, christianum se videri volens, superextollitur contra Christum; seque ostendit antichristum, non unum illum majorem ceteris, sed ex his aliquem de quibus dicit Joannes evangelista, *Nunc antichristi multi facti sunt* (I Joan. ii, 18). Eos enim dicebat haereticos, qui temporibus Apostolorum esse jam cœperant. Ili autem cœperunt esse post ascensionem duntaxat in coelum Domini Iesu Christi, ab illo Simone mago, quem legimus in Actibus Apostolorum baptizatum (Act. viii, 13). Post hunc autem fuerunt nonnulli discipuli ejus, in eadem impietate posteriores prioribus succedentes: quorum in successione quartus exstitit Basilides¹, qui primus aperiens ausus est dicere, Deum quem gens Iudea coluit, non fuisse verum deum. Post istos fuit quidam etiam Carpocrates, qui negavit istum visibilem mundum a summo Deo creatum, sed a quibusdam virtutibus demoniorum²: negans etiam Legem quæ per Moysen data est, Deum dedisse. Cerdon postea surrexit, qui primus invenitur dixisse duos deos, unum bonum, et alterum malum, longe antequam haeresis Manichæorum emersisset, quorum in hoc furioso deliramento error est notior. Ilujus Cerdonis Marcion discipulus fuit. Apelles quoque talia docuit. Fuerunt etiam a quodam Patricio nonnulli Patriciani, vel sunt³, similiter adversantes divinis veteribus Libris. Ili omnes apertissime contra Deum sentiunt Legis et Prophetarum, hoc est, Deum verum, a quo factus est mundus. De aliqua istorum haeresi est iste: nam non eum puto esse Manichæum.

41. Sed cuiuslibet sit haeretici erroris, vel ipse, vel Fabricius nescio quis, cuius se gloriatur esse discipulum, quantum ad hunc librum attinet quem misistis, satis ei puto esse responsum. Ea quippe furoris ejus dejecta sunt robora, ex quibus omnes, quas in eo volumine scripsit, blasphemie pullularunt, inipiissimis in Deum maledictis atque convicis varia loquacitate frondentes. Quarum omnes sigillatim ramos ferire, nimis longum fuit: sed radices ipsæ fuerant amputandæ. Si autem recenseatis quæ contra Faustum manichæum scripsimus, et contra Admantum, qui Manichæi sectator cum ille viveret fuisse jaetur, multa reperietis quæ adversus istum pariter valeant. Et fortasse si illa legerentur, vel non omnino, vel non multum necessarium fuisse haec scribere.

42. Sane post finem libri, in quo sine paucitatem hominum in suo errore commendat, quia videlicet paucorum est sapientia: quod omnibus haereticis adversariis Ecclesie catholice, quæ per omnes terras copiosa fertilitate diffunditur, in sua cuique propria vanitate commune est; omnes enim de paucitate gloriantur, et ut seducere possint multitudinem quæ-

¹ Vetus Ms. Remigianus, *Fassilides*.

² In MSS., *virtutum deorum*.

³ Lov., qui sunt. Editi alii, vel sunt. His consentiunt Ms. in quibus Leo, i atriciani, legitur, *Patricini*.

runt¹: post hunc ergo finem libri, rursus alterius apparet exordium, ejusdem forsitan hominis auctoris, ejusdem tamen, quod non dubitatur, erroris. Disputare autem coepérat, quod caro alium haberet fabricatorem, non Deum: unde cum per pauca dixisset, in ipso exordio corrupta finita sunt. Sed utrum ipse auctor an scriptor codicis non potuerit implere quod coepérat, nescio. De hac tamen dementia hominum non considerantium quid loquantur, adversus Manichaeos multa jam scripsimus. Et in hujus ipsius operis initio idonea, quantum existimo, jacta sunt fundamenta, quibus prudens et pius lector intelligat, non ideo subtrahendam carnem operibus Dei, quod spiritus natura sit potior; nec ideo mala esse ista temporalia, quia merito eis præponuntur æterna; nec ideo bona terrestria detestanda, quia sunt cœlestia meliora: cum Deus creaverit omnia bona, magnus in magnis,

¹ Ita in MSS. At in editis, et seducere si possint multitudinem querunt.

sed non parvus in parvis. Jam illud aliud quod in eodem codice scribi coepérat, Adimanti opus est, illius discipuli Manichæi, qui prénomine Addas¹ dictus est: ubi de utroque Testamento velut inter se contraria testimonia proferuntur versipelli dolositate, velut inde ostendatur utrumque ab uno Deo esse non posse, sed alterum ab altero. Contra hoc autem malignum machinamentum jam olim scripsimus, ut paulo ante commenoravi, et ipsum opuscentum nostrum habere vos credo. Quamvis quedam sint per pauca in fine ipsius operis Adimanti, quibus non respondi: nescio quibus enim, ut fieri solet, incurruentes, qua magis videbantur urgere, illa interrupta sic remanserunt. Sed, ut dixi, in fine per pauca sunt, quæ si Dominus voluerit, quantocius explicare curabro.

¹ Sic antiquiores MSS. At editi, qui proprio nomine addas.

IN SUBSEQUENTES Scriptiones,

Vide lib. 2, cap. 44, Retractionum, tom 1, col. 648, a verbis, Inter hæc (a) Orosii, usque ad col. 649, verbis, Fili Orosi. M.

(a) Hæc illa in Retractionibus proxime ante notata, sive tempora, sive opuscula, inter quæ se Orosii Consultationi de Priscillianistis et Origenistis respondisse testatur Augustinus, inveniuntur in Christi anno circiter 413.

CONSULTATIO SIVE COMMONITORIUM

OROSII AD AUGUSTINUM

DE ERRORE PRISCILLIANSTARUM ET ORIGENISTARUM.

¶¶¶¶¶

Beatissimo patri AUGUSTINO episcopo, Orosius.

1. Jam quidem suggestam Sanctitati tue, sed Commonitorium suggeste rei tunc offerre meditabar, cum te expeditum animo ab oīis dictandi necessitatibus esse sensissem. Sed quoniam domini mei, filii tui, Eutropius et Paulus episcopi, eadem qua et ego puer¹ vester, salutis omnium utilitate permoti, commonitorium jam dederunt de aliquantis hæresibus, nec tamen omnes significarunt; necesse fuit me festinato edere et coaccervare in unum omnes perditionum arbores cum radicibus et ramis suis, et offerre ignienti spiritui tuo, ut tu viso agmine perspectaque nequitia, permetiaris quam possis dispositionem adhibere virtutis². Tu tantum, beatissime pater, malignas aliorum plantationes vel insertiones crue atque succide, et veram sparge sementer, nobis de tuis fontibus rigaturis. Ego testem Deum spondeo, et incrementum operis tui spero, quia terra illa qua nunc ingratis fructus insincere culta exhibet, si eam de manna illo recondito tu apud me mandando³ et re-

¹ Forte, presbyter.

² Valerii codices, qua possis dispositione studiam adhibere virtutis

³ Editi, in sincera cultura exhibet, si eandem anno illo recondito apud te mandando. Castigantur subdicio Ms. Sigismundensis, seu S. Cigiamni.

plendo visitaveris, usque in centesimum fructum profusa aliquando liberius libertate proficiet. Per te Dominus Deus noster, per te, inquam, beate pater, quos castigavit in gladio, emendet in verbo. Ad te per Deum missus sum; de te per eum spero, dum considero qualiter actum est, quod hic venirem. Agnoso cur venerim: sine voluntate, sine necessitate, sine consensu de patria egressus sum, occulta quadam vi actus, donec in istius terræ littus allatus sum. Hic demum in eum resipui intellectum quod ad te venire mandabar. Impudentem non judices, si accipitis conscientem. Fac me ad dilectam dominiam meam¹ idoneum negotiatorem inventa margarita (Matt. xiii, 46), non fugitivum servum eversa substantia reverti. Dilacerati gravius a doctoribus pravis, quam a cruentissimis hostibus sumus. Nos conscienter offensam, tu pervides plagam: quod solum superest, adjuvante Domino largire medicinam. Breveiter ergo et quid ante male plantatum convalluit, et quid postea pejus insertum prævaluit, ostendam.

2. Priscillianus, primum in eo Manichæis miserior,

¹ Editi, dilectum dominum meum. At MSS., dilectam dominum meum: patrem scilicet, ad quam reverti cupit.

quod ex Veteri quoque Testamento hæresim confirmavit, docens animam que a Deo nata sit, de quodam promptuario procedere, prosferi ante Deum se pugnaturam, instrui adhortatu¹ angelorum: dehinc descendenterem per quosdam circulos a principatibus malignis capi, et secundum voluntatem victoris principis in corpora diversa contrudi, eisque adscribi chirographum. Unde et Mathesim prævalere firmabat, asserens quod hoc chirographum solverit Christus, et affixerit cruci per passionem suam: sicut ipse Priscillianus in quadam epistola sua dicit: « Hæc prima sapientia est, in animarum typis divinarum virtutum intelligere naturas, et corporis dispositionem. In qua obligatum cœlum videtur et terra, omnesque principatus sæculi videntur adstricti sanctorum dispositions superare. Nam primum Dei circumulum et mittendarum in carne animarum divinum chirographum, Angelorum et Dei et omnium animarum consensibus fabricatum Patriarchæ teneunt, qui² contra formalis militiae opus possident: » et reliqua. Tradidit autem nomina Patriarcharum membra esse animæ, eo quod esset Ruben in capite, Juda in pectori, Levi in corde, Benjamin in femoribus: et similia. Contra autem in membris corporis, cœli signa esse disposita, id est, arietem in capite, taurum in cervice, geminos in brachiis, cancrum in pectore, etc. Volens subintelligi tenebras æternas, et ex his principem mundi processisse. Et hoc ipsum confirmans ex libro quadam, qui inscribitur Memoria Apostolorum, ubi Salvator interrogari a discipulis videtur secreto, et ostendere quia de parabola evangelica quæ habet, *Exiit seminans semen suum (Matth. xiii, 3)*, non fuerit seminator bonus: asserens, quia si bonus fuisset, non fuisset negligens, non vel secus viam, vel in petrosis, vel in incultis jaceret semen; volens intelligi hunc esse seminantem, qui animas captas spargeret in corpora diversa quæ vellet. Quo etiam in libro de principe humidorum et de principe ignis plurima dicta sunt, volens intelligi, arte, non potentia Dei, omnia bona agi in hoc mundo. Dicit enim esse virginem quædam lucem, quam Deus, volens dare pluviam hominibus, principi humidorum ostendat: qui dum eam apprehendere cupit, commotus consudet, et pluviam faciat, et destitutus ab ea, mutuus suo tonitrus conciter. Trinitatem autem solo verbo loquebatur: nam unionem absque ulla existentia aut proprietate asserens, sublato et, Patrem³, Filium, et Spiritum sanctum, hunc esse unum Christum dicebat.

3. Tunc duo cives mei, Avitus, et alias Avitus, cum iam tam turpem confusionem per se ipsam veritas sola nudaret, peregrina petierunt. Nam unus Jerosolymam, alias Romam profectus est. Reversi, unus retulit Origenem, alias Victorinum: ex his duobus, alter alteri cessit; Priscillianum tamen ambo damnarunt. Victorinum parum novimus; quia adhuc pene

ante editiones suas, Victorini sectator cessit Origen. Coepérunt ergo ex Origene magnifica plura proponi, quæ ex modica occasione veritas ipsa præcederet. Didicimus enim de Trinitate doctrinam satis sanam, omnia quæ facta essent, a Deo facta esse, et omnia bona valde, et facta de nihilo: tunc deinde Scripturarum solutiones satis sobrias⁴. Omnia hæc statim a sapientibus fideli pristinorum expurgatione suscepimus. Remansit sola offensa de nihilo. Credere enim persuasum erat esse animam: non tamen persuaderi poterat factam esse de nihilo; argumentantes, quia voluntas de nihilo esse non possit. Hoc pene usque ad nunc manet⁵. Iste vero Avitus duo, et cum his sanctus Basilius Grecus qui hæc beatissime docebat⁶, quadam ex libris ipsius Origenis non recta, ut nuper intelligo⁷, tradiderunt. Primum omnium antequam facta apparerent, semper in Dei sapientia facta mansisse dicentes, hoc verbo: Deus enim quæcumque fecit faciendo non cœpit. Deinde dixerunt Angelorum, Principatum, Potestatum, animarum ac dæmonum, unum principium, et unam esse substantiam: et vel archangelo, vel animæ, vel dæmoni locum pro meritorum qualitate datum esse, utentes hoc verbo: Majorem locum minor culpa promeruit. Mundum novissime ideo esse factum, ut in eo anime purgarentur, quæ ante peccaverunt. Igneum sane æternum, quo peccatores puniantur, neque esse ignem verum, neque æternum, prædicaverunt, dicentes, dictum esse ignem, propriæ conscientiæ punitionem: æternum autem juxta etymologiam græcam, non esse perpetuum, etiam latino testimonio adjecto; quia dictum sit, in æternum, et, in seculum saecuti (Psal. ix, 6, etc.) postposuerit æterno: ac sic omnes peccatorum animas post purgationem conscientie in unitatem corporis Christi esse reddituras. Voluerunt etiam de diabolo asserere, sed non prævaluerunt: eo quod cum substantia in eo bona facta perire non possit, exusta in totum malitia, diaboli aliquando salvandam esse substantiam. De corpore vero Domini sic tradiderunt: quia cum usque ad nos veniens Filius Dei post tot millia annorum, otiosus eo usque non fuerit, sed prædicans remissionem angelis, potestatibus, atque universis superioribus, cum qualitatem forme eorum quos visitaret assumeret, usque ad palpabilitatem carnis assumptionis specie transvisse: hoc passione⁸ et resurrectione determinans, rursus donec usque ad Patrem veniret ascendendo tenuasse: ita neque depositum unquam⁹ fuisse corpus, nec in corpore ullo regnante circumscribi Deum. Creaturam quoque subjectam corruptioni, non volentem, intelligendam¹⁰ esse dicebant, solem et lunam et stellas; et hæc non elementarios esse fulgores, sed rationales potestates: præbere autem servitum corruptioni, propter eum

¹ In iisdem codicibus, solutione satis sobria, omnia hæc, etc.

² Vaticanani codicis, usque adhuc manet.

³ Sigiramanensis Ms., hæc beatissima edocebat.

⁴ Sic Ms. At editi, ut nunc perintelligunt.

⁵ Am. et Fr., specie crassius se hac passione, etc.

⁶ Vaticanani Ms. cum Am. et Fr., usquam.

⁷ Am. et Fr., intellectam.

¹ Ita Vaticanani MSS. At editi, adoratu.

² Sola editio Lov., quæ.

³ In Vaticanani MSS., sublato et patre, filium, etc.

qui subjecit in spe (*Rom. viii. 20*).

4. Hoc, sicut retinere potui, breviter expositum est, ut perspectis omnibus morbis medicinam adhibere festines. Est veritas Christi in me, quia propter venerabilem reverentiam Sanctitatis tue esse impudens non auderem, nisi evidenti judicio et ordinatione

Dei ad illius tanti et talis populi, cui sicut peccanti plaga imposta est, sic post plagam cura debetur, remedia proferenda te electum, me missum esse cognoscerem. Memor mei, beatissime pater, multorum qui mecum velut ros eloquium tuum ut super eos descendat expectant, esse dignare.

S. AURELII AUGUSTINI

HIPPONENSIS EPISCOPI

AD OROSIUM

CONTRA

PRISCILLIANISTAS ET ORIGENISTAS

Liber unus (a).



CAPUT PRIMUM. — 1. Respondere tibi querenti, dilectissime fili Orosi, nec ad omnia debeo, quæ in tuo Commonitorio posuisti, nec omnino non debeo, ne studium tuum, quod mihi gratissimum est, contempsisse videar, et ob hoc intemperanter offendam. Nam in quibusdam opusculis nostris, quæ vel legisti, vel legere poteris, multa dicta sunt, quæ valeant adversus heresim Priscillianistarum: quamvis non mibi eos proposuerim refellendos; sed cum aliud agerem, etiam hoc me egesse nunc intelligo, quando ex te audio quid illi sentiant. Quod enim est adversus Manichaeos multis a me locis de anima disputatum, quæ licet secundum quendam modum suum sit immortalis, tamen in deterius desciendo et in melius proficiendo mutabilis esse convincitur, et per hoc non esse de Dei substantia dilucidissime ostenditur, simul quoque Priscilliani dogma subvertit. Hoc enim uno firmissime constituto, quod et verissimum est, et in seipso unusquisque admonitus facillime agnoscit, neque illi, neque isti inveniunt unde suas fabulas texant. Quid autem opus est ire per amputandos ramos loquacissimi erroris, cuius radicem effodere atque extirpare compendium est; cum præsentim et ipse grataleris, jam illa fabulosissima deliramenta apud vos esse convicta?

CAPUT II. — 2. Sed de anima quæstionem adhuc usque versari, utrum eam Deus (quoniam particulam vel defluxionem ejus non esse jam constat) ex nihilo creasse dicendus sit, eo quod durum et impium videtur voluntatem Dei dicere nihil esse, quo volente

creata est: hoc quidem jam non pertinet ad redarguendam Priscilliani sacrilegam vanitatem. Sive enī ex nihilo facta sit anima, sive hoc properea dicendum non sit, quia Dei voluntate facta est, quæ voluntas utique nou est nihil: tamen quia facta, et Dei natura non est¹, profecto haeresis illa refellitur, quam animam primitus naturam Dei esse contendit, ut habeat unde concinnet² ibi quidquid aliud falsitatis adjungit. Verum quia et istam quæstionem spernere et indiscussam relinqueret non oportet; querendum est ab istis, qui propterea nolunt animam ex nihilo factam credere, ne voluntatem Dei qua facta est nihil esse assertant, querendum est ergo ab eis, utrum nullam creaturam ex nihilo factam esse fateantur. Si enim id putant, querendum est ne aliam quandam naturam conentur inducere, quæ neque Deus sit, nec tamen nihil sit, quam velut materiam sibi subjectam nisi Deus haberet, unde faceret quidquid fecit invenire non posset. Nam dum queritur unde creaturam suam Deus fecerit, quædam materies queritur: sicuti est fabro lignum, vel quodlibet corpus, quod nisi haberet, ea facere quæ ab ejus arte expetuntur, omnino non poterit. Cum ergo respondetur, Ex nihilo; quid responderetur, nisi nullam ei subjectam fuisse materiam, quam ipse non fecerat, ut haberet unde faceret, si quid vellet, et quam nisi haberet, facere non valeret? Materies quippe mundi, quæ in rebus mutabilibus utcumque dignoscitur, ab ipso constituta est, a quo constitutus est mundus. Quapropter etsi fecit aliquid Deus aut facit ex alia quacumque re; non tamen ex ea re fecit aut facit,

ADMONITIO PP. BENEDICTINORUM.

Liber ad Orosium contra Priscillianistas et Origenistas, ex vaticanis duobus MSS. ex quinque Gallicanis, Colbertino, Sorbonico, Sigismundi, Victorini duobus, et ex antiquioribus editionibus correctus est.

Comparavimus præterea eas omnes editiones initio Retr. et Confess., t. 1, memoratas. M.

(a) Scriptus anno Christi 415.

¹ MSS., quia facta est, Dei natura non est.

² In Victorinis aliisque nonnullis codicibus, connec-tat.

quam ipse non fecerit. Quamobrem sequestrata pauculum animæ natura, si satentur Deum aliud fecisse de nihilo, attendant et videant, quidquid illud est, enim voluntate fecisse; non enim aliud fecisset invitus: nec tamen ideo eamdem voluntatem nihil esse, quia voluntate ab illo aliud ex nihilo factum est. Cor ergo de anima timent dicere, quod de aliis quibuslibet rebus non dubitant dicere? Aut si animam tantummodo voluntate Dei perhibent fictam, cetera eum non voluntate fecisse contendunt; quid absurdius, quid insanius dici potest? Quod si omnia quæ fecit, voluntate utique fecit; nec tamen, cum hoc dicimus, eamdem voluntatem nihil esse dicimus: hoc et de anima accipiunt.

CAPUT III. — 5. Cum enim dicitur, Deus ex nihilo fecit; nihil aliud dicitur, nisi, Non erat unde saceret, et tamen quia voluit fecit. Usque adeo igitur in eo quod ex nihilo fecit, voluntas non nihil dicitur, ut ipsa præcipue commendetur. Nam cui dicitur, Subest enim tibi cum rotes posse (*Sap. xi, 18*): sive adsit unde fiat, sive non adsit; sat est voluntas, ubi summa est potestas. Quomodo ergo in eo quod de nihilo creatur, voluntas creantis nihil esse perhibetur; cum propterea de nihilo creari aliud posse, quia voluntas creantis etiam sine materia sibi sufficiat? Quod si forte, non solum animam, sed nullam omnino creaturam voluntati ex nihilo factam, ideo quoniam quidquid Deus fecit, voluntate fecit, que voluntas utique non est nihil; respiciant unde secundum corpus factus sit homo. Certe enim, sicut Scriptura testatur, cum de limo vel de pulvere terre Deus fecit (*Gen. ii, 7*), et procul dubio voluntate fecit: nec tamen voluntas Dei pulvis aut limus est. Sicut ergo in eo quod ex limo factum est, quamvis voluntate sit factum, non est voluntas limus; ita in eo quod ex nihilo factum est¹, quamvis voluntate sit factum, non est voluntas nihil.

CAPUT IV. — 4. Jam vero quod d'endum addisti, ex Priscilliani haeresi ad errorem Origenis apud vos homines fuisse delapsos, nec ab illa peste potuisse sanari, nisi et ipsa medicina morbidum aliud intulisset; non est quidem dolor iste culpandus: veritas enim debuit, non falsitas pellere falsitatem; nam hoc, mutare est malum, non evitare. Verumtamen quia de ipso Deo creatorum omnium conditore, hoc est, de ipsa coeternia et incomparabili Trinitate, ab eis qui ad vos libres Origenis attulerunt, id traditum esse commemoras quod veritas habet; contra quam veritatem Priscillianus Sabellianum antiquum dogmam refutavit, ubi ipse Pater qui Filius, qui et Spiritus sanctus perhabetur, hoc iste pejor, quod etiam de anima ita sentit, ut non eam propriam velit habere naturam, sed de ipso Deo tanquam particulam desuere, et tam deformiter inquinari atque in deterius commutari cum Manicheis audeat affirmare: non parum horum ex libris illis provincia vestra percepit, in ea re maxime in qua capitaliter erratur; de Creatore quippe, non de creature, tam falsa et tam nefaria sentiuntur. Sive ergo in hanc fidem qui devia-

verant restituvi sunt, sive qui eam nondum noverant, illarum disputationum lectione didicierunt, hoc se gaudent didicisse quod sanum est. Quod autem et in eis erroris est, quanquam te cognovisse jam videam; tamen quemadmodum contra talia disseratur, ibi melius discere poteris, ubi error ipse et olim exortus est, et non olim prodiit.

CAPUT V. — 5. Quantum possum tamen etiam ego commoneo, ut de diaboli angelorumque ejus correctione et in pristinum statum reparacione sapere nihil audeas: non quia diabolo et demonibus invideamus, et eo modo quasi vicem malevolentiae rependimus, cum illi non ob aliud nisi invidentie stimulis agitati, nostra itinera quibus in Deum tendimus perturbare conentur; sed quia ultimæ sententiae summi et veracissimi Iudicis, ex nostra presumptione addere nihil debemus. Ipse enim se similibus eorum dictorum esse prædicti: *Ite in ignem æternum, qui paratus est diabolo et angelis ejus.* Nec movere debet, ut hoc loco æternum pro diurno accipiamus, quod alibi scriptum est, *In æternum et in sæculum sæculi* (*Psal. ix, 6*). Latinus quippe interpres noluit dicere, In æternum et in æternum æterni. Sed quoniam id quod αἰών græco dicitur, et sæculum et æternum interpretari potest, commodius alii interpres transtulerunt, *In sæculum et in sæculum sæculi*. Sed non hoc dictum est ubi dictum est, *Ite in ignem æternum.* Non enim dictum est αἰών, sed αἰώνος: quod si a sæculo declinatum esset, sæculare latine diceretur, non æternum, quod nemo interpres unquam ausus est dicere. Quapropter licet latine sæculum cum aliquo fine intelligatur, æternum vero nisi id quod sine fine est, non soleat appellari; αἰών autem græco aliquando æternum, aliquando sæculum significare intelligatur: tamen quod ex hoc nomine derivatur et appellatur αἰώνος, nec ipsi Græci, quantum existimo, solent intelligere, nisi id quod non habet finem. Nos autem sive αἰών sive αἰώνος non solemus dicere nisi æternum; sed αἰών dicimus et sæculum, αἰώνος autem non nisi æternum. Quamvis quidam interdum etiam æternale audiant dicere, ne latine linguae deesse videatur ab eodem nomine derivatio.

6. Et fortasse quidem secundum morem Scripturarum inveniant isti aliquid etiam αἰώνος dictum, quod sine fine non sit, sicut Deus in libris Veteris Testamenti assidue dicit; *Hoc vobis erit legitimum æternum* (*Exod. xxviii, 43; Levit. xvi, 34, etc.*); quod græcus habet αἰώνος: cum de talibus sacramentis eo modo sape præciperet, que finem fuerant habitura; quanquam si diligentius dicta intelligantur, ea fortasse que illis sacramentis significabantur, finem non erant habitura. Ita enim, ne longius abeam, dicimus æternum Deum, non mihi istas duas brevissimas syllabas, sed quod eis significatur. Et dixit Apostolus æterna tempora priora et antiqua (*Il Tim. i, 9*), quod in græco legitur πρὸ χρόνων αἰώνων. Ad Titum enim scribens ait: *Spem vitæ æterne quam promisit non mendax Deus ante tempora æterna* (*Tit. i, 2*). Cum autem retrorsum tempora a constitutione mundi habere videantur initium,

¹ Sic MSS. [et ex nihilo factum, quamvis.]

quomodo sunt æterna , nisi quia æterna dixit quæ ante se non habent ullum tempus ?

CAPUT VI. — 7. Sed quisquis prudenter advertit quod dictum est, *Ite in ignem æternum*, illud esse dictum quod non habet finem, a contrario probat eo ipso loco evangelico de vita æterna quam justi accepturi sunt : non enim et ipsa habet finem. Ita enim conclusit : *Ibunt illi in ambustionem æternam ; justi autem , in vitam æternam* (*Matth. xxv, 41, 46*). In utroque grecus αἰώνας habet. Si misericordia nos provocat credere, non futurum impiorum sine fine supplicium ; quid de premio justorum credituri sumus, cum in utraque parte, eodem loco, eadem sententia, eodem verbo pronuntietur æternitas ? An iterum etiam justos ex illa sanctificatione et vita æterna in peccatorum immunditiam atque in mortem relapsuros esse dicemus ? Absit hoc a christianæ fidei sanitate. Utrumque igitur sine fine dictum est æternum, hoc est, αἰώνας : ne eum diaboli poenas dolemus, de regno Christi dubitemus. Postremo si æternum et æternale, hoc est, αἰώνα et αἰώνας, sub utroque intellectu in Scripturis poni solet, aliquando sine fine, aliquando cum fine ; quid de illis prophetæ verbis responsuri sumus, ubi scriptum est, *Vermis eorum non morietur, et ignis eorum non extinguetur* (*Isai. lxvi, 24*) ? Qualiscunque poena significata sit nomine vermis atque ignis; certe si non morietur nec extinguetur, sine fine prædicta est : nec aliud agebat Propheta, cum hoc diceret, nisi ut eam sine fine prædicaret.

CAPUT VII. — 8. De regno etiam Christi, non secundum id quod in principio Verbum Dens apud Deum (*Joan. i, 1*) ; nam illinc nemo unquam dubitavit, quod sit rex omnium sæculorum : sed secundum hominis susceptionem et mediatoris sacramentum et ex virginie incarnationem , aperiissime dictum est quod finem non sit habiturum, ubi angelus loquens ad Mariam matrem futuram virginemque mansuram, ait inter cetera : *Hic erit Magnus, et filius Altissimi vocabitur ; et dabit illi Dominus Deus sedem David patris ejus, et regnabit in domo Jacob in æternum, et regni ejus non erit finis* (*Luc. i, 52, 53*). Secundum quid regni ejus non erit finis, nisi secundum id quod regnabit in domo Jacob ? Nam hoc quod ait, in æternum ; propter ipsam ambiguitatem exposuit addendo, *regni ejus non erit finis* : ne quisquam æternum hic sic aciperet, quemadmodum sæculum finem quandolibet habiturum. Numquid autem regnum in domo Jacob et in sede David intelligi potest, nisi in Ecclesia et in eo populo qui est regnum ejus ? de quo etiam dicit Apostolus, *Cum tradiderit regnum Deo et Patri* (*I Cor. xv, 24*), id est, cum perduxerit sanctos suos ad contemplationem Patris, utique et ad suam, secundum id quod Deus est æqualis Patri. Non enim sic tradit, ut ipse amittat : quia et *Pater dedit Filio habere vitam in semel ipso* (*Joan. v, 26*), nec utique amisit ipse. Ac per hoc si regni ejus non erit finis, profecto sancti ejus qui sunt regnum ejus, cum illo sine fine regnabunt. Quod autem illo loco dicit Apostolus, *Deinde*

finis, cum tradiderit regnum Deo et Patri; ibi finem, non consumentem, sed perficiensem significat : sicut dictum est, *Finis enim legis Christus, ad justitiam omni credenti* (*Rom. x, 4*); quo lex perficiatur, non quo aboleatur. Quod et illic significat, ubi ait : *Non veni legem solvere, sed adimplere* (*Math. v, 17*).

CAPUT VIII. — 9. Quod autem dicunt de rationibus creaturis, id est, sanctis Angelis et immundis daemonibus, et ipsis animabus hominum, quod maiorem locum minor culpa promeruerit, qua impunitia conuentur Ecclesie Christi persuadere, non video. Melius itaque credimus, Deum non peccatis rationalium spirituum adductum esse ad fabricam mundi, ne illa sequantur ¹ absurdia, quod duos soles, vel tres, vel quatuor, vel quotquotlibet habere nobis esset necesse ², si plurimum spirituum per liberum arbitrium tanta culpa precederet, quanta illos in similibus corporum cœlestium globis oporteret includi : sed factum esse mundum Dei bonitate, magnum, bonum, a summo et non facto bono ; in quo fierent omnia bona valde secundum naturam, et aliis alia meliora, a summis creaturis usque ad infinita distinctis gradibus ordinata, ut eo modo essent omnia, dum non essent sola potiora, et haberent ejus numeri terminum, quem constitendum apud se vidit omnium naturarum creaturarum conditor Deus, qui ea non facta didicit, sed noverat esse facienda. Unde illud quod aiunt, in ejus sapientia jam fuisse facta omnia, antequam in istas formas et modos proprios proferrentur, atque in suis ordinibus apparerent, non sobrie dicitur. Facta enim quando essent, antequam facta essent ? Sed in Dei sapientia omnium faciendarum rerum rationes esse potuerunt, non tamen factæ. Omnia enim per ipsam facta sunt, non et ipsa facta est : quia et ipsa est Verbum de quo dicitur, *Omnia per ipsum facta sunt* (*Joan. i, 3*). Noverat ergo Deus omnia quæ fecit antequam ficeret. Non enim possumus eum dicere ignorata fecisse, et ea non nisi facta didicisse ; nescisse quid faceret, sed scisse quod fecit. Hoc enim si de aliquo artifice homine dicieremus, insipientissime saperemus. Noverat ergo ea scienda, non facta : noverat ut ficeret, non quia fecerat. Proinde quanvis jam nota essent, quia nisi a sciente non fierent ; non tamen facta esse cœperunt quæ ut fierent sciebantur, nisi post fierent, quæ ut recte fierent sciebantur antequam fierent ³.

10. Cum autem veritas, quæ neque opinatur incognita, nec aliquem fallit, purgationem nostram, ino vero et perfectionem etiam post resurrectionem corporum spiritualium usque ad Angelorum æqualitatem promittat futuram (*Luc. xx, 36*); quomodo dicuntur ipsi sancti Angeli, quibus purgatissimi æquales erimus, adhuc a peccatis suis esse purgandi ? Et cum cœlum novum et terram novam pollicetur Deus

¹ Magna hic in Amerbachii et Erasmi editionibus lacuna est, detractis sequentibus plus sexaginta versibus, quos tamen nostri omnes MSS. habent :

² Ita Vaticanus MSS. At Lov., *quod duo soles, vel tres, vel quatuor, vel quotlibet vobis esset necesse*.

³ Ex Sigismundensi MS. sic redigatur est locus [quæ ut fierent sciebantur æquales fierent.]

habitaculum sanctorum atque ab omni labe hujus seculi purgatorum (*Isai. LXVI, 22*), qua tandem affirmatur audacia, non futurum fuisse mundum, id est, cœlum et terram, nisi propter necessitatem purgandorum spirituum rationalium, qui vel in cœlo vel in terra non essent nisi pro meritis peccatorum? Quid ergo purgatis opus est cœlo novo et terra nova, si purgati ad hoc restituuntur, ut sint quemadmodum fuerunt ante cœlum et terram sine cœlo et terra? Quod si omnino verum esset, nos usque¹ ad illud quod promittit Scriptura spem nostram tendere deberemus. Et si inde essemus in aliquid melius transferendi, multo rationabilius hoc tunc jam ibi positi disceremus, quam nunc non solum temere crederemus, verum etiam impudenter docere conaremur. Quid est autem absurdius, quam dicere, Cœlum et terra non essent, nisi necessaria esset mundi structura purgandis; cum alterum cœlum et alteram terram promittat Scriptura purgatis?

41. Porro de sole et luna cæterisque sideribus, quod coelestia sint corpora videamus; quod animata sint non videamus. De divinis hoc Libris legatur, et credimus. Nam testimonium ex Apostoli Epistola quod ab eis dici solere posuisti, etiam de solis hominibus intelligi potest; quoniam in unoquoque homine est omnis creatura, non universaliter sicut est cœlum et terra et omnia quæ in eis sunt, sed generatim quodam modo: quia et rationalis in illo est, quam vel probantur habere Angeli, vel creduntur; et, ut ita dicam, sensualis, qua et bestiæ non carent: utuntur enim et sensibus et sensualibus motibus appetenda utilia et vitanda contraria: et vitalis privata sensu, qualis adverti in arboribus potest; nam et in nobis sine sensu nostro sunt corporis incrementa, et capilli nec cum præcidentur sentiunt, et tamen crescunt. Jam vero ipsa corporalis creatura evidenter apparuit in nobis, quæ licet ex terra facta atque formata sit, insunt tamen illi ex omnibus hujus corpori mundi elementis quedam particulae ad temperiem valetudinis. Nam et calore membra vegetantur, qui est ab igne, cuius etiam lux per oculos emicat; et aere venarum discursus, quas arterias vocant, atque spiramenta pulmonis implentur; et humor nisi esset, nulla sputamenta confluissent, vitamque absumeret siccitas. Nam et ipse sanguis humido lapsu alias venas replens, quasi rivis et fluminibus per eumeta diffunditur. Ita nullum est creaturæ genus, quod non in homine possit agnosciri: ac sic omnis creatura in eo congemiscit et dolet, revelationem filiorum Dei exspectans (*Rom. VIII, 22, 23*); quæ per corporis etiam resurrectionem, etsi non in omnibus hominibus, omnis tamen a corruptionis servitute liberabitur, quia et in singulis omnis est. Et si quo alio modo melius potest idem locus apostolicarum Litterarum intelligi: non tamen ex eisdem verbis consequens est ut soleri et lunari et sidera congemiscere credamus, donec in seculi fine a corruptionis servi-

tute liberentur.

CAPUT IX. — 42. Sane quoniam dixi, De divinis Libris legatur, et credimus; ne te forsitan fallat quod de libro sancti Job proferre assolent qui haec assertunt, ubi scriptum est: *Quomodo erit homo juvans coram Domino, vel quomodo se mundabit natus ex muliere? si luna præcipit, et non luctet, nec stellæ sunt mundæ ante eum; quanto magis homo putredo, et filius hominis vermis* (*Job XXV, 4-6*)? Illic enim voluit intelligi, et rationabilem spiritum habere stellas, et mundas non esse a peccato: sed ideo in cœlis esse, quia majorem vel meliorem locum minor culpa promeruit. Non pro auctoritate divina istam sententiam recipiendam esse existimo: non enim eam ipse Job enuntiavit, cui singulare quodam modo testimonium divinitus perhibetur, quod non peccaverit *labii suis ante Dominum* (*Id. I, 22*); sed unus ex eius amicis, qui dicti sunt *consolatores malorum omnes* (*Id. XVI, 2*), et divina sententia reprobati sunt. Sicut autem in Evangelio, quamvis verum sit omnino quod dicta sint, non tamen omnia quæ dicta sunt vera esse creduntur; quoniam multa a Judæis falsa et impia dicta esse verax Evangelii Scriptura testatur: sic in hoc libro, ubi multæ personæ locutæ esse narrantur, non solum quid dicatur, sed a quo etiam dicatur considerandum est; ne passim quæ in sancto libro quolibet scripta sunt recipientes, cogamur fateri, quod absit, vera et justa fuisse, quæ marito sancto mulier insipiens suggerebat, ut aliquid adversus Deum loquens ab illa intolerabili pena moriendo liberaretur (*Id. II, 9*). Quod non ideo dixerim, quia illi amici a Domino reprobati, et ab ipso sancto Dei servo merito culpati, nihil veri loqui potuerunt: sed quia non omnia quæ locuti sunt, vera putanda sunt. Quamvis enim adversum Job nihil verum dixerunt¹, potest tamen etiam ex eorum verbis aliquam sanam sententiam in testimonium veritatis assumere, qui novit sapienter dicta discernere: sed quando inquirentes, probari nobis aliquid volunt testimonio sanctorum eloquiorum, non nobis dicatur credendum esse etiam quod in Evangelio scriptum est, si forte evangelista eum hoc dixisse commemorat, cui fides habenda non est. Nam dictum est illic a Judæis Domino Christo, *Nonne verum dicinus, quia Samaritanus es et dæmonium habes* (*Joan. VIII, 48*)? Quam vocem tanto amplius determinatur, quanto nobis Christus est charior: enim sam tamen esse a Judæis dubitare non possumus, qui evangelicam narrationem verissimam credimus. Ita nec Evangelistæ derogamus fidem scribenti, et Judæi vocem blasphemantis execratur. Nec solum impiis et nefandis hominibus, sed nec ipsis in fide parvulis atque adhuc rudibus et indoctis, qui forte ibi loquentes commemorantur, tanquam canonice auctoritati accommodanuns fidem. Neque enim, quia ille conjuncti nati oculos Dominus aperuerat, ait. *Scimus quia peccatores Deus non exaudit* (*Id. IX, 31*), ideo istam

¹ Editio I. v., non usque. Emendatur ex manuscriptis.

¹ MSS.: *Quoniam ergo adversum Job nihil verum dixerunt.*

sententiam pro evangelica auctoritate sic debemus accipere, ut ipsis in Evangelio verbis Domini resistamus, qui eum qui dixit, *Domine, propitius esto mihi peccatori*, magis justificatum descendisse de templo, quam Pharisaeum justitas suas commemorantem atque jaclantem, divina voce firmavit (*Luc. xviii, 10-14*). Nec succenseat iste recens illuminatus in carne, quod eum diximus in suæ fidei tyrocinio, quando adhuc quis esset qui eum sanaverat nesciebat, minus circumspectam protulisse sententiam, *quia peccatores Deus non exaudit*: cum ipsis Apostoli, pre ceteris electi et Domini lateribus coherentibus ¹ ejusque ore pendentes, multa reperiantur improbaula dixisse, quæ comminorare prolixum est, ita ut beatus Petrus de quibusdam verbis suis, non solum reprehendi, sed etiam satanas appellari meruerit (*Math. xvi, 23*).

CAPUT X.—13. Quanquam in comparatione iustitiae Dei, si nec sancti in celis Angeli justi esse dicantur, non mihi videtur importuna sententia: non quia ut hoc essent, a justitia lapsi sunt; sed quia facti sunt, et Deus non sunt, tantumque spiritualis luminis habere non possunt, quantum habet ille a quo facti sunt. Ibi enim summa iustitia, ubi summa sapientia: et hoc Deus est, de quo dictum est, *Soli sapienti Deo* (*Rom. xvi, 27*). Sed alia questio est, quantum iustitiae ipsius capiant Angeli, quantumque non capiant. Cujus enim participatione justi sunt, ejus comparatione nec justi sunt.

CAPUT XI.—14. Sed alia est, ut dixi, ista questio; alia de sideribus et sole et luna, utrum vel rationales habeant spiritus in his conspicuis corporibus lucidisque: quæ corpora esse qui dubitat, quid sit omnino corpus ignorat. Neque ista multum ad nos pertinet, ut ea summo studio indagare curemus, quæ remota sunt a sensibus nostris et ab intellectu insirmatis humanæ, nec in ipsis Scripturis ita posita, ut nobis eorum sit mandata cognitio. Imo vero ne præ-

¹ Sic cum MSS. [cum ipsis Apostoli Domini, præ ceteris electi et lateribus coherentibus.]

cipiti suspicione in fabulas sacrilegas irruamus, clamat Scriptura divina, *Altiora te ne quaesieris, et fortiora te ne scrutatus fueris; sed quæ tibi præcepit Dominus, illa cogita semper* (*Eccli. iii, 22*): ut magis in istis temeraria presumpcio, quam cauta ignoratio culpanda videatur. Certe ait Apostolus, *Sive Sedes, sive Dominationes, sive Principatus, sive Potestates* (*Coloss. i, 16*). Et esse itaque Sedes, Dominationes, Principatus, Potestates in coelestibus apparatibus, firmissime credo, et differre inter se aliiquid indubitate fide teneo: sed, quo me contemnas, quem magnum putas esse doctorem, quænam ista sint, et quid inter se differant nescio. Nec ea sane ignorantia periclitari me puto, sicut inobedientia, si Domini præcepta neglexero; et ideo puto Spiritu Dei per autores nostros, scriptores sanctorum eloquiorum, non plene exposita, sed raptim tacta atque perstricta; ut si cui forte tali quales nos sumus, per altiorem revelationem aliiquid hujusmodi fuerit demonstratum, non se inferiores suis credat eos, per quos nobis canoniarum Scripturarum sancta præconia ministrata sunt. Quantum enim quisque sciendo proficerit, tanto se infra illas Litteras inventiet, quas Deus tanquam firmamentum supra omnia humana corda constituit. Non itaque opus est plus sapere, sed sapere ad temperantiam, sicut unicuique Deus partitus est mensuram fidei (*Rom. xii, 3*). Docebunt te ista fortasse doctiores, si ad illos afferas tantam discendi scientiam, quantum sciendi habes curram; ne incognita pro cognitis opineris; ne non credenda credas, vel credenda non credas. Imo docebit ille unus Magister et verus, sive per illos, sive quibus modis voluerit, qui te pro sua Ecclesia laborantem intus inspicit, ubi et hoc in te contulit: ipse reserabit latius veritatem, qui pulsantem pervidet, quam donare dignatus est, charitatem (a).

(a) Hic desinat Tractatus in melioribus MSS. Reliqui trigesinta circiter versus qui superadduntur in excusis, translati huc fuerant ex fine epistolæ Augustini ad Hieronymum, olim ordine 28, nunc 166.

AUGUSTINI SCRIPTIONES ALIE ADVERSUS PRISCILLIANISTAS HÆ SUNT:

IN TOMO II,

Epistola ccxxxvii, ad Ceretium episcopum.

IN TOMO VI,

Contra Mendacium liber ad Consentium.

IN SUBSEQUENTEM LIBRUM,

Vide lib. 2, cap. 52, Retractionum, tom. 1, col. 650, a *verbis*, Inter hæc (a), usque ad col. 651, *verbis*, Hac disputatione respondeo. M.

(a) Ipsum tempus indicat Gestorum cum Emerito donatista apud Cæsaream, de quibus in proxime antecedente Retractionum capite: quæ Gestæ consignantur Honorio XII et Theodosio VIII Coss. Itaque subsequens liber pertinet ad annum Christi 418. In antiquis codicibus titulum habet: « Liber Aurelii Augustini respondentis contra perfidiam Arianorum. » In Retractionum exemplaribus: « Contra sermonem Arianorum. »

Sermo Arianorum,

Tibi numeri propterea sunt locis singulis annotati, ut cum responsio legi cooperit, qui voluerit attendat, utrum cuique loco sit de diligenterque responsum sit; quia eodem numero habet etiam ipsa responsio, per quos cui loco respondereatur apparet.

1. Dominus noster Jesus Christus, Deus unigenitus, primogenitus totius creationis.

2. Voluntas Dei et Patris sui ante omnia aeterna constitutus.

3. Voluntate et præcepto ipsius, cœlestia et terrestria, visibilia et invisibilia, corpora et spiritus ex nullis existantibus, ut essent, sua virtute fecit.

4. Et antequam ficeret universa, omnium futorum Deus et Dominus, rex et creator erat constitutus, et omnium futurorum in natura habens præscientiam, et in faciendo in omnibus exspectans Patris iussionem; ipse voluntate et præcepto Patris descendit de cœlo, et venit in hunc mundum, sicut ipse ait: *Nec enim a me ipso veni, sed ille me misit* (*Joan. viii, 42*).

5. Et quia de omnibus spiritualibus et rationalibus gradibus, propter qualitatem¹ et fragilitatem corporis, paulo minus ab Angelis inferior minoratus homo videbatur (*Psal. viii, 6*): ne se vilem speraret, et de salute sua² desperaret, Dominus Jesus honorans facturam suam, dignatus est humanam carnem suscire; et ostendit³ quia non est homo vilis, sed pretiosus, sicut scriptum est: *Magnus homo et pretiosus vir* (*Prov. xx, 6, sec. LXX*). Et ideo solum hominem Patri suo heredem, sibi enim cohaeredem, facere dignatus est; ut quod minus acceperat in natura, plus haberet in honore.

6. Cum, inquit, *venit plenitudo temporis, misit Deus Filium suum natum ex muliere* (*Galat. iv, 4*). Ipse qui voluntate Patris carnem suscepit, ipse et voluntate et præcepto ipsius in corpore conversatus est, sicut ipse ait: *Descendi de cœlo, non ut faciam voluntatem meam, sed voluntatem ejus qui me misit* (*Joan. vi, 38*). Ipse et voluntate Patris triginta annorum baptizatus, voce et testimonio Patris manifestatus (*Luc. iii, 21-23*), voluntate et præcepto Patris Evangelium regni cœlorum predicabat, sicut ipse ait: *Et alii civitatibus oportet me Evangelium prædicare; in hoc enim missus sum* (*Id. iv, 45*); et, *Ipse mihi mandatum dedit quid dicam, aut quid loquar* (*Joan. xii, 49*). Et sic voluntate et præcepto Patris ad passionem et mortem properavit, sicut ipse ait: *Pater, transeat calix iste a me; non tamen quod ego volo, sed quod tu vis* (*Matth. xxvi, 39*). Et Apostolo asserente et dicente: *Obediens, inquit, factus Patri usque ad mortem, mortem autem crucis* (*Philipp. ii, 8*).

7. Is et in cruce pendens, voluntate et præcepto Patris carnem humanam, quam de sancta virginе Marii suscepit, in manus hominum dereliquit, et divinitatem suam in manus Patris commendavit, dicens: *Pater, in manus tuas commendō spiritum meum* (*Luc. xxiii, 46*). Quia Maria moriturum corpus peperit, Deus autem immortalis immortalem Filium genuit. Ergo mors Christi non diminutio est divinitatis, sed depositio corporis. Sicut enim generatio ejus ex virginе non fuit corruptio dealitatis ipsius, sed susceptio corporis; ita et in morte ejus non fuit passio et defectio dealitatis ipsius, sed separatio carnis ejus. Sicut enim qui inducentum conscient, induit facit

injuriam; ita et qui carnem ejus crucifixerunt, divinitati ipsius contumeliam intulerunt.

8. Is qui voluntate et præcepto Patris totam dispensationem adimplevit, voluntate et præcepto Patris corpus suum a mortuis suscitavit; et cum ipse corpore, ut pastor cum ove, et sacerdos cum oblatione, et rex cum purpura, et Deus cum templo a Patre assumptus est in gloriam.

9. Is qui voluntate Patris descendit et ascendit, voluntate et præcepto Patris sedet⁴ ad dexteram ejus, audiens Patrem sibi dicentem: *Sede ad dexteram meam, donec ponam inimicos tuos scabellum pedum tuorum* (*Psal. cix, 1*). Is qui voluntate et præcepto Patris sedet ad dexteram ejus, is voluntate et præcepto Patris in consummatione saeculi venturus est, Apostolo vociferante et dicente: *Et ipse, inquit, Dominus in jussu, in roce archangeli, et in tuba Dei descendet de cœlo* (*I Thess. iv, 15*). Is qui voluntate et præcepto Patris veniet⁵, voluntate et præcepto Patris judicaturus est totum mundum iniquitate, et redditurus singulis secundum fidem et opera sua; sicut ipse ait, *Pater judicat neminem, sed omne judicium Filius dedit: item, Sicut audio, judico, et judicium meum verum est; quia non quero voluntatem meam, sed voluntatem ejus qui me misit* (*Joan. v, 22, 30*). Unde et in judicando Patris presentiam præponit, et suam divinam dignitatem et potestatem secundum postponit, dicens: *Venite, benedicti Patris mei* (*Matth. xxv, 34*). Ergo justus judex est Filius: judicantis vero honor et auctoritas, Patris imperiales leges; sicut et Spiritus sancti officiosa advocatio et consolatio, Unigeniti Dei justi judicis est dignitas.

10. Ergo Filius a Patre est genitus: Spiritus sanctus per Filium est factus.

11. Filius Patrem prædicat: Spiritus sanctus Filiū annuntiat.

12. Primum et præcipuum opus est Filii, genitoris gloriam revelare: primum et præcipuum est opus Spiritus sancti, in animas hominum Christi dignitatem manifestare.

13. Filius testis est Patris: Spiritus testis est Filiī.

14. Filius mittitur a Patre: Spiritus mittitur a Filiō.

15. Filius minister est Patris: Spiritus sanctus minister est Filiī.

16. Filius jubetur a Patre: Spiritus sanctus jubetur a Filiō.

17. Filius subditus est Patri: Spiritus sanctus subditus est Filiō.

18. Filius, quæ jubet Pater, hæc operatur: Spiritus sanctus, quæ mandat Filius, hæc loquitur.

19. Filius adorat et honorat Patrem: Spiritus sanctus adorat et honorat Filium: ipso Filio dicente, *Pater, ego te honorificavi super terram, opus quod dedisti mihi consummavi* (*Joan. xvii, 4*): et de Spiritu sancto ait, *Ille me honorificabit, quia de meo accipiet, et*

¹ Ita MSS. Edith vero, *infirmatatem*.

² In MSS., *et de sanitate sua*.

³ Ex. Engd. Ven. Lxx, *ostendere*. M.

⁴ MSS. hic et infra habent, *sedit*.

⁵ Sic MSS. At editi, *renuit*.

annuntiabit vobis (Joan. xvi, 13).

20. *Filius a se non potest facere quidquam (Id. v, 19), sed in omnibus Patris exspectat nutum. Spiritus a se non loquitur, sed in omnibus Christi exspectat præceptum : Non, inquit, a se loquetur; sed quæcumque auctoriter loquetur, et ventura annuntiabit vobis (Id. xvi, 13).*

21. *Filius pro nobis interpellat Patrem : Spiritus pro nobis postulat Filium.*

22. *Totius bonitatis et sapientiae et virtutis Patris viva et vera, propria et condigna imago est Filius : totius sapientiae et virtutis Filii manifestatio est Spiritus.*

23. *Non est pars nec portio Patris Filius, sed proprius et dilectissimus, perfectus et plenus unigenitus Filius. Non est pars nec portio Filii Spiritus, sed primum et præcipuum opus unigeniti Dei præ ceteris universis.*

24. *Pater major est Filio suo : Filius incomparabiliter major et melior est Spiritu.*

25. *Pater Deus et Dominus est Filio suo : Filius Deus et Dominus est Spiritui.*

26. *Pater immobiliter et impassibiliter volens Filium genuit : Filius sine labore et fatigatione sola virtute sua Spiritum fecit.*

27. *Filius ut sacerdos adorat Deum suum, et ab omnibus adoratur ut Deus et creator omnium : Pater vero solus nullum adorat, quia nec majorem, nec æqualem habet quem adoret : nulli gratias agit, quia nullius beneficium consecutus est ; omnibus ut essent ob bonitatem suam donavit, ipse quod est a nemine accepit. Ergo hæc trium substantiarum, Patris, et Filii, et Spiritus sancti distinctio, et trium rerum, Dei ingeniti, et Dei unigeniti, et Spiritus advocati differentia : et Pater Deus et Dominus est Filio suo, et omnium quæ per virtutem Filii voluntate ipsius facta sunt : Filius minister et summus sacerdos est Patris sui ; omnium vero operum suorum Dominus et Deus est, Patre volente.*

28. *Etsicut nemo potest sine Filio ad Patrem transire, ita et nemo potest sine Spiritu sancto Filium in veritate adorare : ergo in Spiritu sancto adoratur Filius.*

29. *Per Filium glorificatur Pater.*

30. *Spiritus sancti opus et diligentia est sanctificare, et sanctos custodire ; et non solum rationabilia, ut quidam putant, sed et irrationalia plura sanctificare : et eos qui ceciderunt propter suam negligenciam, ad pristinum statum reparare ; ignorantes docere, obliscentes admonere, peccantes arguere, pigroshortari, de salute sua cogitare et sollicite age-re, errantes ad viam veritatis deducere, infirmos curare, et fragilitatem corporis per alacritatem animæ continere, et ad amorem pietatis et castitatis confirmare, et omnes illuminare ; super omnia fidem et charitatem præbere singulis, pro studio quoque et diligentia, pro sinceritate et simplicitate mentis, pro mensura fidei et merito conversationis gratiam ad utilitatem dividere, et unusquisque in quo opere et proposito fuerit habilis, in ipso ordinare.*

31. *Alium esse a Filio, et natura et ordine, gradu et affectu, dignitate et potestate, virtute et opera-*

tione : sicut et Filius natura et ordine, gradu et affectu, divina dignitate et potestate, unigenitus Deus alius est ab ingenito Deo.

32. *Impossibile ergo est unum eundemque esse Patrem et Filium, generantem et nascentem, cui testimonium perhibetur et eum qui testimonium perhibet, majorem et eum qui majorem constitetur, eum qui ad dexteram sedet et stat et eum qui sedis dedit honorem, eum qui missus est et eum qui misit ; nec discipulum et doctorem, ut ipse docuit dicens, Sicut docuit me Pater, sic loquor (Joan. viii, 28) : similem et imitatem, et eum cuius est similis et imitator¹ ; eum qui orat, et qui exaudit ; eum qui gratias agit, et qui benedicit², eum qui suscepit mandatum, et eum qui dedit mandatum, et ministrum præcipienti, supplicem eminenti, subditum superiori, primogenitum sempiterno, unigenitum ingenito, sacerdotem Deo unum atque eundem esse.*

33. *Sed et Deus sine principio præscius erat se unigeniti Dei pueri sui patrem futurum : Deum autem se futurum nunquam præscivit, quia ingenitus est, et nunquam coepit nec præscire, nec scire. Quid est autem præscientia, nisi futurorum scientia ? Pater autem generando Filium, ab ipso Filio est nuncupatus ; et ipso revelante, ab omnibus Christianis Deus et Pater unigeniti Dei est cognitus, et magno major et bono melior est manifestatus.*

34. *Et quia Homousiani dicunt Salvatorem nostrum humilitatis gratia hæc omnia de Patris præscientia, et de sua subiectione esse locutum, nos vero Christiani credimus Patre imperante et Filio obtemperante hæc omnia esse eum locutum ; dicimus et probamus quod hæretici ex suis dictis arguantur et reprehenduntur. Si enim se humiliavit, ipsa humilitas ejus obedientiam ostendit : ipsa vero obedientia alium supra eminentem, alium subsistentem et subiectum declarat, sicuti ait Apostolus, Humiliavit se, obediens factus Patri usque ad mortem (Philipp. ii, 8). Et ipsa humilitas ejus, veritas est, non falsitas. Quis enim vel quando sapiens contentus est se humiliare, nisi habeat majorem et meliorem cui festinet per humilitatem placere ? Et ego, inquit, quæ placita sunt ei facio semper (Joan. viii, 29). Semel enim ante omnia sæcula voluntate Dei natus, ad voluntatem ipsius omnia operatur. Si autem se humiliavit, et mentitus est, quod absit ; et si veritas mentitur, quod impossibile est, ubi quis querat veritatem ? Sed veritas nec mentitur, nec variatur, qui ob hoc venit ut veritatem doceret ; qui non est ignorantie doctor, sed veritatis magister, ut ipse dixit : Nolite vobis vocare magistros super terram, unus est enim magister vester Christus (Math. xxiii, 10). Si autem dixerint quia propter incarnationem suam humilians se super terram, propter homines hæc loquebatur,*

¹ Er. Lugd. Ven., et quem imitatur. M.

² Er. Lugd. Ven. Lov. sic exhibent huic locum : Et cum qui orat et qui exaudit ; et eum qui gratias agit, et qui benedicit. N.

ostendamus illis majora et firmiora esse illa testimonia , que de subjectione Filii in Scripturis sunt posita , de iis que in Evangelio aguntur. Si enim propter homines super terram se humiliabat , et non ut obediens et subjectus filius cum incomparabili dilectione et gratiarum actione Patri suo obsequebatur ; quia quantum sublimis est in potestate , tantum humilis est in obsequio : antequam carnem susciperet , quare jesus obandivit , et modo sedens ad dexteram Dei interpellat pro nobis (*Rom. viii* , 34) , et in corpore constitutus super terram in cœlo se Patrem regaturum promittebat , dicens . *Et ego rogabo Patrem meum , et alium adrogatum dabit vobis* (*Joan. xiv* , 16)? Et si adhuc in his omnibus propter duritiam et cætitatem cordis sui credere noluerint , sed ausi fuerint dicere quod hæc omnia humilitatis causa sunt , post consummationem sæculi , nisi se natura et voluntate seiret subjectum et obedientem , ut quid se humiliaret , ubi propter homines humilitas necessaria non est? Quod autem et post consummationem sæculi , quando illi omnia fuerint subjecta (*I Cor. xv* , 28) : quia

modo natura quidem omnia sunt subjecta , ut creatura Creatori ; voluntate autem , propter liberum arbitrium , non omnia illi subjecta videmus : tunc vero in die judicij , quando in nomine Jesu omne genu fletetur , cœlestium , terrestrium , et infernorum , et omnis lingua confitebitur , quia Dominus Jesus Christus in gloria Dei Patris¹ (*Philipp. ii* , 10 , 11) , omnia sine fine , et voluntate et natura illi erunt subjecta : et ipse post omnium sibi subjectionem in ea subjectione et charitate manens , in qua semper , et ipse ut Filius subjectus erit ei qui illi subdidit omnia : nullus audiens christianus ignorat , quia fides ex auditu , auditus autem per verbum Christi (*Rom. x* , 17) : ut sit Deus omnia in omnibus , semper monarchiam et potestatem habens omnium , cui gloria et honor , laus et gratiarum actio , per unigenitum ejus Filium Dominum² et Salvatorem nostrum , in Spiritu sancto , nunc et per omnia sæcula sæculorum. Amen.

¹ MSS. , ad gloriam Dei Patris.

² MSS. Deum.


S. AURELII AUGUSTINI

HIPPONENSIS EPISCOPI

CONTRA

SERMONEM ARIANORUM

LIBER UNUS ^(a).



CAPUT PRIMUM.— 1. Eorum præcedenti disputationi hac disputatione respondeo , qui cum Dominum nostrum Iesum Christum fatentur quidem Deum , sed Deum verum et cum Patre unum Deum nolunt fateri , duos nobis inducent deos diversæ disparisque naturæ ; unum verum , alterum non verum : contra illud quod scriptum est , *Audi , Israel ; Dominus Deus tuus , Dominus unus est* (*Deut. vi* , 4). Illoc enim si de Patre dictum volunt intelligi , sequitur ut Christus non sit Dominus Deus noster. Si autem de Filio , Pater non erit Dominus Deus noster. Si vero de ambobus , profecto Pater et Filius unus est Dominus Deus noster. Ac per hoc illud quod in Evangelio scriptum est , *Ut cognoscant te unum verum Deum , et quem misisti Iesum Christum* (*Joan. xvii* , 3) ; hoc eum dixisse accipiendum est , Ut te et quem misisti Iesum Christum cognoscant unum verum Deum. Quia et de Christo dictum est a Joanne apostolo , *Ipse est verus Deus et vita æterna* (*I Joan. v* , 20).

2. Item cum dicunt Christum voluntate Dei et Patris sui ante omnia sæcula constitutum , coguntur confi-

teri Filium Patri esse coæternum. Si enim aliquando Pater sine Filio fuit , erat ante Filium aliquod tempus , quo Pater sine illo solus fuit. Et quomodo erat ante omnia sæcula Filius , ante quem fuit tempus quo sine illo erat Pater? Porro , si ante omnia tempora Filius erat (non enim aliter intelligendum est , *In principio erat Verbum ; et , Omnia per ipsum facta sunt* (*Joan. i* , 1 , 3) ; quia et tempus sine aliquibus creaturebus motibus non potest esse , et ideo per illum facta confitimus et tempora , per quem facta sunt omnia) , procul dubio coæternus est Patri Filius. Sed voluntate Patris dicunt constitutum , nolentes dicere Deum de Deo æqualem , genitum atque coæternum. Nusquam autem legunt voluntate Patris Filium ante omnia sæcula constitutum. Sed hoc propterea dicunt , ut prior illo videatur voluntas Patris , qua eum constitutum volunt. Et argumentatio eorum talis esse solet : interrogant enim utrum Pater Filium volens an nolens genuerit ; ut si responsum fuerit quod volens genuerit , dicant , Prior est ergo voluntas Patris. Quod autem nolens genuerit , quis potest dicere ? Sed ut noverint quam

ADMONITIO PP. BENEDICTINORUM.

vidimus hujus opusculi Gallicanos manuscriptos codices octo , Sorbonicum , Germanensem , Corbeiensem , Pratellensem , Michaeliinum , Sagiensem , Remensis Ecclesiæ unum , et domini de Maran Tholosatis unum , præter quatuor Vaticanos . consilium etiam varias lectiones Belgicorum trium , et editiones Am. Er. et Lov.

Comparavimus præterea eas omnes editiones initio Retr. et Confess. , tom. 1 , memoratas . M.

(a) Scriptus anno Christi 418.

inania loquantur, etiam ipsi interrogandi sunt, utrum Deus Pater volens an nolens sit Deus. Non enim audebunt eum dicere, nolle se esse Deum. Si ergo responderint quod volens sit Deus, eo modo illis inferenda est vanitas sua, qua dici potest prior illo esse voluntas ejus : quo quid dicitur stultius?

CAPUT II. — 3. Deinde dicunt eum *voluntate et praecepto Patris, caelestia et terrestria, visibilia et invisibilia, corpora et spiritus, ex nullis exstantibus, ut essent, sua virtute fecisse*. Ubi ab eis querimus, utrum et ipse a Patre ex nullis exstantibus factus sit, hoc est, ex nihilo. Quod si dicere non audebunt; ergo Deus est de Deo, non ex nihilo factus a Deo. Quæ res indicat unam et eamdem Patris Filiique naturam. Neque enim homo, pecus, avis, piscis, possunt ejusdem naturæ gignere, filios, et Deus non potuit. Si autem tanto impietatis abrupto audebunt ire præcipites, ut dicant et unigenitum Filium a Patre ex nihilo constitutum; quarrant per quem factus sit a Patre ex nihilo Filius. Non enim per scipsum fieri potuit, tanquam jum esset antequam fieret, ut esset ipse per quem fieret idem ipse. Et quid opus erat cum fieri qui jam erat? aut quomodo sicut ut esset, qui jam erat antequam fieret? Porro, si per quem alium a Patre factus est, quis est ipse alius, cum omnia per ipsum facta sint? Si autem a Patre per neminem factus est; quomodo per neminem aliquid a Patre factum est, cum per Filium, hoc est, per ejus Verbum facta sint omnia?

CAPUT III. — 4. *Et antequam ficeret, inquiunt, universa, omnium futurorum Deus et Dominus, rex et creator erat constitutus, et omnium futurorum in natura habens præscientiam, et in faciendo in omnibus expectans Patris iussionem; ipse voluntate Patris descendit de caelo, et venit in hunc mundum sicut ipse ait: « Nec enim a me ipso veni, sed ille me misit » (Joan. viii, 42).* Vellem isti ut dicarent, utrum duos constituant creatores. Quod si non audent: unus est enim; quoniam ex ipso, et per ipsum, et in ipso sunt omnia (Rom. xi, 56); unus quippe Deus est ipsa Trinitas, et sic unus Deus, quomodo unus creator: quid est quod dicunt, jubente Patre creasse omnia Filium, tanquam Pater non creaverit, sed a Filio creari jusserrit? Cogitent qui carnaliter sapiunt, quibus aliis verbis jusserrit Pater unico Verbo. Formant eni sibi in phantasmate cordis sui quasi duos aliquos, et si juxta invicem, in suis tamen locis constitutos, unum jubentem, alterum obtemperantem. Nec intelligent ipsam iussionem Patris ut fierent omnia, non esse nisi Verbum Patris per quod facta sunt omnia.

Quod autem miserit Pater Filium, negari non potest. Sed considerent, si possunt, quomodo eum miserit, cum quo ipse venit. An ille mentitus est qui ait: *Non sum solus, quoniam Pater mecum est* (Joan. xvi, 32). Sed quomodo libet missum intelligent, numquid ideo diversa natura est, quia Pater mittit et mittitur Filius? Nisi forte potest homo pater mittere hominem filium cuius ejusdemque substantiæ, et non potest Deus: cum homo missus ab homine mittere separetur, quod Deus non potest. Sed ignis mitit splendorem

suum, nec potest splendor missus separari ab igne mittente: quamvis et ista quia creatura est visibilis, non omni ex parte huic rei sit comparabilis. Cum enim splendorem mittit ignis, longius pervenit splendor, quo ignis non pervenit. Unde splendor ab igne qui est in lucerna missus, si loqui posset, non utique posset verum dicere in pariete, quo sine lucernæ igne pervenit, Ignis qui me misit mecum est: potuit autem missus a Patre Filius dicere, *Pater mecum est*. Cum igitur haec a Patre missio Filii prorsus ineffabilis sit, nec capi ullius cogitatione possit, quomodo hinc ostendant Filium alterius atque inferioris essentiae, non inveniunt; quandoquidem nec homo missus ab homine, diversam naturam mittentis et missi esse demonstrat.

CAPUT IV. — Hic autem etiam hoc potest intelligi, ut eo ipso a Patre Filius missus esse dicatur, quod Filius hominibus apparuit in carne, non Pater. Quis enim mittitur illo ubi est? Ubi autem non est Sapientia Dei, quod est Christus, de qua legitur: *Attigit a fine usque ad finem fortiter, et disponit omnia suaviter* (Sap. viii, 1)? Cum ergo ubique sit etiam Filius, quo mittendus fuerat ubi non erat, nisi apparendo sicut non apparebat? Quanquam et Spiritum sanctum missum legamus, qui certe in unitatem personæ sue naturam non assumpsit humanam. Nec a solo Filio missus est, sicut scriptum est, *Cum ego iero, mittam illum ad vos* (Joan. xvi, 7); sed a Patre quoque, sicut scriptum est, *Quem mittet Pater in nomine meo* (Id. xiv, 26). Ubi ostenditur quod nec Pater sine Filio, nec Filius sine Patre misit Spiritum sanctum, sed eum pariter ambo miserunt. Inseparabilia quippe sunt opera Trinitatis. Solus Pater non legitur missus, quoniam solus non habet auctorem a quo genitus sit, vel a quo procedat. Et ideo non propter naturæ diversitatem, quæ in Trinitate nulla est, sed propter ipsam auctoritatem solus Pater non dicitur missus. Non enim splendor aut fervor ignem; sed ignis mittit, sive splendorem, sive fervorem. Quamvis haec longe sint dissimilia; nec inveniatur aliquid vel in spiritualibus vel in corporalibus creaturis, quod ei Trinitati, quæ Deus est, merito conseratur.

CAPUT V. — 5. Dicunt etiam: *Et quia de omnibus spiritualibus et rationalibus gradibus, propter qualitatem et fragilitatem corporis paulo minus ab Angelis inferior minoratus homo videbatur* (Psal. viii, 6); *ne se vilem speraret, et de salute sua despraret, Dominus Jesus honorans facturam suam, dignatus est humanam carnem suspicere, et ostendere quia non est homo vilis, sed pretiosus*, sicut scriptum est: *« Magnus homo et pretiosus vir »* (Prov. xx, 6, sec. LXX). Et ideo solum hominem Patri suo heredem, sibi enim coheredem facere dignatus est; ut quod minus acceperat in natura, plus haberet in honore. Haec dicentes, hoc volunt intelligi, quod humanam carnem sine humana anima Christus assumpserit. Quæ propria heres Apollinaristarum est: sed etiam istos, id est, Arianos, in eorum disputationibus, non solum Trinitatis diversas esse naturas, sed etiam hoc sentire deprehendi-

mus, quod animam non habeat Christus humanam. Verum id in hujus disputationis consequentiis evidentius apparet. Nunc ad haec eorum verba quae proposuimus hoc respondemus, ut recolant in Epistola quae ad Hebreos est, de Christo esse intellectum quod scriptum est, *Minorasti eum paulo minus ab Angelis* (*Hebr. ii, 7*) : et videant non ad diversitatem et inaequalitatem naturae Patris et Filii valere quod dixit, *Pater major me est* (*Joan. xiv, 28*) ; sed ad illud potius quod in forma servi propter infirmitatem, in qua patet mori potuit, minor etiam Angelis factus est.

CAPUT VI. — 6. Item dicunt : « *Cum, » inquit, « venit plenitudo temporis, misit Deus Filium suum natum ex muliere* » (*Galat. iv, 4*). *Ipse qui voluntate Patris carnem suscepit, ipse et voluntate et præcepto ipsius in corpore conversatus est, sicut ipse ait : « Descendi de cœlo, non ut faciam voluntatem meam, sed voluntatem ejus qui me misit »* (*Joan. vi, 38*). *Ipse et voluntate Patris triginta annorum baptizatus, voce et testimonio Patris manifestatus* (*Luc. iii, 21-23*), voluntate et præcepto Patris *Evangelium regni cœlorum prædicabat*, sicut ipse ait, « *Et alii civitatibus oportet me Evangelium prædicare; in hoc enim missus sum* » (*Id. iv, 43*); et, « *Ipse mihi mandatum dedit quid dicam, aut quid loquar* » (*Joan. xii, 49*). *Et sic voluntate et præcepto Patris ad passionem et mortem properavit, sicut ipse ait : « Pater, transeat a me calix iste; non tamen quod ego volo, sed quod tu vis* » (*Matth. xxvi, 39, 59*). *Et Apostolo asserente et dicente : « Obediens, » inquit, « factus Patri usque ad mortem, mortem autem crucis »* (*Philipp. ii, 8*). *Ilis testimoniosis sanctuarum Scripturarum quid persuadere conantur, nisi propterea Patris et Filii diversas esse naturas, quia obediens Patri ostenditur Filius? Quod tamen de hominibus non utique dicent : neque enim si homo filius homini patri suo sit obediens, ideo amborum diversa natura est.*

CAPUT VII. — Quanquam et hoc ipsum quod dicit Jesus, *« Descendi de cœlo, non ut faciam voluntatem meam, sed voluntatem ejus qui me misit*» (*Joan. vi, 38*) ; ad illud referatur quod homo primus Adam (de quo dicit Apostolus, *Per unum hominem peccatum intravit in mundum, et per peccatum mors; et ita in omnes homines pertransiit, in quo omnes peccaverunt* [*Rom. v, 12*]), faciendo voluntatem suam, non ejus a quo factus est, universum genus humanum propagine vitiata culpæ et poenæ fecit obnoxium. Unde a contrario, per quem liberandi fueramus, non fecit voluntatem suam, sed ejus a quo missus est. Ita quippe hoc loco dicitur voluntas sua, ut intelligatur esse propria contra voluntatem Dei. Neque enim cum obedimus Deo, eaque obedientia dicimur ejus facere voluntati, nolentes id facimus, sed volentes, ac per hoc si voleantes id facimus, quomodo voluntatem nostram non facimus, nisi quia illa dicitur voluntas, nostra, quando Scriptura ita loquitur, quæ intelligitur esse propria contra voluntatem Dei? Hanc habuit Adam, ut in illo moreremur : hanc non habuit Christus, ut in illo viveremus. De natura quippe humana hoc recte

dici potest, in qua exstitit per inobedientiam voluntas propria, quæ Dei voluntati esset adversa. Ceterum quod attinet ad divinitatem Filii, una eademque voluntas est Patris et Filii : nec potest ullo modo esse diversa, ubi est natura Trinitatis immutabilis universalis. Ut autem Mediator Dei et hominum homo Christus Jesus (*1 Tim. ii, 5*) non ficeret propriam, quæ Deo adversa est, voluntatem, non erat tantum homo, sed Deus et homo : per quam mirabilem singularemque gratiam humana in illo sine peccato ullo posset esse natura. Propter hoc ergo ait, *« Descendi de cœlo, non ut faciam voluntatem meam, sed voluntatem ejus qui me misit :* ut ea causa esset tantæ obedientiarum, quæ omnino sine ullo peccato esset hominis quem gerebat, quia de cœlo descendebat ; hoc est, non tantum homo, verum etiam Deus erat. Unam quippe ostendit esse personam in utraque natura, hoc est, Dei et hominis, ne si duas faciat, quaternitas incipiat esse, non trinitas. Quoniam itaque gemina quidem substantia, sed una persona est, propterea quod dictum est, *« Descendi de cœlo, resurgent ad Dei excellentiam ; quod vero adjunctum est, non ut faciam voluntatem meam,* propter Adam qui fecit suam, resurgent ad hominis obedientiam : utrumque autem Christus, id est, Deus et homo ; tamen obedientia in illo quæ contraria est inobedientiæ primi hominis, secundum id quod homo est commendatur. Unde ait Apostolus : *Sicut enim per inobedientiam unius hominis, peccatores constituti sunt multi ; ita et per obedientiam unius hominis justi constituentur multi* (*Rom. v, 19*).

CAPUT VIII. — Nec quia dixit, *« hominis, separavit Deum*, qui hominem assumpsit ; quia, sicut dixi, et valde commendandum est, una persona est. Ipso namque unus Christus et Dei Filius semper natura, et hominis Filius qui ex tempore assumptus est gratia : nec sic assumptus est ut prius creatus post assumeretur, sed ut ipsa assumptione crearetur. Ac per hoc propter istam unitatem personæ in utraque natura intelligendum et Filius hominis dicitur descendisse de cœlo, quamvis sit ex ea quæ in terra fuerat Virgine assumptus ; et Filius Dei dicitur crucifixus et sepultus, quamvis hæc non in divinitate ipsa qua est Unigenitus Patri coeternus, sed in natura humana sit infirmitate persessus. Nam Filium hominis descendisse de cœlo, ipsum dixisse sic legimus : *Nemo ascendit in cœlum, nisi qui de cœlo descendit, Filius hominis, qui est in cœlo* (*Joan. iii, 13*). Unigenitum vero Filium Dei crucifixum et sepultum, omnes etiam in Symbolo constemur. Unde est et illud Apostoli : *Si enim cognovissent, nunquam Dominum gloriae crucifixissent* (*1 Cor. ii, 8*). Hanc unitatem personæ Christi Jesu Domini nostri, sic ex natura utraque constantem, divina scilicet atque humana, ut quilibet earum vocabulum etiam alteri imperiat, et divina humana, et humana divina, beatus ostendit Apostolus, ubi nos cum ad balsilitatem misericordem per Christi exhortationem exemplum : *Hoc sentile, inquit, in vobis quod et in Christo Jesu, qui cum in forma Dei esset, non rapinam arbitratus est esse æqualis Deo ; sed se ipsum exinan-*

*uit, formam servi accipiens, in similitudinem hominum factus, et habitu inventus ut homo: humiliavit se ipsum factus obediens usque ad mortem, mortem autem crucis (Philipp. ii, 5 8). Cum ergo Christi nomen ex eo illi sit quod scriptum est in prophetia, *Unxit te Deus, Deus tuus, oleo exultationis præ parti ipibus tuis* (Psal. xliv, 8); unde ad id quod homo factus est pertinet id quod formam servi accipiens habitu est inventus ut homo, qui utique habitus cœpit ex tempore: de ipso tamen codemque Christo dictum est, *Cum in forma Dei esset*; cum profecto in forma Dei antequam ab illo forma servi esset accepta, nondum erat Filius hominis, sed Filius Dei, cui Patris æqualitas rapina non erat, sed natura. Non enim erat usurpando elatus, sed hoc erat natus, et ideo veritas. Nondum ergo erat Christus, quod esse cœpit cum *semel ipsum exinanivit*, non formam Dei amittens, sed formam servi accipiens. Verum si queramus, Quis est ille qui cum in forma Dei esset, non rapinam arbitratus est esse æqualis Deo? Respondet nobis voce apostolica, *Christus Jesus*. Ergo et illa divinitas hujus humanitatis nomen accepit. Item si queramus, quis nam sit *factus obediens usque ad mortem, mortem autem crucis*; rectissime responderetur, Ille qui cum in forma Dei esset, non rapinam arbitratus est esse æqualis Deo. Ergo et ista humanitas illius divinitatis nomen accepit. Apparet tamen idem ipse Christus, geminæ gigas substantiæ, secundum quid obediens, secundum quid æqualis Deo; secundum quid Filius hominis, secundum quid Filius Dei: secundum quid dicat, *Pater major me est* (Joan. xiv, 28); secundum quid, *Ego et Pater unus sumus* (Id. x, 30); secundum quid, non facit¹ voluntatem suam, sed ejus a quo missus est (Id. vi, 38); secundum quid, *Sicut Pater suscitat mortuos et vivificat, sic et Filius quos vult vivificat* (Id. v, 21).*

CAPUT IX.—7. Item sequuntur et dicunt: *Iste et in cruce pendens, voluntate et præcepto Patris, carnem humanam quam de sancta virgine Maria suscepit, in manus hominum dereliquit, et divinitatem suam in manus Patris commendavit, dicens: Pater, in manus tuas commendabo spiritum meum* (Luc. xiii, 46). *Quia Maria moriturum corpus peperit, Deus autem immortalis immortalem Filium genuit. Ergo mors Christi non diminuit est divinitatis, sed depositio corporis. Sicut enim generatio ejus ex virginе non fuit corruptio dealitatis², sed susceptio corporis; ita et in morte ipsius non fuit passio et defectio dealitatis ipsius, sed separatio carnis ipsius.* Sicut enim qui indumentum consenit, induit facit injuriam; ita et qui carnem ipsius crucifixerunt, divinitati ipsius contumeliam intulerunt. Ecce in quibus verbis suis omnino manifestant negare se, quod ad unitatem personæ Christi etiam humana anima pertineat; sed in Christo carnem et divinitatem tantummodo conlitteri. Quandoquidem cum penderet in ligno, illud ubi ait, *Pater, in manus tuas commendabo spiritum meum*, divinitatem ipsam volunt eum intelligi commendasse Patri, non humanum spiritum, quod est ani-

¹ Juxta Fr. Lugd. Ven. Lov., *faciat. M.*

² Editi hoc et proximo loco, necnon supra in Sermone Arianorum, ferentur, *dealitatis*, ubi veteres MSS. constanter habent, *dealitatis*.

ma. Merito in ista ipsa disputatione superius, ubi voluerunt intelligi Christum Patris voluntatem fecisse, non suauit, hinc eum minoris atque diversæ putantes case naturæ, illud commemorarunt quod ait, *Pater, transeat a me calix iste; non tamen quod ego volo, sed quod tu vis*: illud autem voluerunt quod ait, *Tristis est anima mea usque ad mortem* (Matth. xxvi, 39, 58). Audiant ergo ista commemorantibus nobis: *Tristis est anima mea usque ad mortem; Potestatem habeo ponendi animam meam* (Joan. x, 18); *Majorem hac charitatem nemo habet, quam ut animam suam ponat pro amicis suis* (Id. xv, 13): et quod de illo intellexerunt Apostoli prophetatum, *Quoniam non derelinques animam meam in inferno* (Psal. xv, 10; Act. ii, 31, et xiii, 35). Et his atque hujusmodi sanctorum Scripturarum testimoniis non resistant, fateanturque Christum, non tantum carnem, sed animam quoque humanam Verbo unigenito coaptasse; ut esset una persona, quod Christus est, Verbum et homo: sed ipse homo, anima et caro; ac per hoc Christus Verbum anima et caro. Et ideo sic intelligendus geminæ substantiæ, divinae scilicet et humanae, ut ipsa humana ex anima constet et carne. Aut si eo moventur quod scriptum est, *Verbum caro factum est* (Joan. i, 14); nec illuc anima nominata est: intelligent carnem pro homine positam, a parte totum significante locutionis modo; sicuti est, *Ad te omnis caro veniet* (Psal. lxiv, 3): item, *Ex operibus Legis non justificabitur omnis caro* (Rom. iii, 20). Quod apertius alio loco dixit, *Ex Lege nemo justificabitur* (Galat. iii, 11): itemque alio, *Non justificatur homo ex operibus Legis* (Id. ii, 16). Ita ergo dixit, *Omnis caro*; ac si diceret, *Omnis homo*. Sic itaque dictum est, *Verbum caro factum est*; ac si diceretur, *Verbum homo factum est*. Verum tamen isti cum ejus solam humanam carnem velint intelligi hominem Christum; non enim negabunt hominem, de quo apertissime dicitur, *Unus mediator Dei et hominum homo Christus Jesus* (I Tim. ii, 5): miror quod nolint consentire, propter hanc humanam quomodo cumque naturam dici potuisse, *Pater major me est*; non propter illam de qua dictum est, *Ego et Pater unus sumus*. Quis enim ferat, si quantumcumque homo dicat, *Ego et Deus unus sumus?* Et quis non accipiat, si homo dicat, *Deus major me est?* Quale illud est quod ait beatus Joannes: *Major est Deus corde nostro* (I Joan. iii, 20).

CAPUT X.—8. Item dicunt: *Iste qui voluntate et præcepto Patris totam dispensationem adimplivit, voluntate et præcepto Patris corpus suum a mortuis suscitavit; et cum ipso corpore, ut pastor cum ovis, et sacerdos cum oblatione, et rea cum purpura, et Deus cum templo a Patre assuuptus est in gloriam. Querendum est ab eis qui ista dicunt, qualem ovem pastor reportaverit Patri. Si enim caro sine anima est quam reportavit, quid est ovis ista nisi terra sine sensu, quæ nec agere gratias potest? Quia sine anima caro quid potest?*

CAPUT XI.—9. Item sequuntur et dicunt: *Iste qui voluntate Patris descendit et ascendit, voluntate et præ-*

*c. pto Patris sedit ad dexteram ejus, audiens Patrem sibi dicentem : « Sede ad dexteram meam, donec ponam inimicos tuos scabellum pedum tuorum » (Psalm. cix, 4). Is qui voluntate et praecepto Patris sedit ad dexteram ejus, in voluntate et praecepto Patris in consummatione saeculi venturus est, Apostolo vociferante et dicente : « Et ipse », inquit, « Dominus in jussu, in voce Archangeli, et in tuba Dei descendet de caelo » (I Thess. iv, 15). Is qui voluntate et praecepto Patris veniet, voluntate et praecepto Patris judicaturus est totum mundum in aequitate, et ediditur singulis secundum fidem et opera sua; sicut ipse ait, « Pater judicat neminem, sed omne judicium Filio dedit »: item, « Sicut audio, iudico, et judicium meum verum est; quia non quero voluntatem meam, sed voluntatem ejus qui me misit » (Joan. v, 22, 30). Unde et in judicando Patris presentiam praeponit, et suam divinam dignitatem et potestatem secundum postponit, dicens : « Venite, benedicti Patris mei » (Matthew. xxv, 34). Ergo justus judex est Filius: judicantis vero honor et auctoritas, Patris imperiales leges; sicut et Spiritus sancti officiosa advocatio et consolatio, Unigeniti Dei justi judicis est dignitas. Jam quæ superius respondimus, etiam adversus ista similiter valent. Quod enim voluntati et praecepto Patris obediens est Filius, nec in hominibus demonstrat diversam imparemque naturam, patris præcipiens, et filii obediens. Huc accedit quod Christus non tantum Deus est, qua natura æqualis est Patri; sed etiam homo, qua natura major est Pater, cuius etiam non solum Pater, verum et Dominus est. Nam inde est et illud propheticum : *Dominus dixit ad me, Filius meus es tu* (Psalm. ii, 7). Ibi est quippe inferior substantia qua Pater major sit, et servi forma cui Dominus sit. Ille autem forma humanitatis ejus, quam manente forma divinitatis accepit, ut in similitudinem hominum fieret et habitu inveniretur ut homo (Philipp. ii, 6, 7), in iudicio quoque apparebit, quo vivos et mortuos judicabit. Leo dictum est de Patre, quod non judicabit quemquam, sed omne judicium dedit Filio (Joan. v, 22). Formam namque in Christo Filii hominis tunc ab eo judicandi videbunt impii, de quibus dictum est, *Videbunt in quem confixerunt* (Zach. xii, 10; Joan. xix, 57). Dei vero formam in eodem ipso Christo, qua æqualis est Patri, utique non videbunt. Unde prophetia præcessit, *Tollatur impius, ut non videat claritatem Domini* (Isai. xxvi, 10). Quia et ad hoc pertinet, *Beati mundo corde, quoniam ipsi Deum videbunt* (Matthew. v, 8). Denique hoc apertissime testatur, ubi dicit, *Potestatem dedit ei judicium facere, quoniam Filius hominis est* (Joan. v, 27). Non ergo quoniam Filius Dei est; nam secundum hoc coetera illi cum Patre et una eademque potestas est: sed quoniam Filius hominis est, quod esse cœpit ex tempore, ut potestas ei datur in tempore. Quod non ita dicitur, tanquam eam sibi et ipse non dederit, id est, naturæ in se humanæ non dederit potestatem illa quæ in eo natura divina est: absit hoc credere. Quomodo enim aliquid facret Pater, nisi per unigenitum Filium? Nec sine Spiritu sancto, quia inseparabilia sunt opera Trinitatis. Ac per hoc quid potestatem Filio dedit quoniam Filius*

hominis est, per eundem ipsum ipsi dedit quoniam Filius Dei est. Omnia enim per ipsum facta sunt, et sine ipso factum est nihil (John. i, 3). Sed honorifice et competenter tribuit Patri quod etiam ipse fecit ut Deus; quia de Patre est Deus. Ipse namque Deus est de Deo: Pater autem Deus, sed non de Deo.

CAPUT XII. — Audivit, inquit, a Patre, « Sede ad dexteram meam, et ideo sedit ad dexteram Patris: tanquam paterna jussione, non etiam sua id fecerit potestate. Hoc quidem nisi spiritualiter acceptum fuerit, Filio Pater ad sinistram erit. Quid est autem Patris dextera, nisi æterna illa ineffabilisque felicitas, quo pervenit Filius hominis etiam carnis immortalitate percepta? Nam si ita ut manum Dei Patris, non secundum linea menta corporis quæ in Deo non sunt, sed secundum effectivam virtutem sapienter et fideliter cogitemus, quid intelligemus, nisi ipsum Unigenitum per quem facta sunt omnia? De quo etiam propheta dixit: *Et brachium Domini cui revelatum est* (Isai. lxx, 1)? Quomodo autem Filius audit Patrem? quomodo dicuntur a Patre multa verba uno Verbo? quomodo transeunter loquitur ei quem stabiliter loquitur? quomodo aliquid temporaliter ei dicit in quo sibi coetero jam erant omnia quæ congruis quibusque temporibus dicit? Quis hæc audeat querere? quis valeat invenire? Et tamen, *Dixit Dominus Domino meo, Sede ad dexteram meam* (Psalm. cix, 1); et quia dictum est, ideo factum est. Hoc ergo jam erat in Verbo quod *Verbum caro factum est* (John. i, 14). Et quia in Verbo ante carnem jam erat veraciter, ideo in carne completum est efficaciter: quia in Verbo jam erat sine tempore, ideo in carne completum est suo tempore. In qua carne ascendit in cœlum, qui de cœlo non recessit etiam cum inde descendit; et in qua sedet ad dexteram Patris brachium Patris; et in qua descensurus est ad judicium in jussu, in voce archangeli, et in tuba Dei (I Thess. iv, 15).

CAPUT XIII. — Ubi illi minorem volunt videri Filii potestatem, quia in jussu dictus est descensurus. Sed querendum est ab eis, jussu cuius. Si Patris, interrogandi sunt iterum, quibus temporalibus verbis jubeat Pater aeterno suo Verbo ut descendat de cœlo. Siquidem ipsa Dei jussio quæ sicut in tempore suo, jam erat ante omnia tempora in ipso Dei Verbo. Quod si Filius Dei per hoc quod filius hominis est, descendit de cœlo; ergo per hoc quod Verbum est, per ipsum jubetur ut descendat de cœlo. Nam si non per ipsum Pater jubet, non ergo Pater per suum Verbum jubet: aut aliud erit Verbum per quod jubeatur unico Verbo. Et miror si jam illud unicum erit, si et aliud erit. Facte sunt quidem Patris ad Filium quadam etiam temporaliter voces, sicut de nube sonuit. *Tu es Filius meus dilectus* (Matthew. iii, 17): non tamen ut Filius unigenitus per ilias aliquid disceret; sed hi potius quos ita oportebat audire. Ac per hoc etiam ille transeuntium verborum sonus non sine Filio factus est Filio: aliquin non omnia per ipsum facta sunt. Sed numquid, cum jubebitur ut descendat de cœlo, talibus sonis et vocibus opus erit, quibus Filius paternam reverit voluntatem? Absit hoc cre-

dere. Quidquid ergo illud erit quod fieri oportebit ad Filium, non faciet Pater nisi per eumdem Filium. Ad ipsum scilicet, quia Filius hominis est et factus est inter omnia. Per ipsum autem, quia Filius Dei est et per illum sunt a Patre omnia. Si autem quod dictum est, *In jussu, in voce archangeli; ipsius archangeli iussum volunt intelligi*, sicut verba ipsa videntur sonare: quid eis restat, nisi ut Angelis etiam minorum dicant unigenitum Filium, quorum iussis obedere prohibetur, si jubente minor est cui jubetur? Quamvis quod dictum est, *In jussu, in voce archangeli*, possit etiam sic intelligi, ut ipsa vox archangeli iussu Dei fieri accipiat, id est, ut angelus qui tuba Dei esse intelligentius est, a Domino Deo jubeatur emittere vocem suam, quod inferiorum creaturarum necessarium erit audire, cum Filius Dei descendet de celo. Ipsa est enim tuba de qua dicit alio loco: *Canet enim tuba, et mortui resurgent incorrupti* (*I Cor. xv, 52*).

CAPUT XIV. — Dixit ergo Filius, *Sicut audio, iudico* (*Joan. v, 50*): sive ex humana subiectione, quia et Filius hominis est; sive secundum illam incommutabilem simplicemque naturam, quae sic est Filii, ut tamen ei de Patre sit: in qua natura non est aliud audire, aliud videre, aliud esse; sed quod est esse, hoc audire, hoc videre. Unde ab illo ei est audire et videre, a quo illi est ipsum esse. Nam et illud quod alibi ait, *Non potest Filius a se facere quidquam, nisi quod viderit Patrem facientem*, multo est ad intelligentium difficultius quam hoc quod isti posuerunt, ubi dixit, *Sicut audio, iudico*. Si enim non potest Filius a se facere quidquam, nisi quod viderit Patrem facientem; quomodo poterit judicare, si Patrem non viderit judicantem? Sed Pater non judicat quemquam; omne quippe judicium dedit Filio. Judicat ergo Filius, accepto, a Patre, non aliquo, sed omni iudicio; quamvis Patrem non videat judicantem, quia ille neminem judicat. Quomodo igitur non potest Filius a se facere quidquam, nisi quod viderit Patrem facientem, cum judicet, nec Patrem videat judicantem? Non enim ait, *Non potest Filius a se facere quidquam, nisi quod audiatur Patrem jubentem*; sed, *quod viderit Patrem facientem*. In ista intendant, ista cogitent, ista considerent; et eorum quodam modo, quantum fieri potest, excarnetur intentio, qui carnalibus cogitationibus moliuntur unam Trinitatis eamdemque naturam et substantiarum separare distantia¹, et potestatum gradibus ordinare. Ideo enim dictum est, quod non faciat aliquid Filius a se, quia non est a se: et ideo quidquid facit, Patrem videt facientem; quia videt ex ipso faciendi se habere potentiam, ex quo se videt existendi habere naturam. Et quod ait, se non posse, non deficientis est, sed in eo quod de Patre natus est permanentis: tamque laudabile est omnipotenter non posse mutari, quam laudabile est quod omnipotens non potest mori. Posset enim Filius facere quod non vidisset Patrem facientem, si posset facere quod per illum non facit Pater: hoc est, si possit peccare,

neque naturae immutabiliter bonae, quae a Patre genita est, convenire. Hoc autem quia non potest, non deficiente non potest, sed potenter.

CAPUT XV. — Eadem namque sunt opera Patris et Filii, non quod Filius sit idem ipse qui Pater est; sed quia nullum opus est Filii, quod non per eum Pater facit; nec illum Patris, quod non per Filium simul facientem facit. *Quacunque enim Pater facit, haec eadem Filius similiter facit* (*Joan. v, 19, 22*). Evangelica est et ista sententia, Filii ipsius consequenter ore prolati. Non sunt ergo alia alia Filii, et alia Patris opera, sed *haec eadem*: nec dissimiliter sunt a Filio, sed *similiter*. Cum autem non alia similia, sed haec eadem fiant a Filio quae sunt a Patre; quid est, *similiter*, nisi non dissimili facilitate¹, non dissimili potestate? Si enim *haec eadem* quidem ambo faciunt, sed alter altero facilius et potentius, non utique *similiter* ea facit Filius. Cum vero et *haec eadem* et *similiter*, profecto nec alia sunt Filii quam Patris opera, nec operantium est diversa potentia. Nec utique sine Spiritu sancto: neque enim a faciendis amborum operibus ullo modo amborum separabitur Spiritus. Mirum itaque eodemque utique divino modo ab omnibus sunt opera omnium, ab omnibus etiam singulorum. Nam omnium opera sunt celum et terra omnisque creatura. De Filio quippe dictum est: *Omnia per ipsum facta sunt* (*Id. 1, 3*). Quis autem ab Spiritu sancto audeat alienare opera quarumlibet creaturarum, quem cernit operari dona sanctorum, de quibus scriptum est: *Omnia autem haec operatur unus atque idem Spiritus, dividens propria unicuique prout vult* (*I Cor. xii, 11*)? Postremo, cum sit Christus Dominus omnium (*Id. viii, 6*) et super omnia Deus benedictus in saecula (*Rom. ix, 5*); quid ex omnibus negari potest etiam Spiritus sancti opus, qui est ipsum Christum in utero virginis operatus? Cum enim angelio futurum partum sibi nuntianti virgo dixisset, *Quomodo fet istud, quoniam virum non cognosco*; resonsum accepit, *Spiritus sanctus superveniet in te* (*Luc. i, 34, 35*). Singulorum autem opera dicuntur, quae ad unamquamque eorum manifestantur pertinere personam. Sicut natus ex virgine non nisi Filius (*Matth. i, 20-25*): et vox de nube, *Tu es Filius meus dilectus*, ad solius personam pertinet Patris: et specie corporali, sicut columba, solus apparuit Spiritus sanctus (*Id. vii, 16, 17*). Tamen et illam carnem solius Filii, et illam vocem solius Patris, et illam speciem solius Spiritus sancti, universa Trinitas operata est: non quod invalidus sit unusquisque eorum, sine aliis quod operatur implere; sed non potest operatio esse divisa, ubi non solum aequalis est, verum etiam indiscreta natura: ita ut cum tres sint, et eorum singulus quisque Deus sit, tres tamen non sint. Nam et Pater Deus est, et Filius Deus est, et Spiritus sanctus Deus est; nec Filius idem qui Pater est, nec idem Spiritus sanctus qui aut Pater aut Filius; sed Pater semper Pater, et Filius semper Filius, et amborum Spiritus nunquam cuiquam eorum aut Pater

¹ Sic MSS. Editi vero, unam Trinitatem eamdemque naturam et substantiam separare distinxerunt.

¹ Editi, facilitate. MSS. autem, facilitate.

aut *Fil'us*, sed semper utriusque *Spiritus*: universa tamen Trinitas unus est Deus. Quis itaque neget, non Patrem, non Spiritum sanctum, sed Filium ambulasso super aquas (*Math. xiv.*, 25)? Solius enim Filii¹ caro est, cuius carnis illi pedes aquis impositi et per aquas ducti sunt. Absit autem ut hoc sine Patre fecisse credatur; cum de suis operibus universaliter dicat, *Pater autem in me manens facit opera sua* (*Joan. xiv.*, 10): aut sine Spiritu sancto; cum similiter opus sit Filii, quod ejiciebat daemonia. Illius quippe carnis ad solum Filium pertinentis lingua erat, qua imperabatur daemonibus ut exirent: et tamen dicit, *In Spiritu sancto ejicio daemonia* (*Math. xvi.*, 28). Item quis nisi solus Filius resurrexit? Quia solus mori potuit, qui carnem habuit: et tamen ab hoc opere, quo solus Filius resurrexit, non erat Pater alienus, de quo scriptum est, *Qui suscitur a mortuis Jesu* (*Galat. i. 4*). An forte se ipse non suscitavit? Et ubi e t quod ait, *Solvite templum hoc, et triduo suscitarbo illud* (*Joan. ii.*, 19); et quod potestatem se habere dicit ponendi et iterum sumendi animam suam (*Id. x.*, 18)? quis autem ita desipiat, ut putet Spiritum sanctum resurrectionem hominis Christi non cooperatum, cum ipsum hominem Christum fuerit operatus?

CAPUT XVI. — Est in homine simile quiddam, quinvis nequaquam illius Trinitatis, quae Deus est, excellentiae comparandum: ille enim Deus est, ista creatura: habet tamen aliquid et ista, ubi qualicunque modo id quod de illa ineffabili Dei natura dicitur, possit intelligi. Neque enim frustra non est dictum, *Faciamus hominem ad imaginem tuam, tanquam Pater Filio loqueretur*; aut, ad imaginem meam: sed dictum est, *ad imaginem nostram* (*Gen. i.*, 26). Quod ex persona ipsius Trinitatis rectissime accipitur. Tria itaque ista in hominis anima cogitemus, memoriam, intelligentiam, voluntatem: ab his tribus fit omne quod facimus. Et cum tria ista bene recteque sese habent, bonum et rectum est omne quod facimus; si nec memoriam decipiat oblivio, nec error intelligentiam, nec iniquitas voluntatem. Ad Dei quippe imaginem sic reformamur. Omne igitur opus nostrum ab his tribus fit: nihil enim agimus, quod non haec tria simul agant. Deinde cum de singulis loquimur, etiam quod ad singula pertinet ab omnibus agitur. Neque enim sermonem quem de sola memoria facimus, memoria sola facit: sed intelligentia voluntasque cooperantur eum, quamvis ad solam memoriam pertinentem. Hoc et de duobus ceteris videre facilissimum est. Nam quidquid de se ipsa intelligentia loquitur, sine memoria et voluntate non loquitur: et quidquid de se ipsa voluntas dicit aut scribit, sine intelligentia memoriaque non facit. Quatenus sint autem ista similia, et rursus quantum dissimilia illi incommutabili Trinitati, quae Deus est, longum est enucleatissime disputare. Sed ideo tantum hoc remmemorandum putavi, ut etiam de ipsa creatura aliquai adhiberem: unde isti, si possunt, intelligentiam quam non sit absurdum quod de Patre et Filio

¹ *Vox, iiii,* abest a MSS.

et Spiritu sancto dicimus, inseparabilia fieri ab omnibus opera, non solum ad omnes, verum etiam ad singulos pertinentia.

CAPUT XVII. — Sicut audit ergo Filius, judicat sive quia et filius hominis est; sive quia non de se ipso est, sed Verbum Patris est. Quod enim nobis est, cum andimus, verbum accipere; hoc illi est a Patre Verbum esse. Quoniam sic dici potest Pater dedisse Filio Verbum, hoc est, ut Verbum sit; quemadmodum dicitur dedisse Filio vitam, hoc est, ut vita sit. Ipse namque ait: *Sicut habet Pater vitam in semetipso, sic dedit Filio habere vitam in semetipso* (*Joan. v.*, 26). Nen utique ut aliud sit ipse, aliud vita quae in ipso est, sed ut eadem vita sit idem ipse. Sicut nec Pater aliud est quam vita quae in ipso est: sed eam Filius Patri non dedit, quia Patrem non genuit: dedit autem Pater Filio vitam, gignendo eum vitam, sicut est etiam ipse vita. Non autem sic genuit Verbum tanquam et ipse sit Verbum. Vitam quippe cum dicimus, potest esse de nullo alio, sicut est Patris vita, vel, quod expressius dicitur, Pater vita, cui de alio non est ut sit: cum vero dicitur Verbum, nullo modo potest nisi alicuius intelligi, et illius utique de quo est. Non itaque sicut est Filius Deus de Deo, lumen de lumine, vita de vita; ita dici potest Verbum esse de verbo: quoniam solus est Verbum; et sicut Patri proprium est generare Verbum, ita Filio proprium est esse Verbum. Et ideo sicut audit judicat; quia sicut genitum est Verbum, ut idem Verbum sit veritas, ita secundum veritatem judicat.

CAPUT XVIII. — *Et judicium ejus utique justum est: quia non querit voluntatem suam, sed voluntatem ejus qui cum misit* (*Ibid.*, 30). Illoc enim dicens, ad illum hominem voluit referre intentionem nostram, qui voluntatem suam querendo, non ejus a quo factus est, non habuit justum judicium de scipso, sed justum judicium habitum est de ipso. Ipse quippe faciens voluntatem suam, non Dei, moritum se esse non credidit: sed hoc judicium ejus non justum fuit. Denique fecit, et mortuus est; quia judicium Dei justum est. Quod judicium facit Dei Filius non querendo voluntatem suam, cum sit etiam hominis filius: non quia ipsius in judicando nulla voluntas est; quis enim hoc insipientissimus dixerit? sed quia non ita est voluntas ejus propria, ut sit a voluntate Patris aliena. Ille isti si cogitarent, non carnalibus cogitationibus sic Trinitatis potestes vel officia gradibus imparibus ordinarent, ut tanquam tres homines inaequalis ac dissimilis dignitatis facerent, tanquam imperatorem Patrem, judicem Filium, advocationem Spiritum sanctum. Secundum quas enim judicat Filius, velut imperiales leges, Patris esse asserunt: in quibus honorem et auctoritatem Filii constituant judicantis; officiosam vero advocationem et consolationem Spiritus sancti ad dignitatem judicis, hoc est, Dei unigeniti pertinere: tanquam judicis sit dignitas, quod habeat advocationem; sicut imperatoris est dignitas, quod secundum suas imperiales leges indicaturum judicem mittit. Qua sua cogitatione carnali, tamen nature di-

versitatem, de qua inter nos et ipsos maxima quæstio est, in his tribus personis demonstrare non possunt. Cum enim ad humanos mores ista referunt, et ab humani generis consuetudine quam cogitando possunt capere non recedunt (animalis enim homo non percipit quæ sunt Spiritus Dei [I Cor. II, 14]) ; quid aliud nos admonent, nisi quia et imperator, et judex, et advocatus, homines sunt? Proinde judex imperatore¹ etiam si potestate minor est, non minus homo est. Nec minus quam judex homo est advocatus, etiam si officio videtur judici esse subjectus. Patris ergo et Filii et Spiritus sancti, etiam si disparem cogitant potestatem, naturam saltem confiteantur æqualem. Quid quod eos deteriore etiam quam humana est, conditione consingunt? Fieri enim potest in rebus humanis, ut qui judex fuerit, etiam imperator fiat : hoc isti in illa Trinitate nec imperatoris unico Filio prestare dignantur. Quod si forte ex humani juris vel consuetudinis formula, majestatis crimen etiam in filio nimium reformidant, advocato certe puto quod concedere debeant ut ad judicariam potestatem aliquando perveniat. Nec hoc quidem volunt. Deterior ergo est, quod absit, in illa Trinitate, quam in generis humani mortalitate conditio.

CAPUT XIX. — Porro Scriptura sancta, quæ istos divinos actus non differentia potestatum, sed operum ineffabilitate metitur, advocationem nostrum etiam ipsum judicem novit, dicente apostolo Joanne : *Si quis pecauerit, advocationem habemus ad Patrem, Iesum Christum iustum* (I Joan. II, 1). Quod etiam ipse significat ubi dicit, *Rogabo Patrem, et alium advocationem dabit vobis* (Joan. XIV, 16). Neque enim esset Spiritus sanctus advocatus alius, nisi hoc esset et Filius. Qui tamen ut inseparabilia sua et Patris opera demonstraret, ait, *Cum ipse iero, mittam eum ad vos* (Id. XVI, 7) : quamvis alio loco dicat, *Quem mittet Pater in nomine meo* (Id. XIV, 26). Ubi ostenditur quod et Pater et Filius miserint Spiritum sanctum. Sicut ostenditur per prophetam quod et Pater et Spiritus sanctus miserint Filium. Nam quis nisi Filius per Isaiam adventum suum prænuntians dicit : *Audite me, Jacob, et Israel, quem ego vocabo : ego sum primus, et ego in aeternum ; et manus mea fundavit terram, dextera mea solidavit celos ; vocabo illos, et astabunt simul, convenient etiam universi, et audient : quis illis nuntiavit haec ? Diligens autem te, feci voluntatem tuam super Babylonem, ut tollatur semen Chaldaeorum. Ego locutus sum, ego vocavi, adduui illum, et prosperam viam ejus feci. Convenite ad me, et audite ista ; nec enim ab initio in obscurio locutus sum : cum siebant ibi eram, et nunc Dominus misit me et Spiritus ejus* (Isai. XLVIII, 12-16)? Quid evidenter? Ecce ipse se dicit missum ab Spiritu sancto, qui fundavit terram, et solidavit celum. Ubi agnoscitur Unigenitus per quem facta sunt omnia. Consolatorem vero, quod officium tanquam personæ insinice in illa Trinitate isti Spiritui sancto deputant, Deum dicit Apostolus, sicut in Epistola ejus legimus ad Corinthios : *Iis qui consolatur humiles, consolatus*

¹ *Mss., ad imperatorem.*

est nos Deus in praesentia Titi (II Cor. VII, 6). Sanctorum ergo Deus est consolator. Ipsi quippe sunt humiles : unde tres illi viri in camino dicunt, *Benedicite, sancti et humiles corde, Dominum* (Dan. III, 87). Deus est itaque Spiritus sanctus qui consolatur humiles. Proinde isti, aut quod nolunt, fateantur Deum esse Spiritum sanctum : aut si hoc de Patre, vel de Filio dictum ab Apostolo volunt accipi, desinant consolationis tanquam munere proprio separare a Patre et a Filio personam Spiritus sancti.

CAPUT XX. — Jam illud, quod ideo Spiritum sanctum Filio minorem conantur ostendere, quod iste sit illius tanquam judicis advocatus, etiam homines sanctos eidem mira exercitate præponunt, de quibus ait identiter Dominus : *Sedebitis super duodecim sedes, judicantes duodecim tribus Israel* (Matth. XIX, 28). Ibi respondeant, quid erit Spiritus sanctus : cum Filio judex, an apud judices etiam homines advocatus? Absit autem ista a fideli corde recordia, ut sit judicibus minor advocatus Spiritus sanctus; cum illi utique, ut judices sint, repleantur Spiritu sancto, secundum quem viventes sunt spirituales. *Spiritualis enim omnia iudicat* (I Cor. II, 15). Quomodo ergo minor est judice qui judices facit, cum facit ut judicis illius sint membra et suum templum, dicente Apostolo, *Corpora vestra membra sunt Christi*: eodemque itidem dicente, *Corpora vestra templum est Spiritus sancti qui in vobis est*¹ (Id. VI, 13, 19)? Et tamen si apertissime legerent in sanctis Scripturis Salomonem regem lignis et lapidis jussu Dei templum struxisse Spiritui sancto, Deum esse Spiritum sanctum dubitare non possent, cui tanta religionis servitus, quæ latra dicitur, legitimate exhiberetur in populo Dei, ut illi etiam templum fabricaretur; cum Dominus dicat, *Dominum Deum tuum adorabis, et illi soli servies* (Deut. VI, 13): quod in greco est, *λατρεύσεις*. Et eum negare audent Deum, qui non ligna et lapides, sed membra Christi habet templum! Sic enim Spiritum sanctum subjiciunt potestati Christi, cum ejus templum membra sint Christi : quemadmodum ipsum Filium imperialibus legibus Dei, cum ipse sit Verbum Dei, nec ullo modo imperatoris verbum legibus subjaceat, sed leges faciat (a).

CAPUT XXI. — 10. Iste sane, quorum disputationem acceperit, cui respondeo, non audent idem dicere factum esse quod genitum; et duo ista discernunt, ita ut a Patre Filium genitum dicant, factum vero a Filio Spiritum sanctum. Quod in Scripturis sanctis nusquam legunt, cum Filius ipse dicat, quod Spiritus sanctus a Patre procedat.

11. *Filius, inquit, Patrem prædicat : Spiritus sanctus Filium annuntiat.* Quasi non annuntiaverit Filius Spiritum sanctum esse venturum, aut et Pater non prædicaverit Filium, dicendo : *Hic est Filius meus dilectus in quo bene complacui ; ipsum audite* (Matth. XVII, 5).

12. Ac per hoc non solum *Patris gloria Filius,*

¹ Am. Ep. et MSS., *templum in rebus est spiritus sancti, omisso, qui in rotis est.*

(a) Confer Collationem cum Maximino, Aug. v. 16.

verum etiam Filii gloriam revelat Pater : nec solum Fili Spiritus sanctus, sed etiam Filius manifestat Spiritus sancti dignitatem.

13. Et ideo sicut Filius, Patri, ita et Pater Filio : et sicut Spiritus sanctus Filio, ita et Filius Spiritui sancto perhibet testimonium.

14. A Patre autem et Filio missus est Spiritus sanctus : et a Patre et Spiritu missus est Filius.

CAPUT XXII. — 15. *Filius, inquiunt, minister est Patri : Spiritus sanctus minister est Filius.* Nec attendunt quod isto modo meliores faciunt Spiritu sancto Apostolos sanctos ; qui cum se Dei ministros esse dicunt, non eos utique isti etiam Dei Patris ministros negabunt. Ejus quippe ministri facti sunt, in cuius nomine etiam baptizarunt, id est, Patris, et Filii, et Spiritus sancti. Ac per hoc secundum istorum vaniloquia, meliores erunt Trinitatis ministri ; si propterea minor est Spiritus sanctus, quia solius minister est Filius.

16. *Filius, inquiunt, jubetur a Patre : Spiritus sanctus jubetur a Filio.* Nusquam hoc in Scripturis sanctis legunt : quamvis obedientem Filium legamus secundum formam servi, qua major est Pater ; non secundum formam Dei, in qua unum sunt ipse et Pater.

17. Legitur itaque in Scripturis sanctis *Filius subditus Patri.* Ibi est enim forma servi, in qua et parentibus hominibus subditus erat ; sicut Evangelium loquitur : *Et descendit cum illis, et venit Nazareth ; et erat subditus illis* (*Luc. ii, 51*). Non autem alicubi sancta Scriptura dicit *Spiritus sanctum subditum Filio.*

18. Proinde et quae jubet Pater, operatur *Filius* propter formam servi : et quae Pater operatur, operatur et *Filius* propter formam Dei. Non enim ait, *Quaecumque Pater jubet, haec Filius facit : sed ait, Quaecumque Pater facit, haec et Filius facit similiter* (*Joan. v, 19*). Porro si *Spiritus sanctum* ideo haec loqui dicunt quae mandat *Filius*, quia scriptum est, *De meo accipiet et annuntiabit robis* (*Id. xvi, 14*) : cur non et *Filius* ea loquitur quae mandat *Spiritus sanctus*, cum dicat Apostolus, *Quae Dei sunt nemo scit, nisi Spiritus Dei* (*I Cor. ii, 11*) ; et cum ipse Jesus de se ipso impletum esse confirmet, quod scriptum est, *Spiritus Domini super me ; propter quod unxit me evangelizare pauperibus* (*Luc. iv, 18, 21*) ? Si enim propter hoc unctus est evangelizare pauperibus, quia *Spiritus Domini super eum erat* ; quid evangelizabat pauperibus, nisi quod *Spiritus Domini habebat*, quo repletus erat ? Nam et hoc de illo scriptum est, quod repletus sit *Spiritu sancto* (*Id. iv, 1*).

CAPUT XXIII. — 19. *Filius, inquiunt, adorat et honorat Patrem : Spiritus sanctus adorat et honorat Filium.* Ille non opus est scrupulose velle discernere, inter honorare et adorare quid distet : propter formam enim servi dicuntur ista de Filio. Dicant, si possunt, ubi legerint adorari *Filium a Spiritu sancto*. Quod enim subiiciunt unde hoc probare conentur, quia videlicet scriptum est, *Pater, ego te honorificavi super terram, opus quod dedisti mihi consummavi* ; et de

Spiritu sancto, *Ille me honorificabit, quia de meo accipiet, et annuntiabit vobis* ; ad rem de qua agitur non pertinet. Honorat enim omnis qui adorat, non autem adorat omnis qui honorat. Nam et fratres secundum Apostolum invicem se honore præveniunt (*Rom. xii, 10*), nec tamen invicem adorant. Alioquin, si honorificare, hoc est adorare ; dicant, si placet, quod *Filium adoret et Pater*, et hoc jubente *Filio*, qui ei dicit, *Honorifica me* (*Joan. xvii, 4, 5*). Quod autem dixit de Spiritu sancto, *De meo accipiet*, solvit ipse questionem : ne putaretur quasi per quosdam gradus sic esse de illo *Spiritus sanctus*, quonodo est ipse de Patre ; cum ambo de Patre, ille nascatur, ille procedat ; quæ duo in illius nature sublimitate discernere omnino difficile est : ergo ne hoc putaretur, ut dixi, continuo subjicit, *Omnia quæ habet Pater mea sunt*, propterea dixi, *De meo accipiet* (*Id. xvi, 14, 15*). Ita sine dubio intelligi volens quod de Patre accipiat. Sed ideo de ipsis, quia omnia quæ habet Pater, ipsius sunt. Haec autem non est diversitatis naturæ, sed unius principiū commendatio.

20. Secundum hoc, ita *Spiritus sanctus non a se ipso loquitur*, quia non est a se ipso qui de Patre procedit : sicut nec *Filius potest a se facere quidquam*, quia nec ipse a se ipso est, sicut jam superius exposui : non quod in *omnibus nutum Patris exspectet* ; non enim ait, *Nisi quod viderit Patrem innuentem* ; sed, *quod viderit Patrem facientem* (*Id. v, 19*), secundum ea quæ jam disputavimus. Quod autem in *omnibus Spiritus sanctus Christi præceptum exspectet*, ut dicunt, legant si possunt. Quod enim dictum est, *Non a se loquetur* : non est dictum, Quæcumque a me audierit ; sed, quæcumque audierit loquetur (*Id. xvi, 15*). Cur autem dictum sit, paulo ante jam claruit ex ipsis quam commemoravi Domini expositione, ubi ait, *Omnia quæ habet Pater, mea sunt* ; propterea dixi, *De meo accipiet*. Unde autem accipiet, inde est procul dubio quod loquetur ; quia inde audit, unde procedit. Scit enim Dei Verbum, procedendo inde unde nascitur Verbum, ita ut sit communiter *Spiritus et Patris et Verbi*.

CAPUT XXIV. — Nec moveat quod futuri temporis verbum est, *accipiet* ; quasi nondum haberet. Indifferenter quippe dicuntur temporis verba, quamvis sine tempore manere intelligatur aeternitas. Nam et accipit, quia de Patre processit ; et accipit, quia de Patre procedit ; et accipit, quia de Patre procedere nunquam desinet : sicut Deus et est, et fuit, et erit ; et tamen initium vel finem temporis, nec habet, nec habuit, nec habebit.

CAPUT XXV. — 21. *Filius, inquiunt, pro nobis interpellat Patrem ; et Spiritus pro nobis postulet Filium.* Sicut legunt, quod *Filius interpellat Patrem*, secundum ea quæ superius nos etiam commemorantes disseruimus : ita inveniant unde proferant, quod *Spiritus postulet Filium*. Quod enim dicit Apostolus, *Quid enim oremus, sicut oportet, nescimus* ; sed ipse *Spiritus interpellat genitibus inenarrabilibus* : qui autem scrutatur corda, scit quid *Spiritus sapiat*, quia secundum

Deum interpellat pro sanctis (*Rom. viii, 26, 27*) ; quod modolibet isti accipient (multum enim ad eos est hoc sic accipere, quenadmodum accipiendum est), non est dictum, *Interpellat Christum, aut, interpellat Filium : interpellat autem Spiritus sanctus dictum est*, quia interpellare nos facit. Sicut Deus dicit, *Nunc cognovi* (*Gen. xxii, 12*) ; *Quasi ante nesciebat : quod quid est aliud, nisi, Feci ut cognoscas?* Inde est et illud Apostoli, *Nunc autem cognoscentes Deum, immo cogniti a Deo* (*Galat. iv, 9*) : ne sibi tribuerent quod cognoverant Deum. Sic ergo ait, *cogniti a Deo*, ut intelligerent quod illos gratia sua Deus fecerit cogitores suos. Secundum istum locutionis modum dictum est, *Et nolite contristare Spiritum sanctum Dei* (*Ephes. iv, 30*) : hoc est, nolite nos contristare qui secundum Spiritum Dei contristamur ex vobis. Charitate quippe contristabantur, quam diffundebat Spiritus sanctus in cordibus eorum (*Rom. v, 5*), et per hoc eos de malis fratrum tristes ipse faciebat. Denique idem apostolus, *Accipistis*, inquit, *Spiritum adoptionis filiorum, in quo clamamus, Abba, Pater* (*Id. viii, 15*) : et alibi eumdem sensum commemorans, *Misiit*, inquit, *Deus Spiritum Filii sui in corda vestra, clamantem, Abba, Pater* (*Galat. iv, 6*). Quomodo ibi, *in quo clamamus*, quomodo bic, *clamantem*, nisi quia *clamantem* hic ait, clamare facientem? Ut autem secundum ipsorum sensum sic accipiamus *clamantem*, tanquam non clamare nos faciat, sed ipse clamet; ecce dicendo, *Abba, Pater*, non interpellat Filium, sed Patrem. Non enim audebunt dicero filium Christi esse Spiritum sanctum : nam utique, ne hoc dicerent, non genitum a Filio, sed factum dicere maluerunt. Non ergo scimus per nos ipsos quid oramus, sicut oportet, sed ipse Spiritus interpellat, id est, interpellare nos facit quae sunt secundum Deum : quod nisi faciat, non oramus, nisi secundum istum mundum, ad exemplarum concupiscentiam carnis, et concupiscentiam oculorum, et ambitionem saeculi, quae non sunt a Patre, sed ex mundo sunt (*I Joan. ii, 16*). Quamvis nonnulli id quod dictum est, *Ipse Spiritus interpellat gemitis*; de spiritu hominis intelligendum arbitrentur.

CAPUT XXVI. — 22. Totius bonitatis et sapientiae et virtutis Patris, vivam et veram, propriam et dignam imaginem dicunt Filium. At apostolus Paulus, non virtutis Dei et sapientiae imaginem; sed Deum ipsum esse dicit, *Dei virtutem et Dei Sapientiam* (*I Cor. i, 24*). Eo ipso igitur quod imago Patris est Filius, Virtus ejus et Sapientia est. Imago autem plena atque perfecta, id est, non ab illo ex nihilo facta, sed de illo genita, nihil minus habet quam ille cuius imago est : Patris quippe imago summa, id est, ita similis ut in ea dissimile aliquid non sit, Filius est unigenitus. Non sunt tamen ausi dicere imaginem Filii Spiritum sanctum, sed manifestationem. Propter hoc, nec genitum, sed factum ab illo esse dixerunt. Quod de Scripturis sanctis omnino non legunt¹.

CAPUT XXVII. — 23. Quis autem catholicus dixerit, partem Patris esse Filium, aut, partem Filii

Spiritum sanctum? Quod ita negandum putaverunt, tanquam inter nos et ipsos ulla inde sit quæstio. Ejusdem naturæ dicimus esse Trinitatem, non aliquam ibi personam partem cuiusquam nuncupamus. Sed quod ita negant partem Patris esse Filium, ut tamen dicant proprium et dilectissimum, perfectum et plenum unigenitum Filium : querendum est ab eis, quos filios suos facit Deus voluntarie, gignens eos verbo veritatis, cum ad eam perfectionem pervenerint, ut perfectiores esse non possint, utrum sint etiam ipsi proprii et dilectissimi, perfecti et pleni filii Dei. Quod si erunt, nec unigenitus ille erit, quia æquales multos habebit; sed tantummodo primogenitus. Si autem non erunt, quomodo accipienda est illius plenitudo atque perfectio, nisi ut sit prorsus gignenti æqualis, et in nullo omnino dissimilis; atque ut id brevius planiusque¹ dicamus, sint isti filii gratia, ille natura: quia in istis est participatio divinitatis, in illo plenitudo? Quamvis et ille quod suscepit hominem, et *Verbum caro factum est* (*Joan. i, 14*), non sit natura, sed gratia: Verbi tamen, quod Patri æquale est, permanente natura. Deinde respondeant, quia non filium, sed primum et præcipuum opus Filii præceteris universis dicunt esse Spiritum sanctum, utrum illi filii meliores futuri sint Spiritu sancto, quos voluntarie genuit Pater verbo veritatis (*Jacobi i, 18*)? Quomodo enim non coguntur hoc dicere, cum procul dubio melius sit filios esse Patris, quam opus Filii? Hæc cogitent, et emendent vanas impiasque blasphemias, atque fateantur in illa Trinitate nullam personam, præter quod Filius manens Deus, homo factus est, omnino esse creaturam, aut aliquid a Deo factum: sed totum quidquid illud est, summum, verum, immutabilem Deum.

24. Absit enim ut, quemadmodum sapiunt, Pater major sit Filio suo, secundum id quod unigenitus Verbum ejus est: sed secundum id quod *Verbum caro factum est*. Sed quid mirum, quando in eadem carne factus est etiam Angelis minor? Absit ut, quemadmodum blasphemant, incomparabiliter major et melior sit Filius Spiritu sancto: et quod insanissimum est credere, templum minoris sint membra majoris.

CAPUT XXVIII. — 25. Pater quidem, *Deus et Dominus est Filius suo*: quia inest in eo forma servilis, quæ prophetabatur, cum diceretur, *Dominus dixit ad me, Filius meus es tu* (*Psal. ii, 7*). Cui etiam in eadem prophetia dicit idem Filius, *De ventre matris meæ Deus meus es tu* (*Psal. xxi, 11*). De ventre quippe matris ejus, ubi hominem assumpsit, Deus ejus est. Qui propero quod eum non solum ante ventrem matris, sed ante omnia sæcula coeternum genuit, Pater ejus est. Ubi autem vel in sonnis audierunt Scripturam sanctam dixisse Filium Deum et Dominum esse Spiritus sancti?

26. *Pater*, inquit, *immobiliter et impassibiliter volens* Filium genuit: *Filius sine labore et fatigione sola virtute sua* Spiritum fecit. O præcipuam laudem Filii et Spiritus sancti! Quasi nos Pater mobiliter et

¹ Sic MSS. Editi vero, non intelligunt.

¹ Germanicus codex, pleniusque.

passibiliter invitus genuerit, qui nos voluntarie genuit verbo veritatis: aut Filius cum labore et fatigione cœlum et terram creaverit? Exequuntur ergo ista opera secundum istos, vel Filio vel Spiritui sancto: aut si nullo modo æquantur, quid profuit hoc dicere, unde nulla sit quaestio; quod scilicet sine ullo labore et fatigatione vel gignat Pater, vel faciat Filius? Videntur sane quomodo dicant, quod sola virtute sua Filius fecerit Spiritum sanctum. Isto enim modo coguntur fateri, aliquid fecisse Filium quod non videbit Patem facientem. An placet eis dicere, quod etiam Pater fecerit Spiritum sanctum? Non ergo eum sola virtute sua fecerit Filius¹. An alterum fecit prior Pater, ut posset Filius facere quem fecit, qui non potest facere nisi quod viderit Patrem facientem? Et quid ei, quod non alia similia, sed quæcumque Pater facit, hæc eadem Filius facit similiter? Si hæc cogitare conatur, procul dubio turbabuntur eis omnia, quæ sibi carnali cogitatione componunt.

CAPUT XXIX. — 27. Verum est autem quod Pater omnibus quæ sunt, dedit ut essent; et ipse quod est, a nemine accepit: sed aequalitatem suam nulli dedit, nisi Filio qui natus est de illo, et Spiritui sancto qui procedit de illo. Quæcumque ita sint, non est ista, quam volunt isti, differentia Trinitatis; quia indifferens in Trinitate natura, indifferens in Trinitate potentia est: *ut omnes honorificant Filium, sicut honorificant Patrem*, quod ipse ait (*Joan. v, 19, 25*): et qui volunt pie vivere, Dominum Deum suum adorem, et illi soli serviant, quod et antiquis patriarchis Dei lege præceptum est, nec ullo modo aliter fieri potest, ut soli Domino Deo nostro ea quæ Deo debetur servitute serviamus. Ipsa est enim quæ græce appellatur λατρεία. Quod verbum ibi positum est, cum diceretur, *Illi soli servies* (*Deut. vi, 13*). Nullo modo, inquam, hoc fieri potest, nisi ipse Dominus Deus noster universa sit Trinitas. Alioquin istam servitutem, quæ latria dicitur, quam non debent servi eis quos secundum carnem dominos habent, sed omnes homines soli Domino Deo suo: hanc ergo servitutem non exhibebimus Filio, si de Patre dictum est, *Et illi soli servies*; aut non exhibebimus Patri, si de Filio dictum est, *Et illi soli servies*. Jam vero si aliis quibus terre molibus Spiritui sancto templum fabricaremus, quis dubitaret ei nos latria, id est, ista de qua nunc loquor servitute servire? Quomodo ergo non ei servitutem, quæ latria dicitur, exhibemus, cui templum non facimus, sed nos ipsi sumus? Aut quomodo non et ipse Deus noster est, de quo dicit Apostolus, *Nescitis quia templum Dei estis, et Spiritus Dei habitat in vobis?* Et paulo post: *Glorificate ergo Deum in corpore vestro* (*I Cor. vi, 19, 20*). Corpora autem nostra, templum in nobis dicit esse Spiritus sancti. Cum igitur et Patri et Filio et Spiritui sancto ista, quæ latria vocatur, servitute serviamus, audiamusque legem Dei precipientem, ut nulli alteri, sed soli Domino Deo nostro hanc exhibeamus; procul dubio unus et solus Dominus Deus noster est ipsa

¹ Er. Iugd. Ven. Lov., fecit i. filius. M.

Trinitas, cui uni et soli talem servitutem pietatis jure debemus.

CAPUT XXX. — 28. *Sicut nemo potest*, inquiunt, *sine Filio ad Patrem transire; ita et nemo potest sine Spiritu sancto Filium in veritate adorare*: quasi et ad Filium sine Patre quisquam possit venire, cum ipse dicat, *Nemo venit ad me, nisi Pater, qui misit me, traxerit illum* (*Joan. vi, 44*); aut ad Spiritum sanctum sine Patre et Filio pervenire possemus, qui cum nobis sua conferunt gratia. Quid est enim aliud ad eos venire, nisi eos habitantes in nobis habere? Hoc enim modo et ipsi ad nos veniunt, cum Deus ubique sit, et nullo corporali continetur loco. Ipse Salvator dicit de se et de Patre, *Veniemus ad eum, et mansio- nem apud eum faciemus* (*Id. xiv, 23*): et de Spiritu sancto dicit, *Nisi ego abiiero, advocatus non veniet aet vos* (*Id. xvi, 7*). Quid est ergo quod dicunt, *Sicut nemo potest sine Filio ad Patrem transire, ita et nemo potest sine Spiritu sancto Filium in veritate adorare*; et deinde subjungunt, *Ergo in Spiritu sancto adoratur Filius?* Numquidnam hæc indicant differentiam naturalium, de qua inter nos et illos vertitur quaestio? Nam si nemo potest sine Spiritu sancto Filium in veritate adorare, et in Spiritu sancto adoratur Filius, profecto veritas est etiam Spiritus sanctus: quia cum in illo adoratur Filius, sicut ab eis dictum est, in veritate adoratur. At ipse Filius ait: *Ego sum veritas* (*Id. xiv, 6*). Ergo et in se ipso adoratur, cum in veritate adoratur. Ac per hoc et in se et in Spiritu sancto adoratur Filius. Quis autem ita sit impius, ut inde separat Patrem? Quomodo enim non et in illo adoramus¹, in quo vivimus, movemur et sumus (*Act. xvii, 28*)? Proinde adorari Filium in Spiritu sancto, etiam nos dicimus: adorari autem Filium ab Spiritu sancto, legendi si possunt.

CAPUT XXXI. — 29. Nam per Filium glorificari Patrem, quis negat? Sed et Filium glorificari per Patrem, negare quis audeat: cui dicit ipse Filius, *Glorifica me*; cui etiam dicit, *Ego te glorificavi* (*Joan. xii, 28, et xvii, 5, 4*)? Glorificare autem, et honorificare, et clarificare, tria quidem verba, sed res una est, quod græce dicitur δοξάσειν: interpretum autem varietate, aliter atque aliter positum est in latino.

CAPUT XXXII.—30. *Spiritus sancti opus et diligentia est*, inquiunt, *sanctificare, et sanctos custodire*; et non solum rationabilia, ut quidam putant, sed et irrationalia plura sanctificare: et eos qui ceciderunt propter suam negligentiam, ad pristinum statum revocare; ignorantes docere, obliscentes admonere, peccantes argere, pigroshortari de salute sua cogitare et sollicitate agere, errantes ad viam veritatis deducere, infirmos curare, et fragilitatem corporis per alacritatem animæ continere, et ad amorem pietatis et castitatis confirmare, et omnes illuminare; super omnia fidem et charitatem præbere singulis, pro studio quoque et diligentia, pro simplicitate et sinceritate mentis, pro mensura fidei et

¹ Sic Am. Fr. et meliores nostri MSS. At Lov. cum aliquot MSS., et illum adoramus. Minus bene.

narratio conversationis, gratiam¹ ad utilitatem dividere et unusquisque in quo opere et proposito fuerit habilis, in ipso ordinare. Facit huc quidem Spiritus sanctus: sed absit ut sine Filio facial. Quis enim sic deviat a via veritatis, ut neget a Christo custodiri sanctos, lapsos autem in statum pristinum reparari, ignorantibus doceri, obliviousentes admoneri, peccantes argui, pigroshortari, errantes ad viam veritatis adduci, infirmos sanari, cæcos illuminari, et cetera que isti Spiritui sancto, tanquam solus ea faciat, tribuenda putaverunt? Ut enim de ceteris, ne longum sit, taceam; quomodo negabunt a Christo doceri sanctos, quibus idem dicit, *Nolite vocari ab hominibus rabbi; unus est enim magister vester Christus* (*Math. xxiii, 8*)? quomodo negabunt a Christo illuminari cæcos, de quo scriptum legunt, *Erat lumen verum, quod illuminat omnem hominem* (*Joan. i, 9*)? Spiritus ergo sanctus, sicut sine Christo non docet aut illuminat quemquam, ita sine Christo non sanctificat quidquam. Illud autem quod per prophetam Deus dicit, *Ut sciant quia ego sum qui sanctifico eos* (*Exod. xxxi, 13*); eligant a quo dictum velint credere. Si a Patre, cur ab eo separant opera Spiritus sancti², cum sanctificari sanctos ab Spiritu sancto tanquam proprie ac separabiliter putant? Si a Filio, saltem ab ipso non separant opera sanctificatoris Spiritus sancti. Si ab Spiritu sancto, Deus est etiam Spiritus sanctus, quod illi nolunt, qui per Prophetam dixit, *Ut sciant quia ego sum qui sanctifico eos*. Si autem, quod melius intelligitur, vox illa ipsius Trinitatis est per Prophetam, nullo dubitate, unus est Deus Pater et Filius et Spiritus sanctus, ex quo omnia, per quem omnia, in quo omnia; ipsi gloria in sæcula sæculorum. Amen (*Rom. xi, 36*).

CAPUT XXXIII. — 31. Cum itaque fateamur fieri ab Spiritu sancto, que ab illo fieri commemostrarerunt, non est ex eo consequens quod adjungunt: *Alium esse a Filio Spiritum sanctum natura et ordine, gradu et affectu, dignitate et potestate, virtute et operatione.* Quandoquidem nec hominum diversa natura est, quorum separabilia opera esse possunt, quod Trinitatis esse non possunt. Ordo autem, gradus, affectus, qui inventur in creaturæ dissimilitate et insimilitate, nullus est in illa coeterna et æquali et impassibili Trinitate. Dignitas vero, potestas, virtus, quomodo non æqualis est omnibus, qui et eadem et similiter operantur? Quod enim dicunt eos operatione diversos, hoc omnino falso esse convicimus.

CAPUT XXXIV. — 32. Quod autem in isto sermone subnectunt, *Impossibile esse ut unus idemque sit Pater et Filius, generans et nascens; cui testimonium perhibetur, et qui testimonium perhibet; major, et is qui majorem constitutus; is qui ad dexteram sedet aut stat, et is qui sedis dat honorem; qui missus est, et is qui misit; nec discipulus et doctor, ut ipse docuit dicens, « Sicut docuit me Pater, sic loquor »* (*Joan. viii, 23*): *similis et imitator, et is cuius est similis et quicunque unitatur; is qui orat, et is qui exaudit; is qui gratias*

agit, et is qui benedicit; is qui suscipit mandatum, et is qui dedit mandatum; minister, et præcipiens; supplex, et eminens; subditus, et superior; unigenitus, et ingenitus; sacerdos, et Drus: ex parte aliqua verissime dicunt, sed ea contra Sabellianos, non contra Catholicos dicant. Illi enim unam et eundem dicunt Filium esse qui Pater est: nos autem Patrem gignentem et Filium genitum duas dicimus esse personas, sed non duas diversasque naturas. Non ergo unus et idem est Pater et Filius, sed unum sunt Pater et Filius. Quod vero major est Pater, non pertinet ad naturam gignentis et geniti, sed hominis et Dei: secundum quam formam suscepti hominis, et ad dexteram Patris sedet vel stat, et orat, ei gratias agit, et sacerdos est, et minister est, et supplex est, et subditus est: secundum autem formam Dei, in qua æqualis est Patri, unigenitus est et gignenti coeternus. Et licet sit primogenitus omnis creaturæ, quia in illo condit: sunt omnia, priusque ille est genitus quam haec condita; tamen sempiternus est sicut Pater, nec corruptus ex tempore. Nam et Patrem rectissime dicimus priorem esse quam universa que condidit, quamvis genitus non sit. Nihil enim tam primum, quam id antea quod nihil est. Sed sicut nihil est ante Patrem; ita nihil est ante unigenitum Filium, Patri utique coeternum. Neque enim quia ille genuit, ille genitus est, ideo est Pater tempore anterior. Nam si inter Patrem gignentem et genitum Filium aliquod tempus est, profecto tempus est ante Filium, et non est jam Filius primogenitus omnis creaturæ, quia et tempus utique creatura est: nec omnia per ipsum, si tempus ante ipsum; sed omnia per ipsum (*Coloss. i, 15, 16*), nullum ergo tempus ante ipsum. Ac per hoc, quemadmodum ignis et splendor qui ex igne gignitur et circumquaque diffunditor, simul esse incipiunt, nec genitus a gignente præceditur: sic Deus Pater et Deus de Deo Filius esse simul incipiunt, quia pariter sine ullo initio temporis sunt, nec genitus a gignente præceditur. Et sicut ignis gignens et splendor genitus coævi sunt; ita Deus Pater gignens et Deus Filius genitus coeterni sunt. Sed quia iste est de illo, non ille de isto, ideo et mandatum accipit a Patre, cum mandatum ipse sit Patris; et docet eum Pater, cum ipse sit paterna doctrina. Sic enim accipit a Patre vitam, cum sicut Pater ipse sit vita: ita est et Patri similis, ut in nullo sit omnino dissimilis. Testimonium vero cum invicem sibi perhibeant Pater et Filius, quomodo isti alterum eorum faciant testimonium perhibentem, et alterum cui testimonium perhibeatur, ignoro. Nonne Pater dicit, *Hic est Filius mens dilectus* (*Math. iii, 17*)? Nonne Filius dicit, *Testimonium perhibet de me, qui misit me, Pater* (*Joan. viii, 18*)? Cur ergo eos ita distinguunt, ut Patrem dicant cui testimonium perhibetur, et Filium qui perhibet? Cur usque ad ista sunt vani, usque ad ista surdi, usque ad ista cæci? De Patre autem mittente et missio Filio, jam in superioribus hujus disputationis partibus satis abundeque tractatum est.

CAPUT XXXV. — 33. Nunquam sane, ut impie-

¹ Edili addunt, *donationis*; quod abest a MSS.

² Iuc. Lov., *sanctificatoris Spiritus sancti*.

tas ista delirat, *Pater præscius erat se unigenitus Dei Patrem futurum*: quia nunquam non Pater erat, habens Filium coeternum, et generans sine tempore per quem condidit tempora. Et sicut Deum se non præscivit futurum quod semper erat; sic nec Patrem, quia cum Filio semper erat: *nec magno Filio major, nec bono melior*; quia non Patri tantum, sed universæ Trinitati dictum est, *Tu es Deus solus magnus* (*Psal. LXXXV, 10*). Nec de Patre tantum, sed de universa Trinitate recte intelligitur dixisse idem Filius, *Nemo bonus, nisi unus Deus* (*Marc. x, 18*); quando eum appellavit magistrum bonum, qui eum nondum intelligebat Deum: tanquam diceret, *Si vocas bonum, intellige Deum*; nemo enim bonus, nisi unus Deus. Trinitas ergo unus Deus solus magnus et bonus, cui uni et soli, sicut præcipit lex ejus, illa quæ latraria dicitur servitute servimus.

CAPUT XXXVI. — 34. Absit autem ut dicamus, humilitatis, non veritatis gratia Filium aliquando sic loqui, ut se Patri subjiciat eumque majorem esse testetur. Novimus quippe in Filio formam servi, non fictam simulataisque, sed veram: propter quem scilicet humanum habitum, et propter quod ipse de Patre, non Pater de illo Deus est, dicit illa omnia, de quibus isti occasionem accipiunt, diversas Patris et Filii credere ac prædicare naturas. Et cum se tanta ista voragine impietatis immagrānt, nos tanquam opprobrio novi nominis Homousianos vocant. Ita enim sese habet catholicæ veritatis antiquitas, ut ei omnes hæretici diversa nomina imponant, cum ipsi sua singula, sicut ab omnibus appellantur, obtineant. Ariani quippe et Eunomiani, non alii hæretici, nos vocant Homousianos, quia contra eorum errorem, græco vocabulo ὁμούσιον defendimus Patrem et Filium et Spiritum sanctum, id est, unius ejusdemque substantiæ, vel, ut expressius dicatur, essentiæ, quæ σὐστα græce appellatur: quod planius dicitur, unius ejusdemque naturæ. Et tamen si quis istorum qui nos Homousianos vocant, filium suum non cujus ipse esset, sed diversæ diceret esse naturæ, exhaeredari se ab eo mallet filius quam hoc putari. Quanta itaque impietate isti oœcantur, qui cum confiteantur unigenitum Dei Filium, nolunt ejusdem naturæ cujus Pater est consideri, sed diversæ atque imparis et multis modis rebusque dissimilis, tanquam non de Deo natus, sed ab illo de nihilo sit creatus; ac per hoc et ipse creatura sit, gratia filius, non natura? Ecce qui nos quasi inacuta novi¹ nominis vocant Ho-

mousianos, nec se ipsos, cum ista sentiunt, intuerunt insanos.

CAPUT XXXVII. — Quod autem ante omnia secula natum fatentur Filium, quomodo non sibi ipsi contrafii sunt, eum natum dicere ante omnia secula, cuius nativitati anteponunt aliquid temporis; quasi non aut secula aut seculorum partes quæcumque sint tempora?

Quod vero dicit Apostolus, etiam in futuro seculo Patri Filium subjectum futurum, ubi ait, *Tunc et ipse subjectus erit ei qui illi subjicit omnia* (*I Cor. xv, 28*); quid mirum, quandoquidem illa in Filio forma humana mansura est, qua semper major est Pater? Quamvis non desuerint, qui illam tunc Filii subjectionem, ipsius humanæ formæ in divinam substantiam commutationem intelligendam putaverint, tanquam hoc cuique rei subjiciatur, quod in eam vertitur et mutatur. Sed nos quid hinc sentiamus ostendimus, magis ideo dixisse Apostolum etiam tunc Patri Filium subjectum futurum, ne quis in eo putaret spiritum et corpus humanum aliqua conversione peritum: *ut sit Deus omnia, non tantum in illius forma bominis, sed, in omnibus, id est, ut ad habendam vitam, et satiandum in bonis desiderium nostrum, natura divina sufficiat*. Tunc enim Deus omnia erit in omnibus, cum præter ipsum nihil omnino habere velle cœperimus. Omnia quippe ipse nobis erit, quando ipso sufficiente nihil deerit.

CAPUT XXXVIII. — Jussum vero obaudisse Filium antequam acciperet carnem, unde isti existimenter nescio. An accipere carnem jesus est, ut hoc videatur fecisse jesus, quod fecit missus? Iterum ergo ad illa redeant, quæ superius disputata sunt, et querant atque inveniant, si possunt, Pater unico Verbo quo alio jussiterit verbo; et utrum dignum fuerit ut temporali jubentis verbo Verbum subderetur æternum: atque hinc intelligent quia non eum Patris jussio, tanquam suæ non fuerit potestatis, sed semetipsum exinanivit, formam servi accipiens. Quod autem humiliavit semetipsum, factus obediens usque ad mortem (*Philipp. ii, 7, 8*), jam utique accepérat carnem.

CAPUT XXXIX. — Arbitror me ad omnia respondisse quæ continet Arianorum sermo, qui nobis ut ei responderemus, a quibusdam fratribus missus est. Qui ut posset inspici ab iis qui hæc legunt, et utrum ad omnia responsum fuerit explorare desiderant, huic eum nostræ disputationi præscribendum putavimus; ut prius legatur ipse, ac deinde nostra responsio. Quoniam non ubique textum verborum ejus interposuimus; ne nimis longum faceremus hoc opus nostrum, quod tandem isto fine concludimus.

¹ Abest, novi, a MSS.

ADMONITIO

IN COLLATIONEM ET LIBROS DUOS CONTRA MAXIMINUM.

Huc opuscula in Retractionibus Augustini frustra quæras, cum sint posterius conlecta, anno Christi videlicet aut 427, aut 428. Nam Segisvulum comitem, a quo se missum Hipponem Maximinus in Collationis subsequentis exordio proficitur, venisse in Africam contra Bonifacium Hierio et Ardubere Coss., hoc est anno

Christi 427, scribit Prosper in Chronico. Huc spectat Sermonis 140 (qui olim inter Sirmondianos 16) titulus in hunc modum : *Contra quoddam dictum Maximini Arianorum episcopi, qui cum Segisvulto comite constitutus in Africa blasphemabat.* Quo in Sermone id ab Augustino reprehenditur, quod Maximinus, dominicam sententiam Joannis, cap. 10, §. 30, *Ego et Pater unum sumus*, de voluntatum concordia maligne interpretans, respondebat ipsos etiam Apostolos unum esse cum Patre et Filio, quia voluntati Patris et Filii obsequuntur. Sic ille blasphemat in hac Collatione, disputatione sua postrema, n. 22.

De eadem Collatione Possidius in Augustini Vita, cap. 17 : *Cum ipsorum quoque Arianorum episcopo quodam Maximino cum Gothis ad Africam veniente, apud Hipponem quam plurinis volentibus atque potentibus, et præclaris interpositis viris contulit; et quid singulæ asseruerint partes, scriptum est. Quæ si studiosi diligenter legere curaverint, procul dubio indagabunt, vel quid callida et irrationalis heresis ad seducendum et decipiendum profiteatur, vel quid Ecclesia catholica de divina teneat et prædicet Trinitatem. Sed quoniam ille haeticus de Hippone rediens ad Carthaginem, de sua multa in collatione loquacitate victorem se de ipsa Collatione recessisse jacavit, et mentitus est; quæ utique non facile a divinæ legis ignaris examinari et dijudicari possent: a venerabili viro Augustino sequentis temporis stilo, et illius totius Collationis de singulis objectis et responsis facta est recapitulatio, et quam nihil ille objectis referre potuerit, nihilominus demonstratum est, additis supplementis, quæ in tempore Collationis angusto cuncta inferri et scribi minime potuerunt. Id enim egerat nequitia hominis, ut sua novissima prosecutione multo longissima totum quod remanserat diei spatium occuparet.* Et in Indiculo, cap. 5, recensetur, *Collatio cum Maximino Arianorum episcopo*: et continuo, *Ad quem supra libri duo. Ubi Possidius a Collatione sejungit libros, qui in ante editis sic eidem cohærent Collationi, ut hæc primus liber, alii duo libri secundus ac tertius inscripti legerentur: quo errore carebant veteres codices, tum nostri, tum illi quos vidit Beda seu Florus; Collationem quippe aperte distinguit a libris contra Maximum, ad Rom. cap. 8. Posteriorem librum cum Augustini laude citat etiam Agatho papa in synodo 6, act. 4.*

S. AURELII AUGUSTINI

HIPPONENSIS EPISCOPI

COLLATIO CUM MAXIMINO

Arianorum Episcopo ^(a).



1. Cum Augustinus et Maximinus Hippone-regio unum in locum convenientem, præsentibus multis, tam clericis quam laicis, MAXIMINUS dixit : Ego non ob istam causam in hanc civitatem adveni, ut altercationem proponam cum Religione tua, sed missus a comite Segisvulto¹ contemplatione pacis adveni. Revera enim Eraclio presbytero amicali pactione mecum tractanti, responsum dedi ut valui, ita tamen ab ipso provocatus; quique in tantum exarsit, ut etiam adventum tuum contra me provocaret. Et quia dignata est Religio tua sibi facere injuriam², si interrogas, in quibus valeo responsum dabo. Si aliquid rationabile dixeris, necesse est ut separar. Si quid enim de divinis Scripturis protuleris, quod commune est cum omnibus, necesse est ut audiamus: ex vero voces quæ extra Scripturam sunt, nullo casu a nobis suscipiuntur: præterea cum ipse Dominus moneat nos et

ADMONITIO PP. BENEDICTINORVM.

Collationem cum Maximino et libros contra ipsum duos castigavimus juventibus MSS. duobus Vaticanicis et undecim Gallianis, Sorbonico, Fossatensi, Arnulphensi, Michaelino, Cisterciensi, Remigiano, Corbeiensi, Laudunensi majoris Ecclesiæ, Parisiensi S. Martini de Campis, altero Parisiensi collegii Bernardinorum, et Tholosano domini de Maran.

Comparavimus præterea eas omnes editiones initio Retr. et Confess., t. 1, memoratas. M.

¹ In ante editis, *Comite regis multa.* In MSS. quibusdam, *Comite Fegisvulto.* In aliis verius, *Comite Segisvulto.*

² Sic MSS. Editi vero, *mili facere injuriam.*

dicat, *Sine causa colunt me, docentes mandata et præcepta hominum (Matth. xv, 9).*

2. AUGUSTINUS dixit : Si ad ista omnia respondere voluero, id etiam ego agere videbor, ne veniatur ad causam. Proinde ut cito agamus quod instat, dic mihi fidem tuam de Patre et Filio et Spiritu sancto.

MAX. respondit : Si fidem meam postulas, ego illam teneo fidem quæ Arimini³ a trecentis et triginta episcopis, non solum exposita, sed etiam subscriptiōnibus firmata est.

3. AUG. dixit : Jam dixi, et hoc ipsum repeto, quia respondere noluisti : Dic fidem tuam de Patre et Filio et Spiritu sancto.

MAX. respondit : Cum enim non defecerim a response, cur accusor a tua Religione, quasi responsum non dederim?

4. AUG. dixit : Propterea dixi te respondere no-

BENEDICTINORVM.

³ MSS., *Arimino.*

(a) habita anno Christi 427 aut 428. Alias, *Contra Maximum Arianorum episcopum liber primus.*

luisse, quia dum ego quererem ut dices mihi fidem tuam de Patre et Filio et Spiritu sancto, quod et nunc posco, tu mihi non dixisti fidem tuam, sed nominasti Ariminense concilium. Fidem tuam volo nosse, quid credas, quid sentias de Patre et Filio et Spiritu sancto. Si dignaris, ore tuo audiam. Noli me mittere ad ea scripta, quæ modo aut pre manu non sunt, aut eorum auctoritate non teneor. Dic quid credas de Patre et Filio et Spiritu sancto.

Max. respondit: Non ad excusandum me Ariminensis concilii decretum interesse volui, sed ut ostendam auctoritatem Patrum, qui secundum divinas Scripturas fidem nobis tradiderunt illam quam a divinis Scripturis didicerunt. Sin vero placet; quia *corde creditur ad justitiam, ore autem confessio fit ad salutem* (*Rom. x, 10*): instruci etenim sumus et parati ad respondendum omni exposcenti de nobis rationem de fide et spe quæ in nobis est (*I Petr. iii, 15*): et præterea cum Dominus ipse Jesus dicat, *Qui me confessus fuerit coram hominibus, confitebor et ego eum coram Patre meo qui est in cælis; et qui negaverit me coram hominibus, negabo et ego eum coram Patre meo qui in cælis est* (*Matth. x, 32, 33*): istud periculum timens, quamvis leges imperiales non ignoro, tamen preceptio Salvatoris edocitus, qui monuit nos et dixit, *Nolite timere eos qui occidunt corpus, animam autem non possunt occidere* (*Ibid. 28*); respondeo evidenter: Credo quod unus est Deus Pater, qui a nullo vitam accepit; et quia unus est Filius, qui quod est et quod vivit, a Patre accepit ut esset; et quia unus est Spiritus sanctus paracletus, qui est illuminator et sanctificator animalium nostrarum. Et hoc de divinis Scripturis assero. Si jubes, prosequor testimonia: si in aliquo reprehenderit Religio tua, dabo responsum in his in quibus reprehendi videor.

5 Aug. dixit: Movet me, quod ita posuisti proprie illuminatorem nostrum Spiritum sanctum; quasi Christus non sit illuminator noster. Hinc primo ab te volo audire quæsentias.

Max. respondit: Nos enim unum auctorem Deum Patrem cognoscimus, a quo illuminatio omnis per gradus descendit. Nam denique et apostolus Paulus profert de se testimonium in Actibus Apostolorum, dicens. *Sic enim mandavit nobis Deus; et inter cætera, Posui te in lumen gentium* (*Act. xiii, 47*). Si Apostolus in lumine gentium positus est ut doctor, quanto magis Spiritus sanctus, qui illuminator est Apostoli; in quo et Apostolus locutus est, secundum ipsius Apostoli dicta, quia *nemo potest dicere Dominum Iesum, nisi in Spiritu sancto* (*I Cor. xii, 3*)? Utique illuminator est Spiritus sanctus, qui illuminavit Apostolum. Sed Spiritus sanctus a Christo accepit, secundum ipsius Christi testimonium, sicut ait in Evangelio Christus: *Multa habeo vobis dicere, sed non potestis portare modo: cum autem venerit ille Spiritus veritatis, diriget vos in omnem veritatem*. Non enim loquetur a se, sed quæcumque audierit loquetur, et ventura annuntiabit vobis. Ille me clarificabit, quia de meo accipiet, et annuntiabit vobis (*Joan. xvi, 12-14*). Ergo

Spiritus sanctus accepit a Christo, secundum testimonium Christi. Sine dubio autem Christus ipse constitetur quod, *Doctrina mea non est mea, sed ejus qui me misit Patris* (*Joan. vii, 16*); et, *Quod vidi et audivi apud Patrem meum, loquor* (*Id. viii, 38*). Sive ergo Christus docens nos illuminat, Pater illuminat, illuminatio ad auctorem recurrit, qui est fons bonitatis: a quo consecutus, sive beatus Apostolus, sive etiam omnes sancti, illuminant quidem credentes, sed hæc illuminatio ad unum auctorem recurrit. Et ea de causa dicebat propheta: *Dominus illuminatio mea, et salus mea; quem timebo* (*Psal. xxvi, 1*)?

6. Aug. dixit: Ego non nego illuminare Spiritum sanctum: sed utrum et Christus illuminet per se ipsum, et Pater illuminet per se ipsum, an non illuminent isti nisi per Spiritum sanctum: hæc requisivi breviter, hoc requiro.

Max. respondit: Credo non latere Religionem tuam, beatum dixisse apostolum Paulum, *Cum autem benignitas et humanitas apparuit Salvatoris nostri Dei, non ex operibus justitiae quæ fecimus nos, sed secundum suam misericordiam salvos nos fecit, per lavacrum regenerationis et renovationis Spiritus sancti, quem effudit in nos abunde, per Jesum Christum Salvatorem nostrum* (*Tit. iii, 4-6*). Secundum hanc regulam dico Spiritum sanctum et prositeor illuminatorem per Filium: ut ante dictum est, *Quem effudit in nos abunde, per Jesum Christum Salvatorem nostrum*. Jam dedi responsum: quoniam sive Paulus illuminat, ad auctorem Deum Patrem recurrit hæc illuminatio; sive Spiritus sanctus illuminat, ad auctorem recurrit illuminatio: sive Christus illuminat, ad auctorem recurrit illuminatio. Et hoc magisterio Christi edocitus, prosequor, sicut ait ipse Christus: *Oves meæ vocem meam audiunt, et sequuntur me; et ego vitam æternam do eis, et non peribunt in æternum, et non rapiet eas quisquam de manu mea. Pater meus quod dedit mihi, magis omnibus est, et nemo potest rapere illud de manu Patris mei*. Et iterum sic ait: *Ego et Pater unum sumus* (*Joan. x, 27-30*). Ergo ad defendendas oves, ad illuminandas, Pater et Filius unum sunt, concordes atque unanimis secundum hanc rationem quam audisti, Quoniam nemo potest rapere de manu mea oves quas mihi dedit Pater: simil modo nec de manu Patris.

7. Aug. dixit: Res loqueris necessarias quidem, sed non ad causam. Ad interrogationem meam non respondisti, et tamen multa dixisti. Si velis, relicta quæstione quæ inter nos vertitur, reddere totum Evangelium, qui dies sufficiunt, quantum temporis spatium necessarium est? Breviter mihi dic, quoniam interrogavi te, utrum illuminet per se ipsum Christus, an non illuminet nisi per Spiritum sanctum. Non solum ad hoc respondere noluisti, sed si me non fallit quod audivi, magis Spiritum sanctum per Christum illuminare dixisti.

Max. respondit: Non deceat in religione, præterea cum de Deo loquamur, calumniam inferre. Ego et responsum dedi, et si non sufficiunt quæ diximus, addimus testimonia, quia per Jesum Christum Spiritus

sanc*tus effusus est in omnes credentes. Sic enim legimus beatum Petrum dixisse : Hunc Jesum suscitavit Deus, cujus nos omnes testes sumus. Dextera itaque Dei exaltatus, et promissione Spiritus sancti accepta a Patre, effudit hoc donum quod nunc vos et videtis et auditis* (*Act. ii, 32, 33*). Dixi enim quod omnia quaecumque suggestit nobis Spiritus sanctus, a Christo consequentur sit. Recurre ad testimonia ante lata, et invenies ita.

8. Aug. dixit : Cum vis conari probare quod ipse non nego, in rebus superfluis necessarium tempus abssumis. Ego non nego per Christum diffusum suis super credentes Spiritum sanctum. Sine causa hoc pertinentias moras testimoniis probare voluisti, quod ipse confiteor. Ego hoc dixi, hoc quæsivi, hoc iterum dico: utrum Christus per Spiritum sanctum illuminet, an Spiritus sanctus per Christum illuminet; quia dixisti superius per Christum illuminare Spiritum sanctum. Si autem non recolis, recitentur verba tua in Gestis, ut appareat ea nos jussisse recitari, et probabo te dixisse quod querero.

Max. respondit : Probatio erat necessaria, si non ipse tenuelipsum placasses. Jam enim prosecutus es in testimoniis quæ protuli, vel in ratione quam dedi, quod et ipse sic habeas. Cum finita sit ergo ista quæstio, propone aliam ad quam tibi respondeam. Nam professus es jam in quæstione ista satisfactum tibi fuisse.

9. Aug. dixit : Dixisti Spiritum sanctum per Christum illuminare, an non dixisti? Rogo te ut unum de duobus breviter mihi respondere digneris. Dixisti, an non dixisti?

Max. respondit : Ego Spiritum sanctum professus sum secundum Salvatoris magisterium, quia sive illuminat, a Christo accepit; sive docet, a Christo accepit; omnia quæcumque gerit Spiritus sanctus, ab unicunquo Deo consecutus est: et si parva sunt testimonia, addo.

10. Aug. dixit : Ne dicat nos calumniari, legantur verba ipsius paulo superius.

Antonius notarius ad locum recitavit : Dico Spiritum sanctum et profiteor illuminatorem per Filium, ut ante dictum est, quem effudit abunde in nos, per Jesum Christum Salvatorem nostrum. Cumque recitatum est:

Max. respondit : Ut videtur, ipse potius dilationi studes, ut non ad principalem causam recurramus, sed per totum diem vis argumentis nos in una detinere quæstione. Nos enim recitamus, quod per Filium Spiritus sanctus sit effusus, et non tantum beatum Paulum testem produxiimus, verum etiam et Petrum priorem Apostolorum. Habet enim prosecutio nostra, quod Spiritus sanctus a Christo accepit, secundum precedentis testimonium: *Ille me clarificabit, quia de meo accipiet et annuntiabit vobis*. Idem itidem compulsus iterum dico, quia sive illuminat Spiritus sanctus, sive docet, sive instruit, omnia a Christo consecratus est: quia per Christum facta sunt omnia, et tunc illo factum est nihil (*Joan. i, 5*). Christus dicit

PATROL. XLII.

qua a genitore suo omnia hæc consecutus est, et vivit propter Patrem, et omnis lingua constitetur quia Dominus Jesus Christus in gloria est Dei Pater (*Philipp. ii, 11*). Et quia ¹ omnis viri caput Christus est; caput autem mulieris, vir; caput autem Christi, Deus (*I Cor. xi, 3*). Et quia Filius Patri est subjectus: et quia Filius Patri est subjectus, ut charissimus, ut obediens, ut bonus a bono genitus. Nec enim Pater contrarium sibi genuit: sed talern genuit, qui etiam clamat et dicit, *Ego quæ placita sunt Patri, facio semper (Joan. viii, 29)*.

11. Aug. dixit : Si et Christus illuminat per Spiritum sanctum, et Spiritus sanctus illuminat per Christum, pars potestas est. Lege autem tu mihi subjectum Christo Spiritum sanctum, quod paulo ante dixisti. Quod autem dicas Dominum dixisse de Spiritu sancto, *De meo accipiet*; ideo dictum est, quia de Patre accepit, et omnia que sunt Patris, sine dubio et Fili sunt. Nam ipse cum hoc dixisset, adjecit, *Ideo dixi, De meo accipiet; quia omnia quæ habet Pater, mea sunt (Id. xvi, 14, 15)*. Dic ergo quod interrogavi, et testimoniis proba, subjectum Christo Spiritum sanctum: cum potius legamus ipsum dicentem, *Spiritus Domini super me, propter quod unxit me evangelizare pauperibus* (*Luc. iv, 18*). Si super se ipse dixit Spiritum sanctum, quomodo tu dicas Spiritum sanctum Christo esse subjectum? Dixit autem Christus, super se Spiritum sanctum: non quia super Verbum Dei est, quod est Deus; sed quia super hominem, quod Verbum caro factum est. Ubi enim scriptum est, *Verbum caro factum est (Joan. i, 14)*; nihil aliud est quam Verbum homo factum est. Quia, *Videbit omnis caro salutare Dei (Isai. xl, 5)*; nihil est aliud quam, Omnis homo. Et, *In lege non justificabitur omnis caro (Rom. iii, 20)*; nihil est aliud quam, Omnis homo. Propter quod ergo Verbum caro factum est, et ille semelipsum exinanivit, formam servi accipiens (*Philipp. ii, 7*), ex ipsa forma servi dixit, *Spiritus Domini super me*. Nam pars potestas est, una substantia est, eadem divinitas. Ideo quamvis Trinitatem colamus, quia Pater non est Filius, nec Filius est Pater, nec Spiritus sanctus aut Pater aut Filius: tamen unum Deum colimus, quia ipsa Trinitatis ineffabilis et excelsa conjunctio unum Deum ostendit, unum Dominum. Ideoque dictum est: *Audi, Israel; Dominus Deus tuus, Dominus unus est (Deut. vi, 4)*. Quid nobis vultis facere duos deos et duos dominos. Dicitis Dominum Patrem et Deum Patrem, dicitis Dominum Christum et Deum Christum: interrogate, utrum ambo simul unus sit. Respondeatis, Duo dicitur. Superest ut eis et templa et idola faciatis.

Max. respondit : Religionis auctores nunquam in columniam vertuntur. Interrogasti testimonia, ut ea quæ professus sum testimoniis docerem: et ipse pars aliquæ æquales prosriteris tres, Patrem et Filium et Spiritum sanctum. Et præterea cum tres æquales professus

¹ MSS.: *Quid est et quis, etc.*

² In editis additur, *nisi sit me*. Abest a MSS. hoc loco: abest ab ipsis quoque editis in superiori libro, contra Sermonem arianorum, cap. 22.

³ Aliquot MSS., *Trinitas*.

(Vingt-trois.)

sis iterum conversus protulisti quidem testimoniūm divinarū Scripturarū, non ad aequalitatem pertinens, sed ad singularitatem omnipotentis Dei, quod unus sit omnium auctor. Ergo quia et a tate præcedis, et auctoritate major es, profer, instrue prius testimoniūs, quod tres sint aequales, tres onnipotentes, tres inuitati, tres invisibilis, tres incapabiles: et tunc de tuum necesse est testimoniūs ut acquiescamus. Si quo minus reddere rationem de divinis Scripturis non valueris, necesse me est, ut ad omnia quae in præcedenti dixi: sive enim Patrem solum qui quod vivit a nemine accipiens, sive Filium¹, quod sum professus, quia quod vivit a Patre accepit, sive de Spiritu sancto quae dixi: etiam quanta desideras testimonia proferam.

42. Aug. dixit: Ego quod quæsivi. ut dicere dignareris, non dixisti, quo testimonio probares subjectum Christo Spiritum sanctum: respondeo tamen ad ea quae proposuisti. Sic non dicimus tres onnipotentes, quomodo non dicimus tres deos. Si enim de singulis interrogemur, utrum Deus sit Pater; respondemus, Deus: utrum Deus sit Filius; respondemus, Deus: utrum Deus sit Spiritus sanctus; respondemus, Deus. Cum autem de omnibus interrogati fuerimus, utrum tres sint; referimus nos ad divinam Scripturam dicentem, *Audi, Israel; Dominus Deus tuus, Dominus unus est.* Et in² hac divina præscriptione condiscimus, eamdem ipsam Trinitatem unum esse Deum. Sic et de singulis si queratur, utrum Pater omnipotens sit; respondemus, Omnipotens: si Filius; hoc idem respondemus: si Spiritus sanctus; nec ipsum negamus omnipotentem. Nec tamen dicimus tres onnipotentes, quomodo non dicimus tres deos: sed sicut simul illi tres unus Deus, sic simul illi tres unus omnipotens est, et invisibilis unus Deus Pater et Filius et Spiritus sanctus est. Sine causa ergo putas nos numero coarctari, cum divinitatis potentia etiam rationem numeri excedat. Si enim anima multorum hominum accepto Spiritu sancto et quodam modo conflatae igne charitatis unam animam fecerunt, de qua dicit apostolus, *Erat enim eis anima et cor unum* (*Act. iv, 32*): tot corda, tot millia cordium, unum cor fecit charitas Spiritus sancti; tot millia animarum unam animam dixit Spiritus sanctus, quam ipse unam animam fecit: quanto magis nos unum Deum dicimus, semper sibi invicem et inseparabiliter et ineffabili charitate cohærentes Patrem et Filium et Spiritum sanctum?

Max. respondit: Ac per hoc pares atque aequales dixisti, quod quidem testimoniis docere non valuisti, et ob istam rem ad aliam causam divertisti. Nos enim non diffidimus, sed certa cognoscentes fidem, quod erat cor et anima una omnium credentium. Nec enim hoc præjudicat religioni nostræ, sed magis concordat. Sine dubio enim si omnium credentium erat cor et anima una, quare autem non Pater et Filius et Spiritus sanctus in consensu, in convenientia, in charitate, in unanimitate, unum esse dicantur? Quid

enim fecit Filius, quod non placuit Patri? Quid præcepit Pater, in quibus non obtemperavit Filius? Quando enim Spiritus sanctus contraria Christo ait Patri tradidit mandata? Et constat secundum Salvatoris sententiam, quod ait, *Ego et Pater unus sumus* (*Joan. x, 30*); esse illos in concordia et in consensu unam. Sicut autem ipse professus es, Pater Pater est, qui nunquam fuit Filius; Filius Filius est, qui semper Filius manet; et Spiritus sanctus Spiritus sanctus est, quod est et quod legimus, profitemur de Spiritu sancto, in hunc Spiritum sanctum, qui tantus ac talis est, ut etiam Angeli ipsi concupiscant in eum prospicere (*I Petr. i, 12*). Tantus est iste Spiritus sanctus, ut sufficiat ubique omnium postulationes suscipere, et advocatione fungi³. Et in hoc testem profero beatum Paulum, qui ait, *Nam quid oreamus, sicut oportet, nescimus; sed ipse Spiritus postulat pro nobis gemilibus inenarrabilibus* (*Rom. viii, 26*). Quod lego credo, quia *gemilibus inenarrabilibus postulat Spiritus sanctus*. Et ideo isto eruditus magisterio in tantum dico subjectum esse Spiritum sanctum, ut gemilibus postulet pro nobis. Unum autem profiteor Deum, non ut tres unus sit; sed unus Deus est, incomparabilis, immensus, infinitus, innatus, invisibilis, quem et Filius ipse et oravit et orat, apud quem et Spiritus sanctus advocatione fungitur. Nam quia orat Filius Patrem; quamvis enim soleatis omnia illa testimonia quae in sancto legimus Evangelio, corpori applicare; attamen nostrum est perscrutatis divinis Scripturis ostendere, quia et nunc sedens ad dexteram Patris interpellat pro nobis. Ea enim de causa dixi, et oravit et orat; quia nunc utique interpellat pro nobis, sicut ait Apostolus: *Quis accusabit adversus electos Dei? Deus qui justificat? Quis est qui condemnet? Christus qui mortuus est, imo magis qui et resurrexit, qui et est in dextera Dei, qui et interpellat pro nobis* (*Ibid., 33, 34*)? Æque cum discipulis positus Christus, sic se rogaturum promisit, dicens: *Si diligitis me, mandata mea servate; et ego rogado Patrem, et alium advocatum dabit vobis, ut vobiscum sit in æternum, Spiritum veritatis, quem hic mundus accipere non potest, quoniam non videt eum, nec novit eum: vos autem vididis eum, et cognoscitis eum, quia apud vos manet, et in vobis est* (*Joan. xiv, 15-17*). Si sufficient haec, bene est: si quominus⁴, addam quanta jubes testimonia.

13. Aug. dixit: Ea quae nos confitemur, nobis probare non debes. Hoc enim faciendo, nihil aliud, sicut superius dixi, quam necessarium tempus absumis. Scimus Filium Dei Filium esse Dei: scimus a se ipso non esse, sed genitum esse a Patre. Patrem vero ipsum ingenitum esse, a nullo esse, a nullo vitam accepisse: Filium vero a Patre accepisse vitam, sed non ita tanquam fuerit aliquando sine vita, ut acciperet vitam. Dedit enim ei vitam, gignendo vitam:

¹ In MSS., sive *Filius*.

² Veteres libri, et ex.

³ In MSS., *et advocationem fungere*. Itemque infra, *et Spiritus sanctus advocationem fungit*.

⁴ Sola editio Lov., *cognoscitis*.

⁵ Am. Er. et MSS.: *si sufficiunt? si quo non; omissis hoc, bene est.*

gignendo cum v tam, dedit ei vitam. Aequalitatem autem ostendit dicendo : *Sicut habet Pater vitam in semetipso, sic debet et Filius vitam habere in semetipso* (Joan. v. 26). Vitam in semetipso habet Pater; aqualem vita Patris vitam in se habet Filius : sed tamen Filius a se ipso vitam non accepit, quia non a se ipso natus est, a Patre natus est. Gignendo dedit, non quia jam erat Filius sine vita, et dedit ei vitam, quomodo nos peccatores facti sumus sine vita, et per indulgentiam et gratiam accepimus vitam : ille vitam accepit a Patre, quia vita natus est a Patre. Ac per hoc tu non potuisti dicere subjectum esse Filio Spiritum sanctum, nisi quia gemitibus interpellat protobis. Videtur enim tibi illa perfectio sanctitatis in gemitibus semper esse, nec respirare a gemendo. O aeterna miseria ! Intellige locutionem, et blasphemiam devitabis. Sic enim dictum est, *Gemitibus interpellat*; ut intelligere inus, *Gemitibus interpellare* nos facit. Adest enim nobis, et infundendo charitatem nobis, facit nos interpellare gemitibus. Denique alio loco cum dicit Apostolus, *Clamantem, Abba, Pater* (Galat. iv. 6); alio loco dicit, *In quo clamamus, Abba, Pater* (Rom. viii. 15): exposuit quid sit, *Clamantem, Abba, Pater*; dicendo, *In quo clamamus*. Ac per hoc quid est, *Clamantem*, nisi, clamare facientem ? Do exemplum locutionis hujus. Nonne Deus est omnium praescius futurorum ? Quis hoc negabit insanus ? Tamen ait Apostolus, *Nunc autem cognoscentes Deum, imo cogniti a Deo* (Galat. iv. 9). Si nunc eos cognovit Deus, non eos noverat, non elegerat, non prædestinaverat ante mundi constitutionem. Sed sic dixit, *Nunc autem cognoscentes Deum, imo cogniti a Deo*; ut intelligenter Deum fecisse in eis cognitionem suam. *Cognoscentes Deum*. Quid est, *Cognoscentes Deum* ? Nolite vobis arrogare, nolite superbire : *Cogniti estis a Deo*. Quid est, *cogniti estis a Deo* ? Cognitores suos Deus vos fecit : Deus vobis dedit ut cognoscatis. Quomodo est et illud Domini : *Nunc cognovi*, dicit Abraham Dominus, *Nunc cognovi quoniam timeas Dominum* (Gen. xxii. 12). Quando attulit filium suum ad holocaustum Abraham, dicit ei Deus, *Nunc cognovi*. Ipsa est tota Dei præscientia ? tunc cognovit, quando dixit, *Nunc cognovi*? Sed quid est, *Nunc cognovi*? Id est, Nunc cognoscere te feci. Si ergo has locutiones sicut Libris divinis eruditus agnosceres, de gemitibus illis quibus dictum est gemitibus interpellare Spiritum sanctum, non eum faceres miserum. Quid enim est aliud, semper gemens, quam semper miser? Ideo nos gemimus, quia miseri sumus. Et gratias Spiritui sancto, quia charitate aeterni sacculi facit nos gemere, propter quod dictus est gemens. Facit nos clamare propter quod dictus est clamans. Facit nos cognoscere Deum, propter quod dictum est, *Imo cogniti a Deo*. Facit Abraham Deus cognoscentem, propter quod ei dixit, *Nunc cognovi*.

Max. respondit : In quibus nos reprehendis, in ipsis ipse deterges. Certum est enim, et divina nos monet Scriptura, quod ex multiloquio non effugies preceatum; parcens autem labiis, sapiens eris (Prov.

x, 19). Quamvis etiam etsi per totum diem quisque de divinis Scripturis proferat testimonia, non in veritate illi imputabatur revera¹: quod si aut litteraria arte usus, aut expressione² spiritus sui quisque concinnet verba quae non continent sancte Scripturae; et otiosa sunt et superflua. Sufficit mihi, qui ad istam regulam te adfluxi, ut profitearis quod Pater Pater est, quia innatus est, quia a nemine accepit vitam; et quia Filius a Patre consecutus est vitam; et quia Spiritus sanctus Spiritus sanctus est. Dicendo autem unum Deum, bene quidem facheres, si confiendo unum Deum, non Patrem et Filium et Spiritum sanctum unum diceres Deum, contra tuam sententiam veniens. A nobis unus colitur Deus, innatus, infactus, invisibilis, qui ad humana contagia et ad humana carnem non descendit. Est autem et Filius secundum Apostolum, non pusillus, sed magnus Deus : sicut ait beatus Paulus, *Exspectantes beatam spem et adventum glorie magni Dei et Salvatoris nostri Iesu Christi* (Tit. ii. 13). Iste enim magnus Deus Christus dicit, quod *ascendo ad Patrem meum et Patrem vestrum. Deum meum et Deum vestrum* (Joan. xx, 17). De sua enim subjectione unum statuit Deum. Iste est ergo unus Deus, ut jam recitavimus testimonii, quem Christus et Spiritus sanctus adorant, et omnis creatura veneratur et colit : hac ratione unum profitemur. Non tamen quod copulatio vel permisio Filii vel cum Patre, aut vel certe Spiritus sancti cum Filio vel cum Patre, faciat unum Deum. Sed quia ille solus unus perfectus est Deus, qui, ut ipse prosecutus es, vitam a nemine accepit, qui Filio dedit suo exemplo habere vitam in semetipso : copulatos quidem dicimus in charitate et in concordia. Jam ut superius reddidimus rationem, alterum esse Patrem, et non ipsum Filium, ipse nos instruit Salvator, dicendo : *Si ego testimonium dico de me, testimonium meum non est verum; alius est qui testificatur de me*. Et ne presumptorio spiritu quidam putarent, quod aut de Joanne Baptista dixerit alium, aut forte de Petro apostolo vel Paulo ; ipse prosecutus est : *Vos misistis ad Joannem, et testimonium reddidit veritati. Ego autem testimonium ab homine non accipio: sed haec dico, ut vos salvemini*. Ille, inquit, lucerna fuit ardens et licens; vos autem voluistis ad horam exultare in lumine ejus. Ego autem habeo testimonium majus Joanne. Opera quae dedit mihi Pater perficiam ea, ipsa opera quae ego facio, testificantur de me, quia Pater me misit. Et qui misit me Pater, ipse testificatur de me (Id. v. 31-37). Quis tam stultus est, ut non intelligat quoniam alias de alio testimonium perhibuit, Pater de Filio, qui utique et dicebat : *Hic est Filius meus dilectus, in quo bene complacui; ipsum audite* (Math. xvii. 5)? Dilectum lego, et credo quod Pater est qui diligit, et Filius qui diligitur. Unigenitum audio Christum, et non dubito quia unus alius est genitus. Primogenitum Paulus clamat, dicens : *Qui est imago Dei invisibilis, primogenitus ur-*

¹ Nonnulli MSS., res vera.

² Lov., expositione.

versæ creaturæ. Et profiteor secundum sententiam divinarum Scripturarum, quod est Filius primogenitus, et non ingenitus : et quia *in illo creata sunt omnia quæ sunt in cœlis, et quæ sunt in terra, visibilia et invisibilia, sive Throni, sive Dominationes, sive Principatus, sive Potestates*; *omnia p.r ipsum facta sunt, et in ipso creata sunt; et ipse est ante omnes, et omnia in ipso constant* (*Coloss. i, 15-17*) : et iste Filius Dei, Deus unigenitus, cum sit ante omnes. Ipse enim dicit : *Quod vidi apud Patrem meum, loquor* (*Joan. viii, 38*). Iste Filius etiam, quod vos carni ascribitis, in sancto ait Evangelio : *Si diligenteris me, gauderelis utique, quoniam vado ad Patrem; quoniam Pater major me est* (*Joan. xiv, 28*). Ista enim legentes credimus, et profitemur secundum Apostolum, quod ei omnia subjecta sint ut magno Deo (*I Cor. xv, 25*). Iste enim magnus Deus, quem talem genuit Pater, ut ipse prosecutus es, utique majorem Patrem confessus est, ut statuat illum unum Deum, in cuius et sinu describitur a Joanne evangelista. Audi utique ¹ ipsum clamantem et dicentem de invisibilitate omnipotentis Dei, quod *Deum nemo vidit unquam; unigenitus Filius qui est in sinu Patris ipse narravit* (*Joan. i, 18*). Illic instructus Paulus clamat, et dicit : *Beatus et solus potens, Rex regum et Dominus dominantium; qui solus habet immortalitatem, et lucem habitat inaccessibilem; quem vidit hominum nemo, neque videre potest; cui honor et potestas in sæcula. Amen* (*I Tim. vi, 15, 16*). De hoc iterum dicit : *Soli sapiens Deo, per Jesum Christum, cui gloria in sæcula. Amen* (*Rom. xvi, 27*). Et ideo unus Deus a nobis pronuntiatur, quia unus est super omnia Deus innatus, infectus, ut prosecuti sumus. Filiu autem natu si Paulo non credis dicenti, primogenitum universæ creaturæ : vel ipsi Filio crede dicenti ad Pilatum, cum ei diceret, *Ergo tu rex es?* Ait Christus, *Ego in hoc natus sum* (*Joan. xviii, 57*). Natum lego, profiteor quod lego : primogenitum lego, non disredo ² : unigenitum lego, etiamsi ad equaleum suspendar, aliter non sum dicturus : quod docent nos sanctæ Scripturæ, profiteor. Tu enim qui dicas quod unus sit Pater et Filius, dic Patrem unigenitum, dic primogenitum : dic quæ sunt Patris in Filio, dic Filium unigenitum, dic innatum, dic quia nemo eum vidit unquam, neque videre potest. Prosequere de Spiritu sancto talia qualia de Patre legimus, ut aqualem ostendas Spiritum sanctum Patri. Dic, rogo, habe me discipulum. Prosequere de Filio, quod Filius sit innatus, quod sit sine origine. Si æqualis, utique talis : si talis, utique innatus : si innatus, utique ne videt eum quisquam hominum. Da testimonia, et instrue, et doce, et habebis me discipulum.

44. Avg. dixit : A vobis unum Deum coli dixisti, sicut te loquente advertere potui : consequens est ut aut non colatis Christum, aut non unum Deum colatis, sed duos. Dixisti etiam de Patre, quod ad humana contagia et ad humanam carnem non descen-

derit. Si forte nescis, contagia ubi dicuntur, aliquam contaminationem significant : voluisti ergo Christum intelligi venisse ad humana contagia : ergo humana carne inquinatum professus es Christum. Ego autem dico, imo catholica fides, quam cum Ecclesia Christi teneo, Dominum nostrum Jesum Christum sic factum esse Verbum carnem, ut nulla de humano genere et de humana carne contagia pateretur. Venit enim mundare, non coinquinari. Suscepit ergo animam humanam, et carnem humanam sine ulla peste contagii : et utrumque, id est et animam humanam et carnem humanam, in se ipso salvare dignatus est. Sed quia de ejus invisibilitate veritati, quantum video, non vis acquiescere, rogo ut cogites secundum carnem et secundum hominem suisse visibilem Christum. Nam secundum id quod Verbum est Deus apud Deum, et ipse invisibilis est. Sapientia Dei est Christus : humana sapientia invisibilis est ; et Dei sapientia visibilis erit ? Quantum ergo attinet ad illam naturam in qua æqualis est Patri, pariter est Deus, pariter omnipotens, pariter invisibilis, pariter immortalis. Dixisti etiam, quantum adverbi, sic accipiendo esse quod ait Apostolus, *Qui solus habet immortalitatem* (*I Tim. vi, 16*) ; ut in hac sententia solus Pater accipi debeat. Ergo Verbum Dei mortale vis esse ? Sapientia Dei non est mortalitatis secundum te. Non intelligis quia non potuisset ullo modo mori Filius, nisi carnem mortalem suscepisset a nobis ? Denique caro in illo mortua est, non ipse mortuus est quantum ad Deum pertinet, quantum ad divinitatem attinet, qua æqualis est Patri. Sic enim hominibus ait, *Nolite timere eos qui corpus occidunt, et postea non habent quid faciant* (*Luc. xii, 4*) : quia anima mori non potest ; Verbum Dei mori potest ? Sapientia Dei mori potest ? Unigenitus ille non assumpta carne mori potuit ? Assumpta autem carne qua factus est homo, sicut æqualem se novit quando dicit, *Ego et Pater unum sumus* (*Joan. x, 30*) ; sic se novit minorem, quia Verbum caro Factum est, et habitavit in nobis (*Id. i, 14*). *Non rapinam arbitratus est esse æqualis Deo.* Natura enim erat, non rapina : non enim usurpavit hoc, sed natus est hoc. Verumtamen semetipsum exinanivit, formam servi accipiens : agnoscisti æqualem, iam incipe agnoscere minorem : formam servi accipiens, in similitudinem hominum factus, et habitu inventus ut homo (*Philipp. ii, 6, 7*). Ecce qua forma major est Pater : discerne dispensationem suscepti hominis a manente immortaliter divinitate, et non erras in verbis, quæ multum amas dicere, et ea non dignaris sapere. Profiteor autem, sicut dicas Patrem innatum, Filium natum. Sed non ideo sunt diversæ naturæ atque substantiae, quia ille non natus est, ille natus est. Etenim si natus est, Filius est : si Filius est, verus Filius est, quia unigenitus est. Nam et nos dici sumus filii : sed numquid unigeniti sumus tot filii ? Aliter ille Filius unigenitus : ille natura Filius, nos gratia filii : ille unigenitus de Patre natus, hoc est quod Pater secundum naturam, secundum substantiam. Qui autem dicit eum propterea quia natus est, ideo alterius

¹ In MSS.: *sudiri utique.*

² Sic Am. Er. et MSS. At Lov. habet, *discrepa.*

e-se naturæ, negat verum filium. Habemus autem Scripturam : *Ut simus in vero Filio ejus Iesu Christo; ipse est Deus verus et vita æterna* (I Joan. v, 20). Quare *verus Deus?* Quia verus Dei Filius. Si enim animalibus dedit ut non generent nisi quod sunt ; homo hominem generat, canis canem, et Deus Deum non generat? Si ergo ejusdem substantie est, quare dicas minorem? An forte, quia homo pater quando generat filium, e si homo hominom generat, tamen major minorem generat? Exspectemus ergo ut crescat Christus, quomodo crescunt homines quos generant homines. Si autem Christus ex quo natus est, quod non est a tempore, sed ab aeternitate, quod est hoc est, et tamen minor est ; melior est humana conditio : quia homo vel crescere potest, et aliquando venire habet ad ætatem patris sui, ad robur patris sui ; ille, nunquam : quomodo verus filius (a)? Usque adeo autem Filium agnoscimus Deum magnum, ut Patri dicamus aequaliter. Itaque sine causa nobis, quod valde profitemur, testimoniis et multiloquio probare voluisti. Dicit autem, *Deum meum et Deum vestrum* (Joan. xx, 17) ; attendens formam hominis in qua erat. Carterum quantum attinet ad illud quod dixit Joannes, *In principio erat Verbum, et Verbum erat apud Deum, et Deus erat Verbum* (Id. i, 1) ; non est Pater Dei Deus, sed Deus est Christi, quia Christus factus est homo. Unde et ipse dicit in Psalmis, cur illi sit Pater Deus : *De ventre matris meæ Deus meus es tu* (Psal. xxi, 11). Quando dicit de ventre matris sibi illum esse Deum, ostendit propter hoc esse Deum Patrem Filio, quia homo est Filius, secundum quod Pater maior est Filio. Unde dicit, *Deum meum et Deum vestrum*. Inde est et illa subjectio quam non debenus mirari secundum hominem redditum Patri, quando, sicut scriptum est, etiam parentibus subditus erat (Luc. ii, 51) : et de illo scriptum est, *Minorasti eum paulo minus ab Angelis* (Psal. viii, 6). Vellem autem hoc etiam aliquibus Scripturarum testimoniosis doceres nos, ubi legatur adorari Patrem a Spiritu sancto. A Filio autem accipio, etiamsi non proferas testimonia, quoniam homo adorat Deum¹ : admittitur facile, secundum hominem dictum, quamvis nec hoc legas. Tamen specialiter de te exigo, ut adoratum Patrem a Spiritu sancto legas nobis, aut commemores testimonium divinum : fortassis enim sit, sed me fugiat : ut si inveneris, respondeam quomodo id accipi debeat, sicut de gemitis Scripturarum solemní locutione respondi. Quod autem dicas, quod per illam copulationem ineffabilem non sit unus Deus Pater et Filius et Spiritus sanctus ; vis nosse quantum valat ista copulatio? Non ex locutionibus nostris, sed ex divinis eloquuis certe manifestum est, aliud esse spiritum hominis, aliud esse spiritum Dominum ; unde dicitur, *Dominus spiritus est*² (II Cor. iii, 17), id est, quia corpus non est : et tamen ait Apostolus, *Qui adhæret meretrici, unum*

corpus est ; qui autem adhæret Domino unus spiritus est (I Cor. vi, 16, 17). Si ergo ista adhesio diversarum naturarum spiritus (quia aliud est hominis, aliud Dei) fecit unum spiritum ; non vis ut tantum adhæreat Patri Filius, ut sit unus Deus? Hoc accipe etiam de Spiritu sancto, qui Deus est. Cæterum si Deus Spiritus sanctus non esset, templum utique nos ipsos non haberet. Scriptum est quippe in Apostolo, *Nescitis quia templum Dei estis, et Spiritus Dei habitat in vobis* (I Cor. iii, 16)? Et iterum, *Nescitis quia corpora vestra templum in vobis est Spiritus sancti, quem habetis a Deo* (Id. vi, 19)? Nonne si templum alicui sancto angelo excellentissimo de lignis et lapidibus faceremus, anathemaremur a veritate Christi et ab Ecclesia Dei ; quoniam creaturæ exhiberemus eam servitutem, quæ uni tantum debetur Deo? Si ergo sacrilegi essemus faciendo templum cuicunque creaturæ, quomodo non est Deus verus cui non templum facimus, sed nos ipsi templum sumus? Quomodo autem dixerit Christus, *Sicut habet Pater vitam in semetipso, sic dedit Filio habere vitam in semetipso* (Joan. v, 21), superius respondi. Concordia autem et charitate, quia dicas³ factum fuisse ut unum sint Pater et Filius ; quando mihi protuleris dictum esse quod unum sint quæ sunt diverse substantiæ, tunc cogitabo quid debeam respondere. Legimus enim, *Qui plantat et qui rigat unum sunt* (I Cor. iii, 8) : sed ambo homines erant, ejusdem substantiæ fuerant, non diverse. Item legimus ipso Christo dicente, *Ut sint unum, sicut et nos unum sumus* (Joan. xvii, 11). Non dixit, *Ut ipsi et nos unum* : sed, *Ut ipsi sint unum*, in natura sua et in substantia sua, concordi æqualitate quadam modo uniti atque conflati; sicut Pater et Filius et Spiritus sanctus unum, propter individuam eamdemque naturam. Aliud est enim, *unum sunt*⁴; aliud, *unus est*. Quando dicitur, *Unum sunt*; etsi non dicatur quid unum, intelligitur una substantia. Quando dicitur, *Unus est*, de duabus diversisque substantiis, necesse est ut queratur quid unus. Verbi gratia, diversa substantia est anima et corpus, tamen unus homo : diversa substantia est spiritus hominis et spiritus Dei, tamen cum *Domino adhæret, unus spiritus est* (I Cor. vi, 17) : addidit, *spiritus*; non dixit, *Unum sunt*. Ubi autem dicitur, *Unum sunt*, una substantia significatur, quod vos non vultis, et audetis dicere verum Christum Dei Filium vos confiteri. Non autem ideo major est Pater, quia testimonium dicit de Filio. Nam et Prophetæ perhibuerunt Filio testimonium. Alius est quidem qui perhibet testimonium, alias cui perhibetur : quia Pater Pater est, Filius Filius est. Non quia unum non sunt, aut unus Deus non sunt, quando cohaerentes atque conjuncti sunt, quod semper sunt. Sic autem dicas hinc inter Patrem et Filium esse diversitatem, quia Pater diligit et Filius diligitur; quasi negare possitis quod Filius diligit Patrem. Si ambo se invicem diligunt; cur negatis eos unius esse nature? Quod dixi de Patre unde dictus sit major, quia

¹ Sic MSS. At editi, quoniam hic adorat Deum.

² Editi, *Spiritu Dei* : unde dicitur, *Deus spiritus est*. At MSS. *Spiritus Dominum* ; ac subinde, *unde dicitur* (scilicet II Cor. cap. 3.) *Dominus spiritus est*.

(a) Serm. 130, n. 3, tom. 3.

³ Sola editio Lov., qua dicit.

⁴ Huc MSS. addiuit, *et aliud unum statu*.

propter formam servi dictum est; hoc dico et de invisibilitate, quoniam visibilis Filius propter eamdem formam servi dictus est. Cæterum, quantum attinet ad ipsam divinam substantiam, vel Patris, vel Filii, vel Spiritus sancti omnino est invisibilis. Nam quando se patribus divinitas ostendebat, per subiectam creaturam se invisibilem demonstrabat. Nam per ipsam suam naturam usque adeo invisibilis est, ut ipse Moyses ei cum quo facie ad faciem loquebatur, diceret: *Si inveni gratiam ante te, ostende mihi temetipsum manifeste* (*Exod. xxxiii, 11, 13*). Volebat enim eum videre, sicut videtur Deus oculis cordis. *Beatus enim mundo corde, quia ipsi Deum videbunt* (*Matth. v, 8*). Sic volebat videre Moyses cum cui dicebat, *Ostende mihi temetipsum manifeste*: sicut et invisibilia Dei, per ea quæ facta sunt, conspiciuntur. Sic enim ait Apostolus: *Invisibilia enim ejus, per ea quæ facta sunt, intellecta conspiciuntur, sempiterna quoque virtus ejus ac divinitas* (*Rom. i, 20*). Ecce intelligendo conspiciuntur invisibilia Dei, et tamen invisibilia dicuntur. Et omnia per ipsum facta sunt Christum (*Joan. i, 3*), et visibilia et invisibilia, et ipse a nobis credi visibilis potest? Hinc etiam dicas de Patre tantum intelligi debere quod ait Apostolus, *Soli sapienti Deo* (*Rom. xvi, 27*). Ergo solus est Pater Deus sapiens, et non est sapiens ipsa Dei Sapientia, quod est Christus; de quo ait Apostolus: *Christum Dei Virtutem et Dei Sapientiam* (*I Cor. i, 24*)! Superest ut dicatis (quid enim non audetis?) insipientem esse Sapientiam Dei. Sic autem dicas Patrem infectum, quasi Filius factus sit, per quem facta sunt omnia. Scito factum esse Filium, sed in forma servi. Nam in forma Dei usque adeo non est factus, ut per illum facta sint omnia. Si enim ipse factus est, non per illum sunt omnia facta, sed cætera. Non itaque dico Filium ingenitum; sed Patrem genitorem, Filium genitum. Hoc tamen genuit Pater quod est: alioquin non est *vetus* Filius, si quod est Pater, non est Filius; sicut de partibus animalium supra diximus; quia veri filii hoc sunt per substantiam quod parentes. Quid est autem quod poscis, ut ostendam tibi æqualem Patri Spiritum sanctum esse, quasi tu ostendaris Patrem majorem esse Spiritu sancto; sicut potuisti ostendere de Filio, propter formam servi? Scimus enim dictum esse Patrem Filio majorem esse, quia in forma servi erat Filius; et adhuc in forma est humana Filius, quam levavit in cœlum: propterea dictum est de illo quod et nunc *interpellat pro nobis* (*Rom. viii, 34*). Et sempiterna erit in regno hæc eadē forma immortalis: propter quod dictum est, *Tunc et ipse Filius subjectus erit ei qui illi subiecit omnia* (*I Cor. xv, 28*). Nam de Spiritu sancto qui nullam suscepit creaturam ad unitatem personæ suæ, quoniam se per subiectam creaturam visibiliter et ipse, sive per columbe speciem, sive per lingas igneas sit demonstrare dignatus (*Matth. iii, 16, et Act. ii, 3*), nunquam dictus est eo major Pater; nunquam dictus est Spiritus sanctus adorasse Patrem, nunquam dictus est minor Patre. Sed dicas de Filio, *Si æqualis esset,*

utique talis: id est, ut quia non est ingenitus, non videatur talis. Posset dicere non esse hominem quem genuit Adam, quia ipse Adam non est genitus, sed factus a Deo. Si autem potuit Adam esse¹, et non esse genitus, et tamen hoc generare quod erat ipse, non vis ut potuerit Deus Deum æqualem sibi? Puto me tibi ad omnia respondisse. Sed si non vis esse discipulus, noli esse multiloquus.

1. MAX. dixit: Loqueris quasi auxilio principum munitus, nihil secundum timorem Dei. Longas horas sustinui, exposuisti ut tibi visum est. Respondemus Deo auxiliante ad omnia. Nec enim nudo sermone, sed testimonii divinarum Scripturarum inuncti. Tantum sicut nos patientes suimus exponente tua Religione, et ipse cum tuis patientiam accommoda, ut ad singulos tuos sermones demus responsum, sicut et ipse ad nostros respondisti quod tibi placuit.

2. Nos Christum colimus ut Deum omnis creaturæ. Nam qui adoratur et colitur, non tantum ab hominum natura, verum etiam et ab omnibus Virtutibus cœlestibus, audi clamantem beatum Paulum: *Hoc enim sentite in vobis quod et in Christo Jesu: qui cum in forma Dei esset, non rapinam arbitratus est esse se parem Deo; sed semetipsum exinanivit, formam serpi accipiens, in similitudinem hominum factus, et habitu inventus ut homo: humiliavit semetipsum, factus obediens usque ad mortem, mortem autem crucis. Propter quod et Deus eum superexaltavit, et donavit ei nomen quod est super omne nomen*. Illud utique quod tu in tuis prosecutionibus, sciens quod professioni tue erat contrarium, subducendum putasti, sciens quia lectio te argueret. Nam quod omne genu flectatur Christo, utique sic prosequitur ipse Paulus, cum dixisset, *Donavit illi nomen quod est super omne nomen: sequitur, Ut in nomine Jesu omne genu flectatur, cœlestium, terrestrium, et infernorum; et omnis lingua confiteatur quia Dominus Jesus Christus in gloria est Dei Pater* (*Philipp. ii, 5-11*). Dicendo enim, *Ut in nomine Jesu omne genu flectatur, cœlestium, terrestrium, et infernorum; universa conclusit*. Nihil est in cœlo quod non genu flectat Christo: nihil remansit in terra quod non genu flectat Christo: nihil in inferis quod non genu flectat Christo. Et hoc Pater ei donavit. Possunt enim probare qui legunt, si ex mea auctoritate vel ex multiloquio, ut accusas, hanc prosecutionem feci, aut certe de auctoritate divinarum Scripturarum respondeo.

3. Dicis Spiritum sanctum quod æqualis sit Filio. Da testimonia, ubi adoratur Spiritus sanctus, ubi ei cœlestia et terrestria et inferna genu flectant. Nos enim, quod adorandus sit Deus Pater, beato Paulus apostolo clamante didicimus: *Propterea flecto genua mea ad Patrem Domini nostri Jesu Christi, ex quo omnis paternitas in cœlis et in terra nominatur* (*Ephes. iii, 14, 15*). Auctoritate sanctarum Scripturarum adoramus Patrem: æque ab ipsis divinis Scripturis instructi, colimus et adoramus Deum Christum. Si

¹ Abest, esse, ab Er. M.

atque adorandus sit Spiritus sanctus : si Pater eius perhibuit testimonium, si Filius, si ipse de se ista amplexus est, lege praeter quam diximus ex divinis Scripturis.

4. Quod Christus est in dextera Dei, quod interpellat pro nobis (*Rom. viii, 34*), sic etiam in alio loco ipse prosequitur Paulus dicens : *Quæ sursum sunt querite, ubi Christus est in dextera Dei sedens* (*Coloss. iii, 1*). Sic ad Hebreos ipse scribens ait : *Purificatione peccatorum facta, consedit ad dexteram magnitudinis in excelsis* (*Hebr. i, 3*). Sic utique et Spiritus sanctus jam ante per prophetam præcinerat, dicens : *Dixit Dominus Domino meo, Sede a dextris meis*. Sic et ipse Filius in Evangelio profectus est (*Psalm. cix, 4; Matth. xxii, 44*). Praeterea ad illum principem qui cum adjurans dicebat : *Dic nobis si tu es Christus Filius Dei benedicti* : ait ipse, *Ego sum*; vel certe, *Tu dicis* : et, *Amodo videbitis Filium hominis sedentem ad dexteram virtutis Dei* (*Marc. xiv, 61, 62, et Matth. xxvi, 63, 64*).

5. Nos enim Spiritum sanctum competenter honoramus ut doctorem, ut ducatorem¹, ut illuminatorem, ut sanctificatorem : Christum colimus ut creatorem : Patrem cum sincera devotione adoramus ut auctorem, quem et unum auctorem ubique omnibus pronuntiamus. Ista enim calumniæ de philosophicæ artis instructione veniunt. Non puto te minus legisse² quod ait Apostolus : *Quoniam Christus utique cum non esset peccator, pro nobis peccatum fecit, ut nos efficeretur justitia Dei in ipso* (*II Cor. v, 21*). Nec hoc sane ad te forte pervenit, quod dixerit Scriptura³, *Maledictus omnis qui pendet in ligno* : quod interpretans beatus apostolus Paulus dicit, *Factus pro nobis maledictum, ut benedictio in gentibus adimpleretur* (*Deut. xxi, 23; Galat. iii, 13*). Nec hoc sane pervenit ad te, quod ait ipse Paulus : *Primus homo Adam de terra terrenus, secundus homo Dominus de celo caelestis advenit* (*I Cor. xv, 47*). Ergo et Christus suscepit hominem, ut ipse exposuisti. Et ea de causa diximus quod ad terrena contagia descendit. Non enim ignoramus illum⁴ secundum quod legimus, *Qui peccatum non fecit, nec inventus est dolus in ore ipsis: qui cum malediceretur, non remaledicebat; cum pateretur, non comminabatur: commendabat autem se judicanti justus* (*I Petr. ii, 22, 23*). Nec hoc ignoramus quod ait Baptista Joannes : *Ecce Agnus Dei, ecce qui tollit peccatum mundi* (*Joan. i, 29*). Constat, ut et ipse prosecutus es. Nec enim ad omnia obstinati esse debemus, ut non quæ bene dicis laudemus. Valde enim justa est prosecutio tua, quia ob hoc venit Christus, ut nos potius a peccatis et ab iniquitatibus inundaret; non tamen ut ipse contaminaretur, sicut et ipse prosecutus es. Certum est enim, quod secundum divinitatis suæ substantiam illam beatam, quam

¹ Sola editio Lov., ductorem.

² Er. Lugd. et Ven.: *Non puto te legisse. Lov.: Nam puto te legisse.*

³ Er. Lugd. et Ven. Lov., *dixerat Scriptura.*

⁴ Sic MSS. Editi vero, *illud.*

⁵ Am. et Lov., *se judicanti injuste.* At Er. et potiores MSS. *juste.*

habuit ante mundi constitutionem, ante saecula, ante tempora, ante dies, ante menses, ante annos, antequam quidquam esset⁶, ante aliquam excogitationem, in illa beata natura Deus natus a Patre est⁷.

6. In Deo enim comparatione digna uti decet. Hoc sane mihi displaceat, et valde animo dolui in tua prosecutione : ut enim dices quod homo hominem generat, et canis canem; tam fœda comparatio in illam tantam immensitatem produci non debuit

7. Quis autem ignorat quod Deus Deum genuit, quod Dominus Dominum genuit, quod Rex Regem genuit, quod Creator Creatorem genuit, quod bonus bonum genuit, quod sapiens sapientem genuit, quod clemens clementem genuit, potens potentem? Nihil subtraxit Pater in generando Filium. Nec enim invidius, sed ut fons bonitatis tantum bonum genuit : cuius bonitatis testis est omnis creatura, secundum tuam ipsius prosecutionem, quam valde laudo, ubi de divinis Scripturis protulisti, dicendo : *Invisibilis enim ejus, a creatura mundi, per ea quæ facta sunt, intellecta conspicuntur; sempiterna quoque virtus ejus ac divinitas* (*Rom. i, 20*).

8. Adhuc autem adjicio, non contraria his quæ bene sunt dicta dicens, sed consensum accommodans : quoniam ex magnitudine pulchritudinis condigne Creator eorum cognoscitur atque colitur. Ut puto dedimus ad ista responsum ; quoniam hoc et beatus Paulus iterum prosequitur : *Quoniam chirographum quod erat contrarium nobis, ipsum tulit Christus de medio, affigens illud cruci; et exiens se carnem, potestates et principatus transduxit fiducialiter, triumphans eos in semetipso* (*Coloss. ii, 14, 15*). Attamen et sicut homo qui exercitationem liberalium litterarum vel rhetoricae artis non feci, si quod vitium fecisset in sermone, ad sensum respicere debuisses, et non vitium sermonis intendens, in crimen nos inducere. Absit, absit: Unigenitus Deus, Deus est universæ creaturæ, mundus, incuinatus, sanctus, securus, nullam in se habens immunditiam. Nam qui non honorificat Filium, non honorificat Patrem qui misit illum (*Joan. v, 23*). Quod enim *Verbum caro factum est, et habitat in nobis*, evangelista testatur : *Et vidimus, ait, gloriam ejus, gloriam tanquam unigeniti a Patre, plenum gratiae et veritatis* (*Id. i, 14*). De hoc ipso et ante jam Vetus Testamentum præcinerat⁸, dicens, *Lavabit in vino stolam suam, et in sanguine uxæ operiorum suum* (*Gen. xl ix, 11*). Quod lego, credo: quoniam *Verbum caro factum est, et habitat in nobis*. Iterum lego beatum Paulum dixisse : *Qui transfigurabit corpus humilitatis nostræ, conforme fieri imaginis corporis gloriae suæ* (*Philipp. iii, 21*). Credo enim quod Christus Deus a Patre genitus, ante omnia saecula, ipse sibi secundum Salomonem perfectam⁹ aedificasset domum, secundum

⁶ In MSS., ante ut quidquid esset.

⁷ Plurique MSS., tantus a Patre est. Corbeiensis correctus, tantum.

⁸ Veteres codices hic et supra, col. 725, n. 4, præconuerant.

⁹ Min. Er. et MSS., *prophetam*.

quoniam legimus, Sapientia ipsa sibi ædificavit domum (*Prov. ix, 1*): quam domum vice templi accipit.

9. Nam et ipse dedisti rationem, secundum quid sit visibilis, secundum quid invisibilis: ut puto non recens hæc auditio pervenit ad aures tuas Religiosis. Nam et in prosecutione quam prosecutus es, comparationem aceipiens animæ, ostendisti piam et justam rationem esse ut credamus et cognoscamus, quia si anima humana in corpore posita, oculis corporalibus videri non potest; quanto magis Creator animæ corporalibus oculis videri non potest? Nam si Angeli secundum naturæ suæ substantiam invisibles habentur; quanto magis Creator Angelorum, qui tanta actionalia fecit, Angelos, Archangeli, Sedes, Dominationes, Principatus, Potestates, Cherubim, Seraphim? Ad quorum ¹ multitudinem, ut legimus in Evangelio, omne genus humanum ad unam comparavit orem, dicens: *Relictis nonaginta novem in mortibus, venit querere unam errantem.* Nam denique, Sic erit gaudium, ait, in caelo super uno peccatore penitentiam agente, quam in nonaginta novem justis qui non indigent penitentia (*Luc. xv, 4, 7*). Nam qui non indigent penitentia qui sunt, nisi utique illæ coelestes virtutes, quibus nihil est cum humana natura commune? Consideranda est virus Unigeniti Dei, et in ipso admiranda est magnitudo omnipotentie ² Dei Patris, qui tantum ac talem genuit Filium, tam potentem, tam sapientem, sic plenum, qui tantas actiones coelestes virtutes fecit. Et ne verbosi inveniamur, sicuti jam et denotare nos dignatus es: quod quidem atque utinam contingat, ut et nos possimus dicere ³, *Nos stulti propter Christum; et, Tanguam purgamenta mundi hujus facit sumus* (*1 Cor. iv, 10, 43*), et si quid aliud tua Religio de nobis voluerit judicare. Scimus illum qui dixit: *Quoniam propter te inproperium sustinui tota die* (*Psal. LXVIII, 8*). Ad quod exemplum nos provocans Paulus, dicebat: *Imitatores mei estote, sicut et ego Christi* (*1 Cor. iv, 16*). Nam et Petrus ait: *Christus passus est pro vobis, relinquens vobis exemplum, ut sequamini vestigia ejus* (*1 Petr. ii, 21*). Secundum divinitatis suæ substantiam, non solum ab hominibus non videtur Filius, sed etiam nec a coelestibus virtutibus. Potest enim archangelus angelum ⁴ videre, angelus animas nostras spirituales et videre et penetrare: hoc est utique, majorem inferiores et videre et penetrare. Et secundum Salvatoris sententiam, ut dicebat tunc ad illum qui se divitem jactabat, *Stulte hac nocte expostulatur anima tua a te* ⁵ (*Luc. xii, 20*); est officium angeli, ut animam restituat ante conspectum Domini. Non tamen anima potest angelum videre, aut exhi-

bere. Isto enim ordine ascende superius; et invenies quemadmodum est unus invisibilis Deus Pater, qui superiorum non habet a quo circuminspicitur: qui quantus est, infinitus est; qui nec finiri verbis, nec mente concipi potest: de cuius magnitudine, non solum humana lingua, sed etiam et omnes coelestes virtutes pariter condunatae dicunt ut valent, non tamen explicant ut est. Plenus est ab omni quod dicitur. Hunc enim solus Filius condigne honorat et laudat, quanto plus a suo genitore ante omnem excogitationem est consecutus. Nam quia et honorat et collaudat et glorificat suum genitorem, quamvis quatuor Evangelia testantur, attamen in compendium referens, eis que carni soletis applicare postpositis, jam nunc proferam testimonia, ubi in caelis suum Patrem adorat. Dicit enim sic Paulus ad Hebreos: *Non enim in manu factis templis intravit Christus exemplarium veritatis; sed in ipso caelo modo apparet personæ Dei pro nobis* (*Hebr. ix, 24*)? Hoc utique post Christi regressum in caelis. Posteaquam enim de caelo locutus est, dicens, *Saule, Saule, quid me persequeris* (*Act. ix, 4*)? Posteaquam Spiritus sanctus ait, *Segregate mihi Barnabam et Paulum in opus ministerii quo vocavi eos* (*Id. XIII, 2*): vocatus Paulus dicit, *Non in manu factis templis intravit Jesus exemplarium veritatis, sed in ipso caelo modo apparet personæ Dei pro nobis.* Et quia suggestit Religio tua, ut ad hoc demus responsum, si Filius videat Patrem: legimus in Evangelio: *Non quia vidit Patrem quisquam, nisi qui est a Deo, hic ridet Patrem* (*Joan. vi, 46*). Vedit ergo Patrem, sed vedit incapabilem. Pater autem sic vident Filium, ut tenens in sinu suo et habens, secundum antelatum testimonium, quod *Deum nemo vidi unquam; unigenitus Filius qui est in sinu Patris, ipse narravit* (*Id. i, 18*). Videl enim Pater Filium ut Filium: Filius vident Patrem ut Patrem immensum. Humanam sapientiam invisibilem pronuntiat tua Religiositas: ut puto sufficiat Isaia dictum dicentis, *Numquid modicum est vobis certamen præstare hominibus? Et quomodo Domino præstabis certamen* (*Isai. vii, 13*)? Certum est autem quia non est modicum hominibus certamen præstare, cum quando quamvis sit illo quisque sapiens, habeat sapientiorem qui eum videat. Deinde hujus enim sapientia non in opere ejus perspicitur? non in discipulis probatur? Non ergo invisibilis est humana sapientia, quæ comprehendi potest, quæ videtur, quæ et reprehenditur. De cetero autem decet et ordinis est, dignis te uti comparationibus; quia de Deo loqueris, de illa immensitate: cui etsi comparatio detur, quantum fieri potest secundum excogitatum humanum, aut certe secundum auctoritatem divinarum Scripturarum, non per omnia comparatio ulla digna invenitur ad illum, qui est incomparabilis.

10. Ego Patrem solum secundum antelata testimonia, non cum altero et tertio dico quod unus est, sed quod solus unus est Deus. Si vero solus unus non est, pars est. Nec enim ex partibus compositum unum di-

¹ Editi iidem Am. Er. et MSS., quarum.

² Quidam MSS. omittunt, *omnipotentie*. Alii cum Am. et Er. eius loco habent, *omnipotens*.

³ In B., *passumus* dicere. Er. Lugd. Ven. Lov., *possimus* scire. M.

⁴ In MSS., *archangelum*.

⁵ Am. Er. et MSS., omittunt, *a te*.

eo Deum : sed ille quod est, virtus est ingenita simplex : Filius ante omnia sæcula et ipse virtus est genitus¹. De hac sane virtute Filii beatus Apostolus dicebat : *Congregatis vobis et meo spiritu, cum virtute Domini Iesu (1 Cor. v, 4).* Dico enim et profiteor quod nos sancta docent Evangelia. Et quia Spiritus sanctus et ipse sit virtus in sua proprietate : de quo Dominus testimonium perhibet, dicendo, *Vos autem sedete (ad suos discipulos) in civitate Jerusalem, quod adunque induamini virtute ab alto (Luc. xxiv, 49).*

11. Si ob hoc invisibilis Filius a te pronuntiatur, eo quod oculus humanus contemplari non possit ; cur non et cœlestes virtutes pariter invisibles pronuntias, quando nec ipse obtutibus humanis videri possint ? Ego quidem testimonium protuli sine aliqua interpretatione verborum meorum, dicens : *Beatus et solus potens, Rex regum, et Dominus dominantium (1 Tim. vi, 15).* Si Scripturam recitavi, reprehendi non debui : sin vero perscrutaris sensum Scripturæ, reddo rationem.

12. Ait enim Apostolus, *Beatus et solus potens, Rex regum.* Solum dicit potentem Patrem, non quia Filius non sit potens. Audi igitur testimonium de Filio, ipsum Spiritum sanctum clamantem et dicentem, *Tollite portas, principes vestri² ; et elevamini, portæ æternales, et introibit rex gloriae.* Et sequitur : *Quis est iste rex gloriae ?* Et responsum intellige : *Dominus fortis et potens (Psal. xxiii, 7, 8).* Quomodo non potens, cuius potentiam omnis predicit creatura ?

13. Quomodo non sapiens, de quo Spiritus sanctus collaudans ejus sapientiam clamat et dicit : *Quam magnificata sunt opera tua, Domine ! Omnia in sapientia fecisti (Psal. ciii, 24).* Nam cum omnia per Christum sint facta, sine dubio illum Spiritus sanctus laudans dicebat, *Omnia in sapientia fecisti.* Et cum ita habeatur, requirendum est ergo quomodo beatus Paulus dicit, *Beatus et solus potens ?* Ut puto, ideo solum potentem dicit, quia solus est incomparabilis in sua potentia. De cuius incomparabilitate propheta admirans dicebat : *Deus, quis similis erit tibi (Psal. lxxxii, 2) ?* Vis nosse quod solus est potens ? Intuere Filium, admirans potentiam Filii. In ipso enim adverte, quia solus est potens, qui tam potentem genuit. Pater enim in illa immensa potentia potentem creatorem³ genuit. Filius in sua illa a Patre accepta potentia, ut ipse ait, *Omnia mihi tradita sunt a Patre meo (Matth. xi, 27),* non creatorem creavit, sed creaturam constituit. Istam enim potentiam admirans Dei Patris, dicebat Paulus, *Beatus et solus potens.* Nam si et homo potens et verus, secundum quod de Job legimus, *Erat homo ille verus et justus Dei cultor ;* adhuc et regionem illius describens dicit, quod esset *potens et magnus inter omnes ex parte Orientis (Job i, 1, 3)* : quomodo ergo solus potens Pater ? Sed solum dicit ob hoc, quia nullus ei comparatur, quia solus est tantæ magnitudinis, tantæ potestatis, tantæ

potentie. Per modo et sapientem solum Patrem prædicat beatus Paulus apostolus dicens sic, *Soli sapienti Deo (Rom. xvi, 27).* Sed requirenda est ratio, quemadmodum solus sapiens : non quod Christus non sit sapiens. Jam protulisti Christum *Dei Virtutem et Dei Sapientiam (1 Cor. i, 24)* : dedimus et nos testimonia, quod omnia in sapientia condidit. Sed vere solus sapiens Pater. Credimus Scripturis, et veneramur ipsas Scripturas divinas : et neque apicem unum præterire optamus, timentes periculum quod in ipsis divinis Scripturis est positum : *Vx detrahentibus aut addentibus (Dent. iv, 2)* ! Vis scire quanta est sapientia Patris ? Intuere Filium, et videbis sapientiam Patris. Et ea de causa ipse Christus dicebat, *Qui me vidit, vidit et Patrem (Joan. xiv, 9)* : hoc est, in me ejus videt sapientiam, ejus laudat virtutem ; illum glorificat, qui me tantum ac talem genuit ante omnia sæcula, unus unus, solus solum. Non querens materiam unde ficeret, non in auxilio aliquem accipiens, sed ut novit ipse sua virtute et sapientia genuit Filium. Non, ut calumniam facientes dicitis, quoniam sicuti alia creatura ex nihilo facta est, ita et profitemur quod ex nihilo quasi unus de creaturis sit factus. Quod quidem audi auctoritatē synodice electionis, quia in Arimino patres nostri inter castera et hoc dixerunt : *Si quis ex nihilo Filium dicit, et non ex Deo Patre, anathema sit.* Si vis, sane testimonia profero. Ait enim sic beatus apostolus Joannes : *Qui diligit genitorem, diligit et eum qui ex eo natus est (1 Joan. v, 1).*

14. Miror namque, charissime. Cum enim et Spiritum sanctum de substantia Patris esse dicatis, si Filius ex substantia Dei Patris est, de substantia Patris. et Spiritus sanctus, cur unus Filius est, et alius non est filius ? Quid vobis deliquit, cum ex eadem sit substantia, cum æqualis sit Filio, ut dicas ; quare enim non et ipse hæres omnium constitutus ; quare non et ipse filius ? quare non et ipse eo vocabulo vocatur quo et Christus, *Primogenitus omnis creaturæ (Colossa i, 15)* ? Aut si æqualis, jam non unus unigenitus, habens et alterum secundum genitum, et præterea ex eadem substantia Patris, unde et Filium dicitis esse. Quod quidem et doloris est audire. Non enim ad animæ ingenuitatem comparatis illam tantam magnitudinem, sed ad fragilitatem corporis. De corpore utique nascitur caro, corporalis filius : non tamen anima de anima nascitur. Si ergo nostra anima incorruptibiliter generat et impassibiliter, nullam sentiens diminutionem, non inquinationem aliquam ; sed legitime secundum jura divina generat filium, sapientia consensum accommodans corpori ipsa integræ manet : quanto magis omnipotens Deus ? jam et paulo ante dixi, ad quem omnis comparatio humana sileat, tamen ut valemus dicere conamur, quanto magis Deus Pater incorruptibilis incorruptibili est genuit Filium ? Genuit autem : cautionem meam tene, utique habens testimonia sanctarum Scripturarum : Ge-

¹ Alias, *genitus.*

² Editi vestri. At MSS., *restri.* Et sic Augustinus, Enarr. in euandem psalmum 25.

³ sola editio Lov. omittit, *creatorem.*

⁴ Am., *filium sapientiam.* — Lov., *et sapientia.* Vide librum secundum contra Maximum, cap. 14. Er., *generatum filium, sapientium consensu.* Lugd. Ven., *general filium sapientium consensu.* Alias, *et sapientiam consensum.* M.

nervationem ejus quis enarrabit (Isai. lvi, 8) ? Ge-
nuit ut voluit, ut potens¹, nihil subtrahens, nulla
invidia intercipiente potentem genuit. Dixi, religiosis
non deceat calumniam facere : ego Verbum Dei, Ver-
bum Dei profiteor, non mortale, non corruptibile.
Siquidem corpus quod suscepit pro salute nostra,
elaniat de illo Scriptura, *Requiescat caro mea in spe* ;
hoc est, resurrectionis spe : *quoniam non derelinques
animam meam in inferno, neque dabis sanctum tuum vi-
dere corruptionem (Psalm. xv, 9)*. Si enim illud quod
sanctum vocatum est Filius Dei, corruptionem non
vidit, quia tertio utique die resurrexit a mortuis ;
quanto magis divinitas, que suscepit corpus incorru-
ptibilis manet ? Cur dicis quod non intelligis ? Si
non tibi ad omnia responsum dedero, merito sine
intellectu esse judicabor : si quominus tam non est
religionis injuriis appetere. Ego enim non solum Fi-
lii Dei sapientiam immortalē esse assero, sed etiam
comprobabo quod et sanctorum Dei sapientia immor-
talis sit. Nam si et ipsi, hoc est, eorum corpora ad
immortalitatem revocantur ; quanto magis eorum
viva illa sapientia, que usque ad consummationem
seculi in omnibus credentibus floret, utique immor-
talis manet ? Licet in prolixitate sermonis prae-
termiserim de immortalitate omnipotentis Dei, de
eo quod dixit beatus apostolus Paulus, *Qui solus
habet immortalitatem (I Tim. vi, 16)* : attamen re-
plicabo textum ; subsequar autem ei interpretationem
Deo favente et donante gratiam. Sic enim solus
immortalitatem habere describitur, sicut et solus potens,
sicut et solus sapiens. Quis autem spiritualium
homínium ignorat, quia anima humana immortalis
est ? Præterea cum Salvator sit sententia, dicentis,
*Nolite timere eos qui occidunt corpus, animam autem
non possunt occidere (Matthew. x, 28)*, ut immortalem.
Cum ergo anima sit immortalis, multo magis omnes
cœlestes virtutes immortales esse conspicimus. Nam
cum dicat Salvator, *Qui verbum meum custodit, mortem
non videbit in æternum (Joan. viii, 51)*. Et si qui ver-
bum Christi custodit, mortem non videbit in æternum ;
quanto magis ille secundum divinitatis sue poten-
tiam immortalis est, cuius tantum vim habet verbum ?
In eo autem quod dicit, *Qui solus habet immortalitatem* ; jam reddidimus rationem. Habet quidem
Filius immortalitatem, sed accipiens a Patre. Habent
et omnes virtutes cœlestes immortalitatem, sed acci-
pientes per Filium, quia omnia per illum sunt. Pa-
ter autem vere solus habet immortalitatem, qui ipsam
immortalitatem aliunde non est consecutus, qui genito-
rem non habet, qui originem non habet. Filius autem,
ut ipse prosecutus es, quod ex Patre sit genitus.
Sæpius æqualem Filium asseris Patri : cum ipse uni-
genitus Deus semper et in omnibus auctorem suum
prædicet Patrem, a quo, ut paulo ante dixi, et vitam se
consecutum hoc modo professus est, dicens, *Sicut
Pater habet vitam in semetipso, sic dedit et Filio ritam
habere in semetipso (Id. v, 26)*. Intuere igitur, quo-

¹ Plures MSS., rotulit ut potens : geminato scilicet verbo,
rotulit.

niam et immortalitatem et incorruptibilitatem et inac-
cessibilitatem utique a Patre cum vita accepit. Pater
autem habet in se vitam, non ab aliquo accipiens : et
ideo vere *beatus et solus potens*. Quis semetipsum
exinaniret (Philipp. ii, 7) ? Pater aut Filius ? Quis cui
per obedientiam festinavit placere, quam qui di-
cebat : *Ego quæ placita sunt ei facio semper (Joan.
viii, 29)* ? Quis est iste qui ad monumentum Lazarum
veniens dicebat : *Pater, gratias ago tibi, quoniam mi-
disti me ; et ego sciebam quia semper me audis, sed
propter eos qui circumstant, dixi, ut credant quia tu me
misisti (Id. xi, 41, 42)* ? Quis utique iste est, qui cum
cæci nati oculos figuraret, dicentibus discipulis, *Quis
peccavit, hic aut parentes ejus, ut cæcus nasceretur ?*
respondit, *Neque hic peccavit, neque parentes ejus ;
sed ut manifestentur opera Dei in illo : me oportet ope-
rari opera ejus qui me misit (Id. ix, 24)* ? Iste est
utique Filius charissimus Patri, qui et accipiens pa-
nes, non prius fregit, sed prius in cœlum respexit, et
gratias egit suo genitori, et sic fregit et distribuit.
Sic utique et in ipsa passione, imo magis proximus
passioni, ut reserf evangelista (Matthew. xxvi, 26) : *Et
enim Dominus Jesus in ea nocte qua tradebatur, ac-
cepit panem, et gratias agens fregit (I Cor. xi, 23, 24)*.
Hic est Filius, ut jam non obtundam eloquentia ser-
monis vel copia testimoniorum proferens plurima¹,
sed per compendium finiam, qui usque ad passeris
mortem sine permissione Patris nihil fieri, hoc modo
prædicavit, dicens : *Nonne duo passeris asse veneunt ;
et unus ex illis non cadet in terram sine voluntate Pa-
tris (Matthew. x, 29)* ? Hic sane et de sua potestate,
quam accepit a Patre, dicebat : *Potestatem habeo po-
nendi animam meam, et potestatem habeo iterum su-
mendi eam. Hoc enim præceptum accepi a Patre meo
(Joan. x, 18)*. Si ita referunt Evangelia, teneatur
quod legimus : si quominus aliud aliquid forte, aut
ut obliviosus minus dixi, reprehendar. Nec enim talis
sum, ut emendationem non accipiam. Præterea cum
episcopum præcipiat beatus apostolus Paulus doc-
ibilem esse (I Tim. iii, 2) ; ille est autem docibilis, qui
quotidie et discit et proficit docendo meliora : non
respuimus, si quid melius dictum fuerit ; ad omnia
sumus parati, quamvis injuriis afficiamur. Verumta-
men, ut non obstrepatur veritati, non nostram queri-
mur injuriam, sed Dei gloriam prædicamus.

15. Certum est quod ait Apostolus, *Qui cum in
forma Dei esset*. Quis enim negat Filium esse in forma
Dei ? Quod enim sit Deus, quod sit Dominus, quod sit
Rex, jam puto latius exposuimus. Et quia non rapi-
nam arbitratus est esse se æqualem Deo, hoc nos beatus
apostolus Paulus instruit, quod ille non rapiuit, nec
nos dicimus ; sed quia exinanivit semetipsum, factus
obediens Patri usque ad mortem, mortem autem crucis
(Philipp. ii, 6-8), totis viribus prædicamus. Nos dicti
sumus filii gratia, non natura hoc nati : ideo unigeni-

¹ Sic aliquot MSS. Alii vero quidam, ut sancti non obtun-
dam.... proferens plurima. Editiones Am. et Er., ut sanctum
non obtundam eloquentiam.... proferens plurima. Tov,
ut jam non obtundam eloquentiam sermonis, vel coram testimoniis
proferam plurima.

tus est Filius, quia quod est secundum divinitatis suæ naturam, hoc est natus Filius. Cui forte si ipse fraterem a plicas, quia Spiritum sanctum parem atque aequalē asseris Filio; æque et de substantia Patris cum esse profiteris: si ita est, ergo jam non est unigenitus Filius, cum et aliter sit ex eadem substantia. Nos in Patrem Deum innatum, naturam non accepimus¹: credimus quod ait Christus, *Spiritus est Deus* (*Joan. iv, 24*). Filius natus est, ut diximus: nos et verum Filium profitemur, et similem Patri non dene gamus: præterea de divinis Scripturis instructi. Nam quia diversas accusamus dicere naturas, hoc scito, quod nos dicimus, quod Pater spiritus spiritum genuit² ante omnia sæcula, Deus Deum genuit: et cætera que jam superius dicta sunt. Verus innatus Pater verum genuit Filium. Sed cum dicit Dominus in Evangelio, *Ut cognoscant te solum Deum verum, et quem misisti Iesum Christum* (*Id. xvii, 3*); sic solum verum dicit Patrem, quomodo et solum bonum, et solum potentem, quomodo et solum sapientem. Ut puto nec ipse diabolus ausus est dicere quod Pater non perfectum genuit ante omnia Filium³. Non enim proficiētem genuit. Homo enim, cuius et accepisti comparationem, si poterat perfectum mox generare filium, non parvulum generaret, qui coagmentatis annis tandem aliquando compleat sui genitoris voluntatem. Pater autem qui vere beatus est et solus potens, talem genuit Filium qualis et nunc est, qualis et permanet sine fine, non proficiētem, sed perfectum: quique et perfectionem a suo genitore accepit, a quo et vitam consecutus est. Salvatoris est sententia, *In ore duorum aut trium testium constabit omne verbum* (*Matth. xviii, 16*). Protulisti apostoli-
cum testimonium, *Qui cum in forma Dei esset, non rapinam arbitratus est: quod tuo arbitrio interpreta-
tus es; æque et nos, ut sensimus, respondimus. In
auditorum sane erit arbitrio, quid eligant alterum
de duobus: aut certe secundum sequentiam lectio-
nis Filium obedientem Patri approbent, qui se exi-
nanivit, formam accipiens servi; cui et Pater donavit,
ut diximus, nomen quod est super omne nomen: au-
tuam quisque intelligat interpretationem.*

16. *Ascendo ad Deum meum et ad Deum vestrum* (*Joan. xx, 17*), Dominum propter formam servi di-
xisse, quam suscepit, asseris, ut puto, ut dicas: si ipse humilians se in corpore dum esset humano, quamvis devicta morte triumphato diabolo post re-
surrectionem suam, isto utitur sermone⁴, dicens,
*Ascendo ad Patrem meum et ad Patrem vestrum: ubi
jam humilitas carnis necessaria non erat, ut dicis,
propter Iudeos: sed integra regula fidei tradebatur.
Sicut et in alio loco post resurrectionem suam, as-
sumptis discipulis suis in montem Oliveti, dicebat:
Data est mihi omnis potestas in cœlo et in terra: euntes
docete omnes gentes, baptizantes eos in nomine Patris,*

¹ Apud Ingd. Ven. Lov., *accipimus*. M.

² Apud Lov., *Spiritum filium genuit.*

³ In eadem editione Lov., *ante omnia sæcula filium.*

⁴ In MSS, *istos utitur sermones*. Sic in iisdem codicibus supra, col. 726, n. 6, et col. 728, n. 9, circa finem, ut cum accusativo jungit maximus.

et Fili, et Spiritus sancti, docentes eos servare omnia quæcumque mandavi vobis (*Matth. xxviii, 18-20*). Et si Filius humilitatis gratia et non veritatis hoc dixit, cur ausus fuit Apostolus eadem repetere et dicere, *Ut Deus Domini nostri Iesu Christi Pater glorie* (*Ephes. 1, 17*)? Aut certe, *Deus et Pater Domini nostri Iesu Christi scit, qui est benedictus in sæcula* (*II Cor. xi, 31*)? Necnon, *Ut unanimes in uno ore honorificetis Deum et Patrem Domini nostri Iesu Christi* (*Rom. xv, 6*)? adhuc autem aggregat et dicit, *Benedictus Deus et Pater Domini nostri Iesu Christi* (*II Cor. i, 3*)? Cur sane et ante incarnationem Christi etiam Spiritus sanctus ad Filium dicebat. *Propterea unxit te Deus, Deus tuus* (*Psal. XLIV, 8*)? Quam unctionem, quamvis argumentari volueris, probare non poteris in corpore factam: siquidem baptizatum legimus (*Matth. iii, 16*), unctum autem non legimus in corpore. Sed ex ipsa lectione, cum dicat, *Propterea oleo lætitiae unxit te præ consortibus tuis, Deus, Deus tuus*: utique ostenditur quoniam lætitiae oleum pro vocabulo olei illam lætitiam designat, de qua dicebat per Salomonem, *Ego eram ad quem adgaudebat quotidie; lætabar autem ante faciem ejus in omni tempore, cum lætaretur orbe perfecto, et lætaretur in filiis hominum* (*Prov. VIII, 30, 31*). In eo autem quod dicit, *Ego eram ad quem adgaudebat quotidie*: utique legitur in libro Geneseos, quoniam ait omnia opera Filii Pater, sicut legimus, *Et vidit Deus, et ecce omnia bona valde* (*Gen. i, 31*); laudans Filii sui opus, gaudebat et lætabatur in Filio: æque et Filius perfecta voluntate Patris lætabatur in conspectu sui genitoris. *Omnis Scriptura divinitus inspirata utilis est ad docendum* (*II Tim. iii, 16*). Ob quam rem non transibit iota unum vel unus apex (*Matth. v, 18*). Dominus dixit, *Cælum et terra transibunt, verba autem mea non præteribunt* (*Id. xxiv, 35*).

17. Constat quod in principio erat Filius, et apud Patrem erat, et Deus erat: et hic erat in principio apud Deum, ut primogenitus omnis creature: et omnia per ipsum facta sunt, et sine ipso factum est nihil (*Id. i, 1-3*): quod in Spiritus sancti persona suscipi non potest. Nec enim talia invenies referri ex divinis Scripturis, ut eum æqualem asseras Filio. Si quidem et Filius in principio erat: Pater vero ante principium et sine principio est, ut ingenitus et innatus. Erat autem in principio ut primogenitus omnis creature (*Coloss. i, 15*). Ante omnem creaturam erat, antequam quidquid esset, et apud Deum erat, et Deus erat, et hic erat in principio apud Deum.

18. Quid, si audieris Patrem dicentem, *Tecum principium in die virtutis tuæ, in splendoribus sanctorum, ex utero ante luciferum genui te* (*Psalm. CIX, 5*)? Ex ventre matris, quod nec Judæi disfidunt, natum profiteris secundum carnem. Et cur ista testimonia in medium non proferantur, quæ illam nativitatem demonstrant in principio, sicut et præcedens nos instruit testimonium? Si propter corpus in quo exinanivit semetipsum, qui cum dives es-
set, propter nos pauper factus es, ut ait Apostolus (*II Cor. viii, 9*), debitorem ce sentit sue genitori; multo

magis qui illum tantum ac talem genuit, ei debitam venerationem et debitum obsequium, ut charissimus Filius necesse est ut semper offerat suo genitori. Optime prosecutus es dicens, quoniam et parentibus propter formam servi esset subjectus (*Lue.* ii, 51). Si enim parentibus subjectus invenitur quos ipse creavit, quia omnia per ipsum sunt facta; nec enim post tempora, sed ante tempora novimus Filium genitum a Patre: si parentibus subditus, ut divinarum Scripturarum auctoritas luce clarius praedicat; quanto magis utique illi suo genitori est subditus, qui tantum ac talem genuit, secundum quod ait apostolus Paulus, *Cum omnia fuerint Filio subjecta, tunc et ipse Filius subjectus erit illi qui sibi subjecit omnia* (*I Cor.* xv, 28)? Hoc vis ut et a nobis dicatur, quod corpori, immo magis dispensationi, quam pro nostra salute suscepit, omnia subjecta profiteamur: revera et corpus Patri subjectum, non Filium ipsum unigenitum Deum. Nos enim scimus et credimus quod Pater judicat neminem, sed omne iudicium dedit Filio, ut omnes honorificent Filium, sicut honorificant et Patrem (*Joan.* v, 22, 23). Hoc enim profitemur, quia et in resurrectione, cum omnia fuerint Filio subjecta, cum omnes cum honorant, et venerantur, et adorant, nec tunc sane Filius extollit se: sed etiam cum omnibus sibi subjectis subditus Patri hoc modo invenitur, ut dicat, *Venite, benedicti Patris mei, possidete regnum paratum vobis ab origine mundi* (*Matth.* xxv, 34).

19. Jam dictum est quod et ipse pro tuo arbitrio secundum sensum tuum visus es alienare. Stat tamen apostolicum dictum, quia sicut oportet, orare nescimus; sed ipse Spiritus postulat pro nobis gemitis inNarrabilibus. Et quia argumento visus es obstrepere dicens, Ergo tam miserabilis est Spiritus sanctus, ut gemit? Nos enim non miserabilem Spiritum sanctum dicimus, siquidem ex ipsa lectione gloria Spiritus sancti ostenditur, quia non pro se gemit: sed audi lectionem¹, quia pro sanctis (*Rom.* viii, 26, 27). Si quidem nec Filius pro se, sed pro nobis utique postulat et interpellat, sicut jam protuli in precedenti. Qui in modico fidelis est, et in maius fidelis invenitur (*Luc.* xvi, 10).

20. Nec enim aliter asseri potest quod Pater et Filius unum sint, nisi hoc sane modo quo tu ipse et nos probare possumus his ipsis exemplis quibus usus es. Nam si, ut dicas, et Apostolus confirmat, Qui adjungit se Domino, unus spiritus est (*I Cor.* vi, 17); et utique unus spiritus in consensu implens voluntatem Dei, secundum Salvatoris magisterium: qui etiam hoc modo nos orare docuit, ut inter cetera precum nostrarum et hoc dicamus, *Fiat voluntas tua sicut in caelo et in terra* (*Matth.* vi, 10). Terra utique nos sumus. Sicut ergo in coelestibus Dei sit voluntas, ut et in nobis hoc modo compleatur qui hoc oramus, et hoc factis adimpleamus; ut unus spiritus efficiamur cum Deo, quando hoc volumus quod Deus vult. Nam et Ipse

¹ Sic plerique MSS. Alii vero, sed aut dilectione. Editi, sed pro dilectione.

Filius passioni proximus, hoc ad suum genitorem utique clamabat dicens: *Abba, Pater, transeat a me calix iste; rerumtamen non sicut ego volo, sed sicut tu vis* (*Marc.* xiv, 36). Dicendo autem, *Non sicut ego volo, sed sicut tu vis*; ostendit vere suam voluntatem subjectam suo genitori, propter cuius voluntatem faciendum de caelo descendit, ut ait: *Descendi de caelo, non ut faciam voluntatem meam, sed voluntatem ejus qui misit me* (*Joan.* vi, 38). Consonans ergo et conveniens est Filii voluntas ad voluntatem Patris. In quantum major est Filius ut Deus ab omni creatura, in tantum magis consonans voluntati Patris invenitur, et magis adhaeret suo genitori. Dico enim, adhaeret suo genitori ut charissimus filius, in amore, et dilectione, et unanimitate, et consensu, et convenientia. Omnia quae proferuntur a sanctis Scripturis, plena veneratione suscipere debemus. Nec enim in nostrum magisterium devenit divina Scriptura, ut a nobis emendationem accipiat. Atque uitam et digni inveniamur Scripturarum discipuli approbari!

21. Suscipio que protulisti, *Nescitis quia templum Dei estis, et Spiritus Dei habitat in vobis* (*I Cor.* iii, 16)? Nec enim Deus inhabitat in homine, quem non ante Spiritus sanctus sanctificaverit atque purgaverit. Denique et ad Mariam illam beatam virginem dicebatur, *Spiritus sanctus superveniet in te*: utique ad sanctificandum et ad purgandum. Deinde sequitur, *Et virtus Altissimi obumbrabit tibi* (*Luc.* i, 35). Altissimi autem virtus quod Christus sit, jam et ipse protulisti. Veritas non ex argomento colligitur, sed certis testimoniis comprobatur. Ob quam causam testimonia proferre debetis, quia Spiritus sanctus Deus est, quia Dominus est, quia Rex est, quia Creator est, quia factor est, quia conseedet Patri et Filio, quia adoratur, si non a coelestibus, vel certe a terrestribus, ut dicam, forte enim ostensurus es, quia vel ab infernis adoratur. Hac enim dicimus, non derogantes Spiritui sancto. Est enim Spiritus sanctus, ut jam superius prosecuti sumus, sine quo nemo potest dicere, *Dominum Jesum* (*I Cor.* xii, 3). Iste est Spiritus sanctus in quo clamamus, *Abba, Pater* (*Rom.* viii, 15). Iste est Spiritus sanctus tantus ac talis, in quem etiam et Angeli prospicere concupiscunt (*I Petr.* i, 12). Talis est, tam potens, ut ubique in omni creatura, sive in oriente, sive in occidente, quam etiam in septentrione et meridiano, quisquis eum adorat, non possit dicere, *Dominum Jesum, nisi in Spiritu sancto*. Talis est hujus natura, qui ubique praesens sit omnibus invocantibus Deum in veritate (*Psal.* cxliv, 18). Tantus ac talis est, ut ubi quisque fuerit baptizatus, in eodem momento, etsi in oriente baptizetur, etsi in occidente, et ubi et ubi, adsit Spiritus sanctus. Intuere quanta est potentia Spiritus sancti. Si enim quis derogat Spiritui sancto, derogat utique unigenito Deo, per quem omnia facta sunt, et sine quo factum est nihil (*Joan.* i, 3): sicut et qui non honorificat Filium, non honorificat Patrem qui eum misit (*Id.* v, 23).

22. Dicis quod non dixerit Salvator noster Christus, Ut ipsi et nos unum; sed, *Ut ipsi sint unum in na-*

tura sua et substantia sua, concordi æqualitate¹ quodammodo uniti atque conflati : et Pater et Filius et Spiritus sanctus, unum propter individuum cædemque naturam. Recito lectionem, quam legentes possunt probare quid Christus dixerit. Sie enim ait in Evangelio, Patrem suum orans pro discipulis : *Pater; fac illos unum, sicut et nos unum sumus : sicut ego in te et tu in me, ut et illi in nobis unum sint ; ut cognoscat hic mundus quoniam tu me misisti, et dilexisti illos sicut me dilexisti* (*Joan. xvii, 21-23*). Quod lego, credo : dilectionis fecit mentionem, et non substantie. Certum est autem ipsum Salvatorem dixisse, *Qui audit mandata mea, et custodit ea, ille est qui diligit me. Qui autem diligit me, diligitur a Patre meo, et ego diligam illum ; et veniemus, et mansionem apud eum faciemus* (*Id. xiv, 21, 23*). Si enim tanta illa sublimitas atque majestas Patris, necnon etiam Filii, intra unam aedicularum mentis nostræ recipitur; quanto magis utique Filius certum est et sine dubio quod erit in Patre ? Ita tamen ut Filius, ut alias a Patre : qui quidem, ut ipse exposuisti², unum sunt, Pater et Filius; non tamen unus : unum ad concordiam pertinet, unus ad numerum singularitatis. Nam et Pauli beati testimonium protulisti, quod libenti animo suscepimus : si quidem firmum genus est veritatis, quod ab ipsis etiam contradictibus promittur. Recitasti enim Paulum dixisse, *Ego plantavi, Apollo rigavit ; sed Deus incrementum dedit. Itaque neque qui plantat est aliquid, neque qui rigat ; sed qui incrementum dat Deus. Qui plantat autem et qui rigat unum sunt ; unusquisque autem suam mercedem accipiet secundum suum laborem* (*1 Cor. iii, 6-8*). Adverte igitur, quia licet unum sint concordia, attamen unusquisque suam mercedem accipiet secundum suum laborem. Intuere ergo et illud quod Dominus ait, *Ego et Pater unum sumus* (*Joan. x, 30*) : quod certa fide a nobis creditur et suscipitur. Qui dicit, *Ego ; Filius est* : qui dicit, *et Pater*; alterum Patrem ostendit. Unum ait ; non, unus. Scepius dictum est quia unum ad concordiam pertinet. Quomodo non unum Pater et Filius, cum quando clamat Filius, *Ego quæ placita sunt Patri facio semper* (*Id. viii, 29*)? Tunc deinde non esset unum cum Patre, si contraria Patri saceret aliquando. Sic autem et Apostoli unum sunt cum Patre et Filio, in eo quod in omnibus ad voluntatem Dei Patris respicientes, ad imitationem Filii subditi uni Deo Patri et ipsi inveniuntur (*a*). Et non tantum pro Apostolis legimus Salvatorem orasse, ut unum sint, sed etiam pro credituris per verbum illorum, dicens : *Non solum pro his rogo ; sed et pro creditoribus per verbum illorum in me : ut omnes unum sint, sicut tu Pater in me, et ego in te, ut et illi in nobis unum sint ; ut cognoscat hic mundus quia tu me misisti, et dilexisti illos sicut me dilexisti*. Dilectionis fecit, ut diximus, mentionem, et non divinitatis. Quis autem ignorat quod Paulus, Paulus est ; et Apollo, Apollo

est : cum quando dicat ipse Paulus, *Plus omnibus illis laboravi ; non ego autem, sed gratia Dei mecum* (*1 Cor. xv, 10*) ? Nam qui plus laborat, plus consequitur. Verumtamen unum sunt, in consensu, in convenientia, in dilectione ; quando id faciunt quod Deus vult.

23. Dicis quod unus est Deus. Astrue, si Pater et Filius et Spiritus sanctus unus est Deus, an solus Pater unus Deus dicendus est, cuius Filius Christus noster est Deus. Judaico more hortaris nos profiteri unum Deum? An de subiectione Filii potius, secundum quod habet fides christiana, ostenditur unus esse Deus, cuius filius noster est Deus, ut diximus? Nam quia Pater et Filius non est unus, vel Paulo crede dicenti, quod per singulas fere Epistolas pronuntiat, dicens : *Gratia vobis et pax a Deo Pater nostro et Domino Iesu Christo* (*Rom. 1, 7 ; 1 Cor. 1, 3 ; II Cor. 1, 2 ; Galat. 1, 3, et Ephes. 1, 2*). Adhuc autem : *Unus Deus Pater, ex quo omnia, et nos in ipso ; et unus Dominus Jesus Christus, per quem omnia, et nos in ipso*³ (*1 Cor. viii, 6*). Iste est qui a nobis Christianis unus Deus predicatur, quem Filius unus pronuntiat bonum, dicens : *Nemo bonus, nisi unus Deus* (*Marc. x, 18*). Non quod Christus non sit bonus : ipse enim ait, *Ego sum pastor bonus* (*Joan. x, 14*). Non quod Spiritus sanctus non sit bonus : audi prophetam clamantem, *Spiritus tuus bonus deducet me in viam rectam* (*Psal. cxlii, 10*). Audi autem adhuc Salvatoris testimonium dicentis, *Bonus homo de thesauro cordis sui profert bona* (*Luc. vi, 45*). Necnon etiam est omnis creatura Dei bona valde. Si creatura bona, si homo bonus, si Spiritus sanctus bonus, si Christus bonus, quemadmodum unus bonus requirendum est. Quia utique sic ait Salvator, *Nemo bonus, nisi unus Deus* : eo quod ipse est fons bonitatis, qui quod est bonus, a nemine accepit. Nam et Christus quod est bonus, a suo genitore est ut sit bonus ; et omnis creatura Dei bona, per Christum accepit ut esset bona. Sed sive Filius, sive qui per illum sunt facti, de illo uno fonte bonitatis unusquisque secundum mensuram fidei sue assumperunt ut essent boni. Pater autem unus, quod est bonus, a nemine accepit. Et ideo ait Christus, *Nemo est bonus, nisi unus*. Sic ergo unus est Deus, quia unus est incomparabilis, quia unus est immensus, ut jam sumus prosecuti.

24. Non denegamus quod Filius diligit Patrem, cum quando et scriptum legimus : *Ut sciat hic mundus quia diligo Patrem, et sicut mandatum mihi dedit Pater, sic facio* (*Joan. xiv, 31*). Constat Filium et diligi et diligere, et mandatum Patris, ut ipse asserit, implere. Et ideo unum sunt, secundum quod ait, *Ego et Pater unum sumus* (*Id. x, 30*). Nam in eo quod dicit, *Qui me vidit, vidit et Patrem* (*Id. xiv, 9*) ; certa fide credendum est quia qui videt Filium, per Filium videt et intelligit Patrem.

25. Propter formam servi, majorem Patrem profes-

¹ Aliquot MSS., *concordia, æqualitate*. Quidam, *concordias æqualitate*.

² Er. Lugd. et Lov., *quod quidem exposuisti*. Ven., *quod q. id est exposuisti*. M.

(a) Vide Augustini serm. 140, n. 4, tom. 5.

³ Editi, per ipsum. At MSS., in ipso : et sic locum a Maximino minus recte irolatum notat Augustinus in libro 2, cap. 23, n. 3.

sus es : quod mihi nimium stultum esse videtur. Scimus enim, quod et ipse protulisti, in forma servi etiam eum Angelis minorem factum. Nec enim satis in gloriam Bei profusus es¹, qui ad formam servi maiorem Patrem prosteris. Ad formam servi et Angeli maiores sunt. Nec enim ad hoc venit Christus, ut nos instrueret quod ad formam servi major est Pater : sed ideo Veritas ad nos venit, ut utique doceret nos, atque instrueret, quod Pater Filio major est, et hoc Filio qui magnus est Deus. Nos enim sic glorificamus Patrem, ut magno Deo majorem illum prosteamur, ut alto sublimiorem annuntiemus. An vero iste est debitus honor Dei, ut forma servili major sit Pater, tu videris.

26. Dicis quod se divinitas patribus ostendit : et paulo ante prosecutus es, quod utique divinitas sit invisibilis. Ostendit se sane, non Pater, qui invisibilis est : ne si dicamus Patrem visum fuisse. Apostolum reddamus mendacem, qui ait, *Quem vidi hominum nemo, neque videre potest* (*I Tim. vi, 16*). Et non solum invenimur Novo resistere Testamento, verum etiam et Veteri pari modo contrarii invenimur. Denique sic ait Moyses : *Non potest quisque Deum videre et vivere* (*Exod. xxxiii, 20*). Ipse sane Moyses descripsit in libro Geneseos, quod ab illo primo homine Adam usque ad ipsam incarnationem semper Filius visus est. Nam si testimonia queris, utique habes positum Patrem ad Filium dicentem : *Faciamus hominem ad imaginem et similitudinem nostram*. Sequitur : *Et fecit Deus hominem* (*Gen. i, 26, 27*). Quis utique Deus, nisi Filius? Hoe utique et tu in tuis tractatibus exposuisti. Iste ergo Filius qui est propheta sui genitoris, qui et dicebat, *Non est bonum solum esse hominem; faciamus ei adjutorium secundum se* (*Id. ii, 18*) : iste Filius Adae est visus, secundum quod legimus Adam dicentem, *Vocem tuam audiri ambulantis in paradiſo, et abscondi me, quia nudus eram*. Habes utique quod Deus dixit ei, *Ei quis tibi indicavit: quia nudus eras, nisi de ligno de quo præceperam tibi ne manducares, ex eo manducaſti* (*Id. iii, 10, 11*)? Hic beus et Abraham visus est (*Id. xviii, 4*) : et quia Filius visus est Abraham, si vis credere, utique ipse unigenitus Deus in sancto affirmavit Evangelio, dicens sic : *Abraham pater uester exultavit ut rideret diem meum, et vidi, et gavisus est* (*Joan. viii, 56*). Hic etiam Filius a Jacob visus est, qui in figura qua erat venturus, id est, hominis, ante præmeditatus collectasse cum Jacob invenitur. Unde et Jacob dicebat : *Vidi Dominum facie ad faciem, et salva facta est anima mea*. Et loci ipsius vocabulum nuncupatum est, *Visio Dei*. Hoc ipsum affirmans utique Deus, qui in præmeditatione collectabatur cum Jacob, quod in passione Christi impletum videmus. Ait enim ad ipsum Jacob, *Jam non vocabitur nomen tuum Jacob, sed Israel erit nomen tuum* (*Gen. xxxii, 23-50*), hoc est, Homo videns Deum. Hunc et in Novo Testamento visum probamus. De hoc Apostoli dicent : *Et vidimus gloriam ejus, gloriam quasi unigeniti a Patre* (*Joan. i, 14*). Cæterum si, ut ipse conaris,

¹ Apud Fr. lugd. Ven., *prorectus es.* M.

Pater visus esse asseratur, mendaces sunt apud vos : omnes Scripture. Nam denique invisibilem Patrem Paulus prædicat (*1 Tim. vi, 16*), et Dominus in Evangelio affirmsat (*Joan. i, 18*). Sepius nos accusas, quod audenter atque præsumenter ea quæ non sunt dicenda a nobis dicantur, quod quidem in arbitrio erit legentium probare. Nec enim sic loquimur, ut aliquis laudem consequamur²; sed studio colligenda fraternitatis, quæ nobiscum est³ : aut ob quam forte et ipse provocare nos dignatus es, ut responsum demus, ut in nobis illi denotati sic tue consentiant, ut dixerim, professioni, necesse fuit me propter timorem Dei dare tibi responsum. Siquidem non tantum verbis me nudare conatus es a discipulatu corum ; verum etiam et tractatum tuum dedisti, ad quod necesse est me respondere ea quæ de invisibilitate omnipotentis Dei prosecutus sum. Etiam et ipse, licet alio proposito⁴, attamen tuis verbis affirmasti, quod Spiritus sanctus in specie columbae sit visus, neconon in specie ignis (*Matth. iii, 16, et Act. ii, 3*) : Filius sane, in forma hominis : Pater autem, neque in specie columbae, nec in forma hominis ; nec aliquando vertit se in formas, sed nec aliquando vertetur : de quo scriptum est, *Ego sum qui sum, et non sum mulatus* (*Exod. iii, 14, et Malach. iii, 6*). Filius sane in forma Dei constitutus jam, ut ipse protulisti, formam servi accepit, quod non Pater : Spiritus quæque sanctus suscepit speciem columbae, quam non suscepit Pater. Scito ergo, quia unus est invisibilis, unus etiam incapabilis atque immensus. Oro et opto discipulus esse divinarum Scripturarum : nam et superius credo retinere Religionem tuam, quod sic dedi responsum, quia si protuleris quod Pater et Filius et Spiritus sanctus unam habeant virtutem, unam substantiam, unam deitatem, unam majestatem, unam gloriam ; si affirmaveris de divinis Scripturis, si alicubi scriptam lectionem protuleris, nos divinarum Scripturarum optamus inveniri discipuli.

Maximinus episcopus subscripsi⁵.

Et post collationem præsentium Augustinus ista dictavit : Auxilio principum munitione loqui dixisti, non secundum timorem Dei : sed hominibus, quibus donat Deus intellectum, satis appareat quis loquatur secundum timorem Dei ; utrum qui obedienter audit Dominum dicentem, *Audi, Israel; Dominus Deus tuus, Dominus unus est* (*Deut. vi, 4*) ; quod nos et oltemperanter audimus, et fideliter prædicamus : an ille qui hoc sic audire non vult, ut duos dominos duos deos esse contendat ; atque ita introducendo duos deos et duos dominos, ostendat se non timere unum Dominum Deum dicentem, *Audi, Israel; Dominus Deus tuus, Dominus unus est*. Scis autem sermonem tuum prolixissimum occupasse nobis tempora quibus respondere possemus, et tantum dici remansisse, quantum omnino non sufficeret, ut ea quæ dixisti,

¹ Editi, apud nos.

² MSS., ut a tuis laudem consequamur.

³ Am. et Fr., quæ nobiscum est.

⁴ Apud Lov. hic additum erat, occupatus

⁵ Sola editio Lov., subscripta.

saltem nobis relegerentur. Noveris tamen omnia quae protulisti, ut probares Deum esse Filium Dei, et magnum Deum, et natum esse ex Patre, et alium esse ipsum et alium esse Patrem, quoniam non est Pater ipse qui Filius, ad ingentes moras pertinuisse, quibus necessarium tempus absumeres: quasi nobis abs te probandum esset, quod et nos esse verum sitemur. Non enim dicimus ipsum esse Patrem qui est Filius, aut ipsum esse Patrem vel Filium qui est in ipsa Trinitate Spiritus sanctus. Prorsus alius est ille, alius ille, et alius ille: sed simul omnes unus est Dominus Deus. Si enim dixerimus duos esse dominos deos; unum magnum, alterum majorem; unum bonum, alterum meliorem; unum sapientem, alterum sapientiorem; unum clementem, alterum clementiorem; unum potentem, alterum potentiem; unum invisibilem, alterum invisibilorem; unum verum, alterum veriorem; et si quid aliud isto modo te sentire monstrasti, ut duos dominos deos nos habere suaderes: si hoc ergo dixerimus, arguet nos ipse Deus, dicens, quod jam commemoravi, *Audi, Israel; Dominus Deus tuus, Dominus unus est.* Tanquam dicat nobis: *Fili hominum, usquequo graves corde? utquid diligitis vanitatem, et queritis mendacium (Psal. iv, 3)? Utquid vobis facitis duos dominos deos? quare me clamantem, Audi, Israel, non vultis audire, Dominus Deus tuus, Dominus unus est;* sed contra me clamatis, Domini dii nostri domini duo sunt? Numquid hoc faceretis, si Israel esse velletis? Cum hoc ergo nomen interpretetur, Homo videns Deum; rogo te, da veniam, si tu non vis, ego volo esse Israel. Volo quippe in eorum consortio computari, quibus donatur videre Deum. Et gratias illi agimus, quia facit nos videre *nunc per speculum in enigmate, tunc autem facie ad faciem,* sicut Apostolus dicit (*I Cor. XIII, 12*). Videamus itaque donante ipso, etsi adhuc perspeculum in enigmate, tamen videmus, quomodo inter se non sint duo ista contraria, ut et alias Pater sit, alias Filius, alias Spiritus sanctus, et tamen hi tres simul unus sit Dominus Deus. Egi, sicut potui, ut hoc etiam tu videres: sed resistere malnisti, quia Israel esse nolui-

sti. Sed si hoc videre adhuc forsitan non potes, crede et videlicet. Intelligendo enim videntur ista nec oculis carnis intuendo. Et scis utique dixisse prophetam, *Nisi credideritis, non intelligetis (Isai. vii, 9).* Cum ergo audis, *Dominus Deus tuus, Dominus unus est;* noli duos dominos deos facere, Patrem et Filium. Et cum audis, *Nesciis quia corpora vestra templum in robis est Spiritus sancti quem habetis a Deo;* et eodem loco¹: *Nesciis quia corpora vestra membra sunt Christi (I Cor. vi, 19, 15)*: cum ergo haec audis, noli negare Deum esse Spiritum sanctum, ne templum creaturæ facias membra Creatoris. Prius crede istos tres, et in suis singulis personis tres esse, et tamen simul non tres dominos deos, sed unum Dominum Deum esse: et dabit credenti et oranti ipse Dominus intellectum, ut id quod credis, etiam videre, id est, intelligere merearis. Nam considera diligenter omnia, quæ prolixa disputatione dixisti, et videbis ex hoc errore descendere, quo facitis duos dominos deos, contra clarissimam vocem Domini Dei dicentis, *Dominus Deus tuus, Dominus unus est:* et negatis Deum Spiritum sanctum, cujus sanctum negare non potestis templum. Haec interim post Collationem nostram, qua praesentes alternatim locuti sumus, te admonuisse sufficerit: si autem Dominus voluerit, quoniam longum est, et tu remcare festinas, prosecutiones nostras ante oculos eorum qui legere voluerint, quanta potero perspicuitate constituam, et te veris quidem testimonii divinis, falsa tamen vestra dogmata probare voluisse, velis nolis, ostendam.

Et alia manu: Augustinus episcopus subscripsi.

Item alia manu, Maximinus: Cum explicueris hunc libellum, et ad me transmiseris, si non ad omnia responsum dedero, tunc ero culpabilis.

Explicuere Gesta. Contuli².

¹ In MSS., et alio loco.

² Lov., Antonius vera Gesta contuli. Am. et Er. post, responsum dedero, habent sic, culpa explicaberis. Antonius Gesta contuli. At veteres codices, tunc ero culpabilis. Explicuere Gesta. Contuli. Antiquissimus Corbeiensis, Explicere Gesta contuli. Et MSS. omnes carent nomine, Antonius.



S. AURELII AUGUSTINI

HIPPONENSIS EPISCOPI

CONTRA

MAXIMUM HÆRETICUM

Arianorum Episcopum

LIBRI DUO ^(a).



LIBER PRIMUS ^(b).

Ostendit Augustinus, ea quæ in Collatione ipse dixit, Maximum non potuisse refellere.



Disputationi Maximini Arianorum episcopi, cuius prolixitate spatum duci, quo præsentes conferebamus, absumpsit, responsonem debitam reddens, ad ipsum loqui utique debo : sive adhuc existimet contradicendum esse cum legerit, sive Domino in ejus corde mirabiliter operante manifestatae ¹ consentiat vcritat. Quid tibi visum est, homo ariane, tam multa dicere, et pro causa quæ inter nos agitur nihil dicere, quasi hoc sit respondere posse, quod est tacere non posse ? Prius itaque ostendam refellere te non potuisse quæ dixi : deinde, quantum necessarium videbitur, ego refellam quæ ipse dixisti.

CAPUT PRIMUM. — *De duobus diis.* De duobus diis quæ ipse dixisti, ego certe respondens verbis tuis, ubi aisti a vobis unum Deum coli : *Consequens est*, inquam, *ut aut non colatis Christum, aut non unum Deum colatis, sed duos.* Ad hoc tu respondere conatus, multum quidem locutus es, asserens quod et Christum Deum colatis : sed duos deos a vobis coli quanvis non negaveris, tamen non ausus es consiteri. Sensisti enim, duos esse deos colendos, christianas aures ferre non posse. O quan de proximo te corrigeres, si timeres credere quod dicere timuisti ! Cum enim clamet ² Apostolus, *Corde creditur ad justitiam, ore confessio fit ad salutem* (Rom. x, 10) ; si ad justitiam putas pertinere quod credis, cur hoc ad salutem etiam ore non consiteris ? Si autem duos deos colendos ad salutem non pertinet consiteri, sine dubio nec ad justitiam pertinet credere. Qui ergo non vis tali confessione cum teneri os tuum, quare non mundas a tali credulitate cor tuum ? Tene cum Catholica fidem rectam, non te pudeat emendare perversam. Tene cum Catholica, Patrem quidem non esse qui Filius est, et Filium non esse qui Pater est ; et Deum esse Patrem, Deum esse Filium : verumtamen ambos simul non duos deos esse, sed unum. Isto modo solo fieri ut et Patrem colas et Filium, nec tamen duos deos esse colendos dicas, sed unum, ne reatu impie-

tatis tua conscientia compungatur, quando sonuerint in auribus tuis dicta divina, quia *Nullus Deus, nisi unus* (I Cor. viii, 4) ; et, *Audi Israel ; Dominus Deus tuus, Dominus unus est* : et quando audis, *Dominum Deum tuum adorabis et illi soli serveis* (Deut. vi, 4, 13) ; securus possis, non soli Patri, sed etiam Filio ea quæ uni Deo debetur servitute servire. Memento ergo te non respondisse ad illud quod objecram, non a vobis coli unum Deum, sed duos.

CAPUT II. — *De humanis contagiosis.* Secundo loco egri tecum de verbis tuis, ubi dixeras, *Deum Patrem ad humana non descendisse contagia* ; quasi Christus illa in carne perpessus sit : et admonui, quomodo contagium intelligi soleat, non utique nisi in aliquo vitio, a quibus omnibus immunem novimus Christum. Nec ad hoc quidquam respondere potuisti. Testimonia quippe divina, quæ abs te commemorata sunt, nihil te adjuvare potuerunt : non enim eis probare potuisti humano Christum attaminatum esse contagio. Quod enim Apostolus dixisse commemoras, *Quoniam Christus cum peccator non esset, peccatum pro nobis fecit : lege diligentius, et ne forte mendosum incurris codicem, aut latius interpres erraverit, gracum inspice* ; et invenies non Christum pro nobis fecisse peccatum, sed a Patre Deo ipsum Christum factum esse peccatum, id est, sacrificium pro peccato. Ait enim Apostolus : *Obsecramus pro Christo, reconciliamini Deo* ³ : *eum qui non noverat peccatum, pro nobis peccatum fecit* (II Cor. v, 20, 21). Non ergo fecit ipse peccatum, sed eum Deus pro nobis peccatum fecit, hoc est, ut dixi, sacrificium pro peccato. Si enim recolas vel relegas, invenies in libris Veteris Testamenti peccata appellari sacrificia pro peccatis. Similitudo etiam carnis peccati, in qua venit ad nos, dicta est et ipsa peccatum : *Misit, inquit, Deus Filium suum in similitudine carnis peccati, et de peccato damnavit peccatum in carne* (Rom. viii, 5) : hoc est, de similitudine carnis peccati, quæ ipsius erat, damnavi :

¹ Er. Lugd. Ven. et Lov. *manifestæ.* M.

² Er. Lugd. Ven. Lov. *clamat.* M.

(a) Scripti circiter annum 428.

(b) Alias, secundus.

³ Am. Er. et Nas. *reconcillari Deo.*

peccatum in carne peccati, quæ nostra est. Propter hoc etiam de illo dicitur: *Quod enim mortuus est peccato, mortuus est semel; quod autem vivit, vivit Deo* (*Rom. vi, 10*). Peccato enim mortuus est semel, quia similitudini¹ carnis peccati mortuus est, quando moriendo exutus est carne: ut per hoc mysterium significaret, eos qui in morte ipsius baptizantur, mori peccato, ut vivant Deo. Sic etiam per crucem *factus est pro nobis maledictum* (*Galat. iii, 15*). Pendens quippe in ligno, mortem quæ de maledicto Dei venerat, suspendit in ligno, atque ita *verus homo noster simul confixus est cruci* (*Rom. vi, 6*): ut non mendaciter dictum intelligatur in Lege, *Maledictus omnis qui pendet in ligno* (*Deut. xxi, 23*). Quid est, *maledictus*, nisi, *Terra es, et in terram ibis* (*Gen. iii, 19*)? Et quid est, *omnis*; nisi quia et ipse Christus, qui cum esse vita, mortuus est tamen vera morte, non facta? Si intelligas ista mysteria, simul intelliges non esse contagia. Sed quid ad nos, si more tuo loquens, contactum forte mortalium voluisti appellare contagium; cum tamen nobiscum sentias, Dominum Jesum, nec in spiritu, nec in carne ullum habuisse peccatum?

CAPUT III. — *De invisibili Deo*. Tertio loco de invisibili Deo cum agerem, admonui ut crederes invisibilem, non solum Patrem, sed etiam Filium secundum divinitatem, non secundum carnem, in qua eum visibilem mortalibus apparuisse quis negat? unde et alio loco postea disputavi. Tu autem cedens manifestissimæ veritati, consensisti esse invisibilem Filium: ac per hoc destruxisti quod dixeras, *unum invisibilem Patrem*. Sed rursus tua consensione conturbatus, quia invisibilem etiam Filium esse consenseras, ausus es dicere, minora videri a majoribus, majora vero a minoribus non posse videri; dicens Angelos videri ab Archangelis, animas ab Angelis, Angelos vero ab animabus non videri: unde etiam Christum secundum divinitatis suæ substantiam, non solum ab hominibus, sed nec a Virtutibus celestibus videri asserens, ideo Patrem solum invisibilem esse dixisti, quia superiorem non habet a quo circumspiciatur. Dic nobis, rogo te, quando tibi indicaverunt Archangeli, quod ipsi videant Angelos, non autem videantur ab Angelis? Quibus narrantibus Angelis cognovisti, quod ipsi videant animas; animas illos non videant? A quo haec audisti? unde didicisti? ubi legisti? Nonne melius divinis Libris animum intenderes, ubi legimus et ab hominibus Angelos visos, quando voluerunt, et quomodo voluerunt videri, jubente vel sinente omnium Creatore? Verumtamen qui dixeras, ideo solum dicendum *invisibilem Patrem*, quia non habet superiorem a quo circumspiciatur; confessus es postea, Filio esse visibilem, contra te ipsum proferens evangelicum testimonium, ubi dicit ipse Filius, *Non quia Patrem vidit quisquam, sed qui est a Deo, hic vidit Patrem* (*Joan. vi, 46*). Ubi te quidem veritas aperi-
tissime vicit: sed tu nolens ab errore liberari, nolui-

¹ sola editio Lov., quia in similitudine. Quidam vss., quia similitudine.

sti salubriter vinei. Cum enim contra te commemorasse evangelicum testimonium, quo claruit a Filio videri Patrem, dicente ipso Filio, *Sed qui est a Deo, hic vidit Patrem*; mox addidisti de tuo, *Sed vidit incapabilem*. Interim quod dixeras perdidisti, solum esse invisibilem Patrem, quia non habet superiorem: quandoquidem veritate vixit, eum videri ab inferiore confessus es. Vos enim dicitis inferiorem: *Filium a quo tamen Patrem videri, teste Filio cogente*¹, dixisti. De incapabili postea videbimus, ut etiam te illuc veritas vincat. Non enim de capabili et incapabili, sed de visibili et invisibili inter nos quæstio versabatur: in qua quæstione si tibi ipsi tu ipse visibilis es, videntum te esse vides.

CAPUT IV. — *De immortali D.o*. Quarto loco egite cum de immortali Deo etiam Filio. Quoniam tu illud quod ait Apostolus, *Qui solus habet immortalitatem* (*I Tim. vi, 16*); sic intelligi voluisti, tanquam de solo Patre sit dictum: cum ille hoc non de Patre dixerit, sed de Deo, quod est Pater et Filius et Spiritus sanctus. Ostendi ergo et Filium habere immortalitatem secundum substantiam divinitatis sue. Nam secundum carnem quis negat eum fuisse mortalem? Tu autem cum mihi respondere ad hunc locum velles, perspicua veritate conclusus, etiam Deum Filium immortalitatem habere confessus es. Victor es igitur in eo quod dicebas de Patre tantum dixisse Apostolum, quod solus habeat immortalitatem. Neque enim propterea vinculis veritatis elaberis, quoniam dicis, *Habet quidem Filius immortalitatem, sed accipiens a Patre*. Non queritur unde habeat, sed utrum habeat. Tu enim de Patre solo vis intelligi quod scriptum est, *Solus habet immortalitatem*. Prorsus a nullo acceptam Pater habet immortalitatem, et a Patre acceptam Filius habet immortalitatem: tamen et Pater et Filius habet immortalitatem. Alioquin si eam non habet Filius; Pater eam non dedit Filio, aut acceptam perdidit Filius. Dedit autem Pater Filio, nec perdidit Filius: nec Pater dando perdidit quod generando dedit. Habet ergo immortalitatem et Pater et Filius, non Pater solus. Cogeris itaque consteri non de solo Patre dictum esse, *Qui solus habet immortalitatem*: quia iam coactus es consteri quod et Filius habeat immortalitatem. Habet autem hanc *solus*, sed Deus: quod non solus est Pater; quia hoc est et Filius, et ute-que adjuncto Spiritu sancto unus est Deus. Sed quaro solus Deus dictus sit habere immortalitatem, cum et anima pro suo modo sit immortalis, et alia spiritu-lis celestisque creatura, postea videbimus: nunc autem sufficit nobis, quod ad ea quæ dixi, nihil respondere potuisti, et non solum Patrem; sed quamvis ab ipso, habere tamen, immortalitatem etiam Filius coactus es consteri.

CAPUT V. — *Unde major sit Pater*. Quinto loco ostendi, unde major sit Pater Filio: quia non Deo major est, unde illi coeternus est Filius; sed homine major est, quod ex tempore factus est Filius. Ibi commemoravi apostolicum testimonium: *Quia cum in*

¹ Hic apud Lov. additur, veritate.

forma Dei esset, non rapinam arbitratus est esse aequalis Deo. Natura quippe illi fuerat Dei aequalitas, non rapina. Ad quod tu respondens dixisti: *Quis enim negat Filium esse in forma Dei? Quod enim sit Deus, quod sit Dominus, quod sit Rex, jam puto latius expostimus.* Et *ea quia non rapinam arbitratus est esse aequalis Deo,* hoc nos beatus apostolus Paulus instruit, *quod ille non rapuit, nec nos dicimus.* Haec verba tua non solum nihil habent adversus nos; sed magis apparent esse pro nobis. Si enim consideris Dei formam, cur non aperte Dei Filium Deo consideris aequalem? Præterim, quia de verbis Apostoli, ubi ait, *Non rapinam arbitratus est esse aequalis Deo;* non potuisti pro tuis partibus invenire quod dices. Et quia hoc dixisse Apostolum non potuisti negare, ideo dixisti, *quod ille non rapuit, nec nos dicimus:* tanquam hoc sit non rapuit, quod est non habuit, id est, aequalitatem Dei: atque ita dictum sit, *Non rapinam arbitratus est esse aequalis Deo;* ac si diceretur, Non arbitratus est esse rapiendam aequalitatem Dei, eo quod ab illo fuerit aliena. Raptor enim rei alienæ usurpator est: tanquam hoc Filius, cum posset, rapere noluisset. Quod vides quanta insipientia sentiatur. Ergo intellige Apostolum ideo dixisse, *Non rapinam arbitratus est esse aequalis Deo;* quia non alienum arbitratus est esse quod natus est: sed tamen quamvis aequalitatem Dei non fuerit arbitratus alienam, sed suam, *semel ipsum exinanivit,* non querens quæ sua sunt, sed quæ nostra sunt. Quod ut noveris ita esse, attende unde ad hoc Apostolus venerit. Cum enim Christianis humilitatem præciperet charitatis: *Alter alterum, inquit, existimantes superiorem sibi, non quæ sua sunt unusquisque intendentes, sed et quæ aliorum*¹. Deinde ut exemplo Christi hortaretur non sua querere vel intendere, sed et quæ aliorum sunt: *Singuli quique, inquit, hoc sentite in vobis quod et in Christo Iesu: qui cum in forma Dei esset, quæ illi erat sua, non rapinam arbitratus est,* hoc est, non alienum arbitratus est, *esse aequalis Deo;* sed tamen querens nostra, non sua, *semel ipsum exinanivit,* non formam Dei amittens, sed formam servi accipiens. Non enim est mutabilis illa natura ut se exinaniret perdendo quod erat, sed accipiendo quod non erat: nec consumendo quæ sua sunt, sed assumendo quæ nostra sunt; ac deinde in forma servi obediendo sicut homo usque ad mortem crucis. Propter quod et Deus eum exaltavit, et donavit ei nomen quod est super omne nomen (Philipp. 11, 6-9): et cætera. Homini ergo donavit ista, non Deo. Neque enim cum in forma Dei esset non excelsus erat, aut non ei genua flectebant cœlestia, terrena et inferna. Sed cum dicitur, *Propter quod eum exaltavit;* satis appareat propter quid exaltaverit, id est, propter obedientiam usque ad mortem crucis. In qua ergo forma crucifixus est, ipsa exaltata est, ipsi donatum est nomen quod est super omne nomen; ut cum ipsa forma servi nominetur Filius unigenitus Dei². Non itaque facias imparem Deo formam

¹ Lov. sed ea quæ aliorum. At MSS., sed et quæ aliorum: *mixta grecum, allâ lxx.*

² Iuxta editi additum, intelligatur. Male, et reluctatibus MSS.

Dei: quod nec in ipsis hominibus dici potest. Nam enim dictum fuerit, *Iste homo in forma est illius hominis, nemo intelligit nisi aequales*³. An forte non vis sic accipere quod dictum est, *Cum in forma Dei esset,* ut in forma Dei Patris intelligas Filium, ubi nihil aliud quam aequalitas appareret amborum; sed, *in forma Dei,* putas intelligendum in forma sua, quia et ipse utique Deus est? Non multum euro si etiam sic intelligas. Ubi enim plenitudinem formæ aetatis incrementa non faciunt, sed Deo gignente perfectus natus est Filius; procul dubio si forma Filiī formæ Patris non est aequalis, non verus est Filius. Scriptum est autem: *Ut sinus in vero Filio ejus Iesu Christo* (I Joan. v, 20). Forma igitur veri Filii, formæ Dei Patris esse non potest inegalitatis. Proinde nec huic loco prosecutionis meæ, ubi de verbis Apostoli aequalem Patri Filium comprehendebam, respondere aliquid pro vestra intentione potuisti.

CAPUT VI. — *De veris filiis animalium.* Sexto loco ut ejusdem naturæ ejus et Pater est, ostenderemus Filium, etiam mortalium fetus animalium immanitatem vestri erroris objici, increpans cor vestrum, qui ejusdem naturæ ejus est Pater, negatis esse Deum Filium, quamvis verum esse Filium non negatis; cum Deus ipse dederit animalibus hoc generare quod ipsa sunt: ubi non solum hominis hominem, verum etiam canis canem filium nominavi; non ad similitudinem Dei, sed ad confusionem detrahentium Filio Dei: qui cum videant corruptibiles mortalesque naturas, habere tamen naturæ de suis parentibus unitatem, Filio Dei vero nolunt concedere communionem naturæ unius habere de Patre; cum sit inseparabilis a Patre, et incorruptibilis æternusque cum Patre. Unde etiam dixi, quod melior sit secundum vos humana conditio, ubi conceditur crescere, ut ad robur parentum vel crescendo possint filii pervenire: Filius autem Dei, sicut dicitis et docetis, minor Patre genitus sic remansit, atque ut ad Patris formam non posset pervenire, nec crevit. Hic tu, ut appareret quam magna veritatis mole premereris, omnino ad rem non respondisti: sed tanquam deficiente statu⁴ anhelares, reprehendendum me putasti, dicens quod tam fœda comparatio, de filio scilicet hominis sive canis, in illam tantam immensitatem produci non debuit. Hoc respondere est, an potius inopiam responsionis ostendere? Quasi ego propterea terrenarum naturarum ista exempla produxerim, ut incorruptioni corruptionem, immortalitati mortalitatem, invisibilibus visibilis, æternis temporalia coquare: ac non potius ut vos in magnis et summis rebus errantes, de rebus parvulis insimisque convincerem, qui non videtis bonum quod Creator summe bonus dedit etiam extremis vilibusque creaturis, ut cum longe aliud sint quam est ipso, hoc tamen generent quod sunt ipsæ. Nec attenditis quid mali dicatis, ut cum homines et canes, et cætera hujusmodi habeant filios veros, quos illis gigantibus creat veritas, non sit verus Dei Filius ipsa veritas. Aut si san-

³ Am. Fr. et MSS., nisi aequalis.

⁴ MSS., deficiens statu.

ea Scripturā cogente permittitis ut verus Filius sit, rogamus permittite ut degener non sit. Et degener quomodo? Audiant catholici, unde erubescant hæretici. Filius viri fortis si non habeat fortitudinem, degener dicitur: tamen homo est, quod et pater est; atque in dissimili vita, non est tamen aliena substantia. Vos unigenitum Dei Filium ita degenerem vultis, ut ipsam Patris ei substantiam denegatis: minorem natum, minorem remansisse jactatis; non ullam datis aetatem qua possit augeri, non datis eamdem formam qua possit aequali. Cujus naturae tanta subtrahitis, miror verum Filium qua fronte dieatis: nisi quia infelicissimo errore non vos putatis ad unius Patris gloriam, nisi per unici Filii contumeliam pervenire (a).

CAPUT VII. — *De magnitudine Filii.* Septimo loco dixi: *Usque adeo autem Filium agnoscimus magnum Deum, ut Patri dicamus aequali.* Itaque sine causa, inquam, nobis quod valde profitemur, testimonii, et multiloquio probare voluisti. Et his verbis meis addidi disputationem, in qua rationem reddidi, quare Filius cum sit Patri aequalis, dicat eum tamen Deum suum, ubi ait: *Ascendo ad Patrem meum et ad Patrem vestrum, Deum meum et Deum vestrum* (*Joan. xx, 17*). Quoniam tu commemoraveras hoc evangelicum testimonium, quo te probare existimasti quod Patri Filius non esset aequalis. Ego itaque tibi ad ista respondens, dixi Patrem propterea etiam Deum esse unigeniti Filii, quoniam factus est homo et natus ex femina: et hoc esse quod dicit in *Psalmo*, ubi quod futurum fuerat prænuntiavit, *De ventre matris meæ Deus meus es tu* (*Psal. xxi, 11*); ut ostenderet Patrem hinc esse Deum suum, quia homo factus est. Homo enim de ventre matris est natus, et secundum hominem de virginie natus est Deus: ut non solum Pater illi esset qui cum de se ipso genuit, verum etiam Deus ejus esset quem de ventre matris hominem creavit. Ad hanc tu cum respondere voluisses, multa dixisti, et multa testimonia quae te nihil adjuvant, protulisti. Quomodo tamen dictum sit, *De ventre matris meæ Deus meus es tu*; quamvis eadem Scripturæ sanctæ verba memorasses, nullo modo invenire potuisti. Cur autem in eo loco posueris psalmi alterius testimonium, ubi scriptum est, *Tecum principium in die virtutis tua, in splendoribus sanctorum, ex utero ante luciferum genui te* (*Psal. cix, 5*); omnino non video. Non enim Filii persona est dicentis, *Ex utero tuo, aut, De ventre tuo, Deus meus es tu.* Illa ineffabilis generatio etiam si ex utero Patris accipitur, hoc significatum est, quia de se ipso, hoc est, de substantia sua Deus Deum genuit, sicut ex utero matris quando natus est, homo hominem genuit: ut intelligeremus in utraque generatione non diversas ejus qui est natus, et eorum de quibus est natus, esse substantias. Diversa quidem substantia est, Deus Pater, et homo mater: non tamen diversa substantia est, Deus Pater, et Deus Filius; sicut non est diversa substantia, homo mater, et homo filius. Sed audi quid dicat in propheta iste Filius: *De ventre, inquit, matris meæ Deus meus es tu.* Noli multis.

(a) *Vide serm. 139, nn. 4 et 5, tom. 5.*

verbis ad rem non necessariis conari operire res clarae. Qui est Pater Filio ex utero suo, de ventre matris Deus ejus est, non de suo. Ad hoc ergo prorsus nihil respondere potuisti.

CAPUT VIII. — *De subjectione Filii.* Octavo loco de subjectione qua subjectus est Patri Filius, respondi tibi: quoniam dixeras, *De sua subjectione unum statuit Deum.* Respondi ergo etiam hoc secundum hominem recte accipi, quod Filius subditus est Patri. Negare hoc esse mirandum, cum legatur utique secundum ipsam servi formam etiam parentibus subditus (*Luc. ii, 51*): et de illo sit scriptum, *Minorasti cum paulo minus ab Angelis* (*Psal. viii, 6*). Ad quod tu quasi respondens dixisti me optime prosecutum, quoniam et parentibus propter formam servi esset subjactus. Deinde volens velut pro te esse ostendere, quod contra te esse cernebas; ac sic ineautis minusque attentis hominibus, quicumque essent ista lecturi, tanquam respondentem te facere, ubi quod diceres non habebas; adjungis et dicas: *Si enim parentibus subjectus inventitur quos ipse creavit, quia omnia per ipsum facta sunt: nec enim post tempora, sed ante tempora novimus Filium genitum a Patre: si ergo parentibus, inquit, subditus erat, ut divinorum Scripturarum auctoritas luce clarius praedicit: quanto magis utique illi suo genitori est subditus; qui tantum ac tam eum genuit; secundum quod ait Paulus, Cum omnia fuerint Filio subjecta, tunc et ipse Filius subjectus erit illi qui sibi subjecit omnia* (*I Cor. xv, 28*)? Hæc verba tua posseant a me putari dicta esse, et omnino mea esse, nisi te audientibus cum dicerentur, et postea hæc cuncta legentibus, evidenter appareret te illa dixisse. Quis enim crederet, consentire posse vos nobis, secundum formam servi, ac per hoc non secundum formam Dei Christum esse subjectum?

CAPUT IX. — *Utrum adoret Patrem Spiritus sanctus.* Nono loco abs te quæsivimus, ut per Scripturas divinas ostenderes; si valeres, utrum adoret Patrem Spiritus sanctus. Hoc enim dixeras: sed sicut ipsa tua prosecutio, cui respondi, satis indicat, non probaveras. Ad hanc ergo inquisitionem meam vide quid posteriore prosecutione responderis. Cum enim divisesset quantum voluisti de judicio Filii, quod et nos fidelissime credimus; et de subjectione, quam secundum formam servi Filium Patri reddere non negamus: ubi venisti ut probares a sancto Spiritu adorari Patrem, redisti ad illos gemitus, de quibus tibi jam ante responderam, secundum morem sanctarum Scripturarum, qua locutione sit dictum, *Et ipse Spiritus interpellat gemitis inenarrabilibus* (*Rom. viii, 26*): ne credamus Spiritum sanctum nunquam esse sine gemitis posse, quoniam nullus dies, nulla hora, nullum momentum temporis invenitur, quo non a sanctis orationes Deo ubicumque fundantur, ab aliis hic, ab aliis alibi. Cum tamen ab orationibus sanctorum nullum sit tempus immobile, quandoquidem diebus et noctibus, cum alii cibo ac potu reficiuntur, alii quoddilibet aliud agunt, alii dormiunt, non utique desunt quos desiderium sanctum orare compellat; ita sit ut

Spiritus sanctus, qui ubique omnibus adest, aliquantum cessare a gemitibus non sinatur, quod est extremae misericordiae, cum pro quibuscumque orantibus cogitur genere: nisi gemitibus inenarrabilibus interpellare sic intelligatur, ut dixi, id est, quia gemitibus sanctorum desideriorum interpellare sanctos facit, quibus affectum pium gratiae spiritualis infundit. Sed cum similes locutionum modos, quando per efficientem significatur id quod efficitur; sicut frigus pigrum dicimus, quia pigros facit; et diem tristem vel lacum, quia tristes vel lacrimos facit; etiam de Scripturis sanctis commemoraverim, ubi Deus dicit ad Abraham, *Nunc cognovi* (*Gen. xxii, 12*); quod nihil est aliud quam, Nunc ut cognosceras feci: non enim tunc Deus dicendus est cognovisse, quod antequam fieret nunquam potuit ignorare: quos locutionis modos de divinis eloquii a me prolatos, quomodo aliter interpretareris non invenisti; nullo modo utique ad istos gemitus redire debuisti. Nemo enim sic de Spiritu sancto sapit, nisi qui secundum carnem, non secundum spiritum sapit. Quamvis et si tibi concedetur, quomodo tu sentis, sic Spiritum sanctum interpellare pro sanctis; aliud est interpellare vel orare, aliud adorare. Omnis qui orat, rogas: non omnis qui adorat, rogas; nec omnis qui rogas, adorat. Recole consuetudinem regum, qui plerumque adorantur, et non rogantur; aliquando rogantur, et non adorantur. Ac per hoc a Spiritu sancto adorari Patrem nullo modo demonstrare potuisti.

CAPUT X.—*Quomodo sit unus Deus Pater et Filius et Spiritus sanctus.* Decimo loco egi tecum ut intelligeres, quomodo per ineffabilem copulationem sit unus Deus ipsa Trinitas, quam dicimus unius esse substantie: quandoquidem etiam diversas substancialia inventimus, hoc est, spiritum hominis et Spiritum Domini, per copulationem qua homo adhaeret Domino, unum spiritum dictum, ubi ait Apostolus, *Qui autem adhaeret Domino, unus spiritus est* (*I Cor. vi, 17*). Ad quod tu respondens, vel potius non tacens, conatus es ostendere quomodo Pater et Filius unum sint, non unitate naturae, sed voluntatis. Huc quidem dicere soletis: sed tunc soletis, cum vobis objicitur quod ait Dominus, *Ego et Pater unum sumus* (*Joan. x, 50*). Ego autem hoc loco non hoc volui probare, quod Pater et Filius et Spiritus sanctus unum sint, quod quidem propter unitatem substantiae fidelissime certe credimus; sed quod eadem Trinitas unus est Deus. Aliud est quippe, unum sunt; aliud, unus est Deus. Discerne, Est, et Sunt. Nec ait Apostolus, Qui adhaerent Domino, unum sunt; quoniam diversa substancialia est: sed ait: *Qui adhaeret Domino, unus spiritus est.* Si autem vos, cum de duabus dicitur, Unus est, et dicitur quid unus, sicut dicit Apostolus, *unus spiritus est*; hoc idem putatis esse, quod est cum de duabus dicitur, Unum sunt, nec dicitur quid unum; sicut ait Salvator, *Ego et Pater unum sumus*: cur non dicitis, Pater et Filius unus est Deus? Quare quando auditis. *Audi, Israel; Dominus Deus tuus, Dominus unus est* (*Deut. vi, 4*); de Patre tantum vultis intelligi?

Nempe Pater Dominus Deus est, et Filius Dominus Deus est: cur non apud vos uterque unus Dominus Deus est, sicut apud beatum Apostolum, *spiritus hominis et Spiritus Domini unus spiritus est?* Quid autem prodest cause vestrae, quia per consensionem voluntatis hoc dicitis fieri? Quod quidem fit, sed ubi est diversa natura, sicut diversa natura est hominis et Domini: et tamen qui adhaeret Domino, per consensionem utique voluntatis, *unus spiritus est.* Si ergo non vultis per unitatem substantiae; certe per consensionem voluntatis dicite, tamen aliquando dicite, quoquo modo dicite, Pater et Filius unus Deus est. Sed non dicitis, ne quod nunquam voluistis, cogamini consisteri de utroque dictum esse, non de Patre solo, *Audi, Israel; Dominus Deus tuus, Dominus unus est:* quoniam sanctum Spiritum non vultis Deum, non vultis Dominum consisteri. Dicite, inquam, ratione qua vultis, Pater et Filius unus Dominus Deus est: ut Patri et Filio servientes, non duobus diis et duabus dominis contra praeceptum Dei, sed Domino uni serviatis¹. Sed nunc de hac re satis dictum sit. Puto, cum ista legeris, nihil te respondere potuisse ad id quod de Apostolo commenroravi, qui adhaeret Domino, *unus spiritus est*: si contentionem deposueris, non negabis.

CAPUT XI.—*De templo Spiritus sancti.* Undecimo loco, Deum esse Spiritum sanctum, de templo ejus quod nos ipsi sumus, teste Apostolo, ostendi, ubi ait, *Nescitis quia templum Dei estis, et Spiritus Dei habitat in vobis* (*I Cor. iii, 16*)? et iterum, *Nescitis quia corpora vestra templum in vobis est Spiritus sancti, quem habetis a Deo* (*Id. vi, 19*)? Tu autem ad ista respondisti nihil. Aisti enim: *Suscipio quae protulisti: «Nescitis quia templum Dei estis, et Spiritus Dei habitat in vobis?» Neque enim Deus, inquis, inhabitat in homine, quem non ante Spiritus sanctificaverit atque purgaverit.* Atque isto modo intelligi voluisti, non Spiritum sanctum esse dictum Deum, nec templum Spiritus sancti nos² esse, sed Dei: et hoc esse dictum, *Templum Dei estis.* Sed ideo additum, *Spiritus Dei habitat in vobis*: quia purgat Spiritus sanctus templum Dei, non suum; ut cum ipse purgaverit, tunc illic inhabitet Deus. Quem sensum tuum quanta sequatur absurditas, nolo nunc dicere. Illud enim nunc ostendere debo, quomodo multa dicendo, nihil quod ad rem pertinet, dixeris. Dimisisti enim causam, et perrexisti in laudem Spiritus sancti, eamque copiose contra te ipsum executus es. Centra te ipsum ideo dixi, quoniam non vis eum dicere Deum, cuius tantam divinitatem per laudem coactus es consisteri; ut cum sit unus, ubique sit praesens, et nemini sanctificando desit, ubicumque quisque christianus esse et Deum orare voluerit, simul se omnibus exhibendo, sive in oriente, sive in occidente baptizentur in Christo: hoc et nos dicimus. Sed quem dicimus talem ac tantum, absit a nobis ut eum negemus Deum: quod etiam per suum templum, quod nos ipsi sumus, ci-

¹ Quidam MSS., *Domanus.*

² Am. Er. et MSS., *et Domini unus servatis.*

³ Abest, nos, a viss.

tissime et facile ostenditur. Neque enim nisi Deus noster esset, templum nos ipsos habere potuisset: quod tu ut occultares, et in sermone tuo mentes hominum a luce veritatis averteres, de templo Dei quodecumque dixisti, quem noluisti intelligi Spiritum sanctum; de templo autem Spiritus sancti, quod aperi-
tissime demonstratum est, omnino tacuisti. Cum enim tibi duo testimonia Pauli apostoli proposuerim; unum ubi ait, *Nescitis quia templum Dei estis, et Spiritus Dei habitat in vobis?* alterum ubi ait, *Nescitis quia corpora vestra templum in vobis Spiritus sancti est?* quare tam fraudulenter egisti, ut unum horum commemorares, quod dictum est, *Templum Dei estis;* et alterum taceres, quod dictum est, *Corpora vestra templum in vobis est Spiritus sancti?* Cur hoc fecisti, rogo te; nisi quia nullo pacto posses argumentari quomodo Deus noster non esset, qui templum nos ipsos haberet: quem sine dubio Deum cognoscere-
mus, si ei templum de lignis et lapidibus per divinam Scripturam facere juberemur?

CAPUT XII. — *De eo quod Pater et Filius unum sint.* Duodecimo loco admonui te, ut proferres, si posses, qua divina auctoritate sit dictum, quod unum sint, ubi substantiae sunt diversæ. Tu autem respondere ad hoc volens, nihil tale proferre potuisti; sed magnis coarctatus angustiis affirmare ausus es, quod Apostoli unum sint cum Patre et Filio. Quod Christus omnino non dixit: sic enim abs te dictum est, tanquam Pater et Filius et Apostoli unum sint. Christus autem non ait, Ut ipsi et nos unum simus; sed ait, *Ut sint unum, sicut et nos unum sumus.* Nam, ut verba ipsa evangelica ponam: *Pater sancte, inquit, serva eos in nomine tuo quos dedisti mihi, ut sint unum, sicut et nos unum.* Numquid dixit, Ut nobiscum sint unum; aut, Ipsi et nos simus unum? Item post aliquantum: *Non, inquit, pro eis rogo tantum; sed et pro eis qui credituri sunt per verbum eorum in me, ut omnes unum sint.* Neque hic dixit, Ut nobiscum unum sint. Deinde sequitur: *Sicut tu, Pater, in me et ego in te, et ipsi in nobis unum sint.* Et hic non dixit, Unum simus; aut, Unum nobiscum sint: sed, *Unum sint in nobis;* ut qui natura unum sunt, quia homines sunt, etiam in Patre et Filio sint unum; non cum ipsis unum, id est, non ut ipsi et isti sint unum. Adhuc adjungit, et dicit: *Ut mundus credit quia tu me misisti, et ego claritatem quam dedisti mihi, dedi illis, ut sint unum, sicut nos unum sumus: ego in eis et tu in me, ut sint consummati in unum* (*Joan. xvii, 11-23*). Cum ergo toties dixerit, *Ut sint unum;* non tamen alicubi dixit, Ut ipsi et nos simus unum, hoc est, ut nobiscum sint unum: sed aut, *in nobis dixit; aut, sicut nos;* id est, ipsi secundum naturam suam, nos secundum nostram. Volebat enim eos qui natura unum erant, in hoc ipso quod unum erant, esse perfectos. Non enim quia dicit, *Estote ergo et vos perfecti sicut Pater vester caelestis perfectus est* (*Matth. v, 48*); vult illos Deo naturæ unitate conjungere, tanquam illorum et illius una eademque natura sit: sed perfectos vult esse in natura sua, sic-

ut est Deus perfectus in sua, quamvis diversa, non una; quod nisi in ipso simus, omnino esse non possumus. Non sicut in illo sunt omnes, quia ipse continet omnia quæ creavit; propter quod dictus est *non longe positus ab unoquoque nostrum,* quia in illo vivimus, et movemur, et sumus (*Act. xvii, 27, 28*): sed sicut in illo sunt tales qualibus dictum est, *Fuistis enim aliquando tenebrae, nunc autem lux in Domino* (*Ephes. v, 8*). Unde et illud est, *Cui vult nubat, tantum in Domino* (*1 Cor. vii, 39*). Non igitur proferre potuisti ubi dictum sit, Unum sunt, quorum est non una, sed diversa substantia: et tamen¹ in obscuro loco nobis subrepere voluisti, ut dices Apostolos unum esse cum Patre et Filio, tanquam unum essent Apostoli et Pater et Filius; cum Apostolorum substantiam manifestum sit a Patre et Filio esse diversam. Sed quoniam, Ut ipsi et nos unum simus, aut, Nobiscum sint unum, nusquam Christum dixisse manifestum est; te quoque nobis respondere non potuisse, et fraudem facere voulisse manifestum sit.

CAPUT XIII. — *De testimonio quod Pater perhibuit Filio.* Tertio decimo loco te commonui, non ideo Patrem Filio esse majorem, quia testimonium perhibuit Pater Filio. Nam et Prophetas ei testimonium perhibuisse memoravi, quos majores illo esse non potes dicere. Dixeras enim quod Pater Filio perhibuerit testimonium; quod sic accepi, tanquam hinc ipse probare volueris, illo cui testimonium perhibuit, eum esse majorem: sed quoniam posteriore prosecutione hinc omnino tacuisti, taciturnitatem tuam in locum consensionis accepi; etsi fieri potest, ut ideo commemoraveris Patrem Filio perhibuisse testimonium, ut hinc illum esse alium, istum autem alium, non ut illum isto probares esse majorem. Alium vero esse Patrem, alium esse Filium, quoniam non est Pater ipse qui Filius, et vobis et nobis contra Sabellianos est dogma commune. Illi enim dicunt, non alium, sed eundem Filium esse qui est Pater: nos autem alium quidem esse Patrem, et alium Filium; sed tamen quod Pater est, hoc esse dicimus Filium.

CAPUT XIV. — *De dilectione Patris et Filii.* Quarto decimo loco ad illud quod dixeras, *Dilectum lego, et credo quod Pater est qui diligit, et Filius qui diligitur;* respondens dixi: *Sic autem dicis hinc inter Patrem et Filium esse diversitatem, quia Pater diligit, et Filius diligitur; quasi negare possis quod et Filius diligat Patrem.* Deinde addidi: *Si ambo se invicem diligunt, cur negatis eos unius esse naturæ?* Quod usque ideo dixi, ne hinc unam naturam negaretis amborum, quia illum diligere, hunc diligi ipse dixisti. Ad hoc tu respondens consensiisti quidem, quod et Filius diligat Patrem, sed unius esse naturæ consentire noluesti: tanquam Filius ita diligat Patrem, sicut creatura Creatorem, non sicut unigenitus genitorem, quem diversitate substantiae vultis esse degenerem.

CAPUT XV. — *De invisibilitate Trinitatis.* Quinto decimo loco dixi pariter esse invisibilem Trinitatem,

¹ Aut. Kr. et MSS., *tanquam.*

non solum Patrem : sed apparuisse tamen visibilem Filium in forma servi, propter quam dixit, *Pater maior me est* (*Joan. xiv.*, 28). Sed quoniam patribus se divinitas demonstrabat, dixi per subjectum creaturam id esse factum, non per naturam suam, qua est invisibilis Trinitas. Atque ut hoc probarem, Moysem commemoravi ci dicentem, cum quo facie ad faciem loquebatur, *Si inventi gratiam ante te, ostende mihi temet ipsum manifeste* (*Exod. xxxiii*, 11, 13) : ut intelligeres quomodo eum videbat, quem sibi cupiebat ostendi ; quia utique si Deum in substantia qua Deus est videaret, profecto ut se illi ostenderet non rogaret. Dixi etiam esse Christum visibilium et invisibilium creatorum, ut ipsum probarem per substantiam suam non esse visibilem, a quo creari non solum visibilia, veram etiam invisibilia potuerunt. Ad haec tu respondere conatus, quam multa que ad rem non pertinent dixeris, intueantur qui legunt : et tamen de Moyse, cur sibi Deum cum quo loquebatur, vellet ostendi, si eus naturam substantiamque cernebat, prorsus nihil ausus es dicere : et adhuc affirmare non destitisti, Dei Filium invisibilium creatorum, et antequam formam servi aciperet, in forma Dei fuisse visibilem ; quem superius in forma servi videri potuisse, in substantia vero sue divinitatis esse invisibilem, jam fueras et ipse confessus.

CAPUT XVI. — *De solo sapiente Deo.* Sexto decimo loco ; quia de Patre tantum dixisse Apostolum dixeras, *Soli sapienti Deo* (*Rom. xvi*, 27) ; ego dixi : *Ergo solus Pater est Deus sapiens, et non est sapiens ipsa Dei sapientia, quod est Christus; de quo ait Apostolus : « Christum Dei Virtutem et Dei Sapientiam »* (*I Cor. i*, 21) ! Deinde addidi : *Superest ut dicatis (quid enim non auditis?) insipientem esse sapientiam Dei.* Ad haec tu : *Sapientem solum, inquis, Patrem praedicat Paulus beatus apostolus*, dicens sic : *« Soli sapienti Deo. »* Sed requirenda est, inquis, ratio quemadmodum solussapiens, non quod Christus non sit sapiens. Sequeris deinceps, et adjungis quomodo sapientem consitearis et Christum : nam post nonnulla, que ad rem non pertinentia texiisti, ut sermonem tempusque produceres, ejam hoc inseruisti verbis tuis ut dices, *Sed vere solus sapiens Pater* : quasi Apostolus dixerit, *Soli sapienti Patri.* Sed dixit, *Soli sapienti Deo* : quia Deus est et Filius, quod et vos vultis ; Deus est et Spiritus sanctus, etsi non vultis : et ista Trinitas est solus sapiens Deus, qui nec potuit unquam esse insipientem omnino, nec poterit ; non per gratiam particeps sapientiae, sed sapiens immobilitate atque immutabilitate naturae. Nam si tibi dicam, Itane vero, o homo qui christiano nomine gloriaris, Christus sic est sapiens, ut non sit vere sapiens ? ergo Christus qui est verus Deus, non est vere sapiens ? nonne ita sub hac interrogatione turbaberis, ut continuo responderas, Christum vere esse sapientem ? Quid est ergo quod dixisti, *Sed vere solus sapiens Pater* ? Nempe quo perveneris, et a quanta blasphemia te debetas revocare, jam sentis.

CAPUT XVII. — *De infecto Deo.* Septimo decimo

loco egi tecum, quod etiam Filius, non solus Pater, infectus sit, hoc est, factus non sit. Dixeras enim ideo a vobis unum Deum pronuntiari, quia *unus est super omnia innatus, infectus.* Respondens ergo huic audacie tue : *Sic autem, inquam, dicas Patrem infectum, quasi Filius factus sit, per quem facta sunt omnia.* Deinde addidi : *Scito factum esse Filium, sed in forma servi.* *Nam in forma Dei usque adeo non est factus, ut per illum facta sint omnia.* Si enim ipse factus est, inquam, non per illum facta sunt omnia, sed cetera. Ad haec tu cum tota tui prolixitate sermonis, ita nihil quod diceres invenisti, ut hinc omnino, tanquam id non audieris, conticesceres.

CAPUT XVIII. — *De ingenito Patre.* Octavo decimo loco etiam de innato Patre, id est ingenito, quia et hoc dixeras, tecum agendum putavi, et dixi : *Non itaque dico Filium ingenitum; sed Patrem genitorem, Filium genitum.* *Hoc tamen genuit Pater quod est : alioquin non est verus Filius, si quod est Pater non est Filius; sicut de partibus animalium supra iam diximus.* Etiam ad hoc tu nec verum nec falsum aliquid protulisti.

CAPUT XIX. — *De aequalitate Spiritus sancti cum Patre.* Nonodecimo loco, quia poposceras a me, ut ostenderem aequalem esse Patri Spiritum sanctum ; respondi tibi dicens : *Quid est autem quod poscis, ut ostendam tibi aequalem Patri esse Spiritum sanctum, quasi tu Patrem ostenderis majorem esse Spiritu sancto; sicut potuisti ostendere de Filio, propter formam servi?* Scimus enim, inquam, dictum esse Patrem Filio majorem, quia in forma servi erat Filius ; et adhuc in forma est humana Filius, quam levavit in caelum : propterea de illo dictum est quod et nunc *« interpellat pro nobis »* (*Rom. viii*, 34). Et sempiterna erit in regno haec eadem forma immortalis : propter quod dictum est *« Tunc et ipsa Filius subjectus erit ei qui illi subiecit omnia »* (*I Cor. xv*, 28). Nam de Spiritu sancto qui nullam suscepit creaturam ad unitatem personae sue, quamvis se per subjectam creaturam visibiliter et ipse, sive per columbae speciem, sive per linguas igneas sit demonstrare dignatus (*Math. iii*, 16, et *Act. ii*, 3), nunquam dictus est eo major Pater; nunquam dictus est Spiritus adorasse Patrem; nunquam dictus est minor Patre. Ad haec tu quasi respondens, non tamen respondisti. Non enim potuisti ostendere Spiritu sancto alicubi Patrem dictum fuisse majorem, sicuti Filius propter formam servi dixit, *Pater maior me est* (*Joan. xiv*, 28). Et cum ego dixerim, Spiritum sanctum non ad unitatem personae sue ullam suscepisse creaturam ; tu ita Spiritum sanctum in columba et igne apparuisse dixisti, sicut apparuit Christus in homine : quasi columba et Spiritus, vel ignis et Spiritus una persona sit, sicut Verbum et homo una persona est. Ad horam quippe apparuerunt illa, quae Spiritum sanctum significando monstrarent visibiliter invisibilem ; columba, propter amorem sanctum ; ignis autem, propter charitatis lumen atque fervorem ; et peracto significationis officio, corporales illae species transierunt, atque esse ulterius destituerunt; sicut columna nubis, nebulosa per diem, lumenosa per noctem (*Exod. xiii*, 21-22). Denique ne puta-

retur columba vel flamma ad substantiam pertinere Spiritus sancti, vel quod se in hac visibilia tantæ maiestatis natura converterit, aut in unitatem personæ sue ista suscepit, nunquam postea sic apparuisse legitur Spiritus sanctus. Christus autem, qui humanam non ad horam sumpsit effigiem, in qua hominibus appareret, ac deinde illa species præteriret; sed in unitatem personæ sue, manente invisibili Dei formâ¹, accepit visibilem hominis formam; non solum natus est in ea de homine matre, verum etiam crevit in ea, et manducavit, et babit, et dormivit in ea, et occisus est in ea, et resurrexit in ea, et ascendit in cœlum, et sedet ad dexteram Patris in ea, ad judicandos vivos et mortuos est venturus in ea, et in regno suo, ei qui illi subjicit omnia, erit subjectus in ea. Hæc tu in mea responsione breviter dicta, quæ nunc aliquanto latius, ut vel sic intelligeres, explicavi, attendere et considerare noluisti, irruens in tantam blasphemiam, ut naturam divinam Dei et Spiritus sancti convertibilem, proh nefas! et mutabilem diceres. Tua namque ista sunt verba: *Ea, inquis, quæ de invisibilitate omnipotentis² Dei prosecutus sum, etiam et ipse, licet alio proposito, attamen tuis verbis affirmasti, quod Spiritus sanctus in specie columbæ sit visus, necnon et in specie ignis: Filius sane, in forma hominis: Pater autem, neque in specie columbæ, nec in forma hominis; nec aliquando vertit se in formas, sed nec aliquando vertetur: de quo scriptum est, « Ego sum qui sum, et non sum mutatus. » Deinde adjungis, et dicis: *Filius sane in forma Dei constitutus jam, ut ipse protulisti, formam servi accepit, quod non Pater: Spiritus aque sanctus suscepit speciem columbæ, quam non suscepit Pater. Scito ergo, inquis, quia unus est invisibilis, unus etiam incapabilis atque immensus.**

Hæc nunquid dices, si secundum spiritum, non secundum carnem, posses cogitare quid dices? Homo es enim, qui legis in Scripturis sanctis, *Ego sum qui sum, et non sum mutatus* (*Exod. iii, 14, et Malach. iii, 6*). Et cum verba ista sint, non Patris solius, sed ipsius Trinitatis, quæ unus est Deus; tu ea Patri

¹ Editio Lov., sed unitate personæ manente, invisibilis Dei forma accepit, etc.

² Am. Er. et MSS., onnitententis.

tantummodo tribuens, Filium mutabilem credis! Unigenitum per quem facta sunt omnia mutabilem credis: eum de quo dicit Evangelium, *In principio erat Verbum, et Verbum erat apud Deum, et Deus erat Verbum*; et, *Omnia per ipsum facta sunt* (*Joan. i, 1, 5*), mutabilem credis! Quid jam dicam de Spiritu sancto, quando illum quem verum Filium Dei et verum consideris Deum, mutabilem credis? Quod utique non crederes, si formam servi a forma Dei esse suscepit, non formam Dei in formam servi esse mutatam, tanquam catholicus crederes; et visibili homine assumpto, permansisse invisibilem Deum, non carnaliter, sed spiritualiter cogitares; nec contendendo dissideres, sed intelligendo conspiceres: et Spiritum sanctum invisibili sua manente natura, nullo modo in ignis aut columbæ speciem mutata atque conversa, per subjectam creaturam apparuisse, sicut voluit visibiliter (*Act. ii, 3, et Matth. iii, 16*), tu posses considerare fidelieriter. Memento tamen, nec majorem Patrem Spiritu sancto, nec adoratum Patrem ab Spiritu sancto, ullis divinis testimoniis contra propositionem meam te demonstrare potuisse.

CAPUT XX. — *Licet ingenitus Pater, æqualis tamen Filius.* Vigesimo loco, quoniam dixeras de Filio, *Si æqualis Patri, utique talis: si talis, utique innatus;* ego respondens tibi: Sed dicis, inquam, de Filio, *Si æqualis, utique talis; id est, ut quia non est ingenitus, non videatur talis.* Posses dicere non esse hominem quem genuit Adam, quia ipse Adam non est genitus, sed factus a Deo. Si autem potuit Adam et non esse genitus, et tamen hoc generare quod erat ipse; non vis ut potuerit Deus Deum æqualem sibi? Ad hæc non miror nullum te invenisse responsum: sed plane laudo nec respondere conatum. Atque utinam hoc ubique fecisses! nusquam enim in sermonibus nostris quid recte responderes invenire potuisti, et tamen pene ubique tacere noluisti. Sed cum in aliis tam multa dixeris, cause quæ inter nos agitur non necessaria, et tempus loquendo consumperis; gratiae tibi agendæ sunt, ubi nonnulla sic vidisti te refutare non posse, ut ea malles summo silentio præterire.

¹ Apud Lov., plene.

LIBER SECUNDUS ^(a).

Refelluntur singillatim quæ in Collatione Maximinus dixit ultima sua disputatione, cuius disputationis suæ prolixitate respondendi tempus tunc eripuit Augustino.



PRÆFATIO.—Res jam postulat ut in eo quod reliquum est, opitulante Domino, impleam promissionem meam. In operis quippe hujus exordio, *Prius, inquam, ostendam refellere te non potuisse quæ dixi: deinde, quantum necessarium videbitur, ego refellam quæ ipse dixisti.* Quia ergo, sicut adjuvante Deo potui, ostendi ea quæ dixisti, ego refellam, sicut Deo adjuvante potuero. Priora itaque prosecutiones tuas, quibus continuo

(a) Alias, Tertius.

reddidi meas in hac disputatione quæ nunc a me suscepta est, non retractabo: illam vero ultimam tam prolixam, ut mihi die illo spatium responsonis auferret, ita redarguam, si voluerit qui nos regit, ut acquiescas lumini veritatis, si contentionis tenebras non amaveris. In primis ergo superflua tua detraham necessitatì responsonis meæ. Causa quippe inter nos agitur, utrum Pater et Filius et Spiritus sanctus diuersæ, ut vos dicitis, an potius, ut nos dicimus, unius sint ejusdemque substantiæ, unusque Deus sit ipsa

Trinitas : cum conveniat inter nos Patrem non esse qui est Filius, nec Filium esse qui est Pater, nec Patrem esse vel Filium qui Spiritus sanctus est. Quidquid igitur tanta tute prosecutionis prolixitate dixisti, unde ostenderes alium esse Patrem, alium esse Filium, alium esse Spiritum sanctum ; quando nobiscum agitis, superfluum prorsus esse cognosce : et si tibi expugnandi occurserint Sabelliani, in eos ista nobis vobisque communia, si placet, arma converte. Multa etiam locutus es, ut probares magnum Deum esse Dominum Jesum Christum : hoc quid ad nos, cum hoc dicamus et nos ? Laudes quoque Spiritus sancti magnas verasque fudisti : sed nos eas augere possumus, non negare : non itaque opus erat ut eas contra nos diceres, quas dicimus tecum. Christum sedere ad dexteram Patris, nonne pariter constemur ? Quod tamen testimoniis divinorum eloquiorum sic probare voluisti, tanquam id alicubi negaremus. Christum in carne venisse, utrique novimus et tenemos : sic adhibuisti ut hoc doceres divina testimonia, tanquam repugnemus. Haec et alia quae suis ostendam locis, in quibus operam supervacuam contrivisti, ut moras necteres, tempusque produceres, commemorando attingere deboeo, non redarguere disputando.

CAPUT PRIMUM. — Dicis me auxilio principum munatum, non loqui secundum timorem Dei ; cum scias nobis esse praeceptum orare pro regibus, ut in agnitionem veniant veritatis (I Tim. ii, 2, 4) : quod in quibusdam esse implatum, nos Deo agimus gratias, vos doletis. Verba autem nostra recte intelligentibus indicant, quis nostrum loquatur secundum timorem Dei : utrum qui sic laudat Deum Patrem, ut ad ejus laudem referat, quod sibi Filium generavit aequalis ; an qui sic genitorem dehonestat et genitum, ut et illum dicat non potuisse gignere per omnia sui similem filium, et istum dicat non degenerasse jam natum, sed degeneratum natum.

CAPUT II. — Dicis vos Christum colere, ut Deum omnis creaturæ, cui flectitur omne genu, cœlestium, terrestrium et infernorum : quem tamen Deo Patri esse non vultis aequalis, quia hoc Pater ei donavit : ait enim Apostolus, Propter quod et Deus eum exaltavit, et donavit ei nomen quod est super omne nomen, ut in nomine Iesu omne genu flectatur, etc. Nec quereris cui donaverit ; utrum homini, an Deo. Quomodo enim donaverit, evidenter appetet. Humiliavit, inquit, semel ipsum usque ad mortem, mortem autem crucis. Propter quod et Deus eum exaltavit, et donavit ei nomen quod est super omne nomen (Philipp. ii, 8, 9). Si ergo propterea donavit ei nomen quod est super omne nomen, quia factus est obediens usque ad mortem crucis ; numquid antequam hoc fieret, non erat altus Dei Filius Deus, Dei Verbum, Deus apud Deum ; sed posteaquam propter hoc exaltatus est, quia factus est obediens usque ad mortem crucis, tunc coepit esse altus Dei Filius, unicus Dei, Deus, tunc coepit habere nomen quod est super omne nomen ? Quis hoc insi-

pientissimus dixerit ? Hoc illi ergo donatum est ut homini, secundum quem Filius factus est obediens usque ad mortem crucis, quod jam habebat idem ipse Dei Filius, Deus de Deo natus aequalis.

CAPUT III. — Objecis mihi, quod dicam Spiritum sanctum aequalis esse Filio. Dico plane. Da, inquis, testimonia ubi adoratur Spiritus sanctus. Ut video, hinc cum vis ostendi aequalis Christo, si adoratur ut Christus. Jam ergo constitere Christum Patri aequalis, quem tu ipse adorari constiteris ut Patrem. Quales autem homines estis, quam religiosæ humilitatis, qui Spiritum sanctum adorare non vultis, cum legis, Littera ocrdit, Spiritus autem vivificat (II Cor. iii, 6) ? Non vultis ergo adorare, quem vivificare animas non negatis : cum pater Abraham homines adoraverit, quia concesserunt ei monumentum, ubi poneret mortuæ corpus uxoris. Sic enim scriptum est : Venit autem Abraham plangere Sarah et lugere. Et surrexit Abraham de supra mortem ejus, et dixit filii Heth : Peregrinus et advena sum ego vobiscum ; date ergo mihi possessionem monumenti, ubi sepeliam mortuum meum. Responderunt autem filii Heth ad Abraham, dicentes : Absit hoc, domine ; audi nunc et nos : rex a Deo tu es in nobis ; in electis monumentis nostris sepeli mortuum tuum : nemo enim nostrum prohibet te a monumento suo, ut sepelias mortuum tuum ibi. Surgens autem Abraham adoravit plebem filiorum Heth (Gen. xxiii, 2-7). Et vos Spiritum sanctum non permittitis adorari, ut ipsi Dei gratiae remaneatis ingratiani ! Sed, Da, inquis, testimonia ubi adoratur Spiritus sanctus : quasi non ex iis quae legimus, aliqua etiam quae non legimus, intelligamus. Sed ne quererem multa compellar, tu ubi legisti Patrem Deum ingenitum vel innatum ? Et tamen verum est. Quod vero aliquoties dixisti, etiam Filio esse incomparabilem Patrem, nec legis, nec verum est. Si autem religionem qua colitur Deus, sicut dignum est cogitares, multo plus esse cerneretis quod habet Spiritus sanctus templum, quam si eum legeres adoratum. Et homines enim, sicut supra docui, a sanctis novimus adoratos : templum vero non est factum ab hominibus, nisi aut vero Deo, sicut Salomon fecit ; aut eis qui pro diis habentur, sicut gentes quae ignorant Deum. Spiritus autem sanctus, quod cum magno honore de Deo dictum est, non in manu factis templis habitat (Act. xvii, 24), sed corpus nostrum templum est Spiritus sancti. Et ne corpora nostra contemnas, membra sunt Christi (I Cor. vi, 19, 15). Qualis ergo Deus, cui temp'um adificatur, et a Deo, et de membris Dei ?

CAPUT IV. — Dicis Christum esse in dextera Dei, et interpellare pro nobis (Rom. viii, 34). Quod cur nobis objecis, si eum non solum Deum, verum etiam hominem agnoscis ? Quid te igitur adjuvat, quod sedere ad dexteram Patris assidue legitur ? Quid nobis, non quidem inanibus testimoniis, sed tamen inaniter, probare niteris quod fatemur.

CAPUT V. — Dicis vos Spiritum sanctum competenter honorare ut doctorem, ut ducalem, ut illuminatorem, ut sanctificatorem ; Christum colere, ut crea-

¹ In MSS., Quando.

rem; Patrem cum sincera devotione adorare, ut auctorem. Si auctorem propterea dicas Patrem, quia de ipso est Filius, non est autem ipse de Filio; et quia de illo et Filio sic procedit Spiritus sanctus, ut ipse hoc dederit Filio gignendo eum talem, ut etiam de ipso procedat Spiritus sanctus: si creatorem sic dicas Filium, ut creatorem non neges Patrem nec Spiritum sanctum; si denique Spiritum sanctum sic dicas doctorem, ducatorem, illuminatorem, sanctificatorem, ut haec opera nec Patri audeas auferre nec Filio: ista tua etiam nostra sint verba. Si autem talia tibi idola ponis in corde, ut duos facias deos, unum majorem, id est, Patrem, aliud minorem, id est, Filium; Spiritum vero sanctum ita omnium trium minimum singas, ut nec Deum nuncupare digneris: non haec est nostra fides, quoniam non est christiana fides, ac per hoc nec fides. Etiam hoc tibi ignoscimus, quod impetrare usus verbo, *Christum significasti ad terrena descendisse contagia.* Et quia hoc in te corrigerem volui, ut scires contagia quomodo appellare debeamus; *columbias esse istas dicas, et eas de philosophica artis instructione venire arbitraris.* Suffici mihi quod ita putasti Christum ad terrena descendisse contagia, ut tamen confitereris nullum habuisse peccatum.

CAPUT VI. — Illud sane quod cominemoravi, partus animalium, que cum terrena sint atque mortalia, hoc tamen gignunt quod ipsa sunt, ut homo hominem, canis canem; puto quod non aspernatus horruisti, sed te aspernari atque horrere fixisti, dicens, *tam fædam comparationem in illam tantam immensitatem non debuisse produci.* Cur enim hoc dixisti, nisi ne tibi de ipsis corruptibilibus fetibus fauces veritas premeret, et te respirare non sineret, sicut et facit? Qandoquidem creaturam corruptibilem cernitis, hoc quod ipsa est gignere futurum stutum, et Deum Patrem omnipotentem creditis non potuisse nisi ejus degenerante natura gignere unicum suum.

CAPUT VII. — Sed dicas: *Dominus Dominum genuit, Deus Deum genuit, Rex Regem genuit, Creator Creatorem genuit, bonus bonum genuit, sapiens sapientem genuit, clemens clementem, potens potentem.* Si sub his verbis cavere te putas quod vobis objicitur, non vos credere Deum potuisse gignere id quod est ipse, et ideo dicas, *Dominus Dominum genuit, Deus Deum genuit, et cetera:* cur ergo sicut dixisti, *Potens potentem;* non dicas, *Omnipotens omnipotentem?* Si quod sentis vis dicere, dic: *Dominus major, dominum minorem genuit; Deus major, deum minorem; Rex maior, regem minorem; Creator major, creatorem minorem; melior bonum, sapientior sapientem, clementior clementem, potentior potentem.* Si autem ista non dicas, et nihil minus quam Pater habet, Filium habere consentis, cur non dicas aequalem? Et illa omnia cur non sic percurris, ut dicas: *Dominus aequaliter Dominum genuit, Deus aequaliter Deum, Rex aequaliter Regem, Creator aequaliter Creatorem, bonus aequaliter bonum, sapiens aequaliter sapientem, clemens aequaliter clementem, potens aequaliter potentem?* Si autem negas aequalem, aperte dic esse dege-

nrem. Non enim quem deum minorem, de Deo maijore natum esse dicitis, saltem sicut infantem crescere sinitis, ut aliquando suo Patri possit esse aequalis. Ad hoc enim eum perfectum dicitis esse natum, non ut hinc laus ejus cresceret, sed ut minor ejus natura remaneret. Et cum ista sententia, sequeris tamen, et dicas: *Nihil subtraxit Pater in generando Filium.* Quomodo nihil subtraxit in generando Filium, quem non aequalem genuit, sed minorem? An ideo nihil subtraxit, quia nihil eorum quae gignendo dedit, abstulit genito? Ita sane nihil subtraxit: sed et filii hominum qui prospere nascuntur, nihil auctor Creator jam natit; quin potius addit, ut accedat crescentibus quod nascentibus defuit. Quid ergo magnum de Patre dixisti erga unicum Filium, qui non ex nihilo vel ex aliqua materia factus, sed ex ipso natus est? Quid magnum est quia non subtraxit quod dedit, si quod dare potuit, non dando subtraxit? Ubi est, quod eum invidum non esse dixisti? An forte dare non potuit? Ubi est omnipotentia Dei Patris? Prorsus ad hunc articulum res colligitur, ut Deus Pater aequalem sibi gignere Filium aut non potuerit, aut noluerit. Si non potuit, infirmus; si noluit, invidus invenitur. Sed utrumque hoc falsum est. Patri igitur Deo Filius verus aequalis est. Si ergo, ut laudas, placet tibi quod a me commemoratum est, *Invisibilia enim ejus, per ea quae facta sunt, intellecta conspicuntur (Rom. 1, 20)*: per id quod factum est in creatura visibili, ut parentes id quod ipsi sunt generent, intellige inquinabilem nativitatem veri Filii Dei, ne Deum Patrem dicas id quod non est ipse genuisse. Si autem hoc genuit quod est ipse; unam Patris et Filii esse substantiam negare nolite.

CAPUT VIII. — Jam vero sequentia que sic conuenisti, ut de cruce vel incarnatione Christi probare nobis velles quod pariter credimus; servasti morem tuum: sed nihil tibi ad ista respondens, etiam ego servo promissum meum.

CAPUT IX. — 1. De invisibili Filio cum ageremus, quem consensisti esse invisibilem secundum divinitatem, qui prius solun Patrem invisibilem esse præsumperas, ad rem non pertinentia multa dixisti de invisibilibus creaturis: quod poterunt judicare qui legerint. De invisibili Deo inter nos agitur: et hoc est quod questionem facit, quia vos invisibilem solum Patrem dictum putatis, ubi Apostolus ait, *Immortali, invisibili soli Deo (I Tim. 1, 17).* Si dixisset, Soli Patri; difficilius fortasse quæstio solveretur: quia vero dixit, *soli Deo;* non est utique contra nos: et Unigenitus quippe in Dei forma, et Spiritus sanctus in sua natura est invisibilis. Unus enim et solus Deus a nobis ipsa Trinitas prædicatur. Quod utrum verum sapiamus, in aliis locis a nobis est demonstratum, et ubi adhuc opus fuerit, demonstrabitur. Nunc in ista quæstione non immerito potest movere, quomodo de solo Deo, qui est ipsa Trinitas, dictum sit, *Invisibili soli Deo:* cum sit etiam quædam invisibilis creatura; propter quod dictum est de Christo, quia *in ipso condita sunt omnia, visibilia et invisibilia (Coloss. 1, 16).* Quia ergo sunt dii falsi visibles, ideo dictum est, *In-*

visibili soli Deo honor et gloria. Etsi enim est creatura invisibilis, non tamen deus nobis est. Sed et si non dictum esset, *soli Deo*; sed dictum esset, *Rcgi autem sacerdotum, immortali, invisibili soli honor et gloria:* quis nisi Deus esset? Honor ergo et gloria soli Deo, qui Deus invisibilis est, non qui solus invisibilis: quoniam est, ut diximus, et creatura invisibilis. Item queri potest quomodo dictum sit, *Deum nemo vidit unquam* (*Joan. i, 18*); cum ejusdem Domini verba sint, *Nescitis quia Angeli eorum semper vident faciem Patris mei qui in caelis est* (*Matth. xviii, 10*)? Quae sententia vos redarguit, qui nescitis quemadmodum dicatis invisibilem Patrem. Illud autem quod ait, *Non quia Patrem vidit quisquam, nisi qui est a Deo, hic vidit Patrem* (*Joan. vi, 46*); ad homines referri potest quod dictum est, *quisquam*. Et quia ipse homo erat qui tunc loquebatur in carne, ita hoc dixit, ac si diceret, Non quia Patrem vidit quisquam hominum, nisi ego: sicut dictum est, *Quis sapiens, et intelliget haec* (*Psal. cxi, 43*)? Non enim et de sanctis Angelis id accipi potest. Unde Apostolus de invisibili Deo apertius posuit: *Quem nemo hominum vidit, nec videre potest* (*I Tim. vi, 16*). Non enim ait, *Nemo*; sed, *Nemo hominum*. Ubi ostendit quemadmodum intelligi debeat quod dictum est, *Deum nemo vidit unquam*; id est, *nemo hominum*: sicut, *Nemo ascendit in celum* (*Joan. iii, 15*); cum Angelii soleant illuc ascendere, quia solent inde descendere. Nec tamen Apostolus dixit, *Nemo hominum poterit videre Deum*; sed, *Nemo potest*. Poterit enim homo, sed tunc cum eternum erit fiducium premium, videre Deum. Propter quod Joannes apostolus: *Dilectissimi, inquit, filii Dei sumus, et nondum apparuit quid erimus: scimus quia cum apparuerit, similes ei erimus, quoniam videbimus eum sicuti est* (*I Joan. iii, 2*). Quid est ergo quod dicens, solum esse invisibilem Patrem? quod frustra dices, etiamsi a solo Filio videretur. Nunc vero cum divina testentur eloquia eum videri et ab Angelis, videndum etiam ab hominibus, cum facti fuerint aequales Angelis (*Matth. xxii, 50*); quid est quod dicens? Ubi est quod definire ausus es, *minora videri a majoribus, majora autem a minoribus non videri?* Quod quidem postea perdidisti, quando videri a Filio confessus es Patrem, cum et in ipsa substantia divinitatis dicas Filium minorem, Patremque majorem. Sed quid dicitur es de Angelis, qui semper vident faciem Dei Patris? Nunquid propter regulam tuam, quam sine consideratione fixisti, putandi sunt Angeli Patre Deo esse maiores?

2. Sed eleganter existimas invenisse quod dices, ubi aisti de Filio: *Vidit ergo Patrem, sed vidit incapabilem.* Nec attendis, quia etsi vidit incapabilem, quem sicut putas, capere non potuit; non tamen invisibilem, quem videre potuit. Tu autem nobiscum non de capablebus et incapabili, sed de visibili et invisibili, cum ista dices, disputabas: quia nec Apostolus ait, *Incapabili*; sed ait, *Invisibili soli Leo.* Unde hoc testimonium pro te adhibendum putasti, ut hinc etiam decolorares Filium, tanquam ipse in Dei forma invisi-

bilis non sit. Sed quoniam veritate convictus, et filium confessus es invisibilem, preparasti tibi, quantum existimo, sic dicere, *Invisibilis invisibilem genuit; quomodo dixisti, potens potentem*: ut cum discutereris, hoc a te quomodo diceretur, responderes. Invisibilior invisibilem genuit, sicut potentior potentem, sapientior sapientem, et certa tua. Sed quam sapienter ostendisti Filio incapabilem Patrem, Filium vero capabilem Patri. Dixisti enim: *Vidit ergo Patrem, sed vidit incapabilem. Pater autem, inquis, sic videt Filium, ut tenens in sinu suo et habens.* Sic non sapiunt, nisi qui carnaliter sapiunt. Sinum quippe tibi singis, ut video, aliquam capacitatem majoris Patris, qua Filium minorem capiat atque contineat: sicut hominem corporaliter capit domus, aut sicut sinus nutricis capit infanteum. Ergo inter miracula Christi et hoc deputabitur, quia in forma servi crevit, et major est factus quam in forma Dei fuerat, ut cum prius portaretur in sinu Patris, nunc sedeat ad dexteram Patris. Abjice ista puerilia vel anicularia phantasmata de corde tuo: et sinum Patris ideo dictum accipe, ut intelligatur iste genitus, ille genitor; non ut ille major, hic minor. Nam si incapabilis est Pater, Filius vero incapabilis non est, non veraciter dictum est, *Omnia que habet Pater, mea sunt* (*Joan. xvi, 15*): quandoquidem responderi ei potest, Ecce incapabilitatem habet Pater, quae non est tua. Sed quoniam veraciter dictum est quod Veritas dixit, et omnia quae habet Pater, Filii sunt; non potest non esse Filii quantcumque sit incapabilis Patris. Et hanc Domini sententiam, ubi ait, *Omnia que habet Pater, mea sunt*; tanquam rectissimam regulam ad vos, sive convincendos, sive, quod magis cupimus, corrigendos, per multa adhibere debemus: ut ubicunque aliquid tribuitis Patri quod Filio denegatis, ipsam fidelissimam testem contra errores vestros, vel contra mendacia producamus. Quid opus est autem in eo tibi resistere, quod humanam sapientiam contendis esse visibilem; cum ipsam animam humanam, in qua est utique humana sapientia, invisibilem esse concesseris? Sed quodlibet sentias de universa invisibili creatura, quantum ad Deum pertinet, de quo inter nos agitur, satis tibi demonstratum est non esse solum invisibilem Patrem.

CAPUT X. — 1. Putas Deum Patrem cum Filio et Spiritu sancto unum Deum esse non posse: times enim ne Pater solus non sit unus Deus, sed pars unus Dei qui constat ex tribus. Noli timere, nulla sit partium in deitatis unitate divisio. Unus est Deus Pater et Filius et Spiritus sanctus, hoc est ipsa Trinitas. Unus est Deus, de quo dictum est, quia *Nullus Deus, nisi unus* (*1 Cor. viii, 4*): et qui dixit, *Audi, Israel; Dominus Deus tuus, Dominus unus est.* Cui uni et soli Deo servire nos sine ullo scrupulo agnoscimus, quando audimus et legimus: *Dominum Deum tuum adorabis, et illi soli seruos* (*Deut. vi, 4, 13*). Ne forte propter haec verba, Christo cuius membra sumus (*1 Cor. vi, 13*), vel Spiritui sancto cuius templum sumus (*Id. iii, 17*), servire nolimus, si quod dictum est, Dominino

*Deo tuo soli serveis, sic acceperimus, tanquam de solo Patre, et non de ipsa Trinitate sit dictum. Vos autem, cum queritur a vobis, quem credatis esse de quo scriptum est, *Dominus Deus tuus, Dominus unus est; respondetis, Deus Pater est. Itemque cum quaeritur de quo Domino Deo dictum sit, Dominum Deum tuum adorabis, et illi soli serveis; rursus respondetis, Deo Deo Patre. Tunc vobis dicitur : Si Dominus Deus noster Dominus unus est, et hic Pater est; quare vos facitis duos dominos deos, dicendo etiam Christum esse Dominum Deum ? Item si Pater est, cui uni Domino Deo ac soli serviendum est; quomodo obtemperatis huic praecepto, qui tanquam Domino Deo servitis et Christo ? Neque enim illi soli servit, qui servit et huic. Secundum fidem autem rectam, quicumque ipsam Trinitatem unum Dominum Deum esse nostrum dicimus, profecto cum ei soli ea quae Deo debetur servitum servimus, Domino Deo soli nos servire consimilimus.**

2. *Ergo, inquis, Deus Pater pars est Dei.* Absit. Tres enim personae sunt Pater et Filius et Spiritus sanctus : et hi tres quia unius substantiae sunt, unum sunt, et summe unum sunt, ubi nulla naturalium, nulla est diversitas voluntatum. Si autem natura unum essent, et consensione non essent, non summe unum essent : si vero natura dispares essent, unum non essent. Hi ergo tres, qui unum sunt propter ineffabilem conjunctionem deitatis, qua ineffabiliter copulantur, unus Deus est. Porro autem Christus una persona est geminae substantiae, quia et Deus et homo est. Nec tamen Deus pars hujus personarum potest : alioquin Filius Dei Deus antequam suscepit formam servi, non erat totus, et crevit cum homo divinitati ejus accessit. Quod si in una persona absurdissime dicitur, quia pars rei ullius esse non potest Deus ; quanto magis pars Trinitatis esse non potest, quicumque unus in tribus ? Deinde ubi ait Apostolus, *Qui adhaeret Domino, unus spiritus est*; (*I Cor. vi, 17*) ; numquid hujus unius pars est Dominus ? Si enim hoc dicimus, quid aliud dicere deprehendimus, nisi quod augeatur adhaerente homine, et recedente minuatur ? In Trinitate igitur quae Deus est, et Pater Deus est, et Filius Deus est, et Spiritus sanctus Deus est, et simul hi tres unus Deus : nec hujus Trinitatis tertia pars est unus, nec major pars duo quam unus est ibi ; nec majus aliquid sunt omnes quam singuli : quia spiritualis, non corporalis est magnitudo. Qui potest capere, capiat (*Matth. xix, 12*) : qui autem non potest, credit, et oret ut quod credit intelligat. Verum est enim quod dicitur per prophetam, *Nisi credideritis, non intelligeritis* (*Isai. vii, 9*).

3. *Tu nempe dixisti; unum Deum non ex partibus esse compositum.* Et quia de Patre hoc vis intelligi, *Ille, inquis, quod est, virtus est ingenita, simplex.* Et tamen in hac simplici virtute quam multa commoraveris, vide. Nam superiora verbi tua sunt : *Deus Deum genuit, Dominus Dominum genuit, Rex Regem genuit, Creator Creatorem genuit, bonus bonum*

genuit, sapiens sapientem genuit, clemens clementem, potens potentem. Cur ergo in virtute simplici, quod est Deus, non timuisti tot commemorare virtutes ? Ut enim omittam quatuor quas loco superiore posuisti, et alias quatuor dicam, quas enuntiare usitatis nominibus possimus ; numquid bonitas et sapientia et clementia et potentia partes sunt unius virtutis, quam simplicem e-sse dixisti ? Si dixeris, Partes sunt ; simplex ergo virtus ex partibus constat, et simplex ista virtus te definiente unus est Deus. Unum ergo Deum ex partibus compositum esse dicas ? Non dieo, inquis. Non sunt ergo partes : et tamen quatuor sunt, et una virtus est, eademque simplex est. Si ergo in una Patris persona, et plura invenis, et partes non invenis ; quanto magis Pater et Filius et Spiritus sanctus, et propter individuam deitatem unus Deus est, et propter uniuscunusque proprietatem tres personae sunt, et propter singulorum perfectionem partes unius Dei non sunt ? Virtus est Pater, virtus Filius, virtus Spiritus sanctus. Hoc verum dicas : sed quod virtutem de virtute genitam, et virtutem de virtute procedentem non vis eandem habere naturam, hoc falsum dicas, hoc contra fidem rectam et catholicam dicas.

CAPUT XI. — Redis ut quereras a me, quomodo sit invisibilis Filius, unde jam dixi superius, quod visum est dicendum. Sed si ob hoc, inquis, *Filius invisibilis a te pronuntiatur, eo quod oculis humanis contemplari non possit ; cur non et caelestes virtutes pariter invisibles pronuntias, quando nec ipsae obtutibus humanis videri possunt ?* Ita hoc dicas, quasi possit ab homine comprehendendi quis ille sit modus, quo caelestes virtutes sunt invisibles ; aut ad hoc querendum esse debeamus intenti, dicente Scriptura, *Altiora te ne quarsieris* (*Eccli. iii, 22*). Quod praeceptum ipse contemnens, ausus es dicere angelum videri ab archangelo, archangelum ab angelo non videri. Satis sit, quod ostendi non esse consequens ut ideo credamus in forma Dei visibilem Filium, quia scriptum est, *Invisibili soli Deo* (*I Tim. i, 17*). Quod tu de Patre sic te accipere demonstrabas, tanquam Filius invisibilis non sit, cum cum et invisibilium creatorem Scriptura testetur. Veruraten restat ut dicas, Ambo quidem invisibles sunt, id est, et Pater et Filius, sed Pater invisibilior est : ac sic dando aliquid Patri quod non sit Filii, mendacem facias eundem Filium dicentem, *Omnia quae habet Pater, mea sunt* (*Joan. xvi, 15*).

CAPUT XII. — **1.** Hoc et de potentia sapi, quod scilicet sit quidem potens et Filius, sed potentior Pater Filio : ut auctoribus et doctoribus vobis potuerit potentem potens, nec potuerit omnipotem gigante omnipotens. Ac per hoc si habet Pater omnipotentiam quam non habet Filius, falsum est quod ait Filius, *Omnia quae habet Pater, mea sunt.* Deinde si aliquid facit Pater, quod facere non potest Filius, merito dicitur potentior Pater quam Filius : cum vero dicat, *Quaecumque Pater facit, haec et Filius similiter facit* (*Joan. v, 19*) ; nonne meius audit :

vos, meliusque ipsi creditur docenti quam decipientibus vobis? Sed potentiam Pater, inquis, a nemine, Filius vero accepit a Patre. Fatemur et nos Filium ab illo accepisse potentiam, de quo natus est potens: Patri vero potentiam nullus dedit, quia nullus eum genuit. Gignendo enim dedit potentiam Pater Filio, sicut omnia quae habet in substantia sua, gignendo dedit ei quem genuit de substantia sua. Sed queritur utrum tantam, quanta ipsi est, potentiam Pater Filio dederit, an minorem. Si tantam, non solum potenter potens, verum etiam omnipotenter genuisse dicatur, eredatur, intelligatur omnipotens: si minorem, quomodo omnia quae habet Pater, Filii sunt? Si Patris omnipotentia Filii non est, quomodo quaecumque Pater facit, haec et Filius similiter facit? quod utique non potest, si omnipotens non est.

2. Ac per hoc quod ait Apostolus, *Beatus et solus potens*: non cogor de Patre tantummodo accipere; sed de Deo, quod est ipsa Trinitas. Loquens enim ad Timotheum: *Principio, inquit, tibi coram Deo, qui vivificat omnia, et Christo Jesu qui testimonium reddidit sub Pontio Pilato bonam confessionem, ut serves mandatum sine macula, irreprehensibile, usque ad adventum Domini nostri Jesu Christi; quem temporibus propriis ostendet beatus et solus potens, Rex regum et Dominus dominantium; qui solus habet immortalitatem, et lucem inhabitat inaccessibilem; quem nemo hominum vidit, nec videre potest; cui est honor et gloria in saecula saeculorum. Amen* (I Tim. vi, 13-16). Nihil hic video dictum quod non conveniat Trinitati. Sed ut nunc taceam de Spiritu sancto, quem nec saltem minorem Filio Deum vultis, quia omnino Deum esse non vultis, sufficit ut vos de Patre convincamus et Filio. Numquid enim quia dixit Apostolus, *Testificor tibi coram Deo qui vivificat omnia*; Pater solus, non et Filius vivificat omnia? Si dixeris Patrem solum vivificare omnia, quomodo ergo quaecumque Pater facit, haec et Filius similiter facit? Quandoquidem Pater, ut putas, vivificat omnia, quod Filius non facit. Deinde ubi ait, *Sicut Pater suscitat mortuos et vivificat, sic et Filius quos vult vivificat* (Joan. v, 21); quomodo verum est, si Pater sine Filio vivificat omnia? Proinde quod addidit, *Et Christo Jesu qui testimonium reddidit sub Pontio Pilato bonam confessionem*; de Filio proprie dicere voluit: quia Filius quidem sicut Pater vivificat omnia; sed sub Pontio Pilato in forma servi Filium novissimum passum fuisse, non Patrem. Deinde subjungitur, *Ut serves mandatum sine macula, irreprehensibile, usque ad adventum Domini nostri Jesu Christi; quem temporibus propriis ostendet beatus et solus potens*: quem, scilicet adventum Domini Christi; ostendet utique Deus, quod non solus est Pater, quia secundum veritatem, non secundum vestrum errorem, Trinitas unus est Deus *beatus et solus potens, Rex regum et Dominus dominantium*. Numquid enim vel vos dicere audetis Filium non esse Regem regum et Dominum dominantium? De quo inter cetera scriptum est in Apocalypsi Joannis: *Et ipse calcat torculari vini potantis, et in tunica et in fomore habet nomen scriptum,*

Rex regum et Dominus dominantium (Apoc. xix, 15, 16). Sed ne forte dicatis quod nomen Patris Filius habet scriptum in ueste et in fomore; alio loco ejusdem libri superius legitur: *Et Agnus vincet eos, quoniam Dominus dominantium est et Rex regum* (Id. xvii, 14). Quapropter secundum vos, duo sunt reges regum et domini dominantium: et contra vos est, si de Patre tantum ait Apostolus, *Beatus et solus potens, Rex regum et Dominus dominantium*. Verum autem secundum rectam fidem ipsa Trinitas unus est Deus, *beatus et solus potens, Rex regum et Dominus dominantium, qui solus habet immortalitatem, et lucem habitat inaccessibilem*. Et quomodo erit verum, *Accedite ad eum, et illuminamini* (Psal. xxxiii, 6); nisi quia hoc nemo potest, si de se quisque presumperit, sed si ipse donaverit? Immortalitatem autem Deus habere dicitur solus, quia est immutabilis solus. In omni enim mutabili natura nonnulla mors est ipsa mutatio, quia facit aliquid in ea non esse quod erat. Proinde et ipsa anima humana, quae propterea dicitur immortalis, quoniam qualitercumque secundum modum suum nunquam desinit vivere, habet tamen pro ipso suo modo quandam mortem suam: quia si juste vivebat et peccat, moritur justitiae; si peccatrix erat et justificatur, moritur peccati: ut alias ejus mutationes taceam, de quibus longum est disputare. Et creaturarum natura coelestium mori potuit, quia peccare potuit: nam et Angeli peccaverunt, et demones facti sunt, quorum est diabolus princeps. Et qui non peccaverunt, peccare potuerunt. Et cuicunque creature rationali præstatur ut peccare non possit, non est hoc naturæ propriæ, sed Dei gratia. Ac per hoc solus Deus habet immortalitatem, qui non cujusquam gratia, sed natura sua, nec potuit, nec potest aliqua conversione mutari, nec potuit nec poterit aliqua mutatione peccare. Quem secundum naturam qua Deus est, *nemo hominum vidit, nec videre potest*: sed poterit aliquando, si ad illum numerum hominum pertinet, de quibus dictum est, *Beati mundo corde, quoniam ipsi Deum videbunt* (Matth. v, 8). Cui Deo, id est Patri et Filio et Spiritui sancto, que Trinitas unus est Deus, honor et gloria in saecula saeculorum: Amen.

3. Absit autem ut, quomodo putas, ideo sit Pater potentior Filio, quia creatorum genuit Pater, Filius autem non genuit creatorem. Neque enim non potuit (a), sed non oportuit. Immoderata enim esset divina generatio, si genitus Filius nepotem gigneret Patri: quia et ipse nepos, nisi ayo suo pronepotem gigneret, secundum vestram mirabilem sapientiam impotens diceretur. Similiter etiam ille si nepotem non gigneret ayo suo, et pronepotem proavo suo, non a vobis appellaretur omnipotens: nec impleretur generationis series, si semper alter ex altero nasce-

(a) Plerique ac melioris notæ MSS., *Neque enim potuit*. Attamen Magister Sent. in 1, dist. 7, citat, *Neque enim non potuit*: id est, non ex impotentiæ Filii, sed ex rei natura venit ut Filius non generet. Neque cogimur intelligere, Filium potuisse aliun generare filium, quod Augustinum existimasse credit Petavius in lib. 7 Theolog. dogm. de trinitate, cap. 15, n. 6.

retur; nec eam perficeret ullus, si non sufficeret unus. Omnipotens itaque omnipotentem genuit Filium; quoniam quæcumque Pater facit, hæc et Filius simili-ter facit. Filium quippe ipsum genuit utique Patris natura, non fecit.

CAPUT XIII. — 1. In illo etiam testimonio, ubi ait Apostolus, *Soli sapienti Deo*; non dissimilis error est vester: sed quod vobis respondimus de potentia, hoc etiam de sapientia respondemus. Si enim dixisset Apostolus, *Soli sapienti Patri*; nec sic inde Filium separaret. Num enim quia in Apocalypsi de Filio legitur, *Habens nomen scriptum, quod nemo scit nisi ipse* (*Apoc. xix, 12*); ideo Pater nescit hoc nomen, a quo est inseparabilis Filius? Sicut ergo scit et Pater quod nemo scire dictus est nisi Filius, quia inseparabiles sunt: sic etiam si dictum esset, *Soli sapienti Patri*; simul intelligi deberet et Filius, quia inseparabiles sunt. Cum vero non sit dictum, *Soli sapienti Patri*; sed *Soli sapienti Deo*; et Deus unus sit ipsa Trinitas: multo est facilior nobis hujus solu-tio quæstionis; ut sic intelligamus solum-Deum sapientem, sicut intelleximus solum potentem, id est, Patrem et Filium et Spiritum sanctum, qui est unus et solus Deus, cui soli servire jussi sumus: ne male intelligentes, vel potius non intelligentes, contra hoc præceptum facere videamur, quia et Domino Christo ea quæ Deo debetur servitute servimus. Non enim dictum est, Dominum Deum tuum Patrem adorabis, et illi plus servies; ut servire permitteremur et Filio, plus tamen Patri tanquam majori, minus autem Filio tanquam minori Deo: sed dictum est, *Dominum Deum tuum adorabis, et illi soli servies* (*Deut. vi, 13*); soli scilicet omnipotenti, soli sapienti Deo; ut vos repelleremini, qui nolentes accipere unum solum Deum Patrem et Filium et Spiritum sanctum, et dicentes unum Dominum Deum, cui soli serviendum est, non esse nisi Deum Patrem, et tamen etiam Filium Deum et Dominum confidentes; apertissime duos deos et dominos, majorem unum, minorem alterum dicitis: et reos vos, secundum errorem vestrum, præcepti hujus violati esse monstratis, quia non solum majori, verum etiam minori, ea quæ Dominum Deo debetur servitute servitis.

2. Ubi autem dixit Apostolus, *Soli sapienti Deo*; cum scriberet ad Romanos, in fine Epistolæ sic lo-quitur: *Ei autem qui potens est, inquit, vos confirmare secundum Evangelium meum, et præconium Jesu Christi; secundum revelationem mysterii temporibus æternis taciti, manifestati autem nunc per Scripturam Prophe-tarum; secundum præceptum æterni Dei, in obedi-entiam fidei in omnes gentes cogniti; soli sapienti Deo per Jesum Christum, cui gloria in sæcula sæculorum* (*Rom. xvi, 25-27*). Hoc est, *Ei qui potens est vos confirmare, soli sapienti Deo gloria in sæcula sæculo-rum*. Quod autem interpositum est, *per Jesum Christum*; utrum soli sapienti Deo per Jesum Christum accipi debeat, ut scilicet solus Deus sapiens per Je-sum Christum sapiens esse intelligatur, non partici-pando, sed gignendo sapientiam, quod est Christus

Jesus; an vero non per Jesum Christum sapienti, sed per Jesum Christum gloria Deo soli sapienti, videtur ambiguum. Sed quis audeat dicere per Jesum Christum fieri ut sit sapiens Deus Pater; cum secun-dum substantiam suam non dubitandum sit eum esse sapientem, potiusque sit substantia Filii per gignen-tem Patrem, quam substantia Patris per genitum Filium? Restat ergo ut soli sapienti Deo gloria sit per Jesum Christum, hoc est, clara cum laude notitia, qua innotuit gentibus Deus Trinitas: ideo per Jesum Christum, quia, ut alia taceam, ipse præcepit baptizari gentes in nomine Patris et Filii et Spiritus sancti (*Math. xxviii, 19*); ubi præcipue commendata est hujus individua gloria Trinitatis. Deus itaque, quod est ipsa Trinitas, propterea solus sapiens recte dicitur, quia solus secundum substantiam suam sa-piens est: non secundum accidentem vel accidente participationem sapientiae, sicut sapiens est rationalis quæcumque creatura. Quod vero additum est, *cui, ut diceretur, cui gloria*; cum sufficeret si dictum esset, *Ei autem gloria*: inusitatam nostræ linguae indicat locutionem; non sensum quem requiramus, vel de quo ambigamus, insinuat. Quid enim sensui deperit, si dicatur, *Ei gloria, cui per Christum gloria?* Hoc est namque, *per Jesum Christum cui gloria*; quod est, cui per Jesum Christum gloria. Sed horum alter in-usitatus, alter usitatus est ordo verborum.

CAPUT XIV. — 1. Quæris a me, *Si de substantia Patris est Filius, de substantia Patris est etiam Spiritus sanctus; cur unus Filius sit, et aliis non sit filius*. Ecce respondeo, sive capias, sive non capias. De Patre est Filius, de Patre est Spiritus sanctus: sed ille genitus, iste procedens: ideo ille Filius est Pa-tris, de quo est genitus; iste autem Spiritus utrius-que, quoniam de utroque procedit. Sed ideo cum de illo Filius loqueretur, ait, *De Patre procedit* (*Joan. xv, 26*); quoniam Pater processionis ejus est auctor, qui talem Filium genuit, et gignendo ei dedit ut etiam de ipso procederet Spiritus sanctus. Nam nisi procederet et de ipso, non diceret discipulis, *Accipe Spiritum sanctum*; cumque insufflando daret (*Id. xx, 22*), ut a se quoque procedere significans, aperte ostenderet flando, quod spirando dabat occulte. Quia ergo si nasceretur, non tantum de Patre, nec tantum de Filio, sed de ambobus utique nasceretur; sine dubio filius diceretur amborum. Ac per hoc quia filius amborum nullo modo est, non oportuit nasci eum de ambobus. Amborum est ergo Spiritus, pro-cedendo de ambobus. Quid autem inter nasci et pro-cedere intersit, de illa excellentissima natura loquens explicare quis potest? Non omne quod procedit na-scitur, quamvis omne procedat quod nascitur; sicut non omne quod bipes est homo est, quamvis bipes sit omnis qui homo est. Hæc scio: distinguere autem inter illam generationem et hanc processionem no-scio, non valeo, non sufficio. Ac per hoc quia et illa et ista est ineffabilis, sicut propheta de Filio loquens ait, *Generationem ejus quis enarrabit* (*Isai. lxi, 8*)⁹ ita de Spiritu sancto verissime dicitur, *Processionem*

ejus quis enarrabit? Satis sit ergo nobis, quia non est a seipso Filius, sed ab illo de quo natus est: non est a seipso Spiritus sanctus, sed ab illo de quo procedit. Et quia de utroque procedit, sicut jam ostendimus: unde et Spiritus Patris dictus est, ubi legitur, *Si autem Spiritus ejus qui suscitavit Christum a mortuis, habitat in vobis; et Spiritus Filii, ubi legitur, Qui autem Spiritum Christi non habet, hic non est ejus* (*Rom. viii, 11, 9*). Non enim duo sunt Spiritus sancti, tanquam singuli singulorum, unus Patris, alter Filii; sed unus potius Patris et Filii: de quo uno Spiritu scriptum est, *Etenim in Spiritu uno nos omnes in unum corpus baptizati sumus, sive Iudei, sive Graeci, sive servi, sive liberi; et omnes unum Spiritum potavimus* (*1 Cor. xii, 13*). Et alio loco: *Unum corpus et unus Spiritus* (*Ephe. iv, 4*).

2. Quid ergo haec Trinitas, nisi unius ejusdemque substantiae est? Quandoquidem non de aliqua materia vel de nihilo est Filius, sed de quo est genitus: itemque Spiritus sanctus non de aliqua materia, vel de nihilo, sed inde est unde procedit. Vos autem nec Filium de Patris substantia genitum vultis, et tamen eum nec ex nihilo, nec ex aliqua materia, sed ex Patre esse conceditis. Nec videtis quam necesse sit, ut qui non est ex nihilo, non est ex aliqua re alia, sed ex Deo, nisi ex Dei substantia esse non possit, et hoc esse quod Deus est de quo est, hoc est, Deus de Deo. Quocirca Deus de Deo natus, quia non aliud prius fuit, sed natura coetera de Deo est, non est aliud quam est ille de quo est, hoc est, unius ejusdemque naturae, vel unius ejusdemque substantiae. Quod cum auditis, quale eorū habeatis ignorō, qui putatis nos sic Filium dicere natum esse de Patre, quomodo nascantur de corporibus corpora: et quoniam corruptibiliter ista nascuntur, accusatis nos tanquam generationi Unigeniti, que de Patre est, corporalem passionem corruptionemque tribuamus. Carnalibus quippe cogitationibus pleni substantiam Dei de se ipsa gignere posse Filium non putatis, nisi hoc patiatur quod substantia quando gignit patitur carnis. Erratis, non scientes Scripturas, neque virtutem Dei (*Matt. xxii, 29*). Quando legitis, *Ut simus in vero Filio ejus Iesu Christo* (*I Joan. v, 20*); verum Dei Filium cogitate. Hunc autem Filium nullo modo verum Dei Filium cogitatis, si eum natum esse de substantia Patris negatis. Num enim jam erat hominis filius, et Deo donante factus est Dei filius; ex Deo quidem natus, sed gratia, non natura? An forte eisī non hominis filius, tamen aliqua jam erat qualisunque creatura, et in Dei filium, Deo murante, conversa est? Si nihil horum, ergo aut de nihilo aut de aliqua substantia natus est. Sed ne crederemus de nihilo esse Dei Filium vos putare, jam nos ab ista sollicitudine libera-sti: affirmasti enim non vos dicere, de nihilo esse Dei Filium. De aliqua ergo substantia est. Si non de Patris; de qua? Dicite. Sed non invenitis. Jam igitur unigenitum Dei Filium Iesum Christum Dominum nostrum de Patris esse substantia non vos nobiscum pigate confiteri.

3. Pater ergo et Filius utius sunt ejusdemque substantiae. Hoc est illud Homousion, quod in concilio Nicenō adversus hereticos Arianos a catholicis Patribus veritatis auctoritate et auctoritatis veritate firmatum est: quod postea in concilio Ariminensi, propter novitatem verbi minus quam oportuit intellectum, quod tamen¹ fides antiqua pepererat, multis paucorum fraude deceptis, heretica impietas sub heretico imperatore Constantio labefactare tentavit. Sed post non longum tempus libertate fidei catholice prevalentē, posteaquam vis verbi, sicut debuit, intellecta est, Homousion illud catholicæ fidei sanitatem longe lateque defensum est. Quid est enim Homousion, nisi unius ejusdemque substantiae? Quid est, inquam, Homousion, nisi, *Ego et Pater unum sumus* (*Joan. x, 50*)? Sed nunc nec ego Nicenum, nec tu dehes Ariminense tanquam prajudicaturus proferre concilium. Nec ego hujus auctoritate, nec tu illius detineris: Scripturarum auctoritatibus, non quorumque propriis, sed utrisque communibus testibus, res cum re, causa cum causa, ratio cum ratione concertet. Utrique legimus, *Ut simus in vero Filio ejus Iesu Christo; ipse est verus Deus et vita aeterna*. Utrique tanti ponderis molibus cedamus. Dic ergo nobis, utrum iste verus Dei Filius, ab eis qui gratia filii sunt hujus nominis quadam proprietate discretus, de nulla substantia sit, an de aliqua. *Non dico, inquis, de nulla, ne de nihilo dicam*. Ergo de aliqua est: querro, de qua? Si non de Patris, aliam quere. Si aliam non invenis, quia omnino non invenis; Patris agnoscet, et Filium cum Patre Homousion confitetur. Caro de carne nascitur, filius carnis de substantia carnis nascitur. Corruptionem de medio tollite, passiones carnales a lumine mentis abjecite, et invisibilitia Dei, per ea quae facta sunt, intellecta conspicite (*Rom. i, 20*). Credite Creatorem, qui dedit carni carnem gignere, qui dedit parentibus veros carnis filios de carnis substantia generare, ac sic filios cum parentibus unius esse substantiae, multo magis potuisse verum gignere Filium de sua substantia, et unam cum vero Filio habere substantiam, manente incorruptione spirituali, et longissime hinc aliena corruptione carnali.

4. Nam de anima quid dixeris, nescio. Verba enim tua sunt, ubi dicis: *Nec enim ad animae ingenuitatem comparatis tantam illam magnificentiam, sed ad fragilitatem corporis. De corpore utique, inquis, nascitur caro, corporalis filius: non tamen de anima anima nascitur*. Post istam quasi definitionem tuam, rursus affirmas animam filios generare. Adjungis enim, et dicas: *Si ergo nostra anima incorruptibiliter generat et impaviditer, nullam sentiens diminutionem, non inquinationem aliquam; sed legitimate secundum jura divina generat filium, sapientia consensum² accommodans corpori, ipsa integra manet: quanto magis omnipotens*

¹ MSS., minus quam potuit intellectam, quam tamen, etc.

² Editio Erasmi, hic et supra in collatione cum Maximino, generatum filium, sapientium consensu, accommodans corpori. Minus recte. Lov. constanter, et sapienter. Sed particularia, et, al. est a MSS.

Dens? Et paulo post dicens : *Quanto magis Deus Pater incorruptibilis incorruptibiliter genuit Filium?* Jam supra dixi, nescire me quid volueris de anima intelligi, de qua prius dixisti quod non nascatur anima de anima, et postea, quod anima incorruptibiliter gignat filium. Si animam gignit, quomodo non nascitur anima de anima? Si carnem, tu videris quomodo sit caro verus animæ filius. Christus enim, propter quem pugnasti hanc adhibendam similitudinem, verus est Dei Filius. Si autem incorruptibiliter gignere animam filium sic accipi voluisti, quomodo ait Apostolus, *In Christo enim Jesu per Evangeliū ego vos genui* (*I Cor. iv, 15*); cur non attendis, quod jam erant illæ animæ in vetere vita, quas per Evangelium renovando Apostolus genuit? Verbum autem Dei Deus unigenitus Filius, sicut jam disputavimus, non prius aliquid fuit, et renovatione est generatus a Patre, sed cum Patre semper fuit; sicut est semper atque erit mirabilis atque ineffabili modo genitus ab æterno coeternus. Sed si ob hoc introduxisti hanc dissimilem similitudinem, ut assereres Deum Patrem incorruptibiliter genuisse: noli laborare; confiteor omnino, incorruptibiliter genuisse Deum Patrem, sed quod est ipse genuisse. Iterum enim dico hic, quod vobis sepe dicendum est: Aut de aliqua substantia natus est Dei Filius, aut de nulla. Si de nulla, ergo de nihilo; quod vos non dicere jam tenemus. Si de aliqua, nec tamen de Patris, non verus est Filius. Si de Patris, unius ejusdemque substantiae sunt Pater et Filius. Quomodo autem nihil Filio subtraxit, ut dicas, si ejusdem substantiae est, et tamen minor est, nec sicut infans crescere potest?

5. Jam vero de immortalitate Dei, quia non Patrem, sed Deum qui et Pater est et Filius et Spiritus sanctus, solum habere immortalitatem dixit Apostolus, satis superius disputavi, quando ipsum apostolicum testimonium et posui totum, et exposui.

6. Dispicet tibi, quod æqualem Patri asserimus Filium: quasi possit esse inæqualis, qui verus est Filius, non natus ex tempore, sed gignenti coeternus, sicut splendor ab igne genitus gignenti manifestatur æquævus. Sed habet, inquis, *Dei Filius auctorem Patrem*. Si propterea Deum Patrem Deo Filio dicas auctorem, quia ille genuit, genitus est iste; quia iste de illo est, non ille de isto; fateor et concedo. Si autem per nomen auctoris minorem vis facere Filium, Patremque majorem, nec ejusdem substantiae Filium cuius est Pater; detestabor et respuam: quia et filius hominis, in quantum est filius, habet auctorem de quo natus est, patrem; nec tamen ideo non est ejusdem substantiae cuius est pater; et quod iste minor, major est ille, potest tamen ad formam patris valentiamque pervenire crescendo, in qua patrem propterea non omni modo invenit talem, quia et ille deficit senescendo. Sic enim necesse est varietas: etate mortalitas, ubi temporalis est, non æterna nativitas. Non autem illa sic est, ubi nec crescit Filius, nec senecit Pater. Et ideo amborum non impar est ætas; quia ubi est æternitas, non est ætas: ideo forma non im-

par amborum; quoniam verus Filius, qui non ut augetur est natus, ne remaneret degener, æqualis est natus. Sit ergo nativitate humana longe melior et excellentior divina nativitas, incorruptibili et inviolabili generatione: non tamen sit deterior, diversitate naturæ.

7. Sed vitam Filius, inquit, accepit a Patre. Accepit sicut genitus a gignente. *Omnia, inquit, quæ habet Pater, mea sunt* (*Joan. xvi, 15*). Omnia ergo quæ habet Pater, dedit ille gignendo, accepit iste nascendo. Nec dando ille amisit quod habuit; nec iste cum esset et non haberet accepit: sed sicut ille permanxit habens omnia, cum ea quæ habet Filio dederit omnia; sic iste nunquam fuit sine omnibus, quæ non egendo, sed nascendo accepit ut Filius: quia nunquam potuit esse non natus, et ea sine quibus non est natus, et est immutabilis natus, semper habuit, quia semper est natus. Si enim aliquid eorum, quæ habet Pater non dedit Filio, falsum est quod ait Filius: *Omnia quæ habet Pater, mea sunt*. Sed quia verum est, prorsus omnia quæ habet Pater, dedit, ut diximus, ille gignendo, accepit iste nascendo. Ac per hoc dedit ille vitam, quia genuit vitam; accepit iste vitam, quia natus est vita: si minor, si decolor¹, si diversa, non ergo quam Pater habuit hanc dedit Filio. Et quomodo verum est, *Omnia quæ habet Pater, mea sunt*? Sed quis audeat dicere, Verum non est quod Veritas dixit? Quapropter *sicut habet Pater vitam in semetipso, sic dedit et Filio vitam habere in semetipso* (*Id. v, 26*). Sicut habet dedit, quod habet dedit, qualis habet, talem dedit; quantum habet, tantam dedit. Omnia quæ habet Pater, Filii sunt. Non ergo aliquid minus quam Pater habet Filio dedit; nec amisit Pater vitam, quam Filio dedit. Vivendo enim tenuit, quam gignendo dedit. Vita est autem ipse Pater, vita est ipse Filius. Et ille quippe et iste id habet quod et ipse²: sed ille de nullo vita, iste vita de vita; sed talis qualis illa, tanta quanta illa, hoc omnino quod illa; quia verus est Filius, quia perfectus est Filius, quia non est degener ab uno Deo Patre Deus unicus Filius, Patri ergo æqualis est Filius. Quidquid eum dicens a Patre accepisse, fatemur et nos: prorsus Pater dedit, Filius accepit. Sed cum Pater omnia quæ habet gignendo dedit, æqualem utique genuit, quoniam nihil minus dedit. Quomodo ergo tu dicas, quia ille dedit, ille accepit, ideo æqualem Filium Patri non esse: cum eum cui data sunt omnia, et ipsam æqualitatem videas accepisse? Scriptum est quidem, *Beatum est magis dare quam accipere* (*Act. xx, 35*): sed in hac vita ubi est inopia, qua utique melior est copia. Melius enim est habere, quam ègere; et melius est donare, quam accipere³; erogare, quam mendicare. Ubi autem qui dedit, gignendo dedit; et qui accepit, nascendo accepit: non inopi subventum est, sed ipsa copia generata est. Nec potest qui accepit ei qui dedit esse

¹ Edili, *decolor*. At MSS., *decolor*.

² Sic Vss. Edili vero, *quod est ipse*.

³ Am. Er. et MSS. omittunt, *quam accipere; erogare*.

inequalis, quia et hoc accepit ut esset aequalis. Nihil enim Patre minus habet ille qui dicit, *Omnia quae habet Pater, mea sunt.* Aequalis est igitur. Sed quia *semetipsum exinanivit, formam servi accipiens, non formam Dei perdens;* ita factus est in eadem servi forma *obediens usque ad mortem crucis* (*Philipp. ii, 7, 8,* in qua paulo minus minoratus est ab Angelis (*Psalm. viii, 6,* ut Patri in forma Dei maneret aequalis: quia non est forma illa mutabilis.

8. Quid itaque mirum est, si ea quae commemoras, dicit, *Ego quae placita sunt Patri, facio semper* (*Joan. viii, 29*): et ad monumentum Lazari, *Pater, gratias ago tibi, quia audisti me; et ego sciebam quia semper me audis, sed propter eos qui circumstant dixi, ut credant quia tu me misisti* (*Id. xi, 41, 42*): et iterum, *Me oportet operari opera ejus qui me misit* (*Id. ix, 4*): et antequam panes frangeret, prius *Patri gratias egit* (*Matth. xxvi, 26; Marc. viii, 6, et Joan. vi, 11*)? Si his atque hujusmodi testimonii id ostendere voluisses, quod in forma servi Filius minor est Patre, et in ipsa forma Dei iste de illo non ille de isto est; quod sepe significans, multa ita dicit, ut eum non intelligentes etiam in ipsa divinitate arbitrentur minorem: sic teneres rectam regulam fidei, ut non contradiceres veritati; nec per talia testimonia oppugnares Evangelium, sed doceres. Quae sunt enim placita Patris, quae non sunt et Filii? aut unde potest facere Filius, nisi quae placita sunt Patri, a quo habet omnia in quibus aequalis est Patri? Quomodo non gratias agit Patri de quo est, præsertim in forma servi, in qua illo minor est? Quomodo non Patrem rogat ut homo, qui cum Patre exaudit ut Deus? Quis autem christianus ignorat quod Pater miserit, missusque sit Filius? Non enim genitorem ab eo quem genuit, sed genitum a genitore mitti oportebat: verum hæc non est inegalitas substantiae, sed ordo naturæ; non quod alter prior esset altero, sed quod alter esset ex altero. Oportebat ergo operari eum qui missus est, opera ejus a quo missus est: et quae sunt opera Patris, quae non sunt et Filii; cum dicat idem Filius, *Quæcumque Pater facit, hæc et Filius similiter facit* (*Joan. v, 19*)? Opera tamen Patris esse dicit: non enim obliviscitur a quo sit; a Patre quippe illi est ut operator talium operum sit. Hæc autem vos ita intelligitis, ut hinc etiam putatis Patrem Filio esse majorem, quia dixit passerem non cadere in terram sine Patris voluntate (*Matth. x, 29*); quasi cadat sine voluntate Filii. An usque adeo minorem vultis Filium, ut non habeat in potestate nec passeret? Sed si non vultis huic regulæ acquiescere, ut ubicumque legeritis in auctoritate divinorum eloquiorum, quo¹ minor Patre Filius videatur ostendi, aut ex forma servi dictum accipiatis, in qua vere minor est Patre; aut ideo dictum, quo non demonstretur maior vel minor ullus esse altero, sed demonstretur esse alter ex altero: si huic, inquam, rectissimæ regulæ non vultis acquiescere; certe tamen verum Dei Filium nulla ratione dicetis, si non ejusdem substantiae, cuius Pater est, eum esse dica-

tis. Ut enim humanum aliquid dicam propter infirmatatem carnalium: cum homines duo sunt, pater et filius, si obediens sit patri filius, et aliqua existente causa roget patrem, gratias agat patri, aliquo denique mittatur a patre, ubi se dicat non venisse facere voluntatem suam, sed ejus a quo missus est; numquid hinc ostenditor non ejusdem cuius pater est esse substantiam? Cur ergo ubi de Filio Dei talia legit, statim in tantum sacrilegium corde atque ore proruitis, ut veri Filii Dei unam eamdemque cum Patre substantiam non esse credatis atque dicatis?

9. Quid quod etiam illud commemorandum putasti, quod manifestissime ut homo loquitur: *Potestatem habeo ponendi animam meam, et potestatem habeo iterum sumendi eam.* Hoc enim præceptum accepi a Patre meo? Quid hoc adjuvat causam tuam? Numquid enim aliud dixit, nisi, *Potestatem habeo moriendi et resurgendi?* Quod itaque ait, *Nemo eam tollit a me, sed ego eampono a me, et iterum sumo eam* (*Joan. x, 18*); quid intelligi voluit, nisi se non fuisse moritum, nisi ipse voluisset? Numquid tamen nisi homo esset, mori et resurgere potuisset? Sic autem introduxisti hoc testimonium, ut præloquereris, dicens, *Hic sane et de sua potestate quam a Patre accepit dicebat, «Potestatem habeo ponendi animam meam, et potestatem habeo iterum sumendi eam:* » tanquam si homo non esset, positus esset animam. Ut homo ergo, non ut Deus, accepit hanc potestatem: quamvis non dixerit, Hanc potestatem; sed, *hoc præceptum accepi a Patre meo.* Quis autem nesciat aliud esse præceptum, aliud potestatem? Hoc enim habemus in potestate, quod cum volumus possumus. Præceptum vero id nobiscum agit, ut quod jam est in potestate faciamus: si autem nondum est in potestate, oremus nobis potestatem dari, ut quod præceptum est impleamus. Quocirca si ea quae aperta sunt velitis attendere, ut homo acceperat hanc potestatem. Sed propter contentiosos ego ad utrumque concludam: Si ut homo accepit hanc potestatem, nihil tibi prodesse hoc testimonium et tu vides; quia si ex hac potestate a Patre accepta, minorem Patre Filium vis probare, nec nos dubitamus, quod in quantum homo est Christus, minor est Patre: si autem ut Deum vis acceperis hanc potestatem, gignendo eum Pater æqualem sibi, dedit ei omnium rerum tantam, quanta ipsi Patri est¹, potestatem. Si enim minus habet in potestate aliquid quam Pater, non sunt ejus omnia quae habet Pater: sed quia ejus sunt, tantam procul dubio habet potestatem quantum Pater. Præceptum quoque aut ut homo accepit, aut ut Deus: si ut homo, nulla questio est, quia ut homo est Patre minor: si ut Deus, non hinc ostenditur minor; quia nascendo id accepit, non indigendo. In Verbo enim unico Dei omnia præcepta sunt Dei, quæ ille gignens dedit nascenti, non cum genuisset addidit indigentem: ac per hoc tantum genuit quantus est ipse; quia de scipso genuit verum Filium, et perfectum genuit plenitudine divinitatis, non perficiendu-

¹ Editi, quibus. Conciliarius Vss., q:o.

¹ MSS., *quanta ipsius est Pat: is.*

a tatis accessu¹. Sed humilius a te quero, quare filium hominis quemlibet hominem, si praeceptum accipiat a patre, non eum dicis alterius esse substantiae, et Filium Dei Deum ob hoc aedes negare paternae esse substantiae, quia praeceptum accepit a Patre? Prorsus, et praeceptum a Patre accepit, et ejusdem substantiae est, enijs et ille qui dedit. Quis te contradicentem ferat, si ad te audiendum homines patres filiique concurrant, ejusdem utriusque substantiae; nec ideo filii degeneres, quod ita praecepta eis dederint patres? Sed forte dicis, patres doctos filios indoctis dedisse praecepta. Refer nunc te ad Dei Filium, de Deo Patre natum Deum, qui utique imperfectus est natus, si praeceptum accepit indoctus. Quia vero perfectus est natus, praeceptum dedit ille gignendo, accepit iste nascedendo. Nunquam enim verus Dei Filius indoctus fuit: filius autem nunquam non fuit.

CAPUT XV. — 1. In forma Dei Filium esse non negas, et Deo Patri aequalem negas, majorem Patris formam putans esse quam Filii: tanquam non habuerit Pater unde formam suam completeret in Filio, quem de se ipso genuit, non fecit ex nihilo, non ex alio. Aut si formam suam in unico Filio plenam gignere potuit, nec tamen genuit plenam, sed minorem; quid sequatur attendite, et in viam redite, ne coganimi Patrem invidum dicere. Dicitis Deum Filium, dicitis Dominum; sed ut dnoes deos dominosque faciantis, contra Scripturam clamantem, *Audi, Israel; Dominus Deus tuus, Dominus unus est* (*Deut. vi, 4*). Quid autem in hoc sacrilegio vobis prodest, quod Patri datis tantam formam, quantam non datis Filio? Numquid si unus major, alter est minor, ideo non sunt dñi et domini duo? Si carere cupitis hoc errore, sic dicit alium esse Patrem, alium esse Filium, ut tamen simul ambos non duos dicatis, sed unum Dominum Deum. Dicitis regem Filium de rege Patre utique natum: nec intuemini in genere humano filios regum etiam si non sunt ex regibus reges, esse tamen ex hominibus homines; nec habere potestatem cum patribus regiam, et tamen eamdem tenere naturam. Vos autem Filio Dei regis regnum cum Patre conceditis, et naturam paternam vanitate impia denegatis; cumque Deo Patri dicitis aequalem, qui non rapinam, hoc est, non alienum arbitratus est esse aequalis Deo; sed tamen non intendens quae sua sunt, sed que nostra sunt, semelipsum exinanivit; non formam Dei perdens, sed formam serui accipiens, in qua est Patri factus obediens usque ad mortem crucis (*Philipp. ii, 6-8*). In qua forma eum non vultis sic agnoscere Patrem Deo minorem, ut in Dei forma Patri non negatis aequalem. « Nos », inquis, « dicti sumus filii gratia, non natura hoc nati: ideo unigenitus est Filius, quia quod est secundum divinitatis sue naturam, hoc est natus Filius. » Illec non tua solumi, verum etiam nostra sunt verba. Cur ergo quem Dei Filium natura non gratia confiteris, ejusdem naturae, cuius Pater est, non esse contendis, nec quid mali abs te dicator

¹ Sic Am. Er. et MSS. At Lov., et perfectam genuit plenitudinem divinitatis, non perficiendam a tatis accessu.

PATROL. XLII.

attendis? Nonne regis Dei Filio paternum regnum afferres tolerabilius quam naturam?

2. De Spiritu autem sancto, quomodo ei ipse de Deo sit, nec tamen et ipse filius sit, quoniam procedendo, non nascendo legitur esse de Deo, jam superiorius, quantum satis visum est, disputavi. *Nos, inquis, in Patrem Deum innatum, naturam non accepimus.* Et tanquam rationem reddens, cur Dei Patris non dicatis esse naturam, mox adjungis, et dicas, *Credimus quod ait Christus, « Spiritus est Deus »* (*Joan. iv, 24*): quasi Christus secundum id quod Deus est, non spiritus sit, quem tamen natura Filium esse dixisti. Non ergo Pater ideo natura non est, quia spiritus est. Sed forte quia natura non est, ideo eum non vultis esse naturam; putatis enim quod a nascendo natura sit dicta. Scitote ergo, quod unaquaque res esse dicitur per substantiam, hoc esse utique per naturam. Certe si non putatis esse dicendum, ejusdem Filium cuius Pater est esse natura; dicite cuius Pater est esse substantiae: ad causam quae inter nos agitur, sufficit nobis. Verumtamen admonendi estis, ut intueamini quod ait Apostolus, *His qui natura non sunt dñi, servistis* (*Galat. iv, 8*): ubi certe nos Deo qui natura est Deus, servire monstravit. Vos ergo qui Deum Patrem non natura Deum esse creditis, ubi eum constitutatis, advertite; et si ullus in vobis pudor est, erubescite. Ecce nos dicimus vobis, non servimus Deo qui natura non est Deus; ne simus tales, quales fuerunt illi quibus dictum est, *His qui natura non sunt dñi, servistis*. Vos si tales esse vultis, petimus ne velitis, et Deum Patrem natura Deum esse dicatis: ejusque Filium, quem non gratia, sed natura Filium jam esse dicitis, ejusdem naturae cuius Pater est non negatis, ne nihil aliud quam Filium esse verum negatis. Quomodo enim dicitis, et verum Filium vos prosteri, et Patri similem non negare, quando cum negatis unius cum Patre esse substantiae? Sicut autem verum Filium indicat una substantia, sic non verum diversa substantia. Quomodo autem Filium Patri similem dicitis, cui Patris substantiam dare non vultis? Nonne similis homini est pictura vel statua, et tamen filius dici non potest, quia diversa substantia est? Homo nempe ad Dei similitudine factus est; tamen quia non est unius ejusdemque substantiae, non est verus filius; et ideo si gratia filius, quia non est natura. Si ergo vultis Dei Filium verum confiteri, prius illum ac praecipue dicite unius ejusdemque substantiae, ut tanquam verum Filium et Dei Filium per omnia similem Patri esse dicatis. Nam quia substantiam putatis habere diversam, plus eum dissimilem quam similem dicitis, et omnino verum Filium denegatis. Nam vultis nosse, ad ostendendum verum filium quantum valeat una eidemque substantia: etiam si filius hominis homo in quibusdam similis, in quibusdam sit dissimilis patri; tamen quia ejusdem substantiae est, negari verus filius non potest: et quia verus est filius, negari ejusdem substantiae non potest. Vos autem ita

¹ sola editio Lov.: Nec vultis.

dicitis verum Dei Filium similem Patri, ut substantia velitis esse diversæ, per quam solam potest filius verus ostendi. Nam duo veri homines eis nullus eorum filius sit alterius, unius tamen sunt et ejusdem substantiae: homo autem alterius, hominis verus filius nullo modo potest nisi ejusdem cum patre esse substantiae, etiamsi non sit per omnia similis patri. Quocirea verus Dei Filius et unius cum Patre substantia est, quia verus Filius est; et per omnia est Patri similis, quia Dei Filius est. Neque enim sicut continet in filiis hominum vel quorunque animalium, ita fas est dicere, verum Dei Filius substantiae quidem unius esse cum Patre, sed non per omnia similem Patri. Nicenum igitur tenete nobiscum concilium, si voltis Christum dicere verum Dei Filius.

3. *Diversas, inquis, accusamur dicere naturas.* Et quid aliud dicas de Deo Patre et Deo Filio? quid aliud dicas? An ideo putas ab ista accusatione purgari, quia continuo subiungis dicens: *Hoc scito quod nos dicimus, quod Pater spiritus spiritum genuit ante omnia sancta, Deus Deum genuit?* Hoc quidem dicas, et verum dicitis: sed hoc tacisti, quod falsum et execrabile dicitis. *Spiritus enim spiritum genuit,* verum dicitis: sed hoc verum ea intentione vos dicitis, quia etiam diversæ naturæ dicitur spiritus. Nam diversæ nature sunt Spiritus Dei, sive Spiritus Deus, et spiritus hominis; et tamen eterque dicitur spiritus. Item diversæ nature sunt spiritus hominis et spiritus pecoris; et tamen nihilominus eterque spiritus dicitur. Item dicitur, Deus Deus, et dicitur deus homo: sicut dictum est, *Dii estis* (*Psalm. lxxxi, 6*). Et sicut datus est¹ deus Moyses Pharaoni (*Exodus. vii, 1*). Et cum sit Dei et hominis diversa substantia, tamen eterque appellatur Deus. Prorsus veraciter arguimini, quamvis dicatis de Deo Patre et Deo Filio, *Spiritus spiritum genuit*, naturas tamen diversas dicere: et quamvis dicatis, *Deus Deum genuit*; etiam sic non recedere a diversitate nature, quia non per omnia similem Patri esse dicitis Filium. Nam si per omnia similem diceretis, consequenter intelligeremini quod eos diceretis etiam unius ejusdemque esse nature sive substantiae. Si ergo ab hoc crimine quod vobis objicitur, Dei Patris et Dei Filii vos dicere naturas esse diversas, purgare te cogitas: sicut dicas, *Spiritus spiritum genuit*; ita dic, *Spiritus ejusdem naturæ sive substantiae spiritum genuit*. Item, sicut dicas, *Deus Deum genuit*; ita dic, *Deus ejusdem naturæ sive substantiae Deum genuit*. Hoc si credideris, et dixeris, nihil de hac re ulterius accusaberis. Si autem hoc non dixeris, quid prodest quia dicas, *Verus innotatus Pater verum genuit Filium*; cum procul dubio verus Filius non sit, si non est unius ejusdemque substantiae enim illo qui genuit?

4. Dicit quidem Filius ad Patrem, *Hæc est autem vita æterna, ut cognoscant te solum rerum Deum, et quem misisti Iesum Christum* (*John. xvii, 3*): id est, te et quem misisti Iesum Christum, cognoscant solum verum Deum. In quibus verbis vos solum Patrem non

¹ Sic MSS. Editi autem, dictus est.

cum Filio verum accipientes Deum, quid aliud quia Filium negatis verum Deum? Quia vero Pater et Filius, non duo dii, sed unus est Deus; sine dubio et Filius verus est Deus, et adjuncto Spiritu sancto solus est Deus. Neque enim movere nos debet, quod nominatus non est hoc loco Spiritus sanctus, tanquam non sit Deus, aut non sit verus Deus. Tale est enim hoc quale si quis dicat, nescire Christum ea quæ Dei sunt; quoniam dixit Apostolus sic: *Et quæ Dei sunt, nemo scit, nisi Spiritus Dei* (*1 Cor. ii, 11*). Hoc est enim, *Nemo scit, nisi Spiritus Dei*; quod est, Solus ea scit Spiritus Dei. Si ut ergo ab hac scientia, quam non habere nisi Spiritus Dei dictus est, non excluditur Christus; sic ab eo quod Pater et Christus dictus est solus verus Deus, non excluditur Spiritus sanctus. Sic et nomen illud quod in Apocalypsi nemo nosse dictus est, nisi ipse qui hoc habebat scriptum (*Apoc. xix, 12*), id est Christus, noverat utique et Pater, quod negare non potestis; noverat et Spiritus sanctus, etiamsi negetis. *Spiritus enim omnia scrutatur, etiam altitudines Dei* (*1 Cor. ii, 10*). Nisi forte quia scrutator dictus est, negatur apprehendere: negetur ergo Deus apprehendere corda et renes hominum; scriptum est enim, *Scutans corda et renes Deus* (*Psal. vii, 10*). Ita ergo dictus est solus verus Deus Pater et Jesus Christus, ut ab hac veritate deitatis nullo modo alienaretur Spiritus sanctus. Non autem Filius, ut tibi videtur, *solum potentem, solum sapientem, solum bonum Patrem dicit esse Deum*. Deus autem unus et solus est ipsa Trinitas, ut ostendunt ea quæ superius jam saepissime diximus.

5. Quod autem non proficiunt, sed perfectum Deus Pater genuerit Filium Deum; verum dicas. Sed quod ipsam Filii perfectionem, perfectioni Patris non vis aquare; hoc falsum dicas, et veritatem quæ verus est Filius contradicis. *Homo enim si posset, inquis, perfectum mox generare filium, non parvulum generaret, qui coaugmentatis annis tandem aliquando sui genitoris impletat voluntatem.* Verissime¹ omnino contra te loqueris. Sed ut contra te non sit quod loqueris, agnosce æqualitatem Patris et Filii. Quia et homo si posset, filium mox generaret æqualem, nec expectaret annos, per quos in forma filii posset voluntas ejus impleri. Deus ergo cur non æqualem genuit Filium, cui nec anni necessarii fuerunt per quos id impleretur, nec omnipotentia defuit? An forte noluit? Ergo, quod absit, invidit. Sed non invidit: æqualem igitur genuit. Ac per hoc unius ejusdemque substantiae: quandoquidem homo, qui propterea quia non potest non gignit æqualem, ejusdem tamen substantiae gignit filium, cuius est ipse. Quod si non esset, profecto verus filius esse non posset. Quid est ergo quod dicas, *Pater talem genuit Filium qualis et nunc est, qualis et permanet sine fine?* Hoc bene dices, si Patri æqualem verum Filium non negares. Cum vero perfectum dicas, et æqualem negas, et talem qualis

¹ Editi: *Veritatem verissime, etc.* At MSS. omittunt *veritatem.*

est natus sine fine permanere non negas; procul dubio minorem Patre filium sine fine manere pronuntias. At per hoc nascitur filius hominis minor Patre; et quia imperfectus nascitur, crescendo ad formam per-venit patris: natus est filius Dei minor Patre; et quia perfectus atque immortaliter natus est, nullum accipit incrementum, sed eum ipsa perfectio a forma Patris in aeternum efficit alienum. Ecce que creditis, ecce que dicitis; ecce sunt, quod pejus est, que docetis. Sed in auditorum, inquis, *est arbitrio, ut eligant alterum de duobus: aut obedientem Patri Filium, qui se exinanivit, formam servi accipiens, cui et Pater donavit nomen quod est super omne nomen* (Philipp. ii, 7, 9); *aut interpretationem tuam.* Prorsus auditores quibus donat Dominus intellectum, non unum de duobus istis eligunt, sed utrumque; id est, et obedientem Patri Filium, et interpretationem, vel potius expositionem meam, qua ostendi sic obedientem fuisse in for-ma servi, ut formam non amitteret Dei, in qua aqua-lis est Patri. Tu vero vide quam contumeliose Filio-Dei tribuas obedientiam, cuius minus in divinitate naturam.

CAPUT XVI. — 1. Quando autem a me audisti propter *Iudeos, humilitatis, non veritatis gratia*, dixisse *Filium quod Deus ejus sit Pater ejus?* Hoc a me ita nunquam audire potuisti, sicut nunquam dixi: sed plane dixi, propter formam servi dictum esse. Sicut autem ipsa forma servi vera, non falsa est; ita Patrem suum esse etiam propter illam Deum suum, veraciter dixit, non humiliiter fixit. Quis enim est humilitatis, fructus ubi detrimentum est veritatis? Tu autem istam certissimam veritatem ita es refutare conatus, ut dices ideo verba ipsa, quibus ait Dominus, *Deum meum et Deum vestrum*, ad formam servi non pertinere, quia eis verbis post resurrectionem usus est Dominus, quasi formam servi resurrectione consumperit, ac non potius in melius commutaverit: quasi non qui mortuus est, ipse etiam resurrexerit; quasi non forma quae occisa est, ipsa revixerit; quasi non ipsa in coelum levata sit, in ipsa Dei Filius se-deat ad dexteram Patris, in ipsa venturus sit ad vivos et mortuos judicandos. Nonne clarissima contestatio est Angelorum dicentium, *Sic veniet, quemadmodum vidistis eum euntem in caelum* (Act. i, 11). Cur ergo post resurrectionem non diceret, *Ascendo ad Patrem meum et Patrem regnum, Deum meum et Deum regnum* (Joan. xx, 17); quando in eadem forma fuerat ascensurus, propter quam ex tempore Deus est ejus, qui sine tempore Pater est ejus? Propter quam for-mam non solum post resurrectionem, verum etiam post judicium *subjectus erit ei, qui illi subjecit omnia* (I Cor. xv, 28). Quotquot ergo testimonia posuisti, quibus probares dictum esse Deum Christi, eum qui Pater est Christi, discutere quemadmodum dicta sint, superfluum judico: sed a te frustra commemorata esse, puto quod nec tu debebas dubitare.

2. Jam vero illud ubi Dominus in eadem carne quam resuscitaverat constitutus, et eundem hominem gressens, ait ad discipulos suos, *Data est mihi omnis*

potestas in celo et in terra: cunctes ducete omnes gentes, baptizantes eos in nomine Patris et Filii et Spiritus sancti; docentes eos servare omnia quaecumque mandavi vobis (Matth. xxviii, 18-20): ut quid commemoraveris, et quid inde probare volueris, prorsus nescio. Numquid enim ait, *Data est mihi a Deo meo potestas?* Quod si dixisset, propter ipsam humanam formam dictum fuisse ambigi non deboret. Quia vero non dixit; quid isto testimonio volueris agere, non intelligo. Imo intelligo te id egisse, ut abundantius loquereris. Si enī tanquam Deo data est hæc potestas, nescienti eam Pater dedit, non indigent; quia gignendo dedit, non augendo. Si vero tanquam homini data est hæc potestas, quid habet questionis? An forte nos aduocare voluisti, quod baptizari Dominus jussit gentes in nomine Patris et Filii et Spiritus sancti? Ubi audiis unum nomen, et unam non vis intelligere deita-tem.

3. Quod autem dicas; et ante incarnationem Christi, Patrem dictum esse Deum ejus, quoniam scriptum est, *Unxit te Deus, Deus tuus; longe antequam Christus venisset in carne: itane non intelligis in prophetia esse prædictum, tanquam fuerit factum quod erat futurum? Annon sic in prophetia ait ipso Dominus, *Foderunt manus meas et pedes* (Psal. xxi, 18); et cetera quibus passionem suam tanto ante prenuntiavit, et quod futurum fuerat, tanquam jam factum esset expressit? Dictum est ergo in prophetia rerum futurarum, tanquam locutione rerum præteritarum, *Unxit te Deus, Deus tuus oleo exultationis præ participibus tuis:* participes ejus significans, qui futuri fuerant servi ejus, socii ejus, amici ejus, fratres ejus, membra ejus. Predictum est ergo quod futurum erat, ut ungeret Deus Christi hominem Christum: qui tamen sic factus est homo, ut maneret Deus. Ungeret autem, non visibili et corporali oleo, sed Spiritu sancto, quem Scriptura nomine olei exultationis, figurata, ut solet, locutione significat. Dicit autem, *Unxit;* non dixit, *Uncutus est:* quia in prædestinatione jam factum erat, quod suo tempore futurum erat. Ubi timens ne Spiritus sanctus, quo unctus est Christus, major videatur esse quam Christus, quia revera major est homine Christo; qui enim sanctificat, eo qui sanctificatur est major: hoc ergo timens, voluisti oleo exultationis eam letitiam significatam videri, qua Filius exultavit cum Patre, quando est condita crea-tura. Et commemorasti, ut soles, testimonia causa-tue non necessaria, de letitia Patris et Filii. Sed quid facturus es? quo iturus? Quomodo id quod est luce clarius, aut negaturus, aut in aliud quodcumque versurus es, cum recitatur tibi quod beatus Petrus in Apostolorum Actibus dixit: *Hunc Iesum a Nazareth, quem unxit Deus Spiritu sancto* (Act. x, 38). Ecce quod prophetabatur, quando dictum est, *Unxit te Deus, Deus tuus oleo exultationis, vel, oleo letitiae, præ participibus tuis.* Deus enim cui dictum est in eodem Psalmo, *Thronus tuus, Deus, in seculum seculi; virga directionis, virga regni tui: dilexisti justitiam, et odio habuisti iniuriam; propterea unxit te Deus, Deus**

iunus (Psal. xliv, 7, 8) : a Deo Patre unctus est Filius, qui sic homo factus est ut maneret Deus, qua unctione plenus erat, id est, Spiritu sancto. Propter quod de illo scriptum est : Jesus autem plenus Spiritu sancto, reverus est a Jordane (Luc. iv, 1).

CAPUT XVII.—4. Dicis in persona Spiritus sancti non posse suscipi quod de Filio dictum est, *Omnia per ipsum facta sunt, et sine ipso factum est nihil (Joan. i, 3)*. Et hoc ideo dicis, ut quibus potueris persuadreas, quod vobis male persuasum est, Spiritum sanctum non esse creatorem: quasi legeris, Omnia per ipsam facta sunt sine Spiritu sancto; aut, Omnia per neminem facta sunt, nisi per ipsum. Quanquam si et tale aliquid legeres, sic Spiritum sanctum ab hac operatione, qua constituta est creatura, credere non delerens exclusum; sicut Filius non excluditur ab ea scientia de qua dictum est, *Quae Dei sunt, nemo scit, nisi Spiritus Dei (I Cor. ii, 11)*. Si autem quia non est nominatus, quod etiam per illum facta sit creatura, quando de Filio dictum est, *Omnia per ipsum facta sunt*; ideo putas Dei Spiritum non esse creatorem: procul dubio, nec in ejus nomine poteris baptizatos dicere, quibus ait Petrus, *Agite paenitentiam, et baptizetur unusquisque vestrum in nomine Domini Iesu Christi (Act. ii, 38)*; quia non ait, Et Spiritus sancti: nec in Patris nomine, quia nec ipse ibi est nominatus. Si autem etiam non nominatis Pater et Spiritu sancto, in nomine Jesu Christi jussi sunt baptizari; et tamen intelliguntur non baptizati nisi in nomine Patris et Filii et Spiritus sancti: cur non sic audis de Filio Dei, *Omnia per ipsum facta sunt*; ut et non nominatum intelligis ibi etiam Spiritum sanctum?

2. Nam quid excellentius in creaturis quam virtutes coelorum? Scriptum est autem: *Verbo Domini caeli firmati sunt; et Spiritu oris ejus, omnis virtus eorum (Psal. xxxviii, 6)*. Dixeras neque non me talia reperire in Scripturis divinis, quibus Spiritum sanctum aequaliter asseram Filio. Ecce reperi ubi etiam major possit videri, nisi revocet pietas, quae illum veraciter confitetur aequaliter. Nam utique majus aliquid sunt virtutes coelorum, quae firmatae sunt Spiritu oris Domini, id est Spiritu sancto, quam coeli, qui firmati sunt Verbo Domini, hoc est, unigenito Filio. Sed si consulas veritatem, res utraque ab utroque firmata est; et id quod de uno dicitur et de altero tacetur, de utroque intelligitur. Quid est autem inconsideratus, quam negare esse creatorem Spiritum Dei, cum Domino dicatur: *Ausores spiritum eorum, et deficient, et in pulvorem suum convertentur: emittes¹ Spiritum tuum, et creabuntur; et innovabis faciem terrae (Psal. cxi, 29, 30)*. Nisi forte minus idoneus erat Spiritus sanctus creandis rebus quae fuerant defecturæ, cum sit idoneus creandis quae sunt sine fine mansure. Paulo autem dixi: Quid est excellentius in creaturis quam virtutes coelorum? Quid dicam de carne Crea-

toris? Quandoquidem Creator ipse per quem facta sunt omnia, *Panis, inquit, quem ego dedero, caro mea est pro mundi vita (Joan. vi, 52)*. Quid ergo? Mundus per Filium factus est, et creator est Filius: ex eo ejus quæ data est pro mundi vita, per Spiritum sanctum facta est, et non est creator Spiritus sanctus? Cum enim virgo Maria dixisset angelo promittenti ei filium, *Quomodo fieri istud, quoniam virum non cognosco?* respondit angelus, *Spiritus sanctus superveniet in te, et virtus Altissimi obumbrabit tibi; propterea quod nasceretur ex te sanctum, vocabitur Filius Dei (Luc. i, 34, 35)*. Hic tu, quod in consequentibus quadam loco tuae prosecutionis adverti, asserere conaharis Spiritum sanctum præcessisse, ut mundaret et sanctificaret virginem Mariam; ac deinde veniret Virtus Altissimi, hoc est Sapientia Dei, quod est Christus (*I Cor. i, 24*); et ipsa, sicut scriptum est, ædificaret sibi domum (*Prov. ix, 1*), hoc est, ipsa sibi crearet carnem, non Spiritus sanctus. Quid est ergo quod ait sanctum Evangelium, *Inuenta est in utero habens de Spiritu sancto (Matth. i, 18)*? Nempe obstructum est os loquentium iniqua (*Psal. lxii, 12*). Si ergo cogitas os veraciter aperire, non solum Filium, verum etiam Spiritum sanctum creatorem carnis Filii confitere.

3. An forte dicturus es, ea facta esse per Spiritum sanctum quæ commemoravi, id est, quod omnis virtus coelorum per eum firmata sit, quod per eum creabuntur homines denuo, qui primo ita creaturæ ut convertantur in pulvorem suum; quod ipse carnem operatus est Christi (nam de anima nolo aliquid dicere, cuius difficultissima quæstio est); et si quid aliud per Spiritum sanctum creatum potuerit inveniri: non tamen omnia, sicut per unigenitum Filium, de quo dictum est, *Omnia per ipsum facta sunt*? Si hoc dicis, non times ne tibi dicatur, eo potiore esse Spiritum sanctum Filio, quod elegit sibi meliora quæ faceret, nec facere inferiora dignatus est? Sed quis hoc sapit, nisi qui desipit? Facta sunt ergo cuncta per Filium; absit, ut Spiritu sancto ab hoc opere separato: sicut de illis magnis operibus dictum est, *Omnia autem haec operatur unus atque idem Spiritus (I Cor. xii, 11)*; nec tamen ab hac operatione Filius separatur.

4. Magnum sane aliquid tibi dicere videris, quia dicas: *Filius erat in principio antequam aliquid esset; Pater vero, ante principium* Ubi legisti, ut habeas crederes? Unde præsumpsisti ut hac dices, ubi nec auctoritas illa, nec ratio est? Quid est enim ante principium, quandoquidem quidquid ante esset, hoc esset principium? Si ergo Pater ante principium est, ante seipsum est; quia et ipse principium est. Quid est autem, *In principio erat Verbum (Joan. i, 1)*; nisi in Patre erat Filius? Et ipse Filius interrogatus a Iudeis quis esset, respondit: *Principium, quia et loquor vobis (Id. viii, 25)*. Pater ergo principium non de principio; Filius principium de principio: sed utrumque simul, non duo, sed unus principium; sicut Pater Deus et Filius Deus, ambo autem simut non duo dii, sed unus Deus. Nec Spiritum sanctum

¹ Editi, emittes. At MSS., emittes. Et sic Augustinus, Enarr. in euangelio psalmum 105.

¹ Hic quod ad Lov. omissum est, ostendit.

ab utroque procedentem negabo esse principium : sed hæc tria simul sicut unum Deum, ita unum dico esse principium.

CAPUT XVIII — 1. Quid, si audieris, inquis, *Patrem dicentem, et Tecum principium in die virtutis tuæ, in splendoribus sanctorum, ex utero ante luciferum genui te* (Psul. cix, 3) ? Quid promittis, vel quid minaris, si audiero quod frequenter audio, et fideliter credo ? Sed hinc te nihil adjuvari, cur non videoas, plurimum miror. Sive enim ex persona sua hoc propheta dicat ad Dominum Jesum, sive ex persona Patris ad Filium, cum ego quæbas generationes Christi, et ex Deo Patre sine tempore, et ex homine matre in plenitudine temporis accipiam, venerer, prædicem, non est hoc testimonium adversum me. Sed moras innectere voluisse indicat te, ubi ego potius intelligo, quare *ex utero dixerit genui te* : quia hoc et tu ex persona Patris accipis dictum. Non enim quemadmodum corporis humani sunt membra disposita, sic habet uterum Deus ; sed verbum translatum est a corporali ad incorporalem substantiam, ut intelligeremus de Patris substantia genitum unigenitum Filium ; ac per hoc quid aliud quam unius ejusdemque substantie ? Ego itaque hoc testimonium proferre contra te debui : sed gratias ago quia communisti. Considera ergo quantum mali sit, quod ejusdem substantie Filium negatis, quem genitum confitemini ex utero Patris, injuriam gravissimam facientes Deo, tanquam illud quod ipse non esset, ex utero gignere potuisset. Nonne sentitis vos generationem Dei credere vitiosam, prædicare monstruosam, qui dicere audetis ex utero Dei processisse diversam naturam ? Si autem hoc, sicut debetis, horreis, respuitisque nobiscum, jam tandem concilium Nicenum et Homousion laudate ac tenete nobiscum.

2. Quis autem non videat defectum tuum, ubi cum andissem, me commemorante, in prophetia dixisse Christum suo Patri, *De ventre matris mee Deus meus es tu* (Psal. xxi, 11) ; ut intelligeremus ejus naturæ illum esse Deum quam Filius ipsis ex tempore de ventre matris accepit, Patrem vero naturæ illius quam de se ipse generavit : tu non inveniens quid responderes, tamen ne taceres dixisti, *Ex ventre matris natum profiteri Christum secundum carnem* ; et addidisti, *quod nec Judæi diffidunt*. Ac deinde quæsti, *Cur ista testimonia in medium non proferantur, quæ illam nativitatem demonstrant in principio, sicut et præcedens nos, inquis, instruit testimonium ?* Quasi ego illam nativitatem Christi, non temporalem, sed æternam, propter quam dictum est, *In principio erat Verbum*, non credam, non prædicem, non amplectar ; sed tantum *ex ventre matris natum asseram Christum* ? Ecce ego dico Deum Filium de Deo Patre sine tempore genitum. Quomodo sit autem etiam Deus ejus qui Pater est ejus, ostendi, propter hominem quem suscepit, et in quo natus est de ventre matris, sine concubitu hominis patris. Ad quod probandum testimonium dedi, ubi ait in prophetia Patri suo, *De ventre matris mee Deus meus es tu*. Tu qui dicis me ex

ventre matris natum profiteri Christum, quod nec Judæi diffidunt, quasi ego istam nativitatem Christi solam profitear ; noli per inania conari evadere, et dic potius quare mihi non responderis, ubi dicit Christus Patri, *De ventre matris mee Deus meus es tu*. Ad hoc enim quoniam vidisti non te habere quod diceres, aliam nativitatem quæ Dei de Deo est, interponendum putasti qua fugeres. Rogo te; quando quid respondeas non habes, quanto melius taceres ?

3. Si proper corpus, inquis, in quo se exinanivit, debitorem se sentit suo genitori ; multo magis qui illum tantum ac talem genuit, necesse est ut eum veneretur, eique offerat semper obsequium. Quodlibet de veneratione et obsequio Filii erga Patrem carnaliter scintias, Pater ejus, nisi de ventre matris ejus, non est Deus ejus. Jam quantumvis obsequatur Deo Patri Deus Filius, quoniam video te non intelligere quanta sit in illa generatione geniti et genitoris æqualitas, numquid ideo est diversa natura patris hominis et hominis filii, quoniam filius obsequitur patri ? Hoc est omnino intolerabile in vobis, quia de obsequio Filii diversam vultis probare substantiam Patris et Filii. Prorsus alia quæstio est, Utrum sint unius ejusdemque substantiae Pater et Filius ; et alia quæstio est, Utrum Patri Filius obsequatur. Interim verum Filium non negemus, qui nullo modo est verus Filius, si non est ipsius et Patris una eademque natura. Dicite ergo Deum Patrem ; et Deum Filium unius ejusdemque esse substantiae. Extorqueat vobis divinitas, quod humanitati donavit ipsa divinitas. Obsequitur homo patri suo, de quo natus est homo ; tamen obsequendo esse non desinit homo. Et si, non dico pariter honoratus, sed honoratior esset filius, gauderet pater, non inviderer : honoraret tamen etiam ille patrem, etsi non parvulus, accessu augendus ætatis, sed ei natus esset æqualis. Äqualem vero si pater homo potuisset, nullo dubitate genuisset. Quis ergo audeat dicere, Hoc nec Omnipotens potuit ? Addo ctiam, quia si posset homo, majorem se ipso melioremque gigneret filium : sed majus vel melius Deo quidquam non potest esse ; ergo ei verum Filium credamus æqualem. Quod si dixeris, Eo ipso major est Pater Filio, quia de nullo genitus, genuit tamen æqualem : cito respondebo, Imo ideo non est major Pater Filio, quia æqualem genuit, non minorem. Originis enim quæstio est, Quis de quo sit : æqualitatis autem, Qualis aut quantus sit. Proinde si admittit ratio veritatis ut æquali Patri Filius obsequatur æqualis, non negamus obsequium : si autem per obsequium minorem naturæ¹ vultis credere, prohibemus : nullo modo enim Deus Pater ut habere unici Filii posset obsequium, vellet denegare naturam.

4. Parentibus autem ut esset subditus Christus, non divinæ majestatis fuit, sed ætatis humanæ. Frustra itaque dixisti : *Si parentibus fuit subditus quos creavit* (Luc. ii, 51), quanto magis suo genitori qui eum tantum ac talem genuit ? Respondeatur cuius tibi :

¹ Am. et Er., minorem natum. Plures MSS., minorem naturam.

Si parentibus fuit subditus propter pueritiam, quanto magis Deo propter ipsam hominis formam? Quam formam cum immortalem fecerit, non morte perdidet; quid miraris si etiam post hujus saeculi finem subjectus erit in ea illi, qui ei subjecit omnia? Tu autem non propter formam servi dicis Filium Patri esse subjectum, sed quia cum tuptum ac talem genuit, id est magnum Deum, quamvis Patre ipso minorem: ubi ei Patri derogas, qui Filium sibi unicum, aut non potuit, aut noluit gignere aequalem; et ipsi Filio qui unus Patri non est generatus aequalis, et ideo perfectus est natus, ne unquam vel crescedo fieret, quod non potuit esse nascendo.

5. Non autem, ut putas, corpus tantum Filii, id est, corpus hominis, verum etiam humanum spiritum Patri dicimus esse subjectum: et secundum id quod homo factus est intelligimus dictum, *Cum autem omnia illi subjecta fuerint, tunc et ipse Filius subjectus erit illi qui ei subjecit omnia* (*I Cor. xv, 28*). Secundum id quod Christus est caput et corpus: caput scilicet ipse Salvator qui surrexit a mortuis, et sedet ad dexteram Patris; et Ecclesia quae est corpus ejus, plenitudo ejus, sicut apertissime dicit Apostolus (*Coloss. i, 18*). Ac per hoc cum omnia Christo subjecta fuerint, et capitum et corpori erunt sine dubitatione subjecta. Nam secundum id quod sine tempore Deus natus est, nihil unquam potuit ei non esse subjectum.

6. Scimus, quod nos commeniorandos putasti, *quia Pater non judicat quemquam, sed omne judicium dedit Filio* (*Joan. v, 22*). Velle tamen dices nobis, quomodo Pater non judicat quemquam, cum dicat ipse identidem Filius, *Ego non quaero gloriam meam; est qui querat, et judicet* (*Id. viii, 50*): ut scias ideo dictum, *Pater non judicat quemquam, sed omne judicium dedit Filio*; quoniam judicandis vivis et mortuis forma hominis apparebit, quam non habet Pater: propter quod ait propheta, *Videbunt in quem pupugerunt* (*Zach. xii, 10*). Sed invisibiliter etiam Pater erit cum eo, quia inseparabilis est ab eo. Si enim, *Non sum solus, quoniam Pater tecum est*, ait ipse moriturus (*Joan. xvi, 32*); quanto magis secum habebit Patrem, de mortuis et vivis judicaturus? Cum illo erit etiam Spiritus sanctus. Quomodo enim deseret eum Spiritus sanctus in regali sede, quo plenus regressus est a Jordane (*Luc. iv, 1*)? Quod itaque scriptum est ad Hebreos, *Nunc autem needum videmus omnia subjecta ei: cum autem modico minus ab Angelis minoratum videmus Iesum propter passionem mortis* (*Hebr. ii, 8, 9*); docere nos debet quomodo intelligendum sit quod scriptum est ad Corinthios, *Cum autem omnia illi subjecta fuerint: quia secundum id dictum est quod factus est homo, non secundum id quod est Deus*. Sic ergo in homine apparet, in quo per passionem mortis minoratus est modico minus ab Angelis, vivos et mortuos, judicabit, quando dicturus est: *Venite, benedicti Patris mei, percipite regnum* (*Matth. xxv, 34*). Quo tu testimonio non hominem, sed Deum minorem suum Patrem quasi probare voluisti: sed sicut ab eis qui intelligunt perspicitur, non probasti.

CAPUT XIX. — De Spiritu sancti autem gemini bus, quia non ipse gemit, sed inspirans nobis desiderium sanctum nos facit gemere quamdiu peregrinamur a Domino, jam tibi sufficienter respondisse me existimo. Et tales de Scripturis sanctis locutiones, quantum satis videbatur ostendi, quoniam sic dicitur gemere Spiritus sanctus, quia nos facit gemere; sicut dixit Deus, *Nunc cognovi* (*Gen. xxii, 12*), quando cognoscere hominem fecit. Non enim tunc cognoverat quod tunc se dixerat cognovisse, qui omnia scit antiquam fiant. Ad quod te respondere non possem, quid predest quia sentis, quando non consentis?

CAPUT XX. — 1. Jam etiam de verbis Domini ubi ait, *Ego et Pater unum sumus* (*Joan. x, 50*); nihil te respondere possum monstravi. Sed ut hic quoquo ostendam, si exemplis, ut dicas, quibus ego usus sum, vis probare quomodo dictum sit, *Ego et Pater unum sumus*; et ob hoc commemoras apostolicum testimonium, quod a me positum est, ubi ait. *Qui adhaeret Domino, unus spiritus est* (*I Cor. vi, 17*); die et tu, *Cum adhaeret Patri Filius, unus Deus et tu*. Non enim ait Apostolus, *Qui adhaeret Domino, unus sunt*; sicut dictum est, *Ego et Pater unum sumus*: sed ait, *unus spiritus est*. Cum autem tu non dicas, *Cum adhaeret Patri Filius, unus Deus est*; utquid et tu adhibes hoc Apostoli testimonium, ubi ait, *Qui adhaeret Domino, unus spiritus est*; nisi ut te etiam a te producto teste convincam? Nunc saltem distingue duo ista, que non potuisti, cum simul essemus, in nostra disputatione distinguere. Diligenter itaque attende quod dico. Quando de rebus duabus aut pluribus dicitur, *Unus est, vel, una est, et additur quid unus vel quid una*; et de his quae diversæ, et de his quae sunt unius substantiæ dici potest. Diversæ sunt enim substantiæ spiritus hominis et Spiritus Domini¹; et tamen dictum est, *Qui adhaeret Domino unus spiritus est*. Unius autem substantiæ sunt animæ hominum et corda hominum; de quibus dictum est, *Erat illis anima una et cor unum* (*Act. iv, 32*). Ubi autem dicitur de duabus aut pluribus, *Unum sunt, nec additur quid unum sunt*; non diversæ intelliguntur, sed unius esse substantiæ: sicut dictum est, *Qui plantat et qui rigat, unum sunt* (*I Cor. iii, 8*); et, *Ego et Pater unum sumus*. Tu autem qui Patrem et Filium diversas vis esse substantias, inventire non potuisti, ubi de diversis substantiis dictum fuerit, *Unum sunt*. Et qui non vis dicere, *Cum Filius adhaeret Patri, unus Deus est*; adhibisti et tu apostolicum testimonium quod ego adhibueram; sed adhibuisti contra te ipsum, ubi ait, *Qui adhaeret Domino, unus spiritus est*. Si enim de his qui diversæ substantiæ sunt, recte dici potuit, *unus spiritus est*; quanto magis de his qui unius substantiæ sunt recte dicitur, *Unus Deus est*? Si hoc intelligis, non te ad ea respondisse jam perspicis, et de consensu voluntatis te inaniter tam multa dixisse cognoscis. Etiam nos quippe incomparabilem consensum voluntatis atque individuale charitatis Patris et Filii et Spiritus sancti constituer, propter quod dicimus, *Hoc Trinitas*

¹ Antiquiores *Nss.*, et *Spiritus Dominus*.

unus est Deus. Sed nos hoc etiam, quod vos non dicitis, dicimus, propter unam eamdemque naturam alique substantiam, Hi tres unum sunt. Hæc si discreveris, et contentiosus esse nolueris, non te ad ea respondisse aliquid jam videbis, et de hac questione procul dubio jam tacebis.

2. Ubi autem dixit Eilius Patri, *Verum non quod ego volo, sed quod tu sis; quid te adjuvat quod tua verba subjungis et dicis, Ostendit vere voluntatem suam subjectam suo genitori: quasi nos. negemus, hominis voluntatem voluntati Dei debere esse subjectam? Nam ex natura hominis hoc dixisse Dominum cito videt, qui locum ipsum sancti Evangelii paulo attentius inquietur. Ibi enim dixit: *Tristis est anima mea usque ad mortem* (Matth. xxvi, 39, 38). Numquid ex natura unici Verbi posset hoc dici? Sed homo qui putas generare naturam Spiritus sancti, cur non etiam naturam Verbi Dei unigeniti tristem dicas esse potuisse? Ille tamen, ne quid diceretur tale, non ait, *Tristis sum; quamvis etiam si hoc dixisset, non nisi ex natura hominis oportuisset intelligi: sed ait, Tristis est anima mea; quam sicut homo utique habebat humanam. Quanquam et in hoc quod ait, Non quod ego volo; aliud se ostendit voluisse quam Pater: quod nisi humano corde non potuisset, cum insurmitatem nostram in suum, non divinum, sed humanum transfiguraret affectum. Homine quippe non assumpto, nullo modo Patri diceret unicum Verbum, Non quod ego volo. Nunquam enim posset immutabilis illa natura quidquam aliud velle quam Pater. Hæc si distingueretis, Ariani heretici non essetis.**

3. Nam et illud quod dictum est, *Descendi de cœlo, non ut faciam voluntatem meam, sed voluntatem ejus qui me misit* (Joan. vi, 58): potest quidem accipi etiam secundum id quod est unigenitum Verbum; ut ideo voluntatem non suam dixerit esse, sed Patris, quoniam de Patre est quidquid est Filius; non est autem de Filio quidquid est Pater: secundum quod dictum est, *Mea doctrina non est mea, sed ejus qui me misit* (Id. vii, 16); quoniam Patris doctrina ipse est qui Patris est Verbum, et utique non est a se ipso, sed a Patre. Et rursus cum dicit, *Omnia quæ habet Pater, mea sunt* (Id. xvi, 15); Patri se ostendit aequaliter. Non absurdum est tamen, ut etiam hoc secundum id quod homo factus est, dixisse accipiat: *Descendi de cœlo, non ut faciam voluntatem meam, sed voluntatem ejus qui me misit.* Secundus enim Adam, qui tollit peccatum mundi, isto modo se discrevit a primo Adam, per quem peccatum intravit in mundum (Rom. v, 12): quia iste non fecit voluntatem suam, sed ejus a quo missus est; cum ille fecerit suam, non ejus a quo creatus est. Nec moveat quomodo Christus secundum id quod homo est, descendenter de cœlo, cum de matre quæ in terra erat factus sit homo. Hoc enim propter unitatem personæ dictum est, quoniam una persona est Christus Deus et homo. Propter quod etiam: *Nemo, inquit, ascendit in cœlum, nisi qui de cœlo descendit, Filius hominis, qui est in cœlo* (Joan. iii, 13). Si ergo attendas distinctionem substantiarum,

Filius Dei de cœlo descendit, Filius hominis crucifixus est: si unitatem personæ, et Filius hominis descendit de cœlo, et Filius Dei est crucifixus. Ipse est enim Dominus gloria, de quo ait Apostolus: *Si enim cognorissent, nunquam Dominum gloriam crucifixissent* (I Cor. ii, 8). Propter hanc ergo unitatem personæ, non solum Filium hominis dixit descendisse de cœlo, sed esse dixit in cœlo, cum loqueretur in terra. Non ergo voluntatem suam fecit, quia peccatum non fecit: sed voluntatem fecit illius qui eum misit. Tunc enim facit homo voluntatem Dei, quando facit justitiam quæ ex Deo est.

4. Nec sic arbitremur a Patre missum esse Filium, ut non sit missus ab Spiritu sancto; cum vox ipsius sit per prophetam, *Et nunc Dominus misit me, et Spiritus ejus.* Hoc enim Filium dixisse, indicant ea quæ sunt dicta superius. Nam sic ad ista verba per ventum est: *Audite me, inquit, Jacob, et Israel quem ego vocabo. Ego sum primus, et ego sum in æternum; et manus mea fundavit terram, dextera mea solidavit cœlum. Vocabo illos, et astabunt simul; convenient etiam universi, et audient. Quis illis munitiavit hæc? Diligen te feci voluntatem tuam super Babyloniam, ut tollatur semen Chaldaeorum. Ego locutus sum, ego vocari; adduxi illum, et prosperam viam ejus feci. Convenite ad me, et audite ista. Nec enim ab initio in obscuro locutus sum: cum sibant, ibi eram; et nunc Dominus misit me, et Spiritus ejus* (Isai. xlvi, 12-16). Quid hoc apertius? Nec sic a Patre et Spiritu sancto missus est, ut se ipse non miserit: sicut a Patre ostenditur traditus, ubi legitur, *Qui Filio proprio non pepercit, sed pro nobis omnibus tradidit eum* (Rom. viii, 32); alio autem loco de ipso Filio dicitur, *Qui me dilexit, et tradidit, scipsum pro me* (Galat. ii, 20). Quomodo autem non facit voluntatem suam, qui dixit, *Sicut Pater suscitat mortuos et vivificat, sic et Filius quos vult vivificat* (Joan. v, 24): et cum ei dictum esset, *Si vis, potes me mundare;* respondit. *Volo, mundare;* et ad verbum continuo: *Est quod velle se dixit* (Matth. viii, 2, 3)? Sic et autem Filius facit voluntatem Patris, sic et Pater facit voluntatem Filii. Nam Filius dicit: *Pater, volo ut uhi ego sum, et isti sint necum* (Joan. xvii, 24). Non dixit Petrus, vel, Rogo; sed, *volo: ut isto volente faceret ille, sicut illo volente faciebat iste: et non alia ille, alia iste; sed que ille, hec etiam iste. Quæcumque enim Pater facit, hæc et Filius similiter facit* (Id. v, 19). Verba sunt ipsius, verba veritatis sunt, falsa esse non possunt.

CAPUT XXI. — **1.** Suscipere te dicas quod protuli. *Nescitis quia templum Dei estis, et Spiritus Dei habitat in vobis* (I Cor. iii, 16)? Quod proposuisti¹ dicere idem dictum esse, quia in nomine habitat Deus, quem non ante Spiritus sanctus sanctificaverit, atque purgaverit; quasi templum Deo habitaturo, non sibi, sanctificet et purget Spiritus sanctus: cum Apostolus hinc ostenderit ipsum esse Deum, cuius nos dixerat templum: quia non ait, et Spiritus Dei sanctificat et purgat vos, ut Deus habitat in vobis; sed ait, *Spiritus Dei habitat in*

* Sic aliquot MSS. At editi, *quod potuerit.*

robis. Utique in templo suo Deus habitat: nam quid est templum Dei, nisi habitaculum Dei? Vidisti autem etiam tu consequenter esse Deum nostrum cuius sumus templum: et noluisti aliud testimonium commemorare quod protuli, *Nescitis quia corpus vestrum templum in vobis Spiritus sancti est, quem habetis a Deo?* Jam ergo constitere Deum esse Spiritum sanctum. Neque enim, nisi esset Deus, haberet templum, et templum non manufactum, sed aedificatum de membris Dei: *Christus enim super omnia est Deus benedictus in saecula* (Rom. ix, 5), cuius membra sunt nostra corpora. Qui enim dixit, *Nescitis quia corpus vestrum templum in vobis Spiritus sancti est?* ipse dixit, *Nescitis quia corpora vestra membra sunt Christi* (I Cor. vi, 19, 15)? Itane vero cui de lignis et lapidibus Salomon aedificavit templum, Deus est, et cui templum aedificatur de membris Christi, hoc est, de membris Dei, Deus non est? cum loquens de Deo beatissimus martyr Stephanus dixerit: *Salomon aedificavit ei domum; sed Summus non in manufactis templis inhabitat* (Act. vii, 47, 48). Et tamen Christi membra, quorum caput est super omnes caelos, templum sunt Spiritus sancti, quem constat venisse de caelo. Istum negare Deum quid est, nisi non esse et nolle esse templum ejus? Alloquitur nos Apostolus dicens: *Obsecro autem vos, fratres, per miserationes Dei, ut exhibeatis corpora vestra hostiam vivam, sanctam, Deo placentem* (Rom. xii, 1). Corpora itaque fidelium hostia sunt Deo, membra Christi, templum Spiritus sancti, et Deus non est Spiritus sanctus! Quis hoc dicit, nisi in quo non inhabitat? Quoniam in quo habitat, utique templum ejus est. Denique cum dixisset Apostolus: *Nescitis quia corpus vestrum templum in vobis Spiritus sancti est, quem habetis a Deo, et non estis vestri? empti enim estis pretio magno; continuo secutus adjunxit, Glorificate ergo Deum in corpore vestro* (I Cor. vi, 19, 20). Ubi dilucide ostendit Deum esse Spiritum sanctum, glorificandum scilicet in corpore nostro, tanquam in templo suo. Et quod Ananias dixit apostolus Petrus, *Ausus es mentiri Spiritui sancto?* atque ostendens Deum esse Spiritum sanctum, *Non es, inquit, hominius mentitus, sed Deo* (Act. v, 3, 4).

2. Miror autem cor vestrum, quantum sermone explicare non possum, quomodo cum sic laudetis Spiritum sanctum, ut eum sanctificandis fidelibus ubique asseratis esse presentem, tamen negare audeatis Deum. Itane Deus non est, qui replevit orbem terrarum? Scriptura enim dicit: *Spiritus Domini replevit orbem terrarum* (Sap. i, 7). Sed quid dicamus quod replevit orbem, qui replevit orbis etiam Redemptorem? Dominus enim Jesus plenus Spiritu sancto regressus est a Jordane (Luc. iv, 1): et presumuntis dicere, quia ipse Dominus Jesus Deus erat, et Spiritus sanctus quo plenus erat, non erat Deus; tam male sentientes de Spiritu sancto, ut non ei tribuatis saltem quod tributum est Moysi famulo Dei, qui non munera gratiarum, sed plagarum prodigia in eodem Spiritu sancto, quia ipse est *digitus Dei* (Exod. viii, 19), *Egyptius ingerebat*, et tamen Pharaoni deus erat.

Uno loco erat ad affligendos *Egyptios*, et Pharaoni deus erat (Exod. vii, 1): ubique adest Spiritus sanctus ad homines in eternam vitam regenerandos, et non est eis Deus! Ino vero est, et Deus verus est, quia veri Dei membra templum ejus est. Et utique subjectum est templum illi cuius est templum: quomodo ergo Deus non est, cui sunt membra Dei subjecta? Ac per hoc et Dominus est templi sui: quis enim hoc neget, quis ita desipiat, ut dicat non esse aliquem dominum dominus sue? Quomodo ergo Spiritus sanctus non est Dominus, qui Dominus est membrorum Domini? Ipse est quippe Spiritus Domini, de quo una eodem loco dictum est: *Cum autem conversus fuerit ad Dominum, auferetur velamen. Dominus autem Spiritus est; ubi autem Spiritus Domini, ibi libertas* (II Cor. iii, 16, 17).

3. Jam creatorum superius demonstravi Spiritum sanctum: quomodo autem rex non est, cuius templum est quae membra sunt regis? Quomodo non concedet Patri et Filio, qui replevit Filium, qui membra Filii suam possidet dominum? Nisi forte quando Filius regressus est a Jordane, plenus erat Spiritu sancto; et quando sedere coepit ad dexteram Patris, exclusus a se Spiritum sanctum? Deinde cum de Patre procedat, quomodo cum Patre non sedcat? Cum ipsa sessio non sit utique cogitanda carnaliter: alioquin opinaturi sumus honorabilius Filium sedere quam Patrem; honorabilius quippe sedetur ad dexteram: et videbitur esse consequens ut Pater sedeat ad sinistram. Postremo qualis vobis persuaserit spiritus, ut sancto Spiritui denegatis quod sanctis hominibus sancta Scriptura concedit, vos videritis. Ait enim Apostolus: *Cum essemus mortui peccatis, convivificari nos Christo, cuius gratia sumus salvi facti; et simul excitavit, et simul sedere fecit in caelestibus in Christo Iesu* (Ephes. ii, 5, 6). Sancti ergo quos sanctificat Spiritus sanctus, convivificati Christo, ita simul sessuri praedestinati sunt, ut jam factum dicat Apostolus, quod certum est adfutrum: et ipsi Spiritui sancto subtrahitur a vobis quisquis est ille consensus, taoquam sedere cum Patre vel Filio sit indignus, qui eadem sede efficit dignos. Cui movetis etiam questionem quod non adoretur, et hoc utique simillimo errore, cum legatis, ut jam supra docui, a sanctis etiam homines adoratos. Et tamen ut invidiam blasphemantis evites; ita laudas Spiritum sanctum, ut tribuas ei quod non habet illa creatura, et detrahás ei quod adipiscitur et humana creatura.

CAPUT XXII. — 4. Dixisse me quod commemoras, fateor, et nunc dico, quod Salvator noster non dixerit, *Ut ipsi et nos unum; sed, Ut ipsi sint unum*. Et de his evangelicis verbis satis a me recolo iam fuisse responsum, cum ostenderem refellere te non potuisse quae dixi. Quoniam poposcit ut proferres uti legeris, *Unum sunt*, dictum esse de aliquibus rebus que non essent unius ejusdemque substantie: neque protulisti. Quid enim te adjuvat, quod dilectionis consensione affirmas dictum esse de Paulo et Apollo, *Qui plantat autem et qui rigat, unum sunt* (I Cor. iii, 8), cum eos non ostendas diverse fuisse substantie?

Ambo quippe homines erant. Si enim non diligerent invicem, natura unum essent, dilectione non essent: si autem unum natura non essent, unum dici dilectione non possent. Poscit ergo Filius ut ita sint unum, quomodo ipse et Pater unum sunt; id est, non solum natura, quod jam erant; verum etiam perfectione charitatis atque justitiae, pro sua capacitate naturae, quantum in Dei regno esse potuerint: ut etiam ipsi summe unum sint in natura sua, quemadmodum Pater et Filius summe unum sunt, quamvis in excellentiore atque incomparabiliter meliore natura sua. Dixit ergo ad Patrem Filius: *Pater sancte, servas in nomine tuo, quos dedisti mihi; ut sint unum, sicut et nos.* Non dixit, Ut sint unum nobiscum; aut, Ut simus unum ipsi et nos. Item paulo post: *Non pro his autem rogo tantum, sed et pro eis qui credituri sunt per verbum ipsorum in me; ut omnes unum sint, sicut tu Pater in me, et ego in te, ut et ipsi in nobis unum sint.* Neque hic dixit, Ut ipsi et nos unum simus, sed, unum sint in nobis. Quoniam homines qui natura unum sunt, summe atque perfecte secundum suum modum unum esse non possunt justitia plenitudine, nisi in Deo persiciantur, ut unum sint in Patre et Filio; id est, in ipsis unum, non cum ipsis unum. Adhuc sequitur, et adjungit: *Ut mundus credat quia tu me misisti, et ego claritatem quam mihi dedisti, dedi illis, ut sint unum, sicut nos unum sumus: ego in eis, et tu in me, ut sint consummati in unum.* Neque hic dixit, Ut nobiscum sint unum, aut, Ut ipsi et nos simus unum. Deinde cum addidisset, *Ut cognoscat mundus quia tu me misisti, et dilexisti eos sicut et me dilexisti; secutus adjunxit, Pater, volo ut ubi ego sum, et ipsi sint mecum (Joan. xvii, 21-24).* Ubi sum, inquit, mecum sint: non ait, Unum mecum sint¹. Hoc ergo voluit, ut cum illo essent, non ut illi et ipse unum essent. Quid est quod dicere voluisti, *Dilectionis fecit mentionem, et non substantiam?* Quamvis tu non eo loco ista Domini verba posueris, quo ab ipso sunt posita. Sed quid ad nos? quandoquidem non ipsos et se, vel ipsis et Patrem dixit aut voluit unum esse; sed ipsis unum esse voluit, quos noverat unius esse substantiam. *Sicut et nos, inquit, unum sumus: quos identidem noverat unius esse substantiam.*

2. Tu si vis aliquid respondere, ostende secundum Scripturam sanctam de aliquibus rebus dici, Unum sunt, quarum est diversa substantia. Hoc enim Christus non dixit, quod tamen tu ausus es dicere, id est, *Apostolos unum esse cum Patre et Filio, in eo quod in omnibus ad voluntatem Dei Patris respicientes, ad initiationem Filii subditi uni Deo Patri et ipsi inveniuntur (a).* Hec dicens, Deum et homines sanctos unum esse fecisti. Potest ergo quisquam sanctorum dicere, Ego et Deus unum sumus? Absit hoc a cordibus et oribus sanctis. Puto autem quod et vos a quocunque hoc audiatis, horrescatis, nec fertis quemquam hominem, quantolibet munere sanctitatis excellat, dicentem, Ego et Deus unum sumus. Sed forte arro-

gantiae videatur, si hoc de se ipso aliquis dicat. Hanc vero quisquam vestrum elsi non audet dicere, Ego et Deus unum sumus; saltem audet dicere, Paulus et Deus unum sunt; sicut incunctanter dicimus, Paulus et Apollo unum sunt; Deus Pater et Deus Filius unum sunt? Porro, si non audetis dicere, Quilibet homo sanctus, quilibet propheta, quilibet apostolus, et Deus, unum sunt; quis te urgebat, quis te impingebat, quis te præcipitabat², ut dices, *Apostoli unum sunt cum Patre et Filio? Unum sunt, inquit, Pater et Filius, non tamen unus: continuoque subiungis, Unum ad concordiam pertinet; Unus, ad numerum singularitatis.* Volebas autem dicere, Unum sunt, ad concordiam pertinet; Unus est, ad numerum singularitatis: sed te a consideratione verborum tuorum impetus disputationis avertit. Nam et Unum et Unus utique ad numerum pertinet singularem. Sed quod verum³ est; Unum sunt, propter id quod additum est, Sunt, pluralem indicat numerum, quadam singularitate connexum: Unus est autem, aperi- tissime est numerus singularis. Sed numquid Apostolus diceret, Qui autem adhaeret Domino, unum sunt? Quid enim aliud diceret, si hoc diceret, nisi, Homo sanctus, et Deus, unum sunt? Sed absit, absit ab illa sapientia ista sententia: et tamen dixit, *Qui autem adhaeret Domino, unus spiritus est (I Cor. vi, 17);* ut noveris de his dici, Unum sunt, quae unius sunt ejusdemque substantie: sicut quibusdam hominibus dictum est, *Omnes enim ros unum estis in Christo Iesu (Galat. iii, 28);* et sicut ait ipse Christus, *Ego et Pater unum sumus (Joan. x, 30).* Cum autem unus dicatur, et quid unus dicitur⁴: et de diversis substantiis dici potest, sicut dictum est, *Qui adhaeret Domino, unus spiritus est;* et de rebus unius substantiae, sicut dictum est, *Erat eis anima et cor unum (Act. iv, 32).* Erat, dixit; non dixit, Erant: quoniam dixit et quid erat; id est, anima et cor. Sic etiam de Patre et Filio, et, Unum sunt, dicimus, quia unius substantiae duo sunt: et, Unus est, dicimus, sed addimus quid unus; id est, unus Deus, unus Dominus, unus Omnipotens, et si quid hujusmodi. Satis me vobis duarum istarum locutionum arbitror inculcasse distantiam. Scrutare itaque Scripturas canonicas veteres et novas, et inveni, si potes, ubi dicta sunt aliqua, Unum sunt, quae sunt diversae naturae atque substantiae.

3. Sane falli te nolo in Epistola Joannis apostoli, ubi ait: *Tres sunt testes; spiritus, et aqua, et sanguis; et tres unum sunt (I Joan. v, 8).* Ne forte dicas spiritum et aquam et sanguinem diversas esse substantias, et tamen dictum esse, *tres unum sunt:* propter hoc admonui ne fallaris. Hec enim sacramenta sunt, in quibus non quid sint, sed quid ostendant semper at-tenditur: quoniam signa sunt rerum, alind existentia, et aliud significantia. Si ergo illa quae his signifi-cantur, intelligantur, ipsa inveniuntur unius esse sub-

¹ Apud Er. Lugd. et Ven., quis te urgebat, quis præcipitabat? M.

² Apud Lov. et quosdam MSS., verbum.

³ Sic MSS. Editi autem, et quid unus natura, et quid unum adjicitur.

⁴ Lov. et quosdam MSS. omittunt, Non ait, unum mecum sint
(a) Vide serm. 440, n. 4, tom. 3.

stantiae; tanquam si dicamus, Petra et aqua unum sunt, volentes per petram significare Christum; per aquam, Spiritum sanctum: quis dubitat petram et aquam diversas esse naturas? Sed quia Christus et Spiritus sanctus unius sunt ejusdemque naturae; ideo cum dicatur Petra et aqua unum sunt; ex ea parte recte accipi potest, qua ista duxit res quarum est diversa natura, aliarum quoque signa sunt rerum quarum est una natura. Tria itaque novimus de corpore Domini exisse, cum penderet in ligno: primo, spiritum; unde scriptum est, *Et inclinato capite tradidit spiritum*; deinde, quando latens ejus lancea perforatum est, sanguinem et aquom (*Joan. xix, 30, 34*). Quae tria si per se ipsa intueamur, diversas habent singula quæque substantias; ac per hoc non sunt unum. Si vero ea, quæ his significata sunt, velimus inquirere, non absurde occurrit ipsa Trinitas, qui unus, solus, verus, summus est Deus, Pater et Filius et Spiritus sanctus, de quibus verissime dici potuit, *Tres sunt testes, et tres unum sunt*: ut nomine spiritus significatum accipiamus Deum Patrem: de ipso quippe adorando loquebatur Dominus, ubi ait, *Spiritus est Deus* (*Id. iv, 24*). Nomine autem sanguinis, Filium: quia, *Verbum caro factum est* (*Id. i, 14*). Et nonnihil aquæ Spiritum sanctum: cum enim de aqua loqueretur Jesus, quam datus erat sicutientibus, ait evangelista, *Hoc autem dixit de Spiritu, quem accepturi erant credentes in eum* (*Id. vii, 39*). Testes vero esse Patrem et Filium et Spiritum sanctum, quis Evangelio credit, et dubitat, dicente Filio, *Ego sum qui testimonium perhibeo de me: et testimonium perhibet de me, qui misit me, Pater* (*Id. viii, 48*)? Ubi etsi non est commemoratus Spiritus sanctus, non tamen intelligitur separatus. Sed nec de ipso alibi tacuit, eumque testem satis aperte monstravit. Nam cum illum promitteret, ait: *Ipsa testimonium perhibebit de me. Hi sunt tres testes: et tres unum sunt* (*Id. xv, 26*), quia unius substantiae sunt. Quod autem signa quibus significati sunt, de corpore Domini exierunt, figuraverunt Ecclesiam prædicantem Trinitatis unam eamdemque naturam: quoniam hi tres qui trino modo significati sunt, unum sunt; Ecclesia vero eos prædicans, corpus est Christi. Si ergo tres res quibus significati sunt, ex corpore Domini exierunt: sicut ex corpore Domini sonuit, ut baptizarentur gentes in nomine Patris et Filii et Spiritus sancti (*Matth. xxviii, 19*). In nomine; non, in nominibus: hi enim tres unum sunt, et hi tres unus est Deus. Si quo autem alio modo tanti sacramenti ista profunditas, quæ in Epistola Joannis legitur, exponi et intelligi potest secundum catholicam fidem, quæ nec confundit nec separat Trinitatem, nec abnuit tres personas, nec diversas credit esse substantias, nulla ratione respondendum est. Quod enim ad exercendas mentes fiduciam in Scripturis sanctis obscure ponitur, gratulandum est, si multis modis, non tamen insipiente exponitur.

CAPUT XXIII. — 1. Quid est autem quod posse ut astruam, Si pater et Filius et Spiritus san-

ctus unus est Deus: cum hoc astruat vox clarissima Scriptura divina dicens, *Audi, Israel; Dominus Deus tuus, Dominus unus est* (*Deut. vi, 4*)? Quid et vos utique audiretis, si Israel esse velletis, non carnaliter ut Judæi, sed spiritualiter ut Christiani. Qui enim non vult fideliter audire quod dictum est, *Audi, Israel; Dominus Deus tuus, Dominus unus est*; superest ut eum qui hoc dixit, credat esse mendacem. Si autem mendax ille non est, vox ista vera est: si vox ista vera est, quæstio ista finita est. Procul dubio quippe vos veritas cogit Patrem et Filium et Spiritum sanctum consitenti unum Dominum Deum. Sed Spiritum sanctum, cuius templum non manufactum, sed corpus est nostrum, cuius templum non ligna et lapides, sed membra sunt Christi, negatis Deum: de ipso Christo quid dicturi estis, quem Deum et Dominum consitenti? Respondete itaque nobis, utrum Pater et Filius unus sit Dominus Deus. Si enim non est unus, duo sunt: si duo sunt, mentitur qui dicit, *Audi, Israel; Dominus Deus tuus, Dominus unus est*; mentitur qui dicit, *Vide quoniam ego sum Deus, et non est aliis præter me* (*Id. xxxii, 39*). Sed quia illum mentem dicere non audetis, quare vos corrigere dubitatis, et venire vel redire ad catholicam fidem, quæ Patrem et Filium et Spiritum sanctum non tres dominos deos, sed unum Dominum Deum credit, et audit clamantem populo suo, *Audi, Israel; Dominus Deus tuus, Dominus unus est*; et, *Vide quoniam ego sum Dominus, et non est aliis præter me?* Si te dicam surdum et cæcum, qui nec audis ista, nec vides, contumeliosum sine dubio me putabis. Ecce non dico: expone nobis quomodo accipias, *Audi, Israel; Dominus Deus tuus, Dominus unus est*: utrum ibi sit intelligendus et Christus, an non sit. Si enim dixeris, Ibi est; consiteberis tecum Patrem et Filium unum esse Dominum Deum. Si autem responderis, Christum non esse ibi intelligendum, duos contra vocem divinam introducturus es dominos deos, quoniam non negas etiam Christum esse Dominum Deum. Similiter abs te quero quomodo accipias, *Vide quoniam ego sum Dominus, et non est aliis præter me.* Ibi est et Christus, an non est? Si ibi est, profecto Pater et Filius unus est Dominus: si autem ibi non est, et tamen Dominus est; mentitur qui dicit, *Non est aliis præter me.* Est enim aliis Dominus Filius, si non unus est Dominus Pater et Filius. Quantumlibet enim excellentius laudes Patrem, et infra eum deprimas Filium, id agis, ut æquales non sint, non ut duo non sint. Clama, quantum vis, Pater est major, Filius minor: respondetur tibi, Duo sunt tamen major et minor. Nec dictum est, *Dominus Deus tuus major, Dominus unus est*: sed dictum est, *Dominus Deus tuus, Dominus unus est*. Neque dictum est, Non est aliis æqualis mihi: sed dictum est, *Non est aliis Dominus præter me.* Aut ergo consitente Patrem et Filium unum esse Dominum Deum, aut aperte negas Dominum Deum esse Christum, sicut aperte negas Dominum Deum esse Spiritum sanctum. Quod si feceris, istis quidem te divinis vocibus non urgebo,

et alia testimonia divina proferam, quibus te et in
is:o errore detestabiliorum convincam¹. Nunc autem
et si negas Dominum Deum e:se Spiritum sanctum,
tamen ut istis Dei vocibus conteraris, satis est quod
Christum Dominum Deum confiteris: qui si non est
eum Pater unus Dominus Deus, duo domini dii nostri
erunt, et falsae illae Dei voces erunt, *Dominus Deus*
tuis, *Dominus unus est*; et, *Non est aliis præter me*.
Sed quanto melius erunt vestra verba emendata, quam
Dei verba mendacia?

2. Quæreris a me utrum, *Judaico modo te horter pro-*
fieri unum Deum; an de subjectione Filii potius secun-
dum quod fides habet Christiana, ostendatur unus esse
Deus, cuius Filius noster est Deus. Ita hoc dicas, quasi
Judeorum sit vox, *Audi, Israel; Dominus Deus tuus,*
Dominus unus est; aut, *Ego sum Dominus, et non est*
alius præter me. Ipse Deus hoc dixit: agnosce, et
tace; vel potius edissere quomodo verum dixerit,
quem nullus nostrum audet affirmare mentitum.
Edissere, inquam, quonodo verum sit, *Dominus Deus*
tuis, *Dominus unus est*; si domini dii nostri, ut dicis,
duo sunt, unus major, aliis minor: edissere
quomodo verum sit, *Ego sum Dominus, et non est*
alius præter me. Quis enim hoc dixerit quæro, utrum
Pater, an Filius. Si Pater dixit, *Ego sum Dominus,*
et non est aliis præter me; non veruni dixit, quia
est aliis Dominus Filius. Si Filius hoc dixit; nec ipse
verum dixit, quia est aliis Dominus Pater. Si autem
hoc dixit Trinitas; profecto et verum dixit, et vos
falsum dicere ostendit. Trinitas quippe secundum
rectam fidem, id est, Pater et Filius et Spiritus sanctus, in cuius nomine baptizamur, et unus Dominus Deus noster est, et præter ipsum aliis non est. Ipse est enim Deus de quo dicit Apostolus: *Nullus est Deus, nisi unus* (I Cor. viii, 4). Nam si hoc de Patre
acceperis dictum, non tibi erit Deus Christus, quia
non potest solvi Scriptura, dicens, *Nullus Deus, nisi unus*: ut hic vobis taceam de Spiritu sancto, quem
superius Dominum Deum ostendimus, vobis negantibus.
Quapropter si Macedoniani heretici essentis, qui
de solo Spiritu sancto catholice fidei consentire detrectant, Patrem vero et Filium duos quidem esse,
id est, illum Patrem, illum Filium, et æquales esse,
atque unius ejusdemque substantiae, nec tamen duos
dominos deos, sed ambos simul unum Dominum Deum
esse consentiunt: si ergo et vos saltem hactenus errareis, non utique his divinis vocibus urgescmini.
Patrem quippe et Filium assereretis unum Dominum Deum dixisse, *Non est aliis præter me*. Utinam non restaret agere vobiscum, nisi ut adjungeretis Spiritum sanctum, et non dualitatem, sed Trinitatem diceretis unum Dominum Deum. Nunc vero
cum sic asseritis Patrem Dominum Deum, et Filium
Dominum Deum, ut simul ambos non dicatis unum
Dominum Deum, sed duos, majorem unum, minorem
alterum; prorsus confodimini gladio veritatis dicentis,
Audi, Israel; Dominus Deus tuus, Dominus unus est:
qui clamat, *Ego sum Dominus, et non est aliis præter*

¹ Fr. Lugl. ven., detestabiliorum convincam. M.

me. Neque enim Deus Pater sic rellet Israëlitas a
cultu deorum revocare multorum atque falsorum, ut
eis de uno Deo ac Domino mentiretur, et diceret non
esse præter se aliud Dominum, cum sciret Deum et
Dominum esse suum Filium. Absit ut veritas et veri-
tatis Pater mendacio deciperet populum suum: ha-
reticorum sit haec, non catholicorum tam horrenda
et detestanda blasphemia. Prorsus Deus verum dicit,
cum dicit, *Audi, Israel; Dominus Deus tuus, Dominus*
unus est: quia Pater et Filius et Spiritus sanctus, non
tres dii, sed unus Deus; nec tres domini, sed unus
Dominus est. Prorsus verum dicit, *Ego sum Dominus,*
et non est aliis præter me; quia non hoc Pater tan-
tum, sed ipsa Trinitas dicit: hic est Dominus unus,
et non aliis præter ipsum. Nam si Pater diceret, *Ego*
sum Dominus, et non est aliis præter me; negaret ulti-
que Dominum esse unigenitum Filium. Et quis no-
strum auderet eum Dominum confiteri, contradicente
Patre atque dicente, *Ego sum Dominus, et non est aliis*
præter me? Ac per hoc secundum rectam fidem, non
Patris, sed Trinitatis haec vox est: et Patris ergo, et Filii,
et Spiritus sancti. Obiectesque igitur linguae ignorantium
veritatem: haec Trinitas Deus unus est. De hoc
uno Deo dicitur, *Audi, Israel; Dominus Deus tuus,*
Dominus unus est. Illic Deus unus dicit, *Ego sum Do-*
minus, et non est aliis præter me. Subjectus est quidem
Patri filius secundum formam hominis: non tamen
sunt duo dii et duo domini secundum formam Dei;
sed ambo cum Spiritu suo unus est Dominus.

3. Testimonia quæ de Paulo apostolo protulisti,
contra te loquuntur, et nescis. Dicit enim ille: *Grati-*
a vobis et pax a Deo Patre nostro et Domino Jesu
Christo (Rom. i, 7; I Cor. i, 3; II Cor. i, 2; Galat. i,
3, et Ephes. i, 2). Quonodo est autem Dominus Je-
sus Christus, si Pater dicit, *Ego sum Dominus, et non*
est aliis præter me? Non ergo solius Patris, ut dixi,
sed Trinitatis haec vox est. Adhibes alterum testimo-
nium, et ipsum contra te ipsum, ubi ait Apostolus,
Unus Deus Pater, ex quo omnia, et nos in ipso; et
unus Dominus Jesus Christus, per quem omnia, et
nos in ipso, sicut tu locutus es: Apostolus autem, et
nos per ipsum ait; non ait, *in ipso*. Sed hoc quid ad
causam? Solent ista contingere ex memoria proferen-
tibus testimonia, non ex codice illa legentibus: quod
ad rem pertinet potius intuire. Erce, dixit Apostolus,
Unus Deus Pater, ex quo omnia, et nos in ipso,
et unus Dominus Jesus Christus, per quem omnia, et
nos per ipsum (I Cor. viii, 6). Omnino duas personæ,
unam Patris, alteram Filii, sine ulla confusione et
sine ullo errore distinxit. Neque enim duo sunt dii
patres, sed unus Deus Pater: nec duo sunt domini
Iesu Christi, sed unus Dominus Jesus Christus. In
illa quippe Trinitate quæ Deus est, unus est Pater,
non duo vel tres; et unus Filius, non duo vel tres;
et unus amborum Spiritus, non duo vel tres: et ipse
unus Pater utique Deus est, et ipse unus Filius etiam
vobis fatentibus Deus est, et ipse amborum Spiritus
etiam vobis negantibus Deus est. Sic et Dominum si-
quaras, singulum quemque respondeo; sed simul

omnes non tres dominos deos, sed unum Dominum Deum dico. Hæc est fides nostra, quoniam hæc fides est recta, quæ fides etiam catholica nuncupatur. Tu autem qui huic fidei contradicis, queso te, expone nobis, etiam Jesus Christus quomodo sit Dominus, qui non Trinitatis, sed solius Patris esse asseris vocem, *Ego sum Dominus, et non est aliis præter me.* Nempe turbaris; nempe quid respondeas non invenis, nisi quia tacere, quando convinceris, non vis. Si enim non Deus Trinitas, sed Pater tantum dixit, *Ego sum Dominus, et non est aliis præter me*: procul dubio negavit esse Dominum Filium; quoniam si Dominus est et Filius, falso dictum est, *Non est aliis Dominus præter me.* Non enim agitur de Domino, quales sunt homines domini hominum servorum, quos Apostolus secundum carnem dominos esse dicit (*Ephes. vi, 5*): sed de Domino agitur, cui servitus illa debetur, quæ græce λαρπεια dicitur, secundum quam dictum est, *Dominum Deum tuum adorabis, et illi soli servies* (*Deut. vi, 13*). Qui Dominus Deus si non Trinitas, sed solus est Pater: prohibemur utique Domino Christo tali servitute servire, in eo quod audimus, *Ille soli ser-vies;* si ita dictum est, ac si dicceretur, Deo Patri soli servies. Qui profecto si solus, et non ipsa Trinitas, dixit, *Ego sum Dominus, et non est aliis præter me;* negavit esse Filium Dominum tamem, quali domino servitus illa debetur, quia non nisi Deo cum vera religione servitur. Non enim dixit, *Ego sum Dominus major aut melior,* et non est tantus aut talis præter me: sed volens sibi soli ea quæ Domino Deo debetur servitute serviri, *Ego sum,* inquit, *Dominus, et non est aliis præter me.* Porro si vox ista, sicut catholica fides dicit, unius Dei est, quod est ipsa Trinitas; sine ulla dubitatione huic soli serviendum est ea servitute, quæ non nisi Domino Deo debetur, quia ipse est Dominus, et non est aliis præter ipsum.

4. Deinde quæro quomodo accipias quod dictum est, *Unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum.* Numquid non et *ex Filio sunt omnia:* quandoquidem ipse dicit, *Quæcumque Pater facit, hæc et Filius similiter facit* (*Joan. v, 19*)? Si autem ita distinguis, ut non sint per Patrem omnia, sed *ex Patre;* nec omnia sint *ex Filio,* sed *per Filium:* quis eorum tibi videtur esse ille de quo idem apostolus dicit, *O altitudo diritarum sapientie et scientie Dei! quam inscrutabilia sunt judicia ejus, et investigabiles ritæ ejus!* *Quis enim cognovit sensum Domini?* Aut *quis consiliarius ejus fuit?* Aut *quis prior dedit illi, et retribuerat ei?* Quoniam *ex ipso, et per ipsum, et in ipso sunt omnia: ipsi gloria in sæcula sæculorum.* Amen (*Rom. xi, 33-36*). Utrum Pater est intelligendus, an Filius? Deum namque prius nominavit, dicens: *O altitudo diritarum sapientie et scientie Dei!* Postea vero eum Dominum appellavit, ubi ait: *Quis enim cognovit sensum Domini?* Sed hec non habet controversiam: utrumque enim nomen etiam vos et Patri assignatis et Filio. Neque enim sic dicitis Deum Patrem, ut negetis esse Deum Filium; *ut sic dicitis Deum Filium, ut negetis esse Deum Pa-*

trem. Quamvis in hoc apostolico testimonio quod adhibuisti, Deus dicatur Pater, Dominus Filius, id est, *Unus Deus Pater, ex quo omnia; et unus Dominus Jesus Christus, per quem omnia.* Sed illud attende ubi dictum est. *O altitudo diritarum sapientie et scientie Dei!* Nam sive Pater sit iste, sive Filius, *ex ipso, et per ipsum, et in ipso sunt omnia.* Quomodo ergo ex Patre omnia, non ex Filio; et per Filium omnia, non per Patrem: quandoquidem quemlibet eorum Apostolus voluerit hoc loco intelligi, *Ex ipso,* inquit, *et per ipsum, et in ipso sunt omnia?* Si ergo sive de Patre sive de Filio, verissime tamen dicitur, quod *ex ipso et per ipsum, et in ipso sunt omnia;* sine dubio Patris et Filii demonstratur æqualitas. Si autem quoniam non nominavit Patrem et Filium et Spiritum sanctum, sed Deum et Dominum, quod et ipsa Trinitas dici potest, singula horum trium referri ad singulos voluit: *ex ipso dicens, propter Patrem; et per ipsum, propter Filium; in ipso, propter Spiritum sanctum:* cur hanc Trinitatem unum Dominum Deum non vultis agnoscere? Quandoquidem non ait, Ex ipsis, et per ipsos, et in ipsis; sed ait, *ex ipso, et per ipsum, et in ipso sunt omnia:* nec ait, Ipsius gloria; sed, *ipsi gloria in sæcula sæculorum.* Amen.

5. Falleris sane, qui putas de Patre solo esse dictum, *Nemo bonus, nisi unus Deus.* Si enim dixisset, Nemo bonus, nisi unus Pater; nec sic exclusum Filium et Spiritum sanctum ab ista unitate bonitatis voluisset intelligi: quia et illud quod simili locutione dictum est, quam supra commemoravi, *Ea que Dei sunt, nemo scit, nisi Spiritus Dei* (*I Cor. ii, 11*): non excludit ab hac scientia Filium Dei. Quanto ergo nobis latitudo intelligentiae magis patet, quia non dixit, Nemo bonus, nisi unus Pater; sed, *Nemo bonus, nisi unus Deus;* quod est ipsa Trinitas. Quærebant quippe ille cui hoc respondit Jesus, non bonum quaecumque, sed bonum quo fieret beatus; imo ipsam beatitudinem veram, id est, vitam desiderabat æternam: et interpellaverat tanquam hominem Christum, nesciens eum esse etiam Deum. Dixerat enim: *Magister bone, quid faciam, ut vitam æternam consequar?* Tunc ait ille: *Quid me dicas bonum? Nemo bonus, nisi unus Deus* (*Marc. x, 17, 18*). Vel, sicut legitur apud alium evangelistam, quod tantumdem valet, *Nemo bonus, nisi solus Deus* (*Luc. xviii, 19*). Tanquam diceret: Recte me appellabis bonum, si me noveris Deum. Nam quando me nihil aliud quam hominem putas, quid me dicas bonum? Non te facit bonum nec beatum, nisi bonum immutabile quod solus est Deus. Nam bonus angelus, bonus homo, bona cætera creatura: hæc non ita bona sunt, ut ea quisquis adeptus fuerit, sit beatus; nec ulla est beata vita, si non sit æterna. Quomodo autem non est tale bonum Dei Filius verus, cum sit verus Deus et vita æterna, ad quam epihetat ille qui interrogaverat pervenire?

6. Proinde cum ego asseram, *Nemo bonus, nisi unus et solus Deus,* de ipsa Trinitate dictum esse, qui Deus unus et solus est; tu autem asseras de solo Deo Patre dictum esse, quia ipse de nullo alio Deus, de nullo

alio bonus est ; Filius autem de Patre Deus, de Patre magnus et bonus est · diligenter attende quis nostrum bene sentiat de Deo Patre et de Deo Filio ; utrum ego qui dico, Deus quidem Pater, non de alio Deo Deus est, Deus autem Filius de Patre Deo Deus est, sed tantus iste de illo, quantus ille de nullo ; et bonus Pater non de alio bono bonus est, Filius vero de Patre bono bonus est, sed tam bonus hic de illo , quam bonus ille de nullo : an tu qui propterea dicis solum esse Patrem, Deum bonum, quia nec Deus est de alio Deo , nec bonus de alio bono ; Filium vero ideo Patri non esse coequandum, quia de illo Deus est, de illo bonus est? In qua sententia utrumque blasphemias : et Patrem scilicet, quia non tantum genuit quantus est ipse, nec talem qualis est ipse ; et Filium, quia talis tantusque nasci non meruit, qualis quantusque est ille qui genuit. Denique ista ipsa duo de quibus agimus, hoc est, deitas et bonitas, quoniam dictum est, *Nemo bonus, nisi unus Deus*, in hac tua opinione desciunt. Tantum enim quantus est ipse, et talem qualis est ipse, si non potuit gignere, quomodo Deus est? si noluit, quonodo bonus est?

7. *Pater, inquis, fons bonitatis est, qui quod est bonus a nemine accepit.* Numquid ideo minus bonus est Filius, quoniam quod bonus est, ab eo Patre accepit, qui naseenti Filio tantam bonitatem quantacumque illi est, quia Deus est, dare potuit ; et dedit, quia bonus invidere non potuit ? Nam si minus bonitatis, quam quod ipse habet unico dedit, minus bonus est et ipse quam debuit : quod sentire dementia est. Ergo quantum ipse habet bonitatis, tantum Filio dedit¹. Et quia natura est, non gratia Filius , nascienti, non indigenti dedit ; et plenus plenum, fons bonitatis fontem genuit bonitatis. Ac per hoc nec auxit in se hic quod accepit, nec minuit in se ille qui dedit² : quia non habet immutabilitas unde desciat, non habet plenitudo quo crescat. Quid est autem ipsa bonitas , nisi vita vivificans ? Proinde quia fons fontem genuit, *sicut Pater suscitat mortuos et vivifical, sic et Filius quos vult vivifical* (*Joan. v, 21*). Hoc ipse Filius dixit, non ego. Unde merito Deo Patri dicitur, *Quoniam apud te est fons vitae*. Quis est autem iste fons vite apud Patrem, nisi de quo dicitur, *In principio erat Verbum, et Verbum erat apud Deum, et Deus erat Verbum*; *hoc erat in principio apud Deum*: de quo etiam paulo post dictum est, *Et vita erat lux hominum* (*Id. i, 1, 2, 4*) ? Itæ vita fons vite est, et lux ista lux lucis est. Unde cum dictum easet, *Apud te est fons vite*; continuo subiunctum est, *In lumine tuo videbimus lumen* (*Psalm. xxxv, 10*), hoc est, in Filio tuo Spiritum sanctum ; quem tu quoque esse illuminatorem in Collationis nostræ prima parte professus es. Fons ergo de fonte, Filius de Patre, et simul ambo fons unus : lux de luce, Filius de Patre, et simul ambo lux una : sicut Deus de Deo, et simul ambo utique Deus unus : et hoc totum non sine Spiritu amborum. Ex hoc fonte bonitatis, ex hoc fonte

vite, ex hoc immutabili lumine, ex hac indeficiente plenitudine, id est, Patre, et Filio, et Spiritu sancto, uno Domino Deo solo, secundum mensuram fidei sue quicumque veraciter credunt, sumentes boni sunt, vivificantur, illuminantur, implentur. Quibus tu unigenitum Filium, pace tua dixerim, nescio qua incredibili temeritate junxisti. Tua quippe ista sunt verba : *Sive, inquis, Filius, sive qui per Filium sunt facti, de illo uno fonte bonitatis unusquisque secundum mensuram fidei sue assumpserunt ut essent boni*. Ubi est ergo quod fueras ante confessus, illum natura Filium esse, non gratia³? Ecce contra sententiam tuam venis : ecce jani prodis nefarium secretum heresis vestræ, quia unigenitum verum Dei Filium, verum Deum, non natura Filium, sed gratia profitemini. Si enim et ipse, sicut verba tua clamant, secundum mensuram fidei sue, ut bonus esset, assumpsit ; gratia est ergo Filius, non natura : et fuit aliquando non bonus, et credendo factus est bonus ; quia ut esset bonus, quemadmodum dicis, secundum mensuram fidei sue de illo qui Pater est, fonte bonitatis assumpsit. Legimus quidem quod *Jesus proficiebat ætate et sapientia, et gratia Dei erat in illo* (*Luc. ii, 52*) : sed secundum formam hominis quam pro nobis accepit ex nobis, non secundum formam Dei, in qua non alienum arbitratus est esse æqualis Deo (*Philip. ii, 6*). Veruntamen etiam in ipsa forma hominis legimus eum ætate et sapientia profecisse, non tamen ut ex non bono bonus fieret credendo meruisse. Neque nunc inter nos quæstio vertitur de natura filii hominis, in qua Dei Filius minor est Patre : sed de natura Filii Dei, in qua, ut nos dicimus, vos negatis, æqualis est Patri : quia Filius verus, Filius unicus, Filius de vero Deo verus Deus, in nullo degeneravit a Patre. Proinde incomparabilem Patrem Filio, nec in Scripturis sanctis alicubi legere potuisti. Nec sana fide ipse dixisti immensum etiam Patrem; quoniam propterea dicis, ut Filius non pariter immensum, sed mensura existimes terminatum. Tecum habeto mensuram tuam, qua tuum falsum dominum metiaris, et de vero Domino mentiaris.

CAPUT XXIV. — Bene consideris quod et Pater diligit Filium, et Filius diligit Patrem : sed si et hoc confitearis, quia non est major dilectio in Patre quam in Filio. Quia enī natura divinitatis æquales sunt, æqualiter se invicem diligunt. Facit autem Filius sicut homo mandatum Patris. Nam sicut Deus, ipse Filius est mandatum Patris, quia ipse est Verbum Patris. Unde alio loco de mandato Patris, hoc est, de se ipso dicit : *Scio quia mandatum ejus vita æterna est* (*Joan. xii, 50*). Quod autem ipse Dei Filius sit vita æterna, Scriptura divina testatur. Ubi autem ait, *Qui me vidit, vidit et Patrem* (*Id. xiv, 9*); quis nesciat ideo dictum, quoniam quisquis per intelligentiam videt Filium, Patri utique videt æqualem? Quod vos ideo non vultis, quia per oculos cordis, quantum in hac vita videri potest, Filium non videtis.

¹ Quoniam MSS., tantum Unico dedit.

² Sic MSS. Editi vero, quod dedit.

³ Plures MSS., nos gratia.

CAPUT XXV. — Putas non recte a me dictum esse, quod propter formam servi quam suscepit Filius (*Philipp.* ii, 7), major sit Pater. Tu enim secundum hæresim vestram, in ipsa Dei forma Patrem Filio vis esse majorem: cui paternam sic invides formam, ut ideo perfectum velis natum esse Filium æterna perfectio-ne, ne ad paternam formam saltem crescendo valeat pervenire. Sed inaniter invidet homo paternam formam Dei Filio, cui Pater eam non invidit, quia æqua-lem sibi unicum genuit. Sed dicas non esse Patris magnam gloriam, si ea forma servi major est, qua forma sunt majores et Angeli. Vide si aliud conaris, nisi ad unius Patris gloriam, per unici Filii contumeliam pervenire, ut scilicet non augeatur Pater in glo-ria, nisi minutatur Filius in natura. Cobibe te: nesci et Patri et Filio te ingerere contumeliam, si nec ille potuit aut noluit gignere æqualem sibi, nec iste nasci æqualis Patri? Non se vult Deus ita laudari Patrem, ut Filium dicatur de se ipso generasse degenerem. Non vult bonus Filius dilector ita praedicari formam suam, ut eam non potuerit unicus ejus vel nascendo sumere, vel crescendo comprehendere. Quod autem tibi videtur nihil magnum de Deo Patre dici, si forma servi major est; qua majores videntur et Angeli: non recte cogitas quem locum in rebus habeat humana natura, quæ condita est ad imaginem Dei. Majores Angeli dici possunt homine, quia majores sunt homini corpori: majores sunt et animo, sed in forma quam peccati originalis merito corruptibile aggravat corpus. Natura vero humana, qualem naturam Christus humanæ mentis assumpsit, quæ nullo peccato potuit depravari, solus major est Deus. Denique propter quid dictum sit, *Minorasti eum modico minus quam angelos* (*Psalm.* viii, 6); aperuit Scriptura, ubi legitur, *Eum autem modico minus quam angelos minoratum vidimus Jesum propter passionem mortis* (*Hebrei.* ii, 9). Non ergo propter naturam hominis; sed, *propter pa-sionem mortis*. Natura vero hominis, que mente rationali et intellectuali creaturas cæteras antecedit, Deus solus est major: cui utique injuria facta non est, ubi scriptum est, *Major est Deus corde nostro* (*I. Joan.* iii, 20). Filius ergo Dei susceptum hominem levatur ad Patrem quando dicebat, *Si diligenteris me, gauderis utique, quia rado ad Patrem; quia Pater major me est* (*Joan.* xiv, 28); non carnis suæ solum, sed etiam menti, quam gerebat, humanae Deum Patrem utique præferebat: quæ tota sine dubio forma agno-scitur servi, quoniam tota servit creatura Creatori.

CAPUT XXVI. — 1. Postrema tibi disputatio fuit, quomodo sit Deus patribus visus, quando corpus humanum in quo videretur, nondum acceperat Chris-tus, cum invisibilis sit per se ipsa divina natura. Quod cum etiam tu ita confessus fueris ut inter cæ-tera non solum Patrem, sed nec ipsum Filium in substantia divinitatis suæ diceres esse visibilem, non solum hominibus, sed nec ipsis cœlestibus potestati-bus: postea, mutata sententia, dicas eum et ante in-earnationem suam conspectibus apparuisse morta-lium, asserens illud quod ait Apostolus, *Quem nemo*

hominum vidit, nec videre potest (*1 Tim.* vi, 16), de solo Deo Patre dictum esse; Filium vero ex initio generis humani videri solitum esse ab hominibus. Quod cum probare voluisses, multa de Scripturis sanctis testimonia protulisti, quæ te nihil adjuvare potuerunt. Non enim legis alicubi scripsisse Moysè, sicut dicas, quod ab illo primo homine Adam usque ad ipsam incarnationem semper Filius visus est. Ille enim eum describere pronuntias in Geneseos libro, quod ita falsum est, ut etiam ridiculum sit. Numquid enim liber Geneseos, ab Adam usque ad incarnationem Christi, ea quæ gesta sunt continet? aut ipse Moyses usque ad tempora incarnationis Christi, vel in carne vixit, vel ea quæ facta sunt scripsit? Ille dicas, et putas te aliquid dicere, vel putaris ab eis qui nec ista possunt, quæ tam manifeste falsa sunt; cernere.

2. Deinde quod commemoras Patrem ad Filium di- centem, *Faciamus hominem ad imaginem et similitudinem nostram*; quid hoc ad rem pertinet, rogo te? quid ad rem pertinet? Tantumne tibi vacabat loqui, ut non attendens quid probare susceperas, memoriter nobis et inaniter Scripturam Geneseos ventilares? Numquid hinc probatur ante carnem susceptam visus ab hominibus Christus, quia dixit Pater ad Filium, *Faci- amus hominem ad imaginem et similitudinem nostram?* Deinde adjungis, ac dicas, *Et fecit Deus hominem* (*Gen.* i, 26, 27): atque addis, *Quis Deus, nisi Filius?* Et ut mihi de opere quasi præscribas meo, *Hoc uique, inquis, et tu in tuis tractatibus exposuisti.* Ubi nolo querere quam verum loquaris, quando video nihil ad causam pertinere quod loqueris. Agitur quippe in- ter nos, utrum per suæ divinitatis substantiam Christus visibus apparuissest humanis. Et tu dicas, *Fecit Deus hominem:* et addis, *Quis Deus, nisi Filius?* quasi propterea necesse fuerit ut homo Deum opificem suum videret oculis carnalis. Hoc si ita esset, omnes homines viderent Deum: quis enim alius eos facit in uteris matrum? Adhuc adjicias talia, et dicas: *Iste ergo Filius qui est propheta sui genitoris, dicebat: Non est bonus solum esse hominem, faciamus ei adjutorium secundum se* (*Id.* ii, 18). Si queram, quis tibi indicaverit quia Filius hoc dicebat, in quibus angustiis te videbis? Scriptura enim quæ dixit, *In principio fecit Deus cælum et ter-ram*, non exprimens utrum Pater, an Filius, an Spiritus sanctus, an ipsa Trinitas fecerit, qui unus est Deus; per cætera etiam ita commemorat Deum, ut dicat, *Et fecit Deus, Et dixit Deus*, per quæque opera ejus, quorum illum asserit conditorem. Simili ergo locutione ait, *Et Dixit Deus, Faciamus hominem ad imaginem et similitudinem nostram.* Et fecit Deus hominem: nec aliter locuta est, ubi ait, *Non est bonus esse hominem solum; faciamus ei adjutorium secundum se.* Unde igitur tibi persuasum est, cætera superiora Pa-trem dixisse, hoc autem Filium? Unde, queso, dis-tinguis, unde discernis Patrem dixisse, *Fiat lux* (*Id.* i, 1-27), et cætera; Patrem denique dixisse, *Faciamus hominem;* et Filium dixisse, *Faciamus ei adjutorium:*

rum tibi Scriptura ubique non dicat nisi, *Dixit Deus?* Quae est ista temeritas? quæ præsumptio? Deinde cum ideo Patrem majorem soleatis asserere, quia dixit, *Fiat hoc*, aut illud, tanquam jubens Filio; *Filiū vero ideo minorem*, quia jussa perfecit: quid dicturi estis, ubi scriptum est, *Faciamus hominem?* Non enim ait sicut in superioribus, *Fiat homo*, tanquam id jus serit Filio: sed, *Faciamus*, inquit, *hominem*. Quod non quærō quem dixisse arbitraris: jam enim verba tua tenetius, quod Pater hoc dixerit Filio. Cur ergo non ait, *Fiat*, vel, *Fac*; sed ait, *Faciamus?* An cetera Deus imperavit, et Filius fecit; hominem vero ambo fecerunt, sed Patre et jubente, et cooperante, Filio autem non jubente¹, sed tantum jussa faciente? Sed si propterea Patrem jubentem intelligis, quia scriptum est, *Dixit Deus, Faciamus hominem*: ergo jussit et Filius; quia tu ipse non Patrem accipis dixisse, sed Filium, *Faciamus ei adjutorium*. Et sicut illud ubi dictum est, *Et fecit Deus hominem*; obediisse jubenti Patri Filium vis videri, quia Pater dixerat, *Faciamus hominem*: ita etiam ubi legimus, *Et immisit Dominus soporem in Adam*, et sumpsit unam de costis ejus (*Gen. n, 21*), et cetera, quibus ostenditur factum homini esse adjutorium, obediisse Patrem jubenti Filio, te auctore, intelligamus; quia non Patrem, sed Filium dixisse asseris, *Faciamus ei adjutorium*.

3. Sed hæc ita loquor, quasi ad causam que a nobis agitur, quidquam pertineat, quodlibet hinc volueris credere aut suspicari. Prorsus, sicut dicens, Pater jussit, ubi dictum est, *Faciamus hominem*; et Filius obediens, ubi dictum est, *Et fecit Deus hominem*: prorsus sicut te delectat, Filius dixerit, *Non est bonum solum esse hominem*; *faciamus ei adjutorium*; sed talia dicens ipse non jusserit, quia hoc vultis: quomodo ostendis Filium qui hominem fecerit, ab homine visum? Quomodo ostendis Filium qui dixit, *Non est bonum hominem esse solum*; *faciamus ei adjutorium*, ab homine visum, vel ab ipsa muliere, si eam factam non vis a Patre, ne Filio Pater obediisse videatur; sed ipse eam Filius, tanquam sibi jubens sibique obediens, et faciendam dixit et fecit? Demonstra Filium visum esse a viro, visum esse a muliere. Demonstratur te quippe promiseras, et antequam incarnaretur visum fuisse humanis aspectibus Filium. Ostende promissa. Quid pergis in vacua? Quid deludis expectationem nostram, nec exhibes pollicitationem tuam? Multiplicas verba non necessaria, ut necessaria occupes tempora. Si propterea visus est a viro Filius quia fecit eum, et propterea visus ab ejus muliere quia fecit eam; desini, si audes, non posse Deum Filium et operari videntia, et a suis operibus, quamvis alia videntibus, non videri. Si autem hoc potest Deus Filius; ipse quippe usque nunc operatur cuncta videntia, et tamen eorum a se ipso creatis oculis non videtur; quid est quod dixisti? Cur ista de libro Genesio in tuo sermone posuisti? cur nobis necessaria temporum spatio superflua loquacitate finisti?

¹ Edi, et cooperante Filio, *Filio autem non jubente*, etc. Cestigantur ex MSS.

4. Sed iste, inquis, *Filius visus est Adæ*, secundum quod legimus, *Adam dicentem*, « *Vocem tuam audiui deambulantis in paradiſo*; et abscondi me, quia nudus sum » (*Gen. iii, 10*). Hoc ergo prius dices, homo bone, inde inciperes promissa monstrare. Quamvis et hic Adam, *Vocem tuam*, inquit, *audiui*: non ait, *Faciens* vel speciem tuam vidi. Et quod ait, *Abscondi me, quic nudus sum*; videri se a Deo timuit, non a se Deum visum esse monstravit. Nam si vox quando auditur, sequitur visio; visus est et Deus Pater quoties voce attestatus est Filio. Novimus quippe in Evangelio verba Patris sonantis, atque dicentis, *Tu es Filius meus dilectus*, etc. (*Marc. i, 11*), ubi auditus ab hominibus, non tamen visus est. Ac per hoc et in illis verbis quæ adjungis, ubi dicit, *Quis nuntiavit tibi quia nudus es?* et sequentia; potuit audiri, et non videri Deus. Non dum itaque aliquid ex eo quod promiseras dixisse te vide: et die tandem aliquid quod discutere debeamus, aut quod pro tua causa esse fateamur.

5. *Hic Deus*, inquis, et *Abrahæ visus est*. Visum esse Deum Abrahæ negare non possumus. Scriptura quippe fidelissima apertissime hoc loquitur, dicens: *Visus est autem illi Deus ad querum Mambre*. Sed neque hic expressum est, utrum Pater an Filius. Cum autem narraret Scriptura, quomodo ei visus sit Deus, tres viros illi appuruisse declarat, in quibus magis ipsa Trinitas, qui unus est Deus, recte intelligi potest. Deinde tres videt, et non dominos, sed Dominum appellat, quoniam Trinitas tres quidem personæ sunt, sed unus Dominus Deus. Sic autem narratur quod vidit Abraham: *Respiciens*, inquit, *oculis suis vidit*, et *ecce tres vii stabant super eum*; et *videns procurrerit in obviam illis ab ostio tabernaculi sui*, et *adoravit super terram*, et dixit: *Domine, si inveni gratiam ante te, ne prætereras servum tuum*. Hic videmus tres viros appuruisse, et unum Dominum dici, unumque Dominum rogari ne prætereat servum suum, quoniam congruit Deo visitare famulos suos. Deinde tres personas pluraliter alloquitur, dicens: *Sumatur nunc aqua, et lavem pedes vestros, et refrigerate sub arbore, et sumam panem, et manducate, et postea transibitis in viam vestram, propter quod declinastis ad servum vestrum*. Manifestum est eos tanquam homines invitari: non enim tale illis præberetur obsequium, quo indigentia reficerent corpora, nisi homines putarentur. Et Scriptura pluraliter eos respondisse commemorat: ait enim, *Ea dixerunt*, *Sic fac quemadmodum dixisti*. Non ait, *Ea dixit*; sed, *dixerunt*. Deinde cum esset parata refectio, dicit Scriptura: *Et apposuit ante illos*, et ederunt. Non ait, *Apposuit* ante illum, et edit. Sed ubi ad id ventum est, ut Abrahæ filius promitteretur ex Sara, quia dirinum offerebatur beneficium, non ut hominibus humanum exhibebatur obsequium, unum narrat Scriptura dicentem, *Ubi est Sara uxor tua?* Non enim ait, *Dixerunt autem ad illum*: sed ait, *Dixit autem ad illum*: *Ubi est Sara uxor tua?* Quis autem hoc dixerit, postea manifestat; ubi cum risisset Sara, ait eadem Scriptura: *Et dixit Dominus ad Abraham: Quare risisti Sara in semelipsa?* et cetera usque ad finem, tanquam

unus Dominus singulariter loquitur. Ac post haec, ut homines pluraliter abire narrantur, et dicitur: *Ex-
currentes autem inde viri, conspexerunt in faciem Sodo-
morum et Gomorrhæ; Abraham vero ambulabat cum
illis, ducens.* Rursus autem reddit Scriptura ad sin-
gularem numerum, ac dicit: *Dominus autem dixit: Nunquid celabo ego puerō meo Abraham quæ ego facio?* Deinde proinstititur Abrahæ præclara et copiosa poste-
ritas, et Sodomorum denuntiatur interitus. Sequens autem Scriptura dicit: *Et conversi inde viri, venerunt in Sodoma; Abraham autem erat adhuc stans ante Do-
minum. Et appropians Abraham dixit: Ne simul perdas justum cum impio; et erit justus tanquam impius?* Et post collocutionem Domini atque Abrahæ, sequitur Scriptura, et dicit: *Abiit autem Dominus, ut desiit loqui ad Abraham, et Abraham regressus est in locum suum.* Venerunt autem duo angelii in Sodoma ad vesperam. Hi sunt de quibus præulo ante dixerat: *Conversi inde viri
venerunt in Sodoma. Sed duos esse non expresserat, eum ab initio tres viros dixisset apparuisse Abrahæ, et hospitaliter ab illo esse susceptos, quos et abeuntes deduxit, ambulans cum eis.*

6. Fortassis ergo jam pronuntiare festinas, unum fuisse in eis Dominum Christum, qui singulariter pro-
mittebat et respondebat Abrahæ; duos vero illos, an-
gelos ejus, qui venerunt in Sodoma tanquam missi
angeli a Domino suo. Sed exspecta: quid properas?
Consideremus omnia diligenter, ac prius intueamur verba Domini loquentis Abrahæ: *Clamor Sodomorum,* inquit, *et Gomorrhæ multiplicatus est, et peccata eorum magna valde. Descendens ergo videbo, si secundum clamo-
rem ipsorum venientem ad me consummant.* Hic se ipsum descensarum digit in Sodoma, quo tamen non ipse descendit, sed angeli duo. Ipse quippe abiit, ut desiit loqui ad Abraham; *Abraham autem regressus est in locum suum.* Venerunt autem, sicut dictum est, duo angeli ad vesperam in Sodoma. Quid, si et in illis duobus angelis unus Dominus invenitur, qui secundum verbum suum in ipsis angelis descendit in Sodoma? Nonne manifestum erit in tribus illis viris unum Do-
minum visum fuisse, ubi quid aliud quam ipsa Trinitas figurata est? Sed videamus utrum nobis sancta Scriptura demonstret, etiam in illis duobus angelis, ut dixi, unum Dominum inventum, ne forte hæc ex nostro corde affirmasse videamur. Venerunt ergo duo angeli in Sodoma ad vesperam; *Loth vero sedebat, ut scriptum est, juxta portam Sodomorum.* Videns autem Loth, surrexit in obviam illis, et adoravit in faciem in terram. Vides nempe hic a justo viro angelos adoratos, et tu non vis adorari Spiritum sanctum, quem vos quoque omnibus angelis sine ambiguitate præponitis? Sed dicturus es, Homines esse credebat; nam et in hospitium tanquam homines invitavit. Hoc magis est contra te, qui dicas non adorari Spiritum sanctum, omnibus Angelis præferendum; cum videoas et homines inferiores Angelis a justis hominibus adorari. Sed adhuc dicturus es, Dominum adoravit: cum quippe in duobus illis, quos putabat esse homines,

¹ In editione Lov. deest, *angelis.*

tanquam in prophetis esse cognovit. Jam ergo probatum est, quod me per Scripturam sanctam demonstrarum esse promiseram, eumdem Dominum qui dictus fuerat abiisse ut cessavit loqui ad Abraham, in illis duobus angelis descendisse in Sodoma, sicut dixerat, et in eis ab homine justo agnitus fuisse. Exhibuit itaque hospitalitatem quomodo sanctis hominibus Dei, in quibus Deum esse cognovit, cum eos, sicut etiam ipse Abraham, angelos esse nesciret. Hi enim Patriarchæ sunt significati in Epistola ad Hebreos, ubi de hospitalitate loquens ait: *Per hanc quidam nescientes, hospitio receperunt an-
gelos (Hebr. xiii, 2).* Recepit ergo eis Loth, nesciens quod angelii essent, cognoscens tamen sicut ipso Do-
mino demonstrante cognoscere potuit, quis in eis esset, ut ea quæ interea facta sunt taceam, exiit, cum eis de Sodomis: quod anteqnam fieret, sicut Scriptura loquitur, *dixerunt viri ad Loth: Sunt tibi hic generi, aut filii, aut filia?* aut si quis tibi alius est in civitate, educ de loco hoc: quoniam perdimus¹ nos locum hunc; *qui exaltatus est clamor eorum ante Do-
minum, et misit nos Dominus conterere eum.* Ecce ubi apparet illud incendium Sodomorum per angelos fa-
ctum, quos misit Dominus; in quibus tamen et ipse erat: neque enim sic mittit suos, ut recedat ab eis. In eis ergo descendit in Sodoma, quod se facturum esse prædixerat, quando cum Abraham loquebatur: quod posteaquam fecit, abiisse ipse dictus est, et angelii venisse in Sodoma ad vesperam. Deinde paulo post, mox ut eduxerunt illum foras, et dixerunt, sicut eadem Scriptura narrat, *Salvam fac animam tuam; ne respexeris retro, nec steteris in tota regione; in monte salvum te fac, nequando comprehendaris:* dixit Loth ad illos, *Oro, Domine, quia invenit puer tuus misericordiam ante te,* etc. Quæ cum finisset loquendo, et elegisset sibi civitatem pusillam in qua salvaretur, sequitur Scriptura, et ei dicit esse responsum: *Ecce miratus sum² faciem tuam et super verbum hoc, ne everterem civitatem de qua locutus es. Festina ergo ut salvus sis ibi: non enim potero facere verbum, donec tu illo introeas (Gen. xviii et xix).* Quis hoc ei re-
spondit, nisi ille cui dixerat, *Oro, Domine?* Hoc autem ad ambos dixerat, non ad unum, sicut apertissime scriptum est, *Dixit autem Loth ad illos, Oro, Domine.* Agnovit ergo³ Loth unum Dominum in angelis duobus, sicut Abraham unum agnovit in tribus.

7. Non est cur dicatur: Ille abierat qui Dominus erat et cum Abraham locutus erat; duo vero angelii ejus erant qui in Sodoma, illo abeunte⁴, venerunt. Omnes enim tres viri dicti sunt qui apparuerunt Abrahæ, sicut Scriptura solet viros etiam angelos numerpare. Nec eorum alicui uni promptius et humilior Abraham obsecutus est quam duobus, sed æqualiter omnibus pedes lavit, æqualiter omnibus epulas mi-

¹ Sic vss. Editi vero, *perdemus.*

² Editi, *miseratus sum.* Al MSS., *miratus sum: uti hinc* 16 de Civitate Dei, cap. 29, *juxta graecum LXX, etiam nasa;* quod dici potest, *reveritus sum, suspici.*

³ In MSS., *agnoristi ergo.*

⁴ Sola fere editio Lov., *jubente.*

nistravit. Ergo in omnibus Deum vidit. Propter quod Scriptura predixerat, quod visus fuerat Deus Abrahæ ad quercum Mambre, sub cujus umbra arboris tres viros pavit, quos oculis corporis vidit : in eis vero Deum, non corporis, sed cordis oculis vidit, id est, intellexit atque cognovit ; sicut Loth in duobus, cum quo non pluriliter, sed singulariter loquebatur, eique respondebat etiam ipse tanquam unus. Primo quippe Abraham per tres viros illum audivit, postea per unum, qui duobus in Sodoma euntibus manens locutus est cum eo ; Loth autem per duos, tamen et Ipse unum Dominum, quem pro liberatione sua rogabat, et qui ei respondebat, audivit : cum ambo, id est, et Abraham et Loth, homines putarent eos qui angeli erant ; Deum vero in eis intelligerent qui erat, non putarent esse qui non erat. Quid sibi ergo vult ista visibilis Trinitas et intelligibilis unitas, nisi ut nobis insinuaretur quod ita tres essent Pater et Filius et Spiritus sanctus, ut tamen simul non tres dii et domini essent, sed unus Dominus Deus ? Tu autem dixisti, *Hic Deus visus est Abrahæ* : sciens te legisse quod scriptum est, visum esse Deum Abrahæ ad quercum Mambre : et volens quasi probare Dominum Filium visum esse illi patriarchæ, declinati ab illis tribus viris, et eos omnino tacuisti, in quibus narrat Scriptura Deum visum fuisse Abrahæ ; ne tu ipse nos admoneres unius esse substantiam Trinitatem Deum, sicut unius erant substantiae tres viri quos vidit Abraham : cum prædictisset Scriptura, *Visus est Deus Abrahæ*, nec tamen tres deos esse, quia et, *Visus est Deus*, dictum est ; non, visi sunt dii : et ipse Abraham tres vidit, et unum adoravit : a quo præteriri noluit ; ab uno responsa divinitatis accepit. Nec aliquos duos eorum duos esse deos sensit, sed unum in omnibus : quia et Loth duos vidit, et tamen unum Dominum agnoscit. Ubi mihi videntur per angelos significari Filius et Spiritus sanctus : quoniam se illi angeli missos esse dixerunt ; et de Trinitate quæ Deus est, solus Pater non legitur missus ; leguntur autem missi et Filius et Spiritus sanctus ; quorum non ideo est diversa natura : nam et illi viri per quos significati sunt, unius erant ejusdemque naturæ. Hanc ergo Scripturam qua convinci posses, astuto silentio devitasti. Et cum dixisses, *Hic Deus visus est Abrahæ* : volens Filium solum visum putari in eo quod in Genesi legitur, visum esse Deum Abrahæ, quomodo sit visus, dicere noluisti, ne ibi non solus Filius, sed Trinitas agnosceretur Deus.

8. Dixisti autem : *Si vis credere, quia Filius visus est Abrahæ, utique ipse Unigenitus in sancto affirmavit Evangelio sic : « Abraham pater vester exultavit ut videret diem meum ; et vidit, et gavisus est. » (Joan. VIII, 56).* O disputare, o probare promissa ! quasi dixerit Dei Filius, Abraham pater vester concupivit me videre ; et vidit, et gavisus est. Quamvis et hoc sic adhuc posset intelligi, quod sanctus Patriarcha oculis cordis viderit Dei Filium, non oculis carnis, unde inter nos vertitur quæstio. Sed cum dixerit Christus, *Abraham concupivit videre diem meum ; et vidit,* et

gavimus est ; cur non diem Christi intelligimus tempus Christi, quo erat venturus in carne, quod Abraham sicut et alii Prophetæ in spiritu potuit videro atque gaudere ? Neque hic igitur quod proposueras et pollicitus fueras, probare potuisti.

9. Post hæc venisti ad Jacob, qui luctatus est cum Angelo, quem scriptura ipsa Geneseos et hominem dicit et Deum. Nam ita legitur : *Remansit autem Jacob solus, et luctabatur homo cum illo usque in mane. Videlicet autem quod non potest ad eum, et tetigit latitudinem femoris ejus, et obstupuit¹ latitudo femoris Jacob, dum luctaretur cum eo ; et dixit illi : Dimitte me ; ascendit enim aurora. Ille autem dixit : Non te dimittam, nisi me benedixeris. Dixit autem ei : Quod est nomen tuum ? Ille autem dixit : Jacob. Et dixit ei : Non vocabitur amplius nomen tuum Jacob ; sed Israel erit nomen tuum, quia valuisti cum Deo, et cum hominibus potens es. Rogavit autem eum Jacob dicens : Enuntia mihi nomen tuum. Et dixit : Quare hoc interrogas tu nomen meum ? Et benedixit eum illic. Et appellavit Jacob nomen loci illius, *Aspectus Dei* : *Vidi enim Deum facie ad faciem, et salva facta est anima mea* (Gen. xxxii, 24-30). Ex ista lectione unicum Dei Filium et antequam venisset in carne visibiliter apparuisse conaris ostendere : ubi etsi non absurde Christus intelligitur figuratus, propter prophetiam futura nuntiantem, quia futurum erat ut Jacob in filiis suis qui crucifixerunt Christum, prævaluuisse Christo videretur ; et in filiis suis videret Christum facie ad faciem, et salva fieret anima Israelitarum qui fideliter hoc videbunt : tamen hunc hominem qui luctatus est cum Jacob, Osee propheta evidenter angelum dicit. Sic enim apud eum scriptum est de Jacob : *In utero supplantavit fratrem suum, et in labore prævaluit Deo, et confortatus est cum angelo, et potuit* (Osee xii, 3, 4). Sicut ergo in Genesi ille qui luctatus est cum Jacob, et homo et Deus dicitur² ; ita et ab hoc propheta et Deus et angelus. Ac per hoc ita qui erat angelus, dictus est homo, quomodo illi dicti sunt viri qui apporuerunt Abrahæ, quando nescientes³ et ipse et Loth hospitio receperunt angelos. Deus ergo erat in angelo, sicut est Deus in homine, maxime quando per hominem loquitur. Ita vero per hunc angelum figuratus est Christus, sicut per hominem. Nam et Isaac filius Abrahæ, quid erat in figura, nisi Christus, quando sicut ovis ad immolandum ductus est (Isai. lxi, 7), et quando sicut Dominus erucem suam, ita et ipse sibi quibus fuerat imponendum ligna portabat ? Postremo, quid mirramur per angelum figuratum esse Jesum, si non solum per hominem, verum etiam per pecudem figuratus est ? Nam quis alias erat ille aries qui cornibus tenebatur in vepre, nisi Christus crucifixus, vel spinis etiam coronatus. Hunc autem arietem pro filio, cui parcere jussus est, immolavit Abraham (Gen. xxii, 6-13). Ita enim homini parci Deus jussit, ut tandem ex*

¹ In MSS., obstupit.

² MSS., et Deus scitur.

³ MSS., quando videntes.

pecore, propter passionem Christi, quæ illo modo præannuntiabantur, mysterium sacri sanguinis impleretur. Si ergo putas proprietate, non figura, Christum fuisse angelum, qui luctatus est cum Jacob; potes dicere proprietate, non figura, Christum fuisse arietem, quem patriarcha immolavit Abraham: potes postrem dicere proprietate, non figura, Christum fuisse petram, quæ percussa ligno, siuenti populo potum largissimum fudit (*Exod. xvii, 6*). Sic enim dicit Apostolus: *Bibebant enim de spirituali sequente petra; petra autem erat Christus* (*I Cor. x, 4*). Figure iste non res ipse fuerunt, quibus figuris precedentibus res significabantur esse ventura: quæ figure per subjectam Deo creaturam, et maxime per Angelorum ministerium, mortalium exhibebantur aspectibus, Dei quidem agente potentia, sed tamen latente natura, sive Patris, sive Filii, sive Spiritus sancti.

40. Frustra itaque asseris Filium Dei visum fuisse ab hominibus, Patrem autem non fuisse visum: cum per subjectam sibi creaturam et Pater videri potuerit, et Filius, et Spiritus sanctus; per suam vero substantialiam nullus illorum visus est. Ergo Deus, sicut in frumentis hominum sensibus, magis significatus quam demonstratus est. Non itaque visus est sicut est: hoc quippe in futura vita promittitur sanctis. Unde dicit apostolus Joannes: *Dilectissimi, nunc filii Dei sumus, et nondum apparuit quid erimus: scimus autem quia cum apparuerit, similes ei erimus, quoniam videbimus eum sicuti est* (*I Joan. iii, 2*). Viderunt ergo et in hoc seculo Apostoli Dominum; viderunt, sed non sicut est. Denique Moyses eum sibi cupiebat ostendi, quanvis cum eo facie ad faciem Scriptura indice loquetur (*Exod. xxxiii, 13, 11*). Quod cum in mea superius prosecutione dixisse, quasi non audieris præteristi, eum tibi ejusdem meæ prosecutionis recitari ex tabulis universa voluisse. Non autem discernens quid sit videri Deum per substantialiam suam, et quid sit videri Deum per subjectam creaturam, in tantam blasphemiam decidisti, ut unigenitum Dei Filium per hoc ipsum quod Deus est mutabilem diceres: quandoquidem soli Patri putasti esse tribuendum quod scriptum esse dixisti, *Ego sum qui sum, et non sum mutatus*; quasi Filius vel Spiritus sanctus sit mutatus quando visibiliter apparuit, vel ille quod constat natus ex semina, vel iste in specie columbe aut igne linquis se humanis aspectibus monstrans. Unde jam respondi tibi in eo sermone, ubi ostendi non te refellisse quæ dixi. Nunc vero ut intelligas quomodo dixerit Deus, *Ego sum qui sum, et non sum mutatus*, vel quod scriptum magis inventur, *Ego enim Dominus, et non mutor* (*Id. 3, 14, et Malach. 3, 6*); quoniam non solus Pater, sed Deus unus hoc dixit, quod est ipsa Trinitas; Psalmum attende ubi legitur: *Tu in principio, Domine, terram fundasti, et opera manuum tuarum sunt cœli: ipsi peribunt; tu autem permanebis: et omnes sicut vestimentum veterascent, et velut tegumentum mutabis eos, et mutabuntur; tu autem idem in se es, et anni tui non deficiunt* (*Psal. ci, 25-28*). Hoc autem ad Filium Dei dictum es et in Epistola quæ est

ad Hebreos sancta Scriptura testatur (*Hebr. i, 10-12*). Quis vero non intelligat, ubi dicitur, *Cœli mutabuntur; tu autem idem ipse es; nihil dici aliud, nisi, Tu non mutaris?* Ac per hoc etiam Deo Filio convenit dicere, *Ego sum qui sum, et non sum mutatus*; vel, *Ego enim Dominus, et non mutor*. Quod tu ideo soli Patri assignasti, ut in sua substantia crederetur esse mutabilis Filius; tanquam ita suscepit hominem, ut in hominem verteretur. Hanc tantam blasphemiam non emendabis, nisi credideris, in assumpti me hominis accessisse Filio quod non erat, non autem recessisse vel defecisse quod erat.

41. Deinde quero, quis apparuerit Moysi in igne quando rubus inflammabatur, et non urebatur. Quanquam et illic angelum apparuisse Scriptura ipsa declarat, dicens: *Apparuit autem illi angelus Domini in flamma ignis de rubo. In angelo autem Deum fuisse*, quis dubitet? Sed quis Deus erat? utrum Pater, an Filius? Dicturus es, Filius: non vis enim Patrem ullo modo, vel per subjectam creaturam, visibus apparuisse mortaliū. Sed quodlibet horum eligas, ad utrumque respondeo. Si Pater erat, apparuit et Pater hominibus: si Filius erat, non mutatur et Filius. Ibi enim cum quæsisset Moyses, quis esset qui eum mitteret; ille respondit: *Ego sum qui sum*. Quod quid est aliud, nisi, Mutabilis non sum: sicut propheticum testimonium ipse posuisti, *Ego sum qui sum, et non sum mutatus*? Dixit etiam rursus ad Moysen: *Ego sum Deus Abraham, et Deus Isaac, et Deus Jacob* (*Exod. iii, 2, 14, 6, 15*). Aude, si potes, negare Deum Patrem Deum esse Abraham, et Isaac, et Jacob; si non ipso de rubo, sed Filius loquebatur. Si autem Pater, considerare etiam Patrem Deum hominibus visum. Si vero uterque est Deus Abraham, et Deus Isaac, et Deus Jacob, quod esse annuis; quid ambigis utrumque unum Deum? Jacob quippe ipse est Israel, cuius filius dicitur: *Audi, Israel; Dominus Deus tuus, Dominus unus est* (*Deut. vi, 4*).

42. Quapropter verum esse agnoscet quod dixi, divinitatem non per substantialiam suam, in qua invisibilis et immunabilis est, sed per creaturam sibi subjectam mortalium oculis apparuisse cum voluit. Non itaque sicut accipere vel accipi mea verba voluisti, ego divinitatem sic patribus ostendisse se dixi, tanquam eam voluerim credi visibilem, quam prius invisibilem dixeram esse: sed dixi, quando se patribus divinitas ostendebat, per subjectam creaturam se visibilem demonstrabat. Nam per ipsam suam naturam usque adeo invisibilis est, ut ipse Moyses ei cum quo facie ad faciem loquebatur diceret: *Si inveni gratiam ante te, ostende mihi temetipsum manifeste* (*Exod. xxxiii, 11, 15*). Ecce quod dixi: relege, et invenies me verum dicere; te autem non intelligere voluisse, vel non potuisse, quod dixi. Audi ergo id ipsum me aliquanto planius disserentem. Ego divinitatem Patris et Filii et Spiritus sancti in sua natura atque substantialia mortalibus oculis invisibilem dico. Eam vero se in

¹ Plures MSS., *Patria*.

formas visibiles vertere, absit ut dicam, quia et immutabilem dico. Restat ergo ut aspectibus humanis quando se ostendit ut voluit, per subjectam intelligatur hoc fecisse creaturam, quæ potest oculis apparere mortaliibus.

13. Quid est autem quod cum de Patre dixisses, *Unus est invisibilis*, unde jam satis est disputatum; addidisti, *Unus etiam incapabilis atque immensus?* Incapabilem quidem non legimus Deum. Cur sane dicas incapabilem, nescio. Si enim capi non potest, quomodo non solum Filius, verum etiam Pater veniunt ad hominem, sicut dicit ipse Filius, et mansionem apud eum faciunt (*Joan. xiv.*, 23)? Puto quod capiat eos apud quem faciunt mansionem. An forte dicis, Non ex toto, sed ex parte capiuntur? Dic quod vis: respondetur enim tibi. Non sunt ergo incapabiles, qui sunt vel ex parte capabiles. An ideo tibi non sufficit incapabilem dicere, sed addidisti, et immensum, ut exponeres quatenus incapabilem dixeris? id est, quia totius capax non est humana natura; immensus est enim? Verum hoc et de Filio dici potest. Neque enim quisquam sic capit unigenitum Verbum, ut ejus capacem se omni modo audeat profiteri. Prorsus etiam ipsum non esse dubitamus immensum. Nam quæro abs te, de quo accipias quod scriptum est: *Magnus est, et non habet finem; excelsus et immensus.* De ipso quippe paulo post dicitur: *Hic Deus noster, non æstimabitur aliis ad eum; hic invenit omnem viam disciplinæ, et dedit eam Jacob puero suo, et Israel dilecto suo; post hæc super terram visus est, et inter homines conversatus est* (*Baruch iii.*, 26, 36, 37, 38)? Quis est iste, responde? Quis est, inquam, *Magnus, et non habens finem; excelsus et immensus; qui super terram visus est, et inter homines conversatus est?* Video quos testus, quas patiaris angustias. Times dicere, Pater est; ubi audis, *super terram visus est, et inter homines conversatus est.* Tu enim Patrem per suam substantialiam revera invisibilem, nec per subjectam creaturam vis esse ab hominibus visum. Times dicere, Filius est; ubi audis, *non habet finem, excelsus et immensus.* Tu enim Patrem tantummodo esse contendis immensum. Times dicere, Spiritus sanctus est; ubi audis, *hic Deus noster.* Tu enim nec Deum vis esse Spiritum sanctum. Quid es acturus, quid responsurus, homo qui non vis esse catholicus, ut Christum sic accipias in forma servi super terram visum, et inter homines conversatum, ut tamen in forma Dei in qua invisibilis mansit, confitearis immensum? *Hic Deus noster, non æstimabitur aliis ad eum.* Quis alias, nisi Antichristus, quem verum Christum fides vera non estimat, sed eum pro vero Christo execrabilis Judeorum error exspectat?

14. Si oras, et petis, ut dicis, discipulus esse divinarum Scripturarum, ad rem pertinentia testimonia divina considera. Noli per multa quæ te nihil adjuvant, evagari: elige prudenter tacere quam inaniter loqui, quando non invenis quid respondas manifestissimæ veritati. Timere te ostendis, ne te nudem

discipulis tuis. Utinam tu Christo sic induaris, ut discipulos tuos magis ipsius velis discipulos esse quam tuos. Nam me non porrigit, quantum Dominus donat, operam dare ut tu et discipuli tui sub uno magistro sitis condiscipuli mei. Tractatu autem meo, cui post tantum tempus adhuc te responsorum esse promittis, si ita responsurus es, ut modo respondisti vel interrogationibus, vel prosecutionibus meis, non plane aliquid respondebis; sed ut homines non intelligentes quomodocumque decipias, non facelis. Ex his ergo omnibus, quæ sicut potui disputavi, satis apparet Patris et Filii et Spiritus sancti unam esse virtutem, unam esse substantialiam, unam deitatem, unam maiestatem, unam gloriam; quia ipsa Trinitas est unus Dominus Deus noster, de quo dictum est, *Audi, Israh;* *Dominus Deus tuus, Dominus unus est* (*Deut. vi.*, 4). Tunc autem dictum est, quando Dominus solus deducebat eos, et non fuit in eis deus alienus. Neque enim non eos deducebat et Christus, cum dicat Apostolus, *Neque tentemus Christum, sicut quidam illorum tentaverunt* (*I Cor. x.*, 9); aut Christus¹ non est Deus, aut Christus Deus est alienus. Hic est ergo Deus Pater et Filius et Spiritus sanctus, Trinitas unus Deus: cui uni jubemur ea que non nisi Deo debetur servitote servire, cum audimus, *Dominum Deum tuum adorabis, et illi soli servies* (*Deut. vi.*, 13). Neque enim hac servitute non servimus Christo, cuius membra sumus; aut Spiritui sancto, cuius templum sumus. Hæc Trinitas unus Deus dicit: *Ego sum Dominus, et non est aliis præter me* (*Id. xxxii.*, 59). Neque enim non est Dominus Christus, quem vos quoque Deum et Dominum confitemini; aut Spiritus sanctus non est Dominus domus suæ, hoc est templi sui. Ipse est quippe Spiritus Domini de quo dicitur: *Dominus autem spiritus est; ubi autem spiritus Domini, ibi libertas* (*II Cor. iii.*, 17). Hæc est Trinitas unus Deus, de quo dicit Apostolus: *Nullus Deus, nisi unus* (*I Cor. viii.*, 4). Non enim cum hæc auditis, Deum negare unigenitum audetis. Hic Deus Trinitas dicit: *Ego sum qui sum, et non sum mutatus* (*Exod. iii.*, 14, et *Malach. iii.*, 6). Non enim mutatus est Christus, cui dicitur: *Mutabis celos, et mutabuntur; tu autem idem ipse es* (*Paul. ci.*, 27, 28); aut mutabitur Spiritus veritatis, cum sit immutabilis veritas, cui tantum honorem dat ipse Christus, ut dicat, *Expedit robis ut ego eam: nisi enim ego abiens, Paracletus non veniet ad vos* (*Joan. xvi.*, 7): et, *Quicumque dixerit blasphemiam in Filium hominis, dimittetur ei; qui autem dixerit in Spiritum sanctum, non dimittetur ei* (*Math. xii.*, 52). Et cum de se ipso dixerit, *Ecce ego vobiscum sum usque ad consummationem sæculi* (*Id. xxviii.*, 20); de illo dixit, *Ut vobiscum sit in æternum* (*Joan. xiv.*, 16). His atque hujusmodi testimoniosis, quæ omnia quæcunque et colligere longum est, si pacifice acquiescas, eris, quæd orare et optare te dicis, divinarum Scripturarum discipulus, ut de tua fraternitate gaudemus.

¹ Editi, quibus christatus. Nelius MSS., aut christatus.

ITEM CONTRA ARIANOS.

IN TOMO II. — Epistolaæ CLXX, CXXXVIII, CXXXIX, CCXL, CCXLI et CCXLII.
 IN TOMO III. — Tractatus in Joan. XVIII, XX, XXXVI, XXXVII, LIX et LXXXI.
 IN TOMO V. — Sermones LII, CXVII, CXVIII, CXXXIX, CXL, CCCXLII et CCCLXXXIV.

ADMONITIO

IN LIBROS DE TRINITATE.



Prolixum de Trinitate opus per annos non paucos in manibus habuit Augustinus ; cum illud , ut ipse ad Aurelium scribit , juvenis inchoarit , senex ediderit. Quippe id facile intermittebat , quoties alii cuiquam incumbendum erat operi , quod pluribus profuturum existimabat ; ratus istud operosius et minus utile quam pleraque alia , quod res minus necessarias et a paucioribus intelligendas contineret. Hunc laborem suscepit in eorum potissimum gratiam , qui fidei auctoritatem non recipientes , mysteriorum veritatem ratione demonstrari sibi volebant. Cum enim in sacrarum rerum meditatione , cui se maxime deditum Vir sanctus in lib. I , cap. 3 , proflitetur , plura in dies et altiora divino illustratus lumine detegeret , non patiebatur charitas ipsum , quæ ex Dei dono accepisset , aliis denegare. Sperabat siquidem fore , ut aliis ministrando quæ legerent , ipse quoque proficeret ; ac aliis cupiens respondere querentibus , etiam ipse id quod quereret inveniret. Ergo suscepit , ait , lib. I , cap. 5 , hæc , jubente atque adjuvante Domino Deo nostro , non tam cognita cum auctoritate disserere , quam ea cum pietate disserendo cognoscere. Testatur in tertii libri exordio , stilum se perliberter suisce suppressurum , si res hujusmodi a Latinis invenirentur explicatae , aut Graeci qui de iis rebus tractarunt , essent latine redditi , aut alii denique curam respondendi questionibus ipsi propositis , quas , ait , pro persona mea quam in servitio Christi gero , necesse est me pati , vellent suspicere.

Argumentum suum variasque propositas circa id questiones et difficultates hoc ordine pertractat. In libro I summae Trinitatis unitatem et æqualitatem demonstrat ex Scripturis : earum testimonia que contra Filium æqualitatem perperam objectantur , quomodo interpretanda sint secundum catholicam fidem , ostendit.

II. Eamdem Trinitatis æqualitatem asserit , probans nihil obstare quæ de Filii missione ac Spiritus sancti , deque variis Dei apparitionibus dicuntur in Scripturis. Trinitatem enim totam in sua natura immutabilem , invisibilem , ubique præsentem , in missione qualibet vel apparitione inseparabiliter operari.

III. Quærerit an in prædictis Dei apparitionibus corporea tantummodo creatura formata sit , in qua Deus humanis ostenderetur aspectibus ; an Angeli jam ante existentes ita sint missi , ut ex persona Dei loquerentur , sive per corporalem speciem de corpore creatura assumptam , sive per suum ipsorum corpus in quas vellent species conversum : ita ut ipsa Dei essentia nunquam per se ipsam visa fuerit.

IV. Doctet ad quid missus sit Filius Dei. Cæterum , Filium Dei , quamvis missione factus sit minor , non ideo esse minorem quia misit eum Pater , nec ideo minorem Spiritum sanctum quia et Pater eum misit et Filius.

V. Pergit ad refellenda hæreticorum argumenta illa , quæ jam non e divinis libris , sed e suo sensu proferunt. Ac primum quod objectant gignere et gigni , vel genitum esse et ingenitum , quoniam diversa sunt , substantias esse diversas , refellit , ostendens ista de Deo non secundum substantiam dici , sed relative.

VI. In eos qui contra Filii æqualitatem disputant ex eo quod Christus ab Apostolo dictus sit *Dei Virtus et Dei Sapientia* , questionem proponit , annon et ipse Pater sapientia sit. Cujus tantisper dilata solutione , adhuc probat unitatem et æqualitatem Patris , Filii , ac Spiritus sancti ; et non Deum triplicem , sed Trinitatem dici et credi oportere. Tum explicat dictum Hilarii ; *Eternitas in Patre , species in Imagine , usus in Munere*.

VII. Quæstionem , quæ dilata fuerat , resolvit , docetque Patrem , Filium , et Spiritum sanctum esse unam virtutem et unam sapientiam , non secus atque unum Deum et unam essentiam. Quærerit postea quomodo dicatur in Deo , a Latinis una essentia , tres personæ ; a Græcis , una essentia , tres substantiæ vel hypostases.

VIII. Ratione etiam reddita monstrat , non solum Patrem Filio non esse maiorem , sed nec ambos simul aliquid majus esse quam Spiritum sanctum , nec quoslibet duos simul in eadem Trinitate majus aliquid quam unum , nec omnes simul tres majus aliquid quam singulos. Admonet ut ex veritatis intellectione , ex notitia summi boni , et ex insito amore justitiae , intelligatur natura Dei ; præsertim vero ut ipsius cognitione queratur per charitatem , in qua tria quedam velut Trinitatis vestigium inesse observat.

IX. Trinitatem in homine , qui imago Dei est , quamdam inveniri docet : mentem , et notitiam qua se novit , et amorem quo se notitiamque suam diligit ; et hæc tria esse inter se æqualia et unius essentia.

X. Aliam in hominis mente evidenterem reperiri trinitatem ; in memoria scilicet , intelligentia , et voluntate.

XI. Etiam in exteriori homine Trinitatis aliqua vestigia , veluti in corporali visione , deprehendi.

XII. Præmissa distinctione sapientie a scientia , ostendit in ea quæ proprie scientia dicitur , quamdam trinitatem : quæ licet ad interiorem hominem jam pertineat , nondum tamen imago Dei sit appellanda.

XIII. Repartam in scientia trinitatem exponit per commendationem fidei christianæ.

XIV. De sapientia hominis vera dicit , qua videlicet meminit , intelligit , et diligit Deum : ostendit quod in eo ipso sit homo imago Dei secundum mentem ; quæ quidem hic renovatur in agnitione Dei , tunc vero erit in ea imagine perfecta Dei similitudo , quando Dei perfecta erit visio.

XV. Quidquid in superioribus exposuit , compendiario sermone complectitur : ac postremo Trinitatem , la cuius perfecta visione nobis beata vita promittitur , ostendit a nobis hic videri tanquam per speculum et in ænigmate , dum videtur per imaginem Dei quod nos sumus.

Hosce libros in Retractationibus collocat inter opuscula circiter annum Christi 400 conscripta , quia illos eo tempore inchoavit. In epistola 120 , ad Consentium anno 410 missa , n. 13 , meminit operis de Trinitate , quod in manibus habebat , et ob argumenti præstantiam ac difficultatem nondum perficere potuerat. In 162 . ad Evodium , quæ ad annum 414 pertinet , scribit n. 2 se libros de Trinitate nondum edidisse : et in 169 ad eundem epistola , quæ exente anno 415 scripta est , se nondum illos complevisse , n. 4 testatur. Ex epistola 143 , ad Marcellinum data sub finem anni 412 , licet intelligere , n. 4 , amicos ab eo flagitasse , ut hos libros publicaret ; ipsum contra diutius eos retinuisse , quam vellent et ferrent. Unde conjicias priorem ipsam publicationem , quæ opere necdum absoluto facta est , non præcessisse annum 412. Constat autem alteram nonnisi longo post tempore factam , cum ipse in libro 13 citet illud quod scripserat in libro 12 de Civitate Dei , qui ante annum 416 perfectus non fuit. Libro 15 citat Tractatum 90 in Joannem. Ad istud opus Prosperus remittit lib. de Prædestinatione Sanctorum , cap. 8 , ratus id jam in Galliis haberi.

Cassiodorus senator , in Institut. cap. 16 , laudat quindecim libros , quos Augustinus de sancta Trinitate mirabili profunditate conscripsit , curiosa intentione meditando. Eosdem libros e latino sermone in græcum transtulit Maximus Planudes monachus , qui sub Andronico seniore vivebat , circiter annum 1350. Demetrius vero Cydonius sub Joanne Cantacuzeno , capita aliquot vertit ex ejusdem sermonibus. Has versiones Romæ asservari in bibliotheca Vaticana , testatur Possevinus in Apparatu. Vidimus Indicem Ms. codd. Græc. biblioth. Vatic. qui est penes V. C. Antonium Faure Doct. Theolog. Paris. et similem alium in codice Colbertinae bibliothecæ 5125 , in quibus hæc leguntur : Τοῦ μακαριωτάτου Αὐγουστίνου ἐπισκόπου Ἰππάνος περὶ Τριάδος βιβλίον τέταρτον τοῖς δίκαιοις ἀπερὶ τῆς Δασκαλίας διαλέκτου εἰς τὴν Ἑλλάδα μετήνεγκε ὁ σοφάτατος καὶ τεμέντας μοναχὸς Μάρκιος Πλακούδης. Item : Τοῦ μακαρίου Αὐγουστίνου ἐπισκόπου Ἰππάνος χερολαῖα εἰς τὸν αὐτὸν λόγον παραθηθέντα εἰς τὴν Δασκαλίαν διαλέκτου εἰς τὴν Ἑλλάδα μετήνεγκε Δημήτριος ὁ Κυδώνης. Vide Allatum , lib. 2 de utriusque Ecclesiæ Consensione , cap. 17 , § 4.

Domino beatissimo , et sincerissima charitate venerando , sancto fratri et consacerdoti papæ AURELIO AUGUSTINUS , in Domino salutem.

De Trinitate , quæ Deus summus et verus est , libros juvenis inchoavi , senex edidi. Omiseram quippe hoc opus , posteaquam comprei præceptos mihi esse sive subreptos antequam eos absolverem , et retractatos , ut mea dispositio fuerat , expoliarem. Non enim singillatim , sed omnes simul edere ea ratione decreveram , quoniam præcedentibus consequentes inquisitione prosciente nectuntur. Cum ergo per eos homines (quia priusquam vellem , ad quosdam illorum pervenire potuerunt) dispositio mea nequivisset impliri , interruptam dictationem reliqueram , cogitans hoc ipsum in aliquibus meis scriptis conqueri , ut scirent , qui possent , non a me fuisse eosdem libros editos , sed ablatos priusquam mihi editione mea digni viderentur. Verum multorum fratrum vehementissima postulatione , et maxime tua jussione compulsus , opus tam laboriosum , adjuvante Domino terminare curavi : eosque emendatos , non ut volui , sed ut potui , ne ab illis qui subrepti jam in manus hominum exierant , plurimum discreparent , Venerationi tuæ per filium nostrum condiaconum charissimum misi , et cuicunque audiendos , describendos , legendosque permisi : in quibus si servari mea dispositio potuisset , essent profecto etsi easdem sententias habentes , multo tamen enodatores atque planiores , quantum rerum tantarum explicandarum difficultas et facultas nostra patereatur. Sunt autem qui primos quatuor vel potius quinque etiam sine procemiis habent , et duodecimum sine extrema parte non parva : sed si eis hæc editio potuerit innotescere , omnia si voluerint et valuerint , emendabunt. Peto sane ut hanc epistolam , seorsum quidem , sed tamen ad caput eorumdem librorum jubeas anteponi. Vale. Ora pro me.

In libros de Trinitate vide lib. 2 , cap. 15 , Retractationum , tom. 1 , col. 635 , a verbis . Libros de Trinitate , n. 1 , usque ad verba , De Trinitate disserimus , n. 3 , col. 636 . M.



S. AURELII AUGUSTINI

HIPPONENSIS EPISCOPI

DE TRINITATE

Libri quindecim ^(a).

LIBER PRIMUS.

In quo secundum Scripturas sacras ostenditur unitas et æqualitas summæ Trinitatis, et quædam loca contra Filii æqualitatem allata diluvuntur.



CAPUT PRIMUM. — 1. Scribit contra eos qui ratione abutentes calumnianunt fidem Trinitatis. Error disputationum de Deo, ex triplici causa. Scriptura sacra remotis falsitatibus crebat gradatim ad divina. Immortalitas vera. Fide nutrimur, ut habiles ad divina capienda efficiamur. Lecturus hæc quæ de Trinitate disserimus, prius oportet ut noverit, stilum nostrum adversus eorum vigilare calumnias, qui fidei contemnentes initium, immaturo et perverso rationis amore falluntur. Quorum nonnulli ea quæ de corporalibus rebus, sive per sensus corporeos experta neverunt¹, sive quæ natura humani ingenii et diligentia vivacitate vel artis adjutorio perceperunt, ad res incorporeas et spirituales transferre conantur, ut ex his illas metiri atque opinari velint. Sunt item alii qui secundum humani animi naturam vel affectum de Deo sentiunt, si quid sentiunt; et ex hoc errore, cum de Deo disputatione, sermoni² sue distortas et fallaces regulas figunt³. Est item aliud hominum genus, eorum qui universam quidem creaturam, quæ profecto mutabilis est, nituntur transcendere, ut ad incommutabilem substantiam quæ Deus est, erigant intentionem: sed mortalitatis onere prægravati, cum et videri volunt scire quod nesciunt, et quod volunt scire non possunt; præsumptiones opinionum suarum audacius affirmando, intercludunt sibimet intelligentiae vias, magis eligentes sententiam suam non corrigere perversam, quam mutare defensam. Et hic quidem omnium moribus est trium generum quæ proposui: et eorum sci-

licet qui secundum corpus de Deo sapiunt; et eorum qui secundum spiritualem creaturam, sicuti est anima; et eorum qui neque secundum corpus, neque secundum spiritualem creaturam, et tamen de Deo falsa existimant, eo remotores a vero, quo id quod sapiunt, nec in corpore reperitur, nec in facto et condito spiritu, nec in ipso Creatore. Qui enim opinatur Deum, verbi gratia, candidum vel rutilum, fallitur; sed tamen hæc inveniuntur in corpore. Rursus qui opinatur Deum nunc obliviouscenti, nunc recordantem, vel si quid hujusmodi est, nihilominus in errore est; sed tamen hæc inveniuntur in animo. Qui autem putat ejus esse potentia Deum, ut seipsum ipse genererit, eo plus errat, quod non solum Deus ita non est, sed nec spiritualis nec corporalis creatura: nulla enim omnino res est quæ se ipsam gignat ut sit.

2. Ut ergo ab hujusmodi falsitatibus humanus animus purgaretur, sancta Scriptura parvulis congruens, nullius generis rerum verba vitavit, ex quibus quasi gradatim ad divina atque sublimia noster intellectus velut nutritus assureret. Nam et verbis ex rebus corporalibus sumptis usa est, cum de Deo loqueretur; velut cum ait, *In tegmine alarum tuarum protege me (Psal. xvi, 8)*. Et de spirituali creatura inulta transluit, quibus significaret illud quod ita non esset, sed ita dici opus esset; sicuti est, *Ego sum Deus zelans (Exod. xx, 5)*; et, *Pœnitet me hominem fecisse (Gen. vi, 7)*. De rebus autem quæ omnino non sunt, non traxit aliqua vocabula, quibus vel figuraret

ADMONITIO PP. BENEDICTINORUM.

De Trinitate libri quindecim recogniti diligenter et correcti sunt ad Gallicanos triginta MSS. Turonensem Ecclesie S. Gratiani, Carnotenses abbatiæ S. Petri duos, Andegavensem abbatiæ S. Albini, Laudunenses duos, majoris Ecclesie scilicet ac Vincentianæ, Remenses tres, unum cathedralis, alios duos Remigianæ Ecclesie, ad Theodericensem, Benigianum, Floriacensem, Vindocineensem, Michaelinum, Pratellensem, Beccensem, Lyreensem, Germanensem, Cisterciensem, Bigontianum, collegii Navarrae tres, Sorbonici quinque, Dominicanorum majoris conveutus Parisiensis unus, Augustinensem majoris conveutus unus, ad undecim Vaticanos, ad varias lectiones Belgicorum quinque apud Lov., tandem ad editiones Amerbachii, Erasmi et Theologorum Lovaniensium.

Comparavimus præterea eas omnes editiones initio Retr. et Confess., t. 1, memoratas. M.

¹ MSS. novemdecim, notaverunt.

² MSS. duo Vaticanæ, sermone.

³ Reperiuntur, figurunt, in MSS. quinque. In editis autem, fin-

gunt.

(a) Inchoati versus a. anno 400, absoluti circiter annum 416.

locationes, vel spissaret¹ ænigmata. Unde perniciosus et inanius evanescent, qui tertio illo genere erroris a veritate secluduntur, hoc suspicando de Deo, quod neque in ipso, neque in ulla creatura inveniri potest. Rebus enim quae in creatura inveniuntur, solet Scriptora divina velut infantilia oblectamenta fornare, quibus infirmorum ad querenda superiora et inferiora deserenda, pro suo modulo tanquam passibus moveretur affectus. Quæ vero proprie de Deo dicuntur, quaque in nulla creatura inveniuntur, raro ponit Scriptura divina; sieut illud quod dictum est ad Moyseum, *Ego sum qui sum*; et, *Qui est, misit me ad eos* (*Exod. iii, 14*). Cum enim esse aliquo modo dicatur et corpus et animus, nisi proprio quadam modo vellet intelligi, non id utique diceret. Et illud quod ait Apostolus, *Qui solus habet immortalitatem* (*I Tim. vi, 16*): cum et anima modo quadam immortalis esse dicatur et sit, non diceret, *solus habet*, nisi quia vera immortalitas incommutabilitas est, quam nulla potest habere creatura; quoniam solius est Creatoris. Hoc et Jacobas dicit: *Omne datum optimum, et omne donum perfectum desursum est, descendens a Patre lumine, apud quem non est commutatio, nec momenti obumbratio* (*Jacobi i, 17*). Hoc et David: *Mutabis ea, et mutabuntur; tu vero idem ipse es* (*Psal. ci, 27, 28*).

3. Proinde substantiam Dei sine ulla sui commutatione mutabilia faciente, et sine ullo suo temporali motu temporalia erantem, intueri et plene nosse difficile est: et ideo est necessaria purgatio mentis nostræ, qua illud ineffabile ineffabiliter videri possit; qua nondum prædicti, fide nutrimur, et per quædam tolerabiliora, ut ad illud capiendum apti et habiles efficiamur, itinera ducimur. Unde Apostolus in Christo quidem dicit esse omnes thesauros sapientiae et scientiae absconditos (*Coloss. ii, 3*): eum tamen quamvis jam gratia ejus renatis, sed adhuc carnalibus et animalibus, tanquam parvulis in Christo, non ex divina virtute in qua æqualis est Patri, sed ex humana infirmitate ex qua crucifixus est, commendavit. Ait namque: *Neque enim judicavi me scire aliquid in vobis, nisi Iesum Christum, et hunc crucifixum*. Deinde sequetus ait: *Et ego in infirmitate, et timore, et tremore multo fui apud vos* (*I Cor. ii, 2, 3*). Et paulo post dicit eis: *Et ego, fratres, non potui loqui vobis quasi spiritualibus, sed quasi carnalibus. Quasi parvulis in Christo, lac potum dedi vobis, non escam: nondum enim poteratis; sed nec adhuc quidem potestis* (*Id. iii, 1, 2*). Hoc cum dicitur quibusdam, irascuntur, et sibi contumeliose dici putant; et plerunque malunt credere eos potius, a quibus hoc audiunt, non habere quod dicant, quam se capere non posse quod dixerint. Et aliquando afferimus eis rationem, non quam petunt cum deo querunt; quia nec ipsi eam valent sumere, nec nos fortasse vel apprehendere vel proferre: sed qua demonstretur eis quam sint inhabiles minime que idonei percipiendo quod exigunt. Sed quia non audiunt quod volunt, aut callide nos agere putant ut nostram occultemus imperitiam, aut malitiosæ quod

eis invideamus peritiam; atque ita indignantes perturbatique discedunt.

CAPUT II. — 4. *De Trinitate quomodo hoc in opere disserendum.* Quapropter adjuvante Domino Deo nostro suscipiemus et eam ipsum quam flagitant, quantum possumus, reddere rationem, quod Trinitas sit unus et solus et verus Deus, et quam recte Pater et Filius et Spiritus sanctus unius ejusdemque substantie vel essentia dicatur, credatur, intelligatur; ut non quasi nostris excusationibus illudantur, sed re ipsa experiantur, et esse illud summum bonum quod purgatissimis mentibus cernitur, et a se proprieta cerni comprehendique non posse, quia humanae mentis acies invalida in tam excellenti luce non figitur, nisi per justitiam fidei nutrita vegetetur. Sed primum secundum auctoritatem Scripturarum sanctorum, utrum ita se fides habeat, demonstrandum est. Deinde si voluerit et adjuverit Deus, istis garrulis ratiocinatoribus, elationibus quam capaciорibus, atque ideo morbo periculosiore laborantibus, sic fortasse servienus, ut inveniant aliquid unde dubitare non possint, et ob hoc in eo quod invenire nequiverint, de suis mentibus potius quam de ipsa veritate, vel de nostris disputationibus conquerantur: atque ita si quid eis erga Deum vel amoris est vel timoris, ad initium fidei et ordinem redeant, iam sentientes quam salubriter in sancta Ecclesia medicina fidelium constituta sit, ut ad perceptionem incommutabilis veritatis imbecillem mentem observata pietas sanet, ne in opinionem noxiæ falsitatis temeritas inordinata præcipitet. Nec pigebit autem me, sicubi laesito, querere; nec pudebit, sicubi erro, discere.

CAPUT III. — 5. *Quid a suis lectoribus exposcat Augustinus. Lectorum tardiorum errores auctori non tribuendi.* Proinde quisquis haec legit, ubi pariter certus est, pergit mecum; ubi pariter hesitat, querat mecum: ubi errorem suum cognoscit, redeat ad me; ubi meum, revocet me. Ita ingredianur simul charitatis viam, tendentes ad eum de quo dictum est, *Quarite faciem ejus semper* (*Psal. civ, 4*). Et hoc placitum pium atque tutum coram Domino. Deo nostro cum omnibus inierim², qui ea quæ scribo legunt, et in omnibus scriptis meis, maximeque in his tibi queritur unitas Trinitatis, Patris et Filii et Spiritus sancti³; quia nec periculosius alicubi erratur, nec laboriosius aliquid queritur, nec fructuosius aliquid inventur. Quisquis ergo cum legit dicit, Hoc non bene dictum est, quoniam non intelligo; locutionem meam reprehendit⁴, non fidei; et forte vere potuit dici planius; verumtamen nullus hominum ita locutus est, ut in omnibus ab omnibus intelligeretur. Videat ergo cui hoc in sermone meo displiceret, utrum alias in talibus rebus questionibusque versatos intelligat, cum me non intelligit: et si ita est, ponat librum meum, vel etiam, si hoc videtur, abjectat; et eis potius quos iu-

¹ Lov., *interim*. Alii codices, *inierim*.

² Sic vss. supra viginti. At editi habent, *Pater et Filius et Spiritus sanctus*.

³ In excusis, *reprehendat*. Sed melius in MSS., *reprehendit*.

⁴ Editi, *spissaret*. At MSS. plerique, *spissaret*,

intelligit, operam et tempus impendat. Non tamen propterea potet me tacere debuisse, quia non tam expedita ac dilucide quam illi quos intelligit, eloqui potui. Neque enim omnia quae ab omnibus conscribuntur, in omnium manus veniunt: et fieri potest ut nonnulli qui etiam hæc nostra intelligere valent, illos planiores non inveniant libros, et in istos saltem incident. Ideoque utile est, plures a pluribus fieri diverso stilo, non diversa fide, etiam de questionibus eisdem, ut ad plurimos res ipsa perveniat; ad alias sic, ad alias autem sic. At si ille qui se ista non intellexisse conqueritur, nulla unquam de talibus rebus diligenter et acute disputata intelligere potuit; secum agat votis et studiis ut proficiat, non mecum querelis et conviciis ut taceam. Qui vero hæc legens dicit, Intelligo quidem quid dictum sit, sed non vere dictum est; asserat, si placet¹, sententiam suam, et redarguat meam, si potest. Quod si cum charitate et veritate fecerit, mihiique etiam (si in hac vita maneo²) cognoscendum facere curaverit, uberrimum fructum laboris hujus mei cepero. Quod si mihi non potuerit, quibus id potuerit, me volente ac libente præstiterit: ego tamen in lege Domini meditor, si non die ac nocte (*Psal.* 1, 2), saltem quibus temporum particulis possum; et meditationes meas, ne oblivione fugiant, stilo alligo: sperans de misericordia Dei, quod in omnibus veris qua certa mihi sunt, perseverantem me faciet; si quid autem aliter sapio, id quoque mihi ipse revelabit (*Philipp.* iii, 15), sive per occultas inspirationes atque admonitiones, sive per manifesta eloquia sua, sive per fraternalis sermoncinationes. Illoc oro, et hoc depositum desideriumque meum penes ipsum habeo, qui mihi satis idoneus est custodire quæ dedit, et reddere quæ promisit.

6. Arbitror sane nonnullos tardiores, in quibusdam locis librorum meorum opinaturos me sensisse quod non sensi, aut non sensisse quod sensi. Quorū errorem mihi tribui non debere quis nesciat, si velut me sequentes neque apprehendentes deviaverint in aliquam falsitatem, dum cogor per quædam densa et opaca viam carpere: quandoquidem nec ipsis sanctis divinorum Librorum auctoritatibus³ ullo modo quisquam recte tribuerit tam multos et varios errores hæreticorum; cum omnes ex eisdem Scripturis falsas atque fallaces opiniones suas conentur defendere? Admonet me plane ac mihi jubet suavissimo imperio lex Christi, hoc est charitas, ut cum aliquid falsi in libris meis me sensisse homines putant quod ego non sensi, atque idipsum falsum alteri displicet, alteri placet, malim me reprehendi a reprehensore falsitatis, quam ab ejus laudatore laudari. Ab illo enim quamvis ego non recte, qui hoc non senserim, error tamen ipse recte vituperatur: ab hoc autem nec ego recte laudor a quo existinor id sensisse quod vituperat veritas, nec ipsa sententia quam vituperat veritas. Ergo in nomine Domini susceptum opus aggrediamur.

¹ Sexdecim MSS., asserat ut placet.

² Editi, si dum in hac vita maneo. Absit, dum, a MSS.

³ MSS. tres e Vaticanicis, auctoribus.

CAPUT IV. — 7. *Quæ sit doctrina fidei catholicae de Trinitate.* Omnes quos legere potui, qui ante me scripsérunt de Trinitate, quæ Deus est, divinorum Librorum veterum et novorum catholici tractatores, hoc intenderunt secundum Scripturas docere, quod Pater et Filius et Spiritus sanctus, unius ejusdemque substantiae inseparabili æqualitate divinam insinuant unitatem; ideoque non sint tres dii, sed unus Deus: quamvis Pater Filium generet, et ideo Filius non sit qui Pater est; Filiusque a Patre sit genitus, et ideo Pater non sit qui Filius est; Spiritusque sanctus nec Pater sit nec Filius, sed tantum Patris et Filii Spiritus, Patri et Filio etiam ipse coequalis, et ad Trinitatis pertinens unitatem. Non tamen eamdem Trinitatem natam de virgine Maria, et sub Pontio Pilato crucifixam et sepultam, tertio die resurrexisse, et in cœlum ascendisse, sed tantummodo Filium. Nec eamdem Trinitatem descendisse in specie columbae super Iesum baptizatum (*Matth.* iii, 16); aut die Pentecostes post ascensionem Domini, sonitu facto de cœlo quasi ferretur status vehemens, et linguis divisis velut ignis sedisse super unumquemque eorum, sed tantummodo Spiritum sanctum (*Act. ii*, 2-4). Nec eamdem Trinitatem dixisse de cœlo, *Tu es Filius meus* (*Marc.* i, 11), sive cum baptizatus est a Joanne, sive in monte quando cum illo erant tres discipuli (*Matth.* xvii, 5); aut quando sonuit vox, dicens, *Et clarificavi, et iterum clarificabo* (*Joan.* xii, 28): sed tantummodo Patris vocem fuisse ad Filium factam; quamvis Pater et Filius et Spiritus sanctus, sicut inseparabiles sunt, ita inseparabiliter operentur. Hæc et mea fides est, quando hæc est catholica fides.

CAPUT V. — 8. *Difficultates de Trinitate: quomodo tres unus Deus, et inseparabiliter operantes præstant quædam sine invicem.* Sed in ea nonnulli perturbantur, cum audiunt Deum Patrem, et Deum Filium, et Deum Spiritum sanctum, et tamen hanc Trinitatem non tres deos, sed unum Deum; et quemadmodum id intelligent querunt: præsertim cum dicitur, inseparabiliter operari Trinitatem in omni re quam Deus operatur, et tamen quādam vocem Patris sonuisse, quæ vox Filii non sit; in carne autem natum, et passum, et resurrexisse, et in cœlum ascendisse nonnisi Filium; in columbae autem specie venisse nonnisi Spiritum sanctum: intelligere volunt, quomodo et illam vocem, quæ nonnisi Patris fuit, Trinitas fecerit; et illam carnem, in qua nonnisi Filius de Virgine natus est, eadem Trinitas creaverit; et illam columbae speciem, in qua nonnisi Spiritus sanctus apparuit, illa ipsa Trinitas operata sit. Alioquin non inseparabiliter Trinitas operatur, sed alia Pater facit, alia Filius, alia Spiritus sanctus: aut si quædam simul faciunt, quædam sine invicem, jam non inseparabilis est Trinitas. Movet etiam quomodo Spiritus sanctus in Trinitate sit, quem nec Pater, nec Filius, nec ambo generint, cum sit Spiritus et Patris et Filii. Quia ergo querunt ista homines, et tædio nobis sunt: si quid hinc ex dono Dei sapit infirmitas nostra, edisseramus eis ut possimus, neque cum in-

vidia tabescente iter habeamus (*Sap. vi, 25*). Si dicimus nihil nos de talibus rebus cogitare solere, mentimur : si autem fatemur habitare¹ ista in cogitationibus nostris, quoniam rapimur amore indagandæ veritatis, flagitant jure charitatis ut eis indicemus quid hinc excogitare potuerimus : non quia jam acceperim, aut perfectus sim ; (nam si Paulus apostolus, quanto magis ego longe infra illius pedes jacens non me arbitror apprehendisse?) sed pro modulo meo, si ea quæ retro sunt obliviscor, et in anteriora me extendo, et secundum intentionem sequor ad palam supernae vocationis (*Philipp. iii, 12-14*), quantum ejusdem viæ peregerim, et quo pervenerim, unde mihi in finem reliquus cursus est, ut aperiam desideratur a me, illis desiderantibus quibus me servire cogit libera charitas. Oportet autem, et donabit Deus, ut eis ministrando quæ legant, ipse quoque proficiam; et eis cupiens respondere querentibus, ipse quoque inveniam quod quærebam. Ergo suscepit huc, jubente atque adjuvante Domino Deo nostro, non tam cognita cum auctoritate disserere, quam ea cum pietate disserendo cognoscere.

CAPUT VI. — 9. *Filium esse verum Deum ejusdem cum Patre substantiæ. Non solus Pater, sed Trinitas dicta immortalis. Non ex solo Patre omnia, sed etiam ex Filio. Spiritum sanctum esse verum Deum Patri et Filio aequalis.* Qui dixerunt Dominum nostrum Jesum Christum non esse Deum, aut non esse verum Deum, aut non cum Patre unum et solum Deum, aut non vere immortalem, quia mutabilem, manifestissima divinorum testimoniorum et consona voce convicti sunt; unde sunt illa : *In principio erat Verbum, et Verbum erat apud Deum, et Deus erat Verbum.* Manifestum est enim quod Verbum Dei, *Filium Dei unicum accipimus, de quo post dicit, Et Verbum caro factum est, et habitavit in nobis,* propter nativitatem incarnationis ejus, quæ facta est in tempore ex Virgine. In eo autem declarat, non tantum Deum esse, sed etiam ejusdem cum Patre substantiæ, quia cum dixisset, *Et Deus erat Verbum : Hoc erat, inquit, in principio apud Deum; omnia per ipsum facta sunt, et sine ipso factum est nihil* (*Joan. i, 1, 14, 2, 3*). Neque enim dicit, *omnia*; nisi quæ facta sunt, id est omnem creaturam. Unde liquido appareat ipsum factum non esse per quem facta sunt *omnia*. Et si factus non est, creatura non est : si autem creatura non est, ejusdem cum Patre substantiæ est. Omnis enim substantia quæ Deus non est, creatura est; et quæ creatura non est, Deus est. Et si non est Filius ejusdem substantiæ cuius Pater; ergo facta substantia est : si facta substantia est, non *omnia* per ipsum facta sunt : at *omnia per ipsum facta sunt*; unius igitur ejusdemque cum Patre substantiæ est. Et ideo non tantum Deus, sed et verus Deus. Quod idem Johannes apertissime in Epistola sua dicit : *Scimus quod Filius Dei venerit, et dederit nobis intellectum ut cognoscamus verum Deum, et simus in vero Filio ejus Iesu Christo. Hic est verus Deus, et vita æterna* (*I Joan. v, 20*).

¹ *Vaticanus codex, habere. Alius vaticanus, haberi.*

10. Hinc etiam consequenter intelligitur nos. tantummodo de Patre dixisse apostolum Paulum, *Qui solus habet immortalitatem*; sed de uno et solo Deo quod est ipsa Trinitas. Neque enim ipsa vita æterna mortal is est secundum aliquum mutabilitatem : ac per hoc Filius Dei, quia *vita æterna est*, cum Patre etiam ipse intelligitur, ubi dictum est, *Qui solus habet immortalitatem.* Ejus enim vita æterna et nos participes facti, pro mōdulo nostro immortales efficiamur. Sed aliud est ipsa cujus participes efficiamur, vita æterna; aliud nos qui ejus participatione vivemus in æternum. Si enim dixisset, Quem temporibus propriis ostendet Pater beatus et solus potens, Rex regum et Dominus dominantium, qui solus habet immortalitatem, nec sic inde separatum Filium oporteret intelligi. Neque enim, quia ipse Filius alibi loquens voce Sapientiæ (ipse est enim Dei Sapientia [*I Cor. i, 24*]) ait, *Cyrum cœli circuvi sola* (*Ecclesiastes. xxiv, 8*), separavit a se Patrem : quanto magis ergo non est necesse ut tantummodo de Patre præter Filium intelligatur, quod dictum est, *Qui solus habet immortalitatem*, cum ita dictum sit : *Ut serves, inquit, mandatum sine manu, irreprehensibile, usque in adventum Domini nostri Iesu Christi : quem temporibus propriis ostendet beatus et solus potens, Rex regum et Dominus dominantium ; qui solus habet immortalitatem, et lucem habitat inaccessibilem ; quem nemo hominum vidit, nec videre potest ; cui est honor et gloria in sæcula sæculo fum.* Amen (*I Tim. vi, 14-16*). In quibus verbis, nec Pater propri nominatus est, nec Filius, nec Spiritus sanctus; sed *beatus et solus potens, Rex regum et Dominus dominantium*, quod est unus et solus et verus Deus ipsa Trinitas.

41. Nisi forte quæ sequuntur, perturbabunt hunc intellectum, quia dixit, *Quem nemo hominum vidit, nec videre potest : cum hoc etiam ad Christum pertinere secundum ejus divinitatem accipiat, quam non viderunt Judæi, qui tamen carnem viderunt et crucifixerunt. Videri autem divinitas humano visu nullo modo potest : sed eo visu videtur, quo jam qui vident, non homines, sed ultra homines sunt. Recte ergo ipse Deus Trinitatis intelligitur *beatus et solus potens*, ostendens *adventum Domini nostri Iesu Christi temporibus propriis.* Sic enim dictum est, *Solus habet immortalitatem*; quomodo dictum est, *Qui facit mirabilia solus* (*Psal. lxxi, 18*). Quod velim scire de quo dictum accipiunt : si de Patre tantum, quomodo ergo verum est, quod ipse Filius dicit, *Quæcumque enim Pater facit, hæc eadem et Filius facit similiter?* Au quidquam est inter mirabilia mirabilius quam resuscitare et vivificare mortuos? Dicit autem idem Filius, *Sicut Pater suscitat mortuos et vivificat, sic et Filius quos vult vivificat* (*Joan. v, 19, 21*). Quomodo ergo solus Pater facit mirabilia, cum hæc verba nec Patrem tantum, nec Filius tantum permittant intelligi, sed utique Deum unum verum solum, id est, Patrem et Filium et Spiritum sanctum?*

¹ Sic in MSS. At in editis, loco, *divinitas*, habetur, *Trinitas*.

12. Item cum dicit idem apostolus, *Nobis unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum* (I Cor. viii, 6); quis dubitet eum omnia que creata sunt dicere, sicut Joannes, *Omnia per ipsum facta sunt?* Quero itaque de quo dicat alio loco, *Quoniam ex ipso, et per ipsum, et in ipso sunt omnia: ipsa gloria in saecula saeculorum. Amen.* Si enim de Patre et Filio et Spiritu sancto, ut singulis personis singula tribuantur; *Ex ipso, ex Patre; per ipsum, per Filium; in ipso, in Spiritu sancto:* manifestum quod Pater et Filius et Spiritus sanctus unus Deus est, quando singulariter intulit, *Ipsi gloria in saecula saeculorum.* Unde enimcepit hunc sensum, non ait, *O altitudo divitiarum sapientiae et scientiae Patris, aut Filii, aut Spiritus sancti; sed, sapientiae et scientiae Dei!* *Quam inscrutabilia sunt judicia ejus, et investigabiles viae ejus! Quis enim cognovit mentem Domini? Aut quis consilarius ejus fuit? Aut quis prior dedit illi, et retribueret ei?* *Quoniam ex ipso, et per ipsum, et in ipso sunt omnia: ipsa gloria in saecula saeculorum. Amen* (Rom. xi, 35-36). Si autem hoc de Patre tantummodo intelligi voluit, quomodo ergo omnia per Patrem sunt, sicut hic dicitur; et omnia per Filium, sicut ad Corinthios ubi ait, *Et unus Dominus Jesus Christus, per quem omnia;* et sicut in Evangelio Joannis, *Omnia per ipsum facta sunt?* Si enim alia per Patrem, alia per Filium, jam non omnia per Patrem, nec omnia per Filium. Si autem omnia per Patrem, et omnia per Filium; eadem per Patrem, que per Filium. *Aequalis* est ergo Patri Filius, et inseparabilis operatio est Patri et Filii. Quia si vel Filium fecit Pater quem non fecit ipse Filius, non omnia per Filium facta sunt: at omnia per Filium facta sunt; ipse igitur factus non est, ut cum Patre faceret omnia que facta sunt. Quanquam nec ab ipso verbo tacuerit Apostolus, et apertissime omnino diverit, *Qui cum in Dei forma esset, non rapinam arbitratus est esse aequalis Deo* (Philipp. ii, 6): hic Denique Patrem appellans, sicut alibi, *Caput autem Christi, Deus* (I Cor. xi, 5).

13. Similiter et de Spiritu sancto collecta sunt testimonia, quibus ante nos qui huc disputaverunt, abundantius usi sunt, quia et ipse Deus, et non creatura. Quod si non creatura, non tantum (Deus nam et homines dicti sunt dii [Psal. lxxxi, 6]), sed etiam verus Deus. Ergo Patri et Filio prorsus aequalis, et in Trinitatis unitate consubstantialis et coeternus. Maxime vero illo loco satis claret, quod Spiritus sanctus non sit creatura, ubi jubemur non servire creature, sed Creatori (Rom. i, 25): non eo modo quo jubemur per charitatem servire invicem (Galat. v, 15), quod est gracie *donum*; sed eo modo quo tantum Deo servitur, quod est gracie *servitudo*. Unde idololatræ dicuntur qui simulacra eam servitatem exhibent que debetur Deo. Secundum hanc enim servitatem dictum est, *Dominum Deum tuum adorabis, et illi soli servies* (Deut. vi, 13). Nam et hoc distinctius in grece Scriptura invenitur; *ταπείνωσις* enim habet. Porro si tali servitute creaturæ servire prohibemur, quandoqui-

dem dictum est, *Dominum Deum tuum adorabis, et illi soli servies;* unde et Apostolus detestatur eos qui conluerunt, et servierunt creaturæ, potius quam Creatori: nou est utique creatura Spiritus sanctus, eni ab omnibus sanctis talis servitus exhibetur dicente Apostolo, *Nos enim sumus circumcisio, Spiritui Dei servientes* (Philipp. iii, 5), quod est in greco, *ταπείνωσις.* Plures enim codices etiam latini sic habent, *qui Spiritui Dei servimus:* graci autem omnes, aut pene omnes. In nonnullis autem exemplaribus latini invenimus non, *Spiritui Dei servimus;* sed, *spiritu Deo servimus* (a). Sed qui in hoc errant, et auctoritati graviori cedere detrectant, numquid et illud varium in codicibus reperiunt: *Nescitis quia corpora vestra templum in vobis est* ¹ *Spiritus sancti, quem habetis a Deo?* Quid autem insanius magisque sacrilegium est, quam ut quisquam dicere audeat *membra Christi templum esse creature minoris secundum ipsos,* quam Christus est? Alio enim loco dicit: *Corpora vestra membra sunt Christi.* Si autem que membra sunt Christi, templum est Spiritus sancti, non est creatura Spiritus sanctus: quia cui corpus nostrum templum exhibemus, necesse est ut huic eam servitatem debeamus, qua non nisi Deo serviendum est, que grece appellatur *ταπείνωσις.* Unde consequenter dicit: *Glorificate ergo ² Deum in corpore vestro* (I Cor. vi, 19, 15, 20).

CAPUT VII. — 14 Filius quomodo minor Patre ac se ipso. His et talibus divinarum Scripturarum testimoniis, quibus, ut dixi, priores nostri copiosius usi, expugnaverunt haereticorum tales columnas vel errores, insinuatur fidei nostrae unitas et aequalitas Trinitatis. Sed quia multa in sanctis Libris propter incarnationem Verbi Dei, que pro salute nostra reparanda facta est, ut mediator Dei et hominum esset homo Christus Jesus (I Tim. ii, 5), ita dicuntur, ut majorem Filio Patrem significant, vel etiam apertissime ostendant; erraverunt homines minus diligenter scrutantes vel intuentes universam seriem Scripturarum, et ea que de Christo Jesu secundum hominem dicta sunt, ad ejus substantiam que ante incarnationem semper intera erat, et semper intera est, transferre conantur. Et illi quidem dicunt minorem Filium esse quam Pater est, quia scriptum est ipso Domino dicente, *Pater major me est* (Joun. xiv, 28). Veritas autem ostendit secundum istum modum etiam se ipso minorem Filium. Quomodo enim non etiam se ipso minor factus est, qui *semetipsum exinanivit, formam servi accipiens?* Neque enim sic accepit formam servi, ut amitteret formam Dei, in qua erat aequalis Patri. Si ergo ita accepta est forma servi, ut non amitteretur forma Dei, cum et in forma servi et in

¹ Editi, *templum est qui in vobis est.* At MSS., *templum in vobis est.* Atque ita profert constanter Augustinus in suis, et prioribus libris contra Arianaorum sermonem, et contra Maximaum.

² Editi addunt, *et portate;* quod a MSS. et a greco textu Apostoli absit.

(a) Tripli licet huiusc loci lectionem affert rursum Augustinus in libro ad Bonum tertio, cap. 7. I. sive etiam locum in latinis codicibus falsorum perlilia mutatum fuisse, monet Ambrosius in lib. 2 de spiritu sancto, cap. 8.

forma Dei idem ipse sit Filius unigenitus Dei Patris, in forma Dei aequalis Patri, in forma servi mediator Dei et hominum homo Christus Jesus; quis non intelligat quod in forma Dei etiam ipse se ipso major est, in forma autem servi etiam se ipso minor est? Non itaque immerito Scriptura utrumque dicit, et aequali Patri Filium, et Patrem majorem Filio. Illud enim propter formam Dei, hoc autem propter formam servi, sine ulla confusione intelligitur. Et hæc nobis regula per omnes sacras Scripturas dissolvendæ hujus quæstionis, ex uno capitulo Epistole Pauli apostoli promittur, ubi manifestius ista distinctio commendatur. Ait enim: *Qui cum in forma Dei esset, non rapinam arbitratus est esse aequalis Deo; sed semet ipsum exinanivit, formam servi accipiens, in similitudinem hominum factus, et habitu inventus ut homo* (*Philipp. ii, 6, 7*). Est ergo Dei Filius Deo Patri natura aequalis, habitu minor. In forma enim servi quam accepit, minor est Patre: in forma autem Dei in qua erat etiam antequam hanc accepisset, aequalis est Patri. In forma Dei, Verbum per quod facta sunt omnia (*Joan. i, 3*): in forma autem servi, factus ex muliere, factus sub Lege, ut eos qui sub Lege erant, redimeret (*Galat. iv, 4, 5*). Proinde in forma Dei fecit hominem; in forma servi factus est homo. Nam si Pater tantum sine Filio fecisset hominem, non scriptum esset, *Faciamus hominem ad imaginem et similitudinem nostram* (*Gen. i, 26*). Ergo quia forma Dei accepit formam servi, utrumque Deus et utrumque homo: sed utrumque Deus propter accipientem Deum, utrumque autem homo propter acceptum hominem. Neque enim illa susceptione alterum eorum in alterum conversum atque mutatum est: nec divinitas quippe in creaturam mutata est, ut desisteret esse divinitas; nec creatura in divinitatem, ut desisteret esse creatura.

CAPUT VIII. — 15. *Scripturas de subjectione Filii sub Patre perperam intellectas explicat. Regnum Patri non sic tradet Christus, ut adimat sibi. Contemplatio promissa finis omnium actionum. Spiritus sanctus ad beatitudinem nostram sufficit perinde ac Pater. Illud autem quod dicit Apostolus, Cum autem ei omnia subiecta fuerint, tunc et ipse Filius subjectus erit ei qui illi subjecit omnia; aut ideo dictum est, ne quisquam putaret habitum Christi, qui ex humana creatura suscepimus est, conversum iri postea in ipsam divinitatem, vel, ut certius expresserim, deitatem, quæ non est creatura, sed est unitas Trinitatis incorporea et incommutabilis et sibi met consubstantialis et coetera natura. Aut si quisquam contendit, ut aliqui senserunt, ita dictum, *Et ipse Filius subjectus erit ei qui illi subjecit omnia*, ut ipsam subjectionem, commutationem et conversionem credit futuram creaturæ in ipsam substantiam vel essentiam Creatoris, id est, ut quæ fuerat substantia creaturæ, fiat substantia Creatoris; certe vel hoc concedit, quod non habet ullam dubitationem, nondum hoc fuisse factum cum Dominus dicere, *Pater major me est*. Dixit enim hoc non solum antequam ascendisset in cœlum, verum etiam antequam passus resurrexisse et a mortuis. Illi autem qui*

putant humanam in eo naturam in deitatis substantiam mutari atque converti, et ita dictum, *Tunc et ipse Filius subjectus erit ei qui illi subjecit omnia*, ac si dicetur, Tunc et ipse Filius hominis et a Verbo Dei suscepta humana natura commutabitur in ejus naturam, qui ei subjecit omnia; tunc futurum putant, cum post diem judicij tradiderit regnum Deo et Patri. Ac per hoc etiam secundum istam opinionem adhuc Pater major est, quam quæ de Virgine servi forma accepta est. Quod si aliqui ei hoc affirmant, quod jam fuerit in Dei substantiam mutatus homo Christus Jesus; illud certe negare non possunt, quod adhuc natura hominis manebat, quando ante passionem dicebat, *Quoniam Pater major me est*: unde nulla cunctatio est secundum hoc dictum esse, quod forma servi major est Pater, cui in forma Dei aequalis est Filius. Nec quisquam cum audierit quod ait Apostolus, *Cum autem dixerit, quia omnia subjecta sunt ei, manifestum quia præter eum qui illi subjecit omnia* (*I Cor. xv, 28, 24, 27*), ita existimet de Patre intelligendum, quod subjecerit omnia Filio, ut ipsum Filium sibi omnia subjecisse non putet. Quod Apostolus ad Philippienses ostendit dicens: *Nostra autem conversatio in cœlis est; unde et Salvatorem caspectamus Dominum Iesum Christum, qui transfigurabit corpus humilitatis nostræ, conforme ut fiat corpori gloriae suæ, secundum operationem suam, qua possit etiam sibi subjecere omnia* (*Philipp. iii, 20, 21*). Inseparabilis enim operatio est Patris et Filii. Alioquin nec ipse Pater sibi subjecit omnia, sed Filius ei subjecit, qui ei regnum tradit, et evacuat omnem principatum et omnem potestatem et virtutem. De Filio quippe ista dicta sunt: *Cum tradiderit, inquit, regnum Deo et Patri, cum evacuaverit omnem principatum et omnem potestatem et virtutem. Ipse enim subjecit, qui evacuat.*

16. Nec sic arbitremur Christum traditum regnum Deo et Patri, ut adimat sibi. Nam et hoc quidam vaniloqui crediderunt. Cum enim dicitur, tradiderit regnum Deo et Patri, non separatur ipse; quia simul cum Patre unus Deus est. Sed divinarum Scripturarum incuriosos¹ et contentionum studiosos fallit verbum quod positum est, donec. Ita namque sequitur, *Oportet enim illum regnare, donec ponat omnes inimicos suos sub pedibus suis* (*I Cor. xv, 24, 25*): tanquam cum posuerit, non sit regnaturus. Nec intelligent ita dictum, sicuti est illud: *Confirmatum est corpus eius; non commovebitur, donec videat super inimicos suos* (*Paul. cxii, 8*). Non enim cum viderit, jam commovebitur. Quid ergo est, *Cum tradiderit regnum Deo et Patri?* quasi modo non habeat regnum Deus et Pater? Sed quia omnes justos, in quibus nunc regnat ex fide viventibus mediator Dei et hominum homo Christus Jesus, perducturus est ad speciem, quam visionem dicit idem apostolus, *Facie ad faciem* (*I Cor. xiii, 12*); ita dictum est, *Cum tradiderit regnum Deo et Patri*, ac si dicetur, *Cum perduxerit credentes ad contemplationem Dei et Patris*. Sic enim dicit: *Omnia mihi tradita sunt a Patre meo: et nemo novit*

¹ Sic MSS. Editio autem, curiosos.

Filiū, nisi Pater; et nemo novit Patrem, nisi Filius, et cui voluerit Filius revelare (Math. xi, 27). Tunc revelabitur a Filio Pater, cum evanesceret omnem principatum et omnem potestatem et virtutem; id est, ut necessaria non sit dispensatio similitudinum per angelicos principatus et potestates et virtutes. Ex qua ratione persona non inconvenienter intelligitur dici in Canticō canticorum ad sponsam, *Similitudines auri faciemus tibi cum distinctionibus argenti, quoadusque rex in recubitu suo est* (Cant. i, 11, sec. LXX), id est, quoadusque Christus in secreto suo est; quia vita nostra abscondita est cum Christo in Deo: cum Christus apparuerit vita vestra, tunc et vos cum ipso apparebitis in gloria (Coloss. iii, 3, 4). Quod antequam fiat, videamus nunc per speculum in anigmate, hoc est in similitudinibus; tunc autem, facie ad faciem (I Cor. xiii, 12).

17. Hæc enim nobis contemplatio promittitur actionum omnium finis atque æterna perfectio gaudiorum.

Filiū enim Dei sumus, et nondum apparuit quid erimus: scimus quia cum apparuerit, similes ei erimus, quoniam videbimus eum sicuti est (I Joan. iii, 2). Quod enim dixit famulo suo Moysi, *Ego sum qui sum. Hæc dices filiis Israel: Qui est, misit me ad vos* (Exod. iii, 14); hoc contemplabimur cum vivemus in æternum. Ita quippe ait: *Hæc autem est vita æterna, ut cognoscant te unum verum Deum; et quem misisti Iesum Christum* (Joan. xvii, 3). Hoc fiet cum venerit Dominus, et illuminaverit occulta tenebrarum (I Cor. iv, 5), cum tenebrae mortalitatis hujus corruptionisque transierint. Tunc erit mane nostrum, de quo in Psalmo dicitur: *Mane astabo tibi, et contemplabor* (Psal. v, 5). De hac contemplatione intelligo dictum, *Cum tradiderit regnum Deo et Patri: id est, cum perduxerit justos, in quibus nunc ex fide viventibus regnat mediator Dei et hominum homo Christus Jesus, ad contemplationem Dei et Patris.* Si desipio hic, corrigat me qui melius sapit: mihi aliud non videtur. Neque enim quæremus aliud, cum ad illius contemplationem pervenerimus, quæ nunc non est, quamdiu gaudium nostrum in spe est. *Spes autem quæ videtur, non est spes: quod enim videt quis, quid sperat?* Si autem quod non videmus speramus, per patientiam exspectamus (Rom. viii, 24, 25), quoadusque rex in recubitu suo est. Tunc erit quod scriptum est: *Adimplebis me lætitia cum vultu tuo* (Psal. xv, 14). Illa lætitia nihil amplius requiretur; quia nec erit quod amplius requiratur. Ostendetur enim nobis Pater, et sufficiet nobis. Quod 'bene intellexerat Philippus, ut diceret Domino, *Ostende nobis Patrem, et suffici nobis:* sed nondum intellexerat, eo quoque modo id ipsum se potuisse dicere, Domine, ostende nobis te, et suffici nobis. Ut enim hoc intelligereret, responsum ei a Domino est, *Tanto tempore vobiscum sum, et non cognovistis me?* Philippe, qui videt me, videt et Patrem. Sed quia volebat eum ex fide vivere antequam illud posset videre, secutus est, et ait: *Non credis quia ego in Patre, et Pater in me est* (Joan. xiv, 8, 10)? Quamdiu enim sumus in corpore,

* Ep. Lugd. Ven. Lov. hic addunt, inquit. M.

peregrinamur a Domino. Per fidem enim ambulamus, non per speciem (II Cor. v, 6, 7). Contemplatio quippe merces est fidei, cui mercedi per fidem corda mundantur; sicut scriptum est, *Mundans fide corda eorum* (Act. xv, 9). Probatur autem quod illi contemplationi corda mundentur, illa maxime sententia: *Beati mundicordes, quoniam ipsi Deum videbunt* (Matth. v, 8). Et quia hæc est vita æterna, dicit Deus in Psalmo: *Longitudine dierum replebo eum, et ostendam illi salutare meum* (Psal. xc, 16). Sive ergo audiamus, *Ostende nobis Filiū;* sive audiamus, *Ostende nobis Patrem:* tantumdem valet; quia neuter sine altero potest ostendi. Unum quippe sunt, sicut et ipse ait: *Ego et Pater unus sumus* (Joan. x, 30). Denique propter ipsam inseparabilitatem, sufficienter aliquando nominatur, vel Pater solus, vel Filius solus adimpleturus nos lætitia cum vultu suo.

18. Nec inde separatur utriusque Spiritus, id est Patris et Filii Spiritus. Qui Spiritus sanctus proprius dicitur *Spiritus veritatis, quem hic mundus accipere non potest* (Id. xiv, 17). Hoc est enim plenum gaudium nostrum, quo amplius non est, frui Trinitate Deo ad cuius imaginem facti sumus. Propter hoc aliquando ita loquitur de Spiritu sancto tanquam solus ipse sufficiat ad beatitudinem nostram: et ideo solus sufficit, quia separari a Patre et Filio non potest; sicut Pater solus sufficit, quia separari a Filio et Spiritu sancto non potest; et Filius ideo sufficit solus, quia separari a Patre et Spiritu sancto non potest. Quid enim sibi vult quod ait, *Si diligitis me, mandata mea servate; et ego rogabo Patrem, et alium ad vocatum dabit vobis, ut vobiscum sit in æternum, Spiritum veritatis, quem hic mundus accipere non potest* (Ibid. 5 15-17), id est, dilectores mundi? Animalis enim homo non percipit ea quæ sunt *Spiritus Dei* (I Cor. ii, 14). Sed adhuc potest videri ideo dictum, *Et ego rogabo Patrem, et alium ad vocatum dabit vobis, quia non solus Filius sufficit.* Illo autem loco ita de illo dictum est tanquam solus omnino sufficiat: *Cum venerit ille Spiritus veritatis, docebit vos omnem veritatem* (Joan. vi, 45). Numquid ergo separatur hinc Filius, tanquam ipse non doceat omnem veritatem, aut quasi hoc impletat Spiritus sanctus quod minus potuit docere Filius? Dicant ergo, si placet, majorem esse Filio Spiritum sanctum, quem minorem illo solent dicere. An quia non dictum est, Ipse solus; aut, Nemo, nisi ipse, vos docebit omnem veritatem; ideo permittunt ut cum illo docere creditur et Filius? Apostolus ergo Filium separavit ab sciendis iis quæ Dei sunt, ubi ait, *Sic et quæ Dei sunt, nemo scit, nisi Spiritus Dei* (I Cor. ii, 11): ut jam isti perversi possint ex hoc dicere, quod et Filium non doceat quæ Dei sunt nisi Spiritus sanctus, tanquam major minorem; cui Filius ipse tanquam tribuit, ut diceret, *Quia hæc locutus sum vobis, tristitia impletivit cor vestrum.* Sed ego veritatem dico: *expedit vobis ut ego cam; nam si non abierto, adlocutus non veniet ad vos* (Joan. xvi, 6, 7).

CAPUT IX. — *In una persona interdum intelliguntur omnes.* Hoc autem dixit, non propter inaequalitatem Verbi Dei et Spiritus sancti, sed tanquam impedimento esset praesentia Filii hominis apud eos, quoniam veniret ille qui minor non esset, quia semetipsum non exinanivit, formam servi accipiens, sicut Filius (*Philipp.* ii, 7). Oportebat ergo ut auferretur ab oculis eorum forma servi, quam intuentes, hoc solum esse Christum putabant quod videbant. Inde est et illud quod ait, *Si diligenteris me, gauderis utique, quoniam eo ad Patrem; quia Pater major me est* (*Joan. xiv*, 28): id est, propterea me oportet ire ad Patrem, quia dum me ita videtis, ex hoc quod videtis, estimatis quia minor sum Pater, atque ita circa creaturam susceptumque habitum occupati, aequalitatem quam cum Patre habeo non intelligitis. Inde est et illud: *Noli me tangere; nondum enim ascendi ad Patrem* (*Id. xx*, 17). Tactus enim tanquam finem facit notionis. Ideoque nolebat in eo esse finem intenti cordis in se, ut hoc quod videbatur tantummodo putaretur. Ascensio autem ad Patrem erat ita videri, sicut aequalis est Patri, ut ibi esset finis visionis, quae sufficit nobis. Aliquando item de Filio solo dicitur, quod ipse sufficiat, et in ejus visione merces tota promittitur dilectionis¹ et desiderii nostri. Sic enim ait: *Qui habet mandata mea et custodit ea, ille est qui diligit me. Qui autem me diligit, diligetur a Pater meo; et ego diligam eum, et ostendam me ipsum illi.* Numquid hic, quia non dixit, Ostendam illi et Patrem, ideo separavit Patrem? Sed quia verum est, *Ego et Pater unum sumus*; cum Pater ostenditur, et Filius ostenditur qui in illo est; et cum Filius ostenditur, etiam Pater ostenditur qui in illo est. Sicut ergo cum ait, *Et ostendam me ipsum illi*, intelligitur quia ostendit et Patrem; ita et in eo quod dicitur, *Cum tradiderit regnum Deo et Patri*, intelligitur quia non admittit sibi. Quoniam cum perducat credentes ad contemplationem Dei et Patris, profecto perducet ad contemplationem suam, qui dixit, *Et ostendam illi me ipsum.* Et ideo consequenter, cum dixisset illi Judas, *Domine, quid factum est, quia ostensus es te nobis, et non huic mundo?* respondit Jesus, et dixit illi: *Si quis diligit me, sermonem meum servabit; et Pater mens diligit illum, et ad eum veniemus, et mansionem apud eum faciemus.* Ecce quia non solum se ipsum ostendit ei a quo diligitur, quia simul cum Patre venit ad eum, et mansionem facit apud eum.

19. An forte putabitur mansionem in dilectore suo facientibus Patre et Filio exclusus esse ab hac mansione Spiritus sanctus? Quid est ergo quod superius ait de Spiritu sancto: *Quem hic mundus accipere non potest, quoniam non videt illum: noster illum vos, quia vobiscum manet, et in vobis est?* Non itaque ab hac mansione separatus est, de quo dictum est, *vobiscum manet, et in vobis est.* Nisi forte quisquam sic absurdus est, ut arbitretur, cum Pater et Filius venerint ut mansionem apud dilectorem suum faciant, discessurum inde Spiritum sanctum, et tanquam locum datu-

rum esse majoribus. Sed huic carnali cogitationi occurrat Scriptura: paulo quippe superius ait, *Et ego rogavo Patrem, et alium advocationem dabit vobis ut, vobiscum sit in aeternum* (*Joan. xiv*, 16-23). Non ergo discedet Patre et Filio venientibus, sed in eadem mansione cum ipsis erit in aeternum; quia nec ille sine ipsis venit, nec illi sine ipso. Sed propter insinuationem Trinitatis, personis etiam singulis nominatis dicuntur quedam separatis¹; non tamen aliis separatis intelliguntur, propter ejusdem Trinitatis unitatem unamque substantiam atque deitatem Patris et Filii et Spiritus sancti.

CAPUT X. — 20. *Quomodo Christus tradet regnum Deo et Patri. Tradito regno Deo et Patri, Christus jam non interpellabit pro nobis.* Tradet itaque regnum Deo et Patri Dominus noster Jesus Christus, non se inde separato, nec Spiritu sancto, quando perducet credentes ad contemplationem Dei, ubi est finis omnium bonarum actionum, et requies sempiterna, et gaudium quod nunquam auferetur a nobis. Hoc enim signat in eo quod ait: *Iterum video vos, et gaudebit cor vestrum, et gaudium vestrum nemo auferet a vobis* (*Id. xvi*, 22). Hujus gaudii similitudinem præsignabat Maria sedens ad pedes Domini, et intenta in verbum ejus; quieta scilicet ab omni actione, et intenta in veritatem secundum quendam modum, cuius capax est ista vita, quo tamen præfiguraret illud quod suorum est in aeternum. Martha quippe sorore sua in necessitatibus actione conversante, quamvis bona et utili, tamen, cum requies successerit, transitura, ipsa requiescebat in verbo Domini. Et ideo Dominus conquerenti Marthæ quod eam soror non adjuvaret, respondit: *Maria optimam partem elegit, quae non auferetur ab ea* (*Luc. x*, 39-42). Non partem malam dixit quod agebat Martha; sed istam optimam quae non auferetur. Illa enim quae in ministerio indigentia est, cum indigentia ipsa transierit, auferetur. Boni quippe operis transituri merces est requies permanens. In illa igitur contemplatione Deus erit omnia in omnibus; quia nihil ab illo aliud requiretur, sed solo ipso illustrari perfruique sufficiet. Ideoque ille in quo Spiritus interpellat gemitis inenarrabilibus (*Rom. viii*, 26), *Unam, inquit, petui a Domino, hanc requiram; ut inhabitem in domo Domini per omnes dies vitæ meæ, ut contemplari delectationem Domini* (*Psalm. xxvi*, 4). Contemplabitur enim Deum, Patrem et Filium et Spiritum sanctum, cum mediator Dei et hominum homo Christus Jesus tradiderit regnum Deo et Patri, ut jam non interpellet pro nobis mediator et sacerdos noster, Filius Dei et Filius hominis; sed et ipse in quantum sacerdos est assumpta propter nos servi forma, subjectus sit ei qui illi subjecit omnia, et cui subjecit omnia; ut in quantum Deus est, cum illo nos subjectos habeat, in quantum sacerdos, nobiscum illi subjectus sit (*1 Cor. xv*, 24-28). Quapropter cum Filius sit et Deus et homo, alia substantia homo potius in Filio² quam Filius in Patre: sicut

¹ Abest, separatum, a MSS.

² Sic meliores MSS. At editi, alia substantia Deus, alia homo, homo potius in Filio, etc.

caro animæ meæ, alia substantia est ad animam meam, quamvis in uno homine, quam anima alterius hominis ad animam meam.

21. *Cum ergo tradiderit regnum Deo et Patri, id est, cum credentes et viventes ex fide, pro quibus nunc mediator interpellat, perduxerit ad contemplationem, cui percipiende suspiramus et gemimus, et cum transierit labor et gemitus, jam non interpellabit pro nobis tradito regnum Deo et Patri. Hoc significans ait, *Huc vobiscum locutus sum¹ in similitudinibus: veniet hora, quando jam non in similitudinibus loquar vobis, sed manifeste de Patre nuntiabo vobis;* id est, jam non erunt similitudines, cum visio surcit facie ad faciem. Hoc est enim quod ait, *sed manifeste de Patre nuntiabo vobis;* ac si diceret, manifeste Patrem ostendam vobis. Nuntiabo quippe ait, quia Verbum ejus est. Sequitur enim et dicit: *Illa die in nomine meo petetis, et non dico vobis quia ego rogabo Patrem: ipse enim Pater amat vos, quia vos me amatis, et credidistis quia a Deo exivi. Exivi a Patre, et reni in hunc mundum: iterum relinquo mundum, et vado ad Patrem (Joan. xvi, 25-28).* Quid est, *A Patre exiri; nisi, non in ea forma qua æqualis sum Patri, sed aliter, id est, in assumpta creatura minor apparui?* Et quid est, *Veni in hunc mundum; nisi, formam servi, quam me exinaniens accepi, etiam peccatorum qui mundum istum diligunt, oculis demonstravi?* Et quid est, *Iterum relinquo mundum; nisi, ab aspectu dilectorum mundi antero quod viderunt?* Et quid est, *Vado ad Patrem; nisi, doceo me sic intelligendum a fidelibus meis, quomodo æqualis sum Patri?* Hoc qui credunt, digni habebuntur perduci a fide ad speciem, id est ad ipsam visionem, quo perducens dictus est tradere regnum Deo et Patri. Fideles quippe ejus quos redemit sanguine suo, dicti sunt regnum ejus, pro quibus nunc interpellat: tunc autem illuc eos sibi faciens inhærcere, ubi æqualis est Patri, non jam rogarbit Patrem pro eis. *Ipse enim, inquit, Pater amat vos.* Ex hoc enim rogat, quo minor est Patre: quo vero æqualis est, exaudit cum Patre. Unde se ab eo quod dixit, *Ipse enim Pater amat vos, utique ipse non separat; sed secundum ea facit intelligi quæ supra commemoravi, satisque insinuavi, plerumque ita nominari unamquamque in Trinitate personam, ut et aliae illuc intelligantur.* Sic itaque dictum est, *Ipse enim Pater amat vos, ut consequenter intelligatur et Filius et Spiritus sanctus:* non quia modo nos non amat, qui proprio Filio non percipit, sed pro nobis omnibus tradidit eum (*Rom. viii, 32*); sed tales nos amat Deus, quales futuri sumus, non quales sumus. Quales enim amat, tales in æternum conservat: quod tunc erit, *cum tradiderit regnum Deo et Patri,* qui nunc interpellat pro nobis, ut jam non roget Patrem, quia ipse Pater amat nos. Quo autem merito, nisi fidei, qua eredimus antequam illud quod promittitur videamus? Per hanc enim perveniemus ad speciem, ut tales amet, quales amat ut simus; non quales odit quia*

sumus¹, et hortatur ac præstat ne tales esse semper velimus.

CAPUT XI. — 22. *Regula qua intelligitur Filius in Scripturis nunc æqualis, nunc minor. Quapropter, cognita ista regula intelligendarum Scripturarum de Filio Dei, ut distinguamus quid in eis sonet secundum formam Dei, in qua æqualis est Patri, et quid secundum formam servi quam accepit, in qua minor est Patre, non conturbabimur tanquam contrariis ac repugnantibus inter se sanctorum Librorum sententiis. Nam secundum formam Dei æqualis est Patri et Filius et Spiritus sanctus, quia neuter eorum creatura est, sicut jam ostendimus: secundum autem formam servi, minor est Patre, quia ipse dixit: Pater major me est (Joan. xiv, 28): minor est se ipso, quia de illo dictum est, *Semetipsam exinanavit (Philipp. ii, 7):* minor est Spiritu sancto, quia ipse ait, Qui dixerit blasphemiam in Filium hominis, remittetur ei; qui autem dixerit in Spiritum sanctum, non remittetur ei (Matth. xii, 32). Et in ipso virtutes operatus est, dicens: *Si ego in Spiritu Dei ejicio dæmonia, certe supervenit super vos regnum Dei (Luc. xi, 20).* Et apud Isaiam dicit, quam lectionem ipse in synagoga recitavit, et de se completam sine scrupulo dubitationis ostendit. *Spiritus, inquit, Domini super me; propter quod unxit me, evangelizare pauperibus misit me, prædicare captiuis remissionem (Isai. LXI, 1; Luc. iv, 18, 19), et cetera: ad quæ facienda ideo dicit se missum, quia Spiritus Domini est super eum.* Secundum formam Dei, omnia per ipsum facta sunt (Joan. i, 3): secundum formam servi, ipse factus est ex muliere, factus sub Lege (Galat. iv, 4). Secundum formam Dei, ipse et Pater unum sunt (Joan. x, 30): secundum formam servi, non venit facere voluntatem suam, sed voluntatem ejus qui eum misit (Id. vi, 38). Secundum formam Dei, *sicut habet Pater vitam in semetipsa, sic dedit et Filio vitam habere in semetipsa (Id. v, 26):* secundum formam servi, *tristis est anima ejus usque ad mortem; et, Pater, inquit, si fieri potest, transeat a me iste calix (Matth. xxvi, 38, 39).* Secundum formam Dei, *ipse est verus Deus et vita æterna (I Joan. v, 20):* secundum formam servi, *factus est obediens usque ad mortem, mortem autem crucis (Philipp. ii, 8).**

23. Secundum formam Dei, omnia quæ habet Pater, ipsius sunt (Joan. xvi, 15): et, *Omnia mea tua sunt, inquit, et tua mea² (Id. xvii, 10).* Secundum formam servi, non est doctrina ipsius, sed illius qui eum misit (Id. vii, 16).

CAPUT XII. — *Qua ratione Filius dicatur nescire diem et horam quam scit Pater. Dicta de Christo alia secundum formam Dei, alia secundum formam servi. Dare regnum quomodo et Christi est, et Christi non est. Quomodo Christus et non judicabit, et judicabit. Et, de die et hora nemo scit, neque Angeli in caelo, neque Fi-*

¹ Editi, quia mali sumus. Abest, mali, a manuscrito.

² In B.: *Omnia mea tua sunt, inquit, et mea tua.* Melius et in Fr. Luggd. Ven. et Lov., *omnia tua mea sunt, inquit, et mea tua;* sed veram lectionem exhibere videntur graecum et Vulgata: *omnia mea tua sunt, inquit, et tua mea.* K.

Ius, nisi Pater (*Marc. xii, 32*). Hoc enim nescit, quod nescientes facit, id est, quod non ita sciebat ut tunc discipulis indicaret: sicut dictum est ad Abraham, *Nunc cognovi quod timcas Deum* (*Gen. xxii, 12*), id est, nunc feci ut cognosceres; quia et ipse sibi in illa tentatione probatus innotuit. Nam et illud utique dictorum erat discipulis tempore opportuno, de quo futuro tanquam præterito loquens, ait, *Jam non dicam vos servos, sed amicos*. *Servus enim nescit voluntatem domini sui: vos autem dixi amicos, quia omnia quaecumque addivi a Patre meo, nota vobis feci* (*Joan. xv, 15*): quod nondum fecerat, sed quia certo facturus erat, quasi jam fecisset locutus est. Ipsius enim ait: *Multa vobis habeo dicere; sed non potestis illa portare modo* (*Id. xvi, 12*). Inter quæ intelligitur et, *De die et hora*. Nam et Apostolus: *Neque enim judicavi me, inquit, scire aliquid in vobis, nisi Christum Jesum, et hunc crucifixum* (*1 Cor. ii, 2*). Eis enim loquebatur, qui capere aliora de Christi deitate non poterant. Quibus etiam paulo post dicit: *Non potui vobis loqui quasi spiritualibus, sed quasi carnalibus* (*Id. iii, 1*). Hoc ergo inter illos nesciebat, quod per illum scire non poterant. Et hoc solum se scire dicebat, quod eos per illum scire oportebat. Denique sciebat inter perfectos, quod inter parvulos nesciebat: ibi quippe ait, *Sapientiam loquimur inter perfectos* (*Id. ii, 6*). Eo namque genere locationis nescire quisque dicitur quod occultat, quo dicitur fossa ex ea quæ occulta est. Neque enim aliquo genere loquuntur Scripturæ, quod in consuetudine humana non inveniatur; quia utique hominibus loquuntur.

24. Secundum formam Dei dictum est, *Ante omnes colles genuit me* (*Prov. viii, 23*), id est, ante omnes altitudines creaturarum; et, *Ante luciferum genui te* (*Psal. cix, 5*), id est, ante omnia tempora et temporalia: secundum formam autem servi dictum est, *Dominus creavit me in principio viarum suarum* (*Prov. viii, 22*). Quia secundum formam Dei dixit, *Ego sum veritas*; et secundum formam servi, *Ego sum via* (*Joan. xiv, 6*). Quia enim ipse primogenitus a mortuis (*Apoc. i, 5*) iter fecit Ecclesiæ suæ ad regnum Dei ad vitam æternam, qui caput est ad immortalitatem etiam corporis, ideo creatus est in principio viarum Dei in opera ejus. Secundum formam enim Dei, principium est quod et loquitur nobis (*Joan. viii, 23*); in quo principio fecit Deus cœlum et terram (*Gen. i, 1*): secundum autem formam servi, *Sponsus procedens de thalamo suo* (*Psal. xviii, 6*). Secundum formam Dei, *Primogenitus omnis creaturæ, et ipse ante omnes est, et omnia in illo constant*: secundum formam servi, *Ipse est caput corporis Ecclesiæ* (*Coloss. i, 15, 17, 18*). Secundum formam Dei, Dominus est gloriæ (*1 Cor. ii, 8*). Unde manifestum est, quod ipse glorificet sanctos suos. *Quos enim prædestinavit, ipsos et vocavit; et quos vocavit, ipsos et justificavit; quos autem justificavit, ipsos et glorificavit* (*Rom. viii, 30*). De illo quippe dictum est quod justificet impium (*Id. iv, 5*); de illo dictum est quod sit justus et justificans (*Id. iii, 26*). Si ergo quos justificavit, ipsos et glorifi-

cavit, qui justificat ipse et glorificat, qui est, ut dixi, Dominus gloriæ. Secundum formam tamen servi satagentibus discipulis de glorificatione sua, respondit: *Sedere ad dexteram rel ad sinistram meam non est meum dare vobis, sed quibus paratum est a Patre meo* (*Matth. xx, 25*).

25. Quod autem paratum est a Patre ejus, et ab ipso Edio paratum est: quia ipse et Pater unum sunt (*Joan. x, 50*). Jam enim ostendimus in hac Trinitate per multos divinarum locutionum modos etiam de singulis dici quod omnium est, propter inseparabilem operationem unius ejusdemque substantie. Sic et de Spiritu sancto dicit, *Cum ego iero, mittam illum ad vos* (*Id. xvi, 7*). Non dixit, Mittemus; sed ita quasi tantum Filius eum missurus esset, et non Pater; eum alio loco dicit, *Hæc locutus sum vobis apud vos missens; advocatus autem Spiritus sanctus, quem mittet Pater in nomine meo, ille vobis declarabit omnia* (*Id. xiv, 23-26*). Ille rursus ita dictum est, quasi non eum missurus esset et Filius, sed tantum Pater. Sic et ergo ista, ita et illud quod ait, *sed quibus paratum est a Patre meo*: cum Patre se intelligi voluit parare sedes gloriæ quibus vellet. Sed dicit aliquis: Ille cum de Spiritu sancto loqueretur, ita se missurum ait, ut non negaret Patrem missurum; et alio loco ita Patrem, ut non negaret se missurum: hic vero aperie ait, *Non est meum dare; atque ita sentens, a Patre dicit ista præparata*. Sed hoc est quod præstruximus¹ secundum formam servi dictum: ut ita intelligeremus, *Non est meum dare*, ac si diceretur, *Non est humana potestate hoc dare*: ut per illud intelligatur hoc dare, per quod Deus æqualis est Patri. *Non est meum, inquit, dare*, id est, non humana potestate ista do, *sed quibus paratum est a Patre meo*: sed jam tu intellige, quia si omnia quæ habet Pater, mea sunt (*Id. xvi, 15*), et hoc utique meum est, et cum Patre ista paravi.

26. Nam et illud quero, quonodo dictum sit, *Si quis non audit verba mea, ego non judicabo illum*. Fortassis enim ita hic dixit, *Ego non judicabo illum, quemadmodum ibi, Non est meum dare*. Sed quid hic sequitur? *Non enim reni, inquit, ut judicem mundum, sed ut salvum faciam mundum*: deinde adjungit et dicit, *Qui me spernit et non accipit verba mea, nhabet qui se judicet*. Ille jam intelligeremus Patrem, nisi adjungeret et diceret: *Verbum quod locutus sum, ipsum judicabit illum in novissimo die*. Quid igitur, jam nec Filius judicabit, quia dixit, *Ego non judicabo illum*? nec Pater, sed verbum quod locutus est Filius? Imo audi adhuc quod sequitur: *Quia ego, inquit, non ex me locutus sum, sed qui me misit Pater, ille mandatum mihi dedit quid dicam, et quid loquar; et scio quia mandatum ejus vita æterna est*. Quæ ergo ego loquor, ita ut dixit mihi Pater, sic loquor (*Id. xii, 47, 50*). Si ergo non judicat Filius, sed verbum quod locutus est Filius; ideo autem judicat verbum quod locutus est Filius, quia non ex me locutus est Filius, sed qui misit eum Pater mandatum dedit ei quid dicat, et quid loqua-

¹ Ita in MSS. At in editis, præstruximus.

tur : Pater utique judicat , cuius verbum est quod locutus est Filius , atque ipsum Verbum Patris idem ipse est Filius . Non enim aliud est mandatum Patris , aliud Verbum Patris : nam et verbum hoc appellavit , et mandatum . Videamus ergo ne forte quod ait , *Ego non ex me locutus sum* , hoc intelligi voluerit , Ego non ex me natus sum . Si enim Verbum Patris loquitur , se ipsum loquitur , quia ipse est Verbum Patris . Plerumque enim dicit , *Dedit mihi Pater* : in quo vult intelligi quod eum genuerit Pater : non ut tanquam jam existenti et non habenti dederit aliquid ; sed ipsum dedit ut haberet , genuisse est ut esset . Non enim sicut creatura , ita Dei Filius ante incarnationem et ante assumptam creaturam , unigenitus per quem facta sunt omnia , aliud est , et aliud habet : sed hoc ipsum est , quod est id quod habet . Quod illo loco manifestius dicitur , si quis ad capiendum sit idoneus , ubi ait : *Sicut habet Pater vitam in semetipso , ita dedit Filio vitam habere in semetipso* (Joan. v. , 26) . Neque enim jam existenti et vitam non habenti dedit ut haberet vitam in semetipso , cum eo ipso quod est , vita sit¹ . Hoc est ergo , *dedit Filio vitam habere in semetipso* , genuit Filium esse² incomparabilem vitam , quod est vita æterna . Cum ergo Verbum Dei sit Filius Dei , et Filius Dei sit *verus Deus et vita æterna* , sicut in Epistola sua dicit Johannes (I Joan. v. , 20) ; etiam hic quid aliud agnoscimus , cum dicit Dominus , *Verbum quod locutus sum , ipsum judicabit eum in novissimo die* ; et ipsum verbum , Patris verbum esse dicit et mandatum Patris , ipsumque mandatum vitam æternam ? *Et scio* , inquit , *quia mandatum ejus vita æterna est* .

27. Quero itaque quomodo intelligamus , *Ego non judicabo* ; sed verbum quod locutus sum judicabit : quod ex consequentibus apparet ita dictum , ac si diceret , Ego non judicabo ; sed verbum Patris judicabit . Verbum autem Patris est ipse Filius Dei . Siccine intelligendum est , Ego non judicabo , sed ego judicabo ? Quomodo potest istud esse verum , nisi ita : Ego scilicet non judicabo ex potestate humana , quia Filius hominis sum ; sed ego judicabo ex potestate Verbi , quoniam Filius Dei sum . Aut si contraria et repugnantia videntur , Ego non judicabo , sed ego judicabo : quid illuc dicemus , ubi ait , *Mea doctrina non est mea* ? Quomodo *mea* , quomodo *non mea* ? Non enim dixit , Ista doctrina non est mea ; sed , *Mea doctrina non est mea* : quam dixit suam , eamdem dixit non suam . Quomodo istud verum est , nisi secundum aliud suam dixerit ; secundum aliud , non suam : secundum formam Dei , suam ; secundum formam servi , non suam ? Cum enim dicit , *non est mea* , sed *eius qui me misit* (Joan. vi. , 16) , ad ipsum Verbum nos facit recurrere . Doctrina enim Patris est Verbum Patris , qui est unus Filius . Quid sibi et illud vult , *Qui in me credit , non in me credit* (Id. xii. , 44) ? Quomodo in ipsum , quomodo non in ipsum ? Quomodo

tam contrarium sibi adversum potest intelligi , *Qui in me credit , inquit , non in me credit , sed in eum quis me misit* : nisi ita intelligas , Qui in me credit , non in hoc quod videt credit , ne sit spes nostra in creatura ; sed in illo qui suscepit creaturam , in qua humanis oculis appareret , ac sic ad se æqualiter Patri contemplandum per fidem corda mundaret ? Idenque ad Patrem referens intentionem credentium , et dicens , *Non in me credit , sed in eum qui me misit* , non utique se a Patre , id est ab illo qui eum misit , voluit separari : sed ut sic in eum crederetur , quomodo in Patrem cui est æqualis . Quod aperte alio loco dicit , *Credite in Deum , et in me credite* (Joan. xiv. , 1) : id est , Sicut creditis in Deum , sic et in me ; quia ego et Pater unus Deus . Sicut ergo hic , tanquam abstulit a se fidem hominum , et in Patrem transtulit , dicens , *Non in me credit , sed in eum qui me misit* , a quo tamen se utique non separavit : sic etiam quod ait , *Non est meum dare , sed quibus paratum est a Patre meo* , puto clarere secundum quid utrumque accipientium sit . Tale est enim et illud , *Ego non judicabo* ; cum ipse judicaturus sit vivos et mortuos (II Tim. iv. , 1) : sed quia non ex potestate humana , propriea reccurrens ad deitatem , sursum erigit corda hominum , propter quae sublevanda descendit .

CAPUT XIII. — 28. *De eodem Christo diversa prædicantur , ob diversas naturas hypostaseos . Cur Pater dicitur non judicaturus , sed judicium dedit Filio . Nisi tamen ipse idem esset Filius hominis propter formam servi quam accepit , qui est Filius Dei propter Dei formam in qua est ; non diceret Paulus apostolus de principibus hujus saeculi : Si enim cognovissent , nunquam Dominum gloriae crucifixissent* (I Cor. ii. , 8) . Ex forma enim servi crucifixus est , et tamen Dominus gloriae crucifixus est . Talis enim erat illa susceptio , quæ Deum hominem ficeret , et hominem Deum . Quid tamen propter quid , et quid secundum quid dicatur , adjuvante Domino prudens , et diligens , et pius lector intelligit . Nam ecce diximus quia secundum id quod Deus est , glorificat suos , secundum hoc utique quod Dominus gloria est ; et tamen Dominus gloriae crucifixus est , quia recte dicitur et Deus crucifixus , non ex virtute divinitatis , sed ex infirmitate carnis (II Cor. xiii. , 4) : sicut dicimus , quia secundum id quod Deus est judicat , hoc est ex potestate divina , non ex humana ; et tamen ipse homo judicaturus est , sicut Dominus gloriae crucifixus est : ita enim aperte dicit , *Cum venerit Filius hominis in gloria sua , et omnes Angeli cum eo , tunc congregabuntur ante eum omnes gentes* (Matth. xxv. , 31 , 32) ; et cetera quæ de futuro judicio usque ad ultimam sententiam in eo loco prædicantur . Et Judæi , quippe qui in malitia perseverantes , in illo judicio puniendi sunt , sicuti alibi scriptum est , *videbunt in quem pupugerunt* (Zach. xii. , 10) . Cum enim et boni et mali visuri sint judicem vivorum et mortuorum , procul dubio eum videre mali non poterunt , nisi secundum formam quæ filius hominis est ; sed tamen in claritate in qua ju-

¹ Editu , c editis . At Mss. constanter , credite .

² Voteres aliqui codices , *vita æterna sit* .

³ Ann. et Er. omittunt , *esse* ; cuius loco unus e vaticans Mss. habebat , *ex se* .

dicabit, non in humilitate in qua judicatus est. Cæterum illam Dei formam in qua æqualis est Patri, procul dubio impii non videbunt. Non enim sunt mundicordes : *Beati enim mundicordes, quoniam ipsi Deum videbunt* (*Matth. v, 8*). Et ipsa visio est facie ad faciem (*1 Cor. xiii, 12*), quæ ¹ summum premium promittitur justis; et ipsa sit, cum tradet regnum Deo et Patri; in quo et suæ formæ visionem vult intelligi, subjecta Deo universa creatura, et ipsa in qua Filius Dei filius hominis factus est. Quia secundum hanc et *ipse Filius tunc subjectus illi erit, qui ei subiectum omnia, ut sit Deus omnia in omnibus* (*Id. xv, 24, 28*). Alioquin si Filius Dei judex in forma qua æqualis est Patri, etiam impiis cum judicaturus est apparebit, quid est quod pro magnodilectori suo pollicetur dicens, *Et ego diligam eum, et ostendam me ipsum illi* (*Joan. xiv, 21*)? Quapropter Filius hominis judicaturus est, nec tamen ex humana potestate, sed ex ea qua Filius Dei est : et rursus Filius Dei judicaturus est, nec tamen in ea forma apparet, in qua Deus est æqualis Patri, sed in ea qua filius hominis est.

29. Itaque utrumque dici potest; et, Filius hominis judicabit; et, Non Filius hominis judicabit : quia Filius hominis judicabit, ut verum sit quod ait, *Cum venerit Filius hominis, tunc congregabuntur ante eum omnes gentes*; et non Filius hominis judicabit, ut verum sit quod ait, *Ego non judicabo* (*Id. xii, 47*); et, *Ego non queror gloriam meam; est qui querat, et judicet* (*Id. viii, 50*). Nam secundum id quod in judicio non forma Dei, sed forma filii hominis apparebit, nec ipse Pater judicabit; secundum hoc enim dictum est, *Pater non judicat quemquam, sed omne judicium dedit Filio*. Quod utrum ex illa locutione dictum sit, quam supra commemoravimus, ubi ait, *Sic dedit Filio habere vitam in semetipso* (*Id. v, 22, 26*), ut significaret quia sic genuit Filius : an ex illa de qua loquitur ² Apostolus dicens, *Propter quod eum suscitavit* ³, et *denavit illi nomen quod est super omne nomen*. Hoc enim de filio hominis dictum est, secundum quem Dei Filius excitatus est a mortuis. Ille quippe in forma Dei æqualis Patri, ex quo ⁴ se exinanivit, formam servi accipiens, in ipsa forma servi et agit, et patitur, et accipit, quæ consequenter contextit Apostolus : *Humi- liavit se, factus obediens usque ad mortem, mortem autem crucis: propter quod et Deus illum exaltavit, et donavit ei nomen, quod est super omne nomen, ut in nomine Iesu omne genu flectatur, cœlestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris* (*Philipp. ii, 6-11*). Utrum ergo secundum illam, an secundum istam locutionem dictum sit, *Omne judicium dedit Filio*, satis hinc apparet, quia si secundum illud diceretur secundum quod dictum est, *Dedit Filio habere vitam in semetipso*; non utique di-

ceretur, *Pater non judicat quemquam*. Secundum hæc enim quod æqualem Pater genuit Filium, judicat cum illo. Secundum hoc ergo dictum est, quod in judicio, non forma Dei, sed forma filii hominis apparebit. Non quia non judicabit qui dedit omne judicium Filio, cum de illo dicat Filius, *Est qui querat, et judicet*: sed ita est dictum, *Pater non judicat quemquam, des omne judicium dedit Filio*; ac si diceretur, Patrem nemo videbit in judicio vivorum et mortuorum, sed omnes Filium : quia et filius hominis est, ut possit et ab impiis videri, cum et illi videbunt in quem puguerunt.

30. Quod ne conjicere potius quam aperte demonstrare videanur, proferamus ejusdem Domini certam manifestamque sententiam, qua ostendamus ipsam fuisse causam ut dicaret, *Pater non judicat quemquam, sed omne judicium dedit Filio*, quia judex in forma filii hominis apparebit, quæ forma non est Patris, sed Filii; nec ea Filii in qua æqualis est Patri, sed in qua minor est Patre; ut sit in judicio conspicuus et bonis et malis. Paulo enim post dicit : *Amen dico vobis, quia qui verbū meū audit et credit ei qui misit me, habet vitam æternam, et in judicium non veniet, sed transiet a morte in vitam*. Hæc vita æterna est illa visio, quæ non pertinet ad malos. Deinde sequitur : *Amen, amen dico vobis, quia veniet ¹ hora, et nunc est, cum mortui audient vocem Filii Dei, et qui audierint vivent*. Et hoc proprium est piorum qui sic audiunt de incarnatione ejus, ut credant, quia Filius Dei est; id est, sic cum propter se factum accipiunt minorem Patrem in forma servi, ut credant quia æqualis est Patri in forma Dei. Et ideo sequitur, et hoc ipsum commendans dicit : *Sicut enim Pater habet vitam in semetipso, ita dedit et Filio vitam habere in semetipso*. Deinde venit ad visionem suæ claritatis, in qua venturus est ad judicium; quæ visio communis erit et impiis et justis. Sequitur enim et dicit : *Et potestatem dedit ei et ² judicium facere, quoniam Filius hominis est*. Puto nihil esse manifestius. Nam quia Filius Dei est æqualis Patri, non accipit hanc potestatem judicandi, sed habet illam cum Patre in occulto : accipit autem illam, ut boni et mali eum videant judicantem, quia filius hominis est. Visio quippe filii hominis exhibebitur et malis : nam visio formæ Dei non nisi mundis corde, quia ipsi Deum videbunt; id est, solis piis quorum dilectioni hoc ipsum promittit, quia se ipsum ostendet illis. Et ideo vide quid sequatur : *Nolite mirari hoc*, inquit. Quid nos prohibet mirari, nisi illud quod revera miratur omnis qui non intelligit, ut ideo diceret Patrem dedisse ei potestatem et judicium facere, quia filius hominis est; cum magis quasi hoc expectaretur ut diceret, quoniam Filius Dei est? Sed quia Filium Dei secundum id quod in forma Dei æqualis est Patri videre iniqui non possunt; oportet autem ut judicem vivorum et mortuorum, cum coram judicabuntur, et justi videant et

¹ Editio Er. et quidam MSS., *qua*.

² MSS., *an ex illa qua loquitur*; omisso, *de*.

³ Paulo post ut in Vulgata, *exaltari*; *juxta graecum, superupsosen*.

⁴ Edit. *ex qua*. Concinnius quidam MSS., *ex quo*.

¹ Plures MSS., *venit*.

² Editi omitunt copulantem particulam, *et*; quæ hic in MSS. et in graeco reperitur.

inquit : *Nolite, inquit, hoc mirari, quoniam veniet hora, in qua omnes qui in monumentis sunt, audient vocem ejus : et prodient qui bona gesserunt, in resurrectionem vitæ; qui autem mala gesserunt, in resurrectionem iudicij* (Joan. v, 22-29). Ad hoc ergo oportebat ut ideo acciperet illam potestatem, quia filius hominis est, ut resurgentes omnes viderent eum in forma, in qua videri ab omnibus potest, sed alii ad damnationem, alii ad vitam aeternam. Quæ est autem vita aeterna nisi illa visio, quæ non conceditur impiis? *Ut cognoscant te, inquit, unum verum Deum, et quem misisti Iesum Christum* (Id. xvii, 3). Quomodo et ipsi sunt Iesum Christum, nisi quemadmodum unum verum Deum, qui ostendet se ipsum illis; non quomodo se ostendet etiam punitiendis in forma filii hominis?

31. Secundum illam visionem bonus est, secundum quam visionem Deus apparet mundis corde: quoniam, *Quam bonus Deus Israel rectis corde* (Psal. lxxii, 1)! Quando autem judicem videbunt mali, non eis videbunt bonus; quia non ad eum gaudebunt corde, sed tunc se plangent omnes tribus terra (Apoc. 1, 7), in numero utique malorum omnium et infidelium. Propter hoc etiam illi qui eum dixerat magistrum bonum, querenti ab eo consilium consequenda vita aeterna, respondit: *Quid me interrogas de bono? Nemo bonus, nisi unus Deus* (Matth. xix, 17). Cum et hominem alio loco dicat bonum ipse Dominus: *Bonus homo, inquit, de bono thesauro cordis sui profert bona; et malus homo de malo thesauro cordis sui profert mala* (Id. xii, 35). Sed quia ille vitam aeternam quærebat, vita autem aeterna est in illa contemplatione, qua non ad poenam videtur Deus, sed ad gaudium sempiternum; et non intelligebat cum quo loquebatur, qui tantummodo eum filium hominis arbitrabatur: *Quid me interrogas, inquit, de bono?* id est, Istam formam quam vides, quid interrogas de bono, et vocas me secundum quod vides magistrum bonum? Hæc forma filii hominis est, hæc forma accepta est, hæc forma apparebit in iudicio, non tantum justis, sed et impiis; et hujus formæ visio non erit in bonum eis qui male agunt. Est autem visio formæ meæ, in qua cum essem, non rapinam arbitratus sum esse æqualis Deo, sed ut hanc acciprem me ipsum exinanivi (Philipp. ii, 6, 7). Ille ergo unus Deus Pater et Filius et Spiritus sanctus, qui non apparebit nisi ad gaudium quod non auferetur a justis; cui gaudio futuro suspirat qui dicit, *Unam petiti a Domino, hanc requiram; ut inhabitem in domo Domini per omnes dies vitæ meæ, ut contempler delectationem Domini* (Psal. xxvi, 4): unus ergo Deus ipse est solus bonus, ob hoc¹, quia nemo eum videt ad luctum et planctum, sed tantum ad salutem et lætitiam veram. Secundum illam formam si me intelligis, bonus sum: si autem secundum hanc solam, quid me interrogas de bono? si inter illos es² qui videbunt in quem pupu-

gerunt (Zach. xii, 10); et ipsa visio malum eis erit, quia penalis erit. Ex ista sententia dixisse³ *Dominum Quid me interrogas de bono? Nemo bonus, nisi unus Deus*, his documentis quæ commemoravi probabile est, quia visio illa Dei qua contemplabimur incommutablem atque humanis oculis invisibilem Dei substancialiam, quæ solis sanctis promittitur, quam dicit apostolus Paulus, *facie ad faciem* (I Cor. xiii, 12); et de qua dicit apostolus Joannes, *Similes ei erimus, quoniam videbimus eum sicuti est* (I Joan. iii, 2); et de qua dicitur, *Unam petiti a Domino, ut contempler delectationem Domini*; et de qua dicit ipse Dominus, *Et ego diligam eum, et ostendam me ipsum illi* (Joan. xiv, 21); et propter quam solam fide corda mundamus, ut simus beati mundicordes, quoniam ipsi Deum videbunt (Matth. v, 8); et si qua alia de ista visione dicta sunt, quæ copiosissime sparsa per omnes Scripturas inventa quisquis ad eam querendam oculum amoris intendit: sola est summum bonum nostrum, cuius adipiscendi causa præcipimur agere quidquid recte agimus. Visio vero illa filii hominis quæ preueniuntata est, cum congregabuntur ante eum omnes gentes, et dicent ei, *Domine, quando te vidinus esurientem et sitiensem?* et cetera, nec bonum erit impiis qui mittentur in ignem aeternum, nec summum bonum erit justis. Adhuc enim vocat eos ad regnum, quod eis paratum est ab initio mundi. Sicut enim illis dicit, *Ite in ignem aeternum; ita istis, Venite, benedicti Patris mei, possidete paratum vobis regnum* (Id. xxv, 37, 41, 34). Et sicut ibunt illi in ambustionem aeternam; sic justi in vitam aeternam. Quid est autem vita aeterna, nisi, *ut cognoscant te, inquit, unum verum Deum, et quem misisti Iesum Christum?* Sed jam in ea claritate de qua dicit Patri, *Quam habui apud te, priusquam mundus fieret* (Joan. xvii, 3, 5). Tunc enim tradet regnum Deo et Patri (I Cor. xv, 24), ut intret servus bonus in gaudium Domini sui (Matth. xxv, 21, 23), et abscondat eos quos possidet Deus in abscondito vultus sui a conturbatio e hominum, eorum scilicet qui tunc conturbabuntur audientes illam sententiam: a quo auditu malo justus non timebit (Psal. cxi, 7), si modo protegatur in tabernaculo, id est in fide recta catholice Ecclesie, a contradictione linguarum (Psal. xxx, 21), id est a calumniis haereticorum. Si vero est alius intellectus verborum Domini quibus ait, *Quid me interrogas de bono? Nemo bonus, nisi unus Deus;* dum tamen non ideo credatur majoris bonitatis esse Patris quam Filii substantia, secundum quam Verbum est per quod facta sunt omnia, nihilque abhorret a sana doctrina: securi utamur, non uno tantum, sed quotquot reperiri potuerint. Tanto enim fortius convincuntur haeretici, quanto plures exitus patent ad eorum laqueos evitandos. Sed ea quæ adhuc consideranda sunt, ab alio jam petamus exordio.

¹ In MSS., *ad hoc*.

² Omnes prope MSS., eris.

³ Editi, *Ex ista sententia cognoscas dixisse. Abest cognoscas, a MSS.*



LIBER SECUNDUS.

Bursum defendit Augustinus æqualitatem Trinitatis, et de Filii missione ac Spiritus sancti agens, varilisque Dei appari-
ticiis, demonstrat non ideo minorem esse mitente qui missus est, quia ille misit, hic missus est : sed Trinitatem per
omnia æqualem, pariter in sua natura immutabilem et invisibilem, et ubique presentem, in missione seu apparitione
qualibet inseparabiliter operari.



PROEMIUM. — 1. Cum homines Deum querunt, et ad intelligentiam Trinitatis pro captu insirmitatis humanae animum intendent; experti difficultates labriosas, sive in ipsa acie mentis conantis intueri inac-
cessibilem lucem, sive in ipsa multiplici et multi-
moda locutione Litterarum sacrarum, ubi mihi non
videtur nisi alteri animam¹, ut Christi gratia glorifi-
cata dulcescat² : cum ad aliquid certum discussa omni
ambiguitate pervenerint, facillime debent ignoscere errantibus in tanti pervestigatione secreti. Sed duo
sunt quæ in errore hominum difficultime tolerantur;
præsumptio, priusquam veritas pateat; et, cum jam
patuerit, præsumptæ defensio falsitatis. A quibus
duobus vitiis nimis inimicis inventioni veritatis, et
tractione divinorum sanctorumque Librorum, si me,
ut precor et spero, Deus defenderit atque munierit
scuto bonæ voluntatis suæ (*Psal. v, 13*) et gratia
misericordiae suæ, non ero segnis ad inquirendam
substantiam Dei, sive per Scripturam ejus, sive per
creaturam. Quæ utraque nobis ad hoc proponitur
intuenda, ut ipse queratur, ipse diligatur³, qui et
illam inspiravit, et istam creavit. Nec trepidus ero
ad proferendam sententiam meam, in qua magis
amabo inspici a rectis, quam timebo morderi a per-
versis. Gratianus enim suscipit oculum⁴ columbinum
pulcherrima et modestissima charitas; dentem autem
caninum vel evitat cautissima humilitas, vel retundit
solidissima veritas: magisque optabo a quolibet re-
prehendi, quam sive ab errante, sive ab adulante lau-
dari. Nullus enim reprehensor formidandus est ama-
tori veritatis. Etenim aut inimicus reprehensurus est,
aut amicus. Si ergo inimicus insultat, ferendus est :
amicus autem si errat, docendus; si docet, audiendus.
Laudator vero et errans confirmat errorem, et adu-
lans illicit in errorem. Emendabit ergo me justus in
misericordia, et arguet me; oleum autem peccatoris non
impinguabit caput meum (*Psal. cxl, 5*).

CAPUT PRIMUM. — 2. *Regula duplex ad intelligendas Scripturarum locutiones de Filio Dei. Locutiones tripli-
cis generis.* Quamobrem, quanquam firmissime
teneamus de Domino nostro Iesu Christo, et per
Scripturas disseminatam, et a doctis catholicis earum-
dem Scripturarum tractatoribus demonstratam tan-
quam canoniam regulam, quomodo intelligatur Dei
Filius et æqualis Patri secundum Dei formam in qua
est, et minor Patre secundum servi formam quam
acceptit (*Philipp. ii, 6, 7*); in qua forma non solum
Patre, sed etiam Spiritu sancto, neque hoc tantum,

sed etiam se ipso minor inventus est, non se ipso
qui fuit, sed se ipso qui est; quia forma servi accep-
ta, formam Dei non amisit, sicut Scripturarum, quæ
in superioro libro commemoravimus, testimonia do-
cuerunt: sunt tamen quædam in divinis eloquii ita
posita, ut ambiguum sit ad quam potius regulam re-
ferantur; utrum ad eam qua intelligimus minorem
Filium in assumpta creatura, an ad eam qua intelligimus,
non quidem minorem esse Filium, sed æqualem
Patri, tamen ab illo hunc esse Deum de Deo, lumen
de lumine. Filium quippe dicimus Deum de Deo:
Patrem autem, Deum tantum; non, de Deo. Unde
manifestum est quod Filius habeat alium de quo sit,
et cui Filius sit; Pater autem non Filium de quo sit
habeat, sed tantum cui Pater sit. Omnis enim filius
de patre est quod est, et patri filius est: nullus autem
pater de filio est quod est, sed filio pater est.

3. Quædam itaque ita ponuntur in Scripturis de
Patre et Filio, ut indicent unitatem æqualitatemque
substantiæ, sicuti est, *Ego et Pater unus sumus* (*Joan. x, 30*); et, *Cum in forma Dei esset, non rapi-
nam arbitratus est esse æqualis Deo* (*Philipp. ii, 6*); et
quæcumque talia sunt. Quædam vero ita, ut minorem
ostendant Filium propter formam servi, id est, pro-
pter assumptam creaturam mutabilis humanæque
substantiæ, sicuti est quod ait, *Quoniam Pater major
me est* (*Joan. xiv, 28*); et, *Pater non judicat quem-
quam, sed omne judicium dedit Filio*. Nam paulo post
consequenter ait, *Et potestatem dedit ei et iudicium su-
cere, quoniam Filius hominis est*. Quædam porro ita,
ut nec minor nec æqualis tunc ostendatur, sed tantum
quod de Patre sit intimetur, ut est illud, *Sicut habet
Pater vitam in semetipso, sic dedit Filio vitam habere
in semetipso*; et illud, *Neque enim potest Filius a se
facere quidquam, nisi quod viderit Patrem facientem* (*Id. v, 22, 27, 26, 19*). Quod si propterea dictum
acceperimus, quia in forma accepta ex creatura mi-
nor est Filius, consequens erit ut prior Pater super
aquas ambulaverit, aut alicujus alterius cœci nati de
sputo et luto oculos aperuerit, et cætera quæ Filius
in carne apparens inter homines fecit (*Math. xiv, 26*,
et *Joan. ix, 6, 7*), ut posset ea facere qui dixit non
posse Filium a se facere quidquam, nisi quod viderit
Patrem facientem: quis autem vel delirus ita sen-
tiat? Restat ergo ut hæc ideo dicta sint, quia incom-
mutabilis est vita Filii sicut Patris, et tamen de Pa-
tre est; et inseparabilis est operatio Patris et Filii,
sed tamen ita operari Filio de illo est, de quo ipse
est, id est de Patre; et ita videt Filius Patrem, ut
quo eum videt hoc ipso sit Filius. Non enim aliud
illi est esse de Patre, id est nasci de Patre, quam vi-
dere Patrem; aut aliud videre operantem, quam pari-

¹ Aliquot MSS., *alteri adam.*

² Plures codices, *dilucescat.*

³ Michaelinus codex, *intelligatur.*

⁴ Plerique MSS., *oculum.*

ter operari : sed ideo non a se, quia non est a se. Et ideo quae viderit Patrem facientem, *hæc eadem* facit et *Filius similiter*, quia de Patre est. Neque enim alia similiter, sicut pictor alias tabulas pingit, quemadmodum alias ab alio pietas videt; nec eadem dissimiliter, sicut corpus easdem litteras exprimit, quas animus cogitavit : sed *quæcumque*, inquit, *Pater facit, hæc eadem et facit Filius similiter* (*Joan. v, 19*). Et, *hæc eadem* dixit; et, *similiter* : ac per hoc inseparabilis et pars est operatio Patri et Filio, sed a Patre est Filio. Ideo non potest Filius a se facere quidquam, nisi quod viderit Patrem facientem. Ex hac ergo regula, qua ita loquuntur Scripturæ, ut non aliud alio minorum, sed tantum velint ostendere quis de quo sit, nonnulli eum sensum conceperunt, tanquam minor Filius diceretur. Quidam autem nostri indoctiores, et in his minime eruditæ, dum hæc secundum formam servi conantur accipere, et eos rectus intellectus non sequitur, perturbantur. Quod ne accidat, tenenda est hæc regula, qua non minor est Filius, sed quod de Patre sit intimatur : quibus verbis non inæqualitas, sed nativitas ejus ostenditur.

CAPUT II. — 4. *Ex utralibet regula intelligi quædam locutiones de Filio.* Sunt ergo quædam in sanctis Libris, ut dicere cœperam, ita posita, ut ambiguum sit quonam referenda sint : utrum ad illud quod propter assumptam creaturam minor est Filius; an ad illud, quod quamvis æqualis, tamen quia de Patre sit indicatur. Et milki quidem videtur, si eo modo ambiguum est, ut explicari discernique non possit, ex utralibet regula sine periculo posse intelligi, sicut est quod ait, *Mea doctrina non est mea, sed ejus qui me misit* (*Id. vii, 16*). Nam et ex forma servi potest accipi, sicut jam in libro superiore tractavimus (*Supra, lib. i, cap. 12*); et ex forma Dei, in qua sic æqualis est Patri, ut tamen de Patre sit. In Dei quippe forma, sicut non est aliud Filius, aliud vita ejus, sed ipsa vita Filius est; ita non est aliud Filius, aliud doctrinæ ejus, sed ipsa doctrina Filius est. Ac per hoc sicut id quod dictum est, *dedit Filio vitam*, non aliud intelligitur quam, *Genit filium qui est vita*; sic etiam cum dicitur, *Dedit Filio doctrinam*, bene intelligitur, *Genit filium qui est doctrina*: ut quod dictum est, *Mea doctrina non est mea, sed ejus qui me misit*, sic intelligatur ac si dictum sit, *Ego non sum a me ipso, sed ab illo qui me misit*.

CAPUT III. — 5. *De Spiritu sancto quædam ex altera tantum regula intelliguntur.* Nam et de Spiritu sancto, de quo non dictum est, *Semet ipsum exinanivit, formam servi accipiens*; ait tamen ipse Dominus : *Cum autem venerit ille Spiritus veritatis, docebit vos omnem veritatem.* Non enim loquetur a semetipso, sed *quæcumque audiet loquetur, et quæ ventura sunt annuntiabit vobis.* Ille me clarificabit; quia de meo accipiet, et annuntiabit vobis. Post hæc verba, nisi continuo secutus dixisset, *Omnia quæcumque habet Pater, mea sunt: propterea dixi, Quia de meo accipiet, et annuntiabit vobis* (*Joan. xvi, 13-15*); crederetur fortasse ita natus de Christo Spiritus sanctus, quemadmodum ille de

Patre. De se quippe dixerat, *Mea doctrina non est mea, sed ejus qui me misit* : de Spiritu autem sancto, Non enim loquetur a semetipso, sed *quæcumque audiet loquetur*; et, *Quia de meo accipiet, et annuntiabit vobis.* Sed quia reddidit causam cur dixerit, *de meo accipiet*; ait enim, *Omnia quæcumque habet Pater, mea sunt; propterea dixi, Quia de meo accipiet*: restat ut intelligatur etiam Spiritus sanctus de Patris ¹ habere, sicut et Filius. Quomodo, nisi secundum id quod supra diximus : *Cum autem venerit Paracletus quem ego mittam vobis a Patre, Spiritum veritatis qui a Patre procedit, ille testimonium perhibebit de me* (*Joan. xv, 26*)? Procedendo itaque a Patre, dicitur non loqui a semetipso : et sicut non ex eo fit ut minor sit Filius quia dixit, *Non potest Filius a se facere quidquam, nisi quod viderit Patrem facientem* (non enim hoc ex forma servi dixit, sed ex forma Dei, sicut jam ostendimus : hæc autem verba non indicant quod minor sit, sed quod de Patre sit); ita non hinc efficitur ut minorsit Spiritus sanctus, quia dictum est de illo, *Non enim loquetur a semetipso, sed quæcumque audiet, loquetur*: secundum hoc enim dictum est quod de Patre procedit. Cum vero et Filius de Patre sit, et Spiritus sanctus a Patre procedat, cur non ambo Filii dicantur, nec ambo geniti, sed ille unus Filius unigenitus, hic autem Spiritus sanctus nec filius nec genitus, quia si genitus utique Filius, alio loco, si Deus donaverit, et quantum donaverit, disscreveremus (*Infra, lib. 15, cap. 25*).

CAPUT IV. — 6. *Glorificatio Filius a Patre, non aequaliter inæqualitatem.* Verumtamen hic evigilent, si possunt, qui hoc etiam sibi suffragari putaverunt, quasi ad demonstrandum Patrem Filio majorem, quia dixit Filius, *Pater, clarifica me.* Ecce et Spiritus sanctus clarificat eum : numquidnam et ipse major est illo? Porro autem si propterea Spiritus sanctus clarificat Filium quia de Filii accipiet, et ideo de ejus accipiet quia omnia que habet Pater ipsius sunt; manifestum est quia cum Spiritus sanctus glorificat Filium, Pater glorificat Filium. Unde cognoscitur quod omnia quæ habet Pater non tantum Filii, sed etiam Spiritus sancti sunt, quia potens est Spiritus sanctus glorificare Filium, quem glorificat Pater. Quod si ille qui glorificat, eo quem glorificat major est; sinant ut æquales sint qui se invicem glorificant. Scriptum est autem quod et Filius glorificet Patrem : *Ego te, inquit, glorificavi super terram* (*Joan. xviii, 1, 4*). Sane caveant ne puteatur Spiritus sanctus major ambobus, quia glorificat Filium quem glorificat Pater, ipsum autem nec a Patre nec a Filio scriptum est glorificari.

CAPUT V. — 7. *Filius et Spiritus sanctus non ideo minor quia missus.* Filius etiam a se ipso missus. *De missione Spiritus sancti.* Sed in his convicti, ad illud se convertunt ut dicant, Major est qui mittit, quam qui mittitur : proinde major est Pater Filio, quia Filius a Patre se missum assidue commemorat; major est et Spiritu sancto, quia de illo

¹ Editi, de Patre. At MSS., de Patris. Sic exprimere solet Augustinus, id est, de Patris, aut, de ipsis: ubi citat illud Filii: *de meo accipiet*.

dixit Jesus, *Quem mittet Pater in nomine meo* (*Joan. xiv. 26*). Et Spiritus sanctus utroque minor est : quia et Pater eum mittit, sicut commemoravimus ; et, Filius, cum dicit, *Si autem abiero, mittam eum ad vos*. Quia in quaestione primum querero, unde et quo¹ missus sit Filius. *Ego*, inquit, *a Patre exiī, et veni in hunc mundum* (*Id. xvi. 7, 28*). Ergo a Patre exire, et venire in hunc mundum, hoc est mitti. Quid igitur est quod de illo idem ipse evangelista dicit, *In hoc mundo erat, et mundus per eum factus est, et mundus cum non cognovit?* deinde conjungit, *in sua propria renit* (*Id. 1, 40, 41*). Illuc utique missus est, quo venit : at si in hunc mundum missus est, quia exiit a Patre, et venit in hunc mundum, et in hoc mundo erat ; illuc ergo missus est ubi erat. Nam et illud quod scriptum est in propheta Deum dicere, *Cælum et terram ego impleo* (*Jerem. xxiii. 24*) ; si de Filio dictum est (ipsum enim nonnulli volant intelligi vel Propheticis vel in Prophetis locutum), quo missus est, nisi illuc ubi erat ? Ubique enim erat qui ait, *Cælum et terram ego impleo*. Si autem de Patre dictum est, ubi esse potuit sine Verbo suo et sine Sapientia sua, quæ pertendit a fine usque ad finem fortiter, et disponit omnia suaviter (*Sap. viii. 1*) ? Sed neque sine Spiritu suo² usquam esse potuit. Itaque si ubique est Deus, ubique est etiam Spiritus ejus. Illuc ergo et Spiritus sanctus missus est ubi erat. Nam et ille qui noi, inventit locum quo ieret³ a facie Dei et dicit, *Si ascendero in cælum, tu ibi es; si descendero in infernum, ades* ; ubique volens intelligi præsentem Deum, prius nominavit Spiritum ejus. Nam sic ait : *Quo abibo ab Spiritu tuo? et quo a facie tua fugiam* (*Psal. cxxxviii. 8, 7*) ?

8. Quocirca si et Filius et Spiritus sanctus illucmittitur ubi erat, quærendum est quomodo intelligatur ista missio, sive Filii, sive Spiritus sancti. Pater enim solus nusquam legitur missus. Et de Filio quidem ita scribit Apostolus : *Cum autem venit plenitudo temporis, misit Deus Filium suum, factum ex muliere, factum sub Lege, ut eos qui sub Lege erant redimeret* (*Galat. iv. 4, 5*). Misit, inquit, *Filium suum factum ex muliere*. Quo nomine quis catholicus nesciat, non eum privatione in virginitatis, sed differentiam sexus hebreo loquendi more significare voluisse ? Cum itaque ait, *Misit Deus Filium suum factum ex muliere*, satis ostendit eo ipso missum Filium quo factus est ex muliere. Quod ergo de Deo natus est, in hoc mundo erat : quod autem de Maria natus est, in hunc mundum missus advenit. Proinde mitti a Patre sine Spiritu sancto non potuit : non solum quia intelligitur Pater cum eum misit, id est, fecit ex femina, non utique sine Spiritu suo fecisse ; verum etiam quod manifestissime atque apertissime in Evangelio dicitur virginis Mariæ quærenti ab angelico, *Quomodo fiet istud? Spiritus sanctus superveniet in te, et virtus Altissimi obumbrabit tibi* (*Luc. 1. 34, 35*) : et Matthæus dicit, *Inventa est in utero habens de Spiritu sancto* (*Matth. 1. 18*). Quanquam et apud Isaïam

prophetam ipse Christus intelligitur de adventu suo futuro dicere, *Et nunc Dominus misit me, et Spiritus eius* (*Isai. xlvi. 16*).

9. Fortasse aliquis cogitat dicamus etiam a se ipso missum esse Filium ; quia ille Mariæ conceptus et partus operatio Trinitatis est, qua creante omnia creantur. Et quomodo jam, inquit, Pater eum misit, si ipse se misit ? Cui primum respondeo, quærens ut dicat, si potest, quomodo Pater cum sanctificavit, si se ipse sanctificavit ? Utrumque enim idem Dominus ait : *Quem Pater, inquit, sanctificavit, et misit in hunc mundum, vos dicitis, Quia blasphemas; quoniam dixi, Filius Dei sum* (*Joan. x. 36*). Alio autem loco ait : *Et pro eis sanctifico me ipsum* (*Id. xvii. 19*). Item querendo eum Pater tradidit, si se ipse tradidit ? Utrumque enim dicit apostolus Paulus : *Qui Filio, inquit, proprio non pepercit, sed pro nobis omnibus tradidit illum* (*Rom. viii. 32*). Alibi autem de ipso Salvatore ait : *Qui me dilexit, et tradidit se ipsum pro me* (*Galat. ii. 20*). Crodo respondebit, si haec probe sapit, quia una voluntas est Patris et Filii, et inseparabilis operatio. Sic ergo intelligat illam incarnationem et ex Virgine nativitatem, in qua Filius intelligitur missus, una eademque operatione Patris et Filii inseparabiler esse faciem, non utique inde separato Spiritu sancto, de quo aperte dicitur, *Inuenta est in utero habens de Spiritu sancto*. Nam etiam si ita quæramus, endatius fortassis quod dicimus apparebit : Quomodo misit Deus Filium suum ? Jussit ut veniret, atque ille iubenti obtemperans venit; an rogavit, an tantummodo admonuit ? Sed quolibet horum sit, verbo utique factum est, Dei autem Verbum ipse est Dei Filius. Quapropter cum eum Pater verbo misit, a Patre et Verbo ejus factum est ut mitteretur. Ergo a Patre et Filio missus est idem Filius, quia Verbum Patris est ipse Filius. Quis enim se tam sacrilega induat opinione, ut putet tempore verbū a Patre factum esse, ut eternus Filius mitteretur et in carne appareret ex tempore ? Sed utique in ipso Dei Verbo quod erat in principio apud Deum et Deus erat, in ipsa scilicet Sapientia Dei, sine tempore erat, quo tempore illam in carne apparere oportet. Itaque cum sine ullo initio temporis in principio esset Verbum, et Verbum esset apud Deum, et Deus esset Verbum; sine ullo tempore in ipso Verbo erat, quo tempore Verbū caro fieret, et habitaret in nobis (*Joan. 1. 1, 2, 14*). Quæ plenitudo temporis cum venisset, *misit Deus Filium suum, factum ex muliere* (*Galat. iv. 4*), id est, factum in tempore, ut incarnatum Verbum hominibus appareret; quod in ipso Verbo sine tempore erat, in quo tempore fieret. Ordo quippe temporum in æterna Dei Sapientia sine tempore est. Cum itaque hoc a Patre et Filio factum esset, ut in carne Filius appareret, congruentius dicitur est missus ille qui in ea carne apparuit; missus autem ille qui in ea non apparuit. Quoniam illa quæ coram corporis oculis foris geruntur, ab interiore apparatus naturæ spiritualis existunt, et propterea convenienter missa dieuntur. Forma porro illa suscepti homi-

¹ Editi, et quomodo. Castigantur ex MSS.

² Editi, sine Spiritu sancto. At MSS., sine spiritu suo.

³ In B., cat. Fr. Lugd. Ven. Lov., ict. M.

nis, Fili persona est, non etiam Patris. Quapropter Pater invisibilis una cum Filio secum invisibili, eundem Filium visibilem faciendo misisse eum dictus est : qui si eo modo visibilis fieret, ut cum Patre invisibilis esse desisteret, id est, si substantia invisibilis Verbi in creaturam visibilem mutata et transiens verteretur, ita missus a Patre intelligeretur Filius, ut tantum missus, non etiam cum Patre mittens inveniretur. Cum vero sic accepta est forma servi, ut maneret incommutabilis forma Dei, manifestum est quod a Patre et Filio non apparentibus factum sit quod appareret in Filio, id est, ut ab invisibili Patre cum invisibili Filio, idem ipse Filius visibilis mitteretur. Cur ergo ait, *Et a me ipso non veni?* Jam hoc secundum formam servi dictum est, secundum quam dictum est, *Ego non judico quemquam* (*Joan.* viii, 42, 15).

10. Si ergo inmissus dicitur in quantum apparuit foris in creatura corporali, qui intus in natura spirituali oculis mortalium semper occultus est, jam in promptu est intelligere etiam de Spiritu sancto cur missus et ipse dicatur. Facta est enim quædam creaturæ species ex tempore in qua visibiliter ostenderetur Spiritus sanctus, sive cum in ipsum Dominum corporali specie velut columba descendit (*Matth.* iii, 16), sive cum decem diebus peractis post ejus ascensionem, die Pentecostes factus est subito de cœlo sonus quasi feretur flatus vehemens, et visæ sunt illis linguae divisæ tanquam ignis, qui et insedit super unumquemque eorum (*Act.* ii, 2-4). Hæc operatio visibiliter expressa, et oculis oblata mortalibus, missio Spiritus sancti dicta est; non ut appareret ejus ipsa substantia, qua et ipse invisibilis et incommutabilis est, sicut Pater et Filius : sed ut exterioribus visis hominum corda commota, a temporali manifestatione venientis ad occultam æternitatem semper præsentis converterentur.

CAPUT VI. — 11. *Non sic assumpta creatura a Spiritu sancto, ut caro a Verbo.* Ideo autem nusquam scriptum est, quod Deus Pater major sit Spiritu sancto, vel Spiritus sanctus minor Deo Patre, quia non sic est assumpta creatura, in qua appareret Spiritus sanctus, sicut *assumptus est filius hominis*, in qua forma ipsius Verbi Dei persona præsentaretur : non ut haberet Verbum Dei, sicut alii sancti sapientes, sed præ participibus suis (*Hebr.* i, 9); non utique quod amplius habebat Verbum, ut esset quam cæteri excellentiore sapientia, sed quod ipsum Verbum erat. Aliud est enim Verbum in carne, aliud Verbum caro; id est, aliud est Verbum in homine, aliud Verbum homo. Caro enim pro homine posita est in eo quod ait, *Verbum caro factum est* (*Joan.* i, 14) : sicut et illud, *Et videbit omnis caro pariter salutare Dei* (*Luc.* iii, 6). Non enim sine anima vel sine mente : sed ita *omnis caro*, ac si diceretur, Omnis homo. Non ergo sic est assumpta creatura, in qua appareret Spiritus sanctus, sicut assumpta est caro illa et humana illa forma ex virgine Maria. Neque enim columbam beatificavit Spiritus, vel illum flatum, vel illum ignem, sibi-

que et personæ suæ in unitatem habitumque conjunxit in æternum : aut vero mutabilis et convertibilis est natura Spiritus sancti, ut non hæc ex creatura fierent, sed ipse in illud atque illud mutabiliter verteretur, sicut aqua in glaciem. Sed apparuerunt ista, sicut opportune apparere debuerunt, creatura serviente Creatori, et ad nutum ejus incommutabiliter in se ipso permanentis, ad eum significandum et demonstrandum, sicut significari et demonstrari mortalibus oportebat, mutata atque conversa. Proinde, quamquam illa columba Spiritus dicta sit (*Matth.* iii, 16), et de illo igne cum diceretur, *Visæ sunt illis*, inquit, *linguae divisæ velut ignis, qui et insedit super unumquemque eorum, et cœperunt linguis loqui, quemadmodum Spiritus dabat eis pronuntiare* (*Act.* ii, 3, 4), ut ostenderet per illum ignem Spiritum demonstratum, sicut per columbam : non tamen ita possumus dicere Spiritum sanctum et Deum et columbam¹, aut et Deum et ignem, sicut dicimus Filium et Deum et hominem : nec sicut dicimus Filium agnum Dei, non solum Joanne Baptista dicente, *Ecce Agnus Dei* (*Joan.* i, 29); sed etiam Joanne evangelista vidente Agnum occisum in Apocalypsi (*Apoc.* v, 6). Illa quippe visio prophætica non est exhibita oculis corporeis per formas corporreas, sed in spiritu per spirituales imagines corporum. Columbam vero illam et ignem oculis viderunt, quicunque viderunt. Quanquam de igne disceptari potest, utrum oculis, an spiritu visus sit, propter verba sic posita. Non enim ait, Viderunt linguas divisas velut ignem ; sed, *Visæ sunt eis*. Non autem sub eadem significatione solemus dicere, Visum est mihi, qua dicimus, Vidi. Et in illis quidem spiritualibus visis imaginum corporalium solet dici, et, Visum est mihi ; et, Vidi : in istis vero quæ per expressam corporalem speciem oculis demonstrantur, non solet dici, Visum est mihi ; sed, Vidi. De illo ergo igne potest esse quæstio, quomodo visus sit ; utrum intus in spiritu tanquam foris, an vere foris coram oculis carnis. De illa vero columba quæ dicta est corporali specie descendisse, nullus unquam dubitavit quod oculis visa sit. Nec sicut dicimus Filium petram (scriptum est enim, *Petra autem erat Christus* [*I Cor.* x, 4]), ita possumus dicere Spiritum columbam vel ignem. Illa enim petra jam erat in creatura, et per actionis modum nuncupata est nomine Christi quem significabat ; sicut lapis ille, quem Jacob positum ad caput etiam unctione, ad significandum Dominum assumpsit (*Gen.* xxviii, 18) ; sicut Isaac Christus erat, cum ad se immolandum ligna portabat (*Id.* xxii, 6). Accessit istis actio quædam significativa jam existentibus : non autem, sicut illa columba et ignis, ad hæc tantummodo significanda repente extiterunt, Magis ista similia mihi videntur flammæ illi quæ in rubo apparuit Moysi (*Exod.* iii, 2), et illi columnæ quam populus in eremo sequebatur (*Id.* xiii, 21, 22), et fulguribus et tonitruis

¹ Plures MSS., non tamen ita possumus dicere spiritum sanctum unam personam spiritum sanctum et Deum et columbam.

² Sic Am. Er. et Vss. At Lov., posuit ad caput, etiam unctionem.

quæ silebant cum Lex daretur in monte (*Exod. xix. 16*). Ad hoc enim illarum rerum corporalis exstisit species, ut aliquid significaret atque præteriret.

CAPUT VII. — 12. *Dubitatio de apparitionibus divinis.* Propter has ergo corporales formas, quæ ad eum significandum, et sicut humanis sensibus oportebat demonstrandum temporaliter extiterunt, missus dicitur etiam Spiritus sanctus: non tamen minor Pater dictus est, sicut Filius propter formam servi; quia illa forma servi inhæsit ad unitatem personæ, illæ vero species corporales ad demonstrandum quod opus fuit ad tempus apparuerunt, et esse postea desisterunt. Cur ergo non et Pater dicitur missus per illas species corporales, ignem rubi, et columnam nubis vel ignis, et fulgura in monte, et si qua talia tunc apparuerunt, cum eum coram locutum Patribus, teste Scriptura didicimus, si per illos creature modos et formas corporaliter expressas et humanis aspectibus præsentatas ipse demonstrabatur? Si autem Filius per ea demonstrabatur, cur tanto post dicitur missus, cum ex femina factus est, sicut Apostolus dicit, *Cum autem venit plenitudo temporis, misit Deus Filium suum factum ex muliere* (*Galat. iv. 4*): quandoquidem et antea mittebatur, cum per illas creature mutabiles formas Patribus apparebat? Aut si non recte posset dici missus, nisi cum Verbum caro factum est; cur missus dicitur Spiritus sanctus, enjus nulla talis incorporatio facta est? Si vero per illa visibilia quæ in Lege et Prophetis commendantur, nec Pater, nec Filius, sed Spiritus sanctus¹ ostendebatur; cur etiam ipse nunc dicitur missus, cum illis modis et antea mitteretur?

• 13. In hujus perplexitate quæstionis, adjuvante Domino primum quærendum est, utrum Pater, an Filius, an Spiritus sanctus; an aliquando Pater, aliquando Filius, aliquando Spiritus sanctus; an sine ulla distinctione personarum, sicut dicitur Deus unus et solus, id est, ipsa Trinitas per illas creature formas Patribus apparuerit. Deinde, quodlibet horum inventum visumve fuerit, utrum ad hoc opus tantummodo creatura formata sit, in qua Deus, sicut tunc oportuisse judicavit, humanis ostenderetur aspectibus: an Angeli, qui jam erant, ita mittebantur, ut ex persona Dei loquerentur, assumentes corporalem speciem de creatura corporea, in usum ministerii sui, sicut cuique opus esset; aut ipsum corpus suum cui non subduntur, sed subditum regunt, in species quas vellent accommodatas atque aptas actionibus suis mutantibus atque vertentes secundum attributam sibi a Creatore potentiam. Postremo videbimus id quod querere institueramus, utrum Filius ei Spiritus sanctus et antea mittebantur; et, si mittebantur, quid inter illam missionem, et eam quam in Evangelio legimus, distet: an missus non sit aliquis eorum, nisi cum vel Filius factus esset ex Maria virgine, vel cum Spiritus sanctus visibili specie sive in columba, sive in igne linguis apparuit (*a*).

¹ Sola fere editio Lov., nec *Spiritus sanctus*.

(a) Vide infra, lib. 3, cap. 1, n. 4.

CAPUT VIII. — 14. *Tota Trinitas invisibilis.* Omit-tamus igitur eos qui nimis carnaliter naturam Verbi Dei atque Sapientiam, quæ in se ipsa manens innovat omnia, quem unicum Dei Filium dicimus, non solum mutabilem, verum etiam visibilem esse putaverunt. Illi enim multum crassum eorū divinis rebus inquirerunt audacius quam religiosius attulerunt. Anima quippe cum sit substantia spiritualis, cumque etiam ipsa facta sit, nec per alium fieri potuerit, nisi per quem facta sunt omnia, et sine quo factum est nihil (*Joan. 1, 5*) quamvis sit mutabilis, non est tamen visibilis; quod illi de Verbo ipso atque ipsa Dei Sapientia, per quam facta est anima, crediderunt; cum sit illa non invisibilis tantum, quod et anima est; sed etiam incommutabilis, quod anima non est. Eadem quippe incommutabilitas ejus commemorata est ut diceretur, *In se ipsa manens innovat omnia* (*Sap. vii, 27*). Et isti quidem ruinam erroris sui divinarum Scripturarum. testimonii quasi fulcire conantes, adhibent Pauli apostoli sententiam; et quod dictum est de uno solo Deo, in quo ipsa Trinitas intelligitur, tantum de Patre, non et de Filio et de Spiritu sancto dictum accipiunt, *Regi autem sæculorum immortalis, invisibili, soli Deo honor et gloria in sæcula sæculorum* (*I Tim. i, 17*); et illud alterum, *Beatus et solus potens, Rex regum, et Dominus dominantium; qui solus habet immortalitatem, et lucem habitat inaccessibilem; quem nemo homini vidit, nec videre potest* (*Id. vi, 15, 16*). Ilæc quæ admodum intelligenda sint, jam satis nos disseruistis arbitror.

CAPUT IX. — 15. *Contra eos qui credebant solum Patrem immortalem et invisibilem. Pacifico studio quærenda veritas.* Verum illi qui ista non de Filio nec de Spiritu sancto, sed tantum de Patre accipi volunt, dicunt visibilem Filium, non per carnem de Virgine assumptam, sed etiam antea per se ipsum. Nam ipse, inquit, apparuit oculis Patrum. Quibus si dixeris, Quomodo ergo visibilis per se ipsum Filius, ita et mortalis per se ipsum, ut constet vobis quod tantummodo de Patre vultis intelligi, quod dictum est, *Qui solus habet immortalitatem*: nam si propter carnem susceptam mortalis est Filius, propter hanc sinite ut sit et visibilis: respondent, nec propter hanc se mortalem Filium dicere; sed sicut et ante visibilem, ita et ante mortalem. Nam si propter carnem Filium dicunt esse mortale, jam non Pater sine Filio solus habet immortalitatem; quia et Verbum ejus, per quod facta sunt omnia, habet immortalitatem. Neque enim quia carnem assumpsit mortalem, ideo amisit immortalitatem suam: quandoquidem nec animæ humanæ hoc accidere potuit, ut cum corpore moretur, dicente ipso Domino, *Nolite timere eos qui corpus occidunt, animam autem non possunt occidere* (*Matth. x, 28*): aut vero etiam Spiritus sanctus carnem assumpsit, de quo utique sine dubio turbabuntur, si propter carnem mortalis est Filius, quomodo accipient Patrem tantummodo sine Filio et sine Spiritu sancto habere immortalitatem; quandoquidem Spiritus sanctus non assumpsit carnem: qui si non

habet immortalitatem, non ergo propter carnem mortalis est Filius : si autem habet Spiritus sanctus immortalitatem, non de Patre tantummodo dictum est, *Qui solus habet immortalitatem.* Quocirca ita se arbitrantur et ante incarnationem per se ipsum mortalem Filium posse convincere, quia ipsa mutabilitas non inconvenienter mortalitas dicitur, secundum quam et anima dicitur mori : non quia in corpus vel in aliquam alteram substantiam mutatur et vertitur : sed in ipsa sua substantia quidquid alio modo nunc est ac fuit, secundum id quod desitit esse quod erat, mortale deprehenditur. Quia itaque, inquit, antequam natus esset Filius Dei de virginе Maria, ipse apparuit patribus nostris, non in una eademque specie, sed multiformiter, aliter atque aliter, et visibilis est per se ipsum, quia nondum carne assumpta, substantia ejus conspicua mortalibus oculis fuit; et mortalis, in quantum mutabilis : ita et Spiritus sanctus, qui alias columba, alias ignis apparuit. Unde non Trinitati, aiunt, sed singulariter et proprie Patri tantummodo convenit quod dictum est, *Immortali, invisibili, soli Deo;* et, *Qui solus habet immortalitatem, et lucem inhabitat inaccessibilem; quem nemo hominum vidit, nec videre potest.*

16. Omissis ergo istis, qui nec animæ substantiam invisibilem nosse potuerunt, unde longe remotum ab eis erat ut nossent unius et solius Dei, id est, Patris et Filii et Spiritus sancti, non solum invisibilem, verum et incommutabilem permanere substantiam, ac per hoc in vera et sincera immortalitate consistere : nos qui nunquam apparuisse corporeis oculis Deum nec Patrem, nec Filium, nec Spiritum saeculum dicimus, nisi per subjectam suæ potestati corpoream creaturam, in pace catholica pacifico studio requiri-nus, parati corrigi, si fraterne ac recte reprehendi-nur; parati etiam ab inimico, vera tamen dicente, mordemur; utrum indiscrete Deus apparuerit patribus nostris antequam Christus veniret in carne, an aliqua ex Trinitate persona, an singillatim quasi per vices.

CAPUT X. — 17. *An indiscrete Deus Trinitas Patribus apparuerit, an aliqua ex Trinitate persona. Apparatio Dei Adamo. De eadem apparitione. Visio Abrahæ.* Ac primum, in eo quod in Genesi scriptum est, locutum Deum cum homine quem de limo finxerat, si excepta figurata significatione, ut rei gestæ fides etiam ad litteram teneatur, ista tractamus, in specie hominis videtur Deus cum homine tunc locutus. Non quidem expresse hoc in libro positum est, sed circumstantia lectionis¹ id resonat, maxime illo quod scriptum est, vocem Dei audivisse Adam deambulantis in paradyso ad vesperam, et abscondisse se in medio ligni quod erat in paradyso, Deoque dicenti, *Adam, ubi es?* respondisse, *Audivi vocem tuam, et abscondi me a facie tua, quoniam nudus sum* (*Gen. iii, 8-10*). Quomodo enim possit ad litteram intelligi talis Dei deambulatio et colloctio, nisi in specie humana, non video. Neque enim dici potest vocem solam factam ubi deam-

¹ *Editi, locutionis. At MSS., lectionis.*

bulasse dictus est Deus, aut eum qui deambulabat in loco non fuisse visibilem, cum et Adam dicat quod se absconderit a facie Dei. Quis erat ergo ille? utrum Pater, an Filius, an Spiritus sanctus? Ad omnino Deus indiscrete ipsa Trinitas, in forma hominis homini loquebatur? Contextio quidem ipsa Scripturæ nusquam transire sentitur a persona ad personam : sed ille videtur loqui ad primum hominem qui dicebat, *Fiat lux*, et, *Fiat firmamentum* (*Gen. i, 3, 6*), et cætera per illos singulos dies; quem Deum Patrem solemus accipere, dicentem ut fiat quidquid facere voluit. Omnia enim per Verbum suum fecit, quod Verbum ejus unicum Filium ejus secundum rectam fideli regulam novimus. Si ergo Deus Pater locutus est ad primum hominem, et ipse deambulabat in paradyso ad vesperam, et ab ejus facie se in medio ligni paradyxi peccator absconderat : cur jam non ipse intelligatur apparuisse Abrahæ et Moysi, et quibus voluit, et quemadmodum voluit, per subjectam sibi commutabilem atque visibilem creaturam, cum ipse in ipso atque in substantia sua qua est incommutabilis atque invisibilis maneat? Sed fieri potuit ut a persona ad personam occulte Scriptura transiret, et cum Patrem dixisse narrasset, *Fiat lux*, et cætera quæ per Verbum fecisse commemoratur, jam Filium indicaret² loqui ad primum hominem, non aperte hoc explicans, sed eis qui possent intelligendum intimans.

18. Qui ergo habet vires, quibus hoc secretum possit mentis acie penetrare, ut ei liquido appareat vel posse etiam Patrem, vel non posse nisi Filium, et Spiritum sanctum, per creaturam visibilem humanis oculis apparere, pergit in hæc scrutanda, si potest, etiam verbis enuntianda atque tractanda : res tamen, quantum ad hoc Scripturæ testimonium attinet, ubi Deus cum homine locutus est, quantum existimo occulta est : quia etiam utrum soleret Adam corporeis oculis Deum videre, non evidenter appetet; cum præsertim magna sit quæstio, cujusmodi oculi eis aperti fuerint, quando vetitum cibum gustaverunt (*Id. iii, 7*) : hi enim, antequam gustassent, clausi erant. Illud tamen³ non temere dixerim, si paradysum corporalem quemdam locum illa Scriptura insinuat, deambulare ibi Deum nisi in aliqua corporea forma nullo modo potuisse. Nam et solas voces factas quas audiret homo, nec aliquam formam videret, dici potest : nec quia scriptum est, *Abscondit se Adam a facie Dei;* continuo sequitur ut soleret faciem ejus videre. Quid si enim non quidem videre ipse poterat, sed videri ipse metuebat ab eo cuius vocem audierat, et deambulantis præsentiam senserat? Nam et Cain dixit Deo, *A facie tua abscondam me* (*Id. iv, 14*) : nec ideo fateri cogimur, eum solere cernere faciem Dei corporeis oculis, in qualibet forma visibili, quamvis de facinore suo vocem interrogantis secumque loquentis audisset. Cujusmodi autem loqua tunc Deus exterioribus hominum auribus insonaret, maxime ad primum hominem loquens, et invenire difficile est,

¹ Sic plerique MSS. At editi, per Filium indicat.

² Plures MSS., *ijlud tentum.*

et non hoc isto sermone suscepimus. Verumtamen si sole voces et sonitus siebant, quibus quedam sensibilis praesentia Dei primis illis hominibus præbereatur, cur ibi personam Dei Patris non intelligam ne scio: quandoquidem persona ejus ostenditur et in ea voce, cum Jesus in monte coram tribus discipulis præfulgens apparuit (*Matth. xvii, 5*); et in illa, quando super baptizatum columba descendit (*Id. iii, 17*); et in illa ubi ad Patrem de sua clarificatione clamavit, eique responsum est, *Et clarificavi, et iterum clarificabo* (*Joan. xii, 28*). Non quia sieri potuit vox sine opere Filii et Spiritus sancti (Trinitas quippe inseparabiliter operatur); sed quia ea vox facta est, que solius personam Patris ostenderet: sicut humanam illam formam ex virgine Maria Trinitas operata est, sed solius Filii persona est; visibilem namque Filii solius personam, invisibilis Trinitas operata est. Nec nos aliquid prohibet, illas voces factas ad Adam, non solum a Trinitate factas intelligere, sed etiam personam demonstrantes ejusdem Trinitatis accipere. Ibi enim cogimur, nonnisi Patris accipere, ubi dictum est, *Hic est Filius meus dilectus* (*Matth. iii, 17*). Neque enim Jesus etiam Spiritus sancti filius, aut etiam suus filius credi aut intelligi potest. Et ubi sonuit, *Et clarificavi, et iterum clarificabo*, nonnisi Patris personam fatemur. Responsio quippe est ad illam Domini vocem qua dixerat, *Pater, clarifica Filium tuum*: quod non potuit dicere nisi Deo Patri tantum, non et Spiritui sancto, cuius non erat filius. Hic autem ubi scriptum est, *Et dixit Dominus Deus ad Adam*, cur non ipsa Trinitas intelligatur, nihil dici potest.

19. Similiter etiam quod scriptum est, *Et dixit Dominus ad Abraham: Exi de terra tua, et de congnatione tua, et de domo patris tui, non est apertum, utrum sola vox facta sit ad aures Abrahæ, an et aliquid oculis ejus apparuerit*. Paulo post autem aliquanto apertius dictum est, *Et visus est Dominus Abrahæ, et dixit illi: Semini tuo dabo terram hanc* (*Gen. xi, 4, 7*). Sed nec ibi expressum est, in qua specie visus sit ei Dominus; aut utrum Pater, an Filius, an Spiritus sanctus ei visus sit. Nisi forte ideo putant Filium visum esse Abrahæ, quia non scriptum est, *Visus est ei Deus*; sed, *Visus est ei Dominus*. Tanquam enim proprie videtur Filius Dominus vocari, dicente Apostolo, *Nam et si sunt qui dicuntur dei sive in celo sive in terra, sicuti sunt dei multi et domini multi: nobis tamen unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum* (*1 Cor. viii, 5, 6*). Sed cum et Deus Pater multis locis inveniatur dictus Dominus, sicuti est illud, *Dominus dixit ad me: Filius meus es tu, ego hodie genui te* (*Psal. ii, 7*); et illud, *Dixit Dominus Domino meo: Sede ad dexteram meam* (*Psal. cix, 1*): cum etiam Spiritus sanctus Dominus dictus inveniatur, ubi Apostolus ait, *Dominus autem Spiritus est*; et ne quisquam arbitraretur Filium significatum, et ideo dictum spiritum propter incorporream substantiam, seculitus contexuit, *Ubi autem Spi-*

ritus Domini, ibi libertas (*II Cor. iii, 17*): Spiritum autem Domini Spiritum sanctum esse nemo dubitaverit: neque hic ergo evidenter appetet, utrum aliqua ex Trinitate persona, an Deus ipse Trinitas, de quo uno Deo dictum est, *Dominum Deum tuum adorabis*, et illi soli servies (*Deut. vi, 13*), visus fuerit Abrahæ. Sub illice autem Mambre tres viros vidi, quibus et invitatis hospitioque susceptis et epulantibus ministravit. Sic tamen Scriptura illam rem gestam narrare coepit, ut non dicat, *Visi sunt ei tres viri*; sed, *Visus est ei Dominus*. Atque inde consequenter exponens quomodo ei visus sit Dominus, attexit narrationem de tribus viris, quos Abraham per pluralem numerum invitat, ut hospitio suscipiat; et postea singulariter sicut unum alloquitur; et sicut unus ei de Sara filium pollicetur, quem Dominum dicit Scriptura, sicut in ejusdem narrationis exordio, *Visus est*, inquit, *Dominus Abrahæ*. Invitat ergo, et pedes lavat, et deducit abeuntes tanquam homines: loquitur autem tanquam cum Domino Deo, sive cum ei promittitur filius, sive cum ei Sodomis imminentis interitus indicatur (*Gen. xviii*).

CAPUT XI. — 20. *De eadem visione*. Non parvam neque transitoriam considerationem postulat iste Scripturæ locus. Si enim vir unus visus fuisset, jam illi qui dicunt et priusquam de Virgine nasceretur per suam substantiam visibilem Filium, quid aliud quam ipsum esse clamarent? Quoniam de Patre, inquit, dictum est, *Invisibili soli Deo* (*I Tim. i, 17*). Et tamen possem adhuc quererere, quomodo ante susceptam carnem, *habitu est inventus ut homo*: quandoquidem ei pedes loti sunt, et humanis epulis epulatus est? Quomodo istud fieri poterat, cum adhuc *in forma Dei esset, non rapinam arbitratus esse aequalis Deo?* Numquid enim iam semelipsus exinanierat, formam servi accipiens, in similitudine hominum factus, et habitu inventus ut homo (*Philip. ii, 6, 7*)? cum hoc quando fecerit per partum Virginis neverinus. Quomodo igitur antequam hoc fecisset, ut vir unus apparuit Abrahæ? An illa forma vera non erat? Possem ista quererere, si vir unus apparuisset Abrahæ, idemque Dei Filius crederetur. Cum vero tres viri visi sunt, nec quisquam in eis vel forma, vel ætate, vel potestate major ceteris dictus est; cur non hic accipiamus visibiliter insinuam per creaturam visibilem Trinitatis aequalitatem, atque in tribus personis unam eamdemque substantiam?

21. Nam ne quisquam putaret sic intimatum unum in tribus fuisse majorem, et cum Dominum Dei Filium intelligendum, duos autem alias angelos ejus¹, quia cum tres visi sint, uni Domino illic loquitur Abraham; sancta Scriptura futuris talibus cogitationibus atque opinionibus contradicendo non prætermisit occurtere, quando paulo post duos angelos dicit venisse ad Loth, in quibus et ille vir justus qui de Sodomorum incendio meruit liberari, ad unum Dominum loquitur. Sic enim sequitur Scriptura dicens: *Abiit autem Dominus postquam cessavit loquens ad*

¹ Plerique M... duos autem illos angelos ejus.

braham, et Abram reversus est ad locum suum.

CAPUT XII.—*Visio Loth excutitur.*—Venerunt autem duo angelii in Sodomis vespere. Hic attentius considerandum est, quod ostendere institui. Cum tribus certe loquebatur Abraham, et cum Dominum singulariter appellavit. Forte inquit aliquis¹: *Unum ex tribus agnoscebat Dominum; alios autem duos, angelos ejus. Quid sibi ergo vult, quod consequenter dicit Scriptura, Abiit autem Dominus postquam cessavit loquens ad Abraham, et Abraham reversus est ad locum suum: venerunt autem duo angeli in Sodomis vespere?* An forte ille unus abscesserat, qui Dominus agnoscebatur in tribus, et duos angelos qui cum illo erant ad consumenda miserat Sodoma? Ergo sequentia videamus. Venerunt, inquit, *duo angeli in Sodomis vespere.* Loth autem sedebat ad portam Sodomorum. Et cum vidisset eos Loth, surrexit in obviam illis, et adoravit in faciem super terram, et dixit: *Ecce, domini, divertite in dominum pueri vestri.* Hic manifestum est, et duos angelos suis, et in hospitium pluraliter invitatos, et honorifice appellatos dominos, cum fortasse homines putarentur.

22. Sed rursum movet, quia nisi angeli Dei cognoscerentur, non adoraret Loth in faciem super terram. Cur ergo tanquam tali humanitate indigentibus, et hospitium praebetur et victus? Sed quodlibet hic lateat, illud nunc quod suscepimus exsequamur. Duo apparent, angeli ambo dicuntur², pluraliter invitantur, tanquam cum duobus pluraliter loquitur, donec exeat a Sodomis. Deinde sequitur Scriptura et dicit: *Et factum est postquam eduxerunt eos foras, dixerunt: Salvans salva animam tuam; ne respexeris retro, neque stes in hac universa regione: in montem vade, et ibi salvaberis, ne forte comprehendaris.* Dixit autem Loth ad eos; *Rogo, domine, quoniam invenit puer tuus ante te misericordiam* (*Gen. xix, 1-19*), etc. Quid est hoc quod dixit ad eos, *Rogo, domine, si jani ille discesserat qui Dominus erat, et angelos miserat?* cur dicitur, *Rogo, domine;* et non, *Rogo, domini?* Aut si unum ex eis voluit appellare, cur ait Scriptura, *Dixit autem Loth ad eos: Rogo, domine, quoniam invenit puer tuus ante te misericordiam?* An et hic intelligimus in plurali numero duas personas? cum autem iidem duo tanquam unus compellantur, unius substantiae unum Dominum Deum? Sed quas duas personas hic intelligimus? Patris et Filii, an Patris et Spiritus sancti, an Filii et Spiritus sancti? Hoc forte congruentius quod ultimum dixi. Missos enim se dixerunt, quod de Filio et de Spiritu sancto dicimus. Nam Patrem missum nusquam Scripturarum nobis occurrit.

| CAPUT XIII. — 23. *Visio in rubo.* Moyses autem quando ad populum Israel ex Aegypto educendum missus est, sic ei Dominum apparuisse scriptum est: *Pascebat, inquit, oves Jethro socii sui sacerdotis Madian, et egit oves in desertum, et venit in montem Dei Horeb. Apparuit autem illi angelus Domini in flanuna*

ignis de rubo. Et vidit quia in rubo arderet ignis, rubus vero non comburebatur. Et ait Moyses: Ibo, et video visum istud, quod tam magnum vidi, quoniam non comburitur rubus. Cum ergo vidit Dominus quia venit videre, clamavit eum¹ Dominus de rubo dicens: Ego sum Deus patris tui, Deus Abraham, et Deus Isaac, et Deus Jacob. (*Exod. iii, 4-6*). Et hic primo angelus Domini dictus est, deinde Deus. Numquid ergo angelus est Deus Abraham, et Deus Isaac, et Deus Jacob? Potest ergo recte intelligi ipse Salvator, de quo dicit Apostolus: *Quorum patres, et ex quibus Christus secundum carnem, qui est super omnia Deus benedictus in secula* (*Rom. ix, 5*). Qui ergo super omnia est Deus benedictus in secula, non absurde etiam hic ipse intelligitur Deus Abraham, et Deus Isaac, et Deus Jacob. Sed cur prius angelus Domini dictus est, cum de rubo in flamma ignis apparuit? utrum quia unus ex multis Angelis erat, sed per dispensationem personam Domini sui gerebat; an assumptum erat aliquid creaturæ, quod ad præsens negotium visibiliter apparet, et unde voces sensibiliter ederentur, quibus præsentia Domini persubjectam creaturam corporeis etiam sensibus hominis, sicut oportebat, exhiberetur? Si enim unus ex Angelis erat, quis facile affirmare posset utrum ei Filii persona nuntianda imposita fuerit, an Spiritus sancti, an Dei Patris, an ipsius omnino Trinitatis, qui est unus et solus Deus, ut diceret, *Ego sum Deus Abraham, et Deus Isaac, et Deus Jacob?* Neque enim possumus dicere Deum Abraham, et Deum Isaac, et Deum Jacob, *Filium Dei esse, et Patrem non esse;* aut Spiritum sanctum, aut ipsam Trinitatem, quam credimus et intelligimus unum Deum, audiabit aliquis negare Deum Abraham, et Deum Isaac, et Deum Jacob. Ille enim non est illorum patrum Deus, qui non est Deus. Porro si non solum Pater Deus est, sicut omnes etiam haeretici concedunt; sed etiam Filius, quod, velint nolint, coguntur fateri, dicente Apostolo, *Qui est super omnia Deus benedictus in secula;* et Spiritus sanctus, dicente ipso Apostolo, *Clarificate ergo Deum in corpore vestro;* cum supra dicaret, *Nescitis quia corpora vestra templum in vobis est Spiritus sancti, quem habetis a Deo* (*1 Cor. vi, 19*)? et hi tres unus Deus, sicut catholica sanitas credit: non satis eluet quam in Trinitate personam, et utrum aliquam, an ipsius Trinitatis gerebat ille angelus, si unus ex ceteris Angelis erat. Si autem in usum rei præsentis assumpta creatura est, quæ et humanis oculis appararet, et auribus insonaret, et appellaretur angelus Domini, et Dominus, et Deus; non potest hic Deus intelligi Pater, sed aut Filius, aut Spiritus sanctus. Quanquam Spiritum sanctum alicubi angelum dictum non recolam, sed ex opere possit intelligi: dictum enim de illo est, *Quæ ventura sunt annuntiabit vobis* (*Joan. xvi, 13*); et utique Angelus græce, latine Nuntius interpretatur: de Domino autem Jesu Christo evidentissime legimus apud prophetam, quod *magni consilii Angelus dictus sit* (*Isai. ix, 6*): cum et Spi-

¹ Fr. Lugd. Ven. Lov., *Forte: inquit aliquis.* M.

² Unus e Vaticanis MSS., *Duo apparent angelii, ambo dicuntur domini.*

¹ Editi, *clamavit ad eum.* Particula, *ad,* abest a MSS. et a græco LXX.

tus sanctus, et Dei Filius, sit Deus et Dominus angelorum.

CAPUT XIV. — 24. *De visione in columna nubis et ignis.* Item in exitu filiorum Israel de Aegypto scriptum est : *Deus autem præbat illos, die quidem in columna nubis, et ostendebat illis viam; nocte autem in columna ignis: et non deficiebat columna nubis die, et columna ignis nocte ante populum (Exod. xiii, 21, 22).* Quis et hic dubitet per subjectam creaturam eamdemque corpoream, non per suam substantiam, Deum oculis apparuisse mortalium? sed utrum Patrem, an Filium, an Spiritum sanctum, an ipsam Trinitatem unum Deum, similiter non appetet. Nec ibi hoc distinguitur, quantum existimo, ubi scriptum est : *Et majestas Domini apparuit in nube, et locutus est Dominus ad Moysen, dicens: Exaudi mormur filiorum Israel (Id. xvi, 10-12), etc.*

CAPUT XV. — 25. *De visione in Sina. An Trinitas, an aliqua proprie persona in ea visione loquebatur.* Jam vero de nubibus, et vocibus, et fulguribus, et tuba, et sumo in monte Sina, cum dicereatur : *Sina autem mons fumabat totus, propterea quod descendisset Deus in eum in igne, et ascendebat fumus tanquam fumus fornacis: et mente confusus est omnis populus vehementer; fiebant autem voces tubæ prodeuentes fortiter valde: Moyses loquebatur, et Deus respondebat ei voce (Id. xix, 18, 19).* Et paulo post data Lege in decempræceptis, consequenter dicitur : *Et omnis populus videbat voces, et lampadas, et voces tubæ, et montem fuman-tem.* Et paulo post : *Et stabat, inquit, omnis populus a longe; Moyses autem intravit in nebulam ubi erat Deus, et dixit Dominus ad Moysen (Id. xx, 18, 21), etc.* Quid hinc dicam; nisi quod nemo tam vecors est, qui credat fumum, ignem, nubes, et nebulam, et si qua hujusmodi, Verbi et Sapientiae Dei quod est Christus, vel Spiritus sancti esse substantiam? Nam de Patre Deo, nec Ariani hoc unquam ausi sunt dicere. Ergo creatura serviente Creatori facta sunt illa omnia, et humanis sensibus pro dispensatione congrua præsentata: nisi forte, quia dictum est, *Moyses autem intravit in nebulam ubi erat Deus,* hoc arbitrabitur carna- lis cogitatio, a populo quidem nebulam visam, intra nebulam vero Moysen oculis carneis vidisse Filium Dei, quem delirantes haeretici in sua substantia visum¹ voluit. Sane viderit eum Moyses oculis carneis, si oculis carneis potest videri, non modo Sapientia Dei quod est Christus, sed vel ipsa cuiuslibet hominis et qualiscumque sapientis: aut quia scriptum est de senioribus Israel, quia viderunt locum ubi steterat Deus Israel, et quia sub pedibus ejus tanquam opus lapidis sapphiri, et tanquam aspectus firmamenti caeli (Id. xxiv, 10), propterea credendum est Verbum et Sapientiam Dei per suam substantiam in spatio loci terreni stetisse, quæ pertendit a fine usque ad finem fortiter, et disponit omnia suaviter (*Sap. viii, 1*); et ita esse mutabile Verbum Dei, per quod facta sunt omnia (*Joan. i, 3*), ut modo se contrahat, modo dis-tendat (mundet Dominus a talibus cogitationibus corda

fidelium suorum) : sed per subjectam, ut sœpe diximus, creaturam exhibentur hæc omnia visibilia et sensibilia, ad significandum invisibilem atque intelligibilem Deum, non solum Patrem, sed et Filium et Spiritum sanctum, ex quo omnia, per quem omnia, in quo omnia (*Rom. xi, 56*); quamvis invisibilia Dei, a creatura mundi, per ea que facta sunt intellecta conspiciantur, sempiterna quoque virtus ejus ac di-vinitas (*Id. i, 20*).

26. Sed quod attinet ad id quod nunc suscepimus, nec in monte Sina video quemadmodum appareat per illa omnia quæ mortalium sensibus terribiliter ostendebantur, utrum Deus Trinitas, an Pater, an Filius, an Spiritus sanctus proprie loquebatur. Verumtamen si quid hinc sine affirmandi temeritate modeste atque cunctanter conjectare conceditur, si una ex Trinitate persona potest intelligi, cur non Spiritum sanctum potius intelligimus, quando et tabulis lapideis Lex ipsa quæ ibi data est, dígito Dei scripta dicitur (*Exod. xxxi, 18*), quo nomine Spiritum sanctum in Evangelio, significari novimus (*Luc. xi, 20*). Et quinquaginta dies numerantur ab occidente agni et celebra-tione Paschæ, usque ad diem quo hæc fieri coepit sunt in monte Sina; sicut post Domini passionem ab ejus resurrectione quinquaginta dies numerantur, et venit promissus a Filio Dei Spiritus sanctus. Et in ipso ejus adventu, quem in Apostolorum Actibus legimus, per divisionem linguarum ignis apparuit, qui et insedit super unumquemque eorum (*Act. ii, 1-4*): quod Exodo congruit, ubi scriptum est, *Sina autem mons fumabat totus, propterea quod descendit in eum Deus in igne;* et aliquanto post, *Aspectus, inquit, ma-jestatis Domini tanquam ignis ardens super verticem montis coram filiis Israel.* Aut si hæc ideo facta sunt, quia nec Pater, nec Filius illic eo modo præsentari poterant sine Spiritu sancto, quo ipsam Legem scribi oportebat: Deum quidem, non per substantiam suam quæ invisibilis et incommutabilis manet, sed per illam speciem creaturæ illic apparuisse cognoscimus; sed aliquam ex Trinitate personam signo quodam proprio, quantum ad mei sensus capacitatem pertinet, non videmus.

CAPUT XVI. — 27. *Moyses quomodo viderit Deum.* Est etiam quo moveri plerique solent, quia scriptum est, *Et locutus est Dominus ad Moysen facie ad faciem, sicut quis loquitur ad amicum suum:* cum paulo post dicat idem Moyses, *Si ergo inveni gratiam ante te, os-tende mihi temetipsum manifeste, ut videam te; ut sim inveniens gratiam ante te, et ut sciam quia populus tuus est gens hæc:* et paulo post iterum dixit Moyses ad Dominum, *Ostende mihi majestatem tuam.* Quid est hoc, quod in omnibus quæ supra fiebant, Deus videri per suam substantiam putabatur, unde a misericordia creditus est, non per creaturam, sed per seipsum visibilis Filius Dei; et quod intraverat in nebulam Moyses, ad hoc intrasse videbatur, ut oculis quidem populi ostenderetur caligo nebulosa, ille autem intus verba Dei tanquam ejus faciem contemplatus audiret et quomodo dictum est, *Locutus est Dominus ad Moysen facie ad faciem, sicut*

¹ Unus e Vaticanis MSS. visibilcm.

quis loquitur ad amicum suum : et ecce idem dicit, Si inveni gratiam ante te, ostende mihi temel ipsum manifeste ? Noverat utique quod corporaliter videbat, et veram visionem Dei spiritualiter requirebat. Locutio quippe illa quæ siebat in vocibus, sic modisicabatur, tanquam esset amici loquentis ad amicum. Sed Deum Patrem quis corporeis oculis videt ? Et quod in principio erat Verbum, et Verbum erat apud Deum, et Deus erat Verbum, per quod facta sunt omnia (Joan. i, 1, 3), quis corporeis oculis videt ? Et Spiritum sapientie quis corporeis oculis videt ? Quid est autem, Ostende mihi temel ipsum manifeste, ut videam te ; nisi, ostende mihi substantiam tuam ? Hoc autem si non dixisset Moyses, utcumque ferendi essent stulti, qui putant per ea quæ supra dicta vel gesta sunt, substantiam Dei oculis ejus fuisse conspicuum : cum vero hic apertissime demonstretur, nec desideranti hoc fuisse concessum ; quis audeat dicere per similes formas, quæ huic quoque visibiliter apparuerant, non creaturam Deo servientem, sed hoc ipsum quod Deus est cujusquam oculis apparuisse mortaliūm ?

28. *Et id quidem quod postea Dominus dicit ad Moysen, non poteris videre faciem meam, et vivere : non enim videbit homo faciem meam et vivet. Et ait Dominus : Ecce locus penes me est, et stabis super petram, statim ut transiet mea majestas, et ponam te in specula¹ petrae; et tegam manu mea super te, donec transeam, et auferam manum meam, et tunc videbis posteriora mea; nam facies mea non apparebit tibi (Exod. xxxiii, 11-23).*

CAPUT XVII. — *Posteriora Dei quomodo visa. Resurrectionis Christi fides. Catholica Ecclesia sola est locus unde videntur posteriora Dei. Posteriora Dei ab Israelitis visa. Deum Patrem solu nūquā Patribus visum extēstare temeraria opinio est. Non incongruent ex persona Domini nostri Jesu Christi præfiguratum solet intelligi, ut posteriora ejus accipiantur caro ejus, in qua de Virgine natus est, et mortuus, et resurrexit; sive propter posterioritatem² mortalitatis posteriora dicta sint, sive quod eam prope in fine seculi, hoc est, posterius suscipere dignatus est : facies autem ejus illa Dei forma, in qua non rapinam arbitratus est esse æqualis Deo Patri (Philipp. ii, 6), quam nemo utique potest videre et vivere; sive quia post hanc vitam, in qua peregrinamur a Domino (II Cor. v, 6), et ubi corpus quod corrumptitur aggravat animam (Sap. ix, 15), videbinus facie ad faciem, sicut dicit Apostolus (I Cor. xiii, 12) (de hac enim vita in Psalmis dicitur, Verumtamen universa vanitas omnis homo vivens [Psal. xxxviii, 6]; et iterum, Quoniam non justificabitur coram te omnis vivens [Psal. cxlii, 2]. In qua vita etiam, secundum Joannem, nondum apparuit quid erimus. Scimus autem, inquit, quia cum apparuerit, similes ei erimus; quoniam videbinus eum sicuti est [I Joan. iii, 2]: quod utique post hanc vitam*

¹ Editi hoc loco, in spelunca. Sed aliis inferius locis, sicut ubique veteres plerique codices, in specula.

² Plerique MSS., postremitatem.

intelligi voluit, cum mortis debitum solverimus, et resurrectionis promissum receperimus); sive quod etiam nunc in quantum Dei Sapientiam per quam facta sunt omnia, spiritualiter intelligimus, in tantum carnalibus affectibus morimur, ut mortuum nobis hunc mundum deputantes, nos quoque ipsi huic mundo moriamur, et dicamus quod ait Apostolus, *Mundus mihi crucifixus est, et ego mundo (Galat. vi, 14)*. De hac enim morte item dixit, *Si autem mortui estis cum Christo, quid adhuc velut videntes de hoc mundo decernitis (Coloss. ii, 20)*? Non ergo imminero nemo poterit faciem, id est, ipsam manifestationem Sapientie Dei videre et vivere. Ipsa est enim species, cui contemplandæ suspirat omnis qui affectat Deum diligere ex toto corde, et ex tota anima, et ex tota mente : ad quam contemplandam etiam proximum quantum potest ædificat, qui diligit et proximum sicut se ipsum : in quibus duobus preceptis tota Lex pendet et Prophetæ (Math. xxii, 37-40). Quod significatur etiam in ipso Moyse. Nam cum dixisset, propter dilectionem Dei qua præcipue flagrabat, *Si inveni gratiam in conspectu tuo, ostende mihi temel ipsum manifeste, ut sim inveniens gratiam ante te*; continuo propter dilectionem etiam proximi subiecit atque ait, *Et ut sciam quia populus tuus est gens hæc*. Illa est ergo species quæ rapit omnem animam rationalem desiderio sui, tanto ardentiorem quanto mundiorum, et tanto mundiorum quanto ad spiritualia resurgentem : tanto autem ad spiritualia resurgentem, quanto a carnalibus morientem. Sed dum peregrinamur a Domino, et per fidem ambulamus, non per speciem (II Cor. v, 6, 7), posteriora Christi, hoc est carnem, per ipsam fidem videre debemus, id est in solido fidei fundamento stantes, quod significat petra; et eam de tali tutissima specula intuentes, in catholica scilicet Ecclesia, de qua dictum est, *Et super hanc petram ædificabo Ecclesiam meam (Math. xvi, 18)*. Tanto enim certius diligimus, quam videre desideramus faciem Christi, quanto in posterioribus ejus agnoscamus quantum nos prior dilexerit Christus.

29. Sed in ipsa carne fides resurrectionis ejus salvos facit, atque justificat, *Si enim credidéris, inquit, in corde tuo, quia Deus illum suscitavit a mortuis, salvus eris (Rom. x, 9)*: et iterum, *Qui traditus est, inquit, propter delicta nostra, et resurrexit propter justificationem nostram (Id. iv, 25)*. Ideoque meritum fidei nostrae resurrectio corporis Domini est. Nam mortuam esse illam carnem in cruce passionis, etiam inimici ejus credunt, sed resurrexisse non credunt. Quod firmissime nos credentes, tanquam de petre soliditate contuemur : unde certa spe adoptionem exspectamus redēptionem corporis nostri (Id. viii, 23); quia hoc in membris Christi speramus, quæ nos ipsi sumus, quod perfectum esse in ipso tanquam in capite nostro fidei sanitatem cognoscimus. Inde non vult, nisi cum transierit, videri posteriora sua, ut in ejus resurrectionem credatur. Pascha enim hebreum verbum dicitur, quod *Transitus* interpretatur. Unde

et Joannes evangelista dicit: *Ante diem festum Paschæ, sciens Jesus quia venit hora ejus, ut transcat de hoc mundo ad Patrem (Joan. xiii, 1).*

30. Illoc autem qui credunt, nec tamen in Catholica¹, sed in schismate aliquo aut in heresi credunt, non de loco qui est penes eum vident posteriora Domini. Quid enim sibi vult quod ait Dominus, *Ecce locus est penes me, et stabis super petram?* Quis locus terrenus est penes Dominum, nisi hoc est penes eum quod eum spiritualiter attingit? Nam quis locus non est penes Dominum, qui attingit a fine usque ad finem fortiter, et disponit omnia suaviter (*Sap. viii, 1*); et cuius dictum est cœlum sedes, et terra scabellum pedum ejus; et qui dixit, *Quam domum ædificabilis mihi? aut quis locus quietis meæ? Nonne manus mea fecit hæc omnia (Isai. LXVI, 1, 2)*? Sed videlicet intelligitur locus penes eum in quo statur super petram, ipsa Ecclesia catholica, ubi salubriter videt Pascha Domini, id est transitum Domini, et posteriora ejus, id est, corpus ejus, qui credit in resurrectionem ejus. *Et stabis, inquit, super petram, statim ut transierit mea majestas.* Revera enim statim ut transiit majestas Domini in clarificatione Domini qua resurgens ascendit ad Patrem, solidati sumus super petram. Et ipse Petrus tunc solidatus est, ut cum fiducia prædicaret, quem, priusquam esset solidatus, ter timore negaverat (*Matth. xxvi, 70-74*), jam quidem prædestinatio positus in specula petræ, sed adhuc manu Domini sibi superposita ne videret. Posteriora eni ejus visurus erat, et nondum ille transierat, utique a morte ad vitam, nondum resurrectione clarificatus erat.

31. Nam et quod sequitur in Exodo, et dicit, *Tegam manu mea super te, donec transeam; et auferam manum meam, et tunc videbis posteriora mea:* multi Israelite quorum tunc figura erat Moyses, post resurrectionem Domini crediderunt in eum, tanquam iam videntes posteriora ejus, remota manu ejus ab oculis suis. Unde et Isaïe talem prophetiam evangelista commemorat: *In crassa cor populi hujus, et aures eorum oppila, et oculos eorum grava (Isai. vi, 10; Matth. XIII, 15).* Denique in Psalmo non absurde intelligitur ex eorum persona dici, *Quoniam die ac nocte gravata est super me manus tua. Die fortasse, cum manifesta miracula faceret, nec ab eis agnosceretur; nocte autem, cum in passione miceretur, quando certius putaverunt, sicut quemlibet hominem, peremptum et extinctum. Sed quoniam cum transisset ut ejus posteriora viderentur, predicante sibi apostolo Petro, quia oportebat Christum pati et resurgere, compuncti sunt dolore pœnitentiae (Act. II, 37, 41), ut fieret in baptizatis quod in capite ejus psalmi dicitur, Beati quorū remissæ sunt iniquitates, et quorum lecta sunt pœccata: propterea cum dictum esset, Gravata est super me manus tua, tanquam Domino transeunte, ut iam removeret manum, et viderentur posteriora ejus, sequitur vox dolentis et consolantis, et ex illo*

resurrectionis Domini peccatorum remissionem accipientis: *Conversus sum, inquit, in ærumna mea, cum infigeretur nūki spina. Peccatum meum cognovi, et in justitiam meam non operui. Dixi, Pronuntiabo adversum me injustitiam meam Domino, et tu remisisti impietatem cordis mei (Psal. XXXI, 1-5).* Neque enim tanto carnis nubilo debemus involvi, ut putemus faciem quidem Domini esse invisibilem, dorsum vero visible: quandoquidem in forma servi utrumque visibiliter apparet; in forma autem Dei absit ut tale aliquid cogitetur: absit ut Verbum Dei et Sapientia Dei ex una parte habeat faciem, et ex alia dorsum, sicut corpus humanum, aut omnino ulla specie vel motione sive loco sive tempore commutetur.

32. Quapropter, si in illis vocibus quæ siebant in Exodo, et illis omnibus corporalibus demonstrationibus Dominus Jesus Christus ostendebatur; aut alias Christus, sicut loci hujus consideratio persuadet; alias Spiritus sanctus, sicut ea quæ supra diximus admonent: non hoc efficitur, ut Deus Pater nunquam tali aliqua specie Patribus visus sit. Multa enim talia visa facta sunt illis temporibus, non evidenter nominato et designato in eis vel Patre, vel Filio, vel Spiritu sancto; sed tamen per quasdam valde probabiles significaciones nonnullis indicis existentibus, ut nimis temerarium sit dicere, Deum Patrem nunquam Patribus aut Prophetis per alias visibles formas apparuisse. Hanc enim opinionem illi pepererunt, qui non potuerunt in unitate Trinitatis intelligere quod dictum est, *Regi autem sæculorum immortali, invisibili soli Deo (I Tim. I, 17); et, Quem nemo hominum vidit, nec videre potest (Id. VI, 16).* Quod de ipsa substantia summa summeque divina et incomparabili, ubi et Pater et Filius et Spiritus sanctus unus et solus Deus est, per sanam fidem intelligitur. Visiones autem illæ per creaturam commutabilē Deo incommutabili subditam facte sunt, non proprie sicuti est, sed significative sicut pro rerum causis et temporibus oportuit, ostendentes Deum.

CAPUT XVIII. — 33. *Viso Danielis.* Quanquam nescio quemadmodum isti intelligent quod Danieli apparuerit Antiquus dierum, a quo Filius hominis, quod propter nos esse dignatus est, accepisse intelligitur regnum, ab illo scilicet qui ei dicit in Psalmis, *Filius meus es tu, ego hodie genui te: postula a me, et dabo tibi gentes hæreditatem tuam (Psal. II, 7, 8); et qui omnia subjecit sub pedibus ejus (Psal. VIII, 8).* Si ergo Danieli et Pater dans regnum, et Filius accipiens, apparuerunt in specie corporali; quomodo isti dicunt, Patrem nunquam visum esse Prophetis, et ideo solum debere intelligi invisibilem *quem nemo hominum vidit, nec videre potest?* Ita enim narravit Daniel: *Aspiciebam, inquit, donec throni positi sunt, et Vetustus dierum sedebat: et indumentum ejus quasi nix album, et capillus capitis ejus quasi lana munda; thronus ejus flamma ignis, rotæ ejus ignis flagrans, et flumen ignis trahebat¹ in conspectu ejus. Et milles mil-*

¹ Editi, post, in catholica, addunt, fide. Quidam MSS., pace. Quo loco verius subintelligitur, Ecclesia.

¹ Editi, transibat. MSS. prope omnes, trahebat; juxta LXX, eiken.

lia deserviebant ei, et dena millia denum millium as-sistebant ei. Et judicium collocavit, et libri aperte sunt, etc. Et paulo post: Aspiciebam, inquit, in vi-sione noctis: et ecce cum caeli nubibus, quasi Filius hominis veniens erat, et usque ad Veterem dierum per-venit, et oblatus est ei. Et ipsi datus est principatus et honor et regnum; et omnes populi, tribus, et linguae ipsi servient. Potestas ejus, potestas æterna, quæ non præteribit, et regnum ejus non corrumpetur¹ (Dan. vi, 9-14). Ecce Pater dans, et Filius accipiens regnum sempiternum, et sunt ambo in conspectu prophetantis visibili specie. Non ergo inconvenienter cre-ditur etiam Pater Deus eo modo solere apparere mortalibus.

34. Nisi forte aliquis dicet², ideo non esse visibi-lem Patrem, quia in conspectu somniantis apparuit; ideo autem Filium visibilem et Spiritum sanctum, quia Moyses illa omnia vigilans vidit. Quasi vero Verbum et Sapientiam Dei viderit Moyses carnalibus oculis, aut videri spiritus vel humanus possit qui carnem istam vivificat, vel ipse corporeus qui ventus dicitur; quanto minus ille Spiritus Dei qui omnium hominum et Angelorum mentes ineffabili excellentia divinæ substantiæ supergreditur? aut quisquam tali præcipitet errore, ut audeat dicere Filium et Spi-ritum sanctum etiam vigilantibus hominibus esse vi-sibilem, Patrem autem non nisi somniantibus? Quonodo ergo de Patre solo accipiunt, *Quem nemo ho-minum vidit, nec videre potest?* An cum dormiunt homines, tunc non sunt homines? Aut qui formare similitudinem corporis potest ad se significandum per visa somniantum, non potest formare ipsam corpo-ream creaturam ad se significandum oculis vigilan-tium? cum ejus ipsa substantia qua est ipse quod est, nulla corporis similitudine dormienti, nulla cor-porea specie vigilanti possit ostendi: sed non solum³ Patris, verum etiam Filii et Spiritus sancti. Et

¹ Editi, quod non corrumpetur. Abest, quod, a MSS. et a versione LXX.

² Fr. Lugg. Ven. et Lov., Nisi forte aliquis dicat. M.

³ Tres MSS., et non solum.

certe qui vigilantium visis moventur, ut non Pa-trem, sed tantum Filium vel Spiritum sanctum cre-dant corporalibus hominum apparuisse conspectibus; ut omittam tantam latitudinem sanctarum pagina-rum, et tam multiplicem earum intelligentiam, unde nemo sani capitum affirmare debet, nusquam perso-nam Patris per aliquam speciem corporalem vigi-lantium oculis demonstratam: sed ut hoc, ut dixi, omittam; quid dicunt de Patre nostro Abraham, cui certe vigilant et ministranti, cum Scriptura præmi-sisset dicens, *Vias est Dominus Abraham, non unus aut duo, sed tres apparuerunt viri, quorum nullus excelsius aliis eminuisse dictus est, nullus hono-ratius effulsius, nullus imperiosius egisse (Gen. xviii, 1)*?

55. Quapropter, quoniam in illa tripartita nostra distributione primum querere instituimus (*Supra, cap. 7*), utrum Pater, an Filius, an Spiritus sanctus; an aliquando Pater, aliquando Filius, aliquando Spi-ritus sanctus; an sine ulla distinctione personarum, sicut dicitur, Deus unus et solus; id est Trinitas ipsa, per illas creaturæ formas Patribus apparuerit: inter rogatis quæ potuimus⁴, quantum sufficere visum est, sanctarum Scripturarum locis, nihil aliud, quantum existimo, divinorum sacramentorum modesta et cauta consideratio persuadet, nisi ut temere non dicamus quænam ex Trinitate persona cuilibet Patrum vel Pro-phatarum in aliquo corpore vel similitudine corporis apparuerit, nisi cum continentia lectionis aliqua pro-babilitia circumponit indicia. Ipsa enim natura, vel substantia, vel essentia, vel quolibet alio nomine ap-pellandum est id ipsum quod Deus est, quidquid illud est, corporaliter videri non potest: per subjectam vero creaturam, non solum Filium, vel Spiritum san-custum, sed etiam Patrem corporali specie sive simili-tudine mortalibus sensibus significationem sui dare potuisse credendum est. Quæcum ita sint, ne immoderatus progrediatur secundi hujus voluminis longi-tudo, ea quæ restant, in consequentibus videamus.

⁴ MSS. duodecim, interrogatisque prout potuimus.

LIBER TERTIUS.

In quo queritur, an in illis de quibus superiori libro dictum est, Dei apparitionibus, per corporeas species factis, tan-tummodo creature formata sit, in qua Deus sicut tunc oportuisse judicavit, humanis ostenderetur aspectibus; an angelii qui iam antea erant ita mittebantur, ut ex persona Dei loquerentur, assumentes corporalem speciem de creatura cor-poream, aut ipsum corpus suum in species quas vellent accommodatas actionibus suis vertentes secundum attributam sibi a Creatore potentiam: ipsa autem Dei essentia nunquam per se ipsam visa fuerit.



PROEMIUM. — 1. *Cur de Trinitate scribat. Quid a lectoribus desideret. Quid dictum sit in superiori libro. Credant, qui volunt, malle me legendo quam legenda dictando laborare. Qui autem hoc nolunt cre-dere, experiri autem et possunt et volunt, dent quæ¹ legendo vel meis inquisitionibus respondeantur vel in-terrogationibus aliorum, quas pro mea persona quam in servitio Christi gero, et pro studio quo fidem no-stram adversum errorem carnalium et animalium*

¹ Editi, demique. Emendantur ex manuscriptis.

hominum muniri² inardesco, necesse est me pati: et videant quam facile ab isto labore me temperem, et quanto etiam gaudio stilum possim habere feriatum. Quod si ea quæ legimus de his rebus, sufficienter edita in latino sermone aut non sunt, aut non inveniuntur, aut certe difficile a nobis inveniri queunt, græcae au-tem linguae non sit nobis tantus habitus, ut talium rerum libris legendis et intelligendis ullo modo repe-riamur idonei, quo genere litterarum ex iis quæ nobis

² Lov., mutare.

psueca interpretata sunt, non dubito cuncta que utiliter querere possumus contineri; fratribus autem non valeam resistere, jure quo eis servus factus sum flagitantibus, ut eorum in Christo laudabilibus studiis lingua ac stilo meo, quas bigas in me charitas agitat, maxime serviam, egoque ipse multa que nesciebam, scribendo me didicisse confitear: non debet hic labor meus cuiquam pigro, aut multum docto videri superfluus, cum multis impigris multisque indoctis, inter quos etiam mihi, non parva ex parte sit necessarius. Ex his igitur quae ab aliis de hac re scripta jam legimus, plurius administrati et adjuti, ea que de Trinitate, uno summo summeque bono Deo, pie querri et disseri posse arbitror, ipso exhortante querenda atque adjuvante disserenda suscep*i*: ut si alia non sunt hujusmodi scripta, sit quod habeant et legendant qui voluerint et valuerint; si autem jam sunt, tanto facilius aliqua inveniantur, quanto talia plura esse potuerint.

2. Sane cum in omnibus litteris meis non solum prius lectorem, sed etiam liberum correctorem desiderem, multo maxime in his, ubi ipsa magnitudo questionis utinam tam multos inventores habere posset, quam multos contradictores habet. Verumtamen sicut lectorem meum nolo mihi esse deditum¹, ita correctorem nolo sibi. Ille me non amet amplius quam catholicam fidem, iste se non amet amplius quam catholicam veritatem. Sicut illi dico, *Noli* meis litteris quasi Scripturis canonice inservire; sed in illis et quod non credebas, cum inveneris, incunctanter credere, in ipsis autem quod certum non habebas, nisi certum intellexeris, noli firmiter retinere: ita illi dico, *Noli* meas litteras ex tua opinione vel contentione, sed ex divina lectione vel inconcussa ratione corriger. Si quid in eis veri comprehendenter, existendo non est meum, at intelligendo et amando et tuum sit et meum: si quid autem falsi conviceris, errando fuerit meum, sed jam cavendo nec tuum sit nec meum.

3. Hinc itaque tertius hic liber sumat exordium, quoque secundus pervenerat. Cum enim ad id ventum esset, ut vellemus ostendere non ideo minorem Patrem Filium, quia ille misit, hic missus est, nec ideo minorem utroque Spiritum sanctum, quia et ab illo et ab illo missus in Evangelio legitur: suscepimus hoc querere, cum illuc missus sit Filius, ubi erat, quia in hunc mundum venit, et in hoc mundo erat (*Joan. 1, 10*); cum illuc etiam Spiritus sanctus, ubi et ipse erat, quoniam *Spiritus Domini replevit orbem terrarum*, et hoc quod continet omnia scientiam habet vocis (*Sap. 1, 7*): utrum propterea missus sit Dominus, quia ex occulto in carne natus est, et de sinu Patris ad oculos hominum in forma servi tanquam egressus apparuit; ideo etiam Spiritus sanctus, quia et ipse corporali specie quasi columba visus est (*Matth. 3, 16*), et linguis divisis velut ignis (*Act. 11, 3*): ut hoc eis fuerit mitti, ad aspectum mortalium in aliqua forma corpora de spirituali secreto procedere; quod Pater quoniam non fecit, tantummodo misisse, non etiam

¹ *Sola fere editio Lov., debitum.*

missus esse dictus sit. Deinde quesumus est cur et Pater non aliquando dictus sit missus, si per illas species corporales que oculis antiquorum apparuerunt ipse demonstrabatur. Si autem Filius tunc demonstrabatur, cur tanto post missus diceretur, cum plenitudo temporis venit, ut ex semina nasceretur (*Galat. 4, 4*); quandoquidem et antea mittebatur, cum in illis formis corporaliter apparebat. Aut si non recte missus diceretur, nisi cum Verbum caro factum est (*Joan. 1, 14*); cur Spiritus sanctus missus legatur, cuius incarnationis talis non facta est. Si vero per illas antiquas demonstrationes, nec Pater, nec Filius, sed Spiritus sanctus ostendebatur; cur etiam ipse nunc diceretur missus, cum illis modis et antea mitteretur. Deinde subdivisimus, ut haec diligentissime tractarentur, et tripartitam fecimus questionem, cuius una pars in secundo libro explicata est, duae sunt reliquæ, de quibus deinceps disserere aggrediar. Jam enim quesumus atque tractatum est, in illis antiquis corporalibus formis et visis, non tantummodo Patrem, nec tantummodo Filium, nec tantummodo Spiritum sanctum apparuisse, sed aut indiferenter Dominum Deum qui Trinitas ipsa intelligitur, aut quilibet ex Trinitate personam, quam lectionis textus indicis circumstantibus significaret.

CAPUT PRIMUM. — 4. *Quid deinceps dicendum.* Nunc ergo primum queramus quod sequitur. Nam secundo loco in illa distributione positum est, utrum ad hoc opus tantummodo creatura formata sit, in qua Deus, sicut tunc oportuisse jucicavit, humanis ostenderetur aspectibus: an Angeli, qui jam erant, ita mittebantur, ut ex persona Dei loquerentur, assumentes corporalem speciem de creatura corporea in usum ministerii sui; aut ipsum corpus suum, cui non subduntur, sed subditum regunt², mutantes atque vertentes in species quas vellent, accommodatas atque aptas actionibus suis, secundum attributam sibi a Creatore potentiam. Qua questionis parte, quantum Dominus dederit, pertractata, postremo videndum erit id quod institueramus inquirere, utrum Filius et Spiritus sanctus et antea mittebantur; et si ita est, quid inter illam missionem et eam quam in Evangelio legimus distet: an missus non sit aliquis eorum, nisi cum vel Filius factus est ex Maria virgine, vel cum Spiritus sanctus visibili specie, sive in columba, sive in igne linguis apparuit (*Supra, lib. 2, cap. 7, n. 13*).

5. Sed fateor excedere vires intentionis meæ, utrum Angeli manente spirituali sui corporis qualitate per hanc occultius operantes, assumant ex inferioribus elementis corpulentioribus, quod sibi coaptatum, quasi aliquam vestem mutent et vertant in quaslibet species corporales, etiam ipsas veras, sicut aqua vera in verum vinum conversa est a Domino (*Joan. 11, 9*): an ipsa propria corpora sua transforment in quod voluerint, accommodate³ ad id quod agunt. Sed quilibet horum sit, ad presentem questionem non pertinet. Et quamvis haec, quoniam homo sum, nullo

¹ *Editi, gerunt. Plerique MSS., regunt.*

² *Ita MSS. At editi, accommodata.*

experimento possim comprehendere, sicut Angeli qui haec agunt, et magis ea norunt quam ego novi, quatenus mutetur corpus meum in affectu¹ voluntatis meae, sive quod in me, sive quod ex aliis expertus sum: quid horum tamē ex divinarum Scripturarum auctoritatibus credam, nunc non opus est dicere, ne cogar probare, et fiat sermo longior de re qua non indiget præsens quæstio.

6. Illud nunc videndum est, utrum Angeli tunc agebant et illas corporum species apparentes oculis hominum, et illas voces insonantes auribus, cum ipsa sensibilis creatura ad nutum serviens Conditori², in quod opus erat pro tempore vertebar, sicut in libro Sapientiæ scriptum est: *Creatura enim tibi factori serviens, extenditur in tormentum adversum injustos, et lenior fit ad beneficiendum iis qui in te confidunt. Propter hoc et tunc in omnia se transfigurans, omnium nutrici gratiæ tuae deserviebat ad voluntatem horum qui te desiderabant* (*Sap. xvi, 24, 25*). Pervenit enim potentia voluntatis Dei³ per creaturam spiritualem usque ad effectus visibles atque sensibiles creaturæ corporalis. Ubi enim non operatur quod vult Dei omnipotens sapientia, quæ perlendit a fine usque ad finem fortiter, et disponit omnia suaviter (*Id. viii, 1*)?

CAPUT II. — 7. *Voluntas Dei causa superioris omnis corporeæ mutationis. Exemplo id demonstratur.* Sed alius est ordo naturalis in conversione et mutabilitate corporum, qui quamvis etiam ipse ad nutum Dei serviat, perseverantia tamen consuetudinis amisit admirationem: sicuti sunt quæ vel brevissimis, vel certe non longis intervallis temporum, caelo, terra, marique mutantur, sive nascientibus, sive occidentibus rebus, sive alias aliter atque aliter apparentibus: alia vero quamvis ex ipso ordine venientia, tamen propter longiora intervalla temporum minus usitata. Quæ licet multi stupeant, ab inquisitoribus hujus seculi comprehensa sunt, et progressu generationum quo sepius repetita, et a pluribus cognita, eo minus mira sunt. Sicuti sunt defectus luminarium, et raro existentes quædam species siderum, et terræ motus, et monstruosi partus animalium, et quæcumque similia, quorum nihil sit nisi voluntate Dei, sed plerisque non appareat. Itaque licuit vanitati philosophorum, etiam causis aliis ea tribuere, vel veris, sed proximis, cum omnino videre non possent superiorem ceteris omnibus causam, id est voluntatem Dei; vel falsis, et ne ab ipsa quidem per vestigatione corporalium rerum atque motionum, sed a sua suspicione et errore prolatis.

8. Dieam si potero quiddam, exempli gratia, quo haec apertiora sint. Est certe in corpore humano quædam moles carnis, et formæ species, et ordo distinctioque membrorum, et temperatio valetudinis: hoc corpus inspirata anima regit, eademque rationalis; et ideo quamvis mutabilis, tamen quæ possit illius incomutabilis sapientiæ particeps esse, ut sit partici-

pato ejus in *Idipsum*, sicut in Psalmo scriptum est de omnibus sanctis, ex quibus tanquam lapidibus vivis ædificatur illa Jerusalem mater nostra æterna in cœlis. Ita enim canitur: *Jerusalem, quæ ædificatur ut civitas, cujus participatio ejus in idipsum* (*Psal. cxxi, 3*). *Idipsum* quippe hoc loco illud summum et incomutabile bonum intelligitur, quod Deus est, atque sapientia voluntasque ipsius. Cui cantatur alio loco: *Mutabis ea, et mutabuntur; tu vero idem ipse es* (*Psal. ci, 27, 28*).

CAPUT III. — *De eodem arguento.* Constituamus ergo animo talē sapientem, cujus anima rationalis jam sit particeps incomutabilis æternæque veritatis, quam de omnibus suis actionibus consulat, nec aliquid omnino faciat, quod non in ea cognoverit esse faciendum, ut ei subditus eique obtemperans recte faciat. Iste si consulta summa ratione divinæ justitiae, quam in secreto audiret aure cordis sui, eaque sibi jubente, in aliquo officio misericordiæ corpus labore fatigaret, ægritudinemque contraheret, consultisque medicis ab alio diceretur causam morbi esse corporis siccitatem, ab alio autem humoris immoderationem: unus eorum veram causam diceret, alter erraret, uterque tamen de proximis causis, id est, corporalibus pronuntiaret. At si illius siccitatis causa queratur, et inveniretur voluntarius labor; jam ventum esset ad superiorem causam, quæ ab anima proficisceretur ad afficiendum corpus quod regit: sed nec ipsa prima esset; illa enim procul dubio superior erat in ipsa incomutabili Sapientia, cui hominis sapientis anima in charitate serviens, et ineffabiliter jubenti obediens, voluntarium laborem susceperebat: ita nonnisi Dei voluntas causa prima illius ægritudinis veracissime reperiatur. Jam vero si in labore officioso et pio adhibuisset ille sapiens ministros collaborantes secum in opere bono, nec tamen eadem voluntate Deo servientes, sed ad carnalium cupiditatum⁴ suarum mercedem pervenire cupientes, vel incommoda carnalia devitantes; adhibuisset etiam jumenta, si hoc exigere illius operis implendi procuratio, que utique jumenta irrationalia essent animantia, nec ideo moverent membra sub sarcinis, quod aliquid de illo bono opere cogitarent, sed naturali appetitu sue voluptatis et deviatione molestiae; postremo adhibuisset etiam ipsa corpora⁵ omni sensu carentia, quæ illi operi essent necessaria, frumentum scilicet, et vinum, et oleum, vestem, numnum, codicem, et si qua hujusmodi; in his certe omnibus in illo opere versantibus corporibus, sive animatis sive inanimatis, quæcumque moverentur, attererentur, repararentur, exterminarentur, reformarentur, alio atque alio modo locis et temporibus affecta mutarentur: num alia esset istorum omnium visibilium et mutabilium factorum causa, nisi illa invisibilis et incomutabilis voluntas Dei per animam justam, sicut sedem Sapientiæ, cunctis utens, et malis⁶ et irrationalibus animis,

¹ Decem MSS., *in affectum*.

² Editi, *Conditoris*. At MSS. *conditi*.

³ Sic MSS. magno consensu. At editi, *sapientia voluntatis Dei*.

⁴ Plures MSS., *carnalium voluntatum*. Duo, *voluptatum*.

⁵ Editi, *corpora*. At MSS. *corpora*.

⁶ Editi, *et malis rationalibus, et irrationalibus*. Apud MSS. vox, *rationalibus, subintelligenda relinquitur*.

et postremo corporibus, sive quae illis inspirarentur et animarentur, sive omni sensu carentibus, cum primitus uteretur ipsa bona anima et sancta, quam tibi ad pium et religiosum obsequium subdidisset?

CAPUT IV. — 9. *Deus omnibus creaturis utitur ut vult, et visibilia facit ad se ipsum demonstrandum.* Quod ergo de uno sapiente, quamvis adhuc mortale corpus gestante, quamvis ex parte vidente, posuimus exempli gratia; hoc de aliqua domo, ubi aliquorum talium societas est, hoc de civitate vel etiam de orbe terrarum licet cogitare, si penes sapientes sancteque ac perfecte Deo subditos sit principatus, et regimen rerum humanarum. Sed hoc quia nondum est¹ (oporet enim hos in hac peregrinatione prius mortaliter exerceri, et per vires mansuetudinis et patientiae in flagitis erudiri), illam ipsam supernam atque celestem, unde peregrinamur, patriam cogitemus. Illuc enim Dei voluntas, qui facit angelos suos spiritus, et ministros suos ignem flagrantem (*Psalm. ciii, 4*), in spiritibus summa pace atque amicitia copulatis, et in unam voluntatem quodam spirituali charitatis igne conflatis, tanquam in excelsa et sancta et secreta sede praesidens, velut in domo sua et in templo suo, inde se, quibusdam ordinatissimis creaturæ motibus, primo spiritualibus, deinde corporalibus, per cuncta diffundit, et utitur omnibus ad incommutabile arbitrium sententiae sue, sive incorporeis sive corporeis rebus, sive rationalibus sive irrationalibus spiritibus, sive bonis per ejus gratiam sive malis per propriam voluntatem. Sed quemadmodum corpora crassiora et inferiora per subtiliora et potentiora quodam ordine reguntur; ita omnia corpora per spiritum vitæ, et spiritus vitæ irrationalis per spiritum vitæ rationalem, et spiritus vitæ rationalis desertor atque peccator per spiritum vitæ rationalem pium et justum, et ille per ipsum Deum, ac sic universa creatura per Creatorem suum, ex quo et per quem et in quo etiam condita atque instituta est (*Coloss. i, 16*): ac per hoc voluntas Dei est prima et summa causa omnium corporalium specierum atque motionum. Nihil enim sit visibiliter et sensibiliter, quod non de interiore invisibili atque intelligibili aula summi Imperatoris, aut jubeatur, aut permittatur, secundum ineffabilem justitiam præmiorum atque poenarum, gratiarum et retributionum, in ista totius creaturæ amplissima quodam immensaque republica.

10. Si ergo apostolus Paulus, quamvis adhuc portaret sarcinam corporis, quod corruptitur et aggravat animam (*Sapientia, ix, 15*), quamvis adhuc ex parte atque in ænigmate videret (*1 Cor. xiii, 12*), optans dissolvi et esse cum Christo (*Philipp. i, 23*), et in semotipso ingemiscens, adoptionem expectans redemptionem corporis sui (*Romanorum, viii, 23*), potuit tamen significando prædicare Dominum Jesum Christum, aliter per linguam suam, aliter per Epistolam, aliter per Sacrauentum corporis et sanguinis ejus (nec lin-

guam quippe ejus, nec membranas, nec atramentum, nec significantes sonos lingua editos, nec signa litterarum conscripta pelliculis, corpus Christi et sanguinem dicimus; sed illud tantum quod ex fructibus terræ acceptum et prece mystica consecratum rite sumimus ad salutem spiritualem in memoriam pro nobis Dominicæ passionis: quod cum per manus hominum ad illam visibilem speciem perducatur, non sanctificatur ut sit tam magnum Sacramentum, nisi operante invisibiliter Spiritu Dei, cum haec omnia quæ per corporales motus in illo opere sunt, Deus operetur, movens primitus invisibilia ministrorum, sive animas hominum, sive occultorum spirituum sibi subditas servitutes): quid mirum si etiam in creatura cœli et terræ, maris et aeris, facit Deus quæ vult sensibilia atque visibilia, ad se ipsum in eis, sicut oportere ipse novit, significandum et demonstrandum, non ipsa sua qua est apparente substantia, quæ omnino incommutabilis est, omnibusque spiritibus, quos creavit, interius secretiusque sublimior?

CAPUT V. — 11. *Miracula cur non consueta opera.* Vi enim divisa totam spiritualem corporalemque administrante creaturam, omnium annorum certis diebus advocantur aquæ maris, et effunduntur super faciem terre. Sed cum hoc orante sancto Elia factum est, quia præcesserat tam continua et tam longa se renitas, ut desicerent fame homines, nec ea hora qua ille Dei servus oravit, aer ipse aliqua humida facie inox future pluviae signa prætulerat, consecutis tantis et tam velociter imbris apparuit vis divina, quibus illud dabatur dispensabaturque miraculum (*III Reg. xviii, 45*). Ita Deus operatur solemnia fulgura atque tonitrua: sed quia in monte Sina inusitato modo fiebant, vocesque illæ non strepitu confuso edebantur, sed eis quædam signa dari certissimis indicis apparet, miracula erant (*Exodus, xix, 16*). Quis attrahit humorem per radicem vitis ad botrum, et vinum facit, nisi Deus, qui et homine plantante et rigante incrementum dat (*1 Cor. iii, 7*)? Sed cum ad nutum Domini aqua in vinum inusitata celeritate conversa est, etiam stultis fatentibus vis divina declarata est (*Joan. ii, 9*). Quis arbusta fronde ac flore vestit solemniter, nisi Deus? Verum cum floruit virga sacerdotis Aaron, collocata est quodam modo cum dubitante humanitate divinitas (*Numb. xvii, 8*). Et lignis certe omnibus et omnium animalium carnibus gignendis atque formandis communis est terrena materies: et quis ea facit, nisi qui dixit ut hæc terra produceret (*Gen. i, 24*), et in eodem verbo suo quæ creavit, regit atque agit? Sed cum eamdem materiam ex virga Moysi in carnem serpentis proxime ac velociter vertit, miraculum fuit (*Exodus, iv, 3*), rei quidem mutabilis, sed tamen inusitata mutatio. Quis autem animat quæque viva naescientia, nisi qui et illum serpentem ad horam, sicut opus fuerat, animavit?

CAPUT VI. — *Sola varietas facit miraculum.* Equis reddidit cadaveribus animas suas, cum resurgent mortui (*Ezechiel. xxxvii, 1-10*), nisi qui animat (*Vingt-huit,*)

¹ Editio Lov.: *Sed hoc quidem nondum est*; ac post verbum, eruditivum, addita particula, ut. sic connectit sequentia: *ui illam ipsam, etc.* Castigatur ex manuscriptis.

carnes in uteris matrum, ut oriantur morituri¹? Sed eum sunt illa continuato quasi quodam fluvio labentium manantiumque rerum, et ex occulto, in promtum, atque ex prompto in occultum usitato itinere transeuntium, naturalia dicuntur: cum vero admonendis hominibus inusitata mutabilitate ingeruntur, magnalia nominantur.

CAPUT VII.—12. *Miracula magna per magicas artes.* Illic video quid infirmæ cogitationi possit occurrere, cur scilicet ista miracula etiam magicis artibus sint: nam et magi Pharonis similiter serpentes fecerunt, et alia similia. Sed illud amplius est admirandum, quomodo magorum illa potentia, quæ serpentes facere potuit, ubi ad inuscas minutissimas ventum est, omnino defecit. Scyniphes enim muscle sunt brevissimæ, qua tertia plaga superbis populus Ægyptiorum cœdebat. Ibi certe desicientes magi dixerunt: *Digitus Dei est hoc*² (*Exod. vii, et viii.*). Unde intelligi datur, ne ipsos quidem transgressores angelos et aeras potestates, in imam istam caliginem tanquam in sui generis carcere, ab illius sublimis æthereæ puritatis habitatione detrusas, per quas magicæ artes possunt quidquid possunt, valere aliquid, nisi data desuper potestate. Datur autem vel ad fallendos fallaces, sicut in Ægyptios, et in ipsos etiam magos data est, ut in eorum spirituum seductione viderentur admirandi a quibus siebant, a Dei veritate damnandi; vel ad admonendos fideles, ne tale aliquid facere pro magno desiderent, propter quod etiam nobis Scripturæ auctoritate sunt predita; vel ad exercendam, probandam, manifestandamque iustorum patientiam. Neque enim parva visibilium miraculorum potentia, Job encontra quæ habebat amisit, et filios et ipsam corporis sanitatem (*Job. i et ii.*).

CAPUT VIII.—13. *Solus Deus creat etiam illa quæ magicis artibus transformantur.* Nec ideo putandum est istis transgressoribus angelis ad nutum servire hanc visibilium rerum materiam, sed Deo potius, a quo haec potestas datur, quantum in sublimi et spirituali sede incommutabilis judicat. Nam et damnatis iniquis etiam in metallo servit³ aqua et ignis et terra, ut faciant inde quod volunt, sed quantum sinitur. Nec sane creatores illi mali angeli dicendi sunt, quia per illos magi resistentes famulo Dei ranas et serpentes fecerunt: non enim ipsi eas creaverunt. Omnium quippe rerum quæ corporaliter visibiliterque nascuntur, occulta quedam semina in istis corporeis mundi hujus elementis latent. Alia sunt enim hæc jam conspicua oculis nostris ex fructibus et animantibus, alia vero illa occulta istorum seminum semina, unde jubente Creatore produxit aqua prima natatilia et volatilia, terra autem prima sui generis⁴ germina, et prima sui

¹ Hic editi addunt: *similiter et de communī materia, quæ in causis mundi ab omnibus consistit, subito ad tempus prodire arietem et cohunciam constituit, quibus unus vigor carneus et in tempore et ex tempore accessionis et recessoris, non dispar, sed inusitatus apparuit.* Abest ab omnibus prope MSS.

² Editi, est hic. At MSS., est hoc; juxta graecum LXX.

³ Apud Er. Lugd. Ven. Lov., servium. M.

⁴ Quidam MSS. hoc priore loco prætereunt, sui generis.

generis animalia (*Gen. i, 20-23*). Neque enim tunc in hujuscemodi fetus ita producta sunt¹, ut in eis quæ producta sunt vis illa consumpta sit: sed plerumque desunt congruae temperamentorum occasiones, quibus erumpant, et species suas peragant. Ecce enim brevissimus surculus semen est; nam convenienter mandatus terræ arborem facit. Ilujus autem surculi subtilius semen aliquod ejusdem generis granum est, et hoc usque² nobis visibile. Jam vero hujus etiam garni semen quamvis oculis videre nequeamus, ratione tamen conjicere possumus: quia nisi talis aliqua vis esset in istis elementis, non plerumque nascerentur ex terra que ibi seminata non essent; nec animalia tam multa, nulla marium seminarumque commixtione præcedente, sive in terra, sive in aqua, quæ tamen crescunt et coeundo alia pariunt, cum illa nullis coeuntibus parentibus orta sint. Et certe apes semina filiorum non coeundo concipiunt, sed tanquam sparsa per terras ore colligunt. Invisibilium enim seminum creator, ipse creator est omnium rerum: quoniam quæcumque nascendo ad oculos nostros exeunt, ex occultis seminibus accipiunt progrediendi primordia, et incrementa debitæ magnitudinis distinctionesque formarum ab originalibus tanquam regulis sumunt. Sicut ergo nec parentes dicimus creatores hominum, nec agricultorës creatorës frugum, quamvis eorum extrinsecus adhibitis motibus ista erenda Dei virtus interius operetur: ita non solum malos, sed nec bonos Angelos fas est putare creatores, si pro subtilitate sui sensus et corporis, semina rerum istorum nobis occultiora neverunt, et ea per congruas temperationes elementorum latenter spargunt, atque ita gignendarum rerum et accelerandorum incrementorum præhent occasionses. Sed nec boni hæc, nisi quantum Deus jubet, nec mali hæc injuste faciunt, nisi quantum juste ipse permittit. Nam iniqui malitia voluntatem suam habet injustam; potestatem autem non nisi juste accepit³, sive ad pœnam suam, sive ad aliorum, vel pœnam malorum, vel laudem bonorum.

14. Itaque apostolus Paulus discernens interius Deum creante atque formantem, ab operibus creature quæ admoventur extrinsecus, et de agricultura similitudinem assumens ait: *Ego plantavi, Apollo rigavit; sed Deus incrementum dedit* (*I Cor. iii, 6*). Sicut ergo in ipsa vita nostram mentem justificando formare non potest nisi Deus, prædicare autem Evangelium extrinsecus et homines possunt, non solum boni per veritatem, sed etiam mali per occasionem (*Philipp. i, 18*): ita creationem rerum visibilium Deus interius operatur; exteriores autem operationes sive honorum sive malorum, vel Angelorum vel hominum, sive etiam quorumcumque animalium, secundum imperium suum et a se impertitas distributiones potestatum et appetitiones comoditatum, ita rerum natura adhibet

¹ Editi, tunc hujuscemodi fetus ita producti sunt. At MSS., tunc in hujuscemodi fetus (id est, ad gignendos fetus sui generis) ita producti sunt.

² In multis MSS., et hoc u. que.

³ Sic plerique ac meliores MSS. Editi vero, voluntatem habent injustam, potestatem autem non nisi juste accepit.

in qua creat omnia, quemadmodum terre agriculturam. Quapropter ita non possum dicere angelos malos magicis artibus evocatos, creatores fuisse ranarum atque serpentium; sicut non possum dicere homines malos creatores esse segetis, quam per eorum operam videro ¹ exortam.

15. Sicut nec Jacob creator colorum in pecoribus fuit, quia bibentibus in conceptu matribus variatas virgas quas intuerentur apposuit (*Gen. xxx, 41*). Sed nec ipsae pecudes creatrices fuerunt varietatis prolixis, quia inhalaserat animae illarum discolor phantasia ex contouitu variarum virgarum per oculos impressa, quae non potuit nisi corpus quod sic affecto spiritu animabatur, ex compassione commixtionis afficeret, unde teneris fetuum primordiis colore tenuis aspergeretur ². Ut enim sic ex semetipsis afficiantur, vel anima ex corpore, vel corpus ex anima, congrue rationes ³ id faciunt, quae incommutabiliter vivunt in ipsa summa Dei sapientia, quam nulla spatia locorum capiunt; et cum ipsa sit incommutabilis, nihil eorum quae vel commutabiliter sunt deserit, quia nihil eorum nisi per ipsam creatum est. Ut enim de pecoribus non virgæ, sed pecora nascerentur, fecit hoc incommutabilis et invisibilis ratio sapientie Dei, per quam creata sunt omnia: ut autem de varietate virgarum, pecoruū conceptorum color aliiquid duceret, fecit hoc anima gravidae pecudis per oculos affecta forinsecus, et interius secum pro suo modulo formandi regulam trahens, quam de intima potentia sui Creatoris acceptit. Sed quanta sit vis anima ad afficiendam atque mutantam materiam corporalem (cum tamen creatrix corporis dici non possit, quia omnis causa mutabilis sensibilisque substantiae, omnisque modus et numerus et pondus ejus unde efficitur ut et sit, et natura ita vel ita sit, ab intelligibili et incommutabili vita, quae super omnia est, existit, et pervenit usque ad extrema atque terrena), multus sermo est, neque nunc necessarius (*a*). Verum propterea factum Jacob de pecoribus commemorandum arbitratus sum, ut intelligeretur, si homo qui virgas illas sic posuit, dici non potest creator colorum in agnis et hædis; nec ipsæ matrum animæ, quæ conceptam per oculos corporis phantasiam varietatis, seminibus carne conceptis, quantum natura passa est, asperserunt; multo minus dici posse ranarum serpentiumque creatores angelos malos, per quos r̄agi Pharaonis tunc illa fecerunt.

CAPUT IX. — 16. *Causa originalis omnium a Deo.* Aliud est enim ex intimo ac summo causarum cardine condere atque administrare creaturam, quod qui facit, solus creator est Deus: aliud autem pro distributis ab illo viribus et facultatibus aliquam operationem forinsecus admovere, ut tunc vel tunc, sic vel sic exeat quod creatur. Ista quippe originaliter ac primordialiter in quadam textura elementorum cuncta jam

creata sunt; sed acceptis opportunitatibus producent. Nam sicut matres gravide sunt fetibus, sic ipse mundus gravidus est causis nascentium: quæ in illo non creantur, nisi ab illa summa essentia, ubi nec oritur, nec moritur aliquid, nec incipit esse, nec desinit. Adhibere autem forinsecus accedentes ⁴ causas, quæ latentes non sunt naturales, tamen secundum naturam adhibentur, ut ea quæ secreto naturæ sinu abdita continentur, erumpant et foris creentur quodam modo explicando mensuras et numeros et pondera sua quæ in occulto acceperunt ab illo, qui omnia in mensura et numero et pondere dispositus (*Sap. xi, 21*); non solum mali angeli, sed etiam mali homines possunt, sicut exemplo agriculturæ supra docui.

17. Sed ne de animalibus quasi diversa ratio moveat, quod habent spiritum vitæ cum sensu appetendi quæ secundum naturam sunt, vitandique contraria; etiam hoc est videre quam multi homines neverunt, ex quibus herbis, aut carnis, aut quarumcumque rerum quibuslibet succis aut humoribus, vel ita positis, vel ita obrutis, vel ita contritis, vel ita commixtis, quæ animalia nasci soleant: quorū se quis tam demens audeat dicere creatorem? Quid ergo mirum, si quemadmodum potest nosse quilibet nequissimus homo, unde illi vel illi verinas muscaeque nascantur; ita mali angeli pro subtilitate sui sensus in occultioribus elementorum seminibus norunt, unde ranæ serpentis que nascantur, et haec per certas et notas temperationum opportunitates occultis motibus adhibendo faciunt creari, non creant? Sed illa homines quæ solent ab hominibus fieri, non mirantur. Quod si quisquam celeritates incrementorum forte miratur, quod illa animantia tam cito facta sunt; attendat quemadmodum et ista pro modulo facultatis humanae ab hominibus procurentur. Unde enim sit ut eadem corpora citius vermescant aestate quam hieme, citius in calidioribus quam in frigidioribus locis? Sed haec ab hominibus tanto difficilis adhibentur, quanto desunt sensuum subtilitates, et corporum mobilitates in membris terrenis et pigris. Unde qualibuscumque angelis vicinas causas ab elementis contrahere, quanto facilius est, tanto mirabiliores in hujusmodi operibus eorum existunt celeritates.

18. Sed non est creator, nisi qui principaliter ista format. Nec quisquam hoc potest, nisi ille penes quem primitus sunt omnium quæ sunt mensurae, numeri, et pondera: et ipse est unus creator Deus, ex cuius ineffabili potentatu fit etiam ut quod possent hi angelis si permetterentur, ideo non possint quia non permituntur. Neque enim occurrit alia ratio cur non poterint facere minutissimas museas, qui ranas serpentis que fecerunt, nisi quia major aderat dominatio prohibentis Dei ⁵ per Spiritum sanctum, quod etiam ipsi magi confessi sunt, dicentes, *Digitus Dei est hoc* (*Exod. vii, 12, et viii, 7, 18, 19*). Quid autem possint per naturam, nec possint per prohibitionem, et quid per ipsius naturæ suæ conditionem facere non sinantur; ho-

¹ Apud Er. Lugd. Ven. Lov., *video*. M.

² Duo taūtūm MSS., *color exterius aspergeretur*.

³ Plurimi MSS., *congruentiae rationis*.

(a) De hoc vide in ra lib. 11, cap. 2; et de Civitate Dei. lib. 12, cap. 25, et lib. 18, cap. 3.

⁴ Sic MSS. At editi, *accidentes*.

⁵ Sic MSS. At editi, *prohibentis*; omisso, *det.*

mini explorare difficile est, imo vero impossibile, nisi per illud donum Dei, quod Apostolus commemorat dicens, *Alii dijudicatio spirituum* (*I Cor. xii, 10*). Novimus enim hominem posse ambulare, et neque hoc posse si non permittatur, volare autem non posse etiam si permittatur. Sic et illi angeli quedam possunt facere, si permittantur ab angelis potentioribus ex imperio Dei : quedam vero non possunt, nec si ab eis permittantur; quia ille non permittit, a quo illis est talis naturae modus, qui etiam per angelos suos et illa plerumque non permittit, quem concessit ut possint.

19. Exceptis igitur illis, quae usitatissimo transcursu temporum in rerum naturae ordine corporaliter sunt, sicuti sunt ortus occasusque siderum, generationes et mortes animalium, seminum et germinum innumera-biles diversitates, nebulae et nubes, nives et pluviae, fulgura et tonitrua, fulmina et grandines, venti et ignes, frigus et aestus, et omnia talia : exceptis etiam illis quae in eodem ordine rara sunt, sicut defectus lumini-num, et species inusitatæ siderum, et monstra, et terre motus, et similia : exceptis ergo istis omnibus, quorum quidem prima et summa causa non est nisi voluntas Dei : unde et in Psalmo, cum quedam hujus generis essent commemorata, *Ignis, grando, nix, gla- cies, spiritus tempestatis*; ne quis ea vel fortuitu, vel causis tantummodo corporalibus, vel etiam spirituali- bus, tamen præter voluntatem Dei existentibus agi crederet, continuo subjecit, *Quæ faciunt verbum ejus* (*Psal. cxlviii, 8*):

CAPUT X. — *Quot modis creatura assumitur ad significandum. Eucharistia.* Sed his, ut dicere coeparam, exceptis, alia sunt illa quæ quamvis ex eadem materia corporali, ad aliquid tamen divinitus annuntiadum nostris sensibus admoventur, quæ proprie miracula et signa dicuntur, nec in omnibus quæ nobis a Domino Deo annuntiantur, ipsius Dei persona suscipitur. Cum autem suscipitur, aliquando in angelo demonstratur, aliquando in ea specie quæ non est quod angelus, quamvis per angelum disposita ministretur : rursus cum in ea specie suscipitur quæ non est quod angelus, aliquando jam erat ipsum corpus, et ad hoc demonstrandum in aliquam mutationem assumitur ; aliquando ad hoc exoritur, et re peracta rursus absu-mitur. Sicut etiam cum homines annuntiant, aliquando ex sua persona verba Dei loquuntur, sicuti cum præmittitur, *Dixit Dominus*; aut, *Hæc dicit Dominus* (*Jerem. xxxi, 1, 2*); aut tale aliquid : aliquando au-tem nihil tale præmittentes, ipsam Dei personam in se suscipiunt, sicuti est, *Intellexum tibi dabo, et con-stituam te in via qua ingredieris* (*Psal. xxxi, 8*). Sic non solum in dictis, verum etiam in factis, Dei persona significanda imponitur prophetæ, ut eam gerat in mi-nisterio prophetice; sicut ejus personam gerebat qui vestimentum suum divisit in duodecim partes, et ex eis decem servos regis Salomonis dedit, regi futuro Israël (*III Reg. xi, 30, 31*) : aliquando etiam res quæ non erat quod propheta, et erat jam in terrenis rebus, in hujusmodi significationem assumpta est; sicut som-

nio viso Jacob evigilans fecit de lapide, quem dormiens habebat ad caput (*Gen. xxviii, 18*) : aliquando ad hoc fit eadem species, vel aliquantulum mansura, sicut potuit serpens ille æneus exaltatus in eremo (*Num. xxi, 9*), sicut possunt et litteræ; vel peracto ministeric transitura, sicut panis ad hoc factus in accipiendo Sa-cramento consumitur.

20. Sed quia hæc hominibus nota sunt, quia per homines sunt, honorem tanquam religiosa possunt habere, stuporem tanquam mira non possunt. Itaque illa quæ per Angelos sunt, quo difficiliora et ignotiora, eo mirabiliora sunt nobis : illis autem tanquam sue actiones notæ atque faciles. Loquitur ex persona Dei angelus homini, dicens, *Ego sum Deus Abraham, et Deus Isaac, et Deus Jacob*; cum Scriptura prædi-xisset, *Visus est ei angelus Domini* (*Exod. iii, 6, 2*) : loquitur et homo ex persona Domini, dicens, *Audi, populus meus, et loquar tibi; Israel, et testificabor tibi; Deus Deustus ego sum* (*Psal. lxxx, 9, 11*). Assumpta est virga ad significationem, et in serpente angelica facultate mutata est (*Exod. vii, 10*) : quæ fa-cultas cum desit homini, assumptus est tamen et ab homine lapis ad eam aliquam significationem (*Gen. xxviii, 18*). Inter factum angeli et factum hominis pluri-mum distat : illud et mirandum et intelligendum est, hoc autem tantummodo intelligendum. Quod ex utro-que intelligitur, fortassis unum est; at illa ex quibus intelligitur, diversa sunt : tanquam si nonen Domini et auro et atramento scribatur; illud est pretiosius, illud vilius; quod tamen in utroque significatur, id-ipsum est. Et quamvis idem significaverit ex virga Moysi serpens, quod lapis Jacob; melius tamen aliquid la-pis Jacob, quam serpentes magorum. Nam sicut uncio lapidis Christum in carne, in qua unctus est oleo exultationis præ participibus suis (*Psal. xliv, 8*); ita virga Moysi conversa in serpentem, ipsum Christum factum obedientem usque ad mortem crucis (*Philipp. ii, 8*). Unde ait, *Sicut exaltavit Moyses serpentem in eremo; sic oportet exaltari Filium hominis, ut omnis qui credit in ipsum, non pereat, sed habeat vitam aeternam* (*Joan. iii, 14, 15*) : sicut intuentes illum serpentem exaltatum in eremo, serpentem morsibus non peribant. *Vetus enim homo noster confixus est cruci cum illo, ut evacuaret corpus peccati.* (*Rom. vi, 6*). Per serpen-tem enim intelligitur mors, quæ facta est a serpente in paradiso (*Gen. iii*), modo locutionis per efficientem id quod efficitur demonstrante. Ergo virga in serpen-tem, Christus in mortem : et serpens rursus in virgam, Christus in resurrectionem totus cum corpore suo, quod est Ecclesia (*Coloss. i, 24*), quod in fine tempo-ris erit, quem serpentis cauda significat, quam Moyses tenuit, ut rediret in virgam (*Exod. iv, 4*). Serpentes autem magorum tanquam mortui saeculi, nisi creden-tes in Christum tanquam devorati in corpus ejus intraverint, resurgere in illo non poterunt (*Id. vii, 12*). Lapis ergo Jacob, ut dixi, melius aliquid significavit quam serpentes magorum : at enim factum magorum multo mirabilius. Verum hæc ita non præjudicant rebus intelligendis, tanquam si hominis nomen scribatur au-

ro, et Dei atramento.

21. Illas etiam nubes et ignes quomodo fecerint vel assumpserint Angeli ad significandum quod annuntiabant, etiam si Dominus vel Spiritus sanctus illis corporibus formis ostendebatur, quis novit hominum? sicut infantes non neverunt quod in altari ponitur et peracta pietatis celebrationem consumitur, unde vel quomodo conficiatur, unde in usum religionis assumatur. Et si nunquam discant experientia vel suo vel aliorum, et nunquam illam speciem rerum videant, nisi inter cœlestriones Sacramentorum cum offertur et datur, dicaturque illis auctoritate gravissima, cuius corpus et sanguis sit, nihil aliud credent, nisi omnino in illa specie Dominum oculis apparuisse mortalium, et de latere tali pereutto, liquorem illum omnino fluxisse (*Joan. xix*, 34). Mibi autem omnino utile est ut meminerim virium mearum, fratresque meos admoneam ut et ipsi meminerint suarum, ne ultra quam tutum est humana progrediatur infirmitas. Quemadmodum enim haec faciant Angeli, vel potius Deus quemadmodum haec faciat per Angelos suos, et quantum fieri velit etiam per angelos malos, sive sinnendo, sive jubendo, sive cogendo, ex occulta sede altissimi imperii sui; nec oculorum acie penetrare, nec fiducia rationis enucleare, nec proœctu mentis comprehendere valco, ut tam certus hinc loquar ad omnia quæ requiri de his rebus possunt, quam si esset angelus, aut propheta, aut apostolus. *Cogitationes enim mortalium timidæ, et incertæ providentiae nostræ. Corpus enim quod corrumpitur, aggravat animam, et deprimit terrena inhabitatio sensum multa cogitantem. Et difficile aestimamus quæ in terra sunt, et quæ in perspectiva sunt, invenimus cum labore: quæ in celis sunt autem, quis investigabit?* Sed quia sequitur et dicit, *Sensum autem tuum quis sciet, nisi tu dederis sapientiam, et miseris Spiritum sanctum tuum de altissimis* (*Sap. ix*, 14-17)? quæ in celis sunt quidem, non investigamus, quo rerum genere et corpora angelica secundum propriam dignitatem, et eorum quædam corporalis actio continetur; secundum Spiritum tamen Dei missum nobis de altissimis et imparitatem ejus gratiam mentibus nostris, audeo fiducialiter dicere, nec Deum Patrem, nec Verbum ejus, nec Spiritum ejus, quod Deus unus est, per id quod est, atque id ipsum est, ullo modo esse mutabilem, ac per hoc multo minus esse visibilem. Quoniam sunt quædam quamvis mutabilia, non tamen visibilia, sicut nostræ cogitationes, et memoriae, et voluntates, et omnis incorporeæ creatura: visible autem quidquam non est, quod non sit mutabile.

CAPUT XI. — *Essentia Dei nunquam per se apparuit. Angelorum ministerio factæ divinae Patribus apparitiones. Objectio ex loquendi modo ducta diluitur. Apparitionem Dei ipsi Abraham perinde ac Moysi, per Angelos factam esse. Idem probatur ex lege data Moysi per Angelos. Quid dictum in hoc libro, quid dicendum in sequente. Quapropter substantia, vel, si melius dicitur, essentia Dei, ubi pro modulo nostro ex quantulacumque particula intelligimus Patrem et Filium et Spiritum*

sancutum, quandoquidem nullo modo mutabilis est, nullo modo potest ipsa per semetipsam esse visibilis.

22. Proinde illa omnia quæ Patribus visa sunt, cum Deus illis secundum suam dispensationem temporibus congruam præsentaretur, per creaturam facta esse manifestum est. Et si nos late quomodo ea ministris Angelis fecerit, per Angelos tamen esse facta, non ex nostro sensu dicimus, ne cuiquam videamur plus sapere; sed sapimus ad temperantiam, sicut Deus nobis partitus est mensuram fidei (*Rom. xi*, 5), et credimus, propter quod et loquimur (*Il Cor. iv*, 13). Exstat enim auctoritas divinarum Scripturarum, unde mens nostra deviare non debet, nec relatio solidamente divini eloqui per suspicionem suarum abrupta præcipitari, ubi nec sensus corporis regit, nec perspicua ratio veritatis eluet. Apertissime quippe scriptum est in Epistola ad Hebreos, cum dispensatio Novi Testamenti a dispensatione Veteris Testamenti secundum congruentiam sæculorum ac temporum distingueretur, non tantum illa visibilia, sed ipsum etiam sermonem per Angelos factum. Sic enim dicit: *Ad quem autem Angelorum dixit aliquando: Sede ad dexteram meam, quo usque ponam inimicos tuos scabellum pedum tuorum? Nonne omnes sunt ministri spiritus, ad ministrationem missi, propter eos qui futuri sunt hereditate possidere salutem* (*Hebr. i*, 13, 14)? Hinc ostendit illa omnia non solum per Angelos facta, sed etiam propter nos facta, id est, propter populum Dei, cui promittitur hereditas vita æternæ. Sicut ad Corinthios etiam scriptum est: *Omnia haec in figura contingebant illis; scripta sunt autem ad correctionem nostram, in quos finis sæculorum obvenit* (*1 Cor. x*, 11). Deinde quia tunc per Angelos, nunc autem per Filium sermo factus est, consequenter aper-teque demonstrans: *Propterea, inquit, abundantius oportet attendere nos eu quæ audivimus, ne forte defluamus: si enim qui per Angelos dictus est, sermo factus est firmus, et omnis prævaricatio et inobedientia justam accepit mercedis retributionem; quomodo nos effugimus, tantam negligentes salutem?* Et quasi quæreres quam salutem, ut ostenderet se de Novo Testamento jam dicere, id est, sermone qui non per Angelos, sed per Dominum factus est: *Quæcum initium accepisset, inquit, ut enarraretur per Dominum, ab iis qui audierunt, in nos confirmata est, contestante Deo signis et portentis, et variis virtutibus, et Spiritus sancti divisionibus secundum suam voluntatem* (*Hebr. ii*, 4-4).

23. Sed, ait aliquis, cur ergo scriptum est, *Dixit Dominus ad Moysen; et non potius, Dixit Angelus ad Moysen?* Quia cum verba judicis præaco pronuntiat, non scribitur in gestis, Ille præaco dixit; sed, Ille iudex: sic etiam loquente propheta sancto, etsi dicamus, Propheta dixit, nihil aliud quam Dominum dixisse intelligi volumus. Et si dicamus, Dominus dixit, prophetam non subtrahimus, sed quis per eum dixerit adinonemus. Et illa quidem Scriptura sape aperit angelum esse Dominum¹, quo loquente identidem

¹ Rerum MSS., Domini.

dicitur, Dominus dixit, sicut jam demonstravimus. Sed propter eos, qui cum Scriptura illuc angelum nominat, ipsum per se ipsum Filium Dei volunt intelligi, quia propter annuntiationem paternæ ac suæ voluntatis a propheta dictus est angelus: propterea volui ex hac epistola manifestius testimonium dare, ubi non dictum est, per Angelum; sed per Angelos.

24. Nam et Stephanus in Actibus Apostolorum eo more narrat hæc, quo etiam in Libris veteribus conscripta sunt: *Viri fratres et patres, audite, inquit: Deus glorie apparuit Abraham patri nostro, cum esset in Mesopotamia*¹ (Act. vii, 2). Ne quis autem arbitraretur tunc Deum glorie, per id quod in se ipso est, cuiusquaque oculis apparuisse mortalium, in consequentibus dicit, quod Moysi angelus apparuerit. *Fugit, inquit, Moyses in verbo isto, et factus est inquinilus in terra Madian, ubi genuit filios duos. Et completis illic quadraginta annis, apparuit illi in deserto montis Sina angelus Domini in flamma ignis in rubo. Moyses autem ridens, mirabatur visum. Qui cum accederet considerare, facta est vox Domini dicens: Ego sum Deus patrum tuorum, Deus Abraham, et Deus Isaac, et Deus Jacob. Tremefactus autem Moyses, non audebat considerare. Dixitque illi Dominus, Solve calceamentum pedum tuorum* (Exod. ii, 15-iii, 7), etc. Hic certe et angelum et Dominum dicit, eundemque Deum Abraham, et Deum Isaac, et Deum Jacob, sicut in Genesi scriptum est.

25. An forte quisquam dicturus est quod Moysi per angelum apparuit Dominus, Abraham vero per se ipsum? At hoc a Stephano non queramus: ipsum librum unde Stephanus ista narravit, interrogemus. Numquid enim quia scriptum est, *Et dixit Dominus Deus ad Abraham* (Gen. xii, 1); et paulo post, *Et visus est Dominus Deus Abraham* (Id. xvii, 1): propterea ista non per Angelos facta sunt? Cum alio loco similiter dicat, *Visus est autem ei Deus ad illicem Mambre, sedenti ad ostium tabernaculi sui meridie; et tamen consequenter adjungat, Respiciens autem oculis suis vidit, et ecce tres viri stabant super eum*²; de quibus jam diximus (Id. xviii, 1, 2). Quomodo enim poterunt isti, qui vel a verbis ad intellectum nolunt assurgere, vel facile se ab intellectu in verba præcipiant, quonodo poterunt explicare visum esse Deum in viris tribus, nisi eos, sicut etiam consequentia docent, angelos fuisse fateantur? An quia non dictum est, Angelus ei locutus est, vel, apparuit; propterea dicere audebunt, Moysi quidem illam visionem ac vocem per angelum factam, quia ita scriptum est; Abraham autem, quia commemoratio angeli non est facta, per substantiam suam Deum apparuisse atque sonuisse? Quid quod nec apud Abraham de angelo tacitum est? Nam ita legitur, cum immolandus filius eius præcipiteretur³: *Et factum est post haec verba, tenet vir Deus Abraham, et dixit ad eum: Abraham,*

*ham. Et ille dixit: Ecce ego. Et dixit ei: Accipe filium tuum dilectum, quem diligis, Isaac, et vade in terram excelsam, et offer eum ibi in holocaustum super unum montium quem tibi dixerim. Certe hic Deus, non angelus, commemoratus est. Paulo post vero ita se habet Scriptura: Extendens autem Abraham manum suam, sumpsit gladium, occidere filium suum. Et vocavit eum angelus Domini de caelo, et dixit ei: Abraham, Abraham. Et dixit: Ecce ego. Et dixit: Ne injicias manum tuam super puerum, neque facias ei quidquam. Quid ad hoc respondeatur? An dicturi sunt Deum jussisse ut occideretur Isaac, et angelum prohibuisse; porro ipsum patrem adversum Dei præceptum, qui jusserset ut occideret, obtemperasse angelo ut parceret? Ridendum et abhiciendum hic sensus est. Sed neque huic tam crasso⁴ et abjecto ullum locum Scriptura esse permittit, continuo subjugens: Nunc enim cognori quia times Deum tu, et non pepercisti filio tuo dilecto propter me. Quid est, propter me; nisi propter eum qui occidi jusserset? Idem igitur Deus Abraham qui angelus, an potius per angelum Deus? Accipe sequentia: certe jam hic angelus manifestissime expressus est; attende tamen quid contextatur: *Respicens Abraham oculis suis vidit, et ecce aries unus tenebatur in arbore sabach cornibus; et abiit Abraham, et accepit arietem, et obtulit eum holocaustum pro Isaac filio suo. Et cognominavit Abraham nomen loci illius, Dominus vidit, ut dicant hodie quod in monte Dominus visus est: sicut paulo ante quod dixit Deus per angelum, Nunc enim cognovi quia times Deum; non quia tunc Deus cognovisse intelligendus est, sed egisse ut per Deum ipso Abraham cognosceret quantas haberet vires cordis ad obediendum Deo usque ad immolationem unici filii: illo modo locutionis quo significatur per efficientem id quod efficitur, sicut dicitur frigus pigrum, quod pigros facit; ut ideo cognovisse diceretur, quia ipsi Abraham cognoscere fecerat, quem poterat latere fidei sue firmitas, nisi tali experimento probaretur. Ita et hic cognominavit Abraham nomen loci illius, Dominus vidit: id est, quod videri se fecit. Nam continuo secutus ait, Ut dicant hodie quod in monte Dominus visus est. Ecce idem angelus Dominus dicitur: quare, nisi quia per angelum Dominus? Jam vero in eo quod sequitur, prophetice omnino loquitur angelus, et prorsus aperit quod per angelum Deus loquatur. Et vocavit, inquit, angelus Domini Abraham iterum de caelo, dicens: Per me juravi, dicit Dominus, pro eo quod fecisti hoc verbum, et non pepercisti filio tuo dilecto propter me* (Id. xxii), etc. Haec certe verba, ut dicat ille per quem loquitur Dominus, *Hac dicit Dominus*, etiam Prophetæ solent habere. An Filius Dei de Patre ait, *Dicit Dominus*, et ipse est ille Angelus Patris? Quid ergo? de illis tribus viris nomine respiciunt quonodo urgeantur, qui visi sunt Abraham, cum prædictum esset, *Visus est ei Dominus?* An quia viri dicti sunt, non erant Angeli? Danilem legant dicentem, *Ecce vir Gabriel* (Dan. ix, 21).*

¹ Am. et quidam MSS., in Mesopotamia Syriæ.

² Er. et Lov. hoc loco habent, propter eum, sed constantier MSS. ut supra, libro 2 contra Maximinum, cap. 28, n. 5, super eum. Græce apud LXX, ἐπανό αὐτῷ.

³ MSS. plerique, peteretur.

⁴ Editi, volens occidere. Abest, volens, a MSS., et a græco LXX.

⁵ In MSS., tam grosso.

26. Sed quid ultra differimus ora eorum evidentissimo atque gravissimo alio documento oppilare , ubi non angelus singulariter , nec viri pluraliter , sed omnino Angeli dicuntur , per quos sermo non quilibet factus , sed lex ipsa data manifestissime ostenditur , quam certe nullus fidelium dubitat Deum dedit Moysi ad subjugandum populum Israel , sed tamen per Angelos datam? Ita Stephanus loquitur : *Dura cervice, inquit, et non circuncisi corde et auribus, vos semper Spiritui sancto restitistis, sicut et patres vestri. Quem Prophetarum non persecuti sunt patres vestri? Et occiderunt eos qui prænuntiabant de adventu Justi, cuius nunc vos proditores et intersectorcs fuistis, qui accepistis legem in edictis Angelorum, nec custodistis* (Act. vii, 51-53). Quid hoc evidenter? quid tanta auctoritate robustius? In edictis quidem Angelorum lex illi populo data est : sed Domini Iesu Christi per eam disponebatur et prænuntiabatur adventus; et ipse tanquam Verbum Dei miro et ineffabil modo erat in Angelis , in quorum edictis lex ipsa dabatur. Unde dicit in Evangelio , *Si crederetis Moysi, credereis et mihi; de me enim ille scripsit* (Joan. v, 46). Per Angelos ergo tunc Dominus loquebatur, per Angelos Filius Dei , mediator Dei et hominum futurus ex semine Abraham sumum disponebat adventum, ut inveniret a quibus reciperetur, consentes se reos, quos lex non impleta fecerat transgressores. Unde et Apostolus ad Galatas dicit , *Quid ergo lex? Transgressionis gratia posita est¹, donec veniret semen cui promissum est, dispositum² per Angelos in manu Mediatoris* (Galat. iii, 19) : hoc est dispositum per Angelos in manu sua. Non enim natus est per conditionem, sed per potestatem. Quod autem non aliquem ex Angelis dicit mediatorem, sed ipsum Dominum Iesum Christum , in quantum homo fieri dignatus est , habes alio loco : *Unus, inquit, Deus, et unus mediator Dei et hominum, homo Christus Jesus* (1 Tim. ii, 5). Hinc illud Pascha in intersectione agni (Exod. xii) : hinc illa omnia quæ

¹ Plures MSS., *proposita est*. Graece est, *prosetethē*.

² Edit. *disposita*. At plerique MSS., *dispositum*; referendo ad semen.

de Christo venturo in carne atque passuro , sed et resurrecto in lege figurantur, quæ data est in editis Angelorum , in quibus Angelis erat utique et Pater, et Filius, et Spiritus sanctus ; et aliquando Pater, aliquando Filius, aliquando Spiritus sanctus , aliquando sine ulla distinctione persona Deus per illos figurabatur, etsi visibilis et sensibilis formis apparet, per creaturam tamen suam, non per substantiam , cui vidende corda mundantur per haec omnia que oculis videntur et auribus audiuntur.

27. Sed jam satis , quantum existimo , pro captu nostro disputatum et demonstratum est, quod in hoc libro suscepseramus ostendere : constitutus et probabilitate rationis quantum homo vel potius quantum ego potui, et firmitate auctoritatis quantum de Scripturis sanctis divina eloqua patuerunt, quod antiquis patribus nostris ante incarnationem Salvatoris , cum Deus apparere dicebatur, voces illæ ac species corporales per Angelos factæ sunt; sive ipsis loquentibus vel agentibus aliiquid ex persona Dei, sicut etiam Prophetas solere ostendimus; sive assumentibus ex creatura quod ipsi non essent, ubi Deus figurata demonstraret hominibus; quod genus significationum nec Prophetas omisso, multis exemplis docet Scriptura. Superest igitur jani ut videamus , cum et nato per virginem Domino , et corporali specie sicut columba descendente Spiritu sancto (Matth. iii, 16), visisque igneis linguis sonitu facto de cœlo die Pentecostes post ascensionem Domini (Act. ii, 1-4), non ipsum Dei Verbum per substantiam suam qua Patri æquale atque coæternum est, nec Spiritus Patris et Filii per suam substantiam qua et ipse utrisque æqualis¹ atque coæternus est, sed utique creatura² quæ illis modis formari et existere potuit corporeis atque mortalibus sensibus apparuerit, quid inter illas demonstrationes et has proprietates Filii Dei et Spiritus sancti, quamvis per creaturam visibilem factas, intersit : quod ab alio volumine commodius ordiemur.

¹ Ven., *utriusque æqualis*. Lov., *utrisque æqualis*, cum hac adnotatione marginali: « Alias, *utrique æqualis*. » M.

² Ita MSS. Editi vero, *sed utique per creaturam*.

LIBER QUARTUS.

Expletat ad quid missus sit Filius Dei : Christo videlicet pro peccatoribus moriente persuadendum nobis suis imprimis et quantum nos dilexerit Deus, et quales dilexerit, opportune etiam ut ad contemplandum Deum et cohærendum Deo mundaremur, verbum in carne venisse. Iesus morte una et simplici duplicitate nostram solutam esse; ubi edisserit quemadmodum simplicis salvatoris nostri duplo nostro concusat ad salutem, et de perfectione numeri senarit, in quem numerum ipsa simph ad duplum ratio deducit, fons agi. Nec colligi omnes ex multis ut unum per unum mediatores vitæ Christi, per quem solum vera fit animæ purgatio. Ceterum Filium Dei, quamquam missus sit minor propter formam servi quam suscepit, non tamen a deo maiorem patre secundum formam dei quia ab ipso missus est: eamdemque de Spiritu sancti missionem rationem esse demonstrat.

PROCESSIONEM. — 1. *Scientia Dei a Dō petenda, Scientiam terrestrium cœlestiumque rerum magni estimare solet genus humanum: in quo profecto meliores sunt qui huic scientiæ præponunt nosse se metipsos; laudabiliorque est animus cui nota est vel infirmitas sua, quam qui ea non respecta, vias siderum scrutatur etiam cognitus, aut qui jam cognitas tenet, ignorans ipse qua ingrediantur ad salutem ac firmitatem suam. Qui*

vero jam evigilavit in Deum , Spiritus sancti calore excitatus , atque in ejus amore coram se viluit, ad eumque intrare volens nec valens, eoque sibi lucente attendit in se , invenitque se , suamque ægritudinem illius munditiae contemperari non posse cognovit ; flere dulce habet , eumque deprecari, ut etiam atque etiam misericatur , donec exuat totam miseriam , et precari cum fiducia, jam accepto gratuito pignore sa-

latus, per ejus unicum Salvatorem hominis et illuminatorem : hunc ita agentem¹ et dolentem scientia non inflat, quia caritas aedificat (*I Cor. viii, 4*) ; præposuit enim scientiam scientiæ, præposuit scire infirmitatem suam, magis quam scire mundi mœnia, fundamenta terrarum, et fastigia cœlorum : et hanc apponendo scientiam, apposuit dolorem (*Eccle. i, 18*) ; dolorem peregrinationis suæ ex desiderio patriæ suæ, et conditoris ejus beati Dei sui. In hoc genere hominum, in familia Christi tui, Domine Deus meus, si inter pauperes tuos gemo, da mili de pane tuo respondere hominibus qui non esurunt et sitiunt justitiam (*Matth. v, 6*), sed satiati sunt et abundant. Sativavit autem illos phantasma eorum, non veritas tua, quam repellendo resilunt, et in suam vanitatem cadunt. Ego certe sentio quam multa segmenta pariat cor humanum : et quid est cor meum, nisi cor humanum? Sed hoc oro Deum cordis mei, ut nihil ex eis segmentis pro solido vero eructuem in has litteras, sed inde veniat in eas quidquid per me venire potuerit, unde mihi, quamvis projecto a facie oculorum suorum (*Psal. xxx, 23*), et de longinquò redire conanti², per viam quam stravit humanitate³ divinitas Unigeniti sui, aura veritatis ejus aspergitur. Quam in tautum licet mutabilis baurio, in quantum in ea nihil mutabile video, nec locis et temporibus, sicut corpora; nec solis temporibus et quasi locis, sicut spirituum nostrorum cogitationes; nec solis temporibus, et nulla vel imagine locorum, sicut quædam nostrarum mentium ratiocinationes. Omnino enim Dei essentia, qua est, nihil mutabile habet, nec in æternitate, nec in veritate, nec in voluntate : quia æterna ibi est veritas, æterna caritas; et vera ibi est caritas, vera æternitas; et chara ibi est æternitas, chara veritas.

CAPUT PRIMUM. — 2. *Per agnitionem infirmitatis nostræ perficimur. Verbum incarnatum tenebras nostras pellit.* Sed quoniam exsulavimus ab incommutabili gaudio, nec tamen inde præcisi atque abrupti sumus, ut non etiam in istis mutabilibus et temporibus æternitatem, veritatem, beatitudinem quæreremus (nece mori enim, nec falli, nec perturbari volumus); missa sunt nobis divinitus visa congrua peregrinationi nostræ, quibus admoneremur non hic esse quod quærimus, sed illuc ab ista⁴ esse redeundum, unde nisi penderemus, hic ea non quæreremus. Ac primam nobis persuadendum fuit, quantum nos diligenter Deus, ne desperatione non auderemus erigi in eum. Quales autem dilexerit, ostendi oportebat, ne tanquam de meritis nostris superbientes, magis ab eo resiliremus et in nostra fortitudine magis desiceremus : ac per hoc egit nobiscum, ut per ejus fortitudinem potius proficeremus, atque ita in infirmitate humilitatis perficeretur virtus caritatis. Hoc significat in Psalmo, ubi ait : *Pluviam voluntariam segregans*,

¹ Omnes prope MSS., ita egentem.

² Remersis vetustissimus codex, et de longinquò conanti; omisso, redire.

³ Editi, *humanitatib. Melius MSS., humanitate.*

⁴ Editi, ad ipsa. At MSS., ab ista; scilicet peregrinatione.

gans, Deus, hæreditati tuæ; et infirmata est, tu rere perfecisti eam (Psal. lxv, 10). Pluviam quippe voluntariam nonnisi gratiam vult intelligi, non meritis redditam, sed gratis datam, unde et gratia nominatur: dedit enim eam, non quia digni eramus, sed quia voluit. Hoc cognoscentes, non fidentes in nobis erimus; et hoc est infirmari. Ipse vero perficit nos, qui etiam Paulo apostolo dixit : *Sufficit tibi gratia mea; nam virtus in infirmitate perficitur (II Cor. xii, 9).* Persuadendum ergo erat homini quantum nos dilexerit Deus, et quales dilexerit: quantum, ne desperarenuis; quales, ne superbirenuis. Illic locum Apostolus necessarium sic explicat : *Commendat autem, inquit, suam charitatem Deus in nobis, quoniam cum adhuc peccatores essemus, Christus pro nobis mortuus est; multo magis justificati nunc in sanguine ipsius, salvi erimus ab ira per ipsum.* Si enim cum inimici essemus, reconciliati sumus Deo per mortem Filii ejus; multo magis reconciliati salvi erimus in vita ipsius (*Rom. v, 8-10*). Item alio loco : *Quid ergo, inquit, dicemus ad hæc? Si Deus pro nobis, quis contra nos?* Qui proprio Filio non pepercit, sed pro nobis omnibus tradidit illum, quomodo non et cum illo nobis omnia donavit (*Id. vii, 31, 32*)? Quod autem factum nobis annuntiatur, hoc saturum ostendebatur et antiquis justis, ut per eamdem fidem etiam ipsi humiliati infirmarentur, et infirmati perficerentur.

3. Quia igitur unum Verbum Dei est, per quod facta sunt omnia, quod est incommutabilis veritas, ibi principaliiter¹ atque incommutabiliter sunt omnia simul; non solum quæ nunc sunt in hac universa creatura, verum etiam quæ fuerunt et quæ futura sunt. Ibi autem nec fuerunt, nec futura sunt, sed tantummodo sunt; et omnia vita sunt, et omnia unum sunt, et magis unum est et una vita est. Sic enim omnia per ipsum facta sunt, ut quidquid factum est in his, in illo vita sit, et facta non sit: quia in principio non factum est Verbum, sed erat Verbum apud Deum, et Deus erat Verbum, et omnia per ipsum facta sunt; nec per ipsum omnia facta essent, nisi ipsum esset ante omnia, factumque non esset. In iis autem quæ per ipsum facta sunt, etiam corpus quod vita non est, per ipsum non fieret, nisi in illo, antequam fieret, vita esset. *Quod enim factum est, jam in illo vita erat*, et non qualiscumque vita: nam et anima vita est corporis, sed et hæc facta est, quia mutabilis est; et per quid facta est, nisi per Dei Verbum incommutabile? *Omnia enim per ipsum facta sunt, et sine ipso factum est nihil.* *Quod ergo factum est, jam in illo vita erat*, et non qualiscumque vita, sed vita erat lux hominum: lux utique rationalium mentium, per quas homines a pecoribus differunt, et ideo sunt homines. Non ergo lux corporea, quæ lux est carnium, sive de coelo fulget, sive terrenis ignibus accendatur, nec humanarum tantum carnium, sed etiam belluinarum et usque ad minutissimos quoque vermiculos. *Omnia enim haec vident istam lucem: at illa*

¹ Sic MSS. plerique. At editi, ubi principaliter. Et rursus paulo post, ubi autem, pro, ibi autem.

vita lux hominum erat; nec longe posita ab unoquoque nostrum: in illa enim vivimus, et movemur, et sumus (*Act. xvii, 27, 28*).

CAPUT II. — 4. *Quomodo per Verbum incarnatum reddimur habiles percipiendae veritati.* — *Sed lux in tenebris lucet, et tenebrae eam non comprehendenterunt.* Tenebrae autem sunt stultae mentes hominum, prava cupiditate atque infidelitate cæcatae. Has ut curaret atque sanaret *Verbum*, per quod facta sunt omnia, *caro factum est, et habitavit in nobis* (*Joan. i, 14*). Illuminatio quippe nostra participatio Verbi est, illius scilicet vite que lux est hominum. Huic autem participationi prorsus inhabiles, et minus idonei eramus, propter immunditiam peccatorum. Mundandi ergo eramus. Porro iniquorum et superborum una mundatio est sanguis justi, et humilitas Dei: ut ad contemplandum Deum quod natura non sumus, per eum mundarem factum quod natura sumus, et quod peccato non sumus. Deus enim natura non sumus: homines natura sumus, justi peccato non sumus. Deus itaque factus homo justus, intercessit Deo pro homine peccatore. Non enim congruit peccator iusto, sed congruit homini homo. Adjungens ergo nobis similitudinem humanitatis suæ, abstulit dissimilitudinem iniquitatis nostræ: et factus particeps mortalitatis nostræ, fecit nos particeps divinitatis suæ. Merito quippe mors peccatoris veniens ex damnationis necessitate, soluta est per mortem justi venientem ex misericordia voluntate, dum simplum ejus congruit duplo nostro. Hæc enim congruentia, sive convenientia, vel concinentia, vel consonantia, vel si quid commodius dicitur, quod unum est ad duo, in omni compagnatione; vel, si melius dicitur, coaptatione creaturæ, valeat plurimum. Hanc enim coaptationem, sicut mihi nunc occurrit, dicere volui, quam Græci ἀπονοτας vocant. Neque nunc locus est, ut ostendam quantum valeat consonantia simpli ad duplum, que maxima in nobis reperitur¹, et sic nobis insita naturaliter (a quo utique, nisi ab eo qui nos creavit?), ut nec imperiti possint eam non sentire, sive ipsi cantantes, sive alios audientes: per hanc quippe voces acutiores gravioresque concordant, ita ut quisquis ab ea dissonuerit, non scientiam, cuius expertes sunt plurimi, sed ipsum sensum auditus nostri vehementer offendat. Sed hoc ut demonstretur, longo sermone opus est: ipsis autem auribus exhiberi potest ab eo qui novit in regulari monochordo.

CAPUT III. — 5. *Una mors et resurrectio corporis Christi, duplice nostræ morti ac resurrectioni corporis et animæ concinit ad salutem.* Duplæ morti nostræ quomodo simila mors Christi impensa. Verum quod instat in præsentia², quantum donat Deus, edisserendum est quemadmodum simpliciter Domini et Salvatoris nostri Jesu Christi duplo nostro congruat, et quo-

¹ Sic MSS. At editi, similitudinem.

² Hic aliquot MSS. omittunt, in notis. Post, reperitur, editi ferebant, ut sit nobis. Corrupte.

³ Am. et plurcs MSS.: *Verum quod instat imprimis tantum.*

dam modo concinat ad salutem. Nos certe, quod ne-no christianus ambigit, et anima et corpore mortui sumus: anima, propter peccatum; corpore, propter poenam peccati, ac per hoc et corpore propter peccatum. Utrique autem rei nostræ, id est, et animæ et corpori, medicina et resurrectione¹ opus erat, ut in melius renovaretur quod erat in deteriorius commutatum. Mors autem animæ impietas est; et mors corporis, corruptibilitas, per quam fit et animæ a corpore abscessus. Sicut enim anima Deo deserente, sic corpus anima deserente moritur: unde illa sit insipiens; hoc, exanime. Resuscitatur enim anima² per poenitentiam, et in corpore adhuc mortali renovatio vitæ inchoatur a fide, qua creditur in eum qui justificat impium (*Rom. iv, 5*), bonisque moribus augeatur et robatur de die in diem, cum magis magisque renovatur interior homo (*II Cor. iv, 16*). Corpus vero tanquam homo exterior, quanto est hæc vita diutinior, tanto magis magisque corruptitur, vel ætate, vel morbo, vel variis afflictionibus, donec veniat ad ultimam³ quæ ab omnibus mors vocatur. Ejus autem resurrectio differtur in finem; cum et ipsa justificatio nostra perficietur ineffabiliter. Tunc enim similes ei erimus, quoniam videbimus eum sicuti est (*I Joan. iii, 2*). Nunc vero quamdiu corpus quod corruptitur aggravat animam (*Sap. ix, 15*), et vita humana super terram tota tentatio est (*Job vii, 1*), non justificabitur in conspectu ejus omnis vivens (*Psal. cxlii, 2*), in comparatione justitiae qua æquabimur Angelis, et gloriae quæ revelabitur in nobis. De morte autem animæ a morte corporis distinguenda, quid plura documenta commemorem; cum Dominus in una sententia evangelica utramque mortem cuivis facile discernendam posuerit, ubi ait: *Sine mortuos sepelire mortuos suos* (*Math. viii, 22*)? Sepeliendum quippe corpus mortuum erat: sepultores autem ejus per infidelitatem impietatem⁴ in anima mortuos intelligi voluit, quales excitantur cum dicitur, *Surge, qui dormis, et exurge a mortuis, et illuminabit te Christus* (*Ephes. v, 14*). Detestatur autem quamdam mortem Apostolus, dicens de vidua: *Quæ autem in deliciis agit, vivens mortua est* (*I Tim. v, 6*). Anima igitur jam pia, quæ fuit impia, propter justitiam fidei dicitur ex morte revixisse atque vivere. Corpus autem non tantum moritum propter anime abscessum qui futurus est, sed propter tantam infirmitatem⁵ carnis et sanguinis, quodam in loco in Scripturis etiam mortuum dicitur, loquente Apostolo: *Corpus quidem, inquit mortuum est propter peccatum, spiritus autem vita est propter justitiam.* Hæc vita ex fide facta est; quoniam justus ex fide vivit (*Rom. i, 17*). Sed quid sequitur? Si autem *Spiritus ejus qui suscitavit Iesum*

¹ Plures MSS., *medicina ex resurrectione*.

² Plures MSS.: *Resuscitatur ergo anima*.

³ Er. Lugd. Ven. Lov. addunt, *afflictionem*; in B. deest hæc vox; sed notatur in margine: « subaudi, afflictionem. » N.

⁴ Am. et omnes fere MSS., *per infidelitatem impietatis*.

⁵ Editi, propter infirmitatem tantam. At MSS., propter infirmitatem tantam.

a mortuis, habitat in vobis; qui suscitavit Christum Iesum a mortuis, vivificabit et mortalia corpora vestra per inhabitantem Spiritum ejus in vobis (Rom. viii, 10, 11).

6. Huic ergo duplice morti nostrae Salvator noster impedit simpliciter suam: et ad faciendam utramque resuscitationem nostram, in sacramento et exemplo preposuit et proposuit unam suam. Neque enim fuit peccator aut impius, ut ei tanquam spiritu mortuo in interiore homine renovari opus esset, et tanquam resipiscendo ad vitam justitiae revocari: sed induitus carne mortali, et sola moriens, sola resurgens, ea sola nobis ad utrumque concinuit, cum in ea fieret interioris hominis sacramentum, exterioris exemplum. Interioris enim hominis nostri sacramento data est illa vox, pertinens ad mortem animae nostra significandam, non solum in Psalmo, verum etiam in cruce: *Deus meus, Deus meus, utquid me dereliquisti (Psal. xxi, 1, et Matth. xxvii, 46)*? Cui voci congruit Apostolus dicens: *Scientes quia vetus homo noster simul crucifixus est, ut evacuetur corpus peccati, ut ultra non serviamus peccato*. Crucifixio quippe interioris hominis poenitentiae dolores intelliguntur, et continentiae quidam salubris cruciatus, per quam mortem mors impietatis perimitur, in qua nos reliquit Deus¹. Et ideo per talem crucem evacuat corpus peccati, ut jam non exhibeamus membra nostra arma iniquitatis peccato (Rom. vi, 6, 13). Quia et interior homo si utique renovatur de die in diem (II Cor. iv, 16), profecto vetus est antequam renovetur. Intus namque agitur quod idem apostolus dicit: *Exuite vos veterem hominem, et induite novum*. Quod ita consequenter exponit: *Quapropter deponentes mendacium, loquimini veritatem (Ephes. iv, 22-25)*. Ubi autem deponitur mendacium, nisi intus, ut inhabitet in monte sancto Dei qui loquitur veritatem in corde suo (Psal. xiv, 1, 3)? Resurrectio vero corporis Domini ad sacramentum interioris resurrectionis nostra pertinere ostenditur, ubi postquam surrexit, ait mulier: *Noli me tangere; nondum enim ascendi ad Patrem meum (Joan. xx, 17)*. Cui mysterio congruit Apostolus dicens: *Si autem consurrexistis cum Christo, quae sursum sunt querite, ubi Christus est ad dexteram Dei sedens; quae sursum sunt, sapite (Coloss. iii, 1, 2)*. Hoc est enim Christum non tangere, nisi cum ascenderit ad Patrem, non de Christo sapere carnaliter. Jam vero ad exemplum mortis exterioris hominis nostri Dominice carnis mors pertinet, quia per talem passionem maxime hortatus est servos suos, ut non timeant eos qui corpus occidunt, animam autem non possunt occidere (Matth. x, 28). Propter quod dicit Apostolus: *Ut suppleam quae desunt pressurarum Christi in carne mea (Coloss. i, 24)*. Et ad exemplum resurrectionis exterioris hominis nostri pertinere invenitur resurrectio corporis Domini, quia discipulis ait: *Palpate, et videte, quia spiritus carnem et ossa*

¹ Editi, in qua nos non dereliquit Deus. At melioris note MSS., in qua nos reliquit (sive, relinquit) Deus: id est in morte et crucifixione interioris hominis nostri, doloribus videlicet penitentiae ac continentiae cruciata.

non habet, sicut me videtis habere (Luc. xxiv, 39). Et unus ex discipulis etiam cicatrices ejus contrectans, exclamavit dicens, *Dominus meus, et Deus meus (Joan. xx, 28)*? Et cum illius carnis tota integritas appareret, demonstratum est in ea quod suos exhortans dixerat: *Capillus capitis vestri non peribit (Luc. xxi, 18)*. Unde enim primo, *Noli me tangere, nondum enim ascendi ad Patrem meum*; et unde antequam ascendat ad Patrem a discipulis tangitur, nisi quia illic insinuabatur interioris hominis sacramentum, hic præbebatur exterioris exemplum? An forte quisquam ita est absurdus atque aversus a vero, ut audeat dicere a viris eum tactum antequam ascenderet; a mulieribus autem, cum ascendisset? Propter hoc exemplum futuræ nostræ resurrectionis in corpore, quod præcessit in Domino, dicit Apostolus: *Initium Christus, deinde qui sunt Christi (I Cor. xv, 23)*. De corporis enim resurrectione illo loco agebatur, propter quam etiam dicit: *Transfiguravit corpus humilitatis nostræ conforme corpori gloriae suæ (Philipp. iii, 21)*. Una ergo mors nostri Salvatoris duabus mortibus nostris saluti fuit. Et una ejus resurrectio duas nobis resurrectiones præstít, cum corpus ejus in utraque re, id est, et in morte et in resurrectione, et sacramento interioris hominis nostri, et exemplo exterioris, medicinali quadam convenientia ministratum est.

CAPUT IV. — 7. *Ratio simpli ad duplum ex perfectione senarii numeri. Senarii perfectio in Scripturis commendata. Annus senario numero pollet. Hec autem ratio simpli ad duplum oritur quidem a ternario numero; unum quippe ad duo, tria sunt: sed hoc totum quod dixi, ad senarium pervenit; unum enim et duo et tria sex sunt. Qui numerus propterea perfectus dicitur quia partibus suis complectur: habet enim illas tres, sextam, tertiam, dimidiad; nec nulla pars alia, quæ dici possit quota sit, invenitur in eo. Sexta ergo ejus unum est; tertia, duo; dimidia, tria. Unum autem et duo et tria consummant eundem senarium. Cujus perfectionem nobis sancta Scriptura commendat, in eo maxime quod Deus sex diebus perfecit opera sua, et sexto die factus est homo ad imaginem Dei (Gen. i, 27). Et sexta ætate generis humani, Filius Dei venit et factus est filius hominis, ut nos reformatum ad imaginem Dei. Ea quippe nunc ætas agitur, sive millenni anni singulis distribuantur ætatibus, sive in divinis litteris memorabiles atque insignes quasi articulos temporum vestigemus, ut prima ætas inveniatur ab Adam usque ad Noe, inde secunda usque ad Abraham: et deinceps, sicut Matthæus evangelista distinxit, ab Abraham usque ad David, a David usque ad transmigrationem in Babyloniam, atque inde usque ad virginis partum (Matth. i, 17). Quæ tres ætates conjunctæ illis duabus, quinque faciunt. Proinde sextam inchoavit nativitas Domini, quæ nunc agitur usque ad occultum temporis finem. Hunc senarium numerum quamidam temporis gerere figuram, etiam in illa ratione tripartite dis-*

¹ Aliquot MSS.: *Transfigurabit*.

tributionis agnoscimus, qua unum tempus computamus ante Legem; alterum, sub Lega; tertium, sub gratia. In quo tempore sacramentum renovationis accepimus: ut in fine temporis etiam resurrectione carnis omni ex parte renovati, ab universa, non solum anima, verum etiam corporis infirmitate sanemur. Unde intelligitur illa mulier in typo Ecclesiae a Dominino sanata et erecta, quam curvaverat infirmitas alligante satana. De talibus enim occultis hostibus plangit illa vox Psalmi: *Curvaverunt animam meam* (*Psal. lvi, 7*). Haec autem mulier decem et octo annos habebat in infirmitate, quod est ter seni. Menses autem annorum decem et octo inveniuntur in numero solidi quadrati senarii, quod est sexies seni; et hoc sexies. Juxta quippe est in eodem Evangelii loco, arbor quoque illa sicutinea, cuius miseram sterilitatem etiam tertius annus arguebat. Sed ita pro illa intercessum est, ut dimitteretur illo anno, ut si fructum ferret, bene; sin aliter, excideretur (*Luc. xiii, 6-17*). Nam et tres anni ad eamdem tripartitam distributionem pertinent, et menses trium annorum quadratum senarium faciunt, quod est sexies seni.

8. Annus etiam unus, si duodecim menses integri considerentur, quos triceni dies compleant (talem quippe mensem veteres observaverunt, quem circuitus lunaris ostendit), senario numero pollet. Quod enim valent sex in primo ordine numerorum, qui constat ex unis ut perveniantur ad decem; hoc valent sexaginta in secundo ordine, qui constat ex deuis ut perveniantur ad centum. Sexagenarius ergo numerus dierum, sexta pars anni est. Prout per senarium primi versus multiplicatur¹, tanquam senarius secundi versus, et sunt sexies sexageni, trecenti et sexaginta dies, qui sunt integri duodecim menses. Sed quoniam sicut mensem circuitus lunae ostendit hominibus, sic annus circuitu solis animadversus est; restant autem quinque dies et quadrans diei, ut sol implete cursum suum annunque concludat: quatuor euim quadrantes faciunt unum diem, quem necesse est intercalari excuso quadriennio, quod bissextum vocant, ne temporum ordo turbetur: etiam ipsos dies quinque et quadrantem si consideremus, senarius numerus in eis plurimum valet. Primum, quia sicut fieri solet ut a parte totum computetur, non sunt iam dies quinque, sed potius sex, ut quadrans ille accipiatur pro die. Deinde, quia in ipsis quinque diebus sexta pars mensis est: ipse autem quadrans sex horas habet. Totus enim dies, id est, cum sua nocte, viginti quatuor horae sunt, quarum pars quarta, quae est quadrans diei, sex horae inveniuntur: ita in anni cursu senarius numerus plurimum valet.

CAPUT V. — 9. Senarius item in aedificatione corporis Christi ac templi Ierosolymitani commendatus. Nec immerito in aedificatione corporis Dominiciani, in cuius figura templum a Judaeis destructum triduo se resuscitaturum esse dicebat, numerus ipse senarius

pro anno positus intelligitur. Dixerunt enim: *Quadrages et sex annis aedificatum est templum*. Et quadrages sexies seni, sunt ducenti septuaginta et. Qui numerus dierum complet novem menses et sex dies, qui tanquam decem menses parientibus feminis imputantur: non quia omnes ad sextum diem post nonum mensem pervenient, sed quia ipsa perfectio corporis Domini tot diebus ad partum perducta comperitur, sicut a majoribus traditum suscipiens Ecclesia custodit auctoritas. Octavo enim calendas aprilis conceptus creditur, quo et passus: ita monumento novo quo sepultus est, ubi nullus erat mortuorum positus (*Joan. xix, 41, 42*), nec ante, nec postea, congruit uterus virginis quo conceptus est, ubi nullus seminatus est mortalium. Natus autem traditur octavo calendas januarias. Ab illo ergo die usque ad istum computati¹, ducenti septuaginta et sex reperiuntur dies, qui senarium numerum quadrages sexies habent. Quo numero annorum templum aedificatum est, quia eo numero seniorum corpus Domini perfectum est, quod mortis passione destructum, triduo resuscitavit. Dicebat enim hoc de templo corporis sui (*Id. ii, 19-21*), sicut evidentissimo et robustissimo Evangelii testimonio declaratur, quo ait: *Sicut fuit Jonas in ventre ceti tribus diebus, et tribus noctibus; sic erit Filius hominis in corde terrae tribus diebus, et tribus noctibus* (*Math. xii, 40*).

CAPUT VI. — 10. Triduum resurrectionis, in quo etiam appareat ratio simpli ad duplum. Ipsum autem triduum non totum et plenum fuisse, Scriptura testis est: sed primus dies a parte extrema totus annumeratus est; dies vero tertius a parte prima, et ipso totus; medius autem inter eos, id est, secundus dies absolute totus viginti quatuor horis suis, duodecim nocturnis et duodecim diurnis. Crucifixus est enim primo Judaeorum vocibus hora tertia, cum esset dies sexta sabbati. Deinde in ipsa cruce suspensus est hora sexta, et spiritum tradidit hora nona (*Id. xxvi, 23-50*). Sepultus est autem cum jam sero factum esset, sicut sese habent verba Evangelii (*Marc. xv, 42-46*); quod intelligitur, in fine diei. Undeliber ergo incipias, etiam si alia ratio reddi potest,² quomodo non sit contra Evangelium Joannis (*Joan. xix, 44*), ut hora tertia ligno suspensus intelligatur; totum diem³ primum non comprehendis. Ergo a parte extrema totus computabitur, sicut tertius a parte prima. Nox enim usque ad diluculum, quo Domini resurrectio declarata est, ad tertium diem pertinet: quia Deus qui dixit de tenebris lucem clarescere (*II Cor. iv, 6*), ut per gratiam Novi Testamenti et participationem resurrectionis Christi audiremus, *Fuistis enim aliquando tenebrae nunc autem lux in Domino* (*Ephes. v, 8*); insinuat nobis quodam modo quod a nocte dies sumat initium. Sicut enim primi dies propter futurum hominis lapsum a luce in noctem (*Gen. i, 4, 5*); ita isti propter hominis reparationem a tenebris ad lucem computantur. Ab hora ergo mortis usque ad diluculum resur-

¹ Editi. multiplicantur. Melius MSS., multiplicatur: numerus videlicet senarius.

² Edito ven., computari. M.

³ Lov., si totum diem. Abest, si, ab aliis libris, et abesse debet.

rectionis horæ sunt quadraginta, ut etiam ipsa hora nona connumeretur. Cui numero congruit etiam vita ejus super terram post resurrectionem in quadraginta diebus. Et est iste numerus frequentissimus in Scripturis ad insinuandum mysterium perfectionis in quadripartito mundo¹. Habent enim quamdam perfectionem decem, et ea quater multiplicata faciunt quadraginta. A vespere autem sepulturæ usque ad diluculum resurrectionis triginta sex horæ sunt, qui est quadratus senarius. Refertur autem ad illam rationem simpli ad duplum, ubi est coaptationis maxima consonantia. Duodecim enim ad viginti quatuor simplo ad duplum convenient, et sunt triginta sex: nox tota cum die toto et nocte tota, neque hoc sine illo sacramento quod supra memoravi. Non absurde quippe spiritum diei comparamus; corpus autem, nocti. Dominicum enim corpus in morte ac resurrectione, et spiritus nostri figuram, et corporis gerebat exemplum. Etiam sic ergo apparet illa ratiō simpli ad duplum in horis triginta sex, cum duodecim conferunt ad viginti quatuor. Et horum quidem numerorum causas, cur in Scripturis sanctis positi sint², potest alias indagare, vel quibus istæ quas ego reddidi, præponendæ sint, vel æque probabiles, vel istis etiam probabiliore: frustra tamen eos esse in Scripturis positos, et nullas causas esse mysticas cur illic isti numeri commemoretur, nemo tam stultus ineptusque contendenterit. Ego autem quas reddidi, vel ex Ecclesiæ auctoritate a majoribus traditas³, vel ex divinarum testimonio Scripturarum, vel ex ratione numerorum similitudinumque collegi. Contra rationem nemo sobrius, contra Scripturas nemo christianus, contra Ecclesiam nemo pacificus senserit.

CAPUT VII. — 11. *Quomodo per unum Mediatorem ex multis colligamur in unum.* Hoc sacramentum, hoc sacrificium, hic sacerdos, hic Deus, antequam missus veniret, factus ex semina, omnia quæ sacrate atque mystice patribus nostris per angelica miracula apparuerunt, sive quæ per ipsos facta sunt, similitudines hujus fuerunt, ut omnis creatura factis quodam modo loqueretur unum futurum in quo esset salus universorum a morte separandorum. Quia enim ab uno vero Deo et summo per impietatis iniquitatem resilientes et dissonantes defluxeramus, et evanueramus in multa, discissi per multa et inharentes in multis: oportebat nutu et imperio Dei miserantis, ut ipsa multa venturum conclamarent unum; et a multis conclamatus veniret unus, et multa contestarentur venisse unum; et a multis exonerati veniremus ad unum, et multis peccatis in anima mortui, et propter peccatum in carne morituri⁴, amaremus sine peccato mortuum in carne pro nobis unum; et in resuscitatum credentes, et cum illo per fidem spiritu resurgentibus, justificaremur in uno justo facti unum: nec in ipsa carne nos resurrecturos desperaremus, cum multa membra intueremur præcessisse nos caput unum; in quo nunc per fidem mundati, et tunc per speciem

¹ Editi, in quadripartito modo. Menose.

² Sic MSS. At editi, posse sint.

³ Plures MSS., tradita.

redintegrati, et per Mediatorem Deo reconciliati haeremus uni, fruamur uno, permaneamus unum.

CAPUT VIII. — 12. *Quomodo Christus vult omnes in se unum esse.* Sic ipse Filius Dei, Verbum Dei, et idem ipse mediator Dei et hominum Filius hominis (I Tim. n. 5), æqualis Patri per divinitatis unitatem, et particeps noster⁵ per humanitatis susceptionem, Patrem interpellans pro nobis per id quod homo erat (Rom. viii, 34), nec tamen tacens quod Deus cum Patre unum erat, inter cetera ita loquitur: *Non pro his autem rogo, inquit, tantum, sed et pro eis qui credituri sunt per verbum eorum in me: ut omnes unum sint, sicut tu Pater in me, et ego in te, ut et ipsi in nobis unum sint; ut mundus credat, quia tu me misisti. Et ego claritatem quam dedisti mihi, dedi eis, ut sint unum, sicut et nos unum sumus (Joan. xvii, 20-22).*

CAPUT IX. — *Sequitur de eodem argumento.* Non dixit, Ego et ipsi unum; quamvis per id quod Ecclesiæ caput est et corpus ejus Ecclesia (Ephes. i, 22, 23), posset dicere, Ego et ipsi, non unum, sed unus, quia caput et corpus unus est Christus: sed divinitatem suam consubstantialem Patri ostendens⁶ (propter quod et alio loco dicit, *Ego et Pater unum sumus [Joan. x, 30]*), in suo genere, hoc est, in ejusdem naturæ consubstantiali parilitate, vult esse suos unum, sed in ipso; quia in se ipsis non possent, dissociati ab invicem per diversas voluntates⁷ et cupiditates et immunditias peccatorum: unde mundantur per Mediatorem, ut sint in illo unum; non tantum per eamdem naturam qua omnes ex hominibus⁸ mortalibus æquales Angelis sunt, sed etiam per eamdem in eamdem beatitudinem conspirantem concordissimam voluntatem⁹, in unum spiritum quodammodo igne charitatis conflatam¹⁰. Ad hoc enim valet quod ait, *Ut sint unum, sicut et nos unum sumus: ut quemadmodum Pater et Filius, non tantum æqualitate substantie, sed etiam voluntate unum sunt; ita et ii inter quos et Deum mediator est Filius, non tantum per id quod ejusdem naturæ sunt, sed etiam per eamdem dilectionis societatem unum sint.* Deinde id ipsum quod Mediator est, per quem reconciliamur Deo, sic indicat, *Ego, inquit, in eis, et tu in me, ut sint consummati in unum (Id. xvii, 23).*

CAPUT X. — 13. *Ut Christus mediator vitæ, ita diabolus mediator mortis.* Hæc est vera pax, et cum Creatore nostro nobis firma connexio, purgatis et reconciliatis per Mediatorem vite, sicut maculati et alienati ab eo recesseramus per mediato rem mortis. Sicut enim diabolus superbis hominem superbientem perduxit ad mortem; ita Christus humilis hominem obedientem reduxit ad vitam: quia sicut ille elatus cessidit, et dejecit consentientem; sic iste humiliatus surrexit, et erexit credentem. Quia enim non pervenerat diabolus quo ipse perduxerat

¹ Sic Am. et plerique MSS. At Er. et Lov., particeps nostri.

² Editi, ostendens, hoc ait. Abest, hoc ait, a MSS.

³ Plures MSS., voluntates.

⁴ Editi, homines ex hominibus. Minus bene.

⁵ Sic MSS. Editi autem, per eamdem charitatem in eamdem beatitudinem conspirantes concordissima voluntate.

⁶ Quidam MSS., conflati.

(mortem quippe spiritus in impietate gestabat, sed mortem carnis non subierat, quia nec indumentum suscepserat), magnus homini videbatur princeps in legionibus daemonum, per quos fallaciarum regnum exercet, sic hominem per elationis typhum, potentiae quam justitiae cupidorem, aut per falsam philosophiam magis inflans; aut per sacra sacrilega irretiens, in quibus etiam magicæ fallaciæ, curiosiores superbioresque animas deceptas illusasque præcipitans, subditum tenet¹; pollicens etiam purgationem animæ, per eas quas telexæ appellant, transfigurando se in angelum lucis (II Cor. xi, 14) per multiformem machinationem in signis et prodigiis mendacii.

CAPUT XI.—14. *Miracula que a daemonibus sunt, spernenda.* Facile est enim spiritibus nequissimis per aerea corpora facere multa, quæ mirentur animæ terrenis corporibus aggravatae, etiam melioris affectus. Si enim corpora ipsa terrena nonnullis artibus et exercitationibus modificata, in spectaculis theatraicis tanta miracula hominibus exhibent, ut ii qui nunquam viderunt talia, narrata vix credant: quid magnum est diabolo et angelis ejus, de corporeis elementis per aerea corpora facere quæ caro miretur; aut etiam occultis inspirationibus ad illudendos humanos sensus phantasmata imaginum machinari, quibus vigilantes dormientesve decipiatis, vel furentes exagitatis? Sed sicut si fieri potest ut homo vita ac moribus melior spectet nequissimos homines, vel in fune ambulantes, vel multimodis motibus corporum multa incredibilia facientes, nec ullo modo facere talia concupiscat, nec eos propterea sibi præponendos existimet: sic anima fidelis et pia, non solum si videat, verum etiam si propter fragilitatem carnis exhorreat miracula daemonum, non ideo tamen aut non se posse talia dolebit, aut ob hoc illos meliores esse judicabit; cum sit² præsertim in societate sanctorum, qui per virtutem Dei cui duncta subjecta sunt, et minime fallacia, et multo majora fecerunt, sive homines, sive Angeli boni.

CAPUT XII.—15. *Diabolus mortis, Christus vitæ mediator.* Nequaquam igitur per sacrilegas similitudines et impias curiositates et magicas consecrationes animæ purgantur et reconciliantur Deo: quia falsus mediator non traxit ad superiora, sed potius obsidens intercludit viam per affectus, quos tanto maligniores, quanto superbiores suæ societati³ inspirat; qui non possunt ad evolandum pennas nutrire virtutum, sed potius ad demergendum pondera exaggerare vitiorum, tanto gravius anima ruitura, quanto sibi videtur eventa sublimius. Proinde, sicut Magi fecerunt divinitus moniti (Math. ii, 12), quos ad humilitatem Domini adorandam stella perduxit; ita et nos, non qua venimus, sed per aliam viam in patriam redire debemus, quam rex humilis docuit, et quam rex superbus humili regi adversarius obsidere non possit. Et nobis enim, ut adoremus humilem Christum, cœli enarraverunt

gloriam Dei, cum in in omnem terram exiit sonus eorum, et in fines orbis terre verba eorum (Psal. xviii, 2, 5). Via nobis fuit ad mortem per peccatum in Adam. Per unum quippe hominem peccatum intravit in mundum, et per peccatum mors; et ita in omnes homines pertransiit, in quo omnes peccaverunt (Rom. v, 12). Hujus viæ mediator diabolus fuit, persuasor peccati, et præcipitator in mortem. Nam et ipse ad operandam duplam mortem nostram, simplam attulit suam. Per impietatem namque mortuus est in spiritu, carne utique mortuus non est: nobis autem et impietatem persuasit, et per hanc⁴ ut in mortem carnis venire merceremur effecit. Unum ergo appetivimus iniqua suacione, alterum nos secutum est justadamnatione: propterea quippe scriptum est, *Deus mortem non fecit* (Sap. i, 13), quia causa mortis ipse non fuit; sed tamen per ejus retributionem justissimam mors⁵ irrogata est peccatori. Sicut supplicium judex irrogat reo, causa tamen supplicii non est justitia judicis, sed meritum criminis. Quo ergo nos mediator mortis transmisit, et ipse non venit, id est, ad mortem carnis; ibi nobis Dominus Deus noster medicinam emendationis inseruit, quam ille non meruit, occulta et nimis arcana ordinatione divinae altæque justitiae. Ut ergo sicut per unum hominem mors, ita et per unum hominem fieret resurrectio mortuorum (I Cor. xv, 21, 22), quia magis vitabant homines quod evitare non poterant, mortem carnis, quam mortem spiritus, id est, magis poenam quam meritum poenæ (nam non peccare, aut non curatur, aut parum curatur; non mori autem quamvis non obtineatur, vehementer satagit); vitæ Mediator ostendens, quam non sit mors timenda, quæ per humanam condicionem jam evadi non potest, sed potius impietas, quæ per fidem caveri potest, occurrit nobis ad finem quo venimus, sed non qua venimus. Nos enim ad mortem per peccatum venimus; ille, per justitiam: et ideo cum sit mors nostra poena peccati, mors illius facta est hostia pro peccato.

CAPUT XIII.—16. *Mors Christi spontanea. Quomodo vitæ Mediator mediætorem mortis expugnavit.* Quomodo diabolus suos inducat in contemptum mortis Christi. Quapropter cum spiritus corpori præponatur, morsque sit spiritus a Deo deserit, mors autem corporis a spiritu deserit; eaque sit poena in morte corporis, ut spiritus quia volens deseruit Deum, deserat corpus invitus; ut cum spiritus Deum deseruerit quia voluit, deserat corpus etiamsi noluerit; nec deserat cum voluerit, nisi aliquam sibi vim, qua ipsum corpus perimitur, intulerit: demonstravit spiritus Mediatoris, quam nulla poena peccati usque ad mortem carnis accesserit, quia non eam deseruit invitus, sed quia voluit, quando voluit, quomodo voluit. Quippe Dei Verbo ad unitatem commixtus hinc ait⁶: *Potestatem habeo ponendi animam meam, et potestatem habeo iterum sumendi eam.* Nemo tollit eam a me, sed ego ponio

¹ Sic plures MSS. Alii vero cum Am., præcipitant, subditum tenens. Fr. et Lov., præcipit, subditum tenens.

² Editi, cum sint. At MSS. cum sit: anima scilicet pia.

³ Lr. et plerique MSS., societatis.

⁴ Omnes prope MSS., et propter hanc.

⁵ Sic plerique MSS. Editi vero, justissima mors.

⁶ Sic MSS. Editi vero, conunitatus est homo. Hinc ait. Male.

et non a me, et iterum sumo eam (*Joan.* x, 48). Et hoc maxime mirati sunt, sicut Evangelium loquitur, qui praesentes erant, cum post illam vocem, in qua figuram peccati nostri edidit, continuo tradidit spiritum. Longa enim morte cruciabantur ligno suspensi. Unde latronibus, ut jam morerentur, et de ligno ante sabbatum deponerentur, crura confracta sunt. Ille autem quia mortuus inventus est, miraculo fuit. Hoc etiam Pilatum legimus fui se miratum, cum ab ipso sepelendum corpus Domini peteretur (*Marc.* xv, 37, 59, 45, 46, et *Joan.* xix, 50-54).

47. Ille itaque deceptor, qui fuit homini mediator ad mortem, falsoque se opponit ad vitam nomine purgationis per sacra et sacrificia sacrilega, quibus superbi seducuntur, quia nec participationem mortis nostrae habere potuit, nec resurrectionem sue, simplicem quidem suam mortem ad duplam nostram potuit afferre: simplicem vero resurrectionem, in qua et sacramentum esset renovationis nostrae, et ejus que in fine futura est evigilationis exemplum, non utique potuit. Ille proinde qui spiritu vivus carnem suam mortuam resuscitavit, verus vitæ Mediator, illum spiritu mortuum et mortis mediatores a spiritibus in se credentibus foras misit, ut non regnaret intrinsecus, sed forinsecus oppugnaret, nec tamen expugnaret. Qui se ipse quoque tentandum præbuit, ut ad superandas etiam tentationes ejus mediator esset, non solum per adjutorium, verum etiam per exemplum. At ille primitus ubi per omnes aditus ad interiora moliens irrepere, expulsus est, post baptismina in ceremo completa omni tentatione illecebrosa (*Matth.* iv, 11), quia vivum spiritu, spiritu mortuus non invaserit, quoquo modo avidus mortis humanæ convertit se ad faciendam mortem quam potuit, et permisus est in illud quod ex nobis mortale vivus Mediator¹ acceperat. Et ubi potuit aliquid facere, ibi ex omni parte devictus est; et unde accepit exterius potestatem Dominicæ carnis occidente, inde interior ejus potestas, qua nos tenebat, occisa est. Factum est enim ut vincula peccatorum multorum in multis mortibus, per unius unam mortem quam peccatum nullum præcesserat, solverentur. Quam propterea Dominus pro nobis indebitam reddidit, ut nobis debita non noceret. Neque enim jure cuiusquam potestatis exutus est carne, sed ipse se exxit. Nam qui posset non mori si nollet, procul dubio quia voluit mortuus est: et ideo principatus et potestates exemplavit, fiducialiter triumphans eas in semetipso (*Coloss.* ii, 15). Morte sua quippe uno verissimo sacrificio pro nobis oblato, quidquid culparum erat unde nos principatus et potestates ad luenda supplicia jure detinebant, purgavit, abolevit, extinxit; et sua resurrectione in novam vitam nos prædestinatos vocavit, vocatos iustificavit, iustificatos glorificavit (*Rom.* viii, 50). Ita diabolus hominem, quem per consensionem seductum, tanquam jure integro possidebat, et ipse nulla corruptione carnis et sanguinis septus, per istam

corporis mortalis fragilitatem, nimis egoen et infirmo, tanto superbior, quanto velut ditior et fortior, quasi pannoso et ærumnoso dominabatur, in ipsa morte carnis amisit. Quo enim cedentem non secutus impulit peccatorem, illuc descendenter persecutus compulit Redemptorem. Sic in mortis consortio Filius Dei nobis fieri dignatus est amicus, quo non perveniendo meliorem se nobis atque majorem putabat inimicus. Dicit enim Redemptor noster: *Majorem dilectionem nemo habet, quam ut animam suam ponat pro amicis suis* (*Joan.* xv, 13). Quocirca etiam ipso Domino se credebat diabolus superiorem, in quantum illi Dominus in passionibus cessit; quia et de ipso intellectum est quod in Psalmo legitur, *Minuisti eum paulo minus ab Angelis* (*Psal.* viii, 6): ut ab iniquo velut æquo jure adversum nos agente, ipse occisus innocens cum jure æquissimo superaret, atque ita captivitatem propter peccatum factam captivaret (*Ephes.* iv, 8), nosque liberaret a captivitate propter peccatum justa, suo justo sanguine injuste fuso mortis chirographum delens, et justificandos redimens peccatores¹.

48. Hinc etiam diabolus adhuc suos illudit, quibus se per sua sacra velut purgandis, et potius implicandis atque mergendis, falsus mediator opponit, quod superbis facillime persuadet irridere atque contempnere mortem Christi, a qua ipse quanto est alienior, tanto ab eis creditur sanctior atque divinior. Qui tamen apud eum paucissimi remanserunt, agnoscentibus gentibus et pia humilitate bibentibus pretium suum, ejusque fiducia deserentibus hostiem suum, et concurrentibus ad redemptorem suum. Nescit enim diabolus quonodo illo et insidiante et furente utatur ad salvatori fidelium suorum excellentissima sapientia Dei, a fine superiori, quod est initium spiritualis creaturæ, usque ad finem inferiorem, quod est mors corporis, pertendens fortiter et disponens omnia suaviter (*Sap.* viii, 1). Attingit enim ubique propter suam munditiam, et nihil inquinatum in eam incurrit (*Id.* vn, 24, 25). A morte autem carnis alieno diabolo, unde nimium superbis incedit, mors alterius generis præparatur in æterno igne tartari, quo non solum cum terrenis, sed etiam cum aereis corporibus excruciaris spiritus possint. Superbi autem homines, quibus Christus, quia mortuus est, viluit, ubi nos tam magno emit (*1 Cor.* vi, 20), et istam mortem reddunt cum hominibus conditioni ærumnosæ naturæ, quæ trahitur a primo peccato, et in illam cum illo precipitabuntur. Quem propterea Christo præposuerunt, quia eos in istam dejecti, quo per distantem naturam ipse non cecidit, et quo propter eos per ingentem misericordiam ille descendit: et tamen se demonibus esse meliores non dubitant credere, eosque inaledictis omnibus insectari detestarique non cessant, quos certe alienos ab hujus mortis passione neverunt, propter quam Christum contemnunt. Nec sic volunt considerare, quam fieri potuerit ut in se manens, nec per se ipsum ex ulla parte mutabile Dei Verbum,

¹ Unus e Vaticanicis MSS., *vite Mediator.*

¹ Sic MSS. At editi, suo proprio sanguine.... iustificando redicens peccatores.

per inferioris tamen naturæ susceptionem aliquid inferius pati posset, quod immundus dæmon, quia terrenum corpus non habet, pati non possit. Sic cum sint ipsi dæmonibus meliores, tamen quia carnem portant, mori sic possunt, quemadmodum mori dæmones, qui non eam portant, non utique possunt. Et cum de mortibus sacrificiorum suorum¹ multum præsumant, quæ se fallacibus superbisque spiritibus immolare non sentiunt, aut si jam² sentiunt, aliquid sibi prodesse arbitrantur perfidorum et invidorum amicitiam, quorum intentionis nullum negotium est, nisi impeditio redditus nostri.

CAPUT XIV.—19. *Christus perfectissima victimæ pro mundandis vitiis nostris. In omni sacrificio quatuor consideranda.* Non intelligunt ne ipsos quidem superbissimos spiritus honoribus sacrificiorum gaudere potuisse, nisi uni vero Deo pro quo colivolunt, verum sacrificium deberetur: neque id posse rite offerri, nisi per sacerdotem sanctum et justum: nec nisi ab eis accipiatur quod offertur, pro quibus offertur, atque id sine vitio sit, ut pro vitiosis mundandis possit offerri. Hoc certe omnes cupiunt, qui pro se offerri sacrificium Deo volunt. Quis ergo tam justus et sanctus sacerdos, quam unicus Filius Dei, qui non opus haboret per sacrificium sua purgare peccata, nec originalia, nec ex humana vita quæ adduntur (*Hebr. vii.*)? Et quid tam congruenter ab hominibus sumeretur quod pro eis offerretur, quam humana caro? Et quid tam aptum huic immolationi, quam caro mortalis? Et quid tam mundum pro mundandis vitiis mortalium, quam sine ulla contagione carnalis concupiscentie caro nata in utero et ex utero virginali? Et quid tam grata offerri et suscipi posset, quam caro sacrificii nostri, corpus effectum sacerdotis nostri? Ut quoniam quatuor considerantur in omni sacrificio; cui offeratur, a quo offeratur, quid offeratur, pro quibus offeratur; idem ipse unus verusque Mediator, per sacrificium pacis reconcilians nos Deo, unum cum illo maneret cui offererat, unum in se faceret pro quibus offerebat, unus ipse esset qui offerebat, et quod offerebat.

CAPUT XV.—20. *Superbi putantes se propria virtute posse purgari ad videndum Deum.* Sunt autem quidam qui se putant ad contemplandum Deum et in hærendum Deo virtute propria posse purgari: quos ipsa superbia maxime maculat. Nullum enim vitium est cui magis divina lege resistatur, et in quod manus accipiat³ dominandi jus ille superbissimus spiritus, ad ima mediator, ad summa interclusor: nisi occulte insidians alia via devitetur; aut per populum desidentem, quod interpretatur Amalec, aperte se viens, et ad terram promissionis repugnando transitum negans, per crucem Domini que Moysi manibus extensis est præfigurata, supervetetur (*Exod. xvii., 8-16*). Hinc enim purgationem sibi isti virtute propria pollicentur, quia nonnulli eorum potuerunt

aciem mentis ultra omnem creaturam transmittere, et lucem incommutabilis veritatis quantulacumque ex parte contingere: quod Christianos multos ex fide interim sola viventes, nondum potuisse derident. Sed quid prodest superbienti, et ob hoc erubescenti lignum descendere, de longinquæ prospicere patriam transmarinam? Aut quid obest humili de tanto intervalllo non eam videre, in illo ligno ad eam venienti, quo designatur ille portari?

CAPUT XVI.—21. *Philosophi reteres de resurrectione ac rebus futuris non consulendi.* Ili etiam resurrectionem carnis nos credere reprehendunt, sibique potius etiam de his rebus credi volunt. Quasi vero, quia præcelsam incommutabilemque substantiam per illa quæ facta sunt intelligere potuerunt (*Rom. i. 20*), propterea de conversione rerum mutabilium, aut de contexto sæculorum ordine consulendi sint. Numquid enim quia verissime disputant, et documentis certissimis persuadent, æternis rationibus omnia tempora lìa fieri, propterea potuerunt in ipsis rationibus perspicere, vel ex ipsis colligere quot sint animalium genera, quæ semina singulorum in exordiis, qui modus in incrementis, qui numeri per conceptus, per ortus, per ætates, per occasus, qui motus in appetendis quæ secundum naturam sunt, fugiendisque contrariis? Nonne ista omnia, non per illam incommutablem sapientiam, sed per locorum ac temporum historiam quiescerunt, et ab aliis experta atque conscripta crediderunt? Quo minus mirandum est, nullo modo eos potuisse prolixiorum sæculorum seriem vestigare, et quandam metam hujus excursus, quo tanquam fluvio genus decurrit humanum, atque inde conversionem ad suum cuique debitum terminum. Ista enim nec historici scribere potuerunt longe futura et a nullo experta atque narrata. Nec isti philosophi ceteris meliores in illis summis æternisque rationibus intellectu talia contemplati sunt: alioquin non ejusdem generis præterita quæ potuerunt historici inquirent, sed potius et futura prænoscerent; quod qui potuerunt, ab eis vates, a nostris Prophetæ appellati sunt.

CAPUT XVII.—22. *Futura quot modis præsciantur.* *Philosophi, nec illi qui inter antiquos excelluerunt consulendi sunt de resurrectione mortuorum.* Quanquam et Prophetarum nomen non omnino alienum est a litteris eorum: sed plurimum interest, utrum experimento præteriorum futura conjiciantur; sicut medicis multa prævidendo, etiam litteris mandaverunt, quæ ipsis experta notaverunt; sicut denique agricultæ vel etiam nautæ multa prænuntiant (talia enim si ex longis intervallis temporum siant, divinationes putantur): an vero jam ventura processerint, et longe visa videntia nuntientur⁴ pro acuto sensu videntium, quod cum faciunt aereæ potestates divinare creduntur; tanquam si quisquam de montis vertice aliquem longe videat venientem, et proxime in campo habitantibus

¹ Editi, et de ritibus sacrificiorum suorum.

² In MSS., aut si etiam.

³ In editis, magis accipiat.

⁴ Editi, historicæ. Melius MSS., historicæ.

Sola fere editio Lov., præsenserint, et longe risa videntia nuntientur. Minus bene.

ante nantiet : an ab Angelis sanctis, quibus ea Deus per Verbum Sapientiamque suam indicat, ubi et futura et præterita stant, vel quibusdam prænuntiantur hominibus, vel ab eis audita rursus ad alios homines transmittantur : an ipsorum hominum quorundam mentes in tantum evehantur Spiritu sancto, ut non per Angelos, sed per se ipsas futurorum stantes causas¹ in ipsa summa rerum arce consipient. Audiunt enim ista et aereæ potestates, sive Angelis ea nuntiantibus, sive hominibus : et tantum audiunt, quantum opus esse ille judicat, cui subjecta sunt omnia. Multa etiam prædicuntur instinctu quodam et impulsu spiritu² nescientium : sicut Caiphas nescivit quid dixit, sed cum esset pontifex prophetavit (*Joan. xi, 51*).

23. Ergo de successionibus sæculorum et de resurrectione mortuorum philosophos nec illos consulere debemus, qui Creatoris æternitatem, in quo vivimus, moveatur et sumus (*Act. xvii, 28*), quantum potuerunt intellexerunt. Quia per ea quæ facta sunt cognoscentes Deum, non sicut Deum glorificaverunt, aut gratias egerunt, sed dicentes se esse sapientes, stulti facti sunt (*Rom. i, 20-22*). Et cum idonei non essent, in æternitatem³ spiritualis incommutabilisque naturæ aciem mentis tam̄ constanter insigere, ut in ipsa sapientia Creatoris atque Rectoris universitatis viderent volumina sæculorum, quæ ibi jam essent et semper essent, hic autem futura essent ut non essent; atque ut ibi viderent conversiones in melius, non solum animorum, sed etiam corporum humanorum usque ad sui modi perfectionem : cum ergo ad hæc ibi videnda nullo modo essent idonei, ne ad illud quidem digni habiti sunt, ut eis ista per sanctos Angelos nuntiarentur; sive forinsecus per sensus corporis, sive interioribus revelationibus in spiritu expressis : sicut patribus nostris vera pietate præditis hæc demonstrata sunt, qui ea prædicens, vel de præsentibus signis vel de proximis rebus, ita ut prædixerant, factis fidem facientes, auctoritatem cui de longe futuris usque in sæculi finem crederetur, habere meruerunt. Potestates autem aereæ superbæ atque fallaces, etiam si quædam de societate et civitate sanctorum et de vero Mediatore a sanctis Prophetis vel Angelis auditæ per suos vates dixisse reperiuntur, id egerunt, ut per hæc aliena vera etiam fideles Dei, si possent, ad sua falsa traducerent. Deus autem per nescientes id egit, ut veritas undique resonaret, fidelibus in adjutorium, impiis in testimonium.

CAPUT XVIII. — 24. *Filius Dei incarnatus est ut per fidem mundati evehamus ad incommutabilem veritatem.* Quia igitur ad æterna capessenda idonei non eramus, sordesque peccatorum nos prægravabant temporalium rerum amore contractæ, et de propagine mortalitatis tanquam naturaliter inolite, purgandi eramus. Purgari autem ut conteinperaremur æternis,

¹ Editi, instantes causas. Melius MSS., stantes causas. Ex his Vaticanus quidam postea habet, in ipsa summa rerum arte consipient.

² Plures MSS., impulsu spiritus.

³ Aliquot MSS., in æternit. tc.

non nisi per temporalia possemus, qualib[us] jam contemperi tenebamur. Sanitas enim a morbo plurimum distat : sed media curatio¹, nisi morbo congruat, non perducit ad sanitatem. Inutilia temporalia decipiunt ægrotos, utilia temporalia suscipiunt sanandos, et trahunt ad æterna sanatos. Mens autem rationalis sicut purgata contemplationem debet rebus æternis ; sic purganda, temporalibus fidem. Dixit quidam et illorum qui quondam apud Græcos sapientes habiti sunt : *Quantum ad id quod ortum est æternitas valet, tantum ad fidem veritas.* Et profecto est vera sententia. Quod enim nos temporale dicimus, hoc ille quod ortum est appellavit. Ex quo genere etiam nos sumus; non tantum secundum corpus, sed etiam secundum animi mutabilitatem. Non enim proprie vocatur æternum, quod aliqua ex parte mutatur. In quantum igitur mutabiles sumus, in tantum ab æternitate distamus. Promittitur autem nobis vita æterna per veritatem, a cuius perspicuitate rursus tantum distat fides nostra, quantum ab æternitate mortalitas. Nunc ergo adhibemus fidem rebus temporaliter gestis propter nos, et per ipsam mundamur ; ut cum ad speciem venerimus, quemadmodum succedit fidei veritas, ita mortalitati succedat æternitas. Quapropter quoniam fides nostra sicut veritas, cum ad id quod nobis credentibus promittitur pervenerimus : promittitur autem nobis vita æterna ; et dixit Veritas, non quæ sicut futura est fides nostra, sed quæ semper est Veritas, quia ibi est æternitas ; dixit ergo Veritas, *Hæc est autem vita æterna, ut cognoscant te unum verum Deum, et quem misisti Iesum Christum* (*Joan. xvii, 3*) : cum fides nostra videndo sicut veritas, tunc mortalitatem nostram commutatam tenebit æternitas. Quod donec fiat, et ut fiat, quia rebus ortis accommodamus fidem credulitatem, sicut in æternis speramus veritatem contemplationis, ne fides mortalis vitæ dissonaret a veritate æterna vita, ipsa Veritas Patri coæterna de terra orta est (*Psal. lxxxiv, 12*), cum Filius Dei sic venit ut fieret filius hominis, et ipse in se exciperet fidem nostram, qua nos perduceret ad veritatem suam, qui sic suscepit mortalitatem nostram, ut non amitteret æternitatem suam. Quantum enim ad id quod ortum est æternitas valet, tantum ad fidem veritas. Ita ergo nos purgari oportebat, ut ille nobis fieret ortus qui maneret æternus, ne alter² nobis esset in fide, alter in veritate. Nec ab eo quod orti sumus ad æterna transire possemus, nisi æterno per ortum nostrum nobis sociato ad æternitatem ipsius trahicemur. Nunc itaque illuc quodam modo secuta est fides nostra, quo ascendit in quem credidimus, ortus, mortuus, resuscitatus, assumptus. Ilorum quatuor, duo priora noveramus in nobis ; scimus enim homines et oriri et mori : duo autem reliqua, id est resuscitari et assumi, juste in nobis futura speramus, quia in illo facta credidimus. Itaque in illo quia et id quod ortum erat transiit ad æternitatem, transitum est et nostrum, cum fides pervenerit ad veritatem. Jam enim

¹ Editi, medici curatio. Castigantur ex manuscriptis.

² Lov., nec alter.

credentibus, ut in verbo fidei manerent, et inde ad veritatem, ac per hoc ad æternitatem perducti a morte liberarentur, ita loquitur: *Si manseritis in verbo meo, vere discipuli mei eritis*¹. Et quasi quærerent, Quo fructu? secundus ait: *Et cognoscetis veritatem*. Et rursus quasi dicerent, Quid prodest mortalibus veritas? *Et veritas*, inquit, *liberabit vos* (*Joan. viii, 31, 32*). Unde, nisi a morte, a corruptione, a mutabilitate? Veritas quippe immortalis, incorrupta, incommutabilis permanet. Vera autem immortalitas, vera incorruptibilitas, vera incommutabilitas, ipsa est æternitas.

CAPUT XIX. — 25. *Filius quomodo missus et prænuntiatus. Quomodo missione natiroratis in carne factus minor sine detimento æqualitatis cum Patre.* Ecce ad quod missus est Filius Dei; imo vero ecce quid est missum esse Filium Dei? Quocumque propter faciem-dam fidem, qua mundarem ad contemplandam veritatem, in rebus ortis ab æternitate prolatis et ad æternitatem relatis temporaliter gesta sunt, aut testimonia missionis hujus fuerunt, aut ipsa missio Filii Dei. Sed testimonia quædam venturum prænuntiaverunt, quædam venisse testata sunt. Factum quippe creaturam per quem facta est omnis creatura, omnem creaturam testem habere oportebat. Nisi enim multis missis prædicaretur unus, non multis dimissis teneretur unus. Et nisi talia essent testimonia quæ parvis magna esse viderentur, non crederetur², ut magnos faceret magnus, qui ad parvos missus est parvus. Incomparabili-iter enim majora Filii Dei facta sunt cœlum et terra et omnia quæ in eis sunt, quia omnia per ipsum facta sunt, quam signa et portenta quæ in ejus testimonium proruperunt. Sed tamen homines, ut hæc magna per eum facta parvi crederent³, illa parva tanquam magna tremuerunt.

26. *Cum ergo venit plenitudo temporis, misit Deus Filium suum factum ex muliere, factum sub Lege* (*Ga-lat. iv, 4*); usque adeo parvum, ut factum; eo itaque missum, quo factum. Si ergo major mittit minorem, fatemur et nos factum minorem, et in tantum minorem in quantum factum, et in tantum factum in quantum missum. *Misit enim Filium suum factum ex muliere*, per quem tamen quia facta sunt omnia, non solum priusquam factus mitteretur, sed priusquam essent omnia, eundem mittenti constituerunt æqualem, quem dicimus missum minorem. Quomodo ergo ante istam plenitudinem temporis, qua eum mitti oportebat, priusquam missus esset videri a Patribus potuit, cum eis angelica quædam visa demonstrarentur, quando nec jam missus sicut æqualis est Patri videbatur? Unde enim dicit Philippo, a quo utique sicut a cete-ris, et ab ipsis a quibus crucifixus est in carne vide-jatur, *Tanto tempore vobiscum sum, et non cognovistis me?* *Philippe*, qui me vidit, vidi et Patrem; nisi quia videbatur, et non videbatur? Videbatur sicut missus factus fuerat, non videbatur sicut per eum omnia facta erant. Aut unde etiam illud dicit, *Qui hæbet man-*

data mea et servat ea, ipse est qui diligit me; et qui diligit me, diligetur a Patre meo, et ego diligam eum, et manifestabo ei me ipsum (*Joan. xiv, 9, 21*); cum esset manifestus ante oculos hominum: nisi quia carnem, quod Verbum in plenitudine temporis factum erat, suscipiendo⁴ nostræ fidei porrigebat; ipsum autem Verbum per quod omnia facta erant, purgatæ per fidem menti contemplandum in æternitate servabant?

CAPUT XX. — 27. *Mittens et missus æqualis. Filius cur dicitur missus a Patre. De missione Spiritus sancti, quomodo et a quo missus sit. Pater totius deitatis principium.* Si autem secundum hoc missus a Patre Filius dicitur, quia ille Pater est, ille Filius, nullo modo impedit ut credamus æqualem Patri esse Filium et consubstantialem et coæternum, et tamen a Patre missum Filium. Non quia ille major est, ille minor: sed quia ille Pater, ille Filius; ille genitor, ille genitus; ille a quo est qui mittitur, ille qui est ab eo qui mittit. Filius enim a Patre est, non Pater a Filio. Secundum hoc jam potest intelligi, non tantum ideo dici missus Filius quia Verbum caro factum est (*Id. 1, 3, 18, 14*), sed ideo missus ut Verbum caro fieret, et per præsentiam corporalem illa quæ scripta sunt operaretur; id est, ut non tantum homo missus intelligatur quod Verbum factum est⁵, sed et Verbum missum ut homo fieret: quia non secundum imparem potestatem vel substantiam vel aliquid quod in eo Patri non sit æquale missus est; sed secundum id quod Filius a Patre est, non Pater a Filio. Verbum enim Patris est Filius, quod et Sapientia ejus dicitur. Quid ergo mirum si mittitur, non quia inæqualis est Patri, sed quia est manatio quædam claritatis omnipotentis Dei sincera⁶? Ibi autem quod manat et de quo manat unius ejusdemque substantię est. Neque enim sicut aqua de foramine terræ aut lapidis manat; sed sicut lux de luce. Nam quod dictum est, *Candor est enim lucis æterna*; quid aliud dictum est, quam, Lux est lucis æterna? Candor quippe lucis, quid nisi lux est? Et ideo coæterna luci, de qua lux est. Maluit autem dicere, *Candor lucis*, quam, Lux lucis; ne obscurior putaretur ista quæ manat quam illa de qua manat. Cum enim auditur candor ejus esse ista, facilius est ut per hanc lucere illa, quam hæc minus lucere credatur. Sed quia cavendum non erat, ne minor lux illa putaretur quæ istam genuit (hoc enim nullus unquam hereticus ausus est dicere, nec credendum est aliquem ausurum), illi cogitationi occurrit Scriptura, qua posset videri obscurior lux ista quæ manat, quam illa de qua manat: quam suspicionem tulit, cum ait, *Candor est illius*, id est, lucis æterna; atque ita ostendit æqualem. Si enim hæc minor est, obscuritas illius est, non candor illius. Si autem major est, non ex ea manat: non enim vincere de qua genita est. Quia ergo ex illa manat, non est major quam illa: quia vero non obscuritas illius, sed candor illius est, non est minor;

¹ In MSS., *estis*.

² Post, non crederetur, editi addunt, ille ita magnus; quod merito absit a MSS.

³ Am. Er. et prope omnes MSS., *crederentur*.

⁴ In MSS., *suscipiendo*.

⁵ Er. et Lov., *caro factum est*. Abest, *caro*, ab aliis li-bris.

⁶ MSS. hic et infra constanter habent, *sinceris*.

(Vingt-neuf.)

arqualis est ergo. Neque hoc movere debet, quia dicta est *manatio quædam claritatis omnipotentis Dei sincera*: tanquam ipsa non sit omnipotens, sed omnipotentis manatio. *Mox enim de illa dicitur, Et cum sit una, omnia potest* (*Sap. vii, 25. 27*). Quis est autem omnipotens, nisi qui omnia potest? Ab illo itaque mittitur, a quo emanat. Sic enim expeditus¹ ab illo, qui amabat eam et desiderabat. *Emitte, inquit, illam de sanctis cælis tuis, et nūtē illam a sede magnitudinis tuæ, ut necum sit, et tecum laboret* (*Id. ix, 10*), id est, *Doceat me laborare, ne laborem*. Labores enim ejus virtutes sunt². Sed aliter mittitur ut sit cum homine, aliter missa est ut ipsa sit homo. *In animas enim sanctas se transfert, atque amicos Dei et Prophetas constituit* (*Id. vii, 27*), sicut etiam implet sanctos Angelos, et omnia talibus ministeriis congrua per eos operatur. Cum autem venit plenitudo temporis missa est (*Galat. iv, 4*), non ut impleret Angelos, nec ut esset Angelus, nisi in quantum consilium Patris annuntiatur, quod et ipsius erat; nec ut esset cum hominibus aut in hominibus, hoc enim et antea in Patribus et Prophetis: sed ut ipsum Verbum caro fieret, id est, homo fieret: in quo futuro revelato sacramento, etiam eorum sapientium atque sanctorum salus esset, qui priusquam ipse de virgine nasceretur, de mulieribus nati sunt, et in quo facto atque prædicto salus sit omnium credentium, sperantium, diligentium. Hoc enim *magnum vietatis est sacramentum, quod manifestatum est in carne, justificatum est in spiritu, apparet Angelis, prædicatum est in gentibus, creditum est in mundo, assumptum est in gloria* (*I Tim. iii, 16*).

28. Ab illo ergo mittitur Dei Verbum, cuius est Verbum; ab illo mittitur de quo natum est: mittit qui genuit, mittitur quod genitum est. Et tunc unicuique mittitur, cum a quoquam cognoscitur atque percipitur, quantum cognosci et percipi potest pro captu vel proficiens in Deum, vel perfectæ in Deo animæ rationalis. Non ergo eo ipso quo de Patre natus est, missus dicitur Filius: sed vel eo quod apparuit huic mundo Verbum caro factum; unde dicit, *Exihi a Patre, et veni in hunc mundum* (*Joan. xvi, 28*): vel eo quod ex tempore cuiusquam mente percipitur, sicut dictum est, *Mitte illam, ut tecum sit, et tecum laboret*. Quod ergo natum est ab æterno, æternum est: *Candor est enim lucis æternæ*. Quod autem mittitur ex tempore, a quoquam cognoscitur. Sed cum in carne manifestatus est Filius Dei, in hunc mundum missus est, in plenitudine temporis, factus ex femina. *Quia enim in sapientia Dei non poterat mundus cognoscere per sapientiam Deum*; quoniam *lux lucet in tenebris, et tenebrae eam non comprehendenterunt: placuit Deo per stultitiam prædicationis salvos facere credentes* (*I Cor. i, 31*); ut verbum caro fieret, et habitaret in nobis (*Joan. i, 5, 14*). Cum autem ex tempore cuiusque profectus mente percipitur, mitti quidem dicitur, sed non in hunc mundum: neque enim sensibiliter appetit, id est, corporeis sensibus præsto est. Quia et nos se-

cundum quod mente aliquid æternum, quantum possumus, capimus, non in hoc mundo sumus: et omnium justorum spiritus, etiam adhuc in hac carne viventium, in quantum divina sapient, non sunt in hoc mundo. Sed Pater cum ex tempore a quoquam cognoscitur, non dicitur missus: non enim habet de quo sit³, aut ex quo procedat. Sapientia quippe dicit, *Ego ex ore Altissimi prodiui* (*Eccli. xxiv, 5*); et de Spiritu sancto dicitur, *A Patre procedit* (*Joan. xv, 26*): Pater vero, a nullo.

29. Sicut ergo Pater genuit, Filius genitus est: ita Pater misit, Filius missus est. Sed quemadmodum qui genuit et qui genitus est, ita et qui misit et qui missus est unum sunt; quia Pater et Filius unum sunt (*Id. x, 30*). Ita etiam Spiritus sanctus unum cum eis est; quia haec tria unum sunt. Sicut enim natum esse est Filio, a Patre esse; ita mitti est Filio, cognosci quod ab illo sit. Et siue Spiritui sancto donum Dei esse, est a Patre procedere; ita mitti, est cognosci quia ab illo procedat⁴. Nec possumus dicere quod Spiritus sanctus et a Filio non procedat: neque enim frustra idem Spiritus et Patris et Filii Spiritus dicitur. Nec video quid aliud significare volu-rit, cum susflans in faciem discipulorum⁵ ait: *Accipite Spiritum sanctum* (*Joan. xx, 22*). Neque enim fatus ille corporeus, cum sensu corporaliter tangendi procedens ex corpore, substantia Spiritus sancti fuit; sed demonstratio per congruam significationem, non tantum a Patre, sed et a Filio procedere Spiritum sanctum. Quis enim dementissimus dixerit, alium fuisse Spiritum⁶ quem susflans dedit, et alium quem post ascensionem suam misit (*Act. ii, 1-4*)? Unus enim est Spiritus Dei, Spiritus Patris et Filii, Spiritus sanctus, qui operatur omnia in omnibus (*I Cor. xii, 6*). Sed quod bis datus est, dispensatio certe significationis fuit, de qua suo loco, quantum Dominus dederit, disseremus. Quod ergo ait Dominus: *Quem ego mittam vobis a Patre* (*Joan. xv, 26*), ostendit Spiritum et Patris et Filii. Quia etiam cum dixisset: *Quem mittet Pater, addidit, in nomine meo* (*Id. xiv, 26*); non tamen dixit: *Quem mittet Pater a me*: quemadmodum dixit: *Quem ego mittam vobis a Patre*: videlicet ostendens quod totius divinitatis, vel, si melius dicitur, deitatis, principium Pater est. Qui ergo a Patre procedit et Filio, ad eum resurgent a quo natus est Filius. Et quod dicit evangelista: *Spiritus nondum erat datus, quia Iesu nondum erat glorificatus* (*Id. vii, 39*): quomodo intelligitur, nisi quia certa illa Spiritus sancti datio vel missio post clarificationem Christi futura erat, qualis nunquam antea fuerat? Neque enim antea nulla erat, sed talis non fuerat. Si enim antea Spiritus sanctus non dabatur, quo impleti Prophetæ locuti sunt? cum aperte Scriptura dicat, et multis locis ostendat, Spiritu sancto eos locutos fuisse: cum et

¹ Editi, de quo missus sit. Abest, missus, a manuscritis.

² Er. Ven. Lov., ita mitti, est cognosci quod ab illo procedat. M.

³ MSS. non habent, in faciem discipulorum.

⁴ Plerique MSS., alium fuisse Spiritum sanctum quem.

¹ Am. et MSS., Sic enim et petitur.

² Hic apud Lov. additur, de quibus jam dictum est.

de Joanne Baptista dictum sit, *Spiritu sancto replebitur jam inde ab utero matris suæ: et Spiritu sancto repletus Zacharias invenitur pater ejus, ut de illo talia diceret; et Spiritu sancto Maria, ut talia de Domino quem gestabat utero, prædicaret (Luc. i, 15, 41-79); Spiritu sancto Simeon et Anna, ut magnitudinem Christi parvuli agnoscerent (Id. ii, 25-38): quomodo ergo *Spiritus nondum erat datus, quia Jesus nondum erat clarificatus*; nisi quia illa datio, vel donatio, vel missio Spiritus sancti habitura erat quamdam proprietatem suam in ipso adventu, qualis antea nunquam fuit? Nusquam enim legimus, linguis quas non noverant homines locutos, veniente in se Spiritu sancto, sicut tunc factum est, cum oporteret ejus adventum signis sensibilibus demonstrari, ut ostenderetur totum orbem terrarum atque omnes gentes in linguis variis constitutas, credituras in Christum per donum Spiritus sancti; ut impleretur quod in Psalmo canitur, *Non sunt loquelæ neque sermones, quorum non audentur voces eorum; in omnem terram exivit sonus eorum, et in fines orbis terræ verba eorum (Psal. xviii, 4, 5).**

50. Verbo itaque Dei ad unitatem personæ copulatus, et quadam modo commixtus est homo, cum veniente plenitudine temporis missus est in hunc mundum factus ex femina Filius Dei, ut esset et filius hominis propter filios hominum. Hanc personam angelica natura figurare antea potuit, ut prænuntiaret; non expropriare, ut ipsa esset.

CAPUT XXI. — *De sensibili demonstratione sancti Spiritus, et de coæternitate Trinitatis. Quid dictum sit et quid dicendum restet.* De sensibili autem demonstratione Spiritus sancti, sive per columbæ speciem (*Math. iii, 16*), sive per linguas igneas (*Act. ii, 3*), cum ejus substantiam Patri et Filio coæternam pariterque incommutabilem subdita et serviens creatura temporalibus motibus et formis ostenderet, cum ad ejus personæ unitatem, sicut caro quod Verbum factum est (*Ioan. i, 14*), non copularetur, non audeo dicere nihil tale factum esse antea. Sed plane fidenter dixerim, Patrem et Filium et Spiritum sanctum unius ejusdemque substantiæ, Deum creatorum, Trinitatem omnipotentem inseparabiliter operari: sed ita non posse per longe imparem maximeque corporream creaturam inseparabiliter demonstrari; sicut per voces nostras, quæ utique corporaliter sonant, non possunt Pater et Filius et Spiritus sanctus, nisi suis et propriis intervallis temporum certa separatione distinctis, quæ sua cuiusque vocabuli syllabæ occupant, nominari. In sua quippe substantia qua sunt, tria unum sunt, Pater et Filius et Spiritus sanctus, nullo temporali motu super omnem creaturam id ipsum sine ullis intervallis temporum vel locorum, et simul unum atque idem ab æternitate in æternitatem, tanquam ipsa æternitas quæ sine veritate et charitate non est: in meis autem vocibus separati sunt Pater et Filius et Spiritus sanctus, nec simul dici potuerunt, et in litteris visibilibus sua separatim locorum spatia tenuerunt. Et quemadmodum cum memoriam meam

et intellectum et voluntatem nomino, singula quidem nomina ad res singulas referuntur, sed tamen ab omnibus tribus singula facta sunt; nullum enim horum trium nominum est, quod non et memoria et intellectus et voluntas mea simul operata sint: ita Trinitas simul operata est et vocem Patris, et carnem Filii, et columbam Spiritus sancti, cum ad personas singulas singula hæc referantur. Qua similitudine utcumque cognoscitur inseparabilem in se ipsa Trinitatem per visibilis creature speciem separabiliter demonstrari, et inseparabilem Trinitatis operationem etiam in singulis esse rebus, quæ vel ad Patrem, vel ad Filium, vel ad Spiritum sanctum demonstrandum proprie pertinere dicuntur.

31. Si ergo a me queritur, quomodo factæ sint vel voces vel sensibiles forme atque species ante incarnationem Verbi Dei, quæ hoc futurum præfigurarent: per Angelos ea Deum operatum esse respondeo; quod etiam Scripturarum sanctorum testimoniis, quantum existimo, satis ostendi. Si autem queritur ipsa incarnatione quomodo facta sit: ipsum Verbum Dei dico carnem factum, id est, hominem factum, non tamen in hoc quod factum est conversum atque mutatum; ita sane factum, ut ibi sit non tantum Verbum Dei et hominis caro, sed etiam rationalis hominis anima, atque hoc totum et Deus dicatur propter Deum et homo propter hominem. Quod si difficile intelligitur, mens fide purgetur, magis magisque abstinendo a peccatis, et bene operando, et orando cum gemitu desideriorum sanctorum, ut per divinum adjutorium proficiendo, et intelligat, et amet. Si autem queritur, post incarnationem Verbi, quomodo facta sit vel vox Patris, vel species corporalis qua Spiritus sanctus demonstratus est: per creaturam quidem facta ista non dubito; sed utrum tantummodo corporalem atque sensibilem, an adhibito spiritu etiam rationali vel intellectuali (hoc enim quibusdam placuit appellare, quod Græci dicunt *νοερόν*), non quidem ad unitatem personæ, (quis enim hoc dixerit, ut quid illud est creaturæ per quod sonuit vox Patris, ita sit Deus Pater, aut quidquid illud est creaturæ in quo per columbæ speciem vel per igneas linguas Spiritus sanctus demonstratus est, ita sit Spiritus sanctus, sicut est Dei Filius homo ille qui ex virgine factus est?) sed tandemmodo ad ministerium peragendæ significationis, sicut oportuisse Deus judicavit: an aliquid aliud intelligendum sit, invenire difficile est, et temere affirmare non expedit. Quomodo tamen ista sine rationali vel intellectuali creatura potuerint fieri, non video. Neque adhuc locus est explicare cur ita sentiam, quantum vires Dominus dederit. Prius enim sunt discutienda et refellenda haereticorum argumenta, quæ non ex divinis Libris, sed ex rationibus suis proferunt, quibus se vehementer cogere arbitrantur, testimonia Scripturarum quæ de Patre et Filio et Spiritu sancto sunt, ita esse intelligenda ut ipsi volunt.

32. Nunc autem non ideo minorem Filium quia missus est a Patre, nec ideo minorem Spiritum sam-

rum quia et Pater eum misit et Filius, sufficienter, quantum arbitror, demonstratum est. Sive enim propter visibilem creaturam, sive potius propter principii commendationem, non propter inegalitatem vel imparitatem vel dissimilitudinem substantiae in Scripturis hæc posita intelliguntur: quia etiam si voluntet Dens Pater per subjectam creaturam visibili-

ter apparere, absurdissime tamen aut a Filio quem genuit, aut a Spiritu sancto qui de illo procedit, missus diceretur. Iste igitur sit hujus voluminis modus: deinceps in ceteris, adjuvante Domino, illa hæreticorum versutissima argumenta qualia sint, et quemadmodum redarguantur videbimus.

LIBER QUINTUS.

Venit ad hæreticorum argumenta illa quæ non ex divinis Libris, sed ex rationibus suis proferunt: et eos refellit, quibus ideo videtur non eamdein Patris ac Filii esse substantiam, quia omne quod de Deo dicitur, secundum substantiam dicuntur; et propterea et gignere et gigni, vel genitum esse et ingenitum, quoniam diversa sunt, contendunt substantias esse diversas; demonstrans, non omne quod de Deo dicitur secundum substantiam dici, sicut secundum substantiam dicuntur bonus et magnus, et si quid aliud ad se dicitur; sed dici etiam relative, id est non ad se, sed ad aliquid quod i se non est, sicut Pater ad Filium dicitur, vel Dominus ad creaturam sibi servientem: ubi si quid relative, id est ad aliquid quod i se non est, etiam ex tempore dicitur, sicut est, *Domine, refugium factus es nobis*; nihil ei accidere quo mutetur, sed omnino ipsum in natura vel essentia sua immutabilem permanere.

• 3000 •

CAPUT PRIMUM. — 1. *Quid a Deo, quid a lectore auctor exposcat.* In Deo nihil mutabilis et corporei cogitandum. Hinc jam exordiens ea dicere, quæ dici ut cogitantur vel ab homine aliquo, vel certe a nobis non omni modo possunt: quamvis et ipsa nostra cogitatio, cum de Deo Trinitate cogitamus¹, longe se illi de quo cogitat, imparem sentiat, neque ut est eum capiat, sed, ut scriptum est, etiam a tantis quantus Paulus apostolus hic erat, *per speculum et in ænigmate* videatur (I Cor. xiii, 12), primum ab ipso Domino Deo nostro, de quo semper cogitare debemus, et de quo digne cogitare non possumus, cui laudando reddenda est omni tempore benedictio (Psal. xxxiii, 1), et cui enuntiando nulla competit dictio, et adjutorium ad intelligenda atque explicanda quæ intendo, et veniam precor sieibi offendo. Memor sum enim, non solum voluntatis, verum etiam infirmitatis meæ. Ab his etiam qui ista lecturi sunt, ut ignorant peto, ubi magis voluisse quam potuisse dicere adverterint, quod vel ipsi melius intelligent, vel propter mei eloquii difficultatem non intelligunt: sicut ego eis ignoscō, ubi propter suam tarditatem intelligere non possunt.

2. Facilius autem nobis invicem ignoscimus, si non verimus, aut certe credendo firmum tenuerimus, ea quæ de natura incomutabili et invisibili summeque vivente ac sibi sufficiente dicuntur, non ex consuetudine visibilium atque mutabilium et mortalium vel egenarum rerum esse metienda. Sed cum in his etiam quæ nostris corporalibus adjacent sensibus, vel quod nos ipsi in interiore homine sumus, scientia comprehendendis laboremus, nec sufficiamus: non tamen impudenter in illa quæ supra sunt divina et ineffabilia, pietas fidelis ardescit; non quam suarum virium inflat arrogantia, sed quam gratia ipsius Creatoris et Salvatoris inflamat. Nam quo intellectu Deum capit homo, qui ipsum intellectum suum quo eum vult capere nondum capit? Si autem hunc jam capit, attendat diligenter nihil eu esse in sua natura melius,

et videat utrum ibi videat ulla lineamenta formarum, nitores colorum, spatiostam granditatem, partium distantiam, molis distensionem, alias per locorum intervalla motiones, vel quid ejusmodi. Nihil certe istorum invenimus in eo, quo in natura nostra nihil melius invenimus, id est, in nostro intellectu, quo sapientiam capimus quantum capaces sumus. Quod ergo non invenimus in meliore nostro, non debemus in illo querere, quod longe melius est meliore nostro: ut sic intelligamus Deum, si possumus, quantum possumus, sine qualitate bonum, sine quantitate magnum, sine indigentia creatorem, sine situ praesidentem², sine habitu omnia continentem, sine loco ubique totum, sine tempore sempiternum, sine ulla sui mutatione mutabilia facientem, nihilque patientem. Quisquis Deum ita cogitat, etsi nondum potest omni modo invenire quid sit; pie tamen cavit, quantum potest, aliquid de eo sentire quod non sit.

CAPUT II. — 3. *Deus sola incommutabilis essentia.* Est tamen sine dubitatione substantia, vel, si melius hoc appellatur, essentia, quam Graeci *εἶδος* vocant. Sicut enim ab eo quod est sapere dicta est sapientia, et ab eo quod est scire dicta est scientia; ita ab eo quod est esse dicta est essentia. Et quis magis est, quam ille qui dixit famulo suo Moysi, *Ego sum qui sum*; et, *Dices filiis Israel: Qui est, misit me ad vos* (Exod. iii, 14)? Sed aliae quæ dicuntur essentiae sive substantiae, capiunt accidentia, quibus in eis fiat vel magna vel quantacumque mutatio: Deo autem aliquid ejusmodi accidere non potest; et ideo sola est incommutabilis substantia vel essentia, qui Deus est, cui profectio ipsum esse, unde essentia nominata est, maxime ac verissime competit. Quod enim mutatur, non servat ipsum esse; et quod mutari potest, etiamsi non mutetur, potest quod fuerat non esse: ac per hoc illud solum quod non tantum non mutatur, verum etiam mutari omnino non potest, sine scrupulo occurrit quod verissime dicatur esse.

CAPUT III. — 4. *Arianorum argumentum ex voce geniti et ingeniti desumptum diluitur.* Quamobrem ut

¹ Er. Lugd. Ven. Iov., *cum de Dei Trinitate cogitamus.* M.

² Sic vss. At editi, præsentem.

Jam etiam de iis quæ nec dicuntur ut cogitantur, nec cogitantur ut sunt, respondere incipiamus fideli nostræ adversarii: inter multa quæ Ariani adversus catholicam fidem solent disputare, hoc sibi maxime callidissimum machinamentum proponere videntur, cum dicunt: *Quidquid de Deo dicitur vel intelligitur, non secundum accidens, sed secundum substantiam* dicitur. Quapropter ingenitum esse Patri secundum substantiam est, et genitum esse Filio secundum substantiam est. Diversum est autem ingenitum esse, et genitum esse: diversa est ergo substantia Patris et Filii. Quibus respondemus: Si quidquid de Deo dicitur, secundum substantiam dicitur; ergo quod dictum est, *Ego et Pater unus sumus* (*Ioan. x, 30*), secundum substantiam dictum est. Una est igitur substantia Patris et Filii. Aut si hoc non secundum substantiam dictum est, dicitur ergo aliquid de Deo non secundum substantiam; et ideo jam non cogimur secundum substantiam intelligere ingenitum et genitum. Item dictum est de Filio, *Non rapinam arbitratus est esse æqualis Deo* (*Philip. ii, 6*): querimus secundum quid æqualis. Si enim non secundum substantiam dicitur æqualis, admittunt ut dicitur aliquid de Deo, non secundum substantiam: admittant ergo non secundum substantiam dici ingenitum et genitum. Quod si propterea non admittunt, quia omnia de Deo secundum substantiam dici volunt, secundum substantiam Filius æqualis est Patri.

CAPUT IV.—5. *Accidens arguit semper aliquam rei mutationem.* Accidens autem non solet dici, nisi quod aliqua mutatione ejus rei cui accidit amittit potest. Nam etsi quoddam dicuntur accidentia inseparabilia, quæ græce appellantur ἀχώρια, sicut est plumæ corvi color niger; amittit eum tamen, non quidem quondam pluma est, sed quia non semper est pluma. Quapropter ipsa materies mutabilis est, et ex eo quod desinit esse illud animal vel illa pluma, totumque illud corpus in terram mutatur et vertitur, amittit utique etiam illum colorem. Quamvis et accidens quod separabile dicitur, non separatione, sed mutatione amittatur; sicuti est capillis hominum nigritudo, quoniam dum capilli sunt possunt albescere, separabile accidens dicitur: sed diligenter intuentibus satis appareat, non separatione quasi emigrare aliquid a capite dum canescit, ut nigritudo inde candore succedente discedat et aliquo eat, sed illam qualitatem coloris ibi verti atque mutari. Nihil itaque accidens in Deo, quia nihil mutabile aut amissibile. Quod si et illud dici accidens placet, quod licet non amittatur, minuitur tamen vel augetur, sicuti est animæ vita: nam et quondam anima est, tamdiu vivit, et quia semper anima est, semper vivit; sed quia magis vivit cum sapit, minusque cum desipit, sit etiam hic aliqua mutatio, non ut desit vita, sicuti deest insipienti sapientia, sed ut minus sit: nec tale aliquid in Deo sit, quia omnino incommutabilis manet.

CAPUT V.—6. *In Deo nihil secundum accidens dicitur, sed secundum substantiam aut secundum relationem.* Quamobrem nihil in eo secundum accidens dicitur,

quia nihil ei accidit; nec tamen omne quod dicitur, secundum substantiam dicitur. In rebus enim creatis atque mutabilibus quod non secundum substantiam dicitur, restat ut secundum accidens dicitur: omnia enim accidunt eis, quæ vel amitti possunt vel minui, et magnitudines et qualitates; et quod dicitur ad aliquid, sicut amicitiae, propinquitates, servitutes, similitudines, æqualitates, et si qua hujusmodi; et situs et habitus, et loca et tempora, et opera atque passiones. In Deo autem nihil quidem secundum accidens dicitur, quia nihil in eo mutabile est; nec tamen omne quod dicitur, secundum substantiam dicitur. Dicitur enim ad aliquid, sicut Pater ad Filium, et Filius ad Patrem, quod non est accidens: quia et ille semper Pater, et ille semper Filius; et non ita semper quasi ex quo natus est Filius, ut ex eo quod nunquam desinat esse Filius, Pater non desinat esse Pater; sed ex eo quod semper natus est Filius, nec cœpit unquam esse Filius. Quod si aliquando esse cœpisset, aut aliquando esse desineret Filius, secundum accidens diceretur. Si vero quod dicitur Pater, ad se ipsum diceretur, non ad Filium; et quod dicitur Filius, ad se ipsum diceretur, non ad Patrem; secundum substantiam diceretur et ille Pater, et ille Filius: sed quia et Pater non dicitur Pater nisi ex eo quod est ei Filius, et Filius non dicitur nisi ex eo quod habet Patrem, non secundum substantiam hec dicuntur: quia non quisque eorum ad se ipsum, sed ad invicem atque ad alterutrum ista dicuntur: neque secundum accidens, quia et quod dicitur Pater, et quod dicitur Filius, æternum atque incommutabile est eis. Quamobrem quanvis diversum sit Patrem esse et Filium esse, non est tamen diversa substantia: quia hoc non secundum substantiam dicuntur, sed secundum relativum; quod tamen relativum non est accidens, quia non est mutabile.

CAPUT VI.—7. *Occurrit hæreticorum cavillationibus in eadem voce geniti et ingeniti.* Si autem huic sic putant resistendum esse sermoni, quod Pater quidem ad Filium dicitur et Filius ad Patrem, ingenitus tamen et genitus ad se ipsos dicuntur, non ad alterutrum: non enim hoc est dicere ingenitum, quod est Patrem dicere; quia et si Filius non genuisset, nihil prohiberet eum dicere ingenitum: et si gignat quisque filium, non ex eo ipse ingenitus est, quia geniti homines ex aliis hominibus, gignunt et ipsi alios: inquiunt ergo: Pater ad Filium dicitur, et Filius ad Patrem, ingenitus autem ad se ipsum, et genitus ad se ipsum dicitur: et ideo si quidquid ad se ipsum dicitur, secundum substantiam dicitur, diversum est autem ingenitum esse et genitum esse; diversa igitur substantia est: hoc si dicunt, non intelligunt de ingenito quidem aliquid se dicere, quod diligentius pertractandum sit, quia nec ideo quisque pater qui ingenitus, nec ingenitus ideo quia pater, et propterea non ad aliquid, sed ad se dici putatur ingenitus: genitum vero mira cæcitate non advertunt dici non posse, nisi ad aliquid. Ideo qui ipse filius quia genitus,

¹ Editi, *hæc.* At MSS., *hoc.*

et quia filius utique genitus. Sicut autem filius ad patrem, sic genitus ad genitorem refertur; et sicut pater ad alium, ita genitor ad genitum. Ideoque alia notio est qua intelligitur genitor, alia qua ingenitus. Nam quamvis de Patre Deo utrumque dicatur, illud tamen ad genitum, id est, ad Filium dicitur; quod nec illi negant: hoc autem quod ingenitus dicitur, ad se ipsum dici perhibent. Dicunt ergo: Si aliquid ad se ipsum dicitur Pater, quod ad se ipsum dici non potest Filius, et quidquid ad se ipsum dicitur, secundum substantiam dicitur, et ad se ipsum dicitur ingenitus, quod dici non potest Filius; ergo secundum substantiam dicitur ingenitus, quod Filius quia dici non potest, non ejusdem est substantiae. Cui versutice respondetur ita, ut ipsi cogantur dicere secundum quid sit aequalis Patri Filius; utrum secundum id quod ad se dicitur, an secundum id quod ad Patrem dicitur. Non enim secundum id quod ad Patrem dicitur, quoniam ad patrem filius dicitur, ille autem non filius, sed pater est. Quia non sic ad se dicuntur pater et filius, quomodo amici aut vicini. Relative quippe amicus dicitur ad amicum; et si aequaliter se diligunt, eadem in utroque amicitia est: et relative vicinus dicitur ad vicinum; et quia aequaliter sibi vicini sunt (quantum enim iste illi, tantum et ille huic vicinatur), eadem in utroque vicinitas. Quia vero Filius non ad Filium relative dicitur, sed ad Patrem; non secundum hoc quod ad Patrem dicitur, aequalis est Filius Patri: restat ut secundum id aequalis sit, quod ad se dicitur. Quidquid autem ad se dicitur, secundum substantiam dicitur: restat ergo ut secundum substantiam sit aequalis. Eadem est igitur utriusque substantia. Cum vero ingenitus dicitur Pater, non quid sit, sed quid non sit dicitur. Cum autem relativum negatur, non secundum substantiam negatur, quia ipsum relativum non secundum substantiam dicitur.

CAPUT VII. — 8. *Negatio addita non mutat prædicamentum.* Hoc exemplis planum faciendum est. Ac primum videndum est hoc significari cum dicitur genitus, quod significatur cum dicitur filius. Ideo enim filius, quia genitus; et quia filius, utique genitus. Quod ergo dicitur ingenitus, hoc ostenditur, quod non sit filius: sed genitus et ingenitus commode dicuntur; filius autem latine dicitur, sed infilius ut dicatur non admittit loquendi consuetudo. Nihil tamen intellectui demittit, si dicatur non filius; quemadmodum etiam si dicatur non genitus, pro eo quod dicitur ingenitus, nihil aliud dicitur. Sic enim et vicinus et amicus relative dicuntur, nec tamen potest invicinus dici quomodo dicitur inimicus. Quamobrem non est in rebus considerandum quid vel sinat vel non sinat dici usus sermonis nostri, sed quis rerum ipsarum intellectus elueat. Non ergo jam dicamus ingenitum, quamvis dici latine possit; sed pro eo dicamus non genitum, quod tantum valet. Num ergo aliud dicimus quam non filium? Negativa porro ista particula non id efficit, ut quod sine illa relative dicitur, eadem præposita substantialiter dicitur; sed id tantum negatur, quod sine

illa aiebatur, sicut in ceteris prædicamentis. Velut cum dicimus, Homo est, substantiam designamus. Quo ergo dicit, Non homo est, non aliud genus prædicamenti enuntiat, sed tantum illud negat. Sicut ergo secundum substantiam aio, Homo est: sic secundum substantiam nego, cum dico, Non homo est. Et cum queritur, quantus sit; et aio, Quadrupedalis est, id est, quatuor pedum, secundum quantitatem aio: qui dicit, Non quadrupedalis est, secundum quantitatatem negat. Candidus est, secundum qualitatem aio: Non candidus est, secundum qualitatem nego. Propinquus est, secundum relatum aio: Non propinquus est, secundum relatum nego. Secundum situm aio, cum dico, Jacet: secundum situm nego, cum dico, Non jacet. Secundum habitum aio, cum dico, Armatus est: secundum habitum nego, cum dico, Non armatus est. Tantumdem autem valet si dicam, Inermis est. Secundum tempus aio, cum dico, Hesternus est: secundum tempus nego, cum dico, Non hesternus est. Et cum dico, Romæ est, secundum locum aio: et secundum locum nego, cum dico, Non Romæ est. Secundum id quod est facere aio, cum dico, Cedit: si autem dicam, Non cedit, secundum id quod est facere nego, ut ostendam non hoc facere. Et cum dico, Vapulat, secundum prædicamentum aio quod pati vocatur: et secundum id nego, cum dico, non vapulat. Et omnino nullum prædicamenti genus est, secundum quod aliquid ajere volumus, nisi ut secundum id ipsum prædicamentum negare convincamur, si præponere negativam particulari voluerimus. Que cum ita sint, si substantialiter aierem, dicendo, Filius; substantialiter negarem, dicendo, Non Filius. Quia vero relative aio, cum dico, Filius est; ad patrem enim refero: relative nego, si dicam, Non filius est; ad parentem enim eamdem negationem refero, volens ostendere quod ei parens non sit. At si quantum valet quod dicitur filius, tantumdem valet quod dicitur genitus, sicut prælocutus sumus; tantumdem ergo valet quod dicitur non genitus, quantum valet quod dicitur non filius. Relative autem negamus dicendo, Non filius: relative igitur negamus dicendo, Non genitus. Ingenitus porro quid est, nisi non genitus? Non ergo receditur a relativi prædicamento, cum ingenitus dicitur. Sicut enim genitus non ad se ipsum dicitur, sed quod ex genitore sit: ita cum dicitur ingenitus, non ad se ipsum dicitur, sed quod ex genitore non sit ostenditur. In eodem tamen prædicamento, quod Relativum vocatur, ultraque significatio vertitur: quod autem relative prouniatur, non indicat substantiam: ita quamvis diversum sit genitus et ingenitus, non indicat diversam substantiam: quia sicut filius ad patrem, et non filius ad non patrem refertur; ita genitus ad genitorem, et non genitus ad non genitorem referatur necesse est.

CAPUT VIII. — 9. *Quidquid substantialiter de Deo dicitur, de singulis personis singulariter et simul de ipsa Trinitate dicitur. In Deo una essentia, tres Gracis hypostases, Latinis tres personæ. Quapropter illud præcipue teneamus, quidquid ad se dicitur præstantissima*

Illa et divina sublimitas, substantialiter dici; quod autem ad aliquid, non substantialiter, sed relative: tantamque vim esse ejusdem substantiae in Patre et Filio et Spiritu sancto, ut quidquid de singulis ad se ipsos dicitur, non pluraliter in summa, sed singulariter accipiatur. Quemadmodum enim Pater Deus est, et Filius Deus est, et Spiritus sanctus Deus est, quod secundum substantiam dici nemo dubitat: non tamen tres deos, sed unum Deum dicimus eam ipsam praestantissimam Trinitatem. Ita magnus Pater, magnus Filius, magnus Spiritus sanctus: non tamen tres magni, sed unus magnus. Non enim de Patre solo, sicut illi perverse sentiunt; sed de Patre et Filio et Spiritu sancto scriptum est, *Tu es Deus solus Magnus* (*Psalm. lxxxv, 10*). Et bonus Pater, bonus Filius, bonus Spiritus sanctus: nec tres boni, sed unus est bonus, de quo dictum est, *Nemo bonus, nisi unus Deus*. Etenim Dominus Jesus, ne ab illo qui dixerat, *Magister bone* (*Luc. xviii, 19, 18*), tanquam hominem compellans, secundum hominem tantummodo intelligeretur, ideo non ait, *Nemo bonus, nisi solus Pater*; sed, *Nemo bonus, nisi unus Deus*. In Patris enim nomine, ipse per se Pater pronuntiatur: in Dei vero, et ipse et Filius et Spiritus sanctus, quia Trinitas unus Deus. Situs vero, et habitus, et loca, et tempora, non proprie, sed translate ac per similitudines dicuntur in Deo. Nam et sedere super Cherubim dicitur (*Psalm. lxxix, 2*); quod ad situm dicitur: et abyssum tanquam vestimentum amictus (*Psalm. cxi, 6*); quod ad habitum: et, *Anni tui non deficient* (*Psalm. ci, 28*); quod ad tempus: et, *Si ascendero in cælum, tu ibi es* (*Psalm. cxxxviii, 8*); quod ad locum. Quod autem ad faciendum attinet, fortassis de solo Deo verissime dicatur: solus enim Deus facit et ipse non sit, neque patitur quantum ad ejus substantiam pertinet qua Deus est. Itaque omnipotens Pater, omnipotens Filius, omnipotens Spiritus sanctus: nec tamen tres omnipotentes, sed unus Omnipotens, *ex quo omnia, per quem omnia, in quo omnia; ipsi gloria* (*Roman. xi, 36*). Quidquid ergo ad se ipsum dicitur Deus, et de singulis personis singulariter dicitur¹, id est, de Patre, et Filio, et Spiritu sancto, et simul de ipsa Trinitate, non pluraliter, sed singulariter dicitur. Quoniam quippe non aliud est Deo esse, et aliud magnum esse, sed hoc idem illi est esse quod magnum esse: propterea sicut non dicimus tres essentias, sic non dicimus tres magnitudines, sed unam essentiam et unam magnitudinem. Essentiā dico, quae ὁὐσίᾳ græce dicitur, quam usitatus substantiam vocamus.

10. Dicunt quidem et illi hypostasim; sed nescio quid volunt interesse inter usiam et hypostasim: ita ut plerique nostri qui hæc græco tractant eloquio, dicere consueverint, μίαν οὐσίαν, τρεις ὑπόστασις, quod est latine, unam essentiam, tres substantias.

CAPUT IX. — Personæ tres non proprie dictar. Sed quia nostra loquendi consuetudo jam obtinuit, ut hoc intelligatur cum dicimus essentiam, quod intel-

ligitur cum dicimus substantiam: non audemus dicere unam essentiam tres substantias; sed unam essentiam vel substantiam, tres autem personas; quemadmodum multi Latini ista tractantes et digni auctoritate dixerunt, cum alium modum aptiorē non invenirent, quo enuntiarent verbis quod sine verbis intelligebant. Revera enim cum Pater non sit Filius, et Filius non sit Pater, et Spiritus sanctus ille qui etiam donum Dei vocatur, nec Pater sit nec Filius, tres utique sunt. Ideoque pluraliter dictum est, *Ego et Pater unum sumus* (*John. x, 30*). Non enim dixit, Unum est, quod Sabelliani dicunt; sed, *unum sumus*. Tamen cum queritur quid tres, magna prorsus inopin humanum laborat eloquium. Dictum est tamen, Tres personæ, non ut illud dicceretur, sed ne taceretur.

CAPUT X. — 11. Quæ Deo absolute convenient ut essentia, de Trinitate singulariter dicuntur, non pluraliter. Sicut ergo non dicimus tres essentias; ita non dicimus tres magnitudines, neque tres magnos. In rebus enim quæ participatione magnitudinis magnæ sunt, quibus est aliud esse, aliud magnas esse, sicut magna domus, et magnus mons, et magnus animus; in his ergo rebus aliud est magnitudo, aliud quod ab ea magnitudine magnum est, et prorsus non hoc est magnitudo quod est magna domus. Sed illa est vera magnitudo, qua non solum magna est domus que magna est, et qua magnus est mons quisquis magnus est; sed etiam qua magnum est quidquid aliud magnum dicitur: ut aliud sit ipsa magnitudo, aliud ea quæ ab illa magna dicuntur. Quæ magnitudo utique primus magna est, multoque excellentius quam ea quæ participatione ejus magna sunt. Deus autem quia non ea magnitudine magnus est quæ non est quod est ipse, ut quasi particeps ejus sit Deus cum magnus est; alioquin illa erit major magnitudo quam Deus. Deo autem non est aliquid majus: ea igitur magnitudine magnus est qua ipse est eadem magnitudo. Et ideo sicut non dicimus tres essentias, sic nec tres magnitudines: hoc est enim Deo esse, quod est magnum esse. Eadem causa nec magnos tres dicimus, sed unum magnum: quia non participatione magnitudinis Deus magnus est, sed se ipso magno magnus est; quia ipse sua est magnitudo. Hoc et de bonitate, et de æternitate, et de omnipotentia Dei dictum sit, omnibusque omnino prædicamentis quæ de Deo possunt pronuntiari, quod ad se ipsum dicitur, non translate ac per similitudinem, sed proprie: si tamen de illo proprie aliiquid diei ore hominis potest.

CAPUT XI. — 12. Quid in Trinitate relative dicitur. Quod¹ autem proprie singula in eadem Trinitate dicuntur, nullo modo ad se ipsa, sed ad invicem, aut ad creaturam dicuntur; et ideo relative, non substantialiter ea dici manifestum est. Sicut enim Trinitas unus Deus dicitur, magnus, bonus, æternus, omnipotens, idemque ipse sua sic dici potest deitas, ipse sua magnitudo, ipse sua bonitas, ipse sua æternitas, ipse sua omnipotentia: non sic potest dici Tri-

¹ Plures MSS., singulariter dicitur. Nonnulli, ter dicitur.

¹ sola fere editio Lov., one.

unitas Pater, nisi forte translate ad creaturam propter adoptionem filiorum. Quod enim scriptum est, Audi, *Israel*; *Dominus Deus tuus, Dominus unus est* (*Deut. vi. 4*), non utique excepto Filio, aut excepto Spiritu sancto oportet intelligi, quem unum Dominum Deum nostrum recte dicimus etiam patrem nostrum per gratiam suam nos regenerantem. Trinitas autem Filius nullo modo dici potest. Spiritus vero sanctus secundum id quod scriptum est, *Quoniam Deus spiritus est* (*Joan. iv. 24*), potest quidem universaliter dici, quia et Pater spiritus et Filius spiritus, et Pater sanctus et Filius sanctus. Itaque Pater, et Filius, et Spiritus sanctus, quoniam unus Deus, et utique Deus sanctus est, et Deus spiritus est, potest appellari Trinitas et Spiritus sanctus. Sed tamen ille Spiritus sanctus qui non Trinitas, sed in Trinitate intelligitur, in eo quod proprio dicitur Spiritus sanctus, relative dicitur, cum et ad Patrem et ad Filium referatur, quia Spiritus sanctus et Patris et Filii Spiritus est. Sed ipsa relatio non appareat in hoc nomine; appareat autem cum dicitur donum Dei (*Act. viii. 20*): donum enim est Patris et Filii, quia et a Patre procedit (*Joan. xv. 26*), sicut Dominus dicit; et quod Apostolus ait, *Qui Spiritum Christi non habet, hic non est ejus* (*Rom. viii. 9*), de ipso utique sancto Spiritu ait. Donum ergo donatoris, et donator doni, cum dicimus, relative utrumque ad invicem dicimus. Ergo Spiritus sanctus ineffabilis est quædam Patris Filiique communio; et ideo fortasse sic appellatur, quia Patri et Filio potest eadem appellatio convenire. Nam hoc ipse proprie dicitur, quod illi communiter: quia et Pater spiritus et Filius spiritus, et Pater sanctus et Filius sanctus. Ut ergo ex nomine quod utrique convenit, utriusque communio significetur, vocatur donum amborum Spiritus sanctus. Et hec Trinitas unus Deus, solus, bonus, magnus, æternus, omnipotens: ipse sibi unitas, deitas, magnitudo, bonitas, æternitas, omnipotentia.

CAPUT XII. — 13. *In relativis mutuis interdum desunt vocabula.* Nec movere debet, quoniam diximus relative dici Spiritum sanctum, non ipsam Trinitatem, sed eum qui est in Trinitate, quia non ei videtur vicissim respondere vocabulum ejus ad quem referatur. Non enim, sicut dicimus servum domini et dominum servi, filium patris et patrem filii, quoniam ista relative dicuntur, ita etiam hic possumus dicere. Dicimus enim Spiritum sanctum Patris, sed non vicissim dicimus Patrem Spiritus sancti, ne filius ejus intelligatur Spiritus sanctus. Item dicimus Spiritum sanctum Filii, sed non dicimus Filium Spiritus sancti, ne pater ejus intelligatur Spiritus sanctus. In multis enim relativis hoc contingit, ut non inveniatur vocabulum, quo sibi vicissim respondent quæ ad se referuntur. Quid enim tam manifeste relative dicitur quam pignus? Ad id quippe refertur cuius est pignus, et semper pignus alicujus rei pignus est. Num ergo cum dicimus pignus Patris et Filii (*II Cor. v. 5*, et *Ephes. i. 14*), possumus vicissim dicere Patrem pignoris aut Filium pignoris? At vero cum dicimus donum Patris et Filii, non quidem dicere possumus

Patrem doni, aut Filium doni; sed ut hæc sibi vicissim respondeant, dicimus donum donatoris, et donatorem doni: quia hic potuit inveniri usitatum vocabulum, illic non potuit.

CAPUT XIII. — 14. *Principium quomodo in Trinitate relative dicatur.* Dicitur ergo relative Pater, idemque relative dicitur principium, et si quid forte aliud: sed Pater ad Filium dicitur, principium vero ad omnia quæ ab ipso sunt. Item dicitur relative Filius, relative dicitur et Verbum et Imago; et in omnibus his vocabulis ad Patrem referuntur: nihil autem horum Pater dicitur. Et principium dicitur Filius: cum enim diceretur ei, *Tu quis es?* respondit, *Principium, qui et loquor vobis* (*Joan. viii. 25*). Sed numquid Patris principium? Creatorem se quippe ostendere voluit, cum se dixit esse principium; sicut et Pater principium est creaturæ, eo quod ab ipso sunt omnia. Nam et creator relative dicitur ad creaturam, sicut dominus ad servum. Et ideo cum dicimus, et Patrem principium, et Filium principium, non duo principia creaturæ dicimus; quia et Pater et Filius simul ad creaturam unum principium est, sicut unus creator, sicut unus Deus. Si autem quidquid in se manet et gignit aliquid vel operatur, principium est ei rei quam gignit, vel ei quam operatur; non possumus negare etiam Spiritum sanctum recte dici principium; quia non eum separamus ab appellatione creatoris: et scriptum est de illo quod operetur, et in se utique manens operatur; non enim in aliquid eorum quæ operatur, ipse mutatur et vertitur. Et quæ operatur, vide: *Unicuique autem, inquit, datur manifestatio Spiritus ad utilitatem.* Alii quidem datur per Spiritum sermo sapientie; alii sermo scientiae secundum eundem Spiritum; alteri autem fides in eodem Spiritu; alii donatio curationum in uno Spiritu; alii operatio virtutum; alii prophetia; alii dijudicatio spirituum; alii genera linguarum. Omnia autem hæc operatur unus atque idem Spiritus, dividens propria unicuique prout vult, utique sicut Deus. Quis enim tanta illa potest operari nisi Deus? *Idem autem Deus qui operatur omnia in omnibus* (*I Cor. xii. 6-11*). Nam et sigillatim si interrogemur de Spiritu sancto, verissime respondemus quod Deus sit; et cum Patre et Filio simul unus Deus est. Unum ergo principium ad creaturam dicitur Deus, non duo vel tria principia.

CAPUT XIV. — 15. *Pater et Filius unicum principium Spiritus sancti.* Ad se autem invicem in Trinitate, si gignens ad id quod gignit principium est, Pater ad Filium principium est, quia gignit eum¹. Utrum autem et ad Spiritum sanctum principium sit Pater, quoniam dictum est, *De Patre procedit*, non parva quæstio est. Quia si ita est, non jam principium ei tantum rei erit quam gignit aut facit, sed etiam ei quam dat. Ubi et illud elucescit, ut potest², quod solet multos movere, cur non Filius sit etiam Spiritus sanctus, eum et ipse a Patre exeat, sicut in Evangelio

¹ In MSS., *quia genuit eum*.

² Editio, utpote. At MSS., *ut potest*.

legitur (*Joan. xv, 26*). Exiit enim, non quomodo natu^s, sed quomodo datus; et ideo non dicitur filius, quia neque natus est sicut Unigenitus, neque factus ut per Dei gratiam in adoptionem nasceretur, sicuti nos. Quod enim de Patre natum est, ad Patrem solum referuntur cum dicitur Filius, et ideo Filius Patris, non et noster¹: quod autem datum est, et ad eum qui dedit referuntur, et ad eos quibus dedit; itaque Spiritus sanctus, non tantum Patris et Filii qui dederunt, sed etiam noster dicitur qui accepimus: sicut dicitur, *Domini salus* qui dat salutem (*Psal. iii, 9*), eadem etiam nostra salus est qui accepimus. Spiritus ergo et Dei est qui dedit, et noster qui accepimus. Non ille spiritus noster quo sumus, quia ipse spiritus est hominis qui in ipso est: sed alio modo iste noster est, quo dicimus et, *Panem nostrum da nobis* (*Matth. vi, 11*). Quanquam et illum spiritum qui hominis dicitur, utique accepimus. *Quid enim habes*, inquit², *quod non accepisti* (*I Cor. iv, 7*)? Sed aliud est quod accepimus ut essemus, aliud quod accepimus ut sancti essemus. Unde scriptum est et de Joanne, quod in spiritu et virtute Eliæ veniret (*Luc. i, 17*): dictus est Eliæ spiritus, scilicet Spiritus sanctus quem accepit Elias. Hoc et de Moyse intelligendum est, cum ait ei Dominus, *Tollam de spiritu tuo, et dabo eis* (*Num. xi, 17*): hoc est, dabo illis de Spiritu sancto, quem jam tibi dedi. Si ergo et quod datur, principium habet cum a quo datur, quia non aliunde accepit illud quod ab ipso procedit; fatendum est Patrem et Filium principium esse Spiritus sancti, non duo principia: sed sicut Pater et Filius unus Deus, et ad creaturam relative unus creator et unus Dominus, sic relative ad Spiritum sanctum unum principium; ad creaturam vero Pater et Filius et Spiritus sanctus unus principium, sicut unus creator et unus Dominus.

CAPUT XV.—16. *An Spiritus sanctus esset donum et antequam daretur*. Ulterius³ autem queritur, utrum quemadmodum Filius non hoc tantum habet nascendo ut Filius sit, sed omnino ut sit; sic et Spiritus sanctus eo quo datur habeat non tantum ut donum sit, sed omnino ut sit: utrum ergo erat antequam datur, sed nondum erat donum, an eo ipso quo daturus erat cum Deus, jam donum erat et antequam datur. Sed si non procedit nisi cum datur, nec procederet utique priusquam esset cui daretur; quonodo jam erat ipsa substantia, si non est nisi quia datur: sicut Filius non tantum ut sit Filius, quod relative dicitur, sed omnino ut sit ipsam substantiam⁴ nascendo habet? An semper procedit Spiritus sanctus, et non ex tempore, sed ab eternitate procedit; sed quia sic procedebat ut esset donabile; jam donum erat, et antequam esset cui daretur? Alter enim intelligitur cum dicitur donum, alter cum dicitur donatum. Nam donum potest esse et antequam detur; donatum

autem nisi datum fuerit nullo modo dici potest.

CAPUT XVI.—17. *Quod de Deo ex tempore dicitur, relative dicitur, non accidentaliter*. Nec invenit quod Spiritus sanctus cum sit coeternus Patri et Filio, dicitur tamen aliquid ex tempore, veluti hoc ipsum quod donatum diximus. Nam sempiterne Spiritus donum, temporaliter autem donatum. Nam et si dominus non dicitur, nisi cum habere incipit servum, etiam ista appellatio relativa ex tempore est Deo: non enim sempiterna creatura est, cuius est ille Dominus. Quomodo ergo obtinebimus nec ipsa relativa esse accidentia, quoniam nihil accedit Deo temporaliter, quia non est mutabilis, sicut in exordio hujus disputationis tractavimus. Ecce Dominum esse non sempiternum habet, ne cogatur etiam sempiternam creaturam dicere, quia ille sempiterne non dominatur, nisi etiam ista sempiterne simularetur. Sicut autem non potest esse servus qui non habet dominum, sic nec dominus qui non habet servum. Et quisquis exsisterit qui eternum quidem Deum solum dicat, tempora autem non esse eterna propter varietatem et mutabilitatem, sed tempora tamen non in tempore esse cœpisse (non enim erat tempus antequam inciperent tempora, et ideo non in tempore accedit Deo ut Dominus esset, quia ipsorum temporum Dominus erat, quae utique non in tempore esse cœperunt); quid respondebit de homine, qui in tempore factus est, cuius utique Dominus non erat antequam esset cui esset? Certe vel ut Dominus hominis esset, ex tempore accedit Deo: et ut omnis auferri videatur controversia, certe ut tunc Dominus esset, aut mens, qui modo esse cœpimus, ex tempore accedit Deo. Aut si et hoc propter obscuram questionem animæ videtur insertum, quid ut esset Dominus populi Israel? Quia etsi jam erat animæ natura, quam ille populus habebat, quod modo non querimus; tamen ille populus nondum erat, et quando esse cœpit appareat. Postremo ut Dominus esset hujus arboris et hujus segetis, ex tempore accedit, que modo esse cœperunt. Quia etsi materies ipsa jam erat, aliud est tamen dominum esse materię, aliud esso dominum jam factę naturę. Alio enim tempore est etiam homo dominus ligii, et alio tempore dominus est arcę, quamvis ex ipso ligno fabricatae, quod unique non erat, cum ligni dominus jam esset. Quonodo igitur obtinebimus nihil secundum accidens dici Deum, nisi quia ipsius naturae nihil accedit quo mutetur, ut ea sint accidentia relativa, que cum aliqui mutatione rerum de quibus dicuntur, accidentia. Sicut amicus relative dicitur; neque enim esse incipit, nisi cum amare cœperit: sit ergo aliqua mutatione voluntatis, ut amicus dicatur. Nummus autem cum dicitur pretium, relative dicitur, nec tamen mutatus est cum esse cœpit pretium: neque cum dicitur pignus, et si qua sunt similia. Si ergo nummus potest nulla sui mutatione toties dici relative, ut neque cum incipit dici, neque cum desinit, aliquid in ejus natura vel forma, qua nummus est, mutationis fiat; quanto facilius de illa incommutabili Dei substantia debemus accipere, ut ita dicatur relative aliquid ad

¹ Er. Ingld. Ven. Lov., et non noster. M.

² Er. Ingld. Ven. Lov., inquit apostolus. M.

³ Am. et plures MSS., Ulterius. Tres alii MSS., Interim.

⁴ Plerique MSS., ipsa substantia.

creaturam, ut quamvis temporaliter incipiat dici, non tamen ipsi substantiae Dei accidisse aliquid intelligatur, sed illi creaturæ ad quam dicitur? *Domine, inquit, refugium factus es nobis (Psal. lxxxix, 4).* Refugium ergo nostrum Deus relative dicitur, ad nos enim resertur, et tunc refugium nostrum sit, cum ad eum refugimus: numquid tunc sit aliquid in ejus natura, quod antequam ad eum refugemus non erat? In nobis ergo sit aliqua mutatio: deteriores enim sumus antequam ad eum refugeremus, et efficiemus ad eum refugiendo meliores: in illo autem nulla. Sic et pater noster esse incipit, cum per ejus gratiam regeneramur, quoniam dedit nobis potestatem filios Dei fieri (*Joan.*, 12). Substantia itaque nostra mutatur in melius, cum filii ejus efficiemus: simul et ille pater noster esse incipit, sed nulla commutatione sue substantiæ. Quod ergo temporaliter dici incipit

Deus quod antea non dicebatur, manifestum est relative dici: non tamen secundum accidentis Dei quod ei aliquid acciderit, sed plane secundum accidentis ejus ad quod dici aliquid Deus incipit relative. Et quod amicus Dei justus esse incipit, ipse mutatur: Deus autem absit ut temporaliter aliquem diligat¹, quasi nova dilectione quæ in illo ante non erat, apud quem nec præterita transierunt, et futura jam facta sunt. Itaque omnes sanctos suos ante mundi constitutionem dilexit, sicut prædestinavit: sed cum convertuntur et inveniunt illum, tunc incipere ab eo diligi dicuntur, ut eo modo dicatur quo potest humano affectu capi quod dicitur. Sic etiam cum iratus malis dicitur, et placidus bonis; illi mutantur, non ipse: sicut lux infirmis oculis aspera, firmis lenis est; ipsorum scilicet mutatione, non sua.

¹ Sic MSS. Editi autem, *aliquando diligat*.

LIBER SEXTUS.

In quo proposita quæstione, quomodo dictus sit Christus ore apostolico, *Dei virtus et Dei sapientia*, disutatur utrum Pater non sit ipse sapientia, sed tantum sapientia Pater, an sapientia sapientiam genererit: et dilata paulisper solutione, probatur unitas et æqualitas Patris et Filii ac Spiritus sancti: et non Deum triplicem, sed Trinitatem credi oportere. Illud postremo loco explicatur Hilarii dictum: «Aternitas in Patre, species in Imagine, usus in Munere.»



CAPUT PRIMUM. — 1. *Filius secundum Apostolum virtus et sapientia Dei Patris. Hinc ratiocinatio Catholicorum contra priores Arianos. Difficultas an Pater non sit ipse sapientia, sed tantum sapientia Pater. Äqualitatem Patris et Filii et Spiritus sancti putant nonnulli ex hoc impediri quominus intelligatur, quia scriptum est, Christum Dei virtutem et Dei sapientiam: ut ideo non videatur æqualitas, quia non est Pater ipse virtus et sapientia, sed genitor virtutis et sapientiæ. Et revera non medioeri intentione quæri solet, quomodo dicatur Deus virtutis et sapientia Pater. Ait enim Apostolus, Christum Dei virtutem et Dei sapientiam (I Cor. 1, 24). Et hinc nonnulli nostri adversum Arianos hoc modo ratiocinati sunt, eos duntaxat qui prius se adversum catholicam fidem extulerunt. Nam ipse Arius dixisse fertur, Si filius est, natus est; si natus est, erat tempus quando non erat filius: non intelligens etiam natum esse Deo sempiternum esse, ut sit coæternus Patri Filius, sicut splendor qui gignitur ab igne atque diffunditur, coævus est illi, et esset coæternus, si esset ignis æternus. Unde quidam posteriores Arianí abjecerunt istam sententiam, fassique sunt, non ex tempore cœpsisse Filium Dei. Sed inter disputationes quas habebant nostri adversum eos qui dicebant, Erat tempus quando non erat Filius, hanc etiam nonnulli ratiocinationem inserebant: Si Dei Filius virtus et sapientia Dei est, nec unquam Deus sine virtute et sapientia fuit, coæternus est Deo Patri Filius: dicit autem Apostolus, Christum Dei virtutem et Dei sapientiam; et Deum aliquando non habuisse virtutem aut sapientiam, dementis est dicere: non igitur erat tempus quando non erat Filius.*

2. *Quæ ratiocinatio ad id cogit, ut dicamus Deum*

Patrem non esse sapientem, nisi habendo sapientiam quam genuit, non existendo per se Pater ipsa² sapientia. Deinde si ita est, Filius quoque ipse sicut dicitur Deus de Deo, lumen de lumine, videndum est utrum possit sapientia de sapientia dici, si non est Deus Pater ipsa sapientia, sed tantum genitor sapientiæ. Quod si tenemus, cur non et magnitudinis sua, et bonitatis, et æternitatis, et omnipotentias sua genitor sit, ut non ipse sit sua magnitudo, et sua bonitas, et sua æternitas, et sua omnipotencia, sed ea magnitudine magnus sit quam genuit, et ea bonitate bonus, et ea æternitate æternus, et ea omnipotencia omnipotens quæ de illo nata est, sicut non ipse sua sapientia est³, sed ea sapientia sapiens est quæ de illo nata est? Nam illud non est formidandum, ne cogamur multos filios Dei dicere, præter adoptionem creaturæ, coæternos Patri, si magnitudinis sua genitor est, et bonitatis, et æternitatis, et omnipotentias. Huic enim calumniæ facile respondetur, sic non effici, quia multa nominata sunt, ut ille multorum filiorum coæternorum sit pater; quemadmodum non efficitur ut duorum sit, cum dicitur Christus Dei virtus et Dei sapientia. Eadem quippe virtus quæ sapientia, et eadem sapientia quæ virtus est: ita igitur etiam de ceteris, ut eadem sit magnitudo quæ virtus, et si qua alia, que vel supra commemorata sunt, vel commemorari adhuc possunt.

CAPUT II. — 3. *Quæ de Patre et Filio simul dicuntur, quæ non. Sed si non dicitur in se ipso nisi quod ad Filium dicitur, id est, pater, vel genitor, vel principium ejus; si etiam gignens ei quod de se gignit,*

¹ Plures MSS., ipse.

² Aliquot MSS., sicut non ipse ipsa sua sapientia est.

³ Editi, itane igitur? castigantur ex MSS.

consequenter principium est; quidquid autem ¹ aliud dicitur, cum Filio dicitur, vel potius in Filio, sive magnus ea magnitudine quam genuit, sive justus ea justitia quam genuit, sive bonus ea bonitate quam genuit, sive potens ea potentia vel virtute quam genuit, sive sapiens ea sapientia quam genuit: magnitudo autem ipsa non dicitur Pater, sed magnitudinis generator: Filius vero sicut in se ipso dicitur Filius, quod non cum Patre dicitur, sed ad Patrem, non sic et in se ipso magnus, sed cum Patre cuius ipse magnitudo est: sic et sapiens cum Patre dicitur, cuius ipse sapientia est; sicut ille sapiens cum Filio, quia ea sapientia sapiens est quam genuit: quidquid ergo ad se dicuntur, non dicitur alter sine altero, id est, quidquid dicuntur quod substantiam eorum ostendat, ambo simul dicuntur. Si haec ita sunt, jam ergo nec Deus est Pater sine Filio, nec Filius Deus sine Patre, sed ambo simul Deus. Et quod dictum est, *In principio erat Verbum; in Patre erat Verbum, intelligitur: aut si in principio sic dictum est, ac si diceretur, Ante omnia; quod sequitur, Et Verbum erat apud Deum, Verbum quidem solus Filius accipitur, non simul Pater et Filius, tanquam ambo unum Verbum (sic enim Verbum quomodo Imago, non autem Pater et Filius simul ambo imago, sed Filius solus imago Patris, quemadmodum et Filius: non enim ambo simul filii): quod vero adjungitur, Et Verbum erat apud Deum; multum est ut sic intelligatur, Verbum, quod solus est Filius, erat apud Deum, quod non solus est Pater, sed Pater et Filius simul Deus. Sed quid mirum, si in duabus quibusdam rebus longe inter se diversis potest hoc dici? Quid enim tam diversum, quam animus et corpus? Potest tamen dici, Animus erat apud hominem, id est, in homine: cum animus non sit corpus, homo autem animus simul et corpus sit. Ut etiam quod consequenter scriptum est, Et Deus erat Verbum (Joan. i, 1), sic intelligatur: Verbum quod non est Pater, Deus erat simul cum Patre. Itane ergo dicimus, ut Pater sit generator magnitudinis, hoc est generator virtutis, vel generator sapientiae sue: Filius autem magnitudo, virtus, et sapientia: Deus vero magnus, omnipotens, sapiens, ambo simul? Quomodo ergo Deus de Deo, lumen de lumine? Non enim simul ambo Deus de Deo, sed solus Filius de Deo, scilicet Pater: nec ambo simul lumen de lumine, sed solus Filius de lumine Patre. Nisi forte ad insinuandum et brevissime inculcandum quod coeternus est Patri Filius, ita dictum est, Deus de Deo, et lumen de lumine, et si quid hoc modo dicitur, ac si diceretur, Hoc quod non est Filius sine Patre, de hoc quod non est Pater sine Filio, id est, hoc lumen quod lumen non est sine Patre, de hoc lumine Patre quod lumen non est sine Filio: ut cum dicitur, Deus quod non est Filius sine Patre, et de Deo quod non est Pater sine Filio, perfecte intelligatur quod non precessit genitor illud quod genuit. Quod si ita est, hoc solum de eis dici non pos-*

¹ Huc revocamus particulam, autem, quae in ante editis temere expuncta fuerat.

test, illud de illo, quod simul ambo non sunt. Sic et Verbum de verbo dici non potest, quia non simul ambo verbum, sed solus Filius: nec imago de imagine, quia non simul ambo imago: nec Filius de Filio, quia non simul ambo filius, secundum quod dicitur, *Ego et Pater unus sumus (Joan. x, 30). Unum sumus enim dictum est, Quod ille, hoc et ego secundum essentiam, non secundum relativum.*

CAPUT III. — 4. Unitatem essentiae Patris et Fili haberi ex verbis, Unum sumus. *Filius ei in sapientia et in ceteris aequalis Patri.* Et nescio utrum inventiatur in Scripturis dictum, *unum sunt*, quorum est diversa natura. Si autem aliqua plura eiusdem naturae sint, et diversa sentiant, non sunt unum et quantum diversa sentiunt. Nam si jam unum essent ex eo quod homines erant, non diceret, *Ut sint unum, sicut nos unum (Id. xvii, 11)*, cum suos discipulos Patri commendaret. At vero Paulus et Apollo, quia et ambo homines, et idem sentiebant: *Qui plantat, inquit, et qui rigat, unum sunt (I Cor. iii, 8).* Cum ergo sic dicitur unum, ut non addatur quid unum, et plura unum dicantur, eadem natura atque essentia, non dissidens nec dissentiens significatur. Cum vero additur quid unum, potest aliquid significari ex pluribus unum factum, quamvis diversis natura. Sicut anima et corpus non sunt utique unum; quid enim tam diversum? nisi addatur aut subintelligatur quid unum, id est, unus homo, aut unum animal. Inde Apostolus: *Qui adhaeret meretrici, inquit, unum corpus est: non dixit, Unum sunt, aut, Unum est; sed addidit, corpus, tanquam ex duobus diversis masculino et feminino unum corpus adjunctione compositum. Et, Qui adhaeret Domino, inquit, unus spiritus est (Id. vi, 16, 17): non dixit, Qui adhaeret Domino, unus est, aut, unum sunt; sed addidit, spiritus. Diversi sunt enim natura, spiritus hominis et spiritus Dei¹; sed inhaerendo fit unus spiritus ex diversis duobus, ita ut sine humano spiritu beatus sit Dei spiritus atque perfectus, beatus autem hominis spiritus non nisi cum Deo. Nec frustra, ut existimo, cum tanta in Evangelio secundum Joannem et toties diceret Dominus de ipsa unitate, vel sua cum Patre, vel nostra invicem nobiscum; nusquam dixit, Ut nos et ipsi unum: sed, Ut unum sint, sicut et nos unum sumus (Joan. xvii). Pater ergo et Filius unum sunt, utique secundum unitatem substantiae, et unus Deus est, et unus magnus, et unus sapiens, sicut tractatum est.*

5. Unde ergo major Pater? Si enim major, magnitudo major: cum autem magnitudo Filius ejus sit, nec ille utique major est eo qui se genuit, nec ille major est ea magnitudine qua magnus est: ergo aequalis. Nam unde aequalis, si non eo quo est, cui nou est aliud esse, et aliud magnum esse? Aut si aeternitate Pater major est, non est aequalis Filius quacumque re. Unde enim aequalis? Si magnitudine dixeris, non est par magnitudo, quae minus aeterna est, atque ita cetera. An forte in virtute aequalis est, in sapientia vero non est aequalis? Sed quomodo est aequalis vir-

¹ plures MSS., et *Spiritus Deus.*

tus quæ minus sapit? An in sapientia æqualis est, in virtute autem non est æqualis? Sed quomodo æqualis est sapientia, quæ minus potens est? Restat ergo ut si in illa re æqualis non est, in omnibus non sit æqualis. At Scriptura clamat, *Non rapinam arbitratus est esse æqualis Deo* (*Philipp.* ii, 6). Cogitur ergo qui vis adversarius veritatis, qui modo ¹ tenetur apostolica auctoritate, in qualibet vel una re æqualem Deo Filium confiteri. Eligat quam voluerit: hinc ei ostendetur in omnibus esse æqualem, quæ de substantia ejus dicuntur.

CAPUT IV. — 6. *Sequitur de eodem argumento.* Sic enim virtutes quæ sunt in animo humano, quamvis alio atque alio modo singulae intelligantur, nullo modo tamen separantur ab invicem, ut quicumque fuerint æquales, verbi gratia, in fortitudine, æquales sint et prudentia, et temperantia, et justitia. Si enim dixeris æquales esse istos fortitudine, sed illum præstare prudentia; sequitur ut hujus fortitudo minus prudens sit, ac per hoc nec fortitudine æquales sunt, quando est illius fortitudo prudentior. Atque ita de ceteris virtutibus invenies, si omnes eadem consideratione percurras. Non enim de viribus corporis agitur, sed de animi fortitudine. Quanto ergo magis in illa incomparabili aeternaque substantia incomparabiliter simpliciore quam est animus humanus, haec ita se habent? Humano quippe animo non hoc est esse quod est fortem esse, aut prudentem, aut justum, aut temperantem: potest enim esse animus, et nullam istarum habere virtutem. Deo autem hoc est esse quod est fortem esse, aut justum esse, aut sapientem esse, et si quid de illa simplici multiplicitate, vel multiplici simplicitate dixeris, quo substantia ejus significetur. Quamobrem, sive ita dicatur Deus de Deo, ut et singulis hoc nomen conveniat, non tamen ut ambo simul duo dñi, sed unus Deus sit. Ita enim sibi coherent, quemadmodum et in distantibus ² diversisque substantiis fieri Apostolus testis est. Nam et solus Dominus spiritus est, et solus hominis spiritus utique spiritus est, tamen si haereat Domino unus spiritus est: quanto magis ibi, ubi est omnino inseparabilis atque æterna connexio, ne absurdè dici videatur quasi filius amborum, cum dicatur Filius Dñi, si id quod dicitur Deus, non nisi de ambabus dicitur simul: sive quidquid de Deo dicitur quod substantiam ejus indicet, non nisi de ambabus simul, immo de ipsa simul Trinitate dicitur? Sive ergo hoc, sive illud sit, quod diligenter discutiendum est, nunc unde agitur satis est videre, nullo modo Filium æqualem esse Patri, si in aliquo scilicet quod pertineat ad significandum ejus substantiam inæqualis invenitur, sicut jam ostendimus. Apostolus autem dixit æqualem. In omnibus ergo æqualis est Patri Filius, et est unius ejusdemque substantiae.

CAPUT V. — 7. *Spiritus sanctus etiam Patri et Filio æqualis in omnibus.* Quapropter etiam Spiritus sanctus in eadem unitate substantiae et æqualitate

¹ Editi, qui aliquo modo. At MSS., qui modo, id est saltem.

² Plerique MSS., quod etiam in distantibus.

consistit. Sive enim sit unitas amborum, sive sanctitas, sive charitas, sive ideo unitas quia charitas, et ideo charitas quia sanctitas, manifestum est quod non aliquis duorum est quo uterque conjungitur, quo genus a gignente diligatur, generatoremque suum diligit, sive non participatione, sed essentia sua, neque dono superioris alienus, sed suo proprio servantes unitatem spiritus in vinculo pacis (*Ephes.* iv, 3). Quod imitari per gratiam, et ad Deum, et ad nos ipsos jubemus. In quibus duobus preceptis tota Lex pendet et Prophete (*Math* xxii, 37-40). Ita sunt illa tria, Deus unus, solus, magnus, sapiens, sanctus, beatus. Nos autem ex ipso, et per ipsum, et in ipso beati; quia ipsis munere inter nos unum, cum illo autem unus spiritus, quia agglutinatur anima nostra post eum. Et nobis liberare Deo bonum est, quia perdet omnem qui fornicatur ab eo (*Psal.* lxxvii, 28, 27). Spiritus ergo sanctus communè aliquid est Patris et Filii, quidquid illud est. At ipsa communio, consubstantialis et coetera: quæ si amicitia convenienter dici potest, dicatur; sed aptius dicatur charitas. Et haec quaque substantia, quia Deus substantia, et Deus charitas, sicut scriptum est (*I Joan.* iv, 16). Sicut autem substantia simul cum Patre et Filio, ita simul magna, et simul bona, et simul sancta, et quidquid aliud ad se dicitur: quoniam non aliud est Deo esse, et aliud magnum esse vel bonum esse, et cetera, sicut supra ostendimus. Si enim minus magna est ibi charitas quam sapientia, minus quam est diligenter sapientia: æqualis est igitur, ut quanta est sapientia tantum diligenter: est autem sapientia æqualis Patri, sicut supra disputavimus: æqualis est igitur etiam Spiritus sanctus; et si æqualis, in omnibus æqualis propter summam simplicitatem quæ in illa substantia est. Et ideo non amplius quam tria sunt: unus diligens eum qui de illo est, et unus diligens eum de quo est, et ipsa dilectio. Quæ si nihil est, quomodo Deus dilectio est? Si non est substantia, quomodo Deus substantia est?

CAPUT VI. — 8. *Quomodo Deus substantia simplex et multiplex.* Si autem queritur quomodo simplex et multiplex sit illa substantia; animadvertenda est primo creatura quare sit multiplex, nullo autem modo vere simplex. Et prius corpus universum utique partibus constat; ita ut sit ibi alia pars major, alia minor, et majus sit universum quam pars quilibet aut quantilibet. Nam et cœlum et terra partes sunt universæ mundane molis: et sola terra, et solum cœlum innumerabilibus partibus constat, et in tertia sui parte minor est quam in cetera, et in dimidia minor quam in toto; et totum mundi corpus quod duabus plerumque partibus appellari solet, id est, cœlum et terra, utique majus est quam solum cœlum aut sola terra. Et in unoquoque corpore aliud est magnitudo, aliud color, aliud figura. Potest enim et diminuta magnitudo manere idem color et eadem figura, et colore mutato manere eadem figura et eadem magnitudo, et figura eadem non manente tam magnum esse et eodem modo coloratum: et quæcumque alia simul

dicuntur de corpore, possunt et simul et plura sine ceteris commutari. Ac per hoc multiplex esse convincunt natura corporis, simplex autem nullo modo. Creatura quoque spiritualis, sicut est anima, est quidem in corporis comparatione simplicior : sine comparatione autem corporis multiplex est, etiam ipsa non simplex. Nam ideo simplicior est corpore, quia non mole diffunditur per spatum loci, sed in unoquoque corpore, et in toto tota est, et in qualibet ejus parte tota est ; et ideo cum sit aliquid in quavis exigua particula corporis quod sentiat anima, quamvis non fiat in toto corpore, illa tamen tota sentit, quia totam non latet : sed tamen etiam in anima cum aliud sit artificiosum esse, aliud inertem, aliud accutum, aliud memorem, aliud cupiditas, aliud timor, aliud laetitia, aliud tristitia, possintque et alia sine aliis, et alia magis, alia minus, innumerabiliter et innumerabiliter in animæ natura inveniri ; manifestum est non simplicem, sed multiplicem esse naturam. Nihil enim simplex mutabile est ; omnis autem creatura mutabilis.

CAPUT VII.—*Deus Trinitas, sed non triplex.* Deus vero multipliciter quidem dicitur magnus, bonus, sapiens, beatus, verus, et quidquid aliud non indigne dici videtur : sed eadem magnitudo ejus est, quae sapientia ; non enim mole magnus est, sed virtute : et eadem bonitas quae sapientia et magnitudo, et eadem veritas quae illa omnia : et non est ibi aliud beatum esse, et aliud magnum, aut sapientem, aut verum, aut bonum esse, aut omnino ipsum esse.

9. Nec quoniā Trinitas est, ideo triplex putandus est : alioquin minor erit Pater solus, aut Filius solus, quam simul Pater et Filius. Quanquam non inveniatur quomodo dici possit, aut Pater solus, aut Filius solus ; cum semper atque inseparabiliter et ille cum Filio sit, et ille cum Patre : non ut ambo sint Pater, aut ambo Filius ; sed quia semper in invicem, neuter solus. Quia vero dicimus et Deum solum ipsam Trinitatem, quamvis semper sit cum spiritibus et animabus sanctis ; sed solum dicimus quod Deus est, quia non et illi cum illo Deus sunt : ita solum Patrem dicimus Patrem, non quia separatur a Filio, sed quia non simul ambo Pater sunt.

CAPUT VIII.—*Dei naturæ nulla fit accessio.* Cum itaque tantus est solus Pater, vel solus Filius, vel solus Spiritus sanctus, quantus est simul Pater et Filius et Spiritus sanctus, nullo modo triplex dicendus est. Corpora quippe adjunctione sua crescunt. Quamvis enim qui adhæret uxori sive, unum corpus sit ; majus tamen corpus sit, quam si solius viri esset, aut solius uxoris. In rebus autem spiritualibus, cum minor majori adhærescit, sicut creatura Creatori, illa sit major quam erat, non ille. In iis enim que non mole magna sunt, hoc est majus esse quod est melius esse. Melior autem sit spiritus alicujus creaturæ, cum adhæret Creatori, quam si non adhæret : et ideo etiam major quam melior. Qui ergo adhæret Domino, unus spiritus est (1 Cor. vi, 17) : sed tamen Dominus non ideo sit major, quamvis fiat ille qui adhæret Domino. In ipso

igitur Deo cum adhæret æquali Patri Filius æqualis aut Spiritus sanctus Patri et Filio æqualis, non sit maior Deus quam singuli eorum ; quia non est quo crescat illa perfectio. Perfectus autem sive Pater, sive Filius, sive Spiritus sanctus, et perfectus Deus Pater et Filius et Spiritus sanctus : et ideo Trinitas potius quam triplex.

CAPUT IX.—40. *An una vel tres simul personæ dicantur solus Deus.* Et quoniam ostendimus quomodo possit dici solus Pater, quia non nisi ipse ibi Pater; consideranda est illa sententia qua dicitur, *Deum verum solum non esse Patrem solum, sed Patrem et Filium et Spiritum sanctum.* Si quis enim interroget, *Pater solus utrum sit Deus :* quomodo respondebitur non esse, nisi forte ita dicamus, esse quidem Patrem Deum, sed non cum esse solum Deum ; esse autem solum Deum, Patrem et Filium et Spiritum sanctum? Sed quid agimus de illo testimonio Domini ? Patri enim dicebat, et Patrem nominaverat ad quem loquebatur, cum ait : *Hæc est autem vita æterna, ut cognoscant te unum verum Deum* (Joan. xvii, 3). Quod quidem Ariani sic solent accipere, quasi non sit Filius verus Deus. Quibus exclusis videndum est an intelligere cogamur, cum dictum est Patri, *Ut cognoscant te unum (a) verum Deum* ; tanquam hoc insinuare volueril, quia et solus Pater Deus verus est, ne non intelligeremus Deum, nisi ipsa tria simul, Patrem et Filium et Spiritum sauctum. Num ergo ex Domini testimonio, et Patrem unum verum Deum dicimus, et Filium unum verum Deum, et Spiritum sauctum unum verum Deum, et simul Patrem et Filium et Spiritum sauctum, id est, simul ipsam Trinitatem, non tres veros deos, sed unum verum Deum? An quoniam addidit, *Et quem misisti Iesum Christum*; subaudiendum est, *unum verum Deum* ; et ordo verborum est, *Ut te et quem misisti Iesum Christum, cognoscant unum verum Deum?* Cur ergo tacuit de Spiritu sancto? An quoniam consequens est ut ubicumque nominatur unum tanta pace uni adhærens, ut per hanc utrumque unum sit, jam ex hoc intelligatur etiam ipsa pax, quamvis non commineoretur? Nam et illo loco Apostolus videtur quasi prætermittere Spiritum sanctum, et tamen etiam ibi intelligitur, ubi ait, *Omnia sunt vestra; vos autem, Christi; Christus autem, Dei* (1 Cor. iii, 22, 23) : et iterum, *Caput mulieris, vir; caput viri, Christus; caput autem Christi, Deus* (Id. xi, 3). Sed rursus si Deus non nisi omnia simul tria, quomodo caput Christi Deus, id est, caput Christi Trinitas, cum in Trinitate sit Christus ut sit Trinitas? An quod est Pater cum Filio, caput est ei quod est solus Filius? Cum Filio enim Pater Deus, solus autem Filius Christus est : maxime quia jam Verbum caro factum loquitur, secundum quam humilitatem¹ ejus etiam major est Pater, sicut dicit, *Quoniam Pater major me est* (Joan. xiv, 28) ; ut hoc ipsum Deum esse, quod illi cum Patre unum est, caput sit hominis Mediatores, quod ipse solus est (1 Tim. ii, 5). Si enim mentem

¹ Ha plerique MSS. At editi, *humanitatem*.
(a) Graece est, *monon*.

recte dicimus principale hominis, id est, tanquam caput humanæ substantiæ, cum ipse homo cum mente sit homo; cur non multo congruentius, multoque magis Verbum cum Patre quod simul Deus est, caput est Christi, quamvis Christus homo nisi cum Verbo quod caro factum est, intelligi non possit? Sed hoc, ut iam diximus, aliquanto diligentius postea considerabimus. Nunc autem æqualitas Trinitatis et una academique substantia, quantum breviter potuimus, demonstrata est, ut quoquo modo se habet ista quæstio, quam discutiendam acriore intentione distulimus, nihil impedit quominus fateamur summam æqualitatem Patris et Filii et Spiritus sancti.

CAPUT X. — 11. Attributa per Hilarium singulis personis. Trinitas in rebus factis representatur. Quidam cum vellet brevissime singularum in Trinitate personarum insinuare propria, *Æternitas*, inquit, in *Patre*, *species in Imagine, usus in Munere*. Et quia non mediocris auctoritatis in tractatione Scripturarum, et assertione fidei vir exstitit; Hilarius enim hoc in libris suis posuit (*Lib. 2 de Trinitate*); horum verborum, id est, *Patris*, et *Imaginis*, et *Muneris*, *æternitatis*, et *speciei*, et *usus*, abdita scrutatus intelligentiam quantum valeo, non eum secutum arbitror in *æternitatis* vocabulo, nisi quod Pater non habet Patrem de quo sit, *Filius autem de Patre est ut sit, atque ut illi coæternus sit. Imago enim si perfecte implet illud cuius imago est, ipsa coæquatur ei, non illud imaginis suæ*. In qua imagine speciem nominavit, credo, propter pulchritudinem, ubi jam est tanta congruentia, et prima æqualitas, et prima similitudo, nulla in re dissidens, et nullo modo inæqualis, et nulla ex parte dissimilis, sed ad identidem respondens ei cuius imago est. Ubi est prima et summa vita, cui non est aliud vivere et aliud esse, sed idem est esse et vivere: et primus ac summus intellectus, cui non est aliud vivere et aliud intelligere, sed id quod est intelligere, hoc vivere, hoc esse est, unum omnia: tanquam Verbum perfectum, cui non desit aliquid, et ars quædam omnipotentis atque sapientis Dei, plena omnium rationum viventium incommutabilium¹; et omnes unum in ea, sicut ipsa unum de uno, cum quo unum. Ibi novit omnia Deus quæ fecit per ipsam, et ideo cum decendant et succedant tempora, non decidit aliquid vel succedit scientiae Dei. Non enim hæc quæcreata

¹ Plures MSS., et incommutabilium.

sunt, ideo sciuntur a Deo, quia facta sunt: ac non potius ideo facta sunt vel mutabilia, quia immutabiliter ab eo sciuntur. Ille igitur ineffabilis quidam complexus Patris et imaginis non est sine persfruptione², sine charitate, sine gaudio. Illa ergo dilectio, delectatio, felicitas vel beatitudo, si tamen aliqua humana voce digne dicitur, usus ab illo appellatus est breviter, et est in Trinitate Spiritus sanctus, non genitus, sed genitoris, genitique suavitas, ingenti largitate atque ubertate perfundens omnes creaturas pro captu earum, ut ordinem suum teneant et locis suis acquiescant.


12. Hæc igitur omnia, quæ arte divina facta sunt, et unitatem quædam in se ostendunt, et speciem, et ordinem. Quidquid enim horum est, et unum aliquid est, sicut sunt naturæ corporum, et ingenia animalium; et aliqua specie formatur, sicut sunt figuræ vel qualitates corporum, ac doctrinæ vel artes animalium; et ordinem aliquem petat aut tenet, sicut sunt pondera vel collocationes corporum, atque amores aut delectationes animalium. Oportet igitur ut Creatorem, per ea quæ facta sunt, intellectum consipientes (*Rom. i, 20*), Trinitatem intelligamus, cujus in creatura, quomodo dignum est, appareat vestimentum. In illa enim Trinitate summa origo est rerum omnium, et perfectissima pulchritudo, et beatissima delectatio. Itaque illa tria, et ad se invicem determinari videntur, et in se infinita sunt. Sed hic in rebus corporeis, non tantum est res una quantum tres simul, et plus aliquid sunt duæ quam una res: cæterum in illa summa Trinitate tantum est una quantum tres simul, nec plus aliquid sunt duæ quam una. Et in se infinita sunt. Ia et singula sunt in singulis, et omnia in singulis, et singula in omnibus, et omnia in omnibus, et unum omnia. Qui videt hoc vel ex parte, vel per speculum et in ænigmate (*I Cor. xiii, 12*), gaudeat cognoscens Deum, et sicut Deum honoret, et gratias agat: qui autem non videt, tendat per pietatem ad videntem; non per cæcitatem ad calumniandum. Quoniam unus est Deus, sed tamen Trinitas. Nec confuse accipiendum est, *Ex quo omnia, per quem omnia, in quo omnia*: nec diis multis, sed ipsi gloria in sæcula sæculorum. Amen (*Rom. xi, 36*).

¹ In MSS., *perfectione*; vel, *perfunctione*.

² MSS., *a se*.

LIBER SEPTIMUS.

In quo superioris libri quæstio, quæ dilata fuerat, explicatur; quod videlicet Deus Pater qui genuit Filium virtutem et sapientiam, non solum sit virtutis et sapientiae Pater, sed etiam ipse virtus et sapientia: similiter et Spiritus sanctus. Nec tamen tres esse virtutes aut tres sapientias, sed unam virtutem et unam sapientiam, sicut unum Deum et unam essentiam ostenditur. Deinde quererit quomodo dicatur in Deo, a Latinis una essentia, tres personæ; a Græcis, una essentia, tres substantiae vel hypostases: et utrumque elocutionis necessitate dici moustratur, ut ne omnino taceremus interrogati quid tres sint, quos tres esse veraciter constemur, patrem scilicet, et Filium, et spiritum sanctum.



CAPUT PRIMUM. — 1. Redit ad quæstionem, an qualibet Trinitatis persona per se sit sapientia. Quam difficile, quare ratione solvatur quæstio proposita. Jam nunc queramus diligenter, quantum dat Deus, quod paulo ante distulimus: Utrum et singula quæque in

Trinitate persona possit et per se ipsam non cum characteris duabus dici Deus, aut magnus, aut sapiens, aut verus, aut omnipotens, aut justus, et si quid aliud dici de Deo potest, non relative, sed ad se ipsum; an vero non dicantur ista, nisi cum Trinitas intelligitur.

Hoc enim quæstionem facit, quia scriptum est, *Christum Dei virtutem, et Dei sapientiam* (1 Cor. 1, 24) : utrum ita sit pater sapientiae atque virtutis suæ, ut hac sapientia sapiens sit quam genuit, et hac virtute potens quam genuit; et quia semper potens et sapiens, semper genuit virtutem et sapientiam. Dixeramus enim si ita est, cur non et magnitudinis suæ pater sit qua magnus est, et bonitatis qua bonus, et justitiae qua justus, et alia si qua sunt? Aut si hæc omnia pluribus vocabulis in eadem sapientia et virtute intelliguntur, ut ea sit magnitudo quæ virtus, ea bonitas quæ sapientia, et ea rursus sapientia quæ virtus, sicut jam tractavimus; meminerimus, cum aliquid horum nominis, sic accipendum esse, ac si omnia commemorem. Quærerit ergo an Pater etiam singulus sit sapiens, atque ipsa sibi ipse sapientia, an ita sit sapiens quomodo dicens. Verbo enim quod genuit dicens est; non verbo quod profertur, et sonat, et transit; sed Verbo quod erat apud Deum, et Deus erat Verbum, et omnia per ipsum facta sunt (Joan. 1, 1, 3) : Verbo æquali sibi, quo semper atque incommutabiliter dicit se ipsum. Non est enim ipse verbum, sicut nec filius, nec imago. Dicens autem : exceptis illis temporalibus vocibus Dei, que in creatura sunt; nam sonant, et transeunt: dicens ergo illo coæterno Verbo, non singulus intelligitur, sed cum ipso Verbo, sine quo non est utique dicens. Itane et sapiens sicut dicens, ut ita sit sapientia, sicut Verbum, et hoc sit Verbum esse quod est esse sapientiam; hoc etiam esse virtutem, ut virtus et sapientia et Verbum idem sit, et relative dicatur, sicut Filius et imago: atque ille non singulus potens, vel sapiens, sed cum ipsa virtute et sapientia quam genuit; sicut non singulus dicens, sed eo Verbo, et cum eo Verbo quod genuit; atque ita magnus ea et cum ea magnitudine quam genuit? Et si non alio magnus, alio Deus, sed eo magnus quo Deus, quia non aliud illi est magnum esse, aliud Deum esse; consequens est ut nec Deus singulus, sed ea et cum ea deitate quam genuit, ut sic sit Filius deitas Patris, sicut sapientia et virtus Patris, et sicuti est Verbum et imago Patris. Et quia non aliud illi est esse, aliud Deum esse, ita sit etiam essentia Patris Filius, sicuti est Verbum et imago ejus. Ac per hoc etiam exceptio eo quod Pater est, non sit aliquid Pater, nisi quia est ei Filius: ut non tantum id quod dicitur Pater, quod manifestum est eum non ad se ipsum, sed ad Filium relative dici, et ideo Patrem quia est ei Filius; sed omnino ut sit quod ad se ipsum est, ideo sit quia genuit essentiam suam. Sicut enim magnus est, non nisi ea quam genuit magnitudine; ita et est non nisi ea quam genuit essentia; quia non est aliud illi esse, aliud magnum esse. Itane igitur pater est essentia sua, sicut pater est magnitudinis suæ, sicut pater est virtutis ac sapientie suæ? Eadem quippe ejus magnitudo quæ virtus, et eadem essentia quæ magnitudo.

2. Hæc disputatio nata est ex eo quod scriptum est. *Christum esse Dei virtutem et Dei sapientiam.* Quapropter in cas angustias sermo coarctatur, cum

ineffabilia fari cupimus, ut aut dicamus Christum non esse Dei virtutem et Dei sapientiam, atque ita impudenter et impie resistamus Apostolo: aut Christum quidem Dei virtutem et Dei sapientiam esse fateamur, sed ejus Patrem non esse patrem virtutis et sapientiae suæ, quod non minus impium est; sic enim nec Christi erit pater, quia Christus Dei virtus et Dei sapientia est: aut non esse Patrem virtute sua potentem, neque sapientia sua sapientem; quod quis audeat dicere? aut aliud in Patre intelligi esse, aliud sapientem esse, ut non hoc ipso sit quo sapiens est; quod de anima intelligi solet, quæ alias insipiens, alias sapiens est, velut natura mutabilis, et non summe perfecteque simplex: aut Patrem non esse aliquid ad se ipsum, et non solum quod Pater est, sed omnino quod est, ad Filium relative dici. Quomodo ergo ejusdem essentiae Filius cuius Pater, quandoquidem ad se ipsum, nec essentia est, nec omnino est ad se ipsum, sed etiam esse ad Filium illi est? At enim multo magis unius ejusdemque essentiae, quia una eademque essentia Pater et Filius; quandoquidem Patri non ad se ipsum est ipsum esse, sed ad Filium, quam essentiam genuit, et qua essentia est quidquid est. Neuter ergo ad se est, et uterque ad invicem relative dicitur: an Pater solus non solum quod Pater dicitur, sed omnino quidquid dicitur relative ad Filium dicitur; ille autem dicitur et ad se? et si ita est, quid dicitur ad se? an ipsa essentia? sed Patris essentia est Filius, sicut Patris virtus et sapientia, sicut Verbum Patris et imago Patris: aut si essentia dicitur ad se Filius, Pater autem non est essentia, sed genitor essentiae, non est autem ad se ipsum, sed hac ipsa essentia quam genuit, sicut hac ipsa magnitudine magnus quam genuit; ergo et magnitudo dicitur ad se Filius, ergo et virtus, et sapientia, et Verbum, et imago. Quid autem absurdius, quam imaginem ad se dici? Aut si non id ipsum est imago et Verbum, quod est virtus et sapientia, sed illa relative dicuntur, haec autem ad se, non ad aliud; incipit non ea sapientia quam genuit, sapiens esse Pater, quia non potest ipse ad eam relative dici, et illa ad eum relative non dici. Omnia enim que relative dicuntur, ad invicem dicuntur. Restat itaque ut etiam essentia Filius relative dicatur ad Patrem. Ex quo conficitur inopinatissimus sensus, ut ipsa essentia non sit essentia; vel certe cum dicitur essentia, non essentia, sed relativum indicetur. Quomodo cum dicitur dominus, non essentia indicatur, sed relativum quod resertur ad servum; cum autem homo dicitur, vel aliud tale, quod ad se, non ad aliud dicitur, tunc indicatur essentia. Homo ergo cum dominus dicitur, ipse homo essentia est, dominus vero relative dicitur: homo enim ad se dicitur, dominus ad servum; hoc autem unde agimus. si essentia ipsa relative dicitur, essentia ipsa non est

¹ Duo MSS., quem.

² Editi, ad patrem et ad se? et si ita est, quid dicitur in filio ad se? At MSS. carent verbis, ad Patrem, et, in Filiis.

³ Editi, quo. At MSS., quod.

essentia. *Buc accedit, quia omnis essentia quæ relativæ dicitur, est etiam aliiquid excepto relativu: sicut homo dominus, et homo servus, et equus jumentum, et nummus arrha, homo et equus et nummus ad se dicuntur, et substantiae sunt vel essentiæ; dominus vero et servus et jumentum et arrha, ad aliiquid relativæ dicuntur. Sed si non esset homo, id est aliqua substantia, non esset qui relative dominus diceretur: et si non esset equus quedam essentia, non esset quod jumentum relativæ diceretur: ita si nummus non esset aliqua substantia, nec arrha posset relativæ dici.* Quapropter si et Pater non est aliiquid ad se ipsum, non est omnino qui relative dicatur ad aliiquid. Non enim, sicut ad aliiquid coloratum refertur color ejus, nec omnino ad se dicitur color, sed semper alicujus colorati est; illud autem ejus color est, etiam si eo quod coloratum dicitur, ad colorem refertur, tamen id quod corpus dicitur, ad se dicitur: ullo modo ita putandum est Patrem non dici aliiquid ad se ipsum, sed quidquid dicitur ad Filium dici; eundem vero Filium et ad se ipsum dici, et ad Patrem, cum dicitur magnitudo magna¹ et virtus potens, utique ad se ipsum, et magnitudo atque virtus magni et potentis Patris, qua Pater magnus et potens est. Non ergo ita, sed utrumque substantia, et utrumque una substantia. Sicut autem absurdum est dicere, candidum non esse candorem; sic absurdum est dicere, sapientem non esse sapientiam: et sicut candor ad se ipsum candidus dicitur, ita et sapientia ad se ipsam dicitur sapiens. Sed candor corporis non est essentia; quoniam ipsum corpus essentia est, et illa ejus qualitas: unde et ab ea dicitur candidum corpus, cui non hoc est esse quod candidum esse. Aliud enim ibi forma, et aliud color; et utrumque non in se ipso, sed in aliqua mole, quæ moles nec forma, nec color est, sed formata et colorata. Sapientia vera et sapiens est, et se ipsa sapiens est. Et quoniam quæcumque anima participatione sapientiae fit sapiens, si rursus desipiat, manet tamen in se sapientia, nec cum anima fuerit in stultitiam² commutata, illa mutatur: non ita est in eo qui ex ea fit sapiens, quemadmodum candor in corpore quod ex illo candidum est. Cum enim corpus in alium colorem fuerit mutatum, non manebit candor ille, sed omnino esse desinet. Quod si et Pater qui genuit sapientiam, ex ea fit sapiens, neque hoc est illi esse quod sapere, qualitas ejus est Filius; non proles ejus, et non ibi erit jam summa simplicitas. Sed absit ut ita sit; quia vere ibi est summe simplex essentia: hoc ergo est ibi esse quod sapere. Quod si hoc est ibi esse quod sapere, non per illam sapientiam quam genuit sapiens est Pater; alioquin non ipse illam, sed illa eum genuit. Quid enim aliud dicimus, cum dicimus, hoc illi est esse quod sapere, nisi, Eo est quo sapiens est? Quapropter quæ causa illi est ut sapiens sit, ipsa illi

¹ Apud Fr. et Lov. corrumptur sensus addita particula, ergo, et prava inducta vocum interpunctione in hunc modum: et ad se ipsum dici, et ad Patrem. Cum ergo dicitur magnitudo magna.

² Forte, in stultam.

causa est ut sit: proinde si sapientia quam genuit, causa illi est ut sapiens sit, etiam ut sit ipsa illi causa est. Quod fieri non potest, nisi gignendo eum aut faciendo. Sed neque genitricem, neque conditricem Patris ullo modo quisquam dixerit sapientiam. Quid enim insanius? Ergo et Pater ipse¹ sapientia est: et ita dicitur Filius sapientia Patris, quomodo dicitur lumen Patris; id est, ut quemadmodum lumen de lumine, et utrumque unum lumen; sic intelligatur sapientia de sapientia, et utrumque una sapientia: ergo et una essentia; quia hoc est ibi esse quod sapere. Quod enim est sapientiae sapere, et potentiae posse, et aeternitati aeternam esse, justitiae justam esse, magnitudini magnam esse; hoc est essentiae ipsum esse. Et quia in illa simplicitate non est aliud sapere quam esse, eadem ibi sapientia est quæ essentia.

CAPUT II. — 3. Pater et Filius simul una sapientia, sicut una essentia, tame si non simul unum Verbum. Pater igitur et Filius simul una essentia, et una magnitudo, et una veritas, et una sapientia. Sed non Pater et Filius simul ambo unum Verbum, quia non simul ambo unus Filius. Sicut enim Filius ad Patrem refertur, non ad se ipsum dicitur; ita et Verbum ad eum cuius Verbum est refertur, cum dicitur Verbum. Eo quippe Filius quo Verbum, et eo Verbum quo Filius. Quoniam igitur Pater et Filius simul non utique unus Filius, consequens est ut Pater et Filius simul non amborum unum Verbum. Et propterea non eo Verbum quo sapientia; quia Verbum non ad se dicitur, sed tantum relative ad eum cuius Verbum est, sicut Filius ad Patrem: sapientia vero eo quo essentia. Et ideo quia una essentia, una sapientia. Quoniam vero et Verbum² sapientia est, sed non eo Verbum quo sapientia; Verbum enim relative, sapientia essentialiter intelligitur: id dici accipiamus cum dicitur Verbum, ac si dicatur, nata sapientia, ut sit et Filius et imago. Et huc duo cum dicuntur, id est, nata sapientia, in uno eorum eo quod est nata, et Verbum, et imago, et Filius intelligatur, et in his omnibus nominibus non ostendatur essentia, quia relative dicuntur: at in altero quod est sapientia, quoniam et ad se dicitur, se ipsa enim sapiens est, etiam essentia demonstretur, et hoc ejus esse quod sapere. Unde Pater et Filius simul una sapientia, quia una essentia, et sigillatim sapientia de sapientia, sicut essentia de essentia. Quapropter, non quia Pater non est Filius, et Filius non est Pater, aut ille ingenitus, ille autem genitus, ideo non una essentia: quia his nominibus relativa eorum ostenduntur. Uterque autem simu. una sapientia, et una essentia, ubi hoc est esse quod sapere: non autem simul uterque Verbum aut Filius, quia non hoc est esse quod Verbum aut Filius esse: sicut jam satis ostendimus ista relative dici.

CAPUT III. — 4. Sapientiae nomine cur Filius potissimum insinuetur in Scripturis cum et Pater et Spiritus

¹ Sic bene multi MSS. At editi, ipsa.

² Hic apud Lov. additum, et.

tus sanctus sit sapientia. Spiritum sanctum simul cum Patre et Filio unam sapientiam esse. Cur ergo in Scripturis nunquam sere de sapientia quidquam dicitur, nisi ut ostendatur a Deo genita vel creata? genita scilicet, per quam facta sunt omnia: creata vero vel facta, sicut in hominibus, cum ad eam quæ non creata et facta, sed genita est, convertuntur et illuminantur; in ipsis enim sit aliquid quod vocetur eorum sapientia: vel illud Scripturis prenuntiantibus aut narrantibus, quod *Verbum caro factum est, et habitat in nobis* (*Joan. 1, 14*); hoc modo enim Christus facta sapientia est, quia factus est homo. An propterea non loquitur in illis Libris sapientia, vel de illa dicitur aliquid, nisi quod eam de Deo natam ostendat, aut factam, quamvis sit et Pater ipse¹ sapientia, quia illa nobis sapientia commendanda erat et imitanda, cuius imitatione formamur? Pater enim eam dicit, ut Verbum ejus sit; non quomodo profertur ex ore verbum sonans, aut ante pronuntiationem cogitatur: spatiis enim temporum hoc compleetur, illud autem æternum est, et illuminando dicit nobis et de se et de Patre, quod dicendum est hominibus. Ideoque ait, *Nemo novit Filium, nisi Pater; et nemo novit Patrem, nisi Filius, et cui voluerit Filius revelare* (*Math. xi, 27*): quia per Filium revelat Pater, id est, per Verbum suum. Si enim hoc verbum quod nos proferimus temporale et transitorium, et se ipsum ostendit, et illud de quo loquimur; quanto magis Verbum Dei, per quod facta sunt omnia? Quod ita ostendit Patrem sicuti est Pater: quia et ipsum ita est, et hoc est quod Pater, secundum quod sapientia est et essentia. Nam secundum quod Verbum, non hoc est quod Pater: quia Verbum non est Pater, et Verbum relative dicitur, sicut Filius, quod utique non est Pater. Et ideo Christus virtus et sapientia Dei, quia de Patre virtute et sapientia etiam ipse virtus et sapientia est, sicut lumen² de Patre lumine, et filius vita apud Deum Patrem, utique fontem vitae. Quoniam apud te, inquit, *est filius vita, et in lumine tuo videbimus lumen* (*Psal. xxxv, 10*): quia sicut Pater habet vitam in semetipso, sic dedit Filio habere vitam in semetipso (*Joan. v, 26*): et erat lumen verum quod illuminat omnem hominem venientem in hunc mundum, et lumen hoc Verbum erat apud Deum; sed et Deus erat Verbum (*Id. i, 9, 1*). Deus autem lumen est, et tenebrae in eo non sunt ullæ (*I Joan. i, 5*): lumen vero non corporale, sed spirituale: neque ita spirituale, ut illuminatione factum sit, quemadmodum dictum est Apostolis, *Vos estis lumen mundi* (*Math. v, 14*); sed lumen quod illuminat omnem hominem, ea ipsa et summa sapientia Deus, unde nunc agimus. Sapientia ergo Filius de sapientia Patre, sicut lumen de lumine, et Deus de Deo, ut et singulus Pater lumen, et singulus Filius lumen; et singulus Pater Deus, et singulus Filius Deus: ergo et singulus Pater sapientia, et singulus Filius sapientia. Et sicut utrumque simul unum lumen, et unus Deus, sic utrumque una sapientia. Sed Filius *factus est nobis*

sapientia a Deo, et justitia et sanctificatio (*I Cor 1, 30*), quia temporaliter nos ad eum convertimus, id est, ex aliquo tempore, ut cum illo maneamus in æternum. Et ipse ex quodam tempore *Verbum caro factum est, et habitat in nobis.*

5. Propterea igitur cum pronuntiatur in Scripturis, aut enarratur aliquid de sapientia, sive dicente ipsa sive cum de illa dicitur, Filius nobis potissimum insinuat. Cujus imaginis exemplo et nos non discedamus a Deo, quia et nos imago Dei sumus: non quidem æqualis, facta quippe a Patre per Filium, non nata de Patre sicut illa. Et nos³, quia illuminamur lumine; illa vero, quia lumen illuminans: et ideo illa sine exemplo nobis exemplum est. Neque enim imitatur præcedente in aliquem ad Patrem a quo nunquam est omnino separabilis, quia id ipsum est quod ille de quo est. Nos autem nitentes imitamur manentem, et sequimur stantem, et in ipso ambulantes tendimus ad ipsum: quia factus est nobis via temporalis per humilitatem⁴, quæ mansio nobis æterna est per divinitatem. Quoniam quippe spiritibus mundis intellectualibus, qui superbia non lapsi sunt, in forma Dei et Deo æqualis et Deus præbet exemplum: ut se idem exemplum redeundi etiam lapsi præberet homini, qui propter immunditiam peccatorum pœnamque mortaliatis Deum videre non poterat, *semel ipsum exinanivit*, non mutando divinitatem suam, sed nostram mutabilitatem assumendo; et *formam servi accipiens* (*Philipp. ii, 7*), *venit ad nos in hunc mundum* (*I Tim. i, 15*), qui in hoc mundo erat, quia mundus per eum factus est (*Joan. i, 10*); ut exemplum sursum videntibus Deum, exemplum deorsum mirantibus hominem, exemplum sanis ad permanendum, exemplum infirmis ad convalescendum, exemplum morituris ad non timendum, exemplum mortuis ad resurgentium esset, in omnibus ipse primatum tenens (*Coloss. i, 18*). Quia enim homo ad beatitudinem sequi non debebat nisi Deum, et sentire non poterat Deum; sequendo Deum hominem factum, sequeretur simul et quem sentire poterat, et quem sequi debebat. Amemus ergo eum et inhæramus illi, charitate diffusa in cordibus nostris per Spiritum sanctum, qui datus est nobis (*Rom. v, 5*). Non igitur mirum, si propter exemplum quod nobis ut reformemur ad imaginem Dei præbet imago æqualis Patri, cum de sapientia Scriptura loquitur, de Filio loquitur, quem sequimur vivendo sapienter: quamvis et Pater sit sapientia, sicut lumen et Deus.

6. Spiritus quoque sanctus sive sit summa charitas utrumque conjungens nosque subjungens, quod Ideo non indigne dicitur quia scriptum est, *Deus caritas est* (*I Joan. iv, 8*): quomodo non est etiam ipse sapientia; cum sit lumen, quoniam *Deus lumen est?* sive alio modo⁵ essentia Spiritus sancti singillatim ac proprie nominanda est: quoniam Deus est, utique lumen est: et quoniam lumen est, utique sapientia est. Deum autem esse Spiritum sanctum, Scriptura cla-

¹ Sola fere editio Lov., ipsa.

² I.c.v., lumen Dei. Abest, Dei, ab aliis libris.

PATROL. XI.!!.

³ Unus e Vaticinis MSS., *Et nos lumen, quia.*

⁴ Lov. ad marginem: « Alias, *humanitatem.* »

⁵ Lov., *Sive ergo hoc modo, sive alio modo.*

(Trente.)

mai apud Apostolum qui dicit, *Nescitis quia templum Dei estis?* Statisque subjicit, *Et Spiritus Dei habitat in vobis* (*I Cor. iii, 16*). Deus enim habitat in templo suo. Non enim tanquam minister habitat Spiritus Dei in templo Dei, cum alio loco evidentius dicat: *Nescitis quia corpora vestra templum in vobis est Spiritus sancti, quem habetis a Deo, et non estis vestri?* *Empti enim estis pretio magno: glorificate ergo Deum in corpore vestro* (*Id. vi, 19, 20*). Quid est autem sapientia, nisi lumen spirituale et incommutabile? Est enim et sol iste lumen, sed corporale est; et spiritualis creatura lumen, sed non incommutabile. Lumen ergo Pater, lumen Filius, lumen Spiritus sanctus: simul autem non tria lumina, sed unum lumen. Et ideo sapientia Pater, sapientia Filius, sapientia Spiritus sanctus; et simul non tres sapientiae, sed una sapientia: et quia hoc est ibi esse quod sapere, una essentia Pater et Filius et Spiritus sanctus. Nec aliud est ibi esse quam Deum esse: unus ergo Deus Pater et Filius et Spiritus sanctus.

CAPUT IV. — 7. *Qua necessitate Græci tres hypostases dixerint; Latini, tres personas. Scriptura nullib[us] dicit tres personas in Deo.* Itaque loquendi causa de ineffabilibus, ut fari aliquo modo possemus, quod effari nullo modo possumus, dictum est a nostris Græcis una essentia, tres substantiae: a Latinis autem, una essentia vel substantia, tres personæ; quia, sicut jam diximus, non aliter in sermone nostro, id est, latino, essentia quam substantia solet intelligi (*Lib. 5, capp. 2, 8*). Et dum intelligatur saltem in enigmate quod dicitur, placuit ita dici, ut diceretur aliquid cum quereretur quid tria sint, quæ tria esse fides vera pronuntiat, cum et Patrem non dicit esse Filium, et Spiritum sanctum quod est donum Dei nec Patrem dicit esse nec Filium. Cum ergo queritur quid tria, vel quid tres, conferimus nos ad inveniendum aliquid speciale vel generale nomen, quo complectamur hæc tria, neque occurrit animo, quia excedit supereminenter divinitatis usitati eloquii facultatem. Verius enim cogitatur Deus quam dicitur, et verius est quam cogitatur. Cum enim dicimus non cunctem esse Jacob qui est Abraham, Isaac autem nec Abraham esse nec Jacob, tres esse utique latemur, Abraham, Isaac et Jacob. Sed cum queritur quid tres, respondemus tres homines, nomine speciali eos pluraliter appellantes; generali autem, si dicamus tria animalia: homo enim, sicut veteres definierunt, animal est rationale, mortale: aut sicut Scripturæ nostra loqui solent, tres animas, cum a parte meliore totum appellari placet, id est, ab anima, et corpus et animam, quod est totus homo¹. Ita quippe dictum est in *Ægyptum* descendisse cum Jacob animas septuaginta quinque, pro tot hominibus (*Gen. xlvi, 27, et Deut. x, 22*). Item cum dicimus equum tuum non eum esse qui meus est, et tertium alicujus alterius nec meum esse nec tuum, latemur tres esse: et in-

terroganti quid tres, respondemus tres equos nomine speciali, generali autem tria animalia. Item cum dicimus bovem non esse equum, canem vero nec bovem esse nec equum, tria quedam dicimus: et percontantibus quid tria, non jam speciali nomine dicimus tres equos, aut tres boves, aut tres canes, quia non eadem specie continentur; sed generali, tria animalia; sive superiore genere, tres substantias, vel tres creaturas, vel tres naturas. Quæcumque autem pluri-
ali numero enuntiantur specialiter uno nomine, etiam generaliter enuntiari possunt uno nomine. Non autem omnia quæ generaliter nomine uno appellantur, etiam specialiter appellare uno nomine possumus. Nam tres equos, quod est nomen speciale, etiam animalia tria dicimus: equum vero et bovem et canem, animalia tria tantum dicimus vel substantias, quæ sunt generalia nomina, et si quid aliud de his generaliter dici potest; tres vero equos, aut boves, aut canes, quæ specialia vocabula sunt, non ea possumus dicere. Ea quippe uno nomine quanvis pluri-
liter enuntiamus quæ communiter habent illud quod eo nomine significatur. Abraham quippe et Isaac et Jacob commune habent id quod est homo; itaque dicuntur tres homines: equus quoque et bos et canis, commune habent id quod est animal; dicuntur ergo tria animalia. Ita tres alias lauros, etiam tres arbores dicimus; laurum vero et myrtum et oleam, tantum tres arbores vel tres substantias, aut tres naturas: atque ita tres lapides, etiam tria corpora; la-
pidem vero et lignum et ferrum, tantum tria corpora, vel si quo etiam superiore generali nomine dici pos-
sunt. Pater ergo et Filius et Spiritus sanctus, quoniam tres sunt, queramus quid tres sint, et quid commune habeant. Non enim commune illis est id quod Pater est, ut invicem sibi sint patres; sicut amici, cum relative ad alterutrum dicantur, possunt dici tres amici, quod invicem sibi sunt. Non autem hoc ibi, quia tantum Pater ibi pater; nec duorum pater, sed unici Fili. Nec tres filii, cum Pater ibi non sit filius, nec Spiritus sanctus. Nec tres spiritus sancti, quia et spiritus sanctus propria significatione qua etiam donum Dei dicitur, nec Pater nec Filius. Quid igitur tres? Si enim tres personæ, commune est eis id quod persona est: ergo speciale hoc aut generale nomen est eis, si consuetudinem loquendi respicimus. Sed ubi est naturæ nulla diversitas, ita generaliter enuntiantur aliqua plura, ut etiam specialiter enuntiari possint. Naturæ enim differentia facit ut laurus et myrtus et olea, aut equus et bos et canis, non dicantur speciali nomine, istæ, tres lauri; aut illi, tres boves: sed generali, et istæ, tres arbores; et illa, tria animalia. Illic vero ubi nulla est essentiæ diversitas, oportet ut speciale nomen habeant hæc tria, quod tam non invenitur. Nam persona generale nomen est, in tantum ut etiam homo possit hoc dici, cum tantum intersit inter hominem et Deum.

8. Deinde in ipso generali vocabulo, si propterea dicimus tres personas, quia commune est eis id quod persona est (alioquin nullo modo possunt ita dici,

¹ Editi addunt hic, et portate; quod abest a MSS.

² Fr. Lugd. Ven. Lov., cum corpus et anima sit totus homo. M.

quemadmodum non dicuntur tres filii, quia non commune est eis id quod est filius); cur non etiam tres deos dicimus? Certe enim quia Pater persona, et Filius persona, et Spiritus sanctus persona, ideo tres personæ: quia ergo Pater Deus, et Filius Deus, et Spiritus sanctus Deus, cur non tres dii? Aut quoniam propter ineffabilem conjunctionem hæc tria simul unus Deus; cur non etiam una persona, ut ita non possimus dicere tres personas, quamvis singulam quamque appellemus personam, quemadmodum non possumus dicere tres deos, quamvis quemque singulum appellemus Deum, sive Patrem, sive Filium, sive Spiritum sanctum? An quia Scriptura non dicit tres deos? Sed nec tres personas alicubi Scripturam commemorare invenimus. An quia nec tres, nec unam personam Scriptura dicit hæc tria (legimus enim personam Domini, non personam Dominum), propterea licuit loquendi et disputandi necessitate tres personas dicere, non quia Scriptura dicit, sed quia Scriptura non contradicit: si autem diceremus tres deos, contradiceret Scriptura, dicens, *Audi, Israel; Dominus Deus tuus, Deus unus est* (*Deut. vi, 4*)? Cur ergo et tres essentias non licet dicere, quod similiter Scriptura, sicut non dicit, ita nec contradicit? Nam essentia si speciale nomen est commune tribus, cur non dicantur tres essentiae, sicut Abraham, Isaac, et Jacob, tres homines, quia homo speciale nomen est commune omnibus hominibus? Si autem speciale nomen non est essentia, sed generale, quia homo, et pecus, et arbor, et sidus, et angelus essentia dicitur; cur non dicuntur istæ tres essentiae, sicut tres equi dicuntur tria animalia, et tres lauri dicuntur tres arbores, et tres lapides tria corpora? Aut si propter unitatem Trinitatis non dicuntur tres essentiae, sed una essentia; cur non propter eamdem unitatem Trinitatis non dicuntur tres substantiae vel tres personæ, sed una substantia et una persona? Quam enim est illis commune nomen essentiae, ita ut singulus quisque dicatur essentia, tam illis commune est vel substantiae vel personæ vocabulum. Quod enim de personis secundum nostram, hoc de substantiis secundum Græcorum consuetudinem, ea quæ diximus, oportet intelligi. Sic enim dicunt illi tres substantias, unam essentiam, quemadmodum nos dicimus tres personas, unam essentiam vel substantiam.

9. Quid igitur restat, nisi ut fateamur loquendi necessitate parta¹ hæc vocabula, cum opus esset copiosa disputatione adversum insidias vel errores hæreticorum? Cum enim conaretur humana inopia loquendo proferre ad hominum sensus, quod in secretario mentis pro captu tenet de Domino Deo creatore suo, sive per piam fidem, sive per qualecumque intelligentiam, timuit dicere tres essentias, ne intelligeretur in illa summa æqualitate ulla diversitas. Rursus non esse tria quædam, non poterat dicere, quod Sabellius quia dixit, in hæresim lapsus est. Certissime quippe de Scripturis cognoscitur quod pie

¹ Aliquot MSS., *partita*.

credendum est, et aspectu mentis¹ indubitate percipione perstringitur, et Patrem esse, et Filium, et Spiritum sanctum; nec Filium esse eundem qui Pater est, nec Spiritum sanctum eundem esse vel Patrem vel Filium. Quæsivit quid tria diceret: et dixit substantias sive personas, quibus nominibus non diversitatem intelligi voluit, sed singularitatem noluit; ut non solum ibi unitas intelligatur ex eo quod dicitur una essentia, sed et trinitas ex eo quod dicuntur tres substantiae vel personæ. Nam si hoc est Deo esse quod subsistere, ita non erant dicendæ tres substantiae, ut non dicuntur tres essentiae: quemadmodum quia hoc est Deo esse quod sapere, sicut non tres essentias, ita nec tres sapientias dicimus. Sic enim quia hoc illi est Deum esse quod est esse, tam tres essentias quam tres deos dici fas non est. Si autem aliud est Deo esse, aliud subsistere, sicut aliud Deo esse, aliud Patrem esse vel Dominum esse; quod enim est, ad se dicitur, Pater autem ad Filium et Dominus ad servientem creaturam dicitur: relative ergo subsistit, sicut relative gignit et relative dominatur. Ita jam substantia non erit substantia, quia relativum erit. Sicut enim ab eo quod est esse appellatur essentia, ita ab eo quod est subsistere substantiam dicimus. Absurdum est autem ut substantia relative dicatur: omnis enim res ad se ipsum subsistit; quanto magis Deus?

CAPUT V. — 10. *In Deo substantia abusive dicitur, essentia proprie.* Si tamen dignum est ut Deus dicatur subsistere: de his enim rebus recte intelligitur, in quibus subjectis sunt ea quæ in aliquo subiecto esse dicuntur, sicut color aut forma in corpore. Corpus enim subsistit, et ideo substantia est: illa vero in subsistente atque subiecto corpore, quæ non substantiae sunt, sed in substantia; et ideo si esse designat, vel ille color, vel illa forma, non adiungit corpori esse corpus, quia non hoc ei est esse, quod illam vel illam formam coloremve retinere. Res ergo mutabiles neque simplices, proprie dicuntur substantiae. Deus autem si subsistit ut substantia proprie dici possit, inest in eo aliquid tanquam in subiecto, et non est simplex, cui hoc sit esse quod illi est quidquid aliud² de illo ad illum dicitur, sicut magnus, omnipotens, bonus, et si quid hujusmodi de Deo non incongrue dicitur: nefas est autem dicere ut subsistat et subsit Deus bonitati suæ, atque illa bonitas non substantia sit vel potius essentia, neque ipse Deus sit bonitas sua, sed in illo sit tanquam in subiecto: unde manifestum est Deum abusive substantiam vocari, ut nomine usitatiore intelligatur essentia, quod vere ac proprie dicitur; ita ut fortasse solum Deum dici oporteat essentiam. Est enim vere solus, quia incommutabilis est, idque nomen suum sanguine Moysi entuttiavit, cum ait, *Ego sum qui sum*; et, *diccas ad eos: Qui est, misit me ad vos* (*Exod. iii, 14*). Sed tamen sive essentia dicatur quod proprie dicitur, sive substantia quod abusive; utrumque ad se dici-

¹ Sic MSS. Editii autem, et *aspectus mentis*.

² Editii, et quicquid aliud. Abest, et, a manuscriptis.

tur, non relative ad aliquid. Unde hoc e-t Deo esse quod subsistere, et ideo si una essentia Trinitas, una etiam substantia. Fortassis igitur commodius dicuntur tres personæ, quam tres substantiæ.

CAPUT VI. — 11. *Cur in Trinitate non dicatur una persona, et tres essentiæ. De Trinitate quid credere debet qui supra dicta non capit. Homo et ad imaginem et imago Dei. Sed ne nobis videar suffragari, hoc quoque requiramus. Quanquam et illi, si vellent, sicut dicunt tres substantias, tres hypostases, possent dicere tres personas tria prosopa. Illud autem maluerunt, quod forte secundum linguae sue consuetudinem aptius diceretur. Nam et in personis eadem ratio est: non enim aliud est Deo esse, aliud personam esse, sed omnino idein. Nam si esse ad se dicitur, persona vero relative; sic dicimus tres personas, Patrem et Filium et Spiritum sanctum, quemadmodum dicuntur aliqui tres amici, aut tres propinquui, aut tres vicini, quod sint ad invicem, non quod unusquisque eorum sit ad se ipsum. Quapropter quilibet ex eis amicus est duorum ceterorum, aut propinquus aut vicinus, quia haec nomina relativam significacionem habent. Quid ergo? num placet ut dicamus Patrem personam esse Filii et Spiritus sancti, aut Filium personam esse Patris et Spiritus sancti, aut Spiritum sanctum personam esse Patris et Filii? Sed neque persona ita dici alicubi solet, neque in hac Trinitate cum dicimus personam Patris, aliud dicimus quam substantiam Patris. Quocirea, ut substantia Patris ipse Pater est, non quo Pater est, sed quo est; ita et persona Patris, non aliud quam ipse Pater est: ad se quippe dicitur persona, non ad Filium vel Spiritum sanctum; sicut ad se dicitur Deus et magnus, et bonus, et justus, et si quid aliud hujus modi. Et quemadmodum hoc illi est esse quod Deum esse, quod magnum, quod bonum esse; ita hoc illi est esse, quod personam esse. Cur ergo non haec tria simul unam personam dicimus, sicut unam essentiam et unum Deum, sed tres dicimus personas, cum tres Deos aut tres essentias non dicamus; nisi quia volumus vel unum aliquod vocabulum servire¹ huic significacioni qua intelligitur Trinitas, ne omnino tace-remus interrogati, quid tres, cum tres esse fatemur? Nam si genus est essentia, species autem substantia sive persona, ut nonnulli sentiunt, omitto illud quod jam dixi, oportere appellari tres essentias, ut appellantur tres substantiæ vel personæ, sicut appellantur tres equi, eademque animalia tria, cum sit species equus, animal genus. Neque enim species ibi pluraliter dicta est, et genus singulariter, tanquam diceretur tres equi unum animal: sed sicut tres equi speciali nomine, ita tria animalia generali nomine. Quod si dicunt substantiæ vel personæ nomine non speciem significari, sed aliquid singulare atque individuum; ut substantia vel persona non ita dicitur sicut dicitur homo, quod commune est omnibus ho-*

minibus, sed quomodo dicitur hic homo, velut Abraham, velut Isaac, velut Jacob, vel si quis alius qui etiam digito praesens demonstrari possit: sic quoque illos eadem ratio consequetur. Sicut enim dicuntur Abraham, Isaac et Jacob tria individua, ita tres homines, et tres animæ. Cur ergo et Pater et Filius et Spiritus sanctus, si secundum genus et speciem et individuum etiam ista disserimus, non ita dicuntur tres essentiæ, ut tres substantiæ seu personæ? Sed hoc, ut dixi, omittio: illud dico, si essentia genus est, una essentia jam non habet species; sicut quia genus est animal, unum animal jam non habet species. Non sunt ergo tres species unius essentie, Pater et Filius et Spiritus sanctus. Si autem species est essentia, sicut species est homo, tres vero illæ quas appella-mus substantias sive personas, sic eandem speciem communiter habent, quemadmodum Abraham, Isaac et Jacob speciem que homo dicitur, communiter habent; non sicut homo subdividitur in Abraham, Isaac et Jacob, ita unus homo et in aliquos singulos homines subdividi potest: omnino enim non potest, quia unus homo jam singulus homo est. Cur ergo una es-sentia in tres substantias, vel personas subdividitur? Nam si essentia species est sicut homo, sic est una essentia sicut unus homo: an sicut dicimus aliquos tres homines ejusdem sexus, ejusdem temperationis corporis, ejusdemque animi, unum esse naturam; tres enim sunt homines, sed una natura: sic etiam ibi dicimus tres substantias unam essentiam, aut tres personas unam substantiam vel essentiam? Hoc vero utcumque simile est, quia et veteres qui latine locuti sunt, antequam haberent ista nomina, que non dum est ut in usum venerunt, id est essentiam vel substantiam, pro his naturam dicebant. Non itaque secundum genus et species ista dicimus; sed quasi secundum communem eandemque materiam. Sicut ex eodem auro si fierent tres statuas, diceremus tres statuas unum aurum, nec tamen dicemus genus aurum, species autem statuas; nec aurum speciem, statuas vero individua. Nulla quippe species individua sua transreditur, ut aliquid extra comprehen-dat. Cum enim definiero quid sit homo, quod est nomen speciale, singuli quique homines qui sunt individua eadem definitione continentur, nec aliquid ad eam pertinet quod homo non sit. Cum vero aurum definiero, non sole statuæ, si aureæ fuerint, sed et annuli, et si quid aliud de auro fuerit, ad aurum per-tinebit, etsi nihil inde fiat, aurum dicitur, quia etiam si non sint aureæ, non ideo non erunt statuæ. Item nulla species excedit definitionem generis sui. Cum enim definiero animal, quoniam generis hujus species est equus, omnis equus animal est, non autem statua omnis aurum est. Ideo quamvis in tribus statuas aureis, recte dicamus tres statuas unum au-rum; non tamen ita dicimus, ut genus aurum, species vero statuas intelligamus. Nec sic ergo Trinitatem dicimus tres personas vel substantias, unam essentiam et unum Deum, tanquam ex una materia tria quadam subsistant, etiam si quidquid illud est, in his

¹ Sic Am. Fr. et aliquot Vss. At Lev., rideat. Nonnulli MSS., rideatur.

² Plures MSS., servare.

tribus explicatum sit. Non enim aliquid aliud ejus essentiae est praeter istam Trinitatem : tamen tres personas ejusdem essentiae, vel tres personas unam essentiam dicimus : tres autem personas ex eadem essentia non dicimus, quasi aliud ibi sit quod essentia est, aliud quod persona; sicut tres statuas ex eodem auro possumus dicere; aliud enim illuc est esse aurum, aliud esse statuas. Et cum dicuntur tres homines una natura, vel tres homines ejusdem naturae, possunt etiam dici tres homines ex eadem natura, quia ex eadem natura et alii tres tales homines possunt existere; in illa vero essentia Trinitatis, nullo modo alia quelibet persona ex eadem essentia potest existere. Deinde in his rebus non tantum est unus homo, quantum tres homines simul; et plus sunt aliquid homines duo, quam unus homo : et in statu singularibus plus auri est tres simul quam singula, et minus auri est una quam duæ. At in Deo non ita est: non enim major essentia est Pater et Filius et Spiritus sanctus simul, quam solus Pater aut solus Filius; sed tres simul illæ substantiae sive personæ, si ita dicendæ sunt, æquales sunt singulis: quod animalis homo non percipit. Non enim potest cogitare nisi moles et spatia, vel minuta vel grandia, volitantibus in animo ejus phantasmatis tamquam imaginibus corporum.

12. Ex qua immunditia donec purgetur, credit in Patrem et Filium et Spiritum sanctum, unum Deum, solum, magnum, omnipotentem, bonum, justum, misericordem, omnium vivarium et invisibilium conditorem, et quidquid de illo pro humana facultate digne vereque dici potest. Neque cum audierit Patrem solum Deum, separet inde Filium, aut Spiritum sanctum: cum eo quippe solus Deus, cum quo et unus Deus est; quia et Filium cum audiimus solum Deum, sine ulla separatione Patris aut Spiritus sancti oportet accipere. Atque ita dicat unam essentiam, ut non existimet aliud alio, vel majus, vel melius¹, vel aliqua ex parte diversum. Non tamen ut Pater ipse sit et Filius et Spiritus sanctus, et quidquid aliud ad alterutrum singulari dicuntur; sicut Verbum quod non dicitur nisi Filius, aut Donum quod non dicitur nisi Spiritus sanctus: propter quod etiam pluralem numerum admittunt, sicut in Evangelio scriptum est: *Ego et Pater unus sumus* (*Joan. x, 30*). Et *unum* dixit; et, *sumus*: *unum*, secundum essentiam, quod idem Deus; *sumus*, secundum relativum, quod ille Pater, hic Filius. Deinde agit ut et ex veritate intellectio, et ex notitia summi boni, et ex insito amore justitiae, propter quam diligitur animus justus ab animo etiam non iustum, intelligatur ipsa natura Dei: maxime vero admonet ut Dei cognitio queratur per charitatem, que in Scripturis Deus dicitur; qua in charitate etiam Trinitatis vestigium quoddam inesse observat.

¹ Quidam MSS., *vel* *majus*, *vel* *minus*. Plures vero, *vel* *majus*, *vel* *minus*, *vel* *melius*.

mus et *habitabimus*, pluralis numerus est, quia prædictum est, *Ego et Pater*, id est, *Filius et Pater*, quæ relative ad invicem dicuntur. Aliquaudo latenter omnino, sicut in Genesi: *Faciamus hominem ad imaginem et similitudinem nostram* (*Gen. i, 26*). Et *faciamus*, et *nostram*, pluraliter dictum est, et nisi ex relativis accipi non oportet². Non enim ut facerent dii, aut ad imaginem et similitudinem deorum; sed ut facerent Pater et Filius et Spiritus sanctus, ad imaginem Patris et Filii et Spiritus sancti, ut subsisteret homo *imago Dei*. Deus autem Trinitas. Sed quia non omnino æqualis siebat illa *imago Dei*, tanquam non ab illo nata, sed ab eo creata, hujus rei significandæ causa, ita *imago* est ut ad *imaginem* sit: id est, non æquatur parilitate, sed quadam similitudine accedit. Non enim locorum intervallis, sed similitudine acceditur ad Deum, et dissimilitudine receditur ab eo. Sunt enim qui ita distinguunt, ut *imaginem* velint esse *Filium*: hominem vero non *imaginem*, sed ad *imaginem*. Refert autem eos Apostolus dicens: *Vir quidem non debet velare caput, cum sit imago et gloria Dei* (*1 Cor. xi, 7*). Non dixit, *Ad imaginem*; sed *imago*. Quæ tamen *imago*, cum alibi dicitur, *Ad imaginem*, non quasi ad *Filium* dicitur, quæ *imago* æqualis est Patri; alioquin non dicaret, *ad imaginem nostram*. Quomodo enim *nostram*, cum *Filius* solius Patris *imago* sit? Sed propter impariem, ut diximus, similitudinem dictus est homo *ad imaginem*: et ideo *nostram*, ut *imago* Trinitatis esset homo; non Trinitati æqualis sicut *Filius Patri*, sed accedens, ut dictum est, quadam similitudine; sicut in distantibus significatur quedam vicinitas, non loci, sed cuiusdam imitationis. Ad hoc enim et dicitur, *Reformamini in novitate mentis vestrae* (*Rom. xii, 2*): quibus item dicit, *Estote itaque imitatores Dei, sicut filii charissimi* (*Ephes. v, 1*). Novo enim homini dicitur: *Qui renovatur in agnitionem Dei, secundum imaginem ejus qui creavit eum* (*Coloss. iii, 10*). Aut si jam placet propter disputandi necessitatem, etiam exceptis nominibus relativis, pluralem numerum-admittere, ut uno nomine respondeatur, cum queritur, quid tria, et dicere tres substantias sive tres personas; nullæ moles aut intervalla cogitentur, nulla distantia quantulacunque dissimilitudinis, ut ibi³ intelligatur aliud alio vel paulo minus, quocumque medo minus esse aliud aliud potest: ut neque personarum sit confusio, nec talis distinctio qua sit impar aliiquid. Quod si intellectu capi non potest, fide tencatur, donec illucescat in cordibus ille qui ait per prophetam, *Nisi credideritis, non intelligetis* (*Isai. vii, 9*).

¹ Sic MSS. Editi vero, non potest.

² Plures MSS., *aut ibi*. Et quidam, *aut ubi*.

LIBER OCTAVUS.

In quo ratione redita monstrat, non solum Patrem Filio non esse maiorem, sed nec ambo simul aliquid majus esse quam si unum sanctum, nec quoslibet duos simul in eadem Trinitate maior esse quam unum, nec omnes sint tres majus aliquid esse quam singulos. Deinde agit ut et ex veritate intellectio, et ex notitia summi boni, et ex insito amore justitiae, propter quam diligitur animus justus ab animo etiam non iustum, intelligatur ipsa natura Dei: maxime vero admonet ut Dei cognitio queratur per charitatem, que in Scripturis Deus dicitur; qua in charitate etiam Trinitatis vestigium quoddam inesse observat.

PROLOGUM. — I. Epilogus superior dictionum. Re-

gula in difficilioribus fidei questionibus servanda. Dixit

mus alibi, ea dici proprie in illa Trinitate distinet ad singulas personas pertinentia, quae relative dicuntur ad invicem, sicut Pater et Filius, et utriusque Dominum Spiritus sanctus: non enim Pater Trinitas, aut Filius Trinitas, aut Trinitas Dominum. Quod vero ad se dicuntur singuli, non dici pluraliter tres, sed unus ipsa uero Trinitatem¹: sicut Deus Pater, Deus Filius, Deus Spiritus sanctus; et bonus Pater, bonus Filius, bonus Spiritus sanctus; et omnipotens Pater, omnipotens Filius, omnipotens Spiritus sanctus: nec tamen tres dii, aut tres boni, aut tres omnipotentes; sed unus Deus, bonus, omnipotens ipsa Trinitas; et quidquid aliud non ad invicem relati, sed ad se singuli dicuntur. Hoc enim secundum essentiam dicuntur, quia hoc est ibi esse, quod magnum esse, quod bonum esse, quod sapientem esse, et quidquid aliud ad se unaquaque ibi persona, vel ipsa Trinitas dicitur. Ideoque dici tres personas, vel tres substantias, non ut aliqua intelligatur diversitas essentiarum, sed ut vel uno aliquo vocabulo responderi possit, cum dicatur quid tres, vel quid tria; tantamque esse aequalitatem in ea Trinitate, ut non solum Pater non sit major quam Filius, quod attinet ad divinitatem, sed nec Pater et Filius simul maius aliquid sint quam Spiritus sanctus, aut singula quaque persona quamlibet trium minus aliquid sit quam ipsa Trinitas. Dicta sunt haec, et si sapientius versando repetantur, familiarius quidem innescunt: sed et modus aliquis adhibendus est, Deoque supplicandum devotissima pietate, ut intellectum aperiat, et studium contentionis absumat, quo possit mente cerni essentia veritatis, sine ulla mole, sine ulla mobilitate². Nunc itaque, in quantum ipse adjuvat Creator nre misericors, attendamus haec, que modo interiore quam superiora³ tractabimus, cum sint eadem: servata illa regula, ut quod intellectui nostro nondum eluxerit, a firmitate fidei non dimittatur.

CAPUT PRIMUM. — 2. *In Deo non esse maius quid tres quam unam personam, ratione monstratur.* Dicimus enim non esse in hac Trinitate maius aliquid duas aut tres personas quam unam earum: quod non capit consuetudo carnalis, non ob aliud, nisi quia vera quae creata sunt sentit ut potest; veritatem autem ipsam qua creata sunt non potest intueri: nam si posset, nullo modo esset lux ista corporea manifestior quam hoc quod diximus. In substantia quippe veritatis, quoniam sola vere est, non est major aliqua, nisi vero verius est⁴. Quidquid autem intelligibile atque incommutabile est, non aliud alio verius est, quia quae incommutabiliter aeternum est: nec quod ibi magnum dicitur, aliunde magnum est, quam eo quo vere est⁵. Quapropter ubi magnitudo ipsa veritas est, quidquid

¹ Sic plerique MSS. At editi, sed unam ipsam Trinitatem.

² In MSS., mutabilitate.

³ Editi, quae modo tam interiora. At MSS., quae modo interiora: id est, ratione magis intima atque subtiliore. Remensis codex habet, quae modo interiore quam superiore.

⁴ Ceterorum MSS., verior est.

⁵ Plerique MSS., quod vero est.

plus habet magnitudinis, necesse est ut plus habeat veritatis: quidquid ergo plus veritatis non habet, non habet plus etiam magnitudinis. Porro, quidquid plus habet veritatis, profecto verius est, sicut maius est quod plus habet magnitudinis: hoc ergo ibi est maius quod verius. Non autem verius est Pater et Filius simul, quam singulus Pater, aut singulus Filius. Non igitur maius aliquid utrumque simul, quam singulum eorum. Et quoniam aequa vere est etiam Spiritus sanctus, nec Pater et Filius simul maius aliquid est quam ipse, quia nec verius est. Pater quoque et Spiritus sanctus simul, quoniam veritate non superant Filium; non enim verius sunt; nec magnitudine superant. Atque ita Filius et Spiritus sanctus simul tam magnum aliquid sunt quam Pater solus, quia tam vere sunt. Sic et ipsa Trinitas tam magnum est, quam unaquaque ibi persona. Non enim ibi maior est, quae verior non est, ubi est ipsa veritas magnitudo. Quia in essentia veritatis, hoc est verum esse quod est esse; et hoc est esse quod est magnum esse: hoc est ergo magnum esse, quod verum esse. Quod igitur ibi aequa verum est, etiam aequa magnum sit necesse est.

CAPUT II. — 3. *Respuenda omnis corporalis cogitatio, ut Deus capiatur quomodo Deus est veritas.* In corporibus autem fieri potest ut aequa verum sit hoc aurum atque illud, sed maius hoc sit quam illud, quia non eadem ibi est magnitudo que veritas; aliudque illi est aurum esse, aliud magnum esse. Sic et in animi natura, secundum quod dicitur magnus animus, non secundum hoc dicitur verus animus. Animus enim verum habet etiam qui non est magnanimus: quandoquidem corporis et animi essentia, non est ipsius veritatis essentia, sicut est Trinitas Deus unus, solus, magnus, verus, verax, veritas. Quem si cogitare conatur, quantum sinit et donat, nullus cogiteatur per locorum spatii contactus aut complexus, quasi trium corporum; nulla compago juncturæ, sicut tricorporem Geryonem fabule ferunt: sed quidquid animo tale occurrit, ut maius sit in tribus quam in singulis, minusque in uno quam in duobus, sine ulla dubitatione respuatur: ita enim respuitur omne corporeum. In spiritualibus autem omne mutabile quid occurrit, non putetur Deus. Non enim parve notitiae pars est, cum de profundo isto in illam summam respiramus, si antequam scire possimus quid sit Deus, possumus jam scire quid non sit. Non est enim certe, nec terra, nec celum, nec quasi terra et celum, nec tale aliiquid quale videmus in celo, nec quidquid tale non videmus⁶ et est fortassis in celo. Nec si augeas imaginatione cogitationis lucem solis, quantum potes, sive quo sit major, sive quo sit clarior, millies tantum, aut innumerabiliter, neque hoc est Deus. Nec sicut cogitantur⁷ Angeli mundi spiritus celestia corpora inspirantes, atque ad arbitrium quo servient Deo mutantur atque versantes, nec si omnes,

⁶ Sic Am. et MSS. At Er. et Lov., nec tale aliiquid videtur non videmus.

⁷ Tote, nec si cogitentur.

com sint millia nullum (I Apoc. v, 11), in unum collati unus stant, nec tale aliquid Deus est. Nec si eosdem spiritus sine corporibus cogites, quod quidem carnali cogitationi difficultatum est. Ecce vide, si potes, o anima prægravata corpore quod corruptitur, et onusta terrenis engitationibus multis et variis; ecce vide, si potes: Deus Veritas est (Sap. ix, 15). Hoc enim scriptum est, *Quoniam Deus lux est* (I Joan. i, 5): non quomodo isti oculi vident, sed quomodo videt eorū, cum audis¹, Veritas est. Noli querere quid sit veritas; statim enim se opponent caligines imaginum corporalium et nubila phantasmatum, et perturbabunt serenitatem, quæ primo iectu diluxit tibi, cum direxerim, Veritas. Ecce in ipso primo ictu quo velut conruscatione perstringeris, cum dicatur, Veritas, manesi potes: sed non potes; relaberis in ista solita atque terrena. Quo tandem pondere, quæso, relaberis, nisi sordium contractarum cupiditatis visco et peregrinationis erroribus?

CAPUT HI.—4. *Quomodo cognoscatur Deum esse summum bonum. Animus nonnisi conversione ad Deum fit bonus.* Ecce iterum vide, si potes. Non amas certe nisi bonum, quia bona est terra altitudine montium et temporeamento collum et planitie camporum, et bonum prædium amœnum ac fertile, et bona domus paribus membris disposita et ampla et lucida, et bona animalia animata corpora, et bonus aer modestus et salubris, et bonus cibus suavis atque aptus valetudini, et bona valetudo sine doloribus et lassitudine, et bona facies hominis dimensa pariliter et affecta hilariter et luculenter colorata, et bonus animus amici consensionis dulcedine et amoris fide, et bonus vir justus, et bonus divitiae, quia facile expediunt, et bonum cœlum eum sole et luna et stellis suis, et boni Angeli sancta obedientia, et bona locutio suaviter docens et congruenter monens² audiētem, et bonum carmen canorum numeris et sententiis grave. Quid plura et plura? Bonum hoc et bonum illud: tolle hoc et illud, et vide ipsum bonum, si potes; ita Deum videbis, non alio bono bonum, sed bonum omnis boni. Neque enim in his omnibus bonis, vel quæ commemoravi, vel quæ alia cernuntur sive cogitantur, diceremus aliud alio melius cum vere judicamus, nisi esset nobis impressa notio ipsius boni, secundum quod et probaremus aliquid, et aliud alii preponeremus. Sic amandus est Deus, non hoc et illud bonum, sed ipsum bonum. Querendum enim bonum animæ, non cui supervolitet judicando, sed cui h[ab]eat amando: et quid hoc, nisi Deus? Non bonus animus, aut bonus angelus, aut bonum cœlum; sed bonum bonum. Sic enim forte facilius advertitur quid velim dicere. Cum enim audio, verbi gratia, quod dicitur animus bonus, sicut duo verba sunt, ita ex eis verbis duo quedam intelligo: aliud quo animus est, aliud quo bonus. Et quidem ut animus esset, non egit ipse aliquid; non enim jam erat quod ageret ut esset; ut autem sit bonus animus,

video agendum esse voluntate; non quia id ipsum quo animus est, non est aliquid boni; nam unde jam dicatur, et verissime dicitur corpore melior? sed ideo, nondum dicitur bonus animus, quoniam restat ei actionis voluntatis, qua sit præstantior; quam si neglexerit, jure culpatur, recteque dicitur non bonus animus. Distat enim ab eo qui hoc agit: et quia ille laudabilis, profecto iste qui hoc non agit, vituperabilis est. Cum vero agit hoc studio, et sit bonus animus, nisi se ad aliquid convertat quod ipse non est, non potest hoc assequi. Quo se autem convertat ut sit bonus animus, nisi ad bonum, cum hoc amat et appetit et adipiscitur? Unde se si rursus avertat, si que non bonus, hoc ipso quo se avertit a bono, nisi maneat in se illud bonum unde se avertit, non est quo se iterum, si voluerit emendare, convertat.

5. Quapropter nulla essent mutabilia bona, nisi esset incommutabile bonum. Cum itaque audis bonum, hoc et bonum illud, quæ possunt alias dici etiam non bona, si potueris sine illis quæ participatione boni bona sunt, perspicere ipsum bonum cujus participatione bona sunt; simul enim et ipsum intelligis, cum alias hoc aut illud bonum: si ergo potueris illis detractis per se ipsum perspicere bonum, perspexeris Deum. Et si amore inhæseris, continuo beatificaberis. Pudeat autem, cum alia non amentur nisi quia bona sunt, eis inhærendo non amare bonum ipsum unde bona sunt. Illud etiam, quod animus, tantum quia est animus, etiam nondum eo modo bonus quo se convertit ad incommutabile bonum; sed, ut dixi, tantum animus, cum ita nobis placet ut eum omni etiam luci corporeæ cum bene intelligimus, præferamus, non in se ipso nobis placet, sed in arte qua factus est. Inde enim approbatur factus, ubi videtur suisse faciendus. Hæc est veritas, et simplex: bonum: non enim est aliud aliquid quam ipsum bonum, ac per hoc etiam summum bonum. Non enim minui vel augeri bonum potest, nisi quod ex alio bono bonum est. Ad hoc se igitur animus convertit ut bonus sit, a quo habet ut animus sit. Tunc ergo voluntas naturæ congruit ut perficiatur in bono animus, cum illud bonum diligitor³ conversione voluntatis, unde est et illud quod non amittitur nec aversione voluntatis. Avertendo enim se a summo bono, amittit animus ut sit bonus animus; non autem amittit ut sit animus, cum et hoc jam bonum sit corpore melius: hoc ergo amittit voluntas, quod voluntas adipiscitur. Jam enim erat animus, qui converti ad id vellet a quo erat: qui autem vellet esse antequam esset nondum erat. Et hoc est bonum nostrum, ubi videmus utrum esse debuerit aut debeat, quidquid esse debuisse aut debere comprehendimus; et ubi videmus esse non potuisse nisi esse debuisse, quidquid etiam quomodo esse debuerit non comprehendimus⁴. Hoc ergo bonum non longe positum est ab unoquoque nostrum: in illo enim vivimus, et move-

¹ Editi, cum audit. Ali MSS., cum audis. Germanensis codex, cum enim audit, etc.

² Plures MSS., morens.

³ Aliquot MSS., cum ad illud bonum dirigitur.

⁴ Editi, comprehendimus; emissa particula negante, quæ reperitur in MSS.

mur, et sumus (*Act. xvii.*, 27, 28).

CAPUT IV. — 6. *Deus prius fide non errante cognoscendus, ut amari possit.* Sed dilectione standum est ad illud et inhærendum illi, ut præsente perfruamur a quo sumus, quo absente nec esse possemus. Cum enim per fidem adhuc ambulamus, non per speciem (*II Cor. v.*, 7), nondum utique videmus Deum, sicut idem ait, *sacie ad faciem* (*I Cor. xiii.*, 12): quem tamen nisi nunc jam diligamus, nunquam videbimus. Sed quis diligit quod ignorat? Sciri enim aliquid et non diligi potest: diligi autem quod nescitur, querere utrum possit; quia si non potest, nemo diligit Deum antequam sciat. Et quid est Deum scire, nisi eum in mente conspicere, si meque percipere? Non enim corpus est, ut carnis oculis inquiratur. Sed et prius quam valeamus conspicere atque percipere Deum, sicut conspici et percipi potest, quod mundicordibus licet; *Beati enim mundicordes, quia ipsi Deum videbunt* (*Matth. v.*, 8): nisi per fidem diligatur, non poterit eorū mundari, quo ad eum videndum sit aptum et idoneum. Ubi sunt enim illa tria, propter quæ in animo ædificanda omnium divinorum Librorum machinamenta consurgunt, fides, spes, charitas (*I Cor. xiii.*, 13); nisi in animo credente quod nondum videt, et sperante atque amante quod credit? Amatur ergo et qui¹ ignoratur; sed tamen creditur. Nimirum autem cavendum est, ne credens animus id quod non videt, fingat sibi aliquid quod non est, et speret diligere quod falsum est. Quod si sit, non erit charitas de corde puro et conscientia bona et fide non ficta, quæ finis præcepti est, sicut idem apostolus dicit (*I Tim. i.*, 5).

7. Necesse est autem, cum aliqua corporalia lecta vel auditæ quæ non vidimus, credimus, singat sibi aliquid animus in lineamentis formisque corporum, sicut occurrit cogitanti, quod aut verum non sit, aut etiam si verum est, quod rarissime potest accidere: non hoc tamen fide ut tenemus quidquam prodrest, sed ad aliud aliquid utile, quod per hoc insinuat. Quis enim legentium vel audientium quæ scripsit apostolus Paulus, vel quæ de illo scripta sunt, non singat animo et ipsius Apostoli faciem, et omnium quorum ibi nomina commemorantur? Et cum in tanta hominum multitudine quibus illæ litteræ notæ sunt, alius aliter lineamenta figuransque illorum corporum cogitet, quis propinquius et similius cogitet, utique incertum est. Neque ibi occupatur fides nostra, qua facie corporis fuerint illi homines; sed tantum quia per Dei gratiam ita vixerunt, et ea gesserunt quæ Scriptura illa testatur: hoc et utile est credere, et non desperandum, et appetendum. Nam et ipius Dominice facies carnis, innumerabilium cogitationum diversitate variatur et singitur, quæ tamen una erat, quæcumque erat. Neque in fide nostra quam de Domino Jesu Christo habemus, illud salubre est quod sibi animus singit, longe fortasse aliter quam res se habet, sed illud quod secundum speciem de homine

cogitamus: habemus enim quasi regulariter infixam humanæ naturæ notitiam, secundum quam quidquid tale aspicimus, statim hominem esse cognoscimus vel hominis formam.

CAPUT V. — *Quomodo Trinitas diligatur incognita.* Secundum hanc notitiam cogitatio nostra informatur, cum credimus pro nobis Deum hominem factum, ad humilitatis exemplum, et ad demonstrandam erga nos dilectionem Dei. Hoc enim nobis prodest credere, et firmum atque inconcussum corde retinere, humilitatem qua natus est Deus ex semina et a mortalibus per tantas contumelias perductus ad mortem, summum esse medicamentum quo superbie nostræ sanaretur tumor, et altum sacramentum quo peccati vinculum solveretur. Sic et virtutem miraculorum ipsius et resurrectionis ejus, quoniam novimus quid sit omnipotens, de omnipotente Deo credimus, et secundum species et genera rerum vel natura insita vel experientia collecta, de factis hujuscemodi cogitamus, ut non ficta sit fides nostra. Neque enim novimus faciem virginis Mariæ, ex qua ille a viro intacta neque in ipso partu corrupta mirabiliter natus est. Nec quibus membrorum lineamentis fuerit Lazarus, nec Beathaniam, nec sepulcrum lapidemque illum quem removeri jussit cum eum resuscitaret, vidimus, nec monumentum novum excisum in petra unde ipse resurrexit, nec montem Oliveti unde ascendit in celum: neque omnino scimus, quicumque ista non vidimus, an ita sint ut ea cogitamus, ita vero probabilius existimamus non esse ita. Namque cum alicuius facies vel loci vel hominis vel cuiuslibet corporis eadem occurrit oculis nostris, quæ occurret animo, cum cam priusquam videremus cogitamus, non parvo miraculo movemur; ita raro et pene nunquam accidit: et tamen ea firmissime credimus, quia secundum specialem generalemque notitiam que certa nobis est, cogitamus. Credimus enim Dominum Iesum Christum natum de virgine quæ Maria vocabatur. Quid sit autem virgo, et quid sit nasci, et quid sit nomen proprium non credimus, sed prorsus novimus. Utrum autem illa facies Mariæ fuerit quæ occurrit animo cum ista loquimur aut recordamur, nec novimus omnino, nec credimus. Itaque hic salva fide licet dicere, Forte talem habebat faciem, forte non talem: Forte autem de virgine natus est Christus, nemo salva fide christiana dixerit.

8. Quamobrem quoniam Trinitatis æternitatem, et æqualitatem, et unitatem, quantum datur, intelligere cupimus, prius autem quam intelligamus credere debemus, vigilandumque nobis est, ne ficta sit fides nostra: eadem quippe Trinitate fruendum est, ut beate vivamus; si autem falsum de illa crediderimus, inanis erit spes, et non casta charitas: quomodo igitur eam Trinitatem quam non novimus, credendo diligimus? An secundum specialem generalemque notitiam, secundum quam diligimus apostolum Paulum? Qui etiam si non ea facie fuit quæ nobis occurrit de illo cogitantes, et hec penitus ignoramus, novimus

¹ Er. Lugg. Ven. Lov., et quod. 4.

tamen quid sit homo. Ut enim longe non eamus, hoc sumus: et illum hoc fuisse, et animam ejus corpori copulatam mortaliter vixisse manifestum est. Hoc ergo de illo credimus, quod invenimus in nobis, juxta speciem vel genus, quo humana omnis natura pariter continetur. Quid igitur de illa excellentia Trinitatis sive specialiter sive generaliter novimus, quasi multe sint tales trinitates, quarum aliquas experti sumus, ut per regniam similitudinis impressam vel speciem vel generalem notitiam, illam quoque talem esse credamus; atque ita rem quam credimus et nondum novimus, ex paritate rei quam novimus diligamus? Quod utique non ita est. An quemadmodum diligimus in Domino Iesu Christo, quod resurrexit a mortuis, quamvis inde neminem unquam resurrexisse viderimus, ita Trinitatem quam non videmus, et qualem nullam unquam vidimus, possumus credendo diligere? Sed quid sit mori, et quid sit vivere, utique scimus: quia et vivimus et mortuos ac morientes aliquando vidimus et experti sumus. Quid est autem aliud resurgere, nisi reviviscere, id est, ex morte ad vitam redire? Cum ergo dicimus et credimus esse Trinitatem, novimus quid sit Trinitas, quia novimus quid sint tria; sed non hoc diligimus. Nam id ubi volumus, facile habemus, ut alia omittam, vel mencando digitis tribus. An vero diligimus, non quod omnis trinitas, sed quod Trinitas, Deus? Hoc ergo diligimus in Trinitate, quod Deus est: sed Deum nullum alium vidimus, aut novimus, quia unus est Deus, ille solus quem nondum vidimus, et credendo diligimus. Sed ex qua rerum notarum similitudine vel comparatione credamus, quo etiam nondum notum Deum diligamus, hoc queritur.

CAPUT VI. — 9. Quomodo nondum justus justum cognoscat quem diligit. Redi ergo mecum, et consideremus cur diligamus Apostolum. Numquidnam propter humanam speciem, quam notissimam habemus, eo quod credimus eum hominem fuisse? Non utique: atioquin nunc non est quem diligamus, quandoquidem homo ille jam non est; anima enim ejus a corpore separata est. Sed id quod in illo amamus, etiam nunc vivere credimus: amamus enim animum justum. Ex qua ergo generali aut speciali regula, nisi quia scimus et quid sit animus, et quid sit justus? Et animus quidem quid sit, non incongrue nos dicimus ideo nosse, quia et nos habemus animum. Neque enim unquam oculis vidimus, et ex similitudine visorum plurium notionem generalem specialeme percepimus; sed potius, ut dixi, quia et nos habemus. Quid enim tam intime scitur, seque ipsum esse sentit; quam id quo etiam cetera sentiuntur, id est, ipse animus? Nam et motus corporum, quibus praeter nos alios vivere sentimus, ex nostra similitudine agnoscimus: quia et nos ita movemus corpus vivendo, sicut illa corpora moveri advertimus. Neque enim cum corpus vivum movetur, aperitur ulla via oculis nostris ad videndum animum, rem que oculis videri non potest: sed illi moli aliquid inesse sentimus quale nobis inest ad movendum similiiter

molem nostram, quod est vita et anima. Neque quasi humanæ prudentiae rationisque proprium est. Et bestie quippe sentiunt vivere non tantum se ipsas, sed etiam se invicem atque alterutrum, et nos ipsos. Nec animas nostras vident, sed ex motibus corporis, idque statim et facillime quadam conspiratione naturali. Animum igitur cujuslibet et ex nostro novimus, et ex nostro credimus quem non novimus. Non enim tantum sentimus animum, sed etiam scire possumus quid sit animus consideratione nostri: habemus enim animum. Sed quid sit justus, unde novimus? Dixeramus enim nos Apostolum non alia causa diligere, nisi quod sit justus animus. Novimus ergo et quid sit justus, sicut et quid sit animus. Sed quid sit animus, ut dictum est, novimus ex nobis: inest enim animus nobis. Quid autem sit justus unde novimus, si justi non sumus? Quod si nemo novi quid sit justus nisi qui justus est, nemo diligit justum nisi justus: non enim potest diligere quem justum esse credit, ob hoc ipsum quia justum esse credit, si quid sit justus ignorat; secundum quod superius demonstravimus, neminem diligere quod credit et non videt, nisi ex aliqua regula notitiae generalis sive specialis. Ac per hoc si non diligit justum nisi justus, quonodo volet quisque justus esse qui nondum est? Non enim vult quisquam esse quod non diligit. Ut autem sit justus qui nondum est, volet utique justus esse: ut autem velit, diligit justum. Diligit ergo justum et qui nondum justus est. Diligere autem justum non potest, qui quid sit justus, ignorat. Proinde novit quid sit justus, etiam qui nondum est: ubi ergo novit? num oculis vidit? An ullum corpus justum, velut album, aut nigrum, aut quadratum, aut rotundum? Quis hoc dixerit? At oculis non vidit nisi corpora. Justus autem in homine non est, nisi animus: et cum homo justus dicatur, ex animo dicitur, non ex corpore. Est enim quedam pulchritudo animi justitia, qua pulchri sunt homines, plerique etiam qui corpore distorti atque deformes sunt. Sicut autem animus non videtur oculis, ita nec pulchritudo ejus. Ubi ergo novit quid sit justus, qui nondum est, atque ut sit diligit justum? An signa quedam per motum corporis emicant, quibus ille aut ille homo esse justus appetit? Sed unde novit illa signa esse animi justi, nesciens quid omnino sit justus? Novit ergo. Sed ubi novimus quid sit justus, etiam cum justi nondum sumus? Si extra nos novimus¹, in corpore aliquo novimus. Sed non est ista res corporis. In nobis igitur novimus quid sit justus. Non enim alibi hoc invenio, cum quero ut hoc eloquar, nisi apud me ipsum: et si interrogem alium quid sit justus, apud se ipsum querit quia respondeat; et quisquis hinc verum respondere potuit, apud se ipsum quid responderet invenit. Et Carthaginem quidem cum eloqui volo, apud me ipsum quero ut eloquar, et apud me ipsum invenio phantasiam Carthaginis: sed eam per corpus accepi, id est per corporis sensum, quoniam præsens in ea corpore

¹ Hieripi: MSS.: *Si extra quam nos novimus*

I.i, et eam vidi atque sensi, memoriaque retinui, ut apud me invenirem de illa verbum, cum eam vellem dicere. Ipsa enim phantasia ejus in memoria mea verbum ejus, non sonus iste trisyllabus cum Carthago nominatur, vel etiam tacite nomen ipsum per spatia temporum cogitatur; sed illud quod in animo meo cerno, cum hoc trisyllabum voce profero, vel antequam proferam. Sic et Alexandriam cum eloqui volo, quam nunquam vidi, præsto est apud me phantasma ejus. Cum enim a multis audisset et credidisset magnam esse illam urbem, sicut mihi narrari potuit, sibi animo meo imaginem ejus quam potui: et hoc est apud me verbum ejus, cum eam volo dicere, antequam voce quinque syllabas proferam, quod nomen ejus fere omnibus notum est. Quam tamen imaginem si ex animo meo proferre possem ad oculos hominum qui Alexandriam neverunt, profecto aut omnes dicent, Non est ipsa; aut si dicent, Ilsa est, multum mirarer, atque intuens in animo meo ipsam, id est imaginem quasi picturam ejus, ipsam tamen esse nec scirem, sed eis crederem qui visam tenerent. Non autem ita quero quid sit justus, nec ita invenio, nec ita intueror, cum id eloquor; nec ita probor, cum audior; nec ita probo, cum audio; quasi tale aliquid oculis viderim, aut ullo corporis sensu didicerim, aut ab eis qui ita didicissent audierim. Cum enim dico et sciens dico, Justus est animus qui scientia atque ratione in vita ac moribus sua cuique distribuit; non aliquam rem absentem cogito, sicut Carthaginem, aut singo ut possum, sicut Alexandriam, sive ita sit, sive non ita: sed præsens quiddam cerno, et cerno apud me, et si non sum ipse quod cerno, et multi si audiant approbat. Et quisquis me audit atque scienter approbat, apud se et ipse hoc idem cernit, etiamsi non sit et ipse quod cernit. Justus vero cum id dicit, id quod ipse est cernit et dicit. Et ubi etiam ipse cernit, nisi apud se ipsum? Sed hoc mirum non est: ubi enim se cerneret, nisi apud se ipsum? Illud mirabile est ut apud se animus videat quod alibi nusquam vidit, et verum videat, et ipsum verum justum animum videat, et sit ipse animus et non sit justus animus, quem apud se ipsum videt. Num est aliud animus justus in animo nondum justo? Aut si non est, quem ibi videt, cum videt et dicit quid sit animus justus, nec alibi quam in se ipso videt, cum ipse non sit animus justus? An illud quod videt, veritas est interior præsens animo qui eam valet. Intueri? Neque omnes valent: et qui intueri valent, hoc etiam quod intuentur non omnes sunt, hoc est, non sunt etiam ipsi justi animi, sicut possunt videre ac dicere quid sit justus animus. Quod unde esse poterunt¹; nisi inhaerendo eidem ipsi forma quam intuentur, ut inde formentur et sint justi animi; non tantum cernentes et dicentes justum esse animum qui scientia atque ratione in vita ac moribus sua cuique distribuit, sed etiam ut ipsi juste vivant insteque morati sint, sua cuique distribuendo, ut nemini quidquam debeant, nisi ut invicem diligant (*Rom. viii, 8*). Et unde inhaeretur illi formæ, nisi amando?

¹ Editi, potuerunt. At melius MSS., poterunt.

Cur ergo alium diligimus quem credimus justum, et non diligimus ipsam formam ubi videmus quid sit justus animus, ut et nos justi esse possimus? An vero nisi et istam diligeremus, nullo modo cum diligemus quem diligimus ex ista, sed dum justi non sumus, minus eam diligimus quam ut justi esse valeamus? Homo ergo qui creditur justus, ex ea forma et veritate diligitur, quam cernit et intelligit apud se ille qui diligit: ipsa vero forma et veritas non est quomodo aliunde diligatur. Neque enim invenimus aliquid tale præter ipsam, ut eam, cum incognita est, credendo diligamus, ex eo quod jam tale aliquid novimus. Quidquid enim tale aspexeris, ipsa est: et non est quidquam tale, quoniam sola ipsa talis est, qualis ipsa est. Qui ergo amat homines, aut quia justi sunt, aut ut justi sint, amare debet. Sic enim et semetipsuni amare debet, aut quia justus est, aut ut justus sit: sic enim diligit proximum tanquam se ipsum sine ullo periculo. Qui enim aliter se diligit, injuste se diligit, quoniam se ad hoc diligit ut sit injustus: ad hoc ergo ut sit malus, ac per hoc jam non se diligit. Qui enim diligit iniquitatem, odit animam suam (*Psal. x, 6*).

CAPUT VII.—10. *De vera dilectione, per quam ad Trinitatis cognitionem pervenitur. Quærendus Deus, non exterius, appetendo mira facere cum Angelis; sed interius, imitando bonorum Angelorum pietatem. Quapropter non est præcipue videndum in hac questione, quæ de Trinitate nobis est, et de cognoscendo Deo, nisi quid sit vera dilectio, imo vero quid sit dilectio. Ea quippe dilectio dicenda est, quæ vera est; alioquin cupiditas est: atque ita cupidi abusive dieuntur diligere, quemadmodum cupere abusive dicuntur qui diligunt. Hæc est autem vera dilectio, ut inhaerentes veritati juste vivamus: et ideo contemnamus omnia mortalia¹ præ amore hominum, quo eos volumus juste vivere. Ita enim et mori pro fratribus utiliter parati esse poterimus, quod nos Dominus Jesus Christus exemplo suo docuit. Cum enim duo præcepta sint in quibus tota Lex pendet et Prophetæ, dilectio Dei et dilectio proximi (*Math. xxii, 37-40*); non imerito plerumque Scriptura pro utroque unum ponit: sive tantum Dei, sicuti est illud, *Scimus quoniam diligentibus Deum omnia cooperantur in bonum* (*Rom. viii, 28*); et iterum, *Quisquis autem diligit Deum, hic cognitus est ab illo* (*I Cor. viii, 5*); et illud, *Quoniam charitas Dei diffusa est in cordibus nostris per Spiritum sanctum qui datus est nobis* (*Rom. v, 5*); et alia multa: quia et qui diligit Deum consequens est ut faciat quod præcepit Deus, et in tantum diligit in quantum facit; consequens ergo est ut et proximum diligat, quia hoc præcepit Deus: sive tantum proximi dilectionem Scriptura commemorat, sicut est illud, *In vicem onera vestra portate, et sic adimplebitis legem Christi* (*Galat. vi, 2*); et illud, *Omnis enim lex in uno sermone impletur, in eo quod scriptum est, Diliges proximum tuum tanquam te ipsum* (*Id. v, 14*); et in Evangelio, *Omnia quæcumque vultis ut faciant vobis homines, ita et vos**

¹ In MSS., temporalia.

facit illis; hoc enim est Lex et Prophetæ (Matth. vii, 12). Et pleraque alia reperimus in Litteris sanctis, in quibus sola dilectio proximi ad perfectionem præcipi videtur, et taceri de dilectione Dei; cum in utroque præcepto Lex pendeat et Prophete. Sed et hoc ideo, quia et qui proximum diligit, consequens est ut et ipsam præcipue dilectionem diligit. Deus autem *dilectio est, et qui manet in dilectione, in Deo manet* (I Joan. iv, 16). Consequens ergo est ut præcipue Deum diligit.

11. Quapropter, qui querunt Deum per istas Potestates, que mundo præsunt vel partibus mundi, auferuntur ab eo longeque jactantur; non intervallis locorum, sed diversitate affectuum: exterius enim conantur ire, et interiora sua deserunt, quibus interior est Deus. Itaque etiam si aliquam sanctam cœlestem Potestatem vel audierint, vel utcumque cogitaverint, facta magis ejus appetunt que humana miratur infirmitas, non imitantur pietatem qua divina requies comparatur. Malunt enim superbe hoc posse quod angelus, quam devote hoc esse quod angelus. Non enim sanctus quisquam potestate sua gaudet, sed ejus a quo habet posse quidquid congruenter potest: et novit potentius esse conjungi Omnipotenti pia voluntate, quam propria potestate et¹ voluntate posse, quod contremiscant qui talia non possunt. Itaque ipse Dominus Jesus Christus talia faciens, ut mirantes docebat ampliora, et temporalibus insolitis intentos atque suspensos ad aeterna atque interiora converteret: *Venite, inquit, ad me, omnes qui laboratis et onerati estis, et resiciam vos; tollite jugum meum super vos.* Et non ait, Discite a me quia quatriduanos mortuos suscito; sed ait, *Discite a me quia mitis sum et humiliis corde.* Potentior est enim et tutior solidissima humilitas, quam ventosissima celsitudo. Et ideo sequitur dicens: *Et invenietis requiem animabus vestris* (Matth. xi, 28, 29). *Dilectio enim non inflatur* (I Cor. xiii, 4): et *Deus dilectio est* (I Joan. iv, 8): et *fideles in dilectione acquiescent illi* (Sap. iii, 9), revocati a strepitu qui foris est ad gaudia silentia². Ecce *Deus dilectio est*: utquid enim et currimus in sublimia cœlorum et ima terrarum, querentes eum qui est apud nos, si nos velimus esse apud eum?

CAPUT VIII. — 12. *Quod qui fratrem diligit, Deum diligit; quia amat ipsam dilectionem quæ ex Deo est, et Deus est.* Nemo dicat: Non novi quid diligam. Diligit fratrem, et diligit eamdem dilectionem. Magis enim novit dilectionem quæ diligit, quam fratrem quem diligit. Ecce jam potest notiorem Deum habere quam fratrem: plane notiorem, quia præsentiorem; notiorem, quia interiorem; notiorem, quia certiorum. Amplectere dilectionem Deum, et dilectione amplectere Deum. Ipsa est dilectio quæ omnes bonos Angelos, et omnes Dei servos consociat vinculo sanctitatis, nosque et illos conjungit invicem nobis, et subjungit sibi. Quanto igitur saniiores sumus a tumore

superbice, tanto sumus dilectione pleniores: et quo. nisi Deo plenus est, qui plenus est dilectione? At enim charitatem video, et quantum possum eam mente conspicio, et credo Scripturæ dicenti quoniam *Deus caritas est, et qui manet in charitate, in Deo manet* (I Joan. iv, 16): sed cum illam video, non in ea video Trinitatem. Imo vero vides Trinitatem, si charitatem vides. Sed commonebo, si potero, ut vide te videoas: adsit tantum ipsa, ut moveamur charitate ad aliquid bonum. Quia cum diligimus charitatem, aliquid diligentem diligimus, propter hoc ipsum quia diligit aliquid. Ergo quid diligit charitas, ut possit etiam ipsa charitas diligi? Charitas enim non est, que nihil diligit. Si autem se ipsam diligit, diligit aliquid oportet, ut charitatem³ se diligit. Sicut enim verbum indicat aliquid, indicat etiam se ipsum, sed non se verbum indicat, nisi se aliquid indicare indicet: sic et charitas diligit quidem se, sed nisi se aliquid diligentem diligit, non charitatem se diligit. Quid ergo diligit charitas, nisi quod charitate diligimus? Id autem, ut a proximo provechamur, frater est. Dilectionem autem fraternalm quantum commendet Joannes apostolus, attendamus: *Qui diligit, inquit, fratrem suum, in lumine manet, et scandalum in eo non est* (Id. ii, 10). Manifestum est quod justitiae perfectionem in fratris dilectione posuerit: nam in quo scandalum non est, utique perfectus est. Et tamen videtur dilectionem Dei tacuisse: quod nunquam faceret, nisi quia in ipsa fraterna dilectione vult intelligi Deum. Apertissime enim in eadem Epistola paulo post ita dicit: *Dilectissimi, diligamus invicem, quia dilectio ex Deo est; et omnis qui diligit, ex Deo natus est, et cognoscit Deum. Qui non diligit, non cognovit Deum; quia Deus dilectio est.* Ista contextio satis apte teque declarat, eamdem ipsam fraternalm dilectionem (nam fraterna dilectio est, qua diligimus invicem) non solum ex Deo, sed etiam Deum esse⁴ tanta auctoritate prædicari. Cum ergo de dilectione diligimus fratrem, de Deo diligimus fratrem: nec fieri potest ut eamdem dilectionem non præcipue diligamus, qua fratrem diligimus. Unde colligitur, duo illa præcepta non posse esse sine invicem. Quoniam quippe *Deus dilectio est*; Deum certe diligit, qui diligit dilectionem: dilectionem autem necesse est ut diligit, qui diligit fratrem. Et ideo paulo post ait, *Non potest Deum diligere quem non videt, qui fratrem quem videt non diligit* (Id. iv, 7, 8, 20): quia hæc illi causa est non videndi Deum, quod non diligit fratrem. Qui enim non diligit fratrem, non est in dilectione: et qui non est in dilectione, non est in Deo, quia Deus dilectio est. Porro qui non est in Deo, non est in lumine: quia *Deus lumen est, et tenebrae in eo non sunt ullæ* (Id. i, 5). Qui ergo non est in lumine, quid mirum si non videt lumen, id est, non videt Deum, quia in tenebris est? Fratrem autem videt humana visu, quo videri Deus non potest. Sed si eum quem

¹ In ante editis omissum erat, potestate et.

² Editi, ad gaudiū ibidem. M. M. T. Tares, ad gaudiū silentia ali, ad gaudiū silentia.

³ Sola fere curio Lov., ut charita c.

⁴ Editi, post, rem esse, inserunt, quem videmus. sed haec duas voces a. ss. absunt.

videt humano visu , spirituali charitate diligenter, videret Deum , qui est ipsa charitas , visu interiore quo videri potest. Itaque qui fratrem quem videt non diligit , Deum , quem propterea non videt , quia Deus dilectio est , qua caret qui fratrem non diligit , quomodo potest diligere ? Nec illa jam questio moveat , quantum fratri charitatis debeamus impendere , quantum Deo : incomparabiliter plus quam nobis Deo , fratri autem quantum nobis ipsis : nos autem ipsis tanto magis diligimus , quanto magis diligimus Deum. Ex una igitur eademque charitate Deum proximum que diligimus : sed Deum propter Deum , nos autem et proximum propter Deum.

CAPUT IX. — 13. In dilectionem justorum accendimur ex ipsa dilectione incommutabilis formæ justitiae. Quid enim est , quæso , quod exardescimus , cum audiimus et legimus : Ecce nunc tempus acceptabile , ecce nunc dies salutis : nullam in quoquam dantes offenditionem , ut non reprehendatur ministerium nostrum ; sed in omnibus commendantes nosmetipsos ut Dei ministros , in multa patientia , in tribulationibus , in necessitatibus , in angustiis , in plagis , in carceribus , in seditionibus , in laboribus , in vigiliis , in jejuniis , in castitate , in scientia , in longanimitate , in bonitate , in Spiritu sancto , in charitate non facta , in verbo veritatis , in virtute Dei : per arma justitiae , a dextris et a sinistris , per gloriam et ignobilitatem , per infamiam et bonam famam ; ut seductores , et veraces ; ut qui ignoramus , et cognoscimur ; quasi morientes , et ecce vivimus ; ut coerciti , et non mortificati ; ut tristes , semper autem gaudentes ; sicut egeni , multos autem ditantes ; tanquam nihil habentes , et omnia possidentes (II Cor. vi, 2-10) ? Quid est quod accendimur in dilectionem Pauli apostoli , cum ista legimus , nisi quod credimus cum ita vixisse ? Vivendum tamen sic esse Dei ministris , non de aliis auditum credimus , sed intus apud nos , vel potius supra nos in ipsa veritate conspicimus. Illum ergo quem sic vixisse credimus , ex hoc quod videimus diligimus. Et nisi hanc formam , quam semper stabilem atque incommutabilem cernimus , præcipue

diligemus , non ideo diligemus illum , quia ejus vitam , cum in carne viveret , hinc formæ coaptatam et congruentem fuisse , fide retinemus. Sed nescio quomodo amplius et in ipsius formæ charitatem excitamur , per fidem qua credimus vixisse sic aliquem ; et spem , qua nos quoque ita posse vivere , qui homines sumus , ex eo quod aliqui homines ita vixerunt , minime desperamus , ut hoc et desideremus ardentius , et fidentius precemur. Ita et ipsorum vitam facit a nobis dilig formæ illius dilectio , secundum quam vixisse creduntur , et illorum vita credita in eamdem formam flagrantiorē excitat charitatem : ut quanto flagrantius diligimus Deum , tanto certius sereniusque videamus ; quia in Deo conspicimus incommutabilem formam justitiae , secundum quam hominem vivere oportere judicamus. Valet ergo fides ad cognitionem et ad dilectionem Dei , non tanquam omnino incogniti , aut omnino non dilecti ; sed quo cognoscatur manifestius , et quo firmius diligatur.

CAPUT X. — 14. Tria quædam in charitate , velut vestigium Trinitatis. Quid est autem dilectio vel charitas , quam tantopere Scriptura divina laudat et prædicat , nisi amor boni ? Amor autem alicujus amantis est , et amore aliquid amat. Ecce tria sunt ; amans , et quod amat , et amor. Quid est ergo amor , nisi quædam vita duo aliqua copulans , vel copulare appetens , amantem scilicet , et quod amat ? Et hoc etiam in externis carnalibusque amoribus ita est : sed ut aliquid parius et liquidius hauriamus , calcata carne ascendamus ad animum. Quid amat animus in amico , nisi animum ? Et illic igitur tria sunt : amans , et quod amat , et amor. Restat etiam hinc ascendere , et superius ista quærere , quantum homini datur. Sed hic paululum requiescat intentio , nou ut se jam existimet invenisse quod querit , sed sicut solet inveniri locus , ubi querendum est aliquid ; nondum illud inventum est , sed jam inventum est ubi queratur : ita hoc dixisse sufficerit , ut tanquam ab articulo alienus exordii cætera contexamus.

¹ Am. Er. et MSS., in extremis.

LIBER NONUS.

Trinitatem in homine , qui imago Dei est , quandam inesse ; mentem scilicet , et notitiam qua se novit , et amorem quo se notitiamque suam diligit : atque hæc tria aequalia inter se , et unius ostenduntur esse essentia.

CAPUT PRIMUM. — 1. De Trinitate quomodo inquirendum. Trinitatem certe querimus , non quamlibet , sed illam Trinitatem quæ Deus est , verusque ac sumimus et solus Deus. Exspecta ergo , quisquis haec audis : adhuc enim querimus , et talia querentem nemo juste reprehendit ; si tamen in fide firmissimus querat , quod aut nossc aut eloqui difficultatum est. Affirmantem vero cito justeque reprehendit , quisquis melius vel videt vel docet. Querite , inquit , Deum , et rivet anima vestra (Psal. LXVIII, 53). Et ne quisquam se tanquam apprehendisse temere gaudeat : Quarite , inquit , faciem ejus semper (Psal. civ, 4). Et Apostolus : Si quis se , inquit , putat aliquid scire , nondum scit

quemadmodum scire oporteat. Quisquis autem diligit Deum , hic cognitus est ab illo (I Cor. VIII, 2, 3). Nec sic quidem dixit , Cognovit illum ; quæ periculosa presumptio est : sed , cognitus est ab illo. Sic et alibi cum dixisset , Nunc autem cognoscentes Deum ; statim corrigens , immo cogniti , inquit , a Deo (Galat. IV, 9) : maximeque illo loco , Fratres , inquit , ego me ipsum non arbitror apprehendisse : unum autem , quæ retro oblitus , in ea quæ ante sunt extensus , secundum intentionem sequor ad palmam supernæ rocationis Dei in Christo Iesu. Quotquot ergo perfecti , hoc sapiamus (Philipp. III, 15-16). Perfectionem in hac vita dicit , non aliud quam ea quæ retro sunt obliisci , et in ea quæ ante

sunt extendi secundum intentionem. Tutissima est enim quærentis intentio, donec apprehendatur illud quo tendimus et quo extendimur. Sed ea recta intentione est, quæ proficiuntur a fide. Certa enim fides utcumque inchoat cognitionem: cognitio vero certa non perficietur, nisi post hanc vitam, cum videbimus facie ad faciem (1 Cor. xiii, 12). Hoc ergo sapiamus, ut neverimus tuitorem esse affectum vera querendi, quam incognita pro cognitis presumendi. Sic ergo queramus tanquam inventuri: et sic inveniamus, tanquam quæsiti. Cum enim consumaverit homo, tunc incipit (Eccli. xviii, 6). De credendis nulla infidelitate dubitemus, de intelligendis nulla temeritate affirmemus: in illis auctoritas tenenda est, in his veritas exquirienda. Quod ergo ad istam questionem attinet, credamus Patrem et Filium et Spiritum sanctum esse unum Deum, universæ creaturæ conditorem atque rectorem: nec Patrem esse Filium, nec Spiritum sanctum vel Patrem esse vel Filium; sed Trinitatem relatarum ad invicem personarum, et unitatem æqualis essentiae. Hoc autem queramus intelligere, ab eo ipso quem intelligere volumus, auxilium precantes, et quantum tribuit quod intelligimus explicare tanta cura et sollicitudine pictatis cupientes¹, ut etiam si aliquid aliud pro alio dicimus, nihil tamen indignum dicamus. Ut si quid, verbi gratia, de Patre dicimus, quod Patri proprie non conveniat, aut Filio conveniat, aut Spiritui sancto, aut ipsis Trinitati: et si quid de Filio, quod Filio proprie non congruat, saltem congruat Patri, aut Spiritui sancto, aut Trinitati: item si quid de Spiritu sancto, quod proprietatem Spiritus sancti non deceat, non tamen alienum sit a Patre aut a Filio, aut ab uno Deo ipsa Trinitate. Veluti nunc cupimus videre utrum illa excellentissima charitas proprie Spiritus sanctus sit: quod si non est, aut Pater est charitas, aut Filius, aut ipsa Trinitas; quoniam resistere non possumus certissimæ fidei, et validissimæ auctoritati Scripture dicentis, Deus caritas est (1 Joan. iv, 16): non tamen debemus deviare sacrilego errore, ut aliquid de Trinitate dicamus quod non Creatori, sed creaturæ potius conveniat, aut inani cogitatione suggatur.

CAPUT II. — 2. Consideranda tria illa quæ repræsentantur in charitate. Quæ cum ita sint, attendamus ista tria, quæ invenisse nobis videmur. Nondum de supernis loquimur, nondum de Deo Patre et Filio et Spiritu sancto; sed de hac impari imagine, attamen imagine, id est homine: familiarius enim eam et facilius fortassis intueretur mentis nostræ infirmitas. Ecce ego qui hoc quero, cum aliquid amo tria sunt: ego et quod amo, et ipse amor. Non enim amo amorem, nisi amantem amem: nam non est amor, ubi nihil amat. Tria ergo sunt; amans, et quod amat, et amor. Quid, si non amem nisi me ipsum? nomine duo erunt; quod amo, et amor? Amans enim et quod amat, hoc idem est, quando se ipse amat: sicut amore et amari, eodem modo id ipsum est, cum se

quisque amat. Eadem quippe res bis dicitur, cum dicatur, Amat se, et amat a se. Tunc enim non est aliud atque aliud, amare et amari; sicut non est aliud atque alius, amans et amatus. At vero amor, et quod amat, etiam sic duo sunt. Non enim cum quisque se amat amor est, nisi cum amat ipse amor. Aliud est autem amare se, aliud est amare amorem suum. Non enim amat ipse amor, nisi jam aliquid amans: quia ubi nihil amat, nullus est amor. Duo ergo sunt, cum se quisque amat; amor, et quod amat. Tunc enim amans et quod amat unum est. Unde videatur non esse consequens ut ubicumque amor fuerit, jam tria intelligantur. Ausseramus enim ab hac consideratione cætera que multa sunt, quibus homo constat: atque ut hæc quæ nunc requiriuntur, quantum in his rebus possumus, liquido reperiannus, de sola mente tractemus. Mens igitur cum amat se ipsam, duo quædam ostendit, mentem, et amorem. Quid est autem amare se, nisi sibi præsto esse velle ad fruendum se? Et cum tantum se vult esse, quantum est, pars menti voluntas est, et amanti amor æqualis. Et si aliqua substantia est amor, non est utique corpus, sed spiritus: nec mens corpus, sed spiritus est. Neque tamen anior et mens duo spiritus, sed unus spiritus; nec essentiæ dux, sed una: et tamen duo quædam unum sunt, amans et amor; sive sic dicas, quod amat et amor. Et hæc quidem duo relative ad invicem dicuntur. Amans quippe ad amorem referuntur, et amor ad amantem. Amans enim aliquo amore amat, et amor alicujus amantis est. Mens vero et spiritus non relative dicuntur, sed essentiam demonstrant. Non enim quia mens et spiritus alicujus hominis est, ideo mens et spiritus est¹. Retracto enim eo quod homo est, quod adjuncto corpore dicitur; retracto ergo corpore, mens et spiritus manet: retracto autem amante, nullus est amor; et retracto amore, nullus est amans. Ideoque quantum ad invicem referuntur, duo sunt: quod autem ad se ipsa dicuntur, et singula spiritus, et simul utrumque unus spiritus; et singula mens, et simul utrumque una mens. Ubi ergo trinitas? Attendamus quantum possumus, et invocemus lucem sempiternam, ut illuminet tenebras nostras, et videamus in nobis, quantum sinimur, ipaginem Dci.

CAPUT III. — 5. Trinitatis imago in mente hominis noscentis se et amantis. Mens se ipsum per se ipsam novit. Mens enim amare se ipsam non potest, nisi etiam se neverit: nam quomodo amat quod nescit? Aut si quisquam dicit ex notitia generali vel speciali mentem credere se esse talem, quales alias experta est, et ideo amare se ipsam, insipientissime loquitur. Unde enim mens aliquam mentem novit, si se non novit? Neque enim ut oculus corporis videt alios oculos, et se non videt; ita mens novit alias mentes, et ignorat semetipsam. Per oculos enim corporis corpora videmus, quia radios qui per eos emicant et quidquid cernimus tangunt, refingere ac retorquere in ipsis non possumus, nisi cum specula intuemur.

¹ Verbum, cupientes, addidimus ex sexdecim MSS.

¹ Sic MSS. At editi, et spiritus manet.

Quod subtilissime obseuriscimeque disseritur, donec apertissime demonstretur, vel ita se rem habere, vel non ita. Sed quoquo modo se habeat vis qua per oculos cernimus; ipsam certe vim, sive sint radii, sive aliud aliquid, oculis cernere non valimus; sed mente querimus, et si fieri potest, etiam hoc mente comprehendimus. Mens ergo ipsa sicut corporum rerum notitias per sensus corporis colligit, sic incorporearum per semetipsam. Ergo et semetipsam per se ipsam novit, quoniam est incorporea. Nam si non se novit, non se amat.

CAPUT IV. — 4. *Tria unum et aequalia, mens ipsa, et amor, et notitia ejus. Tria eadem substantialiter esse, ac relative dici. Tria eadem esse inseparabilia. Tria eadem non partum instar juncta et commixta esse; sed esse unius essentiae, ac relativa.* Sicut autem duo quædam sunt, mens et amor ejus, cum se amat; ita quædam duo sunt, mens et notitia ejus, cum se novit. Igitur ipsa mens et amor et notitia ejus, tria quædam sunt, et hæc tria unum sunt; et cum perfecta sunt, aequalia sunt. Si enim minus se amat quam est, ut verbi gratia, tantum se amet hominis mens, quantum amandum est corpus hominis, cum plus sit ipsa quam corpus; peccat, et non est perfectus amor ejus. Item si amplius se amat quam est, velut si tantum se amet, quantum amandus est Deus, cum incomparabiliter minus sit ipsa quam Deus; etiam sic nimium peccat, et non perfectum habet amorem sui. Majore autem perversitate et iniquitate peccat, cum corpus tantum amat, quantum amandus est Deus. Item notitia si minor est, quam est illud quod noscitur, et plene nosciri potest, perfecta non est. Si autem major est, jam superior est natura quæ novit, quam illa quæ nota est: sicut major est notitia corporis, quam ipsum corpus quod ea notitia notum est. Illa enim vita quædam est in ratione cognoscentis: corpus autem non est vita. Et vita qualibet corpore major est, non mole, sed vi. Mens vero cum se ipsam cognoscit; non se superat notitia sua; quia ipsa cognoscit, ipsa cognoscitur. Cum ergo se totam cognoscit, neque secum quidquam aliud, par illi est cognitio sua: quia neque ex alia natura est ejus cognitio, cum se ipsam cognoscit. Et cum se totam nihilque amplius percipit, nec minor nec major est. Recte igitur diximus, hæc tria cum perfecta sunt, esse consequenter aequalia.

5. Similiter etiam admonemur, si utcumque videre possumus, hæc in anima existere, et tanquam involuta evolvi ut sentiantur et dinumerentur substantialiter, vel, ut ita dicam, essentialiter, non tanquam in subjecto, ut color, aut figura in corpore, aut ulla alia qualitas aut quantitas. Quidquid enim tale est, non excedit subjectum in quo est. Non enim color iste aut figura hujus corporis potest esse et alterius corporis. Mens autem amore quo se amat, potest amare et aliud præter se. Item non se solam cognoscit mens, sed et alia multa. Quamobrem non amor et cognitio tanquam in subjecto insunt menti; sed substantialiter etiam ista sunt, sicut ipsa mens:

quia et si relative dicuntur ad invicem, in sua tamen sunt singula quæque substantia. Nec sicut color et coloratum relative ita dicuntur ad invicem, ut color in subjecto colorato sit, non habens in se ipso propriam substantiam; quoniam coloratum corpus substantia est, ille autem in substantia: sed sicut duo amici etiam duo sunt homines, qui sunt substantie; cum homines non relative dicantur, amici autem relative.

6. Sed item quamvis substantia sit amans vel sciens, substantia sit scientia, substantia sit amor, sed amans et amor, aut sciens et scientia relative ad se dicantur sicut amici; mens vero aut spiritus non sint relativa, sicut nec homines relativa sunt: non tamen sicut amici homines possunt seorsum esse ab invicem, sic amans et amor, aut sciens et scientia. Quanquam et amici corpore videntur separari posse, non animo, in quantum amici sunt: verumtamen fieri potest ut amicus amicum etiam odisse incipiat, et eo ipso amicus esse desinat, nesciente illo, et adhuc amante. Amor autem quo se mens amat, si esse desinat, simul et illa desinet esse amans. Item notitia qua se mens novit, si esse desinat, simul et illa nosse se desinet. Sicut caput capitati alicujus utique caput est, et relative ad se dicuntur, quamvis etiam substantiae sint: nam et caput corpus est, et capitatum; et si non sit caput¹, nec capitatum erit. Sed hæc præcisione ab invicem separari possunt, illa non possunt.

7. Quod si sunt aliqua corpora que secari omnino et dividi nequeunt; tamen nisi partibus suis constarent, corpora non essent. Pars ergo ad totum relative dicitur; quia omnis pars alicujus totius pars est, et totum omnibus partibus totum est. Sed quoniam et pars corpus est, et totum; non tantum ista relative dicuntur, sed etiam substantialiter sunt. Fortassis ergo mens totum est, et ejus quasi partes amor quo se amat, et scientia qua se novit, quibus duabus partibus illud totum constat? An tres sunt aequales partes, quibus totum unum completur? Sed nulla pars totum, cuius pars est, complectitur: mens vero cum se totam novit, hoc est perfecte novit, per totum ejus est notitia ejus; et cum se perfecte amat, totam se amat, et per totum ejus est amor ejus. Num ergo sicut ex vino et aqua et melle una sit potio, et singula per totum sunt, et tamen tria sunt? nulla enim pars est potionis, quæ non habeat hæc tria; non enim juncta, velut si aqua et oleum essent, sed omnino commixta sunt; et substantiae sunt omnes, et totus ille liquor una quædam est ex tribus confecta substantia); tale aliiquid arbitrandum est esse simul hæc tria, mentem, amorem, notitiam? Sed non unius substantiae sunt, aqua, vinum, et mel, quamvis ex eorum commixtione sit una substantia potionis. Quomodo autem illa tria non sint ejusdem substantiae, non video; cum mens ipsa se amet, atque ipsa se noverit; atque ita sint hæc tria, ut non alteri alicui rerum mens vel emata

¹ Editi, et se non sit corpus. At MSS., caput.

vel nota sit. Unius ergo ejusdemque essentiae necesse est haec tria sint: et ideo si tanquam commixtione confusa essent; nullo modo essent tria, nec referri ad invicem possent. Quemadmodum si ex uno eodemque auro tres annulos similes facias, quamvis conexos sibi, referuntur ad invicem, quod similes sunt; omnis enim similis alieni similis est; et trinitas annulorum est, et unum aurum: at si misceantur sibi, et per totam singuli massam suam conspergantur, interieret illa trinitas, et omnino non erit; ac non solum unum aurum dicetur, sicut in illis tribus annulis dicebatur, sed jam nulla aurea tria.

CAPUT V. — 8. *Ea tria esse singula in se ipsis, et invicem tota in totis.* At in illis tribus, cum se novit mens et amat se, manet trinitas, mens, amor, notitia; et nulla commixtione confunditur: quamvis et singula sint in semetipsis, et invicem tota in totis, sive singula in binis, sive bina in singulis. Itaque omnia in omnibus. Nam et mens est utique in se ipsa, quoniam ad se ipsam mens dicitur: quamvis noscens, vel nota, vel noscibilis ad suam notitiam relative datur; amans quoque et amata vel amabilis ad amorem referatur, quo se amat. Et notitia quamvis referatur ad mentem cognoscentem vel cognitam, tamen et ad se ipsam nota et noscens dicitur: non enim sibi est incognita notitia, qua se mens ipsa cognoscit. Et amor quamvis referatur ad mente amantem, cuius amor est; tamen et ad se ipsum est amor, ut sit etiam in se ipso: quia et amor amatur, nec alio nisi amore amari potest, id est se ipso. Ita sunt haec singula in se ipsis. In alternis autem ita sunt, quia et mens amans in amore est, et amor in amantis notitia, et notitia in mente noscente. Singula in binis ita sunt, quia mens quae se novit et amat, in amore et notitia sua est; et amor amantis mentis seseque scientis, in mente notitiaque ejus est; et notitia mentis se scientis et amantis in mente atque in amore ejus est, quia scientem se amat, et amantem se novit. Ac per hoc et bina in singulis, quia mens quae se novit et amat, cum sua notitia est in amore, et cum suo amore in notitia: amor quoque ¹ ipse et notitia simul sunt in mente, quae se amat et novit. Tota vero in totis quemadmodum sint, jam supra ostendimus, cum se totam mens amat, et totam novit, et totum amorem suum novit, totanque amat notitiam suam, quando tria ista ad se ipsa perfecta sunt. Miro itaque modo tria ista inseparabilia sunt a semetipsis, et tamen eorum singulum quodque substantia est, et simul omnia una substantia vel essentia, cum relative dicantur ad invicem.

CAPUT VI. — 9. *Alia notitia rei in ipsa re, alia in ipsa aeterna veritate. Quod ex aeternae veritatis regulis judicium de rebus etiam corporeis fiat.* Sed cum se ipsam novit humana mens et amat se ipsam, non aliquid incommutabile novit et amat: aliterque unusquisque homo loquendo enuntiat mentem suam, quid in se ipso agatur attendens; aliter autem humanam mentem speciali aut generali cognitione definit. Ita-

que cum mihi de sua propria loquitur, utrum intelligat hoc aut illud, an non intelligat, et utrum veit, an nolit hoc aut illud, credo: cum vero de humana specialiter aut generaliter verum dicit, agnosco et approbo. Unde manifestum est, aliud unumquemque videre in se, quod sibi alius dicenti credit, non tam videat; aliud autem in ipsa veritate, quod alius quoque possit intueri: quorum alterum mutari per tempora, alterum incommutabili aeternitate consistere. Neque enim oculis corporeis multas mentes videndo, per similitudinem colligimus generalem vel specialem mentis humanae notitiam: sed intuemur inviolabilem veritatem, ex qua perfecte, quantiter possumus, definiamus, non qualis sit uniuscujusque hominis mens, sed qualis esse sempiternis rationibus debeat.

10. Unde etiam phantasias rerum corporalium per corporis sensum haustas, et quodam modo infusas memoriae, ex quibus etiam ea quae non visa sunt, sicto phantasmate cogitantur, sive aliter quam sunt, sive fortuiti sicuti sunt, aliis omnino regulis supermentem nostram incommutabiliter manentibus, vel approbare apud nosmetipsos, vel improbare convincimur, cum recte aliquid approbamus aut improbamus. Nam et cum recolo Carthaginis moenia quae vidi, et cum singo Alexandriæ¹ quae non vidi, easdemque imaginariae formas quasdam quibusdam praferens, rationabiliter prafero; viget et claret desuper judicium veritatis, ac sui juris incorruptissimi regulis firmum est: et si corporalium imaginum quasi quodam nubilo subtextitur, non tamen involvitur atque confunditur.

11. Sed interest utrum ego sub illa vel in illa caligine, tanquam a cœlo perspicuo secludar; an sicut in altissimis montibus accidere solet, inter utrumque aere libero fruens, et serenissimam lucem supra, et densissimas nebulas subter aspiciam. Nam unde in me fraterni amoris inflammatur ardor, cum audio virum aliquem pro fidei pulchritudine et firmitate aeria tormenta tolerasse? Et si mihi digito ostendatur ipse homo, studeo mihi conjungere, notum facere, amicitia colligare. Itaque si facultas datur, accedo, alloquor, sermonem conservo, affectum meum in illum quibus verbis possum exprimo, vicissimque in eo fieri quem in me habeat atque exprimi volo, spiritualemque complexum credendo molior, quia per vestigare tam cito et cernere penitus ejus interiora non possum. Amo itaque fidem et fortem virum amore casto atque germano. Quod si mihi inter nostras loquelas fateatur, aut incautus² aliquo modo sese indicet, quod vel de Deo credit incongrua, atque in illo quoque carnale aliquid desideret, et pro tali errore illa pertulerit, vel speratae pecuniae cupiditate, vel inani aviditate laudis humanæ: statim amor ille, quo in eum serabar, offensus, et quasi repercussus, atque ab indigno homine ablatus, in ea forma permanet³, ex qua eum talem credens ama-

¹ Er. Lugd. Ven. Lov. addunt, *mœma*. In B. deest haec vox, de qua ad marginem notatur: «su. audi, *mœnia*.» M.

² Ait ud. Lov., *incautus*.

³ Editi, non in ea forma permanet; addit. a contra mente

¹ Editi, *amor quippe*. Conclavis MSS., *amor quoque*.

veram. *Nisi forte ad hoc amo jam, ut talis sit, cum talem non esse comperero.* At in illo homine nihil mutatum est: mutari tamen potest, ut fiat quod eum jam esse credideram. In mente autem mea mutata est utique ipsa existimatio, que de illo aliter se habebat, et aliter habet: idemque amor ab intentione perfruendi ad intentionem consulendi, incommutabili desuper justitia jubente deflexus est. Ipsa vero forma inconcussa ac stabilis veritatis, et in qua fruenter homine bonum eum credens, et in qua consulo ut bonus sit, eadem luce incorruptibilis sincerissimaque rationis et meæ mentis aspectum, et illam phantasiae nubem, quam desuper cerno, cum cumdem hominem quem videram cogito, imperturbabiliter perfundit¹. Item cum arcum pulchre ac æquabiliter intortum, quem vidi, verbi gratia, Carthaginæ, animo revollo, res quædam menti nuntiata per oculos, memoriæque transfusa, imaginariū conspectum facit. Sed aliud mente conspicio, secundum quod mihi opus illud placet; unde etiam, si displiceret, corrigerem. Itaque de istis secundum illam (*a*) judicamus, et illam cernimus rationalis mentis intuitu. Ista vero aut presentia sensu corporis tangimus, aut imagines absentium fixas in memoria recordamur, aut ex earum similitudine talia singimus, qualia nos ipsi, si vellemus atque possemus, etiam opere moliremur: aliter figurantes animo imagines corporum, aut per corpus corpora videntes; aliter autem rationes artemque ineffabiliter pulchram talium figurarum super aciem mentis simplici intelligentia capientes.

CAPUT VII. — 12. *Verbum intus ex rebus in aeterna veritate conspectis concipimus et gignimus. Verbum amore concipitur sive creaturæ sive Creatoris.* In illa igitur aeterna veritate, ex qua temporalia facta sunt omnia, formam secundum quam sumus, et secundum quam vel in nobis vel in corporibus vera et recta ratione aliquid operamur, visu mentis aspicimus: atque inde conceptam rerum veracem notitiam, tanquam verbum apud nos habemus, et dicendo intus gignimus; nec a nobis nascendo discedit. Cum autem ad alios loquimur, verbo intus manenti ministerium vocis adhibemus, aut alicujus signi corporalis, ut per quamdam commemorationem sensibilem tale aliquid fiat etiam in animo audientis, quale de loquentis animo non recedit. Nihil itaque agimus per membra corporis in factis dictisque nostris, quibus vel approbantur vel improbantur mores hominum, quod non verbo apud nos intus edito prævenimus. Nemo enim volens aliquid facit, quod non in corde suo prius dixerit.

13. *Quod verbum amore concipitur, sive creaturæ, sive Creatoris, id est, aut naturæ mutabilis, aut incommutabilis veritatis.*

CAPUT VIII. — *Cupiditas et charitas quo differt. Ergo aut cupiditate, aut charitate: non quo*

Augustini particula negante, qua nostri omnes carebant *viss.*
¹ Sic *An.* et *Mss.* magno consensu. At *Fr.* et *Lov.*, *acquisitum perfundit.*

(*a*) *Subaudi, formam aeternæ veritatis.*

non sit ² amanda creatura; sed si ad Creatorem referatur ille amor, non jam cupiditas, sed charitas erit. Tunc enim est cupiditas, cum propter se amatur creatura. Tunc non utentem adjuvat, sed corruptit fruentem. Cum ergo aut par nobis, aut inferior creatura sit, inferiore utendum est ad Deum; pari autem fruendum, sed in Deo. Sicut enim te ipso, non in te ipso frui debes, sed in eo qui fecit te; sic etiam illo quem diligis tanquam te ipsum. Et nobis ergo et fratribus in Domino fruamur, et inde nos nec ad nosmetipsos remittere, et quasi relaxare deorsum versus audeamus. Nascitur autem verbum, cum ex cogitatum placet, aut ad peccandum, aut ad recte faciendum. Verbum ergo nostrum et mentem de qua gignitur, quasi medius amor conjungit, seque cum eis tertium complexu incorporeo, sine ulla confusione constringit.

CAPUT IX. — 14. *In amore spiritualium verbum natum idem quod conceptum: secus in amore carnalium.* Conceptum autem verbum et natum id ipsum est, cum voluntas in ipsa notitia conquiescit, quod sit in amore spiritualium. Qui enī, verbi gratia, perfecte novit, perfecteque amat justitiam, jam iustus est, etiamsi nulla existat secundum eam forinsecus per membra corporis operandi necessitas. In amore autem carnalium temporaliumque rerum, sicut in ipsis animalium fetibus, aliis est conceptus verbi, aliis partus. Illic enim quod cupiendo concipiatur, adipiscendo nascitur. Quoniam non sufficit avaritiae nosse et amare aurum, nisi et habeat; neque nosse et amare vesci, aut concubere, nisi etiam id agat; neque nosse et amare honores et imperia, nisi proveniant. Quæ tamen omnia, nec adepta sufficiunt. Qui enim biberit ex hac, inquit, aqua, si sit iterum (*Joan. iv, 15*). Ideoque et in Psalmo: *Concepit, inquit, dolorum, et peperit iniquitatem* (*Psal. vii, 15*). Dolorem vel laborem dicit concepi, cum ea concipiatur que nosse ac velle non sufficit, et inardescit atque agrerotat animus indigentia, donec ad ea perveniat, et quasi pariat ea. Unde eleganter in latina lingua parta dicuntur et reperta atque comperta, que verba quasi a parti ducta resonant. Quia *concupiscentia cum conceperit, parit peccatum* (*Jacobi 1, 15*). Unde Dominus clamat, *Venite ad me, omnes qui laboratis et onerati estis* (*Matth. xi, 28*): et alio loco, *Væ prægnantibus et mammantibus in illis diebus* (*Id. xxiv, 19*). Cum itaque ad partum verbi referret omnia vel recte facta vel peccata, *Ex ore, inquit, tuo justificabis, et ex ore tuo condemnaberis* (*Id. xii, 37*): os volens intelligi, non hoc visible, sed interius invisible cogitationis et cordis.

CAPUT X. — 15. *An sola notitia amata sit verbum mentis.* Recte ergo queritur, utrum omnis notitia verbum, an tantum amata notitia. Novimus enim et ea que odiimus: sed nec concepta, nec parta dienda sunt animo, que nobis displicant. Non enim omnia que quoquo modo tangunt, concipiuntur: sed alia³

¹ *Lov., non quod non sit.*

² In editis male omissum erat, sed alia.

ut tantum nota sint, non tamen verba dicantur; sicut ista de quibus nunc agimus. Aliter enim dicuntur verba quæ spatia temporum syllabis tenent, sive pronuntientur, sive cogitentur; aliter omne quod notum est, verbum dicitur animo impressum, quamdiu de memoria proferri et definiri potest, quamvis res ipsa displiceat; aliter cum placet quod mente concipitur. Secundum quod genus verbi accipiendum est quod ait Apostolus, *Nemo dicit, Dominus Jesus, nisi in Spiritu sancto (I Cor. xii, 5)*: cum secundum aliam verbi notionem dicant hoc et illi, de quibus ipse Dominus ait, *Non omnis qui dicit mihi, Domine, Domine, intrabit in regnum cœlorum (Matth. vii, 21)*. Verumtamen cum et illa que odiimus, recte displaceat, recteque improbantur, approbatur eorum improbatio, et placet, et verbum est. Neque vitiorum notitia nobis displaceat, sed ipsa vitia. Nam placet mihi quod novi et definio quid sit intemperantia; et hoc est verbum ejus. Sicuti sunt in arte nota vitia, et recte approbatur eorum notitia, cum discernit cognitor speciem privationemque virtutis, sicut aere et negare, esse et non esse: attamen virtute privari atque in vitium deficere, damnable est. Et definire intemperantiam, verbumque ejus dicere, pertinet ad artem morum: esse autem intemperantem, ad id pertinet quod illa arte culpatur. Sicut nosse ac definire quid sit solœcismus, pertinet ad artem loquendi: facere autem, vitium est quod eadem arte reprehenditur. Verbum est igitur, quod nunc discernere ac insinuare volumus, cum amore notitia. Cum itaque se mens novit et amat, jungitur ei amore verbum ejus. Et quoniam amat notitiam et novit amorem, et verbum in amore est, et amor in verbo, et utrumque in amante atque dicente.

CAPUT XI. — 16. *Mensis se ipsam noscentis imaginem seu verbum genitum ipsi æquale esse.* Sed omnis secundum speciem notitia, similis est ei rei quam novit. Est enim alia notitia secundum privationem, quam cum improbamus, loquimur. Et hæc privationis improbatio speciem laudat, ideoque approbatur. Habet ergo animus nonnullam speciei notæ similitudinem, sive cum ea placet, sive cum ejus privatio displaceat. Quocirca in quantum Deum novimus, similes sumus: sed non ad æqualitatem similes, quia nec tantum eum novimus, quantum ipse se. Et quemadmodum cum per sensum corporis dicimus corpora, sit eorum aliqua similitudo in animo nostro, quæ phantasia memoriæ est: non enim omnino ipsa corpora in animo sunt, cum ea cogitamus; sed eorum similitudines: itaque cum eas pro illis approbamus, erramus; error namque est pro alio alterius approbatio: melior est tamen imaginatio corporis in animo, quam illa species corporis, in quantum hæc in meliore natura est, id est, in substantia vitali, sicuti animus est: ita cum Deum novimus, quamvis meliores efficiamur quam eramus antequam nossemus, maximeque cum eadem notitia etiam plauta dignæque animata verbum est, siue aliqua Dei similitudo illa notitia: tamen inferior est, quia in inferiore natura est; creatura quippe

PATROL. XLII.

animus, Creator autem Deus. Et quod non est, cum se mens ipsa novit at, et a proximi, et a se eadem notitia verbum ejus, ut ei est per se, non est aequalis, atque identidem: quia ne ipsa habilitas est notitia est, sicut corporis; neque super hoc, res Dei. Et cum habeat notitia similitudinem ad eam rem quam novit, hoc est, cuius notitia est; hoc habebat perfectam et æqualem, qua mens ipsa¹, quæ novit, est nota. Ideoque et imago et verbum est, quia de illa exprimitur, cum cognoscendo eum coequatur, et est gignenti æquale quod genitum est.

CAPUT XII. — 17. *Cur sicut notitia mentis est proles, non etiam amor partus ejusdem sit. Solutio questionis. Trinitatis imago, mens cum sua ipsius notitia et amore. Quid ergo amor? non erit imago? non verbum? non genitus? Cur enim mens notitiam suam gignit, cum se novit; et amorem suum non gignit, cum se amat? Nam si propterea est notitiae sue causa, quia noscibilis est; amoris etiam sui causa est, quia est amabilis. Cur utrumque itaque non genuerit, difficile est dicere. Hæc enim quæstio etiam de ipsa summa Trinitate, omnipotentissimo creatore Deo, ad cuius imaginem homo factus est, solet movere homines, quos veritas Dei per humanam locutionem invitat ad fidem, cur non Spiritus quoque sanctus a Patre Deo genitus vel creditur vel intelligitur, ut filius etiam ipse dicatur? Quod nunc in mente humana utcumque investigare conamur, ut ex inferiore imagine, in qua nobis familiaris natura ipsa nostra, quasi interrogata respondet, exercitatiorem mentis aciem ab illuminata creatura ad lumen incommutabile dirigamus: si tamen veritas ipsa persuaserit, sicut Dei Verbum Filium esse nullus christianus dubitat, ita charitatem esse Spiritum sanctum. Ergo ad imaginem illam, quæ creatura est, hoc est, ad rationalem mentem diligenter de hac re interrogandam considerandumque redeamus, ubi temporaliter existens nonnullarum rerum notitia, quæ antea non erat, et aliquarum rerum amor, quæ antea non amabantur, distinctius nobis aperit quia dicamus: quia et ipsi locutioni temporaliter dirigendæ, facilior est ad explicandum res quæ in ordine temporum comprehendit.*

18. Primo itaque manifestum sit, posse fieri ut sit aliquid scibile, id est, quod sciri possit, et tamen nesciatur: illud autem fieri non posse, ut sciatur quod scibile non fuerit. Unde liquido tenendum est quod omnis res quacumque cognoscimus, congenerat in nobis notitiam sui. Ab utroque enim notitia paritur, a cognoscente et cognito. Itaque mens cum se ipsam cognoscit, sola parens est notitiae sue: et cognitum enim et cognitor ipsa est. Erat autem sibi ipsa noscibilis, et antequam se nosset: sed notitia sui non erat in ea, cum se ipsa non noverat. Quod ergo cognoscit se, parem sibi notitiam sui gignit: quia non minus se novit quam est, nec alterius essentiae est notitia ejus, non solum quia ipsa novit, sed etiam quia se ipsam,

¹ Lev., quia mens ipsa. Male.

² Plerique MSS., digerenda.

sicut supra diximus. Quid ergo de amore dicendum est, cur non etiam cum se amat, ipsum quoque amorem sui genuissa videatur? Erat enim amabilis sibi, et antequam se amaret, quia poterat se amare: sicut erat sibi noscibilis, et antequam se nosset, quia poterat se nosse. Nam si non sibi esset noscibilis, nunquam se nosse potuisset: ita si non sibi esset amabilis, nunquam se amare potuisset. Cur itaque amando se non genuisse dicatur amorem suum; sicut cognoscendo se genuit notitiam suam? An eo¹ quidem manifeste ostenditur hoc amoris esse principium, unde procedit: ab ipsa quippe mente procedit: quæ sibi est amabilis antequam se amet; atque ita principium est amoris sui, quo se amat: sed ideo non recte dicitur genitus ab ea, sicut notitia sui qua se novit, quia notitia jam inventum est, quod partum vel repertum dicitur, quod sæpe præcedit inquisitio eo fine quietura? Nam inquisitio est appetitus inveniendi, quod idem valet si dicas, reperiendi. Quæ autem reperiuntur, quasi pariuntur: unde proli similia sunt; ubi, nisi in ipsa notitia? Ibi enim quasi expressa formantur. Nam etsi jam erant res quas querendo invenimus, notitia tamen ipsa non erat, quam sicut prolem nascentem deputamus. Porro appetitus ille, qui est in querendo, præcedit a querente, et pendet quodam modo, neque

¹ Editi, in eo. Emendantur ex MSS.

requiescit sine quo intenditur, nisi id quo queritur inventum querenti copuletur. Qui appetitus, id est inquisitio, quamvis amor esse non videatur, que id quod notum est¹, amat; hoc enim adhuc ut cognoscatur agitur: tamen ex eodem genere quiddam est. Nam voluntas jam dici potest, quia omnis qui querit invenire vult; et si id queritur quod ad notitiam pertinet, omnis qui querit nosse vult. Quod si ardenter atque instanter vult, studere dicitur: quod maxime in assequendis atque adipiscendis quibusque doctrinis dici solet. Partum ergo mentis antecedit appetitus quidam, quo id quod nosse volumus querendo et inveniendo, nascitur proles ipsa notitia: ac per hoc appetitus ille quo concipitur pariturque notitia, partus et proles recte dici non potest; idemque appetitus quo inhiatur rei cognoscendæ, sit amor cognitæ, dum tenet atque amplectitur placitam prolem, id est, notitiam, gignentique conjungit. Et est quedam imago Trinitatis, ipsa mens, et notitia ejus, quod est proles ejus ac de se ipsa verbum ejus, et amor tertius, et haec tria unum atque una substantia. Nec minor proles, dum tantum se novit mens quanta est: nec minor amor, dum tantum se diligit quantum novit et quanta est.

¹ Plures MSS., quia quod notum est.

LIBER DECIMUS,

In quo trinitatem aliam in hominī mente inesse ostenditur, eamque longe evidenterem apparere in memoria, intelligentia et voluntate.

CAPUT PRIMUM. — 1. Amorem studentis animi, id est, scire cupientis, non esse amorem ejus rei quam nescit. Nunc ad ea ipsa consequenter enodatus explicanda limatior accedit intentio. Ac primum, quia rem prorsus ignotam amare omnino nullus potest, diligenter intuendum est eujusmodi sit amor studentium, id est, non jam scientium, sed adhuc scire cupientium quamque doctrinam. Et in his quippe rebus in quibus non usitate dicitur studium, solent existere amores ex auditu, dum eujusque pulchritudinis fama ad videndum ac fruendum animus accenditur, quia generaliter novit corporum pulchritudines, ex eo quod plurimas vidit, et inest intrinsecus unde approhetur, cui fornicans inhiatur. Quod cum sit, non rei penitus incognitæ amor excitatur, cuius genus ita notum est. Cum autem virum bonum amamus, cuius faciem non vidi-mus, ex notitia virtutum amamus, quas novimus in ipsa veritate. Ad doctrinas autem cognoscendas, plerumque nos laudantium atque prædicantium accedit auctoritas: et tamen nisi breviter impressam eujusque doctrinæ haberemus in animo notionem, nullo ad eam discendam studio flagraremus. Quis enim sciendæ, verbi gratia, rhetoricae ullam curam et operam impenderet, nisi ante sciret eam dicendi esse scientiam? Aliquando etiam ipsarum doctrinarum fines auditos expertosve miramur, et ex hoc inardescimus facultatem comparare discendo, qua ad eos pervenire

possimus. Tanquam si litteras nescienti dicatur quamdam esse doctrinam, qua quisque valeat, quamvis longe absenti, verba mittere manu facta in silentio, quæ rursus ille cui mittuntur, non auribus, sed oculis colligat, idque fieri videat; nonne, dum concupiscit nosse quo id possit, omni studio circa illum finem movetur, quem jam notum tenet? Sic accenduntur studia discentium: nam quod quisque prorsus ignorat, amare nullo pacto potest.

2. Ita etiam signum si quis audiat incognitum, veluti verbi alicuius sonum, quo quid significetur ignorat, cupit scire quidnam sit, id est, sonus ille cui rei commemorande institutus sit: veluti si audiat cum dicitur temetum, et ignorans quid sit requirat. Jam itaque oportet ut noverit signum esse, id est, non esse inanem illam vocem, sed aliquid ea significari: alioquin jam notum est hoc trisyllabum, et articulatam speciem suam impressit animo per sensum aurium: quid amplius in eo requiratur, quo¹ magis innoescat, cuius omnes litteræ omniaque soni spatia nota sunt; nisi quia simul innotuit signum esse, motuque sciendi cupiditatem, cuius rei signum sit? Quo igitur amplius notum est, sed non plene notum est, eo cupit animus de illo nosse quod reliquum est. Si enim tantummodo esse istam vocem nosset, eamque

¹ Aliquot MSS., quod.

aliujus rei signum esse non nosset, nihil jam quereret, sensibili re, quantum poterat, sentiendo percepit. Quia vero non solum esse vocem, sed et signum esse jam novit, perfecte id nosse vult. Neque ullum perfecte signum noscitur, nisi cuius rei signum sit cognoscatur. Hoc ergo qui ardenti cura querit ut noverit, studioque accensus insistit, num potest dici esse sine amore? Quid igitur amat? Certe enim amari aliquid nisi notum non potest. Neque enim ille istas tres syllabas amat, quas jam notas habet. Quod si haec in eis amat, quia scit eas significare aliquid; non inde nunc agitur, non enim hoc nosse querit: sed in eo quod scire studet, quid amet inquirimus, quod profecto nondum novit: et propterea miramur cur amet, quoniam firmissime novimus amari nisi nota non posse. Quid ergo amat, nisi quia novit atque intuetur in rationibus rerum quae sit pulchritudo doctrinæ, qua continentur notitiae signorum omnium; et quae sit utilitas in ea peritia, qua inter se humana societas sensa communicat, ne sibi hominum cœtus deteriores sint quavis solitudine, si cogitationes suas colloquendo non misceant. Hanc ergo speciem decoram et utilem cernit anima, et novit, et amat; earumque in se perfici studet, quantum potest, quisquis vocum significantium quacumque ignorat¹, inquirit. Aliud est enim quod eam in veritatis luce conspicit, aliud quod in sua facultate concupiscit. Conspicit namque in luce veritatis quam magnum et quam bonum sit omnes omnium gentium linguas intelligere ac loqui, nullamque ut alienigena² audire, et a nullo ita audiri. Cujus notitiae decus cogitatione jam cernitur, amatque res nota; quae ita conspicitur, atque inflammat studia discentium, ut circa eam moveantur, eique inhinet in omni opera quam impendunt consequendæ tali facultati, ut etiam usu amplectantur quod ratione prone- scunt: atque ita quisque, cui facultati spe propinquat, ei serventius amore inardescit. Eis doctrinis quippe studetur vehementius, quae capi posse non desperantur. Nam cuius rei adipiscendæ spem quisque non gerit, aut tepide amat, aut omnino non amat, quamvis quam pulchra sit videat. Quocirca, quia omnium linguarum scientia fere ab omnibus desperatur, suæ gentis quisque maxime studet, ut noverit. Quod si et illi ad perfectum percipiendæ se non sufficere sentit, nemo tamen tam desidiosus est hujus notitiae, qui non, cum audierit incognitum verbum, velit nosse quid illud sit, et si potest, querat ac discat. Quod dum querit, utique in studio discendi est, et videtur amare rem incognitam; quod non ita est. Species namque illa tangit animum, quam novit et cogitat, in qua elucet decus consociandorum animorum in vocibus notis audiendis atque reddendis: eaque accedit studio querentem quidem quod ignorat, sed notam formam, quo id pertineat, intuentem et amantem. Itaque si querenti, verbi gratia, quid sit temetum (hoc enim exempli causa posueram), dicatur, Quid

ad te pertinet? respondebit, Ne forte audiam loquenter, et non intelligam, aut uspiam forte id legam, et quid scriptor senserit, nesciam. Quis tandem huic dicat, Noli intelligere quod audis, noli nosse quod legis? Omnibus enim fere animis rationalibus in promptu est ad videndum hujus peritiæ pulchritudo, qua hominum inter se cogitata, significantium vocum enuntiatione noscuntur: propter hoc notum decus, et ob hoc amatum quia notum, studiose queritur verbum illud ignotum. Itaque cum audierit atque cognoverit temetum a veteribus vinum appellatum, sed jam ex usu loquendi quem nunc habemus, hoc vocabulum emortuum, propter nonnullos fortasse veterum libros sibi necessarium deputabit. Si autem et illos supervacaneos habet, forte jam nec dignum quod memoria commendet existimat, quia videt ad illam speciem doctrinæ quam notam mente intuetur atque amat, minime pertinere.

3. Quamobrem omnis amor studentis animi, hoc est volentis scire quod nescit, non est amor ejus rei quam nescit, sed ejus quam scit, propter quam vult scire quod nescit. Aut si tam curiosus est, ut non propter causam aliam notam, sed solo amore rapiatur incognita sciendi; discernendus quidem est ab studiosi nomine iste curiosus, sed nec ipse amat incognita, imo congruentius dicitur, Odit incognita: quae nulla esse vult, dum vult omnia cognita. Sed ne quisquam nobis difficiliorem referat quæstionem, asserens tam non posse quemquam odisse quod nescit, quam non potest amare quod nescit, non resistimus veris³: sed intelligendum est, non hoc idem dici cum dicitur, Amat scire incognita, ac si dicetur, Amat incognita. Illud enim fieri potest, ut amet quisque scire incognita: ut autem amet incognita, non potest. Non enim frustra illi est positum scire: quoniam qui scire amat incognita, non ipsa incognita, sed ipsum scire amat. Quod nisi haberet cognitum, neque scire se quisquam posset fidenter dicere, neque nescire. Non solum enim qui dicit, Scio et verum dicit, necesse est ut quid sit scire sciat: sed etiam qui dicit, Nescio, idque fidenter et verum dicit, et scit verum se dicere, scit utique quid sit scire: quia et discernit ab scientie nescientem, cum veraciter se intuens dicit, Nescio; et cum id se scit verum dicere, unde sciret, si quid sit scire nescire?

CAPUT II. — 4. *Nemo prorsus amat incognita.* Quilibet igitur studiosus, quilibet curiosus non amat incognita, etiam cum ardentissimo appetitu instat scire quod nescit. Aut enim jam genere notum habet quod amat, idque nosse expetit, etiam in aliqua res singula, vel in singulis rebus, quae illi nondum notæ forte laudantur, flingitque animo imaginariam formam quæ excitetur in amorem. Unde autem flingit, nisi ex iis quæ jam noverat? Cujus tamen formæ animo figuratae atque in cogitatione notissimæ, si eam quæ laudabatur dissimilem invenerit, fortasse non amabit. Quod si amaverit, ex illo amare incipiet ex quo didicit. Paulo ante quippe alia erat quæ amabatur,

¹ Sic Am. Er. et MSS. At Lov., significantiam quamcumque ignorat.

² Ita Am. et MSS. At Er. et Lov., ut alienigenam. Forte legendum, nullumque ut alienigenam.

³ Sic plerique MSS. Editi vero, non resistimus verbis.

quam sibi animus formans exhibere consueverat. Si autem illi formae similem invenerit quam fama praedicaverat, cui vere possit dicere, Jam te amabam; nec tunc utique amabat incognitam, quam in illa similitudine noverat. Aut in specie sempiternae rationis videmus aliquid et ibi amamus, quod cum expressum in aliqua rei temporalis effigie, illis qui experti sunt laudantibus et credimus, et amamus, non aliquid amamus incognitum, unde jam supra satis disseruimus: aut aliquid notum amamus, propter quod ignotum aliquid querimus: cuius ignoti amor nequaquam nos tenet, sed illius cogniti, quo pertinere novimus, ut illud etiam quod adhuc ignotum querimus, noverimus; sicut de incognito verbo paulo ante locutus sum. Aut ipsum scire quisque amat, quod nulli scire aliquid cupienti esse incognitum potest. His causis videntur amare incognita, qui scire aliquid volunt quod nesciunt, et propter ardenterem querendi appetitum sine amore esse dici non possunt. Sed quam se res aliter habeat, neque omnino quidquam ametur incognitum, arbitror me persuasissime verum diligenter intuentibus. Sed quia exempla quæ deditus, eorum sunt, qui aliquid quod ipsis non sunt nosse cupiunt; videndum est ne forte aliquod novum genus appareat, cum se ipsa mens nosse desiderat.

CAPUT III. — 5. *Quod mens amet se ipsam non incognitam sibi.* Quid ergo amat mens, cum ardenter se ipsam querit ut noverit, dum incognita sibi est? Ecce enim mens semetipsam querit ut noverit, et inflammatur hoc studio. Amat igitur: sed quid amat? Se ipsam? Quomodo, cum se nondum noverit, nec quisquam possit amare quod nescit? An ei fama praedicavit speciem suam, sicut de absentibus solemus audire? Forte ergo se non amat, sed quod de se singit, hoc amat, longe fortasse aliud quam ipsa est: aut si se mens sui similem singit, et ideo cum hoc segmentum amat, se amat antequam noverit; quia id quod sui simile est intuetur: novit igitur alias mentes ex quibus se singat, et genere ipso sibi nota est. Cur ergo cum alias mentes novit, se non novit, cum se ipsa nihil sibi possit esse presentius? Quod si ut oculis corporis magis alii oculi noti sunt, quam ipsi sibi; non se ergo querat nunquam inventura. Nunquam enim se oculi præter specula videbunt: nec ullo modo putandum est etiam rebus incorporeis contemplandis tale aliquid adhiberi, ut mens tanquam in speculo se noverit. An in ratione veritatis æternæ videt quam speciosum sit nosse semetipsam, et hoc amat quod videt, studetque in se fieri? quia quamvis sibi nota non sit, notum tamen ei est quam bonum sit, ut sibi nota sit. Et hoc quidem permirabile est, nondum se nosse, et quam pulchrum sit se nosse, jam nosse. An aliquem finem optimum, id est securitatem et beatitudinem suam videt, per quamdam occultam memoriam, quæ in longinqua ¹ eam progressam non deseruit, et credit ad eundem finem, nisi se ipsam cognoverit, se pervenire non posse? Ita dum illud amat, hoc querit: et notum

¹ Plerique MSS., in longinquam.

amat illud, propter quod querit ignotum. Sed cur memoria beatitudinis suæ potuit, et memoria sui cum ea perdurare non potuit, ut tam se nosset quæ vult pervenire, quam novit illud quo vult pervenire? Aut cum se nosse amat, non se quam nondum novit, sed ipsum nosse amat; acerbiusque tolerat se ipsam deesse scientiæ surè, qua vult cuncta comprehendere? Novit autem quid sit nosse, et dum hoc amat quod novit, etiam se cupit nosse. Ubi ergo nosse suum novit, si se non novit? Nam novit quod alia noverit, se autem non noverit: hinc enim novit et quid sit nosse. Quo pacto igitur se aliquid scientem scit, quæ se ipsam nescit? Neque enim alteram mentem scientem scit, sed se ipsam. Scit igitur se ipsam. Deinde cum se querit ut noverit, querentem se jam novit. Jam se ergo novit. Quapropter non potest omnino nescire se, quæ duni se nescientem scit, se utique scit. Si autem se nescientem nesciat, non se querit ut sciatur. Quapropter eo ipso quo se querit, magis se sibi notam quam ignotam esse convincitur. Novit enim se querentem atque nescientem, dum se querit ut noverit.

CAPUT IV. — 6. *Quomodo mens non ex parte, sed totam se cognoscat.* Quid ergo dicemus? an quod ex parte se novit, ex parte non novit? Sed absurdum est dicere, non eam totam scire quod scit. Non dico, Totum scit; sed quod scit, tota scit. Cum itaque aliquid de se scit, quod nisi tota non potest, totam se scit¹. Scit autem se aliquid scientem, nec potest quidquam scire nisi tota. Scit se igitur totam. Deinde quid ejus ei tam notum est, quam se vivere? Non potest autem et mens esse, et non vivere, quando habet etiam amplius ut intelligat: nam et animæ bestiarum vivunt, sed non intelligent. Sicut ergo mens tota mens est, sic tota vivit. Novit autem vivere se. Totam se igitur novit. Postremo cum se nosse mens querit, mentem se esse jam novit: alioquin utrum se querat ignorat, et aliud pro alio forsitan querat². Fieri enim potest ut ipsa non sit mens, atque ita dum mentem nosse querit, non se ipsam querat. Quapropter, quoniam cum querit mens quid sit mens, novit quod se querat, profecto novit quod ipsa sit mens. Porro si hoc in se novit quod mens est, et tota mens est, totam se novit. Sed ecce non se noverit esse mentem, cum autem se querit, hoc tantummodo noverit quod se querat. Potest enim etiam sic aliud pro alio querere, si hoc nescit: ut autem non querat aliud pro alio, procul dubio novit quid querat. At si novit quid querat, et se ipsam querit, se ipsam utique novit. Quid ergo adhuc querit? Quod si ex parte se novit, ex parte autem adhuc querit, non se ipsam, sed partem suam querit. Cum enim ea ipsa dicatur, tota dicatur. Deinde quia novit nondum se a se inventam totam, novit quanta sit tota. Atque ita querit quod deest, quemadmodum solemus querere, ut veniat in mentem quod excidit, nec tamen penitus excidit; quia potest recognosci, cum venerit, hoc esse quod quereretur.

¹ Nonnulli MSS., tota se scit.

² Juxta Lov., querit. M.

Sed quomodo mens veniat in mentem, quasi possit mens in mente non esse? Huc accedit, quia si parte inventa, non se totam querit, tamen tota se querit. Tota ergo sibi præsto est, et quid adhuc queratur non est: hoc enim deest quod queritur, non illa quæ querit. Cum itaque tota se querit, nihil ejus deest. Aut si non tota se querit, sed pars quæ inventa est querit partem quæ nondum inventa est; non se ergo mens querit, cuius se nulla pars querit. Pars enim quæ inventa est, non se querit: pars autem quæ nondum inventa est, nec ipsa se querit, quoniam ab ea quæ jam inventa est parte queritur. Quocirca, quia nec tota se mens querit, nec pars ejus ulla se querit, se mens omnino non querit.

CAPUT V. — 7. *Animæ cur præceptum ut se cognoscat. Unde errores mentis de sua ipsius substantia.* Utquid ergo ei præceptum est, ut se ipsam cognoscat? Credo, ut se ipsam cogitet, et secundum naturam suam vivat, id est, ut secundum naturam suam ordinari appetat, sub eo scilicet cui subdenda est, supra ea quibus præponenda est; sub illo a quo regi debet, supra ea quæ regere debet. Multa enim per cupiditatem pravam, tanquam sui sit obliterata, sic agit. Videt enim quædam intrinsecus pulchra, in præstantiore natura quæ Deus est: et cum stare debeat¹ ut eis fruatur, volens ea sibi tribuere, et non ex illo similis illius, sed ex se ipsa esse quod ille est, avertitur ab eo, moveturque et labitur in minus et minus, quod putat amplius et amplius; quia nec ipsa sibi, nec ei quidquam sufficit recedenti ab illo qui solus sufficit: ideoque per egestatem ac difficultatem fit nimis intenta in actiones suas et inquietas delectationes quas per eas colligit; atque ita cupiditate acquirendi notitias ex iis quæ foris sunt, quorum cognitum genus amat et sentit amitti posse, nisi impensa cura tentatur, perdit securitatem, tantoque se ipsam minus cogitat, quanto magis secura est quod se non possit amittere. Ita cum aliud sit non se nosse, aliud non se cogitare (neque enim multarum doctrinarum peritum, ignorare grammaticam dicimus, cum eam non cogitat, quia de medicinae arte tunc cogitat): cum ergo aliud sit non se nosse, aliud non se cogitare, tanta vis est amoris, ut ea quæ cum amore diu cogitaverit, eisque curae glutino inhaeserit, attrahat secum etiam cum ad se cogitandam quodam modo redit. Et quia illa corpora sunt, quæ foris per sensus carnis adamavit, eorumque diurna quadam familiaritate implicata est, nec secundi potest introrsum tanquam in regionem incorporeæ naturæ ipsa corpora inferre, imagines eorum convolvit, et rapit factas in semetipsa de semetipsa. Dat enim eis formandis quiddam substantiæ suæ: servat autem aliquid quo libere de specie talium imaginum judicet, et hoc est magis mens, id est rationalis intelligentia, quæ servatur ut judicet. Nam illas animæ partes quæ corporum similitudinibus informantur, etiam cum bestiis nos communes habere sentimus.

¹ Editi, *instare* debet. At MSS., *stare*; cui verbo mox illud infra respondet, et labitur in minus.

CAPUT VI. — 8. *Fallax mentis de se ipsa existimatio.* Errat autem mens, cum se istis imaginibus tanto amore conjungit, ut etiam se esse aliquid hujusmodi existimet. Ita enim conformatur eis quodam modo, non id existendo, sed putando: non quo se imaginem putet; sed omnino illud ipsum cuius imaginem secum habet. Viget quippe in ea judicium discerneendi corpus quod foris relinquit, ab imagine quam de illo secum gerit: nisi cum ita exprimuntur eadem imagines tanquam foris sentiantur, non intus cogitentur, sicut dormientibus, aut furentibus, aut in aliqua ecstasi accidere solet.

CAPUT VII. — 9. *Philosophorum opiniones de animæ substantia. Error opinantium animam esse corpoream, non venit ex eo quod anima eorum notitiae desit, sed quod alienum quiddam adjungant. Invenire quid.* Cum itaque se tale aliquid putat, corpus esse se putat. Et quia sibi bene conscientia est principatus sui quo corpus regit; hinc factum est ut quidam quererent quid corporis amplius valeret in corpore, et hoc esse mentem, vel omnino totam animam existimarent¹. Itaque alii sanguinem, alii cerebrum, alii cor, non sicut Scriptura dicit, *Confitebor tibi, Domine, in toto corde meo*; et, *Diliges Dominum Deum tuum ex toto corde tuo* (*Psal. ix, cx, et cxxxvii; Deut. vi, 5, et Matth. xxii, 37*): hoc enim abutendo vel transference vocabulum ducitur a corpore ad animam: sed ipsam omnino particulam corporis quam in visceribus dilaniatis videmus, eam esse putaverunt. Alii ex minutissimis individuisque corpusculis, quas atomos dicunt, concurrentibus in se atque coherentibus, eam confici crediderunt. Alii aerem, alii ignem substantiam ejus esse dixerunt. Alii eam nullam esse substantiam, quia nisi corpus nullam substantiam poterant cogitare, et eam corpus esse non inveniabant: sed ipsam temperationem corporis nostri vel compaginem primordiorum, quibus ista caro tanquam connectitur, esse opinati sunt. Eoque hi omnes eam mortalem esse senserunt, quia sive corpus esset, sive aliqua compositio corporis, non posset utique immortaliter permanere. Qui vero ejus substantiam vitam quamdam nequaquam corpoream; quandoquidem vitam omne vivum corpus animantem ac vivificantem esse repererunt; consequenter et immortalem, quia vita carere vita non potest, ut quisque potuit, probare conati sunt. Nam de quinto illo nescio quo corpore, quod notissimis quatuor hujus mundi elementis quidam conjungentes, hinc animam esse dixerunt, hoc loco diu disserendum non puto. Aut enim hoc vocant corpus quod nos, cuius in loci spatio pars toto minor est, et in illis annumerandi sunt qui mentem corpoream esse crediderunt: aut si vel omnem substantiam, vel omnem mutabilem substantiam corpus appellant, cum scient non omnem locorum spatiis aliqua longitudine et latitudine et altitudine contineri, non cum eis de vocabuli quæstione prægundum est.

¹ Hic editi addunt, ut *Empedocles et Ericates opinati sunt*; quod omnino abest a manuscriptis.

10. In his omnibus sententiis quisquis videt mentis naturam et esse substantiam, et non esse corpoream, id est, non minore sui parte minus occupare loci spatum, majusque majore; simul oportet videat eos qui opinantur esse corpoream, non ob hoc errare, quod mens desit eorum notitiae, sed quod adjungunt ea sine quibus nullam possunt cogitare naturam. Sine phantasiis enim corporum quidquid jussi fuerint¹ cogitare, nihil omnino esse arbitrantur. Ideoque non se, tanquam sibi desit, mens requirat. Quid enim tam cognitioni adest, quam id quod menti adest? aut quid tam menti adest, quam ipsa mens? Unde et ipsa quae appellatur inventio, si verbi originem retractemus, quid aliud resonat, nisi quia invenire est in id venire quod queritur? Propterea, quae quasi ultro in mentem veniunt, non usitate dicuntur inventa, quamvis cognita dici possint; quia non in ea querendo tendebamus, ut in ea veniremus, hoc est, ea inveniremus. Quapropter, sicut ea quae oculis aut ullo alio corporis sensu requiruntur, ipsa mens querit (ipsa enim etiam sensum carnis intendit, tunc autem invenit, cum in ea quae requiruntur idem sensus venit): sic alia quae non corporeo sensu internum, sed per se ipsam nosse debet, cum in ea venit, invenit; aut in superiori substantia, id est in Deo, aut in ceteris animae partibus, sicut de ipsis imaginibus corporum cum judicat; intus enim in anima eas invenit per corpus impressas.

CAPUT VIII. — 11. *Quomodo se ipsam anima inquirat. Error animae de se ipsa unde.* Ergo se ipsam quemadmodum querat et inveniat, mirabilis questio est, quo tendat ut querat, aut quo veniat ut inveniat. Quid enim tam in mente quam mens est? Sed quia in his est quae cum amore cogitat, sensibilibus autem, id est corporalibus, cum amore assuefacta est, non valet sine imaginibus eorum esse in semetipsa. Hinc ei oboritur erroris dedecus, dum rerum sensarum imagines secernere a se non potest, ut se solam videat. Colhæserunt enim mirabiliter glutino amoris: et haec est ejus immunditia, quoniam dum se solam nudit cogitare, hoc se putat esse sine quo se non potest cogitare. Cum igitur ei præcipitur ut se ipsam cognoscet, non se tanquam sibi detracta sit querat; sed id quod sibi addidit detrahatur. Interior est enim ipsa, non solum quam ista sensibilia quae manifeste foris sunt, sed etiam quam imagines eorum quae in parte quadam sunt animæ, quam habent et bestiæ, quamvis intelligentia careant, quae mentis est propria. Cum ergo sit mens interior, quodam modo exit a semetipsa, cum in haec quasi vestigia multarum intentionum exserit amoris affectum. Quæ vestigia tanquam imprimuntur memorie, quando haec quæ foris sunt corporalia sentiuntur, ut etiam cum absunt ista, praesto sint tamen imagines eorum cogitantibus. Cognoscet ergo semetipsam, nec quasi absentem se querat, sed intentionem voluntatis qua per alia vagabatur, statuat in semetipsam², et se

cogitet. Ita videbit quod nunquam se non amaverit, nunquam nescierit: sed aliud secum amando cum eo se confudit et concrevit quodam modo; atque ita dum sicut unum diversa complectitur, unum putavit esse quæ diversa sunt.

CAPUT IX. — 12. *Mens eo ipso se cognoscit, quo intelligit præceptum se cognoscendi.* Non itaque velut absentem se querat cernere, sed præsentem se cūret discernere. Nec se quasi non norit cognoscat, sed ab eo quod³ alterum novit dignoscat. Ipsum enim quod audit, Cognosce te ipsam, quomodo agere curabit, si nescit, aut quid sit, Cognosce; aut quid sit, Te ipsam? Si autem utrumque novit, novit et se ipsam: quia non ita dicitur menti, Cognosce te ipsam, sicut dicitur, Cognosce Cherubim et Seraphim: de absentibus enim illis credimus, secundum quod cœlestes quædam potestates esse prædicantur. Neque sicut dicitur, Cognosce voluntatem illius hominis: que nobis nec ad sentiendum ullo modo, nec ad intelligendum præsto est, nisi corporalibus signis editis; et hoc ita, ut magis credamus, quam intelligamus. Neque ita ut dicitur homini, Vide faciem tuam: quod nisi in speculo fieri non potest. Nam et ipsa nostra facies absens ab aspectu nostro est, quia non ibi est quo ille dirigi potest. Sed cum dicitur menti, Cognosce te ipsam, eo ictu quo intelligit quod dictum est, Te ipsam, cognoscit se ipsam; nec ob aliud, quam eo quod sibi præsens est. Si autem quod dictum est non intelligit, non utique facit. Hoc igitur ei præcipitur ut faciat, quod cum ipsum præceptum intelligit, facit.

CAPUT X. — 13. *Mens omnis tria de se ipsa certo scit, intelligere, esse, et vivere.* Non ergo adjungat aliud ad id quod se ipsam cognoscit, cum audit ut se ipsam cognoscat. Certe enim novit sibi dici, sibi scilicet quæ est, et vivit, et intelligit. Sed est et cadaver, vivit et pecus: intelligit autem nec cadaver, nec pecus. Sic ergo se esse et vivere scit, quomodo est et vivit intelligentia. Cum ergo, verbi gratia, mens aerem se putat, aerem intelligere putat, se tamen intelligere scit: aerem autem se esse non scit, sed putat. Secernat quod se putat, cernat quod scit: hoc ei remaneat, unde ne illi quidem dubitaverunt, qui aliud atque aliud corpus esse mentem putaverunt. Neque enim omnis mens aerem se esse existimat, sed aliae ignem, aliae cerebrum, aliæque aliud corpus, et aliud aliae, sicut supra communem ravi: omnes tamen se intelligere noverunt, et esse et vivere; sed intelligere ad id quod intelligunt referunt, esse autem et vivere ad se ipsas. Et nulli est dubium, nec quemquam intelligere qui non vivat, nec quemquam vivere qui non sit. Ergo consequenter et esse et vivere id quod intelligit, non sicuti est cadaver quod non vivit, nec sicuti vivit anima quæ non intelligit, sed proprio quodam eodemque præstantiore modo. Item velle se sciunt, neque hoc posse quemquam qui non sit et qui non vivat, pariter sciunt: itemque ipsam voluntatem referunt ad aliquis, quod

¹ Editi, nisi fuerint. At MSS., juves fuerint.

² Plerique MSS., in se ipsa.

³ Sic MSS. At editi, eo quo.

ea voluntate volunt. Meminisse etiam se sciunt; simulque sciunt quod nemo meminisset, nisi esset ac viveret: sed et ipsam memoriam ad aliquid referimus, quod ea meminimus. Duobus igitur horum trium, memoria et intelligentia, multarum rerum notitia atque scientia continentur: voluntas autem adest, per quam fruamur eis vel utamur. Fruimur enim cognitis, in quibus voluntas ipsis propter se ipsa delectata conquiescit: utimur vero eis quae ad aliud referimus quo fruendum est. Nec est alia vita hominum vitiosa atque culpabilis, quam male utens et male fruens. De qua re non est nunc disserendi locus.

14. Sed quoniam de natura mentis agitur, removamus a consideratione nostra omnes notitias quae capiuntur extrinsecus per sensus corporis; et ea quae posuimus, omnes mentes de se ipsis nosse certasque esse, diligentius attendamus. Utrum enim aeris sit vis vivendi, reminiscendi, intelligendi, volendi, cogitandi, sciendi, judicandi; an ignis, an cerebri, an sanguinis, an atomorum, an praeter usitata quatuor elementa quinti nescio cuius corporis, an ipsius carnis nostrae compago vel temperamentum haec efflere valeat, dubitaverunt homines: et alias hoc, alias aliud affirmare conatus est. Vivere se tamen et meminisse, et intelligere, et velle, et cogitare, et scire, et judicare quis dubitet? Quandoquidem etiam si dubitat, vivit: si dubitat unde dubitet, meminit; si dubitat, dubitare se intelligit; si dubitat, certus esse vult; si dubitat, cogitat; si dubitat, scit se nescire; si dubitat, judicat non se temere consentire oportere. Quisquis igitur aliunde dubitat, de his omnibus dubitare non debet: quae si non essent, de nulla re dubitare non posset.

15. Haec omnia, qui vel corpus vel compositionem seu temperationem corporis esse mentem putant, in subjecto esse volunt videri, ut substantia sit aer, vel ignis, sive aliquod aliud corpus, quod mentem putant; intelligentia vero ita insit huic corpori, sicut qualitas ejus: ut illud subjectum sit, haec in subjecto; subjectum scilicet mens quam corpus esse arbitrantur, in subjecto autem intelligentia, sive quid aliud eorum quae certa nobis esse commemoravimus. Juxta opinantur etiam illi qui mentem ipsam negant esse corpus, sed compagine aut temperationem corporis. Illoc enim interest, quod illi mentem ipsam dicunt esse substantiam, in quo subjecto sit intelligentia: isti autem ipsam mentem in subjecto esse dicunt, corpore scilicet cuius compositio vel temperatio est. Unde consequenter etiam intelligentiam quid aliud quam in codem subjecto corpore existimant?

16. Qui omnes non advertunt, mentem nosse se etiam cum quererit se, sicut jam ostendimus. Nullo modo autem recte dicitur sciri aliqua res, dum ejus ignoratur substantia. Quapropter, cum se mens novit, substantiam suam novit; et cum de se certa est, de substantia sua certa est. Certa est autem de se, sicut convincunt ea quae supra dicta sunt. Nec omnino certa est, utrum aer, an ignis sit, an aliquod corpus, vel aliquid corporis. Non est igitur aliquid

corum: totumque illud quod se jubetur ut neverit, ad hoc pertinet ut certa sit non se esse aliquid coruni de quibus incerta est, idque solum esse se certa sit, quod solum esse certa est. Sic enim cogitat ignem aut aerem, et quidquid aliud corporis cogitat. Neque ullo modo fieri posset ut ita cogitaret id quod ipsa est, quemadmodum cogitat, id quod ipsa non est. Per phantasiam quippe imaginariam cogitat haec omnia, sive ignem, sive aerem, sive illud vel illud corpus, parte invenire illam, seu compaginem temperamentemque corporis; nec utique ista omnia, sed aliquid horum esse dicatur. Si quid autem horum esset, aliter id quam cetera cogitaret, non scilicet per imaginalē segmentum, sicut cogitantur absentia, quae sensu corporis tacta sunt, sive omnino ipsa, sive ejusdem generis aliqua; sed quadam interiorē, non simulata, sed vera præsentia (non enim quidquam illi est se ipsa præsentius): sicut cogitat vivere se, et meminisse, et intelligere, et velle se. Novit enim haec in se, nec imaginatur quasi extra se illa sensu tetigerit, sicut corporalia quæque tanguntur. Ex quorum cogitationibus si nihil sibi affingat, ut tale aliquid esse se putet, quidquid ei de se remanet, hoc solum ipsa est.

CAPUT XI.—17. In memoria, intelligentia, et voluntate observatur ingenium, doctrina et usus. Memoria, intelligentia et voluntas unum sunt essentialiter, et tria relative. Remotis igitur paulisper ceteris, quorum mens de se ipsa certa est, tria haec potissimum considerata tractemus, memoriam, intelligentiam, voluntatem. In his enim tribus inspici solent etiam ingenia parvulorum cuiusmodi præferant indolem. Quanto quippe tenacius et facilius puer meminit, quantoque acutius intelligit¹, et studet ardentius, tanto est laudabilius ingenii. Cum vero de cujusque doctrina queritur, non quanta firmitate ac facilitate meminerit, vel quanto acumine intelligat; sed quid meminerit, et quid intelligat queritur. Et quia non tantum quam doctus sit, consideratur laudabilis animus, sed etiam quam bonus: non tantum quid meminerit et quid intelligat, verum etiam quid velit attenditur; non quanta flagrantia velit, sed quid velit prius, deinde quantum velit. Tunc enim laudandus est animus vehementer amans, cum id quod amat vehementer amandum est. Cum ergo dicuntur haec tria. ingenium, doctrina, usus, primum horum consideratur in illis tribus, quid possit quisque memoria, intelligentia, et voluntate². Secundum eorum consideratur, quid habeat quisque in memoria, et intelligentia, quo studiosa voluntate pervenerit. Jam vero usus tertius in voluntate est, pertractante illa quae in memoria et intelligentia continentur, sive ad aliquid ea referat, sive eorum sine delectata conquiescat. Ut enim, est assumere aliquid in facultatem voluntatis: frui est autem, uti cum gaudio, non adhuc spei, sed jam rei. Proinde omnis qui fruitur, utitur; assumit enim aliquid in facultatem voluntatis, cum sine delectationis:

¹ MSS., quantoque acrius intelligit.

² Septem MSS. omittunt, intelligentia et voluntate.

non autem omissis qui utitur, fratur; si id¹ quod in facultatem voluntatis assumit, non propter illum ipsum, sed propter aliud appetivit.

18. Hec igitur tria, memoria, intelligentia, voluntas, quoniam non sunt tres vita, sed una vita; nec tres mentes, sed una mens: consequenter utique nec tres substantiae sunt, sed una substantia. Memoria quippe, quae vita et mens et substantia dicitur, ad se ipsam dicitur: quod vero memoria dicitur, ad aliquid relative dicitur. Hoc de intelligentia quoque et de voluntate dixerim: et intelligentia quippe et voluntas ad aliquid dicuntur. Vita est autem unaquaque ad se ipsam, et mens, et essentia. Quocirca tria haec eo sunt unum, quo una vita, una mens, una essentia: et quidquid aliud ad se ipsa singula dicuntur, etiam simul, non pluraliter, sed singulariter dicuntur. Eo vero tria, quo ad se invicem referuntur: quae si aequalia non essent, non solum singula singulis, sed etiam omnibus singula; non utique se invicem caperent. Neque enim tantum a singulis singula, verum etiam a singulis omnia capiuntur. Memini enim me habere memoriam, et intelligentiam, et voluntatem; et intelligo me intelligere, et velle, atque meminisse; et volo me velle, et meminisse, et intelligere, totamque meam memoriam, et intelligentiam, et voluntatem simul memini. Quod enim memorie meae non memini, non est in memoria mea. Nihil autem tam in memoria, quam ipsa memoria est. Totam igitur memini. Item quidquid intelligo, intelligere me scio, et scio me velle quidquid volo: quidquid autem scio memini. Totam igitur intelligentiam, totamque voluntatem meam memini. Similiter cum haec tria intelligo, tota simul intelligo. Neque enim quidquam intelligibilium non intelligo, nisi quod ignoro. Quod autem ignoro, nec memini, nec volo. Quidquid itaque intelligibilium non intelligo, conse-

quenter etiam nec memini, nec volo. Quidquid autem intelligibilium memini et volo, consequenter intelligo. Voluntas etiam mea totam intelligentiam totamque memoriam meam capit, dum toto utor quod intelligo et memini. Quapropter quando invicem a singulis et tota omnia capiuntur, aequalia sunt tota singula totis singulis, et tota singula simul omnibus totis; et haec tria unum, una vita, una mens, una essentia.

CAPUT XII.—19. *Mens imago Trinitatis in sui ipsis memoria, intelligentia et voluntate.* Jamne igitur ascendendum est qualibuscumque intentionis viribus ad illam summam et altissimam essentiam, cuius impar imago est humana mens, sed tamen imago? an adhuc eadem tria distinctius declaranda sunt in anima, per illa quae extrinsecus sensu corporis capimus, ubi temporaliter imprimitur rerum corporearum notitia? Mentem quippe ipsam in memoria et intelligentia et voluntate suimetipsius talem reperiebamus, ut quoniam semper se nosse semperque se ipsam velle comprehendebatur, simul etiam semper sui meminisse, semperque se ipsam intelligere et amare comprehendenderetur; quamvis non semper se cogitare discretam ab eis quae non sunt, quod ipsa est: ac per hoc difficile in ea dignoscitur memoria sui, et intelligentia sui. Quasi enim non sint haec duo, sed unum duobus vocabulis appelletur, sic appareat in ea re ubi valde ista conjuncta sunt, et aliud alio nullo praeceditur tempore: amorque ipse non ita sentitur esse, cum eum non prodit indigentia, quoniam semper¹ praeesto est quod amat. Quapropter etiam tardioribus diluescere haec possunt, dum ea tractantur que ad animum tempore accedunt et que illi temporaliter accidunt, cum meminit quod antea non meminerat, et cum videt quod antea non videbat, et cum amat quod antea non amat. Sed aliud haec tractatio jam poscit exordium, propter hujus libelli modum.

¹ Editi, non semper. Delenda particula negans, quae abest a MSS.

LIBER UNDECIMUS.

Trinitatis imago quædam monstratur etiam in exteriore homine: primo quidem in his quæ cernuntur extrinsecus; ex corpore scilicet quod videtur, et forma quæ inde in acie cernentis imprimitur, et utrumque copulantis intentione voluntatis: tamenetsi haec tria neque inter se aequalia sint, neque unius substantiae. Deinde in ipso animo ab his quæ extrinsecus sensa sunt, velut introducta observatur altera trinitas, seu tria quædam unius substantiae; imaginatio corporis quæ in memoria est, et inde informatio cum ad eam convertitur acies cogitantis, et utrumque coniungens intentio voluntatis: quæ nimis altera trinitas ad exteriorem quoque hominem pertinere dicitur quod de corporibus illata sit, quæ sentiuntur extrinsecus.



CAPUT PRIMUM.—4. *Vestigium Trinitatis etiam in exteriore homine.* Nemini dubium est, sicut interiorem hominem intelligentia, sic exteriorem sensu corporis præditum. Nitamur igitur, si possumus, in hoc quoque exteriore indagare qualecumque vestigium Trinitatis, non quia et ipse eodem modo sit imago Dei. Manifesta est quippe apostolica sententia, quæ interiorem hominem renovari in Dei agnitione¹ (*Coloss. iii, 10*) declarat secundum imaginem ejus qui creavit eum: cum et alio loco dicat, *Et si exterior homo noster corrumpitur, tamen interior renovatur de die in diem* (*II Cor. iv, 16*).

¹ Nonnulli MSS., in *Dei agnitionem*.

In hoc ergo qui corrumpitur, queramus, quemadmodum possumus, quædam Trinitatis effigiem, et si non expressiore, tamen fortassis ad dignoscendum faciliorem. Neque enim frustra et iste homo dicitur, nisi quia inest ei nonnulla interioris similitudo. Et illo ipso ordine conditionis nostræ quo mortales atque carnales effecti sumus, facilius et quasi familiarius visibilia quam intelligibilia pertractamus: cum ista sint exterius, illa interius, et ista sensu corporis sentiamus, illa mente intelligamus; nosque ipsi animi non sensibiles simus, id est, corpora, sed intelligibles, quoniam vita sumus: tamen, ut dixi, tanta facta

est in corporibus consuetudo, et ita in hæc miro modo relabens foras se nostra projectit intentio, ut cum ab incerto corporum ablata fuerit, ut in spiritum¹ multo certiore ac stabiliore cognitione sigatur, refugiat ad ista, et ibi appetat quietem unde traxit insirritatatem. Cujus aegritudini congruendum est: ut si quando interiora spiritualia accommodatius distinguere atque facilius insinuare conamur, de corporalibus exterioribus similitudinum documenta capiamus. Sensus igitur corporis exterior homo prædictus sentit corpora: et iste sensus, quod facile advertitur, quinquepartitus est; videndo, audiendo, olfaciendo, gustando, tangendo. Sed et multum est, et non necessarium, ut omnes hos quinque sensus id quod querimus interrogemus. Quod enim nobis unus eorum renuntiat, etiam in cæteris valet. Itaque potissimum testimonio utamur oculorum. Is enim sensus corporis maxime excellit, et est visioni mentis pro sui generis diversitate vicinior.

CAPUT II. — 2. *Trinitas quædam in visione. Tria quæ in visione sunt, natura sua differre. Quomodo ex re visibili gignatur visio, seu imago ejus rei quæ videtur. Exemplo clarius res demonstratur. Quomodo tria illa in unum coeunt. Cum igitur aliquod corpus videmus, hec tria, quod facillimum est, consideranda sunt et dignoscenda. Primo, ipsa res quæ videmus, sive lapidem, sive aliquam flammatum, sive quid aliud quod videri oculis potest; quod utique jam esse poterat, et antequam videretur: deinde, visio, quæ non erat priusquam rem illam objectam sensui sentiremus: tertio, quod in ea re quæ videtur, quamdiu videtur sensum detinet oculorum, id est, animi intentio. In his igitur tribus, non solum est manifesta distinctio, sed etiam discreta natura. Primum quippe illud corpus visibile longe alterius naturæ est, quam sensus oculorum, quo sibimet incidente sit visio. Ipsaque visio quid aliud, quam sensus ex ea re quæ sentitur informatus appareat? Quamvis re visibili detracta nulla sit, nec ulla omnino esse possit talis visio, si corpus non sit quod videri queat: nullo modo tamen ejusdem substantiae est corpus quo formatur sensus oculorum, cum idem corpus videtur, et ipsa forma quæ ab eodem imprimitur sensui, quæ visio vocatur. Corpus enim visum² in sua natura separabile est: sensus autem qui jam erat in animante, etiam priusquam videret quod videre posset, cum in aliquid visibile incurreret, vel visio quæ sit in sensu ex visibili corpore, cum jam conjunctum est et videtur; sensus ergo vel visio, id est sensus formatus extrinsecus ad animalis naturam pertinet, omnino aliam quam est illud corpus quod videndo sentimus, quo sensus non ita formatur ut sensus sit, sed ut visio sit. Nam sensus et ante objectum rei sensibilis nisi esset in nobis, non distaremus a cœcis, dum nihil videmus, sive in tenebris, sive clausis luminibus. Hoc autem distamus, quod nobis inest et non videntibus, quo videre possimus, qui sensus vocatur: illis vero non*

inest; nec aliunde, nisi quod eo parent, cœci appellantur. Itemque illa animi intentio, quæ in ea re quam videmus sensum tenet, atque utrumque conjungit, non tantum ab ea re visibili natura differt; quandoquidem iste animus, illud corpus est: sed ab ipso quoque sensu atque visione: quoniam solius animi est hæc intentio: sensus autem oculorum non ob aliud sensus corporis dicitur, nisi quia et ipsi oculi membra sunt corporis: et quamvis non sentiat corpus exanime, anima tamen commixta corpori per instrumentum sentit corporeum, et idem instrumentum sensus vocatur. Qui etiam passione corporis, cum quisque exceatur, interceptus extinguitur, cum idem maneat animus, et ejus intentio, luminibus amissis, non habeat quidem sensum corporis quem videndo extrinsecus corpori adjungat atque in eo viso sigat aspectum, nisi tam ipso indicet se ademptio corporis sensu, nec perire potuisse, nec minui. Manet enim quidam videndi appetitus integer, sive id possit fieri, sive non possit. Hæc igitur tria, corpus quod videtur, et ipsa visio, et quæ utrumque conjungit intentio, manifesta sunt ad dignoseendum, non solum propter propria singulorum, verum etiam propter differentiam naturarum.

3. Atque in his cum sensus non procedat ex corpore illo quod videtur, sed ex corpore sentientis animalis, cui anima suo quodam miro modo contemporatur: tamen ex corpore quod videtur gignitur visio, id est, sensus ipse formatur; ut jam non tantum sensus qui etiam in tenebris esse integer potest, dum est incolimitas oculorum, sed etiam sensus informatus sit, quæ visio vocatur. Gignitur ergo ex re visibili visio, sed non ex sola, nisi adsit et videns. Quocirca ex visibili et vi-dente gignitur visio, ita sane ut ex vidente sit sensus oculorum, et aspicientis atque intuentis intentio: illa tamen informatio sensus, quæ visio dicitur, a solo imprimatur corpore quod videtur, id est, a re aliqua visibili: qua detracta, nulla remanet forma quæ inerat sensui, dum adasset illud quod videbatur: sensus tamen ipse remanet qui erat et priusquam aliquid sentiretur; velut in aqua vestigium tamdiu est, donec ipsum corpus quod imprimitur inest; quo ablato nullum erit, cum remaneat aqua, quæ erat et antequam illam formam corporis caperet. Ideoque non possumus quidem dicere quod sensum gignat res visibilis: gignit tanien formam velut similitudinem suam, quæ sit in sensu, cum aliquid videndo sentimus. Sed formam corporis quod videmus, et formam quæ ab illa in sensu videntis sit, per eundem sensum non discernimus; quoniam tanta conjunctio est, ut non pateat discernendi locus. Sed ratione colligimus nequaquam nos potuisse sentire, nisi fieret in sensu nostro aliqua similitudo conspecti corporis. Neque enim cum annulus ceræ imprimitur, ideo nulla imago facta est, quia non discernitur, nisi cum fuerit separata. Sed quoniam post ceram separatam manet quod factum est ut videri possit, propterea facile persuadetur, quod inerat jam ceræ forma impressa ex an-nulo et antequam ab illa separaretur. Si autem liquido

¹ Plerique MSS., *ut in spiritu.*

² codices aliquot, *a visu.*

humori adjungeretur annulus, eo detracto nihil imaginis appareret: nec ideo tamen discernere ratio non debet, fuisse in illo humore, antequam detraheretur, annuli formam factam ex annulo, quae distinguenda est ab ea forma quae in annulo est, unde ista facta est quae detracto annulo non erit, quamvis illa in annulo maneat unde ista facta est. Sic sensus oculorum non ideo non habet imaginem corporis quod videtur quamdiu videtur, quia eo detracto non remanet. Ac per hoc tardioribus ingenii difficultate persuaderi potest, formari in sensu nostro imaginem rei visibilis, cum eam videmus, et eamdem formam esse visionem.

4. Sed qui forte adverterint quod commemorabo, non ita in hac inquisitione laborabunt. Plurumque cum diuseule attenderimus quæque luminaria, et deinde oculos clauerimus, quasi versantur in conspectu quidam lucidi colores varie sese commutantes, et minus minusque fulgentes, donec omnino desistant: quos intelligendum est reliquias esse formæ illius quæ facta erat in sensu, cum corpus lucidum videretur, paulatimque et quodam modo gradatim deficiendo variari. Nam et insertarum fenestrarum cancelli, si eos forte intuehamur, saepè in illis apparuere coloribus: ut manifestum sit, hanc affectionem nostro sensui ex ea re quæ videbatur impressam. Erat ergo etiam cum videremus, et illa erat clarior et expressior; sed multum conjuncta cum specie rei ejus quæ cernebatur, ut discerni omnino non posset; et ipsa erat visio. Quin etiam cum lucernæ flammula modo quodam divaricatis radiis oculorum quasi germinatur, duæ visiones fiunt, cum sit res una quæ videtur. Singillatim quippe afficiuntur idem radii de suo quisque oculo emicantes, dum non sinuntur in illud corpus intuendum pariter coniuncteque concurrere, ut unus fiat ex utroque contitus. Et ideo si unum oculum clauerimus, non geminum ignem, sed sicuti est unum videbimus. Cur autem sinistro clauso illa species desinit videri quæ ad dextrum erat, vicissimque dextro clauso illa intermoritur quæ ad sinistrum erat, et longum est et rei præsentí non necessarium modo quærere atque disserrare. Quod enim ad susceptam questionem satis est; nisi fieret in sensu nostro quædam imago simillima rei ejus quam cernimus, non secundum oculorum numerum flammæ species germinaretur, cum quidam cernendi modus adhibitus fuerit, qui possit concursum separare radiorum. Ex uno quippe oculo quolibet modo deducto, aut impresso, aut intorto, si alter clausus est, dupliciter videri aliquid quod sit unum nullo pacto potest.

5. Quæcum ita sint, tria haec quamvis diversa natura, quemadmodum in quædam unitatem contempnerentur meminerimus; id est, species corporis quæ videtur, et impressa ejus imago sensui quod est visio sensus formatus, et voluntas animi quæ rei sensibili sensum admovet, in coquæ ipsam visionem tenet.

⁴ vox, non, redundare videtur. Forte sic, transpositis vocibus, nec, et, non, legendus est hic locus: Non ideo tamen discernere ratio debet, fuisse in illo humore, antequam detraheretur, nec annuli formam factam ex annulo, etc. M.

Horum primum, id est, res ipsa visibilis non pertinet ad animantis naturam, nisi cum corpus nostrum cernimus. Alterum autem ita pertinet, ut in corpore fiat, et per corpus in anima: sit enim in sensu, qui neque sine corpore est, neque sine anima. Tertium vero solius animæ est, quia voluntas est. Cum igitur horum trium tam diversæ substantiae sint, tagen in tantam coeunt unitatem, ut duo priora vix intercedente judice ratione discerni valeant, species videbilet corporis quod videtur, et imago ejus quæ sit in sensu, id est, visio. Voluntas autem tantam vim habet copulandi hæc duo, ut et sensum formandum admoveat ei rei quæ cernitur, et in ea formatum teneat. Et si tam violenta est, ut possit vocari amor, aut cupiditas, aut libido, etiam carterum corpus animantis vehementer afficit: et ubi non resistit pigror duriorque materies, in similem speciem coloremque commutat. Licet videre corpusculum chamæleontis ad colores quos videt facillima conversione variari. Aliorum autem animalium quia non est ad conversionem facilis corpulentia, fetus plurumque produnt libidines matrum, quid cum magna delectatione conspexerint. Quam enim teneriora, atque, ut ita dixerim, formabiliora sunt primordia seminum, tam efficiaciter et capaciter sequuntur intentionem maternæ animæ, et quæ in ea facta est phantasiam per corpus quod cupide aspergit. Sunt exempla quæ copiose commemorari possint: sed unum sufficit de fidelissimis Libris, quod fecit Jacob, ut oves et capræ varios coloribus parerent, supponendo eis variata virgulta in canalibus aquarum, quæ potentes intuerentur eo tempore quo conceperant (*Gen. xxx, 37-41*).

CAPUT III. — 6. *Trium unitas in cogitatione fit memoria, interna visionis, et voluntatis utrumque copulantis.* Sed anima rationalis deformiter vivit, cum secundum trinitatem exterioris hominis vivit; id est, cum ad ea quæ forinsecus sensum corporis formant, non laudabilem voluntatem, qua hæc ad utile aliquid referat, sed turpem cupiditatem qua bis inhærescat, accommodat. Quia etiam detracta specie corporis quæ corporaliter sentiebatur, remanet in memoria similitudo ejus, quo rursus voluntas convertat aciem, ut inde formetur forinsecus, sicut ex corpore objecto sensibili sensus extrinsecus formabatur. Atque ita sit illa trinitas ex memoria, et interna visione, et quæ utrumque copulat voluntate. Quæ tria cum in unum coguntur, ab ipso coactu cogitatio dicitur. Nec jam in his tribus diversa substantia est. Neque enim aut corpus illud sensibile ibi est, quod omnino discretum est ab animantis natura, aut sensus corporis ibi formatur ut fiat visio, aut ipsa voluntas id agit ut formandum sensum sensibili corpori admovet, in coquæ formatum delineat: sed pro illa specie corporis quæ sentiebatur extrinsecus, succedit memoria retinens illam speciem quam per corporis sensum combibit anima; proque illa visione quæ foris erat cum sensus ex corpore sensibili formaretur, succedit intus similis visio, cum ex eo quod memoria tenet, formatur acies animi, et absentia corpora cogitantur: voluntasque ipsa

quomodo seris corpori objecto formandum sensum admovebat, formatumque jungebat, sic aciem recordantis animi convertit ad memoriam, ut ex eo quod illa retinuit, ista formetur, et sit¹ in cogitatione similis visio. Sicut autem ratione discernebatur species visibilis qua sensus corporis formabatur, et ejus similitudo quæ siebat in sensu formato ut esset visio (aliquin ita erant conjunctæ, ut omnino una eademque putaretur): sic illa phantasia, cum animus cogitat speciem visi corporis, cum constet ex corporis similitudine quam memoria tenet, et ex ea quæ inde formatur in acie recordantis animi; tamen sic una et singularis appareat, ut duo quædam esse non inventiantur nisi judicante ratione, qua intelligimus aliud esse illud quod in memoria manet, etiam cum aliunde cogitamus, et aliud fieri cum recordamur, id est, ad memoriam redimus, et illic invenimus eamdem speciem. Quæ si jam non ibi esset, ita oblitos nos esse diceremus, ut omnino recolere non possemus. Si autem acies recordantis non formaretur ex ea re quæ erat in memoria, nullo modo fieret visio cogitantis: sed utriusque conjunctio, id est, ejus quam memoria tenet, et ejus quæ inde exprimitur ut formetur acies recordantis, quia simillimæ sunt, veluti unam facit apparere. Cum autem cogitantis acies aversa inde fuerit, atque id quod in memoria cernebatur destiterit in tueri, nihil formæ quæ impressa erat in eadem acie remanebit: atque inde formabitur, quo rursus conversa fuerit ut alia cogitatio fiat. Manet tamen illud quod reliquit in memoria, quo rursus cum id recordamur convertatur, et conversa formetur, atque unum cum eo fiat unde formatur.

CAPUT IV.—7. *Quomodo sit hæc unitas.* Voluntas vero illa quæ hac atque illac fert et refert aciem formandam, conjungitque formatam, si ad interioremphantasiam tota confluxerit, atque a præsentia corporum quæ circumjacent sensibus, atque ab ipsis sensibus corporis, animi aciem omnino averterit, atque ad eam quæ intus cernitur imaginem penitus converterit; tanta offenditur² similitudo speciei corporalis expressa ex memoria, ut nec ipsa ratio discernere sinatur, utrum foris corpus ipsum videatur, an intus tale aliquid cogitetur. Nam interdum homines nimia cogitatione rerum visibilium vel illecti, vel territi, etiam ejusmodi repente voces ediderunt, quasi revera in mediis talibus actionibus sive passionibus versarentur. Et memini me audisse a quodam, quod tam expressam et quasi solidam speciem feminæ corporis in cogitando cernere soleret, ut ei se quasi misceri sentiens, etiam genitalibus flueret. Tantum habet virium animæ in corpus suum, et tantum valet ad indumenti qualitatem vertendam atque mutandam, quomodo homo afficiatur indutus, qui coheret indumento suo. Ex eodem genere affectionis etiam illud est, quod in sonnis per imagines ludimur. Sed plurimum differt, utrum sopitis sensibus corporis, sicuti sunt dormientium, aut ab interiore compige turbatis, sie-

uti sunt furentium, aut alio quodam modo afflatis, sicuti sunt divinantum, vel prophetantium, animi intentio quadam necessitate incurrat in eas quæ ocurrunt imagines, sive ex memoria, sive alia aliqua occulta vi, per quasdam spirituales mixturas similiter spiritualis substantiæ; an sicut sanis atque vigilans interdum contingit, ut cogitatione occupata voluntas se avertat a sensibus, atque ita formet animi aciem variis imaginibus sensibilium rerum, tanquam ipsa sensibilia sentiantur. Non tantum autem cum appetendo in talia voluntas intenditur, sicut istæ impressiones imaginum; sed etiam cum devitandi et cavendi causa rapitur animus in ea contienda quæ fugiat. Unde non solum cupiendo, sed etiam metuendo, infertur vel sensus ipsis sensibilibus, vel acies animi formanda imaginibus sensibilium. Itaque aut metus aut cupiditas quanto vehementius fuerit, tanto expressius formatur acies, sive sentientis ex corpore quod in loco adjacet, sive cogitantis ex imagine corporis quæ memoria continetur. Quod ergo est ad corporis sensum aliquod corpus in loco; hoc est ad animi aciem similitudo corporis in memoria: et quod est aspicientis visio ad eam speciem corporis ex qua sensus formatur; hoc est visio cogitantis ad imaginem corporis in memoria constitutam ex qua formatur acies animi: et quod est intentio voluntatis ad corpus visum visionemque copulandam, ut fiat ibi quædam unitas trium, quanvis corum sit diversa natura; hoc est eadem voluntatis intentio ad copulandam imaginem corporis quæ est in memoria, et visionem cogitantis, id est, formam quam cepit acies animi rediens ad memoriam: ut fiat et hic quædam unitas ex tribus, non jam naturæ diversitate discretis, sed unius ejusdemque substantiæ; quia hoc totum intus est, et totum unus animus.

CAPUT V.—8. *Trinitas hominis exterioris, seu visionis externæ, non est imago Dei. Dei similitudo etiam in peccatis appetitur. In externa visione est quasi parent forma corporis, proles visio, ea vero conjungens voluntas insinuat Spiritum sanctum.* Sicut autem cum forma et species corporis interierit, non potest ad eam voluntas sensum revocare cernentis: ita cum imago quam memoria gerit, oblivione deleta est, non erit quo aciem animi formandam voluntas recordando retrorqueat. Sed quia prævalet animus, non solum obita, verum etiam non sensa nec experta confingere, ea quæ non exciderunt augendo, minuendo, commutando, et pro arbitrio componendo, særpe imaginatur quasi ita aliquid sit, quod aut scit non ita esse, aut nescit ita esse. In quo genere caveendum est, ne aut mentiatur ut decipiat, aut opinetur ut decipiatur. Quibus duobus malis evitatis, nihil ei obsunt imaginata phantasmatum: sicut nihil obsunt experta sensibilia et retenta memoriter, si neque cupide appetantur si juvant, neque turpiter fugiantur si offendunt. Cum autem in his voluntas relictis meliorius avida volutatur, immoeda sit: atque ita et cum adsunt perniciose, et cum absunt perniciosius cogitantur. Male itaque vivitur et deformiter secundum

¹ Clerique MSS., et fit.

² Plures MSS. continentur. Et nonnulli, confunduntur.

trinitatem hominis exterioris : quia et illam trinitatem, quæ licet interius imaginetur, exteriora tamen imaginatur, sensibilium corporaliumque utendorum causa peperit. Nullus enim eis uti posset etiam bene, nisi sensarum rerum imagines memoria tenerentur : et nisi pars maxima voluntatis in superioribus atque interioribus habiet, eaque ipsa quæ commodatur, sive foris corporibus, sive intus imaginibus eorum, nisi quidquid in eis capit ad meliorem verioremque vitam referat, atque in eo sine cuius intuita hæc agenda judicat, acquiescat, quid aliud facimus, nisi quod nos Apostolus facere prohibet, dicens, *Nolite conformari huic saeculo* (*Rom. xii, 2*)? Quapropter non est ista trinitas imago Dei : ex ultima quippe, id est corporea creatura, qua superior est anima, in ipsa anima sit per sensum corporis. Nec tamen est omnino dissimilis : quid enim non pro suo genere ac pro suo modulo habet similitudinem Dei, quandoquidem Deus fecit omnia bona valde (*Ecclesi. xxxix, 21*), non ob aliud nisi quia ipse summe bonus est? In quantum ergo bonum est quidquid est, in tantum scilicet, quamvis longe distante, habet tamen nonnullam similitudinem summi boni; et si naturalem, utique rectam et ordinatam; si autem vitiosam, utique turpem atque perversam. Nam et animæ in ipsis peccatis suis non nisi quamdam similitudinem Dei, superba et præpostera, et, ut ita dicam, servili libertate sectantur. Ita nec primis parentibus nostris persuaderi peccatum posset, nisi diceretur, *Eritis sicut dei* (*Gen. iii, 5*). Non sane omne quod in creaturis aliquo modo simile est Deo, etiam ejus imago dicenda est : sed illa sola qua superior ipse solus est. Ea quippe de illo prorsus exprimitur, inter quam et ipsum nulla interjecta natura est.

9. Visionis igitur illius, id est formæ quæ sit in sensu cernentis, quasi parens est forma corporis ex qua sit. Sed parens illa non vera; unde nec ista vera proles est : neque enim omnino inde gignitur, quoniam aliquid aliud adhibetur corpori, ut ex illo formetur, id est sensus videntis. Quocirca id amare, alienari est (a). Itaque voluntas quæ utrumque conjungit quasi parentem et quasi prolem, magis spiritualis est quam utrumlibet illorum. Nam corpus illud quod cernitur, omnino spirituale non est. Visio vero quæ sit in sensu habet admixtum aliquid spirituale, quia sine anima fieri non potest. Sed non totum ita est : quoniam ille qui formatur, corporis sensus est. Voluntas ergo quæ utrumque conjungit, magis, ut dixi, spiritualis agnoscitur, et ideo tanquam personam Spiritus insinuare incipit in illa trinitate. Sed magis pertinet ad sensum formatum, quam ad illud corpus unde formatur. Sensus enim animantis et voluntas animæ est, non lapidis aut alicujus corporis quod videtur. Non ergo ab illo quasi parente procedit ; sed nec ab ista quasi prole, hoc est, visione ac forma quæ in sensu est. Prius enim quam visio fieret, jam erat voluntas, quæ formandum sensum cernendo corpori admovit : sed nondum erat placitum. Quomodo enim placeret,

(a) II Retract., cap. 45.

quod nondum erat visum? Placitum autem quieta voluntas est. Ideoque nec quasi prolem visionis possumus dicere voluntatem, quia erat ante visionem ; nec quasi parentem, quia non ex voluntate, sed ex viso corpore formata et expressa est.

CAPUT VI. — 10. *Requies et finis voluntatis in visione qualis censeri debeat.* Fincim fortasse voluntatis et requiem possumus recte dicere visionem, ad hoc duntaxat unum¹. Neque enim propterea nihil aliud volet, quia videt aliquid quod volebat. Non itaque omnino ipsa voluntas hominis, cuius finis non est nisi beatitudo, sed ad hoc unum interim² voluntas videndi finem non habet nisi visionem, sive id referat ad aliud, sive non referat. Si enim non refert ad aliud visionem, sed tantum voluit ut videret ; non est disputandum quomodo ostendatur finem voluntatis esse visionem : manifestum est enim. Si autem refert ad aliud, vult utique aliud, nec jam videndi voluntas erit : aut si videndi, non hoc videndi. Tanquam si velit quisque videret cicatricem, ut inde doceat vulnus fuisse ; aut si velit videre fenestram, ut per fenestram videat transeuntes : omnes istæ atque alias voluntates suos proprios fines habent, qui referuntur ad finem illius voluntatis qua volumus beatæ vivere, et ad eam pervenire vitam quæ non referatur ad aliud, sed amanti per se ipsam sufficiat. Voluntas ergo videndi, finem habet visionem : et voluntas hanc rem videndi, finem habet hujus rei visionem. Voluntas itaque videndi cicatricem, finem suum expedit, hoc est visionem cicatricis, et ad eam ultra non pertinet : voluntas enim probandi vulnus fuisse, alia voluntas est, quamvis ex illa religeretur, cuius item finis est probatio vulneris. Et voluntas videndi fenestram, finem habet fenestræ visionem : altera est enim quæ ex ista nectitur voluntas, per fenestram videndi transeuntes, cuius item finis est visio transeuntium. Rectæ autem sunt voluntates et omnes sibi met reliqua³, si bona est illa quo cunctæ referuntur : si autem prava est, pravæ sunt omnes. Et ideo rectangularium voluntatum connexio iter est quoddam ascendentium ad beatitudinem, quod certis velut passibus agitur : pravarum autem atque distortarum voluntatum implicatio, vinculum est quo alligabitur qui hoc agit, ut projiciatur in tenebras exteriores (*Math. xxii, 13*). Beati ergo qui factis et moribus cantant canticum graduum : et vñis qui trahunt peccata, sicut restem longam (*Isai. v, 18*). Sic est autem requies voluntatis quem dicimus finem, si adhuc refertur ad aliud, quemadmodum possumus dicere requiem pedis esse in ambulando, cum ponitur unde alius innitatur quo passibus pergitur⁴. Si autem aliiquid ita placet, ut in eo cum aliqua delectatione voluntas acquiescat ; nondum est tamen illud quo tenditur, sed et hoc refertur ad aliud, ut deputetur non tanquam patria civis ; sed tanquam resectio, vel etiam mansio viatoris.

¹ Hic editi addunt, scilicet videndum corpus.

² Adiuncti editi, scilicet subjectum ; quod a MSS. abest.

³ Sic MSS. At editi : Rectæ autem sunt voluntates omnes si met reliqua.

⁴ In MSS., cum passibus pergitur.

CAPUT VII. — **41.** *Trinitas alia in memoria recordantis de visione.* Jam vero in alia trinitate, interiori quidem, quam est ista in sensibilibus et sensibus, sed tamen que inde concepta est, cum jam non ex corpore sensus corporis, sed ex memoria formatur acies animi, cum in ipsa memoria species inhabeserit corporis quod forinsecus sensimus, illam speciem que in memoria est, quasi parentem dicimus ejus que sit in phantasia cogitantis. Erat enim in memoria et priusquam cogitaretur a nobis, sicut erat corpus in loco et priusquam sentiretur, ut visio fieret. Sed cum cogitatur, ex illa quam memoria tenet, exprimitur in acie cogitantis, et reminiscendo formatur ea species, que quasi proles est ejus quam memoria tenet. Sed neque illa vera parens, neque ista vera proles est. Acies quippe animi que formatur ex memoria cum recordando aliquid cogitamus, non ex ea specie procedit quam meminimus visam; quandoquidem eorum ¹ meminisse non possemus, nisi vidisemus: acies autem animi que reminiscendo formatur, erat etiam priusquam corpus quod meminimus videmus; quanto magis priusquam id memorie mandarremus? Quanquam itaque forma que sit in acie recordantis, ex ea sit que inest memorie; ipsa tamen acies non inde existit, sed erat ante istam ². Consequens est autem, ut si non est illa vera parens, nec ista vera sit proles. Sed et illa quasi parens, et ista quasi proles aliquid insinuant, unde interiora atque veriora exercitatus certiusque videantur.

42. Dificilius jam plane discernitur, utrum voluntas que memorie copulat visionem, non sit alicujus eorum sive parens sive proles: et hanc discretionis difficultatem facit ejusdem naturae atque substantiae parilitas et aequalitas. Neque enim, sicut foris facile discernebatur forinatus sensus a sensibili corpore, et voluntas ab utroque, propter naturae diversitatem que inest ab invicem omnibus tribus, de qua satis supra disseruimus, ita et hic potest. Quamvis enim haec trinitas, de qua nunc queritur, forinsecus inventa est animo; intus tamen agitur, et non est quidquam ejus praeter ipsius animi naturam. Quo igitur pacto demonstrari potest, voluntatem nec quasi parentem, nec quasi prolem esse, sive corporeae similitudinis que memoria continetur, sive ejus que inde cum recordando exprimitur, quando utrumque in cogitando ita copulat, ut tanquam unum singulariter appareat, et discerni nisi ratione non possit? Atque illud primum vindendum est, non esse posse voluntatem reminiscendi, nisi vel totum, vel aliquid rei ejus quam reminisci volumus, in penetralibus memorie teneamus. Quod enim omni modo et omni ex parte obliiti fuerimus, nec reminiscendi voluntas exoritur: quoniam quidquid recordari volumus, recordati iam sumus in memoria nostra esse vel fuisse. Verbi gratia, si recordari volo quid heri coenaverim, aut recordatus jam sum coenasse me, aut si et hoc nondum, certe circa ipsum

¹ Lov., ejus. At editi ahi et MSS., *cormi*, id est, et corporis visi et speciei memorie commendatae.

² Aliquot MSS., *ante ista*.

tempus aliquid recordatus sum, si nihil aliud, ipsum saltem hesterum diem, et ejus eam partem qua coenari solet, et quid sit coenare. Nam si nihil tale recordatus essem, quid heri coenaverim, recordari vello non possem. Unde intelligi potest, voluntatem reminiscendi ab iis quidem rebus que memoria continentur procedere, adjunctis simul eis que inde per recordationem cernendo exprimuntur, id est, ex copulazione rei cuiusdam quam recordati sumus, et visionis que inde facta est in acie cogitantis cum recordati sumus. Sed ipsa que utrumque copulat voluntas, requirit et aliud quod quasi vicinum est atque contiguum recordanti. Tot igitur hujus generis trinitates, quot recordationes, quia nulla est earum ubi non haec tria sint; illud quod in memoria reconditum est etiam antequam cogitur, et illud quod sit in cogitatione cum cernitur, et voluntas utrumque conjungens, et ex utroque ac tertia se ipsa unum aliquid compleans. An potius ita cognoscitur una quedam in hoc genere trinitas, ut unum aliquid generaliter dicamus quidquid corporalium specierum in memoria latet, et rursus unum aliquid generalem visionem animi talia recordantis atque cogitantis, quorum duorum copulationi tertia conjungitur copulatrix voluntas, ut sit hoc totum unum quiddam ex quibusdam tribus?

CAPUT VIII. — *Varia cogitandi ratio* Sed quoniam non potest acies animi simul omnia que memoria tenet, uno aspectu contueri, alternant ¹ vicissim cedendo ac succedendo trinitates cogitationum, atque ita sit ista innumerabiliter numerosissima trinitas: nec tamen infinita, si numerus in memoria reconditarum rerum non excedatur. Ex quo enim cœpit unusquisque sentire corpora quolibet corporis sensu, etiam si posset adjungere quorum oblitus est, certus ac determinatus profecto numerus foret, quamvis innumerabilis. Dicimus enim innumerabilia, non solum infinita, sed etiam que ita finita sunt, ut facultatem numerantis excedant.

43. Sed hinc adverti aliquanto manifestius potest, aliud esse quod reconditum memoria tenet, et aliud quod inde in cogitatione recordantis exprimitur, quamvis cum sit utriusque copulatio, unum idemque videatur: quia meminisse non possumus corporum species, nisi tot quot sensimus, et quantas sensiuimus, et sicut sensimus: ex corporis enim sensu eas in memoriam ² combibit animus: visiones tamen ille cogitantium ³ ex iis quidem rebus que sunt in memoria, sed tamen innumerabiliter atque omnino infinite multiplicantur atque variantur. Unum quippe solē memini, quia sicuti est, unum vidi: si voluero autem, duos cogito, vel tres, vel quotquot volo; sed ex eadem memoria qua unum memini formatur acies multos cogitantis. Et tantum memini, quantum vidi. Si enim majorem vel minorum memini, quam vidi, jam non memini quod vidi, et ideo nec memini. Quia vero

¹ Fr. Lugd. Ven. Lov., *alternat.* M.

² Normali MSS., *in memoria*.

³ Juxta Lov., *cogitationum*. M.

memini, tantum memini quantum vidi, vel majorem tamen pro voluntate cogito, vel minorem : et ita memini, ut vidi; cogito autem sicut volo currentem, et ubi volo stantem, unde volo et quo volo venientem. Quadrum etiam mihi cogitare, in promptu est, cum meminerim rotundum; et eujuslibet coloris, cum solem viridem nunquam viderim, et ideo nec meminermi : atque ut solem, ita cetera. Haec autem rerum forme, quoniam corporales atque sensibiles sunt, errat quidem animus, cum eas opinatur eo modo foris esse, quomodo intus cogitat, vel cum iam interierunt foris, et adhuc in memoria retinentur, vel cum aliter etiam, quod meminimus, non recordandi sive, sed cogitandi varietate formatur.

14. Quanquam saepissime credamus etiam vera narrantibus, quae ipsi sensibus perceperunt. Quae cum in ipso auditu quando narrantur cogitamus, non videatur ad memoriam retrorqueri acies, ut fiant visiones cogitantium : neque enim ea nobis recordantibus, sed alio narrante cogitamus : atque illa trinitas non hic videtur expleri, quae sit cum species in memoria latens et visio recordantis tertia voluntate copulantur. Non enim quod latebat in memoria mea, sed quod audio, cogito, cum aliquid mihi narratur. Non ipsas voces loquentis dico, ne quisquam putet in illam me exisse trinitatem, quae foris in sensibilibus et in sensibus agitur : sed eas cogito corporum species, quas narrans verbis sonisque significat ; quas utique non reminiscens, sed audiens cogito. Sed si diligenter consideremus, nec tunc exceditur memoriae modus. Neque enim vel intelligere possem narrantem, si ea quae dicit, et si contexta tunc primum audirem, non tamen generaliter singula meminisset. Qui enim mihi narrat, verbi gratia, aliquem montem silva exutum, et oleis indutum, ei narrat qui meminerim species et montium et silvarum et olearum ; quas si oblitus essem, quid diceret omnino nescirem, et ideo narrationem illam cogitare non possem. Ita sit ut omnis qui corporalia cogitat, sive ipse aliquid configat, sive audiat, aut legat vel praeterita narrantem, vel futura praesuntiantem, ad memoriam suam recurrit, et ibi reperiatur modum atque mensuram omnium formarum quas cogitans intuetur. Nam neque colorem quem nunquam vidi, neque figuram corporis, nec sonum quem nunquam audivit, nec saporem quem nunquam gustavit, nec odorem quem nunquam olfecit, nec ullam contrectationem corporis quam nunquam sensit, potest quisquam omnino cogitare. At si propterea nemo aliquid corporale cogitat nisi quod sensit, quia nemo invenit corporale aliquid nisi quod sensit, sicut in corporibus sentiendi, sic in memoria est cogitandi modus. Sensus enim accipit speciem ab eo corpore quod sentimus, et a sensu memoria, a memoria vero acies cogitantis.

15. Voluntas porro sicut adjungit sensum corpori, sic memoriam sensui, sic cogitantis aciem memoriae. Quae autem conciliat ista atque conjungit, ipsa etiam disjungit ac separat, id est, voluntas. Sed a sentien-

dis corporibus motu corporis separat corporis sensus, ne aliquid sentiamus, aut ut sentire desinamus : veluti cum oculis, ab eo quod videre nolumus, avertemus, vel claudimus : sic aures a sonis, sic nares ab odoribus. Ita etiam vel os claudendo, vel aliquid ex ore respondo a saporibus aversamur. In tactu quoque vel substrahimus corpus ne tangamus quod nolumus, vel si jam tangebamus, abjecimus aut repellimus. Ita motu corporis agit voluntas, ne sensus corporis rebus sensibilibus copuletur. Et agit hoc quantum potest : nam cum in hac actione propter conditionem servilis mortalitatis difficultatem patitur, cruciatus est consequens, ut voluntati nihil reliqui fiat, nisi tolerantia. Memoriam vero a sensu voluntas avertit, cum in aliud intenta non ei sinit inherere presentia. Quod animadvertere facile est, cum saepe coram loquentem nobis aliquem aliud cogitando non audisse nobis videmur. Falsum est autem : audivimus enim, sed non meminimus, subinde per aurium sensum labentibus vocibus alienato nutu voluntatis, per quem solent infligi memorie. Verius itaque dixerimus, cum tale aliquid accidit, Non meminimus, quam, Non audivimus. Nam et legentibus evenit, et mihi saepissime, ut perfecta pagina vel epistola, nesciam quid legerim, et repetam. In aliud quippe intento nutu voluntatis, non sic est adhibita memoria sensui corporis, quomodo ipse sensus adhucbitus est litteris. Ita et ambulantes intenta in aliud voluntate, nesciunt qua transierint : quod si non videntur, non ambulassent, aut maiore intentione palpando ambulassent, presertim si per incognita pergerent : sed quia facile ambulaverunt, utique videbunt : quia vero non sicut sensus oculorum locis quacumque pergebant, ita ipsi sensui memoria jungebatur, nullo modo id quod viderunt etiam recensissimum meminisse potuerunt. Jam porro ab eo quod in memoria est, animi aciem velle avertere, nihil est aliud quam non inde cogitare.

CAPUT IX. — 16. *Species a specie vicissim gignuntur.* In hac igitur distributione cum incipiimus a specie corporis, et pervenimus usque ad speciem quae sit in contitu cogitantis, quatuor species reperiuntur quasi gradatim natæ altera ex altera : secunda, de prima ; tertia, de secunda ; quarta, de tertia. A specie quippe corporis quod cernitur, exoritur ea quae sit in sensu cernentis ; et ab hac, ea quae sit in memoria ; et ab hac, ea quae sit in acie cogitantis. Quapropter voluntas quasi parentem cum prole ter copulat : primo speciem corporis cum ea quam gignit in corporis sensu ; et ipsam rursus cum ea quae sit ex illa in memoria ; atque istam quoque tertio cum ea quae ex illa paritur in cogitantis intuitu. Sed media copula que secunda est, cum sit vicinior, non tam similis est primæ quam tertia⁴. Visiones enim duæ sunt ; una, sentientis ; altera, cogitantis : ut autem possit esse visio cogitantis, Ideo sit in memoria de visione sentientis simile aliquid, quo se ita convertat in cogitando acies animi, sicut se in cernendo convertit

⁴ Plures vss., tertiae.

ad corpus acies oculorum. Propterea duas in hoc genere trinitates volui commendare : unam, cum visio sentientis formatur ex corpore ; aliam, cum visio cogitantis formatur ex memoria. Mediam vero nolui, quia ibi non solet visio dici, cum memoriae communem datur forma, quæ sit in sensu cernentis. Ubique tamen voluntas non appetet, nisi copulatrix quasi parentis et prolis. Et ideo undecumque procedat, nec parens nec proles dici potest.

CAPUT X.—17. *Etiam non visis addit imaginatio quæ in aliis vidimus.* At enim si non meminimus nisi quod sensimus, neque cogitamus nisi quod meminimus ; cur plerumque falsa cogitamus, cum ea quæ sensimus non utique falso meminerimus : nisi quia voluntas illa quam conjunctricem ac separatrixem hujuscemodi rerum jam quantum potui demonstrare curavi, formandam cogitantis aciem per abscondita memoriae ducit ut libitum est, et ad cogitanda ea quæ non meminimus, ex eis quæ meminimus, aliud hinc, aliud inde, ut sumat impellit ; quæ in unam visionem coeunt faciunt aliquid quod ideo falsum dicatur, quia vel non est foris in rerum corporearum natura, vel non de memoria videtur expressum, cum tale nihil nos sensisse meminimus ? Quis enim vidi cynam nigrum ? et propterea nemo meminit : cogitare tamen quis non potest ? Facile est enim illam figuram, quam videndo cognovimus, nigro colore profundere, quem nihilominus in aliis corporibus vidi mus : et quia utrumque sensimus, utrumque memini mus. Nec avem quadrupedem memini, quia non vidi : sed phantasiam talem facillime intueor, dum alicui formæ volatili qualem vidi, adjungo alias duos pedes quales itidem vidi (*Retract. lib. 2, cap. 15, n. 2*). Quapropter, dum conjuncta cogitamus, quæ singillatim sensa meminimus, videmur non id quod meminimus cogitare ; cum id agamus moderante memoria, unde sumimus omnia quæ multipliciter ac varie pro nostra voluntate componimus. Nam neque ipsas magnitudines corporum, quas nunquam vidimus, sine ope memoriae cogitamus. Quantum enim spatiū solet occupare per magnitudinem mundi noster obtutus, in tantum extendimus quilibet corporum moles, cum eas maximas cogitamus. Et ratio quidem pergit in ampliora, sed phantasia non sequitur. Quippe cum

infinitatem quoque numeri ratio renuntiet, quam nulla visio corporalia cogitantis apprehendit. Eadem ratio docet minutissima etiam corpuscula infinite dividit ; cum tamen ad eas tenuitates vel minutias per ventum fuerit, quas visas meminimus, exiliores minutioresque phantasias jam non possumus intueri, quamvis ratio non desinat persequi ac dividere. Ita nulla corporalia, nisi aut ea quæ meminimus, aut ex iis quæ meminimus, cogitamus.

CAPUT XI.—8. *Numerus, pondus, mensura.* Sed quia numerose cogitari possunt quæ singillatim sunt impressa memorie, videtur ad memoriam mensura, ad visionem vero numerus pertinere. Quia licet innumerabilis sit multiplicitas talium visionum, singulis tamen in memoria præscriptus est intransgressibilis modus. Mensura igitur in memoria, in visionibus numerus appetet : sicut in ipsis corporibus visibilibus mensura quædam est, cui numerosissime coaptatur sensus videntium¹, et ex uno visibili multorum cernentium formatur aspectus : ita ut etiam unus propter duorum oculorum numerum plerumque unam rem geminata specie videat, sicut supra docuimus. In his ergo rebus unde visiones exprimuntur, quædam mensura est : in ipsis autem visionibus, numerus. Voluntas vero quæ ista conjungit et ordinat, et quædam unitate copulat, nec sentiendi aut cogitandi appetitum nisi in his rebus unde visiones formantur, acquiescens collocat, ponderi similis est. Quapropter hæc tria, mensuram, numerum, pondus, etiam in ceteris omnibus rebus animadvertenda prælibaverim. Nunc interiōrem voluntatem copulatricem rei visibilis atque visionis quasi parentis et prolis, sive in sentiendo, sive in cogitando, nec parentem nec prolem dici posse, quomodo valui et quibus valui demonstravi. Unde tempus admonet, hanc eamdem trinitatem in interiore homine requirere, atque ab isto de quo tamdiu locutus sum animali atque carnali, qui exterior dicitur, introrsus tendere. Ubi speramus invenire nos posse secundum trinitatem imaginem Dei, conatus nostros illo ipso adjuvante, quem omnia, sicut res ipsæ indicant, ita etiam sancta Scriptura in mensura et numero et pondere dispositisse testatur (*Sap. xi, 21*).

¹ Plerique MSS., *sensus videndi*.

LIBER DUODECIMUS.

In quo præmissa distinctione sapientiae a scientia, in ea quæ proprie scientia nuncupatur, quæve inferior est, prius quædam sui generis trinitas ostenditur : que licet ad interiōrem boniūm jam pertineat, nondum tamen imago Dei vel appellanda vel putanda.

CAPUT PRIMUM.—1. *Homo exterior et interior quædis.* Age nunc, videamus ubi sit quasi quoddam hominis exterioris interiorisque confinium. Quidquid enim habemus in animo commune cum pecore, recte adhuc dicitur ad exteriorem hominem pertinere. Non enim solum corpus homo exterior deputabitur, sed adjuncta quadam vita sua, qua compages corporis et omnes sensus vigent, quibus instructus est ad exteriora sentienda : quorum sensorum imagines infixæ in memo-

ria, cum recordando revisuntur, res adhuc agitur ad exteriorem hominem pertinens. Atque in his omnibus non distamus a pecore, nisi quod figura corporis non proni, sed erecti sumus. Quia in re admonemur ab eo qui nos fecit, ne meliore nostri parte, id est animo, similes pecoribus simus, a quibus corporis erectione distamus. Non ut in ea quæ sublimia sunt in corporibus animum projiciamus ; nam vel in talibus quietem voluntatis appetere, prosternere est animum. Sed

sicut corpus ad ea quæ sunt excelsa corporum, id est, ad cœlestia naturaliter erectum est; sic animus, qui substantia spiritualis est, ad ea quæ sunt in spiritualibus excelsa erigendus est, non elatione superbia, sed pietate justitiae.

CAPUT II. — 2. *Eternas rationes in corporalibus homo solus animantium percipit.* Possunt autem et percora et sentire per corporis sensus extrinsecus corporalia, et ea memoriae fixa reminisci, atque in eis appetere conducibilia, fugere incommoda: verum ea notare, ac non solum naturaliter rapta, sed etiam de industria memoriae commendata retinere, et in oblivionem jamjamque labentia recordando atque cogitando rursus imprimere; ut quemadmodum ex eo quod gerit memoria cogitatio formatur, sic et hoc ipsum quod in memoria est cogitatione firmetur: fictas etiam visiones, hinc atque inde recordata quælibet sumendo et quasi assuendo, componere, inspirare, quemadmodum in hoc rerum genere quæ verisimilia sunt discernantur a veris, non spiritualibus, sed ipsis corporalibus: hæc atque hujusmodi quamvis in sensibilibus, atque in eis quæ inde animus per sensum corporis traxit agantur atque versentur, non sunt tamen rationis expertia, nec hominibus pecoribusque communia. Sed sublimioris rationis est judicare de istis corporalibus secundum rationes incorporales et sempiternas: quæ nisi supra mentem humanam essent, incommutabiles profecto non essent; atque his¹ nisi subjungeretur aliquid nostrum, non secundum eas possemus judicare de corporalibus. Judicamus autem de corporalibus ex ratione dimensionum atque figurarum, quam incommutabiliter manere mens novit.

CAPUT III. — 3. *Ratio superior quæ ad contemplationem, et interior quæ ad actionem pertinet, in mente una.* Illud vero nostrum quod in actione corporalium atque temporalium tractandorum ita versatur, ut non sit nobis commune cum pecore, rationale quidem est, sed ex illa rationali nostræ mentis substantia, qua subhæremus intelligibili atque incommutabili veritati, tanquam ductum et inferioribus tractandis gubernansque deputatum est. Sicut enim in omnibus pecoribus non inventum est viro adjutorium simile illi, nisi detractum de illo in conjugium formaretur; ita menti nostræ qua supernam et internam consulimus veritatem, nullum est ad usum rerum corporalium, quantum naturæ hominis satis est, simile adjutorium ex animæ partibus quas communes cum pecoribus habemus. Et ideo quiddam rationale nostrum, non ad unitatis divortium separatum, sed in auxilium societatis quasi derivatum, in sui operis dispergitur officium². Et sicut una caro est duorum in masculo et femina, sic intellectum nostrum et actionem, vel consilium et executionem, vel rationem et appetitum rationalem, vel si quo alio modo significantius dici possunt, una mentis natura complectitur: ut quemadmodum de illis dictum est, *Erunt duo*

¹ Editi, in his. Abest, in, a plerisque manuscriptis.

² Omnes prope MSS., officio. Quidam, officia.

in carne una (*Gen. ii, 24*); sic de his dici possit, Duo in mente una.

CAPUT IV. — 4. *Trinitas et imago Dei in ea sola parte mentis quæ pertinet ad contemplationem æternorum.* Cum igitur disserimus de natura mentis humanae, de una quadam re disserimus, nec eam in hæc duo quæ commemoravi, nisi per officia geminamus. Itaque cum in ea querimus trinitatem, in tota quærimus, non separantes actionem rationalem in temporalibus a contemplatione æternorum, ut tertium aliquid jam queramus quo trinitas impleatur. Sed in tota natura mentis ita trinitatem reperiri opus est, ut si desit actio temporalium, cui operi necessarium sit adjutorium, propter quod ad hæc inferiora administranda derivetur aliquid mentis, in una nusquam dispergita mente trinitas inveniatur: et facta jam ista distributione, in eo solo quod ad contemplationem pertinet æternorum, non solum trinitas, sed etiam imago Dei; in hoc autem quod derivatum est in actione temporalium, etiamsi trinitas possit, non tamen imago Dei possit inveniri.

CAPUT V. — 5. *Opinio fingens imaginem Trinitatis in conjugio masculi et feminæ ac eorum prole.* Proinde non mihi videntur probabilem afferre sententiam, qui sic arbitrantur trinitatem imaginis Dei in tribus personis, quod attinet ad humanam natum, posse reperiri, ut in conjugio masculi et feminæ atque in eorum prole compleatur: quod quasi vir ipse Patris personam intimet; Filii vero, quod de illo ita processit ut nasceretur; atque ita tertiam¹ personam velut Spiritus dicunt esse mulierem, quæ ita de viro processit, ut non ipsa esset filius aut filia (*Gen. ii, 22*), quamvis ea concipiente proles nascetur. Dicit enim Dominus de Spiritu Sancto, quod a Patre procedat (*Joan. xv, 26*), et tamen Filius non est. In hujus igitur opinionis errore, hoc solum probabiliter assertur, quod in origine factæ feminæ, secundum sanctæ Scripturæ fidem satis ostenditur, non omne quod de aliqua persona ita existit, ut personam alteram faciat, alium posse dici; quandoquidem de viri persona exstitit persona mulieris, nec iam ejus filia dicta est. Cætera sane ita sunt absurdâ, invero ita falsa, ut facillime redarguantur. Omitto enim quale sit, Spiritum sanctum matrem Filii Dei putare et conjugem Patris: fortassis quippe respondeatur hæc in carnalibus habere offensionem, dum corporei conceptus partusque cogitantur. Quanquam et hæc ipsa castissime cogitent, quibus mundis omnia munda sunt: immundis autem et infidelibus, quorum polluta sunt et mens et conscientia, ita nihil est mundum (*Tit. i, 15*), ut quosdam corumi etiam de virginē secundum carnem natus Christus offendat. Sed tamen in spiritualibus illis summis, ubi non est aliquid violabile aut corruptibile, nec natum ex tempore, nec ex informi formatum, si qua dicuntur talia, ad quorum similitudinem etiam ista inferioris creaturæ genera, quamvis longe remotissime facta sunt, non debent cujusquam so-

¹ Editi, ad tertiam. At MSS. carent particula, ad.

briani perturbare prudentiam, ne cum vanum devitat horrorem, in perniciosa incurrat errorem. Assuecat in corporalibus ita spiritualium reperire vestigia, ut cum inde sursum versus duce ratione ascendere creperit, ut ad ipsam incommutabilem veritatem per quam sunt facta ista perveniat, non secum ad summa pertrahat quod contemnit in insmis. Nec enim erubuit quidam, uxorem sibi eligere sapientiam, quia nomen uxoris in prole gignenda corruptibilem concubitum ingerit cogitanti: aut vero ipsa sapientia sexu femina est¹, quia feminini generis vocabulo et in greca et in latina lingua enuntiatur.

CAPUT VI. — 6. *Cur illa opinio respuenda.* Non ergo propterea respuimus istam sententiam, quia timemus sanctam et inviolabilem atque incommutabilem charitatem, tanquam conjugem Dei Patris, de illo existentem, sed non sicut prolem ad gignendum Verbum per quod facta sunt omnia cogitare: sed quia eam falsam divina Scriptura evidenter ostendit. Dixit enim Deus, *Faciamus hominem ad imaginem et similitudinem nostram*: paulo post autem dictum est, *Et fecit Deus hominem ad imaginem Dei* (*Gen. 1, 26, 27*). Nostram certe, quia pluralis est noster, non recte diceretur, si homo ad unius personae imaginem fieret, sive Patris, sive Filii, sive Spiritus sancti: sed quia siebat ad imaginem Trinitatis, propterea dictum est, *ad imaginem nostram*. Rursus autem ne in Trinitate credendos arbitramur tres deos, cum sit eadem Trinitas unus Deus, *Et fecit*, inquit, *Deus hominem ad imaginem Dei*: pro eo ac si diceret, *Ad imaginem suam*.

7. Sunt enim tales usitate in litteris illis locutiones, quas nonnulli etiam si catholicam fidem asserunt, non tamen diligenter advertunt, ut patet ita dictum, *Fecit Deus ad imaginem Dei*; quasi dicereatur, *Fecit Pater ad imaginem Filii*: sic volentes asserere in scripturis sanctis Deum dictum etiam Filium, quasi desint alia verissima et manifestissima documenta, ubi non solum Deus, sed etiam verus Deus dictus est Filius. In hoc enim testimonio dum aliud solvere intendunt, sic se implicant, ut expedire non possint. Si enim Pater fecit ad imaginem Filii, ita ut non sit homo imago Patris, sed Filii, dissimilis est Patri Filius. Si autem pia fides docet, sicuti docet, *Filiū esse ad aequalitatem essentiæ similem Patri*, quod ad similitudinem Filii factum est, necesse est etiam ad similitudinem Patris factum sit. Deinde, si hominem Pater non ad suam, sed ad Filii fecit imaginem, cur non ait, *Faciamus hominem ad imaginem et similitudinem tuam*, sed ait, *nostram*; nisi quia Trinitatis imago siebat in homine, ut hoc modo esset homo imago unius veri Dei, quia ipsa Trinitas unus verus Deus est? Locutiones autem sunt innumerabiles tales in scripturis, sed has protulisse sufficerit. Est in psalmis ita dictum, *Domini est salus, et super populum tuum benedictio tua* (*Psal. III, 9*): quasi alteri dictum sit, non ei de quo dixerat, *Domini*

est salus. Et iterum, *A te, inquit, eruar a tentatione, et in Deo meo sperans transgrediar murum* (*Psalm. XVII, 50*): quasi alteri dixerit, *A te eruar a tentatione.* Et iterum, *Populi sub te carent in corde inimicorum regis* (*Psalm. XLIV, 6*): ac si diceret, *In corde inimicorum tuorum.* Ei quippe regi dixerat, id est, Domino nostro Iesu Christo, *Populi sub te carent; quem regem intelligi voluit, cum diceret, in corde inimicorum regis.* Rarius ista in Novi Testamenti litteris inventiuntur. Sed tamen ad Romanos Apostolus, *De Filio suo*, inquit, *qui factus est ei ex semine David secundum carnem, qui praedestinatus est Filius Dei in virtute secundum Spiritum sanctificationis ex resurrectione mortuorum Jesu Christi Domini nostri* (*Rom. I, 3, 4*): tanquam de alio supra diceret. Quid est enim Filius Dei praedestinatus ex resurrectione mortuorum Jesu Christi, nisi ejusdem Jesu Christi qui praedestinatus est Filius Dei in virtute? Ergo quomodo hic cum audiimus, *Filius Dei in virtute Jesu Christi*, aut, *Filius Dei secundum Spiritum sanctificationis Jesu Christi*, aut, *Filius Dei ex resurrectione mortuorum Jesu Christi*; cum dici potuisse usitate, *In virtute sua*, aut, *Secundum Spiritum sanctificationis suum*, aut, *Ex resurrectione mortuorum ejus*, vel *mortuorum suorum*: non cogimur intelligere aliam personam, sed unam eamdemque, scilicet Filii Dei Domini nostri Jesu Christi. Ita cum audimus, *Fecit Deus hominem ad imaginem Dei*: quamvis posset usitatus dici, *Ad imaginem suam*; non tamen cogimur aliam personam intelligere in Trinitate, sed ipsam unam eamdemque Trinitatem, qui est unus Deus, et ad cuius imaginem factus est homo.

8. Quæcum ita sint, si eamdem Trinitatis imaginem, non in uno, sed in tribus hominibus accepimus, patre et matre et filio, non erat ergo ad imaginem Dei factus homo antequam uxor ei fieret, et antequam filium propagaret; quia nondum erat trinitas. An dicit aliquis: Jam trinitas erat, quia etsi nondum forma propria, jam tamen originali natura et mulier erat in latere viri et filius in lumbis patris? Cur ergo, cum scriptura dixisset, *Fecit Deus hominem ad imaginem Dei*; contextu dicens, *Fecit Deus eum; masculum et feminam fecit eos, et benedixit eos* (*Gen. I, 27, 28*)? Vel si ita distinguendum est, *Et fecit Deus hominem*; ut deinde inferatur, *ad imaginem Dei fecit illum*; et tertia subjunctio sit, *masculum et feminam fecit eos*. Quidam enim timuerunt dicere, *Fecit eum masculum et feminam*, ne quasi monstruosum aliquid intelligeretur, sicuti sunt quos hermaphroditos vocant: cum etiam sic non mendaciter possit intelligi utrumque in numero singulari, propter id quod dictum est, *Duo in carne una*. Cur ergo, ut dicere coeparam, in natura hominis ad imaginem Dei facta, præter masculum et feminam non commemorat scriptura? Ad implendam quippe imaginem Trinitatis debuit addere et filium, quamvis adhuc in lumbis patris constitutum, sicut

¹ Plures MSS. omittunt, *sperans*.

² Editi, *in corda*. At MSS., *in corde*: et sic Augustinus, enarr. in eundem psalmum 44.

mulier erat in latere. An forte jam facta erat et mulier; et Scriptura brevi complexione constrinxerat, quod postea quemadmodum sit factum, diligentius explicaret; et propterea filius commemorari non potuit, quia nondum erat natus? quasi et hoc non poterat ea brevitate complecti Spiritus sanctus, suo loco postea natum filium narraturus, sicut mulierem de viri latere assumptam suo postmodum loco narravit (*Gen. ii, 24, 22*), et tamen hic eam nominare non prætermisit.

CAPUT VII. — 9. *Homo imago Dei, quomodo. Annon et mulier imago Dei. Dictum Apostoli, quod vir imago Dei sit, mulier autem gloria viri, quomodo figurate ac mystice intelligendum.* Non itaque ita debemus intelligere hominem factum ad imaginem summae Trinitatis, hoc est ad imaginem Dei, ut eadem imago in tribus intelligatur hominibus: præsentim cum Apostolus virum dicat esse imaginem Dei, et propterea velamentum ei capitis demat, quod mulieri adhibendum monet, ita loquens: *Vir quidem non debet velare caput, cum sit imago et gloria Dei. Mulier autem gloria viri est.* Quid ergo dicemus ad hæc? Si pro sua persona mulier adiunget imaginem Trinitatis, cur ea detracta de latere viri adhuc ille imago dicitur? Aut si et una persona hominis ex tribus potest dici imago Dei, sicut in ipsa summa Trinitate, et unaquaque persona Deus est, cur et mulier non est imago Dei? Nam et propterea caput velare præcipitur, quod ille quia imago Dei est prohibetur (*I Cor. xi, 7, 5*).

10. Sed videndum est quomodo non sit contrarium quod dicit Apostolus, non mulierem, sed virum esse imaginem Dei, huic quod scriptum est in Genesi, *Fecit Deus hominem, ad imaginem Dei fecit eum; masculum et feminam fecit eos, et benedixit eos.* Ad imaginem Dei quippe naturam ipsam humanam factam dicit, quæ sexu utroque completur, nec ab intelligenda imagine Dei separat feminam. Dicto enim quod fecit Deus hominem ad imaginem Dei, *Fecit eum,* inquit, *masculum et feminam:* vel certe alia distinctione, *masculum et feminam fecit eos.* Quomodo ergo per Apostolum audivimus virum esse imaginem Dei, unde caput velare prohibetur, mulierem autem non, si ideo ipsa hoc facere jubetur? nisi, credo, illud quod jam dixi¹, cum de natura humanæ mentis agerem, mulierem cum viro suo esse imaginem Dei, ut una imago sit tota illa substantia: cum autem ad adjutorium distribuitur, quod ad eam ipsam solam attinet, non est imago Dei; quod autem ad virum solum attinet, imago Dei est, tam plena atque integræ, quam in unum conjuncta muliere. Sic ut de natura humanæ mentis diximus, quia et si tota contempletur veritatem, imago Dei est; et cum ex ea distribuitur aliquid, et quadam intentione derivatur ad actionem rerum temporalium, nihilominus ex qua parte conspectam consulti veritatem, imago Dei est; ex qua vero intenditur in agenda inferiora, non

¹ Apud Er. Lugd. Ven. Lov., mihi credo illud esse quod jam dixi. M.

est imago Dei. Et quoniam quantumcumque se extenderit in id quod æternum est, tanto magis inde formatur ad imaginem Dei, et propterea non est cohibenda, ut se inde contineat ac temperet; ideo vir non debet velare caput. Quia vero illi rationali actioni quæ in rebus corporalibus temporalibusque versatur, periculosa est nimia in inferiora progressio; debet habere potestatem super caput, quod indicat velamentum quo significatur esse cohibenda. Grata est enim sanctis Angelis sacra et pia significatio. Nam Deus non ad tempus videt, nec aliquid novi sit in ejus visione atque scientia, cum aliquid temporali ac transitorie geritur, sicut inde afficiuntur sensus vel carnales animalium et hominum, vel etiam coelestes Angelorum.

11. In isto quippe manifesto sexu masculi et feminæ apostolus Paulus occultioris cuiusdam rei figurasse mysterium, vel hinc intelligi potest, quod cum alio loco dicat, veram viduam esse desolatam, sine filiis et nepotibus, et tamen eam sperare debere in Dominum, et persistere in orationibus nocte et die (*1 Tim. v, 5*), hic indicat mulierem seductam in prævaricatione factam, salvam fieri per filiorum generationem: et addidit, *si permanerint in fide, et dilectione, et sanctificatione cum sobrietate* (*Id. ii, 15*). Quasi vero possit obesse bonæ viduæ, si vel filios non habuerit, vel ii quos habuerit, in bonis operibus permanere noluerint. Sed quia ea quæ dicuntur opera bona, tanquam filii sunt vitæ nostræ, secundum quam queritur cuius vitæ sit quisque, id est, quomodo agat hæc temporalia, quam vitam Greci non *τελεῖ*, sed *πλεί* vocant; et hæc opera bona maxime in officiis misericordiae frequentari solent; opera vero misericordiae nihil prosunt, sive Paganis, sive Judris qui Christo non credunt, sive quibuscumque hereticis vel schismaticis ubi fides et dilectio et sobria sanctificatio non invenitur: manifestum est quid Apostolus significare voluerit; ideo figurate ac mystice, quia de velando mulieris capite loquebatur, quod nisi ad aliquod secretum sacramenti referatur, inane remanebit.

12. Sicut enim non solum veracissima ratio, sed etiam ipsius Apostoli declarat auctoritas, non secundum formam corporis homo factus est ad imaginem Dei, sed secundum rationalem mentem. Cogitatio quippe turpiter vana est, quæ opinatur Deum membrorum corporalium lineamentis circumscribi atque finiri. Porro autem nonne idem beatus apostolus dicit, *Renovamini spiritu mentis vestrae, et induite novum hominem, eum qui secundum Deum creatus est* (*Ephes. iv, 23, 24*); et alibi apertius, *Exuentes vos, inquit, veterem hominem cum actibus ejus, induite novum qui renovatur in agnitionem Dei secundum imaginem ejus qui creavit eum* (*Coloss. iii, 9, 10*)? Si ergo spiritu mentis nostræ renovamur, et ipse est novus homo qui renovatur in agnitionem Dei secundum imaginem ejus qui creavit eum; nulli dubium est, non secundum corpus, neque secundum quamlibet animi partem, sed secundum rationalem mentem, ubi potest

esse agnitus Dei, hominem factum ad imaginem ejus qui creavit eum. Secundum hanc autem renovationem efficiuntur etiam filii Dei per baptismum Christi, et induentes novum hominem, Christum utique induimus per fidem. Quis est ergo qui ab hoc consortio feminas alienet, cum sint nobiscum gratiae coheredes; et alio loco idem apostolus dicat, *Omnes enim filii Dei estis per fidem in Christo Iesu. Quicumque enim in Christo baptizati estis, Christum induistis. Non est Iudeus neque Graecus, non est servus neque liber, non est masculus neque femina: omnes enim vos unum estis in Christo Iesu* (*Galat. iii, 26-28*)? Numquidnam igitur fideles feminæ sexum corporis amiserunt? Sed quia ibi renovantur ad imaginem Dei, ubi sexus nullus est, ibi factus est homo ad imaginem Dei, ubi sexus nullus est, hoc est in spiritu mentis suæ. Cur ergo vir propterea non debet caput velare, quia imago est et gloria Dei; mulier autem debet, quia gloria viri est, quasi mulier non renovetur spiritu mentis suæ, qui renovatur in agnitionem Dei secundum imaginem ejus qui creavit illum? Sed quia sexu corporis distat a viro, rite potuit in ejus corporali velamento figurari pars illa rationis, quæ ad temporalia gubernanda deflectitur; ut non maneat imago Dei, nisi ex qua parte mens hominis æternis rationibus consciendis vel consulendis adhaerescit¹, quam non solum masculos, sed etiam feminas habere manifestum est.

CAPUT VIII. — 13. *Deflexus ab imagine Dei*. Ergo in eorum mentibus communis natura cognoscitur; in eorum vero corporibus ipsius unius mentis distributio figuratur. Ascendentibus itaque introrsus quibusdam gradibus considerationis per animæ partes, unde incipit aliquid occurtere, quod non sit nobis commune cum bestiis, inde incipit ratio, ubi homo interior jam possit agnosciri. Qui etiam ipse si per illam rationem cui temporalium rerum administratio delegata est, immoderato progressu nimis in exteriora prolabitur, consentiente sibi capite suo, id est, non eam cohibente atque refrenante illa quæ in specula consilii præsidet quasi virili portione, inveteratur inter inimicos suos (*Psal. vi, 8*) virtutis invidos dæmones cum suo principe diabolo: æternorumque illa visio ab ipso etiam capite cum conjugi vetitum manducante subtrahitur, ut lumen oculorum ejus non sit cum illo (*Psal. xxxvii, 11*); ac sic ab illa illustratione veritatis ambo nudati, atque apertis oculis conscientiae ad videndum quam dishonesti atque indecori remanserint, tanquam folia dulcium fructuum, sed sine ipsis fructibus, ita sine fructu boni operis bona verba contextunt, ut male viventes quasi bene loquendo contegant turpitudinem suam (*Gen. iii*).

CAPUT IX.— 14. *Sequitur de eodem argumento*. Protestatem quippe suam diligens anima, a communi universo ad privatam partem prolabitur: et apostatica illa superbia, quod *initium peccati* dicitur (*Eccli. x, 15*), cum in universitate creaturæ Deum rectorem secuta, legibus ejus optime gubernari potuisse, plus aliquid

universo appetens, atque id sua lege gubernare molita, quia nihil est amplius universitate, in curam partem truditur, et sic aliquid amplius concupisendo minuitur; unde et avaritia dicitur *radix omnium malorum* (*1 Tim. vi, 10*): totumque illud ubi aliquis proprium contra leges, quibus universitas administratur, agere nilitur, per corpus proprium gerit, quod particliter possidet; atque ita formis et motibus corporalibus delectata, quia intus ea secum non habet, cum eorum imaginibus, quas memorie fixit, involvit, et phantastica fornicatione turpiter inquinatur, omnia officia sua ad eos fines referens, quibus curiose corporalia ac temporalia per corporis sensus querit, aut tumido fastu aliis animis corporeis sensibus deditis esse affectat excelsior, aut cœnoso gurgite carnalis voluptatis immoratur.

CAPUT X. — 15. *Gradus ad turpissima*. Cum ergo bona voluntate ad interiora et superiora percipienda, quæ non privatim, sed communiter ab omnibus qui talia diligunt, sine ulla angustia vel invidia casto possidentur amplexu, vel sibi vel aliis consulit; et si fallatur in aliquo per ignorantiam temporalium, quia et hoc temporaliter gerit, et modum agendi non teneat quem debebat, humana tentatio est. Et magnum est hanc vitam sic degere, quam velut viam redeentes carpimus, ut tentatio nos non apprehendat nisi humana (*1 Cor. x, 13*). Hoc enim peccatum extra corpus est, nec fornicationi deputatur, et propterea facilime ignoscitur. Cum vero propter adipiscenda ea quæ per corpus sentiuntur, propter experiendi vel excellendi vel contrectandi cupiditatem, ut in his finem boni sui ponat, aliquid agit, quicquid agit, turpiter agit; et fornicatur in corpus proprium peccans (*Id. vi, 18*), et corporearum rerum fallacia simulacra introrsus rapiens et vana meditatione comprens, ut ei nec divinum aliquid nisi tale, videatur², privatim avara fetatur erroribus, et privatim prodiga inanitur viribus (*a*). Nec ad tam turpem et miserabilem fornicationem simul³ ab exordio prosiliret: sed, sicut scriptum est, *Qui modica spernit, paulatim decidet* (*Eccli. xix, 1*).

CAPUT XI. — 16. *Imago pecudis in homine*. Quomodo enim coluber non apertis passibus, sed squamarum minutissimis nisibus repit; sic lubricus desideri motus negligentes minutatim occupat, et incipiens a perverso appetitu similitudinis Dei, pervenit ad similitudinem pecorum. Inde est quod nudati stola prima, pelliceas tunicas mortalitate meruerunt. (*Gen. iii, 21*). Honor enim hominis verus est imago et similitudo Dei, quæ non custoditur nisi ad ipsum⁴ a quo imprimitur. Tanto magis itaque inhæretur Deo, quanto minus diligitor proprium. Cupiditate vero experienda potestatis sue, quodam nutu suo ad se ipsum tanquam ad medium proruit. Ita cum vult esse sicut ille sub

¹ Ex. et Lov., ut ei nec divinum aliquid placeat, nisi tale videatur. Melius Am. et MSS. verbo, *placeat*, exuncto, ut ei nec divinum aliquid, nisi tale (id est, nisi quod ejus generis est de quo dicit) videatur.

² Sic Am. et plures MSS. Alii vero cum Ex. et Lov., *scilicet*.

³ Aliquot MSS., nisi ab ipso.

⁴ *a* II retract., cap. 13, n. 3.

¹ Fr. et Lov., igitur. At Am. et MSS., autem; concinnius.

² Editio Lov., *adhæseru*.

nullo, et ab ipsa sui medietate penaliter ad ima procellitur, id est, ad ea quibus pecora latentur: atque ita cum sit honor ejus similitudo Dei, dedecus autem ejus similitudo pecoris, homo in honore positus non intellexit; comparatus est jumentis insipientibus, et similis factus est eis (*Psal. xlviii*, 13). Quia igitur tam longe transiret a summis ad insima, nisi per medium sui? Cum enim neglecta charitate sapientiae, quae semper eodem modo manet, concupiscitur scientia ex mutabilium temporaliumque experimento, inflat, non aduersat (*I Cor. viii*, 4): ita prægravatus animus quasi pondere suo a beatitudine expellitur, et per illud suæ medietatis experimentum pœna sua discit, quid intersit inter bonum desertum malumque commissum, nec redire potest effusis ac perditis viribus, nisi gratia Conditoris sui ad pœnitentiam vocantis et peccata donantis. Quis enim infelicem animam liberabit a corpore mortis hujus, nisi gratia Dei per Jesum-Christum Dominum nostrum (*Rom. vn*, 24, 25)? De qua gratia suo loco, quantum¹ ipse praestiterit, disseremus.

CAPUT XII. — 17. *In interiore homine quoddam secretum conjugium. Cogitationum delectationes illicitæ. Nunc de illa parte rationis ad quam pertinet scientia, id est, cognitio rerum temporalium atque mutabilium navändig vitae hujus actionibus necessaria, susceptam considerationem, quantum Dominus adjuvat, peragamus.* Sicut enim in illo manifesto coniugio duorum hominum qui primi facti sunt, non manducavit serpens de arbore vetita, sed tantummodo manducandum persuasit: mulier autem non manducavit sola, sed viro suo dedit, et simul manducaverunt; quamvis cum serpente sola locuta, et ab eo sola seducta sit (*Gen. iii*, 1-6): ita et in hoc quod etiam in homine uno geritur et dignoscitur, occulto quodam secretoque coniugio carnalis, vel, ut ita dicam, qui in corporis sensus intenditur, sensuialis animæ motus, qui nobis pecoribusque communis est, seclusus est a ratione sapientiae. Sensu quippe corporis corporalia sentiuntur: æterna vero et incommutabilia spiritualia ratione sapientiae intelliguntur. Rationi autem scientiae appetitus vicinus est: quandoquidem de ipsis corporalibus quæ sensu corporis sentiuntur, ratiocinatur ea quæ scientia dicitur actionis; si bene, ut eam notitiam referat ad finem summi boni; si autem male, ut ejus fruatur tanquam bonis talibus in quibus falsa beatitudine conquiescat. Cum ergo huic intentioni mentis, quæ in rebus temporalibus et corporalibus propter actionis officium ratiocinandi vivacitate versatur, carnalis ille sensus vel animalis ingerit quamdam illecebrem fruendi se, id est tanquam bono quodam privato et proprio, non tanquam publico atque communi quod est incommutabile bonum, tunc velut serpens allequitur feminam. Huic autem illecebræ consentire, de ligno prohibito manducare est. Sed iste consensus si sola cogitationis delectatione contentus est, superioris vero auctoritate consilii ita membra retinentur, ut non exhibeantur.

¹ Plerique MSS. et editio Am., quando.

tur iniquitatis arma peccato (*Rom. vi*, 13); sic habendum existimo velut cibum vetitum mulier sola comedenter. Si autem in consensione¹ male utendi rebus quæ per sensum corporis sentiuntur, ita decernitur quodcumque peccatum, ut si potest sit, etiam corpore compleatur; intelligenda est illa mulier dedisse viro suo secum simul edendum illicitum cibam. Neque enim potest peccatum non solum cogitandum suaviter, verum etiam efficaciter perpetrandum mente deterni, nisi et illa mentis intentio, penes quam summa potestas est membra in opus movendi, vel ab opere cohibendi, malæ actioni cedat et serviat.

18. Nec sane, cum sola cogitatione mens oblectatur illicitis, non quidem decernens esse facienda, tenens tamen et volvens libenter quæ statim ut attigerunt animum respui debuerunt, negandum est esso peccatum, sed longe minus quam si et opere statuatur implendum. Et ideo de talibus quoque cogitationibus venia petenda est, pectusque percutiendum, atque dicendum, *Dimitte nobis debita nostra: faciendumque quod sequitur, atque in oratione jungendum, sicut et nos dimittimus debitoribus nostris* (*Math. vi*, 12). Neque enim sicut in illis duobus primis hominibus personam suam quisque portabat, et ideo si sola mulier cibum edisset illicitum, sola utique mortis supplicio plecteretur; ita dici potest in homine uno, si delectationibus illicitis, a quibus se continuo deberet avertere cogitatio, libenter sola pascatur, nec facienda decernantur mala, sed tantum suaviter in recordatione teneantur, quasi mulierem sine viro posse damnari: absit hoc credere. Hac quippe una persona est, unus homo est, totusque damnabitur, nisi hac quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata per Mediatoris gratiam remittantur.

19. Hæc itaque disputatio qua in mente uniuscujusque hominis quæsivimus quoddam rationale conjugium contemplationis et actionis, officiis per quoddam singula distributis, tamen in utroque mentis unitate servata, salva illius veritatis historia, quam de duobus primis hominibus, viro scilicet ejusque muliere, de quibus propagatum est genus humanum, divina tradit auctoritas, ad hoc tantummodo audienda est, ut intelligatur Apostolus imaginem Dct viro tantum tribuendo, non etiam feminæ, quamvis in diverso sexu duorum hominum, aliquid tamen significare voluisse quod in uno homine quereretur.

CAPUT XIII. — 20. *Opinio eorum qui viro mentem, muliere sensum corporis significari senserunt.* Nec me fugit, quosdam qui fuerunt ante nos egregii defensores catholice fidei et divini eloquii tractatores, cum in homine uno, cuius universam animam bonam quædam paradisum esse senserunt, duo ista requirerent, virum mentem, mulierem vero dixisse corporis sensum. Et secundum hanc distributionem qua vir ponitur mens, sensus vero corporis mulier, vi-

¹ Editio Lov., in consensionem.

dentur apte omnia convenire, si considerata tractentur: nisi quod in omnibus bestiis et volatilibus scriptum est non esse inventum viro adjutorium simile illi, et tunc est ei mulier facta de latere (*Gen. ii, 20-22*). Propter quod ego non putavi pro muliere sensum corporis esse ponendum, quem videmus nebis et bestiis esse communem; sed aliquid volui quod bestiae non haberent: sensumque corporis magis pro serpente intelligentiam existimavi, qui legitur sapiens in omnibus pecoribus terrae (*Id. iii, 1*). In eis quippe naturalibus bonis, quae nobis et irrationabilibus animantibus videmus esse communia, vivacitate quadam sensus excellit: non ille de quo scriptum est in Epistola quae est ad Hebreos, ubi legitur, *perfectorum esse solidum cibum, qui per habitum exercitatos habent sensus ad separandum bonum a malo* (*Hebr. v, 14*); illi quippe sensus naturae rationalis sunt ad intelligentiam pertinentes: sed iste sensus quinquepartitus in corpore, per quem non solum a nobis, verum etiam a bestiis corporalis species motus sentitur.

21. Sed sive isto, sive illo, sive aliquo alio modo accipiendo sit, quod Apostolus virum dixit imaginem et gloriam Dei, mulierem autem gloriam viri (*I Cor. xi, 7*); apparet tamen cum secundum Deum vivimus, mentem nostram in inavisiis ejus intentam, ex ejus aeternitate, veritate, charitate, proficienter debere formari: quiddam vero rationalis intentionis nostrae, hoc est ejusdem mentis, in usum mutabilium corporaliumque rerum, sine quo haec vita non agitur, dirigendum; non ut conformemur ¹ huic saeculo (*Rom. xii, 2*), finem constitudo in bonis talibus, et in ea detorquendo beatitudinis appetitum; sed ut quidquid in usu temporalium rationabiliter facimus, aeternorum adipiscendorum contemplatione faciamus, per ista transenantes, illis inherentes.

CAPUT XIV. — *Inter sapientiam et scientiam quid distet. Cultus Dei, amor ejus. Quomodo per sapientiam fiat cognitio intellectualis rerum aeternarum.* Habet enim et scientia modum suum bonum, si quod in ea inflat vel inflare assolet, aeternorum charitate vincatur, quae non inflat, sed, ut scimus, edificat (*I Cor. viii, 1*). Sine scientia quippe nec virtutes ipse, quibus recte vivitur, possunt haberi, per quas haec vita misera sic gubernetur, ut ad illam quae vere beata est, perveniat aeternam.

22. Distat tamen ab aeternorum contemplatione actio qua bene utimur temporalibus rebus, et illa sapientiae, haec scientiae deputatur. Quamvis enim et illa quae sapientia est, possit scientia nuncupari, sicut et Apostolus loquitur, ubi dicit, *Nunc scio ex parte, tunc autem cognoscam sicut et cognitus sum* (*Id. xiii, 12*); quam scientiam profecto contemplationis Dei vult intelligi, quod sanctorum erit preimum summum: tamen ubi dicit, *Alli quidem datur per Spiritum sermo sapientiae, alii sermo scientiae secundum eundem Spiritum* (*Id., xii, 8*);

¹ Plures MSS., conformetur.

hic utique duo sine dubitatione distinguunt, licet non ibi explicet quid inter sit, et unde possit utrumque dignosci. Verum Scripturarum sanctorum multiplicem copiam scrutatus, invenio scriptum esse in libro Job, eodem sancto viro loquente: *Ecce pietas est sapientia; abstinere autem a malis est scientia* (*Job xxviii, 28*). In hac differentia intelligendum est ad contemplationem sapientiam, ad actionem scientiam pertinere. Pietatem quippe hoc loco posuit Dei cultum, quo grece dicitur θεοτέλεια. Nam hoc verbum habet ista sententia in codicibus graecis. Et quid est in aeternis excellentius quam Deus, cuius solius immutabilis est natura? Et quis cultus ejus, nisi amor ejus, quo nunc desideramus cum videre, credimusque et speramus nos esse visuros; et quantum proficimus videmus nunc per speculum in aenigmate, tunc autem in manifestatione? Floc est enim quod ait apostolus Paulus, facie ad faciem (*I Cor. xiii, 12*): hoc etiam quod Joannes, *Dilectissimi, nunc filii Dei sumus, et nondum apparuit quid erimus; scimus quia cum apparuerit, similes ei erimus, quoniam videbimus eum sicuti est* (*I Joan. iii, 2*). De his atque hujusmodi sermo ¹ ipso mihi videtur esse sermo sapientiae. Abstinere autem a malis, quam Job scientiam dixit esse, rerum procul dubio temporalium est. Quoniam secundum tenpus in malis sumus, a quibus abstinere debemus, ut ad illa bona aeterna veniamus. Quamobrem quidquid prudenter, fortiter, temperanter et juste agimus, ad eam pertinet scientiam sive disciplinam, qua in evitandis malis bonisque appetendis actio nostra versatur; et quidquid propter exempla vel cavenda, vel imitanda, et propter quarumque rerum quae nostris accommodata sunt usibus necessaria documenta, historica cognitione colligimus.

23. De his ergo sermo cum sit, eum scientiae sermonem puto, discernendum a sermone sapientiae, ad quam pertinent ea quae nec fuerunt; nec futura sunt, sed sunt, et propter eam aeternitatem in qua sunt, et fuisse et esse et futura esse dicuntur, sine ulla mutabilitate temporum. Non enim sic fuerunt ut esse desinerent, aut sic futura sunt quasi nunc non sunt: sed id ipsum esse semper habuerunt, semper habitura sunt. Manent autem, non tanquam in spatiis locorum fixa veluti corpora: sed in natura incorporali sic intelligibilia praesto sunt mentis aspectibus, sicut ista in locis visibiliis vel contrectibili corporis sensibus. Non autem solum rerum sensibilium in locis positarum sine spatiis localibus manent intelligibiles incorporalesque rationes; verum etiam motionum in temporalibus transeuntium sine temporali transitu stant etiam ipsae utique intelligibiles, non sensibiles. Ad quas mentis acie pervenire paucorum est; ot cum pervenitur, quantum fieri potest, non in eis manet ipse perveyor, sed veluti acie ² ipsa reverberata repellitur, et sit rei non transitoriae transitoria cogitatio. Quae tamen cogitatio transiens per disciplinas

¹ Codices quiklam, *De his atque hujusmodi sermonibus.*

² Plures MSS., acies.

quibus eruditur animus, memorie commendatur, ut sit quo redire possit, quæ cogitur inde transire: quamvis si ad memoriam cogitatio non rediret, atque quod commendaverat ibi inveniret, velut rufis ad hoc sicut ducta fuerat diceretur, idque inveniret ubi primum invenerat, in illa scilicet incorporea veritate, unde rursus quasi descriptum in memoria figeretur. Neque enim sicut manet, verbi gratia, quadrati corporis incorporalis et incommutabilis ratio, sic in ea manet hominis cogitatio; si tamen ad eam sine phantasia spatii localis potuit pervenire. Aut si alicujus artificiosi et musici soni per moras temporis transeuntis numerositas comprehendatur, sine tempore stans in quadam secreto altoque silentio, tamdiu saltem cogitari potest quamdiu potest ille cantus audiri: tamen quod inde rapuerit etsi transiens mentis aspectus, et quasi glutiens in ventrem¹ ita in memoria reposuerit, poterit recordando quadam modo ruminare, et in disciplinam quod sic didicerit trahicere. Quod si fuerit omnimoda oblitione deletum, rursus doctrina duce ad id venietur quod penitus exciderat, et sic invenietur ut erat.

CAPUT XV.—24. Contra reminiscentiam Platonis et Pythagoræ. Sanus Pythagoras. De differentia sapientiae a scientia, et de quaerenda trinitate in scientia temporalium. Unde Plato ille philosophus nobilis persuadere conatus est vixisse hic animas hominum, et antequam ista corpora gererent: et hinc esse quod ea quæ discuntur, reminiscuntur potius cognita, quam cognoscuntur nova. Retulit enim, puerum quemdam nescio quæ de geometrica² interrogatum, sic respondisse, tanquam esset illius peritissimus disciplinæ. Gradatim quippe atque artificiose interrogatus, videbat quod videndum erat, dicebatque quod viderat. Sed si recordatio hæc esset rerum antea cognitarum, non utique omnes vel pene omnes, cum illo modo interrogarentur, hoc possent. Non enim omnes in priore vita geometræ fuerunt, cum tam rari sint in genere humano, ut vix possit aliquis inveniri: sed potius credendum est mentis intellectualis ita conditam esse naturam, ut rebus intelligibiliibus naturali ordine, disponente Condитore, subjuncta sic ista videat in quadam luce sui generis incorporea, quemadmodum oculus carnis videt quæ in hac corpore a luce circumadjacent, cuius lucis capax eique congruens est creatus. Non enim et ipse ideo sine magistro alba et nigra discernit, quia ista jam noverat antequam in hac carne crearetur. Denique cur de solis rebus intelligibiliibus id fieri potest, ut bene interrogatus quisque respondeat quod ad quamque pertinet disciplinam, etiamsi ejus ignarus est? Cur hoc facere de rebus sensibiliibus nullus potest, nisi quas isto vidit in corpore constitutus,


aut eis quæ noverant indicantibus creditit, seu litteris cujusque, seu verbis? Non enim acquiescendum est eis qui Sanum Pythagoram ferunt recordatum fuisse talia nonnulla quæ fuerat expertus³, cum hic alio jam fuisse in corpore: et alios nonnullos narrant alii, ejusmodi aliquid in suis mentibus passos: quas falsas fuisse memorias, quales plerumque experimur in somnis, quando nobis videmur reminisci quasi egerimus aut viderimus, quod nec egimus omnino nec vidimus; et eo modo affectas esse illorum mentes etiam vigilantium, instinctu spirituum malignorum atque fallacium, quibus curæ est de revolutionibus animalium falsam opinionem ad decipiendos homines firmare vel serere, ex hoc conjici potest, quia si vere illa recordarentur quæ hic in aliis antea positi corporibus viderant, multis ac pene omnibus id contineret: quandoquidem ut de vivis mortuos, ita de mortuis vivos, tanquam de vigilantibus dormientes, et de dormientibus vigilantes, sine cessatione fieri suspicantur.

25. Si ergo hæc est sapientiae et scientiae recta distinctio, ut ad sapientiam pertineat æternarum rerum cognitionis intellectualis; ad scientiam vero, temporalium rerum cognitionis rationalis: quid cui præponendum sive postponendum sit, non est difficile judicare. Si autem alia est adhibenda discrecio, qua dignoscantur hæc duo, qua procul dubio distare Apostolus docet, dicens, *Alii datur quidem per Spiritum sermo sapientiae, alii sermo scientiae secundum eundem Spiritum*; tamen etiam istorum duorum quæ nos posuimus evidentissima differentia est, quod alia sit intellectualis cognitionis æternarum rerum, alia rationalis temporalium, et huic illam præponendam esse ambigit nemo. Relinquentibus itaque nobis ea quæ sunt exterioris hominis, et ab eis quæ communia cum perceptibus habemus introrsum ascendere cupientibus, antequam ad cognitionem rerum intelligibilium atque summarum quæ sempiternæ sunt veniremus, temporalium rerum cognitionis rationalis occurrit. Etiam in hac igitur inveniamus, si possumus, aliquam trinitatem, sicut inveniebamus in sensibus corporis, et in iis quæ per eos in animam vel spiritum nostrum imaginatiter intraverunt; ut pro corporalibus rebus quas corporeo foris positas attingimus sensu, intus corporum similitudines haberemus impressas memorias, ex quibus cogitatio formaretur, tertia voluntate utrumque jungente: sicut formabatur foris acies oculorum, quam voluntas, ut visio fieret, adhibebat rei visibili, et utrumque jungebat, etiam illic ipsa se admovens tertiam. Sed non est hoc coarctandum in hunc librum, ut in eo qui sequitur, si Deus adjuverit, convenienter possit inquiri, et quod inventum fuerit explicari.

¹ MSS., in ventre.

² Sic MSS. Editu vero, de geometria.

³ Editu, non fuerat. Abest, non, a manuscriptis.



LIBER TERTIUS DECIMUS.

Prosequitur de scientia, in qua videlicet, etiam ut a sapientia distinguitur, trinitatem quamdam inquirere libro superiore ceperit, qua occasione hic fidem christianam commendans, explicat quomodo credentium sit fides una et communis. Tum beatitudinem omnes velle, nec tamen omnium esse fidem qua ad beatitudinem pervenitur. Hanc autem fidem in Christo esse definitam qui in carne resurrexit a mortuis, nec nisi per illum liberari quemquam a diaboli dominatu per remissionem peccatorum: et fuse ostendit diabolum non potentia, sed justitia viuci a Christo debuisse. Tandem hujus verba fidei dum memoria mandantur, inesse quamdam in animo trinitatem, quia et in memoria sunt verborum soni, etiam quando homo inde non cogitat; et inde formatur aries recordationis ejus, quando de his cogitat; et deinceps voluntas recordantis atque cogitantis utrumque conjungit.



CAPUT PRIMUM. — 1. *Sapientiae et scientiae officia ex Scripturis discernere aggreditur. Ex Joannis exordio alia dicta ad sapientiam, alia ad scientiam pertinere. Quædam ibi fidei tantum auxilio cognita. Quomodo fidem quæ in nobis est videmus. In eadem Joannis narratione, alia sunt corporis sensu, alia tantum animi ratione cognita. In libro superiore hujus operis duodecimo satis egimus discernere rationalis mentis officium in temporalibus rebus, ubi non sola cognitione, verum et actio nostra versatur, ab excellentiore ejusdem mentis officio, quod contemplandis æternis rebus impenditur, ac sola cognitione finitur. Commoidius autem fieri puto, ut de Scripturis sanctis aliquid interseram, quo facilius possit utrumque dignosci.*

2. *Evangelium suum Joannes evangelista sic exorsus est: In principio erat Verbum, et Verbum erat apud Deum, et Deus erat Verbum: hoc erat in principio apud Deum. Omnia per ipsum facta sunt, et sine ipso factum est nihil quod factum est: in ipso vita erat, et vita erat lux hominum, et lux in tenebris lucet, et tenebrae eam non comprehendenterunt. Fuit homo missus a Deo, cui nomen erat Joannes: hic venit in testimonium, ut testimonium perhiberet de lumine, ut omnes crederent per illum. Non erat ille lux, sed ut testimonium perhiberet de lumine. Erat lux vera quæ illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non reperunt. Quotquot autem receperunt eum, dedit eis potestatem filios Dei fieri, iis qui credunt in nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et verbum caro factum est, et habitavit in nobis. Et vidimus gloriam ejus, gloriam quasi Unigeniti a Patre, plenum gratiae et veritatis (Joan. 1, 1-14). Hoc totum quod ex Evangelio posui, in praecedentibus suis partibus habet quod immutabile ac sempiternum est, cuius contemplatio nos beatos facit: in consequentiis vero pernixia cum temporalibus commenorantur aeterna. Ac per hoc aliqua ibi ad scientiam pertinent, aliqua ad sapientiam, sicut in libro duodecimo nostra praecessit distinctio. Nam, In principio erat Verbum, et Verbum erat apud Deum, et Deus erat Verbum: hoc erat in principio apud Deum. Omnia per ipsum facta sunt, et sine ipso factum est nihil: quod factum est in ipso vita erat, et vita erat lux hominum, et lux in tenebris lucet, et tenebrae eam non comprehendenterunt; contemplativam vitam requirit, et*

intellectuali mente cernendum est. Quia in re quante magis quisque profecerit, tanto siet sine dubitatione sapientior. Sed propter id quod ait, *Lux lucet in tenebris, et tenebrae eam non comprehendenterunt*; fide utique opus erat, qua crederetur quod non videretur. Tenebras quippe intelligi voluit, aversa ab hujusmodi luce eamque minus idonea contucri corda mortaliū: propter quod adjungit et dicit, *Fuit homo missus a Deo, cui nomen erat Joannes: hic venit in testimonium, ut testimonium perhiberet de lumine, ut omnes crederent per illum*. Hoc jam temporaliter gestum est, et ad scientiam pertinet, quæ cognitione historica continetur. Hominem autem Joanneq; in phantasia cogitamus, quæ de humanae naturæ notitia impressa est nostræ memorie. Et hoc eodem modo cogitant, sive qui ista non credunt, sive qui credunt. Utrisque enim notum est quid sit homo, cuius exteriorem partem, id est, corpus per corporis lumina didicerunt: interiorem vero, id est, animam in se ipsis, quia et ipsi homines sunt, et per humanam conversationem cognitam tenent: ut possint cogitare quod dicitur, *Fuit homo cui nomen erat Joannes: quia et nomina sciunt loquendo et audiendo*. Quod autem ibi est, *missus a Deo*; fide tenet qui tenent: et qui fide non tenent, aut dubitatione ambigunt, aut infidelitate derident. Utrique tamen, si non sunt ex numero nimis insipientium, qui dicunt in corde suo, *Non est Deus (Psal. xiii, 1)*, haec audientes verba, utrumque cogitant, et quid sit Deus, et quid sit nullus a Deo; et si non sicut res se habent, at certe sicut valent.

3. *Fidem porro ipsam quam videt quisque in corde suo esse, si credit, vel non esse, si non credit, aliter novimus: non sicut corpora quæ videmus oculis corporeis, et per ipsorum imagines quas memoria tenemus, etiam absentia cogitamus; nec sicut ea quæ non vidimus, et ex iis quæ vidimus cogitatione utcumque fornamus, et memorie commendamus, quo recurramus cum voluerimus, ut illic ea, vel potius qualescumque imagines eorum quas ibi fiximus, similiter recordatione cernamus; nec sicut hominem vivum, cuius animam etiam non videmus, ex nostra conjicimus, et ex motibus corporalibus hominem vivum, sicut videndo¹ didicimus, intuemur etiam cogitando. Non sic videtur fides in corde, in quo est, ab eo cuius est: sed eam tenet certissima scientia, clamataque conscientia. Cum itaque propterea credere jubeamur, quia id quod credere jultemur, vi-*

¹ Plures MSS., videndo.

dere non possumus; ipsam tamen fidem quando inest in nobis, videmus in nobis: quia et rerum absentium praesens est fides, et rerum quae foris sunt intus est fides, et rerum quae non videntur videntur fides, et ipsa tamen temporaliter sit in cordibus hominum; et si ex fidelibus, infideles sunt, perit ab eis. Aliquando autem et rebus falsis accommodatur fides: loquimur enim sic, ut dicamus, Habitata est ei fides, et decepit. Qualis fides, si tamen et ipa dicenda est fides, non culpabiliter de cordibus perit, quando eam inventa veritas pellit. Optabiliter autem rerum verarum in easdem res fides transit. Non enim dicendum est, Perit, quando ea, quae credebantur, videntur. Numquid enim adhuc fides dicenda est, cum definita sit in Epistola ad Hebreos fides, dictumque sit eam esse convictionem rerum quae non videntur (*Hebr. xi, 1*)?

4. Deinde quod sequitur, *Hic venit in testimonium, ut testimonium perhiberet de lumine, ut omnes credent per illum; actio, ut diximus, temporalis est.* Temporaliter enim testimonium perhibetur etiam de re sempiterna, quod est intelligibile lumen. De quo ut testimonium perhiberet venit Joannes, qui non erat lux, sed ut testimonium perhiberet de lumine. Adjungit enim: *Erat lux vera quae illuminat omnem hominem venientem in hunc mundum. In mundo erat, et mundus per ipsum factus est, et mundus eum non cognovit. In propria venit, et sui eum non receperunt.* Haec verba omnia qui latinam linguam sciunt, ex rebus intelligentibus noverunt. Quarum aliquae nobis innotuerunt per corporis sensus, sicut homo, sicut ipse mundus, cuius tam evidentem magnitudinem cernimus, sicut eorumdem verborum soni; nam et auditus sensus est corporis: aliquae autem per animi rationem, sicut id quod dictum est, *Et sui eum non receperunt: intelligitur enim, Non in eum crediderunt, quod quid sit, nullo corporis sensu, sed animi ratione cognovimus.* Ipsorum etiam verborum, non sonos¹, sed significaciones, partim per corporis sensum, partim per animi rationem didicimus. Nec ea verba nunc primum audivimus: sed quae jam audieramus; et non solum ipsa, verum etiam quae significant, cognita memoria tenebamus, et hic agnovimus. Hoc enim nomen dissyllabum cum dicitur, *mundus*, quoniam sonus est, res utsique corporalis per corpus innotuit, id est, per aurem: sed etiam quod significat per corpus innotuit, id est, per oculos carnis. Mundus quippe in quantum notus est, videntibus notus est. At hoc verbum quatuor syllabarum quod est, Crediderunt, sono suo, quoniam corpus est, per aurem carnis illabitur: quod autem significat, nullo corporis sensu, sed animi ratione cognoscitur. Nisi enim quid sit, Crediderunt, per animum nossemus, non intelligeremus quid non fecerint illi de quibus dictum est, *Et sui eum non receperunt.* Sonus ergo verbi forinsecus instrepit auribus corporis, et attingit sensum qui vocatur auditus. Species quoque hominis et in nobis ipsis nobis nota est, et forinsecus in

aliis adest corporis sensibus; oculis, cum videtur; auribus, cum auditur; tactui, cum tenetur et tangitur: habet etiam in memoria nostra imaginem suam, incorporalem quidem, sed corpori similem. Mundi denique ipsius mirabilis pulchritudo forinsecus praesto est, et aspectibus nostris, et ei sensui qui dicitur tactus, si quid ejus attingimus: habet etiam ipse intus in memoria nostra imaginem suam, ad quam recurrimus, cum eum vel septi parietibus, vel etiam in tenebris cogitamus. Sed de his imaginibus rerum corporalium, incorporealibus quidem, habentibus tamen similitudines corporum, et ad vitam exterioris hominis pertinentibus, jam satis in undecimo libro locuti sumus. Nunc autem agimus de homine interiori, et ejus scientia, ea quae rerum est temporaliū et mutabilium: in cujus intentionem cum assumentur aliquid, etiam de rebus ad exteriorem hominem pertinentibus, ad hoc assumendum est ut aliquid inde doceatur quod rationalem adjuvet scientiam: ac per hoc rerum quas communes cum animantibus irrationalibus habemus, rationalis usus ad interiorum hominem pertinet; nec recte dici potest cum irrationalibus animantibus eum nobis esse communem.

CAPUT II. — 5. *Fides res cordis, non corporis, quomodo communis et una omnium creditum.* *Fides creditum una non secus ac voluntum voluntas una.* Fides vero de qua in hoc libro aliquanto diutius disputare certa dispositionis nostrae ratione compellimur, quam qui habent, fideles vocantur, et qui non habent, infideles, sicut ii qui venientem in propria Dei Filium non receperunt, quamvis ex audiū in nobis facta sit, non tamen ad eum sensum corporis pertinet qui appellatur auditus, quoniam non est sonus; nec ad oculos hujus carnis, quoniam non est color aut corporis forma; nec ad eum qui dicitur tactus, quoniam corporalitate nihil habet; nec ad ullum omnino sensum corporis, quoniam cordis est res ista, non corporis; nec foris est a nobis, sed in intimis nobis²; nec eam quisquam hominum videt in alio, sed unusquisque in semetipso. Denique potest et simulatione consingi, et putari esse in quo non est. Suam igitur quisque fidem apud se ipsum videt: in altero autem credit esse eam, non videt; et tanto firmius credit, quanto fructus ejus magis novit, quos operari solet fides per dilectionem (*Galat. v, 6*). Quamobrem omnibus de quibus Evangelista subjungit et dicit, *Quotquot autem receperunt eum, dedit eis potestatem filios Dei fieri, iis qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt,* fides ista communis est: non sicut aliqua corporis forma communis est ad videndum omnium oculis quibus praesto est; ex ipsa quippe una omnium cernentium quodam modo informatur aspectus: sed sicut dici potest omnibus hominibus esse facies humana communis; nam hoc ita dicitur, ut tamen singuli suas habeant. Ex una sane doctrina impressam fidem creditum cordibus singulorum qui hoc idem credunt verissime dicimus: sed aliud sunt

¹ Editi, non solum sonos. Abest, solum, a MSS.

² Sic MSS. At editi, in intimis nostris.

ea quæ creduntur, aliud fides qua creduntur. Illa quippe in rebus sunt quæ vel esse vel fuisse vel futurae esse dicuntur: hæc autem in animo creditis est, ei tantum conspicua cuius est; quamvis sit et in aliis, non ipsa, sed similis. Non enim numero est una, sed genere: propter similitudinem tamen et nullam diversitatem magis unam dicimus esse quam multas. Nam et duos homines simillimos cum videmus, unam faciem dicimus et miramur amborum. Facilius itaque dicitur multas animas fuisse singulas utique singulorum, de quibus legimus in Actibus Apostolorum quod eis fuerit anima una (*Act. iv, 32*); quam ubi dixit Apostolus, *Una fides* (*Ephes. iv, 5*), tot eas audet quisquam dicere quot fideles. Et tamen qui dicit, *Unus mulier, magna est fides tua* (*Matth. xv, 28*); et alteri, *Modicæ fidei, quare dubitasti* (*Id. xiv, 31*)? suam cuique esse significat. Sed ita dicitur eadem creditum fides una, quemadmodum eadem volentium voluntas una: cum et in ipsis qui hoc idem volunt, sua voluntas sit cuique conspicua, alterius autem lateat, quamvis idem velit; et si aliquibus signis sese indicit, creditur potius quam videtur. Unusquisque autem sui animi conscius non credit utique hanc esse suam, sed plane pervidet voluntatem.

CAPUT III.—6. *Voluntates quædam eadem omnium singulis nota.* Ennius poeta. Est quædam sane ejusdem naturæ viventis et ratione utens tanta conspiratio, ut cum lateat alterum quid alter velit, nonnullæ tamen sint voluntates omnium etiam singulis notæ: et cum quisque homo nesciat quid homo alius unus velit, in quibusdam rebus possit scire quid omnes velit. Unde illa cujusdam mimi facetissima prædicatur urbanitas, qui cum se promisisset in theatro quid in animo haberent, et quid vellent omnes, aliis ludis esse dicturum, atque ad diem constitutum ingenti exspectatione major multitudo confluenter, suspensis et silentibus omnibus, dixisse perhibetur: Vili vultus emere, et caro vendere. In quo dicto levissimi scenici, omnes tamen conscientias invenerunt suas, eique vera ante oculos omnium constituta, et tamen improvisa dicenti, admirabili favore plauerunt. Cur autem tam magna exspectatio facta est illo promittente omnium voluntatem se esse dicturum, nisi quia latent hominem aliorum hominum voluntates? Sed numquid ista latuit istum? Numquid quemquam latet? Qua tandem causa, nisi quia sunt quædam quæ non inconvenienter in aliis de se quisque conjiciat, compatiens vel conspirante vitio seu natura? Sed aliud est videre voluntatem suam, aliud, quamvis certissima conjectura, conjicere alienam. Nam conditam Romam tam certum habeo in rebus humanis quam Constantinopolim, cum Romam viderim oculis meis, de illa vero nihil noverim, nisi quod aliis testibus credidi. Et mimus quidem ille vel se ipsum intendo, vel alios quoque experiendo, vili velle emere, et caro vendere, omnibus id credit esse commune. Sed quoniam revera vitium est, potest quisque adipisci ejusmodi justitiam, vel alicujus alterius vitii quod huic contrarium est incurtere pestilentiam, qua huic resistat et vin-

cat. Nam scio ipse hominem, cum venalis codex ei fuisset oblatus, pretiisque ejus ignarum et ideo quidam exiguum poscentem cerneret venditorem, justum pretium quod multo amplius erat, nec opinanti dedisse. Quid, si etiam sit quisquam nequitia tanta possessus, ut vili vendat quæ dimiserunt parentes, et caro emat quæ consumant libidines? Non est, ut opinor, incredibilis ista luxuries: et si querantur tales, reperiantur, aut etiam non quæsiti fortassis occurrant, qui nequitia majore quam theatrica, propositioni vel pronuntiationi theatricæ insultent, magnó pretio stupra emendo, parvo autem rura vendendo. Largitionis etiam gratia novimus quosdam emisse frumenta carius, et vilius vendidisse suis civibus. Illud etiam quod vetus poeta dixit Ennius,

omnes mortales sese laudarier optant¹;

profecto et de se ipso et de iis quos expertus fuerat, conjectit in aliis, et videtur pronuntiassse hominum omnium voluntates. Denique si et mimus ille dixisset, Laudari omnes vultis, nemo vestrum vult vituperari; similiter quod esset omnium voluntatis dixisse videtur. Sunt tamen qui virtus sua oderint, et in quibus si bi disiplinent ipsi, nec ab aliis se laudari velint, gratias que agant objurgantium benevolentia, cum ideo vituperantur ut corrigantur. At si dixisset, Omnes beati esse vultis, miseri esse non vultis; dixisset aliquid quod nullus in sua non agnosceret voluntate. Quidquid enim aliud quisquam latenter velit, ab hac voluntate quæ omnibus et in omnibus hominibus satis nota est, non recedit.

CAPUT IV.—7. *Beatitudinis habendæ voluntas una omnium, sed de ipsa beatitudine varietas magna voluntatum.* Mirum est autem cum capessendæ atque retinendæ beatitudinis voluntas una sit omnium, unde tanta existat de ipsa beatitudine rursus varietas atque diversitas voluntatum, non quod aliquis eam nolit, sed quod non omnes eam norint. Si enim omnes eam noscent, non ab aliis putaretur esse in virtute animi; aliis, in corporis voluptate; aliis, in utraque; et aliis atque aliis, alibi atque alibi. Ut enim eos quaque res maxime delectavit, ita in ea constituerunt vitam beatam. Quomodo igitur ferventissime amant omnes, quod non omnes sciunt? Quis potest amare quod nescit? sicut jam de hac re in libris superioribus disputavi (*Lib. 8, capp. 4 et seqq., et lib. 10, cap. 1, etc.*). Cur ergo beatitudo amatur ab omnibus, nec tamen scitur ab omnibus? An forte sciunt omnes ipsa quæ sit, sed non omnes sciunt ubi sit, et inde contentio est? Quasi vero de aliquo mundi hujus agatur loco, ubi debeat quisque velle vivere, qui vult beate vivere, ac non ita queratur ubi sit beatitudo, sicut queritur quæ sit. Nam utique si in corporis voluptate est, ille beatus est qui fruitur corporis voluptate: si in virtute animi, ille qui hac fruitur: si in utraque, ille qui fruitur utraque. Cum itaque alius dicit, Beata vivere est voluptate corporis frui; alius autem, Beata vivere est virtute animi frui: nonne aut ambo né-

¹ Er. Lugd. Ven. et Lov., *laudari exoptant*, male. M.

sciunt quæ sit beata vita, aut non ambo sciunt? Quomodo ergo ambo amant eam, si nemo potest amare quod nescit? An forte falsum est quod pro verissimo certissimoque posuimus, beate vivere omnes homines velle? Si enim beate vivere est, verbi gratia, secundum animi virtutem vivere; quomodo beate vivere vult, qui hoc non vult? Nonne verius dixerimus: Homo iste non vult beate vivere, quia non vult secundum virtutem vivere, quod solum est beate vivere? Non igitur omnes beate vivere volunt, imo pauci hoc volunt, si non est beate vivere, nisi secundum virtutem animi vivere, quod multi nolunt. Itane falsum erit, unde nec ipse (cum Academicis omnia dubia sint) Academicus ille Cicero dubitavit, qui cum vellet in Hortensio dialogo ab aliqua re certa, de qua nullus ambigeret, sumere suæ disputationis exordium, Beati certe, inquit, omnes esse volumus? Absit ut hoc falsum esse dicamus. Quid igitur? an dicendum est etiamsi nihil sit aliud beate vivere, quam secundum virtutem animi vivere, tamen et qui hoc non vult, beate vult vivere? Nimis quidem hoc videtur absurdum. Tale est enim ac si dicamus: Et qui non vult beate vivere, beate vult vivere. Istam repugnantiam quis audiat, quis ferat? Et tamen ad hanc contrudit necessitas, si et omnes beate velle vivere verum est, et non omnes sic volunt vivere, quomodo solum beate vivitur.

CAPUT V. — 8. *De eadem re.* An forte illud est quod nos ab his angustiis possit eruere, ut quoniam diximus ibi quosque posuisse beatam vitam quod eos maxime delectavit, ut voluptas Epicurum, virtus Zenonem; sic alium aliquid aliud, nihil dicamus esse beate vivere, nisi vivere secundum delectationem suam, et ideo falsum non esse quod omnes beate vivere velint, quia omnes ita volunt ut quemque delectat? Nam et hoc populo si pronuntiatum esset in theatro, omnes id in suis voluntatibus invenirent. Sed hoc quoque Cicero cum sibi ex adverso proposuisset, ita redarguit, ut qui hoc sentiunt, erubescant. Ait enim: *Ecce autem non philosophi quidem, sed prompti tamen ad disputandum, omnes aiunt esse beatos, qui vivant ut ipsi velint:* hoc est quod nos diximus. Ut quosque delectat. Sed mox ille subjecit: *Falsum id quidem. Velle enim quod non deceat, id ipsum miserum est: nec tam miserum est non adipisci quod velis, quam adipisci velle quod non oporteat.* Preciarissime omnino atque verissime. Quis namque ita sit mente cæcus, et ab omni luce decoris alienus ac tenebris dedecoris involutus, ut eum qui nequiter vivit ac turpiter, et nullo prohibente, nullo ulciscente, et nullo saltem reprehendere audente, insuper et laudabilibus pluriinis, quoniam sicut ait Scriptura divina, *Laudatur peccator in desideriis animæ suæ;* et qui iniqua gerit, benedicitur (*Psal. ix, 3*), implet omnes suas facinorosissimas et flagitiosissimas voluntates¹, ideo beatum dicat, quia vivit ut vult: cum profecto quamvis et sic miser esset, minus tanen esset, si nihil eorum quæ perperam voluisset, habere potuisset?

¹ Sic Am. Er. et aliquot MSS. At editio Lov., voluptater.

Etiam mala enim voluntate vel sola quisque miser efficitur: sed miserior potestate, qua desiderium malæ voluntatis impletur. Quapropter, quoniam verum est quod omnes homines esse beati velint, idque unum ardentissimo amore appetant, et propter hoc cætera quæcumque appetunt; nec quisquam potest amare quod omnino quid vel quale sit nescit, nec potest nescire quid sit quod velle se scit; sequitur ut omnes beatam vitam scient. Omnes autem beati habent quod volunt, quamvis non omnes qui habent quod volunt continuo sint beati: continuo autem miseri, qui vel non habent quod volunt, vel id habent quod non recte volunt. Beatus igitur non est, nisi qui et habet omnia quæ vult, et nihil vult male.

CAPUT VI. — 9. *Cur cum omnes velint beatitudinem, id eligatur potius, quo ab ea receditur.* Cum ergo ex his duobus beata vita constet, atque omnibus nota, omnibus chara sit; quid putamus esse cause cur horum duorum, quando utrumque non possunt, magis eligant homines, ut omnia quæ volunt habeant, quam ut omnia bene velint etiamsi non habeant? An ipsa est pravitas generis humani, ut cum eos non lateat, nec illum beatum esse qui quod vult non habet, nec illum qui quod male vult habet; sed illum qui et habet quæcumque vult bona, et nulla vult mala, ex his duobus quibus beata vita perficitur, quando utrumque non datur, id eligatur potius, unde magis a beata vita receditur (longius quippe ab illa est quicumque adipiscitur male concupita, quam qui non adipiscitur concupita); cum potius eligi debuerit voluntas bona, atque præponi, etiam non adepta quæ appetit? Propinquat enim beato, qui bene vult quæcumque vult, et quæ adeptus cum fuerit beatus erit. Et utique non mala, sed bona beatum faciunt, quando faciunt: quorum bonorum habet aliquid jam, idque non parvi æstimandum, eam ipsam scilicet voluntatem bonam, qui de bonis quorum capax est humana natura, non de ullius mali perpetratione vel adiectione gaudere desiderat; et bona, qualia et in hac misera vita esse possunt, prudenti, temperanti, forti, et justa mente sectatur, et quantum datur assequitur; ut etiam in malis sit bonus, et finitis malis omnibus atque impletis bonis omnibus sit beatus.

CAPUT VII. — 10. *Fides necessaria, ut aliquando sit homo beatus, quod non nisi in futura vita consequetur. Philosophorum superborum ridenda et miseranda beatitudo.* Ac per hoc in ista mortali vita erroribus æruginisque plenissima, præcipue fides est necessaria, qua in Deum creditur. Non enim quæcumque bona, maximeque illa quibus quisque sit bonus, et illa quibus siet beatus, unde nisi a Deo in hominem veniant, et homini accedant, inveniri potest. Cum autem ex hac vita ab eo qui in his miseriis fidelis et bonus est, ventum fuerit ad beatam, tunc erit vere quod nunc esse nullo modo potest, ut sic homo vivat quomodo vult. Non enim volet male vivere in illa felicitate, aut volet aliquid quod deerit, aut deerit quod voluerit. Quidquid amabitur, aderit: nec desiderabitur quod

non aderit. Omne quod ibi erit, bonum erit, et summus Deus summum bonum erit, atque ad fruendam amantibus praestō erit; et quod est omnino beatissimum, ita semper fore certum erit. Nunc vero fecerunt quidem¹ sibi philosophi, sicut eorum cuique placuit, vitas beatas suas, ut quasi propria virtute possent, quod communi mortalium conditione non poterant, sic scilicet vivere ut vellent. Sentiebant enim aliter beatum esse nevinem posse, nisi habendo quod vellet, et nihil patiendo quod nollet. Quis autem non qualemcumque vitam qua delectatur, et ideo beatam vocat, vellet sic esse in sua potestate, ut eam posset habere perpetuam? Et tamen quis ita est? Quis vult pati molestias quas fortiter toleret, quamvis eas velit possitque tolerare si patitur? Quis velit in tormentis vivere, etiam qui potest in eis per patientiam tenendo justitiam laudabiliter vivere? Transitura cogitaverunt haec mala, qui ea pertulerunt, vel cupiendo habere, vel timendo amittere quod amabant, sive nequierer sive laudabiliter. Nam multi per transitoria mala, ad bona permane-
sura fortiter tetenderunt. Qui profecto spe beati sunt, etiam cum sunt in transitorio malis, per quae ad bona non transitura pervenient. Sed qui spe beatus est, nondum beatus est: exspectat namque per patientiam beatitudinem quam nondum tenet. Qui vero sine ulla spe tali, sine ulla tali mercede cruciatur, quantumlibet adhibeat tolerantiam, non est beatus veraciter, sed miser fortiter. Neque enim propterea miser non est, quia miserior esset, si etiam impatenter miseriam sustineret. Porro si ista non patitur, quae nollet pati in suo corpore, nec tunc quidem beatus habendus est, quoniam non vivit ut vult. Ut enim alia omittam, quae corpore illæso ad animi pertinent offensiones, sine quibus vivere vellemus, et sunt innumerabilia; vellet utique si posset ita salvum atque incolume habere corpus, et nullas ex eo pati molestias, ut id haberet in potestate, aut in ipsius incorruptione corporis: quod quia non habet, ac pendet in incerto², profecto non vivit ut vult. Quamvis enim per fortitudinem sit paratus excipere, et æquo ferre animo quidquid adversitatis acciderit; manvult tamen ut non accidat, et si possit facit; atque ita paratus est in utrumque, ut quantum in ipso est alterum optet, alterum vitet, et si quod vitat, incurrit, ideo volens ferat, quia fieri non potuit quod vollebat. Ne opprimatur ergo sustinet: sed premi nollet. Quomodo ergo vivit ut vult? An quia volens fortis est ad ferenda quae nollet illata? Ideo igitur id vult quod potest, quoniam quod vult non potest. Haec est tota, utrum ridenda, an potius miseranda, superborum beatitudo mortalium, gloriantium se vivere ut volunt, quia volentes patienter ferunt quae accidere sibi volunt. Hoc est enim, aiunt, quod sapienter dixit Terentius,

Quoniam non potest id fieri quod vis,

Id velis quod possis³.

(In Andreat, act. 2, scen. 1, vers. 5, 6.)

¹ Editio, loco, quidem, habebant, quidam.

² MSS., vident incer.o; omissa particula, in.

³ Terentius fert, possit. M.

Commode hoc dictum esse, quis negat? Sed consilium est datum misero, ne esset miserior. Beato autem, quales se esse omnes volunt, non recte nec vere dicitur. Non potest fieri quod vis. Si enim beatus est, quidquid vult fieri potest; quia non vult quod fieri non potest. Sed non est mortalitatis hujus haec vita, nec erit nisi quando et immortalitas erit. Quæ si nullo modo dari homini posset, frustra etiam beatitudo quereretur; quia sine immortalitate non potest esse.

CAPUT VIII. — 11. *Beatitude sine immortalitate non potest esse.* Cum ergo beati esse omnes homines volunt, si vere volunt⁴, profecto et esse immortales volunt: aliter enim beati esse non possent. Denique et de immortalitate interrogati, sicut et de beatitudine, omnes eam se velle respondent. Sed qualiscumque beatitudo, quæ potius vocetur quam sit, in hac vita queritur, imo vero singitur, dum immortalitas desperatur, sine qua vera beatitudo esse non potest. Ille quippe beate vivit, quod jam superius diximus, et astricto satis fiximus, qui vivit ut vult, nec male aliquid vult. Nemo autem male vult immortalitatem, si ejus humana capax est Deo donante natura: cujus si non capax est, nec beatitudinis capax est. Ut enim homo beate vivat, oportet ut vivat. Quem porro morientem vita ipsa deserit, beata vita cum illo manere qui potest? Cum autem deserit, aut nolentem deserit procul dubio, aut volentem, aut neutrum. Si nolentem, quomodo beata vita est, quæ ita est in voluntate, ut non sit in potestate? Cumque beatus nemo sit aliquid volendo nec habendo, quanto minus est beatus qui non honore, non possessione, non qualibet alia re, sed ipsa beata vita nolens deseritur, quando ei nulla vita erit? Unde etsi nullus sensus relinquitur, quo sit misera (propterea enim beata vita discedit, quoniam tota vita discedit), miser est tamen, quamdiu sentit, quia scit se nolente⁵ consumi propter quod cetera et quod præ ceteris diligit. Non igitur potest vita et beata esse, et nolentem deserere⁶: quia beatus nolens nemo fit; ac per hoc quanto magis nolentem deserendo miserum facit, quæ si nolenti praestō esset miserum faceret? Si autem volentem deserit, etiam sic quomodo beata vita erat, quam perire⁷ voluit qui habebat? Restat ut dicant neutrum esse in animo beati; id est, eum deseriri a beata vita, cum per mortem deserit tota vita, nec nolle nec velle, ad utrumque enim parato et æquo corde⁸ consistere. Sed nec ista beata est vita, quæ talis est, ut quem beatum facit, amore ejus indigna sit. Quomodo enim est beata vita, quam non amat beatus? Aut quomodo amatur, quod utrumque vigeat, an pereat, indifferenter accipitur? Nisi forte virtutes, quas propter solam beatitudinem sic amamus, persuadere nobis audent, ut ipsam beatitudi-

⁴ Am. et MSS., si verum volunt.

⁵ Sic MSS. At editi, nolentem; minus recte.

⁶ Editio Lov., volentem deserere. Castigatur ex editis illis et MSS.

⁷ In MSS., finire.

⁸ Editio, annuo. At MSS., corde.

nem non amemus. Quod si faciunt, etiam ipsas utique amare desistimus, quando illam propter quam solam istas amavimus, non amamus. Deinde quomodo erit vera tam illa perspecta¹, tam examinata, tam aliquata, tam certa sententia, beatos esse omnes homines velle, si ipsi qui jam beati sunt, beati esse nec nolunt, nec volunt? Aut si volunt, ut veritas clamat, ut natura compellit, cui summe bonus et immutabiliter beatus Creator indidit hoc; si volunt, inquam, heati esse qui beati sunt, beati non esse utique nolunt. Si autem beati non esse nolunt, procul dubio nolunt consumi et perire quod beati sunt. Nec nisi viventes beati esse possunt: nolunt igitur perire quod vivunt. Immortales ergo esse volunt, quicumque vere beati vel sunt vel esse cupiunt. Non autem vivit beate, cui non adest quod vult: nullo modo igitur esse poterit vita veraciter beata, nisi fuerit sempiterna.

CAPUT IX.—12. *Non humanis argumentationibus, sed fidei auxilio dicimus beatitudinem futuram esse vere sempiternam. Ex Filiis Dei incarnatione creditibilis fit immortalitas beatitudinis.* Hanc utrum capiat humana natura, quam tamen desiderabilem constetur, non parva quæstio est. Sed si fides adsit, quæ inest eis quibus dedit potestatem Jesus filios Dei fieri, nulla quæstio est. Humanis quippe argumentationibus haec invenire conantes, vix pauci magno prædicti ingenio, abundantes otio, doctrinisque subtilissimis eruditæ, ad indagandam solius animæ immortalitatem pervenire potuerunt. Cui tamen animæ beatam vitam non invenerunt stabilem, id est veram: ad miserias eam quippe vitæ hujus etiam post beatitudinem redire dixerunt. Et qui eorum de hac erubuerunt sententia, et animam purgatam in sempiterna beatitudine² sine corpore collocandam putaverunt, talia de mundi retrorsus æternitate sentiunt, ut hanc de anima sententiam suam ipsi redarguant: quod hic longum est demonstrare, sed in libro duodecimo de Civitate Dei, satis a nobis est, quantum arbitror, explicatum (Cap. 20). Fides autem ista totum hominem immortalem futurum, qui utique constat ex anima et corpore, et ob hoc vere beatum, non argumentatione humana, sed divina auctoritate promittit. Et ideo cum dictum esset in Evangelio, quod Jesus dederit potestatem filios Dei fieri iis qui cum receperunt; et quid sit receperisse cum, breviter suisset expostum, dicendo, *Credentibus in nomine ejus*; quoque modo filii Dei fierent, esset adjunctum, *Qui non ex sanguinibus, neque ex voluntate carnis, neque ex voluntate viri, sed ex Deo nati sunt*: ne ista hominum quam videmus et gestamus infirmitas tantam excellentiam desperaret, illico annexum est, *Et Verbum caro factum est, et habitavit in nobis* (Iohann. 1, 12-14); ut a contrario suaderetur quod incredibile videbatur. Si enim natura Dei Filius propter filios hominum misericordia factus est hominis filius; hoc est enim, *Verbum caro factum est, et habitavit in nobis homini-*

¹ Editi, perfecta. Melius MSS., perspecta.

² Editi, in sempiternum beatitudinem.

bus: quanto est credibilis, natura filios hominis gratia Dei filios Dei fieri, et habitare in Deo, in quo solo et de quo solo esse possunt beati participes immortalitatis ejus effecti; propter quod persuadendum Dei Filius particeps nostræ mortalitatis effectus est?

CAPUT X.—13. *Incarnatione Verbi convenientior non fuit modus aliis liberandi hominis a mortalitatis miseria. Merita quæ dicuntur nostra, dona sunt Dei.* Eos itaque qui dicunt, Itane defuit Deo modus aliis quo liberaret homines a miseria mortalitatis bujuſ ut unigenitum Filium Deum sibi coeternum, hominem fieri vellet, induendo humanam animam et carnem, mortalemque factum mortem perpeti? parum est sic refellere, ut istum modum quo nos per Mediætorem Dei et hominum hominem Christum Jesum Deus liberare dignatur, asseramus bonum et divinæ congruum dignitati: verum etiam ut ostendamus non alium modum possibilem Deo defuisse, cujus potestati cuncta æqualiter subjacent; sed sanandæ nostræ misericordiae convenientiorem modum alium non fuisse, nec esse oportuisse. Quid enim tam necessarium fuit ad erigendam spem nostram, mentesque mortalium conditione ipsius mortalitatis abjectas, ab immortalitatis desperatione liberandas, quam ut demonstraret nobis quanti nos penderet Deus, quantumque diligenter? Quid vero hujus rei tanto isto indicio manifestius atque præclarius, quam ut Dei Filius immutabiliter bonus, in se manens quod erat, et a nobis pro nobis accipiens quod non erat, præter suæ naturæ detrimentum¹, nostræ dignatus inire consortium, prius sine ullo malo suo merito mala nostra perferret; ac sic jam credentibus quantum nos diligit Deus, et quod desperabamus jam sperantibus, dona in nos sua sine ullis bonis meritis nostris, imo præcedentibus et malis meritis nostris, indebita largitate conserret?

14. Quia et ea quæ dicuntur merita nostra, dona sunt ejus. Ut enim fides per dilectionem operetur (Galat. v, 6), *charitas Dei diffusa est in cordibus nostris per Spiritum sanctum qui datus est nobis* (Rom. v, 5). Tunc est autem datus, quando est Jesus resurrectione clarificatus. Tunc enim eum se missurum esse promisit et misit (Iohann. xx, 22; vii, 59, et xv, 26): quia tunc, sicut de illo scriptum est, et ante prædictum, *Ascendit in altum, captivavit captivitatem, dedit dona hominibus* (Ephes. iv, 8, . et Psal. LXVII, 19). Hæc dona sunt merita nostra, quibus ad summum bonum immortalis beatitudinis² pervenimus. Commendat autem, inquit Apostolus, *charitatem suam Deus in nobis, quoniam cum adhuc peccatores essemus, Christus pro nobis mortuus est. Multo magis justificati nunc in sanguine ipsius, salvi erimus ab ira per ipsum.* Adhuc addit, et dicit, *Si enim cum inimici essemus, reconciliati sumus Deo per mortem Filii ejus; multo magis reconciliati, salvi erimus in vita ipsius.* Quos peccatores

¹ Fr. et Lov., præter animæ sue naturæ detrimentum. Absit, animæ, a MSS. et editione Am.

² Sic MSS. Editi vero, immortalitatis et beatitudinis.

dixit prius, hos posterius inimicos Dei; et quos prius justificatos in sanguine Jesu Christi, eos posterius reconciliatos per mortem Filii Dei; et quos prius salvos ab ira per ipsum, eos postea salvos in vita ipsius. Non ergo ante istam gratiam quoquo modo peccatores, sed in talibus peccatis fuimus, ut inimici essemus Dei. Superius autem idem apostolus nos peccatores et inimicos Dei, duobus identidem nominibus appellavit, uno velut mitissimo, alio plane atrocissimo, dicens, *Si enim Christus, cum infirmi essemus adhuc, juxta tempus pro impiis mortuus est* (*Rom. v, 6-10*). Quos infirmos, eodem impios nuncupavit. Leve aliiquid videtur infirmitas; sed aliquando talis est, ut impietas nominetur. Nisi tamen infirmitas esset, medicum necessarium non haberet: qui est hebraice Jesus, græce Σωτήρ, nostra autem locutione Salvator. Quod verbū latina lingua antea non habebat, sed habere poterat, sicut potuit quando voluit. Hæc autem Apostoli sententia præcedens, ubi ait, *Adhuc cum infirmi essemus, juxta tempus pro impiis mortuus est*, cohæret his duabus sequentibus, quarum in una dixit peccatores, in alia inimicos Dei, tanquam illis singulis reddiderit singula, peccatores ad infirmos, inimicos Dei referens ad impios.

CAPUT XI. — 15. *Dificultas, quomodo justificati sumus in sanguine Filii Dei.* Sed quid est, *justificati in sanguine ipsius?* Quæ vis est sanguinis hujus, obsecro, ut in eo justificantur credentes? Et quid est, *reconciliati per mortem Filii ejus?* Itane vero, cum irasceretur nobis Deus Pater, vidi mortem Filii sui pro nobis, et placatus est nobis? Numquid ergo Filius ejus usque adeo nobis jam placatus erat, ut pro nobis etiam dignaretur mori: Pater vero usque adeo adhuc irascebatur, ut nisi Filius pro nobis moreretur, non placaretur? Et quid est quod alio loco idem ipse doctor Gentium: *Quid, inquit, ergo dicemus ad hoc? Si Deus pro nobis, quis contra nos?* Qui proprio Filio suo non pepercit, sed pro nobis omnibus tradidit illum; quomodo non etiam cum illo omnia nobis donavit (*Id. viii, 31, 32*)? Numquid nisi jam placatus esset Pater, proprio Filio non parcens pro nobis eum traderet? Nonne videtur hæc illi velut adversa esse sententia? In illa moritur pro nobis Filius, et reconciliatur nobis Pater per mortem ejus: in hac autem tanquam prior nos dilexit Pater, ipse propter nos Filio non parcit, ipse pro nobis eum tradit ad mortem. Sed video quod et antea Pater dilexit nos, non solum antequam pro nobis Filius moreretur, sed antequam conderet mundum, ipso teste Apostolo qui dicit: *Sicut elegit nos in ipso ante mundi constitutionem* (*Ephes. i, 4*). Nec Filius Patre sibi non parcente pro nobis velut invitus est traditus, quia et de ipso dictum est, *Qui me dilexit, et tradidit semet-ipsum pro me* (*Galat. ii, 20*). Omnia ergo simul et Pater et Filius et amborum Spiritus pariter et concorditer operantur: tamen justificati sumus in Christi sanguine, et reconciliati sumus Deo per mortem Filii ejus; et quomodo id factum sit, ut potero, etiam hic quantum satis videbitur explicabo.

CAPUT XII. — 16. *Omnes propter Adœ peccatum traditi in potestatem diaboli.* Quadam justitia Dei in potestatem diaboli traditum est genus humanum, peccato primi hominis in omnes utriusque sexus commixtione nascentes originaliter transeunte, et parentum primorum debito universos posteros obligante. Hæc traditio prius in Genesi significata est, ubi cum serpenti dictum esset, *Terram manducabis*; homo dictum est, *Terra es, et in terram ibis* (*Gen. iii, 14, 19*). Eo quod dictum est, *in terram ibis*; mors corporis prænuntiata est, quia nec ipsam fuerat experturus, si permansisset ut factus est rectus: quod vero viventi ait, *Terra es*; ostendit totum hominem in deterius commutatum. Tale est enim, *Terra es*; quale istud, *Non permanebit Spiritus meus in hominibus istis quoniam caro sunt* (*Id. vi, 3*). Tunc ergo demonstravit eum ei traditum, cui dictum fuerat, *Terram manducabis*. Apostolus autem apertius hoc prædicat, ubi dicit: *Et vos cum essetis mortui delictis et peccatis vestris, in quibus aliquando ambulastis secundum sæculum mundi hujus, secundum principem potestatis aeris, spiritus hujus qui nunc operatur in filiis diffidentiæ, in quibus et nos omnes aliquando conversati sumus in desideriis carnis nostræ, facientes voluntates carnis et affectionum: et eramus natura filii iræ, sicut et cæteri* (*Ephes. ii, 1-3*). Filii diffidentiæ sunt infideles; et quis hoc non est antequam fidelis fiat? Quocirca omnes homines ab origine sub principe sunt potestatis aeris, qui operatur in filiis diffidentiæ. Et quod dixi, Ab origine, hoc est quod dicit Apostolus, *natura et se fuisse sicut cæteros*: natura scilicet ut est depravata peccato, non ut recta creata est ab initio. Modus autem iste quo traditus est homo in diaboli potestatem, non ita debet intelligi, tanquam hoc Deus fecerit, aut fieri jussit: sed quod tantum permiserit, juste tamen. Illo enim deserente peccantem, peccati auctor illico invasit. Nec ita sane Deus deseruit creaturam suam, ut non se illi exhiberet Deum creantem et vivificantem, et inter poenalia mala etiam bona malis multa præstantem. Non enim continuuit in ira sua miserationes suas (*Psal. lxxvi, 10*). Nec hominem a lege suæ potestatis amisit, quando in diaboli potestate esse permisit: quia nec ipse diabolus a potestate Omnipotenti alienus est, sicut neque a bonitate. Nam et maligni angeli unde qualicumque subsisterent vita, nisi per eum qui vivificat omnia? Si ergo commissio peccatorum per iram Dei justam hominem subdidit diabolo, profecto remissio peccatorum per reconciliationem Dei benignam eruit hominem a diabolo.

CAPUT XIII. — 17. *Non potentia, sed justitia eruendus homo fuit a diaboli potestate.* Non autem diabolus potentia Dei, sed justitia superandus fuit. Nam quid Omnipotente potentius? Aut cuius creature potestas potestati Creatoris comparari potest? Sed cum diabolus vitio perversitatis suæ factus sit amator potentiae, et desertor oppugnatorque justitiae; sic enim et homines eum tanto magis imitantur, quanto magis neglecta, vel etiam perosa justitia, potentiae student, ejusque vel adiectione lætanuntur, vel inflammantur.

tur cupiditate : placuit Deo , ut propter eruendum hominem de diaboli potestate, non potentia diabolus, sed justitia vinceretur ; atque ita et homines imitantes Christum, justitia quererent diabolum vincere, non potentia. Non quod potentia quasi mali aliquid fugienda sit ; sed ordo servandus est, quo prior est justitia. Nam quanta potentia potest esse mortalium? Teneant ergo mortales justitiam , potentia immortalibus dabitur. Cui comparata quantalibet eorum hominum qui potentes vocantur in terra, ridicula infirmitas invenitur, et ibi foditur peccatori sovea , ubi videntur mali plurimum posse. Cantat autem justus et dicit : *Beatus homo quem tu erudieris, Domine, et de lege tua docueris eum : ut mitiges ei a diebus malignis, donec fodiat peccatori sovea. Quoniam non repellit Dominus plebem suam, et hereditatem suam non derelinquet : quadusque justitia convertatur in judicium, et qui habent eam, omnes recte sunt corde* (*Psal. xciii, 12-15*). Hoc ergo tempore quo differtur potentia populi Dei, non repellit Dominus plebem suam, et hereditatem suam non derelinquet ; quantalibet acerba et indigna ipsa humilis atque infirma patiatur, quadusque justitia quam nunc habet infirmitas piorum , convertatur in judicium , hoc est , judicandi accipiat potestatem : quod justis in fine servatur, cum praecedentem justitiam ordine suo fuerit potentia subsecuta. Potentia quippe adjuncta justitiae, vel justitia accedens potentiae¹, judiciariam potestatem facit. Pertinet autem justitia ad voluntatem bonam : unde dictum est ab Angelis nato Christo , *Gloria in excelsis Deo, et in terra pax hominibus bonae voluntatis* (*Luc. ii, 14*). Potentia vero sequi debet justitiam, non praereire: ideo et in rebus secundis ponitur, id est prosperis: secundae autem a sequendo sunt dictae. Cum enim beatum faciant, sicut superius disputavimus, duas res, bene velle, et posse quod velis, non debet esse illa perversitas, quae in eadem disputatione notata est, ut ex duabus rebus quae faciunt beatum, posse quod velit homo eligat, et velle quod oportet negligat; eum prius debeat habere voluntatem bonam, magnam vero postea potestatem. Bona porro voluntas purganda est a vita, a quibus si vincitur homo, ad hoc vincitur ut male velit, et bona jam voluntas ejus quomodo erit? Optandum est itaque ut potestas nunc detur, sed contra vitia, propter quae vincenda potentes nolunt esse homines, et volunt propter vincendos homines ; utquid hoc, nisi ut vere victi falso vincant, nec sint veritate, sed opinione victores? Velit homo prudens esse, velit fortis, velit temperans, velit justus , atque ut hoc veraciter possit, potentiam plane optet, atque appetat ut potens sit in seipso , et miro modo adversus se ipsum pro se ipso. Cetera vero quae bene vult , et tamen non potest, sicut est immortalitas , et vera ac plena felicitas, desiderare non cessebunt, et patienter exspectent.

CAPUT XIV. — 18. *Christi mors indebita liberavit homines morti. Quae est igitur justitia, qua victus*

Am. et plerique MSS., accedente potentiae. Et nonnulli, accedente potentia.

est diabolus? Quae, nisi justitia Jesu Christi ? Et quomodo victus est ? Quia cum in eo nihil morte dignum inveniret, occidit eum tamen. Et utique justum est ut debitores quos tenebat, liberi dimittantur, in eum credentes quem sine ullo debito occidit. Hoc est quod justificari dicimur in Christi sanguine (*Rom. v, 9*). Sic quippe in remissionem peccatorum nostrorum innocens sanguis ille effusus est. Unde se dicit in Psalmis in mortuis liberum (*Psalm. lxxxvi, 6*). Solus enim a debito mortis liber est mortuus. Hinc et in alio Psalmo dicit, *Quae non rapui, tunc exsoluebam* (*Psalm. lxviii, 5*): rapinam volens intelligi peccatum, quia usurpatum est contra licitum. Unde per os etiam carnis suae , sicut in Evangelio legitur, dicit, *Ecce venit princeps mundi hujus, et in me nihil innexit, id est, nullum peccatum : sed ut sciant omnes, inquit, quia voluntatem Patris mei facio, surgite, eamus hinc* (*Joan. xiv, 30, 31*). Et pergit inde ad passionem , ut pro debitoribus nobis quod ipse non debebat exsolveret. Numquid isto jure æquissimo diabolus vinceretur , si potentia Christus cum illo agere , non justitia voluisse? Sed postposuit quod potuit, ut prius ageret quod oportuit. Ideo autem illum esse opus erat, et hominem , et Deum. Nisi enim homo esset, non posset occidi : nisi Deus esset, non crederetur noluisse quod potuit, sed non potuisse quod voluit ; nec ab eo justitiam potentiae prælatam fuisse, sed ei defuisse potentiam putaremus. Nunc vero humana pro nobis passus est, quia homo erat; sed si noluisse¹, etiam hoc non pati potuisse, quia et Deus erat. Ideo gratior facta est in humilitate justitia, quia posset si noluisse humilitatem non perpeti tanta in divinitate potentia : ac sic a moriente tam potente, nobis mortalibus impotenteribus, et commendata est justitia , et promissa potentia. Horum enim duorum unum fecit moriendo, alterum resurgendo. Quid enim justius, quam usque ad mortem crucis pro justitia pervenire ? et quid potentius , quam resurgere a mortuis , et in cœlum cum ipsa carne in qua est occisus ascendere ? Et justitia ergo prius, et potentia postea diabolum vicit : justitia scilicet , quia nullum peccatum habuit, et ab illo injustissime est occisus ; potentia vero , quia revixit mortuus , nunquam postea moriturus (*Rom. vi, 9*). Sed potentia diabolum viceset, etiamsi ab illo non potuisse occidi : quamvis majoris sit potentiae etiam ipsam mortem vincere resurgentem , quam vitare vivendo. Sed aliud est propter quod justificamur in Christi sanguine , cum per remissionem peccatorum eruimus a diaboli potestate : hoc ad id pertinet , quod a Christo justitia diabelus vincitur, non potentia. Ex infirmitate quippe quam suscepit in carne mortali, non ex immortalis potentia crucifixus est Christus : de qua tamen infirmitate ait Apostolus, *Quod infirmum est Dei, fortius est hominibus* (*I Cor. i, 25*).

CAPUT XV. — 19. *De eodem. Non est itaque difficile videre diabolum victimum, quando qui ab illo occisus est resurrexit. Illud est majus, et ad intelligentium profundius, videre diabolum victimum, quando sibi*

¹ Sic MSS. At editi, rotulisset.

viçisse videbatur, id est, quando Christus occisus est. Tunc enim sanguis ille, quoniam ejus erat qui nullura habuit omnino peccatum, ad remissionem nostrorum fusus est peccatorum, ut quia eos diabolus merito tenebat, quos peccati reos conditione mortis obstrinxit, hos per eum merito dimitteret, quem nullius peccati renni immerito pena mortis affecit. Haec justitia victus, et hoc vinculo vincitus est fortis, ut vasa ejus eriperentur (*Marc.* iii, 27), quæ apud eum cum ipso et angelis ejus fuerant vasa iræ, et in vasa misericordiae verterentur (*Rom.* ix, 22, 23). Hæc quippe verba ipsius Domini nostri Iesu Christi de cœlo ad se facta, cum primum vocatus est, narrat apostolus Paulus. Nam inter cetera quæ audivit, etiam hoc sibi dictum sic loquitur: *Ad hoc enim tibi apparui, ut constituam te ministrum et testem eorum quæ a me vides, quibus etiam præeo tibi, liberans te de populo et de gentibus, in quas ego mitto te aperire oculos cœcorum, ut avertantur a tenebris, et a potestate satanæ ad Deum, ut accipiant remissionem peccatorum, et sortem quæ in sanctis, et fidem quæ in me est* (*Act.* xxvi, 16-18). Unde ei exhortans idem apostolus credentes ad gratiarum actionem Deo Patri: *Qui eruit nos, inquit, de potestate teybrarum, et transtulit in regnum Filii charitatis suæ, in quo habemus redemptionem in remissionem peccatorum* (*Coloss.* i, 13, 14). In hac redemptione tanquam premium pro nobis datus est sanguis Christi, quo accepto diabolus non ditatus est, sed ligatus: ut nos ab ejus nexibus solveremur, nec quemquam secum eorum quos Christus ab onni debito liber indebite fuso suo sanguine redemisset, peccatorum retibus involutum trahoret ad secundæ ac sempiternæ mortis exitium (*Apoc.* xxi, 8); sed hactenus morerentur ad Christi gratiam pertinentes, præcogniti et prædestinati et electi ante constitutionem mundi (*I Petr.* i, 20), quatenus pro illis ipse mortuus est Christus, carnis tantum morte, non spiritu.

CAPUT XVI. — 20. *Reliquæ mortis et sæculi mala cedunt in bonum electis. Quam convenienter electa mors Christi, ut justificaremur in sanguine ipsius. Ira Dei quæ sit. Quamvis enim et ipsa mors carnis de peccato primi hominis originaliter venerit, tamen bonus ejus usus gloriosissimos martyres fecit. Et ideo non solum ipsa, sed omnia sæculi hujus mala, dolores laboresque hominum, quamquam de peccatorum, et maxime de peccati originalis meritis veniant, unde facta est et ipsa vita vinculo mortis obstricta, tamen et remissis peccatis remanere debuerunt, cum quibus homo pro veritate certaret, et unde exerceretur virtus fidelium: ut novus homo per testamentum novum, inter mala hujus sæculi novo sæculo præpararetur, miseriam quam meruit vita ista damnata sapienter tolerans, et quia finietur prudenter gratulans; beatitudinem vero quam liberata vita futura sine fine habitura est, fideliter et patienter exspectans. Diabolus enim a dominatu et a cordibus fidelium foras missus, in quorum damnatione atque infidelitate licet damnatus etiam ipse regnabat, tantum pro conditione mortalitatis hujus adversari sinitur, quantum eis expedire novit, de-*

quo sacré litteræ personant per os apostolicum: *Fidelis Deus, qui non permittet vos tentari supra id quod potestis; sed faciet cum tentatione etiam exitum, ut possitis sustinere* (*I Cor.* x, 13). Prosunt autem ista mala quæ fideles pie perferunt, vel ad emendanda peccata, vel ad exercendam probandamque justitiam, vel ad demonstrandam vitæ hujus miseriam, ut illa ubi erit beatitudo vera atque perpetua, et desideretur ardentiæ, et instantius inquiratur. Sed circa eos ista servantur, de quibus Apostolus dicit: *Scimus quoniam diligentibus Deum omnia cooperantur in bonum, iūs qui secundum propositionem vocali sunt sancti. Quoniam quos ante præscivit, et prædestinavit conformes¹ imaginis Filii sui, ut sit ipse primogenitus in multis fratribus. Quos autem prædestinavit, illos et vocavit; et eos vocavit, illos et justificavit; quos autem justificavit, ipsos et glorificavit. Ilorum prædestinatorum nemo cum diabolo peribit²; nemo usque ad mortem sub diaboli potestate remanebit. Deinde sequitur quod jam supra commemoravi (*Cap.* 41): Quid ergo dicemus ad hæc? Si Deus pro nobis, quis contra nos? Qui Filio proprio non pepercit, sed pro nobis omnibus tradidit illum; quomodo non et cum illo omnia nobis donavit* (*Rom.* viii, 28-32).

21. Cur ergo non fieret mors Christi? Imo cur non prætermisis aliis innumerabilibus modis, quibus ad nos liberandos uti posset Omnipotens, ipsa potissimum eligeretur ut fieret; ubi nec de divinitate ejus aliquid imminutum est aut mutatum, et de humanitate suscepta tantum beneficii collatum est hominibus, ut a Dei Filio sempiterno eodemque hominis filio mors temporalis indebita redderetur, qua eos a semperita morte debita liberaret? Peccata nostra diabolus tenebat, et per illa nos merito sigebat in morte. Dimisit ea ille qui sua non habebat, et ab illo immetito est perductus ad mortem. Tanti valuit sanguis ille, ut neminem Christo induitum in æterna morte debita detinere debuerit, qui Christum morte indebita vel ad tempus occidit. Commendat ergo charitatem suam Deus in nobis: quoniam cum adhuc peccatores essemus, Christus pro nobis mortuus est. Multo magis justificati nunc in sanguine ipsius, salvi erimus ab ira per ipsum. Justificati, inquit, in sanguine ipsius: justificati plane in eo quod a peccatis omnibus liberati; liberati autem a peccatis omnibus, quoniam pro nobis est Dei Filius, qui nullum habebat, occisus. Salvi ergo erimus ab ira per ipsum: ab ira utique Dei, quæ nihil est aliud quam justa vindicta. Non enim sicut hominis, animi perturbatio est ira Dei: sed illius ira est, cui dicit alio loco sancta Scriptura, *Tu autem, Domine virtutum, cum tranquillitate judicas* (*Sap.* xii, 18). Si ergo justa divina vindicta tale nomen accepit, etiam reconciliatio Dei quæ recte intelligitur³, nisi cum talis ira finitur? Nec inimici eramus Deo, nisi quemadmodum justitiae sunt inimica peccata, quibus remis-

¹ Hic editi addunt, fieri; quod a MSS. et a græco textu Apostoli abest.

² MSS., perit.

³ Editio Lov., non intelligitur; perperam addita negante particula, qua editiones aliae et MSS. carent.

sis tales inimicitiae finiuntur, et reconciliantur justo¹ quos ipse justificat. Quos tamen etiam inimicos utique dilexit: quandoquidem proprio *Filio non pepercit, sed pro nobis omnibus*, cum adhuc inimici essemus, tradidit eum. Recite ergo Apostolus secutus adjunxit, *Si enim cum inimici essemus, reconciliati sumus Deo per mortem Filii ejus, per quam facta est illa remissio peccatorum; multo magis reconciliati salvi erimus in vita ipsius.* In vita salvi, qui per mortem reconciliati. Quis enim dubitet daturum amicis vitam suam, pro quibus inimicis dedit mortem suam? *Non solum autem, inquit, sed et gloriamur in Deo per Dominum nostrum Iesum Christum, per quem nunc reconciliationem accepimus.* Non solum, ait, salvi erimus, sed et gloriamur: nec in nobis, sed in Deo; nec per nos, sed per Dominum nostrum Iesum Christum, per quem nunc reconciliationem accepimus, secundum ea quae superius disputata sunt. Deinde subjungit Apostolus, *Propter hoc sicut per unum hominem peccatum in hunc mundum intravit, et per peccatum mors, et ita in omnes homines mors pertransit, in quo omnes peccaverunt* (Rom. v, 8-12): et cetera, in quibus prolixius de duabus hominibus disputat; uno eodemque primo Adam, per cuius peccatum et mortem tanquam haereditariis malis posteri ejus obligati sumus; altero autem secundo Adam, qui non homo tantum, sed etiam Deus est, quo pro nobis solvente quod non debebat, a debitis et paternis et propriis liberati sumus. Proinde quoniam propter unum illum tenebat diabolus omnes per ejus vitiatam carnalem concupiscentiam generatos, justum est ut propter hunc unum dimittat omnes per ipsius immaculatain gratiam spiritualem regeneratos.

CAPUT XVII.—22. *Alia incarnationis commoda.* Sunt et alia multa quae in Christi incarnatione, quae superbis displicet, salubriter intuenda atque cogitanda sunt. Quorum est unum, quod demonstratum est homini, quem locum habet in rebus quas condidit Deus: quandoquidem sic Deo conjungi potuit humana natura, ut ex duabus substantiis fieret una persona, ac per hoc jam ex tribus, Deo, anima et carne: ut superbi illi maligni spiritus, qui se ad decipiendum quasi ad adjuvandum medios interponunt, non ideo se audeant homini præponere, quia non habent carnem; et maxime quia et mori in eadem carne dignatus est Filius Dei, ne ideo illi tanquam deos se coli persuadeant, quia videntur esse immortales. Deinde, ut gratia Dei nobis² sine ullis præcedentibus meritis in homine Christo commendatur: quia nec ipse ut tanta unitate Deo vero conjunctus una cum illo persona³ Filius Dei fieret, ullis est præcedentibus meritis assecutus; sed ex quo homo esse cœpit, ex illo est et Deus: unde dictum est, *Verbum caro factum est* (Joan. i, 14). Etiam illud est, ut superbia hominis quae maxime impedimento est ne inhæreatur Deo, per tantam Dei humilitatem redargui posset atque sanari. Discit quoque homo quam

¹ Sic MSS. At editi, pro, *justo*, habent, *Deo*.

² Editi, *in nobis*. Einendautur ex MSS.

³ Hic editi addunt, *id est, ipse homo assumptus, mox si homo etiam Deus*; quae verba non sunt in MSS.

longe recesserit a Deo, et quid illi valeat ad medicinalem dolorem, quando per talē Mediatorem redit, qui hominibus et Deus divinitate subvenit, et homo infirmitate convenit. Quod autem majus obedientiae nobis præberetur exemplum, qui per inobedientiam perieramus, quam Deo Patri Deus Filius obediens usque ad mortem crucis (*Philip. ii, 8*)? Quid, præmium ipsius obedientiae ubi ostenderetur melius⁴, quam in carne tanti Mediatoris, qua ad vitam resurrexit æternam? Pertinebat etiam ad justitiam bonitatemque Creatoris, ut per eamdem rationalem creaturam superaretur diabolus, quam se superasse gaudebat, et de ipso genere venientem, quod genus origine vitiata per unum tenebat universum.

CAPUT XVIII.—23. *Cur Filius Dei hominem suscepit de genere Adæ, et ex virgine.* Poterat enim utique Deus hominem aliunde suspicere, in quo esset mediator Dei et hominum, non de genere illius Adam, qui peccato suo genus obligavit humanum; sicut ipsum quem primum creavit, non de genere creavit alicujus. Poterat ergo vel sic, vel alio quo vellet modo creare unum alium de quo vinceretur vixor prioris: sed melius judicavit, et de ipso quod victim fuerat genere assumere⁵ hominem Deus, per quem generis humani vinceret inimicum; et tamen ex virgine, cuius conceptum spiritus, non caro: fides, non libido prævenit (*Luc. i, 26-38*). Nec interfuit carnis concupiscentia, per quam seminantur et concipiuntur cæteri, qui trahunt originale peccatum: sed ea penitus remotissima, credendo, non concubendo sancta est secundata virginitas; ut illud quod nascebatur ex propagine primi hominis, tantummodo generis, non etiam criminis originem duceret. Nascebatur namque non transgressionis contagione vitiata natura, sed omnium talium vitorum sola medicina. Nascebatur homo, inquam, nullum habens, nullum habiturus omnino peccatum, per quem renascerentur liberandi a peccato, qui nasci non possent sine peccato. Quamvis enim carnali concupiscentia, quae inest genitalibus membris, bene utatur castitas conjugalis; habet tamen motus non voluntarios, quibus ostendit vel nullam se in paradyso ante peccatum esse potuisse, vel non tam fuisse si fuit, ut aliquando resisteret voluntati. Nunc autem illam tamē esse sentimus, ut repugnans legi mentis, etiam si nulla est causa generandi, stimulos ingerat cocundi: ubi si ei ceditur, peccando satietur; si non ceditur, dissentiendo frenetur: quae duo aliena fuisse a paradyso ante peccatum, dubitare quis possit? Nam neque illa honestas faciebat aliquid indecorum, nec illa felicitas patiebatur aliquid impacatum. Oportebat itaque ut ista carnalis concupiscentia nulla ibi esset omnino, quando concipiebatur virginis partus, in quo nihil dignum morte fuerat inventurus, et eum tamen occisurus auctor mortis, auctoris vitiæ morte vincendus: vixor

⁴ Er. Lugd. Ven. i.ov., *Quod præmium tantæ obedientiae ubi ostenderetur melius.* M.

⁵ Er. Lugd. Ven. i.ov. sic legunt hunc locum, ut de ipso quod victim fuerat genere assureret. M.

primi Adam et tenens genus humanum , victus a secundo Adam et amittens genus christianum , liberatum ex humano genere ab humano crimen , per eum qui non erat in crimen , quamvis esset ex genere ; ut deceptor ille ab eo vinceretur genere , quod vicerat crimen . Et hoc ita gestum est , ut homo non extollatur ; sed qui gloriatur , in Domino glorietur (II Cor . x , 17) . Qui enim victus est , homo tantum erat ; et ideo victus est , quia superbe deus esse cupiebat : qui autem vicit , et homo erat et Deus ; et ideo sic vicit natus ex virgine , quia Deus humiliter , non quomodo alias sanctos , regebat illum hominem , sed gerebat . Haec tanta Dei dona , et si qua alia sunt , quae de hac re nobis et quarere nunc et disserere longum est , nisi Verbum caro fieret , nulla essent .

CAPUT XIX . — 24. *Quid ad scientiam , quid ad sapientiam pertinet in Verbo incarnato .* Haec autem omnia quae pro nobis Verbum caro factum temporaliter et localiter fecit et pertulit , secundum distinctiōnem quam demonstrare suscepimus , ad scientiam pertinent , non ad sapientiam . Quod autem Verbum est sine tempore et sine loco , est Patri coeternum et ubique totum ; de quo si quisquam potest , quantum potest , veracem proferre sermonem , sermo ille erit sapientiae : ac per hoc Verbum caro factum , quod est Christus Jesus , et sapientiae thesauros habet et scientiae . Nam scribens Apostolus ad Colossenses : *Volo enim vos scire , inquit , quantum certamen habeam pro vobis , et pro iis qui sunt Laodiciae , et quicumque non viderunt faciem meam in carne ; ut consolentur corda eorum , copulati in charitate et in omnibus divitiis plenitudinis intellectus , ad cognoscendum mysterium Dei , quod est Christus Jesus , in quo sunt omnes thesauri sapientiae et scientiae absconditi* (Coloss . ii , 4-5) . Quatenus noverat Apostolus thesauros istos , quantum eorum penetraverat , et in eis ad quanta pervenerat , quis potest nosse ? Ego tamen secundum id quod scriptum est , Unicuique autem nostrum datur manifestatio Spiritus ad utilitatem : alii quidem datur per Spiritum sermo sapientiae , alii sermo scientiae secundum eundem Spiritum (I Cor . xii , 7 , 8) , si ita inter se distant haec duo , ut sapientia divinis , scientia humanis attributa sit rebus , utrumque agnosco in Christo , et mecum omnis ejus fidelis . Et cum lego , *Verbum caro factum est , et habitavit in nobis* ; in Verbo intelligo verum Dei Filium , in carne agnosco verum hominis filium , et utrumque simul in unam personam Dei ¹ et hominis ineffabili gratiae largitate conjunctum . Propter quod sequitur et dicit , *Et vidimus gloriam ejus , gloriam quasi Unigeniti a Patre , plenum gratiae et veritatis* (Joan . i , 14) . Si gratiam referamus ad scientiam , veritatem ad sapientiam , puto nos ab illa duarum instantium rerum distinctione , quam commendavimus , non abhorrire . In rebus enim per tempus ortis , illa summa gratia est , quod homo in unitate personae conjunctus est Deo : in rebus vero æternis summa veritas recte tribuitur Dei Verbo . Quod vero idem ipse est

¹ Editi , in una persona Dei . At MSS. , in unam personam Dei .

Unigenitus a Patre plenus ¹ gratiae et veritatis , id actum est ut idem ipse sit in rebus pro nobis temporaliter gestis , cui per eamdem fidem mundamur , ut eum stabiliter contemplemur in rebus æternis . Illi autem præcipui gentium philosophi , qui invisibilia Dei , per ea quæ facta sunt , intellecta conspicere potuerunt , tamen quia sine Mediatore , id est , sine homine Christo philosophati sunt , quem nec venturum Prophetis , nec venisse Apostolis crediderunt , veritatem detinuerunt , sicut de illis dictum est , in iniestate . Non potuerunt enim in his rerum ² insimilis constituti , nisi querere aliqua media per quæ ad illa quæ intellexerant sublimia pervenirent : atque ita in deceptores dæmones inciderunt , per quos factum est ut immutarent gloriam incorruptibilis Dei , in similitudinem imaginis corruptibilis hominis et volucrum et quadrupedum et serpentum (Rom . i , 20 , 18 , 23) . In talibus enim formis etiam idola instituerunt , sive coluerunt . Scientia ergo nostra Christus est , sapientia quoque nostra idem Christus est . Ipse nobis fidem de rebus temporalibus inserit , ipse de sempiternis exhibet veritatem . Per ipsum pergitus ad ipsum , tendimus per scientiam ad sapientiam : ab uno tamen eodemque Christo non recedimus , in quo sunt omnes thesauri sapientiae et scientiae absconditi . Sed nunc de scientia loquimur , post de sapientia , quantum ipse donaverit , locuturi . Nec ista duo sic accipiamus , quasi non licet dicere , vel istam sapientiam quæ in rebus humanis est , vel illam scientiam quæ in divinis . Loquendi enim latiore consuetudine , utraque sapientia , utraque scientia dici potest . Nullo modo tamen scriptum esset apud Apostolum , *Alii datur sermo sapientiae , alii sermo scientiae* ; nisi et proprie singulis nominibus haec singula vocarentur , de quorum distinctione nunc agimus .

CAPUT XX . — 25. *Quid actum in hoc libro . Quomodo gradatim perventum est ad trinitatem quandam quæ in scientia activa et vera fide reperitur .* Jam itaque videamus quid sermo iste prolixus efficerit , quid collegerit , quo pervenerit . Beatos esse se velle , omnium hominum est : nec tamen omnium est fides , qua cor mundante ad beatitudinem pervenitur . Ita sit ut per istam quam non omnes volunt , ad illam tendendum sit quam nemo potest esse qui nolit . Beatos esse se velle , omnes in corde suo vident , tantoque est in hac re naturæ humanæ conspiratio , ut non fallatur homo qui hoc ex animo suo de animo conjicit alieno ; denique omnes id velle nos novimus . Multi vero immortales se esse posse desperant , cum id quod omnes volunt , id est beatus , nullus esse aliter possit ³ : volunt tamen etiam immortales esse , si possent : sed non credendo quod possint , non ita vivunt ut possint . Necessaria ergo est fides ut beatitudinem consequamur , omnibus humanæ nature bonis , id est , et animi et corporis . Hanc autem fidem in Christo esse destinatam , qui in carne resurrexit a mortuis , non moriturus

¹ Nonnulli editi , et ipsa Bened. Antuerpiana editio , plenum . M.

² Plures MSS. , rebus .

³ Er. Lugd. Ven. Lov. , sic legunt hunc locum , cum id quod omnes volunt , nullus aliter possit . M.

ulterius : nec nisi per illum quemquam liberari a dia-boli dominatu, per remissionem peccatorum : in cuius diaboli partibus necesse est miseram esse vitam, eamdemque perpetuam, quæ mors est potius dicenda quam vita, eadem fides habet. De qua et in hoc libro, sicut poti, pro spatio temporis disputavi, cum jam et in quarto libro hujus operis multa de hac redixerim (*Cap. 19-21*) ; sed ibi propter aliud, hic propter aliud : ibi scilicet ut ostenderem cur et quomodo Christus in plenitudine temporis a Patre sit missus (*Galat. iv, 4*), propter eos qui dicunt, eum qui misit, et eum qui missus est, æquales natura esse non posse; hic autem, ad distinguendam activam scientiam a contemplativa sapientia.

26. Placuit quippe velut gradatim ascendentibus in utraque requirere apud interiorem hominem quamdam sui cujusque generis trinitatem, sicut prius apud exteriorem quæsivimus ; ut ad illam Trinitatem quæ Deus est, pro nostro modulo, si tamen vel hoc possimus, saltem in ænigmate et per speculum contuendam (*I Cor. xiii, 12*) exercitatiore in his inferioribus rebus mente veniamus. Hujus igitur verba fidei quisquis in solis vocibus memorie commendaverit, ne sciens quid significant; sicut solent qui græce nesciunt, græca verba tenere memoriter, vel latina similiter, vel cujusque alterius linguae, qui ejus ignari sunt : nonne habet quamdam in suo animo trinitatem, quia et in memoria sunt illi verborum soni, etiam quando inde non cogitat; et inde formatur acies recordationis ejus, quando de his cogitat; et voluntas recordantis atque cogitantis utrumque conjungit? Nullo modo tamen dixerimus istum, cum hoc agit, secundum trinitatem interioris hominis agere, sed potius exterioris : quia id solum meminit, et quando vult, quantum vult¹ intuetur, quod ad sensum corporis pertinet, qui vocatur auditus, nec aliud quam corporalium rerum, id est sonorum, tali cogitatione imagines versat. Si autem quod verba illa significant, teneat et re-

¹ Lov., et quantum null.

colat; jam quidem aliquid interioris hominis agit : sed nondum dicendus vel putandus est vivere secundum interioris hominis trinitatem, si ea non diligit quæ ibi prædicantur, præcipiuntur, promittuntur. Potest enim etiam ad hoc tenere atque cogitare, ut falsa esse existimans, conetur etiam redarguere. Voluntas ergo illa, quæ ibi conjungit ea quæ memoria tenebantur, et ea quæ inde in acie cogitationis impressa sunt, implet quidem aliquam trinitatem, cum ipsa sit tertia : sed non secundum eam vivitur, quando illa quæ cogitantur velut falsa non placent. Cum autem vera esse creduntur, et quæ ibi diligenda sunt diiguntur, jam secundum trinitatem interioris hominis vivitur : secundum hoc enim vivit quisque quod diligit. Quomodo autem diliguntur quæ nesciuntur, sed tantum¹ creduntur? Jam questio ista tractata est in superioribus libris (*Lib. 8, capp. 8 et seqq., et lib. 18, cap. 1, etc.*), et inventum neminem diligere quod penitus ignorat; ex iis autem quæ nota sunt diligi, quando diligi dicuntur ignota. Nunc librum istum ita claudimus, ut admoneamus quod justus ex fide vivit (*Rom. 1, 17*) : quæ fides per dilectionem operatur (*Galat. v, 6*), ita ut virtutes quoque ipsæ quibus prudenter, fortiter, temperanter, justeque vivitur, omnes ad eamdem referantur fidem : non enim aliter poterunt vere esse virtutes. Quæ tamen in hac vita non valent tantum, ut aliquando non sit hic necessaria qualiumcumque remissio peccatorum; quæ non fit nisi per eum qui sanguine suo vicit principem peccatorum. Ex hac fide et tali vita quæcumque notiones sunt in animo fidelis hominis, cum memoria continentur, et recordatione inspiciuntur, et voluntati placent, reddunt quamdam sui generis trinitatem. Sed imago Dei, de qua in ejus adjutorio post loquemur, nondum in ipsa est : quod tunc melius apparebit, cum demonstratum fuerit ubi sit: quod in futuro volumine lector exspectet.

¹ Sic MSS. At Er. et Lov., sed tamen.

LIBER QUARTUS DECIMUS.

De sapientia hominis vera dicit, ostendens imaginem Dei, quod est homo secundum mentem, non proprie in transeuntibus, veluti in memoria, intellectu et amore, sive ipsius temporalis fidei, sive etiam mentis circa se ipsam versantis, sed in permanentibus rerum collocatam; ac eam tunc perfici, cum mens renovatur in agnitione Dei secundum imaginem eum qui creavit hominem ad imaginem suam, et sic percipit sapientiam, ubi contemplatio est æternorum.



CAPUT PRIMUM. — I. *Quæ sit sapientia de qua hic agendum. Philosophi nomen unde exortum. De scientiæ ac sapientiæ distinctione quid jam dictum.* Nunc de sapientia nobis est disserendum : non de illa Dei, quæ procul dubio Deus est; nam sapientia Dei Filius ejus unigenitus dicitur (*Ecli. xxiv, 5, et I Cor. 1, 24*): sed loquemur de hominis sapientia, vera tamen quæ secundum Deum est, et verus ac præcipuus cultus ejus est, quæ uno nomine θεοτέσσαρα græce appellatur. Quod nomen nostri, sicut jam commemoravimus, volentes et ipsi uno nomine interpretari, pietatem dixerunt, cum pietas apud Græcos θεοτέσσαρα usitatus nun-

cetur: θεοτέσσαρα vero quia uno verbo perfecte non potest, melius duobus interpretatur, ut dicatur potius Dei cultus. Hanc esse hominis sapientiam, quod et in duodecimo hujus operis volumine jam posuimus (*Cap. 14*), Scripturæ sanctæ auctoritate monstratur, in libro Dei servi Job, ubi legitur Dei sapientiam dixisse homini, *Ecce pietas est sapientia; abstinere autem a malis, scientia* (*Job xxviii, 28*); sive etiam, ut nonnulli de græco ἐπιστήμην interpretati sunt, *disciplina*, quæ utique a discendo nonen accepit, unde et scientia dici potest. Ad hoc enim quæque res discitur, ut sciatur. Quamvis alia notione, in iis quæ pro peccatis

suis mala quisque patitur ut corrigatur, dici solat disciplina. Unde illud est in Epistola ad Hebreos, *Quis enim est filius, cui non datur disciplinam pater ejus?* et illud evidentius in eadem, *Omnis enim ad tempus disciplina non gaudii videtur esse, sed tristitia: postea vero fructum pacificum iis qui per eam certarunt, redet justitiae* (*Hebr. xii, 7, 11*). Deus ergo ipse summa sapientia, cultus autem Dei sapientia est hominis, de qua nunc loquimur. Nam *sapientia hujus mundi stultitia est apud Deum* (*I Cor. iii, 19*). Secundum hanc itaque sapientiam, quae Dei cultus est, ait sancta Scriptura: *Multitudo sapientium sanitas est orbis terrarum* (*Sap. vi, 26*).

2. Sed si de sapientia disputare sapientium est, quid agemus? Numquidnam profiteri audebimus sapientiam, ne sit nostra de illa impudens disputatio? Nonne terrebimur exemplo Pythagorae? qui cum auras non fuisse sapientem profiteri, philosophum potius, id est amatorem sapientiae se esse respondit: a quo id nomen exortum ita deinceps posteris placuit, ut quantilibet de rebus ad sapientiam pertinentibus doctrina quisque vel sibi vel aliis videretur excellere, non nisi philosophus vocaretur. An ideo sapientem profiteri talium hominum nullus audebat, quia sine ullo peccato putabant esse sapientem? Illoc autem nostra Scriptura non dicit, quae dicit: *Argue sapientem, et amabit te* (*Prov. ix, 8*). Profecto enim judicat habere peccatum, quem censet arguendum. Sed ego nec sic quidem sapientem me audeo profiteri: satis est mihi, quod etiam ipsi negare non possunt, esse etiam philosophi, id est amatoris sapientiae, de sapientia disputare. Non enim hoc illi facere desiderant, qui se amatores sapientiae potius quam sapientes esse professi sunt.

3. Disputantes autem de sapientia, defluerunt eam dicentes: Sapientia est rerum humanarum divinarumque scientia. Unde ego quoque in libro superiore utrarumque rerum cognitionem, id est divinarum atque humanarum, et sapientiam et scientiam dici posse non tacui (*Lib. xiii, capp. 4, 19*). Verum secundum hanc distinctionem qua dixit Apostolus, *Alli datur sermo sapientiae, alli sermo scientiae* (*I Cor. xii, 8*); ista definitio dividenda est, ut rerum divinarum scientia proprie sapientia nuncupetur, humanarum autem proprie scientiae nomen obtineat: de qua volumine tertio decimo disputavi, non utique quidquid sciri ab homine potest in rebus humanis, ubi plurimum supervacane vanitatis et noxiæ curiositatis est, huc scientiam tribuens, sed illud tantummodo quo fides saluberrima, quae ad veram beatitudinem dicit, gignitur, nutritur, defenditur, roboratur: qua scientia non pollent fideles plurimi, quamvis polleant ipsa fide plurimum. Aliud est enim sciire tantummodo quid homo credere debet propter adipiscendam vitam beatam, quae non nisi æterna est: aliud autem, sciire quemadmodum hoc ipsum et piis opituletur, et contra impios defendatur, quam proprio appellare vocabulo scientiam videtur Apostolus. De qua prius cum loquerer, ipsam præcipue fidem commendare curavi, a temporalibus æterna breviter ante distin-

guens, atque ibi de temporalibus disserens: æterna vero in hunc librum differens, etiam de rebus æternis fidem temporalem quidem, et temporaliter in credentium cordibus habitare, necessariam tamen propter adipiscenda ipsa æterna esse monstravi (*Lib. xiii, cap. 7*). Fidem quoque de temporalibus rebus, quas pro nobis æternus fecit, et passus est in homine, quem temporaliter gessit, atque ad æterna provexit, ad eamdem æternorum adiectionem prodesse disserui: virtutesque ipsas, quibus in hac temporali mortalitate prudenter, fortiter, temperanter, et juste vivitur, nisi ad eamdem, licet temporalem fidem, quæ tamen ad æterna perdicit, referantur, veras non esse virtutes (*Ibid., cap. 20*).

CAPUT II. — 4. In fidei temporalis retentione, contemplatione ac dilectione trinitas quædam, sed nondum proprie imago Dei. Quapropter, quoniam sicut scriptum est, *Quandiu sumus in corpore, peregrinamur a Domino; per fidem enim ambulamus, non per speciem* (*II Cor. v, 6, 7*); profecto quædiu justus ex fide vivit (*Rom. i, 17*), quamvis secundum hominem interiorem vivat, licet per eamdem temporalem fidem ad veritatem nitatur, et tendat ad æterna, tamen in ejusdem fidei temporalis retentione, contemplatione, dilectione, nondum talis est trinitas, ut Dei jam imago dicenda sit: ne in rebus temporalibus constituta videatur, quæ constituenda est in æternis. Mens quippe humana cum fidem suam videt, qua credit quod non videt, non aliquid sempiternum videt. Non enim semper hoc erit, quod utique non erit, quando ista peregrinatione finita, qua peregrinamur a Domino, ut per fidem ambulare necesse sit, species illa succedit, per quam videbimus facie ad faciem (*I Cor. xiii, 12*): sicut modo non videntes, tamen quia credimus, videre merebimur, atque ad speciem nos per fidem perductos esse gaudebimus. Neque enim jam fides erit, qua credantur quæ non videntur; sed species, qua videantur quæ credebantur. Tunc ergo eis vite hujus mortalis transactæ meminerimus, et credidisse nos aliquando quæ non videbamus, memoriter recoluerimus, in præteritis atque transactis deputabitur fides ista, non in præsentibus rebus semperque manentibus: ac per hoc etiam trinitas ista quæ nunc in ejusdem fidei præsentis ac manentis memoria, contuita, dilectione consistit, tunc transacta et præterita reperiatur esse, non permanens. Ex quo colligitur, ut si jam imago Dei est ista trinitas, etiam ipsa non in eis quæ semper sunt, sed in rebus sit habenda transeuntibus.

CAPUT III. — Difficultas contra id quod mox dictum est, diluitur. Absit autem ut cum animæ natura sit immortalis, nec ab initio quo creata est, unquam deinceps esse desistat, id quo nihil melius habet, non cum ejus immortalitate perduret. Quid vero melius in ejus natura creatum est, quam quod ad sui Creatoris imaginem facta est (*Gen. i, 27*)? Non igitur in fidei retentione, contemplatione, dilectione, quæ non erit semper, sed in eo quod semper erit, invenienda est quam dici oporteat imaginem Dei.

5. An adhuc utrum ita se res habeat, aliquanto diligentius atque abstrusius perscrutabimur? Dici enim

¹ Editi, sapientiam. At MSS., sapientem.

potest, non perire istam trinitatem, etiam cum fides ipsa transierit : quia sicut nunc eam et memoria tenemus, et cogitatione cernimus, et voluntate diligimus ; ita etiam tunc cum eam nos habuisse memoria tenebimus, et recolemus, et hoc utrumque tertia voluntate jungemus, eadem trinitas permanebit. Quoniam si nullum in nobis quasi vestigium transiens reliquerit, profecto nec in memoria nostra ejus aliquid habebimus quo recurramus eam præteritam recordantes, atque id utrumque intentione tertia copulantes, et quod erat scilicet in memoria, non inde cogitantibus nobis, et quod inde cogitatione formatur. Sed qui hoc dicit, non discernit aliam nunc esse trinitatem, quando præsentem fidem tenemus, videmus, amamus in nobis; aliam tunc futuram, quando non ipsam, sed ejus velut imaginari vestigium in memoria reconditum, recordatione contuebimur, et duo haec, id est, quod erat in memoria retinentis, et quod inde imprimitur in acie recordantis, tertia voluntate jungemus. Quod ut possit intelligi, sumamus exemplum de corporalibus rebus, de quibus in libro undecimo satis locuti sumus (*Cap. 2 et seqq.*). Nempe ab inferioribus ad superiora ascendentibus, vel ab exterioribus ad interiora ingredientes, primam reperimus trinitatem in corpore quod videtur, et in acie videntis quæ cum videt, inde formatur, et in voluntatis intentione quæ utrumque conjungit. Huic trinitati similem constituamus, cum fides quæ nunc inest nobis, tanquam corpus illud in loco, ita in nostra memoria constituta est, de qua informatur cogitatio recordantis, sicut ex illo corpore acies intuentis : quibus duobus, ut trinitas impleatur, annuineratur tertia voluntas, quæ fidem in memoria constitutam et quamdam ejus effigiem in contuitu recordationis impressam connectit et conjungit; sicut in illa corporalis trinitate visionis, formam corporis quod videtur, et conformatioinem quæ sit in cernentis aspectu, conjungit intentio voluntatis. Faciamus ergo corpus illud quod cernebatur, interisse dilapsum, nec ejus remansisse aliquid in ullo loco, ad quod videndum recurrat asperitus : numquid quia imago rei corporalis jam transactæ atque præteritæ remanet in memoria, unde informetur recordantis obtutus¹, atque id utrumque tertia voluntate jungatur, eadem trinitas esse dicenda est, quæ fuerat quando species in loco positi corporis videbatur? Non utique, sed prorsus alia : nam præter quod illa erat extrinsecus, haec intrinsecus; illam profecto faciebat species præsentis corporis; hanc, imago præteriti. Sic et in hac re, de qua nunc agimus, et propter quam putavimus adhibendum illud exemplum, fides quæ nunc in animo nostro est, velut illud corpus in loco, dum tenetur, aspicitur, amatur, quamdam efficit trinitatem : sed non ipsa erit, quando fides haec in animo, sicut corpus illud in loco jam non erit. Quæ vero tunc erit, quando eam recordabimur in nobis fuisse, non esse, alia profecto erit. Hanc enim quæ nunc est, facit res ipsa præsens et animo creditis affixa : at illam quæ tunc erit,

faciet rei præteritæ imaginatio in recordanti; memoria derelicta.

CAPUT IV. — 6. *In immortalitate animæ rationalis querenda imago Dei. Trinitas in mente quomodo monstrata sit.* Nec illa igitur trinitas, quæ nunc non est, imago Dei erit; nec ista imago Dei est, quæ tunc non erit : sed ea est invenienda in anima hominis, id est rationali, sive intellectuali, imago Creatoris, quæ immortaliter immortalitati ejus est insita. Nam sicut ipsa immortalitas animæ secundum quemdam modum dicitur; habet quippe et anima mortem suam, cum vita beata caret, quæ vera animæ vita dicenda est; sed immortalis ideo nuncupatur, quoniam qualcumque vita, etiam cum miserrima est, nunquam desinit vivere : ita quamvis ratio vel intellectus nunc in ea sit sopitus, nunc parvus, nunc magnus appareat, nunquam nisi rationalis et intellectualis est anima humana; ac per hoc si secundum hoc facta est ad imaginem Dei quod uti ratione atque intellectu ad intelligendum et conspiciendum Deum potest, profecto ab initio quo esse cœpit ista tam magna et mira natura, sive ita obsoleta sit haec imago, ut pene nulla sit, sive obscura atque deformis, sive clara et pulchra sit, semper est. Denique deformitatem dignitatis ejus miserans divina Scriptura, *Quanquam*, inquit, *in imagine ambulat homo, tamen vane conturbatur : thesaurizat, et nescit cui congregabit ea* (*Psal. xxxviii, 7*). Non itaque vanitatem imagini Dei tribueret, nisi deformem cerneret factam. Nec tantum valere illam deformitatem, ut auferat quod imago est, satis ostendit, dicens, *Quanquam in imagine ambulat homo.* Quapropter ex utraque parte veraciter pronuntiari potest ista sententia, ut quemadmodum dictum est, *Quanquam in imagine ambulat homo, tamen vane conturbatur*; ita dicatur, *Quanquam vane conturbatur homo, tamen in imagine ambulat.* *Quanquam enim magna natura sit, tamen vitiari potuit, quia summa non est :* et quanquam vitiari potuerit, quia summa non est, tamen quia summæ naturæ capax est, et esse particeps potest, magna natura est. Quæramus igitur in hac imagine Dei quamdam sui generis trinitatem, adjuvante ipso qui nos fecit ad imaginem suam. Non enim aliter possumus haec salubriter investigare, et secundum sapientiam quæ ab illo est aliquid invenire : sed ea quæ in superioribus libris, et maxime in decimo, de anima humana vel mente diximus, si lectoris vel memoria teneantur atque recolantur, vel diligentia in eisdem locis in quibus conscripta sunt, recenseantur, non hic desiderabit prolixiorem de rei tantæ inquisitione sermonem.

7. Inter cetera ergo in libro decimo diximus, hominis mentem nosse semetipsam (*Cap. 7*). Nihil enim tam novit mens, quam id quod sibi præsto est : nec menti magis quidquam præsto est, quam ipsa sibi. Et alia, quantum satis visum est, adhibuiimus documenta, quibus hoc certissime probaretur.

CAPUT V. — *Infantium mens an se noverit. Quid itaque dicendum est de infantis mente, ita adhuc par-*

¹ *Mss., cogitantis obtutus.*

¹ *Editi, in imagine Dei. Abest, Deus, a manuscripta.*

vul et in tam magna demorsi rerum ignorantia, ut illius mentis tenebras mens hominis quæ aliquid novit exhorreat? An etiam ipsa se nosse credenda est, sed intenta nimis in eas res quas per corporis sensus tanto majore, quanto noviore cœpit delectatione sentire, non ignorare se potest, sed cogitare se non potest? Quanta porro intentione in ista qua foris sunt sensibilia feratur, vel hinc solum conjici potest, quod lucis hujus hauriendæ sic avida est, ut si quisquam minus cautus aut nesciens quid inde possit accidere, nocturnum lumen posuerit ubi jacot infans, in ea parte ad quam jacentis oculi possint retrorqueri, nec cervix possit inflecti, sic ejus inde non removeatur aspectus, ut nonnullos ex hoc etiam strabones fieri neverimus, eam formam tenentibus oculis, quam teneris et molibus consuetudo quodam modo insixit. Ita et in alias corporis sensus, quantum sinit illa ætas, intentione se quasi coarctant animæ parvolorum, ut quidquid per carnem offendit aut allicit, hoc solum alborrent vehementer aut appetant: sua vero interiora non cogitent, nec possint admoneri ut hoc faciant; quia nondum admonentis signa neverunt, ubi præcipuum locum verba obtinent, quæ sicut alia prorsus nesciunt. Quod autem aliud sit non se nosse, aliud non se cogitare, jam in eodem volumine ostendimus (*Lib. 10, cap. 5.*)

8. Sed hanc artatem omittamus, quæ nec interrogari potest quid in se agatur, et nos ipsi ejus valde oblii sumus. Hinc tantum certos nos esse susfecerit, quod cum homo de animi sui natura cogitare potuerit, atque invenire quod verum est, alibi non inveniet, quam penes se ipsum. Inveniet autem, non quod nesciebat, sed unde non cogitabat. Quid enim scimus, si quod est in nostra mente nescimus; cum omnia quæ scimus, non nisi mente sciro possimus?

CAPUT VI. — *In mente se ipsam cogitante trinitas quædam quomodo existat. Quid in hac trinitate præstet cogitatio.* Tanta est tamen cognitionis vis, ut nec ipsa mens quodam modo se in conspectu suo ponat, nisi quando se cogitat: ae per hoc ita nihil in conspectu mentis est, nisi unde cogitatur, ut nec ipsa mens, qua cogitatur quidquid cogitatur, aliter possit esse in conspectu suo, nisi se ipsam cogitando. Quomodo autem, quando se non cogitat, in conspectu suo non sit, cum sine se ipsa nunquam esse possit, quasi aliud sit ipsa, aliud conspectus ejus, invenire non possum. Illoc quippe de oculo corporis non absurde dicitur: ipse quippe oculus loco suo fixus est in corpore, aspectus autem ejus in ea quæ extra sunt tenditur, et usque in sidera extenditur. Nec est oculus in conspectu suo; quandoquidem non conspicit se ipsum, nisi speculo objectio, unde jam locuti sumus (*Lib. 10, cap. 3.*): quod non sit utique quando se mens in suo conspectu sui cogitatione constituit. Numquid ergo alia sua parte aliam partem suam videt, cum se conspicit cogitando, sicut aliis membris nostris, qui sunt oculi, alia membra nostra conspicimus, quæ in nostro possunt esse conspectu? Quid dici absurdius vel sentiri potest? Unde igitur auferitur mens, nisi a se ipsa? et ubi po-

nit in conspectu suo, nisi ante se ipsam? Non ergo ibi erit ubi erat, quando in conspectu suo non erat, quia hic posita, inde sublata est. Sed si conspicienda nigravit¹, conspectua ubi manebit? An quasi gemina natura, ut et illuc sit et hic, id est, et ubi conspicere, et ubi conspicere possit; ut in se sit conspiciens, ante se conspicua? Nihil horum nobis veritas consulta respondet: quoniam quando isto modo cogitamus, non nisi corporum fictas imagines cogitamus, quod mentem non esse paucis certissimum est mentibus, a quibus potest de hac re veritas consulvi. Proinde res autem aliquid pertinens ad ejus naturam sit conspectus ejus, et in eam, quando se cogitat, non quasi per locum statim, sed incorporea conversione revocetur: cum vero non se cogitat, non sit quidem in conspectu suo, nec de illa sive formetur obtutus, sed tamen neverit se tanquam ipsa sit sibi memoria sui. Sicut multarum disciplinarum peritus ea quæ novit, ejus memoria continentur, nec est inde aliquid in conspectu mentis ejus, nisi unde cogitat; cætera in arcana quadam notitia sunt recondita, quæ memoria nuncupatur. Ideo trinitatem sic commendabamus, ut illud unde formatur cogitantis obtutus, in memoria poneremus; ipsam vero conformatiōnem, tanquam imaginem quæ inde imprimitur; et illud quo utrumque conjungitur, amorem seu voluntatem. Mens igitur quando cogitatione se conspicit, intelligit se et recognoscit: gignit ergo hunc intellectum et cognitionem suam. Res quippe incorporea intellecta conspicitur, et intelligendo cognoscitur. Nec ita sane gignit istam notitiam suam mens, quando cogitando intellectam se conspicit, tanquam sibi ante incognita fuerit: sed ita sibi nota erat, quemadmodum notæ sunt res quæ memoria continentur, etiamsi non cogitentur: quoniam dicimus hominem nosse litteras, etiam cum de aliis rebus, non de litteris cogitat. Ille autem duo, gignens et genitum, dilectione tertia copulantur, quæ nihil est aliud quam voluntas fruendum aliquid appetens vel tenens. Ideoque etiam illis tribus nominibus insinuandam mentis putavimus trinitatem, memoria, intelligentia, voluntate.

9. Sed quoniam mentem semper sui meminisse, semperque se ipsam intelligere et amare, quamvis non semper se cogitare discretam ab eis quæ non sunt quod ipsa est, circa ejusdem libri decimi finem diximus: querendum est quoniam modo ad cogitationem pertineat intellectus; notitia vero cujusque rei, quæ inest menti, etiam quando non de ipsa cogitatur, ad solam dicatur memoriam pertinere. Si enim hoc ita est, non habebat haec tria, ut et sui meminisset, et se intelligeret, et amaret: sed meminerat tantum sui, et postea cum cogitare se cœpit, tunc se intellexit atque dilexit.

CAPUT VII. — *Exemplo res declaratur. Quomodo res ad juvandos lectores tractata sit.* Quapropter diligentius illud consideremus exemplum, quod adhibuimus, ubi ostenderetur aliud esse rem quamque non nosse, aliud non cogitare; fierique posse ut neverit

¹ Editi, migrabit. Aptius vero MSS., migrabit.

² Aliud fr. Lugd. Ven. Lov., ut. M.

homo aliquid quod non cogitat, quando aliunde, non inde cogitat. Duarum ergo vel plurium disciplinarum peritus, quando unam cogitat, aliam vel alias etiam si non cogitat, novit tamen. Sed numquid recte possumus dicere, Iste musicus novit quidem musicam, sed nunc eam non intelligit, quia eam non cogitat; intelligit autem nunc geometricam, hanc enim nunc cogitat? Absurda est, quantum apparet, ista sententia. Quid etiam illa, si dicamus, Iste musicus novit quidem musicam, sed nunc eam non amat, quando eam non cogitat; amat autem nunc geometricam¹, quoniam nunc ipsam cogitat: nonne similiter absurdum est? Reciussime vero dicimus, Iste quem perspicis de geometrica disputantem, etiam perfectus est musicus; nam et meminist discipline ejus, et intelligit eam et diligit: sed quanvis eam noverit et amet, nunc illam non cogitat, quoniam geometricam de qua disputat, cogitat. Hinc admonemur esse nobis in abdito mentis quarundam rerum quasdam notitias, et tunc quodam modo procedere in medium, atque in conspectu mentis velut apertis constitui, quando cogitantur: tunc enim se ipsa mens, et meminisse, et intelligere, et amare invenit, etiam unde non cogitabat, quando aliud cogitabat. Sed unde dico non cogitaverimus, et unde cogitare nisi commoniti non valemus, id nos nescio quo eodemque modo, si potest dici, scire nescimus. Denique recte ab eo qui commemorat, ei quem² commemororat dicitur: Scis hoc, sed scire te nescis; commemorabo, et invenies te scientem quod te nescire putaveras. Id agunt et litteræ, quæ de his rebus conscriptæ sunt, quas res duce ratione veras esse invenit lector: non quas veras esse credit ei qui scripsit, sicut legitur historia; sed quas veras esse etiam ipse invenit, sive apud se, sive in ipsa mentis luce veritate. Qui vero nec admittit valet ista contueri, magna cæxitate cordis, tenebris ignorantiae demersus est altius, et mirabiliore divina ope indiget, ut possit ad veram sapientiam pervenire.

10. Propter hoc itaque volui de cogitatione adhibere qualemque documentum, quo posset ostendi quomodo ex iis quæ memoria continentur, recordantis acies informetur, et tale aliquid dignatur ubi homo cogitat, quale in illo erat ubi ante cogitationem-meminerat: quia facilius cognoscitur, quod tempore accedit, et ubi parens prolem spatio temporis antecedit. Nam si nos referamus ad interiorem mentis memoriam qua sui meminimus, et interiorem intelligentiam qua se intelligit, et interiorem voluntatem qua se diligit, ubi haec tria simul semper sunt, et semper simul fuerunt ex quo esse cœperunt, sive cogitarentur, sive non cogitarentur; videbitur quidem imago illius trinitatis et ad solam memoriam pertinere: sed quia ibi verbum esse sine cogitatione non potest (cogitamus enim omne quod dicimus, etiam illo interiore verbo quod ad nullius gentis pertinet linguam), in tribus potius illis imago ista cognoscitur, memoria

scilicet, intelligentia, voluntate. Ille autem nunc dico intelligentiam, qua intelligimus cogitantes, id est, quando eis repertis quæ memorie præsto fuerant, sed non cogitabantur, cogitatio nostra formatur; et eam voluntatem, sive amorem, vel dilectionem, quæ istam prolem parentemque conjungit, et quodammodo utrisque³ communis est. Hinc factum est ut etiam per exteriora sensibilia quæ per oculos carnis videntur, legentium ducerem tarditatem, in undecimo scilicet libro; atque inde cum eis ingredier ad hominis interioris eam potentiam qua ratiocinatur de temporalibus rebus, differens⁴ illam principaliiter dominantem qua contemplatur æternas: atque id duobus voluminibus egi, duodecimo utrumque discernens, quorum unum est superius, alterum inferius, quod superiori subditum esse debet; tertio decimo autem de munere inferioris, quo humanarum rerum scientia salubris continetur, ut in hac temporali vita id agamus quo consequamur æternam, quanta potui veritate ac brevitate disserui: quandoquidem rem tam multiplicem atque copiosam, multorum atque magnorum disputationibus multis magnisque celebratam, uno strictim volumine inclusi, ostendens etiam in ipsa trinitatem, sed nondum quæ Dei sit imago dicenda.

CAPUT VIII. — 11. *Trinitas quæ imago Dei, jam querenda in principali mentis parte.* Nunc vero ad eam jam pervenimus disputationem, ubi principale mentis humana, quo novit Deum vel potest nosse, considerandum suscepimus, ut in eo reperiamus imaginem Dei. Quamvis enim mens humana non sit ejus naturæ cuius est Deus: imago tamen naturæ ejus qua natura melior nulla est, ibi querenda et invenienda est in nobis, quo etiam natura nostra nihil habet melius. Sed prius mens in se ipsa consideranda est antequam sit particeps Dei, et in ea reperienda est imago ejus. Diximus enim eam etsi amissa Dei participatione obsoletam atque deficiem, Dei tamen imaginem permanere (*Supra*, cap. 4). Eo quippe ipso imago ejus est, quo ejus capax est, ejusque particeps esse potest; quod tam magnum bonum, nisi per hoc quod imago ejus est, non potest⁵. Ecce ergo mens meminimus sui, intelligit se, diligit se: hoc si cernimus, cernimus trinitatem; nondum quidem Deum, sed jam imaginem Dei. Non forinsecus accepit memoria quod teneret, nec foris invenit quod aspiceret intellectus, sicut corporis oculus: nec ista duo, velut formam corporis, et eam quæ inde facta est in acie contuentis, voluntas foris junxit: nec imaginem rei quæ foris visa est, quodammodo raptam et in memoria reconditam cogitatio cum ad eam converteretur, invenit, et inde formatus est⁶ recordantis obtutus, jungente utrumque tertia voluntate: sicut in eis ostendebamus trinitatis fieri, quæ in rebus corporalibus reperiabantur, vel ex corporibus per sensum corporis introrsus quodammodo trahebantur; de quibus omnibus in li-

¹ Editi, loco, *geometricam*, habebant, *geometram*.

² I.e. MSS. Editio vero, cui. At vss. *quem*.

³ Editi, *differens*. Castigantur ex MSS.

⁴ Editio, *intelligi non potest*. Abest, *intelligi*, a MSS.

⁵ Plures MSS., inde *informatus est*.

bro undecimo disseruimus (*Capp. 2 et scqq.*): nec sicut siebat vel apparebat, quando de illa scientia disserebamus, jam in hominis interioris operibus constituta, quæ distinguenda fuit a sapientia; unde quæ sciuntur, velut adventitia sunt in animo, sive cognitione historica illata, ut sunt facta et dicta, quæ tempore peraguntur et transeunt, vel in natura rerum suis locis et regionibus constituta sunt, sive in ipso homine quæ non erant oriuntur, aut aliis docentibus aut cogitationibus propriis, sicut fides, quam plurimum in libro tertio decimo commendavimus; sicut virtutes, quibus, si veræ sunt, in hac mortalitate ideo bene vivitur, ut beate in illa quæ divinitus promittitur immortalitate vivatur. Hæc atque hujusmodi habent in tempore ordinem suum, in quo nobis trinitas memorie visionis et amoris facilius apparebat. Nam quadam eorum præveniunt cognitionem discentiam. Sunt enim cognoscibilia, et antequam cognoscantur, suique cognitionem in discentibus gignunt. Sunt autem vel in locis suis, vel quæ tempore præterierunt: quamvis que præterierunt, non ipsa sint, sed eorum quedam signa præteriorum, quibus visis vel auditis cognoscantur suisse atque tranisse. Quæ signa vel in locis sita sunt, sicut monumenta mortuorum, et quæcumque similia: vel in litteris sive dignis, sicut est omnis gravis et approbande auctoritatis historia: vel in animis eorum qui ea jam noverunt; eis quippe jam nota, et aliis utique sunt noscibilia, quorum scientiam prævenerunt, et qui ea nosse, illis quibus nota sunt docentibus, possunt. Quæ omnia, et quando discuntur, quadam faciunt trinitatem, specie sua quæ noscibilis fuit etiam antequam noseeeretur, eique adjuncta cognitione discentis quæ tunc esse incipit quando discitur, ac tertia voluntate quæ utrumque conjungit. Et cum cognita fuerint, alia trinitas, dum recoluntur, fit jam interius in ipso animo, ex iis imaginibus quæ cum discerentur sunt impressæ in memoria, ei informatione cogitationis ad ea converso recordantis aspectu, et ex voluntate quæ tertia duo ista conjungit. Ea vero quæ oriuntur in animo ubi non fuerunt, sicut fides, et cetera hujusmodi, etsi adventitia videntur, cum doctrina inseruntur; non tamen foris posita vel foris peracta sunt, sicut illa quæ creduntur; sed intus omnino in ipso animo esse cœperunt. Fides enim nou est quod creditur, sed qua creditur: et illud creditur, illa conspicitur. Tamen quia esse cœpit in animo, qui jam erat animus antequam in illo ista esse cœpisset, adventitium quiddam videtur, et in præteritis habebitur, quando succedente specie jam esse destiterit: aliamque nunc trinitatem facit per suam præsentiam, retenta, conspecta, dilecta; aliam tunc faciet per quoddam sui vestigium, quod in memoria præteriens deliquerit, sicut jam supra dictum est.

CAPUT IX. — 12. An justitia et ceteræ virtutes desinat in futura vita. Utrum autem tunc etiam virtutes, quibus in hac mortalitate bene vivitur, quia et ipsæ incipiunt esse in animo, qui cum sine illis prius esset, tamen animus erat, desinat esse cum ad-

æterna perduxerint, nonnulla quæstio est. Quibusdam enim visum est desituras: et de tribus quidem, prudenter, fortitudine, temperantia, cum hoc dicitur, non nihil dici videtur; justitia vero immortalis est, et magis tunc perficietur in nobis, quam esse cessabit. De omnibus tamen quatuor magnus auctor eloquentiæ Tullius in Hortensio dialogo disputans: *Si nobis, inquit, cum ex hac vita emigraverimus, in beatorum insulis immortale ævum, ut fabulae ferunt, degere licet, quid opus esset eloquentia, cum judicia nulla fierent; aut ipsis etiam virtutibus?* Nec enim fortitudine egremus, nullo proposito aut labore aut periculo; nec justitia, cum esset nihil quod appeteretur alieni; nec temperantia, quæ regeret eas quæ nullæ essent libidines; nec prudenter quidem egeremus, nullo delectu proposito bonorum et malorum. Una igitur essemus beati cognitione naturæ et scientia, qua sola etiam deorum est vita laudanda. *Ex quo intelligi potest, cæteru necessitatis esse, unum hoc voluntatis.* Ita ille tantus orator, cum philosophiam prædicaret, recolens ea quæ a philosophis acceperat, et præclare ac suaviter explicans, in hac tantum vita, quam videnuis ærumnis et erroribus plenam, omnes quatuor necessarias dixit esse virtutes: nullam vero earum, cum ex hac vita emigraverimus, si licet ibi vivere ubi vivitur beate; sed bonos animos sola beatos esse cognitione et scientia, hoc est contemplatione naturæ qua nihil est melius et amabilius: ea est natura¹, quæ creavit omnes cæteras, instituitque naturas. Cui regenti esse subditum, si justitia est, immortalis est omnino justitia: nec in illa esso beatitudine desinet, sed talis ac tanta erit, ut perfectior et major esse non possit. Fortassis et aliae tres virtutes, prudentia sine ullo jam periculo erroris, fortitudo sine molestia tolerandorum malorum, temperantia sine repugnatione libidinum, erunt in illa felicitate: ut prudentia sit nullum bonus Deo præponere vel æquare; fortitudinis, ei firmissime cohædere; temperantiae, nullo defectu noxio delectari. Nunc autem quod agit justitia in subveniendo miseris, quod prudentia in præcavendis insidiis, quod fortitudo in perferendis molestiis, quod temperantia in coercendis delectationibus pravis, non ibi erit, ubi nihil omnino mali erit. Ac per hoc ista virtutum opera, quæ huic mortali vitæ sunt necessaria, sicut fides ad quam referenda sunt, in præteritis habebuntur: et aliam nunc faciunt trinitatem, cum ea præsentia tenemus, aspiciamus, amamus; aliam tunc facta sunt, cum ea non esse, sed suisse, per quedam eorum vestigia, quæ prætereundo in memoria derelinquent, reperiemus: quia et tunc trinitas erit, cum illud quæcumque vestigium et in memoriter retineatur, et agnosceretur veraciter, et hoc utrumque tertia voluntate jungetur.

CAPUT X. — 13. Quomodo mente sui recordante sequi intelligente ac diligente trinitas fiat. In omnium istarum, quas commemoravimus, temporalium rerum scientia, quedam cognoscibilia cognitionem interpolatione temporis antecedunt; sicut sunt ea sensibilia

¹ Plerique MSS., in qua nihil est melius et amabilius ea natura, quæ creavit, quidam, quia nihil est melius, etc.

quæ jam erant in rebus, antequam cognoscerentur; vel ea omnia quæ per historiam cognoscuntur: quædam vero simul esse incipiunt; velut si aliquid visibile, quod omnino non erat, ante nostros oculos oriantur, cognitionem nostram utique non præcedit; aut si aliquid sonet, ubi adest auditor, simul profecto incipiunt esse, simulque desinunt et sonus et ejus auditus. Verumtamen sive tempore præcedentia, sive simul esse incipientia cognoscibilia cognitionem gignunt, non cognitione gignuntur. Cognitione vero facta, cum ea quæ cognovimus, posita in memoria recordatione revisuntur; quis non videat priorem esse tempore in memoria retentionem, quam in recordatione visionem, et hujus utriusque tertia voluntate junctionem? Porro autem in mente non sic est: neque enim adventitia sibi ipsa est, quasi ad se ipsam quæ jam erat, venerit aliunde eadem ipsa quæ non erat; aut non aliunde venerit, sed in se ipsa quæ jam erat, nata sit ea ipsa quæ non erat¹; sicut in mente quæ jam erat, oritur fides quæ non erat: aut post cognitionem sui recordando se ipsam velut in memoria sua constitutam videt, quasi non ibi fuerit antequam se ipsam cognoscere; cum profecto ex quo esse coepit, nunquam sui meminisse, nunquam se intelligere, nunquam se amare desiterit, sicut jam ostendimus. Ac per hoc quando ad se ipsam cogitatione convertitur, sit trinitas, in qua jam et verbum possit intelligi: formatur quippe ex ipsa cogitatione², voluntate utrumque jungente. Ibi ergo magis agnoscenda est imago quam quærinus.

CAPUT XI. — 14. *An et præsentium sit memoria.*
Sed dicet aliquis: Non est ista memoria, qua mens sui meminisse perhibetur, quæ sibi semper est præsens. Memoria enim præteriorum est, non præsentium: nam quidam cum de virtutibus agerent, in quibus est etiam Tullius, in tria ista prudentiam diviserunt, memoriam, intelligentiam, providentiam: memoriam scilicet præteritis, intelligentiam præsentibus, providentiam rebus tribuentes futuris, quam non habent certam nisi præscii futurorum; quod non est munus hominum, nisi detur desuper, ut Prophetis. Unde Scriptura sapientias de hominibus aiebat³: *Cogitationes, inquit, mortalium timide, et incertæ prævidentiae nostræ* (*Sap. ix, 14*). Memoria vero de præteritis, et intelligentia de præsentibus certa est, sed præsentibus utique incorporalibus⁴ rebus: nam corporales corporalium præsentes sunt aspectibus oculorum. Sed qui dicit memoriam non esse præsentium, attendat quemadmodum dictum sit in ipsis sæcularibus litteris, ubi majoris fuit curæ verborum integritas quam veritas rerum:

Nec talla passus Ulysses,
Oblitusve sui est Ithacus discrimine tanto.
(Æneid. lib. 3, vers. 628, 629.)

¹ Hic editi addunt: *sicut in ipso homine quæ non erant oriantur, aut aliis docentibus, aut cogitationibus propriis, sicut fides, sicut virtutes.* Verba hinc male translata ex capitulo octavo, supra, num. 11, col. 1048, lin. 8-12.

² Sic plerique MSS. Editi vero, *ex ipsa cognito.*

³ Plures MSS., *agens.*

⁴ Am. Er. et plerique MSS., *corporalibus.*

Virgilius enim cum sui non oblitum diceret Ulyssem, quid aliud intelligi voluit, nisi quod meminerit sui? Cum ergo sibi præsens esset, nullo modo sui meminisset, nisi ad res præsentes memoria pertineret. Quapropter sicut in rebus præteritis ea memoria dicuntur, qua sit ut valeant recoli et recordari: sic in re præsenti quod sibi est mens, memoria sine absurditate dicenda est, qua sibi præsto est ut sua cogitatione possit intelligi, et utrumque sui amore¹ conjungi.

CAPUT XII. — 15. *Trinitas in mente eo est imago Dei, quo meminit, intelligit et diligit Deum, quod est sapientia.* Ille igitur trinitas mentis non propriea Dei est imago, quia sui meminit mens, et intelligit ac diligit se: sed quia potest etiam meminisse, et intelligere, et amare a quo facta est. Quod cum facit, sapiens ipsa sit. Si autem non facit, etiam cum sui meminit, seseque intelligit ac diligit, stulta est. Meminerit itaque Dei sui, ad cuius imaginem facta est, eumque intelligat atque diligat. Quod ut brevius dicam, colat Deum non factum, cuius ab eo capax est facta, et cuius particeps esse potest; propter quod scriptum est, *Ecce Dei cultus est sapientia* (*Job xxviii, 28*): et non sua luce, sed summa illius lucis participatione sapiens erit, atque ubi æterna, ibi beata regnabit. Sic enim dicitur ista hominis sapientia, ut etiam Dei sit. Tunc enim vera est: nam si humana est, vana est. Verum non ita Dei qua sapiens est Deus. Neque enim participatione sui sapiens est, sicut mens participatione Dei. Sed quemadmodum dicitur etiam justitia Dei, non solum illa qua ipse justus est, sed quam dat homini cum justificat impium, quam commendans Apostolus ait de quibusdam, *Ignorantes enim Dei justitiam, et suam justitiam volentes constituere, justitiae Dei non sunt subjecti* (*Rom. x, 3*): sic etiam dici potest de quibusdam, Ignorantes Dei sapientiam, et suam volentes constituere, sapientiae Dei non sunt subjecti.

16. Est igitur natura non facta, quæ fecit omnes cæteras magnas parvasque naturas, eis quas fecit sine dubitatione præstantior, ac per hoc hac etiam de qua loquimur, rationali et intellectuali, quæ hominis mens est, ad ejus qui eam fecit imaginem facta. Illa autem cæteris natura præstantior Deus est. Et quidem non longe positus ab unoquoque nostrum, sicut Apostolus dicit; adjungens, *In illo enim vivimus, et morem, et sumus* (*Act. xvii, 27, 28*). Quod si secundum corpus diceret, etiam de isto corporeo mundo posset intelligi. Nam et in illo secundum corpus vivimus, morem, et sumus. Unde secundum mentem quæ facta est ad ejus imaginem, debet hoc accipi, excellentiore quodam, eodemque non visibili, sed intelligibili modo. Nam quid non est in ipso, de quo divine scriptum est, *Quoniam ex ipso, et per ipsum, et in ipso sunt omnia* (*Rom. xi, 36*)? Proinde si in ipso sunt omnia, in quo tandem possunt vivere quæ vivunt, et moveri quæ moventur, nisi in quo sunt? Non tamen omnes cum illo sunt eo modo quo ei dictum

¹ sola fere editio Lov. amor.

est, *Ego semper tecum* (*Psal. LXXII, 25*). Nec ipse cum omnibus eo modo quo dicimus, Dominus vobiscum. Magna itaque hominis miseria est cum illo non esse, sine quo non potest esse. In quo enim est, procul dubio sine illo non est: et tamen si ejus non meminit, eumque non intelligit, nec diligit, cum illo non est. Quod autem quisque penitus obliviscitur, nec commo-neri ejus utique potest.

CAPUT XIII. — 17. *Quomodo Dei obliisci et me-minisse quis possit.* De visibilibus rebus ad hanc rem sumamus exemplum. Dicit tibi quispam quem non recognoscis, Nostri me: et ut componeat, dicit ubi, quando, quomodo tibi innotuerit: omnibusque adhibitis signis quibus in memoriam revoceris, si non recognoscis, ita jam oblitus es, ut omnis illa notitia penitus deleta sit animo; nihilque aliud restat, nisi ut credas ei qui tibi hoc dicit, quod aliquando eum noveras; aut ne hoc quidem, si sive dignus tibi esse qui loquitur non videtur. Si autem reminisceris, profecto redi in memoriam tuam, et in ea invenis quod non fuerat penitus oblivione deletum. Redeamus ad illud propter quod adhibuimus humanæ conversatio-nis exemplum. Inter cætera psalmus nonus: *Conver-tantur, inquit, peccatores in infernum, omnes gentes quæ obliviscuntur Deum* (*Psal. IX, 18*). Porro autem vigesimus primus: *Commemorabuntur, inquit, et con-vertentur ad Dominum universi fines terræ* (*Psal. XXI, 28*). Non igitur sic erant oblite iste gentes Deum, ut ejus nec commemorare recordarentur. Obliviscen-do autem Deum, tanquam obliviscendo vitam suam, conversæ fuerant in mortem, hoc est, in infernum. Commemoratae vero convertentur ad Dominum, tan-quam reviviscentes reminiscendo vitam suam, cuius eas habebat oblio¹. Item legitur in nonagesimo tertio: *Intelligite nunc, qui insipientes estis in populo; et stulti, aliquando sapite. Qui plantavit aurem non au-diet* (*Psal. XCIII, 8, 9*)? et cætera. Eis enim dictum est, qui Deum non intelligendo, de illo vana dixerunt.

CAPUT XIV. — 18. *Mens se recte diligendo diligit Deum, quem si non diligit, se ipsam odisse dicenda est.* Mens etiam infirma et errans pollet semper memoria et intellectu et amore sui. Ad Deum convertatur, ut ipsius recordando, eumque intelligendo et diligendo beata sit. De dilectione autem Dei plura reperiuntur in divinis eloquiis testimonia. Ibi enim et illa duo consequenter intelliguntur, quia nemo diligit cuius non meminit, et quod penitus nescit. Unde illud est notissimum præceptumque præceptum: *Diliges Dominum Deum tuum* (*Deut. VI, 5*). Sic itaque condita est mens humana, ut nunquam sui non meminerit, nunquam se non intelligat, nunquam se non diligit. Sed quoniam qui odit aliquem, nocere illi studet; non iuverito et mens hominis, quando sibi nocet, odiſſe se dicitur. Nesciens enim sibi vult male, dum non putat sibi obesse quod vult: sed tamen male sibi vult, quando id vult quod obsit sibi, unde illud scriptum est, Qui

¹ Post, cuius eas habebat oblio, in excusis additum erat, id est, cuius oblio fuerant.

diligit iniquitatem, odit animam suam (*Psal. X, 6*). Qui ergo se diligere novit, Deum diligit: qui vero non diligit Deum, etiam si se diligit, quod ei naturaliter inditum est, tamen non inconvenienter odiſſe se di-citur, cum id agit quod sibi adversatur, et se ipsum tanquam suus inimicus insequitur. Qui profecto est error horrendus, ut cum sibi omnes prodesse velint, multi non faciant nisi quod eis perniciosissimum sit. Similem morbum mutorum animalium cum poeta de-scriberet:

¶ (Inquit) meliora piis, erroremque hostibus illum!
Discisos nudis laniabant dentibus artus.
(*Virgil. Georg. lib. 3, vers. 513, 514.*)

Cum morbus ille corporis fuerit, cur dixit errorem, nisi quia omne animal cum sibi natura conciliatum sit ut se custodiat quantum potest, talis ille erat mor-bus, ut ea quorum salutem appetebant, sua membra laniarent? Cum autem Deum diligit mens, et sicut dictum est, consequenter ejus meminit, eumque intel-ligit, recte illi de proximo suo præcipitur, ut eum sicut se diligit. Jam enim se non diligit perverse, sed recte, cum Deum diligit, cuius participatione imago illa non solum est, verum etiam ex vetustate reno-vatur, ex deformitate reformatur, ex infelicitate beatificatur. Quamvis enim se ita diligit, ut si alter-utrum proponatur, malit omnia quæ infra se diligit perdere, quam perire: tameu superiorē deserendo, ad quem solum posset custodire fortitudinem suam, coquē frui lumine suo, cui canitur in Psalmo, *Forti-tudinem meam ad te custodiam* (*Psal. LVIII, 10*); et in alio, *Accedite ad eum, et illuminamini* (*Psal. XXXIII, 6*); sic infirma et tenebrosa facta est, ut a se quoque ipsa, in ea quæ non sunt quod ipsa, et quibus superior est ipsa, infelicius laberetur per amores quos non valet vincere, et errores a quibus non videt qua redire. Unde jam Deo miserante pœnitens clamat in Psalmis: *Deseruit me fortitudo mea, et lumen oculorum meorum non est mecum* (*Psal. XXXVII, 11*).

19. Non tamen in his tantis infirmitatis et erroris malis amittere potuit naturalem memoriam, intel-lectum, et amorem sui: propter quod merito dici potuit quod supra commemoravi (*Cap. 4*), *Quanquam in imagine ambulat homo, tamen vane conturbatur. Thesaurizat, et nescit cui congregabit ea* (*Psal. XXXVIII, 7*). Cur enim thesaurizat, nisi quia fortitudo ejus deseruit eum, per quam Deum habens, rei nullius indigeret? Et cur nescit cui congregabit ea, nisi quia lumen oculorum ejus non est cum eo? Et ideo non videt quod Veritas ait: *Stulte, hac nocte animam tuam repetunt abs te; haec quæ præparasti cuius erunt* (*Luc. XII, 20*)? Verumtamen, quia etiam talis in imagine ambulat homo, et habet memoriam, et intellectum, et amorem sui, hominis mens: si ei manifestaretur quod utrumque habere non posset, et unum e duobus permitteretur eligere, alterum perditurus, aut the-sauros quos congregavit, aut mentem; quis usque adeo non habet mentem, ut thesauros mallet habere quam mentem? Thesauri enim mentem possunt ple-rumque subverttere: at mens quæ non thesauri

subvertitur sine ullis thesauris facilius et expeditius potest vivere. Quis vero ullus thesauros, nisi per mentem poterit possidere? Si enim puer insans, quamvis ditissimus natus, cum sit dominus omnium que jure sunt ejus, nihil possidet mente sopita; quoniam tandem modo quisquam quidquam mente possidet amissa? Sed de thesauris quid loquor, quod eis quilibet hominum, si talis optio proponatur, mavult carere quam mente; cum eos nemio preponat, nemo comparet luminibus corporis, quibus non ut aurum rarus quisque homo, sed omnis homo possidet coelum: per lumina enim corporis quisque possidet quidquid libenter videt? Quis ergo si tenere utrumque non possit, et alterutrum cogatur amittere, non thesauros quam oculos malit? Et tamen si ab eo simili conditione queratur, utrum oculos malit amittere, an mentem; quis mente non videat, eum oculos malle quam mentem? Meus quippe sine oculis carnis humana est, oculi autem carnis sine mente belluini sunt. Quis porro non hominem se malit esse etiam carne carcum, quam belluam videntem?

20. Haec dixi, ut etiam tardiores, quamvis breviter, commonerentur a me, in quorum oculos vel aures haec litterae venerint, quantum mens diligit se ipsam etiam infirma et errans, male diligendo atque sectando que sunt infra ipsam. Diligere porro se ipsam non posset, si se omnino nesciret, id est, si sui non meminisset; nec se intelligeret: qua in se imagine Dei tam potens est, ut ei cuius imago est valeat inharrere. Sic enim ordinata est naturarum ordine, non locorum, ut supra illam non sit nisi ille. Denique cum illi penitus adhaeserit, unus erit spiritus: cui rei attestatur Apostolus, dicens, *Qui autem adhaeret Domino, unus spiritus est* (*I Cor. vi, 17*): accidente quidem ista ad participationem naturae, veritatis, et beatitudinis illius, non tamen crescente illo in natura, veritate et beatitudine sua. In illa itaque natura, cum feliciter adhaeserit, immutabiliter vivet¹, et immutable videbit omne quod viderit. Tunc, sicut ei divina Scriptura promittit, satiabitur in bonis desideriis ejus (*Psal. cx, 5*), bonis immutabilibus, ipsa Trinitate Deo suo cuius imago est: et ne uspiam deinceps violetur, erit in abscondito vultus ejus (*Psal. xxv, 21*), tanta ubertate ejus impleta, ut eam nunquam peccare delectet. Se ipsam vero nunc quando videt, non aliquid immutabile videt.

CAPUT XV. — 21. *Anima tametsi beatitudinem operet, non tamen reminiscitur beatitudinis amissas, sed Dei reminiscitur et regularum justitiae. Regulae immutabiles bene vicendi, etiam impiis notae.* Quod ideo certe non dubitat, quoniam misera est, et heata esse desiderat: nec ob aliud fieri sperat hoc posse, nisi quia est mutabilis. Nam si mutabilis non esset, sicut ex beata² misera, sic ex misera beata esse non posset. Et quid eam fecisset miseram sub omnipotente et bono Domino, nisi peccatum sum et justitia Domini sui? Et quid eam faciet beatam, nisi meritum suum

et premium Domini sui? Sed et meritum ejus gratia est illius, cuius premium erit beatitudo ejus. Justitiam quippe dare sibi non potest quam perditam non habet. Hanc enim, cum homo conderetur, accepit; et peccando utique perdidit. Accipit ergo justitiam, propter quam beatitudinem accipere mereatur. Unde veraciter ei dicitur ab Apostolo, quasi de suo bono superbiore incipienti: *Quid enim habes quod non acceperisti?* *Si autem acceperisti, quid gloriaris quasi non acceperis* (*I Cor. iv, 7*) Quando autem bene recordatur Domini sui, Spiritu ejus accepto, sentit omnino, quia hoc discit intimo magisterio, nonnisi ejus gratuito affectu posse se surgere, nonnisi suo voluntario defectu cadere potuisse. Non sane reminiscitur beatitudinis sue: fuit quippe illa et non est, ejusque ista penitus oblita est; ideoque nec commemorari potest. Credit autem de illa fide dignis Litteris Dei sui, per ejus prophetam conscriptis, narrantibus de felicitate paradisi, atque illud primum et bonum hominis et malum historica traditione indicantibus. Domini autem Dei sui reminiscitur. Ille quippe semper est, nec fuit et non est, nec est et non fuit: sed sicut nunquam non erit, ita nunquam non erat. Et ubique totus est: propter quod ista in illo et vivit, et movetur, et est (*Act. xvii, 28*): et ideo reminisci ejus potest. Non quia hoc recordatur, quod eum noverat in Adam, aut alibi alieni ante hujus corporis vitam, aut cum primum facta est ut insereretur huic corpori: nihil enim horum omnino reminiscitur; quidquid horum est, oblivione deletum est. Sed commemoratur, ut convertatur ad Dominum, tanquam ad eam lucem qua etiam cum ab illo averteretur quodam modo tangebatur. Nam hinc est quod etiam impii cogitant eternitatem, et multa recte reprehendunt recteque laudent in hominum moribus. Quibus ea tandem regulis judicant, nisi in quibus vident quemadmodum quisque vivere debeat, etiamsi nec ipsi eodem modo vivant? Ubi eas vident? Neque enim in sua natura, cum procul dubio mente ista videantur, eorumque mentes constet esse mutabiles, has vero regulas immutabiles videat, quisquis in eis et hoc videre potuerit; nec in habitu sue mentis, cum illae regulae sint justitiae, mentes vero corum constet esse injustas. Ubinam sunt istae regulae scriptae, ubi quid sit justum et injustus agnoscit, ubi cernit habendum esse quod ipse non habet? Ubi ergo scriptae sunt, nisi in libro lucis illius que veritas dicitur? unde omnis lex justa describitur, et in cor hominis qui operatur justitiam, non migrando, sed tanquam imprimento transfertur; sicut imago ex annulo et in ceram transit, et annulum non relinquit. Qui vero non operatur, et tamen videt quid operandum sit, ipse est qui ab illa luce avertitur, a qua tamen tangitur. Qui autem nec videt quemadmodum sit vivendum, excusabilios quidem peccat, quia non est transgressor cognitorum legis: sed etiam ipse splendore aliquoties ubique presentis veritatis attingitur, quando admonitus confitetur.

CAPUT XVI. — 22. *Imago Dei quomodo reformatur*

¹ Sic An. Er. et Iulures MSS. At Lov., *incognita*.

¹ MSS. omittunt, *immutabilitate vivit*.

² In editis, *ex beata vita*. Abest, *vita*, a manu scriptis.

in homine. Qui vero commemorati converuntur ad Dominum ab ea deformatitate, qua per cupiditates sacerdotiales conformabantur huic seculo, reformatur ex illo, audientes Apostolum dicentem, *Nolite conformari huic saeculo, sed reformamini in novitate mentis vestrae* (*Rom. xii, 2*): ut incipiat illa imago ab illo reformati, a quo formata est. Non enim reformatre se ipsam potest, sicut potuit deformare. Dicit etiam alibi: *Renovamini spiritu mentis vestrae, et induite novum hominem, eum qui secundum Deum creatus est in justitia et sanctitate veritatis* (*Ephes. iv, 23, 24*). Quid ait, *secundum Deum creatum*; hoc alio loco dicitur, *ad imaginem Dei* (*Gen. i, 27*). Sed peccando, justitiam et sanctitatem veritatis amisit; propter quod haec imago deformis et decolor facta est: hanc recipit, cum reformatur et renovatur. Quod autem ait, *spiritu mentis vestrae*; non ibi duas res intelligi voluit, quasi aliud sit mens, aliud spiritus mentis: sed quia omnis mens spiritus est, non autem omnis spiritus mens est. Est enim Spiritus et Deus (*Joan. iv, 24*), qui renovari non potest, quia nec veterescere potest. Dicitur etiam spiritus in homine, qui mens non sit, ad quem pertinent imaginationes similes corporum: de quo dicit ad Corinthios, ubi dicit, *Si autem oraveris lingua, spiritus meus orat, mens autem mea instructuosa est* (*1 Cor. xiv, 14*). Hoc enim ait, quando id quod dicitur, non intelligitur: quia nec dici potest, nisi corporalium vocum imagines sonum oris spiritus cogitatione praeveniant. Dicitur et hominis anima spiritus: unde est in Evangelio, *Et inclinato capite tradidit spiritum* (*Joan. xix, 30*); quo significata est mors corporis, anima exente¹. Dicitur spiritus etiam pecoris, quod in Ecclesiaste libro Salomonis apertissime scriptum est, ubi ait: *Quis scit spiritus filiorum hominum si ascendet ipse sursum, et spiritus pecoris si descendet ipse deorsum in terram* (*Eccle. iii, 21*)? Scriptum est etiam in Genesi, ubi dicit diluvio mortuam universam carnem, quae habebat in se spiritum vitæ (*Gen. vii, 22*). Dicitur spiritus etiam ventus, res apertissime corporalis: unde illud in Psalmis, *Ignis, grando, nix, glacies, spiritus tempestatis* (*Psal. cxlviii, 8*). Quia ergo tot modis dicitur spiritus, spiritum mentis dicere voluit eum spiritum, quae mens vocatur. Sicut ait etiam idem apostolus, *In expoliatione corporis carnis* (*Coloss. ii, 11*). Non duas utique res intelligi voluit, quasi aliud sit caro, aliud corpus carnis: sed quia corpus multarum rerum nomen est quarum nulla caro est (nam multa sunt excepta carne corpora cœlestia, et corpora terrestria), corpus carnis dixit, corpus quae caro est. Sic itaque spiritum mentis eum spiritum quae mens est. Alihi quoque apertius etiam imaginem nominavit, scilicet alias verbis id ipsum præcipiens: *Exsoliantes vos, inquit, veterem hominem cum actibus ejus, induite novum hominem, qui renovatur in agnitione Dei secundum imaginem ejus qui creavit eum* (*Id.*

¹ Editi, in spiritus cogitatione. Abest, in, a manuscrips.

² Editi rursus post, animi exente, ad lebat, de corpore.

iii, 9, 10). Quod ergo ibi legitur, *Induite novum hominem qui secundum Deum creatus est*; hoc isto loco, *Induite novum hominem, qui renovatur secundum imaginem ejus qui creavit eum*. Ibi autem ait, *secundum Deum*; hic vero, *secundum imaginem ejus qui creavit eum*. Pro eo vero quod ibi posuit, *in justitia et sanctitate veritatis*; hoc posuit hic, *in agnitione Dei*. Fit ergo ista renovatio reformatioque mentis secundum Deum, vel secundum imaginem Dei. Sed ideo dicitur *secundum Deum*, ne secundum aliam creaturam fieri putetur; ideo autem, *secundum imaginem Dei*, ut in ea re intelligatur fieri haec renovatio, ubi est imago Dei, id est in mente. Quemadmodum dicimus, secundum corpus mortuum, non secundum spiritum, eum qui de corpore fidelis et justus abscedit. Quid enim dicimus secundum corporis mortuum, nisi corpore vel in corpore, non anima vel in anima mortuum? Aut si dicamus, Secundum corpus est pulcher; aut, Secundum corpus fortis, non secundum animum: quid est aliud, quam, Corpore, non animo pulcher aut fortis est? Et innumerabiliter ita loquimur. Non itaque sic intelligamus, *secundum imaginem ejus qui creavit eum*, quasi alia sit imago secundum quam renovatur, non ipsa quæ renovatur.

CAPUT XVII. — 23. *Imago Dei in mente quomodo renovetur, donec perfecta sit in ea similitudo Dei in beatitudine.* Sane ista renovatio non momento uno sit ipsis conversionis, sicut momento uno sit illa in Baptismo renovatio remissione omnium peccatorum: neque enim vel unum quantulumcumque remanet quod non remittatur. Sed quemadmodum aliud est carere febribus, aliud ab infirmitate, quæ febribus facta est, revalescere; itemque aliud est infixum telum de corpore demere, aliud vulnus quod co factum est secunda curatione sanare: ita prima curatio est causam removere languoris, quod per omnium fit indulgentiam peccatorum; secunda ipsum sanare languorem, quod fit paulatim proficiendo in renovatione hujus imaginis: quæ duo demonstrantur in Psalmo, ubi legitur, *Qui propitius fit omnibus iniquitatibus tuis*; quod fit in Baptismo: deinde sequitur, *Qui sanat omnes languores tuos* (*Psal. cii, 3*); quod fit quotidianis accessibus, cum haec imago renovatur. De qua re Apostolus apertissime locutus est, dicens: *Et si exterior homo noster corruptitur, sed interior renovatur de die in diem* (*2 Cor. iv, 16*). Renovatur autem *in agnitione Dei*, hoc est, *in justitia et sanctitate veritatis*; sicut sese habent apostolica testimonia quæ paulo ante commemoravi. In agnitione igitur Dei, justitiaque et sanctitate veritatis, qui de die in diem proficiendo renovatur, transfert amorem a temporibus ad æterna, a visibilibus ad intelligibilia, a carnalibus ad spiritualia; atque ab istis cupiditatem frenare atque minuere, illisque se charitate alligare diligenter insistit. Tantum autem facit, quantum dicitur adjuvatur. Dei quippe sententia est: *Sine me nihil potestis facere* (*Joan. xv, 5*). In quo profectu et accessu tenentem Mediatoris fidem cum diis vita hujus ultimus quemque congererit, perdendum ad

Deum quem coluit, et ab eo perficiendus excipietur ab Angelis sanctis, incorruptibile corpus in fine saeculi non ad penam, sed ad gloriam recepturus. In hac quippe imagine tunc perfecta erit Dei similitudo, quando Dei perfecta erit visio. De qua dicit apostolus Paulus : *Videmus nunc per speculum in ænigmate, tunc autem facie ad faciem* (I Cor. XIII, 12). Item dicit, *Nos autem revelata facie gloriam Domini speculantes, in eamdem imaginem transformamur de gloria in gloriam, tanquam a Domini spiritu* (II Cor. III, 18) : hoc est quod fit de die in diem bene proficiens.

CAPUT XVIII. — 24. *Sententia Joannis an intelligenda de futura nostra similitudine cum Filio Dei ipsa etiam immortalitate corporis.* Apostolus autem Joannes : *Dilectissimi, inquit, nunc filii Dei sumus, et nondum apparuit, quid erimus : scimus autem quia cum apparuerit, similes ei erimus, quoniam videbimus eum sicuti est* (I Joan. III, 2). Hinc appetet tunc in ista imagine Dei fieri ejus plenam similitudinem, quando ejus plenam perceperit visionem. Quanquam possit hoc a Joanne apostolo etiam de immortalitate corporis dictum videri. Et in hac quippe similes erimus Deo, sed tantummodo Filio, quia solus in Trinitate corpus accepit, in quo mortuus resurrexit, atque id ad superna pervexit. Nam dicitur etiam ista imago Filii Dei, in qua sicut ille immortale corpus habebimus, conforines facti in hac parte, non Patris imaginis aut Spiritus sancti, sed tantummodo Filii, quia de hoc solo legitur, et fide sanissima¹ accipitur, *Verbum caro factum est* (Joan. I, 14). Propter quod Apostolus : *Quos ante, inquit, præscivit et prædestinavit conformes fieri imaginis Filii sui, ut sit ipse primogenitus in multis fratribus* (Rom. VIII, 29). *Primo-genitus utique a mortuis secundum eundem apostolum* (Coloss. I, 18), qua morte seminata est caro ejus in contumelia, resurrexit in gloria. Secundum hanc imaginem Filii, cui per immortalitatem conformamur in corpore, etiam illud agimus quod dicit idem apostolus, *Sicut portavimus imaginem terreni, portemus et imaginem ejus qui de cœlo est* (I Cor. XV, 43, 49) : ut scilicet qui secundum Adam mortales fuimus, secundum Christum immortales nos futuros, fide vera et spe certa firmaque teneamus. Sic enim nunc eamdem imaginem portare possumus, nondum in visione, sed in fide; nondum in re, sed in spe. De corporis quippe resurrectione tunc loquebatur Apostolus, cum haec diceret.

CAPUT XIX. — 25. *Joannes potius intelligendus de perfecta nostra similitudine cum Trinitate in vita æterna. Sapientia perfecta in beatitudine.* At vero illa imago, de qua dictum est, *Faciamus hominem ad imaginem et similitudinem nostram* (Gen. I, 26); quia non dictum est, *Ad meam, vel, Ad tuam : ad imaginem Trinitatis factum hominem credimus, et quanta potuimus investigatione comprehendimus.* Et ideo secundum hanc potius et illud intelligendum est quod ait apostolus Joannes, *Similes ei erimus, quoniam videbimus eum sicuti est* : quia et de illo dixit, de quo dixerat

¹ Sic Am. et MSS. At Fr. et Lov., sanctissima.

Filiu Dei sumus (I Joan. III, 2). Et immortalitas carnis illa perficietur momento resurrectionis, de quo ait apostolus Paulus, *In ictu oculi, in norissima tuba, et mortui resurgent incorrupti ; et nos immutabimur* (I Cor. XV, 52). In ipso namque ictu oculi ante judicium resurget in virtute, in incorruptione, in gloria corpus spirituale, quod nunc seminatur in infirmitate, corruptione, contumelia corpus animalis. Imago vero que renovatur in spiritu mentis in agnitione Dei, non exterior, sed interior de die in diem, ipsa perficietur visione, que tunc erit post judicium facie ad faciem, nunc autem proficit per speculum in ænigmate (Id. XIII, 12). Propter cuius perfectionem dictum intelligendum est, *Similes ei erimus, quoniam videbimus eum sicuti est.* Hoc enim donum² tunc nobis dabitur, cum dictum fuerit, *Venite, benedicti Patris mei, possidete paratum vobis regnum* (Math. XXV, 34). Tunc quippe tolletur impius, ut non videat claritatem Domini (Isai. XXVI, 10), quando ibunt sinistri in supplicium æternum, euntibus dextris in vitam æternam (Math. XXV, 46). *Hæc est autem, sicut ait Veritas, vita æterna, ut cognoscant te*, inquit, *unum verum Deum, et quem misisti Jesum Christum* (Joan. XVII, 3).

26. Hanc contemplativam sapientiam, quam proprie puto in Litteris sanctis a scientia distinctam sapientiam nuncupari, duntaxat hominis, que quidem illi non est, nisi ab illo cuius participatione vere sapiens fieri mens rationalis et intellectualis potest, Cicero commendans in fine dialogi Hortensi : *Quæ nobis, inquit, dies noctesque considerantibus, acutibusque intelligentiam, quæ est mentis acies, carentibusque ne quando illa hebescat, id est, in philosophia viventibus magna spes est, aut si hoc quod sentimus et sapimus mortale et caducum est, jucundum nobis perfunctis muneribus humanis occasum, neque molestam extictionem, et quasi quietem vitæ fore : aut si, ut antiquis philosophis hisque maximis longeque clarissimis placuit, æternos animos ac divinos habemus, sic existimandum est, quo magis hi fuerint semper in suo cursu, id est, in ratione et investigandi cupiditate, et quo minus se admiscuerint atque implicuerint hominum vitis et erroribus, hoc his facultatem ascensum et redditum in cælum fore.* Deinde addens hanc ipsam clausulam, repetendoque sermonem finiens³ : *Quapropter, inquit, ut atiquando terminetur oratio, si aut extingui tranquille volumus, cum in his artibus vixerimus, aut si ex hac in aliâ hand paulo meliorem domum sine mora demigra-re, in his studiis nobis omnis opera et cura ponenda est.* Hic miror hominem tanti ingenii, perfunctis muneribus humanis, hominibus in philosophia viventibus, quæ contemplatione veritatis beatos facit, jucundum promittere occasum, si hoc quod sentimus et sapimus mortale et caducum est : quasi hoc moriatur et intercidat quod non diligebamus, vel potius quod atrociter oderamus, ut jucundus nobis sit ejus occasus. Verum hoc non didicerat a philosophis, quos magnis laudibus prædicat ; sed ex illa nova Academia, ubi ei dubitare

¹ Nonnulli MSS., bonum.

² MSS., repetendo, sermonemque finiens.

etiam de rebus manifestissimis placuit, ista sententia redolebat. A philosophis autem, sicut ipse confitetur, *maximis longeque clarissimis*, aeternos animos esse acceperat. *Aeterni* quippe animi non inconvenienter hac exhortatione excitantur, ut in suo cursu reperiantur, cum venerit vita hujus extremum, id est, in ratione et investigandi cupiditate, minusque se admisceant

atque implicant hominum vitiis et erroribus, ut eis facilius sit regressus ad Deum. Sed iste cursus qui constituitur in amore atque investigatione veritatis, non sufficit miseris, id est, omnibus cum ista sola ratione mortalibus sine fide Mediatoris: quod in libris superioribus hujus operis, maxime in quarto et tertio decimo, quantum potui, demonstrare curavi.

LIBER QUINTUS DECIMUS.

Principio, quid in singulis quatuordecim superioribus libris dictum sit, exponit breviter ac summatim, eoque demura pervenisse disputationem docet, ut Trinitas quae Deus est, jam in ipsis rebus aeternis, incorporalibus et immutabilibus, in quarum perfecta contemplatione nobis beata vita promittitur, inquiratur. Haec vero Trinitatem ostendit hic videri a nobis tanquam per speculum et in anigmate, dum videatur per imaginem Dei, quod nos sumus, ut in similitudine obscura et ad perspicuum difficile. Sic et ex verbo mentis nostrae Verbi divini generationem, nonnisi difficulter, propter eam quae inter utrumque verbum interesse observatur disparitas quam maxima; et ex dilectione quae a voluntate adjungitur, Spiritus sancti processionem conjici utcumque et explicari posse demonstrat.



CAPUT PRIMUM. — 1. *Supra mentem Deus.* Volutentes in rebus quae factae sunt ad cognoscendum eum a quo factae sunt, exercere lectorem, jam pervenimus ad ejus imaginem, quod est homo, in eo quo ceteris animalibus antecellit, id est ratione vel intelligentia, et quidquid aliud de anima rationali vel intellectuali dici potest, quod pertineat ad eam rem quae mens vocatur vel animus. Quo nomine nonnulli auctores linguae latinae, id quod excellit in homine, et non est in pecore, ab anima quae inest et pecori, suo quodam loquendi more distinguunt. Supra hanc ergo naturam, si querimus aliquid, et verum querimus, Deus est, natura scilicet non creata, sed creatrix. Quae utrum sit Trinitas, non solum credentibus, divinis Scripturæ auctoritate; verum etiam intelligentibus, aliqua, si possumus, ratione jam demonstrare debemus. Cur autem, Si possumus dixerim, res ipsa cum quereri disputando coepit, melius indicabit.

CAPUT II. — 2. *Deus incomprehensibilis semper querendus. Trinitatis vestigia non frustra quæsita in creatura.* Deus quippe ipse quem querimus adjuvabit, ut spero, ne sit infructuosus labor noster, et intelligentius quemadmodum dictum sit in Psalmo sacro: *Lætetur cor querentium Dominum: querite Dominum, et confirmamini; querite faciem ejus semper* (Psal. civ, 3, 4). Videtur enim, quod semper queritur, nunquam inveniri: et quomodo jam letabitur, et non potius contristabitur cor querentium, si non potuerint invenire quod querunt? Non enim ait, *Lætetur cor inventantium; sed, querentium Dominum.* Et tamen Dominum Deum inveniri posse dum queritur, testatur Isaías propheta, dum dicit: *Querite Dominum, et mox ut inveneritis, invoke eum: et cum appropinquaverit vobis, derelinquat impius vias suas, et vir iniquus cogitationes suas* (Isai. lv, 6, 7). Si ergo quæsitus inveniri potest, cur dictum est, *Querite faciem ejus semper?* An et inventus forte querendus est? Sic enim sunt incomprehensibilia requirenda, ne se existimet nihil invenisse, qui quam sit incomprehensibile quod quererat, potuerit invenire. Cur ergo sic querit, si incomprehensibile comprehendit esse quod querit, nisi quia cessandum non est, quamdiu in ipsa incompre-

hensibilium rerum inquisitione proficitur, et melior meliorque fit querens tam magnum bonum, quod et inveniendum queritur, et querendum invenitur? Nam et queritur ut inveniatur dulcius, et invenitur ut queratur avidius. Secundum hoc accipi potest, quod dictum est in libro Ecclesiastico dicere sapientiam: *Qui me manducant, adhuc esurient; et qui bibunt me, adhuc sient* (Eccl. xxiv, 29). Manducant enim et bibunt, quia inveniunt; et quia esurunt ac sitiunt, adhuc querunt. Fides querit, intellectus invenit: propter quod ait propheta, *Nisi credideritis, non intelligetis* (Isai. vii, 9). Et rursus intellectus eum quem invenit adhuc querit: *Deus enim respexit super filios hominum*, sicut in Psalmo sacro canitur, *ut videret si est intelligens, aut requirens Deum* (Psal. xiii, 2). Ad hoc ergo debet homo esse intelligens, ut requirat Deum.

5. Satis itaque remorati fuerimus¹ in iis que Deus fecit, ut per ea cognosceretur ipse qui fecit: *Invisibilia enim ejus, a creatura mundi, per ea quæ facta sunt, intellecta conspiciuntur* (Rom. i, 20). Unde arguuntur in libro Sapientie, qui de iis quæ videntur bona, non potuerunt scire eum qui est, neque operibus attendentes agnoverunt artificem; sed aut ignem, aut spiritum, aut citatum aerem, aut gyrum stellarum, aut violentiam aquarum, aut luminaria cœli, rectores orbis terrarum deos putaverunt: quorum quidem si specie delectati haec deos putaverunt, sciant quanto Dominator eorum melior est. Species enim generator ea creavit. Aut si virtutem et operationem eorum mirati sunt, intelligent ab his quanto qui haec constituit fortior est. A magnitudine enim speciei et creaturaræ cognoscibili poterat horum Creator videri (Sap. xiii, 1-5). Haec de libro Sapientie propterea posui, ne me fidelium quispiam frusta et inaniter existimet in creatura prius per quasdam suæ generis trinitates quodam modo gradatim, donec ad mentem hominis pervenirem, quæsisse indicia summae illius Trinitatis, quam querimus cum Deum quærimus.

CAPUT III. — 4. *Omnium superiorum librorum bre-*

¹ Iua MSS. Editi vero, rememorati fuimus.

tiarum. Sed quoniam disserendi et ratiocinandi necessitas per quatuordecim libros multa nos dicere compulit, quæ cuncta simul aspicere non valimus, ut ad id quod apprehendere volumus, ea celeri cogitatione referamus; faciam quantum Domino adjuvante, potuero, ut quidquid in singulis voluminibus ad cognitionem disputatione perduxi, remota disputatione breviter congeram, et tanquam sub uno mentis aspetto, non quemadmodum res quæque persinasit, sed ipsa quæ persuasa suu ponam: ne tam longe sint a precedentibus consequentia, ut oblivionem precedentium faciat inspectio consequentium; aut certe si fecerit, cito possit quod exciderit relegendo recolligi.

5. In primo libro secundum Scripturas sacras unitas et æqualitas summæ illius Trinitatis ostenditur. In secundo et tertio et quarto, eadem: sed de Filii missione et Spiritus sancti diligenter quæstio pertractata tres libros fecit; demonstratumque est non ideo minorem mittente qui missus est, quia ille misit, hic missus est, cum Trinitas quæ per omnia æqualis est, pariter quoque in sua natura immutabilis et invisibilis et ubique præsens inseparabiliter operetur. In quinto, propter eos quibus ideo videtur non eamdem Patris et Filii esse substantiam, quia omne quod de Deo dicitur, secundum substantiam dici putant, et propterea gignere et gigni, vel genitum esse et ingenitum, quoniam diversa sunt, contendunt substantias esse diversas, demonstratur non omne quod de Deo dicitur secundum substantiam dici, sicut secundum substantiam dicitur bonus et magnus, et si quid aliud ad se dicitur; sed dici etiam relative, id est non ad se, sed ad aliquid quod ipse non est; sicut Pater ad Filium dicitur, vel Dominus ad creaturam sibi servientem: ubi si quid relative, id est ad aliquid quod ipse non est, etiam ex tempore dicitur, sicut est, *Domine, refugium factus es nobis (Psal. LXXXIX, 1)*, nihil ei accidere quo mutetur, sed omnino ipsum in natura vel essentia sua immutabilem permanere. In sexto, quomodo dictus sit Christus ore apostolico, Dei virtus et Dei sapientia (*I Cor. 1, 24*), sic disputatur, ut differatur eadem quæstio diligentius retractanda: utrum a quo est genitus Christus, non sit ipse sapientia¹, sed tantum sapientiae sue pater, an sapientia sapientiam genuerit. Sed quodlibet horum esset, etiam in hoc libro apparuit Trinitatis æqualitas, et non Deus triplex, sed Trinitas: nec quasi aliquid dupluni esse Patrem et Filium ad simpulum Spiritum sanctum; ubi nec tria plus aliquid sunt quam unum horum. Disputatum est etiam quomodo possit intelligi quod ait Hilarius episcopus²: *Aeternitas in Patre, species in Imagine, usus in Munere*. In septimo, quæstio quæ dilata fuerat, explicatur, ita ut Deus qui genuit Filium, non solum sit Pater virtutis et sapientiae sue, sed etiam ipse virtus atque sapientia; sic et Spiritus sanctus: nec tamen simul tres sint virtutes aut tres sapientiae, sed una virtus et una sapientia, sicut unus Deus et una essentia. Deinde quæsitus est, quomodo dicantur una

essentia, tres personæ, vel a quibusdam³ Græcis una essentia, tres substantiæ: et inventum est elocutionis necessitate dici, ut aliquo uno nomine enuntiarentur, cuni queritur quid tres sint, quos tres esse veraciter constemur, Patrem scilicet, et Filium, et Spiritum sanctum. In octavo, ratione etiam redditâ intelligentibus clarum est, in substantia veritatis non solum Patrem Filio non esse majorem, sed nec ambos simul aliquid majus esse quam solum Spiritum sanctum, aut quoslibet duos in eadem Trinitate majus esse aliquid quam unum, aut omnes simul tres majus aliquid esse quam singulos. Deinde per veritatem quæ intellecta conspicitur, et per bonum sumimum a quo est omne bonum, et per justitiam propriæ quam dilitur animus justus ab animo etiam nondum justo, ut natura non solum incorporalis, verum etiam incommutabilis quod est Deus, quantum fieri potest, intelligeretur admonui: et per charitatem, quæ in Scripturis sanctis Deus dieta est (*I Joan. iv, 16*), per quam cœpit utcumque etiam Trinitas intelligentibus apparere, sicut sunt amans, et quod amat, et amor. In nono, ad imaginem Dei, quod est homo secundum mentem, pervenit disputatio: et in ea quedam trinitas invenitur, id est, mens, et notitia qua se novit, et amor quo se notitiamque suam diligit; et hæc tria æqualia inter se, et unius ostenduntur esse essentiæ. In decimo hoc idem diligentius subtiliusque tractatum est, atque ad id perductum, ut inveniretur in mente evidenter trinitas ejus, in memoria scilicet et intelligentia et voluntate. Sed quoniam et hoc compertum est, quod mens nunquam esse ita potuerit, ut non sui meminisset, non se intelligeret, et diligenter, quanvis non semper se cogitaret, cum autem cogitaret, non se a corporalibus rebus eadem cogitatione discerneret; dilata est de Trinitate, cuius hæc imago est, disputatio, ut in ipsis etiam corporalibus visis inveniretur trinitas, et distinctius in ea lectoris exerceretur intentio. In undecimo ergo electus est sensus oculorum, in quo id quod inventum esset, etiam in cæteris quatuor sensibus corporis et non dictum posset agnoscere: atque ita exterioris hominis trinitas, primo in iis quæ cernuntur extrinsecus, ex corpore scilicet quod videatur, et forma quæ inde in acie cernentis imprimitur, et utrumque copulantis intentione voluntatis, apparet. Sed hæc tria non inter se æqualia, nec unius esse substantiæ clauerunt. Deinde in ipso animo, ab iis quæ extrinsecus sensa sunt velut introducta inventa est altera trinitas, ubi apparerent eadem tria unius esse substantiæ, imaginatio corporis quæ in memoria est, et inde informatio cum ad eam convertitur acies cogitantis, et utrumque conjungens intentio voluntatis. Sed ideo ista trinitas ad exteriorum hominem reperta est pertinere, quia de corporibus illata est quæ sentiuntur extrinsecus. In duodecimo discernenda visa est sapientia ab scientia, et in ea quæ proprie scientia nuncupatur, quia inferior est, prius quedam sui generis trinitas inquirenda: quæ licet ad interiorum hominem jam pertineat, nondum tamen imago Dei vel

¹ Quidam codex, eadem non sit ipse sapientia.

² Sola editio Lov., episcopus sanctus.

³ In MSS., vel, ut a quibusdam.

appellanda sit vel putanda. Et hoc agitur in tertio decimo libro per commendationem fidei christianæ. In quarto decimo autem de sapientia hominis vera, id est, Dei munere in ejus ipsius¹ Dei participatione donata, quæ ab scientia distincta est, disputatur: et eo pervenit disputatio, ut trinitas appareat in imagine Dei, quod est homo secundum mentem, quæ renovatur in agnitione Dei secundum imaginem ejus qui creavit hominem (*Coloss. iii, 10*) ad imaginem suam (*Gen. i, 27*), et sic percipit sapientiam ubi contemplatio est æternorum.

CAPUT IV. — 6. *Quid universa natura nos de Deo doceat.* Jam ergo in ipsis rebus æternis, incorporilibus et incommutabilibus, in quarum perfecta contemplatione nobis beata, quæ non nisi æterna est, vita promittitur, Trinitatem quæ Deus est inquiramus. Neque enim divinorum Librorum tantummodo auctoritas esse Deum prædicat, sed omnis quæ nos circumstat, ad quam nos etiam pertinemus, universa ipsa rerum natura proclamat, habere se præstantissimum Conditorem, qui nobis mentem rationemque naturalem dedit, quæ viventia non viventibus, sensu prædicta non sentientibus, intelligentia non intelligentibus, immortalia mortalibus, impotentibus potentia, injustis justa, speciosa deformibus, bona malis, incorruptibilia corruptibilibus, immutabilia mutabilibus, invisibilia visibilibus, incorporalia corporalibus, beata misericors præferenda videamus. Ac per hoc quoniam rebus creatis Creatorem sine dubitatione præponimus, oportet ut eum et summe vivere, et cuncta sentire atque intelligere; et mori, corrumphi, mutari, quæ non posse; nec corpus esse, sed spiritum omnium potentissimum, justissimum, speciosissimum, optimum, beatissimum fateamur.

CAPUT V. — 7. *Quam difficile demonstrare ratione naturali Trinitatem.* Sed hæc omnia quæ dixi, et quæcumque alia simili more locutionis humanæ digne de Deo dici videntur, et universæ Trinitati quæ est unus Deus, et personis singulis in eadem Trinitate convenient. Quis enim vel unum Deum, quod est ipsa Trinitas, vel Patrem, vel Filium, vel Spiritum sanctum; audeat dicere, aut non viventem, aut nihil sentientem vel intelligentem, aut in ea natura qua inter se prædicanter æquales, quemquam esse eorum mortalem sive corruptibilem, sive mutabilem, sive corporeum; aut quisquam ibi neget aliquem potentissimum, justissimum, speciosissimum, optimum, beatissimum? Si ergo hæc atque hujusmodi omnia, et ipsa Trinitas, et in ea singuli dici possunt; ubi aut quomodo Trinitas apparebit? Rediganus itaque prius hæc plurima ad aliquam paucitatem. Quæ vita enim dicitur in Deo, ipsa est essentia ejus atque natura. Non itaque Deus vivit nisi vita quod ipse sibi est. Hæc autem vita non talis est qualis inest arbori, ubi nullus est intellectus, nullus est sensus. Nec talis qualis inest pecori: habet enim vita pecoris sensum quinquepartitum, sed intellectum habet nullum: at illa vita quæ Deus est, sentit

ataque intelligit omnia; et sentit mente, non corpore, quia spiritus est Deus (*Ioan. iv, 24*). Non autem sicut animalia quæ habent corpora, per corpus sentit Deus; non enim ex anima constat et corpore: ac per hoc simplex illa natura sicut intelligit sentit, sicut sentit intelligit; idemque sensus qui intellectus est illi. Nec ita ut aliquando esse desistat aut cœperit: immortalis est enim. Nec frustra de illo dictum est quod solus habeat immortalitatem (*1 Tim. vi, 16*): nam immortalitas ejus vere immortalitas est, in cuius natura nulla est commutatio. Ipsa est etiam vera æternitas qua est immutabilis Deus, sine initio, sine fine; consequenter et incorruptibilis. Una ergo eademque res dicitur, sive dicatur æternus Deus, sive immortalis, sive incorruptibilis, sive immutabilis: itemque cum dicitur, vivens, et intelligens, quod est utique sapiens, hoc idem dicitur. Non enim percepit sapientiam qua esset sapiens², sed ipse sapientia est. Et hæc vita, eademque virtus sive potentia, eademque species, qua potens, atque speciosus dicitur. Quid enim potentius et speciosius sapientia, quæ attingit a fine usque ad finem fortiter, et disponit omnia suaviter (*Sap. viii, 1*)? Bonitas etiam atque justitia, nunquid inter se in natura Dei, sicut in ejus operibus distant, tanquam duas diversæ sint qualitates Dei; una, bonitas; alia, justitia? Non utique: sed quæ justitia, ipsa bonitas; et quæ bonitas, ipsa beatitudo. Incorporalis autem vel incorporeus ideo dicitur Deus, ut spiritus credatur vel intelligatur esse, non corpus.

8. Proinde si dicamus, Æternus, immortalis, incorruptibilis, immutabilis, vivus, sapiens, potens, speciosus, justus, bonus, beatus, spiritus; horum omnium novissimum quod posui quasi tantummodo videtur significare substantiam, cætera vero hujus substantiæ qualitates: sed non ita est in illa ineffabili simpliciæ natura. Quidquid enim secundum qualitates illic dici videtur, secundum substantiam vel essentiali est intelligendum. Absit enim ut spiritus secundum substantiam dicatur Deus, et bonus secundum qualitatem: sed utrumque secundum substantiam. Sic omnia cætera quæ conmemoravimus, unde in superioribus libris multa jam diximus. De quatuor igitur primis quæ modo a nobis enumerata atque digesta sunt, id est, æternus, immortalis, incorruptibilis, immutabilis, unum aliquid eligamus; quia unum quatuor ista significant, sicut jam disserui; ne per multa distendatur intentio, et illud potius quod positum est prius, id est, æternus. Hoc faciamus et de quatuor secundis, quæ sunt, vivus, sapiens, potens, speciosus. Et quoniam vita qualiscumque inest et pecori, cui sapientia non inest; duo vero ista, sapientia scilicet atque potentia, ita sunt inter se in homine comparata, ut sancta Scriptura dicaret, *Melior est sapiens quam fortis* (*Id. vi, 1*); speciosa porro etiam corpora dici solent: unum ex his quatuor³ quod eligimus, sapiens eligatur:

¹ Sic M. s. At Fr. et Lov., id est de munere ejus in ipsis, etc. Ann., id est de munere in ejus ipsis, etc.

² Loco, quatuor, forte legendum, aequalibus.

quamvis hæc quatuor in Deo non in æqualia¹ dicenda sint; nomina enim quatuor, re autem una est. De tertius vero ultimus quatuor, quamvis in Deo idem sit justum esse quod bonum, quod beatum, idemque spiritum esse quod justum et bonum et beatum esse: tamen quia in hominibus potest esse spiritus non beatus, potest et justus et bonus nondum beatus; qui vero beatus est, profecto et justus et bonus et spiritus est: hoc potius eligamus quod nec in hominibus esse sine illis tribus potest, quod est beatus.

CAPUT VI. — 9. Quomodo in ipsa simplicitate Dei sit Trinitas. An et quomodo ex monstratis trinitibus in homine ostendatur Trinitas Deus. Num igitur² cum dicimus, Aeternus, sapiens, beatus, hæc tria sunt Trinitas, quæ appellatur Deus? Redigimus³ quidem illa duodecim in istam paucitatem trium: sed eo modo forsitan possumus et hæc tria in unum aliquod horum. Nam si una eademque res in Dei natura potest esse sapientia et potentia, aut vita et sapientia; cur non una eademque res esse possit in Dei natura æternitas et sapientia, aut beatitudo et sapientia? Ac per hoc sicut nihil intererat utrum illa duodecim, an ista tria diceremus, quando illa multa in istam redigimus paucitatem; ita nihil interest utrum tria ista dicamus, an illud unum in cuius singularitatem duo cætera similiter redigi posse monstravimus⁴. Quis itaque disputandi modus, quænam tandem vis intelligendi atque potentia, quæ vivacitas rationis, quæ acies cogitationis ostendet, ut alia jam taceant, hoc unum quod sapientia dicitur Deus, quomodo sit Trinitas? Neque enim sicut nos de illo percipimus sapientiam, ita Deus de aliquo: sed sua est ipse sapientia; quia non est aliud sapientia ejus, aliud essentia, cui hoc est esse quod sapientem esse. Dicitur quidem in Scripturis sanctis Christus Dei virtus, et Dei sapientia (1 Cor. 1, 24): sed quemadmodum sit intelligentium, ne Patrem Filius videatur facere sapientem, in libro septimo disputatum est (Cap. 1-3); et ad hoc ratio pervenit, ut sic sit Filius sapientia de sapientia, quemadmodum lumen de lumine, Deus de Deo. Nec aliud potuimus invenire Spiritum sanctum, nisi et ipsum esse sapientiam, et simul omnes unam sapientiam, sicut unum Deum, unam essentiam. Hanc ergo sapientiam quod est Deus, quomodo intelligimus esse Trinitatem? Non dixi, Quomodo credimus? nam hoc inter fidèles non debet habere questionem: sed si aliquo modo per intelligentiam possumus videre quod credimus, quis iste erit modus?

10. Si enim recolamus ubi nostro intellectui cœperit in his libris Trinitas apparere, octavus occurrit. Ibi quippe, ut potuimus, disputando erigere tentavimus intentionem ad intelligandam illam præstantissimam immutabilemque naturam, quod nostra mens non est. Quam tamen sic intuebamur, ut nec longe a nobis esset, et supra nos esset, non loco, sed

¹ Plures MSS., non æqualia. Melius, si tamen supra pro, quod eiçimus, legendum sit, æquilibus.

² Ita MSS. At editi, nunc igitur.

³ Et. Lugg. Ven. et Lov., redigimus. M.

⁴ Plures MSS., memoratimus.

ipsa sui venerabili mirabilique præstantia, ita ut apud nos esse suo præsenti lumine videretur. In qua tamen nobis adhuc nulla Trinitas apparebat, quia non ad eam quærendam in fulgore illo firmam mentis aciem tenebamus¹: tantum quia non erat aliqua moles, ubi credi oporteret magnitudinem duorum vel trium plus esse quam unius, cernebamus utcumque. Sed ubi ventum est ad charitatem, quæ in sancta Scriptura Deus dicta est (1 Joan. iv, 16), eluxit paululum Trinitas, id est, amans, et quod amat, et amor. Sed quia lux illa ineffabilis nostrum reverberabat obtutum, et ei nondum posse obtemperari nostræ mentis quodammodo convincebatur infirmitas, ad ipsius nostræ mentis, secundum quam factus est homo ad imaginem Dei (Gen. 1, 27), velut familiarem considerationem, resciende laborantis intentionis causa, inter cœptum dispositumque reflexiuus: et inde in creatura, quod nos sumus, ut invisibilia Dei, per ea quæ facta sunt, conspicere intellecta possemus (Rom. 1, 20), immortali sumus a nono usque ad quartum decimum librum. Et ecce jam quantum necesse fuerat, aut forte plus quam necesse fuerat, exercitata in inferioribus intelligentia, ad summam Trinitatem quæ Deus est, consciendam nos erigere volumus, nec valeamus. Num enim sicut certissimas videmus trinitates, sive quæ forinsecus de rebus corporalibus sunt, sive cum ea ipsa quæ forinsecus sensa sunt cogitantur; sive cum illa quæ oriuntur in animo, nec pertinent ad corporis sensus, sicut fides, sicut virtutes quæ sunt artes agendæ vite, manifesta ratione cernuntur et scientia continentur; sive cum mens ipsa qua novimus quidquid nosse nos veraciter dicimus, sibi cognita est, vel se cogitat, sive cum aliquid quod ipsa non est, æternum atque incommutabile conspicit: num ergo sicut in his omnibus certissimas videmus trinitates, quia in nobis sunt vel in nobis sunt, cum ista meminiimus, aspicimus, volumus, ita videmus etiam Trinitatem Deum², quia et illic intelligendo conspicimus tanquam dicentem, et verbum ejus, id est, Patrem et Filium, atque inde procedentem charitatem utrique communem, scilicet Spiritum sanctum? An trinitates istas ad sensus nostros vel ad animum pertinentes videmus potius quam credimus, Deum vero esse Trinitatem credimus potius quam videmus? Quod si ita est, profecto aut invisibilia ejus, per ea quæ facta sunt, nulla intellecta conspicimus; aut si ulla conspicimus; non in eis conspicimus Trinitatem, et est illic quod conspiciamus, est quod etiam non conspectum credere debeamus. Conspicere autem nos immutabile bonum, quod nos non sumus, liber octavus ostendit; et quartus decimus, cum de sapientia quæ homini ex Deo est loqueremur, admonuit. Cur itaque ibi non agnoscimus Trinitatem? Au hæc sapientia quæ Deus dicitur, non se intellegit, non se diligit? Qui hoc dixerit? Aut quis est qui non videat, ubi nulla scientia est, nullo modo esse sapientiam? Aut vero putandum est, sapientiam quæ Deus est, scire alia et nescire se ipsam, vel diligere alia nec diligere se

¹ Aliquot MSS., tendebamus.

Ipsam? Quo si dici sive credi stultum et impium est; ecce ergo Trinitas, sapientia scilicet, et notitia sui, et dilectio sui. Sic enim et in homine invenimus trinitatem, id est, mentem, et notitiam qua se novit, et dilectionem qua se diligit.

CAPUT VII. — 11. *Haud facile posse ex dictis trinitatis deprehendi Trinitatem Deum.* Sed haec tria sunt in homine, ut non ipsa sint homo. Homo est enim, sicut veteres definierunt, animal rationale mortale. Illa ergo excellunt in homine, non ipsa sunt homo. Et una persona, id est singulus quisque homo, habet illa tria in mente¹. Quod si etiam sic definiamus hominem, ut dicamus, Homo est substantia rationalis constans ex anima et corpore; non est dubium hominem habere animam qua non est corpus, habere corpus quod non est anima. Ac per hoc illa tria non homo sunt, sed hominis sunt, vel in homine sunt. Detrahe etiam corpore, si sola anima cogitur, aliquid ejus est mens, tanquam caput ejus, vel oculus, vel facies: sed non haec ut corpora cogitanda sunt. Non igitur anima, sed quod excellit in anima mens vocatur. Num quid autem possumus dicere Trinitatem sic esse in Deo, ut aliquid Dei sit, nec ipsa sit Deus? Quapropter singulus quisque homo, qui non secundum omnia qua ad naturam pertinent ejus, sed secundum solam mentem imago Dei dicitur, una persona est, et imago est Trinitatis in mente. Trinitas vero illa cuius imago est, nihil aliud est tota quam Deus, nihil est aliud tota quam Trinitas. Nec aliquid ad naturam Dei pertinet, quod ad illam non pertineat Trinitatem: et tres personae sunt unius essentiae, non sicut singules quisque homo una persona.

12. Itemque in hoc magna distantia est, quod sive mentem dicamus in homine, ejusque notitiam, et dilectionem, sive memoriam, intelligentiam, voluntatem, nihil mentis meminimus nisi per memoriam, nec intelligimus nisi per intelligentiam, nec amamus nisi per voluntatem. At vero in illa Trinitate quis audeat dicere Patrem, nec se ipsum, nec Filium, nec Spiritum sanctum intelligere nisi per Filium, vel diligere nisi per Spiritum sanctum, per se autem meminisse tantummodo vel sui vel Filii vel Spiritus sancti; eodemque modo Filium nec sui nec Patris meminisse nisi per Patrem, nec diligere nisi per Spiritum sanctum, per se autem non nisi intelligere et Patrem et se ipsum et Spiritum sanctum; similiter et Spiritum sanctum per Patrem meminisse et Patris et Filii et sui, et per Filium intelligere et Patrem et Filium et se ipsum, per se autem non nisi diligere et se et Patrem et Filium: tanquam memoria sit Pater et sua et Filii et Spiritus sancti, Filius autem intelligentia et sua et Patris et Spiritus sancti, Spiritus vero sanctus charitas et sua et Patris et Filii? Quis haec in illa Trinitate opinari vel affirmare praesumatur? Si enim solus ibi Filius intelligit², et sibi et Patri et Spiritui sancto, ad illam redditur absurditatem, ut

Pater non sit sapiens de se ipso, sed de Filio; nec sapientia sapientiam generat, sed ea sapientia Pater dicatur sapiens esse quam genuit. Ubi enim non est intelligentia, nec sapientia potest esse: ac per hoc si Pater non intelligit ipse sibi, sed Filius intelligit Patri, profecto Filius Patrem sapientem facit. Et si hoc est Deo esse quod sapere, et ea illi essentia est que sapientia, non Filius a Patre, quod verum est; sed a Filio potius habet Pater essentiam, quod absurdissimum atque falsissimum est. Hanc absurditatem nos in libro septimo discussisse, convicisse, abjecisse certissimum est (*Capp. 1, 3*). Est ergo Deus Pater sapiens, ea qua ipse sua est sapientia, et Filius sapientia Patris de sapientia quod est Pater, de quo genitus est Filius. Quocirca consequenter est et intelligens Pater ea qua ipse sua est intelligentia; neque enim esset sapiens qui non esset intelligens: Filius autem intelligentia Patris de intelligentia genitus quod est Pater. Ille et de memoria non inconvenienter dici potest. Quomodo est enim sapiens qui nihil meminit, vel sui non meminit? Proinde, quia sapientia Pater, sapientia Filius, sicut sui meminit³ Pater, ita et Filius: et sicut sui et Filii meminit Pater, memoria non Filii, sed sua; ita sui et Patris meminit Filius, memoria non Patris, sed sua. Dilectio quoque ubi nulla est, quis ullam dicat esse sapientiam? Ex quo colligitur ita esse Patrem dilectionem suam, ut intelligentiam et memoriam suam. Ecce ergo tria illa, id est, memoria, intelligentia, dilectio sive voluntas in illa summa et immutabili essentia quod est Deus, non Pater et Filius et Spiritus sanctus sunt, sed Pater solus. Et quia Filius quoque sapientia est genita de sapientia, sicut nec Pater ei, nec Spiritus sanctus ei intelligit, sed ipse sibi; ita nec Pater ei meminit, nec Spiritus sanctus ei diligit, sed ipse sibi: sua enim est et ipse memoria, sua intelligentia, sua dilectio; sed ita se habere, de Patre illi est, de quo natus est. Spiritus etiam sanctus quia sapientia est procedens de sapientia, non Patrem habet memoriam, et Filium intelligentiam, et se dilectionem; neque enim sapientia esset, si alius ei meminisset, eique alius intelligeret, ac tantummodo sibi ipse diligenter: sed ipse habet haec tria, et ea sic habet, ut haec ipsa ipse sit. Verumtamen ut ita sit, inde illi est unde procedit.

13. Quis ergo hominum potest istam sapientiam qua novit Deus omnia, ita ut nec ea quae dicuntur praeterita, ibi praeterant, nec ea quae dicuntur futura, quasi desint exspectentur ut veniant, sed et praeterita et futura cum presentibus sint cuncta presenta; nec singula cogitentur, et ab aliis ad alia cogitando transeat, sed in uno conspectu simul praesto sint universa: quis, inquam, hominum comprehendit istam sapientiam, eamdemque prudentiam, eamdemque scientiam; quandoquidem a nobis nec nostra comprehenditur⁴? Ea quippe quae vel sensibus

¹ In Ms. additur, vel mentem.

² Hic editio addunt, ut intelligentia sit; quod abest a Ms.

PATROL. XLII.

³ Sic MSS. At editi, sibi meminit.

⁴ Editi, comprehenduntur. Melius Ms., comprehenduntur.

vel intelligentia nostræ adsunt, possumus utcumque conspicere : ea vero quæ absunt, et tamen adfuerunt, per memoriam novimus, quæ oblii non sumus. Nec ex futuris præterita, sed futura ex præteritis, non tamen firma cognitione conjicimus. Nam quasdam cogitationes nostras, quas futuras velut manifestius atque certius proximas quasi¹ prospicimus, memoria faciente id agimus, cum agere valemus quantum valemus, quæ videtur non ad ea quæ futura sunt², sed ad præterita pertinere. Quod licet experiri in eis dictis vel canticis, quorum seriem memoriter reddimus. Nisi enim prævideremus cogitatione quod sequitur, non utique diceremus. Et tamen ut prævideamus, non providentia nos instruit, sed memoria. Nam donec finiatur omne quod dicimus, sive canimus, nihil est quod non provisum prospectumque proferatur. Et tamen cum id agimus, non dicimur providenter, sed memoriter canere vel dicere ; et qui hoc in multis ita proferendis valent plurimum, non solet eorum providentia, sed memoria prædicari. Fieri ista in animo vel ab animo nostro novimus, et certissimi sumus : quomodo autem fiant, quanto attentius voluerimus advertere, tanto magis noster et sermo succumbit, et ipsa non perdurat intentio, ut ad liquidum aliquid nostra intelligentia, et si non lingua, perveniat. Et putamus nos, utrum Dei providentia eadem sit quæ memoria et intelligentia, qui non singula cogitando aspicit, sed una, æterna et immutabili atque ineffabili visione complectitur cuncta quæ novit, tanta mentis infirmitate posse comprehendere ? In hac igitur difficultate et angustiis libet exclamare ad Deum vivum : *Mirificata est scientia tua ex me; invalidi, et non potero ad illam* (*Psal. xxxviii.*, 6). Ex me quippe intelligo quam sit mirabilis et incomprehensibilis scientia tua, qua me fecisti ; quando nec me ipsum comprehendere valeo quem fecisti : et tamen in meditatione mea exardescit ignis (*Psal. xxxviii.*, 4), ut quæram faciem tuam semper (*Psal. civ.*, 4).

CAPUT VIII. — 14. *Deum nunc videri a nobis per speculum quomodo dicat Apostolus. Incorporalem substantiam scio esse sapientiam, et lumen esse in quo videntur quæ oculis carnalibus non videntur : et tamen vir tantus tamque spiritualis, Videmus nunc, inquit, per speculum in ænigmate, tunc autem facie ad faciem* (*I Cor. xvi.*, 12). Qualis sit et quod sit hoc speculum si quæramus, profecto illud occurrit, quod in speculo nisi imago non cernitur. Hoc ergo facere conati sumus, ut per imaginem hanc quod nos sumus, videremus utcumque a quo facti sumus, tanquam per speculum. Hoc significat etiam illud quod ait idem apostolus : *Nos autem revelata facie gloriæ Domini speculantes, in eamdem imaginem transformamur de gloria in gloriæ, tanquam a Domini Spiritu* (*II Cbr. iii.*, 18). *Speculantes* dixit, per speculum videntes, non de specula prospicientes. Quod in græca lingua non est

¹ Am., *proximas quasdam*. Nonnulli MSS., *proximas quaque*.

² Er. et Lov., *quæ ad ea non videntur quæ futura sunt*. Ven., *quæ ad eam non videntur quæ futura sunt*. M.

ambiguum, unde in latinam translatæ sunt apostolicæ Litteræ. Ibi quippe speculum ubi apparent imagines rerum, a specula de cuius altitudine longius aliquid intuemur, etiam sono verbi distat omnino ; satisque apparet Apostolum a speculo, non a specula dixisse, *gloriæ Domini speculantes*. Quod vero ait, *In eamdem imaginem transformamur* : utique imaginem Dei vult intelligi, eamdem dicens, istam ipsam scilicet, id est, quam speculamur ; quia eadem imago est et gloria Dei, sicut alibi dicit, *Vir quidem non debet velare caput suum, cum sit imago et gloria Dei* (*I Cor. xi.* 7) : de quibus verbis jam in libro duodecimo disseruimus. *Transformamur* ergo dicit, de forma in formam mutamur, atque transimus de forma obseura in formam lucidam ; quia et ipsa obscura, imago Dei est ; et si imago, profecto etiam gloria, in qua homines creati sumus, præstantes ceteris animalibus. De ipsa quippe natura humana dictum est, *Vir quidem non debet velare caput, cum sit imago et gloria Dei*. Quæ natura in rebus creatis excellentissima, cum a suo Creatore ab impietate justificatur, a deformi forma formosam transfertur in formam. Est quippe et in ipsa impietate, quanto magis damnabile vitium, tan'ō certius natura laudabilis. Et propter hoc addidit, *de gloria in gloriam* : de gloria creationis in gloriam justificationis. Quamvis possit hoc et aliis modis intelligi, quod dictum est, *de gloria in gloriam* : de gloria fidei in gloriam speciei ; de gloria qua filii Dei sumus, in gloriam qua similes ei erimus, quoniam videbimus eum sicuti est (*I Joan. iii.*, 2). Quod vero adjunxit, *tanquam a Domini Spiritu* ; ostendit gratia Dei nobis conferri tam optabilis transformationis bonum.

CAPUT IX. — 15. *De ænigmate et tropicis locutionibus*. Hæc dicta sunt propter quod ait Apostolus, *nunc per speculum nos videre*. Quia vero addidit, *in ænigmate* ; multis hoc incongitum est qui eas litteras nesciunt, in quibus est doctrina quædam de locutionum modis, quos Græci tropos vocant, eoque græco vocabulo etiam nos utimur pro latino. Sicut enim schemata usitatus dicimus quam figuræ, ita usitatus dicimus tropos quam modos. Singulorum autem modorum sive troporum nomina, ut singula singulis referantur, difficultatum est et insolentissimum latine enuntiare. Unde quidam interpres nostri, quod ait Apostolus, *Quæ sunt in allegoria* (*Galat. iv.*, 24), nolentes græcum vocabulum ponere, circumloquendo interpretati sunt dicentes, *Quæ sunt aliud ex alio significantia*. Hujus autem tropi, id est allegoriarum, plures sunt species, in quibus est etiam quod dicitur ænigma. Definitio autem ipsius nominis generalis, omnes etiam species complectatur necesse est. Ac per hoc sicut omnis equus animal est, non omne animal equus est : ita omne ænigma allegoria est, non omnis allegoria ænigma est. Quid ergo est allegoria, nisi tropus ubi ex alio aliud intelligitur, quale illud est ad Thessalonicenses : *Itaque non dormiamus sicut et cœteri : sed vigilemus, et sobrii simus. Nam qui dormiunt, nocte dormiunt ; et qui inebriantur, nocte ebrii sunt : nos au-*

*tem qui diei sumus, sobrii sumus (1 Thess. v, 6-8)? Sed hæc allegoria non est ænigma. Nam nisi multum tardis iste sensus in promptu est. Ænigma est autem, ut breviter explicem, obscura allegoria, sicuti est, *Sanguisugæ erant tres filie*¹ (Prov. xxx, 15); et quæcumque similia. Sed ubi allegoriam nominavit Apostolus, non in verbis eam reperit, sed in facto, cum e duobus filiis Abrahæ, uno de ancilla, altero de libera, quod non dictum, sed etiam factum fuit, duo Testamenta intelligenda monstravit; quod antequam exponeret, obscurum fuit: proinde allegoria talis, quod est generale nomen, posset specialiter ænigma nominari.*

16. Sed quia non soli qui eas litteras nesciunt, quibus discuntur tropi, querunt quid dixerit Apostolus, nunc in ænigmate nos videre; verum etiam qui sciunt, tamen quod sit illud ænigma ubi nunc videamus, nosse desiderant: ex utroque invenienda una est sententia; et ex illo scilicet quod ait, *Videmus nunc per speculum*; et ex isto quod addit, *in ænigmate*. Una est enim cum tota sic dicitur, *Videmus nunc per speculum in ænigmate*. Proinde, quantum mihi videatur, sicut nomine speculi imaginem voluit intelligi; ita nomine ænigmatis quamvis similitudinem, tamen obscuram, et ad perspicendum difficilem. Cum igitur speculi et ænigmatis nomine quæcumque similitudines ab Apostolo significatæ intelligi possint, quæ accommodatae sunt ad intelligendum Deum, eo modo quo potest; nihil tamen est accommodatus quam id quod imago ejus non frustra dicitur. Nemo itaque miretur etiam in isto modo videndi qui concessus est huic vitæ, per speculum scilicet in ænigmate, laborare nos ut quoniodocumque videamus. Nomen quippe hic non sonaret ænigmatis, si esset facilitas visionis. Et hoc est grandius ænigma, ut non videamus quod non videre non possumus. Quis enim non videt cogitationem suam? et quis videt cogitationem suam, non oculis carnalibus dico, sed ipso interiore conspectu? Quis non eam videt, et quis eam videt? Quandoquidem cogitatio visio est animi quædam, sive adsint ea quæ oculis quoque corporalibus videantur, vel exteris sentiantur sensibus, sive non adsint, et gorgum similitudines cogitatione cernantur; sive nihil eorum, sed ea cogitentur quæ nec corporalia sunt, nec corporalium similitudines, sicut virtutes et vitia, sicut ipsa denique cogitatio cogitat; sive illa quæ per disciplinas traduntur liberalesque doctrinas; sive istorum omnium causæ superiores atque rationes in natura immutabili cogitentur; sive etiam mala et vana, ac falsa cogitemus, vel non consentiente sensu, vel errante consensu.

CAPUT X. — 17. *De verbo mentis, in quo tanquam speculo et ænigmate videmus Verbum Dei*. Sed nunc de iis loquamur quæ nota cogitamus, et habemus in notitia etiam si non cogitemus, sive ad contemplationem scientiam pertineant, quam proprie sapientiam², sive ad activam, quam proprie scientiam nuncupan-

dam esse disserui. Simul enim utrumque mentis est unius, et imago Dei una. Cum vero de inferiore distinctius et seorsum agitur, tunc non est vocanda imago Dei, quamvis et tunc in ea nonnulla reperiatur similitudo illius Trinitatis; quod in tertio decimo volumine ostendimus (*Capp. I, 20*). Nunc ergo simul de universa scientia hominis loquimur, in qua nobis nota sunt quæcumque sunt nota: quæ utique vera sunt, alioquin nota non essent. Nemo enim falsa novit, nisi cum falsa esse novit: quod si novit, verum novit; verum est enim quod illa falsa sint. De his ergo nunc disserimus que nota cogitamus, et nota sunt nobis etiam si non cogitentur a nobis. Sed certe si ea dicere velimus, nisi cogitata non possumus. Nam etsi verba non sonent, in corde suo dicit utique qui cogitat. Unde illud est in libro Sapientie: *Dixerunt apud se cogitantes non recte (Sap. II, 1)*. Exposuit enim quid sit, *Dixerunt apud se*, cum addidit, *cogitantes*. Huic simile est in Evangelio, quod quidam Scribæ cum audissent a Domino dictum paralyticum, *Confide, fili, remittuntur tibi peccata tua; dixerunt intra se, Hic blasphemat*. Quid est enim, *dixerunt intra se*, nisi cogitando? Denique sequitur, *Et cum vidisset Jesus cogitationes eorum, dixit: Utquid cogitatis mala in cordibus vestris (Math. ix, 2-4)*? Sic Matthæus. Lucas autem hoc idem ita narrat: *Caperunt cogitare Scribæ et Pharisæi, dicentes: Quis est hic qui loquitur blasphemias? Quis potest dimittere peccata, nisi solus Deus?* *Ut cognovit autem cogitationes eorum Jesus, respondens dixit ad illos: Quid cogitatis in cordibus vestris (Luc. v, 21, 22)*? Quale est in libro Sapientie, *Dixerunt cogitantes*; tale hic est, *Cogitaverunt dicentes*. Et illic enim et hic ostenditur, intra se atque in corde suo dicere, id est, cogitando dicere. Dixerunt quippe intra se, et dictum est eis, *Quid cogitatis?* Et de illo divite cuius uberes fructus ager atulit, ait ipse Dominus, *Et cogitabat intra se, dicens (Id. XII, 17)*.

18. Quædam ergo cogitationes locutiones sunt cordis, ubi et os esse Dominus ostendit, cum ait: *Non quod intrat in os coquinat hominem; sed quod procedit ex ore, hoc coquinat hominem*. Una sententia duo quædam hominis ora complexus est, unum corporis, alterum cordis. Nam utique unde illi hominem putaverant inquinari, in os intrat corporis: unde autem Dominus dixit inquinari hominem, de cordis ore procedit. Ita quippe exposuit ipse quod dixerat. Nam paulo post de hac re discipulis suis: *Adhuc et vos, inquit, sine intellectu estis? Non intelligitis quia omne quod in os intrat, in ventrem vadit, et in secessum emititur?* Hic certe apertissime demonstravit os corporis. At in eo quod sequitur os cordis ostendens, *Quæ autem, inquit, procedunt de ore, de corde exēunt, et ea coquinant hominem. De corde enim exēunt cogitationes malæ (Math. xv, 10-20)*, etc. Quid hac expositione lucidius? Nec tamen quia dicimus locutiones cordis esse cogitationes, ideo non sunt etiam visiones exortæ de notitiæ visionibus, quando vere sunt. Foris enim cum per corpus hæc flunt, aliud est

¹ Quædam codices, *duæ filie*.
² In excusis additum hic erat, *dicimus*.

locatio, aliud visio : intus autem cum cogitamus, utrumque unum est. Sicut auditio et visio duo quedam sunt inter se distantia in sensibus corporis, in animo autem non est aliud atque aliud videre et audire : ac per hoc cum locutio foris non videatur, sed potius audiatur, locutiones tamen interiores, hoc est, cogitationes visas dixit a Domino sanctum Evangelium, non auditas : *Dixerunt, inquit, intra se, Hic blasphemat ; deinde subiunxit, Et cum vidisset Jesus cogitationes eorum.* Vedit ergo quae dixerunt. Vedit enim cogitatione sua cogitationes eorum, quas illi soli se putabant videre.

49. Quisquis igitur potest intelligere verbum, non solum antequam sonet, verum etiam antequam sonorum ejus imagines cogitatione volvantur : hoc enim est quod ad nullam pertinet linguam, earum scilicet quae linguae appellantur gentium, quarum nostra latina est : quisquis, inquam, hoc intelligere potest, jam potest videre per hoc speculum atque in hoc ænigmate aliquam Verbi illius similitudinem, de quo dictum est, *In principio erat Verbum, et Verbum erat apud Deum, et Deus erat Verbum (Joan. i, 1).* Necessum est enim cum verum loquimur, id est, quod scimus loquimur, ex ipsa scientia quam memoria tenemus, nascatur verbum quod ejusmodi sit omnino, cuiusmodi est illa scientia de qua nascitur. Formata quippe cogitatio ab ea re quam scimus, verbum est quod in corde dicimus : quod nec græcum est, nec latinum, nec linguae alicujus alterius ; sed cum id opus est in eorum quibus loquimur perfserre notitiam, aliquod signum quo significetur assumitur. Et plerumque sonus, aliquando etiam nutus, ille auribus, ille oculis exhibetur, ut per signa corporalia etiam corporis sensibus verbum quod mente gerimus innotescat. Nam et innuere quid est, nisi quodam modo visibiliter dicere ? Est in Scripturis sanctis hujus sententiae testimonium ; nam in Evangelio secundum Joannem ita legitur : *Amen, amen dico vobis, quia unus ex vobis tradet me. Aspiciebat ergo ad invicem discipuli, hæsiantes de quo diceret. Erat ergo unus ex discipulis ejus recumbens in sinu Jesu, quem diligebat Jesus : innuit ergo huic Simon Petrus, et dicit ei, Quis est de quo dicit (Id. xiii, 21-24) ? Ecce innuendo dixit, quod sonando dicere non audebat. Sed haec atque hujusmodi signa corporalia sive auribus sive oculis præsentibus quibus loquimur exhibemus : inventæ sunt autem litteræ, per quas possemus et cum absentibus colloqui : sed ista signa sunt vocum, cum ipsæ voces in sermone nostro earum quas cogitamus signa sint rerum.*

CAPUT XI. — 20. Verbi divini similitudo qualiscumque in verbo nostro non exteriore ac sensibili, sed in interiori ac mentali querenda. Dissimilitudo quam maxima inter verbum ac scientiam nostram et Verbum scientiamque divinam. Proinde verbum quod foris sonat, signum est verbi quod intus lucet, cui magis verbi competit nomen. Nam illud quod prefertur carnis ore, vox verbi est : verbumque et ipsum dicitur, propter illud a quo ut foris appareret assumptum

est. Ita enim verbum nostrum vox quadam modo corporis sit, assumendo eam in qua manifestetur sensibus hominum ; sicut Verbum Dei caro factum est, assumendo eam in qua et ipsum manifestaretur sensibus hominum. Et sicut verbum nostrum sit vox, nee mutatur in vocem ; ita Verbum Dei caro quidem factum est, sed absit ut mutaretur in carnem. Assumendo quippe illam, non in eam se consumendo, et hoc nostrum vox sit, et illud caro factum est. Quapropter quicumque cupit ad qualecumque similitudinem Verbi Dei, quamvis per multa dissimilem, pervenire, non intueatur verbum nostrum quod sonat in auribus, nec quando voce profertur, nec quando silentio cogitatur. Omnia namque sonantia verba linguarum etiam in silentio cogitantur, et carmina percurruntur animo, tacente ore corporis : nec solum numeri syllabarum, verum etiam cantilenarum, cum sint corporales, et ad cum, qui vocatur auditus, sensum corporis pertinentes, per incorporeas quasdam imagines suas præsto sunt cogitantibus, et tacite cuncta ista volventibus. Sed transeunda sunt haec, ut ad illud perveniatur hominis verbum, per cuius qualicumque similitudinem sicut in ænigmate videatur utcumque Dei Verbum : non illud quod factum est ad illum vel illum prophetam, et de quo dictum est, *Verbum autem Dei crescebat et multiplicabatur (Act. vi, 7)* ; et de quo iterum dictum est, *Igitur fides ex auditu, auditus autem per verbum Christi (Rom. x, 17)* ; et iterum, *Cum accepissetis a nobis verbum auditus Dei, accepissetis non ut verbum hominum, sed sicuti est vere verbum Dei (I Thess. ii, 13)*. Et innumerabilia similitter in Scripturis dicuntur de Dei verbo, quod in sonis multarum diversarumque linguarum per corda et ora disseminatur humana. Ideo autem verbum Dei dicitur, quia doctrina divina traditur, non humana. Sed illud Verbum Dei querimus qualitercumque per hanc similitudinem nunc videre, de quo dictum est, *Deus erat Verbum* ; de quo dictum est, *Omnia per ipsum facta sunt* ; de quo dictum est, *Verbum caro factum est (Joan. i, 1, 3, 14)* ; de quo dictum est, *Fons sapientiae Verbum Dei in excelsis (Eccli. i, 5)*. Pervenientum est ergo ad illud verbum hominis, ad verbum rationalis animantis, ad verbum non de Deo natum, sed a Deo factæ imaginis Dei, quod neque prolativum est in sono, neque cogitativum in similitudine soni, quod alicujus linguae esse necesse sit, sed quod omnia quibus significatur signa præcedit, et gignitur de scientia quae manet in animo, quando cædein scientia intus dicitur, sicuti est. Simillima est enim visio cogitationis, visioni scientiae. Nam quando per sonum dicitur, vel per aliquod corporale signum, non dicitur sicuti est, sed sicut potest videri audire per corpus. Quando ergo quod in notitia est, hoc est in verbo, tunc est verum verbum, et veritas, qualis exspectatur ab homine, ut quod est in ista, hoc sit et in illo ; quod non est in ista, non sit et in illo : hic agnoscitur, *Est, est ; Non, non (Math. v, 37)*. Sic accedit, quantum potest, ista similitudo imaginis factæ ad illam similitudinem imaginis natæ, quia Deus Filius

Patri per omnia substantialiter similis prædicatur. Animadvertisca est in hoc ænigmate etiam ista Verbi Dei similitudo, quod sicut de illo Verbo dictum est, *Omnia per ipsum facta sunt*, ubi Deus per unigenitum Verbuni suum prædicatur universa fecisse; ita hominis opera nulla sunt, quæ non prius dicantur in corde: unde scriptum est, *Initium omnis operis verbum* (*Ecli. xxxvii, 20*). Sed etiam hic cum verum verbum est, tunc est initium boni operis. Verum autem verbum est, cum de scientia bene operandi gignitur, ut etiam ibi servetur, *Est, est; Non, non*: ut si est in ea scientia qua vivendum est, sit et in verbo per quod operandum est; si non, non: alioquin mendacium erit verbum tale, non veritas; et inde peccatum, non opus rectum. *Est* et hæc in ista similitudine verbi nostri similitudo Verbi Dei, quia potest esse verbum nostrum quod non sequatur opus; opus autem esse non potest, nisi precedat verbum: sicut Verbum Dei potuit esse nulla existente creatura; creatura vero nulla esse posset, nisi per ipsum per quod facta sunt omnia. Ideoque non Deus Pater, non Spiritus sanctus, non ipsa Trinitas, sed solus Filius, quod est Verbum Dei, caro factum est; quanvis Trinitate faciente: ut sequente atque imitante verbo nostro ejus exemplum, recte viveremus, hoc est, nullum habentes in verbi nostri vel contemplatione vel operatione mendacium. Verum hæc hujus imaginis est quandoque futura perfectio. Ad hanc consequendam nos erudit magister bonus sive christiana pietatisque doctrina, ut *revelata facie a Legi velamine* quod est *umbra futurorum, gloriam Domini speculatorum*, per speculum scilicet intuentes, in *eamdem imaginem transformemur de gloria in gloriam, tanquam a Domini Spiritu* (*II Cor. iii, 18*), secundum superiorem de his verbis disputationem.

21. Cum ergo hac transformatione ad perfectum fuerit hæc imago renovata, similes Deo erimus, quoniam videbimus eum, non per speculum, sed sicuti est (*Joan. iii, 2*): quod dicit apostolus Paulus, *facie ad faciem* (*I Cor. xiii, 12*). Nunc vero in hoc speculo, in hoc ænigmate, in hac qualiumque similitudine, quanta sit etiam dissimilitudo, quis potest explicare? Attingam tamen aliqua, ut valeo, quibus id possit adverti.

CAPUT XII. — *Academica philosophia*. Primo ipsa scientia, de qua veraciter cogitatio nostra formatur, quando quæ scimus loquimur, qualis aut quanta potest homini provenire, quoniamlibet peritissimo atque doctissimo? Exceptis enim quæ in animum veniunt a sensibus corporis, in quibus tam multa aliter sunt quam videntur, ut eorum verisimilitudinem nimirum constipatus, sanus sibi esse videatur qui insanit; unde *Academica philosophia* sic invaliduit, ut de omnibus dubitans multo miserius insaniret: his ergo exceptis quæ a corporis sensibus in animum veniunt, quantum rerum remanet quod ita sciamus, sicut nos vivere scimus? in quo prorsus non metuimus, ne aliqua verisimilitudine forte fallamur, quoniam certum est etiam cum qui fallitur vivere; nec in eis visis hoc ha-

betur¹, quæ objiciuntur extrinsecus, ut in eo sic fallatur oculus, quemadmodum fallitur cum in aqua remus videtur infractus, et navigantes turres moveri, et alia sexenta quæ aliter sunt quam videntur; quia nec per oculum carnis hoc cernitur. Intima scientia est qua nos vivere scimus, ubi ne illud quidem Academicus dicere poterat: Fortasse dormis, et nescis, et in somnis vides. Visa quippe somniantum simillima esse visis vigilantium quis ignorat? Sed qui certus est de vita sua scientia, non in ea dicit, Scio me vigilare; sed, Scio me vivere: sive ergo dormiat, sive vigilet, vivit. Nec in ea scientia per somnia falli potest; quia et dormire et in somnis videre, viventis est. Nec illud potest Academicus adversus istam scientiam dicere. Furis fortassis et nescis; quia sanorum visis simillima sunt etiam visa furentium: sed qui furit vivit. Nec contra Academicos dicit, Scio me non furere; sed, Scio me vivere. Nunquam ergo falli nec mentiri potest, qui se vivere dixerit scire. Mille itaque fallacium visorum genera objiciantur ei qui dicit, Scio me vivere; nihil horum timebit, quando et qui fallitur vivit. Sed si talia sola pertinent ad humanam scientiam, per pauca sunt; nisi quia in unoquoque genere ita multiplicantur, ut non solum pauca non sint, verum etiam reperiuntur per infinitum numerum tendere. Qui enim dicit, Scio me vivere, unum aliquid scire se dicit: proinde si dicat, Scio me scire me vivere; duo sunt jam; hoc vero quod scit hæc duo, tertium scire est: sic potest addere et quartum, et quintum, et innumerabilia, si sufficiat. Sed quia innumerabilem numerum vel comprehendere singula addendo, vel dicere innumerabiliter non potest, hoc ipsum certissime comprehendit ac dicit, et verum hoc esse, et tam innumerabile, ut vere ejus infinitum numerum non possit comprehendere ac dicere. Hoc et in voluntate certa similiter adverti potest. Quis est enim cui non impudenter respondeatur, Forte fallaris, dicenti, Volo beatus esse? Et si dicat, Scio me hoc velle, et hoc me scire scio; jam his duabus et tertium potest addere, quod hæc duo sciat; et quartum, quod hæc duo scire se sciat, et similiter in infinitum numerum pergere. Item si quispiam dicat, Errare nolo; nonne sive erret sive non erret, errare tamen eum nolle verum erit? Quis est qui huic non impudentissime dicat, Forsitan fallaris? cum profecto ubicunque fallatur, falli se tamen nolle non fallitur. Et si hoc scire se dicat, addit quantum vult rerum numerum cognitarum, et numerum esse perspicit infinitum. Qui enim dicit, Nolo me falli et hoc me nolle scio, et hoc me scire scio; jam et si non etiammoda elocutione, potest hinc infinitum numerum ostendere: et alia reperiuntur, quæ adversus Academicos valeant, qui nihil ab homine sciri posse contendunt. Sed modus adhibendus est, præsentim quia in opere isto non hoc suscepimus. Sunt inde libri tres nostri, primo nostræ conversionis tempore conscripti, quos qui potuerit et voluerit legere lectosque intellexerit, nihil cum profecto quæ ab eis contra

¹ Ita MSS. At editi, hec habentur. Vale.

perceptionem veritatis argumenta multa inventa sunt, permovetbunt (*a*). Cum enim duo sint genera rerum quæ sciuntur, unum earum quæ per sensus corporis percipit animus, alterum earum quæ per se ipsum : multa illi philosophi garrierunt contra corporis sensus : animi autem quasdam firmissimas per se ipsum perceptionses rerum verarum, quale illud est quod dix. Seio me vivere, nequaquam in dubium vocare potuerunt. Sed absit a nobis ut ea quæ per sensus corporis didicimus, vera esse dubitemus : per eos quippe didicimus cœlum et terram, et ea qui in eis nota sunt nobis, quantum ille qui et nos et ipsa condidit, innotescere nobis voluit. Absit etiam ut scire nos negemus, quæ testimonio didicimus aliorum : alioquin esse nescimus Oceanum ; nescimus esse terras atque urbes, quas celeberrima fama commendat ; nescimus fuisse homines et opera corum, quæ historica lectione didicimus ; nescimus quæ quotidie undecumque nuntiantur, et indicis consonis contestantibusque firmantur ; postremo nescimus in quibus locis, vel ex quibus hominibus fuerimus exorti ; quia hec omnia testimoniis credidimus aliorum. Quod si absurdissimum est dicere; non solum nostrorum, verum etiam et alienorum corporum sensus plurimum addidisse nostræ scientiæ confitendum est.

22. Hæc igitur omnia, et quæ per se ipsum, et quæ per sensus sui corporis, et quæ testimoniis aliorum percepta scit animus humanus, thesauro memoriae condita tenet, ex quibus dignitur verbum verum, quando quod scimus loquimur, sed verbum ante omnem sonum, ante omnem cogitationem soni. Tunc enim est verbum simillimum rei notæ, de qua dignatur et imago ejus, quoniam de visione scientiæ visio cogitationis exoritur, quod est verbum linguae nullius, verbum verum de re vera, nihil de suo habens, sed totum de illa scientia de qua nascitur. Nec interest quando id dicere, qui quod scit loquitur; aliquando enim statim ut dicit, hoc dicit; dum tamen verbum sit verum, id est, de notis rebus exortum.

CAPUT XII. — *Item de differentia scientiæ ac verbis nostris, a scientia et Verbo Dei.* Sed numquid Deus Pater, de quo natum est Verbum de Deo Deus; numquid ergo Deus Pater in illa sapientia quod est ipse sibi, alia didicit per sensum corporis sui, alia per se ipsum? Quis hoc dicat, qui non animal rationale, sed supra animam rationalem Deum cogitat; quantum ab eis cogitari potest, qui eum omnibus animalibus et omnibus animis preferunt, quamvis per speculum et in ænigmate conjiciendo videant, nondum facie ad faciem sicuti est? Numquid Deus Pater ei i, sa, quæ non per corpus, quod est ei nullum, sed per se ipsum scit, aliunde ab aliquo didicit, aut nuntiis vel testibus, ut ea sciret, indignit? Non utique: ad omnia quippe scienda quæ scit, sufficit sibi illa perfectio. Habet quidem puntios, id est Angelos, non tamen qui ei quæ nescit annuntient; non enim sunt ulla quæ pesciat: sed bonum eorum est de operibus suis ejus

consulere veritatem, et hoc est quod ei dicuntur nonnulla nuntiare, non ut ipse ab eis discat, sed ut ab illo ipsi per Verbum ejus sine corporali sono. Nuntiant etiam quod voluerit, ab eo missi ad quos volerit, totum ab illo per illud Verbum ejus audientes; id est, in ejus veritate invenientes quid sibi facientum, quid, quibus, et quando nuntiandum sit. Nam et nos oramus cum, nec tamen necessitates nostras docemus eum. *Novit enim, ait Verbum ejus, Pater vester quid robis necessarium sit, priusquam petatis ab eo (Math. vi, 8).* Nec ista ex aliquo tempore cognovit, ut posset: sed futura omnia temporalia, atque in eis etiam quid et quando ab illo petituri fueramus, et quos et de quibus rebus vel exauditus vel non exauditus esset, sine initio ante præscivit. Universas autem creaturas suas, et spirituales et corporales, non quia sunt ideo novit; sed ideo sunt quia novit. Non enim nescivit quæ fuerat creaturus. Quia ergo scivit, creavit; non quia creavit, scivit. Nec aliter ea scivit creata, quam creanda: non enim ejus sapientiæ aliquid accessit ex eis; sed illis existentibus sicut oportebat, et quando oportebat, illa mansit ut erat. Ita et scriptum est in libro Ecclesiastico: *An:equam crearentur, omnia nota sunt illi; sic et postquam consummata sunt (Eccli. xxiii, 29).* Sic, inquit, non aliter, et *antequam crearentur, et postquam consummata sunt, sic ei nota sunt.* Longe est ergo huic scientiæ scientia nostra dissimilis. Quæ autem scientia Dei est, ipsa et sapientia; et quæ sapientia, ipsa essentia sive substantia. Quia in illius naturæ simplicitate mirabili, non est aliud sapere, aliud esse; sed quod est sapere, hoc est et esse, sicut et in superioribus libris sepe jam diximus. Nostra vero scientia in rebus plurimis propter et amissibilis est et receptibilis, quia non hoc est nobis esse quod scire vel sapere: quoniam esse possumus, etiam si nesciamus, neque sapiamus ea quæ aliunde didicimus. Propter hoc, sicut nostra scientia illi scientiæ Dei, sic et nostrum verbum quod nascitur de nostra scientia, dissimile est illi Verbo Dei quod natum est de Patris essentia. Tale est autem ac si dicere, De Patris scientia, de Patris sapientia; vel, quod est expressius, De Patre scientia, de Patre sapientia.

CAPUT XIV. — 23. *Verbum Dei per omnia æquale Patri de quo est.* Verbum ergo Dei Patris unigenitus Filius, per omnia Patri similis et æqualis, Deus de Deo, lumen de lumine, sapientia de sapientia, essentia de essentia; est hoc omnino quod Pater, non tam Pater; quia iste Filius, ille Pater. Ac per hoc novit omnia quæ novit Pater: sed ei nosse de Patre est, sicut esse. Nosse enim et esse ibi unum est¹. Et ideo Patri sicut esse non est a Filio, ita nos nosse. Proinde tanquam se ipsum dicens Pater genuit Verbum sibi æquale per omnia. Non enim se ipsum integræ perfecteque dixisset, si aliquid minus aut amplius esset in ejus Verbo quam in ipso. Ibi summe illud agnoscitur, *Est, est; Non, non (Math. v, 27).* Et ideo Verbum hoc vere veritas est: quoniam quidquid est in ea scientia de qua genitum est,

¹ Plerique MSS., constantibusque.
(p) Libri tres contra Academicos, tom. 1.

¹ Ita MSS. At editi, illi unum est

et in ipso est; quod autem in ea non est, nec in ipso est. Et falsum habere aliquid hoc Verbum nunquam potest: quia immutabiliter sic se habet, ut se habet de quo est. *Non enim potest Filius a se facere quidquam, nisi quod riderit Patrem facientem (Joan. v. 19).* Potenter hoc non potest, nec est infirmitas ista, sed firmitas, qua falsa esse non potest veritas. Novit itaque omnia Deus Pater in se ipso, novit in Filio: sed in se ipso tanquam se ipsum, in Filio tanquam Verbum suum, quod est de his omnibus quae sunt in se ipso. Omnia similiter novit et Filius, in se scilicet, tanquam ea quae nata sunt de iis quae Pater novit in se ipso: in Patre autem, tanquam ea de quibus nata sunt, quae ipse Filius novit in se ipso. Sciunt ergo invicem Pater et Filius: sed ille gignendo, iste naescendo. Et omnia quae sunt in eorum scientia, in eorum sapientia, in eorum essentia, unusquisque eorum simul videt; non particulatim aut singillatim, velut alternante conspectu hinc illuc, et inde huc, et rursus inde vel inde in aliud atque aliud, ut aliqua videre non posset nisi non videns alia: sed, ut dixi, simul omnia videt, quorum nullum est quod non semper videt.

24. Verbum autem nostrum illud quod non habet sonum neque cogitationem soni, sed ejus rei¹ quam videndo intus dicimus, et ideo nullius linguae est; atque inde utcumque simile est in hoc arnigmate illi Verbo Dei, quod etiam Deus est, quoniam sic et hoc de nostra nascitur, quemadmodum et illud de scientia Patris natum est: nostrum ergo tale verbum, quod invenimus esse utcumque illi simile, quantum sit etiam dissimile sicut a nobis dici potuerit, non pigeat intueri.

CAPUT XV. — *Quanta sit dissimilitudo verbi nostri et Verbi divini. Verbum nostrum sempiternum esse aut dici non potest.* Numquid verbum nostrum de sola scientia nostra nascitur? Nonne multa dicimus etiam quae nescimus? Nec dubitantes ea dicimus, sed vera esse arbitrantes: que forte si vera sunt, in ipsis rebus de quibus loquimur, non in verbo nostro vera sunt; quia verbum verum non est, nisi quod de re quae scitur, gignitur. Falsum est ergo isto modo verbum nostrum, non cum mentimur, sed cum fallimur. Cum autem dubitamus, nondum est verbum de re de qua dubitamus, sed de ipsa dubitatione verbum est. Quamvis enim non noverimus an verum sit unde dubitamus, tamen dubitare nos novimus: ac per hoc cum hoc dicimus, verum verbum est; quoniam quod novimus dicimus. Quid, quod etiam mentiri possimus? Quod cum facimus, utique volentes et scientes falsum verbum habemus: ubi verum verbum est mentiri nos; loc enim scimus. Et cum mentitos nos esse constemur, verum dicimus: quod scimus enim dicimus; scimus namque nos esse mentitos. Verbum autem illud quod est Deus et potentius est nobis, hoc non potest. *Non enim potest facere quidquam, nisi quod riderit Patrem facientem:* et non a se ipso loquitur, sed a Patre illi est omne quod loquitur, enim

¹ Hic MSS. addunt, *quod intus lucet, cui magis verbi competit nomen.* Sumptum est ex initio capituli nadecimi.

ipsum Pater unice loquitur: et magna illius Verbi potentia est, non posse mentiri; quia non potest esse illic *Est et non* (II Cor. 1, 19), sed *Est, est;* *Non, non.* At enim nec verbum dicendum est, quod verum non est. Si ita¹, libens assentior. Quid, cum verum est verbum nostrum, et ideo recte verbum vocatur, numquid sicut dici potest vel visio de visione, vel scientia de scientia, ita dici potest essentia de essentia, sicut illud Dei Verbum maxime dicitur maximeque dicendum est? Quid ita? quia non hoc est nobis esse, quod est nosse. Multa quippe novimus quae per memoriam quodam modo vivunt, ita et obliuione quodam modo moriuntur: atque ideo cum illa jam non sint in notitia nostra, nos tamen sumus; et cum scientia nostra animo lapsa perierit a nobis, nos tamen vivimus.

25. Illa etiam quae ita sciuntur, ut nunquam excidere possint, quoniam praesentia sunt, et ad ipsius animi naturam pertinent, ut est illud quod nos vivere scimus (manet enim hoc quamdiu animus manet, et quia semper manet animus, et hoc semper manet): id ergo et si qua reperiuntur similia, in quibus imago Dei potius intuenda est, etiamsi semper sciuntur, tamen quia non semper etiam cogitantur, quomodo de his dicatur verbum sempiternum, cum verbum nostrum nostra cogitatione dicatur, invenire difficile est. Sempiternum est enim animo vivere, sempiternum est scire quod vivit: nec tamen sempiternum est cogitare vitam suam, vel cogitare scientiam vitae suae; quoniam cum aliud atque aliud coepit, hoc desinet cogitare, quamvis non desinat scire. Ex quo sit, ut si potest esse in animo aliqua scientia sempiterna, et sempiterna esse non potest ejusdem scientiae cogitatio, et verbum verum nostrum intimum nisi nostra cogitatione non dicitur, solus Deus intelligatur habere Verbum sempiternum sibique coeterum. Nisi forte dicendum est, ipsam possibilitatem cogitationis, quoniam id quod scitur, etiam quando non cogitatur, potest tamen veraciter cogitari, verbum esse tam perpetuum, quam scientia ipsa perpetua est. Sed quomodo est verbum, quod nondum in cogitationis visione formatum est? Quomodo erit simile scientiae de qua nascitur, si ejus non habet formam, et ideo jam vocatur verbum quia potest habere? Tale est enim ac si dicatur, ideo jam vocandum esse verbum quia potest esse verbum. Sed quid est quod potest esse verbum, et ideo jam dignum est verbi nomine? Quid est, inquam, hoc formabile nondumque formatum, nisi quiddam mentis nostrae, quod hac atque hac volubili quadam motione jactamus, cum a nobis nunc hoc, nunc illud, sicut inventum fuerit vel occurserit, cogitatur? Et tunc sit verum verbum, quando illud quod nos dixi volubili motione jactare, ad id quod scimus pervenit², atque inde formatur, ejus omnimodam similitudinem capiens; ut quomodo res quæque scitur, sic etiam co-

¹ Sic editio PP. Benedict. Antuerpiana cum nonnullis editis; at in priori editione Benedictina legitur, sit ita. N.

² Editi, pervenerit. Concinnius MSS., pervenit.

gitetur, id est, sine voce, sine vocis cogitatione, quæ profecto alicujus linguae est, sic¹ in corde dicatur. Ac per hoc etiam si concedamus, ne de controversia vocabuli laborare videamur, jam vocandum esse verbum quiddam illud mentis nostræ quod de nostra scientia formari potest, etiam priusquam formatum sit, quia jam, ut ita dicam, formabile est; quis non videat, quanta hic sit dissimilitudo ab illo Dei Verbo, quod in forma Dei sic est, at non antea fuerit formabile priusquam formatum, nec aliquando esse possit informe, sed sit forma simplex et simpliciter æqualis ei de quo est, et cui mirabiliter coetera est.

CAPUT XVI. — *Verbum nostrum, etiam cum similes Deo erimus, nunquam Verbo divino coæquandum.* Quapropter ita dicitur illud Dei Verbum, ut Dei cogitatio non dicatur, ne aliquid esse quasi volubile credatur in Deo, quod nunc accipiat, nunc recipiat formam, ut verbum sit, eamque possit amittere, atque informiter quodam modo voluntari. Bene quippe moverat verba, et vim cogitationis insperaverat locutor egregius, qui dixit in carmine,

Secundum voluntat

Eventus belli varius :

(Virgil. *Aeneid. lib. 10, vers. 459, 100.*)

id est, cogitat. Non ergo ille Dei Filius cogitatio Dei, sed Verbum Dei dicitur. Cogitatio quippe nostra perveniens ad id quod scimus, atque inde formata, verbum nostrum verum est. Et ideo Verbum Dei sine cogitatione Dei debet intelligi, ut forma ipsa simplex intelligatur, non habens aliquid formabile quod esse etiam possit informe. Dicuntur quidem etiam in Scripturis sanctis cogitationes Dei; sed eo locutionis modo, quo ibi et oblio Dei dicitur, quæ utique ad proprietatem in Deo nulla est.

26. Quamobrem cum tanta sit nunc in isto ænigmate dissimilitudo Dei et Verbi Dei, in qua tamen nonnulla similitudo comperta est; illud quoque factendum est, quod etiam cum similes ei erimus, quando videbimus eum sicuti est (1 Joan. iii, 2) (quod utique qui dixit, hanc procul dubio quæ nunc est dissimilitudinem attendit), nec tunc natura illi erimus aquales. Semper enim natura minor est faciente, quæ facta est. Et tunc quidem verbum nostrum non erit falsum, quia neque mentiemur, neque fallemur: forfassis etiam volubiles non erunt nostræ cogitationes ab aliis in alia euntes atque redeentes, sed omnem scientiam nostram uno simul conspectu videbimus: tamen cum et hoc fuerit, si et hoc fuerit, formata erit creatura quæ formabilis fuit, ut nihil jam desit ejus forma, ad quam pervenire deberet: sed tamen coæquanda non erit illi simplicitati, ubi non formabile aliquid formatum vel reformatum est, sed forma; neque informis, neque formata, ipsa ibi æterna est immutabilisque substantia.

CAPUT XVII. — 27. *Quomodo Spiritus sanctus datur charitas, et an solus. Spiritum sanctum in Scripturis proprie nuncupatum esse vocabulo Charitatis. Sa-*

tis de Patre et Filio, quantum per hoc speculum atque in hoc ænigmate videre potuimus, locuti sumus. Nunc de Spiritu sancto, quantum Deo donante videre conceditur, disserendum est. Qui Spiritus sanctus secundum Scripturas sanctas, nec Patris solius est, nec Filii solius, sed amborum: et ideo communem, quam invicem se diligunt Pater et Filius, nobis insinuat charitatem. Ut autem nos exercecerit sermo divinus, non res in promptu sitas, sed in abdito scrutandas et ex abdito eruendas, majore studio fecit inquire. Non itaque dixit Scriptura, Spiritus sanctus charitas est; quod si dixisset, non parvam partem questionis istius absulisset: sed dixit, *Deus charitas est* (1 Joan. iv, 16); ut incertum sit, et ideo requirendum, utrum Deus Pater sit charitas, an Deus Filius, an Deus Spiritus sanctus, an Deus ipsa Trinitas. Neque enim dicturi sumus, non propterea Deum dictum esse charitatem, quod ipsa charitas sit ulla substantia¹, quæ Dei digna sit nomine; sed quod donum sit Dei, sicut dictum est Deo, *Quoniam tu es patientia mea* (Psal. lxx, 5): neque enim propterea dictum est, quia Dei substantia est nostra patientia; sed quod ab ipso nobis est, sicut alibi legitur, *Quoniam ab ipso est patientia mea* (Psal. lx, 6). Ilunc quippe sensum facile refellit Scripturarum ipsa locutio. Tale est enim, *Tu es patientia mea; quale est, Tu es, Domine, spes mea* (Psal. xc, 9); et, *Deus meus misericordia mea* (Psal. lvm, 18), et multa similia. Non est autem dictum, Domine charitas mea; aut, *Tu es charitas mea*; aut, *Deus charitas mea*: sed ita dictum est, *Deus charitas est*; sicut dictum est, *Deus Spiritus est* (Joan. iv, 24). Hoc qui non discernit, intellectum a Domino, non expositionem querat a nobis: non enim a ertiis quidquam possumus dicere.

28. *Deus ergo charitas est*: utrum autem Pater, an Filius, an Spiritus sanctus, an ipsa Trinitas, quia et ipsa non tres dii, sed unus est Deus, hoc queritur. Sed jam in hoc libro superius disputavi, non sic accipiendam esse Trinitatem quæ Deus est, ex illis tribus quæ in trinitate nostræ intentis ostendimus, ut tanquam memoria sit omnium trium Pater, et intelligentia omnium trium Filius, et charitas omnium trium Spiritus sanctus, quasi Pater nec intelligat sibi nec diligit, sed ei Filius intelligat, et Spiritus sanctus ei diligit, ipse autem sibi et illis tantum meminerit; et Filius nec meminerit nec diligit sibi, sed meminerit ei Pater, et diligit ei Spiritus sanctus, ipse autem et sibi et illis tantummodo intelligat; nemque Spiritus sanctus nec meminerit nec intelligat sibi, sed meminerit ei Pater, et intelligat ei Filius, ipse autem et sibi et illis non nisi diligit: sed sic potius, ut omnia tria et omnes et singuli habeant in sua quisque natura. Nec distent in eis ista, sicut in nobis aliud est memoria, aliud est intelligentia, aliud dilectio sive charitas: sed unum aliquid sit quod omnia valeat, sicut ipsa sapientia; et sic habeatur in uniuscujusque natura, ut qui habet, hoc sit quod habet, sicut immutabilis simplex-

¹ Ita MSS. At editi, si.

Et editi, in aliis. Melius MSS., in alia.

¹ Editi, quod ipsa charitas nullæ substantia. Castigantur ex MSS.

que substantia. Si ergo haec intellecta sunt, et quantum nobis in rebus tantis videre vel conjectare concessum est, vera esse claruerunt; nescio cur non sicut sapientia et Pater dicitur et Filius et Spiritus sanctus, et simul omnes non tres, sed una sapientia; ita et charitas et Pater dicatur et Filius et Spiritus sanctus, et simul omnes una charitas. Sic enim et Pater Deus, et Filius Deus, et Spiritus sanctus Deus, et simul omnes unus Deus.

29. Et tamen non frustra in hac Trinitate non dicitur Verbum Dei nisi Filius, nec Donum Dei nisi Spiritus sanctus, nec de quo genitum est Verbum ex le quo procedit principaliter Spiritus sanctus nisi Deus Pater. Ideo autem addidi, Principaliter, quia et de Filio Spiritus sanctus procedere reperitur. Sed hoc quoque illi Pater dedit, non jam existenti et nondum habenti; sed quidquid unigenito Verbo dedit, gignendo dedit. Sic ergo eum genuit, ut etiam de illo Donum commune procederet, et Spiritus sanctus spiritus esset amborum. Non est igitur accipienda transeunter, sed diligenter intuenda inseparabilis Trinitatis ista distinctio. Hinc enim factum est ut proprie Dei Verbum etiam Dei sapientia diceretur, cum sit sapientia et Pater et Spiritus sanctus. Si ergo proprie aliquid horum trium charitas nuncupanda est, quid aptius quam ut hoc sit Spiritus sanctus? Ut scilicet in illa simplici summaque natura, non sit aliud substantia et aliud charitas; sed substantia ipsa sit charitas, et charitas ipsa sit substantia, sive in Patre, sive in Filio, sive in Spiritu sancto, et tamen proprie Spiritus sanctus charitas nuncupetur.

30. Sicut Legis nomine aliquando simul omnia veteris Instrumenti sanctorum scripturarum significantur eloquia. Nam ex propheta Isaia testimonium ponens Apostolus, ubi ait, *In aliis linguis et in aliis labiis loquar populo huic*; præmisit tamen, *In Lege scriptum est* (*Isai. xxviii, 11; et I Cor. xiv, 21*). Et ipse Dominus, *In Lege*, inquit, *eorum scriptum est, quia oderunt me gratis* (*Joan. xv, 25*); cum hoc legatur in Psalmo (*Psal. xxxiv, 19*). Aliquando autem proprie vocatur Lex, que data est per Moysen, secundum quod dictum est, *Lex et Prophetæ usque ad Joannem* (*Matth. xi, 13*); et, *In his duabus præceptis tota Lex pendet et Prophetæ* (*Id. xxii, 40*). Ille utique proprie Lex appellata est, de monte Sina. Prophetarum autem nomine etiam Psalmi significati sunt: et tamen alio loco ipse Salvator, *Oportebat*, inquit, *impleri omnia quæ scripta sunt in Lege, et Prophetis, et Psalmis de me* (*Luc. xxiv, 44*). Ille rursus Prophetarum nomen, exceptis Psalmis, intelligi voluit. Dicitur ergo Lex universaliter cum Prophetis et Psalmis, dicitur et proprie que per Moysen data est. Item dicuntur communiter Prophetæ simul cum Psalmis, dicuntur et proprie præter Psalmos. Et multis aliis exemplis doceri potest, multa rerum vocabula, et universaliter ponit, et proprie quibusdam rebus adhiberi, nisi in re aperta vitanda sit longitudo sermonis. Hoc ideo dixi, ne quisquam propterea nos inconvenienter

existimet charitatem appellare Spiritum sanctum, quia et Deus Pater et Deus Filius potest charitas nuncupari.

31. Sicut ergo unicum Dei Verbum propriæ vocabus nomine sapientiae, cum sit universaliter et Spiritus sanctus et Pater ipse sapientia; ita Spiritus sanctus propriæ nuncupatur vocabulo charitatis, cum sit universaliter charitas et Pater et Filius. Sed Dei Verbum, id est, unigenitus Dei Filius aperte dictus est Dei sapientia, ore Apostolico, ubi ait, *Christum Dei virtutem et Dei sapientiam* (*I Cor. 1, 24*): Spiritus autem sanctus ubi sit dictus charitas invenimus, si diligenter Joannis apostoli scrutemur eloquium; qui cum dixisset, *Dilectissimi, diligamus invicem, quia dilectio ex Deo est*; secutus adjunxit, *Et omnis qui diligit, ex Deo natus est: qui non diligit, non cognovit Deum, quia Deus dilectio est*. Ille manifestavit eam se dixisse dilectionem Deum, quam dixit ex Deo. Deus ergo ex Deo est dilectio. Sed quia et Filius ex Ego Patre natus est, et Spiritus sanctus ex Deo Patre procedit, quem potius corum hic debeamus accipere dictum esse dilectionem Deum, merito queritur. Pater enim solus ita Deus est, ut non sit ex Deo: ac per hoc dilectio quæ ita Deus est, ut ex Deo sit, aut Filius est, aut Spiritus sanctus. Sed in consuetudinibus cum Dei dilectionem commemorasset, non qua nos eum, sed qua *Ipse dilexit nos, et misit Filium suum litatorem pro peccatis nostris*; et hinc exhortatus esset ut et nos invicem diligamus, atque ita Deus in nobis maneat, quia unique dilectionem Deum dixerat, statim volens de hac apertius aliquid eloqui, *In hoc, inquit, cognoscimus quia in ipso manemus, et ipse in nobis, quia de Spiritu suo dedit nobis*. Spiritus itaque sanctus de quo dedit nobis, facit nos in Deo manere, et ipsum in nobis: hoc autem facit dilectio. Ipse est igitur Deus dilectio. Denique paulo post cum hoc ipsum repetiisset atque dixisset, *Deus dilectio est*; continuo subiecit, *Et qui manet in dilectione, in Deo manet, et Deus manet in eo*: unde supra dixerat, *In hoc cognoscimus quia in ipso manemus, et ipse in nobis, quia de Spiritu suo dedit nobis*. Ipse ergo significatur ubi legitur, *Deus dilectio est*. Deus igitur Spiritus sanctus qui procedit ex Deo, cum datus fuerit homini, accedit eum in dilectionem Dei et proximi, et ipse dilectio est. Non enim habet homo unde Deum diligat, nisi ex Deo. Propter quod paulo post dicit: *Nos diligamus eum, quia ipse prior dilexit nos* (*I Joan. iv, 7-19*). Apostolus quoque Paulus: *Dilectio*, inquit, *Dei diffusa est in cordibus nostris, per Spiritum sanctum qui datus est nobis* (*Rom. v, 5*).

CAPUT XVIII. — 32. *Nullum Dei donum charitate excellentius*. Nullum est isto Dei dono excellentius. Solum est quod dividit inter filios regni aeterni et filios perditionis aeternae. Dantur et alia per Spiritum sanctum munera, sed sine charitate nihil prosunt. Nisi ergo tantum impetratfir cuique Spiritus sanctus, ut eum Dei et proximi faciat amatorem, a sinistra non transfertur ad dexteram. Nec Spiritus proprie dicitur

¹ Editi, *liberatorem*, ad M. S., lit. to c. n. Graece, f. Ieuanas, cap. 1, p. 10, il. ismora.

Donum, nisi propter dilectionem : quam qui non habuerit, si linguis hominum loquatur et Angelorum, sonans æramentum est et cymbalum tinniens : et si habuerit prophetiam, et scierit omnia sacramenta, et omnem scientiam, et si habuerit omnem fidem, ita ut montes transferat, nihil est : et si distribuerit omnem substantiam suam, et si tradiderit corpus suum ut ardeat, nihil ei prodest (*I Cor. xiii*, 1-5). Quantum ergo bonum est, sine quo ad æternam vitam neminem bona tanta perducunt? Ipsa vero dilectio sive charitas (nam unius rei est utrumque nomen), si habeat eam qui non loquitur linguis, nec habet prophetiam, nec omnia scit sacramenta omnemque scientiam, nec distribuit omnia sua pauperibus, vel non habendo quod distribuat, vel aliqua necessitate prohibitus, nec tradit corpus suum ut ardeat, si talis passionis nulla tentatio est, perducit ad regnum, ita ut ipsam fidem non faciat utilem nisi charitas. Sine charitate quippe fides potest quidem esse, sed non et prodesset. Propter quod et apostolus Paulus, *In Christo*, inquit, *Jesu neque circumcisio, neque præputium aliquid valet, sed fides quæ per dilectionem operatur* (*Galat. v*, 6) : sic eam discernens ab ea fide, qua et dæmones credunt et contremiscunt (*Jacobi ii*, 19). *Dilectio igitur quæ ex Deo est et Deus est, proprio Spiritus sanctus est, per quem diffunditur in cordibus nostris Dei charitas, per quam nos tota inhabitat Trinitas.* Quocirca rectissime Spiritus sanctus, cum sit Deus, vocatur etiam Donum Dei (*Act. viii*, 20). *Quod Donum proprie quid nisi charitas intelligenda est, quæ perducit ad Deum, et sine qua quolibet aliud donum Dei non perducit ad Deum?*

CAPUT XIX. — 33. *Spiritus sanctus dictus Dei Donum in Scripturis. Donum Spiritus sancti dictum pro Donum quod est Spiritus sanctus. Spiritus sanctus proprio Charitas dicitur, quamvis non solus in Trinitate charitas sit.* An et hoc probandum est, Dei Donum dictum esse in sacris Litteris Spiritum sanctum? Si et hoc exspectatur, habemus in Evangelio secundum Joannem Domini Jesu Christi verba dicentis: *Si quis sis, veniat ad me, et bibat. Qui credit in me, sicut dicit Scriptura, flumina de ventre ejus fluent aquæ vivæ.* Porro Evangelista secutus adjunxit: *Hoc autem dixit de Spiritu, quem accepturi erant credentes in eum* (*Joan. vii*, 37-39). Unde dicit etiam Paulus apostolus: *Et omnes unum Spiritum posuimus* (*I Cor. xii*, 13). Utrum autem donum Dei sit appellata aqua ista, quod est Spiritus sanctus, hoc quereritur. Sed sicut hic invenimus hanc aquam Spiritum sanctum esse, ita invenimus alibi in ipso Evangelio hanc aquam donum Dei appellatam. Nam Dominus idem quando cum muliere Samaritana ad puteum loquebatur, cui dixerat, *Da mihi bibere; cum illa respondisset, quod Iudei non conterentur Samaritanis; respondit Jesus, et dixit ei: Si scires Donum Dei, et quis est qui dicit tibi, Da mihi bibere, tu forsitan petisses ab eo, et dedisset tibi aquam vivam.* Dicit ei mulier: *Domine, neque in quo haurias habes, et puteus altus est; unde ergo habes aquam vivam? et cetera.* Respondit Jesus, et dixit ei:

Omnis qui biberit ex hac aqua, sitiет iterum; qui autem biberit ex aqua quam ego dabo ei, non sitiет in æternum: sed aqua quam ego dabo ei, fiet in eo fons aquæ salientis in vitam æternam (*Joan. iv*, 7-14). Quia ergo hæc aqua viva, sicut Evangelista exposuit, Spiritus est sanctus, procul dubio Spiritus Donum Dei est, de quo hic Dominus ait: *Si scires Donum Dei, et quis est qui dicit tibi, Da mihi bibere; tu forsitan petisses ab eo, et dedisset tibi aquam vivam.* Nam quod ibi ait, *Flumina de ventre ejus fluent aquæ vivæ;* hoc isto loco, *Fiet in eo,* inquit, *fons aquæ salientis in vitam æternam.*

34. Paulus quoque apostolus, *Unicuique*, inquit, *nostrum datur gratia secundum mensuram donationis Christi*: atque ut donationem Christi Spiritum sanctum ostenderet, secutus adjunxit, *Propter quod dicit: Ascendit in altum, captivavit captivitatem, dedit dona hominibus* (*Ephes. iv*, 7, 8). Notissimum est autem, Dominum Jesum, cum post resurrectionem a mortuis ascendisset in cœlum, dedit Spiritum sanctum, quo impleti qui crediderant, linguis omnium gentium loquebantur. Nec moveat quod ait, *dona*; non, *donum*: id enim testimonium de Psalmo posuit. Hoc autem in Psalmo ita legitur: *Ascendisti in altum, captivasti captivitatem, acceperisti dona in hominibus* (*Psal. LXVII*, 19). Sic enim plures codices habent, et maxime greci, et ex hebreo sic interpretatum habemus. *Dona* itaque dixit Apostolus, quemadmodum Propheta, non, *donum*. Sed cum Propheta dixerit, *acceperisti dona in hominibus;* Apostolus maluit dicere, *dedit dona hominibus*: ut ex utroque scilicet verbo, uno propheticō, apostolico altero, quia in utroque est divini sermonis auctoritas, sensus plenissimus reddoretur. Utrumque enim verum est, et quia dedit hominibus, et quia accepit in hominibus. Dedit hominibus, tanquam caput membris suis: accepit in hominibus idem ipse utique membris suis, propter quae membra sua clamavit de cœlo, *Saule, Saule, quid me persequeris* (*Act. ix*, 4)? et de quibus membris suis ait, *Quando uni ex minimis meis fecisti, mihi fecisti* (*Matth. xxv*, 40). Ipse ergo Christus, et dedit de cœlo, et accepit in terra. Porro autem dona ob hoc ambo dixerunt, et Propheta et Apostolus, quia per donum, quod est Spiritus sanctus, in commune omnibus membris Christi multa dona, quæ sunt quibusque propria, dividuntur. Non enim singuli quique habent omnia, sed hi illa, alii alia: quamvis ipsum donum a quo cuique propria dividuntur omnes habeant, id est, Spiritum sanctum. Nam et alibi cum multa dona commemorasset, *Omnia*, inquit, *hæc operatur unus atque idem Spiritus, dividens propriæ unicuique prout vult* (*I Cor. xii*, 11). Quo. I verbum et in Epistola quæ ad Hebreos est invenitur, ubi scriptum est, *Attestante Ieo signis et ostentis, et variis virtutibus, et Spiritus sancti distributionibus*¹. (*Hebr. ii*, 4). Et hic cum dixisset. *Ascendit in altum, captivavit captivitatem, dedit dona hominibus.* Quod au-

¹ Plerique MSS., divisionibus.

tem ascendit, ait, quid est, nisi quia et descendit in inferiores partes terrae? Qui descendit, ipse est et qui ascendit super omnes caelos, ut adimpleret omnia. Et ipse dedit quosdam quidem apostolos, quosdam autem prophetas, quosdam vero evangelistas, quosdam autem pastores et doctores. Ecce quare dicta sunt dona: quia sicut alibi dicit, *Nunquid omnes apostoli? numquid omnes prophetarum?* (I Cor. xii, 29) et cetera. Hic autem adjunxit, *Ad consummationem sanctorum in opus ministerii, in edificationem corporis Christi* (Ephes. iv, 7-12). Hæc est domus, quæ, sicut Psalmus canit, edificatur post captivitatem (Psal. cxxvi, 4): quoniam qui sunt a diabolo eruti, a quo captivi tenebantur, de his edificatur domus Christi, quæ domus appellatur Ecclesia. Hanc autem captivitatem ipse captivavit, qui diabolus vicit. Et ne illa quæ futura erant sancti capituli membra in æternum supplicium secundum traheret, eum justitiae prius, deinde potentiae vinculis alligavit. Ipse itaque diabolus est appellata captivitas, quam captivavit qui ascendit in altum, et dedit dona hominibus, vel accepit in hominibus.

35. Petrus autem apostolus, sicut in eo libro canonico legitur, ubi scripti sunt Actus Apostolorum, loquens de Christo, commotis corde Judæis et dicentibus, *Quid ergo faciemus, fratres? monstrate nobis;* dixit ad eos: *Agite paenitentiam, et baptizetur unusquisque restrum in nomine Domini Iesu Christi, in remissionem peccatorum; et accipietis donum Spiritus sancti* (Act. ii, 37, 38). Itemque in eodem libro legitur, Simonem Magum Apostolis dare voluisse pecuniam, ut ab eis acciperet potestatem, qua per impositionem manus ejus daretur Spiritus sanctus. Cui Petrus idem: *Pecunia, inquit, tua tecum sit in perditionem, quia donum Dei aestimasti te per pecunias possidere* (Id. viii, 18-20). Et alio ejusdem libri loco, cum Petrus Cornelio et eis qui cum eo fuerant loqueretur, annuntians et prædicens Christum, ait Scriptura: *Adhuc loquente Petro verba hæc, cecidit Spiritus sanctus super omnes qui audiebant verbum, et obstupuerunt qui ex circumcisione fideles simul cum Petro venerant, quia et in nationes donum Spiritus sancti effusum est.* Audiebant enim illos loquentes linguis, et magnificantes Deum (Id. x, 44-46). De quo facto suo quod incircumcisos baptizaverat, quia priusquam baptizarentur, ut nodum quæstionis hujus auferret, in eos venerat Spiritus sanctus, cum Petrus postea redderet rationem fratribus qui erant Jerosolymis, et hac re auditam movebantur, ait post cetera: *Cum cœpisset autem loqui ad illos, cecidit Spiritus sanctus in illos, sicut et in nos in initio. Memoratusque sum verbi Domini, sicut dicebat: Quia Joannes quidem baptizavit aqua, vos autem baptizabimini Spiritu sancto. Si igitur æquale donum dedit illis, sicut et nobis qui credidimus in Dominum Iesum Christum; ego quis eram, qui possem prohibere Deum non dare illis Spiritum sanctum* (Id. xi, 15-17)? Et multa alia sunt testimonia Scripturarum, quæ concorditer attestantur Donum Dei esse Spir-

tum sanctum, in quantum datur eis qui per eum diligunt Deum. Sed nimis longum est cuncta colligere. Et quid eis satis est, quibus hæc quæ diximus satis non sunt?

36. Sane admonendi sunt, quandoquidem Donum Dei jam vident dictum Spiritum sanctum, ut cum audiunt, *Donum Spiritus sancti*, illud genus locutionis agnoscant, quod dictum est, *In expoliatione corporis carnis* (Coloss. ii, 11). Sicut enim corpus carnis nihil est aliud quam caro; sic Donum Spiritus sancti nihil est aliud quam Spiritus sanctus. In tantum ergo Donum Dei est, in quantum datur eis quibus datur. Apud se autem Deus est, etsi nemini detur, quia Deus erat Patri et Filio coeternus antequam cuiquam datur. Nec quia illi dant, ipse datur, ideo minor est illis. Ita enim datur sicut Donum Dei, ut etiam se ipsum det sicut Deus. Non enim dici potest non esse sue potestatis, de quo dictum est, *Spiritus ubi vult spirat* (Joan. iii, 8); et apud Apostolum quod jam supra commemoravi, *Omnia hæc operatur unus alius idem Spiritus, dividens propria unicuique prout ruit.* Non est illic conditio dati et dominatio dantium, sed concordia dati et dantium.

37. Quapropter si ¹ sancta Scriptura proclamat, *Deus charitas est;* illaque ex Deo est, et in nobis id agit ut in Deo maneamus, et ipse in nobis, et hoc inde cognoscimus, quia de Spiritu suo dedit nobis, ipse Spiritus est Deus charitas. Deinde, si in donis Dei nihil majus est charitate, et nullum est majus donum Dei quam Spiritus sanctus, quid consequentius quam ut ipse sit charitas, qui dicitur et Deus et ex Deo? Et si charitas qua Pater diligit Filium, et Pater diligit Filius, ineffabiliter communionem demonstrat amborum; quid convenientius quam ut ille dicatur charitas proprie, qui Spiritus est communis ambobus? Hoc enim sanius creditur vel intelligitur, ut non solus Spiritus sanctus charitas sit in illa Trinitate, sed non frustra proprie charitas nuncupetur, propter illa quæ dicta sunt. Sicut non solus est in illa Trinitate, vel spiritus vel sanctus, quia et Pater spiritus, et Filius spiritus, et Pater sanctus, et Filius sanctus, quod non ambigit pietas: et tamen iste non frustra proprie dicitur Spiritus sanctus. Quia enim est communis ambobus, id vocatur ipse proprie quod ambo communiter. Alioquin si in illa Trinitate solus Spiritus sanctus est charitas, profecto et Filius non solius Patris; verum etiam Spiritus sancti Filius inventur. Ita enim locis innumerabilibus dicitur et legitur Filius unigenitus Dei Patris, ut tamen et illud verum sit quod Apostolus ait de Deo Patre: *Qui eruit nos de potestate tenebrarum, et transluxit in regnum Filiij charitatis suæ* (Coloss. i, 13). Non dixit, Filiij sui; quod si diceret, verissime diceret, quemadmodum quia sœpe dixit, verissime dixit: sed ait, *Filiij charitatis suæ.* Filius ergo est etiam Spiritus sancti, si non est in illa Trinitate charitas Dei nisi Spiritus sanctus. Quod si absurdissimum est, restat ut non solus ibi sit charitas Spiritus sanctus, sed propter illa de qui-

¹ MSS., *corpus.*

¹ In MSS., *sicut.* Forte pro, si ut.

bus satis disserui, proprie sic vocetur: quod autem dictum est, *Filiū charitatis suae*, nihil aliud intelligatur, quam Filiū sui dilecti, quam Filiū postremo substantię suę. Charitas quippe Patris quæ in natura ejus est ineffabiliter simplici, nihil est aliud quam ejus ipsa natura atque substantia, ut saepe jam diximus, et saepe iterare non piget. Ac per hoc Filiū charitatis ¹ ejus natus est alius, quam qui de substantia ejus est genitus.

CAPUT XX. — 38 *Contra Eunomium dicentem Filium Dei non naturam, sed voluntatis esse Filium. Epilogus supradictorum.* Quocirca ridenda est dialectica Eunomii, a quo Eunomiani haeretici exorti sunt: qui cum non potuisset intelligere, nec credere voluisse, unigenitum Dei Verbum, per quod facta sunt omnia (*Joan. 1, 5*), Filium Dei esse naturam, hoc est, de substantia Patris genitum; non naturam vel substantiam sive essentiam dixit esse Filium, sed filium voluntatis Dei, accidentem scilicet Deo volens asserere voluntatem qua gigneret Filium: videlicet i' eo quia nos aliquid aliquando volumnus, quod antea non volebamus; quasi non propter ista mutabilis intelligatur nostra natura, quod absit ut in Deo esse credamus. Neque enim ob aliud scriptum est, *Multæ cogitationes in corde viri; consilium autem Domini manet in aeternum* (*Prov. xix, 21*); nisi ut intelligamus sive credamus, sicut aeternum Deum, ita in aeternum ² ejus esse consilium, ac per hoc immutabile, sicut ipse est. Quod autem de cogitationibus, hoc etiam de voluntatibus verissime dici potest: *Multæ voluntates in corde viri; voluntas autem Domini manet in aeternum.* Quidam ne filium consilii vel voluntatis Dei dicent unigenitum Verbum, ipsum consilium seu voluntatem Patris idem Verbum esse dixerunt. Sed melius, quantum existimo, dicitur consilium de consilio, et voluntas de voluntate, sicut substantia de substantia, sapientia de sapientia: ne absurditate illa quam jam refellimus, Filius dicatur Patrem facere sapientem vel volentem, si non habet Pater in substantia sua consilium vel voluntatem. Acute sane quidam respondit haeretico versitissime interroganti, utrum Deus Filiū volens an nolens genererit: ut si diceret, Nolens, absurdissima Dei miseria sequeretur; si autem, Volens, continuo quod intendebat velut invicta ratione concluderet, non natura esse Filium, sed voluntatis. At ille vigilantissime vicissim quæsivit ab eo, utrum Deus Pater volens an nolens sit Deus: ut si responderet, Nolens, sequeretur illa miseria quam de Deo credere magna insaniam est; si autem diceret, Volens, responderetur ei, Ergo et ipse Deus est sua voluntate, non natura. Quid ergo restabat, nisi ut obmutesceret, et sua interrogatione obligatum insolubili vinculo se videceret? Sed voluntas Dei si et proprie dicenda est aliqua in Trinitate persona, magis hoc nomen Spiritui sancto competit, sicut charitas. Nam quid est aliud charitas, quam voluntas?

¹ Apud Lov.: *charitatem*.

² Sic nonnulli editi et ipsa PP. Benedictin. editio Antuerpiensis; at in priori Bened. editione, *ita aeternum.* M.

59. Video me de Spiritu sancto in isto libro secundum Scripturas sanctas hoc disputasse, quod fideliibus sufficit scientibus jam Deum esse Spiritum sanctum, nec alterius substantiae, nec minorem quam est Pater et Filius, quod in superioribus libris secundum easdem Scripturas verum esse docuimus. De creatura etiam quam fecit Deus, quantum valimus, admonuimus eos qui rationem de rebus talibus poscent, ut invisibilia ejus, per ea quæ facta sunt, sicut possent, intellecta conspicerent (*Rom. 1, 20*), et maxime per rationalem vel intellectualem creaturam, quæ facta est ad imaginem Dei; per quod velut speculum, quantum possent, si possent, cernerent Trinitatem Deum, in nostra memoria, intelligentia, voluntate. Quæ tria in sua mente naturaliter divinitus instituta quisquis vivaciter perspicit, et quam magnum sit in ea, unde potest etiam sempiterna immutabilis que natura recoli, conspici ¹, concupisci, reminiscitur per memoriam, intuetur per intelligentiam, amplectitur per dilectionem, profecto reperit illius summae Trinitatis imaginem. Ad quam summam Trinitatem reminiscendam, videndam, diligendam, ut eam recordetur, eam contempletur, ea delectetur, totum debet referre quod vivit. Verum ne hanc imaginem ab eadem Trinitate factam, et suo vitio in determinis commutataam, ita eidem comparet Trinitati, ut omni modo existimet similem; sed potius in qualicunque ista similitudine magnam quoque dissimilitudinem cernat, quantum esse satis videbatur, admonuit.

CAPUT XXI. — 40. *De proposita similitudine Patris et Filii in memoria et intelligentia nostra. De similitudine Spiritus sancti in voluntate seu amore nostro.* Sane Deum Patrem, et Deum Filium, id est, Deum genitorem qui omnia quæ substantialiter habet, in coetero sibi Verbo suo dixit quodam modo, et ipsum Verbum ejus Deum, qui nec plus nec minus aliquid habet etiam substantialiter, quam quod est in illo qui Verbum non mendaciter sed veraciter genuit; quemadmodum potui, non et illud jam facie ad faciem, sed per hanc similitudinem in anigmate (*I Cor. xiii, 12*) quantulumcumque conjiciendo videbatur in memoria et intelligentia mentis nostræ, significare curavi: memoria tribuens omne quod scimus, etiamsi non iude cogitemus, intelligentia vero proprio modo quodam ² cogitationis informationem. Cogitando enim quod verum invenerimus, hoc maxime intelligere dicimur, et hoc quidem in memoria rursus relinquimus. Sed illa est abstrusior profunditas nostre memoriae, ubi hoc etiam primum cum cogitaremus invenimus, et signatur intimum verbum, quod nullius lingue sit, tanquam scientia de scientia, et visio de visione, et intelligentia quæ appareat in cogitatione, de intelligentia quæ in memoria jam fuerat, sed latebat: quanquam et ipsa cogitatio quamdam suam memoriam nisi haberet, non reverteretur

¹ Editi addunt hic verbum, *amplecti*, quod omittunt Lov.

² Editio Lov., *quandam*.

ad ea quae in memoria reliquerat, cum alia cogitaret.

41. De Spiritu autem sancto nihil in hoc enigmate quod ei simile videretur ostendi, nisi voluntatem nostram, vel amorem seu dilectionem quae valentior est voluntas: quoniam voluntas nostra quae nobis naturaliter inest, sicut ei res adjacuerint vel occurserint, quibus allicimur aut offendimur, ita varias affectiones habet. Quis ergo, est? Numquid dicturi sumus voluntatem nostram, quando recta est, nescire quid appetat, quid evitet? Porro si scit, profecto inest ei sua quedam scientia, quae sine memoria et intelligentia esse non possit. An vero audiendus est quispam dicens, charitatem nescire quid agat, quae non agit perperam? Sicut ergo inest intelligentia, inest dilectio illi memorie principali, in qua invenimus paratum et reconditum ad quod cogitando possumus pervenire; quia et duo ista invenimus ibi, quando nos cogitando invenimus et intelligere aliquid et amare, que ibi erant et quando inde non cogitabamus: et sicut inest memoria, inest dilectio huius intelligentiae que cogitatione formatur; quod verbum verum sine ullius gentis lingua intus dicimus, quando quod novimus dicimus; nam nisi reminiscendo non redit ad aliquid, et nisi amando redire non curat nostrae cogitationis intuitus: ita dilectio quae visionem in memoria constitutam, et visionem cogitationis inde formatam quasi parentem prolemque conjungit, nisi haberet appetendi scientiam, quae sine memoria et intelligentia non potest esse, quid recte diligenter ignoraret.

CAPUT XXII. — 42. *Quanta dissimilitudo inter repertam in nobis imaginem Trinitatis et ipsam Trinitatem.* Verum haec quando in una sunt persona, sicut est homo, potest nobis quispam dicere: Tria ista, memoria, intellectus, et amor, mea sunt, non sua; nec sibi, sed mihi agunt quod agunt, immo ego per illa. Ego enim memini per memoriam, intelligo per intelligentiam, amo per amorem: et quando ad memoriam meam aciem cogitationis advero, ac sic in corde meo dico quod scio, verbumque verum de scientia mea gignitur, utrumque mecum est, et scientia utique et verbum. Ego enim scio, ego dico in meo corde quod scio. Et quando in memoria mea cogitando invenio jam me intelligere, jam me amare aliquid, qui intellectus et amor ibi erant et antequam inde cogitarem, intellectum meum et amorem meum invenio in memoria mea, quo ego intelligo, ego amo, non ipsa. Item quando cogitatio memor est, et vult redire ad ea quae in memoria reliquerat, eaque intellecta conspicere atque intus dicere, mea memoria memor est, et mea vult voluntate, non sua. Ipse quoque amor meus cum meminit atque intelligit quid appetere debeat, quid vitare, per meam, non per suam memoriam meminit; et per intelligentiam meam, non per suam, quidquid intelligenter amat,

¹ Sola editio Lov., per memoriam meam.

intelligit. Quod breviter dici potest: Ego per omnia illa tria memini, ego intelligo, ego diligo, qui nec memoria sum, nec intelligentia, nec dilectio, sed haec habeo. Ista ergo dici possunt ab una persona, que habet haec tria, non ipsa est haec tria. In illius vero summa simplicitate naturae que Deus est, quamvis unus sit Deus, tres tamen personae sunt, Pater, et Filius, et Spiritus sanctus.

CAPUT XXII. — 43. *Prosequitur disparitatem trinitatis quae in homine est, a Trinitate quae Deus est.* Trinitas per speculum nunc videtur auxilio fidei, ut postea clarius videri possit in promissa visione facie ad faciem. Aliud est itaque trinitas res ipsa, aliud imago trinitatis in re alia, propter quam imaginem simul et illud in quo sunt haec tria, imago dicitur; sicut imago dicitor simul et tabula, et quod in ea pictum est; sed propter picturam que in ea est, simul et tabula nomine imaginis appellatur. Verum in illa summa Trinitate, que incomparabiliter rebus omnibus antecellit, tanta est inseparabilitas, ut cum trinitas hominum non possit dici unus homo; in illa unus Deus et dicatur et sit, nec in uno Deo sit illa Trinitas, sed unus Deus. Nec rursus quemadmodum ista imago quod est homo habens illa tria una persona est, ita est illa Trinitas: sed tres personae sunt, Pater Filius, et Filius Patris, et Spiritus Patris et Filii. Quamvis enim memoria hominis, et maxime illa quam pecora non habent, id est, qua res intelligibiles ita continentur, ut non in eam per sensus corporis venerant, habeat pro modulo suo in hac imagine Trinitatis incomparabiliter quidem imparem, sed tamen qualemcumque similitudinem Patris; itemque intelligentia hominis, quae per intentionem cogitationis inde formatur, quando quod securum dicitur, et nullius linguae cordis verbum est, habeat in sua magna disparitate nonnullam similitudinem Filii; et amor hominis de scientia procedens, et memoriam intelligentiamque conjungens, tanquam parenti prolique communis, unde nec parens intelligitur esse, nec proles, habeat in hac imagine aliquam, licet valde imparem, similitudinem Spiritus sancti: non tamen, sicut in ista imagine Trinitatis non haec tria unus homo, sed unius hominis sunt, ita in ipsa summa Trinitate cuius haec imago est, unius Dei ¹ sunt illa tria, sed unus Deus est, et tres sunt ille, non una persona. Quod sane mirabiliter ineffabile est, vel ineffabiliter mirabile, cum sit una persona haec imago Trinitatis, ipsa vero summa Trinitas tres personae sint, inseparabilior est illa Trinitas personarum trium, quam haec unius. Illa quippe in natura divinitatis, sive id melius dicatur deitatis ², quod est, hoc est, atque incomutabiliter inter se ac semper equalis est: nec aliquando non fuit, aut alter fuit; nec aliquando non erit, aut aliter erit. Ista vero tria quae sunt in impari imagine, etsi non locis quoniam non sunt corpora,

¹ MSS., non unus Pci, cum negante particula que marito omisso videatur in editis.

² MSS., sive, id melius dicitur, deitatis.

tamen inter se nunc in ista vita magnitudinibus separantur. Neque enim quia moles nullæ ibi sunt, ideo non videmus in alio majorem esse memoriam quam intelligentiam, in alio contra: in alio duo haec amoris magnitudine superari, sive sint ipsa duo inter se æqualia, sive non sint. Atque ita a singulis bina, et a binis singula, et a singulis singula, a majoribus minora vincuntur. Et quando inter se æqualia fuerint ab omni languore sanata, nec tunc æquabitur rei natura immutabili ea res quæ per gratiam non mutabitur¹: quia non æquatur creatura Cœatori, et quando ab omni languore sanabitur, mutabitur².

44. Sed hanc non solum incorporalem, verum etiam summe inseparabilem vereque immutabilem Trinitatem, cum venerit visio quæ facie ad faciem repromittitur nobis, multo clarius certiusque videbimus, quam nunc ejus imaginem quod nos sumus: per quod tamen speculum et in quo ænigmate qui vident, sicut in hac vita videre concessum est, non illi sunt qui ea quæ digessimus et commendavimus in sua mente conspicunt; sed illi qui eam tanquam imaginem vident, ut possint ad eum cuius imago est, quomodocumque referre quod vident, et per imaginem quam conspicio vident, etiam illud videre conjicendo, quoniam nondum possunt facie ad faciem. Non enim ait Apostolus, Videmus nunc speculum; sed, *Videmus nunc per speculum* (*I Cor. xiii.*, 12).

CAPUT XXIV. — *Infirmitas mentis humanæ*. Qui ergo vident suam mentem, quomodo videri potest, et in ea trinitatem istam de qua multis modis ut potui disputavi, nec tamen eam credunt vel intelligent esse imaginem Dei; speculum quidem vident, sed usque adeo non vident per speculum qui est per speculum nunc videndus, ut nec ipsum speculum quid vident sciant esse speculum, id est, imaginem. Quod si scirent, fortassis et eum cuius est hoc speculum, per hoc querendum et per hoc utcumque interim videndum esse sentirent, fide non facta corda mundante (*I Tim. i.*, 5), ut facie ad faciem possit videri, qui per speculum nunc videtur. Qua fide cordium mundatrice contempta, quid agunt intelligendo quæ de natura mentis humanæ subtilissime disputantur, nisi ut ipsa quoque intelligentia sua teste damnentur? In qua utique non laborarent, et vix ad certum aliquid pervenirent, nisi pœnalibus tenebris involuti et onerati corpore corruptibili quod aggravat animam (*Sap. ix.*, 15). Quo tandem merito inficto malo isto, nisi peccati? Unde tanti mali magnitudine admoniti, sequi deberent Agnum qui tollit peccatum mundi (*Joan. i.*, 29).

CAPUT XXV. — *In beatitudine tantum intelligentur quæstio cur Spiritus sanctus non sit genitus, et quomodo de Patre ac Filio procedat*. Ad eum namque pertinentes etiam longe istis ingenio tardiores, quando sine hujus vite resolvuntur a corpore, jus in eis retinendis non habent invidæ potestates. Quas ille

Agnus sine ullo ab eis peccati debito occisus, non potentia potestatis priusquam justitia sanguinis vicit. Proinde liberi a diaboli potestate, suscipiuntur ab Angelis sanctis, a malis omnibus liberati per Mediatorem Dei et hominum hominem Jesum Christum (*I Tim. ii.*, 5): quoniam consonantibus divinis Scripturis, et veteribus et novis, et per quas prænuntiatus et per quas annuntiatus est Christus, non est aliud nomen sub cœlo, in quo oportet homines salvos fieri (*Act. iv.*, 12). Constituuntur autem purgati ab omni contagione corruptionis¹ in placidis sedibus, donec recipient corpora sua, sed jam incorruptibilia, quæ orment, non onerent. Hoc enim placuit optimo et sapientissimo Creatori, ut spiritus hominis Deo pie subditus, habeat feliciter subditum corpus, et sine fine permaneat ista felicitas.

45. Ibi veritatem sine ulla difficultate videbimus, caque clarissima et certissima perfruemur. Nec aliquid queremus mente ratiocinante, sed contemplante cerneamus quare non sit Filius Spiritus sanctus, cum de Patre procedat. In illa luce nulla erit questio: hic vero ipsa experientia tam mihi apparuit esse difficilis, quod et illis qui hæc diligenter atque intelligenter legent, procul dubio similiter apparebit, ut cum me in secundo hujus operis libro alio loco inde dicturum esse promiserim (*Cap. 5*), quotiescumque in ea creatura quæ nos sumus, aliquid illi rei simile ostendere volui, qualemcumque intellectum meum sufficiens elocutio mea secuta non fuerit: quamvis et in ipso intellectu conatu me senserim magis habuisse quam effectum. Et in u:a quidem persona quod est homo invenisse imaginem summæ illius Trinitatis, et in re mutabili tria illa ut facilius intelligi possint, etiam per temporalia intervalla maxime in libro nono monstrare voluisse. Sed tria unius personæ, non sicut humana poscit intentionem, tribus illis personis convenire potuerunt, sicut in hoc libro quinto domonstravimus.

CAPUT XXVI. — *Spiritus sanctus a Christo bis datus. Processio Spiritus sancti a Patre et a Filio est sine tempore, nec amborum filius dici potest*. Deinde in illa summa Trinitate quæ Deus est, intervalla temporum nulla sunt, per quæ possit ostendi aut saltem requiri, utrum prius de Patre natus sit Filius, et postea de ambabus processerit Spiritus sanctus. Quoniam Scriptura sancta Spiritum eum dicit amborum. Ipse est enim de quo dicit Apostolus, *Quoniam autem estis filii, misit Deus Spiritum Filii sui in corda vestra* (*Galat. iv.*, 6): et ipse est de quo dicit idem Filius, *Non enim vos estis qui loquimini; sed Spiritus Patris vestri, qui loquitur in vobis* (*Matth. x.*, 20). Et multis aliis divinorum eloquiorum testimoniiis comprobatur Patris et Filii esse Spiritum, qui proprie dicitur in Trinitate Spiritus sanctus: de quo item dicit ipse Filius, *Quem ego mittam vobis a Patre* (*Joan. xv.*, 26); et alio loco, *Quem mittet Pater in nomine meo* (*Id. xiv.*, 26). De utroque autem proce-

¹ In excusis omissum fuerat, mutabitur.

² MSS., mutatur.

¹ Sic Am. et MSS. At Fr. et Lov., cogitatione corruptionis.

dere sic docetur; quia ipse Filius ait, *De Patre procedit*. Et cum resurrexisset a mortuis et apparuisset discipulis suis, insufflavit et ait, *Accipite Spiritum sanctum* (*Joan. xx, 22*), ut cum etiam de se procedere ostenderet. Et ipsa est virtus quae de illo exeat, sicut legitur in Evangelio, et sanabat omnes (*Luc. vi, 19*).

46. Quid vero fuerit causæ, ut post resurrectionem suam, et in terra prius daret (*Joan. xx, 22*), et de cœlo postea mitteret Spiritum sanctum (*Act. ii, 4*); huc ego existimo, quia per ipsum donum diffunditur charitas in cordibus nostris (*Rom. v, 5*), qua diligimus Deum et proximum, secundum duo illa præcepta in quibus tota Lex pendet et Prophetæ (*Math. xxii, 37-40*). Hoc significans Dominus Jesus, his dedit Spiritum sanctum; semel in terra propter dilectionem proximi, et iterum de cœlo propter dilectionem Dei. Et si forte alia ratio reddatur de Spiritu sancto bis dato, cumdem tamen Spiritum sanctum datum, cum insufflasset Jesus, de quo mox ait, *Ite, baptizate omnes gentes in nomine Patris et Filii et Spiritus sancti* (*Id. xxviii, 19*), ubi maxime commendatur hæc Trinitas, ambigere non debemus. Ipse est igitur qui de cœlo etiam datus est die Pentecostes, id est, post dies decem quam Dominus ascendit in cœlum. Quomodo ergo Deus non est qui dat Spiritum sanctum? In quantum Deus est qui dat Deum? Neque enim aliquis discipulorum ejus dedit Spiritum sanctum. Orabant quippe ut veniret in eos quibus manum imponebant, non ipsis eum dabant. Quem morem in suis prepositis etiam nunc servat Ecclesia. Denique et Simon Magus offerens Apostolis pecuniam, non ait, *Date et mihi hanc potestatem, ut deum Spiritum sanctum*; sed, *cūcumque, inquit, imposuero manus, accipiat Spiritum sanctum*. Quia neque Scriptura superiorius dixerat, Videns autem Simon quod Apostoli darent Spiritum sanctum; sed dixerat, *Videns autem Simon quod per impositionem manuum Apostolorum datur Spiritus sanctus* (*Act. viii, 19, 18*). Propter hoc et Dominus ipse Jesus Spiritum sanctum non solum dedit ut Deus, sed etiam accepit ut homo; propterea dictus est plenus gratia (*Joan. i, 14*) et Spiritu sancto¹ (*Luc. xi, 52, et iv, 1*). Et manifestus de illo scriptum est in Actibus Apostolorum: *Quoniam unxit eum Deus Spiritu sancto* (*Act. x, 38*). Non utique oleo visibili, sed dono gratiæ, quod visibili significatur unguento quo baptizatos ungit Ecclesia. Nec sane tunc unctus est Christus Spiritu sancto, quando super eum baptizatum velut columba descendit (*Math. iii, 16*): tunc enim corpus suum, id est, Ecclesiam suam præfigurare dignatus est, in qua præcipue baptizati accipiunt Spiritum sanctum: sed ista mystica et invisibili unctione tunc intelligendus est unctus, quando Verbum Dei caro factum est (*Joan. i, 14*); id est, quando humana natura sine utili præcedentibus honorum operum meritis Deo

Verbo² est in utero virginis copulata, ita ut cum illo siceret una persona. Ob hoc eum confitemur natum de Spiritu sancto et virgine Maria. Absurdissimum est enim, ut credamus cum cum juntrum trigesima esset annorum (ejus enim aetatis a Joanne baptizatus est [*Luc. ii, 21-23*]), accepisse Spiritum sanctum: sed venisse illum ad baptismum, sicut sine ulla omnino peccato, ita non sine Spiritu sancto. Si enim de famulo ejus et precursore ipso Joanne scriptum est, *Spiritu sancto replebitur jam inde ab utero matris sue* (*Id. i, 15*), quoniam quinvis seminatus a patre, tamen Spiritum sanctum in utero formatus accepit; quid de homine Christo intelligentem est vel credendum, cuius carnis ipsa conceptio non carnalis, sed spiritualis fuit? In eo etiam quod de illo scriptum est, quod accepit a Patre promissionem Spiritus sancti et effuderit (*Act. ii, 33*), utraque natura monstrata est, et humana scilicet et divina: accepit quippe ut homo, effudit ut Deus. Nos autem accipere quidem hoc donum possumus pro modulo nostro, effundere autem super alios non utique possumus; sed ut hoc fiat, Deum super eos, a quo hoc efficitur, invocamus.

47. Numquid ergo possumus querere utrum jam processerat de Patre Spiritus sanctus quando natus est Filius, an nondum processerat, et illo nato de utroque processit, ubi nulla sunt tempora; sicut potuimus querere ubi invenimus tempora, voluntatem prius de humana mente procedere, ut queratur quod inventum proles vocetur; qua jam parta seu genita, voluntas illa perficitur, eo sine requiescens, ut qui fuerat appetitus querentis, sit amor fruentis, qui jam de utroque, id est, de gignente mente et de genita notione tanquam de parente ac prole procedat? Non possunt prorsus ista ibi queri, ubi nihil ex tempore inchoatur, ut consequenti perficiatur in tempore. Quapropter, qui potest intelligere sine tempore generationem Filii de Patre, intelligat sine tempore processionem Spiritus sancti de utroque. Et qui potest intelligere in eo quod ait Filius, *Sicut habet Pater vitam in semetipso, sic dedit Filio vitam habere in semetipso* (*Joan. v, 26*); non sine vita existenti jam Filio vitam Patrem dedisse, sed ita cum sine tempore genuisse, ut vita quam Pater Filio gignendo dedit, coetera sit vitae Patris qui dedit: intelligat sicut habet Pater in semetipso ut de illo procedat Spiritus sanctus, sic dedisse Filio ut de illo procedat idem Spiritus sanctus, et utrumque sine tempore; atque ita dictum Spiritum sanctum de Patre procedere, ut intelligatur, quod etiam procedit de Filio, de Patre esse Filio³. Si enim quidquid habet, de Patre habet Filius; de Patre habet utique ut et de illo procedat Spiritus sanctus. Sed nulla ibi tempora cogitentur, quæ habent prius et posterius: quia omnino nulla ibi sunt. Quomodo ergo non absurdissime filius diceretur amborum, cum sicut Filio præstat essentiam sine initio temporis, sine ulla mu-

¹ Er. Lugd. Ven. et Lov., propterea dictus est plenus gratia: onus verbis, et Spiritu sancto. M.

² Sic Vss. At editi, *Dei Verbo*.
³ Fili, esse et Filio. Ex unius, et, auctoritate manuscriptorum.

tabilitate naturæ de Patre generatio; ita Spiritui sancto præstet essentiam sine illo initio temporis, sine illa mutabilitate naturæ de utroque processio? Ideo enim cum Spiritum sanctum genitum non dicamus, dicere tamen non audemus ingenitum, ne in hoc vocabulo vel duos patres in illa Trinitate, vel duos qui non sunt de alio quispam suscipiantur. Pater enim solus non est de alio, ideo solus appellatur ingenitus, non quidem in Scripturis, sed inconsciente disputatione, et de re tanta sermonem quallem valuerint proferentium. Filius autem de Patre natus est: et Spiritus sanctus de Patre principaliter, et ipso sine illo temporis intervallo dante, communiter de utroque procedit. Diceretur autem filius Patris et Filii, si, quod abhorret ab omnibus sanctorum sensibus, cum ambo genuissent. Non igitur ab utroque est genus, sed procedit ab utroque auctorum Spiritus.

CAPUT XXVII. — 48. *Quid hic sufficiat ad solutionem questionis, cur Spiritus non dicatur genitus, et cur solus Pater ingenitus. Quid agendum iis qui hac non intelligunt. Verum quia in illa coacterna, et aequali, et incorporeali, et ineffabiliter immutabili, atque inseparabili Trinitate difficultatum est generationem a processione distinguere, sufficiat interim eis qui extendi non valent amplius¹, id quod de hac re in sermone quodam proferendo ad aures populi christiani diximus, dictumque conscripsimus. Inter cetera enim cum per Scripturarum sanctorum testimonia docuisse de utroque procedere Spiritum sanctum: Si ergo, inquam, et de Patre et de Filio procedit Spiritus sanctus; cur Filius dixit, « De Patre procedit (Joan. xv, 26)? » Cur, putas, nisi quemadmodum solet ad eum referre et quod ipsius est, de quo et ipse est? Unde et illud est quod ait, « Mea doctrina non est mea, sed ejus qui me misit » (Id. vii, 16). Si igitur hic intelligitur ejus doctrina, quam tamen dixit non suam, sed Patris; quanto magis illuc intelligendus est et de ipso procedere Spiritus sanctus, ubi sic ait, « De Patre procedit, » ut non dicret, « De me non procedit? A quo autem habet Filius ut sit Deus (est enim de Deo Deus), ab illo habet utique ut de illo etiam procedat Spiritus sanctus: ac per hoc Spiritus sanctus ut etiam de Filio procedat, sicut procedit de Patre, ab ipso habet Patrem. Hic utsinque etiam illud intelligitur, quantum a talibus quales nos sumus, intelligi potest, cur non dicatur natus esse, sed potius procedere Spiritus sanctus: quoniam si et ipse Filius diceretur, amborum unicus filius diceretur; quod absurdissimum est. Filius quippe nullus est duorum, nisi patris et matris. Absit autem ut inter Deum Patrem et Deum Filium aliquid tale suspicemur. Quia nec filius hominum simul et ex patre et ex matre procedit: sed cum in matrem procedit ex patre, non tunc procedit ex matre; et cum in hanc lucem procedit ex matre, non tunc procedit ex patre. Spiritus autem sanctus non de Patre procedit in Filium, et de Filio procedit ad sanctificandam creaturam; sed simul de utroque procedit: quoniam hoc Pater Filio*

d. dicit, ut quemadmodum de se, ita de illo quoque procedat. Neque enim possumus dicere quod non sit vita Spiritus sanctus, cum vita Pater, vita sit Filius : ac per hoc sicut Pater cum habeat vitam in semetipso, dedit et Filio vitam habere in semetipso; sic ei dedit vitam procedere de illo, sicut et procedit de ipso (In Joannis Erag. tract. 99, nn. 8, 9). Hec de illo sermone iu hunc librum transtuli, sed fidelibus, non infidelibus loquens.

49. Verum si ad hanc imaginem contuendam, et ad videnda ista quam vera sint, que in eorum mente sunt, nec tria sic stut ut tres personae sint, sed omnia tria hominis sunt que una persona est, minus idonei sunt : car non de illa summa Trinitate, que Deus est, credunt potius quod in sacris Litteris inventur, quam poseunt liquidissimam reddi sibi rationem, que ab humana mente tarda scilicet insirmaque non capitur? Et certe cum inconcusse crediderint Scripturis sanctis tanquam veracissimis testibus, agant orando et querendo et bene vivendo ut intelligent, id est, ut quantum videri potest, videatur mente quod teneatur fide. Quis hoc prohibeat? imo vero ad hoc quis non hortetur? Si autem propterea negandum putant ista esse, quia ea non valent exercitibus cernere; debent et illi qui ex nativitate sua cœci sunt, e- se solem negare. Lux ergo luet in tenebris : quod si eam tenebræ non comprehendunt (*Joan.* 3, 5), illuminentur Dei dono prius ut sint fideles, et incipiunt esse lux in comparatione infidelium ; atque hoc præmisso fundamento ædificentur ad videnda que credunt, ut aliquando possint videre. Sunt enim que ita creduntur, ut videri jam omnino non possint. Non enim Christus iterum in cruce videndus est : sed nisi hoc credatur quod ita factum atque visum est, ut futurum ac videndum jam non speretur, non pervenitur ad Christianum, qualis sine fine videndus est. Quantum vero attinet ad illam summam, ineffabilem, incorporalem, immutablemque naturam per intelligentiam utcumque cernendam, nusquam se melius, regente duxat fidei regula, acies humanæ mentis exercet, quain in eo quod ipse homo in sua natura melius cœteris animalibus, melius etiam cœteris animæ suæ partibus habet, quod est ipsa mens : cui quidam rerum invisibilium tributus est visus, et cui tanquam in loco superiore atque interiore honorabiliter præsidenti, iudicanda omnia nuntiant etiam corporis sensus ; et qua non est superior, cui subdita regenda est , nisi Deus.

50. Verum inter hæc quæ multa jam dix., et nihil illius summe Trinitatis ineffabilitate dignum me dixisse audeo profiteri, sed confiteri potius mirificatam scientiam ejus ex me invaluisse, nec posse me ad illam (*Psal. cxxxviii*, 6); o tu, anima mea, ubi te esse sentis, ubi jaces, ubi stas¹, donec ab eo qui propitius factus est omnibus iniquitatibus tuis, sanentur omnes languores tui (*Psal. cx*, 5)? Agnoscis te certe in illo esse stabulo, quo Samaritanus ille perduxit eum quem

⁴ Editi, non valent in scriptis, theat, i.e., a manuscript.

⁴ *Mss. quidam, ubi jaces, ubi habitus, aut ubi stas, dices, etc. Alii plerique, ubi jaces, ubi habitas, docez, etc.*

reperit multis a latronibus¹ inflictis vulneribus semi-vivum (*Luc. x.*, 30 34). Et tamen multa vera vidisti, non his oculis quibus videntur corpora colorata, sed eis pro quibus orabat qui dicebat, *Oculi mei videant requitatem* (*Psal. xvi.*, 2). Nempe ergo multa vera vidisti, eaque discrevisti ab illa luce qua tibi lucente vidisti : attolle oculos in ipsam lucem, et eos in eam sige, si potes. Sic enim videbis quid distet nativitas Verbi Dei a processione Doni Dei, propter quod Filius unigenitus non de Patre genitum, alioqui frater ejus esset, sed procedere dixit Spiritum sanctum. Unde cum sit communio quædam consubstantialis Patris et Filii amborum Spiritus, non amborum, quod absit, dictus est filius. Sed ad hoc dilucide perspicueque cernendum, non potes ibi aciem figere; scio, non potes. Verum dico, mihi dico, quid non possim scio : ipsa tamen tibi ostendit in te tria illa, in quibus tu summas ipsius, quam fixis oculis contemplari nondum vales, imaginem Trinitatis agnosceres. Ipsa ostendit tibi verbum verum esse in te, quando de scientia tua gignitur, id est, quando quod scimus dicimus; quamvis nullius gentis lingua significantem vocem vel proferamus vel cogitemus, sed ex illo quod novimus cogitatio nostra formetur; sicutque in acie cogitantis imago simillima cogitationis ejus² quam memoria continebat, ista duo scilicet velut parentem ac problemi tertia voluntate sive dilectione jungente. Quam quidem voluntatem de cogitatione procedere (nemo enim vult quod omnino quid vel quale sit nescit), non tamen esse cogitationis imaginem; et ideo quamdam in hac re intelligibili nativitatis et processionis insinuari distantiam, quoniam non hoc est cogitatione conspicere quod appetere, vel etiam perfaci voluntate, cernit discernitque qui potest. Potuisti et tu, quamvis non potueris neque possis explicare sufficienti eloquio, quod inter nubila similitudinum corporalium, que cogitationibus humanis occursare non desinunt, vix vidisti. Sed illa lux quæ non est quod tu, et hoc tibi ostendit, aliud esse illas incorporeas similitudines corporum, et aliud esse verum, quod eis reprobatis intelligentia contuemur: hæc et alia similiiter certa oculis tuis interioribus lux illa monstravit. Quæ igitur causa est cur acie fixa ipsam videre non possis, nisi utique infirmitas? Et quid tibi eam fecit, nisi iniquitas³? Quis ergo sanat omnes languores tuos, nisi qui propitius fit omnibus iniquitatibus tuis? Librum itaque istum jam tandem aliquando precatio melius quam disputatione concludam.

CAPUT XXVIII. — 51. *Conclusiō libri, cum precatio-
ne et excusatione de multiloquio.* Domine Deus noster, credimus in te Patrem, et Filium, et Spiritum sanctum. Neque enim diceret Veritas, *Ite, baptizate omnes gentes in nomine Patris et Fili et Spiritus sancti* (*Math. xxviii.*, 19), nisi Trinitas esses. Nec baptizari nos juberet, Domine Deus, in ejus nomine qui non est Dominus Deus. Neque diceretur voce di-

¹ Sic plures MSS. At editi, *a multis latronibus*.

² Omnes prope MSS., *cognitionis ejus*. Et infra, *cognitione procedere*. Ac paulo post, *cognitionis imaginem*.

³ Plerique MSS., *Et quis tibi eam fecit, nisi utique iniqui-
tas?*

PATROL. XLII.

vina, *Audi, Israel; Dominus Deus tuus, Deus unus est* (*Deut. vi.*, 4); nisi Trinitas ita esses, ut unus Dominus Deus esses. Et si tu Deus Pater ipse esses, et Filius verbum tuum Jesus Christus ipse esses, et dominus vestrum Spiritus sanctus; non legeremus in Litteris veritatis, *Misit Deus Filium suum* (*Galat. iv.*, 4, et *Joan. iii.*, 17): nec tu, o Unigenite, dices de Spiritu sancto, *Quem mittet Pater in nomine meo* (*Joan. xiv.*, 26); et, *Quem ego mittam vobis a Patre* (*Id. xv.*, 26). Ad hanc regulam fidei dirigens intentionem meam, quantum potui, quantum me posse fecisti, quæsivi te, et desideravi intellectu videre quod credidi, et multum disputavi, et laboravi. Domine Deus meus, una spes mea, exaudi me, ne fatigatus nolim te querere, sed quavam faciem tuam semper ardenter (*Psal. civ.*, 4). Tu dā qua rendi vires, qui invenire te fecisti⁴, et magis magisque inveniendi te spem dedisti. Coram te est firmitas et infirmitas mea: illum serva, istam sana. Coram te est scientia et ignorantia mea: ubi mihi aperuisti, suscipe intrantem; ubi clausisti, aperi pulsanti. Meminerim tui, intelligam te, diligam te. Auge in me ista, donec me reforimes ad integrum. Scio scriptum esse, *In multiloquo non effugies peccatum* (*Prov. x.*, 19). Sed utinam prædicando verbum tuum, et laudando te tantummodo loquerer! non solum fugeri peccatum, sed meritum bonum acquirerem, quamlibet multum sic loquerer. Neque enim homo de te beatus, peccatum præcipiter germano in fide filio suo, cui scripsit dicens: *Prædicta verbum, insta opportune, importune* (*Il Tim. iv.*, 2). Numquid dicendum est istum non multum locutum, qui non solum opportune, verum etiam importune verbum tuum, Domine, non tacebat? Sed ideo non erat multum, quia tantum erat necessarium. Libera me, Deus, a multiloquio quod patior intus in anima mea, misera in conspectu tuo, et confugiente⁵ ad misericordiam tuam. Non enim cogitationibus tacet, etiam tacens vocibus. Et si quidem non cogitarem nisi quod placeret tibi, non utique rogarem ut me a hoc multiloquio liberas. Sed multe sunt cogitationes meæ, tales quales nosti, cogitationes hominum, quoniam vanæ sunt (*Psal. xcii.*, 41). Dona mihi non eis consentire, et si quando me delectant, eas nihilominus improbare, nec in eis velut dormitando immorari. Nec in tantum valeant apud me, ut aliquid in opera mea procedat ex illis; sed ab eis mea saltem sit tutam sententia, tutam conscientia, te tuente. Sapiens quidam cum de te loqueretur in libro suo, qui Ecclesiasticus proprio nomine jam vocatur, *Multa, inquit, dicimus, et non pervenimus, et consummatio sermonum universa est ipsa* (*Eccli. xlvi.*, 29). Cum ergo pervenierimus ad te, cessabunt multa ista que dicimus, et non pervenimus; et manebis unus omnia in omnibus (*1 Cor. xv.*, 28): et sine fine dicemus unum laudantes te in unum, et in te facti etiam nos unum. Domine Deus une, Deus Trinitas, quæcumque dixi in his libris de tuo, agnoscam et tui: si qua de meo, et tu ignosc, et tui. Amen.

⁴ In MSS., *qui inveniri te fecisti*.

⁵ Editi, et confugientem. Plures vero MSS., *confugiente*; omissa particula, et.

(Trente-cinq.)

APPENDIX

TOMI OCTAVI

OPERUM SANCTI AUGUSTINI,

IN QUO
SUBDITITIA ISTHÆC OPUSCULA EXHIBENTUR,

SCILICET:

TRACTATUS CONTRA QUINTA HÆRESES.

SERMO CONTRA JUDÆOS, PAGANOS ET ARIANOS.

DIALOGUS DE ALTERCATIONE ECCLESIAE ET SYNAGOGÆ.

DE FIDE CONTRA MANICHÆOS LIBER EVODIO TRIBUTUS.

COMMONITORIUM (VULGO AUGUSTINI) DE RECEPIENDIS MANICHÆIS QUI CONVERTUNTUR.

CONTRA FELICIANUM ARIANUM DE FIDE TRINITATIS, LIBER VIGILIO TAPSITANO EPISCOPO

RESTITUTUS.

QUESTIONES DE TRINITATE ET DE GENESI EX ALCUINO DECRIPTÆ.

DE INCARNATIONE VERBI AD JANUARIUM LIBRI DUO COLLECTI EX ORIGENE.

LIBER DE TRINITATE ET UNITATE DEI.

DE ESSENTIA DIVINITATIS.


DIALOGUS DE UNITATE SANCTÆ TRINITATIS.

LIBER DE ECCLESIASTICIS DOGMATIBUS.

Comparavimus eas omnes editiones initio Retract. et Confess., t. 1, memoratas. M.



ADMONITIO IN SUBSEQUENTEM SERMONEM.



Tractatum adversus quinque Hæreses, quem Erasmus hominis eruditus quidem, et arguti et facundi esse censuerat, non tamen Augustini, nisi forte, ait, *juvenis scribebat*, Augustino sine cunctatione adjudicant Lovanienses et Bellarminus, alii auctoritate Bedæ, qui ex capite ejusdem tractatus quarto et quinto citat quædam in caput primum Epistolæ Pauli ad Romanos. Ea de facto verba nomine Augustini citata reperiuntur non solum in vulgata Bedæ collectione illa auctiore, quæ verius est Flori Lugdunensis; sed etiam in altera certa Bedæ, quæ penes nos est brevior in Paulum collectio, nondum typis edita. Verum sermo iste dictus eo tempore deprehenditur, quo Africa tenebatur Arianorum dominatu, quando jam orthodoxis pastoribus, alias exilio seu fuga, aliis morte sublatis, hæretici Catholicos et concordationibus sollicitabant, et largitionibus pecuniariæ corrumpere tentabant. In capite 6, *Ubi esis, inquit, fontes lacrymarum? Quibus agricolis loquor?* Alii sunt mortui, alii fugati. Et cap. 7, *Adversatur (Arianus), clamat, litigat, pugnat, turbas congregat, contra Christum dimicat. Ille sanguinem fudit, ut redimat; iste pecuniam spargit, ut perimat.* Similia leguntur in sermone 9 ad Catechumenos, n. 24, et sermone de Tempore barbarico, n. 10; quæ tomo sexto, in tempus Vandalicæ persecutionis post Augustini mortem excitatae conveniente observavimus. Priuilegia dictio nec satis accurata, nec tam seria est, quam solet esse Augustini. Exempli gratia, in cap. 3, Deo Patri ad dignendum Filium conjugis vice fuisse bonam voluntatem docet. Ad hæc quod Augustinus in Donatistas seripsit, id auctor in Arianos torquet, cap. 6: *Quare litigamus? Si una nobis est hereditas, simul possideamus, fratres sumus, etc.* Credimus itaque Bedam hic, quemadmodum et in subdititia Collatione eum Pascentio, quæ in secundi tomii appendicem rejecimus, deceptum esse errore veterum codicium qui hunc tractatum Augustino assignant. Ilujus libri mentionem facit Hinemarus, lib. de non trina Deitate, et quia preconceptæ illius opinioni valde incommoda erant hæc capitul. 7: *Gratias tibi, vera et una Trinitas, una et trina Veritas, trina et una Unitas, ibi multis contendit, a pagina scilicet 450 ad 464, ea a falsario et impostore aliquo fuisse immisæ,* In Indice Possidii notatum dicit Bellarminus, in eo videlicet, quem interpolatum edidit Joannes Ulinmerius: nusquam vero in cæteris, tum editis, tum scriptis, quæ videlicet nobis licuit, Possidiani Iudicis exemplaribus invenitur. Recognovimus Tractatum et emendavimus ad codices Vaticanos decem, ad Germanensem unum, ad Michaelinum, ad Remigianum, ad Ebrulphensem, ad Arnulphensem, ad Cisterciensem, ad Foissatensem, ad Colbertinum, ad codicem V. G. domini de Maran Tolosatis, ad Turonensem S. Gatianni, et ad alium Ecclesiæ Lugdunensis codicem, in quibus inscribitur *Libellus adversus quinque hæreses*, sive *contra quinque hostium genera*; quia nempe est contra Paganos, Judæos, Manichæos, Sabellianos et Arianos.



ADVERSUS QUINQUE HÆRESES,

SEU

CONTRA QUINQUE HOSTIUM GENERA,

TRACTATUS.



CAPUT PRIMUM. — 1. *Quinque genera hostium.* Dilector sum, fateor, non necessitate cogente, sed, quod est vehementius, charitate. Non tam ad compellendum potest esse molestus exactor, quam ad reddendum¹ devotus est debitor. Sed ut impleam quod promisi, adjuvate me sanctis orationibus vestris, ut Dens omnipotens det gratiam sermonibus meis, et satisfaciam piis mentibus et auribus vestris. Si meminisse dignamini qui in tempore adfueritis, quinque hostium genera esse diximus: contra quæ expugnanda inducias postulavimus, ut necessaria arma præparare possemus. Promissus dies illuxit, nos quoque impigro ad certamen Domino adjuvante processimus. Adjutorium nostrum a Domino, qui fecit cœlum et terram (Psal. cxvi, 8). Donabit certanti victoriam, qui certandi dedit audaciam. Non nos hostium turba, non nos bellantium revocet forma, non quasi vitrea, diligentia terreat arma². Goliath magnum, robustum, armis terribilibus, ingentique turba munitum³, David solus, puer parvus atque inernis, uno lapidis iictu prostravit, totaque Allophylorum castra turbavit atque fugavit (I Reg. xvii, 49). Quid autem aliud petra contra Goliath manu David missa, nisi Christum contra diabolum ex semine David venturum significavit?

2. Aggrediamur jam, et errorum quæ diximus quinque genera proponamus. Pagani dicunt, Quid est quod nos exhorretis atque abicitis tanquam multos coleentes deos? Ecce et vos Deum, quem prædictis colendum, filium habere dicitis, eumque sine alterius commixtione sexus natum esse contingitis. Judei dicunt, Quomodo unum colitis Deum, quando et hominem quem patres nostri crucifixerunt Dominum⁴ dicentes, hominibus extorquetis ut tanquam Filium Dei vobiscum venerentur et colant? Manichei dicunt phantasma esse, quod dicitur Dominum Christum tenetem posuisse nasci ex utero. Non enim dignum est, inquit, ut tanta majestas per sordes et squalores feminæ transisse credatur. Sabelliani, idem Patrissiani, dicunt, Unus est Deus Pater et Filius; quoniam qui Pater, ipse est et Filius. Nam si aliter dixerimus, dicemur multicolæ. Ariani dicunt, Alius est Pater, alius est Filius, sed minor est Filius. Quomodo enim fieri potest, ut genitori genitus existat aequalis?

CAPUT II. — 3. *Fiducia adversus hæreticos.* Ecce sunt errorum propositae questiones, quasi hostium composite acies. Contra istas acies pestiferas, sanctissimi fratres, assumite arma Dei, ut possitis resistere in die malo, et in omnibus perfecti stare. Accingimini lumbos in veritate: nemo trepidet, nemo formidinet. Est lorica justitia, est scutum fidei, in quo sagittæ malignorum ignitæ excipiuntur et extinguantur. Est galea salutis, est gladius spiritus, quod est verbum Dei (Ephes. vi, 14-17). Quisquis fidelium Christi militum his fuerit armis munitus, non cuiusquam formidabit personam, non terrore temporis a certamine revocabitur. Eia, fratres, certamen in promptu est, fervet opus, urget adversarius, spicula parat, jaccere tentat, nemo expavescat. Fratres, plu-

¹ Alias: *ad compellendum non potest esse molestus exactor, quando ad reddendum, etc.*

² Plures MSS., non quasi fulgens vitrea terreat armatura.

³ MSS., forma munitum.

⁴ Plures MSS., Deum.

res sunt nobiscum quam cum illis. Nobiscum est Moyses ille magnus amicus Dei, qui ut hostem vincet præliaitem, manus ad cœlum extendit, jam tunc figuram crucis Christi ostendens: ipse divino imperio, tumentis ponti volentes flexuosis sinibus undas¹, uno virgæ percussu traxiendo populo aridos vertit in campos. Nobiscum est Jesus post Moysen populi dux Israeliticæ, fortissimus prælator, cuius etiam nomen indicat Salvatorem: ipse potentia sua et divina fiducia, diem, sui cursus metas ne perageret, statuit; et nocti ne accederet imperavit. Ipse gentium reges, non singillatum, sed congregatum superavit, captivavit, humiliavit, occidit. Nobiscum est David manu fortis; quid dicam? servus Dei, electus Dei, amicus Dei, parentis Dei: noverat et bene noverat, non solum parcere subiectis et debellare super hos (Æneid. lib. 6., vers. 853), verum etiam virtutes ostendere et patientiam custodire. Ipse inimicos suos cum persequeretur², non perniciosus, et cum vinceret, non exstitit impius. Nobiscum sunt alii atque alii sancti viri, qui onnia futura præviderant et prædixerunt. Non est ergo quod terreat vos: et tantum expectate, audite et orate, intentior et auctior³ circa me vestra sit oratio. Non diutius immoremur, jam quæ proposuimus prosequamur.

CAPUT III. — 4. *Ex Hermite et Sibylla adversus Paganos.* Quid dicis, pagane? Deus, inquis, si delectatus est filio, indignus conjugio: si horruit coniugium, solus est sine filio. Quid enim poterat inventi simile Deo, quod conjungatur Deo, et pararet filium Deo? Deinde si, ut dicitis, habet Deus filium, jam non unum colitis Deum. Quid agimus? Ab Allophylo tellum missum exceperimus; quid remitteremus? Quodlibet miserum telum, licet perveniat ad illum, nihil prodest. Quare? Quia durus est. Quantum durus est? Lapideus est: idola colit; et scriptum est, *Similes illis sunt omnes qui faciunt ea, et omnes qui confidunt in eis* (Psal. cxiii, 8). Sanctas Scripturas non accipit. Quæramus ergo lapidem quo percutiatur, ut percussus quassetur, quassatus comminuatur, communatus in pulvorem convertatur, conversus in pulvrem compluatur, complutus seratur, status faciat fructum, non qui igne consumatur, sed qui in horreo recondatur. Hermes, qui latine Mercurius diciunt, scripsit librum qui *Ἄρες τίλαιος* appellatur, id est, Verbum perfectum: magnum nonueni libri hujus, quia magnus est de quo scriptus est. Quid enim perfectius Verbo, qui solus est inter mortuos liber (Psal. LXXXVII, 6)? Audiamus quid loquatur Mercurius de Verbo perfecto: Dominus, inquit, et omnium factor deorum, secundum fecit Dominum. Et post pauca, ut ostenderet quid dixerit, repetit et dixit: Quoniam ergo hunc fecit primum, et solum et unum⁴: bonus autem eius visus est et plenissimus omnium bonorum. Quantum plenissimus Joannes evangelista dicat: *De plenitudine ejus nos omnes accepimus, gratiam pro gratis* (Joan. i, 16). Bonus autem eius visus est, et plenissimus omnium bonorum. Et sequitur: Lætatus est. Cui, vel cum quo lætatus est? Dicat ipsa Sapientia Dei, Filius Dei: *Ego eram cui adgaudebat* (Prov. viii, 50). Ergo, lætatus est, et valde dilexit tanquam unigenitum

¹ Antiquiores MSS.: *volentis fluctuosisimas undas.*

² Turouensis MS., *ipse inimicis suis, dum persequetur ab eis.*

³ Aliquot MSS., *acutior. At quidam alii, altior.*

⁴ Quidam MSS., *et rerum. Aliqui, et bonum.*

sum. Quem primo factum dixit, postea unigenitum appellavit. Item alio loco sic dixit: Filius benedicti Dei atque bona voluntatis, cuius nomen non potest humano ore narrari. Quereras, pagane, conjugem Dei? Audi Mercurium: para frontem, et excipe lapis lapidem: eade, ut erigaris; frangere, ut confirmeris; destruere, ut adfisceris: ictus lapidis non cutem dividat frontis, non venam rumpat sanguinis, non aperiat foveam vulneris; sed signum faciat crucis. Conjugem Dei queris? Abiicitur ex corde tuo, rogo, impura pravitas. Conjur Dei bona voluntas est. Quomodo autem pater sit Deus, et Filius Deus, nec tamen duo dii, sed unus sit Deus, tecum disputare non debeo; quia nisi credideris, intelligere nullatenus poteris. Et tamen Filium Dei Deum¹ fatetur Mercurius. Hoc lapide percussus, lapideus desinat esse sacrilegus. Audiamus quid etiam Sibylla vates eorum de eodem dicat: Alium, inquit, dedit Deus filiis hominum² colendum. Quantum apparet, in his sententiis Mercurii et Sibylle, Sabellius etiam judicatur. Mercurius et Patrem Deum dicit et Filium: et Sibylla dicit Deum aliud. Sabellius dicit non aliud, quia eundem Patrem asserit esse quem Filium. Optimum valde est, si modo non unum tantum, sed etiam ad quantoscumque missus pervenire potuerit adversarios, uno ietu percutiamus. Item Sibylla dicit: Ipsum tuum cognosce Dominum³ Dei Filium esse. Versus iste et Paganum increpat et Judaeum. Alio loco Filium Dei οὐκέπολος appellat, id est, consilium, vel consilium. Et propheta dicit, *Vocabitur nomen ejus, Admirabilis, consiliarius, Deus fortis et potens (Isai ix, 6)*. Illic Ariannus arguitur, qui cum dicit minorum Dei Filium, dicit aliquando Deum non habuisse filium. Et si fuit sine filio, fuit sine consilio. Ecce ad quanta pericula provocamur. Sed quia Deus nunquam fuit sine consilio, etiam contradicente Ariano, nunquam Pater potuit esse sine Filio. Quid agis, pagane? Aperi aures, noli esse sicut aspis surda, que obturat aurem ne audiat vocem incantantis (*Psalm. lvii, 5*). Non tibi meos autores profero; tuis est Mercurius, cui inter eos tantus honor cultusque a vobis delatus est, ut ejus nomine diem vocaretis. Ipsum audi, ipse te convincat, ipse expugnet; ut cum te vicerit, illi cedas, et mihi credas. Mercurius dixit: Dilexit Deus Unigenitum suum. Ipse dixit: Filius benedicti Dei atque bona voluntatis. Et ne de ejus nomine tradiunt interrogatio sustineret, secutus adjunxit: Cujus nomen non potest humano ore narrari. Quid tu, Mercuri, ab hominibus dicas nomen Dei Filii narrari non posse? A te narretur, qui non homo, sed deus ab hominibus testimoniari. Loquitur autem ad Filium suum dicens: Est autem. Quis? Filii inenarrabilis sermo sapientiae Sanctus sanctus⁴. Nonne hoc est, *In principio erat Verbum (Joan. i, 1)*? Dic, Hermes, sermo iste sapientie habet matrem? Sequitur: De solo Deo Dominus est, omnibus dominante Deo mortalibus. Et quia ab hominibus indagari non potest, addit et dicit: Super homines est. Ergo quia super homines est, nomen Filii Dei narrare non possunt, quia deus non sum: dicant homines quasi homines quod non sum, ego agnosco quod sum. Sermo sapientiae de solo Deo est. Non ergo ibi, pagane, humanum superceris aut singas suis conjugium: de solo Deo est, et super homines est. Incepit te Sibylla dicens, Ipsum tuum cognosce Dominum Dei Filium esse Deum: ipsum, non aliud, non Martem, non Jovem, non Mercurium; sed quem constitutus Mercurius. Quid miraris, christiane, quod talia isti de Patre et Filio dicant? *Et demones credunt, et contremiscunt (Jacobi ii, 19)*. Nempe in Evangelio transiente Dominus dicitur. *Norimus qui sis, Filius Dei, venisti ante tempus torquere nos (Marc. i, 24)*. Utinam quomodo demones judicem, sic homines agnoscere salvatorem!

¹ MSS., Dominum.

² Aliquot MSS., fidelibus hominibus.

³ Alias, Deum.

⁴ Alias, spiritus sanctus.

CAPUT IV. — 3. *Ez. Veteri Testamento adversus Iudeos*. Quid dicit Iudeus? Unus est nobis Deus, praeter ipsum non aliud novimus. Illum vero quem vicitis Christum, patres nostri non Deum, sed hominem occiderunt. Nempe hoc est quod dixi: Utinam quomodo demones judicem, sic homines agnoscere salvatorem! Ecce demones viderunt, et tremuerunt: homines viderunt, et occiderunt. Demones confessi sunt: homines persecuti sunt. Quae infelicitas est et quanta miseria, imparem etiam demonibus inveniri? Item homines credunt, demones perent: homines salvator, demones puniuntur. Sed haec immutatio gratia est dexteræ Excelsti (*Psalm. lxxvi, 11*), non presumptio hominis de suis viribus confidentis. Contra istum vero Judaeum non labore: pugnant contra illum codices sui, pugnant Lex et Prophetæ: et aut virtus et humiliatio salvabitur, aut superbus et pertinax puniatur. Dixit Dominus ad Moysen: *Ecce ego mitio angelum, acum qui præcedat te, et custodiat in via, et introducat in locum quem parari. Observa eum, et audi vocem ejus, nec contemnendum putes*. Audisti angelum, agnoscere Dominum: nec contemnendum esse putes. Audi adhuc quod metuas: *Nec, inquit, contemnendum putes*. Quare? *Quia non dimittet cum peccaveris, et est nomen meum in illo (Exodus. xxiii, 20, 21)*. Quis est ille tam magnus, cui lens et potestatem suam dedit et nomen? *Dominus virtutum ipse est rex gloriae (Psal. xxiii, 10)*. Et unde probamus, quod enim dicitur angelus, debeat intelligi Deus? Habes in libro qui appellatur Genesis: *Venerunt, inquit, duo angeli Sodomam respere, sedente Loth præ foribus civitatis: quos cum vidisset, surrexit, et ivit obriam eis (Gen. xix, 1)*. Quid plura? Suscepit, et obsecutus est eis tanquam peregrinis. Consuetudine hospitalitatis liberatus a periculo civitatis, et temporale evasit incendium, et aeternum consecutus est premium. Discite, christiani, sine discretione exhibere hospitalitatem, ne forte cui domum clauseritis, cui humanitatem negaveritis ipse sit Christus. Non amplius evagenuis a proposita actione. Angeli venerunt ad Loth, et dixerunt: *Videte et avertite, quia angeli loqui dicuntur. Quid dixerunt angelii? Salva animam tuam, noli respicere post tergum (Ibid., 17)*. Quia nemo ponens manum super aratrum, et retro respiciens, aptus est regno Dei (*Luc. ix, 62*). Neglectes in omni circa regione; terrenis non inheretis voluptatibus: sed in monte salvum te fac (*Gen. xix, 17*); spes tua Deus sit, ne et tu simul pereas cum Sodomitis. *Dixitque Loth ad eos*. Videote hominem videntem, non crecum, sicut Judæi et Sabelliani; non lippiensem, sicut Ariani: sed oculos sanos habentem, sicut catholici Christiani. Angelos vidi, et Dominum intellexit. Quid dixit angelis? *Dixitque Loth ad eos: Domine mi, quia inveni' servus tuus gratiam ante te, et magnificasti misericordiam tuam, quam fecisti mecum, ut salvares animam meam (Ibid., 49)*. Magna res, cum volo Judæum ferire sic, Moyses fortissimus vir hastam verbi sui vibravit, et misit, ut per Judæum ad Sabellianum transiret, Ariannique percenteret. Quid agis, Loth sancte? Angelos vides, et non unum, sed duos, et dicas, *Domine mi*. Ad unum verba facis, unum precaris; et non metuas ne alteri injuriarum facere videabis? Absit, inquit. Recedite, Judæi; recedite, Sabelliani, quia non videntis; recedite, Ariani, quia parum videntis. Ego video; et quod video quia video, nec contemno nec erro. Duos video, æquales video. Unum rogo, nulli injuriarum facio: quia Patrem a Filio non divido. Nam ut intelligatis me non falli, cum duos tanquam unum deprecor, videte utrum duo, an unus meis respondeat precibus. Petit ut in modica civitate et proxima refugium haberet et vivaret. Respondet ei. Videamus quot sunt qui respondent. Verba libri subsequuntur, *Dixitque ad eum: quasi responsio singularis est*. Adhuc sequere, videamus: *Ecce etiam in hoc suscipi preces tuas, ut non subvertam urbem, pro qua locutus es. Festina, et salvare ibi: quia non potero facere quidquam, donec ingrediari illuc (Ibid., 21, 22)*.

Vides, Judæe, et dici angelum, et esse Deum? Audis, Ariane, duos, Patrem et Filium, dicentem : nec tam eundem Patrem quem Filium, propter Sabellianos; sed Patrem et Filium? Audis quid dictum est, *Suscepit precios tuas?* Audis quid dicit, *Non subvertam urbem?* Audis, *Non potero facere quidquam?* Iudeus legit angelum, intelligat Deum; Sabellianus legit duos venisse; Arianus legit unum respondisse: et non contemnatur, sed errorem fugiant, ne ad ignem perveniant. Sed ut pleniū ostendamus dictum angelum debere intelligi Deum, huius lectionis sequentia recitamus: *Igitur, inquit, Dominus pluit super Sodomanum et Gomorrah sulphur et ignem a Domino de caelo* (*Gen. xix, 21*). Quid est, *Dominus a Domino*, nisi Filius a Patre? Sicut et alio loco: *Dixit Dominus domino meo, id est, Pater Filio suo, Sede ad dexteram meam, donec ponam iuniores tuos scabellum pedam tuorum* (*Psal. cix, 1*). Item in Exodo, Apparuit, inquit, *Moysi angelus Domini in flamma ignis de rubo, et vidit quoniam rubus ardebat igni, rubus autem non cremabatur.* Et dixit Moyses: *Transeo*¹, et video hoc grande visum, cur utique non crematur rubus. Cum vidiisset autem Dominus, quia accedit videre, vocavit eum Dominus de rubo. Ecce ipse angelus ipse Dominus. Et sequitur dicens, *Moyses, Moyses. Et ille xixit, Quis² es Domine?* Ait illi Dominus, *Ne accesseris huc, nisi solvabis calceamenta de pedibus tuis; locus enim in quo stas, terra sancta est.* Adhuc audi quid dixerit ei: *Ego sum Deus patrum tuorum, Deus Abraham, Deus Isaac, Deus Jacob* (*Exod. iii, 2-6*). Et ideo Iudeus sic audiat angelum, ut intelligat Dominum et timeat Deum: Sabellianus sic confiteatur Patrem, ut non neget Filium: Arianus sic confiteatur Patrem et Filium, ut non minuat Filium. Jesus etiam Nave, sicut liber dicit qui ejus scriptus est nomine, cum adversus hostes clamaret, in ipso constitutus procinctu, vidi virum stantem contra se, et evaginatum tenentem gladium: perrexitque ad eum, et ait: *Noster es, an adversarius?* Qui respondit: *Nequaquam, sed sum princeps exercitus Domini, et nunc adveni* (*Josue v, 13, 14*). Cecidit autem Jesus pronus in terram, et adoravit. Et nunc sequere, Judæe, ducem tuum. Videt, interrogat, et adorat. Visio communionem habet: videtur enim et quod agnoscitur, et quod non cognoscitur. Ergo visio communionem habet, interrogatio ignorantem, adoratio fidem. Quem videt? Hominem. Quis est homo iste? Ipse est cuius contra inimicas gentes prenuntiabatur, desiderabatur, exspectabatur adventus. [Et homo est, inquit, et quis cognoscet eum³?] Quis est princeps exercitus Domini? Nonne ipse est, qui in Evangelio interrogatus quis esset, respondit, *Principium, qui et loquor vobis* (*Joan. viii, 25*)? Quid turbaris, Jesu? Quare fremuerunt gentes, et populi meditati sunt inania adversus Dominum et adversus Christum ejus (*Psal. ii, 4*)? Vides armatum, noli metuere: non contra te venio, sed pro te; quia non sum missus nisi ad oves perdidas domus Israel (*Matth. xv, 24*). Quid est, Jesu, quod vides, interrogas, et adoras? Audi: Hominem video; interrogabo quem video; audio quem non video; adoro, non quod video, sed quod credo: quia *fides ex auditu, auditus autem per verbum Dei* (*Rom. x, 17*). Quid ergo queris? Adverte, et sequere: Hominem video, sed præ filiis hominum est quod intelligo. Nescio quid milii coruscet, et tanquam de latebris fulgidum aliiquid splendet. Vado ad eum, quia venit ad me: perscrutabor quod video hoc tam grande visum. Quem video, et homo est, et non est homo. Imo et homo est propter Manicheum; et plusquam homo est propter Iudeum. Perge, Jesus mens, dux meus, perge. Quare, nisi quia cum tu me inquiris, me acquiris? Ecce venio, hominem invenio: intus nescio quid intelligo; obscurum est, nondum video: recta est facies Moysi, velamen impedit aciem (*Exod.*

xxxiv, 33), latet veritas. Non agnosco quid sit, opus est interrogatione. Dic, tu homo, *Noster es an adversarius?* Si adversariorum est, et homo est, et inimicus est: si noster est, et homo est, et Salvator est, *Post me venit, sed ante me factus est* (*Joan. i, 30*). Si Jesus est, et Salvator est. Interroget Jesus Jesum, interroget prior posteriore, sed tamen minor maiorem; interroget deficiens crescentem: figura interroget veritatem; imo figura intelligat veritatem: ut luceat dies, et removeantur tenebræ temporales. Ecce venio, scio quia spiritus carnem et ossa non habet (*Luc. xxiv, 59*); palpo carnem: quaro, intueor armatum. Adhuc latet mysterium. Interrogo virum, audio verbum; removeo velum, adoro Deum. In eo quod Jesus vidi nec cognovit, furiosam gentem Judæorum significabat, quæ si videns cognovisset, nunquam Dominum gloriae crucifixisset (*1 Cor. ii, 8*): in eo autem quod audiendi credit et adoravit, istum significabat populum de quo scriptum est, *Populus quem non cognovi, servivit mihi; in auditu auris obaudivit mihi* (*Psal. xvii, 45*). Audi adhuc qui negas Deum genuisse Filium, audi quid dicit Pater per Isaiam prophetam: *Nunquid ego, qui alios parere facio, ipse non pariam, dicit Dominus* (*Isai. lxvi, 9*)? Ego qui generationes cæteris tribuo, sterilis remanebo? dicit Dominus Deus tuus, cui dictum est, *Filius meus es tu, ego hodie genui te* (*Psal. ii, 7*). Quid me stimulas, Ariane, et irrides cum audis, *hodie?* Apud Deum nunquam crastinus, nunquam hesternus dies est, sed semper hodie: non mensium circulis volvitur annus, non succedentibus ac decedentibus transigitur mensis diebus, non horæ mutantur, non variantur tempora vel momenta, ubi dies nec termino concluditur, nec initio inchoatur. Audit adhuc Iudeus quid per prophetam dicat Dominus, audiat Arianus: audiant et omnes qui Filium Dei aut non esse, aut esse minorem dicunt. *Ego, inquit, Deus, et non est alius.* Et quid de Filio, Domine, si tu solus es Deus? Audi adhuc, quid festinas? *In memetipso juravi.* Ubi est juratio, nulla est dubitatio. *In memetipso juravi, Egredietur de ore meo justitia verbum.* Ecce habes Filium: *Egredietur de ore meo justitia verbum, et non revertetur.* Quid est, non revertetur? Ne Sabellianus dicat quia ipse est Filius qui Pater, egressum verbum non revertetur: quia Pater, Pater est; Filius est. Sileat aliquantulum hæreticorum loquacitas, nullam habens verecundiam: impieat Dominus sententiam; et Filio Dei aut nullus adversabitur, aut qui adversarii extiterit, confundetur. *Egredietur, inquit, de ore meo justitia verbum, et non revertetur;* quia mihi curvabitur onus genu, et confitebitur omnis lingua. Et Filius quid? Audi ergo in Domino dici: *Mæz sunt summæ justitiae et imperium.* Age ergo, et quid postea? *Ad eum venient, et confundentur omnes qui repugnant ei* (*Isai. xlvi, 22-23*). Ite nunc, omnes, Pagani, Hæretici, Judæi; adversamini, et repugnate Filio Dei: ad eum venietis, et confundemini omnes qui repugnat ei.

CAPUT V.—6. *Contra Manichæos.* Non parum de Filio Dei secundum divinitatem locuti sumus, et resistantibus in quantum potuimus adversariis non popercimus: nunc volo ad ejus incarnationem accedere, et Manicheus ohsistit impurus. Quare? Quia Dei Filium non vult dici etiam hominis filium. Et ubi est quod scriptum est, *Rorate, cæli, descendere, et nubes pluant justum; aperiantur terreni, et germinet Salvatorem; et justitia orietur simul, ego bonitus creavi eum* (*Ibid., 8*)? item, *Ecce parvulus natus est nobis, et filius datus est nobis: et factus est principatus super humerum ejus et vocabitur nomen ejus, Admirebilis, consiliarius, Deus fortis, pater futuri sæculi, princeps pacis* (*Id. ix, 6*)? item, *Ecce virgo concipiet in utero, et pariet filium; et vocabitur nomen ejus Emmanuel* (*Id. vii, 14; Matth. i, 23*)? Dicit aliquis, Cum Manicheo certare dispositueras, non cum Iudeo. Contra Manicheum nova tela sunt necessaria, non antiqua. Quare? Quia novum, non Vetus accipit Testamentum.

¹ Alias, *Padam.*

² Alias, *Quid.*

³ Aliud inclusum abest a vss.

Sed mihi, qui contra utrosque suscepit certamen, unde arma sunt necessaria; maxime, quia ista nova ex veteribus fabricata sunt: ergo nec illa abicienda, et ista portanda sunt. Diversis enim telis diversi concidunt adversarii. Ordo itaque iste servandus est, ut loquens de Evangelio, non sileam de Prophetis.

7. Sed ego, inquit Manichaeus, nec Moysen accipio, nec Prophetas. Quid ais¹ de Paulo apostolo, qui in exordio Epistola sua ad Romanos scripsit, *Paulus servus Iesu Christi vocatus apostolus, segregatus in Evangelium Dei, quod ante promiserat per Prophetas suos in Scripturis sanctis de Filio suo, qui factus est ei ex semine David secundum carnem (Rom. 1, 4-5)*? Aуди quia Evangelium per Apostolos² non exhibetur, nisi per Prophetas ante promitteretur? Aуди quia Filius Dei secundum divinitatem, factus est filius hominis ex semine David secundum carnem? Quid est enim, in quo Prophete contrarii sunt Evangelio? Dixit Propheta: *Rorate, cœli, desuper, et nubes pluant justum: veniat angelus, predictet verbum. Aperiet terra; audiat Maria: et germet Salvatorem; pariat Jesum. Propheta dixit, Ecce virgo in utero concipiatur, et pariet filium; et vocabitur nomen ejus Emmanuel. Hoc etiam evangelista cum diceret, secutus est et exposuit dicens, Nobiscum Deus (Matth. 1, 23)*. Frustra, Manichaei, conaris adversari Prophetis. Ecce Apostolus dicit, *De Filio suo qui factus est ei de semine David secundum carnem (Rom. 1, 5)*. Quod Prophete præviderunt et prædixerunt, hoc Apostoli viderunt et prædicaverunt. Qui erat, factus est. Quid erat? quid factus est? Verbum erat, caro factus est. Deus erat, homo factus est: Filius Dei erat, Filius hominis factus est. Susepuit humanitatem, non amisit divinitatem: factus humilis, mansit sublimis: natus est homo, non destitutus esse Deus: natus est parvulus, latens magnus: qui libenter amplectitur Deum natum, non horreat³ virginis partum. Dicit tibi Deus creator hominis, filius hominis: Quid est quod te permovet in mea nativitate? Non sum libidinis conceptus cupiditate. Ego matrem, de qua nascerer, feci; ego viam meo itineri preparavi atque mundavi. Hanc quam despicias, Manichaei, mater est mea; sed manu fabricata est mea. Si potui inquinari⁴ cum eam facerem, potui inquiri cum ex ea nascerer. Sicut transitu meo illius non est corrupta virginitas, sic mea ibi non est maculata maiestas. Si solis radius cloacarum sordes desiccare novit, eis inquinari non novit; quanto magis splendor lucis æternæ, in quo nihil inquinantem incurrit, quocumque radiaverit, mundare potest, ipse potui non potest? Stulte, unde sordes in virginie matre, ubi non est concubitus cum homine patre? Unde sordes in ea, quæ nec concepiendo libidinem, nec pariendo est passa dolorem? Unde sordes in domo, ad quam habitator nullus accessit? Solus ad eam fabricator et dominus ejus venit, vestem quam non habebat, induit; eamque sicut invenit, clausam reliquit. Sicut ille natus est solus inter mortuos liber (Psal. LXXXVII, 6): sic istius, ex qua natus est, matris pudor solus est integer. Eva inobediens meruit poenam, Maria obediens consequentia est gratiam: illa gustando prohibitum maledicta, hæc credendo angelo est benedicta: illa nobis mortem contulit, hæc vitam nobis peperit. Quid agis, Manichaei? Christianum premis, non Christum defendis. Taceat immunda vanitas, quia munda⁵ nata est veritas.

CAPUT VI. — 8. *Contra Arianos.* Vellem adhuc Manichæum persecuti, sed infestum patior Arianum, qui confudit in virtute sua, et gloriatur in potentia sua (Psal. XLVIII, 7). Jam quidem cum aliis responderemus, nec ipsi tacuiimus: sed etiam nunc servato ipsius ordine, videamus quæ spicula jaciat. Nullius

¹ Beda et MSS., et quid agis.

² Beda et antiquiores MSS. omittunt, per apostolos.

³ MSS., non abhorret.

⁴ Colbertinus codex, fatigari.

⁵ Quidam MSS., mundo.

terreat persona potentis: *Omnis caro fenum (Isai. XL, 6)*. Vides quoquidem fenum crescere, vides florere, quid expavescis? Tales fructus deserta germinat terra. Agricolæ non accuso, sed quæro. Ubi modo estis¹, o boni agricultæ? Quid agitis? quare vacatis? Videtis quod malis ista plena sit terra: hinc spinæ, hinc tribuli, hinc fenum surgit. Spinæ incendite, tribulos eradicare, fenum secate, bona semina spargeite, non vos terreat hiems: et si abundat iniquitas, tamen vestra seruat charitas. Seruite bieme, quod metatis estate. Sed quibus dico? Ubi estis fontes lacrymarum? Quibus agricultis loquor? Alii sunt mortui, alii fugati: terra tradita est in manus impiorum (Job ix, 24), tribulatio et necessitas invenerunt nos. Domine, da nobis auxilium de tribulatione, ut salus hominum non sit vana, sed vera (Psal. LIX, 13) Quid dicas. Ariane? Interroganti quæso respondeas. Nolo despicias parvulum, non te grandis forma juvat, non magna protegunt arma, unius lapidis ictus frontem penetrat galeam (I Reg. xvii, 49). Dic mihi ergo quod te interrogabo: Credis in Deum Patrem omnipotentem? Credo, inquit. Credis in Iesum Christum Filium ejus Dominum nostrum? Credo, inquit. Credis Deum et hominem Iesum Christum natum de Spiritu sancto ex virgine Maria? Credo, inquit. Bene facis. Adhuc interrogabo: Sicut Pater Deus est, ita et Filius Deus est? Ita. Alius est Pater, Alius Filius? Et maxime. Aequalis est Patri Filius? Aequalis, inquit. Quid restat? Ecce ad omnia quæ interrogavi, respondit. In eo quod credere so dicit Deum Patrem et Deum Filium, contrarius est mecum Pagano. In eo quod credit Christum Deum et hominem natum de Spiritu sancto ex virgine Maria, mecum est contra Iudaem et Manichæum. In eo quod credit alium esse Patrem, alium Filium, mecum est contra Sabellianum. Age, si mecum es in omnibus, (a) quare litigamus? Si una nobis est hereditas, simul possideamus; fratres sumus: *Ecce quam bonum et iucundum habitare fratres in unum (Psal. CXXII, 1)*? Quare est nova fabrica ante murum? Simul ad custodiad nostræ hereditatis in vigilemus. Hereditas nostra præclara est nobis (Psal. XV, 6). Habemus invidos, habemus inimicos: et ipsi possidere volunt, non mecum, sed contra nos. Nemo sibi usurpet aliquid: hereditas ista sic est nobis dimissa, ut indivisa possideatur, non partibus dissipetur. Simul fructum colligamus, ne dividendo perdamus. Paupertas sollicitum me facit; rogo te, noli foras præter me colligere, ne incipias spargere. Qui enim mecum non colligit, spargit (Luc. XI, 23). Quasi oblitus sum, cum quo agebam; sed non sum oblitus, interrogo Ariannum, quem desidero esse catholicum. Dicit aliquis: Ad omnia quæ voluerit respondit, in responsum omnibus illius nihil invenitur adversum: quid amplius quæris? Exspecta, frater, noli facile judicare, habeo adhuc quod interrogari: noli cito te illi committere, responsio claret, virus latet. Quid dixisti, frater? Aequalis est Patri Filius? Aequalis, inquis. Eia modo vigila, modo manifestabitur quod latebat. Quomodo dicas aequaliter Patri Filium? operatione, an origine? potestate, an æternitate? an forte in utroque? Absit, inquis. Operatione et potestate aequalis est, non æternitate: quomodo enim fieri potest, ut genitus sit aequaliter ingenito? En adest ille qui mecum quasi coæteres ambulabat, dolus apparuit qui latebat. Mecum possidere putabatur, vult dividere: sed non permitto; prorsus resisto. Leges habent ut testatoris voluntati in omnibus pareatur: si quis contra voluntatem testatoris facere voluerit, careat hereditate. Sed silent leges inter arma (Cicer. pro Milone, n. 40)? Non prorsus: ad hoc laboratur, ad hoc pugnatur, ut legibus serviatur. Testamentum profero, verba testatoris recito: si est quod dividatur, ibi invenio: si non est quod dividatur, de ipso testamento tibi resisto. Audi quid habet testamentum: *Pacem meam do vobis*,

¹ MSS., ubi mihi estis.

(a) vid. Aug. enarr. 2 in Psal. XXI, n. 30; et serm. 358, n. 2.

pacem reliquo robis (*Joan. xiv, 27*). Hæc est hæreditas. Et quis est ipse testator? Lege Testamentum, et invenies. Cum propheta de Domino loqueretur, ait; *Magnificabitur usque ad terminos orbis terræ, et erit ipse pax* (*Michæe v, 4, 5*). *Gloria in excelsis Deo, et in terra pax hominibus* (*Luc. ii, 14*); non divisoribus sancte unitatis, sed *hominibus bonæ voluntatis*. Ipse est hæreditas, ipse est testator, ipsum queris dividere. Quid partiris unum? Si unum divisieris, integrum nihil habebis. O ariana hæresis, crudelis et impia meretrix, erubescit judicante Salomonem. Mètrix, ne unum vivum, ne undecimque conceptum, jamque partu perderet, non permisit dividi filium suum; et in dividis Dominum Deum tuum? Illa etsi meretrix, tamen pia, quia mater; tu et meretrix et impia, quia non mater, quod paris præfocas, quod non paris congregas. Quomodo alienum lactas, que tum necas? Viscera tua duruerunt, illius trencuerunt. Quid dixit? *Date illi puerum, et nolite dividere eum* (*Ill Reg. iii, 27*): *Filius meus est; sed melius apud illum integrum gaudio vivum, quam divisionem logeam mortuum*. Filius meus est, inquit; sed quid prodero mater pueri, si vitam quam non confero, aufero? volo illius crudelis a parvulo repellere ubera, sed magis cogor judicis timore macheram. Date illi filium meum: meus est natus; sed migret ad illam totum, apud me maneat affectus. Date illi puerum totum, non auferatur vita membrorum: non dividatur integritas, mihi non eripitur pietas. Quid dixit, *Date illi puerum et nolite dividere eum?* Ecce et ego dico, totum posside, et noli dividere Deum. Non, inquit; sed si vis habere pacem sine prejudicio, divide hæreditatem. Et quomodo habeo dividere? Pater major est, Filius minor? O partes! o justitia! o aequalitas¹! Una pars major est, alia minor. Non consentio, non facio partem; quia non divido pacem. Si enim fracta fuerit pax, jam non erit pax. Sed quomodo apud te pax illibata esse potest, apud quem siles integra non est? Unde, quia necum non vis possidere, et pacem vis dividere, hæreditatem non potes obtainere. Postremo si more tuo non paci, sed persilia studies, vade, interrella judicem, videamus quid tibi dicturus est. Habes judicem ordinarium, nolo mihi adducas ex diversis partibus alias atque alias potestates. Non mihi armiger, sed legifer necessarius est. Et ubi, inqnis, istum inventio? Ubi autem eum non invenies? Audi prophetam dicentem: *Dominus judex noster, Dominus legifer noster*. Nec contemnendum judicem putes; audi quid sequitur: *Dominus rex noster, Dominus ipse salvabit nos* (*Isai. xxxiii, 22*). Ecce habes judicem. Si parum est, et rex noster ante te est. Sic est in cœlo, ut non deserat terram. *Cælum*, inquit, *et terram ego impleo* (*Jeren. xxiii, 24*). *Vobis sum omnia diebus usque ad consummationem sæculi* (*Math. xxviii, 20*). Et nobiscum est, et cum Patri est: quia nec Patrem dimisit, cum ad nos descendit; nec nos deseruit, cum ad Patrem ascendit. Ipsum interrella, ipsi dic: *Dominus, dic fratri meo ut dividat necum hæreditatem*. Audi responsum divinum, audi judicem iustum; audi pacem, fugientem item: quid ait? *Amice, quis me constituit judicem aut divisorem inter vos* (*Luc. xii, 13, 14*)? Vis dividere pacem, et queris habere judicem pacem? *Judex tuus nolo esse; ego pax sum*, litigare non novi; conscientibus assideo, litigantes fugio. Si tu cum esses inimicus Patri meo, reconciliavi te per me, quomodo ergo a Patri meo separabis me? Ego cum esses longe, veni ut redicerem te: cum inter montes et silvas errares, quæsivi te: inter lapides et ligna inveni te: in lapidibus offendebas, ipsis adhærebas, quia ligna et lapides adorabas. Et ne luporum ferarumque avido ore laniareris, collegi te, humeris meis portavi te, Patri meo reddidi te, laboravi, sudavi, caput meum spinis supposui, manus meas clavis objeci, lancea latus meum aperuit: tot non dicam injuriis, sed et asperitatibus laceratus sum: sanguinem meum fudi, animam meam posui,

¹ Plures MSS, o æquitas!

ut mibi conjungerem te, et tu dividis me? Audi quid respondeatur discipulo, qui Filium noverat, et Patrem quærebatur. Ait Philippus Domino: *Domine, ostende nobis Patrem, et suffici nobis*. Numquid non et ipse Filium separabat a Patre? Jam te, inquit, noviunus, sed Patrem tuum non novimus. Et quid vis? *Ostende nobis Patrem, et suffici nobis*. Et Dominus ad eum. Si vis, Ariane, audire, errasti cum Apostolo, redi cum Apostolo: sit illius olbjurgatio etiam curatio. Quid ait Dominus? *Tanto tempore, inquit, vobis sum, et non cognovistis me?* *Philippe*, ego veni Patri meo te applicare, tu noli me separare: quid queris quasi alterum preter me? Qui me vidit, vidit et Patrem. Tanta in nobis est unitas, tanta similitudo, tanta charitas, ut ego in Patre sim, et Pater in me. Sento, Sabelliane, quid mussatis, aut in Ariano me concludere, aut ab Ariano avocare festinas. Sed in nomine Patris et Filii et Spiritus sancti; non trium, sed unus Dei; cum illi respondeo, te non præterebo. Quid dixit Dominus? Qui me vidit, vidit et Patrem. Numquid dixit, Qui vidit me, vidit Patrem; aut, Ego sum Filius simul et Pater? Sed dixit, *Ego in Patre, et Pater in me*; et Qui me vidit, vidit et Patrem (*Joan. xiv, 8-10*). Interpositio unius syllabe, quæ dicitur *Et*, discernit et Patrem, discernit et Filium; teque demonstrat nec Patrem habere, nec Filium. Dic mihi, Ariane: Patrem dicas Deum? Et maxime. Quid Filium? Ipsum quoque Deum confiteor. Unde agnoscis? Quia cum prænuntiaretur in carne venturus, de ipso propheta dixit, *Dicite, Pusillanimes, confortamini: nolite timere, ecce Deus noster ultionem adducet retributionis; Deus ipse veniet, et salvabit nos* (*Isai. xxxv, 4*). Agnosce, in eo quod te agnoscere dicas, si Propheta non adversaris. Quid ergo dicas de Patre? Deus est. Quid Filius? Deus est. Coæternus est Patri Filius? Non. Ergo erat tempus, quando non erat Filius, secundum te. Si erat tempus quando non erat Filius, ergo fuit tempus quod non fecit Filius. Si fuit tempus quod non fecit Filius, non omnia per ipsum facta sunt: jam enim erat tempus, quando non erat Filius. Si erat tempus, quando non erat Filius, Joannes evangelista nou debuerat dicere, *In principio erat Verbum*; sed, *In principio erat tenitus*. Joannes dicit, *Omnia per ipsum facta sunt* (*Joan. i, 1, 3*): sed Arianus contradicit. Dic, Ariane: unde scis quia erat tempus, quando non erat Filius? An forte dicturus es, Et Joannes unde scit, quia in principio erat Verbum? Quia super pectus Domini recumbebat, et inde haeribat quod in convivio Christi bibebat, quia in principio erat Verbum. Tamen dic mihi, quando in principio erat Verbum (*Ibid., 1*), vel quando Joannes super pectus Domini recumbebat (*Id. xiii, 23*), et a Verbo Domini disciebat, quia Verbum erat in principio, et Verbum Deus erat: ARIUS ubi erat? Nescio, si aedes dicere ibi erat. Notum est enim et legitur quo tempore natus est, meritoque sit damnatus. Notum est etiam quomodo vicevit, quoniodio mortuus fuerit: et ideo non aedes dicere de Ario, sicut de Verbo. Et fuit, et est: quia nec tunc fuit ARIUS, nec modo est. Sed ut in omnibus excludatur Arianus, audi quid per Salomonem dicatur: *Dominus fecit regiones et fines inhabitabiles sub cælo. Cum pararet cælum, aderam illi*. Et post pauca: *Eram ego apud illum cuncta disponens: ego eram quando faciebat fortia fundamenta terræ: ego eram cui adgaudebat* (*Prov. viii, 26, 27, 30*). Sed dicas, De tempore agitur; utrum fuerit Filius antequam esset tempus. Audi ipsum per prophetam dicentem: *Ex tempore, inquit. Quid est, Ex tempore?* Numquid ex quo tempore esse coepit? Non sic, impie Ariane; non sic: sed, *Ex tempore, antequam fieret, ibi eram* (*Isai. xlvi, 16*). Ecce antequam fieret tempus, ibi erat. Quare jam quando non erat, qui ante tempora erat. *In principio erat Verbum*. Melius Graeci dicunt, *Ἄποτελεσμα*, quippe verbum significat et rationem. Vides ergo quia semper erat, de quo tu aedes dicere. Non erat. Aut si dicas Deum aliquando sine verbo, aut sine ratione suisce, jam non Filio tantum, sed et Pa-

tri adversarius eris. *Ego, inquit, ex ore Altissimi prodidi* (Eccli. xxiv, 5). Quis dicit? Verbum. Et Verbum hoc quid est? Joannes dicit: *Deus erat Verbum*. Et Verbum ergo, et cuius erat Verbum, non duo, sed unum sunt. Non, inquis: quia verbum posterius est ex cuius est verbum, unde apparet FiliuM Patre esse minorem. Negas itaque Filium Dei esse Deum. Non nego, inquis: et Patrem Denm dico, et Filium Denm; sed Patrem maiorem, Filium minorem. Quamdiu Pater major, Filius minor? Dic mihi, quia video te calculare velle aeternitatem: quot annis praeceps Deus Pater Filium suum? Ubi diem nativitatis Filii Dei legisti? Filii Dei dico, non dico Filii Dei et hominis. Ubi ergo diem nativitatis ipsius legisti? Cum quo mathematico Creatoris siderum constellationem quixisti, atque tractasti? Quae tempora, quas horas, quae momenta, quos numeros, quas minutias¹ mouentur nativitatis illius, qui omnia condidit, collegisti? Conquiescas rogo, conquiescas haeretica tua, non religio, sed supersticio: de Christi initio deficit calculatio. Quia cum auditur sine initio aeternitas, nulla ibi queritur actas. Si Pater Deus, et Filius Deus, Pater major, Filius minor: jam non unus Deus, sed duo dui. Si duo dui sunt, quid est ergo quod dicit Dominus per prophetam, *Ante me non est formatus Deus, et post me non erit* (Isai. xlvi, 10)? Quid dicas, Ariane? Cui istas deputas voces? Si Patris sunt, dicens, *Ante me non est formatus Deus, et post me non erit*: aut ipso Pater non erit, aut Filius Deus non erit. Si enim hoc tantum diceret, *Ante me non est formatus Deus*; nec adderet, *et post me non erit*: librum tibi erat haec verba Patri tantummodo applicare. Cum autem sequitur et dicit, *post me non erit*: secundum te, ut dixi, et se Patrem et Filium negat Deum. Item si Filii sunt haec verba, Patrem suum et Deum negat et Patrem. Si enim non diceret, *Ante me non est formatus Deus*; sed tantum diceret, *post me non erit*: posset forsitan dici FiliuM illud suis locutum. Modo autem cum dicit, *Ante me non est formatus Deus, et post me non erit*: Patrem suum nec Denm dicit esse, nec Patrem. Item si Patris sunt haec verba; quis dicit, cui dicit, *Filius meus es tu, ego hodie genui te* (Psal. ii, 7)? An forte, quod absit, mendacii arguendus est Deus? Sed si Filii verba sunt, quis dicit, de quo dicit, *Pater meus usquemodo operatur* (Joan. v, 17)? An forte et injuriosus Patri iudicandus est, et ingratius? Sed numquid ingrato diceretur, *Postula a me, et dabo tibi gentes hereditatem tuam, et possessionem tuam terminos terrae* (Psal. ii, 8)? An forte Propheta aut quid diceret nescivit, aut fallere voluit; aut ut initius aliquid de Propheta dicamus, finxisse credendum est sibi duos confabulantes, id est, Patrem et Filium; et Patre dicente, *Ante me non est formatus Deus*, adjunxit ei Filius dicendo, *Et post me non erit*? Mimica sunt et jocularia² que agimus, an divina? O scelus! proli dolor! Parce, parce, haeretica impieitas. Cum tu Deum non capias, nos quoque ad blasphemiam provocas. Non hoc docet sancta Ecclesia. Pater, Pater est; Filius, Filius est: et ille nunquam non fuit Pater, et iste nunquam non fuit Filius: ambo aeterni, nec cooperant esse, nec desistunt. Quod Pater loquitur, Filius loquitur, quia Verbum Patris est: et quod Filius loquitur, Pater loquitur, quia Pater Verbi est. Ipsum Verbum dicit, *Verba quae ego loquor, a me ipso non loquor* (Joan. xiv, 10). Concedite, queso, Creatori quod ipse praestitit creature, et in creatura, si potestis, capite Creatorem. Ecce ignis et splendor duo sunt, alter ex altero est, nec sine altero alter est: ignis pater, splendor filius. Ipse, si posset, diceret, Quod luceo, non a me ipso luceo; sed qui me misit, ipse mihi dedit ut luceam. Ignis enim splendorem mittit. Et sicut Filius de Deo Patre dicit, *Pater mecum est* (Id. xvi, 52); ita et splendor dicere posset, Ignis mecum est. Extingue ignem, splendor

nusquam parebit. Si ergo ignis et splendor, pater et filius, unus sine conjugio pater, aliis sine matre filius est; nec dividi alter ab altero potest; et cum sit alter ex altero, initium tamen alterius esse non potest sine altero; hoc autem posse, a Creatore tributum est creature: quid potest ipse Creator? Accedat Paganus, accedat Sabellianus, accedat Arianus: contempletur lucernam, in ipsa videant quod in Deo videre non possunt. Non facio injuriam, si aliqua ex parte tanti Creatoris cupiens ostendere potestate, ignis sive lucerne afferam tantillam similitudinem. Scriptum est enim, *Lucerna pedibus meis verbum tuum, Domine, et lumen semitis meis* (Psal. cxviii, 105). Et de Deo dictum est, *Ignis consumens Deum*, iv, 24; *Hebr. xii, 29*. Accedile ergo, et lucernam diligenter considerate, vestrasque fatuas tenebras removete. Paganus intueatur, et illuc sine conjugio esse Patrem discat et Filium, et quomodo natus est Filius: et si carcus non es, ibi vide; inter ignem et splendorem quare medium. Si nullum est medium, nullum est conjugium. Noli velle perscrutari medium, ne magnum patiaris incendium. Accedat Sabellianus, videat duos in unum, ignem et splendorem. Numquid non recte dicere potest splendor, Ego in igne, et ignis in me; sicut et Filius dicit, *Ego in Patre, et Pater in me* (Joan. xiv, 10)? Accedat et Arianus, videat et ipse alterum ex altero, nec tamen nasci posse alterum sine altero: nemo eorum prior, nemo posterior; coevi sunt pater et filius, splendor et ignis: nec ignis sine splendore, nec splendor sine igne esse potest. Aut certe, si placet, mitte manum, divide alterum ab altero: ostende mihi ignem sine splendore, vel splendorem sine igne. Absit: ardere tantummodo poteris, separare alterum ab altero non poteris. Sicut enim ignis et splendor alter ex altero est, nec tamen esse alter sine altero potest: ita Pater Deus et Filius Deus alter ex altero est, nec tamen esse alter sine altero potest. Non illis ortus qui non est, sed aeternitas atque substantia una est. Ignis et splendor temporales sunt: Pater autem et Filius Deus aeterni sunt. Sunt dico, quia Pater et Filius; Deus dico, quia unum sunt. Dualitas in prole, unitas in deitate. Alterum facit unius nativitas, sed unum ostendit esse divinitas. Cum dico, Filius, alter est: cum dico, Deus, unus est. Alius est, quia Filius est: aliud non est, quia Deus est. Erubescite, Ariani. Tunicam hominis jam judicati in cruce pendentes carnifices Pilati non sunt ausi concindere (Id. xix, 24): et vos conanimi charitatem Dei in celo sedentis, imo ipsam charitatem Deum dividere? Sed conanimi; quantum potestis, conanimi, vos jam in infernum ruistis: nam illum tunicam nunquam rumpetis. Item per prophetam Dominus dicit, *Non est Deus absque me: Deus justus et salvans non est praeter me* (Isai. xlvi, 21).

CAPUT VII. — 9. *Contra Sabellium*. Ille Sabellianus exsultat. Ut enim unum eumdemque Patrem ostendat et Filium, talibus se testimonii credit muniri. Contra Ariani, ut probent alium esse Patrem, alium Filium, alia proferunt testimonia, et dicunt, In tantum alius est Pater, alius Filius, et alius maior, alius minor; ut Pater dicat Filio, *Dedi te in lucem gentium* (Id. xlix, 6); et Filius dicat, *Pater misit me* (Joan. viii, 49). Quantum intelligo, lux ista gentium tam clara est atque perspicua, ut haeretici eam comprehendere non valentes atque perspicere, unde excavati, non in eam possint ambulare, sed potius oberrare. Arianus aliud, Sabellianus aliud. Quale bellum? Quid ad haec Catholicus? Arma, inquit, quae portant, mea sunt: mihi militant; ambo contra se pugnant, sed pro me: utinam ambo deficiant, et non alter ad alterum transeat, sed ad me! Proferam et ego aliquid, unde utrique percutiantur. Tu, Ariane, dicas majorem esse qui mittit, minorem qui mittitur: introgo te et ego, Quis est major, qui praecepsit, an qui praecepsit? Item quis est major, cui preparatur aliquid venienti, an qui preparat: cui exhibetur officium, an qui exhibet? Utique si hominum genus

¹ Plures visa, minutias.

² MSS. omittunt, et jocularia.

interroges, respondebit illum esse maiorem, qui præceditur, cui præparatur, vel cui officium exhibetur. Tu inde vis probare minorem Filium, quia missus est: ego ostendo eum qui misit, præcedere illum quem misit; nec alterum eorum dico majorem, quia non andeo dicere vel minorem. Isaías propheta dicit, *Hæc dicit Dominus Christo meo Domino, cujus apprehendi dexteram, ut subiectam ante faciem ejus gentes.* Ecce jam Filio missiscomes est Pater. Adhuc sequere: *Et dorsa regum vertam, et aperiam ante eum januas, et portæ non claudentur* (*Isai. xlvi, 1*). Ecce ille qui miserat, præcursor factus est. Quis eum major aut superior ante minorem januas aperit? vel quomodo id faciat, nisi paululum quoque præcesserit? Audi adhuc, *Et portæ, inquit, non claudentur.* Quomodo? *Ego ante te ibo* (*Ibid., 2*). Vides quia qui miserat, et comitatur, et præcedit: mittit, et non discedit. Parum est quia non discedit, insuper et præcedit. Jam tu discerne qui sit maior, qui potior: ego enim nullam discretionem video, sed potius æqualitatem conspicio. Filius dicit de Patre, *Misit me* (*Joan. viii, 16*). Pater Filio dicit, *Ego ante te ibo.* Recedat de medio discordiosa cedamitas: æqualitas hoc exhibet, non disparitas. Adhuc sequere, ut clarissim apparent quis cui dicat: *Ego ante te ibo, et gloriosos terræ humiliabo.* Hic esto et tu, pagane. Audi quid dicat propheta. Non mihi ego quod volui scripsi: codex, in quo hæc scripta leguntur, in armario Iudei habetur. Inimicus meus testis est meus; ab ipso quære; aperi, lege, et crede. *Dorsa, inquit, regum vertam, et gloriosos terræ humiliabo.* Nonne reges terræ vides, qui ante persequebantur Christianos, nunc esse christianos? Nonne vides eos qui humiliabant Ecclesiam, humiles intrare in Ecclesiam? Nonne nunc vides ipsos habere defensores, quos ante habebat persecutores? *Ego, inquit, ante te ibo, et gloriosos terræ humiliabo.* *Portas aereas conteram, et vectes ferreos confringam.* *Et dabo tibi thesauros absconditos, et arcana secretorum, ut scias quia ego sum Deus, qui voco nomen tuum,* *Deus Israel* (*Isai. xlvi, 2, 3*). Audiat Sabellianus, Deus dicit, Deo dicit. Ergo duo sunt; qui dicit, et cui dicit. Audiat et Arianus: *Ego Deus, et non est aliud extra me* (*Ibid., 5*). Diu est ex quo contra istas duas hæreses certando labore, et pene suni fatigatus. Veni, Domine meus, Jesu prælator fortissime, princeps exercitus Domini qui diabolum viciisti et sacerulum, *Apprehende arma et scutum, et exsurge in adjutorium mihi* (*Psal. xxxiv, 2*). Processurus ad prælium, et victurus in mundo mundum, oravit; non tanquam virtutis impotens, cum esset omnipotens; sed ut nobis, propter quod venerat, humiliatis magisterium exhiberet. Et quid dixit? *Pater, clarifica Filium tuum* (*Joan. xvii, 1*). Modo Arianus maledictus dicit, Vides quia minor est, et claritatem non haberet, nisi Patrem petisset? *Exspecta, homo, quid festinas?* Tu hominem vides, in qua forma non solum Patrem, sed et angelis minor est (*Psal. viii, 6*): homo parens, Deus latet. Tu mihi ostendis hominem humilem: aperi oculos, et vide Deum sublimem, non angelis minorem, sed Patri æqualem. *Pater, inquit, Filium tuum clarifica:* ecce minorem. Adhuc sequere, *Ut et Filius tuus clarificet te* (*Joan. xvii, 1*): ecce æqualem. Invenimus Filium agnoscentem Patrem, atque orantem, eique conjunctum, non ut putabatur ingratum. Videamus quid de Filio dicat et Pater. Assumpsit Jesus Petrum et Jacobum et Joannem fratrem ejus (Evangelii verba sunt), et duxit illos in montem excelsum seorsum, et transfiguratus est ante eos. Et resplenduit facies ejus sicut sol, vestimenta autem ejus facta sunt alba sicut nix. Et ecce apparuerunt illis Moyses et Elias cum eo loquentes (*Matth. xvii, 1-3*) Moyses et Elias, Lex et Prophetæ; loquebantur cum illo, quia locuti erant de illo; ostendebant quem predixerant, manifestabant quem prophetaverant. Loquebantur: putas, quid loquebantur? Ut Iudei convincerentur, Pagani converterentur, Manichæi confunderentur, Hæretici compri-merentur, Catholici confirmarentur. Loquebatur lex

et gratia, asperitas et lenitas, terror et mansuetudo, præceptum et adjutorium, ferramentum et medicus, umbra et lux, p̄rco et iudex, sententia et misericordia. Et quid post haec? Respondens autem Petrus dixit ad Jesum: *Domine, bonum est nobis hic esse; si vis facias nos hic trahi tabernacula, tibi unum, Moysi unum, et Eliæ unum* (*Matth. xxv, 4*). Quid dicas, sancte Petre? Mundus partitur¹, et tu secretum petis? Vides ergo tot gentes in unum² convenisse, et tu requiem queris? Vides tenebras mundi, et tu lumen abscondis? *Nemo accendit lucernam, et ponit eam sub modio, sed super candelabrum, ut luceat omnibus qui in domo sunt* (*Id. v, 15*). Ista domus totus est mundus: lucerne accensio, Verbi est incarnatio: candelabrum autem, crucis est lignum: lucerna in candelabro lucens, Christus in cruce pendens. *Nemo accendit lucernam, et ponit eam sub modio, sed super candelabrum, ut luceat omnibus qui in domo sunt.* Vidisti tu, videamus et nos. Tenebrae sunt, non offendamus in Paganis, non erramus in hæreticis; luceat nobis lucerna, doceat nos Verbum in carne. Videamus quid dicit Evangelista, videamus si admissum est consilium Petri: *Adhuc, inquit, eo loquente, ecce nubes lucida obumbravit eos.* Et ecce vox de nube dicens (*Id. xvii, 5*). Omnes audiamus, nemo aures claudit. Audiant Pagani irratores, audiant Iudei persecutores, audiant Manichæi phantasmatum somniatores, audiant hæretici erronei litigatores; audiant, et maxime audiant etiam Catholici, fideles Dei cultores. Isti audiant ut instruantur, illi ut corrigantur: aut isti audiant ne seducantur, illi ut puniantur. Quid dicit vox de nube? *Hic est Filius meus dilectus in quo mihi bene complacui* (*Ibid., et iii, 17*). Ubi esis qui adversamini Filio Dei? Pater dicit, *Hic est Filius meus: et tu dicas, Non habet Filium Deus.* Tu pagane, quid stas foris et murmuras? Intrâ hic in scholam Dei, aperi aures cordis tui, audi vocem Domini, et disse Filiu Dei. Quid agetis, Iudei, qui occidistis Filiu Dei? Quo fugietis, ubi vos abscondetis? Qui montes, que petre super vos casure sunt? *Et si in cavernis petrarum vos abscondebitis, inde extraham vos*, dicit Dominus (*Jerem. xlix, 16*). Sed et vos venite, intrate, consilium meum audite, desperare nolite: *quoniam sunt reliquæ homini pacifico* (*Psal. xxvi, 37*). Sævistis, occidistis, sanguinem Christi sudistis, in periculo estis, Filio Dei increduli suistis. Quid ergo facere nunc habetis, nisi ut credentes baptizeni, et bibatis sanguinem quem sudistis? Non est quod horreatis: fūsus est sanguis medici, et factus est medicamentum phreneticæ. Quid dubitatis? *Gustate, et videite, quoniam suavis est Dominus* (*Psal. xxxiii, 9*). Quid, tu manichæe, quandiu phantasmatu somniolis? Evigila, et vide; nubila tonant³. Quid tonant? *Hic est Filius meus dilectus* (*Matth. iii, 17; xvii, 5*). Vide in terra hominem verum, audi de celo Deum verum: vide in terra hominis filium, audi de celo Dei esse Filium. Utrumque verum esse cognoscere, id est, Deum et hominem, Filium Dei et filium hominis unum cumdemque esse Deum et hominem. Agnoscere hominem, et placabis Deum. Cave ne offendas in petra, et mortis patiaris ruinam: quia quod tu somnis, vanitas est; quod Deus tonat, veritas est. Audi, tu Sabelliane, audi de celo Patrem, vide in terra Filium, et noli dicere, Idem est Pater qui Filius. Audi, et tu Ariane, et in Patre et in Filio noli errare, sed sequere unitatem, et vide divinitatem⁴. Domine, audiamus quid dicas de Filio tuo: *Hic est*, inquit, *Filius meus*. Vide in terra hominis filium, audi de celo Dei esse Filium. *Meus dilectus in quo mihi bene complacui.* Et quid? *Ipsum audite.* Deo gratias. Intonuit præceptum Dei, et remotum est consilium Petri. Gratias tibi, Deus Virtus; gratias tibi,

¹ Quatuor MSS., perit.

² Quidam MS., in malum.

³ Plures MSS., nubecula tonat.

⁴ Quidam MS., sed quare ei vide dirimitatem sequere, Domine, etc.

Doms Pater, qui et Filium tuum ostendisti, et milii doctorem¹ dedisti². Recedat Sabellianus, recedat Arianus, recedant ceterae pestes, recedat omnis iniqua doctrina. Docet Deus, non Arianus : docet Dei Iesus, non Filius adversarius. Dixit, Domine meus Iesu, doce, discam quod doceam. Sabellianus dicit, Ipse est Pater qui Filius. Arianus dicit, Alius est Pater, alius Filius; Pater maior, Filius minor. Adversatur, clamat, litigat, pugnat, turbas congregat, contra Christum dimicat. Ille sanguinem fudit, ut redimat; iste pecuniam spargit, ut perimat. Speluncam fabricat (a), illuc catholicum praefocat, christianum vocat paganum (b), baptizato iungit Baptisimum, contra id quod scriptum est, *Qui semel lotus est, non indiget denuo larari* (*Joan. xiii. 10*). Clamat homo, Christianus sum : quid me dicas esse quod non sum? Clamat, Fidelis sum : et ille dicit, Accipe a me pecuniam. Clamat, Redemptus sum : et ille dicit, Accipe a me aurum. Quid das, aut quid auferas? Das pecuniam, ut auferas gratiam: das pecuniam, ut auferas vitam: das premium, ut auferas quod emptus sum. Quid emis ab empto? Premium meum, non aurum, sed sanguis Christi est: non me seducis, non me decipis; quantumcumque mihi conferas, non mihi tollis premium meum. Pecunia tua tecum sit in perditionem (*Act. viii. 20*): nam premium meum non habet premium. Clamat homo: Fidelis sum, et tu exsufflas. Clamat, In nomine Patris et Filii et Spiritus sancti baptizatus sum, et exsufflas. Quid ergo Christiano reservas, in quo Patrem et Filium et Spiritum sanctum exsufflas? An forte novam fidem, novum baptismum, novum deum de transniariniis partibus advenisti? Dic, meus doctor sancte Paule, doce, divini juris perite, sponsi amice: homo iste modo venit, mundum subvertit, ei fidei unitatem scindit. Trinitatem dividit, non sibi consentientem rebaptizare contendit; quid facio? In ipso Iesu per Evangelium tu me genuisti (*I Cor. iv. 15*), in Christo baptizatus sum. An forte est aliud baptismum aut alia

¹ Plures MSS. ducem.

² Plerique editi ferunt: *Gratias tibi, Deus; gratias tibi, vera et una Trinitas, una et trina Veritas, trina et una Unitas. Gratias tibi, Deus Pater, qui et Filium*, etc. Locum hunc restituimus ex Hincmaro, Remensi Archiepiscopo, qui cum perpetuissimis codicibus consuluisse, ait interpolationem istam nono seculo irrepsisse. Tunc eam soli exhibebant latratus codex Carolo Calvo oblati et boviter scripti querentes qui ex eodem consono fonte manaverant. Vid. Hincmar. *de non Trina Dicit.*, et P. Germonii Disceptationes Diplom., de Arte discerni, dij lomatia, cap. 3 et seqq. M.

(a) Spelunca haec intelligenda Arianorum Ecclesia, ut in sequenti sermone, cap. 22.

(b) quoniam baptizandus interrogatus an esset christianus, respondebat se non esse. Hinc Augustinus contra Donatistas enarr. in Psal. xxxix, n. 1, et in Psal. cxlv, n. 16.

fides? Absit, inquis: *Una fides, unum Baptisma, unus Deus et Pater omnium* (*Ephes. iv, 5, 6*). Si ergo una fides est, imo quia et una est fides, unum Baptisma, unus Deus et Pater omnium: jam credidi, jam baptizatus sum, jam Deum habeo Patrem: quare homicidiam patior Arianum? Subveni, Domine meus Iesu, et accingere gladium tuum circa femur, potentissime (*Psal. xliv, 4*). Omnim potissimum, egredere, occide eos in se, ut vivant in te, desinat persequi me. Sabelliani te subtrahunt, Ariani te minuunt: tu quid dicas de te? Pater dixit ut te audiamus: cum te audiamus, ipsi audimus: uno ictu utroque percute adversarios. Pereant, inquit, vaniloqui, et mentis seductores, Arianus et Sabellianus: nam *Ego et Pater unum sumus* (*Joan. x, 30*). Non dixit, Ego et Pater unum sum; sed, *Ego et Pater unum sumus*. Quod dico, *unum*, audit Arianus: quod dico, *sumus*, audit Sabellianus. Non dividat Arianus, *unum*: non delect Sabellianus, *sumus*: sed ambo veniant, et sint etiam ipsi in nobis *unum*, sicuti ego et Pater *unum sumus* (*Id. xvii, 44*). Ergo si Pater et Filius *unum sunt*, imo quia indubitanter *unum sunt*, non duo dii, sed unus Deus: non mimicum³ aliquid propheta scripsit, sed verum dixit, Domino dicente, *Ante me non erit* (*Isai. xliii, 10*). Docuit veritas veritatem, et gladio bis acuto omnem peremit errorem. Si adhuc haeretici reluctantur, audiant Catholicos definitivam sententiam, quam sequantur.

CAPUT VIII. — 10. Conclusio. Auditistis Patrem quid dixerit de Filio, auditistis Filium quid de Patre dixerit vel de se. Si quis vobis evangelizaverit praeter id quod accepistis, anathema sit (*Galat. i, 8*). Diximus de Patre et Filio quod potuimus, et quantum potuimus, si tamen aliquid digne potuimus. De Spiritu sancto tacuimus, sed non eum separavimus; quidquid enim de Patre et Filio diximus, etiam de Spiritu sancto diximus. Est enim in illis et cum illis aequalis et unus, non minor, aut tertius deus. Quid aliud dicam fatigatis fatigatus? Qui Spiritum sanctum a Patre et Filio aeternitate et substantia vel communione separat, et qui negat Spiritum sanctum non esse Patris et Filii, plenus est spiritu immundo, vacuus Spiritu sancto. Ideo enim Deus dicitur charitas (*I Joan. iv, 8*), quia non partibus dividit unitatem, sed ineffabiliter coagulat Trinitatem. Ipsa est enim Trinitas unus Deus, turris fortitudinis a facie inimici (*Psal. lx, 4*), qui in se credentes custodit in secula saeculorum. Amen.

³ Editi, iniquum. Melius MSS., mimicum. Vide supra, col. 445, lin. 11.

ADMONITIO IN SUBSEQUENTEM SERMONEM.

Iste quoque sermo sub Arianorum dominatu habitus est, eo tempore quo haereticis illis disputantibus, et Catholicos, alios pollicitatione ac premo, alios vi potentiaque deducere a fide nitentibus obsistere nullus andebat. *Magnus tibi videris*, ait concionator, cap. 7, *qua disputas nullo tecum alterante, nullo judice presidente. Et dum suffragatur tempus errori tuo, existimas te aliquid esse, cum nihil sis: et seductus multos seducere concupiscis, aliquos pecunia, aliquos potentia*. Id confer cum superiore sermone, cap. 7, quo etiam loco, nempe supra, col. 445, lin. 11, Arianorum Ecclesiam speluncam dictam, ut hic cap. 22, observabis. De implenda professione renuntiationis baptizati admonentur capp. 3 et 4, non secus atque in subditis sermonibus de Symbolo ad Catechumenos in tomo 6. Alia loca illis, vel superiori sermoni similis præterimus. Multa porro sunt delibata ex Argentino: illud cap. 18, *Numquid si magis artibus fecit ut coleretur mortuus, magis erat antequam natus?* est libri 1^o de Consensu Evangelistarum, cap. 11. Item illud cap. 13, *Quid est, In medio duorum animalium cognosceris, nisi aut in medio duorum Testamentorum, aut in medio duorum latronum, aut in medio Moysi et Eliæ cum eo in monte sermocinantium?* ductum est ex libri 18 de Civitate Dei capite 32. Inde etiam, cap. 23, translati huc Sibyllini versus. Cum Gregorio in Evangel. homil. 53, id usurpat concionator in sermonis exordio, *Cum potius expediatur magis quam aliquid dicere*. Itenque alia quedam cap. 17 habet cum ejusdem homil. 10 in Evangel. conuenientia. In cap. 15 dicit Virgilium poetam versu illo,


Jam nova progenies caelo demittitur alto,

testimonium Christo perhibuisse: quod Augustinus in epistola 104 ad Nectarium, n. 11, longe verius appellat *carmen adulatorium, dictum viro nobili*, scilicet Polioni. Dictionis barbariem monstrat Bernardus Vindings in Critico Augustiniano, et nouilla velut inepta reprehendit, sed quæ editionum erant vitia, correcta hic ex Remigiano annorum octingentorum codice, in quo inscribitur *Sermo sancti Augustini de Symbolo*; ex Vaticana tribus, ex uno Bellovacensi abbatiæ S. Quintini, ex Corbeiensi, etc.

CONTRA

JUDÆOS, PAGANOS ET ARIANOS

SERMO DE SYMBOLO.



CAPUT PRIMUM. — *Christianæ vigilie.* Inter presuras atque angustias præsentis temporis et nostra officia servitutis cogimur, dilectissimi, non tacere, cum potius expedit flere magis quam aliquid dicere: verumtamen ne quid minus lucri arce dominice accedens, dicatur nobis, *Serve nequam et piger, tu ergares pecuniam meam, et ego veniens cum usuris extigerem eam* (*Matth. xxv., 26, 27*) : peto Charitatem vestram, ut *quæ ipse paternas per nos vobis ministraverit, libenter accipere dignemini*: Apostoli verba sunt, *Nox præcessit, dies autem appropinquavit: deponentes ergo opera tenebrarum induite vos arma lucis* (*Rom. xiii., 12*). Expulsa itaque noctis caligine, effugatisque tenebris peccatorum, radius veri luminis fulgeat in cordibus nostris. Exigit enim a nobis ratio iujus tanta congregationis, et noctis transactæ vobis reddere rationem, et istius diei de tanto sacramento percepto veram semper inquit demonstrare salutem. Si enim opera transactæ noctis consideremus¹, et quid egerimus, Domino donante, explicare valuerimus; inveniemus nos in nocte, non opera noctis, sed diei peregisse. Neque enim delectatione somni sopitos sensus nostros agnoscimus, nec phantasmatisibus animas nostras illusas, nec ipsa corpora stramentorum calore depressa in alto sopore requies inclinavit: sed vigilando, orando, psallendo, contra adversarium diabolum dimicando, et magnam lucem infusam cordibus nostris sensimus, et in nocte opera dici peregimus. Quid enim egimus in hac nocte? Diabolum fugavimus, Christum introduximus. Quid egimus in hac nocte? Captivatorem captivavimus. Quid egimus in hac nocte? Tenebras diabolicas de cordibus vestris exclusivimus, lumen verum hauricendum esse demonstravimus. Quid actum est in hac nocte? Veniens vera fortitudo alligavit fortem, et vasa domus ejus diripuit (*Matth. xi.*). Quid actum est in hac nocte? Extirpata est superbia, introducta est humilitas. Quid actum est in hac nocte? Princeps omnium vitiorum expulsum est, fons omnium bonorum susceptus est. Videatis, dilectissimi, quæ bona habeatis preparata, et ex quo onere, vel ex quibus sarcinis peccatorum relevanmini ab isto qui vos vocat ut suscipiatis iugum ejus lenè, et sarcinam ejus levem (*Id. xi., 29*): *Deponentes itaque opera tenebrarum, induite vos arma lucis.* Quid sit hoc, ex verbis Symboli quod modo accepistis, vobis expositum esse cognoscite. Quid est, *Deponite opera tenebrarum;* nisi, Renuntiate diabolo, pompi, et angelis ejus? Et quid est, *Induite vos arma lucis;* nisi, Credite in Deum Patrem omnipotentem?

CAPUT II. — *Diabolus qui sit.* Prius tamen, dilectissimi, discutiamus, qui sit, vel quid sit diabolus, et quæ sint pompe ejus, quibus renuntiantes, opera deponimus tenebrarum: tunc demum de Deo Patre omnipotente, qui est vera lux, quantum ipse donaverit, Charitati vestrae dicemus. Quid est diabolus? Angelus per superbiam separatus a Deo, qui non stetit in veritate, auctor mendacii, et a semetipso deceptus, qui alterum decipere concupivit. Iste adversarius effectus humani generis, inventor mortis, superbie institutor, radix malitiae, scelerum caput, princeps omnium vitiorum, persuasor etiam turpium voluptatum². Hic dum illum priuum, Adam scilicet,

patrem omnium nostrum intueretur, videretque hominem ex limo terre ad imaginem Dei factum, pudicitia ornatum, temperantia compositum, charitate circumdatum, immortalitate vestitum, amulus atque invitus hæc hominem terrenum accepisse, quod ipse dum esset angelus per superbiam cognoscitur amisisse, invidit statim insatiable homicida, eosque nostros primos parentes illis donis ac tantis bonis expoliavit, insuper et peremit. Namque, dilectissimi, cum tanta bona homini diabolus abstulisset, pudicitiam, continentiam, charitatem, immortalitatem, eumque nudatum ac turpem reddidisset, obsitum suis pannis deridens eum, suo dominio obstrinxit, atque ex illo vinculo omnem prolem ejus sibimet obligavit. Turpes enim pannos suscepit Adam, quando a diabolo expoliatus pudicitia, accinctus est impudicitia; amissa temperantia, intemperans effectus est; perdita charitate, malus inventus est; expoliatus immortalitate, morti propinatus est. Heu! quid perdidit, et quid accepit? Ad hos etiam turpissimos pannos³ suos posteros obligavit.

CAPUT III. — *Renuntiare satanæ, quid.* Renuntiatus huic damnosæ hereditati: pupilli effecti sumus. Antequam exactor veniat, tam pessimæ hereditati, in qua sunt panni diaboli, pompe scilicet et angelis ejus si quis renuntiare neglexerit; cum judex venerit, sicut Evangelium loquitur, tradetur debitor exactori, exactor autem debitum in carcерem trudet. Amen dico tibi, ait Dominus, non exies inde, donec reddas novissimum quadrantem (*Matth. v., 26*). Oinno itaque genus humanum tanquam pauperem et pupillum commendat Scriptura divina, dicens Deo, *Tibi derelictus es pauper, pupillo tu eris adjutor.* Ejusque adversarium diabolum demonstrans, securus adjunxit, *Contere brachium peccatoris et maligni* (*Psal. ix., 14, 15. sec. Hebreos*). Adsit itaque aliquis homo pius, et aliquam misericordiam huic pupillo et pauperi exhibeat. Ferocem enim atque calidum adversarium patitur, et hic pupillus in causa sua deficit; quoniam eum suus adversarius pravis actibus obligavit. Adhibeamus huic pupillo idoneos defensores, et Apostolorum tanquam jurispritorum cœlestium ei patrocinium subrogemus⁴. Quid est agendum apud tales pro tali? Apud vos itaque, Petre, Paule, Joannes, ceterique sancti consiliarii veri judicis, amici summae potestatis, causam exponimus, quam optime nostis, hujus pauperis et pupilli, generis scilicet humani, qui ex paterno chirographio debitor inventus reus, atque constrictus ab adversario detinetur: non est aliud, quemadmodum huic subveniatur, nisi ex vestro consilio. Quid itaque in hoc negotio vestræ serenitati videatur pro hujus miseri libertate, ex communī tractatu unitam pro eo dignamini⁵ profere sententiam. Et vos enim astrinxerat hæc obligatio, nisi vobis gratia subveniret. Liberati⁶ liberate: consilium quod a vero iudice accepistis, promite; ut hoc sequatur qui captivus detinetur, atque ex mala servitute per vestram defensionem ad veram⁷ perveniat libertatem. Et hæc est vox omnium:

¹ Editi alias: *Ad hoc enim per turpissimos pannos.*

² MSS., et apostolorum chorun, tanquam jurispritorum cœlestium, et adjutorum eorum et patrocinum subrogemus.

³ Alias editi, *utinam pro eo dignemini.*

⁴ Sic MSS. At editi, *libertate.*

⁵ MSS., *ad restitu.*

⁶ Sic MSS. At Lov., *de opere transactæ noctis consideremus.*

⁷ Sic MSS. At editi, *cogitationum.*

Quod fecimus faciat. Quid, obsecro, facturus est? Remittet diabolo, pompis et angelis ejus: huc est illa dannosa hereditas, cui remittiare compelluntur. Videtis, dilectissimi, qualem sententiam protulerunt nostri defensores.

CAPUT IV. — *Relapsus a Baptismo.* Vigilet itaque unusquisque, ne non ex toto renuntians post professionem, apud eum diabolus suos pannos recognoscet: et incipiat reus semper detineri, quem Christus voluit sua gratia liberare. Nec sibi blandiantur, qui post gratiam acceptam corrigi nolunt, atque rursus ad illas suas pristinas redeunt voluntates. Exspectaret enim dies judicii, aderit ille aquissimus iudex, qui nullius potenter personam accipiet, cuius palatum auro argenteo nemo corrumperet. Astabat omnes anime, ut referat unaquaque secundum ea que per corpus gessit, sive bonum, sive malum (II Cor. v, 10). Presto enim erit et adversarius diabolus; recitatibunt verba professionis nostre. Et si talis inventus fuerit quisque, ut debitor ex hac vita migreret; exsultabit ille adversarius in conspectu severissimi¹ judicis, superiorem se esse clamans, agens talen causam apud talen judicem: Aequissime, inquit, iudex justus, iudica: *Justitia et iudicium praeparatio sedis tuae* (Psal. lxxxviii, 15). Jedes meum esse, qui tuus esse noluit: meus est, mecum damnandus est. Post renuntiationem utquid invasit pannos meos? Quid apud eum impudicitia faciebat, cui ipse renuntiaverat? Quid intemperantia, quid avaritia, quid ira, quid superbia, quid cetera mea? Postremo, aquissime: fugientem a me, confugientem ad te, postea cum meis quibus renuntiaverat apprehendi, invasorem detinui: in ipsa quoddam modo mea possessione a me apprehensus est. Quid enim in circu faciebat, atque ibi furias, lites², insanias voces, inanesque victorias, tum jam a se alienas sibimet dividebat? Quid in theatro faciebat renuntiator turpium voluptatum? Quid in amphitheatro crudel tates suis oculis intinendo? Thesaurizavit sibi iram in die ire (Rom. ii, 5). Hec omnia mea post renuntiationem invasit, meus esse voluit, et mea concupivit. Iudica, iudica aquissime: quoniam quem tu dignatus es tanto pretio liberare, ipse mihi se postmodum voluit obligare. Poterit, dilectissimi, os aperire is qui post professionem suam talis invenitur, ut juste diabolo addicatur? Videate quid agatis, filii mei, fratres mei; videat quid agatis, quoniam hanc professionem vestram custodiatis. Contestamur vos per ipsum iudicem omnesque potestates coelestes, quae et nos audiunt admonentes, et vos excipiunt profientes, ne in vacuum gratiam Dei accipiat (II Cor. vi, 1), sed corde integro, tota virtute, perfecta fide renuntiantes atque spernentes tam damnosam diabolicam hereditatem, ne pupilli vel pauperes remaneant.

CAPUT V. — *Triadis unita.* Credite in Deum Patrem omnipotentem. Mutantes Patrem, mutate hereditatem. Quis est iste Pater omnipotens? Patrem quidem Deum, qui credimus, nostrum atque totius mundi cognoscimus esse per gratiam; sed et proprium ejus Filium querimus per substantiam: quoniam et antequam ab illo mundus formaretur, Pater erat. Si Pater erat, cuius Pater erat? Erat ei utique Filius ex ipso cum ipso, hoc quod ipse, sed non ipse; quoniam ille Pater, hic Filius: quoniam omnipotens Pater omnipotentem Filium genuit de se, ita aqualem sibi, ut totus maneret in se, et esset Pater Filii, et Filius Patris, Deus ex Deo, dies ex die, lumen ex lumine: nec tamen duo dii, aut duo dies, aut duo luminaria; sed unus Deus, unus dies, unum lumen. Non capis videntio, intellige credendo: munda oculos cordis; immo potius ipsa lux quam desideras videre, mundet eor tuum, ut sit a peccatorum tenebris mundatum: *Venit enim mundo corde, quia ipsi Deum videbunt* (Matth. v, 8). Ecce extende aciem oculi cordis et vide, et aurum cordis accommoda et audi. Pater enim et

Filius duo sonant, sed cum ipse Filius dicit, *Ego in Patre, et Pater in me est* (Ioh. xiv, 10), Verbum enim Patris est Filius; Pater autem nunquam fuit sine Verbo, quoniam *In principio erat Verbum, et Verbum erat apud Deum, et Deus erat Verbum: hoc erat in principio apud Deum* (Id. i, 1); hoc Verbum Filius cum est in Patre, et Pater in Filio suo Verbo suo: non ergo duo dii, sed unus est Deus. Dies ex die, duos videntur significare dies: sed cum ipse Filius in Evangelio dicit Iudeus, *Abraham pater uester cupivit videre diem meum, et vidit, et latet est* (Id. viii, 56); Abraham autem tres videns viros sub queru Mambre, non tres appellavit domino, sed unum in omnibus appellavit Dominum, tanquam tres diem unus. Unde ipse Dominus in Evangelio, unum volens intellexi diem³ Patrem et Filium, Philippo requirenti Patrem tanquam alterum diem, quoniam jam Filium videbat diem, ostendens quo oculo quarere deberet videre Dei unitatem, quia oculum carnis fuerat in humanitatem: *Philippe, inquit, qui me vidit, vidit et Patrem*; ego enim et Pater non duo dies⁴, sed unus. Si potes capere, capte sempiternum diem.

CAPUT VI. — *Trinitas incomprehensibilis.* Lumen de lumine duo sonare videntur luminaria: sed ab it a nobis, ne nos error Manicheorum comprehendant, qui istum solem astinent esse Christum: sed nos solem justitiae credimus Verbum Patris, inseparabilem, aequalem, cum Patre manente, et omnia cum illo disponentes: Patrem per Filium omnia facientem, fabricam mundi per Verbum suum construentem, Filium ad nos venientem, nec Patrem desercentem, semper cum illo, nusquam sine illo; illuminantem, et de se et de illo splendentem, radiante, coruscantem: non duo luminaria, sed unum lumen: *Ego enim, ait, et Pater unus sumus* (Id. x, 50). De ipso Verbo unigenito ait propheta David: *Semel locutus est Deus, duo hac audivi* (Psal. lxi, 12). Quoniam semel locutus est Deus, et secundo sonuit; nisi quia Verbum intransigibile procedens de corde Patris, suscepit carnem, ut esset homo, ex utero matris? Venit, et mansit: ad nos venit, et a Patre non recessit. Ecce per hoc quod semel locutus est Deus, surrexit omnis fabrica nostra: per hoc quod secundo sonuit, factus est pax nostra, ut solveret inimicitias in carne (Ephes. ii, 14). Hoc Verbum, hoc lumen non-responsi Arianus, audet dicere Filium minorem, quem nos consitemur aequali: insana contumacia vult de Verbo in corde Patris manente disputare, cum semetipsum non valeat intelligere. Insane hereticus, prius redi ad te, considera te totum, si potes comprehendere te: et tunc disputa de illo qui fecit et me et te. Vide quam non altum sapiebat, sed in simplicitate cordis Domini nosse quarebat ille humilis, qui in uno lapide superbam frontem dejectit Golia: (I Reg. xvii, 49). Vide quam non altum sapiebat: consideravit enim quid in se ipso ageretur; consideravit animam suam, inspexit suam fabricam, discusit se intus quid esset, et ex qua parte molem tam pulchram gubernaret, atque in vasculo lateo que habebat dominia anima, plena tantis thesauris sapientie, scientie, prudentie: ubi illius essent tanta, tam pretiosa, tam grandia: que loca anima obtineret, in qua nullus est locus: atque ex uno fonte quoniam procederent singulae virtutes sine diminutione et evenientis et profundentis. Vedit haec, consideravit haec, voluit nec valuit comprehendere, exclamavit⁵ Deo dicens: *Mirificata est scientia tua ex me; invalidit, et non potero ad illam* (Psal. cxxxviii, 6). Hoc fuit dicere, Quando te possum comprehendere tam magnum, qui me ipsum non valeo explicare extremum et parvum? Videate et alium humilem requirentem modulum sue infirmitatis, et non excedentem, sed ad humilia inclinantem: *Arenam, inquit, maria, et pluvia guttas, et*

¹ Alias editi, *semel sumi*.

² cor. eiusq; Ms., atque ibi furiosas lites.

³ Alias hic et ter in sequentibus lineis pro, diem, habetur, Deum.

⁴ Alias, dū.

⁵ sic Ms. At editi, comprehendere sc, et exclamatu.

dies saeculi quis dimumperavit? Altitudinem cœli, et latitudinem terræ, et profundum abyssi quis mensus est? Sapientiam Dei præcedentem omnia quis investigavit (*Ecclesi. i. 2, 3*)? Ecce propheta dicit, immo ipse Dominus qui loquebatur per prophetam, quod sapientiam Dei nullus investigavit. Christus est enim Dei virtus et Dei sapientia (*1 Cor. i. 24*). Nullus secundum divinitatem potuit investigare Dei sapientiam: quia secundum id quod Filius natus est de Patre sine matre, nativitatem ejus quis evnarabit (*Isai. lxxii. 8*)?

CAPUT VII. — *Contra Arianos.* Dic mihi, heretice, qui audes dicere quod minor sit Dei Sapientia: die mihi, altitudo cœli quanta sit, latitudine terræ, profundum abyssi? Numera si potes pluvie guttas, arenam maris, et dies saeculi: tuorum etiam numerum capillorum, quoniam omnes capilli capitis vestri numerati sunt (*Math. x. 30*), demonstra mihi, atque explica parva ista inferiora, et tunc tibi credam posse te investigare superiora. Sed non potes, non vales. Spiritus Dei te convincit, qui vos hereticos ante predit. Qui enim ista quæ superius diximus, conscriperunt atque senserunt, spiritu agebantur veritatis, non erroris. Tu autem, heretice, cum haec non vales explicare, audes de ipsa quæ investigari non potest, Dei Sapientia disputare: et magnus tibi videbis, quia disputas nullo alterante tecum, nullo judge presidente. Et dum suffragatur tempus errori tuo, existimatis te aliquid esse, cum nihil sis: et seductus multis seducere concupiscis; aliquos pecunia, aliquos potentia: tales tibi congregas, quos plurimos tecum perdas. Non est hic tibi labor utilis ad salutem, sed potius ad perniciem. Talia enim docendo, immo non docendo, sed potius blasphemando, non cuiuslibet potenti, sed ipsi Deo Patri in ejus Filio facere demonstraris injurias. Major est Pater, minor est Filius: melior est Pater, inferior Filius. Haec contumelias nec homo quilibet sapiens libenter accipiat, qui filium meliorem se ipso, aut parentem habere contendit. Unde est etiam illud dictum propheticum: *Lacatus est pater in filio sapiente, in vita sua vidit, et in obitu ejus non est contristatus. Mortuus enim est pater, et tanquam non est mortuus: similem enim reliquit post se* (*Ecclesi. xxx. 5, 4*). Ecce propheta dicit sapientem filium hominis esse similem patri; et tu, heretice, audes dicere ipsam Sapientiam, id est Dei Filium Patri esse dissimilem? Propheta dicit mortuum hominem patrem in eo quod filium similem reliquit, vivere in filio; et tu audes ipsam scipiternam Vitam, quod est Dei Filius, separare ab illo qui nunquam moritur Pater?

CAPUT VIII. — *Aequalitas personarum.* Et quid, inquis, facturus sum? Ipse dixit, *Pater maior me est* (*Joan. xiv. 28*). Quia non intelligis, ideo tibi maledicat quod bene dixit. Nam ipse dixit; immo et confirmavit. Prorsus ipse dixit, *Pater maior me est*: ipse Filius dixit. Sed vide quando hoc dixit: in susceptione humanæ naturæ positus hoc dixit. Tunc dixit, *Pater maior me est*, quando dixit, *Tunc est anima mea usque ad mortem* (*Math. xxvi. 38*). Tunc dixit, *Pater maior me est*, quando flevit, quando lassatus est, quando escrivit, quando sitivit. Tunc dixit, *Pater maior me est*, quando eum dicit Scriptura minoratum paulo minus ab Angelis (*Psalm. viii. 6*). Numquid enim etiam hic insana superbia ita irreverens progradientur vestra, ut Verbum Dei manens apud Patrem, audent in ipsa illa divinitatem dicere Angelos esse minorem? Si non andes, heretice, hoc dicere, serva hos gradus, et periit error tuus: Filius apud Patrem, et cum Patre æqualis, quoniam scipiternus cum semipaterno, semper manens cum semper manente: æqualis missus, et veniens: in susceptione hominis minor¹, non solum Patre, verum etiam Angelis: æqualis in forma Dei, minor in forma servi: æqualis cum Patre creans Angelos; minor Patre homines faciens angelos: æqualis cum Patre novum construens mun-

dum²; minor Patre perditum reparans mundum: æqualis cum Patre vitam largiens æternam; minor Patre mortem suscipiens nostram.

CAPUT IX. — *Christi nativitas.* Hunc itaque Filium credimus Dei in susceptione hominis minorem, in divinitate Patri aqualem, factum, sicut Apostolus dicit, ex semine David secundum carnem (*Rom. i. 5*). Ex semine enim David virgo Maria, qua de Spiritu sancto concipiente, et in cuius utero Verbum carne suscepta, nobis factus est mediator homo totus et Deus (*1 Tim. ii. 5*), Verbum, et anima, et caro unus Christus. Hoc quippe nobis etiam ordo hujus sacramentorum declarat, quod posteaquam credimus in Deum Patrem omnipotentem, credimus et in Filium ejus Iesum Christum³, de Spiritu sancto natum ex virginе Maria. Et hæc nativitas perturbat omnem cogitationem humanam; quoniam virtus est eam operata divina. Nam quando admittit ratio nostræ generationis, ut virgo concipiens, virgo post partum permanens, Filius videatur, et integritas inviolata servetur? Hoc non potest implere quilibet homo natus: ille autem potuit, quia non erat solus homo, sed Deus et homo; qui propterea voluit nasci homo, quia perierat omnis homo. Primum itaque miraculum magnum hujus Mediatoris ac singulare fuit, quod sic natus est: ut ille qui veniebat multos docere facere miracula, que ipse per se et per illos faciebat, haberet tamen aliquid proprium qui nihil usurpaverat alienum. Solus enim de virginе natus est, quia solus sine aroplexu maris et feminae de Spiritu sancto conceptus est: solus sine corruptione implevit uterum matris, quia solus pro nobis super celos ascendit, ut sederet ad dexteram Patris. Accepérunt ab illo discípuli ut fácerent multa et magna miracula, et fecerunt: nec tamen quispiam predicator aut creditur de virginе natus, aut de Spiritu sancto conceptus, nisi ille unus qui creator temporum inventus in tempore est etiam ipse creatus, suscipiens quam integrum formaverat humanam naturam, ut per ipsam quodam modo redemptor⁴ nostram repararet ruinam. Et hic Dei Filius, et hominis filius; Dei Filius in corde Patris, hominis filius in utero matris: idem ipse unus Christus, qui processit ex utero virginali tanquam sponsus de thalamo suo (*Psalm. xviii. 6*). In quo utero spirituales nuptiae sunt celebratae, Deusque conjunctus est carni, et caro cohaebit Deo, ut esset unus Christus Deus et homo.

CAPUT X. — *Crudelitas Herodis.* Hinc ergo procedens velut sponsus de thalamo suo, ad cujus nuptias communota universa exultare visa est creatura. Namque angelorum chorus ex his nuptiis pacem designat hominibus bone voluntatis: quia qui erat Dei Filius, factus est et hominis Filius; suscipiens quod non erat, non amitteris quod erat. His nuptiis eam novam scilicet novum atque splendidum lumen illo ipso sponso in se operante producent; ut lumen verum sedentibus in umbra mortis nontarent latum, et veluti lingua sua laudarent hunc sponsum procedentem, quem sciebant ad hoc suscepisse hominem mortalem, ut faceret immortalem. Ad hunc sponsum Magi ab extremo terræ veniunt, communiti requirunt, vocati munera offerunt, infantem natum necedum quidem videntes, sed stella indice regem adorare⁵ cupientes. Ex his nuptiis regis nati turbatus Herodes, perturbati et Judæi regem totius creature non intelligentes; querit Herodes quem audit regem natum infante perdere, ne illo crescente posset regnum amittere; Judæi nolentes habere Dei Filium regem, ubi Christus nasceretur Herodi produnt, atque de unius infantis nece utrorumque voluntas astringuntur. Postquam Herodes Judæis marrantibus didicit, ubi Christus occidendum posset inveniri, vocans ad se Magos, tempus ab eis inquisti-

¹ Quidam MSS., minor Patre novum construens munitionem.

² Editi addunt hic, *conceratum*, quod abest a MSS.

³ MSS. omittunt, *redepositor*.

⁴ MSS., *videre*.

⁵ MSS., et veniens in susceptionem.

vit stellæ, missisque in Bethlehem ait : *Ite, diligenter inquirite de puer, ut et ego veniens adorem eum* (*Matth. ii, 8*). O labia dolosa ! utquid in corde et corde loquoris mala ? Aliud enim habet tua lingua, aliud clamat conscientia. Te ipsum decipis talia cogitando, erras, fallis et talleris. Frustra in malo vigilat falsitas¹ : non a te, sicut deceat, inquiritur veritas. Ecce audient te Magi, aliud quidem foris dicentem, sed nesciunt te intus aliud cogitantem, et pergunt ita ut ad te amplius non revertantur. Ille enim eos admonebat, qui insipientiam tuam deridens, hoc Magos facere præcepit quod rex jusserrat verus, non quod subdole persuaserat falsus. *Per aliam*, inquit Evangelista, *viam regressi sunt in regionem suam* (*Ibid., 12*). Verum cum a Magiste delusum sensisses, Herodes, voluisti omnes infantes terre illius perdere, ut unum quem quereret posses occidere. Sed ille sponsus noster, qui processit de thalamo suo, ut ex ore infantium et lactentium perlieret laudem, sivit te implere voluntatem tuam, ut artas que lingua propria Christum non poterat confiteri, testimonio mortis sua confiteretur, et crudelitas inumanus² demonstraretur tua, et ad nuptias coelestis sponsi infantium congregaretur turba. Dic, Herodes, si te Christus ideo offendit, quia ejus Magis annuntiantibus audisti regnum ; quid te offendiderunt hi qui tecum adversus Christum sentiebant principes Iudeorum, quorum filios interficiens ipsos magis atrocissima poena in suis filiis afflitti ? Nam Christum minime inventare potuisti. Sed quid tecum diutius agam ? Ipsos, ipsos convenientiam Iudeos, qui dum infantem Christum noluerunt agnoscere, filios suos cum illo³ compulsi sunt amittere : quos quidem occidit mortis que propinavit Herodes vester amicus ; sed his mortalitatem alternamque vitam donavit Christus, quem vestrum etiam nunc dicitis inimicum.

CAPUT XI. — *Contra Iudeos, ex Isaia et Jeremia.* Vos, inquam, convenio, o Judæi, qui usque in hodiernum diem negatis Filiū Dei. Nonne vox vestra illa est, quando eum videbatis miracula faciente, atque tentantes dicebatis, *Quoniam unus noster suspendit?* Si tu es Christus, dic nobis palam. Ille autem ad considerationem miraculorum vos mittebat dicens, *Opera quae ego facio, ipsa testimonium de me perhibent* (*Joan. x, 24, 25*) : ut Christo testimonium dicerent, non verba, sed facta. Vos autem non agnoscentes Salvatorem, qui operabatur salutem in medio terræ vestre (*Psal. lxxiii, 12*), adjicientes in malo aistis, *Tu de te ipso testimonium dicis, testimonium tuum non est verum.* Sed ad hæc ille quid vobis responderit, adverte re nolui. *Nonne scriptum est*, inquit, in *Lege vestra, quod duorum hominum verum sit testimonium* (*Joan. viii, 13, 17*) ? Prævaricatores Legis, intendite Legem. Testimonium queritis de Christo : in Lege vestra scriptum est, quod duorum hominum testimonium verum sit (*Deut. xvii, 6; xix, 15*) ; procedant de Lege vestra, non tantum duo, sed etiam plures testes Christi, et convincant auditores Legis, nec factores. Dic, Isaia, testimonium Christo. *Ecce*, inquit, *virgo in utero concipiet et pariet filium, et vocabitis nomen eius Emmanuel, quod est interpretatum, Nobiscum Deus* (*Isai. vii, 14*). Accedat et alias testis : dic et tu, Jeremia, testimonium Christo. *Hic est*, inquit, *Deus noster, et non estimabitur alius absque illo, qui invenit omnem viam scientiae, et dedi eam Jacob puer suo et Israel dilecto suo. Post hæc in terris visus est, et cum hominibus conversatus est* (*Baruch iii, 36-58*). Ecce duo testes idonei ex Lege vestra, ex quorum testimonio non sunt compuncta corda vestra.

CAPUT XII. — *Ex Danieli.* Sed alii atque alii ex Lege Christi testes introducantur, ut frontes durissime inimicorum conterantur. Veniat et ille Daniel sanctus, juvenis quidem artate, senior vero scientia ac mansuetudine, convincat omnes falsos testes : sicut

¹ Corbeiensis Ms., *vigilas, falsitas.*

² Quidam Ms., *testimonium mortis sue* (vel, *morte sua*) præberet, et incredibilitas inumanus, etc.

³ Editi, pro illo.

convicti seniores impudicos (*Dan. xii, 47*), ita suo testimonio Christi conterat inimicos. Dic, sancte Daniel, dic de Christo quod nosti. *Cum venerit*, inquit, *Sanctus sanctorum, cessabit uncio* (*Id. ix, 24*). Quare illo præsente cui insultantes dicebatis. *Tu de te ipse testimonium dicis, testimonium tuum non est rerum* (*Joan. viii, 15*), cessavit uncio vestra, nisi quia ipse est qui venerat Sanctus sanctorum? Si, ut vos dicitis, nondum venit, sed exspectatur ut veniat Sanctus sanctorum, demonstrate unctionem : si autem, quod verum est, cessavit uncio vestra, agnoscite venisse Sanctum sanctorum. Ipse est enim et lapis ille abscissus de monte sine manibus concidentium, id est, Christus natus de virginis sine manibus complectentium : qui tantum crevit, ut mons magnus fieret, et impletor universam facient terra (*Dan. ii, 34, 58*). De quo monte dicit propheta, *Venite ascendamus in montem Domini* (*Isai. ii, 3*). Et de quo David dicit, *Mons Dei, mons uber* : *ut quid suspicamini montes incuseatos, montem in quo placuit Deo habitare in ipso* (*Psal. lxvii, 16, 17*) ? Cum enim ipse Dominus Christus discipulos suos interrogaret, quem eum dicere esse homines Filium hominis ; responderunt : *Alii Eliam, alii Jeremiam, alii Joannem Baptizatum, aut unum ex Prophetis* (*Matth. xvi, 14*). Et ille : *Ut quid suspicamini montes incuseatos, montem in quo placuit Deo habitare in ipso?* Hunc agnovit Petrus dicens, *Tu es Christus Filius Dei vivi* (*Ibid., 17*). Agnovid montem, et ascendit in montem : testimonium dixit Veritati, ei dilectus est a Veritate. Supra petram fundatus est Petrus, ut mortem suscepit illum amando, quem ter negeval timendo.

CAPUT XIII. — *Testimonia cætera ex Lege et Prophetis.* Dic et tu, Moyses legislator, dux populi Israel, testimonium Christo. *Prophetam vobis exibabit Deus de fratribus vestris.* Omnis anima quæ non audierit prophetam illum, exterminabitur de populo suo (*Deut. xviii, 15, 19*). Prophetam autem dicunt Christum. ipsum audi in Evangelio Christum : *Non est*, inquit, *propheta sine honore, nisi in patria sua* (*Matth. xiii, 57*). Accedat etiam David sanctus, testis fidelis, ex cuius semine processit ille, cui Lex et Prophetæ testimonium dicunt ; dicat et ipse de Christo *Adueruntur*, inquit, *eum omnes reges terræ; omnes gentes servient illi* (*Psal. lxxi, 11*). Cui servient ? Dic, cui servient ? Vis audire cui ? *Dixit Dominus Domino meo, Sede ad dextram meam, donec ponam inimicos tuos scabellum pedum tuorum* (*Psal. cix, 1*). Et expressius atque nominatim : *Quare, inquit, tumultuata sunt gentes, et populi meditati sunt inania? Astiterunt reges terræ, et principes convenierunt in unum, adversus Dominum et adversus Christum eius* (*Psal. ii, 1*). Accedat et alius testis, dic et tu Habacuc propheta testimonium Christo. *Domine, inquit, audiui auditum tuum, et timui; consideravi opera tua, Deus, et expavisi* (*Habacuc iii, 2*). Quæ opera Dei iste miratus expavit ? Numquid fabricam mundi iste miratus expavit ? Absit : sed audi ad quid expavit. *In medio, inquit, duum animalium cognosceris. Opera tua Deus. Verbū caro factum est* (*Joan. i, 14*). *In medio duum animalium cognosceris.* Quis, quoque descendisti ? Expavescere me fecisti : quia Verbum per quod facta sunt omnia, in præsepio jacuisti. *Agnovit bos possessorem suum, et asinus præsepe domini sui* (*Isai. i, 3*). *In medio duum animalium cognosceris.* Quid est, *In medio duum animalium cognosceris* ; nisi aut in medio duorum Testamentorum, aut in medio duorum latronum, aut in medio Moysi et Eliae cum eo in monte sermocinantium ? *Ambulavit*, inquit, *Verbum, et exiit in campos* (*Habacuc iii, 3*). *Verbum caro factum est, et habitat in nobis.* Hoc et Jeremias ait : *Post hæc in terris visus est, et cum hyminibus conversatus est* (*Baruch iii, 38*). Ecce quomodo convenienti sibi testes veritatis : ecce quomodo convincent filios falsitatis. Sufficiunt vobis ista, o Judæi, an adhuc ad vestram confusionem ex Lege et ex genia vestra alios introducemus testes, ut illi testimonium perhibeant, cui perdita mente insultantes dicebatis. *Tu de te ipso testimonium perhibes testimonium tuum*.

non est verum? Quod si velim ex Lege et ex Prophetis omnia quæ de Christo dicta sunt colligere, facilius me tempus quam copia deserit.

CAPUT XIV. — *Simeonis et Zachariæ testimonium.* Verumtamen senem illum ex gente vestra natum, sed in errore vestro non relictum, Simeonem sanctum in medium introducam: qui meruit decrepitus teneri in hac luce quoque videbat veram lucem. Quem quidem jam artas compellebat ire: sed exspectabat suscipere, quem sciebat venire. Cum iste senex adinnotitus esset a sancto Spiritu, quod non ante moreretur quam videbat Christum Dei, natunque cognoscens, perrexit ad templum. Ubi vero cum portari matris manibus vidit, et divinam infantiam pia senectus agnoscit, tulit infantem in manus suis. Ille quidem Christum infantem serebat, sed senem Christus regebat. Regebat qui portabatur, ne ille ante prouissum a corpore solveretur. Quid tamen dixerit, quem confessus fuerit, advertite inimici, non Christi, sed vestri. Benedicis Deum exclamavit senex ille, et dixit: *Nunc dimitis, Domine, servum tuum secundum verbum tuum in pace; quia viderunt oculi mei salutare tuum (Luc. ii, 20-52).* Illi etiam parentes Joannis, Zacharias et Elisabeth, juvenes steriles, in senecta secundi, dicant etiam ipsi testimonium Christo. Dicant de Christo quid sentiant, et testem idoneum Christo nutrient. Ajunt enim suo parvulo nato, *Tu puer, propheta Altissimi vocaberis: praebis enim ante faciem Domini parare vias, eis (Id. i, 47).* Ipsique matri et virginis Elisabeth ait: *Unde mihi hoc, ut veniat mater Domini mei ad me? Ecce enim ut facta est vox salutationis tuae in auribus meis, exsultavit in gaudio insans in utero meo (Ibid., 43, 44).* Intelligens enim Joannes matrem Domini sui venisse ad suam matrem, inter ipsas angustias uteri adiuc positus, motu salutavit, quem voce non poterat. Quid postea ipse Joannes precursor et amicus, humili et fidelissimus servus, testis idoneus effectus, tanto major in natis mulierum, quanto existimabatur esse quod non erat? Christum enim eum esse Judæi credebat: sed ille non se esse clamabat, dicens: *Quem me suspicantini esse, non sum ego; sed ecce venit post me, de cuius pedibus non sum ego dignus solvere corrigiam calceamenti ejus (Marc. i, 7; Luc. iii, 16; Act. xiii, 23).* O fidelis testis, et amice veri sponsi, quantum te humiliavisses si ad corrigiam calceamenti ejus solvendam dignum te esse dixisses? Sed dum ad hoc non te dignum dicas, *Judicis falsi testibus contradicis.* Et hæc a te dicta sunt antequam Christum videres: qui cum ad te ipse venit excelsus humili implendæ dispensationis sue gratia ut a te baptizaretur qui nullum habebat omnino peccatum, quid responderis, quem cognoveris, quale testimonium proculis audiant inimici qui audiire nolunt: *Ecce, inquit, Agnus Dei, ecce qui tollit peccatum mundi (Joan. i, 29, 36).* Et adjectis: *Tu ad me venis baptizari; ego a te debeo baptizari (Matth. iii, 14).* Agnovit servus Dominum: agnovit peccati originalis vinculis obligatus ab omni nexu peccati liberum: agnovit præco justicem, agnovit creatura Creatorem, agnovit paronymus spousum. Nam et hæc vox Joannis est: *Qui habet sponsam, sponsus est. Amicus autem sponsi stat et audit eum, et gaudio gaudet propter vocem sponsi (Joan. iii, 29).*

CAPUT XV. — *Ex libris Ethnicorum.* Sufficiunt vobis isti, o Judæi, sufficiunt vobis tanti testes, testimonia ex Lege vestra, ex gente vestra? An adhuc impudenti animo¹ audebitis dicere, quod alterius gentis vel nationis homines Christo deberent testimoniū perhibere? Sed si hoc dicitis, respondet quidem ille vobis, *Non sum missus, nisi ad oves que perierunt domus Israel (Matth. xv, 24).* Sed sicut vos in Actibus Apostolorum increpat Paulus, *Vobis primum oportuerat annuntiari verbum Dei, sed quia repulisti illud, nec vos dignos vitæ aeternæ judicasti, ecce, inquit, convertinuntur ad Gentes (Act. xiii, 46): demon-*

stremus etiam nos ex Gentibus testimonium Christo fuisse prolatum; quoniam veritas non tacuit clamando etiam per linguas inimicorum suorum. Nonne quando poeta ille facundissimus inter sua carmina,

Jam nova progenies cœlo demittitur alto,
(Virgil. Eclog. 4, vers. 7.)

dicebat, Christo testimonium perhibebat? In dubium hoc veniat, nisi alios ex Gentibus idoneos testes pluraque dicentes in medium introducam. Illum regem qui vestram superbiam captivando perdomuit, Nabuchodonosor, regem scilicet Babylonis non pretermittam. Dic, Nabuchodonosor, quid in fornace, quatuor viros justos injuste immiseras, vidisti; dic, quid tibi fuerit revelatum. *Nonne, inquit, tres viros misimus in fornacem ligatos? Et ait ei: Vere rex. Ecce, inquit, ego video quatuor viros solutos deambulantes in medio ignis, et corruptio nulla est in eis, et aspectus quarti similis est Filio Dei (Dan. iii, 91).* O alienigena, unde tibi hoc? quis tibi annuntiavit Filium Dei? quæ lex, quis propheta? Nondum quidem mundo nascitur, et similitudo nascentis a te cognoscitur. Unde tibi hoc? quis tibi istud annuntiavit, nisi quia sic te divinus ignis intus illuminavit, ut cum illic apud te captivi tenerentur inimici Judæi, sic diceres testimonium Filio Dei?

CAPUT XVI. — *Ex Sibyllinis vaticiniis. Vatiginium Sibyllæ.* Sed quia in ore duorum vel trium testimoniū stat omne verbum, sicut ipse Dominus confutans vestram contumaciam, *In lege, inquit, vestra scriptum est, quod duorum hominum testimonium verum sit (Deut. xvii, 6; Joan. viii, 17): etiam ex Gentibus tertius testis introducatur, ut testimonium veritatis omni ex parte roboretur. Quid Sibylla vaticinando etiam de Christo clamaverit, in medium proferamus, ut ex uno lapide utrorumque frontes percussantur. Judæorum scilicet atque Paganorum, atque suo gladio, sicut ut Golias (1 Reg. xvii, 50), Christi omnes percussantur inimici: audite quid dixerit (a):*

- Iudicij signum, tellus sudore madecaset.
- E cœlo Rex adveniet per scacia uturus.
- Scilicet in carne præsens ut judicet orbem.
- Unde Beatus cernent, incredulius atque fidelis
- Celsum cum sanctis, avi iam ternitatem in i. so.
- Sic animæ cum carne aderant, quas judicat ipse.
- Cum jacet inculps densis in vepribus orbis.
- Rejicunt simulacra viri, cunctæ quoque gazam:
- Exuret terras ignis, pontumque, polunque
- Inquirens tetri portas effringet Averni.
- Sanctorum sed enī cuncte lux libera carni
- Tradetur, soties aeternaque flamma cremabit.
- Occultos actus retegens, tunc quisque loquetur
- Secreta, atque Deus reserbat pectora luci.
- Tunc erit et luctus, stridebunt dentibus omnes.
- Erripitur solis iugular, et chorus interit astris.
- Volvetur cœlum, lunaris splendor obibit.
- Dejetur colles, valles extollent ab imo.
- Nou erit in rebus hominum sublimis vel altum
- Jam sequuntur campis montes et carula ponti.
- Omnia cessabunt, tellus contracta peribit.
- Sic pariter fontes torrentur, fluminaque igni.
- Sed tuba tunc sonitum tristem denuntiat ab alto
- Orbe gemens facinus miserum variisque labores,
- Tartareumque chaos monstrabit terra deliquescentem.
- Et coram hic Domino reges sistentur ad unum.
- Recidet et cœlis ignisque et sulcari amnis.

Hæc de Christi nativitate, passione et resurrectione, atque secundo ejus adventu ita dicta sunt, ut si quis in græco capita horum versum discernere voluerit, inveniat *Ιησοῦς Χριστὸς Θεοῦ Τίλος Σωτῆρ*: id est, Jesus Christus Dei Filius Salvator. Quod et in latinum translatis eisdem versibus apparet, præterquam quod græcarum litterarum proprietas non adeo potuit observari.

Alios versus Sibyllinos Christi passionem apertius

¹ MSS., *impudentia minima.*

¹ Edi^t, Ιησοῦς Θεος. Emendatur ex MSS.
(a) v. lib. 18 de Civit. Dei, cap. 25.

demonstrantes, intentissime audite (a) :

*In manus iniquas infidelium postea veniet.
Dabunt autem Deo alij as maibus incestis.
Et impurato ore expuerent venenatos spatus.
Habit vero ad verbera simpliciter sanctum dorsum.
Et colaphos accipiens tacebit, ne quis agnoscat.
Quod verbum, vel unde veuit, ut inferis loquatur.
Et corona sanguinea coronabitur.
Ad cibum autem fel, et ad sitim acetum dederunt.
In hospitalitatibus hanc monstrabant mensam.
Ipsa enim insipiens tuum Deum non intellexisti,
Ludentem mortaliū mentibus¹, sed spinis
Coronasti, et horridum fel miseristi.
Tenui vero velum scindetur, et die
Medio nox erit tenebrosa nimis tribus horis.
Et morte morietur, tribusque diebus somno suscepito,
Et tunc a mortuis² regressus ad lucem veniet.
Prinus resurrectionis initium revocatus ostendet³.*

CAPUT XVII. — *Testimonia ex caelo, ex mari, ex terra, ex infernis.* Credo jam vos, o inimici Judei tantis testibus ita obrutos confutatosque, ut nihil ultra querere debeatis : qui ipsi veritati nimia insipientia vel potius amentia, cum omnia nossetis quae de Christo essent dicta atque conscripta, inverecunda fronte dicebatis, *Tu de te ipso testimonium dicas, testimonium tuum non est verum (Joan. viii, 15).* Verumtamen ut divinae maiestatis veritas lucescat, supra tot testium praelaras voces, suo Creatori universa creatura testimonium se dixisse proclamet. Nonne cœlum testimonium dixit, quando novum sidus in nova hominum progenie, velut lingua et digito, quo potuit, natum Deum hominem genitus demonstravit ? Nonne mare testimonium dixit, quando oblitus quodam modo nature sue liquidus humor, soliditate suscepta, sui Domini portavit impressa vestigia : ut impleretur illud quod dictum est, *In mari est via tua et semitas tua in aqua multis (Psal. lxxvi, 20)*? Quod elementum servum Christi supra se ambulare cupientem, ut demonstraret quantum interesset inter creaturam et Creatorem, labili unda Petrum absorbusset, nisi Dominus rerum, mergenti Petro manum porrexisset (*Math. xiv, 31*). Nonne terra testimonium dixit, quando ejus conspersa saliva, ex ea eaci nati oculos inungens, lumen non videnti restituit⁴ (*Joan. ix, 7*) : et fabrica quod minus habuit, ex limo terra artifex reparavit, qui totum hominem de terra ante formavit (*Gen. ii, 8*) ? Nonne inferna Christo testimonium perhibuerunt, quando jure suo perditio, Lazarum quem dissolvendum acceperant, integrum per quatriduum reservarunt, ut incolumem redderent, cum vocem Domini sui jubentis audirent (*Joan. xi, 43*) ? Quid in ipsa ejus passione, nomine contra vestram impudentiam ferocissime amentiam ipsam quodam modo publicam lucem testem citabo ? Sicut putabatis, homotantum a vobis interficiebatur Christus : quod et si tantum esset, vobis parcere debuisset, ut manus vestras alienas redderetis a sanguine innocentis. Quae cæcitas infusa est cordibus vestris, ut nec illa vos tanta deterret medio die solis obscuritas, et inter ejus radios claros amputata lux ? Nos recondita in diem⁵ : imo nox usurpavit diem, nec cursum sui ordinis natura servavit ; sed obtenebratur cœlum, luget terra, veluti templi concinditur, petrae scinduntur, inferna reserantur (*Math. xxvii, 45, 51, 52*) ; omnis pene creatura expavescit mortem Christi. Nec tam in his tantis apertis sunt oculi cordis vestri. O Judæi, demones qui vestra corda possederunt, dixerunt, *Scimus qui sis; quid venisti ante tempus perdere nos (Marc. i, 24)* ? et vos, *Tu de te ipso testimonio*

nium dicas, testimonium tuum non est verum (Joan. viii, 15) !

CAPUT XVIII. — *Ex eventis.* Sed non intelligentes actiones vestras, egistis causas nostras. Denique nostræ saluti militavit vestra malitia : ille enim qui ad hoc venerat ut pro nobis moreretur, insanis voces, Crucifige, crucifige (*Luc. xxiii, 21*), clamantium ut homo non expavit, quia ut Deus eas ante prævidit. Quantum laborasti, ut discipulum Judæi pecunia corrumperetis (*Math. xxvi, 15*), et a malo venditore mali emptores Christum non possidendum comparareti, mundinas malas agentes animæ vestrae, quando fundebatis pretium salutis nostræ ? Quantum laborasti, ut judicem a vestro sceclere manus lavantem, calumnias, Cæsaris nomine opposito, opprimeretis, ut id impleret quod fieri volebatis (*Id. xxvi, 24*) ? Quantum laborasti, ut Christus occideretur, et latro dimitteretur (*Ibid., 20-26*) ? Quantum laborasti, ut Christus contumelias paterneretur, spinis coronaretur (*Marc. xv, 17*), in ligno suspenderetur, lancea perfoderetur (*Joan. xix, 14*) ? Quantum clamastis, quantum sudastis, quantum laborasti ? Sed omnis iste labor vester, fructus est noster. Denique a vobis Christus occiditur, nobis resurgit : a vobis in ligno suspenditur, clavisque confixus in cruce detinetur, et a ducibus nostris discipulis suis in medio eorum clavis januis inventur (*Id. xx, 19*). Pecunia milites corrumperendo Christi resurrectionem opprimere voluistis (*Math. xxviii, 12, 13*), et ecce ejus resurrexit toto mundo jam celebratur, et quod dedistis, totum perdidistis. Implere non potuistis quod voluistis : audite jam quod audiisse non vultis. Dixi tertio a mortuis resurgens, assumptus in cœlum, sedet ad dexteram Patris (*Marc. xvi, 19; Luc. xxiv, 51*) : dispersit vos per universas terras, ut ubique proprietias de ejus natitatem, passione, resurrectione, ascensione, quamcumque dicta sunt, vos perferatis, atque lucernam Legis, tanquam lignea candelabra sensu carentia, gentibus ministretis. Quod propter ea factum esse cognoscite, ne gentes haec omnia que aguntur, dum prædicantur, a nobis dicent fuisse conficta. Hanc etiam ipsam vestram dispersionem fuisse prædictam, David propheta declarat dicens : *Ne occideris eos, ne quando obliviiscantur legis tue, sed disperge eos in virtute tua (Psal. lxxx, 12)*. Dispersio ergo haec vestra testimonium perhibet Christo, cui dixistis, *Tu de te ipso testimonio dicas, testimonium tuum non est verum (Joan. viii, 15)* : ut ex vestro testimonio inimicorum, alii inimici confundantur, qui Christum magicis artibus fecerint quecumque fecit miracula. Nam et hoc quod mortuus colitur, magice potentiae deputandum esse contendunt. Proferte codices propheticos, o Judei Christi inimici, ut ex ipsis alii Pagani convincantur inimici. Prophetas longe antequam nasceretur ante se premissi, qui omnia que superius diximus, prædixerunt. Hinc jam judicate qui recta sapitis : numquid si magicis artibus fecit ut coleretur et mortuus, magus erat antequam natus⁶ ? Confundimini, corrigimini qui talia de Christo vel sentitis, vel creditis, vel dicitis. Confundimini et vos, Judei, qui lucernam Legis in manibus habentes, aliis lumen præbetis, et vos in eam intendere non curatis, sed exspectatis quidem et vos ut veniat qui venturus est. Et veniet ; sed non sicut vultis veniet : veniet excelsus ille qui a vobis interfactus est, nullius criminis reus ; manifestus veniet Deus, et videbitis judicantem, quem contemptissimus, miracula facientem. Qualis erit tunc vestra conscientia, cum vobis ille nullam jam exhibebit patientiam, quia vos invenit in anima mortuos, qui venturus est judicare vivos et mortuos ?

CAPUT XIX. — *Contra Arianos.* Credimus in Spiritum sanctum, quem nos credimus Deum, aequalem Patri et Filio, manantem in Patre et Filio, inseparabilem a Patre

¹ MSS., *sensibus*.

² MSS., *ab inferis*.

³ MSS., *Prinus resurrectionis principio revocatus ostendo.*

⁴ Quidam MSS., *exhibuit*.

⁵ MSS., *Nox respondit in diem.*

⁶ (a) Ut in superioribus, ita et in his versibus sequimur veteres codices, a quibus longe reculebant editi.

⁷ Si MSS. juxta Augustinum, libro I de Consensu evagelistarum, cap. 11. At editi, *mugis miserat ante quatuor horas*.

et Filio, regnante cum Patre et Filio. Trinitas una, et tertia in unitate persona Spiritus sanctus, qui operatur omnia in omnibus. Hunc et Ariani blasphemantes, Patre Filioque volunt esse minorem. Nec eorum errorem ille evangelicus revocat timor dicens, *Si quis dixerit verbum in Filium hominis, remittetur illi: si quis autem dixerit verbum in Spiritum sanctum, non remittetur illi, nec hic, nec in futuro saeculo* (*Matth. xii. 52*). Quid est, Ariane? sentisse quo progressa fuerit immanitas tua? Dicis verbum in Filium hominis, quia secundum divinitatem Filium Dei asseris esse minorem. Dicis verbum in Spiritum sanctum, in ipsa illa individua unitate etiam Filio esse minorem. Dicendo tale verbum de Verbo, tale verbum de Spiritu sancto, non remittuntur nec hic nec in futuro saeculo peccata tua, et tu rehabitzando polliceris dimittere aliena? Nos donum Spiritus sancti agnoscimus esse remissionem omnium peccatorum, suffragante nobis ipsa Veritate, quae post resurrectionem suam ait discipulis suis, *Accipite Spiritum sanctum; si cui remiseritis peccata, remittuntur illi* (*Joan. xx. 22*). Vos autem sacrilego ausu, quibus jam Christus dono Spiritus sancti per Baptismum et originalia et propria cuncta demisit omnino peccata, in iam baptizatis exsufflati Christum, respuitis Spiritum sanctum; et renatum non abluere, sed sordidare; non liberare, sed obligare; non vivificare, sed mortificare contenditis. Nec mirum si has ruinas quotidie fabricatis, qui jetram integrum Christum in fundamento habere moluisistis. A vestro errore separat Veritas filios suos, quos sic sovet ut nutrit, non sicut tu blandiendo depict ut occidat.

CAPUT XX. — *Resurrectio.* Apud Catholicam, dilectissimi, noveritis tantum esse veram fidem, germanam pacem, perpetuam salutem. Non enim in angulo est, sed ubique tota est. Si quis ab ea discesserit, atque hereticorum se errori tradiderit, ut fugitivus servus judicabitur, non ut filius adoptivus: nec ad vitam aeternam resurget, sed potius ad damnationem. Quoniam bonis malisque promittit resurrectio: *Omnes quidem resurgentur*, ait Apostolus, *sed non omnes immutabimur* (*1 Cor. xv. 51*). Et quid prodest, fratres mei, resurgere, et non immutari? Qui enim in la vita non fuerit immutatus, a justo iudice invenitur esse dannatus. Dannatus autem aeternam non conequitur vitam, qui de adversario diabolo victorem obtulit¹ accipere palmam. Quid enim prodest, dilectissimi, quod non illis vinculis in idolorum cultu nempium diabolus tenet, et visco hereticorum canum desentumque possidet? Qui vult ad aeternam vitam pervenire, contra omnes diaboli laqueos debet tertiter invigilare. Non enim qualis est ista vita, ita venitur ei illa.

CAPUT XXI. — *Differentia temporalis vitae et aeternae.* Quantum autem distat inter haec et illam, debet esse Charitas vestra. Illic falsitas, ibi veritas: hic perturbatio, illi c fida possessio: hic pessima amaritudo, illic semper dulcedo: hic periculosa elatio, illic secura exsultatio: hic timetur ne qui erat amans, efficiatur subito inimicus; illic semper manet inimicus, quia nullus illuc admittitur inimicus: hic quidquid est bonum, timetur ne pereat; illic quidquid accepere, ab illo servabatur qui facit ut nec tu absens, et quod accepere non amittas: hic mors, vita: hic luctus, ibi gaudium: hic omnia quae reavit Deus, illic ipse pro omnibus et in omnibus: et quae digna dicuntur, si tamen aliqui dicuntur. Non enim sufficit humana lingua laudare, quod unus mortalium non valet comprehendere. Venieus illuc, fratres mei; et ibi videbimus quod oculus hic non vidit, ibi audiens quod auris hic non audit, et intelligens quod cor humannum comprehendere non valuit (*1 Cor. ii. 9*), videntes frumentosque subtilissimos incurvabili gaudio (*1 Petr. i. 8*). Et

¹ Am. Er. et quidam MSS., non valuit.

quale gaudium erit, ubi nullus timeret? Quale gaudium erit, cum te videris socium esse Angelorum, partipem regni celorum, regnare cum Rege, nihil concepiscendo omnia possidere, sine avaritia divitem, sine pecunia administrantem, sine successore iudi cantem, sine metu Barbarorum regnarem, sine morte in aeterna vita viventem?

CAPUT XXI. — *De via ad patriam.* Sed ut ad ista veniam, viam tutissimam quae illuc perducit non dimittamus. Quae est hec via? Christus ex toto se, ex ea, ite et ex corpore. Ex capite, aequalis Filius, in manente manens: ex corpore minor, viam istam ut gigas velociter transiens (*Psalm. xviii. 6*). Caput et corpus, Christus et Ecclesia. Nec ab illo separemur, aliquid aliud de illo, sicut haeretici, credendo; nec ab ista, pravis nostris moribus declinando. Ille est mater vera, pia mater et casta, intrinsecus sui viri dignitate ornata, non fornicatus mendacio fallente turpiter colorata. Non vos ab ista matre nomen confictum seducat alienum, non vos Ecclesiae species aliena decipiat. Sponsa Christi non est quae virum suum non cognoscit: turpis est quae tanti viri speciem suis sermonibus fuscare contendit: frustra sibi Ecclesiae nomen imponit. Video equidem te, o spelunca subdola¹, decipiens, quia decepta: video quidem quod apes formam tuam sub specie aliena. Quid te componis? quid tantum te exornas? quid simbrias tuas expandis? quid te contra veram sponsam sequare contendis? Non te recipit sponsus, quia non es sponsa. Sed pulchram te esse dicas, et de auro atque ornamenti plurimis gloriaris. Respondet tibi sponsus, respondet tibi speciosus forma praefiliis hominum (*Psalm. xliv. 5, 4*): *Species fornicularia facta est tibi, irreverens facta es in omnibus.* Quod si dixeris, Quare? Respondet. Quia sub specie sponsae componest, et mentiris sponsum tuum esse me. *Species fornicularia facta est tibi, irreverens facta es in omnibus.* Non sicut Patrem appellasti me: *Ego enim et Pater unus sunus* (*Joan. x. 30*). Non sicut Patrem appellasti me, et principem virginitatis tuę (*Jerem. iii. 3, 4*). Verba sunt Chriti per prophetam. Si enim ego essem princeps virginitatis tuę, servarem integritatem tuam, sicut integrum servavi matrem meam. Quia ergo nec principem virginitatis tuę, nec Patri me agnoscis aqualem, nec ego te agnosco virginem. Noli te amplius jactare esse quod non es: agnosce turpiditudinem tuam: Aries abstulit integritatem tuam. Non es igitur sponsa, quia non es integra. Frustra enim illum sponsum vocas, qui non est tuus: turpem enim viduam non accipit Christus. Redi, redi repudiata, redi confusa, redi serpentinis fraudibus violata; redi, non in divinitate celesti composita, sed humanis assertionibus circumventi, redi: fallere temetipsam potes, fallere sponsum non potes. Novit enim ille quam querit, agnoscit ille quam vocat. Semper vivit mater: noverca, quid te supponis? Non potes excludere pulchram dominam, cum sis ipsa turpis ancilla. *Species fornicularia facta est tibi.* Non enim servasti uni viro fidem, que catholicam non tenes unitatem. Ille enim sponsum matrem querit veram, quae pie suos filios nutrit; non turpem, quae alienos fraudulenter occidat. Vide que est hec mater vera, quae adhuc te tolerat suos filios praefocantem, suo viro injurias irrogantem. Tolerat, quia patientiam exhibet sui sponsi, et exspectat auras libertatis, ut vindicetur ab eo ejus humilitas, quoniam eam viri sui obtinet charias. Ipse est enim qui vivit et regnat cum Deo Patre et cum Spiritu sancto in saecula saeculorum. Amen.

¹ Editio Am., *frustra sibi Ecclesiae nomen imposuit Judaea spelunca subdola.* Editio Fr., *frustra tunc Ecclesiae nomen imponit, Judaea specie subdola.* Editio Lov., *frustra tibi Ecclesiae nomen imponis, Judaea subdola.* Castigantur ex MSS. Porro spelunca hic Arianorum Ecclesia vocatur, ut ostium in superiori tractatu, cap. 7.

DE ALTERCATIONE

ECCLESIAE ET SYNAGOGÆ

DIALOGUS (a).



Duarum matronarum vobis censoribus causam videor suscepisse: ultraque negotia magnis lateribus panditurus, ut quidquid ex judicio vestro veritas expostulata diremerit, id una de duabus observet. Idcirco in hoc cœtu ve-tro jūs recito, tabulas offero. Lege-agatur, quia de possessione contentio est: et revolvere imperiali sanctione sententias non morabor, ut quidquid veritatis ordo perspexerit, juxta legem divinitus datum consensus vestri sententia promulgetur. Una quibusdam temporibus adulterio reprehensa possessio-nis nostræ præcoqa pervasione jura temeraverat: alia merito castitatis per sententiam donatoris, possidentem illam que auribus vestris videtur exacta, nonnulla apud sacerdotum prius clandestina fraude privaverat: redhibitione e impellitur quotidie reddere; et adhuc quantum reddiderat debet. Totum enim, quidquid possessioni defenderet, abjuramus. Ergo si cause faciem, si frontem parabola vultis audire: Gentes hæreditatem nostram, possessionem, et terminos terre nobis angustali jure concessam, potens quondam, dives auro inulic Synagoga pervasit. Mox supplicavimus, preces retinemus in manibus, introductio protinus fundi, habita possessio in nostro jure constituit. Resvoli nolumus tamen, quidquid ornamentorum mulier inquieta pervasit. Que cum postularetur ut redderet, lentius quam deberet exsolvit. Nunc ergo ad hanc matremfamilias et viduam, nostra matremfamilias, hoc est ad Synagogam,

ECCLESIA dixit: Recita quid merueris, et ego quid meruero, recitabo.

SYNAGOGA respondit: Prophetæ ad me omnes venerunt, quod tu diffiseri non poteris.

ECCLESIA dixit: Certum est quod Prophetæ, dum ad te veniunt, remorandi pro tempore velut ad hospitium eueurrerunt: nam probo eosdem sponsi mei juvenes metatores, scilicet Christi gerulos litterarum, mandatorum etiam portatores, invidiæ causa a te fuisse interfectos. Nunquid si ad te venissent, a te quispiam eorum potuisset occidi? Sed quia ad me veniebant, causa zeli homines meos recipi cum non sustineres, gladio et fustibus affecisti.

SYNAGOGA respondit: Etiam si istud quod asseris feci, recte et honeste peccavi: quia ego regem novaram, cuius litteras frequenter acceperam: et tu silvicolæ quærebaris, quæ Barbarorum ritu, rure, collibus, intra invia vel secreta agresti quondam tugurio conmanebas. Nam quid te aliquando rusticus fuit? Tu cum gentibus, cum quibus ego sæpe pugnavi, pastori more balantia, credo, pecora sequebaris: ego sceptro et legionibus fulta, apud Jerosolynam purpureo amictu regnabam; ego Romanum possidebam imperium; ego reges, milites, et alienigenarum gentium duces occidi: mihi Persa et Indus aurum, gemmas, ebur, argenteum et sericum, totasque opes ad-vexit: tu montana, rustica, apta pecoribus; tu pressis in vallibus tantum diversabare sollicita; tu ex vasta rupe condensior¹, cui rimosus lapis timidum quondam præstebat hospitium, lac de caseo, vaccinia cum glande mandebas: ego Pharaonem in suis curribus, ego Egypcius, ego Chananæos, Jebusæos, et Cethæos, et Phœcæos reges occidi.

ECCLESIA dixit: Recognosco quæ loqueris, et laudes tuas diffiseri non possum. Scio quia urbis tute et ambitiosa foræ et Capitolia celsa vidisti: armorum tuorum impressio, et fulgentia clypearum signa, spicula, enses, jacula missorum telorum, expressus

equestrium exercituum gemitus, magnos ornatus dices et tyrannos stravit. Scio potentiam tuam, quam Jerosolyma illa pompatili fastu ructuabat. Scio enim quia tibi quondam Romanus orbis intremuit, et terra gentium palpitavit. Sed memor esse debes quid propter unam mulicrem Dinam feceris in Sichem: imbellies homines, et innocentia sue honore fulgentes, latronum ritu vastasti (*Gen. xxxiv, 26*).

SYNAGOGA respondit: Potestas regni permisæ libertatis accepit audaciam. Numquid in eo peccasse me credis, si sub iherio meo maculavi quos volui, aut meos forsitan rebellés occidi? Qui potestatem regnandi dederat, faciendi utique quidquid vellem indulserat dignitati. Aut dic mihi: si legem non habet qui proprio regnat imperio, et qui possidet totum, necesse est ut regni potentiam quocumque volet extenda-

ECCLESIA dixit: In eo gaudeo me sublimatam, quod celsis celsior sum facta, et regna regnantium disjeci: et ecce sub pedibus meis purpurata quondam regina versaris. Ille est enim rex regum, qui eidem imperare coepit, quæ se videtur aliquando regnasse. Regnasti, fateor: Romana tibi terra subjacuit, reges et principes occiderunt; et si quando conflixeras, captivus hostis succubuit. Noli irasci, si tu quæ fueras domina, nihil causa videaris ancilla.

SYNAGOGA respondit: Quia te tanto praeconio declarasti, proba ancillam, et dominam recognosco.

ECCLESIA dixit: Habeo tabulas, recito testamentum, quod scriba quondam tuus vates scripsit, et Aaron magistratus præsente signavit.

SYNAGOGA respondit: Scio Testamentum sub regno meo conscriptum, sed volo discere ubi me dictator voluminis servire mandavit.

ECCLESIA dixit: Lege quid Rebeccæ sit dictum, cum parceret: *Duo gentes in uero tuo sunt, et duo populi deentre tuo dividuntur, et populus populum superabit, et major serviet minori* (*Iad. xxv, 23*). Certe majorem te paulo ante dixisti regnasse, triumphasse, sceptrum tenuisse, purpuram possedisse; me minusculam valibus delituisse quondam, vel in collibus habitassæ saxorum: te auro, ornamento, byssso, serico, genimis claruisse nobilibus; me minorem pecorum lacte vixisse. Ego oves et pecora, tu militem possidebas. Inde est quod ego minor atque pauperior, tu major et dives subjugata mihi, eligas² populo servitura minori.

SYNAGOGA respondit: Recognosco titulum Testamenti, video litteras quas ipsa in thesauro meo et in bibliotheca servavi. Sed dicio mihi, quomodo tibi servio, quæ adhuc filios meos liberos esse recognosco. Vacant negotiis, navigandi potestas est libera, compedes nesciunt, nullus vineam laboriosæ necessitatibus fossura discerpit, nescio an tibi sim servitute subjecta.

ECCLESIA dixit: Testamentum recolis, apices recognoscis, et adhuc non recipis servitutem!

SYNAGOGA respondit: Dic tu mihi quod asseris, Recognosco Moysen, audio, et refugere non possum: sed qualiter tibi serviam scire non possum.

ECCLESIA dixit: Mutare te non potes; semper negas et fallis, semper de falsitate contendis. Certe regnasse te ante dixisti, cum populus Israel locum tenuisse³ imperii⁴. Si adhuc regnas, liberam te esse cognosce, et nequum mihi servitute subjectam. Alioquin si recte populo Israel christianus populus regnat, constat te

¹ Forte, condensaque; aut, contemptior.

² Alias, latum tenuisset imperium.

(a) Nil habet phraseos Augustinianæ. Auctor videtur alicius aut jureconsultus quisquam tuse.

ancillam esse, non liberum, quam video servituti subiectam. Respice in legionibus signa, nomen Salvatoris intende, christicolas imperatores adverte, et considera te de regno esse discussam : et nobis juxta Testamenti fidem quod servas, confitere : tributum mihi solvis, ad imperium non accedis, habere non potes praefecturam. Iudaeum esse Comitem non licet; senatum tibi introire prohibetur; prefecturam nescis; ad militiam non admitteris; mensas divitium non attingis; charismatis ordinem perdidisti : totum tibi non licet; cui etiam ad manducandum, ut vel male viveres, paucula condonamus. Ergo si iis quae summa, que prima sunt, caruisti, lege quid Rebbecca sit dictum, cum geminos parceret: *Duae gentes in utero tuo sunt, et duo populi de ventre tuo dividentur, et populus populum superabit, et major scribit minori.*

SYNAGOGA respondit: Quid tamen feceram, ut me divinitas de regno discuteret, et privaret imperio?

ECCLESIA dixit: Si tu ut graviter peccasti, tam gravis pena sit servitius sub interitu mortis debitis, nec ancilia potes esse, nec libera. Nam cum primum Moyses in monte Sinai charaxatas (*a*) decalogo duplicates tabulas accepisset, vos contra Deum idola popularistis, dicentes ad Aaron: *Fac nobis deos qui nos auctorendant* (*Exod. xxxii, 1*).

SYNAGOGA respondit: Hic me miseram errasse cognosco: sed mox eos qui idola poscerunt, usque ad ultimam mortem damnationis pervasis interitus. Quid ergo posteri fecerunt, si mox illi seniores qui istud admiserant, porne sua merita suscepserunt?

ECCLESIA dixit: Certum habeo quod legisti: sed que legeris retinere non poteris, et ipsum agnoscere. Sed recole scriptum, *Et annuntient filii filiorum suorum, quoniam peccata parentum eorum in filiis creverunt, et non laxabo illis*, dicit Dominus (*Jerem. xxxii, 29*). Et alibi ait, *Parentes uvas aceras manducaverunt, et filii dentes stupuerunt* (*Ezech. xviii, 2*).

SYNAGOGA respondit: In quo tibi plaudis, sub cuius regno imperium tenes, prius ad me, vel in populo meo Christus advenit.

ECCLESIA dixit: Sic erat dignum, ut totum quidquid fuerat astringendum, divina sapientia preveniret. Si enim ad me Christus principaliter advenisset, et te sub adventu ipso prime nativitatis repudiare voluisse, hodie dices, Non venit ad me, nescivi quid colerem; nam si et in populo meo dignatus fuisset accedere, quem Prophetae Deum dixerant, confiterer. Ad te venit, mortuos tuos virtutum imperio suscitavit, loquaces præstiti muto, gressibus reddidit clavidos, cervos oculavit, paralyticos absolutis artibus expeditiv, leprosos sanitati restituit: et non esse Deum, quem Deum legeras, profana mente dixisti. Idecirco, quia dixisti Salvatorem et Dominum prius ad te venisse recolo, et elogio tuo rursus contendo. Lege quid tibi Esdras ex persona Salvatoris scripsit: *Ad meos veni, et me mei non receperunt. Quid tibi faciam, Jacob? Noluit me audire Juda, transferam me ad alteram gentem* (*IV Esdr. 1, 24*). Unde vides te non debere gloriari quod videris Christum. Major enim causa criminis est videre cui servias, et contempnere cui deitas servitum. Defenderes forsitan te, si dices, Non novi Dominum, nescivi Prophetas fuisse mentitos. Attamen et Prophetæ dixerunt, et ipsi Dominum quem Prophetæ cecinerant, cum suis mirabilibus agnoscisses, et misericordi refutacula blasphemasses: vides te sub tanti criminis reatu excusare non posse.

SYNAGOGA respondit: Dixerant quidem Prophetæ esse venturum, sed unctum Dei, sed puerum sanctum de virginie. Unde an ipse Dominus venire velet, penitus ignorabam.

ECCLESIA dixit: Recite ergo Isaías ait, *Vade et dic populo isti, Aure audietis, et non intelligetis; et videntes videbitis, et non cognoscetis. Incrassavit enim cor populi hujus, et auribus graviter audierunt, et oculos suos clauserunt, ne forte videant oculis, et auribus audiant,*

(a) Ex greco, charatto.

et corde intelligent, et revertantur, et curem illos (*Isai. vi, 9*). Nam et Jeremias ait, *Me dereliquerunt fontem aquæ vivæ, effoderunt sibi lacus detritus, et non potuerunt aquam portare* (*Jerem. ii, 13*). Et quid adiicit idem propheta? *Milvus cognovit tempus suum; turtur et hirundo, grucus, passeress custodierunt tempora introitus sui: populus autem meus me non cognovit* (*Id. viii, 7*). Nam et in Salomonem credo quod legeris, qui ait, *Quarant me mali, et non inventiunt: odio enim habuerunt sapientiam, sermonem autem Domini non reperierunt* (*Prov. i, 28, 29*). Vides ergo te Deum Dei Filium blasphemis oculis et profano pectore rejecisse. Ergo si legis Isaianam, legis Prophetas, Deum Christum frequenter audisti: sic enim ait, ut tibi et de virgine, et de filio, sicut ipsa dixisti. respondeam: *Pariet virgo filium, et vocabitur nomen ejus Emmanuel, quod interpretatur, Nobiscum Deus* (*Isai. vii, 14*). Et David ait, *Propterea unxit te, Deus, Deus tuus* (*Psal. xlii, 8*). Et in Genesi sic ait: *Et fecit Deus hominem ad imaginem suam* (*Gen. i, 27*).

SYNAGOGA respondit: Nolo te in tanto plausu effrenant lectiones; sed ad illud convertere, quod mihi arbitror profuturum. Respice te nec Legem accepisse, nec circumcisio meruisse, in quo signo Gentilitas segregatur. Inde est quod et signum meum habeo, et legem quam Moyses protulit, non amitto.

ECCLESIA dixit: Legem te accepisse testaris, sed legem Veteris Testamenti: ego autem Evangeliorum novam legem accepi. Et ut scias veterem novitatem compressam, lege Isaiam qui tibi ait: *Illa vetera transierunt, ecce facta sunt nova, nunc orientur* (*Isai. xlvi, 19*). Nam quod dicas te in salutem populi circumcisionis signaculum accepisse, hodie probo statutum tuum fuisse deceptam. Si ergo per circumcisionem æternitas donabatur, vides te caput accepisse, non pedes, et uno oculo vel una manu fuisse truncata; medium vixisse, et medium fuisse emortuam. Nam si dicas populum tuum in signo tue passionis esse salvandum, quid facient virgines tue, quid facient viduae, quid matres etiam Synagogæ, si circumcisionis signum populo ad æternam vitam profecisse testaris? Ergo Iudeas feminas habere non decet; viri enim circumcisione mulieres autem præputium non admitunt: ergo salvæ esse non possunt, si circumcisione salvamini. Vides ergo te viros, hoc est circumcisionis habere posse Iudeos; mulieres autem, que circumcisioni non possunt, nec Iudeas, nec Christianas, sed paganas esse profiteor. Audi, doceo te clarissime circumcisionis insignia, quoniam circumcisionem si accipere potuisses, nunquam prodigium de regno perpeti occidisses. Respice quod Jeremias ait: *Hæc dicit Dominus viris Iudeis qui habitatis in Jerusalem, Renovamini inter vos novitate, et ne seminaretis in spinis: circumcidite vos Deo vestro, et circumcidite præputium cordis vestri* (*Jerem. iv, 3, 4*). Quod et ipse Moyses ait, quem tu similiter sequebaris, licet mihi mandata portaret: *Erit, inquit, in novissimis diebus, circumcidet Deus cor tuum, et cor seminis tui ad Dominum Deum tuum amandum* (*Deut. xxx, 6*). Et apostolus Paulus ait, *Circumcisi estis circumcisione non manu facta, non in expollatione carnis, sed in circumcisione Christi* (*Coloss. ii, 11*). Quid ad haec dicimus, Synagoga? Ecce non carnis, sed cordis circumcisione mandabatur, scilicet ut vita cordis incideret, ut libidinem desecares, ut idolatriæ caput auferres, ut tunica fornicationis scinderes. Quia ait propheta, *In lapide mæchata es et in ligno* (*Jerem. iii, 9*). Vides ergo te non accepisse in signum salutis circumcisionem, sed in signum potius pudoris et turpitudinis. Nam putas signum esse quod vestitu tegitur, quod præ verecundia non profertur, quod uxori tantummodo debitum esse cognoscitur; quia officina et mulieres tuas depilato capite ac decalvato in asinis sepe vidi dannatas? Utique si signum salutis est illud quod adulterum stupravit, quod virginem vitiando compressit; mulier que de circumcisionis salute sibi turpiter lusit, dannari non debet;

nec ille puniri, qui adulteram de salutifero circumcidione signo compressam vel in mortem rejecit. Nescio an illuc signum salutis esse potuisse, unde facinoris admissa damnantur. Populus autem mens signum salutis in fronte gestando, totum hominem, viros ac mulieres, de alto signaculi, casta de sublimibus et publica libertate defendit.

SYNAGOGA respondit: Velle addiscere ubi signum frontis acceperis, vel quis propheta signum istud quod dicas, hoc est signum frontis, signaculo sanctificationis incidenter.

ECCLESIA dixit: Habes Ezechielem prophetam, qui ex presentia maiestatis exclamat: *Ite et cardite, et nolite parcere oculis vestris. Nolite misereri senioribus; juvenes, virgines, parvulos et mulieres interficite usque ad internacionem: omnem autem super quem signum scriptum est in fronte, ne tetigeritis* (Ezech. ix, 5, 6). Idem quoque ipse propheta sic ait: *Vade per medium Jerusalem, et notabis signum super frontem virorum, qui ingeminunt et marent ob iniurias quæ sunt in medio ipsorum* (Ibid. 4). Item in Apocalypsi: *Vidi Agnum stantem in monte Sion, et cum eo centum quadraginta quatuor millia, et habebant nomen ejus, et nomen Patris ejus scriptum in frontibus suis* (Apoc. xiv, 1). Vides ergo signum milii datum, et insigne crucis, quam dimissa te atque derelicta, passio Salvatoris ornavit.

SYNAGOGA respondit: De signo frontis interrogata, crucis signaculum proposuisti, quasi vero antequam Salvator venerit, vates antiquissimi insignia predickerent. Et ideo dico mihi, si legisti quod Christus passurus esset, et in cruce penderet.

ECCLESIA dixit: Audi, Synagoga, et non ut docearis, sed ut puniaris, adverte legem, et invenies ubi Salvator manibus extensis crucem figuratius prophetavit. Et sic enim Isaia ex persona Salvatoris ait: *Expandi manus meas tota die ad plebem contumacum et controdictentem mihi, quæ ambulavit vias non bonas, sed post peccata sua* (Isai. lxxv, 2). Nam et Jeremias ait: *Venite, mittamus lignum in panem ejus* (Jerem. xi, 19). Et in Deuteronomio, quia Pentateuchus utebaris: *Et erit, inquit, Vita tua pendens ante oculos tuos die et nocte* (Deut. xxviii, 66). Sic et Psalmidicus resert: *Exclamavi ad te, Domine; tota die expandi ad te manus meas* (Psal. lxxxvii, 10). Nam in Nuineris, hoc est, in Lega tua, quam tu prior acceperas, quod Christus suspensus esset et in cruce penderet, sic ait: *Non quasi homo Deus suspenderit, neque quasi filius hominis minas patitur* (Num. iii, 19). Et alibi propheta ait: *Dominus regnabit a ligno* (Psal. xcvi, 10). Ecce miracula passionis, ecce speculum lucis, ecce populi tui iniqua commenta, ut Deum Dei Filium in cruce suspenderent.

SYNAGOGA respondit: Facta recolo, et dicta similiter recognosco, sed quæ tu es quæ me increpare videaris? Tu rustica, tu aliquando montana, tu Dei legibus aliena, quæ gentilico more vivebas: ego in lege versabar, ad me Prophetæ venerunt, mihiique jussa et precepta portabant.

ECCLESIA dixit: Audi, Synagoga, audi, vidua, audi, derelicta: ego sum quod tu esse non potuisti, ego sum regina quæ te de regno deposui, ego sum sponsa quæ derelicti idolis, de silva et de monte descendit: ut ait Patriarcha tuus, *Ecce odor filii mei sicut odor agri pleni quem benedixit Dominus* (Gen. xxv, 27). Unde venis, virgo cum lacte, cum floribus intemerata juvencula, opaco de nemore, civis simplex, lata, pallio nivali composita? Sponsus neus speciosus prætib⁹ hominum, rex regum, qui caput meum mitra composuit, ac me protinus purpuravit, venientem excepit.

SYNAGOGA respondit: Qualiter istud poteris comprehendere, quod et tu sponsa sis, et Christus in Lega videatur sponsus?

ECCLESIA dixit: Si ad me principaliter Prophetæ eucurrissent, hodie diceres ignorasse Legem, non habuisse Prophetas, ne cire te quid esset scriptum.

De tuis igitur Prophetis revincendum te recognosce. Audi ergo quid Prophetæ de sposo et sponsa mandaverint. Nam sic Joel propheta ait: *Canite tuba in Sion, sanctificate jejunium, et indicite orationem, aggregate populum, sanctificate Ecclesiam, excipite maiores natu, colligite parvulos et lactentes: procedat sponsus de cubiculo suo, et sponsa de thalamo suo* (Joel ii, 15, 16). Nam certum habeo quod tu illa es Jerusalem, de qua et sponsus et sponsa, ut ait David: *Et ipse tamquam sponsus procedens de thalamo suo, exsultauit ut gigas ad currendum viam. A summo cœlo egressio ejus; ei occursum ejus usque ad summum ejus, nec est qui se abscondat a calore ejus* (Psal. xviii, 6, 7). Et in Apocalypsi Joannes ait: *Veni, ostendam tibi novam nuptram, sponsam Agni. Et educit me in spiritu in montem magnum, et ostendit mihi civitatem sanctam Jerusalem descendenteum de cœlo, habentem claritatem Dei* (Apoc. xxi, 9-11). Sic etiam ipse Joannes ait: *Regnabit Dominus Deus omnipotens; exultemus et laetemur, demus ei claritatem; quoniam venerant Agni nuptiae, et uxor ejus se præparavit* (Apoc. xix, 6, 7). Vides ergo et sponsam et uxorem dictam fuisse per Legem: sponsam, quod sppondeo fidem me redditram Domino salvatori; uxorem, quod per concepcionem Baptismi spiritu maritante, filios uteri mei laetacōturgente producam. In quo puerperio generationis gratioris, spiritus et anima nuptiali societate junguntur.

SYNAGOGA respondit: Illud scire desidero, ne forte putas me oblitam fuisse quod dixeris, totum ut videar scrutari, quid est quod Prophetam dixisse contendis, quid est quod ait in Deuteronomio, *Et erit pendens Vita tua ante oculos tuos die et nocte* (Deut. xxviii, 66).

ECCLESIA dixit: Non quod te doceam, eloqui vel effari contendo; sed ne taciturnitas dubitationis lineaum ducat: ac per hoc de tuo te Testamento convinco. Salvator enim die et nocte peperit in cruce, hoc est, sexta feria per dicim, et hujus diei per noctem usque ad sabbatum, quo dixisti juxta Legem hominem in ligno non licere pendere. Hæc tibi interim, ut fecisti, dicta esse videantur: nam ad causam veritatis, et ad dogmatis nodum illud contemplare quod dicimus: *Et erit, inquit, Vita tua pendens ante oculos tuos die et nocte*. In una enim die fuit dies et nox. Lucem diei subito tenebrarum horrore nocturna caligo distinxit: sicut Salvator cum suspenderetur in ligno, ab hora diei sexta usque ad horam nonam tenebre factæ sunt (Matth. xxvii, 45), nox lumen abstulit, et totum diem terrealis et luctuosa caligo excavavit. Vides ergo in una die et diem fuisse, et noctem. Merito propter hanc idem passionem in Deuteronomio ait: *Et erit Vita tua pendens ante oculos tuos die et nocte*.

SYNAGOGA respondit: Ergo si in cruce suspensus es, si peperisti, si occisus es, quomodo resurrexisti? Quomodo tu illum asseris vivere, resurrexisse, et in cœlis in dextera Patris residere? Doce ergo me, si mortem vici, si resurrexi, qui videtur occisus: ita tamen ut mihi quæ dicas, de Prophetis assignes.

ECCLESIA dixit: Audi, misera; audi, infelissima; audi, mulier parricida, quæ adhuc de Christi morte, de resurrectione subdubitas. Lege quid dixerit ex persona Salvatoris David in psalmo quinto decimo: *Non derelinques animam meam in inferno, nec dabit Sanctum tuum videre corruptionem*. Quis est sanctus, nisi Christus? Quis est incorruptus, nisi Filius Dei? Sicut ait in psalmo vigesimo nono, *Domine, deduxisti ab inferis animam meam*. Item in psalmo tertio, *Ego dormivi, et somnum cepi; et etsurrexi, quoniam Dominus suscepit me*. Et ideo rursus David ex persona Patris ad Filium ait, *Ersurge, gloria mea, ersurge: exsurgam diluculo* (Psal. lvi, 9). Nam, diluculo, quod ait, hoc est post diem tertium, calcata morte inferisque damnatis, reciduat vivus ex mortuis venturus, ut ait Prophetæ: *Ad vesperam demorabitur fletus, et ad matutinum latitia* (Psal. xxix, 6).

SYNAGOGA respondit : Aliud interrogaveram, et alius immisisti : de resurrectione cognovi, et quod inferos superavit addidici. Sed quoniam dixisti die tertia resurrexisse Dominum Salvatorem, quod an fuerit factum, ignoro.

ECCLESIA dixit : Seio quia memor es : sed poenitentiae causa non vis confiteri quod nosti. Error macerat conscientiam, et crimen memoriam tollit. Audi ergo Christum ab inferis, ut nos vivificaret, die tertia resurrexisse. Lege Osae prophetam, qui ait, Vivificari nos die tertia (Osae, vi, 5). Et in Deuteronomio sic ait : Dixit Dominus ad Moysen, Descende, et sanctifica populum meum, sanctifica illos hodie et cras, et lacent vestem suam, et sint parati in perennium diem, id est, in diem ultra erastinum; die enim tertia descendet Dominus in monte Sina (Exod. xix, 10, 11). Et in Evangelio sic ait : Progenies nequam et adulteria signum petit, et signum non dabitur ei, nisi signum Iona propheta. Quomodo enim Jonas fuit in ventre ceti tribus diebus et tribus noctibus, ita erit Filius hominis tribus diebus et tribus noctibus in corde terrae (Matth. xii, 39, 40; Luc. xi, 29, 30).

SYNAGOGA respondit : Rociognosco, vera sunt quae mihi teste prophetia narrantur. Nunc scire desidero ubi sit, ubi lateat Christus, qui de terra resurrexit : volo enim videre, si postea per Prophetas aliquid post passionem vel post resurrectionem habeat potestatis. Legi enim, ad salvandum populum venturonum esse Eliam unctum Dei.

ECCLESIA dixit : Ergo, misera, quod negare non potes, confitere; et audi omnia quae veritas celare non potest : tota se usque ad cœlos claritatis libertas extendit. Lege Danieleum qui ait : Videbam in visione noctis, et ecce in nubibus cœli quasi Filius hominis veniens usque ad Veterem dierum, et stetit in conspectu ejus, et qui assistebant obtulerunt eum. Et data est ei potestas regia, et omnes reges terræ per genus, et omnis claritas serviens ei : et potestus ejus aeterna, que non auferetur; et regnum ejus aeternum, quod non corrumpetur (Dan. viii, 13, 14).

SYNAGOGA respondit : Gloriam habere unctum Dei, hoc est Christum, negare non possum : sed hoc mihi dico, si postequam passus est, et resurrexit, gloriam istam adipisci potuit et tenere.

ECCLESIA dixit : Lege Isaiam prophetam, qui ex persona Salvatoris ait : Nunc exsurgam, dicit Dominus, nunc clarificabor et exaltabor, nunc videbitis, nunc intelligetis, nunc confundemini, vana erit fortitudo Spiritus vestri, ignis vos consumet (Isai. xxxiii, 10). Sed et David ait : Dixit Dominus Domino meo, Sede a dextris meis, donec ponam inimicos tuos scabellum pedum tuorum. Virgam virtutis tuae emittet Dominus ex Sion, et dominaberis in medio inimicorum tuorum (Psal. cix, 1, 2).

SYNAGOGA respondit : Ergo et Deus et Filius Dei.

ECCLESIA dixit : Utique, stulta. Qui de homine gignitur, homo est, ita et qui de Deo oritur, Deus perfecto signatur.

SYNAGOGA respondit : Non assertionibus credo, sed Lege revinci desidero. Non enim te, sed Prophetas audire contendo.

ECCLESIA dixit : Respice quod Psalmidicus ait, et scies Dominum Deum esse Salvatorem. Exsurget, inquit, Deus, et dissipentur inimici ejus, et effugiant qui oderunt eum a facie ejus. Sicut deficit fumus deficiant, et sicut tabescit cera a facie ignis, et pereant peccatores a facie Dei. Cantate Deo, psallite nomini ejus, viam facite ei qui ascendit super occasum, Dominus nomen est illi. Qui producit vincitos in fortitudine, qui habitant in monumentis (Psal. lxvii, 2, 5, 5, 7). Et rursus idem David : Exsurge, Domine, et judica terram, quoniam tu hereditabis in omnibus gentibus (Psal. xxxvii, 22). Et alibi : Deus deorum Dominus locutus est (Psal. xlix, 1). Et, Paret virgo Filium, et vocabitur nomen eius Emmanuel, quod est interpretatum. Nobiscum Deus (Isai. vi, 9). Et, Propterea uixit te, Ecce, Peccatum tuus

(Psal. xliv, 8). Habes ergo et Deum, et Dominum, et Regem.

SYNAGOGA respondit : Et Deum, et Dominum recognosco, sed Regem mihi probari desidero.

ECCLESIA dixit : Stultissima mulierum, si Deum consideris, Regem fateri non debes? Aut numquid Deus potest esse, nisi regnaret? Omne regnum sub paradiso Dei jacet; et quidquid regna tenent, majestas possidet Dei. Ergo Regem dubitas, quem Deum profecta cognoscis?

SYNAGOGA respondit : Non quidem dubito, sed volo mihi Israel veritate signari.

ECCLESIA dixit : Lege David, et invenies in psalmo septuagesimo primo : Deus, iudicium tuum Regi da, et justitiam tuam filio Regis. Et in psalmo septuagesimo secundo ait : Deus autem Rex noster ante sæcula, operatus est salutem in medio terræ. Et in psalmo secundo : Ego autem constitutus sum Rex ab eo super Sion montem sanctum ejus, annuntians imperium ejus. Et apud Malachiam sic ait : Rex magnus sum ego, dicit Dominus, et nomen meum illus rabo apud gentes (Malach. 1, 14). Et in psalmo nonagesimo sexto : Dominus regnabit; exsultet terra, latenter insula multæ. Et alibi : Eructavit cor meum verbum bonum, dico ego opera mea Regi (Psal. xlvi, 2).

SYNAGOGA respondit : Praevenisti me, respondere nihil possum : non assertione verborum, sed Lege videlicet esse damnata.

ECCLESIA dixit : Interroga quæcumque volueris, et ego te de tuo Testamento revincam.

SYNAGOGA respondit : Certe dicis te diffiteri non posse, quod Christus Deus sit Abrahæ, Deus Isaac, et Deus Jacob. Utique Abraham Judeus fuit, quomodo ergo me dicis damnandam?

ECCLESIA dixit : Bene, quod jam cœpisti reciprocare sermones, et de obliquitate verborum per flexuras parabolârum membra palpare. Nam et Petrus et Paulus predicatoris mei, Judei fuerunt, sed derelicta te, ad fontem vitæ aeternamque gratiam convenerunt. Nam Abraham, quem nominasti cum paganus esset, et idola confringeret, sic ad divinæ majestatis amicitias convolavit, inde incolumis jam Dei amicus, ad te rursus accessit : sed et postmodum a te ad Gentes, hoc est ad nos, iterum redire mandavit. Sic enim in Genesi ait : Dixit, inquit, Dominus Deus Abrahæ, Exi de terra tua, et de cognatione tua, et de domo patris tui, et vade in illam terram, quam tibi ostendero; et faciam te in gentem magnam, et bencdicam te, et magnificabo nomen tuum (Gen. xii, 1, 2). Vides ergo Abrahæ præceptum, ut exiret de terra sua, et de cognatione sua, et de domo patris tui ; et veniret ad terram Gentium, et princeps fieret super Gentes, et magnum nomen aciperet. Nam et in figura Salvatoris benedixit Iacob : Servient tibi, inquit, Gentes, et adorabunt te principes, et eris dominus fratribus tuis, et adorabunt te plii matris tuae (Id. xxvii, 29).

SYNAGOGA respondit : Ergo omnes ad te venerunt, et ego, quæ tot et tantos filios habui, et filiorum multitudine gloria sum, ut derelicta despicer, quæ fui mater populis : aut si tibi ut plures filios liberas in Lege mandatum est, probare debes ex Lege.

ECCLESIA dixit : Nunc fleteris, nunc te antiquus rigor extollit, mox et ad malitiam replicaris. Dicit enim Dominus : Dilata locum tabernaculi tui, et aulaeorum tuorum longas fac mensuras, et palos tuos confirmata adhuc in dextram tuam, et in sinistram extende : et semen tuum gentes possidebit, et civitates desertas inhabitabis. Noli timere, quia devicta es; neque verear, quia maledicta es : quoniam confusionem aeternam oblivisceris (Isai. liv, 2-4). Fui utique maledicta, cum idolatri sequerer; fui confusa, cum divinitatis mandata nescirem; fui sterilis, quia Baptismum non habebam, quo imperio majestatis filios enutrem: nunc exaltata sum in filios, et per Dominum Christum aeterna regna suscepit. Merito et in Basileam, id est, Regnum, ait : Sterilis peperit septem; et quæ plurimos filios

habebat, infirmata est (I Reg. ii, 5). Et Apostolus ad septem Ecclesiæ epistolas mittit (*Apoc. ii, 11*). Et Jacob accepit uxores duas, majorem Liam, oculis infirmioribus, typum Synagogæ; et minorem speciosam Rachel, typum Ecclesiæ: que et sterilis diu mansit, et postea peperit, et benedicta est (*Gen. xxix, 23, 28*). Merito ait in Genesi: *Et dixit Dominus ad Rubenam, Duæ gentes in utero tuo sunt, et duo populi de ventre tuo dividentur; et populus populum superabit, et major serviet minori (Id. xxv, 23)*. Item apud Osce prophetam: *Vocabo, inquit, non populum meum, populum meum, et non dilectam, dilectam* (*Osee ii, 24*), etc.

* hic in B. explicit Alteratio. Er. Lugd. Ven. et Lov. adidunt: « Erit enim, quo loco dicetur, Non populus meus; illo loco dicentur filii Dei vivi. Nam et in Isaiæ legis: Terra vestra deserta, civitates vestrae exstœ: regionem vestram in conspectu vestro alii comedent, et ecce deserta est, et subversa populus alienus. Derelinquetur filii Sion sicut casa in vinea, et sicut custodiarius in cucumerario, et quasi civitas quia expugnatur. Nunc ergo si juxta legem derelictæ et desolata, et quid ego feci, que quia credidi totalibus tabulis, regnum magnum accepi; quod et tu procul dubio habere potuisses, si non te criminis furore et profano particio predamnasses: nam memor es quid ex persona tua Esdras ille propheta tuus exclamet, ubi filii tuis miserabilem servitutem indixisti: ite, filii, quia vidua sum et derelicta: educavi vos cum latitia, amisi vos cum luctu et tristitia.

« SYNAGOGA respondit: Ergo homicidium feci?

« ECCLESIA dixit: Video, si aju te, humani sanguinis persecutrix, homicidii crimen admiseris: nam negare non potes, quin justos Dei Prophetas occideris.

« SYNAGOGA respondit: Quis mihi probat, quod maculaverim manus meas sanguine Prophetarum?

« ECCLESIA dixit: Gladius tuus per apicem mucronis mandido adhuc cruento dist illat, et revinci desiderat? Audi ergo quid Elias testatur: Emulando, inquit, æmulatus sum Domino meo omnipotenti, quoniam dereliquerunt te filii Israel, et altaria tua demolierunt, et Prophetas tuos interfecerunt gladio, et remansi ego solitarius, et querens animam meam ut auferant eam. Vide etiam quid Esdras praedixerit: Discesserunt a te et abiuerunt post legem tuam, et Prophetas tuos interfecerunt, qui obtestabantur eos ut reverterentur ad te. sic etiam et Jeremias scripsit: Misit ad vos servos meos Prophetas: ante lucem mittem, et non exaudiebatis, neque intendebatis auribus vestris, ne ambularetis post deos alienos, ut serviretis eis, et præcepta mea audire noluitis.

« SYNAGOGA respondit: Nunc recolo, nunc recognosco. Sed quid diceretur ante, nescivi; quia Prophetas istos negligenter audiui.

« ECCLESIA dixit: Non quod loqueris, sed quod intellexeris in Lege etiam videtur esse testamentum, ut ait Isaías: Erunt hi omnes sermones, sicut sermones libri qui signatus est. Quem si dederis homini nescienti litteras ad legendum, dicet: Non possum legere, signatus est enim. Sed in illa die audient surdi sermonem libri; et qui in tenebris, et qui in nebula sunt, oculi cæcorum videbunt. Et, ut Jeremias ait, In novissimo die cognoscetis eum vos; sic et Daniel scripsit, Mundi sermones, signa librum usque ad tempus consummationis, quo adducantur multi et impletatur cognitio, quoniam cum illi dispersio, cognoscunt omnia. Haec cognita sunt omnia, et in suo ordine cuncta feliciter currebunt. Et ideo tuo te gladio scito esse damnatum, tuo te Testamento percussam, tuorum Prophetarum hoc est omnium Iudeorum eloquio. Ad hoc protuli quæ monstravi, Evangelia et Apostolos milii misericordie servando, quæ si legisses amplius immigisses. Gaudete, iohanni; gaudete, christi-cole: sterilis peperit; et quæ filios habebat, cum filii suis ante defecit. » M.

ADMONITIO IN SUBSEQUENTEM LIBRUM.



Augustino in ante editis tribuitur, sed falso, uti probant Bellarminus, Vindingus, et alii. Non enim recentetur inter illius opuscula, nec in Retractationibus, nec in Possidii Indice. Stilus quoque ab Augustiniano diversus est, ac deliberior disputandi ratio. Sed Augustinum tamen imitari auctor studuit, ejusque non modo sensus, sed ipsa interdum verba ex eo præsertim libro qui de Natura Boni contra Manichæos scriptus est, expressit. In antiquis codicibus reperitur proximo loco post Augustini Tractatum de Fide et Symbolo, interjecta annotatione, quæ in Fossatensi annorum octingentorum codice sic habet: *Explicit in Christo Jesu Filio Dei Tractatus Aurelii Augustini episcopi de Fide catholica. Incipit adversus Manichæos: ubi spectata vocum interpunctione haud facile definias an ille de Fide catholica Tractatus appelletur qui explicit, an qui incipit. Atque inde factum putamus ut liber subsequens tribueretur Augustino, et de Fide inscriberetur. Verum isthac inseriptio præcedenti libro bene conveniebat, non subsequenti, et eam ad præcedentem pertinere indicant alii MSS. codices in quibus est accurior interputatio; maxime vero vetustissimus Corbeiensis, cuius auctoritate hunc librum Evodii Uzalensis episcopi esse Sirmundus in Historia Prædestiniana, cap. 4, dicit. Quippe ab illa quæ præcedenti libro apponitur clausula, Explicit in Domino Christo Filio Dei Tractatus Aurelii Augustini de Fide catholica, relicto septem circiter versuum spatio vacuo, exhibetur seorsim in alterius folii capite titulus subsequentis libri, hunc in modum: Incipit ejusdem contra Manichæos. Utrum ejusdem, utrum sancti Euvodii ignoratur. Corbeiensi codici consentit Colbertinus, aliique nonnulli manuscripti eamdem de auctore Augustino et Evodio dubitationem præferentes.*

DE FIDE CONTRA MANICHÆOS, LIBER UNUS, EVODIO TRIBUTUS.



CAPUT PRIMUM. — Unus Deus Pater et Filius, et Spiritus sanctus, invisibilis, incomprehensibilis, inenarrabilis, inviolabilis, incoquinabilis, qui solus habet immortalitatem et lucem habitat inaccessibilem

(*1 Tim. vi, 16*). ipse lumen verum, vita et veritas, bonus, summus et quemcumque de illo humanus sermo poterit enuntiare; quæ tamen ab illo dantur, et aliquo modo dici possint: ex quo omnia, per quen-

omnia , sive Sedes , sive Dominationes , sive Principatus , sive Potestates ; et omnia per ipsum et in ipso creata sunt (*Coloss. i. 16*) , sicut in utroque Testamento humilibus et pie querentibus manifestatur : ipsi gloria et honor et potestas in saecula saeculorum . Amen .

CAPUT II . — Huic Manicheus adversarium esse dicit nescio quem gentis principem tenebrarum , quem etiam asserit ingenitum , nec habere auctorem a quo creatus sit . Et utique si ingenitus et non creatus est , per se ipsum est immortalis : et si per se immortalis est , non erit Deus qui habeat solus immortalitatem ; et erit jam mendax Apostolus qui dicit de Deo , quod solus habeat immortalitatem (*I Tim. vi. 16*) . Sed quia Apostolus mendax non est , Deus solus habet immortalitatem . Et ideo solus potest et animis et quibus vult corporibus præstare immortalitatem .

CAPUT III . — Falsum est ergo , quod Manicheus asserit , nescio quam mali naturam cum principe suo non habere auctorem , sed esse ingenitam . Deinde si ingenitus Deus , ingenita etiam nunc gens tenebrarum , non erit contrarium ingenitum et ingenitum , videns et videns , regnans et regnans , vivens et vivens , aeternum et aeternum . Et si contrarium est bono malum , ex aliqua ergo parte discordabit bonum a malo : ex multa vero conjugium et concordans erit , et jam non erit merum malum , habendo tanta communia bona cum Deo . Si vero dicunt , Ingenitum est in suo ; nihil dicunt . Nam ingenitum et ingenitum , aeternum et aeternum , in quantum ingenita et aeterna sunt , nunquam erunt contraria . Num enim quia imperator in sua potestate magnus est , et mediastinus in operatione sua contemptibilis est , ideo mediastinus non erit homo , quia homo est imperator ?

CAPUT IV . — Sed si quisquam querit quid sit malum , audiat Apostolum dicentem : Radix omnium malorum est cupiditas : quam quidam appetentes , a fide aberraverunt , et inservierunt se doloribus multis (*Ibid. 10*) .

CAPUT V . — Cupiditas autem in unoquaque homine est , non naturalis , sed voluntaria . ideoque dixi , quam quidam appetentes . Quod enim appetendo habetur , si non appetetur , non haberetur . Nam et Dominus ostendens quod in homini potestate sit , ait : Aut facite arborem bonam , et fructum ejus bonum ; aut facite arborem malam , et fructum ejus malum (*Matth. xii. 33*) . In Actibus etiam conscriptis a Leucio¹ , quos ipsi accipiunt , sic scriptum est : Etenim speciosa figura et ostentatio simulata et concilio visibilium , ne quidem ex propria natura procedit , sed ex eo homine qui per se ipsum deterior effectus est per seductionem . Ipse etiam Manicheus non potuit nisi fateri animas etiam quas dicit ad Dei substantiam pertinere , propria voluntate peccare . Nam sic in secundo Thesauri libro dixit : Hi vero qui negligentia sua a labe prædictorum spirituum purgari se minime permiserint , mandatisque divinis ex integro parum obtemperaverint , legemque sibi a suo liberatore datam servare plenus noluerint , neque ut decebat scese gubernaverint , etc . Item in epistola Fundamenti sic dicit de illis animabus , quae mundi amore errare se a priore lucida sua natura passæ sunt , atque inimicæ lumini sancto extiterunt , aperteque in perniciem sanctorum elementorum se armavint , et igneo spiritui obsecutæ sunt , infesta etiam persecutione sua sanctam Ecclesiam atque electos in eadem constitutos caelestium præceptorum observatores afflixerunt , a beatitudine et gloria terræ sanctæ arcentur . Et quia a malo se superari passæ sunt , in eadem mali stirpe perseverabunt , pacifica illa terra et regionibus immortalibus sibimet interdicuntur . Quod ideo illis eveniet , quia ita inquis operibus se obstrinxerunt , ut a vita et libertate sanctæ lucis alienarentur . Non igitur poterunt recipi in regna illa pacifica , sed confi-

¹ In excusis , a teontio . In vaticano codice , a tocontio . In Corbeiensi , Cisterciensi et aliis quib[us] usdani MSS. , a tecnic . Con cf. Acta cum Felice , lib. 2 , cap. 6 .

gentur in prædicto horribili globo , cui etiam necesse est custodium adhiberi . Unde adhærebunt his rebus anime eadem quas dilexerunt , relictæ¹ in eodem tenebrarum globo , suis meritis id sibi conquirentes . Neque enim futura hæc cognoscere studuerunt , atque ab iisdem , cum tempus dabatur , se segregaverunt .

CAPUT VI . — Rogo vos , ubi audiuntur hæc verba , dubitatis adhuc Manicheum adactum esse confiteri . esse peccatum propriæ voluntatis ? Non enim unum verbum inde dixit , sed tam multa , ut quemvis ² gravi somno mersum excitaret . Dixit , negligentia sua : dixit , minime permiserint : Dixit , parum obtemperaverint : Dixit , servare noluerint . Item dixit , obsecutæ sunt : dixit , se superari parœ sunt : dixit , se obstrinxerunt : dixit , suis meritis id sibi conquirentes : dixit . Neque enim futura hæc cognoscere studuerunt , atque ab iisdem , cum tempus dabatur , se segregaverunt : et vos dubitatis dicere propria voluntate peccari ?

CAPUT VII . — Iterum ipse dicit in eadem epistola , Lycis autem succissivam partem , hoc est , animas peccatrices : et vos non dicitis peccare nisi gentem tenebrarum ? Sed quid de isto loquar , qui quamvis erraret , tamen evidentissima veritate hoc coactus est dicere : cum ipsum Dominum nostrum Jesum Christum nolitis intelligere dicentem , ignem præparatum esse peccatoribus , diabolo et angelis ejus (*Matth. xxv. 41*) , quos omnes voluit intelligi peccatores ? Non enim iniustitia est apud Deum , ut damnet eos qui omnino nihil peccaverunt .

CAPUT VIII . — Peccare enim quid aliud est , nisi in veritatis præceptis vel in ipsa non stare veritate ? Quod si non voluntate faciunt peccatores , injuste judicantur . Pertinere autem et angelos ad judicium , Apostolus ostendit dicens : Necit quoniam angelos judicabimus (*I Cor. vi. 3*) ? Non autem pertinerent ad judicium quo judicantur , si non pertinerent ad peccatum quo rei sunt , nec possent merito judicari . Non enim homines justi de justis angelis judicaturi sunt , quibus similes erunt , sed utique de peccatoribus . Malefacti sui ergo per cupiditatem quisque auctor est .

CAPUT IX . — Est ergo in potestate ut sit cupiditas : et ideo etiam malum in potestate est . In potestate ergo est , quod in voluntate esse non debet : malum enim non potest esse natura , nec substantia , nec vita ; quia hæc bona sunt , in quantum sunt . Sed et si aliquos naturaliter dicimus malos , propter originem veteris peccati dicimus , in quo jam nostra mortalitas nascitur . Totum itaque quod vocatur malum in hominibus , peccatum est ei pœna . Peccatum fit ab anima rationali , cui liberum voluntatis arbitrium est : et pœna infligitur justitia Dei , que nihil faci unjuste . Adversus hæc solita cœcitate Manichei latrant ; et cum convincuntur naturam non esse malum , sed in potestate esse hominis facere bene aut male , dicunt non esse animam liberam voluntatem , et non vident cœcitatem suam .

CAPUT X . — Quis enim non clamet stultum esse , præcepta dare ei , cui liberum non est quod præcipit facere ; et iniquum esse , eum damnare cui non fuit potestas jussa complere ? Et has injusticias et iniquitates miseri non intelligent Deo se ascribere . Sed quid verum est , nisi et Dominum dare præcepta , et animas liberæ esse voluntatis , et malum naturam non esse , sed esse aversionem a Dei præceptis , et esse iustum judgmentum Dei quo daminet peccantes ?

CAPUT XI . — Interea cum dicit idem Manicheus , Deum omnibus bonis abundantem , nullo in regnis ejus insignibus indigente aut infirmo constituto , ita etiam fundata ejusdem splendidissima saecula , ut a nullo unquam concuti vel moveri possint : in alio loco paulo post subjungit , et dicit , Lycis vero beatissimæ Pater sciens labem magnam ac vastitatem quæ ex tenebris surgeret , adversus sua sancta impudore saecula , nisi aliquod existim ac præclarum , et virtute potens numen opponat , quo superet simul ac destrual stirps tenebrarum , quæ

¹ Vaticanus Ms. , relicta lace .

² In MSS. , et quamvis .

extincta quies lucis incolis pararetur.

CAPUT XII. — Certe ergo a nullo unquam concuti vel moveri potuerunt regna dei Manichei. Si enim potuerunt, mentitus est diciendo, non posse regni illa ab aliquo concutti. Et si concussa sunt necessitate, aut timore; non erit Deus, qui sic concutti potuit. Nam videamus deum Manichei secundum eumdem Manicheorum malo necessitatis pressum, cum labes ac vastitas adversus secula ejus impenderet, aliudque quod faceret non haberet, partem suam ad pugnam dedisse ut vel hoc modo quietem lucis incolis compararet. Ipsa vero pars ejus, hoc est, de lumine lumen, de bono bonum, de sancto sanctum, de aeterno aeternum, de Deo Deus, de omnipotente omnipotens, corrupta sit, mortificata sit, commixta sit per omnia reundi corpora a summo usque ad innum, a celo usque ad stercora, ut et meretrices in theatris et in locis turpioribus turpiores haberent in se oppressum Deum, qui liberari forte non possit. Dicit enim in fine ipsius epistolae, unde unum capitulum jam posuimus, ipsam Dei partem qua commixta est, non totam posse revocari ad pristinam libertatem.

CAPUT XIII. — Ecce victoria, ecce triumphus, quem fecit Manichei deus. Nam post annissam partem suam in luctu est, sicut Manicheus idem dicit: velum contra se habet, quod dolorem ejus temperet, ne corruptionem partis sua videat. Illic enim divina quam commemorat substantia, subiacet genti tenebrarum, ut luctum signo. Hoc in primo libro Thesauri eorum scriptum est.

CAPUT XIV. — Qualis interea turpitude, quam in eodem Thesauro inter cetera turpia in septimo libro scripsit, sic dicens: *Tunc beatus ille Pater, qui lucidas naves habet diversoria et habitacula secundum magnitudines¹, pro insita sibi clementia fert opem, qua excutitur et liberatur ab iniunctis retinaculis et angustiis atque angoribus suae vitalis substantiae. Itaque invisibili suo nutu illas suas virtutes, quae in clarissima hac navi habentur, transfigural, easque parere facit adversis potestatibus, quae in singulis colorum tractibus ordinatae sunt. Quae quoniam ex utroque seru musculorum ac seminarum consistunt, ideo predictus virtutes partim specie puerorum investium² parere jubet generi adverso seminarum, partim virginum luciduarum forma generi contrario masculorum: sciens eas omnes hostiles potestates, propter ingenitam sibi letalem et spurcissimam concupiscentiam facillius capi, atque iisdem speciebus pulcherrimis quae apparent mancipari, hocque modo dissolvi. Sciatis autem huic cumdem nostrum beatum Patrem hoc idem esse, quod etiam sue virtutes, quas ob necessarium causam transformat in puerorum et virginum intemeratas similitudinem. Utitur autem his tantum propriis armis, atque per eas suam complet voluntatem.*

CAPUT XV. — Harum vero virtutum divinarum, que ad instar conjugii contra inferna genera statuuntur, quaeque aceritate ut facilitate id quod cogitarent, momento eodem efficiunt, plenae sunt lucidae naves. Itaque cum ratio poposcerit ut masculis apparent eadem sanctae virtutes, illico etiam suam effigiem virginum pulcherrimarum habitu demonstrant. Rursus cum ad feminas ventum fuerit, postponentes speciem virginum, puerorum investium speciem ostendunt. Hoc autem visu decoro illatum ardor et concupiscentia crescit, atque hoc modo vinculum proximorum cogitationum eorum solvit, rivaque anima quae corundem membris tenebatur, hac occasione laxata evadit, et suo purissimo aeri miscetur; ubi penitus oblitus anima ascendit ad lucidis navis, quae sibi ad rectationem³ atque ad sue patrid transfectionem sunt preparatae.

¹ Laudemensis Ecclesie codex, secundum magnitudinis Corbeiensis, cum editione Am., secundum magnitudines. In libro de Satu a Boni, cap. 44, legitur, seu magnitudines.

² Corbeiensis vs, a secunda manu, puerorum in vestitu.

³ In tractatu de Natura Boni, ca. 44, b. et 45 v. format, rectationem (recteesse); et hic, correctionem. Auctoritate Fr. Legi V. utique, et tunc v. scip. sinus M.

CAPUT XVI. — Id vero quod adhuc adversi generis maculas portat, per cestus atque calores particulatim descendit, atque arboribus ceterisque plantationibus ac solis omnibus miscetur, et coloribus diversis inficitur. Et quo pacto ex ista magna et clarissima novi figuræ puerorum et virginum parent contraria potestatibus quae in celis degunt, quaeque igneam habent naturam; atque ex isto aspectu decoro, ritæ pars quae in eamdem membris habetur, laxata deducitur per calores in terram: — eodem modo etiam illa altissima virtus quae in navi vitallum aquarum habitat, in similitudine puerorum ac virginum sanctorum per suos angelos appareat his potestatibus, quarum natura frigida est atque humida, quaeque in celis ordinate sunt. Et quidem his quae seminæ sunt, in ipsis forma puerorum apparel; masculis vero, virginum. Haec vero mutatione et diversitate personarum divinarum ac pulcherrimarum, humidae frigidaeque stirpis principes masculi seu seminæ solvuntur, atque id quod in ipsis est vitale, fugit: quod vero resederit, laxatum deducitur ad terram per frigora, et cunctis terræ generibus admiscetur.

CAPUT XVII. — Quis non rideat, vel potius dolet et detestetur istum hominem, tam horrenda et execrabilia de divina substantia dicentem? Ergo substantiae lucis aeternæ, parti Dei, in captivitate, in calamitatibus, in trunnis, in pressuris, in sordibus atque immunditia, secundum vestrum errorem, vestram constitutionem, non poterat aliter quotidie subveniri, nisi beatus Pater, qui naves lucidas habeat diversoria, quem tertium legatum appellatis, et virtus altissima virtutes suas in diversi sexus naturam commutet: quas quidem intemeratas dicitis, sed tamen ut meretricum more pulchritudine sua principum tenebrarum letalem et spurcissimam concupiscentiam confusa invicem accendant⁴. Non enim invenitis verum, quo tantam pulchritudinem aliquando honestis diceretis. Et qua causa hoc faciunt? Ut eis in libidinem concitat, occasionem liberationis reperiatur substantia divina. Quid aliud sonat, nisi ut etiam per genitalia demonum vias evadendi invenient divina majestas? Deus magne, subveni animis ista turpia credentibus, ista nefanda sectantibus. Quis huc non exhorreat, rogo vos? Quis tam ercus est ut ista credat, rego vos?

CAPUT XVIII. — Sed certe respondeatur mihi ab iis qui ipsum Manicheum sequuntur: Si Deus incorruptibilis est, vel omnis natura summi homi inviolabilis, immaculabilis, inadibilis, incoquinabilis, incomprehensibilis, quid poterat facere nisi natura huic tantæ nature, si nollet cum illa pugnare, ne ad tantum dedecet deduceretur? Hoc dixi. Quid factura erat Deo gens tenebrarum, si nollet cum illa pugnare? Si mihi dicitur, Nihil: quero cur hodie ejus pars, hoc est, Dei, in calamitatibus, in pressuris, in captivitate, in subjectione sit constituta, ut tam turpiter etiam liberetur, et nec sic liberari tota possit; vel ipse Pater, ut luctum habeat memorare partis sue causa, quem luctum Manicheus in suis libris apertissime praedicat?

CAPUT XIX. — Ait quidam, Nihil ei fieri poterat, sed ut ostenderet præscientiam se habere cogitationum principum tenebrarum, et ut monstraret nihil se timere, propterea pugnavit. Cui ego dixi, Qui potuit cogitationes principum tenebrarum videre, ac neminem timere, quare non vidit luctum sibi imminentem de-partis sue infelicitate, quoniam hodie patitur? Quam partem suam nunquam recipiet integrum, quia remanet inde aliud, sicut ipse dicit, quod purgari non poterit, et in globo tenebrarum in aeternum dampnabitur. Magra præscientia, vel prius inscientia, et misera infirmitas, hoc est totum quod neminem timet. Certe si se tueri aliquo modo non poterat, rogaret ut sibi pareceretur ne a deus integritas illa et deus omnium ornamentorum perluereretur.

⁴ Sic Valentinus Ms. Cisterciensis vero et Corbeiensis, confudit, invenit etiam lat. fr. et lev., confitit et invenit et invenit.

CAPUT XX. — Item d'etiam est a quodam. *Nihil ci poterat facere gens tenebrarum, sed ipse noluit pati rem malam circa fines suos, et misit qui eam debellare.* Gui ego dixi. Si ita est ut dicis, ipse potius invenitur malus, qui rem vicinam nihil ei nocentem delere voluit. Et sicut malus in illam, sic crudelis in suam, aut ignarus futuræ calamitatis ejus. Cum enim putat rem bonam se posse perficere, ut in regno mali, quod ei non nocebat, regionem suam extenderet, prius non prævidit infelicitatem, que memoratam partein ejus quotidie premat; deinde quod eam totam nunquam in pristinam libertatem recipere poterit.

CAPUT XXI. — Sed cum huic objectioni responderi minime possit, solitam imperitiam opponunt: Quid facturi erant Judæi Christo, si nollet ab eis pati? O utinam videre possent, quod facile viderent, nisi per nebulas contentionis evocarentur, quid sit imminentis mali premi necessitate, quam Deum suum passum asseverant; et quid sit misericordiae benignissimum officium, quam sapientia et virtus Dei Dominus Jesus Christus voluntate et ineffabili potestate, per hominem quem suscepit ex virgine, generi humano exhibere dignatus est, ut hominibus per hominem patientiae demonstraret exemplum! Oportebat enim, et hoc justum era, ut homines per patientiam humilitatis vincerent difficultatem infirmitatis carnis sue: quia in eam per elationem superbias cederant, sicut in Adam primo homine nostra Scriptura indicat. Numquid et vos potestis dicere, quia erant aliqui homines quos Deus volebat docere patientiam, propterea voluit a gente tenebrarum tanta mala pati, quemadmodum Dominus a Iudæis? Aut numquid potestis dicere, quia suscepit aliquam naturam passibilem Deus, in qua pateretur a gente tenebrarum quidquid ei facere potuit, ut tamen ipse in sua substantia nulla ex parte mutaretur; sicut Verbum Dei, qui est Filius Dei, etiam ipse sicut Pater incommutabilis, suscepit hominem mortalem, ut integra et inviolata deitate, in carne mortali doceret mortales per patientiam mortem vincere, et ipsius infirmitatis futuram in melius commutationem resurrectione monstraret?

CAPUT XXII. — Cum ergo esset per se ipsum invisibilis, visibilis in homine apparuit, quem de feminis suscipe dignatus est, ut in Evangelio legimus (*Luc. ii.*, 11). Dicit et Apostolus, *Factum de muliere* (*Galat. iv.*, 4). Et isti dicunt, Quare non ait ex virginie? non intelligentes quod consuecte dictum sit secundum proprietatem linguae Scripturarum, sicut de Eva dictum est, *Formarit eam in mulierem* (*Gen. ii.*, 22), antequam vel ostenderetur viro. Quamvis Maria non incongrue propter virtutem dicitur mulier: virgo vero, quod virilem nescierit conventionem, neque pariendo virginitas ejus corrupta sit. Quod autem Angelus et Elisabeth dixerunt Marie, *Benedicta tu inter mulieres* (*Luc. i.*, 42); multa questione est, quia revera benedicta est virgo inter mulieres. Sed ne dicatis, Sicut Angeli apparuerunt, sic haberet corpus, ne de femina nasceretur. Quid si vobis dicatur, *Ubi legisti Christum in carne venisse?* Nonne dicturi estis, In Evangelio? Respondet ergo vobis, Ibi scriptum est, Christum natum de virginie. Sed solita fœlicitate dicitis Scripturam ipsam falsam esse. Nec videtis aliquem simulacrum vobis cœcum hoc posse facere, ut ea quae vos dixeritis vera, ille falsa esse dicat; et que dicitis falsa, ille vera esse dicat: ac sic apertejanas omni hominem errori vel sceleri, ut unusquisque prout voluerit vel delectatus fuerit; sed de divinis Scripturas accipiat, respiciat vero quae non intelligens et offensos putaverint mala, et non jam inventior hac regula erroris vestri, unde tales corrigitur.

CAPUT XXIII. — Accipite integre canonicas Scripturas, si integri esse desideratis. Si enim intelligentes vel crederetis certe quod Apostolus dixit, per feminam genus nocturnum fuisse deceptum; aut enim,

Tjemo ne sicut serpens Eram seduxit astutia sua, sic et vestrae mentes corrumpantur (*Il Cor. xi.*, 3): possetis intelligere per feminam nostrum genus oportuisse liberari; ut quoniam per feminam mors facta est, per feminam vita recuperaretur: atque ita demonstratur non ipsam creaturam feminine esse euipandam, cuius est Deus conditor; sed voluntatem, qua Eva peccavit. Sed timent majestatis illam incoquinabilem et ineffabilem potentiam in virginis utero credere fuisse, ne sanguine ejus pollueretur: cum et in Apostolis et multis dignis feminis et habitaverit, et nunc habent, qui utique corpora habent, et sanguinem habent. Si enim in Maria coquinari potuit, et in omnibus potuit: si autem non potuit in illis, utique nec in Maria potuit, in enijs visceribus susceptionem corporis operata est Dei Sapientia.

CAPUT XXIV. — Certe ipsum Manichæum de patre atque de matre natum fuisse non negabunt, cuius animam secundum suum errorem Deum esse omnipotentem similiter non negabunt: qui se mira superbia assumptum a genio suo, hoc est, a Spiritu sancto esse gloriatur. Et utique si genius est Spiritus sancti, et ipse sanctus Spiritus est, et ipse Deus omnipotens, ut Spiritus sanctus: qui tamen Manichæus carnem habuit, in qua si coquinatus est Spiritus sanctus aut ejus anima genia Spiritus sancti, coquinabilem Deum colunt. Si vero ausquam Deus coquinatur; cum etiam lux corporum cœlestium usque ad terras perveniat, et non coquinatur, cum manifestum sit solem istum, cui genu fleunt, in omnibus stercoribus et pitoribus radios suos expandere, et eis ausquam coquinari: desinant blasphemare, et rogent Deum ut ab errore liberentur. Incoquinabilis enim substantia non ideo non coquinatur, quia nihil attingit; sed quia permanet in sua munditia, qualcumque sit quidquid attigerit. Sicut corpus invulnerabile aut impénétrabile numquid illud dici mus quod non percūtur ferro, sed potius quod etiam cum percūtur non penetratur? Et ideo magis probatur Filius Dei non posse de sanguine feminæ coquinari, quia per feminam natus est, quam si non per feminam nasceretur et membra illa deviasset: videbatur enim judicasse, posse se inde pollui, et minus a nobis fidenter incoquinabilis diceretur. Consecravit autem virginitatem, quia de virgine nasci voluit: et sola illi mater in terris eligenda erat ad suscipiendum hominem, qui jam patrem habebat in cœlis.

CAPUT XXV. — Sed dicunt, Quare ergo negavit mar'rem suam, quando ei dixit, *Quid mihi et tibi est mulier* (*Joan. ii.*, 4); et quando, cum ei nuntiatum esset, quod eum vellet videre, respondit, *Quia est mater mea, aut qui sunt fratres mei* (*Matt. xii.*, 48); ac eos potius in hunc affectionem computavit, qui facerent voluntatem Patris ejus? Quia exemplo suo iam docebat negando esse terræ nos parentes propter Deum. Opera enim divina facienti terrenus affectus obstrepere non debet. Nam si propterea non habebat matrem, quia negavit matrem; nec Petrus et ceteri apostoli habebant patres, quia monuit eos, dicens: *Et patrem ne vacaveritis vobis super terram; unus est enim Pater vester qui in celis est* (*Id. xxiii.*, 9). Quod ergo eos monuit de patre terre, hoc de matre prior fecit. Hoc ergo dicimus, Sapientiam Dei suscipiendo hominem non esse coquinatum; sed misericorditer ob hominum salutem hominem suscepisse, ut fieret, sicut Apostolus dicit, *Mediator Dei et hominum homo Christus Jesus* (*1 Tim. ii.*, 3). Non enim dubitanti discipulo suo mentiri potuit, qui dicit, *Ego sum veritas* (*Joan. xiv.*, 6), quando cicatrices vulnerum suorum, ut etiam manu tangeret, prebuit (*Id. xx.*, 27). Quomodo enim hinc in alquo securi fidem habemus, si discipulo suo sic mentitus esset? Absit talis blasphemia: nec eos ipsos in sempiternum reos teneat, qui hoc audient assercere aut credere; sed evigilant aī mundo, et intelligant quam nictoria pessimata ista credantur.

CAPUT XXVI. — Nos autem Dominum verum hominem suscepisse credimus, et in ipso visibiliter invisibilem hominibus apparuisse, in ipso inter homines conversatum fuisse, in ipso ab hominibus humana pertolisse, in ipso homines docuisse a quibus esset recedendum, quid esset perferendum, quo esset tendendum. Totum autem hoc nulla fecit necessitate. Unde ipse dicit : *Propter hoc me Pater diligit, quia ego pono animam meam, ut iterum sumam illam. Nemo tollit eam a me, sed ego pono eam a me ipso : potestatem habeo ponendi eam, et potestatem habeo iterum sumendi eam* (*Joan. x, 17, 18*). Non ergo mali necessitate amisit eam. Voluit enim, ut illa que in passione ejus facta sunt, omnia fierent ad humanam naturam docendam, non ad suam tuendam. Sicut enim nos qui ex anima et corpore constamus, cum simus invisibles secundum animam, visibiles autem secundum corpus, omnia que visibiliter sive honoris et beneficiorum accipimus, sive contumelie vel injuria patimur, ad animam que invisibilis est, tanquam ad principem necesse est ut referamus, quia ipsa corpori principatur; nam et cum simus secundum animam immortales, cum mortui corpori fuerimus, nos mortui dicimur : ita et Dominus secundum carnem et formam servi quam suscipere dignatus est, et contumelias passus, et vincula, et flagella, et mortuus esse manifestatus ; ut omnia veridice Veritas, et nihil falso fecisse eredatur : quia potestate ac voluntate Verbum caro factum est, et natus, et passus, et mortuus, et resurrexit, nulla sua necessitate, sed voluntate et potestate : cuius nulla pars aliquando depredata, nulla nunc usque captiva est, non solum divine, sed nec ipsius mortalis quam suscepit : sed nec unquam capi poterit, nisi ab eis qui ei per fidem voluerint mundo corde conjungi. Non sicut deus Manie ari, qui necessitatis malo pressus, hinc ex parte, quod negare non possunt, in miseriis et calamitatibus voluntatur.

CAPUT XXVII. — Intelligite sane, si potestis, etiam inter ipsos homines quantum distet inter necessitatem et voluntatem. Si quis, verbi gratia, merito peccati sui in carcere jubente justitia mittatur, alius adsit vir sanctus, qui eumdem carcere ingrediatur propter illius consolationem aut liberationem ; numquid ambo in carcere ex una causa constituti sunt ? Ille missus est, ille ingressus ; ille poenam patitur, ille misericordiam facit. Ille ingressus est cum voluit, egressus est quando voluit ; ille nisi interveniente indulgentia nullo jure poterit liberari. Et hoc homines facere possunt, et prstant libere beneficium, cum aliquando sibi nihil cupiant prestari. Cogitate ergo iam si Deus potest pati aliquam necessitatem, cum possint homines bene facere voluntate, nulla mercede conducti, nulla necessitate compulsi. Nullam ergo necessitatem patitur Deus, neque necessitate facit que facit, sed summa et ineffabili voluntate ac potestate.

CAPUT XXVIII. — Et tamen vos maxime secundum errorem vestrum non debuistis opponere istam contradictionem, qua dicitis, Quid facturi erant Iudei Christo, si nollet ab eis pati? quia secundum ejusdem Manichei blasphemias, Christus carnem non habuit, nec aliquid a Iudeis passus est. Sic enim in epistola Fundamenti dicit : *Inimicus quippe, qui enemidem Salvatorem justorum patrem crucifixisse se speravit, ipse est crucifixus, quo tempore aliud actum est, atque aliud ostensum.* Princeps itaque tenebrarum afflitus est cruci, idemque spineam coronam portavit cum suis sociis, et vesteu coccineam habuit; acutum etiam et fel bibit, quod quidam Dominum potasse arbitrati sunt : atque omnia que hic sustinere videntur, tenebrarum ducibus interrogata sunt, qui clavis etiam et lancea vulnerati sunt.

CAPUT XXIX. — Utquid ergo opponitis, dicentes, Quid facturi erant Iudei Christo, si nollet ab eis pati? cum de passione iisus ita sentiatis, ut non ipsam Deum passum aliquod in corpore suo, sed principem

tenebrarum illa omnia passum putetis? Contra fidem autem nostram quomodo ista opponitis?

CAPUT XXX. — Nos enim credimus, ut in Evangelio scriptum est, quia Christus voluit pati, et quando voluit passus est. Non enim quando voluerunt Iudei, passionem ipsam fecerunt. Volebant quidem tenere et occidere, et secundum voluntatem suam jam perfecerant scelus, quod conabantur, et iam rei erant immanissimi peccati, quia volebant, etiam si nihil fecissent : tamen ille qui potestatem habuit ponendi animam suam (*Joan. x, 17*), quando voluit eos facere permisit ; qui legionibus Angelorum potuit jubere ut Iudei perirent, vel uno verbo suo omnes interirent (*Math. xxvi, 53*).

CAPUT XXXI. — Dominus ergo Christus secundum hominem quem suscepit, passus est : et nullum membrum ejus hodie tentetur a Iudeis vel mortali corporis quod suscepit, sicut supra diximus. Nam deus vester, o Manichei, lale ac vastitate impendente pressus est ; non libera voluntate processit ad pugnam, sed necessitate compulsus est ; nec prastare aliquid voluit, sed resistere conabatur. Qui etiam in sua substantia, non in suscepto mortali corpore, devoratus atque commixtus est : qui ex parte hodie tenetur, ex parte in globo semper tenebitur. Et tamen quis ferat tam incredibiles blasphemias, quas isti de ipsa passione Domini proferre non dubitanti?

CAPUT XXXII. — Omnes Apostoli, omnes linguae rationales Dominum Christum passum esse clamant ; omnis sana fides Christum pro nobis passum confitetur : et Manicheus iniquus demones illas passiones asserit pertulisse. Non enim propterea dicit eos passos, quia de ipsis Dominus triumphavit, et de ipsis nos per patientiam triumphare docuit : sed quia Dominum Christum negant habuisse carnem mortalem. Quibus dicimus, Si non habebat carnem mortalem, quid erat quod tenerunt Iudei? quid erat quod in cruce pendebat? quid confixum erat clavis in ligno? quid est percussum lancea, unde sanguis et aqua profluxit? Si enim visa sunt tantum fieri et facia non sunt, phantasmatra erant ; quod nefas est credere.

CAPUT XXXIII. — Si autem vere facta sunt, non tamen in carne mortali, sed in ipsa divina substantia facta esse dicitis, mutabilem esse dicitis divinam substantiam, et visibilem carnis oculis, et palpabilem carnis manibus, et vulnerabilem ferro : quae rursus nefas est credere. Et ideo dum timet dicere Manicheus, quia ista facta non sunt ; et iterum timet dicere, quia in divina substantia facta sunt ; et non vult confiteri, quia nec intelligere potuit, quomodo Filius Dei per quem facta sunt omnia, sine aliqua mutatione vel coniunctione divinae substantiae sue, hominem cum carne suscepit : coactus est dicere, quia non Christus, sed princeps tenebrarum cum suis sociis illa omnia passus est. Miseri ! non timetis ne dicatur vobis in iudicio, Ego eos liberavi, pro quibus passus sum ; ite, ille vos liberet, cui meas ascribitis passiones?

CAPUT XXXIV. — Dicitis magno errore, sed tamen dicitis, Christum quotidie nasci, quotidie pati, quotidie mori. Numquid forte in iis qui credunt, et pro nomine ipsius tribulationes mortemque patiuntur? Non, inquit, sed in cucurbitis, et in porris, et in portulaca, et in ceteris hujusmodi rebus. Magna ridicula, magna cecitas : superioris passionibus daemonum, hic passionibus olerum homines liberantur a peccatis.

CAPUT XXXV. — Item cum eis dicimus, Quid factura erat Deo gens tenebrarum, si nollet cum illa pugnare? Dicunt, Nihil fieri potuit Deo incorruptibili. Non enim si quis verbi gratia, spherae vitream solidam unguibus lacerare voluerit, aliquid ei unquam faciet scivit unguis suorum. Sed si vel talen substantiam divinam isti esse fingerebat, ut omnis scivit gentis tenebrarum talis ad illam esset, quales sunt unguis lacerantis ad spherae vitream, non deus Manichei hodie luctum pateretur de partis sue absessione vel amissione : quam puram diebat, cum in

fructibus vel in herbis fuerit, id est, in melone, vel beta, vel talibus rebus; et principium suum et medietatem et finem nosse; cum autem ad carnem venerit, omnem intelligentiam amittere: et propterea magister hominibus missus sit, quia stulta in illis facta est pars Dei; et propterea non sit missus melonibus, quia sapientem habent animam.

CAPUT XXXVI. — Quis ista credit vel ab heminibus aliquando, vel inter homines posse dici? Sed tamen quonodo nihil mali patitur substantia dei veteri, cum et in pomis ligatur, et in carne excrucetur, vel cum volens redire dejicitur ad terras a gente tebrarum? Sed si nihil ei mali contigit vel contingit, falsa omnia sunt que Manichaeus dixit in Epistola Fundamenti, que caput est omnium vanarum fabularum; vel in Thesauro, qui thesaurus est omnium turpitudinum et blasphemiarum, vel in exercitu omnibus libris, in quibus tanta loquacitate nihil aliud quam infelicitatem substantiae Dei, quam commixtam dicit principibus tenebrarum, et in divinis virtutibus tristitiam, propter illam magnam sollicitudinem ut liberetur, affirmat. Nam revera nihil mali, aut potuit, aut poterit pati substantia Dei; nec aliquem habet inimicum, qui ejus partem ingenitam corrumpat: sed homines sunt Deo vel potius sibi inimici, non obtemperando praeceptis Dei, et cupiditatibus se potius corrumpendo, non Deum.

CAPUT XXXVII. — Duorum vero Testamentorum concordiam simplici oculo intendere si velletis, o Manichaei, scilicet videretis. Rabide enim ferimini in id quod scriptum est, *Spiritus Dei scire atque super aquam* (*Gen. i., 2*); et, *Vidit Deus quia bonum est* (*Ibid. 10*); et, *Adam ubi es* (*Id. iii. 9*)? et, *Dens zelans* (*Exod. xx., 5*); et, *ignis edux* (*Deut. iv., 24*); et, *gladius natus* (*Id. xxxii., 42*), et cetera talia: non considerantes, quia si alius ita cœcus sit, ut reprehendere velit illud Domini quod in Evangelio dictum est, *Non jurabis per celum, quoniam sedes est Dei; neque per terram, quoniam scabellum est pedum ejus* (*Math. v., 35*); et hoc dicat quod vos mira dementia dicere soletis, Ubi erat Deus antequam esset celum et terra? Aut quod scriptum est, *Et miratus est Jesus* (*Luc. vii., 9*); cum mirari nemo soleat, nisi de re quae illi erat incognita: videre autem quia bonum est, non sit ignorantis, sed quia placuit ei quod fecit. Aut illud quod scriptum est dicente Domino, *Quis me tetigit* (*Id. viii., 45*)? et de Lazarō, *Ubi posuistis eum* (*Joan. xi., 34*)? et, *Ego veni non pacem mittere super terram, sed gladium* (*Math. x., 54*); et, *Inueni regni mittore in mundum* (*Luc. xii., 49*); et, *Veni ut qui non vident videant, et qui vident ceci fiant* (*Joan. ix., 39*); et, *Vendite res vestras, et enite vobis gladios* (*Luc. xxii., 31*); et Apostolus, *Zelo Dei vos zelo* (*Il Cor. xi., 2*); et, *Revelabitur ira Dei de celo super omnem impietatem* (*Rom. i., 18*); et cetera inumerabilia ab ipso Domino, vel ab Apostolis dicta vel facta, que insanissime poterunt homines accusare non intelligentes. Nam et avari vel flagitosi possunt aliter accipere quod Dominus ait, ut si quis dimiserit quæ habet, septuplum, aut etiam centuplum in hoc saeculo accipiat (*Math. xiv., 29*); aut si aliquis uxorem, ancillam, vel etiam meretrices dimittere propter Dominum velit, spe illius multiplicationis facial, non amore justitiae. Possum etiam horrere, male intelligentes quod ait, *Si quis non manducaverit carnem meam, et biberit sanguinem meum, non habebit in se vitam* (*Joan. vi., 54*). Nam quod ait, *Qui dixerit fratri suo, Fatus, reus erit gehennæ ignis* (*Math. v., 22*): si dicant stulti, Ecce pro convicio gehennam minatur, quem dicitis in sericordem ignoroscere peccata: nonne ignorant ubi caput habeant, et tamen aliquid sibi videntur dicere? Aut quomodo tam multas animas negligandas daemonibus in porosis tradidit (*Luc. viii., 32*), cum tales animas dicatis esse porcorum quales sunt hominum? Aut quomodo arborem, in qua fructus, quia non erat tempus, non invenit, verbo aridam fecit (*Marc. xi., 15*), quam animam intelligentem dicitis habere?

CAPUT XXXVIII. — Ecce quanta iniquissimi et execi homines de divinis eloquiis possunt dicere, sicut vos in ea quæ mystice facta sunt vel dicta in veteribus Libris ignorantes ferimini, ut temere accusetis quod non intelligitis. Ille autem cum de Novo Testamento vobis objecta fuerint, dicitis divina et spiritualia significare: Veteris autem Testamenti sanctas litteras figurate posse accipi negatis, cum et ipse Dominus figurate inde quadam dixerit, et apostolus Paulus omnia illi populo in figura contigisse scribat (*1 Cor. x., 11*). Nam et ipse regulam monstrans, multa inde exposuit. Sed forte dicitis solta vanitate et obtuso corde contra Deum vel Apostoli auctoritatem loquentes, Veteris Testamenti dicti exponi prorsus non posse, solum autem Novum in talibus exponi posse. Et non consideratis non vos habere quid dicere, si ab aliis impis vobis dicatur, Vetus potius exponi posse, Novum non posse. Meus autem sanguis utrumque Testamentum considerans, quaecumque in uno inventerit expositio emi admittere, sine dubio in altero declarabit. Multum appare imperitia vestra, vel potius malitia. Attende in Actibus Leucii, quos sub nomine Apostolorum scribit, qualia sint quae accepitis de Maximilla uxore Egetis: quæ cum nollet marito debitum reddere, cum Apostolus dixerit, *Uxor debitur reddat, similiter et uxor viro* (*Id. vii., 3*); illa supposuerit marito suo ancillam suam Eucliam nomine, exornans eam, sicut ibi scriptam est, adversariis lenocinis et ficationibus, et eam nocte pro se vicarian suppœnens, ut ille nesciens, cum ea tanquam cum uxore concumberet. Ibi etiam scriptum est, quod cum eadem Maximilla et Iphidamia simul essent ad audiendum apostolum Andreum, puerulus quidam speciosus, quem vult Lencius vel Deum, vel certe angelum intelligi, commendaverit eas Andreo apostolo: et perrexerit ad praetorium Egetis, et ingressus cubiculum eorum, fixerit vocem muliebrem, quasi Maximilla murmurans de doloribus sexus feminæ, et Iphidamiae respondentis. Que colloquia cum audisset Egeites, credens eas ibi esse, discesserit. Quid ad hoc dicitis, rogo vos? Quare non timuit Maximilla per turpissimum lenocinium ancillæ sue ligare animas in carne? Cum autem illum puerulum tam turpiter credatis esse mentitum, quis vobis credat loquentibus, quando si mentiamini, Dominum vos dicitis imitari?

CAPUT XXXIX. — Sed vos temeritate pleni adhuc irruit in veteres Libros, ut quæ nescitis, potius accusare quam discere laboretis. Considerate quæ ibi miracula sunt. Si miraculis Novi Testamenti delectamini, ibi mortui primo suscitati, ibi leprosi primordiati, et alia multa quæ diligenter et pie querentibus ad ædificandam fidem innotescunt. Si autem bonis præceptis delectamini, ibi primus scriptum est illa duo præcepta, quæ sublimiter Dominus laudat de diligendo Deo et proximo (*Math. xxii., 37, 39*): ibi dimittenda dominus, parentes, filii, et cetera proprie Domini (*Id. xix., 29*): ibi non reddendum malum pro malo (*Rom. xi., 17*), ibi orandum pro inimicis (*Math. v., 44*), ibi inimico ignorandum, ibi tradenda maxilla ad accipiendo alapam (*Luc. vi., 27*; *Math. v., 39*): et quæcumque in Novo Testamento præcepta sunt, non solum ibi mandata, sed etiam a sanctis viris omni vigilancia completa. Numquid et hoc poterit dicere malitia vestra, quæcumque bona et magnifica ibi scripta sunt, falsa esse et apposita, illa vero quæ non intelligentes putatis mala, ea tantummodo vera esse? Debetis enim advertere, aliquos similiter impios ita de Novo Testamento facere posse, ut quæcumque ibi sunt quæ non intelligentes putavarent mala, ea reprehendant, et dicant ipsa ibi esse sola vera; illa autem omnia quæ ibi aperte magnificata sunt, dicant esse falsa, atque ab amatioribus Domini apposita, ne omnia videreant fugienda: ut et vos et illi tali exortitate percussi, jam judicati et damnati fuigamini. Tandem vigilate, et a blasphemis coquescite, atque omnium sanctorum canonicae. Scripta

pturarem , si Christiani esse cogitatis , auctoritatem recipite ; et que non intelligitis , accusare nolite , sed potius eorum intellectum desiderate .

CAPUT XL. — Nam quale est etiam illud , quod resurrectionem carnis negatis ? Paulus apostolus clamat , *Seminatur in corruptione , resurget in incorruptione ; seminatur in contumelia , surget in gloria ; seminatur in infirmitate , surget in virtute ; seminatur corpus animale , surget corpus spirituale* (1 Cor. xv, 42-44). Et vos contra reclamatis , carnem hominis non posse resurgere , et eam tenebrarum principem habere auctorem : cum eamdem Apostolus membra Christi et templum Spiritus sancti esse dicat , *Nescitis , inquit , quia corpora nostra membra sunt Christi* (Id. vi, 15) ? Quod non utique secundum infirmitatem praesentis corruptionis , que de peccati originali poena descendit , sed secundum adoptionem futurae resurrectionis dicit : sicut alibi ait , *Et ipsi in nobis ingemiscimus , adoptionem exspectantes , resurrectionem corporis nostri* (R-om. viii, 23). Alibi etiam eamdem carnem Ecclesie comparavit , cum de conjugio loqueretur , dicens : *Nemo enim unquam carnem suam odio habet ; sed nutrit et fovet eam , sicut Christus Ecclesiam* (Ephes. v, 29). Quod ergo alio loco dicit , *Caro concupiscit adversus spiritum , spiritus autem adversus carnem* (Galat. v, 17) ; non carnem damnat , ut eam tanquam inimicam existemus ; sed admonet potius , ut subjugemus nobis eam ad bona opera concipienda , et parienda , ut velut conjux spiritui serviat : quod dicit non posse fieri , nisi gratia Dei per Jesum Christum Dominum nostrum. Non enim natura carnis , sed poena ejus nobis relataatur ; quia peccato meruimus esse mortales. Nam iterum dicit , *Corpus vestrum templum est in vobis Spiritus sancti* (1 Cor. vi, 19). Et tamen cum ipsa caro propter praesentem infirmitatem femin appelletur (Isai. xl, 6) ; creditis Joannem de seno aurum fecisse , et non creditis Deum omnipotentem de corpore animali spirituale corpus facere posse ? Nam propter ipsam commutationem carnis , que futura est , quoniam de ista carne coeleste corpus Deus facturus est , quando erimus aequales Angelis Dei (Matth. xxii, 30) , propterea verissime dicit idem apostolus , *Caro et sanguis regnum Dei non possidebunt* (1 Cor. xv, 50).

CAPUT XLI. — Sed non mirum quod ita cecisti , ut non posse ab omnipotente Deo ista fieri putetis : cum etiam dicatis mundum , vel omnia que facta sunt , non potuisse aliter facere Deum , nisi magna et miserabil necessitate , et nisi esset materia que illum ad operationem mundi adjuvaret , ut inde posset partem suam liberare. Eligit ergo nunc quid senti velitis : Deum minus potentem et infirmum , qui necessitate partis sue in miseria constitutus , a materia quam ipse non fecerat , ut mundum faceret adjutus est ; an Deum omnipotentem qui nulla necessitate , sed propria voluntate et summa potestate , dixit et facta sunt , mandavit et creata sunt (Psal. xxxii, 9 ; Gen. i, 3) ; qui vocal ea quae non sunt , tanquam ea quae sunt (Rom. iv, 17).

CAPUT XLII. — Vos ergo homines , qui ista impietate Manichaei cestis decepti , fugite , festinate dum licet , ne damnationem aeternam ab illo justo judice mereamini. Premitat vos peccatorum vestrorum , si cupitis liberari ; et nolite audire Manichaeos dicentes , Non peccamus nos , hoc est , anime lucis , sed peccat gens tenebrarum. Si enī ita est , quare nos terrent , ut eis credamus ? Non enim possunt dicere , quia infidelitas non est peccatum ; cum scriptum sit , *Qui non credit , jam judicatus est* (Joan. iii, 18).

CAPUT XLIII. — Si ergo infidelitas peccatum est , et non peccat nisi gens tenebrarum , restat ut ab omni peccato pars lucis immunit inveniatur. Omnes ergo ad regnum redentur , quia ipsi non peccant : et nihil timendum est alieni anime , quia nihil peccat : et falsa sunt que Manichaeus dicit , suerisiam lucis partem , hoc est , animas peccatriceas damnari ad custodiam globi , ut aliqua securitas divinis regnis in periculo constituta tandem aliquando comparetur.

Necesse est ergo ut aut pars lucis peccet , aut pars tenebrarum. Sed si pars lucis peccat , Deus peccat , quod ne ast est dicere : si autem pars tenebrarum peccat , ipsa vocatur ad regnum per eum qui dixit , *Non veni vocare justos , sed peccatores* ; quia , non est opus sanis medicus , sed male habentibus (Matth. ix, 13). Illa autem divinitas de divinitate , et lux de lumine , tenebrarum generi degenerans in aeternum sociatur.

CAPUT XLIV. — O detestandum mentis errorem talia credentium ! Vellem tamen ut attendere:is , et videre velleis , eum quem naturaliter summum malum esse dicitis , non posse fieri ut malus sit. Quoniam si quidquid facit , sic facit ut a natura sua recordere et alter facere non possit , prorsus nihil peccat : si autem nihil peccat , nihil mali facit : et ideo si nihil mali facit , non est utique malus. Restat itaque ut pars Dei , qua Deus intelligitur , quam animam dicitis , sola sit rea omnium peccatorum , et omnia illa que accusanda insanissime putatis , in deum vestrum refundatis. Sed quid veritas clamat ? Corpus cum examinie est peccare non posse , sed per ipsum posse peccari : animam vero , irrationali quidem peccare non posse ; quia nec praecepta rationis potest accipere , neque ad beatitudinem pervenire , sed in suo gradu servare ordinem naturae quem acceperit : rationalem autem , quia potest recte factorum rationablia praecepta percipere , et recte factis ad aeternam beatitudinem pervenire ; si hoc peccando noluerit , juste ad inferiora damnari ; quia inter ipsam et Deum non separat nisi voluntas prava.

CAPUT XLV. — Legite , Manichei , et omni vigilante ista discenti , et magis magisque legite atque discenti e ; sed animo a quo , non animo inimico. Legite illud attendentes , quia erit vobis in futuro iudicio ista Scriptura testis , si agnoscentes vera esse que dicitur sunt , ad sinum matris Ecclesie catholice , que s la verita em dicit , omni cursu non festinaveritis.

CAPUT XLVI. — Judicate tandem aut eligit. Manichei , quem sequi vultis , Patrem ingenuum , Filium unigenitum , Spiritum sanctum in Patris et Filii unitate communem , unum Deum omnipotentem , incorruptibilem , inadibilem , incommutabilem , verum , bonum , sanctum , clementem , justum , qui non habet partes , quia unus est ; neque ejus particula separari ab eo potest , quia inseparabilis est ; neque aliquid ejus immutari potest , quia totus incommutabilis est ; neque vel leviter quolibet ejus substantiae corrupti potest , quia totus incorruptibilis est : qui voluit , et facta sunt omnia quaecumque sunt , quaecumque vivunt , quaecumque intelligunt ; ipse enim summa substantia , summa vita , summa veritas est : qui praecepit , et ordinata sunt omnia suis locis et temporibus bona ; qui rationalem creaturam omni ceterae creature praeficere dignatus est ; qui ei per superbiam a suis legibus voluntate lapsae et visibili sequenti , misericorditer per suos ministros ac per se ipsum signis quibusdam visibiliter et exemplis et preceptis demonstratis quibus consurgere valeret , atque ad aeternam vitam renovaretur , loqui dignatus est : quem praebeat catholica fides.

CAPUT XLVII. — An illum Deum qui falso dicitur incorruptus , quia postea inventitur malo necessitatis oppressus ; timidum , quia imminentे labe ac vastitate compulsa ad bellum est ; ignorantia plenum , si sua parte quid contingere posset , vide non potuit ; crudelē , si praevidens miseriam futuram partis sue , et qui cum ea securus posset quiescere , tamen eam misit ad miserabilem pugnam ; malum , si cum sibi fieri a mali natura nihil posset , tamen conatus est eam ipse delere ; temerarium , qui ausus est congregandi cum ea , a qua ejus pars et captiva teneretur , et in semper inuidare macularetur ; commutabilem , quia jam ex parte mutatus est : corruptibilem , quia jam ex parte merecricantem , ex parte inuidientem , ex parte blasphemantem , sceleris omnia ex parte facientem , quia his omnibus ex parte commixtus est ; lugenter , velo

luctuoso tectum; subiacentem demonis ut latum sigo, et usque ad turpem personam necessitate perirent, ut in pueros et virginis transfiguratus deuisionum libidinem accenderet, quem predicit Manicheus. Aut certe, si potest, neget conscientia vestra, teste vobis vero Deo aeterno, qui omnes judicaturus est, unum istorum vobis ipsis negate.

CAPUT XLVIII. — Si autem vera sunt quae dicimus, tandem respicite, tandem videite, in qua estis morte con tituti. Humiles estote, si optatis liberari, et nolite superbe et impie dicere, vos ipsos esse Deum omnipotentem. Hoc enim dicitis, cum animas vestras partes ejus esse asseveratis: non enim Deus in parte major, in parte minor est. Sed potius dicite vobis, Deus incomparabilis est, nos committabiles sumus: Deus incorruptibilis est, nos cupiditatibus nostris corruptimur: Deus incoquinabilis est, nos peccatis nostris coquinamur: Deus ipsa sapientia est, nos stulti ad sapientiam pervenire conanur: Deus ipsa aeterna et beata vita est, nos peccatis nostris miseri sumus, et optamus fieri beati: non ergo sumus pars substantiae ejus. Si enim partes ejus estis, et haec tanta patimini, restat ut et ipse jam ex parte haec omnia patiatur, et amplius pati poterit, quod ejus contingit parti, nisi per vestram miseriam sibi provideret. Videite vos ergo quid estis: si partes ejus, Deus estis; si geniti ab illa estis, similiter Deus estis: quid tanta peccatorum corruptione turpamini? Si autem facti ab illo estis, hoc constemini, et non jam eritis Manichaei.

CAPUT XLIX. — Manicheus enim duas dicit esse naturas, unam bonam et alteram malam: bonam que fecit mundum, malam de qua factus est mundus. Si autem vos Deus fecit, non invenit Manicheus unde vos Deus fecerit. Si enim de se ipso vos fecit, hoc estis quod ipse. Non ergo debuistis tanta peccatorum corruptione turpari, sicut jam dictum est. Si autem de alieno vos fecit, non ad illum pertinetis; quia sic vos fecit quomodo mundum. Si autem nec de se ipso, nec de alieno vos fecit, sed tantum omnipotentia sua voluit, et facti estis; hoc dicit Manicheo, et renuntiate ejus errori. Sic decet enim Omnipotenter facere quae voluerit, sicut Catholica dixit, *Ipse dixit, et facta sunt; ipse mandavit et creata sunt (Psal. xxxii, 9)*. Dicte vobis, Non sumus partes ejus, sed sumus opera ejus. Dicte vobis, Si Deus necessitate passus est, et

evadere aliter non potuit, nisi partis sue patre retur detrimentum; quis aliquando poterit de talibus necessitatibus liberari? Aut quis erit qui protegatur a Deo non valente se ipsum protegere? Aut quando me de hac necessitate captivitatis poterit liberare, qui me in integris regnis custodiare non potuit? Non enim preceant me inde dimisit, sed ad peccata ipsa¹ me misit. Aut quando mihi in alienis miserabilitatibus constituto prodesse poterit, qui ut sibi prodesset, me ad tantam perniciem deducat, ne pugnaret. Si incorruptibilis est ipse Deus, quid ei factura erat illa mali natura, si nollet cum illa pugnare, ne nunc ego sic cruciar? Aut que ista injustitia, ut ad globum damnar, cum ille ut modo aliquantulum securus sit, ego haec tanta sustineam? Certe quoniam et ego sum quod ipse, quoniam pars ejus sum, nullo in regnis ejus insignibus indigente aut infirmo constituto, vicibus istam miseriam patiatur, ut et ego aliquantulum requiescam, et regna illa sine periculo possint esse pacata. Quanquam timendum si ne ista natura mali nec in globo ipso inclusa custodiri possit. Si enim incorrupta regna corrupit, et inviolatam Dei substantiam violavit; quomodo pars illa lucis, hoc est, anima peccatrixes, quae vitia globo custodiendo infliguntur infirmas ac debiles, quomodo non absorbentur ab ea, ut iterum regna illa divina nullo jam valente obsistere tota conturbet? Quis enim jani audiat procedere ad bellum, quando cum illa parte que processerat tam inique actum est, ut pro ejus requie sui cives² ad sempiternam globi custodiam damnarentur? Aut si non potest perrumpere globum, ut ad lucidum illud tectorium damnatarum animarum perveniat, quid opus eam est contegi divinorum damnationis membrorum? Si autem potest perrumpere globum, quis ei resistet saucius, qui integros sauciavit! Absit tam gravis et tam abominanda blasphemia. Nolite istam iniquitatem ad aures vestras admittere: nolite tali negotio mortifero vos implicare. Fugite Manicheum, et ad veritatis catholicæ ubera toto desiderio conolate.

¹ Cisterciensis Ms., ipse.

² Idem codex, ut ejus requie succines ad sempiternam, etc. Alii MSS., ut ejus requie nulli sui cives.

ADMONITIO IN COMMONITORIUM SUBSEQUENS.

Sub Augustini nomine vulgatum est in Appendice ad decimum tomum operum S. Augustini editionis perfectæ anno 1586. Circa ideam tempus fuit etiam procurante Baronio in tomis quinti Annalium Ecclesiasticorum Appendice publicatum ex vetere codice Gervasiani collegii Parisiensis. Nunc demum prodit recognitum diligentius ad exemplar quod in biblioteca reginæ Christinæ asservatur, neconon ad Prosperi enijsdam ex Manicheis conversi Anathematismos, quos edidit Simeondus in tomo primo Conciliorum Galliae.

COMMONITORIUM

VULGO

SANCTI AUGUSTINI EPISCOPI ECCLESIAE CATHOLICÆ,

QUOMODO SIT AGENDUM CUM MANICHÆIS QUI CONVERTUNTUR.



Cum Manichæi, qui convertuntur, et quos pœnitentem hujus nefandissimi erroris, anathemaverint eamdem heresim secundum formam infra scriptam, libellum que dederit unusquisque eorum confessionis et pœnitentiae suæ atque anathematis eorum, petens in Ec-

clesia vel catechumeni, vel pœnitentis locum; si h̄ bellus ejus episcopa placuerit, cumque suscepit, det ei epistolam cum die et consule, ut neque de superiore tempore aliquam molestiam, vel publicis legibus, vel disciplina ecclesiastica patiatur. Et post ipsam

diem, si aliquibus indiciis manicheus apparuerit, sentiat justitiae severitatem, que talibus adhibenda est: id est, ut ab ejus consortio, vel amicitia, vel quacumque societate, Christiani se abstineant, secundum apostolicam disciplinam¹ (*Tit. iii, 10*). Commendentur autem, qui epistolas ab episcopo accepterint, religiosis catholicis vicinis, vel cohabitatoribus suis, sive clericis, sive laicis, per quorum erga se curam frequentent ad audiendum sermonis Dei², et quorum testimonio possint innescere: nec facile admittantur ad Baptismum, si catechumeni sunt, nec ad reconciliationem, si penitentiae locum acceperunt, nisi periculum mortis urgente, vel si eos aliquanto tempore probatos esse cognoverit episcopus, per eorum testimonium, quibus fuerint commendati.

Forma ergo secundum quam debent hanc haeresim, qui corriguntur, anathemare, ista est:

I. — Qui credit duas esse naturas, diversis principiis existentes, unam bonam quod est Deus, alteram malam quam non creavit Deus, habentem principes suos et mala sua quae non creavit Deus, anathema sit.

II. — Qui credit duas naturas bellum inter se gessisse, et partem naturae Dei in eodem bello principiis tenebrarum et omnibus gentibus ad malam naturam pertinentibus fuisse permixtam, et ab eis teneri colligatum³, oppressam, inquinatam, quod et credi facit naturam Dei esse mutabilem et coinquabilem, anathema sit.

III. — Qui credit partem Dei ligatam et inquitam teneri in demonibus, et in omnibus animalibus, fructumque⁴ generibus, et per escas Manichaeorum Electorum solvi atque purgari, ut credatur pars Dei polluta teneri in cucumeribus, et melonibus, et radiculis, et porris, et quibusque vilissimis herbulis, et ei subveniri cum ab Electis Manichaeorum ista comeduntur, anathema sit.

IV. — Qui credit hominem primum, qui est appellatus Adam, non a Deo factum, sed a principiis tenebrarum genitum, ut pars Dei, que in eorum membris captiva tenebatur, copiosius et abundantius in terra teneretur, et isto modo creatum, cum masculi et feminæ principes tenebrarum concubuerint, et fetus suos majori principi tenebrarum dedisset, et ille omnes comedisset, et cum sua conjugi concubuisset, atque ita ex illa Adam generasset, ligans in illo magnam partem Dei, qua ligata fuerat in omnibus fetibus principum tenebrarum, quos ei manducando dederunt, anathema sit.

V. — Qui credit principes tenebrarum ligatos esse in celo habentes in se colligatum in angustiis atque angoribus vitali substantiam, hoc est partem Dei, et eum modo liberari de membris eorum, cum beatus Pater, qui lucidas naves habet diversoria et habitacula, id est solem et lunam, virtutes suas transfigurata in feminas pulchras quas opponi concupiscendas masculis principibus tenebrarum, et in ma-

sculos pulchros quos opponit concupiscendos feminis principibus tenebrarum, ut per ipsam concupiscentiam solvatur ex eis vitalis substantia, id est pars Dei, et ex eorum membris liberata purgetur, anathema sit.

VI. — Qui credit partem Dei, que de committitione gentis tenebrarum non potuerit liberari atque purgari, damnari et in aeternum affigi horribili globo, ubi includitur gens tenebrarum, anathema sit.

VII. — Qui credit legem, que data est per Moy-sen, non esse a bono⁵ et vero Deo datum, nec Spiritu Dei boni et veri locutus Prophetas qui fuerunt in populo Israel, et in canone Scripturarum divinarum habentur apud catholicam Ecclesiam, anathema sit.

VIII. — Qui credit non habuisse veram carnem Filium Dei Dominum Iesum Christum, neque natum esse de virginie Maria, neque veram mortem fuisse perpessum, et a mortuis resurrexisse⁶, sed tantummodo spiritum fuisse sine carne, sic autem apparere voluisse, ut caro putaretur, quae non erat, atque hoc modo contradicit Evangelio, ubi legitur Domino ipso dicente, *Videte manus meas et pedes meos; palpate et videte, quia spiritus ossa et carnem non habet, sicut me videtis habere* (*Luc. xxiv, 39*): qui ergo sic confiterit Christum Deum, ut verum et integrum etiam hominem neget, anathema sit.

IX. — Qui credit Manem sive Manichæum, qui supra scripta omnia, que anathemate et damnatione sunt digna, prædicavit et docuit, Spiritum sanctum habuisse paracletum, cum ea omnia docere non potuerit Spiritus veritatis, sed spiritus falsitatis, anathema sit.

X. — Et præcipue ipse Manes sive Manichæus, qui omnes suprascriptas impietas⁷ et alias sacrilegas damnabilesque fabulas docuit et conscripsit, et credendas miserae persuasit, intendens spiritibus seductoribus et doctrinis demoniorum mendacioquo-rum, anathema sit.

Item forma epistole quam dat episcopus conversis, ista est:

Quoniam te Manichæorum Auditorem pœnitit fuisse, sicut ipse confessus es, anathema dicens blasphemias et impiissimæ atque immundissimæ haeresi eorum, ex qua te nonnisi fides catholica salvum facit; habebis hanc epistolam adversus eos, qui tibi temporis præteriti errorem, quantum ad istam nefariam pertinet sectam, objiciendum putaverint, qua scripta est die illo et consule illo.

Electis vero eorum, qui se converti dicunt ad catholicam fidem, etiam si et ipsi secundum superiorem formam eamdem haeresim anathemaverint, non facile dandas sunt litteræ: sed cum Dei servis esse debebunt, sive clericis, sive laicis in monasterio vel xenodochio, donec apparent penitus ipsa superstitione caruisse; et tunc vel baptizentur, si non fuerint baptizati, vel reconcilientur, si penitentia locum acceperint: nec acceptis citio litteris, loca in quibus fuerant commendiati, deserant.

¹ Alias, *auctoritatem*.

² Alias, *ergo se securam frequenter audiendum sermonis Dei*.

³ Alias legitur, *et ab his teneb. is colligatum*.

⁴ Alias, *fructumque*.

⁵ Alias, *ab uno*.

⁶ Alias, *rexitisse*.

⁷ Alias, *qui onus spiritus impietatis*.

ADMONITIO IN SUBSEQUENTEM LIBRUM.

Pronuntiavit olim Erasmus, non esse probabile hunc dialogum esse Augustini, cuius non meminit in libris Retractionum. Nam *Actis ecclesiasticis*, inquit, *solut addi locus, interdum etiam quid fecerit qui proponit, aut qui respondet*. Ad hæc, non solent Ariani tam facile concedere in disputando, quam hic facit Felicianus. Præterea densior est Augustinus in citandis Scripturis, quam hic est. Notat postremo Erasmus phraseos dissonantiam, et concludit eruditum aliquem exercendi ingenii gratia fluxisse dialogum; quod factum et ab Hieronymo videamus. Dissimulata vero hac Erasmi censura, Lovanienses librum hunc excudi curarunt inter genuina opera ei

cum nomine Augustini, quia videlicet ipsius esse agnoscit Beda vulgatus in Paulum ad I Cor. 4, et Lanfrancus in opere contra Berengarium : quibus adjungi potest Alcuinus, lib. 1 contra Elipantum, et Petrus Lombardus in 5 Sent. dist. 21, cap. *Sicut*; et dist. 22, cap. *Et utique*. Sed quod ad Bedam, certe Bedae veri collectio in Paulum, quam in bibliotheca Germanensi habemus nondum vulgata, caret prorsus eo loco libri hujus qui in collectione vulgata, ejus auctorem esse Florum saepe notavimus, citatur tanquam Augustini. Nihil autem mirum quod Augustini creditus est liber, ejus revera nomine in vetustissimis codicibus prænotatus, et forte ipsi a vero illius auctore certis de causis suppositus. Id scilicet a Vigilio Tapsensi factitatum observavimus admonitione in Altercationem cum Pascentio, in Appendice tomī secundi. Hunc eundem Vigilium subsequentis cum Feliciano Altercationis auctorem detexit demonstravitque Petrus Franciscus Chiffletius, non solum ob similitudinem stili cum indubitate Vigilii contra Eutychem libris, sed etiam quia in Divisionensis Abbatiae codice antiquo (quem quidem ante annos circiter octingentos scriptum putamus) Vigilii nomen præfert. Vigilius ipse in præfatione librorum contra Varimadum, digestos a se in unum corpus de Unitate Trinitatis libellos memorat, ubi adversarii propositionibus, non testimoniorum auctoritate, sed rustico, ut ait, sermone, id est, quasi sacrarum litterarum rudis respondebat. Cæterum Optati nomen, cui directus liber notatur in editis, abest a Divisionensi codice et ab aliis melioris notæ. In quibusdam tamen Mss. et titulus habet *De Unitate Trinitatis ad Optatum*; et præfatio *Extorsisti mihi, dilectissime fili Optate*.

CONTRA FELICIANUM

ARIANUM

DE UNITATE TRINITATIS

LIBER UNUS, VIGILIO RESTITUTUS.



CAPUT PRIMUM. — Extorsisti mihi, dilectissime fili, ut de unitate Trinitatis, quæ perfectus Deus semper ac summus est, officiū non immemor sacerdotiæ, aliquid scriberem; idque a me, cum propriae insinuatiæ conscius saepius excusarem, multis modis exigisti; asserens communis fidei rationem, et religiosos accipere, et sacerdotes debere fidelibus non negare; ne aut illi dum non accipiunt, incipiunt ab infidelibus facile decipi, aut ab his cum desiderata non tribuunt, cœlestis thesaurus Christi membris non expendi, sed in terra quodam modo sterilis peritiae videatur abscondi. Itaque victimæ me fateor probabilibus causis, ne inermes tradere videar obstantibus malis, dum adversus infideles non instruuntur munimenta veritatis. Verum quia in hujusmodi questionibus quedam obscuritas continua oratione frequenter incurritur, idcirco id mihi visum est, ut eum sermonem qui inter me et Felicianum nuper est habitus, prænotatis propter personarum discretionem principaliibus nominum litteris, præsentis libelli brevitate complecterer.

CAPUT II. — Nam cum ante hos dies pariter sedemus, tum ille: Inter alia, inquit, quæ me in vestris disputationibus frequenter offendunt, nihil deterius puto, quam quod sic præcepta fidei rudibus traditis, ut non de intelligendarum rerum ratione, sed potius de quadam testimoniorum ostentatione colloquentibus præscribatur. Quod ut non dicam vafrum, interim quam rusticum sit nullus ignorat. Primum quod si is qui edocetur libris jam credit, obtemperat iste, non repugnat: alioquin non magis tibi quan*i* iisdem testimoniorum quæ pro affirmato ingeneruntur, necesse est contradicat. Et ideo melior mihi ad docendum videtur hæc via, qua primum fidei ratione testimoniorum redditur: post ratione convictio, iter illud Scripturis respondentibus expolitur. Et non immemrito: si enim testimonia hæc eo probantur, quod ratione non careant, potest per se illa sufficere, que etiam hæc non nisi per se ipsam videtur astruere. Si contra, quis potest irrationalibus testimoniis, licet illa divina singantur, rationalibilis fidei colla submittere? Et illam quidem disputandi viam, fateor, in aliis tolerarem, quos imperitiae necessitas, quia per se stare

non queunt, cogit ad aliena confugere: in te vero idcirco nullo modo prorsus ista perpetior, quia eloquentiam pariter cum scientia fidei tibi video non deceas.

Tuū ego: Non usque adeo, inquam, ne duci putes laudibus meis, ut injuriam faciam præcedentibus sanctis. Nec præsumam unquam in sapientia verbi, ne evacuetur crux Christi (*I Cor. 1, 17. Videatur Beda vulgatus in eundem locum.*): sed Scripturarum auctoritate contentus, simplicitati obediens potius studio quam tumor. Sed melius, inquis, ratione quis quam testimoniorum edocetur. Quid ergo? quam rationem asserre potes, si partum prædicans virginis, si redditos oculos non negas cœcis, si sepultos redisse ostendis a mortuis? Si ergo horum et incomprehensibilis ratio, et veritas prompta est; facilius in negotiis fidei testimoniorum creditur, quam ratio vestigatur. Verum quia non nimis inconsequenter duisti discernis, cum ratione præmissa etiam testimonia non omittis: idcirco in hac disputatione id me fateor secuturum, quod ipse probaveris.

CAPUT III.—FELICIANUS: Ergo, inquit, quoniam otiosi sumus, ad homousii vestri questionem, de quo non inter nos tantum, sed etiam inter majores nostros plerisque tractatum est, veniamus. Et ne longius evagetur oratio, ipse jam, ut soles, personam proponentis assume, et a nobis rationem nostræ fidei, querentibus vicissim redditurus, inquire.

Tuū ego: Die mihi, inquam, verumne sit quod te audio dicere, Patri homousion non esse penitus Filium?

FELICIANUS: Verum est, nec persuaderi mihi potest id ingenitum esse quod genitum, ne eundem Patrem videar prædicare quem Filium.

AUGUSTINUS: Non ita est: nam ne mihi quidem istud in animo est, eundem ingenitum esse quem genitum; sed id potius ingenitum esse quod genitum.

FEL. Et quomodo non eundem ingenitum dicas esso quem genitum, si utrumque unum putas esse, non alterum?

AUG. Animadverto vim te penitus non attendisse verborum : nam dum utrumque unum dico, substantiam veri Patris ac veri Filii ex toto non separo ; et dum non cundem Patrem quem Filium praedio, utriusque personam servata uniuscujusque proprietate discerno. Itaque si substantiam queris, ipsa Trinitas unus est Deus ; si personam, alter est Filius.

FEL. Et quomodo et idem esse dicis, et alterum Filium.

AUG. Idem, inquam, communione substantiae ; alterum proprietate personae.

FEL. Nescio quo pacto una creditur esse substantia, cum non una dicatur esse persona.

AUG. Non est, inquam, una persona, quia una genuisse, et altera dicitur genita : et est tamen nati et gignentis non diversa substantia, quia non dissimilis generanti docetur exorta.

FEL. Vellum queso exemplo mihi faciliore dicta dilucideas.

AUG. In rebus quidem incomprehensibilibus exempla non suppetunt disputanti : tamen in quantum fieri potest, etiam in hac parte non deero. Ecce igitur homo pater habet hominem filium : est quidem commune utriusque quod homo est, uni tamen quod filius, alteri proprium videtur esse quod pater est ; nam in utroque sic persona discernitur, ut communis humanitas non negetur, dum unus gignit, alius gignitur ; aequem autem homo et qui genuit dicitur, et ille qui gignitur.

CAPUT IV. — **FEL.** Illud certe dicas vellim, genus ab ingenito utrum iactio separetur, an non ?

AUG. Ne id quidem spiritualis intelligentie veritate recipitur, ut Pater a Filio interventu, non dico temporis, quod diebus constat ac noctibus, sed cuiuslibet tertiis vel octatis¹ spatio separetur.

FEL. Hoc si ita est, duo fateris ingenita. Et quomodo altera Patris, altera Filii putatur esse persona, cum per significationem communis ingeniti utraque videatur esse confusa ?

AUG. In hoc quidem a majoribus vestris non mediocris columnam sophismata contextur ; tamen per auxilium ipsius Trinitatis catholica necesse est simplicitate solvatur. Patrem namque ingenitum, Filium genitum dico, nec ideo tamen genitum ingenito coeterum esse non praedico, eo tantum docens ingenitum Patrem, quia non processit ex altero ; eo genitum Filium, quia non exstitit ex se ipso. Non est commune utrique nasci, non est commune, non gigni ; et commune tamen est alterum ab altero interventu medi temporis non divelli. Itaque si proprium Patris queris, sufficit quia solus non habet patrem ; si Fili, satis est quod non habet prolem : unam autem et coeteram Patris et Filii dicimus deitatem.

FEL. Quantum ad me attinet, non video quid ista nunc colligas. Nam quamvis Aristotelica mecum subtilitate contendas, fieri tamen non potest, ut cum qui genitus est, ab eo qui genuit nulla avi intercedentis antiquitate discernas.

AUG. Scio equidem, ut ille ait, quam in difficulti loco versetur oratio : tamen verendum nobis nihil est, qui per adjutorium sancti Spiritus, testimonium dicimus Deo. Quid ergo dicemus ? Estne aliiquid in Patre quod negetur ingenitum, an non ? Si est, non in toto, sed in parte potius dicatur ingenitum ; alioquin non ex tempore coepit esse Filius. Nam si paternitas non coepit Patris, initium inventiri non potest prolis. Si initium dicitur prolis, non aeterna paternitas docebitur Patris. Et quomodo stabit, quia totum in Patre docet ingenitum, qui ipsius paternitatis nomen habere putatis initium, cum coepisse ex tempore dicitis Filium, quo nondum exstante Patrem dici non potest vocatum ?

FEL. Non sum tam stultus, ut tempus preferam Filio ; sed initium dari certum est genito.

¹ Ita omnes vss. At Fr. et Lov., vel aeternitatis.

AUG. Quid ergo ? inter Patrem et Filium dicas medium nihil fuisse ?

FEL. Ita prorsus.

AUG. Quomodo igitur negas Patri Filium conternum, qui inter Patrem et Filium fateris esse nihil medium, ne id ipsum non medium tam constet esse quam tertium ?

CAPUT V. — **FEL.** Quoniam me disputandi arte conclusis, id quod a majoribus nostris dictum est, breviter explicabo. Alium enim, quoties de initio Fili et Patris aeternitate tractatur : Erat quando non erat, et antequam nasceretur non erat.

AUG. Quantum advero, manente male credulitatis errore sola verba mutata sunt. Dixisti namque, Erat quando non erat. Erat istud, ad avum pertinere vultis, an ad Filium ? Si ad avum, id est, velut quoddam ante Filii nativitatem aeternitatis spatium ; ecce ad superiorem blasphemiam necessitate delberis, cum inter Patrem et Filium, tertium quoddam tempus immittis, dicasque, quia erat ante Filium Pater et tempus, post haec duo Filius, post tria ista Spiritus. Quod si admittimus, ut sine tempore gigni non potuerit Filius, vide quam late pateant ista que dicimus. Nam si non sine tempore est Filius, certe nec nisi in loco dicendum est genitus. Hoc admisso, ante Filium et Spiritum sanctum coeversus quodam modo Patri dicatur et locus. Quod si ita est, quod sine loco et tempore nasci non potuerit Filius, in quo loco, aut in quo tempore factum locum dicas et tempus ? Si in nullo, ecce sine tempore et loco fieri potuit tempus et locus. Si in aliquo, id ipsum videtur tempus et locus, in eius origine similiter et locus requiritur et tempus. Quod si usque adeo sine tempore et loco fieri aliiquid potuit, ut nec in loco locum, nec in tempore factum doceas tempus ; nescio qua temeritate contendas, quod nasci sine his¹ non potuerit Filius, qui quantum ad sanam fidem, et locum doceatur fecisse et tempus. Sed de hoc satis ; nunc quod a majoribus vestris dictum praedicas, repetamus. Erat, inquis, quando non erat. Si Erat istud, ad tempus referas, ecce ante Filium tempus : si ad Filium, numquam non erat Filius ; erat enim jam quando non erat Filius, a quo factum dicitur tempus². Sed, Antequam nasceretur, inquis, non fuit. Quis, queso, non fuit antequam nasceretur ? Si Filius, ecce ipso intellectu ante Filium fuisse dicitur tempus. Si autem antequam nasceretur Filius, non erat tempus, sequitur ut dicatur Patri Filius coeternus. Inter quem et Patrem nullum fuisse dicitur tempus ; maxime cum inter extera Evangelistis attestantibus, etiam tempus fecisse dicatur Filius. Sed forte de Patre dictum aliquis putet, Erat quando non erat Filius. Cui sententia secuta non conciunt, quibus dicitur, Et antequam nasceretur non erat : nam per se Pater semper existens etiam a vobis dici non potest natus, qui non ab initio docetur exortus ; et in Patrem cadere non potest, Erat quando non erat genitus.

FEL. Quoniam me verbis ut mea fert opinio, inopinata subtilitate certantibus non mediocriter defatigas, idcirco queso, ut si fieri potest, exemplo cuiuslibet rei, possibile id esse quod docere conaris, ostendas. Neque enim aliter credere possum, licet vi orationis³ oppressus, coeterum esse genitum Patri, nisi aut utrumque genitum, aut utrumque patrem dixeris sibi.

AUG. Quoniam me ad incomparabilem rerum exempla compellis, idcirco que sit ignis potentia videamus, ex quo semper splendor, semper est vapor. Utrumque de eo nascitur, nec ideo tamen ignis sine horum quolibet aliquatenus inventior. Hoc tria non se invicem gignunt, quia non de splendore ignis et vapor, aut de vapore ignis et splendor, sed de igne

¹ Fr. et vss. omittunt, sine his.

² Sic vss. At Lov., erat enim jam I illius quando non erat tempus.

³ Fr. et Lov., vi rationis.

splendor et vapor semper est genitus. Quae cum ita sint, videsne etiam in creaturis posse aliquid nasci, nec ostendi tamen tempus, quo id de quo natum est sine genito potuerit inveniri? Si ergo visibilibus exemplis ista perspicimus, cur non de Patre, Filiis et Spiritu sancto, quantum ad communem duntaxat atque indifferentem aeternitatem, similia predicemus? Neque enim ideo necesse est Patrem et Filium et Spiritum sanctum aequae dicamus ingenitum, quia nullum ab altero aeo interveniente dicimus separatum: cum etiam ex aliis rebus quedam genita, nec ideo tamen aut aequae gignentia, aut sine invicem docentur existantia. Sed quid prodest horum multa colligere, cum paucorum testimonii etiam cetera licet estimare?

CAPUT VI. — **FEL.** Quoniam sententiam meam, praecedentium patrum auctoritate fundatam, nova disputandi arte conturbas; idcirco velim mihi dicas de natura Filii Dei, id est, de substantia ipsa quid sentias. Si enim, ut dicere vos soletis, homousion est Patri, ipse quodam modo pater est sibi, aliquin consubstantialis esse non potest genitori. Nam quidam nostrum homousii opinionem ridere sic solebat, dicens, Si non extrinsecus, sed ex eodem ipso prolatus est Filius, in duos quodam modo divisus est unus, quandoquidem non aliud gignens dicitur esse quam genitus.

AUG. Duni nos Aristotelica dicas arte contendere, ipse ad dialecticorum videris laqueos configuisse. Sed nos fidei veritate confisos nequaquam possunt ista terrere. Quid igitur? dicas ex substantia, credo, Patris nasci Filium nequivisse, ne ingenitum Patrem Filii videamus generatione dividere? Quod si ita est, male creditur Filius, qui non ex Patre, id est, non ex eodem ipso genitus, sed extrinsecus factus inter alia praedicatur. Quod ut sit intellectu facilius, id ipsum pro posse explicabo. (a) Filiorum namque adoptivi alii, naturales alii sunt. Ii qui geniti, ab initio filii semper ac proprii; illi primo alieni, post filii, cum per adoptionem in familiam videntur ascisci. Quibus ergo comparandus est Filius Dei? Si adoptivis, erit apud Patrem similis nobis; si propriis, ex substantia substisit dicendus est genitoris. Sed in duo, inquis, substantia paterna dividitur, si ex solo Patre substantialiter Filius generatur. Hoc quam stultum sit, etiam visibilia ipsa nos docent. Quis enim unquam vel carnalium patrum gignendo divisus est? Quod si nec in conditionem corporis cadit ipsa divisio, nemo enim sic genuit filium ut se perderet medium, et salva integritate Patris non potuisse nasci dicitis Filium? Sed quid plura? Nativitatem Filii Dei ortumque rimantibus, hinc, ni fallor, occurunt; id est, ut aut ex Patre sit, aut ex nihilo, aut ex altero, aut ex se ipso. Horum, quæso, consequentiam videamus. Si ex se ipso; non recte filius dicitur, qui non natus, sed ingenitus praedicatur: si ex nihilo; creature cum ceteris, non creature auctor ostenditur: si ex altero: non ejus cui creditur, sed nescio cuius incogniti patris filius praedicatur. Quod si praeter quatuor haec non inveniri potest quintum, nec de his propter evidentem blasphemiam tria praedicari penitus possunt; restat ut substantialiter de Patre sit genitus: quia, ut diximus, nec inveniri quintus, nec praeter primum de his doceri potest aliquis modus; utpote cum nec creature, nec alterius patris filius, nec ut Pater dicatur ingenitus.

FEL. Quasi vero ego aut praeter haec quintum, aut de his tribus aliquid praedicarim: qui sic non ex substantia Patris exstisit Filium dico, ut tamen ex ejus voluntate non negem genitum.

AUG. In unum de supradictis consequentia ipsa detruderis. Cum enim de Filii substantia requirimus,

¹ Er. Lugd. ven. sic legunt hunc locum: *Quid ergo dicas, Ex substantia credo Patrem nasci Filium nequivisse, ne ingenitum Patrem filii videamus generatione dividere.* M.
(a) Alcuinus, lib. 1 contra Eliphantum.

quem tu ex Patre substantialiter genitum non fateris, sine dubio inter alia ex nihilo factum esse contentis: quandoquidem nec corruptibles creature dicimus substisit, nisi ut has Deum et voluisse per infrafabilem dispensationem, et potuisse per singularem potentiam dicamus efflere; dum et voluntatem fuisse novimus qua placuit Deo, et potestatem qua posse subiacet Domino.

FEL. Ergo ad existantium Filii potestas paterna non sufficit?

AUG. Quasi ego de potestate Patris, et non de ipsa paternitatis veritate contendam. An ei se dici maluit Patrem, quem non sibi, sed creaturis voluit esse consimilem? Et ideo fatendum tibi est, ex substantia Patris exstisit Filium, si et natus et Deus est; aut Filium pariter et Deum negare, si non ex paterna substantia, sed ex nulla, operante tantum, sicut etiam in aliis creaturis, Patris voluntate et potestate creatus est.

CAPUT VII. — **FEL.** Quoniam me ad ejusmodi confessionem necessitate compellis, id quod a majoribus nostris dici assolet, non tacebo. Aliunt enim, creaturam esse Filium, sed perfectam, et que dominari possit omnibus creaturis.

AUG. Gaudeo quidem quod irreligiosæ prædicatio-
nis intimus virus¹ manifesta confessione prodideris:
nihil tamen quod credulitate dignum videatur, oppo-
nis. Creatura namque est, ex eo quod adhuc non est,
aut aliquando non fuit, rei cujuslibet corruptibilis,
quantum in se est, per omnipotentis Dei voluntatem
facta substantia. Hac definitio utrum in Dei cadat Fi-
lium videamus. Nam Filius in eo quod est, indiffe-
rentis naturæ veritate prolatus est; qui ex eo qui
est, id est ex gignente, non dissimilis natus est. Et
ideo inter Filium et creaturam primum, ni fallor,
ista discrecio est: quia ille ex Patre substantialiter
gignitur; creature non ex substantia facientis, sed ex
sola voluntate ac potestate perficitur. Ista corruptibili-
lis per naturam, nisi fuerit servata per gratiam; ille
incorruptibilis, qui nascendo incorruptibilem ex in-
corruptibili Patre videtur habere substantiam. Filius
per omnia similis Patri; dissimilis creature factori.
Ille non ex eo quod non est, in id quod est; et propter
ea nunquam in id quod non est, ex eo quod est: et
illa ex eo quod non est, in id quod est; et propter
ea quantum ad se attinet, ex eo quod est, in id quod
non est, sui ortus conditione revertitur.

FEL. Non video quid arcano hujus obscuritatis in-
volveris: et ideo recte facies, si id quod a te, ut
mea fert opinio, incomprehensibiliter dictum est, in-
telligibilius explicaveris.

AUG. Dixi, inquam, de Filio, cum eum a creaturæ
definitione discernerem, quoniam is non ex eo quod
non est, in id quod est: quod tale est ac si dicerem,
non ex nihilo factus est. Et propterea nunquam in id
quod non est, ex eo quod est; id est nunquam in
nihil, ex eo ipso quod est, naturæ sue proprietate
solvens est. Creature vero, ex eo quod non est,
in id quod est: quo ostenditur, quia ex nihilo pro-
lata est. Et propterea quantum ad se attinet, ex eo
quod est, in id quod non est; id est, in nihilum, nisi
perpetua² gratia fecerit, naturæ sue qualitate ver-
tenda est. Ergo nunquam non erit Filius, qui substan-
tialiter doceatur esse perpetuus; et hoc utpote pro-
prio, a conditione omnium creaturarum, que per
ipsum factæ sunt, non injuria noscitur separan-
dis.

CAPUT VIII. — **FEL.** Licet intelligentiam meam
nova rerum subtilitate perstringas; nescio tamen quo
pactio dicas, quod coeternus Patri sit Filius: cum ei
communi loquendi modo et naturæ lege prior gi-
gnens videatur esse quam genitus.

AUG. Si naturæ auctorem creaturarum legibus

¹ MSS., quod prædicationis tritio intimum virus.

² Forte, perpetuan.

estimamus, dum anteriorem esse Patrem Filio predicamus : cur non eadem naturae lege, fortiorum Patre Filium per accessum temporis dicimus ; dum nec huic desunt crenementa nascenti, et imbecillitatis injuriam senectus ingerit Patri ? Quod si hoc ratio ipsa non recipit, omittamus in Deo corporalis intelligentiae legem, ne operibus suis similem dicamus esse factorem : maxime cum ex eo quod apud nos evidens est, etiam id quod in occulto est possimus ostendere. Sicut enim sine exemplo mater genuit auctorem suum ; sic ineffabiliter Pater genuisse credendum est coeternum. De matre natus est qui ante jam fuit ; de Patre qui aliquando non defuit. Hoc fides credit, intelligentia non requirat : ne aut non inventum putet incredibile, aut repertum non credit singulare. Ecce enim de matre natus est Christus, nec ideo est per contactum viri matris pudor immunitus. Virgo peperit, quia virgo concepit : ei non servato rerum ordine, ex integro matris corpore integrum corpus Christus assumpsit. Si ergo novo more, nullo exemplo, secundum carnem natus docetur ex corpore ; quid mirum si non secundum consuetudinem humani partus processit ex Patre ? Non minuit substantiam matris, ex sola genitus Filius ; et sine damno corporis parientis natum filii novimus corpus : et ininuisse incorporealem Patrem substantiam creditur, cum ex eodem ipso substantialiter atque incorporeliter prolatus, dicitur genitus ? Ergo si naturam rerum intelligentia duce perpendimus ; demus initium, si non negamus occasum. Alioquin ideo Filium non habere dicamus initium, quia non per gratiam, sed per naturam fatemur esse perpetuum. Ad summam, major et minor tribus modis dici potest ; id est, aetate, forma, potentia : aetate, senior puer; forma, longior parvo; potentia, fortior imbecillo. Videamus utrum aliquid horum accedit Filio : nam nec aetate minor est, quem de principio Patre constat exstisset principium; nec forma, quem non aliud fas est predicare quam Deum; nec potentia, a quo totum novimus esse perfectum.

CAPUT IX. — FEL. Scire cupio quo pacto et ad Filium transit dignitas Patris, et ad Patrem non recurrat humilitas prolis.

Auc. Non secundum naturam ista nunc dici, quotidianarum rerum exempla nos docent. Ecce enim putes aliquem regem ac regis filium depositis regiae majestatis insignibus, subjecti militis indumenta suscipere, et propter certam patris dispensationem sociorum salutem, rebellium contumelias sustinere : numquid quia ad hunc participium regiae potestatis, certum est nativitate currere, idcirco ad eum qui genuit, injuriam filii non compatiendi affectu, sed ipsa passionis proprietate certum est pervenire ? Non ita est, quia non ex filio patrem, sed ex patre filium certum est natum esse. Et propterea totum inter eos simile dicimus quod pertinet ad communionem naturae : illud proprium quod per accidens uni noscitur evenisse personae. Habet ergo nascendo totum Filius cum Patre quod Pater est : sed non cum Filio Pater quidquid specialiter ipse perpessus est. Non utrique communio est, quod ex homine natus est homo, sed accidens speciale, quod plerumque sine prejudicio communis naturae neuter habere docetur in altero. Una est patris substantia, una persona. Hac cum genuit, ex hac sine dubio non diversa noscitur exstisset, sed altera ; quae non aliud docetur esse quam prima, dum et communio docetur et propria : communis, inquam, unitate substantiae; propria, discretione personae. Cum ergo in se existet illa quae nata est, non quidquid huic acciderit ad gignentem necessario transit, sicut ut ad nascentem quidquid proprium ac substantiale gignentis constat esse, pervenit. Non enim sicut Filio ipsa generatione collata est divinitas Patris, sic ad Patrem referunt cura, aegritudo, paupertas, mors, humiliatio prolis. Quod ideo non sit, quia quamvis de una est, id est, Patris substantia fuerit similis genita : tamen quia jam in se ipsa exstat, quæcumque huic extrin-

secus ingeruntur, non communia dicuntur esse, sed propria. Si ergo humani generis ista conditio est, ut non usque adeo filii ab eo qui genuit in aliud unquam inuitata substantia est, ut non eadem possit esse, sed altera ; dum extrinsecus, filio accidentibus multis, manet nihilominus natura communis : quid nos de Deo atque ejus Filio dignum est credere ? quid decet predicare ? quorum quamvis secundum indivisa materialis simplicem gloriam non sit natura dissimilis, specialiter tamen a Filio corpus assumptum est ; ut humiliaretur in infirmitate carnis nostræ, qui pati nihil poterat in communis divinitate substantie. Non assumt homo hominis filius alteram naturam, et cum in eadem que cum patre communis est patiatur, ad patrem tamen non transmittit injuriam : et humiliatus in Filio Deus Pater passibiliter creditur, cum non in eadem ipsa quæ utriusque communis est, sed in nostra potius, quam solus ipse suscepit, Judiciorum creditur pertulisse persidiam ? Ad summam, quid, precor, est quod pendebat in cruce ? Quid est quod lancea dicitur vulnerasse ? Caro passibilis, an substantia deitatis ? Si majestatem profanus incorporei praedicator assumpseris, corruptibilem Deum videris credere : si passibilem carnem, non est communis ista cum Patre, ut per hanc eum possit crux illa contingere.

CAPUT X. — FEL. Dum torrentis modo omnia quæ a nobis sunt dicta præcipitas, duos admodum christos, non unum prædictas. Et non imiterito ; nam si in eo nihil penitus divinitas pertulit, secundum hominem Christus alius fuit : aliquo per affectum communis deitatis, etiam ad Patrem passio ipsa pervenit.

Auc. Non ita est ; ego enim Salvatorem nostrum non confundo, non divido : non confundo, ne aut incorpoream et imaginariam carnem, aut carnalem et mortalem prædicem deitatem : non separo, ne Dei Patris unam secundum carnem, et alteram secundum majestatem introducere videar prolem : quia idem Dei Filius et sine initio processit ex Patre, et secundum tempus nasci est dignatus ex virginie. Impassibilis in suo, passus in nostro, dum incomprehensibilem majestatem velut quodam indumento carnis vestire est dignatus ex utero¹. Una Mediatoris persona, non una substantia : una, inquam, persona, ne sit non unus Christus ; non una substantia, ne Mediatoris dispensatione submota, aut Dei tantum datur, aut hominis filius. Non ergo in Christo susceptam carnem perpetuitate divinæ generationis extendo ; nec immensam deitatem corpori ortus aetate concludo : quia idem in divinitate auctor est rerum, qui in carne redemptor est hominum : idem impassibilis in se, qui passus in corpore ; dum sic utriusque naturæ proprietatem vere ex utraque gignenti similibus natus expressit, ut et verum carnem suscepisse eum constet ex matre, et indifferenter deitatem habere constet ex Patre. Quibus in unam personam incomprehensibili Mediatoris dispensatione conjunctis, servavit singulis propria, sed conjunxit propriis aliena : servavit propria, dum non amisit immensitatem deitatis, et infirmitatem non respuit carnis : conjunxit propriis aliena, dum idem atque inseparabilis Christus, et proprio carnis occiditur, et proprio deitatis apud inferos non tenetur : proprio carnis gustavit vita mortem, proprio deitatis perpetuam reddidit carnem. Non ergo recte dicitur, in Filio Pater est passus : quoniam in carne quæ ei non est cum Patre communis, passus est Filius. Itaque glorificata est caro majestale, dum majestas humiliata docetur in carne. Sed utrumque, non de duabus christis, sicut putas, sed de uno atque eodem ipso, quem post partum virginis Deum ei hominem novimus, nos certum est prædicare.

CAPUT XI. — FEL. Si ergo ex virginie natus est Christus, quomodo Deo Patri dicitur coeternus ?

¹ Chiffletius, *dignatus est. Ex idroque una, etc.*

AUG. De hoc quidem nobis etiam adversus alios diversa contentio est ; et ideo ne difficultior sit explicatione veritatis causam primum proponemus erroris. Nam ab uno male credulitatis orsi principio, in duo quodam modo intelligentie dissimilis deliramenta finiduntur¹. Est namque utrisque commune, unam Christi nativitatem, non duas praedicare. Sed alii illam principalem, qua ante omnia ex Deo natus est Deus ; alii hanc tantum, qua ex virgine processit hic dominus, proprii dogmatis definitione recipiunt ; qui per consequentiam male jacti seminis, in similis blasphemie barathrum ceciderunt. Ecce enim qui ex virginie non credunt natum, omnem Evangeliorum fidem, omnem Baptismatis utilitatem, omnem Apostolorum prædicationem, et ad summam omnem Novi Testamenti auctoritatem, velut quadam Judaeis incredulitatis excitate subvertunt. Et ideo ne ipsam majestatem quidem Dei Filii cognovisse putandi sunt ; quia sacramentum Mediatoris, quo eum innotescere Pater gentibus voluit, abjecerunt. At vero hi qui non ex Patre ante omne initium, sed ex tempore virginis partu natum esse contendunt, non eum Creatorem omnium, non Dominum omnipotentia Patri ac majestate consimilem didicerunt. Quomodo enim fecisse putabatur cuncta, ante cuius ortum fuisse certum est universa ? Aut quomodo ejus divinitas est profunda² quo needum nato facta sunt singula ? Vel quomodo ejus divinitas creditur esse perpetua, cum non semper ut Patris, sed ex tempore prædicatur effectus ? Negant igitur etiam hi quodam modo Mediatoris consequentium rerum necessitatem mysterium ; quia non Deum et hominem, non ex aeternitate et tempore, non ex virtute et ex infirmitate, non ex Patre ante omnia Patri similem Filium et ex matre inter omnia verum, non³ imaginarium, hominis filium, in manifesto, non per verisimilitudinem, natum prædicant Christum. Quo sit, ut ne in carne quidem nosse putandi sint Deum, quem ante assumptionem carnis de Patre non putant genitum. Vides igitur quo pacto inter hos, licet discrepantibus mediis, idem tamen initium, idem exitus docetur erroris. Nos contra sic nativitatem utramque defendimus, ut neutram alterius affirmatione tollamus : nam nec temporalem primæ illius perpetuitatem damnamus, nec aeternam hujus temporalis brevitatem concludimus ; scientes veri Dei inseparabilem problem, et hujus vere prolixi postea verissimam carnem ; non tunc fatentes Christi divinitatem coepisse cum virgo concepit ; nec tunc coepisse carnem, cum ineffabili quodam partu monas illa, sine intercapidine mediis temporis, in nullo differentem monadem, nisi quod monas docetur esse, genuit. Non infirmitatem voluntariam Christi omnipotens ejus majestas exhorruit, non omnipotentiam infirmitas corporalis extinxit. Scio ad inferos divinitatem Filii Dei descendisse proprietate carnis, scio ad celum ascendisse carnem merito deitatis. Non est Dei proprium, quod famem sensit : sed Dei proprium est, quod paucis paribus tot milia hominum satiavit⁴. Non est proprium carnis, quod super frementes undas siccis pedibus ambulavit : sed carnis est proprium, quod spuma, palmas, flagella sustinuit. Unus tamen atque idem Christus est, qui et injurias toties pertulit, et actus in profundo non mersit. Ex hoc pacto in Mediatore Dei et hominum, injuria assumpti corporis affectam fatemur⁵ deitatem, sicut majestate deitatis glorificatam novimus carnem. Ergo Chri-

sus mortuus est, qui et resurrexit : nec ideo tamen utrumque ex uno, sed ex singulis singula, in utroque tamen perfectus ipse complevit, dum unus atque inseparabilis tam diversa complevit : uao mortem sustinuit, altero mortuos suscitavit : sive se Deum et hominem utriusque verus Mediator, nec geminata persona, nec substantia confusa monstravit. Ingressus est virginis uterum Dei Filius, ut iterum nasceretur ante jam genitus : suscepit totum hominem, qui jam habebat a Patre plenissimam deitatem. Non dissimilis genitori, cum nasceretur ex aeterno perpetuus : non dissimilis homini, cum ex matre nascitur moriturus. Idem tamen et aeternus in suo, et moriturus in nostro ; dum utrumque continet ex se ipso, et neutrum perdit ex altero. Sicque ex Deo et homine non imperfectus, sed in diversa proprietate plenissimus⁶ natus est Christus, sicut ex anima et corpore unusquisque hominum docetur esse perfectus. Non aliud homo corpus, aliud animus : quamvis aliud animus, aliud corpus, unus tamen atque idem homo et corpus docetur et animus. Rursus non unum atque idipsum corpus et animus, quia ex utroque homo factus est unus. Non enim haec aut substantiam confundunt in unitate personæ, aut personam geminant diversitate substantiarum, quandoquidem unus ex his homo noscitur existisse. Non perdunt propria : sed quia in unum atque inseparabile convenerunt, ex propriis videntur facta communia. Afficitur in corpore mens doloribus corporis, fatigatur corpus cogitationibus mentis : et unum tamen horum proprium est corporis, alterum mentis ; quod dum uni homini acciderit, et corporis commune videtur, et mentis. Sic post partum virginis, non aliud Dei, et aliud hominis, sed idem Christus Dei et hominis filius fuit. Et sicut in uno homine aliud animus, aliud corpus : sic in Mediatore Dei et hominum, aliud Dei Filius, aliud hominis fuit ; unus tamen ex utroque Christus Dominus fuit. Aliud, inquam, pro discretione substantiarum : non aliud⁷, pro unitate personæ.

CAPUT XII. — FEL. In superioribus quidem me ad credendam Christi ex matre nativitatem salva perpetuitate compuleras : sed quia contra rationem viae orationis extorta non in nobis possunt esse continua ; idcirco cum ad propositionem meam sollicita intentione respicio, nequid mihi videor in his quæ a te dicta sunt invenisse quod querar. Nescio cum quomodo natum doceatis ex tempore, quem coeterum Patri dicitis jam fuisse. Nasci enim est velut quidam motus rei non existantis antequam nascatur, id agens beneficium nativitatem ut sit. Quo colligitur, Christum qui erat, nasci non potuisse ; si nasci potuit, non fuisse.

AUG. Ad inquisitionem nos incomprehensibilem rerum nova interrogandi curiositate compellis : et ideo non nisi quibusdam exemplorum lineamentis poterit explicari quod queris. Patere igitur me pro affirmato afferre rem alterius questionis : qui cum eam non pro fide sui, sed pro alterius ostensione nunc profero, non in ea me conjicias explicare quod credo ; sed ita me credere ad praesens puta, ut intelligere facilius possis ista quæ dixero. Fingamus ergo, sicut plerique volunt, esse in mundo animam generaliem, quæ sic ineffabili motu semina cuncta vivificet, ut non sit concreta cum genitis, sed vitam præstet ipsa dignendis. Nempe cum haec in uterum passibilem, materiam ad usus suos⁸ formatura pervenerit, unam secum facit esse personam ejus rei, quam non eamdem constat habere substantiam : et sit operante anima et paciente materia, ex duabus substantiis unus homo ; cum aliud anima doceatur, aliud caro : sive animam nasci fatemur ex utero, quam ad uterum venien-

¹ Sic aliquot MSS. At editi, funduntur.

² Quidam MSS., probanda.

³ Hic Am. Er. et Lov. omittunt, non. Restituit Chiffletius, sed relicts postea MSS. Ita cum Am. Er. et Lov. habet : non ex aeternitate, sed ex tempore ; non ex virtute, sed ex infirmitate ; non ex Patre ante omnia Patri similem Filium, sed ex matre inter omnia ; non verum, sed imaginarium.

⁴ In MSS., saginavit.

⁵ Sic MSS. At Am. Er. et Lov., non fateor.

⁶ Aliquot MSS., non imperfectis, sed in diversa proprietate plenissimis.

⁷ Am. Er. et Lov., non aliud. Male.

⁸ Aliquot MSS., ad partus suos.

tum vitam dicimus contulisse concepto. Nasci, inquam, ex matre dicitur, quia ex hac sibi corpus aptavit, in quo nasci posset: non quia antequam nasceretur, quantum ad se attinet, ipsa penitus non fuisse. Et hic si verborum vim, quotidiani sermonis contemplator attendas, contraria proponimus, oppugnanta¹ prædicamus: et in his tamen verum constat esse quod dicimus. Ex matris utero cum corpore sciunt animam nasci: sed etiam matre priorem videmus animum prædicari. In filio mater animam gignit: sed tamen etiam in ipsa matre non nisi animus vivit, sine quo ne ipsa quidem potest esse que genuit. Itaque si originem animantis potentie requiramus, prior est matre, et ex hac rursus nata videtur esse cum sobole: prior, inquam, anima, per quam mater est animata; prior mater, per quam in filio nata videtur et anima: sed non mater in carnem animam vertit, nec carnem in animam commutavit; sed animatum carnem de utero matris, idem carnis et animæ et totius hominis Creator exhibuit: qui per dispensationem analogice diversa jungentis in uno atque codem hominem, et utrumque insolubili unitate conjunxit, et neutrum ex alterius participatione confudit. Sic ergo, imo multo incomprehensibilius atque sublimius natus est susceptione perfecti hominis de matre Filius Dei, qui est per omnipotentiam singularem genitis omnibus, non facultas tantum, sed et causa nascendi: secundum hominem, inquam, de virgine natus est Deus; eo pacto quo cum corpore nasci docetur et animus: non quia utriusque est una substantia, sed quia ex utroque sit una persona: non aliud homo corpus, et aliud animus; sed unus homo corpus et animus. Sic post partum virginis, non aliud Dei filius et aliud hominis; sed idem Christus Dei et hominis filius. Et sic in uno homine aliud corpus, aliud animus: sic in uno Mediatore aliud Dei, aliud hominis filius; sed idem tamen et non aliud Dei quam hominis filius, quamvis propter aliud Dei, et propter aliud hominis filius. Non ab initio carnis ceperisse dicimus Filium Dei, ne temporem credit aliquis deitatem: non ab alterno Filii Dei novimus carnem, ne non veritatem humani corporis, sed quandam eum suscepimus putemus imaginem. Neque enim consumit majestatem Filii Dei, veritas carnis; aut veritatem carnis, immensitas deitatis; dum unum radiat virtutibus suis, aliud docet infirmitatibus nostris. Unus autem atque inseparabilis Christus et humiliatur in assumptis, et glorificatur in propriis; cum et affici non designatur injuriis, et aequalitatem ostendit genitoris. Genuit ergo Maria et non genuit Filium Dei: genuit, quando ex ipsa secundum carnem natus est Christus; non genuit quando de Patre sine initio existit Filius: genuit, quando ex hac Verbum caro processit, ut habaret in nobis (Joan. i, 14); non genuit quando in principio erat Deus Verbum, quod originem præstítuit universi. Nolite ergo partu virginis determinare originem Dei Verbi: nolite de virgine genitum corpus coeterum dicere deitati; quia Mediator Dei et hominum homo Christus Jesus (1 Tim. ii, 5) prima nativitate coeterus est Patri, secunda particeps temporis nostri; in illa auctor temporis, in ista particeps est ætatis.

CAPUT XIII. — **FEL.** Quoniam de mysterio Mediatores perspicua ratione, et ad credendum cuivis sufficienter tractasti: idcirco quæsto ut mihi quid etiam de anima Christi sentiendum sit, jubeas explicari. Ita enim a majoribus nostris semper est traditum, quod Christi corpus ad vicem animæ communis, ipsius Filii Dei habitus animarit; nec accessione vitalis spiritus indigens fuerit, cui inhabitans fons vita potuit conferre quod vixit.

AUG. Possemus quidem id quod in hac quæstione catholice auctoritatis definitione prescribitur, divorum volumini testimonii edocere: sed quia non librorum indicio*, sed sola ratione placuit

cuncta discutere, idcirco in aliud tempus Scripturarum monumenta reservantes, sicut superius factum est, sic etiam de animæ inquisitione tractabimus. Quod ut fieri facilius possit, quæ Salvatori nostro suscipiendo hominis causa fuerit, una tantum Apostoli lectione subjecta breviter inquiramus: qua inventa, sine aliqua difficultate etiam ad hæc, quæ hujus præcedentis sunt consequentia, transibimus. Ab initio igitur ex corpore et anima Deus hominem fecit: qui legis præcepta transgressus, post usurpationem interdicta arboris, sententiam quodam modo poenæ capitalis exceptit. Ille ad eum statum a quo lapsus est, non nisi auctoris sui gratia reformatus, postliniū quodam modo jure potuit remeare: sicut qui se de excelsis in præceptis transgressus, post usurpationem interdicta arboris, sententiam quodammodo poenæ capitalis exceptit. Hic ad eum statum a quo lapsus est, non nisi auctoris sui gratia reformatus, postliniū quodammodo jure potuit remeare: sicut qui se de excelsis in præceptis voluntate demiserit, in sua quidem habuit potestate quod fecit, sed jam suo arbitrio certum est non subjacere quod cadit². Surgit itaque beneficio alieno, qui cecidit vitio proprio. Nec ideo non suo dicendus est cecidisse, quia alieno noscitur surgere; nec propterea suo surrexisse, quia non alieno certum est cecidisse. Sed de hoc alias, nunc ad propositum redeamus. Dicit ergo venerabilis Paulus, quoniam idcirco secundum carnem natus est Christus, ut sicut per unum hominem peccatum in hunc mundum intravit, et per peccatum mors, et ita in omnes homines pertransi, in quo omnes peccaverunt. Et paulo post, Sed non sicut delictum, ita et gratia. Si enim unius delicto multi mortui sunt, multo magis gratia Dei et donum in gratia viuis hominis Iesu Christi in plures abundavit. Et non sicut per unum peccatum, ita et donatio. Nam judicium ex uno in condemnationem, gratia autem ex multis delictis in justificationem. Si enim unius delicto mors regnavit per unum, multo magis abundantiam gratiae et donum justitiae accipientes in vita regnabitur per unum Iesum Christum. Igitur sicut per unius delictum in omnes homines in condemnationem; sic et per unius justitiam in omnes homines in justificationem vita. Sicut enim per inobedientiam unius hominis peccatores constituti sunt multi, ita et per unius obauditionem justi constituantur multi (Rom. v, 12, 15-19). Venit ergo Christus salvum facere quod perierat (Luc. xix, 10). Prius ergo videamus, quid illud est, quod protoplasti transgressione perierit, et ex hoc facile scire poterimus, quid Dominus veniendo salvare potuerit. Requendum igitur nobis est, quisnam legem Creatoris acceperit: ille enim sine dubio peccavit, qui præcepta contempsit; ille præcepta contempsit qui quod prohibebatur admisit. Dicit autem Scriptura: Præcepit Dominus Adæ, dicens, Ab omni ligno quod est in paradiſo manducabis, de ligno autem scientie boni et mali, non manducabis de eo qua die autem manducaveritis, morte moriemini (Gen. ii, 16). Quæramus ergo nunc, utrum hanc legem totus homo acceperit? Si enim, ut in libro Genesios continetur, ex corpore et anima jam perfectus accepit, totus transgrediendo peccavit: et si totus transgrediendo peccavit, totus peccati sui vitio tunc perii. Si autem totus perii, totus beneficio Salvatoris indiguit: et si totus beneficio Salvatoris indiguit, totum Christus veniendo salvavit: et si totum veniendo salvavit, non corpus absque anima; sed corpus et animam, quibus constat totus homo, et quibus peccasse antea videtur assumpsit. Nam si toto homine peccante, solam ejus carnem Christus assumpsit, anima poena prime illius transgressionis sine aliqua spe etiam nunc addicta permanuit. Quod si ita est, nescio quid nobis Mediatores persona contulerit, quæ melius nostrum ex toto non redimens, brutam per se carnem, et quæ sine anima ne beneficium quidem ejus posset sentire, suscepit. Velle tam ab hujusmodi prædicatoribus querere, cur accepta carne animam dispensatio Mediatores omiserit: nisi forte aut innoxiam sciens medicinæ indigentem esse non crediderit, aut a se alienam putans, redemptionis beneficio non donaverit, aut ex toto insanabilem judicans, curare nequerit, aut ut vitem et quæ nullis usibus

* Am. Er. et MSS., *oppugnanda*.

² Quædam MSS., *judicío*.

1 Am. Er. et Lov., *quod surget*.

apta videretur, abjecerit. Horum duo in ipsum totius hominis Creatorem blasphemus spiritus incredulitate despiunt. Nam primo impotentem, secundo non omnium Deum crediderunt. Quomodo enim docetur Omnipotens, si curare non potuit desperatam? Aut quomodo omnium Deus, si non ipse fecit animam nostram? Duobus vero aliis, uno anima causa nescitur, altero meritum non metitur¹. Aut intelligere causam putandus est anima, qui eam ad accipendam legem, habitu insitae rationis instructam, a peccato voluntariae transgressionis nititur separare? Aut quomodo ejus generositatem novit, qui ignobilitatis virtus dicit esse despactum, prælata carne, quam non statu Dei sicut animam, sed et limo terræ constat esse plasmata? Si autem nihil horum de anima recte sentitur, credamus quia suscepit Redemptor noster hominem totum, ne intercidere quodam modo animæ nostræ videamur beneficium sempiternum. Proh dolor! carnem, inquit, solam Christus assumpsit, animam non quæsivit. Hic si originem utriusque gñarus rerum contemplator attendas, pretiosior est animæ substantia: si transgressionis culpam, propter intelligentiam, pejor est causa. Ego autem Christum et perfectum sapientia scio, et piissimum esse non dubito, quorum primo meliorem et prudentiæ capacem non despexit, secundo eam quæ magis fuerat vulnerata suscepit. Neque enim aut sapientiæ convenit, de duobus æquo suis insipientissimam plus amare; aut perfectæ pietati, magis indigentem non juvisse.

CAPUT XIV. — FEL. Omnia quæ a te non rationabiliter tantum, sed etiam veraciter dicta sunt, et intellexisse me in precedentibus fateor, et probasse non nego: Christi autem divinitas quo pacto mortem sensisse dicatur, ignoro. De quo utrum tu obscure aliquid dixeris, an ego sufficienter dicta ingeni tardiitate assequi non potuerim, nescio. Neque enim credere auiim, quod fons illæ vite, a quo habent universa quod vivunt, per triduum quo in sepulcro corpus jacuit, usque eo a naturæ suæ proprietate deciderit, ut si dici fas est, sepultis sensibus omnem substantiæ vitalis motum amitteret², et propter redemtionem humani generis non Patrem tantum, sed et omnia spiritualis gloria ornamenta deserret.

Avg. (a) Absit, absit a fidelibus ista suspicio, ut sic Christus senserit mortem nostram, ut quantum in se est, vita perderet vitam. Nam si hoc ita eset, quomodo illo triduo potuisse dicimus aliquid vivere, si vite fontem credimus aruisse? Seruit igitur mortem divinitas Christi, participatione humani affectus quem sponte sua suscepit, non naturæ suæ potentiam perdidit, per quam cuncta vivificat. Sic in sepulcro carnem suam commoriendo non deseruit, sicut in utero virginis connascendo formavit: et sic in utroque et nasci et mori, non coactus ab altero, sed sponte Dominus voluit, ut hoc eum constet pertulisse quod fecit: nec ideo non patientem, quia ipse faciebat; nec ideo non facientem quia non aliud tolerabat. Nam si dominice incarnationis mysterium salva individualitate Trinitatis cooperatione consideres, idem sibi in hac humilitate auctor et opus est: idem auctor, qui sponte nascitur, sponte patitur; idem opus, quia utrumque licet non alio cogente, solus tamen ipse perpetuitur. Fecit carnem in utero matris; habes auctorem operis: ipse in hac nasci dignatus est; habes opus auctoris: una triuina persona est, salva utriusque proprietate substantia, et auctoris et operis. Sic ergo mortuus est non discedente vita, sicut passus est non perennte potentia. Nemo auferit animam ejus ab eo; quia potestatem habet ponendi, et potestatem assumendi eam; habes etiam hic auctorem operis: ponit animam pro amicis suis (Joan. x., 18, 17), habes opus auctoris. Quod ut generali definitione concludam: quoties in

carne Christus aliquid patitur, opus auctoris est: sed quia idipsum sua potestate, non alio cogente perpetratur, ipse auctor est operis. Non ergo ad Marianæ locali motu divinitas venit; sed ineffabilis potentia sua manifestatio et uterum matris gigendum inplevit: et quod totum est substantiae sue plenitudine non privavit. Non dimisit patrem cum venit ad virginem, ubique totus, ubique perfectus, quia nec divisionem incorporei simplicitas recipit, et partis nomen plenitudo non novit. Erat ergo uno atque eodem tempore ipse totus etiam in inferno, totus in celo: illuc patiens injuriam carnis, hic non relinquens gloriam deitatis. Erat apud inferos resurreccio mortuorum, erat super celos vita viventium. Vere mortuus, vere vivus: in quo et mortem susceptio mortalitatis exceptit, et vitam divinitas servata non perdidit. Quotiescumque ergo hæc quæ a Christo humiliata sunt tolerata, consideras, ipsum auctorem voluntariae passionis agnoscas. Ita fiet, ut dum humilitas patienti, facienti virtus ascribitur; idem Christus uno atque eodem tempore cum patitur infirmus, cum facit omnipotens doceatur. Sed ne adhuc in morte Filii Dei aliquam insensibilitatem nos credatis accipere, importunum non est quæ de morte sensa sint investigare: in qua sine dubio destituit corpus, vita nostra non periit³; dum discens anima non vim suam perdit, sed quod vivificaverat hoc dimittit, et quantum in se est, alterius mortem facit, ipsa non recipit. Facit, inquam, non vivificando quod deserit, non amittendo quod vivit. Itaque hominis mors nihil aliud quam carnis occasus est: a qua cum vis potentia vivificantis abscesserit, in terram de qua sumpta est, amissis quos non per se ipsam habuit sensibus reddit. Atqui contraria, inquis, vitæ mors est. Fateor: sed non ex eo genere contrariorum, quæ existentis substantiæ oppositione se perimunt; sed ex eorum potius quæ dum cuiilibet accidunt, simul quidem esse non possunt, sed unius tantum substantia habitu ac privatione gigantur. Sicut, verbi gratia, noctem docemus ac diem: nam et hæc ejusdem generis docentur esse contraria, cum non utriusque, sed unius tantum videatur esse substantia. Ecce enim diem dicimus esse, cum sol est super terram: solem autem constat esse substantiam. Hic cum, peracto diurni temporis cursu, ab humani visus contemplatione discesserit, noctem discedendo mox facit. Facil, inquam, subtrahendo copiam luminis, non in se recipiendo substantiam noctis. Itaque una lucis substantia et noctem facere videtur et diem, sed non uno modo. Nam diem cum venit, noctem efficit cum recedit. Unde et Manichæorum non irreligiosam tantum, verum etiam stultam divisionem, qua bona a malis, æque existibns nituntur separare substantiæ, plerumque confundimus: ostendentes eis luminare majus, quo fieri novimus diem; et cogentes ut et ipsi similiter nos docerent, quod esset, si dictu fas est, tenebrale majus⁴, quo substantialiter fieri crederemus et noctem. Sed de his alias, qui per stultitiam blasphemii dogmatis, aut pro existantibus non existantia, aut pro principalibus consecuta, aut pro contrariis videntur affirmare communia. Quæ si quis fidei oculis non privatus excusserit, omnes eorum machinas facili ratione confundit. Ergo, ut dicere cooperamus, anima non aliter quam sol vitam tribuit carni cum venerit, mortem efficit cum recedit. Quam ne quis putet corporis morte consumi, audiatur quid de hoc Dominus in Evangelii generali auctoritate desinat: *Nolite, inquit, timere eos qui corpus occidunt, animam autem non possunt occidere; sed timete eum potius qui animam et corpus potest occidere in gehenna ignis* (Matth. x., 28). Ergo superstite anima corpus constat occidi, et propterea consequens necessario non est, animas corporum interneccione consumi: hoe si ita est, etiam post mortem corporis nibiloninus

¹ Chiffletius et quidam MSS., non videtur.

² Ita Chiffletius et MSS. At Lov. modum amitteret. Am. et Pr., naturam amitteret.

(a) 3 Sent. dist. 21, cap. sicut: et dist. 22, cap. Et quicque.

³ Ita Chiffletius et MSS. At Am. Fr. et Lov., destinatum corpus vita animam nostram non permittit.

⁴ Er., tenebræ majus. M.

mentibus vivitur. Quod si de unoquoque nostrum recte sentitur, quomodo sors vita propter participationem humanæ mortis vivificandi potentiam perdidisse jactatur? Sed potest, inquis, anima et corpus occidi in gehenna ignis. Quod aduersum nos primum idcirco non facit, quia mors ista non conditionis videtur esse, sed criminis. Nam remota culpa jubemur homines non timere, qui cum possint corpus, animam tamen negantur occidere. Dehinc, quoniam hoc Deo tantum esse dicitur possibile, de quo Filium suum unigenitum et communione nature et qualitate potentiae non hoc credimus meruisse. Suscepit ergo Salvator conditionem mortis nostræ, sed non ita ut deteriorem faceret, cum præter consuetudinem dominari eam permittat animæ: sed potius ut nihil hanc obesse animæ pariter justorum omnium probasset et vitæ.

CAPUT XV. — Sed singamus, licet Evangelis clamantibus, animas interire: nonne in Salvatore nostro, licet in his mortem non repellente, tertium tamen atque speciale majestas est, quam non potuit mors humana contingere? Ad summam videamus, in cruce positus quid promisit? *Hodie*, inquit, *mecum eris in paradiso* (*Luc. xxiii, 43*). *Hodie*, inquit, non post triduum, cum carnem meam de sepulcri requie suscitavero; non eum in me primis future resurrectionis ostendero. Cujus putamus haec vox est majestatis? mentis an corporis? Corpus autem in sepulcro¹ suis nullus ignorat: restat ut divinitati vel menti vox ista conveniat. Sed dicit aliquis: Divinitatis hanc, non animæ Christi credimus vocem. Et quid in eo cui promittebatur accipimus? *Hodie* inquit latroni, *mecum eris in paradiso*: cujus corpus usque ad futuram resurrectionem mors communis inclusit. Anima igitur est, cui Dominus hoc promisit et præstít. Si igitur mortuo corpore ad paradisum anima mox vocatur, quemquamne adhuc tam impium credimus, qui dicere audeat, quoniam anima Salvatoris nostri triduo illo corpore mortis apud inferos custodia mancipetur? Et quis, inquis, est alius qui instantे passionis sicut Christus ingemuit, dicens, *Tristis est anima mea usque ad mortem* (*Matth. xxvi, 38*)? Tristis usque ad mortem, propter affectum suscepit carnis; non post mortem, cum beatitudinem spondet societas deitatis. Non initium mortalitatis mors ista, sed finis est: nec incipiunt post hanc justorum flagella, sed desinunt; cum et impedimenta materie fluctuantis exponunt², et auctore suum plenioris intelligentiae contemplatione iam capiant.

CAPUT XVI. — Ergo, inquis, mortem Dei Filius et in anima non pertulit, et in majestate non sensit?

¹ Chiffletius et MSS., *in spelæo*.
² Sola editio Lov., deponunt.

Quid ergo dicebas esse quod pertulit? Sensit prorsus et pertulit; sed participatione morbi alieni, non proprietate vulneris sui. Sensit sicut omnes sentiunt, qui moriente carne mentibus vivunt: non sicut impi, qui in utraque, sicut idem ait, gehennæ ignibus occiduntur. Quidam sane communem mortem etiam hoc pacto deliniunt, dicentes, nihil aliud hanc esse, quam cum diversarum rerum consensu vitam facientium, velut per discidium quoddam ab invicem fuerit facta dissensio. Ille si hominis mors est que non consumit juncta, sed dividit, dum origini sua utrumque restituit; quid de Salvatoris anima nunc dicemus, que ut non dicam propter inhabitantem divinitatem, et propter justitiam singularem, certe propter communem moriendo sortem corpus illo triduo sic potuit deserere, ut ipsa non posset penitus interire?

CAPUT XVII. — Non ergo, inquis, apud inferos Christi anima, non divinitas fuit. Fuit, inquam: neque aliter eum video potuisse resuscitare carnem suam, si apud inferos predicem velut absens Dei non fuisse potentiam. Nec tamen ideo localem nos Dei credit aliquis presentiam praedicare, de quo ista propter manifestationem certi operis dicimus, quia alicubi fuit qui ubique non defuit. Jacobat quantum ad carnem mortuus in sepulcro, mortuos resuscitans in inferno, vitam tribuens universis in celo: non mundum dimittens ad celos ascendit, nec celum deserens ad terram venit, sed uno atque eodem tempore totum totus implevit, qui alicubi manifestatione operum plus parens, agitionem presentiae sue indignis negavit, non immensæ deitatis absentiam procuravit.

CAPUT XVIII. — Vis nosse de hac Mediatoris morte quid sentiam? Omnia que a me in superioribus incidentium questionum necessitate dispersa sunt, prorsus ista sententia est, qua credo mortuum esse Filium Dei, non secundum pœnam injustitiae quam ex toto non habuit, sed secundum legem naturæ quam pro humani generis redēptione suscepit: illa morte de qua dicitur, *Quis est homo qui vvel, et non ridebit mortem* (*Psal. lxxxviii, 49*)? non illa de qua Isaías dicit, *Mortui autem vitam non videbunt* (*Isai. lxvi*). Illa quæ secundum naturam generalis est cunctis, non illa quæ specialis est malis. Putemus ergo in hoc esse quoddam modum vim ac potentiam seminis, quia et anima animas reparat; et carne omnium nostrum carnem iudicio imminentem resuscitat: dum per operationem propriæ deitatis cuncta vivificans, ex uno suscepti hominis grano, innumerabilem Patri redditurus est messem. Tunc separaturus est a zizaniis segetem (*Matth. xiii, 30*), cum justis cœperit reddere mercedem.

QUÆSTIONES DE TRINITATE ET DE GENESI, EX ALCUINO DESCRIPTÆ (a).

QUESTIO PRIMA. Quomodo Deus vere sit unitas et vere trinitas. **RESPONSIO:** Unitas in substantia, trinitas in personis.

II. INTERROGATIO. Quid sit proprium unicuique personæ in sancta Trinitate. **RESP.** Proprium est Patris quod solus est Pater, et quod ab alio non est nisi a se. Proprium est Filii, quod a Patre genitus est solus a solo, coæternus et consubstantialis genitori. Proprium est Spiritus sancti, quod nec ingenitus nec genitus est, sed a Patre et Filio æqualiter procedens.

III. INT. Quare Spiritus sanctus non debet ingenii-

(a) Alcuini de Trinitate Quæstiones 28 ad Fredegism.

tus vel genitus dici? **RESP.** Quia si ingenitus diceretur sicut Pater, duo patres; si genitus, duo filii æstimari possent in sancta Trinitate.

IV. INT. Utrum solus Pater, aut solus Filius, aut Spiritus sanctus per se plenus Deus et perfectus dei debeat? **RESP.** Utique Pater per se est plenus Deus, similiter et Filius plenus Deus, et Spiritus sanctus plenus Deus creditur.

V. INT. Si unaquaque persona per se plenus Deus dici potest, quare non tres deos dicimus Patrem et Filium et Spiritum sanctum? **RESP.** Quia una substantia est Pater et Filius et Spiritus sanctus, et non

tres substantiae. Proinde unitas substantiae tres deos prohibet dicere vel credere.

VII. INT. Dum tres personas dicimus, Patrem et Filium et Spiritum sanctum, quare non tres deos, nec tres omnipotentes, nec tres bonus, nec tres magnos dicere fas est? **RESP.** Quia Deus, et omnipotens, et magnus, et bonus, et aeternus, substantialia nomina sunt, et ad se dicuntur; ideo non licet ea plurali numero dicere, sed singulari: et omne nomen quod substantiam Dei vel essentiam significat, semper singulari numero proferendum est. Pater autem, et Filius, et Spiritus sanctus, relativa sunt nomina; et ideo tres personae recte dicuntur.

VIII. INT. Quomodo relativa? **RESP.** Secundum dialecticam, relativa nomina sunt, que ad aliud aliquid referuntur; sicut dominus ad servum, et servus ad dominum; pater ad filium, filius ad patrem. Prorsus cum dico patrem, filium significo, quia non est pater, nisi filius sit cui sit pater: item non est filius, nisi pater sit cui sit filius.

VIII. INT. Utrum Spiritus sanctus relative vel substancialiter dicatur? **RESP.** Utique relative, quia spiritus alienus spiritus est: sed non sicut in Patre et Filio relationis regula tenetur in eo.

X. INT. Quare aequali non habet relationis regulam Spiritus sanctus, sicut Pater et Filius? **RESP.** Quia circumferri potest Patris et Filii nomen ad invicem, ut si dicamus Pater Filii Pater, et Filius Patris Filius: non ita duplaci relationis circumversio in nomine sancti Spiritus inveniri potest.

X. INT. Quia necessitate accidit, ut ita non circumferri possit Spiritus sancti relatio? **RESP.** Quia recte dicere possumus Spiritum sanctum Patris et Filii Spiritum: sed converso ordine non possumus dicere, Patrem Spiritus sancti, sicut dicimus Patrem Filii, ne duo filii in sancta Trinitate testimentur. Item non possumus dicere, Filium Spiritus sancti, sicut dicimus Filium Patris, ne duo patres in sancta Trinitate intelligentur. Dicimus itaque Spiritum sanctum Patris et Filii, sine reciprocatione conversionis nominum relativorum.

XI. INT. Utrum inseparabilia sint opera sanctae Trinitatis? **RESP.** Utique quidquid operatur Trinitas sancta, inseparabiliter haec eadem operatur; quia una est Trinitatis operatio, sicut una est substantia, essentia, et voluntas.

XII. INT. Utrum sancta Trinitas in personis separabilis sive inseparabilis dicenda est, dum alias est Pater, alias Filius, alias Spiritus sanctus? **RESP.** Vere alias est Pater quam Filius in persona, sicut Filius alias est in persona quam Pater, et Spiritus sanctus alias est in persona quam Pater et Filius: non tamen alind ille vel ille in natura, vel in deitate, aut in essentia. Nec enim Patrem potes dicere, nisi Filium intelligas; nec Spiritum sanctum, nisi intelligas cuius Spiritus sit. Quocirca omni modo inseparabilis est sancta Trinitas, sicut in operibus, sic etiam in personis dicenda.

XIII. INT. Si ad solam Patris personam pertineat quod dicitur, *Qui facit mirabilia magna solus* (*Psal. LXXI, 18*)? et Apostolus, *Qui solus habet immortalitatem* (*1 Tim. vi, 16*)? **RESP.** Nullatenus ad solam Patris personam pertinet, dum dicitur solus Deus, sive in Novo, sive in Veteri Testamento, et quod Deus solus sive hoc sive illud habeat vel faciat: sed ad totam Trinitatem sanctam, qua est unus Deus omnipotens, omnia faciens quae in celo et in terra.

XIV. INT. Quomodo beatus Joannes evangelista dicit, *Deum nemo vidit unquam* (*Joan. i, 18*)? et ipse Dominus in alio loco, *Beati mundo corde, quoniam ipsi Deum videbunt* (*Matth. v, 8*)? et Apostolus invisibilem Deum dicit (*1 Tim. i, 17*)? **RESP.** Videri enim potest Deus, id est, intelligi secundum sue donum gratiae, sive ab Angelis, sive ab animabus sanctorum: plenam vero divinitatis naturam nec angelus quilibet, nec sanctorum aliquis perfecte intelligere poterit; ideo incomprehensibilis dicitur Deus.

XV. INT. Quod sanctis summum promittitur premium aeterna Dei visio, an aequaliter videbunt vel intelligent? **RESP.** Nullatenus aequaliter omnes vel Angeli vel animae sanctorum Deum vel nunc vident, vel post resurrectionem videbunt: sed secundum donatoris dispensationem et meritorum qualitatem. Unusquisque tantum sufficientem in eius visione suis meritis habebit beatitudinem, nec plus queret quam habebit, nec se minus habere quam volet dolebit.

XVI. INT. An aliud distet in Deo, esse, vivere, intelligere, posse? **RESP.** Nullatenus aliud est in Deo esse, aliud vivere, vel aliud intelligere, vel aliud posse: quia Deus eo ipso quo est, vivit; et eo quo vivit, intelligit; et eo quo intelligit, potest; et eo quo potest, est: quia simplex deitatis natura unum habet esse, vivere, intelligere, et omnia potest. Sed non est ita in nobis, dum aliud est in natura nostra vivere, aliud intelligere, aliud posse. In Deo vero haec omnia unum atque idem sunt.

XVII. INT. Utrum de Filio sicut dicitur lumen delumino, Deus de Deo, potest dici omnipotens de omnipotente, bonus de bono, magnus de magno, et cetera talia? **RESP.** Regulariter utique tenere debemus, quod omnia naturae nomina aequaliter de Filio dici possunt sicut de Patre: id est, sicut dicitur Deus de Deo, lumen de lumine; ita dicendum est, omnipotens de omnipotente; bonus de bono, magnus de magno: sed non ita in relativis.

XVIII. INT. Sed quomodo in relativis nominibus dicendum est? **RESP.** Non possumus dicere Verbum de Verbo, quia relativum nomen est Verbum, quod solus est Filius; sicut dicimus Deum de Deo, quod non est solus Filius: nec Imaginem de Imagine, quia solus est Filius Imago (*Il Cor. iv, 4; Coloss. i, 15*); sicut dicimus lumen de lumine, quod non est solus Filius, quia substantiale nomen est lumen.

XIX. INT. Numquid aliud lumen est Pater, et aliud Filius? **RESP.** Nequaquam aliud, sed unum lumen est Pater et Filius, sicut una substantia. Ideo recte dicitur lumen de lumine, sicut Dens de Deo. Sicut enim unus est Deus Pater et Filius, ita unum lumen.

XX. INT. Legimus, Apostolo dicente, Christum Dei esse virtutem et Dei sapientiam (*1 Cor. i, 24*); numquid Pater non habet in se sapientiam, vel virtutem, nisi in Filio, quem Apostolus sapientiam Dei et virtutem nominavit? **RESP.** Plurimi ita arianam destruunt impietatem, dicentes impium esse credere unquam Deum Patrem esse sine sua sapientia, aut sine sua virtute. Sed melius est intelligere Patrem esse sapientiam et virtutem; immo et Spiritum sanctum sapientiam et virtutem: non tamen tres virtutes, nec tres sapientias; quia sapientia substantiale nomen est, sicut virtus. Nec aliud est in Deo esse, aliud sapere, aliud posse: sed unum est Deo esse, sapere, posse.

XXI. INT. Utrum ad solam sancti Spiritus personam pertineat charitas, dum apostolus dicit, *Deus charitas est* (*1 Joan. iv, 16*), qui dilectio Patris et Filii esse legitur? **RESP.** Nullatenus ita Spiritus sanctus charitas intelligitur, quasi non sit Pater et Filius charitas. Sicut Spiritus sanctus est charitas, ita et Pater est charitas, et Filius est charitas: non tamen tres charitates, sed una charitas. Sed quia Spiritus sanctus donum Dei proprium dicitur (*Act. ii, 38 et viii, 20*), et nullum Dei donum charitate maius est, immo sine eo nullum donum ad perpetuam hominem deducere poterit beatitudinem, proinde Spiritus sanctus proprium dicitur charitas (*Rom. v, 5*).

XXII. INT. Numquid impii dona Dei habent? **RESP.** Habent utique per enim, qui illuminat omnem hominem venientem in hunc mundum (*Joan. i, 9*). In eo enim sumus, inovemur, et vivimus (*Act. xvii, 28*). bona sunt enim dona Dei, sive qui bene utuntur illis. Ideo charitas singulare est in sanctis donum, in qua filii Dei discernuntur a filiis impietatis.

XXIII. INT. Quare si Deus totus ubique est, in celo dicitur magis habitare quam in terra? **RESP.**

Quia major est cognitione in sanctis Angelis animabus que sanctorum divinitatis, cum sint apud Deum in celis, quam in terris: sicut enim in hoc mortali corpore quidam magis intelligent divinam substantiam, quidam minus; ita et in celo magis dicitur Deus esse quam in terra, quia plenius ejusdem substantia intelligitur ab inhabitatoribus celi quam terrae incolis.

XIV. INT. Si una substantia est Pater et Filius et Spiritus sanctus, quare solus Filius incarnatus dicitur? RESP. Quia alia est persona Filii, alia Patris, alia Spiritus sancti. Et sola quidem persona Filii incarnata est, operante tamen eamdem incarnationem tota sancta Trinitate, cujus opera sunt inseparabilia.

XV. INT. Deum in Symbole catholicum cantari solet Dei Filium de Spiritu sancto et Maria virginem incarnatum; quare non dicitur Filius Spiritus sancti, sicut dicitur beatae Virginis? RESP. Non utique sic de illo sicut de illa natus est Filius Dei. De illa siquidem, id est, sancta Virgine natus est Filius Dei sicut de matre: non de illo, id est, Spiritu sancto, sicut de patre, ne duo patres dicerentur in sancta Trinitate.

XVI. INT. Si una natura est Patris et Filii, et Filius incarnatus plenus est Deus et perfectus, quomodo non Pater incarnatus est? RESP. Filius plenus est Deus et perfectus, qui solus incarnatus est, et homo factus est. Nam ignis una substantia est, sed aliud in igne facit calor, aliud lux. Lux illuminat, calor calorem et lucem.

XVII. INT. Utrum divinitas cum carne concepta et nata et passa est, et cetera quae humanitatis propria esse noscuntur? RESP. Utique divinitas sue carnis conceptione concepta est, et nativitate nata, sensuque participatione humani affectus mortem, quam sponte suscepere, non naturae sue potentiam perdens, per quam cuncta vivificat. Et ipse auctor qui sponte natus est, passus est. Et idem opus,

quia utrumque unus, licet non alio cogente, solus tamen ipse perpetetur, salva divinitatis impassibilitate.

XXVIII. INT. Ex qua natura dicit, *Potestatem habeo ponendi animam meam (Joan. x, 18)*? RESP. Omnia que in Christo sunt operum auctoritas ex divinitate est: tamen carni convenit dicere, *Potestatem habeo ponendi animam meam*, non divinitati. Divinitas enim non dimisit animam postquam assumpsit eam in utero virginis, caro dimisit dum emisit spiritum in cruce Christus.

XXIX. (a) INT. Quomodo convenit quod in Genesi legitur, *Requievit Deus die septimo ab omnibus operibus suis (Gen. ii, 2)*; et in Evangelio, *Pater meus usquemodo operatur, et ego operor (Joan. v, 17)*? RESP. Requievit a novarum conditione creaturarum, non a conditum gubernatione. Et ideo Deus tunc creator in sex dierum creatione putandus est, nunc vero gubernator in totius mundi naturis.

XXX. INT. Quot creaturas rationales condidit Deus? RESP. Duas, angelicam et humanam; et cœlum Angelis, et terram hominibus habitationem.

XXXI. INT. Quare angelicum peccatum silentio in Genesi absconditum est, et hominis patefactum est? RESP. Quia angelicum vulnus Deus non praedestinavit curare, hominis vero sanare praedestinavit.

XXXII. INT. Cur summi angeli peccatum insanabile fuit, et hominis sanabile? RESP. Quia angelus suis sceleris inventor fuit, homo vero alterius fraude seductus. Item quanto sublimior angelus in gloria, tanto major in ruina. Homo vero quanto fragilior in natura, tanto facilior ad veniam.

XXXIII. INT. Cur homo sue potestatis creatus auctor est? RESP. Ut ipse sibi auctor esset ad vitam, sive ad mortem. Si vero necessitatibus esset subiectus, tunc nec boni operis haberet gloriam, nec mali peccatum, sed esset quasi unus ex pecoribus.

(a) Reliquæ sunt ejusdem Alcuini in Genesim.

DE INCARNATIONE VERBI

AD JANUARIUM

LIBRI DUO,

COLLECTI EX ORIGENIS OPERE ΠΕΡΙ ΑΡΧΩΝ, JUXTA VERSIONEM RUFFINI.

LIBER PRIMUS.

CAPUT PRIMUM. — *Recolligit ea quæ de Deo ab Apostolis sunt prædicata.* (a) Species vero¹ eorum quæ per prædicationem apostolicam manifeste traduntur, istæ sunt. Primo quod unus est Deus qui omnia crevit atque composuit, quique cum nihil essent, esse fecit universa. Deus a prima creatura et conditione mundi omnium justorum, Deus Adam, Abel, Seth, Enos, Enoch, Noe, Sem, Abraham, Isaac, Jacob, duodecim Patriarcharum, Moysi et Prophetarum. Et quod hic² Deus in novissimis diebus, sicut per Prophetas suos ante promiserat, misit Dominum Iesum Christum, primo quidem vocatum Israel, secundo vero etiam gentes post perfidiam populi Israel. Hic Deus justus et bonus, Pater Domini nostri Iesu Christi, Legem et Prophetas et Evangelia ipse dedit, qui et Apostolorum Deus est, et Veteris ac Novi Testamenti. Tum deinde quia Jesus Christus qui venit ante omnem creaturam, natus ex Patre est: qui cum in omni conditione Patri ministrasset (*per ipsum namque omnia facta sunt (Joan. i, 3)*), novissimis

temporibus se ipsum exinaniens homo factus est, incarnatus est cum Deus esset, et homo factus mansit quod erat Deus. Corpus assumpsit nostro corpori simile, eo solo differens, quod natum ex virgine et Spiritu sancto est. Et quoniam hic Deus Jesus Christus natus et passus est in veritate, non per phantasiam, communem hanc mortem vere mortuus est³. Vere enim et a mortuis surrexit, et post resurrectionem conversatus cum discipulis suis assumpsit est. Tum demum natura, honore ac dignitate Patri ac Filio⁴ sociatum tradidit Spiritum sanctum. Sane quod iste Spiritus sanctus unumquemque sanctorum vel Prophetarum vel Apostolorum inspiraverit, et non aliud spiritus in veteribus, aliud vero in his qui in adventu Christi inspirati sunt, fuerit, manifestissime in Ecclesia prædicatur.

CAPUT II. — *Animæ liberum arbitrium et origo.* Post haec anima quod jam substantiam vitamque habens propriam, cum ex hoc discesserit mundo, pro suis meritis dispensabitur, sive vitae æternæ ac beatitudinem prædicatur.

¹ Hic addimus, vero, ex MSS. Vaticano et Victorino; quod etiam apud Origenem legitur.

² Victorinus MS., *hoc.*

(a) Ex Proemio libri I peri arcen.

³ Ms. Victorinus, *passus in veritatem, et non per phantasiam communicavit hanc mortem vere mortuus. Vere enim.*

⁴ Ms. omittunt, *Patri ac Filio.*

tudinis haereditate potitura, si hoc ei sua gesta praestitriat: sive aeterno supplicio mancipanda, si in hoc eamdem scelerum culpa detorserit. Sed et erit tempus resurrectionis mortuorum, cum corpus hoc quod nunc in corruptione seminatur, surget in incorruptione; et quod seminatur in ignominia, surget in gloria (*1 Cor. xv. 42. 43*). Est et illud definitum in ecclesiastica prædicatione, omnem animam esse rationalem, liberi arbitrii et voluntatis: esse quoque ei certamen aduersus diabolum et angelos ejus contrariisque virtutes, ex eo quod peccatis eam illi onerare contendant, nos vero si recte consulte vivamus, ab hujuscemodi labe nos exuere conemur. Unde et consequens est intelligere, non nos necessitatibus esse subjectos, ut omnino, etiam si nolimus⁴, vel bona vel mala agere cogamur. Si enim nostri arbitrii sumus, impugnare nos fortasse possunt aliquas virtutes ad peccatum, et aliæ juvare ad salutem: non tamen necessitate cogimur, vel recte agere vel male; quod fieri arbitrantur hi qui stellarum cursum et motus, causam dicunt humanorum esse gestorum, non solum eorum quae extra arbitrii accidentum libertatem, sed eorum quae in nostra posita sunt potestate. De anima vero utrum ex seminis traducatur, ita ut ratio ipsius, vel substantia inserta ipsis corporalibus seminibus habeatur: an vero alius habeat initium: et hoc ipsum initium si est genitum, aut non genitum: vel certe si extrinsecus corpori inditur, necne, non satis manifesta prædicatione distinguuntur.

CAPUT III. — *De diaboli statu.* De diabolo quoque et angelis ejus contrariisque virtutibus ecclesiastica prædicatione docuit, quoniam sint quidem haec: que autem sint, aut quomodo sint, non satis clare exposuit. Apud plurimos tamen ista habetur opinio, quod angelus fuerit iste diabolus, et apostata effectus quam plurimos angelorum secum declinare persuascri, qui et nunc usque angeli ipsius nuncupantur.

CAPUT IV. — *Mundi principium et finis.* Est et præterea illud in ecclesiastica prædicatione, quod inundus iste factus sit, et a certo tempore coepit, et si pro ipsa sui corruptione solvendus. Quid tamen ante hunc mundum fuerit, aut quid postmodum erit, non jam pro manifesto multis innotuit. Non enim evidens de his in ecclesiastica prædicatione sermo profertur.

CAPUT V. — *Scripturæ sensus arcanus.* Tum deum quod per Spiritum Dei Scripturæ conscriptæ sint, et sensum habent, non eum solum qui in manifesto est, sed et aliud quendam latenter quam plurimos. Formæ enim sunt haec que describuntur sacramentorum quorundam, et divinarum rerum imagines: de quo totius Ecclesie una sententia est, esse quidem omnem Legem spiritualem; non tamen ea qua spirat Lex esse hominibus nota, nisi iis solum quibus gratia Spiritus sancti in verbo sapientiae ac scientiae condonatur (*a*).

CAPUT VI. — *Boni angelii.* Est etiam illud in ecclesiastica prædicatione, esse angelos Dei quosdam et virtutes bonas, quae ei ministrant ad salutem hominum consummandam: sed quando isti creati sint, vel quales aut quomodo sint, non satis in manifesto distinguuntur.

CAPUT VII. — *Quomodo indaganda neritas.* Oportet igitur velut elementis ac fundamentis hujusmodi ut secundum mandatum, quod dicit, *Illuminate votis lumen scientiæ*: omnis qui cupit seriem quamdam, et corpus ex horum omnium ratione perficere, ut manifestis et necessariis assertionibus de singulis quibusque quid sit in vero rinetur, et unum, ut diximus, corpus efficiat, exemplis et affirmationibus, vel iis quas in sanctis Scripturis invenierit, vel quas consequenter ipsius indagine ac recti tenore repererit.

CAPUT VIII. — *Filius absque initio natus.* (*b*) Nos semper Deum Patrem novimus unigeniti Filii sui, ex

ipso quidem nati, et quod est ab ipso trahentis, sine ullo tamen initio: non solum eo quod aliquibus temporum spatiis distingui non potest, sed ne illo quidem, quod sola apud semetipsam mens intueri solet, et nudo, ut ita dixerim, intellectu atque animo conspici. Extra omne ergo quod vel dici vel intelligi potest initium, generatam esse Sapientiam credendum est. In hac ipsa ergo Sapientiæ subsistentia, quia omnis virtus ac deformatio futura inerat creature, vel eorum que principaliter existunt, vel eorum que accidunt consequenter virtute præscientiæ præformata atque disposita: pro iis ipsis, que in ipsa sapientia velut descripta ac præfigurata fuerant creaturis, se ipsa per Salomonem dixit creatam esse Sapientia initium viarum Dei (*Prov. viii. 22*), continens scilicet in semetipsa universæ creature vel initia, vel rationes, vel species. Quali autem modo intelleximus Sapientiam initium viarum Dei esse, et quomodo creata esse dicitur, species scilicet in se et rationes totius præstantibus et continens creaturæ, hoc modo etiam Verbum Dei esse intelligendum est: per hoc quod ipsa ex alteris omnibus, id est, universæ creature, mysteriorum et arcanorum ratione, que utique intra Dei Sapientiam continentur, aperiatur: et per hoc Verbum dicitur, quod sit tanquam arcanorum mentis interpres. Joannes in initio Evangelii sui propria definitione Deum esse definens Verbum, dicit: *Et Deus erat Verbum, et hoc erat in initio apud Deum (Joan. i. 1)*. Qui autem dat initium Verbo Dei vel Sapientiæ Dei, intuere ne magis in ipsum ingenitum Patrem impietatem suam jactet, cum eum neget semper Patrem fuisse, et genuisse Verbum, et habuisse Sapientiam in omnibus anterioribus vel temporibus vel saeculis, vel si quid illud est quod nominari potest.

CAPUT IX. — *Rationes exemplares in Verbo.* Hic ergo Filius, etiam omnium que sunt, veritas est, et vita, et via, (*Id. xiv. 6*). Et recte. Nam quomodo viverent que facta sunt, nisi ex vita? Vel quomodo veritate constarent ea que sunt, nisi ex veritate descenderent? Vel quomodo rationales esse possent substantiae, nisi verbum vel ratio præcederet? Vel quomodo possent esse sapientes, nisi esset sapientia? Via factum est Verbum Dei et Sapientia, que via idcirco dicitur, quod ad Patrem ducit eos qui incedunt per eam. Quocumque ergo dixerimus de Sapientia Dei, haec etiam convenienter aptabuntur, et intelligentur pro eo quod Filius Dei vita est, et pro eo quod verbum est, et pro eo quod veritas est, et pro eo quod via est, et pro eo quod resurrectio est: quia haec omnes appellations ex operibus ejus ac virtutibus nominatae sunt; et in nulla harum vel levi opinione intelligi corporale aliquid potest, vel quod magnitudinem designare videatur, vel habitum, vel colorem.

CAPUT X. — *Incogitabilis Verbi nativitas.* Verum quoniam ii qui apud nos filii hominum videntur vel ceterorum animalium, semini eorum a quibus semi-nati sunt, respondent, vel etiam earum in quarum utero formantur ac nutritur, habentes ex his quidquid illud est quod in lucem hanc assumunt ac deferrunt processuri: infandum est et illicitum, Deum Patrem in generatione unigeniti Filii sui, atque in substantia ejus exquirere aliqui vel hominum vel aliorum animalium generanti. Sed necesse est exceptum aliquid esse, ei Deo dignum, cuius nulla prorsus comparatio, non in rebus solum, sed ne in cogitatione quidem vel sensu inveniri potest, ut humana cogitatio possit apprehendere, quomodo ingenitus Dens Pater efficitur unigeniti Filii. Est ita namque exteriora ac semipermana generatio, sicut splendor generatur ex luce. Non enim per adoptionem spiritus, Filius fit extrinsecus: sed natura Filius est. Videamus tamen quomodo haec que dicimus etiam divinæ Scripturæ auctoritate muniantur. Ait apostolus Paulus, unigenitum Filium imaginem esse invisibilis Dei, et primogenitum eum esse totius creaturæ (*Coloss. i. 15*). Ad Hebreos vero scribens de eo di-

⁴ Victorinus Ms., volumus.

(a) sic nonnulla Origenis prætermissa.

(b) Deinceps ex capite 2 libri I peri nichon.

et, quod sit *splendor gloriae*, et *figura expressa substantiae ejus* (*Hebr. 1, 3*). Invenimus etiam nihilominus in *Sapientia*, quae dicitur *Salomonis*, descriptionem quamdam de *Dei Sapientia*, hoc modo scriptam: *Vapor est enim, inquit, virtutis Dei, et æterna, id est, emanatio gloriae Omnipotentis purissima*. Ideo ergo nihil commaculatum in eam incidere potest. *Splendor est enim lucis aeternæ, et speculum immaculatum inoperationis Dei, et imago bonitatis ejus* (*Sap. vii, 25, 26*). *Sapientiam vero Dei dicimus*, sicut superius diximus, subsistentiam habentem non alibi nisi in eo qui est initium omnium, ex quo nata est. Quæ *Sapientia*, quia ipse est qui est solus natura Filius, idcirco et *Unigenitus* dicitur.

CAPUT XI. — *Verbum imago Patris*. Videamus sane quid intelligi debeat etiam de hoc, quod *imago invisibilis Dei* dicitur, ut per hoc advertimus quomodo Deus recte Pater dicitur Filius sui. Et consideremus primo ex iis quæ consuetudine hominum imagines appellari solent. *Imago interdum dicitur ea quæ in materia aliqua, id est, ligni vel lapidis depingi vel sculpi solet*. *Interdum imago dicitur ejus qui genuit is qui vatus est*, cum in illo similitudinem *lineamenta ejus qui genuit in eo qui natus est* mentiuntur. Puto ergo posse priori quidem exemplo aptari eum qui ad *imaginem et similitudinem Dei primus factus est horum inum, de quo diligenter, Deo favente, cum locum ipsum in Genesi exponere coperimus*, videbimus. Secundæ vero comparationi *imago Filii Dei*, de quo nunc sermo est, comparari potest, etiam secundum hoc quod *invisibilis Dei invisibilis imago est*. Sicut secundum historiam dicimus *imaginem Ad e esse filium ejus Seth*. Ita enim scriptum est, *Et genuit Adam Seth secundum imaginem suam, et secundum speciem suam* (*Gen. v, 5*). Que *imago* etiam *naturæ ac substantiae Patris ac Filii* continet unitatem. Si enim omnia quæ fecit Pater, hæc et Filius similiter facit (*Joan. v, 19*): in eo quod ita fecit omnia Filius sicut Pater, *imago Patris deformatur in Filio*, qui utique natus ex eo est velut quædam voluntas ¹ ex mente procedens. Et ideo ego arbitror, quod sufficere debet voluntas Patris ad subsistendum hoc quod vult Pater. Volens enim non alia via uititur, nisi quæ consilio voluntatis profertur. Ita ergo et Filius ab eo subsistentia generatur, quod necesse est in primis suscipi ab his qui nihil *ingenitum*, id est, inuitum præter solum Deum fatentur Patrem. Observandum namque est, ne quis incurrit in illas absurdas fabulas eorum qui prolationes quasdam sibi ipsis depingunt, ut divinam naturam in partes vocent, et Deum Patrem, quantum in se est, dividant: cum hoc de incorporeâ natura vel leviter suspicari non solum extremæ impietatis sit, verum etiam ultimæ insipientiæ, nec omnino vel intelligentiam consequens, ut incorporeæ naturæ substantialis divisio possit intelligi. Magis ergo sicut voluntas procedit ex mente, et neque partem mentis aliquam secat, neque ab ea separatur aut dividitur, tali quidem specie putandus est Pater. *Filium genuisse, imaginem scilicet suam: ut sicut ipse invisibilis est per naturam, ita imaginem quoque invisibilem genererit*. Verbum enim est Filius, et ideo nihil in eo sensibile intelligendum est. *Sapientia est, et in sapientia nihil corporeum suspicandum est*. *Lumen est verum, quod illuminat omnem hominem reuidentem in hunc mundum* (*Id. 1, 9*): sed nihil habet commune ad solis hujus lumen. (a) *Imago ergo est invisibilis Dei Patris* *Salvator noster: quantum ad ipsum quidem Patrem* veritas, quantum autem ad nos quibus revelat Patrem, *imago est per quam cognoscimus Patrem, quem nemo aliud novit nisi Filius, et cui voluerit Filius revelare* (*Matth. xi, 27*). Revelat autem per hoc quod ipse intelligitur. A quo enim ipse fuerit intellectus, consequenter intelligitur et

Pater, secundum hoc quod ipse dixit, *Qui vidit me, vidit et Patrem* (*Joan. xiv, 9*).

CAPUT XII. — *Christus figura substantiae paternæ*. Sed quoniam sermonem Pauli inseruimus de Christo dicentis, in eo quod ait, quia *splendor est gloriae Dei, et figura expressa substantiae ejus* (*Hebr. 1, 3*); quid de hoc sentiendum sit, videamus. *Deus lux est*, secundum Joannem (*1 Joan. 1, 5*). Splendor ergo lucis est unigenitus Filius, ex ipso inseparabiliter, velut splendor ex luce procedens, et illuminans universam creaturam. Secundum hoc namque superius exposuimus, quomodo via sit et ducat ad Patrem: et quomodo Verbum sit, arcana sapientie et scientie mysteria interpretans, ac proferens rationabili creatura: quomodo etiam veritas, vel vita est, vel resurrectio est ². Consequenter intelligere debemus etiam splendoris opus. Per splendorem namque quid sit lux ipsa cognoscitur et sentitur. Qui splendor fragilibus se et infirmis mortalium oculis placidius ac lenius offens, et paulatim velut edocens et assuescens claritatem luminis pati, cum ab eis dimoverit omne quod visum obducit et impedit, secundum quod dixit Dominus, *Ejice trabem de oculo tuo* (*Matth. vii, 5*), capaces eos efficit ad suscipiendam gloriam lucis, etiam in hoc velut quidam mediator hominum ac lucis effetus. Verum quoniam non solum splendor gloriae esse dicitur ab Apostolo, sed et *figura expressa substantiae vel subsistentiae ejus* (*Hebr. 1, 3*); non mihi videtur otiosi esse intellectus, advertere quomodo alia præter ipsam *Dei substantiam vel subsistentiam*, quecumque illa substantia vel subsistentia dicitur, figura substantiae ejus esse dicatur. Et vide ne forte quoniam Filius Dei, qui et Verbum ejus et *Sapientia* dicitur qui et solus novit Patrem, et revelat quibus vult (*Matth. xi, 27*): id est, qui capaces verbi ipsius et sapientiae fuerint, secundum hoc ipsum quod intelligi atque cognosci Deum facit, figuram substantiae vel subsistentiae ejus dicatur exprimere: id est, cum in semetipsa primum describit *Sapientia* quæ revelare vult ceteris, ex quibus ab illis cognoscitur et intelligitur Deus: et hæc dicitur figura expressa substantiae ejus. Ut autem plenus adhuc intelligatur quomodo Salvator figura est substantia vel subsistentia Dei, utamur etiam exemplo, quod quamvis rem non plene nec proprie significet de qua agimus, tamen ad hoc solum videatur assumptum, quod exinanientur se Filius qui erat in forma Dei (*Philipp. ii, 6*), per ipsam sui exinanitionem studui nobis divinitatis plenitudinem demonstrare. Verbi gratia: si facta esset aliqua statua talis quæ magnitudine sui universum orbem terræ teneret, et pro sui immensitate considerari a nullo posset, fieret autem alia statua membrorum habitu ac vultus lineamentis, specie ac materia per omnia similis absque magnitudinis immensitate, pro eo ut qui illam immensam considerare atque intuiri non possent, hanc videntes illam se videisse considerent, pro eo quod omnia, id est membrorum vel vultus lineamenta, vel ipsam speciem materiamque similitudine prorsus indiscreta servaret; tali quædam similitudine exinanientur se Filius Dei de æqualitate Patris, et viam nobis cognitionis ejus ostendens figura expressa substantiae ejus efficitur: ut qui in magnitudine claritatis sua ³ positam gloriam meræ lucis non poteramus aspicere, per hoc quod splendor nobis efficitur, intuendæ divina lucis viam, per splendoris capianus aspectum. Comparatio sane de status quasi in rebus corporalibus ⁴ posita, ad nihil aliud recipiatur quam ad hoc, quod Filius Dei brevissime insertus humani corporis formæ, ex operum virtutisque similitudine, Dei Patris in se immensam atque invisibilem magnitudinem designat, per hoc quod dicebat ad discipulos suos, quia, *Qui vidit me, vidit et Patrem* (*Joan. xiv, 9*); et, *Ego, et Pater unus sumus* (*Id. x, 30*). Quibus et illud

¹ *Mss., nulla similitudinum* *æugenies, in nullo*.

² *Mss. addunt, ejus.*

(a) Hæc verba sacerdoti translatæ a Hieronymi ejus istola 59 ad Avitum, cap. 1; et August. de Haeres. 45.

³ *Mss., oratio. Forte pre, ratio.*

⁴ *Mss., divinitatis sue.*

⁵ *Mss., materialibus.*

simile intelligendum est quod ait, quia *Pater in me, et ego in eo* (*Joan. xiv.*, 10).

CAPUT XIII. — *Filius vapor virtutis divinae*. Videamus nunc etiam illud qualiter sentiendum est, quod in Sapientia Salomonis scriptum legimus, qui ita ait de Sapientia, quia *Vapor est quidam virtutis Dei, et à trép̄oia, id est, emanatio Omnipotentis gloria purissima, et splendor lucis aeternae, et speculum immaculatum inoperationis sive virtutis Dei, et imago bonitatis ejus* (*Sap. vii.*, 25). Quinque igitur haec de Deo deliniens, ex singulis quibusque certa quedam inesse sapientiam Dei designat. Virtutem namque Dei nominat, et gloriam, et lucem aeternam, et inoperationem, et bonitatem. Ait autem sapientiam vaporem esse non gloriae Omnipotentis, neque aeternae lucis, nec inoperationis Patris, nec bonitatis ejus; neque enim conveniens erat alicui horum ascribi vaporem: sed cum omni proprietate ait virtutis Dei vaporem esse sapientiam. Intelligenda est ergo virtus Dei, qua viget; qua omnia visibilia et invisibilia vel instituit, vel continet, vel gubernat; quia ad omnia sufficiens est quorum providentiam gerit, quia¹ velut unita omnibus adest. Huius ergo totius virtutis tantum et tam immensa vapor, et, ut ita dixerim, vigor ipse in propria subsistentia effectus, quamvis ex ipsa virtute velut voluntas ex mente procedat; tamen et ipsa voluntas Dei nihilominus Dei virtus efficitur. Efficitur ergo virtus altera in sua proprietate subsistens, ut ait sermo Scripturae, *vapor quidam primæ et ingenitæ virtutis Dei*: hoc quidem quod est, inde trahens. Non est autem quando non fuerit. Si enim quis dicere voluerit quasi prius non existiterit, sed postea ad subsistentiam venerit; dicat causam quare, qui eam subsistere fecit Pater, hoc ante non fecerit. Quod si aliquod initium semel dederit, quo initio vapor iste ex virtute Dei processerit; iterum interrogabimus, quare non et ante illud quod dixit initium. Et ita semper de anterioribus inquirentes, et verbo interrogationis ascendentibus, perveniemus in illum intellectum, ut quoniam et poterat Deus semper et volebat, nunquam vel decuerat, vel causa aliqua existere potuerit, ut non hoc quod bonum volebat semper habuerit. Ex quo ostenditur semper fuisse vaporem istum virtutis Dei, nullum habentem initium, nisi ipsum Deum. Non enim decebat alind esse initium, nisi ipsum unde est et nascitur, Deum. Secundum Apostolum vero dicentem, quia *Christus Dei virtus est* (*1 Cor. i.*, 24): jam non solum vapor virtutis Dei, sed virtus ex virtute dicenda est. (a) Ne autem videatur alicui anterior esse in Deo Omnipotens appellatio nativitatis sapientiae, per quam Pater vocatur, quoniam dicta est aporrhœa. Omnipotens gloria purissima esse sapientia, qui est Filius Dei: audiat qui haec ita vult suspicari, quod manifeste pronuntiat Scriptura divina, dicens, quia *Omnia in sapientia fecisti* (*Psal. cxi.*, 24). Et Evangelium docet, quia *Omnia per ipsum facta sunt, et sine ipso factum est nihil* (*Jean. i.*, 3). Et intelliget ex hoc, quia non potest antiquior esse in Deo appellatio Omnipotens quam Patris. Per Filium etenim omnipotens est Pater. Sed quoniam gloriam dixit esse Omnipotens, cuius gloriae aporrhœa est sapientia, hoc intelligiatur, quod etiam in omnipotentiae gloria societatem habeat sapientia, per quam Deus omnipotens dicitur. Per sapientiam quae est Christus, tenet Deus omnium potentatum, non solum dominantis auctoritatem, verum etiam subjectorum spontaneo famulatu. Ut autem unam eamdemque omnipotentiam Patris ac Filii esse cognoscas, sicut unus atque idem est cum Patre Deus et Dominus; audi hoc modo Joannem in Apocalypsi dicentem, *Hec dicit Dominus Deus, qui est, qui erat, et qui venturus est, Omnipotens* (*Apoc. i.*, 8). Qui enim venturus est, quis est aliud nisi Christus? Et

sicut nemo debet offendendi cum Deus sit Pater, quod etiam Salvator Deus est: ita et cum omnipotens dicitur, Pater, nullus debet offendendi quod etiam Filius Dei omnipotens dicitur. Hoc namque modo verum erit illud quod ipse dicit ad Patrem, quia *Omnia mea tua sunt, et tua mea, et glorificatus sum in eis* (*Joan. xvii.*, 10). Si ergo omnia que Patris sunt Christi sunt, inter omnia vero quae est Pater, est etiam omnipotens; sine dubio etiam unigenitus Dei Filius esse debet omnipotens, ut omnia que habet Pater, etiam Filius habeat. *Et glorificatus sum, inquit, in eis: in nomine enim Iesu omne genu flectetur, caelestium, terrestrium, et infernorum, et omnis lingua confitebitur, quia Dominus Jesus in gloria es' Dei Patris* (*Philipp. ii.*, 10, 11). Igitur aporrhœa gloriae Dei, secundum hoc quod omnipotens est, pura ac limpida ipsa sapientia est Dei glorificata tanquam aporrhœa omnipotentiae vel gloriae. Ut autem manifestius intelligatur quae sit gloria omnipotentiae, etiam haec addimus. Deus Pater omnipotens est, eo quod potentatum omnium teneat, id est, coeli et terræ, maris et omnium quae in eis sunt. Horum autem potentatum gerit per Verbum suum; quoniam in nomine Jesu omne genu flectitur, caelestium, terrestrium, et infernorum. Si omne genu flectitur Jesu, sine dubio Jesus est omnipotens¹, cui subjecta sunt omnia; et ipse est qui potentatum agit in omnibus, et per quem subjecta Patri sunt omnia. Per sapientiam namque, id est, verbo et ratione, non vi et necessitate subjecta sunt. Et ideo in eo ipso quod obtinet omnia, gloria sua est: et haec est omnipotentiae purissima ac limpiddissima gloria, cum ratione ac sapientia, non vi aut necessitate, cuncta subjecta sunt.

CAPUT XIV. — *Gloria et splendor et lumen*. Sempernunquid dicatur. In operatione Dei quid sit. Purissima vero ac limpiddissima gloria sapientiae satis convenienter dictum est, ad distinctionem ejus gloriae quae non pura nec sincera gloria dicitur. Omnis enim natura quae convertibilis et commutabilis est, etiamsi glorificetur in operibus justitiae vel sapientiae, per hoc ipsum quod accidentem habet justitiam vel sapientiam, et quod accedit etiam discedere potest, gloria ejus sincera ac limpida dici non potest. Sapientia vero Dei, qui est unigenitus Filius, quoniam in omnibus inconvertibilis est et incommutabilis, et substantiale in eo omne bonum est, quod utique mutari ac converti nunquam potest, idcirco pura ejus ac sincera gloria ejus pradicatur. (a) Sempernunquid vel aeternum proprium dicitur quod neque initium ut esset habuit, nec cessare unquam potest e se quod est. Hoc autem designatur apud Joannem cum ait, quia *Deus lux est* (*1 Joan. i.*, 5). Splendor autem lucis ejus, sapientia sua est, non solum secundum id quod sempernunquid lux est, ita ut aeternus et aeternitatis splendor sit sapientia sua. Quod si integre intelligatur, manifeste declarat, quia substantia Filii ab ipso Patre descendit, sed non temporaliter, neque ab ullo alio initio, nisi, ut diximus, ab ipso Deo. Sed et speculum immaculatum paternæ inoperationis² Dei esse sapientia nominatur. Ergo in operatione virtutis Dei quae sit, prius intelligenda est, quae est vigor quidam, ut ita dixerim, per quem inoperatur Pater, vel cum creat, vel cum providet, vel cum iudicat, vel cum singula quaque in tempore suo disponit atque dispensat. Sicut enim in speculo omnibus motibus atque omnibus actibus, quibus is qui speculum intuetur moveret vel agit, iisdem ipsis etiam ea image quae per speculum deformatur actibus vel motibus commovetur, vel agit, in nullo prorsus declinans; ita etiam sapientia de se vult intelligi, cum speculum immaculatum paternæ virtutis inoperationis Dei nominatur: sicut et Dominus Jesus Christus, qui sapientia Dei est, de semet ipso pronuntiat, dicens,

¹ MSS. quibus.

(a) Hic nonnulla Origenis verba relicta.

² MSS. omittunt, *omnipotens*.

² Manuscripti, *virtutis inoperationis*.

(a) Ex eodem Origenis loco, versibus aliquot prætermisssis.

quia Opera quæ facit Pater, huc etiam et Filius facit simi liter. Et iterum dicit, quoniam *Non potest Filius e semelipso facere quidquam, nisi quod viderit Patrem facientem* (Joan. v, 19). Quoniam ergo in nullo prorsus Filius a Patre virtute operum immutatur ac differt, nec aliud est opus Filii quam Patris, sed unus atque idem, ut ita dicam, etiam motus in omnibus est: idcirco enim speculum immaculatum noninnavit; ut per hoc nulla dissimilitudo Filii intelligatur a Patre cum in Evangelio Filius non dicatur similia facere, sed endem similiter facere.

CAPUT XV. — *Filius imago bonitatis divinæ.* Superest, quid sit imago bonitatis ejus inquire: in quo eadem, ut opinor, intelligi convenit, quæ superius de imagine ea quæ per speculum formatur expressimus. Principalis namque bonitas sine dubio Pater est, ex qua Filius natus, qui per omnia imago dicitur. Non enim alia aliqua secunda bonitas existit in Filio, præter eam quæ est in Patre. Unde et recte ipse Salvator in Evangelio dicit, *quia Nemo bonus, nisi unus Deus* (Marc. x, 18). Quo scilicet per hoc intelligatur Filius non esse alterius bonitatis, sed illius solius quæ in Patre est: cuius recte imago appellatur; quia neque aliunde est nisi ex ipsa principali bonitate, nec altera bonitas quam ea quæ in Patre est, videtur in Filio; neque aliqua dissimilitudo aut distantia bonitatis in Filio est. Propter quod non debet velut blasphemiae aliquod genus putari in eo quod dictum est, *quia Nemo bonus nisi unus Deus*: ut propterea putetur, vel Christus, vel Spiritus sanctus negari quod bonus sit: sed, ut superius diximus, principalis bonitas in Deo Patre sentienda est ex quo vel Filius natus, vel Spiritus sanctus procedens, sine dubio bonitatis naturam in se fert, quo in eo fonte de quo vel natus est Filius, vel procedens est Spiritus sanctus. Jamvero si qua alia bona in Scripturis dicuntur, vel angelus, vel homo, vel servus, vel thesaurus, vel cor hominum, vel arbor bona; hæc omnia abusive dicuntur, accidentem, non substantialem in se continentia bonitatem.

CAPUT XVI. — *Spiritus sancti dignitas.* Multum autem est, et alterius vel operis vel temporis, congregare omnes Filii Dei appellationes: verbi causa, quomodo vel lumen verum est, vel ostium, vel justitia, vel sanctificatio, vel redemptio, et alia innumerata; et quibus ex causis, vel virtutibus, vel affectibus unumquodque horum nominetur expondere. Sed contenti his de quibus superius disserimus, consequenter etiam reliqua perquiramus. (a) Consequens est igitur nunc de Spiritu sancto, quam possumus breviter, requiramus. Et omnes quidem, qui quoquo modo providentiam esse sentiunt, Deum esse ingenitum qui universa creavit atque dispositus, considerant, eumque parentem universitatis intelligunt: huic tamen esse Filium, non nos soli pronuntianus: quamvis satis hoc et mirum et incredulum videatur his qui apud Græcos vel Barbaros philosophari videntur; tamen a nonnullis etiam ipsorum habita videtur ejus opinio, cum verbo Dei vel ratione creatuæ esse omnia consenserit. Nos vero secundum fidem doctrinæ ejus quam divinitus inspiratam pro certo habemus, eminentiorem divinioremque rationem de Filio Dei nullius alterius possibilis est credimus exponere, atque in hominum cognitionem proferre, nisi ejus Scripturæ solius quæ a Spiritu sancto inspirata est, id est apostolicæ atque evangelicæ, necnon Legis et Prophetarum, sicut ipse Christus asservit. De substantia vero Spiritus sancti nec suspicionem ullam habere quis potuit, præter eos qui in Lege et Prophetis versati sunt, vel eos qui se in Christo credere profiteruntur. Nam de Deo quidem Patre quamvis digne proloqui nemo valeat, tamen possibile est intellectum aliquem capi ex occasione visibilius creaturarum, et ex his quæ humana mens naturaliter sentit, insuper etiam de Scripturis sanctis confirmari possibile est. Sed et de Filio Dei, quamvis nemo reverit Filium

nisi Pater, tamen ex divinis Scripturis etiam de ipso qualiter sentiri debeat, mens humana formatur, non solum ex Novo, sed etiam ex Veteri Testamento, per ea quæ a sanctis gesta signallerit ad Christum referuntur, ex quibus adverti vel divina natura ejus, vel humana quæ ab eo est assumpta, potest. De Spiritu vero sancto, quod sit, multæ nos Scriptura docuerunt: sicut David in quinquagesimo Psalmo dicit, *Et Spiritus sanctum tuum ne auferas a me* (Psal. L, 13). Et in Daniele dicitur, *Spiritus sanctus qui in te est* (Dan. iv, 5, 6, 15, et v, 11). In Novo vero Testamento abundantibus testimonii edocemur, cum Spiritus sanctus super eum descendisse scribitur (Matth. iii, 16); et cum ipse Dominus insufflavit in Apostolos post resurrectionem, dicens: *Accipite Spiritum sanctum* (Joan. xx, 22). Et ad Mariam dicitur ab Angelo, *Spiritus sanctus superveniet in te* (Luc. i, 35). Paulus vero docet, quia *Nemo potest dicere, Dominus Jesus, nisi in Spiritu sancto* (1 Cor. xi, 3). Et in Actibus Apostolorum per impositionem manuum apostolicarum Spiritus sanctus dabatur in Baptismo (Act. viii, 17). Ex quibus omnibus didicimus tantæ esse auctoritatis et dignitatis Spiritus sancti substantiam, ut salutare Baptisma non aliter nisi excellentissime omnium Trinitatis auctoritate¹, id est, Patris et Filii et Spiritus sancti cognominazione compleatur, et ingenito Deo Patri et unigenito ejus Filio nomen quoque Spiritus sancti copuletur. Quis ergo non stupescat quanta maiestas sit Spiritus sancti, cum qui dixerit verbum in Filium hominis, audeat sperare posse veniam; eum vero qui in Spiritum sanctum blasphemaverit, veniam non habere, neque in presente saeculo, neque in futuro?

CAPUT XVII. — *Spiritus vocabulatum in Scripturis.* (a) Verumtamen usque ad præsens, nullum sermonem in Scripturis sanctis invenire potuimus, per quem Spiritus sanctus factura esse vel creatura dicetur, ne in eo quidem modo quo de sapientia referre Salomonem supra edocimus, vel quæ² de vita vel verbo aliquis appellatioibus Filii Dei intelligenda esse tractavimus. Spiritus igitur Dei qui super aquas forebatur, sicut scriptum est, in principio facture mundi (Gen. i, 2), puto quod non sit aliud quam Spiritus sanctus, secundum quod ego intelligere possum: sicut et cum ipsa loca exponeremus, ostendimus, non tamen secundum historiam, sed secundum intelligentiam spiritualem. Quidam sane ex prædecessoribus nostris, in Novo Testamento observaverunt, quod sic ubi spiritus nominatur sine adjectione ea quæ designet qualis sit spiritus, de Spiritu sancto debere intelligi: utputa, *Fructus autem Spiritus est, charitas, gaudium, pax* (Galat. v, 22), etc. Item et ibi, *Cum cœperitis Spiritu, carnem consummamini* (Id. iii, 5). Nos vero etiam in Veteri Testamento putamus distinctionem istam posse servari: sicut cum dicit, *Qui dat Spiritum populo qui est super terram, et Spiritum his qui calcant eam* (Isai. xlvi, 5). Sine dubio enim omnis qui calcat terram, id est, terrena et corporalia, particeps est Spiritus sancti, a Deo eum accipiens. (b) Sicut enim de Filio dicitur, *quia Nemo novit Patrem, nisi Filius, et cui voluerit Filius revelare* (Matth. xi, 27): hæc eadem etiam de Spiritu sancto docet Apostolus, cum ait, *Nobis autem revelavit Deus per Spiritum suum. Spiritus enim omnia scrutatur, etiam ultra Dei* (1 Cor. ii, 10). Sed et rursus in Evangelio de divinis ac profundioribus doctrinis commemorans Salvator, quæ nondum capere poterant discipuli sui, ita ait ad Apostolos: *Adhuc multa habeo vobis dicere, sed non potestis illa portare modo*³: *cum autem venerit consolator Spiritus sanctus, qui a Patre procedit, ille vos docebit omnia, et commonebit omnia quæ dixi vobis* (Joan. xvi, 13).

CAPUT XVIII. — *De Spiritus sancti inflibibus et*

¹ Origenes, *Omnitritutis*.

² Vss., quo.

³ Vss., modo capere

(a) Hic omissitur Origenis versus undecim

(b) Hic decem versus omissuntur.

variis operationibus. Et ita sciendum est, quod sicut Filius qui solus cognoscit Patrem, revelat cui vult; ita et Spiritus sanctus, qui solus scrutatur etiam alta Dei, revelat Deum cui vult. *Spiritus enim ubi vult spirat (Joan. iii, 8).* Neque enim putandum est, quod etiam Spiritus Filio revelante cognoscit. Si enim Filius revelante cognoscit Patrem Spiritus sanctus, ergo ex ignorantia ad scientiam venit: quod utique et in pium pariter et stultum est, Spiritum sanctum confiteri, et ignorantiam ei ascribere. Non enim cum aliquid aliud esset antequam Spiritus sanctus, per profectum venit in hoc ut Spiritus sanctus esset: ut quis audeat dicere, quia tunc quidem cum nondum esset Spiritus sanctus, ignorabat Patrem, postea vero quam recepit scientiam, etiam Spiritus sanctus effectus est. Quod si esset, nunquam utique in unitate Trinitatis, id est, Dei Patris invertibilis¹, et Filii ejus, etiam Spiritus sanctus haberetur, nisi quia et ipse semper erat Spiritus sanctus. Hoc sane quod dicimus, vel Semper, vel Erat, vel si quod aliud tale temporalis significatio nomen asciscimus, simpliciter et cum venia accipendum est: quoniam nominum quidem horum significaciones temporales sunt; ecce autem de quibus loquimur, tractatu quidem sermonis temporali nominantur, natura autem sui omnem intelligentiam sensus temporalis excedunt. (a) Deus Pater omnibus praestat ut sint: participatio vero Christi secundum id quod verbum vel ratio est, facit ea esse rationabilia. Ex quo consequens est, ea vel laude digna esse, vel culpa, quia et virtutis et malitiae sunt capacia. Propter hoc consequenter adest etiam gratia Spiritus sancti, ut ea quae substantialiter sancta non sunt, participatione ipsius sancta efficiantur. Cum ergo primo ut sint habeant ex Deo Patre; secundo, ut rationalib[us] sint habeant ex Verbo; tertio ut sancta sint, habeant ex Spiritu sancto: rursum Christi secundum hoc quod justitia Dei est, capacia efficiuntur ea quae jam sanctificata ante fuerint per Spiritum sanctum. Et qui in hunc gradum profecere per sanctificationem Spiritus sancti, consequuntur nihilominus donum sapientiae secundum virtutem inoperationis Spiritus Dei. Et hoc puto Paulum dicere, cum ait, *quibusdam dari sermonem sapientiae, alius sermonem scientiae secundum eundem Spiritum.* Et designans unamquamque discretionem donorum, refert omnia ad universitatis fontem, et dicit, *Divisiones enim in operationum sunt, sed unus Deus, qui operatur omnia in omnibus (I Cor. xi, 8, 6).* Unde et inoperatio Patris, qua esse praestat omnibus, clarior ac magnificenter inventitur: cum unusquisque per participationem Christi, secundum id quod sapientia est, et secundum id quod scientia est et sanctificatio est, proficit, et in altiores profectum gradus venit: et per hoc quod participatione Spiritus sancti sanctificatus est quis, purior ac sincerius effectus, dignius recipit sapientiam ac scientiae gratiam; ut depulsis omnibus expurgatis que pollutionis atque ignorantiae maculis, tantum profectum sinceritatis ac puritatis accipiat, ut hoc quod accepit a Deo ut esset, tale sit quale Deo dignum est, qui ut esset utique pure præstitum ac perfecte, ut tam dignum sit id quod est, quam est ille qui id esse fecit. Ita namque et virtutem semper esse, atque in eternum manere percipiet a Deo qui talis est, quem eum voluit esse ille qui fecit. Quod ut accidat, et ut indesinenter atque inseparabiliter assistant ei qui est, ea quae ab ipso facta sunt sapientiae, id opus est instruere atque erudire ea et ad perfectionem adducere. Spiritus sancti confirmatione atque indesinenti sanctificatione, per quam solum capere possunt. Ita ergo indesinenti erga nos opera Patris et Filii et Spiritus sancti per singulos quosque profectum gradus instaurata², tix forte aliquando intueri possumus sanctam et be-

tam vitam. In quam cum post multos agones persevere potuerimus, ita perdurare debemus, ut nulla unquam nos boni illi us satias capiat, sed quanto magis de illa beatitudine percipiemus, tanto magis in nobis vel dilatetur desiderium ejus, vel augetur, dum semper ardentius ac capacius Patrem et Filium et Spiritum sanctum vel capimus, vel tenemus. Si autem satias aliquando ceperit aliquem ex his, qui lo summo perfectoque constiterint gradu, non arbitror quod ad subitum quis evacuet atque decidat; sed paulatim et per partes defluere eum necesse est: ita ut fieri possit interdum, ut si brevis lapsus aliquis acciderit, et cito resipiscat, atque in se revertatur, non penitus ruere, sed revocare pedem, et redire ad statum suum, ac rursum statuere posse id quod per negligentiam fuerat elapsum. (a) Nam unigenitus Filius Dei qui erat Verbum et Sapientia Patris, cum esset in ea gloria apud Patrem, quam habuit antequam mundus esset, exinxit semetipsum, et formam servi accipiens efficitur obedientis usque ad mortem: ut obedientiam doceret eos qui non aliter, nisi per obedientiam, salutem consequi potuerant, in semetipso prius complebus, quod ab aliis volebat impleri. Idcirco non solum usque ad mortem crucis Patri obedientis factus est, verum etiam in consummationem saeculi, in semetipso complectens omnes quos subiectit Patri, et qui per eum veniunt ad salutem; cum et ipsi et in ipsis ipse quoque subjectus dicitur Patri: dum omnia in ipso constant, et ipse est caput omnium, et ipse est salutem consequentem plenitudo. Hoc ergo est quod de eo dicit Apostolus: *Cum autem ei omnia subiecta fuerint, tunc et ipse Filius subiectus erit ei qui sibi subdidit omnia, ut sit Deus omnia in omnibus (I Cor. xv, 28).* Verum nescio quo pacto heretici non intelligentes Apostoli sensum, qui in his verbis continuetur, subjectionis in Filio nonem infant: cujus appellationis proprietas si requiratur, ex contraria facile poterit inveniri. Nam si subjectum esse, non est bonum; restat ut illud quod contrarium est, bonum sit, id est, non esse subjectum. Sermo namque Apostoli, secundum quod isti volunt, hoc videtur ostendere, dum dicit, *Cum autem subiecta fuerint ei omnia, tunc et ipse Filius subiectus erit ei qui sibi subdidit omnia: ut quasi is qui nunc Patri subiectus non sit, tunc subiectus futurus sit, cum prius ei Pater universa subjecerit. Sed mirum quonodo hoc intelligi possit, ut qui nondum subiectis sibi omnibus non est ipse subiectus, tunc cum subiecta sibi fuerint omnia, cum rex omnium fuerit, et potestatem tenerit universorum, tunc eum subiectum patet, cum subiectus ante non fuerit: non intelligentes quod subiectio Christi ad Patrem beatitudinem nostram perfectionis ostendit, et suscepti ab eo operis palmarum declarat; cum non solum regendi atque regundi summam, quam in universa emenda- verat creatura, verum etiam obedientiae et subjectionis correcta reparataque humani generis Patri offerat instituta. Si ergo bona et salutaris accipitur ista subiectio, qua subiectus esse dicitur Filius Patri; valde consequens et coherens est, ut et inimicorum, qua dicitur Filiu Dei esse subiectio, salutaris quedam intelligatur esse et utilis: ut sicut cum dicitur Filius Patri subiectus (Ibid.), perfecta universae creature restauratio declaratur; ita cum Filiu Dei inimici dicuntur esse subiecti (Ibid., 25), subiectorum salus in eo intelligatur et reparatio perditionum. Verum certis quibusque et modis et disciplinis et temporibus subiectio ista complebitur, id est, non necessitate aliqua ad subjectionem cogente, nec per vim subditus fiet omnis mundus Deo, sed verbo, ratione, doctrina, provocacione meliorum, institutis optimis, communionibus quoque dignis et competentibus, que juste imminet his qui salutis et utilitatis sue curam sanitatemque contemnunt. Denique etiam nos homines, vel cum servos vel filios eridimus, dum adhuc per ratatem rationis incapaces sunt, minis eos et metu coercesmus: cum vero boni*

¹ MSS., *sentientum.*

² MSS. *omittunt, invertibilis.*

³ *Origenes, instaurato corde.*

(a) Multis omissis, reliquum ex capite 3 libri 1 peri Arion exscribitur.

(a) Deinceps ex capite 3 libri 3 peri Archon.

et utilis et honesti intelligentiam ceperint, tunc jam cessante verberum metu, verbo atque ratione suasi, ad omnia quae bona sunt, acquiescent. Quomodo autem servata omnibus rationabilibus creaturis arbitrii libertate, unusquisque debeat dispensari, id est, quos velut jam paratos et capaces sermo Dei et inveniat et instruat, quos autem interim differat, a quibus vero peccatus occulatur, et longe corum a se fieri dispenset auditum, quoque rursum contemnentes indicatum sibi et prædicatum verbum Dei correptionibus qui-busdam et castigationibus illatis perurgeat ad salutem, conversionemque corum quodam modo exigat

et extorquat; quibus vero etiam occasiones quasdam praestet salutis, ita ut interdum etiam ex responsive sola fide prolata indubitate quis ceperit salutem: quibus hec ex causis, vel quibus occasionibus sicut; quid vel introspecti divina sapientia, vel quos motus propositi eorum videns haec universa dispenset, soli beo cognitum est, et Unigenito ejus per quem creata ac reparata sunt universa, et Spiritui sancto per quem cuncta sanctificantur, qui ab ipso Patre et Filio¹ procedit, cui est gloria in æterna sæcula.

¹ MSS. non habent, *et Filio*; nec Origenes.

LIBER SECUNDUS.

EX ORIGENIS ITIDEM LIBRIS DECRPTUS.

(a) Ubique et in omnibus dicimus esse Deum, pro eo quod nihil potest esse vacuum Deo: non tam ita esse dicimus, ut omnia sit nunc in quibus est. Unde diligentius intuendum est quale est hoc quod perfectionem beatitudinis rerumque finium significat, quod non solum in omnibus Deus esse dicitur, sed etiam omnia esse dicitur Deus. Quae sunt ergo ista omnia, quae Deus futurus sit in omnibus, inquiramus. Et ego quidem arbitror, quia hoc quod in omnibus omnia esse dicitur Deus, significet etiam in singulis eum omnia esse. Per singulos autem omnia erit hoc modo, ut quidquid rationabilis mens expurgata omnium vitiorum face, atque omni penitus extersa nube malitia, vel sentire, vel intelligere, vel cogitare potest, omnia Deus sit; nec ultra jam aliud aliquid nisi Deum sentiat, Deum cogitet, Deum videat, Deum tenet, omnis motus suus Deus sit: non enim jam ultra mali bonique discretio; quia nusquam malum: omnia enim ei Deus est, cui jam non adjacet malum: nec ultra ex arbore sciendi bonum et malum edere concupiscet, qui semper in bono est, et cui omnia Deus est. Sic ergo finis ad principium reparatus, et rerum exitus collatus initis, restituet illum statum quem tunc habuit natura rationals, cum de ligno sciendi bonum et malum edere non egebatur: et amotu omni malitia sensu et ad sincerum purumque deterso, solus Deus qui est unus bonus, hic ei sicut omnia, et non in paucis aliquibus vel pluribus, sed ut in omnibus ipse sit omnia: et cum jam nusquam mors, nusquam aculeus mortis, nusquam omnino malum, tunc vere Deus omnia in omnibus erit.

CAPUT XIX. — Quomodo Filius Patri subjiciendus. (b) Tempis est jam decursis his prout potuimus, quae supra dicta sunt, nunc commemorationis gratia eorum quae sparsim diximus, recapitulare singula: et primo omnium de Patre et Filio et Spiritu sancto repetere. Deus Pater cum et indivisibilis¹ sit, et insuperabilis a Filio, non per prolationem ab eo, ut quidam putant, generatus est Filius. Si enim prolatione est Filius Patris, prolatione vero dicitur quae tales significat generationem, qualis animalium vel hominum solet esse progenies; necessario corpus est, et is qui protulit, et is qui prolatus est. Non enim dicimus, sicut heretici putant, partem aliquam substantiae Dei in Filium versus, aut ex nullis subsistentibus Filium creatum a Patre, id est, extra substantiam suam, ut fuerit aliquando, quando non fuerit: sed absciso omni sensu corporeo, ex invisibili et incorporeo Deo Verbum et Sapientiam genitam dicimus absque ulla corporali passione, velut si voluntas procedat e mente. Nec absurdum videbitur cum dicatur Filius charitatis si hoc modo etiam voluntatis putetur. Sed et Joannes indicat, quia Deus lux est (I Joan. 1, 5): et Paulus designat, quia Filius splendor lucis æternæ sit (Hebr.

1, 3). Sicut ergo nunquam lux sine splendore esse potuit, ita nec Filius quidem sine Patre intelligi potest: qui et figura expressa substantiae ejus, et Verbum, et sapientia dicitur. Quomodo ergo potest dici, quia fuit aliquando, quando non erat vel fuerat Filius? Nihil enim aliud est dicere, nisi quia fuit aliquando, quando veritas non erat, quando sapientia non erat, quando vita non erat: cum in his omnibus perfecte Dei Patris substantia censeatur. Non enim ab eo dirimi haec, vel ab ejus possunt unquam substantia separari. Que quidem quamvis intellectu multa esse dicantur, ramen et substantia unum sunt, in quibus est plenitudo divinitatis. Hec autem ipsum quod dicimus, quia nunquam fuit quando non fuit, cum venia accipendum est, ne et haec ipsa nomina temporalis vocabuli significantiam gerant, id est Quando, vel Nunquam: supra omne autem tempus, et supra omnia sæcula, et supra omnem æternitatem intelligenda sunt ea quae de Patre et Filio et Spiritu sancto dicuntur. Hæc enim sola Trinitas est, quae omnem sensum intelligentiarum non solum temporalis, verum etiam æternalis excedit: cetera vero que sunt extra Trinitatem, in sæculis et in temporibus metienda sunt. Hunc igitur Filium Dei secundum hoc quod Verbum est Deus, qui erat in principio apud Deum (Joan. 1, 1), nemo consequenter poterit in loco aliquo contineri, neque secundum quod sapientia est, neque secundum quod vita est, vel justitia, vel sanctificatio, vel redemptio: hæc enim omnia non indigent loco, ut agere quid vel operari possint, sed pro his qui virtutis ejus inoperationisque participant, haec singula intelligenda sunt. Si vero quis dicat per eos qui participes sunt Verbi Dei, vel sapientiae ejus, vel veritatis, vel vitae, etiam ipsum Verbum et sapientiam videri in loco¹ esse: respondentem est ei, quia dubium non est, quod Christus secundum quod Verbum et sapientia est, et cetera omnia, erat in Paulo. Propter quod dicebat: *An experientum quaritis ejus qui in me loquitur Christus?* (II Cor. xiii, 5)? Et iterum: *Vivo autem jam non ego, vivi vero in me Christus* (Galat. ii, 20). Tunc ergo cum esset in Paulo, quis dubitabit quod similiter erat in Petro, et in Joanne, et in singulis quibusque sanctorum, et non solum in his qui in terris sunt, verum etiam et in his qui in cœlis sunt? Absurdum namque est dicere, quia in Petro quidem et in Paulo erat Christus, in Michaeli vero archangelo et in Gabriele non erat. Ex quo manifeste deprehenditur, quia divinitas Filii Dei non in loco aliquo concludetur; alioquin in ipso tantum fuisset, et in altero non fuisset: sed secundum incorpoream naturam majestatem, cum in nullo loco concludatur, in nullo rursum deesse intelligitur. Verum illa sola intelligenda est differentia quod etiamsi sunt in diversis, sicut diximus in Petro, vel in Paulo, vel Michaeli, vel Gabriele, non tamen in universis simili est. Plenus enim et clarus, et ut ita dixerim, apertus in Archangelis est, quam in aliis sanctis viris. Quod ex eo manifestum est, quia

¹ MSS. *invisibilis*.

(a) Ex Origene, capite 6 libri 3 peri archon, paulo post initium.

(b) Initium Anacei halcoseos Origenis ad lib. I peri archon.

¹ MSS. *in omni loco*.

cum ad summam perfectionem pervenerint sancti qui-
que, dicuntur Angelis similes effici vel aequales, se-
cundum evangelicam sententiam (*Math. xxii, 30*). Unde constat, in singulis quibusque tantum effici
Christum, quantum ratio indulserit meritorum. His
igitur nobis de Trinitatis fide breviter repetitis, con-
sequens est etiam illud pariter admonere, quod per
Filium creata dicuntur omnia, *qua in cælis sunt, et*
qua in terra, visibilia et invisibilia, sive Throni, sive
Donationes, sive Principatus, sive potestes, omnia
per ipsum et in ipso creata sunt: et ipse est ante omnes,
et omnia illi constant qui est caput. Quibus consona-
etiam Joannes in Evangelio dicit, quia *Omnia per*
ipsum facta sunt, et sine ipso factum est nihil (*Joan. i, 3*). David vero totius Trinitatis mysterium in universo-
rum conditione significans, ait, *Verbo Domini cœli firmati sunt, et spiritu oris ejus omnis virtus eorum* (*Psal. xxxii, 6*). Post hac vero competenter admonebimus de adventu corporali et incarnatione unigeniti Filii Dei: in quo non ita sentiendum est, quod omnis deitatis ejus maiestas intra brevissimi corporis claustra conclusa sit, ita utonne Verbum Dei et sapientia ejus, ac substantialis veritas et vita, vel a Patre divisa sit, vel intra corporis illius coercita et circumscripta brevitatem, nec usquam præterea putetur operata. Sed inter utrumque tanta pietatis debet esse confessio, ut neque aliquid deitatis in Christo defuisse credatur, et nulla penitus a paterna substantia, qua ubique est, facta putetur divisio. Tale namque aliquid etiam Baptista Joannes indicat, cum corporaliter absente Iesu dicebat ad turbas, *Medius vestrum stat quem vos nescitis, qui post me venit, cuius non sum dignus solvere corrigiam calceamentorum* (*Joan. i, 26*). Quod utique dici non poterat, de eo qui absens erat, quantum ad presentiam corporalem pertinet, quod medius staret eorum inter quos corporaliter non aderat. Unde ostenditur, quia et in corpore totus, et ubique totus aderat Filius Dei. Ne quis tamen nos existimet per hoc illud affirmare, quod pars aliqua deitatis Filii Dei fuerit in Christo, reliqua pars alibi vel ubique: quod illi sentire possunt, qui naturam substantiae incorporeæ atque invisibilis ignorant. Impossibile namque est de incorpo-
reo divisionem aliquam fieri. Sed in omnibus et per omnia et super omnia est, eo modo quo superiorius diximus: id est, quo vel sapientia, vel verbum, vel vita, vel veritas intelligatur, per quem intellectum omnis sine dubio conclusio localis excluditur. Volens igitur Filius Dei Deus pro salute generis humani apparere hominibus et inter homines conversari, suscepit non solum corpus humanum, ut quidam putant, sed et animam, nostrarum quidem animarum similem per naturam, proposito vero et virtute similem sibi, et talem quali omnes voluntates et dispensationes Verbi et sapientia indeclinabiliter posset implere. Quod autem habuerit animam, manifestissime in Evangelio designat ipse Salvator dicens, *Nemo tollit a me animam meam, sed ego pono eam a me; et iterum, Potestatem habeo ponendi animam meam, et potestatem habeo iterum sumendi eam* (*Id. x, 18*); et rursum, *Tristis est anima mea usque ad mortem* (*Math. xxvi, 38*); et iterum, *Nunc anima mea turbata est* (*Joan. xii, 27*). Neque enim tristis et turbata anima, Verbum Dei intelligendum est, quod ex auctoritate deitatis dicit, *Potestatem habeo ponendi animam meam.* Nec tamen ita dicimus suisse Filium Dei in illa anima, sicut fuit in anima Petri vel Pauli ceterorumque sanctorum. In quibus Christus similiter ut in Paulo loqui creditur. Sed de illis omnibus illud sentiendum est quod Scriptura dicit, quia *Nemo mundus a sorde, nec si unius diei fuerit vita ejus* (*Job xxv, 4*). Hac vero anima qua in Christo fuit, priusquam sciret malum, elegit bonum (*Isai. vii, 15*): et quia dilexit justitiam, et odio habuit iniquitatem, præterea unxit eam Deus oleo laetitiae præ participibus suis (*Psal. xliv, 8*). Oleo ergo laetitiae ungitur, cum Verbo Dei immaculata foederacione conjuncta est: et per

hoc sola omnium animarum peccati incapax fuit, quia Filii Dei bene et plene capax fuit: ideoque et unum cum ipso est, atque ejus vocabulis nuncupatur, et Jesus Christus appellatur, per quem omnianfecta esse dicuntur (*Joan. i, 3*). De qua anima, quorū totam in se sapientiam Dei et veritatem vitamque repererat, etiam illud arbitror dixisse Apostolum, quod ait, quoniam *Vita vestra abscondita est cum Christo in Deo: cum autem Christus apparuerit vita vestra, tunc et vos apparebitis cum ipso in gloria* (*Coloss. iii, 3*). Quis enim alias hic intelligendus est Christus, qui in Deo absconditus dicitur, et postea apparitus; nisi ille qui oleo laetitiae uncus, resertus, id est, substantialiter Deo repletus est, in quo nunc absconditus dicitur? Proprieta et omnibus creditibus ad exemplum Christus exponitur, quia sicut ille semper, et antequam sciret omnino malum, elegit bonum, et dilexit justitiam, et odio habuit iniquitatem, et propter ea unitx eum Deus oleo laetitiae; ita et unusquisque vel post lapsum vel post errorem expurget se a maculis, exemplo proposito, ei habens itineris ducem, arduam viam virtutis incedat: ut si forte per hoc in quantum fieri potest, per imitationem ejus particeps efficiatur divine naturæ, sicut scriptum est, quia *Qui dicit se in Christo manere, debet sicut ille ambulavit et ipse ambulare* (*1 Joan. ii, 6*). Hoc ergo Verbum et hæc sapientia, per cuius imitationem, vel sapientes, vel rationabilibus dicimur, omnibus fit omnia, ut omnes luxurias faciat, et fit infirmis infirmus, ut infirmos luxurias. Et quia infirmus efficitur, propter hoc dicitur de eo, *Etiiamsi crucifixus est ex infirmitate, sed vivit ex virtute Dei* (*II Cor. xiii, 4*). De quo Corinthiis qui infirmi erant, Paulus nihil se scire indicat inter ipsos, nisi Jesum Christum, et hunc crucifixum (*I Cor. ii, 2*). Quidam autem volunt de ipsa anima dictum videri, cum primum de Maria corpus assumpsit, etiam illud quod Apostolus dicit: *Qui cum in forma Dei esset, non rapinam arbitratus est esse se aequali Deo, sed semel ipsum exinanivit formam servi accipiens* (*Philipp. ii, 6*): quo eam sine dubio in formam Dei inerioribus exemplis et institutionibus repararet, atque in eam plenitudinem unde se exinaniverat, revocaret. Sicut autem participatione Filii Dei quis in filium adoptatur, et participatione sapientiae in Deo sapiens efficitur; ita et participatione Spiritus sancti, sanctus et spiritualis efficitur. Unum enim atque idem est Spiritus sancti participium sumere, quod est Patris et Filii; quippe cum una et incorporea natura sit Trinitatis. (a) Igitur unigenitus Filius Dei, per quem omnia facta esse visibilis et invisibilia, in superioribus sermo disputationis edocuit, secundum Scripturæ sententiam, et fecit omnia, et quæ fecit diligit. Nam cum invisibilis Dei ipse sit imago invisibilis, participationem sui universalis rationabilibus creaturis invisibiliter præbuit, ita ut tantum ex eo unusquisque participii sumeret, quanto erga eum dilectionis inheresisset affectu. Verum cum pro liberi arbitrii facultate varietas unumquemque ac diversitas habuisset animorum, ut aliud ardentiore, aliud tenuiore et exiliore erga suum auctorem amore teneretur: illa anima, de qua dixit Jesus, quia *Nemo auferit a me animam meam* (*Joan. x, 18*), inseparabiliter atque indissociabiliter inherens, utpote Verbo et sapientiae Dei et veritati ac luci verae, et tota totum recipiens, atque in ejus lucem splendorecumque ipsa cedens, facta est cum ipso principaliter unus spiritus. Sicut et Apostolus his, qui eam imitari deberent, promittit, quia, *Qui se jungit Domino, unus spiritus est* (*I Cor. vi, 17*). Hac ergo substantia animæ inter Deum carnemque mediante (non enim possibile erat Dei naturam corpori sine mediatore misceri) nascitur, ut diximus, Deus homo, illa substantia media existente, cui utique contra naturam non erat corpus assumere. Sed neque rursus anima illa, utpote substantia rationabilis, contra naturam habuit capere, in quem, ut superius, diximus, velut

(a) Deinceps ex capite 6 libri 2 peri archon.

Verbum et sapientiam et veritatem tota jam cesserat: unde et merito pro eo quod vel tota esset in Filio Dei, vel tetum in se caperat Filium Dei, etiam ipsa, cum ea quam assumpserat carne, Dei Filius. et Dei virtus, et Dei sapientia appellatur. Et rursum Dei Filius, per quem omnia creata sunt, Jesus Christus et filius hominis nominatur: nam et Filius Dei mortuus esse dicitur, pro ea scilicet natura, quam mortem utique recipere poterat: et filius hominis appellatur, qui venturus in gloria Dei Patris cum sanctis Angelis predictur. Et hac de causa per omnem Scripturam, tam divina natura humanis vocabulis appellatur, quam humana natura nuncupationis divinae insignibus decoratur. Magis enim de hoc, quam de ullo alio dici potest, quod scriptum est, quia *Eruunt ambo in carne una* (*Gen. ii, 24*); et, *Jam non sunt duo, sed una caro* (*Math. xix, 5*). Magis Verbum Dei cum anima in carne una esse, quam vir cum uxore putandus est: sed et unus spiritus esse cum Deo, cui magis convenit, quam huic animæ, qua se ita Deo per dilectionem junxit, ut cum eo unus spiritus merito dicatur, Prophetæ dicente, *Dilexisti justitiam, et odisti iniquitatem; propterea unxit te, Deus, Deus tuus oleo latitiae præ participibus tuis* (*Psal. xliv, 8*). Dilectionis ergo merito ungitur oleo latitiae, id est, anima cum Verbo Dei Christus efficitur. Ungi namque oleo latitiae, non aliud intelligitur quam Spiritu sancto repletri. Quod autem præ participibus dixit, indicat, quia non gratia Spiritus, sicut Prophetis, ei data est, sed ipsius Verbi Dei in ea substantialis inerat plenitudo, sicut et Apostolus dixit, *In quo inhabitat omnis plenitudo divinitatis corporaliter* (*Coloss. ii, 19*). Denique propter hoc, non solum dixit, *Dilexisti justitiam; sed addidit, et odisti iniquitatem*. Odisse enim iniquitatem, illud est quod Scriptura dicit de eo, *Qui peccatum non fecit, nec inventus est dolus in ore ejus* (*Isai. lxx, 9*; *I Petr. ii, 22*; *I Joan. iii, 5*). Et quod ait, *Tentatum per omnia pro similitudine absque peccato* (*Hbr. iv, 15*). Et iterum ipse dicit de se, *Ecce venit princeps mundi hujus, et in me non invenit quidquam* (*Joan. xiv, 30*). Quæ omnia nullum in eo peccati sensus indicant extitisse. Quod ut prophetæ evidenter designaret, quia nunquam in eum iniquitatis sensus intrasset, ait: *Priusquam sciret puer vocare patrem aut matrem, avertit se ab iniquitate* (*Isai. viii, 4*). Quod si aliqui difficile videbuntur, pro eo quod rationabilem animam esse in Christo supra ostendimus, cum utique naturam animalium boni malique capacem per omnes disputationes nostras frequenter ostendimus, hoc modo hujus rei explanabitur difficultas. Arbitror sane etiam Jeremiam prophetam intelligentem que sit in eo natura Dei sapientiae, quæ etiam hæc quam pro salute mundi suscepserat, dixisse: *Spiritus vultus nostri Christus Dominus, cui diximus, quod in umbra ejus vivemus in gentibus* (*Thren. iv, 20*). Pro eo enim quod sicut umbra corporis nostri inseparabilis est a corpore, et in declinabilitate motus ac gestus corporis suscipit ac gerit; puto cum animæ Christi opus ac motum qui ei inseparabiliter inhærebat, et pro nutu¹ ejus ac voluntate cuncte perpetrabat, ostendere volentem, umbram Christi Domini hanc vocasse, in qua umbra nos vivebamus in gentibus. In hujus namque assumptionis sacramento gentes vivunt, quæ imitantes eam per fidem veniunt ad salutem. Sed et David dicens, *Memor es opprobrii mei, Domine, quo exprobaverunt me in communionem Christi tui* (*Psal. lxxxviii, 51*): similia inibi videtur ostendere. Et Paulus quid aliud sentit, cum dicit, *Vita nostra abscondita est cum Christo in Deo* (*Coloss. iii, 3*)? Et quid enim in alio loco dicit, *An experimentum² queritis ejus qui in me loquitur Christus* (*I Cor. xiii, 3*)? Et nunc Christum in Deo dicit absconditum: cujus rei intellectus est difficilis, nisi talis aliquis judicetur, qualem per umbram Christi a Prophetæ significatum esse, supra diximus. Fortassis

etiam hoc sensum humanæ mentis exceedit. Quin imo, quod verius est, massam, sicut in fornacibus saepè fieri oculis deprehendimus, totam ignem effectam dicimus; quia nec aliud in ea nisi ignis cernitur: sed et si quis contingere atque contrectare attentaverit, non ferri, sed ignis vim sentiet. Hoc ergo modo etiam illa anima, quæ quasi ferrum in igne; sic semper in Verbo, semper in sapientia, semper in Deo posita est: omne quod agit, quod sentit, quod inteligit Deus est. Et ideo nec convertibilis, nec mutabilis dici potest, quæ inconvertibilitatem ex Verbi Dei unitate indesinenter ignita possidebit. Ad omnes denique sanctos calor aliquis Verbi Dei putandus est pervenisse: in hac autem anima ignis ipse divinus substantialis requievisse credendum est, ex quo ad ceteros calor aliquis venerit. Denique quod dixit, quia *Unxit te, Deus, Deus tuus oleo latitiae præ participibus tuis* (*Psal. xliv, 8*): ostendit quod ista anima oliter oleo latitiae, id est, Verbo Dei et sapientia ungitur; et aliter particeps ejus, id est, sancti Prophetæ et Apostoli. Illi enim in odore unguentorum ejus cucurrisse dicuntur (*Cant. i, 5*): ista vero anima vasculum unguenti ipsius fuit, ex cuius fragrantia participantes digni quique Prophetæ siebant et Apostoli. Sic ergo alius est unguenti odor et alia unguenti substantia; ita aliud est Christus, et aliud particeps sui. Et sicut vas ipsum quod substantiam continent unguenti, nullo genere potest aliquid recipere fetoris; hi vero qui ex odore ejus participant, si se paulo longius a fragrantia ejus removerint, possibile est ut incidentem recipient fætem: ita anima Christi velut vas in quo inerat substantia unguenti, impossibile fuit ut contrarium recipere odorem; particeps vero ejus quam proximi fuerint vasculo, tam odoris crunt particeps et capacities. Hoc modo hujus rei explanabitur difficultas. Naturam quidem animæ illius hanc fuisse, quæ est omnium animalium, non potest dubitari: alioquin nec anima potuit, si vere non fuit anima. Verum quoniam boni malique eligendi facultas omnibus presto est, hæc anima quæ Christi est, ita elegit diligere justitiam, ut pro immensitate dilectionis ei inconvertibiliter atque inseparabiliter adhæret: ita ut propositi firmitas, et affectus immensitas, et dilectionis inextinguibilis calor omnem sensum conversionis abscederet: ut quod in arbitrio erat positum, longi usus affectu jani versum sit in naturam. Ita et fuisse quidem in Christo humana et rationalibilis anima credenda est, et nullum sensum vel possibilitatem eam putandum est habuisse peccati. Ad pleniorum tamen rei explanationem non videtur absurdum, si etiam similitudinem aliquam utamur: licet in re tam ardua tamque difficultate, ne exemplis quidem uti commodis copia est, tamen ut absque aliquo prajudicio dicamus: Ferri metallum capax est et frigoris et caloris. Si ergo massa aliqua ferri semper in igne sit posita, omnibus suis poris omnibusque venis ignem recipiens, et tota ignis effecta, si neque ab ea ignis cesseret aliquando, neque ipsa ab igne separetur; numquid dicemus hanc quæ natura quidem ferri massa est, in igne positam et indesinenter ardente posse aliquando frigus recipere? Sed (a) et quamplurima alia in Scripturis divinis de umbra significantia videamus inserta: ut illud in Evangelio secundum Lucam, cum dicit Gabriel ad Mariam, *Spiritus Domini veniet super te, et virtus Altissimi obumbrabit tibi* (*Luc. i, 35*). Et Apostolus de Lege dicit, quia similitudini et umbra deseruunt colestium, hi qui carnalem habent circumisionem (*Hebr. viii, 5*). Et alibi dicitur, *Nonne vita nostra umbra est super terram* (*Job viii, 9*)? Si ergo et lex quæ super terram est, umbra est, et vita omnis nostra quæ est super terram, umbra est, et in umbra Christi vivimus inter gentes; videntum est ne omnium harum veritas umbrarum in illa revelatione noscatur, cum jam non per speculum, et in ænigmate, sed facie ad faciem (*I Cor. xiii, 12*).

¹ MSS., *pro motu*.

² MSS., *an doctrinam. Origenes, an documentum.*

(a) Postrema verba capituli 6 libri 2 p. ri Archon.

sancti quique, et Gloriam Dei, et rerum causas ac veritatem speculari merebuntur: cuius veritatis accepto jam pignore per Spiritum sanctum, dicebat Apostolus: *Et si cognovimus Christum secundum carnem aliquando, sed nunc jam non novimus* (II Cor. v, 16). Hæc interim nobis ad præsens de rebus tam dif-

ficilibus disputantibus, id est, de incarnatione et deitate Christi, occurrere potuerunt. Si quis sane melius aliquid potuerit invenire, et evidenteribus de Scripturis sanctis assertionibus confirmare quæ dicit, illa potius quam hæc recipientur.

ADMONITIO IN SUBSEQUENTEM LIBRUM.

Distributus olim fuit in tredecim capita, quorum posteriora novem contractum interpolatumque omnem fere librum Augustini contra Sermonem Arianorum, dictis eorumdem hæreticorum sine distinctione positis, continebant. Capita autem priora quæstiones aliquæ dialogi Orosii qui in sexti tomus Appendix est, decurta-tas et depravatas referunt, ut verisimilius sit hunc librum ex Dialogo, quam ex hoc libro Dialogum locupletatum fuisse. In ea porro Dialogi parte quæ hic translata est, verba Augustini nonnulla reperies: illud exempli gratia quod hic legitur in capite 3 et in quæstione dialogi 9, « *Si Spiritus filius diceretur, amborum filius diceretur; nullus autem filius est duorum, nisi,* » etc., descriptum est ex Tractatu 99 in Joan. et ex lib. 45 de Trinitate. Altera parte capituli ejusdem tertii exhibentur breviora quædam excerpta ex libro secundo de Trinitate. Tandem caput quartum sumptum est ex libro Quæstionum de Novo Testamento, quæst. 93; qui Quæstionum liber in Appendix tomus tertii exstat.

DE TRINITATE ET UNITATE DEI

Liber unus.

CAPUT PRIMUM. — (a) Personam geniti Filii principium Geneseos evidenter ostendit: ait enim, *In principio fecit Deus cælum et terram* (Gen. i, 1). Quem alium principium intelligendum putamus, nisi Filiū? Ipse enim de se interrogantibus Iudeis quis esset, respondit, *Principium qui et loquor vobis* (Joan. viii, 25). Ergo principium Filius. Per Filiū fecit Deus cælum et terram, sicut Joannes evangelista narrat: *Omnia per ipsum facta sunt, et sine ipso factum est nihil* (Id. i, 3). Filius Dei natura est Filius, non adoptione, sicut scriptum est: *Ante luciferum genui te* (Psal. cxix, 3). Deus Pater uterum non habet sicut nos, aut corporeus esse credendum est; sed per uterum substantiam intelligi voluit, de qua natus est Filius. Quod est Pater, hoc genuit: Deus Deum, lux lucem; sicut homo hominem gignit, et canis canem. Nunquam visum est ut homo gigneret canem. Ac per hoc Pater non de nihilo, neque de aliqua alia substantia, sed de se ipso genuit Filiū.

(b) Spiritum sanctum, neque ingenitum, neque genitum fides recta declarat: quia si dixerimus ingenitum, duos patres affirmare videbimus; si autem genitum, duos filios credere culpamur. Sed quod certa fides tenet, nec ingenitus est, nec genitus, sed ab utroque procedens, id est, a Patre et a Filio. Et ut hoc testimonii approbemus, ipsum Dominum nostrum Jesum Christum ad discipulos audi dicentem: *Cum venerit, inquit, Paracletus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me* (Id. xv, 26). Et rursus ipse Dominus Jesus Christus post resurrectionem suam, ut ostenderet a se procedere Spiritum sanctum, sicut et a Patre; insufflans in discipulos suos, ait: *Accipite Spiritum sanctum* (Joan. xx, 22). Unus est ergo Spiritus Patris et Filii, unus amborum Spiritus. Igitur quod Parvus sit Spiritus, ipse Dominus et Salvator noster discipulis suis ait: *Non enim vos estis qui loquimini, sed Spiritus Patris vestri, qui loquitur in vobis* (Matth. x, 20). Et quod idem et Filii sit Spiritus, Paulus apostolus testis est: *Si quis autem, inquit, Spiritum*

Christi non habet, hic non est ejus (Rom. viii, 9).

CAPUT II. — (a) Procul dubio in nomine Dei, Pater; in nomine principii, Filius intelligendus est. Profecto cum dixisset, *In principio fecit Deus cælum et terram;* et subsecutus adjunxit, *Et Spiritus Dei se-rebatur super aquas* (Gen. i, 1, 2): qui est tertia in Trinitate persona. Igitur si non esset tria persona, nunquam Dominus noster Jesus Christus diceret discipulis suis, *Ite, baptizate omnes gentes in nomine Patris et Filii et Spiritus sancti* (Matth. xxviii, 19). Nec baptizato Domino a Joanne in Jordane fieret vox de cœlo, dicens: *Hic est Filius meus dilectus, in quo mihi bene complacui* (Id. iii, 17). Nec Spiritus sanctus in specie columba descendisse super eum, et manuisse diceretur. Ideo tres personas secundum Scripturas sanctas intelligimus, id est, alium esse Patrem, alium Filium, qui genitus est a Patre, alium Spiritum sanctum: non aliud, quia substantia unum sunt. Personas distinguimus, non deitatem separamus. (b) Quod autem Pater et Filius et Spiritus sanctus de una substantia sit, beatus Paulus apostolus de Filio ad Romanos scribens demonstrat: *Quorum patres, inquit, et ex quibus Christus secundum carnem, qui est super omnia Deus benedictus in sæcula* (Rom. ix, 5). Et iterum in Evangelio secundum Joannem, *Ut cognoscant te solum verum unum Deum, et quem misisti Iesum Christum* (Joan. xviii, 5): id est, te, et quem misisti Iesum Christum, verum unum Deum. Et rursus Scriptura dicit, *Ut simus in vero Filio ejus Iesu Christo, ipse est verus Deus et vita aeterna* (I Joan. v, 20). Et ut æqualitatem suam ostenderet, ait ipse Dominus, *Ego et Pater unus sumus* (Joan. x, 30): scilicet natura, non persona. Et iterum inquit, *Propterea querebant Iudei interficere Jesum, quia non solum solebat sabbatum, sed et Patrem suum dicebat Deum, æqualem se faciens Deo* (Id. v, 18). Et rursus Paulus inquit, *Qui cum in forma Dei esset, non rapinam arbitratus est esse se æqualem Deo* (Philipp. ii, 6). Non poterat esse rapina, ubi æqualis erat natura; non erat usurpata, sed nata; non rapuit, quia vere ha-

(a) Ex quæstione 1 dialogi inter Orosium et Augustinum.

(b) Ex quæst. 2 ejusdem dialogi.

(a) Ex quæstione 1 dialogi inter Orosium et Augustinum.

(b) Ex quæst. 3 ejusdem dialogi.

buit. Spiritum vero sanctum Deum, Acta Apostolorum apertissime docent: *Ananii, inquit Petrus, cur tentavit Satanus cor tuum, mentiri te Spiritui sancto?* Et infra, *Non hominibus mentitus es, sed Deo (Act. v, 3, 4).* Et in Evangelio inquit secundum Joannem: *Dominus spiritus est (Joan. iv, 24).* Paulus ad Corinthios scribens, ait: *Nescitis quia corpora vestra tempulum sunt Spiritus sancti, qui in vobis est, quem habetis a Deo, et non estis vestri?* Idem Paulus, *Empti enim estis pretio magno, gloriificate et portate Deum in corpore vestro (1 Cor. vi, 19, 20).* Pater, inquam, Deus, Filius Deus, Spiritus sanctus Deus: non tres dei, sed unus est Deus, ut Moyses dicit: *Audi, Israel; Dominus Deus tuus, unus est Deus (Deut. vi, 4).* Ac per hoc sicut dicimus, non tres deos, non tres essentias; ita nec tres sapientias, nec tres spiritus. Nam interrogati de singulis personis, si sit Pater sapientia, vel Filius, vel Spiritus sanctus: respondemus, Pater est sapientia, Filius est sapientia, Spiritus sanctus est sapientia: non tres sapientiae, nec tres spiritus; sed una sapientia, et unus spiritus; sicut una substantia, et una essentia: quia hoc illi Patri est esse, quod Filio sapientiae et Spiritui sancto est esse. (a) Et cum aequaliter sint Pater et Filius et Spiritus sanctus, Filius tamen dicit, *Pater major me est (Joan. xiv, 28);* et, *Non veni voluntatem meam facere, sed voluntatem ejus qui me misit (Id. vi, 38, 40);* et, *Pater, si possibile est, transeat a me calix iste (Matt. xxvi, 39);* et, *Mea doctrina non est mea, sed ejus qui me misit (Joan. vii, 16).* Ista omnia, et alia quae dicit Filius, secundum formam servi quam assumpsit, intelligenda et dicta sunt. Igitur cum primus homo conditus esset a Deo, et libero arbitrio muneraretur, praeceplumque ei positum esset, ut si custodisset quae ei Deus praecepserat, non morte corporis, nec animae moreretur: sed ille inobediens mandato Dei, atque elatus superbia, suasioni serpentis obediens, mandata contempserat. Et hæc causa exstitit ut mortis periculum incurreret; et ab illo uno homine omnis humana natura vitia, atque peccato obnoxia, mortalitas existeret. Unde apostolus Paulus inquit, *Per unum hominem peccatum introiit in mundum, et per peccatum mors: et ita in omnes homines mors pertransiit, in quo omnes homines peccaverunt. Quia sicut per unum hominem omnes homines in condemnationem ceciderunt, ita et per unius justitiam omnes homines in justitiam vitae surrexerunt (Rom. v, 12, 18);* et item, *Primus homo de terra terrenus, secundus homo de caelo caelstis (1 Cor. xv, 47).* Cœlestem itaque dico, quia non ex humano conceptus semine, sed de Maria virgine, pro nostra salute, assumptus a Filio Dei, sicut Joannes testatur: *Et verbum caro factum est, et habitavit in nobis (Id. i, 14).* Verbum caro factum est, non in carnem mutatum, ut desisteret esse quod erat, sed carpit esse quod non erat: sumpsit enim carnem, non convertit in carnem. Carnem istam a parte totum hominem intelligimus, id est, carnem et animam rationalem: ut primus homo et carne et anima mortuus fuerat; ita etiam oportuit ut per Mediatorem Dei et hominum hominem Christum Jesum, et carne et anima vivificaretur. Ergo, ut supra diximus, secundum assumptionis formam carnis dictum est, *Pater major me est (Joan. xiv, 28).* (b) Non est credendum posse Filium Dei et Filium hominis duos filios esse; quia non sunt duo filii, sed unus. Nam ille qui erat Filius Dei, factus est filius hominis in unitate personæ. Ut anima et caro unus est homo, ita Verbum et homo unus est Christus. Duas substancias accipimus in uno Filio Dei; unam deitatis, aliam humanitatis, non duas personas. Et si dixerimus duas personas, introducimus etiam duos filios Dei: et jam tunc non erit Trinitas, sed quaternitas; quod absit. Profecto enim per id quod est Deus, et aequalis Patri, et ubique praesens est, et in caelo est totus, et in terra totus, et in nullo

(a) Ex quest. 4 dialogi inter Orosium et Augustinum.
(b) Ex questio 5 ejusdem dialogi.

continetur loco: per id quod homo, et passus et mortuus, et resurrexit et ascendit in caelum, sedetque ad dexteram Patris, et sic veniet ad judicandum vivos et mortuos, quemadmodum est ire visus in caelum, in eadem forma carnis atque substantia; cui profecto immortalitatem dedit, naturam non abstulit. (n) Licit una substantia sit, neque persona Patris, neque Spiritus sancti, sed sola Filii suscepit carnem. Et ut hoc intelligamus, comparationibus utar. Certe (ut ex creatura intelligas Creatorem) sic in anima est ratio, et cum sint unum, aliud anima agit, aliud ratio; anima vivimus, ratione sapimus: ita Pater et Filius et Spiritus sanctus cum sint una substantia, tota Trinitas opera: est hominem, quem non tota Trinitas assumpsit, sed sola Filii persona. (b) Nec voluntate, nec necessitate genuit Pater Filium. Non necessitate, quia necessitas in Deo non est: non voluntate, quia voluntas preire sapientiam non potest, quia est Filius. Igitur prius est rationabiliter sapere, quam rationabiliter velle. Unde nec voluntate nec necessitate, sed naturaliter sola sapientia Pater genuit Filium. (c) *Sicut Pater vitam habet in semetipso, sic dedit Filio habere vitam in semetipso (Joan. v, 26).* Scimus Filium Dei a semetipso non esse, sed a Patre genitum esse: Patrem vero a nullo genitum esse, a nullo vitam accepisse. Dedit Pater Filio vitam, gignendo vitam quam Pater habuit in se. Non quod prius fuerit Filius sine vita, et postea accepit vitam; sicut nos qui per peccatum amissimus vitam, et per gratiam Salvatoris receperimus vitam. Ideo de eo dicitur, Filius a Patre accepit vitam, quia non a se ipso est genitus: non existenti dedit, sed gignendo.

CAPUT III.—(d) Quoniam et oratione et testimoniis persuasiimus de subjectione Filii, quia non secundum substantiam minor, sed secundum formam servi quam assumpsit: sed ut missus esse dicatur, aliquid dicere volumus. Scimus sicut Filius non secundum substantiam dicitur missus, seu minor: ita nec Spiritus sanctus propter columbam vel ignem missus dicitur: scilicet quia non in ea substantia, qua aequalis est Patri, apparet; sed, ut dictum est, per subjectam creaturam. Non enim sicut Filius hominem assumpsit, ut in eternum permaneat, sic Spiritus sanctus columbam vel ignem: sed illæ facte visiones de creatura inferiore ad manifestandum Spiritum, esse postea destiterunt. Nunquam enim illa incomprehensibilis immutabilis divinitas, quae est Trinitas Deus, ab oculis carnalibus videri potest, nisi, ut dictum est, per subjectam creaturam. Inter genitum Filium et processionem Spiritus sancti hoc distat, quod Filius Dei sic est de Patre, quomodo natus, non quomodo datus: Spiritus vero sanctus sic est de Patre et Filio, non quomodo natus, sed quomodo datus. Filius natus solius est Patris, non Spiritus sancti. Amborum est Spiritus, id est, Patris et Filii: quia (e) si Spiritus Filius diceretur, amborum Filius diceretur. Nullus autem filius est duorum nisi patris et matris: quod absit ut inter Deum Patrem et Filium quis suspectetur, quia nec filius hominis simul et ex patre et matre procedit: sed cum procedit ex patre, non tunc procedit ex matre; et cum procedit ex matre in hanc lucem, non tunc procedit ex patre. Spiritus vero sanctus non de Patre procedit in Filium, et de Filio procedit ad sanctificandam creaturam, sed simul de utroque procedit. (f) De eo quod a Joanne dicitur, quod Spiritus sanctus non loquitur a semetipso; sed quæcumque audiet, loquetur (Id. xvi, 13); non loquitur a semetipso, quia non est a se ipso: Pater enim a nullo est natus, Filius a Patre est genitus, Spiritus sanctus a Patre et Filio procedens:

(a) Ex quest. 6 dialogi inter Orosium et Augustinum.
(b) Ex quest. 7 ejusdem dialogi.
(c) Ex quest. 8 ejusdem dialogi.
(d) Ex quest. 9 ejusdem dialogi.
(e) Verba Augustini in tractatu 99 in Joan., n. 9.
(f) Ex quest. 11 et 12 dialogi Oros. et ex libro 2 Augustini de Trinitate, cap. 37.

ideo non loquitur a se ipso; sed quæcumque audiet, loquetur. Audire illi esse est, a se non est, sed a Patre: ideo quæcumque audiet, loquetur. Quid sit quod Spiritus sanctus pro nobis interpellare dicitur, quod dicit Paulus ad Romanos scribens: *Nam quid oremus sicut oportet, nescimus; sed ipse Spiritus postulat pro nobis genitibus inenarrabilibus. Qui autem scrutatur corda, scit quid desideret Spiritus, quia secundum Deum postulat pro sanctis* (Rom. viii, 26). Modus iste locutus nisi, qui frequenter in Scripturis sanctis invenitur, est sicut Deus dicit ad Abraham, *Nunc cognovi, quoniam timeas Deum*, (Gen. xxii, 12), hoc est, cognoscere te feci: sicut dicit Apostolus, *Nunc cognoscentes Deum, imo cogniti a Deo* (Galat. iv, 9). Nempe omnia in praesenti: Dei sunt aequaliter; presentia sunt futura, quasi iam facta sint: quomodo dicit, *cogniti a Deo*, nisi faciente Deo ut cognoscamus Deum; sic et hic scribitur Spiritus sanctus genere pro nobis, id est, gementes nos facere, infundendo nobis charitatem in Deum et proximum: sicut legitur, *Lætus dies, quia lætos homines faciat*. Pater solus nusquam legitur missus, sed missionem Filii ita scribit Apostolus: *Cum autem renerit plenitudo temporis, misit Deus Filium suum natum ex muliere, factum sub lege, ut eos qui sub lege erant, redimeret* (Ibid. 4, 5). Quod Filius Dei natus de Maria virgine, venit in mundum, testatur evangelista, dicens, *In mundo erat, et mundus per ipsum factus est* (Joan. i, 10). Et ipse ait, *Ego a Patre exiui, et veni in hunc mundum* (Id. xvi, 28). Item Evangelista dicit, *Et mundus eum non cognovit*. Deinde subjungit, *In sua propria venit* (Id. i, 10, 11). Illuc utique missus est, quo venit: sed in hunc mundum est missus, ubi erat; quæ missio tamen esse opus sanctæ Trinitatis, nulli sit catholico dubitandum. Nusquam scriptum est, quod Deus Pater major sit Spiritu sancto, vel Spiritus sanctus minor Deo Patre, quia non ita est. Quia persona divinitatis sue assumpta est a Filio Dei ex virgine Maria, in personam sue humanitatis, unitatem habitumque conjunxit in æternum. Quamvis Spiritus sanctus apparuerit in specie columba vel ignis, non possumus tamen dicere Spiritum sanctum Deum et columbam, aut Deum et ignem, sicut dicimus Filium Deum et hominem. Propter has igitur corporales formas, in quibus apparuit Spiritus sanctus, missus dicitur: non propter has minor Patre dici potest; sicut Filius propter formam servi, qua inhaesit illi ad unitatem personæ perpetualem. Ille vero species corporales, ut est columba vel ignis, ad demonstrandum quod opus fuit, ad tempus apparuerunt, et esse postea destiterunt. Nonne apparet debuerunt creature sicut oportuit, servientes Creatori ad nutum ejus; qui incomunicabiliter in se ipso permanet, ad eum significandum et demonstrandum, sicut significari et demonstrari mortaliibus oportebat, mutata atque conversæ?

CAPUT IV.—(a) A quibusdam dubitari solet, an Spiritum sanctum habuerunt Apostoli illo tempore, quo fuerunt cum Christo Domino, secundum quod Evangelista dicit, *Spiritus nondum erat datus, quia Jesus nondum erat glorificatus* (Id. vii, 39). Et in alio loco ait, *Si diligitis me, præcepta mea servate: et ego rogabo Patrem, et alium Paracletum dabit vobis, ut vobiscum sit in æternum*, *Spiritus veritatis: quem mundus non potest accipere; quia non videt eum, neque cognoscit eum. Vos autem videtis eum, et cognoscitis eum; quia apud vos manet, et vobiscum est* (Id. xiv, 15-17). Et etiam post resurrectionem suam legitur insufflasse et dixisse discipulis, *Accipite Spiritum sanctum* (Id. xx, 22). In Pentecoste vero legitur Spiritus sanctus in Apostolos descendisse (Act. ii, 4). Ad hanc dicendum, quia unus Spiritus est, sed dona habet multa. Non est dubium, quin Spiritus sanctus erat cum eis: quia ubi Christus est, Spiritus sanctus est. Et quia venturum Spiritum sanctum a Patre promiserat Christus, non defuit in hoc indiffe-

(a) Ex Questionibus de Novo Testamento, quest. 93.

rens ejus divinitas. Trium officiorum forme doni Spiritus sancti in Apostolis sunt ostensæ: quarum prima est, quæ ad ius ecclesiasticum pertinet, in regenerandis. Ecclesiastica potestas intelligitur esse in officiis episcoporum et sacerdotum, qui omnia in traditione dominica per Spiritum sanctum agere debent. Unde illis dicit Jesus, *Quorum tenueritis peccata, renebuntur; et quorum remiseritis, remittentur eis* (Joan. xx, 23). Secunda est, quæ in Pentecoste data est, quæ generalis est: non solum enim in Apostolis, verum etiam in omnes credentes decidit Spiritus sanctus. Tertia forma est, quæ solum Apostolis vel ordinatis in initio concessa est, in signis ac virtutibus scientiis, usquedam fidei semina jacerent ad crementum. Semina enim fidei sunt virtutes per Apostolos factæ: ipsi enim Apostoli antistites positi sunt hujusmodi veritatis, qui per signa et prodigia rationabilem esse fidem nostram testantur. Igitur Spiritus sanctus datur omnibus generaliter creditibus, sed si manet in eis: in signis vero et prodigis filii Dei esse probantur. Etiam Spiritus sanctus non manet quandoque in homine, sed vocatus advenit, ut suggerat necessaria, et recedat. Similiter et in traditione vel ordinatione, deforis gratiam et tuitionem præstat devotis fidei, ut commendationes habeantur per inspirationem ejus.

CAPUT V.—(a) Pater, Filius, et Spiritus sanctus unus est verus Deus, secundum illud quod scriptum est. *Audi, Israel; Dominus Deus tuus unus est* (Deut. vi, 4). Et in Evangelio scriptum est, *Ut cognoscant te solum verum Deum, et quem misisti Iesum Christum* (Joan. xviii, 3). Et de Christo dicitur a Joanne apostolo, *Ipsæ est verus Deus, et vita æterna* (1 Joan. v, 20). Ante omnia tempora Filius erat, ut intelligendum in hoc est, *In principio erat Verbum: et, Omnia per ipsum facta sunt*. Quia et tempus sine aliquibus creaturæ motibus non potest esse. Et ideo per Filium facta constemur et tempora, per quæ facta sunt omnia: ideo procul dubio aquilus genitus, et coeternus est Patri Filius. Dicitur [Filius Dei ex voluntate et precepto Patris, coelestia, terrestria, visibilia et invisibilia, corpora et spiritus ex nullis existantibus, id est, ex nihilo ut essent, sua virtute fecisse (b):] cum ipse ex nullis existantibus, hoc est, ex nihilo non factus sit, sed ex Deo Patre Deus: quæ res indicat unam et eandem Patris Filii naturam. Filius per se ipsum non potuit, tanquam non esset ante quam fieret, ut esset ipse per quem fieret idem ipse. Porro si per aliquem alium a Patre factus est Filius; quis est ipse alius, cum omnia per ipsum facta sunt, hoc est, per Verbum ejus? [Antequam faceret universa, omnium futurorum Deus et Dominus, rex et creator era constitutus, et omnium futurorum in natura habens præscientiam, et in faciendo in omnibus expectans Patris jussionem. Ipse voluntate Patris descendit de cœlo, et venit in mundum, sicut ipse ait: *Non enim a me ipso veni, sed ille me misit* (c).] Una quippe ipsa Trinitas est, quoniam ex ipso, et per ipsum, et in ipso sunt omnia. Dicimus jubente Patre Filium creasse omnia, non esse nisi Verbum, per quod facta sunt omnia. Quod autem Pater miserit Filium, qui cum ipso venit, ipse testatur qui ait, *Non sum solus, quoniam Pater mecum est*. Nunquam ideo diversa natura est, quia Pater mittit, et mittitur Filius. Potest homo pater mittere hominem filium, non unius ejusdemque substantie, cum homo missus ab homine mittente separetur: quod non potest Deus. Sed ignis mittit splendorem suum, nec potest splendor separari ab igne mittente. Cum enim splendorem mittit ignis, longius pervenit inde splendor, quo ignis non pervenit. Unde splendor ab igne qui est in lucerna missus¹.

¹ Augustinus in libro contra Sermonem Ariorum s.r. psit: *Non utique posset verum dicere in particula, quo sine lucerne igne pervenit, ignis qui me misit mecum est: poruit*

(a) Ex libro contra Sermonem Ariorum, capp. 1, 2, etc.

(b) Ariorum verba.

(c) Item verba Ariorum.

utique vere possit dici in pariete, quo sine lucernae igne pervenit ignis. Super hoc Filius dicit, *Qui me misit, mecum est* (*Joan. viii. 42, 46, 29*) : quod vere potuit Filius dicere, *Pater mecum est*. Cum igitur haec a Patre missio Filii prorsus ineffabilis sit, nec capi ullius cogitatione possit, hoc etiam hic protest intelligi, ut a Patre missus esse dicatur, quod Filius hominibus apparuit in carne, non Pater. *Quo enim mittitur Filius, ubi non est?* *Ubi autem non est sapientia Dei?* etc.

autem missus a Patre Filius dicere, Pater mecum est. Sementiam turpiter de ornata exscriptor; nec aliquid deinceps adjungit praeter excerpta ex eodem Augustini libro contra eroueum Arianorum, male compacta et fronde truncatis aut interpolatis sententiis incepta lectaque indigna.

ADMONITIO IN SUBSEQUENTEM LIBRUM.

Non uni Augustino, sed aliis multis auctoriis atque falso tributus fuit, Ambrosio, Hieronymo, Anselmo, Bonaventuræ. Quanquam apud Hieronymum non totus exstat, sed tantum usque ad verba, *Hæc omnia quæ prædicta sunt, etc.*, col. 1208, cap. 2; apudque ipsum inscribitur, *De his quæ Deo in Scripturis atribuuntur*. Apud Anselmum, *De vestimentis et membris et actibus Deo tributis*. Apud Bonaventuram, *De essentia et invisibilitate et immensitate Dei*. In MSS. Vaticano et Victorino sub Augustini nomine titulum habet, *De essentia divinitatis et de invisibilitate atque incommutabilitate Dei*. Prima et maxima pars libri ex Eucherii Lugdunensis opere de Formulis spiritualis intelligentiae sumpta, continet totum caput ejusdem operis primum, quod est de Divinis nominibus.

DE ESSENTIA DIVINITATIS

LIBER UNUS.



I. *Omnipotens Deus Pater et Filius et Spiritus sanctus, unus atque trinus, unus videlicet in natura, trinus vero exstat in personis: solus invisibilis, solus immensus atque incomprehensibilis, solus incircumscripturn, solus immutabilis, incorporeus et immortalis, ubique praesens, sed latens: ubique totus, sed immensus. Invisibilis est, quia in essentia sua videri non potest. Apostolo testante, qui ait, *Quem nullus hominum vidit, sed nec videre potest* (*I Tim. vi. 16*). Et in Evangelio, *Deum nemo vidit unquam* (*Joan. i. 18*). Incorporeus est, quia nullis membrorum lineamentis compositus, sive compactus existit, sicut Veritas in Evangelio ait, *Spiritus est Deus; et eos qui adorant eum, in spiritu et veritate oportet adorare* (*Id. iv. 24*). Immensus est, quia quantitas ejus vel qualitas a nullo ex creaturis metiri potest: cui Salomon in oratione sua supplicans ait, *Si cœlum et cœli cœlorum te non capiunt, quanto magis domus ista quam ædificavi* (*III Reg. viii. 27*)? Incircumscripturn est, quoniam circumscribi non potest. Illocaalis est, quoniam de loco ad locum nequaquam transit, sed neque in loco quolibet retinetur¹, ipso de semetipso per Isaiam prophetam testimonium perhibente atque dicente, *Cœlum sedes mea, terra autem scabellum pedum meorum* (*Isai. LXVI. 1*). Et per Jeremiam, *Nonne cœlum et terram ego impleo, dicit Dominus* (*Jerem. xxiii. 24*)? Cujus immensitatem prophetæ in Psalmo confitens ad ipsum Deum ait, *Si ascendero in cœlum, tu illic es; et si descendero ad infernum, ades* (*Psal. cxxxviii. 8*). De ejus immensitate adhuc in libro beati Job scriptum est, *Excelsior cœlo est, et quid facies? Profundior inferno, et unde cognosces* (*Job xi. 8*)? Longior terra mensura ejus, et latior mari. Qui enim cœlum et terram implet, procul dubio nullus est locus ab ejus praesentia absens. Super omnia quippe creaturam præsidet regendo atque imperando: subtus omnia est sustinendo atque portando, non laboris pondere, sed infatigabili virtute: quoniam nulla creatura ab eo condita per se subsistere valet, nisi ab ipso sustentetur qui illam creavit. Extra omnia est, sed non exclusus: intra omnia est, sed non inclusus. Immutabilis est, quia ab eo quod est mutari omnino non potest, ipso dicente per Mala-*

chiam prophetam, *Ego Dominus et non mutor* (*Malach. iii. 6*). Ideo autem Deus immutabilis dicitur, quia in natura ejus, ira, furor, poenitentia, oblivio, recordatio, et alia his similia, nullo modo accidentunt. Simplex enim natura est, et immutabilis atque imperturbata; neque aliud est ipse, et aliud quod habet: sed ipsum est quod habet et quod est. Immortalis est, quia mori nullo modo potest, Apostolo hoc attestante atque dicente, *Qui solus habet immortalitatem, lucem habitans inaccessibilem, quem nullus hominum vidit, sed nec videre potest* (*I Tim. vi. 16*). Ubicumque autem sacra Scriptura sparsim per divinos Libros, in Deo notus animæ seu humana membra describit, id est, caput, capillos, oculos, palpebras, aures, nares, os, labia, linguam, cor, imaginem, uterum, manus, dexteram, sinistram, digitos seu digitum, brachium, alas, scapulas, posteriora, pedes; item motus animæ, iram, furem, oblivionem, recordationem, poenitentiam, et alia his similia: non carnaliter juxta historiam a recte intelligentibus scientia sunt, sicut a Judeis et a plerisque hæreticis carnaliter sapientibus, qui Deum corporeum atque localem opinantur; sed spiritualiter omnia de eo intelligenda et confitenda sunt. Si quis autem in Deo humana membra, seu motus animæ more humano inesse credit, procul dubio in corde suo idola fabricat. Igitur, ut dictum est, figuraliter in Deo caput cum legimus, ipsam essentiam divinitatis ejus, que omnia præcedit, et cui universa subjecta sunt, intelligere debemus. Capillos vero capitis ejus, sanctos Angelos seu universos electos typice accipi oportet. De quo sacramento in libro Danielis prophetæ scriptum est, *Aspiciebam donec throni positi sunt, et Antiqui dierum sedis: vestimentum ejus quasi nix candida et capilli capitis ejus quasi lana munda* (*Dan. vii. 9*). Hoc enim significat per vestimentum ejus candidum, quod et per capillos capitis ejus, sanctos videlicet Angelos et multitudinem sanctorum dealbatorum. Vel certe ideo capilli ejus lana mundæ comparantur, ut per hoc Antiqui dierum esse credatur. Oculos brillare dicitur Deus, pro eo quod omnia videt, et nihil eum latet, *in cunctis conspectu*, ut ait Apostolus, *nulla creatura invisibilis est. Omnia enim nuda et aperta sunt*.

¹ Ms. Vaticanus, continetur.

¹ Apud Hieronymum, sumenda.

oculii ejus (Hebr. iv, 13). Aliter vero oculi Domini respectus gratiae ejus intelliguntur, ut est illud in Psalmo, *Oculi Domini super justos (Psal. xxxiii, 16).* Item aliter oculi Domini, præcepta ejus per quæ nobis lumen scientie subministratur, mystice accipiuntur: ut est illud in Psalmo, *Præceptum Domini lucidum, illuminans oculos (Psal. xviii, 9).* Palpebre Domini, occulta atque incomprehensibilia judicia ejus, sive spiritualis in divinis Libris locutio ejus inuitur: de quibus occultis atque incomprehensibilibus sacramentis atque judiciis in Psalmo scriptum est, *Palpebrae ejus interrogant filios hominum (Psal. x, 5), id est, probant. Aures habere dicitur Deus propter quod omnia audit, et nihil illum sub silentio latet: de quo in libro Sapientie scriptum est, Auris zeli audit omnia, et tumultus murmurationum non abscondetur (Sap. i, 10).* Nares Dei, inspiratio ejus in corda side- lium: ut est illud in libro Regum, *Ascendit sumus de naribus ejus (II Reg. xii, 9), id est, lacrymosa compunctio paenitentia per inspirationem illius. Facies Dei, cognitione divinitatis ejus ad homines: de qua cognitione in Psalmo scriptum est, Ostende nobis, Domine, faciem tuam, et salvi erimus (Psal. lxxix, 4); hoc est, da nobis cognitionem tuam: que cognitio per Filium hominibus innotuit ipso dicente in Evangelio, *Nemo novit Patrem nisi Filius, et cui voluerit Filius revelare (Matth. xi, 27).* Aliter vero facies Dei significat invisibilem essentiam divinitatis Filii Dei: de qua ipse Dominus ad Moysen per Angelum respondens ait, *Posteriora mea videbis; faciem autem meam videre non poteris (Exod. xxxiii, 23); ac si diceret, Incarnationem meam videbis in novis-invisi diebus, divinitatem autem meam videre non poteris.* Os Dei, Filius Dei Patris, id est, Christus Dominus: de quo Isaia propheta ex persona Iudicorum effatus ait, *Quia os ejus ad iracundiam provocavimus (Thren. i, 18).* Aliter vero os Domini, sermo ejus sive jussio accipitur: de quo sermone Domini prædictus propheta ait, *Os Domini locutum est (Isai. lviii, 14);* hoc est, Verbum Dei, Patris filius, per quod omnia facta sunt: de quo in Psalmo, *Verbo Domini cœli firmati sunt (Psal. xxxii, 6).* Et alibi, *Misit Verbum suum, et sanarit eos (Psal. cxi, 20).* Et in Evangelio, *In principio erat Verbum, et Verbum erat apud Deum, et Deus erat Verbum (Joan. i, 1).* Lingua Dei mystice significat Spiritum sanctum, per quem Deus Pater secretum suum hominibus manifestavit: unde in Psalmo, *Lingua mea calamus scribæ velociter scribentis (Psal. xliv, 2).* Labia Domini, utriusque Testamenti consonantia intelliguntur: de quibus duobus Testamentis in Proverbiis scriptum est, *Divinatio in labiis ejus, in iudicio non erravit os ejus (Prov. xvi, 10).* Brachia Dei Patris, Filius ejus et Spiritus sanctus intelliguntur: sicut est illud in Isaia propheta, *Et brachia mea populos iudicabunt (Isai. li, 5).* Brachium Dei Patris singulariter, Filius ejus accipitur: de quo Jeremias propheta ad ipsum ait, *Et nunc, Domine Deus, qui eduxisti populum tuum de terra Egypti in manu forti et brachio extento (Jerem. xxxii, 21).* Idcirco autem Filius Dei Patris, brachium ejus dicitur, quia omnis creatura electa ab ipso continetur. Dextera Dei Patris, ideo unigenitus Filius accipitur: de quo in Psalmo ex persona hominis assumpti, *Dextera, inquit, Domini fecit virtutem, dextera Domini exaltavit me (Psal. cxvii, 16).* Aliter autem dextera Domini gloriam Patris significat, id est, eternam beatitudinem: de qua in Psalmo ex persona Patris ad Filium, *Sede a dextris meis (Psal. cix, 1).* Dicitur autem et dextera Dei omnis electa creatura in celo ei in terra, sicut et per sinistram ejus intelligitur reproba creatura, id est, dæmones et omnes impii qui ad levam positi æterna supplicia sustinebunt. Manus Dei Patris, Filius Dei accipitur, pro eo quod per ipsum omnia facta sunt: sicut est illud in Isaia propheta, *Omnia**

¹ Ms. Sorbonicus, *inspiratione. Hieronymus, de inspiratione.*

*hæc manus mea fecit (Isai. lxvi, 2); et facta sunt omnia. Aliter vero manus Dei potestas ejus intelligitur: de qua potestate in libro Jeremie scriptum est, *Sicut lutum in manu figuli, ita vos in manu mea, dominus Israel (Jerem. xviii, 6).* Item manus Dei flagellum accipitur: de cuius percussione in Sophonia propheta scriptum est, *Extendam manum meam super Judam et super habitantes Jerusalem, et disperdam de loco hoc reliquias Baal, etc. (Sophon. i, 4).* Pro qua Domini percussione beatus Job de semetipso ait, *Manus Domini tetigit me (Job xix, 21).* Digitus Dei singulariter, Spiritus sanctus accipitur, a quo Spiritu sancto Lex in duabus tabulis lapideis in monte Sina scripta narratur. Ipse enim scripsit qui scribenda dictavit, id est, Spiritus sanctus, de quo Spiritu sancto Dominus in Evangelio, *Si ego, inquit, in dito Dei ejicio dæmonia (Luc. xi, 20).* Quod alias evangelista aperte declarans ait, *Si ego in Spiritu Dei ejicio dæmonia (Math. xii, 28).* Sicut enim digitus cum manu vel brachio, manus vero vel brachium cum corpore unum sunt in natura; ita Pater et Filius et Spiritus sanctus tres quidem sunt personæ, una autem substantia divinitatis. Digitus Dei pluraliter, sancti intelliguntur Prophetæ, per quos Spiritus sanctus libros Legis ac Prophetarum sua inspiratione descripsit: de quibus in Psalmo scriptum est, *Videbo cœlos tuos, opera digitorum tuorum (Psal. viii, 4).* Per cœlos enim, libros Legis et Prophetarum; per digitos vero, sanctos, ut dictum est, Prophetas mystice insinuavit. Imago Dei Patris invisibilis, unigenitus est Filius ejus, de quo Apostolus ait, *Qui est imago Dei invisibilis (Coloss. i, 15).* Aliter namque est imago Dei Patris in Filio suo, quem non aliunde, sed de semetipso, hoc est, de substantia sua per omnia sibi similem genuit et aqualem: aliter vero in anima hominis, quam non ex se, id est, de substantia sua, sicut plerique heretici opinati sunt, genuit, sed ex nihilo creavit. Sicut aliter est imago cuiuslibet regis in filio ejus quem ex semetipso sibi similem genuit, id est, homo hominem; aliter vero in annulo ejus, sive in cera imago illius impressa, quæ non est hoc quod ipse, sicut filius qui naturaliter, hoc est quod est pater. Cor Dei Patris, arcanum sapientia ejus mystice innuit, ex quo Verbum, id est, Filium suum impassibiliter sine initio genuit, ipso dicente per prophetam, *Eructavit cor meum verbum bonum (Psal. xliv, 2).* Alas habere legitur Deus, pro eo quod more avis electos suos tanquam pullos sub se colligit, fovet, et ab insidiis diaboli et malorum hominum protegit: de cuius protectione Propheta in Psalmo ad ipsum ait, *Sub umbra alarum tuarum protege me (Psal. xvi, 8).* Scapulas habere dicitur Deus, quia infirmam membra Ecclesie patienter quasi in scapulis portat, et portando protegit: de quo in Psalmo viro justo dicitur, *Scapulis suis obumbrabit tibi, et sub pennis ejus sperabis (Psal. xc, 4).* Venter Dei Patris, secreta origo substantiae ejus accipitur, ex qua origine ineffabiliter ante omnem creaturam Filium suum genuit: ipso testimonium perhibente per prophetam ac dicente, id est, Patre ad Filium, *Ex utero ante luciferum genui te (Psal. cix, 3).* Aliter uterus Dei incomprehensibilia et occulta judicia ejus, quæ rimari nequeunt, mystice insinuat: de quibus occultis judiciis ejus in Job scriptum est, *De cuius utero egressa est glacies, et gelu de celo quis genuit (Job xxxviii, 29).* Posteriora Filii Dei, incarnationem ejus accipitur, quæ extremo tempore ad redemtionem humani generis facta est: de qua posteriori parte Filius Dei in monte Sina ad Moysen per angelum loquens ait, *Posteriora mea videbis, faciem autem meam videre non poteris (Exod. xxxiii, 23);* ac si ei diceret, Incarnationem meam videbis, deitatem meam videre non poteris. Pedes Dei, stabilimentum virtutis ac potentiae ejus sunt, eo quod ubique praesens sit, et universa illi sint subjecta, ipso dicente per Isaiam prophetam, *Celum nihil sedes est; terra autem scabellum pedum meorum (Isai. lxvi, 4).* Aliter vero pedes Filii Dei, incarnationem ejus intelligitur, quæ divinitati subjecta est, tanquam capiti pedes, sive pro*

eo quod circa finem mundi ipsa incarnatione facta est. Sicut enim per caput, ut dictum est, divinitas; ita per pedes figuratim humanitas ejus exprimitur: de qua humanitate in Exodo scriptum est, *Viderunt Deum Israel*, hoc est, Moyses et Aaron et Nadab et Abiu et septuaginta de senioribus populi, et sub pedibus ejus quasi opus lapidis sapphirini, et quasi cælum cum serenum est (Exod. xxiv, 10). Sicut autem per lapidem sapphirinum cœlestes creature, id est, sanctos Angelos; ita per cælum serenum sanctam electorum Ecclesiam ex hominibus assumptam figuratim demonstrare voluit. Super quas duas creature homo assumptus a Filio Dei in perpetuum regnat. De quo in Psalmo, *Omnia, inquit, sub pedibus ejus* (Psal. viii, 8). Aliter per pedes Domini, id est, Jesu Christi, significati sunt sancti predicatorum, de quibus in Deuteronomio scriptum est, *Qui appropinquant pedibus ejus, accipient de doctrina ejus* (Deut. xxxiii, 3). Vestimentum Filii Dei aliquando caro ejus, quæ a divinitate assumpta est, in divinis Libris figuratim accipitur: de quo indumento carnis ejus Isaia prophetæ vaticinans ait, *Quis est iste qui venit de Edom, tinctis vestibus de Bosra* (Isai. lxiii, 1)? Rursum vestimenta ejusdem Domini, sancta accipitur Ecclesia, quæ per fidem et dilectionem ei conjuncta est: de qua in Psalmo scriptum est, *Dominus regnavit, decorum induitus est* (Psal. xcii, 1); et in alio psalmo ad ipsum Dominum, *Confessionem et decorum induisti, amictus lumine sicut vestimentum* (Psal. cii, 2). Pallium Christi, jam dicta ejus Ecclesia recte intelligitur: de qua in libro Genesis scriptum est, *Lavabit in rino stolam suam, hoc est, in sanguine passionis carnem suam; et in sanguine uæ pallium suum* (Gen. xlix, 11), id est, Ecclesiam suam. Calceamenta Domini nostri Jesu Christi mystice significant incarnationem ejus, quam ex mortalitate generis humani assumere dignatus est: de qua incarnatione sua ipse per Prophetam in Psalmo ait, *In Idunam extendam calceamentum meum* (Psal. lix, 10): id est, plebi Gentilium manifestabo incarnationem meam. Gressus Dei, adventus Filii Dei in mundum, et regressus ejus ad Patrem: de quibus gressibus Psalmista canit, *Visi sunt gressus tui Deus, ingressus Dei mei regis qui est in sancto* (Psal. lxvii, 25). De celo enim venit in uterum virginis, de utero vero nascendo, positus est in præsepio. Postquam autem omnia implevit, pro quibus a Patre missus venerat, appensus est in ligno crucis: de cruce autem depositus, secundum carnem sepultus est, secundum animam vero ad inferna descendit: tertia autem die per potentiam divinitatis suæ carnem suam de sepulcro suscitavit: et post dies resurrectionis suæ, quadragesimo scilicet die, videntibus Apostolis ascendit in cælum (Act. i, 9), et sedet ad dexteram Patris, id est, in gloria ejus. Hui sunt enim gressus Filii Dei, iste descensus et ascensus ejus qui frequenter in sacris Scripturis legitur. Ascendere Deus dicitur, cum Filius Dei carnem de nobis assumptam in cælum velut captivam duxit: sicut est illud in Psalmo, *Ascendit in altum, captivam duxit captivitatem* (Psal. lxvii, 19); quia naturam humani generis, quæ a diabolo captiva in mundo retinebatur, assumens, secum in cælum ubi nunquam ante fuerat, tanquam captivam deportavit. Abscondere faciem suam Deus legitur, cum quibusdam reprobis eorum exigentibus culpis cognitionem suam abscondit: sicut in populo Iudeorum nunc impletum vides; qui negantes Filium Dei, scientiam veri Dei perdidérunt, ut similes fierent Gentibus quæ Deum non noverunt. Ostendere faciem suam dicitur Deus, cum respectu gratiæ suæ quibus vult, electis scilicet suis, se ipsum in corda eorum occulta inspiratione insinuat, et ad diligendum se amorem suum infundit. Sedere dicitur Deus, non corporaliter humano more, sed potentialiter super omnem creaturam rationalem praesidere¹, ut est illud in Psalmo, *Regnavit Dominus*

super gentes, Deus sedet super sedem sanctam suam (Psal. xlvi, 9). Sedere etiam dicitur Deus super Cherubim, quod interpretatur, Scientia plenitudo, sive multitudine, per quod significantur sancti Angeli, sive mentes spiritualium virorum in quibus Deus iuvabiliter praesidet et regnat. In illis enim sedet, qui scientia ejus et dilectione pleni sunt. In Proverbii quippe Salomonis scriptum est, *Anima justi sedes est sapientie*. Sapientia vero Dei Patris Christus est, qui in animas justorum sedere dicitur. Descendere in mundum Deus legitur, quando aliiquid novum quod antea non fuerat in creatura humana operatur: sicut Filius Dei Patris descendisse narratur, quando veram carnem ex Maria virgine propter redemptionem nostram suscepit, et verus homo fieri dignatus est, non amittendo quod erat, sed assumendo quod non erat: de cuius descensione, hoc est, incarnatione in Psalmo scriptum est, *Inclinavit cælos, et descendit, et caligo sub pedibus ejus* (Psal. xvii, 10). Cœlos inclinavit, quia ante adventum suum prænuntios Angelos sive Prophetas misit, qui ejus adventum hominibus nuntiarent. Caligo sub pedibus ejus fuit, quia impii homines a sua malitia cœcati, ejus incarnationem agnoscerne non potuerunt: sed neque nunc possunt. Stare Deus dicitur, cum nos infirmos, id est, creaturam suam ad prætentiam et conversionem vite patienter sustinet: ut est illud in Habacuc propheta, *Stetit, et mensus est terram, et dissolvit gentes* (Habacuc iii, 6); id est, stetit ad subveniendum, et dissolvit credentes in se a vinculis peccatorum. Transire dicitur Deus, cum a cordibus quorundam hominum, in quibus ante per fidem inhabilitate credebat, postea subrepente perfidia vel quolibet delicto ab his recedit, et ad alios transit. Quemadmodum de Judæis ad Gentes, et de hereticis ad catholicos, seu de quibuslibet irreligiosis et negligentibus pro virtute suo recedere dicitur Deus, et ad alios transire, quod non localiter aut visibiliter, sed invisibiliter occulto justoque judicio facere consuevit. Ambulare dicitur Deus, non de loco ad locum transiendo, quod impium est ita credere: sed deambulatio ejus est in cordibus sanctorum delectari; sicut scriptum est, *Et inhabitabo in eis, et in ambulabo, et ero illorum Deus* (Levit. xxvi, 12). Vel certe ambulare Dei, est in sanctis prædicatoribus suis de loco ad locum transire. Loqui Dei est, invisibiliter sine sono vocis vel quolibet strepitu occulite² in mentibus sanctorum voluntatem suam atque rectum intellectum inspirare, seu futura sicut sanctis Prophetis revelare. Quæ locutio Dei, ut quidam volunt, tribus modis accipitur. Primo namque modo per subjectam creaturam, sicut ad Moysen, in rubro et igne apparuit; vel sicut ad Abraham, et Jacob, sive jam dictum Moysen et ceteros sanctos, quibus voluit, in Angelis apparere dignatus est. Secundo modo in somnis, sicut ad Jacob et ad Zacharium prophetam, et ad Joseph sponsum Mariæ, et ad alios sanctos quibus voluit secreta revelare. Tertio autem modo, neque per creaturam visibilem, neque per somnum, sed occulta tantum inspiratione invisibiliter corda sanctorum tangendo loquentes efficit³, quemadmodum in libris Prophetarum legitur, cum ipsi Prophetæ divino subito afflatis Spiritu exclamabant dicentes, *Hæc dicit Dominus*. Vider Dei, est acta bona approbare: sicut illud est in Genesi, *Vidit Deus cuncta quæ fecerat, et erant valde bona* (Gen. i, 31); id est, intelligentibus bona esse demonstravit. Alterum videre Dei, est mala hominum sciendo reprobare, sicut est illud in Isaia propheta. *Et vidit Dominus, et apparuit malum in oculis ejus* (Isai. lix, 15). Item alterum videre Dei, est nos videntes, id est, scientes facere: ut est illud in Psalmo, *Proba me, Domine, et scito cor meum, interroga me, et cognosce semitas meas, et vide si via iniquitatis in me est*, etc. (Psal. cxxviii, 23). Modus iste locationis et

¹ Apud Hieronymum, super omnem creaturam regnando presidere.

² Alias, *occultum*.

³ Apud Hieronymum, *tangendo afficit*.

in libro beati Job similiter reperitur, ubi de sapientia Dei Patris, postquam plurima et insignia locutus est de Deo Patre, adjectit: *Tunc videt illam, et narravit et investigavit et preparavit* (*Job xxvii, 27*); id est, videntes fecit atque prædicantes et investigantes atque aliis nuntiantes. Cognoscere Dei, est cognoscentes facere, sicut ait ipse ad Abraham, *Nunc cognovi quod timeas Deum* (*Gen. xxii, 12*). Neque enim ille ex tempore novit, qui scit omnia antequam siant: sed cognoscere dicitur Deus cognoscentes facere, ut qui prius de se quales essent incogniti erant, per ejus interrogationem, id est, probationem sibi et ipsi manifesti fierent. Tale est et illud in lege Moysi de populo Israelitico, *Ut tenuem, inquit, eos, utrum custodian mandata mea, an non* (*Deut. xiii, 3*). Nescire Dei, est quosdam reprobos reprehendere: sicut est illud in Evangelio, *Nescio vos undatis, recedite a me, omnes qui operamini iniquitatem* (*Luc. xiii, 27; Psal. vi, 9*). Zelare tunc Deum, cum creaturam suam quam non vult perire, sepe castigat, corrigit atque flagellat, et flagellando ad se reducit. Vel certe zelare Deus dicitur, cum nullum peccatum impunitum vult relinquare. Justus enim est, et ideo omnis iniquitas execrabilis est illi, quam, ut dictum est, impunitam nullo modo patitur. Irasci dicitur Deus, non animi motu vel qualibet perturbatione, que illi omnino accidere non potest; sed creature delinquenti, id est, hominibus impiis et peccatoribus justam inferre dicitur ultiōnem, hoc est, illis reddere quod merentur: et hæc ultio divina et ira vel furor ejus dicitur. Pœnitere Deus dicitur, non quod more hominum pro transactis operibus suis pœnitiat; qui enim omnia novit antequam siant, pro præteritis factis suis pœnitere non potest: sed pœnitentia Dei est statuta mutare, et quod prius aliter inchoatum fuerat, in aliud mutare; id est, aut de bono exigentibus culpis in malum, sicut de Saüle legitur pœnituisse Deum, quod constituisset eum regem (*I Reg. xv, 11*); vel sicut nunc videimus in populo Iudaorum factum, qui cum esset populus Dei, ob impietatem suam facti sunt synagoga satanae: de malo vero in bonum, sicut accidit in populo Gentium, qui ante non populus Dei, nunc autem per gratiam Christi populus Dei effectus est. Hoc quippe modo occulto Dei judicio Judas proditor apostolatus gradu lapsus in inferni barathrum demersus est, latro vero post crimen rapacitatis de cruce ad paradisum translatus est. Hanc quoque imputationem de bono ad malum, ut dictum est, sive de malo ad bonum, que occulto justoque judicio Dei, seu per severitatem justitiae, seu per misericordiam ejus fiat, pœnitentiam Dei dicimus. Quod expressius in libro Jeremiæ prophete scriptum est. Non pœnitere Dei, est statuta nullo modo mutare: ut est illud in Psalmo, *Juravit Dominus, et non penitabit eum*; id est Pater ad Filium, *Tu es sacerdos in aeternum secundum ordinem Melchisedec* (*Psal. cix, 4*). Sacerdos Patris dictus est Filius Dei, non secundum divinitatem, sed secundum humanitatem, in qua se se pro nobis per passionem et mortem suam acceptabile sacrificium Deo Patri obtulit, ut ipse esset sacerdos, qui et sacrificium. Oblivisci dicitur Deus, cum quibusdam impiis et peccatoribus non miseretur, quod utique non facit per crudelitatem que in Deo non est, sed per occultum justumque judicium suum. Indurare dicitur Deus quorundam malorum corda, sicut de Pharaone rege Ägypti scriptum est: non quod omnipotens Deus per potentiam suam corda eorum induret, quod est impium ita credere; sed exigentibus eorum culpis, cum duritiam cordis quam ipsi sibi mala perpetrando nutriunt, non ausert, quasi ipse illos indurat, quia justo judicio indurari sinit. Dormire Dei, est cum unigenitus Filius Patris in assumpta carne pro nobis mori dignatus est: cuius mors recte dulcis somnus prædicatus est, ipso dicente per Jeremiām prophetam, *Ideo quasi de sonno suscitatus sum; et vidi, et somnus meus dulcis est mihi* (*Jerem. xxxi, 26*). Alter dormire dicitur Deus, cum fides ejus inter prospera hujus mundi in quorundam fidelium corde non vigitat, sed

dormit. Hanc dormitionem Salvator noster in se significavit, cum in navi inter fluctus maris dormivit (*Matth. viii, 24*). Vel certe dormire Dei est, electis suis in tribulationibus hujus mundi positis tardius subvenire, sicut est illud in Psalmo, *Exsurge, quare obdormis, Domine* (*Psal. xlvi, 23*)? Vigilare Dei est, in defensionem electorum suorum, et ultionem inimicorum suorum se manifestum demonstrare¹.

II. Haec omnia quæ prædicta sunt, et alia his similia, quæ de Deo sacra Scriptura juxta historiam narrat, non secundum litteram, ut dictum est, sed significativa locutione accipienda sunt: quia omnipotens Deus in essentia divinitatis suæ spiritus est, non caro; invisibilis atque incorporeus, nūtisque humanis membris compositus: et idcirco non de oculis carnis, sed de oculis cordis contemplandus est. Deus sapiens est, veritas est, charitas est, justitia est; et ideo eisdem oculis videndum est quibus haec omnia contemplantur: et idcirco non corporeis, ut dictum est, obtutibus, sed ex corde mundo a fidelibus intuendus est. Scriptum quippe est in Evangelio, *Beati mundo corde, quoniam ipsi Deum videbunt* (*Matth. v, 8*). Hoc est enim præmium sanctorum, non in hac tantum vita, sed potius in futura repromissum; dicente beato Joanne apostolo, *Charissimi, filii Dei sumus, et nondum apparuit quid erimus. Scimus enim quia cum apparueroit, similes ei erimus, quoniam videbimus eum sicut est* (*1 Joan. iii, 2*). Haec promissio, ut dictum est, post resurrectionem carnis et judicium Dei, est in sæculo futuro sanctis deposita. In præsenti vero vita nullus tam sanctus, nemo ita perfectus ex electis Dei, qui ipsum Dominum in essentia divinitatis sue, sicut est, vidit unquam, aut videre poterit: ipso testante ad Moyensem, *Non enim videbit me homo, et vivet* (*Exod. xxxiii, 20*); ac si diceret, Nemo quamdiu mortaliter vivit, Deum ut est videre poterit. Vident enim sancti in præsenti vita Deum, non ita ut est in substantia sua, sed per speculum et in ænigmate, postea autem facie ad faciem (*1 Cor. xiii, 12*). Vident in hac vita credendo, non corporeis oculis cernendo. Videre enim Deum, est recte illum credere et ex corde diligere. Hoc quippe significat nomen Israel, quod interpretatur, Vir videns Deum. Sed quia Filius Dei qui in substantia divinitatis cum Patre unum est, ob reparacionem humani generis quod in Adam lapsum fuerat, prope finem mundi in uterum Mariae virginis illapsus, veram carnem ex ejus substantia creavit, atque in singularitate personæ sue ita univit, ut Deus pariter esset et homo; simplici vero persona, ut dictum est, gemina vero substantia ex eadem virgine incorrupto pudore nasceretur; ut qui erat et est in divinitate verus Deus ex vero Patre genitus invisibilis, incorporeus atque incomprehensibilis sicut et Pater, ipse esset et verus homo visibilis, corporeus, et circumscriptus; atque idem ipse, non alius Deus et alius homo, sed Deus et homo, unus Christus Dei Filius, passus pro salute nostra, in sola carne mortuus et sepultus, in eadem carne in qua etiam dic tertio per virtutem divinitatis sue de sepulcro resurgens, ascendit in cœlum, et sedet ad dexteram Patris: quem inde venturum ad judicandum vivos et mortuos in eadem carne in qua ascendit, sed glorificata, universali exspectat Ecclesia, quemadmodum in Symbolo universi decantant fideles; idcirco eumdem Dei Filium secundum substantiam divinitatis sue invisibilem et incorporeum et immortalem atque circumscriptum, sicut et Patrem et Spiritum sanctum credero et confiteri oportet: juxta humanitatem vero visibilem, corporeum, localem atque omnia membra humana veraciter habentem credere convenit et confiteri. Quoniam sicut eumdem Dei Filium et redemptorem nostrum secundum divinitatem invisibilem et incorporeum, sicut et Patrem et Spiritum sanctum non credere impium est: ita cumdem Dei Filium in

¹ Hic desinit liber iste in Ms. Sorbonico et apud Micronymum.

hominis assumptio, visibilem et corporeum atque localem post resurrectionem non credere et profiteri, profanum est. Illud autem quod in Genesi scriptum est, dicente Deo Patre ad Filium, *Faciamus hominem ad imaginem et similitudinem nostram* (Gen. 1, 26) : non ita accipiendum est quasi Deus corporeus sit, et membrorum lineamentis compositus, ad quam compositionem corpoream exteriorem hominem nostrum, humanum videlicet corpus, veluti ad similitudinem suam fecerit; sicut Iudei et ceteri infideles plerique opinati sunt, quod ita credere impium est. Deus autem, ut saepe dictum, spiritus est, non caro : *sapiencia*¹ est, non corpus. Ad imaginem quippe suam Deus hominem fecit, non in corpore, sed in anima ; non in corpore, sed in sensu ; non in exteriore homine, sed in ratione. Animaque hominis, ut dictum est, ideo ad imaginem Dei facta esse perhibetur, quia spiritualis creatura est invisibilis et incorporea atque immortalis : non de substantia Dei originem trahens, sicut Manichei et Priscillianisti haereticis false opinati sunt ; sed ex nihilo a Deo creata. Quae initium habet, finem vero babere nescit. Quae humana anima, ob hoc quod a Deo rationalis, quod intellectus facta est, imago Dei esse dicitur. Inest enim illi per naturam rationalis sensus, per quem intelligit, sapit, atque inter bonum malumque discernit. Inest illi memoria, per quam transacta recordatur : inest voluntas per quam quae vult eligit : inest sensus, per quem et sentit : inest ratio, per quam et occulta et invisibilia

¹ Sic Ms. Victorinus. At editi, *substantia*.

contemplatur, per quam Deum creatorum suum intelligit, per quam vera a falsis discernit, per quam invisibilia et Deum oculis cordis contemplatur seu speculator². In his omnibus anima hominis ad imaginem Dei facta esse narratur : huc omnia communia habet cum angelis, corpus vero cum animalibus brutis quae intellectu carent. Hujus animae origo occulta est, et soli Deo cognita. Ipsa quoque anima hominis pro eo quod spiritualis creatura est, in sacra Scriptura aliquando spiritus dicitur, aliquando vero natura³, aliquando etiam vita, nonnunquam vero cor esse dicitur : et cum sit una in natura sua, propter varios effectus⁴, diversa vocabula sortita est. Similitudo vero Dei in nomine referitur ad opus iustitiae, dicente Domino in Lege, *Sancti estote, quia ego sanctus sum Deus vester* (Levit. xix, 2). De qua sanctitate beatus Paulus apostolus informans nos ait, *Renovamini spiritu mentis vestrae, et induite novum hominem qui secundum Deum creatus est in iustitia et sanctitate veritatis* (Ephes. iv, 23). Et iterum ipse, *Imitatores mei estote, sicut et ego Christi* (1 Cor. xi, 1). Et beatus Joannes exhortans ait, *Qui dicit se in Christo manere, debet sicut ille ambulavit et ille ambulare* (1 Joan. ii, 6). Et Veritas in Evangelio, *Estote misericordes, sicut et Pater vester caelstis misericors est* (Luc. vi, 36). Sicut enim imago Dei ad naturam pertinet anima, ita et similitudo referitur ad opus iustitiae.

² Ms. Victorinus et Vaticanus, et de oculis cordis speculator.

³ Ms. Vaticanus et Victorinus, aliquando anima.

⁴ Ms. Victorinus, diversos affectus.

DE UNITATE SANTÆ TRINITATIS DIALOGUS^(a).



Cum me pervigil fidei cura fecisset exsommem, his me interrogationibus percontavi, et tali studio schole nostræ lumen accendi. Judicet vero lector, an utile sibi hoc sit ; mihi tamen, si neglexerit, nihil subtrahit. **INTERROGATIO.** Pater, inquit, Deus est? **RESPONSO.** Nec profanus ignorat. **INT.** Filius Deus est? **RESP.** Apostolus testis est. **INT.** Quid enim ait? **RESP.** *Quorum patres, et ex quibus Christus secundum carnem qui est super omnes Deus benedictus in saecula* (Rom. ix, 5). **INT.** Quid de Spiritu sancto autumaris? **RESP.** Magna mihi brevitas docendi quod Deus sit, suffragatur. **INT.** Quae illa sit, aveo scire. **RESP.** Quod ex Patre procedat : probem solum, quod et peccata dimittat. **INT.** Ubi istud legis? **RESP.** In Joanne, cum insufflavit Dominus in faciem discipulorum, et ait : *Accipite Spiritum sanctum : quorum remiseritis peccata, remissa erunt; et quorum detinueritis, detenta sunt* (Joan. xx, 22, 23). **INT.** Nihil fortius. **RESP.** Alia multa nescis? **INT.** Quae? **RESP.** Quod Christum creat in viscere, quod super Christum venit in flumine, quod vivificat omnia, quod Baptismum consecrat, quod Christum dirigit, quod replet orbem, quod Trinitati contaxatur, quod novit, capit et regit omnia, nec solum terrestria, sed et coelestia, quod Apostolos eligit ac destinat, quod dona sua et prophetias quibus velit impertiat : et plura quae in Scripturis sanctis

posita, ad momentum non occurrunt. Et si istis non tangeris, mihi tamen solum quod de Patre est, ad documentum deitatis ipsius sufficisset. Sunt et sententiae singulares, hujus scilicet veritatis astipulatrices, ut illæ Pauli : *Divisiones ministeriorum sunt, idem ipse Dominus, et divisiones operationum sunt, ipse auctor Deus, qui operatur omnia in omnibus* (1 Cor. xii, 5). Et inter cetera Petri : *In veritate, inquit, scio, quia non est Deus personarum acceptor*. Cum cogitanti et haesitanti de visu, Spiritus sanctus dixerit, *Surge, et vade cum illis nihil dubitans ; ego misi illos ad te* (Act. x, 20, 34). Nam David saepenumero eum nuncupat *Spiritu rectum in quinquagesimo psalmo, Dominum Deum appellat in nonagesimo primo : Quoniam rectus est, inquit, Dominus Deus noster, et non est iniquitas in eo ; et, Dominus super aquas multas, in psalmo vigesimo octavo prodit, quibus in exordio suo Genesis Spiritum Dei superferri depromit* (Gen. 1, 2). Licet illud manifeste noverim, nunquam annumerari Spiritum sanctum Patri, vel etiam Filio potuisse, cum dictum sit, *Ite, baptizate gentes in nomine Patris, et Filii, et Spiritus sancti* (Math. xxviii, 19) : nisi socia deitate regnaret. **INT.** Quid ergo? tres Dei sunt? **RESP.** Absit : *Sacrificans diis eradicabitur, nisi Domino soli*. **INT.** An duo sunt? **RESP.** Nequaquam, quia nein potest duobus dominis servire (*Id.* vi, 24). **INT.** Unusne

(a) Ignoti auctoris, sed antiquissimi. Non exstat in codicibus annorum octingentorum, duobus videlicet Remigianis, quorum alter titulum sine Augustini nomine hunc ipsum praemittit, « Incipit libellus seu dialogus de Unitate sanctæ Trinitatis ; » alter autem dialogum Augustino tribuit hacce inscriptione, « Incipit Tractatus sancti Augustini episcopi a semetipso ad semetipsum : » falso quidem, ut satis ex dicendi ratione liquet, tametsi iste ipse codex ante annos circiter octingentos scriptus putetur, et ad antiquius aliud exemplar exaratus, quemadmodum ostendit scriptura hæc in dialogi fine calamis prorsus eodem facta, scilicet post verbum, « nanciscantur, » continuo in ipsa linea sequitur, « Cogituli, ut posui, cum omni solertia : qui legis, ora pro me. »

probari licet? RESP. Nullus Deus nisi unus. INT. Istud lego: sed qualiter id de tota Trinitate verum sit, nosse volo. RESP. Scies, si mente mea dictis infegas: Pater enim est nomen appellativum, Filius est nomen appellativum, ita quoque Spiritus sanctus appellativum et naturale nomen est. Licet Pater ad Filium et Filius ad Patrem dicatur, relativa haec nomina nuncepuntur. Deus autem nomen est proprium Patri et Filio et Spiritui sancto: sicut scribitur in Psalmo, *Secundum nomen tuum, Deus, ita et laus tua in fines terrae* (Psal. XLVII, 11). Ergo appellativa nomina Pater et Filius, et Spiritus sanctus; proprium vero, Deus, Deus, Deus. INT. Ergo tres dii sunt? RESP. Rogo, recole denuo aliud: *Audi, Israel; Dominus Deus tuus, Dominus unus est* (Deut. vi, 4). Videsne, queso, in hoc dicto regalem¹ quamdam altitudinem sensus? INT. Expone breviter, audiam. RESP. *Dominus*, inquit, *Deus tuus, Dominus unus est*. Ni fallor, hic tri-nam taxationem Dei univit: *Dominus*, inquit, et *Deus tuus*, et *Dominus*. Illebus quid Pater, quid Filius, quid Spiritus sanctus sit. Et mox intulit, *Unus est*. O lu-men unitatis clarum! INT. Ubi est ergo Trinitas? RESP. In dignitate, genito, et procedente; id est, in Patre, et Filio, et Spiritu sancto, in appellativis videlicet vel relativis nominibus. INT. Quid, in propriis nominibus, id est Deus, et Deus, et Deus, triplicatio non admittitur? RESP. Non. INT. Quare? RESP. Quia unus est, propria vocabula non triplicantur. INT. Ergo in relativis nominibus Trinitas accipitur. RESP. Ita est. INT. In quibus? RESP. In personarum videlicet et nominum discretione, Patris, et Filii, et Spiritus sancti. Denique ipse Christus non ait, *Ite, baptizate gentes in nomine deorum; sed, in nomine Patris, et Filii, et Spiritus sancti*, ut Trinitatem docere in relativis personarum nominibus, Dei autem nomen, quod non triplicatur, in singularitate monstraret. INT. Non ergo discurrent propria cum appellativis? RESP. Discurrent. INT. Ergo et connumerantur? RESP. Absit: quia si triplicaverimus, deorum inducimus pluralitatem. INT. Ergo non est Pater Deus? RESP. Deus est plane. INT. Ergo Filius non est Deus? RESP. Deus est omnino. INT. Ergo Spiritus sanctus non est Deus? RESP. Deus est absque ambiguo. INT. Vides ergo tres, aedes dicere Deos? Sed, ut video, in relativis creditur vocabulis Trinitas. RESP. Et in naturalibus plane et personis, et nominibus relativis. INT. Quare Deus, et Deus, et Deus? RESP. Naturalia nomina sunt. Naturale est singulis Deus, sed proprium nomen. Non enim possumus dicere tres deos, sed dicimus Trinitatem in relativis naturae vocabulis, et personis, id est, in Patre et Filio et Spiritu sancto. Dicimus autem unitatem in Deo, et Deo, et Deo. INT. Non ergo dicitis tres personas? RESP. Dicimus. INT. Et in singulis personis Deus, et Deus, et Deus esse creditis? RESP. Hoc sine palpatione credere manifestum est. INT. Ergo sicut dicitis tres personas, dicitis et tres Deos? RESP. Absit. INT. Quare? RESP. Quia in personis est distinctio, in deitate autem non est. INT. Quae est ista distinctio? RESP. Quia Pater Pater est, Filius Filius est, Spiritus sanctus Spiritus sanctus est. INT. Per diversitatem te asseris colere Trinitatem? RESP. Personarum et nominum, non natura, quia una est. INT. Certe jamdudum et haec nomina naturalia esse dixisti, et appellativa, et que sunt propria repe²? RESP. Deus, et Deus, et Deus, haec ergo triplicata distantiam non faciunt³. INT. Cum appellativis ergo naturalibus, propria non triplicantur. RESP. Nullo modo. INT. Non ergo sibi conjuguntur, Pater et Deus, aut Filius et Deus, aut Spiritus sanctus et Deus. RESP. Conjuguntur plane; et idem Pater Deus est, et idem Filius Deus est, et idem Spiritus sanctus deitati sue absque dubio copulatur. INT. Triplicabitur deitas. RESP. Sacilegii noxa

est⁴: quia sub Deo est numerus, non inter Deum. INT. Ergo nec Pater appellatur Deus, nec Filius, nec Spiritus sanctus. RESP. Et sic docemur, et ita credimus, ut nec Patrem, nec Filium, nec Spiritum sanctum sua deitate privemus. INT. Quasi vero non id facis, cum dicis, Pater Deus, et Filius Deus, et Spiritus sanctus Deus, quos simul alter Deos esse concludit. RESP. Itane hoc humanae aures audiunt, ne non sputis omnes inlinient? Verumtamen in vocabulis appellativis, id est in personis Trinitatem accipio, deitatem autem nullo modo triplicari posse confido⁵; quia varietatem et discretionem in natura non invenio. INT. Quot ergo nomina creditis? RESP. Relativa in personis tria. INT. Propria quot? RESP. Jam te sapius sustinui, pluraliter de proprio nomine conquirentem, sed proprium deitatis unum est nomen. INT. Abstulisti grandem macheriam⁶, sed aveo dicas, hoc nomen naturale est? RESP. Utique. INT. Et relativa que appellativa taxas, naturalia sunt? RESP. Etiam, sed per efficientiam generationis et processionis, non per proprietatem indivisae deitatis. INT. Ergo Filius nisi Filius Dei esset Deus, esse non posset? RESP. Quid dubitas? INT. Quia ergo Dei Filius, ideo Deus. RESP. Assentio. INT. Et nisi esset efficientia generationis quae conferret nomen appellativum in Filium, nec haberet nomen proprium deitatis, et non esset Deus. RESP. Utique ex generatione Filius et vere Filius Dei proprium nomen Deus: quod non postea ubi non erat antea, sed cum generaretur ab intemporali intemperaliter sumpsit. INT. Quid Spiritus sanctus? RESP. Ipse quoque nisi de Patre procederet et substantiam eius haberet, Deus non esset. INT. Ergo processio ei contulit deitatem? RESP. In Spiritu sancto et nomen est et natura, sed quia de Patre processit, ideo nomen proprium deitatis obtinuit. Neque enim aliud de Patre procedere potuit, quam quod ipse est, nec tamen aut effatus est, aut divisus. Vocabulum ergo appellativum naturale et personale Spiritus sanctus; proprium vero, Deus. INT. Nomen istud quod dicens proprium, quam continet rationem, ut in tribus personis currat unum idemque, nec tamen triplicetur? Sicut verbo tenuis plures taxare possumus, Statius, aut Salustius, aut Horatius. RESP. Enubilem ratione quam valeo, si intentus ad is. INT. Adsun. RESP. Paulum legimus de Christo dicentem, quod ipse sit pax nostra, qui fecit ultraquaque unum (Ephes. ii, 14). Sed hoc invictissime causae nostrae suffragium ad id valeat, quo facilius credatur, ideo Christum sub nomine pacis esse taxatum, quia nec discordi, nec distrahi potest, nec ullo modo duplicari. Jam vero qui fecit ultraquaque unum, multo magis ipse cum Patre et Spiritu sancto unum est; non est autem unum, si sit divisus. Ergo et unum cum Patre et Spiritu sancto est, et unus; quia alios conjungit, divisionem penitus non admittit. INT. Accipio istud firmissimum contra rebelles telum; sed quo ista propositio excurrat, nosse desidero. RESP. Pax sit Deus, ut volumus, et nos prospero cursu ducat. INT. Ita est, nunc perge. RESP. Hec igitur ipsa Pax quia litteris scribitur tribus, recipitque pluraliem numerum? INT. Non. RESP. Aestima ergo P Patrem dici, A Filium nuncupari, et hoc sine ratione subtilissima ne dictum putes. A enim principium litterarum est, nec ante se ullum habere cognoscitur elementum, ut probatum habeas ante Filium nihil esse. Neque vere id absque divini testimonii documento relinquam: ipse enim se principium esse Iudeis interrogantibus indicavit (Joan. viii, 25). Hanc ergo litteram nulla alia precedit: et quia omnis littera habet tempus: ergo et tempus defuit. Verumtamen ipsa haec syllaba et longa est, et prima est: sed quod longa est, aeternitatem Filii Dei, non temporalitatem, insinuat. Quod syllaba, quia Pater in Filio et Filius in Patre est, et hoc unum est. Quod vero

¹ MSS., *regale*.

² Alias, *reperi*.

³ MSS., *distantiam nominum faciunt*.

⁴ Alias, *nota est*.

⁵ Alias, *concedo*.

⁶ Remigianus alter MS., *maceriam*.

prima est, quia Filius secundus non est. Namque et in Apocalysi Joannes proprie ipsum litteram ponens ait, *Ego sum et α, primus et novissimus, initium et finis* (Apoc. 1, 8). Sed ideo novissimum accipe, quia dignatus est in fine temporum humiliter nasci et mori, et iudicium novissimum ipse suscipere. *X* autem tercia est in fine littera, ubi intelligas Spiritum sanctum non ad finem tendere, sed in superna semper maiestate procedere. Ideoque et Paulus apostolus, *Quæ sureum sunt sapite*, ait (Coloss. iii, 2): ut sursum corda habeamus ad Deum; et utique *Dominus Spiritus est. Ubi autem Spiritus Domini, ibi libertas* (II Cor. viii, 17). Non itaque dubito, quod in his excellentiissimam gloriam Apostolus invitans ita loqueretur: *Unum autem quæ retro sunt oblitus, in ea quæ ante sunt extensus, sequor secundum intentionem ad palmam supernæ vocationis Dei* (Philipp. iii, 15, 14). Ut fiat igitur *Pax* ad *P* conjungitur *A*, vocalis scilicet littera, ne *P* muta remaneat: quia Deus Pater vocis et Verbo suo semper annexitur. Sed ut *Pax* sit, additur *X* quæ duplex ponitur pro consonantibus littera, ut et hic consonantiam atque participium Spiritus sancti cum Patre et Filio video, collegiumque¹ ejus in superna et perfecta Trinitate cognoscas. Discrepant a se hec litteræ appellationibus et personis, quia illud *P*, hoc *A*, istud *X* nuncupatur et scribitur: sed tamen ut sit *Pax*, sibi ex litteræ invicem connectuntur. *P* autem littera est substantialiter, et *A* littera est substantialiter, et *X* littera est substantialiter; sicut et Pater Deus est naturaliter, et Filius Deus est naturaliter, et Spiritus sanctus Deus est naturaliter. Illa autem discrepatio characterum, discrepationem facit appellationum et personarum non naturæ, quia totum littera est. Sicut in his tribus litteris diversis appellationibus vocitatis *Pax* scribitur, quæ plurali numero non tenetur: ita quoque appellatione Patris et Filii et Spiritus sancti documentum est Trinitatis; sed quemadmodum *Pax*, ita Deus singularem obtinet numerum deitatis. In hac igitur copulatione lit-

terarum trium divisio non admittitur, ut *Pax* implatur. Si enim vel unam substraxeris, nec Trinitas, nec *Pax* erit. Repete, quia so, ista lucidius. **RESP.** Adverte animum. Et *P*, inquam, littera est, et *A* littera est, et *X* littera est; sicut et Pater Deus, et Filius Deus, et Spiritus sanctus Deus: sed diverse sunt appellationes et personæ, licet incorporalis Patris et Filii et Spiritus sancti. Verumtamen quid est, *P* et *A* et *X*? *Pax* scilicet, quæ pluralem in se numerum non admittit. O stultus: incredulorum, quæ ante oculos suos posita non attendit! Nam ideo, uero existimo, hæc impius minime intelligit, quia in simplicitate cordis Deum non querit. **INTR.** Verum est, verum est omnino quod dicas. Nam quid isto exemplo propinquius? Quid ista ratione clarius inventur? **RESP.** Sed repeto ista tibi, et vero libentius demonstrabo. Igitur ut tribus personis, et vocabulis diversis harum litterarum sit *Pax*; sed hoc ad concordiam et societatem personarum accipe: ostendit quoque ut et illa littera, et haec littera, et ista littera sit, sed *Pax* singularis sit. Hic ergo in Deo et Deo et Deo unum Deum demonstratum aspice. Quamvis enim aliud nomen, et aliam personam habeat *P*, aliud nomen et aliam personam habeat *A*, aliud nomen et aliam personam habeat *X*; sicut aliud nomen et aliam personam habet Pater, et aliud nomen et aliam personam habet Filius, et aliud nomen et aliam personam habet Spiritus sanctus: tamen et ista littera, et haec littera, et illa littera dicitur; sicut et iste Deus, et hic Deus, et ille Deus absque ambiguo creditur, sed unus Deus agnoscitur, quia *Pax* plurali numero non tenetur. Nisi si quid habet ad hanc. **INTR.** Ego ne quidem alios hinc hæsitare velle, ita mihi hujus manifestationis lumen effulxit. Sed magis est, ut intelligo, ista deliciosa¹ credere, neque hinc ullo modopallitare; ut quod homines carnalibus cœcati curis videre non possunt, saltem fidei compendio uanciscantur.

¹ *Mss., colligiumque.*

¹ *Mss., delicatus.*

ADMONITIO IN SUBSEQUENTEM LIBRUM.

Liquet non esse Augustini, tametsi in codicibus bene multis ipsi ascribatur, et ipsius nomine citetur a Magistro Sententiæ, lib. 2, dist. 35, cap. *Quocirca*; lib. 3, dist. 4, cap. *Diligenter*; et lib. 4, dist. 12, cap. *Institutum*. Trihemius Aleuino assignat in lib. de *Scriptoribus Eccles.* et in lib. 2 de *Viris illustr.* ord. S. B., cap. 26. Eidem Joannes Baleus, *Centuria 2 Scriptorum Britannicæ*. Patero episcopo Gratianus, de *Consecrat.* dist. 2, cap. 13. Gennadio Algerus, lib. 1 de *Corpore et Sanguine Domini*, cap. 22; et S. Thomas, quodlib. 12, art. 11, et in *Catena ad primum caput Matthæi*: ipse quoque Magister Sent. in lib. 2, dist. 8, editionis Lovaniensis; et alii plures, quibus manuscripti quidam suffragantur: inter eos unus e Colberniis opimæ note in fronte libri habet: *Incipit liber Ecclesiasticorum Dogmatum Gennadii*; et in fine, *Explicit definitio Ecclesiasticorum Dogmatum Gennadii*. Ratramnus Corbeiensis monachus, in lib. 3 contra opposita Græcorum, cap. 5: *Gennadius*, ait, *Constantinopolitanus episcopus vir multa lectione antiquorum peritus*, in libro *Ecclesiasticorum Dogmatum de Spiritu sancti processione sic loquitur*. Græcum sane scriptorem redolent verba nonnulla; exempli gratia, quæ cap. 14 leguntur, et aliqui *Latinorum præsumptores affirman*t. Attamen Gennadii Massiliensis nomine ab aliis laudatur, scilicet a Platina in Symmacho, ubi episcopum eum perpetram appellat, a Valafrido Strabone in lib. de *Rebus Ecclesiasticis*, cap. 20, in hæc verba: *Gennadius Massiliensis presbyter in Dogmate Ecclesiastico*, etc. Fausto tribuit codex Padolironensis hæc inscriptione: *Incipiunt definitiones Dogmatum Ecclesiasticorum Fausti episcopi Ecclesiæ Maxiliensiæ*; ex Itinere Italico litterario ad 24 maii 1686, pag. 208. In antiquissimo omnium codice Colbertino ante annos sere nongentos scripto, exstat sine auctoris nomine sub hocce titulo: *Incipit dogma sanctorum Patrum trecentorum et octo episcoporum congregatis (s. congregatorum) apud Niceam*. Tum capitl primo hæc præfiguntur: *In Patre unitas, in Filio aequalitas, in Spiritu sancto unitas aequalitasque substantiaz; et hæc via unum propter Patrem, aequalia propter Filium, connexa propter Spiritum sanctum*. *Credimus unum esse Deum Patrem*, et cetera deinceps, ut in aliis *Mss.*, nisi quod in eo et melior est capitulorum ordo, collocatis continenter omnibus quæ spectant ad Baptisma,

ad Eucharistiam et Pœnitentiam ; et auctor est liber, addito ibidem capitulo de Baptismate et capitulo de Pœnitentia, præter alia quædam de aliis rebus in libri fine. Porro post caput 21, ea quæ in editis sequebantur usque ad cap. de Baptismate nunc 22, absunt ab omnibus manuscriptis, fuerantque contra superiorum capitulorum errores quædam huc translatæ ex Cœlestini epistola ad Galliæ episcopos, ex Concilio Carthaginensi contra Pelagianos, et ex Arausicanu secundo, quæ omnia sinceriora in fine tomi decimi habes. Hæc itaque capitula numero triginta, necnon alia tria ante caput nunc 30 contra manuscriptorum fidem interjecta sustulimus. Sed veteres codices non omnes ad cap. nostrum 55 desinunt, addunturque alia et alia in diversis co-libicibus capitula.

Juvat hic deum annectere Lovaniensium Thœlogorum censuram. *Liber hic, inquit, non est catholici scriptoris, sed Gennadii Massiliensis in Gallia presbyteri..... de factione Gallorum, contra quam scribunt Prosper et Hilarius Augustino, et contra quam congregatum fuit concilium Arausicanum secundum. Porro, ut sapius in catalogo Virorum illustrum graves habet errores; sic et in his Dogmatibus Ecclesiasticis quædam habet a lectore carenda. Sane hic auctor nusquam in hoc libro meminit peccati originalis, aut baptismatis infantium in remissionem peccatorum: cumque multos nominet hæreticos, nusquam meminit Pelagi aut catholici dogmatis contra eum prolati; sed contra, diligenter inculcat animas non esse ex traduce, eo quod sciret Pelagium inde summum dogma statuere.*

DE ECCLESIASTICIS DOGMATIBUS

LIBER GENNADIO TRIBUTUS.



CAPUT PRIMUM. — Credimus unum esse Deum Patrem et Filium et Spiritum sanctum. Patrem, eo quod Filium habeat: Filium, eo quod Patrem habeat: Spiritum sanctum, eo quod sit ex Patre et Filio¹. Pater ergo principium deitatis: qui sicut nunquam fuit non Deus, ita nunquam fuit non Pater: a quo Filius natus: a quo Spiritus sanctus non natus, quia non est Filius; neque ingenitus, quia non est Pater; neque factus, quia non est ex nihilo, sed ex Deo Patre et Deo Filio Deus procedens. Pater aternus, eo quod aternum habeat Filium, cuius aternus sit Pater: Filius aternus, eo quod sit Patri coeterus: Spiritus sanctus aternus, eo quod sit Patri et Filio coeterus. Non confusa in una persona Trinitas, ut Sabellius dicit: neque separata aut divisa² in natura divinitas, ut Arius blasphemat: sed alter in persona Pater, alter in persona Filius, alter in persona Spiritus sanctus; unus natura³ in sancta Trinitate Deus Pater et Filius et Spiritus sanctus.

CAPUT II. — Non Pater carnem assumpsit, neque Spiritus sanctus, sed Filius tantum: ut qui erat in divinitate Dei⁴ Filius, ipse fieret in homine hominis filius: ne filii nomen ad alterum transiret, qui non esset nativitate Filius Dei⁵. Ergo Dei Filius hominis factus est filius, natus secundum veritatem naturæ ex Deo Dei Filius, et secundum veritatem naturæ ex homine hominis filius: ut veritas geniti non adoptione, non appellatione, sed in utraque nativitate filii nomen nascendo haberet, et esset verus Deus et verus homo unus Filius. Non ergo duos christos, neque duos filios⁶, sed Deum et hominem unum Filium; quem propterea et unigenitum dicimus, manentes in duabus substantiis, sicut ei naturæ veritas contulit, non confusis naturis, neque immixtis, sicut Timotheani volunt, sed societate unitis. Deus ergo hominem assumpsit, homo in Deum transivit; non naturæ versibilitate, sicut Apollinaristæ dicunt, sed Dei dignatione: ut nec Deus mutaretur in humanam substantiam assumendo hominem, nec homo in divinam glorificatus in Deum: quia mutatio vel versibilitas

nature et diminutionem et abolitionem substantie facit⁷. Natus est ergo Dei Filius ex homine, non per hominem, id est, non ex viri coitu, sicut Ebion dicit: sed carnem ex Virginis corpore trahens, et non de celo secum afferens, sicut Marcion, Origenes et Euthyces affirmant⁸. Neque in phantasia, id est, absque carne, sicut Valentinus: neque δοχῆται (a), id est, neque putative imaginatum; sed corpus verum; non tantum carnem ex carne, sicut Marcianus; sed verus Deus ex divinitate, et verus homo ex carne, unus Filius: in divinitate Verbum Patris et Deus, in homine anima et caro. Anima non absque sensu et ratione, ut Apollinaris; neque caro absque anima, ut Eunomius: sed anima cum ratione sua, et caro cum sensibus suis, per quos sensus veros in passione et ante passionem sive carnis dolores sustinuit.

CAPUT III. — Neque sic est natus ex Virgine, ut et deitatis initium homo nascendo accepit, quasi antequam nasceretur ex Virgine Deus non fuerit, sicut Artemon et Berillus et Marcellus docuerunt: sed aeternus Deus, et homo ex Virgine natus est.

CAPUT IV. — (b) Nihil creatum aut serviens in Trinitate credendum, ut vult Dionysius fons Arianus: nihil inæquale, ut Eunomius: nihil æquale⁹ gratia, ut vult Aetius: nihil anterius posteriusve aut minus, ut Arius: nihil extraneum aut officiale alteri, ut Macedonius: nihil pervasione¹⁰ aut surreptione insertum, ut Manicheus: nihil corporeum, ut Melito et Tertullianus: nihil corporaliter effigiatum, ut Anthropomorphus¹¹ et Vadianus: nihil sibi invisibile¹² ut Origenes: nihil creaturæ visibile, ut Fortunatus: nihil moribus vel voluntate diversum, ut Marcion: nihil ex Trinitatis essentiæ ad creaturarum naturam deductum, ut Plato et Tertullianus: nihil officio singulare nec alteri communicabile, ut Origenes: nihil confusum, ut Sabellius: sed totum perfectum; quia

¹ Hic editi inserunt: *Creditur a nobis sine confusione conjuncta sancta Trinitas, sine separatione distincta. Abest a MSS.*

² Plures MSS., sicut Marcion, Origenes, eorumque sectatores.

³ Sic MSS. At editi, inæquale.

⁴ Alias, versuſione.

⁵ Forte, Anthropomorphita.

⁶ Editi addunt, a creaturis.

^(a) Vid. Cyril. catech. 4.

^(b) Nicet. in Nazianz. de S. Bapt.

¹ Editi hic addunt, procedens, Patri et Filio coeterus; quod abest a MSS.

² Aliquot MSS., diversa.

³ MSS., in natura.

⁴ Editi addunt, Patris.

⁵ Editi, aeterna naturitate Filius; omissio, Dei.

⁶ Editi addunt, fatemur.

totum ex uno et unum¹: non tamen solitarium, ut præsumunt Præxas et Sylvanus, Pentapolitana damnabilis illa doctrina.

CAPUT V. — Homousios ergo, id est, coessentialis in divinitate Patri Filius, homousios Patri et Filio Spiritus sanctus, homousios Deo et homini unus Filius, manens Deus in homine suo in gloria Patris, desiderabilis videri ab Angelis: sicut Pater et Spiritus sanctus adoratur ab Angelis et ab omni creatura: non homo præter Deum², vel Christus cum Deo, sicut blasphemat Nestorius; sed homo in Deo, et Deus in homine.

CAPUT VI. — Erit resurrectio mortuorum omnium, sed una et insimil et semel: non prima justorum, et secunda peccatorum, ut fabula est sonnatorum³; sed una omnium. Et si id resurgere dicitur quod cadit, caro ergo nostra in veritate resurget, sicut in veritate cadit. Et non secundum Origenem immutatio corporum erit, id est, aliud novum corpus pro carne: sed eadem caro corruptibilis quæ cadit, tam justorum quam injustorum, incorruptibilis resurget, quæ vel pœnam sifferre possit pro peccatis, vel in gloria eterna manere pro meritis.

CAPUT VII. — Omnium hominum erit resurrectio: si omnium erit, ergo omnes morientur, ut mors ab Adam ducta omnibus filiis ejus dominetur, et maneat illud privilegium in Domino, quod de eo specialiter dicitur: *Non dabis Sanctum tuum videre corruptionem* (*Psalm. xv, 10*). Ejus enim caro non vidit corruptionem. Hanc rationem maxima Patrum turba tradente suscepimus. Verum quia sunt et alii aequi catholici et eruditii viri, qui credunt, anima in corpore manente mutandos ad incorruptionem et immortalitatem eos, qui in adventu Domini vivi inveniendi sunt, et hoc eis reputari pro resurrectione ex mortuis, quod mortalitatem⁴ immutatione deponant, non morte: quolibet quis acquiescat modo, non est hereticus, nisi ex contentione hereticus fiat. Sufficit enim in Ecclesiæ lege carnis resurrectionem credere futuram de morte.

CAPUT VIII. — Quod autem dicimus in Symbolo, in adventu Domini vivos ac mortuos judicandos, non solum justos et peccatores significari, sicut Diodorus putat, sed et vivos eos qui in carne inveniendi sunt credimus, qui adhuc morituri creduntur; vel immutandi sunt, ut alii volunt, ut suscitati continuo vel reformati cum ante mortuis judicentur.

CAPUT IX. — Post resurrectionem et judicium non credamus restitutionem futuram, quam Origenes delirat; ut demones vel impii homines post tormenta quasi suppliciis expurgati, vel illi in angelicam quam creati sunt, redeant dignitatem, vel isti⁵ justorum societate donentur; eo quod hoc divinae conveniat pietati, ne quid ex rationalibus pereat creaturis, sed quolibet modo salvetur. Sed nos credamus ipsi judici omnium et retributori justo, qui dixit, *Ibunt impii in supplicium æternum, justi autem in vitam æternam* (*Matth. xxv, 46*), ut percipiant fructum operum suorum.

CAPUT X. — In principio creavit Deus cœlum et terram et aquam ex nihilo. Et cum adhuc tenebrae ipsam aquam occultarent, et aquam terra absconderet facti sunt Angeli et omnes cœlestes Virtutes, ut non esset otiosa Dei bonitas, sed haberet in quibus per multa ante se atia bonitatem suam ostenderet: et ita visibilis mundus ex his quæ creata fuerant factus est et ornatus.

CAPUT XI. — Nihil incorporeum et invisible natura credendum, nisi solum Deum, id est, Patrem et Filium et Spiritum sanctum. Qui ex eo incorporeus

creditur, quia ubique est, et omnia implet atque costringit; et ideo invisibilis omnibus creaturis, quia incorporeus est.

CAPUT XII. — Creatura omnis corporea est: Angeli et omnes cœlestes Virtutes corporeæ⁶, licet non carne subsistant. Ex eo autem corporeas esse credimus intellectuales naturas, quod localitate circumscribuntur; sicut et anima humana quæ carne clauditur, et demones qui per substantiam angelicæ nature sunt.

CAPUT XIII. — Immortales esse credimus intellectuales naturas, quia carne carent, nec habent quod cadant ut resurrectione egeant post ruinam.

CAPUT XIV. — Animas hominum non esse ab initio inter ceteras intellectuales naturas, nec simul creatas, sicut Origenes singit: neque cum corporibus per coitum seminatas, sicut Luciferiani, et Cyrilii, et aliqui Latinoruim præsumptores afflant, quasi nature consequentiam servantes⁷. Sed dicimus creationem animæ solum Creatorem omnium nosse, et corpus tantum per co-jugii copulam seminari, Dei vero iudicio coagulari in vulva et compingi atque formari, ac formato jam corpore animam creari et infundi, ut vivat in utero homo ex anima constans et corpore, et egrediatur vivus ex utero plenus humana substantia.

CAPUT XV. — Neque duas animas esse dicimus in uno homine, sicut Jacobus et alii Syrorum scribunt, unam animalen quæ animetur corpus et immixta sit sanguini, et alteram spiritualem quæ rationem ministret: sed dicimus unam esse eamdemque animam in homine, quæ et corpus sua societate vivificet, et semetipsam sua ratione disponat, habens in se libertatem arbitrii, ut in sua substantia⁸ eligat cogitatione quod vult.

CAPUT XVI. — Solum hominem credimus habere animam substantiam, quæ exuta corpore vivit, et sensus suos atque ingenia vivaciter tenet. Neque cum corpore moritur, sicut Aratus⁹ asserit: neque post modicum intervalum, sicut Zenon dicit; quia substantialiter vivit.

CAPUT XVII. — Animalium vero animæ non sunt substantiae¹⁰, sed cum carne ipsa carnis vivacitate nascuntur, et cum carnis morte finiuntur: et ideo nec ratione reguntur, sicut Plato et Alexander putant, sed ad omnia naturæ incitamenta ducuntur.

CAPUT XVIII. — Anima humana non cum carne moritur, quia non cum carne, ut superius diximus, seminatur; sed formato in ventre matris corpore, Dei iudicio creator et infunditur, ut vival homo intus in utero, et sic procedat nativitate in mundum.

CAPUT XIX. — Duabus substantiis tantum constat homo, anima et carne; anima cum ratione sua, et carne cum sensibus suis. Quos tamen sensus absque animæ societate non movet caro. Anima vero et sine carne rationale suum tenet.

CAPUT XX. — Non est tertius in substantia humanis spiritus, sicut Didymus contendit: sed spiritus ipsa est anima, pro spirituali natura, vel pro eo quod sparet in corpore spiritus appellatus. Anima vero ex eo vocatur, quod ad vivendum vel ad vivificandum animet corpus. Tertium vero qui ab Apostolo cum anima et corpore inducitur, spiritum gratiam sancti Spiritus esse intelligamus, quam orat Apostolus ut integra perseveret in nobis, ne nostro vitio aut iniuniat aut fugiet a nobis (*1 Thess. v, 25*); quia *Spiritus sanctus effugiet sicutum* (*Sap. i, 5*).

CAPUT XXI. — Libertati arbitrii sui commissus est homo statim in prima conditione, ut sola vigilancia mentis amittente, etiam in præcepti custodia perseveraret, si vellet in eo quod creatus fuerat perma-

¹ Editi addunt, *ex toto*.

² Editi, *non homo factus præter Deum*. Quidam MSS., *non homo factus propter Deum*. Et nonnulli postea, *vel Christus sicut Deo*.

³ MSS., *ut fabula sonniantur*.

⁴ Hic MSS. quidam addunt, *præsentis vita*.

⁵ Plures MSS., *injusti*.

⁶ MSS. aliquot, *corpore*.

⁷ MSS. sex, *consequentiæ servientes*. Alii tres, *consequentiæ serviente*.

⁸ MSS. omnes, *in sua substantia*.

⁹ MSS. omnes, *Arabs*.

¹⁰ MSS. aliquot, *substantia*. Alii, *substantes*.

nere. Po^tquam vero seductione serpentis per Eram cecidit, naturae bonum perdidit, pariter et regorem arbitrii: non tamen electionem, ne non esset suum quod emendarer^t peccatum, nec merito indulgeretur quod non arbitrio diluisset. Manet itaque ad quere i^dam salutem arbitrii libertas², id est rationalis voluntatis, sed admonente prius Deo et invitante ad salutem, ut vel eligat, vel sequatur, vel agat occasione salutis, hoc est inspiratione Dei. Ut autem consequatur quod eligit, vel quod sequitur, vel quod occasione agit, Dei esse libere constitetur. Initium ergo salutis nostrae Deo misericerte habemus; ut acquiescamus salutiferae inspirationi, nostrae potestatis est; ut adipiscamur quod acquiescendo admonitioni cupimus, divini est muneric: ut non labamur ab indepto salutis munere, sollicitudinis nostrae est et cœlestis pariter adiutorii; ut labamur, potestatis nostrae est et ignavie.

CAPUT XXII (alias 52). — Baptisma unum est, sed in Ecclesia, ubi una fides est, ubi in nomine Patris et Filii et Spiritus sancti datur. Et ideo si qui apud illos hereticos baptizati sunt qui in sancte Trinitatis confessione baptizant, et veniunt ad nos; recipiantur quidem quasi baptizati, ne sancte Trinitatis invocatione vel confessio annuletur: sed doceantur ante et instruantur, quo sensu sanctæ Trinitatis mysterium in Ecclesia teneant: et si consentiant credere, vel acquiescent confiteri, purgati jam fidei integritate confirmantur manus impositione. Si vero parvuli sunt vel hebetes qui doctrinam non capiant; respondeant pro illis qui eos offerant juxta morem baptizandi: et sic manus impositione et chrismate communit, Eucharistie mysteriis admittantur. Illos autem qui non in sanctæ Trinitatis invocatione apud haereticos baptizati sunt, et veniunt ad nos, baptizari debere pronuntiamus, non rebaptizari. Neque enim credendum est eos fuisse baptizatos, qui non in nomine Patris et Filii et Spiritus sancti juxta regulam a Domino positam tincti sunt: ut sunt Paulianistæ³, Procliani, Borborite, Siphori, qui nunc vocantur Bonosiani, Photini, Montanite et Manichei, varia impietatis germina: vel cetera istorum originis sive ordinis pestes, que duo principia sibi ignota introducunt, ut Cerdon et Marcion; vel contraria, ut Manicheus; vel tria et barbara, ut Setianus et Theodosius⁴; vel multa, ut Valentinus; vel Christum hominem fuisse absque Deo, ut Cerinthus, Ebion, Artenon et Photinus. Existis, inquam, si qui ad nos venerint, non requirendum ab eis utrum baptizati sint, an non; sed hoc tantum, si credant in Ecclesia fidem, et baptizentur ecclesiastico Baptismate.

CAPUT XXIII (al. 53). — Quotidie Eucharistie communionem percipere nec modo nec vitupero. Omnibus tamen dominicis diebus communicandum suadeo et hortor, si tamen mens in affectu peccandi non sit⁵. Nam habentem adhuc voluntatem peccandi, gravari magis dico Eucharistie perceptione quam purificari. Et ideo quanvis quis peccato mordeatur, peccandi non habeat de cætero voluntatem, et communicaturus satisficiat lacrymis et orationibus, et confidens de Domini miseratione, qui peccata pice confessioni donare consuevit, accedat ad Eucharistiam intrepidus et securus. Sed hoc de illo dico quem capitalia et mortalia peccata non gravant: nam quem mortalia crimina post Baptismum commissa premunt,

¹ Ita MSS. plures. At editi, erit et.

² Nonnulli codices sic prosequuntur: Non tamen ad obtinendan sine illo qui querentes facili invenire, qui pulsantibus aperit, qui potentibus donat. scit ergo initium Deo misericente et inspirante habere nos credimus, ita arbitrium naturæ nostræ sequax esse divinæ inspirationis libere confitemur. Igitur ut non labamur, etc. Id vero ab homine catholicō insertum putant propter latenter illic Pelagianorum errorē.

³ Sic MSS. At editi, Paulini.

⁴ MSS. Thcodotus; vel, Theudotus.

⁵ sic MSS. At editi, sine affectu peccandi sit.

buctor præs. publica prædicta sedis fuisse, et na^ccerioris jo^cis et regnum et una communione servare, et vult non ad jo^cis regnum et communione nostra et Eucharistiam pertinere. Sed et veritas re sicut omnes mortalia crimina non rite cum nos inveniuntur, ut non tenetulari habentur. Et ceteris re sicut et mortalia per correctionem, et i^cagi, non proprio ratione, sed a voluntate Deo, ita dimitantur, ut ex iusta potestate non sint i^cagi, et Eucharistiam omnia, et aliis, ut dicitur duplex et submissus usque ad mortales fieri.

CAPUT XXIV (al. 54). — Igitur ut iusta potest intendita non admittere, et admittita diligere. Falsitatis et pœnitentiae est causas peccatorum esse, iuste, non enim suggestionibus admittum in lege.

CAPUT XXV (al. 55). — In diuinis rebus non in nobis nihil terrenum vel transitum in existimatur, sicut Meletiani sperant. Non nuptiarum in corpore, non ut Cerinthus et Marcion delirant⁶. Non quod a ratione vel ad potum pertinet, sicut Papia auctore (a), Trenaeus, Tertullianus et Lactantius acquiescent. Neque per mille annos post resurrectionem regnum Christi in terra futurum, et sanctos cum illo in felicitis regnaturos speremus, sicut Nepos docuit, primaria justitiosa resurrectionem, et secundam impiorum: et inter has duas mortuorum resurrectiones, gentes ignorantes Deum in angulis terrarum in carne reservanda: quia post mille annos regni in terra justorum, instigante diabolo movendæ sint ad pugnam contra jugos regnantes; et Domino pro justis pugnante imbre igneo compescendas: atque ita mortuas, cum cœstis in impietate ante mortuis ad aeterna supplicia in incorruptibili carne resuscitandas.

CAPUT XXVI (al. 56). — Nullum credimus ad salutem nisi Deo invitante venire. Nullum invitatum salutem suam nisi Deo auxiliante operari. Nullum nisi orantem auxilium promereri. Nullum Dei voluntate perire, sed permisus, pro electione arbitrii, ne ingenuitas potestatis semel hominibus attributa ad servilem cogatur necessitatem.

CAPUT XXVII (al. 57). — Malum vel malitia non esse a Deo creatum, sed a diabolo inventum: qui ei ipse bonus a Deo creatus est. Sed quia libero arbitrio, utpote rationalis creatura, commissus est, et cogitandi accepérat facultatem, scientiam boni vertit ad malum: et multa cogitando factus est inventor mali: et quod in se perdidit, invidit in aliis, nec contentus solus perire, suasit aliis, ut qui esset sue malitiae inventor, fieret et aliorum auctor: et ex eo malum vel malitia percurrat in ceteras rationales creature.

CAPUT XXVIII (al. 58). — Unde cognoscimus nihil esse natura immutabile, nisi solum Deum, Patrem et Filium et Spiritum sanctum, qui mutari non potest a bono, quia natura possidet bonum, nec potest aliud quid esse quam bonum.

CAPUT XXIX (al. 59). — Angeli vero qui in illa qua creati sunt beatitudine perseverant, non natura possident bonum, ut non mutarentur cum carceris, sed arbitrii servantes bonam voluntatem, et bonum conditionis, et fidem suo Domino servaverunt. Unde et merito ab ipso Domino sancti Angeli vocantur, quod tenerunt arbitrii sanctitatem, nec sociorum exemplo deviaverint a bono⁷.

⁶ MSS., delectantur.

⁷ Ante editis tria isthac capitula quæ a manuscriptis absunt, adjecta fuerant:

Fides vera, quæ est catholica, omnium creaturarum sive spiritualium sive corporalium bonam constitutur substantiam, et nati nullam esse naturam; quia Deus, qui universitatis est conditor, nihil non bonum fecit. Unde et diabolus bonus esset, si in eo quod factus est permaneret. Sed quia naturali excellentia male usus est, et in veritate non stetit; non in contrarium substantiam transiit, et sed a summo bono cui debuit adhaerere discessit.

Virtutes angelicæ quæ in divino amore hinc perstinent, lapsis superbiens angelis, hoc manere retributionis accepérunt, ut nulla jam rubigine subripientur.

(e) Vide Hieronymum, lib. de Scriptoribus Ecclesiasticis.

CAPUT XXX (al. 65). — Bonæ sunt nuptiæ , sed causa filiorum et compescende fornicationis obtentu¹.

CAPUT XXXI (al. 64). — Melior est continentia ; sed non sibi sufficit ad beatitudinem , si pro solo amore pudicitiae retinetur , sed si et hoc cum affectu causa vacandi Domino eligitur : alioquin divertium magis conjugii videbitur esse , quam castitas.

CAPUT XXXII (al. 65). — Virginitas utroque bono præcelsior est , quia ei naturam vincit et pugnam : naturam , corporis integritate ; pugnam , pace castimoniae.

CAPUT XXXIII (al. 66). — Bonum est in cibum cum gratiarum actione sumere quidquid Deus edendum præcepit. Abstinere autem ab aliquibus , non quasi malis , sed quasi non necessariis , non est malum. Moderari vero eorum usum ² pro necessitate et tempore , proprie Christianorum est.

CAPUT XXXIV (al. 67). — Malas dicere nuptias , vel fornicationi comparandas aut stupro ; cibos vero credere malos , vel mali causam percipientibus ³ , non est Christianorum , sed proprie Encratitarum ⁴ et Manichæorum.

CAPUT XXXV (al. 68). — Sacratæ Deo virginitati nuptias conquare , aut pro amore castigandi corporis abstinentibus a vino vel carnibus nihil credere meriti accrescere , nec hoc Christiani , sed Joviniani est.

CAPUT XXXVI (al. 69). — Integra fide credendum est , beatam Mariam Dei Christi matrem et virginem concepisse , et virginem genuisse , et post partum virginem permansisse. Nec est blasphemieæ Helvidii acquiescentum , qui dixit : Virgo ante partum , non virgo post partum.

CAPUT XXXVII (al. 70). — Elementa , id est , cœlum et terram non credimus abolenda per ignem , sed in melius commutanda : figuram quoque mundi , id est , imaginem , non substantiam transiitram.

CAPUT XXXVIII (al. 71). — Bonum est facultates cum dispensatione pauperibus erogare. Melius est pro intentione sequendi Dominum semel donare ⁵ , et ab-solutum sollicitudine cum Christo egere.

CAPUT XXXIX (al. 72). — Maritum duarum post Baptismum matronarum Clericum non ordinandum. Neque eum qui unam quidem , sed concubinam , non matronam habuit. Nec illum qui viduam , aut reputatam , vel meretricem in matrimonio sumpsit. Neque eum qui semetipsum qualibet corporis sui membro indignatione aliqua vel justo injusto timore ⁶ superatus truncauerit. Neque illum qui usuras acceperisse convincitur , aut in scena lusisse dignoscitur. Neque eum qui publica poenitentia mortalia crimina deflet. Neque illum qui aliquando in suriam versus insanivit , vel afflatione diaboli vexatus est. Neque eum qui per ambitionem ad imitationem Simonis Magi pecuniam offert.

CAPUT XL (al. 73). — Sanctorum corpora , et præcipue beatorum martyrum reliquias , ac si Christi membra sincerissime honoranda , et basilicas eorum nominibus appellatas , velut loca divino cultui mancipata , affectu piissimo et devotione fidelissima adeundas credimus ⁷. Si quis contra hanc sententiam venit , non Christianus , sed Eunomianus et Vigilantianus creditur.

• culpæ mordeantur : ut et in contemplatione Conditoris • sine felicitate sine permaneant , et in hoc sic condite • æterna stabilitate subsistant.

• Tales creati sunt angeli : ut si vellent , in beatitudinis luce persistenter ; si autem vellent , etiam labi potuissent. • Unde et satan cum sequentibus legionibus cecidit. Sed post ejus lapsum ita confirmati sunt Angeli qui persistiterunt , ut caders omnino non possent ; quia ne omnino jam caderent , virtutem incommutabilitatis acceperunt. *

* Quidam MSS. , non concupiscentiae et fornicationis obtemtu.

¹ MSS. , *Moderari vero carnium usum*.

² Editi , vel malitias causare peripientibus.

³ Editi , *Hierachitarum*.

⁴ Editi , *instim donare*.

⁵ Colbertinus Ms. , *justo injusto judicio*.

⁶ Absit , *crevimus* , a MSS.

CAPUT XI. (al. 74). — Baptizatis tantum iter esse salutis credimus. Nullum catechumenum , quemvis in bonis operibus defunctum , vitam æternam haberemus , excepto martyrio , ubi tota Baptismi sacramenta complentur. Baptizandus confitetur fidem suam coram sacerdote , et interrogatus respondet : hoc et martyr coram persecutore facit , qui et confitetur fidem suam , et interrogatus respondet. Ille post confessionem , vel aspergitur aqua , vel intingitur : et hic vel aspergitur sanguine , vel contingitur igne ⁸. Ille manus impositione pontificis accipit Spiritum sanctum : hic locutorum ⁹ efficitur Spiritus sancti , dum non est ipse qui loquitur , sed Spiritus Patris qui loquitur in illo. Ille communicat Eucharistie in commemoratione mortis Domini : hic ipsi Christo comoritur. Ille confitetur se mundi actibus renuntiatum : hic ipsi renuntiat vita. Illi peccata omnia dimittuntur : in isto extinguntur.

CAPUT XLII (al. 75). — In Eucharistia non debet pura aqua offerri , ut quidam sobrietatis falluntur imagine ; sed vinum cum aqua mixtum : quia et vinum fuit in redemptionis nostræ mysterio , cum dixit , *Non bibam amodo de hoc genimine vitis* (*Math. xxvi. 29*) ; et aqua mixtum , quod post coenam dabatur. Sed et de latere ejus , quod lancea perfossum est , aqua cum sanguine egressa , vinum de vera ejus carnis vite cum aqua expressum ostendit.

CAPUT XLIII (al. 76). — Bona est caro nostra et valde bona , utpote a bono et a solo Deo condita ; et non est mala , ut volunt Sethianus et Ophianus ¹⁰ et Patricianus : nec mali causa , ut docuit Florinus ¹¹ : nec ex malo et bono compacta , ut Manichæus blasphemavit. Sed cum sit creatione bona , arbitrio animæ efficitur nobis vel bona vel mala , non mutatione substantie , sed excusacionis mercede ¹². Ipsa enim est quæ stabit ante tribunal Christi , in qua referat anima propria corporis prout gessit , sive bonum sive malum.

CAPUT XLIV (al. 77). — In resurrectione ex mortuis sexus forma non mutabitur : sed vir mortuus resurget in forma viri , et femina in forma feminæ , carens sexus tamen hujus vite tantum conditione . non specie naturali ; ne non sit vera resurrection , si non id resurget quod cadit.

CAPUT XLV (al. 78). — Ante passionem Domini omnes animæ sanctorum in inferno sub debito prevaricationis Adæ tenebantur , donec auctoritate Domini per indebitam ejus mortem de servili conditione liberarentur.

CAPUT XLVI (al. 79). — Post ascensionem Domini ad cœlos , omnium sanctorum animæ cum Christo sunt , et exuenientes de corpore ad Christum vadunt , expectantes resurrectionem corporis sui , ut ad integrum et perpetuam ¹³ beatitudinem cum ipso pariter immutentur : sicut et peccatorum animæ in inferno sub timore posse exspectant resurrectionem sui corporis , ut cum ipso ad poenam detrandantur ¹⁴ æternam.

CAPUT XLVII (al. 80). — Poenitentia aboleri peccata indubitanter credimus , etiam in ultimo vite spiritu admissorum poeniteat , et publica lamentatione peccata prodantur : quia propositum Dei , quo decrevit salvare quod perierat , stat immobile : et ideo quia voluntas ejus non mutatur , sive emendatione vite , si tempus conceditur , sive supplici ¹⁵ confessione , si continuo vita exceditur , venia peccatorum fideliter presumatur ab illo , qui non vult mortem peccatoris , sed ut convertatur a perditione poenitendo (*Ezech. xviii. 32 , et xxxviii. 11*) , et salvatus miseratione Domini vivat. Si quis aliter de justissima Dei

¹ MSS. , *vel intingitur igne*.

² Sic MSS. Editi , *habituaculum*.

³ MSS. , *Ophini.mus*.

⁴ Sic MSS. At editi , *Florimus*.

⁵ Aliquot MSS. , *excusacione commercii*. Quidam antem *excusacione commercii*.

⁶ Quidam MSS. , *perfectam*.

⁷ MSS. , *convertantur*.

⁸ Aliquot MSS. , *sive publica*.

pietate sentit, non Christianus, sed Novatianus est.

CAPUT XLVIII (al. 81). — Interius animæ cogitationes diabolum non videre, certi sunnus : sed motibus eas corporis ab illo et affectionum indicis colligi, experimento didicimus. Secreta autem cordis solus ille novit ad quem dicitur, *Tu solus nosti corda filiorum hominum* (III Reg. viii, 39).

CAPUT XLIX (al. 82). — Non omnes malæ cogitationes nostræ semper diaboli instinctu excitantur, sed aliquoties ex nostri arbitrii motu emergunt. Bonæ autem cogitationes semper a Deo sunt.

CAPUT L (al. 83). — Demones per energiam operationem¹ non credimus substantialiter illabi animæ; sed applicatione et oppressione uniri. Illabi autem menti illi soli possibile est qui eravit, qui natura subsistens incorporeus, capabilis est sue facturæ.

CAPUT LI (al. 84). — Signa et prodigia et sanctales etiam peccatores in nomine Domini facere ab ipso Deo didicimus : et cum alios hac presumptione juveni, sibi per ambitionem humanae glorie nocent ; quia gloriantur in dato falso, id est non meritis debito.

CAPUT LII (al. 85). — Signis et prodigiis clarum posse fieri Christianum, non tamen sanctum, si in-

¹ Habant MSS., *per energiam*, et omissunt, *operationem*.

temperatis et asperis motibus agat : temperatis autem et placidis motibus, etiam absque signorum efficacia, et sanctum et perfectum et Dei hominem fieri recte credimus.

CAPUT LIII (al. 86). — Nullus sanctus et justus caret peccato : nec tamen ex hoc desinit esse justus et sanctus, cum affectu teneat sanctitatem. Non enim naturæ viribus, sed propositi adjumento per Dei gratiam acquirimus sanctitatem. Et ideo veraciter se omnes sancti pronuntiant peccatores, quia in veritate habent quod plangent, et si non reprehensione conscientia, certe mobilitate prævaricatrix nature.

CAPUT LIV (al. 87). — Pascha, id est, dominice resurrectionis solemnitas, ante transgressum vernalis aquinoctii et quartæ decimæ lunæ perfectionem non potest celebrari¹, eodem tamen mense natæ.

CAPUT LV (al. 88). — Propter novellos legislatores, qui ideo animam tantum ad imaginem Dei creatam dicunt, ut quia Deus incorporeus recte creditur, etiam incorporea anima esse credatur, libere confitemur, imaginem in æternitate, similitudinem in moribus inventuri.

¹ In codicibus MSS.. et quinta decimæ (vel, sextæ decimæ) lunæ initium non potest celebrari.

INDEX RERUM

QUE IN HOC TOMO OCTAVO CONTINENTUR.



IN OCTAVUM TOMUM PRAEFATIO.	9-10
ADMONITIO IN LIBRUM DE HERESIBUS.	15-16
De codem libro Epistole quatuor.	<i>ibid.</i>
S. AURELI AUGUSTINI, HIPPOPENSIS EPISCOPI, DE HERESIBUS AD QUODVULTDEUM LIBER UNUS.	21-22
S. AURELI AUGUSTINI, HIPPOPENSIS EPISCOPI, TRACTATUS ADVERSUS JUDÆOS.	51-52
CAPUT PRIMUM. Severitas dei exemplum in excisione Iudeorum ; bonitatis vero, in iustitione Gentium. Iudeorum cæcitas ex Scripturis Veteris Testamenti convincenda.	<i>ibid.</i>
II. Instrumenti veteris libros ad nos pertinere, eorumque præcepta per nos melius impleri.	<i>ibid.</i>
III. Christus legem non evanescere arguendo, sed impleendo mutant. Mutatio veterum sacramentorum predicti in Psalmis.	53
IV. Christus in Psalmo quadragesimo quarto prænuntiatu.	<i>ibid.</i>
V. Titulo Psalmi sexagesimi octavi, qui de Christi passione scriptus est, etiam mutatione prædictus.	54
VI. Titulus quoque Psalmi sexagesimi noni prænuntiat mutationem. Mutationis facienda testimonia contra Iudeos apertiora.	55
VII. Iudei prophetias quasdam pro se non recte interpretantes. Quæ magis in Iudeos quadrant Prophætarum voces	57
VIII. Iudeorum a Deo dimissio per Isam prænuntiata.	59
IX. Dimissio Iudeorum clarus prædicta per Malachiam. Sacrificium Christianorum ubique in terra et in celo offertur.	60
X. Quæ charitate invitandi Iudei ad fidem.	65
ADMONITIO IN LIBRUM DE UTILITATE CREDENDI.	65-64
S. AURELI AUGUSTINI, HIPPOPENSIS EPISCOPI, DE UTILITATE CREDENDI AD HONORATUM LIBER UNUS. — Contra Manichæos disjuncti, prolatione ijsos sacrilege ac temere in eos invelhi, qui catholice fidei auctoritatem sequentes, ad mysteriorum intelligentiam sese illius subsidio conparant, dum ea credunt quæ nondum valent animo percipere. Sed imprimit ostendit Vetus Testamentum perperam ab hisdem hereticis reprehendi.	65-66
CAPUT PRIMUM. Quo consilio haec Honorato scribat. Hereticus et hereticis credens, non idem. Operis argumentum. Quomodo per Manichæos Augustinus deceptus eraserit. Manichæorum dictum in sue sectæ desertores.	<i>ibid.</i>
II. Manichei Vetus Testamentum reprehendunt apud Imperio.	67
III. Quadruplex Scripturas Veteris Testimenti tractandi ratio. Historia et aetiologya in Scripturis. Analogia. Allegoria. Lex non necessaria nisi iis quibus utilis est servitus ac timor. Mysteria in Veteri Lege velata.	68
IV. Triplex error legentium.	72
V. Tres Scripturarum quarumque differentie. Ecclesia catholica erroris secundum ullum modum ex predictis redargui non potest in Veteris Testimenti lectione.	73
VI. De Scripturis non credendum expositoribus eorum inimicis.	74
VII. Quærenda vera religio. In eis quærenda qui excellunt famæ celebritate et omnium occupatione populi. Objectari frustra, apud iucos esse veritatem, nec quærendam in multitudine Catholicorum. Temere visum Honorato, absurdâ quædam tradi in catholicâ religione. A religione quærenda apud Catholicos nihil prohibebat. Cum inquiritur vera religio, sumendum exordium a catholicâ Ecclesia.	75
VIII. Quæ Augustinus via venerit ad catholicam religionem.	75
IX. Catholicâ Ecclesia venientibus præcepit fidem ; hereticis promittunt rationem. Nihil vitii esse in fide, atque inter credentem et credulum (quod nomen culpe datur) plurimum interesse.	78
X. Turpe non esse credere in religione. nationis percipiendæ idonei perpauci : via ad religioneum tutior et tenenda ab omnibus fidem.	79
XI. Credentes ab opinantibus temeritate quomodo alieni. Intelligere, credere, opinari.	81
XII. Credere in multis quam necessarium ad humanam societatem. Rectissimum obtemperare sapientibus.	82
XIII. Qui sapientia caret, non quærerit sapientem, nisi esse credit. Ita et religio non queritur, nisi esse creditur.	84
XIV. Si nihil credendum est, nec ipsa esse religio creditur. Christo credendum esse docent omnes etiam heretici, christus ijs se maxime exigit fidem.	85
XV. Sapientia Dei incarnata, via ad religionem comodiissima.	88
XVI. Auctoritas divinitus constituta, que partim miraculis, partim sequentium multitudine movet ad fidem.	89
XVII. Aores boni populis quam utilitor auctoritate persuasi. Ecclesiæ catholicæ auctoritas	89
	90

XVIII. Conclusio per exhortationem. Persica fabella.	91	incerta et absurdâ deliramenta suis sectatoribus pro-	173-174
S. AURELI AUGUSTINI, HIPPONENSIS EPISCOPI, DE DUABUS ANIMBUS CONTRA MANICHEOS LIBER UNUS. — Manichæis hereticis duas animas in uno- quoque homine esse, unam de Dei substantia bonam, alteram malam de tenebrarum gente nec a Deo conditam dicentibus dolet se Augustinus sic adhäsisse, ut ad rationes quibus deliramenta istud evertitur, tam obvijs tamque manifestas non attenuerit. Primum enim considerati facile apparet, omnem animam, cum vita quedam sit, resque intelligibilis, ac proinde luce visibili, quam a Deo esse Manichæi fatentur, præstantior, auctori Deo tribuendam. Loca vero Scripturæ quibus illi malos ex Deo non esse disputant, aliorum locorum compara- ratione melius explicari. Postea etiam ex peccati et voluntatis definitio, ex venia peccatorum que peccantibus datur in Ecclesia, tandemque ex penitenti affectu pio atque utili, evidenter omnino demoustrari, i-eccaentes animas non natura malas esse.	93-94	CAPUT PRIMUM. Hæretici sanandi magis quam per- dendri.	Ibid.
CAPUT PRIMUM. Manichæorum error de dualibus anima- bus, quarum altera non sit a Deo, qua ratione ex- jugatur. Anima omnis cum vita quedam sit, non nisi a Deo vita fonte esse potest.	Ibid.	II. Causa cur mitius agendum cum Manichæis.	Ibid.
II. Si lux quæ sensu percipitur Deum habet auctorem, ut fatentur Manichæi, multo magis anima quæ solo intellectu percipitur.	Ibid.	III. Augustinus quondam Manichæus.	Ibid.
III. Corpus etiam omne a Deo esse unde probatur. Animam illam quæ mala dicitur a Manichæis, luce esse meliorem.	95	IV. Argumenta fidei catholice.	173
IV. Anima etiam musæ præstantior ista luce.	96	V. Conta titulum Epistolæ Manichei.	178
V. Vitiose animæ quanquam dannandæ, quomodo huic luci, quæ in genere suo laudanda est, antecela- lat.	Ibid.	VI. Cur apostolum Christi se scripsert.	177
VI. An ipsa etiam vitta tanquam intelligibilia, luci sen- sibili præferenda sint, et Deo ut auctori tribuen- da. Vitta animi est defectus quidam, recte non inter intelligibilia numerandus. Ipsi defectus, etiam si inter intelligibilia numerarentur, nuncquam anteponendi rebus sensibilibus. Si lumen visible a Deo est, multo magis ab ipso anima, quæ in quantum vi- vit intelligibilia res est, etiam si vitiosa. Objectantur contra a Manichæos loca Scripturæ.	97	VII. Manichæus Spiritus sanctus quomodo creditus a suis.	178
VII. Malo quomodo ex Deo, et non ex Deo.	100	VIII. Festum natalis Manichæi.	Ibid.
VIII. Quarunt unde malum, et hoc quæstione vincere se putant Manichæi. Cognoscant prius quod facilium est, nihil vivere posse sine Deo. Sumnum malum non cognoscitur nisi cognito summo bono, quod est Deus.	101	IX. Spiritus sanctus quando missus.	179
IX. Augustinus familiaritate cum Manichæis et successu victoriae de Christianis imperitis a se reportatæ deceptus. Manichæi ex cognitione item peccati et voluntatis facile reellendi.	102	X. Spiritus sanctus bis datus.	180
X. Peccatum non nisi a voluntate. Vita et voluntas sua cuncte notissima. Voluntas quid sit.	103	XI. Veritatem pollicetur Manichæus, non exhibet.	181
XI. Peccatum quid.	103	XII. Deliramenta Manichæi. Prælium ante mundi con- stitutionem commissum.	182
XII. Ex datis definitionibus peccati et voluntatis ha- resim Manichæorum totam evertit. Ex malarum item animarum justa damnatione sequitur non na- tura, sed voluntate malas esse. Animas esse natura bonas, quibus datur venia peccatorum.	Ibid.	XIII. Due substantia contraria. Regnum luminis. In- certa pro certis tradi a Manichæo.	Ibid.
XIII. Ex deliberatione in malum et in bonum partem non haberi duo animarum genera. Concesso genere animarum illicientium ad turjia, non sequi has esse natura malas, alias esse sumnum bonum.	108	XIV. Policebatur rerum certarum cognitionem, et imperat incertarum fidem.	Ibid.
XIV. Rursum ex penitenti utilitate monstratur ani- mas non natura malas esse. Demonstrationi tam certe non nisi ex consuetudine errandi contradic- tur.	109	XV. Non solum incerta, sed etiam falsa esse quæ tra- dit. Deliramentum de terra et gente tenebrarum juxta latus terræ sanctæ ac substantiæ Dei. Confutatur primo, quia naturæ Dei partes et latera tri- buit tanquam sua mole per locorum spatio disten- datur.	184
XV. Orat pro amicis quos habuit erroris socios.	110	XVI. Animam ipsam, etsi mutabilis fit, per spatia lo- corum non distendit. Nam tota sentit in singulis par-ibus corporis.	Ibid.
S. AURELI AUGUSTINI, HIPPONENSIS EPISCOPI, ACTA SEU DISPUTATIO CONTRA FORTUNATUM MANICHEUM LIBER UNUS.	111-112	XVII. Memoria caput maximorum locorum imagines.	185
DISPUTATIO PRIMA DIEI.	Ibid.	XVIII. Intelligendi potentia de rerum veritato deque ipsa cogitatione judicial.	186
DISPUT. SECUNDÆ DIEI.	121	XIX. Si anima per locos non extenditur, multo mi- nus Deus.	Ibid.
S. AURELI AUGUSTINI, HIPPONENSIS EPISCOPI, CON- TRA ADIMANTUM MANICHEI DISCIPULUM LIBER UNUS. — Conciliatur inter se Scripturarum sentiæ, quas de Testamento Vetero ac Novo, velut in vicem contrarias Adimantus, utrumque Testa- mentum ab uno et eodem Deo esse non posse con- tendens, corraserat.	129-130	XX. Deliramentum de duplice terra refellitor.	Ibid.
S. AURELI AUG., HIPPONENSIS EPISCOP., CON- TRA EPIST. MANICHEI, quam vocant FUNDA- MENTI, LIBER UNUS. — Refellit priores partes Epistolæ Manichæi, ostendens ipsum pro manife- sa quam policebatur, et pro certa cognitione, non nisi		XXI. Eadem terram lucis, si terra tenebrarum jungit, esse corpoream. Figura terræ tenebrarum jungit cum terra lucis.	Ibid.
		XXII. Figura terra lucis foedior.	188
		XXIII. Levius peccant Manichæis Anthromorphitæ.	189
		XXIV. De numero naturarum in phantasmatu Manichæi.	190
		XXV. Ex nihilo creari per Omnipotentem bona alia aliis inferiora. In figura conjunctionis durarum ter- rarum, qualiscumque flagatur; semper inesse de- formitatem aut absurditatem.	191
		XXVI. Coarctantur Manichæi, sive tortuoso latere con- junctionem illam fieri dicant, sive curvo, sive recto. In hoc tertio genere juncture esset concorda- dia et pulchritudo utrique terræ conveniens.	192
		XXVII. Pulchritudo recti lateris possit terræ tenebrarum detrahi sineulla detractione substantia. Sic malum autem accedit nulla addita detractave sub- stantia. Latus terræ tenebrarum in quantum re- ectum esset, boni aliquid haberet a Deo conditore.	193
		XXVIII. In terra tenebrarum naturas quinque ponit Manichæus.	194
		XXIX. Refellitur hoc deliramentum.	Ibid.
		XXX. Quam multa bona in iis naturis, quas ponit Mani- chæus in terra tenebrarum.	195
		XXXI. De eodem arguento.	196
		XXXII. Manichæus ex iis quæ hic vidit, ordinavit sua phantasmatu.	197
		XXXIII. Natura omnis, ut natura est, bona est.	198
		XXXIV. Natura nunquam sine aliquo bono. Sola mala considerant Manichæi.	199
		XXXV. Malum nihil aliud quam corruptio: ipsa autem corruptio non natura est, sed contra naturam. Ubiqui- cunque corruptio, ibi bonum fuit.	200
		XXXVI. Unde malum, sive corruptio boni.	201
		XXXVII. Solus Deus summe bonus.	202
		XXXVIII. Natura a Deo, corruptio ex nihilo.	203
		XXXIX. Mala quomodo sint a Deo.	204
		XL. corruptio tendit ad non esse.	Ibid.
		XLI. corruptio permisit Dei a nobis est.	205
		XLII. Hortatur ad summum bonum.	206
		XLIII. Conclusio.	Ibid.
		S. AURELI AUGUSTINI, HIPPONENSIS EPISCOPI, CONTRA FAUSTUM MANICHEUM LIBRI TRIGINTA TRES.	207-208
		ADMONITIO.	517-518
		S. AURELI AUGUSTINI, HIPPONENSIS EPISCOPI, DE ACTIS CUM FELICE MANICHEO LIBRI DUO.	519-520
		LITER PRIMUS. — Acta primæ diei.	Ibid.
		LITER SECUNDUS. — Acta secundæ diei.	553-558
		S. AURELI AUGUSTINI, HIPPONENSIS EPISCOPI, DE NA- TURA BONI CONTRA MANICHEOS LIBER UNUS.	551-552
		CAPUT PRIMUM. Deus summum bonum et incommuta- ble; a quo cetera omnia bona spiritualia et ci- r-	

porati.	551-552	mentis resellit.	577-578
II. Quomodo id possit ad corrigendes Manichaeos sufficere.	<i>Ibid.</i>	S. AURELI AUGUSTINI, HIPPONENSIS EPISCOPI, CONTRA ADVERSARIUM LEGIS ET PROPRIETARUM LIBRI DUO.	603-604
III. Modus, species et ordo generalia bona in rebus a Deo factis.	553	LIBER PRIMUS. Veteris Testamenti loca calumniose reprehensa vindicantur.	<i>Ibid.</i>
IV. Malum est corruptio modi, speciei aut ordinis.	<i>Ibid.</i>	LIBER SECUNDUS. — Novi Testamenti loca, que Legis et Propheticarum Adversarius velut eis contraria colligit, discutuntur.	637-653
V. Natura excellentioris ordinis etiam corrupta melior interdum in ieiore etiam incorrupta.	<i>Ibid.</i>	CONSULTATIO SIVE COMMONITORIUM OROSH AD AUGUSTINUM DE ERRORE PRISCILLIANistarum ET ORIGINISTARUM.	(655-666)
VI. Naturam quae corrupta non potest, summum bonum; quae potest, aliquod bonum esse.	<i>Ibid.</i>	S. AURELI AUGUSTINI, HIPPONENSIS EPISCOPI, AD ORO- SII CONTRA PRISCILLIANISTAS ET ORIGINISTAS LIBER UNUS.	669-670
VII. Nationalium spirituum corruptio alia voluntaria, alia pœnalis.	554	SEMINO ARIANORUM.	677-678
VIII. Ex rerum inferiorum corruptione ac interitu pulchritudo universi.	<i>Ibid.</i>	S. AURELI AUGUSTINI, HIPPONENSIS EPISCOPI, CONTRA SERMONEM ARIANORUM LIBER UNUS.	683-684
IX. Pœna peccati naturæ, ut recte ordinetur, constituta.	<i>Ibid.</i>	ADMONITIO IN COLLATIONEM ET LIBROS DUOS CONTRA MAXIMINUM.	707-708
X. Natura corruptibilis, quia ex nihilo factæ.	<i>Ibid.</i>	S. AURELI AUGUSTINI, HIPPONENSIS EPISCOPI, COL- LATIO CUM MAXIMINO ARIANORUM EPISCOPO.	709-710
XI. Noceri nec Deo potest, nec alii naturæ nisi ipso permittente,	555	S. AURELI AUGUSTINI, HIPPONENSIS EPISCOPI, CONTRA MAXIMUM HERETICUM ARIANORUM EPISCO- PUM LIBRI DUO.	743-744
XII. Omnia bona non nisi a Deo.	<i>Ibid.</i>	LIBER PRIMUS. — Ostendit Augustinus, ea quæ in collatione ipse dixit, Maximum non potuisse refellere.	<i>Ibid.</i>
XIII. Bona singula seu parva, seu magna, esse a Deo.	<i>Ibid.</i>	CAPUT PRIMUM. De duobus diis.	<i>Ibid.</i>
XIV. Parva bona in majorum comparatione contrariis nominibus appellantur.	<i>Ibid.</i>	II. De humanis contagiosis.	<i>Ibid.</i>
XV. In simili corpore pulchritudinis bonum inesse, licet minus.	<i>Ibid.</i>	III. De invisibili Deo.	745
XVI. Privationes in rebus decenter a Deo ordinatae.	<i>Ibid.</i>	IV. De immortali Deo.	746
XVII. Natura in quantum natura est, nulla mala.	<i>Ibid.</i>	V. Unde maior sit Pater.	<i>Ibid.</i>
XVIII. Hylem, quæ rerum infermis materies antiquis dicebatur, non esse malum.	<i>Ibid.</i>	VI. De veris filiis animalium.	748
XIX. Fesse vere, proprium Dei.	557	VII. De magnitudine Filii.	749
XX. Dolor non nisi in naturis bonis.	<i>Ibid.</i>	VIII. De subiectione Filii.	750
XXI. Modica a modo dicta.	558	IX. Utrum adoret patrem Spiritus sanctus.	<i>Ibid.</i>
XXII. Modus an aliqua ratione Deo ipsi conveniat.	<i>Ibid.</i>	X. Quomodo sit unus Deus Pater et Filius et Spiritus sanctus.	751
XXIII. Unde interdum dicatur malus modus, mala species, mala ordo.	<i>Ibid.</i>	XI. De templo Spiritus sancti.	752
XXIV. Testimonii Scriptura probatur Deum esse incommutabilem. Filium Dei esse genitum, non factum.	<i>Ibid.</i>	XII. De eo quod Pater et Filius unum sint.	753
XXV. Illud Evangelii, <i>sine ipso factum est nihil</i> , male intellectum a nonnullis.	559	XIII. De testimonio quod Pater perhibuit Filio.	754
XXVI. Creaturas ex nihilo factas esse.	<i>Ibid.</i>	XIV. De dilectione Patris et Filii.	<i>Ibid.</i>
XXVII. Ex ipso et De ipso non idem significare.	560	XV. De invisibilitate Trinitatis.	<i>Ibid.</i>
XXVIII. Peccata non esse ex Deo, sed ex voluntate esse peccantium.	<i>Ibid.</i>	XVI. De solo sacerdote Deo.	755
XXIX. Peccatis nostris Deum non inquinari.	<i>Ibid.</i>	XVII. De infecto Deo.	<i>Ibid.</i>
XXX. Bona etiam minima et terrena esse a Deo.	<i>Ibid.</i>	XVIII. De ingenito Patre.	<i>Ibid.</i>
XXXI. Punire ac donare peccata peraque ad Deum pertinere.	561	XIX. De aequalitate Spiritus sancti cum Patre.	<i>Ibid.</i>
XXXII. A Deo esse et ipsam nocendi potestatem.	<i>Ibid.</i>	XX. Licet ingenitus Pater, aequalis tamen Filius.	758
XXXIII. Angelos malos non a Deo, sed peccando factos esse malos.	<i>Ibid.</i>	LITER SECUNDUS. — Reficitur signifikatim que in collatione Maximini dixit ultima sua disputatione, cuius disputationis sue prolixitate respondendi tempus tunc erit ut Augustino.	757-758
XXXIV. Peccatum non est malum naturæ appetitio, sed melioris desertio.	562	ADMONITIO IN LIBROS DE TRINITATE.	815-816
XXXV. Arbor Adamo vetita, non quia mala, sed quia homini bonum ut subditus sit Deo.	<i>Ibid.</i>	S. AURELI AUGUSTINI, HIPPONENSIS EPISCOPI, DE TRINITATE LIBRI QUINDECIM.	819-820
XXXVI. Nulla creatura Dei mala, sed ea male uti est malum.	<i>Ibid.</i>	LITER PRIMUS. — Secundum Scripturas sacras ostenditur unitas et aequalitas summae Trinitatis, et quedam loca contra Filii aequalitatem allata difunduntur.	<i>Ibid.</i>
XXXVII. Malis peccantium Deus bene uitur.	563	CAPUT PRIMUM. Scribit contra eos qui ratione aluentes calumniantur item Tri. i. tri. Error disputantium de Deo, ex triplici causa. Scriptura sacra remotis latitudinibus elevit gradatim ad divina. Immortalitas vera. Fide nutritur, ut habiles ad divina eam ienda efficiantur.	<i>Ibid.</i>
XXXVIII. Ignis eternus malos crucians non malus.	<i>Ibid.</i>	II. De trinitate quomodo hec in opere disserendum.	822
XXXIX. Eternus ignis dicitur, non sicut Deus, sed quia sine fine.	<i>Ibid.</i>	III. Quid a suis lectoribus exposeat Augustinus. Lectorum tardiorum errores auctori non tribuendi	<i>Ibid.</i>
XL. Nec Deo noceri potest nec alii, nisi Dei justa eridatione.	<i>Ibid.</i>	IV. Quæ sit doctrina fidei catholice de Trinitate.	824
XLI. Quanta bona Manichei ponant in natura mali, et quanta mala in natura boni.	565	V. Difficultates de Trinitate: quomodo tres unius Deus.	<i>Ibid.</i>
XLII. Manicheorum de Dei natura blasphemie.	<i>Ibid.</i>	VI. Filium esse verum Deum ejusdem cum Patre substantie. Non solus Pater, sed Trinitas dicta immortalis. Non ex solo Patre omnia, sed etiam ex Filio. Si iritum sanctum esse verum Deum Patri et Filio aequaliter.	825
XLIII. Mala ante mali connivitatem multa tribui naturæ Dei a Manicheis.	566	VII. Filius quomodo minor Patre ac seniore.	826
XLIV. Turpitudines incredibilis a Manichao exegitata in Deo.	567	VIII. Scripturas de subiectione Filii sub Patre perpetram intellectas explicat. Regnum Patri non sic tradet Christus, ut adhuc sibi. Contemplatio promissa fias omnium actionum. Spiritus sanctus ad beatitudinem nostram sufficit perinde ac Pater.	829
XLV. Turpitudines nefarie de ipsis Manichæis non immerito creditur.	568	IX. In una persona interdum intelliguntur omnes.	833
XLVI. Epistola Fundamenta nefaria doctrina.	569	X. Quomodo Christus tradet regnum Deo et Patri. Traditio regno Deo et Patri, Christus jam non interpellabit pro nobis.	834
XLVII. Turpitudines horribiles cogit perpetrare.	<i>Ibid.</i>	XI. Regula qua intelligitur Filius in Scripturis, nunc aequalis, nunc minor.	853
XLVIII. Oral. Augustinus pro Manichæorum rescripta.	570		
SECUNDINI MANICHÆI EPISCOLA AD AUGUSTINUM. — Manichei doctrinam commendat tuereturque cum catholice fidei reprehensione, indigno ferens quod eam scriptis oppugnat Augustinus, quem a manicheo timore quadam et honoris cupiditate detecisse insinuat, atque ut ad illius sectam tandem redeat, exhortatur.	571-572		
S. AURELI AUGUSTINI, HIPPONENSIS EPISCOPI, CONTRA SECUNDUM MANICHÆUM, LIBER UNUS. — Docet Augustinus quare vanachæci sectam reliquerit, eamque ex Secundini ipsis ei istela prolatis argu-			

XII. Qua ratione Filius dicatur noscere diem et horam quam scit Pater. Dicta de Christo alia secundum formam Dei, alia secundum formam servi. Dare regnum quomodo et Christi est, et Christi non est. Quomodo Christus et non judicabit et judicabatur.	836	Dei : Christo videlicet pro peccatoribus moriente persuadendum nobis fuisse imprimis et quantum nos dilexerit Deus, et quales dilexerit. Opportune etiam ut ad contemplandum Deum et coherentium Deo mundaremur, Verbum in carne venisse. Ipsius morte una et simplici duplum nostram solutam esse ; ubi edisserit quemadmodum simpulum Salvatoris nostri duplo nostro concinat ad salutem, et de perfectione numeri senarii, in quem numerum ipsa simili ad duplum ratio deducitur, fusius agit. Docet colligi omnes ex multis in unum per unum Mediatores vita Christum, per quem solum vera fit animae purgatio. Ceterum Filium Dei, quanquam missus factus sit maior propter formam servi quam suscepit, non tamen ideo minorem Patre secundum formam Dei, quia ab ipso missus est ; eamdemque de Spiritu sancti missione rationem esse demonstrat.	885-886
LIBER SECUNDUS. — Rursum defendit Augustinus aequalitatem Trinitatis, et de Filii missione ac spiritus sancti agens, variisque Dei apparitionibus, demonstrat non ideo minorum esse initente qui missus est, quia ille misit, hic missus est : sed Trinitatem per omnia aequalem, pariter in sua natura immutabilem et invisibilem et ubique presentem, in missione seu apparitione qualibet inseparabiliter operari. <i>Ibid.</i> 843-846	840	PROCEMUM. Scientia Dei a Deo petenda.	<i>Ibid.</i>
CAPUT PRIMUM. Regula duplex ad intelligendum Scripturarum locutiones de filio Dei. Locutiones triplices generis.	<i>Ibid.</i>	CAPUT PRIMUM. Per agnitionem infirmitatis nostrae perficiuntur. Verbum incarnatum tenetras nostras pelit.	887
II. Ex utratlibet regula intelligi quasdam locutiones de Filio.	847	II. Quomodo per Verbum incarnatum reddimur habiles percipiendae veritati.	889
III. De Spiritu sancto quedam ex altera tantum regula intelliguntur.	<i>Ibid.</i>	III. Una mors et resurrectione corporis Christi, duobus morti nostrae morti ac resurrectioni corporis et animae concinuit ad salutem. Duobus morti nostrae quomodo simila mors Christi impensa.	<i>Ibid.</i>
IV. Glorificatio Filii a Patre, non arguit inegalitatem.	848	IV. Ratio simpli ad duplum ex perfectione senarii numeri. Senarius perfectio in Scripturis commendata. Annus senario numero pollet.	892
V. Filius et Spiritus sanctus non ideo minor quia missus. Filius etiam a seipso missus. De missione Spiritus sancti.	<i>Ibid.</i>	V. Senarius item in edificatione corporis Christi ac templi Jerosolymitani commendatus.	893
VI. Non sic assumpta creatura a Spiritu sancto, ut caro in Verbo.	851	VI. Triduum resurrectionis, in quo etiam apparet ratio simili ad duplum.	894
VII. Dubitatio de apparitionibus divinis.	853	VII. Quomodo per unum Mediatores ex multis colligantur in unum.	895
VIII. Tota Trinitas invisibilis.	854	VIII. Quomodo Christus vult omnes in se unum esse.	896
IX. Contra eos qui credebant solum Patrem immortalē et invisibilē. Pacifico studio querenda veritas.	<i>Ibid.</i>	IX. Sequitur de eodem argumento.	<i>Ibid.</i>
X. An indiscreta Deus Trinitas patribus apparuerit, an aliqua ex Trinitate persona. Apparitio Dei Adamo. De eadem apparitione. Visio Abrahæ.	855	X. Ut Christus mediator vite, ita diabolus mediator mortis.	897
XI. De cadem visione.	858	XI. Miracula que a demonibus flunt, sacerdenta.	<i>Ibid.</i>
XII. Visio Loti excutitur.	859	XII. Diabolus mortis, Christus vite mediator.	<i>Ibid.</i>
XIII. Visio in rubro.	<i>Ibid.</i>	XIII. Mors Christi spontanea. Quomodo vite Mediatores mortis exponavit. Quomodo diabolus suos inducit in contemptum mortis Christi.	898
XIV. De visione in columna nubis et ignis.	861	XIV. Christus perfectissima victimā pro mundandis vitiis nostris. In omni sacrificio quatuor consideranda.	901
XV. De visione in Sina. An Trinitas, an aliqua proprie persona in ea visione loquebatur.	<i>Ibid.</i>	XV. Superbi putantes se propria virtute posse purgari ad videndum Deum.	<i>Ibid.</i>
XVI. Moyses quomodo viderit Deum.	862	XVI. Philosophi veteres de resurrectione ac rebus futuris non consulendi.	903
XVII. Posteriora Dei quomodo visa. Resurrectionis Christi fidēs. Catholica Ecclesia sola est locus unde vindicatur posteriora Dei. Posteriora Dei ab Israëlitis visa. Deum esse Patrem solum nunquam patribus visum existimare temeraria opinio est.	863	XVII. Futura quot modis praesciantur. Philosophi nec illi qui inter antiquos excelluerunt consulendi sunt de resurrectione mortuorum.	<i>Ibid.</i>
XVIII. Visio Danielis.	868	XVIII. Filius Dei incarnatus est ut per fidem mundati evanescat ad incommutabilem veritatem.	905
LIBER TERTIUS. — Quæritur, an in illis de quibus superiore libro dictum est, Dei a apparitionibus, per corporeas species factis, tantummodo creature formata sit, in qua Deus sicut tunc potuisse judicavit, humanus ostenderetur aspectibus ; an angeli qui jam ante erant ita mittebantur, ut ex persona Dei loquerentur, assumentes corporalem speciem de creature corporea, aut iū suum corpus suum in species quas vellent accommodatas actionibus suis vertentes secundum attributam sibi a Creatore potentiam : ipsa autem Dei essentia nunquam per se ipsam visa fuerit.	867-868	XIX. Filius quomodo missus et prenuntiatus. Quomodo missione nativitatis in carne factus minor sine detrimento aequalitatis cum Patre.	903
Proemium. Cur de Trinitate scribat. Quid a lectoribus desideret. Quid dictum sit in superiori libro.	<i>Ibid.</i>	XX. Mittens et missus aequalis. Filius cur dicitur missus a Patre. De missione Spiritus sancti, quomodo et a quo missus est. Pater totius deitatis principium.	903
CAPUT PRIMUM. Quid deinceps dicendum.	870	XXI. De sensibili demonstratione sancti spiritus, et de exterioritate Trinitatis. Quid dictum sit, et quid dicendum restet.	903
II. Voluntas Dei causa superioris omnis corporeae mutationis. Exempli id demonstratur.	871	LIBER QUARTUS. — Venit ad haereticorum argumenta illa quæ non ex divinis libris, sed ex rationibus suis proferuntur ; et eos refellit, quibus ideo videtur non eamdem Patris ac Filii esse substantiam, quia omne quod de Deo dicitur, secundum substantiam dici potest ; et propterea et gignere et gigni, vel genitum esse et ingenitum, quoniam diversa sunt, contendunt substantias esse diversas ; demonstrans, non omne quod de Deo dicitur secundum substantiam dei, sicut secundum substantiam dicitur bonus et magnus, et si quid aliud ad se dicitur ; sed dici etiam relativa, id est non ad se, sed ad aliquid quod iū se non est, sicut Pater ad Filium dicitur, vel Dominus ad creaturam sibi servientem : ubi si quid relative, id est ad aliquid quod ipse non est, etiam ex tempore dicitur, sicut est, <i>Domine, refugium factus es nobis</i> ; nihil ei accidere quo mutetur, sed omnino ipsum in natura vel essentia sua immutabilem permanere.	911-912
III. De eodem argumento.	872	CAPUT PRIMUM. Quid a Deo, quid a lectore auctor exposcat. In Deo nihil mutabitur et cor orei cogi-	
IV. Deus omnibus creaturis utitur ut vult, et visibilia facit ad se ipsum demonstrandum.	873		
V. Miracula cur non consueta opera.	874		
VI. Sola varietas facit miraculum.	<i>Ibid.</i>		
VII. Miracula magna per magicas artes.	875		
VIII. Solus Deus creat etiam illa quæ magicis artibus transformantur.	<i>Ibid.</i>		
IX. Causa originalis omnium a Deo.	877		
X. Quot modis creatura assumuntur ad significandum. Eucharistia.	879		
XI. Essentia Dei nunquam per se apparuit. Angelorum ministerio factæ divinæ patribus apparitiones. Obiectio ex loquendo modicula diluitur. Apparitionem Dei ipsi Abrahæ perinde ac Moysi, per Angelos factam esse. Idem probatur ex lege data Moysi per Angelos. Quid dictum in hoc libro, quid dicendum in sequente.	881		
LIBER QUARTUS. — Explicat ad quid missus sit Filius			

tantum.		go Dei.	913
ii. Deus sola incommutabilis essentia.	911-912	Liber OCTAVUS. — Ratione redditia monstrat, non solum Patrem Filio non esse majorem, sed nec ambos simul aliquid majus esse quam Spiritum sanctum, nec quoslibet duos simul in eadem Trinitate majus esse aliquid quam unum, nec omnes simul tres majus aliquid esse quam singulos. Deinde agit ut et ex veritatis intellectione, et ex notitia summi boni, et ex insito amore justitiae, propter quam diligitur animus justus ab animo etiam nondum justo, intelligitur ipsa natura Dei : maxime vero admonet ut Dei cognitio queratur per charitatem, quæ in Scripturis Deus dicitur ; qua in charitate etiam Trinitatis vestigium quoddam inesse observat.	943-948
iii. Arianorum argumentum ex voce <i>geniti</i> et <i>ingeniti</i> desumptum diluitur.	<i>ibid.</i>	Prolixum. Epilogus superius dictorum. Regula in difficultioribus lidei questionibus servanda.	<i>ibid.</i>
iv. Accideus arguit semper aliquam rei mutationem.	913	CAPUT PRIMUM. In Deo non esse majus quid tres quam unam personam, ratione monstratur.	947
v. In Deo nihil secundum accidentis dicitur, sed secundum substantiam aut secundum relationem.	<i>ibid.</i>	ii. Resuenda omnis corporalis cogitatio, ut Deus capitur quomodo Deus est veritas.	948
vi. Occurrunt hereticorum cavillationibus in eadem voce <i>geniti</i> et <i>ingeniti</i> .	914	iii. Quomodo cognoscatur Deum esse summum bonum. Animus nonnisi conversione ad Deum sit bonus.	949
vii. Negatio addita non mutat praedicamentum.	915	iv. Deus prius fide non errante cognoscendus, ut amari possit.	951
viii. Quidquid substantialiter de Deo dicitur, de singulari personis singulariter et simili de ijsse Trinitate dicitur. In Deo una essentia, tres Graecis hypostases, Latinis tres personæ.	916	v. Quomodo Trinitas diligatur incognita.	952
ix. Personæ tres non proprie dictæ.	917	vi. Quomodo nondum justus justum cognoscat quem diligit.	953
x. Quia Deo absolute convenient ut essentia, de Trinitate singulariter dicuntur, non pluraliter.	918	vii. De vera dilectione, per quam ad Trinitatis cognitionem pervenitur. Quarendus Deus, nou exteri, appetendo mira facere cum Angelis; sed interiori, imitando bonorum angelorum pietatem.	953
xi. Quid in Trinitate relative dicatur.	<i>ibid.</i>	viii. Quod qui fratrem diligat, Deum diligat, quia amat ipsam dilectionem quæ ex Deo est, et Deus est.	957
xii. In relativis mutuis interdum desuat vocalula.	919	ix. In dilectionem justorum accendimur ex ipsa dilectione incommutabilis formæ justitiae.	959
xiii. Principium quomodo in Trinitate relative dicitur.	920	x. Tria quædam in charitate, velut vestigium Trinitatis.	960
xiv. Pater et Filius unicum principium, spiritus sancti.	<i>ibid.</i>	Liber NOXUS. — Trinitatem in homine, qui <i>imago Dei</i> est, quædam inesse : mentem scilicet, et notitiam quæ se novit, et amorem quo se notitiamque suam diligit; atque hæc tria aequalia inter se, et unius ostendunt esse essentiæ.	960-966
xv. An spiritus sanctus esset donum et antequam datur.	921	CAPUT PRIMUM. De Trinitate quomodo inquirendum.	<i>ibid.</i>
xvi. Quod de Deo ex tempore dicitur, relative dicitur, non accidentaliter.	922	ii. Consideranda tria illa quæ reperiuntur in charitate.	961
Liber SEXTUS. — In quo proposita questione, quomodo dicitur sit Christus ore apostolico, <i>Dei virtus et Dei sapientia</i> , dis, utatur utrum Pater non sit ipse sapientia, sed tantum sapienter Pater, an sapientiam sapientiam generuit : et dilata, quævis solutione, probatur unitas et aequalitas Patris et Filii ac spiritus sancti : et non Deum triplicem, sed Trinitatem credi oportere. Illud postremo loco explicatur Hilarius dicit : <i>Aeternitas in Rat'e, species in Imagine, usus in Mincere.</i>	923-924	iii. Trinitatis imago in mente hominis noscentis se et amantis. Mens se ipsum per se ipsam novit.	962
CAPUT PRIMUM. Filius secundum Apostolum virtus et sapientia dei patris. Hinc ratiocinatio Catholicorum contra priores Arianos. Difficultas autem Pater non sit ipse sapientia, sed tantum sapienter Pater.	<i>ibid.</i>	iv. Tria unum et aequalia, mens ipsa, et amor, et notitia ejus. Tria eadem substantialiter esse, ac relative dici. Tria eadem esse inseparabilia. Tria eadem non partium instar juncta et commixta esse ; sed esse unius essentiæ, ac relativa.	963
ii. Que de patre et filio simul dicuntur, quæ non.	<i>ibid.</i>	v. Ea tria esse singula in se ipsis, et invicem tota in totis.	963
iii. Unitatem essentiæ Patris et Filii haberi ex verbis <i>unum unus</i> . Filius et in sapientia et in ceteris aequalis Patri.	926	vi. Alia notitia rei in ipsa re, alia in ipsa æterna veritate. Quod ex æterna veritatis regulis judicium de rebus etiam corporeis flat.	963
iv. Sequitur de codem argumento.	927	vii. Verbum intus ex rebus in æterna veritate conceptus concipiimus ea gignimus. Verbum amoro conceptus sive creature, sive Creatoris.	967
v. Spiritus sanctus etiam Patri et Filio aequalis in omnibus.	<i>ibid.</i>	viii. Cupidas et charitas quo differunt.	<i>ibid.</i>
vi. Quomodo Deus substantialiter simplex et multiplex.	928	ix. In amore spiritualium verbum natum idem quod conceptum : secus in amore carnalium.	968
vii. Deus Trinitas, sed non triplices.	929	x. Au solita notitia amata sit verbum mentis.	<i>ibid.</i>
viii. Dei nature nulla fit accessio.	<i>ibid.</i>	xi. Mentis se ipsum noscentis imaginem seu verbum genitum ipsi æquale esse.	969
ix. An una vel tres simul personæ dicantur solus Deus.	930	xii. Cur sicut notitia mentis est proles, non etiam amor partus ejusdem sit. Solutio questionis. Trinitatis imago, mens cum sua ipsius notitia et amore.	970
x. Attributa per Hilarium singulis personis. Trinitas in rebus factis representatur.	931	Liber DECIMUS. — Trinitatem aliam in hominis mente inesse ostenditur, earumque longe evidenter apareare in memoria, intelligentia et voluntate.	971-972
xi. Libra SEPTUAGINTA. — Superioris libri quæstio, quæ dilata fuerat, explicatur ; quod videlicet Deus Pater qui genuit Filium virtutem et sapientiam, non solum sit virtutis et sapientie Pater, sed etiam ijs se virtus et sapientia : similiter et spiritus sanctus. Nec latet enim tres esse virtutes aut tres sapientias, sed unam virtutem et unam sapientiam, sicut unum Deum et unam essentiam ostenditur. Deinde quartur quomodo dicatur in Deo, a Latinis, una essentia, tres personæ ; a Graecis, una essentia, tres substantiae vel hypostases : et utrumque elocutionis necessitate dici monstratur, ut ne omnino lacremus interrogati quid tres sint, quot tres esse veraciter confitemur, Patrem scilicet, et Filium, et spiritum sanctum.	931-932	CAPUT PRIMUM. Amorem studentis animi, id est, scire cupientis, non esse amorem ejus rei quam nescit.	<i>ibid.</i>
xi. Redit ad questionem, an quælibet Trinitatis persona per se sit sapientia. Quam difficile, quæve ratione solvatur quæstio proposita.	<i>ibid.</i>	ii. Nemo prorsus amat incognita.	974
ii. Pater et Filius simul una sapientia, sicut una essentia, tametsi non simul unum Verbum.	936	iii. Quod mens amet se ipsam non incognitam sibi.	975
iii. Sapientie nomine cur Filius potissimum insinuitur in scripturis, cum et Pater et spiritus sanctus sit sapientia. spiritum sanctum simul cum Patre et filio unam sapientiam esse.	936	iv. Quomodo mens non ex parte, sed totam se cognoscat.	976
iv. Quæ necessitate Graeci tres hypostases dixerint ; Latinis, tres personas. Scriptura nullibi dicit tres personas in Deo.	937	v. Animæ cur præceptum ut se cognoscat. Unde errores mentis de sua ipsius substantia.	977
v. In Deo substantia abusive dicitur, essentia proprie.	938	vi. Fallax mentis de se ipsa existimatio.	978
vi. Cur in Trinitate non dicitur una persona, et tres essentiae. De Trinitate quid credere debet qui supra dicta non capiat. Homo et ad imaginem et ima-	942	vii. Philosophorum opinione de anime substantia Error opinantium animam esse corpoream, non venit ex eo quod anima eorum notitiae desit, sed quod alienum quidquam adjungant. Invenire quid.	<i>ibid.</i>

de se ipsa unde.

- IX. Mens eo ipso se cognoscit, quo intelligit praeceptum se cognoscendi.
 X. Deus omnis tria de se ipsa certo scit, intelligere, esse, et vivere.
 XI. In memoria, intelligentia, et voluntate, observatur ingenium doctrina et usus.
 XII. Deus imago Trinitatis in sui ipsius memoria, intelligentia et voluntate.

Liber tertius. — Trinitatis imago quedam monstratur etiam in exteriore homine: primo quidem in his que cernuntur extrinsecus; ex corpore scilicet quod videtur, et forma que inde in acte cernentis imprimitur, et utrumque copulantis intentione voluntatis: tametsi hæc tria neque inter se aquilantur, neque unius substantie. Deinde in ipso animo ab his que extrinsecus sensa sunt, velut introducta observatur altera trinitas, seu tria quedam unius substantie; imaginatio corporis que in memoria est, et inde informatio, cum ad eam convertitur actes cogitantis, et utrumque conjungens intentio voluntatis: que nimirum altera trinitas ad exteriorem quoque hominem pertinere dicitur quod de corporibus illata sit, que sentiuntur extrinsecus.

985-984

- CAPUT PRIMUM.** Vestigium Trinitatis etiam in exteriore homine.
 II. Trinitas quedam in visione. Tria que in visione sunt, natura sua differre. Quomodo ex re visibili significatur visio, seu imago ejus rei que videtur. Exempli clarissim res demonstratur. Quomodo tria illa in unum coenat.
 III. Trium unitas in cogitatione fit memorie, interne visionis, et voluntatis utramque copulantis.
 IV. Quomodo tria unitas.
 V. Trinitas hominis exterioris, seu visionis externe, non est imago Dei. Dei similitudo etiam in peccatis appetitur. In externa visione est quasi parens forma corporis, proles visio, ea vero conjungens voluntas insinuat spiritum sanctum.
 VI. Requies et unius voluntatis in visione qualis censeri debet.
 VII. Trinitas alia in memoria recognitantis de visione. 992-993
 VIII. Varia cogitandi ratio. 994
 IX. Species a specie vicissim dignit. 996
 X. Etiam non visus addit imaginatio que in aliis vidi-
mus. 997
 XI. Numerus, pondus, mensura.

Liber quartus. — Praemissa distinctione sapientie a scientia, in ea que proprie scientia nuncupatur, quævis inferior est, prius quedam sui generis trinitas ostenditur; que licet ad interiorum hominem jam pertineat, nondum tamen imago Dei vel appellanda vel putaenda.

998

- CAPUT PRIMUM.** Homo exterior et interior qualis. 998
 II. Aeternas rationes in corporalibus homo solus animalium percipit. 998
 III. Ratio superior que ad contemplationem, et interior que ad actionem pertinet, in mente una. 999
 IV. Trinitas et imago Dei in ea sola parte mentis que pertinet ad contemplationem aeternorum. 1000
 V. Opinio fingens imaginem Trinitatis in conjugio masculi et feminæ ac eorum prole. 1001
 VI. Cur illa opinio responda. 1001
 VII. Homo imago Dei, quomodo. Annon et mulier Dei. Dicitum Apostoli, quod vir imago Dei sit, mulier autem gloria viri, quomodo figurata ac mystice intelligendum.

- VIII. Deflexus ab imagine Dei. 1003
 IX. Sequitur de eodem argumento. 1003
 X. Gradus ad turpissima. 1003
 XI. Imago pecudis in homine. 1003
 XII. In interiori homine quedam secretum conjugium. Cogitationum defecationes illicitæ. 1007
 XIII. Opinio eorum qui viro nescirent, muliere sensum corporis significari senserunt. 1008
 XIV. Inter sapientiam et scientiam quid distet. Cultus Dei, amor ejus. Quomodo per sapientiam fiat cognitione intellectualis rerum aeternarum.

- XV. Contra reminiscentiam Platonis et Pythagoræ. Samius Pythagoras. De differentia sapientie a scientia, et de querenda trinitate in scientia temporali.

1007

Liber tertius decimus. — Prosequitur de scientia, in qua videlicet, etiam ut a sapientia distinguatur, trinitatem quamdam inquirere libro superiore coe*gitatio*, it, qua occasione hic fidem christianam commendans, ex lege quonamodo credentium sit fides una et communis. Tum beatitudinem omnes velle, nec tamen

INDEX RERUM.

979	omnium esse fidem qua ad beatitudinem perveniantur. Hanc autem fidem in Christo esse definit am quia in carne resurrexit a mortuis, nec nisi per illum liberari quemquam a diaboli dominatu per remissionem peccatorum; et fide ostendit diabolum non potentia, sed justitia vincit a Christo debuisse. Tandem hujus verba fidei dum memorie mandantur, inesse quandam in animo trinitatem, quia et in memoria sunt verborum soni, etiam quando homo inde non cogitat; et inde formatur actes recordationis ejus, quando de his cogitat; et denunt voluntas recordantur atque cogitantes utrumque conjungit. 1015-1016
980	CAPUT PRIMUM. Sapientie et scientie officia ex Scripturis discernere aggreditur. Ex Joannis exordio alia dicta ad sapientiam, alia ad scientiam pertinere. Quædam ibi fidei tantum auxilio cognita. Quomodo fidem que in nobis est videamus. In eadem Joannis narratione, alia sunt corporis sensu, alia tantum animi ratione cognita.
982	ibid.
984	II. Fides res cordis, non corporis, quomodo communis et una omnium creditum. Fides credentium una, non secus ac volentium voluntas una. 1016
985	III. Volentes quedam eadem omnium singulis notæ. 1017
986	Ennius poeta.
987	IV. Beatitudinis habenda voluntas una omnium sed de iusta beatitudine varias magua voluntatum. 1018
988	V. De eadem re.
989	VI. Cur cum omnes velint beatitudinem, id eligatur potius, quo ab ea receditur. 1019
990	VII. Fides necessaria, ut aliquando sit homo beatus, quod nonnisi in futura vita consequetur. Philosophorum superborum ridenda et miseranda beatitudo. 1020
991	VIII. Beatitudo sine immortalitate non potest esse. ibid.
992	IX. Non humanis argumentationibus, sed fidei auxilio dicimus beatitudinem futuram esse vere semperitanam. Ex filii Dei incarnatione credibilis fit immortalitas beatitudinis. 1022
993	X. Incarnatione Verbi convenientior non fuit modus alius liberandi hominis a mortalitatis miseria. Merita quæ dicuntur nostra, dona sunt Dei. 1023
994	XI. Difficultas, quomodo justificati sumus in sanguine Filii Dei. 1023
995	XII. Omnes propter Adæ peccatum traditi in potestatem diaboli. 1023
996	XIII. Non potentia sed justitia eruendus homo fuit a diaboli potestate. ibid.
997	XIV. Christi mors indebita liberavit obnoxios morti. 1027
998	XV. De eodem argumento. 1028
999	XVI. Reliquæ mortis et seculi mala cedunt in bonum electis. Quam convenienter electa mors Christi, ut justificaremur in sanguine ipsius. Ira Dei quæ sit. 1029
1000	XVII. Alia incarnati mis commoda. 1031
1001	XVIII. Cur Filius Dei hominem suscepit de genere Adæ, et ex virgine. 1032
1002	XIX. Quid ad scientiam, quid ad sapientiam pertinet in Verbo incarnato. 1033
1003	XX. Quid actu in hoc libro. Quomodo gradutum pervenit est ad trinitatem quandam que in scientia activa et vera file reperitur.
1004	Liber quartus decimus. — De sapientia hominis vera dicit, ostendens imaginem Dei, quod est homo secundum mentem, non proprie in transuentibus, veluti in memoria, intellectu et amore, sive in suis temporalis fidei, sive etiam mentis circa se ipsa versantis, sed in permanentibus rebus collocatam; ac eam tunc perfici, cum mens renovatur in agitacione Dei secundum imaginem ejus qui creavit hominem ad imaginem suam, et sic percipit sapientiam, ubi contemplatio est aeternorum. 1033-1036
1005	CAPUT PRIMUM. Quæ sit sapientia de qua hic agendum. Philosophi nomen unde exortum. De scientia ac sapientia distinctione quid jam dictum. ibid.
1006	II. In fidei temporalis retentione, contemplatione ac dilectione trinitas quedam, sed nondum propriæ imago Dei. 1038
1007	III. Difficultas contra id quod mox dictum est, diluitur. ibid.
1008	IV. In immortalitate animæ rationalis querenda imago Dei. Trinitas in mente quonodo monstrata sit. 1039
1009	V. Infantum mens an se noverit. ibid.
1010	VI. In mente se ipsam cogitante trinitas quedam quonodo existat. Quid in hac trinitate praestet cogitatio. 1041
1011	VII. Exemplo res declaratur. Quomodo res ad juveniles lectores tractata sit. 1042
1012	VIII. Trinitas que imago Dei, jam querenda in principali mentis parte. 1043
1013	IX. An justitia et ceteræ virtutes desinant in futura vita. 1044

- X. Quomodo mente sui recordante seque intelligente ac diligente trinitas fiat.** 1046
XI. An et presentium sit memoria. 1047
XII. Trinitas in mente eo est imago Dei, quo meminit, intelligit et diligit Deum, quod est sapientia. 1048
XIII. Quomodo Dei obliuisci et meminitisse quis possit. 1049
XIV. Mens se recte diligendo diligit Deum, quem si non diligit, se ipsam odissendicanda est. Mens etiam iurifera et errans pollet semper memoria et intellectum et amore sui. Ad Deum convertatur, ut ipsius recordando, eumque intelligendo et diligendo beata sit. 1050
XV. Animus tametsi beatitudinem sibi eret, non tamen reminiscitur beatitudinis amissae, sed Dei reminiscitur et regularum justitiae. Regulae immutabiles bene vivendi, etiam impensis note. 1051
XVI. Imago Dei quomodo reformatur in homine. 1052-1053
XVII. Imago Dei in mente quomodo renovetur, donec perfecta sit in ea similitudo Dei in beatitudine. 1054
XVIII. Sententia Joannis an intelligenda de futura nostra similitudine cum Filio Dei ipsa etiam in mortalitate corporis. 1055
XIX. Joannes potius intelligendus de perfecta nostra similitudine cum trinitate in vita aeterna. Sicut iuncta perfecta in beatitudine.
- LIBER QUINTUS DECIMUS.** — Principio, quid in singulis quatuordecim superioribus libris dictum sit, expounit breviter ac summatis, eoque denunci perverusse dis utationem docet, ut Trinitas quae Deus est, jam in ipsis rebus aeternis, incorporalibus et immutabilibus, in quarum perfecta contemplatione nobis beata vita promittitur, inquiratur. Hanc vero Trinitatem ostendit hic videri a nobis tanquam per speculum et in enigma, dum videtur per imaginem Dei, quod nos sumus, ut in similitudine obscura et ad perspicuum difficilis. Sic et ex verbo mentis nostrae Verbi divi i generatione, nonnisi difficulter, propter eam que inter utrumque verbum interesse observatur disparitas quam maxima; et ex dilectione que a voluntate adjungitur, Spiritus sancti processionem conjici utcumque et explicari posse demonstrat. 1057-1058
- CAPUT PRIMUM.** Supra mentem Deus.
II. Deus incomprehensibilis semper querendus. Trinitatis vestigia non frustra quæsita in creatura. 1059
III. Omnimodum superiorum librorum breviarium. 1060
IV. Quid universa natura nos de Deo doceat. 1061
V. Quam difficile demonstrare ratione naturali Trinitatem.
VI. Quomodo in ipsa simplicitate Dei sit Trinitas. An et quomodo ex monstratis trinitatibus in homine ostendatur Trinitas Deus.
VII. Haud facile posse ex dictis trinitatibus comprehendi Trinitatem Deum.
VIII. Deum nunc videri a nobis per speculum quomodo dicat Alius apostolus.
IX. De enigmate et tropicis locutionibus.
X. De verbo mentis, in quo tanquam spiritu ecclœ et enigmate videmus verbum Dei.
XI. Verbi divini similitudo qualiscumque in verbo nostro non exteriore ac sensibili, sed in interiori ac mentali querenda. Dissimilitudo quam maxima inter verbum ac scientiam nostram et verbum scientiamque divinam.
XII. Academica philosophia.
XIII. Item de differentia scientiarum ac verbi mentis nostrarum, a scientia et verbo Dei.
XIV. Verbum Dei per omnia aquale Patri de quo est.
XV. Quanta sit dissimilitudo verbi nostri et Verbi divini. Verbum nostrum semper iterum esse aut dici non potest.
XVI. Verbum nostrum, etiam cum similes Deo erimus, nunquam Verbo divino coequandum.
XVII. Quomodo Spiritus sanctus dicatur charitas, et an solus. Spiritum sanctum in scripturis proprie numeratum esse vocabulo charitatis.
XVIII. Nullum Dei donum charitate excellentius.
XIX. Si spiritus sanctus dictus Dei donum in scri, turis, docevit Spiritus sancti dictum pro donum quod est Spiritus sanctus. Si spiritus sanctus proprie charitas dicitur, quanvis non solus in Trinitate charitas sit.
XX. Contra Eunomium dicentes Filium Dei non naturam, sed voluntatis esse Filium. Epilogus supradictorum.
XXI. De proposita similitudine Patris et Filii in memoria et intelligentia nostra. De similitudine Spiritus sancti in voluntate seu amore nostro.
XXII. Quanta dissimilitudo inter reges etiam in nobis
- I. Imaginem Trinitatis et ipsam Trinitatem.** 1069
XIII. Prosequitur disputationem Trinitatis quae in nomine est, a Trinitate quae Deus est. Trinitas per speculum nunc videtur auxilio filiei, ut postea clarius videri possit in promissa visione facie ad faciem. 1090
XXIV. Infirmitas mentis humanae. 1091
XXV. In beatitudine tantum intelligetur quæstio cor spiritus sanctus non sit genitus, et quomodo de patre ac filio procedat. 1092
XXVI. Spiritus sanctus a Christo his datum. Processio spiritus sancti a patre et a filio est sine tempore, nec amborum filius dici potest. 1092
XXVII. Quid hic sufficiat ad solutionem quæstionis, cur spiritus non dicatur genitus, et cur solus pater ingenitus, quid agendum illis qui haec non intelligunt. 1093
XXVIII. Conclusio libri, cum precatione et excusatione de multiloquio. 1097
- APPENDIX TOMI OCTAVI OPERUM S. AUGUSTINI, IN QUAE SUBDIVITIA QUADAM OPUSCULA EXHIBENTUR.** 1098-1100
ADMONITIO IN TRACTATUM ADVERSUS QUINQUE HERESIES. 1100
ADVERSUS QUINQUE HERESIES, SCILICET CONTRA HOSTIUM QUINQUE GENERA TRACTATUS. 1101-1102
CAPUT PRIMUM. Quinque genera hostium. 1102
II. Fiducia adversus hereticos. 1102
III. Ex Hermene et Sybilla adversus Paganos. 1102
IV. Ex Vetere Testamento adversus Iudeos. 1104
V. Contra Manichaeos. 1106
VI. Contra Arianos. 1107
VII. Contra Sabellium. 1112
VIII. Conclusio. 1116
- ADMONITIO IN SERMONEM DE SYMBOLO CONTRA Iudeos, PAGANOS ET ARIANOS.** 1117-1118
CAPUT PRIMUM. Christianæ vigilie. 1117
II. Diabolus qui sit. 1117
III. Renuntiare satanæ, quid. 1117
IV. Religatio a Baptismo. 1119
V. Triadis unitas. 1119
VI. Trinitas incomprehensibilis. 1120
VII. Contra Arianos. 1121
VIII. Aequalitas personarum. 1121
IX. Christi nativitas. 1122
X. Crudelitas Herodis. 1122
XI. Contra Iudeos, ex Isaia et Jeremia. 1123
XII. Ex Daniele. 1123
XIII. Testimonia cetera ex lege et prophetis. 1124
XIV. Simeonis et Zacharie testimoniun. 1125
XV. Ex libro Ethicorum. 1126
XVI. Ex Sibyllis vaticiniis. Vaticinium Sibyllæ. 1126
XVII. Testimonia et ex celo, ex mari, ex terra, ex infernis. 1127
XVIII. Ex eventis. 1128
XIX. Contra Arianos. 1128
XX. Resurrecio. 1129
XXI. Differentia temporalis vitæ et aeternæ. 1129
XXII. De via ad patriam. 1130
- DE ALTERATIONE ECCLESIAE ET SYNAGOGÆ DIALOGUS.** 1131-1132
ADMONITIO IN LIBRUM DE FIDE CONTRA MANICHÆOS. 1139-1140
DE FIDE CONTRA MANICHÆOS LIBER UNUS, Evidio tributus. 1139
- ADMONITIO IN COMMONITORIUM SUBSEQUENS.** 1133-1134
COMMONITORIUM VULGO S. AUGUSTINI EPISCOPI ECCLESIAE CATHOLICÆ, quomodo sit agendum cum Manicheis qui convertuntur. 1134
- ADMONITIO IN LIBRUM DE UNITATE TRINITATIS.** 1135-1136
CONTRA FELICIANUM ARIANUM DE UNITATE TRINITATIS LIBER UNUS, Vigilio restitutus. 1137-1138
QUESTIONES DE TRINITATE ET DE GENESI, ex Alcuius descriptione. 1171-1172
DE INCARNATIONE VERNI AD JANUARIUM LIBRI DUO, collecti ex Origenis opere καὶ επειγόντες, juxta versionem Rufini. 1173-1176
- LITERA PRIMA.**
CAPUT PRIMUM. Recolligit ea quæ de Deo ab apostolis sunt prædicta.
II. Animæ liberum arbitrium et origo. 1173
III. De diabolico statu. 1177
IV. Mundi principium et finis. 1177
V. Scriptura sensus arcanus. 1177
VI. Boni angelii. 1177
VII. Quomodo iudicanda veritas. 1177
VIII. Filius absque initio natus. 1178
IX. Rationes exemplares in Verbo. 1178
X. Incogitabilis verbi nativitas. 1178
XI. Verbum imago Patris. 1179
XII. Christus figura substantiae paternæ. 1180
XIII. Filius ueror virtutis divinae. 1181

XIV. Gloria et splendor et lux. Simpliciterum quod dicatur. In operatio Dei quid sit.	1182	ADMONITIO IN LIBRUM DE TRINITATE ET UNITATE DEI.	1193 1194
XV. Filius imago bonitatis divinæ.	1183	DE TRINITATE ET UNITATE DEI LIBER UNUS.	<i>Ibid.</i>
XVI. Spiritus sancti dignitas.	<i>Ibid.</i>	ADMONITIO IN LIBRUM DE ESSENTIA DIVINITATIS.	1190-1200
XVII. Spiritus vocabulum in Scripturis.	1184	DE ESSENTIA DIVINITATIS LIBER UNUS.	<i>Ibid.</i>
XVIII. De Spiritus sancti influxibus et variis operationibus.	1185	DE UNITATE SANCTÆ TRINITATIS DIALOGUS.	1207-1208
Liber secundus, ex Origenis itidem libris decerpitus.	1187-1188	ADMONITIO IN LIBRUM DE ECCLESIASTICIS DOGMATIBUS.	1211-1212
Cap. XIX. Quomodo Filius Patri subjiciendus.	<i>Ibid.</i>	DE ECCLESIASTICIS DOGMATIBUS LIBER Gennadio tribulus.	1213-1214

FINIS TOMI OCTAVI